

















O R I E N S  
CHRISTIANUS,  
IN QUATUOR PATRIARCHATUS  
DIGESTUS;

QUO EXHIBENTUR


ECCLESIAE, PATRIARCHAE,  
CÆTERIQUE PRÆSULES TOTIUS ORIENTIS.

*Studio & opera R. P. F. MICHAELIS LE QUIEN, Morino-Bolonienfis,  
Ordinis Fratrum Prædicatorum.*

OPUS POSTHUMUM.

*TOMUS TERTIUS,*

*Ecclesiam Maronitarum, Patriarchatum Hierosolymitanum, &  
quotquot fuerunt Ritûs Latini tam Patriarchæ quàm inferiores  
Præsules in quatuor Patriarchatibus & in Oriente universo,  
complectens.*



PARISIIS,  
EX TYPOGRAPHIA REGIA.

M. DCCXL.



ORIENTIS

CHRISTIANUS

IN QUANTUM PATRIARCHATUS

DIGESTUS

GEORGIUS

ECCELESIA PATRIARCHA


CONSTITUTIONES TOTIUS ORIENTIS

ET ALIA QUAE AD EAM PERTINENT

OPUS POSTHUMUM

TOMUS PRIMUS

IN QUANTUM PATRIARCHATUS  
DIGESTUS  
ET ALIA QUAE AD EAM PERTINENT



PARISIIS

EX TYPIS REGIAE

M. DECK





# \* I N D E X

## PATRIARCHATUUM, SEDIUMQUE METROPOLITANARUM

In hocce tertio volumine recensitorum.

<i>ECCLESIA Maronitarum de Monte Libano.</i>	coll. 1. 2
<i>Patriarchæ Maronitarum</i>	49. 50
<i>Sedes metropolitana Maronitarum.</i>	77. 78
<i>Ecclesia Tyriensis Maronitarum.</i>	ibidem.
<i>Damasci Maronitarum.</i>	ibid.
<i>Tripolis Maronitarum.</i>	79. 80
<i>Aleppensis Maronitarum.</i>	81. 82
<i>Insulæ Cypri Maronitarum.</i>	83. 84
<i>De Patriarchatu Hierosolymitano. Ad Patriarchatum Hierosolymitanum</i>	
<i>præludia.</i>	101. 102
<i>Ecclesia Hierosolymitana.</i>	137. 138
I. <i>Provincia Palæstinæ primæ. Ecclesia Cæsareæ metropolis.</i>	529. 530
II. <i>Provincia Palestinæ secundæ. Ecclesia Scythopolis metropolis.</i>	681. 682
III. <i>Provincia Palæstinæ tertiæ. Ecclesia Petræ metropolis.</i>	721. 722
<i>Quædam aliæ Ecclesiæ minus notæ, vel recentius additæ.</i>	773. 774
<i>Appendix.</i>	777. 778
<i>Patriarchatum Orientis Præsules Ritûs Latini. Dissertatio præliminaris.</i>	785. 786
<i>Patriarchæ Constantinopolitani Latini Ritûs.</i>	793. 794
<i>Provincia Atheniensis.</i>	837. 838
<i>Cæsareensis in Cappadocia.</i>	877. 878
<i>Corcyrensis.</i>	ibid.
<i>Corinthiensis.</i>	883. 884
<i>Cretensis.</i>	907. 908
<i>Cyzici.</i>	941. 942
<i>Dyrrachiensis.</i>	949. 950
<i>Ephefi.</i>	957. 958
<i>Hadrianopolitana.</i>	961. 962
<i>Heracleensis.</i>	965. 966
<i>Hierapolitana.</i>	977. 978
<i>Larissensis.</i>	979. 980
<i>Macrensis.</i>	989. 990
<i>Mitylenensis.</i>	991. 992
<i>Naupactensis.</i>	993. 994
<i>Naxiensis.</i>	1001. 1002

\* Sedes episcopales hîc recensendas non duximus; singulas suis metropolibus subiectas reperiet, qui harum cognoscendarum desiderio tenebitur.



<i>Provincia Neopacensis.</i>	1011. 1012
<i>Neopatria.</i>	1013. 1014
<i>Nicomediensis.</i>	1017. 1018
<i>Patrarum Veterum.</i>	1023. 1024
<i>Philipporum.</i>	1045. 1046
<i>Rhodi.</i>	1049. 1050
<i>Sardium.</i>	1065. 1066
<i>Sebastes.</i>	1069. 1070
<i>Serrarum.</i>	1073. 1074
<i>Smyrnenfis.</i>	1075. 1076
<i>Thebana.</i>	1081. 1082
<i>Thessalonicensis.</i>	1089. 1090
<i>Trajanopolis.</i>	1095. 1096
<i>Trapezuntina.</i>	1097. 1098
<i>Verifiensis.</i>	1101. 1102
<i>Zichia sive Zechia in Scythia.</i>	1103. 1104
<i>Sedes quædam Patriarchatûs Constantinopolitani, hætenûs non recensitæ.</i>	ab 1113. 1114. ad 1139. 1140
<i>Patriarchatus Alexandrinus Ritûs Latini.</i>	1141. 1142
<i>Patriarchæ Alexandrini Ritûs Latini.</i>	1143. 1144
<i>Patriarchatus Antiochenus Ritûs Latini.</i>	1153. 1154
<i>Patriarchæ Antiocheni Ritûs Latini.</i>	ibid.
<i>Provincia Antiochena sive Syriæ primæ.</i>	1165. 1166
<i>Ciliciæ primæ. Tarsis metropolis.</i>	1181. 1182. & 1197. 1198
<i>Osrhoënes.</i>	1185. 1186
<i>Syriæ secundæ.</i>	1187. 1188
<i>Euphratensis.</i>	1193. 1194
<i>Ciliciæ secundæ. Mamistra metropolis.</i>	1197. 1198
<i>Cypri. Nicosia metropolis.</i>	1201. 1202
<i>Aliæ quædam Ecclesiæ Patriarchatûs Antiocheni.</i>	1237. 1238. 1239. 1240
<i>Patriarchatus Hierosolymitanus Ritûs Latini.</i>	1241. 1242
<i>Patriarchæ Hierosolymorum Ritûs Latini.</i>	1243. 1243
<i>Provincia Hierosolymitana.</i>	1269. 1270
<i>Palæstinæ primæ sub Latinis. Cæsarea metropolis.</i>	1285. 1286
<i>Palæstinæ secundæ. Nazareth metropolis.</i>	1293. 1294
<i>Palæstinæ tertiæ. Petra metropolis.</i>	1305. 1306
<i>Arabia. Bosra metropolis.</i>	1307. 1308
<i>Phænices. Tyrus metropolis.</i>	1309. 1310
<i>Appendix ad Orientem Christianum. Ecclesiæ Orientalis tractûs, à Latinis conditæ vel administratæ.</i>	1341. 1342
<i>Appendix ad Ecclesiam recentiore Sinarum.</i>	1351. 1352







## ECCLÉSIA MARONITARUM DE MONTE-LIBANO.



ARONITÆ Syriam mari A  
Mediterraneo conterminam in-  
colunt, teste Fausto Nairono  
Banensi Maronita, initio differ-  
tationis suæ de origine, nomine  
ac religione Maronitarum.

I. Varios varii illis errores attribuunt,  
diversaque eorum conversionis memorant  
tempora: nam Bernardus Lutzemburgius,  
Gabriel Prateolus, & Buterus in suis operi-  
bus, Jacobus Gualterius in *tabul. chronogr.*  
Thomas à Jesu Biatensis in *tract. de procur.*  
*salut. omnium gentium*, cap. 22. Petav. lib. 5. B  
*Theolog. Dogmat. de Incarnat.* cap. 4. num. 4.  
& alii, Maronitas aiunt fuisse Monophysitas.  
Eutychius Alexandrinus Patriarcha qui Ara-  
bicè scripsit sæculo decimo, eos lib. 2. *annal.*  
p. 191. monothelismi accusat. Fuit tempore  
Mauritii Imp. Romanorum, inquit, apud Asse-  
manum to. 1. *Bibl. Or.* p. 498. in nota, col. 2.  
& Faustum Naironum *dissert. de origine, &c.*  
*Maronitarum* pag. 26. (qui posterior testatur  
textum illum duobus correspondere codici-  
bus extantibus, primo quidem in Monte-Li-  
bano apud Nader Abu-Naufel Principem C  
Agialtonis Maronitam, secundo autem Ro-  
mæ in Bibliotheca S. Petri de monte aureo  
ordinis S. Francisci) Monachus quidam nomine  
Maron, qui aiebat duas esse Christi Domini  
nostri naturas & unam voluntatem, unam ope-  
rationem, unamque Personam, fidem hominum  
corruptit. Maxima autem eorum pars qui doctri-  
nam ipsius amplexi, & se discipulos illi præ-  
bentes eandem professi sunt, erant incolæ urbis  
Hamah, (Apameæ) & Kennaferin, & Awasim,  
cum Romanorum (id est, Græcorum qui sub  
Romano erant Imperio) nonnullis: appellatique D  
sunt ejus asseclæ, qui idem cum ipso assererent,  
Maronitæ, nomine ab ipso Marone deducto.  
Quumque mortuus esset Maron, incolæ urbis  
Hamah monasterium in Hamah excitarunt, quod  
Dair-Marun, id est cœnobium Maronis appella-  
Tomus III.

runt, fidemque Maronis professi sunt. Willelmus  
Tyrius lib. 22. belli sacri, cap. 8. hæc pariter de  
Maronitis habet, apud Baron. ad ann. 1182.  
n. 4. Interea dum regnum pace à Saladini bello,  
ut prædiximus, gauderet temporali, natio quæ-  
dam Syrorum in Phœnice provincia circa juga  
Libani juxta urbem Bibliensium habitans, plu-  
rimam circa sui statum passa est mutationem.  
Nam quum per annos pene quingentos cujusdam  
Maronis heresiarchæ errorem fuissent sequuti,  
ita ut ab eo dicerentur Maronitæ, & ab ecclesia  
fidelium sequestrati, seorsum sacramenta confi-  
cerent sua: divina inspiratione ad cor redeuntes,  
languore deposito, ad Patriarcham Antiochenum  
Haimericum, qui tertius Latinorum nunc eidem  
præest ecclesiæ, accesserunt, & abjurato errore,  
quo diu periculose nimis detenti fuerant, ad  
unitatem ecclesiæ Catholicæ reversi sunt, fidem  
orthodoxam suscipientes, parati Romanæ eccle-  
siæ traditiones cum omni veneratione amplecti  
& observare. Erat autem hujus populi turba  
non modica, sed quadraginta millium dicebatur  
excedere quantitatem, qui per Bybliensem, Bo-  
tryensem, & Tripolitanum episcopatus juga Li-  
bani & montis devexa, ut prædiximus, inhabi-  
tabant: erantque viri fortes, & in armis strenui,  
nostris in majoribus negotiis, quæ cum hostibus  
habebant frequentissima, valde utiles. Unde, &  
de eorum conversione ad fidei sinceritatem ma-  
xima nostris accessit lætitia. Maronis autem  
error, & sequacium ejus est, & fuit (sicut ex  
sexta synodo legitur, quæ contra eos lata esse  
dignoscitur, & in qua damnationis sententiam  
pertulerunt) quod in Domino nostro Jesu-Christo  
una tantum sit, & fuerit ab initio, & voluntas,  
& operatio. Cui articulo ab orthodoxorum  
ecclesia reprobato multa alia perniciofa nimis,  
postquam à cœtu fidelium segregati sunt, adje-  
cerunt. Super quibus omnibus ducti pœnitundine,  
ut prædiximus, ad ecclesiam redierunt Catho-  
licam, una cum Patriarcha suo, & episcopis  
nonnullis, qui eos, sicut prius, in impietate  
A



præcesserant, ita ut ad veritatem redeuntibus A  
pium ducatum præstiterint.

II. His subscribit Clariff. Renaudot. in *hist. Patr. Alex.* p. 149. iis verbis: Ad eadem quoque tempora referunt Eutychius, Ebnassalus, Elnacinus, Makrisius, & omnes tandem quoscunque vidimus auctores Orientales, initia hæresis Monothelitarum, in quo longe abeunt à communi Græcorum & Latinorum historia. Illi Sergium Constantinopolitanum episcopum, & Cyrum Alexandrinum veluti primos illius architectos agnoscunt: Orientales Maronem quemdam Syrum monachum, qui sub Mauritio Imp. B vixit, & urbium Hamæ, Kennaferin, Awasim, & aliorum vicinorum in Syria locorum incolas ad suam sententiam perduxit: cui sectatores ejus, eo mortuo, monasterium extruxerunt, quod vocatur Maronis, & ab eo dicti sunt Maronitæ. Ita Eutychius, Elnacinus, Ebnassalus in collectione, auctoresque de hæresibus varii, cujuscunque sectæ sint. Adeo vero invaluit apud omnes hæc opinio, ut si recentiores Maronitas exceperis, concordia de hujus hæreseos origine mira sit inter auctores; unde nec aliud nomen habent quo Monothelitas designent, præterquam Maronitarum. Ea ratione dum Cyrum, Pyrrhum, Macarium, & alios Monothelitas nominant, Maronitas fuisse dicunt. Imo ne quidquam dubii superfit, aut id ex eorum ignorantia factum esse videatur, obstat luculentum Ebnassali testimonium, qui de Maronitis agens, eosque à Melchitis qui sunt Græci orthodoxi, & à Francis qui sunt Latini, distinguens, observat eos nuper ad Francorum religionem transivisse. Quum vero hæc scriberet, habebat in animo eorum ad Catholicam fidem conversionem per Aimericum Antiochenum Patriarcham, de qua Willelmus Tyrius testis omni exceptione major verba faciens, eos à Monothelitica hæresi resipuisse confirmat. Attamen adversus tot certa testimonia exclamatur à recentioribus Maronitis, quorum primus, aut saltem inter primos qui suos populares Libaniticos ab omni hæreseos suspitione purgari voluit, Georgius Amira Edenensis fuit.... quem sequuti sunt Joannes Hezronita, & Gabriël Sionita in libello de moribus Orientalium, Abraham Ecchellensis passim, tandemque.... Faustus Naironus in dissertatione de origine, nomine, ac religione Maronitarum, E Romæ edita anno 1679. & in alio (libro) cui titulus, Evoplia fidei Catholicæ Romanæ, ibidem edito anno 1694. In utroque illo opere argumenta omnia collegit, quæ alii ante ipsum leviter admodum attigerant: quumque eum premeret Willelmi Tyrii auctoritas, curam omnem adhibuit, ut eum non tam proprio quam Eutychii judicio quem legerat, ea scripsisse quæ Maronitas suspectos Monotheliticæ hæreseos redderent, demonstraret. Adducit in hanc sententiam Auctores

aliquot, ex quibus probare conatur Maronitas semper Catholicæ fidei fuisse defensores acerrimos, pugnasse contra Jacobitas & Nestorianos sub auspiciis sancti Maronis abbatis, cujus nomine celebre extabat circa Apameam monasterium, quod archimandritas habuit zelo fidei orthodoxæ conspicuos. Nomen istud Maronitarum ad omnes deinde orthodoxos Syros pervenisse &c.... Verum de his plura alibi: sufficiat hoc loco traditionem Orientalium de Maronitarum initiis, ex eorum sententia significasse. Hactenus Renaudotius. Idem de Maronitis scripserunt, B Jacobus de Vitriaco, Breindenbergius, Volaterranus, Joan. Bona Cardinalis, multique alii inter recentiores.

III. At in chronicis ordinis S. Francisci, auctore Marco episcopo Portuensi, lib. 3. p. 3. apud Faustum Naironum in *dissert. de origine &c. Maronitar.* p. 2. legitur illos fuisse partim hæreticos, & partim idololatrias, eorumque conversionem accidisse anno 1450. opera cujusdam religiosi Belgæ hujus ordinis nomine Griphonis, qui post patratum in sole miraculum, ex occasu, ejus precibus, retrogrado viso, Montis-Libani Governatorem cum tota natione baptizavit.

Franciscus Ballarinus, & P. Mathias de Corona Leodiensis Carmelita, eosdem asserunt perseverasse in hæresi usque ad annum 1215. Franciscus Berdinus ordinis Minorum illorum conversionem differt ad Leonis X. tempora initio sæculi decimi-sexti. Flavius Cherubinus serius adhuc hanc contigisse narrat, anno scilicet 1582. Ita Naironus modo citatus, pag. 3.

IV. Is vero tradit *ibid.* pp. 4. & 5. nomen D Maronitis inditum aliunde non proficisci quam ex S. Marone abbate, coævo S. Joanni Chrysostomo, cujus extat epistola ad ipsum ex suo exilio scripta ut ejus se precibus commendaret. De eo S. Marone loquitur Theodoretus in *Relig. hist. capp.* 16. 21. 24. & 30. Hunc scilicet ait divino afflatum Spiritu collem qui ab ethnicis superstitiose colebatur occupasse, fanumque ibi existens consecrasset Deo. Nec solum ægritudinibus corporis medebatur, inquit Theodoretus, sed congruentem etiam animis adhibebat curationem. Et paulo inferius: Sic autem agriculturæ divinæ curam gerens, & animas simul curans & corpora, parvam passus ægritudinem, ut & naturæ imbecillitatem, animi dicamus fortitudinem, excessit è vita. Quibus verbis intelligi datur, ab eo plurimos Syriæ incolas in orthodoxa fide, quam tunc in Oriente varia hæresum monstra vastabant, fuisse confirmatos, plurimos quoque ejus sanctitatis exemplo commotos ad monasticam disciplinam amplectendam convolasse. Optarat quidem S. Maro, pergit Theodoretus



§ ab Affemano relatus 10. 1. *Bibl. Or. p. 497.* in nota 5. col. 2. ut in eodem sepulchro cum Zebina conderetur, quem admiratus fuerat, patremque & magistrum appellare solebat. Sed quum post ejus mortem acre inter vicinos certamen de ejus corpore ortum esset, finitimi cujusdam vici incolæ, cæteris vi pulsus, sacrum thesaurum rapuerunt, maxima æde exstructa, ac celebri festo illum honorantes. In Menolog. Græcor. colitur die 14. Februar. Templum illud, de quo hic sermo, cœnobium est S. Maronis dictum, Apameam inter & Emesam ad Orontem fluvium situm, quod fuit tanquam princeps monasteriorum Syriæ secundæ, sicut Acta synodi Constantinopolitanæ sub Menna Patriarcha anno Chr. 536. coactæ declarant; ubi Paulus diaconus, & Joannes presbyter, in epistolis monachorum ejusdem provinciæ ad Justinianum Imp. & ad eundem Mennam Patriarcham Constantinopolitanum, monachi & legati dicuntur monasterii beati Maronis primatis monasteriorum Syriæ secundæ, & pro omnibus monasteriis ejusdem Syriæ subscribunt. Et in epist. archimandritarum Syriæ secundæ ad Hormisdam Papam anno 517. data, primo loco subscribit Alexander archimandrita S. Maronis. Extant 10. 5. concil. Labbei, coll. 15. 115. 162. & 250. Discipulos virtutis suæ imitatores reliquit beatus Maro, inter quos excelluerunt Jacobus & Thalassius sanctitate & miraculis illustres, quorum vitas seorsim scripsit Theodoretus, Domnina etiam quæ in maternæ domus hortulo Maronis disciplinam æmulari studuit. Adeo autem exarsit in hujus cœnobii S. Maronis monachos, Acephalorum, Severianorum, aliorumque Monophysitarum furor, ut præter innumera quæ illis inflixerunt mala in odium fidei Catholicæ, trecentos & quinquaginta eorum morte affecerint, quorum memoria colitur in Martyrol. Romano, die 31. Julii.

V. Porro, quod Maronitarum nomen, non sit hæresis alicujus protestativum, infert, post Pagium ad ann. 635. n. 13. doctiss. Affem. 10. 1. *Bibl. Orient. pag. 524. in nota, col. 1.* ex modo quo de Maronitis loquitur Eugenius IV. Postquam enim retulit hæc verba ejus bullæ quæ incipit *Benedictus Deus*, datæ VII. Nonas August. 1445. (Legendum, IV. aut III. Nonas Augusti: vel si VII. verus sit numerus, legendum VII. Kal. aut Idus August. quia in nullo mense dicitur VII. Nonas: in mense autem August. IV. duntaxat numerantur Nonæ) in concil. Flor. part. 3. n. 20. & apud Raynaldum ad annum 1445. un. 21. & 22. In primis quod nemo prædictos Chaldaeorum (id est Nestorianorum ad fidem orthodoxam reverforum) metropolitan, & Maronitarum episcopum, eorundemque clericos & populos, Tomus III.

A neque ex populo & clero quempiam de cætero audeat hæreticos appellare, aut Chaldaeos de cætero Nestorianos nominare præsumat. Quod si quispiam &c. discrimen observat ab eo Papa inter Maronitarum & Nestorianorum nomen positum. Illos siquidem (scilicet Maronitas) ut-pote qui à nullo hæresiarcha nomen duxerunt, hæreticos duntaxat nominari vetat, postquam fidei catholicæ professionem emisérunt. Nestorianos vero, quibus à Nestorio nomen inditum, & hæreticos & Nestorianos appellari prohibet. Usus enim viget tam in Oriente, B quam in Occidente, hæreticos fidei Catholicæ reconciliatos, si Occidentales sint, uti Lutherani & Calvinistæ, vocari *Catholicos*: si vero Orientales; si Jacobitæ fuerint, *Syros*; si vero Nestoriani, *Chaldaeos* seu *Affyrios* nuncupari. Et quamvis omnes esse *Catholicos* subintelligantur, hanc tamen *Syrorum*, & *Chaldaeorum* seu *Affyriorum* denominationem sortiuntur, tum propter eorum rituum diversitatem, tum quia sub diversis sint constituti Patriarchis: *Maronitæ* itaque, quum modo hoc nomen gerant, & à summis Pontificibus C à tempore Innocentii III. eorum Patriarcha in bullis apostolicis appelletur *Patriarcha Antiochenus Maronitarum*, necessario sequitur hoc nomen *Maronita* semper virum *Catholicum* indicasse. Ita ex Pagio Affemanus citatus.

VI. Floruit septimo sæculo, & initio sequentis, Joannes quidam, monachus hujus cœnobii S. Maronis, hinc dictus *Joannes Maro*, cujus Acta ex pervetusto codice Arabico an. 1495. descripsit Gabriël Barclaius episcopus Nicosiensis in libro ad Georgium presbyterum Besciaræ filium adversus Jacobitas cap. 10. Eademque anno 1639. latinè edidit Pater Franciscus Quaresmius in elucidat. Terræ sanctæ lib. 1. cap. 37. p. 96. teste Affem. 10. 1. *Bibl. Orient. p. 496. col. 1.* qui tamen observat mendosum fuisse codicem illum quo uterque usus est, nam pro *Agathone* Papa, sub quo Macarius Antiochenus in sexta synodo damnatus fuit, *Evagrium* posuit qui in Romanorum pontificum serie nullus est, & pro *Sergio* Papa, sub quo Joannes Maro suæ gentis Patriarcha extitit, post Theophanis obitum, *Honorium* substituit, qui à quinquaginta fere annis obierat. Ad doctissimas remittit idem Affem. in utramque hanc Joannis Maronis vitam observationes Stephani Edenensis Patriarchæ Maronitarum, in Vindiciis lib. 1. cap. 7. & seqq. ex quo hæc Joannis Acta summatim exscripsit 10. 1. cit. *Bibl. Orient. à pag. 496. ad p. 506.* simulque notis illustravit.

VII. Ait igitur Affemanus ex illis Actis, Joannem hunc ex Castello *Sirimi* (quod juxta Evagr. lib. 4. c. 38. vicus est Cynegicæ regionis in territorio Antiocheni) in monte



Suaidia, qui mons Maurus seu Niger dicitur, A & Antiochiæ urbi imminet, oriundum, à teneris annis divinas humanasque litteras, Antiochiæ primum, deinde in S. Maronis cœnobio hausisse, postremo græcæ eruditionis adipiscendæ gratia petiisse Constantinopolim, ubi abdita quæque Græcorum sapientiæ mysteria didicit, & sanctorum Patrum tractatus ac in divinas litteras commentarios diligenter evoluit. Longiorem ejus in ea urbe moram interrupit mors parentum. In patriam itaque revocatus, dispositione rerum domesticarum facta, Cyrum ex sorore nepotem suum ad S. Maronis cœnobium juxta Orontis ripas situm secum abduxit. Eo in loco monastico habitu indutus, moxque initiatus sacerdotio, Dei obsequio, populique Christiani salutem se ipsum devovit. Quantum vero in eo statu sapientia & gratia apud Deum & homines profecerit, variæ ejusdem elucubrationes adversus suorum temporum hæreticos testantur, &c. Quum igitur Joannes plurimos ad fidem adduxisset, fieretque ad eum undique hominum ejus congressum colloquiumque expetentium concursus, ea re commoti Latini (Francos sic appellare solent Syri Arabesque scriptores sæculo duodecimo posteriores, qualis videtur fuisse illorum Actorum Auctor: Latinos autem in Syria ac Palæstina domicilium fixisse ab ævo S. Hieronymi compertum est) Latini, inquam ex his Actis, Antiochiæ commorantes, per Eugenium Principem, Cardinali Romanæ sedis Legato Joannem præsentarunt, eorumque suffragio Botrensis episcopus Joannes creatur (Botrus, seu, ut Straboni placet, Botrys, Phœniciæ urbs est maritima inter Tripolim & Byblum) ut videlicet ille Libaniotas in Romana fide retineret. Dictis luculentam fidem facit Jacobitarum testimonium, ipsorum *catechesi* insertum (de ea quidem *catechesi* clarissimus Renaud. 10. 2. *Liturg. Or. p. 23. n. 36.* hæc ait, apud Asseman. 10. 2. *Bibl. Or. pag. 69. col. 1. quem librum nulla præterquam Maronitarum Bibliotheca repræsentat, & cujus fides valde suspecta est.* Verum ejus meminit Thomas à Jesu Biatensis lib. 7. de *convers. gent. cap. 15.* his verbis: *Breviter referam errores omnes quos ex catechismo Jacobitarum, qui Romæ in Bibliotheca Cardinalis sanctæ Severinæ tam in Arabica quam in Latina lingua conscriptus habetur colligere potui.* Colligit autem errores 36. qui in collegii Maronitarum cod. extant. Verum hujus catechesis auctorem fuisse Noe Libaniotam in Jacobitarum Patriarcham assumptum anno salutis 1494. deduxit idem Assem. 10. 2. *Biblioth. Orient. pag. 468. col. 2. ex cod. 30. Arab. quem citat ibidem pag. 504. col. 1.) Tum vero emerfit Maro* (verba sunt

*catechesis) qui cum Francorum seu Latinorum Antiochiæ commorantium Principe Eugenio conspiravit contra Melchitas, his illum verbis adortus. O temporis istius rerum Domine, vereor ne montis Libani incolæ per Melchitarum factionem ad eorum sectam pertrahantur. Rem itaque cum Cardinali qui apud te versatur, esse transigendam dico, dandamque operam ut ipse me metropolitam instituat: futurum enim confido ut hac via in Latinorum fide aliquos contineam; Jacobiticæ vero sectæ nulla mihi mentio fiet. Annuit Legatus, & Joannem Botrensem episcopum creavit.* Hæc promotio Joannis anno Christi 686. contigit, Constantini Pogonati octavo. (Mendum in ea epocha irrepsisse necesse est: quum enim Constantinus Pogonatus imperium auspicatus sit post patris necem, anno Christi 668. ut referunt auctores, annus ejus imperii octavus incidit in annum Christi 676. non 686. fortassis 8. pro 7. positum est amanuensis incuria.) Inde vero episcopali dignitate auctus Joannes, illico in Phœniciæ oras profectus est, eo successu ut ad obsequium ecclesiæ Romanæ perduxerit plures Monophysitas atque Monothelitas, tum longe dissitos, tum finitimos, tum convenas servos, tum indigenas, ex quibus mirum in modum crevit fidelium numerus, adeo ut non modo Libani juga compleverint, verum etiam, velut coloniis inde deductis, Hierosolymam usque, atque in Armeniæ provincias sese longe lateque diffuderint. Nec suis interea deerat Joannes, quin pro temporum conditione sacerdotes & episcopos ad procurandam ipsorum salutem identidem destinaret. Auctor præterea etiam fuit, ut præfecti militiæ atque Tribuni crearentur, qui populum suæ factionis ab hostium infestatione tuerentur. Ejusmodi porro ducum tanta virtus extitit, tantaque in bellicis expeditionibus felicitas, ut non modo Persis, sed etiam Saracenisi terrori fuerint, &c. (Cedrenus certe narrat in *Annalibus tom. 1. pag. 437.* Mardaitas, id est Maronitas, sub Constantino Pogonato, non Libanum modo occupasse, sed & totum terrarum tractum, qui ab urbe Hierosolyma ad fines Antiochiæ porrigitur. *Annis, inquit, octavo & nono Constantini Mardaitæ Libanum ingressi, occupaverunt quicquid à Mauro monte usque ad sacram urbem, & speculas etiam Libani obtinuerunt.* Eadem apud Theophanem legere est *p. 295.* Ducum Mardaitarum seriem exhibet anonymus Syrus in codice scripto anno Græcorum 1616. Christi 1305. cujus verba Arabica Latinè reddidit Stephanus Edenensis *cap. 7.* Maronitis autem hoc *Mardaitarum*, id est, *Rebellium* nomen impositum fuit, quod eis per antecessum tribuit Cedrenus ad annos Constantini Pogonati octavum & nonum, quia



sub Justiniano II. ejus successore, eo insulto, in Saracenos irruerunt.) Ut infra fufius dicemus *col. 13.*

VIII. Anno secundo Justiniani (II.) Imperatoris, mortuo Theophane quem sextæ synodi Patres Antiochenæ ecclesiæ, Macario ob hæresim Monotheliticam quam pertinaciter tuebatur deposito, præfecerant, de successoris electione synodus habita est. (Hic rursus mendum occurrit: nam Theophanes non obiit serius quam anno 685. Vide doctissimi Bollandi continuatores *tom. 4. Julii pag. 110. col. 2.* ubi de sedis Antiochenæ Patriarchis.) Qua occasione divino consilio Antiochiam Joannes profectus, concordii omnium suffragio Antiochenus Patriarcha creatur, &c. Ad istius facti elucidationem hæc prudenter monet Assemanus *10. 1. Bibl. Orient. p. 503. in nota 1. coll. 1. & 2.* Joannis (Maronis) Patriarchatum colligit Stephanus (Edenenfis) tum ex communi traditione Maronitarum, tum ex auctore Syriacæ vitæ Jacobi Baradæi Jacobitarum antesignani, qui eum dicit *Joannem Sirimensem Patriarcham* (supra *pag. 496. in nota 1. col. 2.*) denique ex prologo professionis fidei à Joanne Marone ad Libani incolas transmissæ, ubi hæc leguntur: *quumque pro certo existimaret Maro sibi consentaneum magis esse sedem suam mutare, quam orthodoxam fidem à Patribus Nicææ, atque in reliquis synodis huic consentientibus probatam deferere, ab urbe Antiochia ad quoddam cænobium profugit quod in ditione urbis Apameæ ad ripam Orontis situm est. In eo quippe loco octingenti cænobitæ probati & pii commorabantur: apud quos hunc libellum* (professionis fidei) *elucubravit, descriptumque ad sacrum Libani montem mittendum curavit.* Idem prologus paucis mutatis legitur Syriacè & Arabicè in cod. Ecchell. 14. scripto anno Græcor. 1703. Christi 1392. apud eundem Assemanum *10. 1. pag. 576. col. 1.* Renaudot. tamen, qui hunc libellum non viderat nec citat, inficiatur *10. 2. Liturg. pp. 7. 15. & 16.* Joannem Maronem fuisse Patriarcham. At quod addit Edenensis, Joannem in synodo electum fuisse, id à nemine, inquit Assemanus, *ibidem tom. 1. pag. 503. col. 2.* præter ipsum, affirmatur. Et certe si Joannes concordii episcoporum suffragio Patriarcha Antiochiæ creatus fuisset, illius utique nomen in serie Patriarcharum Antiochenorum Græci aut Latini ejusdem ævi scriptores notassent, sive is Catholicus fuisset, sive hæreticus, uti notata leguntur nomina hæreticorum Catholicorumque antistitem qui eundem antecesserunt. Itaque probabilius puto, pergit Assemanus, illum, non ab episcopis Antiochenæ sedis, qui Græcorum Imperatori

A Justiniano (II.) parebant; sed ab iis qui Mardaitis seu Maronitis præerant, in Patriarcham electum fuisse. Id enim suadere videtur quod Maronitæ ad præsentem usque diem Patriarchas suos à Græcis, Jacobitis, & Nestorianis diversos habere consueverint. Nec verosimile est tantam hominum multitudinem, qui à monte-Mauro ad sacram urbem, Syriam, Phœnicen, & Palæstinam occupaverant, capite & pastore caruisse; aut in unam gentem à reliquis ritu moribusque differentem sine aliquo auctore coaluisse. Atque hac de causa B videntur Græci Latinique gesta Joannis Maronis præteruisse, quum hæc in jugis Libani contigerint, & Patriarchatus Joannis Maronis à Græcis non fuerit agnitus, ut-pote qui ad ritum Syriacum, & super subditos Syros duntaxat extenderetur; quemadmodum nec subsequutos, neque præsentis Maronitas Patriarchas in Antiochenorum numero reponunt. Demum, quod in Actis Joannis Maronis apud Quaresmum refertur, *eum Romam profectum fuisse, & à summo pontifice Patriarcham Antiochiæ ordinatum &c.* commentum puto, C inquit idem Assem. *ibid.* inde fortasse ortum, quod Joannes una cum Maronitis suis, præter reliquos Syros, apostolicæ sedis communioni adhæserit: Nam, ut bene notat Edenensis, Mardaitæ, seu Maronitæ, quibus Joannes præerat, ab omnibus quidem Orientalis historiæ scriptoribus maximam inde commendationem consequuti sunt, quod Romanum Imperium à Saracenorum incursionibus liberaverint, à nemine tamen proditæ fidei, & desertæ religionis arguuntur. Hucusque Assem. *10. 1. Bibl. Or. p. 503. in nota.*

D IX. Joannes interim Abrahamum ex sorore nepotem (qui in sæculo remanserat) suæ factionis copiis præfecit, acceptisque à regulo Simeone quæ per epistolam postularat auxiliis, ingenti cum exercitu profectus est ex cænobio S. Maronis ad castrum Semar-Gebail (id est Bybli propugnaculum) quod Botro imminet. Hæc etiam Jacobitarum testimonio probantur in sua catechesi, illis verbis: *Quum Melchitæ Castellum Amiunum occupassent, Maroninus, & ejus ex sorore nepos Abrahaminus ad Semar-Gebailum procul à Melchitis recesserunt, ibique ab exactionibus segreges suos immunes præstitere, quibus à Melchitis incolæ ipsorum sectam recusantes vexabantur; conspirantibus cum Marone Syris universis, ac Libani incolis, qui etiam in ejus verba jurarunt &c.*

E X. Postquam vero Joannes Patriarcha has persecutionum tempestates ea qua diximus felicitate sedasset, continuo Libani juga, atque finitimas regiones lustrare, & Catholicos quidem, qui intra ecclesiæ septa versa-



bantur, confirmare, transfugas ad ovile salutis A  
reducere; ecclesias & monasteria construere;  
sacerdotes & ministros ad earum custodiam  
cultumque designare; archiepiscopos & epi-  
scopos consecrare, eisque sedes & redditus  
necessarios constituere minime neglexit. Cæ-  
terum quum per eos dies intellexisset à Mau-  
ricio & Marciano ducibus Romæorum cœ-  
nobiū sancti Maronis solo fuisse æquatum;  
atque monachos interfectos, bonaque dissi-  
pata omnia, Romæis videlicet Maronis no-  
men ab hominum memoria revellere con-  
tendentibus; alterum sibi excitavit cœnobiū B  
ad Orientem Castelli Caphar-Hai agri Bo-  
trens. Fama est in eam ædem S. Maronis  
caput ex cœnobio Apameensi à Joanne fuisse  
translatum, ejusdemque sancti Abbatis me-  
moriā Nonis Januarii ab illo affixam fuisse,  
quando ecclesia ejus nomini consecrata est &c.  
Exacto his moribus vitæ cursu Joannes,  
quum erga populum suum optimi pastoris  
partes explevisset; ex vitæ præsentis ærumnis  
ad sempiternæ domus requiem migravit;  
præmium laborum laturus ab eo qui laboran-  
tibus in spiritali ipsius vinea mercedem de-  
perire non patitur. Moritur Joannes v. Idus  
Februarii (anno Christi 707. ut Edenensis  
notat in serie Patriarcharum Maronitarum)  
in cœnobio S. Maronis in Castello Caphar-  
Hai. Ad funeris pompam convenere undique  
Maronitæ episcopi & monachi cum infinita  
propemodum hominum multitudine, be-  
nedictionem ex sacri corporis contactu ac-  
cepturi. Mortuus est cum publica sanctitatis  
fama, & conditus in Caphar-Hai. Ejus me-  
moriā ecclesia Maronica quotannis instau-  
rare consuevit v. Idus Februar. Insuper ad  
calcem postremæ orationis diei dominicæ &  
festorum, *Joannis Maronis* intercessionem  
postulat: atque in officio sabbati, & in com-  
memoratione Patrum in sacra Liturgia à  
diaconis recitanda, Joannem Maronem enu-  
merat cum reliquis gloriosissimis Patribus qui  
hæreticorum errores ab ecclesia repulerunt,  
ipsamque in sacra scientia divinorum dogma-  
tum confirmarunt. Hæc Syriacè & Latine ex  
Edenensi refert Assemanus 10. 1. à pag. 496.  
ad 506. notasque inseruit, inter quas non  
prætereundum videtur quod explicat de ori-  
gine nominis *Melchitæ*, pag. 507. & seqq.  
num. IV.

XI. Observat scilicet doctissimus vir varias  
fuisse de *Melchitæ* nomine auctorum senten-  
tias. Edenensis enim, & Naironus tradunt,  
occasione belli de quo supra, audiri cœpisse  
*Melchitarum* & *Mardaitarum* nomina: atque  
hos quidem, ut-pote Joannem Maronem  
sequutos, *Maronitas* fuisse appellatos, priores  
vero qui Imperatori ejusque ducibus copiarum

Mauricio & Marciano Monothelitis parebant,  
*Melchitas*, hoc est à parte Imperatoris sive  
Regis stantes, dictos fuisse: *Melchi* enim &  
*Melchita* à *Malech* vocabulo hebræo deriva-  
tur. Alii Melchitarum originem altius petunt,  
à Marciani scilicet Imperatoris, & synodi  
Chalcedonensis temporibus. Ita è Syris pri-  
mus, quod sciam, inquit Assemanus, scripsit  
Dionysius Bar-salibæus circa annum Christi  
1160. in *exposit. Liturg. cap. 1.* ubi ait de  
Græcis, *Melchitæ dicuntur quia relicta pa-  
trum fide* (quam putabat fuisse Jacobiticam)  
in *sententiam Marciani Imperatoris iverunt.*  
Eadem de Græcis habet Nicephorus Cal-  
listus qui anno Christi 1330. floruit, *histor. eccl. lib. 18. cap. 52.* Enimvero Jacobo Mono-  
physitarum opinionem apud Syros prædicante  
magnum exortum est dissidium; nam qui rectæ  
opinionis adhæserunt, *Melchitæ* appellati sunt,  
quod sanctam quartam synodum, & Imperato-  
rem ipsum (*Melchi* enim Syris rex est) con-  
sectarentur: Mitto Græcos, Arabas, Latinos-  
que scriptores Nicephoro & Bar-salibæo  
recentiores, ut Severum episcopum Asmo-  
næorum, Ebnarrahebum chronici Orientalis  
auctorem, Elmacinum Homaidum, &c. quos  
Baronius sequitur: nec Eutychium Alexandri-  
num, decimi licet sæculi scriptorem, moror,  
qui Melchitarum sæpius mentionem faciens  
in annalibus 10. 2. pp. 16. 23. &c. nusquam  
originem hujus nominis prodit, imo ante  
Marciani ævum jam in usu fuisse supponit  
pro *orthodoxo* designando; ait enim p. 100.  
*Erat autem Marcianus orthodoxus Imperator,*  
*quique fidem Melchitarum teneret, ac pro-*  
*pugnaret.* Denique Thomas Haranita, epi-  
scopus Caphartabensis, secta Monothelita,  
qui anno Christi 1089. cum Joanne Melchi-  
tarum Patriarcha disputationem de unica  
Christi voluntate habuit, *Melchitas* affirmat  
nuncupatos fuisse, qui S. Maximo confessore  
prædicante, Marcianum fratremque ejus,  
nec-non Mauriciū Imperatores Heraclii  
decessores, sequuti sunt. *Maximus*, inquit  
Thomas cod. Ecchell. 14. *Marcianum, ejusque*  
*fratrem, Imperatores, nec-non Mauriciū qui*  
*utrique successit, in urbe regia adiit, & ut duas*  
*Christi voluntates in Syria prædicari juberent,*  
E *obtinuit:* quorum jussiones qui executi sunt,  
*Melchitas* appellatos fuisse contendit. At ne-  
mo ignorat Marcianum Imperatorem centum  
& amplius annis ante Mauriciū regnasse,  
nec habuisse fratrem Imperii consortem:  
insuper hæresim Monothelitarum non inno-  
tuisset ejus temporibus, nec etiam sub Mau-  
ricii dominatu, sed solum sub Heraclio Mau-  
ricii & Phocæ successore, circa ann. Chr. 528.  
Itaque haud improbabili conjectura existimo  
(verba sunt Assemani *ibid. pag. 508. col. 1.*)



*Melchitarum & Mardaitarum nomina coæva & opposita fuisse, eaque olim, non religionis aut ritus, sed civilis dumtaxat factionis differentiam indicasse, licet procedente tempore aliud significare potuerint; postquam scilicet unaquæque factio in gentem ritu, pastoribus, & religione etiam diversam coaluit. Nam qui olim in Syria adversus Imperatorem rebellaverant, Mardaitæ, id est, rebelles dicti fuere; qui vero Imperatori obtemperare non destiterunt, Melchitæ, id est, Imperiales: quod in Syria & sub Constantino Pogonato accidisse aiunt Theophanes ac Cedrenus, quando Mardaitæ, totum illum terrarum tractum à Mauro monte ad sacram usque Hierosolymorum urbem occuparunt. Quod ut clarius percipiat, verba integra subijcio Cedreni, 10. 1. *Annal. p. 437. Annis, inquit, octavo & nono (Constantini Pogonati) Mardaitæ Libanum ingressi, occupaverunt quidquid à Mauro monte usque ad sacram urbem, & speculas etiam Libani obtinuerunt. Multi ad eos se contulerunt, servi, captivi, atque indigenæ: adeo ut exiguo tempore ad multa excreverint millia. Hæc Moaviæ & (illos) qui cum eo erant, terruerunt, ita quidem, ut cogitantes Romanum imperium divino præsidio defendi, Legatos ad Constantinum pacis petendæ causa miserint. Is Pitzi-caudam ad Saracenos mittit, perque eum pacem cum eis componit, ac tabulis consignat, ea conditione ut per annos triginta quotannis Saraceni Romanis penderent auri millia decem, servos centum, equos generosos quinquaginta. Eadem quoque Theophanes narrat p. 295. Ducum Mardaitarum seriem exhibet anonymus Syrus in codice scripto anno Græc. 1616. Christi 1305. cujus verba Arabicè sic reddit Edenensis, cap. 7. apud Assem. 10. 1. *Bibl. Or. pag. 501. in nota 1. coll. 1. & 2. Sub exordio Saracenicæ Imperii, Byblio (Gebail Arabes dicunt) dominabatur Joseph, & Cosroës mediterraneæ regioni quæ Cosroëna vel Chesruan ab eodem deinceps appellari cæpit. In Califatu autem Omari Ben-Abi-Taleb, Jobus Cæsarea Philippi & Hierosolymis potiebatur: eoque defuncto, Elias rerum potitus est, qui Heraclio Imperatori in Syria pugnanti suppetias tulit. His demum extinctis, Bybli & Libani principatum tenuit Josephus, eique Joannes regulus successit, qui universam terram benedictam (Palæstinam) subegit. Quumque à Libano in Carmelum venisset, Hierosolymam cogitans, inopinata irruptione latronum provincie Righzæorum pene oppressus est supra Turrin peregrinorum, amissis suorum tribus millibus. Quumque se rursus ex ea clade collegisset, contra Righzæos contendit, eorumque terras populatus, cæsis armatorum novem millibus, imbellem turbam, & pecorum greges secum trahens, in Libanum***

*revertitur, mox in castro Basconta sedem fixit, ibique grandævus extinctus est. His itaque claudibus attritæ Arabum vires, & aucta victoriis Mardaitarum potentia, perpulerunt Moaviæ, ut pacem vel iniquis conditionibus à Constantino Pogonato Imperatore redimeret. Atque ita à Saracenorum incursionibus pacatum fuit Romanum Imperium, quandiu Constantinus vixit. Quo defuncto, quum Justinianus ejusdem filius anno Christi 685. gubernacula Imperii suscepisset, Abdalmalechus Meruani filius, qui quartus à Moavia Arabibus præfuit, pacis instaurationem postulavit, pollicitus se eidem persoluturum nummos mille, & unum in singulos dies servum & equum: Cypri autem, Armeniæ, Iberiæque vectigalia inter se æqua portione divisum iri, dummodo Imperator Mardaitas Libani incolas alio transferret. Quæ omnia breviter tradit Cedrenus tom. 1. pag. 440. his verbis: *Primo ejus anno (Justiniani II.) Abimelechus (Abdalmalechus) ad eum nuncios mittit confirmandæ pacis causa, convenitque ut Imperator agmen Mardaitarum in Libano, ejusque impressiones compesceret, eoque nomine Arabes Romanis penderent in singulos dies nummos mille, equum, & servum. Imperator Paulum Magistrum ad Abimelechum mittit, pacti confirmandi gratia, idque scripto, & testibus est comprehensum. Proinde Imperator misso legato duodecim millia Mardaitarum revocat. Quo quidem facto Romanam potentiam accidit (id est comminuit.) Quidquid enim hodie Arabes tenent à Mopsuestia usque ad quartam Armeniam, id omne infirmum erat, cultoribusque vacuum, ob incursiones Mardaitarum. Quibus repressis, ingentia damna Arabes Romano Imperio in hunc usque diem intulerunt. Enimvero Justinianus annos non totos sexdecim natus, inconsulte rem gerebat. Anno secundo profectus in Armeniam, recepit Mardaitas in Libano degentes, aheneum murum destruens. Cedreno consonat Theophanes pp. 300. 302. & 303. Hinc porro Maronitis Mardaitarum, id est Rebellium nomen impositum fuit ab Imperialibus, eo quod nimirum privata auctoritate, & Imperatore inconsulto, in Saracenos irruissent, iisque debellatis totum terrarum tractum à Mauro monte qui Antiochiæ imminet, usque ad sacram Hierosolymorum urbem occupassent. Qua autem arte Justinianus agmen Mardaitarum à Libano in Armeniam abduxerit, narrat Edenensis cap. 7. citato: *Simulat, inquit, Justinianus contra Arabas expeditionem, & misso in Syriam exercitu, Archistratego dona, & perhonorificam epistolam dedit, ad Libani Ducem perferenda, præcepitque ut hominem secreto conveniret, dataque occasione perimeret. Dux Græcus græco astu, exiguo cum comitatu***



ut fraudi fucum faceret, ad Joannem (Mardaitarum Ducem) profectus est in oppidum Cabbelias, ipsique litteras & Imperatoris dona obtulit: nec difficile fidem invenire fuit, quin perhonorifice à Joanne exceptus, militum quoque animos cepit. Ergo dum de bello Arabibus indicendo consultiur, dato signo concurrere ex insidiis Græci assidentem mensæ Ducem Libani trucidant. Ut proditum Ducem milites comperere, sublato clamore in interfectores irrumpunt. Summa hic utrinque contentione pugnatum est. Sed facile erat imparatos à paratis repelli. Tum denique Imperatoris Archistrategus animos incolarum Libani ea cæde exulceratos demulcere cepit, & factum excusare. Addebatque Constantinopolim, ob Arabum Persarumque incursiones, in magno discrimine constitutam, ipsorum ope indigere: publicam proinde rem privatæ utilitati anteferebant esse. Quumque præterea amplissima præmia ipsis polliceretur, si Imperatori parerent, ægre tandem obtinuit, ut Simeonem defuncti ex sorore nepotem Ducem sibi renuntiarent; qui armatorum duodecim millia in Armeniam, postea in Thraciam deduceret. Hujusmodi simultates, quas Libani incolas inter & Græcum Imperatorem intercessisse diximus, Mardaitarum, hoc est, Rebellium nomen eisdem crearunt, quum Justiniani (II. Rinotmeti dicti) imperium aspernati, descriptis supra moribus causam dedere. Hucusque Stephanus Eddenensis, apud Assemanum, 10. 1. Bibl. Orient. pag. 502. in nota, coll. 1. & 2. Ex illa autem militum collectione, quos Maronitarum primates ex universa Phœnice sibi comparaverant ut tutiora loca occuparent illius partis Libani, quæ *Giobbe* nuncupatur, in qua sita est urbs *Hhader*, & in Saracenos irruerent, deduxerunt Joannes Morinus, quidamque alii, *Mardaitas* fuisse Monti-Libano advenas, non proprios ejus habitatores: verum si sic res se haberet, tacerent ne quotquot de Mardaitis agunt scriptores, undenam profecta esset tam bellicosa gens, & quo inde pulsa recesserit? Nullus tamen illorum extat, fatente ipsomet Morino, qui aperiat quænam fuerit Mardaitarum natio, quamve orbis partem inhabitasset ante suum in Montem-Libanum accessum, quam etiam modo inhabitet: quandoquidem nihil penitus de ea invenitur, sub illo nomine, post Justiniani II. imperium, nihil similiter ante Constantinum Pogonatum: sed tandiu solum celebrantur in historiis *Mardaitæ* Libani incolæ, quandiu Maronitæ habiti sunt veluti Imperio Romano rebelles, cessavitque *Mardaitarum* denominatio, statim atque Imperatori subditi fuerunt iidem Maronitæ. Ita Faustus Naironus in *differr. de origine &c. Maronitarum* pp. 65. & 66. His itaque temporibus incepit Mar-

*daitarum* & *Melchitarum* appellatio in Syria, tanquam voces protestativæ, vel rebellionis, vel obedientiæ erga Imperatorem Romanum. Atque id ut affirmem, præter hæcenus asserta, suadet altissimum Patrum omnium, & historicorum antiquorum, de *Melchitis*, pro orthodoxis designandis, ante sæculum decimum silentium. Evolvantur opera Patrum quarti, quinti, sexti, septimi, octavi & noni sæculi: legantur historiæ Procopii, Evagrii, Theophanis, Cedreni, Zonaræ, Theophylacti; nullum in iis *Melchitarum* vestigium apparet. Sed neque apud hæreticos auctores, ut Petrum Cnapheum, Philoxenum Hierapolitanum, Severum, Petrum junio-rem, Joannem Philoponum, Darensem, aliosque, à quibus catholici, *Chalcedonenses* quidem, & *Synoditæ* passim appellantur, nunquam tamen *Melchitæ*. Contra Theophanes ac Cedrenus *Mardaitarum* disertam mentionem faciunt, nec tamen illos hæreseos ullius infimulant: quod argumento est, eorum nomen factionis civilis, non proditæ religionis notam fuisse; atque adeo Mardaitarum hostes patria ipsorum lingua (Syriaca scilicet) *Melchitas* nuncupatos fuisse verosimile est: alioquin, vel *Mardaitarum*, vel *Melchitarum*, tanquam hæreticorum, meminissent eorum temporum scriptores, qui res in Syria gestas, exortasque ibidem hæreses accurate describere. Syriacum vero id nomen esse, & in Syria natum, ipsæ voces *Melchita* & *Mardaita* convincunt; convincunt & *Melchitæ* atque *Maronitæ*, gens olim & in præsentem usque diem in Syria frequentissima, alibi rara, aut nulla. Certe, ut dictum est, apud nullum auctorem Eutychio antiquiorem, nomen *Melchitarum* ad Marciani Imperat. tempora refertur: At si in Ægypto ortum fuisset, ob Dioscori Alexandrini affectas, ut censuit Pagius ad annum 622. num. 9. non utique *Melchitæ* Syriaco aut Arabico sermone (ex utraque enim lingua, sicut & ex hebræa, commode derivari potest) dicti fuissent qui orthodoxam Imperatoris religionem profitebantur, sed græcè *Βασιλικοί*, aut aliter juxta Ægyptiacam linguam, ut perspicuum est, quum in Ægypto Syrus sermo nunquam, Arabicus vero usurpari non cœperit, nisi duobus fere sæculis post Marcianum Imp. & quartam synodum, quando nimirum Saraceni sub Omaro Califa Ægyptum occuparunt. Quod autem *Melchitarum* nomen apud recentiores pro Græcis Ægyptiis usurpatum invenitur, mirum non est, siquidem *Jacobitarum* nomen, quod certe in Syria, & ex homine Syro (Jacobus Baradæo) prodiit, ad Ægyptios Monophysitas translatum legitur: plures enim mutationes nominibus hujusmodi accidere



accidere solent, ut manifestum fit ex ipsomet *Melchitarum* vocabulo, quod olim orthodoxos, nunc schismaticos Syros & Ægyptios Græci ritus significat. Sic etiam Libaniotæ, abjecto *Mardaitarum* titulo, *Maronitæ* dicti fuere, ex *S. Marone* scilicet, cui insigne cœnobium juxta Apameam excitatum fuerat: unde & Joannes eorum Patriarcha, de quo modo dictum est, cognomentum *Maronis* traxit.

XII. Hujus Joannis Maronis quædam supersunt scripta, præter alia quæ eidem supponuntur. Posterioris generis videntur, tum *Septem tomi* quos Stephanus Edenenfis censuit illi attribui ab Hebedjesu episcopo Sobensi scriptore Nestoriano, in catalogo scriptorum Syrorum pag. 88. Eos enim assignat Hebedjesu cuidam Joanni *Bar-Frangoje*, aut *Bar-Fincoje*, ut legitur in cod. Ecch. 17. cujus ipse sententiam de Christi nomine in sensum Nestorianorum detorto producit in lib. *Margaritarum part. 3. cap. 5. apud Assem. to. 1. p. 510. col. 2.* tum *Libri 4. de Sacerdotio*, qui foetus sunt Joannis Darenfis, apud eundem Assemanum to. 2. *Bibl. Orient. pp. 122. 123.* tum *Expositio vocum scripturæ*, cujus meminit Gregorius Bar-hebræus in Horreo mysteriorum sub nomine operis *Joannis Maronis*; hic siquidem Edeffenus erat, & vivebat sæculo decimo, ut narrat idem Bar-hebræus, *part. 2. chronici Syriaci fol. 286. apud eundem Assemanum, to. 2. pp. 283. & seq.* tum denique *Expositio Missæ*, quæ Dionysii Bar-salibæi opus est, apud eundem Assem. to. 2. pp. 176. & seqq. ubi ejus analysim tradit. At in Vaticana Bibliotheca, sequentia Joannis Maronitarum Patriarchæ scripta genuina occurrunt, teste eodem Assem. *tom. 1. pp. 512. & seqq.* Item pag. 576. col. 1. ubi cod. 14. Ecchell. mentionem facit. Sunt autem

XIII. Primo, *Anaphora* seu Liturgia, cujus initium, *Coram te, Rex Regum, & Domine Dominantium*. Extat codice Ecchell. 5. scripto Gamblini in Cypro anno Græc. 1846. Christi 1535. p. 100. Hanc una cum reliquis Joannis Maronis operibus ut spuriam rejicit Renaudot. to. 2. *Liturg. Orient. in dissert. proæmiali pag. 15.* & causam hanc producit inferius p. 344. quia nulla Bibliotheca, quantumcunque Orientalium librorum dives, ipsam repræsentat: perinde ac si omnes ipse Bibliothecas adierit, inquit Assem. to. 1. p. 513. col. 1. aut omnes Bibliothecarum omnium libros evolverit; aut demum nullum in Oriente scriptorum monumentum supersit, quod in Bibliothecas Europæ illatum non sit.

XIV. Secundo, *Libellus fidei*, quem Joannes è monasterio suo S. Maronis ad Libaniotas transmisit. Extat Syriacè cum Arabica versione, in Biblioth. Vatic. cod. Ecchell. 14. qui

Tomus III.

ad calcem scriptus esse notatur anno Christi 1392. his verbis, *Absolutus est sacer iste libellus fidei sanctæ ecclesiæ codex anno (Græcorum) 1703. (Christi 1392.) die 20. Februar. per vilem & peccatorem hospitem Josephum diaconum ex oppido Hachel (quæ fuit patria Abrahami Ecchellensis) ex regione Bybliensi, qui nunc habitat in oppido Ban Gubta Besciarenfis: quæ est provincia Libani supra Tripolim Syriæ, ejusque olim caput fuit Besciara ubi Duces Libani residebant: Ban vero ejusdem provinciæ oppidum est. Libello hic titulus præfigitur: In nomine Dei scribere aggredimur Libellum sanctæ fidei quam in monasterio sancti ac Theophori beati Mar-Maronis edidit Maro, qui dicitur Joannes, fuitque Patriarcha urbis Antiochiæ, ac totius Syriæ. Quæ verba interpret Arabicus paraphrasticè sic reddit: In nomine Dei incipimus scribere declarationem sanctæ fidei, quam apostolica tenet ecclesia, scriptam quidem à sancto Joanne Patriarcha Antiocheno in monasterio Maronis ad Orontem fluvium in regione Apameæ & Emesæ; transmissam vero ab eodem ad Montem-Libanum. Quamobrem præfati montis incolæ de monasterii Maronis nomine Maronitæ appellantur: sed & Joannes ipse de ejusdem monasterii nomine Maro nuncupatur. Hunc interpretem Arabicum, simul & interpolatorem Libelli Joannis Maroris, Thomam esse Haranitam episcopum Caphartabensem Monothelitam, de quo jam supra dictum est, n. XI. col. 2. testatur Steph. Edenenf. lib. 2. Vind. idque stylus ipse confirmat; eadem enim est phrasis, eadem sensa in hoc Libello Arabice verso & interpolato reperiuntur, ac in opere quod idem Thomas in decem capita, seu propositiones distributum, ad Joannem Melchitarum Patriarcham circa annum Christi 1089. transmisit, ubi inanibus argumentis Monothelismum stabilire conatur; (extat vero hoc Thomæ opus ad calcem præfati Libelli Joannis Maronis,) Maro è contra in suo Libello Syriaco totus est in demonstrandis adversus Nestorianos & Monophysitas duabus in una Christi Persona naturis: nam p. 2. nominat quatuor synodos generales quarum definitionibus se consentire profitetur; deinde brevem & accuratam SS. Trinitatis, atque Incarnationis fidem exponit à pag. 4. mox testimonia Patrum producit à p. 18. Mirum est quidem Severum sancti titulo decorari: verum id ex amanuensis fraude oriri existimat Assem. p. 516. col. 2. neque enim Joannes Maro sanctum appellaverit Severum Monophysitarum primipilum, quem ipse in hoc Libello, velut Chalcedonensis fidei desertorem execratur. Postremo iis verbis librum concludit. Nunc igitur, fratres fideles, sanctæ Catholicæ ecclesiæ filii, estote iusti examinatores,*

B



*& conferte invicem, & videte, quæ sancta synodus, & religiosissimus Papa credidit, & definivit, & quæ sancti Patres nostri supra commemorati tradiderunt; quomodo sibi ad amissum cohæreant, & iis consentiant, quæ nos ex Chalcedonensi concilio profiteamur: sicut & veritas ipsa testatur ex S. Leone Romano pontifice, & ex sanctis sexcentis ac triginta sex Patribus, quorum preces nobiscum sint.* In eo Libello, nec quintæ, nec sextæ synodi meminit. Fortassis quod quinta synodus nihil Chalcedonensi definitioni addiderit respectu materiæ quam sibi tractandam proposuerat: At quid causæ fuerit cur nihil dixerit de Monothelitis, nihil de sexta synodo in qua eorum hæresis de una Christi voluntate damnata est, & Macarius Patriarcha Antiochenus depositus, facile non est decernere. Existimat Assen. *to. 1. Bibl. Or. pp. 511. 512. & 517.* id fortassis contigisse, vel quia Joannes Maro hanc synodum præcesserit, vel verosimilius quia hunc Libellum fidei ante ejusdem synodi celebrationem scripserit. Quod enim in titulo legitur, Joannem Patriarcham hunc librum dictasse, ex privata amanuensis opinione positum videtur, non ab ipso auctore, qui in toto opere nihil de sua patriarchali aut episcopali dignitate indicat. Et certe, præterquam quod omnes quos laudat Patres in eo Libello Monothelismi ætatem antecesserunt, si ipse post exortam hanc hæresim illum edidisset, quæcunque ejus fuerit de Monothelitarum hæresi sententia, sextam synodum memorare non prætermisisset, vel ut ei assentiretur catholicus, vel ut eam respueret ac confutaret hæreticus: nisi quis suspicetur cum eodem Assen. *p. 511. col. 1.* apud Libanotas ad quos scribebat Joannes Maro, & quibuscum versatus fuerat, de duabus quidem naturis & unica Persona in Christo, propter Nestorianos & Monophysitas in locis celebres, acriter fuisse disputatum, nullam vero hæcenus de duabus Christi voluntatibus ventilatam fuisse questionem: Quamvis enim in terris Romano imperio subjectis multum agitaretur Monothelitarum error, ob Imperatores & Patriarchas qui illum propugnabant; in Libano tamen, quem Mardaitæ suis legibus utentes occupaverant, vix innotuerat tunc temporis hæc hæresis; vel eam à Monophysitarum hæresi non distinguebant, cujus reipsa germen erat ad eandem latius propagandam exortum. Et certe nullus Syrorum Jacobitarum agnoscitur, qui ante sæculum decimum Monothelitas impugnaverit, illorum-ve fecerit mentionem: *ibi namque unam ponendam naturam, ubi una operatio asseritur*, probe norant, inquit Theophanes ad annum 20. Heraclii, Christi 629. de Athanasio loquens Jacobitarum Patriarcha, (qui hujus nominis primus

fuit, cognomento Camelarius, electus anno Græcorum 906. vel 908. Christi 595. vel 597. mortuus vero anno Græcorum 942. Christi 631.) quum enim ei, si modo synodum Chalcedonensem vellet admittere, Patriarcham Antiochiæ (orthodoxum scilicet) se eum constituturum Heraclius promississet: is enunciatis in Christo naturis duabus, hæresim ad tempus dissimulans, propositam synodum probavit & recepit. Tum vero de operatione & voluntatibus Imperatorem interrogavit, quales asserere debeat, geminas, an unicam? Imperator inusitata sibi vocum novitate implicatus, Sergio Constantinopolitano episcopo scribit &c. Hæc omnia Theophanes; quibus palam est primipilos Monothelitas à Jacobitarum hæresi de unica in Christo natura ex animo non recessisse, nec synodum Chalcedonensem recepisse nisi fraudulenter & ad tempus, ut nempe Catholicis, admissa semel incautè unitate voluntatis & operationis in Christo, unitatem quoque naturæ admittere cogerentur. Notandum tamen obiter, ex Pagio in critica Baronii ad annum 629. n. 5. Theophanem hic confundere congressionem Heraclii cum Paulo Severiano, quæ contigerat anno Christi 622. unde sumitur exordium Monothelismi, cum ea quam ipse scribit ad annum 629. ejusdem Imperat. cum illo Athanasio, quæ fictitia est. In litteris enim Sergii ad Honorium I. Papam anno Christi 634. & Cyri ad Sergium anno 626. scriptis, & recitatis in VI. synodo, Pauli mentio fit, non Athanasii. Qua etiam de causa ea synodus, sicut & Lateran. sub Martino I. hunc Paulum inter primos Monothelismi progenitores recensent, non Athanasium, quem profecto intactum non reliquissent. In iis itaque circumstantiis credibile est Joannem Maronem ad Syros suos scribentem, satius duxisse si sacri Chalcedonensis concilii propugnaret auctoritatem, duasque in Christo inesse naturas evinceret; quibus semel stabilitis, hæresim Monothelitarum, æque ac Jacobiticam corrumpere necesse erat: quam si Monothelitismum specialiter confutaret qui re ipsa ex Monophysitica hæresi naturaliter consequitur.

XV. Tertio, *Liber adversus Monophysitas.* Extat in laudato codice Ecchellensi. 14. post Libellum fidei pag. 103. (apud Assen. *tom. 1. p. 517. col. 2.*) Ejus titulus est: *Item Quæstiones excerptæ adversus Monophysitas, id est, eos qui simplicem Dei Verbi naturam cum ejusdem carne confundunt, & componunt, unam esse naturam dicentes.* Initium est: *Dicite nobis, sancti fratres nostri; hæc unica natura, quam in Domino nostro post unionem confitemini, consubstantialis Patri est, necne?*

XVI. Quarto, *Liber adversus Nestorianos.*



In eodem cod. p. 114. (apud Assen. *ibid.*) Titulus est: *Item Quæstiones excerptæ adversus Nestorianos*. Initium est: *Ait Paulus Apostolus; reconciliatus est nobis Deus per mortem Filii sui &c.*

XVII. Quinto, *Epistola de Trisagio: quæ Responsio est ad eos qui dicunt nos totam sanctam Trinitatem crucifigere, quum Trisagio addimus, Qui crucifixus es pro nobis*. Joanni Maroni tribuitur in eodem cod. Ecchell. 14. pag. 125. licet non eadem, qua totus codex, manu sit exarata: Quod mihi non levem suspicionem ingerit, inquit Assen. *ibid.* p. 518. col. 1. eam vel ex altero, quod ad manus nostras nondum pervenerit, exemplari à recentiori amanuensi descriptam & laudatis Joannis operibus hic insertam fuisse, vel eidem Joanni suppositam. Et suppositionis quidem vitium duo arguere videntur. Primum, quod hanc epistolam immediate sequitur *Dialogus Syrum inter & Græcum de Trisagio*, qui licet in codice nostro mutilus sit & anonymus, ex Barhebræo tamen in Lib. Ethic. colligitur Davidis Pauli filii, episcopi Jacobitæ, esse scetus: (extat *Dialogus* ille in cod. Arabico 43. apud eundem Assen. 10. 2. p. 510. col. 2. sub hoc titulo; *Davidis filii Pauli Dialogus inter Melchitam & Jacobitam de Hymno Trisagio*) eadem autem in hac epistola ac in *Dialogo* rationes pro additamento Trisagii, eadem fere verba, ut utrumque opus conferenti patebit. Alterum, quia eadem epistola tres postremas quinternionis decimi-tertii chartas ita implet, ut nullum folium inter hunc & sequentem quinternionem desideretur: quum tamen *Dialogus* Davidis de Trisagio, qui *Epistolæ* subnectitur, acephalus sit, eique tot chartæ deesse videantur, quot epistolam componunt. Quare probabile admodum est recentiorum amanuensem, avulsis tribus prioribus *Dialogi* chartis, locum huic epistolæ fecisse, quam fortassis ex ipsismet *dialogi* verbis concinnavit. Utut sit; Summa ejus hæc est: objicit Anonymus Syris orthodoxis, *sanctam Trinitatem ab iis prædicari crucifixam, quoties Trisagio subjiciunt, Qui crucifixus fuisti pro nobis*. Respondet Joannes Maro, aut quisquis est auctor epistolæ: *Unum de Trinitate duntaxat carnem induisse, & crucifixum fuisse, qui est Dominus noster Jesus-Christus; non totam Trinitatem; quandoquidem nec tota Trinitas incarnata est; & ad illum unum, non ad totam Trinitatem, Syrorum mentem referri, dum Trisagium hymnum canunt*. Reponit anonymus: *Cur ergo sancti Patres Petro (Cnapheo sive Fulloni) anathema dixerunt?* Respondet auctor: *Quia ille quaternitatem Personarum inducere moliebatur, Judæum Nestorium æmulatus, & passionem divinitati tribuit: Quapropter ejus*

Tomus III.

*A gregales Theopaschitæ dicti sunt; Syros vero ab utraque insania distare*. Rursus instat anonymus: *At verba ab hæreticis male usurpata omnino vitanda sunt*. Respondet auctor: *Si huic regulæ insistendum foret, omnes sacras scripturas obliterari proscribique deberet. Quamobrem, ut monet Cyrillus in commonit. ad Eulogium, non omnia, quæ ab hæreticis usurpantur, sunt rejicienda: in plerisque enim hæretici nobiscum loquuntur; sed ipsorum mens errorem intendit, quem nos minime intendimus*. Eadem fere de Trisagio Ephræm Antiochenus Patriarcha, qui teste Photio in Bibliotheca codice 228. paulo-post initium, in epistola ad Zenobium quemdam Scholasticum Emisenum Acephalorum labe infectum... explicat nonnihil circa usum sacri Trisagii hymni. Etenim Zenobius suæ sejunctionis à communi ecclesia colorem hunc quæsierat, quod recens divisa esset ob ter sancti hymni sententiam. Afferit contra Ephræmius eundem hymnum Orientales Christo Jesu attribuire, & propterea nihil peccare, tametsi adjiciant *crucifixus pro nobis*. Constantinopolitanos vero atque Occidentales in supremum sacratissimumque bonorum omnium fontem, consubstantialem-Trinitatem sententiam referre: idcirco non sustinere illud addi *crucifixus pro nobis*, ne qua passio Trinitati attribatur &c. Recte vero facere utrosque hic affirmat, neque ullam reperiri rationem cur alterutra reprehendatur, vel in disquisitionem revocetur. Ordinatus fuit Patriarcha Antiochenus hic Ephræm anno Christi 527. obiit vero anno 545. Hinc apparet, subdit Assen. *ibid.* p. 518. col. 2. Syros orthodoxos, licet Trisagio hymno particulam illam, *Qui crucifixus es pro nobis*, addiderint, (propter quod procul dubio additamentum à Maronitis jam admissum S. Joannes Damascenus eosdem, non quidem pro hæreticis habebat, ut infra patebit n. XXIV. col. 31. sed tamen sibi non esse conjunctos indicavit, tum in libello *de recta sententia* in fide tenenda, ubi ait 10. 1. edit. Paris. anni 1712. p. 395. C. καὶ μὴ κοινωνεῖν ἐπερωτῶν ἑπὶ τῷ ὁμολογούντι, ὁ ἁγίως τοῖς Μαρονίταις. Nec me communicaturum cum altero qui fidem hanc non confitetur, ac præsertim cum Maronitis. Tum adhuc clarius in epistola ad Jordanem archimandritam, *De hymno Trisagio*, *ibidem*, p. 485. E. καὶ ἡμεῖς μαρονιστῶν ἀποδιμενοὶ τῷ Τρισάγιῳ ἢ πάλιν. Absit quod cum Maronitis sentiamus adjecta Trisagio crucifixione) apparet, inquam, licet hoc Petri Fullonis additamentum receperint Syri orthodoxi, & inter eos Maronitæ, illos nihilominus à Jacobitarum & Theopaschitarum hæresi abhorruisse. Quin immo ipsos Monophysitas tam antiquiores quam recentiores eadem circa Trisagium cum Catholicis sensisse, &

B ij



modo sentire liquet ex homil. 125. Severi A Antiocheni, quæ extat in codicibus Nitriens. 33. & 34. quorum meminit idem Assen. to. 1. pag. 572. col. 2. & scripti sunt, primus quidem anno Græcorum 874. Christi 563. alter vero anno Græc. 1243. Christi 932. Liqueat pariter ex Dionysio Bar-salibæo, commentar. in liturg. S. Jacobi, quæ extat codice Ecchell. 36. apud eundem Assen. to. 1. Bibl. Orient. pag. 578. col. 2. & to. 2. pag. 180. col. 2. ubi observat Fullonem ejusque asseclas hic à Bar-salibæo de Theopaschitarum errore purgari, quod Trisagium hymnum assererent ab Orientalibus ad solum Filium Incarnatum, non ad totam Trinitatem referri: eadem quoque de Petro Fullone censuisse Card. Norisium lib. de uno ex Trinitate carne passio, eadem etiam Vales. in Diff. de Pet. Full. post annotat. ad Evagr. c. 5. p. 178. Liqueat denique ex Dialogo præfati Davidis episcopi Jacobitæ, quem pro gente sua scripsit, apud eundem Assen. to. 1. p. 519. col. 2. ubi Græcus ait: *Satis prolixè es hætenus loquutus, ô Syre, commendans illud, Qui crucifixus fuisti pro nobis, nec animadvertis, quando ter repetis, Sanctus Deus, ter sanctam à te dici Trinitatem: quando vero subdis, Qui pro nobis crucifixus fuisti, Trinitatem crucifixam prædicari; cedo, ostende ubi scriptum vos Syri invenistis Trinitatem fuisse crucifixam, & à quonam ex Patribus hoc didicistis?* Syrus: *Unum de Trinitate ain' incarnatum & hominem factum; an totam Trinitatem?* Græcus: *Unum de Trinitate dico, non totam Trinitatem fuisse incarnatam.* Syrus: *Ergo si unus ex Trinitate incarnatus & homo factus est, & non tota Trinitas, unum de Trinitate crucifixum; & non totam Trinitatem prædicamus: quoniam qui carnem non suscepit, nec in crucem agitur. Et nos, ô Græce, non, ut mox aiebas, totam Trinitatem crucifigimus; sed unum de Trinitate pro nobis crucifixum profitemur: neque totam Trinitatem cogitamus, quando dicimus Sanctus Deus, &, Qui pro nobis crucifixus fuisti; sed unum de Trinitate qui est unus Dominus Jesus-Christus unigenitus Dei filius, ex Patre natus ante omnia sæcula, lumen de lumine, Deus verus de Deo vero, qui propter nos homines & propter nostram salutem descendit de cælis, & incarnatus est de Spiritu sancto, & ex Maria Virgine, & homo factus est. Crucifixus etiam pro nobis sub Pontio Pilato secundum doctrinam trecentorum decem & octo Patrum. Et quando oramus, dicimus, Sanctus Deus, qui Deus quum sis, propter charitatem tuam factus es homo: Sanctus Fortis, qui quum omnia virtute tua portes, in assumpto corpore infirmus apparuisti: Sanctus Immortalis, qui quum natura immortalis sis, voluntariam mortem in carne pro salute nostra subiisti. Te pro nobis fuisse crucifixum fatemur,*

*& non inficiamur. Ob tuam in cruce mortem miserere nobis.* Hæc vir Jacobita pro suis Jacobitis scripsit. In eodem sensu intelligendum, tum Trisagium, tum ei additamentum factum à Petro Fullone, *Qui crucifixus es &c.* (dempta scilicet privata ejusdem Fullonis in eo additamento mente, si quid aliud censuit) luculenter exponit Xenaïas Philoxenus, qui episcopus Hierapolis initiatus est circa annum Christi 485. ab ipsomet Petro Fullone sedis Antiochenæ invasore. Ait enim in epistola prima ad monachos Gaugalenses, quæ extat in cod. Syr. 11. cujus meminit Assen. to. 1. p. 612. col. 2. loquens de iis dictionibus, *unus de Trinitate, & Deus passus*, apud eundem Assen. to. 2. p. 35. col. 2. *Nequaquam mortuus est spiritualis, ut spiritualis, neque passus est Deus, ut Deus. Passus est autem, quia corpus assumpsit: mortuus est, quia mortalium socius factus est.* Et adhuc expressius in epistola 2. ad monachos Teledenses, quæ legitur in cod. Nitr. 27. to. 1. Bibl. Or. p. 569. col. 2. verba refert idem Assen. to. 2. pp. 35. col. 2. & 36. col. 1. de ipso Trisagio: *Quemadmodum & universa Dei ecclesia in hymno canit, Sanctus Deus, Sanctus fortis, Sanctus immortalis, qui crucifixus es pro nobis miserere nobis; sic & vera credit ecclesia, sic & linguæ quas veritas movet exclamant, eundem scilicet Deum Verbum, qui natura immortalis est, corpore pro omnibus crucifixum; non autem corpus, aut hominem extra ipsum in crucem sublatum.* Ex quibus palam fit non eodem sensu appendicem illam Trisagii, *Qui crucifixus es &c.* à Monophysitis receptam esse, quo ei à Petro Fullone primitus inserta fuerat: ut nimirum tribus personis divinis, siue divinitati ipsi quæ una est in tribus personis passio & in cruce suspensio tribueretur. Unde, ut observat Petav. lib. 5. de Incarnat. c. 4. apud eundem Assen. tom. 2. p. 36. col. 2. reprobata est ab ecclesia statim ab initio præfata Appendix, *magis ad corruptoris mentem . . . . quam ad ipsam verborum conceptionem, quæ vindicari per se facile posset ab multiplici hac invidia dissidentium invicem hæreseon (Nestorianorum & Monophysitarum) quas simul complecti dicitur.* Maronitas porro, quos certe nemo Theopaschitas aut Monophysitas nunc temporis esse suspicatur, Trisagium, in libris suis ecclesiasticis Romæ recognitis & impressis, cum controverso illo additamento etiamnum habere testantur idem Assen. to. 1. pag. 520. col. 2. & Faustus Naironus in opusculo De origine, nomine, ac religione Maronitarum, p. 132. Sed tunc non referri aiunt Trisagium ad SS. Trinit. sed ad Christum unum, qui ter sanctus, id est infinite sanctus proclamatur. Nam apud Maronitas, inquit Naironus, Trisagium dupliciter accipitur: aliquando tribus



applicatur Personis divinis, & tunc crucifixionem addere impium, blasphemumque esse arbitrantur. Propterea nusquam in hoc sensu penes eos legitur hic hymnus cum additione crucis, ut videre est in ipsorum Missali, ubi sic eum canunt, *Sanctus Deus, Sanctus fortis, Sanctus immortalis, miserere nobis*. Aliquando vero soli tribuitur Filio, & tunc additur crucifixio. Id in multis locis Breviarii Maronitarum manifeste declaratur, & præsertim ad matutinum officii Nativitatis Domini eo modo. Sanctus Deus, qui Nativitate tua sancta liberaſti nos à seductionibus. Sanctus Fortis, qui fortificaſti gregem tuum ut canat tibi gloriam. Sanctus Immortalis, quoniam mortales filii Adam vixerunt natiuitate tua vivificante omnes. Qui crucifixus es Domine noster pro ecclesia tua, & liberaſti eam die Nativitatis tuæ ex seditione & peccato. In synodo quam Maronitæ celebrarunt anno 1596. mense Septembri, ut à quibusdam erroribus sibi impositis se purgarent coram R. P. Hieronymo Dandino Societ. Jesu Cæsenate ad id à Clemente VIII. specialiter misso, requisiti iidem cur in Trisagio crucifixionem totius Trinitatis interponerent? Responderunt omnes, Trisagium duobus modis in eorum libris usurpari. Quum ad Trinitatem totam refertur, nihil addi; quum ad secundam personam; propter assumptam carnem, natiuitatem, crucifixionem, & mortem, interponi. Hæc leguntur in Actis ejusdem synodi quæ transcripsit præfatus P. Hieronymus Dandinus in historia itineris sui ad montem-Libanum, cap. 34. Quæ omnia, subdit ipsemet ibidem, legitimi & proprii eorum libri testantur, nec uspiam secus se in illis reperisse Hieronymus Dandinus affirmavit.

XVIII. Hæc porro omnia accuratius recensenda visa sunt, ut quid de antiquioribus Maronitis, eorumque fide sentiendum sit, in tanta Auctorum præsertim recentiorum diversitate, clarius Lectori pateat.

XIX. Equidem Timotheus quidam presbyter Constantinopolitanus, qui vixisse dicitur post sextam synodum generalem, sic loquitur de Maronitis, in opusculo de iis qui accedunt ad ecclesiam, apud Combefis. to. 2. Auctarii Biblioth. Patr. Græcor. pag. 459. Maronitæ, qui quartam, quintam, ac sextam synodum rejiciunt, adduntque hymno Trisagio crucifixionem, ac unam voluntatem unamque operationem in Christo dicunt, appellati sunt Maronitæ à monasterio suo quod Maro nuncupatur in Syria.

Verum observat Assen. to. 1. Bibl. Or. p. 509. col. 2. hæc omnia verba Græculi cujuspiam recentioris foetum esse; idque fieri manifestum ex genuino Timothei textu quem edidit Cotelerius to. 3. Monument. eccl. Græc. pag. 377. (post Combefisianam editionem, cujus me-

Aminit *ibid.* pag. 626.) & ex Gretseri codice quem Combefisius laudat. Ibi enim nulla Maronitarum mentio: quinimo idem Cotelerius in Notis ad illud opusculum, pagina citata 626. de Timothei hujus ætate hæc scribit: *Quem ego arbitror ante Monotheliticam hæresim vixisse, quia illius mentionem non facit.*

XX. Vidimus supra coll. 1. 2. 3. & 4. n. 1. & 11. quid Eutychius Alexandrinus Patriarcha, (qui sedem hanc conscendit ex doctissimo Renaudotio, in *hist. Patr. Alexandr.* p. 346. anno Christi 932.) Willemus Tyrius, idem Renaudot. multique recentiores de Maronitis tradant; quibus si fides habetur, nullus absolvendi Maronitas ab hæresi, saltem Monothelitarum, ante finem duodecimi sæculi, remanebit locus.

XXI. At advertendum est diligenter, non solum Edwardum Pocokium qui Annales Eutychii ex Arabica lingua vertit, fateri in præfatione sua hunc Scriptorem multa fabulosa obtrudere, teste Nairono in *Evopl.* p. 64. sed & ipsummet clarissimum Renaudot. eum passim reprehendere in *historia Patriarc.*

C Alexandr. de gravioribus erratis. Sic à p. 7. usque ad 12. eum falsi convincit in narratione de facta à S. Marco duodecim presbyterorum institutione, ut ad dignitatem Patriarchalem unum ex ipsis reliquorum manuum impositione ordinarent: licet hic de electione non de ordinatione sermonem esse contendat. Sciunt autem omnes quid ex ea Eutychii relatione intulerit Seldenus pro suis presbyterianis: insulse tamen omnino. *Mirum enim est*, inquit Renaud. p. 7. *litterato homini, ut erat Seldenus, venisse unquam in mentem, posse se unius auctoris barbari*

D *qui decimo sæculo scribebat, testimonio evertere antiquissimam, & ecclesiæ coævam de episcopis per tres alios episcopos ordinandis traditionem, aut inauditum alibi, quam apud hæreticos veteres, & quidem paucissimos, dogma de paritate episcoporum & presbyterorum stabilire. Sic rursus ibid.* pag. 76. *Ea colligere quæ Muhamedani de Nicæno concilio chartis illeverunt suis, nemo sustinebit, nisi qui peregrinas ejusmodi merces, ut extrudat facilius, laudandas arbitrabitur, &c. Reliqui aut Eutychium, aut Severum exscribunt . . . . Verum etsi Arabicè*

E *scribentibus nugari impune hucusque licuit, quum illorum in antiqua historia supinitas & ignorantia doctis omnibus dudum explosæ sint, quod Eutychius de suo ad istius bis mille & amplius episcoporum concursum adjecit, ferri non potest, præsertim quum non aliunde quam ex Muhamedanorum lacunis illud haurire potuerit. Ait enim episcopos illos bis mille quadraginta octo, sententias circa religionem habuisse diversissimas; quarum nonnullas enumerat, to. 1. annal. p. 440. & inter eas hæreticorum qui vix Christiano*



nomine censuebantur. Commotum Constantinum A  
eos in varias classes distribuisse, ut inter se dis-  
ceptarent: trecentosque decem & octo Divini-  
tatem Christi asseruisse, ad quorum ipse senten-  
tiam accesserit: unde sequeretur negasse reliquos  
Divinitatem & Consubstantialitatem Filii, quod  
arripuit Arianorum ultimi sæculi impudentissi-  
mus Sandius, ut inde argumenta contra SS. Tri-  
nitatis perpetuam fidem eliceret. Ita Seldenus  
&c. Verebatur quippe ne, si Eutychium qualis  
fuit veris coloribus depingeret, caderet tam gra-  
vis testis auctoritas qua episcopatum subvertere  
nitebatur. Sic etiam *ibid.* p. 80. ex Eutychio B  
*tom. 1. annal. pag. 435.* refert S. Alexandrum  
S. Athanasii prædecessorem, quum vellet abo-  
lere cultum Saturno sub nomine Michaëlis  
exhibitum in antiquissimo Alexandriae tem-  
plo, dixisse ethnicis obstitentibus: *Idolum istud  
nulli omnino rei utile est; quod si festum illud  
Michaëli Angelo celebraveritis, eique victimas  
istas constitueritis, ipse pro vobis apud Deum  
intercedet; majorisque vobis boni causa, quam  
idolum istud, futurus est. Annuientibus ergo illis  
ex idolo confracto crucem fecit: templum vero  
Michaëlis ecclesiam appellavit; estque illa ec-  
clesia quæ Cæsarea vocata est.... consecrataque  
sunt festum & sacrificia Michaëli Angelo.* Unde  
& adhuc Coptitæ in Ægypto & Alexandria,  
eo die festum Michaëli Angelo celebrant, &  
victimas quam plurimas cædunt. Hæc Euty-  
chius, inquit Renaudot. Auctorem neminem  
alicujus dignitatis sequutus, qui tam absurda  
memoriæ prodiderit. Multa alia hujusmodi  
doctissimus vir in narrationibus Eutychii ex-  
plodit, *ibid.* pp. 95. 101. 261. &c. Sed illud  
prætereundum non videtur, quod ille auctor  
scribit de quinta synodo generali *10. 2. annal.*  
*p. 171.* apud eundem Renaudot. *ibid.* p. 147.  
Fuit, inquit, tempore Justiniani Imp. Origenes  
episcopus Manbagensis seu Menbigenis, hoc est  
Hieropolitanus, qui metempsychosin asseruit,  
resurrectionem negans. Fuerat etiam Ibas epi-  
scopus Rohensis, seu Edessenus, Thaddæus  
episcopus Messissæ (legendum Theodorus  
episcopus scilicet Mopsuestiæ quam Arabes  
Messissam appellant) Theodoretusque episco-  
pus Ancyrensis (potius Cyri) qui asseruerunt  
corpus Christi Domini phantasticum fuisse, seu  
imaginarium, nihil in se veri habens. Quorum E  
sententia audita mittens Imperator, ipsos Con-  
stantinopolim accersivit, ipsis cum Eutychio Pa-  
triarcha convenire jussis: Et post pauca subjun-  
git, illos ab ipso excommunicatos fuisse. Jussit  
etiam Imperator indici concilium in quo anathe-  
mate ferirentur &c. Ad quæ Renaud. p. 148.  
quam vero falsa sit hæc Eutychii narratio  
omnes satis agnoscunt. Origenes enim de  
cujus doctrina quæsitum est, & in quem ana-  
thema pronunciatum à synodo, non alius

fuit à famoso illo Adamantio, qui aliquando  
Hierapoli vixisse potuit, sed nunquam illius  
urbis fuit episcopus &c. Illud æque ridicu-  
lum, quod Origenes, Theodorus Mopsues-  
tenus, Theodoretus, & Ibas (imo & Dom-  
nus Antiochenus) tanquam viventes ad  
concilium vocati dicuntur esse, quum ante  
multos annos (hi omnes) esse defuissent: neque  
de metempsychosi, aut veritate resurrectionis  
ullatenus agebatur, sed de Origenis aut Orige-  
ni attributis erroribus; quæ omnia Orientales  
non satis intellexerunt: reliqua spectabant fa-  
mosam de tribus capitulis quæstionem. Ita  
inquam Renaudot. qui his statim subjungit,  
scilicet *pag. seq. 149.* quæ idem auctor effutiit  
de Marone & Maronitis. Ad eadem quoque  
tempora, inquit, referunt Eutychius *tom. 2.*  
*annal. pag. 191.* Ebnassalus, Elmacinus, Ma-  
krifius, & omnes tandem (Eutychio certe  
posteriores, ejusque exscriptores) quoscun-  
que vidimus auctores Orientales, initia hæ-  
resis Monothelitarum, in quo longe abeunt à  
communi Græcorum & Latinorum historia. Illi  
Sergium Constantinopolitanum episcopum,  
& Cyrum Alexandrinum veluti primos illius  
architectos agnoscunt: Orientales Maronem  
quemdam Syrum monachum qui sub Mauricio  
Imperatore vixit, & urbium Hamæ, Kennaferin,  
Awafin, & aliorum vicinorum in Syria locorum  
incolas ad suam sententiam perduxit: cui secta-  
tores ejus eo mortuo monasterium exstruxerunt,  
quod vocatur Maronis, & ab eo dicti sunt Ma-  
ronitæ. Ita Eutychius, Elmacinus, Ebnassalus  
in collectione, Auctoresque de hæresibus varii  
cujuscunque sectæ sint. Cætera quæ subdit Re-  
naudot. habes supra *col. 3. num. 11.* Ex Euty-  
chio autem palam est prompsisse Willelmum  
Tyrium, quidquid de Marone asseruit; ejus  
verba *ibid. n. 1. col. 2.* retulimus, unde impræ-  
sentiarum hæc pauca sufficient: Quum per  
annos pene quingentos cujusdam Maronis hære-  
siarchæ errorem fuissent sequuti, ita ut ab eo  
dicerentur Maronitæ &c. Maronis autem erro-  
rem & sequacium ejus esse, & fuisse (sicut ex  
sexta synodo legitur, quæ contra eos lata esse  
dignoscitur, & in qua damnationis sententiam  
pertulerunt) quod in Domino nostro Jesu-Christo  
una tantum sit, & fuerit ab initio, & voluntas,  
& operatio &c.

XXII. Constare porro videtur S. Maro-  
nem cujus Theodoretus vitam breviter exa-  
ravit, 1.º non fuisse Monotheliticæ hæresis  
parentem, ut-pote qui eam ducentis & for-  
tasse amplius annis præcesserit, licet ei con-  
gruant quæcunque Eutychius & Willelmus  
Tyrius de Marone juxta ipsos Monothelitarum  
antesignano scribunt, eo nimirum defuncto,  
ejus sectatores, ab ejus nomine Maronitas  
dictos, cœnobium extruxisse in ejus hono-



rem, 2.<sup>o</sup> Nec fuisse ulla quacumque hæresi infectum, siquidem hæretici tunc temporis Maronitas ejus fidem profitentes immaniter persequiebantur. In Libello enim viginti quatuor archimandritarum ad Hormisdam Romanum Pontificem hæc habentur, apud Pagium *tom. 2. crit. annal. Baron. ad annum 517. n. 3. p. 497. Severus ille & Petrus . . . . per singulos dies sanctam Chalcedonensem synodum, & sanctissimum & beatissimum Patrem nostrum Leonem publico anathemate impetentes . . . & nos cogentes illudere prædictam sanctam synodum suppliciis inæstimabilibus affligentes, euntibus nobis ad mandram Domini Simeonis pro causa ecclesiæ, insidiati sunt nobis in itinere . . . & supervenientes occiderunt ex nobis CCCL. (quorum meminit Martyr. Rom. ad diem 31. Julii, his verbis; In Syria sanctorum trecentorum quinquaginta monachorum Martyrum, qui ob defensionem synodi Chalcedonensis ab hæreticis occisi sunt) quosdam autem vulneraverunt, alios vero qui potuerant ad colenda altaria fugere ibidem peremerunt, & monasteria incenderunt. De hæreticorum similiter infestationibus conqueruntur monachi Syriæ &c. in supplicatione ad Joannem Patriarcham Constantinopolitanum, & synodum ab eo congregatam contra Severum, cui supplicationi subscripsit inter alios Joannes monachus monasterii beati Maronis, *to. 5. conc. Labb. edit. Paris. 1671. coll. 158. 159. & 162.* Et rursus in altera ad Mennam Patriarcham, quæ extat *ibid. act. v.* synodi ab eo celebratæ Constantinopoli anno 536. cui supplicationi inter alios subscripsit Theodorus *col. 131.* in hunc modum, *Theodorus Dei misericordia presbyter & prior monasterii Maronii.* Legitur quoque *ibid. col. 115.* subscriptio Pauli, in hæc verba. *Paulus Dei misericordia diaconus & legatus monasterii beati Maronis principalis venerabilium monasteriorum secundæ Syriæ, faciens sermonem pro omnibus archimandritis & monachis secundæ Syriæ, supplicavi & porrexi.* Et iterum *col. 250.* subscriptio Alexandri primo loco, *Alexander presbyter & archimandrita monasterii beati Maronis.* Quum igitur, inquit Pagius *tom. 2. citato ad annum 117. num. 4.* admiranda pro Catholica religione horum monachorum Maronitarum facinora in dies magis ac magis elucerent, & quæ aspera in fide, ac difficilia videbantur, eximii illi viri doctrina sua plana facerent; ea fuit illorum fama, ut Syri Christiani, qui nunquam à recto tramite desciverant, & fidem illam quam ab Apostolis ad illa usque tempora retinuerant, illibatam volebant servare, ad eos monachos tanquam ad præceptores confluerent, & eorum S. Maronis cœnobio, etiam ipsi dicebantur Maronitæ.*

XXIII. Quod spectat ad narrationem Euty-  
chii, Willelmi Tyrii, & cujusvis alterius recentioris, qui Maroni & Maronitis Monothelismi exortum attribuerunt, observat Assen. *to. 1. Bibl. Or. pp. 506. col. 2. & 507. col. 1.* in primis falsum esse hanc hæresim sub Mauritio Imperatore emerisse, ut scribit Eutychius; non enim sub eo, neque sub Phoca successore ejus erupit, sed sub Heraclio circa annum Christi 628. auctoribus Sergio Constantinopolitano, Cyro Alexandrino, ac Theodoro Pharanita: id docent Acta sextæ synodi generalis, concilium Lateranense sub S. Martino Papa, S. Sophronius Hierosolymitanus, S. Maximus abbas, S. Joannes Damascenus, Theophanes, Cedrenus, Zonaras &c. apud quos ne vestigium quidem Maronis occurrit. Deinde ejusdem falsitatis esse sextam synodum propter errores Maronis reprobandos fuisse coactam, aut ipsum in illa fuisse damnatum. Nullus enim in ea synodo Maroni, aut Maronitis locus, nulla eorum mentio in catalogo hæreticorum ibi confecto, quantumvis ejusdem synodi Patres in perquirendis Monothelismi magistris & fautoribus omnem navarint operam. Nec Eutychius profecto, aut quis alius Eutychio recentior, verba sunt Assen. *ibidem p. 507. col. 1. oculatissimus licet, & in historia ecclesiastica apprimè versatus, tribus & amplius post exortum Monothelismum sæculis, id videre potuit, quod æquales Monothelitarum primipilis Patres non viderant, quod historici eorum temporum scriptores non annotarant, quod denique à septimo usque ad decimum sæculum, in nullis, sive sacris, sive prophanis monumentis legitur.*

XXIV. Non leviter prætereundum, si illi ipsi Eutychio quo ad factum sequens fidem habeamus, ex eo constare Maronitarum nomen Monothelitica hæresi esse antiquius, communiterque antea datum, non solum monachis cœnobii S. Maronis, sed iis etiam populis qui ejusdem cum illis fidei Catholicæ professione jungebantur. Id profecto plusquam probabile est ab Eutychio minime fuisse intentum, ut-pote quo sua de Marone & Maronitis fabula penitus explodatur. Narrat itaque de Heraclio, apud Faust. Nairon. *in dissert. de origine &c. Maronitar. pag. 36.* Anno nono Imperii ejusdem (proindeque anno Chr. vel 618. à die 7. mensis Octob. incipiente, qua anno 610. Heraclius inauguratus est Imperator, vel sequenti 619. usque ad eundem mensem, tribus vero, annis constantissime ante ejusdem Imp. anno 622. cum Paulo Severiano de una Christi voluntate colloquium, à quo repetitur exordium Monothelismi) qui & Hegiræ nonus (fallitur, nam Hegira incepit mense Julio anni Christi 622.) Constantinopoli egressus est He-



raclius, Hierosolymam tendebat, quo videret A quid in ipsa devastassent Persæ (capta fuerat à Persis, anno ejus 4. Christi 614.) Ut autem Hemsum (Emesam) pervenisset, (erant autem ea ætate Emesæ cives, Acephalorum & Monophysitarum infecti erroribus, quos ubique sparserat Severus Antiochiæ Patriarcha cum suis sectatoribus) noluerunt ejus incolæ ipsum recipere, dicentes ipsi, Maronita tu es, ac religionis nostræ adversarius: illis ergo relictis ad monasterium Maronis abiit, in quo qui erant monachi egressi obviam ipsi profecti sunt: fuit autem Heraclius Maronita, multasque illis B opes contulit, agro etiam donato monasterio, adeo ut prospere se haberent res eorum. Si verum est factum istud, ex eo manifestum fit, ante exortam Monothelitarum hæresim, Maronitæ nomen publicam fuisse orthodoxæ professionis tesseram, qua in Syria ab hæreticis discriminabantur quotquot monachis cœnobii S. Maronis communione Catholica conjuncti erant. Nondum enim tunc temporis Heraclius qui Persis bellum inferebat, Monotheliticam hæresim in Monophysiticæ sinu adhuc latentem susceperat propugnandam: Catholicus erat apprimere, & Scriptores eum communiter tradunt fuisse ideo divinitus protectum ut Persas tantis cladibus afficeret, lignumque sanctæ Crucis recuperaret. At non dissimulandum ab Eutychio citari epistolam Joannis IV. Romani Pontificis ad Heraclium & Constantinum Imperatores, ex qua hæc refert Naironus in Evopl. pag. 64. quod per annos circiter octodecim dicatur Cyrus Patriarcha Alexandrinus Maronis sententiam amplexus, videlicet Domino nostro Jesu-Christo esse naturas duas, voluntatem unam, atque D operationem unam. Et inferius: Qui autem asserunt duas esse naturas, & voluntatem unam divinitatis Christi, & humanitatis ipsius, nec non operationem unam, errant illi instar Maronis maledicti. Sed contendit idem Naironus, in ea ipsa Joannis Papæ epistola, quæ legitur tam in codicibus conciliorum Arabicis, quam in collectaneis Anastasii Bibliothecarii, apud Baronium quoque, & Bellarminum, nullam fieri Maronis mentionem. Subdit etiam in Later. concilio sub Martino I. secret. 3. expresse nominari Theodorum Pharanitam, ut E qui Monotheliticæ fuerit hæresis parens, alto pariter de Marone aut Maronitis servato silentio. Mirum profecto subit, si Maro Monothelitarum primus extitit auctor, si ex eo hujus hæresis sequaces vocati sunt Maronitæ, quasi id nomen esset Monothelismi singulariter protestativum, cur Patres, cur Concilia, cur historici, tanti hæresiarchæ non meminerint: cur Maronitas non computent inter præcipuos Monotheliticæ hæresis assertores.

Cur S. Joannes Damascenus, qui in hæreticorum catalogo, non tantum Monothelitarum hæresim, sed eos etiam memorat & accurate describit qui illam propugnaverunt, Maronem hujus hæresis architectum, ejusque asseclas Maronitas prætermiserit: cur eosdem Maronitas, licet se ab eis sejungi, ob appendicem Petri Fullonis quam in Trisagio admitterant, quibusdam in locis testetur, Monophysitis tamen, aliis-ve hæreticis, minime accensuerit, ut supra insinuatum est n. XVII. col. 22.

XXV. Assiemanus tom. 2. Bibl. Orient. pp. 291. & seqq. analysim faciens operum Gregorii Bar-hebræi Maphriani Jacobitarum, inter illorum scriptores celeberrimi, qui obiit anno Christi 1286. hæc scribit ab eo tradi in libro theologiæ ubi catalogum hæreticorum texuit: *Sciendum est has omnes sectas quas supra recensuimus (ad triginta) absurdissimas hæreses esse, quum naturam corrumpant, & Christiano dogmati ethnica opiniones misceant: ac propterea Deus, cujus gratiæ laus esto, eas radicitus extirpavit. Reliquæ vero, quæ hodie in mundo obtinent sectæ (de orthodoxa loquitur, & Jacobitica, & Nestoriana, & Monothelitica, quasi circa meras theologorum opiniones dividerentur) quum omnes de Trinitate & incolumitate naturarum ex quibus est Christus, absque conversione & commistione, æque bene sentiant, in nominibus unionis solum secum pugnant.* Et rursus de Græcis & Maronitis ibid. p. 292. col. 2. *Quidam igitur naturalem ac hypostaticam unionem fatentur, ut Jacobitæ Syri, Ægyptii, Æthiopes & Nubæ (qui sunt populi Libyæ ad sinistrum Nili flexum) Armeni vero, etsi Juliani (Halicarnassæi de incorruptibilitate corporis Christi per vitam mortalem) sententiam in quibusdam amplectuntur, non tamen omnino ei consentiunt. Alii autem unionem dicunt non naturalem, neque hypostaticam, sed personalem duntaxat, ut Nestoriani potissimum. (Nestoriani scilicet Syri, inquit Assem. ibid. in nota 2. discrimen ponunt inter has duas voces Knuma & Parsupa: & Christo quidem duas naturas, duasque Knumas tribuunt, non tamen duas Parsupas. Parsupa autem ex Græco Περσῶν derivatur, Knuma autem hypostasim significat) Alii vero mediam viam eligentes, hypostaticam quidem, non naturalem unionem affirmant, ut Græci, Romani, Melchitæ Syri, Maronitæ Syri, Iberi, Russi, & Alani. Et Romani quidem, hoc est Franci, in hoc ab aliis dissentiunt quod Spiritum sanctum ex Patre & ex Filio procedere dicunt. Maronitæ vero in eo ab omnibus discrepant, quod unam voluntatem, unamque operationem duabus naturis tribuunt, non duas voluntates, nec duas operationes. Sed & Græci omnes usque ad Maximi*



*Maximi monachi, & Theodorici Haranitæ* (Theodorum Abucaram intelligit Carix archiepiscopum, qui multa adversus Nestorianos, Jacobitas, Monothelitas, & Saracenos scripsit) & *Joannis Damasceni ætatem*, unam voluntatem, unamque operationem dixere. Nestoriani vero duas voluntates libere affirmant & negant, utroque enim pede claudicant, quum in antiquis eorum libris nil horum legatur, nosque plures ex eorum sapientibus audivimus unam duabus naturis, hypostasibusque voluntatem asserentes. Hucusque Bar-hebræus, qui in eo quod asserit de hæresi Monothelitarum à Maronitis propugnata suo tempore, falsi convincitur solo Willelmi Tyrii, de quo inferius dicendum, testimonio. Si enim anno Christi 1182. Maronitæ ad ecclesiam reversi sunt, quomodo sæculo sequenti quo vivebat Bar-hebræus, Monothelismum adhuc publicè profitebantur? Id igitur, non ex propria scientia scripsit, sed sumpsit ex Eutychio, vel ex aliquo alio simili auctore. Nec veriora videntur quæ de Græcis idem affirmat, nisi forte Græcos intelligat Patriarchatus Antiocheni, ubi jacta à Machario Monothelismi semina aliquandiu potuerunt pululare. Quamvis autem Bar-hebræus sic infulse Maronitis Monotheliticam imposuerit hæresim, iis tamen suam Jacobiticam nunquam attribuere ausus est: de iisdem enim loquens in libro Radiorum, quod est Theologiæ compendium, *part. 3. de Incarn. Dei Verbi*, apud Assemanum, *tom. 2. Biblioth. Orient. pag. 297. & seq.* postquam sectæ suæ de una Christi natura exposuit sententiam, Maronitarum objectionem qua impetebatur, conatur diluere. Verba subjicio quibus identidem perspiciet lector in quo à Catholicis differant Jacobitæ. Objection: *Si salvæ sunt significationes discriminis naturalis in Domino nostro, quomodo duas non habebit naturas? Si vero eæ haud salvæ sunt: en permissionem & confusionem naturarum, quod est absurdum.* Responsio: *Etiam in anima & corpore salvæ sunt, & tamen una est natura hominis vivi rationalis, non duæ.* Instantia: *Si in substantiæ æqualitate unam substantiam dicitis; consubstantialis igitur erit caro Verbo, quod est absurdum: si inæqualis in substantia; duæ igitur sunt naturæ.* Responsio: *Non unam simpliciter naturam dicimus, sed unam naturam ex duabus naturis substantialiter diversis.* Objection: *Si consubstantialis est Patri, idemque consubstantialis Mariæ, quomodo duas non habebit naturas, quibus utrique inæquali æqualis sit?* Responsio: *Duplex est illa una natura, non simplex: secundum diversas igitur ejus significationes inæqualibus illis ipse æqualis est.* (Mireris obiter datam ab eo scriptore Jacobiticæ de una Christi natura

Tomus III.

A doctrinæ expositionem professioni orthodoxæ sic similem, ut de solo fere nomine lis tota esse videatur. *Naturam quippe duplicem* dicit in Verbo Incarnato, quam nos *duas naturas* in una hypostasi appellamus. Verum quum duplicem eam naturam *unam* esse contendit, manifestam obtrudit contradictionem; siquidem naturam utramque perfectam & completam asserit, simulque affirmat eas esse ad invicem instar animæ & corporis in nobis, quæ sunt videlicet substantiæ incompletæ rationem partis habentes, ex quibus divina ordinatione una coalescit & componitur natura humana.) Paucis autem interjectis hanc Maronitarum objectionem adducit idem Bar-hebræus, ex qua luculenter ostenditur eos Jacobitis minime assentiri. *Dum tibi objicit Maronita: Deitati necesse est naturam inesse. Hæc igitur una natura, quam in Christo fateris, si Deitatis est, ubinam erit natura humanitatis? &c.* Porro observat Asseman. *ibid. p. 298. in not. 1.* in codice suo Syriaco pro *Maronita* scriptum fuisse *Chalcedonensis*: At ejusdem codicis scriptorem, loco *Chalcedonensis*, reposuisse *Maronitam*, & in margine hanc adjecisse notam; *hoc propria manu illius clarissimi viri* (id est, Bar-hebræi) quasi diceret: *ita legi in autographo.*

XXVI. Gravius faceffere videntur negotium adversus veterum Maronitarum fidem orthodoxam, quæ supra num. 1. retulimus ex Willelmo Tyrio *lib. 22. Belli sacr. cap. 8.* scilicet anno Christi 1182. Maronitarum gentem ad quadraginta & amplius hominum millia, hæresim Monotheliticam aliosque errores ejurasse, & sanctæ Romanæ ecclesiæ communionem esse amplexam. *Interea*, inquit, *dum regnum pace, ut diximus, gauderet temporali, natio quædam Syrorum in Phœnice provincia circa juga Libani juxta urbem Bybliensum habitans..... quum per annos fere quingentos cujusdam Maronis hæresarchæ errorem fuissent sequuti, ita ut ab eo dicerentur Maronitæ, & ab ecclesia fidelium sequestrari seorsim sacramenta conficerent sua, divina inspiratione ad cor redeuntes, languore deposito, ad Patriarcham Antiochenum Aymericum, qui tertius Latinorum nunc eidem præest ecclesiæ, accesserunt, & abjurato errore quo diu periculose nimis detenti fuerant, ad unitatem ecclesiæ Catholicæ reversi sunt, fidem orthodoxam suscipientes.... erat autem hujus populi turba non modica, sed quadraginta millium dicebatur excedere quantitatem, &c.* Maronis autem error, & sequacium est, & fuit, sicut ex sexta synodo legitur, quæ contra eos lata esse dignoscitur, & in qua damnationis sententiam pertulerunt, quod in Domino nostro Jesu-Christo, una tantum sit, &

C



fuerit ab initio voluntas & operatio. Cui articulo.... multa alia perniciofa nimis, postquam à cœtu fidelium segregati sunt, adjecerunt &c. Licet enim palam sit eum, quæ de Marone seu Monothelismi auctore scribit, ab Eutychio hausisse, nec proinde majorem fidem mereri ac mereatur ille auctor; quod præterea asserit synodum sextam generalem contrahunc Maronem & ejus asseclas fuisse congregatam, & in eorum actis legi eorum condemnationem, constet esse per falsum, quum in iis de Marone aut Maronitis ne verbum quidem occurrat: pari tamen jure rejici non potest ejus testimonium de reversione Maronitarum ad ecclesiam suo tempore, & fere sub ejus oculis, Tripoli nimirum, quum ipse Tyri moraretur. Hinc etiam tanta fuit hujus scriptoris ea in re apud recentiores plurimos magni nominis auctoritas, ut contra eam quidquam reponendum alicujus momenti inficeretur.

XXVII. Verum Faustus Naironus Maronita, in dissertatione de origine, nomine, ac religione Maronitarum, num. 16. pag. 21. & seqq. num. 47. pag. 67. & seqq. & num. 62. pag. 87. & seqq. & in Evopl. fidei Catholicæ cap. 4. à num. 7. pag. 63. ad num. 23. p. 80. fatetur quidem id quod narrat Willelmus Tyrius esse verum de quadam Maronitarum parte, quæ ab aliquot duntaxat annis seducta in errorem Monotheliticum inciderat; sed non de natione tota. Sic igitur ex gravioribus suæ ecclesiæ monumentis, scribit hanc perversiorem contigisse. Hic insurgent, inquit in dissertatione præfata, pag. 107. fortasse scriptores ex recentioribus, & asserent Maronitarum historias pro præsentis instituto suspicioni esse obnoxias, ac nullius ad probandum momenti, quum suorum in gratiam & laudem loquantur. At, amabo, res Maronitarum quis nosse verius potest ipsis Maronitis? An Romanorum historiæ nulla habenda est fides, quia est à Romanis conscripta? An præclare gesta per Francos repudianda sunt, quia sunt à Francis annalium commendata memoriæ? Adde quod hæc non sint à Maronitis unis conscripta, sed habeantur etiam ex aliorum libris, ipsorum etiam hæreticorum qui acerbissimis Maronitas odiis, non hodie tantum, sed olim propter orthodoxam fidem vexarunt. Hucusque Faustus Naironus, qui rursus in eadem dissert. n. 49. pag. 69. & seqq. Willelmi Tyrii allatum testimonium expendens præmittit: juvat ad totius (hujus facti) dilucidationem audire quæ in Maronitarum chronicis, ac præsertim in Gabriële Qlai inter Maronitas doctrina ac sanctitate illustri de præsentis instituto exarata inveniuntur, quorum exemplaria extant inter libros Abrahami Ecchellensis, & concordant

cum aliis quæ egomet in Libano præ manibus habui. Hic Gabriël nonnulla opera de sacramentis soluta oratione, aliaque de Orientalium historiis carmine exaravit. In Poëmate autem in quo recenset hæreticos qui aliquem errorem inter Maronitarum gentem disseminare curarunt, nominat Thomam quemdam Hharanitæ Syrum archiepiscopum Kfartab, Quos, inquit, sequutus est Thomas ex Hharan, qui in provincia Aleppensi erat metropolita. Hic quamvis natus & educatus fuisset in civitate Maredin in Mesopotamia ad Tigridis fluvium, quæ urbs Jacobitarum est Patriarchalis sedes, etsi in ea nonnulli Nestoriani versantur; nihilominus Jacobitica religione relicta, Monotheliticam (quæ, ut supra dictum est, Jacobiticæ germen fuit, & ad eam in ecclesiam introducendum adinventum) tanto ardore amplexus est, ut Joannes Patriarcha Antiochenus Græcorum, ne is error, qui tunc extinctus in Syria videbatur, iterum revivisceret, imminenti malo citius consulturus, variis scriptis, ac præsertim epistola, eum confutaverit per SS. Patrum & conciliorum auctoritatem, illumque insuper anathemate ferierit. Hæc controversia cœpit anno Græcorum 1400. prout legitur in præfat. libelli decem propositionum, quas Thomas ille adversus eundem Joannem compilavit, hoc modo: Anno Alexandri filii Philippi Græcorum 1400. epistolæ ac scripta mutuo processerunt Antiochiæ inter Joannem Patriarcham Græcorum, & Thomam archiepiscopum Kfartab diocesis Aleppensis: eratque quæstio circa professionem duarum voluntatum in duabus naturis in Incarnatione Domini nostri; quumque inter eos multiplicata fuissent epistolæ, Joannes Patriarcha Antiochiæ scripsit epistolam prolixam, eamque misit cum nuntio ad Thomam, in qua defendendo se, demonstrat eum, qui non profitetur in Domino nostro Jesu-Christo duas voluntates, deficere à fide, & execrabatur professionem Thomæ unius voluntatis in Domino nostro Jesu-Christo. At in ea epocha 1400. quæ anno Christi 1088. à Kal. Octob. & seq. anno 1089. corresponderet, mendum irrepsisse observat doctissimus Pagius in crit. annal. Baron. ad annum 1109. p. 307. col. 1. legendum vero 1420. qui incipiens Kalend. Octobris anni Christi 1108. anno sequenti 1109. decurrebat, quo reipsa Thomas, ut modo dicetur, ad montem-Libani profectus est.

XXVIII. Thomas igitur huic epistolæ aliam opposuit in decem propositiones divisam, quæ extat inter libros Abrahami Ecchellensis, cod. 14. apud Assen. 10. 1. Bibl. Or. p. 576. col. 1. in qua, variis adductis ex scriptura & SS. Patribus testimoniis, unicam in Christo



Domino esse voluntatem & operationem probare conabatur, eamque per nuntium ad præfatum Joannem misit, qui *jussit eam comburi..... ne fides populi ex ejus lectione corrumpetur, &c.* Quum autem nunciatum fuisset Thomæ Joannem ejus epistolam dedisse igni, eam in meliorem formam rescripsit, & postquam ad valvas suæ ecclesiæ affixisset, ad montem-Libanum se contulit, &c. ratus se ibi per medium annum duntaxat permansurum: sed evenit statim ut Franci tunc aggredierentur Tripolim Syriæ, ut eam expugnarent, prout eam expugnaverunt (quod contigit anno Christi 1109. ut narrat Fulcherius lib. 2. histor. Hierosol.)

Permansit itaque Thomas per quatuor annos in Giobbet Januhh, & postea rediit in Giobbet Bsciarrai, ubi mansit per biennium. Interim nactus occasionem Maronitas ad suam Monotheliticam hæresim alliciendi, dixit illis se quoque esse Maronitam, & Maronem idem cum ipso sensisse, quod Eutychii Alexandrini historia probabat, quemadmodum legitur in ejus tertia & quarta propositione, in quarum postrema subdebat S. Maximum primum fuisse auctorem dogmatis duarum voluntatum in Christo sub imperio Marciani. Stetit Maximus, inquit, coram Imperatore Marciano, ac ejus fratre, eisque consilium dedit, dicens: *necesse est, ut addamus aliam voluntatem, ut sint duæ voluntates in duabus naturis.* Nemo nescit sanctum Maximum qui Monothelitas scriptis exagitavit, centum & quinquaginta annis post Marcianum Imperatorem natum esse, anno scilicet 605. juxta Baronium, quum Marcianus vixerit tempore concilii Chalcedonenfis anno Christi 451. celebrati. Porro id ex cerebro fingeat Thomas, sicut & quod addidit, Heraclium à Leone Papa compulsum, in Maximum sæviisse. Scripsit Heraclius, inquit ibidem, ad Patriarcham Leonem Papam Romanum, & accusavit Maximum de nova ejus assertionem absque ulla vera auctoritate. Quum igitur hæc epistola ad Patriarcham pervenisset, responsum dedit Heraclio: *Benedicat Dominus noster imperium Heraclii, ejusque augeat fidem. Quicumque hanc assertionem emisit, & sparsit, corrumpitque fidem rectam & scissionem ac schisma invexit inter fratres fideles, dignus est cui lingua ac manus abscindantur.* His Patriarchæ rescriptis quæ Heraclius summo receperat cum honore, Maximum ad se coram adduci jussit, eique amputari linguam ac manum, eumque in insulam, quæ vocatur Rachie, ablegavit. Quæ enarratio scripta est apud nos, & vos, in libro Eutychii filii Patricii. Nihil simile scripserat Eutychius, quantumvis innumeras obtrudat fabulas. Nam tom. 2. annal. in Califatu Moaviæ sub Imperio Constantini Heraclii nepotis qui Constantinus communis nuncupatur, de Maximo

Tomus III.

loquens, ait: *Erat tunc temporis monachus quidam sanctus nomine Maximus.* Nec ullibi memorat ab Heraclio, pro Monothelitarum causa, vel Maximum, vel quemquam alium male habitum fuisse; nullum etiam constat eo imperante Leonem sedisse Papam. Eutychius, quantum ad hoc, cum aliis convenit scriptoribus, gravem hanc persecutionem motam sub Constante præfato qui anno Christi 641. regnare cœpit. Non asserit quoque Maximum opinionis duarum voluntatum parentem esse.

XXIX. Hoc nihilominus libello Thomas, aditum ad plebem primum imperitam, deinde ad aliquot etiam de clero Maronitarum quos minus eruditos repererat, sibi aperuit. Ac quidem declamavere, inquit idem Naironus in Evopl. pag. 69. tum Joseph Maronitarum Patriarcha, qui scriptis ad eundem litteris in nova ejus dogmata invectus est, tum etiam Arsenius metropolita Accurensis, missa ad eundem epistola. Verum quum ebibisset venenum hæresis quidam Farisciaia archipresbyter diocesis Bsciarrai, is ipsum instantissime rogavit, ut suum tractatum decem propositionum, multiplicatis exemplaribus, in vulgus late spargeret. Qui ergo Maronitarum hanc Thomæ doctrinam incaute tunc amplexi sunt, epistolam ejus disseminari curarunt per totam gentem, multosque eorum libros ecclesiasticos data opera, varia in illis addendo atque delendo depravarunt: unde præfatus Gabriël Qlai in eodem Poëmate, apud Naironum in dissertatione de origine, &c. Maronitarum pag. 82. ait: *Post illum (Thomam) in lucem emerfit Ebn-Sciehban, & cœpit describere, & docere pueros, seminavit inter Maronitas errores, eorumque libros zizaniis implevit.* Et rursus: *Filius Hhosen erat ex Hhatscit (est quoddam Libani oppidum in Giobbe) qui decepit populum Kfariafcit (est aliud Libani oppidum) scripsit, & mutavit preces: & brevi temporis intervallo in aliis oppidis idem virus diffusum est, quo demum Patriarcha, alius profecto à Josepho præfato eoque longe posterior, sese infici permisit, ut legitur in chronico Maronitarum, apud eundem Naironum ibidem, pag. 83. his verbis: Quoniam Patriarcha venenum hauserat, missis, ad labefactandum ipsum, muneribus, quantum ore capere voluit. Quapropter inito inter Maronitarum primates tam ecclesiasticos, quam sæculares consilio, decreverunt una sententia ab ejus se communione sejungere: sic enim prosequitur idem chronicon, cujus subditi, ac regiones, Patriarcham à suo segregarunt consortio, nec postea præstiterunt ei obedientiam, nec illum in regionibus acceptarunt.* Immo eo pervenit illorum zelus erga religionem orthodoxam, ut ipsum deposuerint, aliumque in

C ij



eius locum suffecerint. At depositi Patriarchæ sectatores novum Patriarcham interfecerunt, & combusserunt corpus ejus: *Præfatus Patriarcha mortuus est depositus, & elegerunt Patriarcham in Hhgiula: qui mortuus est Martyr interfectus, eumque combusserunt. Testificati sunt contra eum quadraginta Christiani* (ii nempe qui lue Monotheliticæ hæresis imbuti erant) *fidem ejus* (suo errori contrariam) *non fuisse rectam, aliaque falsa protulerunt.* Ita præfatum chronicon. Post necem hujus Patriarchæ Catholici, divisi sunt inter se Maronitæ pro eligendo novo Patriarcha: iis autem præsto fuit Haymericus Latinorum Patriarcha Antiochenus, quumque omnia pacasset, eos qui schisma invexerant, vel sequuti fuerant illud, ad obsequium fidei reduxit, & auctoritate Romani Pontificis, à vinculo excommunicationis quam ob patratum in Patriarcham immane delictum incurrerant, absolvit. His peractis Maronitæ ad electionem novi Patriarchæ integerrimæ fidei unanimiter concurrerunt: sic enim legitur in eodem chronico, apud præfatum Naironum in *dissertatione de origine, &c. Maronitarum, pag. 85. Extinxit illud venenum Haymericus bonæ memoriæ. Objurgavit eos palam apertis verbis: obedierunt ei, & à Romana Sede benedictionem eis mittendam curavit; & elegerunt sibi Patriarcham, qui habitavit in ecclesia beatæ Virginis in Habil* (quod est Libani oppidum) & observabat quidquid erat in Evangelio: erat pariter in exponendo peritus, ac varia de fide carmina composuerat. Et firmi steterunt in fide Maronis (quæ proinde Catholica erat) & superbi humiliati sunt, & adversarii pacem inierunt. Multo certe facilius intelligitur homines nondum maximo numero seductos, & paucis adhuc à seductione illa annis, avitam fidei veritatem resumpsisse, quam totam gentem ad 40000. & amplius homines à quingentis fere annis hæresim Monotheliticam profitentes sola inspiratione interna, nullo instigante, nullo instruente, ad fidem Catholicam convolasse. Vide infra ubi de Patriarc. XXIX. & seqq. Hæc tamen partis Maronitarum reversio ansam Wilhelmo præbuit scribendi totam gentem Maronitarum ab errore Monothelitico ad fidem orthodoxam reductam esse anno 1182. opera Haymerici Patriarchæ Latinorum Antiocheni. Quum enim accepisset Tyri, ubi morabatur, Maronitas schismatis Thomæ sectatores errores abjurasse apud Haymericum, & pace facta, Maronitas omnes Romanam fidem professos fuisse; opinatus est totam Maronitarum gentem antea Monothelitico errore fuisse infectam, ita ut universæ attribuerit, quod parti solum acciderat: nisi etiam fortassis ab aliquo ex Maronitis schismaticis, qui ad eum venisset, fuerit deceptus. At vix excusari potest ille

Auctor quum tradit contra Maronitas collectam fuisse sextam synodum generalem, & ab ea damnatos cum suo duce Marone, de quo in ea synodo, ut supra dictum est num. 26. ne verbum quidem extat. Porro non est æquum, verba sunt Naironi in *dissert. præfata p. 119.* ut propter aliquorum defectionem dicatur natio defecisse: nam, quæsiō, si parva conferre cum magnis licet, nullus prudenter scriberet Christianissimum Franciæ Regnum, ecclesiæ Catholicæ decus & propugnaculum, ab ea aliquando defecisse, quia sæculo XVI. Calvinī hæresim, non principes modo multi sæculares, sed etiam ecclesiastici aliquot, repugnantibus regibus & maxima principum aliorum parte, amplexi sunt, & debitam Romanæ ecclesiæ obedientiam negarunt.

XXX. Maronitarum autem, ante hoc tempus, de duabus in Christo voluntatibus fidem fuisse omnino orthodoxam colligit idem Naironus in *præfata dissertatione p. 89.* ex David archiepiscopo hujus gentis qui florebat anno Græcorum 1370. id est Christi 1059. ad quem eo anno scripsit epistolam Joseph Abbas, illum rogans ut ex Syriaco Arabici juris faceret ecclesiasticas Orientalium Syrorum constitutiones, quæ epistola extat, tum initio earundem constitutionum fervatarum Romæ in Bibliotheca collegii Maronitarum, tum cod. 76. Arab. apud Affem. 10. 1. *Bibl. Orient. p. 629. col. 2.* Is enim capite primo ejusdem textus sic loquitur: *Græci concordant cum Maronitis in prolatione duarum voluntatum, & Maronitæ asserunt duas voluntates consequentes duas substantias divinam & humanam.* Observat nihilominus in eodem capite, eos qui in Christo duas voluntates agnoscunt, unam etiam aliquando in ipso adstruere voluntatem; sed tunc nomine voluntatis intelligere concursum utriusque voluntatis in idem objectum per conformitatem & consensum; non vero unitatem potentiæ seu facultatis & operationis quam duplicem fatentur, divinam videlicet & humanam: *Nam fieri nequit quod istæ duæ voluntates quæ sunt in Christo, non sint, vel contrariæ, vel concordēs: si enim sint concordēs in omni earum statu, rediret quod sint una consensu, eo quod earum volitio una sit: si vero sint contrariæ, consequetur quod substantia divina velit quod non vult substantia humana: similiter substantia humana, quod non velit divina; si autem hoc consequetur, accidet separatio, & contradictio, & erunt duo (Christi) & cessabit judicium unionis.* Eodem modo sese explicat auctor collectaneorum Maronitarum, interrogatione 12. apud eundem Naironum in *dissert. citata pag. 94.* Addit Affem. 10. 2. *Bibl. Orient. p. 293.* in vetustissimis Maronitarum Kalendariis recoli memoriam sextæ synodi, & omnium fere sanctorum qui



Monothelismum impugnarunt acrius, ut A Sophronii Hierosolymitani 13. Mart. Andreæ Canonographi 4. Jul. Maximi Conf. 13. Aug. Martini 3. April. contra vero nullum ex Monothelismi patronis in eo Calendario locum habere. Ex quo inferendum putat Maronitarum gentem nunquam adhæsisse totam hæresi Monothelitarum.

XXXI. Non refragatur tamen Naironus in *dissert. præfata pag. 96.* quin, juxta quod scripserunt Philippus Mazerius in vita sancti Petri Thomæ, & Raynaldus ad annum 1445. num. 21. quidam ex Maronitis schismaticis qui hæresim Monothelitarum amplexi fuerant, eam in Cyprum insulam adsportaverint, ibique multorum corruerint fidem; perseveraveritque virus inter aliquos usque ad Eugenii IV. pontificatum; sub quo Elias episcopus schisma & hæresim apud Andream episcopum Colossensem & nuntium apostolicum ejuravit. Vide supra quod de bulla *Benedictus Deus*, ea occasione ab Eugenio IV. data dictum est num. v. col. 5.

XXXII. Schismate sedato, quod Thomas Hharanita inter Maronitas excitarat, aliud suscitare molitus est quidam Ebn-Sciehbhan, de quo hæc leguntur in chronico jam pluries citato. apud Nairon. in *dissert. præfata p. 99.* *Ebn-Sciehbhan erat ex Hardin... Græcus, qui postea factus est Maronita. Venit ad illum socius infamis.... Esau, archiepiscopus: & docuerunt signum crucis uno digito faciendum, & condemnandum esse concilium quartum, Papam Leonem, & Imperatorem Marcianum.* Præterea ex eodem chronico, apud præfatum Naironum in *cit. dissert. pag. 100.* *Dæmon omnis deceptionis parens quum perspexisset Maronitarum populum exultantem, eique invidens, illum mæstitia affecit duorum monachorum opera. Primus erat ex oppido Januhh, alter vero ex Barnebulh: amboque diabolico afferebant spiritu, Christum non habuisse animam, neque pati, neque sentire potuisse. Horum rebellio quum ad Papam pervenisset, misit nuntios ut eos reconciliaret, quos Patriarcha, cujus nomen erat Lucas ex oppido Bnehran, noluit admittere. Eos pontifex excommunicavit.... ideoque schisma propter duos illos emerfit: Quod mansit usque ad electionem Hieremiæ ejus successoris. Is enim, constituto*

tarum, ubi post exortarum contentionum descriptionem inter hujus nationis magnates ob præfatum schisma, subditur principem quemdam seu regulum (ut vocant) in provincia Bybliensi, instanter petiisse ab Hieremia Patriarcha, ut Romam se conferret, & obtineret à summo pontifice excommunicationis absolutionem pro his qui eam incurrerant. Venit itaque Romam Hieremias, ut dictum est, ac perhumaniter ab Innocentio III. exceptus fuit, qui ei concessit cuncta ad votum. Quum vero quinque annos & sex menses Romæ moratus esset, licentiam redeundi obtinuit. Misit cum eo summus Pontifex Cardinalem Willelmum cum omni potestate, suoque sigillo, ut scriberet fidem populi Montis-Libani. Anno itaque *Incarn. Dominicæ*, (ex præfato chronico apud eundem Naironum in *dissert. pag. 106.*) 1215. (Fuit nostro computo 1216. si Hieremias interfuit concilio Lateranensi) *die 3. mensis Januar. egressus est Roma exultans* (Hieremias Patriarcha) *pervenit Tripolim mense Martio, & super muros civitatis tympana sonuere, & statim emanavit fama de adventu Patriarchæ Montis-Libani. Theodorus ex Kfarsu episcopus, quem suum vicarium Patriarcha constituerat, magnam populi multitudinem ibi collegit, & nequaquam exultavit nisi post susceptam ab eo benedictionem, & absolutionem ab excommunicatione: & propria subscriptione juramento firmarunt se non retenturos nisi fidem Petri. Quo peracto nullus hæreticus visus est zizania inter ipsos seminare, neque habitare in Monte-Libano. Ducenti ac septuaginta fuere qui præfatam firmarunt scripturam, neque aliqua extat corruptela in nominibus, quæ usque adhuc inveniuntur.*

XXXIII. Monet in eadem dissertatione Naironus pp. 109. & seqq. si quando à summis Pontificibus (ut præsertim in quibusdam bullis Innocentii III. Alexandri IV. Eugenii IV. & Leonis X. cernere est) Maronitis aliqui attribuuntur errores, illos, vel non toti eorum nationi, sed iis tantum qui ex eadem natione à recta semita deflexerant, vel ex falsa relatione imputari. Id profecto testatur Petrus Hieronymus Dandinus Societ. Jesu Visitator Apostolicus à Clemente VIII. ad Montem-Libanum missus *cap. 18. (28.)* historię sui itineris, apud eundem Naironum *ibid. p. 110.* Postquam enim dixit Maronitas afferere diplomata summorum pontificum fuisse eo modo exarata ex falsa relatione iis missa: pergit: *Quod ita esse inveni, dum perspexi eorum proprios codices Catholicæ haudquaquam adversari veritati; quæ distinctio, ac librorum selectio, quum non esset habita ab aliis, ea quæ perquirebatur diligentia, mirum non est in bullis summorum Pontificum varios errores Maronitis*



attribui: utque veritas magis elucescat, observandum est omnes bullas fuisse extractas ad verbum ab illa Innocentii III. quod diploma non loquitur de solis Maronitis, sed etiam de Græcis qui tunc in Tripolitana urbe una simul Romanæ ecclesiæ præstiterunt obedientiam coram Cardinali sancti Marcelli Legato Apostolico in partibus Orientalibus, ex quo factum est ut errores unius nationis impositi fuerint alteri. Idem quoque affirmat Thomas Biatensis in lib. de procuranda salute omnium gentium cap. 22. (ibid. p. 111.) ubi de Maronitis loquens, ait: Cæterum apud Patriarcham diligenter asservantur diplomata Pontificia Romanæ sedis jam inde usque ab Innocentio III. & deinceps à reliquis Pontificibus qui ad eos vel Legatum, aliquando Cardinalem sancti Marcelli, vel ad alios miserunt. Quum in litteris Pontificiis olim admoniti fuissent Maronitæ, una cum Græcis, ne aliquos errores tenerent, sed abjicerent, factum est ut à quibusdam qui eo ex urbe immigraverant existimaretur iisdem Maronitas erroribus teneri, quibus plerique Græci implicarentur; nimirum processionis Spiritus sancti à Patre duntaxat, negationis Purgatorii, & aliorum hujusmodi dogmatum: at Maronitæ ingenuè testati sunt ab iis erroribus se esse alienissimos; verum etiam plura in suis libris ac liturgiis demonstrarunt, quibus & catholica dogmata constanter tuentur, & reipsa in anniversariis, cæterisque defunctorum officiis crebri sunt. Refert insuper supra recitatus P. Hieronymus Dandinus Societ. Jesu in præfata hist. itineris sui ad Montem Libanum, cap. 16. Sergium Risium Maronitarum Patriarcham anno 1596. apud se graviter conquestum esse, quod à paucis abhinc annis, quidam qui Roma ad eos venerant, celebrata synodo quam à se, fratre-ve prædecessore suo, convocata aut approbatam fuisse negavit, chartam albam, cui, ad illorum requisitionem, tum ipse, tum episcopi alii, imprudenter nomen suum apposuerunt, eorum protestatione confisi quod in illa duntaxat scriberentur, quæ honori & bono totius nationis Maroniticæ conducere: hanc, inquam, illi nihilominus variis erroribus quasi ex synodo prædicta approbatis Tripoli ipsis insciis replevisent, summoque Pontifici, ac Dominis Cardinalibus porrexissent. Id autem in causa fuerat cur eundem Hieronymum Dandinum Clemens VIII. eo anno 1596. miserit ad Maronitas, ut convocata altera synodo, quid reipsa sentirent fieret manifestum.

XXXIV. Quod autem in Maronitarum libris nonnullæ reperiantur hæreses, præsertimque de una in Christo natura & voluntate, id ortum observat idem Naironus in præfata dissert. p. 112. Jacobitarum fraude, qui quum

eadem qua Maronitæ lingua utantur Syriaca, horum codices corruerunt, iis inferentes suos errores. De hoc conquestus est Petrus Patriarcha Maronitarum in epistola ad Cardinalem Antonium Caraffam anno 1578. die 25. Augusti exarata, his verbis: *Et quia, frater mi, erit aliquis qui vobis scribet in nostris libris invenisse aliqua verba sanctam ecclesiam oppugnantia; nos non recipimus nisi quod recepit sancta ecclesia, & quod invenitur in exemplaribus, potuerunt ingredi & immisceri in illis (scilicet libris nostris) nonnulla ex codicibus nationum quæ sunt circa nos per multum tempus: Frater mi, omnem deponas suspicionem de rectitudine nostra: ab antiquo fundati sumus in fide sanctæ ecclesiæ Apostolicæ Romanæ, quam semper sumus amplexi; & nequaquam vobiscum tantum ore loquimur, sed ore simul ac corde, & Deus de hoc sit testis.* In cujus rei confirmationem subdit Thomas Biatensis supra citatus in eodem cap. 22. *Quin etiam quum astu Jacobitarum, apud quos non paucæ sunt hæreses, varii libri disseminati fuissent inter Maronitas, accidit, ut qui eos reperit dum ex urbe missus est, putaret Maronitarum esse errores, qui revera sunt Jacobitarum, quamobrem conquesti sese purgarunt.* Antiqui nihilominus reperiuntur apud Maronitas codices prorsus illibati, qui cæterorum depravationem demonstrant, ut testatur Stephanus Edenensis Patriarcha Maronitarum, in epistola ad Naironum scripta die 1. Januar. anni 1674. cujus hæc verba refert ipse Naironus in dissert. præfata p. 115. *At Deus, cui laus, uti suæ ecclesiæ gubernator, nostræque cupidus salutis, ne omnia corrumpere exemplaria providit, quia aliqui codices sunt variati ac mutilati, iidemque prorsus illæsi ac perfecti ullo absque dolo inveniuntur.* Hinc ad contundendam illam hæreticorum proterviam, Patriarcha Maronitarum cæterique ejusdem nationis proceres à summis Pontificibus ac sacra congregatione de propaganda fide libellis supplicibus petierunt, ut libri sui ecclesiastici typis Romanis mandarentur: quod ipsis concessum est.

XXXV. Hæc diligentius exaranda visa sunt, ut, libratis æqua lance rationibus, cæterisque momentis quibus, vel impetitur, vel defenditur, fides antiqua gentis Maronitarum, de qua apud Auctores, maxime recentiores, vix quicquam certi erui potest, maturius ferre valeat circa illam prudens lector judicium.

XXXVI. Incolunt Maronitæ, teste eodem Nairono in Evopl. fidei Cath. cap. 4. n. 24. pag. 81. Phœniciam Syriæ regionem, quæ ab Aquilone à Valania flumine, ubi situm est castrum *Marghat* seu *Marqab*, sumit initium, & in longitudinem extenditur versus Austrum ultra Carmelum montem usque ad Castrum



Peregrinorum quod modo *Tartura* nuncupatur: in latitudine vero à Mari Mediterraneo versus Orientem ultra Libanum montem, & Damascum, usque ad Arabiam desertam porrigitur. Dividitur autem in *Maritimam* & *Libanicam*. In prima, quam alluit Mare Mediterraneum, continentur urbes Tyrus, Ptolemaïs seu Accon, Sidon, Berytus, Botrys, Tripolis, & Antaradus seu Tortosa. Tyrus hujus regionis caput est. In secunda, recensentur urbes Damascus, Heliopolis quæ nunc Baalbech dicitur, Archis vulgo Arqua, & Paneas seu Cæsarea Philippi. Caput est Damascus, ex Willemo Tyrio.

XXXVII. Assurgit *Libanus* ad Orientem urbis Tripolis tanta sublimitate, ut semper nivibus coopertus sit, de quo Schœffer in tractatu de Palæstina, & sanctus Hieronymus in Zachariam. Hoc idem *Libani* nomen, ut referunt Brocardus, & alii, retinent omnes montes à Libano usque ad Galaad & Hermon in Palæstina: montes vero qui inter Tyrum & Sidonem à flumine Eleutherio versus Tripolim ad Occidentem Libani protenduntur, *Antilibanus* nuncupantur. Cæterum Libanus oleo, pecore, volatilibus, ac frugibus ita abundat, ut Genebrardus lib. 1. chronic. ad annum mundi 235. primam totius orbis civitatem in Libano extructam fuisse asserat: Idem quoque censuit Adricomius Delphus in theatro terræ sanctæ p. 4. *Enoch*, inquit, *civitas in toto orbe prima* (est) *quam Cain in Libano monte ædificavit, murisque communivit, atque ex nomine Enoch primogeniti sui Enoch vocavit.* Hanc communis traditio fert sitam esse ubi hodie visitur oppidum *Ban*, cujus rudera *Medinat-Ehras* appellantur, hoc est, *civitas capitalis.*

XXXVIII. In montanis ad Orientem Tripolis est regio Libanica *Giobbet Bsciarrai* nuncupata, in qua Libanus mons assurgit, ad cujus radices in monasterio Canobinenfi residet Maronitarum Patriarcha. Est regio satis ampla quam *Fons Hortorum*, vulgo *Qadiscia*, id est, *flumen sanctum* intersecat. Eminent in ea *Eden* quam *Paradisum* interpretantur, à qua parum distat monasterium sub invocatione SS. Sergii & Bacchi, quod dicitur *Dair Ras Elnahr*, ubi residet episcopus qui *Edenensis* titulo nuncupatur. Hanc regionem sequuntur duo loca principaliora, *Bsciarrai* nimirum, & *Hhadet*, quæ tanquam urbes antiquitus reputabantur. Bsciarrai huic ditioni nomen imponit, quæ ab ea *Giobbet Bsciarrai* vocatur, ut distinguatur ab alia, quæ *Giobbet Elmneitra* dicitur. Bsciarrai arce munita erat, nunc pene diruta, in qua ad nostra usque tempora princeps Maronita residebat, qui *Mqaddem* titulo præfulgens toti huic regioni hæreditario jure

præerat. Ea familia extincta est, unde hujus præsidis nominatio, ad libitum, & ad nutum Basciæ Tripolitani devenit. *Hhadet* modo pene deserta, valde celebratur in Maronitarum chronicis ob bellum fortiter gestum adversus Saracenos per annos septem. Ad Libani meridiem adjacet *Giobbet Elmneitra* à diruto oppido *Mneitra* sic dicta. In ea est *Aqura* ubi residet episcopus Aquirensis vocatus. Ad ejusdem montis Septentrionem tres aliæ connumerantur ditiones, *Dannie* videlicet, *Accar*, & *Draib*.

XXXIX. Omnes has Phœnicie partes sparsim incolunt Maronitæ, aliis nationibus Orientalibus, ac præsertim Melchitis permixti, quum de aliis nationibus pauci homines in Phœnicia inveniantur, præter Turcas, ob quorum nimiam vexationem, Maronitæ montani, innumeris fere locis derelictis, per varias Syriæ urbes extra Phœniciam se contulerunt, Aleppum scilicet, Apameam vulgo Hhama super Orontem, Laodiceam, Hierosolymam, & alio, ubi in sericis pannis conficiendis maximam navant operam. Nonnulli autem in Drusorum regionem, & in Kesruan sub Emiri patrocínio se receperunt. In regno quoque Cypri aliqua visuntur oppida à Maronitis habitata, eo profugis, ex quo Saladinus Hierosolymam Francis eripuit. Hi linguam Græcam loquuntur hujus insulæ vernaculam, præterquam in officiis ecclesiasticis, in quibus lingua Syriaca utuntur.

XL. Proprium habent Patriarcham Maronitæ qui in monasterio Canobinenfi ad radices Montis-Libani, ut supra dictum est, residere solet. Ab episcoporum ipsi subditorum collegio eligitur, adstantque aliquot magnates ejus electioni, ad sedandas, si quæ oriantur, discordias. Electus, à sede apostolica Romana confirmatur, & ecclesiæ *Antiochenæ* titulo insignitur, additque proprio nomini *Petri* nomen in honorem principis Apostolorum qui primum Antiochiæ fedit. Quinque sub se habet metropolitæ Patriarcha Maronitarum, *Tyriensem* scilicet, *Damascenum*, *Tripolitanum*, *Aleppensem*, & *Nicosiensem* in Cipro. Plures etiam habet episcopos, ut *Sidonensem*, *Berytensem*, *Bybliensem*, *Botryensem*, *Edenensem*, *Accureensem*, & alios, qui licet sint metropolitæ suffraganei, nullum tamen superiorem præter Patriarcham agnoscunt: quod idem observatur à cæteris Christianis Orientis nationibus. Horum opera & consilio Patriarcha, in religionis & fidei causis utitur; eosque, si ratio postulat, ad suæ curæ commissas oves, per Syriæ urbes & oppida ablegare solet: & quamvis ad proprias residencias non sint adstricti, attamen prout ecclesiæ necessitas exigit, discurrunt, multitudini



provident, & Patriarchæ mandata exequuntur. A

XLII. Plura numerantur apud Maronitas cœnobia Virorum & Monialium, quorum omnium antiquissimum est *Quzhhaia* in Giobbet Bsciarrai in Libano: monachi sunt sancti Antonii abbatis, caputio seu cucullo & nigra tunica induti. Quædam extant monasteria Monialium ejusdem ordinis absque clausura, præsertim in regione Kesruanensi, in qua celebre est illud S. Joannis *de Hhrasc* funditus erectum à Josepho Accurenfi Patriarcha Maronitarum.

XLIII. Recitationi divinorum officiorum, ac etiam horis nocturnis, tam clerici, quam sæculares, ut plurimum interfunt, quin immo & ipsæ mulieres. Præter officium de tempore, & de sanctis, extat apud Maronitas officium proprium valde prolixum totius Quadragesimæ. At in tribus hebdomadibus ante Quadragesimam memoria agitur defunctorum, eo ordine. In prima videlicet hebdomada fit commemoratio sacerdotum & aliorum de clero. In secunda, monachorum: in tertia reliquorum defunctorum, ut videre est in pervetustis codicibus Syriacis Novi Testa-

menti, qui servantur in Bibliotheca Medicæ sancti Laurentii Florentiæ, & collegii Maronitarum Romæ, & alibi, in quibus indicantur lectiones & Evangelia pro his commemorationibus defunctorum.

XLIII. Inchoatur apud Maronitas jejunium Quadragesimale à Dominica Quinquagesimæ, per septem integras hebdomadas, exceptis tamen diebus Sabbati, & diebus festis, eo tempore occurrentibus, ut sancti Maronis die 9. Februar. SS. 40. Martyrum, & Annunciationis B. M. V. in quibus non jejunant. In decursu anni fit abstinentia à carne & lacticiiniis per 14. dies ante festum sanctorum Apostolorum Petri & Pauli; totidemque ante Assumptionem B. M. V. & per 20. dies ante Nativitatem Domini. Idem fere ritus viget apud cæteras nationes Christianas Orientis. Nonnulli ex monachis strictioris observantiæ se à lacticiiniis abstinere per decem dies ante Pentecosten, quod antiquitus erat omnibus commune tam ecclesiasticis, quam sæcularibus.

XLIV. Distributio officii divini fit eo modo apud Maronitas: in tribus primis hebdomadibus jejunii Quadragesimalis, totum fit officium de jejunio, deque ejus utilitate, cum Evangeliiis ac lectionibus ad id accommodatis. In quarta & quinta hebdomade de miraculis Domini nostri Jesu-Christi. In sexta de festo Palmarum, & in septima de Passione Domini, in qua nulli in ecclesia tribuitur pax, nec se mutuo toto eo tempore salutant, nec manus deosculantur sacerdotum. In Dominicis ante Nativitatem Domini celebrant ea mysteria quæ Christi natalem præcesserunt: Apparitionem nimirum Angeli ad Zachariam, Annunciationem B. M. V. Visitationem ejusdem ad S. Elizabeth, Nativitatem S. Joannis-Baptistæ, & Apparitionem Angeli ad S. Joseph, de quibus est proprium officium, licet modo præfatorum mysteriorum recitentur tantum commemorationes. Hæc omnia eruimus ex præfato Fausto Nairono in Evoplia fidei Catholicæ à pag. 81. ad 96.

XLV. Pro coronide, elucidationis causa in posterum cur simplices Maronitarum episcopi, non raro *archiepiscopi* titulo insigniantur, addendam ducimus notam sive observationem, quam ea de re apposuit Græcus, ut putatur, urbis Tripolitanae præsul in epistola Arabicè scripta ex eadem urbe an. 1732. vel 1733. ad Dominum Jacobum Lamerium nationis Gallicanæ in eadem civitate consulem, quamque in Latinum sermonem fideliter transtulit Parisiis an. 1733. Josephus Georgius Atcari sacerdos Maronita ex civitate Aleppi in Syria, ut ipsemet testatur ad calcem hujus epistolæ. Observatio autem illa his verbis exprimitur:

*Nota, in toto Oriente his temporibus nullatenus inveniri meros episcopos; sed omnes esse archiepiscopos: idque evenisse ob Agarenæ nationis, seu Mahometanorum illic dominantium tyrannidem & sævitiam: sed non ita res se habet in Græcia; quum usque ad hodiernam diem quilibet archiepiscopus habeat duos, vel tres, vel quatuor episcopos suffraganeos; uti est archiepiscopus Cretensis, qui duodecim episcopos suffraganeos habet: & sic est, proportionem habita, de cæteris.*





# PATRIARCHÆ MARONITARUM.

## I. JOANNES MARO.

**P**RI-MUS qui in notitiam nostram venerit Patriarchæ Maronitarum nomine insignitus, est *Joannes Maro*, cujus vitam supra descripsimus n. VI. & seqq. col. 6. ex *Assemano tom. 1. Bibl. Orient. à pag. 496. ad pag. 506.* Joannes Maro, inquit, primus Syrorum Maronitarum post Theophanem Macarii Antiocheni (in synodo sexta ob pertinacem Monothelismi professionem depositi anno Christi 680.) successorem Patriarcha claruit circa annum Christi 700. Ejus acta ex per- vetusto codice Arabico, anno Christi 1495. descripsit Gabriël Barclaius episcopus Nico- siensis in libro ad Georgium presbyterum Besciaræ filium adversus Jacobitas, cap. 10. Eademque anno 1639. Latine publicavit Pater Franciscus Quaresmius in elucidatione terræ sanctæ lib. 1. cap. 37. pag. 96. Uterque tamen mendosum codicem nactus, pro *Agathone* Papa, sub quo Macarius Antio- chenus in sexta synodo damnatus fuit, *Eva- grium* qui in Romanorum pontificum serie nullus est, posuit: & pro *Sergio* Papa, sub quo Joannes noster genti suæ Patriarcha præerat, *Honorium* substituit, immani ana- chronismo, quum Honorius Papa (qui de- cessit anno Christi 638.) quinquaginta (sal- tem quadraginta) circiter annis Macarium Antiochenum Theophanis prædecessorem antecesserit. Honorii nomen subrepsit & in manuscripta historia, qua usus est clarissimus Faustus Naironus in *dissertatione de origine, nomine, ac religione Maronitarum num. 14.* & refertur à Pagio in crit. annal. Baron. ad annum 635. n. 8. Vide doctissimas in utram- que Joannis Maronis vitam observationes Stephani Edenensis Patriarchæ Antiocheni in vindiciis Maronitarum lib. 1. c. 7. & seqq. ex quo hæc Joannis acta summatim excerpti. Hucusque *Asseman.* citatus, qui in eadem pag. 496. in not. 1. monet auctorem Syriacæ vitæ Jacobi Baradæi Zanzali (ex quo Mono- physitæ dicti sunt *Jacobitæ*) de Joanne Ma- rone sic loqui, apud eundem Edenensem, cap. 6. *Tum vero claruit Jacobus (Baradæus) qui apostolicam fidem à Jacobo primo Hieroso- lymorum episcopo traditam, integram illibatam- que conservans, ecclesiam universam rebus præ- clare gestis complevit. Quumque sibi partes occurrerent, hæretici nimirum & orthodoxi; (per hæreticos intelligit Catholicos, & per*

*Tomus III.*

*A orthodoxos Monophysitas) hæretici sciscita- bantur: Vos quinam estis? Orthodoxi respon- debant: Nos fidem tenemus Jacobi apostolorum primatis (id est, qui illius ecclesiæ primus antistes fuit ubi incepit religio Christiana prædicari & suscipi; nam Jacobitæ, inquit Assemanus ibidem, soli Petro primatum Apostolorum tribuunt, & in officiis divinis passim prædicant: Hierosolymitanam vero Jacobi sedem ne Patriarchali quidem honore dignantur, ut bene notat Renaudot. tom. 2. Liturg. pag. 95.) qui frater Domini nostri se- cundum carnem appellatus est; quam nobis præ- dicat divinus iste Jacobus (Baradæus.) Illi autem qui erant ex adversa parte: Ephræmi Amidensis sumus, aiebant, aut Joannis Siri- mensis (id est Maronis) Patriarchæ Deo ad- versarii. Joannem vocat Sirimensem hic scriptor Jacobita, quia Joannes Maro Sirimo Cynegicæ regionis vico in territorio Antio- chensi oriundus erat. Non enim de Joanne altero Sirimensi loquitur, inquit *Assem. ibid.* qui sub Justiniano Imperatore in locum Eu- tychii Constantinopolitani suffectus fuit, teste *Evagrio lib. 4. cap. 38.* ut-pote cui nulla cum Montis-Libani, aut aliis Syriæ incolis dis- ceptatio fuerit, & fortasse idem illis nec de nomine notus extiterit. Ex quo Jacobitæ auctoris testimonio manifestum sit Maronem & ejus asseclas Jacobitis fuisse invisos. Ad sedem Botrensem evectus dicitur Joannes Maro in ejusdem actis anno Constantini Pogonati octavo, id est Christi 676. (non 686.) Deinde Maronitarum Patriarcha electus; quod non intelligendum quasi à clero Antiocheno post mortem Theophanis D fuerit renunciatus, ut hanc sedem imple- ret; sed quod ab iis duntaxat qui Maronitis tunc præerant assumptus fuerit, subinde non com- putandus inter proprios sedis Antiochenæ præfules, quia nimirum nomen *Patriarchæ Antiocheni* Patriarchis Maronitarum à plu- ribus sæculis inditum, titulus est solummodo honoris causa. Ita monet *Assem. ibid. p. 503. in not. 1.* qui etiam pro commento habet, quod in iisdem actis refertur apud Quares- mium, Maronem Romam profectum fuisse, & à summo pontifice Patriarcham Antiochiæ or- dinatum: idque ex eo probabiliter ortum esse existimat, quod Joannes una cum Maronitis suis, præter reliquos Syros, Apostolicæ sedis communioni adhæserit. Joannes Severius de Vera, qui multa de rebus Orientalium D*





perscrutatus est, ait quoque in itinerario Hierosolymitano *cap. 27. apud Naironum in cit. dissert. de Maronitis p. 31. Maronitas propter diversitatem religionum quæ in Syria vigeant, petiisse à Romano pontifice, ut eis proprium præficeret Patriarcham, quorum petitionibus annuens summus pontifex, Patriarchali dignitate Maronem insignivit . . . . qui sanctissime vixit. Ex quo tempore Maronitæ proprium semper sibi elegerunt Patriarcham.* Migravit ex hac vita Joannes Maro, ut idem Edenensis narrat in serie Patriarcharum Maronitarum, apud præfatum Asseman. *ibid. pag. 505. in nota 1. B* anno Christi 707. in Caphar-Hai. Ecclesia Maronitica ejus festum solemniter celebrat quotannis quinto idus Februarii, id est, die 9. hujus mensis, ut habet idem Asseman. *ibid. pag. 506.*

## II. CYRUS.

Stephanus Aldoensis de Heden Maronitarum Patriarcha, in breviculo de Antiochenorum Maronitarum Patriarcharum genealogia, quod de Arabico Joseph Ascari sacerdos Maronita ex urbe Aleppo in Syria, Latinè transtulit Parisiis anno salutis 1733. C Joanni Maroni circa annum Christi 707. defuncto successisse ait *Cyrum* ejus sororis filium, qui electus misit ad Romanum Pontificem pro obtinendis confirmatione & pallio, uti in vita, inquit, avunculi ejus refertur, gentemque suam usque ad obitum optime gubernavit.

## III. GABRIELI.

Post Cyrum in Patriarcham promotus est, ex eodem Stephano, *Gabriël* de Monte-Libano, prout in antiquis exemplaribus, inquit, D registratum invenimus.

Melchitæ vero, post Justiniani II. mortem, ad confessionem duarum naturarum & voluntatum in Christo redierunt, & imperante Constantino Copronymo sibi Patriarcham pro sede Antiochena elegerunt, qui suam residentiam Damasci fixit. Hæc idem Stephanus.

## IV. JOANNES II.

Gabriëli substitutus est alius *Joannes*, cognomento etiam *Maro*, qui fuerat monachus E in cœnobio S. Maronis ad Orontem fluvium. Scripsit de eo Gabriël Barclaius in cantu quem de conciliis composuit, his verbis: *Surrexit deinde Maro alter, ex monasterio Dominico, sapiens & doctus, appellatus quoque Joannes, fuitque Patriarcha. Venit hic justus ad pagum Januhh secum ducens nonnullos episcopos qui Montis-Libani monasteria incoluerunt: & fides Maronis non est mutata. Ita idem Stephanus.*

## V. JOANNES III.

Joannes ex hac vita migrans alteri *Joanni* sedem suam reliquit, qui ex pago Dmalsa in Botridis districtu oriundus erat. Quum enim Joannes se vidit morti proximum, ut legitur in relatione mortis ejus, omnes Montis-Libani sacerdotes congregavit, illisque Patriarcham hunc Joannem assignavit.

- VI. THEOPHILUS.
- VII. GREGORIUS I.
- VIII. STEPHANUS.
- IX. MARCUS.
- X. EUSEBIUS.
- XI. JOANNES IV.
- XII. DAVID I.
- XIII. GREGORIUS II.
- XIV. THEOPHYLACTUS.
- XV. JESUS *sive* ISA.
- XVI. DOMITIUS.
- XVII. ISAAC.
- XVIII. JOANNES V.
- XIX. SIMON I.
- XX. HIEREMIAS I.
- XXI. JOANNES VI.
- XXII. SIMON II.
- XXIII. SIMON III.

Præfatus Stephanus, subjungit: de his quinque Patriarchis non est dubium eos in Monte-Libano moratos fuisse, sibi que invicem successisse post Theophanem (id est ab anno Christi circiter 683. aut 684.) Id enim clare patet ex epistola quam anno salutis 1495. scripsit Gabriël Barclaius ad Dominum Georgium de Angelis presbyterum *cap. 11.* Invenimus præterea eorum nomina registrata in quodam folio Syriacè scripto, reperto apud prædecessorem nostrum Georgium de Beseëli. Scripserat autem prænominatum exemplar quidam qui vocabatur David filius Abrahami, anno æræ Græcæ 1626. (Chr. 1315.) ex quo illud esse antiquius Barclaii registro 180. annis patet. Plura etiam exemplaria sunt quæ proposuit nobis venerabilis frater noster Georgius Abacuc Accurensis episcopus: & sicut reperimus, registravimus hic, absque ulla annorum quibus electi sunt annotatione. Sed de aliis qui sedem Antiochenam (Maronitarum) obtinuerunt in Monte-Libano, usque ad Francorum in Syriam adventum, nullo penitus modo in eorum cognitionem venire potuimus: idque contigisse credimus ex non modica nostræ nationis librorum jactura tempore quo sub Infidelium dominatione ingemuit: quum enim tunc sæpessæpius solum mutare cogeretur, vel igne consumpti sunt codices nostri, vel in bellis dissipati, vel in fluvios injecti, vel ab hostibus



sublati & dispersi fuere. Verumtamen post aliquod intervallum incidit in manus nostras quoddam volumen majusculum ævi antiquioris, continens sanctissimi missæ sacrificii ritum, in quo libro prope finem extat officium quod à ministro quotidie recitatur. In hoc autem officio, ubi fit commemoratio Patriarcharum qui Christi ovile in sede Antiochena gubernarunt, dicitur Syriacè id quod Latine ita sonat: *Mentionem quoque facimus de omnibus veris Pastoribus, & sanctis patribus, à Petro Apostolorum principe, omniumque Pastorum primario, atque ab Ignatio ejus discipulo, usque ad Theophilum, Jesum, Davidem, Gregorium, Domitium, Isaac, & Joannem, qui pontificatus dignitatem ministrarunt in sancta catholica & apostolica ecclesia, sanctæque & gloriosæ sedis Antiochenæ Theopolis, ut ipsorum oratione nostrum miserearis Deus.* Item in alia commemoratione quæ prolixior est præcedenti: *memoriam facimus Theophili, Gregorii, Stephani, Marci, Eusebii, Joannis, Gregorii, Theophylacti, Jesu, Domitii, Isaac, Joannis, Simonis; & Simon hic quem Deus amat, est qui conversatur modo: horum omnium Deus Domine precibus miserere nostri.*

Post hos quatuordecim (si David, qui in priori catalogo recitatur, tredecim in posteriori nominatis addatur) prænominatos Patriarchas, numerantur etiam alii quatuor, nempe Hieremias, Joannes, & duo Simones, qui quatuor absque ullo dubio fuerunt Maronitæ, sederuntque post Francorum in Syriam adventum, quia eorum historiæ apud nos notæ sunt, & summorum Pontificum bullæ ad ipsos transmissæ cum omni diligentia in nostræ sedis bibliotheca adhuc conservantur; occurrunt itaque hi 18. Patriarchæ, de quibus nihil aliud nobis compertum est.

Verum quod spectat ad quatuordecim priores ex prædictis Patriarchas, ingens duabus de causis nobis ingeritur scrupulus: Prima est, quia ritus noster ad Jacobitarum ritum plurimum accedit. Secunda, quia Maronitæ rarissime, vel nunquam *Jesus* nomen sibi arrogarunt, & hoc pro veneratione nominis illius qui solus pretioso suo sanguine nos redemit: sed ad eos avellendos scrupulos multum contulit, tum duplex exemplar seriei Jacobitarum Patriarcharum, quod ab eorum duabus ecclesiis Damascena scilicet & Aleppina habere curavimus, in quibus nulla prædictorum Patriarcharum mentio occurrit; unde constare videtur illos non Jacobitarum, sed nationis nostræ fuisse Patriarchas: tum quod nomen *Jesus* uni ex his Patriarchis attributum nihil aliud significet quam *Isam*, quo nomine multi ex nostris donantur usque ad hodiernum diem. De his omnibus Maronitarum Patriar-

Tomus III.

chis nihil aliud hætenus ad nostram notitiam venit, ut jam dictum est. Ita Steph. *ibid.*

#### XXIV. JOSEPH.

Postquam Francorum copię in has nostras plagas advenerunt, Antiochiamque ac sanctam civitatem Hierosolymam Saracenis eripuerunt, tunc Latinos sibi Patriarchas, sicut & regem Hierosolymitanum constituerunt: legatos vero ad summum Pontificem miserunt, quibus adhæsit etiam legatus Maronitarum Patriarchæ, qui tunc temporis Joseph Giargesæus appellabatur, habitabatque in pago Januhh de Byblidis territorio, uti narrat Gabriël Barclaius (quem Gabriëlem Qlai vocat Naironus) Seraphici Ordinis alumnus, & in nostra natione episcopus, in epistola quam scripsit ad Patriarcham Simonem de Hadeth anno salutis 1494. Quum enim Latini, Godefrido Bullionio duce, urbem Hierosolymitanam à Saracenorum jugo liberaissent, Joseph ille Maronitarum Patriarcha ad Romanum Pontificem (Paschalem II.) obedientiæ litteras direxit, apud Faustum Naironum, Evoplæ fidei Catholicæ pp. 67. & seq. quibus cum summa lætitia acceptis summus Pontifex per eosdem nuntios mitram, baculumque pastorem, ac litteras communicatorias transmisit: *cum legatis Godefridi regis, inquit Gabriël Qlai, pervenere Romam legati Patriarchæ Josephi Giargesæi, recepitque mitram & baculum anno salutis 1100.* Accidit autem circa annum 1111. quemdam Thomam Haranitam Syrum, metropolitam Kfartab in diocesi Aleppensi, qui, ex Jacobita, Monothelita evaserat, ad Montem-Libanum venisse, ut Maronitarum orthodoxam fidem Monothelismo suo inficeret, eis suggerendo Leonem Romanum Pontificem, & Joannem Maronem primum eorum Patriarcham eidem adhæsisse sententiæ, quam universalis quoque ecclesiæ fuisse fidem effutiebat antequam Maximus abbas dogma duarum in Christo voluntatum atque operationum invexisset, ut refert præfatus Naironus, *ibid. pp. 69. & 70.* & adhuc fufius in *dissert. de nomine, origine, & religione Maronitarum pp. 69. & seqq.* ex eodem Gabriële Qlai in Poëmate de hæreticis. Josephus enim Patriarcha, & Arsenius metropolita Accurensis, adversus hunc Thomam fortiter insurrexerunt, sicque eum scriptis epistolis confutarunt, ut tunc ab omnibus fere, votis conjunctis, rejectus, unum tantum vici Farsciai archipresbyterum diocesis Bsciarai, nonnullosque populi seduxerit; qui tamen, multiplicatis ac disseminatis tractatus hæretici Thomæ Haranitæ inter Maronitas exemplaribus, postea, non totam quidem nationem, sed aliquam ejus partem,

D ij



unumque etiam ex ejus Patriarchis, Monothelico errore imbuerunt, ut infra dicemus. Porro elucubratio hujus Thomæ Hharanitæ extat in codice 14. Ecchellenfi, apud Assem. tom. 1. *Bibl. Orient. pag. 576.* sub eo titulo: *Thomæ Hharanitæ episcopi Caphartabensis liber de unica Christi voluntate in X. propositiones divisus, & ad Joannem Antiochenum Melchitarum Patriarcham anno Græcorum 1400. (Christi 1089.) transmissus, Arabicè, charactere Syriaco.* Vivebat adhuc Joseph anno salutis 1119. si ipse est, non vero successor ejus Petrus, qui, ut asserit jam sæpius citatus Gabriël Qlai, in *lib. confirmationis veritatis* apud Naironum in *Evopl. pag. 68.* litteras gratulatorias Gelasio II. summo Pontifici pro ejus electione conscripserit, quo pontifice brevi defuncto, ab ejus successore Calixto II. responsum receperit eo anno 1119.

## XXV. PETRUS I.

Hic Petrus erat Maronitarum Patriarcha anno salutis 1121. nam in nota apposita ad calcem cujusdam codicis Syriaci, *fol. 262.* quam recenset Assem. *10. 1. Bibl. Or. p. 307.* legitur: *Ego humilis Simeon, monachus nomine, has lineas in isto codice exaravi ad beatissimum Patrem nostrum Mar-Petrum Patriarcham Maronitarum, qui habitat in sacro monasterio Maiphuch in valle Ailig territorii Botrensis; donec dedit mihi potestatem ut præessem monasterio S. Joannis in territorio Cuzapanta in insula Cypro, diebus monachorum qui in præfato S. Joannis monasterio habitant, &c. anno Græcorum 1432. (id est, Christi 1121.) die 12. nimirum Octobris quo annus Syrorum incipit. Ejusdem Petri ad calcem cod. Syr. 7. apud eundem Asseman. *ibid. pp. 611. & 612.* fit mentio his verbis: *In fol. membran. 319. exaratus à Simeone abbate monasterii S. Joannis in Cuzapanta in Cypro, sub Petro Maronitarum Patriarcha anno Græc. 1432. (Christi 1121.)**

## XXVI. GREGORIUS III.

Gabriël Qlai in citata superius epistola ad Simeonem Hadethensem, apud Naironum in *Evopl. fidei Catholicæ pag. 68.* narrat Gregorium Alathensem Maronitarum Patriarcham legatos misisse anno salutis 1130. ad Innocentium II. Romanum Pontificem ut gratularetur ei de exaltatione ad regimen ecclesiæ, qui ad eum visitationis causa Guilhelmum Cardinalem misit.

## XXVII. JACOBUS I.

Ex annotatione quæ legitur ad calcem cujusdam codicis Syriaci *fol. 252.* apud Assemanum *10. 1. Bibl. Orient. p. 308.* discimus Jacobum Petrum Maronitarum Patriarcham

sedisse anno salutis 1141. sic enim habet: *Anno Græcorum 1452. mense benedicto Tamiuz (Julio) die 10. convenit me Petrum Patriarcham Maronitarum in Antiocheno throno sedentem, Jacobum nomine, ex oppido Ramath diæceseos Botrensis, filius Daniël monachus ex monasterio Caphtun: ipsique potestatem dedi, ex Deo, & ex mea abjectione, ut præesset monasterio S. Joannis in Cuzapanta in custodita à Deo insula Cypro: prout consensum suum propriis subscriptionibus firmatum huc miserunt filii monachi, Esau scilicet monachus, & Elias, & Joannes monachus, & Jacobus ejus frater: laus Domino nostro, Amen. De Petro Jacobo, inquit Assemanus *ibid.* consule eruditissimum Stephanum Edenensem in chronico ad annos prædictos.*

## XXVIII. JOANNES VII.

Joannes Lephedienfis Patriarcha Maronitarum in Lephed territorii Bybliensis oppido natus est. Post Jacobum Ramatensem Maroniticæ toti ecclesiæ præfuit ab anno Christi 1151. ad annum 1173. Is primum in cœnobio S. Eliæ agri Lephedienfis habitavit: inde ad cœnobium S. Mariæ in Abel ejusdem territorii se contulit, ibique novum monasterium construxit, ut ex monumentis illius ecclesiæ tradit Stephanus Edenensis in chronico. Scripsit Liturgiam, de qua idem Edenensis, in expositione missæ *cap. 2. de Catholicis Anaphorarum scriptoribus n. 25.* ait: *Joannes Lephedienfis, qui post annum Christi 1100. Antiochenæ (Maronitarum) ecclesiæ præfuit, auctor est Anaphoræ, cujus initium, Deus sanctissime, &c.* Extat in manuscriptis codicibus missalibus cœnobii Patriarchalis S. Mariæ in Canobin. Ita Assem. *10. 1. Bibl. Orient. p. 522.*

De eo Joanne refert Stephanus Aldoensis de Heden in supra citato breviculo, ipsum, dum in monasterio S. Eliæ degeret, quatuor episcopos consecrasse, ut ipsi in suæ nationis regimine adjumento essent, quorum unus cœnobium sancti Dominici incolebat, alter S. Simeonis, tertius S. Elizæi, quartus demum S. Mariæ Lephedienfis: quum vero advenisset solemnitas Pentecostes, multique ex sæcularibus, clericis, sacerdotibus, monachis, ac episcopis ad ipsum confluxissent, illos omnes ab eo ad lautum convivium fuisse invitatos: ex illis vero sæculares nonnullos qui plus justo vinum biberant ingressos esse S. Theclæ monasterium; quod ægre ferens Sarai abbatissa, plurimum de Patriarcha conquesta est quasi huic scandalo occasionem dedisset, unde & eum in judicium vocavit. Joannes itaque Romam petiit ut sese coram summo Pontifice purgaret, qui respondit



rem in concilio ad id in Byblidi urbe cogendo esse dirimendam. Huic synodo adfuerunt duo summi Pontificis, & Romæorum Imperatoris legati cum pluribus episcopis. Causa cecidit Patriarcha, & poenitentiam accepit ne septem annorum spatio de aquis Lephed gustaret: ideo in cœnobium secessit S. Mariæ in Abel Byblidis districtus, ubi sanæ aquæ ingens subest penuria, permanfitque in illo loco, de aquis in fossis collectis bibens usque quo puteum fodisset: ibique magnificum monasterium erexit. Subjungit etiam Gabriël Qlai, in epistola quam scripsit ad Dominum Georgium de Angelis presbyterum *cap. 11.* eodem Stephano teste *ibidem*, monasterium illud sanctæ Mariæ in Abel, sedem fuisse Patriarcharum nationis Maroniticæ usque ad Hieremiam, sed fatetur Stephanus illorum Patriarcharum nomina nundum se fuisse assequutum.

XXIX. \*\*\* XXX. \* \* \*

XXXI. \* \* \*

Faustus Naironus in dissertatione *de nomine, origine, & religione Maronitarum*, pag. 80. & seqq. scribit ex Gabriële Qlai in Poëmate de hæreticis, Thomæ Haranitæ metropolitæ Kfartab (qui jam dudum obierat) affeclas, multos Maronitarum viru hæresis Monotheliticæ contaminasse, ipsumque Patriarcham, cujus filetur nomen, errori manus dedisse. *Post illum* (Thomam) *inquit Gabriël Qlai, in lucem emerfit Ebn-Sciehban, & cepit scribere, & docere pueros, seminavit inter Maronitas errores, eorumque libros zizaniis implevit.* Et iterum: *Filius Hhosen erat ex Hhartscit* (est quoddam Libani oppidum in Giobbe) *decepit populum Kfariascit* (est aliud Libani oppidum) *scripsit, & mutavit preces.* Et brevi temporis intervallo (decem scilicet annorum, ab anno utique 1173. quo mortuus est Joannes Lephediensis Patriarcha, usque ad annum 1182. quo Haymerici Antiocheni Patriarchæ Latini cura qui Monothelismo infecti fuerant fidem avitam resumerunt) in aliis Maronitarum oppidis idem venenum diffusum est, ipsumque tunc extantem Patriarcham corripuit, ut legitur in chronico Maronitarum, inquit Naironus *ibidem*, pp. 82. & 83. *Quoniam Patriarcha venenum hauserat, missis, ad labefactandum ipsum, muneribus, quantum ore capere voluit.* Qua propter inito inter Maronitarum primates tam ecclesiasticos, quam sæculares consilio, decreverunt una sententia omnes ab ejus se communionem sejungere, id exprimitur in eodem chronico: *Cujus subditi, ac regiones, Patriarcham à suo segregarunt consortio, nec postea præstiterunt ei obedientiam, nec illum in regio-*

*nibus acceptarunt.* Quin imo eo pervenit illorum zelus, ut illum deposuerint, aliumque in ejus locum suffecerint. Verum irati Patriarchæ depositi affeclæ, novum Patriarcham, qui etiam non nominatur in chronico, occiderunt, combusseruntque corpus ejus: *Præfatus Patriarcha, pergit idem chronicon, mortuus est depositus, & elegerunt Patriarcham ex Hhgiula: mortuus est martyr interfectus, eumque combusserunt: testificati sunt contra eum quadraginta Christiani* (ex iis qui Monothelismo infecti fuerant) *fidem ejus non fuisse rectam* (quia ab hæresi Monothelitarum discrepabat, ut-pote orthodoxam) *aliaque falsa protulerunt.* Post cujus obitum, quum variæ inter Maronitas insurrexissent divisiones pro eligendo Patriarcha, occurrit Haymericus Patriarcha Antiochenus, illasque sedavit, ac seductos, tam à schismate, quam ab hæresi revocavit: postmodum Maronitæ omnes ad eligendum novum Patriarcham integerrimæ fidei processerunt. Hoc totum traditur in præfato chronico: *Extinxit illud venenum Haymericus bonæ memoriæ. Objurgavit eos palam apertis verbis: obedierunt ei, & à Romana sede benedictionem eis mittendam curavit; & elegerunt sibi Patriarcham qui habitavit in ecclesia B. Virginis in Habil.* (quod est Libani oppidum) *Observabat quicquid erat in Evangelio, erat in exponendo peritus, ac varia de fide carmina componebat.* Hujus tertii Patriarchæ nomen, haud secus ac duorum præcedentium, reticetur. Atque hæc sunt proculdubio, quæ Willelmo Tyrio ansam dederunt scribendi, anno salutis 1182. Haymerici Patriarchæ Antiocheni opera universam Maronitarum nationem ab hæresi Monothelistica ad fidem Catholicam transiisse. Sed non omittendum, quod subdit auctor chronici, *ibidem, pag. 86.* quum tunc Maronitæ professionem fidei coram Haymerico emisissent, quam à Marone susceperant, eam fuisse approbatam, ut omnino orthodoxam. *Et firmi, inquit, steterunt in fide Maronis, & superbi* (qui Monotheliticam nempe hæresim à paucis annis amplexi tantas strages ediderant) *humiliati sunt, & adversarii pacem inierunt.* Vide supra, n. XXIX. coll. 38. & 39.

XXXII. LUCASI.

Pacatis, ut modo explicatum est, quæ ex hæresi Thomæ Kfartabensis metropolitæ inter Maronitas emerferant divisionibus, paulo-post eos alia exagitavit procella. Quidam enim Ebn-Scieban nomine, vir græcus, simul cum Esau archiepiscopo, novos errores per aliquot Libani loca disseminavit. Porro Lucas, qui tunc temporis erat Maronitarum Patriarcha, in fine videlicet ejusdem sæculi duode-



cimi, vel initio sequentis, eis se quoque ad-  
junxit. Id ex præfato chronico refert Faustus  
Naironus in eadem dissertatione *de nomine,  
&c. Maronitarum*, pp. 98. & seqq. Ebn-  
Sciehban erat ex Hardin, ex eo ortus est error,  
genere græcus erat, & postea factus est Maro-  
nita. Venit ad illum socius infamis, qui voca-  
batur Esau archiepiscopus: docuerunt signum  
crucis uno digito faciendum, & condemnandum  
esse concilium quartum, Papam Leonem, & Im-  
peratorem Marcianum. Duobus insuper mo-  
nachis auxilium præbuit idem Patriarcha ut  
fidem Catholicam impugnarent. Dæmon B  
omnis deceptionis parens, inquit auctor chro-  
nici sæpius recitati, quum perspexisset Maro-  
nitarum populum exultantem, eique invidens,  
illum mæstitia affecit duorum monachorum  
opera: primus erat ex oppido Januhh, alter  
vero ex Darnebuhh, amboque ex diabolico asse-  
rebant spiritu Christum non habuisse animam,  
neque pati, neque sentire potuisse. Horum rebellio  
quum ad Papam pervenisset, misit nuntios, ut eos  
reduceret, quos Patriarcha, cujus nomen erat  
Lucas ex oppido Bnehran, noluit admittere:  
eos Pontifex excommunicavit, & inter illos  
ignis accensus est: ideoque schisma propter illos  
duos emerfit: quod utique duravit usque ad  
electionem Hieremiæ successoris ejus. Vide  
supra, n. xxxii. col. 41.

### XXXIII. HIEREMIAS II.

Stephanus Aldoensis de Heden in brevi-  
culo de Patriarcharum Antiochenæ sedis  
Maronitarum serie, asserit Hieremiam ad  
Patriarchalem dignitatem promotum fuisse  
anno Christi 1209. Hunc oriundum dicit  
de Hamscis in Byblidis districtu, virumque  
fuisse justum, timoratum, ac zelo ardenti  
præditum, & in pago Januhh sedisse. Faustus  
Naironus in dissertatione *de nomine, &c.  
Maronitarum* pp. 101. & seqq. refert ex chro-  
nico toties citato eum, statim atque Patriar-  
cha electus est, Domini Byblidis suasionem,  
constituto Theodoro episcopo ex Kfarsu suo  
in Patriarchatu vicario, Romam se contulisse,  
ut malis, quæ prædecessor suus in Maroni-  
tarum gentem invexerat, mederetur: aitque  
id etiam colligi ex bulla Innocentii III. ad  
eundem Hieremiam, ubi eum scribit con-  
cilio Lateranensi interfuisse. Dominus Bybli,  
verba sunt auctoris chronici latine versa,  
rogavit Patriarcham Hieremiam, & dixit ei;  
*Modo vivimus, Romam ingredi celeriter;  
aufer à nobis excommunicationis vinculum, &  
affer nobis benedictionem. Profectus est noctu  
Patriarcha cum clerico ex oppido Habil qui  
Evangelium, parvumque officium, post sarcinam  
suum gestabat. Quum autem Romam perve-  
nissent, summi Pontificis pedibus provolutus*

fic loquutus est: *Veni missus ut sanctitatem  
tuam viserem, & vitam ducam sub pulvere pe-  
dum equi tui. Vicarium Christi te voco, largire  
mihi gratiam tuam. Flevit Pontifex, & qui cum  
ipso erant, audientes has voces, operibusque  
humilitatem ejus perspexerunt, petieruntque à  
Pontifice ut illum solaretur: ideoque quidquid  
petiit, ei concessit, & moratus est ibi magna cum  
lætitia. Post quinque annos & sex menses licen-  
tiam redeundi obtinuit: egressus est igitur Roma  
exultans, quia Pontifex ei impertitus erat omnem  
potestatem, & misit cum illo Cardinalem Wil-  
lelmum, cum potestate, ac ejus sigillo, ut ejus  
calamo scriberet fidem populi Montis-Libani.*  
Pergit idem auctor chronici: Anno Incarnat.  
Dom. 1215. (nostro computo 1216. si qui-  
dem fuit post concilium Later.) die 3. mensis  
Januar. egressus est (Hieremias) Roma exul-  
tans, pervenitque Tripolim mense Martio, &  
super muros civitatis tympana sonuere: & statim  
emanavit fama de adventu Patriarchæ Montis-  
Libani. Theodorus autem ex Kfarsu episcopus,  
quem suum vicarium Patriarcha constituerat,  
magnam populi multitudinem ibi collegit, & ne-  
quaquam exultavit nisi post susceptam ab eo  
benedictionem, & absolutionem ab excommuni-  
catione: & propria subscriptione juramento fir-  
marunt se non retenturos nisi fidem Petri. Quo  
peracto, nullus hæreticus visus est zizania inter  
ipso seminare, neque habitare in Monte-Libano.  
Ducenti ac septuaginta fuere qui præfatam  
firmarunt scripturam; neque aliqua extat cor-  
ruptela in nominibus, quæ usque adhuc inve-  
niuntur. Stephanus, in breviculo supra citato,  
narrat eum obiisse anno salutis 1230. in cœ-  
nobio S. Mariæ de Maifuch. Vide supra,  
D num. xxxii. coll. 41. & 42.

### XXXIV. DANIEL I.

Idem Stephanus Hieremiæ successisse me-  
morat *ibid. Daniëlem* de Sciamat in Byblidis  
districtu, qui primum degerat in S. Cypriani  
monasterio; deinde in cœnobium S. Maronis  
in Capharhai se transtulerat. Electus est autem  
anno æræ Græcæ 1541. id est Christi 1230.  
uti registravit Jacobus filius Joannis Botrensis  
in officio festivo sanctorum, quod in sancti  
Sabæ ecclesia de Bifrai vidimus, inquit Ste-  
phanus, ubi etiam legitur prædictum Patriar-  
cham anno Græcorum 1547. Christi 1236.  
habitasse in sancti Georgii monasterio de  
Casra.

### XXXV. JOANNES VIII.

Asserit idem Stephanus, juxta seriem Pa-  
triarcharum quam primo texuerat, Daniëli  
successisse hunc Joannem: id est, inter Jere-  
miam & Simonem interfuisse Joannem: sub-  
dit nihilominus se in ejus qui post Joannem



electus est Maronitarum Patriarcha, cognitionem pervenire non potuisse.

### XXXVI. SIMON IV.

Si Joannis successor fuit *Simon* ille, quem modo indicavit Stephanus, de eo refert Blasius Terzi, in libro de Syria sacra, Romæ impresso anno salutis 1695. pag. 52. quando Antiochia Latinis erepta fuit ab Ægypti Soldano, multos ex Catholicis hujus territorii incolis, ad Montem-Libanum apud Maronitas sese recepisse: Simonem vero qui tunc huic ecclesiæ præerat, infortunatam hanc plebem quasi proprias oves benigne admodum suscepisse, ac per litteras certiorum fecisse Alexandrum IV. summum Pontificem de toto hoc discrimine, perfectoque horum Christianorum in Apostolicam sedem obsequio, in cujus responso *Patriarchæ Antiocheni* titulo donabatur, quo exinde ipsius quoque successores potiti sunt.

### XXXVII. DANIEL II.

Ex eodem Blasio Terzi *ibidem*, Simoni substitutus est in sede Maronitarum Patriarchali *Daniël* circa annum salutis 1281. Addit Stephanus de Heden in præfato breviculo hunc Daniëlem fuisse de Hadscis ex Bisriensi provincia, uti registravit Joannes sacerdos & monachus de Hogula in fine libri de Christianis consecratione, his verbis: *absoluta fuit hujus libri scriptura anno æræ Græcæ 1592. (Christi proinde 1281.) diebus Patris electi Daniëlis de Hadscis Patriarchæ.* Hujus etiam imago videtur usque ad præsentem diem in ecclesia sancti Romani ejusdem loci.

### XXXVIII. LUCAS II.

Stephanus de Heden, & Blasius Terzi supra citati, post hunc Daniëlem, *Lucæ* ex oppido Bnehran ad radicem Montis-Libani mentionem faciunt: & prior quidem de eo narrat quod ecclesiæ Maronitarum præfuerit anno salutis 1283. quo Saladinus cum armata manu venit ad expugnandam Bisrai provinciam in Monte-Libano, ejusque incolas omni modo afflixit. Posterior vero ait eum vix ad dignitatem Patriarchalem promotum hæresim Monotheticam hausisse, propter quam in conventu episcoporum opera populi zelo fidei succensi coacto, cui præsidebat Aymericus visitator Apostolicus, depositus fuit, & Gabriël in ejus locum suffectus. Sed nescio an Terzi hunc Lucam, cum alio qui Hieremiam præcessit, & octoginta fere annis antiquior est, de quo supra, non confundat.

### XXXIX. GABRIEL II.

*Iidem* rursus Stephanus & Terzi Lucæ

subrogatum circa annum Christi 1290. tradunt *Gabriëlem* de Hagula in Byblidis territorio, qui fuit vir summe spiritualis, obtinuitque à summo Pontifice confirmationem suæ dignitatis & pallium; prima autem (die) Aprilis anni 1296. igne consumptus extra urbem Tripolim Syriæ martyrio coronatus est. Sepulcrum ejus ait Stephanus Edenensis esse sub Mahometanorum custodia usque ad præsentem diem, juxta collem arenarum prope eandem urbem, & vocari ab illis Sciek Mashud. Maronitæ eum suorum Martyrum catalogo inferuerunt.

Verum hunc Gabriëlem octoginta & amplius annis eo ævo esse recentiorum liquet ex codice 18. Ecchellensi, cujus meminit Asserianus *to. 1. Bibl. Orient. pag. 577.* ubi inter carmina quæ composuit Gabriël Barclaius episcopus Nicosiensis in Cypro, unum recensetur *de Gabriële Hagiulensi Patriarcha Maronitarum, qui ob Catholicam fidem à Mahometanis Tripoli extinctus est anno Chr. 1367.* nisi in ea epocha mendum irreperit, de quo judicent Maronitæ.

### XL. SIMON V.

Juxta eundem Stephanum de Heden Gabriëli successit *Simon*, cujus mentionem facit Sciamas Saba filius Salomonis filii Georgii archipresbyteri de Chamat in registro libri Evangeliorum quem scripsit caractere Chaldaico antiquo in papyro pergamenæ anno salutis 1322. qui liber adhuc conservatur in monasterio S. Michaëlis de Sciaria in pago Hanturin. Huic vero ad calcem inscribitur: *Absoluta fuit hujus libri scriptura diebus Patris nostri Patriarchæ Simonis supra sedem Antiochenam sedentis; nec-non diebus Petri archiepiscopi Bisrai anno æræ Græcæ 1633. (Christi 1322.)*

### XLI. JOANNES IX.

Simoni successit *Joannes*, inquit præfatus Stephanus Edenensis in breviculo citato, prout registratum in quodam libro antiquo in ecclesia sancti Sergii de Hadscit invenimus, his verbis: *Absoluta fuit hujus libri scriptura anno æræ Christianæ 1357. diebus Domini nostri electi Mar-Joannis Antiochiæ, Montis-Libani, & locorum maritimarum Patriarchæ, nec-non diebus pariter Joannis Cypri archiepiscopi.*

### XLII. DAVID II.

Post Joannem ad Patriarchatum evectus est *David*, qui vocabatur etiam *Joannes*, morabaturque in cœnobio S. Sergii de Cornu, uti registravit Daniël archipresbyter Banensis in libro quem scripsit anno æræ Christianæ 1397. his verbis: *Absoluta fuit hujus libri*



*scriptura anno Græcorum 1708. per manum A* Daniëlis archipresbyteri Banensis filii Haggi Simonis, diebus Patriarchæ David cognomento Joannis, qui in præsentiarum moratur in sancti Sergii monasterio in territorio Haradino. Ex alio registro cui subscripserunt Cyrillus archiepiscopus Algisæus, Elizæus solitarius archipresbyter, necnon Sciamas Musa Meridienensis, pervenit iste David Joannes usque ad ann. salutis 1404. quo Petrus ecclesiæ præerat Edenensis. Ita Stephanus Edenensis in breviculo sæpius citato.

## XLIII. JOANNES X.

Ex eodem Stephano Edenensi *ibidem*, Davidi successit (nescio an immediate, nisi sedes vacaverit pluribus annis) Joannes Algigæus, qui statim atque electus fuit, Romam misit ad Eugenium IV. summum Pontificem, Joannem Ordinis Minorum, suorum fratrum Beryti superiorem; is Pontificem concilio Florentino præsentem adiit, & ab eo epistolam cum pallio retulit. Ubi vero Tripolim appulit, in carcerem conjectus est jussu gubernatoris Mahometani, eo quod ad ejus adventum magna lætitiæ signa prodidissent hujus urbis Maronitæ; sed quum nationis hujus magnates pro ejus liberatione intercessissent, ira graviori accensus aliquos ex illis morti adjudicavit, eorumque possessiones tradidit igni, prætexens legatum Patriarchæ Roma revertentem, clam ab iis fuisse susceptum. Missis deinde satellitibus ad cœnobium Maiphuch in quo tunc morabatur Patriarcha, omnes monachos catenis vinctos ad urbem traduxit, nationemque totam ingenti mulctavit pecuniarum summa. Quapropter Patriarcha fugit ad monasterium S. Mariæ de Kanubin, ut tutius sub Comitis Jacobi & filiorum ejus protectione degeret. Tandem anno salutis 1445. cum insignis sanctimonie fama decessit in eodem cœnobio. Porro monasterium illud à Theodosio magno Imperatore erectum fuit, successu vero temporis, Alzaher Baruch Orientis & Ægypti Soldanus, incisus in lamina ænea characteribus, hoc monasterium ab omni vectigalis gravamine vindicavit. Atque hinc evasit sedes episcopalis, primusque episcopus qui in eo versatus est vocabatur Petrus. Adventante autem Patriarcha Joanne Algigæo, sede Maronitarum Patriarchali decoratum fuit. Hæc omnia prædictus Stephanus Edenensis loco citato.

## XLIV. J A C O B U S II.

Nona die post Joannis Algigæi obitum, inquit idem Stephanus *ibidem*, convenerunt populus & episcopi, ac elegerunt in Maroni-

tarum Patriarcham Jacobum filium Hid de Hadeth, qui à pueritia enutritus fuerat in S. Sergii eremitorio S. Joannis nuncupato. Hic autem Joannes sancti Patris nomen sortitus fuerat, quia quum hujus cœnobii archimandrita esset, omnibus monachis eremitisque Montis-Libani præerat. Is igitur per legatum ab Eugenio Papa IV. electionis confirmationem & dignitatis pallium petiit: quibus à Nicolao V. & Callixto III. donatus est, & bulla adhuc visitur in eo monasterio S. Mariæ de Kanubin. Obiit tandem die Mercurii octava Februar. anni salutis 1468.

## XLV. P E T R U S II.

Jacobo post novem dies substitutus est, ex eodem Stephano Edenensi in præfato breviculo, Petrus filius Josephi filii Jacobi, cognomento Assanus de Hadeth, qui legatum Romam misit P. Griffonem Ordinis Minorum ad Paulum Papam II. ut confirmationem & pallium obtineret. Extant in elucidatione terræ sanctæ Quaresmii in fine Volum. II. litteræ apostolicæ hujus summi Pontificis: *C Paulus episcopus servus servorum Dei, venerabili fratri Petro Patriarchæ Maronitarum, Antiocheno nuncupato, salutem & Apostolicam benedictionem. Virtutum Deus omnipotens, &c. Iis in litteris Griffonem dicit esse Ordinis Fratrum Minorum de observantia. Post expositionem fidei duarum in Christo voluntatum & operationum, pergit Pontifex: Et quoniam ad hæc, & alia mandata Apostolica cum omni mansuetudine suscipienda te promptum fore non ambigimus; ea propter sanctæ recordat. Innocentii & Eugenii IV. Romanorum Pontificum prædecessorum nostrorum vestigiis inhærentes, electionem & nominationem seu provisionem & provectionem de persona tua ecclesiæ Antiochenæ Maronitarum, alias provide factas, omnia quoque jura, & laudabiles consuetudines ad tuam & prædecessorum tuorum ejusdem Maronitanæ ecclesiæ utilitatem edita, & hæcenus observata, de venerabilium fratrum nostrorum sanctæ Romanæ ecclesiæ Cardinalium consilio, auctoritate apostolica tenore præsentium approbantes & confirmantes, pro potiori cautela, suffragio nostro te eidem Maronitanæ ecclesiæ denuo in Patriarcham præficimus & Pastorem, curam & administrationem illius in spiritualibus & temporalibus committens, firma spe fiduciaque, &c. Datum Romæ apud sanctum Petrum anno Incarnat. Dominicæ 1469. nonis Augusti, Pontificatus nostri anno quinto. Obiit ille Petrus die 12. Februar. anno 1492.*

## XLVI. SIMON VI. sive SIMEON.

Die nona à Petri obitu, inquit idem Stephanus Edenensis *ibidem*, quum convenisset clerus



clerus ad recitandum officium pro ejus animæ refrigerio, electus est in Patriarcham *Simon* vel *Simeon* Hadethensis, filius Davidis, frater hujus Jacobi prædecessoris sui, qui Romam legatum bis misit: primum post promotionem suam, & rursus anno salutis 1515. ubi in concilio Lateranensi V. exhibitæ sunt & lectæ, tum litteræ episcoporum Maronitarum, tum etiam Petri (id est Simonis istius, qui, ut cæteri Maronitarum Patriarchæ, *Petri* nomen deferbat.) In prioribus quidem fides, multæque consuetudines Maronitarum à sede apostolica approbandæ describuntur, inter quas præsertim observatu dignus videtur Patriarcham tunc eligendi modus, scilicet: *Sede Patriarchali vacante, duodecim sacerdotes boni, pudici, Catholici, quos jam ad id munus destinatos esse cognoscimus, quum primum vita functus est Patriarcha, in quodam monasterio, quod ad eum usum habetur, appellaturque domus sanctæ Mariæ, in sua quisque cella includuntur ea custodia, ut nullus alium vel videat, vel alloquatur. Accipit unusquisque horum duodecim folia chartarum, redditque singulis diebus singula folia scripta nomine ejus quem eo die in Patriarcham elegit: & quando omnes in unum conveniunt Dei gratia, & non eorum voluntate, confestim congregantur prælati, diacones, & subdiacones, & universi sacerdotes, totaque nostra Respublica, & electum constituunt in sede felici, in qua sedet hodie servus Christi Petrus Patriarcha sedis Prophetarum, &c. Scripta est epistola in ædibus nostris, anno Incarnat. 1514. octava die mensis Martii. In posterioribus vero Petri nimirum Patriarchæ litteris, hæc inscriptio legitur: Discipulus minimus Petrus Patriarcha Maronitarum ex monasterio Canubin, servus servorum Dei. Et ad calcem: Scripta sunt hæc anno Incarnat. Domini nostri Jesu-Christi 1515. mense Februario, die 14. Extant istæ litteræ to. 14. concil. P. Labbæi, coll. 349. 350. 353. & 355. Reverfus est legatus eodem anno 1515. secum deferens bullam confirmationis & pallium, quæ à Leone X. obtinuerat. Obiit Simon Petrus Patriarcha, die 27. Novembris, anno salutis 1524. ætatis suæ anno fere 120.*

#### XLVII. MOYSES.

Diebus novem à Simonis obitu de more transactis, die 11. Decemb. ei suffectus est *Moyfes* Saadæ filius ex Barda provinciæ Accarensis oppido oriundus. Monasticam vitam in cœnobio sanctæ Mariæ in Hauca juxta Montem-Libanum professus est. Misit eum Simon Hadetensis Maronitarum Patriarcha Romam anno salutis 1522. ad Adrianum VI. summum pontificem. Hæc de eo habet Stephanus Edenensis in chronico, apud Assen.  
*Tomus III.*

*A to. 1. Bibl. Orient. pp. 522. & seqq. Vir erat pietate & divinæ gloriæ studio maxime insignis. Urbem Romam adiit, & confirmationis pallium Simeoni Patriarchæ inde attulit. Syriacum carmen de sua in Urbem profectione conscripsit, & alterum de Joseph filio Jacob Patriarchæ. Agros & prædia bene multa monasterio sanctæ Mariæ in Canobin contulit: quumque in Domino obdormisset, opes non modicas eidem reliquit. Ejus morti indoluit universus Maronitarum populus, ejusque sanctum corpus cum luctu & lacrymis in speluncam S. Marinæ illatum est. Ejusdem post obitum, cubiculum ipsius ad valvas ecclesiæ Dominæ nostræ, in ædem sacram successores converterunt: duoque altaria duobus Apostolis Petro & Paulo in ea erexere, ne quis post ejus decessum eo in loco habitaret.*

Extant ad eundem, in laudato cœnobio Patriarchali Canubin, quatuor summorum Pontificum epistolæ, quas ex autographo descriptas penes me habeo, inquit Asseman. *ibid. p. 523. Prima Clementis VII. sub die 25. Januar. 1531. Secunda Pauli III. xi. cal. Decemb. 1542. Tertia Pauli IV. sub die 12. Novembr. 1556. Quarta Pii IV. calendis Septemb. 1562. Ad hunc quidem Pontificem Moyfes Georgium archiepiscopum Damascenum delegaverat, ut suo, totiusque Maronitarum nationis nomine, sacræ synodo Tridentinæ interesset; verum id satius non duxit Pius Papa, ut ex illa eadem ejus responsione colligitur: Venerabilem, inquit, fratrem nostrum Georgium archiepiscopum Damascenum, qui tuas ad nos attulit litteras libenter vidimus, &c. Quod autem contentum te esse significasti, ut ipsum archiepiscopum ad Tridentinum concilium mitteremus, id nobis minime necessarium visum est: præsertim quum is, neque Latinam linguam noverit, ac ne Italicam quidem satis calleat: eamque ob causam futurum fuerit, ut, nec quid ipse sentiret, exprimere, nec quid ibi ageretur, satis intelligere posset. Satis autem hoc futurum esse existimavimus, si litteras ipse, quum primum oblata fuerit facultas, miseris; sicut venerabilis quoque frater Abdisu Assyriæ Patriarcha, qui Romæ nuper fuit, ante discessum suum fecit, per quas testificeris & profitearis, te ipsius Tridentinæ synodi decreta, una cum suffraganeis, & clero tuo, suscipere, & approbare quidquid ipsa probaverit, & quidquid damnaverit, improbare, &c. Obiit Moyfes iste Patriarcha, die 19. Martii, anno 1567. ætatis anno quinto supra octogesimum.*

#### XLVIII. MICHAEL RISIUS.

Die 31. Martii ejusdem anni 1567. sedem Maronitarum Patriarchalem conscendit *Michaël* Risius de Bocufa, cognomento Petrus, ut sui prædecessores. Eremita prius fuerat:

E



confirmationem autem & pallium ei detulit Pater Joannes-Baptista Elianus Societ. Jesu ad id missus à Gregorio decimo-tertio Papa anno 1579. In quodam codice manuscripto Syriaco & Arabico Evangeliorum Bibliothecæ collegii Romani Maronitarum legitur fol. 3. sequens nota quam ipsemet apposuit, teste Affem. tom. 2. Bibl. Orient. pag. 9. *In nomine Dei vivi in æternum, Petrus Patriarcha Maronitarum. Anno Alexandri Græcorum regis 1882. (id est Christi 1571.) direpto oppido Besciara, ablatum fuit etiam codex Evangeliorum Mar-Barsumæ: quumque per annum integrum desideratus fuisset, repertus tandem à Sergio presbytero filio Aaron archipresbyteri de dicto oppido Besciara, redemptusque fuit quadringentis nummis, & legatus ab eodem fuit prædicto sancto. Quisquis igitur ipsum distraxerit, sanctum Mar-Barsumam experietur ultorem. Scilicet, ut observat Affem. ibidem, sanctum vocabat Michaël Risius Patriarcha hunc Barsumam, sub cuius nomine ante annum salutis 1469. templum erectum est in oppido Besciara, quia eum probabiliter existimavit fuisse sanctum Barsumam Martyrem: sed alius non fuit ab illo impio archimandrita Barsuma qui in latrocinio Ephesino, pro stabilienda Eutychetis hæresi, tot excitaverat turbas. Extat apud Faustum Naironum, in dissert. de nomine, &c. Maronitarum pag. 113. fragmentum epistolæ quam anno 1578. die 25. Augusti ad Cardinalem Antonium Caraffam scripsit idem Patriarcha, ut rationem redderet cur in ipsorum libris errores invenirentur. Id autem factum asserit fraude hæreticorum qui circa eos sunt, eademque lingua Syriaca utuntur: *Et quia, frater mi,* inquit, *erit aliquis qui vobis scribet in nostris libris invenisse aliqua verba sanctam ecclesiam oppugnantia; nos non recipimus nisi quod recipit sancta ecclesia: & quod invenitur in exemplaribus, potuerunt ingredi & immisceri in illis (libris nostris) nonnulla ex codicibus nationum quæ sunt circa nos per multum tempus. Frater mi, omnem deponas suspicionem de rectitudine nostra, ab antiquo fundati sumus in fide sanctæ ecclesiæ Apostolicæ Romanæ, quam semper sumus amplexi: & nequaquam vobiscum tantum ore loquimur, sed ore simul ac corde, & Deus de hoc sit testis. Constitutiones aliquas sanxit, in synodo provinciali confirmandas, quarum septima sic exprimebatur: *Septimo, cæterum ut fides pura, & obedientia sincera inter nostras nationes erga nostram sanctam Catholicam ecclesiam Romanam conservetur; quoties inter nos novus Patriarcha eligitur, statim oratores ad sanctitatem suam pro confirmatione ejusdem delegentur, qualiter fecere antecessores nostri à tempore reverendissimi Patriarchæ Hieremiæ***

*bonæ memoriæ, quod ipsum à me ultimo observatum est, &c.* Responsum quoque nonnulla summi Pontificis ad totidem à se quæsitum super fide & ritibus Catholicis collegerat, ut ea nota faceret in synodo cogenda circa festum Paschæ anni salutis 1578. Obiit, ex Stephano Edenenfi in breviculo sæpessæpius citato, die 21. Septembris anno 1581.

#### XLIX. SERGIUS RISIUS.

Michaëli Risio successit *Sergius Risus* ejus frater. Hunc cum fratre prioribus annis in eodem loco eremiticam vitam duxisse scribit præfatus Stephanus Edenenfis. Electus vero Patriarcha Patrem Joannem Bromun Societ. Jesu Romam delegavit, ut confirmationem & pallium à Gregorio XIII. Papa obtineret: quod pro voto cessit. Hieronymus Dandinus Cæsenas ejusdem Societatis Jesu à Clemente VIII. Papa ad Maronitas missus synodum ab eo Patriarcha anno 1596. haberi curavit, ut affectos huic nationi errores depelleret. Hujus synodi acta ipse Latine suo itinerario inseruit sub eo titulo: *Acta synodi provincialis illustrissimi & reverendissimi Domini Sergii Petri Patriarchæ Antiocheni Maronitarum in Monte-Libano anno 1596.... Dimissa synodus est, die ejusdem Septemb. mensis 20. (stilo vet. nov. 30.) anno M. D. XCVI.* Obiit paulo-post Sergius die scilicet 5. Octobris ejusdem anni 1596.

#### L. JOSEPH II. dictus RISIUS.

Die 13. Octob. ejusdem anni 1596. ad sedem Patriarchalem Maronitarum, ex eodem Stephano Edenenfi in præfato breviculo, decessit *Joseph Risus*, duorum præcedentium Patriarcharum frater, quem tamen Affemanus to. 1. Bibl. Or. p. 552. & Hieronymus Dandinus dicunt Sergii nepotem. Is statim ab ordinatione sua, in episcoporum synodo confirmavit quæ in præcedenti decreta fuerant. Quod gestum est die 3. (vet. stilo, novo 13.) Novemb. ejusdem anni 1596. Primus extitit in Oriente qui Calendarii correctionem à Gregorio XIII. factam suscepit anno salutis 1606. suisque Maronitis servandam tradiderit. Ita Affeman. ibid. pp. 553. & 554. qui etiam Stephanum Edenensem citat in chronico. Obiit anno 1608. & vacavit sedes novem mensibus, propter tyrannidem Turcarum exercitus qui tunc eam regionem devastabat.

#### LI. JOANNES XI.

Menſe itaque Maio anni salutis 1609. episcopi & populus unanimi consensu elegerunt in Patriarcham suæ nationis Joannem Macluphium episcopum, qui Romam miſit



Georgium presbyterum ad præstandam Paulo V. summo Pontifici obedientiam, & confirmationem ab eo cum pallio petendam. Reversus est legatus voti compos die 10. Martii anni 1610. Blasius Terzi *lib. 1. della Syria sacra pag. 53.* hunc sequenti elogio prosequitur: Joannes splendebat virtutibus in gradu heroico: cognominabatur *sanctus, eximius, & restaurator ecclesiæ Orientalis afflictæ.* Summis Pontificibus charus erat, quem nonnisi infra merita, quantilibet honoribus beneficiis-ve cumulatum, remunerari testabantur. Hujus precibus Cardinalis Dandinus annuit ut libri Maronitarum ecclesiastici Romæ typis ederentur, quod idem Cardinalis huic per epistolam significavit. Anno tandem sui regiminis vigesimo-quinto in cœlestem patriam quam semper mente intenderat, migravit die 15. Decemb. anno salutis 1633. De eo etiam agunt Stephanus Edenenensis in breviculo, & *Assen. 10. 1. Bibl. Or. pp. 552. & 553.* ex quo discimus pag. ultimo citat. Isaacum Sciadrensem episcopum Tripolitani bina carmina dodecasyllaba composuisse, ordine alphabetico, unum in laudem Urbani VIII. summi Pontificis, alterum in Joannis Macluphii Maronitarum Patriarchæ, quæ extant in manuscripto codice collegii Urbani de propaganda fide.

## LII. GEORGIUS I. ELIAS.

*Georgius Amira*, Michaëlis Edenenensis filius, Romam studiorum causa, anno salutis 1583. in collegium Maronitarum à Gregorio XIII. recens erectum profectus, emenso philosophiæ ac theologiæ curriculo in patriam anno 1595. regressus est. Anno sequenti 1596. in Canubenſi episcoporum conventu quem Sergius Rifiſ Maronitarum Patriarcha, jussu Clementis VIII. indixerat, magnam doctrinæ ac prudentiæ famam sibi comparavit. Quocirca à Josepho Rifiſ Sergii successore, exeunte eodem anno, episcopus Edenenſis consecratus est. Post obitum autem Joannis Macluphii, qui Josepho Rifiſ successus fuerat, ad Patriarchatum Antiochenum Maronitarum promotus die 27. Decembris anni 1633. communibus episcoporum suffragiis, ab Urbano VIII. anno 1635. die 3. Martii confirmationem & pallium recepit. Edidit latino sermone *Grammaticam linguæ Syriacæ*, Romæ typis Jacobi Lunæ, anno 1596. cujus abbreviatores fuerunt Petrus Metoscita, & Gabriël Avodius Hefronita, quorum Grammaticæ extant in Bibliotheca collegii Romani Maronitarum, & in collegio Urbano de propaganda fide. Eidem eruditissima prolegomena præmisit Georgius de linguæ Syriacæ nominibus ac discrimine, antiquitate, dignitate,

*Tomus III.*

*A præstantia, ac utilitate, ubi & contendit eam omnium linguarum esse primam, ipsiusque Hebraicæ fuisse matrem, cujus tamen argumentis respondet Waltonus in Prolegomenis tomo 1. Bibliorum Polyglottorum Anglicanorum præfixis. Scripsit etiam Georgius Amira Arabico sermone librum de structura ædificiorum, rogante Facreddino Drusorum in Antilibano Duce, cujus operis meminit Stephanus Edenenſis in chronico ad annum 1644. quo, die 29. Julii, simul cum Urbano VIII. fato functus est. Ita Assen. 10. 1. Bibl. Orient. pag. 552.*

Observare pretium est, juxta auctorem vitæ D. Galaup de Chasteuil, quam abbreviatam Clarissimus D. de la Roque, de republica litteraria optime meritus; typis edidit ad calcem historiæ sui itineris ad Montem-Libanum, dicendum fore, Georgium Amiram citius decessisse, quam anno 1644. ipsique immediate successum esse *Eliam* episcopum Edenensem, sapientissimum D. de Chasteuil à pluribus annis conscientiæ moderatorem. Refert enim auctor ille, idque ex schedis fidelibus ad se missis à duobus RR. PP. Carmelitis Theresianis in Montem-Libano degentibus, doctis, quos nominat, testibusque, ut sic loquar, oculatis; Maronitarum proceres, Georgio Amira dignissimo ipsorum Patriarcha vita functo, venisse ad D. de Chasteuil, qui ex nobili prosapia in Gallo-provincia ortus Montem-Libanum petierat, ibique in cella Eremitica clausus asperrimam vitam ducebat, ac Patriarchalem ei obtulisse dignitatem, ad quam eum promoverent, si assensurum se polliceretur: ipso tamen modestissime & pertinaciter reluctante, *Eliam* episcopum Edenensem modo memoratum, intuitu præsertim summæ venerationis qua eum D. de Chasteuil à decem circiter annis prosequabatur, in Patriarcham fuisse assumptum; hunc vero eorum voluntati non obtemperasse, nisi consulto prius eodem D. de Chasteuil, acceptoque responso hanc ipsius electionem divinitus esse factam, cui sine mora acquiescere deberet: non multo autem postea, ad instantes RR. PP. Carmelitarum Theresianorum preces, in eorum cœnobium prope situm se transtulisse piissimum hunc anachoretam, sextoque exinde mense obiisse cum publica eximiæ sanctitatis fama die 15. Maii anni 1644. ut constat ex epitaphio ibidem appposito ad ejus tumulum, & relato in prædicta ejus vita. Porro videat prudens lector quomodo hæc coherere possint cum eo quod narrant de Georgio Amira, deque immediato ejus successore Josepho Accurenſi, tum Stephanus Edenenſis Maronitarum Patriarcha ad hanc sedem evectus.

E ij



anno 1671. in breviculo, ubi ait, Georgius Amira, die 29. Julii anno salutis 1644. obiit: Georgio successit Joseph filius Petri archiepiscopi, cognomento Eben-Holaib Accurensis, die 15. Aug. ejusdem anni quo obiit prædecessor ejus: tum etiam Asseman. tom. 1. cit. Bibl. Orient. pag. 552. col. 2. ubi pariter asserit; obiit (Georgius Amira) die 29. Jul. 1644. eodem die & anno, quo Urbanus VIII. & pag. seq. col. 1. Joseph Petri Accurensis filius.... Anno 1644. die 15. Aug. Georgio Amira substituitur. Judicium, inquam, esto penes lectorem, quibusnam ex his scriptoribus ea de re inter se non convenientibus, fides potissimum adhibenda esse videatur.

#### LIII. JOSEPH III.

Joseph Accurensis, Petri Accurensis episcopi filius de domo Alipia, à Joanne Macluphio Patriarcha, anno 1626. episcopus Sidoniensis constitutus est. Insigne monasterium sanctimonialium S. Joannis de Hhrasc in regione Kesruanensi erexit, cujus meminit Naironus in Evopl. pp. 93. & seq. Anno salutis 1644. die 15. Augusti ad dignitatem Patriarchalem electus, Romam misit Christodulum presbyterum Hadetensem pro confirmatione petenda cum pallio, quæ concessit ipsi anno ejus tertio Innocentius X. Scripsit Joseph Syriacè *Grammaticam*, Romæ typis sacre Congreg. de Propag. fide excusam anno 1645. Item Arabicè *Carmina diversa*, quorum præcipuum locum occupat quod de *Maronitis & Melchitis*, deque *Calendarii reformatione* adversus Orientalium calumnias edidit. Eidem attribuit Blasius Terzi, *della Syria sacra*, lib. 1. p. 53. tractatum de *Primatu summi Pontificis*, in versu heroïco. Obiit die 3. Novembris, anno 1647. ætatis septuagesimo-quarto. Assem. 10. 1. Bibl. Or. p. 553.

#### LIV. JOANNES XII.

Die nona post Josephi Accurensis mortem, in Patriarcham Maronitarum assumptus est Joannes Saffrensis, de Byblidis districtu. Multum contulit ad perficiendam Andreæ Abdelgalis ab hæresi Jacobitarum conversionem, quam sic describit Naironus in *dissert. de nomine, &c. Maronitarum*, p. 48. Andreas Abdelgal, vir immortalis memoria dignus, abjurata Jacobitarum hæresi in qua natus ac educatus fuerat, in Montem-Libanum ad Josephum Accurenssem Maronitarum Patriarcham se contulit. Quo defuncto, Joannes Saffrensis ejus in Patriarchatu successor, ac vitæ sanctimonia præstantissimus, illum sacerdotem ordinavit: ac deinde ob singularem virtutum ornamenta quibus ille enitebat, archiepiscopali ab eodem consecratus

charactere in suæ gentis (auxilium) Aleppum petiit; ibique quum magnam Jacobitarum multitudinem ad Catholicum reduxisset cultum, eò ejus fama pervenit, ut mortuo illarum gentium hæretico Patriarcha, omnium proborum votis in ejus locum præfatus Andreas fuerit subrogatus. Litteræ apostolicæ expeditæ ad hunc Andream ab Alexandro VII. pro ejus confirmatione, illum diserte nominant *Patriarcham Syrorum*, & nequaquam *Jacobitarum*. Ex quo infert idem Naironus *ibid. pag. 49.* quum Maronitæ hoc Maronitarum nomen nunquam deposuerint, licet sint Catholici, imo summi Pontifices, ab Innocentio III. hucusque eorum Patriarcham in bullis Apostolicis nuncupent *Patriarcham Antiochenum Maronitarum*, sequi omnino hoc Maronitarum nomen non fuisse inditum illis ullo tempore ut indicativum alicujus erroris quem professi quondam fuerint. Piè obdormivit in Domino Joannes die 23. Decembris anni salutis 1656.

#### LV. GEORGIUS II.

Die prima Januarii anni 1657. inquit Stephanus Edenensis in breviculo toties citato, uno consensu electus fuit Patriarcha Maronitarum Georgius Haggi Domari filius de Besbhel ex Tripolis Syriæ districtu. Postque triennium obtinuit ab Alexandro VII. Papa confirmationem & pallium. De eo hæc habet Naironus in *dissert. de nomine, &c. Maronitarum*, pag. 125. Georgius Besbeelenus, & ipse Patriarcha, linguarum multarum peritus (fuit) & juris ecclesiastici sui. Obiit Kesruani die 12. Aprilis anno salutis 1670. ibique sepultus est. Sed quum tunc temporis in homines sæva pestis debaccharetur, non potuerunt episcopi ante diem 20. Maii anni sequentis ad electionem ejus successoris procedere.

#### LVI. STEPHANUS II.

Die igitur 20. Maii anni salutis 1671. ad sedem Patriarchalem Maronitarum promotus est Stephanus Michaëlis filii Moyfis Edenensis filius, de familia Aldoensi, breviculi, quo in hac Patriarcharum Maronitarum serie plurimum usi sumus, auctor. Blasius Terzi in opere cujus titulus *della Syria sacra*, lib. 1. pag. 53. eum ait fuisse virum doctum, variasque linguas in summo gradu calluisse. Vixerat Romæ multis annis in collegio Maronitarum. Confirmationem & pallium ei concessit de more Clemens X. Papa, die octava Augusti anni 1672. Faustus Naironus, in *dissertatione de nomine, &c. Maronitarum*, eum mirificè commendat: sic pag. 114. Testis est omni exceptione major, inquit, vir summæ virtutis, & reconditissimæ eruditionis, ac in



theologicis facultatibus, & ecclesiasticis historiis, Occidentalisque ac Orientalis ecclesiæ ritibus præclare, si quis unquam alius, versatus illustrissimus ac reverendissimus Dominus Stephanus Petrus Edenensis Antiochenæ sedis Patriarcha Maronitarum. Hic enim in epistola quadam, prima Januar. 1674. ad me (Naironum) data sic à me consultus mihi respondit: *At Deus, cui laus, uti suæ ecclesiæ gubernator, nostræque cupidus salutis, ne omnia corrumpere (Maronitarum) exemplaria providit, quia aliqui codices sunt variati ac mutilati; iidemque (in aliis exemplaribus) prorsus illæsi ac perfecti ullo absque dolo inveniuntur.* Sic rursus *ibid. pag. 121.* Maronitas quidem, inquit, Latinorum collegiorum alumnos fatentur doctos (ipsi etiam qui in Maronitas non sunt multum propensi) possum addere & ex iis doctissimos fuisse, in quibus eminet illustrissimus ac reverendissimus Dominus Stephanus Edenensis Antiochenæ sedis (Maronitarum) Patriarcha, cujus scripta, & maxime volumina illa magna, quæ de liturgiis Orientalibus, eorumque cum Latina liturgia conciliatione elucubravit, prope modum in lucem edenda, quantæ sit doctrinæ satis ostendent, ut non opus sit illum à me commendari pluribus. Præter hoc liturgiarum scriptum, ejusdem *Vindicias Maronitarum* laudat Assemanus *tom. 1. Bibl. Or. pag. 496. & chronicon, ibidem, pag. 552.* Hoc chronicon habetur in codice Arabico 82. cujus mentionem facit idem Assemanus *infra pag. 631.* his verbis: *Stephani Edenensis Patriarchæ Antiocheni Maronitarum chronicon ab anno Christi 1095. ad annum 1699. de rebus in Syria gestis. In fol. Bombic. 140.* Inter testimonia de fide Orientalis ecclesiæ circa præsentiam realem Christi in Eucharistia, quæ recensentur ad calcem 3. tomi de perpetua hujus mysterii assertionem in universa ecclesia, *pag. 721.* edit. Paris. 1674. unum extat cui in hunc modum subscripsit ille Patriarcha, *Stephanus Petrus humilis & abjectus Patriarcha Antiochenus. Datum in monasterio Canobin die 12. Jun. anno Alexandri Græci 1984. id est, ab Incarnat. 1673.* D. de la Roque, de Republ. litteraria optime meritis, qui eum invisit pluriesque alloquutus est dum in Monte-Libano versaretur, confirmat in itinerario suo *pag. 236.* hunc doctrina ac pietate insigni claruisse. Migravit ex hac vita anno salutis 1704. die 3. Maii, & in sanctæ Marinæ crypta sepultus est.

LVII. GABRIEL II. dictus DE BLAUSA.

*Gabriël de Blausa*, quod est oppidum in Monte-Libano, jam juvenis monasticam vitam amplexus est; deinde in provinciam

A Kesrouanensem se contulit, ubi constructo monasterio per aliquod tempus cum aliis paucis monachis vixit; postea inauguratus est archiepiscopus Aleppi, in qua urbe ipse fuit primus archiepiscopus Maronitarum qui ante unum sæculum in ea urbe paucissimi erant. Rexit autem illam ecclesiam quadraginta circiter annis: demum mortuo Stephano Edenensi fel. mem. Patriarcha, in ejus locum unanimi episcoporum consensu suffectus est die 11. Maii anni salutis 1704. semperque vitam monachalem egit. Tunc vero cœnobium quod monachus utcumque ædificaverat, ampliavit, & valde ditavit, ita ut bonorum copia cætera superaverit. At, prohi dolor! non diu Patriarcha vixit; nam anno seq. 1705. mense Octobri, recepto à Romano Pontifice Clemente XI. pallio per manum R. P. Hyacinthi Carmelitæ Galli, quem ob id Romam delegaverat, die ultima ejusdem mensis obiit, & ante oratorium S. Marinæ extra monasterium Canobin sepultus est.

LVIII. JACOBUS II. dictus AVODIUS.

JOSEPH electus.

*Jacobus Avodius* de Hesron, quod pariter est oppidum in Monte-Libano, adolescens Romam missus, ut ibi in collegio Maronitarum litteris operam navaret; licet optimæ indolis ac ingenii sagacis esset, modicam tamen doctrinam sibi comparavit. Deinde in patriam reversus, sua in negotiis tractandis industria, & in scribendis epistolis eloquentia, cum mira politica conjunctis, amanuensis Stephani Edenensis fel. mem. Patriarchæ evasit: & functus hoc officio per aliquot annos, ab eodem designatus est archiepiscopus Tripolis Syriæ; sed in his omnibus vanitati mundanæ multum inserviebat. Tandem defuncto Gabriële de Blausa Maronitarum Patriarcha, ope cujusdam principis, ut constans fama est, sedem Patriarchalem conscendit, die 5. Novemb. anni 1705. Denegatum ob id Romæ diu pallium; quod tamen accepit per R. P. Ferdinandum Carmelitam ad id missum. Liberiores nihilominus ac antea degebat vitam, & quum pessime ea de causa audiret, concilium episcoporum nationis adversus eum coactum est in quodam monasterio provinciae Kesrouanensis, & ad illud accersitus, publicè in ecclesia ab episcoporum decano Patriarchalis insignibus dignitatis spoliatus est, & in carcerem detrusus in monasterio S. Mariæ de Lowaisa provinciae pariter Kesrouanensis, & tunc alter Patriarcha nomine *Joseph Benedictus* eidem subrogatus fuit, cui tamen pallium semper denegavit summus Pontifex. Clausus itaque remansit Jacobus, donec Clemens XI. fel. mem. R. P.



Laurentium à sancto Laurentio eo tempore A  
terræ sanctæ Custodem, Ordinis Minorum,  
ad inquirendum de hoc facto delegavit,  
qui venit in Kesrouan in qua tota scena  
hæc peracta est: & rursus aliud conci-  
lium habitum est ibidem coram illustrissi-  
mo Domino Josepho Benedicto in locum  
depositi suffecto: sed nihil in eo conventu  
decisum, nisi quod Jacobus in manus reve-  
rendissimi Custodis traditus sit, qui illum  
Saydam, id est, Sidonem secum duxit, & in  
monasterio Patrum Franciscanorum posuit,  
ubi permansit diu; quo tempore sedes aposto- B  
lica nil decrevit. Interea autem contigit mors  
Domini Josephi Benedicti: & tunc aliqui  
Maronitæ Romæ commorantes, privatisque  
affectibus satius ducentes, quam nationi suæ  
prospicere, ita egerunt commentitiis suis nar-  
rationibus apud Curiam Romanam, ut Jaco-  
bus Avodius absolutus fuerit & suæ dignitati  
restitutus. Natio quidem aliquantulum reci-  
pere eum distulit: paruit tamen ob reveren-  
tiam sedis apostolicæ. At ille, per reliquam  
vitam perpetuo simultates fovere studuit, &  
tantum abest ut morum suavitatem sibi subjec- C  
torum benevolentiam captaret, quin è contra  
cum omnibus rixandi ansam semper quæserit.  
Hæc de eo nos docuit clarissimus Maronita.  
Quum autem se morti proximum, urgente  
gravi morbo, arbitraretur, Eliam episcopum  
sibi voluit nominare successorem, ejusque in  
gratiam Patriarchatum dimittere; verum octo  
episcopi nationis acriter obstitere dicentes,  
nonnisi post Patriarchæ mortem, ad electio-  
nem alterius deveniendum. Id discimus ex  
epistola gallicè scripta ab urbe Tripoli die 25.  
Martii, anno salutis 1733. ad cujus calcem D  
narratur præfatum Jacobum obiisse die 12.  
Februarii ejusdem anni. Fatendum nullum  
ante ipsum Patriarcham sagaciori fuisse in-  
genio præditum: sed quod pejus est, eo ad  
malum usum esse potius quam ad bonum.  
Doctissimus Assemanus in *I. præf. to. I. Bibl.  
Orient. num. XI. pag. 5. hujus num.* asserit,  
dum Pelusium ex Tripoli urbe adnavigaret,  
ante annum utique 1717. quo Romam rever-  
sus est, maximas se egisse Patriarchæ Maroni-  
tarum reverendissimo Domno Jacobo Avo-  
dio gratias, ut-pote qui totam codicum E  
(Orientalium quos Romam adsportabat)  
negociationem, non in Libano duntaxat, &  
apud suos Maronitas, sed etiam Damasci,  
Aleppi, Cairi, ubique (dum) apud ex-  
teras nationes, opera, consilio, & auctoritate  
mirifice juxerit.

## LIX. JOSEPH IV.

Auctor epistolæ modo citatæ addit, Jacobo  
mortuo, archiepiscopos & episcopos nationis,  
quindecim numero, convenisse Rayfon, quod  
cœnobium est regionis Kesrouanensis, ut ibi  
ad electionem novi Patriarchæ procederent:  
ab eorum autem antiquiore sermonem fac-  
tum, in quo ille episcopum Abdellah multis  
extollens laudibus Patriarchali sede dignif-  
simum pronuntiavit; huic accessisse quin-  
que alios: sex alios in Eliam vota tulisse, duos  
in Stephanum episcopum regionis Canubin,  
unum denique in Gabrielem episcopum  
Edlun. Interim magnates districtus Kesroua-  
nensis, ea divisione audita, confestim equis,  
armisque assumptis, cucurrissent ad synodum,  
ac denuntiassent episcopis, nisi in unum quan-  
tocius consentirent, à seipsis Patriarcham  
eligendum, eumque fore episcopum *Jose-  
phum*; synodum itaque, licet antea Jose-  
phum istum neglexisset, quem tanto oneri  
sustinendo minus aptum reputaverat, in hunc  
nihilominus unanimi voce conspirasse, ne  
grave aliquod damnum immineret ex duplici C  
illa episcoporum factione inter Abdellah &  
Eliam, si eorum unum promoveri contigisset.  
Addit ejusdem epistolæ gallicæ auctor scriptas  
ad se humillimis verbis ab eo Patriarcha Jose-  
pho die 22. Mart. ejusdem anni 1733. litteras  
fuisse quibus ille, tum electionem suam ipsi  
notam faciebat, tum potentissimi Francorum  
Regis sibi, suæque nationi protectionem,  
ejus interventu, conservari enixè deprecaba-  
tur: cæterum electioni suæ ea tantum lege  
se præbuisse assensum obtestabatur, quod tres  
episcopi jam à se ad id designati sibi semper  
assisterent suisque ipsum adjuvarent consiliis.  
Hic porro Josephus cognominatus *Khasen*,  
ex principum Kesrouanensium familia, quæ à  
ducentis circiter annis principatu hujus re-  
gionis potitur, natus est in Agosta oppido  
Kesrouani, juvenis duxit uxorem ex qua libe-  
ros suscepit; ea mortua monachus primum,  
deinde episcopus; demum mortuo Jacobo  
Avodio Maronitarum factus est Patriarcha:  
primus ad hanc dignitatem ex sua familia  
assumptus. In regimine sæculari præstantissi-  
mus erat, at in ecclesiastico, usque ad eum  
diem quo Patriarchalem sedem conscendit,  
rudis admodum fuerat & imperitus, propter  
quod etiam episcoporum maxima pars eum  
obeundis tantæ dignitatis muniis imparem  
judicaverant. Ipse est, nisi exinde obierit, qui  
nunc toti præest Maronitarum ecclesiæ.





## ECCLESIAE MARONITARUM.

**F**AUSTUS Naironus in *Evoplia fidei* pp. 92. & seq. testatur Patriarcham Maronitarum sub se habere quinque metropolitas *Tyriensem* nimirum, *Damascenum*, *Tripolitanum*, *Aleppensem*, & *Nicosiensem* in Cypro. Item nonnullos episcopos, ut *Sidonensem*, *Berytensem*, *Bybliensem*, *Botryensem*, *Edenensem*, *Accurensensem*, & quosdam alios, qui licet sint metropolitaram suffraganei, nullum tamen superiorem præter Patriarcham agnoscunt: aitque idem observari inter cæteras Orientis nationes Christianas. De illis figillatim sedibus agemus, incipiendo à metropolitans.

## SEDES METROPOLITANÆ MARONITARUM.

### I. ECCLESIA TYRIENSIS.

**T**YRUS Phœnices five Phœniciæ urbs est clarissima, à Sidoniis condita, ut Justinus lib. 18. c. 3. tradit. Nullam de Tyro habemus ante Davidis tempora mentionem. Maxima est, opulenta, & navigationibus famosa. Olim in insula sita erat, sed antea, sicut & post Alexandri ævum, fuit in continente, ex ea, *Palætyro* vocato. Plinius lib. 5. cap. 19. hæc de ea urbe scribit. *Tyros quondam insula, præalto mari septingentis passibus divisa: nunc vero Alexandri oppugnantis operibus continens: olim partu clara, (id est, multarum coloniarum parens) urbibus genitis, Lepti, Utica, & illa Romani Imperii æmula, terrarum orbis avida, Carthagine; etiam Gadibus extra orbem conditis. Nunc omnis ejus nobilitas conchylio atque purpura constat. Circuitus XIX. millibus passuum est intra Palætyro inclusa: oppidum ipsum XXII. stadia obtinet.* Ita Cellarius to. 2. geogr. antiq. pp. 452. & seq. Prima est ex sedibus metropolitanis Patriarchæ Maronitarum subiectis, qui de pastore Catholicis hujus nationis per terras, pagos, & castella adjacentia dispersis providet, teste Blasio Terzi, *della Syria sacra*, lib. 1. pag. 68. ubi tamen nullum nominat episcoporum quos Maronitarum Patriarcha huic ecclesiæ Tyriensi hætenus præfecerit.

\*\*\*\*\*

### II. ECCLESIA DAMASCI MARONITARUM.

**D**AMASCUS urbs est Syriæ, tam sacris quam profanis scriptoribus notissima, olim Syrorum regia, ab hebræis *Dammāṣek* vocatur, quod LXX. interpretes, & omnes Græci reddiderunt *Δαμασκός*. De ea Strabo lib. 16. pag. 520. apud Cellar. tom. 2. geogr. antiq. pag. 442. ait: *Damascena regio imprimis laudata est. Est vero etiam Damascus urbs insignis, ac prope omnium clarissima ejus regionis, quæ contra Persicum Imperium sita est.* Inter metropolitanas Maronitarum sedes computatur, cui procul dubio multi præfuerunt archiepiscopi, sed duo duntaxat hucusque ad notitiam nostram devenere, qui nimirum sequuntur.

#### ARCHIEPISCOPI DAMASCENI MARONITARUM.

##### I. GEORGIUS.

**G**EORGIUS archiepiscopus erat Damascenus pro Maronitis anno Christi 1562. quo eum Moyses Accarensis, qui fuerat electus ejusdem nationis Patriarcha anno 1524. die 11. Decemb. eum delegavit ad summum Pontificem Pium IV. ut suo & Maronitarum nomine concilio Tridentino interesset. Eum tamen Papa ad synodum mittendum non duxit, ut supra fufius relatum est, col. 66.

##### II. SERGIUS RISIUS.

De eo *Sergio* hæc habet Faustus Naironus

*A in dissert. de nomine, &c. Maronitarum p. 122.*

Quid Sergium Risiū Damasci archiepiscopum (commemorem) quem Romam summus Pontifex Paulus V. evocavit, ut vacaret conciliandis Arabicis Bibliis cum vulgata editione? Turrianus quoque asserit Rodericum Jesuitam Hispanum qui à Pio Papa IV. ad Maronitas missus erat, canones Arabicos quos latine verterat, contulisse cum hoc Sergio archiepiscopo Damasceno Maronita. Quod quanta fuerit ejus eruditionis fama indicat non parum.



### III. ECCLESIA TRIPOLIS MARONITARUM.

**T**RIPOLIS Phœniciæ maritimæ urbs notissima est, de qua late differuerunt Abulfeda in *tab. geogr. num. 124.* & Cellarius *tom. 2. geogr. antiq. pag. 446.* apud Assemanum, *tom. 2. Bibl. Orient. in dissert. de Monoph. num. 9.* ubi de Tripoli. De origine ejus, situ, & nomine præclare Diodorus Siculus *lib. 16. cap. 41.* inquit præfatus Cellarius, in *Phœnice urbs est Tripolis, consentaneam naturæ suæ appellationem habens: tres enim in ipsa urbes continentur stadii intervallo à se diremptæ, una Aradiorum, altera Sidoniorum, tertia Tyrionum cognomentum habet.* Strabo *lib. 16. pag. 519.* *Est enim condita à tribus urbibus, Tyro, Sidone, Arado.* Plinius *lib. 5. cap. 20.* *Tripolis, quam Tyrii, & Sidonii, & Aradii obtinent.* Pomponius Mela *lib. 1. cap. 12.* *Tria fuerunt singulis inter se stadiis distantia (oppida) locus ex numero Tripolis dicitur.* His omnibus antiquior Scylax, auctor Peripli *pag. 99.* *In peninsula alia urbs Tripolis; quæ est ex Arado, Tyro, & Sidone deducta: in uno loco tres urbes, & singulæ proprium murum habent.* Et Byzantius Chorographus; *Tripolis urbs Phœnices est, ita dicta, quod ex tribus urbibus colonias habeat, Arado, Tyro, Sidone.* Magno authorum igitur consensu hujus urbis cum origo, tum appellatio patet: an vero partes semper ita distinctæ manserint, nec in unam civitatem processu temporis coaluerint non constat; probabile videtur coaluisse tandem, intervallo quo distabant ædificiis supervenientibus occupato. Nummi plurimi extant Antonii cum Cleopatra, Augusti, Neronis, Trajani, Severi, Elagabali, inscripti ΤΡΙΠΟΛΕΙΤΩΝ: & Juliæ Soæmiæ ΤΡΙΠΟΛΙΤΩΝ. Blasius Terzi, *lib. 1. della Syria sacra pag. 82. in fine cap. 58.* testatur Christianos in ea civitate ad exiguum numerum redactos, esse maxima ex parte Maronitas, quibus præcitur ejusdem nationis episcopus.

#### ARCHIEPISCOPI TRIPOLIS MARONITARUM.

##### I. I S A A C.

**F**AUSTUS Naironus in *dissertat. de nomine, &c. Maronitarum, pp. 122. & seq.* Isaacum prædicat ceu virum inter cæteros nationis suæ doctrina insignem. Quid Isaacum, inquit, Sciadrensem archiepiscopum Tripolitani (appellem) à Federico Cardinali Borromæo Mediolanum accitum, ut locupletissimam illam suam Bibliothecam instrueret, prolixamque typis dedit Romæ Grammaticam Syriacam! De eodem quoque hæc habet Assem. *tom. 1. Bibl. Orient. pag. 552.* Isaac Sciadrensis, in collegio Maronitarum de Urbe ab anno 1603. ad annum 1618. Latinis, Syriacis, & Arabicis litteris instructus, à Georgio Amira tunc Edenensi episcopo, qui postea ad sedem Maronitarum Patriarchalem evectus est, minoribus Ordinibus anno 1619. initiatus, sequenti anno sacerdos & Berytensis ecclesiæ archipresbyter constitutus est, postquam uxorem ex Orientalium more duxisset: qua defuncta, à Joanne Macluphio Patriarcha anno 1629. die 25. Martii, Tripolis in Phœnicia episcopus ordinatus fuit, ut idem de seipso narrat in præfatione ad tractatum theologicum qui extat in codice manuscripto collegii Urbani de propaganda fide. Præter Grammaticam Syriacam Romæ anno 1636. editam, bina composuit carmina dodecasyllaba ordine alphabetico: unum, in Urbanum VIII. summum Pontificem; alterum, in Joannem Macluphium Maronitarum

A Patriarcham: & varias quæstiones theologicas, per modum interrogationis & responsionis, de Opere sex dierum, de Paradiso terrestri, de peccato originali, de morte, de Limbo Patrum, de Paradiso & Inferno, de Purgatorio, de resurrectione mortuorum, & de judicio extremo; quæ leguntur in eodem codice Urbano.

##### II. M I C H A E L.

Post hunc, *Michaëlem* recitat idem Faustus Naironus *ibid. pag. 123.* Quid Michaëlem B Hefronitam Tripolis etiam archiepiscopum (prædicem) à quo prodiit Arabice descripta & typis excusa Calendarii emendatio!

##### III. J O A N N E S.

Si Joannes iste Michaëlem non præcessit, saltem ipsum proxime debuit subsequi: nam Abrahamus Ecchellensis in præfatione operis cui titulus est, *Euty chius Alexandrinus Patriarcha vindicatus*, hujus scriptoris annales latinè versos olim monet à viro immortalitate digno Joanne Hefronita Tripolis Syriæ quondam archiepiscopo, & Urbano Papæ VIII. (qui obiit anno 1644.) nuncupatos, etsi nondum editos.

##### IV. G A B R I E L.

##### V. J O S E P H.

Ad calcem codicis 5. Beroensis, apud Assem. *to. 1. Bibl. Orient. p. 586.* fit mentio cujusdam *Josephi* archiepiscopi Tripolitani, anno



anno Christi 1676. his verbis: *In fol. bomb. 103. codex Arabicus, sed litteris Syriacis exaratus à Joanne Zendo presbytero Maronita sub Stephano Patriarcha Antiochiæ.... & Josepho Hefronita archiepiscopo Tripolis Syriæ anno Christi 1676.* Faustus Naironus in *dissertat. citata de nomine, &c. Maronitarum pag. 123.* eundem his paucis extollit: *Quid.... Josephum Gratiæ Hefronitam (commemorem) nunc (id est, anno 1679.) Tripolitanum archiepiscopum, & alios qui præfuerunt Maronitarum ecclesiis bene eruditos! Blasius Terzi,*

*della Syria sacra pag. 82: testatur, dum scribebat, anno scilicet 1694. actu federe Josephum Simonium Tripolitanum archiepiscopum Gabriëlis successorem. Probabile est eum esse hunc Josephum; nisi fortassis alius fuerit illo posterior. De Gabriële hujus Josephi prædecessore nihil aliud scimus.*

## VI. BASILIUS.

His postremis temporibus sedebat, & fortassis adhuc sedet, Tripolitanus archiepiscopus Maronita, *Basilus*; qui antea monachus fuerat.

ECCLESIA  
TRIPOLIS  
MARONITARUM.

## IV. ECCLESIA ALEPPENSIS MARONITARUM.

Inter Hierapolim & Antiochiam jacet Berœa, Græce Βεργία, eo intervallo ab utroque distans, quod biduo percurrat expeditus viator, verba sunt Procopii *lib. 2. Belli Persici cap. 7.* apud Cellarium *to. 2. geogr. antiq. p. 430.* qui addit, si id ita est, Ptolemæi dispositionem immutandam fore, quum longitudinis differentiam Antiochiæ & Berœæ duos integros gradus faciat: Berœæ autem & Hierapolis quadrantem unius gradus. Aliquot sæculorum est traditio Berœam esse antiquorum emporium illud nobile, quod nunc vocatur *Aleppus*. Nicetas enim Choniata, in Joanne Comneno *cap. 7. Accessit ad Chalep quod est olim dicta Berœa.* Et Nicephorus Callixtus *lib. 14. cap. 39. Eustathius à Berœa, quæ ipsa Chalep hodiernum.* Zonaras his antiquior in Romano Lacapeno, principem urbem Chama-dæ, quem dixerat *Chalepi* Dominum, vocat postea *Berœam*. Assentitur Holstenius in Steph. & Ortelium, & ex nomine Χαλέπ fluxisse appellationem *Aleppo* quæ hodie communis est, indubitanter affirmat. Aiunt vero fide digniores Aleppum à mari seu Alexandretta abesse bidui itinere, id est leucis 28. In ea urbe Maronitis præest archiepiscopus, quorum templum Deo dicatum est in honorem S. Eliæ Prophetæ, teste Blasio Terzi *della Syria sacra lib. 1. cap. 89. pag. 104.*

## ARCHIEPISCOPI ALEPPENSES MARONITARUM.

## I. GABRIEL.

**G**ABRIEL de Blausa, quem supra memoravimus inter Maronitarum Patriarchas *col. 73.* primus fuit ejusdem nationis Aleppensis archiepiscopus, hancque ecclesiam quadraginta annos rexit. Hujus meminit anno 1666. codex tertius Berœensium apud Assemanum *to. 1. Bibl. Orient. pag. 585. Synaxarium, seu Martyrologium Maronitarum, sermone Arabico & litteris Syriacis exaratum sub Georgio Besbeelenfi Patriarcha Maronitarum, & Gabriële de Blausa archiepiscopo Aleppi anno Christi 1666. In fol. bomb. 266.* Meminit pariter anno Christi 1676. codex quintus Berœensis *ibid. in fol. bomb. 103. codex Arabicus, sed litteris Syriacis exaratus à Joanne Zendo, sub Stephano Patriarcha Antiochiæ, Gabriële archiepiscopo Aleppi, & Josepho archiepiscopo Tripolis Syriæ, anno Christi 1676.* Meminit demum anno 1690. codex quartus *ibidem, pag. 596.* in quo ad calcem hæc habentur. *Codex Arabicus, sed litteris Syriacis exaratus à Joanne Zendo presbytero Maronita sub Stephano Patriarcha Antiochiæ, & Gabriële archiepiscopo Aleppi, die 3. Maii anno Christi 1690.*  
Tomus III.

**B** Defuncto Stephano Edenensi Patriarchæ dignissimo successit anno 1704. & anno sequenti migravit ex hac vita.

## II. MICHAEL.

*Michaël de Blausa*, præcedentis ex fratre nepos, ab eodem postquam Patriarcha factus fuit, Aleppi archiepiscopus consecratus est, mense Julio anno 1704. Vitam monasticam agebat in cœnobio patris sui vir mira simplicitate præditus. Variis afflictatus morbis episcopatum dimisit mense Augusto anni 1725. & paulo post defunctus est.

## III. GERMANUS I.

*Germanus* ille ex urbe Aleppo oriundus de primaria Maronitarum familia, atque optime educatus, humanioribus litteris juvenis operam dedit, idque tali successu, ut brevi peritissimus omnium suorum condiscipulorum evaserit, easque summa cum laude postmodum docuerit. Annum circiter 27. agens monasticam vitam in rigidioris observantiæ cœnobio Montis-Libani professus est; quo tempore plura opera elegantissime, tam ligata quam soluta oratione scripsit, scilicet



ECCLESIA  
ALEPPENSIS  
MARONITA-  
RUM.

egregium carmen morale ac spirituale, duplicem Grammaticam, Lexicon amplissimum, de recta concionandi arte, aliaque tum sacra, tum profana, idiomate Arabico, in quibus omnibus se non minus pium quam doctum exhibet. Interim variis sui Ordinis muniis adimplendis strenuè vacabat, eodem enim anno quo professionem emisit, Rector creatus est, in eaque dignitate jugiter perseveravit, usquequo Generalis renunciatus fuit. Interim nihilominus concionatoris, missionarii, & confessorii muneribus fungebatur per diversa loca, tanto fructu, ut non Catholicorum solum, sed & hæreticorum, ipsorumque Mahometanorum sibi conciliaret animos, admirationemque concitaret. Demum anno 1725. mense Augusto, reluctans è monasterio archiepiscopus Aleppensis consecratus est. In eo statu, à primævo instituto nullatenus recessit, eodemque tenuissimo victu contentus, omnia in pauperes liberalissime effundebat: nullum prædicandi finem fecit, nisi invicto impedimento distractus. Verum quinto circiter à suscepto præfulatu anno, laboribus fractus, & auditu primum, deinde visu privatus, à consuetis exercitiis supersedere coactus est usque ad mortem quam piissime obivit mense

Octobri anni 1732. Mirum profecto quod licet ne primis quidem theologiæ elementis fuerit imbutus, sic tamen apte de rebus theologicis differeret, ut eruditissimus theologus haberetur. Antea vocabatur Gabriël Pharaoh, sed factus episcopus, retenta littera initiali G. nomen *Gabriëlis* in *Germani*, juxta morem quasi omnium Orientalium, mutavit.

#### IV. GERMANUS II.

Gabriël Hauscheb, postea *Germanus* nuncupatus, Aleppi primam lucem aspexit, ex primaria familia ortus. Is quanquam ad statum religiosum non convolaverit, religiosissime tamen semper vixit. Ad sacerdotium evectus, nullum sibi assignari stipendium passus est, sed solis bonis quæ, tum patrimonium, tum industria propria sibi suppeditabant, victitabat. Defuncto Germano gens tota illum in episcopum postulavit, consecravique Jacobus Avodius Patriarcha anno 1732. Adhuc vivit vir egregius, sacris ac prophanis litteris probe instructus, & quod maxime laudandum, ab omni adulatione alienus. Hæc nobis de his quatuor archiepiscopis Aleppensibus Maronitis, vir optimus ejusdem nationis amantissime tradidit.

### V. ECCLESIA INSULÆ CYPRI MARONITARUM.

*CYPRUS* insula est maris mediterranei celeberrima. In ea extat Nicosia, quæ vetus *Ledrum* seu *Leuteon* fuit, cujus meminit Sozomenus *lib. 2. hist. cap. 2.* post Hieron. ubi de Triphyllo in catal. script. eccl. Quum post tertiam & quartam synodos Oriens in diversas factiones divisus esset, tres Cypri partes Syriacum ritum amplexi sunt, nimirum Maronitæ, Nestoriani, & Jacobitæ, qui suos ibidem episcopos habebant. Et ut hic de Maronitis solum loquamur, observat Faustus Naironus in *Evoplia fidei cathol. cap. 4. n. 36. p. 92.* in insula Cypro nonnulla oppida ac pagos à Maronitis habitari, qui capta à Saladino Hierosolyma, è Palæstina & Phœnicia huc fugerunt: linguamque Græcam regionis vernaculam loquuntur, exceptis tamen officiis ecclesiasticis, quæ semper in lingua Syriaca celebrant. Legendus quoque Assen. *to. 1. Bibl. Orient. p. 171. & to. 2. in dissert. de Monoph. n. 9.* ubi de Cypro.

#### ARCHIEPISCOPI CYPRI MARONITARUM.

##### I. JOANNES.

*STEPHANUS* Edenensis in breviculo de Patriarcharum Maronitarum genealogia, sive serie, sæpe citato, ubi de Joanne Patriarcha qui sedebat an. Chr. 1357. hæc habet: Prout registratum in quodam libro antiquo in ecclesia S. Sergii de Hadscit invenimus. In illo enim libro ita scribitur. Absoluta fuit hujus libri scriptura anno æræ Christianæ 1357. diebus Domini nostri electi Mar-Joannis Antiochiæ Montis-Libani, & locorum maritimorum Patriarchæ, necnon diebus pariter *Joannis Cypri archiepiscopi*. Hic itaque Joannes erat archiepiscopus Cypri anno salutis 1357.

##### II. ELIAS.

Anno salutis 1445. *Elias* Maronita, qui erat archiepiscopus in insula Cypro, hæresim Monothelitarum ejuravit, coram Andrea episcopo Colossensi Nuntio Apostolico, quum Timotheus identidem Nestorianorum metropolita Nestorianos quoque errores abjiceret. Id constat ex Eugenii IV. bulla *Benedictus Deus, &c.* data 7. non. Augusti (legendum *cal. vel idus*: in mense enim Augusto non amplius quam *quarto nonas* dicitur) anno 1445. Quæ bulla extat in actis concilii Florentini, *part. 3. n. 20.* & in annal. Raynaldi ad ann. 1445. *nn. 21. & 22.* ubi summus Pontifex, relata ejusdem Timothei professione



fidei, necnon Isaaci nuntii Eliæ, de utroque discernit, apud Assemanum *to. 1. Bibl. Or. pp. 523. & 524.* in nota 1. *Inprimis quod nemo prædictos, Chaldaeorum metropolitam, & Maronitarum episcopum, eorundemque clericos & populos, neque ex populo & clero quempiam, de cætero audeat hæreticos appellare; aut Chaldaeos (id est Nestorianos recens conversos) de cætero Nestorianos nominare præsumat. Quod si quispiam mandati hujus contemptor extiterit, jubemus ab ejus Ordinario excommunicari tandiu, quandiu distulerit condignè satisfacere, aut Ordinarii arbitrio aliqua alia temporali pœna mul-  
tari, &c.* Observat autem obiter idem Assem. *ibidem*, si Maronitarum nomen, non secus ac Nestorianorum aut Jacobitarum, alicujus hæresis protestativum esset, futurum fuisse ut illud Maronitis ad ecclesiam reversis attribui non minus vetaretur, quam Nestorianorum aut Jacobitarum nomen iis qui hujusmodi sectarum errores repudiarent: Maronitas tamen hoc nomen semper gestasse, & ab ipsis summis Pontificibus eorum Patriarcham vocari solitum Patriarcham Antiochenum Maronitarum. Quod vero hic Elias fuerit Monothelita, ortum conjicit Faustus Naironus in *dissert. de nomine, &c. Maronitarum p. 98.* ex nonnullorum Maronitarum Montis-Libani adventu in insulam Cyprum qui viru hæresis Monotheliticæ hausto à Thomæ Hharanitæ affeclis, ut supra expositum est, *coll. 35. & seqq.* eo multos imbuerint, suisque tradiderint posteris: quamvis credibile non sit Cyprios Maronitas magnam ad partem hac hæresi laborasse. Quum enim testetur Willelmus Tyrius, si fides ei credatur, totam nationem Maronitarum anno Christi 1182. Catholicam fidem amplexam esse, id est ante ducentos & sexaginta annos, quam Elias in insula Cypro hæresim Monotheliticam ejuraret, quis sibi persuadeat, Cyprios omnes Maronitas, ad hoc usque tempus, totius nationis Patriarcharum fidem non fuisse sequutos, eosdemque Patriarchas de hoc minime curasse? Cæterum attentione dignum ducit idem Naironus in *Evopl. fid. Cath. pag. 76.* hunc Eliam dici ab Eugen. Papa, hausisse hæresim Monotheliticam à Machario Patriarcha Antiocheno, non à Marone, qui fuerit hujus erroris auctor.

### III. GABRIEL.

Gabriël Barclaius, quem Stephanus Edenenensis in breviculo de Patriarcharum Maronitarum genealogia, sive serie, dicit fuisse religiosum Seraphici ordinis, episcopus erat Nicosiensis in Cypro sæculo decimo-quinto & initio sequentis. Faustus Naironus eum appellat Gabriëlem Qlai, multisque laudibus extollit, tum in sua *dissertatione de origine,*  
Tomus III.

nomine & religione Maronitarum, ubi *pag. 69.* illum doctrina & sanctitate illustrem testatur, & *pag. 126.* egregium de sacramentis tractatum conscripsisse, tum in *Evoplia fidei Catholicae*, ubi in indice auctorum ei præfixo hæc habet: Gabriël Qlai episcopus Maronita, sæculo xv. conguessit epistolas ab Innocentio III. usque ad Leonem X. Maronitarum Patriarchis conscriptas, multa etiam concinnavit, tam soluta quam ligata oratione, de nationibus Orientalibus, ac illarum hæresibus, quæ extant in monasterio sanctæ Mariæ de Canubin in Libano, præter alia opera moralia, quæ sunt in Biblioth. Maronitarum de Urbe, necnon tractatum de sacerdotio, qui extat in monasterio S. Antonii abbatis de Kuzhaia in Libano. Plura ex ejus scriptis recensentur in variis codicibus Ecchellenfibus, apud Assem. *to. 1. Bibl. Or. p. 577.* scilicet in codice 18. *Gabriëlis Barclai episcopi Nicosiensis de Deo uno & Trino tractatus imperfectus. Ejusdem carmina de Christo Domino, ejusque matre. De ecclesia & fide orthodoxa. De Monte-Libano & Maronitis. De morte. De S. Simeone Stylita. De S. Lucio martyre. De meteoris & constellationibus. Planctus Virginis sub cruce. De S. Alexio Romano. De S. Antonio abbate. De astrologia, & stellis errantibus, fixisque, & de elementis. De veritate & mendacio adversus Jacobitas & Nestorianos, deque erroribus quos Jacobitæ in Monte-Libano disseminarunt. De Gabriële Hagiulensi Patriarcha Maronitarum, qui ob Catholicam fidem à Mahometanis Tripoli extinctus est anno Christi 1367. De Moyse Æthiope, qui ex latrone monachus factus fuit. De penitentia 11. Paræneses 24. In 4. char. 126. Codex Arabicus Syriacis litteris exaratus. Et in cod. 19. carmina de S. Jacobo interciso. De Tripolis urbis expugnatione. De monastica vita. De S. Maria Magdalena. De Hofannis, &c. In 8. char. 41. Codex Arabicus, litteris tamen Syriacis exaratus à Joanne Edenensi, Michaëlis filio, in monasterio Cuzaiæ anno Christi 1609. Et in codice 20. De Joseph Patriarcha... exaratus anno Græcor. 1867. (Christi 1556.) Et in codice 21. Carmen Arabicum de hæresibus & conciliis. Canticum Syriacum in quo præcipuæ hæreses anathematizantur, inscriptum demonstratio fidei Maronitarum adversus hæreticos. Annotatio Arabica de expugnatione Montis-Libani, transcripta ex vetustissimo officio Syriaco, quod in ipso Monte-Libano in monasterio Mar-Abun extabat. In 8. char. 64.... exaratus ab Elia Gazirensi monacho sancti Artemii anno Christi 1669.*

### IV. GEORGIUS I.

Stephanus Edenenensis in breviculo supra citato, ubi de Moyse Accarensi, qui electus  
F ij



ECCLESIA  
INSULÆ  
CYPRI  
MARONITA-  
RUM.

fuit Maronitarum Patriarcha anno salutis A 1524. die 11. Decembris, ait huic Pium IV. confirmationis bullam & pallium misisse anno 1562. cum Georgio Cypri episcopo: nisi hic mendum occurrat, & loco Cypri legendum fuerit Damasci; nam illo ipso anno 1562. Moyses Patriarcha delegavit Georgium archiepiscopum Damascenum ad hunc Papam, ut totius nationis Maronitarum nomine concilio Tridentino interesset. Quod constat ex ejusdem Papæ epistola ad Moysen Patriarcham illo anno data, ubi ait: *Venerabilem fratrem nostrum Georgium archiepiscopum Damascenum, qui tuas ad nos attulit litteras, libenter vidimus, &c. Quod autem contentum te esse significasti ut ipsum archiepiscopum ad concilium Tridentinum mitteremus, id nobis minime necessarium visum est, præsertim quum is neque Latinam linguam noverit, ac ne Italicam quidem satis calleat, eamque ob causam futurum fuerit, ut nec quid ipse sentiret exprimere, nec quid ibi ageretur satis intelligere posset.* Improbabile itaque non est Georgium tunc temporis archiepiscopum Cypri alium non esse à Georgio qui eodem tempore, & certius, erat archiepiscopus Damasci: si tamen diversus est, hic de illo mentionem facimus. Vide Asseman. 10. 1. Bibl. Orient. pag. 523.

#### V. MOYSES.

Faustus Naironus in Indice Virorum illustrium, &c. suæ dissertationi de nomine, &c. Maronitarum præfixo, meminit hujus Moysis, Moyses Anaysius, inquit, archiepiscopus Nicosiæ in Cypri insula, & pag. 121. Quid etiam hic appellem Moysen Anaysium Cypri archiepiscopum, qui Græcos schismaticos variis disputationibus redarguens, ab iisdem in odium fidei veneno vita interfectus (id est, privatus)

est! Hunc Dandinus sui itinerarii ad Montem Liban. c. 32. Romæ presbyterum ordinatum refert, & postea à Josepho Risio, qui in Patriarcham Maronitarum electus est an. 1596. & obiit anno 1608. archiepiscopum consecratum, ut vices ipsius gereret in tota regione. Nicosiensis tandem ecclesiæ Maronitarum in insula Cypri administrationem habuit, ut supra dictum est ex Nairono.

#### VI. GEORGIUS II.

Gabriël Sionita inter Maronitas celeberrimus, qui Ludovici XIII. Galliarum regis linguarum Orientalium fuit interpres, & geographiam Nubiens. latinè reddidit, unaque cum aliis opusculis typis mandavit Parisiis, in præfatione editionis suæ Psalterii Syriaci anno 1625. librum hunc Psalmorum sibi nuper fuisse missum testatur ab illustrissimo, reverendissimoque D. Georgio Maronio Nicosiæ urbis archiepiscopo, mihi, inquit, tum ratione consanguinitatis, tum præstantissimarum ejus virtutum meritis commendatissimo, &c. Sedebat igitur hic Georgius Nicosiæ Cypri Maronitarum antistes an. salutis 1625.

#### VII. LUCAS.

#### VIII. PETRUS.

De his duobus archiepiscopis Cypri nihil aliud novimus, nisi quod illos inter suæ nationis illustres viros his paucis commendet Faustus Naironus in dissert. de nomine, &c. Maronitarum pag. 123. Quid Lucam Carpasitam & Petrum Domitium (commemorem) in Cypri insula archiepiscopos, & Josephum Gratiam Efronitam nunc (anno scilicet 1676.) Tripolitanum archiepiscopum, & alios qui præfuerunt Maronitarum ecclesiis bene eruditos!

### VI. ECCLESIA SIDONIENSIS MARONITARUM.

SIDON urbs antiquissima est Phœnices sive Phœnicia: in ipsis Moysis & Josue scriptis celebratur Gen. 49. vers. 13. Josue 11. vers. 13. Condita fertur à Sidonio Chanaani primogenito & Noachi pronepote, ex quo etiam probabiliter hoc suum nomen sortitur. Alii tamen à Piscatu Syriacè Sidon nomen istud ducunt, quod Piscium copia in illo loco sit. Sic Justinus lib. 17. cap. 3. ex Trogo, Phœnices, inquit, terræ motu vexati, relicto patrio solo, Assyrium stagnum primo, mox mari proximum littus incoluerunt, condita ibi urbe, quam à piscium ubertate Sidona appellaverunt; nam pisces Phœnices Sidon vocant. Strabo Sidoniis inventionem tribuit Arithmeticæ, Astronomiæ, aliarumque nobiliorum artium, quibus navalem mercaturam ad perfectionem adduxerunt. Distat Sidon à Tyro stadiis ducentis, ex eodem Strabone lib. 16. pag. 521. Hæc Cellarius tom. 2. pp. 450. & seqq. In ea urbe multi Maronitæ commorantur, quorum curam gerit ejusdem nationis episcopus.

#### EPISCOPI SIDONIENSES MARONITARUM.

##### I. JOSEPH.

JOSEPH Petri Accurensis episcopi filius de domo Alipia à Joanne Macluphio Patriarcha

Maronitarum episcopus Sidoniensis consecratus est anno salutis 1626. Insigne monialium cœnobium construxit in loco Cosroënes, quem Haras vocant. Post mortem Georgii



Amiræ Patriarchæ sedem ejus conscendit A electione canonica ad eam evectus an. 1644. die 15. Augusti. Obiit die 3. Novemb. 1647. anno ætatis quarto supra septuagesimum. Assen. to. 1. Bibl. Orient. pag. 553. De eo supra fufius inter Maronitarum Patriarchas col. 71.

vinianis erroribus adverfa fufcripfit in monasterio Canubin die 12. Junii anni 1676. Joannes humilis & abjectus metropolita Sidonienfis. Tom. 3. libri Gallici de perpetua in ecclesia univerfali præfentia realis Chrifti in Euchariftia fide, p. 721. edit. Parif. 1674.

ECCLESIA  
SIDONIEN-  
SIS  
MARONITA-  
RUM.

## II. JOANNES.

Stephani Edenenfis Maronitarum Patriarchæ testimonio de fide ecclesiæ ipforum Cal-

## III. GABRIEL.

Nunc federe dicitur, nisi à paucis annis obierit, Maronitarum Sidonienfium episcopus *Gabriël* de monasterio Mar-Raifun.

## VII.

### ECCLESIA SAREPTÆ MARONITARUM.

**S**AREPTA Stephano Byzantino urbs est Phœnicia. Celebratur 3. Reg. cap. 17. v. 9. mansione Eliæ Prophetæ quem paupercula vidua hospitio recepit, & cujus ille filium à morte ad vitam revocavit. Hebraicè dicitur *Tsarphathah* sive *Zarpath*, unde factum est *Sarapta* & *Sarepta* Græcis Σαρπηδά της Σιδωνίας, id est, *Sarephtha Sidonia* regionis sive Sidoniorum, quia in eo territorio sita est inter Tyrum & Sidonem juxta illud Josephi de Elia, lib. 8. antiq. cap. 7. εἰς Σαρπηδά πόλιν οὐκ ἀπὸθεν τῆς Σιδωνος καὶ Τύρου μετὰ τὸ γὰρ κείται, παλαιότερον: *Sarephtham* (Elias) proficiscitur, non procul Sidone ac Tyro sitam: media enim interjacet. Plinius lib. 5. cap. 19. Sareptæ mentionem facit. Sedes episcopalis est, cujus unus nobis Maroniticæ nationis occurrit præsul.

### EPISCOPI SAREPTÆ MARONITARUM.

#### GABRIEL

**D.** de la Roque, in itinerrario futo ad Montem-Libanum pag. 239. refert epistolam Stephani Edenenfis, datam die 5. Octob. 1699.

B cui fufcripfit *Gabriël Aldoensis episcopus Sareptæ in sancto Sergio Edenensi*. Eo itaque anno sedebat Gabriël ille Sareptæ episcopus Maronita, qui etiam fortassis adhuc vivit.

## VIII.

### ECCLESIA BERYTENSIS MARONITARUM.

**B**ERYTUS, græcè Βηρυτς, urbs est Phœnicæ adeo antiqua ut Stephanus observet à Saturno conditam nonnullos credidisse. Scylax de ea ait *Berytus instructa portu*. Strabo lib. 16. pag. 520. *Berytus, quæ à Tryphone eversa fuit, à Romanis nunc restituta, duabus legionibus ab Agrippa in eam deductis*. Plinius lib. 5. cap. 20. *Berytus colonia, quæ Felix Julia appellatur*. Extat nummus Augusti COL. JUL. AUG. FEL. BER. & alius Trajanæ eodem modo inscriptus. Lege 7. Dig. de Censibus: *Juris Italici sunt Troas, Berytus, Dyrrachium*. Scholam egregiam habuit tam juris scientiæ, quam cæterarum disciplinarum. Eusebius de Apphiano martyre, in martyribus Palæstinae cap. 4. ait, *quod Græcorum litteraturæ secularis causa plurimum temporis Beryti commoratus sit*. Et Socrat. hist. eccl. lib. 4. cap. 27. de Gregorio Neocæsariensi; *hic quum scholis Atheniensibus discessisset, Beryti jus civile didicit*. Eam Nonnus lib. 41. vocat, *vita tranquillæ nutricem*: & Periegeta vers. 911. *terram amœnam*. Ita refert Cellar. to. 2. geogr. antiq. pag. 449. Blasius Terzi della Syria sacra lib. 1. c. 171. p. 151, in hac civitate testatur nunc non amplius adesse quam bis mille homines, inter quos Catholici ab episcopo gubernantur nationis Maroniticæ, schismatici autem ab episcopo Græco. Verum nullus nobis hæcenus horum episcoporum Maronitarum innotuit.

## IX.

### ECCLESIA BYBLI MARONITARUM.

**B**YBLUS, urbs est Phœnicæ, cujus meminere Plinius lib. 5. cap. 20. tabula Peutingeri, & Ptolemæus qui eam inter Berytum & Botryn collocat. Strabo de eadem ait: *Byblum & post eam Berytum esse, quæ inter Sidonem & Dei Faciem sunt amba sitæ*: Byblus autem fuit Cinyræ regia, & sacra Adonidi (Dei Facies nomen est cujusdam promontorii Tripoli inter & Botryn: sic illud vocat Ptolemæus, Θεῖς ὡς ὅπωπον ἄκρον, *Dei Facies, promontorium*. Strabo lib. 16. p. 519. *Tripoli continua est Dei Facies, quæ ita dicitur, in quam desinit Mons-Libanus, interjacet oppidulum Trieres, sive Triremis, dictum*. Polybius lib. 5. cap. 68. Deinde



Antiochus *navigans exscendit juxta Theu profopon*, id est Dei Faciem. Huic promontorio impositum castellum asserit Strabo *ibid. p. 520.* At montem tantum ibi situm commemorat Scylax *ὄρες Θεῦ προπώνον, mons Theu profopon.*) Pompeius urbem Byblum liberavit à tyranno, quem occidi jussit. Prope mare Strabo, non proxime, in excelsio loco conditam illam scribit. Extat nummus Augusti ΒΤΒΛΙΩΝ *Bybliorum* nomine percussus. Hæc Cellar. *tom. 2. geogr. antiq. lib. 3. cap. 12. pag. 447.* Blasius Terzi *della Syria sacra, lib. 1. cap. 56. pag. 79.* refert ex Stephano eam urbem pro fundatore habuisse Saturnum, nomen vero accepisse à Byble filia Mileti: *Byblos urbs Phœnicia, omnium antiquissima, Saturni opus, à Byble Mileti filia.* Addit *pag. seq.* primum ejus episcopum fuisse Joannem Marcum Apostoli discipulum. Sedes est episcopalis pro Maronitis qui in ea urbe degunt.

## EPISCOPI BYBLI MARONITARUM.

### I. JOSEPH I.

ANNO Christi 1673. die 12. Junii, subscripsit testimonio Stephani Edenensis Patriarchæ Maronitarum, adversus errores Calvinianos, apud auctorem *tom. 3.* Gallici de perpetua ecclesiæ universalis fide circa realem Christi in Eucharistia præsentiam, *pag. 721.* *Joseph humilis & abjectus metropolita Gebaël* (id est, Bybli) nam septuaginta interpretes, ut observat Blasius Terzi *della Syria sacra, lib. 1. c. 46. p. 79.* Illud Ezech. *cap. 27. v. 9. senes Giblii,* B verterunt *seniores Bybliorum.* Et S. Hier. de locis Hebr. ait: *Byblis Phœnicia, cujus meminit Ezechiël, pro qua in Hebræo continetur Gibel.*

### II. JOANNES.

Blasius Terzi modo citatus, ait *ibid. p. 80.*

A tempore quo scribebat suum hoc opus, editum Romæ an. Christi 1694. actu episcopum esse Bybli Joannem Abacuch Maronitam.

### III. JOSEPH II.

Clarissimus D. de la Roque refert ad calcem itinerarii sui ad Montem-Libanum edit. anni 1723. *pag. 236.* epistolam quandam Stephani Edenensis Patriarchæ Maronitarum, datam in cœnobio Canubin 5. Octob. anno Christi 1699. cui cum eo subscripsit *p. 239.* *Joseph Hasratensis episcopus Bybliensis in Hauca.* Quamvis enim hic Joseph sit fortassis quem primo loco laudavimus, conjectu tamen datur ex distantia 26. & amplius annorum à 12. Jun. 1673. ad 5. Octob. 1699. fortassis quoque fuisse alium ejusdem nominis priore recentiore.

## X. ECCLESIA BOTRYS MARONITARUM.

BOTRYS urbs est maritima Phœnices prope Tripolim sita, Plinius *lib. 5. cap. 20.* eam, inter alia hujus oræ oppida, recenset: Byblos, Botrys, Gigarta, Trieris, Calamos. Blasius Terzi, *della Syria sacra, lib. 1. cap. 57. pag. 80.* refert eam extare juxta Byblum ad Austrum, Romaque & Carthagine esse antiquiorem, si credatur Phœnicum annalibus: utpote quam conditam dicunt à quodam Itabalo sacerdote Deæ Astartes qui regnavit in Tyro anno mundi 3072. Porro Græci & Maronitæ, teste eodem Blasio Terzi, suum in illa urbe templum habent, & Catholici quidem gubernantur ab episcopo nationis Maroniticæ.

## EPISCOPI BOTRENSES MARONITARUM.

### JOANNES.

D. de la Roque in citata modo epistola Stephani Edenensis Patriarchæ Maronitarum,

exhibet *pag. 239.* hanc subscriptionem, *Joannes Abacuc episcopus Botrensis in Casaya,* qui proinde sedebat anno Christi 1699.

## XI. ECCLESIA EDENENSIS MARONITARUM.

FAUSTUS Naironus in *Evoplia fid. Cath. cap. 4. n. 33. pp. 88. & seq.* ait, in montanis ad Orientem Tripolis esse regionem Libaniticam *Giobbet Bsciarrai*, in qua Libanus mons assurgit; eminet autem Eden, quæ Paradisus redditur, à quo parum distat monasterium sub invocatione SS. Sergii & Bacchi *Dair Ras Elnahr* ubi residet episcopus, qui Edenensis titulo nuncupatur. Cellarius *to. 2. geogr. antiq. lib. 3. cap. 12. p. 444.* eam urbem non Eden sed Paradisum vocat. Stephanus Byzantinus, libro de urbibus & populis, *pag. 527.* ait *Παράδεισος πόλις Συρίας, Paradisus oppidum Syriae.* Addit Thomas de Pinedo, *ibidem*, in nota 40. Memoratur inter Laodicenæ regionis Syriae urbes à Ptolemæo, *lib. 5. cap. 15.* De ea quoque fecit mentionem Plinius, *lib. 5. cap. 23.*



## EPISCOPI EDENENSES MARONITARUM.

## I. PETRUS.

A 1644. Affem. 10. 1. Bibl. Orient. pag. 552.

STEPHANUS Edenensis Patriarcha Maronitarum, in breviculo supra sæpius citato de eorumdem Patriarcharum serie, ubi de Davide Patriarcha, qui sedebat anno Christi 1397. ait, ex regeſto cui ſubſcripſerunt Cyrillus archiepiſcopus Algigæus.... perveniſſe iſtum Davidem uſque ad ann. ſalutis 1404. & hoc eodem anno, inquit, Petrus epicoſopus eccleſiam Edenenſem regebat.

## II. GEORGIUS.

Georgius Amira, (de quo ſupra fuſius col. 69. inter Maronitarum Patriarchas,) à Joſepho Riſio Patriarcha, anno ſalutis 1596. epicoſopus Edenenſis conſecratus eſt. Joanni Macluphio in Patriarchatu ſucceſſit, die 27. Decemb. anno 1633. Obiit die 29. Julii

## III. ELIAS.

Clariffimus D. de la Roque, refert in vita D. Galaup de Chaſteuil, quam ſcripſit in finè hiftoriæ itineris ſui ad Montem-Libanum, piiffimum hunc anachoretam, qui ex Galloprovincia in Orientem profectus ad Montem-Libanum ſe recepit, ſanis Eliæ Maronitæ Edenenſis epicoſopi conſiliis valde adjutum fuiſſe; ut ad perfectionis culmen aſcenderet. In vita citata pag. 222. legitur Eliam hunc Edenenſem, poſt mortem Georgii Amiræ Maronitarum Patriarchæ, cui ſucceſſerat anno 1633; aut ſequenti 1634. in epicoſopatu Edenenſi, ad ejus quoque Patriarchalem ſedem fuiſſe evectum: in quo tamen graviffima occurrit difficultas. Vide ſupra ubi de Georgio Amira, inter Patriarchas, col. 70.

## XII. ECCLESIA ACCURENSIS MARONITARUM.

FAUSTUS Naironus in *Evopl. fid. Cath. n. 34. p. 90.* ait ad Libani meridiem adjacere *Giobbei Elmneitra*, à diruto oppido *Mneitra* ſic dictam, in qua eſt *Accura*, ibique reſidere epicoſpum, qui *Accurenſis* titulo nuncupatur.

## EPISCOPI ACCURENSES MARONITARUM.

## I. ARSENIUS.

PRÆFATUS Naironus in eadem *Evoplia fidei Cathol. pag. 69.* narrat Thomæ Hharanitæ metropolitæ Kfartab in diœceſi Aleppenſi hæreſim Monotheliticam circa annum ſalutis 1111. inter Maronitas diſſeminare conanti fortiter obſtitiffe cum Joſepho hujus nationis Patriarcha *Arsenium* metropolitam Accurenſem, qui in cœnobio S. Adnæ prope Januhh in diœceſi Byblienſi commorabatur: ſcripſit enim abverſus eum epistoſam, qua errores ejus eruditè conſutabat, eo fructu, ut tunc Thomas, nonniſi archipreſbyterum unum vici Farſciaiæ, paucosque de populo ſeducere valuerit, ut notat, inquit, Stephanus Edenenſis Patriarcha Antiochiæ (Maronitarum) in his quæ pro Maronitis exaravit.

## II. PETRUS.

Aſſemanus *tom. 1. Bibl. Orient. pag. 553.* agens de Joſepho Accurenſi Maronitarum Patriarcha, qui Georgio Amiræ ſucceſſit anno ſalutis 1644. ait eum *Petri* Accurenſis epicoſopi fuiſſe filium; ille itaque Petrus Accurenſem adminiſtravit eccleſiam exeunte ſæculo decimo-ſexto, vel ineunte ſequenti. Fuit fortaffis ordinatus epicoſopus hujus loci à Joſepho Riſio Patriarcha Maronitarum,

C anno 1596. quo, ea eccleſia vacante, Hieronymus Dandinus Societ. Jeſu, à Clemente VIII. ad Maronitas Viſitator Apoſtolicus miſſus, eundem Patriarcham monuit, ut ei ſedi epicoſpum præficeret, ipſomet teſte in itinerario ſuo ad Montem-Libanum, *cap. 35.*

## III. GEORGIUS I.

Stephanus Edenenſis in breviculo Patriarcharum Maronitarum, ubi de quinque prioribus Patriarchis hujus nationis egit, addit: plurà etiam exemplaria ſunt quæ propoſuit nobis venerabilis frater noſter *Georgius Habacuc* Accurenſis epicoſpus. Is etiam eſſe videtur qui anno Alexandri 1984. id eſt Chriſti 1673. teſtimonio eccleſiæ Maronitarum de fide ſua erroribus Calvinianis oppoſita ſubſcripſit in hunc modum, poſt eundem Stephanum Edenenſem Patriarcham, *Georgius humilis & abjectus metropolita Accurenſis, filius Habcoux.* Extat *to. 3.* gallice ſcripto de perpetua eccleſiæ univerſalis fide circa realem Chriſti in Euchariftia præſentiam, *pag. 721.*

## IV. GEORGIUS II.

Eccleſiæ Accurenſi nunc præeſſe dicitur *Georgius* cœnobii S. Antonii alumnus, niſi à paucis annis obierit.



### XIII. ECCLESIA HESRONIS MARONITARUM.

**F**AUSTUS Naironus in *Evopl. fid. Cath. cap. 4. num. 34.* ait in oppido *Hefron*, quod ab oppido Bſciarra non longè distat, & in tribus aliis vicis seu pagis adjacentibus, idioma vetus Syriacum seu Chaldaicum ab incolis hætenus conservari, coque uti communiter populum, quamvis in Phœnicia, imò in tota fere Syria, à Saracenorum in eam ingressu, deperditum fuerit, Arabica ipsi lingua substituta, & solum in officiis ecclesiasticis usurpetur. Hi ejus episcopi nationis Maronitarum ad notitiam nostram devenerunt.

#### EPISCOPI HESRONIS MARONITARUM.

##### I. JOANNES I.

**A**BRAMUS Ecchellensis in Indice auctorum quos in opere de origine nominis Papæ laudavit *lib. 1.* hæc habet: *Joannes Leopardus* archiepiscopus Hefronita, vir doctissimus, confecit tractatum, *De contradictionibus Alcorani*, in quo strenue male compactum destruit ædificium. Hujus bina extant exemplaria: unum, in Bibliotheca collegii Urbani de Propaganda fide; alterum est illustrissimi viri Michaëlis Hefronitæ Patriarchæ Maronitarum suffraganei. Hunc etiam commendat Faustus Naironus in *dissert. de nomine, &c. Maronitarum pag. 122.* ubi ait: *Quid Joannem Leopardum Hefronitam ex ordine Prædicat. Archiepiscopum & Patriarchæ suffraganeum,*

*A* (commemorem) qui erudite conscripsit *Arabice tractatum, cujus titulus est, Vindemia sacramentorum!*

##### II. JOANNES II.

Idem Naironus statim subdit *ibid.* *Quid Joannem alium Hefronitam archiepiscopum, qui varia de fide ac religione orthodoxa exaravit!* Quum hos duos præfules Naironus immediate præmittat Isaaco Sciadrensi archiepiscopo Tripolitano, quem Assemanus *10. 1. Biblioth. Orient. pag. 552.* consecratum fuisse asserit à Joanne Maccluphio Patriarcha anno salutis 1629. eos conjectu pronum est exeunte sæculo decimo-sexto, vel ineunte sequenti, sedisse. Nescio tamen an à patria, an à sede, hi duo episcopi nominentur *Hefronitæ.*

### XIV. ECCLESIA ARCÆ MARONITARUM.

**A**RCÆ sive *Arce*, quam etiam *Atipum* vocat Josephus *lib. 5. antiq. cap. 1.* urbs Phœniciae est. Hujus meminit Ptolemæus *lib. 5. cap. 15.* eamque inter mediterraneas Phœniciae urbes locat. *Arca Cæsarea* & *Arcena* appellatur ab Ælio Lampridio ubi de Alexandro Severo, in eaque asserit natum hunc Imperatorem. Aurelius quoque Victor asserit *Cæsarea* & *Arcæ* nomen huic oppido tribui, sed *Cæsarea* procul dubio dicta est ex eo Imperatore Alexandro qui ipsius alumnus erat. Ibi sedet episcopus Maronita, cujus ecclesia Deo in honorem sancti Arsenii dedicata est.

#### EPISCOPI ARCÆ MARONITARUM.

##### E L I A S.

**A**RCENSI ecclesiae Maronitarum præesse

dicitur impræsentiarum, *Elias* cœnobii Mar-Sulitæ, nisi à paucis annis obierit.

### XV. ECCLESIA BSCIARRAI MARONITARUM.

**F**AUSTUS Naironus in *Evopl. fid. Cath. cap. 4. n. 33. pag. 89.* hæc habet de Bſciarra. In regione Libanica quæ Giobbet Bſciarra vocatur, *Bſciarra*, & Hhadet, tanquam urbes antiquitus reputabantur. Bſciarra huic ditioni nomen imponit, quæ distinguitur ab alia Giobbet Elmneitra dicta. Erat olim Bſciarra arce munita, sed nunc pene diruta: in ea ad nostra usque tempora princeps Maronita residebat qui *Mquaddem* titulo præfulgens, toti huic regioni hæreditario jure præerat. Verum ea familia extincta, hujus præsidis nominatio ad nutum Basciæ Tripolitani devenit. Episcopus Maronita fidelium ejusdem nationis hujus loci & terrarum adjacentium curam gerit.

EPISCOPI



## EPISCOPI BSCIARRAI MARONITARUM.

ECCLESIA  
BSCIARRAI  
MARONITA-  
RUM.

## I. \* \* \*

**D.** de la Roque scribit in Itinerario suo ad Montem-Libanum, editionis 1723. pag. 65. *Episcopi cujusdam Bsciarrai* epistolam ad Leonem X. Romanum Pontificem, lectam fuisse in synodo quinta Lateranensi.

## II. MOYSES.

Synodo, quam haberi curavit à Sergio Rifio Maronitarum Patriarcha, die 18. Septembris stylo veteri, novo 28. anno salutis 1596. Hieronymus Dandinus Societ. Jesu,

A à Clemente VIII. missus ad Montem-Libanum, ut de erroribus Maronitarum nationi impositis diligentius inquireret, adfuit *Moyse Bsciarrai episcopus*: sic enim initio actorum hujus synodi, quæ refert idem Dandinus in Itinerario suo cap. 34. legitur: Convenerunt die 18. Septembris mensis coram illustrissimo Patriarcha, reverendissimi archiepiscopi, cæteris legitime impeditis, Josephus abbas Chsaya, Josephus sancti Antonii, & *Moyse Bsciarrai*. Eo igitur anno 1596: ecclesiæ Bsciarrai præerat iste Moyse.

## XVI. ECCLESIA HHADETENSIS MARONITARUM.

**D**iscimus à Fausto Nairono in *Evopl. fid. Cath. cap. 4. num. 34. pag. 90.* Hhader modo pene orbatam populo, sed valde in Maronitarum chronicis celebrari, ob validissimam per septem annos oppugnationem ab ejus incolis adversus Saracenos obitam. Quod fufius explicat in *differt. de nomine, &c. Maronitarum pp. 52. & 53.* «Maronitarum principes, inquit, duos constituerunt eximios duces.... ut militibus præessent, qui egressi ex civitate Hadetensi, quæ est in Libano, in provincia Giobbe nuncupata, tanto animi ardore in Saracenos irruerunt, ut eorum exercitum pene internecione profligarint. Hujus rei fama quum Damascum pervenisset, Saracenorum duces militum cohortibus in unum collectis stricta Hadetum obfidione vallarunt. Maronitarum studium ac valor in urbe tuenda usque adhuc commendatur. Nam etsi Imperator (Græcorum) nullum eis præbuerit auxilium, per 7. tamen annos frequentes hostium aggressiones valide retuderunt, ac majora egissent, nisi urbs per traditionem fuisset capta, ac funditus everfa, in qua 1700. domus numerabantur.» Huic igitur urbi, maxime dum stetit in florenti statu, non est credibile defuisse episcopos nationis Maronitarum, eorum tamen nullus hucusque ad notitiam nostram devenit.

## XVII. ECCLESIA SCIADRENSIS MARONITARUM.

**S**CIADRA oppidulum est Maroniticæ gentis versus Montem-Libanum, eique præfuerunt episcopi, inter quos unus nobis occurrit, ille scilicet qui sequitur.

## EPISCOPI SCIADRENSES MARONITARUM.

## JOANNES.

**I**SAAC Sciadra oriundus, qui Tripolis in Phœnicia à Joanne Macluphio Maronitarum Patriarcha archiepiscopus ordinatus fuit anno salutis 1629. meminit *Joannis* episcopi Sciadrensis, in præfatione Grammaticæ linguæ

B Syriacæ quam Romæ edidit anno 1636. *Fuit demum, inquit, felix memor. Joannes archiepiscopus Sciadrensis patruelis meus, qui datis ad me sæpe litteris ad hoc opus strenue capefendum, suppositis me quasi facibus inflammavit. De Isaac Sciadrensi agit Afseman. 10. 1. Bibl. Orient. p. 552. col. 2. & seq.*

## XVIII.

## ECCLESIA BISRAI MARONITARUM.

**S**TEPHANUS Edenensis Patriarcha Maronitarum, in breviculo prædecessorum suorum quorum genealogiam sive seriem subministrat, ubi de Daniële Patriarcha anno 1230. salutis florente, citat registrum cujusdam Jacobi filii Joannis Befrensis, in Proprio sanctorum, quod, inquit, in sancti Sabæ ecclesia de Bisrai vidimus. Et infra: Anno salutis 1283. ascendit Saladinus cum armata manu ad expugnandam Bisrai provinciam in Monte-Libano: erantque omnes illius montis habitatores bello & tyrannide afflicti. In eo loco fuerunt episcopi Maronitæ.

Tomus III.

G



## EPISCOPI BISRAI MARONITARUM.

## P E T R U S.

**I**dem Stephanus Edenensis in præfato breviculo paulo inferius, meminit libri Evangeliorum quem scripsit Sciamas Saba filius Salomonis filii Georgii archipresbyteri de Chamas caractere Chaldaico antiquo in papyro pergamena anno salutis 1322. & adhuc conservatur, inquit, in monasterio S. Michaelis de Sciaria in pago Hanturin. In eo autem libro ita scribitur: absoluta fuit hujus libri scriptura diebus patris nostri Patriarchæ Simonis supra sedem Antiochenam sedentis; necnon diebus *Petri archiepiscopi Bisrai*, anno æræ Græcæ 1633. (id est, Christi 1322.)

Superfunt aliquot Maronitarum episcopi, quorum nos fugit, vel nomen, vel sedes, vel quænam fuerit sedes illis assignata, vel quo tempore federint: exhibebo breviter quæ de iis mihi occurrerunt.

Joannes Lephedienſis Maronitarum Patriarcha, qui ab anno Christi 1151. usque ad annum 1173. sedit, ut refert Assemanus, *10. 1. Bibl. Orient. pag. 522.* quum in monasterio S. Eliæ territorii Lephedienſis commoraretur, quatuor episcopos consecravat, teste Stephano Edenensi in breviculo sæpius citato, ut ipsi in suæ nationis regimine adjumento essent; quorum unus *S. Dominici* monasterium incoluit, alter *S. Simonis*, tertius *sancti Elizæi*, quartus *S. Mariæ de Lephed.*

Faustus Naironus in *differt. de origine, nomine, &c. Maronitarum*, citat p. 89. epistolam abbatis Joseph ad Davidem archiepiscopum anno Græcorum 1370. id est Christi 1059. qua illum rogat ut ex Syriaco Arabici juris faceret ecclesiasticas Orientalium Syrorum constitutiones. Extat autem hæc epistola in cod. Arab. 76. apud Assemanum *10. 1. Bibl. Orient. pag. 629.* hoc modo: *Josephi abbatis epistola ad Davidem archiepiscopum Maronitarum, data anno Græcorum 1370. qua rogat eum, ut ecclesiasticos sibi canones transmittat.* Item: *Davidis archiepiscopi responsio ad Josephum abbatem, cui sequentes canonicos tractatus transmittit.* Scribit rursus idem Naironus *ibid. pag. 101.* ex chronico, Hieremiam Patriarcham, quum Romam pergeret anno Christi circiter 1210. pro suo vicario nominasse Theodorum episcopum ex Kfarfu, cujus sedis nulla aliunde suppetit notitia.

**A** Stephanus Edenensis in præfato breviculo mentionem facit de quibusdam episcopis: scilicet.

1.<sup>o</sup> Sub Davide Patriarcha qui sedebat anno salutis 1397. *de Cyrillo archiepiscopo Algigei* eodem tempore vivente; ex registro quod ille Cyrillus cum quibusdam aliis conscripsit anno 1404.

2.<sup>o</sup> De Petro episcopo cœnobii Cannobin. Dicit autem monasterium illud à Theodosio Magno Imperatore fuisse erectum, & successu temporis ab Alzaer Barcuk Orientis & Ægypti Sultano, incisis in lamina ænea characteribus, ab omni vectigalis gravamine factum esse immune: qua de causa incepisse illud fieri sedem episcopalem, & primum qui in ea dignitate constitutus est, Petrum hunc fuisse.

Hieronymus Dandini Societ. Jesu, missus à Clemente VIII. Visitator Apostolicus ad Maronitas anno salutis 1596. refert in Itinerario suo ad Montem-Libanum, *cap. 34.* Acta synodi provincialis eodem anno habitæ in cœnobio Cannubin, cui præter Sergium Risum Patriarcham, interfuerunt archiepiscopi *Josephus abbas Chfaya, Josephus sancti Antonii, & Moyses Bsciarrai*, cæteris episcopis legitime impeditis. In eo monasterio nonnulli cum Patriarcha degunt episcopi, quorum consiliis adjuvatur in regimine ecclesiæ Maronitarum.

Epistola quædam gallicè scripta ex urbe Tripoli Syriæ die 25. Mart. 1733. nonnullos episcopos nationis Maronitarum appellat, inter quindecim qui adfuerunt eodem anno electioni Josephi in Patriarcham, nimirum *Abdallam, Eliam episcopum; Stephanum episcopum* monasterii Cannobinensis: *Gabrielem episcopum Edlun, & Josephum episcopum*, qui ad Patriarchalem dignitatem evectus est, & nunc sedet, nisi ab anno prædicto 1733. obierit. Porro *Abdallam* primo loco memoratum, P. Petitqueux Missionarius Societ. Jesu, in Itinerario suo ad Montem-Libanum anno 1721. *tom. 4. Relat. Miss. PP. Societ. edit. Paris. 1724.* appellat *Abdallam & Abdulam*, & dicit fundatorem fuisse monachorum *Aleppinorum*, eorumdemque primum abbatem in cœnobio sancti Elizei, ex quo assumptus est ut fieret episcopus monasterii sancti Antonii ejusdem Aleppinorum congregat. *Ibidem pp. 264. 265. & 273.*







# DE PATRIARCHATU HIEROSOLYMITANO.

## *Ad Patriarchatum Hierosolymitanum præludia.*

Ecclesia  
Hierosoly-  
mitana cæ-  
terarum pa-  
rens.

**I.** ISRAELITICÆ seu Judaicæ ecclesiæ caput olim ac metropolis, urbs sancta Hierusalem fuit: in ea quoque Christus Dominus suam novi fœderis instituit ecclesiam; hanc enim perennis sacrificii sanctione ac prima oblatione sacravit: hanc rursus illapso in discipulos suos Spiritu sancto primam fideliū constituit magistrā, juxta illud Isaïæ, cap. 2. vers. 3. vaticinium, *de Sion exibit lex, & Verbum Domini de Hierusalem*. Hinc sanè tot encomiis in scriptura passim celebratus mons Sion qui in ea urbe eminebat, & pro ea tota designanda sæpius usurpabatur. *Fundamenta ejus in montibus sanctis*, canebat olim Psalm. 86. Regius Propheta, *diligit Dominus portas Sion super omnia tabernacula Jacob. Gloriosa dicta sunt de te civitas Dei, &c.* Hierusalem itaque prima sedes fuit dominationis Christi super omnem terram. In ea collegit primitias ecclesiæ suæ, voluit ut apostoli ab ipsa opus prædicationis ordirentur, & prius ejus instructioni vacarent, quam dispergerentur in orbem. Huic unum ex ipsis apostolis Jacobum qui frater Domini dicebatur, Petrus Apostolorum princeps, Antiochiam inque alias regiones profecturus, constituit episcopum, quem ab illo, necnon à Jacobo & Joanne filiis Zebedæi, constitutum scribit Euseb. lib. 2. hist. eccl. cap. 1. ex Clemente (Alexandrino) in sexto institutionum (id est Hypotyposeon, ut in textu græco exprimitur.)

Ad exci-  
dium usque  
Hierosoly-  
morum per-  
stitit.

**II.** Ecclesiæ Hierosolymitanæ, quandiu urbs ipsa stetit, cæteræ in Palæstina ultro subjiciebantur, licet Christiani vulgò appellarentur apud Judæos *Nazaræi*, à patria Christi *Nazareth*; sed postquam à Romanis, ducibus Vespasiano & Tito urbs funditus cum templo everfa fuit, ipsa pariter

*Tomus III.*

A ejus ecclesia periit, seu potius aliò migravit.

**III.** Scilicet, occiso, pro Christi nomine à Judæis, Anani summi Pontificis sententia, Jacobo minore primo Hierosolymorum episcopo, quum tota natio adversus Romanos arma sumeret, conjicientes Christiani instare sanctæ civitatis obsidionem quam Christus Dominus prædixerat, ut legitur Luc. 21. vers. 20. *Cum videritis ab exercitu circumdari Hierusalem, scitote quia appropinquat desolatio ejus, tunc qui in Judæa sunt, fugiant ad montes, &c.* juxta ejus monitum, in montana trans Jordanem cum Simeone suo præfule, qui Jacobo successerat, se contulerunt. Capta demum Hierosolyma, temploque ac cæteris ejus ædificiis solo æquatis, ita ut super illorum rudera ductum fuerit aratrum, quo nulla ejus in posterum instaurandæ atque iterum habitandæ Judæis spes superesset, servatisque duntaxat tribus turribus, dictis Phazaëlo, Hippico sive Equorum, & Mariamne, muro etiam partis Occidentalis, ut essent signum victoriæ Romanorum, præsidiorumque ibi relictorum tutamen, teste Josepho lib. 7. de bello Judaico c. 1. Hierosolymitana Christianorum ecclesia, quæ ad montana trans Jordanem secesserat, in Peræa regione ac Pellæ præsertim constitit, quemadmodum tradunt Euseb. lib. 3. hist. eccl. cap. 5. & Epiph. lib. de pond. & mens. n. 15. necnon hæc. 9. sive 29. n. 7.

Hierosoly-  
mitana ec-  
clesia trans  
Jordanem  
constituta.

**IV.** Quoniam vero ex Hebræis solis ad Christum conversis ecclesia illa eò usque coalescebat, hinc quindecim primos suos episcopos ex sua tantum natione habuit, donec sub Ælio Hadriano Imperatore Judæis adversus Romanos rursus ad arma convolantibus, suoque gravissimo detrimento acerrimè repressis, alia urbs sub nomine *Æliæ*, ad Hierosolymorum ruinas, erecta est, quæ nihilomi-

Quinde-  
cim primi  
Hierosoly-  
morum epi-  
scopi, Judæi  
fuerunt.



nus *Hierosolyma* quoque dicta fuit, sicut & A nunc solum vocatur. Tredecim post Simeonem Hierosolymorum præfulum catalogum exhibent Eusebius, *lib. 4. hist. eccl. cap. 5.* & Epiphan. *hær. 66. num. 20.* illosque aiunt ex circumcissione fuisse, *ἐκ περιτομῆς*, id est, non tantum genere, sed & vivendi ratione, quippe qui Legum Mosaicarum quarumdam, & inprimis circumcissionis, tenaces se præberent observatores, juxta quod olim majoribus eorum permiserant apostoli, quamvis in synodo Hierosolymitana ab iisdem fere omnibus, præsertimque circumcissione, Gentiles qui in B Christum credebant declarassent immunes. Id colligere est ex his Jacobi ad Paulum verbis, *Act. cap. 21. vers. 20. Vides, frater, quot millia sunt in Judæis qui crediderunt, & omnes æmulatores sunt legis: audierunt autem de te quia discessionem doceas à Moysse eorum qui per gentes sunt Judæorum, dicens non debere eos circumcidere filios suos, neque secundum consuetudinem ingredi.... Quid ergo est? utique oportet convenire multitudinem; audient enim te supervenisse. Hoc ergo fac quod tibi dicimus: sunt nobis viri quatuor votum habentes super se, his* C *assumptis, sanctifica te cum illis.* Horum itaque nepotes, etiam post everfam Hierosolymam à patriis ritibus ex toto non desciverunt, quos tamen necessarios, Ebionitarum instar, ad salutem æternam comparandam non asserebant: ut olim in Damascenica dissertatione septima, ubi de Nazaræorum secta, fufius exposui.

Difficultates circa quindecim primos Hierosolymitanos episcopos.

V. Verum non leve facessit negotium, in illa quindecim primorum Hierosolymitanæ ecclesiæ episcoporum successione, tum martyrium Simeonis anno decimo Trajani affixum, id est Christi 107. tum breve admodum 28. annorum spatium toti tredecim sequentium episcoporum regimini assignandum, scilicet à præfato Trajani anno 10. Chr. 107. usque ad 19. Hadriani annum, Christi 135. quo Marcus primus Æliæ antistes consecratus fuit. Hæc nos tamen morari non debent: nam quod spectat ad primam difficultatem, Eusebius in chronico edit. Scalig. Amstelod. anno 1658. p. 205. narrat Simeonem Cleophæ filium thronum Hierosolymitanæ ecclesiæ post mortem Jacobi Apostoli conscendisse E Cæsonio & Petronio Consulibus, septimo utique Neronis anno, qui Christi 60. fuit: martyrium vero subiisse Soso & (Licinio) Sura 3. Coss. (ibid. p. 209.) id est anno Trajani 10. Christi 107. & sui præfulatus 47. quum tamen jam provectæ admodum ætatis esset quando Jacobo successit. At speciali Dei providentia fieri recte potuit, ut, pro hujus primæ ecclesiæ commodo, diuturniori vita Simeon iste apostolis cœvus donaretur, ac ad sexies vige-

simum, vel etiam ulteriorem ætatis annum, sano capite, & vegeto corpore pervenerit; siquidem Patriarchæ antediluviani fere omnes naturaliter annum nongentesimum excesserunt. Altera autem difficultas forte ex eo oritur quod nobis non innotescat præcise quantum temporis unusquisque ex tredecim illis episcopis Simeonis successoribus ecclesiæ Hierosolymitanæ clavum tenuerit, quos tamen omnes brevi sedisse vulgò perhiberi monet Euseb. *lib. 4. hist. eccl. cap. 5.* Adde non esse improbabile, dum Marcus, primus ex gentilibus in Christum credentibus assumptus ad gubernandos ejusdem gentilitatis fideles in Ælia urbe commorantes, eorum instructioni & curæ vacaret, postremos quoque episcoporum 13. Hebræorum administrasse suam ex Hebræis constantem ecclesiam, quæ necdum in Ælia nacta fuerat sibi domicilium: hanc enim eatenus Judaizantem, à cæteris Judæis ab ea urbe exclusis, Duces Romani minime fecerant. Id porro non obscure tradit S. Epiphanius *lib. de hæres. hær. 66. n. 20.* ubi ait de Juda episcoporum illorum tredecim ultimo, eum Hierosolymitanæ ecclesiæ præfuisse *ad undecimum Antonini Pii annum: id est Christi 148. & subdit immediate. Hi ex circumcissione fuere, ex gentilibus vero qui sequuntur. XVI. Marcus. XVII. Cassianus. XVIII. Publius. XIX. Maximus. XX. Julianus. Hi omnes ad 10. annum Antonini Pii perveniunt.* Subindeque mortui sunt hi quinque gentiles episcopi uno circiter anno ante Judam tredecim episcoporum Hebræorum postremum. Ex ea autem narratione, si vera est, palam fit, non ad 28. dumtaxat, sed ad 41. annos extendendum fore illorum episcoporum tredecim Hebræorum regimen; quod fidem non superat, præsertim si attendatur, Judæos ad Christum conversos, ab infideli synagoga, sub Trajano, Hadriano, & Antonino Pio, omni mortis genere fuisse interemptos: sic enim sanctus Justinus Martyr Samaria oriundus, & tunc vivens, testatur in apolog. 1. pro Christianis: *sunt libri illi, inquit, (loquitur de libris scripturæ) apud omnes ubique Judæos, qui eos legentes non intelligunt, sed pro inimicis nos habentes itidem, quum possunt, occidunt, & excruciant, quemadmodum vel ex eo persuaderi potestis. Proximo namque bello Judaico, Barchochebas defectionis eorum Dux & princeps, solos Christianos ad gravia supplicia, nisi Christum abnegarent, & maledictis incescerent, protrahi jussit.* Turbulentis itaque illis temporibus diuturnior esse non potuit uniuscujusque illorum episcoporum Hebræorum præfectura.

VI. Scribit idem Epiphanius libro de Ponderibus & mensuris, n. 15: quod ex Origene

Plures dei filii in ratione



Hierusalem  
commoran-  
tur.

desumptum censerent quidam eruditi, Judæos qui fidem Christi amplexi fuerant, reversos esse ad Hierosolymorum rudera, post hujus urbis excidium totalemque sub Vespasiano & Tito everSIONem, ibique vitæ sanctimonia ita claruisse, ut inde motus Aquilas Ponticus Christianæ religioni nomen dederit: in qua tamen non perseveravit, factus postea Judæus. Paulo supra n. 14. dixerat idem Epiphanius *parvam quandam ecclesiam à Christianis in eo loco constitutam fuisse in quem discipuli, postea quam Salvator in cælum ex Olivæ monte sub-  
rectus est, sese recipientes, cœnaculum conscen-  
derunt. Erat illa quadam in Sionis parte con-  
structa, quæ civitati supersuerat cum Sioni pro-  
pinquis aliquot ædificiis, ac septem synagogis  
quæ in eodem monte solæ velut tuguria persli-  
terant.* Non me fugit hanc Epiphaniî narra-  
tionem morosis quibusdam criticis non arri-  
dere, non tamen explodendam puto, ut-  
pote quam, non solum Josephi historia non  
destruit; sed insuper Eusebius videtur con-  
firmare. Ait siquidem *lib. 4. hist. eccl. cap. 22.*  
*ex Hegesippo ecclesiam Hierosolymitanam,  
hactenus virginem vocatam (temporibus Simeo-  
nis Jacobi successoris) propterea quod vanis ser-  
monibus nondum corrupta fuerat. Et Thebutim  
primum fuisse qui indigne ferens, quod minime  
creatus esset episcopus, eam occulte vitare sit  
aggressus.* Supra dixerat *ibid. cap. 5. se ex vè-  
terum scriptorum monumentis didicisse, ad illam  
usque obsidionem Judæorum quæ Imperatore  
Hadriano contigit, quindecim episcopos continua  
successione illi ecclesiæ præfuisse, quos omnes  
origine Hebræos extitisse memorant, & Christi  
fidem sincere & ex animo suscepisse, adeo ut ab  
illis qui judicium ferre de ejusmodi rebus pote-  
rant, episcopali munere dignissimi censerentur.*  
Nihil certe creditu magis pronum est, quam  
quod homines tanto fidei ardore succensi,  
frequentiori sese locorum Christi Mysteriis  
venerandorum visitatione proximoque inco-  
latu solarentur.

VII. Adde in dubium minime revocan-  
dum videri, quidquid secus adstruant Scaliger  
& Valesius, quin civitas aliqua, sive magna,  
sive parva, à Judæis constructa fuerit super vel  
prope ruinas veteris Hierusalem, pluribus ab  
ejus everSIONe annis, quam, ut priorem, Hie-  
rosolymam appellatam inhabitaverint, non  
contradicientibus Romanis. Verum, quum  
Judæi arma sumpsissent adversus Romanos  
sub Trajano, & rursus sub Hadriano Imperato-  
ribus, urbemque suam Hierosolymam, ejectis,  
aut etiam exterminatis Romanis, quinquaginta item castella, ac plurima oppida in Pa-  
læstina occupassent, ut jugum excuterent  
dominationis eorum; bellum exarsit fævis-  
simum postremis Hadriani annis, in quo innu-

meri perierunt Judæi, urbs eorum Hieroso-  
lyma, obsessa, capta, & solo æquata est,  
cætera castella & oppida diruta: denique su-  
per Hierosolymorum macerias nova urbs  
ædificata, quæ nomine Ælii Hadriani *Ælia*,  
& ex templo in medio ejus Jovi Capitolino  
erecto *Ælia Capitolina* nuncupata est, in quam  
Hadrianus copiosam gentilium coloniam  
transulit, vetitusque omnibus Judæis ejus in-  
gressus sub gravissimis pœnis. Porro licet Ha-  
drianus coloniam gentilium in urbem Æliam  
miserit confecto bello, ut asserit Eusebius,  
nihil prohibet quin ante bellum & stante  
adhuc Hierosolyma eò aliam deduxerit, cui  
& templum in honorem Jovis Capitolini  
construendum concesserit; quibus exasperati  
Judæi occasionem rebellionis suæ arripue-  
runt, ut tradit Dio Cassius. Quod vero aiunt  
Scaliger & Valesius, Hierosolymam non po-  
tuisse obsideri, capi, & destrui sub Hadriano,  
ut-pote quæ à temporibus Vespasiani & Titii  
non subsisteret; verum est de priori Hieroso-  
lyma, sed non inde sequitur aliam non fuisse  
ædificatam urbem hujus nominis à Judæis,  
obsessionis sustinendæ capacem; siquidem,  
non solum Eusebius, Chrysostomus, & Hie-  
ronymus, qui profecto Hierosolymorum  
everSIONem per Vespasianum & Titum fac-  
tam non ignorabant; sed etiam Appianus qui  
sub Trajano & Hadriano ipso vivebat, Dio  
Cassius, & chronicon Alexandrinum, expres-  
sis verbis asserunt Hierosolymam sub Hadria-  
no obsessam fuisse, captam, funditus subver-  
sam, Æliamque civitatem in ejus locum con-  
structam. Hæc Tillemontius, *tom. 2. hist.*  
*Imperat. pp. 308. 309. 604. & 605.*

VIII. Urbem Æliam Judæi & Christiani  
Hierosolymam, ex pristino civitatis nomine  
cui substituta fuerat, vocare perseveraverunt,  
& à pluribus sæculis aliud nomen non habet.  
Utroque simul nomine donatur in exordio  
actorum synodi Hierosolymitanæ, quæ anno  
536. sub Petro Patriarcha pro condemna-  
tione Anthimi coacta est: *Post Consulatum  
Flavii Belisarii 13. Kal. Octob. Indiæ. xv.  
in colonia Ælia metropoli, sive Hierosolymis,  
&c.* Tom. 5. Concil. Labb. col. 275. edit.  
Paris. anni 1671. Quum vero urbs illa, statim  
atque condita est, à gentilibus solis habitaretur,  
Judæis, ut dictum est, penitus exclusis,  
Christiani in ea degentes à gentilitate con-  
versi, episcopum sibi elegerunt ex gentilitate  
pariter assumptum, Marcum nomine, qui  
primus subinde fuit Æliæ Præsul, novæque  
societatis curam suscepit, à Judaica in  
Christum credente prorsus diversæ, quæ  
alio commigraverat, & à suo interim fortassis  
adhuc proprio episcopo Juda, quindecim  
Hebræorum ultimo, regebatur, post quem

Marcus  
Christianor-  
um Æliæ  
primus epi-  
scopus.

Judæi  
reædificant  
Hierosoly-  
mam quæ  
sub Hadria-  
no obside-  
tur, capitur,  
& evertitur.



hæc successio cessaverit, Judæis qui ecclesiam specialem Hierosolymorum antea composuerant, eorum deinceps episcoporum gubernationi sese subjicientibus, in quorum diœceses se receperant.

Cæsarea  
totius Palæstinae metropolis.

IX. Interim Cæsarea ad mediterranei maris oram sita, quæ prius *Turris Stratonis* vocabatur, sed postea, ut refert Joseph. *lib. 15. antiq. c. 9.* ab Herode Ascalonita fere à fundamentis erecta, magnificisque ornata ædificiis, Cæsarea dicta est, quum Romani præsidis jamdudum sedes esset, Judææ quoque & Palæstinae metropolis evasit, ex quo scilicet urbem Hierosolymam Vespasianus & Titus subverterunt. In ea utique civitate, ubi olim Petrus Apostolorum princeps Cornelium Centurionem sacris baptismi undis lustraverat, Christianorum tam ex Judæis quam ex gentilibus conversis numerosa exstabat ecclesia: ejus vero antistes, quia Hierosolymis procul aberat, ex Hierosol. Pontificis consensu universæ curam gerebat sibi adjacentis Palæstinae. Hinc ergo contigit, quod nova Eliæ ecclesia, ex gentilibus Cæsareæ & Palæstinae qui in Christum crediderant magna ex parte conflata, non destiterit per quatuor fere sæcula episcopo Cæsariensi parere, ut metropolitano suo. Nonnullis nihilominus, ob veteris Hierusalem cujus solo insidebat, locorumque sacrorum quæ Deo sic providente in ea urbe continebantur reverentiam, honorum gaudebat prærogativis Eliensis præsul, quas illi ultro confirmavit synodus Nicæna can. 7. to. 1. Concil. Labbei col. 47. *Quia consuetudo obtinuit, & antiqua traditio, ut qui in Elia est episcopus honoretur, habeat consequentiam hujus honoris, salva metropoli* (id est Cæsareæ) *propria dignitate.* Cæsarea quippe tunc temporis totius Palæstinae, nondum in tres provincias divisæ, primaria civitas erat, ejusque ditioni cæteræ Palæstinae ecclesiæ subjiciebantur. Quamobrem Joannes Chrysostomus scripsit ad Eulog. episcopum Cæsareæ in epistola 87. anno Christi 404. se minime dubitare, quin ejus vestigiis religiosissimi Palæstinae episcopi insisterent, ad defendendam suæ causæ æquitatem.

Cæsariensis sedis in Eliensem jurisdictionis specimina.

X. Et certe Cæsariensis in Eliensem sedis jurisdictio quibusdam nobis manifestatur indicis: Sæculo enim secundo, anno Christi 196. E Theophilus Cæsariensis antistes, ut Victoris Papæ votis obsecundaret, traditumque ab Apostolis solemnitatis Paschalis celebrandæ morem expenderet, synodum totius Palæstinae convocavit, eique præfuit, assistente Narcisso Eliensi episcopo, apud Euseb. *lib. 5. hist. cap. 22.* Quarto sæculo adulto, Acacius Cæsariensis Arianus, iterum atque iterum, jure ecclesiæ suæ, in S. Cyrillum Hierosolymitanum depositionis sententiam tulit. S.

A Hieron. quoque in epistola 61. ad Pammachium, de Joanne Hierosolymitano conquerens quod contra Epiphanium ad Theophilum Alexandrinum provocasset, ceu ad illum *qui omnium ecclesiarum, maxime Hierosolymitanæ curam sustineret*, non vero ad Cæsareæ metropolitam: *Tu qui regulas, inquit longe post medium, quæris ecclesiasticas, & Nicæni concilii canonibus uteris, & alienos clericos, & cum suis episcopis commorantes tibi niteris usurpare: Responde mihi, ad Alexandrinum episcopum Palæstina quid perinet? Ni fallor, hoc ibi* (in Nicæni concilii canonibus) *decernitur, ut Palæstinae metropolis Cæsarea sit, & totius Orientis Antiochia. Aut igitur ad Cæsariensem episcopum referre debueras, cui, sprete communione tua, communicare nos noveras; aut, si procul expetendum judicium erat, Antiochiam potius litteræ dirigendæ. Sed novi, cur Cæsaream, cur Antiochiam nolueris mittere; sciebas quid fugeres, quid vitares, maluisti occupatis auribus molestiam facere, quam debitum metropolitano tuo honorem reddere. Denique Diospolitana synodus anno 415. coacta est, præsidente Eulogio Cæsareæ metropolita, & secundum locum obtinente præfato Joanne Hierosolymitano.*

XI. Quod autem S. Hieronymus, loco quem modo attuli, asserere videtur Palæstinam Antiocheno Patriarchæ fuisse subjectam ex dispositione concilii Nicæni, hoc argumentando potius, quam ad receptam suæ ætate consuetudinem aut disciplinam attendendo, dixisse pene affirmaverim. Ratio est quia nullo ecclesiasticæ antiquitatis monumento certo comperimus, Cæsareæ metropolitam Antiocheni præsulis ordinationi, perinde ac alios Phœnices, utriusque Syriæ, Ciliciæ, ac reliquarum Orientis metropolium antistes, fuisse obnoxium. Hoc solummodo, quod sciam, illi jurisdictioni Antiocheni Patriarchæ favere aliquatenus posset, in epistola nimirum Zosimi Papæ ad Aurelium cæterosque Africæ episcopos legi, Pelagium hæresiarcham *in posteriore synodo* (quam Hierosolymis habitam censent plures eruditi) *cui sanctæ memoriæ Theodotus Antiochiæ præsedet episcopus, detectum, à sanctis quoque ac venerabilibus Hierosolymorum locis esse deturbatum.* Cæterum Cæsariensis præsul, ab episcopo Hierosolymitano, tanquam à suæ ditionis digniore episcopo consecrari solebat. Sic Theodoretus memorat epistola 110. ad Domnum Antiochenum, Domninum digamum Cæsareæ Palæstinae antistitem à Praylio Hierosolymitano episcopo ordinatum. Sic sanctus Cyrillus Hierosolymitanus, post obitum Acacii Ariani Cæsareæ præsulis, Philumentum consecravit; & rursus

Antiochenæ sedis in Palæstinam jurisdictionis obicula.

Cæsariensis metropolis ab Eliensi antistite à dignitate Palæstinae ordinari solita.



Gelasium, ut S. Epiphanius tradit hæc. 73. A zomenus enim narrat *lib. 2. hist. cap. 2.* non

num. 37.

Qui honos  
à Patribus  
Nicænis se-  
di Hieroso-  
lymitanæ  
attributus.

XII. Synodus itaque Nicæna pristinum præcise honorem, quo jam dudum potiebatur Æliæ sive locorum sacrorum episcopus, eidem confirmavit, nec quidquam addidit amplius. Sedes quippe Hierosolymitana inter orbis præcipuas censebatur, licet in nullam tunc aliam ecclesiam jurisdictionem exerceret. Ea sane de causa accuratam ejus pontificum, sicut Romanorum, Alexandrinorum, & Antiochenorum, Eusebius Cæsariensis, quamquam non item suorum prædecessorum Cæsariensium, seriem contexuit in historia ecclesiastica, & in chronico. Refert quoque idem Eusebius *lib. 5. cap. 23.* in synodo totius Palæstinæ de festivitatis Palchalis die sancienda coacta, Theophilum Cæsariensem & Narcissum Hierosolymitanum præfuisse, (hunc tamen secundo loco.) Hinc etiam post concilium Nicænum, Constantinus Imp. in litteris ad Macarium, de ecclesia ædificanda in Mambre diocesis Eleutheropolitanæ, eum vocat *Hierosolymitanum & de Palæstina episcopum.* Mitto inscriptionem synodi Antiochenæ anno 272. contra Paulum Samosatenum, in qua post Helenum Tarfi, Hymenæus Hierosolymitanus, ante Theotecnum Cæsariensem nominatur; primis enim illis sæculis, potior fortassis in inscriptionibus & subscriptionibus ratio habebatur antiquitatis ordinationis episcoporum, quam dignitatis illorum sedis.

Sedes Hierosolymorum ut apostolica habita sæculo quarto.

XIII. Hæc in ecclesiam Æliensem veneratio non aliunde profecto oriebatur, quam quod prioris Hierosolymitanæ ab apostolis fundatæ locum replens, ipsa quoque apostolica haberetur. Euseb. *lib. 7. hist. eccl. cap. 32.* Hermonem ait Hierosolymorum apostolicam cathedram, quæ illic etiamnum servatur, obtinuisse. Sozomenus *lib. 4. hist. cap. 254.* narrat Cyrillum Hierosolymitanum, in synodo Antiochena anno Christi 360. ab Acacio Cæsariensi Ariano destitutum, cum variis de causis, tum præsertim, quod postquam Hierosolymorum constitutus episcopus fuerat, cum Acacio, tanquam apostolicæ sedis antistes, de jure metropolitico contenderet. Ælienses scilicet præfules se Jacobi apostoli sedem occupare jactabant: & ipse Eusebius scribit *lib. 7. hist. eccl. c. 19.* Jacobi, qui primus à Christo, & rursus ab apostolis episcopus est factus Hierosolymorum, quem fratrem Domini cognominatum divinæ paginæ ferunt, cathedram Pontificalem multo honore servatam à fidelibus ad sua usque tempora.

Hierosolymitani Patriarchatus primordia.

XIV. Hinc igitur Ælienses episcopi occasionem sumpserunt sæculo quarto de primatu cum Cæsariensi metropolita disceptandi. So-

zomenus enim narrat *lib. 2. hist. cap. 2.* non tantum à Macario Hierosolymitano antistite, Eusebium Cæsariensem, Patrophilum Scythopolitanum, & alios quosdam Palæstinæ episcopos Arianæ hæresis fautores, ipsius communione fuisse ejectos; sed & Lyddæ, sive Diospoli creatum fuisse ab eodem episcopum veræ fidei alumnum. Theodoretus *lib. 2. hist. eccl. c. 26.* jurgium exortum refert inter S. Cyrillum Hierosolymitanum & Acacium Cæsariensem de juribus metropolitici: *Isti duo, inquit, inter se de primatu digladiantes, populum suarum ecclesiarum gravissimis affecerunt incommodis: nam Acacius levi arrepta occasione, abdicavit Cyrillum, Hierosolymisque expulit.* S. Cyrillus nimirum, ut Acacii Cæsariensis qui fidem consubstantialitatis labefactare conabatur jurisdictionem excuteret, dignitatem ei suæ sedis tanquam apostolicæ opponebat. Hinc vero successores ejus ansam arripuerunt sedi Hierosolymitanæ jura Patriarchatus vindicandi. Joannes tamen, qui Cyrillum proxime excepit, nihil aliud tentasse dicitur ab Hieronymo supra laudato, adversus metropolitice ecclesiæ Cæsariensis jura, nisi quod alienos clericos sibi niteretur usurpare, & quod ad Alexandriæ Patriarcham, non vero ad Cæsariensem præfulem, aut Antiochenum antistitem, aliquando provocasset. Legimus in vita S. Porphyrii Gazensis episcopi, apud Bollandum die 26. Februar. pag. 647. hunc, qui sanctæ civitatis presbyter erat, à Joanne Cæsariensi ad se vocatum, inconsulto Praylio Joannis Hierosolymitani successore, episcopum fuisse consecratum an. 398. quod plane contra canones factum fuisset, nisi tunc sedes Cæsariensis in Hierosolymitanam metropolitico suo jure adhuc polleret.

XV. Verum quum Juvenalis, post obitum Praylii, thronum Hierosolymitanum conscendisset, omnem navavit operam, ut posthabita Cæsariensi, quæ Nicæno canone septimo facta tecta manserat, jurisdictione, sedis suæ auctoritatem amplificaret, brevique universam Palæstinam sibi arrogavit. Qua vero ratione votorum tandem evaserit compos non facile detegitur, quia id scriptores eorum temporum non explicant. Certe in Ephesina synodo, adversus quam Joannes Antiochenus cum triginta suis episcopis conciliabulum Ephesi agebat, eodem modo se gessit Juvenalis, ac si ipsam sedem Antiochenam jam dudum suæ Hierosolymitanæ subditam esse neminem latuisset. *Oportebat, inquit, Act. 4. to. 3. concil. Labb. col. 641. Joannem reverendissimum Antiochiæ episcopum, hac sancta & æcumenica synodo considerata, confestim, (ut) de his quæ sibi obijciuntur se purgaret, occurrere, & ad apostolicam sedem magnæ Romæ nobiscum*

Juvenalis Patriarchatus Hierosolymitani conditor.



confidentem, & apostolico throno Dei ecclesiae A Hierosolymorum obedire, honoremque deferre, praesertim quum apud huncce thronum, Antiochenam sedem, ex apostolico ordine, & traditione, mos sit dirigi, & apud ipsum judicari. Quinam fuerit apostolicus ille mos, aut illa traditio nos omnino fugit. Certe Nicænus canon septimus sedem Hierosolymitanam Antiochena posteriorem, adeoque inferiorem declaravit, juraque Cæsariensis in eam, sicut & in reliquam Palæstinam, intacta prorsus reliquit. Attendebat fortassis ad synodum quam Hierosolymis celebrare apostoli ad dirimendam B litem Antiochiæ motam de observatione legalium: sed in ea decisione nihil præstitit locus; id sua auctoritate sanxerunt apostoli, quod in quocunque loco similiter decrevisset, absque ulla ideo ejusdem loci præeminentia statuta super quemlibet alium. In altera synodo Ephesina, cui latrocinii nomen non immerito inditum fuit, Juvenalis Dioscori Patriarchæ Alexandrini partes complexus, ante Dominum præfulem Antiochenum, ordine inverso, qui nullus ibi servabatur, tum hæresi Eutychis, tum condemnationi Flaviani Constantinopolitani, Eusebii Dorylæi, &c. subscripsit.

Sedes Hierosolymitana ut apostolica habita.

XVI. Cæterum, tunc temporis insita ple-  
rorumque Orientalium mentibus opinio, ut jam supra dictum est, Æliam sedem vere apostolicam esse, quia urbi Hierosolymitanæ successerat, Juvenali multum profuit: rationi enim consentaneum videbatur, jura antiquioris ecclesiae Hierusalem à Christo & apostolis conditæ, transfundi in Ælianam, quam spectabant, non ut civitatem de novo erectam, sed ut veterem restitutam. Hinc D Justinus I. Imper. in epistola ad Hormisdam Romanum Pontificem, ait concil. Labb. to. 4. pag. 1542. *Hanc itaque chartulam secundum nostra promissa per Joannem virum reverendissimum episcopum dirigendam vobis in præsentem merito credidimus, ut à vestra sede etiam tenor ejus admissus ad colligendas proficiat, & adunandas ubique venerabiles ecclesias, & Hierosolymitanam præcipue, cui tamen omnes favorem impendunt, quasi matri Christiani nominis, ut nemo audeat ab ea sese discernere.* Nimirum quum sub Anastasio Imperatore sedes primatiæ Orientis Monophysitarum hæresim admisissent, sola Hierosolymitana in fide perseveraverat. Nonnulli tamen ex ejus episcopis hæretico Principi obtemperandum aliquatenus duxerunt, ut Elias v. g. qui, licet Zenonis henoticon pro bono pacis non repudiasset, nec Acacii nomen voluisset è sacris diptychis expungi, ob concilium nihilominus Chalcedonense in exilium pulsus est, ubi & decessit.

XVII. Juvenalis itaque eximia fretus po-

pulorum ex omnibus terræ partibus Hierosolymam confluentium reverentia in loca sacra, suæ sedi quæcunque ad Cæsariensem hætenus pertinuerant jura conciliavit. Quod ut facilius consequeretur, multos secum Palæstinæ præsules duxit ad Ephesinam utramque synodum, tanquam suæ ecclesiae clientes, in quibus revera nullus ut Cæsariensi subditus occurrit. Inter cæteros autem adfuit Petrus episcopus ab ipso consecratus *Parembolarum Παρεμβολῶν*, id est, Castrorum Saracenorum, Nomadum nempe, sive Scenitarum, qui postquam hinc inde in tentoriis per Arabiæ Petrææ solitudines habitassent, tandem in Palæstinæ fines sese receperant. Id ex Cyrillo S. Euthymii abbatis vitæ scriptore discimus, apud Cotel. to. 2. pp. 230. 231. *Saracenis*, inquit, (qui Christi fidem susceperant) *admodum multiplicatis, & in diversa Castra dilatatis, mittit divinus Euthymius ad Juvenalem Hierosolymorum Patriarcham, postulans ut eis ordinaretur episcopus; ille vero ad eum mittit Petrum patrem Terebonis* (quem hujus Saracenorum cœtus ducem Euthymius baptizaverat) *ut-pote idoneum qui præesset animabus, easque deduceret ad salutem. Sic itaque Petrus episcopus Castrorum in Palæstina primus ordinatur.* Refert etiam idem auctor p. 247. Stephanum Jamniensem à Juvenale fuisse consecratum. Hæ porro episcoporum ordinationes, quæ antehac Cæsariensi metropolitæ reservatæ fuerant, ostendunt jam tunc Juvenalem Patriarchæ sibi arrogasse jura.

XVIII. Id profecto minime probavere in synodo Ephesina i. cæteri Patriarchalium sedium antistites: nam Cyrillus Alexandrinus in epist. 48. ad Gennadium archimandritam ingenue fatetur se, ut & Proclum CP. Juvenalem Æliæ episcopum communionis quidem consortem admisisse, quem tamen ecclesiae leges Palæstinæ moderatorem nescirent, sic vero se, Proclumque gessisse ait, dispensationis cujusdam gratia. Leo Magnus similiter epistola 92. alias 62. ad Maximum Antiochenum, qui Juvenalis ausus ad ipsum retulerat, testatur illius ambitum Cyrillo jam pridem displicuisse: *Quod sanctæ memoriæ Cyrillus Alexandrinus episcopus, inquit, merito perhorrescens, scriptis suis mihi quid prædicti cupiditas ausa esset, indicavit, & sollicita prece multum poposcit, ut nulla illicitis conatibus præberetur assensio. Nam cujus epistolæ ad nos exemplaria direxisti sanctæ memoriæ Cyrilli, eam in nostro scrinio requisitam, nos authenticam noveris reperisse.* Maximus scilicet Antiochenus Patriarcha Leoni per literas significaverat, quid Juvenalis in synodo Chalcedonensi obtinisset pro sua sede Hierosolymitana, quidve ipse de suo jure censuisset cedendum, ea tamen conditione si à Leone probaretur: *Si tamen id venerabili*

fratri

Juvenalis ausus non probatur.



fratri nostro archiepiscopo majoris Romæ Leoni placuerit, qui cupit ut sanctorum Patrum canones infrangibiles maneant. Canone quippe septimo Nicæno sancitum fuerat, ut supra dictum est, suum honorem Eliæ episcopo servandum, nulla mutatione facta circa ejus dependentiam à Cæsariensi metropolitano. Commentitiis quibusdam scriptis viam sibi struxisse Juvenalem ad Patriarchatum indicat Leo in responsione jam laudata ad Maximum Antiochenum: *Subripiendi, inquit, occasiones non prætermittit ambitio, & quoties ob occurrentes causas generalis congregatio facta fuerit sacerdotum, difficile est ut cupiditas improborum non aliquid supra mensuram molietur adpetere: sicut etiam in Ephesina synodo, quæ impium Nestorium cum dogmate suo perculit, Juvenalis episcopus ad obtinendum Palæstinæ principatum credidit se posse sufficere, & insolentes ausus per commentitia scripta firmare.* Juvenalis nimirum in Ephesina synodo priori, opportunam omnino nactus fuerat occasionem negotium promovendi, quandoquidem Joannes Antiochenus seorsim adversus illam synodum conventus suos agebat; Cyrillo autem cavendum erat, ne Juvenalis, si exasperaretur, in propugnanda fide molliorem se præberet.

Juvenalis  
votis favet  
Theodosius  
Imperator.

XIX. Cæterum Juvenalem à Theodosio Juniore litteras sacras obtinuisse oportet, sine quibus omnem Palæstinam tam facile non potuisset suæ fedi facere obnoxiam: rescriptum pariter impetrasse, quo sibi liceret in Phœnicen, & Arabiam, quæ ditionis Antiochenæ erant, Patriarchalem exercere auctoritatem. De his enim ausibus adversus Juvenalem conquesti sunt nonnulli episcopi Orientales, in conventu quem seorsim cum Joanne Antiocheno celebrabant, conc. Labb. to. 3. p. 728. *Ex nobis quidam, à pientissimo Juvenali Hierosolymorum episcopo olim ordinati, siluimus, inquit in sua prima expostulatione ad Imperatorem, quamvis pro canonibus certandum esset, ne videremur gloriæ nostræ causa dolere. Et nunc quoque illius studia & præstigias tales per secundam Phœnicen & Arabiam non ignoramus. Sane de illis nabis non vacat curam habere, qui civitatibus ipsis, quarum nobis ministerium contraditum est, atque adeo vita nostra destitui maluimus, quàm ista pro fide promptitudine.* Juvenalis ergo dudum ante primam synodum Ephesinam, & ab ipso sui episcopatus exordio, non in tribus duntaxat Palæstinis, sed in secunda etiam Phœnice, & in Arabia ordinationes fecit. Atque hinc gravis illa disceptatio ipsum inter & Patriarchas Antiochenos, Joannem, Dominum, & Maximum, diu ventilata, quæ tandem in synodo Chalcedonensi Act. VII. concil. Labb. to. 4. p. 613. finita est lato decreto quod sedes Antiochena haberet ambas Phœnices,

Tomus III.

A & Arabiam, sedes vero Hierosolymorum tres Palæstinas. Huic quippe sententiæ utraque parte acquievit: & Maximus quidem dixit: *Placuit mihi, & reverendissimo episcopo Juvenali, post multam contentionem per consensum, ut sedes quidem Antiochenum magnæ civitatis B. Petri habeat ambas Phœnices, & Arabiam; sedes autem Hierosolymorum habeat tres Palæstinas: & rogamus ex decreto vestræ magnificentiae, & sancti concilii, hæc ex scripto firmari.* Vicissimque Juvenalis Hierosolymorum antistes regessit: *Hæc similiter commentari placuerunt, ut sancta quidem Christi resurrectio (seu resurrectionis ecclesia) tres Palæstinas habeat, sedes autem Antiochenum duas Phœnices, & Arabiam.* Quibus sic mutuo transactis legati Leonis Papæ ultro assensu sunt in hunc modum: *Hæc concordantibus fratribus nostris Maximo reverendissimo Antiochenum civitatis episcopo, & Juvenale reverendissimo & sanctissimo Hierosolymorum episcopo, pro bono pacis dicta noscuntur; hoc est, ut Antiochenum ecclesia utramque Phœnicen & Arabiam habeat; Hierosolymorum vero tres Palæstinas possideat.* C *Ad hoc autem & nostræ humilitatis interlocutione firmentur, ut nulla in posterum de hac causa contentio prædictis ecclesiis relinquatur. Quæ quum à toto subinde concilio rata facta essent, proceres decretum pronuntiarunt, pag. 617. in hunc modum: Per placitum igitur Maximi sanctissimi Antiochenum civitatis episcopi, & Juvenalis sanctissimi Hierosolymorum episcopi facta consensio, sicut utriusque attestatio declaravit, firma etiam per nostrum decretum & sententiam sancti concilii in omni tempore permanebit, hoc est, ut Maximus quidem sanctissimus episcopus, seu Antiochenum sanctissima ecclesia, duas Phœnices & Arabiam sub propria habeat potestate; Juvenalis autem sanctissimus Hierosolymorum episcopus, seu sanctissima ecclesia quæ sub eo est, tres Palæstinas itidem sub propria habeat potestate: vacantibus scilicet secundum jussionem divinissimæ & religiosissimæ principis omnibus rebus, & quocunque modo sacris ab utraque parte litteris impetratis, insuper & mulctatione quæ in eis hujus rei causa noscitur contineri.* Hæ porro postremæ voces palam faciunt à Juvenale non sine sacris E Theodosii litteris aut rescriptis tot fuisse attentata.

Inita pax  
inter Maxi-  
mum An-  
tiochenum  
& Juvena-  
lem in syno-  
do Chalce-  
donensi.

XX. Maximo Antiocheno non admodum arrisit synodi hæc sententia, quam politice solum admisisse videtur: cur vero ipsi displicuerit non liquet, nisi fortassis ægrè tulerit tres Palæstinas Hierosolymitanæ sedi sic in perpetuum addictas fore, ut nulla Antiochenis præsulibus spes relinqueretur eas diocesi Orientis vindicandi, cui toti præsidebat sua Patriarchalis ecclesia, prout

Novæ que-  
relæ Maxi-  
mi adversus  
Juvenalem.

H



declaraverant canone septimo Nicæni patres. Cæterum ex responsiva Leonis Papæ ad ipsum epistola scilicet 92. eruitur illum post solutam synodum Chalcedonensem adversus hoc ejus decretum reclamasse, deque violatis suæ sedis Antiochenæ juribus à Juvenale Hierosolymitano apud Romanam sedem exposulasse, perinde ac si Leonis legati eo in negotio Chalcedone prævaricati fuissent. Quamobrem sanctissimus Pontifex, quum sibi certo tunc nondum constaret, quid in hac causa gestum fuisset in synodo, iis quæ supra attuli subjungit: *Hoc tamen proprium definitionis meæ est, ut quantumlibet numerus sacerdotum amplior, aliquid per quorundam subreptionem decernat, quod illis trecentorum decem & octo Patrum constitutionibus inveniatur adversum, id justitiæ consideratione cassetur: quoniam universæ pacis tranquillitas non aliter poterit custodiri, nisi sua canonibus reverentia intemerata servetur.* Violaverat quidem Juvenalis sancitam Nicææ regulam, excussa Cæsariensis metropolitæ sui jurisdictione: at id ad Maximum nihil aut parum spectare videbatur. Pergit Pontifex; *Si quid sane ab his fratribus quod ad sanctam synodum vice mea misi, præter id quod ad causam fidei pertinebat, gestum esse perhibetur, nullius erit penitus firmitatis: quia ad hoc tantum ab apostolica sede sunt directi, ut excisis hæresibus catholicæ essent fidei defensores. Quidquid enim præter speciales causas synodali conciliorum ad examen episcopale deferretur, potest aliquam dijudicandi habere rationem, si nihil de eo est à sanctis Patribus apud Nicæam definitum. Nam quod ab eorum regulis constitutioneque discordat, apostolicæ sedis nunquam poterit obtinere consensum.* Id scribebat Leo, legatis suis nondum è synodo reversis: verum quum ab iis accepisset quæcunque gesta fuerant, patribus Chalcedonensibus rescripsit, à sede apostolica rata fieri quæ circa fidem ab ipsis definita erant: se vero nulla ratione, imo ex toto reprobare ea quæ quorundam ambitus à synodo obtinuisset, contra Nicænorum canonum dispositionem, quorum se profitetur observantissimum, haud secus ac fidei dogmatum, epist. 87. alias 61. ad episcopos synodi Chalcedonensis. *De custodiendis quoque, inquit, sanctorum Patrum statutis, quæ in synodo Nicæna inviolabilibus sunt fixa decretis, observantiam vestræ sanctitatis admoneo, ut jura ecclesiarum, sicut ab illis trecentis decem & octo Patribus divinitus inspiratis sunt ordinata, permaneant. Nihil alienum improbus ambitus concupiscat, nec per alterius immutationem suum aliquis quærat augmentum. Quantumlibet enim extortis assentionibus sese instruat vanitatis elatio, & appetitus suos conciliorum æstimet nomine roborandos, infirmum*

*atque irritum erit quicquid à prædictorum Patrum canonibus discreparit.* Hæc non minus Juvenalis Hierosolymitani, de quo Maximus Antiochenus conquestus fuerat, ambitum perstringunt, quam ipsiusmet Anatolii Constantinopolitani, adversus quem subdit Leo; *quorum regulis apostolica sedes quam reverenter utatur, scriptorum meorum, quibus Constantino- politani antistitis conatus repuli, poterit sanctitas vestra lectione cognoscere, & me, auxiliante Domino, Catholicæ fidei, & paternarum constitutionum esse custodem.* Data est 21. Martii anno 453.

XXI. Interim, & ante Juvenalis reditum è synodo Chalcedonensi, Theodosius monachus Dioscori Alexandrini factionis hæresisque Eutychianæ insignis promotor, Hierosolymitanam sedem, Eudoxiæ Augustæ quæ tunc ibi morabatur gratia & auxilio invasit, simulque totius Palæstinæ regimen sibi arrogans, in locum episcoporum qui cum Juvenale ad synodum perrexerant, alios consecravit. Sic rem explicat Zacharias Meletinensis episcopus, *hist. eccl. à Constantini Magni Imperio usque ad annum Justiniani xx. part. 3. cap. 3. apud Asseman. 10. 2. Bibl. Or. p. 55. col. 2. & pag. seq. coll. 1. & 2.* Tertium caput est *de Theodosio monacho, qui Juvenalis sedem invasit, fol. 80. cod. Syr. Vatic. 24.* Hunc, ait, simul atque Juvenalis Chalcedonensi concilio subscripsit, una cum nonnullis Pseudomonachis in Palæstinam (è synodo) reversum, de cunctis quæ ibi gesta fuerant tumultuanti populo falsa retulisse; fidemque proditam clamantem, universos monachos concitasse ut Juvenali à synodo revertenti occurrentes, eum sententiam suam retractare atque anathemate damnare compellerent. Qui quum nihil horum admittere voluisset, ad urbem regiam (Constantinopolim) contendit. At monachi & clerici cum nonnullis episcopis in unum coeuntes, de substituendo in Juvenalis locum episcopo cogitabant, & alii quidem Romanum & Marcianum monachos (impios nimirum concilii Chalcedonensis detractatores, de quibus fit mentio in vita sancti Euthymii apud Coteler. 10. 2. p. 273.) proponebant; alii alios: tandem huc omnium, inquit Zacharias, devoluta est sententia, ut episcopum ordinarent Theodosium (ipsum) qui in Chalcedonensi concilio maximos tumultus excitaverat, primusque ipsis de eodem concilio nunciaverat. Ille vero statim post ordinationem suam plures in urbibus trium Palæstinarum intrudit episcopos: inter quos fuit Petrus quidam Iberus cui Gazæ episcopatus commissus est. Hæc iisdem fere verbis Evagrius lib. 2. cap. 5. qui tamen Petrum Iberum, non Gazæ, sed Majumæ episcopum

Sedem Hierosolymitanam vadit Theodosius monachus.



consecratum affirmat, sed *lib. 3. cap. 33.* de A eodem ait, *qui ejusdem Gazæ episcopus fuit.* Pergit Zacharias ejectionem Theodosii referre. Juvenalis, inquit, ab Imperatore (Marciano) cum Dorotheo Comite & ingenti exercitu in Palæstinam remittitur, ut is Theodosium quidem vinctum in urbem regiam perduceret, episcopos vero ab eo ordinatos sedibus suis dejiceret, præter Petrum Iberum pro quo Imperatrix intercesserat. Committitur acre bellum cum Theodosianis: cæduntur ex his plurimi, Samaritanis maxime in ipsos debacchantibus. Theodosius cum suis episcopis pellitur, Petro Ibero excepto, quem Zacharias comminiscitur Angeli monitu exules sponte sequutum fuisse. Ubi vero Juvenalis sedem recepit, Salomon monachus ad ipsum accedens, quasi benedictionem petiturus, sportam pulvere & cinere plenam, ut narrat idem Zachar. super caput ejus effudit, coarguens quod synodo Chalcedonensi subscripsit. Hujus Theodosii flagitia legere est in vita sancti Euthymii apud Cotel. *to. 2. pag. 261.* & in hist. Evagr. *lib. 2. cap. 5.* Concil. Labb. *tom. 4. pag. 851.* & in concil. apud Baluz. *pag. 878.* Porro Theodosius iste eo jure devolutas sibi existimasse videtur episcoporum trium Palæstinarum ordinationes, postquam sedem Hierosolymitanam arripuit, quo eidem sedi eas competere prætenderat Juvenalis.

Tres Palæstinæ regiones.

XXII. Totum territorium Patriarchatui Hierosolymitano subditum, olim *Palæstina* in singulari nuncupabatur, nomine sumpto ex *Philistæis*, qui eam prius possederant. Habebat autem, juxta Carolum à S. Paulo, *geogr. sac. p. 307.* pro terminis, ab Oriente & Septemtrione Libanum & Antilibanum; ab Occidente partem Phœnices & mare Syriacum, & à meridie Arabiam Petræam. Ante imperium Theodosii in duas jam divisa erat, siquidem leg. 24. cod. Theodos. Judæorum Synedria in utraque *Palæstina* commemorantur, teste eodem Carolo à S. Paulo *ibid.* In tres postea distributa est, & unicuique sua assignata metropolis: scilicet Cæsarea primæ, Scythopolis secundæ, ac Petra tertiæ. Palæstinam qua late patebat Augustus Cæsar, Archelao Herodis magni filio in Gallias relegato, provinciam Romanam fecit, ejusque commisit regimen, partim præsidii illuc misso, & partim Herodi Antipæ fratri Archelai. At Caius Caligula illius integræ regem constituit Herodem Agrippam Herodis magni nepotem. Eo tamen defuncto rursus in provinciam Romanam redacta est. Hanc totam veteres in tres partiuntur regiones præcipuas, *Judæam* nempe, *Samaritidem*, & *Galilæam*; de quibus non nihil dicendum est.

Tomus III.

XXIII. A Judæa incipimus, ut-pote in qua sita erat Hierusalem universæ Palæstinæ supremum caput, donec stetit illa civitas. Judææ quidem nomine, sæpe tota terra quam Israëlita habitabant, quæque ipsis promissa fuerat, intelligitur, & sic vulgo eam accipiunt scriptores. Hic tamen nunc de ea loquimur, prout unam duntaxat designat Palæstinæ partem, eamque Australem, cis Jordanem, ac à limite Samaritano ad Arabiam Petræam, inter mediterraneum mare, & lacum Asphaltitem five mare mortuum, cum Jordanis parte contentam. Ita eam describit Cellarius, *geogr. antiq. lib. 1. cap. 13. to. 2. p. 538.* qui observat insuper eam olim Tribuum Juda, Benjamin, Dan, & Simeonis domicilium fuisse, Philistæa quoque ac Idumæa Davidis victoriis fuisse aliquandiu auctam. Porro urbs *Jerusalem*, quæ & *Hierosolyma*, adeo antiqua erat, ut plurimi censeant hanc fuisse *Salem* regis Melchisedech sedem, & inter eos Josephus *lib. 1. antiq. cap. 11.* ac Onkelos Chaldæus *Genes. 14.* nec parum favet *Psal. 75.* (in Hebr. 76.) *vers. 2.* ubi pro eo quod legitur in Vulgata: *Et factus est in pace locus ejus* (textus hebræus habet; *est in Salem tabernaculum ejus*) & *habitatio ejus in Sion.* Sanctus Hieronymus assentitur epistola 17. ubi loquens de Hierosolymis ait: recurre ad Genesim & Melchisedech regem Salem hujus principem invenies civitatis, qui jam tunc in typo Christi panem & vinum obtulit, & mysterium Christianum in Salvatoris sanguine & corpore dedicavit. Contrarium tamen asserit idem Hieronymus epist. 126. ad Evagr. apud præfatum Cellar. *ibid. p. 520.* *Salem*, inquit, non, ut Josephus, & nostri omnes arbitrantur, est Hierusalem, nomen ex Græco Hebræicoque compositum, quod absurdum esse peregrinæ linguæ mixtura demonstrat: sed oppidum juxta Scythopolim, quod usque hodie appellatur Salem, & ostenditur ibi palatium Melchisedech, ex magnitudine ruinarum veteris operis ostendens magnificentiam.... Considerandum quoque est, quod Abraham à cæde hostium revertenti, quos persecutus est usque Dan, quæ hodie Paneas appellatur, non de via Hierusalem, sed de oppido metropoleos Sichem in itinere fuerit: de quo in Evangelio quoque legimus (Joann. 3. 23.) erat autem Joannes baptizans in Ennon, juxta Salim, quia aquæ erant multæ ibi. Quidquid sit de ea opinione, certe dicta fuit Jebus, teste scriptura, Judic. cap. 19. 11. & 1. Paral. cap. 12. 4. & 5. & ditionis erat Jebusæorum, nec nisi post mortem Josue Israëlita eam sibi subjecerunt, arce tamen excepta, quam David expugnavit. Vocabatur Hierusalem ipso Josue ævo, ut patet Jos. cap. 10. 1. & cap. 15. 8. & 63.

H ij



Eam in singulari & in plurali exprimunt antiqui scriptores. Cicero pro Flacco, *cap. 28.* Quum Judæorum nomine, inquit, quotannis ex Italia, & ex omnibus vestris provinciis Hierosolymam exportari (aurum) soleret, Flaccus sanxit edicto ne ex Asia exportari liceret. Et paulo inferius; Cn. Pompeius captis Hierosolymis victor ex illo fano nihil attigit. Solymam quoque & Solymos eandem nuncupant nonnulli: Josephus *lib. 1. antiq. cap. 11.* Urbem Solymam, inquit, postea vocarunt Hierosolymam. Juvencus in Matt. c. 2. de Herode ait:

*Territus Herodes Solymorum culmina vatum  
Imperio accitos jubet omnia quærere legis.*

Arator vero in Act. Apost. *cap. 20.*

*Jamque peragratibus Paulus stationibus orbis  
Ad Solymam venturus erat.*

Conjiciunt eruditi plures *Cadytim*, quam memorat Herodotus, *lib. 2. c. 159.* ubi ait: *Necos victis Syris Κάδτυν πόλιν τῆς Συρίας ἐξου μέγαλιν εἶλε*, id est, *Cadytim*, magnam Syriæ urbem, cepit: esse, per immutationem quarundam litterarum hebraicarum; dialecto Orientalibus consueta, urbem *Sanctam* sive *Hierosolymam*. Ipse enim explicans *lib. 3. c. 5.* cujusnam Syriæ urbs esset, ait, *ὑπὸ Φοινίκης μέγας ἔστι καὶ πόλις, ἢ ἐστὶ Συρίων ἢ Παλαιστίνων καλεομένων*, hoc est, à Phœnice usque ad montes Cadytis urbis, quæ Syrorum est qui Palæstini vocantur. Hæc omnia Cellarius, *to. 2. geogr. antiq. lib. 3. cap. 13. p. 540. & seq.* Qui etiam postea, in qua tribu fuerit disquirens, quoniam Josue *cap. 15. 63.* & Judic. *cap. 1. 8.* tribuitur filiis Juda, & in eodem Judic. *cap. 1. v. 21.* filiis Benjamin, utrumque conciliat ex supra dicto Jos. *cap. 15. 8.* ubi linea divisionis harum tribuum in Hierusalem exponitur incidere. Et Talmudistæ per atrium templi istam divisionis lineam transiisse referunt, teste Lightfooto Chorograph. in Matt. *cap. 21.* Ornamenta sua à Davide habuit urbs Hierosolyma, majora à Salomone: fata & excidium à Babyloniis. Post instaurationem vero afflicta fuit à Macedonum & Syriæ regibus, defensa ab Asmonæis, quorum dissidio factum ut in potestatem Pompeii devenerit, deinde Parthorum qui Aristobulo opem ferebant, rursus Romanis subjecta est temporibus Herodis magni & successorum ejus, tandem post rebellionem in Romanos ab iis expugnata fuit & penitus deleta. Ælius Hadrianus super ejus ruinas, ut jam observatum est, *n. 4.* aliam ædificandam curavit, nomine suo *Æliam* nuncupandam, & à solis gentilibus habitandam, exclusis Judæis. Ptolemæus qui, secundum Suidam sub Marco Aurelio florebat, ejus mentionem facit *lib. 5. cap. 16.* in Judæa: *Hierosolyma*, inquit,

quæ nunc vocatur *Ælia Capitolina*, & *lib. 8. tabul. Asiæ 4.* *Ælia Capitolias Hierosolyma.* Dio Cassius in Xiphilini excerptis, ubi de Hadriano; in urbem Hierosolymam coloniam deduxit, quam & *Æliam Capitolinam* nominavit. Euseb. *lib. 4. hist. eccl. c. 6.* In hunc modum, inquit, quum civitas Judæorum gente nudata esset, & veteribus incolis penitus vacuefacta, post hæc alienigenis eo confluentibus, urbs & colonia civium Romanorum effecta, in honorem *Ælii Hadriani Imperatoris* *Ælia* nuncupata est. Idem etiam adstruunt nummi Hadriani, Antonini Pii, & Marci Aurelii, inscripti omnes COL. AEL. CAP. hoc est, *Colonia Ælia Capitolina.* Item nummi quidam Diadumeniani hanc pariter inscriptionem habent COL. AEL. CAP. COMM. id est, *Colonia Ælia Capitolina Commodiana*: postrema voce addita, sive ex Lucio Vero Ælio Ceionio Commodio, Marci Aurelii in regimine Imperii collega, sive ex Commodio Augusto ejusdem Marci filio, quorum alteruter coloniam Æliam auxisset. Jovis Capitolini templum in ea fuisse nomen *Æliæ Capitolinæ* arguit. Locus non plane idem, qui Hierosolymorum, sed mutatis quodammodo pomœriis, quæ extra urbem fuerant in ipsam inciderunt, adeo ut Abulpharagius in Dynast. VII. *pag. 121.* scripserit *Æliam Hadriani* fuisse prope illam Hierosolymam everfam. Ita Cellar. supra cit. qui in ea regione reponit, à *pag. 548. usque ad 593.* præter Hierosolymam & loca illi contigua, *Bethphage* juxta Montem-Olivarum, vicum sex circiter stadiis ab ea urbe distantem: *Bethaniam* ad 7. circiter stadia. *Scopum* ad 7. pariter stadia, celebrem apud Josephum *lib. 2. de bello Jud. cap. 13. & lib. 5. c. 8.* quem Judæi *Zophim* vocant. *Coream* cujus meminit idem Josephus, *lib. 14. antiq. cap. 6. & lib. 1. de bello Jud. cap. 5.* *Alexandreum* Castellum, apud eundem Joseph. *lib. 14. antiq. capp. 6. & 10. & lib. 1. de bello capp. 6. & 12.* *Bethaven* prope Bethel. *Phazaëlem* circa Hiericho, quam memorat idem Joseph. *lib. 16. antiq. cap. 9. lib. 1. de bello cap. 16. & lib. 2. cap. 9.* *Cypron*, *Archelaim*, *Hircanium* sive *Hircaniam*, *Hierichontem*, *Galgalam*, *Ephrem*, *Hai*, *Gophnam*, *Modin*, *Nobe*, *Gabaonem*, *Rama*, *Emmaus*, *Anathot*, *Bethleem*, sex millibus passuum distantem à Hierosolymis, *Thecuam*, *Herodium*, *Bethsur* sive *Bethsoron*, *Hebronem*, *Bersabee*, *Engaddi* sive *Engaddam*, *Masadam*, *Maonem*, *Ziph*, *Zoar* sive *Segor*, *Lacum Asphaltitem* sive *mare mortuum*, *Carriathiarim*, *Bethseles*, *Thamniam*, *Sallim*, *Besek*, *Eleutheropolim*, *Asecam*, *Macedam*, *Socho*, *Libnam*, *Lachis*, & alia multa oppida quæ longius esset enumerare.



Secunda  
pars Palæsti-  
næ, Sama-  
ritis five Sa-  
maria.

XXIV. Inter tres majores cis Jordanensis Palæstinæ partes secunda est *Samaria* five *Samaritis*. Josephus enim eam regionem utroque illo nomine appellat. Lib. quidem 1. de bello Judaic. cap. 12. *Judæam*, inquit, & *Galilæam*, & *Samariam*: & lib. 2. cap. 9. *Archelai Ethnarchiæ Idumææ, & omnis Judææ & Samaritis erat*, & lib. 4. cap. 26. *per Samariidem*. Latitudinem hujus idem lib. 3. de bello Jud. cap. 4. sic definit: *Samaritis regio media est inter Judæam & Galilæam; incipit enim à vico Campi magni Ginea dicto, & desinit in Acrabatenam toparchiam*. Addit natura foli nihil differre à Judæa: utramque montosam esse & campestem: utramque præditam molli agro & fertili tam frugum, quam omnis generis arborum. Caput regionis est urbs *Samaria*, indigenis priscis *Schomrom*, quæ Israëlitarum regum sedes fuit, ab Amri ejus conditore, usque ad deportationem decem Tribuum in Assyriam sub Salmanasare. Ante regis Amri tempora fuerit oppidum necne dubitari solet: equidem 3. Reg. c. 13. 32. *Samaria* jam memoratur; at per anticipationem videtur hic designata nomine quod juxta historię ordinem nonnisi postea accepit. Fieri tamen potuit, ut in monte illo quem rex Amri à Semer emit, villa quædam fuerit, aut si quid plus, tenue aliquod oppidulum, in cujus fundo urbem ædificandam curaverit ex prioris possessoris loci nomine *Schomron* five *Samariam* appellatam. Magna parte decem Tribuum in Assyriam, ut modo dictum est, adspersa, totam regionem, & in primis urbem *Samariam*, coloni ex Assyria missi, *Cuthai* nuncupati, inhabitaverunt, qui ex ea deinde vocati sunt *Samaritani*. Hanc urbem Machabæorum ætate munitissimam, à Joanne Hircano Asmonæorum quarto, post obsidionem per annum integrum captam, eversam fuisse narrat Josephus, lib. 13. antiq. c. 18. Subdit vero lib. 14. cap. 10. eandem cum aliis quibusdam civitatibus pristino splendori redditam à Gabinio Syriæ præfecto, qui *dirutas urbes*, inquit, *ædificari jussit, quo pacto instauratæ sunt Samaria, Azotus, & Scythopolis*. Idem asserit lib. 1. de bello Jud. c. 6. ab Herode Ascalonita multa illi ornamenta adjecta, & in honorem Augusti Cæsaris, *Sebasten* appellatam, ut observat Hieron. in epitaphio Paulæ, cap. 6. *Vidit (Paula) Sebasten*, id est, *Samariam*, quæ in honorem Augusti ab Herode græco sermone *Augusta* est appellata. De iis ornamentis & nominis mutatione hæc habet præfatus Josephus lib. 1. de bello Jud. cap. 16. *In Samaritica regione (rex Herodes) urbem muro pulcherrimo per viginti stadia circumdedit, & deductis eo sex millibus colonorum, terraque fecundissima his attributa, in medio ejus tem-*

*plum Cæsari condidit maximum, & circa illud aream trium & semi-stadiorum, urbemque Sebasten nominavit*. Superfunt aliqui nummi Commodi inscripti *CEBACTHNON CTP. Sebastenorum Syriæ: & Juliæ Domnæ COL. SEBASTE Colonia Sebastena*. Severus quippe coloniam in hanc civitatem deduxit, ut discimus ex Ulpiano lege 1. de censibus. *In Palæstina duæ fuerunt colonie, Cæsariensis & Ælia Capitolina, sed neutra jus Italicum habet: Divus quoque Severus in Sebastenam civitatem coloniam deduxit*. Harduinus de Palæstinæ Sebeste hæc verba interpretatur, cui connexio favet, & verbum *fuerunt*, id est olim deductæ: quibus novam Severi videtur Ulpianus annumerare. Ita Cellarius, tom. 2. geog. antiq. lib. 3. cap. 13. pp. 511. & seqq. ubi à pag. 514. usque ad pag. 533. agit de *Thersa, Sichem* five *Neapoli, Jezraël, Bethsan* five *Scythopoli, Zartan, Arnon, Salim, Dora, Thenath, Cæsarea, Apollonia, Joppe, Lydda, Gezer, Antipatri, de duplici Bethoron, Jarmuth* five *Jaramoth, Bethel* five *Lus, Acrabata, Silo, Aruma* five *Ruma, & Drusiade*, in ea regione Palæstinæ sitis.

XXV. Tertia pars Palæstinæ *Galilæa* est, quod nomen, secundum Kimhi, hebraicè dat *notionem circuitionis*, aut tractus rotundi; rara ejus in veteri testamento appellatio, quæ frequentissima est apud Evangelistas. Fuit autem Septemtrionalis pars terræ Chanaan, ab extremo Syrorum limite inter Jordanem & mare Mediterraneum ultra lacum Genesareth: & dividitur à Josepho lib. 3. de bello Jud. c. 4. in *superiorem & inferiorem*. Terminum utriusque communem ponit *Bersaben* quandam, sed quænam illa fuerit, vel quæ ejus certa sedes, nobis non liquet. Unde ex sola conjectura limes inter utramque figendus videtur supra Carmelum montem, in Aquilonem versus, atque inde ducendus ad Jordanem. Hæc ex præfato Cellar. *ibid. p. 475.*

*Galilæa superior* incipit à finibus Tyrionum Sidoniorumque, & in ortum ad fontes Jordanis se extendit, post quos in ipso Jordane terminum habet. Maritima, quæ Tribui Aser adjudicata erant, nec omnia, nec semper fuerunt ab Israëlitis possessa: nam de Monte Carmelo Joseph. lib. 3. de bello Jud. cap. 4. ait; *Carmelus quondam Galilæorum, jam vero Tyrionum mons: & Ptolemaïdem ibidem cum territorio suo extra Galilæam ponit; quum tamen Ace, five Accho, quæ juxta Strabonem & Hieronymum ipsa Ptolemaïs est, in Tribu Aser quæ maritimam Galilææ partem sortita fuerat, Jud. cap. 1. 31. censeatur*. S. Hieronymus duas quoque constituit Galilæas, sed aliter denominat: quæ enim *superior* Josepho est, ipse vocat *Galilæam gentium*, desumpta ex

Pars tertia  
Palæstinæ  
in Galilæam  
superiorem  
& inferio-  
rem divisa.

Galilæa  
superior.



Isaïæ c. 9. 1. & Matt. c. 4. 15. appellatione, *A via maris trans Jordanem Galilæa gentium. Duæ sunt Galilææ*, inquit, *ex quibus una Galilæa gentium vocatur, vicina Tyrionum finibus, ubi & Salomo viginti quinque (20.) civitates donavit Hiram regi Tyri, in sorte Tribus Nephtalim. Altera Galilæa dicitur circa Tiberiadem & stagnum Genesareth in Tribu Zabulon.* Hunc plerique sequuntur eandem gentium Galilæam & superiorem existimantes: alii tamen in diversas partes abeunt, vel de inferiore Galilæa Prophetam & Evangelistam interpretantes, vel de regione quadam trans Jordanem fluvium sita. Pendet omnis controversia ex Esaïæ vaticinio, quod retulit Matthæus, recte intellecto. Agit de terra Zabulon & Nephtali, quæ cis Jordanem erant; & his primum Evangelii lumen exoriturum dicit, quia prius quàm cæteri in captivitatem fuerant adducti. *Hi primum*, inquit Hieron. in Matt. cap. 4. 15. *audiere Dominum prædicantem: ut ubi Israël fuerat ab Assyriis prima captivitas, ibi Redemptoris præconium nasceretur.* Deinde dicit Propheta etiam *viam maris Genesareth trans Jordanem*, ubi Bethsaïda erat & finitima, illa luce illustratum iri: nam ibi reipsa multum Christus Dominus versatus est. Denique illius novæ lucis ait participem fore superiorem regionem quæ Galilæa gentium vocata est; hæc autem cis Jordanem in locis superioribus extat, & à variis & mixtis gentibus cognomen illud antiquitus adepta fuerat, unde Strabo lib. 16. p. 523. postquam dixit Palæstinæ multa loca à mixtis gentibus habitari, *Ægyptiis, Arabibus, & Phœnicibus*; illico subjicit: *Tales enim sunt qui Galilæam tenent.* Difficultas igitur maxime consistit in expendendo utrum hæc verba *via maris trans Jordanem* de eadem regione sint accipienda; an vero sejungenda, ut significant diversas partes. Hoc secundum verisimilius apparet, tum quia accentu *Sakeph* in hebræo sunt disjuncta, tum etiam quia, hac distinctione adhibita, omnia conspirant, & melius conveniunt, ac modo relatæ Hieronymi interpretationi cohærent: eaque ratione, vel tota superior Galilæa, vel pars illius, est Galilæa gentium, in qua etiam sita erat terra Chabul in Tyrionum finibus, quam LXX. interpretes 3. Reg. 9. 11. & 13. græcè vertunt ἐν τῇ γῆ τῆς Γαλιλαίας in terra Galilææ, cujus viginti oppida Hiram regi Tyrionum data à Salomone illi non placuerunt, propter quod terra illa dicta est Chabalon sive Chabul, id est, Phœnicum lingua, id quod displicet, inquit Josephus, lib. 8. antiq. cap. 11. Hæc de ea Galilæa parte Cellar. 10. 2. lib. 3. c. 13. pp. 475. & seqq.

Galilæa  
interior.

Galilæa inferior superiori ab austro subjacet;

Samaritanæ vero regioni à septentrione: ab ortu lacum Genesareth habet; ab occasu montem Carmelum, & mare. Continebat totam Tribum Zabulon, in Nephtali quoque & Issachar ex parte suos proferebat fines: in illam ab Aquilone, in hanc à meridie. Communis terminus utriusque Galilææ non facile determinatur, ut-pote à nullo scriptore designatus saltem clare. Josephus quidem, lib. 3. de bello Jud. cap. 4. ut jam supra dictum est, in Bersabe quadam hunc constituit limitem; sed æque ignoramus, inquit Cellar. ibid. p. 475. ubinam situm erat oppidum illud, quod aliud profecto fuit à celebri eo Bersabe cujus sæpe meminit scriptura; à Dan usque Bersabe: Judic. cap. 20. 1. Reg. 1. c. 3. 20. &c. Istud enim oppidum, non solum Tribus Simeonis aut Judææ, sed omnis terræ Israëliticæ Australis terminus fuisse cognoscitur: & de eo agit Cellar. ibid. pag. 586. Illustrior est apud auctores Galilæa hæc inferior quam superior, & eam plerumque Galilæam simpliciter vocant, alteram vero cum additione vel superioris, vel gentium: sic Josephus in vita sua, postquam enarravit quos vicos ipse muniverit ἐν τῇ ἐνὶ τῇ Γαλιλαίᾳ in superiore Galilæa, subdit: munivi vero etiam in Galilæa ἐν τῇ Γαλιλαίᾳ urbes, vicos, &c. Lacus Genesareth hujus est ex majori parte, ad eam quoque pertinent Cana primo Christi miraculo illustratum, Capernaum seu Capharnaum, Tarichæa, Tiberias, Ammaus sive Emmaus, de qua Josephus, lib. 4. de bello Jud. cap. 2. ait: Profectus (Vespasianus) ex Ammaunte, ubi pro Tiberiade castra posuerat: Ammaus autem Ἀμμαῦς, si nomen interpreteris, aquæ calidæ vocantur: ibi enim fons est sanandis corporum vitiis idoneus, Gamalam pervenit. Sepphoris, quæ urbs est Galilææ maxima, & in tutissimo loco condita, totius gentis præsidium, inquit idem Josephus ibid. lib. 3. cap. 3. Posteriori ævo dicta est Diocæsarea, teste Hieronymo Procem. in Jonam, quo nomine & Socrates appellavit, lib. 2. hist. cap. 33. Arbela; Itabyrium quod multi censent esse Montem-Tabor Christi transfiguratione celebrem. Nazareth ab eo non longe distans, ad ejus occasum: Naim ad ejusdem austrum: Endor prope Naim; Sunem sive Sunam aut Sonnam, ut appellat Josephus libro 7. capite 16. Jotapat quam defendit aliquandiu idem Josephus contra Vespasianum, Japha prope Jotapat: Cabara in limite australi Galilææ: Gischala, oppidum de quo multa Josephus in vita sua: Legio ad quam, velut notissimum oppidum, Hieron. situm aliorum sæpe describit lib. de locis Hebræis. Thaanach ubi Sisara victus est à Barach. Judic. c. 5. 19. Mageddo: Hephher Jonæ Prophetæ patria: Zabulon cujus situm



Josephus delineavit lib. 2. de bello Jud. c. 37. Sycaminus de quo, & quibusdam aliis oppidis ait Strabo lib. 16. pag. 522. apud Cellar. 10. 2. geogr. antiq. lib. 3. cap. 13. pag. 507. ad mare in austrum versus, esse nomina. Inter Acon & Stratonis turrim (id est inter Ptolemaïdem & Cæsaream) est Carmelus mons, & oppidulorum nomina, de ipsis (enim) nihil integrum superest: Sycaminorum oppidum, Bubulcorum & Crocodilorum oppidum, & hujusmodi alia. Et Plinius lib. 5. cap. 19. Fuit oppidum Crocodilon, est flumen: memoria urbium Doron, Sycaminon. In Galilæa utique situs est mons Carmelus, quem à Ptolemaïde stadiis 120. distare asserit Josephus lib. 2. de bello Jud. cap. 16. Hieron. in Esaïæ cap. 10. 18. ait Carmelus est mons in Galilæa nemoribus consitus. Non vero unus ac simplex mons videtur Carmeli nomine significari, sed plures sibi cohærentes, quibus tota fere tribus Issachar, & magna pars Zabulonis terminabantur: vertex etiam in præcipuo horum montium excelsior versus mare, eo nomine maxime donatus est, ob quem Promontorium Carmelum illum dixerit Plinius lib. 5. cap. 19. quique fuerit sedes cujusdam numinis cujus meminit Tacitus lib. 2. hist. cap. 78. his verbis: Est Judæam inter Suriamque Carmelus; ita vocant montem Deumque, nec simulacrum Deo aut templum, (sic tradidere majores) ara tantum & reverentia. Illic sacrificanti Vespasiano Basilides sacerdos, inspectis identidem extis, quidquid est, inquit, Vespasiane, quod paras, datur tibi. Addit Plinius loco mox citato, in eo monte oppidum extare eodem nomine, quondam Ecbatana dictum. Hoc oppidum Stephanus Byzantinus de urbibus, dicit fuisse Syriæ, & Hesychius ait de ipso monte in quo oppidum fuit, Carmelus mons in Phœnice: quia nimirum Syria Phœnicen & Palæstinæ partem complectebatur. In hoc oppido Cambyfes rex Persarum obiit, cui oraculum Ecbatanam fore fatalem locum prædixerat: intellexit quidem Cambyfes de Ecbatana Mediæ, at oraculum de Ecbatanis Syriæ loquebatur, inquit Herodotus lib. 3. cap. 64. Josephus aliquoties magni Campi mentionem facit: lib. 4. de bello Jud. cap. 6. Mons Itabyrius, inquit, qui est medius inter magnum Campum & τὸ ἐν τῇ μεγάλῃ πεδίῳ & lib. 12. antiq. cap. 12. Venerunt trajecto Jordane (ex Galaaditide & Peræa) in magnum Campum, ubi contra illum Bethsan sita est, quæ Græcis dicta Scythopolis. Hic magnus Campus videtur fuisse quædam regio circa Montem Thabor, non tota inter Galilææ fines contenta, sed in Samaritidem etiam se extendens, quoad aliquam sui partem: nam idem Josephus terminum quo finit Galilæa, & Samaritis incipit, constituit in magno Campo:

A Samaritis regio, inquit, lib. 3. de bello Judaico cap. 4. media est inter Judæam & Galilæam; incipit à vico Ginæa sito in magno Campo, & desinit in Acrabatenam: hinc partem ejus vocans totius nomine ait lib. 2. de bello Jud. c. 21. magnus Campus Samaritidis. Azochis autem, de qua hæc habet in vita sua idem Josephus; omnes in magnum Campum venerunt, ubi tum agebam, Azochis nomen ipsi est: & infra; descendentes in Azochin, verisimiliter erat ipsemet magnus Campus, vel aliqua pars ejus. Ita Cellarius tom. 2. geogr. antiq. lib. 3. cap. 13. p. 510. qui etiam superius observarat pag. 482. Ptolemaïdem sive Acconem, Dan, Kedes seu Cædesam, Berotham, Azorum, Arosseth gentium, Jammiam, &c. ad Galilæam superiorem pertinuisse.

XXVI. Latius patebat terra Chanaan Israëlitis promissa, quam quæ ab ipsis revera possessa est: nam totum Philistæorum tractum, & nominatim quinque illorum principatus præcipuos Gazæorum scilicet, Azotiorum, Ascalonitarum, Gethæorum, & Accaronitarum complectebatur. Verum Israëlita propter sua peccata, C justo Dei judicio, vix aliquam Philistiim partem possederunt, modo victores, modo victi. Hæc regio maritima erat, in ora maris mediterranei à Joppe ad Ægypti fines, multa nihilominus oppida intus occupabant ejus incolæ à maritimis non longè remota, ut præter Azotum, Gazam, Ascalonem, Geth, & Accaronem, fuerunt Gerara, Jabne sive Jammia, Gibethon, &c. urbes quarum mentio fit in codicibus sacris. De tota ea regione, locisque alicujus nominis in ea sitis, legendus Cellarius, 10. 2. lib. 3. cap. 13. pp. 593. & seqq.

D XXVII. Porro tres Palæstinæ, prout sedi Patriarchali Hierusalem subsunt, diversum prorsus civitatum & regionum ordinem, ab eo servant, quem modo descripsimus: nam in prima Palæstina reponuntur Cæsarea quæ metropolis est, Dora, Antipatris, Diospolis, Jammia, Nicopolis, Sozusa in Phœnice Palæstinæ vicina, Majuma, Joppe, Ascalon, Gaza, Rhapsia, Anthedon, Eleutheropolis, Sichem, Elia, Sebaste, Petra, Hiericho, Libias, Azotus, Zabulon, Heraclea in Phœnicis limitibus, Baschat & Archelais: juxta notitiam E quæ extat apud Carolum à sancto Paulo, geogr. sacræ pp. 315. & seqq. In secunda vero Palæstina, Scythopolis olim Bethsan quæ ejus metropolis est, Pella, Caparcortia, Gadara, Capitolias, Maximianopolis, Tiberias, Menith, Hippus, & Amathus. In tertia denique Palæstina, Petra ejus metropolis, quæ est in Arabia, Augustopolis, Arindela, Arad, Ariopolis, Elusa, Zoara, Sodoma, Phenon, Pharan, & Aila. Monet idem Carolus à S. Paulo ibid. pag. 310. tres Palæstinas quibus præest

De terra  
Philistino-  
rum,

Ecclesiæ  
trium Palæstinarum  
prædictum  
ordinem  
non servant



127

sedes Patriarchalis Hierosolymorum, non eosdem in ecclesiasticis, ac in politicis limites habuisse, idque palam fieri ex notitia antiqua codicis ms. Vaticani, & ex alia alterius codicis ms. Biblioth. regiae, quæ partem Arabiæ Petrææ, proprio præfidi in civilibus subjectæ, ad tertiam Palæstinam in ecclesiasticis spectasse testantur: variant autem notitiæ illæ, tum in numero sedium quas tribus illis Palæstinis assignant, tum in nomine sub quo aliquas earum recensent.

Hierosolymitanæ ecclesiæ quoad religionem status.

XXVIII. Quod spectat ad religionem, episcopos suos, nullis vel paucis exceptis, ecclesia Hierosolymitana fidei Catholicæ alumnos & tenaces habuit, usque ad schisma illud quo Orientales à sede Romana divisi sunt. Unde Auctor quæstionum ad Antiochum, inter opera sancti Athanasii, Auctor similiter quæstionum quæ Anastasio Sinaitæ attribuuntur, explicando qua tandem ratione constare possit de sola & vera ecclesiæ doctrina, uterque sed alterum iste exscribens, respondet loca omnia quæ Christus per passionibus suis consecravit ecclesiæ custodi fidei Catholicæ esse commissa, ut quemadmodum quispiam pretiosa sui palatii conclavia, thesaurosque suos, non nisi fidelissimis suis servis commendaverit; ita Christus ab initio veneranda illa loca sua Catholicæ ecclesiæ tradiderit. Nam quamvis Barbari multoties Palæstinam occupaverint, inquit, *non permisit Christus sua loca hæreticis tradi; sed quantumlibet ea ad tempus quandoque obtinuerint, hos ecclesia Catholica porcorum instar abegit.*

Regiminis modus Patriarcharum Hierosolymitanorum.

XXIX. Quanam ratione se gerere soliti essent Patriarchæ Hierosolymitani in regimine ecclesiarum suæ sedi subditarum nulli, quod sciam, diserte narrant auctores. Et primo quidem Carolus à sancto Paulo *geogr. sac. pag. 312.* fatetur valde sibi dubium esse an Hierosolymorum Patriarcha habuerit episcopos suæ sedi suffraganeos, quorum respectu fuerit metropolita: quis enim, inquit, (huiusmodi) provinciam ullo in antiquo codice reperit! In notitia Græca vetusta, quam manuscriptam Vaticana Bibliotheca servat, nonnisi tres ecclesiæ metropolitanæ leguntur intra diœcesim Patriarchatus Hierosolymitani, *Cæsarea* nimirum, *Scythopolis*, & *Petra*, quæ cum ecclesiis unicuique earum subjectis tres constituunt Palæstinas quibus præest sedes Patriarchalis. Scio, addit idem, posterioribus sæculis huic sedi *Bethleemitanam* ecclesiam, *Ebronensem*, & *Lyddensem*, subjectas extitisse: sed aliter sex prioribus sæculis rem se habuisse ex hoc satis colligitur, quod apud Bethleem nullus tunc sederet episcopus, nullaue ejus in antiquis notitiis memoria sit. Commune sane fuit tribus primis verisque

Patriarchis propriam regere provinciam; & ratio est, quod ab initio totius regionis in qua sedebant ipsi essent metropolitæ. Sed longe diversa fuit duorum recentiorum conditio, Constantinopolitani scilicet & Hierosolymitani, (sive potius Æliani,) qui, quum ex prima institutione metropolitæ non essent, nonnisi post multa sæcula sortiti sunt, (ut haberent) dignitatem illam seu auctoritatem eminentem qua cæteris sedibus præcellerent, universamque diœcesim Patriarchalem superiori jure administrarent. De Hierosolymitano præfule res eo certior videtur, quod vicinæ omnes Hierosolymis episcopales sedes alicui ex tribus supradictis metropolitibus in antiquis notitiis Græcis subjectæ reperiuntur. Præterea, ex ordinationibus à Juvenale Patriarcha, & Theodosio monacho ejus sedis invasore, collatis in ecclesiis Palæstinarum, inconsultis illarum metropolitibus, inferendum etiam datur, Patriarcham Hierosolymitanum hanc jam habuisse, aut sibi attribuisse auctoritatem sæculo quinto. Discimus tandem ex Cyrillo Scythopolitano discipulo S. Sabæ, in ejus vita, apud Joannem-Baptistam Coteler. *to. 3. n. 30.* Theodosium & Sabam magni nominis viros, à Salustio Hierosolymitano antistite præfectos fuisse omnibus monachis qui sanctæ civitatis sedi per Palæstinam suberant, *ut ipsorum essent archimandritæ & exarchi*; ac Theodosio quidem traditos esse illos qui eremiticam vitam colebant; Sabæ vero qui anachoreticam in Laurarum cellis. Quin etiam in vita sancti Euthymii fertur, apud eundem Cotelerium *to. 2. p. 233.* Juvenalem archiepiscopum, ad Lauram hujus sancti accessisse cum S. Passarione tunc chorepiscopo & monachorum archimandrita, Lauræque ecclesiam dedicasse. Ex quibus omnibus manifestum apparet Patriarcham Hierosolymitanum, non solum in episcopos Palæstinarum, sed & in ipsos quoque monachos cœnobiorum, quibus hæc regio abundat, immediatam jurisdictionem exercuisse.

XXX. Quod Patriarcharum Hierosolymitanorum successionem attinet, recolendum est, ex dictis *num. 8.* quindecim primis antistitibus qui huic ecclesiæ præfuerunt, erantque *ex circumcisione*, sive Judæi omnes, ac Judæorum curam gerebant ad fidem Christi conversorum & adhuc multas legis Mosaicæ observantias cum evangelio conjungentium; aliam postea accessisse episcoporum progeniem ex gentibus assumptorum, qui Æliæ de novo ad veteris Hierosolymæ ruinas ædificatæ ecclesiam gentilibus religionem Christianam amplexis constantem administrarunt: horum vero priores postremo ex Judæis fuisse cœvos, si, ut supra *num. 5.* ex Epiphanio deduximus,

Inter sub. Sacer. nis. Patriarcharum Hierosolymitanorum series.



deduximus, ab Æliæ urbis primordiis sub Hadriano, usque ad annum Antonini Pii ejus successoris decimum, simul & eodem tempore, cum Juda Hebræo, Marcus & quatuor ejus successores federint: quod ultimum tamen non constat. Posterior rursus illa Æliensium sive Hierosolymitanorum præfulum series interrupta est, quum Saraceni Palæstinam occuparunt; tunc enim apostolica sedes Romana ejus regimini specialiter invigilavit, commisitque episcopos quosdam qui ordinationes, ejus nomine, in ecclesiis trium Palæstinarum peragerent. Certe 10. 6. conc. Labb. col. 20. in epist. 5. Martini Papæ, legimus ab eo Papa injunctum esse Joanni Philadelphie episcopo ut catholicæ rei negotia administraret in utraque diœcesi Antiochena & Hierosolymitana, damnata utique temeritate qua Sergius Joppensis antistes Monothelita ordinandi potestatem in Palæstinis sedi Hierosolymitanæ subjectis, post Sophronii obitum, sibi arrogaverat, solius Imperatoris, ut videtur, auctoritate munitus. Sophronius nimirum Hierosolymitanus Patriarcha, ille qui egregiam adversus nascentem Monothelitarum hæresim operam navavit, adjuraverat paulo ante quam moreretur, Stephanum Dorensem ut Romam quantocius pergens periculosum fidei catholicæ per Orientem statum coram apostolica sede exponeret: quod quidem iter ipsemet aggrediretur, nisi Saracenorum incursionibus obstarent. Stephanus his obtestationibus excitatus Romam petiit, eique à Theodoro Papa primum creditum munus fuit, post Sophronii obitum, episcopos in Palæstina ordinandi, tanquam qui esset primus Patriarchæ jurisdictionis Hierosolymitanæ præsul: quod arguit Cæsaream primæ Palæstinæ metropolim, fuisse tunc temporis, sive à Persis, sive à Mohammedanis dirutam, saltem vacare pastore. Hanc sibi demandatam commissionem aperuit Stephanus libello quem Lateranensis concilii patribus exhibuit secretario 2. De quibus, inquit, 10. 6. conc. Labb. col. 109. & antea apostolicæ sedi innotui, (notum feci) id est B. mem. decessori vestro Theodoro: jussitque mihi indigno per sacram suam præceptionem, ordinans me loci servatorem (id est vicarium Hierosolymitanæ sedis) per apostolica ejus scripta, quatenus tam ea quæque fuissent ecclesiastica capitula peragere debuissim, & canonicè, si nullatenus emendarentur, qui sub denominato prætextu ordinati sunt episcopi, deponerem eos. Quod & fecisse me certum est: & præcipue quoniam in errorem à veritate recedentes sponte delapsi sunt; tantumque illos recepi, secundum jussionem ejus, qui libellum pœnitentiæ obtulerunt, & professi sunt in scripto conservare indefinenter, & amplecti, atque prædicare sanctorum Patrum &

Tomus III.

A synodorum doctrinas, quorum libellos nuper deferens obtuli sacratissimæ præsentati sanctitati vestræ, Martino ter beatissimo Papæ, ab eo quod aliqui eorum merito recepti & confirmati sunt, aliqui vero pro tuitione catholicæ ecclesiæ condemnati. Stephanus itaque Dorensis Hierosolym. sedis aliquando vices egit sub Theodoro Papa. Verum adversarios nactus à quibus nescio, cujus criminis accusabatur apud Romanam sedem, prorogatus non fuit sub Martino. Unus ejus delatorum fuisse videtur Pantaleon quidam, cui Martinus Papa Lateranensis concilii nomine scripsit epistolam qua Stephanum injuste taxatum, & synodi sententia absolutum testatus est: cæterum dolet catholicam ecclesiam Romanam ab illis sibi clausam, quantum in ipsis fuit, qui vel fecerunt, vel consenserunt, ne memorato episcopo redderentur missa ad eum ab apostolica sede præcepta, quibus ejus vicarius constitutus fuerat, ac jussus propter temporis angustias, id est, pressuram irruentium gentium, canonicè instituere ad supplementum ecclesiastici ordinis episcopos, & presbyteros, & diaconos, quoad potestas deesset ad promovendum Patriarcham Hierosolymorum. Ex quibus manifestum fit, duplici nomine, Stephanum Hierosolymitani Patriarchatus vices gessisse in Palæstina, tum prærogativa suæ sedis Dorensis, tum etiam Romani Pontificis delegatione.

XXXI. Cæterum eadem synodus Lateranensis, auditis Stephani & Ascetarum cœnobii sancti Theodosii querimoniis adversus Monothelitarum hæresim, quæ Pauli Constantinopolitani opera in Oriente progressus faciebat, Joannem illum, quem num. præcedenti nominavi, Philadelphie episcopum, designavit qui Antiochenæ simul & Hierosolymitanæ diœcesibus prospiceret. Sic autem apostolico ad hunc Joannem Martini Papæ mandato fertur: *Charitatem tuam exhortamur, religiosissime frater, nostram isthic vicem implere, id est, in Orientis partibus.... ut sic prosperans in Domino ea quæ desunt corrigas, & constituas per omnem civitatem eorum quæ sedi, tum Hierosolymitanæ, tum Antiochenæ subsunt, episcopos, & presbyteros, & diaconos. Hoc tibi omni modo facere, præcipientibus nobis ex apostolica auctoritate quæ data est nobis à Domino per Petrum sanctissimum & principem Apostolorum, propter angustias temporis & pressuram gentium, ne usque in finem in illis partibus deficiat sacerdotalis decoris eximius ordo; nec inde de cætero nostræ religionis magnum & venerandum mysterium ignoretur. In mandati seu epistolæ decursu in primis monet observandum canonem. In iis, inquit, qui ante (Sophr.) Patriarchiam vel post ejus decessum in Domino, à quibusdam non convenienter electi sunt, propter angustiam temporis,*

Joan. Philadelphie episcopo data commissio pro diœcesibus Antiochiæ & Hierosolymæ.



vel quod ejus copia non esset qui judicio adhibito, A  
seu juxta canones eligere deberet, vel permittere:  
tales, datis scriptis libellis, confirmari volumus,  
nullatenus inde canonis præjudicio facto. Post-  
quam autem cavendum monuit à Macedonio  
qui pro Patriarcha Antiocheno se gerebat, &  
à Petro qui se pariter pro Alexandrino, ad  
ipsum se misisse ait synodi Lateranensis acta  
cum encyclicis & synodalibus litteris. Insuper  
se adhortatum esse Deo amabiles episcopos  
Theodorum Esbuntiorum, & Antonium  
Baccatorum, ut ei in omnibus adsint & sup-  
petias ferant; itemque Georgium presbyterum  
& archimandritam monasterii S. Theo-  
dosi, & Petrum Christi amantem, Adraen-  
sem nempe & illustrem ad quem S. Maximus  
tunc temporis de fide scribebat, eosque om-  
nino qui fidei negotium illis in partibus  
fovent. Extant ad hos quatuor totidem epi-  
stolæ quæ eadem renunciant. Delegationem  
Joannis Philadelphiæ episcopi in utramque  
diocesim Martinus cum sua synodo Latera-  
nensi, epistola altera ad Antiochenam & Hie-  
rosolymitanam ecclesias significavit, cujus si-  
miles voces, ac sunt quas retulimus, hîc nihil  
juvat retexere. Plura de iis quæ, sede Hieroso-  
lymitana per 60. & amplius annos à Sophronii  
obitu vacante, ad ejus administrationem gesta  
sunt, monumentorum illius ætatis penuria,  
hîc nobis recitare non conceditur.

Instaurata  
Patriarcha-  
rum Græco-  
rum Hiero-  
solymorum  
successio.

XXXII. Post diuturnam sedis Hierosoly-  
mitanæ viduitatem, electo tandem anno cir-  
citer Christi 705. Patriarcha, successio per-  
severavit, non obstante Saracenorum tyran-  
nide, usque ad finem undecimi sæculi, quo  
Latini cum Francis nostris induti Crucis  
signo, bellum sacrum iis infidelibus intule-  
runt. Tunc enim captis Hierosolymis anno  
1099. quum Simeon Patriarcha in Cypro  
insula, quo ante copiarum Latinarum in Pa-  
læstinam adventum sese receperat, eodem  
anno obiisset; Patriarchæ Latini ritus institui  
cœperunt. Interim Græci quoque sui ritus  
Patriarchas Hierosolymitanos Constantino-  
poli crearunt, qui in ea urbe sedebant quandiu  
Hierusalem in potestate Latinorum fuit. Quo  
factum est, ut quia Byzantini, dudum ante  
belli sacri initia, Romanæ ecclesiæ commu-  
nionem abnegarant, horum scissionem Hie-  
rosolymitani Græci præsules amplexi fuerint,  
dum Constantinopoli morabantur, eandem-  
que, ejectis post modum è Palæstina per Sara-  
cenos Latinis Hierosolymam reversi, cum  
Melchitis Alexandrinis & Antiochenis, ad  
hoc usque tempus prorogaverint.

Primus  
Hierosoly-  
mitanæ ec-  
clesiæ status  
sub Francis  
principibus.

XXXIII. Latini exercitus duces post  
ereptam ab infidelibus Hierosolymam, ac-  
cepta Simeonis Patriarchæ Græci morte, de  
successore ei subrogando inter se delibera-

verunt: habito autem ea de re consilio, sæ-  
piusque discusso, inquit Albertus Aquensis, non  
est repertus aliquis tanto honore, & tam divino  
regimine dignus; ideoque dilatio facta est. Tan-  
tum Arnulphum (sive Ernulphum) de Rohes Can-  
cellarium sanctæ Hierosolymitanæ ecclesiæ, pro-  
curatorem sanctarum reliquiarum, & custodem  
eleemosinarum constituunt. Anonymus qui gesta  
Francorum in expugnatione Hierosolymitana  
descripsit, Ernulphum fuisse quasi Patriar-  
cham ait, & institutis à Godefrido rege cano-  
nicis præpositum, donec à Romano Pontifice  
quid agendum esset requirerent. Guillelmo  
Tyrio lib. 10. belli sacri c. 2. Ernulphus archi-  
diaconus tantum erat. Summo principi &  
duci Godefrido necnon cæteris omnibus,  
eodem Aquensi teste, placuerat, ut in templo  
Dominici sepulcri viginti fratres in Christo  
divini cultores officii constituerentur, qui  
assiduis Domino Deo viventi in laudibus &  
hymnis psallerent: hostiam corporis & san-  
guinis Jesu-Christi devote immolarent:  
deinde quotidianam sustentationem de obla-  
tione fidelium constitutam susciperent; sic  
divino decenter obsequio restaurato à duce  
catholico, christianisque principibus, cam-  
panas ex ære, cæterisque metallis fieri jusse-  
runt, quibus signum fratres dum caperent  
mox ad ecclesiam laudes psalmorum, missa-  
rumque vota celebraturi festinarent; & po-  
pulus ad hæc auditurus una properaret. Non  
enim ejusmodi soni, aut signa visa, vel audita  
sunt ante hos dies in Hierusalem. Præfatus  
Guillelmus Tyrius lib. 9. de bello sacro cap. 9.  
ait, ante cætera, & protinus, Godefridum in  
ecclesia sancti sepulcri templi Domini ca-  
nonicos instituisse, iisque ampla beneficia,  
quæ præbendas vocant, simulque & honestas  
ecclesias assignasse, ordine & institutione ser-  
vata, quam magnæ & amplissimæ à piis prin-  
cipibus fundatæ ultra montes servant ecclesiæ:  
quibus videtur hic scriptor innuere canonicos  
illos ordine & institutione regulares fuisse:  
quod Guido apud Albericum in chronico ad  
annum 1100. asseruerat his verbis: Dux Go-  
defridus regnum Hierosolymorum adeptus pia  
& pura liberalitate erga ecclesias quæ sunt  
Hierosolymis abundavit, & humilitatis intimo,  
& reverentia ejus qui spineam coronam ibi pro  
mundi salute portaverat, regio diademate noluit  
insigniri. Primus enim secundum morem Galli-  
canæ ecclesiæ, in ecclesia sepulcri Domini cano-  
nicos instituit regulares, & monachos in Valle  
Josaphat in ecclesia Dei Genitricis Virginis  
Mariæ. Adstruit tamen Guillelmus pro ca-  
nonicis sæcularibus regulares fuisse constitu-  
tos ab Arnulpho illo, qui sub Balduino rege  
ad Patriarchatum Hierosolymitanum evectus  
est.



Daimbertus primus Latinorum Patriarcha Hierosolymitanus.

XXXIV. Primus Latinorum ad eam dignitatem assumptus Daimbertus fuit, de quo agemus suo loco inter præfules ritus Latini ecclesiis Orientalibus præfectos: illi autem statim assignati sunt proventus, teste eodem Guillelmo Tyrio, nec ii solum quibus jam tempore gentilium principum, Mohammedanorum-ve, Græcus Patriarcha potitus fuerat; sed alii insuper de novo concessi, ita ut vitam honestissime sustentaret. At exinde contigit, subdit Tyrius, quod Patriarcha suam esse contenderet civitatis totius possessionem & præsidium, urbemque Joppen cum suis pertinentiis. *Qua de re quum malevolorum quorundam opera agitata esset quæstio, Godefridus rex, qui Dux potius volebat appellari, quoniam humilis erat & mansuetus, & timens sermones Domini, in die Purificationis beatæ Mariæ, præsentem clero & populo universo ecclesiæ sanctæ Resurrectionis, quartam partem Joppes resignavit. Rursum die sancto Paschæ in præsentia cleri & populi qui ad diem festum convenerant, urbem Hierosolymam cum Turri David & universis ejus pertinentiis in manu Domini Patriarchæ resignavit, ea tamen conditione, ut prædictis urbibus cum territoriis suis ipse interim frueretur & uteretur, quousque captis aliis urbibus una vel duabus regnum Dominus permetteret ampliari. Quod si interea dux absque legitimo herede fato fungeretur, prædicta omnia, difficultate omni semota, in D. Patriarchæ ditionem caderent.* Cæterum observat ille, jam à tempore dominationis Saracenorum, Constantinopolitani Imperatoris Constantini Monomachi opera, christianos Hierosolymorum obtinuisse, ut quartam civitatis partem ipsi soli tenerent & possiderent.

Patriarchatus Hierosolymitanus sub Francis mutatus.

XXXV. Dum Palæstinam occuparunt Latini, non eadem fuit, ac antehac, diocesis Hierosolymitanæ ratio: nam præter Palæstinam veterem, cujus quidem multæ civitates non amplius subsistebant, sanctæ civitatis Patriarcha, favente ejusdem urbis rege, Tyrum cum aliis sex septem-ve oppidis quæ Antiocheno præfulei semper paruerant, suæ jurisdictioni addixit. Scilicet Paschalis II. Romanus Pontifex Hierosolymorum regibus concesserat, ut quas armis subjugarent civitates, illæ ad Patriarchatum Hierosolymitanum pertinerent: quod & Innocentius II. confirmavit. Hinc quibus locis rex Hierosolymitanus dominabatur ditione temporali, iisdem prorsus spirituali Patriarcha præerat. Regnum autem Hierosolymitanum, ex eodem Guillelmo Tyrio lib. 16. cap. 29. in quatuor principatus seu provincias tunc distributum erat, à fluvio incipiens qui Byblum inter & Berytum fluit, & desinens in solitudine regionis dictæ Daroma, ut eam Eusebius & Hieronymus

Tomus III.

mus sæpe appellant, apud Cellar. 10. 2. geogr. antiq. lib. 3. cap. 13. pag. 591. Quin imò ne metropolitæ Tyrii jurisdictio vetus distraheretur, sex septem-ve sedes ejus suffraganeorum, quæ non erant ditionis regis Hierosolymitani, eidem Pontifici nihilominus, quasi illi morem gererent, affixæ sunt ab Innocentio II. datis hanc in rem apostolicis litteris episcopis Tripolitano, Tortosano five Antiocheno, & Byblitano, velut & aliis Berytensi, Ptolemaidensi seu Acconensi, & Sidonensi; quamvis Tripolis, & Tortosa five Antaradus, Boëmundo Antiochiæ principi subjicerentur. De translata Tyro metropoli in diocesim Hierosolymitanam plura dixi tomo superiori ubi de Patriarchatu Antiocheno, quæ non vacat hîc regerere: explicavi insuper ibidem quodnam Patriarchalis regiminis genus tunc esset, & quanta Romano Pontifici obedientia, à quo pallium accipere debebant.

XXXVI. Ex quo Latini è Syria Palæstinaque à Saracenis ejecti sunt, Tyrus, aliæque urbes ab Antiochena ecclesiâ distractæ in Patriarchæ Græci ditionem rursus venerunt: Acon tamen, Cæsarea Philippi, cum nonnullis urbibus quas Hierosolymitani reges in Syria necnon Arabiæ partibus Palæstinæ vicinioribus acquisierant, sanctæ civitatis Patriarchæ Græco, uti prius Latino, subjectæ manserunt: unde in litteris quibus ejus electio confirmatur dicitur Patriarcha civitatis sanctæ Hierusalem, & sanctæ Sion, Syria, & Arabiæ, totiusque Palæstinæ, & regionis trans Jordanem. Ejusmodi litteras reperi in cod. Regio 3289. quas integras legere est apud Patriarcham Dositheum. Hinc autem liquet quam Hierosolymitana diocesis hodie imminuta sit & desolata à Turcis, incultaque tota illa regio, sicut & cætera quæ illorum imperio subsunt.

Quædam ecclesiæ Antiocheni Patriarchatus sedis Hierosolymitanæ subjectæ manserunt.

XXXVII. Expugnatis à Latinorum exercitu Hierosolymis, constitutoque ejusdem ritus Patriarcha, nullus è Græcis hujus dignitatis titulo insignitus legitur ante Manuëlis Comneni imperium qui anno 1142. aut sequenti thronum conscendit, unamque fœderis inter se & regem Hierosolymorum initi conditionem esse voluit ut Constantinopoli Patriarcha Antiochenus crearetur, eoque mitteretur: quod perinde censendum de Hierosolymitano colligitur ex cura à rege Balduino adhibita ne ea lex staret. Tunc vero utriusque sedis Patriarchas Græcos designare cœperunt Byzantini; & consuetudo perseveravit, etiam recuperata à Mohammedanis Hierosolyma, ut, vel Constantinopoli Patriarcha Hierosolymitanus renuntiaretur, vel qui electus Hierosolymis foret, non ante consecraretur, quam ab Imperatore Græco electio ejus confirmata esset. Leontio Patriarchæ

Patriarchæ Græci ecclesiæ Hierosolymitanæ.



Hierosolymitano Græco qui Constantinopoli obierat, (jam pulsus anno Christi 1186. à sancta civitate Latinis,) substitutus est ab Isaacio Angelo Imper. Dositheus: quumque ille ad ecclesiam Constantinopolitanam transfatus esset, in ejus locum suffectus fuit per eundem Imperatorem Marcus Florus. Andronicus II. Imperator Michaëlis Palæologi filius, qui imperium auspicatus est an. Christi 1283. gravioribus auditis rumoribus adversus Athanasii Patriarchæ Hierosolymitani Græci famam, misit Hierosolymam ut de iis inquireretur: exauctoratus est autem Imperatoris nomine Athanasius, illique subrogatus Gabriël Brulus. Sub Andronico III. Lazarus à coëpiscopis in sancta civitate electus Byzantium Imperatoris assensum petiturus venit, Cantacufeno teste *lib. 4. hist. cap. 14.* Dorotheus non multo post Patriarcha Hierosolymorum institutus est Joannis Palæologi mandato, cujus confirmatorium decretum his verbis Latinè redditis exprimitur: textum reperi in codice 3289. Bibliothecæ regiae: *Sancta Trinitas, per regiam potestatem qua nos donavit, promovet sanctissimum Pontificem Dominum Dorotheum in Patriarcham Hierosolymorum sanctæ Sion, Syriae, Arabiæ, totius Pa-*

*læstinæ trans Jordanem, & Cana Galilææ; cujus causa datur eidem sanctissimo Patriarchæ Hierosolymorum, sanctæ Sion, Syriae, Arabiæ, totius Palæstinæ trans Jordanem, & Cana Galilææ præsens in scripto libellus & decretum imperii mei.* Non ita pridem Nectarius Constantinopoli electus est Patriarcha Hierosolymitanus, renuntiatusque, non à Patriarcha solum Byzantino aliisque synodi ejus episcopis; sed & à Basilio Vaivoda Moldaviæ, cum Panagiota magno Turcicæ Aulæ interprete, aliisque Græci nominis Proceribus, velut olim fiebat sub Imperatore Græco. Missus est deinde in urbem sanctam Gabriël Lindius Philippopolis metropolita qui eum ibi ordinaret.

XXXVIII. Quod ad ecclesias Hierosolymorum Patriarchali jurisdictioni impræsentiarum subditas attinet, quindecim sunt tantummodo intra muros sanctæ civitatis, cum Gethsemani ubi sepulcrum visitur Dei Genitricis. Longe plures Mohammedani occupant, inter quas extat sancta Sion: aliquas etiam earum Latini, aliarumque gentium Christiani possident. His prælibatis, seriem Patriarcharum Hierosolymorum, cæterorumque præsulum huic sedi subjectorum, qui ad notitiam nostram venerunt, teximus, incipiendo à Patriarchis.

Tempus  
Hierosolymorum  
Patriarchæ  
Græci  
dita.





# PATRIARCHÆ HIEROSOLYMITANI.

**D**E Hierosolymis & Ælia quæ super ejus A  
ruinas constructa est jam nonnulla dixi-  
mus n. 23. col. 118. Quædam addenda viden-  
tur ad clariorem utriusque intelligentiam.

Et primo quidem prioris Hierosolymæ  
situm sic describit Josephus, lib. 5. de bello  
Jud. c. 13. *Civitas super duos colles... se mutuo  
inspicientes condita est, interveniente valle dis-  
cretos, in quam utrimque ædificia desinebant.*  
Horum alter dictus mons *Sion* in septemtrio-  
nali parte civitatis extabat, eratque excelsior,  
ædificia autem ei superposita vocabantur *super-  
ior civitas*. Alter collis nuncupabatur *Acra*, B  
& *inferiorem civitatem* sustinebat, ex eodem  
Josepho *ibid.* Hac sola constabat Hierusalem  
ante quam David regnaret, sed ejus impensis  
& cura aucta est ædificiis in monte *Sion* con-  
structis. Hinc *Sion* & Hierusalem nonnun-  
quam in sacris scripturis distinguuntur. Mon-  
tis etiam *Moriah* in quem Abraham cum filio  
immolando ascendit, meminit idem Jose-  
phus lib. 1. antiq. cap. 14. & dicit in eo tem-  
plum fuisse erectum. Assentitur Hieron. in  
Jerem. cap. 26. vers. 4. *extructo templo*, inquit,  
*in area Ornæ, & in monte Moriah, hoc est,* C  
*visionis, in quo Abraham filium suum Isaac ob-  
tulisse narratur.* Porro non arcis modo, sed  
& totius urbis munitiones validissimæ erant,  
nam ut rursus Josephus lib. 5. de bello Jud.  
cap. 13. observat; *triplici muro circumdabatur,*  
*nisi qua vallibus cingebatur inaccessis.* Tertius  
murus ab urbe remotior nonaginta turribus  
fulciebatur ducentis cubitis ab invicem dis-  
finitis, medius turribus quatuordecim, intimus  
demum sexaginta. De his Hierosolymorum  
munimentis Tacitus, lib. 5. hist. capp. 11. &  
12. ait: *Urbem arduam situ, operamolesque* D  
*firmaverant, quis vel plana satis munirentur;*  
*nam duos colles immensum editos claudebant*  
*muri per artem obliqui, aut introrsus sinuati, ut*  
*latera oppugnantium ad ictus patescerent. Ex-*  
*trema rupis abrupta; & turres, ubi mons juvisset,*  
*in sexaginta pedes; inter devexa, in centenos*  
*vicenosque attollebantur: mira specie, ac procul*  
*intuentibus pares. Alia intus mœnia regie cir-*  
*cumducta: conspicuoque fastigio turris Antonia,*  
*in honorem M. Antonii ab Herode appellata.*  
*Templum in modum arcis, propriique muri,*  
*labore & opere ante alios: ipsæ porticus, quis*  
*templum ambiebatur egregium propugnaculum.*

*Fons perennis aquæ; cavati sub terra montes;*  
*& piscinæ cisternæque servandis imbribus. Præ-*  
*viderant conditores ex diversitate morum crebra*  
*bella: inde cuncta, quamvis adversus longum*  
*obsidium; & à Pompeio expugnatis, metus atque*  
*usus pleraque monstravere. Atque per avaritiam*  
*Claudianorum temporum, empto jure muniendi,*  
*struxere muros in pace tanquam ad bellum.*  
Hæc tradit Cellarius 10. 2. geogr. antiq. lib. 3.  
cap. 13. pag. 541. & seqq.

2.º Quod spectat ad Æliam quæ & Hie-  
rosolymorum nomen gerit, Dio lib. 69. hist.  
narrat Æliam Capitolinam, ex nomine qui-  
dem Ælii Hadriani Imperatoris qui eam ædi-  
ficari jussit, Æliam nuncupatam, à templo  
autem Jovis Capitolini quod in ea constru-  
ctum fuit ut huic falso numini consecraretur,  
Capitolinam dictam: *quum enim*, inquit, *in*  
*Hierosolyma* (Hierosolymam) *urbem everfam*  
*duxisset coloniam.... & in loco ubi templum Dei*  
*fuerat, templum Jovi aliud ædificasset, bellum*  
*haud parvum & diuturnum morum est, Judæis*  
*graviter ferentibus quod exteræ nationes in*  
*urbem suam habitatum venirent, quodque aliena* C  
*templa in ea ædificarentur.* Vide supra n. 7.  
col. 105. Eorum porro dux fuit Cochebas ce-  
leberrimus audacia, qui sibi titulum Messie  
tribuit, & se ipsum vocavit Barcochebah, id  
est, filium stellæ, alludens ad illud Balaam  
vaticinium de Messia Num. cap. 24. vers. 17.  
*Orietur stella ex Jacob:* sed postea Judæi, de-  
tectæ ejus impostura, eundem Bencoziba ap-  
pellarunt, id est, *filium mendacii*. Magnam  
enim cladem sub eo duce acceperunt. Ita  
Thomas de Pinedo Lusitanus in observatio-  
nibus super Stephanum Byzantium de urbi-  
bus & populis pag. 42. num. 76. Rebellionis  
vexillum erexerunt in Romanos Judæi hæc  
secunda vice, anno Hadriani 16. Christi 132.  
& anno ejusdem Imperatoris 18. Christi 134.  
fuerunt completissime devicti. Tillemontius,  
tamen 10. 2. hist. Imperat. pp. 589. & 604. in-  
ceptum hoc bellum censet an. 18. Hadriani,  
Christi 134. & finitum circiter anno 20. ejus-  
dem Imperat. Christi 136. Ex quo tempore,  
inquit S. Hieron. in chronico, *etiam intro-*  
*eundi eis Hierosolyma* (id est Æliam) *potestas*  
*ablata est, primum Dei nutu, tum mandato Ro-*  
*manorum, suntque in omnes regiones dispersi.*  
Hæc apud Bollandi continuatores tom. 3.



Actorum SS. Maii, in tractatu prælimin. ubi A  
de episcopis & Patriarchis Hierosol. pag. 9.  
col. 2. num. 33.

I. S. JACOBUS Frater Domini, Apostolus.

Quamvis S. Petrus, cum cæteris Apostolis, ut eorum princeps à Christo institutus, specialem curam nascentis Hierosolymis ecclesiæ gesserit, non tamen dicitur primus Hierosolymorum episcopus, sicut nec aliorum locorum ubi fidem diffeminavit, quia in illis sedem suam figere non intenderat. Primus itaque Hierosolymorum præsul S. Jacobus minor B  
fuit, frater Domini dictus, id est cognatus secundum carnem, unus ex duodecim Apostolis, & epistolæ catholicæ scriptor, qui lib. 8. *Constit. Apostol. cap. 35.* dicitur ordinatus ab ipso Domino, & Apostolis, & lib. 1. *Recognitionum*, sub nomine S. Clementis Romani Pontificis, ordinatus à Domino in episcopum. Sanctus Epiphanius asserit similiter hær. 78. Jacobo primo Hierosolymorum episcopo (quem tamen alium existimavit à Jacobo Apostolo) *Dominum credidisse suummet thronum.* Huc aliquatenus spectant ea Eusebii C  
lib. 7. *hist. cap. 19.* verba de Hierosolymitana sede, *Jacobi illius cathedram qui primus Hierosolymorum episcopus ab ipso Servatore & ab Apostolis est constitutus, & quem fratrem Domini fuisse cognominatum divina testantur volumina, ad nostra usque tempora conservatam fratres illius ecclesiæ jam inde à majoribus magna prosequuntur reverentia.* Superius scripserat idem Eusebius, lib. 2. *cap. 1. ex lib. 6. institutionum*, sive *Hypotyposeon*, ut fert textus ejus græcus, Clementis (utique Alexandrini) post *Servatoris ascensum, Petrum, Jacobum, & Joannem*, quamvis à Domino reliquis prælati essent (Apostolis) non idcirco de primo honoris gradu inter se contendisse, sed Jacobum cognomento *Justum Hierosolymorum episcopum designasse.* Hunc triginta annis eam rexisse ecclesiam usque ad septimum Neronis annum testatur Hieron. lib. *de scriptoribus Ecclesiasticis*, qui annus, quum sit æræ vulgaris sexagesimus, arguit Jacobum episcopatum Hierosolymitanum suscepisse, vel sub finem anni 29. quo Christus Dominus crucifixus est, si reipsa die 27. Decembris huic præfectus est ecclesiæ, E  
cujus fit memoria in quibusdam martyrologiis, vel anno sequenti 30. In genere mortis nonnihil variant antiqui: nam Hegesippus narrat Jacobum è pinnaculo templi præcipitatum à Judæis, & fullonio fuisse in caput impacto occisum: Josephus autem lib. 20. *antiq. c. 8.* damnatum ab Anano Pontifice, & à populo lapidatum tradit. *Ananus*, inquit, *oportunitatem sibi tempus adesse ratus, eo quod Festus quidem vita cessisset, Albinus vero adhuc in itinere*

esset, concilium judicum cogit; induciturque in judicium fratre (illius) Jesu qui dicebatur Christus, Jacobus ei nomen, & cum eo quibusdam aliis, in eos ut legis violatæ reos quum accusationem instituisset (statim) lapidandos tradidit. Sed quicumque inter cives modestissimi, legisque observandæ studiosissimi habebantur, graviter hoc tulerunt: atque clam (legatos) ad regem (Agrippam) mittunt, hortantes ut Ananum per litteras monere vellet, ne quid deinceps simile moliretur; neque enim prius illud recte (atque ex jure) ab eo factum fuisse. Quin etiam nonnulli eorum Albinò, ab urbe Alexandria iter facienti, occurrerunt; eumque monuerunt, non licuisse Anano absque ipsius consensu concilium judicum convocare. Horum oratione Albinus persuasus, litteras plenas furoris & iracundiæ Anano scribit, minatus se de illo pœnas sumtuum. Proinde rex Agrippa, adempto ei Pontificatu quem per tres menses gesserat, Jesum Damnaei filium (Pontificem) constituit. Josepho suffragatur de hoc genere martyrii Jacobi Eusebius in chronico.

II. S. SIMEON vel SIMON Martyr.

Eusebius, lib. 3. *hist. cap. 11.* hæc de Simeone habet: *Post martyrium Jacobi, & continuo subsecutam Hierosolymorum expugnationem, fertur apostolos, cæterosque Domini discipulos qui adhuc superstites agebant, ex variis locis in unum convenisse, & una cum iis qui Dominum secundum carnem propinquitate generis contingebant (quorum plerique adhuc supererant) in commune consuluisse quis in Jacobi locum succedere dignus esset: quocirca uno omnes consensu Simeonem filium Cleophæ, illius cujus in evangeliiis mentio fit, hujus ecclesiæ episcopali sede dignum judicaverunt. Creditur autem Simeon patruelis fuisse Servatoris: nam Cleopham fratrem fuisse Josephi prodit Hegesippus. Communis quoque sententia est hunc Simeonem esse Simonem illum Jacobi, Josephi five Jose, & Judæ fratrem, Domini nostri secundum carnem consobrinum, qui legitur Marci 6. vers. 3. his verbis: Nonne hic est Faber, filius Mariæ, frater Jacobi, & Josephi & Iosæ, & Judæ, & Simonis! Idem Eusebius, in chronici sui textu græco edit. Scalig. Amstelod. anno 1658. pag. 205. assignat exordium ejus episcopatus Cæsonio & Petronio Coss. id est, septimo Neronis anno, æræ vulgaris 60. aut 61. martyrium vero ibidem, p. 209. Sosis & Sura Coss. anno Trajani 10. Christi 107. ejusdem episcopatus 46. aut 47. Trajano, inquit, adversus Christianos persecutionem movente, Simon filius Cleophæ, qui Hierosolymis episcopatum tenebat, crucifigitur, cui succedit Justus. Et lib. 3. *hist. cap. 32.* ex Hegesippo scribit Simeonem centum & viginti*



annos natum, martyrium subiisse, Trajani Augusti principatu, Attico consulari legato Syriam administrante, &c. Et postea subdit Simeonem supra dictum accusatum ab hæreticis (& ob eam causam quod agnatus esset Christi) vocatum in jus coram Attico Consulari, & per dies multos acerbissimis tormentis excruciatum, fidem Christi constantissime professum esse: adeo ut Consularis ipse, & cuncti qui aderant magnopere mirarentur, qua ratione vir centum & viginti annos natus tot ferre tormenta potuisset: tandem vero sententiâ judicis cruci suffixum esse. Pagius 10. 1. crit. anal. Baron. ad annum Christi 107. affert rationes, quibus Guillelmus Loydus episcopus Asaphensis è secta Protestantium, & Dodwellus, sanctos Ignatium & Simeonem volunt passos, non anno Christi 107. sed 116. iisque ipse assentiri videtur. Eusebius loco ultimum citato subjungit ex eodem Hegesippo: *Posthæc idem scriptores illa ætate gestas commemorans addit ecclesiam ad hæc usque tempora instar cujusdam virginis integram atque incorruptam mansisse: adhuc in obscuro recessu delitescens, quicumque rectam prædicationis Evangelicæ regulam depravare niterentur. Sed postquam sacer Apostolorum cætus vario mortis genere extinctus est, effluxeratque jam ætas hominum illorum qui divinam ipsam sapientiam suis auribus auscultare meruerant; tunc demum exorta est impii erroris conspiratio, fraude & malitia falsorum doctorum: qui ut-pote nullo amplius ex Apostolis superstite, posthæc nudo, quod aiunt, capite adversus prædicationem veritatis adulterinam doctrinam obtrudere aggressi sunt. Colitur in Martyrologio Romano sancti Simeonis memoria die 18. Februar.*

### III. JUSTUS sive JUDAS.

Epiphanius hæresi 66. n. 20. hunc *Justum* Judam appellat, suffragaturque Georgius Syncellus; testantur etiam doctissimi Godefr. Henschenius & Daniël Papebrochius Actor. SS. 10. 3. Maii, in Tract. prælim. pag. 4. n. 15. col. 2. veterem membranam, ante annos circiter 800. scriptam, sibi Harlemio communicatam à clariss. viro Evaldo Rulæo J. C. eum vocare *Judam Justum* quasi *Justus* cognomen tantum fuisset, ut & Jacobi: *Ἰσδὺς ὁ Εὐαγγελιστῆς*. Anno præfato Trajani 10. Christi 107. *Sofio Senecione 4. & L. Licinio Sura 3. Coss.* episcopatum Hierosolymitanum iniit. Ita Eusebius refert in chronico: item lib. 3. hist. eccl. cap. 35. *Simeone*, inquit, *ad hunc quem diximus modum vita defuncto, Hierosolymitani præsulatus sedem Judæus quidam Justus nomine cepessit, quippe ea tempestate innumerabiles ex circumcissione ad Christi fidem transferant.* Tribus annis hanc ecclesiam ab eo fuisse administra-

A tam tradit idem Eusebius, scilicet usque ad ann. 14. Trajani, Christi 111. In his autem potior fides habenda Eusebio videtur in viciniascribenti, annosque per Consules digerenti, quam aliis ab eo discrepantibus, spatiumque indicantibus per litterales numeros, in quibus facile irrepit error. Nam in membrana modo citata, Jacobi regimini 26. anni tribuuntur, totidemque Simeonis, Judæ vero Justi 17. Apud Georgium autem & Nicephorum, Simeoni solum an. 23. assignantur episcopatus, & Judæ septem. Theodoricus Pauli in chronico universali, apud eosdem doctissimos Bollandi continuatores *ibid. n. 16.* hoc elogium de illo Justo conficit: *Re & nomine Justus, Judæus natione, audiens salutiferam prædicationem sanctissimi apostoli Jacobi, & S. Simeonis, licet princeps Judæorum, conversus fuit, & baptizatus à S. Simeone. Præfuit autem tertio loco ecclesiæ Hierosolymitanæ valde egregiè & laudabiliter; ita quod non solum Judæos, sed etiam multos Gentiles sua prædicatione, & miraculorum coruscatione converterit & baptizaverit.... Tandem anno Domini 113. feliciter quievit in Domino.* Et in libro Bellorum Dei eum ait in pace ecclesiæ migravisse 5. die Maii. Ad quem diem ejus etiam meminit Florarium sanctorum manuscriptum, addito titulo *Martyris*. Hæc iidem Bollandi continuatores *ibid. & p. seq. 5. col. 1.* Qui addunt inferius pag. 10. nn. 37. & 38. col. 2. Theodoricum quidem Pauli scripsisse post annum 1452. & insignire se ipsum *Vicedominum ecclesiæ collegiatæ SS. Martini & Vincentii in Gorinchen (vulgo Gorcum) partium Hollandiæ Trajectensis diæcesis.* Auctorem vero Florarii sanctorum fuisse canonicum regularem in Brabantia, nuncupatum *Henricum de Eych, Canonicum ecclesiæ beatæ Catharinæ Eyndoviensis, Præpositum parochiali ecclesiæ de Weeld,* illudque opus ab eo concinnatum esse anno 1486. datumque Gerardo abbati monasterii Averbodiensis Ordinis Præmonstratensis in Brabantia, ab ipso auctore consanguineo ejus, post ann. 1501. quo ille constitutus est abbas, & ante annum 1532. quo idem abbas obiit.

### IV. ZACCHÆUS vel ZACHARIAS.

### V. TOBIAS.

### VI. BENJAMIN.

### VII. JOANNES.

### VIII. MATHIAS vel MATTHÆUS.

### IX. PHILIPPUS.

Anno imperii Trajani 14. Christi 111. *L. Calpurnio Pisone & Vettio Rustico Dolano Coss.* ordinatus est Hierosolymorum episcopus, ex chronico Eusebii, post *Justum*, quartus *Zacchæus* (quem *Zachariam* Epiphanius &



Nicephorus appellant) *post quem quintus fuit A Tobias, sextus Benjamin, septimus Joannes.* (Eusebius in chronico horum quatuor regimen terminat ad annum Christi 116. quod subinde totum simul per 5. dumtaxat aut 6. annos duraverit) *octavus Matthias* (Georgio & Nicephoro *Matthæus*) *nonus Philippus*, cujus mortem anno 8. Imperatoris Hadriani, Christi 125. subnectit, ita ut ab ordinatione Zacchæi usque ad obitum Philippi, nonnisi quatuordecim anni fluxerint, inter illos sex episcopos dividendi. Theodoricus Pauli horum singulis elogia apponit, & diem mortis assignat, scilicet Zacchæo 27. Aug. Tobiae 17. Septemb. Benjamin.... Joanni.... Matthiæ 30. Jan. Philippo 4. Aug. similiter Florarium mss. ex eodem, ut verba satis indicant, fonte, diem singulorum mortis vel cultus, præterquam Philippi, exhibet, discrepat tamen in plerisque à Theodorico Pauli: Tobiae enim diem tribuit 17. Decemb. Benjamin 11. Decemb. & Joanni 23. Aug. pro quo in indice notatur 10. Maii. Verum id unde habuerint non liquet, quum neque in Græcorum, neque in Latinorum, Matthia excepto, fastis ullis occurrant. Solius enim Matthiæ memoria recolitur in Ufuardi Martyrologio, & ex eo in Romano ad diem 30. Januarii his verbis: *Hierosolymis natalis S. Matthiæ episcopi; de quo mira, & plena fide gesta narrantur, qui sub Hadriano multa pro Christo perpeffus demum in pace quievit.* Ubi hæc Ufuardus de S. Matthia legerit cupere-mus detegere. Theodoricus Pauli, qui supra memoratus est, ait, festum ejus celebrari *III. Kal. Febr.* id est 30. Jan. sive 23. die Februar. quæ quum vigilia sit S. Mathiæ Apostoli, suspicandi ansam præbet doctissimo Daniëli Papebrochio to. 3. Maii, in Tract. prælim. p. 6. n. 23. *ista quæ Ufuardus vidit tam mira sub nomine Matthiæ episcopi, sumta esse ex Actis S. Matthiæ Apostoli, sed apocryphis, ommissa ea parte quæ apostolum proprie spectabant.* Habemus, subdit *ibid.* breviarium vetustum, ante annos trecentos, & amplius, manuscriptum, ex usu ecclesiæ sancti Sepulcri in Hierusalem, quod fuit domus S. Joannis-Baptistæ in Harlem Hollandiæ oppido, nescio utrum an ad Equites, an ad Regulares Hierosolymis propagatos pertinuerit, ubi ad *III. Kal. Febr.* notatur *sanctus Matthias episcopus Hierusalem*, sicuti & in impressis dictorum Equitum sancti Joannis-Baptistæ breviariis.

X. SENECA. XI. JUSTUS II.  
XII. LEVI. XIII. EPHRÆM.  
XIV. JOSEPH. XV. JUDAS.

Eusebius in chronico, quod S. Hieronymus in simili opere Latinum fecit, hæc scribit de

omnibus illis episcopis, apud doctissimos Bollandi continuatores to. 3. Maii, in Tract. prælim. pag. 9. n. 33. col. 2. *Hadriani Imperatoris anno 8. (Christi 124. vel 125.) Manio Acilio Glabrione & C. Bellicio Torquato Coss. Hierosolymitanæ ecclesiæ episcopus decimus post Philippum constituitur Seneca* (Georgio Syncello *Henecas*: & in membrana mss. supra citata ubi de Justo tertio Hierosolymorum episcopo, *Senthyas* nuncupatus) *undecimus Justus alius: duodecimus Levis, sive Levi: decimus-tertius Ephres sive Ephræm: decimus-quartus Joses sive Joseph: decimus-quintus Judas: quorum omnium ex circumcisione existentium numerus ad quindecim peringit, usque ad Judæorum defectionem ab Hadriano: vel ut Hieronymus posuit, usque ad eversionem quam ab Hadriano perpeffa est Hierusalem.* Rebella-verunt autem Judæi adversus Romanos anno Hadriani 16. Christi 32. qui eos totam Judæam devastantes vicit & subjecit per Tinnium Rufum, anno imperii sui 18. (vel 20.) Christi 134. (vel 136.) *Ex quo tempore, inquit Hieron. etiam introeundi eis Hierosolyma (Hierosolymam) potestas ablata est, primum Dei nutu, tum mandato Romanorum, suntque in omnes regiones dispersi.* Anno autem inter duos illos postremos medio, scilicet Hadriani 17. Christi 133. *C. Julio Servilio Urso Severiano II. & C. Vilio Juventi Vero Coss. Cochebas, Dux Judæicæ rebellionis, christianos nolentes secum pugnare contra Romanos variis modis excruciauit; sive juxta Hieronymi interpretationem, omnibus cruciatibus necavit.* Ita apud citatos Bollandi continuatores *ibid.* Circa quindecim autem illos episcopos hæc habet Eusebius *lib. 4. cap. 5. hist. eccl. Eorum episcoporum tempora qui Hierosolymis præfuerunt, nusquam reperire potui: omnes quippe brevi admodum tempore sedisse perhibentur. Illud tantum ex veterum scriptorum monumentis didici, ad illam usque obsessionem, quæ imperante Hadriano contigit, quindecim episcopos continua successione illi ecclesiæ præfuisse, quos omnes origine Hebræos fuisse memorant, & fidem Christi sincere atque ex animo suscepisse: adeo ut ab illis qui de hujusmodi rebus judicium ferre poterant, episcopali officio dignissimi censerentur. Quippe tunc temporis universa Hierosolymorum ecclesia conflata erat ex Hebræis fidelibus, qui jam inde ab apostolorum ætate ad illam usque obsidionem permanserant, qua Judæi iterum à Romanis deficientes, maximis præliis domiti atque expugnati sunt. Proinde quum episcopi qui ex circumcisione erant, per id temporis defecerint, omnes à primo usque ad ultimum ordine suo recensere necessarium puto. Primus igitur fuit Jacobus, is qui Domini frater vocabatur: secundus Simeon: tertius*



tertius Justus: quartus Zacchæus: quintus Tobias: sextus Benjamin: septimus Joannes: octavus Matthias: nonus Philippus: decimus subrogatus est Seneca, cui successit undecimus Justus. Post quem Levi duodecimus ordine fuit: Ephres deinde sequitur est: posthæc Joseph: omnium postremus fuit Judas ordine quintus decimus. Atque hi omnino sunt Hierosolymorum episcopi, qui jam inde ab Apostolis, usque ad Judam, & ad illa quæ designavimus tempora, omnes ex circumcissione fuerunt. Hucusque Eusebius. Ex his itaque colligendum videtur quindecim illos Hierosolymorum episcopos non excessisse tempus Hadriani Imperatoris. Si tamen Epiphanio credimus hæc. 66. n. 20. quem supra adduximus n. 5. col. 104. Judas episcoporum illorum ultimus vixit usque ad undecimum Antonini Pii annum, id est Christi 148. Quin & subdit; Hi ex circumcissione fuere: ex gentibus vero qui sequuntur: XVI. Marcus. XVII. Cassianus. XVIII. Publius. XIX. Maximus. XX. Julianus. Hi omnes ad decimum annum Antonini Pii perveniunt. Ea autem admitta epocha, quam ibidem proposuimus ut fortassis non prorsus improbabilem, postremos Hierosolymorum ex circumcissione episcopos suam rexisse Christianorum Hebræorum ecclesiam consequeretur, dum interim Ælianam ex gentibus Christi fidem amplexis conflata Marcus & quatuor ejus successores administrarent, proindeque intervallum, quo vixerunt tredecim episcopi Hierosolymorum Simeonis successores, fuisse, non viginti octo duntaxat annorum, sed unius supra quadra-

ginta; à decimo videlicet anno Trajani Imperatoris, Christi 107. ad annum undecimum Antonini Pii, Chr. 148. Theodoricus Pauli, apud præfatos Bollandi continuatores 10. 3. Maii in tract. prælim. pag. 9. n. 34. col. 2. his sex postremis Hierosolymorum præsulibus Judæis, diem mortis sive cultus cum elogio assignat, nimirum Senecæ 10. diem Januar. Justo II. 24. Novemb. Levi 1. Mart. Ephraem 4. April. Joseph 6. Aug. demum Judæ 10. April. easdem quoque dies recitari in Florario ms. sanctorum testantur iidem, excepto B Juda qui omittitur. Hunc porro illum esse Judam opinantur ibid. pag. 10. n. 35. col. 1. quem ipsimet ad diem 4. Maii recensuerunt, quique ejusdem mensis Kalendas obtinet in omnibus Hieronymiani martyrologii ecgraphis, aliisque vetustioribus Usuardo, his verbis: In Hierosolymis natalis S. Judæ sive Quiriaci episcopi. Alibi: S. Quiriaci qui & Juda. Et rursus: S. Judas qui cognominatus est Quiriacus. Et quia, inquiunt, certo demonstramus, eum qui ab Usuardo 4. Maii notatur cum duplici isto nomine, tanquam Dominicæ crucis index sub Constantino, & martyr sub Juliano, nullum fuisse in rerum natura, sed cum tota suæ Passionis historia purum putum esse figmentum; ideo existimavimus verosimillimum esse, eum quem 1. Maii Hieronymus martyrologio suo adscripsit (id est qui legitur in martyrologio quod sub nomine Hieronymi circumfertur) esse hunc ex circumcissione ultimum, quem & martyrem obiisse (creditum difficile non est.)

## EPISCOPI ÆLIÆ DICTI QUOQUE HIEROSOLYMITANI.

### XVI. MARCUS.

Eusebius in chronico de Marco isto sic loquitur apud præfatos Bollandi continuatores, ibid. pag. 11. num. 41. col. 2. Hadriani Imperatoris anno 19. (potius 18.) Chr. 135. Pompeiano Luperco & L. Junio Attico (Rufo Attiliano) Coss. Hierosolymæ primus ex gentibus constituitur Marcus, cessantibus post, qui ex circumcissione fuerant: ejus ordinationem peractam ante Hadriani obitum, qui contigit anno ejus 21. Christi 138. asserit Tillem. 10. 2. hist. Imper. p. 313. sedit autem usque ad consulatum Silvani & Augurini; id est usque ad annum Antonini Pii 19. Christi 156. Idem Eusebius lib. 4. hist. eccl. cap. 6. hæc de constantia temporis notat quo in episcopum, pro fidelibus ex gentilitate conversis, promotus est Marcus. Anno demum decimo-octavo imperii Hadriani, quum totius belli vis circa Berthera urbem munitissimam, nec procul Hierosolymis distitam exarsisset, & protracta diu-

Tomus III.

Diutius à Romanis obsidione, rebelles fame ac siti oppressi essent, ipseque adeo seditionis auctor (Barchochebas) debitas pœnas dedisset: ex eo deinceps tempore universa Judæorum gens in regionem circum Hierosolyma sitam pedem inferre prohibita est, lege & constitutione Imperatoris Hadriani: adeo ut ne prospicere quidem à longinquo patrium solum ipsis liceret, ut scribit Aristotellus Pellæus. In hunc igitur modum quum civitas Judæorum gente nudata esset, & veteribus incolis penitus vacuefacta, posthæc alienigenis eo confluentibus, urbs & colonia civium Romanorum effecta, in honorem Ælii Hadriani Imperatoris Ælia nuncupata est. Et quum ecclesia ejusdem loci ex gentibus coaluisset, primus post episcopos ex circumcissione sacerdotium illius civitatis suscepit Marcus. Ita, inquam, Eusebius, qui addit lib. seq. c. 12. ipsi successisse Cassianum. Memoria ejus colitur cum eo elogio in Martyr. Roman. die 22. Octobris: Hierosolymis beati Marci episcopi clarissimi & doctissimi viri, qui primus ex gentibus Hieroso-

K



lymorum ecclesiam suscepit regendam, ac non multo post sub Antonino Imperatore martyrii meruit palmam.

- XVII. CASSIANUS.
- XVIII. PUBLIUS.
- XIX. MAXIMUS.
- XX. JULIANUS.
- XXI. CAIUS seu GAIUS.
- XXII. SYMMACHUS.
- XXIII. CAIUS seu GAIUS alter.
- XXIV. JULIANUS alter.
- XXV. CAPITO.

Hos novem Æliæ episcopos recenset Eusebius in chronico, *M. Seionio Silvano & C. Serio Augurino Coss.* id est, ad annum 19. Antonini Pii, Christi 156. Idem *lib. 5. hist. eccl. cap. 12.* de iis rursus sic scribit: *Ex quo quidem tempore (sub Hadriano Imper.) ecclesiam illius loci (Æliæ) primum ex gentibus coaluisse post eos qui ex circumcissione fuerunt, primumque ex gentibus Marcum illis præfuisse retulimus (lib. 4. cap. 6.) Post quem episcopatu functum esse Cassianum, deinde Publium, postea Maximum, ac deinceps Julianum, episcoporum series quæ in archivis illius ecclesiæ servantur ostendunt. Juliano successit Caius (five Gaius) Caio Symmachus: Symmacho vero alter Caius. Post quem rursus alter Julianus, quem excepit Capito. Usque ad Consulatum scilicet Martini & Braduæ qui magistratum inierunt anno Christi 185. Baronio 187. ita ut novem illi annos duntaxat regiminis triginta aut 32. inter se simul partiantur. Epiphanius *hæc. 66. n. 20.* nominatis Gaiano seu Caio Symmacho & Gaio, addit usque ad tempora Veri, anno ejus octavo, qui annus Marci Aurelii Veri octavus cadit in annum Christi 168. quo perinde Julianus II. successerit Gaio: ipse autem cum Capitone sexdecim aut decem & octo annos qui supersunt usque ad annum Christi 185. vel 187. occupaverint.*

- XXVI. MAXIMUS II.
- XXVII. ANTONINUS.
- XXVIII. VALENS.
- XXIX. DOLICHIANUS.
- XXX. NARCISSUS.
- XXXI. DIUS.
- XXXII. GERMANION.
- XXXIII. GORDIUS.
- Iterum NARCISSUS.

Anno Commodi Imperatoris sexto, Christi 185. juxta Eusebium in chronico, *Triario Materno & M. Atilio Bradua Coss.* Hierosolymorum episcopus vigesimus-sexus constituitur Maximus, cui cæteri prænominati octo ex ordine successerunt per annos circiter octoginta: & tantis, inquit Hieronymus in

chronico quod ex Eusebio desumfit, apud Hierosolymam constitutis episcopis, non potuimus discernere tempora singulorum, eo quod in præsentem diem episcopatus eorum anni minime servarentur. Epiphanius tamen obitum Juliani I. assignat ad annum decimum Antonini Pii, Christi 148. ut supra observatum est *col. 104. n. 5.* *Hi omnes*, inquit de illo Juliano & quatuor ejus prædecessoribus *hæc. 66. n. 20.* *Hi omnes ad decimum annum Antonini Pii perveniunt.* Caii similiter finem regiminis adscribit ad annum octavum Veri, Christi 168.

B Maximi II. ad annum decimum-sexum Veri, Christi 176. Dolichiani ad Commodum usque, Christi 180. Dii usque ad Severum, Christi 193. Gordii usque ad Antoninum Caracallam, videlicet Christi 211. Narcissi.... iterum usque ad Alexandrum Mammææ filium, qui regnare cœpit anno Christi 222. At de his varii varia referunt. Eusebius enim secundum Narcissi episcopatum terminat in anno secundo Antonini Caracallæ, Christi 212. Rulæi catalogus, omisso secundo Narcissi episcopatu, Gordio subjungit immediate Alexandrum. C Georgius Syncellus priorem Narcissi episcopatum præponit Dolichiano, & pro Gordio nominat Sardianum. Rulæi manuscriptum tacet de reditu Narcissi, & sic in recensendis deinceps episcopis uno numero destituitur; quum è contra Georgius Syncellus & Nicephorus, propter Eliam quem loco 25. inseruerunt, uno numero abundant. Hæc de catalogorum istorum ordine eruditissimi actorum sanctorum elucidatores *to. 3. Maii in tract. prælim. p. 13. n. 49. col. 1.* In Martyr. Rom. recolitur die 5. Maii memoria sancti Maximi confessoris.

D Dubitant iidem *n. 50.* an de Maximo II. Hierosolymorum episcopo hic agatur. At Narcissus à Græcis commemoratur die 7. Augusti, à Latinis autem, post Usuardum & Adonem, die 29. Octobris. Et vero dignus erat, subdunt iidem *n. 59. col. 2.* licet dies ejus natalis ignoraretur, cujus memoriam quotannis faceret ecclesia. Certe Eusebius de Narcisso præclara refert: nam *lib. 5. hist. eccl. cap. 12.* ait: *Eadem tempestate Narcissus Hierosolymorum episcopus floruit, vir multorum sermonibus nostra quoque ætate celebratus. Hic quintum decimum successionis locum obtinuit post obsessionem illam Judæorum, quæ Hadriano regnante facta est. Ex quo quidem tempore ecclesiam illius loci primum ex gentibus coaluisse, post eos qui ex circumcissione fuerunt, primumque ex gentibus Marcum illis præfuisse retulimus (lib. 4. c. 6.) Post quem episcopatu functum esse Cassianum, &c. Ac deinde Valens & Dolichianus: postremo Narcissus, qui continuo successionis ordine tricesimus ab apostolis fuit. Et rursus de eodem Narcisso lib. 6. cap. 9. Mali*



quidam homunciones, qui rigorem & constantiam vitæ illius ferre non poterant, veriti ne tandem deprehensi pœnas darent, utpote sexcentorum sibi scelerum conscii, prævenire eum decreverunt; structisque insidiis gravissimam ei calumniam asperserunt. Atque ut audientibus persuaderent, sacramenti religione accusationem firmabant. Unus inter jurandum imprecabatur sibi ut incendio periret, si sciens falleret. Alter ut sævo ac pestilenti morbo corpus absumeretur. Tertius ut luminibus orbaretur. Sed quantumvis jurantibus nemo ex fidelium numero fidem adhibebat; quippe quum Narcissi continentia & sanctitas vitæ omnibus virtutum numeris absolutæ, cunctis semper spectata compertaque esset. At ille, quum dictorum infamiam sustinere non posset, & aliqui philosophicæ vitæ jam dudum amore teneretur, relicta ecclesiæ plebe, in solitudine, ac deviis agris plurimos annos delituit. Verum magnus ille justitiæ oculus, his peractis minime quiescendum putavit. Sed confestim impios illos iis ipsis ultus est diris, quibus in semetipsos pejerantes, sese devoverant. Primus igitur, quum modica quedam scintilla in domo in qua manebat, citra ullam causam subito exiliisset, noctu incensis ædibus cum universa familia conflagravit. Alteri corpus ab imis pedibus ad summum usque capitis verticem, eo morbi genere quo se ipse multaverat, correptum est. Tertius priorum casum contuitus.... concinnatæ ab ipsis ex compacto calumniæ ordinem est confessus.... & in tantum lacrymas effundere perseveravit, ut ex eo oculorum lumen amitteret. Et cap. 10. Cæterum, post Narcissi fugam, ignaris omnibus ubinam gentium ageret, visum est finitimarum ecclesiarum episcopis alium ejus loco episcopum ordinare Diuum nomine. Qui quum modico tempore præfuisset, successor ei datus est Germanio: quem deinde Gordius excepit. Hujus temporibus Narcissus quum subito quasi redivivus emerfisset, à fratribus ut ecclesiæ administrationem denuo susciperet, rogatus est. Quippe universi multo magis tunc eum mirabantur: tum ob secessum, tum ob philosophicam vivendi rationem, maxime vero ob præsentem vindictam qua Deus calumniatores illius afficere dignatus fuerat. Adfuit Narcissus synodo quam Theophilus Cæsariensis metropolita anno Christi 198. congregavit pro celebratione Paschatis, de qua synodo hæc habet idem Euseb. lib. 5. hist. cap. 23. Omnes per Asiam (Minorem) ecclesiæ vetusta quadam traditione nixæ, quarta decima luna salutaris Paschæ festum diem celebrandum esse censebant, quo die præscriptum erat Judæis ut agnum immolarent: eaque omnino luna in quemcunque demum diem septimanæ incidisset, finem jejuniis imponendum esse statuebant: quum tamen reliquæ totius orbis ecclesiæ alio more uterentur.... ut scilicet non alio quam

Tomus III.

A resurrectionis Dominicæ die jejunia solvi liceat. Synodi ob id, cætusque episcoporum convenere: atque omnes uno consensu ecclesiasticam regulam universis fidelibus per epistolas tradiderunt, ne videlicet ullo alio quam Dominico die mysterium resurrectionis Domini unquam celebretur, utque eo duntaxat die Paschaliū jejuniorum terminum observemus. Extat etiamnum epistola sacerdotum, qui tunc (id est, anno Christi 198.) in Palæstina congregati sunt; quibus præsidebant Theophilus Cæsareæ Palæstinæ, & Narcissus Hierosolymorum episcopus. Valde quidem probabile est Hierosolymis Judaicum Paschatis luna decima-quarta primi mensis, quacunque die illud obtingeret, cum cæteris Judæis celebrandi perseverasse morem sub quindecim primis Hierosolymorum episcopis, quorum ecclesia Judæis ad Christum conversis legemque Mosaicam cum evangelio magna ex parte servantibus, potissimum constabat: verum mos ille mutatus fuisse videtur, quando subeuntibus in eorum locum aliis episcopis ex gentilibus assumptis legisque Mosaicæ observationi non assuetis, ecclesia Cæliæ cui præerant solis ritibus Christianorum regebatur; quinimo hæc multum sibi caveret, ne, si cum Judaica confunderetur synagoga ab ethnicis, ipsa quoque hujus urbis prohiberetur ingressu. Obiit Narcissus sexdecim supra centum annos natus, cui onera præfulatus sustinere non valenti opitulabatur Alexander, postea ejus successor.

#### XXXIV. ALEXANDER Martyr.

Antonini Caracallæ anno 2. (Christi 212.) M. Pompeio Aspro & Publio Aspro Coss. Hierosolymorum episcopus constitutus est Alexander Narcisso adhuc viventi adjunctus, ut modo dictum est. Hæc de eo scribit Euseb. lib. 6. hist. eccl. cap. 8. Interea quum Severus decem & octo annis imperium tenuisset, Antoninus (Caracalla) filius (ejus) in ejus locum successit. Qua tempestate Alexander unus ex eorum numero qui in persecutione fortiter certaverant, & qui post gloriosa confessionis certamina divina providentia fuerant reservati, quem nos Hierosolymorum episcopum fuisse paulo ante retulimus (in eodem capite, ubi à Cæsariensi & Hierosolymitano episcopis, quos non nominavit, Origenem ad sacerdotium narravit fuisse evectum) ob insignem Christianæ fidei confessionem ad supra dictum episcopatum promotus est, Narcisso qui prius ibi fuerat episcopus, adhuc superstite. Et c. 11. Verum quum propter extremam senectutem ministerium suum obire (Narcissus) amplius non posset, supra dictum Alexandrum alterius ecclesiæ episcopum divina dispensatio per revelationem quandam quæ illi in somnis apparuerat, ad participandum cum

K ij



Narcisso sacerdotis officium evocavit. Hac igitur A  
visione tanquam divino admonitus oraculo Ale-  
xander, quum ex Cappadocia, in qua primum  
episcopus fuerat ordinatus, Hierosolymam pro-  
fectus fuisset, tum orandi, tum locorum visendo-  
rum gratia: fratres illius ecclesiæ humanissime  
eum excipientes, reverti posthæc in patriam non  
siverunt, &c. Sane idem Alexander in suis ad  
Antinoitas epistolis quæ etiamnum extant, epi-  
scopatus quem cum Narcisso collega gessit, me-  
minit his verbis quæ ad calcem epistolæ leguntur.  
Salutat vos Narcissus, qui ante me episcopalem  
huius ecclesiæ sedem tenuit, & qui nunc mihi B  
conjunctus est in orationibus, annos natus sex-  
decim supra centum: hortaturque vos mecum ut  
idem omnes sentiaris. Et cap. 20. Eadem tem-  
pestate multi ecclesiastici viri doctrina excellen-  
tes florebant; quorum epistolas quas ad se vi-  
cissim scripserunt, hætenus asservatas facile est  
reperire: extant enim nostra quoque ætate in  
Bibliotheca Æliæ urbis ab Alexandro ecclesiæ  
illius episcopo constructa, ex qua nos uberrimam  
materiam ad argumenti huius quod præ manibus  
habemus tractationem in unum collegimus. Et  
cap. 39. In Palæstina autem Alexander Hiero- C  
solymorum episcopus, rursus propter Christum  
ad præsidis tribunal adductus, quum ex secunda  
hac confessione (sub Decio) magnam gloriam  
retulisset, Cæsareæ in carcerem coniectus est,  
vir decora senectute & veneranda canitie conspi-  
cuius. Qui quum post præclaram atque illustrem  
christianæ fidei confessionem in præfidiali judi-  
cio editam tandem in custodia animam exha-  
lasset, Mazabanes in ejus locum episcopus Hie-  
rosolymorum renuntiatus est. Demum cap. 46.  
hæc verba recitat cujusdam epistolæ Dionysii  
Alexandrini ad Cornelium Papam, de Mar- D  
tyrio Alexandri: Quod enim ad Alexandrum  
spectat, is in carcerem coniectus beato exitu de-  
functus est. Hieronymus quoque in chronico,  
ad annum 1. Decii, Christi 149. vel 150. ait;  
Alexandro Hierosolymorum episcopo apud Cæ-  
saream Palæstinæ ob martyrium interfecto, &  
Antiochiæ Babyla, Mazabanes & Fabius epi-  
scopi ordinantur. Hierosolymitanam ecclesiam  
administravit Alexander annis circiter 38.  
Eum colunt, Græci quidem die 16. Maii &  
die 22. Decemb. Latini vero die 18. Mart.  
cum eo elogio in Martyrologio Romano: E  
Cæsareæ in Palæstina natalis beati Alexandri  
episcopi, qui de Cappadocia, ex propria civitate  
ubi erat episcopus, sanctorum locorum desiderio  
Hierosolymam veniens, quum Narcissus ejusdem  
urbis episcopus jam senex ecclesiam regeret, di-  
vina revelatione ejus gubernacula suscepit: post-  
modum vero in persecutione Decii, quum jam  
longævæ ætatis veneranda canitie præfulgeret,  
ductus Cæsaream, & clausus in carcere, ob con-  
fessionem Christi martyrium complevit.

## XXXV. MAZABANES.

Jam diximus ex Eusebio, lib. 6. hist. eccl.  
cap. 39. & ex Hieronymo in chronico, post  
Alexandrum, Mazabanem ad sedem Hie-  
rosolymitanam fuisse promotum. Id aiunt doc-  
tissimi actorum sanctorum elucidatores 10. 1.  
Maii, in tract. prælim. pag. 14. num. 61. col. 1.  
contigisse Decio Imperatore & Annio Grato  
Coss. Christi anno 250. Epiphanius hæc. 66.  
n. 20. eum sedisse indicat usque ad Gallum &  
Volusianum, qui Decio successerunt anno  
Christi 251. Eusebius tamen lib. 7. hist. eccl.  
cap. 5. transumptum refert ex epistola Dio-  
nysii Alexandrini ad Stephanum Papam anno  
255. electum, in quo Mazabanem Æliæ post  
mortem Alexandri episcopum, cum aliis qui-  
busdam episcopis tunc viventibus memorat.  
Hieronymus quoque in chronico, quod ex  
Eusebii simili opere concinnavit, regimen  
ejus prorogat usque ad annum 13. Gallieni,  
Christi 266. ita ut curam Hierosolymitanæ  
ecclesiæ per sexdecim annos, aut etiam an-  
plius, gesserit.

## XXXVI. HYMENÆUS.

Anno 13. Gallieni, Christi 266. ipso  
Gallieno VII. & Sabinillo Coss. Hierosolymo-  
rum episcopatum tenet Hymenæus, ex Hie-  
ronymo in chronico (nam hic, ut in prioribus,  
inquiunt eruditi actorum sanctorum elucida-  
tores 10. 3. Maii, in tract. prælim. p. 14. Euse-  
biani chronici textus græcus nos destituit.)  
Hunc ad sua usque tempora claruisse scribit  
Eusebius lib. 7. hist. eccl. c. 14. Hierosolymis,  
inquit, post Mazabanis obitum episcopalem se-  
dem obtinuit Hymenæus, qui nostra etiam ætate  
plurimis laudum titulis inclaruit. Epiphanius  
hæc. 66. num. 20. tempus Hymenæi definit ad  
Aurelianum, qui renuntiatus est Imperator an-  
Christi 271. in eoque definit illius episcopo-  
rum Hierosolymorum catalogus, perductus  
usque ad Aurelianum & Probum Impera-  
tores, id est ad annum 276. Subdit tamen  
quatuor aut quinque postea lineis: A quo  
tempore ad hodiernam diem hi episcopi nume-  
rantur, Bazas, Hermon, Macarius, Maximus,  
Cyrillus, Herennius, Cyrillus alter, Hilarionus  
qui nunc ecclesiæ præsidet, qui cum Arianis  
habuisse communionem accusatus est. Hæc scri-  
bebat Epiphanius circa annum Christi 377.  
De istis posterioribus episcopis Hierosolymi-  
tanis infra dicemus suo loco. Porro Hyme-  
næus, de quo nunc facimus mentionem, du-  
plici interfuit synodo Antiochenæ adversus  
Paulum Samosatensem, quarum prior habita-  
est anno Christi 265. & posterior anno cir-  
citer 272. Ex Euseb. lib. 7. hist. capp. 28. &  
30. Post Helenum autem Tarfi episcopum



nominatur in fronte epistolæ synodicae ad Dionysium Romanum, Maximum Alexandrinum, & cæteros orbis episcopos, de Pauli Samosatani erroribus & depositione, quam legere est, *ibid. c. 30.* Sedisse videtur circiter triginta duos annos, scilicet ab anno Christi 266. usque ad 14. Diocletiani, Chr. 298. cui ejus successorem assignat Hieron. in chron. Zabdam, quem Epiphanius *Bazam* nominat.

## XXXVII. ZABDAS.

Anno Diocletiani 14. Christi 298. ecclesiæ Hierosolymorum trigessimus-septimus episcopus ordinatur Zabdas, inquit Hieronymus in chronico, qui recte eum dicit trigessimus-septimum: ut enim observant doctissimi actorum sanctorum elucidatores *to. 3. Maii, in tract. prælim. pag. 14. num. 63. col. 2.* non, propter resumptam à Narcisso sedem suam Hierosolymitanam, multiplicandus est numerus episcoporum, adeo ut idem Narcissus nominetur *trigessimus, & trigessimus-quartus*; quod occasionem Nicephoro præbuit *duos Narcissos* Hierosolymorum episcopos paucis annis ab invicem distantes sæculo tertio obtrudendi, *Νάρκισσος ὁ δεύτερος Narcissus secundus*, quum scribere debuisset *τὸ δεύτερον secundo*, vel *secunda vice*. Idem Nicephorus Zabdæ tribuit annos decem administrationis, cujus tamen successor reponitur ab Hieronymo in eodem chronico ad annum præfati Diocletiani 18. Christi 302. unde quatuor duntaxat annos sedisse perhibendus Zabdas. Eusebius *lib. 7. hist. cap. 32.* ait, *Hierosolymis, post obitum Hymenæi, Zabdam (five Zambdam) administrationem illius ecclesiæ suscepisse, quo non multo post defuncto, Hermon, &c.* Zambdæ colitur memoria in Martyrol. Rom. die 19. Februar. *Hierosolymis sancti Zambdæ episcopi.* Theodoricus Pauli, & Auctor Florarii sanctorum, in ejus elogio ad diem 6. Maii, afferunt ab illo ad fidem Christi adductum S. Mauritium legionis Thebæorum ducem. Verum ea laus prædecessori ejus Hymenæo videtur adscribenda. Quum enim Thebæos ex Asia in Europam accersitos à Maximiano Diocletiani collega ad conficiendum bellum Bagaudicum constet, de quibus triumphum egit Maximianus anno 286. die 1. Aprilis, martyrium anno præcedenti 285. subiisse necesse est S. Mauritium, qui proinde religionem Christianam longe antea amplexus fuerat, quam Zabdas anno Christi 298. ut dictum est, thronum Hierosolymitanum conscenderet. Eucherius episcopus Lugdunensis, non nominat, in actis Martyrii S. Mauriti, episcopum Hierosolymitanum, à quo *Christianæ religionis ritum* Mauritius ejusque focii *exceperint*: & verosimile est, inquiunt elucidatores citati *ibidem*,

*n. 64.* nec nominatum in iisdem actis fuisse Romanæ urbis Pontificem, apud quem confirmaverunt eandem Christianitatis fidem quam acceperant: sed postquam nescio quis *Marcellini* Papæ nomen isthic inseruit, consequens visum est duobus illis scriptoribus, ut Hierosolymitanus episcopus fuerit Zabdas, qui reipsa tempore Marcellini Papæ, juxta Eusebianum Hieronymi chronicon, sedebat.

## XXXVIII. HERMON.

Eusebius *lib. 7. hist. eccl. c. 32.* hæc habet de eo Hierosolymorum episcopo: *Zabda non multo post defuncto, Hermon postremus eorum qui ante illam nostri temporis persecutionem fuerunt, apostolicam cathedram, quæ illic etiamnum servatur, obtinuit.* Cathedram intelligit sancti Jacobi apostoli quam Hierosolymis sua adhuc ætate servatam dixerat *ibid. c. 19.* Hieronymus in chronico Eusebiano ait: *anno Diocletiani 18. Christi 302. ecclesiæ Hierosolymitanæ trigessimus-octavus præfuit Hermon.* Nicephorus, Theophanes, & Eutychius, ejus episcopatui novem annos assignant, teste Tillemont. *hist. eccl. to. 7. pag. 646. col. 2.* qui sic mortuum asserit anno 311. quamvis chronicon Eusebianum hic valde perturbatum successorem ejus promotum memoret anno Constantini magni octavo, Christi 313. Colitur in Menæis Græcor. die 7. Martii, ubi etiam legitur plures ab eo missos episcopos in varias gentes, & in Tauroscythicam regionem fuisse, qui Christum ibi annuntiarent.

## XXXIX. MACARIUS. Quiriacus.

*Volusiano & Anniano Coss.* Constantini magni anno 8. Christi 313. Hierosolymorum episcopus trigessimus-nonus constituitur Macarius, apud Eusebium in chronico editionis Scaligerianæ quod definit cum Vicennialibus ejusdem Imperatoris Nicomediæ celebratis anno Christi 325. aut 326. Ad hunc Alexander Alexandrinus Patriarcha de Ario, quem secundo proscripserat, epistolam anno 320. dedit: Arius ipse in epistola ad Eusebium Nicomediensem, eundem inter suos adversarios nominat: hanc refert Theodoretus, *lib. 1. hist. eccl. cap. 5.* In concilio generali Nicæno anno 325. sedit ex eodem, *c. 15.* & ex Sozom. *lib. 1. hist. cap. 17.* Dum ecclesiam Hierosolymitanam administrabat, in Palæstinam venit Helena Constantini mater, cujus diligentia anno 326. aut 327. inventa sunt sacra Passionis Domini instrumenta; nec parum ad id contulit ipse pius antistes, cui etiam Constantinus litteras scripsit, tum de ecclesia quam Hierosolymis ad Domini sepulcrum, tum de alia quam ad Illicem Mambre construere meditabatur, apud Eusebium in vita



Constantini lib. 3. capp. 29. 30. & 52. Hanc A  
secundam epistolam scriptam fuisse anno 330.  
aut 331. colligi ait Tillemont. ex serie textus  
Eusebiani modo citati, proindeque Maca-  
rium usque ad illud tempus vixisse oportere.  
Certe de ejus morte loquitur Sozomenus  
inter sancti Eustathii depositionem an. 331.  
ab Arianis in concilio Antiocheno factam,  
& concilium Tyri anno 335. habitum, cui  
Maximus ejus successor interfuit. Quod  
tamen vix conciliari posse videtur cum 20.  
annis plenis, à Nicephoro, Theophane, &  
Daniële Papebrochio; aut etiam 19. ab Eu- B  
tychio, Maximi ejus successoris mortui anno.  
349. aut 350. episcopatu assignatis. Non-  
nullas Macarii elucubrationes laudat Atha-  
nadius disput. 1. adversus Arianos. Gesta ejus  
legere est apud Daniël. Papebroch. ad diem  
10. Martii, sub qua est Romano Martyrologio  
inscriptus his verbis: *Hierosolymis S. Macarii  
episcopi & confessoris, cujus hortatu loca sancta  
à Constantino expurgata, & sacris basilicis illu-  
strata sunt.* Mirum quod Græci in suis Menæis  
tanti viri memoriam prætermiserint.

Inter Macarium & Maximum II. quidam C  
scriptores, à duodecimo sæculo, reponunt  
sanctum Quiriacum sive Cyriacum, cujus occa-  
sione hæc habent jam sæpius citati doctissimi  
actorum sanctorum editores Bollandi conti-  
nuatores tract. prælim. ad 10. 3. Maii, pag. 18.  
n. 80. col. 1. Ad ordinem successionis quod  
attinet, neque Hieronymus, neque Nicepho-  
rus, neque alius quisquam dubitat quin Ma-  
cario immediate successerit Maximus: Latini  
tamen recentiores, post receptam sub duce  
Godefrido Hierusalem, volentes texere Pa-  
triarcharum seriem, inter utrumque posuere D  
*S. Quiriacum* sive *Cyriacum*, utique nihil  
dubitantes de fide adhibenda ejus legendæ,  
antiquissimæ simul & fabulosissimæ, nec nisi  
in nostro Occidente notæ. Hic licet Macario  
mortuo; propter meritum revelatæ crucis;  
dicatur episcopus consecratus ab Eusebio  
Pontifice Romano (Emissenus si nominaretur,  
nominaretur saltem aliquis tunc temporis  
vivens, quum Romanus diu ante obierit)  
licet, inquam, ab Eusebio Romano conse-  
cratus dicatur in sua illa legenda Quiriacus;  
quia tamen idem fingitur martyr obiisse sub E  
Juliano Apostata, maluit Theodoricus (Pauli)  
post Maximum atque Cyrillum.... collocare  
*Cyriacum*, de eoque concludendo scribere,  
quod obiit anno Domini 366. quarta die Maii,  
non advertens se procurrare ultra Imperium  
Juliani ad triennium, quum Julianus extinc-  
tus fuerit anno 363. Hucusque illi editores,  
qui etiam superius, pag. 10. num. 35. col. 1.  
monent *S. Quiriacum* die 4. Maii honoratum  
in aliquibus ecclesiis, eum esse sibi videri qui

ejusdem mensis Kalendas obtinet in omnibus  
Hieronymiani martyrologii ecgraphis aliis-  
que Ufuardino vetustioribus, his verbis; *In  
Hierosolymis natalis S. Judæ sive Quiriaci epi-  
scopi.* Alibi: *S. Quiriaci, qui & Juda.* Et, *S.  
Judas, qui cognominatus est Quiriacus:* nec  
aliud esse à *S. Juda* qui postremus fuit epi-  
scoporum Hierosolymorum ex circumcisio-  
ne, sive decimus-quintus, de quo nos supra  
egimus col. 146. seque demonstrasse aiunt ad  
diem 4. Maii, *S. Quiriacum* qui ab Ufuardo  
notatur illa die cum duplici isto nomine tan-  
quam Dominicæ crucis inventor sub Con-  
stantino, & martyr sub Juliano Apostata,  
nullum fuisse in rerum natura, sed cum tota  
suar passionis historia purum putum esse fig-  
mentum.

#### XL. MAXIMUS II.

*Quadragesimus Maximus post Macarium  
Hierosolymorum episcopus, qui moritur anno XI.  
Constantii;* verba sunt Hieronymi in chronico.  
Quomodo ejus electio facta fuerit sic narrat  
Sozomenus lib. 2. hist. cap. 20. *Ecclesiam  
Hierosolymitanam post Macarium Maximus  
suscepit. Hunc Diospolitanum episcopum à Ma-  
cario constitutum fuisse memorant, sed cives  
Hierosolymorum eum apud se detinuisse: nam  
quum confessione clarus, & omni ex parte egre-  
gius esset, plebis judicio tacite designabatur, ut  
post obitum Macarii episcopatum illic capesseret.  
Proinde quum plebs moleste ferret eripi sibi ho-  
minem cujus virtutem experta esset, & seditio  
intentaretur; commodius visum est ut Diospoli-  
tanis quidem alius eligeretur episcopus, Maxi-  
mus vero maneret Hierosolymis, & una cum  
D Macario episcopali munere fungeretur, & post  
ejus obitum ecclesiam gubernaret. Cæterum qui  
res istas accurate examinarunt, affirmant ex  
sententia Macarii hæc acta esse, & à plebe  
summo studio postulata. Aiunt enim penitus  
Macarium quod Maximum Diospoleos episco-  
pum ordinasset: quippe qui ordinatione celebrata  
cogitare cepit, illum qui & recte de Deo sen-  
tiret, & ob confessionem populo acceptus esset,  
necessario servandum fuisse ut ipsi succederet.  
Etenim verebatur ne, se mortuo, Eusebius &  
Patrophilus, Ariani dogmatis fautores, occasio-  
nem nacti, aliquem ejusdem dogmatis labe in-  
fectum in Hierosolymitana sede collocarent;  
siquidem Macario adhuc superstite res novas  
moliti fuerant, sed quum ab illo communione  
privati essent, conquiescebant. Confessionem  
Maximi enarrat paulo fufius idem Auctor  
infra cap. 25. agens de conciliabulo Tyri in  
quo S. Athanasius anno 335. damnatus est:  
ait enim communiter dici quod Paphnutius  
confessor, qui concilio interfuit, apprehensa manu  
Maximi Hierosolymorum episcopi, jussit ut*



*surgeret; quasi non deceret ipsos qui confessores essent, & qui pietatis causa oculos effossos & poplites succisos haberent, malorum hominum concilio sociari. De eodem hæc habet Theodoretus lib. 2. hist. eccl. cap. 26. Hierosolymorum sacerdotium post Macarium.... Maximus suscepit: vir qui pro pietatis defensione in persecutionum certaminibus inclaruerat. Nam & oculo dextro orbatus, & dextro poplite debilitatus fuerat. Fraude nihilominus & artibus Arianorum illaqueatus Maximus Athanasii cum illis damnationi subscripsit, sive in eo conciliabulo Tyri, sive in alio simili Hierosolymis eodem anno 335. ab Arianis celebrato, ut ex Socrate discimus, qui lib. 2. hist. cap. 8. causam cur Maximus postea Antiochenæ synodo adesse noluerit hanc reddit, quod animo reputabat deceptum se prius fuisse & per fraudem inductum ut depositioni Athanasii subscriberet. Eundem Athanasium anno 347. à Sardicensi concilio per Asiam revertentem collecta sexdecim episcoporum Palæstinæ synodo festiva communione excepit: synodi hujus ad Africæ episcopos epistolam, cui Maximus omnium primus nomen suum apposuit, Athanasius ipse recitat apologia sua secunda. Sozomenus lib. 4. c. 20. p. 570. Maximum refert à sede sua ejectum fuisse ab Acacio Cæsariensi & Patrophilo Scythopolitano episcopis Arianis, anno utique 349. aut 350. & Cyrillum ab iisdem ut hominem sibi devinctum in ejus locum fuisse substitutum: verum oportet statim ab hac ejectione & ante Cyrilli ordinationem mortuum esse Maximum, si vera est illa Sozomeni narratio: quandoquidem Hieronymus in chronico, nulla hujus ejectionis mentione facta, dicit mortuo Maximo, Arianos ecclesiam invasisse, & in ejus sedem Cyrillum fuisse promotum.*

XLI. CYRILLUS.

HERACLIUS.

EUTYCHIUS intrusus.

IRENÆUS intrusus.

HILARIUS intrusus.

Cur hic *Heracium* inter Hierosolymorum episcopos nominem, ansam præbet Hieronymus in chronico, initia episcopatus Cyrilli sic describens: *Quadragesimus Maximus post Macarium Hierosolymorum episcopus moritur: post quem ecclesiam Ariani invadunt, id est Cyrillus, Eutychius, rursus Cyrillus, Irenæus, tertio Cyrillus, Hilarius, quarto Cyrillus, quorum Cyrillus, quum à Maximo fuisset presbyter ordinatus, & post mortem ejus ita ei ab Acacia episcopo Cæsariensi, & cæteris Arianis episcopis promitteretur, si ordinationem Maximi repudiasset, diaconus in ecclesia ministravit: ob*

*quam impietatem sacerdotii mercède pensatus, Heracium (quem moriens Maximus in suum locum substituerat) varia fraude sollicitans, de episcopo in presbyterum regradavit. Theodoretus tamen lib. 2. hist. cap. 26. Cyrilli promotionem commendat, ut apostolicæ doctrinæ acerrimi propugnatoris. Ab Acacio quidem Cæsariensi, Ariano, qui licet in concilio Sardicensi anno 347. ob hæresim depositus fuisset, nihilo secius pro metropolita Palæstinæ totius se gerebat, episcopus consecratus est. At ab alio fortassis facile non potuerit his turbulentissimis temporibus episcopo ordinari: verum exinde pluribus primi nominis Catholicis Cyrillus Arianus fuit, vel saltem Arianis communione junctus. Quidquid sit de ejus præsulatus initiis, hanc profecto labem perfectissime lavit deinceps Cyrillus generosa fidei orthodoxæ defensione, propter quam ab ipsismet Arianis ter in exilium pulsus est. Sedem Hierosolymitanam conscendit anno 350. aut 351. siquidem in epistola data ad Constantium Imperatorem mense Maio anni 351. testatur hanc primam esse quam ipsi à suscepto episcopatu scripserit. Ea autem est qua refert splendidam crucem Hierosolymis in cælo clara die apparuisse, nec à Christianis tantum visam, sed à Gentilibus quoque, & à Judæis quorum multi eo prodigio perculsi in Christum crediderunt. De celebri illa crucis apparitione die 7. Maii anni præfati 351. loquuntur, præter Cyrillum, Sozomenus lib. 4. cap. 5. Philostorgius lib. 3. cap. 26. chronicon Alexandr. pag. 292. chronicon Idacii, & Menæa Græcor. ad diem 7. Maii. Legendus Tillemont. tom. 8. hist. eccl. pp. 429. 430. 781. & 782. Sub finem anni 357. Acacius Cæsariensis moleste ferens quod Cyrillus, velut sedis apostolicæ antistes, cum ipso de jure metropolitano contenderet, ut narrat Sozomenus lib. 4. hist. cap. 25. eum deponi curavit in concilio quodam, & auctoritate Constantii, apud quem multum valebat, in exilium mitti; reipsa quod rigidior esset consubstantialitatis assertor, sed sumpto prætextu quod tempore famis nonnulla ornamenta ac supellectiles pretiosas à Constantino, & aliis, ecclesiæ Hierosolymitanæ olim datas vendidisset. Sic rem explicat Sozom. lib. 4. hist. eccl. cap. 25. p. 583. Cum his Cyrillum quoque exauctorarunt episcopum Hierosolymorum, propterea quod cum Eustathio & Elpidio communicasset, qui decreta Melitenensis synodi, cui ipse quoque interfuerat, abrogare studuerant. Et quod post depositionem in Palæstina factam, communionem iniisset cum Basilio, & Georgio episcopo Laodiceno. Etenim post susceptum Hierosolymorum episcopatum, de jure metropolitano adversus Acacium episcopum Cæsareæ*



controversiam moverat, tanquam apostolicam sedem obtinens. Ex quo factum fuerat, ut inimicitias inter se susciperent, quod non recte sentirent de divinitate. Nam & antea uterque eorum in suspicionem venerat: Acacius quidem quod cum Ario idem sentiret, Cyrillus vero quod eos sectaretur qui filium Patri similem secundum substantiam asseriebant. Quum igitur ita sentiret Acacius, una cum episcopis provinciæ Palæstinæ qui idem cum ipso sentiebant, Cyrillum præveniens deposuit huiusmodi ob causam. Quum Hierosolymorum regionem fames occupasset, egentium multitudo necessariis alimentis destituta, in Cyrillum, utpote episcopum, oculos coniecit: Quum autem pecuniæ deessent, quibus subveniri posset egentibus, Cyrillus thesauros ecclesiæ, & sacra vela divendidit. Aiunt igitur quemdam postea donarium suum agnovisse in muliere scenica, quæ illo amicta erat; inquirentemque curiosus unde illud haberet, deprehendisse mercatorem qui illud mulieri vendiderat, mercatori vero episcopum venumdedit. Hanc ergo causam prætexens Acacius, Cyrillum deposuit: Et hæc quidem ita gesta esse auditione accepi. Apud Silvanum episcopum Tarsensem se recepit Cyrillus, ipsique subrogatus est Eutychius. Non dissimulandum quidem, plurimis Catholicis fidem ejus esse tam fuisse suspectam, quod ipsum, cum præfato Silvano Tarsensi, Eustathio Sebasteno, Basilio Ancyrano, similibusque non probatæ fidei præfulibus, amicitia junctum viderent: hinc enim non societate tantum, sed & erroris amplexu illis esse devinctum opinabantur. Quia tamen catecheses, quas dum erat presbyter anno circiter 347. composuit, illum ostendunt jam tunc fuisse Catholicum; quia insuper nullatenus probabile est ad presbyteratum fuisse promotum à Maximo Hierosolymorum episcopo viro apprimè Catholico, & nominis Christi in persecutione Imperatorum infidelium confessore, si Arianæ parti adstrictus fuisset: quia tandem in dubium nunc revocatur à nemine quin postremis saltem suæ vitæ annis fidem Nicænam tenuerit: idcirco, neque hæc illius cum Semiarianis episcopis inita familiaritas, quæ communionis exterioris seu civilis limites non excessisse habenda est; neque etiam adoptio fortassis formulæ Ariminensis, quæ ipsi communis fuerit cum Gregorio Nazianzeno fene, Meletio, Eusebio Samosatensi, Servatio Tongrensi, Phæbadio Aginnensi, aliisque multis dogmatum orthodoxorum strenuis defensoribus, quos Arianæ verbis captiosis deluserunt, illibatæ ejus fidei quicquam nocent. Ad concilium Seleuciense coactum anno 359. mense Septembri venit Cyrillus supplici libello petens ut Acacius sententiæ quam contra ipsum injuste tulerat rationem

redderet: pluries ad id vocatus Acacius & comparere recusans ipsemet depositionis sententiam sustulit: teste Socr. lib. 2. hist. eccl. cap. 40. p. 152. Alterius autem partis episcopi Acacium ad concilium vocarunt ut causa Cyrilli Hierosolymorum episcopi judicaretur, &c. Depositus (siquidem) .... appellationis libello ad eos qui ipsum deposuerant misso, ad majus iudicium provocavit. Cui quidem appellationi etiam Imperator Constantius adstipulatus est. Solus igitur ac primus omnium Cyrillus, contra ecclesiastici canonis consuetudinem, appellationem, sicut in publicis judiciis fieri solet, interposuit. Ac tum quidem Seleuciæ aderat, paratus iudicium subire. Et ob hanc causam episcopi Acacianos ad confessum vocabant .... ut rebus examinatis, communi consilio sententiam proferrent. Nam & alios perinde accusatos citaverant qui ad partes confugerant Acacii. Sed quoniam sæpius accersiti venire detrectabant, episcopi qui in concilio erant, & Acacium ipsum deposuerunt, & cum illo Georgium Alexandria episcopum, Uranium Tyri, &c. Cyrillus ex tunc suæ sedis probabiliter restitutus est, utpote qui statim regimen Hierosolymitanæ ecclesiæ resumpserit: sed brevissimo tempore quiete illa positus est, nam initio anni sequentis 360. Acacius opera Imperatoris synodum Constantinopoli convocari obtinuit, in qua, cum pluribus episcopis Semiarianis, & ipse Cyrillus iterum depositus est, ac in exilium pulsus, ut tradunt Socrat. lib. 2. cap. 42. pag. 155. & Sozom. lib. 4. cap. 30. pag. 589. ipsi subrogavit Acacius Irenæum sive Erennium, tunc mortuo fortassis Eutychio primo sedis Cyrilli invasore. At post Constantii obitum, quum Julianus edicto episcopos sedibus suis dejectos ad eas reverti permisisset, Cyrillus Hierosolymam rediit sub finem anni 362. quo jam illic fuisse videtur, quando eodem anno Judæi, instigante Juliano, templum Hierosolymitanum reædificare incassum tentarunt. Hunc eventum annis circiter 25. antea prædixerat quodammodo Cyrillus Cateches. 15. p. 365. tunc vero rursus prænuntiavit, definitè aiens, quidquid agerent Judæi, nunquam eo perventuros ut lapidem lapidi imponerent. Ex Ruff. lib. 1. hist. eccl. c. 37. Acacio mortuo anno circiter 365. Cyrillus ei suffecit Philumenum, deinde Gelasium suum ex sorore nepotem. Verum Arianæ Valentis Imp. auctoritate suffulti Gelasium deturbarunt, eique Euzoium Arianum substituerunt. His non contenti, ipsum quoque Cyrillum sede Hierosolymitana ejecere anno 367. vi edicti, ut creditur, quo præfatus Imperator eodem anno mandaverat ut episcopi, quotquot sub Constantio depositi, postea sub Juliano ad ecclesias suas redierant, ab illarum regimine removerentur.



removerentur. In ejus locum *Hilarium* sive *A Hilarionem* episcopum constituerunt, qui, ut ait Epiphan. *hær. 66. n. 20. tom. 1. pag. 637. cum Arianis habuisse communionem accusatus est, & nunc* (id est, circa ann. 376. aut 377. quo hæc scribebat) *ecclesiæ præsidet*. Suam sedem non recuperavit Cyrillus nisi post mortem Valentis sub finem anni 378. vel initio sequentis, quo Theodosius magnus ad Imperium pervenit, ut scribit Socrat. *lib. 5. hist. cap. 3. pag. 260*. Interfuit concilio generali Constantinopolitano anno 381. ex Theodoro *lib. 5. hist. cap. 8. qui & asserit cap. 9. episcopos* B Orientis in eadem rursus urbe anno seq. 382. congregatos, eximium de ejus fide, susceptisque pro ea contra Arianos à quibus multa perpeffus fuerat laboribus, testimonium protulisse. Epistolam hanc synodicam refert, in qua leguntur ista de Cyrillo: *Hierosolymitanæ autem ecclesiæ, quæ mater est omnium ecclesiarum, reverendissimum ac religiosissimum Cyrillum episcopum esse indicamus, qui & canonicè ab episcopis provinciæ olim fuit ordinatus, & plurima variis in locis contra Arianos certamina subiit*. Hieron. *de script. eccl. cap. 112*. C eum refert sæpe pulsum ecclesia (Hierosolymitana) & receptum, ad extremum sub Theodosio principe inconcussum annis octo tenuisse episcopatum. Obiit proinde Cyrillus anno 386. aut 387. præfulatus vero 35. aut 36. Ejus memoriam, pari consensu, celebrant die 18. Mart. quo probabiliter ex hac vita migravit, Menæa Græcor. Calendarium quoddam Syriacum, & Martyrol. Roman. cujus postremi verba hæc sunt: *Hierosolymis Cyrilli episcopi qui ab Arianis multas fidei causa perpeffus injurias, & ab ecclesia sua sæpe pulsus, tandem sanctitatis gloria clarus in pace quievit, cûs intemeratæ fidei synodus œcumenica Damaso scribens præclarum testimonium dedit*. Ex tanto viro habemus catecheses 23. quibus plurima nobis traditionis antiquæ documenta rara innotescunt; epistolam quoque illam quam scripsit ad Constantium Imper. de miraculosa crucis apparitione. At concio in festum Purificationis, quæ extat sub ejus nomine *to. 13. Bibl. Patr. edit. Paris. p. 850*. multis videtur Cyrillo posterior: epistola autem de morte Hieronymi, qui Cyrillo supervixit triginta E annos & amplius, eo ipso evincitur huic Cyrillo supposita.

## XLII. JOANNES II.

*Joannem* istum, qui vulgo hujus nominis primus dicitur, secundum appello, eo quod Hierosolymorum episcoporum septimus ex circumcissione, *Joannes* nuncupatus fuerit. Is autem primum monachus & ecclesiæ Hierosolymitanæ presbyter fuit: deinde Cyrillo

Tomus III.

successit anno Christi 386. aut 387. quum vix ipse trigessimum annum perageret. Eum ait virum admiratione dignum Theodoretus *lib. 5. histor. eccl. cap. 35*. Amicitiam coluit Theophili Alexandrini eo tempore quo ille nondum adversus Origenem vexillum erexerat: Origenianis enim eum erroribus addictum fuisse censuerunt Epiphanius & Hieronymus, ipsique palam exprobrarunt: hinc magna inter illos concertatio exarsit ab anno 394. ad annum 397. quo saltem cum Hieronymo reconciliatus est. Causam fovit Joannis Chrysostomi cujus ad eum extat epistola 88. anno utique 404. quo etiam exequiis sanctæ Paulæ Romanæ interfuit. Anno 415. in concilio Diospolitano à Pelagio delusus fuit, sicut & cæteri præfules, sic tamen ut hæreticum absolventes hæresim confixerint. Augustinus ad ipsum misit librum quem *de Natura & Gratia* scripserat, simulque de Pelagiana hæresi epistolam dedit, quæ est 252. *tom. 2. edit. 1586. p. 347*. inter Augustinianas. Eodem anno 415. ab eo facta est reliquiarum S. Stephani Protom. in sacram ædem Sion translatione VII. kal. Januar. Variis nominibus nuncupatus reperitur apud scriptores: Auctor enim vitæ S. Porphyrii Gazensis episcopi, apud Bolland. 16. Febr. *pag. 647*. eum ordinatum narrat presbyterum à Praylio sacrorum locorum antistite, anno scilicet 393. qui vigesimus-quartus erat antequam Praylius Joanni successerit. Georgius Alexandrinus in vita S. Joannis Chrysost. *Silvanum* vocat episcopum Hierosolymitanum, apud quem anno 401. sese receperunt Longi fratres à Theophilo Patriarcha Alexandrino ex suis cœnobiis pulsi. D Onuphrius nonnullique alii Latini eum appellant *Nepotem*. Obiit anno 417. trigesimo, vel trigesimo-primo sui episcopatus. Sanctus Augustinus, S. Paulinus Nolan. Anastasius & Zosimus Romani Pontifices, Chrysostomus, Theodoretus, Idacius, de eo honorificè loquuntur. Vid. Tillem. *to. 12. hist. eccl. pp. 342. & 343*. Nullum Joanni huic aliud scriptum tribuunt Hieronymus, Gennadius, cæterique veteres, imò & Trithemius, præter apologiam adversus Epiphan. & Hieron. Idem Tillem. *ibid. p. 343*.

## XLIII. PRAYLIUS.

*Hierosolymis, post admirandum Joannem, Praylius ecclesiæ curam suscepit, vir nomini suo* (Græco, ob mansuetudinem) *egregie respondens; verba sunt Theodoreti lib. 5. hist. eccl. c. 38*. Doctissimi actorum sanctorum editores in tract. prælim. *tom. 3. Maii, pp. 21. & 22*. Praylium existimant fuisse chorepiscopum caractere episcopali insignitum sub Joanne prædecessore ejus, ut-pote quum à Praylio

L



S. Porphyrium, qui postea Gazensis episcopus fuit, ordinatum presbyterum anno 393. referat Marcus ejusdem Porphyrii discipulus, in ejus vita, quam ipsi illustrarunt die 26. Febr. textus enim græcus originalis deest, in versione autem latina vocatur *Praylius sacrorum locorum sacerdos*, & in Menæis Græcorum *Patriarcha*. Verum, ut supra observatum est, Tillemont. *Praylium*, de quo hic sermo, ipsum fuisse Joannem Hierosolymitanum, sub aliis quoque nominibus ab aliis scriptoribus designatum, censet *tom. 12. hist. eccl. pp. 639. col. 2. & 640. col. 1.* Initio quidem præfulatus deceptus fuit à Pelagio captiosis verbis, ut & præfatus Joannes, unde ei & Cœlestio testimonium dedit sanæ doctrinæ in epistola ad Zosimum Papam, qui scripsit ad Aurelium Carthaginensem cæterosque Africæ episcopos XI. kal. Octobr. (sive die 21. Septemb.) anni 417. apud Baron. ad hunc annum, nn. 25. & 30. *Ecce epistolam Hierosolymitani episcopi Praylii, qui in locum quondam S. Joannis episcopus est ordinatus, accepimus, qui causæ Pelagii enixius adstipulator advenit. Addit vero: postmodum est evidenter deprehensus (idem Pelagius) insistentibus accusatoribus à posteriore synodo, cui S. mem. Theodotus Antiochiæ præfedit episcopus, atque detectus, à sanctis quoque ac venerabilibus Hierosolymorum locis est deturbatus. Quod, inquit Marius Mercator in commonit. c. 3. ejusdem sancti Theodoti ad reverendissimum urbis Romæ episcopum, & S. recordat. Praylii Hierosolymitani episcopi missa scripta testantur, quorum exemplaria ad documentum habemus in manibus. Hinc colligitur Praylium mentem in causa Pelagii non multo post mutasse. Theodoretus epist. 110. p. 980. refert ab eo ad sedem Cæsariensem, post Eulogium, eventum fuisse Domninum quemdam bigamum. Fasti Idaciani ad annum 419. narrant signa & prodigia magna contigisse eo anno, de quibus epistolam ad universas orbis ecclesias scripsit episcopus Hierosolymitanus, quem ipsi Joannem appellant, sed quum Joannes ferius non obierit quam initio anni 417. fuit ille, vel Praylius, vel successor ejus Juvenalis. Certe Theodoretus lib. 5. hist. cap. 38. loquitur de Praylio ut qui adhuc viveret: & cap. 40. ubi terminat historiam suam ad ann. 428. ipsi Juvenalem successisse narrat, in indiculo scilicet episcoporum qui magnis urbibus præfuerunt... Hierosolymorum episcopi, inquit, Macarius, Maximus, Cyrillus, Joannes, Praylius, Juvenalis. Tillem. tom. 14. hist. eccl. pag. 291. eum obiisse existimat post annum 421. sed ante annum 428. & p. 816. col. 2. annum morti ejus assignat circiter 425. Tomo tamen sequenti 15. pp. 196. & 867. ait probabile esse Praylium, quem Idacius*

brevi præfuisse ecclesiæ Hierosolymitanæ asserit, fato functum esse anno 418. aut 420. quo & incœperit Juvenalis episcopatus.

## XLIV. JUVENALIS.

THEODOSIUS intrusus.

De Juvenali superius multa diximus à n. 15. usque ad n. 22. exclus. coll. 110. 111. & seqq. quæ hic repetere necessarium non erit. Ante annum 428. & fortassis jam ab anno 418. post Praylii obitum, ad sedem Hierosolymitanam promotus est: anno autem 428. aut 429. die 7. Maii lauram S. Euthymii abbatis solemniter dedicavit, qui quinquagesimus-secundus erat vitæ ejusdem abbatis, nati anno 377. quarto Consulatu Gratiani, teste Cyrillo ejus gestorum scriptore, 10. 2. monum. eccl. Græc. num. 3. pag. 202. Non multo post quasi jam Palæstinæ Patriarchatu potiretur, Petrum Parembolarum, seu Castorum tribûs cujusdam Saracenicæ quæ in meridianos Palæstinæ fines migraverat, episcopum creavit. Anno 431. Ephesum venit ad synodum generalem quæ pro Nestorii causa in illa urbe cogebatur, multosque adduxit secum episcopos sibi adherentes. Cyrillo se adjunxit cæterisque præsulibus ducentis qui, tum hæresim Nestorianam confixere, tum ipsum quoque deposuere Nestorium. Scribit Leo Papa epist. 92. olim 62. ad Maximum Antiochenum episcopum, in ea Ephesina synodo.... Juvenalem episcopum, ad obinendum Palæstinæ provinciæ principatum credidisse se posse sufficere, & insolentes ausus per commentitia scripta firmare: quod Cyrillus Alexandrinus episcopus meritò perhorrescens, scriptis suis, quid prædicti cupiditas ausa esset (ipsi Leoni) indicavit, & sollicita prece multum poposcit, ut nulla illicitis conatibus præbeatur assensio. Quibus verbis palam fit Juvenalem omnitentasse modo in synodo Ephesina sibi arrogare jura Patriarchica in universam Palæstinam, at ejus consilium nec Cyrillo placuisse, nec cæteris episcopis, qui tamen noluerunt animum ejus exasperare, acriter ejus ambitum comprimendo, ne ille causam fidei defereret. Nihil tunc igitur obtinuit Juvenalis, sed quin consequeretur in posterum, quod meditabatur, non etiam desperavit. Unus fuit ex octo episcopis qui ab ea synodo ad Theodosium II. Imp. delegati sunt ut fautorum Nestorii machinamenta dissolverent, quique illo tandem procul amandato, Maximianum regiæ urbis episcopum ordinarunt. In sanctam urbem regressus Stephanum S. Euthymii discipulum episcopum Jamniæ consecravit. Anno 449. ad secundam synodum Ephesinam profectus, Dioscori Patriarchæ Alexandrini partem amplexus est: exinde, tam Eutychianæ hæresi,



quam Flaviani Constantinopolitani episcopi, Eusebii Dorylæi, & aliorum episcoporum orthodoxorum depositioni subscripsit, idque honoris causa ante Domnum Antiochenum præfulem: quis enim servatum ordinem requireret in latrocinio à quo omnis ordo exulabat! Hoc in prædatorio conventu Alypius Bactrorum seu Bachatorum tertiæ Palæstinæ episcopus, se pro justo decreto Juvenalis sanctissimi archiepiscopi sui stare dixit Eutychem uti catholicum recipientis. Post biennium anno 451. in synodo Chalcedonenfi malè gestorum veniam obtinuit: quum enim conclamatum esset, omnes qui injustam sententiam tulerant *esse dammandos, nominatim vero qui principem locum in synodo cum Dioscuro tenuerant, Juvenalem episcopum Hierosolymorum, Thalassium Cæsareæ Cappadociæ, Eusebium Berææ, Eustathium Beryti, & Basilium Seleuciæ*, ipse fidem orthodoxam professus est cum aliis; quæ recepta & probata à Patribus, *jussi sunt synodum ingredi, à qua ante repulsi erant, ut-pote rei cum Dioscuro in synodo (secunda Ephesina) scelerum patratorum, conjunctique sunt ecclesiæ, à qua communicatione Dioscorig facti erant extorres.* Epistolæ igitur Leonis ad Flavianum, decretisque concilii subscripsit; imò unus fuit illorum, quos synodus ad condendam fidei definitionem designavit. Postmodum actione septima *tom. 4. concil. P. Labb. pag. 614.* transactioni factæ ipsum inter & Maximum Antiochenum præfulem, ut tribus quidem Palæstinis episcopus Hierosolymitanus præesset, in duas vero Phœnices & Arabiam jurisdictionem Antiochenus exerceret Patriarcha, consensit tota synodus, annuerunt & Papæ legati *pp. 615. & 618.* Interim Theodosius, qui in Chalcedonenfi concilio maximos tumultus excitaverat, nonnullique monachi hæresi Eutyichiana infecti, in Palæstinam venerunt, antequam Juvenalis ejusque episcopi eo reversi fuissent: statim vero fidem proditam conquesti, populum & monachos fere omnes adversus synodum Chalcedonensem concitaverunt. Sic rem describit auctor vitæ S. Euthymii, apud Cotel. *to. 2. monument. eccl. Græc. n. 73. p. 261.* Theodosius quidam, habitu quidem monachus, moribus vero præstigiator exitiosissimus, & mente corruptus, veniens in Palæstinam præter expectationem... improbe de dicta synodo commentus (est) quod everteret rectæ fidei dogma, introduceret autem potius atque revocaret Nestorii sententiam, (quibus verbis sibi devinxit) Eudociam Augustam quæ tunc in Palæstina versabatur, & per eam omnem (ad se traxit) monasticum ordinem. Is postea etiam sedem Hierosolymitanam temerariè & impudenter invadit, atque quum ex potestate accepisset facultatem,

Tomus III.

*A bellum gessit adversus divinos canones & leges. Inde homines probi atque moderati à sedibus & sacris expellebantur: fuerunt & qui ab eo occisi sunt, necnon manus sceleratus (ille) Pontificum sanguine polluit: malefici autem, & præstigiatores, & pestes, potiusque digni carceribus quam sedibus, sacrorum interpretes & sacerdotes creabantur, atque apud hunc scelestum impiumque magnam assequebantur fiduciam. Quum autem secundus post hæc annus intercessisset, abiit quidem clam hominibus Theodosius, &c.* Scilicet quum à Juvenali in suo reditu extorquere non potuissent Theodosius ejusque affectu, ut synodum Chalcedonensem damnaret, misit ille nefarios homines qui ipsum perimerent, sed occultè Hierosolyma egressus Juvenalis Constantinopolim venit ad Marcianum Imper. Theodosius autem cum suis Hierosolymam ingressus, hanc quasi urbem armis subactam devastarunt, fores ejus occluserunt, nebulones mœnibus apposuerunt, plurimas domos incenderunt; Juvenali tandem Theodosium ipsum in ecclesia sanctæ resurrectionis substituerunt, qui Eudociæ Augustæ Theodosii junioris viduæ fultus auxilio, non intra urbem Hierosolymam tantum, sed & in universa Palæstina tyrannorum seu prædonum more quotquot non se præberent synodi Chalcedonenfis adversarios, cædibus, suppliciis, & exiliis, per viginti menses insectatus est. *Ad hunc igitur, inquit Evagrius lib. 2. hist. eccl. cap. 5. multi ex urbibus trium Palæstinarum accedentes, episcopos ab illo sibi ordinari curarunt. Hæc (vero) ubi comperit Marcianus, primo quidem Theodosium ad se perducere jubet (qui aufugit clam in montem Sina.) Deinde Juvenalem mittit ut ea quæ gesta fuerant corrigeret, mandans ut cunctos qui à Theodosio ordinati fuerant, expelleret. Post adventum igitur Juvenalis (anno nimirum 453.) multa tristitia atque acerba contigerunt, quum ex utraque parte fierent quæcunque furor ipsis suggerebat. Ita Evagrius: Marcianus quippe Imperator mandaverat Dorotheo Palæstinæ præfecto, ut Theodosium ad se mitteret, sed hoc ille facere non potuit, propterea quod pestis illa in Synæum montem profugerat. Post Theodosii vero fugam Juvenalis in thronum suum restitutus, omnibus quos ille ordinaverat dignitatem statim ademit. Hæc ex Nicephoro referunt doctiss. actor. sanct. editores in tract. prælim. ad to. 3. Maii, pag. 23. col. 1. num. 100. qui & addunt n. 101. Juvenalem, statim atque sedi suæ, pulso Theodosio, restitutus fuit, pacandæ provinciæ omnem operam dedisse, synodo celebrata anno 454. cujus extat epistolare rescriptum ad reverendos presbyteros & archimandritas, & reliquos monachos*

L ij



*Palæstinæ provinciae*, in qua ipse primus ante Irenæum Cæsariensem metropolitam sub-  
scribit. Ibi commendatur fides in Nicæno concilio sancita, & nuper in Chalcedonenſi confirmata, ejusque *calumniatores rejiciendos esse* declaratur, ut *qui falsum testimonium dicere præsumunt adversus tantos sanctissimos Patres, magis autem adversus cunctum terrarum orbem.* Id quum S. Leoni Papæ nuntiaſſet Juvenalis, reſcripſit Leo pridie non. Sept. *Actio & Studio viris clariff. Coſſ.* (id eſt 4. Sept. 454.) gratulatorias paternæ admonitioni conjunctas, in hunc modum exordiens: *Acceptis dilectionis tuæ litteris .... gavifus quidem ſum quod tibi ad episcopatus tui ſedem redire licuiſſet: ſed confluentibus in recordationem omnibus cauſis, quæ te per quosdam exceſſus laborare fecerunt, dolui adverſitatum tuarum temetiſum tibi fuiſſe materiam, & reſiſtendi hæreticis conſtantiam perdidiffe: quia æſtimant, non eſſe tibi liberum ut eos audeas redarguere, quos tibi profeſſus ſis in ſuo errore placuiſſe. Beatæ enim memorie Flaviani condemnatio, & impiſſimi Eutychis receptio, quid niſi D. N. J. C. ſecundum carnem negatio fuit! quam ipſe grandi miſericordia ſua fecit reſolvi, quum deteſtandum illud Ephreſinæ ſynodi judicium, ita ſancti concilii Chalcedonenſis auctoritate deſtruxit, ut nullum depravatorum à remedio correctionis arceret. Unde quia in tempore indulgentiæ reſipiſcentiam magis quam perſinaciam delegiſti, ita gaudeo te cæleſtem expetiſſe medicinam, ut fidei ab hæreticis oppugnata tandem poſſis eſſe deſenſor, &c.* In ea epiſtola, quæ Leonis 110. eſt, alias 72. nihil legitur contra jus Patriarchale ſedi Hieroſolymitanæ in ſynodo Chalcedonenſi con-ceſſum, quod argumento eſt illud tandem pro bono pacis ratum habuiſſe Leonem. Tillemont. ſcribit 10. 15. *hiſt. eccl. pag. 742.* Juvenalem, dum eſſet Conſtantinopoli, & Theodoſius ſedem ejus occuparet, anno 452. interceſſiſſe apud Marcianum Imperatorem pro monachis Palæſtinæ qui Theodoſio adhærebant, ut lenitate illos ad veram fidem & eccleſiæ unitatem revocare conaretur; quod præſtitit Imperator epiſtolam ad eos mittens, qua veniam eis pollicetur, ſi reſipiſcere velint, fideique ſuæ & ſynodi Chalcedonenſis reddit rationem. Idem Tillemont. *ibid. pag. 780.* & Bollandi continuat. ſupra citati, aſſerunt Eudociam Auguſtam, quæ S. Simeonem Stylitam conſuluerat de ſynodo Chalcedonenſi, & ab eo ad S. Euthymium remiſſa fuerat, hujus mandato ſchiſma depoſuiſſe, Juvenaliſque communionem eſſe amplexam: oportet... à Dioſcori communionem ſejungentem te (verba ſunt Euthymii in ejus vita apud Cotel. 10. 2. num. 85. pp. 272. & 273.) Juvenali archiepiſcopo Hieroſolymitano penitus communicare, &

in omnibus conſentire. Hoc autem contigit anno 456. die 23. Aug. Leo epiſtolas ſcripſit ad Baſilium Antiochenum, & ad Euxitheum Theſſalonicenſem ac Juvenalem Hieroſolymitanum præſules, (quæ ſunt 118. & 119.) adverſus Timothei Æluri in ſedem Alexandrinam intruſionem. Obiit Juvenalis anno 458. quum per 35. circiter aut 40. annos ſedem Hieroſolymitanam repleſſet.

#### XLV. ANASTASIUS. Geruntius.

Post Juvenalem *Anaſtaſius* S. Paſſarionis monachi primum alumnus, deinde eccleſiæ S. Reſurrectionis clericus ſceuoſphylax ſeu ſacrorum vaſorum cuſtos, quin etiam chorepiſcopus, Hieroſolymorum tandem univerſi populi ſuffragio antiſtes conſtitutus eſt. Hanc ei dignitatem prænuntiaverat Euthymius, ut in ejus vita reſertur: apud Boll. 10m. 2. Jan. cap. 10. n. 60. p. 311. & apud Cotel. 10m. 2. n. 60. pag. 249. *Anaſtaſius quidam*, inquit iſte Auctor, n. 60. *ſanctæ Reſurrectionis clericus, idemque ſceuoſphylax* (id eſt, cujus fidei credita erat cuſtodia ſacrorum vaſorum eccleſiæ Reſurrectionis) & chorepiſcopus, qui fuerat alumnus & imitator S. Paſſarionis, cupiebat S. Euthymium videre, & hoc ſuum deſiderium communicans cum Fido epiſcopo Jamniæ & Coſma ſtauroſphylace (id eſt, crucis cuſtodi) cum ipſis, alioque juniore Fido epiſcopi Fidi nepote ſanctæ Reſurrectionis lectore, ibat ad illum. Ipſis autem in via poſitis, atque ad lauram propinquantibus, eorum adventus revelatus eſt ſancto, qui Chryſippum lauræ æconomum accerſens ait illi: *Paratus eſto; ecce enim cum fratre venit Patriarcha.* Quum autem adveniſſent, ſublatis mentis oculis magnus Euthymius *Anaſtaſium excepit ut Patriarcham: quod qui præſentes aderant mirabantur: accedensque Chryſippus in aurem ei dixit: Reverende Pater, non eſt hic Patriarcha, ſed ſceuoſphylax Anaſtaſius; viden' quod coloratis utatur veſtibus, quibus nefas eſt Patriarcham indui! Ad quæ in ſe revertens ſanctus; Crede, inquit, fili, uſquequo loquutus es, vidi ipſum albis indutum. Cunctiſque audientibus dixit; non erravi, ſed quod præſcivit Deus atque prædixit omnino fiet, ſine penitentia enim ſunt dona illius ....* Et poſtea, num. 96. addit: *ſequenti autem anno* (id eſt, Chriſti 358.) *Juvenalis .... vitæ finem accepit; Anaſtaſius vero præmemoratus, conſenſu totius populi in divi Jacobi thronum promoveretur. Qui eum aſcendens, & recordatus prophetiæ magni Euthymii, Fidum lectorem, qui cum ipſo olim ad lauram acceſſerat, prædictionemque audierat, ſanctæ Reſurrectionis diaconum ordinavit, & cum ſtauroſphylace miſit ſignificaturum impletionem prophetiæ, rogaturumque ut ſibi liceret ad eum venire, ipſumque ſalutare.* Anno autem



Anastasio decimo-quinto obiisse Euthymium legimus in vita S. Sabæ abbatis ab eodem auctore scripta, idque ut ipsa fert Euthymii vita, n. 109. 20. *Januar. die Sabbati anno 16. Imperii Leonis*; quæ singula incidunt in ann. Christi 473. Ad cuius corpus intuendum quum accessisset Anastasius, & congrua sepulturæ ejus mandata dedisset, reversus in sanctam civitatem, misit opifices ad opus & materiam, ut beatæ illæ reliquæ convenienter ponerentur.... Postquam autem perfecta jam fuissent omnia (trimestri labore) venit in lauram archiepiscopus, & venerandum depositum suis ipse B manibus in præparatum locum transtulit.... septimo die Maii: conventumque absolvens, Martyrium & Eliam, quos ejus successores futuros in Patriarchatu Euthymius prædixerat, secum sumpsit in sanctam civitatem, eosque presbyteros sanctæ Resurrectionis ordinavit. Hæc actorum sanctorum editores in tract. prælim. sæpius citato ad 10. 3. Maii, pag. 24. n. 104. col. 1. Evagrius quidem lib. 3. hist. cap. 5. scribit ex Zacharia, cognomento Malela, seu Rhetore, Anastasium etiam Hierosolymorum episcopum, qui Juvenali successerat, iisdem encyclicis (Basilisci) Imperatoris (adversus synodum Chalcedonensem) subscripsisse, alioque item complures (episcopos) adeo ut circiter quingenti numero fuerint qui Leonis epistolam & Chalcedonense concilium damnaverunt. Verum de eo Zacharia idem Evagrius infra cap. 18. sic loquitur: *Hæc scripta sunt à Zacharia in hunc modum. Porro Zacharias nihil eorum quæ tunc gesta sunt exploratè cognitum habuisse mihi videtur, sed ea duntaxat quæ auditione acceperat mutila atque imperfecta nobis retulisse.* Vivebat autem Zacharias sub Justiniano Imperatore sæculo sexto medio. Non constat proinde Anastasium Hierosolymitanum encyclicis Basilisci litteris revera subscripsisse; imò id falsum colligunt, tum Baronius ad ann. 476. n. 5. tum Tillem. 10. 16. hist. eccl. pag. 302. ex eo maxime quod Auctor vitæ S. Euthymii, non solum hunc Anastasium ubique exhibeat ceu virum sua dignitate non indignum, sed etiam, ut ipsi arbitrantur, referat schismaticos qui erant in sancta civitate Geruntium quemdam abbatem in sedem ejus Patriarchalem intrusisse, qui minora iis non paravit, quæ prius ausus fuerat Theodosius sub Juvenali. Baronius citat vitam Euthymii apud Surium die 20. Jan. & Tillem. eandem vitam apud Bollandum, eadem die, p. 320. n. 113. Bollandi tamen continuatores aiunt in tract. prælim. ad 10. 3. Maii, pag. 24. n. 105. col. 2. in vita illa duntaxat legi, quod schismatici Geruntium hunc in archimandritam sibi constituerint, non vero quod in episcopum Hierosolymitanum; eoque duce haud leviora ausi

fuerint contra ecclesiam, quam antea fecerit Theodosius. Profecto vita Euthymii, prout extat tom. 1. Sur. pag. 332. n. 76. item apud Bolland. 10. 2. Jan. p. 320. c. 20. n. 113. & tom. 2. monum. eccl. Græc. Cotelerii, n. 113. pag. 297. hæc solum habet. *Quum vero Basiliscus occupasset imperium (pulso Zenone anno 475.) facit encyclicum adversus divinam synodum Chalcedonensem, quo quidem nitens quæ reliqua erat in sancta civitate Apostolicarum pars, quum Geruntium quemdam sibi præfecissent archimandritam (eis ἀρχιμωνίτην) multa innovat adversus ecclesiam, nec minora iis quæ prius ausus fuerat Theodosius.* Dositheus Hierosolymitanus Patriarcha, qui obiit initio hujus sæculi, scribit lib. 4. de Patriarch. Hierosolym. capite 9. §. 4. Zachariam rhetorem posuisse verosimiliter Anastasium pro Geruntio, qui, dum esset intrusus, encyclicis Basilisci litteris subscripserit, citatque pro ea Geruntii intrusione Cyrillum, Euthymii utique vitæ auctorem, ex cuius tamen textu, clarum non est Geruntium istum à schismaticis in Pontificem Hierosolymitanum assumptum fuisse; ut Baronius, Bollandus, Tillemontius, & alii censuerunt: sed tantum in archimandritam electum eum colligitur, ut verba ipsa supra relata significant, & aiunt Bollandi continuat. in tract. prælim. ad 10. 3. Maii, pag. 24. n. 105. col. 2. Nam licet Geruntius ille, qui S. Melaniæ (junioris) monasteriis quadraginta quinque annis præfuit, eodem Cyrillo Scythopol. teste in vita S. Euthymii, n. 124. apud Cotel. 10. 2. pag. 307. tunc jam à pluribus annis archimandrita fuerit, nihil tamen prohibet quin de novo à schismaticis totius Palæstinæ monachis in archimandritam evectus sit veluti generalem illorum omnium, ut ipso duce eadem attentarent adversus fidei Chalcedonensis sectatores, quæ olim sub Theodosio in sedem Hierosolymitanam intruso patrata fuerant. Hinc autem palam omnino fit Anastasium Patriarcham encyclicis Basilisci litteris non subscripsisse; alioquin iisdem encyclicis innixi litteris, se ab ejus communione non separassent, nec opus habuissent Geruntium sibi præficere, siquidem iis consensisset ipsemet Anastasius in publica concilii Chalcedonensis repudiatione. Illius ergo, sicut & cæterorum suorum episcoporum, non alia de causa excusserunt à se regimen, quam quia eidem synodo illos adhærere probè noverant. Duravit vero hoc schisma usquequo Martyrii Anastasii successoris communionem amplexos eos modo videbimus. Nonnulla hic difficultas sese offert in verbis Cyrilli supra relata sequentibus, num. 113. p. 297. *Cæterum quinto posthæc anno moritur quidem Anastasius Patriarcha, jam incipiente*



menſe Januario. Zeno vero reverſus à fuga, A tyrio & Eliæ, quodque ſedem Jacobi qui in vincit Baſiliſcum, qui adhuc imperium tenebat, ruruſque recuperat principatum quem amiſerat. Et ſedi (Hierofolymitanæ) ſuccedit Martyrius, &c. Difficultas, inquam, conſiſtit ad quid revocetur illud Quinto anno, &c. verum genuinus ſenſus eſt Anaſtaſium obiſſe quinto anno poſt ſancti Euthymii mortem, quæ contigerat die 20. Januar. anni 473. ſubindeque anno 478. quo Martyrius illi ſucceſſit, jam à Zenone imperio recuperato. Ita cenſent eruditi. Pagius autem obſervat to. 2. in annal. Baron. ad annum 477. num. 17. doctiſſimos actorum ſanctorum editores in mendosum exemplar vitæ ſancti Euthymii impoſuiſſe, ex quo tranſcripſerunt loco mox citato n. 106. col. 2. Sexto autem poſt mortem magni Euthymii anno archiepiſcopus Anaſtaſius obiit initio menſis Julii; allatiſque Pougeti, necnon Metaphraſtæ vitæ Euthymii editionibus, confirmat legendum quinto anno, & menſe Januar. Quamobrem novemdecim annos integros ſedit Anaſtaſius, ab anno nimirum 458. ad annum 478. Quod etiam Cyrillus luculenter adſtruit in vita S. Sabæ, ubi poſtquam dixit n. 11. apud Cotel. to. 3. pp. 233. & 234. magnus Pater noſter Euthymius in pace in idipſum dormivit & requievit.... anno 15. pontificatus Anaſtaſii Hieroſolymis: ſubdit n. 15. p. 238. S. Sabam è colle deſcendiſſe, & in ſpeluncam ſe recepiffe, principio quadrageſimi ætatis ſuæ anni, quò tempore Anaſtaſius quidem Hieroſolymorum archiepiſcopus, poſt impletos novemdecim in patriarchatu annos, vivendi finem fecit, Martyrio in ſucceſſorem relicto, Zeno autem Romanorum Imperator, occiſo Baſiliſco tyranno, imperium ſuum recuperavit. Ex quibus emendandi veniunt Theophanes & Nicephorus, quorum unus octodecim Anaſtaſio Patriarchæ annos, alter vero viginti assignat, ſi tamen de 20. plenis ſermo ſit.

#### XLVI. MARTYRIUS.

Anaſtaſio ſucceſſit anno 478. Martyrius; de quo hæc tradit Cyrillus Scythopolit. in vita S. Euthymii, n. 94. to. 2. Cotel. pag. 278. & apud eruditos Bollandi continuatores in tract. prælim. ad to. 3. Maii, pag. 25. n. 107. col. 1. Quum Leo pius & Chriſti amans Marciani ſucceſſiſſet imperio (initio ſcilicet anni 457.) Timotheus quidam cognomento Ælurus totam concutiebat & conturbabat Alexandriam. Hac ergo occasione, duo quidam anachoretæ, quorum nomen erat Martyrius & Eliæ; unus quidem Cappadox, alter vero Arabs, proſecti ex monte Nitriæ, ad magnum illum veniunt Euthymium, & unusquiſque eorum in cella ſeparata apud ipſum longo tempore ſunt verſati.... Et n. 95. Prævidit autem magnus, perſpicaci puroque animæ oculo, quæ eventura erant Mar-

tyrio & Eliæ, quodque ſedem Jacobi qui in choro diſcipulorum claruit, unusquiſque eorum ſuo tempore eſſet excepturus. Poſthæc vero Eliæ quidem in Hiericho deſcendens ſibi ante civitatem ædificat cellam.... Martyrius autem ſpeluncam quandam ad Occidentem, quæ quindecim ſtadiis diſtat à laura, ingreditur, quumque ſatis temporis in ea permanſiſſet, magnum & inſigne illic quoque conſtruit monaſterium. Et n. 110. to. 2. Cotel. p. 295. Sane quidem cunctis dolor de amiſſione (morte) Euthymii, multarum erat cauſa lacrymarum, ſed Martyrium & Eliam longè tangebat vehementius, atque valde plorabant. Verum illos quidem conſolatus Patriarcha (Anaſtaſius) per Chryſippum crucis cuſtodem, & congruis uſus admonitionibus, hortatus eſt ut frequentius ad eum accederent. Et num. 112. p. 297. Ubi ſic ſplendide feciſſet (Anaſtaſius) reliquiarum (id eſt corporis ſancti Euthymii) tranſlationem, ſeptimo Maii (ejuſdem anni 473.) Martyrium & Eliam ſecum aſſumens, ruruſ in ſanctam civitatem reverſitur, atque eos ordinat præbyteros, & refert in catalogum cleri ſanctæ reſurrectionis.... Anaſtaſio autem deſuncto menſe Jan. anni 478. n. 113. p. 298. in ejus locum aſſumptus eſt Martyrius, qui ſtatim ad Zenonem Imperatorem & Acacium Conſtantinopolitanum epiſcopum ſcripſit de Apoſchiſtis, eorumque blaſphemia & vitanda hæreſi, atque Fido diacono litteras tradidit. Poſtea S. Euthymii laura converſa in cœnobium n. 122. p. 305. deſcendit illuc Martyrius cum multa rerum affluentia, præclaramque ibi egit ſynaxim & vigiliam cum lampadibus & ſuffitibus copioſis; ſed & ſplendidam (hujus cœnobii) dedicationem fecit, deponens ſub altari quaſdam partes reliquiarum Martyrum Tarachi, Probi, & Andronici; ſeptimo menſis Maii, anno jam duodecimo poſt Euthymii mortem (id eſt 484.) Interim ſchiſmatici Apoſchiſtæ, Marciani monachi qui Eudocia ad eccleſiam redeunte tempore Juvenalis, in ſchiſmate cum Geruntio & Romano archimandritis perſeveraverat, n. 86. to. 2. Cotel. p. 273. Marciani, inquam, opera & induſtria ad epiſcoporum à quibus defecerant communionem, juxta Euthymii prophetiam, (quam narrat auctor vitæ ejus n. 114. p. 299.) adducti ſunt: ut enim ſcribit idem auctor n. 123. pag. 306. dixit illis Marcianus: ſi placet.... jaciamus ſortes ſub perſona epiſcoporum & monachorum: & ſi ſors quidem venerit ad monachos, oportet omnino perſeverare in iis in quibus hucusque manemus & acquieſcimus; ſi autem ad epiſcopos, cum ipſis communicare. Hanc ubi ſententiam intuliſſet Marcianus, nullus erat ex adſtantibus qui non laudaret: jactam itaque ſortem habuerunt epiſcopi. Iis vero ſtatim omnes communicarunt, rem tamquam à Deo decretam arbitrati.



præter Geruntium solum & Romanum. Atque omnes adducunt se ac præbent ecclesiæ unioni, & germanam sinceramque de cætero faciunt cum ea communionem. (n. 124. p. 307.) Patriarcha vero (Martyrius) pulchrè illos, & ut dixeris, non solum supinis manibus, sed & cordis sinibus excipiens, splendidum agit & publicum festum: præclarè enim admodum civitati exortum est bonum pacis, & lætatae sunt plateæ Hierusalem, Deoque per omnia gloria offerebatur. At Geruntius & Romanus; ille quidem postquam quadraginta quinque annos præfuisse beatæ Melanice monasteriis, hic vero in Thecoorum (id est B Thecux) vico monasterium construxisset: deinde ex ipsis etiam turpiter propter dogmatum impietatem expulsi, mali male huc & illuc oberrantes obierunt. En iterum, inquiunt actorum sanctorum editores loco citato n. 108. prænomina- tum, in Anastasio, Geruntium, absque ullo invasæ ab eo cathedræ (Hierosolymitanæ) indicio. Evagrius lib. 3. hist. eccl. cap. 16. hæc tradit de Martyrio, desumpta, ut opinari licet, ex Zacharia rhetore: cum eodem Petro (Mongo) Alexandriae episcopo Acacius quoque Constantinopolitanus episcopus communionem iniit: *Sed & Martyrius episcopus Hierosolymorum ad eundem Petrum synodicas suas misit.* Ex quo intelligendum datur ipsum etiam encyclicas ejus litteras recepisse: at, si id verum est, observandum Petrum Mongum hæresim suam interdum dissimulasse, ut putaretur orthodoxus, eoque fūco nonnullis episcopis catholicis imposuisse, qui postea cognita fraude & vafritie ejus, ab eo recesserunt: quod censendum imprimis videtur de Martyrio: subdit enim immediatè Evagrius post verba modo recitata: *Postea tamen quidam à communione Petri sese abjunxerunt, atque exinde Petrus Chalcedonensem synodum publicè anathematizavit.* Quando igitur Petrus Mongus litteras suas misit ad Martyrium, aliosque episcopos orthodoxos, tunc non se prodebat concilii Chalcedonensis adversarium, unde fefellit eos: *Hic enim Petrus, inquit idem Evagrius capite sequenti 17. veluti cothurnus quidam ac veterator, & qui temporibus sese accommodaret, in eadem sententia minime perseveravit: sed nunc Chalcedonensem synodum sub anathemate damnabat, nunc palinodiam canens eamdem omnibus suffragiis amplectebatur.* Crimini proinde minime vertendum Martyrio, (quem aliunde nulla suspicio hæresis Monophysitarum labefactat) si deceptus à Petro Mongo se ad veram fidem revocatum fingente, litteras ejus encyclicas admiserit, suasque ad eum communionis indices scripserit. De Martyrii morte idem Cyrillus Scythopolitanus in vita sancti Sabæ, n. 19. apud Cotel. 10. 3. monum. eccl. Græc. pag. 245.

ait eum, post octavum annum in patriarchatu peractum, ad Deum profectum esse, quadragésimo octavo anno S. Sabæ, id est anno salutis 486. Primam enim lucem adspexerat sanctus Sabas (ex ejus vita n. 3. 10. 3. Cotel. p. 222.) Theodosii II. decimo-septimo Consulari, qui correspondet anno 439. & quidem in mense Januario, ut aiunt actorum SS. editores, in tract. prælim. ad 10. 3. Maii, pag. 25. n. 109. col. 1. qui etiam asserunt, ex comment. prævio ad vitam S. Euthymii die 20. Januar. p. 301. n. 14. Martyrium obiisse die 13. Apr. Ind. IX.

## XLVII. SALUSTIUS.

Martyrio successit Salustius anno S. Sabæ 48. Chr. 486. teste Cyrillo Scythopolit. vitæ hujus abbatis, ut & Euthymii, diligentissimo scriptore, apud Cotel. tom. 3. monum. eccl. Græc. n. 19. pag. 245. Quinque autem postea annis, à multis rogatus sancti Sabæ abbatis discipulis, ut in ejus locum sibi præficeret alium archimandritam, tum quod præ nimia simplicitate ineptus esset ad regimen, tum etiam quod ordinibus sacris non initiatus nullum ex ipsis clericum fieri permetteret; Salustius Sabam arcessivit, eumque coram illis ordinatum presbyterum, constituit abbatem, & ait ipsis, apud Cotel. ibid. pag. 246. *Ecce habetis Patrem vestrum lauræ vestræ hegumenum seu præfectum, quem Deus desuper, & non homo elegit. Ego quippe me ipsum duntaxat beneficio afficiens* (id est, Deo me pro hoc ministerio commodans) *divinum confirmavi suffragium. Quibus dictis, sumpsit beatum Sabam, & illos ipsos, ad lauram devenit, secum ducens crucis custodem Cerycum sive Quiricum virum insignem, & ecclesia Theotista dedicata, sanctificatum altare in concha à Deo condita defixit, sub quo plurimas sanctorum ac de victoriis clarorum martyrum reliquias deposuit mensis Decembris die 12. Ind. XIV. anno autem ætatis beati Sabæ 53. quo tempore quum Zeno Imper. vivere desisset, Anastasius imperium suscepit, quod in ann. Christi 491. coincidit. Liberati diaconi brevium causæ Eutychianæ edit. Paris. ann. 1675. c. 18. p. 127. apud Tillem. 10. 16. hist. eccl. pag. 377. & 10. 5. conc. Labb. col. 761. (771.) B. eum asserit henotico Zenonis subscripsisse, cumque Athanasio Petri Mongi sedis & impietatis successore communionem iniisse; imò Eutychius Alexandrinus 10. 2. annal. p. 108. eundem Jacobitam fuisse expresse tradit. In Nicephori etiam Constantinopolitani chronico, nominato Salustio, additur; à quo separatus est Romanus episcopus, propter unionis edictum à Zenone promulgatum. Inficiari quidem non ausim Salustium, ut & plurimos alios episcopos apprimè orthodoxos, pacis fovendæ aut restituendæ causam in ecclesia,*



cujus se solius intuitu professus fuerat Zeno A  
Imperator henoticon edidisse, edictum illud  
in sensu catholico expositum, admisisse,  
eoque modo cum Acacio Constantinopo-  
litano, & Petro Mongo, & fortassis cum  
ejus successore Athanasio Alexandrino, quos  
rectæ fidei asseclas, & concilii Chalcedonensis  
saltem tacitos approbatores arbitrabatur, com-  
municasse; à Romanis etiam Pontificibus,  
eo ipso quod henoticon illud ut fidei catho-  
licæ, sub unionis prætextu, perniciosissimum  
proscripsissent, sedis apostolicæ communione  
factum fuisse extorrem: quin tamen eum B  
reipsa vel levissima hæresis Monophysiticæ  
fuligine tinctum suspicer nonnulla præhi-  
bent. Obstat etenim primum, quod Tillem.  
*tom. 16. hist. eccl. jam citato, p. 633.* referat  
Euphemium Patriarcham Constantinopoli-  
tanium Salustii communionem amplexum esse.  
Is quippe, licet exoptatam, petitamque Ro-  
manæ ecclesiæ communionem à Felice sum-  
mo Pontifice non potuerit obtinere, quia  
nomina Acacii & Fravitæ prædecessorum  
suorum expungenda non duxerat è sacris  
diptychis, ne inde Anastasius Imperator oc-  
casione nancisceretur in orthodoxos atro-  
cius sæviendi; licet etiam henotico Zenonis  
in sensu catholico intellecto subscripserit, ut  
plures alii episcopi orthodoxi: nihilominus  
tamen eo fidei catholicæ exarsit zelo, ut, Petri  
Mongi episcopi Alexandrini acceptæ epistola  
synodo Chalcedonensi injuriosissima, non-  
dum ipse suæ sedis Constantinopolitanæ pos-  
sessionem adeptus, nomen ejus statim propriis  
manibus è diptychis deleverit, non reformi-  
data Zenonis Imp. ira; ab Anastasio etiam qui-  
busdam postea annis depositus est ob rectam D  
fidem, atque in exilium pulsus; deinde Mongo  
mortuo cum Athanasio ejus successore com-  
municare recusavit. Ex quibus manifestum fit  
Euphemio constitisse Salustium erga syno-  
dum Chalcedonensem fuisse optimè affec-  
tum. Obstat rursus quod Cyrillus Scythopol.  
auctor accuratus & Salustio suppar, eum ubi-  
que exhibeat ceu fidei orthodoxæ studiosissi-  
mum, quem idcirco Sabas & Theodosius san-  
ctissimi archimandritæ impense colebant, ab  
eo vicissim omni beneficio exornati. Quando  
Anastasius Zenoni in imperio successerat, &  
Aposchistis fiduciam dederat, inquit præfatus  
Cyrillus, in vita S. Sabæ, n. 30. apud Cotel.  
*eccl. Græc. monum. to. 3. pp. 261. & 262.* tunc  
excitatus Patriarcha Salustius abbatem Mar-  
cianum monachorum archimandritam effecit.  
Pauco vero tempore procedente, ubi Marcianus  
in Christo obdormivit, cunctis eremi monachis  
in episcopio apud Patriarcham ægrotantem con-  
gregatis, provecti sunt communi calculo Theo-  
dosius & Sabas, ut essent archimandritæ ac

exarchi cunctorum sub sancta civitate positorum  
monasteriorum.... Ex eo igitur tempore, abbas  
quidem Theodosius princeps, dux atque archi-  
mandrita totius cœnobiacæ professionis existit,  
qui secum habebat secundas partes in cœnobiaco-  
rum institutionis curis & providentia gerentem  
sanctum abbatem Paulum, monasterii abbatis  
Martyrii præpositum: noster autem Pater Sabas  
princeps ac legislator universæ anachoreticæ vitæ,  
cunctorumque qui in cellis degere sibi proponerent,  
constitutus fuit. Et n. 31. postquam autem archi-  
episcopus Salustius, obtenta sede Hierosolymo-  
rum per octo annos, mensesque tres, in Christo dor-  
misset, mense Julio, 23. die, Indictione secunda,  
Elias, de quo plurimam feci mentionem libro de  
sancto Euthymio, in Patriarchatu successit, quin-  
quagesimo-sexto beati Sabæ ætatis anno (id est,  
Chr. 493. juxta Bolland. in proleg. ad vitam  
S. Euthym. 20. Januar. pag. 300. & Tillem.  
*tom. 16. hist. eccl. pag. 644.*) revera tamen  
anno 494. cui supra dicta conveniunt. Vide  
Pagium *to. 2. crit. annal. Baron. ad ann. 492.*  
num. 4.

## XLVIII. ELIAS I.

Post mortem Salustii Patriarchæ Hieroso-  
lymitani, assumptus est in ejus successorem,  
juxta Euthymii vaticinium, Elias. Erat is na-  
tione Arabs, & in Ægypto cum Martyrio  
Cappadoce disciplinæ monasticæ per aliquod  
tempus incubuit. Verum Timotheo Æluro  
sedis Alexandrinæ invasore totam contur-  
bante Ægyptum, ipsi profecti ex monte Nitriæ,  
ad magnum veniunt Euthymium, inquit Cy-  
rillus Scythopolitanus in Euthymii vita n. 94.  
apud Cotelierum, *tom. 2. monum. eccl. Græc.*  
pag. 279. & unusquisque eorum in cella sepa-  
rata apud ipsum longo tempore sunt versati:  
quos & vir hic divinus amplectebatur lege ami-  
citæ, & assidue ad colloquium invitabat: simi-  
liter ad Cutilam & Ruban secessus indeque  
regressus socios faciebat; cum quibus, unaque  
Gerasimo, & aliis deinceps anachoretis, sanctæ  
illæ manus unaquaque Dominica sumebant in-  
temerata & immortalia Christi sacramenta.  
Pergit Cyrillus num. 95. Prævidebat autem  
magnus perspicaci puroque animæ oculo, quæ  
eventura erant Martyrio & Eliæ, quodque se-  
dem Jacobi, qui in choro discipulorum claruit,  
unusquisque eorum suo tempore esset excepturus.  
Posthæc vero Elias quidem in Hiericho descen-  
dens sibi ante civitatem ædificat cellam, quæ  
accessionibus ab eo factis paulatim dilatata,  
transmutata est in ea quæ nunc cernuntur mo-  
nasteria. Interfuit anno 473. cum eodem  
Martyrio morti sancti Euthymii: licet autem  
omnes valde lugerent, graviore tamen dolore  
Martyrius & Elias præ cæteris affecti vide-  
bantur; unde & illos consolatus Anastasius  
Patriarcha



Patriarcha per Chrysippum crucis custodem, hortatus est ut frequentius ad eum accederent, n. 110. pag. 295. Quum vero corporis Euthymii splendide fecisset translationem septimo Maii ejusdem anni, Martyrium & Eliam secum assumens, in sanctam civitatem reveritur, atque eos ordinat presbyteros, & refert in catalogum cleri sanctæ Resurrectionis. Hæc omnia præfatus Cyrillus, *ibid.* n. 112. pag. 297. De eodem Elia refert Joannes Moschus in *Prato spiritual.* c. 25. apud Cotel. to. 2. cit. p. 358. dixisse abbatem Polychronium, quod vinum non biberit, monachus quum esset, nec postquam factus est Patriarcha, sed eandem servaverit regulam. Factus igitur Patriarcha Hierosolymitanus anno 494. prope episcopium monasterium ædificavit, inquit Cyrillus Scythopolitanus in vita S. Sabæ, n. 31. apud Cotel. to. 3. monum. eccl. Græc. p. 262. ibique sanctæ Resurrectionis probos viros aggregavit per loca circa Turrin Davidis dispersos, cellas singulis distribuens, cunctis ad corporis refectioem necessariis instructas. Quibus sic congregatis, Sabas diversas ab iis emit cellas, easque Xenodochium Lauræ fecit. Ecclesia Orientalis ejus tempore luctuosis vexabatur dissidiis, quæ sic explicat Cyrillus Scythopolit. n. 50. apud Cotel. p. 295. Quum Patriarcha Elias Hierosolymorum Pontificatum obtinuisset, tertio (vel potius 4.) imperii Anastasii anno (id est anno 494. siquidem Zenoni mortuo mense Aprili an. 491. successit Anastasius, Salustius vero Eliæ prædecessor ex hac vita migravit die 23. Julii anno 494.) conturbata est ecclesia Dei, in tres partes divisa, Pontificibus quidem Romanis dissidentibus à Byzantinis, eo quod sacris diptychis insertum esset nomen Acacii episcopi quondam Constantinopolitani, qui illorum non sequutus fuerat accuratam diligentiam, rigidiorumque disciplinam: Byzantinis vero dissentientibus ab Alexandrinis, qui synodum Chalcedonensem anathematizabant, & Dioscori ab ea depositi communionem admittebant. Elias igitur solum cum quo communicaret habuit Euphemium Byzantii antistitem, quum Occidentales, ut dictum est, sejunxissent se, & Antiochenus Palladius in gratiam Imperatoris decreta Chalcedonensia anathemate feriret, atque Alexandrinorum communionem amplecteretur. Tunc igitur Euphemium Constantinopoleos episcopum qui Chalcedone sancita confirmaverat synodice, episcopatu Imperator dejecit (anno Christi 495.) calumnia irretiens: quumquæ Alexandrinus & Antiochenus Euphemii ejectioni consentirent, Elias nondum completo secundo episcopatus sui anno, assentiri detrectabat; Macedonium tamen qui ordinatus fuerat, ubi ex synodicis ejus deprehendit esse orthodoxum, ad communionem admisit. Atque id ab exordio non parum Impera-

Tomus III.

atorem turbavit. Erat ergo inter Macedonium & Eliam concordia. Post mortem vero Palladii Flavianus Antiochiam obtinuit, & cum Macedonio ac Elia adunatus est: quorum consensum non tulit qui adversus solam pietatem audax erat Imperator, sed ad furorem ut eos in exilium mitteret concitatus est. Et primo quidem Macedonium diversis calumniis implicat, & ab episcopatu expellit, (anno 511.) ad quem provehit Timotheum; à Flaviano autem & Elia postulabat ut adstipularentur: qui quidem synodicis Timothei assensum præbuerunt, non tamen actis depositionis Macedonii. Tunc vehementer commoto in utrumque Imperatore, magna ingruerat in utramque ecclesiam tempestas. Ita præfatus Cyrillus, ex quo nonnulla alia exscribenda sunt, quæ Eliæ ante contingere; scilicet narrat n. 32. ejusdem vitæ sancti Sabæ, tom. 3. Cotel. pag. 264. Quum Sabas novam Lauram construxisset, venisse Eliam, ecclesiam dedicasse, & in eadem sanctificatum defixisse altare mense Julio primo die, nona Indictione, agente magno Saba annum ætatis 63. (id est anno 501.) Et postea num. 34. pp. 269. & 270. Sabam, ob indocilitatem monachorum, Nicopolim perrexisse; diuturnioris autem ejus absentiae occasione arrepta monachos illos in sanctam civitatem profectos ad archiepiscopum Eliam, ei dixisse: Abbas noster, ubi in solitudinem quæ est circa mare mortuum secessisset, leonum esca exstitit, sed jube ac velis nobis dare præpositum: at Elias vere Dei pontifex, ut qui à temporibus sancti Euthymii agnosceret divini Sabæ ab adolescentia conversationem & vitam, respondit: Ego certe vobis non credo.... ut (Deus) servum suum despectum permittat à feris comprehendi: verum abite, abbatem vestrum quærite, aut quieti manete donec Deus illum manifestaverit. Itaque encæniorum die adveniente, juxta hegumenorum seu præpositorum morem, Sabas ad sanctam civitatem cum quibusdam fratribus monasterii circa Nicopolim positi proficiscitur; nam illic monasterium constituerat, congregatis in eo fratribus.... & cum aliquibus monasteriorum præpositis ad archiepiscopum ingreditur (& n. 35.) Quem senem intuitus Patriarcha, & lætatus valde, seorsim sumptum hortabatur ut ad propriam Lauram rediret: illo autem veniam petente, neque admittente ullatenus, commotus archiepiscopus dixit; crede, nisi hortamini meo & consilio obtemperaveris, non amplius videbis faciem meam: neque enim videre sustineo labores tuos ab aliis administrari. Hæc postquam dixit archiepiscopus, Sabas se ipsius jussioni obediturum pollicitus est; cogitur tamen sexaginta illorum consortium & conspirantium edicere seditionem, animumque turbarum cupidum. Tunc exurgens Patriarcha ad Lauræ monachos epi-

M



stolam scribit hisce verbis: Scire vos volo, dilecti fratres, Patrem vestrum vivere, nec fuisse à leonibus devoratum. Venit quippe ad me die festo, & detinens eum, consideravi ne ipse relinqueret Lauram suam quam suo labore post Dei providentiam instituit. Velitis ergo hunc cum debito honore suscipere, omnibusque modis ei subjici; non enim vos ipsum selegistis, sed ipse selegit vos: quocirca necesse est ut illi obediat. Quod si qui vestrum procaces sunt & inobsequentes, nec sustinent in humilitate degere ac demitti, non illic maneant: nam non licet ut ipse suum locum non recipiat. Sabas igitur qui nesciebat obedientiam recusare, quemdam è suis discipulis, Nicopolitam genere, nomine Severianum, præpositum illius circa Nicopolim monasterii declaravit. (Et n. 36.) Itaque sanctificatus vir Sabas accepit Patriarchæ litteras, devenitque in Lauram suam. Verum sexaginta monachi indociles qui nolebant sub ejus disciplina vivere, ad Torrentem versus Austrum Thecoorum abierunt, & conditis sibi cellis locum nomine novæ lauræ donaverunt, post quorum discessum à fenis Laura, reliqui Deo absque impedimento fructum ferebant puritatis cordis. Interposito autem paucio tempore, quum S. Sabas cognovisset ubinam commorarentur desertores sui discipuli.... illuc ad eos proficiscitur, &c. & misericordia erga ipsos commotus, de rebus eorum ad Patriarcham refert, quem ad componendos ipsos hortatur. Patriarcha vero dans illi manu propria auri libram unam, potestatem quoque loci illius & in eo habitantium, ut qui ad conventum ipsius pertinerent, præbuit. Inde ex ejusdem Patriarchæ Hierosolymitani sententia ejecti sunt quatuor monachi, qui dogma de præexistentia animarum occulte susurrabant. Anno 511. Anastasius Imperator in Flavianum Antiochenum, & Eliam Hierosolymitanum valde commotus fuit, quod Macedonii Constantinopolitani depositionem non approbassent, licet Timothei quem in ejus locum ordinari curaverat, litteras synodicas suscepissent. Hac de causa Elias S. Sabam Constantinopolim anno sequenti misit ad Anastasium. Sic rem explicat Cyrillus Scythopolit. in vita S. Sabæ, n. 50. apud Cotel. 10. 3. p. 295. Septuagesimo-tertio ætatis sanctificati Sabæ anno, (Christi 511.) archiepiscopus Hierosolymorum Elias, qui quosdam hegumenorum (id est præpositorum) vellet mittere Constantinopolim, arcessit Sabam rogabat, ut cum iis proficisceretur, totisque viribus ad conservandam in tranquillitate matrem ecclesiarum decertaret, quod Imperator Anastasius vehementer indignaretur, omnemque Palæstinæ ecclesiasticam constitutionem evertere & confundere conaretur, &c. Per eum vero hujusmodi ad Imperatorem litteras scripsit pag. 297.

A Selectos Dei servos bonos ac fideles totiusque eremi principes, atque in iis dominum Sabam solitudinis nostræ frequentatorem, gubernatorem, & patronum, totiusque Palæstinæ luminare misit, ad placandum imperium vestrum.... Pater autem Sabas pontificis sententiæ obsequabatur, promptè operam dans, si forte catholice orthodoxæ fidei eo tempore vexatæ & periclitanti auxilium ferre posset. Eo itaque dimisso & iter peragente, Anastasius Imperator effreni insania in Flavianum ac Eliam Patriarchas usus, præcipit synodum Sidone episcoporum Orientalium & Palæstinorum fieri; jussitque ut synodo præessent Soterichus Cæsareæ Cappadociæ, & Philoxenus (Xenaias) Hierapolis, qui episcopi decreta concilii Chalcedonensis præcipuè anathematizabant, necnon Eutychi ac Dioscoro eorumque prava alienæque doctrinæ patrocinebantur, &c. n. 52. pag. 300. Porro quum Sabæ dixisset Imperator; vester archiepiscopus propugnatorem se fecit Chalcedonensis synodi quæ Nestorii dogmata confirmavit, neque hoc solum, sed etiam Antiochiæ præsulem Flavianum labefacturum ad se pertraxit. Unde quum Chalcedonensis doctrina anathemate catholico & universali percutienda jam esset à synodo quæ nunc Sidone congregata est, ipse solus prohibuit, re una cum Flaviano Antiocheno composita; atque, ut arbitratus est, nostrum imperium ludificavit, in epistolis nobis ad verbum ita loquutus: Omnem hæresim quæ adversus rectam fidem novi quidpiam inducit, rejicimus, nec admittimus etiam quæ Chalcedone gesta sunt, propter scandala inde exorta: & ut censuit, nos hocce sermone decepit, qui sanximus synodum negotio infecto dirimi. Verum non latuit nos, neque nunc, neque prius, quando decretis per quæ Euphemius & Macedonius Nestoriani depositi sunt, assentiri recusavit, quod Chalcedonensis concilii, totiusque Nestorianæ hæreseos propugnator sit. Quocirca eum, uti vides, decernimus episcopatu expelli, hominemque orthodoxum sanctaque illa & apostolica sede dignum promoveri, ne venerabilia illa, quæque Deum susceperunt loca, dogmatibus Nestorii inquinentur.... Sanctus autem Sabas in hæc verba respondit: Plenè sibi persuadeat serenitas vestra archiepiscopum sanctæ nostræ Dei civitatis, qui ab antiquis luminaribus & miraculorum editoribus patribus deserti nostri in doctrina pietatis eruditus fuerit, ex æquo rejicere, tum Nestorii divisionem, tum Eutychis confusionem, atque medium orthodoxæ fidei iter ingrediendo, neque in dexteram, neque in sinistram, ut cum scriptura loquar, declinare sustinere. Hunc quippe scimus divina sancti Cyrilli Alexandria archiepiscopi dogmata spirare, iisque adversarios, vel adversantes anathemate percutere. Obsecramus igitur vestram serenitatem, ut sancta Hierosolymorum civitas in qua magnum pietatis



manifestatum est sacramentum, imperturbata A  
 fervetur; immoto manente apud nos pontificatu  
 sive cætu pontificum. Tum Imperator post con-  
 sideratam senis sanctitatem, & simplicitatem,  
 dixit: revera Calogere, præclare per divinam  
 scripturam dictum est: Qui ambulat simpliciter,  
 ambulat confidenter. Verum ora pro nobis, &  
 abjice curam, quia nihil adversus archiepiscopum  
 vestrum, ob sanctitatem tuam, sancimus, teque  
 hinc cum omni dimittimus cultu, &... n. 54. p.  
 305. Ad Palæstinam enavigavit (Sabas) mense  
 Maio quintæ Indictionis.... (an. 512.) & n. 55.  
 pag. 306. Mamam vero quemdam monacho-  
 rum Aposchistarum circa Eleutheropolim archi-  
 mandritam, qui una cum Severo Acephalorum  
 principe Constantinopolim adversus fidem orihod-  
 xam profectus fuerat, multamque apud Impe-  
 ratorem libertatem & fiduciam obtinuerat; tan-  
 dem vero cum eodem Severo acerbe contenderat,  
 secum Hierosolymam.... ad Patriarcham Eliam  
 adducens, effecit ut admitteret synodum Chal-  
 cedonensem, & communionem ecclesiæ catholicæ  
 amplecteretur, Eutychem quoque ac Dioscorum  
 anathemate percuteret, multosque suo exemplo  
 ad idem faciendum perduceret, quod non medio-  
 criter Imperatorem Anastasium in Patriarcham  
 Eliam concitavit.... & n. 56. pag. 307. Itaque  
 quum Flavianus & Elias Patriarchæ, sicut  
 dictum est, Sidonem venissent, litterasque blan-  
 das ac dispensatorias, *ἡ χάρις καὶ ἡ εὐνοία τοῦ  
 βασιλέως καὶ οἰκονομίας*, ad Imperatorem misissent,  
 synodumque Sidoniam quæ contra rectam fidem  
 congregata fuerat dissolvissent, atque ad pro-  
 prias sedes essent reversi, indignati Soterichus  
 & Philoxenus, ad effrenem iram concitaverunt  
 Imperatorem, quasi per Patriarcharum astu-  
 tiam, fraudem, & simulationem deceptus fuisset. D  
 Unde accepta quam volebant potestate, multum  
 auri Antiochenæ plebi tribuendo, variis modis  
 Flavianum affligentes, & quodammodo suffo-  
 cantes, cogentesque Chalcedonensem synodum  
 anathemate ferire, eum ab episcopatu expulsam  
 exilio damnarunt. Quo comperto Imperator læti-  
 tia affectus, Severum Acephalorum principem in  
 episcopum Antiochiæ misit: qui Severus arrepto  
 patriarchatu, multa quidem mala iis qui nollent  
 cum eo communicare intulit: missis vero synodi-  
 cis ad archiepiscopum Eliam, nec admissus in  
 communionem, ad iram commover Imperatorem; E  
 iterumque easdem synodicas suas mense Maio  
 sextæ Indictionis (anno 513.) mittit Hierosoly-  
 mam cum quibusdam clericis & Imperatoriis  
 copiis. Ea autem re cognita Sabas in sanctam  
 civitatem ascendens una cum aliis eremi hegu-  
 menis, tum eos qui venerant cum synodicis Se-  
 veri, à sacra civitate expulit, tum multitudine  
 monachorum undique collecta, ante sanctam  
 Calvariam cum Hierosolymitis clamabant di-  
 centes; anathema Severo, iisque qui cum eo

Tomus III.

communicant; quum præsentibus adhuc essent ac  
 audirent magistriani, duces, atque milites quos  
 miserat Imperator. Hic enim Severus gravi  
 arrogantia correptus, & imperatoria potentia  
 fultus, Chalcedonensem synodum innumeris sub-  
 jecit anathematibus, &c. Et pag. 310. Ut ergo  
 hujusmodi animarum corruptorem hominemque  
 perniciosum archiepiscopus Elias ad communio-  
 nem suam admitteret, cogebat Imperator. Illo  
 autem nequaquam hoc facere volente, ira exar-  
 descens, Imperator Olympium quemdam Cæsa-  
 riensem, qui ducatum Palæstinæ tenebat, misit,  
 simul epistolam illam dispensatoriam, *οἰκονομικὴν  
 ἐπιστολὴν*, mittens, quæ ex Sidone scripta fuerat,  
 quæque profutebatur non admittendam esse syno-  
 dum Chalcedonensem, ut omni modo Eliam ab  
 episcopatu dejiceret. Qui Olympius cum Impe-  
 ratoris militibus advenit, multisque modis, ar-  
 tibus, & machinis usus, Eliam expulit, & in  
 Ailam (in Arabia ad mare Rubrum) rele-  
 gavit: Joannem vero Marciani filium qui spon-  
 deret, tum Severo communicaturum se, tum  
 synodum Chalcedonensem anathemati subjectu-  
 rum, episcopum Hierosolymorum fecit. Anno  
 scilicet Christi 513. quum Elias vigesimum  
 annum ageret.

Ex hac porro generosa Eliæ resistentia,  
 ejusque ob illam sequitis depositione & exilio,  
 deduci posse ait Tillemont. tom. 16. hist. eccl.  
 pag. 720. eum retractasse quæ imprudenter  
 ad Anastasium Imperatorem, quasi concilium  
 Chalcedonense non approbaret, ex synodo  
 Sidoniensi scripserat: id quidem per æcono-  
 miam tantum præstitit Elias, ne scilicet in ea  
 synodo, cui præsidebant ex Imperatoris jussu  
 Soterichus & Philoxenus concilii Chalcedo-  
 nensis hostes, illud concilium proscriberetur:  
 quod ea arte impedivit, synodo statim ante  
 quam aliquid in istud concilium pronuncia-  
 retur, ab Imperatore soluta. At deinceps per  
 totam reliquam vitam, omni semota ratione  
 humana, nec reformidata amplius ira Impera-  
 toris, palam concilii Chalcedonensis defensionem  
 suscepit, & strenuè profecutus est. Qui-  
 busdam antea annis, ut discimus ex litteris  
 monachorum Palæstinæ ad Alcisonem, apud  
 Evagr. lib. 3. hist. eccl. cap. 31. Philoxenus  
 eique adhærentes postulaverant ab episcopo  
 Hierosolymorum (Elia) ut formulam fidei suæ  
 conscriberet: quam ille quum edidisset, per  
 sectatores Dioscori misit ad Imperatorem, & ea  
 quidem, quam ipsi proferunt, anathematismum  
 continet eorum qui duas in Christo naturas  
 prædicarunt. Ipse vero Hierosolymorum episco-  
 pus, eam ab illis falso confictam esse dicens,  
 aliam profert absque hujusmodi anathematismo.  
 Ita illi monachi: qui ibidem quoque scripse-  
 runt de Flaviano Antiocheno, multis agitat-  
 ut Chalcedonensem synodum anathemati-

M ij



zare cogeretur, hunc demum *expositionem* fidei edidisse, in qua synodum (prædictam) in eo quidem quod spectat ad depositionem Nestorii atque Eutychis suscipere se profitebatur, quantum vero ad definitionem & doctrinam fidei, nequaquam. Hujus autem narrationis occasione monet idem Tillemont. tom. jam cit. pag. 680. à nonnullis viris eruditissimis apprimè catholicis observari, definitionem fidei Chalcedone sancitam, non symboli in ecclesia, sed simplicis duntaxat expositionis habere rationem, subindeque potuisse non recipi ut symbolum; quippe quum decreto Ephesinæ synodi, in ipsa synodo Chalcedonenfi confirmato, prohibitum fuisset ne aliud, præter Nicænum, fidelibus symbolum proponeretur: ex quo conjicit Tillemont. hoc fortassis præcise à Flaviano fuisse intentum: eodem etiam sensu loquutus non abs re videtur Elias in epistola quam una cum Flaviano per œconomiam ex synodo Sidonienfi de fide Chalcedonenfi ad Anastasium Imper. misit. Ut ut sit, illos sane, non minus impofterum quam antea, concilio Chalcedonenfi addictos sic sibi persuaferant Dioscori affectu, ut utriusque ejectionem ab episcopatu, & in exilium relegationem, quasi studiosissimorum ejusdem concilii patronorum, apud Anastasium Imperatorem promovere non destiterint. Evagrius, qui hæc refert, scribebat 80. annis post Severi ordinationem, quæ anno Christi 512. contigit: adeoque anno 592. sic enim loquitur *ibid. cap. 33.* Ejecto igitur Flaviano, Severus ad episcopatum Antiochenis ecclesiæ promotus est anno urbis Antiochiæ quingentesimo sexagesimo primo, mense Dio, (id est Novembri) Indictione sexta currentis tunc circuli. Quo tempore vero exscribimus, annus est Antiochenorum 641.

Quod spectat ad Eliæ Hierosolymitani ejectionem, hæc de ea narrat Cyrillus Scythopolitanus in vita S. Sabæ n. 58. apud Cotel. 10. 2. pag. 321. Simul ac in exilium missus fuit archiepiscopus Elias, clausum est cælum, ut quinque annis non plueret super terram; & præter siccitatem, etiam locustarum ingens multitudo exstitit, tum bruchus sine numero, atque omnem terræ superficiem delinxit. Secundo autem locustæ anno, ingruit alia locusta quæ aërem texit, omniaque ligna agri depasta est. Hinc orta valida fames & crebra mors, adeo ut dicerent Hierosolymitani, propter peccatum quod commissum fuerat in archiepiscopum Eliam hæc mala supervenisse. Et n. 60. sic ejus mortem describit (Cotel. p. 324.) Sabas octogesimo ætatis anno, circa æstivum solstitium Indictionis undecimæ, (anno 518.) ex Dei dispensatione, ad archiepiscopum Eliam in Ailam profectus est, secum ducens Stephanum monasterio magni Euthymii

præfectum, & Euthalium monasteriorum ejusdem Eliæ Patriarchæ Hierichuntinorum præpositum; quos cum lætitia susceptos Patriarcha Elias apud se aliquot diebus tenuit, per quos dies à dimissione quidem lucernarii usque ad horam nonam ipsis non se reddebat conspicuum; circa horam autem nonam egrediebatur, & cum illis communicabat, atque vescebatur, ac post lucernarium recedebat. Dum ergo ita ageret, contigit ut nona mensis Julii die pro solito non exiret. Illis autem expectantibus, & neque communicantibus, neque quidquam gustantibus, egressus circa horam sextam noctis dixit; vos cibum sumite, non est enim mihi otium. Quumque Sabas teneret eum & quodammodo cogeret ad dicendum quid haberet, collacrymans respondit: Hac hora migravit à vita Anastasius Imper. oportet vero prorsus (me) post decimum diem excedere, & cum eo disceptare ac judicari. Tum de monasteriis suis mandavit, &c. His constitutis, octo diebus post visum superses, sola communione & mixto liquore contentus, agrotavit parumper. Quum autem Sabas & qui cum eo erant non discessissent ab ipso per tres dies, vigesimo mensis Julii, post communionem & preces, dictoque amen, in pace in idipsum dormiit ac requievit, totius vitæ annis octoginta octo decursis. At beatus Sabas, notato die, reversus Hierosolymam, agnovit nocte decimæ diei Julii mensis, qua Patriarcha Eliæ visum objectum est, tonitruis & fulguribus circa palatium volutatis, Imperatorem Anastasium omnino solum fere absumptum, eumque animo concidentem, ac de locis in loca fugientem, in uno è parvis cubiculis ab ira (divina) comprehensum fuisse, prostratum, occisumque, ita ut repente mortuus inventus sit, anno Christi 518. Joannes Moschus in Prato spirituali n. 26. apud Cotel. 10. 2. monum. eccl. Græc. p. 358. hæc narrat de morte Flaviani Antiocheni & Eliæ Hierosolymitani Patriarcharum: Aiebant de archiepiscopo Hierosolymorum, & de Flaviano Antiochiæ archiepiscopo, quod Anastasius Imperator utrumque propter sanctam Chalcedonensium Patrum synodum exilio damnaverit. Eliam quidem in Ailam, Flavianum vero apud Petram. Die igitur quadam significaverunt sibi Patriarchæ mutuo dicentes: Anastasius hodie mortuus est; & eamus etiam nos, ut cum illo judicemur. Ac post duos dies (à missis ad se invicem his nuntiis, ut exponit Tillemont. tom. 16. hist. eccl. p. 708.) migraverunt ad Dominum. Flaviani & Eliæ memoriam colit ecclesia Romana in suo Martyrologio, die 4. Julii his verbis: Eodem die, sanctorum Flaviani secundi Antiocheni, & Eliæ episcopi Hierosolymitani, qui pro synodo Chalcedonenfi ab Anastasio Imperatore in exilium acti, victores migraverunt ad Dominum.



## XLIX. JOANNES III.

Elia in exilium misso per Olympium Palæstinæ præfectum Anastasii Imperatoris jussu anno Christi 513. ut dictum est col. 182. in ejus locum intrusus est Joannes Marciani filius, quem Elias diaconum ordinaverat. Cyrillus Scythopolitanus in vita sancti Sabæ, multa de eo scribit. Scilicet num. 37. apud Cotelierum tom. 3. pag. 277. Marcianus quidam presbyter sanctæ Resurrectionis & sanctæ Sionis præpositus (fuit).... quem archiepiscopus Elias amore prosequutus episcopum Sebastæ ordinavit, ut & Ascalonitarum ecclesiæ Antonium (ejus filium) Joannem vero (alterum ejus filium) sanctæ resurrectionis diaconum fecit. Et num. 56. pag. 310. de ejus promotione ad episcopatum Hierosolymitanum. Olympius, qui ducatum Palæstinæ tenebat, cum Imperatoris militibus advenit, multisque modis, artibus, & machinis usus, Eliam quidem ab episcopatu expulit, & in Ailam relegavit, Joannem vero Marciani filium, qui sponderet, tum Severum ad communionem suam recipere, tum synodum Chalcedonensem anathematizare, episcopum Hierosolymorum fecit.... Postquam autem cognovit Sabas cum reliquis deserti patribus hæc Joannem pactum fuisse, collecti contestati sunt eum ne cum Severo communicaret, sed potius pro synodo Chalcedonensi vitam exponeret, ut qui cunctos se socios & auxiliares haberet: iis morem gerens Joannes quæ promiserat Olympio non implevit. Quod ubi comperit Imperator, in furorem actus, Olympio amoto, Anastasium Pamphili ducem Palæstinæ creatum mittit qui Joannem cogeret communicare cum Severo, & synodum Chalcedonensem proscribere, alioqui eum episcopatu dejiceret. Is Hierosolymam veniens archiepiscopum ab improvise adoritur & conjicit in carcerem. Cuncti autem sanctæ urbis habitatores lætati sunt, quod archiepiscopi Eliæ insidiator proditorque extitisset. Verum Zacharias quidam qui Cæsariensium magistratum gerebat, clam in custodiam ingressus consilium dat Joanni: si recte agere cupis, nec episcopatu privari, nihil te adducat ad Severum in communionem admittendum, sed simula te duci consentire, ac dicito, hoc quidem in loco quæ proposita sunt facere non differo, sed ne quidam dicant me per necessitatem ac vi fecisse; educar hinc, & post duos dies, proxima die Dominica, quæ jubetis alacriter peragam. Quo sermone persuasus dux, restituit eum ecclesiæ. Itaque archiepiscopus quum dimissus fuisset, omnem monachorum cætum noctu ad sanctam civitatem convocavit, & undique collegit, quam multitudinem quidam numerando, renuntiavit agmen decem millia monachorum continuisse. Et quia tota ecclesia tantum populum capere non poterat, placuit ut omnes die Dominica convenirent in ædem sancti Stephani

A primi martyris, quæ ad recipiendam multitudinem idonea esset; simul & obviam ire volentes Hypatio Imperatoris ex sorore nepoti, qui tunc à Vitaliani captivitate solutus Hierosolymam voti ac devotionis causa se conferebat. Convenierunt ergo cuncti, tum monachi, tum cives, in memorata venerabili æde: conveniunt etiam Anastasius dux, & Zacharias consularis: quumque advenisset Hypatius, & cum multitudine in protomartyris Stephani templum intrasset, expectaretque dux voluntatem Imperatoris fore complendam, ascendit in ambonem archiepiscopus, secum habens Theodosium & Sabam monachorum principes ac ductores, omnis vero populus per multas horas clamabat: hæreticos anathemati subijce, synodum confirma. Statim igitur ex consensu unaque voce tres illi anathematizant Nestorium, Eutychem, Severum, Soterichum Cæsareæ Cappadociæ (episcopum) & omnem qui synodum Chalcedonensem non reciperet. Quæ postquam hi tres prædicaverunt, atque descenderunt, reversus abbas Theodosius, hanc ad populum vocem emisit: si quis quatuor synodos non admittit, sicut quatuor evangelia, C anathema sit. His ita gestis, dux quidem (Palæstinæ) multitudine monachorum territus in urbem Cæsaream fugit, Hypatius vero cum juramenti dixit patribus: Huc veni, non quod cum Severo communicem, sed ut vestra dignus haberer communionem, &c. Id porro contigit anno Christi 514. Et num. 57. pag. 313. Cæterum Anastasius Imperator quæ Hierosolymis gesta fuerant audiens, archiepiscopum Joannem, Theodosium Sabamque qui ambonem una cum archiepiscopo conscenderant, per vim exiliis condemnare meditabatur. Ea autem re Hierosolymis cognita, monachorum præfides pietatis pugiles orthodoxæ fidei duces & propugnatores Theodosius & Sabas cunctos eremi monachos congregaverunt, quumque una ducerentur sententia, preces seu obtestationem scribunt, mittuntque Imperatori. Legenda hic eorum epistola, quæ longior est ut referatur. Hunc libellum supplicem (pag. 320.) ubi Anastasius Imperator accepisset, detentus à Vitaliani motibus, consilium cepit ea in re interim quietem ac silentium tenendi; atque eo modo Joannes à sede Hierosolymitana dejectus non fuit. Et n. 60. p. 326. E Defuncto Anastasio, anno Christi 518. die 9. Julii, Justinus Imperator renuntiatus est, qui statim ubi imperium assumpsit, leges tulit quibus jubebatur ut omnes ab Anastasio in exilium pulsati revocarentur, item synodus Chalcedonensis sacris diptychis insereretur. Quæ Justini jussa postquam Hierosolymam delata fuissent, infinita multitudo monachorum & laicorum congregata est, concurrunt quoque S. Sabas, & episcoporum concilium, celebratoque festo, sexta Augusti mensis, promulgatæ sunt Imperatoriæ jussiones,



*Et quatuor synodi in sacris diptychis repositæ sunt. Scilicet Joannes, congregata Hierosolymis synodo contra Severum & in gratiam concilii Chalcedonenſis, ea fecit & scripsit quæ in historia ecclesiastica & conciliorum actis referuntur, insignique suo pro fide orthodoxa zelo meritus est, ut Justinus Imperator, apud Hormisdam Romanum Pontificem, reconciliationem ejus, ecclesiæque Hierosolymitanæ cum sede apostolica specialiter exoraverit. Pergit Cyrillus Scythopolit. n. 61. pp. 326. & 327. Tunc archiepiscopus Joannes suadet Sabæ pergere usque Cæsaream & Scythopolim, una cum aliis quibusdam eremi hegumenis, ad patefaciendas Imperatoris litteras, & quatuor concilia per urbes sacris diptychis inferenda. Et n. 64. pag. 330. Reversum è Scythopoli Sabam Joannes archiepiscopus ad convivium invitavit; vocatis pariter aliis solitudinis hegumenis, una cum Antonio fratre suo, episcopo Ascalonis, &c. (Sabæ) igitur propè se collocato archiepiscopus panes & alia quæ occurrebant apponebat, Antonio episcopo Ascalonis pariter à dextris ejus posito, & ad edendum incitante. Beatus vero senex absque simulatione simplicissime cuncta sibi oblata sumebat: quumque duo fratres & summi sacerdotes medium illum haberent, occupatique essent in eo excitando, dixit, ut ipsissima ejus verba commemorem: Sinite, sinite, Patres, ego, quantum egeo, sumam. Tunc autem magnus abbas Theodosius ad eum (Patriarcham) lepidè dixit: Dominus Sabas adeo esurit, ut ambo vos, qui post Deum Palæstinam, in hac porissimum fame pascitis, magno labore contenderitis ad subministrandum illi cibum. Et archiepiscopus respondit: Ignoscite Patres; nos cuncti nec jejunium, nec satietatem ferimus, hic vero Dei homo apostolici particeps muneris & charismatis scit & humiliari (Philipp. cap. 4. vers. 12.) scit & abundare, ubique & in omnibus institutus & satiari & esurire, & abundare, & penuriam pati, & omnia potest in eo qui ipsum confortat Christo. Et n. 66. pag. 333. Jam vero quarto siccitatis anno completo, Sabæ discipuli (monasterii) Speluncæ, veniunt in maximam lauram ad eum dicentes: Dimitte nos, Pater, neque enim in tuo manere possumus monasterio, utpote qui aqua omnino destituimur, & mense Maio præterlapso, conclusum est imbris tempus. At sanctus, postquam partim increpasset, partim ut cum gratiarum actione incursantes casus tolerarent admonisset, subjunxit; fidem Deo habeo quod post tres dies implebuntur omnia vestra receptacula: abite ergo, adornate aquæductus, estote parati, & donum Dei citamque vilitationem ejus conspicietis. Ac tertio die nubes apparuit supra solum cænobium, factaque est pluvia ingens, & repleta sunt cuncta receptacula, secundum senis prophetiam. Porro in*

*monasteriis ex utraque Speluncæ parte positis, Castellii nempe ab Oriente, & Scholarii ab Occidente, ad quinque tantum stadia, & in maxima laura.... gutta aquæ non decidit: quorum monasteriorum præſides contristati, accesserunt ad senem, dixeruntque; quodnam est crimen nostrum, venerabilis Pater, quod ita abjecisti nos, ut non orares pro cæteris monasteriis tuis? Tum ait illis sanctus: indigentibus Deus benedictionem & munus emisit: vos quoque nolite demittere animum, nam vobis aqua non deerit donec dederit Dominus pluviam super terram. Et n. 67. p. 334. Quinto famis anno incipiente, tanta erat aquæ angustia, ut sanctæ urbis pauperes aquam mendicarent, ac siti perirent.... Quocirca archiepiscopus, qui populi seditionem verebatur, loca humidiora circuibat, foveas excavabat multa cum hominum manu, aquam reperturum se arbitratus, non inveniebat tamen: descendensque ad torrentem Siloe, propè columnam S. Cosmæ, ad maximam lauræ viam, per quemdam mechanicum, & multitudinem operarum fodit usque ad quadraginta orgyas; quumque aquam non inveniret, valido mœrore affiebatur, quod præſerim encaniorum dies appropinquaret. Tum Summo usus consultore, viro qui varios gesserat civiles magistratus, anxius erat, dicebatque: quid agam, mense Septembri jam ineunte, nec civitate aquam habente? excepit autem Summus; Audi de abbate Saba, quod ante hos paucos dies, quum unum ex ipsius monasteriis aqua careret, vehementissima pluvia circa solum illud monasterium ceciderit, cunctaque ejus impleverit receptacula, postquam Sabas à monasterii monachis oratus fuisset. His acceptis archiepiscopus beatum Sabam quasi ob aliud quidpiam arcessivit ad episcopium, sumpsitque eum seorsim, & hortabatur ad obsecrandum Deum, ut cum populo suo reconciliaretur, atque humani generis fame & siti consumpti miseretur: addens hæc verba; si ego peccavi, quid ad populum pereuntem? respondit sanctus Sabas: ipse quis sum, ut Dei iram avertere valeam, qui peccator sum & imbecillus; præcipue quod scriptura dicat (Job 12. v. 14.) si clauſerit cælum, quis aperiet? Tum multis hortatoriis sermonibus ab archiepiscopo prolatis, tandem cedens Sabas dixit: ecce ad cellam vado, & ut obediam beatitudini tuæ, precabor faciem Dei; novi quod hominum amans sit ac misericors, & miserationes ejus super omnia opera ejus (Ps. 144. v. 9.) Veruntamen hoc tibi signum sit, si tres dies pertransierint, nec pluerit, scito me non esse à Deo exauditum. Orate ergo etiam vos, quo fiduciam habeat precatio mea. Quæ ubi dixisset, tertio Septembris mensis die ab eo discessit. Die autem sequenti, quum æstus validissimus esset, complures operarii in prædicta fossa laborabant, & circa vesperam relictis instrumentis omnibus*



quæ multa habebant, & cophinis, abierunt, cum spe manè ad opus redeundi. At circa horam noctis primam, ventus flavit auster, orta sunt fulgura & tonitrua, imberque vehemens delapsus est, adeo ut ante diluculum impleti fuerint aqueductus, & torrentes undique ferrentur. Quodque aquæ in loco fossæ redundarent, aggeres tanto tempore, tot laboribus sumptibusque erecti, uno temporis momento in suum locum detracti sunt, & tabulata, instrumenta, cophinosque cooperuerunt, manseruntque inferius ad hunc usque diem, quo nempe Cyrillus ista scribebat: necnon per multitudinem aquarum, ac Dei gratiam, æquatus est foveæ locus, adeoque complanatus, ut non agnoscat. Impleta vero sunt sanctæ civitatis receptacula; atque encæniorum seu dedicationis festum cum gaudio & animi jucunditate actum est. Et n. 68. p. 336. Dum Sabas annum agit octogesimum sextum, (anno 524.) Joannes archiepiscopus, post peractos in patriarchatu septem annos cum novem mensibus, obiit, reliquitque in episcopatu successorem beatissimum Petrum genere Eleutheropolitam. Tribus vero annis interlapsis Romanorum Imperator Justinus, jam senex, & corporali infirmitate correptus, decreto Dei, & comprobatione universi senatus, Epiphonio Constantinopolis archiepiscopo manus imponente, provehit ad tenendum imperium Justinianum nostrum à Deo custoditum Imperatorem, sororis filium, patricium, consulem, magistrum militiæ, quique reipublicæ negotia potenter regebat. Illum ergo Imperatorem promoveret, ac post tres menses, ipse piæ memoriæ Justinus, annis novem in imperio transactis, vivendi finem fecit. Quæ quum anno Christi 527. contigerint, palam est Joannem, qui tribus annis antea decesserat, ex hac vita migrasse anno 524. adeoque undecimo ab intrusione sua anno: huic tamen non assignat Cyrillus nisi septem patriarchatus annos cum novem mensibus, utique quod tribus prioribus annis eum pro legitimo Pontifice non habuerit. Annos undecim computat Nicephori chronicon. Doctiff. actorum sanctorum editores tract. prælim. in tom. 3. Maii, aiunt pag. 27. n. 118. col. 1. eum excessisse die 22. April. juxta Henschenium in Prolegomenis ad vitam S. Euthymii n. 15. die 20. Januar. & addunt, quæ in vita sancti Sabæ habentur, cum omni illius temporis historia convenire optime, totamque horum Patriarcharum successionem & chronologiam reddere undequaque indubitatam.

#### L. P E T R U S.

Jam diximus Petrum Eleutheropoli oriundum, Joanni in sede Hierosolymitana, anno Chr. 524. juxta accuratam Cyrilli Scythopolitani epocham successisse. Eundem, inquit

A ille n. 68. apud Cotel. 10. 3. monum. eccl. Græc. pag. 337. honorem beato Sabæ, quem præcedentes Patriarchæ, detulit, studiumque gessit ad eum frequentius in eremum accedendi. Sororem habebat secundum carnem nomine Hesychiam, divinis virtutibus insignem. Quæ quum in gravissimum morbum delapsa esset, atque à medicis desperata, frater ejus condolens arcessitum beatum Sabam hortabatur ut laborem veniendi ad ipsius usque domum susciperet, atque orationem pro ea faceret. Sanctus senex, qui non obtemperare nesciebat, ad illam perrexit, & valetudinem desperatam inveniens, precibus pro ipsa fufis, ter eam signo crucis consignavit, & restituit sanitati. Miraculo autem per universam sanctam civitatem evulgato, cuncti Deum glorificaverunt. Et n. 70. pag. 339. Ineunte anno ætatis sancti Sabæ 91. (anno 529.) sanctus abbas Theodosius finem vitæ sortitus est, mense Janu. die undecima, senex ac plenus dierum. Editores actorum SS. tract. prælim. in 10. 3. Maii, p. 27. n. 120. col. 2. aiunt Cyrillum, in præfatione ad vitam hujus sancti à Theodoro Petrarum episcopo scriptam, referre eum mortuum undecima die C Januar. Indictionis VII. 22. mense regnantis Justiniani, quum centesimum fere suæ ætatis annum attigisset. Cœperat autem regnare Justinianus in cœna Domini, kalendis Aprilis anni 527. ita ut mensis ejus vigesimus secundus recte nos ducat ad Januar. anni 529. Petrus archiepiscopus, cognita ea Theodosii morte, cum aliis quibusdam episcopis tunc in sancta civitate præsentibus, festinavit ad monasterium ut exequias celebraret, sicut testatur Theodorus prædictus πραιπρετον, id est, optimum, seu præstantissimum appellans Petrum. D Auctor vero alterius vitæ, quæ latinè extat edita, laudat ut virum, cujus magna quidem fuit fama, famam autem superabat virtus. Quarto post Theodosii abbatis obitum mense, inquit Cyrillus Scythopolit. in vita S. Sabæ, n. 70. 10. 3. Cotel. p. 339. Palæstinæ Samaritani, gens tota, bello aggressi christianos, multa nefaria perpetraverunt, incidentes ecclesias deprædantur, ignique tradunt, incurrentes Christianos variis suppliciis crudeliter necant, integras villas incendunt, maxime in locis quæ Neapolim (urbs est Sichem sive Sichar hodie dicta Naplouse) cingunt, ubi tyrannide assumpta sibi regem coronaverunt Julianum quemdam suæ gentis hominem. Tunc vero episcopum Neapolcos Ammonam jugulavere, quosdam etiam presbyteros comprehensos, atque concisos una cum reliquiis sanctorum martyrum frixerunt, multaque hujusmodi atrocitatis commiserunt flagitia, adeo ut viæ, quæ regiæ vocantur, inaccessible ac impervix Christianis fierent. Quæ omnia ubi ad aures pervenerunt Justiniani Imperat. jussi sunt Theodorus & Joannes viri clarissimi exercitum



cogere, & contra Samaritanos ducere. Conflictu facto, occisus est Julianus, pariterque cum eo ingens Samaritanorum numerus. Tunc vero Silvanus Samaritanus (de quo prædixerat S. Sabas supra n. 61. p. 328. quod vivus combureretur) Scythopolim absque Imperatoris licentia ingressus, à Christianis arripitur & in medio urbis incenditur. Arsenius autem Silvani filius, qui Illustris dignitatem obtinebat, & tunc Constantinopoli morabatur, multumque nescio unde aditum habebat apud Justinianum Imperatorem & Theodoram ejus conjugem, utriusque pietatem falsis relationibus circumventam in iram adversus Christianos Palæstinæ habitatores concitavit. Tunc ergo archiepiscopus Petrus, eique subiecti episcopi hortati sunt sanctum Sabam ut Constantinopolim proficisceretur, precesque funderet ad Imperatorem pro impetranda ab illo primæ & secundæ Palæstinæ publicorum tributorum remissione, ob cædes & vastationes quas Samaritani iis provinciis intulerant. Porro senex horum episcoporum hortationibus parens, Constantinopolim pergit ad mensem Aprilem Nonæ (x.) Indictionis (an. Chr. 532. quo 94. ætatis agebat & etiam obiit, ut infra dicitur) quumque Patriarcha ad Imperatorem litteras præmisisset Sabæ adventus indices, Imperator exultans in occursum ejus misit imperatorios dromones, δρόμους, quibuscum egressi sunt Patriarcha Epiphanius, Papas Eusebius, (Πάπας, juxta notas P. Jac. Goar in Codini Curopalatæ opus de officiis & officialibus curiæ & eccl. Constantinopol. pag. 26. num. 22. A privatis domibus & familiis Aulæ Constantinopolitanæ reddita familiaris vox, fidum & seniore signum significat ministrum, cujus custodiæ Palatium committeretur, & integritati claves noctu traderentur asservandæ) & Hypatius episcopus Ephesi cum suis, atque assumentes eum ad Imperatorem introduxerunt (n. 71. p. 341.) .... Qui accurrens reverenter salutavit senem, & cum gaudio & lacrymis ejus caput deosculatus est; tum benedictione ab ipso accepta, de ejus manu suscepit preces à Palæstina missas; persuasitque ut Theodoram quoque Augustam benediceret. Intravit itaque senex. Augusta vero excepit eum cum lætitia & reverenter salutavit: posteaque dixit; ora pro me, Pater, ut det mihi Dominus filium. Respondit Sabas; Deus gloriæ in pietate & victoria imperium vestrum conservet. Mærore autem affecta est Augusta quod petitioni suæ non annuisset: quum ergo ab ea exiisset, qui cum illo erant Patres, disceptabant cum eo dicentes: quare Augustam dolore affecisti, nec precatus es quemadmodum postulabat? senex ait illis, credite mihi, Patres, non habebit filium, ne Severi dogmatibus lætetur, pejorque quam Anastasius ecclesiam perturbet. In palatio autem remanere permisi sunt. Itaque postquam

A Imperator recepit à sancto sene libellos supplices ecclesiarum Palæstinæ, conversa est ira ejus adversus Samaritanos, constitutionemque seu legem tulit ut eorum synagogæ tollerentur, ipsi ab omni reipubl. administratione propellerentur, suorum hæreditatem non adirent, neque jus per donationes ad se mutuo transmitterent. Sancivit præterea ut interficerentur maxime primores eorum & seditiosi. Tunc porro Arsenius (Silvani Samaritani qui à Christianis combustus fuerat filius) se ad tempus occuluit, quod eum occidi jussisset Imperator; postea vero ad beaurum B Sabam confugiens, adhuc in regia urbe degentem, baptismum cum omnibus suis recepit, n. 72. pag. 343. Post aliquot dies sanctum Sabam arcessivit Imperator, dixitque ei; comperi, Pater, à te multa monasteria in deserto constituta fuisse: verum quocunque volueris reditum (exhiberi) in usum monachorum, postula, & præbeamus, quo pro nobis & republica nobis commissa precentur. Respondit Sabas: qui pro vestra pietate precantur, hujusmodi reditu non egent; pars enim eorum ac reditus, Dominus est, qui in solitudine populo incredulo & contradicenti panem cælestem pluit. Verum nos, religiosissime Imperator, ad constabiliendas sanctas Palæstinæ ecclesias, remissionem tributorum petimus, & reedificationem venerabilium ædium quas Samaritani igni tradiderunt, subsidium quoque erga Christianos qui in Palæstina ad paucitatem redacti sunt, ac direpti: ad hæc ut unum in sancta civitate nosocomium seu valetudinarium construat, in peregrinorum ægotantium curam; utque illic fundatam ante aliquod tempus ab archiepiscopo Elia novam sanctæ Deiparæ ecclesiam ædificetis atque exornetis: hoc D quippe maxime vestram decet pietatem. Tum propter Saracenorum incursiones, ut clarissimo Summo, Σύμμε (id est, Palæstinæ præposito) jubeas castrum ex ærario erigere in solitudine intra monasteria quæ mediocritas mea construxit. Et credo, atque confido Deum pro hisce quinque ipsi gratis operibus adjuncturum imperio vestro Africam & Romam, omnemque reliquam Honorii ditionem quam amiserunt qui ante vestram piissimam Serenitatem imperarunt. Insuper (rogamus) ut Arianam hæresim, cum Nestoriana, & illa Origenis è medio E tollatis, atque à lue harum trium hæreseon liberetis ecclesias Dei, &c. Et n. 73. pag. 345. Cæterum quæcunque sanctus Sabas petiit, Imperator absque mora præstitit; quæ vero ei prædixit, benignus operatus est Deus, &c. Et rursus ibid. apud eundem Cotelierum ro. 3. monument. eccl. Græc. pag. 347. Quum autem Imperator in hisce (concedendis) cum Triboniano quæstore in aula Magnaura dicta occuparetur, beatus Sabas parumper deflexit, & Davidicos Psalmos recitans divinum tertiæ horæ officium



officium persolvebat. Hieremias unus ex ejus discipulis, diaconus maximæ lauræ, accedens ad eum dixit: Honorande Pater, dum Imperator tantum exhibet studium in adimplendis petitionibus tuis, cur ipse ab eo secedens, seorsum stas? Respondit senex: illi, fili, quod suum est faciunt; faciamus nos pariter quod nostrum est. Et num. 74. pag. 347. Imperator quidem his omnibus constitutis, datisque sancto seni iussionibus, dimisit eum in pace; Deus vero remunerationem Imperatori infinite multiplicatam præbuit, Sabæque prophetiam ad effectum perduxit: nam paulo-post duo trophæa erexit, & coronas duarum victoriarum tulit, quales nondum antea ulli præcedentium Imperatorum contigerat reportare. Africam enim & Romam à perduellionibus detentas recuperavit, duosque reges adductos Constantinopolim vidit; atque ita terræ marisque dimidiam partem brevi tempore Romanorum Imperio restituit: tum Occidente toto à servitute memoratorum tyrannorum qui Arianis erant liberato, constitutionibus edixit, Arianis ubique auferendas ecclesias, juxta beati Senis postulatam sive prophetiam. Præterea Nestorii, Origenisque hæreses strenuè concitatus everit, atque anathematizavit, cum per edicta publica, tum per sanctam & æcumenicam synodum quintam nunc Constantinopoli congregatam (anno scilicet Christi 553.) sanctus autem Sabas..... in Palæstinam appulit mense Sept. Indict. IX. (XI.) & Hierosolymam profectus, (Imperatoris) iussa manifesta fecit.... Et n. 75. pag. 349. Quibus promulgatis ibidem, rogatus ab archiepiscopo & cæteris episcopis Pater Sabas, ad (urbes) Cæsaream atque Scythopolim abiit, ut eadem iussa illic quoque publicaret. Quumque Scythopolim venisset, obviam ei processit metropolita Theodosius cum omni plebe, in quibus erat etiam Pater meus (verba sunt Cyrilli Scythopolitani vitæ S. Sabæ auctoris, qui narrat quomodo ejus notitiam adeptus fuerit) tunc temporis episcopii curator, & metropolitani assessor: atque post iussa (Imperatoria) evulgata introductus Senex in episcopale palatium, illic in ædibus sancti martyris Procopii mansit, patrem vero meum indivulsum habebat. Me porro, qui puer eram, & patrem comitabar, atque ad beati Senis pedes procideram, benedixit, erexit, & complexus est, dixitque patri meo; hic puer à præsentis tempore discipulus meus est, Patrum solitudinis filius. Ad metropolitam vero ait; magne Domine, hunc ego tibi puerum commendo, attende ipsi, quia mihi opus est. Nunciata hæc fuere matri meæ ex narratione patris, & expectavit sanctum Senem salutare. Quumque is in loca sancto (Apostolo) Thomæ finitima progressurus esset ad abbatem Procopium solitarium, re per indicium patris comperta, mater mea assumpto me egressa est ad illud sancti Thomæ templum.

Tornus III.

Atum Senem illic consistentem seorsum capiens pater, matrem ad ipsum salutandum duxit, qui cognoscens eam esse ancillam Dei, benedictione sua eamdem donavit, atque intuitus me ait; ecce discipulus meus Cyrillus. Ego me in modum penitentis inclinavi: ipse vero, postquam benedixit me & erexit, dixit ad patrem; doce eum psalterium, quia ejus indigeo; etenim ab hoc tempore discipulus meus est. Quibus dictis illam prius benedictam dimisit, meque cum patre retinuit. Ingressi ad abbatem Procopium, cibum sumpsimus, & venimus in episcopium; ac die sequenti iter ad urbem Hierosolymam suscepturus beatus Sabas domum cum patre ingressus est, precem fecit, patrem, matrem, meque benedixit, & sic exiit Scythopoli cum sanctis patribus ejus sociis, &c. Itaque metropolita frequenter postea patrem meum cum urbanitate interrogabat, quomodo se habet beati Sabæ discipulus, simulque urgebat eum uti doceret me psalterium & epistolas Pauli; atque ita benedictione me donatum, ac tonsura, in principio ecclesiasticorum graduum constituit. Et n. 76. apud eundem Cotel. to. 3. pp. 352. & seqq. Magnus pietatis pugil Sabas, post impletum in gratiam Christianorum ministerium, Hierosolymam rediit, & cum gaudio à Patriarcha susceptus, venerabilia loca visitavit, iisque quasi valedixisset, in suam lauram maximam profectus est, ubi pauco tempore transacto in morbum incidit. Quod comperiens sanctissimus archiepiscopus Petrus, ad eum visitandum descendit; cernensque nihil eundem habere solatii in cella, præter siliquas paucas & veteres palmulas, impositum lecticæ ad episcopalem domum adduxit, ejusque ibi curam gerebat, propriisque manibus ipsi ministrabat. Porro aliquot diebus interjectis, revelationem accepit sanctus Sabas quæ ipsius obitum indicabat non post multos dies fore, quam ubi archiepiscopo renuntiavit, hortatus est ut dimitteretur. Tum archiepiscopus quod vellet omnibus modis ei satisfacere, misit eum cum convenienti curatione in lauram suam. Senex autem in propria discumbens turricula, initio mensis Decembris, convocatis lauræ patribus, dedit illis quemdam præpositum, Berytium genere, appellatione Melitam, adhortatus eum ut constitutiones suis monasteriis traditas inviolatas servaret, quas ei scriptas tribuit: Quumque dies quatuor transgisset nihil sumendo, & cum nullo congressus, vespere Sabbati, petita communionem atque accepta, postquam postremo dixit, Domine, in manus tuas commendo spiritum meum; animam reddidit. Et num. 77. pag. 353. Ipsius mors contigit quinto Decembris mensis, Indictione X. (XI.) à creatione quidem mundi anno sexies millesimo & vigesimo-quarto; à Dei autem Verbi Incarnatione ex Virgine, & Nativitate secundum carnem, anno

N



vigesimo-quarto supra quingentesimum, juxta tempora conscripta à sanctis nostris Patribus, Hippolyto illo antiquo Apostolorum familiari, Epiphanio Cypriorum archiepiscopo, ac Herone philosopho & confessore. (Hanc epocham octo annis nostra anteriorem modo patebit) Ratio autem temporis vitæ ipsius in corpore hæc est: In Palæstinam venit annos natus decem & octo; mansit in cænobio annis septemdecim, & in solitudinibus maximaque laura annos transegit quinquaginta novem, obiit vero ætatis suæ nonagesimo-quarto, post consulatum Lampadii & Orestis secundo, sexto præsentis à Deo protecti imperii. Hæc omnia coincidunt cum anno Christi, non 531. qui multis scriptoribus placuit, sed 532. Quum enim anno 518. quo decessit Elias Patriarcha, beatus Sabas annum octogesimum decurreret, ex n. 60. pag. 324. à mense Januario scilicet, quo natus est anno 439. ut colligitur ex num. 70. pag. 339. apud præfatum Cotel. anno autem 527. Justinianus Imperium auspicatus sit; sequitur omnino annum 14. à 518. sextum pariter à 527. fuisse annum Christi juxta æram vulgarem quingentesimum trigessimum secundum. Id observandum duximus ad diligentiorum hujus temporis epocham. Pergit Cyrillus, *ibid.* p. 354. Cæterum obdormitionis ejus fama per omnem finitimam regionem diffusa, coit immensa turba monachorum & laïcorum, adfuit quoque sanctissimus Patriarcha Petrus cum episcopis qui inventi sunt, & sanctæ civitatis primoribus. Atque in eum modum honorabile ipsius corpus in maxima laura depositum est, inter duas ecclesias, &c. Id nondum legerat doctissimus Papebrochius, quando scripsit tract. prælim. ad tom. 3. actorum sanctorum Maii, pag. 27. n. 121. col. 2. post Theodosium anno Christi 531. (dicendum videtur 532.) moritur etiam S. Sabas 5. Decembris Indict. X. (XI.) ætatis suæ anno 94. cujus exequiis cur non dicatur nominatim idem Patriarcha intervenisse, sicut in genere dicitur de omnibus quotquot erant episcopis, incertum mihi est. Subdit idem Cyrillus *ibid.* num. 78. Corpus S. Sabæ integrum adhuc fuisse quum hæc scriberet: illud enim, inquit, pag. 355. ego ipsis oculis conspexi superiori Indictione. Nam pretioso loculo adaperto ad deponendum corpus beati Cassiani, descendi ut sancti senis corpus venerarer, nactusque sum illud integrum & insolutum manere, ac demiratus glorificavi Deum, qui gloria affectit servum suum, eumque incorruptione honoravit ante communem universalemque resurrectionem. Ait autem infra, num. 88. pag. 371. de tempore mortis hujus Cassiani: Is Cassianus, postquam sacri beati senis gregis pastor decem mensibus exstitisset, in pace in idipsum dormiit & requievit, decimo-sexto post magni obitum; (anno subinde 548. nisi occur-

rerit in illa epocha error, quia Cassianus hic decessit ante Petrum Hierosolymitanum, qui communius asseritur obiisse anno Chr. 544.) Non multo post sancti Sabæ mortem, in Palæstinæ monasteriis ingens orta est turbatio, ob errores Origenis, quos Leontius Byzantinus, Nonnus Palæstinus, nonnullique alii monachi iis erroribus imbuti, præsertim circa animarum præexistentiam, ideoque ex nova laura sancti Sabæ prope Thecoam ab ejus præposito Agapeto olim ejecti, diffeminare curarunt. In ea autem occasione minis perterrefactus Patriarcha Petrus, molliorem, quam opus fuisset, se præbuit. Rem fusius tradit Cyrillus præfatus in vita sancti Sabæ à n. 83. apud Cotel. to. 3. monum. eccl. Græc. pag. 360. usque ad calcem, pag. 376. ex quo hæc exscribenda ducimus, ad majorem rei intelligentiam. Sabæ in maximæ lauræ regimine successerat Melitas, qui præfuit quinque annis. *Quandiu omni laude prædicandus Pater Sabas in carne superstes fuit, inquit Cyrillus, una fidei professio per omnia solitudinis monasteria invaluit, eratque cernere cunctos Hierosolymæ filios in domo Dei concorditer incedentes, divinorum dogmatum consensu, statum obtinere scissione ac seditione vacuum.... Postquam vero optimus pastor migravit hinc, ovile ejus ad angustiam redactum est, quod ab imperito ducetur pastore. Nonnus enim & sectatores ipsius.... errores quos in imo corde occultabant, divulgaverunt.... & brevi tempore in maximam lauram, cæteraque solitudinis monasteria, pravam valuerunt Origenis doctrinam spargere.... Domitianus monasterii Martyrii abbas, & Theodorus Ascidas Neolauritarum (id est, monachorum novæ lauræ incolarum) Dux & princeps, uterque Origenis lue infecti, Constantinopolim navigarunt, ubi simulantes pugnare se pro synodo Chalcædonensi, ex commendatione Leontii Byzantini adjunguntur Papæ Eusebio, ac per eum accessum habent ad Imperatorem. Dum vero hypocrisis plurima perversam suam sententiam obtegunt, & prima intimaque libertate in palatio fruuntur, Domitianus quidem Galatarum regionis episcopatu donatus est, & Theodorus Casarea Cappadociæ præsulatum suscepit. Inde Nonnus ac ejus affeclæ, majori potentia accepta, studiose Origenica semina per totam Palæstinam disperdere. Et n. 84. apud eundem Cotel. to. 3. monum. eccl. Græc. pp. 361. & seqq. Post mortem Melitæ sancti Sabæ successoris, maximæ lauræ præfectus est Gelasius Theoduli frater, quos ex Isauria oriundos Deus anno circiter Christi 494. ad S. Sabam miserat, ut refert idem Cyrillus Scythopolitanus, n. 32. p. 263. & comparat Beseeli & Eliabo tabernaculi architectis. Hos enim habens, inquit, novus noster Moyses, quæ deerant splendidissima*



suæ lauræ condidit, necnon sacra circa eam monasteria. Theodulus decesserat quum frater ejus Gelasius maximæ lauræ abbas renuntiatus fuit, quinque annis post S. Sabæ obitum, principio decimæ-quintæ Indictionis, subindeque post inceptum mensem Septemb. anni 537. Is porro cernens Origenianam luem per multos è suo conventu diffundi, de sententia beati Joannis (Silentarii cognominati) episcopi (Colonæ in Armenia) & solitarii, habens certaminis adiutores Eustarhium quemdam calligraphum seu librorum scriptorem, genere Galatam, Stephanum Hierosolymitanum, atque Timotheum Gegalinum qui usque ad hoc tempus Clitæ & ἡ Κλῆτῆ virtutibus refulget, opus sancti Bostrorum episcopi Antipatri contra Origenis dogmata conscriptum in ecclesia legi curavit. Unde commoti qui hæresim tuendam susceperant, tumultus excitabant. Exstitit autem perversionis dux Joannes quidam lauræ diaconus, & canonarcha, (id est, præcentor) Antiochenus genere, qui quod propter hæresim è sacrario à patribus expulsus fuisset, conspirationem facit cum Joanne cognomento Brontodæmone seu Tonitruodæmone, Ptolemæo, aliisque. Hi seorsim noxia collegia facientes, subvertere multas animas nitebantur. Tunc Patres communi lauræ decreto eos speciatim ejecerunt quadraginta fere numero: qui in novam lauram profecti ad Nonnum, ac Leontium Byzantinum tunc Constantinopoli reducem & contra beati Sabæ successores efferratum, adversus abbatem Gelasium, & maximæ lauræ patres clamabant. Quumque omnes illic hæreseos principes congregati essent, Leontius Byzantinus, qui pridem erga beatum Sabam male affectus erat, consilium dat cunctis, ut audacia utantur, maximamque lauram omnes undique pravæ doctrinæ affectatores subvertant. Unde in unum coacti accesserunt, una cum Leontio & expulsis, ad monasterium beati Theodosii, rati se in suas partes tracturos, tum Sophronium monasterii abbatem virum celebrem, tum patres. Verum inane redditum est eorum consilium, atque ignominia affecti redierunt. Inde Leontiani adversus Gelasium, maximamque lauram in furorem acti, miserunt ad varia loca, & collectis fossoriis, hamis, vectibus ferreis, cæterisque ad evertendum idoneis instrumentis, cum rusticorum manu & subsidio, adierunt maximam lauram destructuri. At Deus ingens edidit miraculum, nam quum esset hora diei secunda, ingruit super eos caligo & obscuritas tenebrarum, atque tota die confracti per aspera inviaque loca incedendo, ut ex quibusdam probe scientibus didici, vix sequenti die ad monasterium beati Marciani inventi sunt, sicque lucem communem intuiti, re infecta cum pudore ad sua loca reversi sunt. Et n. 85. pag. 364. Cotel. Eodem tempore adfuerunt in Palæstina

Tomus III.

A Patriarcha Antiochiæ Ephræmius, & Papas Eusebius, propter Pauli Alexandria episcopi depositionem, ad quem Eusebium Hierosolymitanum profectum post solutam synodum, (quæ ea de re congregata fuerat) Leontius adducit eos qui è maxima laura pulsi fuerant, accusatores Gelasii, quod nempe in duas partes conventum scidisset, & ipsos quidem expulisset, ipsorum vero adversarios adscivisset. His Leontii verbis deceptus Papas Eusebius, nihilque de hæresi sciens, arcessit abbatem Gelasium, eique necessitatem imponit, vel ejectos admittendi, vel eorum adversarios qui hæresim impugnabant propellendi. Patres itaque ex communi deliberatione emiserunt è laura, Stephanum, Timotheum, aliosque quatuor fratres, qui voluntariam persecutionem passi, Antiochiam profecti sunt, quæque contigerant indicarunt Ephræmio Patriarchæ, cui etiam beati Antipatri libros ostenderunt. At Patriarcha per traditos libros compertis Origenis erroribus, ac per exhibitores librorum, agnitis quæ (modo) Hierosolymis ab Origenistis facta fuerant, strenue assurgit, ac publico synodico Origenis dogmata anathemati subjicit. Quod quum compertum fuit Hierosolymis, indignati sunt Nonni asseclæ, fulique patrocínio Leontii Byzantini qui Constantinopolim petierat, & Domitiani Galatiæ, atque Theodori Ascidae Cæsareæ Cappadociæ episcoporum, vim archiepiscopo (Hierosolymitano) Petro inferebant, ut Ephræmii (Antiocheni) nomen è sacris diptychis tolleretur: quumque ingens excitata fuisset seditio, clam ad se vocat archiepiscopus Sophronium & Gelasium, demandatque uti libellum facerent in Origenistas, quo eum adjurarent ne Ephræmii Patriarchæ nomen è sacris diptychis deleteretur. Libellum Patres fecerunt ac tradiderunt. Quem archiepiscopus ubi accepit, misit ad Imperatorem cum litteris suis, quibus intentata ab Origenistis referebat. Eo libello accepto Imperator edictum adversus Origenis errores tulit, cui subscripsit Menas Constantinopolitanus Patriarcha una cum synodo sua. Coacti quoque sunt subscribere ipsi Domitianus (Galatiæ) & Theodorus (Cæsareæ Cappadociæ episcopi) quorum tamen simulatio cunctis paruit. Et n. 86. pag. 366. Cotel. Ubi ergo edictum adversus Origenem latum evulgatum fuit Hierosolymis, cunctique Palæstinæ episcopi & solitudinis abbates eidem subscripsere, uno excepto Alexandro episcopo Abylæ, succensentes Nonnus, (quidam) Petrus, & reliqui hæreseos principes, à catholica communione abscesserunt, & nova laura relicta in planitie manserunt. Hoc autem Constantinopoli audito, jam mortuis Papa Eusebio, & Leontio, Theodorus Ascidas Cæsareæ Cappadociæ episcopus qui in palatio multa auctoritate pollebat, apocrysiariis sanctæ resurrectionis advocatis cum magna commotione dixit;

N ij



nisi Patriarcha Petrus satisfecerit patribus, eosque ad propriam reduxerit lauram, ab episcopatu eum hisce diebus deturbabo. Tunc Nonni affecle, per suggestionem ejusdem Theodori, scribunt archiepiscopo in hunc modum: Obsecramus sanctitatem vestram, ut modica satisfactione animabus nostris remedium adhibeat, catholicè & generaliter affirmando cum omni alacritate, ac dicendo: solutum sit, & fuit in nomine Patris, & Filii, & Spiritus sancti, omne prolatum anathema quod Deo non placet. Hujusmodi enim satisfactionem admittimus, tametsi rigorem juris minutatim non obtineat. Hanc epistolam postquam accepit archiepiscopus, initio quidem nolebat quæ petebatur satisfactionem facere, tanquam tumultus effectricem, nec legitimam. Verum qui Ascide insidias reformidaret, cogitaretque redimere tempus suum, arcessit è planitie Nonni affecle, iisque seorsum assumptis, postulatam satisfactionem ad eos facit, qua comprobata, reversi sunt in novam lauram, manserunt tamen acerbè infensi magnæ lauræ patribus. Tunc Ascidas Constantinopolim profectum archiepiscopum Petrum coëgit habere pro syncellis Petrum Alexandrinum, & Joannem Strongylum, hoc est, rotundum. Hinc majorem licentiam ceperunt qui Nonno adhærebant, & impietatem quidem suam publicè ac per domos publicabant, diversas vero persecutiones in Patres maximæ lauræ excogitabant; atque si quemdam in sancta civitate conspexissent monachum orthodoxum, hunc per nonnullos sæculi homines vapulare procurabant, & Sabaitam Σαβιταιν vocantes è sacra urbe pellebant. Proinde quibusdam orthodoxis patribus verberatis, belloque adversus pios exorto, Bessi Jordanis οἱ Βέσσοι τῆς Ἰορδάνης, divino zelo ducti, ascenderunt in sanctam urbem, ut bello appetitis orthodoxis suppetias ferrent. Tum publico prælio contra Bessos aliosque recte sentientes commisso, postquam ipsi ad maximæ lauræ Xenodochium confugissent, adorti sunt subito cum furore plurimo eorum hostes ut qui vellent patribus mortem inferre; quumque hospitale munitum reperissent, fores seu fenestras lapidibus perfregerunt, eosque qui intus erant valide lapidibus petebant. Dum ergo sic patres obsidentur, Theodulus quidam Bessus, invento ventilabro in manus sumpto, prodiens è Xenodochio, trecentos fere, quot erant, hostes solus dissipavit; cavet tamen ne quemquam omnino feriret; ipse vero ab illis lapide percussus cecidit, paucisque post diebus mortuus est. Atque exinde bellum quod contra pios susceptum fuerat desit. Et n. 87. pag. 368. Coteler. Tunc maximæ lauræ Patres Gelasium abbatem obsecrant ut Constantinopolim adeat, hæcque Imperatori nota faciat. Qui iter ingressurus patribus salutatis dixit: Ecce, Patres, juxta petitionem vestram proficiscor Constantinopolim, nec quæ mihi in

itinere eventura sunt scio. Vos itaque obtestor ut neminem eorum qui Theodoro Mopsuesteno adhæret, sinatis vobiscum manere.... quandoquidem sanctus Pater noster Sabas hunc cum Origene abominabatur. Me vero maxime penitet quod libello subscripserim, qui à monachis eremi, juxta Patriarchæ mandatum, ideo factus est, ut is (Theodorus Mopsuestenus) nequaquam anathematizaretur. Verumtamen Deus qui ecclesiæ suæ curam gerit, libellum non admitti providit, ipsum vero Theodorum anathemate percuti voluit. His ad patres prolatis, & valedicens, beatus Gelasius discessit. Ubi autem Byzantium appulisset, indicatur (Theodoro) Ascide ejus adventus, & statim præceptum datum est hominibus, tam domus pupillorum nutricis, quam Patriarchæ & Palatii, ne ullum è Hierosolymis monachum admitterent. Quocirca abbas Gelasius, quod nullatenus introduci valeret, ac Ascide insidiosas molitiones vereretur, Byzantio in Palæstinam egreditur pedestri usus itinere, quumque ad oppidum Amorium, Ἀμώριον pervenisset, obiit mense Oct. Indict. IX. (anno 545.) Re autem cognita, maximæ lauræ patres uno animo in sanctam civitatem ascenderunt quo præpositum peterent: & quum significassent Patriarchæ, ab episcopio cum contumeliis & verberibus, de mandato syncellorum ejecti sunt, multisque ærumnis dehinc in illos ingruentibus ad lauram negotio infecto redierunt. Tunc certe cuncti ad Origenistas adjunxerunt se, aut necessitate compulsi, aut adulationibus attriti, aut ignorantia furim abrepti, aut impiorum potentia conterriti. Atque ita heterodoxi omnibus occupatis, contra solam maximam lauram, quæ oblectabatur (adhuc) aciem instruebant, vehemensque illius obtinendæ adhibebant studium. Et num. 88. pag. 370. Coteler. Multis ergo usi artibus, hegumenum (seu præpositum) Origenistam creaverunt Georgium nomine, eumque in lauram cum satellitio inferunt, atque in sede sancti Sabæ collocant. Tunc magna orta est persecutio, sanctorumque Patrum nostrorum dispersio ad lupi præsentiam. Ac venerabilis quidem Pater Joannes episcopus (Colonix in Armenia) & solitarius, post multos annos egressus è loco ubi se abdiderat, in montem Olivarum secessit, unaque cum eo omnes pietatis alumni, ex quibus multi per regiones dispersi sunt. De eo Joanne, qui cognominatus est Silentarius, hæc supra narravit idem Cyrillus Scythopolit. in vita S. Sabæ, n. 21. apud Coteler. ibid. id est to. 3. monum. eccl. Græc. pp. 248. & 249. Eodem tempore, inquit, quo Theoctista, seu ecclesia lauræ sancti Sabæ dedicata fuit, (scilicet mensis Decembris die duodecimo, ut ait idem n. 19. p. 247. Cotel. Indict. decima-quarta, (xv.) anno ætatis beati Sabæ quinquagesimo-tertio, quo tempore quum



Zeno Imperator vivere defuisset, Anastasius Imperium suscepit; quæ omnia indicant annum 491.) in lauram adduxit Spiritus sanctus honorandum Patrem Joannem episcopum & solitariū, qui plurimas valdeque utiles de Euthymio & Saba narrationes mihi tradidit, ac ut eas conscriberem me excitavit. Hunc beatus Pater Sabas in numerum lauræ incolarum cooptavit, natum annos triginta & octo, quique nunc sanctificatum vas sanctissimi Spiritus effectus est, divinorumque donorum ornamentis abundat, lucis lator est, adhucque in carne degit, atque angelicè vivit, necnon nostros secundum Deum gressus illuminat; cujus virtutes præclaraque facinora nunc per digressionem conscribi nequeunt: sed, si Deo placent, postquam opus quod præ manibus habeo (vitæ sancti Sabæ) ad finem perduxero, pauca quædam de eo, quæque cunctis tantum non manifesta sunt, & ea quæ per sanctæ ipsius linguæ relationem accepi, in peculiari tractatu enarrabo, multa sane & egregia. Neque enim æquum est illa tacere ac oblivioni mandare, quum is per omnem, ut ita dicam, nostram rempubl. admodum clarus sit atque celebris meritis vitæ ac virtutum. Vitam ejus reipsa scripsit postea Cyrillus, ipso adhuc in terris degente, & annum decurrente centesimum quartum: (in Menologio Basilii Imperatoris dicitur obiisse natus quinque supra centum annos.) Hanc vitam nobis exhibent cum manuscripto Græco collatam doctiss. actor. SS. editores tom. 3. Maii, ad diem 13. hujus mensis, pag. 232. In ea autem refert Cyrillus num. 26. p. 235. col. 2. quum S. Pater Sabas decessisset, defleret vero Joannes se eo esse privatum, in somnis ei apparuisse S. Sabam atque dixisse: *ne sis de meo decessu tristis, o Pater Joannes; nam etsi sim à te carne separatus, sum tamen tecum spiritu: Eo autem respondente; Roga Dominum ut me quoque assumat, dicit beatus Sabas: Hoc nunc non potest fieri: gravis enim tentatio est invasura lauram. Deus autem vult te esse in carne ad eos consolandos & confirmandos, qui se pro fide fortiter gerunt & decertant. Hæc quum vidisset & audivisset Joannes, evasit quidem lætus, ut qui de Patre ægritudinem animi excussisset: sed sollicitus erat de tentatione quæ ei fuerat significata. Pergit Cyrillus in vita sancti Sabæ, n. 88. pag. 370.* Cotel. de eadem Origenistarum persecutione. Cæterum Deus insigne prodigium edidit, quemadmodum in Ario olim: ipso namque persecutionis die quo ii ex maxima laura propellebantur, hostium princeps, impietatis dux Nonnus de medio hominum sublatus est repentina morte correptus. Porro gravissimus lupus Georgius, postquam præfuisset sacro B. Sabæ gregi septem mensibus ab eo per (ipso) suos commilitones ejicitur, insimulatus luxuriæ ac turpitudinis. Ipsa vero

A crimina ultro reticebo, ne res quæ oblivione profundoque silentio dignæ sunt in publicum proferam. Tunc Patres qui in maxima laura relictæ fuerant, de sententia Patriarchæ in præpositum sumpserunt abbatem Cassianum Scythopolitam, qui eo tempore Sucæ congregationem præclare & orthodoxe gubernabat, virum à teneris unguibus monachum dimisso sæculo factum, & à beato Saba eruditum, quique presbyter fuerat maximæ lauræ, ac per annos octo Sucæ lauram rexit. Is Cassianus, postquam sacri beati senis gregis pastor decem mensibus extitisset, in pace requievit decimo-sexto post magni obitum anno: (subindeque Christi 548.) Et n. 89. p. 371. Cotel. Igitur tunc temporis Patres maximæ lauræ ex divina inspiratione præpositum designant abbatem Cononem, virum monasticis virtutibus, rectisque dogmatibus perelebrem, genere Lycium, in patria à puero monasticæ vitæ excultorem, qui multis in divinis certaminibus strenuus apparuerat, quique post mortem beati Sabæ venit, ut loca sacra inviseret; & in maximam lauram à Deo deductus est, ubi cunctos Patres dotibus spiritualis intelligentiæ ac discretionis (quibus pollebat) ædificavit. Quum itaque beati Sabæ gregem imminutum ac ad paucos redactum accepisset, multiplicavit illum & illustriorem fecit, necnon Patres per regionem dispersos undique congregavit. Tunc Deus, qui semper ecclesiæ suæ providet, Origenistarum concordiam.... diremit: Nam post Nonni mortem, Firmini lauræ monachi cum Neolauritis (sive novæ lauræ monachis) dissidendo de suis scitis dogmatibus, in mutua impugnatione occupati sunt, &c. Facile vero est cuique volenti eorum impietatem animadvertere, ex ipsis appellationibus quibus ipsi se mutuo nuncupant. Scilicet Neolauritæ eos qui Firmini sunt Protoctistas, Πρωτοκτισται, ac Tetraditas, Τετραδισται vocant, rursusque Firminiotæ Neolauritas nominant Isochristos Ισοχριστοι: utrique enim ex propriis impietatis suæ decretis nomina sortiti sunt. Quum ergo Theodorus (Ascidas Cæsareæ) Cappadociæ (episcopus) reipubl. negotia administraret, ac staret à partibus Isochristorum eosque tueretur, multosque ipsorum episcopos Palæstinæ, ac hegumenos constitui fecisset, necnon Theodorum novæ lauræ præpositum procurasset fieri crucis custodem & Scythopolitanum metropolitam, procellæ atque tempestates comprehenderunt non solum nostrum gregem, sed etiam eum qui impiissimo protoctisto dogmati adhærebat, quique præfectum habebat Isidorum. Hic Isidorus, quia non valebat Ascidas & Neolauritis resistere, ad abbatem Cononem nostri gregis pastorem transiit, atque pollicitus ei in S. Sione se nunquam defensurum præexistentiæ sententiam, sed omnibus viribus una certaturum adversus impietatem, cum ipso Constantinopolim



profectus est. Et num. 90. pag. 373. Cotelier. *Abbas ergo Conon ejusque comites Constantinopoli diversis ærumnis per Ascidam subjecti, patientia victoriam reportarunt. Aliquot enim interjectis diebus quum è vita discessisset Petrus archiepiscopus, (Palam est ejus mortem differri à Cyrillo, saltem usque ad annum 548.) & Macarius temeritate Neolauritarum esset ordinatus, bellumque sanctam civitatem teneret, piissimus quidem Imperator valde indignatus contra Ascidam & Origenistas, Macarium jussit ab episcopatu expelli: Conon vero abbas & socii, opportunitate temporis arrepta, quæ ad ipsos pertinebant Imperatori nota fecerunt, libellumque ei tradiderunt quo universam Origenistarum impietatem manifestabant, Isidoro jam mortuo. Atque inde cum multa fiducia Eustochium Alexandria æconomum qui Constantinopoli tunc degebat, episcopum Hierosolymorum promovent. Piissimus autem noster Imperator, tum Eustochium Patriarcham fieri sanxit, tum œcumenicam synodum agi mandavit. Abbas autem Conon Eustochium Hierosolymam dimittendo hortatus est ut Eulogium monasterii beati Theodosii præpositum (Constantinopolim) mitteret, ut in synodo quæ congregabatur adesset. Hæc omnia Cyrillus præfatus, de turbatione exorta inter Palæstinæ monachos, post obitum beati Sabæ, ob errores Origenis à pluribus eorum propugnatos toto tempore quo in vivis superstes fuit Petrus Hierosolymorum Patriarcha. Is porro non solum ea in causa reprehensibilem se præstitit, sed etiam in alia Anthimi nempe Trapezuntis episcopi sedis Constantinopolitanæ invasoris, & hæresi Eutychiana infecti, cujus aliquandiu communionem fovit: unde Agapetus Papa hanc ei Constantinopoli degens epistolam scripsit: quæ extat tom. 5. concil. Labb. col. 47. Agapetus dilecto fratri Petro. Voluissimus quidem, fratres dilecti, propter conjunctionem nostræ charitatis, omnes Domini sacerdotes, juxta apostolicam traditionem irreprehensibiles invenisse, & neminem, aut per gratiam, aut per metum, ab ecclesiasticis canonibus declinare: sed quoniam multa multoties subsequuntur quæ pœnitentiam parere possunt, & Dei misericordia delicta peccatorum vincit, & idcirco differtur pœna ut reformatio locum invenire possit, monere necessarium judicavimus & ut accepta de cætero imprævaricata custodiantur. Oportebat enim vestram charitatem memorem paternarum traditionum neminem permittere prohibita facere, sed si quis audax appareret rota virtute resistere. Quum itaque pervenimus ad comitatum serenissimi nostri Imperatoris filii nostri, invenimus sedem Constantinopolitanæ ecclesiæ, contra omnem canonum honestatem ab Anthimo ecclesiæ Trapezuntiorum episcopo inconvenienter usurpatam, cujus animam non solum*

*secundum istam partem, sed, quod majus est, in confessione veræ fidei à perditione reducere desideravimus: sed Eutychis errori insistens ad viam veritatis venire contempsit. Unde quum ipsius in fide pœnitentiam expectassemus, neque catholico, neque sacerdotis nomine dignum esse interea lata sententia declaramus, donec omnia à patribus tradita, per quæ veræ religionis fides & disciplina custoditur, & secundum congruentem satisfactionem suscipiat. Cæteros vero similis contumaciæ ipsius, & sententia apostolicæ sedis condemnatos similiter charitas vestra aversetur, à quorum ipse seipsum communione sejunxit. Constantinopolitanæ vero sedis injuriam apostolica auctoritate (Deo) adjuvante, & adjutorio fidelissimorum Imperatorum emendabimus. Et supra modum quidem admirati sumus quod istud opus ita aperte contrarium decretis Patrum, vestra fraternitas, non solum ad notitiam nostram adducere neglexit, sed & reprehensibili consensu confirmavit: sed gratias agimus Deo cujus spiritu mala ad melius ut plurimum vertuntur, & parvæ transgressionis ad utilitatem & occasionem magni eveniunt gaudii. Hoc autem ad excitandam vestræ unanimis lætitiæ significo, quod Mennam fratrem & coepiscopum nostrum virum multis laudum modis ornatum prædicta Constantinopolitana ecclesia episcopum suscepit; cui licet præter cæteros serenissimorum Imperatorum electio arriserit, similiter tantus & totius cleri ac populi consensus accessit, ut & à singulis eligi crederetur.... Et hoc dignitati ejus additum esse credimus, quod à temporibus Petri Apostoli nullum alium unquam Orientalis ecclesiæ suscepit episcopum manibus nostræ sedis ordinatum. Et forsitan, vel ad demonstrationem laudis ipsius, vel ad repellendos inimicorum insultus res tanta contigit, ut illis ipse similis videatur, quos in his quandoque partibus ipsius apostolorum primi electio ordinavit. Commune itaque gaudium, fratres, pia exultatione suscipite, & quantum vos apostolicæ sedis nostræ judicium comprobatis, consueta rescriptione significate, habentes duplicem exultationis causam, & quod mala sine mora corrigantur, & quod pro his optata subsequuta fuerint: de cætero præcaventes ne rursus canonicis sanctionibus quid contrarium per vos (quod non credo) fiat, aut vestro accedente consensu firmetur; quandoquidem sicut error ejus, qui semel peccavit, venia dignus est, sic frequens transgressio motum austeritatis deposcit. Deus prospera fruentem valetudine te custodiat, frater honorandissime. Hæc epistola scripta fuit anno 536. quo Constantinopolitana sede ejecto Anthimo, Mennas in ejus locum substitutus fuit. Monito paruit Petrus, & eodem anno, 19. scilicet Septemb. coacta trium Palæstinarum episcoporum Hierosolymis synodo cui ipse*



præfedit, Anthimi depositioni, Severique & aliorum hæreticorum condemnationi cum iisdem subscripsit. Hujus synodi acta leguntur 10. 5. concil. Labb. à col. 275. ad 287. hoc modo: *Concilium Hierosolymitanum, contra Severum, Petrum, & Zoaram hæreticos. Post Consulatum Flavii Belisarii gloriosissimi, XIII. kal. Octob. Indict. XV. (id est, 19. Septemb. anni 536. In Colonia Ælia metropoli, quæ & Hierosolymis ἐν Κολωνίᾳ Αἰλίας μετρώπολιν καὶ Ἱεροσολύμοις, præfidente sanctissimo ac beatissimo Patriarcha Petro, in secreto venerabilis episcopatus suæ beatitudinis, & assistentibus sacerdotio suo sanctis episcopis trium Palæstinarum sub sanctis locis venerabilissimæ synodi existentibus, &c. Et coll. 279. & seqq. Sententia Petri Hierosolymorum episcopi contra Anthimum. Sanctissimus ac beatissimus Patriarcha, & venerabilis synodus dixit: Demonstratus est, &c. Consentientium sumus his quæ bene formata sunt ab ipso sanctæ memoriæ Agapeto, & his quæ definita sunt à Menna sanctissimo Patriarcha regiæ urbis, & ab ipsius venerabilissima synodo congregata, sequentesque de his confirmationem divinæ ac imperialis legis, admittimus depositionem Anthimi, tanquam qui à principio præter sacros canones intrusit se in pontificalem sedem regiæ urbis, & novissime præbuit demonstrationem suæ hæresis, & immutabilis opinionis, &c. Interfuerunt huic synodo Hierosolymitanæ quadraginta octo episcopi. Referunt doctissimi actorum sanctorum editores, tract. prælim. in tom. 3. Maii, pag. 27. num. 122. col. 2. Basilio V. Cl. Cos. quum Paulus episcopus Alexandrinus incautius agens, propter cædem ipsius jussu, ut ferebatur, patratam (quod tamen negabat ille, sed negare non poterat occasionem dedisse) judicatus esset irregularitatem incurrisse, eum Gazam in exilium relegatum esse. Et post hæc, inquit Liberatus Brev. cap. 23. 10. 5. concil. Labb. col. 777. & apud Baron. ad ann. 537. n. 15. misit Imperator Pelagium diaconum & apocrisarium primæ sedis Romanæ Antiochiam cum sacris suis, quibus præcepit ut cum Euphræmio (Ephræmio) ejusdem urbis episcopo, & Petrus Hierosolymita, & Hyppatius Ephesus, venirent Gazam, & Paulo episcopo pallium auferrent, eumque deponerent. Pelagius ergo profectus Antiochiam, & inde Hierosolymam, cum memoratis Patriarchis & aliquantulis episcopis venit Gazam, & auferentes Paulo pallium deposuerunt eum, & ordinaverunt pro eo Zoilum, quem postea Imperator deposuit, & Apollinarem ordinavit, qui nunc est præsul ipsius Alexandrinæ ecclesiæ. Liberatus quidem de eo Paulo ceu de viro orthodoxo loquitur, at eum damnatum tradit Victor Tunonensis, quod Dioscori hæretici prædecessoris sui nomen in sacris*

diptychis recitaret. *Basilio V. Cl. Cos. Alexandrinæ ecclesiæ*, inquit apud Henricum Valesium in annotationibus ad cap. 11. lib. 4. hist. eccl. Evagrii p. 103. D. Theodosio & Gaiano exulatis, Paulus pro eis prior Tabennesiotarum, Dioscori hæretici prædecessoris sui depositionem (id est obitus diem) celebrans, Palæstino concilio deponitur, & pro illo Zoilus ordinatur episcopus. Theophanes quoque narrat eum nomen Severi recitasse: sed Theophanem observat idem Valesius pag. 104. col. 1. A. debuisse dicere τὸ Διοσκορόν, non Σεβήρον: quia Severus tunc superstes adhuc illi fuisse videbatur, quando nimirum Paulus episcopatu ejectus est anno 537. Hac occasione contigit, verba sunt editorum actorum sanctorum loco supra cit. pag. 28. col. 1. Pelagio tradi à monachis Hierosolymitanis excerpta ex Origene capita quæ petebant Imperatori damnanda proponi, eoque libenter annuente, quippe qui gaudebat in talibus causis ferre judicium: dictata est à Menna archiepiscopo Constantinopolitano anathematis sententia, quam cæteri Patriarchæ, atque cum iis Petrus accipientes subscripserunt, teste eodem Liberato *ibid.* Baronius ad annum 546. num. 8. refert Pelagium sanctæ Romanæ ecclesiæ diaconum, quum functus fuisset munere apocrisarii apud Imperatorem, accepto successore Stephano pariter diacono Romanæ rediisse, ex Procop. de bello Goth. lib. 3. haud diu ante Urbem obsessam à Totila: hujus vero absentia nactum occasionem Justinianum, quod illo resistente minime peragere potuisset, confestim ex sententia Theodori (Ascidæ scilicet) archiepiscopi Cæsareæ Cappadociæ Pelagii æmuli, edictum adversus tria capitula compositum ab eodem Theodoro, proprio sui ipsius nomine promulgasse. Id enim Liberatus Breviar. cap. 24. tradit: Facundus etiam Hermianensis in Africa episcopus & ipse res sui temporis scribens affirmat lib. 2. necnon Vigilius Papa in sententia adversus eundem Theodorum postea prolata. Et n. 41. Quum igitur ea omnia velamento quodam pacis cum Acephalis ineundæ.... ab Imperatore agerentur: quod tamen suas sciret de fide constitutiones nullius esse roboris nisi ab episcopis auctoritatem acciperent, hæc ipse animosius præsulibus subscribenda ingerens, effecit ut Mennas Constantinopolitanus, Zoilus Alexandrinus, Ephræm Antiochenus, Petrus Hierosolymitanus, alique permulti Orientales episcopi, primo quidem subscribere renuentes, sed postea sive blanditiis, sive terroribus compulsi, ei cesserint: cui ex altera parte Stephanus sedis apostolicæ apocrisarius, una cum Dacio Mediolanensi episcopo & ipso Constantinopoli tunc degente; atque in

Vide supra  
pra, col.  
198. D.



Occidente Pelagius Romam nuper reversus, necnon Africani episcopi, ipseque in primis Vigilus Papa, cum verbis, tum scriptis valide restiterunt: adeo ut & iidem ipsi mox Orientales coactam suam subscriptionem detestantes, Romanum Pontificem consuluerint, protestati sententiam se retractaturos si eam ipse non probaret: quod præcipue Mennas ab Stephano redargutus præstitit, contestatus sub ea se conditione cessisse, quod juratum ipsi fuisset, suum se chirographum recepturum, si ea Romanus episcopus non probaret, prout hæc omnia pluribus narrat Facundus pro defensione trium capitulorum. *libb. 2. & 4.* Ita Baronius, cujus verborum summam postquam stricte adduxerunt præfati actorum sanctorum editores, addunt de Petro speciatim, ex Facundo *lib. 4. cap. 4.* Quid etiam Petrus Hierosolymitanus! Nonne publica notitia refert quoniam conveniente ad se multitudine monachorum juratus promuntiavit quod si quis eidem decreto (Imperatoris) novitio consentiret, contra Chalcedonense concilium faceret: nec tamen se ab ejus consensione suspendit. Hoc autem, velut hereditarium de prævaricatione primæ illius mulieris cognoscimus esse contractum, quæ prius interdictum sibi fuisse respondit ne de ligno quod erat in medio Paradisi comederet, & postea quod ipsa illicitum pronuntiaverat usurpavit, ac viro ut comederet persuasit. Baronius, pergunt illi editores actorum sanctorum, num. 124. col. 2. omnia (hæc) ad annum 546. distulit, quod eo anno promulgatum crediderit Justiniani edictum cui subscripsit Petrus. Verum neque in ipso quod habetur edicto, neque in Liberati Breviario de causis Nestorianorum & Eutychianorum, neque in Facundi Hermianensis libris pro defensione trium capitulorum. quidquam (occurrit) quod annum istud indicet. Vigilius autem Papæ profectio Constantinopolim anno 547. suadet longius temporis intervalum fluxisse, quam quod admittendum esset ab anno solum præcedenti: nonnisi enim post congruas ultro citroque deliberationes pro sedandis turbis ex ejusmodi edicto concitandis, quæ in apertum tandem schisma eruperunt, necessarium duxit Pontifex Imperatorem sibi nimium indulgentem de causis ecclesiasticis & rebus fidei adire. Quare edictum illud anno 543. rectè assignari potest, ut anno sequenti 544. obierit Petrus, quem sedisse viginti annis, ab anno scilicet 524. adstruunt Nicephori chronicon & tabulæ Theophanis. At Roma egressum esse Vigilium, non anno 547. ut aiunt illi actorum sanctorum editores, sed circa finem anni 544. monstrat Pagius in *Brev. hist. chronol. crit. Gestor. Pontif. Rom. 10. 1. pag. 295. n. 17.* ex Anastas.

A qui eum profectum dicit die 22. Novembr. hujus anni, ex Vict. etiam Tunonensi, qui iter ab illo susceptum narrat *post consulatum Basilii V. Cl. anno 4.* qui secundum ejus supputandi modum est annus 544. denique ex ipsomet Vigilio qui in epistola encyclica anno 552. Nonis Febr. data, ait: *10. 5. conc. Labb. col. 333.* Nos ad pietatem tuam festinantes ante septem annos de civitate nostra sic egressi sumus ut nulla haberemus privata negotia. Ex quibus verbis patet eum Roma discessisse anno 544. ad finem vergente. Observat insuper idem Pagius *ibidem pag. 293. nn. 13. & 14.* edictum Justin. Imp. contra tria capit. cui subscripsere Ephræmius Antiochenus & Petrus Hierosolym. promulgatum esse saltem anno 544. at non tardius, tum quia Petrus Hierosolymorum Patriarcha eo anno obiit; (ut communis traditur) tum etiam quia jam emissum fuerat, ante quam Vigilus Roma egrederetur sub finem anni 544. quandoquidem teste Facundo Hermian. *lib. 4. pro defens. trium capit. cap. 3.* Romani illum proficiscentem obtestabantur, ne huic edicto acquiesceret. C Non tacuit, inquit *pag. 60. D. quod Romana quoque universitas egredientem (Vigilium) quod venientem Africa etiam atque Sardinia, quamquam non per eas transferit, per ipsius tamen consiliarium publica eum contestatione pulsaverint, sicut Hellas & Illyricus provinciæ per quas venit, ut nullatenus novitati quæ facta est, acquiescat.* Addit autem Pagius *ibid. pag. 294. n. 14.* edictum illud Justiniani ad nos non pervenisse, proindeque illud quod citatur à Baronio ad annum 546. à *n. 11. ad n. 38.* de quo nos infra aliquid referemus, & extat D Græcè & Latine *10. 5. conc. Labb. à col. 683. ad col. 723.* aliud esse posterius, latumque anno 550. aut 551. Nam de Theodoro Mopsuesteno ibidem scribit Justinianus: *Deleverunt ipsi (clerici Mopsuestiæ) ex illo (tempore) à sacris ecclesiæ diptychis ejus nomen, sicut gesta in eadem civitate apud concilium episcoporum illius provinciæ confecta ostendunt.* Porro hoc concilium Mopsuestiæ celebratum est anno 550. & recensetur in synodo quinta collatione quinta, *10. 5. concil. Labb. à col. 492. ad col. 501.* Titulus est: *Synodus Mopsuestena. Imperii divini & piissimi nostri Domini Flavii Justiniani perpetuo Augusti & Imperatoris anno vigesimo-tertio, (ad margin. vigesimo-quarto, & sic legendum monet Baluzius in nova collectione concilior. nempe vigesimo-quarto) post consulatum Flavii Basilii V. Cl. anno 9. ante 15. kal. Julias, mensis Junii 17. instantis (id est, currentis) XIII. Indict. In Mopsuestia colonia, &c.* Præterea edictum anni 544. hæc continebat, teste eodem Facundo Hermian. *lib. 4. cap. 4. pag. 63. B. Si quis*



quis dicit, hæc nos ad abolendos aut excludendos sanctos Patres, qui in Chalcedonensi fuere concilio, dixisse, anathema sit. Quæ certe verba non leguntur in edicto quod proferunt Baronius, & conciliorum collectores.

# LI. EUSTOCHIUS.

Petro defuncto, Macarius quidem primum sedem Hierosolymitanam conscendit, sed brevi exactoratus; in ejus locum Eustochius assumptus est, cui ipse deinde successit eidem sedi restitutus quam usque ad obitum tenuit. Quamobrem de Eustochio impræsentiarum agimus, de Macario autem postea. Evagrius, lib. 4. hist. eccl. cap. 37. duplicem hanc promotionem tradit. Post Petrum, inquit, Macarius ejusdem urbis episcopatum suscepit, quum Imperator electionem ejus nondum comprobasset. Hic postea sua sede expulsus est, propterea quod Origenis dogmata asserere dicebatur. Post hunc igitur Eustochius episcopalem sedem sortitus est. De quo sic pergit cap. 38. Quum Origenis dogmatum assertores in monasteriis Palæstinæ, sed præcipuè in ea quæ dicitur nova laura quotidie invalescerent, Eustochius omni studio in id incubuit ut eos expelleret. Ad novam itaque lauram se contulit, eosque inde ejecit, procul amandans, tanquam communem hominum perniciem. At illi varia in loca dispersi multos suis partibus adjunxerunt. Horum patrocinium suscepit Theodorus cognomento Ascidas episcopus Cæsareæ quæ caput est provinciæ Cappadociæ, qui cum Justiniano assidue versabatur, eique fidus erat imprimis ac perutilis. Quum ergo iste palatium conturbaret, & id quod ab Eustochio gestum erat meram impietatem vocaret; missi sunt Constantinopolim ab Eustochio Rufus abbas monasterii Theodosii, & Conon abbas monasterii Sabæ, qui tum virtutis suæ causa, tum ob monasteria quibus præerant, principem locum inter Solitarios obtinebant. Venerunt una cum illis etiam alii dignitate haud multo inferiores. Et hi quidem de Origene imprimis, & de Evagrio ac Didymo agere instituerunt. Theodorus autem Cappadox, quum eos aliò vellet traducere, causam Theodori Mopsuestiæ episcopi, & Theodoretii, atque Ibæ in medium produxit; Deo scilicet optimo maximo ita rem omnem optime disponente, ut hinc inde profana omnia penitus ejicerentur. Cyrillus Scythopolitanus in vita sancti Sabæ n. 90. apud Cotelierum, 10. 3. monum. eccl. Græc. pp. 373. & 374. hæc pariter habet de Macario & Eustochio. Quum è vita discessisset Petrus archiepiscopus, & Macarius temeritate Neolauritarum esset ordinatus, bellumque sanctam civitatem teneret, piissimus quidem Imperator valde indignatus contra Ascidas & Origenistas, Macarium jussit ab episcopatu expelli: Conon vero abbas (maximæ

Tomus III.

A lauræ sancti Sabæ, qui tunc Constantinopoli aderat) & socii, opportunitate temporis arrepta .... cum multa fiducia, Eustochium Alexandriæ æconomum qui Constantinopoli tunc (quoque) degebat, episcopum Hierosolymorum promovent. Piissimus autem noster Imperator, tum Eustochium Patriarcham fieri sanxit, tum æcumenicam synodum agi mandavit. Atque abbas Conon Eustochium Hierosolymam dimittendo, hortatus est ut Eulogium monasterii beati Theodosii præpositum mitteret, quo is etiam in synodo quæ congregabatur adesset. Hic Eustochius in patriarchatu constitutus, tres episcopos misit qui locum ipsius in concilio tenerent: prætereaque abbatem Eulogium cum aliis duobus monasteriorum præpositis. Itaque quum sancta & universalis quinta synodus Constantinopoli esset coacta, communi generalique anathemati submissi sunt Origenes, & Theodorus Mopsuestenus, cum iis quæ de præexistentia & restitutione dicta sunt ab Evagrio & Didymo: præsentibus quatuor Patriarchis, atque decreta comprobantibus. Postquam vero Imperator acta synodi Hierosolymam misisset, omnesque per Palæstinam episcopi manu & ore ea confirmassent, præter Alexandrum Abylæ, qui ideo ab episcopatu dejectus est, ac Byzantii à terræ motu obrutus fuit: Neolauritæ à catholica communione separaverunt se. At Patriarcha Eustochius diversis modis eos aggressus, & per octo menses admonitione & adhortatione erga illos usus, ubi non persuasit ut cum catholica communicarent ecclesia, Imperatoris adhibitis jussionibus, per Anastasium ducem eosdem à nova laura expulit, totamque provinciam ab ipsorum peste liberavit. Quod vero nollet locum absque habitatoribus relinquere, centum viginti monachos collectos illuc transplantavit: sexaginta nimirum è maxima laura, ex quibus Joannem quemdam qui scholarius fuerat, ἀπὸ σχολῆων, præpositum ordinavit & constituit: alios vero sexaginta è reliquis eremi orthodoxis monasteriis; quorum unus ipse sum à maximæ lauræ Patribus è monasterio S. Euthymii, de sententia & permissione divini Joannis episcopi ac Solitarii evocatus. Itaque in sancta civitate congregati, egressi sumus cum Patriarcha, novoque præposito in Thecoam vicum: atque post Origenistas ab Anastasio duce pulsos, novam

E lauram recepimus vigesimo-tertio à morte beati Sabæ anno: (subindeque anno Christi 555.)

Quod autem aiunt Evagrius & Cyrillus, Origenem, Evagrium, & Didymum, una cum Theodoro Mopsuesteno, scriptis Theodoretii adversus anathematismos Cyrilli Alexandrini, & epistola Ibæ, fuisse condemnatos, nonnihil difficultatis ingerit, ad cujus solutionem sequens observatio doctissimi Henrici Valesii, quæ extat in annotationibus ad cap. 38. lib. 4. hist. eccl. Evagr. p. 110. col. 2. & p. 111. coll. 1.

Expenditur  
num Origenes,  
Evagrius, & Didymus,  
in quinta synodo generali  
damnati fuerint!



et 2. non parum, ut videtur, lucis adferet. In actis synodi quintæ Constantinopolitanæ, (id est, synodi quintæ generalis Constantinopoli congregatæ, secundæ vero Constantinopolitanæ generalis) quæ latino sermone edita ad nos pervenerunt, inquit, nihil extat.... de Origenis, Evagrii, & Didymi condemnatione: itaque Baronius acta ista mutila atque imperfecta esse existimavit. Nicephorus quidem *to. 2. hist. eccl. lib. 17. cap. 27. pp. 776. & 777.* hæc adversus Origenem ejusque sectatores gesta esse dicit in secunda congregatione. Theophanes vero, & auctor chronici Alexandrini, quintam synodum primo ac præcipuè collectam esse scribunt adversus errores Origenis, & Evagrii, ac Didymi: secundo autem loco adversus tria capitula.... Et rursus, *pag. 111. col. 1.* quantum ex Evagrii verbis colligere licet, Theodorus (Ascidus) Cappadox (de quo loquitur Evagrius) erat ex numero monachorum novæ lauræ quæ fuit juxta urbem Hierosolymam. Hic est igitur Theodorus Nonni Origenistæ assecla, qui postea Cæsareæ Cappadocum episcopus factus Origenistarum patrocinium apertè suscepit, ut scribit Cyrillus Scythopolitanus in vita sancti Sabæ. Porro quum hic Theodorus Cæsareæ Cappadocum episcopus, primas, ut ita dicam, partes egerit in synodo quinta Constantinopolitana, ut ex ejus actis perspicui potest, quomodo nunc in eadem synodo (teste ipso, met Evagrio,) tanquam Origenista accusatur (si in illa ad Origenis condemnationem plurimam tulit operam, eidemque subscripsit!) Non igitur sine causa suspicari possumus, hæc quæ Evagrius, Theophanes, & Cedrenus gesta esse dicunt in quinta synodo adversus Origenem, diu post illam synodum adjecta ei fuisse ob argumenti similitudinem; non tamen in ea synodo acta fuisse: sic etiam gesta synodi Constantinopolitanæ sub Menna adversus Anthimum & Zoaram (anno Christi 536.) huic synodo quintæ subijci solebant, ut testatur Photius in bibliotheca. Idem etiam probari potest ex iis quæ subnectit Evagrius: ait enim multa impiè dicta ex Evagrii ac Didymi & Theodori Mopsuesteni libris collecta ad eam synodum relata esse. Quod si hæc in quinta synodo Constantinopolitana gesta essent, ut tradit Evagrius, superfluum omnino fuisset atque inutile Theodori dicta repetere quæ in supra dicta synodo toties recensita fuerant atque damnata. Itaque existimo hæc adversus Origenem acta esse in alia synodo Constantinopolitana anno Christi 538. (vel fortassis aliquo alio anno posteriori, ab eo scilicet anno 538. usque ad annum 544. quo obiit Petrus Hierosolymitanus Patriarcha qui ejus

acta suscepit) tunc nimirum quum monachi quidam Hierosolymitani, quibus Pelagius Romanæ ecclesiæ diaconus, ac Mennas episcopus Constantinopolitanus favebant, libellum Justiniano obtulerunt capitula quædam ex libris Origenis excerpta continentem, postulantes à principe ut ea capitula damnarentur, quemadmodum refert Liberatus in *cap. 23. Breviarii, to. 5. Labb. col. 778.* Vide Baronium ad annum Christi 538. Cæterum conjecturam nostram prorsus confirmant ea quæ paulo ante scribit Evagrius, in iis videlicet gestis adversus Origenem insertam fuisse epistolam Imperatoris Justiniani ad Vigilium Papam de erroribus Origenis. Non igitur in synodo quinta Constantinopolitana hæc gesta sunt anno Christi 553. eo siquidem anno Vigilus erat Constantinopoli, nec necesse erat ut Justinianus cum eo per litteras ageret. Acta sunt ergo hæc adversus Origenem diu antea, tunc videlicet quum Justinianus, accepto libello monachorum illorum Palæstinsium, epistolam scripsit ad Mennam episcopum Constantinopolitanum de erroribus Origenis; jubens ut collectis episcopis qui in urbe regia aderant, & abbatibus monasteriorum, errores illos condemnaret. Extat hæc Justiniani epistola græcè & latinè edita ad calcem synodi quintæ Constantinopolitanæ; Alieno prorsus loco: non enim pertinet ad synodum quintam Constantinopolitanam quæ anno 553. celebrata est, sed ad alteram synodum Constantinopolitanam quæ jussu Imperatoris Justiniani collecta est anno Christi 538. (vel adhuc recentius.) Itaque Baronius hanc epistolam Justiniani recte retulit ad eum annum quem dixi. In fine autem hujus epistolæ Justinianus disertè testatur se ad Vigilium quoque Romanæ urbis episcopum epistolam scripsisse eodem argumento. Sic enim ait: *Hæc porro eadem scripsimus non modo ad sanctitatem tuam, sed etiam ad sanctissimum & beatissimum Papam senioris Romæ & Patriarcham Vigilium, & ad cæteros omnes sanctissimos episcopos, & Patriarchas Alexandria, Theopoleos, & Hierosolymorum, ut & hi huic rei prospiciant, & hæc finem adipiscantur.* Denique anathematismi illi quos adversus Origenis dogmata in quinta synodo Constantinopolitana contortos fuisse dicit Nicephorus, iisdem plane verbis leguntur in epistola Justiniani ad Mennam, quæ scripta est diu ante synodum quintam, anno Christi 538. ut ex Liberato docet Baronius. Idem quoque probari potest ex epistola quam Gregorius Magnus initio pontificatus sui scripsit ad quatuor Patriarchas: nam quum in ea epistola disertè profiteatur se quintam synodum Constantinopolitanam cum veneratione



fufcipere, in qua epiftola Ibæ, & Theodori ac Theodoreti fcripta quædam damnata funt, de Origenis condemnatione nihil dicit: quam profecto non omiffurus fuiffet, fi Origenes in ea fynodo effet condemnatus. Hucusque Valefius. Fieri itaque potuit acta fynodi Constantinopolitanæ sub Menna congregatæ anno Chrifti 538. pro condemnatione errorum Origenis, in Palæftinam, & alio, miffa fuiffe una cum actis quintæ fynodi generalis pro condemnatione trium capitulorum, hincque opinatos effe Cyrillum Scythopolitanum, Evagrium, Theophanem, Cedrenum, &c. eas omnes condemnationes gefas fuiffe in fynodo quinta generali, quæ tamen foli tunc trium capitulorum profcriptioni, ob quam convocata fuerat, omnem operam navavit. Et certe Liberatus Breviarii cap. 24. tom. 5. concil. Labb. col. 778. afferit Origenem fuiffe damnatum Constantinopoli, nondum mota ibidem de tribus capitulis quæftione: *Referato, inquit, aditu adversariis ecclesiæ ut mortuus damnaretur, Theodorus Cæsareæ Cappadociæ episcopus, dilectus & familiaris principum, secta Acephalus, Origenis autem defensor acerrimus, & Pelagii (sanctæ Romanæ ecclesiæ apocri-farii) æmulus, cognoscens Origenem fuiffe dam-natum, dolore damnationis ejus, ad ecclesiæ con-turbationem, damnationem molitus est in Theo-dorum Mopsuestenum, eo quod Theodorus multa opuscula edidisset contra Origenem, exosusque & accusabilis haberetur ab Origenistis, & ma-xime quod synodus Chalcedonensis, (sicut pro-batur) laudes ejus suscepit in tribus epistolis; cujus damnationem memoratus Theodorus tali machinatione perfecit. Scribente principe contra Acephalos in defensionem synodi Chalcedonen-sis, accedens idem Theodorus Cappadox, una cum suis satellitibus, qui sub nomine catholico Acephalis studebant, cum Theodora Augustæ favore Imperatori suggestit scribendi laborem non eum debere pati, quando compendio posset Ace-phalos omnes ad suam communionem adducere. Siquidem illi, inquit, hoc offenduntur in synodo Chalcedonensi quod laudes suscepit Theodori Mopsuesteni episcopi, epistolamque Ibæ, quæ per omnia Nestoriana esse cognoscitur, synodus ipsa judicio suo pronuntiaverit orthodoxam. Qui Theodorus, si cum dictis suis, & hac epistola anathematizetur, tanquam retractata synodus atque purgata, suscipietur ab eis per omnia & in omnibus, & sine pietatis vestræ labore ecclesiæ catholicæ sociati, gaudente universali ecclesia, clementiæ vestræ laus erit sempiterna. Hæc au-diens Imperator, & dolum doloform minime prospiciens, suggestionem eorum libenter accepit, & hoc se facere promptissime spondit. Sed rursus illi callida fraude rogaverunt eum ut dictaret librum in damnationem trium capitu-*

Tomus III.

*Alorum, quo libro ejus edito & toti mundo ma-nifestato, dum emendare princeps erubescit, irrevocabilis causa fieret. Sciebant enim princi-pem solita pietate, scandalo emergente, senten-tiam suam posse corrigere, seseque ad periculum pervenire (hic aliqua videtur irreplisse con-fusio, legendum fortassis prævenire.) Ann. vitæ princeps, & hoc se lætus implere promisit, & relinquens operis sui studium, unum in damna-tionem trium capitulorum condidit librum, pro delictis nostris, nobis omnibus notissimum. Cæ-tera vero quæ subsequenter in episcopis & catho-lica ecclesia ab eodem principe (Justiniano) facta sunt: quomodo consentientes episcopi in trium damnationem capitulorum muneribus di-tabantur, vel non consentientes depositi in exi-lium missi sunt, vel aliqua fuga latitantes in angustiis felicem exitum susceperunt, quoniam nota sunt omnibus, puto nunc à me silenda. Illud liquere omnibus credo, per Pelagium diaconum, & Theodorum Cæsareæ Cappadociæ episcopum, hoc scandalum in ecclesia fuisse ingressum. Quod etiam publice ipse Theodorus clamitavit, se, & Pelagium vivos incendendos, per quos hoc scan-dalum introivit in mundum. Damnatio ergò Origenis præcesserat damnationem trium ca-pitulorum in synodo quinta generali factam, huicque occasionem dedit: nec procul dubio Theodorus ille præstitit ut in ea synodo, in qua plurimum valebat auctoritate principis, Origenes iterum proscriberetur. Unde idem Liberatus qui illud primum judicium in Ori-genem Constantinopoli latum sub Menna Patriarcha refert, non dicit eum denuò fuiffe damnatum.*

Epistola illa, quam scripsit Justinianus Im-perator ad Mennam, tum ut ei denuntiaret capitula ex libris Origenis excerpta & ad se delata à monachis Hierosolymitani tractus, cum ampla illorum confutatione ex scriptura & sanctis patribus, à se, vel sub suo nomine conflata; tum ut illum hortaretur ad epi-scopos & abbates Constantinopoli repertos congregandum ut eadem capitula ipsamque Origenis personam damnarent & anathema-tibus ferirent: ea, inquam, epistola extat La-tine apud Baronium ad annum 538. à n. 34. ad n. 82. Græce vero & Latine, 10. 5. concil. Labb. in additamentis ad quintam synodum generalem, à col. 635. ad col. 679. Ejus titulus est: *Tractatus piissimi Imperatoris Justiniani missus ad Mennam sanctissimum & beatissimum archiepiscopum felicitis urbis & Patriarcham, adversus impium Origenem, & nefarias ejus sententias. Initium est: Nobis semper præsto fuit, &c. leguntur autem in fine col. 670. verba quæ Valefius ex ea supra retulit: Hæc porro eadem scripsimus, &c. itidem col. 678. habentur decem anathematismi in Origenem*

O ij



eiusque errores vibrati, quos in quinta synodo recitatos probatosque, sicut & repetitam Origenis damnationem Nicephorus tradit 10. 2. *hist. eccl. lib. 17. cap. 28. pp. 778. & 779.* Ipse enim Imperator, inquit Baron. modo laudatus, num. 83. quod sciret extra fines esse regalis auctoritatis de fide sancire decreta, hanc ob causam, ut in ea ipsa epistola audivimus, (verba epistolæ inferius col. 216. referentur) ipsum Mennam Constantinopolitanum ad quem scribit, admonet ut synodum habeat, à qua ista omnia quæ adversus Origenem scripta essent, confirmarentur: quod & factum fuit. *Edicto* (Imperat.) inquit Cyrillus Scythopolitanus in vita sancti Sabæ, n. 85. in fine, *Mennas subscripsit una cum synodo sua.* Ad hanc utique synodum, vel jam convocata, vel quæ mox convocanda expectabatur, pertinet aliud ejusdem Imperatoris scriptum tom. 5. concil. Labb. col. 679. sub hoc titulo: *Litteræ Justiniani Imperatoris ad sanctam synodum Constantinopolitanam de Origene & sectatoribus ejus.* (Ad margin. apponitur; ex Georgio Cedreno, ad annum 25. Justiniani Imperatoris.) Has quidem Cedrenus Justiniani litteras ad annum ejus imperii 25. revocat tom. 1. pag. 376. D. sed & ipsam synodum quintam generalem in eodem quoque anno celebratam fuisse scribit, *centum & duobus annis*, inquit, *post 4. five Chalcedonensem* (quæ coacta est anno Christi 451.) quibus verbis indicat à se annum Christi 553. cum anno Imperii Justiniani vigesimo-quinto conjungi: perperam tamen, quum constet, tunc à mense Aprili annum 27. hujus Imperatoris fuisse numeratum: nec verius asserit prædictas litteras ad quintam synodum generalem datas esse, quæ anno Christi 544. posteriores esse non possunt.

Id utique evincitur ex eo quod hæ litteræ à Justiniano Imperatore, vel sub ejus nomine ipso volente, cum præcedente epistola ad Mennam, de qua etiam in fine earundem fit mentio, scriptæ fuerint, dum Pelagius sanctæ Romanæ ecclesiæ diaconus & apocrisiarius Constantinopoli versaretur, dum Petrus Hierosolymitanus Patriarcha adhuc viveret, & antequam Imperator ullum edictum adversus tria capitula edidisset. Hæc certa sunt: primum quidem; nam Liberat. Breviar. cap. 23. 10. 5. conc. Labb. pag. 778. A. sic loquitur: *Redeunte Pelagio Constantinopolim, monachi quidam ab Hierosolymis, per quos Pelagius in Gazam transitum habuit, venerunt ad eum in comitatu, portantes capitula de libris Origenis excerpta, volentes agere apud Imperatorem ut Origenes damnaretur cum illis capitulis.* Igitur Pelagius amulus existens Theodoro Cæsareæ

A Cappadociæ episcopo, volens ei nocere, eo quod esset Origenis defensor, una cum Menna archiepiscopo Constantinopolitano flagitabat à principe ut juberet fieri quod illi monachi supplicabant, ut Origenes damnaretur, ipsaque capitula talia docentia. Annuuit Imperator facillimè, gaudens se de talibus causis judicium ferre. Jubente eo dictata est in Origenem & illa capitula anathematis damnatio, quam subscribentes una cum Menna archiepiscopo apud Constantinopolim reperti (episcopi, hæc) deinde directæ est Vigilio Romano episcopo, Zoilo Alexandrino, B Euphræmio (Ephræmio Antiocheno) & Petro Hierosolymitano; quibus eam accipientibus, & subscribentibus, Origenes damnatus est mortuus, qui vivens olim fuerat ante damnatus. Huic Liberati testimonio mire concinunt ipsa Justiniani Imperatoris verba in epistola ad Mennam 10. 5. conc. Labb. col. 670. B. C. Quum autem velimus omne scandalum à sanctissima ecclesia propulsare, ut nulla in ea macula relinquatur, obsequentes divinis scripturis, sanctisque patribus, qui ipsum Origenem, ac hujusmodi sceleratam impiamque ejus doctrinam profigarunt, ac jure anathemati subjecerunt, hanc epistolam ad tuam beatitudinem dedimus, qua eam hortamur ut omnium qui in hac regia urbe nunc degunt sanctorum episcoporum conventum habeat, ac Deo amabilissimorum præfectorum sanctis quæ hic sunt monasteriis, faciatque ut omnes in scriptis præfatum impium ac Deo repugnantem Origenem.... ac ejus nefaria impiæque dogmata, capitulaque omnia quæ inferius ponuntur, omnimodis anathematizent, &c. Jussioni Imperatoris proculdubio obtemperavit Mennas, qui id ipsum ab illo una cum D Pelagio enixè postularat: synodum quanto-cius congregavit, ad quam idem Imperator litteras quæ hanc epistolam ad Mennam sequuntur direxit: sic autem incipiunt: *Studium nostrum fuit, & est, &c. Quum ergo compertum habeamus esse Hierosolymis quosdam nimirum monachos, qui Pythagoræ, Platonis, Origenisque Adamantii impios errores sectentur ac doceant, existimavimus curam & inquisitionem de iis adhibendam, ne ii tandem paganicis & manichæicis suis imposturis multos perdant, &c.* Finis vero est, *ibid. col. 682. E.* Propter has E igitur nefarias & perniciosas opiniones, imò potius nugas, vos hortamur, o sanctissimi Patres, ut in unum collecti, subjectam (id est, vobis exhibitam) expositionem, (suam utique prolixam adversus Origenem epistolam ad Mennam) diligenter perlegatis, & singula ejus capita (in ea contenta) damnetis, & anathematizetis una cum Origene omnes qui idem sentiunt, aut sentient ad finem. Convocata itaque synodus petitam censuram seu anathematis sententiam tulit, quæ missa ad



Patriarchas, ut ex Liberato supra vidimus, ab ipsis subscripta est: hocque modo damnationis iudicium subiit Origenes in synodo Constantinopolitana, quam plerique scriptores, tempora non distinguentes, pro synodo quinta generali sumpsere. Secundum vero à nobis assertum, prædictas nempe Imperatoris litteras ad synodum directas contra Origenem scriptas fuisse vivente adhuc Petro Hierosolymitano Patriarcha, exinde manifestum fit quod idem Liberatus hunc expresse nominet inter episcopos qui Origenis damnationi subscripserunt. Postremum denique, easdem litteras prius datas, quam Imperator quidquam adversus tria capitula attentasset, tradit expresse Liberat. Breviar. c. 24. cujus verba jam superius col. 213. relata sunt; ex hac ipsa videlicet Origenis damnatione aiens valde exasperatum Theodorum Cæsareæ Cappadociæ episcopum, molitum esse trium capitulorum proscriptionem, ac suasisse Justiniano, sub prætextu revocandi Acephalos ad susceptionem concilii Chalcedonensis, ut Theodorum Mopsuestenum, nonnulla Theodoretiscripta, & epistolam Ibæ, publico edicto profigaret, & condemnari ab ecclesia curaret. Porro hæc omnia annum Christi 544. non excefferunt. Nam, quod ad Pelagium spectat, ille Constantinopoli Romam evocatus est à Vigilio Papa anno 544. Id scribit Pagius qui Origenem in synodo quinta generali condemnatum nihilominus arbitratur. *Pelagius*, inquit *10. 1. Breviar. gestor. Pontif. Roman. p. 319. n. 2. ante Pontificatum, Constantinopoli fuerat Vigili Papæ apocrisiarius apud Justinianum Imperatorem, cum quo, ut ait Procop. lib. 3. de bello Goth. c. 20. maximam sibi conciliaverat amicitiam. Dum eo munere fungeretur, auctor fuit Justiniano ut Origenistas damnaret. Constantinopoli Romam rediit à Vigilio evocatus anno 544. antequam Imperator primum edictum contra tria capitula emitteret.* Supra dixerat, pag. 292. n. 10. *Pelagius Vigili Papæ apocrisiarius Constantinopoli, ut Theodori Cæsareæ Cappadocum episcopi, magni Origenistarum patroni, qui magna apud Justinianum gratia & auctoritate pollebat, potentiam atque existimationem deprimeret, cum Menna episcopo Constantinopolitano, Justiniano suasisit, ut libellos contra Origenem ac sectatores à monachis sibi oblatos susciperet, & Origenem damnaret, &c. Hæc post annum 540. & ante annum 544. gesta.* Quod vero ad Petrum Hierosolymitanum Patriarcham attinet, qui anathematis sententiæ adversus Origenem latæ subscripsit, is fato functus est anno 544. ut supra observavimus, ubi de eo, & assentitur Pagius, *ibid. p. 293. n. 13.* Denique quod ad ætatem spectat primi Justiniani Imper. adversus tria capitula

A edicti, non tardius hoc evulgatum est anno saltem 544. non tantum quia ei subscriptum idem Petrus Hierosolymitanus, sed quia insuper Romæ jam innotuerat, antequam ex illa urbe sub finem anni 544. Vigilius egrediretur Constantinopolim profecturus, ut etiam ex eodem Pagio *ibid.* dictum est ad calcem articuli de præfato Petro col. 208. Certum itaque videtur epistolam Justiniani Imperatoris ad Mennam, & litteras ejusdem ad synodum pro damnatione Origenis, quæ litteræ sunt hujus epistolæ veluti quædam appendix, B novem ad minus annis ante synodum quintam generalem anno Christi 553. post mortem Mennæ coactam fuisse datas, & Constantinopoli in alia synodo, executioni mandatas. Ideoque mirum non est, quod alias vix concipi posset, post hujusmodi litteras à Justiniano datas, si ad quintam synodum directæ fuissent; nihil in ea synodo, cui ille Imperator aderat, & in qua omnia ad nutum moderabatur, pro damnatione Origenis reperiri confectum, sicut reperitur pro trium capitulorum anathemati subjectione in synodi ejusdem actis, C juxta hujus Imperatoris edicta. Non magis profecto ejusdem quintæ synodi fœtus sunt quindecim anathematismi, quos ex ms. cod. Bibl. Cæsar. edidit Petrus Lambec. Græcè & Latinè, & ex eo transcripsit Harduin. *tom. 3. concil. post litteras Justiniani ad synodum modo memoratas, à col. 283. ad col. 287. quibus hic titulus, & quidem Latinè solum præfigitur: Canones concilii Constantinopolitani II. adversus Origenem.* Deinde Græcè & Latinè, *sanctorum 165. Patrum Constantinopolitanæ sanctæ quintæ synodi canones quindecim:* qui statim ponuntur absque præfat. & epilogo, cum ea tamen moderatione, ut Origenes nullatenus nominetur. Primus est: *Si quis fabulosam animarum præexistentiam, & quæ ex illa consequitur monstruosam restitutionem asseruerit, anathema sit.* Illud referimus speciminis loco. Quod autem isti quindecim anathematismi in quinta synodo generali minime lati fuerint, & insulse omnino illi attribuuntur, evidens est ex subscriptione Eutychii Patriarchæ Constantinopolitani qui Mennæ successerat anno 552. mortui mense Augusto. Extat hæc subscriptio Eutychii Græcè & Latinè, *10. 5. conc. Labb. col. 579.* eique perfecte concordant aliæ cæterorum episcoporum, num. 164. vel 165. *Eutychius misericordia Dei episcopus Constantinopoleos novæ Romæ, decrevi quæ proposita sunt, & confitens sic habere, sicut omnia supra capitula & dogmata continent, suscipiens sanctas quatuor synodos, id est, Nicænam, Constantinopolitanam, Ephesinam primam, & Chalcedonensem, & quæ ab ipsis de una eademque fide*



definita sunt; & in his omnibus permanens, sicut supra scriptum est, condemno & anathematizo super alios hæreticos, & impia eorum conscripta, Theodorum impium, qui fuit Mopsuestiæ episcopus, una cum impiis ejus conscriptis; & omnia quæ impiè Theodoretus conscripsit, sicut prædictum est, & impiam epistolam quæ dicitur Ibæ, & qui similia eis sapuerunt, & sapiunt, & subscripsi. Eodem modo subscriperunt cæteri episcopi omnes, ut dictum est, quorum primus est Eutychius Constantinopolitanus. Deinde:

*Appollinarius misericordia Dei episcopus Alexandrinus, decrevi quæ proposita sunt, &c. ut Eutychius.*

*Domninus misericordia Dei episcopus Theopolitane civitatis, similiter.*

Sequentes proculdubio non animadvertat Stephani, Georgii, & Damiani subscriptiones doctissimus Papebrochius, quando hæc afferuit tract. prælim. in 3. 10. Maii, n. 126. pag. 29. col. 1. A. Non adfuit synodo isti Eustochius, quam tamen ipso Hierosolymitanam sedem tenente celebratam expresse Evagrius asserit. An suos ibidem legatos habuerit, per eosque subscriperit, incertum est. Nam subscriperunt tres episcopi vices ejus gerentes hoc modo.

*Stephanus misericordia Dei episcopus Rappheotane civitatis, vicem agens Eustochii sanctissimi Patriarchæ Hierosolymitanæ civitatis, una cum Georgio & Damiano religiosissimis episcopis, similiter.*

*Georgius misericordia Dei episcopus Tiberiadis, agens vicem Eustochii SS. Patriarchæ Hierosolymitanæ civitatis, una cum Stephano & Damiano religiosissimis episcopis, similiter.*

*Damianus misericordia Dei episcopus Sozitanæ civitatis, agens vicem Eustochii SS. Patriarchæ Hierosolymitanæ civitatis, una cum Stephano & Georgio religiosissimis episcopis, similiter.*

*Benignus misericordia Dei episcopus Heracliotane civitatis, quæ est primæ Macedoniæ, agens vicem Eliæ sanctissimi archiepiscopi Thessalonicensum, tam pro illo, quam etiam pro me similiter.*

Theodorus misericordia Dei episcopus Cæsariæ primæ Cappadociæ similiter. En subscriptiones octo priorum episcoporum. Porro si Origenes, erroresque ejus speciatim damnati fuerunt in quinta synodo, cum Theodoro Mopsuesteno, Theodoretis scriptis, & Ibæ epistola; vel etiam, si ejus damnatio lata jam à pluribus annis in alia synodo Constantinopolitana sub Menna Patriarcha, renovata fuit & distinctè confirmata in eadem quinta synodo generali; cur Eutychius Patriarcha Constantinopolitanus, cæterique episcopi qui huic synodo interfuerunt, ratasque ha-

abent expressis verbis in suis subscriptionibus damnationes hominum, errorum, & scriptorum, quæ in eadem synodo ab ipsis peractæ fuerant, nullam de Origene ejusque erroribus faciunt mentionem; solos Theodorum Mopsuestenum, Theodoretum, & Ibam nominant! Probabilissimum itaque videtur, Origenem hujus quintæ synodi judicio minimè fuisse delatum: ac proinde Auctores, qui illum cum Evagrio & Didymo, damnatis in ea quinta synodo Theodoro Mopsuesteno, Theodoretis, & Ibæ accensent, confundere quæ antea gesta fuerant sub Menna anno 538. adversus Origenem, cum gestis in quinta synodo generali an. 553. Insuper dicant, cedo, qui hujus synodi acta volunt non integra ad nos pervenisse, sed mutila duntaxat, adeo ut iis exciderint quæcunque pro Origenis, Evagrii, & Didymi, errorumque quos illi in scriptis suis tradiderant, condemnatione, in eo concilio peracta fuerant: an mutilæ quæque censendæ sint Eutychii Patriarchæ Constantinopolitani, ac cæterorum ejusdem concilii episcoporum subscriptiones, in quibus uno eodemque tenore recolentes paucis verbis, & confirmantes denuò quidquid pronuntiarant in concilio, ad quorundam hominum, eorum-ve errorum proscriptionem; altum pariter, ut ejusdem synodi acta, servant de Origenis, Evagrii, ac Didymi condemnatione silentium! Multo fane convenientius asseritur, non minus acta illa, quæ supersunt græcè & latinè, integra esse atque illibata hac in parte, quam subscriptiones istas, ideoque solum in utrisque desiderari Origenis, Evagrii, & Didymi condemnationem, quoniam Dreipsa in synodo quinta generali, de ea condemnatione ne leviter quidem actum fuit.

Me profecto non fugit undecimo quintæ synodi generalis anathematismo, tres ultimos præcedente in quibus tria sigillatim capitula anathemati subjiciuntur, recitari inter varios hæreticos, & anathematizari cum illis etiam Origenem.

XI. Si quis non anathematizat Arium, Eunomium, Macedonium, Apollinarium, Nestorium, Eurychen, & Origenem cum impiis eorum conscriptis, & alios omnes hæreticos qui condemnati & anathematizati sunt à sancta catholica & apostolica ecclesia, & à prædictis sanctis quatuor conciliis, & eos qui similia prædictis hæreticis sapuerunt, vel sapiunt, & usque ad mortem in sua impietate permanserunt, vel permanent: talis anathema sit. To. 5. conc. Labb. col. 575.

XII. Si quis defendit impium Theodorum Mopsuestenum, &c. ibid.

XIII. Si quis defendit impia Theodoretis conscripta, &c. col. 578.



XIV. *Si quis defendit epistolam quam dicitur Ibas ad Marin Persam hæreticum scripsisse, &c. ibid.*

Verum advertendum est diligenter, nomen Origenis, non ab ipsis patribus quintæ synodi generalis huic anathematismo undecimo fuisse insertum, sed eidem, post solutam synodum ab aliquo ejus actorum exscriptore obtrusum, qui nimirum existimaverit actis excidisse illam Origenis damnationem, utpote qui diceretur in ea synodo quinta, cum tribus capitulis, fuisse anathematizatus. Id enim sic contigisse non parva est suspicio: primum, quod Theodorus Ascidas Cæsareæ Cappadociæ episcopus, acerrimus Origenis defensor, (qui ulturus ejus condemnationem in synodo Constantinopolitana anno 538. sub Menna peractam, plurimam operam contulit ut ad condemnationem trium capitulorum ea synodus quinta convocaretur, in qua & ipse memoratur frequenter,) ejusdem actis omnibus sine ulla difficultate episcoporum octavus subscripserit, veluti qui ea perfectè ad mentem suam gesta novisset: deinde, quod Patres ejusdem quintæ synodi in anathematismo objecto innuant, quos recensent hæreticos, jam ab ecclesia catholica in quatuor synodis generalibus anathemate confixos; quum itaque Origenes in nullo ex iis quatuor conciliis anathematizatus fuerit; in eo proinde anathematismo non recensebatur: præterea, quod Evagrius & Didymus, quos ferunt unum Origenem in quinta synodo fuisse nominatim anathematizatos, sicut in actis synodi, & in episcoporum subscriptionibus desiderantur, ita & in eo quoque anathematismo minime extent nominati; quia verosimiliter ad eam circumstantiam non attenderat qui nomen Origenis, sive ad marginem hujus anathematismi undecimi, ex qua in textum irrepperit, quod rarum non est, sive in textu ipso, reposuit: denique, quod Origenis nomen suo ordine scriptum non sit, ut uniuscujusque cæterorum quibus adjungitur in præfato anathematismo, sed ultimo duntaxat loco, quamvis eos omnes ætate longè præcesserit; quæ levis conjectura non est, cæteris postmodum illud Origenis nomen fuisse subnexum. Certe in prolixo scripto Imper. Justiniani adversus tria capitula, anno 550. edito, cujus magnam Baronius partem refert ad annum 546. à n. 11. ad n. 38. quod composuerat quidem Theodorus Ascidas episcopus Cæsareæ Cappadociæ, sed sub nomine Imperatoris promulgatum fuerat ipso volente; occurrunt quatuordecim anathematismi, quorum tres ultimi tria sigillatim capitula impetunt; qui vero illos præcedit sic exprimitur *ibid. n. 25. Si quis non anathematizat Arium,*

*Eunomium, Macedonium, Apollinarium, Nestorium, & Eutychem, & eos qui similia eis sapuerunt, vel sapiunt: talis anathema sit.* Nulla mentio Origenis. Extat scriptum illud Græcè & Latinè, cum eo titulo: *Confessio rectæ fidei Justiniani Imperat. adversus tria capitula. In nomine Dei & Patris, & unigeniti ipsius Filii J. C. D. N. & sancti Spiritus. Imperator Cæsar, Christi amans, Justinianus, Alamanicus, Gothicus, Francicus, Germanicus, Anticus, Alanicus, Wandalicus, Africanus, pius, felix, inclutus, victor, triumphator, semper venerabilis, Augustus, universo cæui catholicæ & apostolicæ ecclesiæ.* Initium est: *Scientes, &c. 10. 5. concil. Labb. à col. 683. ad col. 723.* Anathematismus autem, de quo supra, legitur *ibid. col. 706.*

Adde, etiamsi admitteretur nullam circa Origenis nomen in undecimo illo quintæ synodi anathematismo advenisse interpolationem, quam tamen profecto valde probabilem allatæ rationes efficiunt; hinc ad summum sequi, Origenem damnatum & anathematizatum sub Menna Constantinopolitano Patriarcha anno 538. denuò cum hæreticis in quatuor prioribus synodis generalibus damnatis anathemati in hac synodo quinta fuisse subjectum: at minime demonstrari de eo ejusque erroribus specialiter actum esse, sicut perperam omnino quis inferendum contenderet, ex eo quod nominantur in eo ipso anathematismo, Arius, Eunomius, Macedonius, & alii, eos eorumque scripta speciale Patrum hujus quintæ synodi subiisse examen, non minus quam subierint tria capitula, quæ ad ipsorum tribunal delata fuerant.

Opponet fortassis aliquis hæc verba Theodori Ascidæ Cæsareæ Cappadociæ episcopi, Joannis episcopi Nyssæ, & Basilii episcopi novæ Justinianopoleos, *tom. 5. concil. Labb. col. 482. A. quæ referuntur ut dicta in collat. 5. synodi quintæ ibid. col. 490. A. Et multos quidem etiam alios invenimus post mortem anathematizatos: necnon eti. in Origenem, etsi ad tempora Theophili sanctæ memoriæ vel superius aliquis recurrerit, post mortem inveniet anathematizatum, quod etiam nunc in ipso fecit & vestra sanctitas; & Vigilus religiosissimus Papa antiquioris Romæ.* Verum voce ista nunc nihil aliud significari, quam nuper, sive à paucis annis, anno scilicet 538. vel etiam adhuc recentius; (quia nimirum hanc anathematis sententiam in Origenem mortuum multi ex episcopis præsentibus, vel tulerant Constantinopoli, vel absentes approbant;) tum persuadent ea omnia quæ hucusque hanc in rem prolata sunt, & specialiter quod dicitur de *Vigilio*, quem, toto celebrationis quintæ synodi tempore, ei interesse, aut communem



cum episcopis ferre sententiam semper recu-  
 sasse constat; tum omnino conficere videtur  
 epistola decretalis ejusdem Vigilii Papæ anno  
 553. data. *Ante sextum idus Decembris im-*  
*perii D. N. Justiniani æterni Augusti anno 27.*  
*post Consulatum Basilii viri clarissimi, anno 12.*  
 Quæ extat tom. 5. concil. Labb. à col. 595.  
 ad 602. Græce, ex manuscripto cod. Biblio-  
 thecæ Regiæ, cum interpret. Lat. & dissert.  
 D. Petri de Marca. In ea enim Vigilii epist.  
 qua confirmantur acta quintæ synodi œcu-  
 menicæ, ne verbum quidem legitur de  
 Origene, Evagrio, & Didymo, totus est sum-  
 mus Pontifex in approbandis quibuscunque  
 in ea synodo gestis adversus tria capitula.  
 Propterea igitur, inquit, col. 596. *agnoscat*  
*universa ecclesia catholica nos justè & irrepre-*  
*hensibiliter ad ea quæ hac nostra constitutione*  
*comprehenduntur devenisse. Unde condemna-*  
*mus, & anathematizamus, una cum aliis om-*  
*nibus hæreticis, qui, (ut manifestum est) dam-*  
*nati & anathematizati sunt à prædictis sanctis*  
*quatuor synodis, & ab ecclesia catholica, Theo-*  
*dorum olim Mopsuestiæ episcopum, &c.* Quor-  
 sum autem Vigilii de Origene, Evagrio, &  
 Didymo siluisset in illa epistola sive constitu-  
 tione, ac judicium quintæ synodi de iis latum,  
 aut specialiter renovatum approbare omisisset,  
 si de Origene, Evagrii, & Didymi, non minus  
 quam de trium capitulorum condemnatione  
 in ea synodo quinta actum fuisset: imò si  
 primum & principaliter contra Origenem,  
 Evagrium, & Didymum, ac secundo tantum  
 loco adversus tria capitula illa synodus fuisset  
 convocata, ut Theophanes, & auctor chron.  
 Alexandr. scripsere? Numquid mutila hac in  
 parte, quemadmodum & ipsa synodi quintæ  
 acta, ejusque episcoporum subscriptiones  
 licet paucis lineis exarata, hæc quoque Vigilii  
 epistola ejusdem synodi confirmatoria cen-  
 senda erit? Nonne rationi multo magis con-  
 sentaneum videbitur asserere, causa Origene,  
 Evagrii, & Didymi in illa quinta synodo  
 minime agitata, de tribus solum capitulis  
 propositam, motam, discussam, eorumque  
 condemnatione terminatam fuisse quæstio-  
 nem? Severinus Binius in notis ad synodum  
 quintam generalem, tom. 5. concil. Labb.  
 col. 738. A. ait: *In hoc concilio de Origene*  
*ejusque scriptis primo loco actum fuisse, col-*  
*ligi ex synodalibus actis (ex eo nempe quod*  
*legitur de Origene collatione quinta, & in*  
*anathematismo XI.) Origenistarum (tamen)*  
*fraude ac dolo contigisse, ea omnia in actis*  
*quintæ synodi desiderari, quæ contra Origenem*  
*ejusque sectarios gesta fuerunt. At numquid*  
*pariter delere potuerunt, tum ex episcopo-*  
*rum hujus synodi subscriptionibus, tum ex de-*  
*creto Vigilii quo eadem synodus confirmatur,*

A quidquid in illis de Origene, Evagrii, & Di-  
 dymi condemnatione deest?

Pagius, qui Origenem in quinta synodo  
 generali damnatum fuisse contendit, his  
 nihilominus Baronium, idipsum ex mutila-  
 tione actorum hujus synodi quoad istum ar-  
 ticulum adstruere satagentem, excipit verbis,  
 quæ notanda sunt. Existimat Baronius, inquit  
 10. 2. critic. annal. ad annum 553. num. 27.  
 pag. 612. col. 1. acta Græca quintæ synodi  
 ab hæreticis Origenistis vitiata primum &  
 mutilata fuisse, unde postea vitio illo infecta  
 B prodierit Latina illa interpretatio: sed ut ani-  
 madvertit Marca in dissert. de synodo quinta,  
 n. 23. acta illa adeo absunt à depravatione,  
 ut ex eorum lectione Græci scriptores hau-  
 ferint quod ab iis solis Latini didicerunt  
 de Origene & Evagrii damnatione. Neque  
 enim acta Latina, quæ initio delata fuerunt  
 in occidentem, aliud omnino continebant  
 quam trium capitulorum damnationem, de  
 quibus solis agunt uterque Pelagius I. & II.  
 ac Gregorius Magnus, quum referunt de-  
 creta quintæ synodi, alioquin de Origene  
 C ejusque deliramentis non tacuissent, quum  
 ex eo quinta synodus à schismaticis adeo  
 pertinaciter explosa vehementer commendari  
 potuisset. Sanè beatus Gregorius in epistola  
 ad Joannem Constantinopolitanum, quando  
 profitetur se quinque synodorum fidem am-  
 plecti, recensens hæreses à 4. primis dam-  
 natas, & tria capitula à quinta synodo repro-  
 bata, non omisisset damnationem Origene,  
 si ex actis Latinis illi ea de re constitisset.

Ita Pagius, qui non advertit, ea ipsa hac  
 observatione, suam de condemnatione Ori-  
 D genis, Evagrii, & Didymi in quinta synodo  
 assertionem penitus subverti. Nam, si in  
 autographo actor. hujus synodi quintæ exem-  
 plari Constantinopoli servato scripta extitisset  
 sententia adversus Origenem, Evagrium, &  
 Didymum in ea synodo lata, vel confirmata:  
 imò si hæc sententia in illa synodo quinta,  
 data reipsa vel renovata fuisset; quomodo id  
 Gregorium Magnum latuisset, qui Constans-  
 tinopoli sub Tiberio Imperatore, & vivente  
 adhuc Eutychio Constantinopolitano Pa-  
 triarcha, quicum disputationem habuit de  
 E tractabili carne in resurrectione resumenda,  
 pluribus annis commoratus est? Quomodo  
 etiam non admonuisset Pelagium Romanum  
 Pontificem, cujus apocrisiarius erat, quem-  
 que non ignorabat condemnationis Origene  
 sub Menna præcipuum fuisse incentorem,  
 ipsius hoc adversus Origenem judicium in  
 synodo quinta fuisse solemniter approba-  
 tum, & in Græcis hujus synodi actis id legi;  
 sed Origenistarum fraude deesse in Latina  
 eorundem actorum translatione! Quum  
 igitur,



igitur, ipso fatente Pagio, nullatenus ad notitiam, sive Pelagii I. sive Gregorii Magni venit, Origenem, Evagrium, & Didymum in synodo quinta fuisse damnatos, illudque minimè tacuissent, si novissent; quia ipsorum plurimum intererat, ex ea Origenis condemnatione in quinta synodo, trium capitulorum defensores in eandem synodum exasperatos quadantenus demulcere: illud tum Pelagii I. tum Gregorii Magni silentium, absoluta & totali hujus condemnationis Origenis, Evagrii, & Didymi in quinta synodo peractæ ignorantia subnixum, nova videtur, ne dicam invicta quoque probatio, sicut in Latina actorum hujus quintæ synodi versione, ita & in primævo eorundem actorum exemplari, semper defuisse penitus Origenis, Evagrii, & Didymi condemnationem, quæ nequaquam in ea synodo quinta facta est.

Procul autem à vero abest, prosequitur Pagius, Baronii *n. 244.* de Eutychio episcopo Constantinopolitano suspicio, eum nempe cum Theodoro Cappadoce acta quintæ synodi decurtasse, & in non levem suspicionem Origenismi induci potuisse: sanctus enim Eutychius inter præcipuos Origenistarum persecutores ab illius ætatis scriptoribus numeratur, uti ab Eustathio in ejus vita *cap. 4. n. 34.* & à Victore Tunon. in chronico, qui vocat eum damnatorem *Evagrii eremitæ diaconi, & Didymi monachi & confessoris Alexandrini.* Idem Pagius aliud quid narrat *ibid. n. 28.* ex synodo sexta scitu non indignum, circa Vigilium Papam. Baluzius scilicet præfat. in acta concilii quinti *n. 4. & seqq.* agit de duabus epistolis Vigilii Papæ ad Justinianum Imperatorem & Theodoram Augustam, inquit Pagius, in quibus damnavit tria capitula, & de epist. Justiniani ad synodum de damnatione eorundem capitulorum, & ut nomen Vigilii non scriberetur in diptychis ecclesiasticis; ostenditque eas veras ac genuinas esse, & in sexta synodo à Legatis apostolicis actionem falsi adversus eas integras institutam non fuisse, sed tantum adversus eam partem in qua mentio (siebat) unius operationis in Christo, quæ addita erat à Monothelitis, ut suam de una Christi voluntate opinionem fulcirent etiam testimonio Vigilii Papæ. Neque enim Legati dixerunt has epistolas falsas esse, quum cœptæ sunt recitari, ut existimat Baronius *n. 247.* sed quum ad eam partem ventum est, in qua Vigilius statuitur docens unam in Christo operationem: tunc quippè illi exclamaverunt: *Non faciat Deus, Domine, non dixit Vigilius unam operationem, non sunt (hæc) libelli Vigilii, falsatus est hic liber. Nam, Domine, si unam operationem docuit Vigilius, & susceptus est à synodo,*

*Tomus III.*

*Autique & in definitione ejusdem sanctæ synodi de una operatione vox habuit comprehendi; dum relecta ergo fuerit, piissime Domine, ipsa definitio, invenies omnem veritatem.* Post quæ compositor gestorum ait: *consequenter itaque & secundum ordinem relecto eodem libro usque ad definitionem, ipsaque definitione usque ad finem relecta, nullo modo aliquid de una operatione in eadem definitione inventum est contineri, ut videre est, tom. 6. concil. Labb. col. 623.* Confirmant hanc observationem Baluzii, Act. xv. pag. 980. episcopi qui aiunt Monothelitas hujus fraudis esse auctores, ex illorum vocabulis malitiose adversus recta dogmata hæc interjicientes: ob eamque causam paulo-post jubent libros etiam obelis obduci in locis in quibus depravati sunt. Ita Pagius, qui deinde ait: *ibid. ad annum 554. n. 3. pag. 614. col. 1.* Antequam Vigilius exilio solveretur, consensit synodo, ut testatur Evagrius *lib. 4. c. 38.* Vigilius autem per litteras consensit concilio, non tamen interesse voluit. At hæc verba Evagrii, quæ *cap. 38.* leguntur, sunt de consensu Vigilii ad hoc ut concilium quintum teneretur, non vero de consensu Vigilii huic concilio jam terminato. Justinianus, inquit *p. 413. B.* Eutychium paulo-post ad pontificalem urbis regię sedem promovit, Menna ex vivis sublato. Porro Vigilius per litteras quidem consensit, concilio tamen interesse noluit. Congregata igitur synodo, quum Justinianus episcopos interrogasset quid sentirent de Theodoro, &c. Idem Evagr. (id dictum sit obiter) *pag. seq. 414. A.* relata proscriptione trium capitulorum, ita loquitur de Origenis, Evagrii, & Didymi condemnatione, quasi hæc subsequuta esset. *Et aliquanto post exposuerunt quatuordecim capita (sunt 14. anathematismi) de recta ac sincera fide. Et hæc quidem processerunt in hunc modum. Quum autem libelli ab Eulogio, Conone, Cyriaco, & Pancratio monachis, dati essent contra dogmata Origenis Adamantii, & contra eos qui impietatem atque errores illius sequebantur, de his Justinianus synodum quæ congregata erat consuluit subjecto epistolæ suæ exemplari ejusdem libelli, & iis quæ ad Vigilium his de rebus scripserat.... Missa est igitur relatio à prædicta synodo ad Justinianum, post acclamationes quas contra Origenem & ejusdem cum illo erroris sectatores congefferant, cujus pars sic habet: Quum animum possideas cælestis nobilitatis participem, Christianissime Imperat. Et paulo-post. Fugimus itaque, fugimus istam doctrinam; neque enim novimus alienorum vocem, & illum tanquam furem ac latronem anathematis laqueis firmè constrictum, procul à sacris septis ejecimus. Et rursus post aliqua: eorum vero quæ à nobis gesta sunt vim ac virtutem, ex eorundem lectione cognoscetis. His adjunxerunt etiam capita quæ-*

P



cunque Origenis sectatores profiteri à magistris suis didicerunt, ex quibus tum consensus eorum, tum dissensio, ac multiplex & multifidus error apprehenditur. In his quintum caput erat, continens blasphemias quas privati quidam ex nova laura protulerant, quod sic habet: Theodorus Ascidæ Cappadox dixit; quando nunc apostoli & martyres miracula efficiunt, & in tanto honore sunt, nisi in resurrectione æquales fuerint Christo, qualis tandem eorum resurrectio futura est? retulerunt etiam iidem Patres multas alias Didymi, Evagrii, ac Theodori (Ascidæ) blasphemias, quas studiose admodum ex eorum libris excerpserant. Hucusque Evagrius, cujus hæc ultima verba de Theodori Ascidæ & ejus affectarum Origenistarum dogmatibus, optimè consonant narrationi Cyrilli Scythopolitani in vita sancti Sabæ, n. 89. to. 3. monum. eccl. Græc. Cotel. pag. 372. circa divisionem quæ inter monachos Origenistas in Palæstina orta est, de qua nos supra, ubi de Petro Hierosolym. Patriarcha, egimus: Tunc Deus, inquit Cyrillus ille, qui semper ecclesiæ suæ providet, Origenistarum concordiam dispefcuit.... nam post Nonni excessum, Firmini lauræ monachi cum Neolauritis dissidendo de suis scitis dogmatibus in mutua impugnatione occupati sunt.... Facile vero est... eorum impietatem animadvertere ex ipsis appellationibus quibus ipsi se mutuo nuncupant. Scilicet Neolauritæ eos qui Firmini sunt Protoctistas sive Tetraditas vocant: rursusque Firminiotæ Neolauritas nominant Isochristos (id est assertores æqualitatis sanctorum cum Christo post resurrectionem futuræ, ut explicat Cotel. in notis col. 624. B. qui & ab Evagr. modo relato lucem dari advertit.) Utrique enim, pergit Cyrillus, ex propriis impietatis suæ decretis nomina sortiti sunt. Quum ergo Theodorus Cappadociæ reipubl. negotia administraret, ac staret à partibus Isochristorum, eosque tueretur, &c. At hæc omnia, ex eodem Cyrillo, contigerunt vivente adhuc Petro Hierosolymitano, quem mortuum scribit num. 90. dum Conon abbas maximæ lauræ Constantinopoli degeret: Abbas ergo Conon, inquit, ejusque comites Constantinopoli diversis ærumnis per Ascidam subjecti, patientia victoriam reportarunt; aliquot enim interjectis diebus, quum è vita discessisset Petrus archiepiscopus, &c. Petrus autem decessit anno 544. ut tradunt Papebrochius & Pagius, nec ejus mortem ad annum 546. retardavit Baronius, nisi quod existimaret edictum Justiniani adversus tria capitula, cui subscripserat Petrus, eo duntaxat anno fuisse promulgatum. Subinde manifestum videtur, ea quæ gesta fuerant pro condemnatione Origenis ante annum 544. aut eo anno, ad quintam synodum generalem perperam ab Evagr. revo-

A cari, in qua tantum abest ut adversus Theodorum Ascidam cæterorum episcoporum zelus exarserit ob Origeniana dogmata, ut è contra inter cæteros ipse singulari auctoritate enituerit. Vales. in annotat. ad istud Evagrii cap. 38. ait: Liberatus nihil dicit de Rufo & Conone abbatibus ab Eustochio missis Constantinopolim. Ex adverso autem Evagrius nihil dicit de damnatione illa Origenis, quæ studio Pelagii Romanæ sedis apocrisarii facta fuerat ab Imperatore Justiniano, & cui omnes Patriarchæ subscripserant. Scilicet synodum priorem confundit Evagrius cum synodo quinta generali.

Subdit Pagius *ibid.* Marca in dissertatione de epistola Vigilii, pro confirmatione synodi quintæ, refert epistolam Vigilii ad Eutychium episcopum Constantinopoleos, & ad præjacentem synodum, quæ dicitur data ante sextum idus Decembres, Imperii Domini nostri Justiniani æterni Augusti anno 27. (id est, Christi 553.) post Consulatum Basilii V. Cl. anno 12. (ea est, ex cujus silentio circa Origenis damnationem, merito supra intulimus nullum in quinta synodo latum de illa condemnatione fuisse judicium) Eruit eam Marca è veteri ms. Bibl. Regiæ, existimatque illam esse quam Vigilii pro synodo quinta dedit. Verum hæc epistola aliquibus viris doctis de suppositione suspecta visa est, (sed, quandiu ne leve quidem suppositionis hujus argumentum produxerit Pagius, pro legitima à nobis jure habebitur) & si germana sit, de ea non loquitur Photius quum de Vigilio scribit, *communem Patrum fidem libello comprobavit.* Esto, non sit ille libellus: dicit-ne Photius solum hunc libellum, quem memorat, pro confirmatione synodi quintæ generalis à Vigilio fuisse emanatum? Prosequitur Pagius, ad eundem annum 554. num. 4. Baluzius in nova collectione concil. pag. 1551. invenit in veteri codice ms. Bibl. Colbert. *Constitutum* Vigilii pro damnatione trium capitulorum, hoc anno 554. editum.... in quo Vigilii fuscæ doctæque tria capitula explicat, refellit, & damnat.... Hoc constitutum Vigilii germanum & genuinum libellum quo synodum quintam confirmavit, & Constantinopolim, tam ad Imperatorem, quam ad episcopos misit esse autumo (verba sunt Pagii) nihil enim in eo quod à stylo Vigilii dissentiat.

Extat apud Harduinum tom. 3. concil. à col. 217. ad col. 244. Latine solum, titulus est: *Vigilii Papæ Constitutum, de damnatione trium capitulorum.* Cura & studio viri clariss. Stephani Baluzii prodiit ex ms. cod. 4064. Bibl. Colbert. quod unicum esse in orbe creditur *Constituti* hujus exemplar, & idem ἀντίγραφον & ἀνέφαλον. Post definitionem fidei



ex Act. quinta concilii Chalcedonenfis, & A Nestorio cum suis dogmatibus, & ista damna-

I. Col. 217. C. Posteaquam beati Chalcedonenfis concilii expositionem, vel beati Leonis epistolam de sancta & orthodoxa fide posuimus, quæ una eademque est trium præcedentium synodorum, id est, Nicænæ, Constantinopolitanæ, atque Ephesinæ primæ, & Deo juvante, in ea nos omni sinceræ mentis devotione persistere fraternitas vestra, & universalis cognoscit ecclesia, necessarium valde credimus, pro ejus servanda per omnia reverentia, de superscriptis trium capitulorum quæstionibus diligenter debere nos cuncta discutere, & cauta promulgatione sententiæ definire. Arbitramur ergo esse conveniens primum, sicut proposuimus, quid de epistola quæ ab Iba ad Marim Persam scripta dicitur, aperitissima demonstratione declarare. Dum igitur Ibas episcopus, &c.

II. Col. 218. E. Claret igitur ab ipso initio quo Ibas Edessenæ civitatis episcopus sanctam Chalcedonensem synodum monstratur ingressus, epistolam quæ ad Marim Persam ab eo scripta compingitur, quia sua fuerit denegasse, adeo ut apertissime fateatur in secundi illius Ephesini concilii nefariis gestis injustitiam se, ab Eutychæ, & falsa figmenta perpeffum, &c. Tandem, (reliquis numeris omissis, in quibus prava dogmata in tribus capitulis contenta fuisse discutiuntur, & confutantur, nulla de Origene, Evagrio, & Didymo mentione facta,) duo ultimi numeri jacent in hunc modum.

XXVII. Col. 243. A. Pro his igitur omnibus ecclesia universalis agnoscat (cujus utilitati, ne Christi Domini nostri plebs amplius seducatur, nostra servit intentio: quam utilitatem per Theodori nomen atque scripta lædi supra meminimus) juste nos & sine aliqua reprehensione ad ea quæ statuimus descendisse. Et ideo condemnamus & anathematizamus similiter ut alios omnes hæreticos, quos condemnatos & anathematizatos constat à sanctis quatuor conciliis & à catholica ecclesia, & Theodorum qui quondam Mopsuestiæ episcopus fuit, & ejus impia conscripta nihilominus: & quæ Theodoritus conscripsit contra rectam fidem, & contra duodecim sancti Cyrilli capitula, & contra primam synodum Ephesinam, & quæ ad defensionem Theodori & Nestorii ab eo scripta sunt, quia pro (pro videtur superfluere) ecclesiasticæ utilitatis causa poposcit etiam memorata Theodoriti scripta damnari; eò quod sæpè dicti Nestoriani, sub ejus episcopi nomine qui à beatæ recordat. Leone Papa, & à sancta Chalcedonensi synodo legitur fuisse susceptus, eadem scripta ad adstruendi sui erroris videntur adhibere suffragium: non adspicientes quod non solum sancti Patres in Chalcedona congregati, damnato

Tomus III.

verint: sed etiam ipse episcopus Theodoritus omnia dicta, quæ beati Cyrilli in Ephesina prima expositis videbantur contraire dogmatibus, in sancta Chalcedonensi synodo aperta professione respuerit, & suscepit definitionem sancti Chalcedonenfis concilii, in qua beati Cyrilli in Ephesina prima expositam manifestum est prædicari doctrinam. Et ita, sicut omne concilium sanctæ Chalcedonenfis synodi interlocutum est, ab eadem synodo constat fuisse susceptum. Propter quod clarum est nihil novi nos per hanc damnationem statuere; sed ea anathematizasse quæ & sancta Chalcedonensis synodus respuit, & ipse quoque Theodoritus episcopus illic sua professione damnavit.

XXVIII. Col. 244. A. Prædicta igitur tria impia capitula anathematizamus atque damnamus, id est, epistolam quæ dicitur Ibæ ad Marim Persam, in qua nefandæ superius designatæ blasphemias continentur: & impium Theodorum Mopsuestenum cum nefandis ejus conscriptis, & quæ impiè Theodoretus conscripsit: & quicumque ea quoquo tempore crediderit accipienda, vel deferenda, aut conatus fuerit aliquando præsentem damnationem resolvere, pari anathemate condemnamus. Eos autem qui conservantes rectam fidem prædictis quatuor synodis prædicatam memorata tria capitula damnaverunt, vel damnant, fratres & consacerdotes habemus. Quæcunque vero, sive meo nomine, sive quorumlibet, pro defensione memoratorum trium capitulorum, prolata fuerint, vel ubicumque reperta, præsentis nostri plenissimi constituti auctoritate vacuamus. Quas omnes designatas blasphemias absit ab universali ecclesia ut quisquam quatuor prædictas synodos, vel unam ex eis asserat suscepisse, vel eos qui talia sapuerunt, atque sequuti sunt: quum constet à sanctis memoratis patribus, & maxime à sancto Chalcedonensi concilio, nullum de quo fuit suspicio fuisse susceptum, nisi qui superius designatas blasphemias, vel his similia, aut hæresim de qua suspectus fuit, respuit; aut blasphemias de quibus de eo dubitatum est, abnegavit atque damnavit. Et ideo eos qui memoratam epistolam ad Marim Persam designatas superius blasphemias continentem, à sancta Chalcedonensi synodo à præsentem tempore, innotescente sibi hujus nostri serie constituti, asserere voluerint esse susceptam, vel à quocumque eorundem Patrum in Chalcedona residentium, orthodoxam pronuntiatam nitantur adstruere, pari anathematis pœna percellimus: quoniam non solum sancto ac reverendo Chalcedonensi concilio irrogare moliantur injuriam; verum etiam incentores ac renovatores sopiti scandali profitentur, per quod universalis rursus concui possit ecclesia, ut doctoris (gentium) Apostoli juste videantur

P ij



feriri sententia, quæ dicit; utinam & abscondantur qui vos conturbant.

Et post subscriptiones. *Data VII. kalendarum Martiarum, Imperante D. Justiniano perpetuo Augusto anno 27. & post Consulatam Basilii V. Cl. anno 13. Constantinopolim.*

Porro hæc iterum data à Vigilio gestorum adversus tria capitula in quinta synodo generali confirmatio, in qua licet amplissima per coll. ferè 28. in fol. ne verbulum quidem de Origene, Evagrio, & Didymo reperitur; nova quoque est & invicta confirmatio, nihil quidquam de Origene, Evagrii, & Didymi condemnatione actum esse in ea synodo quinta, hancque tribus capitulis, quæ sola ad suum tribunal delata erant, discutiendis, & iusto anathemate feriendis unice vacasse. Ut enim proculdubio ad Latinam actorum Græcorum interpretationem, tunc verosimiliter nondum confectam, in qua desideraretur quidquid ad Origene, Evagrii, & Didymi errorum ac personarum pertineret censuram, minime attenderunt episcopi, quando Græcis suæ synodi actis, de prædictis Origene, Evagrio, & Didymo prorsus silentes subscribere: sic profecto nec Vigilius Papa, quando, in utroque suo eorundem actorum decreto confirmatorio, tribus capitulis proscriptis Origenem, Evagrium, & Didymum non accensuit. Defuit ergo semper, tam in Græcis, quam in Latinis actorum quintæ synodi exemplaribus, Origene, Evagrii, & Didymi condemnatio, quæ in ea synodo peracta re ipsa non est: nec subinde ex Græcis codicibus hauserunt Græci auctores, ut post Marcam existimavit Pagius supra citatus, quod de ea condemnatione tradiderunt; sed manifeste confuderunt synodum coactam sub Menna adversus Origenem, ex Justiniani mandato, ante annum Christi 544. vel eo anno, cum synodo quinta generali adversus tria capitula.

Et certe idem Pagius, qui ad stabiliendam Origene, Evagrii, & Didymi in quinta synodo condemnationem, quidquid in auctoribus sibi consentientibus, quos recenset, validioris momenti adinvenit, coacervat, *tom. 2. critic. annal. Baronii, ad annum 538. n. 18. p. 565. col. 1. & ad annum 553. nn. 25. 26. & 27. pag. 611. & seqq.* nihil aliud profert, quam hæc quatuor momenta: primum est, testimonium plurimorum auctorum, quorum nonnulli ipsa quinti concilii ætate vivebant, quibus ipse addit hæc verba secundæ professionis fidei in libro diurno Romanorum Pontif. ubi postquam actum est de quatuor prioribus synodis œcumenicis, subnectitur: *Hæc igitur sancta atque universalis quatuor concilia, etiam sanctum quintum concilium venerandum asse-*

*quutum est, &c. In hoc Origenes cum impiis discipulis & sequacibus Didymo & Evagrio... æternæ sunt condemnationi submissi. In eo Theodorus Mopsuestenus auctor Nestorii, pariterque Diodorus, &c. Cum his & epistola quæ Ibæ dicitur ad Marim Persam: & scripta Theodori adversus beatissimum Cyrillum cum condemnatione projecta sunt, &c. Inter hæc veneranda universalis quinque concilia, etiam sanctum sextum concilium universale prædicamus, &c. Verum hi omnes scriptores, quia nec suo numero, nec sua auctoritate efficere valent factum fuisse, quod revera factum non fuerit, præponderare utique non possunt adductis hucusque gravissimis rationibus in contrarium; & iis præsertim quæ ex omnia ubique ea condemnatione Origene, tum in actis hujus quintæ synodi, tum in subscriptionibus episcoporum ejus, tum in duplici Vigili Papæ pro eadem synodo approbanda decreto petita sunt. Quas tantum abest ut convellat Pagius, ut ne eas quidem, saltem quoad silentium episcoporum & Vigili modo memoratum, sibi dissolvendas proponat.*

Alterum Pagii argumentum desumitur ex verbis Justiniani, in suis litteris ad synodum, quibus eam hortatur ad proscribendos Origene errores, & personam: sed supra demonstratum est has litteras ad synodum directas fuisse, quam Mennas ex Imperatoris mandato in epistola ad ipsum scripta eas præcedente convocare habebat adversus Origenem, quæque re ipsa coacta fuit novem aut amplius annis ante synodum quintam generalem; non vero ad ipsam synodum quintam generalem.

Tertium & quartum jam supra satis diluimus, quæ nimirum sunt, tum verba quædam Theodori Cæsareæ Cappadociæ episcopi, de Origene damnatione *nunc* facta, tum nomen Origene anathematismo undecimo insertum: nec sane alio modo ratio recta utrumque intelligendum suggerit, quam quo exposuimus, stantibus nostris momentis quæ hæcenus nemo destruxit. Omnem enim mentis captum superat, synodo quinta generali, in primis & præcipue, ut tradunt auctor chronici Alexandrini & Theophanes, ad Origenem, Evagrium, & Didymum proscribendos; deinde vero ad condemnationem trium capitulorum peragendam, congregata: perculsisque in ea, æquali anathematis fulmine, iisdem cum Theodoro Mopsuesteno, Theodoreti scriptis quibusdam, & epistola Ibæ attributa; de sola condemnatione trium capitulorum, sive in actis hujus synodi quintæ, sive in episcoporum subscriptionibus, sive in duplici Vigili Papæ epistola data pro eadem confirmanda synodo, reperiri mentionem. Mira prorsus & hucusque inaudita res; posterorum

col. 214  
& seqq.

col. 220  
& seqq.



cognitioni subductum omnimoda diligentia, idque ipso volente Justiniano, aut saltem permittente, connivente, aut non advertente, (qui tamen specialibus litteris ad eandem synodum quintam paulo ante scriptis episcopos supponitur hortatus ut sedulo invigilarent damnationi Origenis, Evagrii, & Didymi, eamque palam facerent,) subductum, inquam, solertissime ab ipsismet quintæ synodi omnibus universim Patribus, quidquid in ea ad illam damnationem ipsos gessisse, multi eruditorum sentiunt: nihil de illa repositum occurrere in hujus synodi quintæ actis, tum Græcis, tum Latinis; nihil de ea expressum remansisse in ullis illorum Patrum subscriptionibus. Undenam, quæso, is stupor ignaviæ, fœcordiæ, negligentiae, erga Origenis, Evagrii, & Didymi condemnationem propalandam, dum tantus se prodit ardor in denuntianda ubique proscriptione trium capitulorum! En hujus ænigmatis alioquin inextricabilis gentianam solutionem. Nullum in synodo quinta adversus Origenem, Evagrium, & Didymum latum est iudicium, quod in ejus actis, episcoporum subscriptionibus, & Vigiliî decretis apparere debuerit. Litteræ Justiniani ad synodum pro ea condemnatione, ad aliam synodum directæ erant, sub Menna celebratam novem aut amplius annis ante quintam generalem, quam cum hac quinta synodo auctores plerique, tempora non distinguentes, confuderunt: quinta demum synodus trium duntaxat capitulorum examini incubuit, quæ sola ad suum tribunal ab Imperatore delata fuerant: hæc sola anathematibus confixit, hæc sola in suis subscriptionibus significavit specialiter damnata, hæc sola tunc Justinianus gratum habuit fuisse, juxta voluntatem suam, proscripta: quid plura! hæc eadem sola Vigilius, (cujus mentem, ex definitione ad calcem decretorum ejus posita, Legati apostolici, in sexta synodo, eruendam esse monuerunt, ut supra vidimus) hæc sola, inquam, non tantum in toto contextu duarum epistolarum quibus synodum quintam approbavit, sed & in ipsa definitione, declaravit fuisse rejecta in illa synodo, & à se similiter repudiari. Inconcussum itaque omnino videtur, Origenis, Evagrii, ac Didymi, quæ communius adscribitur quintæ synodo generali, condemnationem, eam ipsam esse quæ Constantinopoli sub Menna, ex litterarum Justiniani ad hunc Patriarcham ejusque synodum tenore, anno 544. aut etiam antea confecta est; de eaque in synodo quinta renovanda nequaquam actum.

Editores actorum sanctorum tract. prælim. ad to. 3. Maii, n. 126. pag. 29. aiunt Eustochium Hierosolymitanum, acceptis quintæ

A synodi generalis actis, synodum Hierosolymis celebrasse, eodem utique anno 553. in qua, ut legitur act. i. concilii Nicæni secundi, quotquot erant Palæstiniorum episcopi, manibus, & pedibus, & ore, sententiam & statutum synodi confirmavere, nisi quod Alexander episcopus Abyles contrarium sensit, quamobrem episcopatu exutus Byzantium se recepit. Joannes Moschus refert in Prato spiritali num. 4. apud Cotel. to. 2. monum. eccl. Græc. p. 343. quod quum de abbate Myrogene audivisset Hierosolymorum archiepiscopus Eutychius (sive B Eustochius) voluit ad eum mittere quæ ipsi necessaria erant: sed ille nunquam ab eo quidquam accepit. Hoc autem solum illi significabat: ora pro me, Pater, ut ab æterno supplicio eripiar. Baronius ad annum Christi 561. num. 1. ait: eodem tempore, post Eustochium, Hierosolymorum ecclesiæ substitutus est Joannes, quem tamen alii in locum Macarii iterum restituti creatum dicunt. Scilicet, ut monet Valesius in annotat. ad cap. 38. lib. 4. hist. eccl. Evagr. pag. 109. col. 2. Baronius quidem Macarium in sedem suam restitutum esse C existimat paulo-post ordinationem Eustochii, ac deinde Eustochium Hierosolymitanam sedem iterum obtinuisse, quippe qui quintæ synodo generali per legatos suos interfuerit anno Christi 553.... Verum Baronius, longè à vero aberravit: Macarius enim diu post quintam synodum, pulso Eustochio, in sedem suam restitutus est, anno 37. Justiniani, post Consulatum Basilii anno 22. (id est, Christi 563.) ut scribit Victor Tunonensis in chronico, his verbis: Anno 37. imperii Justiniani, Eustochius Hierosolymitanus episcopus, qui fuerat Macario superflite ordinatus, ejicitur, & D rursum Macarius reformatur (sive resumitur) ita Valesius loco citato & in cap. 39. Evagr. ibid. pag. 112. col. 1. B. Theophanes quoque scribit, apud eundem Valesium p. 109. col. 2. D. Eustochium fuisse depositum, eique Macarium successisse. Eustochius veniens Hierosolymam præ odio quo adversum Apollinarem (Alexandrinum Patriarcham) & Agathonem, ac Macarium flagrabat, novæ lauræ monachos expulit, tanquam Origenistas; quamobrem & ipse postea ejectus est, & Macarius in suam E sedem restitutus. Vidimus supra ex Cyrillo col. 212 Scythopolit. quo pacto se gesserit Eustochius erga illos monachos. Evagrius demum similia tradit lib. 4. hist. eccl. cap. 39. ubi prænominitis quatuor priorum Patriarchatum pontificibus, subdit: Macario denique Hierosolymitanæ ecclesiæ sacerdotium possidente, atque in pristinam sedem restituto; quum post depositionem Eustochii, Origenem, Didymum atque Evagrium sub anathemate damnasset, Justinianus scripsit id quod Romani edictum



vocant. De eo edicto loquemur inferius sub Macario.

Iidem editores actorum SS. tract. prælim. in to. 3. Maii, n. 127. p. 29. col. 1. observant Nicephorum in chronic. Macario duos annos, Eustochio unum, Macario iterum quatuor assignare: sed incredibile esse duobus annis à Macario episcopatum gestum absque assensu Imperatoris: unde aiunt pro duobus annis menses probabilius duos reponendos, ut eodem anno 544. quo electus fuerat expectarit confirmationem suam mensibus Octobri & Novembri: interim vero Eustochius assumptus fuerit, qui non uno solum anno federit, siquidem pervenit ad tempora synodi quintæ, sed per annos undecim, inquiunt, depositus scilicet an. 556. agente Theodoro Ascida Cæsariensi in Cappadocia episcopo, qui apud Justinianum plurimum valebat. An huius Theodori opera, vel etiam quam ob causam Eustochius depositus fuerit, ignotum est: discimus solum ex Victore Tunon. superius recitato eum, non anno 556. fuisse depositum, qui fuisset trigessimus Justiniani, sed anno ejus imperii trigesimo-septimo, adeoque 563. ex quo sequitur Eustochium, non undecim duntaxat annos ecclesiam Hierosolymitanam administrasse, antequam deponeretur, sed novemdecim. Quid vero postea egerit, quo-ve decesserit anno, nos latet.

### LII. MACARIUS.

Jam notum est, ex Cyrillo Scythopolitano in vita sancti Sabæ n. 90. apud Cotelierum tom. 3. monumen. eccl. Græc. pag. 373. & ex Evagr. lib. 4. hist. eccl. cap. 37. Petro in sede Hierosolymitana immediate successisse hunc Macarium, sed qui paulo-post, nondum ab Imperatore confirmatus, ejectus est, eo quod erroribus Origenis diceretur infectus, eique substitutum Eustochium. Eustochio itaque deposito anno ejusdem Imperatoris 37. & Christi 563. Macarius ad sedem Hierosolymitanam iterum assumptus est, quum Origenem, Evagrium, & Didymum damnasset. Hic annus famosus fuit edicto Justiniani Imperatoris pro hæresi Aphthartodocetarum sive Incorrupticolarum dato, in quo inquit Evagr. lib. 4. hist. eccl. cap. 39. corpus Domini incorruptibile appellat, & naturalium atque inculpabilium affectionum capax fuisse negat: Dominum ante Passionem eodem modo comedisse dicens quo post Passionem comedit, quum sacrosanctum ejus corpus jam inde ex quo in utero formatum est, nullam conversionem aut mutationem, nec in voluntariis & naturalibus perpersionibus, nec post resurrectionem acceperit. Porro Justinianus omnes ubique episcopos per vim cogere instituit ut huic opinioni assentirentur.

A Sed quum universi sententiam Anastasii Antiochenensis episcopi (S. scilicet Anastasii Sinaitæ cujus memoria colitur die 21. April.) expectare se respondiissent, primum Imperatoris impetum declinarunt. Porro iste Anastasius (pergit Evagr. cap. 40.) vir fuit tum in divinis litteris admodum eruditus, tum in moribus & vivendi ratione accuratissimus, adeo ut res etiam levissimas observaret, nec à constantia & firmitate unquam deflecteret, nedum in magni momenti rebus, & quæ ad Deum spectarent. Mores autem suos ita temperaverat, ut neque B adeundi & alloquendi ipsum facilitas expositum illum redderet iis quibus minimè oportebat: nec severitas & inclementia inaccessum eum præstaret juri atque rationi. Et in seriis quidem colloquiis aures ei patentes & lingua profluens erat; & quæstiones propositas prudenter & argutè dissolvebat: in sermonibus autem ineptis ac superfluis, aures quidem penitus oclusas habebat, linguam vero quasi fræno quodam compimebat; ita ut orationem ratio metiretur, & C silentium omni oratione præstantius esset. Hunc igitur, tanquam inexpugnabilem murum, omni machinarum genere oppugnare adortus est Justinianus: id scilicet secum ipse cogitans, se, si hoc propugnaculum subruisset, urbem posthæc nullo negotio capturum esse, & rectæ fidei doctrinam in servitutem redacturum; denique oves Christi captivas abducturum esse. Anastasius vero divina quadam animi celsitudine, adeo supra Imperatorem sese extulit, quippe qui fundatus esset supra firmam petram, ut missa ad Justinianum relatione palam ei contradixerit, & manifestissime simul ac disertissime in eadem relatione ei demonstraverit corpus Domini in perpersionibus D naturalibus, & quæ in reprehensionem non cadunt, corruptioni obnoxium fuisse, atque ita divinos apostolos & sanctos Patres sensisse, ac posteris tradidisse. Eadem quoque rescriptit ad monachos primæ ac secundæ Syriæ qui ipsum consuluerant, cunctorum animos confirmans & ad subeundum certamen præparans, & quotidie in ecclesia recitans verba illa ab electionis vase prolata; si quis vobis evangelizaverit præter id quod accepistis, quamvis Angelus ex cælo fuerit, anathema sit: (Gal. cap. 1. vers. 8.) E scripta est etiam ab eodem Anastasio oratio ad Antiochenos, qua illis vale dicebat, quum accepisset Justinianum velle ipsum in exilium mittere. Quam quidem orationem merito quis admiretur, tum ob verborum elegantiam, tum ob copiam sententiarum, tum denique ob frequentia sacræ scripturæ testimonia, & ob historiam suis locis apte accommodatam. Hucusque Evagrius qui statim subdit cap. 41. Verum oratio illa haudquaquam publicata est, eo quod Deus nobis prospiciens, res nostras in melius commutavit. Etenim Justinianus, dum adversus Anastasium,



& sacerdotes qui cum illo erant, deportationis sententiam diceret, invisibili plaga ictus ex hac luce migravit, quum imperasset in universum annos octo ac triginta, & menses octo. Obiit itaque Justinianus anno Christi 565. mense Novembri. Pergit Evagrius lib. 5. cap. 1. Hunc igitur in modum Justinianus, quum cuncta tumultu ac perturbationibus implevisset, & pro his factis congruam mercedem sub exitum vitæ retulisset.... migravit. Justinus vero sororis ejus filius, quum imperialis palatii custodiam gereret, quem Romani Curopalaten vocant, statim post illius obitum purpuram sumpsit, quum nec obitum Justiniani, nec electionem Justini quicquam adhuc nosset, præter ejus familiares: donec in Circensi spectaculo apparuit, ea quæ Imperatoris sunt acturus simul & suscepturus. Quibus peractis quum nihil prorsus tentatum esset, in palatium regressus est. Primum vero edictum promulgavit quo universi qui ubique congregati erant episcopi ad suas sedes dimittebantur ut consueti more divino cultui inservirent, nulla re circa fidem innovata. Et hoc quidem ejus factum magnopere laudandum est. Sed quod ad vitam ejus ac mores attinet, mollis fuit ac dissolutus.... Adhæc alienæ pecuniæ tam vehementi cupiditate flagrabat, ut iniqui quæstus causa cuncta divenderet, ac ne in sacerdotiis quidem divinum numen revereretur, quæ obviis quibusque pretio vendebat, venalia hæc etiam publicè proponens, &c. Addo obiter, ex eodem Evagr. cap. 5. à Justino Anastasium ex Antiochena sede ejectum fuisse anno 570..... Dicebatur autem Justinus idcirco infensus fuisse Anastasio, quod, quum pecuniam ab eo ad episcopatum promotum postulavisset, Anastasius eam dare noluerat, &c. Verum Gregorio qui ipsi subrogatus fuerat nondum mortuo, suæ sedi post tres ac viginti à sua depositione annos restitutum esse, anno subinde Christi 593. ex eodem Evagr. lib. 6. c. 24. Obiit anno 599.

Editores actorum SS. in tract. prælimin. sæpius citato ad to. 3. Maii, n. 128. pag. 29. col. 2. monent in vita sancti Gregorii Agri- gentini, qui in martyrol. Rom. ad diem 23. Novembris colitur, nonnulla tradi de Macario II. Hierosolymitano, ut quod adventum hujus sancti adhuc juvenis divina revelatione cognoverit, ejusque ac sociorum nomina pronuntiaverit, eumque ordinaverit diaconum. Sed hæc vita, inquiunt, multæ fabulosis suspecta nobis est, neque in testimonium sanctitatis pro Macario adducenda, donec severo examine discussa fuerit. Illum decessisse aiunt iidem actorum sanctorum editores, anno Christi 570. non post quatuor solum annos à sua restitutione, ut scribit Nicephorus in chronico, sed ut ipsi existimant restitutionem hanc assignantes anno

A Chr. 556. post annos quatuordecim. Quum tamen supra ostensum fuerit ex Victore Tunnensi, (qui ut ait Vales. in annot. ad c. 38. lib. 4. hist. eccl. Evagr. p. 110. col. 1. A. iidem temporibus vivebat, nec istud ignorare potuit) anno 37. imperii Justiniani (Christi subinde 563.) Eustochium Hierosolymitanum episcopum.... ejectum esse, & rursus Macarium resumptum: si reipsa Macarius obiit anno 570. dicendum est omnino ipsum hac secunda vice sedisse duntaxat septem annis. At Evagr. lib. 5. hist. eccl. cap. 16. hæc habet: B per idem tempus, (postquam scilicet à Justino declaratus Cæsar Tiberius una cum eo imperii curam gessit)..... ad Hierosolymitanæ ecclesiæ pontificatum post Macarium erectus est Joannes, qui in Acæmitensi monasterio religiosæ vitæ instituta didicerat. Unde sequitur Macarium non obiisse ante ann. 574. quo Justinus Tiberium constituit Cæsarem. Refert enim idem Evagr. cap. 10. & seq. Justinum, quum audiisset urbem Daram à Cosroë Persarum rege fuisse expugnatam, in phrenesim ac dementiam incidisse, adeo ut nihil eorum quæ gerebantur deinceps intelligeret. Exinde igitur, inquit, rempublicam rexit Tiberius, oriundus ex Thracia, qui apud Justinum auctoritate & gratia plurimum poterat. Et cap. 13. Justinus itaque, suadente Sophia (conjugesua) sub idem tempus Tiberium Cæsarem renuntiavit. C Qua in nuncupatione, ejusmodi orationem habuit quæ omnem historiam transcendit, tam veterem, quam recentiore: quum clementissimus Deus hoc ei spatium temporis concessisset, tum ad propria delicta confitenda, tum ad salubria consilia suggerenda pro utilitate reipublicæ. Congregatis enim in atrio imperialis palatii, ubi hæc fieri mos est, Joanne Patriarcha una cum sacerdotibus suis, & magistratibus atque honoratis, cunctis denique qui in palatio militabant, Justinus imperatoria tunica & purpurea chlamyde Tiberium vestiens, edita voce ita palam locutus est. Ne te in errorem inducat vestis tuæ magnificentia, nec pompa rerum quæ sub aspectum cadunt; quibus ego in fraudem inductus, imprudens extremis me suppliciis obnoxium reddidi. Sed tu errata mea corrigo, omni cum lenitate ac mansuetudine rempubl. regens. Tum magistratus digito demonstrans: cave, inquit, ne his credas: hi enim in hunc quem vides statum me deduxerunt. Adjecit etiam ejusdem modi alia, quæ summam admirationem omnibus incusserunt, & immensam lacrymarum copiam elicerunt. Addit Evagrius cap. 23. hæc verba quæ multam difficultatem faceffunt. Porro, ut tempora accuratissime distinguantur, sciendum est Justinum juniorem, solum quidem imperasse annis duodecim, & mensibus decem cum dimidio; cum Tiberio autem collega annis tribus ac



mensibus undecim. Fiunt itaque in universum anni imperii Iustini sexdecim cum mensibus novem ac dimidio: Tiberius vero imperavit solus annis quatuor. Ita, inquam, Evagrius: cujus elucidandi gratia, Valesius in annot. ad hoc cap. 23. pag. 121. col. 2. ait: hic locus ansam erroris præbuit Baronio, qui in annalibus ecclesiasticis hunc sequutus auctorem annos sexdecim imperii cum mensibus novem Iustino juniori tribuit. Sed reliqui chronographi Iustino pauciores annos assignant. Nam Joannes quidem Biclariensis undecim duntaxat annos ei tribuit: Cedrenus autem tredecim cum aliquot mensibus; auctor vero Alexandrini chronici duodecim annos eum regnasse dicit, ac menses octo. Postremo Dionysius Petavius diligentissimus temporum scriptor, annos imperii tredecim, uno mense minus, tribuit Iustino, quos quidem orditur ab anno Christi 565. mense Novembri, Indictione decima-quarta, qua Justinianum mortuum esse censet cum Theophane ac Baronio. Cujus viri sententiæ lubenti animo subscribo. Certe annum primum Iustini junioris, cum Indictione decima-quarta cucurrisse docet ejusdem Iustini Novella prima ad Julianum præfectum urbi, quæ hanc habet subscriptionem: *Data decimo-octavo kal. Octobres, Chalcedone, Imperante D. N. Iustino PP. Augusto anno primo, Indictione quinta-decima.* Annus enim primus imperii Iustini cœpit à mense Novembri, ut inter omnes constat. Quarta-decima igitur tunc fuerit Indictio necesse est; siquidem mense Sept. seq. anni, quinta-decima Indictio numerata est. Etenim si Iustinus imperium auspiciatus esset Indictione xv. ut Victor Tunonensis, Joannes Biclariensis, & auctor Alexandrini chronici scriptum reliquerunt, & quidem mense Novembri, certe mense Septembri sequentis anni prima cœpisset Indictio. Porro ex his duodecim annis, ac mensibus undecim, quibus integris Justinum regnasse diximus; solus quidem ac sine collega imperavit annis octo & mensibus novem cum dimidio (id est, decem fere mensibus: simul autem cum Tiberio Cæsare regnavit annis quatuor, ac uno fere mense, sive mensibus decem ac diebus 22. die emortuali incluso, ut scribit Pagius tom. 2. crit. annal. Baron. ad annum 578. n. 3. p. 659. col. 2.) Tiberius Constantinus à Iustino Cæsar factus est Indictione octava, die septima Septembr. ut legitur in chronico Alexandr. Imperium vero auspiciatus est Indict. xii. mensis Octob. die 5. (hinc) fiunt anni quatuor, ac dies 28. Cæsareæ potestatis Tiberii. Quod si Theophylactum sequi malimus, qui Tiberium à Iustino Cæsarem factum esse scribit Decem-

bris die 7. feria 6. fient anni tres ac menses fere decem, quod est ab anno Christi 574. ad annum 578. Porro notandum est Tiberium Constantinum, post mortem Iustini Junioris, annos imperii sui numerasse ab exordio Cæsareæ potestatis, ut discimus ex subscriptione sacre pragmaticæ ejusdem Tiberii de confirmatione constitutionum Iustini Imperatoris, quæ sic habet: *Data tertio idus Augusti, Constantinopoli, Imperatoris D. N. Tiberii Constantini Augusti anno octavo, & post Consulatum ejus anno tertio: & nobilissimi Flavii Tiberii Mauricii felicissimi Cæsaris anno primo.* Hucusque Valesius. Pagius in crit. annal. Baron. 10. 2. ad ann. 574. n. 4. pag. 652. col. 1. hæc ait de loco Evagr. supra cit. Locus ille Evagrii, ut nunc fere inter eruditos convenit, à librariis corruptus fuit, neque enim accuratissimus scriptor in rebus sua ætate gestis litteris mandandis in tam graves errores laudatis verbis contentos labi potuit, & n. 6. col. 2. Repertum est olim in Vaticano cœmeterio marmor, in quo legitur epitaphium cujusdam pueri, translatum postea in atrium ecclesiæ S. Angeli ubi ad lævam majoris aræ parieti affixum fuit, ex quo cum aliis antiquitatis monumentis collato constat, non tantum Tiberium hoc anno (574.) sed etiam post diem 25. mensis Octobr. participem imperii factum. Habetur illud apud Paulum Aringhium lib. 2. Romæ subterranean. cap. 10. tom. 1. pag. 340. & apud Reinesium in Syntag. Inscriptionum p. 912. ex quo hæc excerpti, omissis ad chronol. non necessariis.

✠ DEP. EST BOETIUS. CL. P. OCT. KAL. NOBR. INDICT. XI. IMP. DOM. N. IUSTINO. PP. AUG. ANNO XII. ET TIBERIO CONST. CÆS. ANNO III. DEP. EST. IN PAC. ARGENTEA. MAT. SS. XIII. KAL. DECEMB. QUI SS. BOETIUS VIXIT ANN. XI. M. VIII. D. XXIII. ET MAT. EIUS VIXIT ANN. XXXVI. M. II. D. XII.

E id est, depositus est, ut hujus epitaphii partem reddit infra idem Pagius n. 9. Boetius, Octavo Kal. Novemb. Indictione xi. Iustini Augusti anno 12. & Tiberii Cæsaris anno 3. Ex egregio hoc epitaphio, pergit Pagius n. 7. apparet primum errasse viros doctissimos, qui Justiniani mortem, & Iustini Junioris initium cum anno 566. alligarunt: nisi enim anno antecedenti regnare cœpisset, annus Iustini duodecimus, neque cum Indict. xi. neque cum anno Christi 577. qui ea à Septembri notatur,



notatur, concurreret, sed cum Indict. XII. A  
 annoque 578. quum dies ejus natalis in 14.  
 Novemb. inciderit. Apparet secundo, Tibe-  
 rium currenti anno (574.) Cæsarem appel-  
 latum post diem 25. Octob. seu octavum kal.  
 Novemb. in epitaphio memoratum; alioquin  
 anno Chr. 577. eo die, annoque 12. Justin-  
 is jam inchoasset annum quartum Imperii;  
 ideoque auctorem chronici Alexandr. recte  
 quidem annum inaugurationis Tiberii expres-  
 sisse, sed in mense errasse; ait enim: *hoc octavo*  
*(octavum vocat, quia Justinus Imperium ab*  
*anno 566. male exorditur) Imperii sui anno,*  
*Septembri mense, die septimo, octava Indictione,*  
*morbo correptus Justinus Augustus Tiberium*  
*Cæsarem creavit, nominavitque illum Constau-*  
*tinum, & vixit cum illo annos quatuor.* Non  
 solum autem Tiberius die 7. Septembr. &  
 die 25. Octobr. hujus anni (574.) nondum  
 Cæsar erat; sed nec die 13. mensis Decemb.  
 eo honore adhuc affectus fuerat, ut ex clau-  
 sula subjecta collectaneo ab Eugipio com-  
 posito anno 581. n. 1. constat: Unus Theo-  
 phylactus Simocatta lib. 3. cap. 11.ensem &  
 feriam rei actæ nos edocuit, postquam enim  
 sermonem quem Justinus ad Tiberium ha-  
 buit, quo tempore Cæsar salutabatur, retulit,  
 ait: *Atque hac mense Decembri, sexta die heb-*  
*domadis, Indictione IX. (reponendum VIII.*  
*quæ kal. Septembr. hujus anni auspicatur)*  
*proloquutus est.* Porro post diem 13. mensis  
 Decembris, feria sexta non incidit nisi in  
 diem 14. 21. & 28. ejusdem mensis; ideoque  
 unus ex tribus illis diebus Tiberii Constantini  
 (ad dignitatem Cæsaream) natalitius fuit.  
 Hunc nondum fuisse renunciatum Cæsarem  
 3. die Novemb. anni 574. habemus insuper  
 ex synodo congregata apud Gradum die 3.  
 Novembr. anni 579. quam refert Ughellus  
 tom. 5. Ital. Sac. col. 34. Hujus enim synodi  
 initium tale est: *In nomine D. N. J. C. &c.*  
*Imperante D. serenissimo Tiberio Constantino*  
*Augusto, anno Imperii ejus 5. (sextus fuisset,*  
*si ante hunc diem anno 574. Cæsarea po-*  
*testate fuisset donatus) eodem Consule, sub*  
*die 3. Nonarum Novembrium, Indictione XIII.*  
 Justinus Junior anno 778. die 5. mensis  
 Octobris obiit. Certum itaque maneat, (con-  
 cludit Pagius n. 9. pag. 653.) Tiberium post  
 diem 13. mensis Decembris hujus Christi  
 anni (574.) Cæsarea dignitate exornatum  
 fuisse. Si igitur Macario successit Joannes,  
 Tiberio jam Cæsare facto, ut Evagr. post  
 relatum hoc factum lib. 5. cap. 13. scribit  
 ibidem, cap. 16. non obiisse dicendus erit  
 Macarius ante finem anni 574. subinde-  
 que ecclesiæ Hierosolymitanæ hac secunda  
 vice gessisse curam ad minus per annos un-  
 decim.

Tomus III.

# LIII. JOANNES IV.

Macario successisse Joannem istum, post  
 declaratum Tiberium II. à Justino II. Cæsa-  
 rem, quod contigit sub finem anni 574. jam  
 dictum est ex Evagr. lib. 5. hist. eccl. cap. 16.  
 ubi ait: *Per idem tempus, &c. Ad Hierosoly-*  
*mitanæ autem ecclesiæ Pontificatum post Maca-*  
*rium evectus est Joannes, qui in Accemitenſi mo-*  
*nasterio religiosæ vitæ instituta didicerat: nec*  
*quidquam (scilicet tunc temporis) rerum no-*  
*varum in ecclesia tentatum est.* Idem auctor  
 inferius, lib. 6. cap. 24. quo totam historiam  
 suam claudit, hæc habet: *nec multo post Gre-*  
*gorius (qui in locum Anastasii Sinaitæ depo-*  
*siti sub Justino II. Antiochenæ ecclesiæ epi-*  
*scopus datus fuerat) podagræ morbo quo ma-*  
*xime vexabatur correptus abiit è vita, quum*  
*medicamentum ex Hermodactylo confectum, ipsi*  
*à medico porrectum, ebibisset. Mortuus autem*  
*est eo tempore, quo senioris quidem Romæ Gre-*  
*gorius successor Pelagii, junioris autem Romæ*  
*Joannes episcopatum gerebant: Alexandrinæ*  
*ecclesiæ Eulogius, Antiochenæ vero præsidebat*  
*Anastasius, post tres ac viginti demum annos in*  
*sedem suam restitutus: Hierosolymitanæ autem*  
*ecclesiæ Joannes Pontificatum administrabat.*  
 Quo non multo post mortuo, nemo etiamnum  
 ecclesiæ illius gubernationem suscepit. Atque hic  
 historiæ nostræ finis esto, anno scilicet duodecimo  
 principatus Mauricii Tiberii. Ex quibus verbis  
 colligitur an. Christi 593. vel sequenti 594.  
 Evagrium hæc scripsisse, nec multo prius  
 contigisse quæ ibidem refert. Scilicet Tiberius  
 obiit die 14. Aug. anno 582. eique successit  
 Mauricius: sic enim tradit auctor chronici  
 Alexandr. apud Pagium tom. 2. critic. annal.  
 Baron. ad eum annum, n. 9. pag. 669. col. 1.  
 Anno 3. post Consulatum Tiberii & Ind. xv.  
 hoc quarto ejusdem imperii anno, ægrotavit Tibe-  
 rius Cæsar, & 5. Augusti, xv. Indictionis præ-  
 sentis creatus est Cæsar Mauricius Tiberius, ac  
 13. Augusti coronatus Imperator, data illi in  
 uxorem à Tiberio novo Constantino filia Con-  
 stantina. & 14. Augusti moritur Tiberius novus  
 Constantinus in processo hebdomæ, impositoque  
 ejus funere in navi defertur Constantinopolim:  
 posteroque die, exequiis celebratis, corpus in  
 æde sanctorum Apostolorum deponitur. Deinde  
 imperavit Mauricius annos 20. Eustathius pa-  
 riter vitæ sancti Eutychii Constantinopolitani  
 Patriarchæ auctor scribit Tiberium obiisse  
 quatuor mensibus post Eutychium, qui ex  
 hac vita migraverat die 6. April. anno 582.  
 Observat Valesius in annotat. ad istud cap.  
 ultimum totius hist. eccl. Evagr. ab auctore  
 chron. Alexandr. mortem Gregorii episcopi  
 Antiocheni assignari anno Mauricii decimo,  
 Christi 592. hoc anno Anastasius Patriarcha

Q



*Antiochenus* (qui depositus fuerat anno circiter 570.) reversus est *Antiochiam* post mortem *Gregorii Patriarchæ*, qui vivus etiam *Anastasium* receperat. *Anastasium* quippe suæ sedis *Antiochenæ* fuisse restitutum ante diem 25. Mart. anno 593. ostendit *Pagius* *ibid.* ad ann. 594. m. 4. & 5. pp. 698. col. 2. & 699. col. 1. ex orat. ejusdem *Anastasio*, quam inter alia ejus opera mss. asservari testatur *Lambec. lib. 7. Bibl. Cæs. pag. 168.* cui titulus est: *Anastasio Patriarchæ Antiocheni oratio, quum post viginti tres annos ad thronum Patriarchalem revertetur, habita die 25. Mart. fer. 4. sanctæ hebdomad. Indict. XI. imperante piissimo Mauricio:* hi enim characteres annum 593. quo Pascha die 29. Mart. celebratum est, certo denotant. Eodem anno, sed post hanc 25. diem Mart. decessit *Gregorius* qui eam sedem occupabat. Hinc recte scribit *Evagr.* mortuum esse illum *Gregorium*, eo tempore quo.... *Antiochenæ* (sedi) præsidebat *Anastasius*, post tres ac viginti demum annos in sedem suam restitutus: Recte etiam auctor chronici *Alexandr.* narrat *Gregorium*, dum adhuc viveret, *Anastasium* recepisse, sed perperam *ibid.* asserit, *Anastasium* post mortem *Gregorii Antiochiam* rediisse, nec minus recte eandem *Anastasio* restitutionem sub *Indict. x.* reponit, id est anno 592. Quum autem post obitum *Joannis Hierosolymitani* episcopi, nullum eo usque nominatum fuisse asserat *Evagrius*, qui ei substitueretur, intelligendum datur, vel hanc *Joannis* mortem adhuc recentiore fuisse, vel per aliquod tempus vacasse eam sedem. *Nicophori* quidem chronicon *Joannis* præsulatui viginti duos annos tribuit: at melius *Theophanis* tabulæ viginti duntaxat annos ei adscribunt: si enim à fine anni 574. quo *Tiberius* ad *Cæsaream* dignitatem evectus est, vel ab anno sequenti 575. usque ad annum *Mauricii* 11. Christi 593. vel 12. Christi 594. ecclesiæ *Hierosolymitanæ* administrationem gessit, utique federit novemdecim annos, vel viginti non completos. Doctissimus *Papebrochius* narrat *tract. prælim. ad to. 3. actorum sanctorum Maii, n. 229. pag. 29.* anno 590. qui *Guntramni Francorum Regis* trigessimus erat, juxta *Fredegarium* in *chron. sive append. ad Greg. Tur. hist. n. 11. col. 600.* *Tunicam* *D. N. J. C.* quæ eidem in passione sublata est, & à militibus, qui eum custodiebant, est sortita, inventam esse, prodente *Simone filio Jacobi*, qui per duas hebdomadas multis cruciatibus affectus, tandem proficitur ipsam tunicam in civitate *Zafad* (*Joppe*) procul à *Hierosolyma* in arca marmorea positam esse; quam *Gregorius Antiochenus*, & *Thomas Hierosolymor.* (legendum pro *Thoma Joannes*, non *Amos Joannis* successor ut censuerunt iidem actor. sanctorum

*A* editores, si quidem ex *Evagr.* modo relato *Joannes* non obiit nisi post mortem *Gregorii Antiocheni* & *Joannes* (dictus *Jejunator*) *Constantinopolitanus episcopus*, cum aliis multis episcopis, triduanum facientes jejunium, exinde condigne cum arca marmorea, levi effecta quasi ex ligno fuisset, ordine pedestri *Hierosolymam* cum devotione sanctissima perduxerunt, & eam in loco, ubi *Crux Domini* adoratur, cum triumpho posuerunt. Eo anno luna obscurata est. Ea tunica, subdunt iidem actorum sanctorum editores, nunc *Treviris* religiose asservatur; *B* sed quia ignoratur quomodo vel quando allata (fuerit,) invaluit opinio sanctam *Heleenam*, quam *Treviris* quoque natam fuisse volunt, ipsam misisse cum aliis reliquiis, quod nequaquam crediderim. Qui enim inventæ ab ea crucis clavorumque adeo certam memoriam nobis reliquit *Theophanes*, non omisisset, puto, etiam meminisse tunicæ, si ea tunc pariter fuisset reperta: neque ignoravisset *Fredegarius* ipsam jam pridem *Treviris* coli celeberrimo totius *Galliæ Germaniæque* concursu. Hæc eruditissimus *Papebrochius* *tom. 3. cit. Maii.* *Gregor. Tur.* hujus tunicæ mentionem facit, *lib. 1. de gloria Martyr. c. 8.* *De hac immaculati Agni tunica*, inquit, *quæ à quibusdam audivi, silere nequeo. Ferunt autem in civitate Galathææ* (*Galatiæ*: quo nomine, inquit doctissimus *Theodericus Ruinart Benedictinus*, in nota *ibid.* apposita *c. col. 729.* *Galatia* provincia potius, quam urbs designaretur. *Galatheam* urbem ex solo *Greg. Turon.* memorant *Ortelius, Ferrarius, &c.*) *in basilica, quæ ad sanctos Archangelos vocatur, retineri. Est enim hæc civitas, ab urbe Constantinopolitana, quasi millibus centum quinquaginta, in qua basilica est crypta abditissima: ibique in arca lignea hoc vestimentum habetur inclusum; quæ arca à devotis atque fidelibus cum summa diligentia adoratur.* Ad quem *Greg. Turon.* locum sic monet præfatus *Theodericus Ruinart* in nota subjecta *d.* Hæc eadem tunica in chronico *Fredegarii cap. 11.* dicitur ex civitate *Jafad*, apud *Sigebertum Zaphat*, quam *Jassam* seu *Joppen* interpretamur, anno 30. *Guntramni* regis, in sanctam *Hierosolymorum* urbem translata fuisse. Postmodum *E* in *Gallias* allata est tempore *Caroli Magni*, & apud *Argentolium* in agro *Parisiensi*, ubi *Gisela* ejusdem Imperatoris soror, ac *Theodrada* ipsius filia, sanctimoniales erant, deposita fuit. Demum, quum diu ob bellorum tumultus latuisset, sub sæculi duodecimi medium inventa est, ac præfate *Ludovico Juniore* cum aliis regni proceribus, ab *Hugone* archiepiscopo *Rhotomagensi*, compluribusque aliis episcopis & abbatibus, publicæ fidei-  
lium venerationi exhibita fuit anno 1156.



Exinde summo populorum concursu celebris fuit ecclesia Argentoliensis, ubi etiam nunc à nostræ Congregationis sancti Mauri monachis Benedictinis religiosissime tam pretiosum cœmelium asservatur & colitur. Addit Pagius *io. 2. crit. annal. Baron.* ad annum 593. *n. 6. pag. 696. col. 1.* quia Fredegarius hanc sacræ Christi tunicæ inventionem consignat anno Guntramni regis 30. quod etiam Aimoinus, *lib. 3. cap. 74.* ideo, secundum Fredegarii supputationem, inventionem hanc contigisse anno Christi 590. non vero 594. ut scribit Sigebertus. Falluntur itaque omnes isti scriptores quando asserunt Gregorium Antiochenum, Thomam Hierosolymitanum, & Joannem Constantinopolitanum, episcopos illam tunicam *ordine pedestri* Hierosolymam perduxisse: nam anno 590. Gregorius quidem Antiochenus in vivis erat, sed Joannes, non Thomas, ecclesiam Hierosolymitanam regebat: anno autem Chr. 594. Amos episcopus Hierosolymorum erat. Præterea Aimoinus & Fredegarius, narrata illa tunicæ Christi inconfutilis inventionem, aiunt, *eo anno luna obscurata est*: quæ lunæ eclipsis facta est in Galliis anno 589. die 6. Martii, post mediam noctem, feria 6. ineunte, juxta calculum Calvisii in opere suo chronologico. Hujus proinde inventionis annus (fuisse 589.) ex illo lunari defectu innotescit. Eam Christi tunicam religiose Treviris asservari tradit Browerus *in annalibus Trevir. lib. 15.* ubi de ea plura habet.

Quod attinet ad annum, quo historiam suam ecclesiasticam terminat Evagrius, sequentia scribit idem Pagius, ad annum 594. *num. 6. pag. 699. col. 2.* Recte Valesius in annotationibus ad hoc ultimum historiæ Evagrii caput, recte pariter Photius in Bibl. cod. 29. advertunt Evagrium ea non attigisse quæ anno Mauricii 12. die 14. mensis Aug. anni Christi 593. inchoato gesta sunt, sed eo tantum currente anno historiam suam clausisse: fallitur tamen Valesius, quando ait suspicatum esse Baronium Gregorii Antiocheni episcopi mortem anno 12. hujus Imperatoris contigisse. Diserte enim Baronius dicit, Gregorium episcopum Antiochenum anno 595. mortalitatem reliquisse, eodemque anno, quem ipse numerat *decimum* (Mauricii,) non vero *duodecimum*, Evagrium historiæ suæ finem imposuisse. Baronius quippe Mauricii Imperatoris initium repetit ab anno Christi 586. qua in re valde hallucinatur, quemadmodum & quando tradit Photium loco laudato emendare Evagrium, & asserere hunc produxisse historiam suam usque ad annum decimum Mauricii Imperat. In neutra enim Bibliothecæ Photii editione annus decimus Mauricii legitur, sed duodecimus. Denique

Tomus III.

A ipsemet Evagrius *lib. 3. cap. 33.* ait se, quæ in eo capite narrat, scribere anno Antiocheno 641. qui kal. Septembr. anni Christi 592. exorditur. Quare anno duodecimo Mauricii tres etiam sequentes libros exaravit. Verum annus quo suam historiam scripsit, distinguendus est ab anno ad quem eidem finem imposuit. Ejus scilicet historia non progreditur ultra mensem Aug. anni Christi 593. & in lucem data est, vel eodem Christi anno exeunte, vel potius anno 594. quo Mauricii annus duodecimus absolvitur: neque enim tres ultimi historiæ ejus libri tam prolixi sunt, quin intra duodecimum Mauricii Imperatoris annum elucubrari potuerint. De eodem quoque Evagrio observat prædictus Pagius, ad annum Christi 582. *n. 10. p. 669. col. 2.* verum quidem esse, verba hujus auctoris *lib. 5. hist. eccl. cap. 23.* de duratione imperii Justinii depravata esse; sed ex iis quæ *ibid. & cap. 24.* de Tiberio & Mauricio scribit, librariorum errorem deprehendi: nam in cap. 23. docet Tiberium post Justinii Junioris obitum imperasse annis quatuor, cap. vero 24. Mauricii initium anno Christi 582. assignat, ut ex anno ejusdem Imperatoris duodecimo, quo historiam suam se terminare testatur, manifestum est. Concludendum itaque Joannem Hierosolymitanum Patriarcham, non ante annum Christi 593. sed eo anno probabilius post mensem Martium, vel saltem anno sequenti 594. ante mensem Augustum decessisse.

#### LIV. AMOS.

Quum eo tempore quo historiam suam ecclesiasticam Evagrius finivit, anno Mauricii Imperatoris duodecimo, id est Christi, vel 593. à die 14. Aug. vel 594. usque ad eundem diem, defuncto Joanni nullus adhuc suffectus fuisset, ut ipse testatur, nos latet ex ea parte quandonam Amos proximus Joannis successor ad hanc sedem evectus sit. Tabulæ Theophanis primum ejus annum reponunt anno Mauricii undecimo, sed visibilis est error: renuntiari potuit non multo post quam Evagrius historiam suam clausisset an. Christi 594. Mauricii duodecimo exeunte, vel decimo-tertio incœpto. Apud Nicephorum Callixtum, qui ei octo annos tribuit, appellatur Neamus. Doctissimus Papebrochius, *to. 3. Maii, in tract. prælim. pag. 29. n. 129. col. 2.* E. ait: *istius Amos epistolam aliquam ad S. Gregorium Papam vidi, nescio ubi, vidisse tamen notatum reperio in adversariis.* Verum extat hujus SS. Papæ epistola ad eum scripta, quæ sexta est registri ejus epistolarum, *lib. 8. Indict. 1. to. 2. edit. Paris. 1705. col. 899.* In ea epistola Petrum Romanæ ecclesiæ acolythum fugitivum comprehendi jubet, Romanque

Q ij



mitti. Tenore est: *Gregorius Amos episcopo Jerosolymitano. Quum fraternitatem vestram confidamus canonum statuta, & vigorem diligere disciplinæ, ne clerici nostri vobis ad evitandam distributionem ecclesiastici ordinis falsitas surripere valeat, ejus culpam sanctitati vestræ indicare prospeximus, ut sollicitudine vestra disciplinæ possit submitti quam refugit. Comperimus autem quod Petrus acolythus, quem dilectissimo filio nostro Sabiniano diacono responsa ecclesiastica facienti observare in urbe regia feceramus, fugiens ad vestram ecclesiam venerit. Quod si verum est, in tuto eum facere fraternitas vestra, & inventa huc studeat occasione remittere. Aut si, forte hoc metuens à vestra discesserit ecclesia, & per diversa loca, ne comprehendi valeat, latitet, in omnibus parochiis vestris, ut diligenter requiratur, injungite, & inventum ad nos, sicut præfati sumus, transmittite: quem etiam volumus per vos, quia sit communione privatus, agnoscere; nec Dominici corporis ac sanguinis, quo usque ad nos redeat, audeat mysteria sumere, nisi forte vicino mortis insistente periculo. Scripta est anno Christi 597. aut 598. In Prato spirituali cap. 149. to. 2. Bibl. Patr. Græcor. edit. Paris. 1624. pag. 1120. hæc leguntur: Quum descendisset abbas Ammos Hierosolymam, & Patriarcha ordinatus esset, venerunt omnes monasteriorum eremi abbates, ut salutarent eum, inter quos affui & ego cum abbate meo. Cæpitque Patriarcha dicere patribus: Orate pro me, Patres, magnum enim onus, & intolerabile mihi injunctum est, sacerdotique dignitas me terret immodice. Petri enim & Pauli, & similia est regere rationales animas, ego autem infelix peccator sum. Plus autem quam cætera timeo ordinationum sarcinam: nam inveni scriptum, quia beatissimus & æqualis Angelis Papa Leo, qui Romanorum ecclesiæ præfuit, per 40. dies perseveravit ad sepulcrum Apostoli Petri vigiliis & orationibus insistens, petensque ab Apostolo ut pro se ad Deum intercederet, ut dimitterentur sibi peccata sua: impletisque diebus 40. apparuit ei Apostolus Petrus dicens: Oravi pro te, & dimissa sunt tibi omnia peccata tua, præter quam impositionis manuum: hoc enim solum à te requiretur, sive bene, sive fortassis aliter id egeris. Ex qua narratione colligitur Amos fuisse monachum, & alicujus lauræ sive cœnobii præpositum, priusquam sedem Hierosolymitanam conscenderet. Decessit anno 600. aut 601. ut ex epistola sancti Gregorii Papæ ad Isacium ejus successorem data colligitur. Theophanis tabulæ & Nicephori chronicon illi octo annos regiminis assignant, qui ab anno 593. aut 594. ad annum 600. aut 601. reperiri possunt, ita ut octavus saltem inceptus fuerit, quum fato functus est.*

Post Amos *Isacius* renuntiatus est Patriarcha Hierosolymitanus. Annos octo episcopatus ei tribuit Nicephori chronicon; concinnunt Theophanes & Eutychius Alexandr. qui illum ab anno 19. Mauricii, id est, Christi 600. vel 601. usque ad annum sextum Phocæ, Christi 608. fuisse ferunt. Mortem ejus assignat auctor chronici Alexandr. anno Phocæ septimo, id est Christi 109. Is synodicam de ordinatione sua, juxta morem, scripsit ad S. Gregorium Papam, cujus responsio extat To. 2. registri epistolar. hujus Pontificis lib. 11. (alias 9.) Indictione IV. epist. 46. (alias 40.) col. 1133. novæ edit. id est an. 600. à mense Septemb. vel anno 601. usque ad eum mensem; titulus est: *Gregorius Isacio episcopo Hierosolymitano. Sic autem incipit: Servata veritate historię, quid aliud est quod diluvii tempore humanum genus extra Arcam (Noë) moritur, ad vitam vero in Arca servatur, nisi hoc quod aperte nunc cernimus, quia infideles quosque extra ecclesiam peccati sui unda perimit; & fideles suos in fide atque in charitate sanctę ecclesię unitas, quasi Arcę compago custodit, &c. In hujus Arcę ædificatione vos currere relecta fraternitatis vestrę epistola, rectę fidei compage gaudemus; magnasque omnipotenti Deo gratias exsolvimus, qui & in mutatis gregis sui pastoribus, fidem quam semel sanctis patribus tradidit, etiam post eos immutatam custodit, &c. Ipse autem per Christum ingreditur, qui de eodem Creatore ac Redemptore humani generis vera sentit & prædicat, prædicata custodit, culmen regiminis ad officium portandi oneris suscipit, non ad appetitum glorię transitorii honoris, &c. Tua vero fraternitas spiritualiter edocta rectam per omnia fidem protulit, & quę quærenda erant subtiliter enarravit. Fides itaque vestra, fides est nostra. Ea tenemus quę dicitis, ea dicimus quę tenetis. Quia vero pervenit ad nos in Orientis ecclesiis nullum ad sacrum ordinem, nisi ex præmiorum datione pervenire; si ita esse vestra fraternitas agnoscit, hanc primam oblationem omnipotenti Deo offerat, ut à subjectis sibi ecclesiis errorem simoniacę hæreseos compescat: nam ut alia taceam, quales esse in sacris ordinibus poterunt, qui ad hos non merito, sed præmio provehuntur, &c. Præterea pervenit ad me quia in ecclesia urbis vestrę Hierosolymorum (sic scripsit Papebrochius to. 3. Actor. SS. Maii, in tract. prælim. p. 30. col. 1. A. & sensus planior videtur) quę *Ælia* dicitur, sæpe jurgia nascuntur: unde sanctitas vestra debet sollicitè cuncta pensare, & quædam mansuete corrigere; quædam vero quę corrigi nequeunt æquanimiter tolerare, &c. Sic igitur sanctitas vestra quædam compescendo, quædam*



tolerando mitiget, ut in sancta Hierosolymorum ecclesia pacem cohabitantium per omnia conferret. Scriptum quippe est, pacem sequimini cum omnibus, & sanctimoniam, sine qua nemo videbit Deum (Hebr. cap. 12. v. 14.) In rixa etenim mentis ipsum lumen clauditur bonæ intentionis.... Et quid jam in nobis boni operis remanet, si pacem ex corde perdimus sine qua Dominum videre non valemus? Vos itaque ita agite, ut, de his quoque qui per jurgium perire poterant, mercedis vestræ lucra colligatis. Omnipotens Deus dilectionem tuam gratia cælesti custodiat, & de his qui tibi commissi sunt fructum multiplicem, ac mensuram supereffluentem, ad æterna gaudia reportare concedat. Hunc Isaacium Baronius ad annum Christi 601. n. 14. Hesychium nuncupat, dicitque eo anno sedem Hierosolymitanam conscendisse. Eundem vero, ad annum 609. n. 5. illo anno obiisse narrat, quum octo annos hanc ecclesiam administrasset.

## LVI. ZACHARIAS.

Bollandus tom. 3. Februar. ad diem 21. hujus mensis pag. 247. ubi de eo Zacharia agit, refert ex chronico Alexandr. quod cum 20. imperii Heraclii anno desinit, Zachariam hunc Patriarchatus Hierosolymitani suscepisse regimen anno Phocæ septimo, id est Christi 609. Sic enim loquitur hujus chronici auctor (sed ad annum Phocæ v.) *Moritur vero Isacius Patriarcha Hierosolymorum, in cujus locum sufficitur Zacharias presbyter ac custos sacrorum vasorum ecclesiæ Constantinopolitanæ.* Theophanes quoque in chronographia, anno Phocæ septimo adscribit initium Sergii Constantinopolitani, Zachariæ Hierosolymitani, & Joannis Alexandrini, cognomento Eleemosynarii. Consonat Anastasius biblioth. dicens: *Anno imperii Phocæ VII. Sergius Constantinopolitanus, Zacharias Hierosolymitanus, & Joannes Alexandrinus habentur antistites.* Nondum sex anni elapsi erant ex quo ad sedem Hierosolymitanam evectus fuerat Zacharias, quum rex Persarum Cosroës, Syria devastata, urbem Hierosolymam cepit, Christianos ibi degentes in vincula conjecit, Judæisque vili pretio tradidit, à quibus, non ut captivi aut servi excepti fuerunt, sed in odium Christi diversis innumerisque cruciatibus interfecti: Patriarcham demum & lignum S. Crucis in Persidem adsportavit. De ea clade chronicon Paschale, sive Alexandrinum, ita loquitur, *edit. D. Du Cange Paris. 1688. p. 385. (Anno) IV. (Heraclii) Indict. XI. post Consulatum Heraclii Augusti tertium. Hoc anno, circa mensem Junium, malum nobis accidit perpetuo luctu prosequendum. Quum aliis quippe compluribus Orientis civi-*

*Atatibus, Hierusalem à Persis capta est; multis clericorum, monachorum, sanctimonialium, & virginum millibus trucidatis. Incensum etiam Dominicum sepulcrum, & celeberrima Dei templa: & ut verbo dicam, pretiosa omnia destructa. Veneranda crucis ligna, cum sacris vasis innumeris, capiuntur à Persis, & Zacharias Patriarcha captivus abducitur. Atque hæc omnia, non multa anni parte, nec toto mense, sed intra paucos dies contingere. Eadem fere scribit Theophanes in chronographia, ad annum quintum Heraclii. Quartus hic erat, (Chr. 614.) sed, ut monet Papebrochius 10. 3. Maii, in tract. prælim. n. 134. pag. 31. col. 1. A. ille auctor uno anno serius in annis Heraclii res narrat, eo quod primum hujus Imperatoris annum in duos diviserit, quemadmodum pluribus demonstravit idem Papebrochius in Exegezi prælim. ad tom. 3. Mart. cap. 4. Anno quinto (legendum quarto) Imperii Heraclii, Persæ Jordanis loca, Palæstinam, & sanctam civitatem armorum vi subegerunt, & manibus, ut quidam asserunt, Judæorum, ad nonaginta Christianorum millia trucidarunt. Capto vero Hierosolymorum Patriarcha Zacharia, pretioso etiam & vivifico crucis ligno locis illis erepto, captivorum hominum multitudinem innumeram in Persidem abduxerunt. Extat, inquit Papebrochius modo laudatus, *ibid. n. 135.* Francisci Combefisii (Ord. FF. Prædic.) opera, post libellum sancti Joannis Chrysostomi de educandis liberis, aliaque nonnulla, Parisiis anno 1656. Græco-latine impressa epistola, quam viduæ sponsæ, civitati regis magni liberis orbata, Hierosolymitano gregi Pastorem non habenti: sed & reliquis omnibus in Christo declesus, residuisque in illis filiis orphanis, pastor humilis, solus, captivus, Zacharias minimus è Perside scripsit, suam, aliorumque captivorum calamitatem commemorans, & meminisse jubens quomodo ipse quidem, quando cum illis erat, in Galilæa dixerit: *Planè, filii, ingentem in vobis video incuriam, multam segnitiam, injustitiam, ignorantiam, fraternum odium, apostolicorum canonum transgressionem atque contemptum; nec scio quonam res nostræ evasuræ sint: Ipsos vero respondere solitos; Bonus est Deus, nec nos creavit ut perderet.* Nunc ergo hortatur eos ad poenitentiam, emendationem morum, misericordiam erga captivos fratres; aut quibus non suppetit quod largiantur, ad preces, jejunia, humicationes, & lacrymas.*

Si quæ autem in tanta calamitate inveniri potuit consolatio temporalis, hæc præcipue subministrata est à S. Joanne Eleemosynario, tunc temporis Patriarcha Alexandrino, de quo ista scribit ejus vitæ auctor Leontius, apud Baron. ad annum Christi 614. n. 15. col. 261.



Quum Persæ populati essent universam Syriam, qui eorum manus potuerunt effugere, tum laici qui magistratum gerebant, & privati, tum clerici cum episcopis confugiunt Alexandriam. Quibus omnibus dives ille & minime angustus convivor quotidie suppeditebat quæ erant ad usum necessaria, non ad indigentium adspiciens multitudinem, ut aliquid faceret quod esset sordidi & illiberalis animi, sed ad eum qui aperit manum, & omne animal implet benedictione. Quum autem Rasmizsus dux exercitus Cosroë vastasset & depopulatus esset veneranda loca Hierosolymorum; postquam hoc audivit ille homo Dei, & quod omnia sancta fuissent igni tradita, deslet quidem, non secus ac Hieremias, id quod factum fuerat. Non hætenus autem constitit ejus commiseratio, sed mittit etiam Chrysippum quemdam virum pium, tradens ei multum auri, frumentumque, & alia alimenta & indumenta, & ad ea vehenda jumenta plurima, tum ut adspiceret vastitatem, tum etiam ut eos qui remanserant ex captivitate satis per ea quæ dicta fuerunt recrearet. Præterea autem Theodorum quoque Amathuntis episcopum, & Anastasium præfectum magni montis Antonii, & Gregorium episcopum Rinocorurorum emittit ad eos recipiendos, qui abducti fuerant in captivitate, vim auri præbens prope innumerabilem. Addit Papebroch. supra citatus num. 136. ex ejusdem S. Joannis vita n. 33. Ad Hierosolymorum relevationem & reedificationem, misit numismata mille, & mille saccos plenos frumento, & mille legumina (id est, leguminum mensuras) mille libras ferri, mille restes siccatorum piscium, mille vascula vini, & mille Ægyptios operarios, addens per litteras ad Modestum scriptas: Da mihi veniam vere Christi operator, nihil dignum templis Christi mittenti. Vellem enim, crede mihi, si esset conveniens, & ego ipse venire, & ipse operari in domo sanctæ Christi resurrectionis. Hic Modestus ecclesiæ Hierosolymitanæ curam gessit, ut vicarius Zachariæ episcopi, quandiu ille captivus fuit in Perside, eique post mortem successit. Eosdem interim Hierosolymorum incolas suis scriptis sublevare conabatur Antiochus quidam monachus Palæstinus, vitæ sanctitate & doctrina celebris, cujus extant Homiliæ 130. 1. Bibl. Patr. Græc. p. 1026. In epistola autem præfixa operi, eo titulo insignita, *Epistola Antiochi monachi lauræ Sabæ abbatis, ad Eustathium præpositum monasterii Attalinæ Ancyrae civitatis Galatiæ*, hæc narrat, apud Baronium supra relatum, n. 26. Quum Ismaëlita ad nostrum accessissent monasterium, una septimana antequam sancta civitas fuisset occupata, & universa ecclesiæ sacra vasa jam diripuissent, plerique Patres aufugerunt quam primum: remanserunt autem in monasterio qui fortiores

A Christi fuerant servi, sacrum illum locum destituere nullo pacto volentes. Barbari vero quum illos comprehendissent, & multos dies illos inhumane tractassent, & tormentis afflixissent, pecunias hoc pacto sese inventuros putantes, apud quos nihil hujus sæculi reperiatur. Illi simulatque intellexerunt sua se tandem spe & proposito excidisse, in efferatissimam versi rabiem, ad unum membratim beatos illos conciderunt. Qui & lætitia incredibili perfusi, ac proinde alacri vultu renidentes, omni cum actione gratiarum animas reddiderunt Domino, quippe non ita pridem in votis habuerant resolvi, & esse cum Christo. Corpora vero plusquam tragice cæsa, quum non paucos dies in humum disjecta sine sepulturæ beneficio jacuissent, ab Arabia illo usque adproperavimus. Et quidem eximius abbas Nicomedes spectaculum illud miserabile cæsum patrum contemplatus, deliquio animi concidit, atque illinc relatus mortuus prope est. Modestus præterea, & ipse sanctissimus, adventum nostrum quum anteverisset, & sanctorum illorum lustrasset prius habitacula omnia, itidem angore animi contractus, multis se proluit lacrymis, ac sancta quæ eatenus resederant lipsana (hoc est sanctorum reliquias) circumplexus in patrum superiorum deposuit conditoriis. Is ad hæc, ubi solennem persolvit ex more sermonem, &c. Unumquemque nostrum hortari cepit, ne quo emigraremus, loci illius nostri desertores, magis vero eas quæ imminebant tentationes generoso pectore perferremus, Dominicæ illius memores sententiæ, quia angusta est porta, & arcta via quæ ducit ad vitam, &c. Hujus itaque admonitioni visum est gerere morem, eoque (ideoque) in laura duos prope menses permansimus. Loquitur deinde de fuga illinc ad aliud monasterium, & inde ad aliud, ac de aliis hinc inde dispersis; & inferius iterum de monachis à Saracenis occisis agens: numerus, inquit, sanctorum patrum, quos tyrannica sustulit impressio, est quadraginta-quatuor. Horum memoria Maio mense celebratur, decima-quinta mensis die. Eorumdem Martyrum memoriam colit ecclesia in Martyrologio Romano die 16. Maii, his verbis: *In Palæstina passio sanctorum monachorum à Saracenis in laura sancti Sabæ interfectorum*. Dum vero hi coronabantur, quidam monachus Sinaïta modo terribili lapsus est. Rem sic describit idem Antiochus homil. 84. apud Baronium *ibid.* n. 30. Fuit, inquit, in monte Sina monachus quidam, qui celebre adeo edidit suæ continentię specimen, ut in cellula multos vixerit annos inclusus. Postremo multifariis revelationibus diaboli, & insomniis illusos, ad Judaïsmum delapsus est, & carnis circumcisionem. Quum igitur diabolus huic identidem vera quædam insomnia demonstrasset, & veluti objecta illecebra



inescasset illius obscuratam mentem; novissime oculis illius objicit copiosam turbam apostolorum, martyrum, aliorumque omnis generis Christianorum densissimis tenebris, et omni dedecore oppletam; parte opposita, Moſen, Prophetas, populum quoque Judæorum, Deo alioqui invisum, (sermo est de Judæis nunc temporis) offert splendida admodum luce conspicuos, inque gaudio et hilaritate vitam traduentes. Hæc quum spectasset miser, è vestigio surrexit, derelictoque sancto illo monte, in Palæstinam usque pervenit, rectaque conscendit in Noara et Libyadem asyla Judæorum. Quum (vero) istis denarrasset quæ sibi visæ fuerant diabolicas apparitiones, circumcissus est, ac professus Judæismum, accepit uxorem, inque omnium prospectu adversus Christianos edidit dogmata, propugnator factus Judæicæ superstitionis. Hunc ego vidi, pergit Antiochus, ac plerique monachorum, neque enim quatuor anni sunt à morte illius qua misere perruptus est. Catharri enim profluvium aliquando passus, et vermium arrosione contabescens expiravit. Hunc quum vidissemus ego et alii aliquot monachi, correpti timore, ingenti cum luctu lamentati sumus. Erat id sane quam miserabile spectaculum. Vir hic totus incanuerat in monastica exercitatione, consenueratque laboribus attritus, et is tandem cum mulieribus jocabatur, immundarum carniurn, nempe Judæicarum, gustu se defædabat, et inquinabat, verba loquebatur obscena et impudica, blasphemabat Christum, Spiritum sanctum non tolerandis afficiebat contumeliis: et hunc tamen illi sine lege Judæi secundum vocabant Abraham. Hæc Antiochus to. 1. Bibl. Pat. Græc. p. 1161. et seq.

Cosroes, ut dictum est, lignum sanctæ crucis, quod Hierosolymis servabatur, in Persidem transtulit. Sed plane admiratione dignum illud fuit, inquit Baronius supra citatus, num. 32. impium hominem adeo esse reveritum salutis nostræ trophæum, ut nec ausus fuerit ab ipsa theca, qua operiebatur, signaculum amovere, et clave aperire, ut vel illud inspiceret; sed timore perculsum, uti in sacro sancto templi loco asservabatur, eodem modo in Persidem voluisse transferre, veluti demum intactum Hierosolymam reportatum fuit: quod testatus est Modestus Hierosolymorum Patriarcha, item quoque universus clerus ecclesiæ Hierosolymitanæ. Tradit hæc omnia Suidas in Heraclio. Porro observat Baron. idem ad ann. 622. n. 1. ex quo sancta Crux capta à Persis fuit, et in Persidem adsportata, hanc sua potentia, imò ejus qui in ea passus est virtute, Romanis plures insignesque contulisse victorias; è contra vero Persas reportatis plurimorum annorum trophæis admodum elatos depresso, eorumque regem Cosroen horrenda morte mulctasse. Item ad

annum 627. num. 25. Heraclio Imperatori crucis virtute datum, ut longè præclarius quam quivis ante Romanorum Imperator de victore Cosroë, qui & vinci posse non credebatur, triumphaverit, iteratis scilicet per annos septem victoriis, quarum causa per annos singulos singuli erant ipsi decernendi triumphus.

Extat in chron. Alexandr. pag. 398. ad annum 18. Heraclii Imperat. Christi 628. epistola hujus Imperat. missa Constantino-  
 B polim de nece Cosrois, & pace inita cum Syroë ejus filio, quæ lecta est die 15. Maii, in quem inciderat festum Pentec. Eo anno Pascha occurrerat die 27. Mart. proindeque Pentecostes die 15. Maii. Eam quoque refert Pagius, tom. 2. crit. annal. Baron. ad annum 627. num. 12. et seqq. Sic incipit: Decimo-octavo anno imperii Heraclii, post Consulatum 17. et c. 15. Maii mensis die, fer. 1. ipso Pentecostes festo, lectæ sunt ex ambone in sanctissima magna ecclesia litteræ missæ ex Oriente ab Heraclio piissimo Imperatore nostro, quæ Cosroæ casum, et inaugurationem Syroæ Persarum regis nuntiabant, hisce verbis conceptæ. Exultate Dea omnis terra, et c. Latentur cæli et exultet terra, et omnia quæ in eis sunt. Et omnes Christiani laudantes et benedicentes gratias agamus soli Deo, et c. Cecidit enim superbus et perduellis Dei Cosroes. Cecidit, et præcipitatus est ad inferos, et deleta est de terra memoria ejus. Superbus ille et loquens iniquitatem in superbia et contemptu adversus D. N. J. C. verum Deum, et intemeratam ejus matrem benedictam Dominam nostram Dei Genitricem semperque Virginem Mariam. Perit impius cum  
 D sonitu. Conversus est labor ejus in caput ejus, et in verticem iniquitas ejus descendit. Nam 24. Februar. præteriti mensis, prima Indictione, seditione in eum mota ab ipsius filio primogenito Syroë, quemadmodum in alia jussione, (id est epistola) vobis exposuimus, Persarum omnibus proceribus ac universo exercitu, copiisque ex variis regionibus conductis, ab execrando Cosroë ad partes Syroæ, cum Gurdanaspa Persici exercitus prius duce transeuntibus, idem Deo invisus Cosroes, dum fugam meditatur, captus, victusque in novum Castellum, ab ipsomet ad recon-  
 E dendas servandasque ab eo collectas pecunias extructum conjectus est. Vigesima-quinta autem ejusdem mensis Februar. Syroë coronato, et rege Persarum inaugurato, ac 28. ejusdem mensis quum Deo exosus Cosroes quartum jam diem in vinculis, omnibus excruciatu doloribus, exegisset, ingratus illum, et perduellem Dei, superbumque ac blasphemum Cosroen acerbissimo mortis genere Syroes sustulit, uti sciret Jesum ex Maria natum, et à Judæis crucifixum, quemadmodum ipse scripserat, et quem convitiis



incesserat, omnipotentem esse Deum, illique re-  
tribuere, prout à nobis ipsi rescriptum fuerat,  
&c. In alia autem à nobis data vobis iussione,  
ex castris nostris ad Canzaca, quæ contine-  
bant acta à 17. Octobris, usque ad 15. Martii,  
significavimus, quo pacto Deus, & Domina  
nostra Deipara, nobis, Christoque dilectis copiis  
nostris succurrerit, & quomodo in ipso conspectu  
nostro Deo exosus, & è tumultu refodiendus  
(sive è sterquilinio effossus, ut habet Pagius)  
Cosroes à Dastagerchosate ad Ctesiphontem  
usque fugam capefferit, suaque palatia amiserit  
cum regni Persici provinciis, ac denique hac  
ratione commovere adversus illum seditionem  
Syroes potuerit. Post scriptam vero hanc nostram  
iussione, eamque missam 15. die præsentis men-  
sis Martii, dum quæ Cosroen inter & Syroen  
postmodum contigerint explorare satagimus,  
missis in varia loca, atque ad Siarsura, parvum  
Zabas, Chalcas & Jesdem, utraque via, tum  
ex felicissimis castris nostris, tum ex Saracenis  
pio nostro imperio subjectis, ut quemadmodum  
præfati sumus, motus qui ibi sunt, certo rescire-  
mus, adduxerunt ad nos excubitores in castra  
ad Canzaca Persam unum, & alterum Arme-  
nium, à quibus porrecta nobis est epistola à quo-  
dam Persarum secretario cui nomen est Cosdae  
& Axiamaranan, ad nos scripta, qua missum  
se significabat à Syroë in Persarum regem pro-  
clamato, cum aliis proceribus, & ipsius Syrois  
ad nos litteris: quumque ad Arman pervenisset,  
visum sibi esse ut duos istos viros ad nos mitteret,  
quo vicissim seque ac socios tuos incolumesque  
deducerent, à nobis mitterentur. Ut autem illum  
sibi timere intelleximus, ex eo quod in itinere  
multa Persarum cadavera, eaque usque ad tria  
circiter millia à felicissimis copiis nostris interfe-  
ctorum versus Narban videret, absque conductori-  
bus nos convenire vereretur: 25. ejusdem Mart.  
mensis ad illos misimus gloriosissimum magistrum  
militum Eliam cognomento Barsoca, & magni-  
ficentissimum Theodotum Drungarium, cum de-  
lecta juventute, ac viginti equis dextrariis sella  
instructis, qui illis occurrerent, eosque ad nos  
deducerent, &c. Ut vero duos illos viros à Syroë  
Persarum rege missos recepimus; alterum ex iis,  
Persam scilicet, una cum aliis ad Barismanem  
Canzacorum (præpositum) qui à quadraginta  
milliaribus aberat, & in munitum castellum se  
recluserat misimus, datis ad illum litteris, qui-  
bus mandabatur, uti equos septem pro Legatis  
pararet, quo expedite ac sine ullo impedimento  
ad Syroen regem possent proficisci. Barismanas  
vero.... & qui tum cum illo aderant, nos, &  
Syroen Persarum regem, per multas horas, fau-  
stis acclamationibus laudibusque prosequuti sunt.  
A Legato quippe illo Persa, perduellem Dei  
Cosroen perisse, regemque Syroen proclamatum  
certiores erant facti. Rescripsit deinde nobis

Aidem Barismanas, equos se, sicut à nobis manda-  
tum fuerat, instruxisse, & quum alteram nostram  
iussione acceperit, qua legatorum adventus sibi  
significaretur, se quam primum ad nos accessu-  
rum, equisque confestim adductis, officia sua  
servitiaque omnia præstiturum. Quum igitur in  
iisdem ad Canzaca positis castris essemus morati  
usque ad 3. mensis Aprilis diem, qui in Domi-  
nicam incidit, advenit Phaiacus regi à secretis,  
qui & Rharna vocabatur, circa horam secundam,  
eundemque hac ipsa hora excepimus, litteris à  
Cabata Syroë clementissimo Persarum rege, quæ  
ejus inaugurationem continebant, quibusque no-  
biscum, & cum quovis hominum, pacem habere  
velle significabat, ab illo acceptis. Visum ergo  
nobis est clementissimi Cabatæ Syrois litterarum  
exemplar huic nostræ ad vos iussione subjungere,  
ut & quid ad illas deinde rescriperimus. Man-  
simus vero eodem in loco castrorum Canzacis  
vicinorum usque ad septimum Aprilis, hoc est  
27. dies. Octavo autem ejusdem mensis eundem  
Phaiacum à secretis, Rharnam appellatum, ho-  
norificè, quantum licuit, acceptum, ut & qui cum  
illo erant, dimisimus, &c. Atque ita confidimus  
C D. N. Jesum-Christum bonum & omnipoten-  
tem Deum, & Dominam nostram Dei genitri-  
cem, res omnes nostras secundum eorum clemen-  
tiam curaturos. Nos porro ejusdem mensis die 8.  
Deo auspice, castra movimus, in Armeniam iter  
facturi. Vos autem bene valete, continuasque ac  
indefessas orationes ad Deum fundite, quo, sicut  
peroptamus, vos quam primum revifere nobis  
largiatur. Huic Heraclii epistolæ subditur in  
eodem chron. Alexandr. pag. 402. pars epi-  
istolæ Syrois ad Heracl. Titulus est; Exemplar  
commonitorii à Cabata, qui & Syroes dictus est,  
D clementissimo rege Persarum, missi ad Heraclium  
piissimum & à Deo servatum nostrum Impera-  
torem. A Cabata Sadasadasac, Heraclio cle-  
mentissimo, & à Deo servato Imperatori Roma-  
norum, fratri nostro, plurimam gratiam imper-  
timur. Clementissimo Imperatori Romanorum,  
& fratri nostro. Nos Dei providentia absque  
ullo labore insigni diademate donati, patrum ac  
majorum nostrorum solium sumus consequuti.  
At quum tam beneficè ab ipso Deo nos dignatos  
agnoscamus, ut illustrem adeo thronum exce-  
perimus ac dominationem, si quid esset quod  
E humani generis utilitati ac solatio conducere,  
quantum in nobis fuit, & prout decuit, id con-  
tinuo fieri liberaliter beneficeque imperavimus.  
Quandoquidem igitur ad summam hanc digni-  
tatem & imperium nos Deus evexit, id protinus  
in animo statutum fuit, ut quotquot homines  
detinebantur in vinculis, dimitterentur. Sed &  
si quid erat quod humanæ conditionis ac hujusce  
vitæ utilitati ac commodo fructum afferret, no-  
bisque statuere liceret, id fieri non modo præce-  
pimus, sed & confectum est. Quin etiam nobis  
deliberatum



deliberatum est ac constitutum, uti vobiscum, Romanorum Imperator, frater noster, cumque Romana republica, cæterisque populis, aliisque Regulis qui circa imperium nostrum undique habitant, pacem & amicitiam deinceps colamus. Quod autem fraternitas vestra, Romanorum Imperator, affectam se gaudio dixit, quod nos eundem thronum obtinuerimus..... Cætera, inquit Carolus Du Cange, præ vetustate desiderantur in ms. codice.

Periit itaque Cosroes, justo Dei judicio, manu Syrois filii sui natu majoris; anno Christi 628. die 28. Februar. Quum enim Seleuciæ in dysenteriae morbum incidisset, operam dedit ut sibi succederet Medarses alter filius suus, quem ex Syra dilecta conjugæ susceperat. Quod ubi comperit Syroës, cum optimatibus regni egit, ut de mundo pater tolleretur, usus etiam ad hoc Romanorum auxilio. Cosroes quidem fugere tentavit, sed captus est, valide vinctus, & missus in domum tenebrarum, quam recens ipse ad recondendas pecunias extruxerat. *Aiebat quippe Syroes, inquit Theoph. pp. 271. & 272. & apud Baron. ad annum 627. n. 17. comedat aurum quod incassum collegit, propter quod etiam multos fame necavit, mundumque delevit. Misit insuper satrapas ad eum injuriis impetendum & conspuendum; adductum etiam Mardazanem, sive Medarsen, quem coronare volebat filium ejus coram ipso occidit, & reliquos filios ejus in conspectu ipsius à medio sustulit: & permisit omnibus qui inimici ejus essent, ut omni injuriarum genere eum afficerent, ac verberibus onerarent. Denique per quinque dies hoc facto, jussit Syroes ipsum sagittis confodi, quo in supplicio vitam finivit.* Sic potitus regno Syroes, non immemor pacis quam cum Heraclio inierat, Romanos omnes captivos libertate donavit, inter quos fuit Zacharias Patriarcha, quatuordecim fere annis ex quo in Persidem ductus fuerat, & sacrosanctum crucis lignum restituit. Anno seq. qui Heraclii decimus-nonus erat, Christi 629. *Is recedens Constantinopoli, inquit Theophanes pag. 273. & apud Baron. ad annum 628. n. 1. ipso veris initio proficiscitur Hierosolymam, preciosa ac vivifica crucis ligna reportans ad gratiarum actiones reddendas. Quumque Tiberiadem adiisset, accusavere Christiani hebræum quemdam nomine Benjamin, quasi sibi mala facientem: erat enim admodum opulentus, qui susceperat Imperatorem & exercitum ejus. In eum commotus Imperator ait: cur molestus es Christianis & fidei Christianæ quam colo? eundemque admonitum ut crederet, reditumque Christianum, in domo Eustathii Neapolitani, ita nunc Samaria (vel potius Sichem) dicitur, baptizari voluit; apud eum enim Imperator est hospitatus. Ingressus deinde Imperator*

Tomus III.

A Hierosolymam, restituto jam Zacharia Pontifice, venerandæ crucis vivifica ligna in proprium locum reposuit, plurimasque Deo egit gratias: quin & pulsus Judæis ab urbe sancta, ne ad iterium usque milliarium ei appropinquarent districtè prohibuit. Ad eam occasionem revocandum, quod legitur in Breviario Romano die 14. Septembr. exaltationis sanctæ Crucis memoriæ consecrata, scilicet quum Heraclius auro & gemmis ornatus lignum Crucis reportaret, ipsum insistere coactum sub porta qua ad Calvariæ montem erat iter; monitumque propterea à Zacharia, ut eo vestitu deposito, humiliorem assumeret, paruisse Imperatorem, & reliquum viæ citra ullam difficultatem confecisse. Suidas refert Modestum fuisse Hierosolymitanum Patriarcham, quando Heraclius Crucem sanctam in pristinum locum reposuit, quasi jam tunc decessisset Zacharias, sed Theophani qui illo antiquior fuit, potius credendum est. Non tamen diu supervixit Zacharias. Nicephori catalogus ei viginti duos annos regiminis tribuit, qui ab anno 609. ad 631. recte computantur, ita ut obierit eo anno 631. Addit Papebrochius, *tract. prælim. ad 10. 3. Actor. sanctorum Maii, p. 31. n. 137. col. 2.* vitam ejus extendi posse usque ad annum 633. si successor ejus Modestus uno solum anno aut biennio non integro sedem tenuerit. Verum hi 22. vel, ut Latinæ quædam catalogi Nicephori translationes habent, 24. Zachariæ episcopatus anni, perperam omnino ibidem revocantur ad tempus quod ejus captivitatem præcessit. Colitur Zacharias in Menæis Græcorum die 21. Februar.

#### LVII. M O D E S T U S.

Zacharia Hierosolymitano Patriarcha abducto in Persidem anno Christi 614. circa mensem Junium, ut supra dictum est, ne pastoris regimine hæc ecclesia careret, ejus administrationem sumpsit (ad id designatus procul dubio ab ipso Zacharia suus per absentiam vicarius, ac de consensu episcoporum provinciæ qui captivitatem effugerant) Modestus, de quo Antiochum in epistola jam citata loquutum vidimus. Is præpositus erat monasterii sancti Theodosii in Palæstina, ex Papebroch. *tom. 2. Mart. ad diem 11. n. 24. pag. 68. col. 2.* quando hæc sedis Hierosolymitanæ cura ei commissa est: insignitum propterea episcopali caractere, licet expresse non tradant auctores, illum vix inficias iverit, qui eundem, vivente adhuc Zacharia, Hierosolymorum præfulem interdum nominari adverterit. Ea itaque administratione auctus, nominato in prædicti monasterii abbatem Georgio, magno ardore, non iis tantum quæ

R



ad spirituales animarum profectum, & monachorum imprimis requiem attinebant prospexit, sed insuper quasi alter Zorobabel, in restaurandis ædificiis, ac templis, quæ igne consumpta fuerant, adversantibus licet tota virtute Judæis, Persisque tyrannicam actu exercentibus in Palæstina dominationem, quod impossibile videbatur, strenuam nihilominus admovit operam. Monachorum qui à Saracenis immaniter trucidati fuerant excol. 252. quias celebrasse jam observavimus, narrante Antiocho, qui sic prosequitur in eadem epistola pp. 1023. 1024. & apud Baron. ad ann. 616. nn. 5. & 6. Nos proinde humiles & abjecti, gratia primum Dei, deinde seria admodum & accurata diligentia præmemorati sanctissimi Modesti, sedentariam hanc exigimus vitam in liberriore & tranquilliore otio. Et rursus; gratia item Christi, sed & solerti sedulitate jam dicti venerandi apprimè Patris nostri Modesti, cuncta id temporis incoluntur effusæ istius eremi monasteria. Et paulo-post: supersunt nuncia aliquot sane quam læta, quorum fideli relatu, & vestra, & omnis sinceriter Christiani anima merito possit exultare. Hæc igitur ex promptu & alacer annuncio vobis: Modestus sanctitatis eximie vir, (de quo non semel dictum) non eorum modo providam gerit curam sollicitus, quæ per hanc vastam eremum sparsim disjecta sunt monasteriorum, sed & moderandæ huic civitati, ac universæ circumfinitimæ regioni solerter prospicit, Deo eidem cooperante in omnibus. Hic enim ad vivum nobis exprimit imaginem novi cuiuspiam Beseelis, aut certe Zorobabelis. Gratia enim plenus Spiritus sancti, templa Salvatoris nostri Jesu-Christi, quæ quidem barbarico igne conflagrarunt, in sublime erigit omni prorsus digna veneratione, puta ædes sanctæ Calvariæ, ac sanctæ resurrectionis, domum insuper dignam omni honore venerandæ Crucis, quæ Mater ecclesiarum est; sed & sanctæ Assumptionis ædem à fundamentis exædificat: adeo ut per hæc læta initia, de futuris quoque spes amplissimas concipiamus, idque vel ob eos maxime qui huc sperantur venturi ab externis regionibus sancta hæc loca ut adorent, ut omnes in commune glorificemus Deum. Hæc Antiochus. Papebrochius vero tract. prælimin. in tom. 3. actorum sanctorum mensis Maii, p. 31. col. 1. postquam retulit verba quædam epistolæ Zachariæ in Perside captivi ad populum Hierosolymitanum, quæ nos supra de Zacharia agentes ex ipso adduximus, subdit: Hanc epistolam, prolixiori alia, planeque ad movendam compunctionem efficaci, ad omnes fideles exhortatione prosequitur Modestus Zachariæ vicarius; & tanquam suum testamentum condens, omnis conditionis, ætatis ac sexus fideles officii sui admonet,

A incipiens ab tristibus iis quæ residui in urbe sancta fideles, post Crucem, Patriarcham & cæteros abductos, viderunt. Laudat in primis Nicodemum ac conjugem Magdalenam, qui postquam hostes exiissent atque in Persidem rediissent, totam circum urbem ac vicos lustrantes, fratrumque reliquias insepultas jacere conspicientes, projecta sparsim cadavera coacervarunt in specum, quæ est ante portam, ad sexaginta quinque millia. Et ab iis exquiri jubet, qua forma atque habitu inveniebantur solo strati beati illi qui sub id tempus meruerunt Hierosolymis occidi. Quo modo scilicet, alter à capite ad cor usque vulnus acceperat, alter ab humeris ad usque ventrem, alius quinque vel decem ictus in intestinis habebat, alius dissectus medius inque duo divisus erat, alii ventre ense perfosso intestina omnia effusa fluebant, alium, ovis instar in macello, divi carnifices in frustra plura conciderant, &c. A Modesto S. Anastasius Persa, qui recens fidem Christi amplexus fuerat, baptismum suscepit Hierosolymis, ut refert hujus temporis scriptor in actis ejus, quæ in secunda synodo Nicæna proposita sunt. Extant apud Baronium ad annum 614. nn. 35. & seqq. ex Metaphraste sumpta; sed quæ ipse sumpsit ex actis illis vetustioribus in synodo Nicæna secunda allatis, & à Boll. recensitis ad diem 22. Januar. Hæc autem ex Baronio transcribo. Quum magna civitas Hierosolymorum capta fuisset à rege Persarum, & sacra illa loca, quæ mei Christi viderant conversationem & cruci affixionem & resurrectionem, Medorum lanceæ & igni, iis quos ipse novit modis, essent tradita: & multa alia capta sunt cum civitate; & salutis quoque nostræ trophæum, mortis solutio, peccati internecio, lignum, inquam, vivificæ crucis illinc translatus est in Persidem, &c. (hæc sancta Crux) Persidem everit, & spoliavit falsam religionem, & quæ se dignæ erant captivas abducit animas vere laudabili & longe pulcherrima captivitate: aut, ut magis proprie dicam, à captivitate vocat, & eis rursus pristinam restituit libertatem. Simul ac enim ingreditur Persidem, eam statim totam illustrans radiis suæ gratiæ, ferit quidem animas infidelium, non secus ac sol, qui laborantem oculum ingreditur: fideles autem, non secus ac fulgor quidam apparens in tenebris, revocat. Ex quibus fuit unus.... Anastasius, etsi nondum quidem cultu (fidelis) sed jam moribus & instituto: qui processit è vico qui vocabatur Rasnuni.... in Perside. Erat autem nomen ejus.... Alagundat.... Bau filius (fuit) qui erat in re magica præstantissimus & eruditissimus: (Bau autem) quum præesset communi ludo litterario, & multos haberet adolescentes ad eum ventitantes, captus amore præstigiæ, quum in hoc solum omne suum studium poneret.... rem magicam



(filium) tam diligenter docet, ut in ejus cognitione patri nihil esset reliquum, quod non notum quoque esset filio. Quum autem adolescentiæ ætatem jam attingeret, & rex Cosroës novum exercitum in Perside colligeret, ipse quoque cum aliis refertur in numerum iironum. Quoniam vero veneranda Crux Domini totam agitabat & perturbabat Persidem; infidelibus quidem horrorem & terrorem incutiens, fidelibus autem suaviter admodum & placide illucescens: de ea quidem fama quædam per omnes pervadebat, fama, inquam, quæ paulo crassius & indoctius prædicabat, Christianorum Deum adesse Persis. Ad quam hic adolescens repente fuit accensus animo: jam enim occulte eum tangebatur ille ignis quem Christus venit jacere super terram, qui quidem non sinebat quiescere pulchram illius adolescentiam, sed statim omnes obibat partes, de eo sciscitans, quam vehementissime poterat, & diligentissime. Quum audiret autem ab omnibus eam esse crucem in qua Christus Dei Filius, qui à Christianis adoratur, fuit crucifixus: veluti ignem igni adjecit, & quæstioni conjunxit quæstionem, & ex responsione accepit occasionem alterius interrogationis; & multo magis scitebat discere, quemadmodum ex cælo descenderit, quum sit Deus, & quemadmodum etiam factus sit homo, & cur etiam sit ad crucem condemnatus, & à quibus, & an sit ad cælum reversus unde descenderat. Quum autem à (viris) piis ei annuntiaretur carnis susceptæ.... mysterium, aures quidem pietatis semina libenter suscipiebant, anima vero producebat sensim spicam fidei, & ei desiderium paulatim innascebatur, subibatque æmulationis ejus perpeffionum: quæ quum in ejus anima aucta & amplificata essent, eum informant & instituunt ad optimum vitæ genus, clarumque & insignem testem, martyrem, inquam, efficiunt, ut jam procedens declarabit oratio. Hæc post Surium Baronius, qui addit deinde quomodo ille Anastasius amore suscipiendi baptismatis, relicto Persarum exercitu, se contulerit ad Romanorum copias, & Hierapolim perrexerit, ubi apud argentarium degens genere Persam sed religione Christianum, latius mysteria Christiana didicerit, incensus quoque fuerit ad fubeundum martyrium ex martyrum certaminibus quæ parietibus templorum intuebatur depicta; deum Hierosolymam profectus fuerit. Hæc, inquam, sic narrat ex iisdem actis, ad ann. 621. n. 10. & seqq. Primum quidem (post fugam ad Romanos) quum venisset Hierapolim, divertit ad quemdam Persam Christianum, arte argenti conflatore, & quum artem conflandi argenti exercuisset, manus quidem habebat intentas operi, animus autem semper & cogitatio in Dei amore versabatur.... eumque sibi adhuc magis accendebat, & ab ipso rursus inflammabatur.

Tomus III.

A vehementius. Quamobrem Deum rogabat.... ut divinum baptismum consequeretur, & omnino à prioribus sordibus expurgaretur, & ab illa labe præstigiæ; ut non solum voluntate & electione, sed anima quoque & corpore esset purgatus.... Quum ille autem ex Persis timeret periculum, & ideo morando rem differret.... interim ad divina templa adiens suum solabatur desiderium, visis vero miraculis & certaminibus sanctorum descriptis in templorum, quæ cum socio suo argenti conflatore frequenter visitabat, parietibus; de iis illum diligenter interrogabat. Quum itaque audivisset, qualis eis vita (fuisset, qui) mores, (quæ) virtus, & qualia propter Christum (subissent) certamina.... non poterat amplius continere id quod suus animus parturiebat, sed statuit pergere Hierosolymam, ut baptismum illic consequeretur. Venit ergo in sanctam civitatem, & ad quemdam se recepit argenti quoque conflandi peritum. Ei aperit causam sui adventus, nempe quod vellet ad verum Dei cultum per baptismum initiari. Ille autem eum ducit ad Eliam sanctæ resurrectionis piissimum presbyterum, qui cum supinis (ut dicitur) manibus suscepit, & de eo retulit ad Modestum qui huic sedi præerat apostolicæ (Zachariæ scilicet captivi vicem gerens, in Græco ὁ ἑποπότης locum-tenens, inquit Papebrochius supra citatus) & sic divinum baptismum assequitur, venerandæ crucis vere pulcher fructus effectus, & Anastasius appellatus, sumpta denominatione à revocatione & ad meliora mutatione à priori infidelitate & præstigiis, (quæ fuerit quasi resurrectio à morte ad vitam.) Una etiam cum eo baptizatus est quidam ejusdem patriæ & regionis, qui fuit ejus quoque in passione pro Christo socius, easdem cum eo Edessæ consequutus coronas. Anno siquidem Christi 628. die 22. Januarii, quinque duntaxat hebdomadibus & duobus diebus ante Cosroës obitum, ejusdem jussu, hic Anastasius, qui pluries jam anno superiori Christi fuerat confessus fidem, Cæsarea Palæstinæ, ad eundem Cosroen missus, magna animi alacritate, dira perpeffus tormenta, martyrium tandem cervicis abscissione consummavit: de quo legendus Baronius ad annum 627. num. 3. & seqq. ubi num. 1. acta ejusdem Anastasii conjicit scripta fuisse, vel ab Antiocho monacho, vel à Sophronio qui Modesto in sede Hierosolymitana successit. Bollandus tamen tom. 2. actorum sanctorum mensis Januarii, ad diem 22. pag. 422. n. 4. sibi videri ait, auctorem vitæ hujus Martyris, fuisse aliquem monachum cœnobii, in quod ipse post baptismum sese receperat, & vitam monasticam amplexus anno Christi 620. annos septem commoratus est: quod infert ex his hujus auctoris verbis num. 13. ejusdem vitæ. Hoc

R ij



autem scimus nos eum mirantem & obstupescantem constantiam sanctorum, nihil fere aliud legere voluisse, nisi quod illum sancti desiderii ardorem nutrirer. Zachariæ mortuo anno Christi 131. vel 133. substitutus est Modestus, qui tanta cum laude hanc ecclesiam per quatuordecim fere annos, dum Zacharias Patriarcha detineretur captivus in Perside, administraverat; eam vero dignitatem in plenum sortitus brevi tempore sedisse perhibetur. Papebrochius enim in *tract. prælim. ad tom. 3. Maii sæpius recensito, pag. 31. n. 138. col. 2.* observat à Nicephoro, cui membrana Rulæana consentit, annum unum regiminis, (utique à morte Zachariæ, cui ex Perside reverso administrationem sibi delegatam restituerat, vel quam fortassis sub illo, ex ipsius consensu, exercere perrexerat) assignari; duos vero annos ab auctore tabularum Theophani insertarum: sed nisi decessor ejus Zacharias, inquit, plusquam 22. annos post suam ordinationem vixerit, nec hi sufficiunt; quum certo constet successorem ejus Sophronium mensis Maii quarta die, Indiæ. sexta, id est anno 633. interfuisse synodo Alexandrinæ adhuc privatum monachum, ibique exorsum sua contra monothelismum nascentem certamina, deinde cum litteris Cyri Patriarchæ Alexandrini ivisse Constantinopolim, ad urbis archiepiscopum Sergium; adeo ut multum sit, si ante autumnum reverti potuerit in Palæstinam. Hæc considerans aliquis, prosequitur Papebrochius, & quomodo jam inde à capta sub Cosroë Hierosolyma Patriarchæ vices gesserit Modestus, fortassis volet opinari quod primus istius catalogi auctor qui in Sophronio terminatur nullos ei annos definiens, voluerit totum tempus quo patriarchatum administravit Modestus, eidem ut vero Patriarchæ adscribere, notatis græcè annis  $\alpha'$ , id est, 21. quod alii non intelligentes, nimiumque esse videntes (siquidem post Zachariam brevi satis tempore ille Modestus vixit) omisso  $\alpha'$ , retinuerint  $\alpha'$ , facile annos 21. reperturi, si numerare illos voluissent ab exeunte Maio (vel initio Junii) anni 614. (quo capta est à Persis Hierosolymitana civitas) ad mensem Decembrem anni 634. Sed nihil necesse erit huc recurrere, si Zachariæ velimus annos 24. relinquere. Tunc enim à Martio anni 633. usque ad Decembrem anni sequentis, dici potest sedisse Modestus. Dico, usque ad Decembrem, quia tali mense die 16. colunt ipsum Græci annua commemorat. in Menæis. Ita Papebrochius citatus. Eutychius Alexandrinus scribit Modestum sedisse novem menses, & post ejus mortem mansisse cathedram Hierosolymitanam sex annis sine Patriarcha. Hæc quidem sex annorum va-

cantia vera non videtur: nam ab anno 631. quo Zacharias decessit, usque ad 634. quo Sophronius ordinatus est Hierosolymorum episcopus, sex profecto anni non occurrunt, sub quorum etiam duratione Modesti patriarchatus fluxit unius anni vel duorum. At aliquam intercessisse vacantiam, à Modesti obitu usque ad Sophronii inaugurationem, suadent quædam Martini I. Romani Pontif. verba inferius referenda, quæ leguntur in epistolis ejus ad Joannem Philadelphiam episcopum, & ad Pantaleonem; scilicet viros aliquos ante Sophronii Patriarchiam, item post ejus decessum, non convenienter fuisse electos in episcopos, vel presbyteros, &c. Præter Modesti epistolam de qua supra, monet Papebrochius *to. 2. crit. anal. Baronii ad annum 633. num. 6. pag. 801. col. 1.* adhuc supereffe duas ejus orationes: unam, in mulieres unguentiferas; alteram, in Occursum: quæ recitantur à Photio in Biblioth. codice 275. Alia quoque oratio extare dicitur, sub ejusdem Modesti nomine, in codice 274. Coisliniano, *part. 2. pag. 389. de dormitione Deiparæ Virginis.*

## LVIII. SOPHRONIUS.

Hunc Sophronium aliqui Hierosolymitanæ ecclesiæ episcopum sexagesimum-secundum dicunt, verosimiliter quod nonnullos hujus ecclesiæ antifites, qui ei bis aut amplius præfuerunt, ut sunt Narcissus, sanctus Cyrillus, & Macarius II. pluries quoque recenseant. Menæa Græcorum à doctissimis Godefrido Henschenio & Daniële Papebrochio actorum sanctorum editoribus relata, *to. 3. Mart. ad diem 11. pag. 72. col. 1.* eum describunt ex Phœnice thurifera & urbe Damasco originem traxisse, pios & frugales fuisse parentes ejus, quorum nomen erat, patris quidem *Plintas*, matris vero *Myro*. Sacrarum litterarum studium in eo ingens extitisse, insignem quoque peritiam in proVectiore ætate assequutum, ac dialecticam fortassis & rhetoricam ipsum docuisse, priusquam monasticæ disciplinæ vacaret, indicare videtur honorifica quæ illi nonnunquam tribuitur *Sophista* appellatio. Hoc eum titulo donat Joannes Moschus in Prato spiritali, quod una cum illo scripsisse Sophronius creditur, ut-pote sæpius individui comites, unde & sub Sophronii nomine illud opus citatur, tum à S. Joanne Damasc. in fine libri quem pro imaginibus conscripsit  $\tau\omicron\ \lambda\epsilon\mu\omega\nu\acute{\alpha}\epsilon\iota\omicron\nu\ \tau\epsilon\ \acute{\alpha}\gamma\iota\omicron\varsigma\ \pi\alpha\tau\epsilon\acute{\rho}\epsilon\varsigma\ \eta\mu\acute{\omega}\nu\ \Sigma\omega\phi\epsilon\rho\nu\acute{\iota}\epsilon\ \alpha\rho\chi\epsilon\pi\iota\sigma\kappa\omicron\upsilon\pi\omicron\upsilon\ \text{Ιεροσολύμων, Pratum sancti Patris nostri Sophronii archiepiscopi Hierosolymorum: tum à Stephano monacho, qui actu quarta synodi secundæ Nicænæ legit è Prato sancti Patris nostri Sophronii, ea quæ ad verbum,$



cap. 45. Prati spiritualis continentur. Cum Joanne Moscho amicitiam in Ægypto initium dum uterque adhuc vita sæculari fungeretur. Plura simul inviserunt Orientis monasteria: & tandem in cœnobio sancti Theodosii in Palæstina uterque Deo sese arctius consecravit. Quid Alexandriæ speciatim egerit Sophronius, partim ex capp. 77. 110. 111. aliisque Prati spiritualis discimus, partim ex libro quem ipse scripsit de SS. Cyro & Joanne qui die 31. Januar. coluntur, quorum precibus ab ægritudine oculorum liberatus fuerat, & partim ex vitæ sancti Joannis Eleemosynarii auctore Leontio, qui apud Boll. tom. 2. Jan. die 23. n. 60. ait: *Misit ei Deus viros sapientes & semper memorandos Joannem (Moschum) & Sophronium; consilarii enim erant veraciter boni, quibus & tanquam patribus indiscretè obediabat, & gratias agebat tanquam constantibus maxime & viriliter agentibus militibus pro pietate religionis. Etenim sancti Spiritus virtute freti, cum Severianitis ac cæteris circa regionem nostram existentibus immundis hæreticis, sapientia sua ac disputationibus pugnas habentes & conflictum, multa quidem castella, pluresque ecclesias, similiter & monasteria ab ore talium bestiarum, tanquam boni pastores, evellere studuerunt; propter quod & maxime plurimum honorabat sanctos hos illo vero sanctissimus. De hujus Joannis laudibus Joannes Moschus & Sophronius nonnihil scripsere; nam idem Leontius num. 2. hæc habet: Jam quidem & alii ante nos de hoc admirabili viro & summo sacerdote Joanne (Eleemosynario) philosophati sunt, potentes existentes in opere & in sermone. Dico enim Joannem & Sophronium Dei cultores, & amatores virtutum, & pietatis propugnatores. Attamen quamvis tales essent, de dignitate & merito viri istius multa omiserunt.... Deinde vero quia sapientes & potentes in opere & sermone, amatores historiarum erant, sapienter & sublimiter materiam depinxerunt. Addunt Menæa in ejusdem S. Joannis obitum Sophronium, de immenso ipsius eleemosynarum thesauro, excellentissimæque virtute, funebrem scripsisse laudationem, ejusque multis lacrymis mortem esse prosequutum. Cyprum deinde & Romam ivisse Sophronium, cum Joanne Moscho, postquam Persæ Jordanis loca, Palæstinam, urbemque sanctam depopulati sunt, verosimile est. Romæ quidem Joannes senio confectus decessit: Sophronius vero in suum cœnobium S. Theodosii reversus scriptis quibusdam edendis operam dedit, inter quæ numeratur vita S. Mariæ Ægyptiacæ, hanc enim ab illo fuisse compositam Nicephorus tradit lib. 17. hist. eccl. c. 5. His etiam fortasse temporibus, typico seu ordini divini officii recitandi instaurando, &*

A in meliorem formam redigendo manus admovit: referunt quippe Henschenius & Papebrochius supra citati, ad diem 11. Mart. n. 25. & Pagius to. 2. crit. anal. Baronii ad annum 636. nn. 3. & 4. pag. 812. col. 1. ex Allat. in dissert. 1. ubi de libris ecclesiasticis Græcorum loquens, hæc verba adducit Simeonis Thessalonicensis archiepiscopi, qui ante annos sexcentos floruit, in dial. contra hæreses hætenus inedito: *Et hæc quidem constitutio quam maxime necessaria, & patribus convenientissima est: etenim sanctus P. N. Sabas eam præscripsit à S. Euthymio & Theodisto acceptam. Hi porro à majoribus, & homologeta Charitone desumpserunt. Sacri vero Sabæ constitutionem, ut audivimus, locis illis (nempe Palæstinarum) irruptione Barbarorum (Persas intelligit qui anno 614. Hierosolymam expugnarunt) vastatis deperditam sanctus P. N. Sophronius sanctæ civitatis Patriarcha studio laboreque restituit: & post eum rursus divinus & rebus theologicis pertractandis acerrimus Joannes Damascenus renovavit, scriptoque demandatam tradidit. Eidem quoque Sophronio tribuit Pagius Menæorum Græcorum accuratiorem collectionem. Et hæc quidem diu in sola Hierosolymitana ecclesia fuere usurpata: postea vero, reliquis aliarum ecclesiarum ritibus obmutescentibus, inquit Allatius, ille qui sancti Sabæ fuisse dicitur, uti melior, & rebus accommodatior, ideoque plausibilior apud Græcos invaluit; quo non tantum qui S. Sabæ regulis nomina dedere, sed cæteri etiam aliorum ordinum sectatores, & sacerdotes in sæculo vitam agentes, & quod maximum est, universa fere Græcia, ad recitanda divina officia, diriguntur.*

Verum ad præclariora adhuc pro ecclesia opera vocatus à Deo Sophronius nascenti Monothelismo acriter restitit: synodo quam Alexandriæ Cyrus Patriarcha ad hanc stabiliendam hæresim mensis Maii 4. die Indict. VI. congregavit, id est anno Christi 633. quamvis tunc esset duntaxat monachus interfuit: ait quippe S. Maximus in epistola ad Petrum illustrem to. 2. p. 75. col. 1. *Divinus Sophronius in Afrorum regione mecum, & cum omnibus peregrinis monachis moras agebat, quum ipsi perversitates illas fabricarent adversus omnes. Et paulo-post col. 2. Divinus ergo magnusque Sophronius tunc Alexandriam veniens, mox ex prima lectione (dederat enim etiam ipsi Cyrus ad retractandum illa novem impietatis capitula) lugubre quiddam & ingens vociferatus, fontes emittebat lacrymarum, illum fervide obsecrans, supplicans, exoptulans, in pavimento ipsius vestigiis provolutus, quo nihil horum super ambonem contra catholicam Dei ecclesiam prædicaret, quippe quum hæc liquido impii essent*



Apollinarii dogmata. Hujus etiam rei testem habemus Sergium in epistola ad Honorium Papam, quæ in act. XII. synodi VI. recitata est, tom. 6. concil. Labb. col. 921. & legitur apud Baron. ad ann. 633. n. 17. & seqq. ubi n. 19. hæc habet: *His itaque provenientius, Sophronius venerabilis monachus, qui (ut nunc ex uno auditu didicimus) Hierosolymorum præsul est ordinatus (necdum enim hætenus ejus ex more synodicam suscepimus) apud Alexandriam tunc temporis positus, cum præfato sanctissimo Papa (Cyro) quando (ut diximus) admirabilem illam circa eos qui dudum hæretici fuerant (intelligit Monophysitas) Dei beneplacito unitatem componebat, atque cum eo de iisdem capitulis pertractabat, adversatus est, & contradixit ad unius operationis capitulum, duas omnino operationes Christi Dei nostri dignum inquiens censeret. Prænominato autem sanctissimo Papa præsertim testimonia ei quorundam sanctorum Patrum proferente, dispersim in quibusdam opusculis suis unam operationem asserentium, ad hæc quoque & ex abundanti iniquiente, quod multoties sancti Patres nostri ut lucrarentur plurimarum animarum salutem, dum alia emergerent capitula, Deo placitis dispensationibus.... usi fuisse videntur, nihil de subtilitate rectorum ecclesiæ dogmatum exagitantibus; & dicente, quod oporteat utique etiam in præsentia, dum tantorum millium populorum salus præ manibus ponitur, nihil de hoc per contentionem altercari, idcirco quod, sicut dictum est, etiam à quibusdam sacris patribus vox hujusmodi dicta est, nihilque de hoc lædatur rectæ fidei ratio: memoratus Deo amabilis Sophronius talem dispensationem nullatenus accepto tulit. Quia igitur pro hoc cum litteris ejusdem sanctissimi comministri ad nos conjunxit (venit,) de hoc quoque etiam apud nos sermonem movendo insistens ut de talibus adimeretur capitulis post factam unionem vox unius operationis: durum nos hoc arbitrati sumus. Quomodo enim non esset durum & valde onerosum? quando hoc resolvere evertereque erat futuram quidem omnem illam concordiam atque unitatem, quæ bene fuerat effecta, tam apud Alexandrinam magnam civitatem, quam per universas sub ea provincias, quæ nullo tempore usque nunc acquieverant nomen saltem simplex divini atque laudabilis Patris nostri Leonis, aut sancti & magni atque universalis Chalcedonensis concilii mentionem facere; nunc vero præclara & magna voce in divinis missarum arcanis hoc prædicantes. Multis igitur à nobis de hoc motis sermonibus ad prænominarum venerabilem Sophronium, postremo adhortati eum sumus testimonia nobis proferre sanctorum ac probabilium Patrum, illorum videlicet quos omnes communiter doctores consueverunt, & quorum dogmata legem sanctæ Dei cognoscunt*

*A ecclesiæ, duas nominatim & ipsis verbis operationes in Christo dicendas tradentia: ille autem hoc facere penitus non valuit. Verum, verba sunt Pagii tom. 2. crit. annal. Baron. ad annum 633. n. 3. p. 800. col. 2. mera hæc fuit calumnia, nam, ut inquit Stephanus Dorensis episcopus, in concilii Lateran. secretar. 2. Sophronius superius dictis temeratoribus non tantum in Oriente validissime contradixit, contestans eos & admonens ut à propria hæresi quiescerent, & ad rectam Patrum fidem remearent: verum etiam in duobus libris sexcenta B dedit testimonia Patrum ad eversionem impietatis eorum & veritatis ostensionem. Sergius post quædam alia prosequitur: Hanc igitur contentionem incipientem accendi videntes, necessarium judicavimus atritas potius sanctorum Patrum voces, & synodicè definitas semper sequi: & neque quæ raro à quibusdam patribus dicta sunt, & non circa hæc intentionem habentibus, quasi planam & inambiguam de eis doctrinam exponerent, ad regulam, & legem per omnia dogmaticam reducere: quale est & quod de una operatione ab eis dictum est: neque iterum quæ C nullatenus dicta sunt à probabilibus patribus, nunc vero à quibusdam proferuntur, duas, inquam, operationes, tanquam dogma ecclesiasticum proferre. Et ad ultimum stetit ac placuit, quatenus prædictus Sophronius venerabilis nullum sermonem de cætero de una sive duabus operationibus movere debeat: sed ei sufficiat præfata cautaque ac trita SS. PP. recta traditio atque doctrina. His itaque contentus sæpe nominatus venerabilis vir, & hæc custodire certificans, petivit nos etiam per epistolam de his ei præbere responsum, quatenus hujusmodi epistolam, ut ait, ostendat iis, D qui forsitan interrogare eum de prædicta questione voluerint: quod & alacriter egimus. Et ille quidem in his hinc enavigavit. Hæc Sergius ad Honorium de Sophronio. Addit Maximus in disput. cum Pyrrho, qui in Sophronium rejiciebat causam divisionis excitatæ in ecclesia, dum tempore inopportuno de operationibus loquutus est; culpam non Sophronio sed Sergio esse tribuendam: Ego ex omni parte, inquit apud Baronium ad calcem to. 8. annal. col. 781. nescio quam excusationem prolaturus vos expectatis, qui eum qui extra culpam est, tam graviter criminamini. Dic enim mihi, per veritatem ipsam oro, quum Sergius ad Theodorum Pharanitanum scripsit, misso etiam libello quem esse dicit Menæ.... hortans eum ut quid sentiret de una in eo libello operatione & una voluntate aperiret, & rescripsit approbans eas, ubi tunc erat Sophronius! aut quum Theodosiopoli ad Paulum monoculum Severi sectatorem scripsit, misso etiam ad eum libello Menæ & Theodori Pharanitani, cum sua approbatione, &c! aut quando ad Cyrum (tunc) episcopum*



*Phasidis rescripsit de una operatione & duabus* A  
*ab eo rogatus, misso etiam ad eum libello Menæ*  
*quem diximus? Quid igitur? postquam Sergius*  
*multis modis morbum suum in commune propo-*  
*suit, & maximam partem ecclesiæ corrupit, ac*  
*vastavit, si beatus Sophronius admonuit eum cum*  
*humilitate quæ ejus habitum decebat ad vestigia*  
*ejus provolutus, Christi Dei passionibus vivificis,*  
*quæ omnem supplicationem continebant, com-*  
*memoratis, & obtestans, ne vocem hæreticorum*  
*probe olim à sanctis patribus superioribus extin-*  
*ctam renovaret, fuit ne ipse auctor hujus scan-*  
*dali? Baron. ad ann. 633. n. 8. & seq. semel* B  
*atque iterum inculcat, inquit Pagius ad eum-*  
*dem annum num. 4. velut ex Act. XIII. sextæ*  
*synodi, Sophronium antequam Constantino-*  
*polim pergeret (ad Sergium, post synodum*  
*Alexandrinam) eandem rem egisse per epi-*  
*stolas ei missas quæ exciderint. At, reponit*  
*ille, sicuti observat Combefisius in histor.*  
*Monothelitarum, Disp. I. §. 8. hujusmodi*  
*litterarum nullus meminit, nec congruum*  
*fatis videbatur ut eo modo ageret (tunc) hu-*  
*milis (adhuc) monachus cum urbis regiæ*  
*Patriarcha, adversus opinionem quam is pro-*  
*pugnabat, imò & cujus auctor erat. Res itaque*  
*sic se habuit. Quum Cyrum inter & Sophro-*  
*nium de una vel duplici operatione in Christo*  
*conveniri non posset, Sophronius ad Sergium*  
*Constantinopolim profectus est, apud eum*  
*vivo sermone acturus causam, & ad sollici-*  
*tandam septimi capituli (in decreto Cyri*  
*Alexandrini contenti, & in ejus synodo ap-*  
*probati) abrogationem, in quo una tantum*  
*Deivirilis voluntas decernebatur. Ipsemet*  
*quidem Sophronius, & alii orthodoxi, vocem*  
*Deivirilis operationis interdum usurparunt;* D  
*sed longe differunt hæ voces Deivirilis ope-*  
*ratio, & una Deivirilis operatio: primam ex*  
*sententia Patrum dixerunt orthodoxi; alteram*  
*hæretici tantum. Quamobrem synodus Late-*  
*ranensis sub Martino I. hanc loquendi formu-*  
*lam damnavit anathemate secret. v. Si quis*  
*secundum scelerosos hæreticos Deivirilem ope-*  
*rationem, quod Græci dicunt Θεωσπυρν, unam*  
*operationem insipienter suscipit; non autem du-*  
*plicem esse confitetur secundum sanctos Patres,*  
*hoc est, divinam & humanam, aut ipsam Deivi-*  
*rilis, quæ posita est, novam vocabuli dictionem;* E  
*unius esse designativam; sed non utriusque miri-*  
*ficæ & gloriosæ unitiois demonstrativam, con-*  
*demnatus sit. Nihil itaque confecit Sophronius*  
*Constantinopoli apud Sergium circa abroga-*  
*tionem capituli quod in synodo Alexandrina*  
*Cyri approbatum fuerat: jam enim in gratiam*  
*Monothelismi obfirmaverat uterque men-*  
*tem suam. Rediit ergo in Palæstinam Sophro-*  
*nium, & non multo post Modesto Patriarchæ*  
*Hierosolymorum defuncto substitutus est,*

exeunte scilicet an. 633. vel incunte seq. 634.  
 Papebrochius tract. prælim. ad 10. 3. actorum  
 sanctorum mensis Maii, num. 140. pag. 32.  
 col. 1. A. magis propendet ut sedere inceperit  
 initio duntaxat anni Christi 635. Hujus sancti  
 Patriarchæ, inquit, acta deduxi 11. (die)  
 Martii, in quibus præterea quæ Modestum  
 spectant, & annum mortis (Sophronii) mu-  
 tatum nihil velim. Si placet ejus annos circa  
 initium anni 635. inchoare, uti existimo fa-  
 ciendum, Hierosolymitanæ urbis obsidio,  
 quam Theophanes adscribit anno Heraclii  
 26. (Christi 636.) qui revera numerandus  
 solum esset 25. (Christi 635.) incidit in pri-  
 mum patriarchatus ejus annum: sic tamen ut  
 ante eam (obsidionem) celebraverit synodum  
 contra Monothelitas, cujus acta, simul cum  
 synodica recentis ordinationis suæ, ad Hono-  
 rium Papam, Sergium, cæterosque Patriar-  
 chas misit. Censet tamen Pagius, ad annum  
 633. n. 7. & seq. Sophronium factum fuisse  
 episcopum sub finem anni 633. vel sub ini-  
 tium anni 634. Epistola enim Sergii ad Ho-  
 norium, quam ad annum 633. revocat Baro-  
 nius, quæque mentionem facit de Sophronio,  
 ut recens ordinato, scripta est an. Christi 634.  
 quia scilicet ab illo anno Monothelismi exor-  
 dium, sive partum, propter hanc Sergii pro-  
 culdubio epistolam, per quam ille error in-  
 notescere cœpit ecclesiæ Romanæ, repetit S.  
 Martinus Papa in litteris ad S. Amandum Tra-  
 jectensem episcopum, post concilium Later.  
 anno 649. exeunte coactum, scriptis, tom. 6.  
 conc. col. 384. C. Credimus ad vos pervenisse,  
 inquit, quomodo in conturbatione rectæ fidei, &  
 ecclesiæ catholicæ conculcatione, ante hos plus  
 minus quindecim annos, à Sergio falso episcopo  
 Constant. execranda hæresis pullulavit. Dubitat  
 Sirmondus in notis ad illam Martini I. episto-  
 lam, an exeunte anno 649. an non potius  
 initio anni 650. scripta fuerit; Cointius vero  
 eam consignavit anno 651. Præterea de ejus-  
 dem hæresis manifestatione in Occidente, le-  
 gati apostolici in prima act. VI. synodi generalis  
 dixerunt ibid. col. 610. E. Quoniam igitur, ante  
 hos 46. plus minus annos, quasdam novitates vo-  
 cum contrarias orthodoxæ fidei, introduxerunt  
 qui pro tempore fuerunt præsules hujus regiæ &  
 à Deo conservandæ vestræ civitatis, &c. Habita  
 est prima illa actio mense Novemb. anni 680.  
 Quia igitur ab initio anni 634. ad finem anni  
 649. anni quindecim, & ad ann. 680. itidem  
 exeuntem anni 46. completi, & etiam amplius,  
 numerantur; ortus subinde Monothelismi  
 non citius anno Christi 634. sedi Romanæ  
 per epistolam Sergii ad Honorium innotuit.  
 Neque enim exordium hujus hæresis ab anno  
 deduxissent, quo nihil adhuc speciale de ejus  
 novitate didicissent. Porro Sophronius, statim



atque Hierosolymitano episcopatu potitus est, synodum congregavit adversus Monothelitas, initio, ut videtur, anni 634. ejusque acta, simul cum epistola quæ recitata est in sexta synodo generali act. 11. & in qua discretissimis sanctorum Patrum auctoritatibus duplicem statuebat Christo inesse voluntatem & operationem, ad Honorium, Sergium, cæterosque Patriarchas misit. Hujus synodi meminit Theophanes ad annum Heraclii 20. ubi quæ ad originem & progressum Monothelismi spectant uno tenore refert, sed Joannem perperam loco Honorii scribit p. 274. D. Ea tempestate, inquit, Sophronius Hierosolymorum episcopus instituitur, qui congregatis quibus præerat episcopis, Monotheliticum dogma condemnavit, synodicaque acta Sergio Constantinopolitano & Joanni (Honorio) Romæ episcopo per epistolas transmisit. Pauca quædam ex ea Sophronii epistola encyclica transcribo cujus magnam Baronius partem refert ad annum 633. num. 10. & seqq. legitur integra tom. 6. concil. Labb. col. 852. & seqq. Sic incipit: Domino in omnibus sanctissimo, ac beatissimo fratri & confacerdoti Sergio archiepiscopo & Patriarchæ Constantinopoleos. Sophronius servus inutilis sanctæ Christi Dei nostri civitatis. Papæ! Papæ! beatissimi, quam mihi nunc amabilis quies, optabilis est requies & tranquillitas, & multo quam pridem amabilior, ex quo à quiete à curis vacua in turbam negotiorum veni, & terrenis quibusdam fluctibus obruor. Quam mihi dulcis est nunc exiguitas, ac etiam non paulo quam antea dulcior, ex quo ab stercore & terra, & multa ac majori quam dici possit humilitate ad sedem pontificiam ascendi, & magnam procellam video, & cum procella conjunctum periculum, &c. Quum hæc igitur sic sint, & adhuc acerbiora, & mihi miserrimo necessitas ingens ac vis à clericis, & reverendis monachis, & fidelibus laicis universis sanctæ civitatis Christi Dei nostri, manu & violentia me cogenribus, nescio quibus judiciis imposita sit. Quæso vos sanctissimos & hortor, ut non solum puris & castis apud Deum precibus mihi vitam in mari agenti, & in periculo versanti, opem feratis, & parvo animo labantem confirmetis, sed & doctrinis divinis ad res agendas instituatis, tum ut parentes & genitores, tum ut fratres & consanguinei. Concedite igitur vos mihi paternè & fraternè quæ jure postulo, &c. Quia vero quædam apostolica & prisca in omnibus cuncti orbis ecclesiis traditio viget, ut qui episcopi sunt, ad omnes antecessores episcopos referant quomodo sentiant, & quam fidem teneant, &c. Huic igitur consuetudini etiam nos servientes, ac legem optimam arbitrati id omne quod ab antiquis decenter factum est.... scribimus quomodo de fide sentiamus, & vobis sapientia divina

A præditis ad probandum mittimus, ne terminos æternos, quos Patres & majores nostri posuerunt, transmovere videamur, &c. Accedam igitur ad dicendum illa quæ à principio in ecclesia sancta catholica collactatus & nutritus didici, & à teneris unguiculis accepi, & vos divine prædicare audiui, &c. Credo igitur, &c. In ea fidei professione hæc de duabus Christi voluntatibus contra nascentem Monothelismum asserit, apud citatum Labb. to. 6. concil. col. 872. E. ....utriusque naturæ utramque novimus operationem, essentialem dico, naturalem, & congruam, indivise de unaquaque procedentem essentia & natura, juxta insitam ei naturalem atque essentialem qualitatem, & inseparabilem simulque inconfusam alterutrius essentiae una secum cooperationem adducentem. Hoc quippe & operationum quæ in Christo sunt differentiam facit, sicut & naturas esse naturarum, &c. Et post pauca col. 873. B. C. utramque naturalem confitemur operationem, ne naturas quæ inconfuse unitæ sunt confundamus; siquidem ex operationibus tantum, secundum eos qui sunt talia callentes, naturæ noscuntur, & essentialium C semper differentiam ex differentia operationum est insuum comprehendere, &c. Post prolixam autem fidei professionem, ita ipsum ad quem scribit, Honorium, Sergium, aut alium interpellat col. 896. A. Unde paternam sanctitatem vestram rogo, ut has litteras à me abjecto, jure synodico acceptas, paternis oculis adspiciat, & fraterno adspectu contempletur: Et si quid, aut per ignorantiam erratum est, aut per oblivionem prætermisum, aut propter festinationem non animadversum, aut propter brevitatem non expressum.... aut propter linguæ torporem tacitum, D &c. rogo accessionibus impleat, & verbis ac correctionibus impleat ex paterna plenitudine prodeuntibus, corrigat, & robur præbeat amantissimum, fraterno studio satum, & paterno proposito irrigatum; ne quod mancum est semper imperfectum appareat; & ne quod infirmum est, & sæpenumero per ignorantiam excidit, infirmum semper perseveret, & per totam vitam ægrotet, &c. Quamobrem oro atque obsecro ne hic grex ullum detrimentum capiat propter meam imperitiam, & artis pascendi ignorantiam, & propter imbecillitatem, quæ ad regendum com- E mode non sufficit, & tanquam ipse ei nocuerim in die judicii condemner, & supplicium perpetuum subeam eorum qui furantur, mactant, & perdunt oves Christi magnæ æstimationis & pretii, &c. Equè vehementer vos deprecor, ut supplicationem & preces.... Pro nostris Imperatoribus.... Deo adhibeatis qui gubernacula imperii à Deo acceperunt.... ut sceptrum præbeat valida & firma, ad conterendum omnium Barbarorum, ac potissimum Saracenorum supercilium ac superbiam, qui nunc propter peccata nostra ex insperato



*insperato in nos invaserunt, & omnia devastant crudeli & ferino animo, profano & impio ausu.*

*IncurSIONES illæ Saracenorum, ab anno 633.*

*Palæstinam vexare inceperant: Hinc mirum*

*quod de ea Sophronii epistola ait Papebrochius in tract. prælim. cit. n. 141. De Sarace-*

*nis verbum facit nullum, quia scilicet nondum*

*eos senserat. Pergit Sophronius: Quin etiam*

*postremo rogamus, ut detis eis (Leontio &*

*Polyeucto quibus has litteras perferendas*

*commiserat) litteras quæ fidem nostram rectam*

*illustrent, & mores animæ nostræ candidos fa-*

*cient, & scientiam pascendi nos doceant.... ut*

*præsidio scientiæ muniti, truculentos & immanes*

*lupos ab ovili nobis concedito baculo vigilantia*

*pastoralis arceamus, populumque nobis com-*

*missum à periculis liberum ad Deum sistamus,*

*mercedem ab æquissimo iudice liberalissimè pro*

*laboribus nostris reportaturi. Omnes sanctos &*

*illustres fratres qui cum vestra sanctitate sunt,*

*nos humiles & parvi, & ii qui mecum sunt, in*

*Christo Deo nostro persalutamus. Vale in Christo,*

*& ora pro me, sanctissime frater. De Sergio*

*itaque nihil adhuc sinistri suspicabatur So-*

*phronius, cui etiam paulo antea, sicut ad*

*Honorium scribebat idem Sergius supra reci-*

*tatus, de una & duplici in Christo voluntate*

*silentium suadenti consensit bona fide. Sed*

*nec ab Honorio approbatam imprudenter*

*eiusdem silentii œconomiam per aliquod tem-*

*pus respuit. Cæterum quum minime quies-*

*ceret Cyrus Alexandrinus, unamque per-*

*petuo cum suis affeclis prædicaret in Christo*

*esse voluntatem & operationem, non amplius*

*indicti silentii legibus adstringi se credidit*

*Sophronius, sed eorum sese ausibus fidei ec-*

*clesiæ perniciosus fortiter opposuit, dans in*

*duobus libris sexcenta testimonia Patrum ad*

*evictionem impietatis eorum & veritatis osten-*

*sionem. Ita in concil. Later. sub Martino I.*

*testatus est Stephanus Dorensis episcopus, qui*

*olim super his delegatus fuerat ad Honorium*

*ab ipso Sophronio. Is quidem revocare, in-*

*quit, minime eos valuit, commovit autem potius*

*contra se ad insidias, & malignam detractio-*

*nem: dum scilicet omnium turbarum in ec-*

*clesia per ipsos exurgentium causam esse*

*Sophronium clamitarent, qui, ex Pyrrho in*

*disput. cum S. Maximo, tempore inopportuno*

*sermonem de operationibus excitavit: à qua*

*calumnia illum idem Maximus vindicavit,*

*ostendens omnem culpam refundendam in*

*Sergii mutabilitatem & inconstantiam, in alias*

*alio tempore transeuntis sententias, & nullo*

*sensu permanentis, quia utique simul volebat*

*& orthodoxus haberi, & à Monothelismo*

*non recedere. Verum Sophronius, pergit*

*Stephanus apud Baronium ad annum 633.*

*num. 38. nullo modo propter hoc reveritus est*

*Tomus III.*

*A omnino, nec timuit timorem ubi non erat timor,*

*quoniam iustus sicut Leo confidit. Zelo autem*

*Dei & fiducia repletus, duxit me indignum, &*

*statuit in sancto Calvaria loco, ubi propter nos....*

*Dominus noster Jesus-Christus sponte crucifigi se-*

*cundum carnem dignatus est; & ibi alligavit me*

*vinculis insolubilibus, dicens: Tu dabis rationem*

*ipsi, qui propter nos secundum carnem in hoc*

*sancto loco sponte crucifixus est Deus, quando*

*cum gloria in terribili adventu iudicaturus est*

*vivos & mortuos, si distuleris & postposueris*

*fidem ejus periclitantem, licet ego hoc facere*

*B corporaliter, ut nosti, propter emersam ex nostris*

*peccatis incurSIONem Saracenorum præpedior.*

*Quantocius ergo de finibus terræ ad terminos*

*ejus deambula, donec ad apostolicam sedem,*

*ubi orthodoxorum dogmatum fundamenta exi-*

*stunt, pervenias; non semel, non bis, sed multo*

*sæpius aperiens sacris viris ibidem consistenti-*

*bus omnia secundum veritatem, quæ in istis par-*

*tibus mota sunt: & non quiescas instantius ex-*

*petens atque exorans eos, donec ex apostolica*

*prudencia, quæ in Deo est, ad victoriam judi-*

*cium perducere debeant, & noviter introducto-*

*C rum dogmatum perfectam faciant secundum*

*canones destructionem: & ne (secundum quod*

*beatus Apostolus ait) sicut cancer pasquam in*

*amplius inveniant, depascentes simpliciorum ani-*

*mas. Igitur in his perimescens ego, prosequi-*

*tur Stephanus Dorensis, atque perterritus,*

*propter impositam mihi terribilem in tremendo*

*& venerabili loco conjurationem, necnon & cre-*

*ditum mihi ex Dei permissu episcopale ministe-*

*rium considerans, sed & supplicationes omnium*

*pene habitantium Orientalium tractum reveren-*

*dissimorum episcoporum & Christianorum popu-*

*D lorum, consonanter prædicto beatæ memoriæ So-*

*phronio ad hoc me invitantium, utpote primum*

*Hierosolymitanæ diæceseos, pervenire; non dedi,*

*secundum scripturam, somnum oculis meis &*

*palpebris meis dormitationem, & requiem*

*temporibus meis, quatenus adimplere debuif-*

*sem hujusmodi desiderabilem iussionem: sed abs-*

*que ulla mora propter hoc ipsum tantummodo huc*

*properavi: à quo tempore tertio visus sum vestris*

*apostolicis adesse vestigiis, expetens ac deprecatus,*

*ut quod ille & omnes libenter postulare nos-*

*cuntur, hoc est, fidei Christianorum periclitanti*

*E manum porrigere (dignemini.) Quod addiscentes*

*contrarii, non levibus me implicuerunt afflictioni-*

*bus, præceptiones propter me per loca & provin-*

*cias dirigentes, quatenus comprehendi, & ferris*

*constrictus ad eos deberem destinari, sicut omnes*

*cognoscunt. Sed Dominus auxiliatus est mihi,*

*& liberavit me ab omnibus persequentibus me,*

*ideoque ad propositum currentem, & ad bra-*

*vium properantem vestræ apostolicæ sedis. Neque*

*despexit Deus preces cum lacrymis oblatas*

*supplicum suorum, sed excitavit, non equidem*

*S*

*Prov. 28.*

*1. Tim. 2.*

*Pf. 131.*

*v. 4. & 5.*

*col. 268.*

*col. 268.*

*Item to. 6.*

*conc. Labb.*

*col. 104.D.*



no. 6. conc.  
col. 9 68. D.

mediocriter præcessores apostolicosque præfules in commonitione, necnon contestatione prædictorum virorum, licet nullo modo eos flectere potuerint. Hæc Stephanus Dorensis episcopus: quibus addit Baronius num. 40. Ubi ita per legationem à Sophronio missam Honorius Papa accepit, haud segnis fuit his omnibus à Sophronio postulatis consulere, nempe silentium omnino imponere Cyro episcopo Alexandrino unam voluntatem & operationem in Christo prædicanti, cujus rei gratia ad ipsum Cyrum de eo argumento litteras dedit: scripsitque pariter ad Sergium Constantinopolitanum episcopum, ut Cyrum de servando de una voluntate & operatione silentio admoneret. Litteræ ad Cyrum ab Honorio scriptæ non extant, sed earum mentio est in litteris ejusdem Honorii ad Sergium datis. Perstitisse quidem in sententia Honorium, ut bono pacis ad vitandas turbas & commotiones populorum, de voce utraque taceretur, dicta ejus epistola posthæc ad Sergium data significat: his etiam & legatum Stephanum, & qui cum eo venit in Urbem acquievissæ docet, dummodo Cyrus de unius voluntatis voce æquè taceret. Quædam ejusdem secundæ epistolæ Honorii ad Sergium extracta leguntur in actis sextæ synodi act. 13. quæ modo asserta probant. Hæc de illa profert Baron. *ibid.* n. 41. & seqq. Necnon & Cyro fratri nostro Alexandrinæ civitatis præfule, quatenus novæ adinventionis unius vel duarum operationum vocabulo refutato, claro Dei ecclesiarum præconio nebulosarum concertationum caligines offundi non debeant vel adspergi, ut profecto unius vel geminæ operationis vocabulum noviter introductum à prædicatione fidei existimatur. Nam qui hæc dicunt, quid aliud nisi juxta unius vel geminæ naturæ Christi Dei vocabulum, ita & operationem vel geminam suspicantur? Et rursus circa finem epistolæ: Cæterum quantum ad dogma ecclesiasticum pertinet, quæ tenere vel prædicare debemus propter simplicitatem hominum, & amputandas inextricabiles quæstionum ambages, sicut superius diximus, non unam vel duas operationes in mediatore Dei & hominum definire, sed utrasque naturas in uno Christo unitate naturali copulatas, cum alterius communione operantes, atque operatrices confiteri debemus: & divinam quidem, quæ Dei sunt operantem: & humanam, quæ carnis sunt exequentem; non divise, neque confuse, aut convertibiliter, Dei naturam in hominem, & humanam in Deum conversam edocentes, sed naturarum differentias integras consistentes. Et post pauca: Auferentes ergo, sicut diximus, scandalum novellæ adinventionis, non nos oportet unam vel duas operationes definiētes prædicare; sed pro una, quam quidam

A dicunt, operatione, oportet nos unum operatorem Christum Dominum in utrisque naturis veridice confiteri: & pro duabus operationibus, ablato geminæ operationis vocabulo, ipsas potius duas naturas, id est, divinitatis, & carnis assumptæ, in una persona unigeniti Dei Patris, inconfuse, indivise, atque inconvertibiliter nobiscum prædicare propria operantes, &c. Et tandem: Scribentes etiam communibus fratribus Cyro & Sophronio antistitibus, ne novæ vocis, id est, unius vel geminæ operationis vocabulo insistere vel immorari videantur; sed abraha hujusmodi novæ vocis appellatione, unum Christum Dominum nobiscum in utrisque naturis divina vel humana prædicent operantem. Quanquam hos, quos ad nos prædictus frater & coepiscopus noster Sophronius misit, instruximus, ne duarum operationum vocabulum deinceps prædicare ininitatur: quod instantissime promiserunt prædictum virum esse facturum, si etiam Cyrus frater & coepiscopus noster ab unius operationis vocabulo discesserit. De Honorio dicere non est hujus loci, observare solum juvat cum Baron. *ibid.* num. 32. & seqq. per plures annos sic se gessisse Sergium, qui postea detectus est vasserrimus fuisse hæresis Monotheliticæ propugnator, sic piæ suam Constantinopolitanam sedem rexisse, sic se fidei restaurandæ, ac hæreticorum ad sinum ecclesiæ revocandorum succensum simulasse zelo, ut, quemadmodum Sophronius, qui eum invisit & alloquutus est, nullam suspensionem habuerit propositum ab illo silentium, circa unam & duas in Christo voluntates, fuisse excogitatum in gratiam Monothelismi, quatenus, dum non damnaretur ab ecclesia expresse vox unius voluntatis, sententia eum errorem inducens clam latius diffunderetur, sed huic silentio consenserit quod pro bono pacis indictum existimaret; ita à fortiori Honorium Papam, qui longe à Sergio aberat, nec eum aliunde noverat quam ex fama vitæ hæcenus laudabiliter transactæ, & ex litteris columbæ speciem exhibentibus pacem denuntiantis, & hæreticorum reditum ad ecclesiam, idem silentium ceu tranquillitati ecclesiæ Orientalis necessarium ex œconomia approbasse. Ignoramus, quantum temporis silentium hoc sibi ab Honorio impositum tenuerit hac vice Sophronius videtur tamen iterum rupisse, fortassis post Honorii mortem, & maxime ex quo Severinus ejus successor, in Monothelismum, quem silentio catholicorum, & hæreticorum sermonibus non modicum progressum fecisse animadverterat, sese erigens, Ecthesim Heraclii damnavit anno 640. Id colligitur, tum ex Theophane qui verbis inferius recitandis testatur Sophronium de Heraclio, Sergio & Pyrrho trophæa retulisse, tum



ex synodo sexta, quæ scripta ejus adversus A Monothelitas approbavit. Dum vero sedem Hierosolymitanam tam gloriose occuparet, multa vidit mala gentis suæ: nam anno Christi 635. tribus annis post Mahometi obitum, sub Umaro vel Omaro, tertio Califa, Abubecri successore, Saraceni profligata Heraclii acie Damascum Sophronii patriam expugnant, eaque potita & reliqua simul Phœnicie provincia, inquit Papebroch. tom. 2. Mart. ad diem 11. pag. 71. quum in ea proprias sedes constituissent, mox in Ægyptum tendunt, & ipsam quoque sibi subjiciunt. Sequenti autem anno (Christi 636.) Umarus in Syriam destinavit Jasdium, & totam Saracenicam adjunxit Imperio: per se vero expeditionem suscepit in Palæstinam, in qua quum omnia passim oppida præfidiis occuparet; agros vero viasque haberet latrocinii infestas, non potuerunt sanctæ civitatis incolæ diem natalem Domini in Bethleem solita pietate peragere; sed ad eos Saracenorum metu intra Urbem conclusos habuit orationem Sophronius quæ in magna Patrum Bibliotheca extat, & illius temporis calamitates graphicè enarrat, nusquam tamen obsidionis vel oppugnationis in ea fit mentio: hincque magis movemur ut credamus nonnisi post Januar. anni 636. fingendum esse obsidionis principium, qua per biennium continuata, hoc scilicet anno 636. & 637. fortassis toto, saltem juxta Græcos annum à Septembri inchoantes, urbem fide data Umarus obtinuit, ut narrat Theophanes, Umari ingressum describens his verbis: *Sophronius autem Hierosolymorum antistes fidem ab eo pro totius Palæstinæ incolumitate acceperat. Umarus itaque cilicinis camelorum vestibibus iisque laceris & sordidis opertus, & hypocrisum plane diabolicam pietatis velamine ostentans sanctam civitatem ingreditur, & mox templum à Salomone constructum, in impietatis & blasphemie oratorium illud conversurus, sibi ostendi postulavit. Hunc quum Sophronius vidisset: hæc est vere, inquit, abominatio desolationis à Propheta Danièle prænuntiata, quæ modo stat in loco sancto: multaque simul lacrymarum copia insignis ille pietatis propugnator Christianam gentem desolebat. Intra templi igitur septa dum ille moraretur, precibus apud eum agebat Patriarcha, ut acceptam à se sindonem ac vestem indueret: quam quum assumere detrectasset, episcopus vix exoravit, ut ista gestaret donec solita indumenta lavarentur: & propriis resumptis, statim ista Sophronio restituit. Elmacinus qui Saracenorum historiam Arabicè scripsit initio sæculi XII. hæc de eodem Umaro scribit, lib. 1. c. 3. p. 28. & apud Papebroch. tract. prælim. ad 3. tom. Maii, n. 146. pag. 33. col. 1. Quum Omar cepisset Hierosolyma, scripsit civibus ejus*

Tomus III.

tom. 12.  
p. 206.

p. 281. C.

A libellum securitatis, cujus est hoc exemplum. In nomine Dei misericordis miseratoris. Ab Omaro filio Achittabi populo urbis Eliæ conceditur securitas, tum personarum, tum liberorum, tum uxorum, tum facultatum, tum omnium templorum, ne destruantur, aut otiosa sint. Ingressus autem in urbem sedit in medio penetralium templi resurrectionis: dixitque Patriarcha; Volo orare. Respondit Patriarcha: ô fidelium Imperator, ora in loco tuo. At ille ait, non. Et egressus è templo foras, oravit ad portam templi solus. Deinde sedens dixit Patriarchæ, si orassem in templo, cepissent id post me Muslimi, & dixissent, hic oravit Omar: scripsitque ei privilegium, ne oraret Muslimorum quispiam ad gradum, nisi solus, neque cogerentur in eo preces aut publicarentur super eo. Et postea: Hinc dixit Patriarchæ, indica mihi locum in quo extruam delubrum. Unde Patriarcha ei dixit de lapide ad quem loquutus erat Deus cum Jacobo. Ut autem Omar ad eum venit, invenit super eo sordes multas, deque iis in vestem suam accepit. Quumque Muslimi viderent Omarem ferre sordes, non distulit unusquisque eorum ferre veste sua sordes, unde mundatus illico est lapis: jussitque Omar ut delubrum illic ædificaretur. Abiit & Bethleemum, atque ingressus templum ejus oravit ad arcum in quo natus est Dominus Christus; scripsitque privilegium, ne orarent in eo loco Muslimi, nisi singuli post singulos, neque preces ibi cogerentur, aut publicarentur. Addit Theophanes, de Sophronii obitu, qui juxta ipsum expeditionem Hierosolymitanam propè sequutus est: In ea rerum calamitate Sophronius præclaris verbis & gestis Hierosolymorum ecclesiam olim amplificans, de Heraclio, & Monothelitarum ipsi addictorum pravitatibus & commentis, deque Sergio & Pyrrho confutatis, clarissima trophæa referens, defunctus est. Baronius ejus mortem adscribit anno 636. Pagius anno sequenti. Henschenius & Papebrochius, ad diem 11. Mart. anno 638. sed idem Papebrochius tract. prælim. ad tom. 3. Maii, n. 142. pag. 32. coll. 1. & 2. eam differendam censet usque ad annum 644. Qui de Sergio & Pyrrho trophæa retulit, inquit, quomodo creditur obiisse, non tantum anno illo quo Baronius, sed vel 638. quo ego olim statui, sequutus fidem tabularum Theophanis, quæ solum tres annos patriarchatui ejus assignabant! alium enim nullum invenio ejus numeri auctorem. Quomodo etiam potuit ecclesiam suam verbis & gestis amplificasse, qui non alio fere tempore vixerit, quam quo obsessa civitas sancta fuit! Quin igitur uno illo tam incerto calculatore contempto (verba sunt semper Papebrochii ultimum citati) laxemus spatium temporis quo Sophronius sedit, ipsique assignemus (ad minus) sex vel

S ij

p. 281.  
D. & seq.  
A.



septem annos! Sergius certe Constantinopolitanus anno duntaxat 639. (Pagius ad annum 639. num. 2. ponit annum 638. inchoata à mense Septembri Indict. XII.) promulgavit Eccliesim Heraclii, quia hæresis Monothelitarum stabilita est, eique eodem anno mense Decembri defuncto successus est mense Jan. anni sequentis Pyrrhus: (si ergo de Sergio & Pyrrho confutatis clarissima trophæa retulit Sophronius, ut testatur modo recensitus Theophanes, is non solum Sergium Patriarcham, sed etiam ejus successorem Pyrrhum impugnasse, propter ipsorum Monothelismum, dicendus est; adeoque vixisse per aliquod saltem tempus, ex quo Pyrrhus sedem Constantinopolitanam conscenderit.) Porro idem Pyrrhus in disput. cum Maximo, apud Baronium tom. 8. annal. coll. 364. & 781. quam mense Julio Indict. III. id est 645. habuit, accusans Sophronium quod tempore inopportuno sermonem de operationibus inierit, ait: Sophronius qui paulo ante fuit Patriarcha Hierosolymitanus, Σωφρόνιος ὁ μικρὸν πρόδεν πατριάρχης γενόμενος Ἱεροσολύμων, qua loquendi formula eum non jam à longo tempore defunctum innuit: nam loquutus fuisset aliter si à novem aut circiter annis obiisset. Quamobrem nihil vetat quominus dicatur vixisse Sophronius usque ad mensem Martium anni 644. ac obiisse quum jam decem annos Patriarchatus sui attigisset. Præter scripta ejus superius memorata, quorundam librorum contra Eunomium pro S. Basilio mentionem facit Photius initio suæ Bibliothecæ. Possévinus pag. 486. inter ejus scripta numerat homilias in Exaltationem S. Crucis, in adorât. S. Cruc. in Anastasim, sive pro dedicat. Templi sanctæ resurrectionis, & de Jejuniis. Homiliæ ejusdem de Angelis meminit Baronius ad annum 636. n. 5. Plurima alia perierunt. Verum ex paucis, inquit, nobis relictis hujus nobilissimi & devinitus afflati ingenii monumentis, qualis quantusve vir fuerit doctrinaque & eloquentia præditus satis intelligi potest, (eumque mereri) ut inter celebriores ecclesiæ Orientalis magistros censeatur. Patres sextæ synodi act. XIII. hoc de illo testimonium tulere: *Pertractavimus & synodica Sophronii venerabilis memoriæ quondam archiepiscopi sanctæ Dei Hierosolymorum civitatis, & hæc reperientes cum vera fide convenientia, apostolicisque & sanctorum atque probabiliū Patrum doctrinis paria, utpote quæ sunt orthodoxa, recepimus, & ut salubria sanctæ catholicæ ecclesiæ suscepimus, & nomen ejus inferi sanctis diptychis sanctarum ecclesiarum justum esse judicavimus.* Græci pariter & Latini memoriam ejus colunt die 11. Martii, in qua eum obiisse verosimile est.

*Sedes Hierosolymitana multos annos vacat in quibus Patriarchæ vicēs gerunt*

STEPHANUS DORENSIS episcopus,

JOANNES PHILADELPHIÆ episcopus,

THEODORUS presbyter.

Eutychius Alexandrinus scripsit Hierosolymorum sedem viginti novem annos proprio episcopo vacasse: at diuturniorem fuisse hanc viduitatem ex eo ipso constat; refert enim in synodo sexta generali anno 680. congregata, non adfuisse episcopum Hierosolymitanum, ea ecclesia episcopo destituta. *Fuit, inquit, hujus concilii præses Georgius Patriarcha Constantinopolitanus, (intererat) Theophanes Patriarcha Antiochenus, &c. Alexandria autem & Hierosolymis Patriarcha non fuit, utraque sede vacante.* Quod concordat cum subscriptionibus, quæ leguntur in hunc modum, to. 6. conc. Labb. col. 1077. *Georgius misericordia Dei episcopus Constantinopoleos novæ Romæ subsignavi. Petrus misericordia Dei presbyter, & vicarius sedis Alexandrinæ magnæ Urbis subsignavi. Theophanes misericordia Dei episcopus Theopoleos sive Antiochiæ subsignavi. Georgius humilis presbyter sanctæ Christi Dei nostri Anastaseos, exhibens locum Theodori sanctissimi presbyteri & vicarii apostolicæ sedis Hierosolymorum, similiter subsignavi.* Ita quoque Constantinus Pogonatus Imperat. sanctæ synodi petitioni annuens, ut definitionis fidei, quæ edita erat, exempla quinque patriarchalibus sedibus mitterentur, præcepit unum mitti *sedis sanctæ Christi Dei nostri resurrectionis, id est, Hierosolymorum, obtinente locum* D. *De ejusdem honorabilissimæ sedis Theodoro Deo amabili presbytero, per Georgium presbyterum monachum Sebastenum.* Nulla certe uspiam Patriarchæ qui tunc Hierosolymis sederit extat mentio: nullus, inquam, sive in Theophanis tabulis, sive apud Eutychium præfatum recensetur ante Joannem III. quem idem Eutychius nec sibi, nec cum veritate constans, anno 8. Moaviæ Califæ creatum ait, seu Christi 664. aut 665. ac Justiniano II. Romanis imperante. Verum melius in Theophanis tabulis, primus ejusdem Joannis III. annus cum primo Justiniani II. secundo imperantis Christi 705. concurrat, quo obiit Abdalmalechus, seu Abdelmelicus Califa, Meruani filius, eique successit Valid ejus filius. (hanc illorum Califarum epocham statuit Dionysius I. cognomento Telmarenis, Patriarcha Jacobitarum, apud Josephum Simonium Assemanum, tom. 2. Bibl. Orient. pp. 104. col. 1. & 105. col. 1. Renaud. tamen in list. Patr. Alexand. Jacobit. p. 179. scribit hunc Abdelmelicum Califatum gessisse ab



anno Heg. 65. Christi 684. usque ad annum Hegiræ 89. Christi 707. Walid autem ejus filium, eo mortuo, Califatum gessisse usque ad annum Heg. 96. Christi 714. quo vita functus est.) Cæterum, quum Eutychius subdit, mansisse Hierosolymitanam sedem, post mortem Sophronii, usque dum sufficeretur Joannes, sine Patriarcha, annos viginti novem: hoc verum est, excepto annorum 29. computo. Nec morari debet, quod canonibus Trullanis in concilio quinifexto anno Justiniani II. primum imperantis septimo Christi 692. habito conditis subscripsisse legatur, 10. 6. conc. Labb. col. 1188. Anastasius humilis episcopus sanctæ civitatis Hierusalem. Αναστάσιος ἡμέτερος ἐπίσκοπος τῆς ἁγίας πόλεως Ἱερουσαλὴμ. Nam Anastasius iste perinde confictus à Græcis horum canonum assertoribus censendus est ac Petrus indignus episcopus Alexandriae magnæ civitatis, Πέτρος ἀνάξιος ἐπίσκοπος τῆς Ἀλεξανδρείας μεγαλόπολεως, qui ibidem quoque subscribens obtruditur: quandoquidem certo certius est, nullum tunc extitisse Alexandriae Patriarcham orthodoxum seu Melchitam, ut vocant. Baronius ad annum 692. num. 45. refert ex Anastasio Bibliothec. tres Orientis Patriarchas, Alexandrinum scilicet, Antiochenum, & Hierosolymitanum huic concilio minimè adfuisse: sic enim loquitur Anastasius in epistola ad Joannem VIII. Rom. Pontif. versionis suæ latinæ Actor. synodi VII. gener. præfixa: Sed nec in cæterarum patriarchalium sedium, licet Græca utantur lingua, reperiuntur archivis (regulæ Trullanæ:) nimirum quia nulla earum quum ederentur, aut promulgans, aut consentiens, aut saltem præsens inventa est: quamquam eosdem Patres illas Græci promulgasse perhibeant, qui in sexta synodo sunt inventi; sed hoc nullis probare certis possunt indiciis.

so. 7. conc.  
Labb. col.  
30. E.

col. 27.

A Sophronio Patriarcha Hierosolym. ad Honorium Papam missum fuisse Stephanum episcopum Dorensem propter causam fidei à Monothelitis oppugnatae, supra dictum est. Is tertio Romam veniens anno Christi 649. quum actu celebraretur, præsidente Martino I. Papa, synodus Lateranensis adversus eosdem Monothelitas, libellum Martino & synodo huic obtulit, in quo post plura quæ superius recitata sunt, sic pergit in rem nostram, exponens videlicet quid sedi Hierosolymitanæ contigerit à Sophronii obitu. Paulus Constantinopolitanus antistes, inquit 10. 6. conc. Labb. col. 108. E. & seqq. suavit. clementissimo principi nostro Typum exponere fidei, in quo Typo sanctorum Patrum doctrinas cum nefandissimorum hæreticorum pravitatibus funditus amputaverunt, nec unam, nec duas debere voluntates aut operationes Christi Dei promulgantes quempiam confiteri, &c. Igitur

A prædictam sanctam synodum (Chalcedonensem,) & omnes sanctos Patres projicere volentes, hæc eadem dogmatizare & scribere contra fidem ausi sunt. Sed & hoc doceo sanctitatem vestram, quia temporis attendentes perturbationem, multos in Oriente per ambitionem decipisse noscuntur. Sergius namque quondam Joppensis episcopus, post recessum gentis Persarum, loci servaturam (vicariatum) sedis Hierosolymitanæ arripiens, non quidem per ecclesiasticam auctoritatem, sed sæcularem potestatem contra canones, ibidem sub sedem Hierosolymitanam pertinentem, aliquos episcopos ordinavit; & quum ipse minime fuerat confirmatus, alios ordinare præsumpsit. Hi autem propterea scientes veraciter inanem esse (id est, illegitimam) ordinationem eorum, per propria scripta consentientes, applicuerunt affectata se novitati, quæ à Paulo episcopo Constantinopolitano defenditur; quasi ex hoc sperantes enormiter, quod impossibile est, confirmari. De quibus & antea apostolica sedi innotui (notum feci,) id est, beatæ memoriæ decessori vestro Theodoro: jussique mihi indigno per sacram suam præceptionem, C ordinans me loci servatorem per apostolica ejus scripta, quatenus tam ea, quam quæ fuissent ecclesiastica capitula, peragere debuissim: & canonicè, si nullatenus emendarentur, qui sub denominato prætextu ordinati sunt episcopi, deponerem eos. Quod & fecisse me certum est, & præcipue quoniam in errorem à veritate recedentes sponte delapsi sunt: tantumque illos recepi secundum jussionem ejus, qui libellum penitentiae obtulerunt, & professi sunt in scripto, conservare indefinenter & amplecti atque prædicare sanctorum Patrum & synodorum doctrinas. Quorum libellos nuper deferens obtuli sacratissimæ præsidenti sanctitati vestræ, Martino ter beatissimo Papæ, ab eo quod aliqui eorum merito recepti & confirmati sunt, aliqui vero pro tuitione catholice ecclesiæ condemnati sunt. Ideoque exoro, ut minime despiciatis humilitatis meæ & omnium Orientalium orthodoxorum sacerdotum & populorum, necnon prædicti Domini mei sanctæ memoriæ Sophronii, super tali capitulo instantias assiduasque preces, vestræ beatitudini, per meam humilitatem cum lacrymis oblatas, &c. Cui sic subscripsit: Stephanus per Dei misericordiam episcopus Dorensis, & primus sanctæ synodi (Congregationis) sub Hierosolymorum Patriarcha sede consistentis, præsentis libello à me dictato, manu propria subscribens obtuli die sexta (quinta) Octobris mensis, feria tertia (quinta) μηνι Ὀκτωβρίου τῇ ἡμέρᾳ πέμπτῃ, Indictione octava. Sergius utique ille Joppensis hanc potestatem sibi arrogaverat, Heraclii auctoritate fultus, & ante Sophronii ordinationem, & rursus post ejus obitum, ut indicat Martinus Papa in epistola ad Joannem

τὴν πρῶ-  
την σὺν-  
τηρίαν.



29. 6. conc.  
sol. 22. D.

Philadelphię episcopum scripta, qua eum constituebat sedis apostolicę vicarium in sedibus Antiochię & Hierosolymorum, eique acta concilii sui Lateranensis publicanda mittebat: Cujus rei gratia, inquit, hortamur canonem observari in iis, qui præter mentem ac scientiam se ipsos elegerunt, vel delecti sunt in Patriarchia beatę memorię Sophronii. Qui sanę ante ipsius Patriarchiam, vel post decessum in Domino, à quibusdam non convenienter electi sunt, propter angustiam.... temporis, vel quod ejus copia non esset, qui iudicio adhibito sive juxta canones, eligere deberet, vel permittere, &c. Nos latet an tempore Lateranensis concilii adhuc in vivis esset Sergius iste Joppensis de quo conquerebatur Stephanus Dorensis, sed ex ejus relatione manifestum est ipsum multa libertate munere sibi injuncto à Theodoro Papa in Palæstina functum esse, ita ut in errore pertinaces ad ordinem redegerit. Voluerat quidem Martinus ei committere vices suas pro eadem ecclesiâ Hierosolymitana, sicut antea fecerat prædecessor suus Theodorus: sed prævidens eum à quibusdam fore arcendum in hac administratione, qui eundem jam calumniis coram synodo Lateranensi infamaverant, à quibus tamen sese plene purgaverat Stephanus, præfatum Joannem Philadelphię episcopum ea potestate illius loco donavit. Id totum mœrens denuntiat Martinus in epistola ad Pantaleonem tom. 6. conc. Labb. col. 34. his verbis: Semper quidem omnis hominum vita, &c. Quandoquidem errori & amentię delicti, castigationis & emendationis medicinam Dei humanitas adjunxit. Quod charitas tua manifeste cognoscens, non debuit ita se gerere adversus eum, qui ab apostolica sede missus esset, Stephanum Deo amabilem episcopum Dorensium civitatis; aut ejusmodi de eo ad nos per propriam relationem transmittere: quum Salvatoris nostri mandatum id non facere jubeat, sed præcipiat invicem sincere diligere. Ecce enim illa diligenter expendentis demonstrata; atque idcirco eum merito ex apostolica justificavimus auctoritate: iis autem qui contra eum scripserunt, crimen dimisimus, canonis rigorem misericordia temperantes, & ad respicientiam ipsis sufficere existimantes fabulę revelationem, &c. Universam enim, quę istic est, catholicam ecclesiam clausurunt, quantum in ipsis est, qui vel fecerunt vel consenserunt ne memorato episcopo redderentur missa ad eum ab apostolica sede præcepta: quibus ejus vicarius constitutus est, ac jussus, propter temporis angustias, id est, propter pressuram irruentium in nos gentium, canonicę instituere, ad supplementum ecclesiastici ordinis, episcopos & presbyteros & diaconos; quoad potestas nobis

διὰ τὴν πί-  
στιν.

A defuit ad promovendum Patriarcham Hierosolymorum, &c. Quam igitur defensionem habebunt, quum jam propter eos non sint ibi episcopi & sacerdotes, qui jugiter altari insistant, &c. Unde ob hanc potestatem (quam à Domino accepimus ut populis fluctuantibus humanę ac benignę opitulemur) mora apostolica sedes nihil prætermisit, quo catholica istic ecclesia (Hierosolymorum) per memoratum religiosum episcopum convenienter sacerdotale decus recuperaret; qui vero id prohibuerunt, sibi de eo imputabunt rationem. Cujus causa lugens & contristatus B ingredior, dies noctesque bonitatem Dei cum lacrymis obsecrans, ne hereditatem suam usque in finem repellat; sed ostium aperiatur, quod illi conchuserunt: ut rursus istic sacerdotii ejus, per supplementum episcoporum, splendor & ornamentum exoriat, ecclesię oves cura pastoralis servans, & à luporum insidiis vigilantis studio eripiens. De iis, qui non canonicę istic electi sunt in Patriarchia beatę memorię Sophronii, eum canonem inviolabiliter decernimus custodiri, qui à sanctis apostolis & patribus nostris constitutus est de iis qui in alia civitate præter sententiam C scientiamque pontificis, qui ei civitati præest, vel eligunt, vel eliguntur, vel consentiunt, vel convocant. Canones enim ecclesiasticos solvere non possumus; qui defensores & custodes canonum sumus, non transgressores. Tamen si utramque sedem illi violarunt: hanc quidem apostolicam sedem, quod creationum præcepta non dederint, ut ante dictum est, sedem vero sancti Jacobi, quod Sophronium celare studuerint; ut ceteri liberę, sicuti ipsi volunt, non sicut sanctus spiritus jubet, electiones sibi arrogarent. Tales propterea ecclesię canon castigat; non enim confusionis ac turbationis Deus est, sed ordinis & pacis. Qui vero ante ipsius Patriarchiam, aut post dormitionem memorati Sophronii creati sunt; de iis scripsimus, propter temporis angustiam, quę sic creatis defensionis locum præbet, quum inde ecclesiastico canoni nullo modo præjudicetur: ut quum libellum sincerę pœnitentię sive orthodoxę fidei dederint ei, qui nuper à nobis ad id istic delectus est (id est, Joanni Philadelphię episcopo) eos in proprio ordine confirmet; modo hi ex aliis peccatis non prohibeantur confirmari, quę à canone notata sunt. E Joannes itaque Philadelphię episcopus, loco præfati Stephani Dorensis episcopi, delegatus est à Martino Papa, qui curam gereret ecclesię Hierosolymitanę nomine sedis apostolicę. Hoc munus ei commisit epistola ad eum scripta, ex qua jam supra verba quædam retulimus. In ea autem epistola hæc in rem nostram notanda videntur. Sic incipit: Fidelis sermo, &c. Dilecte frater, & ex iis quę ad nos à te scripta sunt, & ab iis qui experimen- tum jam cæperunt spiritualis tuę secundum

29. 6. conc.  
col. 20.



Deum conversationis, Stephano nempe dilecto  
coepiscopo nostro, & comitibus ejus, monachis  
mansionis sancti Theodasii. Notum enim fecerunt  
nobis studium te de iis habere, in quibus episco-  
pum esse oportere apostolicus sermo determinat:  
Sobrium, prudentem, &c. (1. Tim. 3.) Hæc  
igitur audientes, gratiam habemus Deo, cui  
servimus à juventute nostra, qui confortavit vos  
cum omnibus qui eum diligunt, ut ad mensuram  
perveneritis hujusmodi Deo amabilis virtutis,  
&c. Sic igitur.... charitatem tuam exhortamur,  
religiosissime frater, nostram istic vicem implere,  
id est, in Orientis partibus, in omnibus eccle-  
siasticis functionibus atque officiis: ut in hoc  
maximè, sicut oportet, suscites gratiam Dei,  
quæ in te est per impositionem sacerdotalis digni-  
tatis, & nostræ apostolicæ vicis.... ad tollendam  
omnem hæresim, quæ verbo fidei adversatur: &  
ad omne vitium expugnandum, quod virtuti di-  
vinæ contrarium sit: ut sic prosperans in Domino,  
ea quæ desunt corrigas, & constituas per omnem  
civitatem, earum quæ sedi tum Hierosolymitanæ,  
tum Antiochenæ subsunt, episcopos, & presby-  
teros, & diaconos: hoc tibi omni modo facere  
præcipientibus nobis ex apostolica auctoritate,  
quæ data est nobis à Domino per Petrum san-  
ctissimum, & principem apostolorum; propter  
angustias temporis nostri, & pressuram gentium;  
ne usque in finem in illis partibus deficiat sacer-  
dotalis decoris eximius ordo.... Nam oportet  
in hoc maxime tempore pastoribus spiritualibus  
frequentari ac muniri, quæ ubique sunt Dei ca-  
tholicas ecclesias, &c. Quocirca ne differas omni  
modo, dilecte, implere, juxta præceptum nostrum,  
episcopis, & presbyteris, & diaconis, quæ istic  
sunt catholicas ecclesias, qui per propriam eorum  
conversationem in omnibus bonis testimonium  
habeant. Oportet enim episcopum, sicut beatus  
Paulus dicit, sine crimine esse, sicut Dei dispen-  
satorem, &c. Dolor enim mihi est magnus, &  
incessabilis molestia cordi meo, quoad usque per  
vestrum in Christo studium, hoc opus absolutum  
videam: quandoquidem hoc & prius apostolica  
hæc sedes fieri præcepit per memoratum Ste-  
phanum (Dorensem) dilectum coepiscopum  
nostrum. Sed hoc salutare propositum ad effectum  
venire prohibuerunt, qui talia prohibere dignos  
se ipsos præstiterunt: qui pro arbitratu suo, ea  
quæ ædificationis sunt, nota ei omnino non fece-  
runt, nempe præcepta demandatæ vicis aposto-  
licæ hujus cathedræ; quibus jussus est electiones  
ibi facere eorum, qui ad curam Christianissimi  
populi deligendi sunt: solummodo autem ei signi-  
ficarunt de depositione, timorem Domini minime  
cogitantes.... Quoniam igitur, ut nosti, dilecte  
frater, in ædificationem magis quam in destru-  
ctionem à Domino potestatem accepimus; studio  
tibi sit, ea quæ ædificationis sunt operari, dato  
tibi per nos ejus discipulos apostolico præcepto

καὶ τῆς  
ἐκκλησίας  
ἀποστολικῆς  
τοποτηρη-  
σιας.

A & potestate: & gratia dignos promovere nequa-  
quam dubites, ad incolumitatem & securitatem  
ecclesiæ catholicæ; cum magna dilectione exhor-  
tans eos, qui jam depositi sunt, converti ad Do-  
minum: potest enim eos rursus in admirabilem  
lucem suam adducere, qui hæc facit, & immu-  
tat, prout utilius est, &c. Quapropter si virtuti  
gratiæ mentem obsequentem habebunt, & obe-  
dientem aurem, ut persuadeantur, & audiant  
vocem Domini, ut eum per veram confessionem  
cognoscant; confirma unumquemque eorum in  
proprio ordine, scriptos libellos ipsis dantibus de  
B orthodoxa fide: ut fructum Deo ferant, aliorum  
conversionem & meliorationem: atque ut multum  
fructum afferentes, majore à Deo honore digni  
habeantur. Hoc etiam omnino advertet charitas  
tua, in iis qui ab ipsa confirmantur, aut eligen-  
tur; ne quo modo, præter hæresim quæ ab ipsis  
dato libello evacuetur, alia quædam peccata,  
notata canone, eorum impediunt vel confirma-  
tionem vel electionem. Impossibile enim est, ea  
contegere vel prætermittere, quæ continentem  
locum defensionis non habent: sed omnino in iis  
qui libenter peccant & amant peccare, dene-  
C gare oportet eam veniam, quæ in hujusmodi  
lapsibus ex dispensatione datur; ne & ipsi  
propter canonis contemptum amplius graventur,  
& nos in culpa sumus, injustè agendi iis licen-  
tiam permittentes. Defensores enim divinorum  
canonum & custodes sumus, non prævaricatores  
.... cujus rei gratia, hortamur canonem obser-  
vari in iis, qui præter mentem ac scientiam se  
ipsos elegerunt vel delecti sunt in Patriarchia  
beatæ memoriæ Sophronii. Qui sane ante ipsius  
Patriarchiam, vel post decessum in Domino, à  
quibusdam non convenienter electi sunt, propter  
D angustiam, ut dictum est, temporis, vel quod  
ejus copia non esset, qui judicio adhibito sive  
juxta canones eligere deberet, vel permittere:  
tales datis scriptis libellis confirmari manda-  
mus, nullatenus inde canonis præjudicio facto.  
Novit enim canon afflictorum temporum perse-  
cutionibus veniam tribuere, in quibus contemp-  
tus non præcessit, prævaricationem redarguens,  
sed angustia magis & penuria, quæ propter ne-  
cessitatem, ex misericordia cogit multam dili-  
gentiam prætermittere, &c. Et sub finem:  
Ecce vero in auxilium, ut magno studio, ac sine  
E ullo impedimento, charitas tua ministerium im-  
pleat, à nostra apostolica auctoritate tibi com-  
missum; hortari sumus Deo amabiles episcopos,  
ipsum dico Theodorum Esbuntiorum, & Anto-  
nium Bacatorum, adesse in omnibus, ac pro  
viribus inservire hujusmodi spirituali voluntati  
tuæ: quibuscum & Georgium dilectum presby-  
terum & archimandritam, & Petrum Christi  
amantem Adraensem nempe, ac omnino eos, qui  
in illis partibus fidem Dei verumque zelum ha-  
bent; quorum merces plurima erit apud Deum,



quum vobis promptitudinem animi studiique sui præstiterint in omni obedientia & gratiæ perfectione. Hæc Martinus Papa ad Joannem Philadelphiam episcopum, pro regimine ecclesiæ Hierosolymitanæ, *ibid.* col. 24. In epistola vero quam scripsit ad Theodorum episcopum Esbuntiorum, *to. eodem 6. conc. Labb. col. 30.* sic loquitur: Quæ autem synodaliter à nobis hic gesta sunt, ad confirmationem defensionemque ecclesiæ catholicæ, id est, paternarum ejus ac synodaliū definitionum, nuper misimus ei, qui à nobis vicarius canonicè designatus est, dilecto fratri nostro & episcopo Philadelphensium civitatis; cui bene facitis assentientes, & omnes orthodoxos una vobiscum excitantes ad eorum articulorum implementum, qui ei piè commissi sunt, ad commendationem ecclesiæ catholicæ. Idem legitur, iisdemque terminis in epistolis Martini, tum ad Antonium episcopum Baccatorum, *ibidem col. 32.* tum ad Georgium archimandritam monasterii sancti Theodosii, *col. 33.* de obedientia scilicet ab iis præstanda constituto à se vicario Joanni episcopo Philadelphiam. Huic Georgio insuper hæc notanda ait, de Stephano Dorensi episcopo: qui per proprios monachos nobis eum conservasti, qui à nostra apostolica cathedra missus est, Deo amabilissimum Stephanum episcopum civitatis Dorensium. Pro quo mercedem à Domino habentes, satagite ad certamina pro pietate studiosius vos extendere; & virtutum reginam, sanctissimam nostram fidem omni bono zelo defendere, &c. Petro similiter illustri, Joannem Philadelphiam episcopum, iis verbis commendat, *ibid. col. 38. & seq.* Sapienter te ipsum constituisti, dilecte: ac merito ea sola cogitas quæ sunt Jesu-Christi, ad perfectam salutem festinans: quam tibi ardentè desideranti nos quoque conciliantes hortamur, ut intentione studio vires tuas conferas Dei amantissimo episcopo Philadelphensium civitatis: quoniam eum vice nostra, Deo juvante, fungi canonicè jussimus: ut catholicas in illis partibus ecclesias decenter ordinet, in iis omnibus episcopos, & presbyteros, & diaconos creans, permessa ei à Domino per nos minimos, sive per auctoritatem sancti & principis apostolorum Petri, spirituali potestate: ne viduati in tam multis temporibus, talique afflictionis pressura, populi in terram squallidam & infrugiferam vertantur; sed ut magis augeantur ac splendescant, instantia diligentiaque sacerdotum: qui ut constituentur, adjuvans vestra Christi amans claritudo per præfatum dilectum nostrum cœpiscopum, propriæ matris, nempe catholicæ ecclesiæ viscera resciet, &c. Demum idem Martinus Papa scribit in hunc modum *ib. col. 41.* E. ad ecclesias Antiochiæ & Hierosolymorum, postquam eis nuntiavit Monothelitarum hæresim in concilio Later. fuisse

damnatam, ordinationem vero Macedonii pro sede Antiochena, item & Petri pro Alexandrina esse illegitimas, illosque adhortatus fuit ut in fide catholica persisterent: *Catholicam & apostolicam ecclesiam.... nos ædificare properantes in Spiritu sancto, ad majorem ejus stabilitatem convenienter studuimus in præsentì præcipere, secundum potestatem nobis à Domino in gratia datam per sanctum Petrum Apostolorum principem, Joanni dilecto fratri nostro episcopo Philadelphensium civitatis, ut locum nostrum in omnibus ecclesiasticis articulis in partibus Orientis suppleat; & creet in omnibus civitatibus, quæ Antiochenæ sedi, quæque Hierosolymitanæ sacerdotaliter subsunt, episcopos, & presbyteros, & diaconos, &c. (mandantes) ut tanquam obedientes filii, unanimiter omnes sacro divinoque studio adjuvetis propositum apostolica auctoritate vicarium nostrum, nempe dilectum episcopum Philadelphensium; ut omnimodis perficiatis opus ministerii hujus ad salutem animarum vestrarum: non configurati inobedientibus aut contradicentibus veritati per inconsistentem ipsorum hæresim; sed secundum eum, qui vocavit vos, sanctum, & ipsi sancti in omni conversatione sitis, per obedientiam & gratiam in eodem verbo fidei, &c.*

Jam supra dictum est, inter subscriptiones episcoporum qui per se, vel per legatos adfuerunt synodo sextæ generali anno 680. habitæ contra Monothelitas, legi subscriptionem Georgii presbyteri & monachi vices gerentis Theodori locum tenentis sedis Hierosolymitanæ: hinc enim constat, tunc temporis, vacante adhuc ea sede, Theodorum quemdam huic ecclesiæ commissione vicariali præfuisse: sic enim legitur *tom. 6. concil. Labb. coll. 1028. & seq. 1057. & 1077.* Georgius humilis presbyter sanctæ Christi Dei nostri resurrectionis, & locum gerens Theodori Deo amabilis presbyteri & locum servantis sive vicarii apostolicæ sedis Hierosolymorum, similiter subscripsi. Theodorum hunc existimaverat olim Papebrochius fuisse Theodori Papæ, Martini prædecessoris, patrem, & post mortem Sophronii ei fuisse successorem: sed postea contrarium sensit, ut ipsemet declarat *tract. prælim. in acta sanctorum to. 3. Maii, n. 154. pag. 35. col. 1.* his verbis: constat ex eo loco (ex relatione nimirum Stephani Dorensis episcopi in concilio Lateran. sub Martino I. supra adducta) nullum fuisse vere Patriarcham post mortem sancti Sophronii, quare mutatum cupio quod ad commentarium de eodem (Sophronio, ad diem 11. Martii) *num. 41.* insinuavi, fieri potuisse ut episcopus Theodorus pater Theodori de Hierosolyma Romani Pontificis ordinati anno 649. (dicendum potius 642.) fuerit successor Sophronii mediatius



mediatus vel immediatus..... Nam id eo minus credi potest, quod prædictus Stephanus à prædicto Papa Theodoro constitutus fuerit apostolicæ sedis locum-tenens seu legatus, ad illegitimas illas ordinationes, (quæ à Sergio Joppenfi attentatæ fuerant) vel abolendas omnino, vel corrigendas, reformandasque in gratiam eorum qui se orthodoxos probarent. Quis enim dubitare potest quin si ipsius Theodori (Romani Pontificis) pater tunc Patriarcha (Hierosolymitanus) fuisset, alio prorsus modo processum foret! Quemadmodum vero ἡ τοποτηρία τῆς θρόνου, *Locitientia in throno*, à Sergio Joppenfi præter jus usurpata, Stephano Dorenfi attributa fuit à Romano Pontifice: sic & deinceps credibile est alios atque alios institutos fuisse τοποτηρίας locum-tenentes, usque dum iterum resumptus est titulus Patriarchæ, Saracenis pacificam totius Orientis possessionem adeptis. Addit idem Papebrochius num. seq. 155. Theodorum locum-tenentem Patriarchæ Hierosolymitani, qui per Georgium presbyterum & monachum legatum suum subscripsit actis synodi sextæ generalis, eum esse qui in Latinis catalogis nominatur post Sophronium, perperam creditus pater Theodori Papæ, & causam errandi fuisse quod Theodorus Papa diceretur *filius episcopi de Hierosolyma*, quasi id foret idem ac *episcopi Hierosolymitani*; quum debuisset intelligi *Theodorus de Hierosolyma*, scilicet natus, *filius episcopi*, alicujus nimirum innominatæ civitatis sub Hierosolymitano Patriarcha constitutæ. Ita Papebrochius ultimum citatus. Tres itaque supra memoratos habemus, videlicet Stephanum episcopum Dorensem, Joannem Philadelphie episcopum, & Theodorum presbyterum, qui post Sophronii mortem usque ad synodum sextam generalem, id est ab anno verosimilius 643. vel 644. usque ad finem anni 680. ecclesiam Hierosolymitanam vicaria potestate administraverint. Verum quamdiu post eam synodum vixerit postremus iste Theodorus, & an alius ei successerit eodem modo vicarius, usque ad Joannem V. nos latet.

#### LIX. JOANNES V.

Ex Patriarcharum Hierosolymitanorum numero, supra expungendum ostendimus, col. 281. Anastasium quemdam, hominem confictum à Græcis, cujus subscriptio legitur inter cæteras episcoporum canonibus Trullanis appositas anno Christi 692. in hunc modum, to. 6. concil. Labb. col. 1188. *Anastasius humilis episcopus sanctæ civitatis Hierusalem*. Nullibi enim aliàs de eo episcopo vel levis mentio occurrit: testatur vero Anastasius

*Tomus III.*

A Bibliothecarius, nullum Patriarcharum (excepto Constantinopolitano, saltem ut probabile est) concilio quinifexto, ubi canones illi conditi sunt, adfuisse. Post istam itaque 60. circiter annorum ecclesiæ Hierosolymitanæ viduitatem, constitutus tandem est hujus sedis Patriarcha Joannes V. quem tabulæ Theophanis ipso primo Justiniani II. restituti anno, id est, Christi 705. renuntiatum ferunt, atque triginta annos episcopatum gessisse: *Hierosolymorum Joannes annos triginta*. Eutychius Alexandrinus Joannem post multos à Sophronii morte annos Patriarcham creatum quadraginta annis sedisse narrat. Hujus Joannis meminit S. Joannes Damascenus, in epist. ad Jordanem archimandritam, quæ extat Græcè & Latinè tom. 1. operum hujus sancti Joannis, recentioris edit. Paris. 1712. col. 480. de Hymno Trisagio. In ea enim epistola Joannem istum *divinissimum & hominem Dei* appellat, illumque ab Anastasio monasterii S. Theodosii præfecto immerito recenseri ait, ut qui hymnum trisagium soli filio decantari, non autem tribus sanctæ Trinitatis personis, existimasset. Hunc Damascenus sibi notissimum fuisse asserit: *Quidnam est, inquit, quod loquente & vivente sancto viro hæc minime de eo dicta sunt? Ecquis vero illum melius novit? nemo profecto: quippe qui nullam spiritualem vitam (seu doctrinam) spiravit, quam mihi, uri discipulo, non communicaret*. Papebrochius tract. prælim. in Act. SS. to. 3. Maii, n. 156. pag. 35. col. 2. E. F. conjicit Damascenum, ab eo Joanne accersitum, presbyterumque ordinatum, aliquandiu apud eum mansisse: epistolam autem modo citatam descriptam fuisse non multo post Joannis Hierosolymitani Patriarchæ obitum, qui circa annum Christi 735. aut 745. contigit. De eo intelligendus venit Theophanes, quando ad annum 13. Leonis Isauri, Christi 729. narratis quæ adversus hujus Imperatoris conatus in sacras imagines Germanus Constantinopolitanus Patriarcha, Gregorius II. Papa, necnon Joannes Damascenus gesserunt, addit, & Joannes cum Orientis episcopis anathemati impium supponit: Id vero eidem principi Damascenus comminatus fuerat in fine duarum priorum orationum quas pro imaginibus edidit, scilicet fore ut *ex Sion exeat lex, & verbum Domini de Hierusalem*, quo impietas ista proscriberetur. Extat Joanni Damasceno adscripta invectiva in Constantinum Copronymum, quæ in codice regio 2428. Joannis Hierosolymorum sanctæ civitatis archiepiscopi nomen defert; sed hujus Joannis foetus esse non potest, quantumvis supponatur Joannes iste, juxta Eutychii annales, annos 40. sedisse, id est ad ann. Chr. 744. aut 745.

T



quia lucubratio illa nonnulla Copronymi gesta in sacras imagines commemorat, quæ eam ante annum Christi 754. quo synodum suam adversus easdem Copronymus celebravit, scriptam non fuisse indicant. Hinc etiam non improbabili conjecturæ locus datur, huic Joanni V. fortassis successisse Joannem alterum, quem cum illo scriptores confuderint: maximè quum Theodorus vix ante ann. 754. aut 755. ecclesiæ Hierosolymitanæ regimen suscepisse videatur.

#### LX. THEODORUS I.

Papebrochius *tract. prælim. in Acta sancto- rum* 10. 3. Maii, n. 166. pag. 38. col. 1. A. B. observat, gementibus sub duro Saracenorum jugo ecclesiis Syriæ & Ægypti, atque inprimis Hierosolymitana, neminem fuisse qui in hac postrema sede successionem accuratam traderet, in idque solos inquisisse Latinos, postquam suis armis liberata urbs sancta est. Exinde enim turmatim effloruere scriptores belli sacri, ea quidem primum narrantes quæ sub ipsorum oculis gesta fuerant, sed nec omittentes, saltem aliquot eorum, notitiam scrutari præcedentium hujus ecclesiæ Patriarcharum, nonnullamque illorum seriem texere. Hoc tamen nec ipsi ita plenè assequi potuerunt, quin eorumdem Patriarcharum aliquot ipsorum diligentiam fugerent. Catalogorum istiusmodi, inquit, unum habemus in collegii nostri Brugenſis codice insigni membræneo, ubi post Roberti & Fulcherii Hierosolymitanam historiam, invenitur descriptio locorum circa Hierusalem adjacentium, & ad ejus calcem recensentur nomina, primo episcoporum ac Patriarcharum usque ad Fulcherium: deinde regum Judæorum ac Latinorum usque ad Balduinum III. tum principum Edessanorum, Galilææ, ac Tripolitanorum. Qui omnes finiunt circa annum 1150. Hunc catalogum Latinum sub nomine *manuscripti Brugenſis* aut *Rubeæ-vallensis* citandum monet imposteriorum idem Papebrochius; addit autem n. 167. prædictos catalogos in suis manuscriptis, initio perquam imperfectos esse, quippe qui præterierint *locum-tenentes* qui post Sophronii mortem ecclesiam Hierosolymitanam administravere, & ipsum quoque Joannem V. Patriarcham: ut ordinem successionis resumant in Theodoro de quo nunc nobis agendum est. Hujus meminit Theophanes ad annum 23. Constantini Copronymi, id est, Christi 764. ubi narrat pag. 365. Cosmam Epiphaniæ Syriæ episcopum à civibus suis delatum Theodoro Antiocheno Patriarchæ quod sacra vasa distraxisset, rectæ fidei desertorem factum, in Copronymi sententiam perversam adversus sacras imagines transiisse:

Ab idque ab eodem Theodoro Antiocheno, à Theodoro quoque Hierosolymitano, & à Cosma Alexandrino Patriarchis, ac ab eorum episcopis suffraganeis, die sancto Pentecostes, post evangelii lectionem, ab illorum singulis, in propriis ecclesiis, concordî animo, unaque voce, anathemati fuisse subjectum. Hunc Theodorum Hierosolymitanum, anno tertio Valid Califæ Abdalmaleci filii, Christi 607. ordinatum Patriarcham tradit Eutychius Alexandrinus, errore manifesto, ac triginta quinque annos sedisse. Constantinus Pseudo-Pontifex Romanus, qui Paulo I. defuncto anno 767. sedem apostolicam invasit, ad Pippinum Francorum regem scribens eam epistolam, quæ 29. est codicis Carolini, & refertur à Duchesne 10. 3. *hist. Franc. p. 826. C.* recepisse se ait synodicas quas Theodorus Hierosolymitanus ad Paulum mittebat. Itaque innotescimus (id est, notum facimus) excellentiæ vestræ, quod duodecima die præteriti Augusti mensis, quintæ Indictionis, conjuncti (legendum fortassis quintæ Indictioni conjuncti) ad nos à sancta civitate quidam religiosus presbyter, Constantinus nomine (venit,) deferens synodicam fidei missam à Theodoro Hierosolymorum Patriarcha ad nomen prædecessoris nostri Domni Pauli Papæ, in qua & reliqui Patriarchæ, id est, Alexandrinus, & Antiochenus, & plurimi metropolitani & episcopi Orientalium partium visi sunt concordasse, eamque cum magna lætitia suscipientes, atque amplectentes, in populo in ambone relegi fecimus, cujus exemplar in Latino & Græco eloquio vestræ excellentiæ direximus, ut cognoscatis qualis fervor sanctarum imaginum Orientalibus in partibus cunctis Christianis imminet. Scribebat suam hanc epistolam Constantinus anno 767. Excerptum quoddam ex ea Theodori synodica legitur in epistola Adriani I. Papæ ad Carolum Magnum, pro synodo Nicæna II. scripta probabiliter anno Christi 794. post concil. Francoford. quæ extat 10. 7. concil. Labb. Item, inquit Adrianus, *ibid. cap. 18. col. 924. A.* Ex synodico trium Patriarcharum, videlicet Cosmæ Alexandriæ, Theodori Antiochiæ, & Theodori Hierosolymæ, quæ in prædicto concilio (Romano anno 769. coacto sub Stephano III. Papa) relecta, ab omnibus fideliter honorata, & venerabiliter suscepta est, ubi post multa sanctorum Patrum testimonia, Theodorus Patriarcha Hierosolymorum inquit: Restat mihi tempus enarrandi de Abagaro Edesseno, & alia, aut similia sanctorum Patrum, quæ & vos melius cognoscitis. Persevera, sanctissime Pater, persevera in eadem bona fide, corroboratus super petram fidei, sicut Deiloqua vox affata est Apostolum Petrum: Tu es Petrus, &c. Verè non prævalebunt ei in sæculum sæculi. Cognitum facimus tibi sanctissimo



Domino, ego humilis Theodorus Patriarcha Hierosolymorum, & hi qui nobiscum sunt, Cosmas Patriarcha Alexandriae, & Theodorus Patriarcha Antiochiæ, id ipsum intelligimus, & credimus, sicut & vestrae sanctitati patet. Superius autem cap. 2. ibid. col. 919. D. E. diluens Adrianus quod contra hunc Theodorum objecerant qui synodum Nicænam II. rejiciebant: *Utrum Theodorus archiepiscopus Hierosolymorum rectè sentiat, qui quum Patrem sine principio penitus, & sempiternum se credere dixit, filium, nescio sub qua ambage verborum, non aliud principium quam Patrem agnoscentem, & ex ipso subsistentiam habentem professus sit?* Respondit Adrianus: *Iste Theodorus Patriarcha Hierosolymorum, cum cæteris præcipuis Patriarchis, videlicet Cosma Alexandriae, & Theodoro alio Antiochiæ, dudum prædecessori nostro sanctæ recordationis quondam Paulo Papæ miserunt propriam eorum rectæ fidei synodicam, in qua & de sacratissimis imaginibus subtili narratione, qualiter una cum nostra sancta catholica & apostolica universali Romana ecclesia, ipsi, cæteri Orientales orthodoxi episcopi, & Christianus populus sentiunt, & in earumdem sanctarum imaginum veneratione sincero mentis affectu ferventes in fide existunt, studuerunt intimandum. Quam synodicam in Latino interpretatam eloquio prædecessor noster sanctissimus Dominus Stephanus Papa, in suo concilio, quod & ipse pro sacris imaginibus, una cum diversis episcopis in partibus Franciæ, seu Italiæ fecit, suscipientes ac relegentes, placuerunt, tam de diversis Francorum Patrum testimoniis, quam de symbolo fidei, ubi facti (fati) sunt dicentes: si quis alium terminum fidei, sive symbolum, aut doctrinam habet, præter quod traditum est à sanctis, magnis, & universalibus sex synodis, & confirmatum est ab his sanctis patribus qui in iis convenerunt, & non adorant imaginem sive figuram D. N. J. C. neque humanationem ejus constituentur, sicut qui descendit & incarnatus est propter genus humanum: talem impium anathematizamus, & alienum extraneumque deputamus sanctæ, catholicæ, & apostolicæ ecclesiæ, & cætera quæ longum est enarrari. Et ideo prædictus Theodorus archiepiscopus taliter professus est, sanctorum Patrum sequens doctrinam, &c. Nec quisquam sibi persuadeat Theodori epistolam, de qua hic loquitur Adrianus, eam esse ejusdem Theodori epistolam synodicam, quam Orientis monachi Tarasius Constantinopolitano Patriarchæ miserunt, quæque lecta est act. 3. synodi Nicænæ II. tom. 7. conc. Labb. col. 175. C. D. Nam, præter quam quod verba ab Adriano recitata non reperiuntur in illa epistola; insuper clarum est ea ab illo referri, quasi ex epistola quam Carolus Magnus, eique con-*

Tomus III.

A sentientes episcopi non legissent in actis synodi Nicænæ II. licet iidem nonnulla epistolæ Theodori, quæ in illis actis extat, minus intellecta fugillassent, ut supra vidimus. In litteris autem quas monachi modo memorati ad Tarasium Patriarcham Constantinopolitanum scripsere, ut ipsi, totique synodo convocandæ, epistolam Theodori ejus fidei professionem continentem transmitterent, hæc aiunt: *Porro ad munitionem humilium litterarum nostrarum, satisfactionemque beatitudinis dominationis vestræ, atque victorum & triumphatorum Imperatorum nostrorum, conspeximus etiam exemplar synodicorum Theodori sanctæ memoriæ Patris nostri & Patriarchæ Hierosolymorum, subjiciendum his quæ scripta sunt à nobis. Hunc autem libellum, secundum solitum ecclesiæ ritum, idem sanctæ recordationis scriptis beatissimis & almi termini sanctis Patriarchis, Cosmæ scilicet Alexandriae, & Theodoro Antiochiæ Theopoleos, qui & reciproca synodica eorum, dum adhuc viveret, recepisse dignoscitur. Incolumes vos, &c. Sequitur deinde: Exemplar synodicorum Theodori sanctissimi Patriarchæ Hierosolymorum. Credimus igitur, &c. Incipit nimirum epistola illa synodica ab integra catholicæ fidei professione. Sic vero terminatur ibid. col. 186. His itaque synodicis nostris libenter acceptis, sanctissimi, si quid inventum fuerit in illis emendatione indigens, sine invidia vestra Deo plenæ doctrinæ nos participes facite, & ad remittendum ea nobis correctæ estote precabiles, ut concorditer ex hoc fidelibus utrisque, id est, vobis & nobis inventis, glorificetur Pater, & Filius, & Spiritus sanctus, nunc & semper, & in sæcula sæculorum, amen. Post lectionem autem hujus synodicæ Theodori Hierosolymitani, Petrus & Petrus Deo amabiles presbyteri, & locum-tenentes sanctissimi Papæ Adriani senioris Romæ dixerunt: *Acquiescimus, &c. Et paulo inferius iidem: Benedictus Deus, quia Orientis sanctissimi summi sacerdotes concordēs in orthodoxa fide, & adoratione venerabilium imaginum, sanctissimis Adriano Papæ Romano, & Tarasio Patriarchæ novæ Romæ inventi sunt. Ibid. col. 186. D. E. Quum autem asserant prædicti monachi Orientis, hanc Theodori Hierosolymitani synodicam, ab illo datam fuisse Cosmæ Alexandriae & Theodoro Antiochiæ Patriarchis, juxta solitum ecclesiæ ritum; nihil vetat quin eam esse censeamus, quam Theodorus iste, statim ab ordinatione sua, ut tunc ecclesiæ leges & consuetudo ferebant, ad Orientis Patriarchas orthodoxos dederit. Constat itaque Theodorum ad sedem Hierosolymitanam fuisse evectum, dum Cosmas orthodoxus ecclesiam Alexandrinam regeret, & alter Theodorus pariter orthodoxus Antiochenam: At**

T ij



quonam præcise Christi anno id contigerit, non item constat. Papebrochius *tract. prælim. ad Act. SS. tom. 3. Maii, num. 170. pag. 38. col. 2. F. & p. 39. col. 1.* A. ait: Hinc porro facile erit intelligere quo anno Theodorus sedere cœperit. Etenim Elmacinus *lib. 1. hist. Sarac. cap. 17. p. 82.* Anno, inquit, Heg. 118. (apud Elmacinum legitur *Hegiræ 108.* qui annus incepit mense Maio anni Christi 726. sed si legi debeat 118. hic Hegiræ annus cœpit die 20. Januar. anni Christi 736.) obiit Alexander Patriarcha Jacobitarum Alexandriæ, in cuius locum substitutus est Cosmas, qui ut menses sedit quindecim, vita quoque defunctus est die ultimo Baunæ (id est, 24. Junii) dicitur quoque (Patriarcha) factus anno ultimo Leonis (videlicet Isaurici) regis Romanorum, defuncti 18. Junii, anno 741. Præfuit ergo Cosmas à mense Martio anni jam dicti, ad mensem Jun. anni sequentis (742.) Porro, si Cosmas ille Alexandrinus Patriarcha sedere cœpit anno Heg. 118. Christi 736. & quindecim mensibus elapsis mortuus est anno sequenti Hegiræ 119. Christi 737. quomodo inaugurari potuit Patriarcha anno ultimo Leonis Isaurici defuncti die 18. Junii anni 741. & decedere anno sequenti?.... Manet interim, subdit Papebrochius, quod Hierosolymitanus Theodorus ordinatus fuerit, saltem anno 742. Verum alius profecto fuit Cosmas ille Alexandriæ Patriarcha, qui tempore hujus Theodori sedebat, utpote qui non Jacobita audierit, nec quindecim duntaxat mensibus suam ecclesiam rexerit, sed adhuc vixerit anno 764. imò & anno 767. Theophanes ad secundum Constantini Copronymi annum (Christi 742.) de Cosma quodam Alexandrino Patriarcha loquitur, qui tunc non recens inauguratus erat. Eodem etiam anno, inquit, pag. 349. Cosmas Alexandriæ Patriarcha cum ipsa civitate, Monothelitarum pravitate à Cyri qui sub Heraclio vixit temporibus eam civitatem obtinente abjurata, & errore cognito, ad orthodoxam ecclesiam rediit. Doctissimus Renaudot. in *hist. Patr. Alex. pag. 205.* dicit hunc Cosmam primum Patriarcham Alexandrinum fuisse inter Melchitas seu Orthodoxos, ex quo Ægyptus in Arabum potestatem venit. Quum autem, inquit, hæc melius Jacobitis Eutychius scire potuerit, verba ejus apponemus, ex *tom. 2. pag. 385.* quia multum ad obscurissimi illius temporis historiam conferunt: Anno Califatus Hishami septimo (Elmacinus *lib. 1. hist. Sarac. cap. 17. p. 83.* habet anno tertio) constitutus est Cosmas Patriarcha Alexandrinus, qui 28. annos sedit, dein mortuus est. (Idem Elmacinus *pag. 79.* apud Pagium *10. 3. crit. annal. Baron. ad annum 723. num. 8.* docet

A Jesidum Saracenorum Califam, anno Heg. 105. die 25. Siaabani, id est, die 4. Februar. anni Christi 724. mortuum esse, & imperasse annos 4. & mensem unum, & *pag. 80.* tradit ei successisse Hishamum ejus fratrem, qui inter Saracenorum Califas decimus-septimus numeratur. Tertius itaque hujus Califæ annus fuit Christi 726. septimus vero fuit Chr. 730.) Orabant autem Christiani Melchitæ Alexandriæ in ecclesia S. Sabæ, quum Jacobitæ jam omnes ecclesias occupassent. Cosmas autem qui Patriarcha constitutus est idiota fuit, qui nec legere posset, nec scribere, quum ars illi esset acus conficere. Huic, quum Damascum ad Hishamum filium Abdelmelic profectus esset, concessæ sunt, ope quorundam qui in aulico ministerio ab actis & epistolis erant (non eruditorum, ut male in versione Pocockii legitur) ecclesiæ quas occupaverant Jacobitæ, scripsitque Hishamus ad præfectum Ægypti suum, qui fuit Abdalla filius Gihani Sakuensis, ut ecclesias quæ in manu Jacobitarum erant, repetitas Cosmæ Patriarchæ traderet, & quodcunque earum nomine comprehenderetur. Accepit ergo Cosmas Patriarcha à Jacobitis ecclesias, atque inter cæteras ecclesiam Kaisariæ. Si quidem ab eo tempore quo Georgius Patriarcha Alexandria Constantinopolim fugit, anno 3. Califatus Omari filii Elkittabi, donec constitueretur Cosmas Alexandriæ Patriarcha anno septimo Califatus Hishami, fuit cathedra Alexandrina absque Patriarcha Melchita, spatio scilicet annorum 97. occupaverantque Jacobitæ omnes ecclesias, tam Ægypti, quam Alexandriæ. Quumque opus haberent Nubii episcopis, ordinavit Patriarcha Jacobitarum ipsis episcopos: atque ex eo tempore Jacobitarum sententiam amplexa est Nubia: & quotiescunque moreretur in aliqua urbe Ægypti episcopus, alium ipsis constituit Jacobitarum Patriarcha. Adeoque facta est Ægyptus, tam superior quam inferior, Jacobitica; excepta ecclesia Michaelis quæ est in Kasser Elchema, hoc est, arce candelarum seu luminum. Illam scilicet retinuerunt Melchitæ, atque in ea orabant: quumque moreretur ipsis episcopus, ad Tyri metropolitam mittebant, qui ipsis episcopum ordinabat. Neque ita se habere desit Melchitarum in Ægypto & Alexandria status, usque ad Cosmam Patriarcham. Hæc fusius à nobis descripta sunt ipsius auctoris verbis, subdit Renaudot. quia multa nos docent, quæ apud auctores alios frustra quærerentur: nam qui res Melchitarum descripserit, præter Eutychium, habemus omnino neminem. (Hanc eandem historiam refert ex Eutychio Elmacinus supra citatus.) Ex illa autem narratione discimus, per annos 97. aut circiter, nempe ab initio Imperii Muhamedanorum in Ægypto, orthodoxos Alexandriæ nullum habuisse Patriarcham:



neque in tam longa calamitate adduci potuisse ut cum Jacobitis communicarent, aut eorum episcopis se subjicerent. Annus septimus Hifchami est Hegiræ 112. Christi 730. ut jam supra dictum est; quo (tamen) tempore nulla hujus Cosmæ apud Græcos memoria occurrit; tanta fuit rerum in Oriente gestarum per Arabes obscuritas. At circa annum 742. Theophanes scribit Cosmam Patriarcham Alexandrinum cum suis abnegata Monothelitarum hæresi, ad ecclesiæ catholicæ communionem accessisse; quod Eutychius ignoravit, etsi plura quam authores Græci aut Latini, de prædecessoribus suis scivisse videatur. Neque est quod suspicemur (sunt semper verba Renaudotii) ignotam illi fuisse Monothelitarum sectam, cujus (utique) originem ad Maronem quemdam monachum refert, à cujus nomine non aliter eos appellat quam *Maronitas*; reclamantibus tamen recentioribus è Libano *Maronitis*. (Quid porro huic Eutychii Alexandrini auctoritati reponant illi recentiores Maronitæ jure ne, an immerito, vide superius ubi de Maronitis, à col. 25. usque ad col. 31.) Præfatus Papebrochius, in *hist. chronol. Patr. Alexandr. præfixa Act. SS. tom. 5. mens. Jun. pp. 77. 78. & seq.* relatis supra citatis Theophanis, Eutych. Alexandr. & Elmacini testimoniis, subdit n. 411. Meminit etiam Marquardus..... *Cosmi Patriarchæ Alexandrini*, quem reducit ad annum 743. nullo alio Patriarcha, nec ante, nec post hujus tempora nominato. Hæc nos dubitare non sinunt, quin præter Cosmam Jacobitam, quindecim mensium Patriarcham, alter synonymus sederit, Monothelita primum, deinde catholicus; quique annos minimum sexdecim thronum illum obtinuerit (longè diutius sedit, quippe qui annis Christi 764. & 767. adhuc superstes erat) cæteris, quæ ad eum spectant, scriptorum negligentia prætermisissis. Quod ad Theodorum Antiochenum Patriarcham attinet, qui hanc sedem occupabat, sedente simul Alexandria Cosma pro Melchitis, quum Theodorus noster ecclesiæ Hierosolymitanæ clavum suscepit; non videtur Theodorus ille Antiochenus ea dignitate fuisse auctus ante annum Christi 752. aut etiam 754. Nam, ut tradit Papebrochius *tract. prælim. in Act. SS. tom. 3. Maii, num. 170. pag. 39. col. 1. A. ex Elmacino*, post mortem Joannis constituti anno 1. Hifiami, id est, Christi 723. mansit ecclesia Antiochena sine Patriarcha, usque ad tempora Abdallæ Saffahi 22. Califæ, qui cœpit regnare anno Christi 749. Dicunt, inquit Elmacinus, *lib. 1. Saracen. hist. cap. 17. pag. 82. constitutum Antiochiæ Patriarcham, nomine Joannem, post obitum Athanasii Patriarchæ ejus, anno primo imperii Hifiami, contra*

A quem insurrexerunt episcopi sui: at facta deinde pace, obiit: mansitque ecclesia sine Patriarcha ad tempora usque Abdallæ Saffahi. Item *lib. 2. cap. 2. pag. 98. Tempore autem Saffahi jussit Constantinus (Copronymus) episcopum Ishacum constitui Patriarcham Antiochiæ & Orientis, quia is eum adierat, eique ministraverat antequam imperaret, fuitque in mandatis Imperatoris, ut quicumque ei resisteret interficeretur: & occisus ejus causa est Matraninus. Misitque ipse synodicam ad Abnachaiem Patriarcham Alexandrinum, & epistolam qua jubebat ut eum admitteret, aut ad se veniret. Verum is neque admisit, & (neque) ad iter se paravit. Venitque rumor in Ægyptum Ishacum obiisse Antiochiæ, sedemque occupasse quemdam nomine Athanasium, idque subito factum fuisse ante solis occasum. At hoc secundo die mortuo, constitutus est alius nomine Georgius, quem aliquanto post in gratiam episcopi cujusdam sibi amici removit Abugiasar Almanfor, episcopo in ejus locum successore. Atque hic non scripsit synodicam ad Patriarcham Ægyptiacum. Episcopus iste non nominatus, verosimiliter Theodorus est, qui subinde sedem Antiochenam non conscenderit ante annum Christi 754. quum Abugiasar Almanfor, sub quo promotus dicitur, eo duntaxat anno Califatum obtinuerit. Præterea monet Pagius *tom. 3. crit. anal. Baron. ad annum 751. n. 10. pag. 280. col. 1. Theophanem ad annum 10. Constantini Copronymi, (Christi 751.) hæc habere: mensis Desii (id est, Junii) die 29. sanctissimus Antiochiæ Patriarcha Theophylactus morte obdormiit. Et anno sequenti (Chr. 752.) Theodorus vicarii filius è minori Armenia oriundus, Antiochiæ Patriarcha consecratus est. Anastasius in versione Theophanis dicit Theodorum hunc sedisse annos sex: diutius tamen vixisse ex jam supra dictis & modo repetendis manifestum fit. Mittendus hic ergo est Eutychius *to. 2. anal. pag. 399. ubi ait, constitutum esse Theodorum Patriarcham Antiochenum anno (Califatus Jaafari Almanfuri) vigesimo (Arabico scilicet, qui inibatur juxta tabulas Gravianas mense Novembri anni Chr. 772.) inquit doctiss. Bollandi successores Theologi, in histor. chronol. Patr. Antioch. tom. 6. actorum sanctorum Julii præfixa, num. 544. pp. 115. F. & 116. A. Anno Christi 757. in exilium pulsus est. Ut enim scribit idem Theophanes ad annum Copronymi 16. apud eundem Pagium ad annum 756. n. 5. p. 302. col. 1. Hoc anno (Christi 757.) terræ motus haud levis in Palæstina & Syria contigit mensis Martii die 9. Theodorus Antiochiæ Patriarcha in exilium deportatus est, Arabum invidia, qui frequentioribus litteris ad Imperatorem Constantinum (Copronymum) scriptis res Arabum***



eum manifestare criminati sunt. Quare patriarchatus terminis extorrem in provinciam Moabitidem, quæ fuit ejus patria, transferendum, Salem Arabum dux edixit, &c. Restitutus erat suæ sedi anno 23. Copronymi, Christi 764. sui vero patriarchatus 10. aut 12. quo, ut supra dictum est, ex Theophanis chronogr. pp. 364. & 365. & refertur à Pagio ad annum 763. num. 11. Cosmam Epiphaniæ præsullem, Iconoclastam factum, simul cum Cosma Alexandrino, & Theodoro Hierosolymitano, ac suffraganeis ipsorum episcopis, die sacro Pentecostes, singulis in propria sede residentibus, anathemate perculit. Palam est Elmacinum, de episcopis Antiochenis quos supra citatos recensuit, cum Theophane non convenire qui Theophylacto anno Christi 744. promotus, & anno 751. defuncto subrogatum narrat anno sequenti 752. Theodorum: nisi fortassis episcopi Antiocheni ab Elmacino memorati, ad hanc sedem evecti fuerint, alii quidem opera Constantini Copronymi, alii vero favore Califarum, ut revera ipsemet testatur, dum interim federet Theophylactus, quem nescio quam ob causam prætermisit Elmacinus. At nihilominus ex his omnibus colligitur, quoad epocham ordinationis Theodori Hierosolymitani constituendam, supposito quod ejusdem Theodori Hierosolymitani epistola à clero Hierosolymitano ad synodum Nicænam secundam & septimam generalem transmissa anno Christi 785. ea ipsa fuerit, quam Theodorus ille ad suos collegas orthodoxos Patriarchas Cosmam Alexandrinum & Theodorum Antiochenum scripsit, ut iisdem, tum ordinationem suam denuntiaret, tum professionem fidei secundum ritum tunc in ecclesia observatum exponeret, quod fere indubitatum videtur; colligitur, inquam, Theodorum istum ecclesiæ Hierosolymitanæ non suscepisse regimen saltè ante annum Christi 752. aut etiam 754. post inaugurationem scilicet Theodori Antiocheni. Colligitur insuper ex anathemate ab ambobus illis Theodoris & Cosma Alexandrino anno Christi 764. in Cosmam Epiphaniæ antistitem lato, tres illos Patriarchas adhuc eo anno fuisse superstites, ac proinde Cosmam Alexandrinum amplius 28. annis sedisse, quidquid secus asserat Eutychius, siquidem ab anno 730. ad 764. non 28. duntaxat anni, sed 34. aut 35. numerantur. Colligitur quoque ex epistola Theodori Hierosolymitani ad Paulum I. Rom. Pontif. anno 767. defunctum directâ, quam Constantinus Pseudo-Papa ad Pippinum regem misit, Theodorum hunc eo anno 767. nondum fato functum fuisse. Colligitur denum ex eo quod uterque Theodorus, Antiochenus

A nempe & Hierosolymitanus, ante ann. 752. aut etiam fortassis 754. non fuerint ordinati; Joannem V. Theodori Hierosolymitani prædecessorem, qui anno 705. eam sedem capeffivit, hanc non tantum annos 30. tenuisse, aut 40. sed 47. & amplius: vel ab ejusdem Joannis V. obitu, per plures annos viduatam mansisse ecclesiam Hierosolymitanam; vel inter præfatum Joannem & Theodorum, aliquem alium extitisse Patriarcham, qui Joannes quoque nominari potuerit, & lucubrationis pro sanctis imaginibus adversus B Constantinum Copronymum superius memoratæ, ubi de Joanne V. in fine, fuerit auctor, licet fortassis illum ab eodem Joanne V. non distinxerint scriptores: ut enim is non ante annum 754. hanc orationem edidisse videtur; ita nec eundem pariter præcessisse annum videbitur Theodori ordinatio. Verum quo usque, ultra annum Christi 767. vixerit Theodorus iste, hætenus nobis incertum est. Eusebius quidam Hierosolymitanæ sedis antistes memoratur in vita sancti Madelvei Virdunensis episcopi, quum C sanctus iste anno circiter 772. aut 773. perrexisset Hierosolymam: At hujus patriarchatus ad minus valde incertus est, ut modo patebit.

## LXI. EUSEBIUS.

De eo Eusebio multi dubitant, an inter Hierosolymorum antistites computari debeat, quia in indice Latino ms. Patriarcharum hujus ecclesiæ, nulla de eo mentio reperitur, sed Theodori successor assignatur Elias. Prædicti catalogi, inquit Papebrochius infra citandus, num. 167. Theodoro successorem subjungunt Eliam. Eusebii itaque nulla aliunde nobis suppetit notitia, quam ex vita sancti Madalvæi sive Madelvei Virdunensis episcopi, cujus memoria colitur die 4. Octobris. In hac scilicet vita ab Hugone Flaviniacensi in chronico, sub finem sæculi XI. descripta, & à Labbeo 10. 1. Biblioth. edita, refertur Madalvæum abbatem ecclesiæ sancti Vitoni, qui obedientia cunctis subditus erat, justitia insignis, & fortitudine conspicuus, his præcurrentibus meritis ad sedem Virdunensem cunctorum votis fuisse evectum anno ab Incarn. E humani Verbi 753. inquit Hugo Flavin. apud Labb. citat. pag. 104. Pippino jam monarchiam adepto (hanc autem Pippini inaugurationem factam anno Christi 752. multis probat Pagius tom. 3. crit. annal. Baron. ad eum annum n. 1. & seqq.) Erat autem tunc civitas illa, ob incursiones barbarorum, bellis attrita, obsidionibusque fatigata; ac templis ejus pollutis, officia divina tam diei quam noctis negligebantur. Sed Madalvæus clericos regulariter vivere docuit, Pippinumque



adivit, vastitatem urbis, & plebis calamitatem illi denuntiavit, auxiliumque ab eo obtinuit. Devotionis deinde causa primum Romam sub Adriano I. qui electus fuerat die 9. Febr. an. 772. petiit, à quo benignè exceptus fuit: deinde Hierosolymam. Quo statim atque appulit, ut legere est pagina ejusdem Labb. modo citati 112. *introivit in tabernacula ejus, omnem locum sanctum fide & amore frequentans, qui est super omnia Dominum in eis adorans, sepulcrum Jesu Nazareni crucifixi lacrymarum imbre die quotidie rigans, Christumque resurgentem à morte, glorificans & adorans.* B Nuntiatur interea Patriarchæ Eusebio qui tempore illo sanctam gubernabat ecclesiam Sion, Madelvei reverentissimi erga Christum devotio, circa loca sancta diurna jugis pernoctatio, carnis propriæ maceratio. Hic igitur his auditis moram pati nesciens in quærendo, inventum amplectitur continuo, miratus in eo vultum angelicum, sermonem modestum, mitem gressum, habitum reverendum.... Quumque eum retinere cogitaret diebus vitæ suæ omnibus, revelatione est divina admonitus, ne propriis intentus, aliorum invideret utilitatibus, nec vellet habere peregrinum, quem suspirabant filii Patrem angelicum. Hoc tonitruo perculsus, dixit ad eum tremebundus; voluntatis meæ fuit, frater mi, te à me unquam nolle separari: sed quia Deo nequimus reniti, revertere, dilecte mi, egredere, & abi post vestigia gregum tuorum, &c. His dictis multorum pretiosas sanctorum reliquias efferens cum calice crystallino opere mirifico sculpto, ei obtulit dicens: accipe, o chare meus, hoc mutui amoris pignus: Annuat Christus Dominus his ac reliquis sanctis intervenientibus, ut iterum nos videamus cum gaudio in cælestibus. Tandem ora, manus, oculosque alterutrum exosculantes, bona prosperaque sibi imprecantes, ab invicem divisi sunt flentes. Madelveus itaque sepulcrum Domini, locumque Ascensionis ubi steterunt pedes ejus iterum iterumque revisens ac deosculans, nativum solum revisere deliberavit. Ejusdem Madelvei obitum his verbis narrat præfatus Hugo, apud Pagium ad annum 776. num. 15. pag. 352. col. 1. & apud Labb. citat. p. 117. Anno 776. (supra dixerat ille auctor apud eundem Labb. pag. 116. anno 777.) qui erat regni Caroli nonus, obiit Madelvæus E

A (vel sequenti 777.) cujus felicem transitum tot notis ad eum annum Hugo Flaviniacensis firmavit, inquit Pagius *ibid.* ad annum 767. n. 7. pag. 326. col. 1. ut si qui in eo characteres reperiantur, qui opinioni (de ejus obitu eo anno) refragentur, absque ulla hæsitazione corrigendi sint, ut rectè scribit Cointius anno 776. num. 35. quod & de aliis characteribus chronologicis, in quibus is auctor sibi aliquando non constat, etiam asserendum. Quæ enim ad Madalvæum spectant, egregiè calluit, licet quum sub finem sæculi XI. (ut jam dictum est) chronicon suum scripserit, in his quæ ad historiam generalem pertinent, non raro offenderit. Papebrochius tamen (sunt semper verba Pagii) in historia chronologica Patriarcharum Hierosolymitanorum quam tomo 3. SS. mensis Maii præfixit, sequutus Richardum Wassemburgium lib. 2. antiquit. Galliæ Belgicæ, existimat Joannem (V.) inter & Theodorum sedisse *Eusebium*, & Theodorum (præfatum) ad thronum Hierosolymitanum circa annum 741. evectum fuisse. Suspiciatur etiam post Theodorum ecclesiam C Hierosolymitanam *Basilium* (quemdam) obtinuisse: Basilium enim istum Wassemburgius scriptor sæculi XVI. in vita sancti Madalvæi, Eusebio substituendum contendit. At, quum ex dictis constet, pergit Pagius, Theodorum Joanni (V.) successisse, annoque 766. & currenti (767.) sedem illam adhuc rexisse, manifestum est Wassemburgium, vitam sancti Madelvæi potius perturbasse, quam explicasse, & *Basilium*, quem sine fundamento obtrudit, *episcopum fictitium esse*. Hæc Pagius loco ultimum citato. Videat prudens lector D an vita illa Madelvæi, ab Hugone Flaviniacensi in chronico suo descripta, & à Richardo Wassemburgio iterum exarata, sufficiat ut *Eusebius* iste merito Patriarchis Hierosolymitanis annumeretur: &, vel ante Theodorum, cum Richardo Wassemburgio qui iter Madelvæi an. circiter 757. assignat, nulla tamen cur id faciat ratione allata, ut fatetur Papebrochius; vel post Theodorum, cum Hugone Flaviniacensi qui idem Madelvæi iter ad annum 772. aut sequentem 773. circiter refert, tunc Hierosolymis sedisse existimetur.

## LXII. ELIAS II.

## THEODORUS sedis invasor.

Theodoro I. *Eliam II.* in indice seu catalogo Latino Patriarcharum Hierosolymorum, proxime subjungi jam supra dictum est: pri- col. 300.  
mum ejus episcopatus annum, decimo-septimo Hismi Califatus anno, qui fuit Christi 740. adnectit Eutychius Alexandrinus, sed perperam omnino; siquidem Theodorus, qui ante eum ecclesiam Hierosolymitanam rexit,



vivebat adhuc an. 767. quo synodicam suam de sacris imaginibus ad Paulum I. Roman. Pontif. misit. At certè Elias Patriarcha erat anno 787. in vita enim Tarasii episcopi Constantinopolitani, quam ab Ignatio diacono editam refert Bollandus tom. 3. Februar. ad diem 25. legitur, num. 19. pag. 580. col. 2. F. *Tarasius quoque (Nicæam) venit (anno 787. ad celebrandam in ea urbe synodum VII.) ex urbe regia, ex apostolicis sedibus assumens secum eximios quoslibet & præstantissimos (viros;) nempe ab Adriano quidem Papa Romano Petrum primum presbyterum, & Petrum monachum & præfectum.... A Politiano (autem) sacratissimo Papa Alexandrino Thomam monachum & presbyterum; & à Theodoro Patriarcha Antiocheno, & ab Elia principe pastorum Æliæ, Joannem monachum presbyterum & syn-cellum.* Initio Act. VII. tom. 7. concil. Labb. col. 879. C. habetur: *Joanne & Thoma religiosissimis presbyteris & monachis, agentibus vicem sedium apostolicarum Orientis diæcesis.* & col. 887. D. in fine ejusdem Act. VII. quæ ultima fuit, sic subscribit Joannes, nulla de Thoma mentione facta, quia fortassis aberat, vel aliàs impediabatur: *Joannes miseratione divina presbyter & assessor patriarchatus, & vices agens trium apostolicorum thronorum Orientis, Alexandria, Antiochia, & Hierosolymorum, Patrum dogmatibus insistens, & catholicæ ecclesiæ inhærens, definiens subscripsi.* Scilicet statim atque Tarasius ordinatus fuit Patriarcha Constantinopolitanus anno 784. die Nativit. Christi, actum est de synodo œcumenica convocanda, inquit Pagius to. 3. crit. annal. Baron. ad annum 785. num. 4. quia Tarasius ipse eam dignitatem admittere noluit, nisi postquam Imperatores (Constantinus & Irene ejus mater) concilii indictionem promissere; ut scribit Ignatius in ejusdem Tarasii vita. Adhuc quidem pax, subdit Pagius n. 6. inter Imperatores & Saracenos durabat; facilis tamen accessus non erat ad regiones Saracenis subditas. Tarasius (itaque anno 785. paulo-post suam consecrationem) duos legatos misit ad Patriarchas Antiochenum, Hierosolymitanum, & Alexandrinum, qui eis septimæ synodi indictionem significarent, eosque ut ad eam venirent hortarentur. Legati per omnem Ægyptum & Orientem inter mille pericula iter fecere, quumque Hierosolymam pervenissent, (acceperunt).... Eliam ejus antistitem in exilium à Protosymbolo, sive Califa missum esse. Traditum tamen eis fuit exemplar synodicorum à Theodoro (Elia prædecessore) ad reliquos Patriarchas scriptorum, utique quando ordinatus est Patriarcha Hierosolymitanus. Quum autem denuntiaturum ipsis esset à monachis Syriæ ad

A quos diverterant, quam periculosum foret adire, sive Antiochenum, sive Alexandrinum Patriarchas; delecti sunt duo præstantissimi monachi Thomas & Joannes, quorum alter Patriarchæ Alexandrini, alter Antiocheni syn-cellus fuerat, ut Constantinopolim ad Imperatorem & Tarasium secreto proficiscerentur, locumque trium Patriarcharum Orientis in synodo tenerent. Sic igitur, verba sunt Baronii ad annum 785. num. 41. quum legatis (à Tarasio missis) eo modo interclusa videretur esse omnino via Patriarchas trium sedium B conveniendi, ne eos vacuos redire penitus sinerent monachi illi, synaxim habuerunt; deque his mutuo agentes, una omnium sententia illud decretum est, ut pro excusatione legatorum apologeticas ad Tarasium litteras redderent, quibus pariter de fide catholica trium illorum Patriarcharum eundem redderent certiore. Id constat ex ipsorum litteris quæ lectæ sunt Act. tertia synodi Nicænæ II. & ab eodem Baronio referuntur n. 42. & seq. ex Anastasio Bibliothecario, extant quoque tom. 7. conc. Labb. col. 170. & seqq. Titulus C est: *Sanctissimo ac beatissimo Domino Tarasio archiepiscopo Constantinopoleos & universali Patriarchæ, Orientis summi sacerdotes, & (alii) sacerdotes, in Domino salutem.* Incipiunt: *Sacratissimis ex divina Deitatis inspiratione libellis apostolicæ ac paternæ sanctitatis vestræ prælectis, beatissimi, nos humiles, & eorum qui desertum incolere gestiunt ultimi, tremore pariter & gaudio sumus detenti, &c.* Et multo post, ibid. n. 45. *Consideravimus igitur, sanctissimi, contaminatæ nationis cognoscentes contra nos infestationem, retinere hos qui missi sunt, & prohibere appropriare iis ad quos destinati sunt, ducentes hos in medium nostrum, & admonentes plurimum ne inducerent turbationem, imò (ut specialius dicamus) exitium quiescentibus, & Dei gratia pacificatis ecclesiis, vel populo miserabiliter jugo servitutis afflicto, & importabilium illatione tributorum oppresso. At illi hæc molestè ferentes, dicebant, quia in hoc destinati sumus, ut tradamus nostras in mortem animas pro ecclesia; & propositum sanctissimi Patriarchæ ac piissimorum Imperatorum perducamus in finem. Sed si in vestras tantum modo animas (diximus ad eos) cohauriretur periculum, haberet forte sermo vester aliquam firmitatem. At vero quia contra commune corpus procedit ecclesiæ, qualis erit profectus? Imò qualis non erit læsio, ædificium construere super putredinem & firmo fundamento privatum! & quomodo, inquit, vel qua facie ad eos qui nos miserunt redibimus, nihil eorum quæ secundum votum suum sperabant, omnino ferentes? Ad hæc deficientes nos, scientesque Deo amabiles fratres nostros, Joannem scilicet & Thomam,*

zelo



zelo divinæ orthodoxæ fidei adornatos, atque duorum sanctorum & magnorum Patriarcharum syncellos, quin & sanctificandos silentii amatores, diximus ad eos: Ecce tempus, fratres, acceptum salutis, & silentio excellentius: ite cum viris istis, & pro iis apologiam assumite, & enarrate viva voce quæ per litteras intimare Dominis nostris supra vires esse conjicimus. Nostis enim qualiter per pusillam accusationem exul factus sit à bis millibus signorum ille qui ad regendum thronum fratris Domini sortitus est Jacobi: οἷδατε ὅπως δὴ βραχυτάτης κατηγορίας ἐξόριστος γέγονεν ὑπὸ διχιλίων (μυλίων) σημείων ὁ τὸν θρόνον λαχὼν διέπειν τῷ Ἀδελφοδὲς Ἰακώβῳ. (Papebrochius sic ea verba refert tract. prælim. ad Act. SS. 10. 3. Maii, n. 171. p. 39. col. 1. Nostis, fratres, qualiter, per pusillam accusationem, exul factus sit ad duo millia milliarium is qui regendum thronum fratris Domini suscepit Jacobi: Elias scilicet Hierosolymorum Patriarcha) Quum autem opus Dei adimpleveritis, & apostolicam traditionem, quæ tenetur in ecclesiis per Ægyptum & Syriam Dominis nostris cognitam feceritis; tunc quod à vobis desideratur, (silentium nempe) amplectimini, &c. Qui quum Dei essent amatores, obedientiæ filii apparentes, obedierunt verbo nostro, &c. Verum, ô sanctissimi & beatissimi... benignè fratres nostros suscipite, & Dominis orbis absque subtractione vel timore humano præsentate. Habebitis enim eos scientes liquido trium apostolicarum sedium concinentem & concordantem orthodoxiam. Qui sanctas & universales sex synodos voce consona prædicant, &c. Et rursus inferius, ibid. n. 48. Porro ad munitionem, &c. quæ supra retulimus, ubi de Theodoro I. col. 294. Quod autem aiunt illi monachi Syriæ, de Eliæ Patriarchæ Hierosolymitani exilio, id elucidat Leontius in vita sancti Stephani Sabaitæ, filii fratris S. Joannis Damasceni, quam Græcè & Latinè nobis exhibent doctissimi actorum sanctorum editores Antuerpiani, 10. 3. Julii, ad diem 13. p. 531. De illo scilicet Leontio hæc observanda præmittunt num. 23. p. 529. col. 2. Laudato Biographo nomen Leontius, patria Damascus, vitæ institutio in laura S. Sabæ, scribendi ratio accuratissima, atque idcirco fide historica dignissima, partim collecta materia ex monumentis quæ auctor à fidelissimis testibus accepit, & perducta usque ad initium cap. 10. num. 115. partim deinceps ex iis quæ ipsemet observavit scriptor, spectator, ac testis, sanctoque per annos quatuor discipulus. Quæ probantur ex ejus verbis eodem n. 115. Et hæc quidem omnia, ut à viris fide dignis collegeram, pauperculus ego abjectusque Leontius conscripsi: quæ autem coram ipse vidi, & hisce auribus audiivi jam explanare aggredior. Nam supremum, quod

Tomus III.

A sacram ejus ex hoc mundo migrationem antecessit, quadriennium in sancti hujus disciplina posui. Id vero qua ratione sit factum, breviter edisseram. Post hæc à num. 116. suam patriam indicat, vitæque professionem, vehementes ac diuturnas luctas, animi perturbationes, gravissimosque ad desperationem impulsus. Subjungit etiam quonam modo à sancto curatus, atque in disciplinam ipsius admissus fuerit, & plura alia, quæ percensere longum esset, & ibidem legi possunt. Quo intelligitur plenissimam ipsum fidem mereri in omnibus quæ narrat, quam non mediocriter sibi conciliat, nominando personas, loca, tempora, aliaque, quæ res circumstant adjuncta..... Adde quod scribendi candor, orationis perspicuitas cum aliquo etiam conjuncta nitore, tanta sint, quantam in historico optimæ notæ desiderare quis possit.... Scripsit autem sub initium sæculi ix. ut ex his ejus verbis n. 136. colligitur: *Erat tum diaconus, qui modo Theadelphici (id est Hierosolymitani) throni gubernacula suscepit, dominus Thomas, &c.* Thomas enim ille Patriarcha jam erat anno 807. ut constat ex annalibus Francorum ab anno 741. ad ann. 814. deductis, apud Andr. Duchesne tom. 2. *Francicor. monumentor. pag. 44.* Circa annum igitur 807. scribebat Leontius vitam sancti Stephani Sabaitæ. Dolent de iis actis præfati editores supra n. 20. p. 529. col. 1. A. post Papebrochium, quod sint Acephala in suo codice probatissimo annorum plusquam 600. Petri Seguierii Franciæ Cancellarii, quem descripsit idem Papebrochius anno 1662. nec aliud hæctenus sibi occurrerit exemplar quo ista resarciretur jactura. Sic itaque Leontius exilii Eliæ exponit causam, cap. 5. pag. 549. *Fuit quidam, Theodorus nomine, rebellis admodum Deo, superbus, atque, ut rerum eventus docuit, infelicitissimus; forma habituque monastico, tanquam ovis vellere, externam obtexerat speciem, quum lupo intus rapax lateret, mentemque recondere immanissimam.* Huic amicus quidam erat, cognomento Basilus, proximam namque ei in spudæo αὐδαίῳ (à αὐδαίω studeo, quia studium erat five Academia ordinata ad cleri instructionem) sanctæ Christi Dei nostri resurrectionis cellam obtinebat. Die igitur quadam Basilium hunc adiit Theodorus..... quamque sibi infestissimus superbiæ spiritus cogitationem suggererat explicuit hunc in modum: *Nosti, candidissime mi, sincerissimam quam tibi semper exhibui dilectionem, quamque etiamnum amicitiam conservo: unde ne animi quidem mei motus intestina mihi acerrimæque bella concitantes celare te potui, imò vero ut aperiā nunc adveni. Ingens miserè me modo excruciat desiderium, & cupidus intolerabilis, ut pulso per me, fugatoque*

V



hierarchica dignitate Domno Elia, Theadelphico Hierosolymitanæ ecclesiæ throno potiar. Sed utinam quid eo negotio futurum sit ante sciam, quam ad illud aggrediendum accingar, ut sic illi me in conficiendo possim accommodare. Non enim te latet quantum gratia apud Phosati symbolum (id est, arcis præfectum) valeam; quantoque etiam plus, (neque enim parum interest,) frater apud eundem meus: medicus est namque, ut scis, utilissimus, scientiaque & fama multos antecellens. Exorari ergo se sinat spiritalis amicitia tua, ac mecum in sancti Patris nostri Sabæ præclaram lauram, ad sanctum Stephanum eremitam comiteris, ut ex eo, quem res quam intendimus eventum sit sortitura, discamus. Hoc igitur adscito comite, (quippe qui, præter animi consilium, ejus tandem adhortationibus cesserat,) ad senem pervenit, tunc quidem per quadragesimam in inferioribus eremi Calamonis recessibus uni sibi attentum; tum sic eum obsecrare simul ambo aggressi sunt: sanctitatem tuam oramus, Pater, ut causam nobis edisserat quæ huc nos adduxit; tum quis futurus sit illius eventus. Quibus senex divina mente præditus: Unde ego, inquit, miser & peccatis plenus, ea quæ sunt in corde possim cognoscere? unde, quæ sunt futura, præscire? Deo utique soli ista conveniunt; & excelsa virtute hominibus, scelerisque puris, & ad illum qui puritas ipsa est accedentibus propius, atque ejus largitione liberali, ac influente perpetuo gratia dignatis: at isto in numero haud quaquam sum ego; sed longissimo illinc absun intervallo, neque ad talem gradum provectus sum. Date igitur mihi, fratres, hanc veniam, neque hæc à me postulate, quæ vires meas nimium excedunt. Quum (vero) instarent illi multa prece, hæc senex modestus adjecit: Quoniam nostra flagitationibus urere pergitis viscera, tum si renuntiaveritis quid velitis, solum fortassis edicere id vobis possum, quid exinde consequuturum sit. At illi: Neque tu, neque alius quispiam id unquam ex nobis audiet. Tum iterum ad eos sanctus senex: itaque, ait, trium mihi dierum terminum figite, tum revertimini; expediamque ego vobis, per Dei gratiam, quæ futura sunt. Evoluta igitur hoc spatio quum adessent illi, severissimis his eos sermonibus pro auctoritate sanctus senex increpuit: O miserrime ærumnosi, hanc ex me rem, saluti renuntiantes vestræ, exquisitum venistis? Tu vero, ô mortaliū omnium infelicissime ac dementissime Theodore, eo insanix, arrogantixque devenire potuisti, ut evadere studeas Patriarcha? Eo personatam hanc præfers pietatem, zizaniorum satori, cordiumque corruptori diabolo obsequens, vocis contemptor evangelicæ quæ dicit: Qui se exaltat humiliabitur, & qui se humiliat exaltabitur. An ignoras superbæ mentis vitio nihil esse perniciosius? Nescis, per quod erigere se quisque

Anitur, per illud ipsum confundi, atque omnium oculis abjectissimum exhiberi oportere? Jam oblitus es quæcunque à magistris de superbia tradita sunt? Væ tibi, væ tibi, omnium qui vivunt maxime miserabilis! nam & me, & Christianum quemlibet lugere vices tuas necesse est, nisi à turpi hac ambitione destiteris. Nec tamen hoc facit quominus adductus sim, quanquam propriis debitis onustus, ut hæc dicerem tibi: tenemur enim arguere te, & commonefacere concessum iri tibi ut eo peringas, non ob tua profecto apud Deum merita, sed ob infinitam vestram socordiam, incogitantiam, improbitatem. Voti autem hujus ambitiosi compos tu fies; sed, ut mihi divinitus revelatum est, ne diei quidem unius continget requies: neque tibi, ut speras, prospere fluent negotia, nec ad horam unam cathedræ pro voto præeris; sed illa potius, brevi ob tuam agendi rationem miserum in modum dejicieris, principatu exueris, oneraberis contumeliis, atque omnium deinde odio dignus habebere: quando in magistratum ecclesiasticum ut lupo non per ostium ingressus fueris, nequaquam etiam ut pastor censeberis. Unde vincet veritas, & in suo ordine luna consistet, legesque suas ac fines nullo pacto pervertet; sanctissimam dico ecclesiam quæ nullis retro sæculis defecit, impugnata semper & victrix. Quemadmodum enim fluctus nullo unquam tempore mare destituunt, ita neque genuinos sacerdotii principes hostilis incursio. Nam quantumvis pro ineffabili quadam providentiæ ratione commissurum sit divinum numen ut istud eveniat; faciet nihilominus ut suum tandem justitia locum obtineat. Hisce auditis, Theodorus inanem gloriam anteposuit saluti adinstar equi ferocis superbi effrenatè in præcipitium D semet ipsum ruentis.... Itaque gravato capite in terram defixo, ter quærebat datum ne sibi esset Theadelphicum omnino primatum aliquandiu obtinere: Quod quum ei senex affirmasset, discessit infelix; symbolumque demereri donis, & in partes suas pertrahere sine mora cæpit, adhibere insuper apud eum amicos, qui una cum fratre causam orarent suam: nec ante destitit, quam per dominantem tyrannidem, exterminato impiè ac sacrilegè Helia sanctissimo Patriarcha, cathedram est adeptus. Vix (autem) brevissimum tempus effluxerat, quum & fastu, & sui amore E tumentis Theodoro, juxta sancti senis inspiratam divinitus prædictionem, evenerunt omnia: quum ultro sese in altissimam peccatorum voraginem dedit præcipitem, meritisque adeo imprecantium atque execrantium vocibus exagitatus, ac in Perside infelici tandem fato defunctus est. Sanctissimus vero Patriarcha Dominus Helias cum gaudio atque honorifico reditu propriam sedem postliminio repetiit, diuturnaue dignitate Patriarchali ad annos satis multos gavisus est, & quum hinc ad Deum sanctè migraret, Dom-



num Georgium Syncellum suum in cathedram Theadelphicam successorem reliquit. Quadam ergo die Patriarchatum administrante Domino Helia, & vaticinio sancti senis impleto, advenientes ad hunc Patres aliqui, interrogabant eum dicentes: Quomodo, Pater sanctissime, quum infelicis memoriae Theodorus ille qui Hierosolymis nuper iam injuste praesedit, mentem tuam aliquando exploraturus veniret, manifestavit tibi Deus quod principatu ejus & episcopatu factum est, etiam antequam eloquutus tibi esset ipse quid quaereret? Quibus quidem quum hujusmodi mysterium aperire gravaretur in principio, postmodum tamen vi multa precum ab iis exoratus ait: Quoniam ille, o Patres, de quo quaeritis importuna me flagitatione fatigabat, expugnari me passus sum, praecipue homini post certos dies ut rediret ad me: e vestigio benignum erga homines Deum orare instituo ut revelet mihi, & qualem ob causam advenisset, & quid ex illa esset eventurum. Instituta ad hunc modum oratione, in ecstasi raptus memetipso contemplor quasi apud Dominum gloriae, illustri atque infinita pleno magnificentiae loco, cujus splendor inenarrabilis, ac sublimis pulchritudo omnem & sensum exsuperat & cogitationem: erat quippe in illo petra lucidior, praeclarius, augustior ceteris quae videbam. In hac porro locus quidam erat extensus, planus, aequabilis, firmus, & ad sedendum accommodus; ad radicem vero petrae conspicio mendaci nomine Theodorum (quia scilicet Theodorus donum Dei seu à Deo datum significat) tumultuantem, commotum, desudantem, obnixque in eam luctantem evadere; & post multum laboris ascendentem, at non qua firmum aptumque sessioni petra solum praebat, collocantem sese; sed qua exesa erat ac praerupta fallendisque opportuna vestigiis, praecipitio se exponentem, palmisque & manibus atque artibus omnibus prensare molientem saxa, seseque à lapsu ac ruina quoquo poterat modo tuentem: quumque id ne ad brevissimae quidem horae spatium posset, sed inde perpetuo rueret, ubi uncis se digitis applicuerat, nec jam esset in quo posset consistere, tandem ex alio praecipitem ad inum usque collapsum, & miserabiliter contritum aspexi. Haec igitur ubi contemplatus essem, perpendere coepi ac visa discutere. Deique statim lumine collustratus sic reputabam: petram quidem illam esse Christianorum fidem; per planum autem illum & commodum verticem, praesulis designari cathedram; Theodori vero laborem improbum ac defatigationem, atque ingentem, ut continere se posset in petra, colluctationem, desiderium ejus fuisse Patriarchali sede potiendi, quam scilicet neque legitima suffragatione, neque electione divina, sed permissione tantummodo potuit involare: quandoquidem non in plano petrae, sed in praecipiti cavoque consedit loco,

Tomus III.

ubi solide consistere nequaquam diu potuit; sed è sublimi afflictus (dejectus) ad terram est: quia recipere ipsum Dei ecclesia non sustinuit, sed abjicere, & sanctissimum polluto ejus impuroque putore thronum repurgare. Patres itaque puram senis mentem suspicientes, collaudarunt Dominum nostrum Jesum Christum. Hunc Theodorum Papebrochius tract. praelim. in Act. SS. to. 3. Maii, n. 172. pag. 39. col. 2. E. incogitantè asseruit eum esse Theodorum Hierosolymitanum qui ad Paulum I. Rom. Pont. epistolam scripsit de sacris imaginibus anno 767. non enim Theodorus sedis Eliae invasor, tunc sedebat Hierosolymis, sed Theodorus Eliae praedecessor, cujus fidei professionem monachi Syriae ad Tarasium miserunt; nec duplici Theodoro, sed uni eidemque duplicem illam epistolam, scilicet, tum quae ad Patriarchas Cosmam Alexandrinum & Theodorum Antiochenum de more fuerat data: tum quae ad Paulum Papam de sacris imaginibus, tribuit Hadrianus I. in litteris ad Carolum Magnum pro synodo Nicæna II. Vide supra ubi de Theodoro I. col. 292. Adde Pontificatum Theodori intrusi brevissimum fuisse, nullamque ejus utpote omnino illegitimi & valde exosi à catholicis habitam rationem, ita ut in Latinis catalogis, inquit Papebrochius ipse ibidem, nomen hujus Theodori non (reperiatur) expressum, uti nec merebatur. Idem Leontius in praefata S. Steph. vita, cap. 2. n. 19. pag. 537. de exilio Eliae Patriarchae agens haec narrat: *Contulit se Pater Christophorus* (monachus mira benevolentia sancto Stephano Sabaitae conjunctus) *ad sancti senis hesychasterium* ἡσυχαστήριον (locus est arctissimae solitudinis ab ἡσυχάζω quiesco, taceo.) *Multisque adhortatus est eum ut una proficiscerentur ambo ad Arabum Protosymbolum* Πρωτοσύμβολον: (Arabum erat dux praecipuus five Sultanus) *quam id autem ob causam, & in cujus gratiam hic breviter edisseram. Sanctum hunc Stephanum, uti & Patrem Christophorum, impense diligebat Domnus Helias Hierosolymorum Patriarcha, cujus fors inter sanctos est. Erat vero beatus hic praesul Domnus Helias injustis calumniis, atque iniquis accusationibus delatus ad Protosymbolum, qui eum in Persidem immanissime expulsus, crudeliter in vincula carceresque sanè diuturna compegit. Hinc igitur arrepta occasione, Patri Christophoro, ut cogitaret (ire) in Persidem, sanctissimoque Domno Heliae solatii atque opis afferret aliquid, ac de illo redimendo transigeret, auctores quidam fuere; non Dei, sed propriae, quam in hisce pariturus ipse esset, utilitatis causa ducti. Fallacibus adeo captus horum consiliis, sic flectere Senem instituit: Aequum est, Pater, utrumque nostrum sanctissimi Patriarchae nostri*



gratia proficisci: non ignoras etenim, non ignoras quantum ambos amaverit: amici autem probantur in adversis. Et te in primis tanquam charitatis scientem servantemque leges, alacrem hic, imò & nobis, & aliis incitamento esse par est. Quanquam enim eripere illum è custodia non possumus, at omnino certè consolabimur. Ait vero ad hæc senex: æquum est enimvero nos in Patriarchæ nostri doloris laborisque partem venire, totoque pro eo animo, ac totis viribus, etiam ad sanguinem usque decertare: in Persidem tamen ire hanc ob causam non possumus. Nam si ad primates pro eo interpellatum abierimus, non dabitur nobis libere perorandi locus. Quamobrem mihi crede calogere (id est bone, aut belle, sive pulcre senex) & hic in solitudine & monasteriis nostris nos contineamus, vigiliis ac jejuniis ejus causam agentes, apud universorum Dominum ac Redemptorem Christum qui perpetuum solus obinet principatum ac potestatem, cum sanctis patribus utpote multum apud eum gratia valentibus: neque enim dubito quin & expugnaturi hostes Dei simus, & Patriarcham nostrum vinculis solutum & carcere, lætiumque ac saluum redeuntem visuri. Itaque ne stultos nobis labores consciscamus, Deum nostrum bonum ac beneficium dimittendo, & ad infensos impiosque confugiendo tyrannos, apud quos loqui vix licet; hoc enim si fecerimus, corripiet haud dubiè nos in terribili judicii die justus judex. Hisce ex sene auditis, reponit Pater Christophorus: Non est, ut video, in nobis dilectio, sed ea privati sumus; nec illam omnino potuimus Patriarchæ nostro integram reservare: nihilo tamen minus te obsecro mecum ut discedas; sin aliter visum est, solus ipse proficiscor. Verum sanctus senex placide (per) admonita, doctasque institutiones, productis de scriptura sententiis, inhibebat hominem. Quumque etiam hoc magis à sua sententia alienum, ac sacris minus oraculis obsequentem adverteret, hæc insuper ad eum pacatè dixit: Ecce coram Deo, tibi dico, calogere, si me audieris, manebis in spelunca tua, & quiesces; quando prodesse Patriarchæ non potes, nihil apud Protosymbolum confidentiæ tibi est & auctoritatis. At è contrario ea valens plurimum, utpote monachus, apud Dominum dominantium, in cujus manu possumus est cor regum terrestrium, consiste in loco tuo, & pro virili parte luctare, noctu ei atque interdiu supplicans, & tum pro Patriarchæ, tum pro totius populi Christiani redemptione intercedens, ut & ipsi & nos hostium insidiis omnibus, omnique tam diabolica, quam humana tentatione liberemur; gaudebis etenim, & ages gratias Deo, nostraque humilitate gloriaberis. Sed scito, si me, quod tamen facies, audire neglexeris, coactum iri me tibi, quæ non velim, obnuntiare. Quum vero hic animam penitus obfirmaret, compulsus ait: Tu

A quidem cum Charitone, malo in hac re consiliario tuo, abibis in Persidem; ibique Patriarcham videbis, & huc inde nunquam redibis: redibit vero ad nos Patriarcha, ac propria potietur cathedra, suaque nos præsentia recreabit. Tu autem istic hærebis, neque in Palæstinam reverteris unquam, neque in sancta civitate, neque in circumjectis locis aut tu nos cum Patriarcha, aut nos te conspecturi sumus. Tum ille non intelligens de sua morte dicta hæc esse, sed vaticinatum eum esse existimans fore ut, fixo in Perside domicilio, ibidem commoraretur in monasteriis, contristatus est admodum, & cum lacrymis dixit: ô sancte Stephane, quid dicas equidem non intelligo. Tantumne tibi scandalum præbui, ut asserere de me debeas in Perside me esse mansurum? Eone me abjectum ac miserum dementiæ atque incogitantæ devenisse, ut à vita desciscam solitaria, ac Persidem incolam? Tu quid dictum volueris nescio; at ego quum te quidem prophetam esse & sanctum, & justum, & integerrimum complurium testimoniis acciperem, ipsoque sancti Euthymii nomine compelli solitum, imò ipsi judicatum esse parem, non id ex tenui rumore ac fama, ut sit, in animum induxi credere, sed priorum deinde oculorum frequenti edoctus experimento, talem te & profiteor & prædico: qua autem ratione hæc de me edixeris, non equidem satis capio: non enim credo prædictionem hanc de me tuam adimpletum iri, quando ne cogitatio quidem unquam suborta est mihi, quæ me à spelunca avocaret mea, ad solumque vertendum impelleret. Reposuit vero hæc ei sanctus senex: quæ mihi divinitus revelata sunt, ea obscure sum eloquutus; quod ingressus in Persidem ibi permanens sis, D neque ad nos unquam cum Patriarcha rediturus. Sed hic denuo non percepit ænigma, donec mortis imminente jam hora vaticinium sancti senis minime vanum memoria repetens, non sine ingenti mœrore sic adstantem sibi Patrem Charitonem affatus est: ô Chariton, quid (de) me factum est? Tu me, Chariton, decepisti; huc me tu adduxisti. Heu me! heu me! de morte jam præmonuerat sanctus Stephanus, quia in Perside, inquiebat, manebis, nec in sanctam posthac redibis unquam civitatem; neque nos ultra conspicias: at ego non cogitavi demens in meam hæc mortem vaticinari E prophetam hunc & sanctum Dei Stephanum. Postea quam (autem) hæc & his plura protulisset, incusassetque Charitonem, ac multis onerasset querimoniis, in sancti Stephani effusus præconia, ejusque per preces opem efflagitans, spiritum suum Domino tradidit, atque in pace consummatus, in Perside sepultus est. Patriarcha vero cum ingenti gaudio animique lætitia remissus è Perside, in suam restitutus est cathedram; impletumque est ita sancti senis de utroque vaticinium. Hucusque Leontius, qui de



eodem Christophoro supra c. 1. n. 7. p. 532. istum in modum verba profert: *Monachus quidam magnus ac sublimis, genere Ægyptius, cognomento Christophorus spelæum (speluncam) incolebat, quod sancti Theoctisti dicebatur, ad Orientales monasterii sancti Euthymii partes situm. Vir Deo gratus, & multorum testimoniis pro asceta sancto habitus. Charitatem, quæ virtutum omnium mater est, ac nutrix, sinceram colebat. Quin & proprium sanguinem profundere in votis erat ei, quo saluti consuleret cujuscunque ad se ventitantis: non enim sic affectus erat erga eos duntaxat qui eamdem secum profitebantur religionem, verum etiã adversus infideles ac barbaros, &c. Genua flectebat per dies singulos bis millies; millies interdum, ac toties noctu, quibus & pervigilationes nocturnæ, & multa jejunia, & lacrymæ accedere solebant uberrimæ. Opus præterea, ne quid obreperet socordiae, exercebat manibus.... sanctum (autem) Stephanum, ut quolibet Sabbato, si fieri posset, sacris apud se operaretur oravit; nam sacerdotalet (Stephanus) tum gradum obtinebat, &c. Ut citò commeritam pœnam retulerit Theodorus (sedis Eliæ invasor) inquit Papebrochius tract. prælim. in Act. SS. tom. 3. Maii, num. 172. pag. 39. C. non tamen etiã citò restitutus Elias fuit. Scripsit enim Leontius supra recitatus, cum in Persidem expulsus, crudeliter in vincula & carceres trusus, diutius afflictum fuisse ἐν ᾧ ὄντος ἰσχυρῶς. Unde Pagius to. 3. crit. annal. Baron. ad ann. 795. num. 7. post relata hæc ejusdem Leontii (sub nomine Theoctisti) in vita sancti Stephani Sabaitæ verba, sanctissimus Patriarcha Domnus Elias ad proprium remeavit thronum, festivo honorificeque remissus; & Patriarchali dignitate multipliciter fruens per annos complures sanctè ex hac vita migravit, successoremque in Theadelphico throno accepit syncellum suum Domnum Georgium; subdit: Tempus restitutionis Eliæ ejusque mortis incertum; ex actis tamen sanctorum 20. monachorum Sabaitarum, qui anno 796. à barbaris trucidati sunt, liquet biennio post illorum martyrium (dicendum potius, ipso anno illorum martyrii) Eliam adhuc in vivis fuisse, quum scilicet lauras monachorum Hierosolymitanorum Barbari invasere. Hoc (enim) anno, pergit Pagius ad annum 796. num. 30. quum dissidium inter Saracenorum Tribus in regione Palæstinæ exortum ad civile bellum processisset, bifariam exercitibus constitutis, varias urbes Saraceni vastavere. Depopulati sunt frequentissimas urbes non paucas: Eleutheropolim, abductis in captivitatem universis, desertam fecere. Ascalonem, Gazam, & Sariphæam, aliasque civitates violenter diripuerunt, inquit Stephanus monachus Sabaita in actis sanctorum 20.*

A monachorum martyrum Joannis, Sergii, Patricii, & sociorum in laura sancti Sabæ propè Hierosolymam interfectorum. Publicavit ea acta Bollandus ad diem 20. mensis Martii, in quibus dicitur monachos, dum cuncta timoris & desperationis plena essent, lauram S. Sabæ non deferuisse, quamvis tuto possent inde recedere, atque in aliqua urbium salvari. Tandem Barbari, tempore quadragesimæ ad lauram accedere, quumque frustra peterent pecuniam, quam monachi non habebant, telorum imbrem in eos effudere, B quibus, è patribus, 30. circiter sauciati sunt, lethaliter plerique. Iterum postea in lauram irruerunt, & demum monachos 20. antro inclusos copioso fumo diu cruciarunt & examinarent. Caterum admiratione non caret, inquit Stephanus auctor coævus, quod qui passi sunt, non omnes fuerint scientia & exercitatione virtutis consummati: erant novitii inter eos, erant & idiotæ. Sed nempe perdidicerant omnes imperare affectibus, atque redigere in servitutem quidquid in homine carnis sapientiam redolens, aut voluptatem facit, aut ipsam vitam, C æstimare atque diligere. Annum rei gestæ idem auctor his verbis exprimit: Anno ab orbe condito sexies millesimo ducentesimo octogesimo octavo, juxta accuratissimam, scilicet ecclesiasticam, supputationem: à nato vero secundum carnem Deo ac Domino Salvatore nostro Jesu Christo septingentesimo octogesimo-octavo, Indictione quinta; quum Hierosolymitanæ ecclesiæ (præesset) beatissimus Patriarcha Helias, & magnam hanc lauram S. Patris nostri (Sabæ) divino plenus spiritu Basilius venerabilis gubernaret; in regione Palæstinorum inter Saracenorum D Tribus civile bellum exortum est ingens. Utitur Stephanus, tam æra mundana, quam æra Incarnationis Alexandrinorum, quarum anni ultimi in minori numero semper inter se conveniunt. Alibi demonstravimus (sunt semper verba Pagii *ibid.* num. 31.) ex perpetua methodo, annis Incarnationis, secundum Alexandrinos, septem numeros addendos, ut habeamus annum illum Incarnationis æræ nostræ vulgaris, in quo illi kalendis Septembris (anni præcedentis) exordiuntur. Adhæc æram mundanam Alexandrinorum ab anno E mundi 5777. cum quo alligatur initium Diocletiani Imperatoris non differre à periodo Græco-Romana, nisi in eo quod anni in hac periodo à kalendis Januariis, in æra vero Alexandrina à kalendis Septembris (anni præcedentis) inchoantur, certis argumentis ostendimus. Quare nullum dubium est, quin uterque annus citatus Mundi & Incarnationis initium sumat die prima mensis Septembris superioris Christi anni (795.) ideoque quin sancti Martyres anno currenti (796.) passi



sint, quum Barbarorum incurſio facta ſit per quadrageſimam; ac præterea, quin loco *Indictione quinta*, legendum ſit *Indictione quarta*, quæ hoc anno (596.) in curſu fuit uſque ad Septembrem. Sed Bollandus qui ad methodum à nobis traditam animum non advertebat, & Indictionem mendose deſcriptam eſſe non putabat, hoc martyrium in annum ſequentem (797.) diſtulit, ſicque utramque æram Alexandrinam cum Dionyſiana male copulavit. Hæc Pagius loco citato pag. 412. col. 1. Non ſilendum tamen errorem hujus epochæ, à doctiſſimis Joann. Bapt. Sollerio, Joanne Pinio, & Guillelm. Cupero è Societ. Jeſu præſbyteris theologis, tom. 3. *actorum ſanctorum menſis Julii, ad diem 13. pag. 528. col. 1. num. 17.* A. fuiſſe emendatum: quem (annum martyrii 20. monachorum Sabaitarum à Stephano, eorum actorum deſcriptore deſignatum ut ſupra) nos cum Pagio, inquirunt, innectimus anno vulgari 796. ſecundum dicta; & conſequenter cum eo putamus legendam eſſe *Indictionem IV.* pro *V.* etiam ſi *Indictio quinta* in dicto martyrio Græcè excuſo ad calcem tom. 3. *Martii* ſignanter ab auctore exprimatur num. 3. ſive id contigerit errore ipſius, ſive oſcitantia amanuenſium: quanquam multo facilius ſit mutari ex lapſu in aliquo apographo Latino numerum *quintum* in *quartum*, aut contra; quam in Græco *πέντηον* in *τέταρτον*. Ut ut eſt, *Indictio IV.* anno 795. inchoata à menſe Septembri, currebat menſe Martio anni 796. quo dicti martyres interempti ſunt, uſque ad proximum Septembrem. Hinc corrigendus Papebrochius, in commentar. prævio ad dictum martyrium, num. 6. ubi notat annum 797. juxta ea quæ in Exegeſi præliminari I. dicto tomo præfixa, de S. Theophanis chronographia diſſeruerat; præter annos octo (utique incompletos) adiciens annum alterum Phocæ, ob cauſam à ſe in eadem Exegeſi indicatam, detractum, ad exæquandam æram Alexandrinam cum vulgari: cujus anni additamento ad Indictionem quintam in martyrio ſignatam pervenitur; quæ tamen non convenit cum Paſcha, quod eodem n. 6. ſignat. Affigit illud (quippe) diei 23. Martii: at per integrum menſem exerrat: quod anno quidem, ut liquet ex dictis (ſupra *ibid. num. 15.*) 794. incidit in 23. Martii: ſed anno 797. in 23. Aprilis. (23. Martii etiam male notatur apud Canſarii Latini ad vocem *Annus.*) quam Papebrochii inadvertentiam mirum non obſervaviſſe Pagium in anno martyrii, & Indictione corrigendis ſatis hic oculatum. Cæterum, ſicuti ex puncto unico male fixo conſequi ſolent alia non cohærentia; ita iſto numero plura

non ſubſiſtunt, ad trutinam ſecundis curis exigenda & reformanda. (Econtra), ſi juxta noſtrum ſyſtema martyrium affigas anno 796. Paſcha incidente in 3. Aprilis, non video equidem quid obſtet quominus notæ chronologicæ in ejuſdem decurſu expreſſæ convenienter inter ſe componantur: cujuſmodi ſunt iſtæ *quadrageſima præterlabens πρετελάουσα ἐπὶ χρεὼν*, num. 21. Irruptio Barbarorum in lauram 13. *Martii menſis die* ibidem, qui anno 796. incidit in Dominicam. In *cræſtinum vero* ... *tota hebdomada illa inceſſanter orant Sabaitæ* num. 27. puta uſque ad 19. Martii; *quæ tranſacta, Sabbato veſperi* Palæo-lauritas monachos nuntios accipiunt n. 28. An & quid poſtea contigerit, quod huc addi poſſit, forte ſciremus, ſi pars (actorum hujus) martyrii non intercidiffet. Denique *quadrageſimalis abſtinentiæ tempus exornarunt*, id eſt martyrium obierunt tempore quadrageſimæ n. 78. *ante.... Paſſionem ejus* (Chriſti) *paſſi etiam ipſi*, id eſt ante hebdomadem majorem Latinis; (*Magnam vero* Græcis, *ſalutiferæ Paſſionis*, ac *dies Paſſionum*, ut videſis apud Allatium col. 1443.) Unde poſt paucos dies *cum eodem ſalvificum celebrarunt Paſcha*, ut ibidem dicitur. Quæ omnia in noſtra epocha concinnè ordinari nemo non videt: ſecundum quam etiam emendari poteſt id quod habet (idem) Papebrochius in *historia chronologica Patriarcharum Hieroſolymitanorum ante 10. 3. Maii*, pag. 39. de obitu ſancti Stephani (Sabaitæ, cujus vitam ſcripſit Leontius) ubi iterum ſignat annum 795. (pro 794.) & martyribus laudatis ruruſum tribuit annum 797. Et infra, pag. 529. num. 24. col. 2. F. Dictum martyrium contigit, uti refertur in ejus (actorum) prologo, num. 3. *Quum Hieroſolymitanæ eccleſiæ beatiſſimus Patriarcha Elias* (præeſſet.) Papebrochius in *hiſt. Chronol.* (modo citata) ... *Eliam vixiſſe anno 797.* (juxta ſupra dicta 796.) & eodem aut ſequenti mox anno obiſſe aſſerit: ſed cuperem (ſunt ſemper verba Joan. Bapt. Sollerii, & ſocior. ejus) id paulo magis probari, Pagio ad annum 795. rectius ſcribente, tempus Eliæ mortis incompertum eſſe. Unde non ſatis etiam videtur conſtare de tempore ordinationis Georgii ſucceſſoris ejus. Papebrochius quidem eam innectit anno circiter 799. citans annales Francorum Metenſes, ſæculo x. ſcriptos, qui extant apud Andr. Duchefne to. 3. Verum quum *ibid. pag. 288.* ad prædictum annum nihil (aliud) habeamus, quam quod *monachus, qui de Hieroſolymis veniens, reliquias multas attulit regi* (Carolo Magno,) *ex parte Patriarchæ Hieroſolymitani* (porrexerit,) inde non poſſumus habere, quiſnam Patriarcha ille fuerit, Heliaſne, an Georgius. Nec



certiora dabit Baron. ad ann. eundem 799. (n. 12.) si ipsum inspexeris. Annales autem Francorum ab anno 708. ad annum 808. deducti, (apud eundem Andr. Duchesne) to. 2. Francorum à pag. 11. agunt anno 807. p. 21. B. de monachis Hierusalem, qui legatione Thomæ Patriarchæ fungebantur. Et ibidem in aliis annalibus Eginhardo adscriptis, p. 253. ad eundem annum idem refertur. Sive autem jam Thomas ille proximè successerit Georgio in Patriarchatu Hierosolymitano, sicut vult Pagius ad dictum annum, num. 4. contra Papebrochium; sive cum Papebrochio eidem B Georgio interponas Fortunatum, &c. Hæc Sollerius *ibid.* nn. 24. & 25. pp. 529. & 530. De Fortunato inferius inquiretur. De Elia nihil aliud superest dicendum.

### LXIII. GEORGIUS.

Elia proximè successisse Georgium expresse tradit Leontius in vita S. Stephani Sabaitæ tom. 3. Julii, ad diem 13. apud doctissimos actorum sanctorum editores Antuerpienses, cap. 5. num. 49. pag. 551. E. Sanctissimus Patriarcha Dominus Elias cum gaudio atque honorifico reditu propriam sedem postliminio repetiit, diuturnaque dignitate Patriarchali ad annos satis multos gavissus est: & quum hinc ad Deum sancte migraret, Dominum Georgium Syncellum suum in cathedram Theadelphicam successorem reliquit. Constat quidem, ex supra dictis, Eliam adhuc fuisse in vivis die 20. Martii anni 796. At quonam præcise postea anno obierit, eique successerit Georgius, non liquet. Eutychius Alexandrinus scribit Georgium fuisse ordinatum anno 20. Califæ Abugiafar Almanfor, id est Christi 773. quum hic Abugiafar fratri suo Abdallæ Saffahò, ex Elmac. lib. 2. pp. 97. & 100. anno Arabum sive heg. 136. die solis, decimo-tertio Dulhuggiæ, id est, ut ait Pagius, ad annum 754. num. 25. ejusdem Christi anni die 9. Junii, quæ Dominica fuit, defuncto successerit: & triginta annis sedisse. Sed hoc utrumque evidenter falsum est: primum scilicet, quia anno Christi 796. adhuc vivebat Helias: alterum autem quia, dato quod eodem anno 796. post 20. diem Martii, qua occisi sunt sancti Martyres Sabaitæ, fato functus fuisset Helias; ab eo anno 796. ad annum 807. quo Thomas ecclesiæ Hierosolymitanæ certo præerat, ut infra videbimus, non occurrunt nisi ad summum anni undecim. Georgium in manu Brugenfi appellari Gregorium, vicino nomine & facile alternabili, Sergium vero in manu Rubeæ Vallis, monet Papebrochius in tract. prælim. ad Aet. SS. tom. 3. Maii, num. 174. pag. 40. col. 1. A. Qui etiam censet eum esse Patriarcham illum Hierosolymitanum, ex

A cujus parte monachus de Hierosolymis veniens anno 799. reliquias multas attulit regi (Carolo Magno,) ut legere est, tom. 2. scriptorum hist. Francor. Andr. Duchesne pp. 18. 41. 59. 79. 80. 164. 250. & 251. Nec certe repugnat quidquam, nisi quod fortassis adhuc superstes fuerit Elias ejus prædecessor. Sic porro metricè rem illam refert Poëta Saxonicus, *ibid.* pag. 163. C. & 164. A.

Saxonum rebus certo moderamine cunctis  
Dispositis, in Aquisgrani se contulit aulam, &c.  
Tunc Hierosolyma monachus directus ab urbe,  
Immenso nimium spatium terræque marisque  
Transcurso, Regi munus preciosius omni  
Auro detulerat, mittente pio Patriarcha.  
Pignora sancta loci, Christus qui carne sepultus  
Morte resurrexit victa, quo gaudia mundo  
Angelus hæc cæli missus narravit ab Arce.  
Rex quoque Natalem Domini celebravit in aula  
Jam dicta, monachumque dehinc remeare volentem  
Absolvit, comitemque simul conjunxerat illi  
Zachariam: regalis erat qui presbyter aulæ,  
Per quem magna locis misit donaria sanctis,  
Atque viris inopem vitam ducentibus illic,  
Et mala perpeffis mundi sub nomine Christi.

Effusam quippe Caroli Magni latè beneficentiam in egentes commendat Eginhardus in ejus vita, apud eundem Andreæm Duchesne, pag. 103. A. Circa pauperes sustentandos, inquit, & gratuitam liberalitatem, quam Græci eleemosnam vocant, devotissimus, ut qui non in patria sua solum & in suo regno eam facere curaverit; verum trans maria in Syriam, & Ægyptum, atque Africam, Hierosolymis, Alexandria, atque Carthagini, ubi Christianos in paupertate vivere compererat, penuriæ illorum compatiens, pecuniam mittere solebat. Ob hoc maxime transmarinorum regum amicitias expetens, ut Christianis sub eorum dominatu degentibus refrigerium aliquod ac relevatio proveniret. Idem Eginhardus in annalibus ad annum Christi 800. *ibid.* pag. 251. A. enarrans quæ Romæ gesta sunt, dum ibi Carolus magnus eo anno moraretur, ait: Eadem die (id est, ut paulo supra habet, post septem dies ab VIII. kal. Decemb. quæ erat subinde ipsis kal. Dec.) Zacharias presbyter, quem rex Hierosolymam miserat cum duobus monachis, quos Patriarcha cum eo ad regem misit, Romam venit. Ii benedictionis gratia claves sepulchri Dominici ac loci Calvariæ cum vexillo detulerunt. Quos rex benignè susceptos per aliquot dies secum detinuit; & redire volentes, remuneratos absolvit. Mirum fanè, in ea monachi delegationis à Patriarcha Hierosolymitano ad Carolum magnum relatione, apud annalistas omnes, hujus Patriarchæ nomen ubique



desiderari. Baronius quidem, ad annum 795. num. 64. in fine ita scribit: *Hoc eodem anno, ut habetur ex Theophane, Joannes perficitur episcopus ecclesiæ Hierosolymitanæ: quasi ex Theophane Helias anno 795. obierit, eique proxime succederet iste Joannes: & rursus ad annum 800. num. 22. hæc refert veluti ex annalibus Francorum in vita Caroli magni: Zacharias, inquit, presbyter qui anno superiori (799.) missus fuerat ad loca sancta Hierosolymorum cum elemosynis, bene perfuncto legationis munere cum duobus monachis, uno de Monte-Olivet, altero de Sabæ monasterio, de Oriente reversus Romam venit, quos Joannes Patriarcha ad regem misit: qui benedictionis causa claves Sepulchri Dominici ac loci Calvariae, claves etiam civitatis & Montis-Olivet cum vexillo detulerunt. Quos rex benigne suscipiens, aliquot dies secum detinuit, & Aprili mense (sequentis anni) remuneratos absolvit. Verum, præterquam quod constat, ex Stephano auctore actorum sanctorum martyrum monachorum Sabaitarum, illos fuisse occisos, quum Hierosolymitanæ ecclesiæ beatissimus Patriarcha Helias (præfesset), anno scilicet Christi 796. die vigesima Martii: item ex Leontio auctore vitæ sancti Stephani Sabaitæ, quum hinc ad Deum (Helias) sancte migraret Domnum Georgium syncellum suum in cathedram Theadelphicam successorem reliquisset, ut supra dictum est: quibus Joannes excluditur, tum à possessione Hierosolymitanæ sedis anno 795. tum etiam ab immediata ejusdem præfati Heliae successione: insuper observat Pagius tom. 3. crit. annal. Baron. ad annum 795. n. 7. neque Anastasium, neque auctorem Miscellæ, & multo minus Theophanem hujus Joannis meminisse, soloque memoriæ lapsu id Theophani adscribere Baronium: Et ad annum 800. num. 13. codicem monachi Engolismensis in quo legit Baronius, quos Joannes Patriarcha, &c. fuisse interpolatum, nec in genuino ejus codice, apud Andr. Duchesne to. 2. Francic. pag. 80. B. nomen Joannis exhiberi: Eadem die Zacharias cum duobus monachis, uno de Monte-Olivet, altero de sancto Saba de Oriente reversus Romam venit, quos Patriarcha ad regem misit, &c. Joannis itaque nomen in eum locum intrusum (manifestum est, quod non reperitur quoque) in aliis exemplaribus laudatæ vitæ Caroli magni, nec in Reginone, nec in Eginhardi exemplaribus, nec in Annalistis Metensi, Bertiniano, aliisque, qui eandem rem narrant, & Patriarchæ nomen omnes reticent. Porro certum est, (sunt semper verba Pagii) non Joannem per hæc tempora ecclesiæ Hierosolymitanæ præfuisse, sed (probabilius) Georgium qui Eliæ successit, &c. Fictitius*

A igitur iste Patriarcha (Joannes) acceptus ex Antiquitatibus San-Dionysianis à Doubleto editis lib. 4. c. 3. ubi multa de Carolo magno fabulosa habet. Ait enim Joannem Patriarcham Hierosolymitanum à Saracenis è sua sede pulsum ad Constantinum Imperatorem ejusque filium Leonem Constantinopolim fugisse, conjunctimque cum utroque, quibus novissimam Christianorum in Palæstina calamitatem exposuerat, nuncios ac litteras ad Carolum Imperatorem direxisse cum hac epigraphe: *Servus servorum Dei Joannes urbis Hierusalem divina misericordia episcopus, &c.* Addit Doubletus, Carolum lectis litteris, & ab archiepiscopo Remensi Tilpino explicatis, præcepisse ut omnes arma fumerent; perrexisset in Orientem, urbem Hierosolymam, totamque terram, quam sanctam cognominant, eripuisse Saracenis, indeque Constantinopolim venisse, & onustum reliquiis Aquiligranum, indeque ad monasterium San-Dionysianum rediisse. Mitto alias res in eadem narratione contentas, quia inter eruditos convenit Carolum nunquam Hierosolymam, nec Constantinopolim profectum esse. Cointius hoc anno 800. num. 28. & seq. pluribus fabulam illam confutat, quibus superfluum esset aliquid addere. Is tamen perperam n. 27. fictitium illum Joannem pro vero Patriarcha Hierosolymitano habet, & de isto interpretandos esse censet auctores laudatos qui de Patriarcha Hierosolymitano, ejus non expresso nomine, verba faciunt. Et ad annum 803. num. 53. ait, Patriarcham Hierosolymitanum, qui anno Christi 800. legatos ad Carolum magnum misit, nominatum fuisse D Joannem. Hierosolymitani Patriarchæ, inquit, legatos cum muneribus ad Carolum magnum non semel direxerunt: Joannes anno Redemptoris octingentesimo, Thomas septimo post anno, &c. Sed ex Patriarcharum Hierosolymitanorum serie à nobis (sunt semper verba Pagii) in hoc opere accurate consignata, manifestum est, nullum Joannem, Regni & Imperii Caroli tempore, ecclesiæ Hierosolymitanæ præfuisse. Quoad claves sepulchri Dominici ad Carolum missas, Eginhardus in vita Caroli magni (apud Andr. Duchesne to. 2. pag. 99. B. C.) hæc habet: *Cum Aaron rege Persarum, qui, excepta India, totum penè tenebat Orientem, talem habuit in amicitia concordiam, ut is gratiam ejus omnium qui in toto orbe terrarum erant regum ac principum amicitiae præponeret, solumque illum honore ac munificentia sibi colendum judicaret. Ac proinde quum legati ejus, quos cum donariis ad sacratissimum Domini ac Salvatoris mundi sepulcrum, locumque resurrectionis miserat, ad eum venissent, & ei Domini sui voluntatem indicassent, non solum quæ*



quæ petebantur fieri permisit, sed etiam sacrum illum & salutarem locum, ut illius potestati adscriberetur, concessit. Et revertentibus legatis suos adjungens, inter vestes & aromata, & cæteras Orientalium terrarum opes, ingentia illi dona transmisit; quum ei ante paucos annos eum, quem tunc solum habebat, roganti mitteret elephantem. Imperatores etiam Constantinopolitani Nicephorus, Michael, & Leo, ultro amicitiam & societatem ejus expetentes, complures ad eum misere legatos. Cum quibus tamen, propter susceptum à se Imperatoris nomen, & ob hoc ei quasi qui Imperium eis præripere vellet, valde suspectum, fœdus firmissimum statuit, ut nulla inter partes cujuslibet scandali remaneret occasio. Erat enim semper Romanis & Græcis Francorum suspecta potentia. Unde & illud Græcum extat proverbium, τὸν φεαυδὸν φίλον ἔχεις γέροντα οὐκ ἔχεις. (id est Latine, Francum habeas amicum, vicinum non habeas.) Monet idem Pagius, tom. 3. crit. annal. ad annum 800. n. 14. quod hic ab Eginhardo dicitur de elephante ante paucos annos misso (ab Aarone regi Carolo magno) locum controversiæ facere, utrum Carolus ex Aaronis munificentia sepulcrum Dominicum hoc anno 800. sub sua potestate tenere cœperit, an vero anno duntaxat 807. quo legatus Aaronis, & cum eo duo monachi de Hierusalem (à Thoma Patriarcha missi,) ad Carolum pervenere, munera deferentes quæ Aaron Califa Saracenorum Imperatori destinaverat .... Cointius hoc anno 800. num. 27. totam controversiam auctoritate annalistarum rectè dirimit, rerum gestarum ordine sic observato. Carolus (scilicet) anno 797. tres oratores in Orientem direxit, Lanfridum, Sigismundum, & Isaacum, & per eos elephantem ab Aarone postulavit. Eodem anno Aaron illos legatos excepit, auditosque remisit in Franciam per Africam cum elephante, duobusque legatis, quos ejusdem itineris socios adjunxit. Anno 799. quum Carolus è Saxonia jam reversus apud Aquisgranum moraretur, monachus quidam de Hierosolymis veniens, benedictionem & reliquias de loco resurrectionis Dominicæ, quæ Patriarcha regi miserat, detulit. Rex (eundem) monachum reverti volentem absolvens, Zachariam quemdam presbyterum de Palatio suo cum eodem ire jussit, cui & donaria sua ad illa veneranda loca deferenda commisit, ut inquit Eginhardus in annalibus de Gestis Caroli M. apud præfatum Andr. Duchesne tom. 2. pag. 250. B. Ad illam autem legationem referendum quod supra dictum est ex eodem Eginhardo in vita Caroli magni: Quum legati ejus (Caroli,) quos cum donariis ad sacratissimum Domini ac Salvatoris mundi

A sepulcrum, locumque resurrectionis miserat, ad eum (Aaronem) venissent, & ei domini sui (Caroli) indicassent voluntatem, non solum quæ petebantur fieri permisit; sed etiam sacrum illum & salutarem locum, ut illius potestati adscriberetur, concessit. Postea Zacharias ex sua legatione, cum duobus monachis quos Patriarcha cum eo ad regem misit, Romam venit, ubi sub finem anni 800. Carolus magnus degebat (ibid. pag. 251. A.) iique benedictionis gratia claves sepulcri Dominici, ac loci Calvariæ cum vexillo detulerunt. Quos rex benigne susceptos per aliquot dies secum detinuit, & redire volentes, remuneratos absolvit. Carolus vero anno sequenti (801.) VII. kalend. Maii (ibid. B.) Roma profectus Spoletum.... (Et) de Spoletum Ravennam venit, & aliquot dies ibi moratus, Papiam perrexit. Ibi nuntiatum est ei legatos Aaron regis Persarum portum Pisas intrasse. Quibus obviam mittens, inter Vercellas & Hipporediam (Eporediam) eos sibi fecit præsentari. Unus eorum erat Persa de Oriente legatus prædicti regis (nam duo fuerant), alter Saracenus de Africa legatus Amirati Abraham, qui in confinio Africæ in Fossato præsidebat. Hic Isaac Judæum, quem Imperator (Carolus) ante quadriennium ad memoratum regem Persarum cum Lanfrido & Sigismundo legatis suis miserat, reversum cum magnis muneribus nuntiaverunt: nam Lanfridus & Sigismundus ambo in eodem itinere defuncti sunt. Tum ille misit Erchenbaldum notarium in Liguriam, ad classem parandum, qua elephas, & ea quæ cum eo afferbantur, subvehi possent (subveherentur.) Ex omnibus itaque his textibus inter se collatis (inquit Pagius supra laudatus n. 16.) liquet Carolo prius elephantem, quam vexillum ab Aarone missum fuisse; licet Carolus vexillum sibi delatum prius acceperit, quam elephantem ab Aarone sibi missum norit. Præsenti (quippe) anno (800.) mense Decembri, oblatum ei vexillum sepulcri Dominici: (nonnisi autem postea elephantem recepit.) Anni (enim 801.) inquit Eginhardus ibidem, pag. 251. C. Mense Octobri Isaac Judæus de Africa cum elephante regressus Portum Veneris intravit, & quia propter nives Alpes trajicere non poterat, (nam sic legendum monet Andr. Duchesne ibidem, pag. 848. A.) in Vercellis hyemavit. Tandem anni (802.) inquit idem Eginhardus ibid. lin. ult. & pag. seq. 252. A. mense Jul. XIII. kalend. Aug. venit Isaac cum elephante, & cæteris muneribus quæ à rege Persarum missa fuerunt, & Aquisgrani omnia Imperatori detulit, nomen elephanti erat Abulabaz, qui subito mortuus est anno 810. Poëta Saxonicus, eodem anno 802. elephantem adductum canit, nec sepulcrum Dominicum



Caroli ditioni ferius adscriptum narrat. *ibid.* A  
pag. 167. A.

\* scilicet  
802.

*Hoc de longinquis Elephas regionibus anno\**  
*Primitus adductus, mira spectacula Regno*  
*Francorum dederat. Persarum denique Princeps*  
*Hunc Aaron (idem fuerat cui subditus, Indis*  
*Exceptis, Oriens totus) curaverat ultrò*  
*Ejus amicitia se fœdere jungere firmo:*  
*Ac dignum duxit præ cunctis regibus ipsum*  
*Temporis illius solum, cui munera larga*  
*Præcipui causa transmittere vellet honoris.*  
*Nam gemmas, aurum, vestes, & aromata crebrò*  
*Ac reliquas Orientis opes direxerat illi;*  
*Adscribique locum sanctum Hierosolymorum*  
*Concessit propriæ Caroli semper ditioni.*

Nos latet quo ineuntis sæculi anno ex hac  
vita migraverit Georgius Patriarcha Hieroso-  
lymitanus: solum novimus anno 807. hunc  
non amplius fuisse superstitem, ut ex modo  
dicendis constabit.

Fortunatus.

#### LXIV. THOMAS.

Papebrochius in *historia Chronologica Pa-*  
*triarcharum Hierosolymitanorum*, to. 3. præfixa  
*actorum sanctorum mensis Maii*, ante hunc  
Thomam recenset quemdam Fortunatum.  
In *annalibus*, inquit num. 176. pag. 40. col. 2.  
(Francorum) Metensibus, (sæculo x. scriptis,  
qui extant apud Andream Duchesne tom. 3.  
*monumentorum Francicorum*) ad annum 802.  
pag. 290. A. B. narratur quomodo eodem  
anno, XIII. kalend. Aug. venit Isaac cum ele-  
phante, & cæteris muneribus à rege Persarum  
missis, in præsentiam Imperatoris (Caroli M.)  
Anno autem 803. venit quoque Fortunatus  
Patriarcha de Græcis, afferens secum inter cæ-  
tera dona duas portas eburneas mirifico opere  
sculptas, &c. Ex quo, inquit Papebrochius,  
verosimilior fit prolixa de Fortunato Hiero-  
solymitano Patriarcha narratio, contenta in  
libello de successoribus sancti Hildulphi, ex  
archiepiscopo Trevirensi, abbatis Mediolacen-  
sis (vel potius Medianensis, ut infra dicetur,) in  
Vofago. In eo autem libello cap. 4. hæc  
de Fortunato traduntur: *Extemplo in electione*  
*successoris (abbatis Maldawini) multitudini fra-*  
*trum (hujusmonasterii) surrepsit discordia bilis,*  
*sed prævalentibus beati viri hujus (Maldawini)*  
*meritis insperato divinæ clementiæ jubar ab*  
*Oriente destinatur illis. Nam quum bifariam*  
*scinderentur mutua dissensionis pertinacia ducti,*  
*ambarum partium priores pariter ad principem*  
*pervenere Carolum. Ubi pacificus princeps se-*  
*datu difficile monachorum persensu litigium,*  
*concordiæ providere gestiebat quam plurimum.*

Mira autem dispositione divinitatis repertus est  
ibi Fortunatus Patriarcha venerabilis, qui gratia  
salutandi famosum principem, visendique loca  
sanctorum quos fama excurrente didicerat, ab  
Hierosolymis peregrè digressus erat. Is denique  
ante aliquot annorum curricula animadvertens  
apud Aaron regem Persarum pluris haberi amo-  
rem Caroli, quam quorumcunque principum  
(quod etiam patefecerat dirigendo ei solum  
quem habebat elephantem) per diaconem reli-  
quias ligni passionis... transmiserat illi, multa-  
que prece contestatus exegit, ut prædicto Aaron  
B legationem per suos inferret hujusmodi: omni-  
modis ~~nam~~ clementiam precor pro loco resur-  
rectionis Domini Dei mei sancta Sion, ne tuo  
laxamento à gentibus passim calcetur; neque  
religionis Christianæ Pontifici; debitum cultum  
ibidem exequenti, contradicatur.... Qui chari-  
sibi principis amicabili suggestionem adeo delibut-  
us est, quatenus dispositioni ejus adscribi reve-  
rendum locum juberet.... Hac pro causa diaco-  
nem suum ad Carolum iterato cum munusculis  
destinavit Patriarcha: tertio autem per semet  
veniens ipse mutua visione satisfacere communi  
C affectui, suo videlicet principisque religioso,  
offendit apud eum prædictam procellam cænobi-  
talis dissensionis; cui sedandæ rex æstuans con-  
sultum iri, ad hunc quasi ob id divinitus desti-  
natum repente tota convertitur tractatio regalis  
consilii, si modo ille præsul maximus posset ad  
hoc flecti. Regis itaque ac optimatum ejus im-  
portunis tentatus precibus vix potuit ad hoc  
persuaderi, quatenus sanctorum qui tunc forte  
aderant sacerdotum cedens auctoritati susci-  
peret curam istius monasterii; cujus sanctitatis  
excellencia priorisque apicis reverentia stirpius  
D est sopita claustralis discordia, & sub eo de  
more effecti sunt monachi cor unum & anima  
una. Fuisse equidem dicitur recubaster hic Do-  
mini famulus, corpore exilis & exiguus, facie &  
conversazione angelicus, barba sublonga, canis-  
que respersa decoratus. Prædia in augmentum  
loci in diebus ejus collata sunt numerosa, char-  
tarum monumento hucusque notissima. Ipsius vero  
collatione ex cunctis penè instrumentis humanæ  
conversacioni atque passioni aptatis amplexabilia  
pignora locus hic meruit percipere, pariterque  
E preciosorum martyrum Stephani, Lazari qua-  
tridui sepulti, Georgii, atque Pancratii cum  
plurimis; quod nunc longum videtur prosequi.  
Cap. v. Per hæc tempora ab Orientis partibus  
eidem cænobio divino ductu destinata sunt duo  
præclarissima lumina; quidam videlicet inter  
suos rex, nomine Lazarus, cum filia Aza quæ  
etiam extiterat in finibus illis regina. Hi piæ de-  
votionis studio deferentes propria, experire  
peregrina, quatenus in urbe Romulea mererent-  
tur attingere Apostolorum limina, & insuper



adirent memorias sanctorum quos trifida venerabatur Gallia. Quumque plurima peragrando loca sanctorum satisfacerent religiosæ curiositati, tandem subeunt habitationem Mediani monasterii, famæ susurrio jam dudum sibi cogniti; ubi reperiunt Fortunatum Patriarcham venerabilem monachorum cœlestia suspirantium choro prælatum, quem olim habuerant non ignotum, compuncti sancta conversatione & admonitione eorum, susceptæ peregrinationis fixerunt circuitum. Denique instantes nimis precibus ut recludi permitterentur, vix aliquando obtinere quiverunt. Reclusi sunt ergo, rex in cella sibi præparata penes oratorium beati apostoli Petri, regina (vero) ultra alveum Rabodonis juxta Basilicam beati confessoris Apri, in quibus usque hodie fenestellæ ipsorum possunt videri, per quas suscipiebant necessaria humanæ imbecillitati. Ibidem cum aliquot vixissent annis, solummodo cœlestibus vacantes conditionibus, exuti membris corruptibilibus migrarunt ad palatia incircumscripti spiritus; ob id verius reges dicendi quod minime regnarat peccatum in eorum corpore mortali. Sepulti sunt autem in propriis cellulis: sed postea sacri artus venerandæ reginæ à prioris tumbæ loco relati, sociati sunt artibus venerandi regis: ut qui sanguine, mente, & corpore juncti fuerant, unius sepulcri participes forent. Beatus ergo Patriarcha Fortunatus, meritis tandem & ætate consummatus, huic temporalitati IV. kalend. Mart. est substractus, atque ad perpetuam stantium dierum infinitatem perductus. Hujus veneranda gleba post bases altaris beati Papæ Gregorii decenti sepulturæ est tradita: anni vero ejus regiminis Mediani monasterii reperiuntur viginti. De eodem Fortunato, ejusque cœnobii monachis post illius mortem, hæc leguntur in epistola 3. Frotharii episcopi Tullensis ad Ludov. Pium Imperator. apud Andr. Duchesne, tom. 2. monument. Francic. pag. 713. A. B. Ad aures misericordiæ vestræ reducimus, piissime Imperator, ego Frotharius episcopus, & Smaracodus abba, quod tempore Fortunati Mediolacensis monasterii abbatis, per jussionem vestram Smaracodus ipsius monasterii monachis portionem de abbacia dedit, ut regulariter viverent. Et idcirco bene & secundum regulam vixerunt, quousque Fortunatus recessit. Sed quum suscepisset Hismundus ipsum monasterium, recepit illorum portionem, & promisit se eis omnia necessaria regulariter administraturum. Quod postea sæpius aliter illis evenisse testantur: unde & nunc venerunt ad nos reclamantes & dicentes se nec regulariter vivere interius, nec regulariter alimenta corporis sumere exterius, &c. Quamobrem dedimus eis licentiam ad vos veniendi. Hæc autem vestræ sapientiæ innotuimus (notum fecimus) ut priusquam ad vos veniant, causas acclama-

Tomus III.

tionis eorum dignoscatis. Præfatus Papebrochius ait rursus *ibid.* pag. 41. col. 1. A. libello, ut putat, fultus de successoribus S. Hildulphi, initio sæculi XI. composito, hunc Fortunatum in Galliam venisse anno 803. ac vixisse saltem usque ad 823. ideoque existimari posse factum anno 801. Patriarcham Hierosolymitanum qui græco nomine *Euty chius* fortassis, vel *Macarius* appellatus fuerit, sed sumpto postea consilio remanendi in Europa, quietique vitæ monasticæ vacandi, clero suo Hierosolymitano facultatem dederit ut alium pro se Patriarcham eligeret. Hæc, inquam, conjicit Papebrochius, qui nihilominus immediate subdit num. 178. p. 41. col. 1. A. B. Annales Francorum ab anno 708. ad 808. deducti, & tom. 2. *Francicorum* (Andræ) Duchesne ex Joan. Tillii manuscripto editi, confirmant nomen successionemque hujus Patriarchæ (Thomæ) in catalogis immediate post Georgium relati, prætermisso Fortunato: forte quia male Græcos habuit eum à patriis ritibus ad Latinos transiisse: nisi quis dubitare malit utrum vere Patriarcha fuerit, creditus tamen sit, eo quod esset Patriarchæ syncellus, seu chorepiscopus. Verum Pagius *to. 3. crit. annal. Baron.* ad annum 803. n. 4. contendit hunc Fortunatum Patriarcham fuisse Gradensem propè Venetias, non autem Hierosolymitanum. Postquam enim retulit quæ supra recitavimus ex annalista Metensi, venit quoque Fortunatus Patriarcha de Græcis, &c. subjungit: Erat Fortunatus Patriarcha Gradenfis, qui in annalibus Metensibus dicitur Patriarcha de Græcis, indicans eum Venetiis venisse, juxta modum loquendi Leonis Papæ III. in *Epist. ordine XI. ad Carolum Magnum*, quæ extat conc. Labb. *to. 7. col. 1125. Reperimus in eis* (litteris Caroli) inquit Leo, quatenus à Gradenfi insula, ubi Fortunatus archiepiscopus suam propriam sedem habere videbatur, propter persecutionem Græcorum seu Veneticorum exul esse dignoscitur. Hic quippè Venetici, apud quos Gradus, Græci appellantur. Richerius tamen in chronico Senonienfi *lib. 2. cap. 6.* Fortunatum Gradensem, Patriarcham Hierosolymitanum fecit; sic enim scribit. *Tempore Caroli Magni, vir quidam venerabilis, Fortunatus nomine, Patriarcha Hierosolymitanus, corpus sancti Joseph sepultoris Domini, paganos qui tunc terram sanctam vastabant fugiens, apportavit, & ad Medianum monasterium deveniens, ibidem cum ipsis suis reliquiis se collocavit, qui postea ipsius monasterii abbas est ordinatus. Sed postmodum ipsum sancti (Joseph) corpus per insolentiam canonicorum qui illum locum possederunt, à quibusdam monachis peregrinis noctu furatum adsportatum est, & ita illud monasterium tali est thesauro viduatum.* Non inficiandum

X ij



quidem *Fortunatum*, Patriarcham Gradensem, in Franciam ad Carolum magnum anno 803. venisse: sed, ut quæ ad ipsum spectant melius intelligantur, hic nonnulla subdenda puto, quæ idem Pagius observat *ibidem*, ad annum 802. num. 3. Administratio, inquit, reipubl. Venetæ erat hoc tempore penes Joannem ducem, & annuos tribunos. Christophorus autem homo Græcus, Joanne duce Venetiarum contendente, Olivolensis episcopus constitutus est. Quod quum iniquo animo ferrent tribuni, Joannem Patriarcham Gradensem rogarunt ne Christophorum consecraret: quibus quum hic obsequutus esset, Joannes dux adeo exarsit ira, ut Mauricio filio duce assumpto, classem Gradum adduxerit, & civitate primo adventu capta, Joannem Patriarcham ex celsissima turri præcipitarit, ut narrat Sigonius *lib. 4. de regno Italiæ*, ad hunc annum (802.) Olivola insula est quæ partem hodiernarum Venetiarum constituit, in qua sedes primum episcopalis fuit, deinde Patriarchalis quæ ad hodiernam usque diem perseverat. Audito hoc immani scelere Paulinus Foro-Julienfis seu Aquileienfis Patriarcha concilium Altini mox celebravit, ut constat ex synodalibus litteris, quarum fragmentum Baronius recitavit, per quas Carolus Imperatorem Paulinus ad ultionem excitabat.... Interim tribunorum Venetorum studio Joanni Patriarchæ Gradenfi suffectus est Fortunatus ejus propinquus, cui pallium Leo (III.) Papa concessit, ut liquet ex ejus epistola Fortunato Patriarchæ Gradenfi data, quam Cointius anno sequenti (803.) *n. 11. tom. 6. pag. 809. ex Ughello to. 5. Ital. Sac. col. 1180.* recitat. In ejusdem epistolæ fine legitur: *Scriptum per manum Benedicti notarii & scrinarii sanctæ Romanæ ecclesiæ in mense Martio, Indiæ. XI. benevalete. Datum XII. kal. Aprilis, per manum Eustachii primicerii sanctæ sedis apostolicæ, imperante nostro Domino Carolo piissimo Augusto, à Deo coronato, magno & pacifico Imperatore anno tertio, Indiæ. XI.* ideoque anno (803.) Eodem anno Fortunatus, idibus Augustis, quum in regio comitatu ad Salam esset, à Carolo magno privilegium obtinuit in rescripto quod referunt Ughell. *col. 1181. & Cointius pag. 817. num. 54.* in eo autem legitur: *Notum sit omnibus fidelibus nostris.... qualiter vir venerabilis Fortunatus Gradenfis Patriarcha, sedis sancti Marci evangelistæ, & sancti Hermacoræ episcopus serenitati nostræ petiit, ut tale beneficium circa dictam memoratam sanctam ecclesiam ex nostra indulgentia concedere & confirmare debeamus, quatenus sub immunitatis nomine, tam ipse, quam sacerdotes, & reliqui, necnon servi, coloni qui in terris suis commanent, in Istria, Romandiola,*

*A seu in Longobardia, vel ubique, quieto tramite vivere & residere debeant. Cujus petitionem, ejus servitio & meritis compellentibus, denegare nolumus, &c. Signum Caroli gloriosissimi Imperatoris. Hodingus ad vicem.... & Combaldo. Dat. idib. (id est 13.) Aug. in sacro palat. nostro, anno 3. Christo propitio, Imperii nostri.* Pergit Pagius ad annum 803. num. 3. annalista Lambecianus hoc anno habet: *Ipso anno (803.) Imperator Carolus celebravit apud Aquis palatium Pascha & conventum habuit ad Moguntiam: ubi varia capitula publicavit, quæ tom. 1. capitularium Reg. Franc. & to. 7. conc. Labb. leguntur. Annalista autem Metensis hoc anno (apud Andream Duchesne tom. 3. Francic. pag. 290. B.) scribit: Missi Imperatoris à Constantinopoli regressi sunt, & venerunt cum eis legati Nicephori Imperatoris.... quorum hæc sunt nomina, Michael episcopus, Petrus abbas, Calistus & Candidatus (legendum & Calistus Candidatus, unus enim homo fuit ex aliis annalistis) qui venerunt ad Imperatorem (Carolus) in Germania super fluvium Sala, in loco qui dicitur Salzs, (tunc degentem) & pactum faciendæ pacis in Christo susceperunt. Inde dimissi cum epistola Imperatoris Romam venerunt: indeque Constantinopolim regressi sunt. Venit quoque Fortunatus Patriarcha de Græcis, afferens secum, inter cætera dona, duas portas eburneas, mirifico opere sculptas. Rursus idem Pagius ad annum 806. num. 9. ex Sigonio: Nicetas Patricius cum classe in Adriaticum Sinum venit, à Nicephoro (Imperatore missus) ad comprimendas intestinas Dalmatarum Venetorumque discordias. Fortunatus (autem) audito Nicetæ adventu, rursus in Franciam navigavit: interimque Joannes diaconus Patriarcham se dixit Gradensem, ut videre est apud Ughellum *tom. 5. Ital. sac.* ubi de Patr. Gradenf. Tunc ecclesia Polana interpontificio laborabat. Carolus ergo à Leone III. petiit ut Fortunatus, donec ecclesiæ Gradenfi restitueretur, Polanam regeret, quæ priusquam Istriæ civitates in potestatem Francorum devenirent, ad dicecesim seu provinciam Gradensem pertinebat. Annuit Leo in epistola XI. jam citata, sed ea lege, ut ecclesiæ Polanæ nihil jurium facultatumque subtraheretur. Addit autem *ibid.* in embolo: *Et hoc vestræ serenitati intimare curavimus de præfato Fortunato, ut sicut semper pro illius honore temporali laboratis; ita & de anima ejus curam ponatis, ut per vestrum pavorem, suum ministerium melius expleat: quia non audivimus de eo, sicut decet de archiepiscopo, neque de partibus Franciæ ubi eum beneficiastis. Tamen gratias agimus Deo, quia omnia vobis incognita non erunt. Interrogate quidem fideles vestros, & omnia vobis nota fient, eo quod illi qui vobis**



eum collaudant; hoc per munera & calciaria faciunt. Quid nobis plus amabile est, quam vestra dulcissima anima, &c. Hæc, inquam, Pagius, qui deinde ait, ad annum 810. n. 6. Certè Fortunatus Patriarcha ante quadriennium in Franciam profugus, à Francis postea ecclesiæ suæ (Gradenſi) restitutus est. Eginhardus insuper in annalibus, ad annum 821. (apud Andr. Duchesne *to. 2. pag. 264. C.*) hæc habet de Fortunato: *Fortunatus Patriarcha Gradenſis, quum à quodam presbytero suo, nomine Tiberio, apud Imperatorem (Ludovicum Pium) fuisset accusatus quod Liudewitum ad perseverandum in perfidia qua cæperat hortaretur, eumque ad castella sua munienda artifices & murarios mittendo juvaret; & ob hoc ad palatium (Imperatoris) ire juberetur: primo velut jussionem impleturus in Istriam profectus est; inde simulato reditu ad Gradum civitatem, nullo suorum, præter eos cum quibus hoc tractaverat, suspicante, nactus occasionem clam navigavit; veniensque Jaderam Dalmatiæ civitatem, Joanni præfecto provinciæ illius fugæ suæ causas aperuit. Qui eum statim navi impositum Constantinopolim misit. Et postea idem Eginhardus ad ann. 824. *ibid. pag. 268. A. B.* Illuc (Rothomagi) legatos Michaëlis Imperatoris qui ad eum mittebantur, sibi occurrere jussit (Ludovicus Pius,) cum quibus & Fortunatus Patriarcha Gradenſis Veneticorum regressus ad ejus præsentiam venit, sed legati Imperatoris litteras & munera deferentes, pacis confirmandæ causa se missos esse dicentes, pro Fortunato nihil loquuti sunt. Inter cætera tamen ad legationem suam pertinentia, quædam de imaginum veneratione protulerunt, propter quæ se Romam ire, atque apostolicæ sedis præfulem consulere debere dixerunt. Quos quum, legatione eorum audita, ac responso reddito, absolveret, ut se velle dicebant, Romam ducere jussit. Fortunatum etiam de causa fugæ ipsius percunctatus, ad examinandum eum Romano Pontifici direxit. (Sic enim legendum monet Andr. Duchesne, *ibid. pag. 852. A.*) Eo igitur modo Fortunatus Patriarcha Gradenſis ex Oriente in Franciam venit: scilicet ultimo hoc itinere, post quod Romam cum oratoribus Imperatoris Constantinopolitani ex mandato Ludov. Pii pergens, mortuus est in Francia, ut scribunt Sigonius citatus, & Ughellus *to. 5. Ital. Sac.* in Patriarchis Gradenſibus. Quare non dubito, inquit idem Pagius ad annum 803. n. 4. quin Richerius, qui post medium sæculum decimum-tertium chronicon suum exaravit, Fortunatum (cognoscens ex Oriente cum legatis Imperatoris Constantinopolitani in Franciam venisse, eum) Hierosolymitanum Patriarcham crediderit, quum aliunde complura scribat à veritate dissentanea: quin*

A Papebrochius etiam innixus libello de successoribus sancti Hildulphi Fortunatum Gradensem inter Hierosolymitanos Patriarchas perperam numerarit. Verum hunc Papebrochii errorem emendat doctissimus P. Joan. Bapt. Sollerius, *to. 3. actorum sanctorum Julii*, ad diem 11. ubi de sancto Hildulpho agens, sic loquitur *n. 40. pag. 215. E.* Non equidem diffiteor, Fortunatum illum, qui Madalvino successit (in regimine cœnobii Mediani,) Gradensem potius quam Hierosolymitanum fuisse Patriarcham, neque in Franciam venisse, aut B ad Carolum Magnum accessisse ante annum Christi 803. ut ex Ughello *Ital. Sac. tom. 5. Cointio annal. eccl. Francic. tom. 6. & Mabillonio annal. Benedic. to. 2. lib. 26.* colligitur. Porro, quum hic ad Ughellum, Cointium, & Mabillonium remittamur, æquum est ut breviter ea inquiramus & perpendamus quæ de illo Fortunato tradunt. Quædam jam supra ex Ughello retulimus à Pagio recensita: hæc solum addenda supersunt. Fortunatus, inquit *col. 1180. A.* natione Tergestenus, studio tribunorum in necati Joannis Patriarchæ C locum, cujus erat consanguineus, substitutus est anno Domini 803. cui etiam Leo Papa III. pallium concessisse reperitur eodem anno, Indict. XI. 12. kalend. Aug. (Aprilis) in hunc modum, apud Andream Dandolum sive Dandolum. Epistolam totam describit, quæ apud ipsum legi potest. Deinde subjungit *col. 1181.* Post hæc Fortunatus de prædecessoris sui occisione graviter dolens, patefacta conspiratione quam adversus iniquitatis duces excitaverat, exulare jussus, accito Obelerio Metamaucensi tribuno, consilium in D Franciam adeundi cœpit, ut Carolum Magnum adversus duces incenderet res Nicephori Constantinopolitani Imperatoris majore quam par esset studio complectentes. Quo excepto, id est cognito, consilio, duces subito classem Gradum iterum promoverunt, ac Fortunatum & Obelerium inde excedere coegerunt. Ii quum se Tarvisum contulissent, Obelerius à Venetis exulibus dux est declaratus, Fortunatus autem in Franciam, ut constituerat, properavit, & Carolum de cæde prædecessoris sui à ducibus illata edocuit, atque E animum eorum ad Orientale imperium inclinantem aperuit, & exinde ab eo cultus talæ rescriptum elicuit: privilegium est immunitatis, de quo supra mentionem fecimus, & hic totum extat. Pergit *col. 1182. D.* Fortunatus Caroli Imperat. gratiam hanc consequutus, ex Francia reversus, sedem suam repetere instituit, sed, ut ait Dandolus, non audens Venetias intrare, in sancti Cypriani ecclesia plebe Torcellanæ sedis degere cœpit, & Joannem episcopatus invasorem incautè



pergentem captivavit, qui pacta fuga liberatus, ducibus quæ passus fuerat enarrans, eos contra Patriarcham vehementer animavit. Posthæc Niceta patritius (à Nicephoro missus) cum exercitu ad tuenda loca Dalmatiæ venit, & succursum bellicum à Venetis requisitum obtinuit, quem postea (ad) Venetos accedentem Fortunatus Patriarcha præstolare non audens, in Franciam properavit: & Joannes diaconus, qui episcopatum invaserat, in Patriarchali sede subrogatus est. Et *col. 1183*. Fortunatus tandem, Venetorum mitigato furore, ad ecclesiam suam rediit.... Joanne invasore in propriam domum redeunte. *Joannes siquidem qui Patriarchatum invaserat, inquit Dandolus, synodali censura depositus est. Tenuit sedem annis quatuor, Fortunatus autem, favente duce, in patriam reversus est. Postmodum contra voluntatem Venetorum in Franciam remeavit. In cujus sede Joannes abbas sancti Servuli intrusus est.* At Fortunatus, anno Domini 818. veteris privilegii sui confirmatione à Ludovico Pio Imperat. recepta, & reconciliata cum Venetis gratia, ecclesiam Gradensem repetiit, ac Joannem abbatem ad monasterium suum redire compulit. Anno vero 821. ut Eginhardus de gestis Ludovici Pii refert, *quum à quodam presbytero suo, nomine Tiberio, &c. quæ supra recitavimus col. 329.* A. Permanfit Fortunatus Constantinopoli fere annis tribus, ab anno scilicet 821. usque ad annum 824. & cum legatis Michaëlis (Imperatoris Constantinopolitani) regressus, ad Ludovici (Pii) præsentiam ivit anno 824. Ludovicus Fortunatum de causa fugæ ipsius percunctatus, Romam ire jussit, ut à Pontifice examinaretur: haud diu post in Francia defunctus legitur apud Dandulum, atque Sigonium, quum reliquisset ecclesiæ suæ, & cæteris piis locis multa ecclesiastica ornamenta, quæ vivens ipse acquisierat. Sedisse tradit Dandulus, & sæpè citata chronica, in Gradenfi ecclesia annis 27. Quod si verum est, illum obiisse oportet asserere anno salutis 830. Ita Ughellus: qui nullibi ait hunc Fortunatum fuisse abbatem Mediani monasterii. Sed notandum in ea epocha 27. annorum, quam ejus regimini tribuunt Dandulus, & chronica ab Ughello recitata, errorem E

A tunatum sic 5. aut 6. annos Romam pergendo insumpsisse, ut nondum relicta Francia decesserit. Mortuus itaque Fortunatus videtur, vel ipso anno 824. exeunte, vel ineunte sequenti 825. anno duntaxat 22. Patriarchatus sui Gradenfis. Id certe confirmat Sigonius, *lib. 4. de Regno Italiæ pag. 111.* ubi ad annum 825. Venerii successoris Fortunati meminit. *Ludovicus (Pius) paschate Aquis celebrato, Noviomagum.... perrexit: deinde Aquas..... repetiit.... Ibi Venerius, qui in locum Fortunati Patriarchæ Gradenfis erat successus, missis nuntiis, confirmationem privilegii à Carolo ecclesiæ Gradenfi concessi, à Ludovico & Lothario impetravit. Sequenti anno (826.) Ludovicus Aquis circa idus Maii egressus, &c.* Non exprimit Sigonius quot annos Fortunatus fuderit, sed verbis citatis obisse clare indicat anno 825. Quod spectat ad Cointium, *10. 6. annal. eccl. Franc. ad annum 803. nm. 52. & 53. pag. 817.* totus est eo loci ut confutet Richerii commentum de Fortunati Patriarchatu Hierosolymitano. Ad Carolum Imperatorem, inquit, quum ad Salam fluvium in regio palatio resideret, accessit etiam Fortunatus Gradenfis Patriarcha, de quo sic Metensis annalista: *Venit quoque Fortunatus Patriarcha de Græcis, &c.* ut supra *col. 323.* D. Hunc Fortunatum.... Richerius perperam interpretatus est *Patriarcham Hierosolymitanum*, multaque, quibus fidem habere non possumus nisi graviore muniantur auctoritate, sic enarravit: *Tempore Caroli Magni, &c.* ut supra *col. 326.* E. Hierosolymitani Patriarchæ legatos cum muneribus ad Carolum Magnum non semel direxerunt, *Joannes* (de hoc nomine, vide supra, ubi de Georgio, *col. 319. A.*) anno Redemptoris octingentesimo, *Thomas* septimo post anno, ut Annalista, Loiselianus, Laureshamensis, alique testantur. At ipsummet Hierosolymitanum Patriarcham in Franciam venisse nemo prodit, nec illis temporibus occurrit Hierosolymitanus Patriarcha cui nomen inditum sit *Fortunati*. Corruit igitur Richerii narratio. Statim vero Cointius subjungit privilegium, de quo supra, à Carolo Magno concessum eidem Fortunato, jam Patriarchæ Gradenfi; nec dicit, saltem expresse, illum Mediani monasterii factum fuisse abbatem. Mabillonius tandem *tom. 2. annal. Benedict. pag. 340. n. 83.* censet Fortunatum Gradensem eum ipsum esse qui fuit abbas hujus Mediani monasterii; allatumque modo Cointii locum laudat ut suæ opinioni præeuntem. Si bene assignata est, inquit, superius à nobis Mediani monasterii abbatum series, non excessit hunc annum (799.) Madalvinus abbas, qui post annos regiminis duodecim dicitur obisse 3. idus Martii. Eo



mortuo, de successore deligendo magno partium studio actum est. Re ad Carolum delata, ad componendos dissidentium animos eo missus traditur Fortunatus, quem monachi unanimi tandem consensu abbatem elegerint. Hunc *Patriarcham Hierosolymitanum* dicunt Richerius monachus in chronico Senonienſi, & Joannes de Bayono in historia Mediani monasterii: quibus ejus loci necrologium suffragatur. Verum id stare non potest cum serie Patriarcharum Hierosolymitanorum: siquidem postremis hisce Caroli regis annis nullus invenitur eo nomine illius ecclesiae Patriarcha. Hæc enim dignitas hoc tempore erat penes *Joannem* (de quo nomine perperam attributo dictum est supra, *col. 319. A.* ubi de Georgio) qui anno sequenti (800.) legationem ad Carolum misit; idemque anno præſenti (799.) munera eidem regi per quemdam monachum afferri curavit: certe, si non ipse, nullus Hierosolymitanus Patriarcha tunc in Franciam venit. Joanni successit *Thomas* qui anno 807. munera Carolo submitit per Georgium abbatem montis Oliveti patria Germanum, & per Felicem monachum, quo tempore Fortunatus abbas Mediano monasterio præerat. Longè verisimilius puto hunc esse Fortunatum Gradenſem Patriarcham, qui à ducibus Venetis exagitatus, in Franciam confugit ad Carolum regem: quo agente abbas Mediani monasterii institutus sit: quo forte spectat Leonis Papæ (III.) epistola (XI.) ad Carolum de eo conquerentis; ubi Fortunatum à Carolo in Francia *beneficium* dicit (verba supra relata sunt, *col. 328. E.* in qua vox *beneficiastis*, nihil aliud exprimere videtur, quam quod dixerat Carolus in ipso rescripto beneficium scilicet privilegii immunitatis eidem Fortunato concessum, *petiit ut tale beneficium, &c.* Pergit Mabillonius, sanè tempora non malè conveniunt: nam Fortunatus ille ad Carolum se recepit anno 803. & facile, altercantibus inter sese monachis, electio (ab anno 799.) ad id tempus protrahi potuit. Mihi porro rem ita conjectanti succurrit Caroli Cointii (*tom. 6. pag. 817.*) sententia, hanc conjecturam suo calculo confirmantis: (verba ejus paulo supra adduximus, in quibus tamen, ut observatum est, nihil expresse habet de præfectura hujus monasterii quæ Patriarchæ Gradenſi data fuerit,) sed non inficias iverim id ex eo Mabillonium inferre potuisse, quod Cointius de illo Fortunato hîc agens quem dixerat Richerius fuisse Patriarcham Hierosolymitanum, & postea constitutum abbatem Mediani monasterii: primum quidem impugnet, contendens hunc Fortunatum fuisse ecclesiae Gradenſis, non Hierosolymitanæ, Patriarcham; alterum

A autem alto silentio premat, quasi Richerio, quantum ad hanc partem assentiat. Idem quoque de Pagio existimandum videtur: qui pari modo Fortunatum Medianensem præpositum ait, contra Papebrochium, fuisse non Hierosolymorum, sed Gradenſem Patriarcham. Pergit Mabillonius: hunc *Patriarcham de Græcis* vocat annalista Metensis; quod forte quum legisset Richerius, aliique, id de Patriarcha Hierosolymitano interpretati sunt, quod de Gradenſi dictum erat, &c. In necrologio Senonienſi annorum fere quingentorum, notatur IV. idus Martii, *Fortunatus Patriarcha Hierosolymitanus*: at in calendario Gregoriani monasterii, ante annos 600. scripto, & in Missali Morbacenſi annorum 500. eodem die fit mentio *Fortunati episcopi*. Primus post eum rexit monasterium *Waldo* ex sorore Madalvini abbatis progenitus: secundus, *Ismundus*, dictus *Episcopus, &c.* Ex his vehemens mihi suboritur suspicio (sunt semper Mabillonii verba) Fortunatum abbatem Mediolacenſis monasterii, ut in vulgata Frotharii epistola (cujus partem supra descripsimus, *col. 325. D.*) non alium esse à Fortunato abbate Mediano, de quo nunc agimus: tum quia locus iste, cujus abbas erat Fortunatus ille, attinebat ad parochiam Frotharii episcopi Tullenſis, ut ex contextu epistolæ patet, à qua longe aberat *Mediolacus* dicecesis Trevirenſis: tum quia illius Fortunati successor ab ipso Frothario assignatur *Ismundus*, à Bayone itidem recensitus inter Medianos abbates: denique toto Caroli Augusti principatu, quo Fortunatus ille apud Frotharium abbas erat, nullus Fortunatus invenitur inter Mediolacenses abbates. Hucusque Mabillonius, qui *ibid. lib. 28. n. 27. pp. 414. & 415.* eandem materiam rursus revocans ad examen, non *Mediolacensis*, inquit, sed *Medianensis* in Vosago, ut superius jam diximus, monasterii abbas fuisse videtur Fortunatus ille, de quo Frotharius episcopus in tertia ex suis epistolis agit, quæ res paulo accuratius hoc loco tractanda est. Sub initium principatus Ludovici Augusti, magna simultas orta inter Fortunatum abbatem adventitium, & monachos suos, de portione quæ utrisque competere debebat: Fortunatus summo jure totius substantiæ administrationem sibi vindicabat; monachi vero, ut ille erat alieni gregis & instituti, certam sibi portionem assignandam esse contendebant. Res ad Ludovicum delata, commissaque ejus negotii cura Smaragdo abbati sancti Michaëlis ad Mosam, is monachis *portionem de abbacia dedit, ut regulariter viverent*. Et re quidem vera hi *regulariter* vivere, *quousque Fortunatus recessit*. Verum eo mortuo, *Ismundus* ejus successor



monachorum portionem usurpavit, &c. (ut supra in epistola Frotharii legere est, *col. 325.*) Quid de his statuerit Imperator, nobis haud innotescit. Porro in toto hoc negotio actum videtur, non de Mediolacensi monasterio diocesis Trevirensis, sed potius de Medianensi, quod intra fines parochiæ Tullensis situm est. Cur enim ad *Frotharium Tullensem* reclamassent illi monachi, & non potius ad *Trevirenses* antistitem, ex abbate Mediolacensi, si Mediolacenses ipsi fuissent! Accedit quod eo tempore Medianum monasterium regebat Fortunatus Patriarcha & abbas, & interposito post eum Waldone, Ismundus episcopus dictus, quæ omnia prædicto negotio apprimè congruunt, ut jam superius ostendimus. Denique in veterrimo codice, quo usus videtur Chesnius (Andr. Duchesne) in his edendis epistolis, non *Mediolacensis*, sed *Mediolanensis* monasterii adscripta est mentio, ubi forte primitus scriptum fuerat *Medianensis*. Suspiciandi locus est, juxta observationem viri eruditissimi hujus temporis, *Mediolanense* monasterium, hic eodem sensu dictum ac *Medianense*, id est in medio situm. Cujus significationis elucidationi nonnihil confert illud Valesii in notitia Galliarum *pag. 312. col. 2.* ubi de *Magduno ad Averam*, gallicè *Mehun-sur-Yèvre*: Quod (castrum) Gregorium (Turonensem) inquit, sequutus Aimoinus in *lib. 3. hist. Franc.* (apud Andr. Duchesne *tom. 3. monum. Francic. p. 70. C.*) castrum *Mediolanense* appellat, & sua ætate, (videlicet principatu Roberti Francorum regis) *Magdunum* nuncupatum ait, ut in *lib. 11. rerum Francicarum* observo, *p. 157.* Gregorii in codicibus verba sunt hæc: (*lib. 6. hist. Franc. cap. 31. col. 305.*) Biturici vero cum quindecim millibus ad *Mediolanense* castrum confluunt. In editis libris legitur *Mecledonense* castrum, mendose (nam *Mecledonense* est *Melum* apud Senones.) Idem Valesius infra *pag. 330. col. 1.* ubi de *Megeni* monasterio, quod illud ipsum est *Medianum* monasterium, notat illud appellari *Medianum*, quod medium sit inter quatuor monasteria. In chronico Senoniensi reperio, inquit, *Medianum* monasterium, seu gallicè *Moyen-Moustier*, ab ipso conditore Hildulpho appellatum esse, propterea quod, ab ortu Senoniense monasterium (gallicè *Senone*) ab occasu Stivagium (*Estivay* sive *Estival*: ) à meridie Juncturas sive sanctum Deodatum (*Saint-Diey*) à septemtrione Bodonis monasterium (*Boudonville*, sive *Boufonville*) habebat. Pro *Mediolanensi* autem, in eo sensu scripto vel etiam fortassis *Mediolocensi*, irrepsit verisimiliter *Mediolacense* monasterium, ut enim observat auctor historiæ Mediani monasterii

A impressæ Argentorati 1724. *pag. 173.* Medianum monasterium non raro appellatum reperitur *Medii-loci* cœnobium, & quemadmodum à Mediolacu *Mediolacense* dictum est illud quod ad diocesis Trevirensis pertinet; sic à medio loco *Mediolocense* istud dici potuit. Cæterum, prosequitur Mabillonius, nullam forte antiquiorem invenias partitionem reddituum factam inter abbatem, & monachos, quam istam, cujus similes in monasteriis Dionysiano & Germanensi ab Hilduino abbate factæ sunt. Quod hucusque B asseruit doctissimus Mabillonius multum profecto juvat ad dirimendam quæstionem cujusnam Fortunatus, ex duplici illo cœnobio nimirum *Mediolacensi* in diocesi Trevirensi, vel *Medianensi* in Tullensi, quorum alterutri indiscriminatim scriptores eum præfectum fuisse tradunt, curam susceperit; neve nos utrumque illud cœnobium, locum unum duplici nomine designatum perperam arbitremur. Verum dissimulare nequeo mirum admodum videri, tantum scriptorem, aliosque doctrina non minus celebres viros, non animadvertisse, nisi fides omnis Dandulo, Sigonio, Ughello, Annalistis, imò Leoni III. Carolo Magno, & his similibus denegetur, stare nullatenus posse *Fortunatum* abbatem Mediani monasterii unum eundemque fuisse hominem cum *Fortunato* Patriarcha Gradenfi. Quomodo enim Fortunatus, assidue incumbens regimini monachorum cœnobii Mediani, ab anno 803. usque ad annum 822. aut 823. quo obiit, fuerit Fortunatus ille Patriarcha Gradenfis, in cujus vita nulla occurrit mentio hujusce monasterii, quod scilicet D curam ejus susceperit unquam aut gesserit: sicut nec in vita Fortunati abbatis ullum legitur verbum de ecclesia Gradenfi cui vel per horam præfuerit! Quomodo, inquam, fuerit Fortunatus ille qui constitutus Patriarcha Gradenfis anno 802. aut 803. pallio pro hac ecclesia donatus est anni proximè memorati mense Martio! Qui ejusdem anni mense Augusto, adhuc in Francia degens, quo sese receperat opem Caroli Magni imploraturus ut sede Gradenfi ad quam electus fuerat pacificè frueretur, ab illo diploma obtinuit privilegii immunitatis pro eadem ecclesia ac territorio adjacenti! In cujus gratiam Carolus Imperator à Leone III. postulavit ut ecclesiæ Polanæ tunc vacanti præesset, donec suæ Gradenfis iniret possessionem! Qui exinde sæpius ejectus à Venetis, in Franciam venit ad Carolum, ac filium ejus Ludovicum Pium à quo etiam præfati privilegii impetravit confirmationem! Qui anno 821. ab eodem Ludovico vocatus in judicium, Constantinopolim fugit ne responderet, ibique commoratus est



est usque ad finem anni 824. regressus subinde post biennium fere ab obitu Fortunati abbatis in suo monasterio Medianensi? Qui demum in Franciam reversus cum legatis Michaëlis Imperatoris, Romamque missus cum iisdem legatis à Ludovico Pio, ut Eugenii Papæ examen de sua fuga subiret, in Francia decessit, vel eo anno 824. vel sequenti 825. imò, si, quod post Dandulum aliosque refert Ughellus, ipsum nempe tunc 27. sui præsulatus annum excurrisse verum fuerit, anno 830. nonne his omnibus palam est Fortunatum Mediani monasterii abbatem, alium prorsus fuisse hominem à Fortunato Patriarcha Gradeni? Hinc recte ut viri duo ab Andreo Duchesne *to. 2. monum. Francic.* distinguuntur; dum in indice rerum ac verborum ad calcem posito sub litt. F. habet:

*Fortunatus Patriarcha Gradenfis. 264. 268.*

*Fortunatus Mediolacensis abbas. 713.*

Author recentioris historiæ Mediani monasterii in monte-Vosago, impressæ Argentorati anno 1724. in notis ad vitam Fortunati abbatis hujus cœnobii, quam transcripsit ex libello cujusdam Anonymi de successoribus sancti Hildulfi ejusdem monasterii conditoris, tertiæ ejus vitæ ab eodem interpolatæ circa initia sæculi XI. addito, (qui extat etiam *to. 3. Thesauri novi Anecdotor. P. Edm. Martenne, pag. 1115.*) confundit pariter hunc Fortunatum abbatem præfati monasterii, cum Fortunato Gradeni Patriarcha. In iis quippe notis recenset, veluti supplementum quo vita Fortunati abbatis elucidatur, quicquid Ughellus, & alii tradunt de Fortunato Patriarcha Gradeni: observationesque interserit quibus conatur ostendere unum esse ac eundem hominem. Hinc primo, *pag. 154.* quod in vita Fortunati abbatis asseritur ab anonymo *ibid. pag. 152.* hunc virum jubar fuisse *ab Oriente, &c.* notat: per *Orientem* hîc intellige regionem respectu Mediani monasterii *Orientali*. (Subdit tamen ipse anonymus paulo post, sese clarius explicans, & Scholion annotatoris per antecessum destruens, Fortunatum *ab Hierosolymis* venisse, id est ex ea orbis parte quæ à nobis appellatur Oriens.) Secundo, eo quod anonymus Fortunatum illum *Patriarcham* nomet, (qui probabiliter præfecturam tantummodo alicujus insignis monasterii Hierosolymis vel prope ejus muros siti gerebat; in eodem sensu quo *capite 5.* sequenti *regem* nuncupat, virum quemdam qui dominus duntaxat alicujus loci, vel gubernator civitatis erat, aut simpliciter potens ac dives, juxta explicationem ab ipsomet annotatore *pag. 167.* subministratam) ait, inquam, *pag. 154.* Fortunati Patriarchæ sedem diserte

*Tomus III.*

A notatam proculdubio non reperit anonymus hujus libelli auctor, quumque cerneret illum ex Orientis partibus adventasse, necnon Patriarchas Hierosolymitanos illius temporis Caroli Magni clientelam & benevolentiam, missis ad eum non semel legatis ac muneribus sibi conciliaffe, conjectavit Fortunatum Hierosolymorum extitisse Patriarcham (nusquam tamen adstruit anonymus Fortunatum hunc fuisse Patriarcham *Hierosolymitanum*) suæque conjecturæ nimium indulgens, pergit annotator, pleraque ei tribuit quæ nonnisi Hierosolymitano Patriarchæ conveniunt. (Hæc ille scribit ex præjudicata sua opinione quod Fortunatus abbas, ipsemet Fortunatus fuerit Patriarcha Gradeni, qui subinde non *ex Oriente & Hierosolymis*, sed *ex diuione Venetorum* ad Carolum venerit; verum non ea fuit mens anonymi, ut ex toto ejus contextu patet.) Anonymum, subdit annotator *p. 155.* sequuti sunt Richerius in chronico Senoniensi, & Joannes à Bayono historiographus Medianensis monasterii, sed fidem illis adhibere nos vetat, tum quod in serie Patriarcharum Hierosolymitanorum nullus circa idem tempus invenitur cui *Fortunati* inditum sit nomen; tum etiam quod Hierosolymitanum aliquem Patriarcham tum in Franciam venisse nemo prodit. Longè igitur verisimilius cum Cointio & Mabillonio putamus hunc Fortunatum Gradensem fuisse Patriarcham, qui à ducibus Venetis exagitatus in Franciam confugit ad Carolum Magnum, à quo Mediani monasterii abbas sit constitutus. Nam optime congruunt & Fortunati nomen, & Patriarchalis dignitas, & accessus ad Carolum Magnum, & tempus ejusdem accessus qui anno Christi 803. contigit. (Hæc profecto de uno eodemque homine dici congrueret, nisi alia longe gravioris momenti argumenta repugnarent, totamque hypothesim illam destruerent penitus.) Prosequitur annotator, (nec illud scitu inutile) *Grado* Italis *Grado*, incolis vero *Grao*, insula est oræ Venetæ ab Aquileiensibus, dum Longobardorum injurias timerent, habitari cœpta; postea vero ob Patriarchatum ab ipsis Aquileiensibus oppugnata, quousque tandem translata Venetias Patriarchali sede, quod anno 1445. contigit, Gradeni civitas ad exiguum redacta est vicum. Vide Ughellum, *Ital. sac. to. 5.* Alia transcribit annotator de Fortunato Gradeni, ex Ughello, quasi de Fortunato abbate dicta essent, quæ jam supra relata sunt, & simul clarissime demonstrant Fortunatum Gradensem de quo asseruntur, alium prorsus fuisse ab eo Fortunato quem Mediano monasterio Carolus Magnus præfecit abbatem. Tertio, recitata Leonis III,



ad eundem Carolum epistola de Fortunato Gradenſi; quod ait Pontifex, inquit, *p. 162.* Fortunatum ab Imperatore in Francia *beneficiatum* fuiſſe, de Mediano monaſterio huic Patriarchæ in beneficium conſeſſo haud dubiè intelligendum eſt, nam nullibi legitur in Francia quidquam aliud jure beneficii obtinuiſſe. (Optima applicatio ſi cætera convenirent: legitimum hujus verbi ſenſum ſupra dedimus *col. 333.*) C. Quarto, poſtquam narravit *pag. 164.* ex Ughello, quomodo Fortunatus Patriarcha Gradenſis Conſtantinopoli reverſus circa finem anni 824. & à Ludovico Pio Romam miſſus ut à Pontifice de fugæ ſuæ cauſa examinaretur, haud diu poſt in Francia obierit, hæc habet: quo in Franciæ loco deſunctus ſit, non tradunt præſati auctores Dandolus, Sigonius, Ughellus, ſed quum anonymus noſter *cap. ſeq.* diſerte aſſerat illum in oratorio beati Papæ Gregorii quod Mediano monaſterio adjacet, decenti ſepulturæ traditum fuiſſe, vix dubitari poteſt quin etiam in dicto monaſterio obierit. (Id rectè de Fortunato abbate dictum, ſed perperam Fortunato Gradenſi adaptatum, qui biennio ſaltem poſt Fortunatum abbatem deceſſit.) Quinto, quia epocha viginti annorum, quam anonymus tribuit regimini Fortunati abbatis, deſignans utique non ſerius anno 823. eum indicat mortuum priuſquam Fortunatus Patriarcha Gradenſis Conſtantinopoli revertetur, anno 824. viginti illis annis duos alios ex mente propria adjicit *pag. 168.* vel mendum huc irrepiſſit, inquit, vel male recensuit anonymus annos regiminis Fortunati: nam quum abbatiam Medianenſem adeptus ſit anno 803. & obierit anno duntaxat 825. (addere debuerat vel etiam 830. quum poſt Dandolum & alios tradat *ibidem.* Ughellus de Fortunato Gradenſi, illum ex hac vita migraviſſe anno ſui præſulatus 27. qui utique inciderit in illum ann. 830.) ſequitur, pergit annotator, ipſum ea abbatia potitum fuiſſe annis circiter viginti duobus. Hæc ille loquitur ex præjudicata iterum ſua opinione, quam ab auctoribus recentioribus hauſit, exiſtimans utique Fortunatum Mediani monaſterii abbatem, ipſum eſſe Fortunatum qui Gradenſis erat tunc temporis Patriarcha. Verum id ita latebat anonymum libelli de ſucceſſoribus ſancti Hildulphi auctorem initio ſæculi XI. ut ejus non poſſit trahi ad hanc ſententiam conſciendam contextus, quod ſane ex ipſo annotatore palam ſit, quin illum multis in locis, ne dicam in tota fere narratione, corrumpi neceſſe ſit. Conſtat itaque, collata Fortunati abbatis Mediani monaſterii vita quam recenset ex prædicto anonymo, novus hic hiſtoriæ iſtius monaſterii

A ſcriptor, cum ejuſdem notis in illam vitam, Fortunatum abbatem præſati monaſterii, à Fortunato Gradenſi Patriarcha toto cælo differre. Primo enim, Fortunatus abbas, ex Oriente ſimpliciter accepto, juxta mentem anonymi, & *Hierofolymis*, ſua probabiliter patria, miſſis antea pluries legatis ad Carolum Magnum Imperatorem, in Franciam ipſe venit, tum principis hujus inviſendi gratia, tum etiam interceſſionis ejus implorandæ apud Aaronem Califam, ne ulla à Mohammedanis ſanctum Domini ſepulcrum injuria B afficeretur. Fortunatus vero Gradenſis Patriarcha, ex regione Venetorum, ubi proculdubio natus fuerat, homo proinde Italus, vel ſi malis Græcus, ſecundum quod hujus regionis incolæ tunc interdum dicebantur, ad Carolum Magnum acceſſit, ut ejus ope ſedem Gradenſem ad quam electus erat poſſet conſcendere, quantumvis Venetos eorumque ducem pateretur adverſarios, à quibus exulare cogeatur. Secundo, Fortunatus abbas exhibetur ceu vir ſanctus, qui monaſtica fovendæ diſciplinæ indefinenter C ſtuderet, qui ſuorum proſectui religioſorum tanta aſſiduitate invigilaret, ut virtutum illorum longius promanante fama, validiusque adhuc inducente exemplo, regulus quidam cum ejus filia, id eſt homines nobilitate, divitiis ac auctoritate inſignes, ſæculo nuntium remiſerint, ibique ſub ejus ductu divino reliquos dies mancipaverint obſequio: qui tandem jugi in eo cœnobio præſentia, ſummæque ſanctitatis laude, plurima eidem cœnobio prædia comparaverit. Fortunatus autem Patriarcha Gradenſis Leoni III. Papæ D ſuſpectus non parum fuit de agendi ratione dignitati ipſius beneficiisque à Carolo Magno acceptis minime respondente: nunquam inſuper detegitur in Mediano monaſterio commoratus, ſicut pariter nec uſquam Fortunatus hujus cœnobii abbas legitur in Italiam perrexiffe, aut eccleſiæ Gradenſis geſſiſſe curam. Imo anno ipſo 803. quo Fortunatus Gradenſis in hanc ſedem recens promotus ad Carolum venit, beneficium quoddam ille ab eo popoſcit & obtinuit, non pro Mediano monaſterio, de quo ne verbum quidem in E Caroli extat diplomate, ſed pro eccleſia ſua Gradenſi, terrisque adjacentibus, privilegium quippe alicujus immunitatis. Exinde Fortunatus idem, modo in Italiam revertitur, modo in Franciam redit: fugit poſtea Conſtantinopolim, ibique per tres ferme annos moratur. Regreſſus tandem in Franciam cum legatis Michaëlis Imperatoris in fine anni 824. Romamque miſſus à Ludovico Pio ut Pontificis de fuga ſua examen & judicium ſubiret, moritur in Francia, anno 825. ex hypotheſi



tamen quod re vera 27. tunc sui præfulatus annum non numeraverit Fortunatus, secus ac ex Dandolo & aliis refert Ughellus, sed id filet annotator. Non refragarer sane pro 20. annis præfecturæ Fortunati abbatis Mediani monasterii subrogari potuisse 22. annos, ut obiisse diceretur anno 825. si præter hanc circumstantiam, cæteræ utriusque vitæ in unum eundemque virum evidenter coinciderent. Sed quum è contra duos distinctos homines palam ubique circumstantiæ illæ arguant, sufficientem non suppetere contendo textus anonymi eo loci emendandi rationem, hanc solam, quod Fortunatus Gradenfis Patriarcha ante illum annum non obierit; sicut nec conjectandi cum eodem annotatore pag. 164. Medianum monasterium locum illum fuisse, quem non nominant Dandolus, Sigonius, & Ughellus, ubi in Francia Fortunatus Gradenfis Patriarcha decessit, dum Rōmanum iter jussu Ludovici Imperatoris perageret; id, inquam, conjectandi sufficientem non subesse rationem dico, quod Fortunatus Mediani monasterii abbas in sacello beati Gregorii ibidem sepultus fuerit. Non solidiori rursus innixus fundamento asserit idem annotator p. 167. corrigendum esse anonymum, quum ait ibidem Fortunatum ex hac vita migravisse *IV. kal. Martii*, id est die 25. Februarii, & substituendum *IV. idus Martii*, id est die 12. hujus mensis: observavit, inquit, Mabillonius, quod in Necrologio monasterii Senoniensis annorum fere 500. notatur *IV. idus Martii Fortunatus Patriarcha Hierosolymitanus*. In Calendario autem Gregoriani monasterii ante annos 600. scripto, & in missali Morbacensi annorum 500. eodem die fit mentio *Fortunati episcopi*. Quæ si de Fortunato nostro intelligantur, ut ex trium illorum monasteriorum in vicinia Mediani cœnobii consistentium consensione omnino intelligenda videntur, non *IV. kal.* ut hîc legitur, sed potius *IV. idus Martii*, ut in Necrologio, Calendario, & Missali prædictis habetur, idem Fortunatus obiisse dicendus est, idque anno duntaxat 825. quum ex ante dictis constet illum Ludovici Imperatoris conspectum subiisse sub finem mensis Novembris anni 824. (At Fortunatus ille Constantinopoli regressus, Fortunatus fuit Patriarcha Gradenfis, non vero Fortunatus abbas Mediani monasterii, qui biennio fere antea obierat, utique non ferius anno 823. die 25. Februarii.) Porro fides haud dubiè major debetur anonymo, utpote antiquiori à 7. sæculis scribenti in ipso Mediano monasterio ubi Fortunatus illius abbas decesserat, quam auctoribus Necrologii, Calendarii, & Missalis, qui illo posteriores sunt, & in aliis monasteriis scripsere. Præter-

Tomus III.

quam quod, ex Nat. Alexand. tom. 6. in-fol. hist. eccl. sæcul. 9. & 10. cap. 3. art. 39. col. 2. ubi de Flodoardo, hoc argumenti genus nihil evincit, quia, ut scite observat Colvenerius, non iisdem diebus, quibus aliquis ex hac vita discedit, anniversariam commemorationem obitus ipsius in ecclesiis celebrari passim testatur usus, idque ob varia impedimenta (eorum locorum propria.) Maneat ergo inconcussum, Fortunatum abbatem Mediani monasterii, quod cum cœnobio Mediolacensi in diœcesi sito Trevirensi minime confundendum est, primo non fuisse *Hierosolymorum Patriarcham*, sed vel episcopum in Palæstina, vel archimandritam uni, pluribus-ve monachorum cœnobiis præfectum propè Hierosolymam aut in ipsa civitate, fortassis quoque chorepiscopum, vel Patriarchæ Hierosolymitani Syncellum, aut ejus sub ipso vices gerehntem. Secundo, hunc etiam non fuisse Fortunatum illum qui ab anno 803. usque ad annum 824. *Gradenfi ecclesiæ varia fortuna præfuit*. Denique Fortunatum illum Gradensem Patriarcham modo memoratum, ut minime *Hierosolymitanis præfulibus*, sic nec *Mediani monasterii abbatibus* esse accensendum.

His de Fortunato, quem Hierosolymitanum Patriarcham nonnulli auctores inadvertenter dixerunt, elucidatis, ad Thomam verum Patriarcham venimus. Is Georgio Hierosolymitano præfuli mortuo jam suffectus erat ante medium anni 807. Nam in annalibus Francorum, apud præfatum Andreæ Duchesne, pp. 82. C. & 83. A. leguntur ejus legati Georgius & Felix anno 807. paulo-post xv. kal. Sept. sive diem 22. Aug. quo eclipsis lunæ facta est, cum legato regis Persarum ad Imperatorem Carolum Magnum pervenisse. Videtur autem fuisse hic Thomas, de quo sequentia tradit scriptor actorum Martyrii 20. monachorum Sabaitarum apud Bollandum tom. 3. Mart. ad diem 20. hujus mensis. Post enim relatum primam Saracenorum irruptionem in lauram sancti Sabæ, sic loquitur, num. 23. pag. 170. B. *Ita è patribus, triginta circiter sauciati sunt; lethaliter plerique, alii summa tantum in cute perstricti*, num. 24. C. *... Omnes vero rigor & tremor cum stridore dentium, & pallor lethalis occupaverat: quos optimus medicus, idemque pientissimus abbas Thomas (is qui postea ordinatus veteris lauræ Hegumenus est,) pro ea quæ aderat facultate reclinans, convenientem cuilibet curationem exhibebat*. Hæc quippe mire conveniunt Thomæ Patriarchæ, de quo mentionem facit Leontius in vita S. Stephani Sabaitæ, tom. 3. actorum sanctorum mensis Julii, n. 136. p. 588. A. Res paulo altius sumenda est. Est mihi



nutrix, inquit Leontius ille ibidem, num. 133. pag. 586. C. patris soror, pia & amans Deum. Hæc aliquando, sicut facere sæpe assueverat, in sanctam Hierusalem orationis causa venerat cum ancilla quadam, quam religiosa matrona iugo servitutis exemptam libertate donaverat. Ambæ itaque Hierosolymis sanctam Dominicæ passionis celebritatem transigunt. Inde vero in sanctum Sinai montem pro sua consuetudine sunt profectæ: quumque sacra ac veneranda istic loca salutassent, in sanctam urbem remearunt: in itinere autem amita mea in morbum incidit. Ubi urbem sanctam tenuerunt, & aliquot ibi dies commoratae sunt, salutem à Deo & valetudinem expectantes, nihil proficere, protracta in longum ægitudine, ac vertente semper in deterius; quod divina videlicet in rem nostram providentia factum est. Amita ergo mea gravari in dies sese ac deficere, morbum vero invalescere sentiens, ac propè jam abesse, ut putabat, à mortis limine, accersiri me cum aliquo de patribus jubet, num. 134. Ego statim ut rescii, accepta à magistro facultate, ad illam me confero. Ut me vidit: crede mihi, ait, fili, nec levi de causa, neque temere hunc ad me veniendi laborem suscipere te volui; sed Dei, operisque præclari ac salutiferi causa. Cæterum ne te macera, si relicta tantisper laura tua, aliquid incommodi senseris; sed utilem negotii finem ante oculos habe. Audio etenim dominantem hinc magistrarum tyrannice, perverse, injusteque administrare rem suam, fortunis homines evertere, ac maxime imbecillos, accolas, hospites, tum apud quos occasionem opportune quandam invenerit, spoliare facultatibus suis, &c. Et ego igitur cognatis hinc meis destituta, heredem aliquem, si quidem Deo visum fuerit ad sese ex hac infirmitate evocare miseram, atque afflictam hanc animam, nuncupabo. Nihil enim ita me cruciat, uti misera hæc puella; quippe quam vereor ne, ob exhibitum mihi in comitatu obsequium, contra ius fasque comprehendant; deinde etiam Christianos (vexent) qui me exceperunt hospitio. Quamobrem dato te precibus meis, fili, & Arabes mihi viros delectos atque auctoritate præditos adducito, ut eos testes adhibeam nihil hic omnino me possidere, virginemque hanc liberam esse, ac nulli domino subjectam: tum apud nos mane, donec morbi huius, qui me graviter vehementerque exercet, eventum videris; atque ita genuinum te fratris mei filium exhibueris. n. 135. Postquam ista ex amita intellexeram, consultius esse duxi ab ea non discedere: at exactis istic diebus non paucis penitere me facti cæpit; jamque è civitate cogitabam abire & reverti in lauram: sed damnato mox consilio, cohibui memet, & permansi. Ac post tempus satis longum, otium iterum subrepsit ac tædium, placebatque proficisci: sed mea me denuo con-

scientia inhibuit. Idemque mihi, cogitationibus presso impugnatoque, iterum ac tertio accidit. Tandem inquietus animi adire magistrum statui, atque ex eo quærere, quo res demum esset evasura; ad sanitatem, an ad mortem. Sed utinam istud fecissem ab initio, neque vitam in medio sæcularium otiosam tamdiu segnemque duxissem, n. 136. Erat tum diaconus, qui modo Theadelphici throni gubernacula suscepit Dominus Thomas, in quem ægrotantium in urbe cura incumbibat: quippe qui medicus esset dexterimus, eruditione pariter & experientia clarus, vitamque sanctorum Cosmæ ac Damiani disciplinæ æmulam instituens. Huic igitur beatissimo præstantissimoque viro confisus, quæ habebam consilia exposui, amitaque mea in extremis relicta periculis, noctu lauram repetii. Quum istuc hora circiter diei secunda advenissem, recto cursu ad magistrum meum contendere, amita causa admodum festinus. Hesyphasterium Ἡσυχαστήριον (locus erat arctissimæ solitudinis) ut attigi, ac signum, ut moris erat, exiguo lapillo ter dedi, aperit mihi senex (sanctus Stephanus) & manu januam tenens, antequam omnino quidquam loquutus ego essem, ait mihi: optime veneris, ô fili mi, optime veneris: noli te cruciare; non enim ex hac infirmitate morietur amita tua. Ego vero; hoc ipsum, dicebam, ut ex te intelligam modo adveni, ô Pater. Subiecit ille: scio enimvero, scio ea causa te advenisse: itaque pro certo noveris, fili, hoc morbo nequaquam illam extinctum iri. Vide ergo animos ne despondeas, neque te, aut luctu, aut sollicitudine, aut stulta anxietate divexes. Quod quum tertio dixisset, priusquam fecissem ego verbum unum, orsus est recitare Pater noster, & precatione completa, benignè atque amicè me admisit, num. 137. Postquam consedissemus, rogavi eum denuo, omni aviditate diligentiaque id scire manifesto expetens, quo amita meæ desitura demum esset ægrotudo.... vix enim ad lauram pertingere me posse existimabam, quin illa expirasset.... Tum vero ille: etiam hoc rogitas, modicæ fidei? Non id asserui tibi satis ut fidem habeas!.... Quapropter ut remedium tardæ tuæ fidei asseratur, abi ad pistorem, eumque roga, ut hostiam tibi unam conficiat; quia nullam habet paratam, quum dies hæc sit quarta hebdomadæ, n. 138. Quumque abiissem, atque hostiam accepissem eadem hora coctam, obtulit eam sanctus senex, absolutoque missæ sacrificio, accedit ad me vultu ad lætitiâ composito.... & sic inquit: Numquid non dixi tibi, modicæ fidei, amitam tuam ex hac infirmitate interituram non esse? Excute igitur aliquando ex animo obstinatam omnem in credendo duritiem.... neque me de hac re posthac unquam interrogaveris! itaque sermonibus ejus divina inspiratis gratia persuasus, pedes ei manusque exosculatus sum, Deo as-



deifero seni impense de hac re gratias agens. Et quum reliquum diem illum serena atque imperturbata illic mente mansissem, postridie revelatam divinitus per os senis.... (sanitatem) ipsimet amitæ meæ dilectissimæ nuntiaturus abscessi. Neque id me turbavit quod eam offenderem in ultimo discrimine; sed illam consolatus, post unum alterum-ve forte diem, concepta de senis oraculis optima spe mentem pascens ac serenans, in lauram reverti. Amita vero mea post dies non multos valetudini restituta, discessit in civitatem suam, & ad hunc usque diem (quo scilicet hæc scribebat Leontius initio sæculi noni) per Dei gratiam perpetua sanitate ac viribus pollens hymnum Deo gratiarum actionis exsolvit. Porro ex hac narratione discimus, Thomam esse probabilissime, ut supra dictum est, & censent quoque doctissimi actorum sanctorum editores Antuerpienses, 10. 3. Mart. ad diem 20. num. 24. pag. 170.... 10. 3. Maii, in tract. prælim. pag. 41. n. 178.... & 10. 3. Jul. ad diem 13. pp. 530. & 590. esse, inquam, Thomam illum, monachum Sabaitam qui in actis martyrum Sabaitarum, ut medicus insignis laudatur, ejusdemque veteris lauræ sancti Sabæ postea hegumenus sive præfectus traditur factus. Ex eo scilicet munere ad Patriarchalem Hierosolymorum sedem promoveri potuit, siquidem Leontius, qui eum testatur Patriarcham quum ipse vitam scriberet sancti Stephani Sabaitæ, hanc vitam edidit, compositis jam ab aliquot annis à Stephano monacho Sabaita ante quam Thomas Patriarcha esset, actis martyrii 20. monachorum Sabaitarum, qui sub Helia Patriarcha anno 796. à Saracenis occisi sunt. Testes vero estis etiam vos omnes, inquit Leontius in ea sancti Stephani Sabaitæ vita, n. 177. pag. 607. F. loquens de Theotisto, qui fuit unus illorum martyrum, cujus gloriam futuram idem S. Stephanus prævia quadam visione nuntiabat, veram hanc visionem fuisse, non solum propter apertam ejus vitæ sanctimoniam, verum etiam quod supremo martyrii baptismo, quod secundas non admittit sordes perpurgatus est: est enim è numero Patrum in maxima sancti Patris nostri Sabæ laura à barbaris interfectorum, quorum vir omni virtute præstans Pater Stephanus, lauræ nostræ decus ingens & ornamentum, historiam concinnavit. Supra diximus col. 321. C. anno Chr. 807. simul cum legato regis Persarum duos monachos à Thoma Hierosolymitano Patriarcha missos venisse ad Carolum Magnum. Hanc legationem, & munera regis Persarum tunc allata, describit auctor annalium rerum Francicarum, qui sunt ab anno 741. usque ad annum 814. Eos ex vetusto exemplari manuscripto Antonii Loiselii (quod postea ad bibliothecam

A transiit illustris viri Francisci Thuani Jacobi-Augusti filii) edidit Andreas Duchesne 10. 2. monum. Francic. à pag. 24. ad pag. 49. In anno autem 807. hæc habent annales illi, pag. 44. Iterum mense Augusto XI. kal. Septemb. eclipsis lunæ facta est hora noctis tertia, sole posito in quinta parte Virginis, & luna in quinta parte Piscium. Sicque ab anni superioris Septembrio usque ad anni præsentis Septembrium, terra luna obscurata est, & sol semel. (De his eclipsibus supra egit) Ratbertus missus Imperatoris (Caroli,) qui de Oriente revertebatur, defunctus est: & legatus regis Persarum, nomine Abdella, cum monachis de Hierusalem qui legatione Thomæ Patriarchæ fungebantur, quorum nomina fuere Georgius & Felix. (Hic Georgius est abba in monte Oliveti, & cui patria Germania est, qui etiam proprio vocatur nomine Engelbaldus) ad Imperatorem pervenerunt, munera deferentes quæ prædictus Rex Imperatori miserat: id est, papilionem, & tentoria atrii vario colore facta, miræ magnitudinis & pulchritudinis. Erant enim bissima, tam tentoria, quam & funes eorum diversis tincta coloribus. Præterea munera præfati regis pallia serica multa & preciosa, & odores atque unguenta, & balsamum: necnon & horologium ex aurichalco arte mechanica mirifice compositum. In quo XII. horarum cursus ad clepsydram vertebatur, cum totidem æreis pilulis, quæ ad completionem horarum decidebant, & casu suo subjectum sibi cymbalum tinnire faciebant. Additis in eodem ejusdem numeri equitibus, qui per XII. fenestras completis horis exiebant, (exibant) & impulsu egressionis suæ totidem fenestras, quæ prius erant apertæ, claudebant. Necnon & alia multa Derant in ipso horologio quæ nunc enumerare longum est. Fuerunt præterea inter prædicta munera candelabra duo ex aurichalco miræ magnitudinis & proceritatis. Quæ omnia Aquis-palatio ad Imperatorem delata sunt. Imperator legatum & monachos per aliquantum tempus secum retinens, in Italiam direxit, atque ibi eos tempus navigationis expectare jussit. Ad parenthesis initio hujus narrationis attendendum monet Cointius, annal. eccl. Francor. 10. 7. ad annum Christi 807. num. 1. pag. 81. (Hic Georgius est abba in monte Oliveti, & cui patria Germania est, qui etiam proprio vocatur nomine Engelbaldus.) Hanc enim parenthesis præterierunt annalistæ Lareshamensis, Fuldenfis, Eginhardus, Ado, necnon incertus auctor in vita Caroli. Annalistæ vero qui eam transcripserunt, ut Bertinianus ac Metensis, monachus Engolismensis, & Regino, usi sunt temporibus imperfecto ac perfecto: Bertinianus; Georgius erat abbas, patria erat Germania, proprio nomine est vocatus Egilbaldus. Metensis & Regino; abba erat, erat natione Germanus,



et à parentibus Engilbaldus vocatus est. Monachus Engolismensis, quorum Georgius abbas, . . . patria Germanus, proprio nomine Engilbaldus dicebatur. Ex hac autem discrepantia, inquit Cointius, liquet auctorem codicis Loiseliani scripsisse quum Georgius abbas in vivis superstes esset, alios vero manum calamo ferius admovisse. Annales etiam codicis Tili, qui ab anno 708. usque ad annum 808. protenduntur, in eodem 10. 2. Andr. Duch. à pag. 11. ad pag. 21. habent similiter, *ibid.* p. 21. *Hic Georgius est abba in monte Oliveti, et cui Germania patria est: unde censendi sunt ejusdem quoque temporis.* Mabillonius 10. 2. *annal.* p. 272. de monasterio Carrofeni sancti Salvatoris, gallicè *Charroux*, in pago Briocensi, gallicè *de Briou*, apud Pictones loquens, hæc ait: Huic monasterio Carolus Magnus prædia quædam non modo concessit, sed etiam ab Ademaro, aliisque perhibetur dedisse Dominicæ Crucis portionem, quam Hierosolymorum Patriarcha, nomine Thomas per Gregorium (Georgium) abbatem de monte Oliveti, & Felicem monachum ipsi submisserat: & deinceps pro reverentia crucis, S. Carrofum appellari placuit.

Anno Christi 809. Leo Papa recepit duas epistolas ex Palæstina per quosdam monachos sibi missos ab eodem Thoma Patriarcha Hierosolymitano; una erat nonnullorum monachorum montis Oliveti, circa altercationem in eo monasterio commotam adversus Francorum fidem de Processione Spiritus sancti ex Filio. Altera vero erat ipsius Thomæ Patriarchæ. Prima extat 10. 7. Miscellaneorum Baluzii, qui de illa, & symbolo Leonis eam subsequente ita monet in præfat. *Epistola monachorum montis Oliveti ad Leonem Papam III. et ipsius symbolum fidei missum ad ecclesias Orientales: sunt autem istæ multa curiosa et utilia ad rem Christianam et ecclesiasticam illustrandam.* Addit hæc à se edita, ex veteri codice manuscripto ecclesiæ S. Martialis Lemovicensis. Quæstio quæ huic epistolæ occasionem dedit, mota est inter monachos montis Oliveti anno Christi 808. ante natalem Domini, sub pontificatu Thomæ, qui eos ipse verosimiliter ad apostolicam sedem remisit. In eum autem modum incipit, pagina 14. hæc epistola: *Epistola peregrinorum monachorum in monte Oliveti habitantium ad Leonem Papam III.*

» Sanctissimo ac reverentissimo Domino in  
» Christo Patri Leoni sommo Pontifici & uni-  
» versali Papæ sedis sanctæ Apostolicæ urbis  
» Romæ, congregatio montis Oliveti. Domine  
» Pater, te dignatus est Dominus exaltare super  
» omnes sacerdotes, & exaltata est sedes tua  
» sancta super omnes sedes Christianorum,


A quia suo ore dignatus est Christus dicere: *Tu es Petrus, &c.* Benignissime Pater, nos, qui sumus hic in sancta civitate Jerusalem peregrini, ullum hominem super terram non amamus plusquam vos, & in quantum valemus in istis sanctis locis pro vobis die noctuque Domino fundimus preces prostrati omnes servi tui super terram cum lacrymis. Itaque notam tibi facimus tribulationem nostram quam hic patimur. Joannes qui fuit de monasterio sancti Sabæ, quem Theodulus Igu- minus (Hegumenus sive Præpositus) servus vester scit, ipse levatus est super nos dicendo quod Franci qui sunt in monte Oliveti hæretici sunt: & dixit nobis quia omnes Franci hæretici estis, & reprobatur fidem nostram dicendo quia non est major hæresis. Et nos ei dicimus, frater file. Quod si nos dicis hæreticos, de sede sancta Apostolica dicis hæresim. Et usque in tantum nos conturbavit ut in die natalis Domini in sanctam Bethleem, in sancto præsepio, ubi noster Dominus Redemptor humani generis pro mundi salute nasci dignatus est, submitteret laicos homines qui nos foras projicere vellent, dicendo quod hæretici estis, & libri quos habetis hæretici sunt. Sed per vestram sanctam orationem & fidem confortavit nos Dominus. Non enim potuerunt nos foras eicere (ejicere). Diximus omnes: hic volumus mori. Nam foras nos non eicietis. Unde & fecimus vocem nostram omnes nos servi vestri pariter dicendo ad sacerdotes qui sunt in sancta civitate: videte, patres & fratres, de isto homine qui contra nos tanta & talia loquitur, & contra fidem sanctam Romanam, quia talia verba nunquam audivimus de gente nostra. Et posthæc die sancto Dominico congregati sunt sacerdotes cum clero & populo contra sanctum sepulcrum Domini, & inter sanctum Calvariæ locum, & interrogaverunt nos de fide nostra ipsi sacerdotes qualiter crederemus symbolum. Nos autem dicendo quod sic credimus sicut sancta ecclesia Romana, diximus & dicimus in nostra lingua quæ vos non dicitis in Græca: & in *Gloria Patri* non dicitis sicut erat in principio, & in *Gloria in excelsis* non dicitis *Tu solus altissimus*, & *Pater noster* alio modo dicitis, & in symbolo nos dicimus plusquam vos, qui ex Patre Filioque procedit, unde dicit iste Joannes inimicus animæ suæ propter hunc sermonem eo quod hæretici simus. Quos Hierosolymitas rogavimus dicentes: nolite odire (audire) hunc hominem, nec dicatis de nobis hæreses. Quod si nos dicitis hæreticos, de throno beati Petri dicitis hæresim. Et si hoc dicitis, peccatum inducitis super vos. Et sacerdotes scripserunt nobis cartam de fide nostra quam licet crederemus.



dicendo nobis: creditis-ne sicut sancta Resurrectio Domini! Nos autem diximus quod sic credimus quo modo sancta Resurrectio Domini, & sedes sancta apostolica Romana. Posthæc ipse archidiaconus in sancto Constantino una nobiscum ascendit in pergo, & legit ipsam cartam in populo. Et nos servi vestri anathematizavimus omnem hæresim, & omnes qui de sancta sede apostolica Romana dixerint hæresim. Et nunc, Domine pater benignissime, cogitare digneris de nobis servis tuis; qui etsi de longinquo sumus, oves tuæ sumus, & tibi commissus est omnis mundus, sicut vestra sanctitas scit, sicut ait Dominus Petro: *si diligis me, Petre, pasce oves meas*. Benignissime pater, dum essem ego Leo servus vester ad sancta vestigia vestra, & ad pia vestigia Domni Caroli piissimi Imperatoris filiique vestri, audivimus in capella ejus dici in symbolo fidei *qui ex Patre Filioque procedit*, & in homilia sancti Gregorii, quam nobis filius vester Domnus Carolus Imperator dedit, in parabola octavarum Paschæ, ubi dixit: *Sed ejus missio ipsa processio est, qui de Patre procedit & Filio*. Et in regula sancti Benedicti quam nobis dedit filius vester Domnus Carolus, quæ habet fidem scriptam de sancta & inseparabili Trinitate dicit: *Credo Spiritum sanctum Deum verum ex Patre procedentem & Filio*. Et in dialogo quem nobis vestra sanctitas dare dignata est, similiter dicit. Et in fide sancti Athanasii eodem modo dicit. Itaque per ipsum Joannem facta est nobis grandis confusio in sancta civitate, quoniam dicit quod Spiritus sanctus non procedit de Patre & Filio, & de hoc misit grandem errorem per omnia monasteria, & requirebat fidem nostram & libros nostros, & de Domino Gregorio dicit quod non sint recipiendi ejus libri. Unde iterum atque iterum, sancte Pater, in terram prostrati cum lacrymis postulamus & rogamus te per Patrem & Filium & Spiritum sanctum qui Trinitas inseparabilis unus dicitur, ut digneris inquirere tam in Græco quam in Latino de sanctis patribus qui symbolum composuerunt, istum sermonem ubi dicitur *ex Patre Filioque procedit*: & in Græco non dicunt sicut nos, sed dicunt *qui ex Patre procedit*, & vident istum sermonem gravem quem nos dicimus in Latino. Et mandare digneris Domno Carolo Imperatori filio vestro quod nos istum sermonem in ejus capella audivimus, *qui ex Patre Filioque procedit*. Et nos hic servos vestros certos facere digneris; quia nulla species hujus sacramenti tam nobis amabilis videatur quam sanctus vester vultus, & sancta oratio & deprecatio seu memoria vestra. Unde & poscimus,

benignissime pater, vestram sanctissimam pietatem, ut hos servos vestros Joannem prefbyterum, &c. quando, Deo gubernante, ad sacrosanctam vestram gravitatem pervenerint, benigne suscipere dignemini & nobis servis vestris certum mandatum dirigere. Commendamus nos Dominicus, Theodorus, Arimundus, Gregorius, Joannes, Leo, & omnis congregatio de monte sancto Oliveti humilis (humiles) servi vestri vestris sacris ac Deo dignis orationibus. Deus & Dominus noster te, sanctissime pater, cum omnibus tuis ad exaltationem sanctæ suæ ecclesiæ, & ad salutem animæ tuæ, & ad gaudium nostrum regere, protegere, & pia miseratione in omnibus & per omnia custodire dignetur, qui dicitur benedictus in sæcula. Post hanc epistolam immediate sequitur *ibidem*, pag. 17. epistola Leonis Papæ ad Carolum Imperatorem in hæc verba. «Domino piissimo & serenissimo victori ac triumphatori filio amanti Dei & Domini nostri Jesu-Christi Carolo Augusto, Leo episcopus servus servorum Dei. Omnia quæ de singulis partibus nobis accidunt necesse est ut vestræ intimemus imperiali potestati. Præsenti siquidem anno (809.) direxerunt nobis epistolam monachi qui in sancto monte Oliveti morantur fidei (nonnullam) contentionem continentem, quam inter se habebant. Nos vero symbolum orthodoxæ fidei illis misimus, quatenus omnes secundum hanc nostram sanctam catholicam & apostolicam ecclesiam rectam & inviolatam teneant fidem. Quam vero epistolam vestræ imperiali potentiæ misimus relegendam. Interea revertentes præsentis fideles servientes vestri, Agamus videlicet & Roculphus, à Hierosolymis detulerunt nobis epistolam Thomæ Hierosolymorum Patriarchæ. Quam relegentes reperimus ut per nostram precatoriam epistolam vestræ pietati eos commendarem. Qua de re precamur vestram imperialem potentiam, ut sicut soliti estis super omnes fideles vestros impertire suffragium, ita cum eis misericordiam facere jubeatis. Ipsam vero epistolam quam nobis prædicti fideles vestri detulerunt vestræ serenitati misimus, &c. Deinde: Incipit symbolum orthodoxæ fidei Leonis Papæ, *ibid. col. 18.*»

«Leo episcopus servus servorum Dei omnibus Orientalibus ecclesiis. Hoc symbolum orthodoxæ fidei vobis mittimus, ut tam vos quam omnis mundus secundum Romanam sanctam catholicam & apostolicam ecclesiam rectam & inviolatam teneatis fidem. Credimus sanctam Trinitatem, id est, Patrem, Filium, & Spiritum sanctum, unum Deum omnipotentem, unius substantiæ, unius essentiae, unius potestatis, creatorem omnium





» creaturarum, à quo omnia, per quem omnia,  
 » in quo omnia, Patrem à se ipso, non ab alio,  
 » Filium à Patre genitum, Deum verum de  
 » Deo vero, lumen verum de lumine vero,  
 » non tamen duo lumina, sed unum lumen,  
 » Spiritum sanctum à Patre & à Filio æqualiter  
 » procedentem, consubstantialem, coæternum  
 » Patri & Filio. Pater plenus Deus in se, Filius  
 » plenus Deus à Patre genitus, Spiritus sanctus  
 » plenus Deus à Patre & Filio procedens. Non  
 » tamen tres Deos dicimus, sed unum Deum  
 » omnipotentem, æternum, invisibilem, in-  
 » commutabilem, qui totus est ubique præsens,  
 » non per partes divisus, sed totus in omnibus,  
 » non localiter, sed personaliter, qui sine com-  
 » mutatione sui mutabilia creavit, & creata  
 » gubernat, semper manens id quod est, cui  
 » nihil accidens esse poterit, quia simplici di-  
 » vinitatis naturæ nihil addi vel minui potest,  
 » quia semper quod est, cui semper primum  
 » est, cui sempiternum est, cui idem est esse,  
 » vivere, & intelligere. Et hæc tria unus Deus,  
 » hæc tria idem Deus & Dominus, vera & sem-  
 » piterna Trinitas in personis, vera & sempiter-  
 » na unitas in substantia, quia una est substantia  
 » Pater, & Filius, & Spiritus sanctus. Hæc  
 » vero sancta Trinitas nihil est in tribus personis  
 » simul nominatis (amplius) quam in una qua-  
 » libet persona semel dicta, quoniam unaquæ-  
 » que persona plena est substantia in se, non  
 » tamen tres substantiæ, sed unus Deus, una  
 » substantia, una essentia, una æternitas, una  
 » magnitudo, una bonitas, Pater, & Filius, &  
 » Spiritus sanctus. Nec aliud est Pater in natura  
 » quam Filius vel Spiritus sanctus, nec aliud  
 » Filius & Spiritus sanctus quam Pater in na-  
 » tura, quibus est una natura. Sed alius est  
 » Pater in persona, alius Filius in persona, alius  
 » Spiritus sanctus in persona. In Patre æterni-  
 » tatis æqualitatisque connexio. Unum omnes  
 » in substantia & essentia, omnipotentia, & di-  
 » vinitate (dicimus.) Sicut enim eadem sancta  
 » Trinitas inseparabilis est in substantia, ita in-  
 » separabilis est in operibus, quamvis opera Dei  
 » quibusdam personis specialiter conveniant,  
 » sicut Patri vox illa quæ de cælo sonuit super  
 » Christum baptizatum, & ad Filii personam  
 » humanitatis tantummodo pertinet susceptio,  
 » & Spiritus sancti personæ propriè congruit  
 » illa columba in cuius specie idem Spiritus  
 » sanctus descendit super eundem Filium  
 » secundum hominem baptizatum. Tamen  
 » absque omni dubitatione illam vocem &  
 » illam columbam in Christi humanitatem tota  
 » sancta Trinitas operata est, cuius opera in-  
 » separabilia sunt. Credimus eundem Filium  
 » Dei verbum æternaliter natum de Patre, con-  
 » substantialem Patri per omnia, temporaliter

A natum de Spiritu sancto & Maria Virgine, «  
 duas habentem nativitates, unam ex Patre «  
 æternam, alteram ex matre temporalem, qui «  
 etiam Filius Dei, suæ carnis conceptione «  
 conceptus est, & suæ carnis nativitate natus. «  
 Deum verum confitemur conceptum, & «  
 Deum verum natum, eundem Deum verum, «  
 verum hominem, unum Christum Filium «  
 Dei unigenitum, per primum & perfectum «  
 in duabus naturis in unius personæ singula- «  
 ritate impassibilem & passibilem, mortalem «  
 atque immortalem, crucifixum in infirmitate «  
 nostra, eundemque semper viventem in vir- «  
 tute sua, qui mortuus est carnis suæ morte & «  
 sepultus, atque ab inferis, damnato & spoliato «  
 principe totius iniquitatis rediens tertia die «  
 resurrexit, atque cum triumpho gloriæ viden- «  
 tibus discipulis cælum ascendit, sedens in «  
 dextera Patris, id est maiestate divinitatis, «  
 inde jam venturus judicare vivos & mortuos, «  
 quem impii judicantem videbunt in ea forma «  
 qua crucifixus est, non in ea humilitate qua «  
 injuste judicatis (judicatus) est, sed in ea cla- «  
 ritate qua iuste iudicaturus est mundum; cuius «  
 maiestatis visio æterna est omnium sanctorum «  
 beatitudo. Qui secundum hanc fidem rectam «  
 non crediderit, hunc damnat sancta, catholica «  
 & apostolica ecclesia quæ fundata est ab ipso «  
 Jesu-Christo Domino nostro, cui est gloria «  
 in sæcula, amen.»

Propter hanc quæstionem in Palæstina  
 motam, & Leoni Romano Pontifici dela-  
 tam, de qua monuerat Carolus idem Leo,  
 celebratum est concilium Aquisgranense an-  
 809. Eghinardus enim in annalibus ad hunc  
 annum ait, apud Andr. Duchesne, *tom. 2.*  
*monum. Francic. pag. 255. Imperator de Ar-*  
*duenna Aquas reversus, mense Novembri con-*  
*cilium habuit de processione Spiritus sancti:*  
*quam quæstionem Joannes quidam monachus*  
*Hierosolymis primo concitavit. Cujus desinen-*  
*dæ causa Bernharius episcopus Wormacensis &*  
*Adelhardus abbas monasterii Corbeia Romam*  
*ad Leonem Papam missi sunt. Idem tradunt*  
*reliqui annalistæ, inquit Pagius, tom. 3. crit.*  
*annal. Baron. ad annum 809. num. 3. p. 454.*  
*col. 2. & Ado in chronico qui tamen loco*  
*Bernharii episcopi Wormaciensis mendose*  
*habet episcopi Cormaricensis. Certum enim*  
*hoc tempore Bernharium episcopatum Wor-*  
*maciensem gessisse; ut hoc anno num. 8. &*  
*seqq. demonstrat Cointius, ubi etiam refellit*  
*Sirmondum quod tom. 2. conc. Gall. duobus*  
*illis legatis adnumerandum censuerit Jessen*  
*Ambianensem episcopum; id quidem Sir-*  
*mondus ait constare ex actis ipsius legationis,*  
*hoc est ex collatione cum Papa Romæ à*  
*legatis habita, & ex vita Caroli Magni, licet*  
*in ista vita fateatur depravatum nomen illius*  
 Ambianensis



Ambianensis episcopi legi; intelligit autem vitam Caroli Magni à monacho Engolismensi scriptam, quæ etiam Baronio (ad hunc annum) num. 52. erroris ansam præbuit: nam à quo alio id acceperit Baronius non reperio. Verum in illis actis nulla fit mentio Ambianensis episcopi, sed in sola duntaxat inscriptione, qua Jesse episcopus cum Bernhario episcopo, & Adelhardo abbate memoratur, ut videre est apud Baronium qui illam recitat. Hæc verba inscriptionis: *Ratio quæ habita est de symbolo fidei in secretario beati Petri apostoli, inter D. Leonem sanctissimum & coevangelicum Papam urbis Romæ, & Bernharium atque Jesse episcopos, seu Adelhardum abbatem, Missos D. Caroli Imperatoris, per Indict. II.* Nomen enim Jesse in ea inscriptione ab imperito quopiam positum esse, ut sæpe fit, patet primo, ex initio pontificiarum litterarum ad Riculphum archiepiscopum Moguntiacensem, quas Sirmondus prædictis legationis actis subjecit. Hoc earumdem litterarum exordium. *Leo episcopus servus servorum Dei reverentissimo & sanctissimo Richulfo episcopo. Quum ad limina beatorum principum apostolorum Bernharius venerabilis episcopus, una cum Adalhardo religioso abbate, Missi filii nostri Domni Caroli serenissimi Imperat. conjunxissent.* Patet secundo, inscriptionem illam additamentum esse cujuspian scioli, quia Indictio secunda cum mense Augusto hoc anno absoluta est, & annalistæ omnes testantur Aquisgranensem synodum mense Novembri congregatam fuisse, ideoque currente (à mense Septembri) Indictione tertia. Per Bernharium & Adelhardum synodi Aquisgranensis legatos Carolus Imperator Leoni Papæ litteras dedit, ab Holstenio primum publicatas, quibus hic præfixus est titulus: *Epistola Caroli Imper. ad Leonem III. Papam urbis Romæ directæ, à Smaragdo edita.* In supplemento vero concil. à Lalandò collecto, huic epistolæ hæc inscriptio præfigitur: *Epistola Caroli Magni Imp. ad Leonem III. Papam urbis Romæ directæ, à Zmaragdo abbate sancti Michaelis in diœcesi Virdunensi edita, de processione Spiritus sancti,* quam inscriptionem probat Mabillonius to. 2. vet. analect. in notis ad chronicon monasterii sancti Michaelis in pago Virdunensi. Eæ litteræ ita exordiantur: *Quæstio quæ de Spiritus sancti processione est nuper exorta, jam dudum est diligentissime à sanctis Patribus ventilata. Sed quia jam diu à quærentibus neglecta jacebat, non quievit quasi antiquitus ventilata, sed quasi quædam his temporibus nobis subito emerfit occulta; quod divinitus spiratum fideliter credens non dubito. Crebris etenim quæstionum ictibus præsens ecclesia tunditur, ut doctrinis catholicis erudita,*

Tomus III.

*A sanæque fidei confessionibus eliminata, in æternum quandoque hæreditate filiorum percepta vivere cum Domino valeat feliciter regnatura. Sed quia, ut præfatus sum, hæc quæstio diu à quærentibus indiscussa jacebat, voluit omnipotens Deus in eandem suscitare corda pastorum, ut negligentia torpore sublato exercitationis sanctæ brachio cælestem valeant perfodere thesaurum. Sermonis etenim dominici sarculo sæpius divinarum scripturarum pastores debent proscindere campum, ne zizania satoris iniqui, semenque malignum formosi tritici valeat opprimere fructum, &c.* Læctionis etenim sacre cognitio imbecillis baculum, nervosis arma ministrat, hostium subdolas fortiter premit insidias, & victoribus æternas feliciter promittit coronas. Ergo procul à pastoribus negligentia torpor abscedat; procul à mentis acumine inertia damnosa recedat, mollisque lascivia corporis membra relinquat, & altus sopor mollisque somnus in rigidas lucrosasque læctionis emergat excubias, ut ecclesiæ ager opimus, doctorumque semine satus valeat centenos omnipotenti reddere fructus. Jam nunc adgrediar de Spiritus sancti processione; quam pluribus postea scripturæ sacre locis egregie probat.

Baronius existimat non dubitatum fuisse vel tractatum in Aquisgranensi concilio, num Spiritus sanctus à Patre Filioque procederet, sed quia tum apud Hispanos, tum apud Gallos additæ fuerant symbolo quatuor illæ syllabæ *Filioque*: num id bene factum esset, & ita auctum symbolum in ecclesia caneretur. Verum Cointius laudatus recte arbitratur motam esse quæstionem de ipsa Spiritus sancti processione; utrum scilicet Spiritus sanctus à Patre tantum, an à Patre Filioque procedat. Nam primo, quotquot scriptores antiqui Aquisgranensis concilii mentionem faciunt, id manifestissime asserunt. Ado qui uberiores sermonem quam cæteri de hac synodo fecit, ait: *de processione Spiritus sancti quæstio agitur, utrum, sicut procedit à Patre, ita procedat à Filio.* Monachus Engolismensis in vita Caroli Magni, concilium scribit habitum *de Spiritu sancto procedente à Patre & Filio.* Annalistæ Loifellianus, Fuldenfis, Bertinianus, ac Metensis, Eginhardus in annalibus, necnon incertus auctor in vita Caroli, testantur celebratum fuisse *de processione Spiritus sancti*: nec ullus ex illis verbum facit de prædicto symboli additamento in ecclesia vel canendo, vel non canendo. Secundo, Joannes quidam monachus Hierosolymis quæstionem de hac processione prior commovit, ut scribunt annalistæ prædicti (& constat insuper ex epistola supra relata, quam monachi peregrini montis Olivetici ea de re scripserunt ad Leonem Papam:

col. 347.  
& seqq.



hanc non legerat Pagius, siquidem ejus non meminit.) Quæstio itaque, de qua in Aquisgranensi concilio tractatum est, primum Hierosolymis exorta fuerat. Quis autem sibi persuadeat (sunt semper verba Pagii *ibid. n. 5.*) à Græcis disputatum, an in symbolo cantandum esset illud additamentum *Filioque*, quod ipsi non recipiebant. Tertio, Carolus Imper. in suis post Aquisgranensem synodum ad Leonem Papam litteris, licet bene prolixis, quarum initium retulimus, nullum verbum habet de symbolo vel canendo, vel non canendo, sed totus est in conglobandis auctoritatibus ex utroque Testamento, & ex authenticis Patrum scriptis, ut ostendat de Spiritu sancto, quod non à Patre tantum, sed à Patre & Filio procedit. Denique, Theodulphus Aurelianensis episcopus libellum de ea processione jussu Caroli conscripsit. In eo autem opusculo collegit sententias antiquorum Patrum, qui Spiritum sanctum à Patre *Filioque* procedere scripserunt: eorum indiculus est, Athanasius, Cyrillus, Hilarius, Ambrosius, Didymus, Augustinus, Fulgentius, Hormisdas, Leo, Gregorius, Isidorus, Prosper, Vigilus Afer, Proclus, Agnellus, Cassiodorus, Prudentius. Opusculum ipsum consule cum notis Sirmundi, qui Vigilium Thapsensem in Africa, Agnellum Ravenatensem in Italia, episcopos agnoscit, & abjudicat Athanasio libros xi. de Trinitate, qui citantur à Theodulpho, & Latino tantum sermone inter Athanasii opera circumferuntur. Theodulphus ipse quid intendat sic exponit in metrica operis ad eundem Carolum præfatione.

*Imperii vestri, rex inclyte, jussa sequutus,*

*Defero Theodulphus hæc documenta libens;*

*Quis Patre seu nato procedere Spiritus almus*

*Adstruitur, legis hoc reboante tuba.*

*Hoc evangelium, hoc promit apostolus auctor,*

*Hoc canit unanimis vox pia sacra Patrum.*

Et paulo-post quonam tempore hæc quæstio moveri cœperit, ita declarat.

*Inclyta sanctorum mecum est sententia Vatum,*

*Quos benè spiramen Flaminis hujus agit.*

*Tuque manum injicies, vegetat quem Spiritus ille*

*Causa tuo cujus tempore cœpit agi.*

Agitata est igitur in Aquisgranensi concilio quæstio, utrum Spiritus sanctus, sicut procedit à Patre, ita procedat à Filio, illiusque definiendæ causa directi Romam fuere Bernharius & Adelhardus, quorum collocutio cum Leone, quam integram Baronius recitat ad annum 809. *n. 54. & seqq.* in ann. 810. remitti debet, quum synodus Aquisgranensis

mensis Novembri anni 809. celebrata fuerit. Finis disputationis sic se habuit: Symbolum cum additamento *Filioque*, quod ei ecclesia Romana nondum inseruerat, à Francis decantari molestè ferebat Leo, id tamen deinceps fieri non prohibuit absolute, sed rogavit hanc in palatio sive in regia capella consuetudinem intermitteri, ratus fore ut morem palatii lubenter omnis postea Francia sequeretur. Ipse vero, ut antiquitatis tenacissimum se præstaret, & ne alienaret Græcos, in Basilica sancti Petri duas tabulas argenteas ad confessionem ejusdem sancti Petri affigendas prudenter curavit, in quarum altera symbolum Græcè scriptum, in altera Latine exaratum legeretur, utrobique sine additamento *Filioque*. Meminit illarum tabularum Anastasius, cujus verba Baronius, ad annum 809. *n. 62.* refert. Perperam autem scribit Cointius citatus, Patres concilii Arelatensis, quod scilicet anno 813. celebratum est, indicare additamentum illud *Filioque* constanter à Francis in symbolo retentum fuisse, quia hanc de Spiritu sancti processione confessionem ediderunt: *Spiritum vero sanctum, nec creatum, nec genitum, sed procedentem ex Patre & Filio profitemur*: aitque additamentum illud Francis à Clodovæi Magni temporibus traditum. Nam si hoc ultimum verum esset, in actis utique collationis modo memoratæ tacitum non fuisset: primum autem ad rem non facit, quum quæstio in eadem collatione agitata, circa hoc solum versaretur, an illud additamentum *Filioque* in missa decantaretur; de quo nihil apud Patres Arelatenses.

Inter opuscula Theodori Abucaræ, qui primum Photio adhæserat, sed facti poenitens veniam in synodo octavo petiit & obtinuit, *Ad. 2. & 4. concil. Labb. tom. 8. coll. 999. 1003. 1035.* legitur *tom. 1. Bibl. veter. Patrum seu scriptor. eccles. Græco-Lat. edit. Parisiens. 1624. quarto loco, pag. 390.* Expositio quædam fidei Thomæ Patriarchæ Hierosolymitani, quam quando exaraverit non liquet. Titulus est: *Epistola continens fidem orthodoxam, missa à beato Thoma Patriarcha Hierosolymitano ad hæreticos in Armenia, Arabicè dictata à Theodoro, cognomento Abucara, episcopo Charan, & à Michaële presbytero & syncello ecclesiæ Hierosolymitanæ in Græcum sermonem translata, per quem & missa est: continens, inquam, solam veramque fidem in concilio Chalcedonensi traditam de Christo Domino, Deoque nostro.* Sic incipit: *Christus Dominus & Deus noster dixit Petro principi Apostolorum; tu es Petrus, &c.* Sic vero terminatur pag. 399. *Hæc est, fratres, descriptio nostræ confessionis: quam quidem latius persequi poteramus, sed nolui esse prolixus.*



Quamobrem comprehensis mente quæ significavimus, & admissis per charitatem erga Christum, adjungite vos nobis, & copulamini, & efficiamur omnes unum per Spiritum sanctum, in hac divinitus revelata confessione Petri principis Apostolorum, cui nos adscripsimus, ut nobis Dominus Deus noster propitiussit, & omnem contrarium incursum, & acerbam afflictionem amoveat, & ad veram beatitudinem nos transferat, & in regno suo nos omnes conjungat, & ariet. Quam ut assequamur omnes, faxit Deus precibus sanctissimæ Reginæ nostræ Deiparæ Mariæ, ac Joannis præcursoris & Baptistæ, ac Petri summi in Apostolis, & Jacobi fratris Domini, & cæteris omnium horum sanctorum, amen.

Anno 817. Theodorus Studita ad Paschalem Romanum Pontificem & ad alios Patriarchas scripsit de statu religionis orthodoxæ, quam Leo Armenus indicto sacris imaginibus bello immaniter vexabat: *Misit etiam vir egregius, inquit Michaël in hujus Theodori vita, apud Baron. ad annum 817. num. 20. quatuor Patriarchis epistolas, pruden- ter admodum atque opportunè, antiquioris dico Romæ, & Hierosolymorum, Antiochiæ, & Alexandriæ. Quæ singulæ commemorabant, quemadmodum Christi imago contumeliose à persecutoribus tractata esset, & orthodoxi omnes in carcerem & exilium missi: tum deinde unum- quemque excitabat ad defensionem, opemque ferendam periclitanti fidei ac veritati quam falsitas sic opprimeret. Extant, inquit Baro- nius, ipsæ epistolæ magno Dei beneficio hætenus conservatæ ac dignæ quæ singulæ audiantur. Eadem fuit quæ ad Patriarcham Alexandrinum & ad Antiochenum scripta est, sed diversæ ab ea fuerunt, tum quæ ad Paschalem I. Papam recens electum, tum quæ ad Thomam Hierosolymitanum datæ sunt, licet de eodem argumento. In ea ultima, quam refert idem Baronius ibid. num. 30. & seqq. hæc dicit: Quis annuntiabit Abraham quod lactat puerum Sara? .... & indigno mihi quis nuntiet humilem epistolam meam ad sacras apostolici culminis vestri manus pervenisse? Attamen perveniet, ut spero. Non enim ve- sana cupiditate, sed necessaria causa impulsus, & epistolam mittere ausus sum, & latorem una fratrem charissimum Dionysium destinare, fide- lem prorsus, & qui supplere per se omnia queat, quæ epistolæ desunt, &c. Tu primus Patriar- charum, licet quintus numereris. Ubi enim epi- scopus animarum, & Pontifex omnium natus est, & divina omnia operatus, & passus, & sepultus, ubi surrexit & vixit, & assumptus est; illic suprema omnium dignitas procul dubio, &c. Invasit nos persecutio, beatissime, & persecutio- num omnium ethnicæ simillima. Postquam enim sensit satanas in januis esse beatam spem &*  
Tomus III.

A adventum gloriæ magni Dei & Salvatoris nostri Jesu-Christi, majores hæreseos faces accendit, præludia adventus Antichristi. Quid hoc rei est? Exortam olim sub Leone & Constantino (Copronymo) impietatem, diuque debaccha- tam, sed divina vindicta compressam, nunc iterum cognominis & æquè impius Imperator renovavit tanto conatu ut illorum rabiem obscu- ret. Expressum pictura Christum insectatur cum matre & ministris, ubicumque nactus ea est, delet, exurit. Hinc eversa altaria, ædes sacræ deformatæ, sacra vasa concremata. Quin si B repertus quis fuerit imaginem occultasse, aut librum qui de ea re tractet, rapitur è vestigio, verberatur, & dira alia omnia perpetitur. Hinc terrores ac trepidationes, stuporesque omnium hominum, adeo ut frater fratri valedicat & amicus amicum aversetur. Synodus facta est veterem impiam illam (sub Copronymo cele- bratam) confirmans, & orthodoxam (Nicæ- nam II.) anathemate condemnans. Sacerdotes non intellexerunt, Deum non requisierunt, sed quod Achab placuit comprobarunt ..... paucis admodum exceptis. Quibusnam illis? Episcopis C & præpositis, monachis & monialibus, & ipso, Dei gratia, supremo archiepiscopo nostro. Quo- rum quidem alii flagellis affecti sunt, alii rele- gati, atque in carcerem detrusi, alii per hæc pœnas ad Dominum migrarunt, athleticam co- ronam reportantes. Quid de blasphemia loquar? irridetur veneranda & tremenda imago Christi tanquam abominatio desolationis, idolumque erroris: eodem modo quælibet Domine nostræ, & sanctorum. Nunc, inquit, sincera & incul- pata fides .... Ad hoc usque tempus, & ejus ecclesia contaminata, &c. Et alii quidem ul- timum circa fidem naufragium fecerunt: alii, D quamvis mente & cogitatione submersi non sint, ipsa tamen hæresis communionem una perierunt. Enimvero etiam ii qui recta sentiunt, persecu- tionis diuturnitate titubant circa veritatem.... Miseranda nobis omnia luctuque digna. Sub- trahuntur cantica ab antiquis accepta, in quibus imaginum fit mentio; canuntur pro eis impia nova dogmata palam exposita, quæ & pueris ipsis traduntur à magistris .... Procella hæresis altius in dies assurgens nos aperit (operit) nec inventus est qui Christum Deum expergeficiat, E ut increpet turbulentum hoc mare. At tu esto nobis unus è duodecim apostolis, beatissime, ex- citet è somno insomnem oculum dispensativè dormitantem, quia perimus omnino. Si quod est aliud auxilii pharmacum, ad sanandos in- firmos, ut peritus, (id recte ad Thomam di- citur qui optimus erat medicus corporum & animarum) exurge, deprecamur, sanctissime, obtestamur: membra tua sumus, quandoquidem fideles omnes corpus sunt Christi, & membra de membro. Præcipe & aliis sanctis Patribus



vestris, intercessoriam manum porrigant, ut multorum interpositu suam nobis Deus misericordiam impertiat. Hunc in finem epistola, & tabellarius ab omnibus animo destinatus, etsi à nobis solis illorum vicem agentibus missus. Ut autem ex parte cognoscat celsitudo vestra cujusmodi sint dogmata impiorum, ea in quaternionibus descripta epistolæ adjeci, quæ aliorum rogatu refutanda imperitus suscepi. Oro autem ut ea inspiciat divina tua sapientia; quod deest suppleat, & veniam tribuat erratis. Atque adeo conservum fratrem nostrum, & litteras aliis quas accepit reddere, & huc postea, Deo volente, redire permittat. Hæc ad Thomam Hierosolymitanum præfulem Theodorus Studita, qui his addidit alias ad abbatem lauræ sancti Sabæ hac inscriptione notatas. A Deo honorato, dilecto, & spirituali Patri meo, moderatori celebris lauræ beatissimi Patris nostri Sabæ, & iis qui sub eo sunt sanctis patribus, Theodorus minimus presbyter, & præpositus Studiani (cœnobii.) Alias quoque ad moderatorem lauræ sancti Charitonis, ejusdem pariter argumenti. His acceptis litteris Thomas, selegit ex sancti Sabæ laura à Saracenis tunc temporis non parum vexata, duos egregios monachos, Theodorum & fratrem ejus Theophanem, qui cognominati sunt Grapti à litteris ipsorum fronti inuistis jussu Theophili Imperatoris Iconoclastæ, eosque misit Constantinopolim ad Leonem Armenum, qui causam sacrarum imaginum coram eo strenuè tuiti sunt. Verum Imperator in iram furoremque actus, ambos diu flagris cæsos ad Ponti ostia exilio relegandos decernit, inquit auctor anonymus vitæ Theodori Grapti, apud Pagium tom. 3. crit. annal. Baron. ad annum 817. n. 17. Idem anonymus auctor paulo fufius supra congressum eorundem Theodori & Theophanis cum Imperatore exponens ita loquitur: Arabes quod est ad Orientem colentes, educto adversus Romanos exercitu, multas eorum populati sunt provincias, multaque etiam præsidia diripuerunt, monasteriis quoque in Palæstina ingruiebant ac incurfabant, quorum primum maximumque divini scilicet Sabæ erat, in quo magnus hic Theodorus exercebatur. Hæc videns divinus ille Hierosolymorum antistes & pastor, esseque hoc peccatorum E nimirum quod divinarum cultus imaginum aboleretur, ad zelum protinus excitatur, & quærit modum quo poterit tantum extinguere incendium, & ostendere eos male facere, qui sunt parati nova introducere, & prompti ad transmovendos limites..... Ad hoc ergo admodum aptum S. invenit Theodorum, quod & virtute esset celebratus, & in dicendo exercitatus, & zelum spiraret acrem & juvenilem. Ille autem: ecce me,

Apud Baronium ad ann. 817. num. 37. & seqq.

A dicit Pontifici; mitte me & proficiscar, & tuis adjutus precibus, pudore afficiam impietatem. Ipsum ergo mittit Patriarcha, quum precibus eum undique munisset, & spe in Christum totum corroborasset. Ut autem præmittamus ea quæ intercesserunt, quum venisset in regiam secum habens fratrem Theophanem qui eum sequebatur, & quæ erant fraterna sentiebat, & in zelo pro pietate cum eo conspirabat: primum quidem sic intrepide sistit in conspectu ejus qui ecclesiam more prædonis invaserat (Theodorum Pseudopatriarcham Constantinopolitanum intelligit) B ..... & hæresim ei acerbè exprobrat. Deinde ipsi quoque Imperatori ex adverso occurrit.... & non solum eum criminatur quod suam perdat animam; sed etiam quod Dei populum impiè per fraudem evertat. Deinde etiam adhortatur ut relicta hac profana & impia opinione, ejus loco ediscat pietatem. Fortasse enim, inquit, tibi Deus placabitur, & non omnem iram Domini tanquam fæcem aliquam ipse bibes. Quamobrem Imperator, quum & viri esset libertatem admiratus, & præterea verborum opportunitatem, & morum moderationem, & quæ ex animo ad C vultum emanabat illius, ut poterat, animadversisset alacritatem, eum est reveritus, & moderate tulit ejus reprehensiones. Deinde etiam eum accersit, & familiariter eum est alloquutus, rogans quisnam esset, & unde veniret: & quid sibi vellet illa mira & incauta dicendi libertas. Ille autem & significat patriam, & suum esse ex Palæstina adventum renuntiat, & quod statuebat non oportere, vel apud Imperatorem se à dicendo reprimere; quando videret regem qui est in cælis affectum injuria. Deinde aperit dogmata, docet honorem divinarum imaginum.... destruit pro- D positas ab illo quæstiones, fide Christi, & virtute sermonis & spiritus. Postquam autem.... Theodori oratio victoriam est adepta, primum miratur Imperator, deinde etiam ei incipit blandiri, toto animo contendens talem virum in suam redigere potestatem, per quem multos esset superaturus. Postquam vero vidit eum à se capi non posse: nam tale quid etiam apud eum adjecerat (Theodorus Graptus) oblitus es eorum quæ Deo promisisti, ô Imperator, quorum intercessor fuit magnus Pontifex (Nicephorus Patriarcha Constantinopolitanus quem Leo in exilium detruserat ob cultum sacrarum imaginum) quando tuo capiti imperatoriam imposuit coronam (anno Christi 813. 11. die Jul.) Parce animæ tuæ, & prius ornamentum restitue ecclesiæ, & noli pugnare cum Deo justo judice & forti, etiamsi non quotidie iram inferat propter summam benignitatem. Hæc ille sic ad eum libere est loquutus. Imperator vero soluto prætextu lenitatis, in iram & furorem erupit, & rogavit an esset aliquis ejusdem animi & sententiæ.... cujus erat Theodorus. Postquam autem intellexit de



ejus fratre Theophane, & quod non minus quam naturam conservabat in dogmatibus cognationem & fraternitatem; anibos diu flagellis cæses condemnat ut relegentur ad ostium Ponti; jubens neminem eis impertire, nec cibum, nec potum, nec vestimentum, ut mali, inquiebat, sic male atterantur. Leone occiso anno 820. die ipso natali Christi, Theodorus Studita litteras gratulatorias à Thoma Hierosolymitano Patriarcha recepit quæ in manus nostras non pervenerunt; sed quid continerent percipere aliquatenus possumus, ex epistola qua ei idem Theodorus respondit in hunc modum, apud Baronium ad annum 821. num. 55. Thomæ Patriarchæ Hierosolymorum. Quanto humiles affecti fuerimus gaudio ex sapientissima qua nos per epistolam dignati estis allocutione, perspicere licet supremæ beatitudini vestræ, qui apostolico gradu supereminentes, & fratris Domini per legitimam successionem personam agentes, vel nudo affatu honorare nos inglorios poteratis, nedum tantarum laudum fastigiis, à quibus nos tam longè absumus, ut pene arbitrari non ausimus de nobis dicta hæc à vobis fuisse: sed neque cuiuspiam è fortibus viris esse hæc encomia, ut divinißimi archipastoris nostri, cui vel omnis omnium laudationum jure congruat oratio, &c. Et paulo-post: Quid hoc rei est? quod fervente hæresis persecutione, conveniebat sublimium sedium antistites, tanquam Spiritus adjutores, & apostolici consilii plenos fraterno commoveri, manumque pro veritate certantibus compatiendo porrigere. Et si quid patitur unum membrum, compatiantur alia membra, sive gloriatur unum membrum, congaudeant omnia membra: quia nimirum caput est totius ecclesiastici corporis Christus verus Dominus ac Deus noster. Quod sane Occidentis apostolicus (Romanus Pontifex) quum præstitisset, quantum profuerit, quid opus est loqui? partim quidem resistentium (hæreticis) mentes summopere confirmans (vel exiguum quippe momentum vim ac robur fessis ac laborantibus addere solet) partim impiorum insolentiam à spiritu profecta reprehensione profligans: Quo quid esse potuit salutaris? At vero qui idem facere quum possent, minime præstiterunt, sed contrarium; dicere miser nequeo beatitudinis vestræ Angeli reverentia, quanta illis debeatur reprehensio. Cæterum, inquit Baronius ad annum 817. num. 36. post relata hæc Theodori Studitæ verba, querela ista magis pertinet ad Patriarchas Alexandrinum & Antiochenum, quam ad ipsum Hierosolymitanum. Siquidem non defuit Thomas noster succurrere, ut potuit, periclitanti sub impio Leone Armeno ecclesiæ Constantinopolitanae, & misit, ut supra observatum est, ad eum Imperatorem, Theodorum & Theophanem, qui coram aula ejus cultum sanctarum

A imaginum propugnarent. Hi vero Constantinopolim profecti, non solum sub illo Imperatore, sed & sub duobus illius successoribus Michaële Balbo & Theophilo iconoclastis, gloriosa confessione & perpeßis pœnis clauerunt. Pergit Theodorus apud eundem Baronium ad annum 821. num. 56. Verum hæc, ut omnes audierunt, finem jam ceperunt Deo bono funestum draconem exterminante, & quidem atroci morte & apostasiæ congruente. Nec tamen eo loco sunt (tam) præsentia quam suspicata (quæ in votis sunt) quoniam hyemis quidem transit, nondum tamen ver exoptatum, nisi quantum serenitas quædam affulget, & hæc per nebulam ab auroa. Sufficit enim, opinor, imagine adumbrari orationem; quia nec doceri opus eximiam prudentiam vestram, neque ego, si tempus permitteret, clariora proferrem. Hæc causa fuit ut sacri apices vestri nihil proficerent. Qui enim proficerent nobis in hunc locum procul ab urbe projectis, uti aliis quoque alio fugatis? Itaque nec collectæ, quemadmodum cupiebamus, factæ sunt, præter eam de qua in pitacio inferio indicatum est, iis qui contulerunt accepisse porius quam dedisse gratiam profitentibus, quod digni fuerint qui sanctissimis locis communicarent, in quibus magnum pietatis mysterium peractum est, Deus in specie nostra apparens. O ineffabile prorsus miraculum! quem quidem etiam pictura expressum, paterna traditione, seu divino præconio, nos, vel potius terra universa, consuemur & adoramus, ab ipsis prædicationis carceribus, & initiis. Aliter enim non consuemur Christum, sicut vos beatissimi docetis; negant vero Judæorum more diri nominis iconomachi tanquam à malo dæmone agitati. Quem tu ipsum Deum D flectentibus precibus propitium reddas, ô divinum & sacrum caput! ut populi seductricem hæresim avertat, fideique orthodoxæ solum attollat: deinde ut nos minimos filios tuos foveat beatissimi Patris & præsulis nostri Nicephori (Patriarchæ Constantinopolitani in exilium ob sacrarum imaginum defensionem pulsi) vestigiis adhærentes. Faxit. Deservientes vobis Patres, laudatosque fratres nostros, ego, & frater meus Thessalonica Deo charissimus archiepiscopus plurimum salutamus: ex sancta enim facie tua ante pedes tuos magis benedici E ambos, & quotquot nobiscum sunt, dicere congruentius. Hactenus ad Thomam Patriarcham Hierosolymorum Theodorus Studita. Baronius, inquit Pagius tom. 3. crit. annal. hujus Cardinalis, ad annum 821. num. 16. ait has Theodori Studitæ litteras Constantinopoli datas. Verum hæc verba (ejus epistolæ) Qui enim proficerent, nobis in hunc locum procul ab urbe projectis, uti aliis quoque alio fugatis! Theodorum tunc in exilio egisse indicant. Et certe anonymus in vita S. Nicolai Studitæ,



scribit Michaëlem Imperat. audita Theodori (pro sacris imaginibus) oratione, cum, & qui cum eo erant episcopos è palatio abire jussisse, ex quo conjectu pronum est, eos etiam ex urbe pulsos fuisse. Thomas igitur anno Chr. 821. adhuc superstes erat, sed non videtur, pergit Pagius *ibidem*, usque ad imperii Theophili initium (anno scilicet 829.) vitam produxisse, quum Basilius sacrarum imaginum propugnator tunc sedem Hierosolymitanam occupavit. Euty chius Alexandrinus auctor est sub Califa Almamone, qui regnare cœpit anno Heg. 198. die 25. mensis Muharrami, id est die 25. mensis Septembris anni Domini 813. quum propter annonæ penuriam Saraceni urbe sancta excessissent, à Thoma Patriarcha templi sanctæ resurrectionis testudinem nutantem fuisse instauratam, ob id autem postulatam coram Abdalla Saracenorum duce in Palæstina, senis cujusdam Mohammedani consilio cui obtemperavit, evasisse mulctam.

#### LXV. BASILIUS.

Idem Euty chius Alexandrinus scribit pag. 428. mortuo Thomæ successisse discipulum ejus Basilah, id est *Basilium*, anno Califatus Almamonis septimo, id est anno Christi 819. à die 25. Sept. vel 820. quod verum non est, siquidem, ex supra dictis, Leoni Armeno, die natali Domini anni 820. interfecto, supervixit Thomas. Subdit autem Euty chius 25. annos hunc Basilium sedisse. Certe ecclesiæ Hierosolymitanæ præerat sub Theophilo, qui patri suo Michaëli Balbo successit die 1. Octob. anni Domini 829. & toto annorum duodecim quibus regnavit spatio, cultores sacrarum imaginum immaniter persecutus est. *Basilus* autem, simul cum Patriarchis Alexandrino & Antiocheno, ad ipsum scripserunt, fidei orthodoxæ causam propugnantes; narratio enim, ex diversis historiis collecta *de divina Christi imagine ad Augarum* (sive *Abgarum*) regem missa, & ex urbe *Edeffena Constantinopolim translata*, quam composuit Constantinus Porphyrogenneta, & edidit Combesius in manipulo originum Constantinopolitanarum, testatur pag. 90. (apud Pagium tom. 3. crit. anal. Baron. ad annum 833. num. 2.) de ea imagine mentionem haberi in epistola ab his tribus Patriarchis data: *Non hæc aures mulcendi causa*, inquit Constantinus in illa narratione, *aut veritati fucum faciendi, nullis testibus, à nobis conficta narratio: quinimo tres simul Patriarchæ Job Alexandrinus, Christophorus Antiochenus, & Basilius Hierosolymitanus ipsi scripserunt, atque hæc sic habere datis Theophilo Imperatori literis, qui sacrarum violator imaginum esset, palam fecerunt: tunc nimirum cum longa differ-*

*tatione divinas imagines sanctas adstruentes, ac ea veneratione habendas, istud quoque tractarunt, ac licet nosse, si quis in multos versus fufam eam epistolam ut legat, in animum induxerit.*

At diligenter observandum, ut supra, ubi de Job Patriarcha Antiocheno monui, hic nomina Patriarcharum Alexandrini & Antiocheni à librario fuisse transmutata, & legi debere; *Christophorus Alexandrinus, Job Antiochenus, &c.* Idem quoque notarunt doctissimi actorum sanctorum editores Antuerpienses, initio to. 4. Julii, in *historia chronologica Patriarcharum Antiochenorum*. Negotium faceffit hic mihi, fateor, inquit R. P. Petrus Boschius, unus ex illis, specialisque historiæ hujus chronologicæ auctor, num. 576. pag. 122. C. narratio Constantini Porphyrogennetæ à Combesio edita, ubi Imperator (Constantinus ille) pag. 90. historiæ suæ *de imagine Edeffena* testes appellans, (ait) *quinimo tres simul Patriarchæ, Job Alexandrinus, Christophorus Antiochenus, &c.* Imperare cœpit Theophilus, atque imaginum cultores persequi ab anno Christi 829. usque ad 842. quo tempore, nec Christophorus ullus inter Patriarchas Antiochenos, nec inter Alexandrinos notus ullus est Jobus. Sedit quidem Alexandria Jacob usque ad annum Christi 830. ineuntem: verum Jacobita is fuit, cujus proinde auctoritatem adducere Constantinum non immerito puduisset. N. 577. Quid ergo! dicam id quod sentio: erratum hic fuisse puto in titulis Patriarcharum; & ita factum ut nomen Alexandrini quod Christophoro debebatur, adscriptum sit Jobo, & titulus *Antiocheni* qui *Jobo* conveniebat, perperam *Christophoro* datus sit. Certe ejusmodi permutationem etiam aliàs commissam, supra num. 489. & infra num. 581. ostendimus. Cur ita censeam facit Euty chius Alexandrinus, juxta quem & Job tempore Theophili (anno scilicet 812. aut 813. ordinatus, usque ad annum 842.) Patriarcha Melchita sedit Antiochiæ, & ab anno circiter 804. usque ad 835. Melchita Alexandria Patriarcha Christophorus, tom. 2. anal. pag. 411. non adeo ab ipso Euty chio remotus, ut ignorare illum potuerit; sicut nec Jobum ignorasset, si decessor ejus, circa hæc tempora, Alexandria Job ullus fuisset (vivēbat siquidem Euty chius in fine hujus sæculi, & sequenti sæculo mortuus est.) Accedit, quod hujus etiam *Jobi*, ut notatur in margine, sive *Jacobi*, uti habet textus, meminerit continuator Constantini Porphyrogennetæ, lib. 2. §. 12. ubi narrat, tempore Michaëlis Balbi, qui imperavit ab anno Christi 820. usque ad annum 829. Thomam quemdam perduellem in Oriente proclamatum esse Imperatorem ab *Antiochenæ*



(non Alexandrinæ) tunc ecclesiæ præfule Jacobo (forte alibi legitur Jobo, uti habet hic margo: sed notæ Combefisii ad numeros operi, tam hoc loco, quam aliis, inspersos desiderantur.) Videtis, quæ, postquam hæc diu scripseram, accepi ab erudito Assemano, & quæ dedi supra num. 548. sententiam enim hanc meam omnino stabiliunt. Hoc porro num. 548. sic loquitur: est igitur quo Euty-  
chium refellam, quum ait tom. 2. pag. 411. Anno Califatus Al-Rashidi octavo constitutus est Theodoritus (sive Theodoretus) Patriarcha Antiochenus (qui annus octavus initium sumebat extremo circiter Junio anni Christi 793. quum certum sit Theodoretum Patriarcham fuisse ante annum Christi 787. quo celebratum est concilium Nicænum II. cui per vicarios suos interfuit, ut testantur non solum Ignatius episcopus in vita S. Tarasii Patriarchæ Constantinopolitani, magistri quondam sui, sed etiam Photius in libello de synodis apud Labb. 10. 7. conc. col. 657. Nilus Rhodiorum metropolita ibid. col. 662. & menologium Græcorum à Canisio editum.) At non perinde suppetit quo (apud eundem Eutychem) confutem id quod addit: Qui annos septemdecim sedit (Theodoretus) dein mortuus est. Illud itaque (quod primum ex eo retuli) rejicio: hoc (secundum) admitto; ita tamen ut illos annos 17. inde ab anno circiter Christi 773. quo defunctum statui Theodorum (Theodoreti prædecessorem) exordiar, ut proinde versus annum Christi 790. effluerint.... Vacasse (tamen) aliquandiu post Theodoretum necesse est sedem Antiochenam, siquidem nemo ei successit ante annum Califatus Al-Mamonis primum, quem Euty chius repetit, non ab obitu Al-Ammini die 25. Septembris anni Christi 813. sed à mense Martio anni præcedentis, quo Al-Mamon primum Califa in Chorasani salutatus est, ut constat ex ejusdem pp. 416. & 435. Ita enim ille affirmat, & ego negando non sum. Idem sentit fere consultus à me nuper vir clarissimus Assemanus: sic enim interrogaveram: an Theodoro, qui Theodoro successit anno Christi circiter 773. & sedit usque ad 790. nemo successerit ante Jobum, quem notat Euty chius 10. 2. annal. E. pag. 428. constitutum esse anno primo Califatus Al-Mamonis, Christi fere 812. Assemanus ita respondet ex catalogo suo Arabico: Theodoro Jobus immediate successit. Quamobrem vel Theodoretus usque ad annum 812. vitam produxit, vel ab anno 790. ad annum 812. sedes (Antiochena) vacavit. Dositheus Hierosolymitanus in prolixo suo de Hierosolymorum Patriarchis opere, lib. 7. §. 4. tres illos Patriarchas tradit ex historia ecclesiastica

A Arabicè scripta, Christophorum scilicet Alexandriæ, Jobum Antiochiæ, & Basilium Hierosolymorum, in urbem sanctam ad synodum habendam venisse, ibique adfuisse episcopos 184. monasteriorum præfectos 171. monachos 153. anno mundi 6344. Ind. XIV. mense Aprili, id est anno Christi 836. atque ad Theophilum synodicam pro sacris imaginibus epistolam misisse. Verum, adeo numerosam Hierosolymis congregatam synodum tunc temporis, idque rerum Palæstinæ Syriæ & Ægypti, religionis quoque in Oriente, statum permisisse, vix credibile est. Quamobrem fides esto penes auctores qui hæc referunt. Papebrochius, de nostro Basilio agens in hist. chronol. Patriarchar. Hierosol. tom. 3. præfixa Actor. SS. mensis Maii, subjungit num. 179. p. 41. in manipulo supra citato Combefisii, post narrationem Constantini Porphyrogenetæ de Christi imagine Edessena, sequi epistolam trium Patriarcharum ad Theophilum, quæ male præfert nomen sancti Joannis Damasceni dudum mortui; hanc vero initio mutilam, sic ut in ea non legantur ipsorum Patriarcharum nomina: observatione tamen digna hæc verba quæ in illa extant: Divinus apostolus atque evangelista Lucas, divinam ac venerabilem castissimæ Dei matris Mariæ adhuc in carne Hierosolymis viventis, atque in sancta Sione morantis imaginem, temperatis coloribus manu & penicillo effinxit in tabula, ac velut in speculo posteris contuendam reliquit. Et p. 144. Idcirco ad ejus quam docuimus atque dogmate tradidimus divinæ doctrinæ probationem ac confirmationem, venerandam quoque sanctissimæ Dei genitricis Mariæ, ex eaque incarnati atque infantis Dei-Verbi imaginem, velut fidei gloriationem, & coronam decoris, sceptrumque regium, in confessionis nostræ à Deo confirmati sincerissimi rectæ fidei libelli capite expressimus, ut divinæ vestræ à Deo doctæ majestati divinum ac cælestem rectæ fidei sensum Orientalis omnis diæceseos significaremus. In Latino catalogo Patriarcharum Hierosolymitanorum nominatur hic Basilius, licet nec designetur quo præcise anno sedere cœperit, nec quo migraverit ad Dominum.

## LXVI. SERGIUS.

De eo Patriarcha, & ejus successore Salomone, ait Papebrochius, in hist. chronol. Patr. Hierosol. præfixa 10. 3. actorum sanctorum mensis Maii, num. 180. pag. 41. col. 2. F. hos quidem reperiri in catalogis Latinis, sed de his nihil alibi haberi. Euty chius Alexandrinus tamen, qui in finem ejusdem sæculi vivebat, nonnulla de illis prodit. Licet autem hic auctor sæpissime hallucinetur, adeo ut frequenter eum emendare necesse sit, quemadmodum supra

In libro  
originum  
rerumque  
Constanti-  
nopolitano-  
rum mani-  
puli Patris  
Combefisii  
1664. pag.  
114.



multis in locis patuit, nonnulla nihilominus ex illo discimus quæ repudiare nihil cogit, & apud eum solum leguntur. Unde doctiff. P. Petrus Boschius, in *hist. chron. Patr. Antioch.* quæ extat initio *to. 4. actorum sanctorum mensis Julii*, agens de anno mortis Theodori Patriarchæ Antiocheni, qui Cosmæ Alexandrino & Theodoro Hierosolymitano præsulibus cœtaneus erat, de quibus supra dictum est, *coll. 364. & 365.* sic de eo scriptore loquitur, *num. 546. p. 116. col. 2. D. E.* Ego interim, in tanta Neoticorum discrepantia, & veterum auctorum Latinorum Græcorum-ve silentio, Eutychium Patriarcham Alexandrinum sequor, qui *to. 2. annal. pag. 399.* diserte affirmat Theodorum Patriarcham Antiochenum annos 23. sedisse: neque enim piget magis hunc sectari ducem, quum deest alius potior, quam deferere, quum certior adest, quod feci supra non semel. Præfuisse igitur arbitror hunc præfulem ab anno Christi 751. inclinante circiter, usque ad 773. circiter. Porro Eutychius hæc de Sergio tradit *tom. 2. pag. 444.* Anno Calisatus Al-Wateki (sive Haron Wacici Billæ, ut eum nominat Elmacinus *lib. 2. hist. Sarac. cap. 10. p. 145.*) secundo, constitutus est Sergius filius illius Mansoris, qui Moslemis in capienda Damasco opem tulit (ideoque in cunctis regionibus anathemati devotus fuit) Patriarcha Hierosolymitanus, (qui) quum annos sexdecim sedisset, mortuus est. Hunc Calisam Elmacinus laudatus creatum ait, eo die quo obiit pater ejus Mutasimus, die scilicet 18. Rabii prioris anni (Hegiræ) 227. missaque inauguratione Bagdadum, imperium illic (ejus) confirmatum fuisse. Annus 227. hegiræ cœpit 21. Octob. anni Christi 841. dies vero 18. Rabii prioris hujus anni hegiræ 227. dies est quintus mensis Januarii anni Christi 842. Annus sequens hegiræ, scilicet 228. cœpit die 10. Octobris, ejusdem anni Christi 842. quo solum exeunte incepit hujus Califæ annus secundus; unde Sergii promotio nonnisi ultimis diebus mensis Decembris anni 842. vel anno sequenti 843. contingere potuit, juxta Eutychii assertum. In breviario synodi octavæ generalis, quod à magnæ ecclesiæ clericis descriptum fuit, inter Patriarchas qui Photium & Gregorium Syracusanum anathemate ferierunt, Sergius memoratur *tom. 8. conc. Labb. col. 1423. D.* Isti igitur novem Pontifices Romani, & alii sex Patriarchæ quatuor catholicorum patriarchatum, Ignatius Constantinopolitanus, Sophronius & Michaël Alexandrini, Nicolaus Antiochenus, Sergius & Theodosius Hierosolymorum illos communionem exsortes fecerunt. De eodem Sergio mentio fit in actis Pseudosynodi Photianæ, sub Basilio Imperatore, & Joanne Papa VIII. anno Christi 879. in epistola

A Michaëli Alexandrino Patriarchæ supposita ad Basilium, ubi de Elia Sergii apocrisiario sic legitur, apud Harduinum *to. 6. conc. part. 1. col. 262. D.* Similiter egit etiam impius Elias, ausus & ipse turbas decipere, ac dicere se syncellum esse Sergii Patriarchæ Hierosolymorum, & veniens hac lepra infectus improbam vitam finivit. Elias qui interfuit synodo octavæ anno Christi 869. & personam gerebat Patriarchæ Hierosolymitani, se subscripsit Syncellum, non Sergii dudum mortui, sed Theodosii ecclesiæ Hierosolymitanæ curam actu gerentis. Testatus est quidem in eadem synodo, act. v. se à septem annis esse Syncellum ecclesiæ Hierosolymitanæ: Ego autem, inquit, *tom. 8. conc. Labb. col. 1042. B.* quoniam Dei gratia per omnes septem annos Syncellus sum Hierosolymitanorum ecclesiæ. Sed hi septem anni non citius inceperunt anno Christi 862. proindeque sub Salomone tantum, vel sub Theodosio, non vero sub Sergio: actio prima siquidem concilii octavi generalis celebrata est die 5. Octob. anni Christi 869. ut refertur *ibidem, col. 978. A.* Titulus præfatæ Pseudo-synodi Photianæ, cujus ipse Photius acta confinxit, hujusmodi est, apud eundem Harduinum loco jam citato *coll. 209. & 210.* Concilium Constantinopolitanum 383. episcoporum, quo post obitum Ignatii restitutio Photii est confirmata, sancta & œcumenica synodus octava plane abrogata, & è symbolo illa particula Filioque sublata fuit, anno Domini 879. tempore Joannis Papæ VIII. Addit Harduinus: Hujus Pseudosynodi acta Græcè conscripta continentur in bibliotheca Vaticana & Columnensi, atque etiam, teste Raderio, in codice Bavarico Augustano. Per Fed. Merium Latine translata possedit reverendiss. & illustriss. Cardin. Baronius, qui VII. actiones hujus synodi summatim describit ad annum 879. n. 64. ea acta Græcè & Latine tradit idem Harduinus *ibid. à col. 214. ad col. 342.* Exordium est: Pseudosynodus Photiana. Hæc nunc primum prodit ex ms. Græco codice bibliothecæ Vaticanæ, quem S. D. N. Papa Clemens XI. ad preces R. P. Philippi Amyot d'Inville Societ. Jesu, transcribi jussit, & ad P. Joannem Harduinum ex eadem Societ. transmitti. Fragmenta quædam edidit in Anglia, E sed mutila & mendis plurimis inquinata, Beveregius. Deinde sequitur: Acta sanctæ synodi Constantinopoli congregatæ sub Photio sanctissimo & œcumenico Patriarcha, pro unionem sanctæ Dei & apostolicæ ecclesiæ. Præsidente Photio sanctissimo & œcumenico Patriarcha, in venerabili magno secretario; & confidente Elia religiosissimo presbytero & legato Hierosolymorum, cum Dei amantissimis metropolitibus: Procopio, inquam, archiepiscopo Cappadociæ, &c. Ad calcem vero eorum actorum, *col. 342.* legitur:



legitur: *Concilium hoc è manuscripto Græco Vaticano diligenter exscriptum, & cum archetypo collatum ac recognitum testamur. Romæ, 14. Septembris 1703. Josephus Juvenius S. J. Philippus Amyot d'Inville Societ. Jesu.* Extat ibid. epistola beati Joannis Papæ Romæ, ad sanctissimum Photium archiepiscopum Constantinopoleos. *Joannes episcopus, servus servorum Dei, Photio reverendo & catholico fratri, Patriarchæ Constantinopoleos, gratiam cælestem ad opera salutaria. Non ignoramus esse quosdam illic non homines pacis, qui de ecclesia quæ hic est, etiam ipsi ad veritatem non respicientes, mala quædam dicunt, in tantum ut parum absit quin tuæ etiam fraternitati non bonas habere de nobis suspensiones, & de iis qui nobis sunt subditi, persuaserint, &c.* Ad marginem notat Harduinus, *confictam à Græculo aliquo Joannis Papæ nomine hanc epistolam esse, recte omnino censet Baronius ad annum 879. nn. 54. & 59.* Finit epistola his verbis: *Vale in Domino, reverendissime & catholice frater.* Porro si Sergius Patriarcha Hierosolymitanus sexdecim annos sedit, ut docet Eutychius, quum anno 843. ordinatus fuerit, obiisse dicendus erit anno 858. vel 859.

## LXVII. SALOMON.

Hunc Salomonem factum Patriarcham Hierosolymitanum ait Eutychius Alexandrinus *tom. 2. annal. pag. 455.* anno decimo Califæ Al-Muttewakkeli. *Anno Califatus ejus decimo, inquit, constitutus est Salmun, Zarkum filius, Patriarcha Hierosolymitanus, ubi annos quinque sedit, dein mortuus est. Pagius to. 3. crit. annal. Baron. ad ann. 847. num. 24. de obitu Haron Wacici Billæ, & inauguratione successoris ejus Al-Montafen five Al-Muttewakkeli, hæc habet: Anno Hegiræ 242. (legendum 231.) sex diebus ante finem Dzulhaggia, qui mensis ultimus est hujus anni Arabici, absolviturque die 16. (aut 17.) Augusti, obiit Haron Wacicus Billa, Califa Babylonienfis, juxta Eutychium, qui hoc tempore vivebat, & Abul-Pharaïum. Eum excepit Al-Montafen. Elmacinus de eodem Muttewakkelo sic loquitur lib. 2. hist. Saracen. cap. 11. pag. 147. Creatus est Califa Samarra, eodem die quo obiit frater ejus Wacicus, vigesimo-quarto Dulhiggia anni 231. (Hic annus Hegiræ cœpit die 7. Septemb. anni Christi 845. annus vero sequens 232. cœpit die 28. Aug. anni 846.) Ex quibus colligitur Muttewakkelum ad Califatus dignitatem evectum esse mense Augusto hujus anni 846. Quum itaque Salomon, ex Eutychio, electus fuerit Patriarcha Hierosolymitanus anno hujus Califæ decimo, sedem illam conscendere debuit anno Christi 855. aut ad*

Tomus III.

summum 856. Non tamen conscendisse videtur nisi aliquo ex annis qui fluxerunt, incipiendo ab anno 858. usque ad annum 872. Nam Anastasius bibliothecarius in epistola ad Adrianum II. Romanum Pontificem, de translatione sua Latina actorum octavæ synodi, *tom. 8. concil. Labb. col. 967.* D. Salomonem exemplo Photii, ex laico factum episcopum prodit. *Tantum hujus (Photii) ambitionis pullulavit longe lateque temeritas, inquit, ut mox Hierosolymis quidam laicus nomine Salomon extemplo clericus factus, sit ordinatus antistes: quod nunquam factum est, etiam ab ipso Jacobo qui primus illic episcopus exiit, nisi postquam Photius noviter in clero plantatus est, & confestim præsul factus auditus est.* Hæc certe verba denotant, primo Salomonem ecclesiæ Hierosolymitanæ non præfuisse ante annum Christi 858. quum Photius ordinatus fuerit Patriarcha Constantinopolitanus die nativitatis Domini anni præcedentis 857. secundo præfuisse ante annum 872. quo Joannes VIII. Adriano II. successit. In catalogo Dosithei Patriarchæ Hierosolymitani, *Salamonas* quoque appellatus dicitur, *Σαλομών ὁ καὶ Σαλαμαναῖς.* Obiit antequam celebraretur anno 869. synodus octava, & probabiliter anno 863. vel 864.

## LXVIII. THEODOSIUS.

In jam citato Dosithei catalogo, post Salomonem recensetur Patriarcha Hierosolymitanus *Theodorus*, qui & *Theodosius*, *Θεόδωρος ὁ καὶ Θεοδοσιος.* Theodorum etiam illum nuncupat Eutychius Alexandrinus. *Anno primo Califatus Al-Mustaini, inquit, constitutus est Theodorus (qui Al-Moklata audit) Patriarcha Hierosolymitanus, qui annos novemdecim sedit, dein mortuus est.* In cæteris hujus ætatis monumentis *Theodosius* appellatur, non *Theodorus.*

Elmacinus *historiæ Saracenorum libro 2. cap. 13. pag. 156.* inaugurationem hujus Califæ describit in hunc modum: *Noluerunt ei (Califatu) præesse quemquam filiorum Muttewakkeli; quod metuerent ne eos occideret, ob eandem Muttewakkeli: itaque unanimi consensu elegerunt Ahmedem filium Muhammedis filii Mutasimi, & Califam eum crearunt tempore vespertino diei lunæ, qui sextus erat Rabii posterioris, anni Hegiræ 248. quum natus esset annos 28. & cognominatus fuit Mustainus Billa.* Annus 248. Hegiræ cœpit die 6. Martii anni Christi 862. Rabium autem aut Rabia posteriori mensi Junio ejusdem anni correspondebat, teste Pagio ad eundem annum, *num. 13.* Hinc, si vera est Eutychii narratio, Theodosius ecclesiæ curam suscepit Hierosolymorum eo anno 862. aut sequenti 863. & deseruit

A a



morte cogente anno 881. vel 882. Eum tamen obiisse anno 879. ex infra dicendis patebit.

Biennio circiter antequam celebraretur Constantinopoli synodus octava generalis pro restitutione Ignatii in sedem Patriarchalem hujus regiae urbis quam Photius invaserat, proindeque anno 867. epistolam scripsit ad eundem Ignatium Theodosius, quæ lecta est actione I. præfatæ synodi. Nam Helias qui in illa synodo vices ejus gerebat, dixit, *Act. quinta, tom. 8. concil. Labb. col. 1041. E.* Nobis autem pervenientibus, & degentibus hic per duos circiter annos, anticipantibus sanctissimos vicarios senioris Romæ. Sic porro incipiunt hæc Theodosii litteræ, *ibid. col. 989. B.* Per omnia sanctissimo fratri, & comministro Domino Ignatio, gubernacula moderanti nominatissimæ Constantinopoleos, universali Patriarchæ, Theodosius servus Jesu Christi Hierosolymorum. Honorabilissimis & cultu dignissimis litteris vestræ sanctitatis susceptis, à Deo glorificate, vestris quidem divinius datis valetudinibus & incolumitatibus magnopere congratulati sumus, prospere conservandos vos ab omni malitia exoptantes: sed dolere nos fecit, & multo dolore replevit ecclesiæ vestræ negotiorum dissonantia, &c. Et rursus: Non autem docendo aut admonendo hæc dicere præsumpsi ad virum verbi & operis perfectione corruscantem, sed charitatis copia detentus, suaviter consolatoriis verbis uti proposui. Neque enim fluvijs totus semper fluens fonte quolibet opus habet; honorabilitatem tuam aio divina sapientia plenam. Et *col. 987. B.* item *col. 1283. A. B.* Nosti utique, sanctissime Domine, causam, ob quam neque scribere, neque mittere potuimus ad vos, ne apud principes nostros in suspicionem aliquam vocemur. Nam & benevolentiam erga nos declarant singularem, & templorum excitandorum, & tenendorum sine impedimento morum nostrorum, securitatem præstant. Quoniam vero tam ab Hamera (Hamir) qui apud nos est, quam ab hominatoriis (forte dominatoris) litteris jussi sumus, transmisimus, sicuti postulavit, oculum nostrum, & syncellum apostolici throni nostri ornatissimum & bonum cultorem Heliam, locum & personam nostram obtinentem, qui distinguere potest & discernere quæ quæruntur secundum rationem. Cum quo & sanctissimum Thomam princeps Saracenorum destinavit præsulatu fungentem urbis Tyri, qui sedis est Antiochiæ, secundum quod hunc quæsisisti mitti per honorabiles litteras vestras. Nostis autem utique, sanctissime, quia multa temeritate ac ausu hos transmisimus, præcipitanter ac audacter, ad ereptionem quasi quorundam Saracenorum apud vos in custodia consistentium. Precamur igitur & rogamus, ut loquaris ad

*A*ures à Deo coronati & piissimi Domini nostri, quo donet nobis quotquot voluerit magnifica ejus dominatio Saracenos, ad satisfactionem nostrorum, & insuspectam repræsentationem meorum: quinimo ad salutem nostram, & tegmen omnium nostrum. Si enim, tam ab imperiali, quam vestra providentia non fuerit hoc taliter ordinatum, pavor non modicus erit in omnimodam perditionem nostram, quum opportunitatem invenerint. Præterea sperans penes sacratissimam & solertissimam affectionem tuam, impetrare quæ cordi sunt, poderem, & superhumerali cum mitra, pontificalem stolam sancti Jacobi apostoli & fratris Domini & primi archiepiscoporum, quam antecessores mei Patriarchæ circumamicti, semper in sancta sanctorum ingrediebantur, sacerdotio fungentes, videlicet sanctam memoriam vitæ, & sanctum calciare; quæ & ipse ego indutus sum, eadem gerens tuo desiderabili & honorando mihi capiti ex amore & dilectionis copia transmissi; quatenus sanctifica suavitate, ac tactu sanctorum locorum, utpote dignus perfruaris: simul autem & sacrum vas cimiliorum (id est reconditarum pecuniarum) sanctæ resurrectionis, craterem argenteum cum imaginibus in terra Sylemi transmissi, cum devoto præceptore ac syncello Helia apostolici throni nostri ad sanctificationem nostræ sanctissimæ ecclesiæ, & memoriam nostræ humilitatis. *Ibidem coll. 991. 992. 993. & 994.* legitur, *Definitio Thomæ metropolitæ Tyri primi sessoris & primatis sedis Theopoleos Antiochiæ (quæ vacabat) & Helix presbyteri & syncelli throni Hierosolymorum sanctæ Christi Dei civitatis, locum & personam tenentis Theodosii sanctissimi Patriarchæ Hierosolymorum, habita Constantinopoli, priusquam vicarii pervenissent senioris Romæ.* Incipit: *Vestris ecclesiasticis negotiis confusionem patientibus, &c.* Quia scilicet illi non putabant vicarios Roma mittendos; idcirco definitionem hanc ante ipsorum adventum exposuerunt, quæ nihil aliud continet, quam quod Nicolaus I. multo ante decreverat. Lecta est autem & approbata *Act. I. synodi VIII.* In subscriptionibus quæ *Act. x. hujus synodi leguntur tom. eodem 8. concil. Labb. col. 1155.* sic extat subscriptio Helix: *Ego Helias misericordia Dei presbyter & syncellus, locum complens apostolici throni, ubi Patriarcha est Theodosius Hierosolymorum sanctæ Christi Dei nostri civitatis, instar cæterorum vicariorum, omnibus quæ in sancta hac & universali synodo gesta sunt concordans & definiens, manu propria subscripsi.*

Hunc Theodosium Patriarcham Hierosolymitanum invisit Bernhardus monachus Francus, quum perrexit ad loca sacra. In descriptione autem ejus itineris quam refert Mabillonius *to. 3. annal. Benedict. pag. 165. nn. 12. & 13.* & in actis sanctorum ordinis



sancti Benedicti, *part. 2. sæc. 3. pag. 524.* nonnulla discimus scitu non indigna. Sub extremum tempus Nicolai Papæ, (qui obiit die 13. Novemb. anni Christi 867.) Bernhardus Francus monachus, inquit Mabill. loco primum cit. ad loca sancta iter aggressus est, comitantibus aliis duobus monachis, uno Hispano, altero Italo.... Itaque Romam profecti, Nicolai Pontificis benedictione & subsidio muniti, ad montem Garganum primo perrexerunt.... Inde progressi ad Barim civitatem, à Saracenis tunc occupatam, litteras fidei publicæ à principe illius civitatis ad principes Alexandriæ ac Babyloniam obtinuerunt. Hæ litteræ apud principem Alexandriæ non minus valuerunt, quam summa tredecim denariorum, quos singuli eorum ei dederunt, ut similes litteras ad principem Babyloniam impetrarent. Observat utique Bernhardus, morem esse illorum hominum, *ut quod ponderari potest, non aliter accipiat, nisi in pondere: unde accidit, ut sex apud nos solidi & sex denarii faciant apud illos tres solidos & tres denarios.* Extra portam Orientalem Alexandriæ tunc extabat monasterium S. Marci cum monachis: quo ex loco Venetii, ait Bernhardus, navigio tulerunt furtim corpus sancti Marci à custode ejus, & in suam insulam deportarunt: quod testimonium hominis fere æqualis validissimum est ad firmandam Venetorum possessionem. Alexandria profecti peregrini, venerunt Babyloniam, ubi eorum litteræ nihil itidem profecerunt apud principem Saracenorum, nomine Adelhachem, à quo in carcerem conjuncti (conjecti) sunt, dum (donec) unusquisque pro se tredecim itidem denarios persolvisset: obtentis ab eo litteris, secure deinceps iter profecti sunt usque ad sanctam civitatem Hierusalem. *Ibi, inquit, habetur hospitale, in quo suscipiuntur omnes qui causa devotionis illum adeunt locum, loquentes lingua Romana: cui adjacet ecclesia in honore sanctæ Mariæ, nobilissimam habens bibliothecam studio prædicti Imperatoris, nempe Caroli Magni.* Idem Bernhardus quatuor sanctæ civitatis memorat ecclesias insignes: unam in monte Calvariæ; alteram ad meridiem; tertiam ad Occidentem in qua sepulcrum Domini. De quarta non loquitur, nisi hæc sit quam in honore sanctæ Mariæ Virginis constructam modo memoravit, *num. 13.* De illa vero in qua est sanctum sepulcrum observat quod *Sabbato sancto, (in) vigilia Paschæ, mane officium incipitur in ecclesia; & post peractum officium Kyrie eleison canitur, donec veniente angelo lumen in lampadibus accendatur, quæ pendent super prædictum sepulcrum: de quo dat Patriarcha episcopis, & reliquo populo, ut illuminent sibi in suis locis.*

Tomus III.

A Hujus Bernardi scriptum legerat Willelmus Malmesburiensis, ut patet ex libro ejus quarto de regibus Anglorum, ubi de Hierosolymis agens hæc habet: *Ibi decenti opere compacta ecclesia sancti sepulcri capax, à Constantino Magno ædificata, nullam unquam ab inimicis fidei tulit injuriam, metu, sicut conjicio, pro igne cælesti percussis, qui quotannis in vigilia Paschæ serenus infulget. Quod miraculum quando cœperit, vel si ante tempora Saracenorum fuerit, nullius historiæ cognitione discernitur.* Tum subdit idem Willelmus: *Legi ego in scripto Bernardi monachi, quod abhinc annis ducentis quinquaginta, id est anno Incarnationis 870. idem Hierosolymam profectus, ignem illum viderit* (quod tamen, inquit Mabillonius *p. 166.* in ejus itinere non lego) *hospitatusque fuerit in xenodochio, quod idem gloriosus Carolus Magnus construi jusserat, ubi & bibliothecam ingentis expensæ compegerat.* Idem miraculum, subdit Mabillonius, attestantur è Latinis Glaber Rodulfus, *lib. 4. cap. 6.* chronicon Andrense, itidemque Fontanense, quorum alterum in Spicilegii tomo nono, alterum undecimo editum est. Sed insigne præ cæteris testimonium est in historia belli sacri, *Mus. Ital. 10. 1. pp. 209. & 210.* ab auctore æquali composita: in qua convictus hac de re legitur rex Babylonius, non credens, *quod Sabbato vigiliarum Paschæ ignis ille apud sepulcrum dominicum per semetipsum in lampadibus accendatur:* quod ipsemet experimento probavit; aptatis per se lychnis & oleo repletis, in quibus repente hora nona vigiliæ Paschæ, rege ipso spectante, ignis de more accensus est, & ardere cœpit. Huc spectat quod habetur in veterrimo pontificali olim Pictaviensis ecclesiæ, nunc Patrum Minimorum apud Parisios, ubi de vigilia Paschæ: *Eadem nocte Hierosolymis in sepulcro Domini lampas ab angelo illuminatur, ut veracium relatione traditur, qui nostro tempore de Hierusalem venerunt.* Ita vetus codex scriptus ante annos circiter octingentos. De hoc igne allatus est ignis in Floriacense monasterium, ut rubeis litteris adscriptum legitur ad oram martyrologii Usuardi in hæc verba: *Kalendis Junii. Susceptio ignis Paschalis ab Hierosolymis allati:* quo tempore, incertum. Pergit Bernhardus dicere de Theodosio Patriarcha Hierosolymorum: *Hic Patriarcha Theodosius* (appellabatur) *qui ob meritum devotionis à Christianis est raptus de suo monasterio quod distat ab Hierusalem quindecim millibus, & ibi Patriarcha constitutus super omnes Christianos qui sunt in terra repositionis.* In reditu Bernhardus ad Montem aureum, ubi crypta erat habens septem altaria, cujus loci abbas erat domnus Valentinus, de Romana basilica beati Petri Apostolorum

Aa ij



principis id asserit, non esse ei similem in magnitudine ecclesiam in universa terra: Ultima itineris ejus periodus desinit ad sanctum Michaëlem ad duas Tumbas, qui locus est situs in monte qui porrigitur in mare per duas leucas: (gallicè *Mont Saint-Michel*, in diocesi Abrincensi) in cujus montis summitate est ecclesia in honore S. Michaëlis; & circuitu illius montis redundat mare quotidie duabus vicibus, id est mane & vespere, &c. Hactenus iter Bernhardi monachi, qui Franciam natalitatis suæ locum esse testatur. Hallucinatur Albericus, quando hoc iter ad annos centum differt.

Vivebat adhuc Theodosius Patriarcha Hierosolymorum initio anni 879. Inter epistolas enim Joannis VIII. Romani Pontificis, quas refert Labb. tom. 9. concil. una extat col. 111. ad Theodosium Patriarcham Hierosolymitanum, scilicet centesima septuagesima, data VI. nonas Maii, Indict. XII. id est die secunda Maii anni 879. Hujus est tenoris: *Reverendissimo & sanctissimo confratri nostro Theodosio Patriarchæ sanctæ Hierosolymitanæ ecclesiæ. Notum esse volumus sanctitati vestræ, quia præsentibus monachi vestri, Theodosius videlicet, David, & Saba, venientes Romam ad limina sanctorum Apostolorum Petri & Pauli, demorati sunt ibi, eo quod nos pro nostræ ecclesiæ causis & utilitatibus Franciam perrexeramus. At ubi, Deo volente, reversi sumus incolumes, eis ad vestram paternitatem revertendi licentiam dedimus, per quos nimirum, causa charitatis, aliquam licet modicam beati Petri Apostoli benedictionem fraternitati vestræ mandavimus. Quam petimus, ut pro Dei, & ipsius apostolorum principis amore, nostraque dilectione benigne recipiatis: quoniam nimia paganorum oppressione gravati, plura, ut volebamus, dirigere non potuimus. Rogamus præterea sanctam vestram in Domino charitatem, ut in sanctis orationibus vestris nostri semper memores existentes, pro nobis preces Jesu-Christo Domino nostro quotidie fundere alacri animo dignemini, charissime frater. Data sexto nonas Maii. Epistola 160. hujus Papæ ad Carolum regem ibid. col. 106. notatur data tertio nonas April. id est die 3. hujus mensis, Indictione XII. quæ inceperat mense Septembri anni 878. Cæteræ usque ad 170. quam retuli, habent, data ut supra, id est, sunt ejusdem diei. Epistola 170. notatur data sexto nonas Maii, id est die 2. hujus mensis. Sequentes epistolæ usque ad 178. habent, data ut supra. Sed 178. ad Gregorium primicerium, notatur data sexta die Maii, Indictione XII. proindeque omnes illæ Joannis VIII. epistolæ sunt ejusdem anni 879. Anno præcedente 878. erat Joannes in Francia, ubi concilium Tricassinum II.*

A 3. idus Aug. id est die undecima hujus mensis, Indictione XI. celebravit. Eo anno 879. ante mensem Novembrem obiisse oportet Theodosium, si, quoad hoc, pseudosynodi eo anno Constantinopoli habitæ mense Novembri pro Photii restitutione in sedem hujus urbis post sancti Ignatii mortem, actis credimus. In iis quidem actis multa esse ab impostore Photio supposita, Baronius ad annum 879. n. 63. & seqq. & Allatius in peculiari tractatu de octava synodo Photiana asserere non dubitant: verum poteratne incertum esse Constantinopoli quo venerat ad synodum Photianam legatus Patriarchæ Hierosolymitani ipsius locum tenens, quisnam tunc temporis esset iste Patriarcha, an Theodosius adhuc in vivis superstes, an qui ei successit Helias! Legatus tamen ille pluries testatur in actis hujus synodi missum se ab Helia Hierosolymorum Patriarcha, qui Theodosio recens defuncto suffectus fuerat.

Acta illius pseudosynodi Græca cum Latina versione tradit, ut supra observatum est col. 368. D. P. Harduinus Societ. Jesu, to. 6. concil. part. 1. à col. 213. ad col. 342. Porro in iis actis, act. IV. Helias (qui diversus fuit ab Helia vices supplente Theodosii Patriarchæ Hierosolymitani in synodo VIII.) ait col. 302. *Sanctissimus vero Helias nuper Hierosolymorum Pontifex constitutus, in omnibus sequens Theodosium qui prius eandem sedem administravit, nunquam ulla ratione venit in partem injuriarum quæ sunt sanctissimo Patriarchæ (Photio) illatæ: sed & (eos) qui fuerunt legati Saracenorum, & sinxerunt se personam illius (Theodosii) suscipere (ipse Theodosius) anathemati subjecit.* D Missus sum igitur etiam ab ipso (Helia,) ut sensus ipsius quos ab initio habuit, habetque, & habebit, sanctæ huic synodo manifestem. Scilicet supra vidimus col. 371. & seq. Theodosium in epistola ad Ignatium Patriarcham Constantinopolitanum, quæ lecta est act. prima synodi octavæ generalis, cum rogasse ut suaderet Imperatori, liberos remittere Saracenorum captivorum plurimos quantum ipsi placeret; quia ea solum conditione licentiam obtinebat à principibus hujus nationis, ut Helias suus syncellus, & Thomas episcopus Tyri Constantinopolim venirent. Propterea igitur Photius Heliam, Helix Patriarchæ Hierosolymitani vicarium in sua pseudosynodo, dicentem inducit Heliam & Thomam qui synodo octavæ adfuerunt, fuisse legatos Saracenorum, non vero Patriarcharum sub quorum nomine venerant; & quod pejus est atque falsissimum, Patriarchas eosdem adversus illos reclamasse, eosque anathemate feriisse.

Porro illud admiratione dignum, inquit Baronius ad annum 879. num. 73. quod non



fit aliquis ex Græcorum historicis res Basilii Imperatoris prosequutus, qui Photianæ synodi anno 879. habitæ meminerit: quum contra ferme omnes de octava legitima œcumenica, in qua Photius est è throno depositus (eique restitutus Ignatius) mentionem faciant: certe non Curopalates, non Cedrenus, non Zonaras, non Glycas, non Constantinus Manasses, de hujusmodi Photiana synodo vel verbum unum proferunt, quum tamen, si talis fuerit, tamque numerosa, & quæ VIII. œcumenicam damnasset, haud videri possit silentio prætermissa. Unde de ea suspicio augetur, ut tota fuerit Photii stylo conficta, penicilloque mendacii colorata.

Inficiari quidem non ausim aliquam re ipsa synodum Constantinopoli celebratam esse anno 879. cui adfuerint Joannis VIII. Papæ legati, Patriarcharum Orientalium vicarii, multique episcopi Photio addicti, pro hujus restitutione confirmanda, id enim ex inferius laudandis Joannis Papæ litteris anno 880. ad Basilium Imperat. & ad ipsum Photium scriptis constare videtur. At in ea synodo tot convenisse episcopos, omniaque gesta fuisse, ut in ejusdem actis legitur, impostura est Photii manifestissima. Unde merito Baronius ad eundem annum 879. n. 63. subdit: de his (gestis) acturi, illud inprimis contestamur, nos non profiteri omnino, rei veritate gesta esse quæ facta dicuntur, sed quæ facta scriptis reperiuntur asserta, nos integre reddituros. Quis enim ea omnia à Photio falsitatum omnium architecto jure dicendo ordinata, disposita, concinnata, descripta, vera fuisse audeat affirmare!.... Talis plane est conditio (actorum) pseudosynodi Photianæ una cum auctore in imis inferis obruendæ. Ita Baronius.

Post hanc Photianam synodum mense Martio anni Christi 880. absolutam, inquit Pagius tom. 3. crit. annal. Baron. ad hunc ipsum annum, num. 1. Paulus, Eugenius, & Petrus sedis apostolicæ legati Romam rediere, nihilque aliud retulerunt Joanni Papæ, quam redditam, restitutione Photii, ecclesiæ Constantinopolitanæ pacem, Bulgariam quoque ecclesiæ Romanæ restitutam, & Imperatorem classem mittere, quæ Italiam à Saracenorum incursionibus tueretur, quod Basilii litteræ confirmabant, ut liquet ex epistola 251. Joannis VIII. ad ipsum Basilium & ejus filios data, in qua quidem significat se approbare, quæ pro Photio in synodo Constantinopolitana acta sunt, sed sub sequenti solum clausula: *Et si fortasse nostri legati in eadem synodo contra apostolicam præceptionem egerint, nos nec recipimus, nec judicamus alicujus existere firmitatis. Data idibus Aug. Indict. XIII. (id est, die 13. Aug. ejusdem anni 880.)* Quum

A vero Romanus Pontifex quæ gesta essent Constantinopoli à tribus illis legatis accepit, Marino episcopo, qui sibi postea in sedem successit, misso legato potestatem dedit infirmandi quæcunque legati prævaricatores egissent, Photiumque perpetuo anathemate percellendi, quod Marinus incredibili magnanimitate præstitit; at non ante annum sequentem 881. ut ex laudatis Joannis Papæ litteris colligere est. Quibus conditionibus Photii restitutioni consenserit Romanus Pontifex, ipse aperit in epistola ad eundem Photium directâ, cujus lator fuit Petrus Cardinalis ad synodum ea de causa Constantinopoli celebrandam missus, ut una cum Petro & Eugenio qui jam in ea urbe erant, huic synodo sedis apostolicæ nomine præsideret. In ea quippe epistola, apud Baronium ad annum 879. n. 35. ait: *Et quum non sit reprehensibilis erga correctum quantacunque miseratio, si satisfaciens coram synodo misericordiam secundum consuetudinem postulaveris* (hæc de misericordia quærenda coram synodo abstulit Photius, hic, & alias inferius, C inquit Baronius *ibid.* ad marginem) *ac si evidenti correctione uteris, & peritiæ non obliviscens, nullius damnamoliaris, quin potius auxilia eorum, qui tibi non velle consentire dicuntur, studiose dissolveris, eosque suis ecclesiis & honoribus restitueris: & si (quia spiritualis filius noster Basilius Christianissimus Imperator apud nos pro te multis precibus intervenit) omnes uno voto, uno consensu, & una concordia in tua restitutione convenerint: veniam pro pace sanctæ Constantinopolitanæ ecclesiæ tibi concedimus, communionem quoque & gradum, coram synodo misericordiam quærendo,* (hæc quatuor ultima verba itidem decurtavit Photius, inquit Baronius ad marg.) *nihilominus reddimus, & ut sanctæ Constantinopolitanæ ecclesiæ præesse debeas, consentimus, &c.* At quum hæc conditiones in restitutione Photii minime servatæ fuissent, de hoc conquestus est Joannes in alia epistola ad Photium, apud præfatum Baronium, ad annum 880. num. 7. *sed quum nos scriptis, inquit Romanus Pontifex, & verbis misericorditer tecum specialiter agendum esse decreverimus; mirandum valde est, cur multa quæ nos statueramus, aut aliter habita, aut mutata esse noscantur, & nescimus cujus studio, vel neglectu, variata monstrentur.* Redarguit eum propterea, ut monet Baronius, quod quum scripisset ab apostolica sede misericorditer cum ipso agendum fore, ob idque ipse coram synodo misericordiam ejus implorare debuisset: non solum id facere neglexisset, sed superbo fastu vane jactasset se nihil perperam egisse, cujus rei gratia misericordia indignus factus esset. *Cæterum scribens*



Luc. c. 16.  
vers. 15.

subintulisti, pergit Joannes, quod, te innuens, non nisi ab iniqua gerentibus misericordia sit querenda; quod & nos de his, qui Deum se scire non fantur, licet dispensatorie fatemur: tamen nos, quod lectum est, exaggerare nolumus, ne quod dignum est, judicare cogamur. Ideoque talis excusatio fileat, ne hoc dicentes illa sententia tangat, qua dicitur: vos estis qui justificatis vos coram hominibus; Deus autem novit corda vestra, quia quod hominibus altum est, abominabile est apud Deum. Igitur laudabilis tua prudentia, quæ dicitur humilitatem scire, non moleste ferat, quod ab ecclesia Dei miserationem iussa est postulare; quin potius se, ut exaltetur, humiliet & fraternum discat erga sui miserentem servare affectum. Quia nos, si tu debitam devotionem, & fidelitatis incrementa erga sanctam Romanam ecclesiam, & nostram parvitatem observare studueris; & ut fratrem amplectemur, & ut charissimum proximum retineamus. Nam & ea quæ pro causa tuæ restitutionis synodali decreto Constantinopoli misericorditer acta sunt, recipimus. Et si fortasse nostri legati in eadem synodo contra apostolicam præceptionem egerunt: nos nec recipimus, nec iudicamus alicujus exsistere firmitatis.

Psal. 35.  
vers. 1.

Cæterum postea damnatum fuisse ab ipso Joanne VIII. Photium constat ex Formosi Papæ litteris ad Stylianum, apud Baronium ad annum 880. num. 11. in earum siquidem fine, quum ponitur series synodicarum sententiarum & decretorum Romanorum Pontificum, quæ pronuntiata sunt adversus Photium, ubi recitatae sunt quæ à Nicolao Papa, quæ etiam ab Adriano contra eum promulgatae sunt sententiæ, ubi ad successorem Adriani Joannem ventum est, primo ponitur sententia ab ipso, quum adhuc esset Adriani archidiaconus publicè recitata, deinde quam rursus tulit factus Pontifex. Hæc enim ibi scripta reperiuntur. Hanc sententiam promulgavit Papa Adrianus, & archidiaconus ejus Joannes, qui illi successor fuit: atque alta voce coram ipso ita proclamavit: in Photio completum videmus, Domine sanctissime & æcumenice Papa, illud psalmi: Dixit peccator ut delinquat in semetipso, non est timor Dei ante oculos ejus. Posuit in cælum os suum, & graveolens ejus guttur aperuit. Photius adversus Clavigerum apostolicæ sedis. Accendatur itaque ut ignis zelus tuus... & illos qui eum sequuntur vel tuentur, anathematis vinculo constringe; & nisi propria voce, vel scriptione, ipsum damnaverint, ut neque laicali communione recipiantur. Qui hæc dixit Joannes, Adriano in sede successit, & anathemate Photium damnavit, quando ille seduxit Eugenium & ejus socios, qui pro rebus Bulgariae venerant. Quum enim accepisset evangelium, & ambonem conscendisset, omnibus

audientibus ita dixit: Quicumque non habet damnatum Photium divina sententia, sicut ipsum reliquit Nicolaus, & Adrianus (quoque) sanctissimi Papæ prædecessores mei, sit anathema. Hæc descripta, inquit Baronius ibidem, ex codice Columnensi, ubi cuncta, quæ ad causam Photii spectant, collecta habentur. Et num. sequenti 12. subdit: Superius legi in eodem codice: *Damnatur Photius anathemate à novem Romanis Pontificibus, à Leone (IV.) Benedicto, antequam Photius esset assumptus in Patriarcham, ob communionem scilicet cum Gregorio Syracusano: postea vero à Nicolao, Adriano, Joanne, Marino, Adriano altero, Stephano, & Formoso.* Et de Joanne VIII. specialiter. Joannes vero, occasione Bulgariae provinciae, misit Eugenium, & ejus socios, adhuc superstite Ignatio Patriarcha, quos quum detinuisset Photius, & variis modis coëgisset, adduxit eos ut secum communicarent, & alios etiam errare fecerunt: qui Romam reversi, à Joanne in ambone illos anathemate damnante, fuerunt depositi. Ad quod confirmandum, observat idem Baronius, revera post annum 880. usque ad finem 882. quo decessit Joannes VIII. nullam occurrere de Photio mentionem in litteris ab eo Pontifice conscriptis, utpote abrupta penitus ipsum inter & Photium communicatione mutua.

Hunc nihilominus, ut qui indulgentiorem se præbuerit erga Photium, contumeliæ loco *Papissam* dictum arbitratus est Baronius, ad annum 879. num. 5. Sicque ansam datam fabulæ de *Joanna Papissa*: quæ Baronii opinio magnis viris placuit: ejusque exemplo Papebrochius, in conatu chronico-historico, conjecit pusillanimitatem, non Joannis VIII. sed Joannis VII. qui ordinatus Papa anno 705. obiit vero anno 707. in non rejiciendis canonibus Trullensibus, prætextum suppeditasse quibusdam prædictæ fabulæ obtrudendæ. Verum, inquit Pagius tom. 3. crit. annal. ad annum 879. num. 9. neutrum mihi unquam persuadere potui, quum videam (fabulam hanc) à viro rei historicæ imperito excogitatam, & quidem sæculo tantum decimo-tertio. Præterquam quod, qui illam (somniauerunt primi) non dixere *Joannam Papissam*, sub initium sæculi octavi sedisse, (ut de Joanne VII. assertam) vel sub finem sæculi noni, (ut de Joanne VIII. excogitatam) censeamus, sed Joannam hanc Leoni IV. qui anno Christi 855. decessit, suffectam fuisse narrant.

Supra idem Pagius, ad annum 853. n. 14. ita loquitur: Figmentum de *Joanna Papissa*, inter annum 1278. quo Martinus Polonus obiit, & annum 1342. (dicendum ex Echardo infra citando 1321.) quo Ptolomæus sive Bartholomæus de Luca adhuc vivebat,



procusum. Is enim historiae suae ecclesiasticae, quam post annum 1312. promulgavit, *lib. 16. cap. 8.* de Leone IV. agens, cui fabulatores Joannam Papissam substituere, hæc scribit: *Omnes quos legi, præter Martinum, tradunt, post Leonem IV. fuisse Benedictum III. Martinus autem Polonus ponit Joannem Anglicum VIII.* Ptolomæi ergo Lucensis ætate hæc fabula recens conficta fuerat, & Martino Polono attribuebatur, licet immerito, &c. Lambecius *lib. 2. Bibl. Cæsar. cap. 8.* testatur in ea bibliotheca reperiri quatuor codices mss. chronici Martini Poloni, in quibus fabulæ de Joanna Papissa nec mentio extat, nec unquam extitit; indeque jure merito concludit, Martinum falso haberi pro auctore, vel approbatore absurdissimi hujus commenti, & chronicon illud, nonnisi post ejus mortem, labe illa contaminatum esse. Fatetur quidem Lambecius quatuor alia exemplaria mss. ejusdem chronici inveniri in bibliotheca Cæsarea ea sorde inquinata, sed in pluribus priora (modo memorata) istis quatuor præstare, fuisse ostendit. Nec est quod quis dicat, quatuor illa exemplaria, in quibus illa periocha desideratur, mutilata fuisse. Illa enim de Joanna Papissa fabula ita omnium animos occuparat (sunt semper verba Pagii) ut in magnifica ecclesia metropolitana civitatis Senensis, quæ post eam excogitatam quatuor Pontifices Romanos dedit, Pium II. scilicet, Pium III. Marcellum II. & Paulum V. statua Joannæ Papissæ inter alias cæterorum Pontificum Romanorum conspiceretur. Quare librarius Martini Poloni exemplaria, in quibus ea historiola defuisset, sese venumdare non posse credidisset. Adhæc non autumandum, quempiam in proprios usus aliquod hujusmodi exemplar sibi exarandum petiisse; quum hanc sceminam aliquando ecclesiæ Romanæ præfuisse communis tunc opinio ferret. Quatuor itaque codices illi mss. bibliothecæ Cæsareæ, in quibus ea fabula legitur, interpolati fuere, & hac in parte corrupti. Hactenus Pagius citatus.

Auctor dissertationis Gallicæ de Joanna Papissa, quam ex dissertatione Latina similis argumenti Dom. de Spanheim Professoris in Universitate Leidensi descripsit, & edidit Colonia 1695. loquens de Mart. Polon. *pag. 74.* qui, ut ait ad marginem, *tantam apud omnes bonos & eruditos gratiam inivit, ut progressu temporis inter tres religiosorum ordines, Benedictinum, Dominicanum, & Cisterciensem de professionis hujus certitudine, contentio nata sit, singulis eum sibi quasi suum vindicantibus.* Ex Suffrid. Petri *Præf. in Mart. Polon. an. 855.* Auctor, inquam, ille nihilominus scribit *pag. seq. 75.* asseri à P. Chifflet extitisse in biblio-

A theca Joannis Jacobi Chifflet patris ipsius exemplar antiquissimum manu sc. chronici Martini Poloni, in quo nihil legitur de Joanna Papissa. Tradit insuper nihil quoque de ea reperiri in alio ejusdem Martini Poloni exemplari, quod vidit Burnetus episcopus Salisburienfis. De eodem Martino hæc etiam habet Labb. *tom. 8. conc. col. 154.* Martinum Polonum hac fabula adauxit Heroldus Basileensis typographus, ex cujus prælo anno Domini 1550. in lucem prodit. Extant enim, Suffrido Petri & Josia Simlero attestantibus, B plurima mss. exemplaria, à quibus infinitas fabulas abesse animadverterunt, quæ in impresso codice reperiuntur. Verba Suffridi ista sunt: *Satis mirari non possum, unde tot & tam absurda ineptiæ in Martinum Polonum illabi potuerint, quas in prioribus editionibus cernere licet, quum earum ne vel minima in manuscriptis vestigia appareant, & verisimillimum sit Martinum Polonum hæc non dicam scripsisse, sed nec unquam præmeditari ausum.* Neque enim putandum est auctorem, quantumvis mediocre, ita turpiter passim lapsum sibi infamiæ labem inurere C voluisse, & singulis penè periodis ignorantia argumenta amplissima reliquisse. Hæc ille. Paulo antequam hæc postrema conciliorum editio emitteretur in lucem, subdit Labb. *ms. exemplar antiquissimum Martini Poloni hac fabula carens Reverendus in Christo pater ac frater Joannes Cæsar ad me transmisit, ut ad propulsandam à sede apostolica gravem calumniam typis Gerhardi Genarb. expressam toti mundo publicaretur, & apud me tanquam sequestrem aut depositarium manu sc. ipsum detineretur: nullam corrupti exemplaris suspicionem esse videbit quisquis apud me D illud perlustrare voluerit.*

Ita Labbeus citatus: cui addendum videtur quod observat Allatius in confutatione de Papissa, *n. 5. & seqq.* Unus omnium, inquit, reliquus erat Martinus Polonus, (qui) solus commenti hujusce auctor (censeretur) ideoque à pluribus scriptoribus male habitus; etsi immerito. Chronicon ejus ab aliis pessimè corruptum fuisse olim, deprehenderat Suffridus Petrus; ideoque fide manuscriptorum codicum emendatum, in melioremque formam, ut ipse asserit, redactum edi curavit E Antuerpiæ apud Plantinum 1574. Verum Joannam Papissam in ejus historiam ab aliis intertextam fuisse, ope illorum codicum, vel aliorum, nusquam deprehenderat; (utpote quod ii omnes codices ab illo visi ea fabula aucti essent,) quare nihilo immutato fabulam hanc, ut erat (in codicibus illis,) publicavit: notavit tamen codices mss. quod & verissimum est, neque excusos omnes, neque singulos inter se congruere, & in codice Tongerloënfi manu sc. nec numerum nec nomen

Vide Lambecium supra cit. col. 381.



haberi (Papissæ) in catalogo Pontificum, sed Leoni præcedenti historiam ejus, veluti fabulamentum, appendicis loco adjectam. Exemit dubitationem omnem (codex antiquissimus.) Urbanus (enim VIII.).. Biblioth. Vatic. quam antea multis peregrinorum auctorum manuscriptis codicibus, iisque vetustissimis, optimæque notæ, auxerat, codicem Martiniani chronici asservandum dedit. Erat ille antiquissimus omnium qui in dicta bibliotheca antea erant, caractere non ineleganti, multis tamen in locis, propter vetustatem, visum fugiente. In eo historiæ Pontificum dextra, læva Imperatorum, ita interstinctæ legebantur, ut quid quoque anno Pontifices, quid Imperatores, quid exteri egissent, unico aspectu poneretur ob oculos. Post præfationem, à natali Christi ad sua usque tempora historiam profequitur. In eo nihil de quatuor majoribus regnis, urbis Romanæ exordio; nihil de urbis portis, plateis, templis, regimine, aliisque fabulamentis quibus chronicon illud malè audit, pessumque dederat auctoris nomen: sed omnia plana & recta. Ex quo manifestum est, chronica, quæ sub Martini nomine, vel typis, vel scripto circumferuntur, ab integritatis suæ gradu, aliorum imperitia vel negligentia, utinam non malevolentia, deturbata fuisse. Unusquisque enim, quæ ipse digna memoria judicabat, addidit; erasitque quæ sibi indigna lectu videbantur. In integerrimo itaque hoc exemplari, post vitam Leonis IV. nulla fit Joannæ Papissæ mentio; neque ex fama aliorum, neque in margine, eadem vel aliena manu, scripta. Et, si totum perlegeris, nullum de hac re verbum invenies, neque aliorum industria quidquam erasum; quod è serie rerum, & pagellæ tractu clarissimum est; quum Leonis vita in una pagina non finiatur, sed alterius sequentis superiorem partem occupet. Post quam immediate Benedictus III. Patria Romanus, sequitur, & deinceps Nicolaus I. E quibus jam evidens est totum hoc.... Martiniano chronico fuisse innexum; tantique codicis ope, levi suffultum patrocínio mendacium cadere, quod non Martinum, sed alios veteratores (temeratores) quorum nulla fides esse debet, agnoscit. Ita, inquam, Allatius.

Martinum hunc ordinem Prædicatorum certo professum fuisse demonstrat Echardus tom. 1. *Bibl. scriptor. ejusdem Ord.* pag. 362. col. 1. ex jam relato Tholomæo Lucensi Dominicano, & Martino coævo, qui in prologo suæ historiæ ecclesiasticæ ait: *Sunt etiam & alii auctores historiarum hic introducti, ut est Orosius.... F. Vincentius Belvacensis, F. Martinus Polonus Ord. Præd.* Et col. 2. certo, inquit idem Echardus, ordinis Prædi-

catorum (institutum amplexus est) tum ipso met (Martino) teste, seu in margarita seu indice decreti, seu in chronico, in quorum prologo ita se vocat in cod. mss. ejus ætatis; tum testibus Tholomæo (præfato) qui una vixit, & Salanhaco, qui vidit, & Bernardo Guidonis suppari: ex quibus Ughellum, Arnoldum Wion, Gasparem Jongellinum, & Carolum de Wisch recentiores & sæculi 17. scriptores, qui Cisterciensem, & alios qui Benedictinum, nullo veteri documento fulti contendunt, merito refellas.

Idem Echardus postea, expendens an Martinus Joannæ Papissæ reipia meminerit in chronico, animadvertit pag. 365. col. 2. Martinum Polonum chronicon suum eo modo disposuisse, ut in una pagina, ad lævam nempe exhiberet Pontifices, in altera vero ad dextram Imperatores. Porro unamquamque paginam in 50. lineas dividit, & in margine ad caput cujusque lineæ annum adscripsit, adeo ut in quaque pagina anni sint 50. distincte notati, sicque chronicon per quinquagenas currat, à Christo nato ad electionem Clementis IV. Nomen cujusque Pontificis ad initium lineæ positum est, cui junctus est annus quo iniit Pontificatum, totque sibi vindicat lineas, quot sedit annis, licet non omnes plenas sed quandoque vacuas. Idem de Imperatoribus. Ea ratione scriptum esse codicem Vaticanum Urbani VIII. innuit Allatius, (ut supra dictum est) eadem suum Fabricius, eadem quosdam è Cæsareis Lambecius: eadem Florentinum sanctæ Mariæ Novellæ vidi ipse anno 1681. quum illac transirem (sunt verba Echardi) idque illud est quod auctor in prologo se observaturum promittit, chronicon scilicet *per annos Incarnationis usque ad Clementem IV. Papam deducturum, eo anno Domini quo creati fuerunt ponendo Pontifices, &c.* Deinceps tamen hanc methodum non servavit Martinus. Nam opus suum augens postea, ut novus Pontifex succedebat, codices occurrunt, alii ad Gregorium X. Clementis IV. successorem, alii ad Joannem XXI. alii ad Nicolai III. electionem usque progressi, nec ultra scripsisse Martinum certum est. Propterea vero, hanc editionem, (quæ scilicet in Clemente IV. non stetit, ut in prioribus exemplaribus quæ auctor sic terminaverat: *Clemens IV. natione Provincialis de villa sancti Ægidii sedit annis....* quia nimirum sub ejus Pontificatu illam exaraverat: hanc, inquam, editionem quæ ad Nicolai III. electionem protenditur,) alteram five secundam cum Lambecio appellat Echardus, qui etiam monet in omnibus hujus secundæ editionis exemplis mss. & impressis, ad Clementem IV. legi eam annotationem, à Clemente



à Clemente prædicto, præsens chronica stylum operis commutavit: nam quum à principio per annos decucurrerit, & quilibet Pontifex anno introitus sui positus fuerit; quia tamen plures Pontifices uno & eodem anno defuncti fuerunt, & in eadem linea poni non potuerunt, prædictus modus servari non potuit, sed per annos Domini non continuando sicut prius, sed distinctim ponendo statum cujuslibet Pontificis declaravi, sicut patet in Clemente, & consequenter. Sane quum hæc scriberet auctor, inquit idem Echardus, attendebat ad Innocentium V. Adrianum V. & Joannem XXI. qui eodem anno (1276.) Pontificatum inierunt, nec in eadem linea reponi potuere. Finis Pontificum in codice Navarræo & in pluribus aliis (hujus editionis) est, *Nicolaus III. natione Romanus cepit anno Domini 1277. sedit annis . . .* Quantum autem id valeat, pergit Echardus, ad Martinum à fabula Joannæ Papissæ purgandum mox constabit: at illud imprimis statuendum est, eam ab omnibus codicibus quos dicimus primæ editionis (utique desinentibus sub Pontificatu Clementis IV.) ad artificium auctoris scriptis, à catalogo Pontificum exulare, sed nec in eis locum habere posse. Sic enim sese res habet. Leo V. (ita apud illum dicitur qui re vera est IV. sed rem propius intuenti nulla est difficultas; monet enim auctor Leonem à se dictum III. inter Pontifices non recenseri.) Leo, inquam, à Martino dictus V. in ea linea scriptus est, ad quam è latere scriptus est annus 847. & quum sedisse dicatur annis 8. menses 3. dies 6. debentur ei quatuor anni ultimi vel quatuor ultimæ lineæ quinquagenæ ejus paginæ, & quatuor anni primi seu quatuor primæ lineæ quinquagenæ paginæ sequentis, quas etiam implet in codicibus mox laudatis. Benedictus III. in linea sequenti immediate collocatur ad annum 855. Nulla Joannis Margantini mentio, nullus ei locus. Addo non solum in iis codicibus primæ editionis istum Joannem non memorari, sed nec in pluribus editionis secundæ quæ ad Nicolaum III. protenditur. Talis est Navarræus supra laudatus in memb. 400. circiter annorum: nulla in eo Joannis Margantini mentio, nec in ordine Pontificum, nec in margine, nec ullibi, nec unquam fuit, nam nihil erasum, nihil lacerum. Codex eo magis spectandus, quod quum, non ad normam Martinianam scriptus sit, fabulam (de Joanna sub nomine Joannis Margantini, ei) inferere facilius fuisset, quia Pontifices non annorum aut linearum numero ligantur, sed in prima parte codicis Pontifices continenter omnes, in altera Imperatores exhibentur. Conjectu autem primum hunc ex codice secundæ editionis exscriptum, in quo proinde

Tomus III.

deerat etiam fabula hæc: nam si semel inserta fuisset, eam notarius non omisisset. Ex quibus merito infero (sunt semper Echardi verba) vivo Martino, qui paulo post Nicolai III. electionem mortuus est, eam fabulam in ipsius chronico non comparuisse. Addo amplius ex ipsis codicibus mss. in quibus adest illa fabula, constare contra auctoris mentem eam intrusam fuisse, & turbatum totum ipsius artificium ut infereretur. Id luce clarius demonstratur ex cod. Victor. 597. & secundæ editionis, & ad amussim Martinianam scripto, hoc est divisum in 50. lineas paginis, & ad quamque lineam annis 50. singulatim notatis. In eo siquidem ut locum inter Pontifices Joannæ reperiret notarius, duas integras paginas perturbavit, Pontifices Leonem præcedentes annis superioribus collocando quam electi fuerint, paucioresque eis lineas & annos concedendo quam sederint, & eadem ratione Leonem subsequentes ad annos inferiores rejiciendo, & eorum pontificatum intra pauciores annos coarctando. Sic Gregorium IV. qui anno 828. tantum collocandus erat, ad 826. ascendere cogit, & quum lineæ sexdecim ei deberentur ceu qui totidem annis federit, intra duodecim lineas continet. Ex quo fit ut lineis sex in ea pagina obtentis totum Leonis pontificatum in eadem concludat, qui quatuor saltem lineas & annos insequenti (pagina) habere debuisset. Præterea quum Joanna non dicatur sedisse nisi duobus annis & mensibus quinque, duabus aut tribus lineis coercenda erat; at septem & amplius implet, à 850. scilicet in priori pagina, ad 857. in altera. Hinc Benedictus III. qui ad 855. renuntiandus erat, ad 858. relegatur: eumque consequentes Pontifices similiter intra pauciores lineas constringuntur, quam pro numero annorum pontificatus requirerent. Sic Nicolaus I. qui annos novem sedit, ac lineas novem exigebat, intra septem limitatur, & quum ad annum 858. juxta Martinum adscribendus esset, ad 861. rejicitur: & sic de consequentibus, adeo ut in duabus his paginis omnia sint perturbata. Præterea dictæ Papissæ pontificatum in illo ipso codice ut fabulamentum referri, illud arguit, quod non ad caput lineæ nomen ejus adscriptum sit, ut aliorum Pontificum, sed in media linea quinquagesima, ut appendix ad Leonem, neque etiam numerum Pontificum hujus nominis auget: nam Joannes eam sequens ad 872. dicitur VIII. qui alias IX. dicendus erat. Præfectus Bibliothecæ Victor. ante annos 60. circiter in margine superiori hujus paginæ quæ ab anno 851. ad 900. annos 50. expansos exhibet, hanc annotationem adscripsit: *Iberæ sunt nœniæ*

B b



quas hic Martinus vendit imperiis & sobriis historicarum lectoribus de Joanne Anglico, quem & natione Maguntinum commemorat; quasi vero duobus locis potuerit nasci. Vide annotationem nostram ad Belleforestii impressos annales minoris nostræ bibliothecæ pag. 83. (nempe Victorinæ) præter multa quæ tibi Onuphrius suppeditabit. Qui vir peritus, inquit Echardus, si tantum attendisset ad ordinem Pontificum in duabus illis paginis contra præscripta Martini adeo confusum, non in auctorem innocuum, cui potius indoluisset, sed in corruptorem qui ejus opus tam turpiter laceravit, stomachum erupisset. Nec mihi dubium quin in omnibus codicibus ad artificium Martini diligenter scriptis, id est pro numero annorum 50. in quaque pagina tot numero lineis eadem deprehendatur perturbatio, nec enim fieri aliter potest, si fabula inter Pontifices inserta sit, &c. Itaque contendendo, subjungit idem Echardus pag. 367. col. 1. ex vero criterio apud omnes harum rerum peritos, tantam, tamque variam in hisce codicibus, contra quam est in sinceris, in Martini chronologia, in hoc centenario (duplici nempe quinquagena duarum paginarum) perturbationem, demonstrationem esse fabulæ illius putidæ in ejus chronicon, post ejus obitum, eoque reluctante & invito, (ut ita loquar, id est omnino contra ejus mentem) intrusæ. Sic autem rem evenisse obvium est. Quum chronicon Martini, ea qua confectum est ratione, commodum in primis videretur & omnes (illud) quærent: aliunde vero fabula (de Joanna Papissa) jam (tunc) à pluribus annis in vulgus esset sparsa: eam primo ad marginem sub Leone (IV. vel V.) scripserunt, ut ut se res haberet. Sic in codice Florentino sanctæ Mariæ Novellæ citato etiam prioris editionis, in margine inferiori paginæ quæ (50.) annos exhibet à 801. ad 850. legitur: cæterum ita refertur, ut nullus ei sit locus in catalogo, Leone quatuor annos ultimos & quatuor ultimas lineas ejus paginæ, ut & quatuor primos annos & quatuor primas lineas paginæ sequentis implente: & Benedicto III. lineam quintam immediate obtinente, adeo ut narratio illa de Joanne Margantino ad marginem non videatur adscripta, nisi ut res tum vulgo decantata. Ejusdem rationis est codex ms. Parisiensis abbatis Decamps: fabula in margine inferiori extra ordinem scripta. Postea vero illam ex margine in catalogum invexerunt, & ut locum ei facerent, Pontifices Leonem antecedentes & subsequentes loco eis ab auctore dato moverunt, omniaque in duabus illis paginis perturbarunt. Nec ibi cessatum. Nam quum chronicon illud ad normam auctoris

A semper scribere esset molestum, quia id non nisi in codicibus in-fol. servari poterat, & forma minori scriptum commodius videretur, alii chronologiam omiserunt omnino: sic Colbertini tres, unus regius, & unus ex Navarræis: alii aliquem ex annis cujusque Pontificis annotarunt, non attendentes scrupulosius, an primus, an alter, vel tertius. Sic duo Navarræi codices. Hinc in ejusmodi codicibus tanta chronologiæ varietas ex incuria notariorum. Exinde etiam factum est ut in his exemplaribus adulteratio per intrusionem fabulæ difficiliter deprehenderetur: ex quibus tamen nihil adversus Martinum concludere est, siquidem non solum ex sinceris editionis utriusque codicibus fabula carentibus, sed & ex ipsis interpolatis, ac chronologiam integram exhibentibus abunde absolvitur. Quare mirari subit, pergit Echardus pag. 367. col. 1. quod dominus Mabillonius, vir nostræ ætatis eruditissimus, qui Marianum Scotum, & Sigebertum Gemblacensem, ex unius aut alterius codicis fide, à turpi illa Joannæ Papissæ fabula eximit, Martinum Polonum, quantumvis ipsemet fateatur antiquiora ejus exemplaria illa macula carere, quacumque tandem ratione oneratum velit. Scribit siquidem in Præfat. part. 2. sæculi 6. Benedict. §. 1. num. 6. pag. 7. post relatos tres versus poetæ anonymi qui Leoni IV. suffectum fuisse ait Benedictum III. Ex quo intelligitur, hanc fabulam medio sæculo duodecimo necdum inventam fuisse, quam Martino Polono plerique tribuunt, tametsi in nonnullis ejus exemplaribus, quale est unum apud clariss. abbatem Franciscum de Campis nihil simile habetur. Fattendum est tamen illam tunc temporis, id est sub finem sæculi 13. vulgatam fuisse, eamque apud Joannem Iperium reperiri. Editio Mabillonii est Paris. anno 1701. Licet, inquam, hæc Mabillonius de Martino Polono fateatur, nihilominus eum esse vel fabulæ de Joanna Papissa primum auctorem, vel saltem continuatorem sive propalatorem contendit. Nam Itin. Ital. pag. 27. post allatum Tholomæi testimonium, quod supra recitatum est col. 381. A. Hinc patet, inquit, quod ab aliis jam probatum, Martinum Polonum primum esse hujus fabulæ, si non auctorem, saltem narratorem, &c. & postea pag. 59. de sella stercoraria loquens, eam ait fuisse in usu uno sæculo ante natam fabulam de Papissa, id est ante Martinum Polonum, qui primus hanc fabulam vulgavit, ut superius vidimus. Et tom. 3. annal. Bened. lib. 34. ad annum 855. pag. 41. n. 86. Major est difficultas de Martino Polono, cujus hac in re variant exemplaria; in quibus antiquiora hanc fabellam ejus non habent. At si ve is primus auctor est, seu, quod potius crediderim, ejus continuator,



fatendum est hanc fabulam ejus tempore, id est ab annis fere quadringentis natam fuisse. Antiquiora Martini exemplaria (teste Mabillonio) hoc est quæ eo vivo scripta sunt, fabellam non habent: ergo fabellæ, si non primus auctor est, saltem est continuator. Hanc arguendi rationem sane non capio (verba sunt Echardi pag. 368. col. 1.) Ergo corrupti codices Martini, in quibus fabella legitur, sic alius argueret, & arguit re vera Pagius ad annum 853. num. 19. à Mabillonio hac in parte verbis expressis recedens, & innocuum prorsus præstans Martinum.

Tholomæus quidem observat solum Martinum Polonum Joannis Anglici VIII. sive Joannæ Papiæ meminisse: verum anno 1313. quo historiam suam Tholomæus ille Guillelmo de Baiona Cardinali, promoti mense Decembri anni præcedentis 1312. nuncupavit, satis fluxerat temporis ut in exemplar Martini corruptum impingeret. Antequam lucem aspiceret Martini chronicon, nonnulla jam sparsa fuerant de muliere Papiæ. Nam Stephanus de Borbone, sive de Mediavilla Ord. Præd. qui obiit anno circiter 1261. non quidem historicum agens aut chronologum, sed rem quæ jam ætate sua circumferri incipiebat enarrans, hæc habet in magno suo opere de septem donis Spiritus Sancti, part. 5. de dono consilii, tit. de prudentia, ubi differit de cautela in electione Prælatorum, cap. quod electio debet esse pura §. 10. cod. Sorb. fol. 574. col. 1. Accidit autem mirabilis audacia, imo insania, circa annum Domini 1100. ut dicitur in chronicis (sane tunc admodum recentioribus & à Tholomæo nondum visis.) Quædam mulier litterata & in arte noñdi (divinet lector) edocta, assumpto virili habitu, & virum se fingens, venit Romam, & tam industria, quam litteratura accepta, facta est notarius Curie, post diabolo procurante, Cardinalis, post Papa. Hæc imprægnata quum ascenderet peperit. Quod quum novisset Romana justitia, ligatis pedibus ejus ad pedes equi distracta est extra urbem, & ad dimidiam leucam à populo lapidata, & ubi fuit mortua ibi fuit sepulta, & super lapidem super ea positum scriptus est versiculus: Parce pater patrum Papiæ prodere partum. Ecce ad quam detestabilem finem ducit tam temeraria præsumptio. Quisnam fuerit illorum chronicorum auctor quem nullus alius citat, non liquet, sed sane fabulam hanc adeo insulse tradit, ut eam solum referre, confutare sit.

Hanc aliter refert auctor operis de vitis Pontificum Romanorum, quod ipse ex Anastasio bibliothecario, Pandolfo Pisano, Martino Polono, recentioribusque aliis compilavit, & usque ad annum 1431. deduxit.

Tomus III.

Opus illud, quantum ad Sergium II. Leonem IV. Joannem Anglicum sive Joannam Papiam, Benedictum III. Nicolaum I. & Adrianum II. Blondellus, in examine quæstionis de Papa femina, transcripsit ex Bibliothecæ regie mss. numero 733. simul advertens, quod de Joanne Anglico ab auctore illo asseritur, non de Anastasio bibliothecario esse sumptum, ut quidam fortassis existimare possent, quippe quum ejus historiæ in totum repugnet, sed ex chronico Martini Poloni, (interpolato scilicet.) Hanc autem fabulam

sic in eo opere narrari ait pag. 50. Post hunc Leonem (IV.) Joannes Anglicus, natione Moguntinus (ad marginem apponitur: addiderat Martinus: qui alibi legitur fuisse Benedictus III.) sedit annis duobus, mense uno (ad marg. Martinus, ex Mariano, mensibus quinque) diebus quatuor, & mortuus est Romæ, & cessavit episcopatus mense uno. Hic, ut asseritur, (ad marg. Hæc Anastasio bibliothecario convenire nequaquam possunt) femina fuit, & in puellari, (ad marg. in Martino pupillari) ætate à quodam suo amasio in habitu virili Athenis ducta

sic (ad marg. In Martino, Athenas ducta fuit, &c. ita ut, &c. Athenis nulla sæculo nono studia) in diversis scientiis profecit, ut nullus sibi par inveniretur, adeo ut post Romæ . . . (ad calcem pag. Martinus triennium, alias trivium legens; quæ verba, Martini sæculo, quo trivium, id est, grammatica, rhetorica, logica, triplex studium institutum erat, lectio-num cursus per triennium fiebat; qui vero cursum compleverant magistri solemniter more pronuntiabantur, optime conveniunt, non Anastasii ætati, quæ tale nihil usquam vidit)

legens, magnos magistros, discipulos & auditores haberet: & quum in urbe vita & scientia magnæ opinionis esset, in Papam concorditer eligitur; sed in Papatu per suum familiarem idem imprægnatur. Verum tempus partus ignorans (pag. 51.) quum de sancto Petro in Lateranum (ad marg. Apud sanctum Petrum ab anno Domini 774. ad 1000. & quod excurrit, non Paparum, quorum in Laterano Patriarchium & statum domicilium fuit, sed Missorum regionum fuit habitatio, nec extra Lateranum degentes Pontifices Anastasius vidit, sed Mar-

tinus) in Lateranum tenderet, angustiata inter Coliseum (ad marg. alias Colosseum) & sancti Clementis ecclesiam peperit, & post mortua, ibidem, ut dicitur, (ad marg. si in via & peperit, & periit, & sepulta est, quæ factum ignorare potuit, & ex incertis aliorum dictis pendere & præsens Anastasius!) Sepulta fuit, & quia Dominus Papa, quum vadit ad Lateranum (ad marg. Hæc Anastasio longe recentior, imo post constitutum in Vaticano Pontificum ordinarium domicilium natus, ex



necessitate scripsit) *quum vadit ad Lateranum, eandem viam semper obliquat* (ad marg. in qua & peperisse & sepulta fuisse Joanna fingitur: viam obliquare proprie loquendo dici non potest qui eam ne ingressus est Papa) *creditur à pluribus* (ad calcem pag. Hæc rursus recentioris esse necesse est, non Anastasii, qui quod suo tempore factum est, ex aliorum opinione haurire necesse non habuit, proprio experimento edoctus) *creditur à pluribus quod ob detestationem facti hoc faciat: nec ponitur in catalogo Pontificum* (ad calcem pag. Hæc etiam recentioris sunt qui post auctum plurium capitum accessione Paparum catalogum vixit) *propter muliebris sexus deformitatem* quantum ad hoc. (ad calcem pag. Martinus: *tam propter muliebrem sexum, quam propter deformitatem facti.*) Subjungit Blondellus, auctorem hujus codicis ms. quem nonnulli ipsummet Anastasium esse aiebant, qui proinde Joannem Anglicum inter Leonem IV. & Benedictum III. sedisse commemoraverit, pergens suggillare: *Benedictus* (ad calcem pag. 51. Hic lineas 6. ex Anastasio transcribit compilator, exinde 8. omisit: rursus 2. arripit, sequentes 8. expungit, tertio 2. exscribit, sequentes 7. præterit.) *natione Romanus ex patre Petro sedit annos duos, menses sex, dies novem, &c.* (ad calcem pag. Hæc ex Anastasio plurimis omissis deflorata) *Leo quidem hac luce substractus præsul occubuit, mox (enim) omnis Clerus, &c.* (ad calcem pag. lineas 24. exscribit, exinde 205. omittit, rursus 40. excerpt, 4. sequentes expungit, 3. rursus exscribit, 247. præterit, ac tandem 13. postremas describit. Vox enim redundat: proxime vero præcedens mox universorum Joannæ patronorum machinamentum funditus evertit. Si enim, quod Anastasius voluit, & expresse scripsit, resque ipsa exigit, mox post substractum hac luce Leonem Benedictus electus est; post biennium, elatumque Joannæ funus, nec electus est, nec eligi potuit.) Huc usque Blondellus, sed de Anastasio bibliothecario, & Blondelli ad ejus hic historiam observationibus, inferius sermo redibit.

Hanc aliter Pagius supra citatus ad annum 853. num. 14. ait fabulam de Joanna Papissa legi in *Speculo histor. Vinc. Bellov. lib. 25. cap. 36.* in codicibus tamen eo vivente exaratis non haberi. At in qua editione eam Pagius legerit testatur præfatus Echardus *ibid. pag. 368. col. 1.* sibi ignotum. Non enim, inquit, in codd. mss. ullis extat, sed nec in ulla ex typo expressis à me visis editione occurrit, *lib. 25. Spec. hist.* qui in Duacensi est *24. cap. 36.* ubi fit mentio tantum cujusdam pseudoprophetiæ Moguntiacæ circa annum 850. eam ecclesiam turbantis, quam forte fabulæ occa-

sionem dedisse Allatius subodoratur. Si tamen verum sit aliquam Bellovacensis editionem ex inserta ea fabula fuisse foedatam, quam viderit Pagius, novum argumentum esset & inductæ invito & inscio Martino in ejus chronicon corruptelæ. Huc usque ex Echardo.

Mabillonius in Museo Italico *tom. 1. part. 1. pag. 159.* apud Pagium ubi supra num. 16. refert, dum Senis ecclesiam metropolitanam inviseret, & statuas indigenarum Pontificum contemplaretur, Joannis Papissæ statuam, quæ inter illas fuisse dicta fuerat, sibi in mentem venisse. Occurrit memoriæ, inquit, id quod in *Colomesii singularibus* legitur, statuam Pseudopapissæ Joannæ inter alias pontificias locum habuisse usque ad annum 1634. quo anno Joannes Launoius doctor Parisiensis Senas profectus, ipsam statuam in cathedrali ecclesia etiam tunc stantem se vidisse asserit in dissertatione *de auctoritate negantis argumenti*: ac proinde Baronio illusum fuisse, quum in litteris ad Florimundum Remundum scriptis, disjectam & comminutam statuam sibi ipse gratulatur. Oculis omnia lustravimus accuratè, nec quidquam de illa statua aut videre, aut rescire potuimus. Rem postea maturius examinavit illustrissimus abbas Jacobus Mignanellus, atque ænigma solvit in litteris quas per Magliabechum nobis transmitti curavit. Quippe statuam illam fabulosæ Joannæ, quæ post resectam sub hæc novissima sæcula basilicam, obtinente fabula, fabricata fuerat, demum Clementis VIII. pontificatu, cooperante cum magno Duce, ad Baronii preces, archiepiscopo loci Cardinale Tarugio, non penitus quidem fuisse comminutam, sed mutatis formæ mulieris lineamentis, ex femina factam Zachariæ pontificis figuram, appposito *Zachariæ* nomine, ne qua suspicio in posterum hac de re, ob servatam statuæ memoriam, suboriri posset. En vera ac genuina facti historia. Ita Mabillonius, qui postea *pag. 59.* de visis à se Romæ loquens ait: Dominico die octava sancti Joannis profecti ad Lateranensem basilicam, vidimus in claustro basilicæ adjuncto tres sedes, confuse cum varia suppellectile conjectas. Unam ex marmore albo, olim in porticu basilicæ positam, in qua novum Pontificem collocari mos erat, *stercorariam* appellatam ex versu psalmi qui Pontifice in ea sedente canebatur: *Suscitat de pulvere egemum, & de stercore erigit pauperem.* Hæc etiam dicebatur *scæda loco*, quod in porticu inferiori basilicæ constituta esset: Alias duas porphyreticas, & quidem perforatas, non alia tamen de causa, ut verisimile est, quam quod in antiquis Romanorum thermis repertæ, ob materiæ pretium, non ob formam, aptæ judicatae sunt, quæ ad novi



pontificis sessionem adhiberentur. Sedes illæ duæ ante capellam sancti Silvestri quondam existerant, & in iis itidem sedebat pontifex recens consecratus. Quocirca observare juverit Pontificem novum eo ritu in Lateranensis basilicæ possessionem induci solitum, ut primo ad thronum pontificalem qui in apside basilicæ extabat, *omnes episcopos & Cardinales*, ut loquitur Cencius, ad osculum admitteret: *deinde ad sedem lapideam, quæ dicitur stercoria* stantem in porticu basilicæ collocaretur, ut vere dicatur: *suscitat de pulvere, &c.* Postea ductus ad capellam sancti Silvestri prope Lateranense palatium, primo federet ad dextram in una ex illis sedibus porphyriticis, ubi claves basilicæ à priore sancti Laurentii acciperet in signum regiminis & correctionis: demum ad sinistram in altera sedens, easdem claves eidem priori restitueret. Quando primum horum sedium usus coeperit non constat. De his nihil invenimus ante sæculum duodecimum, quo tempore illarum fit mentio apud Cencium, uno sæculo ante natam fabulam de pseudopapissa Joanna, id est ante Martinum Polonium qui primus eam fabulam vulgavit, &c. ut supra col. 388. E. Tandem ritus ille, qui ad altius insinuandam novo Pontifici humilitatem primum inductus fuerat, post receptam apud nimium credulos de pseudopapissa fabulam, ita infamis invasit, ut ob hoc commentum penitus abrogaretur: quod sæculo superiore post Leonem X. factum putamus. His Mabillonii assertis lubentissime assentitur Pagius num. 17. uno articulo excepto, quod nimirum prædictam fabulam Martinus Polonus scripserit.

Adductus hucusque sermo, istius Papissæ historiam paulo diligentius investigandam suadet, quam novis machinamentis sæculo proximè elapso D. de Spanheim primarius in Universitate Leidenfi Professor, in dissertatione quadam Latina, alius etiam postea scriptor anonymus, in dissertatione Gallica ex ea priori descripta, ut supra dictum est, & Coloniae edita anno 1695. obtrudere conati sunt; hoc esse unum contententes ex factis illis quæ paribus saltem rationibus, æquo Marte, & in utramque partem possunt, more problematico, disceptari. Fœminam hanc sedisse communius tradunt, qui de illa scripsere, Leonem IV. inter & Benedictum III. medio circiter sæculo nono. Verum Leoni immediate successisse Benedictum constat, idque ex sequentibus luce clarius meridiana patebit.

Primo enim Anastasius bibliothecarius, qui fuit abbas monasterii sanctæ Dei Genitricis Mariæ Virginis fuit trans Tiberim, Nicolai Papæ

A tempore, ut legitur in vetustissimo codice biblioth. Vaticanæ, num. 5696. & observat Ciampinius vir clariss. in examine libri pontificalis, sect. 1. nec ultra annum 882. vitam produxit, quo jam Zacharias episcopus Anagninus sanctæ Romanæ ecclesiæ bibliothecarius erat, ex epistola 277. Joannis VIII. Papæ ad Carolum Crassum Imperatorem, qua ei nuntiat se Petrum consiliarium suum, cum Zacharia venerabili episcopo & bibliothecario sedis suæ ad eum mittere, apud Pagium to. 3. erit. in annal. Baron. ad annum 882. num. 1. & ad ann. 885. n. 1. Hic, inquam, Anastasius, quem tunc viventem electionis ac consecrationis Benedicti III. testem etiam fuisse oculatum conjectu pronum est, ita de iis loquitur tom. 8. conc. Labb. col. 223. & seqq. Leo quidem ubi hac luce substractus præsul occubuit (obiisse autem superius eum dixerat in ejus vita, ibid. col. 29. C. XVI. kal. Augusti, id est die 17. Julii) mox omnis clerus istius Romanæ protectæ sedis, universique proceres, cunctusque senatus ac populus congregati sunt, Domini clementiam exorantes, ut beatificum illis omnibus demonstrare dignaretur pastorem, qui culmen apostolatus regere valuisset tranquille. Divinitus igitur æthereo tunc lumine inflammati, uno consensu, unoque cum conamine Benedictum, pro tantis quibus pollebat sacris operibus, Pontificem promulgaverunt eligere. Illico vero alacri universa studio plebs & populi cætus ad Callixti titulum properantes, Deo illum omnipotenti, ut solitus fuerat, invenerunt fundentem orationem. Surgens autem & populi densissima cernens agmina, rem cognovit & mente concepit. Interea multis cum lacrymis genua flectens omnes deprecabatur taliter dicens: non me à mea deducatis ecclesia, rogo, quia tanti culminis non sufficio sustinere nec bajulare gravamen. Illi vero nullatenus acquieverunt, sed... cum hymnis & canticis spiritualibus, ampla exultatione & ineffabili gaudio in patriarchium Lateranense perducetes, pontificali solio, ut mos est pontificum canaque consuetudo demonstrat, posuerunt, &c. His ita peractis, clerus & cuncti proceres decretum componentes propriis manibus roboraverunt, & consuetudo prisca ut poscit, invictissimis Lothario ac Ludovico destinaverunt Augustis: quia scilicet eorum consensus expectandus erat, antequam ad ordinationem veniretur. Hic fuse explicat Anastasius quomodo legati, quos clerus, senatus, populusque Romanus ad Ludovicum (quem Lotharius ejus pater regem Italiæ & imperii collegam renuntiavit) direxerant, ab Arsenio Eugubino episcopo, ad Anastasii presbyteri Cardinalis à Leone IV. anno 853. in synodo depositi & anathemate vincti obedientiam allecti, fidem sefellerint, eundemque Anastasium in



sedem apostolicam intruserint, consentientibus ipsis Ludovici legatis. Verum quum resisterent magna constantia, uno & altero exceptis, episcopi, una cum clero populoque Romano, iidem Imperatoris legati post triduum coacti sunt Anastasium expellere. Post indictum autem pro ecclesiæ unitate triduanum jejunium; Benedictus ad basilicam Salvatoris, sive Lateranensem, descendit, ex qua in basilicam sanctæ Mariæ quæ ad præsepe dicitur, deductus est, in qua omnes jejuniis & orationibus tribus diebus vacarunt: expletoque jejunio, omnes qui Anastasio se conjunxerant in præfatam basilicam venerunt, & procidentes vestigia Benedicti osculati sunt, & veniam petiere. *Etiam ipsi imperiales ibidem convenerunt legati*, inquit Anastasius col. 227. *D. qui salubribus verbis ac mollioribus cum eodem secretius electo (Benedicto) confabulabantur. Subito vero omnes episcopi, universusque clerus, atque innumera Romani populi multitudo ex eadem eum deducentes basilica cum hymnis & canticis spiritualibus in patriarchium Lateranense introduxerunt, & in pontificali solio de quo ejectus fuerat, posuerunt.... Dominico die diluculo in basilicam beati Petri Apostoli ab episcopis, clero, & proceribus deductus est, & in conspectu omnium, imperialibus missis cernentibus, in apostolica sede, ut mos est, & antiqua traditio dictat, consecratus ordinatusque est Pontifex.*

In Anastasii quidem vulgatis editionibus (verba sunt Pagii tom. 2. *Breviarii gestorum Romanorum Pontif. num. 3. pag. 40.*) cessatio sedis post Leonis IV. mortem non legitur, sed in variantibus lectionibus editioni regię subjectis pag. 291. dicitur, in uno exemplari manuscripto haberi cessasse sedem menses duos, dies quindecim, quod & notatur in duobus catalogis Colbertinis, IV. scilicet & VI. & in historia Platina: sed quum Leo, ex Anastasio, die 17. mensis Julii à vivis excesserit, & Benedictus III. die 29. mensis Septembris quæ in Dominicam incidit anno 855. fuerit ordinatus, sedes cessavit tantum menses duos, & dies 12. Ex quibus liquet Benedictum III. in Leonis IV. solio apostolico pacificè à die 29. Septemb. anni 855. sedisse. Quum itaque Leo IV. obierit die 17. Julii ejusdem anni, reliquum autem temporis ad diem 29. Septembris, Benedicti electione, schismatisque memorati ortu, incremento, & extinctione fuerit consumtum, non superest tempus quod Papias inter Leonem IV. & Benedictum III. valeat assignari. Ita rationatur Natalis Alexander differt. 3. in *hist. eccl. sæcul. 9. & 10. edit. Paris. in-fol. p. 231. col. 1.*

Nec est quod reponat auctor differt. Gal-

licæ ex Latina D. de Spanheim confectæ de Joanna ceu vera historia *part. 3. cap. 3. pag. 160. & seqq.* Vitas Romanorum Pontificum opus non esse Anastasii biblioth. auctorem vero hujus operis illud non deduxisse nisi usque ad pontificatum Leonis IV. quem nec dedit completum, historiam denique Papias in quibusdam ejus exemplaribus manuscriptis antiquissimis reperiri; & in primis editionibus fuisse resectam. Nam quod primum spectat, quidquid sit de illo auctore, an scilicet Anastasius bibliothecarius totum illud opus vitarum Romanor. Pontif. ediderit, cujus certe prima pars perperam Damaso Papæ attributa est; an secundam duntaxat ejus partem exaraverit, à Damaso nempe usque ad Nicolaum I. an vero, ut ait Baronius ad ann. 867. *n. 139.* collector potius fuerit quam scriptor vitarum præteritorum Pontificum: quod ultimum etiam opinatur Natal. Alexand. supra citatus pag. 61. col. 1. ubi ait: Historiam, de Gestis Roman. Pontif. collegit, (Anastasius) auxitque.... & paulo-post; Vossius, & alii plerique ultimam censent esse ab Anastasio scriptam Nicolai I. vitam, & à Guillelmo bibliothecario additas fuisse vitas Adriani III. & Stephani VI. repugnat Baronius, eidemque auctori illas adscribit: adhuc sub judice lis est. Ita Nat. Alex. Nec multum recedere videtur ab ea sententia, quæ Anastasio aliquid saltem circa vitas Romanorum Pontif. à multis sæculis attributum fuisse agnoscit, ille ipsemet auctor differt. præfatæ Gallicæ, *part. 2. cap. 2. pag. 57.* (verba Latinè sic reddo) *Abbo præfectus monasterii sancti Benedicti super Ligerim, qui vivebat exeunte sæculo X. declarat compendiosas vitas Romanorum Pontificum à se traditas nihil aliud esse quam transumptum historię Anastasii.* Centum itaque annis ab Anastasii morte ei jam adscriptus erat iste liber. Obiit Anastasius inter annum 878. quo Photii ad ipsum datam epistolam refert Baronius ad hunc annum *num. 9.* & annum 882. quo Zacharias episcopus Anagninus sanctæ Romanæ ecclesiæ bibliothecarius erat. Unde vitæ Adriani III. & Stephani VI. utpote post ejus mortem electorum, hujus non sunt. Onuphrius in notis ad Platinam, de Nicolao I. ait: *Ad hunc usque Nicolaum Romanorum Pontificum vitas quæ adhuc apud me sunt, scripsit Anastasius monachus* (abbas monasterii sanctæ Mariæ trans Tiberim) *& sanctæ Romanæ ecclesiæ bibliothecarius. Quæ sequuntur consignavit Guillelmus quidam, alter bibliothecarius, quæ in libro, qui sub Damasi nomine circumfertur, extant.* Hæc Pagius tom. 3. *crit. Baron.* ad annum 885. *num. 5.* Sed, ut ut sit de vero auctore vitarum Leonis IV. & Benedicti III. is profecto illo ipso tempore vivebat, quippe



quum opus istud non protulerit ultra Nicolaum I. Auctor ergo ille res sua ætate, & verisimiliter sub suis oculis gestas narrat, nec ab ullo scriptore coætaneo reprehenditur ut mendax, imo, ut inferius videbitur, ejus relationi mirè consonant alii ejusdem ævi scriptores, & suppres. Quod autem quædam Anastasii exemplaria manuſc. ad Leonem IV. desinant, consequitur duntaxat illa exemplaria mutila esse, quandoquidem alia exemplaria etiam Nicolai I. continent vitam. At quod ab ipso Anastasio, five ab ipso auctore de quo sub ejus nomine hic agitur, historia Papissæ scripta fuerit, ac inter Leonem IV. & Benedictum III. reposita, quia in nonnullis illius exemplaribus manuſcriptis, ut aiunt, antiquissimis legitur: quodque hanc ex illo Marianus Scotus, Sigebertus, & Martinus Polonus, desumerint: id, inquam, æque fabulosum, ac est ipsamet narratio de Papissa, esse contendo, & exemplaria illa ms. in quibus legitur hujusmodi commentum, antiquiora non esse sæculo 13. ubi propalari cœpit. Quis enim auctor, à sæculo 9. ad hæc usque postrema sæcula, in patrocinium veritatis historiæ de Joanna Papissa Anastasium testem unquam adduxit!

Et sanè ipse textus Anastasii de Leone IV. Joanne Anglico five Joanna Papissa, & Benedicto III. in corruptis ejus codicibus, hiatum illum biennii & aliquot mensium præfatæ Joannæ pontificatus excludit, ut jam supra recitatus col. 390. A. demonstravit Blondellus: verba proinde exemplaribus Anastasii inserta de Joanne Anglico, desumpta fuerunt ex codice interpolato Martini Poloni, aliisque recentioribus. Id observat Fabrotus pag. 290. edit. regiæ, apud Philippum Labb. to. 8. conc. col. 188. *Heic interſeritur*, inquit, *vita Joannis Angli in utroque codice* (id est regio, & Mazarinæo, qui fuit Gabriëlis Naudæi) *sed quia fabula hæc jam diu explosa est, ideo heic expungendam duximus, ne male feriati homines exinde calumniandi occasionem raperent: si quis autem ægrè ferat hanc vitam à nobis prætermiſſam, is regium codicem consulat, ibique Martini Poloni verba interpolata leget, quæ inepti homines Anastasii codicibus inseruerunt.* Subjungenda videntur quæ habet ea de re modo appellatus Blondellus, p. 45. & seqq. *examinis quæſtionis de Papa femina.* Ex superioribus, inquit, Anastasium (Anastasio) qui Lothario Imperatore vivente, hac luce subtrac̃to Leoni IV. mox atque illico suffectum, ac exinde Septembris 29. feria 1. inthronizatum Benedictum III. scripsit, Joannæ fabulam ignotam prorsus fuisse, ab ejusdemque assertione Anastasio longius abesse neminem constare potuit. (Ad marg. apponitur: *Post annos decem*

A *addita ab auctore anno Domini 1647.*) Non defunt tamen, ut nominis, sic meriti longe maximi viri, qui eum inter Papissæ præcones familiam duxisse velint, hoc uno argumento freti, quod quum nullos fere nisi à fine mutilos (utpote in Leonis IV. elogium desinentes) Gallia, Germania, Italia, Hispania, Britannia, Belgium, manuſcriptos Anastasii codices reconditos habeant, fieri vero nequeat, ut unum idemque ipsis ubique locorum casu vulnus inflictum sit, nonnisi dolo malo, & oblitterandæ de Joannæ pontificatu, quam B conservasse suspicantur, memoriæ spe corrupti videantur. Ego contra, quamvis pessimo consilio decurtatos fuisse fatear lubens; eo, quem putant, sine, vel detruncatos fuisse, vel detruncari potuisse, hoc ipso nomine pernegare cogor, quod ex integris quotquot supersunt Anastasii codicibus, universisque coætaneis tam Græci quam Latini sermonis scriptoribus, & supparibus, Guillelmo bibliothecario, Flodoardo, Luitprando, Hermano, &c. quorum omnium conspirantia ad miraculum testimonia mutuo sese patrocinio C muniunt, nullam Joannæ, quam nunquam nisi inter *entia rationis* fuisse demonstravi, mentionem vel reipsa à quoquam factam, vel jure fieri debuisse certum est. Nec universa inedita exemplaria maligna tenebrionum male conceptis figmentis suave indormientium manu extrema sui parte deminuta fuisse vel hinc liquet, quod in vetusto Thuanæ bibliothecæ codice, ad imam postremæ, quæ Leonis quarti vita clauditur, paginæ oram æque antiquo, imo exscriptoris ipsiusmet caractere, non Joannæ, de qua nec Anastasius, nec exscriptor cogitaverant, sed unius Leoni IV. subrogati Benedicti III. nomenclatura adjecta reperiatur. Si enim pudenda sacrilegæ meretricis in Anastasiano opere expressa vestigia, (ne deinceps apparerent) quomodocunque deterere animus erat, nihil causæ vel in speciem animo effingi poterat cur Benedicti III. & Nicolai, quorum vitas nulla (quod sciamus) infamiæ labes deturpaverat, elogia, una cum proximè præcedentis Papissæ historia à reliquo commentarii corpore evellere, æternisque immeritos cum E fonte tenebris damnare necesse esset. Si quis igitur hic conjecturis indulgendi locus esse debeat, à nasutioribus Papissæ patronis destinato consilio reſecta sunt ex Anastasiano opere, Benedicti & Nicolai acta, ne ex iis idonea refellendo (quod propugnandum susceperant) commento argumenta acutum cernentes lectores ad manum haberent. Cui enim rationis compoti qui Leoni anno 855. Julii 17. denato suffectum mox Benedictum, electionis decretum Lothario Imperatori, nocte



quæ inter Septemb. 28. & 29. intercessit, 74. à Leonis dormitione die vivis exempto, *destinatum: Leone Papa defuncto Benedictum miræ beatitudinis virum & sacratissimum pontificem superno protectum auxilio Romanæ præpositum sedî*, Anastasio narrante audienti, non è vestigio suboluisse impostura, subornatumque temerè (ut inter Leonem & Benedictum vel invita natura federet) scortum procul facere jussisset? Alios rudiores tanta dementia cœpit, ut (susquedeque habita Anastasianæ historiæ textura, quæ nullum inter Leonem & Benedictum medium ferre potest) optimè cohærentia à se invicem quo jure quave injuria divellerent, rimamque quam impudenti conamine fecerant, expleturi, inania exinde ac prorsus ἀπεροσιόνησα verba infarcire certatim auderent. Hinc factum ut nonnulla Anastasii exemplaria manu exarata, à recentioribus imposturam passis interpolata; & Joannæ impertinentem mentionem habeant, & præstantissimis verique studiosissimis-viris imposturam usque nunc faciant.

Anno Domini plus minus 1600. quum Augustanæ reipubl. lumen Marcus Velserus Anastasium nunquam antea editum Albino typographo Moguntino excudendum tradidisset, commendatæ editionis procuratores Jesuitas (Jesuitæ) litteris ad amplissimum totaque Europa celeberrimum Marquardum Freherum datis, Heidelbergensium codicum copiam sibi fieri rogarunt, ea lege ut quicquid communicatis codicibus expressum invenirent, bona fide publici juris facerent: voti compotes redditi, conditionem nonnisi in speciem impleverunt, eo nomine à Frehero, os sibi præter spem penissime sublitum querente publico scripto exagitati, cujus hodie (post direptam Palatinam bibliothecam, avectamque librariam prædam) ne minimus apex ostendi potest, sed sola in Freherianæ indignationis testium animis restat memoria. Totum hoc falsi arguit Philippus Labb. tom. 8. concil. col. 193. Refert primum verba Maresii quæ hujusmodi sunt: *Quum editores Moguntini obtinuissent à Marquardo Frehero copiam sibi fieri aliquot manuscriptorum Anastasii, quæ tum erant in Palatina bibliotheca cum Joannæ elogio, sub fide data quod publici juris facturi essent quidquid illis contineretur, fucum ipsi fecerunt, submissis quidem duobus exemplaribus editionis suæ cum isto Joannæ elogio in bibliothecam Palatinam inferendis; sed eo suppresso in cæteris, qua de re publice questus fuerit Freherus. Duo autem illa exemplaria anno 1622. in bibliothecæ Palatinæ direptione perierunt. Sed, inquit Labbeus, quis ab anno 1602. usque ad 1622. ea vel per somnium vidit? quis meminit,*

A antequam Salmasius (hoc commentum obtruderet!)..... Si Marquardus Freherus Jesuitis reconciliatus, & tantum non catholicus effectus, siluisset, an idem (silentium servassent Protestantium) Ministri.... Heidelbergenses, Marpurgenses, Francofurtenses..... in tota Germania, Belgio, Anglia, Helvetiis, & Geneva in qua vivebat adhuc Theodorus Beza? An non occasio maxima triumphandi de Jesuitis impostoribus!..... An nulli tunc Heidelbergæ, Neostadii, Hanoviæ characteres typographici, refrikerant præla, desierant B nundinarum Francofortensium vernarum & autumnalium catalogi? Tantine erat unam, alteram-ve pagellam excudere, testem imposturæ, vindicem veritatis Papisticæ?.... Ne ipse quidem Salmasius (qui hoc primus asseruit) ausus est dicere se vidisse exemplaria illa Jesuiticæ editionis, aut Anastasii codices Joannæ elogio imprægnatos, licet omnes forulos pluteosque bibliothecæ Palatinæ per multos annos Heidelbergæ commoratus excusserit, legerit, exscripserit. An non illud venerandæ novitatis περιμήλιον, aut in præfatione, aut in notis ad Barlaami ac Nili schismaticorum adversus Romanum Pontificem libellos commode addi aut inferi potuisset anno 1608. si tum in ore omnium sermonibusque fraus illa Jesuitica viguisset? Verum tunc vivebant Velserus & Freherus; tunc adhuc integra erat bibliotheca Palatina, nec dum cunabulis fabulæ illius sat aptus locus. Expectandus erat annus 1622. quo bibliotheca illa direpta; & plerique ex ea in Vaticanum thesaurum avecti codices curante Leone Allatio: quo Velserus & Freherus non D erant super, quo inveteratus malorum Pareus delirabat morti proximus, aut ad plures abierat cum Grütéro qui præ studio in Papam ac Jesuitas hæctenus suppresserat, nec ulli qui vidisse se dixerit ostentarat, secreti scilicet ac silentii, quo haud dubiè sub grandi & horrendo jurejurando adaçtus fuerat à Marquardo Frehero, servatissimus.... quo denique vix ullus supererat qui rebus illis præsens interfuisset. Scribantur ista vetulis.... in pistrinis tonstrinisque.... divulgentur: at apud veritatis studiosos atque eruditos lectores æterno silentio, E ut-pote falsissima, obruantur. Addit Labb. col. 215. extractum ex Claudii Saravii epistolis ad Claud. Salmasium pag. 172. edit. Paris. Data epistolæ est, Lutetiæ Parisiorum 29. Septembris 1645. proindeque biennio antequam Blondelli Gallicus liber excuderetur. "Accipe, inquit in ea epistola Saravius, quod te non mediocri perfundat statim lætitia; sed nescio an sincera, aut diuturna. Penes me jam est è bibliotheca regia codex manuscriptus Anastasii bibliothecarii, in quo disertis " verbis



» verbis legitur vita Joannæ Papissæ, quam  
 » huic epistolæ cum Deo adtexam. In charta  
 » pergamena scriptus est manu valde recenti,  
 » ut-pote quæ Paparum seriem ad Martini V.  
 » tempora deduxerit. In principio satis belle  
 » illi convenit cum editione Moguntina anni  
 » 1602. ex M. Velferi codice procurata: in  
 » sequentibus multæ reperiuntur varietates, &  
 » habet plurima editus, quæ in regio deside-  
 » rantur. In vita Benedicti III. hæc leguntur,  
 » quæ ex ipso exemplari describam cum suis  
 » mentis: *Leo quidem hac luce substractus præsul*  
 » *occubuit. Mox enim omnis clerus, &c.* Hæc  
 » sunt molesta; si enim Leone mortuo, *mox*  
 » *clerus, populus ac senatus congregati elege-*  
 » *runt Benedictum, quis locus intermedius*  
 » *Joannæ relinquatur? Quin inde patet quod*  
 » *de ea ibi dictum est, assumptum esse hominis*  
 » *otio abusi.* In epistola dedicatoria ad Velse-  
 » rum, typographus, Joannes Albinus alios duos  
 » locos citat ex vita Nicolai I. & Adriani II. qui  
 » in ejus editione extant pp. 306. & 329. quibus  
 » idem omnino evincatur: Leoni nempè im-  
 » mediate successisse Benedictum: at in manusc.  
 » nostro non comparent. Contractior quippe  
 » est narratio gestorum istorum pontificum in  
 » scripto, quam in edito. Hæc volui nescius ne-  
 » esses. Pergit Blondellus: Illati litterariæ rei-  
 » publicæ damni jacturam restitui posse, despon-  
 » dere propemodum cogebarur; sed simul ac  
 » bibliothecæ regiæ cura Puteanis fratribus in  
 » studiorum omnium commodum natis, suoque  
 » merito illustribus, commissa est, nova resar-  
 » ciendi damni spes, nec frustra, blandiri visa est.  
 » Repertus enim (codex) elegantissima manu,  
 » post Martini (V.) in quem desinit dormitio-  
 » nem, de vitis pontificum scriptus, & cento-  
 » nario opere ex Anastasio, Pandolfo Pisano,  
 » Martino Polono, recentioribusque aliis, ad  
 » annum usque 1431. quo Martinus V. Fe-  
 » bruar. 21. vivere desit, confarcinatus: ex  
 » quo ad pleniorē veritatis demonstrationem  
 » *ἡτοιμασμένων* sequens cum *ἀναρίστη* hic ap-  
 » ponere placuit.

Quædam supra retulimus coll. 390. & 391.  
 quæ ex illo exemplari de Joanna Papissa de-  
 scripsit Blondellus: addo hîc quod idem sub-  
 jungit, p. 52. *Illico vero alacri studio, &c.* (quæ  
 verba sunt Anastasii de Benedicti III. electione  
 in eo manusc. contenta: & ad marg. notat: *Si*  
*illicò in Callisti titulum ad Benedictum electum*  
*properavere Romani; post biennii, & quod*  
*excurrit, moram nequaquam dilata est ejus*  
*electio.) Et postea: Nam quum esset electus* (ad  
 marg. hæc [nimirum & quæ sequuntur] ex-  
 scriptoris sunt, non Anastasii) *factione episcopo-*  
*rum* (ad marg. factio fuit primum Arsenii Eu-  
 gubini episcopi, qui Nicolaum Anagninum  
 & Mercurium magistrum Romanæ ecclesiæ  
 Tomus III.

A legatos in partes [Anastasii antipapæ] traxit;  
 hi Hortæ, *Arsenio cogente episcopo*, illo scili-  
 cet qui primus sceleris artifex fuerat, cum  
 Adelberto & Bernardo Comitibus Anastasio  
 nomen dederunt. Accessere tandem Radoal-  
 dus Portuensis & Agatho Tudertinus) *factione*  
*episcoporum Radoaldi Portuensis & Arsenii*  
*Hortensis factum est ut à legatis Imperat. Ludo-*  
*vici & Lotharii* (ad calcem paginæ. Quod, ex  
 Anastasii mente, Imperatorum legatos Ro-  
 mam, post electum Benedictum, missos refert  
 interpolator, Joannæ patronorum causam ju-  
 gulat: quum enim à Lothario, qui 74. post  
 Leonis dormitionem die vita excessit, missi  
 sint, inter Leonem & Benedictum Leoni Lo-  
 thario vivente suffectum, medius nemo, sive  
 per biennium, sive ad solum momentum  
 sedit, aut sedere potuit.) *Cardinales cogentur*  
*multis injuriis & criminationibus, & gladiatorum*  
*super se evagationibus, Anastasium quem IV.*  
*Leo deposuerat sibi promovere pontificem.* (Ad  
 marg. pag. 53. De omnibus episcopis qui in  
*Emilianæ titulo cum clero & plebe Septem-*  
*bris 23. fer. 2. convenerant, hæc Anastasius:*  
 C *Augusti [Ludovici] legati, &c. erectis jaculis*  
*eos conabantur elidere ensibusque punire. De*  
*Rom. ecclesiæ Cardinalibus, nihil: hoc unum*  
*ad Cardinales ex hodierno usu trahi possit,*  
*quod Ostiæ & Albani antistites introduxerunt,*  
*&c. quibus stridula voce dicebant, nullatenus*  
*vitam possidere potestis, sed capitali subiacebitis*  
*sanctioni, nisi consecrationis Anastasio gratiam*  
*dederitis. Sed hoc nihil ad Joannam.)* Post-  
 quam autem de Nicolao I. & Adriano II.  
 Blondellus quædam ex eo manuscripto bre-  
 viter prosequutus est, & observationibus ut  
 D supra expendit, sic tandem concludit p. 54.  
 Hæc ad specimen, ne quis, sive per se, sive  
 per alios, in manuscriptum regium deinceps  
 incidens, vel sincerum & incorruptum Ana-  
 stasium se nactum putet, vel ejus qui centones  
 ex Anastasio, aliisque nonnunquam compu-  
 gnantibus, farcire aggressus est, fidam ubique  
 diligentiam putet, &c. Porro dum opusculum  
 illud suum Blondellus contra Joannam Pa-  
 pissam scribebat, calamum quoque stringebat  
 adversus primatum Romani pontificis, teste  
 auctore præfationis Latinæ dissertatiunculæ  
 E affixæ: ex quo manifestum fit, non studio  
 illum catholicæ communionis hominibus  
 placendi hunc insumsisse laborem, sed solo  
 veritatis amore sibi ea in re conspicuæ.

Nec contigit, quod quidam adversarius  
 autumabat, ipsum ob lucubrationem illam  
 minoris factum inter Protestantes, saltem à  
 peritioribus eorum (improbatur:) quin è  
 contra illorum plurimi, præjudiciis retro  
 missis, ejus sententiam fuerint amplexi. Sic  
 idem præfationis citatæ auctor: *Quod revo-*



cantes ad animum multi alii, inquit post medium pag. litt. d 5. inscriptæ, etiamsi antea credidissent olim Romæ fuisse Papam fœminam, tamen lecto Blondelli libello, & rationibus quas affert maturi iudicii lance expensis, non dubitarunt pristinae sententiæ nuntium mittere, quidam etiam ipsi gratias egerunt quod se ab errore in quo fuerant liberasset, &c. Inter eos qui lucubrationem istam probarunt, primus recenseri meretur clarissimus Boxhornius, qui in historia universali, quum ad tempora venisset quibus Papissa thronum conscendisse dicitur, & retulisset quæ varii auctores de illa prodiderunt, tandem subjungit: Hæc dum sub prælo sunt, prodit, ecce, viri antiquitatis ecclesiasticæ peritissimi, Davidis Blondelli liber, in quo de hac controversia diligenter & accuratè agitur, an nempe Joannes fœmina in catalogo Pontificum Romanorum, Leonem IV. inter & Benedictum III. locum habere debeat. Hoc autem diserte negat. Controversiam istam ego hic meam non faciam, alibi forte & alias de ea acturus. Unum id modo hic ego pronuntiaverim, non deesse magni ponderis argumenta iis qui falsi hanc historiam arguunt..... Et in lemmate marginali: De Joanne VIII. sive fabula, sive historia; nam ut alia jam non dicam, an Athenæ (ubi de Johanna dicitur litteris operam dedisse) tunc eadem quæ veteres! quis id affirmare ausit! Relatum est mihi etiam de duobus doctissimis & integerrimis viris, Academiae Helmstadiensis professoribus, Georgio Callixto, & Hermanno Conringio, eos Blondelli diatribæ calculum suum adjecisse. Nec dubito quin multi quoque alii, de quibus nihil audiui, idem apud se senserint, nempe omnes docti, qui ad ejus lectionem animum præjudicio & affectibus vacuum attulerunt. Unde apparet à vero alienum esse quod censor objicit, omnes Protestantes offensos isto Blondelli libello fuisse. Si aliquos dixisset, largiremur ultro. Nullum enim ea de re est dubium: quanquam postea examinandum restaret an merito inde offensam cepissent. Nihil enim tam recte dici potest, ut omnium palato arrideat, præsertim si vitioso aliquo humore infectum sit. Sed quod omnes offensos affirmat, falsissimum est, & ab eo magna cum temeritate pronuntiatur; cum forte vix unius aut alterius è mille sententiam norit. Ego inter Protestantes natus & educatus fui, atque in eorum communione in hunc usque diem persevero, & hætenus quod vulgo de Johanna Papissa ferebatur verum esse opinatus sum; nec tamen ex Blondelli libello, quum primum prodit, ullam offensionem cepi. Sed deposito omni præjudicio, ut serios veritatis indagatores facere oportet, me ad ejus lectionem accinxi, & cum Boxhornio animadverti, non deesse magni ponderis argumenta iis qui falsi istam histo-

riam arguunt. Idem fecerunt plurimi alii ex Protestantium numero non indocti viri, quorum aliquos novi; à quibus, etsi contraria imbuti essent opinione, rationes ejus assensum extorserunt, &c. Et rursus: Si Deus.... Nicolaum Vignerium ad hæc usque tempora superstitem esse voluisset ut Blondelli opus legeret, nullam etiam inde offensionem concepisset (ut pote qui ait:) expectans donec tempus hujus facti veritatem apertius revelet, interim cum Onuphrio, Joannem istum (fœminam) è Pontificum catalogo expungam, &c. Nec offenderetur etiam magnus Chamierus, è Panstratia sua catholica per totum orbem Christianum notus, si nunc in vivis esset. Nam quum aliquando à docto viro verbi Dei ministro esset interrogatus, quid sibi de Johanna Papissa videretur, rotundo ore respondit: fabula est.... Et iterum: Quæram, periti-ne an imperiti offensi fuerint! imperitos, credo, (ille Blondelli censor) non audebit dicere, quum tales homines ad suffragia non debeant nec soleant admitti; & pluris fieri debeat Vignerii, Chamieri, Boxhornii, quam millenorum aliquorum è vulgo iudicium. Oportet igitur ut peritos dicat fuisse offensos, si quid promovere velit. Sed hic aqua ipsi hærebit, quum de nullo id probare possit. Nam si doctis tantopere displicuit iste liber, quid factum est, quod ex magno eorum numero non unus saltem in arenam prodierit, & se ad eum refutandum accinxerit! Quid facilius erat, si bona fuisset causa! opusculum est breve, & de trium aut quatuor præcipuorum argumentorum examine tantum agebatur, quibus eversis cætera omnia minutiora corruere necesse est. Quum primum ejus fama ad clariss. Salmasii, diffusissima eruditionis, ut omnes sciunt, viri aures pervenisset, excidit ipsi ut parum considerate diceret: Tradatur, tradatur mihi liber, ego illum uno halitu diffilabo. Quid factum est! Blondellus bonæ causæ confisus, misit ad eum autographum suum, quod unicum habebat; nimirum istud ipsum ex quo typis nunc fuit descriptum, ea lege tradens, ut cum sua responsione, sive ante, sive post, curaret ipsum fideliter, absque ulla mutatione, additione, aut detractatione excudi. Accepit conditionem Salmasius, & sex annos in potestate sua habuit, usque dum naturæ debitum persolveret. Sed licet esset in scribendo promptissimus, ne lineam quidem unam adversus ipsum exaratam in schedis suis reliquit. Unde liquet magnum istum virum, scripto Blondelli maturiore cum iudicio expenso, agnovisse non ita facile esse refutatu, ut initio opinatus erat, & sententiam, aut universim de quæstione ista mutasse, aut saltem respondendi propositum abjecisse. Quamvis etiam D. Andreas Rivetus editum esse ægre ferret, ut in suis ad me litteris non semel testatus est, & valde cuperet responsum aliquod, sive à Salmasio, sive ab alio quopiam,



ipfi obijci: postea tamen attentius considerans quam solidis niteretur fundamentis, dixit: valde se dubitare an bene ei responderi posset, & cum lectoris cordati satisfactione. Quum ergo duo tam docti viri solide refutari posse desperarint (Blondelli opusculum) quæro jam ex censore, an merito ejus auctor, Protestantium, sive omnium, sive quorundam, idcirco offensam incurrerit? Huc usque hujus dissertationis translator de Gallico sermone in Latinum qui eam edidit anno 1657.

Claudius Saravius in epistola ad Claud. Salmasium, data 18. Jan. 1648. tom. 8. conc. Labb. coll. 216. E. & 217. A. sic illi loquitur: «Noli autem credere primum aut solum è nostris (Protestantibus) Blondellum ita sensisse. Fuere olim in eadem sententia non incelebres, & adhuc vivunt in hac urbe insignes viri qui audierunt ex ore Chamerii, se istam historiam vulgo creditam, fabulosis deputare. Vidi nuper scriptas litteras Petri Molinæi, quibus idem semper sibi esse visum affirmabat. Multa certe quum scripserit quibus Romanum suggillaverit pudorem, ab ista tamen scemina semper manum abstinuit, & poterat tamen vir non infacetus alicujus joci inde capere occasionem. Penes me sunt litteræ Samuelis Bocharti, quibus testatur sibi esse pro comperto vanum esse & fictitium, quidquid hætenus de ea sit proditum. Quanti autem sit trium istorum auctoritas, facile intelligis. Poteris vicissim, satis scio, innumeros nobis opponere. Sed vide num illi præcedentium gregem sequuti, rem minus exacte consideraverint. Omnino tutius est, recentioribus omissis, in antiquis, & coætaneis præsertim, quid tenendum sit, quærere. Unus Anastasius, sibi constans, possit rem conficere, &c.» Ex his porro colligitur, multorum inter ipsos etiam Protestantium doctiores viros sententiam esse de Joanna Papissa, historiam hanc nullo reipsa alicujus momenti inniti fundamento, & jure explodendam. Concludendum igitur ex hætenus dictis, sic alienum fuisse ab inferendo Joanne Anglo sive Moguntino, Leonem IV. inter & Benedictum III. Rom. Pontifices, Anastasium bibliothecarium, ut (in ipsis corruptis & interpolatis ejus codicibus mss. historiam Papissæ, ex chronico Martini Poloni maculato similiumque operibus post sæculum duodecimum exaratis, extractam continentibus,) narratio fabulam istam subsequens, hiatum biennii & aliquot mensium hujus sceminæ Pontificatus prorsus excludat. Huic concinunt scriptores alii, tum qui eodem sæculo, tum qui in sequentibus floruerunt.

Secundo itaque, Hincmarus in epistola 26. ad Nicolaum I. Benedicti successorem, quæ extat tom. 2. edit. concil. Gall. Sirmundi pag.

Tomus III.

A 298. In ea, inquam, sic scribit: cum illa epistola, & cum legatione Imperatoris (Lotharii) per præfatum vener. episcopum (Petrum Aretinum) Missos meos cum litteris, quarum exemplar habeo, de petitione episcoporum, & de aliis meis petitionibus, Romam direxi; quibus in via nuncius venit de obitu Papæ Leonis. Pervenientes autem Romam cum præfatis litteris (apud Baronium ad annum 867. num. 32. legitur cum fratris litteris, sed mendum est exscriptoris vel typographi ex aliis exemplaribus corrigendum, in quibus habetur præfatis) & intervenientibus prædictis episcopis (Petro Spoletano & Petro Aretino) Dominus nomine & gratia Benedictus mihi quod nostis, privilegium inde direxit. Quum igitur missi ab Hincmaro ad Leonem IV. nuntii, qui ejus obitum in via acceperunt, pervenientes Romam electum repperint, non Joannem Anglum seu Papissam, sed Benedictum III. à quo privilegium quod postulabat Hincmarus, obtinuerunt; evidens est statim post Leonis IV. mortem ipsi successisse Benedictum III. non vero post duos ab hinc annos & quinque menses, quibus Joanna sederit. Nam ut argute differit Blondellus pag. 19. etsi testudineo, quem grandire (id est velociorem efficere) nemo potuerit, gradu, mediam (illos Missos) nec totam inter Remos Romamque viam permenso fuisse velimus. . . . (quæ) bimestri tempore facile confici (poterat) quibus in latebris per menses 27. dormierint! Hanc phrasim grandire gradum usurpam observat Labbeus tom. 8. concil. col. 195. ex Plauto qui alicubi ait: Si hodie hercle system cepero, aut stimulum in manum, testudineum istum tibi grandibo gradum. Auctor differt. Gallicæ ex simili latina D. de Spanheim desumptæ, contra hanc Hincmari epistolam obijci, post Maresium Protestantem, cui vix quicquam addit quod jamdudum non diluerit præfatus Labbeus tom. 8. conc. à col. 187. ad 214. obijci, inquam, nulla hujus responsionis Labbei, de quo tamen hic loquitur, facta mentione, quasi ipse aliquid novi afferret (præter nonnullas varietates quæ in editionibus hujus epistolæ deteguntur, vitio indubie sive exscriptorum, sive typographorum; vel etiam quod quædam exemplaria mutila sint, aut transumpta non integra, ut in codicibus mss. frequentissime occurrit, quæ mutuo ex aliis exemplaribus emendari opus habent) verisimile esse (quæ sunt Maresii verba col. 194.) Petrum Aretinum episcopum, & Hincmari Rhemensis archiepiscopi Legatos, accepto in via nuncio de obitu Leonis Papæ, aut substituisse (per duos utique annos, menses quinque, & dies quatuor, quibus post Leonem IV. sedisse supponitur Papissa) aut



*Rhemos ad Hincmarum rediisse novorum mandatorum consequendorum gratia.*

Verum eos nihilominus Romam se contulisse, Hincmarique litteras Benedicto porrexisse, colligitur ex illis ejusdem Hincmari epistolæ ad Nicolaum I. supra adductis verbis: *Pervenientes autem Romam cum præfatis litteris, &c.* Quoniam tamen interim didicit Hincmarus Leonem obiisse, eique substitutum Benedictum, epistolam aliam protinus & specialem ad Benedictum III. misit, qua confirmationem gestorum in sua synodo Sueffionensi anno 853. quam eo usque denegaverat Leo, rursus peteret. Id quidem tunc per subreptionem à Benedicto impetravit Hincmarus, & sub ea lege quod nihil exposuerit nisi verum, quemadmodum ex ipsamet Benedicti epistola responsoria inculcat Nicolaus in suis litteris, tum ad synodum Sueffionensem III. anno 866. tum ad ipsum Hincmarum eodem tempore scriptis, & inferius laudandis.

Ad id vero quod subdit idem auctor differt. Gallicæ, apud Mezeræum in historia Gallica Regum Franciæ legi, à Lothario dimissum imperium *aliquot mensibus*, antequam ex hac vita migraret in fine mensis Septemb. anni 855. equidem sic scriptum *tom. 1. fol. edit. Par. 1685. pag. 549.* non inficior, at mendum esse suspicor, quo vox gallica *mois* menses, pro altera *jours* dies, exscriptoris vel typographi incuria posita fuerit; id enim palam est ex pagina superiori 548. in qua auctor iste hæc asserit quæ sensum istum latinè conficiunt. *Honorum mundi pertæsus, Imperiali derepente nuntium remisit dignitati, ejusque insignia in vestem mutavit monachalem, quam induit in Monasterio Prumiensi. At pridie quam in illud monasterium se reciperet, accersitis coram se tribus filiis, illis bona adprecatus est, præclaræque in hunc modum subjunxit monita, &c.* Non dimisit ergo imperium Lotharius, teste Mezeræo, nisi quum monasterium Prumiense ingressus est, in coque habitum assumpsit religiosum: id autem non aliquot mensibus contigit ante ejus obitum, sed in fine mensis Septembris anni præfati 855. & sex solum, sive paucis diebus priusquam moreretur, ut annales Bertiniani, aliique hujus temporis scriptores tradunt, à quibus recedere se Mezeræus minime innuit. Fragmentum extat historiæ Francicæ, à morte Ludovici Pii (anno 840.) usque ad Ludovicum II. dictum Balbum, ex ms. codice bibliothecæ Thuanæ desumptum, apud And. Duchesn. *tom. 2. monum. Franc. pag. 402.* qui ait ad marg. ex Adonis chronico, hist. Aimoini, & quibusdam aliis consarcinatum est. Lotharius Imperator infirmari se conspiciens, regnum inter filios dividit. Karolo minori Provinciam & par-

tem Burgundiæ; Lothario medio filio sedem suam, Ludovico Imperatori Italiam consignari jubet. Ipse vero Promiæ monasterium, regno temporis se exuens, ingreditur tonsoratus ac monachus effectus, aliquibus diebus interpositis defungitur anno ab Incarnat. Dom. 855. imperii vero 30. atque ibi in basilica sancti Salvatoris à fratribus reverenter humatur. Et paulo post: Et Pontifex Romanus Gregorius moritur, atque ejus loco Sergius ordinatur. Illo defuncto Leo succedit. Quo obeunte, Benedictus in sede Apostolica substituitur, jam tamen defuncto Lothario Imperatore, (quia scilicet Lotharius obiit die 27. aut 28. Septemb. Benedictus vero ordinatus est die 29. ejusdem mensis.) Annales Fuldenses, ab anno 714. ad 900. ex editione P. Pithœi, cum germanica Marq. Freheri collata, & plerisque in locis auctiore reddita, *ibid. à pag. 531. ad pag. 585.* sic habent pag. 553. *Hlotharius Imperator renuntians omnibus quæ habuit, Prumiense monasterium ingressus, effectusque ibi monachus, VI. kal. Octobris mortalem hominem exiit, & ad vitam perrexit æternam.* Annales Bertiniani ab anno 741. ad annum 882. ex codice vetustissimo monast. S. Bertini, *tom. 3. Andr. Duch. à pag. 150. ad pag. 261.* Lotharius infirmatur, inquiunt ad annum 855. pag. 208. *qua de re occasio data est Ludovico & Karolo fratribus, ad concordiam redeundi.* Et postea: Lotharius Imperator morbo correptus, vitamque desperans, monasterium Promiæ in Arduenna constitutum adiit, sæculoque & regno penitus abrenunciatus est, vitam, habitumque monachi humiliter sumens: dispositoque inter filios qui secum morabantur regno, ita ut Lotharius cognomen ejus (id est Lotharii, ut ipse, nomine insignitus) Franciam, Karolus vero Provinciam obtineret, intra sex dies vita decessit IV. calendarum Octobrium, atque in eodem monasterio sepulturam, ut desideraverat, consequutus est. Annales Metenses ab anno 687. ad 904. in monasterio sancti Arnulphi Metensis scripti: Ex veteri codice manuscripto P. Sirmundi, *ibid. à pag. 262. ad pag. 333.* Anno Dom. Incarn. 855. inquiunt pag. 304. Lotharius, convocatis primoribus regni, imperium filiis suis divisit, & Ludovico Italiam tradidit eumque Imperatorem appellari fecit. Æquivoco vero suo, (id est Lothario) regnum quod ex suo nomine vocatur, concessit. Karolo autem, qui junior natus erat, Provinciam regnum largitus est. Dispositis itaque atque ordinatis regni negotiis, valedicens suis, sæculum reliquit, atque in Prumium monasterium veniens, comam capitis deposuit, habituque sanctæ conversationis suscepto, in religionis professione diem clausit extremum III. calend. Octobris. Eadem, iisdemque verbis, Regino Prumiæ abbas anno 892. tomo rerum



Germanic. Joan. Pistorii pag. 42. Chronicon Hildensheimense ab anno 714. ad 1138. ex codice membraneo Biblioth. regiae, *ibid.* à pag. 504. ad pag. 539. (Anno) 855. inquit pag. 510. .... *Lutharius rex tonsuram & monachicum habitum suscepit moriturus.* Quum hi annalistæ non conveniant inter se de die mortis Lotharii, quem alius III. cal. Octob. id est, die 29. Septemb. contigisse scribit; alius IV. cal. Octob. id est, die 28. Septemb. & alius VI. cal. Octob. id est, die 26. Septemb. monet Pagius *tom. 3. crit. annal. Baron.* ad annum 855. *num. 13.* veresimilius esse Imperatorem illum obiisse IV. cal. Octobris, id est, die 28. Septembris, pridie quam ordinaretur Papa Benedictus III. & III. cal. Octob. sepultum fuisse. Auctorum vero, alios quidem ad diem mortis ejus, & alios ad ejus sepulturæ diem, quæ sæpe apud scriptores pro die mortis sumitur, respexisse. Addit numerum IV. Romano modo exaratum, frequenter quoque ab exscriptoribus in numerum VI. (& vice versa) per transpositionem litterarum commutari: præter quam quod Lotharius fortasse decesserit, nocte inter IV. & III. cal. Octob. id est, inter diem 28. & diem 29. Septemb. sicque duplicis hujus diei assignationi occasionem præbuerit. Verum hæc testimonia, ni fallor, abunde monstrant Lotharium Imperatorem, licet paulo antea de regno suo disposuerit, non tamen quibusdam ante mortem mensibus imperio nuntium remisisse, ut id factum mense Julio jure dici possit, sed paucis duntaxat ante obitum diebus, quum habitum monachi induit: subindeque Mezeræum qui proculdubio ab annalistis veteribus sine ratione non recessit, de *aliquot diebus* esse intelligendum, non de *aliquot mensibus*. Cæterum nescio an auctor dissertationis Gallicæ de Joanna, qui Mezeræi suffragium tanti videtur facere, adverterit eidem paulo supra, *pp. hujus edit. in-fol. 546. & 547.* totam Papissæ historiam, quam ait à Mariano Scoto primum recensitam undecimo medio sæculo, doctiorum virorum, multorumque Protestantium judicio, ridiculam esse fabulam.

Tertio, Lupus abbas Ferrariensis, *epist. 103.* quæ extat *tom. 2. monum. Francic. Andr. Duchesi.* pag. 778. sic loquitur, ad ipsum Benedictum III. scribens: *Ad Dominum Apostolicum.* Vitiligit quidem auctor differt. Gall. de Papissa, ex eo quod in aliqua editione additæ reperiantur voces *Benedictum III.* quæ defunt in manuscripto antiquissimo ex quo Baluzius hanc epistolam typis mandavit, ideoque suspicatur hanc epistolam fortassis scriptam fuisse ad Joannam Papissam, à qua, ut pote in humanioribus litteris plurimum eruditæ, postulat ut sibi mitteret ad

A tempus opera quædam Ciceronis, Quintiliani, Terentii, &c. Joannis autem nomini substitutum fuisse Benedictum, qui tamen speciali litteraturæ profanæ fama non floruit ut ille Joannes. Sed hæc gratis omnino proferruntur, & nomen Benedicti in quibusdam mss. additum, soli eorum exscriptori esse tribuendum, eo quod epistola hæc revera ad illum Pontificem à Lupo directæ fuerit, patet ex editione Duchesniana quam nunc producimus, in cujus titulo deest, *Benedictum III.* & nihilominus constat ad eum fuisse scriptam, B sic enim post titulum illa epistola incipit: *Domino præcellentiſſimo, & omnibus Christianis unice singulariterque venerando, universali Papæ Benedicto, ultimus abbatum Lupus, ex monasterio Gallicæ quod vocatur Bethleem, sive Ferrariæ, præsentem prosperitatem & futuram beatitudinem. Tempore decessoris vestri beatæ memoriæ Leonis, functus legatione Romæ, cui auctore Deo præſidetis, & ab eodem antistite exceptus benigne atque tractatus; postquam vos non esse inferiores religione fama declaravit, nec tantum potestatis beatissimi Petri participes, C verum etiam humilitatis quam in allocutione Corneli (Centurionis) vulgavit hæredes, veramorum vestrorum expensio certa ratione edocuit; ausus sum ego tantillus cognitioni vestræ sublimitatis me scriptis ingerere, &c.* Ex ea epistola palam est Leoni IV. Benedictum III. immediate successisse, exclusa Joanna.

Quarto, concilium Tullense I. quod ab episcopis provinciarum duodecim, assidentibus Carolo Calvo, ejusque nepotibus Lothario & Carolo regibus, celebratum est in suburbano Tullensi, villa Saponarias, mense D Junio, indict. VII. hoc est, anno Christi 859. (quatuordecim post obitum Benedicti III. mensibus,) Nicolai I. (ejus successoris) anno 2. ejusdem Caroli Calvi anno 19. & nepotum fratrum 4. hæc habet in epistola quam scripsit ad episcopos Britonum qui à metropolitano suo desciverant, *tom. 8. conc. P. Labb. col. 695. C. D. Sacris instituti canonibus, non ignoramus, metropolitano vestro, charissimo fratri nostro Herardo, competentem reverentiam vos debere; ita ut præter ejus præsentiam aut consensum nullus in regione vestra canonice possit ordinari episcopus, nec vos generale aliquid sine ejus consensu posse sancire. De qua reverentia, salubriter à vobis & à gente vestra metropolitano impendenda, tempore Nomenoi ducis, & reverendissimi Papæ Leonis, & successoris ejus Benedicti, scripta docuerunt, & refragantibus Apostolicæ auctoritati dignam excommunicationis protulerunt sententiam.* Non noverant illi episcopi plus quam quadraginta, inter quos extabat Hincmarus Remensis, biennium pontificatus Joannæ quæ in Leonis locum



immediate suffecta fuerit, antequam Benedictus sedem Apostolicam obtineret.

Quinto, Nicolaus I. immediatus sane Benedicti successor eum expresse testatur in suis epistolis Leoni IV. defuncto substitutum. Sic enim epist. 2. quæ extat ad Michaellem Imperatorem Constantinopolitanum, ait 10. 8. concil. P. Labb. col. 273. C. D. *Et ut in omnibus rectus ordo servari queat, volumus, ô clemens Auguste, ut Ignatius, ( Patriarcha Constantinopolitanus ) quem sedis supradictæ gubernacula, propria spontaneaue voluntate deseruisse, & totius plebis congregato concilio depositum esse vestris apicibus nobis intimare curastis, in conspectum veniat nostrorum missorum, & universi concilii, vestris quidem imperialibus institutis, quatenus perquiratur, quamobrem spreverit traditam sibi plebem, & instituta antecessorum nostrorum, sanctorumque Pontificum, Leonis videlicet Papæ, atque Benedicti parvipendendo contempserit.* Blondellus diff. Lat. de Papa fœmina pag. 17. hanc epistolam scriptam fuisse asserit anno 860. 25. Sept. Idem Nicolaus ait epist. 8. quæ est ad eundem Imperatorem 10. 8. conc. col. 296. D. E. *In epistola beatæ memoriæ præsulis Hadriani (I.) quantum idem Pontifex illam præsumptionem, quæ ex laicis quidam subite tonsurantur, & in episcoporum numerum exacervate profiliunt, damnaverit, si diligenter inquisieritis profecto invenieris, si tamen non falsata Græcorum more, sed sicut à sede missa est Apostolica penes ecclesiam Constantinopolitanam hætenus perseverat, & epistolæ diversæ sanctissimis Pontificibus Leoni scilicet & Benedicto decessoribus nostris missæ testantur, &c.* Cur non similiter & illæ quæ missæ fuerint ad Joannam, dum sedebat, & verus Papa existimabatur? Scripta est ex Blondello *ibid.* anno 866. 13. Novemb. indict. xv. Idem rursus Nicolaus I. in epist. 9. quæ est etiam ad præfatum Michaellem Imperat. *ibid.* col. 338. C. *Judicate ergo, mansuetissime Imperator, cui potius obediendum est, Deo, an hominibus: judicate cui potius resistendum sit, potestati quam in Petro Deus omnipotens ordinavit, quamque super cunctam ecclesiam extulit, an ordinationi Gregorii Syracusani, cui dicendum est: vae homini illi per quem in ecclesiam Christi tot scandala venerunt: quique olim, ( sicut ipsi scitis ) à fratre & comministro nostro Ignatio, & à synodo quæ sub eo erat, depositus est; & ut Apostolica sedes in ejus damnatione consentiret, ab ipso sacerdote nostro postulata est. Sed decessores mei beatæ memoriæ Leo ac Benedictus sedis Apostolicæ moderamina servantes, noluerunt sic unam partem audire, ut alii parti nihil penitus reservarent. Unius quippe mediator non est: quamobrem interim depositio ipsius à sede Apostolica non suscepta, remansit infirma. Ignatium itaque*

A & Nicolaum latuit Leonem inter & Benedictum, Joannem Anglum sedisse per biennium & amplius, qui ut verus Papa de causa Gregorii Syracusani judicium ferre posset. Et postea *ibid.* coll. 339. E. & 340. A. *Quoniam & præfati decessores nostri, Leo scilicet & Benedictus beatæ recordat. Pontifices, si tale quid diebus eorum Gregorius, vel complices ejus patrasent . . . . profecto eos tanquam ministros inquietudinis, & ipsos se sole clarius obnoxios ostendentes, sine quavis retardatione protinus condemnassent, &c.* Certe Joanna toto sui pontificatus tempore in maxima omnium oblivione vixit, eodemque prorsus modo sese tunc Romana sedes habuit, ac si Leoni immediate successerit Benedictus. Eadem iisdemque verbis repetit Nicolaus coll. 365. A. 366. C. 1078. D. & 1080. A. & in epist. 10. quæ est ad clerum Constantinopolitanum, data etiam 13. Novemb. anni 866. ex Blondello, quæque lecta fuit anno 869. die 29. Octob. in synodo VIII. act. VII. Idem Nicolaus, in epist. ad episcopos synodi Sueffionica III. data ex Blondello, die 6. Decemb. an. 866. 10. 8. cit. conc. coll. 845. E. & 846. A. *Interea eo voti effectu frustrato, apostolicæ sedis Pontifex Leo, qui fratris Hincmari propositum noverat, ab hac luce substractus est: quumque sanctæ memoriæ Benedictus, vir apostolicus, ei successisset ( non interposito proinde Joanne Anglo ) in ordine Pontificatus, rursus reverendus Hincmarus arma præparat, & eidem summo præsuli, tanquam suarum inexperto versutiarum latenter subripit, & in ipso consecrationis ejus principio suadet, ut concilium quidem ad votum unius hominis congregatum firmaret: non tamen ei ullo modo subripi aut suaderi potuit, ut à justæ diffinitionis & discretissimæ moderationis tramite vel aliquantulum declinaret. Verumtamen, sicut videre est, & ipsi jam forsitan agnovistis, ita per quoddam ei privilegium concessum illius concilii roboravit institutum, ut auctoritatis summam sedi Apostolicæ reservaret, &c.* Dum in ipso privilegio tenorem præmiserit, quod sic decretum est ab eo manenda inconvulsa quæ petebantur, si ita essent per omnia, quæ de illa synodo sibi à fratre nostro Hincmaro referebantur. Interposuit enim ancipitem in eo sententiam *E* *dicens: si ita est, nostroque ut scriptis præsulatui intimasti, & gestorum serie demonstrasti, ratas easdem, quin definitiones apostolica promulgamus fore auctoritate, &c.* Porro si Joannes Anglus sive Papissa per biennium & amplius post Leonem & ante Benedictum, ut verus Papa sedem Romanam tenuit, quid impedivit Hincmarum, quominus ab exordio inthronizationis ejus, confirmanda illi suæ synodi Sueffionenensis statuta, ut postea Benedicto fraudulenter proponeret! Eadem ipsi Hincmaro



ad eum scribens eodem tempore exprobrat Nicolaus, *10. 8. conc. col. 853. C.* Interea te voti effectu frustrato apostolicæ sedis & beatæ recordationis Pontifex Leo, qui fraternitatis tuæ propositum noverat, ab hac luce substractus est: quumque sanctæ memoriæ Benedictus vir apostolicus ei successisset in ordine pontificatus, rursus reverentia tua arma præparat, & eidem summo præfuli, tanquam suarum inexperto versutiarum, &c. ut supra. Hæc Nicolaus, qui minime verebatur ne Hincmarus sibi vicissim Joannæ pontificatum fraude obtentum, de quo ipse tacuerat, exprobraret.

Sexto, Ado Viennensis episcopus, qui in hanc sedem promotus post Agilmari obitum anno 860. pallium, & privilegiorum ecclesiæ Viennensis confirmationem à Nicolao I. anno seq. accepit, & obiit die 16. Decemb. anno 875. hæc tradit in chronico, iisdemque verbis, ac auctor ejusdem ætatis cujus fragmentum refert Andr. Duchesn. *10. 2. p. 402.* supra ex eo descriptum *col. 407. E. & 408. A.* Post narratam enim Lotharii in monasterio Prumiensi mortem, addit: *Pontifex Romanus Gregorius moritur, atque ejus loco Sergius ordinatur. Illo defuncto Leo succedit: quo obeunte Benedictus in sede apostolica substituitur, jam tamen defuncto Lothario Imperatore. Nicolaus Papa vir religione præcipuus moritur, ac in atrio ante portas beati Petri non longe à membris Benedicti prædecessoris sui sepelitur. Huic Adrianus in episcopali ordine succedit. Quis Joanni Anglo Papißæ locus hic relinquitur? Hæc verba Adonis leguntur 10. 8. conc. Labb. col. 173. ex fol. 183. edit. Paris. 1512. ex qua cæteræ, inquit, deinceps prodierunt. Item tom. 16. biblioth. Patrum Lugd. 1677. p. 809. col. 1. & apud Blondellum citat. pag. 18. qui observat chronicon hujus episcopi fuisse continuatum ab alio scriptore usque ad annum 923. Ait etiam Nat. Alex. tom. 6. in-fol. hist. eccl. p. 67. col. 2. de Adone Viennensi agens, eum edidisse chronicon ab exordio mundi usque ad Imperatoris Lotharii ac Ludovici & Caroli filiorum ejus principatum, ut ipse præfatur: extremam vero partem chronici in editis, ubi refertur divisio regni quam inter filios suos fecit Ludovicus rex Noricorum, alterius esse auctoris, ut recte censet Pater Mabillonius.*

Septimo, auctor vitæ Adriani II. five ille sit Anastasius bibliothecarius, five Guillelmus itidem bibliothecarius, quod communius asseritur, hæc de electione hujus pontificis narrat *tom. 8. conc. Labb. col. 883. B.* Sicut post mortem IV. Papæ Leonis, ita post obitum III. Benedicti pontificis, subire summum pontificium, nisi ipse diversis argumentis & exquisitis excusationibus verecunde subterfugisset, cogere-

*tur. Sed quum apostolicæ memoriæ sanctissimus Papa Nicolaus rebus excessisset humanis, & iste impræsentiarum tertio quintum & vigesimum annum transiret, (post ann. scilicet ætatis 75.) omnes urbis Romanæ concives, simul & hi quos extrinsecus tunc adesse contigerat... contemptis omnibus ejus excusationibus, Adrianum desiderant, Adrianum dari sibi præfulem ac pastorem exoptant, &c.* His verbis palam est, defuncto Leone IV. propensa in Adrianum II. fuisse populi vota, sed ipso non annuente, electum Benedictum III. nulla interim Joannis Angli inthronizatione facta, post cujus, ut post Leonis, Benedicti, & Nicolai mortem, Adrianum in Papam expetierint Romani.

Octavo, Leonis IV. immediatum successorem, ipso post ejus mortem, quæ 17. Julii contigit, mense tertio, Benedictum III. fuisse, evincitur ex diplomate quod idem Benedictus in gratiam monasterii Corbeienfis ad Somnam fluvium dedit v. nonas, five die 3. Octobris anni 855. quarta scilicet die post suam ordinationem die 29. Septemb. peractam, quum nuntius de morte Lotharii Imperatoris, quæ die 28. aut 29. Septembris acciderat, nondum Romam pervenisset. Circa illud diploma sequentia tradit Mabillonius, in fine præfat. *10. 2. actorum sanctorum sæculi quarti Benedict. pag. 117.* Hoc Benedicti diploma ab Acherio nostro editum est, in Spicilegii tomo sexto, ex apographo Corbeienfi, in quo nævi aliquot deprehenduntur: hos nævos correximus, facta collatione cum autographo, quo nescio an aliud illustrius extet ejus ævi monumentum. Scriptum est in cortice seu papyro Ægyptiaca, longum pedes unum & viginti, latum duos. Quatuor priores versus seu lineæ penitus oblitteratæ sunt; in reliquis fugere incipiunt alicubi characteres sane perquam difficiles, sub finem saniores. Idem Mabillon. in opere de re diplomatica Paris. 1681. lib. 5. pag. 436. F. exhibet aliquid diplomatis hujus, speciminis causa, & finem præsertim, in propriis ejus characteribus, unicuique voci subjiciens inter lineas voces easdem hodiernis characteribus formatas, ut facilius legi possint, & subdit: Benedicti III. insigne hoc monumentum, sæpe à nobis laudatum extat in archivo Corbeienfi, scriptum in papyro Ægyptiaca, latum duos pedes, altum viginti, (vel 21.) corio æqualis mensuræ impositum, paucis initio versibus ob materiæ cariem exesis. Editum est instrumentum istud in Spicilegii tomo sexto, sed cum aliquot nævis, quorum præcipuos, facta cum archetypo collatione jam emendavimus in fine præfat. ad partem alteram sæculi IV. Benedict. quod hoc loco repetere juvat. Inprimis pag. 398. (Spicilegii citati) ubi



legitur in editis, *Amrelnum* abbatem, scribendum *Anselmum*, qui abbas erat, non Corbeiensis, sed alterius loci ex imperio Lotharii: nam Odo tunc Corbeie præerat. Et in consequentibus, *Anselmo*, pro *Amrelnum*. Deinde p. 399. loco *Imperatoris Lotharii, & Ludovici, ac Caroli mandatum*, in autographo habetur, uti legitur hic, *Imperatoris Hlotharii & Hludovici mandatum*. Et infra: *gloriosos filios nostros Hlotharium ac Hludovicum Augustum*, nulla Caroli Calvi (contra quam in editis p. 403.) mentione facta. In fine reponendum, *Theodori notarii*, pro *Theodorici*. Et datum, quod deest in editis, supplendum eo modo quo in Specimine nostro legitur, post *bene valere*: nempe, *datum v. nonas Octubrias per manum Theophilacti secundicerii scæ (sanctæ) sedis apostolice, imp. D. n. n. piiss. PP. Aug.* (id est imperantibus Dominis nostris piissimis perpetuis Augustis) *Hlothario à Dō. coron. (à Deo coronato) magno Imp. (Imperatore) anno tricesimo nono, & P. C. (post consulatum) ejus anno tricesimo nono: sed & Hludovico novo Imp. (Imperatore) ejus filio anno septimo. Ind. (Indictione) quarta. Advertit Pagius 10. 3. crit. annal. Baron. ad annum 850. n. 6. hunc Ludovicum ipso quo coronatus est (sive renunciatus Imperator à patre) die, (anno scilicet 849.) more Orientalium Imperatorum Consulatum perpetuum capeffisse, & hac in re patris sequutum exemplum qui vivente Ludovico Pio sese consulem dixit, idque ait à se demonstratum in dissert. Hypatica part. 3. num. 16. & seqq. Porro hæ notæ, pergit Mabillonius, in annum 855. coincidunt, qui Benedicti pontificatus primus erat à mense Augusto (vel potius Julio habita ratione ad electionem ejus paucis post Leonis IV. obitum diebus factam.) Conveniunt anni Lotharii imperii & consulatus de more, ut diximus in lib. 2. cap. 25. num. 3. Lotharius vero septimo die (potius 9.) ante nonas Octobris è vivis excesserat, mortuus Prumiæ III. kal. Octobris (id est 29. Septemb.) hujus anni, paucis ante diebus monastica veste suscepta (prius quidem Lotharius, inquit idem Mabillon. tom. 3. annal. Benedict. pag. 42. imperium abdicaverat, ut Prumiam se reciperet; at sex duntaxat aut septem ante obitum diebus:) mortis (autem) ejus nuntium tam cito Romam pervenire non potuit per id tempus. Ludovici filii ejus annus septimus computatur ab anno 849. quo imperii consors à patre factus est; non ab anno 850. quo Romæ coronatus est à Leone IV. ex annalibus Bertinianis. Hic specialis non fit mentio de Ludovici consulatu, quia verisimiliter voces illæ P. C. *post Consulatum*, ut ad Lotharium, sic & ad Ludovicum referuntur,*

A quorum iste, Consulatus simul & imperii annum septimum numerabat.

Monet etiam idem Mabillonius, lib. 2. cap. 25. num. 3. pag. 182. de re diplomatica, præter annos Imperatorum, veteres pontifices nonnunquam exprimere annos P. C. id est *post Consulatum* Imperatorum, hujusque rei multa extare exempla. Mos hic ab Imperatoribus, inquit, usurpari cœpit ab anno 567. quum ante id tempus ab anno 542. *post Consulatum Basilii* computarentur anni.... Anno 567. Justinianus consulatum Imperatori jugem & indefinentem esse voluit. In posterum nemo, nisi Imperator, consul ordinarius fuit. Et sequentes principes, excepto uno Mauricio, consulatum tantum semel in vita inire cœperunt, ab eoque consulatu annos imperii sui numerabant, ut Panvinius in commentar. ad lib. 3. Fastor. ad annum 567. observat. Vide Cangii glossar. voce *Consul*, & dissert. de numismat. num. 15. Inde factum est ut deinceps cujusslibet Imperatoris annus primus notaretur ejus consulatu; reliqui vero post consulatum ejus primus, secundus, & sic de cæteris, vel imperii, vel consulatus anni dicerentur, nullo inter imperium & consulatum discrimine. Unde Carolus Magnus legibus novis ad edicta Longobardorum hanc epocham apposuit, Capitul. Baluz. 10. 1. col. 345. *Anno ab Incarn. Domini nostri Jesu-Christi 801. Indict. 1X. anno vero regni nostri in Francia 33. in Italia 28. consulatus autem nostri primo*. Sed hac in re observare convenit consulatus annos non concurrere cum annis Imperii primis, quos cum patre suo exigebat novus Imperator; sed cum illis quibus solus regnare incipiebat. Unde in designandis annis junioris Imperatoris simul cum patre regnantis nulla fiebat mentio consulatus, quem quisque tunc adire censebatur, quum imperium mortuo patre solus capeffebat: ita tamen ut consulatum à kal. Januar. insequentis post initum principatum plerique inirent. Inde ergo numerabantur anni consulatus, atque etiam passim imperii, omissa prioris regiminis recensione quam pauci retinebant. Notandum nihilominus cum Pagio tom. 3. crit. annal. Baron. ad annum 680. n. 4. Constantinum Pogonatum, qui collega imperii à patre Constante dictus anno 654. ante diem 26. April. ei mortuo, solus deinceps Imperator, successit anno 668. intra diem 16. mensis Septembris & diem 7. Novembris, consulatum perpetuum iniisse ab eo ipso anno 668. statim post obitum patris. Id enim manifestum fit ex prima Act. sextæ synodi generalis, quæ in actis exhibetur cœpta die 7. mensis Novembris 680. anno Constantini 27. & post consulatum ejus 13.

Idem



Idem Mabillonius *ibid. lib. 1. pp. 36. & 40. A* & *to. 3. annal. Bened. n. 89. pag. 43.* præfati diplomatis Benedicti III. rursus meminit, quo sane tota Joannæ Papissæ fabula exsufflatur. Quum enim defuncto die 17. Jul. anno 855. Leoni IV. successus Benedictus III. initi pontificatus jam acta emitteret die 3. Octobris ejusdem anni, ubinam biennium & amplius Joannæ præsulatus Leonem inter & Benedictum reponi potest? Illud diploma integrum extat, sed cum nævis inde proculdubio exortis, vel quod descriptum fuerit ex apographo Corbeie affervato, antiquissimo quidem, at ex autographo ipso ibidem reposito, quibusdam in locis emendando, ut supra explanavit Mabillonius, vel quod nonnullæ voces ejusdem apographi lectu difficiles non bene in transfumtis ex illo exemplaribus redditæ fuerint: propter quam quoque verisimiliter causam satius fore duxerit Acherius, si hujus diplomatis clausulam non transcriberet, quam si in illud totum diploma suppositionis ingereret suspicionem, eo quod quædam ejusdem clausulæ voces non recte exarata in æram hujus temporis peccassent: diploma, inquam, C illud extat Spic. Acherii *to. 6. pag. 39. & seq. & to. 8. concil. Labb. col. 235. & seqq.* Qui Labb. supra *col. 183. B.* hæc ait: Nondum de morte Lotharii Imperatoris perlatus Romam fuerat nuntius, quum Benedictus Papa prolixum edidit diploma de rebus ac privilegiis Corbeiensis abbatie ad Somonam fluvium sitæ in territorio Ambianensi, ad universos Galliarum episcopos: *Benedictus episcopus servus servorum Dei, &c. Scriptum per manum Theodori notarii & scriniarii sanctæ Romanæ ecclesiæ in mense Octobri Indict. IV. Bene valete.* (Sequentia in Spicilegio omituntur.) *Actum (v.) nonas Octobrias per manum Theophilacti secundicerii sanctæ sedis Apostolicæ, imperante Domino piissimo Augusto Hlothario à Deo coronato magno Imperatore anno 38. sed & Hludovico novo Imperatore ejus filio anno 7. Ind. IV.* Quod diploma pontificium, cum nonnullis ad idem monasterium & quædam alia spectantibus, extat apud nos in mundissimis membranis (apographum est, non ipsum authographum aliter supra à Mabillonio exhibitum) ante annos plus minus octingentos graphicè descriptum. Inde vero, & ex quibusdam aliis observes velim annos Imperatoris Lotharii, aliquando ab anno Christi 817. quo Aquisgrani à Ludovico patre corona donatus est, fuisse numeratos; quum tamen sæpius ab anno 823. quo à Paschale I. Papa Romæ regio diademate & imperatorio nomine fuit insignitus, aut ab ejusdem Ludovici obitu anno 840. soleant numerari. Addit Labbeus se illud diploma

Tomus III.

edidisse ex *lib. 2. antiq. monast. sancti Dionys. Jacobi Dubletii cap. 6. pag. 453.* Ex his autem plene satisfactum videtur omnibus difficultatibus, quas adversus hoc Benedicti diplomatauctor differt. Gallicæ de Papissa acriter coercavit.

Aliud ejusdem Benedicti Papæ diploma refert Labb. *ibid. col. 242. & seq.* in confirmationem privilegiorum monasterii S. Dionysii in Francia, cujus clausula est, *col. 243. B. Bene valete. Scriptum per manum Theodori notarii regionarii sanctæ Romanæ ecclesiæ in mense Maio, Ind. VII. (legendum v.) Datum per manum Megisti episcopi & bibliothecarii sanctæ apostolicæ sedis, v. idus (id est die XI.) Maii, imperante Domino (Ludovico) piissimo perpetuo Augusto, à Deo coronato magno Imperatore, consulatus ejus anno octavo. Indict. v. non VII. hic enim annus 857. fuit. Duplex illud Benedicti III. diploma edidit Harduinus *tom. 5. conc. primum quidem col. 104. & seq. alterum vero col. 110. ubi ad marginem notati Ex Dubletii chronico San-Dion. scripta in cortice.**

Mabillonius testatur *to. 3. annal. Benedict. ad ann. 863. n. 4. p. 103.* diploma Benedicti III. pro monasterio Corbeienfi, à Nicolao I. fuisse confirmatum anno 863. alio diplomate, in quo prioris expressis verbis meminit. Eodem tempore, inquit, missus Romam Odo Bellovacensis episcopus ad perferenda acta synodi Silvanectensis, in qua Rothadus Suesfionensis (episcopus) gradu dejectus fuerat, à Nicolao Papa obtinuit confirmationem privilegii Corbeiensis monasterii, cujus ante episcopatum abbas extiterat. Epistola est 24. Nicolai, quæ revera habetur *tom. 8. concil. Labb. col. 396. & seqq.* Inscrubitur ad Trasulphum abbatem Corbeiensẽ. Privilegium monasterii Corbeiensis. *Nicolaus episcopus, servus servorum Dei, Trasulpho religioso abbati, & per te venerabili monasterio beatorum principum Petri ac Pauli, quod appellatur Corbeia, in perpetuum. Convenit apostolico moderamini, &c. Unde quia non multis intercedentibus annis monasterium beatorum Apostolorum Petri ac Pauli, quod appellatur Corbeia, venerabilis qui tunc fuerat abbas Odo, & gloriosus dilectus filius noster rex Francorum Carolus, decessorem nostrum sanctæ recordationis Benedictum pontificem, directis ad eum tam litteris quam missis postulaverant, ut prædicto monasterio, & rerum suarum liberam concederet dispositionem, & in eligendo de semet ipsis abbate regularem daret canonicamque licentiam. Quorum petitionem ille gratanter accipiens, petita concessit, & ut concessionis ejus perpetuitas servaretur, privilegium monasterio jam dicto fecit. Nunc vero adveniens venerabilis Odo Belvacensis episcopus, qui prius*

Dd



abbas monasterii Corbeiensis fuerat, innotuit nobis tam petitionem ipsius benigni principis, quam postulationem tuam, qui præfati monasterii Corbeie abbas esse dignosceris, qua postulasti ut quæ prius monasterio illi à decessore nostro beatæ recordat. Papa Benedicto concessa fuerant, auctoritatis nostræ promulgatione firmare non abnueremus. Nos itaque considerantes religionem esse petitionem tuam, & nihil novi nos constituturos, si prædecessorum decreta sequamur, pastoralis quoque pariter esse officii, servorum Dei jugiter utilitati commodisque prospicere: decernimus ut monasterium Corbeie, quod ad laudem Dei, in honorem sanctorum apostolorum Petri ac Pauli constructum esse dignoscitur, & à Balchilde reginâ Francorum, (ad marg. Vide tom. 6. pp. 525. & 527.) filioque ejus Chlothario à principio fundatum, & donariis rebusque necessariis locupletatum, quod est in pago Ambianensi super fluvium Sumna situm, rerum suarum liberam in omnibus habeat disponendi regulariter potestatem, &c. Et col. 399. Scriptum per manum Leonis notarii regionarii & scriniarii sanctæ Romanæ ecclesiæ, in mense Aprili, Indiæ. XI. Data IV. kalendas Maias, (id est die 28. April.) per manum Tiberii primicerii sanctæ sedis apostolicæ, imperante Domino piissimo Augusto Ludovico à Deo coronato, magno, pacifico Imperatore anno 14. & post consulatum ejus anno 14. (sic Mabillon. hanc datam refert loco citato, quum apud Labb. legatur, errore manifesto, & post ejus ann. 14.) Indiæ. XI. Harduinus quoque tom. 5. concil. col. 241. ad margin. apposuit: forte, & post consulatum ejus. Hæc autem epocha mirè elucidat ista Benedicti Papæ, pro eodem monasterio Corbeiensi, diplomatis clausulæ verba: *Sed & Hludouico novo Imperatore ejus filio anno septimo*; recensitamque à nobis supra explicationem valide confirmat, Benedictum nempe, sicut imperii & consulatus Lotharii annos æqualiter 39. numerat ab anno 817. quo Ludovicus Pius ejus pater illum Imperatoris titulo decoravit, ita septem consulatus & imperii Ludovico II. attribuere ab anno 849. quo dignitatis Imperialis consors à Patre factus est. Uterque enim, juxta observationem Pagii memoratam col. 415. C. consulatum non à morte patris, sed ab initio imperii sui computabat, adeo ut voces P. C. post Consulatum de Lothario assertæ, de Ludovico etiam intelligendæ sint. Et certe quum annus 863. decimus-quartus dicatur, tum imperii, tum consulatus Ludovici, in præsentis Nicolai diplomate, palam est imperii & consulatus hujus principis eadem fuisse exordia, quemadmodum & Lotharii ejus patris, subindeque annum ejus imperii septimum, qui assignatur in diplomate Benedicti, post Consulatum quoque

A (id est initium, sive ab initio consulatus perpetui) fuisse septimum.

Cæterum ad enodandas difficultates nonnullas circa epocham imperii, tum Lotharii, tum Ludovici filii ejus, quæ diversimode à scriptoribus citatur, & aliquod negotium facessere possent in præsentis quæstione, sequentia observare juvat.

Primo, Lotharii principatus anni reputantur, quandoque ab anno 817. ad quem annalista Cæfareus, à Lambecio editus, his verbis opus suum claudit, apud Pagium 10. 3. crit. in annal. Baron. ad eundem annum n. 3. Anno IV. (scilicet Ludovici Pii) conventum suum habuit Hluduvichus Imperator cum Francis, in Aquisgrani palatio, mense Junio, & indicto (adde jejuniis ex chronographo Hildensheimensi qui extat tom. 3. monum. Francor. Andr. Duch. pag. 509. C.) ordinatus est filius ejus Hludarius in Imperatorem, ut consors regni fieret cum patre.... eodem anno (817.) Ratgarus abbas (scilicet Fuldenensis) depositus est. Juxta hanc epocham, Benedictus III. in diplomate privilegii pro monasterio Corbeiensi, an. 855. die 3. Octob. dato, annum ejus 39. computavit. Quandoque ab anno inchoantur 823. quo, die 5. Aprilis, à Paschali Romano pontifice solemniter coronatus est: Lotharius, inquit Eginhardus in annal. tom. 2. Andr. Duch. pag. 266. B.... in sancto Paschali die apud sanctum Petrum, regni (nempe Longobardici) coronam, & Imperatoris & Augusti nomen accepit. Ab hac die in multis Lotharii diplomatis, ex Pagio ad hunc annum 823. n. 1. imperii ejus initium desumitur. Quædam aliæ epochæ ei assignantur, apud eundem Pagium, qui ad annum 821. num. 2. col. 2. sic differit: Ab anno 820. Lotharius, post Ludovici patris mortem, annos regni sui Italici de more deduxit, ut ostendunt complura ejus diplomata, quæ annum imperii sui, à morte patris deducti, (id est à die 20. Junii anni 840.) numero vicenario semper excedunt. Mabillonius lib. 2. de re diplom. cap. 26. n. 15. varia hanc in rem exempla proferit, uti confirmationem donationis à Lothario factæ cœnobio Grandis vallis VIII. kal. Septemb. (id est die 25. Aug.) anno Imperii Domini Lotharii XII. Pii Imperatoris in Italia XXX: & in Francia X. Indiæ. XII. Annus fuit 849. qui Lotharii XII. dicitur, ab anno 838. quo Ludovicus Pius novam partitionem fecit inter Lotharium & Carolum (in conventu Wormatiensi mense Maio.) Lotharii item in Italia regnantis XXX. numeratur; ab anno 820. (quo ante diem ultimum mensis Maii rex Italiæ à Ludovico Pio patre suo renunciatus est.) Lotharii denique in Francia regnantis X. appellatur, à morte Ludovici Pii



patris ejus anno 840. Cæterum cur Lotharius mortuo patre, sæpius quam antea, ab exordio regni sui in Italia anno scilicet 820. annos suos numeraverit, fatetur Mabillonius loco laudato se nondum assequi potuisse. Hæc de epocha Lotharii Imperatoris.

Secundo, Ludovici filii ejus quatuor reperiri epochas animadvertit præfatus Pagius ad annum 844. num. 4. quarum prima ab hoc eodem anno 844. initium ducit, quo à Sergio II. Romano Pontifice Longobardorum rex coronatus est die 15. mensis Junii. Secunda ab anno 849. ante mensem Junium, quum Lotharius illum sibi in imperii adscivit consortium. Unde in præfatione synodi Romanæ sub Leone IV. celebratæ anno 853. mense Decembri legitur, teste eodem Pagio ad eum annum 853. n. 12. *Anno pontificatus sanctissimi ac coangelici & universalis IV. Papæ Leonis VII. atque invictissimorum Dominorum nostrorum Hlotharii ac Hludovici Imperatorum anno quoque imperii eorum V. & XXXVII. mense Decembri, die 8. Indict. 2.* Quæ verba etiam exprimuntur *10. 8. conc. Labb. col. 119.* E. in actis depositionis Anastasii presbyteri tituli S. Marcelli qui se postea pro antipapa adversus Benedictum III. electum pontificem erexit anno 855. *Imperantibus Dominis piissimis perpetuis Augustis, Hlothario à Deo coronato, pacifico & magno Imperatore anno 37. sed & Hludovico à Deo coronato ejus filio novo Imperatore, anno 5. mense Decembrio, die 8. Indict. 2. in civitate nova cujus vocabulum Leoniana est, intra ecclesiam ubi corpus beatissimi Petri Apostolorum principis conditum est.* Observat Labbeus *ibid. col. 210. & seq.* novam hanc urbem *Leonianam* Romæ partem fuisse, (sive suburbium quoddam hujus civitatis, ubi extat basilica sancti Petri Apostoli) hoc quippe suburbium jam novis ædificiis amplificari cœptum à Leone III. ex cujus nomine *civitas Leoniana* dicta est, Leo IV. secundo præsulatus sui anno instaurare aggressus est, ut refert Anastasius bibliothecarius in ejus vita, *ibid. coll. 17. 18. & 19.* ac sexto anno perfecit, sumptus subministrante magna ex parte Lothario cum fratribus, illudque solemni ritu dedicavit anno 852. die 27. Junii. Annus porro 5. qui in actis præfatæ synodi Romanæ Ludovico II. adscribitur, exordium sumit ab anno 849. Annus vero XXXVII. epocha est Lotharii ab anno 817. petita, ut palam est. Idem Leo IV. super valvas argenteas scribi jussit, *10. 8. conc. Labb. col. 130. E.* *Anno pontificatus sanctissimi ac coangelici & universalis IV. Papæ Leonis septimo, atque invictissimorum Hlotharii ac Hludovici Imperatorum anno imperii quadragesimo-secundo, &c.* Annus est Lotharii XXXVII. cum anno V.

Tomus III.

Ludovici conjunctus. Juxta hanc duplicem epocham Lotharii & Ludovici legitur etiam in synodo Ticinensi anno 850. habita: *Anno Incarn. Dom. 850. Ind. XIV.* (legendum *XIII.* quæ ante Septemb. currebat) & *Hlotharii atque Hludovici piissimorum Augustorum XXX. atque primo, in urbe Regiaticina* (legendum *in urbe regia Ticino*, ex Pagio ad annum 850. num. 5.) *facta synodus, cui præsiderunt Angilbertus Mediolanensis archiepiscopus, &c.* Annus XXX. Lotharii ab anno 820. deducitur, quo die ultimo Maii Lotharius à Ludovico patre suo rex Italiæ renuntiatus fuerat, unde habemus synodum hanc Ticinensem ante diem ultimum Maii fuisse coactam: annus autem primus Ludovici ab anno præcedenti 849. numeratur. Tertia Ludovici epocha repetitur ab anno 850. quo die 2. Decemb. Imperator à Leone IV. Papa Romæ coronatus est. Hanc epocham Mabillonius in præfat. ad part. 2. actorum sanctorum sæculi IV. *Benedict. num. 214.* inquit Pagius citatus, ad annum 844. n. 4. cum secunda confundere videtur, eo quod in diplomate Benedicti III. Leonis successoris, dicatur illud datum esse *V. nonas Octubrias, Hludouico novo Imperatore anno VII. Indict. IV.* anno scilicet Christi 855. Inde enim vir doctissimus deducit Benedictum Papam annum imperii Ludoviciani primum illigare anno 849. *uno anno prius, quam annales Bertiniani.* Verum Benedictus III. annum illum septimum Ludovici Imperatoris ab anno 849. quo imperii focius à patre dictus est, numeravit, ut recte videt ipsemet Mabillonius, non vero ab anno 850. quo annalista Bertinianus scribit Ludovicum Romæ in Imperatorem unctum esse, sicuti antea Leo IV. in concilio Romano anno 853. celebrato, annum V. Ludovici Imperatoris ibidem memoratum ab anno 849. repetierat. Quare Benedictus III. & annalista Bertinianus inter se non discrepant, sed alter ad designationem Ludovici in imperium, alter ad unctionem ejus in Imperatorem respexit, ut postea ipsemet Mabillonius *lib. 5. de re diplom. pag. 440.* exposuit. Quarta demum Ludovici Imperatoris epocha ab anno 855. quo patri Lothario die 28. aut 29. Septembris mortuo successit, deducitur. Deinceps autem anni imperii ejus, modo ab anno 849. modo ab anno sequenti 850. & modo ab anno 855. ob rationem uniuscujusque epochæ supra allatam, in variis diplomatibus computantur. Hinc idem Pagius, in fronte cujuslibet anni, incipiendo ab anno 856. imperii Ludovici II. annos sub tribus illis epochis reponit: verbi gratia ad annum præfatum 856. *Ludovici Imperat. 8. 7. & 2.* Istius explanationis ope, facile conciliantur varia instrumenta, diversis

Dd ij



Lotharii ac Ludovici ejus filii epochis inscripta, quæ alias suppositionis suspicionem vix effugerent.

Nono, Auctor annal. Bertinianorum, ejus jam supra testimonium adduximus col. 408. C. pro morte Lotharii Imperatoris, ait *ibid.* id est, apud Andr. Duchesne tom. 3. monum. Franc. p. 208. Anno 855. Lotharius infirmatur, qua de re occasio data est Ludovico & Carolo fratribus ad concordiam redeundi.... mense Augusto, (scil. kal. Augusti, pro 16. kal. Augusti scripsit librarius, ex incuria nempe, vel negligentia, præviam kalendarum notam omittens, id est, 16. quæ est ante kal. Augusti, ut sæpissime in aliis contigit, inquit Labb. 10. 8. conc. col. 163. sed hoc nihil facit contra nos, quibus omnino sufficit, Leoni IV. anno 855. mortuo, eodem anno successisse Benedictum III.) mense Augusto, (dicendum Julio) Leo apostolicæ sedis antistes defunctus est, eique Benedictus succedit. Lotharius Imperator morbo correptus, vitamque desperans, &c. mortem describit Lotharii quæ eodem anno accidit. Nihil itaque scivit annalista ille, licet coætaneus, de biennio & amplius præsulatus Joannis Angli in sede Romana.

Decimo, Photius, de Joanna Papissa, quæ suo tempore sedisset, nullam mentionem facit, sed Leoni IV. successisse Benedictum III. expressissime asserit lib. 1. de Spiritus sancti processione adversus Latinos, laudato ab Allatio in confutat. fabulæ de Papissa, apud Nat. Alex. tom. 6. in fol. in hist. eccl. sæc. 9. & 10. diff. 3. pag. 232. Pontifices enim Romanos qui sua ætate vixerant, enumerans, ait: *Heri, & nondum secunda generatio præterit, nobilis ille Leo, qui & miraculis editis potest gloriari, omnem & mitis & mansuetus, & asceticis certaminibus illustris inclutus Benedictus, post eum* (si Joanna media fuit, non *per* *ἐνέκρινον* post eum, sed *per* *ἐνέκρινον* post eam, in textu Græco Photium scribere oportuit, inquit Blondellus, pag. 27. diff. Lat. de Papissa, ad marginem) *in Archieratico throno successor, hoc idem & amplectendo & confirmando haud secundus esse nitebatur, licet tempore secundus esset.* Subjungit in Nicolaum Benedicti successorem, quem tamen non nominat, jurgia; postremo Joannis & Hadriani meminit. Et alio libro, quo probare conatur Spiritum sanctum à solo Patre procedere, *Leo & Benedictus*, inquit, *magni deinceps Romanæ ecclesiæ antistites, Græcè inter sacra Missarum sollemnia, Romæ, aliisque ecclesiis Romæ subiectis, fidei symbolum recitari, lege lata, sanxerunt.* Textum Græcum refert Blondellus, loco modo citato, pp. 26. & 27. ex duobus mss. quæ Londini postea edita fuisse testatur. Porro quis in

mentem sibi inducat, Photium, vel ignorasse per biennium & amplius, Leone IV. defuncto, in sedem Romanam suffectum fuisse alium quocunque nomine ille appellaretur, cui deinde Benedictus successerit, vel, si noverit, præsertimque detectum fuisse, maximo ecclesiæ Romanæ opprobrio, non virum extitisse hunc Benedicti prædecessorem, sed infame scortum, id pressisse silentio? Fatetur auctor diff. Gall. de Papissa pag. 124. in operibus Photii quæ ad nos pervenerunt, nihil legi de ea Papissa; imo quædam extare unde hujus Papissæ historia non parum labefactari videatur: nullus quamvis tunc floruerit scriptor, cui Romanis hanc exprobrare Papissam magis congruisset: hujus autem silentii ipse reddere rationem conatur. Sed quænam potest afferri quæ lectori prudenti & veritatem serio quærenti arrideat?

Undecimo, Metrophanes Smyrnæus, qui inter Patres synodi VIII. anno 869. adversus Photium congregatæ adfuit, quemque antea Nicolaus I. epistola 8. laudaverat, libro ms. è Palatina bibliotheca in Vaticanam translato, quo Spiritus sancti processionem à Patre solo adstruere nititur, Benedictum immediatum à Leonis IV. obitu Pontificem tradit. *Benedictus post eum*, (Leonem IV.) *in Archieratico throno successor.* Verba itidem ejus Græca excipit Blondellus pag. 27. Quæ fieri autem potuit ut nullus auctor, sive Latinus, sive Græcus, sive sedi Romanæ addictus, sive ei infestus, qui tunc temporis vixerit, talem hunc, tamque prodigiosum, & hæctenus absque exemplo casum, vel deplorando, vel exprobrando, palam fecerit? Si autem ea ætate nulli prorsus homini compertus fuit: unde nam ergo illum habuerunt qui sæculo decimo tertio, id est quatuor integris à sæculo nono medio sæculis, eundem scriptis suis mandarunt? ostendemus enim inferius, nullum ex iis ipsis auctoribus sæculorum undecimi & duodecimi, quos inter Papissæ assertores profert Blondellus, hujus revera in scriptis non adulteratis meminisse.

Duodecimo, Stylianus Neocæsareæ Euphratesinæ antistes, in epistola quam una cum episcopis qui cum ipso erant, reliquitque presbyteris, diaconis ecclesiæ Constantinopolitanæ, omnibusque cœnobiorum præfectis per Orientem & Occidentem, monachis & anachoretis prope innumeris, ad Stephanum V. vulgo VI. misit anno 885. in qua fraudes, dolosque Gregorii Syracusani episcopi, quem S. Ignatius Patriarcha Constantinopolitanus deposuerat, Petri Sardonum, Eulampii Apameæ, aliorumque factionis Photianæ præsulum detegit; Benedictum fuisse Leonis IV. successorem disertè prodit.



Legitur Græcè & Latine *tom. 8. conc. Labb. coll. 1397. & 1398. & seqq.* Ait scilicet, *col. 1399.* Qua propter (Ignatius) depositos anathemati subiecit, qui legatos cum litteris ad sanctissimum Papam Romanum beatum Leonem, qui tum pontificatum gerebat miserunt, illum sibi, ac si essent læsi, ultorem petentes. Papa ergo datis ad Ignatium litteris, &c. Itaque eandem in schismaticos sententiam tulit, quam antea in eosdem tulerat Ignatius. Leone dein ex humanis sublato, rursus illi Benedicto qui Leoni successit de eisdem rebus molesti fuerunt. Enimvero & ipse Benedictus vir sanctissimus, re diligenter excussa, sententiam adversus illos, secundum Ignatium, pronuntiavit. Quorsum vero episcopi illi in quos latam ab Ignatio damnationis sententiam Leo IV. confirmaverat; post ejusdem Leonis obitum, non ad Joannem Anglicum qui ei successerit, sed ad Benedictum accesserunt, à quo iterum fuerunt damnati; nisi quia figmentum est ille Joannæ Papissæ pontificatus, & in locum Leonis Benedictus immediate promotus fuit! Idem septimo exinde anno cum Photianis societatem iniens sedem Romanam convitiis lacepsivit: non habuit tamen quid illi objiceret, præter inconstantiam doctrinæ, ut aiebat, & contradictionem in assertis: scribit enim Stephanum Papam in eadem re & epistola pugnantiā edidisse, ut qui in prima parte Photium jure ejectum affirmaverit, in postrema vero eundem pro legitimo antistite recipiendum duxerit. Nihil de Papissa de qua proculdubio nihil audierat.

Adjungi possunt quatuor libri Græcorum anonymorum, quorum textum Græcum refert Blondellus pp. 27. & 28. jam citatis, & Leo Allat. versionem eorum Latinam, apud Augustinum Oldoinum *tom. 1. vitæ Romanor. Pont. & DD. Cardin. coll. 632. & 633.* Extant autem in bibl. Vatic. Primus librorum illorum, tractatus est exaratus contra Latinos, qua ratione à recto veritatis tramite Latini aberraverint. In eo ait: moritur dictus Leo, (loquitur de Leone III.) hunc excepit Stephanus, hunc Paschalius, hunc Eugenius, hunc Valentius, hunc Gregorius, hunc Sergius qui & Pelagius dicebatur, hunc Leo, Leonem autem Benedictus. Et inferius: Verum beatus Leo Romanæ sedis non mercenarius, sed verus & legitimus Pontifex anceps hærebat. Et, sanctissimus hic Leo vita excessit, & hujus successor factus est divinus Benedictus, qui quum maximo rei Christianæ, rectorumque dogmatum propagandorum studio teneretur, ab omnibus Italis, ut fidei symbolum Græcè pronuntiaretur, præcepit. Liber alter, de modo quo Latini à Græcis separati primatu ceciderint, &c. ait: Qui vero post Leonem successit Benedictus, quum à dictis

hæreticis iterum Dei populum lædi cerneret, litteris scriptis cum Græcè, tum Latine, alta voce ut sanctum symbolum recitaretur, tradidit. Tertius liber scriptus etiam contra Latinos habet: Et qui post hunc Leonem Benedictus & ipse Papa. Quartus, denique dialogus est de Azymis & processione Spiritus sancti inter Orthodoxum & Latinum, ubi post multa subdit auctor: Qui vero post ipsum (Leonem de quo immediate antea) summo sacerdotio præfuit divinus Benedictus, ad omnes Patriarchales thronos datis litteris mandat, nullum posthac Romanum Pontificem in communionem recipi, ni prius suam fidei confessionem, quæ orthodoxa fuerit, per omnem Christi ecclesiam promulgarit. Putasne; Lector, inquit Leo Allatius *ibid. col. 633.* auctorem hunc, quisquis ille fuerit, ..... injuriam hanc Joannæ sceminae, sive calumniam, tunc quum omnibus modis (juxta hujus scriptoris genium quod in Romanam sedem admodum exasperatum fuisse patet ex totius libri serie,) dicenda erat, tacuisse! Næ, ego fungus sum, si credam. Concinit libellus alterius anonymi, post annum 900. scriptus, qui legitur *tom. 8. conc. Labb. coll. 1421. 1422. & seqq.* Titulus ejus est, *Breviarium synodi VIII. ad ingressum magnæ ecclesiæ, seu in porticu perscriptum.* Initium vero: *Donatus & Stephanus episcopi, (&) Marinus diaconus, legati veteris Romæ, sive Hadriani Papæ, una cum sancto & œcumenico concilio in hac florentissima civitate Constantinopolitana in perillustri æde magnæ ecclesiæ celebrato, ex sententia & judicio jam ante in Romana ecclesia à Papa Nicolao & Hadriano illius successore facto, una cum Josepho religiosissimo diacono & vicario Patriarchæ Alexandrini, & Thoma Tyri metropolita Patriarchæ Antiocheni locum tenente, & Elia presbytero & syncello Hierosolymitanæ sedis legato, venerandarum imaginum cultum sancimus. Photium autem qui per vim & tyrannidem Constantinopolitanum solium invasit, quique à damnatis & execratis est consecratus, qui pluribus annis ecclesiam Christi perturbavit, Photium, inquam, & inaugurationem ejus prorsus damnamus, omni que dignitate & honore sacerdotii privamus: Ignatium vero sanctissimum Patriarcham Constantinopolitanum contra jus fasque de gradu suo deturbatum, ut legitimum antistitem, una cum ordinatione sanctissimi Methodii qui illum in patriarchatu præcesserat, confirmamus, &c. Et postea, col. 1423. B. Photius quadraginta quinque annis ad hodiernum usque diem, à Papa nempe Leone usque ad Formosum (ab anno 847. inchoandis, inquit Blondellus ad margin. pag. 28.) excommunicatus fuit. Nam annos undecim (ad 858. inquit idem Blondellus ad margin. pag. 29.) adhuc politicus*



(sive laicus) excommunicatus fuit, quod cum Gregorio Syracusano communicaret; & alios quatuor supra triginta annos (Blondellus ad marg. p. 29. ab anno Domini 858. ad 891.) postquam sacris initiatus est. Etenim Leo, Benedictus, & Nicolaus Gregorium propter varias & graves noxas anathemate damnarunt. Ubi vero Photius à damnato consecratus est, cum propter alia illius facinora, tum quod sacris à Gregorio esset initiatus, à novem Pontificibus Romanis (illis scilicet comprehensis qui eum jam laicum anathemate ferierant) Leone, Benedicto, Nicolao, Hadriano (II.) Joanne (VIII.) Marino, Hadriano III. Stephano (V.) & Formoso, anathematis fulmine est ictus. Nec ullus ex iis qui Nicolaum sunt sequuti, illos (Gregorium & Photium, absolverunt: nec enim potestatem habuerunt. Joannes Eugenium & allegatos, &c. Nulla in his testimoniis Græcis, sicut nec in Latinis supra relatis testimoniis, auctorum licet hujus sæculi noni, Joannæ Papiissæ mentio, quam proculdubio non noverant in sedem Romanam fuisse suo tempore evectam.

Joannæ Pontificatui non clarius favent, qui nec etiam de eo quidquam didicerunt, C sæculorum trium subsequantium scriptores. Unde

Decimo-tertio, Flodoardus, quem per syncopen Floardum quidam nominant, Sigebertus, & Trithemius Flavardum, Pithæus, Papyrius Massonus, Baronius & Mabillonius, Frodoardum, presbyter & canonicus ecclesiæ Remensis sæculo decimo, qui postmodum relicto canonicatu vitam monasticam professus est & abbas cœnobii sancti Remigii Remensis creatus; ut non solum asserunt Sigebertus & Trithemius, sed & ipse quoque in chronico ad annum 963. ubi ait, apud Natal. Alexand. to. 6. in-fol. hist. eccl. sæc. 9. & 10. cap. 3. art. 39. p. 76. col. 2. F. Ego vero fractus ætate, & attritus infirmitate, ministerio me abdicavi prælaturæ coram eodem præside (Odalrico archiep. Remensi) qui me hoc absolvens jugo, imposuit illud per electionem fratrum meorum nepoti meo Flodoardo septuagesimo ætatis meæ anno. Scribit autem ille, historiæ Remensis ecclesiæ lib. 3. cap. 11. teste Blondello, dissert. suæ Latinæ de Papiissa, pag. 20. Actio synodi (Suessionensis) sedi apostolicæ ab Hincmaro E directæ, & à Benedicto Papa Leonis successore corroborata est. Mabillon. præfat. actorum sanctorum sæculi 2. Bened. num. 64. pag. 47. hæc nos docet de eo Flodoardo. «Vir clarissimus» Antonius Wionius Herovallius.... me monuit » extare in biblioth. RR. PP. Carmelitar. ex- » calceat. conventus Parisiaci Acta SS. manu » descripta, ex quibus non parum utilitatis ac- » cepi. In his deprehendi Frodoardi canonici » Remensis libros 14. de variis sanctis metricè

A compositos, in quibus Pontificum Romano- rum, aliorumque virorum illustrium egregia » facta, secundum temporis rationem descri- » buntur. Istos libros numero quindecim jam » è bibliotheca Trevirensi indicaverat Joannes » Bonderius in indiculo mss. codd. Belgicor. » & ex eo Gerardus Vossius in lib. 2. de hist. » Lat. cap. 40. tametsi libros duntaxat quatuor- » decim præfert exemplar Parisiense, detractis » duobus primis libris cum capite primo tertii » .... Et paulo-post: Duo veniunt observanda, » nempe silentium Frodoardi hominis supparis » B de Joanna fabulosa illa Papiissa, quæ à non- » nullis inter Leonem IV. & Benedictum III. » insulse inseritur. Sic enim Leonis mortem & » Benedicti electionem describit Frodoardus » in lib. 12. epigr. 1.

Hinc rebus benè dispositis, portu, urbe, soloque  
Ausoniæ tuto, digna mercede potitur (Leo IV.)  
Se deflens, patribus claris cum milite junctis  
Jesum corde petit prono se munere digno  
Solari: nec abest Dominus haurire (audire) paratus  
Servorum gemitus, dum spirat mentibus uno  
Ore simul cunctos Benedictum poscere patrem,  
Æthereo qui rore ferax, &c.  
His radians meritis in sancto clara senatu  
Jura capit, &c.

Idem auctor (quod alterum observatu » dignum) scribit se Romam fuisse profectum » Leone VII. Pontifice, ab eoque benigne ex- » ceptum, quo Pontifice etiam tum superstite » librum suum duodecimum absolvit: sic enim » canit: quos Frodoardi versus paulo fufius tran- » scribit Pagius, tom. 2. Brev. Gestor. Pontif. » Roman. pag. 213.

D Septimus exurgit Leo, nec tamen ista volutans,  
Nec curans apices mundi, nec celsa requirens:  
Sola Dei quæ sunt alacri sub pectore volvens,  
Culinaque evitans, oblata subire renutans,  
Raptus at erigitur, dignusque nitore probatur  
Regiminis eximii, Petrique in sede locatur.  
Sed minimè adsueta linquit decoramine curam  
Deditus assiduis precibus, speculamine celsus,  
Affatu lætus, sapiens, atque ore serenus.  
Qui me visentem ætherei pia limina Petri  
Jocunde excipiens, animo quæsitæ benigno  
Admisit, favitque piè, studuitque modestè:  
Famina grata serens, epulis recreavit utrisque  
Corporis atque animæ; benedixit, & oscula libans  
Ac geminans dono cumulatam muneris almi,  
Pergere lætantem amplexu dimisit honore.  
Quem Pater omnipotens alacrem cultuque venustum  
Attollat, servetque diu, digno excolat actu:  
Et cum præsulibus sanctis, consortia quorum  
Promeruit, sedis præstet super æthera sedem,  
Cum quibus æternum maneat præclarus in ævum.

Hinc patet, subdit idem Mabillonius, libros » istos à Frodoardo scriptos fuisse ante ann. 939. » quo Leoni VII. successit Stephanus VIII. »



» Frodoardus (tamen) in neutra historia sua,  
 » scilicet in historiae Remensis ecclesiae libris 4.  
 » aut in chronico.... Romanae suae peregrina-  
 » tionis meminit. Unde forsitan suspicari quis  
 » possit an libri quatuordecim carmin. praelau-  
 » dati ejusdem sint auctoris, an potius Fro-  
 » doardi nepotis ejus, de quo in chronico ad  
 » annum 963. agit.» Hæc Mabillonius. Verum  
 à quocunque viro exarata sint hæc poemata,  
 palam est ante annum 939. communem & in-  
 dubiam fuisse omnium sententiam Leoni IV.  
 immediate successisse Benedictum III. ac  
 subinde nulli hæctenus notam extitisse Joan-  
 næ Papiissæ fabulam.

Decimo-quarto, Hermannus, qui eo quod  
 in infantia membris omnibus contractus esset,  
 nomen Hermanni Contracti sortitus fuit,  
 apud Nat. Alex. 10. 6. in fol. hist. eccl. sæc. 9. &  
 10. cap. 4. art. 3. p. 502. D. col. 1. Wolferadi  
 Weringensis in Suevia comitis filius, Augiæ  
 Divitis, ordinis Benedictini monachus: Vir,  
 ut ait Trithemius abbas, in divinis scripturis  
 eruditissimus, & in secularibus litteris univer-  
 saliter doctissimus, Philosophus, Poëta, Astrono-  
 mus, Rhetor, & Musicus, nulli suo tempore  
 secundus, trium linguarum Græcæ, Latinæ, &  
 Arabicæ peritissimus: multa stricta & soluta  
 oratione composuit, & Græcorum Philoso-  
 phorum, Arabumque Astronomorum tracta-  
 tus aliquot Latio donavit. Scripsit chronicon  
 ab ortu Christi usque ad annum 1054. quo  
 & obiit. A Christiano Urstisio tomo unico  
 rerum Germanicarum editum est gemino  
 contextu. Tertiam editionem aliis auctiorem  
 & locupletiolem, unaque emendatiorem ex  
 manu. codice Augustani cœnobii SS. Afræ  
 & Udalrici in lucem Canisius edidit tom. 1. D  
 antiquæ lectionis, à pag. 432. ad 600. secun-  
 dum quam editionem bibliothecis Patrum  
 Colonienfi & Lugdunenfi insertum est. Hanc  
 varietatem quidam ipsi auctori tribuunt, cui  
 evenerit, quod olim & hodie multis scripto-  
 ribus, qui fœtum lambendo formare, variare,  
 & subinde augere solent. Alii descriptoribus,  
 quorum alius nonnulla adjecerit, alius rese-  
 cuerit, pro suo quisque captu, inquit Auber-  
 tus Miræus in notis ad caput 12. libri Honorii  
 Augustodunensis de scriptoribus ecclesiasticis,  
 ubi Hermanni Contracti meminit. Hucusque E  
 Nat. Alexand. Blondellus vero differt. Lat. de  
 Papiissæ, pag. 21. ait: Hermannus Contractus,  
 monachus Augiensis anno Domini 1013.  
 Jul. 18. Wolferado Veringe comite, & Hil-  
 trude natus, anno Domini 1054. Bertholdo  
 Constantiensi teste, edito chronico decessit:  
 quod quum diversim nuper excusum sit, va-  
 riantium editionum παραλλήλισμὸν institue-  
 mus. In edit. Francofurtensi anno 1613. ad  
 annum 846. Leo IV. Papa 105. annis novem

(sedit) mensibus 3. diebus 6. (ad marg. Blon-  
 dellus notat, p. 22. Nec 105. Leo, sed 101.  
 nec anno 846. sedere cœpit, sed 847. April.  
 12. fer. 3.) Ad ann. 848. Walafrius Strabo  
 abbas Augiensis, vir doctus obiit. Ad ann. 855.  
 Benedictus III. Papa 106. annis 2. (sedit) men-  
 sibus 6. diebus 9. Leo Papa, Trogo, & Rabanus,  
 Hiligart regina obierunt. Lotharius Imperator  
 obiit: pro quo filius ejus Ludovicus imperavit  
 cum fratre Lothario annis 19. (Ad margin.  
 Blondellus: Leo Julii 17. Drogo Metensis  
 Novemb. 8. Lotharius Septemb. 29. Rabanus  
 anno sequenti decessit: Hildegardis Theo-  
 dori comitis uxor, Regina dicitur, quia Lu-  
 dovico Pio patre nata est.) Ad annum 857.  
 Benedictus Papa obiit. (Ad marg. Blondellus:  
 imò anno 858: April. 8.) Ad annum 858.  
 Nicolaus Papa 107. doctus, annis 9. (sedit)  
 diebus 9. (Ad marg. Blondellus: imò annis 9.  
 mensibus 6. diebus 20. ab anno Dom. 858.  
 April. 24. fer. 1. ad 867. Novemb. 13. fer. 7.)  
 In editione autem Colonienfi anni 1618. ad  
 annum 846. Romæ Leo IV. sedit annis 9. &c.  
 Ad annum 847. Moguntiae Otgarius archiepi-  
 scopus obiit; pro quo Rabanus Fuldenfis abbas,  
 doctissimus archipræsul sedit annis 9. Ad an-  
 num 849. Walachfridus abbas Strabo obiit  
 pro quo Folcwinus XIII. præfuit annis 9. Ad  
 annum 855. Lotharius Imperator relicto  
 mundo, &c. monachum se fecit, &c. Ad  
 annum 856. Rabano Moguntinensi archiepi-  
 scopo pridie nonas Februar. defuncto, Carolus  
 Pipini regis Aquitaniæ filius, qui è custodia  
 Corbeiensis cœnobii ad patrum Ludovicum  
 transfugerat, archiepiscopus ab ipso promor-  
 præfuit annis 8. Hildigard Regina obiit. Fuldis  
 Harro abbas obiit, Thietoque successit, &c.  
 Romæ Leone defuncto Benedictus Papa sedit  
 annis 2. mensibus 6. Ad annum 858. Romæ  
 post Benedictum Nicolaus Papa sedit annis 9.  
 In ista lectionum varietate, unum fixum  
 manet in quo & sibi constat utriusque editio-  
 nis Hermanni chronicon, Leoni scilicet IV.  
 successisse Benedictum III. quem post annos  
 duos & menses sex excepit Nicolaus anno 858.  
 qua certe epocha admissa, biennium Papiissæ  
 Leonem IV. inter & Benedictum III. penitus  
 evanescit.

Decimo-quinto, Leo IX. Papa, post  
 Blondellum loquor pp. 20. & 21. anno Do-  
 mini 1054. April. 19. denatus, epistolæ ad  
 Michaëlem Constantinopolitanum Patriar-  
 cham, & Leonem Achridæ Bulgarorum ar-  
 chiepiscopum, anno 1053. datæ, cap. 23.  
 (ait:.) Absit ut velimus credere quod publica  
 fama non dubitat asserere Constantinopolitanæ  
 ecclesiæ contigisse, ut Eunuchos contra primum  
 sancti Nicæni concilii capitulum passim promo-  
 vendo, fœminam in sede Pontificum suorum



sublimasset aliquando. Hoc tam abominabile scelus detestabileque facinus, etsi enormitas ipsius, vel horror, fraternaque benevolentia non permittit nos credere; considerata tamen incuria vestra erga sanctorum censuram canonum, quia Eunuchos & aliqua parte corporis imminutos, non solum ad clericatum, sed ad Pontificatum etiam indifferenter & solemniter adhuc promoveris, fieri potuisse pensamus. Si ducentis ante annis, subdit Blondellus, Leonis IV. loco Joannam sedisse constabat, an non insanus fuisset Leo IX. confirmile dedecus ex incertæ famæ rumusculis haustum, Constantinopolitanis exprobrare ausus, meritis confestim inhumanæ dicacitatis injuria provocatis pœnas daturus? judicent rerum periti. Huic criminationi in Græcos ansam fortassis dedisse Herchempertum conjicit Mabillonius *to. 3. annal. Bened. num. 86. pag. 42.* Is enim somnium referens Arechisi principis Beneventani, illi ait à dæmone in somnis fuisse suggestum, Patriarcham qui Constantinopoli recens electus fuerat, scēminam esse sub clericali veste sexum mentitam, quod Arechisus, misso in illam urbem nuncio, detexerit, idque pro pudium ab illa sede repellendi auctor fuerit. Fabula est proculdubio: sed quid Michaëlem Cerularium Patriarcham Constantinopolitanum sedis Romanæ hostem infensissimum, Græcorumque separationis ab illa præcipuum incentivum impedivit, quominus fabulam similem de Papissa Leoni regereret, nisi quod hæc toti orbi hucusque esset ignota?

Alii scriptores sæculorum XI. & XII. quorum testimonia profert Blondellus *pag. 24.* eodem modo, post Leonem IV. in sedem Romanam evectum esse Benedictum III. perhibent. Sic Hugo Floriacensis, qui ante annum Dom. 1059. scribebat, siquidem eo anno Philippi I. Regis Franciæ coronationi interfuit Rainerius ejus successor, hæc ait in *chronico lib. 6. In Romana ecclesia Papæ Gregorio Sergius successit, & Sergio Leo IV. & Leoni Benedictus, & Benedicto Nicolaus.* Sic Florentius Vigorniensis monachus, de quo Joannes Pitseus Anglus, *Relationum historiar. de rebus Anglicis, to. 1. Paris. 1619. ait p. 197. Ex Mariano Scoto, & quibusdam aliis, chronica scripsit, in quibus agit de Pontificibus & Imperatoribus Romanis, Marianum quidem abbrevians quodam modo, sed res plures paucioribus verbis complectens, & multa, de regibus præsertim Angliæ superaddens. Deduxitque historiam ab initio mundi usque ad finem vitæ suæ, hoc est ad annum Domini 1119. Titulus est, Chronicon chronicorum. In eo autem chronico, ad annum 843, legitur: Anno 843. Gregorius Papa obiit. 844. Sergius 101. Papa. 853. (imò 847. inquit ad margin. pag. 24.*

A Blondellus) *Leo Papa 102. post Petrum. 855. Benedictus 103. Papa post Petrum. 858. sanctus Nicolaus Papa 104. Sic Honorius Augustodunensis ecclesiæ presbyter & scholasticus, in serie Pontificum ad annum Domini 1130. continuata; Sergius junior Roman. 3. annos. Leo IV. Roman. annos 8. menses 3. dies 6. Benedictus III. Roman. annos 2. menses 6. dies 6. Nicolaus Roman. annos 9. menses 6. dies 30. (20.) Sic Nicolaus Manjacutius catalogo Romanorum Pontificum.*

B *Gregorius quartus, & Sergius, & Leo quartus Pontifices dicti, post quos legimus Benedictum. Hinc Nicolae tuo tua gaudet Roma decore.*

Hos versus recitat Mabillonius in præfat. *part. 2. actorum sanctorum sæc. 6. Bened. §. 1. num. 6.* ut anonymi Poëtæ sæculi XII. qui sub pontificatu Eugenii III. mortui anno 1153. florebat. Sic tandem chronicon bibliothecæ regiæ manusc. numero 1349. teste eodem Blondello *pag. 26.* in quo duo extant Romanorum Pontificum catalogi, quorum prior desinit in annum 1124. uterque autem Benedictum III. Leoni IV. successum notat. Addit Pagius *tom. 3. crit. annal. Baron. ad annum 853. num. 14. p. 624. col. 2.* in nullis catalogis Pontificum Romanorum, sive Vaticanis, sive Colbertinis, sive aliis, ante annum 1400. exaratis, Pseudopapissæ Joannæ nomen haberi: quod tamen in variis catalogis post eum annum confectis, & à se visis, inscribitur. De eadem Joanna pariter prorsus silent, ex eodem Blondello *pag. 24. & seqq.* Conradus à Lichtenaw, abbas Urspergensis, cujus chronicon ex vetustioribus contextum in annum Dom. 1229. terminatur: Albertus Stadenfis, qui circa annum 1240. chronicon edidit; Albericus qui chronicon ducit usque ad annum 1241. Vincent. Bellovac. in *Spec. hist. capp. 36. & 37.* qui an. 1264. obiit. Guillelmus Nangiacus cujus chronicon non excedit annum 1301. Mathæus Westmonasteriensis in Anglia cœnobii monachus qui florebat anno 1377. Is, licet jam tunc à centum circiter annis fabula Papissæ, multorum recentiorum scriptorum, ut & vetustiorum interpolatorum ac corruptorum quorundam, operibus ventilaretur, ejus tamen minime meminit: hæc enim habet *lib. 1. chronici ab exordio mundi usque ad ann. 1377. Londini 1570. pag. 303. Anno gratiæ 847. Leo Papa sedit in cathedra Romana annis 8. mensibus 3. diebus 6. & cessavit sedes mensibus duobus.* (Ad margin. Blondellus ait, *pag. 26.* vacationis tempus numero rotundo usus notavit Matthæus; fuit enim post Leonis obitum dierum 73. interpontificium) pergit Matthæus *p. 308. Anno gratiæ 855. Leone Papa defuncto successit ei*



successit ei Benedictus annis duobus, mensibus 6. & diebus 10. Et pag. 309. Anno gratiæ 858. defuncto Papa Benedicto, Nicolaus sedit in cathedra Romana annis 9. mensibus 2. (lege 6.) & diebus 20. Gobelinus demum Persona Halberstadiensis ecclesiæ præpositus, qui in chronico ad annum 1418. desinente, Benedictum III. Leoni IV. sufficit. His auctoribus à Blondello productis adversus fabulam Papissæ, plures alii ex superioribus sæculis adjungi possent, ut Lambertus Schafnaburgensis cœnobii Hirsfeldensis in diœcesi Moguntina monachus, qui vestem religiosam induit anno 1058. rerumque Germanicarum texuit historiam usque ad annum 1077. editam in collectione illustrium veterum scriptorum rerum Germanicarum à Joanne Pistorio adornata. Hugo Flaviniacensis, hujus cœnobii abbas electus anno 1097. qui in chronico Viridunensi, tom. 1. novæ biblioth. mss. Labb. p. 120. ait: Anno 844. mortuo Gregorio Sergius Papa succedit, & tres annos administrato sacerdotio Leoni III. (IV.) dereliquit; & post annos.... succedit Benedictus III. annis duobus. Et (post hunc) Nicolaus I. qui exactis in sacerdotio decem annis Adriano sedem reliquit anno ab Incarnat. Dom. 867. Joannes quoque Iperius monachus sancti Bertini in Belgio, qui in chronico deducto ab anno 590. usque ad annum 1294. apud Edm. Martenne tom. 3. Thesauri novi Anecdotor. à col. 445. ad col. 776. ubi legitur, col. 515. C. Sedit Leo annis 8. mensibus 3. diebus 6. Post quem fuit Papa Benedictus III. qui porticum à porta civitatis usque ad sanctum Paulum, & abhinc usque ad sanctum Laurentium restauravit, & sepultus est ad sanctum Petrum, sedit annis 2. mensibus 6. & cessavit sedes diebus 15. cui successit Nicolaus I. Obiit ille auctor anno 1383. Mitto Leonem Ostiensem, Joannem Cremonensem, &c. ut rem longe gravioris momenti discutiam, num scilicet Marianus Scotus, Sigebertus, Radulphus Haviaci in Bellovacis monachus, Galfridus Arthurus, Otto Frisingensis, & Godefridus Viterbiensis, scriptores XI. & XII. sæculi, quos Blondellus pag. 2. & seq. & post ipsum auctor differt. Gallicæ de Joanna Papissa, à pag. 57. ad 72. præcipuis Joannæ pontificatus inter Latinos assertoribus accensent, aliquid reipsa de illa Pseudopapissa in genuinis scriptis prodiderint. Nec Martinus, verba sunt Blondelli pag. 63. de Martino Polono loquentis, ex incerto rumore, sed ex antiquorum Mariani, Rudolphi, Ottonis, Galfridi, Godefridi, &c. testificatione, Papissæ assertor fuit.

Primo itaque occurrit Marianus Scotus. Is in Scotia vel Hibernia natus anno 1028. Ordini S. Benedicti Coloniae nomen dedit  
Tomus III.

anno 1056. & obiit Moguntia anno 1086. ætatis 58. Chronicon autem scripsit à Nativitate Christi usque ad annum 1083. à Pistorio inter veteres rerum Germanicarum scriptores editum. Legitur quidem ad ann. Christi 853. Lotharii XIII. lib. 3. atat. 6. illustr. scriptor. Germanicor. tom. 1. pag. 442. Leo Papa obiit kal. Augusti, & ad annum sequentem 854. Lothar. XIV. Huic successit Joanna mulier annis duobus, mensibus quinque, diebus quatuor. Blondellus relatis his Mariani verbis, in tabella quæ paginam 44. subsequitur differt. suæ Latinæ, sic ratiocinatur: 1.º Si postquam Leo IV. kal. Aug. anni 853. decessit, annis 2. mensibus 5. diebus 4. sedit Joanna, ultra anni 856. metas ejus pontificium protrahi nequaquam potest. Fac enim (quod Albertus Stadenfis & Westmonasteriensis diserte negant, nec cum feriæ primæ in 29. Septembris incidentis caractere, quo dies incarnationis Benedicti insignitur, aut cum legatione Lotharii Anastasium Benedicti æmulum submoventis componi potest) fac, inquam, post mensum 5. interpontificium, anni 854. Januario mense Leoni successit Joannam: perierit certe anni 856. mense Junio; vacaveritque ab ejus obitu sedes mensibus ad minimum 6. quod nemo hactenus somniavit. 2.º (Leonem) quem pontificatus anno septimo currente decessisse statuit, annis 8. sedisse (nihilominus,) perperam secumque pugnans scribit. 3.º Nec kalendis Sextilibus anni 853. quo concilium episcoporum 67. Romæ Decembris (die) 8. congregavit, sed anni 855. Julii (die) 17. denatus Leo est. Et postea pluribus interpositis: Ne igitur insanam Mariano temere omnia turbandi libidinem affingamus, semel eum in Joannæ gratiam somniasse, quam perpetuo delirio laborasse, credere malumus. Ita Blondellus de Mariano Scoto. Verum quum, ipsomet fatente, Joannæ pontificatus non obstet quin Marianus in chronologia secum plurimum pugnet, & cum aliis scriptoribus, ut etiam constat ex innumeris in chronologia erroribus, quorum non paucos annotat Nat. Alexand. 10. 6. in-fol. differt. 3. pag. 233. hinc minime sequitur, ipsum de Joanna specialem fecisse mentionem. Et certe, ad annum 857. qui juxta ipsum quartus esset post mortem Leonis, ait: Benedictus 103. Papa post Petrum sedit annis 2. mensibus 6. diebus 6. Sergium autem Leonis prædecessorem paulo supra dixerat 101. Papam post Petrum: ex quibus patet ab ipso Joannam non computari in numero pontificum. Porro hanc de Joanna Papissa relationem non esse ipsius Mariani, sed appendicem ejus textui insertam, idque non ante sæculum decimum-tertium, colligit Leo Allatius in confutatione fabulæ de Joanna Papissa ex monumentis Græcis, num. 3. apud  
E c



Augustin. Oldoinum, de vitis Romanorum Pontif. & sanctæ Romanæ ecclesiæ Cardinalium, 10. 1. col. 627. & apud Pagium tom. 3. crit. anal. Baran. ad annum 853. num. 14. ex eo quod in sinceris Mariani codicibus hanc non extitisse scriptor non ignobilis, qui metropolim Alberti Krantzii notis illustravit, testatus fuerit lib. 2. p. 100. edit. Colonienfis anno 1574. curatæ; sed notam, quæ id indicabat, à typographis Francofordiensibus fuisse erasam. Subdit Pagius *ibid.* anno 1654. Lucas Wadingus, suis libris omnibus notus, ostendit mihi veterem codicem manusc. Mariani, ac exemplar quod ex eo describi jusserat, ut illud typis mandare posset; tum quod in titulo Marianus, non *Scotus*, sed *Hibernicus* vocatur: tum quod in libro 3. nulla Joannæ Papissæ mentio habetur. Sed morte (ejus) paulo-post superveniente, consilium illud ad effectum non est perductum; non sine tamen litterarum detrimento, quum in fine laudati manusc. extent variæ epistolæ de ratione Paschatis, quas percurrere cogitaveram, ut viderem an Petavius in appendice ad tomum secundum de Doct. Temp. aliquam ex id genus epistolis prætermiserit. Præterea initio ejusdem codicis manuscripti habetur parvum chronicon consulare ad imperium Gallieni spectans. Exemplar istius codicis servatur nunc Romæ in conventu sancti Isidori, sed autographum ad bibliothecam Vaticanam, aut ad aliquam aliam Urbis pertinebat. Observat rursus idem Pagius argumentum magnum esse, in antiquis Mariani Scoti codicibus non reperiri istam fabulam, quod à nullo ex illis qui post ejus tempora præfatæ fabulæ primi meminerunt, ipse Marianus in hujus sententiæ patrocinium adducatur: imò quod Ptolemæus de Luca Ordinis Prædicat. qui non ante annum 1313. suam historiam ecclesiasticam edidit, utpote quam dicavit Guillelmo de Baiona presbytero Cardinali ejusdem Ordinis, ad hanc dignitatem evecto mense Decembri anni 1312. hæc asserat, lib. 16. cap. 8. de Leone IV. agens: *Omnes quos legi, præter Martinum* (Polonum, cujus nempe exemplar jam interpolatum in manus ejus inciderat) *tradunt post Leonem IV. fuisse Benedictum III. Martinus autem Polonus ponit Joannem Anglicum VIII.* Legerat porro indubiè Ptolemæus, ad suam historiam conficiendam, Marianum Scotum, Sigebertum, aliosque celebriores qui in simili instituto ipsi præiverant. Vidimus supra col. 431. E. Florentium Vigorniensem monachum, qui obiit anno 1119. id est 33. duntaxat annis post mortem Mariani Scoti, cujus chronicon compendiosè tradidit, nihil de Joanna asserere, quam utique apud Marianum non

A legerat, sed Leoni IV. Benedictum III. immediate subrogare. De Mariano adhuc, cum Sigeberto, nunc sermo redibit.

Secundo igitur Sigebertus. Is ex Natal. Alexand. 10. 6. in-fol. hist. eccl. sæc. XI. & XII. cap. 6. art. 3. pag. 514. col. 2. Gemblacensis in Brabantia monachus Ordin. S. Benedicti, multa scripsit, inter quæ non infimum locum tenet chronicon ab anno æræ Christianæ 379. ad annum 1112. obiit autem anno 1113. die 5. Octobris. In illo opere, juxta edit. Joan. Pistorii, illustr. veter. script. German. Francoforti 1613. 10. 1. pag. 565. ad annum 853. Lotharii Imper. XIII. & Ludov. filii ejus regis German. IX. legitur: *Normanni per mare Britannicum ostia Ligeris ingressi, urbem Nannetum invadunt, episcopum Sabbato sanctæ Paschæ baptismum celebrantem trucidant, clerum & populum perimunt. Inde Andegavum, deinde Turonos occupant, & ut tempestas omnia diruunt, templum etiam sancti Martini incendunt.* Et statim nihil interposito subsequitur: anno 854. Lothar. XIV. Ludov. X. *Fama est hunc Joannem sceminam fuisse, & uni soli familiari tantum cognitam, qui eam complexus est, & gravida facta peperit Papa existens. Quare eam inter pontifices non numerant quidam, ideo nomini numerum non facit. Hincmarus Remorum archiepiscopus in Francia claret, qui vitam sancti Remigii scripsit. Benedictus Romanæ ecclesiæ 102. præsidet. Supra ibid. dixerat ad ann. 847. Lothar. VII. Ludov. III. Leo V. (id est IV.) Romanæ ecclesiæ 101. præsidet. Auctor anonymus dissert. Gallicæ de Papissa pag. 69. his Sigeberti verbis fama est, &c. præmittit: Joannes Papa Anglus, ex edit. Paris. an. 1513.* D Item Blondellus Joannes Anglicus, in tabella ad pag. 44. Sed palam est hæc verba Joannes Anglicus, non fuisse in cod. ms. quo usus est Pistorius, non enim ea haud dubiè prætermisisset. Nulla autem hic connexio, ut patet, istius assutamenti de Joanne scemina, vel cum eo quod immediate præcedit, vel cum eo quod statim subjicitur. Assutamentum proinde jure dico, præsertim quum in autographo cœnobii Gemblacensis à Miræo edito prorsus desit. Hinc utique Sandovalii Cardinalis index expurgatorius pag. 109. inquit E idem Nat. Alexand. *ibid. dissert. 3. pag. 255. col. 1. in editionibus Sigeberti, in quibus hæc lacinia extat, hæc ad marginem adscribi jubet: Hos quinque versus de Papa Joanne suppositios esse, nec reperiri in autographo affirmant viri docti.* Nec levis conjectura est, Joannæ Sigebertum non meminisse in chronico, quod Albericus, Sigeberti exscriptor, ut notat ipsemet Blondellus, pag. 25. de Joanna sileat: quod Vincentius Bellovacensis, qui, ex eodem Blondello *ibid. Speculi histor. volum. 3.*



capp. 36. & 37. Sigeberti verba mutuatur, non A tamen, vel Joannæ, vel Benedicti meminerit: quod etiam Guillelmus Nangiacus sancti Dionysii monachus, ex eodem Blondello ibid. Sigeberti de Leone IV. & successoribus, nulla Joannæ facta mentione, verba exscripserit. Difficultatem vidit ipse Blondellus, propter quam in tabella jam memorata sic loquitur: *Vix quicquam in tota hac periocha sani. Nec enim Benedictus ad papatum anno Domini 854. erectus est; nec ei tunc locum fecit Leo, nec nisi defuncto Lothario præsedit, prout nos supra monuit Ado: nec, si vivente Lothario anno Domini 854. præsedisse dicatur, ullus Joannæ pontificio locus reliquus fiet: nec assignata Joannæ eidem 29. mensium sede, ut anno 852. Leoni IV. successisse fingatur, integrum Leoni sexennium supererit, quem octennio & quod excurrit clavum tenuisse apud antiquos omnes in confesso est. Quum igitur interjectum, inter Joannæ Benedictique nomen, Hincmari elogium depravati loci suspicionem augeat: in Alberico, Vincentio (Bellovacensi,) Guill. Nangiaco, &c. perpetuis Sigeberti exscriptoribus, Joannæ ejusdem desideretur mentio: ipsisque eadem Sigeberti hypothesebus adversari videatur, minus eorum sententiæ repugnandum fuerit, qui Sigeberti manuscriptis, sive à Galfredo Monumethensi, sive ab aliis infartam volunt. Addit præfatus Natal. Alexander, Papissæ fabulam cum iis etiam cohærere non posse quæ postea habet Sigebertus ad eundem annum his verbis: *Benedictus Romanæ ecclesiæ centesimus secundus præsidet. Hoc conspiratione malignorum deposito, Anastasius præsulatum invadit: sed Anastasio à legatis Imperatoris Lotharii dejecto, & in carcerem truso, Benedictus honorifice relocatur.* Hæc, inquam, verba fabulam de Papissa destruunt, eamque à Sigeberto assertam non fuisse demonstrant; quia (quum Lotharius obierit eadem die qua Benedictus ordinatus est, 29. Septembris, vel die præcedenti, si tunc Leoni die 17. Julii defuncto successisset Joanna) eo adductus esset Sigebertus, ut eodem tempore Benedictum III. cum Joanne foemina in sede Pontificia collocaret. Augustinus Oldoinus tom. 1. hist. Roman. Pontif. & DD. Cardin. col. 637. monet Sigeberti chronicon corruptum fuisse palam fieri ex mss. antiquissimis ejus exemplaribus, in quibus nihil prorsus de Papa Joanne foemina habetur. Edidit sane ante nonnullos annos summa diligentia & fide Sigeberti chronicon Aubertus Miræus, is autem sic notat ad annum 854. *Hoc loco, nulla in Gemblacensi, Aquicinctino, Lipsiano, aut Orteliano mss. codicibus, quid tale adscriptum legitur, ut sunt interdum nonnulla recentiore manu ad margines adjecta: itaque certum est hanc de Joanne Papissa fabulam**

Tomus III.

Sigeberto nostro falsissime attribui. Et vero extat adhuc in Gemblacensi cœnobio, ubi asceta fuit Sigebertus, antiquissimum exemplar mss. quod ipsius Sigeberti autographum esse proditur: at in eo codice præsertim conspiciendo Joannes Molanus celebris ille doctor Lovaniensis, qui hoc ipsum volumen se contrectasse testatus est, asserit nullam penitus Joannis foeminæ fieri mentionem. Author anonymus differt. Gall. de Papissa memorat p. 70. codicem antiquissimum Sigeberti in pergamento post chronica Eusebii & Prosperi extare, exaratum anno 1154. ut in principio hujus codicis legitur, qui olim ad monasterium Corbeienſe pertinebat, sed nunc juris est biblioth. Leydensis: in eo autem codice nihil dici de Papissa; collatione tamen facta inter hunc codicem, & eum quo usus est Miræus, multa reperiri addita & detracta, nec proinde purum esse Sigeberti exemplar. Verum supponatur, quantum libuerit, unum illorum ex altero fuisse descriptum, quum in neutro exhibeatur historia de Papissa, nihilque erasum appareat in utroque, palam est in duobus illis codicibus Sigeberti antiquissimis, semper defuisse historiam de Papissa, cujus proinde Sigebertus nequaquam meminerit. Tandem Mabillonius 10. 3. annal. Bened. lib. 34. n. 86. p. 41. de Mariano Scoto & Sigeberto Gemblacensi, hæc animadvertit. Huc intrudunt indocti quidam, & male feriat homines Joannam Pseudopapissam, hancque fabulam Mariani Scoti, Sigeberti Gemblacensis monachi, imò & Anastasii bibliothecarii testimoniis adstruere conantur, quos certum est nihil tale unquam scripsisse, ut ex sinceris eorum libris manifestum est. Vidit Miræus, vidimus & nos post eum, in bibliotheca Gemblacensi quæ nuper incendio consumpta est, exemplar autographum Sigeberti: item Mariani chronicon, ipsius Sigeberti ætate exaratum: vidimus & alia plura utriusque chronici in aliis bibliothecis ejusdem fere antiquitatis, in quibus nihil prorsus de Joanna illa commentitia occurrit: neque in Alberico qui eos exscribere solet. Multo minus in Anastasio, in cujus genuinis codicibus, Benedictus mox à Leonis obitu uno consensu electus memoratur. Denique Onuphrius Panvinus in annotationibus ad Joannem VIII. seu Papissam de qua mentionem facit Platina de vitis summor. Pontif. ait eo loci pag. 105. Primus autem qui hujus foeminæ fabulam tradiderit, fuit Martinus quidam, ut ferunt, Polonus, monachus Cisterciensis, &c. (De eo Martino vide supra coll. 381. 382. & seqq.) eam enim in nullo qui ante ipsum scripserit, inveni, præterquam in uno Sigeberti chronico, in quo inter Leonem & Benedictum, ita

E e ij



scriptum est: *Joannes Papa Anglicus, fama est, &c.* Cæterum hanc rem ex insertionibus Galfridi monachi qui post Martinum vixit, aut Roberti qui Sigebertum supplevit, esse, testimonio est, quod in antiquis, veris, & germanis Sigeberti exemplaribus non extat.

Tertio, Radulfus Ordinis Benedict. monachus in cœnobio Flaviacensi sive Flaicensi sancti Geremari diœcesis Bellovacensis sæculo XII. perperam allegatur, ceu qui Joannæ Papissæ Pontificatum adstruxerit. Hunc doctorem præcipuum, & eximiam conversationis virum prædicat vetus codex manusc. in bibliotheca sancti Germani à Pratis, teste Nat. Alexand. 10. 6. in-fol. hist. eccl. sæcul. XI. & XII. cap. 6. art. 14. pag. 534. num. 3. col. 1. Viginti libros Commentarior. in Leviticum composuit, qui extant in biblioth. Patrum edit. Lugd. 1677. tom. 17. à pag. 47. ad pag. 246. Præter hos libros, Trithemius ei adscribit libros 14. in epistolas Pauli, librum unum hist. Francor. & librum unum chronici brevis. Initio hujus tom. 17. *Bibl. Patr.* de eo auctore dicitur: scripsit diversa opera, ex quibus tantum hic extant lib. 20. in Levit. Philippus Labbeus *ibid. relatus pag. 48.* ait: Viderat chronicon hoc (scilicet Alberici) David Blondellus, ideoque in tract. de Joanna Papissa Radulfum Flaviaci monachum, non ad sæculum x. sed ad XII. retulit, in eo duntaxat hallucinatus, quod anno 1157. defunctum fuisse referat, quum tamen Albericus illo duntaxat tempore floruisse eum asseruerit. Idem Labbeus 10. 8. concil. col. 188. ad Maresii pro Pseudopapissa scribentis argumenta respondens, hæc scribit: Falsum est quod subdit, Radulfum Flaviacensem Joannæ Pontificatum recensuisse. Proferat enim, amabo, vel verbulum ex libris ejusdem 20. in Levit. aut aliis operibus. At id habet Blondellus. Esto; ea enim sunt ejus verba (pag. 3.) *Radulfus Flaviaci* (in textu Blondelliano legitur, *Haviaci in Bellovacis monachus*) anno 1157. *Alberico, teste, defunctus.* Verum, quod valde notandum est, nec verbatim refert ex editis ejus, aut ex calamo exaratis operibus, nec, ut in cæteris facere solet, locum indicat, ut mihi valde probabile sit, lapsum hic fuisse Blondellum, & *Rudolfum* (sic enim vocat pag. 63.) *Ranulfum*, aut *Radulfum* aliquem alium, cum Flaviacensi confudisse. Quid enim non liceat mihi, quod Maresio, imposuisse memoriosissimo alias viro homonymiam vocis; ac de *Radulfo de Rivo* Tungrensi Decano, qui non anno 1157. sed anno 1403. decessit, accipiendum id esse, quod Flaviacensi Blondellus attribuit! Et rursus *ibid. col. 217.* *Ranulfum* aliquem, *Rudolfum* aut *Rodolfum*, sub *Radulfi* Flaviacensis monachi persona delitescere fa-

gaciter fueram subodoratus supra pag. 188. nunc vero fontem, sive hallucinationis, sive malæ fidei, certo certius deprehendisse mihi videor, facem allucente Timanno Gesselio, medico Ultrajectino communionis Calvinisticæ sacris initiato, qui Blondelli antiquitatis ecclesiasticæ peritissimi argumenta apud doctos non posse esse parvi ponderis contendit, & cum admiratione vidisse se subjungit A catholicorum multos hunc viri candidi candorem ægrè ferre & malè interpretari. Facit, ejus sunt verba, veritati injuriam, qui falsi patrocínio illam opus habere putat: non requirit σοφὰ φάρμακα. Erimus ergo nos adeo δολιρόπιστοι, imò erga Deum immortalem tam insigniter injurii, ut veritatem ab ipso manantem, & ipsum illius verbum de quo dictum est: *Cœlum & terra præteribunt, sed verbum Dei manet in æternum*, nisi mendacio fulciatur, periclitari putemus! absit, absit à piis animis tanta amentia: sed ad rem. Auctor itaque primus apud Blondellum erroris..... fuit Conradus Deckerus in libro cui titulum fecit de Papa Romano & Papissa Romana, quod Joannes VIII. fuerit mulier & puerpera; Oppenheimii ad Rhenum in 8. an. 1612. sic enim ibi loquitur, pag. 430. *Descriptis Radulfus hanc historiam in suo Polychronico lib. 5. cap. 32. Testis locupletissimus & omni exceptione major, utpote in quo veritatis historicæ nulla desiderantur xpm̃ea; & vixit, juxta Trithemium anno circiter 930. ita ut papale hoc puerperium ab iis accipere potuerit qui illud viderunt.* Ex illo (itaque Conradi Deckeri) fonte (qui confundit Ranulphum auctorem Polychronici cum Radulfo Flaviacensi) promanavit error D.... Etenim Radulfus, seu potius Ranulfus qui sui Polychronici lib. 5. cap. 32. Joannæ Papissæ puerperium commemorare dicitur, non fuit Radulfus ille Flaviacensis in diœcesi Bellovacensi Ordin. Bened. monachus qui anno 1157. non vero 910. aut 930. florebat; sed alius ejusdem Ordin. Bened. in Anglia monachus, cognominatus Higdenus, vel ab Higeden, sive ab Hykedem, duobus minimum sæculis Flaviacensi junior, quem Joannes Balæus, Joannes Pitseus, (aliique) Angli scriptores, ac post eos Gerardus Vossius celebrant, docentque ætate confectum obiisse regnante Eduardo III. an. Christi 1377. Imo Joannes idem Pitseus relation. hist. de rebus Anglicis, Paris. 1619. hæc habet de eo Polychronico Ranulfi ab Higeden, 10. 1. p. 516. *Historiam Ranulphi multum quæsum, nunquam inventam, & mihi non visam fateor.* Quis ergo scit an in illo opere de Joanna Papissa reipsa fiat mentio? Hunc nihilominus citat Blondellus inter Joannæ assertores p. 4. *Ranulfus ab Higeden Cestrensis, in annum Dom. 1363.*



vivens. Vide *Polychronic. lib. 5. cap. 32.*

Quarto, de Galfrido hæc Matthæus Paris habet, in *hist. Angliæ* ad annum 1151. pag. 60. col. 1. F. Eodem anno Gaudefridus Arthurus factus est episcopus sancti Asaph in Norwallia, qui historiam Britonum de lingua Britannica transtulit in Latinam. Apud Joannem Pitseum paulo supra citatum, 10. 1. pag. 217. hæc de illo leguntur: «Galfredus cognomento Arthurius, quia de rege Arthuro multa scripsit, natione Britannus, archidiaconus Monimænsis; vir in ecclesiasticis disciplinis insigniter instructus, doctus etiam maximè in omni genere humanioris litteraturæ, chronographus etiam non contemnendus. Quod si in historia Britonum ficta nonnunquam factis, falsa veris, fabulosa sinceris miscuisse videatur, id ei vitio vertendum non est: nam historiam illam ipse non composuit, sed ex Britannico in Latinum sermonem transtulit, *interpres fidus*, ut scribit Matthæus Paris ad annum 1151.... Hæc autem talia Britannica adversaria, ope & opera Gualteri archidiaconi Oxoniensis accepit Galfredus, & simpliciter vertit, veritatem vel falsitatem, quæ penes auctorem esse debet, nequaquam examinans. Certe ego homini multum tribuo: neque enim in Britannicis historiis hoc testimonio ejus, vix aut ne vix quidem aliquid antiquius, gravius, verius similius habemus. A Brito Trojano Britonum rege usque ad Cadwalladrum, qui ultimus ex illa progenie totius, vel majoris partis Britannicæ tenuit imperium, vel jus tenendi prætendit, historiam deduxit, hoc est, usque ad annum Christi 690. (qui scilicet 165. annus fuit ante Papissæ tempora, de qua subinde nec historia illa quidquam poterat tradere, nec ipse tradidit similiter Galfredus, simplex & sincerus ejus duntaxat translator) Has itaque, pergit Pitseus, antiquitates quod cognoscamus, hujus Galfredi diligentiae debemus acceptum referre: nam intercidissent, nisi ipse convertendo conservasset. Præterea Ponticus Virumnius Italus, vir doctus, hoc opus, quasi præcis pilis & unguibus, id est, detractis quibusdam superfluis, dignum judicavit in epitomen redigi, & posteritati commendari. Quod factum apud me non parum auctoritatis tribuere videtur, & ipsi operi, & operis auctori, & Galfredo translatori. Denique si talis fabulator esset Galfredus, qualem apud sese fingunt eum quidam obtrectatores, sane nunquam intuitu meritorum suorum, & imprimis laudatæ doctrinæ, ad episcopatum Asaphensem assumtus fuisset.... cujus prima & simplex versio libros (seu volumina) tantum quatuor comprehendens, nunquam typis mandata, sed Cantabrigiæ in collegio sancti Benedicti manuscripta dicitur haberi. Idem

A etiam opus forsan secundum quædam mutatum typis mandatum est libris octo, & operis proœmium incipit: *Quum mecum multa de multis, &c.* Principium operis: *Britannia insularum optima, &c.* Et dicitur haberi manusc. Cantabrigiæ in bibliotheca publica. Secundum ampliorem denique editionem imprimunt nonnulli sub hoc titulo; nam idem opus esse existimo: *chronicon vel historiam Britonum, libros duodecim, &c.* Multa & prosa scripsit, & versu, non pauca etiam ex Britannico in Latinum vertit. Claruit anno 1152. B Quum Blondellus, qui hunc Galfredum assertores inter Joannæ Papissæ numerat, aliud ejus opus non memoret quam historiam Britonum, eo ipso evidenter indicat illum de ea Papissa non fecisse alibi mentionem. *Galfridus Arthurus Monumetensis*, inquit pag. 3. *Asaphensis ecclesiæ præsul, Britannicæ historiæ consarcinator, & Sigeberti, si Ræmundo (Florimundo,) Binio, &c. credamus, interpolator circa annum Dom. 1150. Vide Ræmundi errorem popularem capp. 5. & 32. Binii notas in vitas Pontif. &c.* Ita Blondellus. At nisi, vel ipse, vel qui quoad hoc ei assentiuntur, ostendant, in hac historia Britonum scriptum fuisse Papissæ pontificatum 165. annis ante quam hæc illum inierit, nunquam profecto constabit illius Galfridum in sua versione Latina meminisse. Saltem proferantur verba, siue historiæ Britonum, siue versionis ejus Latinæ à Galfredo concinnatæ, quibus exhibeatur hæc fabula: aliàs, sicut illa gratis ab eo auctore exarata obtruditur, ita eodem jure nobis id pernegare licebit. Binius, ad quem nos remittit Blondellus, sic loquitur quidem de Galfredo, apud Labb. 10m. 8. conc. col. 153. *quod taceo.... continuator Sigeberti Robertus abbas, ea quæ voluit immutaverit, istamque fabellam, quæ in antiquis (Sigeberti) exemplaribus non legitur, more sciorum intexuerit, acceptaque à Galfrido Anglo Monumetense, prout hac de re non immerito conqueritur Alanus Copus, (qui obiit circa annum 1580.) in chronico Sigeberti congesse.* Verum, inquam ego, minimè probabile videtur à Galfrido interpolatum fuisse Sigeberti chronicon, auctumque ea fabula; tum quia de hoc silet Matthæus Paris, tum etiam quia ex nullo scriptore sæculi XII. habemus fabulam de Joanna Papissa tunc temporis fuisse notam: tum denique quia sæculo sequenti adhuc in Sigeberti chronico deerat hæc fabella, quam ejus exscriptores, ut supra dictum est, & fatetur ipse Blondellus, Albericus, Vincent. Bellovacensis, & Guillelmus Nangius, suis scriptis non inseruerunt.

Quinto, Otto Frisingensis Henrici IV. Imperatoris nepos, ex Natal. Alexand. 10. 6.



pag. 535.  
col. 2. B.

in-fol. hist. eccl. sæc. XI. & XII. cap. 6. art. 15. A subinde probabiliter voluit adstruere hoc Henrici V. sororius, Conradi regis frater uterinus, Friderici I. patruus, Ordini Cisterciensi nomen dedit, abbasque Morimundensis in Burgundia, ac demum Frisingensis episcopus creatus est. Vir fuit in philosophicis disciplinis ac sacris scripturis doctissimus. Reliquit *chronicorum libros septem*, ab orbe condito ad annum 1146. quibus addidit *librum VIII. de fine mundi & antichristi persecutione*. Hos edidit Christianus Urstius inter illustres Germaniæ historicos. Obiit anno 1158. die 21. Septemb. In catalogo autem Romanorum Pontificum, *chronic. lib. 7. cap. 35.* subnexo, *scriptor. illustr. Germ. pag. 163.* legitur, *Joannes VI. Joannes VII. femina. Sifinnius, &c.* Porro Joannes ille VII. ordinatus est anno 705. centum & quinquaginta annis ante mortem Leonis IV. prætenfamque Joannæ ad pontificatum promotionem. Hunc Ottonem inter Papissæ Latinos assertores numerat Blondellus *pag. 3.* ubi scribit: *Otto Frisingensis episcopus, Henrici IV. Imperat. ex Agnete filia, & Lupoldo Austriæ Marchione nepos, anno Dom. 1158. Septemb. 22. denatus.* Vide *lib. 7. chron. cap. 35.* Et *pag. 80.* De Ottone falsum comperiet (à Ræmundo scilicet Florimundo allegatum) *quislib. 7. cap. 35. evolverit.* Sed ipse non animadvertit, catalogum Romanorum Pontificum, qui extat ad calcem præfati *cap. 35.* Ottonis, non ejus, sed alterius auctoris longè recentioris esse foetum, qui propterea in biblioth. PP. Cisterc. opera P. Bertrandi Tissier ejusdem Ordin. edita anno 1669. *tom. 8. pag. 96.* prorsus omissus est cum sequenti monito: *Sequitur in alia editione (puta script. illustr. in German.) catalogus Pontificum & Imperatorum: sed constat illum non esse Ottonis nostri, qui & in fine capitis 35. dicit se terminum libro VII. imponere. (Omnes hi... hujus septimi operis terminus existant, &c.) & plusquam quinquaginta Pontifices in eo catalogo ponuntur Ottonis ævo posteriores. Ideo illum hic omittimus: caput quoque sequens, quod dicitur ultimum, non est ejus, quum narret ea, quæ post mortem ejus contigerunt.* Et certe catalogus ille Romanor. Pontif. desinit cum Leone X. ex quo evincitur auctorem illius catalogi sub hujus pontificatu vixisse, proindeque sæculo decimo-sexto non esse antiquiorem. Eradendus ergo Otto ille Frisingensis, ex eorum catalogo qui Joannæ Papissæ meminerint. Addo scriptorem hujus catalogi nobis objecti non videri loquutum de Papissa tantopere à sæculo XIII. celebrata, quæ nimirum Leonem IV. inter & Benedictum III. sederit anno 855. siquidem, nec tempus, nec ulla circumstantia hanc indigitant. Nihil aliud

verbulo *femina* Joanni VII. subnexo ille auctor, quam quod conjecit Baronius de Joanne VIII. sicut nempe hic Pontifex, ob nimiam indulgentiam erga Photium, derisionis loco & locutione figurata, dictus fortassis fuerit *femina* sive *Papissa*, ex quo promanaverit fabula de Papissa, ita Joannem VII. in eodem sensu *feminam* fuisse, eo quod canones Trullenses, à se tamen minimè receptos, non satis acriter proscripserit. Nam hoc solum ait ille auctor, *Joannes VII. femina*, Pagius autem observat *tom. 3. crit. annal. Baron. ad annum 879. num. 9.* placuisse magnis viris Baronii conjecturam, ejusque exemplo Papebrochium in Conatu chronico-historico proposuisse an pusillanimitas, non Joannis VIII. sed *Joannis VII.* eidem fabulæ occasionem non præbuerit.

Sexto denique, Godefridus Viterbiensis à patria cognominatus, ex Nat. Alexand. *to. 6. in-fol. hist. eccl. sæc. XI. & XII. cap. 6. art. 16. n. 5. pag. 537. col. 2.* presbyter, Conradi III. Frederici I. & Henrici VI. Imperatorum capellanus & notarius, chronicon universale, partim carmine, partim soluta oratione intermixtis scripsit, ab orbe condito usque ad annum 1186. Multis fabulis refertum illud opus esse critici notant. Hunc nihilominus præcipuis Joannæ pontificatus assertoribus inter Latinos annumerat Blondellus, *pp. 3. & 4. Godefridus Viterbiensis, Imperialis Aulae Capellanus, circa annum Dom. 1186. Vide Pantheonis parte 20.* Et rursus *p. 31.* Sigebertum, prout vulgo editus est, & Godefridum, quos recentiores omnes sequuti sunt, diserte monentes audiant (de Joanna:) *Nomine numerum non facit, Papissa Joanna non numeratur.* Eadem verba *Papissa Joanna non numeratur*, sive *non computatur*, asserit legi, in ea Pantheonis Godefridi *part. 20.* inter Leonem IV. & Benedictum III. auctor anonymus differt. Gallicæ de Papissa, *part. 2. cap. 3. pag. 72.* Extat chronicon illud Godefridi Viterbiensis *to. 2. Germanic. scriptor. ex biblioth. Joannis Pistorii Nidani D. Hanoviæ 1613.* De eo Godefrido, ejusque chronici editione à se concinnata sic præfatur Basilius Joannes Heroldus, qui primus, ut ex ejus verbis colligitur, hoc opus cudi curavit: *Vixit vir ille quadringentesimum annum ante nos, aut paulo amplius, (quod designat hæc à Basilio isto scripta sæculo 16. exeunte aut ineunte sequenti) vivit ac volitat nunc per ora virum, vivetque merito in æternum, &c.* Cæterum, ut ingenue id quod mihi ipsi persuadeo proferam, videor mihi non-nihil, ac ex parte quæ debeo patriæ præstitisse, quod hujus auctoris scripta indagavi, quod illa in publicum edo, atque doctis viris communico.



Wolfgango quoque ab Ussighem, viro memoria (quam semper prae omnibus rebus sibi optabat) in libro vitae dignissimo, quod hunc librum in sua bibliotheca Fuldensi, etiam in maximis bellorum periculis, & saepius praesenti discrimine sodalitatibus suae, conservari integrum, eundemque per me evulgari voluerit, quum litterati homines, quas debent gratias referre nequeant, eas quidem ac maximas agant necesse est Wolfgango Schutzbar (alias Milchling) pientissimi illius mei patroni successoris optimo, &c. Hic enim in bonos, in studiosos, in pauperes admodum beneficis, hanc editionem ut maturarem reipublicae bono saepius admonuit, atque ardentem desideravit. Haec Basilii Joannes Heroldus. Porro verba quae anonymus Gallus fabulae propugnator citat, in Pantheone Godefridi huius editionis minimè reperiuntur: *Leo Papa*, inquit *chronic. part. 20. col. 576. sedit annis octo, mensibus quinque, sub eodem Lothario & filio ejus Ludovico. Benedictus Papa* (nihil de Joanne aut Joanna) *sub eodem (Ludovico) sedit annis duobus. Ludovicus Imperator regnat post patrem suum. Paulus Papa* (fictitius est hic Pontifex sicut & Stephanus quem post eum nominat) *sub eodem Ludovico sedit annis decem, mensibus duobus. Cessat anno uno. Stephanus Papa sedit annis quatuor. Nicolaus Papa sedit annis decem, mense uno. Finit opus his verbis col. 580. Urbanus III. Papa sedit similiter imperante Friderico, & regnante filio ejus Henrico: sedet feliciter, amen: quibus denotat haec à se scripta inter diem 25. Novembris 1185. quo Urbanus III. electus est, & diem 20. Octobris 1187. quo Pontifex ille obiit. Graviter sane hallucinatur in illa Romanor. Pontif. serie hic auctor: sed quum in tot erroribus ab editore sincero emendatus non est, signum est nec verba nobis objecta de Papissa ab eodem praetermittenda fuisse, si in codice mss. extitissent quo ille usus est: in iis enim illustr. scriptor. voluminibus, quaecumque de Joanna Papissa in codicibus mss. occurrerunt, fide integra edita sunt. Speciminis loco sit, quod legitur *tom. 1. praecedenti, Ex eadem bibliotheca Joannis Pistorii Nidani D. Francofurti 1613. in chronica compendiosa, quae est compilatio de diversis excerpta, ab initio mundi ad ann. 1474. Ibi enim p. 731. E* haec habentur: *Sergius hostis Formosi Papa ordinatus brevi tempore sedit. Deinde titulus: De Papissa. Fuit & alius Pseudopapa, cujus nomen & anni ignorantur: nam mulier erat, ut fatentur Romani, & elegantis formae, magnae scientiae, & in hypocrisi magnae vitae. Haec sub virili habitu latuit quousque in Papam eligitur. Et haec in papatu concepit, & quum esset gravida, Daemon in consistorio publice coram omnibus prodit factum, clamans ad Papam hunc**

*Aversum: Papa pater patrum Papissae pandito partum.* Idem nihilominus hujus compilationis chronologicae auctor *pag. superiori 730.* post Leonem IV. Benedictum III. memorat, omisso Joanna Papissa. *Anno Dom. 844. Leo Papa 106. ordinatur, sedit annos 8. menses 5. Hic constituit, &c. Anno Dom. 856. Rabanus archiepiscopus Moguntinus migravit ad Christum. Benedictus Papa 107. ordinatur. Sedit annis 2.* Hallucinatur quidem hic scriptor, tum in chronologia quam affert eo loci; tum in eo quod Benedictum inter & Nicolaum I. *Paulum* quemdam fictitium nominet, quem ait sedisse 10. annis, & duobus mensibus; sed consideratione dignum, quod nullam de Joanna hic faciat mentionem. In eodem volumine, alius auctor anonymus, qui historiam texuit de Landgraviis Thuringiae ait, *cap. 7. p. 912. Sub eodem Carolo (Imperat.) Papa Joannes celebravit synodum in Erfordia, tunc Hildeberto existente archiepiscopo Moguntino, anno Dom. 880. Nota. Iste Papa fuit mulier, & esset VIII, si computaretur inter alios.* Historiam deducit ille auctor usque ad annum 1426. At anno 880. sedem Romanam tenebat Joannes VIII. qui restitutionem Photii anno praecedente admiserat, nec fuit dictus *mulier* nisi ad summum metaphoricè & per contumeliam, ut opinatus est Baronius.

Ex his omnibus sequitur nullum suppetere auctorem saeculo XIII. antiquiorem, quem aliquam de Joanna Papissa fecisse mentionem constet. Undenam ergo hauserunt, hanc Leoni IV. successisse, qui quarto duntaxat postea saeculo id scripserunt nullo praecedente duce? Et certe, quod nulli omnino hominum saeculo nono, vel tribus saeculis sequentibus notum fuit, quomodo ad notitiam posterorum devenit?

Haec profecto fabula non aliunde promanasse videtur quam quod à quopiam, qua intentione, Deus scit, primo excogitata, rumore deinde per vulgus ad quodcunque novum est suo calculo probandum semper paratum sparso, in orbem sensim invecata sit: vel quod ab aliqua alia historia malè percepta ortum duxerit. Innumeri autem auctores, qui exinde Joannae meminerunt, de praetenso ejus pontificatu dissertationes minime texuerunt, quibus quid judicandum foret sedulo perquirerent. Sed fabulam à praecedentibus scriptoribus bona fide susceptam, pro data opportunitate posteris transmiserunt: quorum etiam multi ingenuè profitentur, se de ea historia plurimum dubitare.... Sic Aeneas Silvius epistola ad Joannem Carvajalium die 20. Aug. anni 1451. *Isthic neque juris error, sed ignorantia facti fuit: neque certa historia est.* Sic sanctus Antoninus *part. 2. chronic.*



Rom. cap.  
11. v. 33.

ut. 16. cap. 1. §. 6. relata narratione de Papissa A prout apud Martinum Polonum interpolatum legitur, subjungit: *Vere valde mirandum, & cum Paulo clamandum; ô altitudo divitarum sapientiæ & scientiæ Dei, &c. Si verum fuit quod vulgo dicitur, ut iste refert: & quoddam signum sculpturæ marmoreæ, in via ubi hoc contigit, ob ejus rei memoriam positum dicitur. Vincentius tamen (Bellocensis) in Speculo historiali, & Joannes de Columna nihil de hoc referunt. Sed, etsi fuit verum, nulli tamen ex hoc salutis præjudicium; quia nec ecclesia tum fuit sine capite, qui est Christus, unde influxum gratiæ percipit, nec ultimi effectus sacramentorum quæ illa conferebat, deficiebant eis qui devote accipiebant ab ea, scilicet gratia. Licet illa, sicut nec aliæ scemina, sint susceptibiles characteris alicujus ordinis, nec conficere Eucharistiæ, nec etiam de facto ordinare possint, nec absolvere à peccatis; unde ordinati ab ea erant iterum ordinandi, quia nihil ab ea acceperant: gratiam tamen sacramentorum Christus supplebat in recipientibus dignè, ignorantia facti invisibilis eos excusante à culpa. Addit Augustinus Oldoinus, in vitis summorum Pontif. & DD. sanctæ Romanæ ecclesiæ Cardinal. tom. 1. col. 638. Sanctum Antoninum hanc Joannam omisisse in catalogo brevi Romanorum præsulum. Sic demum Platina in libro de vitis Pontificum edit. Lovaniensis 1572. postquam retulit, sub titulo Joannis VIII. inter Leonem IV. & Benedictum III. ex Martino Polono interpolato, eandem Joannis historiam, pag. 103. addit: *Hæc quæ dixi vulgo circumferuntur, incertis tamen & obscuris auctoribus; quæ ideo ponere breviter & nude institui, ne obstinate nimium & pertinaciter omisisse viderer, quod fere omnes affirmant. Erremus etiam nos hac in re cum vulgo: quamquam appareat, ea quæ dixi ex his esse quæ fieri posse creduntur. Hinc etiam istæ phrasæ Papissæ assertoribus familiares: ut asseritur, fama est, creditur, dicitur, fertur, &c. quæ rem incertam significant. Verum his posterioribus sæculis, quæstione maturius pertractata, & re ab ovo, ut ita loquar, sumpta, diligenterque discussa, veritas manifeste patuit, historia de Papissa, à peritiorum maxima parte communi calculo, inter aniles fabulas amandata est.**

Adde factum istud ex genuina traditione minime profectum evinci ipsa diversitate qua ab auctoribus refertur. Nam, ut observat Blondellus, *differt. Latine pag. 11. 1.º* Nonnulli scriptores Leonem IV. *quintum* dicunt, vel quod Gregorium IV. *Leonem IV.* appellent, à cujus nomine *Leonianam* urbem nuncupatam velint: vel quod *Leonem* nescio quem, Hilarii nostri exagitatore, & Felici II.

Liberii Pontificis æmulo anno Dom. 358. suffectum censuerint.... 2.º Quidam alii, vel ex typographorum incuria, vel quia inter Joannem VI. & Joannem VII. quorum utriusque simul administratio ad integrum sexennium vix pervenit, distinctionem non percepere, Joannem hunc septimum, *Joannam* fuisse dixerunt: Jacobum Philippum Bergomatem, Sabellicum, Volaterranum, auctores sæculi 15. & 16. &c. citat..... 3.º Joannam, anno secundo nondum expleto decessisse asserit Albertus Krantzius: *biennio* pleno, *solidoque mense* exactis Platina & Carranza dies 4. addunt; eidem *sex* dies ultra biennium Achilles Firminius Gassar, *septem* dies Lasiardus, qui auctores pariter sunt sæculorum 15. & 16. At reliqui *quinque menses*, præter biennium, ejus pontificatui assignant... 4.º *Joannem Anglicum*, Sigebertus, vel potius ejus interpolator Martinus Polonus, (rectius dixisset Blondellus utriusque interpolatores, quum Joannam à neutro illorum scriptorum fuisse memoratam supra demonstratum sit) Palmerius, Platina, Rolwinck, Sabellicus, Naclerus, Krantzius, Trithemius, Lasiardus, Textor, &c. vocant. *Natione Anglicum, ex Anglia profectum* Bergomas & Gassar: *vocatum de Anglia* Theodoricus à Niem putat: *natione Moguntinum* Martinus & Rolwinck; *ex Moguntiaci* Platina: *Moguntiaci oriundum* Sabellicus; *de Moguntia natum* Theodoricus à Niem asserit, sæculorum 15. & 16. scriptores.... 5.º *Joanna* post 106. Papam Palmerio, post 105. Carranzæ, post 103. Mariano, post 102. Sigeberto sedisse fertur.... 6.º *Declinata viæ* à Pontificibus Romanis meminit Martinus Polonus (id est ejus interpolator,) *statuæ*, (de qua infra) Theodoricus à Niem anno 1414. *sedis perforatæ* primus Guillelmus Brevinus circa ann. 1470. meminere: aliis post annum 1540. scribentibus *Magiæ deditam, insuper Ludovici II. Imperatoris coronatricem*, Joannam fuisse scribere placuit: ut lambendæ quam informem primus infelicitè excluderat Marianus massæ, verba sunt Blondelli, p. 12. 454. annorum periodus vix suffecisse videatur.... 7.º *Agnetem* dictam Hussus, lib. de Ecclesia, Galethus apud Æneam Sylvium epist. 130. Fulgosius, Francus, &c. *Gelibertam* Balæus, centuriatores, &c. nominatam fuisse hanc Papissam tradunt. Qui verò *Isabellam*, qui *Margaritam*, qui *Juttam*, qui *Dorotheam*, qui *Joannem IX.* eandem appellaverint; qui anno sive 857. sive 858. collocaverint præter Bergomatem: qui denique vel anno 904. post Benedictum IV. vel 653. post Martinum I. vel 686. post Joannem V. quicquid post Ræmundum Florimundum Baronius & Binius asseruerint, inquit idem Blondellus pag. 13. sive



five ex Protestantibus, five ex Romanæ ecclesiæ communicatoribus, hactenus innotuit nemo..... 8.<sup>o</sup> Quum apud omnes qui Papissam in natura rerum usquam fuisse crediderunt, post Leonem IV. & ante Benedictum III. hanc sedisse in confesso sit, quisquis deinceps annorum 852. & 858. lineas transilire in animum induxerit, extra chorum saltare, singularem, veteribus ignotam, ἀτοπον, quæque iisdem quibus communis urgetur incommodis obnoxia sit, sententiam propugnare merito videbitur. Hæc Blondellus, qui ingenuè agnoscit, historiæ Papissæ assertores, in præcipuis ejus circumstantiis enarrandis, inter se minime esse consonos.

Nec regerat auctor anonymus dissertationis Gallicæ pro Papissa, perperam inferri à nobis, ex eo quod scriptores Benedicto III. coætanei vel suppres, nihil tradiderint de Joanna quæ ante ipsum post Leonis IV. mortem sedit, hanc ipsorum temporibus minime fuisse notam: nam alii quidem, quando asseruerunt, *Leone è vivis substracto, Leone obeunte, post Leonem*, promotum fuisse Benedictum: non ideo excluderunt pontificatum Joannæ, sed hac loquendi formula significare duntaxat voluerunt, *Benedictum post Leonem sedisse*, licet non immediate, sicut Romani Pontifices dici consueverunt *Petri successores*. Alii vero, utpote sedi Romanæ scrupulosius addicti, abhorruerunt à mentione facienda de Papissa, ex qua non parum dedecoris in hanc sedem redundasset; ejus insuper decretis retinebantur districtè vetantibus ne inter Pontifices Romanos Joannes scœmina ullatenus computaretur, eorumque numerum augeret, de quibus proculdubio decretis intelligendus occurrit auctor præfat. ad Indicem Martini Poloni, quum ait: *Nisi obstarent summorum Pontificum decreta, computationes Martini exhiberent viginti duos Joannes Romanos Pontifices*. Alii denique, licet sedi Romanæ insensu, ut Photius, pluresque, tum Græci, tum Latini, qui à Romanis Pontificibus graves tulerant injurias, noluerunt tamen historiam Papissæ propalare, ex qua lites ipsorum cum ea sede minime dirimendas fore perspicerent, ne in ultionem solam ac recriminationem egisse putarentur, suæque moderationis laudem amitterent.

Verum quam hæc futilia sint, ut nihil amplius dicam, judicet æquus lector: An, amabo, non eodem sensu aiunt scriptores à nobis recitati, Leoni IV. successisse Benedictum III. quo asserunt ibidem Gregorio IV. successisse Sergium II. Sergio Leonem IV. Benedicto III. Nicolaum I. Nicolao Adrianum II. &c. Si igitur omnes illæ successiones, sunt duntaxat mediatae, interjectis Pontificibus

*Tomus III.*

A quos scriptores illi non nominarunt, enarret ipse anonymus Pontifices illos, & monstret cur omissi fuerint in unaquaque successione! Quænam autem sint decreta sedis Romanæ, quibus olim prohibebatur ne Joanna locum haberet inter Pontifices, nobis profecto ignotum: si amplius non subsistebant decreta illa post tempora Martini Poloni, ut quid ea memorat auctor præfat. in ejusdem Martini Indicem nobis objectus! Si adhuc vigeant, quorsum ergo accidit, sæculis Martino posterioribus, silentium prius per quatuor fere sæcula districtissime servatum, sic solutum fuisse, ut ab innumeris ab hinc omnisque generis scriptoribus, sine ulla conscientiae anxietate, & impunè prorsus, Joanna propalaretur! Alio itaque tendere necesse est mentem auctoris præfat. in Indicem Martini Poloni, eamque assequutum non esse auctorem differt. Gallicæ de Papissa. Concedamus ei nihilominus, quod modo patebit esse maxime falsum, nihil non tentatum à sede Romana quo Joannæ Pontificatus oblivioni æternæ traderetur: id ne in potestate ejus fuit! Infiniti homines per biennium nosse debuerunt Leoni successisse quemdam Joannem Anglum; quomodo id ab eorum mente tollendum! Multis toto hoc tempore proculdubio occasio sese præbuit ejus, sicut & aliorum qui in dignitate aliqua constituuntur, nonnullam in scriptis mentionem facere: omnimodæque certo tunc suppetebat licentia, siquidem nec tunc levissima in Pontifice mentiti sexus suberat suspicio: cur ergo nullus illius meminit! potuit ne sedes Romana omnia scripta hæc, magna ex parte sibi ignota & extra suam potestatem posita, sic ubique suppressere post Papissæ obitum, ut nullum ex illis lucem unquam adspexerit! Id impossibile fuisse prorsus demonstrant quæ habet idem auctor differt. Gallicæ de Papissa p. 133. per sedem scilicet Romanam non stetisse, quominus nulli innotescerent posterorum, five quæcunque pro Henrico IV. Imperatore adversus Gregorium VII. exarata sunt: five epistolæ Frederici II. quibus impetebatur Honorius III. five apologetica Ludovici Bavari: five tandem universaliter statuta conciliorum tam Orientis quam Occidentis quæ sibi non arrideant: nec hanc minori etiamnum diligentia allaborare, ut in Indice operum expurgatorio, Inquisitorumque vigilantia, de libris cuncta deleantur, quibus præsertim Pontificum Romanorum derogaretur famæ, vel aliorum ecclesiæ ministrorum. Porro quid obtinere unquam, ipsomet judice, hæc solertia, ea examina, tot decreta! Ideone omnia illa scrinia sublata sunt, evanuerunt penitus, non reperiuntur in bibliothecis, non leguntur!

F f



Sed quando historia Papissæ prodire incœpit, exeunte sæculo decimo-tertio; & subsequen-  
tibus ubique divulgata est, quid in contra-  
rium præstitit sedes Romana! Multitudo sane  
auctorum, piissimorumque inter eos, qui de  
ea Pseudopapissa in scriptis suis mentionem  
fecere, argumento est, id tunc nullo sedis  
apostolicæ decreto fuisse vetitum: sprexit illa  
nimirum putidissimam fabulam, quam nullo  
sciebat fultam fundamento, speravit ex se  
ruituram, & à sapientioribus viris exploden-  
dam, sicut contigit.

Quid igitur obstitit ne auctores, qui tem-  
pore pontificatus Joannæ floruerunt, illius  
alicubi, scædique ejus obitus meminerint; nisi  
quod de ea nihil prorsus audierint? Quî autem  
fieri potuit, ut illos sine exceptione omnes  
fugisset factum ita publicum, ipsaque sua  
singularitate stupendum, si revera Romæ in  
supplicatione solemni, & coram infinito po-  
pulo evenisset! Nonne tantæ rei fama statim  
per Italiam volitare debuerat, indeque per  
totum orbem sic diffundi, ut omnium ore  
celebraretur, viæque & compita ubique de  
Papissæ infamia personarent! Numquid alio  
modo nunc se res haberet, si unquam accide-  
ret quid tale! Nonne hoc catholici de sanctæ  
sedis Romanæ opprobrio dolore affecti inter  
se mutuo recitarent, multique illorum in  
ejusdem sedis scriberent defensionem? Non-  
ne è contra lætitiâ non cohibentes suam  
Protestantium plerique factum istud ubique  
disseminarent, & catholicis, qua voce, qua  
libris, non intermitterent exprobrare! Hanc-  
ne, obsecro, illi erga ecclesiam Romanam,  
ejusque alumnos, animi modestiam à sua sepa-  
ratione usque in hodiernum diem, exhibue-  
runt, quam auctor anonymus dissertationis  
Gallicæ de Papissa, Photio cæterisque Græcis  
eidem sedi infestis, ac aliis quibuscunque in  
illam malè affectis, tempore Papissæ tribuit!  
Numquid eorum illi qui hanc historiam le-  
gerunt, statim silentio obruere studuerunt,  
vetustiorum scriptorum sibi præeuntium  
exemplo, quibus supponit author anonymus  
non minus quam ipsis fuisse notam! Idque  
eo quod, sicut illi probe noverant, ita & ipsi  
quoque clare perciperent, hujus facti narra-  
tione, cujus aliunde nullus Pontifex præter  
Pseudopapissam reus esset, suarum cum præ-  
dictâ sede querelarum minime juvari causas?  
Apage deliramentum. Mirare hypothesim,  
lector prudens: juxta auctorem differt. Gall.  
de Papissa, admittendum plane est, ideo apud  
nullum scriptorum Joannæ coætaneorum,  
ejus historiam legi: vel quod illi omnes peni-  
tus ignoraverint quid illa fuerit, quidque illi  
acciderit, impediende sede Romana, quomi-  
nus id ad illorum notitiam perveniret, vel

quod ipsi satius duxerint de illa nihil posteris  
relinquere; vel quod quidquid de ea scripse-  
runt, ex omnibus eorum operibus sublatum  
fuerit: quanam enim alia somniari potest  
ratio tanti silentii à veteribus de Joanna ser-  
vati, si hæc vere sedem apostolicam occupa-  
verit! At modo demonstratum est impossibile  
omni impossibilitate fuisse, nisi id Deus in-  
signi miraculo præstitisset, ut Joannæ ponti-  
ficatus, partus, ac obitus fama, ubique non  
percrebuerit, quum innumeri horum Romæ  
interfuissent testes. Non minus quoque im-  
possibile esse constat, sic omnia auctorum Pa-  
pissæ coætaneorum opera, in quibus aliquid  
de ea continebatur, in potestatem sedis Ro-  
manæ venisse, ut in iisdem deletum aut cor-  
rectum fuerit quidquid ipsa voluisset posteros  
latere. Siquidem id nunquam assequi valuit  
illa sedes, ipso anonymo fatente, quamcun-  
que adhibuerit vigilantiam, circa tot scripta  
quæ sibi non arridebant. Superest ergo dicen-  
dum, noni & decimi sæculorum scriptores,  
tam qui Romanæ sedi specialius addicti erant,  
quam qui majori odio in eandem ferebantur,  
quantovis à se invicem terrarum marium-ve  
abessent intervallo, in sententiam nihilominus  
ivisse quasi communi consilio, nullum illo-  
rum, siue Judæus extaret, siue Ethnicus, siue  
Mohammedanus, siue Nestorianus, siue Mo-  
nophysita, siue Græcus, siue Latinus, quam-  
cunque demum religionem profiteretur, cu-  
juscunque etiam gentis esset, & loquelæ, vel  
levissimam mentionem facturum illius Joan-  
næ, quæ per biennium Pontifex Romanus  
existimata, scandalum horrendum publicè  
parturiendo exhibuerat. Hæc certe tacita  
auctorum eodem tempore viventium per  
universum orbem conspiratio, ad hujusmodi  
silentium nulla de causa solvendum, rigida-  
que ejus reipsa observatio, miraculum fuisset  
omne superans miraculum, & hucusque prorsus  
inauditum.

Sed si tantus fuit omnium consensus, ad  
id præsertim satagente sede Romana, ne ulla  
de Papissa notitia ad posteros transmitteretur;  
quorsum statua illa, quam aiunt historiæ Pa-  
pissæ propugnatores Romæ in memoriam  
ejus erectam in via ubi illa pepererat! Quor-  
sum sella peculiaris quam ad explorandum  
novi Pontificis sexum destinatam communi-  
scuntur! Quorsum simulacrum Papissæ, inter  
similia aliorum Pontificum, Senis prostrans  
hisce recentioribus sæculis! Quorsum deni-  
que Joannem XXI. qui tantummodo XX.  
dici debuisset, sic appellatum volunt ob Joan-  
nam quam ille censuisset fuisse Pontificem!

De sella jam supra loquuti sumus col. 392.  
E. De simulacro itidem Senensi, quod non-  
nisi post divulgatam Papissæ fabulam effectum



est, ante annos fere ducentos, inquit Blondellus *dissertationis Latinæ de Papissa* pag. 70. id est, sæculo ad summum decimo-quinto, col. eadem 392. A.

De statua autem Romæ erecta, quam, eodem teste Blondello p. 5. primus memorat Theodoricus à Niem *lib. de privileg. & juribus Imperii*, scribens circa annum 1414. hæc tradunt Pagius *tom. 2. Breviar. gestor. Pontif. Roman. pag. 77.* Natal. Alexand. *to. 6. in-fol. hist. eccl. dissert. 3. pag. 255. col. 2.* & alii, statuam hanc celebrem, quæ olim Romæ visebatur, non præ se tulisse mulieris speciem, nec infantem exhibuisse recens natum, pannis scilicet involutum, vel inter matris brachia positum; sed puerum grandiusculum qui præire videretur. Quamobrem in hac statua repræsentatum fuisse sacerdotem quemdam ethnicorum ad sacra obeunda pergentem præcedente ministro, aut aliquod Gentilium numen, viri antiquariæ rei periti jam pridem observarunt: maxime cum altera manu palmæ ramum humero innixum deferret, quod Romanorum Pontificum non est insigne, qui crucem aut claves manibus gestantes effinguntur. Statuam autem illam, ut & plures alias, auferri jussit Sixtus V. quum viam in qua hæc posita erat, rectiorem fieri & latiore curavit ad urbis decorem atque ornamentum. Porro vera causa cur Romani Pontifices ab illa via deflexerint, fuit quod comitatu Pontificio continendo non esset tunc idonea, utpote angusta nimis & anfractuosa. Quidam tamen Pontifices, etiam post annum quo figur fabulosæ Joannæ partus, per eam viam interdum incederunt, teste Onuphrio Panvinio in notis ad Platinam.

Denique Joannes XXI. sic cognominatus est, non ab his solum, ut putavit Ciaconius, apud Pagium *to. 3. Breviar. gestor. Pont. Rom. num. 3. pag. 424. qui fabulosam & commentitiam Joannem fœminam numero Pontificum interferunt*; sed ab ipsis Cardinalibus post mortem hujus Pontificis scribentibus ad Rudolphum Romanorum regem anno 1277. quorum litteras Raynaldus ad eundem annum *n. 49.* refert, datas Viterbii, apostolica sede vacante. Quare occasio hujus nominis fuit, non fabula Joannæ, nondum fortassis propalata, quum, ut supra dictum est *coll. 381. A. & 389. B.* Ptolomæus Lucensis, post ann. 1313. nullibi adhuc eam, præter apud Martinum Polonum jam interpolatum, legisset: sed quod Joannes ille, vel Joannem Roberti filium, vel Joannem Placentinum, inter Pontifices Romanos numerandum censuerit. De Joanne enim Roberti filio, qui electus est Papa inter Joannem XIV. & Joannem XV. chronicon Malleacense seu sancti Maxentii

Tomus III.

ad annum usque 1134. perductum, quod extat *tom. 2. Biblioth. Labbei* ex cod. manuſc. descriptum, ait, *pag. 204.* ad annum 983. *sequenti anno tres Apostolici apud Romam mortui sunt*; Joannes nimirum XIV. Bonifacius VII. & Joannes filius Roberti, qui omnes anno 985. obierunt. Hic quidem postremus Joannes, ut observat idem Pagius supra citatus, *tom. 2. pag. 253.* in quibusdam catalogis Joannes XV. numeratur; quia tamen, ex pluribus chartis Joannis qui ei successit, constat hunc sese in iis Joannem XV. nuncupasse, non vero Joannem XVI. palam est, aut Joannem Roberti filium, fuisse tantum *electum*, non *consecratum*: (eo enim ævo usque ad medium sæculum XI. tempora Pontificum, inquit idem Pagius *ibidem to. 3. n. 2. p. 420.* non ab electionis, sed à Pontificalis ordinationis die numerari solita erant, ideoque licet electus in possessionem Patriarchii statim à sua electione induceretur, non tamen dicebatur simpliciter (Pontifex) antequam ordinaretur;) aut hunc Joannem Roberti filium Pontificem legitimum non fuisse, nec consequenter Joannem XV. nominandum. Hinc etiam potius credendum venit, Joannem, qui Adriano V. successit anno 1276. appellatum fuisse *Joannem XXI.* non XX. eo quod Joannes Placentinus, (licet antipapa adversus Gregorium V. anno 997.) locum tenuerit inter Romanos Pontifices sub *Joannis XVI.* nomine: Joannes enim qui Silvestrum II. excepit anno 1003. & nuncupandus foret Joannes XVI. quum prædecessor Gregorii V. *Joannes XV.* diceretur, se ipsum nihilominus in rescriptis *Joannem XVII.* nominat: ejus pariter successor eodem anno 1003. mense Decemb. se *Joannem XVIII.* inscribit in diplomate *dato IV. non.* (id est die 2.) *Decemb. .... Anno 3. Pontificatus Domini Joannis XVIII. Ind. v.* id est an. 1006. apud eundem Pagium *ibid. to. 2. p. 284.* Quod optima ratione, inquit iterum Pagius *ibid. p. 276.* ab utroque factum existimat Papebrochius in Conatu chronico-historico, his verbis: « Tametsi non fuerit unquam verus Pontifex hic Joannes XVI. tamen « extabant, sub eo nominis numero, sparsæ toto « orbe pro occasionum diversitate epistolæ ac « bullæ, quæ ne cum veri deinde Pontificis « (ejusdem nominis Joannis XVI. qui postea « electus foret) actis confunderentur, si hic « quoque diceretur, (Joannes) XVI. necesse « habuit (Silvester II. Gregorii V.) successor per- « mittere, ut (ille qui tempore ejusdem Gre- « gorii federat Antipapa sub nomine Joannis « XVI.) Joannes XVI. diceretur. » Subdit etiam idem Pagius sibi videri hunc Silvestrum II. Gregorii V. successorem, vel ad preces sancti Nili abbatis, qui nihil prætermiserat ne

Ff ij



Joannes ille antipapa malè tractaretur, quamvis non obtinuerit: vel ut Ottoni III. Imperatori, quem idem Joannes de sacro fonte susceperat, arrideret, indulgisse, ut iste Joannes etiam depositus perseveraret nuncupari Joannes XVI. ex quo contigit, Joannem sequentem sese Joannem XVII. appellasse: Nec carere exemplo, ait idem *ibid. tom. 3. pag. 424.* quosdam alios Pseudopontifices inter legitimos annumerari. Sic enim Leo, qui Damaſo II. successit anno 1049. dictus est hujus nominis IX. quamvis inter Leonem VII. & ipsum, unicus fuerit Leo antipapa in locum Joannis XII. quem pseudosynodus Romana sede ejecerat anno 963. ordinatus, dictus nihilominus Leo VIII. Sic etiam Benedictus, qui post Bonifacium VIII. electus est Pontifex, & dicendus foret Benedictus X. quum Benedictus hujus nominis antipapa fuerit anno 1058. Benedictus XI. appellatur.

Verum tantum abest, ut vel leviusculum suspicari quis habeat de sede Romana, quod ad tantum, tamque stupendum vetustiorum scriptorum circa Joannam silentium ipsa contulerit quidquam, quin potius è contra nullum ipsamet confestim non movisset lapidem quo istud Papissæ portentum toti innotuisset orbi. Ad id enim eam coëgisset suæ conservandæ hierarchiæ necessitas: ut scilicet nullius in quacumque terrarum regione degentis, (qui vel à spurio illo Pontifice esset inauguratus, vel à quovis alio quem is consecrasset,) fugeret cognitionem sibi abstinentum fore ab executione hujusmodi ordinum, donec novam validamque ordinationem suscepit. Quum enim ab ordinatione ministrorum in ecclesia pendeat omnium fere sacramentorum validitas; hinc maxima semper ejus sollicitudo fuit, ne quid unquam sacris ordinationibus deesset unde dubiæ evaderent. Hinc fanè tot decretis irritæ & iterandæ declaratæ sunt sæpius, à veris quoque episcopis collatæ ordinationes, quando illi, vel depositi fuerant, vel intrusi; quod multis viris doctis tunc videretur incertum an hujusmodi ordinationes valerent.

En recentissimum exemplum in fine sæculi proxime elapsi. Consulta sedes apostolica ab eminentiss. Cardinali Orsini sive Ursino archiepiscopo Beneventano, qui postea electus est Romanus Pontifex dictus Benedictus XIII. consulta, inquam, de ordinationibus ab episcopo Abellini collatis, sequens tulit decretum: *Fer. 5. die 1. Augusti 1697. in congregatione generali sanctæ Romanæ & universalis inquisitionis habita in palatio apostolico montis-Quirinalis coram sanctissimo D. N. D. Innocentio divina providentia Papa XII. ac eminentiss.*

*A & reverendiss. DD. S. R. E. Cardinalibus in tota republica Christiana contra hæreticam pravitatem generalibus inquisitoribus à sancta sede apostolica specialiter deputatis. Proposito iterum, & mature discusso dubio, an ordinationes factæ per episcopum Abellini, qui per se ipsum instrumenta, seu materiam subdiaconis, diaconis, & presbyteris respective non porrexit, sint nullæ, & invalidæ; & an prædicti in ordinibus sacris ordinati, sint absolute iterum ordinandi, vel potius sub conditione tantum? Sanctissimus, auditis votis eminentissimorum, decrevit in casu de quo agitur, tutius esse quod sub conditione reiterentur collationes sacrorum ordinum, ut infra: ideoque rescribendum esse eminentissimo archiepiscopo Beneventano, ut ordinati ad ordines subdiaconatus, diaconatus, & presbyteratus ab episcopo Abellini, non porrecta per ipsummet episcopum materia dictorum ordinum, iterum sub conditione, ac singillatim ad dictos ordines respectivè, servata forma in Pontificali Romano præscripta, ordinentur, etiam extra tempora, & non servatis interstitiis, in tribus diebus Dominicis, vel festivis de præcepto; ac etiam una eademque die quoad curam animarum habentes, prout urgens necessitas arbitrio ordinantis postulaverit; tribuendo eidem Dom. archiepiscopo facultatem dandi licentiam, quoad eos, qui extra sui, ac dicti episcopi Abellini diœcesim morantur, ut à quocumque catholico episcopo gratiam & communionem sanctæ sedis apostolicæ habente, iterum sub dicta conditione extra tempora, non servatis interstitiis, & alias ut supra, reordinari possint: concedendo insuper eidem eminentiss. facultatem convalidandi collationes beneficiorum, etiam curatorum, sic ordinatis factas, eisdemque fructus ex beneficiis receptos remittendi, ac quæcumque officia, etiam regularia convalidandi, ac gesta quæcumque confirmabilia confirmandi, necnon absolvendi. Quo vero ad dubium facti circa eos, qui ordinati fuerint ante annum 1688. inclusivè, quibus porrexisset per se ipsum materiam credit dictus episcopus Abellini, & ipsi ordinati adhuc dubitant, sibi fuisse ab eodem materiam porrectam; idem sanctissimus decrevit, quod sic dubitantes, vel expresse negantes, absque alio juramento ad novam ordinationem sub conditione prædicta, ut supra, admittantur. Si vero, qui fuerint ordinati ab anno 1688. citra, quibus ex facto præsumitur, non fuisse per episcopum traditam materiam, omnes indistinctè iterum sub dicta conditione ordinentur; & episcopus Abellini graviter reprehendatur, & moneatur: quo vero ad reliqua in casibus particularibus provideri poterit. Joseph Bartolus S. R. E. & universalis inquisitionis notarius. Hæc refert P. Joa. Mich. Cavalieri Ord. FF. Præd. Galleriæ præfulum ejusdem Ord. 10. 2. p. 248. qui & addit hoc decretum*



fuisse executioni mandatum eodem anno 1697. manibusque D. Cardin. Orsini fuisse reordinatos sub conditione subdiaconos 69. diaconos 64. & presbyteros 54.

Ex quibus manifestissimum est, si Joanna, per sexum nullius ordinationis sacræ, sive suscipiendæ, sive conferendæ capax, duobus annis & amplius sedisset, omnes ejus ordinationes, easque similiter quas episcopi ab ea ordinati contulissent, fuisse necessario reiterandas absolute; quod quum fieri non potuisset, servato silentio, ideo hujus rei fama, ipsamet denuntiante inprimis sede Romana cujus plurimum intererat ut tanto malo quantocius efficaciter mederetur, in toto orbe confestim pervolasset. Quæ autem perquisitio facta refertur de ministris à Joanna, quandiu hæc existimabatur verus Pontifex, ordinatis, sive Romæ, sive etiam in aliis regnis, ubi proculdubio ordinati non pauci ab iis quos ipsa consecrasset, morabantur? Quis ullibi de novo ordinatus fuit? Quænam alia episcopalia munia ab ea muliere incassum obita, iterum confecta memorantur? Cur vero non insurrexit, cur conquestus non est Photius Constantino-  
 politanus, quod ipsius scilicet, qui quantumvis intrusus & illegitime ac contra canones à Gregorio Syracusano deposito inauguratus fuerit, vir tamen erat & charactere episcopali insignitus, ordinationes repudiarentur ut sacrilegæ; quodque eas tum Nicolaus I. tum postea synodus octava generalis declarassent irritas, cujus synodi act. x. die ultima Febr. anni 870. canon iv. ad laicos redigit eos omnes qui à Photio consecrati aut promoti sint, utpote qui nec sit, nec fuerit unquam episcopus; & dedicationem ecclesiarum aut altarium ab ipso, aut iis quos ille consecravit, irritam & iterandam decernit? cur, inquam, Photius ille non exprobravit Romanis quod hæc contra se decreta fuissent, dum subsistere permitterentur ordinationes cæteraque episcopalia officia à Joanne fœmina peracta? De facto quippè nihil statutum ullibi invenitur adversus hanc Papissam. Verum non habuit Photius quod ea de re quidquam regeret: silentium non solum ab ipso, sed & ab omnibus & ubique observatum est maximum; nihil Romæ definitum aut alibi contra Joannam, nulla ejus occasione ordinationo reiterata. Quorsum vero? quia nec tunc, nec unquam Pontifex fœmina Romæ sedit. Non enim profecto alio genio donati erant sæculi noni homines, ac donantur qui sæculo præsentis vivunt. Nonne autem ipsis cæcis visibile est, si nunc hujusmodi casus emergeret, Romæ statim pronuntiandum fore nullius roboris, quicquid juris episcopalis attentasset talis Pseudopapissa? Ad novas ordinationes

A protinus revocandos, in quovis loco degerent, quicumque vel ab ipsa, vel ab aliquo episcopo quem illa consecrasset, fuissent ordinati! A sede Romana mandata ubique spargenda, ut nullus sic invalide ordinatus ignoraret, se à vero episcopo denuo consecrandum? Rem tantam tamque insolitam omnium ore volitandam? De ea unumquemque, prout affectus esset, sese enuntiaturum! Sedem Romanam cachinnis & ludibriis Protestantium impetendam? Innumeris scriptis, quantumvis prohiberent reges & præsides, Papissæ nihilominus nomen, artes, gesta que, posteritati transmittenda? Nemo est sanæ mentis, qui non probe intelligat hæc omnia nunc temporis infallibiliter sequutura, si pro Papa unquam eligeretur Papissa, cujus postea sexus publicè detegeretur. Cur ergo idem non contigit sæculo nono? Cur nihil de Joanna dictum, scriptum, decantatum, exprobratum, sibilatum? Cur nihil quod in pontificatu egisset reformatum? Nisi quia vere nulla tunc sederit Papissa, de qua ullus homo quidquam prorsus audierit. Ut enim ratiocinatur Labbeus, *tom. 8. conc. coll. 190. & 191.* Mirum omnino atque omni admiratione majus, quomodo factum sit, ut qui per biennium integrum, & aliquot menses *δοξασμῶς* saltem ac specie tenuis pontificatum tenuit; nullam toto eo tempore epistolam scripserit, nullum emisit diploma, à quoquam consultus non fuerit, nuntium non acceperit: biennium expectarint Gregorius Syracusanus, aliique episcopi Græci ab Ignatio Patriarcha Constantinopolitano depositi, ut post Leonem IV. ad Benedictum III. recurrerent, spreto Joanne Anglo inter utrumque sedente: biennium pariter Lupus Ferrariensis, atque Hincmarus, ut eodem Joanne prætermisso ad successorem ejus Benedictum scriberent: biennium denique innumeri in Gallia totoque Occidente atque Oriente episcopi, clerici, imperatores, reges, principesque per universum orbem: somnum omnes interea dormierint profundissimum; nemo, vel obiter, in conciliis, epistolis, libris, tractatibus, satyris, invectivis, carminibus, hujus Papissæ tunc temporis meminerit. Hæc devoret, quisquis stomachum ad hoc sibi senserit  
 E sufficienter robustum: sed nullum æquiore judicio pollentem virum inficiandum puto, quin quæcunque à nobis, ad hujus commenti confutationem hætenus adducta sunt, simul sumpta, vim plenæ demonstrationis sortiantur. Concludendum subinde, perperam omnino ab auctore anonymo differt. Gall. de Papissa, in Præfatione sua dictum, Quæstionem hanc de iis unam esse quæ in utramque partem problematicè ventilari possunt. Nam quia ipse nihilominus eam ex utraque illa sententia  
 F f iij



præfert, quæ stat pro Papissa; numquid, A amabo, alteram quam tuemur amplecteretur ultro; totamque hanc historiam inter fabulas ipse nobiscum amandaret, si non aliis fulta esset momentis quam quæ ipse adduxit? Si Joannam insuper, ex coætaneis & supparibus scriptoribus, inter cæteros pontifices Romanos post Leonem IV. sedisse ostendissemus, idque compertum omnibus fuisse, usque ad sæculum XIII. quo tunc duntaxat, & subsequen- tibus postea sæculis, fabulis cœperit annu- merari: sicut evicimus nullam, de ea Papissa, in genuinis omnium auctorum scriptis usque ad sæculum XIII. & in posteriorum adhuc multis, reperiri mentionem; eosque uno con- sensu omnes agnoscere & tradere Leoni IV. successisse immediate Benedictum III. quem deinde Nicolaus I. exceperit. Supervacaneum proinde foret diutius immorari cæteris con- futandis quæ idem auctor incassum exaggerat. Eo enim ipso quo manifestissime omni cor- dato viro, & veritatem sincere inquirenti, liquet quidquid de Joanna Papissa hucusque proditum est puramputam esse fabulam; statim sponte ruere necesse est quidquid hic auctor, cæterique qui ei suffragarentur, in hujus Papissæ defensionem coacervare voluerint: siquidem quod certo veritati adversatur, illud à quibuscunque & quovis numero adstrua- tur scriptoribus, quantilibet etiam muniatur argumentis, semper falsum erit.

Claudio itaque totam hanc de Joanna Papissa dissertationem, iisdem verbis quibus libellum suum Latinum de eadem Blondellus finit: *Hinc patet, inquit, fieri nullatenus posse, ut Joanna ulla, ullo inter Leonem sive IV. sive V. Benedictumque III. tempore sedisse dicatur; quum certissimis ipsaque meridiana luce clario- ribus argumentis Anastasium bibliothecarium (in cujus partes Marianus, Sigebertus, &c. velint nolint transeunt) [Meminerit lector Marianum, Sigebertum, & quosdam alios scriptores XI. & XII. sæculorum, quos Blon- dellus inter Joannæ pontificatus assertores computat, de illa revera in genuinis suis ope- ribus mentionem non fecisse:] quum eos, pergit Blondellus, vera compertaque de duobus hisce Pontificibus retulisse, Leonem (scilicet) anno demum 855. Julii 17. hominem exuisse: Benedictum mensis ejusdem 19. feria 6. duobus circiter ante Lotharii Imperatoris supremam horam mensibus electum, Septembris 29. feria prima (id est Dominica) qua elatus Lotharius, incardinatum, constet: adeoque imposturam vel fecisse, vel passos (quicumque tandem illi sint) decantatae per sæcula propemodum sex (dicen- dum potius quatuor) fabulæ sive parentes, sive amatores. Eat igitur tandem aliquando, quo digna est, &c. noërgg.*

Hæc de ea fabula paulo fufius egimus, adversus illos qui in isto etiam sæculo, cum auctore anonymo differt. Gall. de Papissa sæpius citatæ, hanc veram esse historiam pos- sent credere. Huic autem cudendæ, ut jam supra observatum est col. 380. C. præbuisse fortassis occasionem Joannem VIII. conjecit Baronius, ad annum 879. num. 5. ex eo quod facilius Photii restitutioni consenserit. At con- jectura illa merito exploditur à Pagio, 10. 3. crit. annal. ad annum 879. n. 19. laudato, *ibid.* tum quia sæculo tantum decimo-tertio ex- cogitata hæc fabula videtur, tum etiam quia non refertur sedisse Pseudopapissa tempore quo sedit Joannes VIII. scilicet post Adria- num II. ab anno Christi 872. ad annum 882. sed post Leonem IV. qui anno 855. fato- functus est. Nunc de Helia dicendum, qui Theodosio in sede Hierosolymorum successit.

### LXIX. HELIAS III.

Jam supra observavimus col. 376. B. hunc Heliam, si acta pseudosynodi Photianæ mense Novembri celebrari cœptæ anno Dom. 879. C fidem aliquam saltem ea in parte mereantur, Theodosio Hierosolymorum Patriarchæ eo- dem anno mortuo, ante illum mensem suc- cessisse. Eum porro ceu virum qui Photii adversus Ignatium partes semper amplexus fuerit, Theodosii prædecessoris sui in hoc sequutus exemplum, sæpius exhibet ejusdem nominis Helias illius vicarius in ea synodo. De Theodosio quidem hoc falsissime assertum constat, tum ex epistola ejus ad Ignatium quæ lecta fuit in synodo octava generali, tum ex gestis Helia ipsius personam repræsentantis in eadem synodo, quibus nihil aliud opponere habuit alter Helias Helia Theodosii succes- soris syncellus, nisi eum Heliam Saracenorum fuisse legatum, non Theodosii; & propter hunc reatum à Theodosio fuisse excommunicatum: quæ quum ad concilii octavi auctoritatem de- primendam excogitata videantur, rejici om- nino debent. Vide supra col. 371. A. Verum quod spectat ad Heliam Patriarcham, nihil impedit quin credamus, ipsum fortassis à Basilio Imperatore & Photio circumventum, sicuti pari modo circumventus & deceptus E fuit ab iisdem Joannes VIII. Papa, consen- sisse ut Helias à se missus ad synodum, tran- quillitatis in patriarchatu Constantinopoli- tano ubi Photius jactitabatur votis omnibus expetitus resarciendæ gratia, ejusdem Photii in ea sede restitutionem suo nomine admit- teret. At quidquid præterea Helias ille Helia Hierosolymitani antistitis syncellus in actis hujus pseudosynodi, de perpetuo ardentique Patriarchæ sui in Photium affectu, protulisse introducit; id totum verisimiliter, ex se ille



afferuit, ab Imperatore & Photio corruptus, vel dixisse eum Photius falso scripsit. Hinc itaque num Helias Theodosii successor revera Photio, dum Ignatius viveret, adhæserit, necne, affirmare non ausim. Sic de eo Eutychius Alexandrinus pag. 471. *Anno Califatús decimo Al-Motammedi, constitutus est Helias, Mansoris sive Mansuri (qui Moslemis in capienda Damasco opem tulit, ideoque per totum mundum diris devotus est) filius, Patriarcha Hierosolymitanus, ubi quum annos 29. sedisset, mortuus est.* In catalogo Dosithei Patriarchæ Hierosolymorum, dicitur fuisse frater Sergii qui, ante Salomonem Theodosii prædecessorem, sedem Hierosolymitanam conscendit an. 842. aut 843. de cujus etiam patre Manfore eadem, ac in præsentí loco, refert Eutychius; perperam tamen. Quum enim Damascus à Saracenis capta fuerit anno 635. Sophronio extante Patriarcha Hierosolymorum, quomodo Mansoris, qui opem iis tulit ad illam urbem capiendam, filii esse potuerunt, sive Sergius qui post annos exinde fere ducentos electus est Hierosolymitanus antistes, sive adhuc difficilíus Helias iste qui factus Patriarcha post annos ab hinc 243. annos ulterius sedit viginti novem? Narrat Elmacinus lib. 2. *hist. Sarac. cap. 15. p. 162.* Anno heg. 255. qui incepit die 20. Decemb. 868. die secundo mensis Ragiab sive Regiebi, ideoque anno Christi 869. medio circiter Junio, ut observat Pagius tom. 3. *crit. annal. Baron.* ad hunc annum num. 29. Al-Motazo Califæ Babylonienſi deposito, & paulo-post mortuo successisse Al Mothamedum Bellahi die tertio ejusdem mensis Regiebi. Annus proinde ejus imperii decimus, quo ad thronum Hierosolymitanum Helias III. evectus est, annus esse debuit Christi 879. ante medium Junium.

Extat tom. 2. Spicilegii P. Lucæ Dacherii Bened. p. 372. *epistola hujus Heliae ad Carolum Juniorem Imperatorem (dictum Craſsum) & ad cunctos episcopos & principes ac nobiles regni Galliae anno Domini 881. Indict. XIV. id est ante mensẽ Septembrem, quæ epistola sic incipit: Omnibus magnificentissimis, piissimis, gloriosissimis, ex alta stirpe progenitis Domini magnificentissimi summi Imperatoris Caroli, regibus cunctarum regionum Galliarum, seu comitibus, vel sanctissimis archiepiscopis, metropolitans, & episcopis, abbatibus, presbyteris, diaconibus, subdiaconibus, & sanctæ ecclesiæ ministris; necnon & sacris sororibus, seu nobilibus, vel etiam cunctis Dei cultoribus, facinoris gloriosissimis, principibus, ducibus, atque cunctis Christi cultoribus, fidelibus duntaxat catholicis & orthodoxis, charissimis fratribus, per universum mundum constitutis, Helias servus Domini*

*nostri Jesu-Christi, & Patriarcha Hierosolymorum in Domino salutem. Tribulationes multas, &c.* In ea epistola erogari sibi subsidia instanter postulabat ad ecclesias Palæstinæ reficiendas; cujus rei causa vasa sacra oppigneraverat. Alteram ejusdem Patriarchæ epistolam exhibet Mabillonius, Veter. Analector. tom. 3. edit. Paris. 1682. pag. 434. qua episcopi Malaceni in Iberia, & quinquaginta monachorum quos Turcæ in vincula projecerant, luctuosum statum exponit: ei autem epistolæ aliam subjungit idem Mabill. Bened. Pap. IV. commendatitiam epistolam, de eodem episcopo Malaceno, ex qua colligitur hanc utramque fuisse scriptam post mensẽ Augustum anni 900. quo Benedictus ordinatus est Papa, & ante mensẽ Octob. anni 903. quo idem Papa obiit.

Doctissimus Pagius to. 3. *crit. annal. Baron.* ad annum 889. num. 5. arbitratus est quemdam eo anno Hierosolymis sedisse Patriarcham nomine Abel, qui Papebrochium fugerit in suo de iis Patriarchis catalogo tomo tertio actorum sanctorum Maii præfixo, eo quod Aſſerus in vita Alfredi Angliæ regis hæc scripserit: *De Hierosolyma Abel Patriarchæ epistolas & dona Alfredo directas, vidimus & legimus.* Verum, quum eo tempore Heliam sedisse constet, ex ejus duabus epistolis modo memoratis, hic Patriarcha Abel, ipsemet Helias videtur, dictus Abel quasi Ab-El Abba Elias: episcopi enim, iique maxime qui ex cœnobiis assumpti fuerant, nomen Abba nomini proprio sæpè præmittebant, ut multis exemplis notum est.

Eutychius Alexandrinus pag. 484. narrat Nicolao Mystico Patriarcha Constantinopolitano quartis Leonis Sapientis cognominati nuptiis sese totis viribus opponente, Imperatorem scripsisse ad Patriarcham Romanum, Michaëlem Alexandrinum, Heliam Mansuri filium Patriarcham Hierosolymitanum, & Simeonem Zarnuki filium Antiochenum, rogans ut ad ipsum accedentes dispicerent an sibi non liceret connubium quartum inire; à singulis vero missos vicarios, quibus sese nonnulli episcopi Constantinopoli jungentes, matrimonium illud vetitum non esse pronuntiarunt. De eo conjugio Simeon Logotheta in annalibus, apud Pagium tom. 3. *crit. annal. Baron.* ad annum 906. n. 3. scribit Constantinum Porphyrogenetam filium Leonis, anno ejus imperii XX. baptizatum fuisse à Nicolao Patriarcha in sancto Theophaniorum die. Et subdit: *Imperii Leonis anno XXI. benedictionem nuptiali ritu consequuti sunt Leo & Zoe post festæ Lucis (seu Theophaniæ) peracta solemnia, Thoma presbytero administro, qui & gradu motus est. Uxorem quoque Zoen Leo*



*Augustam proclamavit. Hinc ecclesiæ ingressu Leoni interdictum à Patriarcha. Ab aliquot quidem annis Leo Imperator Zoen quartam uxorem duxerat, sed ea in palatio nondum imperii corona redimita degebat, inquit Leo Grammaticus p. 482. apud eundem Pagium citatum, num. 4. neque ante Constantini baptismum Augusta declarata est, indeque Nicolaus, ante ejus coronationem, illam ceu privatam mulierem habebat. At ubi Augusta renunciata fuit, quartas has Leonis nuptias ecclesiæ Orientalis legibus contrarias reprehendit. Hæc omnia anno xx. imperii Leonis, Christi 906. post festum Epiphaniæ peracta, ut patet ex Leone Grammatico, & aliis, qui hæc uno tenore recitant, & uno eodemque anno contigisse innuunt, statimque referunt exilium Nicolai Patriarchæ in Hieriam ubi erat monasterium ab eo conditum. Hieria palatium erat Constantini Copronymi, è regione Constantinopolis, ad subsolanum positum, teste Nicephoro ad annum 765. Elmacinus de ea re hæc habet lib. 2. hist. Sarac. cap. 17. p. 180. Tradunt Christianorum historiæ, uxorem Leonis Imperatoris Romanorum (id est Constantinopolitani) obiisse, anno Hegiræ 281. (qui cœperat die 12. Mart. anni Christi 894. quumque aliam ducere vellet, Nicolaum Patriarcham Constantinopolitanum eum impedivisse, atque dixisse: Tu ministerium habes sacrum, itaque, si uxorem duxeris, ne revertere ut ingrediaris templum. Respondit Leo, utique ego solum cupio uxorem ducere, ut sit mihi filius qui hæres fiat regni post me. Verum quum ille non permitteret, scripsit Imperator ad Patriarchas, in omnibus Christianorum regnis, & rem iis significavit; ac responsum accepit, ut uxorem duceret: quod quum fecisset, filium nactus est quem vocavit Constantinum, Nicolaum autem Patriarcham Constantinopolitanum in exilium misit, & in locum ejus alium substituit. Præfatus Eutychius Alexandrinus rursus refert pag. 488. anno Al-Muctafi Califæ quinto, (à die 4. April.) Christi 906. Hierosolymis ipso magni Sabbati die, (12. April.) Christodulum Haleppensem Alexandria designatum Patriarcham, ab Helia filio Mansuri Patriarcha fuisse consecratum: Alexandrinos vero ordinationem hanc repudiasse, ac voluisse ut consecrationis preces iterarentur. Obiit Helias anno Christi 907. qui ex Eutychio præfato, vigesimus-nonus sui præsulatus erat.*

## LXX. SERGIUS II.

Hunc Sergium, quem catalogi Latini exhibent Helix III. in sede Hierosolymitana successorem, Georgium appellat Eutychius Alexandrinus, & de eo hæc habet: Anno Califatus ejusdem (Al-Muctafi) sexto consti-

tutus est Georgius Danijani (in catalogo Dosithei dicitur Thangian Θανγιαν) filius, Patriarcha Hierosolymitanus, qui annos quatuor & sex menses sedit: dein mortuus est. Creatum fuisse eum asserit Califam Elmacinus lib. 2. Sarac. hist. cap. 18. pag. 181. eo die quo obiit pater ejus (Mutadidus) 22. (Eutychius scribit 21.) Rabii posterioris (id est quinto vel quarto Aprilis) anno (Hegiræ) 289. (qui incœpit die 15. Decembris anni Christi 901.) Califatum subinde obtinuit Muctafis, ut eum nuncupat Elmacinus, die quarta vel quinta Aprilis anni Christi 902. Quum autem Sergius II. in sedem Hierosolymitanam evectus sit anno Califatus ejus sexto, id contigisse oportet anno Christi 907. post quartam aut quintam diem Aprilis: obiit vero anno 911. ante diem 12. mensis Augusti, id enim sequitur ex initio pontificatus Leontii ejus successoris. Unde non intelligo quomodo Sergius, ultra 4. annos, qui finiri non potuerunt ad summum nisi post diem quartam aut quintam Aprilis anni Christi 911. sex insuper menses federit. In ea enim hypothese non obiisset ante mensem Octobrem ejusdem anni, qui quartus fuisset Califatus Al-Muctadiri à die 12. Augusti, quum tamen Leontius Sergium exceperit anno hujus Califæ tertio, ut modo patebit.

## LXXI. LEONTIUS.

Sergium in Indicibus sequitur Leontius, qui in catalogo Dosithei Leo nominatur. Eum pariter Leonem appellat Eutychius Alexandrinus annal. pag. 503. Anno Califatus Al-Muctadiri tertio constitutus est Leo Patriarcha Hierosolymitanus, qui annos septemdecim sedit: dein mortuus est. Pagius tom. 3. crit. annal. Baron. ad annum 908. n. 7. hæc ait: anno Hegiræ 295. (inchoato die 12. Octobris anni Christi 907.) Muctafis Billa Califa Babylonienfis die solis obiit, juxta Eutychium Patriarcham Alexandrinum; juxta vero Elmacinum lib. 2. hist. Sarac. cap. 18. pag. 184. die decimo-tertio Dulkiadæ, qui mensis undecimus est Arabum, hoc autem anno dies ille incidebat in diem duodecimum (fer. 6.) Augusti, cujus vespere dies 13. ejusdem mensis Dulkiadæ exordiebatur: eique successit Giafar Abulfadlus ejus filius, (Elmacino frater ejus) qui inter Califas ordine est xxxix. Elmacinus utique scribit ibidem, pag. 185. ex Chronologo, Muctafim obiisse die Sabbati elapsis annis Hegiræ 294. mensibus undecim, & diebus octo: annis autem solaribus mundi 6399. mensibus undecim, & diebus viginti. Et cap. sequenti 19. Giafarem Abulfadlum Muctadirum Billam, filium Mutadidi, creatum



creatum esse Calisam Bagdadi, eo die quo obiit A frater ejus Muctafis, die scilicet 13. Dulkiadæ anni (Hegiræ) 295. (proindeque die 12. Aug. anni Christi 908.) quo tempore annorum erat tredecim: neque ante eum quemquam imperium adeptum esse annis eo minorem. Ex his porro colligendum datur Leontium, qui anno hujus Calisæ tertio thronum Hierosolymitanum conscendit, anno Christi 911. fuisse ordinatum, ante mensem Augustum. Obiisse vero, si quidem ex Eutychio septemdecim annos præful fuit, anno Christi 927. aut 928.

#### LXXII. ANASTASIUS. Nicolaus.

Anastasium Leontio successum tradunt Latini catalogi Patriarcharum Hierosolymorum, at nulla de eo mentio apud Eutychium Alexandrinum. Athanasius dicitur in catalogo Dosithei Patriarchæ, & post eum nominatur ibidem Nicolaus I. Hic porro Nicolaus, (si quis reipsa extitit istius nominis Hierosolymorum inter Anastasium & Christophorum I. Patriarcha, qui in catalogis Latinis omissus fuerit) sedit utique ab anno 927. aut 928. quo obiisse videtur Anastasius, usque ad annum quo ipsi Christophorus successit, quique licet fileatur in iisdem catalogis, certe annum 937. præcessit. Vel dicendum Christophorum, expuncto Nicolao aliàs nobis ignoto, anno præfato 927. aut 928. ecclesiæ curam Hierosolymorum suscepisse, nisi fortassis per aliquod temporis spatium ea sedes vacaverit.

#### LXXIII. CHRISTOPHORUS,

sive CHRISTODULUS,

aut CHRISTODORUS I.

Post Anastasium Latini Indices, alii Christodulum exhibent, sicut etiam catalogus Dosithei Patriarchæ, qui eum ait Ascalone oriundum: alii Christodorum, ut eum pariter appellat Papebrochius in tract. prælim. ad tom. 3. actorum sanctorum mensis Maii, pag. 42. num. 182. observans, in Brugenfi quoque manuscripto, Christodorum nuncupari, sed in codice Rubeæ vallis Christophorum. Eutychius Alexandrinus, qui eum nominat similiter Christophorum, non exprimit quo anno promotus fuerit, narrat solum pag. 531. Moslemios tumultu concitato in ecclesia Hierosolymitana die Hosannæ, seu Dominica Palmarum, ecclesiæ Constantini portas australes incendiisse, necnon dimidium porticus, anno trecentesimo vigesimo-quinto; fuisse vero tunc Patriarcham quemdam Ascalonensem, nomine Christophorum, cui bini filii erant, totidemque filia: incendium porro perpetratum esse primo Paschatis die, vastatumque Calvaria locum, cum templo resurrectionis.

Tomus III.

In istius Christophori patriarchatu Eutychius annales suos absolvit. Ex illa autem hujus auctoris relatione discimus Christophorum anno 325. Hegiræ ecclesiæ Hierosolymitanæ clavum tenuisse; qui annus incepit die 19. Novemb. anni 936. Christophorus itaque Patriarcha erat in festo Paschatis anni sequentis 937. quo decurrebat adhuc præfatus Hegiræ annus 325. Quandonam vero obierit nos latet.

#### LXXIV. AGATHO.

#### B LXXV. JOANNES VI. Alter Joannes.

Neutrum horum Patriarcharum Hierosolymorum in catalogis Latinis inveniri testatur Papebrochius in tract. prælim. ad to. 3. Maii, pag. 42. n. 183. Apud Theodoricum Pauli, solius Agathonis extare hoc elogium, quod undenam desumpserit ille non exprimitur: doctrina & sapientia insignis, omnibusque virtutibus ornatus, mirabiliter effulsit; atque post signa virtutum, Deum deorum devote desiderans videre in Sion, migravit feliciter. De Joanne aliquid certius habemus ex Cedreno, qui tom. 2. hist. pag. 661. D. primam editionem compendii historici Joannis Scilitzæ Curopalatæ exscribens, ad extremum Nicephori Phocæ annum, Christi 969. tradit Saracenos suorum cladibus efferatos, post expugnatas in Syria & Cilicia urbes, archiepiscopum Hierosolymitanum Joannem, vivum combussisse, quippe cujus instinctu fore suspicarentur ut ipsos Nicephorus Imperator invaderet. Incenderunt insuper pulcherrimum templum Domini sepulcri. Vitam itaque amisit hic Joannes Patriarcha Hierosolymorum circa annum Christi 969. ante Nicephori Phocæ necem. Eum fuisse Joannem illum existimat Papebrochius loco supra citato num. 184. & to. 2. Maii, pag. 109. n. 3. qui sancti Joannis Damasceni vitam, ab alio, ut potuit, Arabica lingua & litteris simpliciter scriptam consequutus, in Græcum sermonem curavit vertere ad memoriam posterorum, multo cum ambitu elegantiaque verborum; qualis edita legitur tom. 2. Maii, ad diem 6. p. 111. Hæc enim Joannis Damasceni vita Joannis archiepiscopi Hierosolymitani nomen in omnibus codicibus præfert.

E Apud eosdem doctiss. Bollandianos extat to. 1. April. ad diem 10. à p. 875. ad p. 896. duplex vita sancti Macarii archiepiscopi Antiocheni, in qua fit mentio de quodam Joanne Patriarcha Hierosolymitano.

Pagius to. 4. crit. annal. Baron. ad annum 1011. n. 6. de illo Macario hæc habet: « In priori vita (S. Macarii à doctiss. Bollandianis edita ad diem 10. April.) ubi paucissima de eo extant, legitur Macarium fuisse Antiochiæ archiepiscopum, quæ urbs Armenia flos »

Gg



» *est.* Quare quum vicinæ provinciæ sub Ar-  
 » menia (etiam) comprehensæ fuerint, & ibi  
 » Antiochia Pisidiæ metropolis extiterit, non  
 » videtur dubitandum, quin in ea Macarius  
 » federit. Nam si Patriarcha Antiochenus ex-  
 » titisset, neque Eremboldum abbatem Gan-  
 » densen, qui eum viderat, neque monachum  
 » qui priorem vitam ejus scripsit, quemque  
 » Eremboldus de iis quæ ad sanctum præsu-  
 » lem spectabant, edocuerat, id latuisset, vel  
 » ab eodem tacitum esset.» Addit idem Pagius,  
 ad annum sequentem 1012. num. 7. alterum  
 anonymum vitæ secundæ ejusdem S. Macarii  
 post ejus obitum 55. annis auctorem, contra  
 fidem prioris anonymi, scripsisse Macarium  
 in civitate Antiochiæ Syrorum metropoli  
 natum & baptizatum fuisse, (ejusque) post  
 Deum creatorem Armeniam extitisse pro-  
 creatricem. Armenia enim longe à Syria po-  
 sita est, & nihilominus hic auctor Antiochiam  
 Pisidiæ cum Antiochia Syriæ perperam con-  
 fundit.

Doctiss. Bollandi continuatores, tom. 4.  
*Jul. in hist. chron. Patriarch. Antiochenor.* huic  
 tomo præfixa, in sedem Antiochiæ Patriar-  
 chalem Macarium nunquam fuisse promotum  
 fatentur: *Verum, inquit num. 606. p. 128.*  
*altera dubitandi causa, quam non attigit Pagius,*  
*multo gravior erat, nimirum quod eodem tempore*  
*quo juxta auctorem vitæ sancti Macarii secundæ,*  
*Macarius senior, sive (etiam) secundus, Antio-*  
*chiæ Syriæ Patriarcha fuisse dicitur, Patriar-*  
*cham alium, apud Elnacinum (lib. 3. histor.*  
*Sarac. cap. 5. pag. 244.) offendisset, nomine*  
*Agabium (sive Agapium II.) qui Melchita*  
*fuerit, utpote quem laudant Monophysitæ,*  
*quod Jacobitis nullam molestiam creaverit:*  
*supra num. 602. pag. 127. Et subdunt n. 607.*  
*obiit Macarius anno Christi 1012. 10. April....*  
*postquam Apostolicis peregrinationibus annos*  
*impendisset facile 4. aut 5. ut colliges ex vita*  
*secunda à num. 13. Patriarcham ergo oporteret*  
*eum fuisse saltem initio circiter sæculi XI....*  
*sedisset ergo eodem tempore, quo præfuisse de-*  
*monstravimus num. 603. & 604. Antiochiæ*  
*Joannem III.*

Macarius porro ille post longam peregrinationem, in qua Hierosolymis vidit Joannem sedentem Patriarcham, apud Gandavenfes decessit anno 1012. Nihil autem obest, inquit Papebrochius num. 184. jam laudato, quominus in urbe sancta Patriarcham invenerit Joannem (VI.) Certe longa ejus peregrinatio non debet necessario paucis annis concludi, potuitque potissimam vitæ partem varias regiones oberrando duxisse, & extrema demum ætate perlatus Gandavum (anno 1011.) ibidem anno (sequenti) 1012. obiisse, (qui post Joannis (VI.) mortem 43. fuerit.) In

A vita autem secunda S. Macarii Antiocheni, jussu Sigeri abbatis monasterii Gandensis sive Gandavenfis, à monacho ejusdem loci scripta, post elevationem corporis præfati S. Macarii anno 1067. peractam, & ab ejus morte 55. refertur num. 5. pag. 878. prædecessorem ejus in sede Antiochena, ejusdem nominis, cujus erat consanguineus, ea affinitate oblatum sibi de fonte baptismatis suscepisse hunc puerulum, tam ex debito propinquitatis, quam ex gratia Christianæ filiationis. Eum itaque, inquit auctor, fecit sibi æquivocum, committens Deo ut quandoque faceret & univocum. Et quia grandævus erat fractusque jam senio, loco genitoris reinuit nutriendum & erudiendum ex toto, quatenus se ipsum jam deficientem novus hic Macarius renovaret in Christo. Nec spes eum vana fefellit.... Nullum penitus erat in omni Græca vel Armenica eloquentia studiorum liberalium genus quod aufugere posset vivacitatem ingenii ipsius.... Attestabatur munditiæ cordis ejus jugis meditatio.

Et n. 6. Quibus studiis transcendens metas adolescentiæ, solito studiosius cœpit imitari beatum Macarium antistitem, & supernis intendere, Cillecebras mundi declinare, cælestia oppetere, & omne studium, quod prius expendebat in liberalibus studiis, in actibus religionis expendere: hocque incæpto non mediocriter profecit, rumores vulgi pro nihilo duxit, seseque totum ad Deo serviendum induxit. Lætabatur jam emeritus pater Macarius de tam digna pueri filiatione, gloriabatur de tam liberali moralitate, & quia jam senio decedebat, ex integro inducebat animum in ejus successione..... Convocari itaque jubet senior conventum clericorum, dignitatem procerum, turbamque populorum.

D Et num. 7. Quibus accitis dixit.... Ingreddior viam universæ carnis, nec aliquantulam præfama fiduciam habeo de operibus meis: latius tamen recederem si certus essem de ordinatione Antiochenæ sedis. Quod si vobis non displicet juvenis iste Macarius, quem de fonte suscepi, nutriti, & erudivi, bene mihi placet.... Non dignitatis vestræ partem præjudico, sed sententiam & voluntatem meam vobis edico, si tamen dignus est electionis vestræ judicio. Et num. 8. Talibus senex instabat; & quia res divinitus fiebat, omnis clerus, auctoritas procerum, & cætera E plebs certatim assentiebat.... Ita beatus senex.... feliciter migravit ad patriam salvationis. Plebs autem tanto pastore destituta.... unicum in Macario magnificè probato sibi delegit solatium, sequuta magnatum, & totius cleri solatium. Qui tanta electionis unitate in Antiochia promotus, moribus honestis in juvenili corpore permaturus, non est relatu facile in ipso sublimitatis fastu quam humilis apparuit & mansuetus, &c. Et num. 11. pag. 880. Erogat eis (pauperibus) omnia sua; hæredes suorum eos constituit in



præsenti vita, ut non perdat hæreditatem in futura.

Et cap. 2. num. 12. Quumque sibi nihil superesset præter dignitatem sedis Antiochiæ, etiam curam ejus commendavit cuidam Eleutherio venerabilis memoriæ, retenta sibi tantummodo episcopali benedictione, sicque omnibus terrenis exoneratus, & inter cæteros pauperes & ipse pauper Christi effectus egreditur fines cognationis, ut ingrediatur terram repromissionis, &c.

Et num. 13. Fuitque prima ejus & ipsa satis liberalis intentio, eum requirere locum, Hierusalem scilicet, unde universalis processit redemptio, omnimodis mentem armatus & ipse pro veritate mori, nisi prius deesset tortor, quam assertor veri.... Vadit itaque via gaudiosa & luctuosa: pedibus quidem graditur, sed animo currit cum pietate & misericordia.... festinat terram quondam præsentia Domini insignitam intrare, &c. Et num. 14. Prævenerat autem nobilis ejus fama usque ad sanctum Patriarcham Joannem; talis etenim de sanctis fidei ejus thesauris fama processit, ut & Hierosolymitanos in longinquo positos penetraverit, & auditu gratiæ Dei, tanquam oleo lætitiæ, aures eorum impinguaverit: à quibus etiam satis officiose susceptus, & à sancto Patriarcha honorificè detentus, aliquandiu inibi est demoratus. Delectabat enim eum dormitorium Salvatoris & locus Calvariæ, ubi Dominus noster crucifixus salutaris occubuit victima pro omnium redemptione.... Delectabat eum cum Judæis de incredulitate eorum verba miscere, cum Saracenis conflictum habere, si quo modo aliquem eorum lucrari posset ab errore: inter quos assistens per aliquot dies intrepidus veritatis assertor, eorumque resistens erroribus indefessus evangelii propagator, paulatim vincebat eos, utpote invictus Domini præliator, &c.

Et num. 15. pag. 881.... Cui non valentes resistere verbis, insistant verberibus, & suis ei persuadentes communicare erroribus, ad hoc eum inclinare multis laborant terroribus. Sed non cedit, dum cæditur, verbis instat, dum pœnis afficitur: sique interdum non devincit, sed vincitur, nullis ictibus cedit, nullo terrore justipatientia recedit. Nil fuit membrorum quod non captivaverit plaga aspergine vulnerum: ita, prohdolor! plagaverant membra, ut ossa remanerent carnibus pene desolata, salva scilicet, quia non poterat vulnerari, anima pretiosa. Redditur semper asperior ad pugnam, & donec ponat animam non deserit prædicationis curam. Rapiitur deinde & segregatur à sodalibus suis, aggregatur in medio iniquæ multitudinis, quibus nolens cedere, recluditur in ergastulo carceris: in modum crucis cujus gloriam prædicabat, supinus super terram extenditur.... inferunt ei....

Tomus III.

Alapidem nimio fervore candentem super pectus nudatum.... sicque eo recluso cum diligenti custodia discedit illa inutilis conspiratio, confidens.... de victoria, &c.

Et num. 16. Apparet pulcrum & grande spectaculum, ut qui dominicæ passionis locum venerat venerari, & trophæum ejusdem sanctæ crucis experiretur, & meritum. Carcerales namque tenebras cælestis perlustrat illuminatio; in modum crucis jacentem divina erigit misratio, & eductum de pœnis taliter alloquitur angelica consolatio: esto securus, Macari, assertor veritatis; nec te moveat subita solutio tuæ liberationis, quia taliter suos liberat respectus supernæ miserationis, nec deerit post pugnam felicitatis corona. Exi ergo, exi mecum: nec retrahas ab incæpto pedem tuum, quia crastina die apud incredulos victoria erit tecum. Qui enim tui prius extiterunt maligni persecutores, cras fient veritatis pro te benigni exactores, & omnium quæ docueris vel jusseris promptissimi executores. Talibus armis miles ad pugnam renovatus (ubi cælestis archiater cælestes repetivit sinus) hostibus se infert medium, reddita luce lætabundus, nil sibi dubius de victoria: omnem enim excluderat dubietatem sponsio angelica, & laxata vincula.

Hærent Judæi, & mirantur Saraceni, seque & ipsum invicem adspiciunt stupefacti. Mirantur liberum quem paulo ante dimiserant reclusum; solum quem reliquerant ligatum: illæsum quem.... multis plagis reddiderant affectum. Conturbat animos eorum error plurimus, donec accitiis sciscitantisque custodibus, narratur eis lux cælitus emissa, visitatio angelica, curatio & solutio divina. Quibus compuncti tandem assentiunt veritati, venerantur Verbi Dei mysterium, licet omnibus modis oppugnatum, nequaquam tamen expugnatum: amplectuntur ejus vestigia, interpellant eum duplici pro misericordia, eorum quæ in eum commiserant venia, & fidei commendandæ gratia. Non invenitur difficilis ad dandum, quod si illi non petissent sibi fuerat ab eis petendum, scilicet ut quærent indulgentiam errorum.... sicque eorum cordibus commendans fidei verbum, insinuat eis eorum esse regnum cælorum, qui renascuntur per aquam & Spiritum sanctum. Suscipiunt fidem, currunt ad baptismi fontem: regenerantur in Christo quotquot prædestinati erant ab eo.

Et num. 17. Percurrit fama justæ regionem, pervolant alii ad doctrinam, per plures ad videndum doctorem: diversus erat concursus; non idem quippe concurrentium affectus, sed idem omnium oculis paulopost pervenit effectus. Offerentes ei equidem Eutychianum, nobilem quemdam Saracenum, cui ab anno nativitatæ nono, ut sui referebant, usque ad senectutem nimia invalitudo loquendi & audiendi tulerat officium: ex cujus

Gg ij



recuperatione volebant sibi capere attestationis illius experimentum. Dextera quoque manus ejus deformi unguium & digitorum arefacta involutione, adeo ut sibi met ipsi plus oneri quam usui videretur adesse, inutilem cum cæteris malis efficiebat paganum animam & corpore. Orant omnes instanter pro eo apud Iustum, Iustus pro se & pro omnibus illis instantius apud Deum, quatenus radicata in eorum cordibus fide, reddita salus Saraceno prædicationi suæ perhiberet testimonium. Oravit, & exoravit. Saracenus se ipsum absolute loquentem audivit, arida manus integritatem recepit, & cum aliis plurimis sacro fonte baptismi perfusus Dominum laudavit, sicque etiam apud absentes curationis suæ lingua factus, cum gaudio recessit. Cujus curationis & conversionis gratia, pluribus ad fidem properantibus, causa fuit postmodum infirmitatem & incredulitatem evadendi, ejusdemque præfati magnificandi gloriam. Quantus enim fuerat in subtilitate disputationum, in disputanda sinceritate scripturarum, admirari quidem possumus, definire non possumus. Commendat hoc Judæorum monitis ejus facta ad Deum reversio, Gentilium quoque plurima conversio, & in his qui crediderant multimoda virtutum operatio; quos ubi verbo veritatis fideliter informavit, & in susceptæ fidei perseverantia penitus fundavit, gratificis mandatorum Dei confirmatos sermonibus, Deo Pastori summo commendavit singulatinis orationibus.

Et num. 18. Deinde ut valefaceret, loca tam dignæ perlustrans memoriæ, passionis scilicet, crucis & mortis, Resurrectionis & Ascensionis Domini, Joanni Patriarchæ cum cæteris fidelibus valedixit, sicque cum illo comitatu suo peregrinus & exul, Hierusalem supernam quærere demigravit. Patet ei amplitudo terrarum, sed non aliquis in eo placet locus ad permanendum. Nullam quærit patriam habere, nisi quam sibi placeat amplius non mutare. Lætantur itinera mundi, ubi transitus habetur tanti peregrini. Vadit ad dexteram & sinistram; nullam curat præterire regionem, nisi Syriam & Armeniam: patriam enim & parentes fugiens; Christum imitando, archipræsulatus etiam honorem ducit pro nihilo. Ille sibi tantummodo complacet locus, quem possit pertransire obscurus.

Post varias diuturnioresque peregrinationes tandem venit Gandavum anno Christi 1011. quumque meditaretur redire in patriam, ubi mater ejus adhuc superstes ipsum à multis annis præstolabatur, pestilentia ictus in cælum migravit Gandavi anno sequenti 1012. die 10. April. fer. 5. post Pascha, multis exinde, sicut & per vitam, clarus miraculis. Hoc ejus elogium refert Henschenius, ad diem 10. April. num. 3. pag. 874. C. Beatæ memoriæ Macarius, Antiochenæ sedis archiepiscopus,

A sapientia & morum honestate præclarus: sicque præfatus Outhoboldus abbas, (quem paulo antea, in eodem num. 3. dixerat hujus elogii auctor fuisse electum abbatem hujus monasterii Gandensis, anno 1019. subindeque septem duntaxat annis post mortem Macarii) utpote ab eo visus & notus testatur, quem post plurima peregrinationis incommoda Gandensi cænobio transmittere dignatus est Dominus: ubi præsentis vitæ molestia exutus, & æterna gloria sublimatus, crebris miraculorum signis postmodum mirifice clariuit. Henschenius ibid. p. 882.

B col. 2. de Joanne Patriarcha quem Hierosolymis Macarius vidit, loquens in annotatis, ait: Patriarchas Hierosolymitanos, qui istis temporibus floruerunt, ad principium Maii colligemus particulari tractatu, & reperiemus circa annum 1006. martyrio affectum Orestem, cui potueris hic Joannes successisse, paulopost anno 1012. successorem habuisse Theophilum. Ipse nihilominus initio 10m. 3. actorum sanctorum mensis Maii, ubi hunc catalogum Patriarcharum Hierosolymorum texit, num. 184. pag. 43. ut jam supra dictum est, in eam sententiam propendet istum Joannem Patriarcham, illum fuisse quem Saraceni combusserunt circa annum Christi 969. Macarium enim, si velimus, inquit, florenti adhuc ætate, honorem & curam pastorem fugisse, venisseque Hierosolymam, annis ante mortem suam circiter quinquaginta (certe ab anno 969. ad annum 1012. fluxerunt anni 43.) nihil obesse quominus in urbe sancta Patriarcham inveneris Joannem de quo agimus; nec propterea opus foret alium inducere in hunc catalogum, qui sederit initio sæculi XI.

D Si quis tamen malit, quod etiam probabilius videtur, Joannem Patriarcham, quem Macarius Hierosolymis invisit, illo Joanne à Saracenis occiso esse posteriorem, quippe quum vix credibile sit, siue Macarium hunc per quadraginta quatuor circiter annos post Hierosolymitanum iter denuo peregrinatum esse, proindeque usque ad annum vitæ septuagesimum-quintum, aut ulteriorem, quantumvis triginta solum annos natum has peregrinationes suscepisse daremus: siue tunc adhuc vixisse ejus matrem; ut in hac secunda ejus vita expresse dicitur: si, inquam, Joannes iste à Joanne illo priori diversus est, & post annum 969. sedit: hic ejus meminimus. Patriarcharum enim Hierosolymorum hujus temporis valde obscura est successio, nec minus perplexa duratio regiminis singulorum. Pagius autem 10. 4. crit. anal. Baron. ad ann. 1011. num. 6. colligit ex illa secunda sancti Macarii vita, 1.º Hunc Hierosolymam venisse ante Dominici sepulcri everfionem à Saracenis peractam anno Christi 1010. sub Patriarcha



Hieremia sive Oreste, ut infra dicetur. 2.<sup>o</sup> A  
Joannem Patriarcham Hierosolymitanum à  
quo Macarius benigne exceptus est (alterum  
utique à Joanne quem Saraceni combusserunt  
circa annum Christi 969.) omisum fuisse à  
Papebrochio in tract. prælim. ad to. 3. Maii,  
& sedisse ante præfatum Hieremiam, non  
vero post eum, ut putavit Henschenius in  
notis ad eandem posteriorem vitam ejusdem  
S. Macarii. Addi potest Joannem istum verifi-  
millimè ipsum esse Hieremiam, qui Patriar-  
cha erat ante annum 996. quo obiit Azizus  
Billa Califa Ægypti, ut infra dicetur: decessit  
autem anno Christi 1010. aut 1011. Quum  
enim hic Patriarcha, & Hieremias & Orestes  
à scriptoribus appelletur, potuit quoque ab  
auctore vitæ secundæ sancti Macarii appellari  
Joannes: certe in fine sæculi x. & initio xi.  
Hierosolymis sedebat ille Hieremias, subinde-  
que alium Hierosolymis non vidit Macarius  
Patriarcham, quum eò peregrinatus est.

## LXXVI. CHRISTOPHORUS,

## sive CHRISTODORUS II.

Hunc Christophorum sive Christodorum Pa-  
triarcham Hierosolymorum Theodoricus  
Pauli hoc elogio exornat, sub nomine Chri-  
stodoli II. apud Papebrochium in tract. prælim.  
ad tom. 3. Maii, num. 185. p. 43. col. 1. quod  
rexit ecclesiam suam feliciter, infinitas tribula-  
tiones à Paganis sustinens: nam sua melliflua  
prædicatione multos convertebat, & tandem fe-  
lici fine quievit. Verum non indicat Theodo-  
ricus unde hoc eruerit, nec quo anno ince-  
perit, aut desierit tam præclara hujus Chri-  
stodoli regiminis administratio.

## LXXVII. THOMAS II.

## LXXVIII. JOSEPH II.

Thomas & Joseph, in catalogis Patriarcharum  
Hierosolymorum, Christophoro seu Christo-  
doro succedunt, primus quidem Thomas,  
deinde Joseph. Sub Thoma Theodoricus  
Pauli tunicam Christi inventam esse in Pa-  
læstina asserit. At quadringentis fere antea  
annis id contigerat, anno scilicet Christi 590.  
sub Joanne IV. Vide supra col. 243. D. Joseph  
in Dosithei catalogo dicitur philosophus &  
medicus. Theodoricus hunc eo elogio exornat  
apud Papebrochium ibid. col. 2. D. quod fuit  
vir sanctus, & in maxima persecutione rexit  
ecclesiam Hierosolymorum in multis bonis, flo-  
ridus in largiendis eleemosinis: fuit in negotiis  
ecclesiasticis valde fervidus, & egenis largus,  
tandem plenus virtutibus migravit. Nos ab-  
solutè latet, quot annos uterque hic Pa-  
triarcha ecclesiæ curam Hierosolymorum  
gesserit.

## LXXIX. ALEXANDER.

## LXXX. AGAPIUS.

## LXXXI. HIEREMIAS seu ORESTES.

De Alexandro & Agapio dicemus in fine  
hujus articuli: Hieremiam autem & Orestem  
unum esse eundemque virum modo patebit.  
Elmacinus lib. 3. hist. Sarac. cap. 5. pag. 247.  
hæc habet de Hieremia: Azizus Billa Domi-  
nus Ægypti uxorem duxerat Christianam Mel-  
chiticam, ex qua & filiam susceperat. Erant  
autem ei mulieri duo fratres, quorum alterum  
nomine Hieremiam constituit Patriarcham Hie-  
rosolymitanum, alterum autem Arsenium nomine  
Patriarcham Melchitarum Alcahiræ & Misra  
(id est, Alexandrinum, inquit Pagius tom. 4.  
crit. annal. Baron. ad annum 1009. num. 6.)  
Atque hi cum Azizo aliquam habebant familia-  
ritatem, quod avunculi filiæ ejus essent, unde &  
eo imperante promoti sunt. Regnare inceperat  
in Ægypto Azizus iste eisdem die & anno  
Hegiræ quibus obierat pater ejus Muazzus  
Lidinilla, ex præfato Elmacino pp. 233. &  
234. scilicet anno 365. Hegiræ, qui inceperat  
die 10. Septemb. anni Christi 975. die unde-  
cimo Rabii prioris, id est die 18. Novemb.  
ejusdem anni. Obiit autem anno Hegiræ 386.  
qui incepit die 25. Januar. anni Christi 996.  
mense Ramadano, id est Octobri ejusdem  
anni. Unde in eo annorum spatio sedere  
Hierosolymis incepit Hieremias. Non tamen  
ut videtur, ante annum Christi 984. quo  
circiter sororem ejus in uxorem duxerat  
Azizus Billa, ex qua anno sequenti filium  
suscepit Hakemum ejus in Califatu succes-  
sorem.

Mortuo autem Azizo Domino Ægypti,  
pergit Elmac. ibid. cap. 6. pag. 255. cessit  
imperium filio ejus Hakemo Biamrillæ tertio  
Fatimidarum, quia scilicet, ut habet idem  
Elmacinus pag. 227. anno Hegiræ 358. (in-  
choato die 25. Novembris anni Christi 968.)  
venit Gheuharus minister Muazzi Lidinillæ  
(patris Azizi) qui Dominus erat Cairawan  
cum exercitu in Ægyptum, & erexit nobilita-  
tem Muazzicam (id est, sublimiorem fecit)  
ita ut populus Muazzo juramentum fidelitatis  
præstiterit, & Gheuharus pacta cum eo fecerit.  
Ingressi sunt autem Gheuharus & exercitus ejus  
Ægyptum die Martis decimo-septimo Siaabani,  
(mensis 8. anni Hegiræ 358. subindeque die  
circiter 21. Julii anni Christi 969.) Hinc  
initium repetit nobilitatis Fatimidarum in  
Ægypto præfatus Elmacinus, cujus nobilitatis  
auctor fuit ille Muazzus pater Azizi & avus  
Hakemi. Prosequitur Elmacinus pag. 255.  
cessit imperium.... Hakemo.... tertio Fatimi-  
darum, filio Abulmansoris filii Barari (id est,  
G g iij



filio Azizi filii Muazzi, ex eodem Elmacino A  
pag. 234.) die Martis 28. mensis Ramadani  
(mensis noni anni Hegiræ) 386. (die circiter  
20. Octob. ejusdem anni 996.) Natus autem  
erat Alcahiræ in Rabio priori (mense tertio  
anni Hegiræ) 375. (qui incepit 24. Maii anni  
Christi 985. adeoque natus est Hakemus  
mense Augusto ejusdem anni) ita ut quum  
imperare inciperet, natus esset annos undecim,  
sed administrabat pro eo imperium Arghuanus  
minister, jussu patris ejus Azizi Billæ. Afflixit  
(Hakemus iste) Christianos & Judæos, subdit  
Elmacinus ibid. pag. 260. & templa eorum B  
diruit, eosque vexavit: unde multi ex iis Isla-  
mismum sunt amplexi, sed, mutata deinde sen-  
tentia, dedit eis, qui ad Islamismum defecerant,  
(licentiam) eidem renuntiandi, & permisit eis  
restaurare templa sua. Quin aiunt eum præconi  
suo dixisse; quot habes in catalogo tuo? hunc  
autem respondisse: sedecim millia confitentur te  
esse Deum: paucis; concurrebant in eo atheismus  
& insania. Occisus est, ex eodem Elmacino  
pag. 258. anno (Hegiræ) 411. (qui cœpit die  
27. Aprilis anni Christi 1020. in (mense)  
Siewalum (decimo mense anni Hegiræ, proin- C  
deque occisus est in mense Februario anni  
Christi 1021.) quum regnasset annos 25. &  
dimidium mensem, & natus esset annos 37.  
Successit (autem) ei, ibid. pag. 260. filius suus  
Alis Abulhasenus die Martis ultimo Siewali,  
anno Hegiræ 411. sedecim diebus post cædem  
patris sui Hakemi: (adeoque die 5. circiter  
aut 6. mensis Martii anni Christi 1021.) Natus  
erat Alcahiræ die Mercurii 14. mensis Rama-  
dani (noni Hegiræ) anno (ejusdem) 395. qui  
incepit die 18. Octob. anni Christi 1004. &  
sic natus erat in mense Julio anni Chr. 1005.)  
ita ut annos haberet quum Imperator fieret, se-  
decim: & cognominatus fuit Tahirus Liuzaz-  
dinilla.

Porro Albericus monachus trium Fon-  
tium ordinis Cisterciensis, in diœcesi Cata-  
launensi, in chronico editionis Lipsiæ 1698.  
part. 2. pag. 46. ad annum 1011. & sequen-  
tem, hæc refert de persecutione quam intulit  
Hakemus Christianis locorum sanctorum in-  
colis: Anno 1011. Guido de oppressione fide-  
lium in Hierosolymis sub dominatione Sarace-  
norum, infra tempus ab Imperatoris Caroli E  
Magni diebus dies istos adusque transactum.  
Quum per idem tempus inter Persas & Ægyp-  
tios pertinax esset de monarchia contentio, tan-  
dem Ægyptiorum regnum prævaluit, & usque  
ad Antiochiam ab Ægypto provincias occupavit,  
& sanctam Terram cum aliis occupavit. Post hæc  
Ægyptiorum Achim (Hakemus) Soldanus &  
Califas, (quod interpretatur heres Mahumeth,  
scilicet eorum maximi seductoris, dictus etiam  
Mulone, quod interpretatur apud ipsos Do-

minus noster; quæ nomina non propria, sed  
appellativa sunt) prædecessores suos sicut poten-  
tia, sic & malitia eos superare conatus est.  
Etenim Dominicæ resurrectionis ecclesiam, quæ  
per venerabilem virum, Maximum ejusdem loci  
episcopum, præcipiente Constantino primo glo-  
riosissimo Augusto constructa fuerat, post eversa  
per Cosdroë tyrannum Persarum, per Imperato-  
rem vero Herachytum (Heraclium) & Mo-  
destum Patriarcham reparata, solo coæquari  
mandavit: Orestem insuper Patriarcham, ma-  
ternum avunculum suum (eundem proinde  
hominem ac Hieremiam, quem pater hujus  
Hakemi Azizus Billa, utpote fratrem uxoris  
suæ, constituerat Patriarcham Hierosolymita-  
num) privatum oculis & captivatum in Ba-  
bylonem adduxit. Hoc totum factum est in se-  
quenti anno.... Unde paulo inferius. Anno  
1012. ecclesia Hierosolymorum destructa est, &  
Patriarcha Orestes oculis privatus captivus ab-  
ductus est. Sequitur Guido: Ab ea die cæpie  
fidelium in ea civitate multo deterior esse con-  
ditio, quod hoc uno de tot millibus probatur  
exemplo. Quidam ab infidelibus nostros perse-  
quentibus odio insatiabili, ut aliquid eis moli-  
retur ad mortem, projecit in atrium templi mor-  
tuum canem, in cujus munditia conservanda  
tam custodes quam civitas universa de mandato  
Califæ non minimam sollicitudinem impende-  
bant. Imputatur hoc piaculum de cane mortuo  
Christianis: decernitur interitus universis, quum-  
que gladii Christianorum cervicibus imminerent,  
egregius quidam adolescens, fide & spiritu  
plenus, annua memoria piæ recordationis animæ  
suæ petita suppliciter, unanimiterque concessa,  
coram primatibus & populo civitatis se reum,  
D & alios asserens innocentes, pro fratribus poni-  
tur & exponitur gladiis, aliis absolutis. Hic  
notandum est, quod supra in anno 970. ubi  
agitur de Bernardo quodam monacho, Theodo-  
sius erat Patriarcha Hierosolymitanus. (Hic  
Theodosius anterior est 100. annis, quippe  
qui Heliam syncellum suum misit Constan-  
tinopolim, ut vices suas gereret in synodo  
octava anno 869. habita.) Ex tunc usque ad  
annum hunc (1012.) pergit Albericus ibid.  
p. 47. part. 2. Isti fuerunt Patriarchæ: Helias  
(III.) Sergius, Leontius, Anastasius, Christo-  
dorus, Thomas, Joseph, Orestes. Hic est qui à  
Soldane Achim (Hakemo) nepote suo excæ-  
catus, hoc anno ductus fuit in Babylonem, &  
ibidem occisus. Post hunc fuit Patriarcha Theo-  
philus, deinde Nicephorus, de quo dicemus abhinc  
per annos triginta septem, quando facta est ec-  
clesiæ Hierosolymitanæ restauratio. Hucusque  
Albericus, in cujus catalogo nonnulli præ-  
sules Hierosolymorum desiderantur, qui &  
in Indicibus defunt, de quibus supra aliunde  
notitiam hausimus.



Willelmus Tyrius *hist. de bello Sac. lib. 1. cap. 4.* eandem cladem Christianis illatam sub Hakemo Califa sic describit, pag. 631. *lin. 12.* Hic, & prædecessorum suorum, & successorum pariter longe vincens malitiam, factus est posteris, & ejus insaniam legentibus solennis fabula. Adeo enim in omni impietate & nequitia singularis extitit, ut ejus vita Deo & hominibus odibilis, speciales exigat tractatus. Hic inter cætera, quæ perniciofa plurima præceperat, Dominicæ resurrectionis, (quæ per venerabilem virum Maximum ejusdem loci episcopum præcipiente Domino Constantino Augusto ædificata fuerat, postea per reverendissimum Modestum tempore Domini Heraclii reparata,) funditus dejici mandavit. Cujus præcepti rescriptum quidam ejus procurator, præses videlicet Ramulensis, Hyaroë nomine, ad se directum suscipiens, prædicta ecclesia usque ad solum diruta, jussionem regiam effectui mancipavit. Præerat vero ea tempestate eidem ecclesiæ vir venerabilis Orestus (sive Orestes) nomine, ejusdem nequissimi regis avunculus, matris ejusdem frater. Hoc autem ideo fecisse dicitur, ut suæ perfidiæ populis infidelibus daret argumentum. Objiciebatur enim ei Christianitatis titulus, eo quod ex matre Christiana natus esset; quam quasi crimen à se volens depellere, prædictum facinus ausus est perpetrare: nihil arbitratus superesse calumniæ, quod in ejus personam impingi posset, quodque ejus æmulis pateret ad morsum, ex quo religionis fontem Christianæ, fidei catholicæ cunabula dejecisset.

Cap. 5. Ab ea die cæpit fidelium in eadem civitate multo deterior esse conditio, tum ex dolore justissimo quem ex casu sanctæ resurrectionis ecclesiæ conceperant; tum ex multiplicatis angariis geminata molestia. Nam præter enormitatem tributorum & vectigalium, quæ ab eis præter morem, & contra privilegia à suis prædecessoribus indulta exigebantur, solemnitates etiam interdixerat, quas usque ad illum diem, sub aliis principibus, & in occulto & palam satis libere celebraverant: Quoque dies erat celebrior, eo arctius domiciliorum suorum septis cohibebantur, nec in publicum audebant comparere. Domi etiam non tutum dabatur eis habere refugium, sed jactu lapidum, & sordium immissione, & violentis irruptionibus, quanto dies erat solemnior, tanto amplius molestabantur. Ad hæc pro quolibet verbo levi, ad quamlibet accusatoris alicujus suggestionem, sine causæ cognitione rapiebantur ad cruces & supplicia, bona confiscabantur, auferebantur possessiones, filiique eorum & filia rapti de domibus parentum, flagellis aliquando, nonnunquam blandimentis & promissionibus apostatare cogebantur, aut patibulis affigi. Qui autem pro tempore erat illis Patriarcha, is primum injurias excipiebat

& opprobria; tum eos & publicè & secretius ad longanimitatem invitans pro temporalibus quæ patiebantur malis coronas promittebat sempiternas. Cujus verbis & exemplo commoniti, transitorias pro Christo contemnentes injurias se invicem mutua charitate consolabantur. Referre per singula longum esset quanta in propriis corporibus prædicti servi Dei pertulerint tormenta, ut hæredes fierent in domo Domini, & ut leges æmulerentur paternas, &c.

Subdit Pagius *tom. 4. crit. annal. Baron. ad annum 1009. num. 4.* sacrum Hierosolymorum templum anno 1010. eversum fuisse, juxta Ademarus in chronico, qui hoc tempore vivebat, in eo tamen peccat, uti & Glaber, cujus verba refert Baronius ad annum 1009. *num. 4. & seqq.* quod id jussu Califæ Babylonienfis factum fuisse affirmet; quum tunc Syriæ & Ægypto, non Califa Babylonienfis, sed Califa Ægypti, qui hoc tempore erat Hakemus, præsideret. Curopalates autem, cujus verba recitat idem Baronius *n. 10.* & legi possunt apud Cedrenum *10. 2. pag. 706. C.* recte quidem hanc cladem principi Ægypti adscribit, sed illum male Azizium appellat. Hic enim Hakemi pater fuit, jam ab anno Christi 996. fato functus. Verum historici, de iis quæ in longinquis regionibus gesta sunt verba facientes, non raro veris falsa miscent. Sic ergo loquitur de ea clade Ademarus, apud eundem Pagium modo citatum, & *tom. 2. Bibl. Labb. pag. 174.* Ipso anno sepulcrum Domini Hierosolymis confractum est à Judæis & Saracenis, *111. kalend. Octobris* (id est 29. Septembris) *MX.* ab Incarnatione ejus. Nam Judæi Occidentales & Saraceni Hispaniæ miserunt epistolas in Orientem, accusantes Christianos, & mandantes exercitus Francorum super Saracenos Orientales commotos esse. Tunc Nabuchodonosor Babyloniæ, quem vocant Admirantum, concitatus suasu paganorum in iram, afflictionem non parvam in Christianos exercuit, deditque legem, ut quicumque de sua potestate nollent fieri Saraceni, aut confiscarentur, aut interficerentur. Unde factum est, ut innumerabiles Christianorum converterentur ad legem Saracenam: & nemo pro Christo morte dignus fuit præter Patriarcham Hierosolymorum, qui variis suppliciis occisus est, & duos adolescentes germanos in Ægypto, qui decollati sunt, & multis claruerunt miraculis. Nam ecclesia sancti Gregorii (Glaber rectius habet Georgii) quæ hætenus à nullo Saracenorum potuit violari, tunc destructa est, cum aliis multis ecclesiis sanctorum, & peccatis nostris promerentibus, basilica sepulcri Domini usque ad solum diruta. Lapidem vero Monumenti quum nullatenus possent comminuere, ignem copiosum superadjiciunt, sed quasi adamas immobilis



mansit, & solidus. Bethleemiticam ecclesiam, ubi Christus natus est, quum niterentur destruere, subito apparuit eis lux fulgurans, & omnis multitudo paganorum corruens expiravit confestim; & sic ecclesia Dei genitricis intacta remansit. Ad monasterium quoque Montis-Sinai, ubi quingenti & eo amplius monachi sub imperio abbatis manebant, habentes ibidem proprium episcopum, venerunt Saracenorum decem millia armatorum, ut monachos perimentes, habitacula eorum cum ecclesiis diruerent. Propinquantibus autem à quatuor fere millibus conspiciunt totum montem ardentem & fumantem, flammisque in celum ferri, & cuncta ibi posita cum hominibus manere intacta. Quod quum renuntiassent regi Babylonio, penitentia ductus tam ipse, quam populus Saracenus, valde doluerunt de his quæ contra Christianos egissent: & data præceptione iussu reædificare basilicam sepulcri gloriosi; tamen redincepta basilica, non fuit amplius similis priori pulcritudine, vel magnitudine, quam Helena mater Constantini regali sumptu perfecerat. Moxque è vestigio super omnem terram Saracenorum fames incanduit per tres annos, & innumerabilis eorum multitudo fame necata est, ita ut plateæ & deserta cadaveribus omnino replerentur, & fierent homines cibus & sepultura feris & avibus. Sequuta est eos gladii vastitas: nam gentes Arabiæ super terram eorum diffusæ sunt, & qui remanserant, fame & gladiis interierunt. Captus est ab eis rex Babylonæ, qui se contra Dominum erexerat in superbiam, & vivus, ventre dissecto, visceribusque extractis, impiam animam ad barathrum projecit. Venter ejus lapidibus oppletus, consutus est, & cadaver, ligato plumbo ad collum in mare demersum est. Eo anno Radulphus Petragoricæ episcopus, Hierosolymis rediens, retulit quæ viderat ibi infanda, & obiit Petragoricæ. At non confundendum Hakemum Califam Ægypti qui anno duntaxat Christi 1021. ut supra dictum est, col. 475. C. obiit, cum isto Babylonæ Califa. Historici enim Latini, qui de hac persecutione verba habuere, inquit Pagius laudatus n. 6. in eo, ut videtur, peccarunt, quod eam Califæ Babylonico attribuerint, quia sæculo elapso Ægyptus ei subdita fuerat; neque adverterunt Ægyptium sibi regem (Muazzum scilicet Hakemi avum, & Azizi patrem) sæculo præcedenti constituisse. Wilhelmus quidem Tyrius lib. 1. de bello sac. cap. 4. hunc errorem vitavit, sed hanc persecutionem in annum 1011. perperam distulit, quam Ademarum modo recitatus, & coætaneus, ad annum 1010. expresse revocat.

Theodoricus Pauli, apud Papebrochium tract. prælim. in 10. 3. Maii, num. 187. p. 43. hoc Orestis Patriarchæ Hierosolymitani, ex nescio quo auctore, textit elogium: Orestes

A sanctus & martyr pretiosus, illustris generi, qui conversus ad fidem Christi ex Saracenismo, profecit in omnibus virtutibus, ita ut ad summum gradum sacerdotii proveheretur. Erat enim filius præpotentis ducis Abellinæ, qui defuncto sancto Joseph prædecessore suo, electus in Patriarcham Hierosolymitanæ urbis, strenue vixit, exemplum dans cunctis subditis suis bene vivendi. Quum igitur gradatim de virtute in virtutem in dies ireret, iratus soldanus Achim (Hakemus) nepos ejus, Hierusalem potenter intravit, ac ipsum sanctum Orestem Patriarcham, nolentem fidei Christianæ renuntiare, flagellatum, lampadibus ustum, & ad trochleas tormentatum, tandem post diversa tormenta constanter tolerata crudeliter martyrizatum decollavit: cujus festum celebratur 17. die Maii. Florarium autem sanctorum manuscriptum, eodem quo Theodoricus Pauli scribebat tempore exaratum, (de quibus vide supra col. 142.) 15. die Maii habet hæc: Hierosolymis Oresti episc. & mart. Babylonem autem, subjungit Papebrochius, quo abductum Patriarcham narrant catalogi, non aliam intellexerim quam Ægyptiam, Alchiram Saracenis, Cairum Europæis vulgo dictam. Rodulfus Glaber, lib. 3. cap. 7. apud Andr. Duchesne monim. Franc. 10. 4. p. 32. tradit Judæos Aureliis ex Gallia per occultas litteras Hakemo significasse; quoniam nisi celerius domum Christianorum venerabilem (dominici sepulcri) subverteret, sciret se in proximum, Christianis regnum ipsius occupantibus, omni penitus dignitate carere... Verum everso templo, post paululum manifeste claruit, quoniam Judæorum nequitia tantum nefas sit patratum: utque divulgatum est per orbem universum, communi omnium Christianorum consensu decretum est, ut omnes Judæi ab illorum terris vel civitatibus funditus pellerentur; sicque universi odio habiti, expulsi de civitatibus, alii gladiis trucidati, alii fluminibus necati, diversisque mortium generibus interempti: nonnulli etiam sese diversa cæde interemerunt; ita scilicet ut digna de iis ultione peracta, vix pauci illorum in orbe reperirentur Romano.

Cæterum Christianorum persecutio maxima fuit in Ægypto: nam, ut scribit alius quidam Chronol. Arabicus, natione Cophtita, Elmascino sæculo circiter uno anterior, quem Abraham Ecchellensis Maronita Latinum fecit, vulgavitque, Zacharias suffectus est apud Alexandrinos Patriarcha, anno 728. martyrum (Christi 1012.) Hunc vero crudeliter persecutus est Al-Hakemus, ut septennio latere coactus fuerit. Aliquando leonibus fame laborantibus projectus est, nullam tamen ipsi intulerunt noxam. Subdit Elmascinus lib. 3. hist. Sarac. cap. 6. pp. 263. & 264. Aiunt anno 393. (Hegiræ) constitutum fuisse Patriarcham (Alexandr.) Abuna



Abuna Zachariam anno 7. imperii Hakemi Domini Egypti, die solis, 20. (mensis) Babæ anno 720. martyrum (Christi 1004.) & sedisse annos 28. & 7. quidem annos in persecutione. Objectus fuit leonibus jussu Hakemi, una cum Sausana Nubiensi, sed qui, licet famelici, eis tamen non nocuerunt: unde post tres menses dimissi sunt. Latuit autem annos 9. & obiit 8. (mensis) Tubæ, anno martyrum 748. (Christi 1032.) ac sepultus fuit in Æthiopia: vacavitque post eum sedes 74. dies. Hunc Zachariam fuisse Patriarcham Jacobitarum Alexandrinorum asserit Doctissimus Renaudotius *hist. Patriarch. Alexandr. pag. 386. & seqq. pag. quoque 389.* Abunagiah, cujus nunc mortem descripturi sumus, à Jacobitis inter suos martyres numerari. Unde si revera contigerint miracula, quæ in illorum actis narrantur, idem judicium de iis ferendum palam est, ac de iis quæ referunt Socrates & Sozomenus patrata in gratiam Novatianorum: fuisse hæc nimirum testimonia veritatis dogmatum quæ Jacobitæ communia habent cum catholicis, non vero approbationem errorum qui iisdem proprii sunt aut ipsorum sanctitatis. Pergit chronologus Arabicus: *Ecclesiæ vero sub eo clausæ sunt multo tempore, nec quisquam missam celebrare audebat nisi in ecclesia sancti Macarii: & plurimis ærumnis affecti sunt Christiani abs Al-Hakemo, qui etiam appendi jussit cruces collis Christianorum, & vituli caput collis Judæorum. Tandem comprehendit Al-Hakemus scribas Aulæ, & nobiles Christianorum, eisque proposuit, aut fidem amplecti Moslemanicam, aut neci se parare. Qui responderunt ei omnes: sequemur seniore Abunagiahum, quoniam ipse est noster primas & major. Cui accersito Moslemanicam proposuit Al-Hakemus religionem. Respondit ipsi senior Abunagiahus: permittat mihi Califa, concedatque hanc noctem, ut animum meum consulere possim; cras autem dabo responsum. Ille autem ad suam profectus domum, valedixit uxori ac liberis, & quas elemosynas ac sacrificia post ejus obitum essent facturi commendavit, totamque noctem illam in orationibus persolvendis transiit. Illucescente die sese Al-Hakemo sistit. Cui ait ille: Quid tibi senior Abunagiahæ, dixit animus tuus? Domine mi, respondit, animus meus optimus ac fortissimus est in mea fide, & religione patrum meorum. Tunc præcepit Al-Hakemus ut loris bubulis mille ictus acciperet absque ulla intermissione. Quum itaque septingentis ictibus percussus esset, dixit, furio. Tunc milites id ad Califam retulerunt, qui ait ipsis; si Moslemanicam amplectatur fidem, date ei bibendum. Qui dixerunt ei: Moslemanicam amplectere fidem, & dabimus tibi bibendum. Qui respondit eis: Non. Jam Dominus meus Jesus mihi bibendum dedit. Et*

Tomus III.

viderunt milites barbam ejus & labia aqua mandentia, statimque tradidit spiritum. Quod quum relatum esset Califæ, dixit: percutite illum donec complebuntur mille ictus; & percusserunt eum trecentis ictibus post ejus mortem. Hæc refert Papebrochius supra citatus, n. 188. p. 44.

Ad istud tempus referri poterit, quod scribit Nicephorus Calixtus, de translatione quorundam episcoporum agens, *lib. 14. hist. eccl. cap. 39. pag. 529.* C. sub Basilio Porphyrogenneta qui Constantinopoli regnavit ab anno Christi 975. usque ad annum 1025. *B Alexandrum* ad sedem Hierosolymitanam fuisse translatum. *Agapius*, inquit, *Seleuciæ in Pieria antistes, Antiochiam & ipse translatus est, Basilio Porphyrogenneta Romanis imperante: sub ejusdem imperio Theophylactus Sebastia Rossiam, & Alexander Antiochia Hierosolymam.* De præfato Agapio legitur *lib. 4. Jur. Græco-Romani, cap. 4. pag. 294. sub ejusdem (Basili Porphyrogennetæ) imperio, tempore profectio- nis (Bardæ) Scleri, (ante ann. 986.) ut scribit Theodorus episcopus Sebestæ, Agapius archi- episcopus Seleuciæ civitatis in Pieria sitæ, factus est Hierosolymorum Patriarcha, qui hanc in urbem (Constantinopolim) profectus, ministre- rium sacrum obivit una cum beatissimo sanctissi- moque Patriarcha, Domino Nicolao, & cum sacra synodo. Nicolaus iste, cognominatus Chrysoberges, sedit Constantinopoli, ab anno Christi 983. ad annum 995. Verum quum toto illo tempore nulla esset Græcorum Im- peratorum in Palæstina potestas, admissi for- tassim non fuerunt Hierosolymis Alexander & Agapius, qui inter Patriarchas Hierosolymo- rum reipsa non recensentur in Indicibus: fieri tamen potuit ut sederint ante Orestem, post quem nominatur Theophilus.*

#### LXXXII. THEOPHILUS.

Jam vidimus Theophilum Orestis, ceu proximum ejus successorem, subungi ab Alberico, *part. 2. pag. 47. Post hunc inquit (Orestem) fuit Patriarcha Theophilus. Ita quoque cata- logi. Theodoricus Pauli, apud Papebrochium tract. prælim. 10. 3. sanctorum Maii, num. 189. pag. 44. hoc eum elogio afficit: rexit feliciter sanctam suam ecclesiam in grandi pressura & paupertate: ejusque vita virtutibus & miraculis plena per totam terram sanctam refulsit. Con- jicit Papebrochius perbreve fuisse hujus Theophili episcopatum, paucorumque anno- rum; quippe quum sub eo cœpta ecclesiæ sancti sepulcri restauratio, Nicephoro, qui ipsum excepit, fere tota adscribatur. In Dosithei Patriarchæ catalogo additur: Nosse interest Hierosolymitanam sedem Patriarcha vacasse annos XI. In eodem catalogo post Theophilum recensetur Nicephorus I. & post*

Hh



eum *Orestes I. Romano Imperatore sub quo templum (sancti sepulcri) instauratum fuit.* Verum hæc successionum series aliis scriptoribus refragatur, qui *Orestem Theophilo & Nicephoro præponunt; eumque aiunt sub Hakemo interfectum, ut supra dictum est.*

## LXXXIII. ARSENIUS.

Quamvis de isto *Arsenio* nullam, inter Patriarchas Hierosolymorum hujus ævi, catalogi Latini faciant mentionem, nec etiam *Albericus* in suo chronico, qui *Theophili* successorem *Nicephorum* statuunt; quin tamen *Arsenius* vere fuerit Patriarcha ante annum 1024. sive *Theophilum* præcesserit, sive eum exceperit, dubitare non finit vita sancti *Simeonis* monachi & eremitæ, quæ extat apud doctiss. *Bollandianos*, 10. 6. *Julii*, ad diem 26. pag. 324. col. 2. Hanc vitam, quam conscripsit monachus *Padolironensis* cœnobii ordin. sancti *Benedicti* prope *Mantuiam*, ediderunt ex codice manuſc. *Ingolſtadienſi*. Refert autem illius vitæ auctor cœvus, Patriarcham Hierosolymitanum *Arsenium* nomine, aliquid de gestis hujus sancti in Armenia oriundi tradidisse in epistola qua ipse usus est, eam in compendium redigens, quoad priores ejusdem sancti annos.

Notandum porro, inter cætera quæ ad hunc sanctum, dum viveret, pertinuerant, & ceu reliquæ in eodem monasterio servabantur, ostendi aliam epistolam *Arsenii* Hierosolymitani præfulis, Armenicis scriptam characteribus, quam *Arnoldus Wion Duacenus* in Belgio, & monasterii sancti *Benedicti* in agro Mantuano alumnus Latinè versam dedit. Eandem pariter (exhibent,) inquit citati modo *Bollandiani* num. 12. pag. 321. col. 2. *Hippolytus* *Donesmundus* *hist. Mantuanæ* lib. 3. pag. 187. Eandem *Mabillon*. in *Actis SS. Ord. Bened. sæc. VI. part. 1. à pag. 151.* ad calcem miraculor. Eandem demum *Papebrochius*, tom. 3. *Maii* in *hist. Patriarch. Hierosol.* pag. 44. & seqq. ex scheda, nescio unde accepta, peregrini tamen atque exotici characteris, quæ sic habet: *Arsenius Patriarcha Hierosolymitanus, pro commendatione sancti Simeonis monachi & eremitæ. In nomine Domini nostri Jesu-Christi Nazareni, atque sanctissimi ejus sepulcri à me indigno famulo suo custoditi. Ego Arsenius non meis meritis Patriarcha Hierosolymitanus, firmo signo sancti sepulcri omni ecclesiæ catholicæ salutem & pacem. Precor autem, ad quorum partes Simeon iste monachus & sanctissimus Christianus atque eremita iverit, ut ei benefaciat (Wion legit *beneficiant*) quia bonus atque electus est. [Ad sepulcrum enim Domini ivit; inde venit ad ecclesiam beati Petri Apostoli; post hinc ad limina beati Jacobi Galli-*

*ciam perrexit, atque sic in modum (Papebroc. legit morem) Apostolorum Deo ac Domino nostro Jesu-Christo servientium, circuit totum orbem, & non habuit comitem (alii comparem) nisi Jesum-Christum. Ut magis stupeas; panem non manducavit, nec carnem, nec adipem, neque caseum, nec ova.] Quicumque imperator, sive rex vel regina, sive episcopus, sive abbas, sive marchio, seu comes, vel quicumque Christianus, amore Christi sibi benefecerit, vel eum defenderit, & viam ei ostenderit, quia non scit linguam, sit benedictus à Patre, & Filio, sanctoque Spiritu: conservet eum Dominus in omni opere bono; benedicat & sanctificet: In die judicii ad dexteram Christus collocet cum electis, quatenus possit audire: Venite, benedicti Patris mei; confirmet Spiritus, & Verbum Dei corde perceptum firmiter atque incommutabiliter teneat, ut ab iniquissimo diabolo non possit avelli. Qui vero sibi malefecerit, vel eum injuriaverit, cum damnatis pereat in æternum, amen. Additur apud *Wionem* & *Donesmundum* eodem characterè: *Simeon iste monachus est, & eremita, atque Armenus.**

Hanc epistolam, pergunt *Bollandiani*, ubi supra num. 14. pag. 321. ... interpolatam ab interprete Latino censuit *Papebroch.* quatenus & continet tanquam præterita, quæ discedente Hierosolymis in Europam *Simeone*, adhuc erant futura, & *Arsenio* proinde ignota. Hinc illa, ejus exemplo, uncis inclusimus. *Mabillonius* dubitat, recte ne ex Armenico in Latinum versa sit: quod si ita est, diversam putat censendam esse ab ea de qua in actis fit mentio, ut infra dicitur. *Antonius de Yepes* in chronico generali S. *Benedicti* Hispanicè scripto, ad annum Christi 1016. ait: *Hæsi ad hanc epistolam. Et primo quidem, qua ratione Patriarcha Hierosolymitanus inde fidem facit, Simeonem eremitam adiisse Gallaciam? Secundo autem pudore suffundendus fuisse videtur mihi sanctus, si litteras commendatitias circumferret, quibus eum Patriarcha viventem canonizaret, tanquam optimum & sanctissimum, narrando poenitentiam & austeram quam tenebat vitæ rationem. Tum ea subdit, unde quivis intelligat, dubiæ prorsus fidei visum illi esse hoc monumentum. Nos id etiam demiramur (Bollandianorum verba sunt num. 14. p. 322. col. 1.) cur hujus epistolæ autographum.... sit scriptum Armenicè ab *Arsenio*, sanctum Italis & Hispanis, ad quos ibat, commendante; quum sciret linguam illam in hisce partibus ignotam esse: nam si *Simeon*, qui *Armenus* erat, intelligi in Occidente non poterat, ideoque etiam commendandus erat, quia non sciebat linguam, ibi utique notam; quid eum juvare illic poterat scriptum Armenicum, multo, quam loquela, perceptu difficilior!*



Tum cur de hac epistola nusquam meminit auctor vitæ? Cur tum saltem producta non fuit, quum Romæ tam malè habitus Simeon episcopum nactus esset Armenum, *cap. 2. num. 18*? Subdunt vero, *num. 20. pag. 323. col. 1.* Scimus esse qui affirmarint sancti hujus acta conscripsisse Arsenium Patriarcham Hierosolymitanum: id enim ait Ughellus in *Ital. sac. vet. edit. 10. 1. col. 930.* ubi de Joanne II. episcopo Mantuano; & ante hunc Donef-mundus in *hist. eccl. Mantuanæ lib. 3. p. 387.* ubi illa dicuntur inveniri in Biblioth. Vatic. Sed intelligendi sunt de illa tantum actorum parte, quæ discessum sancti (Simeonis) ex Oriente præcedit: nam quæ postea contigerunt, nec scripsisse Arsenium scitur, nec scribere potuisse. Sed neque priorem illam vitæ partem ab Arsenio compositam asservari in Bibliotheca Vaticana crediderim: certe qui eam istic viderit, testem hætenus nullum offendimus. Fuisse quidem illam aliquando apud Padolironenses, constat ex auctore nostro (vitæ sancti Simeonis) qui eam redegit in compendium, ut profitetur *cap. 1. n. 7.* quo, item ut *n. 1.* epistola nuncupatur Arsenii Patriarchæ; sed nec ibi nunc illam supereffe putem: alioquin enumeranda fuisset inter vetera sancti elogia apud Wionem, multo magis quam hymni illa (epistola Arsenii) recentiores quos profert: imò etiam magis quam alia illa ejusdem, ut fertur, Arsenii epistola, (supra descripta) quam ibi (aiunt) cum reliquiis conservari: nam si altera ex hoc dignior videri potest quod illam circumtulisse sanctus putatur; altera tamen hoc ex capite majoris erat pretii, quod gravissimo auctoris nostri (vitæ sancti Simeonis) testimonio sciretur esse (reipsa) Arsenii; quum de superiori illa dubitantem viderimus etiam auctorem Benedictinum (Antonium de Yepes) historia sui ordinis, quam Hispanicè composuit, ubique celeberrimum.

Mirabitur forsan aliquis, prosequuntur Bollandiani *ibid. num. 21.* quod hic epistolam Arsenii, quam initio sequutus sit auctor noster (anonymus) ab edita (supra recitata) diversam statuamus: sed mirari desinet qui rem attentius introspexerit: vulgata namque brevior est; aliam necesse est fuisse longiorem, utpote cujus tantummodo compendium referatur in actis à *num. 3.* usque ad *num. 8.* quod ipsum compendium multo est, quam epistola excusa, diffusius. Vulgata inscribitur, ut publica solent testimonia quibus ituri peregrè commendantur, *omni ecclesiæ catholicæ, &c.* Aliam autem inscriptam fuisse monachis Padolironensibus testatur anonymus noster *nn. 3. & 7.* Præterea multa sunt ibidem, quæ, ex epistola Arsenii, affirmat idem scriptor,

Tomus III.

A de quibus in vulgata nihil quidquam legitur: ut quod *num. 3.* habetur de Simeonis atate puerili, rebusque in ea gestis; de adolescentia ejus ac nuptiis: quod *nn. 4. & 5.* de relicta sponfa, parentibus, ac patria, ad amplectendam vitam monasticam: quod *n. 6.* de arrepta sancti Basilii regula.... de abstinentia etiam à piscibus, & de potu modico solius aquæ; de oleo in solemnitatibus adhibito, de cilicio cæterisque vestibus, &c. Certissimum ergo videri debet, aliam esse epistolam, quæ nomine Arsenii etiamnum & servatur, & ex Armenico idiomate in Latinum translata legitur; aliam vero, quæ actorum nostrorum exordio materiam subministravit. Sic enim de ea epistola ipse loquitur auctor hujus vitæ sancti Simeonis, *ibid. num. 3. pag. 325. col. 1.* *Hic itaque vir beatissimus, Simeon dictus nomine, in partibus natus Armeniæ, monasticæ religionis ab ineunte ætate propositum regulariter tenuit. Diaconatus officio provectus, postmodum virtutum gressibus viriliter ad altiora conscendens, diebus plurimis eremi cultor fuit. Hujus denique parentes non novimus; sed, sicut* C *reverendissimus Arsenius Hierosolymorum Patriarcha, sibi notissimus & familiarissimus, nobis per epistolam retulit, ex clara nobilium stirpe prodiens magistri militum filius fuit, &c.* Et *num. 7. ibid. col. 2.... Hucusque de beati viri Simeonis digna conversatione, qualiter inprimis hujus sæculi pompam deseruit, vel qualiter monasterium petiit, referente nobis per epistolam venerabilis vitæ Arsenio Hierosolymitano Patriarcha, compendiose digessimus.* Constans itaque videtur Arsenium actu sedisse Patriarcham Hierosolymorum anno Christi 1024: D ex auctore illo vitæ sancti Simeonis, qui eo anno 1024. canonizationis ejus unus ex promotoribus fuit apud Benedictum VIII. Romanum Pontif. eo anno mortuum, ut colligitur ex ipsomet in tractatu de miraculis Simeonis post ejus obitum, *ibid. cap. 2. n. 16. pag. 337. col. 1.* ait enim: *Tempore, quo pro canonizando ejusdem sancti Simeonis glorioso corpore sanctam apostolicam sedem accessimus, quoddam de eodem sancto viro miraculum clariuit, &c.* Se ipsum autem declarat scriptorem tractatus hujus *de miraculis factis post ejus obitum, iis verbis cap. 6. num. 57. pag. 334. col. 2.* *Hæc de beati viri Simeonis virtutibus, quas vivens in sæculo gessit, quas etiam in cedula scriptas invenimus, seu quas à veridicis testibus referri audivimus, hucusque digessisse sufficiat. Nunc vero nos ad expedienda (al. experienda) ea, quæ in loco ubi sanctum corpus quiescit, ejus sanctitatis amor seu charitatis ardor accendat.* Epistolam Benedicti Papæ de cultu ei concedendo referunt præfati Bollandiani, *ibid. num. 6. pag. 320. col. 2.* Verum

Hh ij



quandonam Arsenius ecclesiæ Hierosolymitanæ curam suscepit; an sæculo x. an initio sæculi xl. non ita facile est definire.

Præfati Bollandiani *ibid.* in *commentario historico ad vitam sancti Simeonis*, num. 25. pag. 324. col. 2. putant ipsum in sedem Hierosolymitanam non fuisse provectum nisi post ann. 1010. Si conjecturis locus est, inquiunt n. 23. Baronio potius adhærendum videtur, qui locum solitudinis (Simeonis,) quidni & vitæ monasticæ? Palæstinam fuisse credidit, non Armeniam: id enim ex anonymo (vitæ ejus scriptore) utcumque colligitur, qui quum dixisset num. 3. pag. 325. col. 1. *Simeonem in partibus natum Armeniæ*, subdit num. 5. *ibid.* col. 2. *Patriam, parentesque deseruit.... Et.... Domino gubernante, monasterium petiit*: sic facilius quoque intelligitur, qua ratione Arsenius ei notus & familiarissimus esse potuerit, quod n. 3. affirmatur; si nempe intra patriarchatus Hierosolymitani fines, à quibus procul aberat Armenia, institutum monasticum ac solitarium servaverit: neque enim tanta familiaritas contracta videtur in ipsa urbe Hierosolymitana, quum ad eam ante discessum in Europam sanctus accessisset, quandoquidem *non multo tempore* tum ibi fuit, juxta num. 16. Sed neque verisimile apparet Arsenium, sive Patriarcha jam esset ante discessum Simeonis, sive post ejus discessum, ex Armenia potius patriarchatui Antiocheno subjecta, quam ex quovis loco patriarchatus Hierosolymitani assumptum ad sedem Hierosolymitanam fuisse: hic ergo, non ibi, familiaritati locus fuit & opportunitas, &c.

At inquirendum superest, quo tempore Simeon ex Oriente Romam advenerit. Sic autem habent acta ejus ab anonymo conscripta, num. 16. pag. 327. col. 1. *Solitudinis antra deseruit, & orationis studio Romam peregrinus expetiit. Quumque sanctorum multa corpora circumeundo visiteret.... tandem ad oratorium S. Joannis-Baptistæ Lateranensis ecclesiæ applicuit, ubi sanctæ Romanæ ecclesiæ Pontificem, Benedictum nomine, cum multis religiosis episcopis, orthodoxis viris, in congregata synodo residere invenit.* Porro hoc Pontifice Benedicto, alii quidem hujus nominis septimum, alii vero octavum significari existimant: & utrisque sua suppetunt argumenta. Pro Benedicto VII. stat Ferrarius in catalogo sanctorum Italiæ ad diem 26. Julii: ratio ejus est quod contextus sancti Simeonis vitæ longiorem ejus in Italia videatur exigere commorationem, quam sit ab anno 1012. quo Benedictus VIII. ad pontificatum subvectus est, usque ad annum 1016. quo Simeon in cælum migravit (die 26. Jul.) præfertim quum ex illo quadriennio non modica pars decerpenda

esset, ejusdem itineribus interim per Italiam, Hispaniam, Britanniam, & Galliam consumpta, antequam in Italia fixum tandem prope Mantuam domicilium elegerit. Addit Mabillonius Simeonem in monasterio Padolironensi jam fuisse residentem quando Parmam invisens à Sigefredo illius urbis episcopo honorificè susceptus est. Auctor enim anonymus ejus vitæ postquam cap. 5. nn. 42. & 43. *ibid.* pag. 331. peregrinationes illius in Gallæciam, Britanniam, Galliam, reditum in Italiam, & secessum ad cœnobiū Padolironense, scripsit: cap. sequenti n. 51. p. 333. ait: *Per idem quoque tempus inde digrediens, dum civitatem Parmam attingeret, & ejusdem urbis episcopus, Sigefredus nomine, beatæ Feliculae virginis corpus à loco, in quo quiescebat gloriosa celebritate transferens, in ecclesia sancti Pauli Apostoli decentissime conderet; Dei nutu contigit beatum Simeonem eidem translationi interesse. Qua in celebritate Christi servus à præfato reverendo episcopo honorifice susceptus, &c.* At Sigefredus ille obiit ante pontificatum Benedicti VIII. Nam, juxta Ughellum 10. 2. col. 205. Sergius Papa Benedicti VIII. prædecessor, in quodam privilegio abbatiæ Nonantulanæ indulto, *Elburgum* appellat, Sigefredi in sede Parmensi successorem: diu itaque ante Benedictum VIII. advenerat sanctus ex Palæstina & Hierosolymis, ac subinde Romam intravit sub Benedicto VII. quum ille an. 983. synodum haberet, siquidem hanc solam, eo-que anno scitur Benedictus VII. Romæ celebrasse synodum, de qua videri possunt Labbeus vel Harduinus.

Alii tamen, qui Benedictum VIII. arbitrantur fuisse illum pontificem quem sanctus Simeon Romæ nactus est, opponunt, si anno 983. Romam advenit Simeon sub Benedicto VII. suppositam esse oportere epistolam Arsenii Patriarchæ Hierosolymitani quam supra descripsimus, & cum reliquiis asservari diximus in cœnobio Padolironensi. Cedo enim, inquiunt iidem Bollandiani, 10. 6. Jul. ad diem 26. num. 25. pag. 324. col. 2. quo tempore dari potuit (epistola illa brevior Armenicè exarata) Simeoni ab Arsenio! Ante discessum (quum) in Italiam (profecturus erat) quod epistola illa planè exigit; an post illum discessum? Utrumvis dixeris, falsa erit. Etenim si ante discessum, aut in ipso discessu Hierosolymitano datam finxeris, hoc est anno 983. falsum est epistolæ principium: *Ego Arsenius, non meis meritis Patriarcha Hierosolymitanus, &c.* non enim, nisi annis circiter 30. posterius, sedem Hierosolymitanam Arsenius regendam accipere potuit, ut suo loco demonstratum est (intelligunt procul dubio Bollandiani tractatum chronol. de Patriarchis



*Hierosolymitanis, tom. 3. actorum sanctorum A* mensis Maii præfixum, ubi de illo Arsenio.) Si post discessum Simeonis, imò post annum 1010. ante quem Arsenius Patriarcha esse non potuit, datam seu missam potius esse velis in Italiam, in qua jam dudum sanctus habitaverit; ipsius epistolæ scopus, tenor, & forma omnino repugnabunt, illudque inprimis falsum erit: *quia non scit linguam....* Non dubitarem, inquiunt *n. 26.* Bacchini, aliorumque amplecti sententiam, quæ usque ad Benedictum VIII. Simeonis adventum in Italiam differt, quando jam patriarchatum B obtinere poterat Arsenius Hierosolymis; si eam, utcunque probatam, & ab adversariorum (qui aliam sententiam propugnant) argumentis chronologicis, ab eis, vel non lectis, vel neglectis, vindicatam viderem. Quid ergo? Epistolam laudatam prorsus abjudicem? Non ausim. Mabillonii argumentum refellam (de Sigefredo Parmensi episcopo petitem): Nihil suppetit quo id solide possim. Sequor hunc ergo vel invitus. De epistola, per me licet, quod poterunt, ejus patroni statuant. Hucusque Bollandiani *to. 6.* Julii supra citato.

Illas difficultates hinc inde emanantes, diluendas non suscipio, licet magis arrideat sententia, quæ sanctum Simeonem Hierosolymis profectum anno 983. perhibet, ac epistolam superius descriptam Arsenio abjudicat; utpote cui sententiæ magis consonare videatur tota vitæ series hujus sancti ab anonymo exaratæ, in qua nec prædictæ epistolæ ulla fit mentio. Dicendum itaque probabilius, Arsenium, (cui *notus* fuit & *familiarissimus* sanctus Simeon in Palæstina, quod ibi fortassis uterque simul in eodem cœnobio per aliquot annos vixerint;) ecclesiæ Hierosolymorum non suscepisse regimen, nisi defuncto jam Oreste, vel ipso etiam Theophilo qui brevè duntaxat sedisse existimatur; idque post annum 1010. Et certe præfatus anonymus vitæ sancti Simeonis auctor, agens de ejus itinere Hierosolymam, ab illo Arsenium non ait in urbe Hierosolymitana visum. Quod magnum indicium est Arsenium tunc Hierosolymis non mansisse, cujus subinde præsul nondum fuerat renuntiatus.

Porro hunc Patriarcham Simeoni supervixisse, adeoque nonnisi post annum 1016. defunctum, liquet ex illa alia epistola, quam is ad monachos Padolironenses misit, de antea actis ejusdem sancti annis, priusquam ille è Palæstina discederet; ab ipsis haud dubiè monachis requisitus, quum sanctitate & miraculis hujus eremitæ, tum ad conscribendam ejus vitam, tum ad deferendum ipsi cultum incitarentur. Imò eum adhuc vixisse, dum gesta Simeonis auctor anonymus concinnaret,

ex eo non inepte colligitur, quod de eo tanquam de viro actu superstitie loquatur ille scriptor, nec *beatæ, felicis*, aut *sanctæ memoriæ* Patriarcham appellet, sed *venerabilis vitæ cap. 1. num. 7. pag. 325. col. 2.* quasi qui vitam intemeratam ageret. Sed nec adhuc obierat anno Christi 1023. mense Aprili, si ipse Patriarcha ille fuit Hierosolymitanus, à quo, non nominato, refert Hugo Flaviniacensis, auctor sæculis XI. & XII. florens, in chronico Viridunensi desinente ad annum 1102. apud Labbeum *tom. 1. novæ biblioth. ex ipso auctoris autographo manusc. in bibl. colleg. Clarom. Paris. Societ. Jesu asservato, pp. 178. & 179. nn. 21. & 22.* & apud doctiss. Bolland. *to. 2. Jun. ad diem 14. pag. 988. & seqq.* à quo, inquam, refert Hugo ille venerabilem Richardum, cognomento Gratiæ-Dei, S. Vitoni Viridunensis monasterii abbatem, humanissime fuisse susceptum, in itinere suo Hierosolymitano. Illud quidem Richardi abbatis iter, post plura narrata quæ protenduntur usque ad annum 1027. aut 1028. memorat Hugo Flaviniacensis. Verum hunc jam reversum

C anno 1023. palam fit, ex eo quod post ejus reditum superstes esset Durannus sive Durandus episcopus Leodiensis, qui obiit 10. kal. Februar. sive 23. Jan. anno 1024. (ex Bollandianis die 14. Junii, *num. 64. pag. 993. col. 1. A. & p. 994. col. 1. A. not. a.* Interim, inquiunt iidem Bollandiani *ibid. pag. 988. col. 2. E. not. x.* cave ne capita sequentia hinc regulanda putes: quum enim supra de Heimonis episcopi meritis egisset Hugo, priusquam Richardum Hierosolymam abducat & reducat, prosequitur ordine chronico externa quædam usque ad annum 1027. vel 1028. quum interim peregrinatio illa instituta videatur vivente adhuc Atrebatum *num. 6. pag. 978. col. 2. E. Frederico*, ab eaque redivisse anno 1023. &c.) Hæc igitur Hugo ait, apud Bollandianos *ibid. num. 54. pag. 990. col. 2. D. occurrit autem ei* (Richardo) *venienti Patriarcha Hierosolymitanus* (verosimiliter, inquiunt *pag. 991. col. 2. F. in not. e. Arsenius*, qui sancto Simeoni Armeno 26. Jul. anno 1016. Mutinæ defuncto *Formatas* dederat; aut ejus successor *Jordanus*, &c.) *audierat enim famam ejus omnium ore celebratam, & consalutati mutuo, dato pacis osculo, lætati sunt in Domino, &c.* Et *num. 55. Dominica die qua celebratur adventus Domini in Hierusalem, & exceptio ejus à pueris cum hymnis.... urbem ingressus est, &c.* Et *num. 57. Diebus festis reliquis* (Paschalibus) *celebratis in gaudio & tripudio animi, destinavit vir mitissimus cogitare de reditu. Nec rediit vacuus à munere, quia arca cordis ejus repleta erat bona devorione. Quod autem fuit munus illud! Discurrentes pagani*



per munitiora templi ipsa hebdomada ante Pascha; lapides in populum sacra celebrantem jaciebant: casu lapis veniens intra sepulcrum cecidit, quem vir Domini pro magno munere sibi assumpsit, & totis illis diebus, quibus celebratur Passio vel Resurrectio Jesu, intra sepulcrum jacentem, vigiliis & orationibus Domini dedicavit. Hunc recessurus cum magna devotione sustulit, & exosculato loco sancto, quasi totum secum ferret, inter sancta reposuit; & valedicens Patriarchæ prospera ei imprecatus abire decrevit. Ingemuit ille in voce dilecti valedicentis, & proferens reliquias pretiosissimas de ligno Domini, itemque marsupium unum auro textum prægrande reliquiis sanctorum refertum, obtulit seni venerabili, cum gratiarum actione, inquit; accipe, o dilecte Domini, munus bonæ voluntatis & devotionis, quod sit mutui pignus amoris; munus quod nunquam consumatur, semper extet, hæreat, amico convivat, quod evanescentem memoriam excitet; jucundum, quod obviam animo veniat, & nunquam labatur à memoria. Præstet Dominus, istis & omnibus sanctis intercedentibus, ut iterum videamus nos in cælestibus, ubi finis laborum, & remuneratio præmiorum æternorum; ubi nunquam ab invicem separabimur gaudentes, & gustantes quam sit dulce & jucundum habitare fratres in unum. Divisi sunt ergo ab invicem stantes, quibus, si licuisset, convivere & commori libuisset. Et num. 64. pag. 993. col. 1. A. Nec silendum, quid de Stephano.... actum sit. Quum enim esset idem communis Pater noster (Richardus) in expeditione Hierosolymitana, & per annum continuum pene remoratus fuisset, fama fuisset defunctum eum esse; Durannus Leodiensis episcopus, qui Wolbodoni successerat, Stephanum ad se evocatum ut (in Lobienfi monasterio) loco abbatis præesseret officio, monuit, & admonendo petivit, &c. Non multo post vir Dei rediit, & audiens quod factum erat, super fratris errore doluit, &c. Aderant & comites (Stephani) inter quos erat archidiaconus missus ab episcopo (qui proinde adhuc vivebat) poscens patrem piissimum (Richardum) ut errori locum daret veniæ, & quod actum erat (circa Stephanum, dum ipse erat Hierosolymis) pro suo amore ratum sineret esse & stabile, &c. Ex quo deducitur Richardum festa Paschalia celebrasse Hierosolymis cum Patriarcha anno 1023. Nam, ut supra observatum est, Durannus decessit anno 1024. die 23. Januar: Quandonam obierit Arsenius iste nos latet.

## LXXXIV. JORDANUS.

De isto Jordano, sicut de Arsenio, nil quidquam reperitur in catalogis Patriarcharum Hierosolymorum, nec apud Albericum, nec etiam apud Theodoricum Pauli, qui eos

apertius ignorasse videntur. Jordani tanem meminit Glaber Rodulfus auctor coætaneus, historiæ lib. 4. cap. 6. ex quo hæc transcripsit Papebroch. in hist. chron. Patriarch. Hierosol. initio tom. 3. actorum sanctorum mensis Maii, num. 192. p. 45. Anno Incarnati Verbi 1033. ex universo orbe tam innumerabilis multitudo cæpit confluere ad sepulcrum Salvatoris Hierosolymis, quantam nullus hominum prius sperare poterat. Primitus enim ordo inferioris plebis; deinde vero mediocres: posthæc permaximi quique, reges, comites, ac præsules; ad ultimum vero, quod nunquam contigerat, mulieres multæ nobiles cum pauperioribus illuc perrexerunt.... Eodem tempore Odolricus Aurelianorum præsul illuc pergens, quid viderit, nobisque narraverit non prætermittendum videtur miraculum. Die igitur magni illius Sabbati, quo ignis mirabili Dei potentia veniens ab universo populo præstolatur, ibi cum cæteris idem præsul adstabat, jamque die ipsa in vesperum transeunte, repente penes horam quo sperabatur ignis adfuturus, unus Saracenorum, scurra impudentissimus, ex plurima illorum multitudine quæ annuatim una cum Christianis semper adesse solet, exclamavit, ut Christianis mos est quum primum videtur, Agios Kyrie eleeson, & cavillanter cachinnum emisit, extensaque manu arripuit cereum de manu cujusdam Christiani, aufugere tentans. Qui illico arreptus à dæmonio turpiter nimium vexari cæpit: quem prosequens Christianus cereum abstulit: ille vero tortus acerrimè, protinus inter Saracenorum manus expiravit. Quod factum omnibus in commune terrorem immisit, Christicolis tamen gaudium & exultationem præbuit. Statim vero, ut assolet, Dei virtute derumpens ignis ex una lampadarum, quæ septem ibidem pendere cernuntur, cursim eructando cæteras inflammavit. Quam etiam cum suo oleo præfatus episcopus emens auri libra à Jordano, qui tunc præerat Patriarcha, secum derulit, atque in sede propria reponens plurima infirmis contulit beneficia. De eo igne, vide dicta superius coll. 373. E. & 374. A. B. &c. Quantum federit Jordanus iste nullibi reperimus.

## LXXXV. NICEPHORUS.

Post Theophilum, de quo supra, col. 482. omissis Arsenio & Jordano, legitur, tum in Latinis Patriarcharum Hierosolymorum catalogis, tum etiam apud Albericum, & Theodoricum Pauli, Nicephorus. Sub eo restauratam referunt multi scriptores sancti sepulcri basilicam: sed de tempore hujus reedificationis inter se non conveniunt. Nam Glaber Rodulfus hanc assignat statim post ejus everisionem: ea siquidem clade enarrata, lib. 3. cap. 7. his verbis: *Eo quoque tempore, id est*



anno nono post præfatum millesimum, ecclesia, quæ apud Hierosolimam sepulcrum continebat Domini ac Salvatoris nostri, eversa est funditus jussu principis Babylonis, &c. Et quibusdam interjectis, de Judæis qui ad flagitium istud Califam incitaverant, addit: Eodem nihilominus anno, divina propitiante clementia, cepit mater ipsius principis, videlicet Ammirati Babylonis (hanc ecclesiarum Christianorum destructionem mandavit, non Ammiratus iste Babylonis, sed Hakemus, Califa Ægypti, cujus pater Azizus Christianam mulierem sibi desponsaverat. Vide quod supra dictum est, ubi de Hieremia sive Oreste Hierosolymorum Patriarcha, coll. 478. & 479.) (mater Ammirati) mulier Christianissima, nomine Maria, reedificare Christi templum, jussu ejus filii eversum, politis & quadris lapidibus. Nam & vir ipsius, quasi alter Nicodemus, pater hujus scilicet de quo præsens est sermo, habitus occulte Christianus dicitur fuisse (Azizus Billa.) Tunc quoque de universo terrarum orbe incredibilis hominum multitudo exultanter Hierosolimam pergentes, domui Dei restaurandæ plurima detulerunt munera. Cedrenus histor. 10. 2. pag. 729. narrat anno mundi 6540. Indict. XV. mense Septemb. (id est anno Christi 1031.) Amer Chalepi præfati filium multis cum donis ad Romanum (Argyrum) Imperatorem Constantinopolitanum venisse, ut fœdus pristinum, (quod viginti duobus antea annis, anno scilicet 1009. Ægypti princeps Azizius, ut dixerat supra pag. 706. licet non Azizius iste fuerit qui mortuus erat ab anno 996. sed Hakemus filius ejus) ob levem causam, & offensas ne relatu quidem dignas ruperat, renovari peteret, & antiquum tributum persolvendum promitteret. Et p. 731. Nam vita turpiter defuncto Azizo (dicendum Hakemo) Ægyptio, qui in Christianos sævierat, templumque Christo Hierosolymis dedicatum everterat, filius ejus natus ex quadam Romana captiva ejus instaurationem liberam fecit. (Azizius quidem uxorem duxerat Christianam ex qua natus fuerat Hakemus, qui tot mala intulit Christianis, filius autem Hakemi fœdus renovavit cum Romanis) Ad eam rem suos misit Imperator; sed eo morte prævento successor Michael opus absolvit.

Albericus in chron. part. 2. ad ann. 1048. pag. 81. hæc ea de re tradit ex Guidone. Guido de ecclesia sancti sepulcri Hierosolymis ab Imperatore Constantinopolitano reedificata, supra dicto principe nequam Achim (Hakemo) Soldano rebus humanis exempto, filius ejus Daher nomine (Elmacinus lib. 3. hist. Sarac. cap. 6. pag. 258. ait hunc Hakemi filium, Alim nomine, fuisse cognominatum Taherum Liiazdinillam à sorore Hakemi, quum renuntiatus est Califa: hinc profecto nomen

(Daher quod illi tribuunt scriptores.) Daher itaque regnum obtinens, ad petitionem Imperatoris Constantinopolitani Domini Romani Heliopolitani, vel potius Constantini qui post Isaacum Comnenum imperavit, cum quo, fœdus quod pater ejus Achim perfidus violaverat resarciens, contraxerat amicitiam, reedificandi prædictam ecclesiam fidelibus dedit licentiam. Quam Nicephorus Hierosolymitanus, qualis nunc veneratur in Hierosolymis, reparavit, sumptibus de prædicti Imperatoris ærario ministratis. Factum est hoc anno 1041. ante urbis liberationem (loquitur haud dubiè de ejus ereptione à Saracenorum jugo, Godefrido Bullonio duce, anno 1099.) trigesimo-septimo post ejus ecclesiæ destructionem. Rationem hujus epochæ non capio: nisi Guido, quem describit Albericus, restaurationem Basilicæ sancti sepulcri ad annum 1048. assignans, voluerit dicere annum illum 1048. fuisse quinquagesimum-primum (pro quo malè scriptum fuerit 1041.) ante urbis liberationem per Francos, & trigésimum-sextum, aut incœptum trigésimum-septimum ab ecclesiæ sancti sepulcri destructione. Deniquè Willelmus Tyrius lib. 1. de bello sac. post relatam Christianorum Hierosolymis calamitatem sub Hakemo Califa Ægypti, subjungit cap. 6. Affuit tandem divina clementia, & afflictorum miserta, consolationem intulit non modicam rebus desperatis. Prædicto enim principe nequam rebus humanis exempto, cessavit ex parte quassatio, filio ejus Daher regnum obtinente. Hic siquidem ad petitionem Domini Romani Imperatoris Constantinopolitani, qui cognominatus est Heliopolitanus, cum quo etiam, fœdus quod pater ejus violaverat resarciens, contraxerat amicitiam, prædictam ecclesiam (sancti sepulcri) reedificandi fidelibus concessit potestatem. Qua concessa cognoscens plebs fidelium quæ Hierosolymis habitabat, quod ad tanti operis restaurationem eorum vires non sufficerent, missis nunciis ad prædicti Romani successorem (post Michaellem Paphlagonem) Dominum Constantinum Monomachum, qui tunc agebat in sceptris, precibus porrectis, humiliter significant in quanto mœrore, & in quanta desolatione post ecclesiam dirutam populus consedisset: orant affectuosissime, ut ad reedificationem ecclesiæ, Imperialis munificentia liberalem porrigeret manum. Procurabat autem eorum legationem quidam Joannes cognomento Carianitis, Constantinopolitanus natione, nobilis quidem secundum carnem, sed moribus multo nobilior. Hic postposita sæculi dignitate Christum sequutus, religionis assumpto habitu, Hierosolymis pauper pro Christo habitabat. Missus ergo, debita instantia, sollicitudine non pigra, apud eundem Dominum Imperatorem fideliter elaborans, obtinuit ut ad opus prædicti ædificii de



proprio fisco idem Deo amabilis Augustus sumptus necessarios & sufficientes ministrari præciperet. Impetrata ergo pro voto fidelis populi postulatione, latus Hierosolymam reversus est. Ubi nuntiato itineris successu, & precum porrectarum exauditione, universum clerum & populum, quasi de gravi ægitudine convalescentes recreavit. Præerat eidem ecclesiæ tunc vir venerabilis Nicephorus Patriarcha. Sic ergo obtenta licentia, & sumptibus de imperiali ærario ministratis, eam, quæ nunc Hierosolymis est, sanctæ resurrectionis ædificaverunt ecclesiam, anno ab Incarnatione Domini 1048. ante urbis liberationem annis 51. trigesimo vero septimo postquam diruta fuerat. (Everfionem itaque basilicæ S. Sepulcri assignat ad ann. Christi 1011. & Guidoni cæterum consonat, epochamque ejus explicat qualiter & nos supra.) Hæc Wilhelmi. Tyr. p. 632. edit. Hanov. 1611.

Porro Califa Ægypti qui tunc Hierosolymis dominabatur, non erat amplius Daher, seu Alis Taherus, filius Hakemi, mortuus, ex Elmacino lib. 3. hist. Sarac. cap. 7. p. 266. anno Hegiræ 427. (qui incœperat die 5. Novembris anno 1035.) mense Siaabano (qui mensis est octavus, adeoque mense Junio anni Christi 1036.) sed filius ejus Maabadus Abuttamimus Mustansirus Billa, natus annos 8. & aliquot menses, quando regnare cœpit, aut secundum alios annos 6. & aliquot menses, natus scilicet die Martis 24. Dulhiggie (qui mensis est 12.) anno Hegiræ 420. (inchoato 19. Jan. 1029.) proindeque die 2. aut 3. Jan. anni Christi 1030. & imperium sustinuit annos 60. ex eodem Elmacino pag. 267. Cedrenus hist. to. 2. pag. 739. scribit: anno ab origine mundi 6544. (juxta æram Constantinopolitanam) Indict. IV. (id est anno 1036.) .... Amere Ægypti Amermumma (Ali seu Tahero) mortuo, uxorem ejus Christianæ religioni deditam, cum filio (Maabado) legatos de pace ad Imper. (Michaëlem Paphlagonem) misisse, cujus is petitioni assentiens 30. annorum pacem composuit. Pergit Willelmus, ibid. lin. 41. Qua constructa, contra imminencia pericula, & mille mortis discrimina, consolationem receperunt. Non tamen cessabant adversus eundem populum fidelem frequentes injuriæ, & angariarum nova genera; sputa, colaphi, vincula, carceres, ad ultimum, suppliciorum omne genus, quibus populus Dei incessanter affligebatur. Nec solum iis qui in eadem urbe erant, sed etiam iis qui in Bethleem & Thecua, ubi soli habitabant, idem cauterium imprimebatur. Quoties enim novus accedebat præses, & missus à Califa recens dirigebatur procurator, toties contra Dei populum novæ struebantur calumniæ, & varia extorquendi inveniebantur argumenta. Et quoties à Domino Patriarcha, & populo communiter

aliquid volebant violenter exigere, si aliquo casu eorum differebatur postulatio, statim minabantur ecclesiam dejicere. Idque pene annis patiebantur singulis, consingentibus præsidibus se hujusmodi rescriptum à regia directum celsitudine habere præ manibus, ut si aliquam difficultatem vel moram in præstandis tributis aut vectigalibus præsumerent annectere, eorum statim usque ad solum dirutæ deponerentur ecclesiæ. Quamdiu tamen Ægyptiorum aut Persarum prævaluit regnum, sub eorum imperio fideles melioribus usi sunt conditionibus. At vero postquam Turcorum invalescere iterum cœpit regnum, & eorum virtus super Ægyptiorum & Persarum fines ampliari, & in eorum urbs sancta decidit potestatem, per triginta octo annos, quibus eam detinuerunt occupatam, majoribus molestiis cœpit populus Dei fatigari, ita ut leve ducerent, quod sub Ægyptiorum vel Persarum jugo pertulerant. Hucusque Willelmus Tyrius, ex quo, & Alberico, sive potius Guidone, nobis innotescit, anno Christi 1048. Nicephorum ecclesiæ Hierosolymitanæ actum fuisse præfectum, licet ignoremus quonam præcise anno sedere incœperit, vel quonam obierit, vel etiam quot annos fuerit Patriarcha.

## M E N N A S.

## LXXXVI. SOPHRONIUS II.

## M A R C U S II.

In Dosithei Patriarchæ catalogo Orestem, quem Nicephoro successisse perperam adstruxit, excipit Mennas alioqui ignotus; unde nec eum Patriarchis Hierosolymitanis accensere ausim, ipsum hic nominare contentus. D Post Nicephorum, in sedem Hierosolymitanam promotum Sophronium huic jam sedi anno 1059. præfuisse testatur Albericus, part. 2. pag. 97. Annis, inquit, vix quadraginta priusquam iter aggredierentur Hierosolymitanæ peregrinationis Christiani principes Occidentis. Tunc erat Patriarcha Hierosolymitanus post Nicephorum Sophronius. In hujus ergo tempore venerunt Turci Hierusalem, & pugnaverunt cum Saracenis, & occiderunt omnes in civitate inventos, & obtinuerunt civitatem. Christiani autem remanserunt in civitate subjecti. Nescio E an adhuc sederet Sophronius anno Heg. 469. qui cœpit die 4. Augusti anni Christi 1076. quo accidit Hierosolymis clades ab Elmacino relata his verbis, lib. 3. hist. Sarac. cap. 8. pag. 282. Quum vero (Isarus) Ægyptum accederet, perculsi fuerunt incolæ ejus ita ut Mustansirus Billa Dominus ejus statuerit noctu capere fugam: sed populus Alcahiræ & Saudanæ cum militaribus copiis juncti, contra Isarum prodierunt, eumque superatum in fugam verterunt; etiamsi multa secum agmina duceret. Atque ita debellatus



debellatus rediit: grassatus tamen fuit in itinere Ramlæ, & quemcunque superare potuit occidit. Tum Hierosolymas concessit, ubi tria hominum millia peremit, & ex improvise iudicem & notarios, quum coram eo venissent, interfici iussit: indeque Damascum profectus est.

Ingulphus abbas monasterii Croylandensis in Anglia, refert in historia quam confecit sui monasterii, apud *Rerum Anglic. Scriptores post Bedam, Francof. 1601. p. 904.* quum desiderio Hierosolymitanæ peregrinationis captus, obtenta à Guillelmo duce Normanniæ, cuius secretarius erat, venia, sacrum illud iter suscepisset, Constantinopoli se salutasse Imperat. Alexium, & Hierosolymis Patriarcham Sophronium, à quo perhonorificè exceptus fuit. Tandem Constantinopolim pervenimus, inquit lin. 8. ubi Alexim Imper. ejus adorantes, Agiosophiam vidimus, & infinita sanctuaria osculati sumus. Divertentes inde per Lyciam, in manus Arabicorum latronum incidimus; evisceratique de infinitis pecuniis, cum mortibus multorum, & maximo vitæ nostræ periculo vix evadentes, tandem desideratissimam civitatem Hierosolymam læto introitu tenebamus. Ab ipso tunc Patriarcha, Sophronio nomine, viro veneranda canitie, honestissimo ac sanctissimo, grandi cymbalorum tonitru, & luminarium immenso fulgore suscepti, ad divinissimam ecclesiam sanctissimi sepulcri tam Syrorum, quam Latinorum solemniprocessionem deducti sumus, &c. Verum quomodo hæc sibi cohæreant, me fugit: nam se Hierosolymas profectum asserit auctor quum esset in Normannia apud Willelmum nondum regem Angliæ, proindeque ante annum 1066. quo ille Normanniæ dux, rex Angliæ coronatus est, reversum autem in Normanniam, & cœnobii Fontanellensis monachum factum, ab eodem Guillelmo tunc rege Angliæ vocatum fuisse in Angliam anno 1075. abbatemque creatum monasterii Croylandensis; quomodo ergo antea Hierosolymitanum iter conficiens inviserat Ingulphus Constantinopoli Alexium Comnenum Imperatorem, qui imperator renuntiatus est anno duntaxat 1081! Vide compendium Ingulphi vitæ, apud Joannem Pitseum, *De rebus Anglicis* 10. 1. Paris. 1619. pag. 193. Obiit Ingulphus ille anno 1109. sub Angliæ rege Henrico I. In præfato Dosithei Patriarchæ catalogo, Sophronio II. succedit Marcus II. cuius aliunde nulla occurrit memoria: nam Latini Indices, Albericus, Papebrochius, & alii, post Sophronium, ad sedem Hierosolymitanam Euthymium evectum scribunt.

#### LXXXVII. EUTHYMIUS.

In quodam codice seriem Patriarcharum Hierosolymorum exhibentē legitur, ad *Eut. Tomus III.*

Athymium, cuius tempore Franci reddiderunt urbem ac ecclesias. Id nulla parte verum erit, nisi pro voce Franci legatur Turci: & pro Euthymio legatur Sophronius ejus prædecessor: modo enim vidimus ex Alberico, quod etiam in catalogis Latinis haberi testatur Papebrochius *tract. prælim. ad 10. 3. Maii, num. 193. pag. 45. col. 2.* sub Sophronio II. Patriarcha, captis ab Isaro Hierosolymis, Saracenos quidem ejus incolas occisos, Christianos vero relictos, quibus proinde Turci ecclesias reddiderint. Franci quippe anno duntaxat 1099. expugnaverunt Hierosolymam sub Simeone Euthymii successore.

#### LXXXVIII. SIMON sive SIMEON II.

Patriarcha iste appellatur Simon in catalogis Latinis, & Simeon à scriptoribus, iisque præsertim qui bellorum sacrorum in Oriente à Francis & Latinis gestorum historias edidere. In catalogo Dosithei Patriarchæ Euthymium præcedit: perperam tamen, utpote qui & in omnibus Indicibus post Euthymium recensetur, & obierit Patriarcharum Græcorum ultimus, dum urbem Hierosolymam obsiderent Latini anno 1099. Hierosolymis, inquit Albericus *Chronici part. 2. ad annum 1069. post Nicephorum Patriarcham ordinatur, & præfuit Euthymius, deinde Simeon.* Certe anno 1094. sedebat Simeon, quando Petrus Heremita & sacerdos diocesis Ambianensis in Gallia, Hierosolymam profectus, sermones cum ipso habuit de occiduarum partium principibus adhortandis ut loca sancta Mohammedanis eriperent. Willelmus Tyrius, *hist. de bello sac. lib. 1. cap. 11.* hæc ea de re scribit: Audiens vero (Petrus Eremita) quod ejusdem civitatis (Hierosolymorum) Patriarcha vir esset religiosus & timens Deum, volens cum eo conferre de presenti rerum statu.... accessit ad eum, præsensque constitutus per fidelem interpretem mutuis sunt confabulationibus recreati. Erat autem nomen Patriarchæ Simeon, qui ex verbo Petri colligens quod vir esset circumspectus.... familiarius cepit exponere universa quæ populum Dei in civitate commorantem acrius affligebant. Turci scilicet, ut summarie ex eodem Willelmo Tyrio *lib. 1. cap. 9. & seqq.* exponit Pagius *tom. 4. crit. annal. Baron. ad annum 1095. n. 11.* jam Syriam, & utramque Ciliciam, Isauriam, Pamphyliam, Lyciam, Pisidiam, Lycaoniam, Cappadociam, Galatiam, & utrumque Pontum, Bithyniam, & Asiæ minoris partem, infra modicum tempus in suam potestatem redegerant, ecclesias dejiciebant, & Christianos magno furore persequabantur. Quod si navium copiam habuissent, Constantinopolim procul omnidubio sibi subjecissent. Neque ad sacra loca



devotionis causa tam Græci quam Latini proficisci poterant, nisi mille periculis sese exponerent. Christianis Hierosolymis post longam peregrinationem inclusis mors singulis diebus imminebat. Quærenti itaque Petro Eremitæ à Simeone Patriarcha num tot malis superesset aliquod remedium, respondit ille, quoad Græcos nullum ab ipsis sperari posse auxilium, quum & *infra paucos annos plusquam dimidium amisissent imperii*: à solis proinde Latinis opem expectandam. Promisit Petrus, si ille Romano Pontifici, regibus, ac principibus Occidentis tantas calamitates significare vellet, paratum se esse omnes eos convenire, & ad afferendum aliquod remedium diligenter invitare; quod præstitit Petrus ubi in Occidentem reversus est. Anno 1098. statim atque accepit Simeon Francorum cæterorumque Latinorum cruce signatorum exercitum in Syriam advenisse, obsessamque ab illis Antiochiam, in insulam Cyprum se transtulit. *Migravit ab Hierusalem & sepulcro Domini*, inquit Albertus Aquensis. *Hist. Hieros. lib. 6. cap. 39. .... propter minas Turcorum & importunitatem Saracenorum. Fuit quippe vir grandævus, & fidelis Christi servus, qui à prædicta insula plurima charitatis dona duci Godefrido, cæterisque principibus misit in initio obsidionis Hierusalem, interdum fructum arboris, qui dicitur malum granatum, interdum pretiosa poma cedrorum Libani, interdum pavones saginatos, aut laudabile vinum, & quæcumque juxta possibilitatem suam consequi poterat, sperans sub iisdem principibus adhuc, sancta ecclesia restaurata, pacifice & secure ad sepulcrum Domini nostri Jesu-Christi Filii Dei vivi servire atque præesse. Sed recuperata à fidelibus urbe Hierusalem, & sacra illius ecclesia renovata, Christianissimus Patriarcha à vita discessit, sicque ecclesia (hæc) suo pastore viduata remansit.* Obiit proinde Simeon anno Christi 1099. circa mensem Julium, quo urbs Hierosolyma expugnata fuit. Urbe igitur capta, acceptoque de morte Simeonis in insula Cypro nuntio, à principibus Francis & Latinis deliberatum est quis in ejus locum promoveretur; & exinde, quandiu Hierosolyma in ipsorum potestate stetit, inter Latinos electi sunt Patriarchæ. Eorum seriem, ut & cæterorum præfulum Latinorum sedibus Orientalibus eo tempore præfectorum seorsim dabimus; Græcos interim, qui Hierosolymorum Patriarchæ, vel nomine tenus, vel reipsa fuerunt, continuato ordine recensentes. Dositheus Patriarcha hunc Simeonem II. ait adversus azyma Latinorum scripsisse. Voluminis quidem Simeonis cujusdam adversus azyma nonnulla excerpta refert Leo Allatius, hocque ejus exordium recitat: *Legimus, ô Christi amicissimi Latini,*

*A libellum quo sacrificii vestri azyma defenditis, qui à vobis ipsis nobis exhibitus est, ut & epistolam ab aliquo Roma scriptam, quemadmodum aiebat, Papa Silvestro ad quemdam Latinum Constantinopoli agentem: verum an Simeon, istius operis auctor, sit reipsa Simeon II. Hierosolymorum Patriarcha, asserere non ausim, utpote qui non videatur Latinis fuisse infestus.*

## AGAPIUS I.

## LXXXIX. SABBAS sive SABAS I.

**B** In catalogo Dosithei Patriarchæ, Simeonem excipit Euthymius, quem, cum Indicibus, & scriptoribus aliis, fuisse ejus prædecessorem supra diximus *coll. 497. & 498.* Euthymio autem successit Agapius I. Agapii cujusdam mentio fit *lib. 4. Juris Græco-Latini, cap. 4. de Translationibus episcoporum, p. 294.* ceu qui de ecclesia Seleuciæ translatus fuerit ad Hierosolymitanam, ut supra observatum est sub Hieremia seu Oreste, *col. 482.* C. Verum id contigisse fertur sub Basilio Porphyrogenneta, circa annum Christi 984. Eundem quoque **C** Agapium Nicephorus Callistus *lib. 14. hist. eccl. cap. 39. pag. 529.* translatus asserit ad sedem Antiochenam. Unde ad sæculi XI. finem aut sequens XII. non pertinet.

Agapium sequitur in eodem catalogo Sabbas I. sub Alexio Comneno. Hujus Patriarchæ rursus meminit Dositheus *lib. 3. de Patriarchis Hierosolymitanis, cap. 5. §. 4.* ubi eum Cæsarea Philippi Hierosolymam translatus esse, & quum Constantinopolim perrexisset, ibidem cum Nicolao Patriarcha divina mysteria celebrasse, tum Maroneæ episcopatu donatum, ex cujus redditibus aleretur. In Jure Græco-Romano *lib. 4. cap. 4. de Translationibus episcoporum pag. 295.* hæc habentur: *Imperante Alexio Comneno, Sabas episcopus Cæsareæ Philippi factus est Hierosolymorum Patriarcha, & huc profectus liturgiam peregit una cum sanctissimo Patriarcha Nicolao, & synodo.* Eadem fere habet Nicephorus Callistus *hist. eccl. to. 2. lib. 14. cap. 39. p. 529.* D. de quodam episcopo Tyri quem non nominat: *Et rursus, inquit, Tyri episcopus Eunuchus, ut ecclesia ejus à Persis capta est Hierosolyma profugit, & quum thronum ibi vacuum esse, episcopo suo orbatum, contingeret, Hierosolymitæ Persarum principi, ut illi Hierosolymorum ecclesiam committere possent supplicarunt. Qui etiam Constantinopolim 6615. à condito mundo anno, Alexio Comneno imperante adveniens, à sacra synodo susceptus est, quum Nicolaus Theoprobletus Patriarcham ageret. Nicolaus ille Theoprobletus, idem est ac qui, Grammaticus cognominatus, Patriarcha Constantinopolitanus renuntiatus est anno 1084. ut*



ostendit Pagius *tom. 4. crit. annal. Baron.* ad A annum 1089. *n. 8.* & ad annum 1117. *n. 27.* Verum anno mundi juxta æram Constantinopolitanam 6615. Christi 1105. vel 1106. Hierosolymis dominabantur, non Persæ aut Turci, sed Franci, & Latini, qui nec Græcis Hierosolymitanis potestatem sui ritus Patriarcham eligendi fecerunt. An non librariorum error fuerit, qui in textu Græco Nicephori, pro 6599. legerint 6615. ut ille Patriarcha anno Christi non 1106. sed 1090. Constantinopolim venerit! Id porro si ita est, alius non fuit Patriarcha iste à Simeone, de quo B nos supra, qui solemniter ipsa de sacris imaginibus conventui sub Alexio Comneno, una cum Nicolao Grammatico adstitisse refertur: quo etiam tempore Turci è Perside profecti Urbem sanctam tenebant. Cæterum, licet Nicephorus Callistus hunc prius fuisse asserat Tyri episcopum, quam in Patriarcham Hierosolymorum assumeretur, Sabam vero Jus Græco-Romanum episcopum fuisse *Cæsareæ Philippi* tradat: de uno nihilominus eodemque viro utrobique sermo habitus videtur, qui fuit ipse Simeon, ut modo dictum est. Sabbam C omittunt Indices inter illos Patriarchas, qui ante expugnatam à Francis & Latinis urbem Hierosolymam, huic ecclesiæ præfuerunt. Solus, quod sciam, catalogus à Dositheo Patriarcha, editus habet: *Sabbas I. sub Alexio Comneno.* Hunc nominamus, ex hypothesi quod Hierosolymis, ante vel post Simeonem, federit.

## EUCHERIUS I. MACARIUS III.

## XC. JACOBUS II.

In Dositheo catalogo Sabbam I. sequitur D *Eucherus I.* quem 99. Patriarcham Hierosolymorum numerat. Nescio an non fuerit quem *Macarium Hierosolymitanum* appellat, & cujusdam expositionis contra Latinos auctorem ait Leo Allatius *lib. 2. de consens. cap. 18. num. 18. p. 871.* Scilicet idem Allatius supra dixerat initio hujus numeri 18. *pag. 870.* de quibusdam auctoribus Græcis, inter quos postea eum *Macarium* recenset, illos esse nullius auctoritatis ac nominis homines, quorum scripta non ita obvia sunt, ex quibus ætas colligi possit; nec ipsum ea præ manibus habuisse; unde E eorum nomina hic tantummodo se signare asserit, vel titulos quos ex Indicibus collegit. Eucherium præfatus Dositheus *lib. 7. cap. 22. §. 4.* scribit Patriarchatu Hierosolymitano functum, quo tempore Balduinus rex Ascalonem expugnavit, hoc est anno 1146. Verum, davius sum, ni Dositheus gravi errore *Eucherium* scripserit, pro *Fulchero* Hierosolymorum tunc Patriarcha Latini, non Græci ritus, qui Ascalonenfi obsidioni revera aderat, ut suo *Tomus III.*

loco exponemus. Quamobrem abradendus erit Eucherus iste è Patriarcharum albo Græcorum Hierosolymorum. Ei sufficit idem Dositheus *Jacobum* quem *secundum* appellat ob Jacobum fratrem Domini, illumque *centesium* numerat inter Hierosolymitanos præfules. Nihil aliud de illo mihi compertum est.

## XCI. ARSENIUS II.

*Arsenium* hunc primum nuncupat Dositheus in catalogo, nulla alterius Arsenii, de quo supra egimus *col. 484. & seqq.* facta mentione. Et *lib. 7. cap. 22. §. 4.* asserit eum Gerasimi monachi nescio cujus, insignis tamen viri, testamento, quod in S. Euthymii monasterio Hierosolymitano repertum est, cum aliis præfulibus subscripsisse, anno mundi juxta æram Constantinopolitanam 6654. id est Christi 1146. Hinc porro mirificè confirmatur conjectura supra proposita de *Fulchero* Patriarcha Latino Hierosolymorum anno 1146. recensito à Dositheo sub nomine *Eucherii*, qui federit eo ipso tempore: alias simul fuissent duo Patriarchæ Græci ritus, *Eucherius* scilicet ille & iste *Arsenius*.

## XCII. JOANNES VII. seu NICOLAUS.

In Dositheo Patriarchæ catalogo *centesimus secundus* recensetur *Joannes* iste sub Manuele Comneno: & *lib. 7. cap. 22. §. XI.* aliquot opuscula ei tribuuntur *de Azymis & processione Spiritus sancti* contra Latinos, *Joannis Patriarchæ Hierosolymitani* nomine inscripta. Eadem à Leone Allatio recensentur, tum in libro quo *Hottingerum fraudis & imposturæ convicit*, *pag. 526.* tum *lib. 2. de consens. cap. 18. num. 18. col. 871.* Cæterum quæ ipse ex eo libro de Azymis recitat, scriptorem indicant de Eucharistico Latinorum sacrificio non malè sentientem. Dositheus *lib. 7. c. 22. laudato*, Joannem hunc Patriarcham scribit interfuisse synodo Constantinopoli habitæ, de Eucharistiæ mysterio, anno mundi 6664. id est Christi 1156. una cum Constantino Patriarcha, sub Manuele Imperatore. At synodo illi eo anno celebratæ die 26. Januar. in causa Soterichi Panteugeni Antiochiæ Patriarchæ designati, præfuit Lucas Chrysoberges Constantini præfati successor; subscripsit vero *Nicolaus* Hierosolymorum Patriarcha, qui proinde idem fuerit ac *Joannes* de quo agimus. Scilicet, dum Patriarchas Antiochenos exponerem, observavi, inquit doctissim. P. Le Quien hujus operis auctor, inter Manuelem Comnenum Imperatorem Græcum, & Balduinum Antiochiæ principem, ex pactis conventis unum caput fuisse, ut Constantinopoli deinceps Patriarcha Antiochenus mitteretur: ex quo à Byzantinis I i ij



creari & ordinari cœpisse Antiochenos præfules probabile ipsi apparuit, Latinis interim eam sedem tenentibus: postea tamen idem Balduinus curavit ut Imperator ab hac lege descisceret. Porro simile quid etiam de Hierosolymitano Patriarcha Græco Constantinopoli attentatum exinde creditu pronum est, quod, subacta à Latinis Palæstina, nullus Hierosolymitanus Patriarcha Græcus occurrat, quem saltem constet pro ea sede fuisse designatum, ante hujus Manuelis Comneni tempora: eo enim imperante, & Luca Chrysoberge Patriarcha Constantinopolitano, Nicolaus profertur Hierosolymitanus antistes numerosissimæ synodo, in urbe regia convocatae adfuisse. In ea autem synodo Soterichus Panteugenus Antiochenus Patriarcha electus, quum erroris accusaretur quod cruentum crucis incruentumque altaris sacrificium Deo Patri, sed non Christo Deo oblatum censeret, idque pertinacius tueretur, depositionis sententiam subiit, quam cum Luca, aliisque episcopis tulit Nicolaus Hierosolymorum Patriarcha; ut legitur in actis Græcis prædictæ synodi. Solius Joannis meminit, omisso Nicolai nomine, Dositheii catalogus.

### XCIII. NICEPHORUS II.

Post Joannem, de quo supra, *Nicephorum* secundum præfatus Dositheii catalogus recenset, sub eodem Manuele Comneno. Interfuit synodo Constantinopoli celebratæ anno mundi juxta æram Constantinopolitanam 6674. Christi 1166. teste Leone Allatio *lib. 2. de consensu cap. 12. num. 4.* qui ejus acta mss. sese habere asserit. In ea synodo quæsitum fuit an orthodoxa esset Alemannorum fides, quum assererent Christum æqualem esse Patri, necnon minorem Patre propter humanitatem; orthodoxam autem esse pronuntiatum est, eorumque accusatores damnati, ceu qui Patrum doctrinæ contradicerent. Vide Joannem Cinnamum *Hist. lib. 6. n. 2.* Nicephorum memorat Theodorus Balsamon in interpretatione canonis 37.

### XCIV. ATHANASIIUS II.

Mohammedanis denuo factis Hierosolymorum dominis anno Christi 1187. mense Octobri, expulsisque Latinis à Salahadino Babyloniarum rege, Heraclius Patriarcha Latinus Acconem seu Ptolemaidem secessit, *Athanasius* vero hujus nominis secundus venit Hierosolymam. Refert Baronius sub anno sequenti 1188. *num. 30.* epistolam quam ei scripsit Georgius Corcyræ metropolita, & *num. 31.* responsum Patriarchæ ad hunc Georgium. Eo autem anno obiisse censet prædictum Patriarcham. Id quidem inficia-

tur Pagius, *tom. 4. crit. in annal. Baron. ad eundem annum, num. 13.* *Athanasius*, inquit, ante annum 1193. à Græcis Patriarcha Hierosolymitanus constitui non potuit, ut ex dicendis ibidem constabit. Quare epistola Georgii metropolitæ Corcyræ ad Athanasium Patriarcham Hierosolymitanum, & hujus ad illum responsum, quæ hic à Baronio recitantur, ad illum Christi annum revocanda. At tantum abest ut steterit promissis Pagius, quin è contra ad illum annum 1193. *num. 10.* Dositheum (*Athanasii* post Leontium successorem) è sede Hierosolymitana eo anno ad Constantinopolitanam translatum narret. Inconcussa ergo manet assertio Baronii de tempore quo Athanasius ille sedebat. Is proinde fuit Hierosolymitanus ille Patriarcha qui anno 1187. die 10. Sept. feria 4. Indict. v. cum Constantinopolitano & Antiocheno præfulibus synodo adstitit in qua Isaacius Imperator definiri voluit irritas electiones fore, quæ fierent per absentiam pontificis alicujus in urbe, & in posterum non aliter fieri debere nisi omnes in urbe degentes pontifices arcessiti fuerint, & vel præsentibus adfuerint, vel sententias suas exhibuerint, ut legitur in Jure Græco-Romano pag. 169. Vaticanus codex Arabicus 77. ex iis quos doctiss. Josephus Simonius Assemanus Maronita ex Oriente Romam advexit, *Athanasii Patriarchæ Hierusalem homilias 65.* citat: & codex 90. *Athanasii Patriarchæ Hierosolymitani homilias 66.* apud eundem Assemanum, *Biblioth. Orient. 10. 1. pp. 630. col. 1. & 631. col. 2.* An hujus Athanasii fœtus sint, nondum liquet.

### XCV. LEONTIUS.

*D* Athanasio Leontium successisse scribit Baronius ad annum 1188. *n. 30.* Hunc Nicetas Choniates *lib. 2. hist. num. 4. pag. 259.* virum fuisse asserit eruditum & virtute celebrem. Nihil aliud de eo nobis compertum est.

### XCVI. DOSITHEUS I.

Hic *Dositheus*, Venetiis Patre Viticlino natus, Constantinopolim profectus, in monasterio Studii disciplinæ regulari incubuit. Quum autem Isaacio Angelo tunc homini privato Imperium prænuntiasset, ille Imperator factus eum ad sedem Hierosolymitanam promoveri curavit, post Leontii obitum, & ante annum 1193. quo eundem rursus alteri Leontio è Constantinopolitana sede ejecto substituit. Quomodo peracta fuerit hæc translatio sic narrat Nicetas Choniates *lib. 2. hist. num. 4.* apud Baronium ad annum 1193. *nn. 25. & 26.* *Isaacius Angelus Imperator Hierosolymitanum Dositheum ad œcumenicum patriarchatum evecturus, quum id canones non permittere sciret, Theodorum Balsamonem*



magna Antiochena episcopum, virum ea aetate  
jurisconsultissimum astu circumvenit, & in  
privato colloquio indignationem simulat, quod  
ecclesia piis & doctis viris ita destituatur, &  
monastica virtus ita obsoleverit, ut nemo sit qui  
universalem sedem . . . illustret, cœtumque fide-  
lium quam optime gubernet. Hæc & id genus  
alia non sine dolore præfatus, subjunxit olim  
fuisse sibi in animo, illum ex Antiochena sede  
in œcumenicam, ut illustrem legalis puritatis  
lucernam, transferre; sed ab ea mutatione vete-  
rum canonum, & ecclesiasticarum sanctionum  
interdicto deterri. Si vero ipse, ut legum &  
canonum peritissimus, translationes, ut olim, ita  
nunc quoque habere locum, demonstrare, ac  
vulgo persuadere possit; se omnino id in lucro  
deputaturum, eumque (modo liceat) incunctan-  
ter designaturum. Hoc modo tractus Theodorus  
omnia rata fore affirmavit. Postridie concilio  
pontificum in eade sacra indicto, & questione  
illa agitata, translatio statim concessa, & litteris  
Imperatoris confirmata est: ac Antiochenus, ut  
ante fuerat, ita mansit Antiochenus, Dositheus  
vero à sede Hierosolymitana Constantinopolim  
est translatus cum tam frequenti & splendido  
comitatu, ut haud dubie regium triumphum  
æquaret. At primarii sacerdotes, cæterique fa-  
cundia insignes, qui se canonibus temere viola-  
tis deceptos videbant, obstupescit, quum risum  
diutius perferre non possent, extraordinaria  
conciliabula, & plebis conventicula instituunt,  
alienæ ecclesiæ occupator audit Dositheus, se-  
cundo honore abrogato, è sede educitur. Impe-  
rator vero ignominiam illam non ferens omnibus  
modis adversatur, ac nihil non facit ut appro-  
bata illa translatio valeat: nec multo post abro-  
gatione sublata, Dositheumque denuo confirma-  
tum per bipenniferos satellites & palatinos pro-  
ceres in sacram ædem deducit, populi motum  
veritus. Erat enim Dositheus ob ambitionem,  
& Imperatoris intempestivam pertinaciam, &  
parum laudatum sui studium omnibus invisus.  
Cæterum rursus sede ejicitur, eodemque modo,  
quo canis Æsopicus, & pontificatum quem te-  
nuerat amittit (nam alius Hierosolymis electus  
erat) & majori sede excidit, magno vasorum  
custode Xiphilino Georgio Patriarcha designato.  
Ejus quoque meminit Nicephorus Callistus,  
tom. 2. hist. eccl. lib. 14. cap. 39. cujus verba  
modo referemus, sub Marco II. In alterius  
denique ejusdem nominis Patriarchæ Hiero-  
solymitani sæpius citato recensetur catalogo.

#### XCVII. MARCUS II.

Dositheo ad regendam Constantinopoli-  
tanam ecclesiam Hierosolymis accito, ei fu-  
brogatus est in sede Hierosolymitana Marcus  
cognomento Florus; de quo hæc tradit Ni-  
cephorus Callistus lib. 14. hist. eccl. cap. 39.

A pag. 530. Dositheus Hierosolymitanus Constan-  
tinopolim est translatus: quum Hierosolyma inde  
Marcus qui Florus dictus est transfisset. Deinde  
Dositheus rursus Constantinopoli relicta, in  
Æliæ thronum reversus est, eo qui Florus ap-  
pellabatur, inde præter jus & æquum omne  
expulso. Postea vero utraque & Æliensis &  
Constantinopolitana sede posthabita Dositheus  
privatus vixit, & decessit. Hæc superioribus  
temporibus sunt acta. Hactenus Nicephorus.  
Quid egerit deinceps Marcus, nos latet.

#### XCVIII. THEOPHANES I.

Theophanes ecclesiæ Hierosolymorum re-  
gimini præerat sæculo XII. exeunte, vel initio  
sequentis, ut infertur ex quadam ad eum Marci  
Alexandriæ Patriarchæ Theodoro Balsamoni  
cœvi epistola. In Dositheo catalogo præter-  
missus est, in quo Dositheum sequitur Gre-  
gorius II. tum inverso ordine Leontius I. jam  
supra memoratus col. 534. C. moxque omissis  
pluribus quos statim recensebo, Lazarus.

#### XCIX. GREGORIUS II.

C Georgius Pachymeres lib. 6. hist. Michaëlis  
Palæologi cap. 1. tom. 1. pag. 292. ubi narrat  
quæ monachi adversus hunc Imperatorem  
moverint, propter dejectum è patriarchatu  
Byzantino Arsenium, ait Josephum quem-  
dam à Maria Eulogiæ sororis Michaëlis Im-  
peratoris filia, ad Æliæ Patriarcham, ipsis  
instigantibus, missum, cui schismatis causam  
aperiret, atque Soldanum qui Palæstinæ do-  
minabatur in Imperatorem sollicitaret. Mariæ  
consilium Gregorio Patriarchæ non displicuisse  
subdit; quamvis minime dubitaret, quin alii  
duo Patriarchæ Alexandrinus & Antiochenus  
in partes Imperatoris transfirent. Is Gregorius  
opusculum scripsit adversus Joannem Bec-  
cum, qui Latinorum, & ecclesiæ doctrinam  
Occidentalis, propugnabat. Extat in Biblio-  
theca Regia Parisiis, inter codices qui antea  
fuerant penes clariss. Baluzium.

#### C. ATHANASIUS III.

Sub eodem Imperatore Michaële Palæo-  
logo, Athanasius III. Hierosolymorum Pa-  
triarcha, dum Byzantii ageret, Græcos cum  
ecclesia Romana reconciliari sategit. Mox ad  
ecclesiam suam reversus, Agarenorum petitis  
insidiis, occisus est, teste Allatio, lib. adversus  
Hottingerum pag. 475.

#### CI. THADDÆUS.

In regio codice Græco 1827. opusculum  
habetur inscriptum: Thaddæi Pelusiota archi-  
episcopi Hierosolymorum contra Judæos. Illud  
exaravit Thaddæus circa ann. Christi 1298.  
quem ipse ab Ascensione Domini numerabat  
1265. Andronico I. Byzantinis imperante.



## CII. SOPHRONIUS III.

## CIII. ATHANASIUS IV.

## CIV. GABRIEL BRULA.

## ATHANASIUS iterum.

Nicephorus Callistus 10. 2. *hist. eccl. lib. 14. cap. 39. de Translationibus episcoporum*, pp. 530. & 531. narratis variorum præfulum ad Alexandrinam & Antiochenam sedes promotionibus, tres Patriarchas memorat, qui alius post alium Hierosolymitanam ecclesiam Græcam rexerunt, *Sophronium* scilicet, *Athanasium* & *Gabriëlem Brulam*. *Hierosolymis*, inquit, *itidem duos per translationem successisse vidimus*. Nam *Sophronio defuncto*, in locum ejus *suffectus est Athanasius Cæsareæ Philippi episcopus*, *cujus sedem Gabriël quidam Cæsareæ Philippi nuper episcopus renuntiatus dolo rapuit*, & paulopost *factis concedens*, vel *invitus eam rursus Athanasio priori reliquit*. *Pachymeres* promotionem *Gabriëlis Brulæ & Athanasii* fusius explicat in *Andronico lib. 7. cap. 23. p. 429. D.* *Hic* (*Andronicus II. Imp. an. circiter 1308.*) *veneratione sui Patriarchæ* (*Constantinopolitani Athanasii I. anno 1303. in eam sedem restituti*) *constrictus ingenti, partem pietatis vel maximam putabat, in cunctis ei obnoxie morem gerere. Carceres ergo & ignominiosæ damnationes, in quantulocunque deprehensos lapsu* (*severissimus quippe erat in regimine Athanasius*) *certo ac subito quoslibet excipiebant. Commune porro concilium ecclesiæ, ne quis ad id, synodo coacta, suam referri causam aut querimonias posse consideret, in paucissima redactum capita, pene nullum erat; exterminato utique Alexandrino Patriarcha, Antiocheno alienato propter Hodegorum monasterium, Hierosolymitano quoque* (*cui & ipsi nomen fuerat Athanasius*) *nuper exauthorato, propter allatas ex illis partibus in urbem accusationes ejus per quendam Brulam Βεουλῆν nomine, ex Romanis oriundum, Cæsareæ Philippi episcopum: qui convento de criminibus quæ deferebat Imperatore, ipsoque Patriarcha* (*Constantinopolitano*) *redire jussus unde venerat cum Imperatoris legatis, ad explorandum coram, itane se res haberent uti accusator dixerat; hi, ut ipsis est visum, plene convicti de veritate delatorum, profecti Hierosolymam, Patriarcham quidem extruserunt sede, Brulam autem in Eliæ throno collocarunt; per vim id attentantes, & contra Imperatoris voluntatem, qui solo instinctu religiosi, ut putabat, zeli, delata examinari crimina æquum censuerat: non autem excommunicatum prius hominem, qualis Brulas deprehensus postea est, in sacra illa sede constitui. Novo igitur etiam ipso Patriarcha Hierosolymorum Brula, propter anathema, suspensio, quum & antea, ut est dictum,*

*A suspensi pariter fuissent Alexandrinus & Theopolitanus, nullius jam alterius è sacris publicè diptychis recitabatur nomen, nisi Athanasii Constantinopolitani solius Patriarchæ, &c. Restitutum Athanasium Pachymeres non prodit: sed sua stat Nicephoro Callisto illius ævi scriptori autoritas.*

## CV. LAZARUS.

## GERASIMUS intrusus.

## LAZARUS iterum.

In Dosithei catalogo Gregorium II. proxime sequitur, ut jam supra observavi, *Lazarus*. Is sub Andronico II. senioris nepote sedebat, ejusque in Joannis Cantacuzeni historia frequense est mentio. *Lazarus*, inquit, *Hist. lib. 4. cap. 14. pag. 754. .... à coepiscopis in sancta civitate, ut mos est, electus, postea Byzantium ab Imperatore confirmandus venit. Tum Gerasimus monachus illuc profectus cum aliis quibusdam audaciæ suæ satellitibus, Patriarcham in iis calumniose accusat, ob quæ gradu movendus videbatur. Imperator, nec statim patriarchatum, propter Gerasimi accusationem, ei abrogat: nec audita omnino pro falsis ducit; sed Byzantii manere jubet donec ejus causa cognoscatur. Legatos interim mittit ad Sultânum, cum de aliis necessariis quibusdam, tum de Christianis in Ægypto: nec minus de hoc etiam Patriarcha mittit: & legatis mandat ut quum in Palæstina fuerint, una cum episcopis inquirent de criminibus Patriarchæ impositis. Andronico per id tempus defuncto* (*anno 1332.*) *belloque contra Cantacuzenum excitato, etiam Lazarus Cantacuzenismi suspectus, à Joanne Patriarcha* (*Constantinopolitano*) *nec synodum, nec aliquid aliud legibus præscriptorum quærente, indicta causa condemnatur, ejusque in locum Gerasimus accusator ipsius, episcopus sanctæ civitatis contra fas eligitur. Lazarus Patriarcha tali se ignominia prorsus immerentem affectum intuens; Galatam Latinorum oppidum vadens, modum capiat quo ad illud pervenire queat. Archontes Byzantii comperta ejus fuga, Patriarcha Joanne conscio, Galatam mittunt, Hierosolymorum Patriarcham dedit postulant. Galatæi optionem illi integram relinquunt, aut secum communicare in dogmatis, & de cætero inter ipsos habitare, quem & ipsi nunc beneficentissimè tractaturi, & Romæ episcopus postea magnis meritis prosequuturus, suisque episcopis annumeraturus sit: aut* (*quod minabantur*) *petentibus tradi, à quibus immania pateretur. Ille vero non tantum terrebatur comminationibus, (in schismate Græcorum propugnando pertinax) quantum eorum ridebat stultitiam, qui minuto- rum & despicabilem bonorum promissis à patriis eum institutis se aversuros sperarent: contraque*



et ipse pollicebatur, facilius se illos ab adulterinis dogmatis revocaturum, quam ut ipse cum illis, aut ingentium bonorum sponsonibus, aut terribiliorum suppliciorum minis, simul in errorem abriperetur. Galatæi ut obfirmatum ac præfractum viderunt, vinctum petentibus tradiderunt: qui eum ad Patriarcham (Constantinopolitanum) à quo crudeliter accipiendus putabatur, deduxerunt.

Is vero virtutem viri reveritus (neque enim nesciebat, quantopere Latinis ad communionem religionis eum allicientibus repugnasset, neque quomodo mori maluerit, quam à Patrum suorum recto sensu discedere) accedenti assurrexit, humaniterque ac leniter salutatum assidere sibi iussit, et amanter cum eo sermonem miscens confessorem appellavit. Post in domum designatam dimisit, nec minimo male volentis animi dato indicio, nulla autem cura dignatus est. Quamobrem paulopost, quum egestate admodum premeretur, ad Imperatorem confugiens, per reliquum belli tempus apud eum diversatus, ejusdem liberalitate procurationeque, etiam Byzanti, postquam ille imperium obtinuit, usus est. Hunc ergo Patriarcham cum Sergopulo postmodum ad Sultatum Ægypti legans, simul alia ab eo petebat pro Christianis illic degentibus; simul ut Patriarcham, dejecto Gerasimo contra jus et fas episcopatum gerente, in sedem suam reponeret. Sultanus et ad cætera quod attinet, honorifice legatos suscepit, et omnia quæ peterent præstitit, multasque ob legationem ad se missam gratias egit.... Patriarchamque ad sanctam civitatem mittens, barbarorum illic magistratui præcepit, Gerasimum expellerent, Lazarum Patriarcham honorarent, nihilque illi episcopum Christianorum per Palæstinam agenti molestiarum facerent. Idem auctor supra lib. 3. cap. 92. to. 2. p. 670. et to. 3. pag. 718. narrat Imperatorem Cantacuzenum ab ipso voluisse coronari Adrianopoli. Jam vero placuit (ei) etiam Imperatorum more coronari, quandoquidem et Patriarcha Hierosolymorum, et episcopi complures coram adessent.... paratis omnibus à Lazaro Patriarcha Hierosolymitano mense Maio (die scilicet 21. anni Chr. 1341. juxta Lexicon Moreri.)

De Gerasimo autem subdit lib. 4. cap. 15. pag. 759. Gerasimus throno ejectus, rursus ad Sultatum venire, mendaciisque Patriarchæ depositionem ei persuadere properavit. Cæterum profectus ex urbe sancta, post diem tertium in itinere spiritum edit: sic Deo judicante, ut justa illius morte tentationibus injustis justus liberaretur. Atque ita diu satis Patriarcha suos honores gessit. Porro Sultano illo mortuo, alius in principatu suffectus est, quem nulla causa manifesta ad Christianos persequendos commovit, et c. Tunc barbari solis Jacobitis erant propitii: reliquos Christianos omnes sic premebant, ut complures variis tormentorum generibus excruciatos

à medio tollerent: non paucos etiam à fide in Christum ad sua sacra pellicerent. Dignum sane lacrymis, adeo multos cum fide Christi per opera ad cacodæmonem abripi, et ejusdem gehennæ cohæredes illi evadere. Non enim est, non, inquam, est vitæ integritatem cum vera fide sectantem, aliquando circa fidem, divino auxilio destitutum, naufragari. Tum igitur et Lazarum Patriarcham comprehendentes, primum quidem blanditiis eum captabant, ejusque invictam constantiam labefactare, et à religione Christiana abstrahere nitebantur: consisi, si hunc expugnassent, universos statim Christianos ducis sui exemplum sequentes, ad Christum negandum adacturos: nec ad eos mactandos compulsum iri, siquidem eos à sacris ipsorum dimotos habere vivos, quam nullo cum fructu occidere malebant. Ubi adulatio frustra fuit: omnia siquidem ille potius pro fide Christiana perpeti paratus erat, carnificumque in se manus provocabat, et laniatus, ac membrorum distorsiones exoptare magis videbatur.... Desperata viri mutatione, barbari blandimenta ut supervacanea omittunt, et ad ingentem amicamque sibi immanitatem se convertunt. Et Sichun quidem statim illum morte damnat. Sultanus autem, ut accepimus, ne occidatur rogat, sed alio quodam modo de inobedientia puniatur. Non enim ille tam infestus erat Christianis (imò vero eorum necesse dolenter ferre dicebatur) quam Sichun, mali illius pejus domicilium; hoc est, ipso dæmone peior, filius perditionis, qui homicidæ patri suo obsequentissimus, Christianorum cædibus saturari nequibat: sed cruciabatur potius, quod non celeriter Christi nomen è terris eradere posset. Sententia igitur mortis inhibebatur, plagas autem 50. nervis bubulis nudato corpori Sichun jubebat imponi, quod ad tot verbera minime duraturum putaret; sed ante finem animam emissurum, ad vires humanas videlicet respiciens.

Carnifices postquam seductum flagellarunt, et illi quidem plagarum quas inferebant numero defecerunt.... tyrannus magis accensus furis et ira.... totidem alias infligi mandavit. Quod quum illi dicto citius exequerentur, totum pavementum sanguine rubescebat, et carnes dilaceratæ defluebant, faiscitibusque compagibus ossa patecebant. Patriarcha tanto cruciamento deficiens et humi collabens jacebat, paulo adhuc spirans, et barbaris tolerantia tam diræ verberationis stuporem commovebat. Deinde iterum quærunnt num Sultani mandatis obtemperans Christi fidem deserere, et cum ipsis communicare vellet: libereque recusantem ac dicentem, nihil me à fide in Christum separari poterit, in carcerem quemdam morte damnatis destinatum adsportantes projiciunt, ut si non ex plagis, certe post gladio moriturum. Socii autem carceris, (quorum erant non pauci ex barbaris,



alii alias ob causas capite dammati) humanitate A quadam, & miseratione ob naturæ consortium, non modica eum cura dignabantur, peritique huiusmodi affectuum medendorum, paulatim eum persanatis plagarum vulneribus restituerunt. Adhuc sub iudicio mortis erat, quum Jacobitarum episcopus, quamquam prius ob sacrorum diversitatem eum odisset, interfectumque cupivisset, præter opinionem servatum conspiciens, nec humanæ id, sed divinæ virtutis monumendum existimans, ex eo ut athletam complecti, omnique honore & observantia colere, & studiose victum quamdiu in vinculis fuit subministrare B cepit. Ac post intervallum longius Sichunti abrupta anima, ipse Patriarcham à Sultano impetratum, è carcere eduxit, qui & Christianæ religionis colendæ potestatem dedit.

Verisimile est hunc Jacobitarum episcopum, si fuit eorum Patriarcha Alexandrinus, unum fuisse ex his quos Renaudot. memorat in *Hist. Patr. Alexandr.* pag. 607. LXXXII. Benjamin ex Democrao oriundus, ordinatus anno Martyrum 1043. J. C. 1327. Heg. 728. Sedit annos undecim, mortuusque est anno 1339. de quo nihil aliud habetur. LXXXIII. Petrus C ordinatus anno Martyrum 1056. J. C. 1340. Hegiræ 741. mortuus anno Martyrum 1064. J. C. 1348. Hegiræ 749. LXXXIV. Marcus ex Kelioub, cuius initia non assignavit Abulbirca, nec diem ordinationis, sed mortem anno Martyrum 1079. J. C. 1363.

Pergit Cantacuzenus, erat namque Sultanus, ut docuimus, non sua sponte ad persecutionem propensus; sed à Sichunte, vel nolens eo inducebatur: idcirco & post obitum illius statim cessavit, & infamia duntaxat Christianos damnavit. Nam civilibus eos functionibus excludens, atque in captivorum loco habens, certicoloris vestitum pro signo gestare iussit, unde pro Christianis agnoscerentur, quoddam probrum illis hac ratione se iniustum arbitratus. . . . . Lazarus porro sanctæ civitatis Patriarcha, quum post flagellationem creditum sibi gregem diu pavisset, à Sultano postea legatus ad Imperatorem Joannem Palæologum missus est. Res igitur Hierosolymorum antistitis ab initio ad finem ejusmodi fuerunt. Hæc Joannes Cantacuzenus à pag. 759. usque ad pag. 761. qui addit p. 906. coram Callisto Patriarcha Constantinopolitano, Lazaro Hierosolymorum, aliisque episcopis quotquot per id tempus Byzantii degebant, sacras stolas indutis, ac toto ordine senatorio præsentibus, Matthæum Cantacuzeni filium, adstante etiam uxore, juramentum præstitisse quod ab ipso exigebatur, de abdicando Imperio. Circa annum 1350. subscripsit Lazarus tomo tertio pro erroribus Gregorii Palamæ adversus Joannem Barlaamum & Gregorium Acindynum in synodo quadam Constanti-

nopolitana edito, cuius meminit Joannes Cantacuzenus lib. 4. *hist. cap. 23. to. 3. p. 800.* textum Græcum hujus tomi cum ejusdem versione Latina refert Harduinus *to. XI. conc. à col. 283. ad col. 346.* legitur autem col. 286. D. Tomus ille 30. episcoporum subscriptionibus roboratus; quibus consensit subscribens novissime sanctissimus Patriarcha Hierosolymorum.

Extat apud Raynaldum, ad annum 1367. n. XI. epistola Urbani V. Romani Pontificis ad hunc Lazarum, duosque alios Orientis Patriarchas, data die 6. Novembris, ex qua colligere est tum vixisse adhuc eo anno illum præfulem Hierosolymitanum, ac voluisse etiam, an sincere necne, Deus novit, ut de novo ecclesia Orientalis cum sede apostolica uniretur. En tenorem epistolæ: *Prudentibus viris Philotheo Constantinopolitanam, Nifon Alexandrinam, & Lazaro Hierosolymitanam Patriarchales ecclesias, more Græcorum, regentibus, gratiam in præsentem, per quam obtineant gloriam in futuro. Salutaris intentionis vestræ propositum super reductione Græcorum ad sacrosanctæ Romanæ ac universalis ecclesiæ unitatem nobis tam per litteras vestras, quam per venerabilem fratrem nostrum Paulum Patriarcham Constantinopolitanum (Latini ritus) ac providos viros Nilos metropolitæ, & Theodorum Megastrophilatas nuntios vestros latores præsentium, referatum audivimus cum multa lætitia. Proinde devotas gratias referentes altissimo, qui tam laudandum propositum vestris mentibus inspiravit; rogamus vos, & hortamur in Domino Jesu Christo, quatenus in dicto proposito immobiliter persistentes lumen quod in vobis est, in cognoscendo utilitatem vestram, & aliarum innumerabilium animarum D & corporum ex reductione præfata indubie proventuram, non abscondatis sub modio, sed super candelabrum vestræ sinceræ prædicationis & operationis cunctis Græcorum populis ostendatis, ut in ipsius claritate per semitam mandatorum Domini gradientur; vosque tanto plus apud ipsum Dominum laudari, ac altius super plura constitui mereamini, quanto plures manipulos de credito vobis agro collegeritis, & ad aream Domini afferetis, quantoque de datis vobis talentis datorum reportabitis majus lucrum. Cæterum valde gratum habebimus, quod cum magnifico E viro Joanne Palæologo Imperatore Græcorum illustri, & cum aliis multis viris literatis & authenticis de clero & populo Græcorum ad sanctam sedem apostolicam matrem & magistram cunctorum fidelium, ad quam idem Imperator venturum se obtulit, veniatis; ubi vos libenter videbimus, & condignis honoribus prosequemur, ac, dante Deo, tollentur schismata, & alias saluti dictarum providebitur animarum. Datum Romæ apud sanctum Petrum VIII. idus Novembris, Pontificatus nostri anno sexto. Nihil aliud*



aliud nobis compertum est de eo Lazaro. A

CX. JOACHIM.

CVI. SOPHRONIUS IV.

Post Lazarum catalogus Dositheï recenset *Sophronium*, quem ait centesimum decimum, hujusque nominis III. illo scilicet prætermisso Sophronio, quem supra col. 507. A. B. ex Nicephoro Callisto, memoravimus. Præsentì Sophronio idem Dositheus lib. 7. hist. Patriarch. Hierosolym. cap. 22. annos 46. patriarchatus tribuit; at non video quomodo id verum sit: nam Lazarus ejus prædecessor adhuc superstes erat anno 1367. Dorotheus autem Sophronii B successor dicitur confirmatus ab Imperatore Joanne Palæologo, qui imperio cessit anno 1384. vel 1387. & obiit anno 1391.

CVII. DOROTHEUS I.

Sophronium in Dositheï catalogo sequitur *Dorotheus I.* cujus confirmationis decretum, ab Imperatore Græco, qui dicitur fuisse Joannes Palæologus, datum, supra retulimus col. 135. & seq.

CVIII. THEOPHILUS II.

Hic *Theophilus*, Dorothei filius cui & successit in sede Hierosolymitana; Emanuëlis Palæologi Imperatoris Constantinopolitani qui regnare cœpit anno Christi 1384. vel juxta alios 1387. & filii ejus Joannis qui anno 1419. ævo floruit. Dositheus enim Patriarcha, lib. 7. hist. cap. 22. §. 4. refert in libro Menæo Hierosolymis adservato legi, istud *Dimenæum exaratum absolutumque esse, concurrente sanctissimo venerabilissimoque & divino Patre Domino Dorotheo nupero Patriarcha, nuncque patriarchatum gerente sanctissimo Patre D* *Theophilo filio ejus, imperante potente sanctoque Domino Manuele Palæologo sene, ejusque filio Domino Joanne.*

CIX. THEOPHANES II.

Theophilum excepit, ex eodem Dositheo lib. 7. hist. Patriarch. Hierosol. cap. 23. §. 1. *Theophanes*, quem sedisse ait anno 1430. Balsamon Antiochenus Patriarcha, alter ab eo de quo supra ubi de Dositheo I. col. 504. E. huic responsum miserat ad quæstionem, quandonam antityporum transmutatio fieret. Verum, nullus eo tempore Antiochiæ Patriarcha hujus nominis reperitur, nisi fortassis *Balsamon*, cognomen tantum fuerit, non nomen proprium. Michaël quidem Balsamon Josephum Patriarcham Constantinopolitanum ad Florentinam synodum comitatus est, decretoque unionis subscripsit, & postea reclamavit; at non erat Patriarcha Antiochenus; tunc enim Dorotheus hanc ecclesiam regebat.

Tomus III.

Hierosolymitanam sedem occupabat *Joachim* iste tempore Florentinæ synodi, ejusque vices in ea gesserunt Marcus Ephesi & Dositheus Monembasiæ metropolitæ. Hic postremus eum in modum decreto unionis subscripsit: *Humilis metropolita Monembasiæ, & locum tenens apostolicæ sedis sanctissimi Patriarchæ Hierosolymorum Domini Joachim; Dositheus contentus subscripsi.* Tantum abest autem ut Joachim ratam haberet hanc suo nomine datam subscriptionem, quin è contra, ejuraverit quidquid factum fuerat in synodo Florentina, ipsamque Metrophanis, qui in Josephi Constantinopolitani Patriarchæ, Florentiæ, dum celebraretur synodus, mortui, locum promotus est anno 1440. communionem; quod præstiterunt quoque una cum ipso Alexandrinus & Antiochenus præsules: data etiam ad Joannem Imperatorem epistola, qua ei excommunicationem minabantur nisi resipisceret. Has litteras Græcè cum versione Latina edidit Leo Allatius lib. 3. de consensu C *utriusque ecclesiæ, cap. 4. col. 939. & seq.*

CXI. THEOPHANES III.

Joachimo *Theophanem* successisse legitur, apud præfatum Allatium in addendis ad lib. 3. de consensu cap. 4. ibi enim à col. 1380. acta Græca extant cum translatione Latina schismaticæ cujusdam synodi, Constantinopoli coactæ ad infringendam unionem Florentinam: cui adfuit & subscripsit Theophanes in hæc verba, col. 1388. *Theophanes concessione divina Patriarcha Hierosolymorum.* Exordium deorum est, col. 1381. Hinc liber initium sumit postremæ Constantinopolitanæ synodi in sanctæ Sophiæ templo congregatæ post exactam pseudo-synodum Florentinam unius anni & dimidii intervallo, & post obitum Joannis Palæologi, qui cum Latinis sentiebat, ab Italis sub spe auxilii delusus; ante tamen obitum orthodoxo dogmati assensum præbuerat: sub Constantino orthodoxo illius filio. Extracta est (hæc synodus) ex bibliotheca propria manuscriptorum Constantiniani Lascaris, vere doctissimi, qui satis amplam claramque Grammaticam edidit, jussu sapientissimi Byzantini Patriarchæ Athanasii; & transcripta à Theodoro Zygomala, magnæ ecclesiæ protedico. Hic Theophanes is esse videtur quem Dositheï sæpius citatus catalogus ante Joachimum recenset, altero ejusdem nominis omisso qui Joachimo successerit. Dositheus tamen lib. 1. hist. Patr. Hierosol. cap. 6. pag. 910. synodi modo memoratæ meminit, illique Theophanem Joachimi successorem interfuisse testatur.

K k



## CXII. ABRAHAM.

## CXIII. JACOBUS III.

## CXIV. MARCUS III.

Licet nulla occurrat apud Græcos, de tribus istis Patriarchis Hierosolymorum, mentio, Daniel tamen Papebrochius *tract. prælim. in to. 3. actorum sanctorum mensis Maii, n. 282. p. 72. col. 2. D. E.* eos animadvertit sæculo decimo quinto sedisse, ex Theodorico Pauli, qui eodem sæculo scribebat, ut supra dictum est *col. 142.* Abraham, inquit Theodoricus in fine catalogi sui, apud Papebrochium citatum, *vir Christianissimus præfuit ecclesiæ Hierosolymitanæ Patriarcha, in maxima pressura paganorum, tempore Pii Papæ (II.) & anno 1468. tandem feliciter migravit.* Hic, nî fallor, ille fuit Hierosolymitanus antistes, qui, una cum Alexandrino & Antiocheno Patriarchis, legationem ad hunc Papam misit, ut unionem cum Romana ecclesia profiterentur: sic refert Raynaldus ad annum 1460. *n. 55.* Decreta est hoc anno, inquit, à tribus Patriarchis Orientalibus, Alexandrino, Antiocheno & Hierosolymitano ad Romanum Pontificem (Pium II.) insignis legatio, qua Moyses archidiaconus Antiochenus perfunctus est: significabant ii admissa abs se decreta concilii Florentini, orabantque Latinos, ut ex eorum cervicibus Mahumeticum jugum depellerent: de quibus hæc tradit Joannes Gobelinus (*lib. 4. commentar. Pii II. p. 103.*) *Circa hoc tempus adiit Pontificem Moyses archidiaconus Antiochenus, vir Græcis ac Syriacis litteris eruditus, & magni apud Orientales nominis. Hunc tres Patriarchæ miserunt, Antiochenus, Alexandrinus, ac Hierosolymitanus, & plurimi alii principes Christi cultores: legatio ejus hujusmodi fuit: venisse olim ad Pontificem Eugenium, Imperatorem, & Patriarcham Constantinopolitanum, & in concilio Florentino, nomine Orientalis ecclesiæ, cum Occidentali, de processione Spiritus sancti, de igne purgatorio, de pane azymo, de primatu Romanæ ecclesiæ, & aliis plerisque, de quibus antea disceptaverant, convenisse, decretumque deinde fuisse factum, quod tres Patriarchæ, qui se miserant, non suscepissent, satore zizaniorum impediante: deinde bono commotos spiritu, conventu subditorum habito, suscepto per omnia decreto, Romano Pontifici sese commisisse, velleque illi tanquam Jesu-Christi vicario deinceps obtemperare, atque ad ea enuntianda se missum. Audivit Pontifex legationem & privatim & publicè, & collaudatis Patriarchis, scripta quæ Moyses attulerat in Latinum translata, in archiviis ecclesiæ Romanæ recondi jussit, ipsumque donatum ad propria remisit. Hæc ex Gobelino Raynaldus.*

A Secundus quem laudat Theodoricus, Jacobus est: Jacobus, inquit, *doctor sacre pagine, Abrahamæ succedens, & in magnâ egestate regens patriarchatum, cæteris Christianis in Terra sancta tum sub tributo degentibus erat magnum solamen, adjutorio regalis ducis Philippi de Burgundia: qui quidem consensu Soldani renovavit ecclesiam sancti Sepulcri, & annuatim magnam gazam isti Patriarchæ transmisit. Istius tempore Turcorum Imperator, præ parte Arabiam occupavit: quare necessitate coactus episcopus monasterii montis Sinai, in quo corpus requiescit sanctissimæ Catharinæ Virginis & Martyris, debuit dare annuatim trecentos ducatos in tributum, & aliam summam pecuniæ in xenium. Quare præfatus Patriarcha misit quemdam monachum ejusdem monasterii ad reges & principes Europæ, cum magnis reliquiis, & cum uno dente sanctæ Catharinæ, ad congregandam illam summam pecuniæ. Tandem iste Patriarcha obiit anno Domini 1482.*

B Tertius, eodem Theodorico teste, est Marcus catholicus & pius, miseratione divina archiepiscopus Bethleem, & Patriarcha sanctæ Curbis Hierosolymorum & sanctæ Sion, Syriæ, & Arabiæ, & trans mare Jordanis, qui præfuit salubriter. Quæ prorsus accepta videntur ex nonnullis ejusdem Marci schedis seu diplomatibus, siquidem titulos referunt quos Hierosolymorum Patriarchæ sibi vulgo vindicabant: modo tamen supprimatur vox Bethleem, & pro trans mare Jordanis, legatur solum, trans Jordanem. Vide Imperatorium decretum supra recitatum *col. 135. & seq.* Horum porro trium Patriarcharum Theophanis II. successorum nomina suis catalogis Græci schismatici post Theophanem probabiliter ea de causa non inferuerunt, quod Romanæ sedis communionem coluerint.

## CXV. GREGORIUS III.

Jam observavimus in catalogo Dosithei, ex duplici Theophane, unum deesse qui post Joachimum federit. Tribus modo recitatis successisse verisimile est Gregorium III. quem asserit idem Dositheus *lib. 7. cap. 22.* ecclesiam Hierosolymitanam rexisse annos triginta sex.

## E CXVI. DOROTHEUS II.

Gregorio Dorotheum II. sufficit præfatus Dositheus, in utroque loco modo citato, eique quadraginta tres patriarchatus annos assignat, ita ut sæculo decimo-sexto jam adulto vitam duxisse videatur.

## CXVII. GERMANUS.

In Dosithei catalogo Dorotheum II. Germanus sequitur, qui nempe illo tempore



fedebat quo Hieremias I. Patriarcha Constantinopolitanus obiit. Synodo enim interfuit quæ statim ab ejus morte habita est, in qua statutum, ut *quicumque præsulum veller ullo modo fieri Patriarcha, absque eo ut cuncti essent congregati pontifices, metropolitæ, archiepiscopi, & episcopi, tum Orientis, tum Occidentis, tum Peloponnesi: hunc illo ipso condemnatum fore, pontificatuque & throno dejectum*. Ita fertur *lib. 2. Turcogr. pag. 165*. Hujus Germani meminit Joasaphus II. Patriarcha Constantinopolitanus in epistola ad Theodosium Zygomalam magnæ ecclesiæ rhetorem, quæ extat *ibid. lib. 3. pag. 290*. ad quem epistolæ locum annotat Martinus Crusius Joasaphum sua sede privatum fuisse anno 1564. anno autem sequenti hanc epistolam Constantinopolim misisse. Sedebat adhuc Germanus, ex Genebrardi chronico, *p. 752*. anno 1572. Sedebat etiam anno 1575. ex præfato Crusio *Turcogr. pag. 492*. imò anno 1579. ex Stephano Lusignano Cyprio Ord. Præd. in catalogo virorum illustrium, ubi de Patriarchis Hierosolymitanis agens ait: *Græcus Patriarcha hoc anno 1579. Germanus*. Verum hoc ipso an. 1579. mundi 7088. quum senio ille confectum se sentiret, patriarchatum abdicavit in sui cleri conventu, coram Silvestro Alexandrino Patriarcha, duobus archiepiscopis Dorotheo & Nectario, Eugenio episcopo montis Sinai, & Simeone episcopo S. Annæ, qui Damasco in urbem sanctam advenerat, ut fert Dositheus *lib. XI. Patr. Hieros. cap. 7. §. 4*. cui secunda die postea Sophronium successum narrat.

#### CXVIII. SOPHRONIUS V.

*Sophronium* itaque Dositheus modo citatus Germano substitutum fuisse asserit hoc ritu: secunda die post dimissum à Germano præfato patriarchatum Hierosolymitanum, Alexandrinus antistes, metropolitæ & episcopi, sortes, ut sancta lege ferebatur, miserunt, infantem quemdam sacro altari admoverunt, qui sacra liturgia peracta, unam è chartulis tribus in eo positis tulit, quæ Sophronii nomine inscripta reperta est. Tum Sophronius, tanquam designatus à Deo, Patriarcha renuntiatus est, necquidquam reclamantibus clericis aliquot, quorum murmura brevi compressa sunt. Peloponnesius erat, dum autem Constantinopoli ecclesiam sancti Nicolai juxta muros, sæcularis presbyter, non monachus, regeret, à Germano Patriarcha Hierosolymam adductus est. Sanctæ civitatis sedem in hunc modum adeptus, mox ecclesiam Constantini & Helenæ in patriarchalibus ædibus positam refecit, quin & Constantinopoli atque Molidoblachia quo deinde petierat anno 1602. regressus, sancti Sepulcri templum instauran-

*Tomus III.*

dum suscepit, Theophanes vero successor ipsius absolvit anno 1608. Martinus Crusius ejusdem Sophronii epistolam ad Manuelem Capitaneum & præfectum recitat *lib. 4. Turcogr. pag. 296*. sic inscriptam: *Sophronius misericordia Dei Patriarcha sanctæ civitatis Hierusalem omnisque Palæstinæ*. Ad quam epistolam id annotat Martinus Crusius *pag. sequenti 297*. *Ceterum Hierosolymorum Patriarcha quindecim ecclesias intra eam urbem habet. Ibi etiam Gersmane, ubi sanctæ Mariæ Virginis sepulcrum*. Hæc scribebat Crusius circa annum 1584. siquidem epistola ejus dedicatoria, operi præfixa, data eo anno inscribitur. Anno 1593. mense Februario adfuit Sophronius Constantinopolitanæ synodo, in qua patriarchalia jura, quæ Hieremias II. Constantinopolitanus præsul in majore Russia agens, Moschuenfi antistiti paulo antea detulerat, rata habita sunt: in qua etiam synodo, si non in alia circa illud tempus celebrata, rejecta est sancita à Gregorio XIII. Romano Pontifice calendarii ecclesiastici reformatio. Sophronius tandem, Germani prædecessoris sui exemplum sequutus, patriarchatum & ipse ante obitum deposuit, ac in ejus locum Theophanes successus est.

#### CXIX. THEOPHANES IV.

*Theophanes* ille è Peloponneso, perinde ac Sophronius, natales ducebat: Hierosolymorum Patriarcha communibus synodi Palæstinæ, ipsiusque Sophronii prædecessoris sui suffragiis electus est anno 1608. ita nempe refert Dositheus, post Nicephorum Melissenum qui, Jacobo Gualterio teste in chronologia ad sæculum decimum-septimum, Theophanem ait fratris sororisve Sophronii filium, anno 1608. patriarchatum capeffivisse. Ex quibus corrigendus venit Hottingerus, qui in appendice ad analecta historico-theologica scripsit Theophanem anno 1602. vel 1603. à Cyrillo Lucari, qui Alexandria patriarchalem sedem occupaturus pergebat, & à Dorotheo Antiocheno, ordinatum esse; quin & addit, Cyrillum & Theophanem, quum sancta loca lustrarent, sæpissime affirmasse, *sepulcrum, quod Christi nomine venditatur, non esse verum & vetus illud excisum in petra*, (in quo scilicet requievit Domini Servatoris corpus) *sed aliud lapidibus constructum*. Ut enim id asseruisse Theophanem credam, meliorem Hottingero Calviniano desiderio auctorem. Hunc siquidem impugnavit Allatius tractatu cui titulus *Joannes Henricus Hottingerus fraudis & imposturæ manifestæ convictus. Romæ 1661*. Porro hic Hierosolymorum Patriarcha, annis aliquot à promotione sua in sancta civitate peractis,

Kk ij



Constantinopolim profectus est, indeque in Moscoviam venit. Constantinopoli erat anno 1638. quo una cum Cyrillo Berroenſi Byzantino Patriarcha, & Metrophane Alexandrino præſule, interfuit ſynodo quæ illic celebrabatur, ob Calviniana Cyrilli Lucaris capita, cujus actis ſubſcripſit in hunc modum: apud Allatium *lib. 3. de conſ. cap. 11. col. 1079. Theophanes miſeratione divina Patriarcha ſanctæ civitatis Hieruſalem.* In actis ſynodi Hieroſolymitanæ, quæ die 16. Martii anno 1672. ſub Doſitheo II. Patriarcha, ejuſdem Cyrilli Lucaris errores anathemate conſixit, mentio ſit epiſtolæ dogmaticæ præſati Patriarchæ Theophanis ſcriptæ ad *Roxolanos* ſeu *Ruffos*, qua eoſdem errores conſutabat, *tom. XI. concil. gen. Harduini, col. 266. E.* Constantinopoli obiit anno 1646. quum ſediſſet annos 37. ut tradit Doſitheus *lib. 12. Patr. Hieroſ. cap. 1. §. 10.* ſepultuſque eſt in monaſterio Deiparæ in inſula Chaleos. Hinc autem hallucinari manifeſtum eſt Blaſium Terzi in Syria ſacra, quum ſcribit anno 1630. Theophani tunc & quindecim poſtea annos eccleſiam Hieroſolymitanam adminiſtranti *Athanaſium* quemdam ſucceſſiſſe, ignotum inſuper tum Doſitheo, tum etiam Nectario, cujus Païſius modo referendus proximus prædeceſſor fuit.

## CXX. PAISIUS.

Doſitheus *lib. 12. Patriarch. Hieroſ. cap. 1. §. 10.* ſcribit deſuncto Theophane Parthenium Constantinopolitanum Patriarcham qui Joanninorum metropolita fuerat, ei ſubrogare voluiſſe Joannicium Berroæ metropolitam; at Hieroſolymitas apud Moldaviæ principem Baſilium egiſſe ne votorum ille compos fieret: conſenſiſſe itaque Parthenium, ut Païſius monaſterii Galatæ Giaſienſis tunc præſectus, Baſilio principe annuente, aſſumptus ab illis eſſet in Patriarcham. Ad quem ordinandum Parthenius præſatus, Lariffæ metropolitam, exarchum, alioſque præſules miſit. Erat autem Païſius iſte Theophanis prædeceſſoris ſui cognatus, Demetzani in Peloponneſo oriundus; Hieroſolymam olim venerat, ſub Sophronio Patriarcha cui ſe per aliquod tempus addixit, dein monachum profeſſus juxta Jordanem in ſancti Joannis-Baptiſtæ, ut videtur, cœnobio. Giaſium poſtea accerſitus, Deiparæ monaſterio Buroſki præfuit, exinde vero ad regimen monaſterii Galatæ tranſlatus eſt. Demum Patriarchalem Hieroſolymorum ſedem conſcendit, nonnullis licet reſiſtantibus in Palæſtina, quos tamen conciliavit ſibi. In Moldaviam ſubinde profeſtus, & in Moscoviam, injurias non paucas ſuſtulit, Parthenio Constantinopolitano præſule inſtigante, apud Aulæ præ-

Aſertim Turcicæ proceres: Hieroſolymam reverſus eſt donis ab Alexio Michaëlovitſe Moſchorum Imperatore locupletatus. Non multo poſt in Moldaviam iterum ſe conferre coactus eſt, ut Parthenii mandatum irritum redderet, qui eccleſiam parvulam Constantinopoli ſitam ad ſanctum Sepulcrum Hieroſolymitanum pertinentem claudi voluerat; propter quod, ut & alia plura non laudanda facinora, Parthenius necem pertulit, juffu Turcarum Imperatoris ſtrangulatus. Païſius Constantinopolim petiit, mox Hadrianopolim, ubi in carcerem truſus eſt. Dimiſſus, quum Hieroſolymam rediret, lethali morbo corripitur in quodam portu inter Aſyra & Caſtellorizum. Dum ea ægitudine laboraret, omnem recuſavit cibum; inconditis vero inconcinnisſque vocibus obmurmurans, ſiniſtras de ſe iis qui aderant ſuſpiciones varias ingeſſit. Exinctus eſt anno 1660. die ſecunda Decembris, & abſque honore ſepultus: quin & ipſi inſultarunt palam epiſcopi Lyddæ & Bethleem. Nonnulli nihilominus Græci qui in vicinia commorabantur, ei ceu viro ſancto parentarunt. Luctuofæ iſtius mortis Païſii circumſtantiæ ſunt proculdubio, quæ anſam præbuerint ut tunc temporis dictum ſit, eum in extremis poſitum Judaicam impietatem fuiſſe profeſſum. Id quidem præſacte negat Nectarius ejus ſucceſſor in ſuo libro *ἡ ἀρχὴ καὶ τὸ Πάτρια*, cæteraque diſſimulat & reticet prorſus quæ modo narraſi: verum ea refert Doſitheus ejuſdem Païſii itinerum ſocius, mortisſque ac funeris teſtis. Vide *hiſtoriam ejus de Patr. Hieroſ. lib. 12. cap. 2.*

## CXXI. NECTARIUS.

Païſii obitu Constantinopoli audito, Moldaviæ princeps, & Parthenius Patriarcha Constantinopolitanus, (non quidem ille de quo ſupra ſub Païſio mentio facta eſt, qui hujusce nominis ſecundus circa annum 1644. ad ſedem Constantinopolitanam evectus fuerat: ſed alius ejuſdem nominis quartus, qui ab anno 1657. uſque ad annum 1662. hujus eccleſiæ curam geſſit: apud doctiſſ. Bollandianos *to. 1. Aug. in hiſt. chron. Patr. Conſtant. pag. 247. E.*) Parthenius, inquam, cum Pannagiotte magno Turcicæ Aulæ interprete, aliisſque Græcorum proceribus, necnon epiſcopis qui illic reperti ſunt, ac demum monachis ſancti Sepulcri Hieroſolymitanæ eccleſiæ addiſtis, agere cœperunt de ſucceſſore designando. Gabriel autem Lindius Philippopolis antiſtes auctor fuit ut *Nectarius*, montis Sinai aſceta, Hieroſolymorum eccleſiæ præficeretur. Huic ſententiæ ab omnibus acclamatum eſt, Gabriëlique provincia injuncta ut Hieroſolymam ad eum ordinandum pergeret.



Joppen Gabriel adpulsus accepit Nectarium Gazam advenisse, quippe qui in sanctam civitatem ibat, ut ibi episcopus montis Sinai, à Païsio quem vivum adhuc putabat, consecraretur. At Hierosolymitæ, accepta electione Nectarii, ipsum ultro in Patriarcham suum adferunt, & Romeliam seu Romam, una cum Gabriele illi occurrentes, eum ad ecclesiam Dominici sepulcri reducerunt, ubi Patriarcha nolens ac reluctans ordinatus est Dominica palmarum die 10. April. anno 1661.

Obscuro prope Candiam in Creta insula loco Nectarius oriundus erat, patre Georgio, cognomento Pelopida, qui ex Peloponneso originem trahebat. Post humaniorum litterarum, ac præsertim poëtices Græcæ studia, ad montem Sinai profectus, monasticam illic vitam egit. Quadragesimo-quinto suæ ætatis anno Theophilum Corydalen philosophiæ præceptorem Athenis audivit, quum illic & in Peloponneso eleemosynas Sinaitis suis colligeret. Quinquagenarius bis & ter convenit Basilium Moldoblachia Vaivodam, occasione litis Sinaitarum adversus Joannicium Patriarcham Alexandrinum, qui illos in oratorio quod in Ægypto habebant sacra facere prohiberet. Quum nihil obtinuisset, ad montem Sinai reversus, historiam scripsit regum omnium Ægypti, à remotioribus usque ad Seli-mum Sultanum, qui ea in regione Mamalucorum regnum evertit. Obiit tunc extremo senio confectus Joasaphus montis Sinai episcopus; obiit quoque Païsus Hierosolymorum Patriarcha. Hinc vero contigit ut Nectarius, dum à Sinaitis in cœnobii sui præfectum atque episcopum eligeretur, Constantinopoli simul in præfulem Hierosolymitanum, ut supra dictum est, assumtus fuerit. Anno insequenti per Attaliam Constantinopolim ivit, ibique epistolam scripsit, quæ *orthodoxæ confessioni* Græcæ, à Petro Mogela Ruthenorum metropolita adversus Lutheri & Calvini errores præsertim editæ, subjuncta fuit. Anno 1664. in Moldoblachiam se contulit, ut monasteria quæ illic sancti Sepulcri Hierosolymitani ecclesiæ obnoxia sunt, bene componeret. Inde in Hungaroblachiam transiit stipes quærens. Hadrianopolim licet cholico morbo vexatus venit, deinde Constantinopolim, ac tandem mense Julio conscensa navi Hierosolymam regressus est, ubi absidem sanctæ resurrectionis ornavit, totumque ferme instauravit monasterium. Duobus exactis annis, (quibus muros lauræ sancti Sabæ in deserto restituit, domosque peregrinis suscipiendis idoneas in Ramel seu Remla Palæstinæ extruxit.) Constantinopolim denuo petiit, ibique, tum quod cum monachis Hierosolymitanis quietè non viveret, tum etiam quod provecta

ætate, morbisque frequentioribus non parum debilitaretur, ab Aulæ Turcicæ magnatibus enixè postulavit, ac impetravit, ut sibi patriarchatum dimittere fas esset. Suæ vero statim dignitati renuntians Hierosolymam rediit, vacantisque sedis curam gessit, donec ei alter præficeretur. In monasterio interim Archangeli Michaëlis Hierosolymitano mansit, opusque edidit *ὡς ἀρχὴς τῆς Πάπας de primatu aut principatu Papæ*, ad pugnam provocatus à Franciscano doctore Hispano, cui Petro nomen erat. Hanc lucubrationem successor ejus Dositheus typis Græcis Giasii in Moldoblachia excudendam curavit anno 1682.

Anno 1672. synodo Hierosolymitanæ Bethleemi celebratæ ad proscribenda Calviniana dogmata, quæ Cyrillus Lucaris Constantinopolitanus docuerat, interfuit, & subscripsit ultimus in hunc modum, *tom. XI. concil. P. Harduini Societ. Jesu, col. 271. E. Nectarius Hierosolymorum antehac Patriarcha, affirmo & confiteor hanc esse fidem nostram, & ecclesiæ Orientalis. Ο' ὡς ὁ ἱεροσολύμων πατριάρχης Νεκτάριος ἀποφαινόμενος ὁμολογῶ πάντως εἶναι τὴν πίστιν ἡμῶν καὶ τὴν ἀποστολικὴν ἐκκλησίαν*. Eodem anno epistolam scripsit ad Sinaitas monachos qua Calvin. errores confutabat; teste Renaud. *tom. 4. lib. Gallici de Perpet. fid. circa Euch. pp. 128. 564. & 661. & tom. 5. pag. 27.* Quum vero in urbem sanctam, die 15. April. anno 1674. clarissimus Dominus Carolus Franciscus Ollerius de Nointel, Christianissimi regis apud Turcarum Imperatorem Orator, advenisset, volante fama Franciscanos quosdam in sanctæ resurrectionis templo necatos fuisse, Nectarius non solum illi advenienti, ut spes erat, non occurrit, sed pavore nescio quo correptus ad montem Sinai fugit. Ibi rursus præfati Oratoris minis perterrefactus, eo quod, ad ipsius ingressum Hierosolymam, sic fugisset; celeriter per Pelusium rediit ad idem Archangeli monasterium. Quinque vero mensibus elapsis, decimaquinta Julii fato functus est. Dositheus Patriarcha annum ejus obitus, neque hoc loco, neque in operis præfatione assignat, sed *ὡς μὲν* seu *nuper* obiisse solummodo dicit. Demetrius Procopius, in recensione eruditorum Græcorum, Nectarium Hierosolymorum Patriarcham non omisit.

## CXXII. DOSITHEUS II.

*Dositheus* iste, natione Cretensis, ex ecclesiæ Hierosolymitanæ sanctæ resurrectionis archidiacono, primum Cæsareæ Palæstinæ metropolita anno 1660. ut ipse refert *lib. 12. Patr. Hierosol. pag. 1200.* deinde Nectario successor Constantinopoli de more designatus est anno 1672. Is autem statim & ipso eodem



anno synodum Bethleemi coëgit in encænii ecclesiæ quam instauraverat, ad condemnanda Calviniana dogmata, quibus Claudius Carentonenſis miniſter aſſentiri totam Orientalem eccleſiam contendebat. Hujus ſynodi decretis, die 16. Martii præſato anno 1672. apud Harduin. tom. XI. conc. col. 267. E. ita ſubſcripſit: *Dofitheus miſeratione divina Patriarcha ſanctæ Hieruſalem & totius Palæſtinæ, aſſero & confiteor hanc eſſe fidem eccleſiæ Orientalis.* Δοσίθεος ἐλέω Θεῷ πατριάρχης τῆς ἀγίας Ἱεροσολήμης καὶ πάσης Παλαιστίνης, ὁποφαινομένη καὶ ὁμολογῶ πάντων εἶναι τὴν πίσιν τῆς ἀνατολικῆς ἐκκλησίας. Et rursus ibidem col. 271. E. *Dofitheus Patriarcha Hierosolymitanus, manu propria ſcribimus & affirmamus præſens autographum (actorum hujus ſynodi Hierosolymitanæ Bethleemi celebratæ) prout ſupra digeſtum, cum legitimis ſubſcriptionibus, & integra rei geſtæ ſerie in magnum apoſtolici noſtri throni codicem, ad æternam rei memoriam ac firmitatem, fuiſſe relatum die 20. Martii anni 1672.* τὸ παρὸν ὡς κατ' ἀνωθεν μετὰ δεσπῶν ὑπογραφῶν δηλονότι καὶ πάσης τῆς πραγματείας κατεσκευασται τέτοιῃ τῇ κατ' ἡμᾶς ἀποστολικῇ θεῶν καὶ ἀνδρῶν, εἰς μνήμην αἰώνιον ἄμει καὶ ἀσφάλειαν, Μαρτίου κ. α. χ' ὁ ε. ὁ Ἱεροσολύμων πατριάρχης Δοσίθεος ἰδίᾳ χειρὶ γράφομεν καὶ ὁποφαινομένη.

Sic autem, poſt expoſitam fidem contra Calvinianos, clauditur illa ſynodus ibid. col. 266. D. E. & ſeq. 267. A. B. C. D. Sed & fuſius juxta ac luculentius de iſtis dictum eſt in libro qui Confeſſio orthodoxa eccleſiæ Orientalis inſcribitur. Item & ab Georgio Chio in libris de Sacramentis, &c. Item ab aliis innumeris. Sed & ante iſtos ab Symeone Theſſalonicensi de iſdem egregiè ſcriptum: imò ab omnibus retrò ipſum patribus, ſynodis œcumenicis, & annaliū eccleſiaſticorum ſcriptoribus; quin etiam & ab Chriſtianorum Romanorum auctoribus, qui res paſſim exteras ſunt proſequuti. Quorum omnium una ſententia eſt ab apoſtoliſ prædicta omnia dimanare, quorum traditiones ſive ſcripto, ſive verbo per Patres ad nos uſque pervenere. Validiſſimum porro habemus prædictorum, vel ex ipſis hæreticis argumentum. Etenim Neſtoriani poſt annum (428.) Item Armeni & Cophitæ & Syri: item Æthiopes, & qui ſub æquinoctiali habitant, & trans illum, verſus tropicum Capricorni, quos hujusmodi locorum incolæ vulgo Campeſios vocant, poſt annos ab Incarnatione Domini (.....) ab catholica eccleſia reſeſſere, ſinguli ſingularem hæreſim amplexi, ut ex œcumenicorum conciliorum actis nemo non intelligit. Verumtamen circa finem numerumque ſacramentorum, necnon & circa omnia quæ ſupra diximus (præter ſingularem ſuam hæreſim) cum eccleſia catholica prorsus conſentiunt: uti ſingulis horis videmus ipſi, & ſermone atque uſu

A diſcimus in hac ſancta civitate Hieruſalem: in qua ex omni gente quæ ſub cælo eſt homines tum ſapientes (apud illos) cum illiterati, aut habitant, aut peregrinationis ergo commorantur. Taceant igitur inepti narratores & novitatum artiſices hæretici; & mutilas tum è ſcriptura, tum ex patribus adverſum nos ſententiolas, quibus mendacium exſtruant, callide furari ne moliantur, quemadmodum apoſtatarum & hæreticorum ab initio exſtitit conſuetudo: atque hoc loquantur unum, ſeſe nimirum, excuſationes excuſantes in peccatis, injurias in Deum, & in ſanctos evomere blaſphemias, inſtituiſſe. Epilogus. Hæc ex multis pauca dixiſſe ſufficiat, ad plenam calumniæ ab adverſariis noſtris eccleſiæ Orientali illatæ conſutationem: cujus quidem in argumentum ſuppoſuitia juxta ac impia cujuſdam nomine Cyrilli (Lucaris) capitula produxere. Ea porro quæ diximus, non ſolum noſtram adverſus hæreticos nobis obtreſcantes apologiam eſſe volumus; verum etiam fidei regulæ inſtar obtinere, ex qua nova illorum emendentur dogmata, & ad catholicam atque apoſtolicam eccleſiam ipſi reducantur: quandoquidem majores eorum olim in illa meruerunt, & eccleſiaſticis contra hæreticos ſynodis (quas inique modo calumniantur iſti) ac certaminibus interſuerunt. Ab omni quippe ratione longe alienum eſt eos (maxime quum ſibi videantur ſapientes) hominibus ſuimet amantibus & execrandis, ac nequaquam ex Spiritu ſancto, ſe ex mendacii principe loquentibus attendiſſe; ſanctam autem catholicam & apoſtolicam eccleſiam, quam Filii ſui ſanguine Deus acquiſivit, deſeruiſſe, ab eaque eſſe fornicatos. Etenim longiſſimè diverſo exitu, ſeparatos ab eccleſia, inferni ſupplicia una cum ethnicis & publicanis illos quidem excipient; catholicam vero eccleſiam, qui cunctis ab contrariis eam hucusque protexit, Dominus non derelinquet, cui gloria & imperium in ſæcula ſæculorum. Amen. Anno ſalutis 1672. die 16. Martii. Apud ſanctam civitatem Hieruſalem. Sequuntur ſubſcriptiones, ſcilicet octo epiſcoporum præter Neſtarium, & 62. tam archimandritarum, quam aliorum preſbyterorum in aliqua dignitate conſtitutorum. Obſervandum porro maxime, Græcos illos, quantumvis ab eccleſia Occidentali & ſancta ſede Romana ſuo ſchiſmate divuſos, hanc nihilominus in eccleſia catholica & apoſtolica comprehenſam fateri; ſiquidem Lutheranos & Calvinistas, qui non ab eccleſia Orientali, ſed ab Occidentali & Romana deſcivere, aiunt eccleſiam catholicam & apoſtolicam deſeruiſſe, nec poſſe ſalutem conſequi, niſi, relictis erroribus, ad eandem revertantur.

Anno 1682. Doſitheus Giaſii typis Græcis edidit Neſtarii deceſſoris ſui volumen ὡς ἀρχὴς τῆς Πάπας de primatu ſeu principatu Papæ,



librosque alios Græcorum posterioris ævi, Symeonis Theſſalonicenſis, Georgii Scholarii qui & Gennadius nuncupatur, Conſtantinopolitani Patriarchæ, &c. diſputationem quoque à ſe conditam ſub nomine *ſcuti fidei orthodoxæ*, in qua ſynodorum contra Cyrilum Lucarim, & Calviniſtas, à Græcorum Patriarchis habitatum decreta cuncta recenſet. Vir clariffimus Nicolaus Comnenus Papadopolus in prænotionibus myſtagogicis, pag. 80. meminit *epiſtolæ* ejusdem Doſithei Bucoreſtii in Valachia ſcriptæ die 2. Martii anno 1698. Itemque pag. 4. illius *epiſtolam* laudat datam anno 1699. die 24. Martii, de Oxoniienſis collegii tragœdia ad Græcorum fidem corrupendam inſtituta; & pag. demum 22. *Enchiridion* appellat Doſithei Hieroſolymorum Patriarchæ. Scripſit præterea Doſitheus volumen ſpiſſiſſimum hoc titulo: *Hiſtoria de iis qui Hieroſolymorum patriarchatum geſſerunt*: in quo Latinam & Occidentalem eccleſiam continuò laceſſit, Romanos Pontifices totis viribus proſcindit, ſed nec Calvinianiſ erroribus uſquam parcat. Eo in opere, quantumvis ſe auctor ſexcentorum Latini idiomatis ſcriptorum lectione eruditum oſtentet, ſe critices artis monſtrat imperitiſſimum, quippe qui nullius ponderis libros abſque auctorum delectu data opera confutando, adverſus larvas paſſim pugnare videatur. Bucoreſtii in Valachia excuſum eſt volumen iſtud anno 1715. menſe Octobri, curis ſucceſſoris ejus Chryſanthi. Initio extat vitæ illius ſynopſis, in qua obiſſe fertur Conſtantinopoli, in ædibus eccleſiæ ſancti Sepulcri Hieroſolymitani, die ſeptima Februar. anno 1707. De illo Patriarcha Demetrius Procopius in ſua Græcorum eruditorum recenſione hæc habet: *Doſitheus Peloponneſius, Hieroſolymorum Patriarcha, ex variis libris qui ipſo curante typis editi ſunt, de variis eccleſiæ Orientalis & Occidentalis rebus, qualis vir fuerit, perſpicuum fiet. Græcæ linguæ leviter peritus, vix ſummo digito guſtavit, ut ipſe ultro profitetur: Latinæ vero omnino ignarus fuit. Quod certe mirum eſt à Demetrio adſtrui, quandoquidem Doſitheus, in illo ſuo de Hieroſolymorum Patriarchis ampliffimo volumine, innumeros citat, aut refellere conatur Latinos ſcriptores.*

### CXXIII. CHRYSANTHUS.

Doſitheim excepit Chryſanthus Notaras, germani fratris ipſius Doſithei filius, ut legitur in fine *hiſtoriæ eorum qui Hieroſolymorum patriarchatum geſſerunt*, de qua ſupra. Hunc in minoribus agentem Lutetiæ Pariſiorum multi viderunt, virum apprimè doctum & humaniſſimum, ſuaviſſimaque indole omnibus

acceptiſſimum. A patruo ſuo Doſittheo metropolita Cæſareæ, & Palæſtinæ exarchus conſtitutus eſt: cui, quum ea dignitate potiretur, Nicolaus Comnenus Papadopoli, quem jam memoravi, vir mihi nunquam ſine laude appellandus, reſponſionem nuncupavit adverſus hæreticam epiſtolam Hokſtoni Angli anno 1702. Pagina quarta hujus reſponſionis Chryſanthus dicitur vir Græcorum ſapientiſſimus, ſagaciſſimus, atque prudentiſſimus, qui ab Orientalium eccleſiarum Patriarchis bis delegatus fuerat ad Moſchorum Imperatorem. Patriarcha renuntiatus fuit anno 1707. die 8. Februarii craſtina obitus Doſithei. Ei autem multiplici nomine obnoxium me profiteor, verba ſunt P. le Quien auctoris hujus operis, utpote quem erga me munificum proſus expertus ſim in eo promovendo, quo ſuis, quantum fieri poſſit, numeris abſolutum ederetur, præſertim circa Patriarchas ipſius prædeceſſores. Scilicet ſua ipſe meditatum lucubratione voluit, quam *de officiis eccleſiæ Orientalis* ſcripſit, ex qua præcipuam illam partem excerpti, Latineque reddidi, qua præſens Orientalis eccleſiæ, pro ſingulis patriarchatibus, ſtatus accuratiſſimus exhibetur. De præſtantiſſimo præſule Demetrius Procopius pauca hæc non ita pridem, in ſua Græcorum eruditorum hujus ſæculi recenſione, prodidit, quæ ſic Latine reddo: *Chryſanthus Notaras Peloponneſius, Patriarcha Hieroſolymitanus, germani fratris Domini Doſithei deceſſoris ſui Patriarchæ filius, ſed non parum illo doctrina, multiplicique eruditione ſuperior; eſt enim linguarum Græcæ Latinæque maxime peritus; Theologiæ item & Mathematicæ, concionator ſacer, divinarum ſcripturarum gnarus, & in eccleſiæ Patribus bene verſatus, quorum divina ſcripta non ceſſat aſſiduè evolvere, quæque ex illis colligit prædicare, magno ſtudio Chriſtianos ad ſpiritualem fructum edocens. Auſcultavit primum Conſtantinopolitanos magiſtros, tum Italos ſubinde; omnem ſiquidem Europam peragravit. Huic præter alia felicitas hæc obigit ut ipſo patriarchatum gerente ſuperiore anno (hoc eſt 1719.) ſacrum Hieroſolymitanum templum fuerit innovatum, factumque aliquid ad ſancti ſepulcri (ornamentum) potentiſſimo Othomanorum Imperatore concedente. Librum ſcripſit introductorium ad Geographiam; itemque alium De officiis eccleſiæ Orientalis, utrumque vulgari Græcorum recenſitium dialecto, non veteri lingua Græca. Geographicus liber Pariſiis excuſus typis fuit; alter Bucoreſtii in Hungaria Valachia.*

Inter codices Arabicos, quos doctiſſ. Dom. Simonius Aſſemanus Maronita Romam ex Oriente advexit, citatur ab ipſo, *to. 1. Bibl. Orient. p. 631. n. 100.* Chryſanthi Patriarchæ



Hierosolymitani epistola ad suos dicecesanos, Abati jejunium perstringitur.... Denique notantur Latini, quod parvulis post baptismum Eucharistiam non porrigunt, neque eos ungunt sacro chrismate; neque oleo ungi permittunt nisi infirmos. *In 4. char. 64. Arabicis litteris & sermone.* Epistolæ duæ Gallicè scriptæ ex urbe Tripoli Syriæ: una quidem Martii die prima, altera vero die 25. ejusdem mensis, anno 1733. Chrysantho successisse narrant Milatheum. At neutra pandit quandonam ante id tempus obierit Chrysanthus Patriarcha.

1.º Primatus Petri supra Apostolos, & Romani Pontificis supra reliquos Patriarchas & episcopos, &c. impugnatur, ususque ferendi signatas cruce crepidas damnatur.... 2.º Processio Spiritus sancti ex solo Patre asseritur: & vox illa, *Filioque*, à Latinis symbolo adjecta, rejicitur.... 3.º Fermentum in consecratione Eucharistiæ, azymo rejecto, probatur..... 4.º Purgatorius ignis, locusque à paradiso & gehenna distinctus, exploditur.... 5.º Beatitude sanctorum, & pœna damnatorum usque ad communem resurrectionem differtur.... 6.º Suffocatorum usus interdicitur.... 7.º Sab-

CXXIV. MILATHEUS.

De eo *Milatheo* nihil aliud novimus, nisi quod, juxta duplicem epistolam modo laudatam, ad ecclesiæ Hierosolymitanæ sedem jam evectus esset mense Martio anno 1733. Priori datæ die prima hujus mensis, subjungit tantum posterior data ejusdem mensis die 25. hunc Milatheum vulgo haberi ceu præfulem mitioris ingenii, nec ita acriter partibus schismaticorum addicti, ac decessor suus Chrysanthus, qui, licet in Academia Patavina studuerit, Græcorum nihilominus separationem & diffensionem à Latinis plurimi se facere passim ostentabat. Atque hæc de Patriarchis Hierosolymitanis.





# I. PROVINCIA PRIMÆ PALÆSTINÆ.

**P**ALÆSTINA olim nonnisi una dicebatur, ut observat Hadrianus Relandus *tom. 1. Palæstinæ illustratæ edit. Trajectenf. Batavor. 1714. pag. 205.* quum vel ita ἀπλῶς, vel Syria Palæstina dicta est. Ammianus Marcellinus *lib. 14.* eam Syriæ attribuit, scribens *Syriarum ultimam esse Palæstinam.* In Indice veteri provinciarum Romanarum, qui ævo Theodosiano adscribi solet, legitur: **ORIENTIS PROVINCIAE. Syria Ciliciæ** (viri docti addunt *vicina.* Verum ego, inquit præfatus Relandus, crediderim legendum *Syria Cæle,* & id ab imperito librario in nomen notius esse mutatum, nempe *Ciliciæ:* nam certum est tres has Syrias à veteribus memorari; *Syriam Cælen, Syriam Phœnicen, & Syriam Palæstinam.* Postea autem, circa initia sæculi quinti, mentio fit *Palæstinæ primæ, secundæ, & tertiæ:* uti in leg. 3. cod. Theodof. de erog. milit. annon. *Limitanei milites & possessorum utilitate conspecta, per primam, secundam, & tertiam Palæstinam hujuscemodi norma processit.* Notandum est hanc legem latam esse x. kal. April. (id est, die 23. Mart.) Constantinopoli, Honorio A. VIII. & Theodosio III. A. A. Conff. anno 409. sed in codice Theodosiano à Gothofredo edito male legitur anno 396. uti & Fasti Consulares docent, & inspectio legis sequentis iisdem Consulibus latæ. In notitia quoque Imperii, primo *Palæstina,* dein *Palæstina secunda,* tum *Palæstina salutaris* exprimitur. Creditur autem illa anno æræ Christianæ 427. conscripta. *Palæstinæ utriusque* fit mentio in codice Justinianæo *lib. 1. tit. 9. lin. 17. Judæorum primates qui in utriusque Palæstinæ synedriis dominantur, &c.* Ea lex data est III. kal. Jun. (id est die 30. Maii) Constantinopoli, Florentio & Dionysio Coss. anno æræ vulgaris 429. Nimirum synedria nulla erant in Palæstina tertia, sed tantum in prima & secunda, uti Tiberiade, Jafne, &c. S. Hieronymus de Paula loquens, quæ circa annum 384. Palæstinam intravit, scribit *Proconsulem Palæstinæ,* præmissis apparitoribus, jussisse ei parari prætorium. Scilicet tum nonnisi una adhuc videtur fuisse Palæstina. Zosimus quoque *lib. 4.* Hilarium à Theodosio magno toti Palæstinæ præpositum scribit. Et Euseb. Cæsar. *lib. 1. de vita Constantini cap. 19.* ait: *uti nos eum vidimus (Constantinum) transeuntem per gentem Palæstinorum.* Cæterum quum Malala in Chronogr. & Suidas ad vocem Τραιανὸς aiunt Trajanum à Tiberiano qui erat præfectus *primæ Palæstinæ ἡγεμὼν τῆ περὶ τὴν Παλαιστίναν ἔθους* litteras accepisse de Christianorum constantia, loquuntur de Palæstina, secundum morem sui temporis (quo Palæstina in tres divisa erat.) Hæc Hadrianus Relandus loco citato.

## I. ECCLESIA CÆSAREÆ. METROPOLIS.

**C**ÆSAREÆ, Palæstinæ olim totius, quæ postea in tres divisa est, metropolis fuit. Huic vetus nomen *Turris Stratonis* erat, ut ex Josepho inferius citando constat. In præfat. autem Novellæ 103. apud Hadrianum Relandum, *Palæstinæ illustratæ to. 2. pag. 670.* dicitur *Strato primus eam in formam urbis redegisse, qui mutatis sedibus excedens Græcia, hujus conditor extitit.* Nomen *Cæsareæ* ab Herode huic urbi datum in honorem Octaviani Augusti narrat Josephus *antiq. Jud. lib. 15. cap. 13.* ubi ait: *Quum animadvertisset (Herodes) in maritimis locum condendæ urbi opportunissimum, cui pridem Stratonis Turris nomen fuerat, & formam ejus magnificè descripsit, & ædificiis marmoreis totam exornavit accuratissimè, tam regis palatiis, quam privatorum civium ædibus. Et, quod fuit omnium operosissimum, portum à tempestatibus tutum addidit, magnitudine Piræo parem, stationibus instructum & diversoriis, admirandum structura, eo quod, propter loci naturam, omnis materia tantæ fabricæ aliunde magno sumtu convehenda fuerit. Sita est hæc urbs in Phœnice qua in Ægyptum præternavigatur, Dora inter & Joppen littorales urbeculas, &c. Circum portum ædes continuata serie marmore politissimo extructæ sunt, extante in medio tumulo, in quo templum Cæsaris à longè conspicuum adnavigantibus, & in eo statuæ, Romæ altera, altera Cæsaris, unde nomen Cæsareæ, ἡτε πόλις αὐτῇ Καισαρεία*  
Tomus III. LI



καλεῖται, & lib. 1. de bello Judaico, cap. 16. Quum inter maritimas urbes vidisset unam vetustate laborantem, quæ Stratonis Turris vocabatur, Στρατωνῆς ἐγγλεῖτο πύργος, & pro loci natura munificentia suæ capacem, totam eam candido lapide reparatam, splendidissima regia decoravit, & in ea maxime innatam sibi animi magnitudinem demonstravit. Et quum illa maritima regio inepta portui videretur, rex liberalitate ac sumptibus devicta natura portum fecit Piræo majorem, contra ostium vero portus, in colle, Cæsaris templum magnitudine simul & pulchritudine præcipuum: in eoque colossus Cæsaris constituit non minorem, quam Jovis apud Olympiam.... eamque urbem Καισάρειαν Cæsaream nominavit. Unde ethnicam potius, inquit Cellarius tom. 2. geogr. ant. lib. 3. cap. 13. pag. 523. quam Judaicam condidit, adeo ut etiam sub bellum ultimum (contra Romanos) Cæsareenses ethnici Judæos omnes ea in urbe habitantes interfecerint, ex eodem Josepho lib. 2. de bello, cap. 19. Herodem per decennium in ea ornanda laborasse tradit Josephus lib. 16. ant. cap. 9. Error itaque est in jam memorata præfatione Novellæ 103. ubi legitur: Divæ memoriæ Vespasianus celebratissimus ille Imperator, qui piæ memoriæ Titi pater fuit, quod illi ad summam gloriam vel solum potuit sufficere, ipsorum Cæsarum appellatione eam nominavit, quæ antea Stratonis Turris vocaretur, hoc illi honore impenso, eo quod in ea post Judaicas victorias inter Imperatores adscriptus esset. Vespasianus quippe huc coloniam Romanam deduxit, sed nomen Cæsareæ non dedit. Divus Vespasianus, inquit Paulus leg. 8. ff. de censibus, §. 7. apud Cellarium & Relandum citatos, Cæsarienses colonos fecit, non adjecto ut & juris Italici essent, sed tributum capitis his remisit: divus autem Titus, etiam solum immune factum interpretatus est. Plinius lib. 5. cap. 13. de ea urbe ait: Inde (scilicet ab Joppe) Apollonia: Stratonis Turris eadem Cæsarea, ab Herode rege condita, nunc colonia prima Flavia à (Flavio) Vespasiano deducta, finis Palæstinæ centum octoginta novem millibus passuum à confinio Arabia. Primam appellat coloniam Plinius, quia Cæsarea milites primæ legionis accepit.

Porro quod ista civitas ante Vespasiani tempora jam Cæsareæ nomine donaretur, habemus ex actibus Apostolorum pluribus in locis, cap. 9. vers. 30. cap. 10. vers. 1. cap. 12. vers. 19. cap. 18. vers. 22. &c. De ea urbe mentionem faciunt, Tacitus lib. 2. annal. cap. 79. Haud dubia destinatione discessere, Mucianus Antiochiam, Vespasianus Cæsaream: illa Syriæ, hæc Judææ caput est. Et Ammianus Marcellinus lib. 14. hist. cap. 8. Ultima Syriarum (regionum) est Palæstina.... civitates habens quasdam egregias, nullam nulli cedentem, sed sibi vicissim velut ad perpendicularum æmulas: Cæsaream, quam ad honorem Octaviani principis exædificavit Herodes, &c. Cæsaream distare ab Hierosolymis stadiis circiter sexcentis asserunt veteres. Nam Josephus lib. 1. de bello Jud. cap. 3. Locus neci ejus (Antigoni) fato destinatus, inquit, Stratonis Turris est: est autem ea hinc (id est Hierosolymis) sexcentis stadiis remota ἀπὸ ἑξακοσίων σταδίων. Idem quoque asserit lib. 13. antiq. cap. 19. καὶ τὴν χωρὶς μὲν σταδίου ἀπέχοντα νῦν ἧ. (vel ἑξακοσίαις) quoniam locus ille abesset (ab Hierosolymis) sexcentis stadiis. Eundem stadiorum numerum recenset Zonaras annal. lib. 5. pag. 219. In Itinerario tamen veteri Hierosolymitano legitur, ab Hierusalem usque ad Cæsaream per Nicopolim esse milliaria 73. quæ efficiunt tantum stadia 584. Verum, quum exiguus sit ille 16. stadiorum defectus, respectu sexcentorum, potest retineri numerus 600. à Josepho assignatus; sicut nos vulgo dicimus, sexcentis annis abhinc, numero rotundo, sexcentis perticis inde, & his similia, licet aliquid in his numeris interdum deficiat. Ita Relandus citatus tom. 1. lib. 2. pp. 443. & 444.

Geographus Scherif Ebn Idris, notus nomine Nubiensis, sic describit Cæsaream, apud eundem Relandum to. 2. lib. 3. pag. 675. Cæsarea maximus est locus, cui mœnia sunt integra, & arx munita: distat à Japha (Joppe) 30. milliariibus, à Neapoli statione una, à Ramla similiter stationibus duabus exiguis, ab urbe Hepha ad mare sita duorum dierum itinere. Abulfeda in geographia ms. illam appellat Cæsaream Syriæ, & mare ipsum, quod ejus littori adjacet, mare Syriacum, notatque inter illam & Ramlam esse milliaria 32. & rursus inter illam & Acconem esse 36. milliaria. Denique in præfatione supra laudata Novellæ 103. hæc leguntur: Venit autem nobis in mentem & metropolis Cæsarea, quæ in prima Palæstina principatum tenet, quam præ cæteris majore etiam honore perfrui oportebat: propterea quod & quondam proconsul transierit, nimirum quum una prius tota Palæstina esset, ea deinde in tres divisa partes, & neque proconsulatum retinente, sed ad magistratum hunc, ut appellant, ordinarium delata.

Ecclesiam Cæsareæ, Apostolorum princeps sanctus Petrus, per doctrinam Evangelicam primus condidit, Cornelio centurione ejusque familia ibidem baptizatis: postquam vero Hierusalem, quæ totius Palæstinæ metropolis habebatur, à Romanis capta, & solo æquata est, metropolitica jura ad hanc ecclesiam Cæsariensem ceu nobiliorem translata sunt, in eaque permansere usque ad sæculum quintum medium, quo Juvenalis Hierosolymitanus antistes ea suæ sedi restitui in synodo Chalcedonenfi curavit, ut supra expositum est



coll. 110. 111. & 168. In ea civitate celebre templum erat in honorem Apostoli Thomæ, ideoque *Apostolium* nuncupatum, de quo mentionem facit Cyrillus Scythopolit. in vita sancti Sabæ num. 75. apud Coteler. 10. 3. monum. eccl. Græc. pag. 350. B. Mitto eandem urbem innumerorum primis ecclesiæ sæculis Martyrum sanguine fuisse illustratam.

ECCLESIA  
CÆSAREÆ  
Metropolis.

## CÆSAREÆ ARCHIEPISCOPI.

### I. ZACCHÆUS.

**S**I Constitutionibus Apostolicis, quæ sub nomine sancti Clementis Papæ circumferuntur, fides aliqua adhiberi posset, *Zacchæum* publicanum primum hujus civitatis à Petro constitutum archiepiscopum adstrueremus: in illis quippe id legitur lib. 7. cap. 47. ubi Petrus sic loquens inducitur: *De episcopis vero, qui à nobis, dum viximus, ordinati sunt, certiores vos facimus, hos esse, Jacobum episcopum Hierosolymitanum fratrem Domini, & huic post mortem successisse Symeonem Cleophæ filium; & huic rursus tertium Judam Jacobi filium: deinde Zacchæum, qui antea fuerat publicanus, primum episcopum Cæsareæ Palæstinæ: huic successisse Cornelium; & huic rursus tertium episcopum Theophilum: Evodium episcopum Antiochiæ à me Petro ordinatum, cui successit Ignatius à Paulo ordinatus, &c.* Ita pariter tradit auctor Recognitionum eidem Clementi suppositarum, lib. 3. Tom. 2. Bibl. Patr. Lugduni 1678. pag. 418. B. C. scilicet sanctum Petrum Cæsarea Antiochiam profecturum, Cæsareæ Christianis Zacchæum episcopum assignasse: *Hæc, inquit, & his similia quum Petrus dixisset, manibus superpositis, Zacchæo oravit ut inculpabiliter episcopatus sui servaret officium. Posthæc duodecim presbyteros ordinavit & diaconos quatuor, & ait: Zacchæum hunc vobis ordinavi episcopum, &c.* & inferius 12. horum presbyterorum nomina recitantur: *Quum multa dixisset de ratione baptismi, dimissis turbis, ad solitam domum se recepit, ibique adstantibus sibi duodecim, id est, Zacchæo, & Sophonia, Josepho, & Michæa, Eleazaro, & Phinees, Lazaro, & Elizæo, me Clemente, & Nicodemo, Niceta, & Aquila.....* Et postea rursus ibidem D. hæc subdit Petrus: *Et ideo volo, si tamen etiam vobis justum videatur, ut pro Zacchæo quem hic ordinavimus episcopum, subjiciatur in numero Benjamin filius Saba, & pro Clemente quem mecum semper esse decrevi, quia ex gentibus veniens audiendi verbi Dei grande desiderium gerit, Ananias filius Saphra: pro Niceta vero & Aquila qui nuper conversi sunt ad fidem Christi, Rubelus (seu Ruben) Zacchæi frater, & Zacharias structor. Istis ergo quatuor pro his quatuor substitutis, expleri volo duodecim numerum.* Hæc auctor ille Recognitionum. Verum, quia libri illi tam Constitutionum quam Recognitionum opera supposititia sunt & apocrypha, eorum aucto-

Tomus III.

**A**ritati nihil deferendum arbitramur, maxime quum Eusebius, Cæsareæ ipse archiepiscopus, fileat prorsus de Zacchæo in sua historia ecclesiastica: nullum itaque extabat ejus tempore monumentum authenticum, quo ille Zacchæum suæ Cæsariensis ecclesiæ primum fuisse statueret antistitem. Clemens Alexandrinus lib. 4. Strom. pag. 488. A. de Zacchæo loquens, ait eum ab aliquibus dici fuisse *Matthiam*, οὐ δὲ Ματθαῖον Φαρισαῖον. At istud falsum est de Matthia Apostolo, siquidem Zacchæus paulo ante Christi passionem conversus est: B Matthias vero unus ex antiquioribus Christi discipulis fuit. Sanctus Petrus Chrysologus homil. 54. in fine, Zacchæum asserit factum fuisse episcopum, quod de discipulo Christi creditu non est difficile.

### II. CORNELIUS.

Beda, Ado, Ufuardus in suis Martyrologiis scribunt, *Cornelium Centurionem cohortis quæ dicitur Italica* à S. Petro Cæsareæ baptizatum cum tota sua familia act. 10. ordinatum postmodum fuisse Cæsareæ episcopum. Idem quoque legitur in Martyrologio Romano ad diem 2. Februar. *Apud Cæsaream, sancti Cornelii Centurionis, quem beatus Petrus baptizavit, & apud eandem urbem episcopatus honore sublimavit.* Auctor Constitutionum Apostolicarum lib. 7. c. 47. post Zacchæum, recenset *Cornelium*, sed non explicat num sit iste Centurio. Eusebius Cæsariensis nullibi eum perhibet fuisse hujus ecclesiæ antistitem. Origenes hom. xi. in Numeros, illum quidem ait hujus ecclesiæ fuisse primitias, at nihil de illius eo loci adstruit episcopatu. Alia vero Græcorum monumenta produnt Cornelium Centurionem Judæa egressum, quarumdam Hellepontii ecclesiarum curam gessisse, Scephis præsertim, ut extat in ejus vita apud Metaphrastem, quam refert Bollandus die 2. Februarii. Illi etiam mentio fit in commentariis qui legitur apud Lipomanum part. 1. p. 311. & Surium 10. 2. die 29. Junii, pag. 353. n. 5. ibi enim dicitur Petrum, postquam è carcere, in quem Herodes ipsum conjecerat, eductus ab Angelo est, *venisse Cæsaream Sratonis, & ex iis qui ipsum sequebantur presbyteris episcopum ibi constituisse, & pag. 354. num. 6.* post annos deinde aliquot, multis lustratis urbibus, *venisse Ilium civitatem Hellepontii*, eoque in loco *Cornelium Centurionem* præfecisse. Inde fortassis revocatus est Cæsaream, Zacchæo,

L I ij



ECCLESIA  
CÆSAREÆ  
Metropolis.

seu aliquo alio ejus urbis præfule decedente, si reipsa hujus ecclesiæ fuit aliquando episcopus Cornelius, quod admodum incertum est.

Græci Cornelium solemneriter venerantur die 13. Septemb. inquit doctiss. Bollandus ad diem 2. Februar. num. 8. pag. 280. col. 2. ut patet ex Menologio & Menæis, ubi tamen Cæsariensis cathedræ mentio nulla. Menæa postquam retulere sanctum Petrum ei catechesi imbuto baptisma impertiisse, subdunt: τὴν πρεσβυτερίαν τῆς Σέπσεως πόλεως ἐγκρίει, præfecturam Scepsæos urbis illi committit. Raderus vertit: illique (Cæsareæ) urbis curam & præfecturam (in rebus fidei) commisit: quam Cornelius quum totam idolis addictam invenisset, per Christi gratiam conversam totam, adeoque ipsum urbis prætorem Demetrium cum tota domo in Christum credentem sacro fonte lustravit. Cornelius demum vita apostolico more peracta ad Dominum emigravit. At Scepsim ei commissam afferunt acta. Fuit autem ea urbs episcopalis in Hellesponto, uti Troas & Ilium. Eadem Menæa non Cæsareæ substituisse Cornelium, sed varia percurrisse loca tradunt, & quidem cum sancto Petro Apostolo: Maxima, inquit, dignatus celebritate nominis, Corneli, cum apostolorum principe ac pluribus aliis discurristi, ubique divinum peragens præconium, per quod & ad lumen perducti, ab ignorantie tenebris eruti sumus, &c. Quin & alia celebrant quæ ab eo Scepsi gesta esse in actis dicuntur. Ejusmodi hæc sunt: Totus Deo omnipotenti deditus, surdis simulacris cultum non exhibuisti, compellentibus sanguinariis hominibus. Altissimum invisibilem Deum, Corneli, ferventer invocasti, & abominandorum idolorum templum funditus evertisti vehementi hominum admiratione. Omnipotentis servans mandata, & ipse servatus es: vincula sustinuisti, & insipientes homines vinculis superstitionum solvisti, ô Theosophe.

Mortuus est Scepsi, ibique sepultus, ex ejus vita jam citata & à Bollando relata. Hæc enim habentur ibid. pag. 294. cap. 4. num. 13. Non multo post autem (mortem Cornelii) è vita etiam excessit Demetrius (Scepsæos præfectus à Cornelio ad Christi fidem adductus) & multi ex iis qui à Cornelio fuerant divino initiati baptismo, ipsi quoque partim è vivis decesserunt, partim autem profecti sunt in alias regiones. Itaque cuidam Silvano viro pio, qui..... erat episcopus Troadis (ad Philippopolis quippe ecclesiæ sedem evectus fuerat, deinde ad Troadensem translatus à S. Attico cujus mors Theodosio juniore XI. & Valentiniano Coss. id est anno Christi 425. die 8. Januar. contigit,) quum venisset (scilicet Silvanus ille) aliquando in civitatem Scepsæorum, divinus in somnis apparens Cornelius, longo, dixit, tempore

hinc habito, & nullus me visitavit, præter eos solos qui à me fuerunt baptizati. Quum itaque interdiu hæc mente consideraret episcopus, & quid sibi vellet somnium non posset conjicere; nocte sequenti ad eum rursus veniens sanctus: Ego sum, inquit, Cornelius Centurio; est autem mihi domus prope templum Jovis in rubo: sed tu ædifica alterum oratorium prope locum Demetrii servi Dei. Vocatur autem locus Pandochium Πανδοχείον (id est diversorium inquit Bolland. in not. c. pag. 295. col. 1. A. eo quod omnes capiat) quo in loco sita sunt multa corpora sanctorum fratrum jam consummatorum. Manè ergo episcopus, propterea quod in Pandochio essent omni ex parte infossa multa sepulcra, in animo habuit templum alibi ædificare; sed sanctus non permisit. Quum ergo clerum, qui sub eo erat, congregasset: Filii, inquit, mihi magnus revelatus est thesaurus, sed, adeste, eum tollamus. Hoc quum illi audissent, prompto & alacri animo omnes processerunt, & episcopum lubenter sunt secuti. Quum autem pervenissent ad rubum, statim dixerunt clerici episcopo: Gratia quædam huc advolat divina, ô Domine, & multos scimus huc confluisse, & fuisse liberatos à morbis, & malis daemonibus, & adscripsisse rubo sanationem: sed, sive sit in rubo, seu sub rubo thesaurus, quis eum poterit excidere, & tollere, quum fieri non possit ut secetur propter magnitudinem, & alioqui non sit attrectatu facilis, ut qui sit multis terribilis propter miraculorum operationem! Quum autem precatus esset episcopus, & crucem fixisset in terram, & manum rubo injecisset, ipsas excidit radices. Animo itaque confirmati clerici, opus continuo sunt aggressi; & convellebatur rubus tanquam herba quædam mollis, neque erat amplius rubus, sed & capsula continuo apparebat, & adhuc valde instabat episcopus urgens fossionem. Quum autem jam adventasset vespera, precatus episcopus rursus jubet clero nocturnam cantare psalmodiam, hymnisque, lampadibus, & suffutibus honorabant capsam. Quum vero sumptuum quoque inopia ad ædificandum templum, sollicitum & animo perplexum teneret episcopum; eam quoque solvit sanctus dubitationem, & cuidam ex divitibus viro pio apparens, cui nomen erat Eugenius, mandat ei templi ædificationem, & describit ei ædificii figuram & magnitudinem. Manè ergo Eugenius veniens ad episcopum ei renuntiat visionem, & operi statim præficit ædificatores, quum eis prius descripsisset & significasset templi altitudinem & longitudinem, & aditum altaris eis jussisset latitudine fieri capsæ æqualem: ei enim visum fuerat deponere capsam intra aram, &c. Domus Cornelii, sancti Hieronymi ævo, Cæsareæ monstrabatur, ut constat ex ejus epistola 17. sive vita sanctæ Paulæ, ubi maritima Palæstinæ loca enumerans quæ Paula Hierosolymam



tendens iustravit, hanc vidisse observat *Stratonis Turrim ab Herode rege Judææ in honorem Cæsaris Augusti Cæsaream nuncupatam, in qua Cornelii domum Christi vidit ecclesiam. Martyrem aiunt Menæa Cornelium, fortassis propter tormenta quibus ipsum applicatum fuisse ejus acta memorant, licet in iis vitam non finierit. Sic die 13. Septemb. sancti Martyris Cornelii Centurionis.*

### III. THEOPHILUS.

Constitutiones Apostolicæ, post Zacchæum & Cornelium, recensent *Theophilum lib. 7. cap. 47. Καισαρείας δὲ τῆς Παλαιστίνης πρῶτος ἐπὶ Ζακχαίου ὁ ποτὲ τελώνης· μετ' ὃν Κορνήλιος· καὶ τέλος Θεόφιλος;* id est, *Cæsareæ Palæstinæ primus quidem episcopus fuit Zacchæus antea publicanus, post ipsum Cornelius, tertius vero Theophilus.* At illius non meminit Eusebius Cæsariensis, nisi hic confundatur cum alio Theophilo, qui in fine sæculi secundi Cæsariensis ecclesiæ curam gerebat, de quo loquitur Eusebius *lib. 5. hist. eccl. c. 23.* Unde non minus dubia est, ne quid dicam amplius, hujus Theophili præfectura Cæsariensis, quæ soli Constitutionum Apostolicarum auctoritati innititur, ac quæ duobus ejus prædecessoribus Zacchæo & Cornelio adscribitur.

Labbeus, qui illos Constitutionum Apostolicarum libros Græcè & Latinè exhibet *to. 1. concil. edit. Paris. anni 1671. hæc annotat ad marg. præfati cap. 47. col. 452.* ubi de Jacobo fratre Domini, Symeone, Juda, Zacchæo, &c. fit mentio: *Hic demum (Symeon scilicet) sub Hadriano obiisse dicitur annos natus 120. multis post Joannem cæterosque Apostolos, ipsumque adeo Clementem annis. Qui fieri ergo possit ut successiones istas sanctus Petrus anno Christi 67. defunctus commemoret! Natal. Alexander hist. eccl. to. 3. in-fol. sæc. 1. dissert. 19. p. 207.* ait Constitutiones Apostolicas esse apocryphas, ab Apostolorum & ecclesiæ doctrina alienas, Apostolis subinde & Clementi Papæ suppositas, priorum sæculorum Patribus vel prorsus ignotas, vel nullius auctoritatis visas, ut Justino, Irenæo, Clementi Alexandrino, Tertulliano, Origeni, Cypriano, Eusebio, Athanasio, Basilio, Hieronymo, &c. quippe qui occasione data eas nusquam memorarunt: imò Arianorum silentio, ipsorum tempore adhuc eas latuisse ostendi, quandoquidem, licet plurima in iis legantur Arianæ hæresi faventia, nihil tamen ex iis in illius patrociniū protulerunt, quæ S. Athanasius, sicut nonnulla Dionysii Alexandrini verba ab iisdem adducta, explicare opus habuerit. Subdit Alexander *ibid. pag. 209. Apostolorum constitutionem, cujus meminit S. Epiphan. lib. de*

*hæresib. hæc. 70. de Audianis, lucubrationem esse diversam à Constitution. Apostolorum, ita ut nonnulla quæ ex illa refert, in istis non reperiantur: & pag. 208. idem sentiendum de doctrina Apostolorum citata à S. Athanas. vel potius auctore Synopsis script. sacræ: liber enim ille, teste Nicephoro Constantinopolitano Patriarcha in stichometria, ducentos duntaxat versiculos continebat, quum è contra Constitutiones Apostolicæ quas habemus, libris octo constent. Præterea auctorem illum synopsis, de eo libro & quibusdam aliis quos recensuit, hæc subjungere: Hi omnes cognitionis quidem gratia expositi sunt, cæterum omnino perverse & falso scripti sunt, & nothi ac reprobi.*

### IV. ZACCHÆUS II.

Si Prædestinato à Sirmondo edito aliqua posset adhiberi fides, *Zacchæum* quemdam Cæsariensem episcopum recitat auctor ille *capp. 11. & 13.* à quo ait Valentinianos & Ptolemeitas fuisse damnatos. Hic Zacchæus Publicano longè posterior fuit: & si reipsa cedit hujus nominis Cæsariensis antistes sæculo secundo, ansam præbere potuit Constitutionum Apostolicarum scriptori, cur Zacchæum Publicanum huic ecclesiæ præfectum comminisceretur. At, ut de priore, sic nec de isto, quidquam loquitur Eusebius Cæsariensis, quo pateat illos ab ipso inter suos prædecessores fuisse agnitos.

### V. THEOPHILUS II.

*Theophilum* hunc appellamus *secundum*, ex hypothesi quod alter ejusdem nominis illum præcesserit in sede Cæsariensi, quod supra diximus esse valde incertum. Ille autem primus est de quo nobis constet quod hujus ecclesiæ fuerit præful, licet probabile non sit, ante illum, ab Apostolorum temporibus, urbem ita insignem speciali sibi deputato caruisse episcopo. Verum quinam extiterint, num etiam censerī debeant quatuor supra recensiti, tam altum de illis Eusebii Cæsariensis silentium, quam defectus monumentorum veterum alicujus auctoritatis, asserere non sinunt.

Theophilus, quem nunc memoramus, celebris est in historia præfati Eusebii, ubi de quæstione circa diem quo Pascha fieri uniformiter in tota ecclesia oporteret. *Lib. 5. cap. 22.* tempus assignat quo ille, aliique nonnulli illustriorum ecclesiarum antistites sedebant. *Interea, inquit, Commodus decimum annum imperii agente (id est anno Christi 189.) quum Eleutherus tredecim annis episcopatum administrasset, Victor in ejus locum successit. Eodemque anno quum Julianus decimum annum*



ECCLESIA  
CÆSARÆ  
Metropolis.

expleſſet, eccleſiarum Alexandria adminiſtrationem ſuſcepit Demetrius. Per idem tempus Serapio.... Antiochenſis eccleſiæ episcopus ſucceſſionis ordine octavus ab Apoſtoliſ, etiam tum florebat. Cæſareæ vero in Palæſtina præerat Theophilus. Narciffus item.... Hieroſolymitanæ eccleſiæ ſacerdotio fungebatur. Tunc etiam Corinthi in Achaïa Bacchylus, & Epheſi in Aſia Polycrates episcopi fuere. Sed & alii præter hos innumerabiles iſdem, ut credibile eſt, temporibus enituerunt. Verum nos, ut par erat, eorum duntaxat nomina recensuimus, qui rectæ fidei doctrinam ſcriptis ſuis proſtitam nobis reliquerunt. Iſdem temporibus, ſubjungit idem Eusebius cap. 23. ſequenti, gravi controverſia exorta, eo quod omnes per Aſiam eccleſiæ vetuſta quadam traditione nixæ, quarta-decima luna ſalutaris Paſchæ feſtum diem celebrandum eſſe cenſebant, quo die præſcriptum erat Judæis ut agnum immolarent: eaque omnino luna in quemcunque demum diem ſeptimanæ incidiſſet, ſinem jejuniis imponendum eſſe ſtatuebant: quum tamen reliquæ totius orbis eccleſiæ alio more uterentur, qui ex Apoſtolorum traditione profeſtus etiamnum ſervatur, ut ſcilicet non alio quam reſurreſtionis Dominicæ die jejunia ſolvi liceat. Synodi ob id cætuſque episcoporum convenere: atque omnes uno conſenſu eccleſiaſticam regulam univerſis fidelibus per epistoſas tradi derunt, ne videlicet ullo alio quam dominico die myſterium reſurreſtionis Domini unquam celebretur; utque eo duntaxat die Paſchalium jejuniorum terminum obſervemus. Extat etiamnum epistoſa ſacerdotum qui tunc in Palæſtina congregati ſunt, quibus præſidebant Theophilus Cæſareæ Palæſtinæ, & Narciffus Hieroſolymorum episcopus.

Fragmentum ſynodi Cæſarienſis extat apud Bedam 10. 2. in libro de Vernali Æquinoctio, cujus hoc eſt initium: pag. 232. Papa Victor Romanæ urbis episcopus direxit auctoritatem ad Theophilum Cæſareenſis Palæſtinæque antiſtitem, ut quomodo Paſcha recto jure à cunctis catholicis celebraretur eccleſiis, inibi fieret ordinatio, ubi Dominus & Salvator mundi fuerat in carne verſatus. Percepta itaque auctoritate prædictus episcopus non ſolum de ſua provincia, ſed etiam de diverſis regionibus omnes episcopos evocavit. Ubi quum illa multitudo convenit, tunc Theophilus episcopus prorulit auctoritatem ad ſe miſſam Victoris Papæ, & quid ſibi operis fuiſſet injunctum oſtendit, &c. Fragmentum hoc totum refert Labbeus 10. 1. conc. col. 596. E. Pro genuino quidem ſcripto illud habent Baronius, Binius, & alii; pro ſuppoſito vero & ſpurio Sambovius apud Tillemontium 10. 3. hiſt. eccl. pag. 632. ipſemet Tillem. ibid. & quidam alii viri docti, quod etiam annotant Bolland. ad diem 5. Martii, pag. 362. E. ubi

referunt partem fragmenti modo deſcriptam. Idem Eusebius, expoſita cap. 24. eccleſiarum Aſiæ diſſenſione, ſubdit cap. 25. Episcopi vero Palæſtinæ quos paulo ſupra memoravimus (cap. 23.) Narciffus ſcilicet & Theophilus, & cum illis Caſſius Tyri, & Clarus Prolemaïdis episcopi, & qui ſimul cum illis convenerant, poſtquam de traditione diei Paſchalis, quæ jam inde ab Apoſtoliſ ad ipſos continua ſucceſſione manaverat, multa in ſuis litteris diſſeruerunt, tandem ad finem epistoſæ hiſ utuntur verbis. Date operam ut epistoſæ noſtræ exemplaria per omnes eccleſias mittantur, ne nobis crimen imputent qui animas ſuas à recto veritatis tramite facile abducunt. Illud etiam vobis ſignificamus, eodem quo apud nos die Paſcha Alexandria celebrari. A nobis enim ad illos, & viciffim ab illis ad nos litteræ perferuntur; ita ut uno conſenſu & ſimul ſacroſanctum peragamus diem.

Eusebius ille ipſe aliquod nobis hic faceſſit negotium, circa initium pontificatus Victoris Papæ, nec ſecum quoad hoc ſatis cohærere videtur; nam ſupra vidimus eum aſſeruiſſe, lib. 5. cap. 22. Eleuthero poſt adminiſtrationis tredecim (alii auctores quindecim & aliquot menſes communius numerant) annos mortuo ſucceſſiſſe Victorem, x. Commodi anno, id eſt Chriſti 189. capite autem 28. ejusdem libri quinti ait: ac de Victore quidem ita ſe res habet; qui quum decem annis ſacerdotium adminiſtraſſet, Zephyrinus ei ſucceſſor ſubſtitutus eſt, anno principatus Severi circiter nono, id eſt Chriſti 202. Neceſſe eſt ergo, vel Victorem pontificatum tenuiſſe duodecim & amplius annos, ab anno nimirum 189. Commodi decimo, ad annum 202. Severi nono ante menſem Junium, quo incipiebat annus ejusdem Imperatoris decimus, vel Eleutherium Victoris prædeceſſorem, qui electus eſt Papa anno 177. non obiſſe ante annum 192. adeoque non tredecim, ſed quindecim annos ſediſſe. Et certe idem Eusebius in chronico Eleuthero annos quindecim aſſignat, uſque ad finem ſcilicet imperii Commodi qui interfectus eſt die ultima Decembris anni 192. imò ante narrat Pertinacis Commodi ſucceſſoris necem qui occiſus eſt die 28. Martii anno 193. quam initium præfulatus Victoris conſtituat, cui imperium Severi ſubjungit. Victor itaque anno duntaxat 192. aut 193. pontificatum exorſus eſt. Hæc obſervant Bolland. ad diem 5. Martii, pag. 362. col. 2. D. & Tillem. 10. 3. hiſt. eccl. pag. 616. col. 2.

Quandiu autem Theophilus poſt ſynodum Hieroſolymitanam vixerit non liquet. S. Hieronymus lib. de ſcriptoriſ. eccl. n. 43. de eo ſic loquitur: Theophilus Cæſareæ Palæſtinæ, quæ olim Turris Stratonis vocabatur,



episcopus, sub Severo principe adversus eos qui decima-quarta luna cum Judæis Pascha faciebant, cum cæteris episcopis synodicam & valde utilem composuit epistolam. De eodem Nicephorus Callistus lib. 4. hist. eccl. capp. 19. & 36. mentionem facit. Ejus denique memoriam colit cum isto elogio Martyrologium Romanum, ad diem 5. Martii: *Cæsareæ in Palæstina sancti Theophili episcopi, qui sub Severo principe, sapientia & vitæ integritate conspicuus emicuit.*

## VI. THEOCTISTUS.

*Theoctistus* ecclesiæ Cæsareensis curam gerebat anno Christi circiter 217. ante Antonini Caracallæ Severi filii mortem, qui eo anno interfectus est die 8. Aprilis. Theophilo proximè successisse videtur: certe nullum inter utrumque nominat Eusebius, qui lib. 6. hist. eccl. (ante mortem Caracallæ de qua loquitur cap. 21.) hæc scribit cap. 19. Sub idem tempus, quum Alexandria moraretur (Origenes,) miles quidam adveniens, Demetrio ecclesiæ episcopo, & præfecto Ægypti litteras à duce Arabiæ detulit, quibus poscebat ut confestim ad se Origenem mitterent, qui doctrinam suam ipsi communicaret. Missus igitur ab illis Origenes in Arabiam perrexit, nec multo post, perfecto cujus causa venerat negotio, Alexandriam regressus est. Aliquanto post tempore quum Alexandria gravissimum bellum excitatum fuisset, clam inde aufugiens, ac ne in Ægypto quidem commorari tutum ratus, Palæstinam petiit, & Cæsareæ domicilium fixit. Ubi etiam ab illius regionis episcopis rogatus est ut publicè in ecclesia differeret, & divinas scripturas, tametsi nondum presbyter ordinatus, exponeret. Atque id manifestum fuerit, vel ex iis quæ Alexander Hierosolymorum & Theoctistus Cæsareensis episcopus ad Demetrium pro hujus facti defensione scribunt in hunc modum: Quod vero in litteris tuis adjecisti, nunquam antea visum, nec adhuc factum fuisse, ut præsentibus episcopis laici concionarentur; in eo nescio quomodo à veritate longissime aberrasti. Nam sicubi reperiuntur qui fratribus prodesse possint, eos sancti episcopi ultro adhortantur ut ad populum conciones habeant. Sic Evelpis Larandis rogatus est à Neone; Paulinus Iconii à Celso: Theodorus apud Synnada ab Attico fratribus nostris beatissimis. Idque etiam alibi fieri credibile est, quamvis nos ignoremus..... Sed quum Demetrius per litteras eum revocasset, missisque ecclesiæ suæ diaconis reditum ejus urgere non destitisset; Alexandriam reversus consuetum munus obiit. Idem Eusebius ibid. cap. 23. de Origene pergens loqui, ait: Hæc dum ita geruntur, Urbanum ecclesiæ Romanæ pontificatu octennio perfunctum excepit Pontianus (anno Christi 230.)

Edit. Vales.  
p. 221. D.

A..... quo tempore Origenes compellente ipsum necessitate ob ecclesiastica negotia in Achaiam profectus, quum per Palæstinam transfret, presbyterii gradum per impositionem manuum Cæsareæ ab illius regionis episcopis accepit. Ad id porro contulisse ministerium Theoctistum Cæsareensem & Alexandrum Hierosolymorum præfules superius tradidit capite 8. his verbis: Quippe probatissimi & maxime insignes apud Palæstinam antistites, Cæsariensis scilicet & Hierosolymitanus, quum Origenem prærogativa & supremi honoris apice dignum judicassent, manus ei imponentes presbyterum ordinaverant. Tunc igitur quum Origenes ingenti gloria floreret, & apud cunctos ubique mortales virtutis ac sapientiæ causa maximum nomen esset consequutus: Demetrius, quando nihil aliud habebat quod ei objiceret, facinus illud quod adolescens olim patraverat, (se ipsum faciendo eunuchum) gravissime criminatus est; illos etiam qui eum ad presbyterii honorem evexerant, accusationibus suis conatus involvere. Vivebat adhuc Theoctistus anno Christi 252. Idem enim Eusebius ibid. cap. 46. agens de Dionysii Alexandrini epistolis, ait: Scribie præterea ad Cornelium Romanæ urbis episcopum, cujus litteras adversus Novatum scriptas acceperat. In qua quidem epistola significat se ab Heleno Tarfi Ciliciæ episcopo, & à cæteris qui cum illo convenerant: Firmiliano scilicet Cappadociæ, & Theoctisto Palæstinæ provinciæ episcopis invitatum fuisse, ut ad synodum Antiochenam occurreret, in qua quidam Novati schisma confirmare tentabant. Eundem ut superstitem inter alios memorat præfatus Dionysius Alexandrinus in epistola ad sanctum Stephanum Papam, qui fuerat electus post mortem Lucii anno 253. Fragmentum hujus epistolæ extat apud Eusebium lib. 7. cap. 5. Scias autem, frater, cunctas per Orientem & ulterius positas ecclesias quæ prius erant discissæ (ob schisma Novati) nunc tandem ad unitatem reversas esse; & omnes ecclesiarum ubicunque antistites unum idemque sentire, & ob redditam insperato pacem incredibili gaudio exultare: Demetrianum scilicet episcopum Antiochiæ, Theoctistum Cæsareæ, Eliæ post mortem Alexandri Mazabanem, Marinum Tyri, Laodiceæ vero post Thelymidris obitum Heliodorum, Helenum Tarfi, cunctasque Ciliciæ ecclesias, Firmilianum denique cum universa Cappadocia. Solos enim illustriores episcopos nominavi, ne forte epistola nostra prolixior, & oratio molestior redderetur, &c. Mortuus videtur Theoctistus sub pontificatu Xysti qui vixit ab anno Christi 257. ad annum sequentem 258. Nam idem Eusebius lib. 7. hist. eccl. cap. 14. hæc habet: Eadem tempestate Romanæ quidem ecclesiæ adhuc præerat Xystus; Antiochenam vero post mortem Fabii

ECCLESIA  
CÆSAREÆ  
Metropolis.



Demetrianus regebat: apud Cæsaream Cappadociæ Firmilianus: in Ponto Gregorius, fraterque ejus Athenodorus, ambo Origenis discipuli, ecclesias gubernabant. Apud Cæsaream autem Palæstinæ, mortuo Theoctisto, sacerdotium suscepit Dominus.

## VII. DOMNUS.

Ex verbis Eusebii modo relatis constare videtur Theoctisto Cæsareæ Palæstinæ episcopo proximè successisse Dominum, anno nimirum 257. aut 258. At de eo nihil aliud tradit, nisi brevi sedisse: mortuo Theoctisto, inquit, sacer-

igitur, adhære Deo, ejusque virtute roboratus, consequere quod elegisti. Vade in pace. Posthæc regredientem illum ab ecclesia præco pro foribus prætorii evocare cœpit. Jam enim præstitutum tempus effluxerat. Admotus igitur tribunali, quum majorem quam antea alacritatem fidei ostendisset, statim inde, ita ut erat, ad supplicium abductus, martyrio coronatus est. Colitur sanctus Marinus die 3. Martii, ejusque elogium his verbis exprimitur in Martyrologio Romano. Cæsareæ in Palæstina sanctorum martyrum Marini militis & Asterii senatoris in persecutione Valeriani: quorum prior accusatus à commilitonibus quod esset Christianus, & interrogatus à Judice, quum Christianum se esse voce clarissima testaretur, martyrii coronam capitis abscissione suscepit: quumque Asterius corpus martyris capite truncatum, subjectis humeris, & substrata veste qua induebatur exciperet; honorem quem martyri detulit, continuo ipse martyr excepit. Hoc quidem Eusebius capite sequenti 16. Asterii factum refert quem Astyrium nuncupat, virumque dicit fuisse, ex Romanæ urbis Senatoribus, Imperatoribus unice carum, & cum ob splendorem generis tum propter divitias omnibus notum; sed non memorat ideo morte plexum. Eusebio quippe addidit Rufinus ea verba, honorem quem martyri, &c.

VIII. THEOTECNUS.

Domno brevi mortuo, in ejus Cæsariensem sedem promotum Theotecnum scribit idem Eusebius *ibid. lib. 7. cap. 14.* his verbis: Quo (Domno) non multo post ex hac vita sublato, Theotecnus qui ad nostram usque ætatem superfuit, in ejus locum subrogatus est. Hic quoque Origenis auditor fuisse dicitur. Capite sequenti 15. narrat quomodo quemdam Marinum pro Christo jamjam damnandum, ad martyrium fortiter subeundum excitaverit. Interea, inquit, pace cunctis ubique ecclesiis reddita, apud Cæsaream Palæstinæ, Marinus quidam militari dignitate decoratus, ad hæc splendore generis atque opibus clarus, ob confessionem Christi capite truncatus est hac de causa. Honor quidam est vitis (quasi insigne aliquod) apud Romanos, Τὴν δὲ ἐν τῷ Πρωτοκρίτειον τὸ χρυσόν, quam qui adepti sunt, Centuriones dicuntur. Hic locus quum vacaret, Marinus ordine gradus sui ad eam promotionem vocabatur. Verum quum honore illo jamjam potiturus esset; quidam ad tribunal accedens Marinum accusare cœpit, asserens illi quidem, utpote Christiano homini & Imperatoribus sacrificare renuenti, Romanam dignitatem capeffere legibus non licere; sibi vero gradum illum competere. Ea re commotus judex Achæus nomine, primum quidem Marinum interrogavit cujusnam esset sententiæ. Cognito deinde quod Christianum se esse constantissimè profiteretur, trium horarum spatium ad deliberandum ei concessit. Proinde quum ex prætorio egressus esset, Theotecnus civitatis episcopus ad illum accedens, & sermocinando longius eum abstrahens, prehensa manu ad ecclesiam perducit: quumque interius ad ipsum altare eum statuisset, reducta tantisper ejus chlamyde, gladium illi quo præcinctus erat ostendens, mox sacrorum evangeliorum codicem ex adverso locat, jubens ut ex duobus utrum mallet, eligeret. Marinus nihil cunctatus protensa dextera codicem quum apprehendisset, his eum verbis Theotecnus compellavit. Adhære

Anno Christi 264. interfuit Theotecnus synodo Antiochenæ adversus errores Pauli Samosatani ejusdem civitatis episcopi: sic enim prodit Euseb. *ibid. cap. 27. & seq.* Sub idem tempus, (id est anno circiter 260. vel 261.) defuncto Antiochiæ Demetriano Paulus Samosatensis episcopatum suscepit. Hic quum adversus ecclesiæ doctrinam nimis abjecte & humiliter de Christo sentire cœpisset, quasi is nihil supra communem hominum naturam habuisset; Dionysius Alexandrinæ ecclesiæ episcopus rogatus ut ad concilium veniret, adventum quidem suum distulit, senectutem & infirmitatem corporis causatus. Cæterum quid ipse de hac quæstione sentiret, per epistolas indicavit. At reliqui ecclesiarum pastores undique excitati, tanquam adversus gregis dominici vastatorem, simul omnes Antiochiam convenerunt. Et c. 28. Inter quos maxime eminebant Firmilianus Cæsareæ Cappadocum episcopus, Gregorius (Thaumaturgus) & Athenodorus fratres ecclesiarum apud Pontum episcopi: Helenus quoque Tarfi & Nicomas Iconii antistites. Sed & Hymenæus qui ecclesiam Hierosolymitanam regebat, & Theotecnus qui Cæsariensem illi finitimam administrabat. Maximus præterea qui Bostrensem ecclesiam summa cum laude gubernavit. Sexcentos quoque alios qui una cum presbyteris & diaconis eo confluerunt nequaquam difficile fuerit recensere. Verum hi quos dixi illustres præ-



*præ cæteris habebantur, &c. Dum hæc aguntur, Dionysius (Alexandrinus) extremum diem obiit anno principatus Gallieni duodecimo, quum Alexandria episcopatum septemdecim annis obtinisset, &c. Hæc epocha annum Christi 264. denotat. Heraclas enim Dionysii prædecessor obiit anno 247. Valerianus autem anno 253. quo Imperator renuntiatus est, Gallienum filium suum Cæsarem & paulo-post Augustum creavit. Chronicon Eusebii & simile Hieronymi mortem Dionysii reipsa sub anno 264. reponunt, adeo ut synodus prima Antiochena adversus Paulum Samosatensem, quæ dum celebraretur Dionysius decessit, ad annum Christi 264. revocanda merito videatur. Venit rursus Antiochiam Theotecnus anno 269. vel 270. ubi alia synodus habita est adversus præfatum Paulum Samosatensem, qui fidem post datam errores suos à se ejurari, eosdem nihilominus prædicabat. Ex ea epistolam synodicam ad Dionysium Romanum Pontificem, cæterosque totius orbis episcopos hujus synodi Patres scripserunt, qua denuntiabant ipsis perversa Pauli, quem ab episcopatu ejecerant, dogmata. Sic rem narrat Eusebius lib. 7. hist. eccl. cap. 29. Hujus temporibus (Aureliani Imperatoris qui imperium capeffivit anno Christi 270.) postrema synodus innumerabilium fere episcoporum congregata est: in qua auctor ille nefariæ apud Antiochiam hæreseos Paulus, convictus & ab omnibus manifestissime deprehensus falsi dogmatis reus, ab universa quæ sub cælo est ecclesia catholica eliminatus est, &c. Et cap. sequenti 30. Omnes itaque in unum congregati, unam ex communi sententia ad Dionysium Romanæ urbis episcopum (is obierat anno 269. die 26. Decembris, sed prioribus anni 270. mensibus mors ejus in Oriente verisimiliter nondum innotuerat) & ad Maximum Alexandrinum scripserunt epistolam: eamque ad omnes deinde provincias transmiserunt, tum ut studium suum ac diligentiam omnibus declararent, tum ut perversum Pauli dogma, confutationes quoque & disputationes adversus illum habitas, cunctamque hominis vitam ac mores exponerent..... Dionysio & Maximo (initium est hujus epistolæ) & omnibus per universum orbem comministris nostris, episcopis, presbyteris, & diaconis, & universæ ecclesiæ catholicæ quæ sub cælo est, Helenus & Hymenæus, Theophilus, Theotecnus, &c. & reliqui omnes qui nobiscum sunt vicinarum urbium & provinciarum episcopi, presbyteri, ac diaconi, & ecclesiæ Dei, ἐκκλησίαι τῆς Θεοῦ, charissimis fratribus in Domino salutem, &c. Firmilianus vero quum bis Antiochiam venisset (hæc verba innuunt hanc postremam synodum, cui non interfuit Firmilianus, tertiam fuisse Antio-*

Tomus III.

Achenam adversus Paulum Samosatensem coactam) damnavit quidem dogmatis ab illo inveci novitatem, ut testamur nos qui affuimus, & alii plures perinde ac nos optime norunt. Sed quum ille mutaturum se sententiam promississet, credens ei Firmilianus, speransque sine ullo religionis nostræ probro atque dispendio rem optime posse constitui, distulit sententiam suam, deceptus scilicet ab homine qui Deum ac Dominum suum negabat, & qui fidem quam antea profutebatur violaverat. Nunc quoque Antiochiam venturus erat Firmilianus, & jam Tarsum usque pervenerat..... Sed quum nos jam convenissemus, dum ejus adventum expectamus, abiit è vita, &c. Exponunt deinde Pauli dogmata & mores: In fine (tandem) epistolæ hæc adjiciunt. Hunc igitur Deo bellum indicentem, nec cedere volentem, quum à communione nostra abdicassimus, necesse habuimus alium ejus loco ecclesiæ catholicæ episcopum ordinare.... Demetrianus scilicet beatæ memoriæ episcopi, qui ante hunc magna cum laude eandem rexit ecclesiam (Antiochenam) filium Domnum, virum omnibus quæ episcopum decent dotibus exornatum. Quod quidem idcirco vobis significavimus, ut & ad eum scribatis, & ab eo communicatorias litteras accipiatis.... Igitur quum Paulus à recta fide simul & episcopatu excidisset, Domnus, ut dictum est, administrationem Antiochenis ecclesiæ suscepit. Sed quum Paulus è domo ecclesiæ nullatenus excedere vellet, interpellatus Imperator Aurelianus rectissime hoc negotium dijudicavit, iis domum tradi præcipiens, quibus Italici Christianæ religionis antistites & Romanus episcopus scriberent. Hoc modo vir supra memoratus (Paulus) cum summo dedecore per sæcularem potestatem ab ecclesia exturbatus est. Idem Eusebius infra cap. 32. pag. 288. A. de Anatolio episcopo Laodiceno loquens, ait: Huic Theotecnus Cæsareæ Palæstinæ episcopus primus manus imposuit, eumque episcopum ordinavit, successorem illum ecclesiæ suæ despondens; ambo certe aliquantisper eandem ecclesiam simul gubernarunt. Postea vero quum eum synodus adversus Paulum congregata Antiochiam evocasset (id proinde contigerat ante postremam synodum Antiochenam) per urbem Laodiceam τὴν Λαοδικέων πόλιν iter faciens, à fratribus illius loci, mortuo tunc Eusebio (eorum episcopo) detentus est, &c. Et paulo-post ibid. C. subdit Eusebius: Apud Cæsaream vero Palæstinæ, post obitum Theotegni, qui ecclesiam illam summa cum cura gubernaverat, successit Agapius. To. 1. conc. Philippi Labbei, col. 843. extat epistola ad Paulum Samosatensem scripta ante ejus depositionem, cujus titulus est: Exemplum epistolæ missæ Paulo Samosatensi ab orthodoxis episcopis, priusquam deponeretur. Præfert autem hæc nomina: Hymenæus, Theophilus,

M m

ECCLESIA  
CÆSAREÆ  
Metropolis.



*Theotecnus, Maximus, Proclus, Bolanus, Initium est: Jam quidem in congressum & colloquium inter nos venimus, ac fidem nostram ostendimus. Ut vero manifestius fiat quid quisque sentiat, & ea quæ in quæstionem ac dubitationem vocantur, certiore exitum accipiant; decrevimus fidem scripto edere & exponere quam à principio accepimus, ac habemus traditionem & servatam in catholica & sancta ecclesiâ usque in hodiernum diem, &c. Finis vero est: Scire volumus an eadem nobiscum sentias & doceas; & nobis significes an iis quæ superius scripsimus assentiaris, an non. Quot annos fuderit, vel quo anno obierit Theotecnus, nos fugit.*

## IX. AGAPIUS.

Theotecno proximè successisse Agapium prodit Eusebius *lib. 7. hist. eccl. cap. 32. pag. 288. C. D.* quamvis non tradat quo anno id acciderit. *Apud Cæsaream Palæstinæ, inquit, post obitum Theotegni . . . successit Agapius, quem quidem plurimum etiam laborasse, & populi cui præerat commodis benignè consuluisse, cunctosque, ac præsertim pauperes libertate sua sublevasse novimus. Hujus tempore Pamphilum virum disertissimum, vitæque & operibus vere philosophantem, in eadem ecclesiâ vidimus presbyteri honore decoratum, &c. Hæc tantum de eo Agapio Eusebius.*

## X. AGRICOLAUS.

Agricolai antistitis Cæsareæ in Palæstina nusquam meminit præfatus Eusebius, qui tamen ejus tempore vivebat, eique probabiliter successit. At inter octodecim episcopos, qui canonibus synodi Ancyranæ an. Christi 314. celebratæ subscripserunt, illius nomen legitur, *tomo 1. conc. Phil. Labb. col. 1475. D.* scilicet secundo loco Agricolaus Cæsareæ Palæstinæ. Porro nullo monumento nobis innotescit, vel Agapium ultra ann. 312. vitam produxisse, vel Eusebium ecclesiæ Cæsariensi ante annum 315. præfuisse. Sicut autem flet Eusebius de isto Agricolao, ita flet de Vitali Antiocheno Patriarcha, qui ad eam sedem evectus est post Tyrannum anno 313. pace ecclesiæ reddita; ita de Romanis Pontificibus qui Marcellino successerunt: ita tandem de Alexandro Alexandrino, qui Achillæ substitutus est anno 312. aut 313. licet hi inter episcopos istius ætatis claruerint. Ex quo sequi videtur Eusebium non sibi proposuisse accuratam texere historiam temporis quod persecutionem ecclesiæ subsequutum est. Id observat Tillem. *tom. 6. hist. eccl. pag. 201.* Subjungit etiam *tom. seq. 7. p. 42.* ubi de Eusebio Cæsariensi agit, subscriptiones quidem episcoporum octodecim, quæ extant duntaxat in

A translationibus latinis synodi Ancyranæ, non esse prorsus indubias: nihil tamen suppetere quo falsæ aut suppositæ demonstrantur: nec ex silentio Eusebii de Agricolao, qui unus fuit ex illis Ancyranis episcopis & immediatus ipsius prædecessor, sequi quod ejus notitiam non habuerit Eusebius, quia id fortassis ortum est quod nihil speciale de eo occurrerit illi dicendum: præterea, quum Eusebius Agapium non asserat postremum fuisse episcoporum Cæsariensium qui tempore persecutionis vixerunt, ut de Stephano ait Anatolii in sede Laodicensi successore, *ibid. pag. 288. A.* recte censetur mortuus anno circiter 303. Agapius, & Agricolaus sedisse usque ad annum 315. quo Eusebius ecclesiæ hujus curam obtinuit. Valesius tamen in vita Eusebii initio historiæ illius ecclesiasticæ præfixa, eum Agapio immediate successisse contendit, expuncto Agricolao. *Inter hæc, inquit, mortuo Agapio Cæsariensium episcopo, quum persecutio jam sedata & pax reddita esset ecclesiæ, Eusebius communi omnium consensu in ejus locum substituitur. Alii successorem Agapii ponunt Agricolam, qui Ancyranæ synodo interfuit ac subscripsit anno Christi 314. Ita Baronius in annal. ad annum Christi 314. & Blondellus in apologia pro sententia S. Hieron. cap. 19. ubi Eusebium anno Christi circiter 315. administrationem Cæsariensis ecclesiæ post mortem Agricolæ suscepisse scribit. Verum subscriptiones illæ episcoporum quæ in Latinis canonum collectionibus habentur, parum certæ mihi videntur ac firmæ. Nam neque in Græcis codicibus, nec in Latina versione Dionysii Exigui leguntur. Deinde Eusebius *lib. 7. hist. eccl. recensens præcipuarum sedium episcopos, sub quibus orta & grassata est persecutio, in Agapio Cæsariensium episcopo desinit, quem ait in ea persecutione pro ecclesiæ suæ commodis plurimum laborasse. Hic ergo ad finem usque persecutionis permanserit necesse est. Atqui Eusebius statim post finem persecutionis factus est episcopus, &c. Huc usque Valesius. Videat prudens lector quid de isto Agricolao sentiendum duxerit, an retinendus, an expellendus.**

## XI. EUSEBIUS.

Eusebius suis scriptis celeberrimus, in Palæstina ortus creditur: saltem ibi morabatur quum Constantinus adhuc adolescens una cum Diocletiano in Palæstinam venit. Sic enim ipsemet scribit *lib. 1. de vita Constantini c. 19. p. 417. D.* Quumque transacta pueritia jam adolescentiæ annos ingressus esset (Constantinus,) summo in honore apud supra dictos imperatores erat. Cujusmodi nos quoque eum vidimus, quum per Palæstinam provinciam transiret una cum seniore Augusto. Sub extremis



Gallieni imperatoris annis, anno circiter 264. A natus colligi potest ex eo quod ipsemet de Dionysio Alexandrino loquens, qui anno XII. Gallieni obiit, Christi 264. afferat *lib. 3. hist. eccl. c. 28. p. 100. B. Quin etiam Dionysius, qui nostra ætate Alexandrinæ ecclesiæ episcopus fuit. Et lib. 7. cap. 26. B. Atque hæc sunt Dionysii (Alexandrini) scripta. Verum his jam expositis, nunc tandem quæ qualisque fuerit ætas nostra, posterorum notitiæ tradamus. Deinde cap. seq. agit de erroribus Pauli Samosatani, qui in prima synodo Antiochena damnati sunt anno Gallieni XII. ipso teste, cap. 28. B. C. B. (Christi 264.) Antiochiæ per aliquod tempus versatus est, siquidem *lib. 7. hist. eccl. cap. 32. pag. 284. B. C. ait: Sub hoc (Cyrillo Antiocheno Patriarcha) Dorotheum virum doctissimum Antiochenæ tunc ecclesiæ presbyterum cognovimus: & quibusdam interjectis, hunc nos sacras scripturas in ecclesia non inscitè exponentem audivimus.**

Dum ecclesiæ Cæsariensi Agapius præerat, sanctum Pamphilum martyrem novit, & cum eo singularem iniit amicitiam, cujus vitam & virtutes descripsit: atque etiam ex eo cognomen Pamphili sibi sumsit. *Hujus (Agapii scilicet) tempore, inquit ibid. pag. 288. D. Pamphilum virum disertissimum, vitæque & operibus verè philosophantem in eadem ecclesia vidimus presbyteri honore decoratum.... Verum nos singula quæ ad illius vitam, & ad scholam ab eodem institutam pertinent; varia quoque confessionum certamina persecutionis tempore ab eo tolerata; ac postremo martyrium quo coronatus est, peculiari opere complexi sumus. Quorumdam martyrum agonem se conspexisse Tyri & in Thebaïde testatur lib. 8. cap. 7. D. pag. 299. A. Et quosdam quidem illorum in Palæstina claruisse novimus, quosdam vero apud Tyrum urbem Phœnices.... nos ipsi præsentem ubi & divinam potentiam Servatoris nostri Jesu-Christi, cui tunc martyres testimonium perhibebant, præsentem & semetipsam manifestè martyribus exhibentem perspeximus. Et cap. 9. pag. 300. D. Verum omnem dicendi copiam superant cruciatus ac dolores quos apud Thebaïdem martyres pertulerunt.... Nos quoque, quum in illis partibus degeremus, quam plurimos acervatim uno die, alios quidem capite truncatos, E alios vero flammis traditos vidimus.*

Agapio vel Agricolao successit in sede Cæsariensi anno circiter Christi 315. Notum non fuisse tunc temporis necesse est, quod aliqui tradunt ipsi objectum fuisse in synodo Tyria ab episcopis & confessoribus Ægyptiis, scilicet dum pro fide in carcere detineretur, ipsum idolis cultum aliquem detulisse ut sese à periculo tormentorum & mortis liberaret. Quomodo enim Cæsariensis ecclesiæ factus

*Tomus III.*

postea fuisset episcopus! Quomodo rursus ab Antiochenis ad suscipiendum patriarchatum evocatus! Epiphanius quidem narrat *hær. 68. num. 7. pag. 724. A. in synodo Tyria Potamonem Heracleopolitanum episcopum, qui cum Athanasio & aliquot Ægypti sacerdotibus illuc advenerat, Eusebio Cæsariensi sic loquutum: Te-ne, Eusebi, sedere, & innocentem Athanasium stare à te judicandum! Quis hæc pati possit! Nonne persecutionis tempore mecum in custodia fuisti! Atque ego quidem oculum pro veritate perdidi; tu nulla corporis parte mutilatus es, neque martyrium subiisti, sed vivus integerque consistis. Quanam ratione è carcere evasisti! Nisi quod persecutoribus nostris spondesti te rem nefariam admissurum, ac fortasse etiam admisisti. At his verbis Potamo, ut palam est, Eusebium non insinulavit quod idola veneratus esset, sed tantum ei objecit quod, salvus & integer ex carcere dimissus, id de se suspicandi præbisset ansam; fieri tamen potest Eusebium alio modo sese è vinculis expediisse.*

Quum Arius Alexandrinus presbyter hæresim suam propalavit, circa annum 319. ejus patrocinium suscepit Eusebius Cæsariensis, cum quibusdam aliis episcopis, ob id indubiè ab illo in epistola ad Eusebium Nicomediensem quam refert Theodoretus *lib. 1. hist. eccl. cap. 5. recensitus inter patronos suos qui idem cum ipso sentirent. Sic porro istud explicat Valesius, in vita Eusebii Cæsariensis quam ejusdem historiæ ecclesiasticæ præfixit, post medium p. 4. «Quum (Arius) nova quædam & impia de Dei filio dogmata publicè in ecclesia prædicaret, & ab Alexandro episcopo frequenter admonitus, nihilominus in iisdem assertionibus perseveraret, tandem una cum erroris sui sociis damnatus, pulsusque ecclesia fuerat. Quam damnationem molestè ferens, litteras cum exemplo fidei suæ ad omnes vicinarum urbium episcopos misit: quibus querebatur immerito se depositum ab Alexandro, quum eadem ipse quæ reliqui Orientis antistites prædicaret. His artibus decepti plures episcopi, & ab Eusebio Nicomediensi maximè incitati, qui Arii partibus palam favebat, litteras pro Ario scripserunt ad Alexandrum.... orantes ut Arium in pristinum locum restitueret. Ex eorum numero fuit Eusebius noster, cujus litteræ ad Alexandrum scriptæ extant in actis septimæ synodi œcumenicæ.... Eusebii Cæsariensis exemplum mox sequuti Theodotus ac Paulinus, alter Laodiceæ, alter Tyriorum episcopus, pro restitutione Arii apud Alexandrum intercessere. Quorum epistolas, utpote dogmatibus suis patrocinantes, quum ubique ostentaret Arius, & tantorum virorum auctoritate multos in societatem erroris sui*

M m ij

ECCLESIA  
CÆSARÆ  
Metropolis.





ECCLESIA  
CÆSARÆ  
Metropolis.

»pertraheret, Alexander & ipse coactus est ad  
»reliquos Orientis episcopos litteras mittere,  
» quibus palam fieret Arium una cum sociis  
» jure damnatum ac depositum fuisse. Extant  
» hodie Alexandri epistolæ duæ; altera ad Ale-  
» xandrum Constantinopolitanum episcopum,  
» in qua queritur Alexander de tribus episcopis  
» Syriæ, qui Ario consentientes contentionem,  
» quam sedare potius debuissent, magis quam  
» antea inflammaverant. Hi sunt Eusebius,  
» Theodotus, ac Paulinus, sicut ex Arii epi-  
» stola ad Eusebium Nicomediensem scripta  
» licet colligere. » Alteram Alexandri epistolam  
» ad omnes ubique terrarum episcopos datam  
» refert Socrates in lib. 1. His Alexandri litteris  
» penè omnes Orientis subscripserunt episcopi:  
» inter quos principem locum obtinebant Phi-  
» logonius Antiochiæ, Eustathius Berrhœæ, &  
» Macarius Hierosolymorum antistites. Epi-  
» scopi vero illi qui ab Arii partibus stare vide-  
» bantur, quum Alexandri litteris se perstrictos  
» viderent, acrius multo ac vehementius in de-  
» fensionem Arii incubuere: præcipuè autem  
» Nicomedienfis Eusebius. Noster enim Cæ-  
» sariensis Eusebius, una cum Patrophilo ac  
» Paulino, aliisque Syriæ episcopis, id tantum  
» decrevit, ut Ario presbytero conventus in  
» ecclesia sua agere liceret; subjectus tamen  
» idem esset Alexandro episcopo, ab eoque  
» flagitaret ut ad pacem & communionem ad-  
» mitteretur.

» Ad hunc modum dissidentibus episcopis;  
» & his Alexandri Alexandrini episcopi qui  
» Arium damnaverant, illis Arii partes foventi-  
» bus, contentio supra modum exasperata est. »  
» Cui malo volens mederi Constantinus Impe-  
» rator primam synodum generalem Nicææ in  
» Bithynia celebrandam curavit. Ejus defini-  
» tionem subscripsit Eusebius tom. 2. conc. Labb.  
» pag. 51. B. quintus legitur subscriptus ex pro-  
» vincia Palæstinæ. At minimè ideo Arium  
» ejusque hæresis sectatores dereliquit. *Et*  
» *quod mirandum est*, inquit de illo Athanasius  
» in epistola de decretis synodi Nicænæ, apud  
» Valesium citatum, in veterum testimoniis  
» contra Eusebium pag. 2. in fine, *Eusebius*  
» *episcopus Cæsareæ Palæstinæ*, quamvis pridie  
» recusasset postridie tamen subscripsit, & ad ec-  
» clesiam suam litteras dedit, asserens hanc esse  
» ecclesiæ fidem & Patrum traditionem. Omnibus-  
» que manifesto declaravit illos prius errasse &  
» frustra de veritate contendisse. *Etsi enim* iis tunc  
» verbis uti præ pudore noluit, & prout ipse voluit  
» satisfecit ecclesiæ; in epistola tamen in qua Dei  
» Filium consubstantialem & ex substantia Patris  
» existere non inficiatur, aperte id quod dixi  
» significat. Ac proinde infelix in eo fuit, ut enim  
» se ipsum purgaret, accusavit deinceps Arianos,  
» quod, quum dicerent Filium Dei non existisse

antequam gigneretur, hoc pacto negarent eum  
existisse ante Incarnationem.

Hanc Eusebii epistolam refert Theodoretus lib. 1. hist. eccl. cap. 12. pag. 36. & seqq. in qua, recensito symbolo Nicæno cui subscripserat, sic loquitur pag. 38. D. *Quum hæc ab illis dictata esset fidei formula; id quod ab illis dictum erat, ex substantia Patris, & consubstantialis, non prætermisimus absque examine. Hinc igitur variæ quæstiones ortæ sunt, & responsiones: & quænam esset eorum verborum sententia accurate expendebatur. Et has quidem voces, ex substantia, fassi sunt hoc significare; Filium quidem esse ex Patre, sed non tanquam partem ipsius Patris. Hunc sensum ut nos quoque amplecteremur æquum omnino videbatur, quum pia doctrina prædicet Filium ex Patre esse, non tamen partem esse illius substantiæ. Quamobrem & nos huic notioni assensum præbemus. Ac ne ipsam quidem vocem consubstantialis rejicimus, pacis intuitu, & ne à recta intelligentia excidamus. Pari ratione has etiam voces approbavimus, genitum non factum. Nam factum Verbum esse dicebant commune reliquis omnibus creaturis quæ per Filium factæ sunt, quibus nihil simile habeat Filius: ac proinde eum non esse facturam, his quæ per ipsum facta sunt similem, sed longe præstantioris quam reliquas creaturas esse substantiæ. Quam quidem ex Patre esse divina docent oracula, arcano quodam generationis modo, qui nec verbis exprimi, nec intelligentia comprehendere ab ulla possit creatura. Sic etiam illud, consubstantialem esse Filium Patri, quum allatis rationibus discussum esset, convenit non juxta corporum modum, neque instar mortalium animantium accipi debere. Nam neque per divisionem substantiæ, neque per abscissionem, nec per mutationem paternæ essentiaæ atque virtutis, id posse consistere: ingentiam enim Patris naturam ab his omnibus alienam esse. Verum hoc, consubstantialem esse Patri, nihil aliud significare, quam Filium Dei nullam cum creaturis ab ipso factis similitudinem habere; sed solius Patris à quo genitus est, per omnia similem esse: nec ex alia quadam hypostasi aut substantia, sed ex Patre esse. Quod quidem quum ita expositum fuisset, jure merito approbandum esse censuimus: quandoquidem nonnullos ex veteribus insignes episcopos & disertos scriptores in explicanda Patris ac Filii divinitate, hoc vocabulo consubstantialis usos esse cognovimus.*

Atque hæc dicta sint de fide quæ Nicææ promulgata est: cui quidem consensimus omnes, non leviter & inconsulto, sed juxta sensus allatos, qui coram ipso religiosissimo Imperatore discussi, & ob rationes superius expositas ab omnibus comprobati sunt. Sed & anathematismum, qui post fidei formulam ab illis est promulgatus haud quaquam molestè suscepimus, eo quod



peregrinis & à sacra scriptura alienis vocibus uti prohibeat, ex quibus omnis fere dissensio ac perturbatio ecclesiarum exorta est. Quum igitur nulla divinitus inspirata scriptura istis unquam usa sit vocibus, de non extantibus, & fuit aliquando tempus quum non esset, & aliis quæ ibidem subjiciuntur; visum est nullatenus rationi consentaneum esse, ut hæc vel dicerentur, vel docerentur. Proinde etiam huic recto ac salubri decreto consensimus, quippe qui nunquam antea hujusmodi vocibus uti consuevissemus. Quin & istud, priusquam gigneretur non erat, anathemate damnare haud incongruum duximus, eo quod apud omnes in confesso sit, illum esse Filium Dei, etiam ante corporalem nativitatem. Jam vero Imperator noster Deo charissimus ratiocinando adstruebat, etiam secundum divinam ipsius generationem illum esse ante omnia sæcula. Nam priusquam actu gigneretur, potentia erat in Patre, ingenua quadam ratione: quum pater semper sit pater, rex item semper atque servator; & omnia sit potentia, semperque eodem modo ac similiter se habeat. Hæc vobis necessario scribenda esse duximus, dilectissimi, ut vobis liquido demonstramus, quanto cum judicio, tum dubitatio, tum assensio nostra librata sit: & quod recte atque ordine, primum quidem ad extremam usque horam restitimus, quandiu nonnulla, aliter quam oportuit, scripta nos offendebant: tandem vero ea quæ nihil offensionis habebant, sine contentione amplexi sumus, postquam nobis verborum sententiam candide examinantibus apparuit, ea prorsus cum illis convenire, quæ nos ipsi in fide primum à nobis exposita confessi fueramus.

Superius exhibuerat Eusebius in eadem epistola pag. 37. A. symbolum à se oblatum synodo, cui & illud quod synodus condidit, & ab episcopis, ac à se, subscriptione firmatum est, recte intellectum, omnino consonare affirmat: *Necessarium putavimus, inquit, ad vos mittere, primum quidem eam fidei formulam quæ à nobis proposita est: deinde alteram quam episcopi, quibusdam appendicibus ad nostram adjectis, promulgarunt. Nostra igitur formula, quæ in conspectu Imperatoris Deo charissimi lecta, recte ac probe se habere omnibus visa est, sic habet: Fides à nobis exposita. Sicut ab antecessoribus nostris episcopis accepimus, tunc quum primis fidei rudimentis instructi, & cum salutari lavacro tincti sumus; sicut ex scripturis divinis didicimus, & quemadmodum ipsi tum in presbyterio, tum in episcopali gradu constituti, & credidimus, & docuimus, ita nunc etiam credentes, fidem nostram vobis exponimus. Est autem hujusmodi. Credimus in unum Deum, Patrem omnipotentem, visibilibus omnium & invisibilibus creatorem; & in unum Dominum Jesum-Christum, Dei verbum, Deum de Deo,*

*lumen de lumine, vitam ex vita, Filium unigenitum, primogenitum omnis creaturæ; ante omnia sæcula ex Deo Patre genitum; per quem omnia facta sunt: qui propter nostram salutem incarnatus est, &c. Horum unumquemque esse ac subsistere credentes; Patrem vere Patrem; Filium vere Filium, & Spiritum sanctum vere Spiritum sanctum, &c. Quum hæc à nobis fides esset exposita, nullus erat contradicendi locus. Sed & Imperator noster Deo charissimus eam rectissime conceptam esse primus omnium testatus est, atque ita sentire se affirmavit, cunctosque hortatus est ut ei assentirentur atque subscriberent, utque in hanc doctrinam omnes conspirarent, una duratæ voce, consubstantialis, adjecta. Quam quidem vocem ipse quoque interpretatus est, asserens, non juxta corporis affectiones, consubstantialem dici, neque per divisionem aut sectionem quandam Filium ex Patre subsistere. Fieri enim non posse, ut materiæ expers, & intellectualis atque incorporea natura, corpoream ullam affectionem admittat: sed divinis arcanisque rationibus id esse intelligendum. Ac sapientissimus quidem & religiosissimus Imperator ita tum philosophatus est: episcopi vero, occasione vocis illius, consubstantialis, hujusmodi formulam conscripserunt. Fides in concilio edita. Credimus in unum Deum, &c. Hæc itaque gessit in synodo Nicæna, ipso teste, Eusebius Cæsariensis: qui etiam eo circiter tempore, orationem habuit de laudibus Constantini Imperatoris, ut scribit lib. 1. de ejus vita cap. 1. pag. 45. A. Nos quoque ipsi nuper eundem victorem ac triumphatorem, cætu famulorum Dei circumseptum, laudatione in ejus vicennialibus dicta venerati sumus.*

Anno 331. interfuit synodo Antiochenæ ubi sanctus Eustathius hujus sedis Patriarcha depositus est ab episcopis Arianis, ceu qui Sabellii impietatem adstrueret, sed reipsa quod strenuus esset fidei Nicænæ assertor, quodque Eusebium Pamphili, inquit Sozom. lib. 2. hist. eccl. cap. 19. pag. 469. B. Paulinum Tyri, ac Patrophilum Scythopoleos... tanquam Arianos avversaretur, palamque eos accusaret. Et paulopost subdit idem Sozomen. Porro hi qui Eustathium deposuerant, eaque de causa Antiochiæ erant congregati, quum apud se reputassent, si ex opinionis suæ sectatoribus aliquem Imperatori probe cognitum, & eloquentiæ ac doctrinæ laude florentem Antiochenæ sedi præficerent, reliquos deinceps facile sibi assensuros esse, commodum fore existimarunt Antiochenensis ecclesiæ administrationem Eusebio Pamphili tradere. Scribunt itaque ad Imperatorem ea de re, plebi quoque id gratissimum esse significantes. Hoc enim postulaverant, quotquot, tum ex clero, tum ex plebe, infensi erant Eustathio. Verum Eusebius quidem, scriptis ad Imperatorem



litteris, sedem illam recusavit: Imperator vero A detrectationem ejus laudans.... scripsit ad Eusebium, & consilium ejus probans, felicem illum vocavit, qui non unius civitatis, sed totius orbis episcopatu dignus haberetur. Eusebius ipse lib. 3. vitæ Constantini capp. 60. 61. & 62. p. 516. & seqq. litteras tres hujus Imperat. ea de re scriptas tradit: primam quidem ad populum Antiochenum, tertiam ad synodum in ea civitate congregatam, quibus mandabat ne Eusebium Cæsarea abstraherent, ipso nolente, sed alium Eustathio subrogarent; secundam vero ad ipsummet Eusebium.

Anno 334. synodo Cæsareæ habitæ adversus Athanasium præsens fuit, ut narrat Theodoretus lib. 1. hist. eccl. c. 28. Persuadent igitur (scilicet Eusebiani) Principi, ut Cæsareæ in Palæstina synodum cogat, ubi plures erant infensi Athanasio, ibique causam illius jubeat judicari. Imperator vero fidem illis habens ut sacerdotibus: fraudulenta enim eorum consilia penitus ignorabat, id fieri præcepit. Verum divinus Athanasius, quum perspectam haberet judicium malevolentiam, ad concilium non venit. Hinc validiorem ansam calumniandi arripientes ii qui veritati bellum indixerant, præter alia crimina, tyrannidis etiam & contumaciæ coram Imperatore eum insimulant. Neque vero spe sua prorsus frustrati sunt. Etenim Imperator, alioqui clementissimus, eorum verbis exasperatus, scripsit ad Athanasium, iram suam satis ei prodens, & ut Tyrum pergeret, mandavit. Hic enim synodum congregari jussit, conjectans, ut opinor, suspectam esse Athanasio Cæsaream ob illius urbis antistitem. Anno itaque sequenti 335. congregata est Tyri synodus, in qua depositioni Athanasii, cum cæteris ejusdem adversariis, subscripsit D Eusebius Cæsariensis: quum deinde episcopi qui illuc convenerant jussu Imperatoris Hierosolymam se contulissent, ad celebranda encænna magnæ basilicæ quam ipse in honorem Christi ibidem extruendam magnificentissime curaverat, idem Eusebius hanc solemnitatem variis concionibus ornavit. Qua absoluta, ipse & quinque alii episcopi Constantinopolim profecti sunt de gestis in synodo Tyria adversus Athanasium rationem Imperatori reddaturi, quem sic in eum commoverunt, ut illum Treviros relegaverit. Tunc vero Eusebius E Cæsariensis orationem coram eodem Imperatore pro ejus tricennalibus pronuntiavit. Obiit circa annum 338. certe ante necem Constantini fratris Constantii, quæ contigit an. 340. Socrates enim lib. 2. hist. eccl. capp. 4. & 5. ait: Inter hæc mortuo Eusebio Cæsareæ Palæstinæ urbis episcopo, cui cognomentum Pamphili, Acacius ejus discipulus episcopatum suscepit, &c. Nec multo post Constantii Imperatoris frater patri cognominis, Junior Constantinus dum

in partes Constantis fratris sui natu minoris conatur invadere, conferto cum militibus ejus prælio, interficitur, Consulatu Acindyni & Proculi.

Eusebius vir incredibilis eruditionis fuit, inquit Natal. Alexand. 10. 4. in-fol. hist. eccl. sæc. IV. cap. 6. ar. 5. p. 104. & seq. ut ejus opera testantur, quæ ipse Nat. Alexander, & adhuc accuratius Tillem. lib. 7. hist. eccl. p. 48. & seqq. enumerant. Sunt autem.... 1.º Chronicon à nativitate Abrahami usque ad annum tertium Olympiadis 276. Æræ Christianæ

B 326. Illud ipse commemorat lib. 1. hist. eccl. cap. 1. S. Hieronymus vero Latine reddidit, multisque auctum ad Romanam historiam spectantibus, ad annum usque tertium Olympiadis 289. Chr. 379. perduxit . . . . . 2.º Liber adversus Hieroclem Nicomediensem, qui Apollonium Tyaneum multo plura & majora fecisse, quam Christum, impie asserbat. . . . . 3.º Apologia quam pro Origene confecit sex libris, partim una cum S. Pamphilo martyre, ut ipse Eusebius testatur, & partim solus post ejus mortem: primus ex illis adhuc C superest Latine translatus à Rufino. . . . . 4.º Tres libri de vita ejusdem Pamphili martyris, qui ad nos non pervenerunt. . . . . 5.º De Evangelica Præparatione, ad Theodotum episcopum libri quindecim, in quibus tum chronici meminit, tum etiam nonnullorum librorum quos non habemus. . . . . 6.º De Evangelica demonstratione libri viginti, è quibus quindecim tantum supersunt. Tillem. pag. 53. ait non superesse ex eo opere nisi decem libros; initium autem primi & finem decimi deesse. . . . . 7.º Libri adversus Porphyrium, de quibus hæc observat Valesius in vita Eusebii p. 8. linea 4. « Quod subjicit Scaliger in Animadversionibus Eusebianis edit. ultimæ pag. 250. . . . . tres « postremos Evangelicæ demonstrationis libros, « 18. scilicet, 19. & 20. ab Eusebio scriptos esse « contra Porphyrium, in eo manifeste hallucinatur: scribit quidem Hieronymus, Eusebium tribus voluminibus, hoc est, 18. 19. & « 20. respondisse Porphyrio, qui in libro 12. « ac 13. eorum quos contra Christianos edidit, « librum Daniëlis Prophetæ convellere tentaverat: sed Hieronymus non libros Eusebii de « demonstratione Evangelica intelligit, ut putavit « Scaliger, sed libros ab eo contra Porphyrium « elaboratos; qui ἐλέγχου καὶ ἀπολογίας (id est « Confutatio & Apologia) inscribebantur, uti « colligere est ex Biblioth. Photii (cod. 13.) » . . . . . 8.º Ecclesiastica historia, quam licet decem libris à Christo Domino usque ad xx. imperii Constantini annum, id est 325. deducat, propriè tamen finit cum libro nono ad finem persecutionis ecclesiæ post obitum Maximini anno 313. ut advertit Tillem. supra cit. p. 55.



Unde liber decimus, appendix potius est circa A pacem redditam ecclesiæ à Constantino, quam vera historia: in eo enim libro decimo præcipuorum episcoporum seriem non prosequitur, nihil amplius de conciliis exinde coactis habet, nihil de ipsa synodo Nicæna. De hoc Eusebii opere sic paucis iudicium tulit Photius, in Biblioth. cod. 196. *Eusebius cujus gravis est in historia, non item in dogmatibus, fides.* Inter omnes hujus auctoris libros maximè celebratur: « Multi quippe, inquit Valesius, post medium pag. 8. ante Eusebium, » pro Christianæ fidei defensione libros conscripserant.... sed qui rerum ecclesiasticarum » historiam posteris traderet, nemo ante Eusebium extiterat.... Certe quum multi post eum » reperti sint, qui illius exemplo incitati res » ecclesiasticas scriptis prodere aggrederentur: » omnes tamen ab iis temporibus historiam » suam exorti sunt, in quibus Eusebius noster » opus suum terminaverat; superiorum vero » temporum historiam.... integram ei atque » intactam reliquerunt. Quamobrem si quis » illum *Ecclesiasticæ historiæ patrem & conditorem* appellare voluerit, is profecto non absurde nec immerito id cognomen illi impositurus videtur. » Idem Valesius, hujus edit. pag. 319. tractatum Eusebii *de Martyribus Palæstinæ*, lib. 8. hist. eccl. subjunctum, & post cap. 17. positum, sejunxit ab eo libro, uti specialem librum quem Eusebius ipse promiserat lib. 8. c. 13. p. 308. D. his verbis: *Nos vero ea quibus ipsi interfuimus, alio in opere posterorum notitiæ commendabimus.* Novis itaque capitibus tractatum illum, post cap. 17. insignivit, præmissis, tum post illud cap. 17. pag. 316. D. his verbis: *Finis libri octavi historiæ ecclesiasticæ*, tum subjunctis pag. 317. A. & seq. B. duabus appendicibus Græcè & Latine, quarum tituli sunt, prioris quidem: *In quibusdam exemplaribus hoc quasi supplementum libri octavi reperitur*: posterioris vero; *Hoc quoque in quodam exemplari reperimus in libro octavo.* Subdit autem Valesius in annotat. pag. 171. col. 2. C. » Antequam manuscriptos codices inspexissem, » existimabam hæc verba (modo allata) addita » esse à Roberto Stephano, qui hæc duo supplementa octavi libri in quibusdam codicibus » reperisset. Sed quum in omnibus mss. exemplaribus eadem verba deprehenderim, facile adducor ut credam, omnes illos codices ex » uno eodemque exemplari descriptos fuisse.... » 9.º Præfatus Valesius observat in iisdem annotationibus pag. 102. col. 2. C. opus intercidisse inscriptum *Passiones Martyrum*, quæ Græcè *μαρτυρία* dicuntur, ab Eusebio collectas, partim ex actis judicialibus, partim ex epistolis fidelium, cujus operis mentionem ipse facit lib. 4. hist. eccl. cap. 15. post Martyrium sancti

Polycarpi, p. 135. D. aiens, *quam* (epistolam) nos in opere de priscis Martyribus, quorum passionibus collegimus, ordine suo inseruimus. Item in Procemio lib. 5. p. 153. A. *Et acta quidem ipsa, quibus plenissima harum rerum narratio continetur, in opere de Martyribus integra à nobis inserta sunt.* Et cap. 21. ejusdem lib. 5. ad calcem martyrii quod Apollonius Romæ perpeffus est, pag. 189. D. Porro cuncta ab illo in iudicio dicta, & quæcunque Perenni interroganti respondit, & orationem illam quam pro fidei nostræ defensione in senatu habuit, quisquis nosse voluerit, ex antiquorum martyrum passionibus à nobis collectis poterit percipere, & τῆς τῆς ἀρχαίων Μαρτυρίων συναχθείσης ἡμῶν ἀναγραφῆς εἴσεται. Hoc opus inscriptum erat ἀρχαίων Μαρτυρίων συναγωγή. Priscorum Martyriorum collectio: quod (opus) postea, subdit Valesius ibid. Symeon Metaphrastes in collectionem suam transfudit. Porro, quum nunc non suppetat illud Eusebii opus *de Martyribus* per totum orbem, qui ad notitiam ejus venerant, & ad quod ipse sæpius remittit, quo etiam usus est Symeon Metaphrastes in sua compilatione, (ea tamen pro more suo interpolando acta) minime sequi videtur, vel non extitisse, vel notos Eusebio non fuisse illustriores quosdam martyres, ex eo quod illorum ipse non meminerit sive in hist. eccl. sive in tractatu de Martyribus Palæstinis, sive in chronico, aut alibi. Hoc ergo sit Eusebii opus nonum.... 10.º Quinque libri *adversus Marcellum Ancyranum*, quem Sabellianum contendebat Eusebius, jure ne an immerito non est hujus loci explorare, nec vacat. Horum vero tres ultimi libri *de Theologia Ecclesiastica* inscribuntur.... 11.º *Vita Constantini Imperatoris* quatuor libris, qui sunt post ejus historiam ecclesiasticam, in eodem volumine edit. Vales.

Plura alia protulit Eusebius volumina. Certe Hieronymus in catalogo scriptorum illustr. cap. 81. hæc de ejus operibus prodit: *Eusebius Cæsareæ Palæstinæ episcopus, in scripturis divinis studiosissimus, & bibliothecæ divinæ cum Pamphilo martyre diligentissimus peruestigator, edidit infinita volumina. De quibus hæc sunt: Ευαγγελικῆς ἀποδείξεως (Evangelicæ demonstrationis) libri viginti. Ευαγγελικῆς προεργασίας (Evangelicæ præparationis) libri quindecim. Θεοφανείας (Dei apparitionis) libri quinque. Ecclesiasticæ historiæ libri decem. Chronicorum canonum omnimoda historia, & eorum ἑπιτομή, & de evangeliorum diaphonia, in Esaiam libri decem, & contra Porphyrium.... libri triginta, de quibus ad me viginti tantum pervenerunt. Ἐπικόν liber unus. ἀπολογία pro Origene libri sex. De vita Pamphili libri tres. De martyribus alia opuscula. Et in 150. Psalmos*



*eruditissimi commentarii: & multa alia.* In Aprocemio libri de locis Hebraïcis, meminit etiam ejus *Topographiæ terræ Judææ*. Legendus Tillemont. supra citatus, ab articulo v. vitæ Eusebii, usque ad articulum xi.

Quod ad fidem ejus attinet; illam profecto non mediocriter labefactant, tum indivulsa ipsius unio cum pestiferis Arianorum signiferis; tum susceptæ cum illis adversus Eustathium, Athanasium, cæterosque fidei Nicænæ athletas, machinationes, ut eos quibuscumque artibus, fraudibus, & calumniis, deponendos curarent, inque illorum locum episcopos substituerent Arianos: tum denique sexcentæ, ut sic loquar, quibus ejus opera, ipsa etiam quæ concilio Nicæno posteriora sunt, scatent expressiones Ariano errori faventes, quas profecto accuratissime vitare debuisset, utpote qui jam de Ariana hæresi valde suspectus erat, si ea revera hæresi non laborasset. Multas hujusmodi refert Natal. Alexand. tom. 4. in-fol. hist. eccl. dissert. 17. pag. 240. & seqq. Sed de Eusebio satis.

## XII. ACACIUS.

Eusebio anno circiter 338. mortuo successit Acacius ejus discipulus, qui quidem, inquit Socrates lib. 2. hist. eccl. cap. 4. & alios complures edidit libros: & de vita præceptoris sui Eusebii specialiter scripsit. Idem quoque asserit Sozom. lib. 3. cap. 2. p. 499. C. Quum Eusebius Pamphili migrasset è vita, episcopatum Cæsareæ in Palæstina suscepit Acacius: Qui, utpote studiosus imitator Eusebii, & in sacris litteris ab eodem institutus, & copiosus in sententiis, & in dicendo elegans fuit; adeo ut plurimos libros haud quaquam contemnendos reliquerit. Multa de eo Cæsariensi episcopo supra dicta sunt, col. 157. & seqq. sub Cyrillo Hierosolymitano, quæ hic repetere necesse non est. Anno 341. Antiochenæ synodo habitæ in encæniis ecclesiæ illic à Constantino ædificari cœptæ, & à Constantio filio absolutæ interfuit, præsentem ipso Imperatore, Consulatu Marcellini & Proбини. Ibi, inquit Socrat. lib. 2. hist. eccl. cap. 8. pag. 85. A. Eusebiani ante omnia Athanasium calumniari studuerunt; primum quidem quod contra regulam, quam ipsi primum constituerunt, episcopatus sui locum absque decreto communis episcoporum concilii recuperasset. Quippe ab exilio reversus, suo prout arbitrio ecclesiam occupaverat, &c.

Anno 347. Sardicam ad concilium quod cogeatur accessit, statimque secessit cum cæteris Eusebianis Philippopolim, eorumque conciliabulo interfuit & subscripsit, tom. 2. concil. Labb. col. 701. A. Interim vero cum præcipuis Eusebianorum præsulibus à synodo Sardicensi depositus est, quæ sententia con-

temta, munia episcopalia nihilominus gerere perrexit, & Arianæ hæresi totis viribus ut antea patrocinatus est. Anno 355. synodo Mediolan. adversus Athanasium interfuit & subscripsit. Tabellam recitat Baron. ad ann. 355. num. 22. Novam edidit fidei formulam, quam in synodo Seleuciensi legendam obtulit anno 359. apud Socrat. ibid. cap. 40. pp. 148. & 149. Sed quum hæc filium Patri similem enuntiaret, *quærebant inter se* (episcopi) subdit idem Socrates pag. 151. B. C. *qua in re Filius esset similis Patri. Et Acaciani quidem sola voluntate similem esse dicebant, non autem substantia: reliqui omnes etiam substantia similem Patri esse Filium asserebant. De hac questione inter se altercantes, totum diem contrivere; & Acacium confutabant quod in libris quos à se scriptos ediderat, Filium Patri per omnia similem esse dixisset. Quomodo, aiebant, negare nunc audes Filii cum Patre similitudinem secundum substantiam? Tum Acacius; neque ex recentioribus, inquit, neque ex verstioribus quisquam, ex libris suis judicatus est, &c.* Libellus ille Acacii subscriptus erat à 43. episcopis,

quorum 39. nomina profert Harduin. to. 1. conc. col. 725. secundus est Acacius in hunc modum *Acacius episcopus Cæsareæ sic fidem exposui, & profiteor ita me sentire, ut scripsi.* Iisdem verbis subscripsit primo loco Georgius Alexandrinæ sedis inuasor. Cæteri nomen suum duntaxat & ecclesiæ suæ scripserunt.

Præfatus Socrates pag. seq. 152. B. ait Acacium in ea synodo fuisse depositum, quod accersitus se præsentem sistere recusasset, ut rationem redderet cur Cyrillum Hierosolymitanum deiecisset episcopatu. Ipse postea Meletium Sebastæ in Armenia antistitem ad Antiochenam sedem transferendum fategit anno 361. ut significaret, teste Epiph. hær. 78. se à perversa Arianorum sententia abhorreere. Quin & consubstantialitatis dogmati subscripsit anno 363. in synodo Antiochena cui Meletius præerat, sub Joviano Imperatore. Libellum hac in re editum, Imperatori oblatum, & 27. episcoporum subscriptione firmatum, inter quos, sicut Meletii ita & Acacii Cæsariensis nomen legitur, recitat idem Socrates lib. 3. hist. eccl. pag. 203. D. & pag. seq. 204. Quin Philostorgius Arianus, lib. 5. hist. eccl. ad calcem hist. eccl. Theodoret & Evagrii, pag. 498. D. ait: Porro Acacius, quum Basilium quidem (Ancyranum) ob privatas inimicitias, Aetium vero ob dogmatum discrepantiam deposuisset, & in exilium trussisset; Cæsaream rediens (anno 360.) in ecclesiis quæ pastore suo viduatæ erant, eos episcopos constituit, qui consubstantialis fidem profiterentur, &c. Et Meletius ex urbe Armeniæ Sebastia accitus, in Antiochena sede ab eodem Acacio collocatus est



est vice Eudoxii. In Semi-arianorum synodo A Lampfaci in Hellesponto congregata circa annum 365. Acacium damnatum fuisse refert Socrates lib. 4. hist. eccl. cap. 4. pag. 213. B. Lampfacum convenere, inquit, .... anno septimo post illam synodum quæ Seleuciæ fuerat congregata. Ibi Antiocheni concilii fide denuo confirmata, cui etiam Seleuciæ subscripserant, illam quæ Arimini edita fuerat ab episcopis quibuscum ipsi prius consenserant, anathemate damnaverunt. Et contra eos qui cum Acacio & Eudoxio erant, tanquam jure depositos, iterum tulere sententiam. Obiit Acacius anno circiter 365. aut 366. Ejus autem operum fragmenta tantum supersunt.

## XIII. PHILUMENUS.

## XIV. CYRILLUS senex.

## XV. EUZOIUS.

Horum trium episcoporum, Philumeni, Cyrilli, & Euzoii, qui Acacio Cæsareæ in Palæstina præfui successerunt, meminit Epiphani. hæc. 73. num. 37. pag. 885. C. ubi ait: Ex hoc enim grege Cæsariensis Euzoiius prodiit illorum discipulus, qui post Acacium ei sedi præfuit, quum ante Philumenus à Cyrillo Hierosolymitano in illa constitutus fuisset: ac deinde Cyrillus senior ibidem ab Eutychio collocatus: ac demum Gelasius à Cyrillo Hierosolymitano cujus sororis erat filius, rursus esset impositus. (De Gelasio infra agemus, quia post Euzoium restitutus, pluribus annis ecclesiam Cæsariensem pacifice gubernavit.) Quum enim hi tres illic ordinati forent, & ob mutuas simultates dignitate cessissent, postmodum Euzoiius sedem illam obtinuit. De eo Euzoio Hieronymus in catalogo scriptor. eccl. cap. 113. sic loquitur: Euzoiius apud Thespeum rhetorem, cum Gregorio Nazianzeno episcopo, adolescens Cæsareæ eruditus est, & ejusdem postea urbis episcopus, plurimo labore, corruptam bibliothecam Origenis & Pamphili, in membranis instaurare conatus est: ad extremum sub Theodosio principe ecclesia pulsus est. Feruntur ejus varii & multiplices tractatus, quos nosse perfacile est. Anno itaque 379. quo Theodosius renuntiatus est Imperator à Gratiano, Cæsariensi ecclesiæ adhuc præerat Euzoiius.

## XVI. GELASIUS I.

Jam diximus, ex Epiphanio, Philumenum, post Acacii mortem, deinde Gelasium, constitutos fuisse, à Cyrillo Hierosolymorum antistite, Cæsareæ in Palæstina episcopos, sed utrumque, ac Cyrillum etiam senioresem quem Euty chius in eadem sede ante Gelasium collocaverat, fuisse dejectos, eisque suffectum Euzoium Arianum, qui ea dignitate potitus

Tomus III.

est usque ad Theodosii Magni inaugurationem anno Christi 379. Scilicet hujus Imperatoris jussu pulso Euzoio, Gelasius iterum ecclesiæ Cæsariensis administrationem sumsit. Secundæ synodo generali Constantinopoli habitæ anno 381. interfuit, eique post Cyrillum subscriptus legitur hoc modo, tom. 2. conc. Labb. col. 955. C. Cyrillus Hierosolymitanus. Gelasius (sive Thalassius) Cæsariensis. De illius synodi episcopis loquens Theodoretus lib. 5. hist. eccl. cap. 8. ait: Erant autem viri admirabiles & zelo divino ac sapientia singulari præditi, Helladius scilicet, &c. Cyrillus item Hierosolymorum, & Gelasius Cæsareæ Palæstinæ vir doctrina simul & sanctitate vitæ conspicuus. Idem Theodoretus dialogo 1, tom. 4. pag. 31. C. citat quædam ejus verba ex concione de Apparitione Domini: Si autem etiam veteres Palæstinos vis audire, inquit, præbe aures admirando in primis Gelasio, qui Cæsariensem ecclesiam diligenter excoluit. Leontius quoque Byzantinus lib. 1. operis contra Nestorium & Eutychem, tom. 9. Bibl. Patr. VI. sæc. Lugdun. 1677. pag. 684. col. 1. C. D. quædam verba refert sancti Gelasii episcopi Cæsareæ Palæstinæ & confessoris, unius ex Patribus synodi Constantinopolitanæ 150. ex interpretatione symboli. Vivebat adhuc Gelasius iste anno 394. quo affuit alteri synodo Constantinopoli etiam celebratæ, in qua causa duorum episcoporum eundem Bostiensem (Bostrensem) episcopatum sibi vindicantium definita fuit, ut legitur, tum 10. 2. conc. Labb. col. 1152. B. tum lib. 4. Juris Græco-Romani pag. 247. In consulatu ..... Flavii Arcadii Aug. III. & Honorii II. 3. kal. Octob. in Bap-  
D tisterio sanctissimæ Constantinopolis ecclesiæ, sedentibus sanctissimis episcopis, Nectario Constantinopolis, Theophilo Alexandrino, Flaviano Antiocheno, Palladio Cæsareæ Cappadociæ, Gelasio Cæsareæ Palæstinæ, &c. S. Hieron. in catalogo scriptorum eccl. cap. 130. ejus meminit ut superstitis: Gelasius Cæsareæ Palæstinæ, inquit, post Euzoium episcopus, accurati limatique sermonis, fertur quædam scribere, sed celare. Huic Gelasio, non autem Gelasio Cyziceno qui illo posterior est & scribebat sub Basilisco & Zenone Imperatoribus sæculo  
E sequenti, attribuenda venit translatio historiæ eccl. Ruffini de Latino in Græcum sermonem, quam Theodoretus, Socrates, & Sozomenus nonnunquam laudant. Nam Photius codice 89. de Gelasii hujus translatione hæc observat: Gelasii Cæsareæ Palæstinæ episcopi, Proæmium in additamentum ad ecclesiasticam historiam Eusebii Pamphili, &c. Prædicat (scilicet ille scriptor) se avunculum habuisse Cyrillum Hierosolymorum episcopum, qui & sibi ad hæc ipsa scribenda auctor fuerit. Alibi autem

N n



legendo hoc quidem comperi Cyrillum ipsum, cum hoc Gelasio, Ruffini Romani historiam in Græcum vertisse sermonem, non vero propriam suam aliquam condidisse. Et rursus: Hic certe Gelasius diserta quoque dicendi formula ab illo (Cyziceno) discrepat, &c. Obiit Gelasius exeunte anno 394. vel initio sequentis 395. ut modo palam fiet.

## XVII. JOANNES.

Joannes ad sedem Cæsariensem evectus est initio anni 395. siquidem sanctus Porphyrius promotus ab eo & ordinatus fuit eo anno episcopus Gazensis mense Martio vel Aprili. Id colligit Tillemont. *10. 10. hist. eccl. pp. 705. & 850.* ex ejusdem Porphyrii tempore obitus, quem auctor ejus vitæ Marcus, illius discipulus & per 30. annos socius, his verbis consignat, apud Bollandum *tom. 3. Febr. die 26. cap. 12. num. 103. pag. 661. col. 2. D. In pace dormiit cum sanctis (Porphyrius) secundo mensis Distri (id est die 26. Febr.) anno, ut est Gazæorum computatio, quadringentesimo octogesimo (Bollandus censet esse annum Christi 421. & Tillem. 420.) episcopatus ab eo gesti vigesimo-quarto, mense undecimo (Græci in Menæis de mensibus undecim ultra 24. annos exponunt.) Bollandus tamen ordinationem Porphyrii in episcopum Gazæ adscribit anno Christi 396. ejusque mortem anno 421. Porphyrium comitatus est Joannes Cæsariensis quum ille Constantinopolim perrexisset, die 18. Decemb. anni 400. petiturus ab Arcadio Imperatore ut sibi liceret templa paganorum Gazæ constructa destruere: reversus est etiam cum illo, obtentis votis, anno sequenti 401. & postquam aliquot dies Gazæ commoratus esset, profectus est Cæsaream, inquit auctor vitæ Porphyrii, *cap. 8. n. 62. col. 2. D. quem Christiani omnes & sanctus episcopus (Porphyrius) deduxerunt usque ad duo milliaria.* Obiit Joannes ante elapsum annum 404. Nam sanctus Joannes Chrysostomus ad Eulogium scripsit ejus successorem illo anno Cucuso loco sui exilii, *epistol. 87.**

## XVIII. EULOGIUS.

Eulogius anno 404. ut modo dictum est, jam episcopus Cæsareæ in Palæstina erat, quum S. Joannes Chrysostomus epistolam suam 87. ei scripsit, quæ extat *10. 4. operum Græco-Latin. hujus sancti, Fronton. Ducæi edit. Par. 1636. pag. 729. D. & nov. edit. 10. 3. pag. 639. C.* In ea epistola sic loquitur: Nunc quoque Cucusi manentes, hoc est in desertissimo nostri orbis loco, benignitatem tuam, suavitatem, morum facilitatem, sinceram animi propensionem, acrimoniam, zelum quovis igne

Aferventiolem, cæteras denique omnes tuas virtutes cum animis nostris reputare, atque ejusmodi cogitationum memoriam summa cum voluptate usurpare, mentisque tuæ firmitatem atque constantiam, quam adversus eos qui veritati bellum intulerunt, orbemque tot scandalis impleverunt, apud omnes prædicare minime desinimus; etiamsi alioqui hoc linguæ nostræ officium minime requiras, quum tu, quavis tuba clarius, apud omnes Orientales, & quam longissime diffitos homines, per res ipsas id promulgaris. Quo quidem nomine gratias tibi agimus, teque beatum prædicamus ac suspicimus, atque hortamur ut eundem zelum præ te ferre pergas, &c. Et paulo-post: Quod autem pietate tua ad hunc modum se gerente, omnes Domini mei reverendissimi & religiosissimi Palæstinæ episcopi vestigiis tuis hæsurî sint minime tibi dubium esse credo, &c.

Verum postea ille iste Eulogius Theophilo Alexandrino, aliisque Joannis Chrysostomi adversariis sese ita adjunxit, ut unus è præcipuis esset qui sanctissimi hujus Patriarchæ amicos insectati sunt. Id Palladius diaconus explicat in dialogo de vita sancti Chrysostomi non multum longe ante finem: In tantam vero, inquit, acerbitalis insaniam episcopi omnes de communione Theophili per totum Orientem, sicuti monachus rediens retulit, devenerunt, ut ex his plerique non modo debitam humanitatem non exhiberent; verum milites datis muneribus inducerent, ut eos ocius civitatibus pellerent. Sunt autem qui ista gessere, Tarsensis & Antiochenus, & Cæsariensis (in edit. Emerici Bigotii Lutet. Paris. 1680. pag. 200. sunt autem qui hæc præcipue fecere Tarsi & Antiochiæ episcopi, atque Eulogius Cæsareæ Palæstinæ, καὶ Εὐλόγιος ὁ Καισαρείας τῆς Παλῆστίνης) . . . . . partim donis, partim etiam minis militum animos contra eos ita commoventes, ut ne laicos quidem eos excipere hospitio cupientes permitterent.

Ejus tempore contigisse censet Tillemont. *tom. XI. hist. eccl. pag. 518.* ubi de Palladio agit auctore Laufricæ hist. quod auctor iste scribit in illa historia *cap. 141. Bibl. Græco-Latin. veter. Patr. edit. Paris. 1624. tom. 2. pag. 1042. & seqq.* de quodam Eustathio lectore quem episcopus Cæsareæ in Palæstina temere deposuit. Auctor ille scribebat anno 419. aut 420. quinquaginta tres annos natus. Cujusdam presbyteri filia virgo in Cæsareâ Palæstinæ lapsa, ab eo qui ei vitium attulerat docta fuerat, ut quemdam civitatis lectorem calumniaretur; & quod corrupta esset, in eum culpam conferret . . . . . nominavit lectorem. Hoc quum audiisset presbyter (pater filiæ seductæ) conturbatus retulit ad episcopum. . . . . episcopus (autem) convocavit concilium sacerdotum, fecitque vocari



lectorem, deque eo habuit quæstionem, rem examinans. Rogatus autem ab episcopo rem non fatebatur lector: nam quod factum ab ipso non fuerat quomodo dici poterat? ægrè ergo ferens episcopus gravissima voce ei dicebat: Non fateberis lapsum tuum ut agas pœnitentiam, ô infelix & plene immunditia! Respondebat lector: Rogo te, dixi, id quod res est, hanc rem ad me nihil pertinere: plane enim culpa careo, ut qui de ea ne cogitaverim quidem: sin autem vultis audire id quod non est, dicam, feci. Hoc quum ipse dixisset, deposuit eum episcopus ab officio lectoris. Post hoc cadens ad pedes episcopi, rogavit dicens: si hoc tibi visum est, Domine episcope, ut quoniam dixi, Næ, lapsus sum, sin de gradu ecclesiastico dejectus, & non sin dignus esse clericus tuæ sanctitatis, jube ut mihi ab hoc tempore ea detur in uxorem; neque enim ego sum deinceps clericus, neque illa virgo. Quum hæc audiisset episcopus, & presbyter, eam tradidit pater ejus lectori sperans fore ut juvenis bene esset in eam affectus, & alioqui credens non posse eum abstrahi à consuetudine. Quum eam autem adolescens accepisset in manus ab episcopo, & ejus patre, eamque esset consolatus, abduxit & deposuit in monasterio mulierum, rogans eam quæ illic erat prima ministra fraternitatis, ut eam illic tolerarent usque ad partum ejus. Illa vero relicta in monasterio, lector abiens se ipsum inclusit in cella sordida, vitæ summam suscipiens asperitatem, ad Christum accedens in corde contrito cum multis lacrymis & gemitibus. Tu, Domine, meas actiones nosti, qui scis omnia, &c. Est ergo tui justus & immutabilis judicium, jus quoque meum pronuntiare. Efficaciter autem orante adolescente, & in jejunio diligenter perseverante, intra breve tempus adfuerunt dolores ejus (mulieris corruptæ) partus. Quumque advenisset hora, adfuit etiam justum Dei judicium, asserens vehementem & intolerabilem dolorem ei quæ fuerat calumniata (lectorem.) Gemituum immensa multitudo, labores partus inenarrabiles, inferni suppliciorum visiones terribiles, hanc miseram fortiter obsidebant, (nec poterat parere.) Præterit dies primus & secundus, & dolores erant intolerabiliores: adventavit tertius & quartus, & sequutus est dolor multis partibus gravior: quintus & sextus & septimus tenebrosus, & infelix E mulier ex multo dolore versabatur in inferis. In omnibus his diebus mansit, neque omnino cibum sumens, nec tantillum somnum videns, sed luctibus & gravissimis dolorum tormentis succedentibus. . . . . lugubri voce exclamat: Hei mihi misera venio in periculum ne peream, ut quæ in duo mala inciderim, nempe in calumniam & fornicationem. . . . . Et quum mihi sit ab alio allatum vitium, accusavi lectorem. Quum hæc autem audiissent virgines monasterii, patri ejus

Tomus III.

A omnia renuntiarunt. Pater autem veritus ne condemnaretur ut calumniator, quum non adhiberet fidem dictis, silet duos dies: Rursus autem misera, se invicem excipientibus acerbis afflictabatur doloribus, quum non posset deinceps vel vivere, vel mori. Quumque id effugit, oritur dies octavus & rursus nonus, gravissimis perpetuarum vertiginum tenebris eam offuscantes. Quum ergo ejus magnos ejulatus non ferret conventus, hæc cursum festinantes renuntiant episcopo, jam esse nonum diem. . . . . nec posse parere, quod lectorem sit calumniata. Episcopus B autem quum hæc audiisset à virginibus, ad lectorem mittit duos diaconos, ei omnia significans, & ut pro ipsa oraret, ut misera mulier liberaretur. . . . Egregius autem adolescens, neque eis dedit responsum, nec aperuit ostium, sed à quo die ingressus est in cellam, non exiit, implens consuetam regulam jejunii, & Deo preces fundens. Flexus autem pater, & filix suæ misertus, veniens ad episcopum eum valde rogavit ut pro ea orationes fierent in ecclesia. Et quum pro ea preces fusæ essent ab omnibus ad Dominum, ne sic quidem misera liberata est. . . . Ejus enim qui C per calumniam fuerat accusatus orationes Dominum moventes, arcebant ne eorum preces admitterentur. His sic gestis surgens episcopus ivit ad cellam in qua erat lector, & quum pulsasset ostium, nolebat is aperire. Quum diu autem foris fuisset episcopus, ille autem intus, jubet episcopus tolli ostium, & ingressi invenerunt adolescentem in oratione perseverantem, & humi procumbentem. Quem multum rogans episcopus ei dicit, frater Eustathi lector, in apertum prolata calumnia Dei providentia & exauditis tuis orationibus, miserere ejus quæ in te D peccavit, quæ tormentorum flagellis fuit excruciat, &c. Quum autem inclutus lector intense oraret simul cum episcopo, statim misera liberata est, enixa infantem, rogans omnes ut ei remitteretur iniquitas, ipsius justis intercessionibus: & illum egregium virum habuerunt omnes deinceps loco martyris. Nam quum se liberasset ab omni sollicitudine, pervenit ad summum vitæ quæ ex virtute agitur, adeo ut is sit dignus habitus spiritali gratia. Vivebat adhuc Eulogius in fine anni 415. synodo quippe Diospolitana, in qua hæresis Pelagiana damnata est, & absolutus Pelagius, præfuit. Certe S. August. lib. i. cont. Julian. cap. 5. de ea synodo ait: Habemus alios Orientales episcopos 14. Eulogium (Cæsariensem) Joannem (Hierosolymitanum) Ammonianum, &c. qui Pelagio judices præfederunt: eumque ut homines, nullo ex altera parte urgente adversario, putantes catholicum, tanquam catholicum pronuntiaverunt. Hujus synodi acta recensentur tom. 2. concil. Labb. col. 1529. & seqq. Obiit, dum Praylius Hierosolymitanæ ecclesiæ præsidebat, id est vel N n ij



anno 417. vel non multo post: nam Praylius A  
paucis annis sedit.

## XIX. DOMNINUS.

De illo *Domnino* nihil aliud nobis com-  
pertum est, quam eum, licet digamus esset,  
à Praylio, qui sedem Hierosolymitanam con-  
scendit ante medium annum 417. & quibus-  
dam duntaxat annis illi ecclesiæ præfuit, fuisse  
consecratum. Id quippe discimus ex Theo-  
doreto, qui Domno Antiocheno præfui pro  
Irenæo quodam ob secundas nuptias ante  
episcopatum initas exauctorato scribens 10. 3. B  
*edit. Græco-Lat. Paris. 1642. epist. 110. pag.*  
*980.* B. inter alia exempla, istud Domnini  
commemoratur: *Eodemque modo, inquit, beatus*  
*Praylius Dominum Cæsareæ (ordinavit) qui*  
*digamus item erat.*

## XX. GLYCON.

In Indice Latino episcoporum qui synodo  
Chalcedonensi anno 451. per se vel per vi-  
carios affuerunt, & subscripserunt, 10. 4. conc.  
Lab. col. 788. C. legitur post *Juvenalem Hie-*  
*rosolymitanum*, inter episcopos *Palæstinæ primæ,* C  
*Glucon Cæsariensis per Sosimum episcopum Edi-*  
*nensem.* Hic iste esse videtur Glycon qui extat  
etiam *ibid. col. 83. B. Act. 1. ejusdem synodi,*  
hoc modo: *Glycone Cæsariensi per Sozimum*  
*episcopum Minoidensem:* Sozimus proinde  
vices ejus absentis gessit. Ea quidem sub-  
scriptio desideratur in textu Græco, sed pa-  
riter aliorum plurium episcoporum defunt  
nomina, qui ad istam synodum nihilominus  
convenerunt.

## XXI. IRENÆUS.

*Irenæum* Cæsareæ in Palæstina præfulem  
sedisse, post annos duos à concilio Chalce-  
donensi, constat ex rescripto synodi Palæstinæ  
ad ejusdem diœcesis monachos, cui ille sub-  
scripsit post *Juvenalem Hierosolymitanum,*  
*Irenæus episcopus Cæsareæ, in Domino valere*  
*vos opto.* Latine tantum superest *tom. 4. conc.*  
*Lab. col. 889. D.*

## XXII. GELASIUS II.

Photius in Biblioth. cod. 89. operis cujus-  
dam *Gelasii* episcopi Cæsareæ in Palæstina E  
adversus Anomæos mentionem facit, cujus  
& dictionem laudat, auctorem vero distin-  
guit, tum à Gelasio quem supra memoravi-  
mus *col. 562. B.* tum à Gelasio Cyziceno.  
*Trium, inquit, hætenus Gelasiorum, quos dis-*  
*cernere nequeas, Cæsareæ Palæstinæ episcopo-*  
*rum, vel certe duorum libros legimus, quorum*  
*quidem librorum unus adversus Anomæos con-*  
*scriptus est, reliqui duo res continent ecclesiasticas.*  
Hi duo sunt, *Gelasius I. Cyrilli sororis filius*

de quo nos supra, qui transtulit de Latino in  
Græcum sermonem historiam ecclesiasticam  
Ruffini Aquilegiensis, & *Gelasius Cyzicenus,*  
de quo post hunc Gelasium modo dicemus,  
qui tres libros historiæ ecclesiasticæ scripsit sub  
Basilisco qui, Zenone expulso, tyrannidem  
arripuit anno Christi 476. De his autem  
duobus subdit Photius præfato codice 89.  
*quoniam uterque longe est eo, qui adversus*  
*Anomæos scripsit, inferior; qui quidem episco-*  
*pus & ipse ejusdem Palæstinæ inscribitur, &c.*  
Citat rursus codice 102. librum *Gelasii Cæ-*  
*sareæ in Palæstina episcopi contra Anomæos.*  
*Lectus est, inquit, liber singularis Gelasii*  
*Cæsareæ Palæstinæ episcopi adversus Ano-*  
*mæos. Hujus oratio minime superflua, sed*  
*gravis ac vehemens, Atticis permista vocibus,*  
*& axiomatis accuratius instructa, ne ratio-ci-*  
*nationibus quidem indigens, per omnia denique*  
*insignis est; tantum putide nimis ac pueriliter,*  
*quasi nuper dialecticorum libros inspexisset, lo-*  
*gica artis regulis, ipsisque adeo vocibus abuti-*  
*tur: etsi excusationem intempestivi hujus ser-*  
*monis scripto suo annectat. Verum id, quod*  
*excusatione post noverat indigere, nec jam inde*  
*à principio suscipiendum illi fuerat. Quoniam*  
*neque ipse libri ordo reprehensione caret. Ita*  
Photius. Hujus Gelasii eo loci meminimus,  
ex hypothese quod revera ecclesiæ Cæsariensis  
præfuit: quandonam enim sederit, neque  
ex Photio, neque ex aliquo alio monumento  
eruiere valuimus.

## XXIII. GELASIUS III.

*Gelasius* iste, cognomento Cyzicenus,  
quod Cyzico urbe Mysiæ in Asia minori ad  
D Propontidem versus Æsepi fluvii ostium  
oriundus esset, scripsit sub tyrannide Basilisci,  
qui, Zenone expulso, imperium initio anni  
476. invasit, tres libros de historia concilii  
Nicæni. Hunc Cæsareæ in Palæstina fuisse  
episcopum legi in quibusdam hujus historiæ  
exemplaribus, testatur Photius cod. 88. suæ  
bibliothecæ. *Gelasii Cæsareæ Palæstinæ episcopi*  
*historiæ eccles. libri tres. Legimus (sunt verba*  
*Photii) historiæ forma res in Nicæna synodo*  
*gestas, libris tribus. Refert auctor Hosium Cor-*  
*dubæ episcopum, &c. Et hæc quidem liber ille*  
*continebat. In alio exemplari, quo eadem prorsus*  
*continebantur, hunc titulum libro inscriptum re-*  
*peri: Gelasii Cæsareæ Palæstinæ episcopi. Ipsa*  
*porro dictio ad humilem vilemque stylum plus*  
*æquo vergere animadvertitur. Verum quis hic*  
*Gelasius sit certo non potui cognoscere. Trium*  
*enim hætenus Gelasiorum (quos discernere ne-*  
*queas) Cæsareæ Palæstinæ episcoporum, vel*  
*certe duorum libros legimus. Quorum quidem*  
*librorum unus adversus Anomæos conscriptus*  
*est: reliqui duo res continent ecclesiasticas,*



alteriusque horum jam modo est à nobis obiter facta mentio: cuius sane titulus (ubi quidem illum adscriptum invenimus) is est quem antea diximus: Gelasii Cæsareæ Palæstinæ episcopi, ecclesiasticæ historiæ libri tres. Operis autem ipsius principium ejusmodi est. Quæ in sancta, magna & universali episcoporum synodo, &c. desinitque in Constantini magni obitu, &c. Et paulo-post: Affirmat hic scriptor, sub Basilisco, qui Zenone pulso tyrannidem occupavit, vixisse se ac legisse concilii acta in antiquis membranis conscripta, dum adhuc paternis in ædibus versaretur: ex horum itaque memoria, & ex aliis præterea scriptis, utilia quæque colligendo, historiam composuisse.... suam patriam esse ait Cyzicum, patremque unum de presbyteris ibidem extitisse. Hæc Photius, qui etiam supra dixerat codice 15. Lecta & primæ synodi actio, tribus comprehensa libris. Gelasii titulum opus præfert: nec tam actio, quam historia est. Sermo vilis & humilis, nisi quod minima quæque in synodo gesta narret. Extat 10. 2. conc. Labb. à col. 106. ad col. 283. De eo opere hoc judicium profert Natal. Alex. in hist. eccl. sæc. IV. differt. 13. paulo ante finem: Levissimi ponderis Gelasii Cyziceni auctoritas, nisi aliis cum auctoribus consentiat; siquidem tot erroribus (quorum plures retulit) scatet ejus historia. Hanc pari Ludovicus Morerius in Lexico Gallico inurit censura. Baronius 10. 6. annal. ad annum 496. num. 2. & seqq. Bellarminus de scriptor. eccl. & alii, hunc Gelasium Cyzicenum operis de duabus naturis in Christo adversus Nestorium & Eutychem auctorem arbitrantur, quod Gelasio Papæ tribui solet, & extat tom. 6. Bibl. Patr. edit. Lugdun. 1677. pag. 700. & seqq. Conjecturæ à Bellarmino ibid. subministratæ sunt.... 1.<sup>a</sup> Quod non inveniatur alius Gelasius, cui liber ille assignari possit (scetus est enim hominis Græci, non Latini)..... 2.<sup>a</sup> Quod in hoc auctore nomen conveniant, & tempus.... 3.<sup>a</sup> Quod Gelasius Cyzicenus in præfat. suæ historiæ de actis Nicænæ synodi scribat se disputasse cum Eutychianis.... 4.<sup>a</sup> Quod, sicut in historia Nicænæ synodi hujus auctoris, valde laudatur Eusebius Cæsariensis, sic & in eo opere tria ejus proferantur testimonia, inter alia SS. Patrum.... 5.<sup>a</sup> Demum, quod stylus in utroque illo opere sit omnino similis, simplex, nudusque ornamentis. Porro si Gelasius iste Cyzicenus ecclesiam Cæsariensem Palæstinæ aliquando administraverit, fato functum esse necesse est ante annum 484. quo Timotheus huic ecclesiæ præsidebat.

## XXIV. TIMOTHEUS.

Hic Timotheus, Cæsariensis episcopus erat sub Zenone Imperat. Auctor enim chronici

A Paschalis five Alexandrini hæc habet ad ann. Christi 484. pag. 327. A. Hisce temporibus, arrepta nescio qua occasione, Samaritæ in Palæstina tyrannidem excitavere, Justusa quodam latronum principe Samarita coronato. Is porro Cæsaream ingressus, Circenses (ludos) exhibuit, multosque interfecit, Palæstinæ imperans. Sed & concremavit ecclesiam sancti Probi, quum Timotheus Cæsareæ esset episcopus. Confestim vero Asclepiades Palæstinæ dux cum suo præsidio venit, ut & latrunculator, Cæsareæ magistratus, cum Arcadianis: contraque ipsum Justusam profectus, atque cum eo congressus, Justusam capite truncavit, ac illius caput cum eo quo cinctum erat diademate, ad Zenonem Imperatorem transmisit. Idem vero Imperator Zeno illorum synagogam, quæ in loco Gargaride dicto erat, in ædem sacram, eamque ingentem, Dominæ nostræ Deiparæ & semper Virginis Mariæ, statim convertit: instaurata præterea sancti Procopii æde. Edixit etiam ne Samaritæ deinceps militarent, bonis potentiorum omnibus proscriptis: unde & terror est insequutus, paxque firmata.

## XXV. JOANNES I.

Hic Joannes abbas primum fuit ac presbyter monasterii Chusiba, ut ait Evag. lib. 4. hist. eccl. cap. 4. quod situm erat in extremitate vallis ad Septemtrionalem partem viæ publicæ, quæ ab Hierosolymis ducit Hierichuntem; hinc Chuzibites cognominatus. Postea vero Cæsariensis in Palæstina episcopus factus est, teste præter eundem Evagrium citatum, Joanne Moscho Prati Spiritualis cap. 24. Huic cum Sozima hoc tempore vitæ sanctitate & miraculis illustri anachoreta summa necessitudo intercessit, in cujus specimen refert præfatus Evagrius quod sequitur: *Isdem temporibus quibus Sozimas, floruit vir quidam, Joannes nomine, paribus cum Sozima virtutum ornamentis insignis, qui in Chuziba laura.... vitam monasticam.... exercuerat, &.... urbis Cæsareæ episcopatum obtinuit. Hic igitur Joannes Chuzibita, quum Arcesilai (viri nobilis & eruditi, qui & honoribus quos gesserat, & reliquis vitæ ornamentis conspicuus habebatur, ut superius asseruerat idem Evagrius,) uxorem radio textorio alterum sibi oculum effodisse didicisset, cursu ad ejus domum contendit, vulneris inspiciendi causa. Ubi vero animadvertit pupillam excidisse, & oculum penitus diffluxisse, medico cuidam qui illuc advenerat, præcepit ut spongiam afferret, & oculum dilapsum, quoad fieri posset, in sedem suam reponeret; spongiam denique circumpositam fasciis alligaret. Aberat tunc forte Arcesilaus: versabatur enim eo tempore cum Sozima, in ejus monasterio, quod situm erat in vico Syndenorum, qui ab urbe Cæsareæ*



quingentis circiter stadiis distat. Statim igitur A  
contentissimo cursu properant qui hæc Arce-  
filao nunciarent. Sedebat is juxta Sozimum,  
sermonem cum eo conferens. Qui simul ac casum  
uxoris suæ didicit, graviter ejulare cepit, &  
capillos vellens ac discerpens in aerem projecit.  
Interroganti autem Sozimæ causam tanti luctus,  
Arcefilaus id quod acciderat exposuit, lamentis  
ac fletibus sermonem crebro interrompens. Mox  
igitur Sozimas, relicto illic Arcefilao, ad cubi-  
culum quoddam contendit, in quo solus, uti mos  
est hujusmodi viris, Deum alloqui consueverat.  
Aliquanto post digressus hilari vultu ac modeste B  
subridens, manumque Arcesilai palps, Abi,  
inquit, abi lætus: gratia data est Chuzibitæ;  
sanata est uxor tua, utrumque oculum habet in-  
columem, nullum ex casu illo detrimentum passa,  
quando ita placuit Chuzibitæ. Idque ita evenit,  
ambobus illis justis simul miraculum perpetranti-  
bus. Hucusque Evagrius loco citato.

Sedebat anno 518. quo defuncto Anasta-  
sio Justinus Imperator renuntiatus synodum  
Chalcedonensem ubique recipi, præfulesque  
orthodoxos ob fidem in exilium pulsos ad  
suas ecclesias redire mandavit. Cyrillus Scy- C  
thopolitanus, in vita sancti Sabæ, apud Co-  
telerium 10. 3. monum. eccl. Græc. gesta Hiero-  
solymis ea in occasione sic refert num. 60.  
pag. 326. Quæ Justinus jussa postquam Hieroso-  
lymam delata fuissent, infinita multitudo mona-  
chorum & laicorum congregata est; concurrunt  
quoque sanctus Sabas, & episcoporum concilium,  
celebratoque festo, sexta Augusti mensis, promul-  
gata sunt divinæ jussiones, & quatuor synodi in  
sacris diptychis repositæ sunt, &c. Et num. 61.  
Tunc archiepiscopus Hierosolymorum Joannes  
suadet sancto Patri nostro Sabæ, transire usque D  
in Cæsaream & Scythopolim, una cum aliis  
quibusdam eremi hegumenis, ad patefaciendas  
Imperatoris litteras, & quatuor concilia per  
urbes sacris diptychis inferenda. Quum autem  
Cæsaream pervenissent, occurrit iis sanctus  
Joannes Chuzibita, qui illius urbis pontificatum  
eo tempore obinebat; expletisque illic quæ man-  
data fuerant, etiam Scythopolim advenerunt,  
&c. Adfuit Hierosolymitanæ synodo quam  
eodem anno 518. Joannes Hierosolymitanus  
Patriarcha celebravit, in qua, recepto Chal-  
cedonenſi concilio, anathema Severo Antio- E  
chenæ sedis inasori, ejusque affecſis pro-  
nuntiatum est: & synodicis ea de re litteris à  
prædicto Joanne ad Joannem Constantinopo-  
litaniſſis subscripsit cæterorum epi-  
ſcoporum primus hoc modo: Joannes Dei  
miſeratione epiſcopus Cæsariensis, me bene  
valere, & Domino bene placere orate, Domini  
ſancti, ac Deo amantiſſimi & ſanctiſſimi Patres:  
eodem verborum tenore subscripserunt reli-  
qui 33. epiſcopi: tom. 2. conc. Labb. col. 190.

& seq. Opus aliquod scripsisse videtur iste  
Joannes adversus eundem Severum. Nam in  
ſynodo Lateran. ſub Martino I. anno 649.  
habita, legitur ſecret. v. tom. 6. concil. Labb.  
col. 315. C. Item ejusdem Severi adversus  
ſanctæ memoriæ Joannem epiſcopum Cæsareæ  
Palæſtinæ, à quo proinde fuerat aliquo ſcripto  
impugnatus: τὸ ἀντὶ ἐκ τῆς καὶ Ἰωάννης τῆς  
αἰτίας μνήμης ἐπισκόπου Καίσαρείας Παλαιστίνης.  
Nihil aliud nobis de eo Joanne comper-  
tum eſt. Obiit ante annum 536. ſaltem  
completum.

## XXVI. HELIAS.

Helias iſte ſententiæ in ſynodo Hieroso-  
lymitana latæ adversus Anthimum anno 536.  
die 19. Septembris ſubſcripſit, poſt Petrum  
Hierosolymitanum Patriarcham, in hunc  
modum: Helias epiſcopus Cæsareæ diſſinivi  
& ſubſcripſi. To. 5. conc. Labb. col. 283. C.

## XXVII. SERGIUS.

Anno 541. Cæsarienſi eccleſiæ in Palæſtina  
præerat Sergius, ut liquet ex Novella 129.  
Justiniani Imperatoris, data XVI. kal. Jul.  
(id eſt die 15. Jun.) Justin. anno 25. (legen-  
dum 15. ut congruat Baſilii Conſulatus)  
Baſilio viro clariff. conſule. In ea enim Novella,  
poſtquam in præfat. dixit: Nullum ita magnum  
ſubjectorum noſtrorum delictum eſt, quod non  
noſtra clementia medeatur, &c. Samaritas enim  
atroces & elatos contra Chriſtianos.... plurimis  
quidem pœnis affliximus, una vero maxime quod  
neque teſtamenta ipſi poſſunt conſcribere, &c.  
(Vide ſupra col. 570.) Addit poſtea cap. 1.  
Nunc itaque ad moderationem reductos videntes  
eos, & nobis ipſis indignum eſſe putantes in  
hiſdem permanere terminis, contra eos qui non  
ſimilia prioribus languent, præſtantes maxime  
omnium Sergii ſanctiſſimi Cæsarienſium metro-  
polis epiſcopi juſtis petitionibus quas pro eis  
facit, teſtimonium quidem perhibentis meliores  
eos factos, quietem vero eorum futuro tempore  
promittentis, ad præſentem ſacram noſtram ve-  
nimus legem, per quam ſancimus licentiam eſſe  
Samaritis jam ſcribere teſtamenta, &c. Edit.  
Atrebat. 1580. Novellar. col. 277. tit. 12.

## XXVIII. JOANNES II.

Synodo quintæ generali anno 553. Con-  
ſtantinopoli congregatæ interfuit Joannes  
Cæsareæ in Palæſtina epiſcopus, qui proinde  
tunc temporis ſedebat. Hunc inter alios ſy-  
nodus ad Vigilium Papam miſit, ut eum ad  
ſuum coetum invitaret. Tom. 5. concil. Labb.  
collat. 2. col. 430. B. Actis ſubſcriptus legitur  
col. 581. B. Joannes miſericordia Dei epiſcopus  
Cæsareæ Palæſtinæ.



## XXIX. ANASTASIUS.

A sæculo sexto usque ad undecimum, nullum agnoscimus præfulum qui ecclesiæ Cæsariensis curam gesserunt, & deinceps paucos habemus. Huic itaque sedi circa finem sæculi xi. præerat *Anastasius*, cujus tractatus de jejuniis Deiparæ extat io. 3. Cotelerii, monument. eccl. Græc. pag. 432. sub hoc titulo: Ἀναστασίου Ἐπισκόπου Καισαρείας τῆς Παλαιστίνης, *Anastasi episcopi Cæsareæ Palæstinæ*. Is in illo tractatu, ibidem, pag. 436. C. hæc ait: Namque Patriarcha Antiochiæ totiusque Orientis, beatæ memoriæ Dominus Petrus, ipse hæc observabat, tradebatque cæteris; simili quoque modo Dominus Theodosius: prætereaque qui nunc patriarchatum tenet sanctissimus Dominus Joannes, hoc omnibus tradidit jejunium, &c. Hanc autem notam apposuit præfatus Coteler. pag. 650. col. 2. C. Ipse hic dum agit de Patriarchis Antiochenis, indicat ætatem qua vixit, finem videlicet sæculi undecimi. Observat etiam ibid. B. in doctissimi Lambecii Cæsarea Biblioth. lib. 6. part. 1. cod. ult. mentionem fieri operis *Anastasi episcopi Cæsareæ Palæstinæ de septem hebdomadibus jejuniorum Quadragesimæ*. Idem quoque fortassis auctor fuerit opusculi, quod sub nomine *Anastasi Sinaitæ* legitur, de sanctis tribus Quadragesimis, apud eundem Coteler. ibid. p. 425. sic verisimiliter cognominati, quod monasticam disciplinam in monte Sinai coluerit, priusquam Cæsariensem cathedram conscenderet.

## XXX. DOROTHEUS.

Quum anno mundi 7088. Christi 1579. Germanus Hierosolymitanus Patriarcha, senio confectus, administrationem ecclesiæ

A suæ dimisit, ut supra retulimus col. 517. C. ex *Dositheo lib. 11. Patriarch. Hieros. cap. 7. §. 4.* adfuerunt, præter Silvestrum Alexandrinum antistitem, duo metropolitæ *Dorotheus* & *Nectarius*, quorum qui prior nominatur, erat verosimiliter Cæsariensis episcopus, utpote primus metropolita Palæstinæ, qui proinde tunc temporis federit, & Sophronii V. Germani successoris electioni interfuerit.

## XXXI. DOSITHEUS.

B Anno Christi 1660. *Dositheus* Cretensis, Cæsareæ Palæstinæ curam suscepit; qui deinde Hierosolymorum factus est Patriarcha, anno 1672. ut supra legere est, col. 522. E.

## XXXII. CHRYSANTHUS.

*Chrysanthus* Notaras Cretensis, *Dosithei* modo memorati fratris filius, Cæsareæ in Palæstina antistes fuit, teste Nicolao Comneno Papadopoli, in responsione qua confutavit epistolam hæreticam Joannis Hokstoni ad ipsum sacratissimum & sanctissimum præfulem *Chrysanthum* Notaram, metropolitam Cæsariensem, & Palæstinæ primatem, Venetiis excusa anno 1702. Ibi etiam pag. 4. *Chrysanthus* dicitur Græcorum sapientissimus, & rursus: *Vir sagacissimus & prudentissimus, bis Patriarcharum legatus missus ad potentissimum Moschorum Imperatorem, archiepiscopus primi nominis inter Græcos*. Patruo successit in sede Hierosolymitana anno 1707. die 8. Februar. Obiit anno 1732. aut 1733. Certè eum mortuum denuntiat epistola Gallicè scripta ex urbe Tripoli, die 1. Mart. anni 1733.

## II.

## ECCLESIA DORORUM.

**D**ORA, five Dor, urbs Chananæorum potentissima, cujus Regem, ut alios, vicit & interfecit Josue, *Josue cap. 12. vers. 23.* ad littus maris Mediterranei, Cæsaream inter & Carmelum montem sita est. Hæc in sortem obtigit dimidiæ Tribus Manasse cis Jordanem; *Josue cap. 17. vers. 11.* Græci veteres Hecatæus, Scylax, & alii, quos Plinius etiam sequutus est, *Doron* dixere. *Memoria urbium*, inquit iste lib. 5. cap. 19. *Doron, &c.* Josephus in vita sua pag. 1000. eam vocat *Dora* plurali nomine neutro, τὰ δὲ Δωρα πόλεις ἐστὶ τῆς Φοινίκης, *Dora urbs Phœnices*. Hanc urbem *Phœnices* esse dicit, quod ejus ætate ora omnis maritima usque Gazam *Phœnices* censeretur. Eam recentiores feminino genere *Doram* appellant. Stephanus quoque, teste Cellario 10. 2. geogr. antiq. pag. 521. femineas formas habet hujus nominis Δωρας, & Δωρα, indeque quartum casum, τὴν Δωραν πόλιν, *Doram urbem*. De ea hæc certè scribit Stephanus ille in fragmento quod operi de Urbibus & Populis subjunxit, pag. 747. (juxta versionem Latinam Hadr. Reland. Pal. Illustr. tom. 2. pag. 740.) « Doros » urbs Phœnices. Hecatæus in Asia (ait:) Deinde antiquitus Dorus, nunc Dora appellata. Atque » ita Josephus eam appellat lib. 5. Jud. hist. A Jordane usque ad urbem Dora. Et iterum: Azoro » & Doris terminari.... Et Claudius Jullus Κλέυσις Ἰβλῆς lib. 3. Phœnicicorum (ait:) Post » Cæsaream sua sunt Dora, exiguum oppidulum ab Phœnicibus habitatum, qui propter saxosum » inferius litus & purpura secundum ibi convenerunt, & gurgustia sive casas sibi struxerunt, &



» circumdederunt fossis. Ubi vero hoc bene successit, secuerunt petram & ex lapidibus inde petitis  
 » muros fecerunt, & portum navibus commodum, patriaque lingua Dora appellarunt, (Dor  
 » quippe lingua Hebræa seu Chananæa, quæ Sidoniorum propria erat, habitationem, casam,  
 » seu stationem significat).... Græci autem, facilioris pronuntiationis gratia, (in fœminino genere)  
 » Δώραν τὴν πόλιν, urbem nuncuparunt Doram. Nonnulli narrant Dorum Neptuni filium eam  
 » condidisse. Artemidorus quoque in Epitome xi. lib. Doram urbem agnoscit his verbis:  
 » Contigua est Stratonis turris (id est, Cæsarea) dein sequitur Dora, εἴτα ἐν Δώρᾳ, oppidum in loco  
 » peninsulæ formam habente situm, ubi incipit mons Carmelus.» Hucusque Stephanus Byzantinus.  
 Observat Cellarius supra citatus urbem Dor in textu Hebræo nuncupari interdum Naphet vel  
 Nepheth Dor, Josue cap. xi. vers. 2. & Naphoth Dor, cap. 12. vers. 23. & 3. Reg. cap. 4. vers. 11.  
 omne Napheth Dor: Non convenire vero interpretes in notione hujus vocis Napheth sive Napheth:  
 Symmachus enim, ut docet Hieronymus, maritimam exposuit. Septuaginta, illud vocabulum,  
 quasi nomen proprium esset, reliquerunt in proprio idiomate, εἰς Ναφθθώρ, Jos. cap. xi.  
 vers. 2. & cap. 12. vers. 23. & Ναφθθ Δώρ: Et 3. Reg. cap. 4. vers. xi. Πᾶσα Ναφθθώρ:  
 de quo loco Euseb. & Hieron. in locis Hebraic. Ναφθθ πόλις ἀρχόντος Σολομών: Napheth civitas  
 unius principis Salomonis. Nolim negare, inquit Cellar. pag. 522. fuisse illius tractus oppidum  
 Napheth, à quo regio denominationem acceperit; in dictis (tamen) locis regionem potius quam  
 oppidum significari, ex Josue cap. 17. vers. 11. videtur evinci posse, ubi separatim & interjectis  
 aliis, Dor memoratur: & deinde (in textu Hebræo) tertia Napheth, quod de oppido intelligi  
 non potest, sed de tractu potius & regione. In Vulgata nostra habetur, tertia pars urbis  
 Napheth, sed vox urbis deest in Hebræo, nec eam suæ versionis Græcæ inseruerunt Septua-  
 ginta, τὸ τρίτον τῆς Ναφθθ. (Neque enim) in tribuum sorte definienda, urbes dissectæ  
 fuerunt, sed regiones. Vertit Vulgatæ auctor, ad hanc mentem, Josue cap. xi. vers. 2. in  
 regionibus Dor, & cap. 12. vers. 23. Rex Dor, & provinciæ Dor unus. Tempore Plinii,  
 initio secundi sæculi, non extabant ejus nisi quædam ruinae, de ea quippe urbe, & quibus-  
 dam aliis scribit lib. 5. cap. 19. Fuit oppidum crocodilon, est flumen: memoria urbium Doron,  
 Sycaminon, &c. Nondum instaurata erat in fine sæculi iv. nam S. Hieron. in Epitaphio  
 S. Paulæ viduæ, ait: mirata ruinas Dor, urbis quondam potentissimæ, &c. Et in Onomastico:  
 Dor est oppidum jam desertum in nono milliario Cæsareæ, pergentibus Ptolemæidem. Hinc  
 fortassis nullum episcopum novimus, qui in ea urbe federit, ante sæculi v. finem.

## EPISCOPIDORENSES.

## I. FIDUS.

PRIMUS, quem sciamus episcopatum A  
 ecclesiæ Dorensis administrasse, est Fidus  
 quidam, de quo sæpius mentionem facit  
 Cyrillus Scythopolitanus monachus, in vita  
 sancti Euthymii abbatis, apud Cotelerium  
 10. 2. monum. eccl. Græc. Nam n. 60. p. 249.  
 narrat Fidum Fidi Joppenensis episcopi nepo-  
 tem, Anastasum, qui postea Hierosolymita-  
 nus evasit Patriarcha juxta Euthymii prophe-  
 tiam, comitatum esse ad eundem Euthymium  
 invisendum euntem: Quum ergo desiderium vi-  
 dendī hominis (Euthymii) in se aleret, Fido  
 Joppes episcopo, & Cosmæ Crucum custodi pul-  
 chram illam communicat cupiditatem: atque eos  
 assumens, quin etiam Fidum alterum episcopi  
 Fidi nepotem, (erat autem is adhuc ætate juve-  
 nis, & in chorum lectorum cooptatus; qui etiam  
 Cyriaco monacho hæc tradidit & narravit:)  
 cum iis proficiscitur ad magnum Euthymium,  
 &c. Id contigit ante Juvénalis Patriarchæ  
 Hierosolymitani obitum, cui successit Ana-  
 stasius modo memoratus anno 458. qui statim  
 (ut refertur ibid. num. 96. pag. 20.) Fidum,  
 qui ad lauram cum ipso accesserat, audieratque  
 prædictiones (Euthymii,) ordinat diaconum, &

rursus ad magnum (Euthymium) mittit una  
 cum custode Crucis; tum prophetiæ significans  
 eventum, tum rogans sibi permitti ad eum per-  
 gere, &c. Num. 110. adfuit præsens Euthymii  
 funeribus an. 473. die 20. Januar. defuncti.  
 Fama celeriter (mortis Euthymii) per omnem  
 finitimam regionem sparsa, inquit Cyrillus  
 ibid. pag. 294. monachorum & laïcorum mul-  
 tudo vix numerabilis congregata est: quin etiam  
 Anastasius Hierosolymorum Patriarcha, assumpto  
 secum clericorum simul & militum examine,  
 accessit. Aderat quoque Chrysippus, unaque  
 Gabriellus, sed & diaconus Fidus.... cunctos  
 autem in stuporem adducebat continuatio mira-  
 culorum. Et pag. seq. 295. Fidum autem dia-  
 conum (Patriarcha) in laura relinquens, ei  
 ædificandi (sepulcri Euthymii) committit ne-  
 gotium.... quo beatæ illæ Euthymii reliquæ  
 in apto & convenienti loco deponerentur. Et  
 num. 112. p. 296. At diaconus Fidus, multa  
 operarum manu collecta, magnoque adhibito  
 studio, speluncam quæ in principio tenuit quietè  
 agentem Euthymium, ædem pulcherrimam &  
 maximam efficit, &c. Mortuo Anastasio anno  
 Christi 478. Martyrius ejus successor, ad Im-  
 peratorem Zenonem & Acacium Constantino-  
 politanum episcopum scribit de Aposchistis,  
 ibid.



ibid. num. 113. pag. 298. .... atque Fido A  
 diacono litteris traditis, non pauca viro ore  
 etiam dicenda mandat. Verum quum navi-  
 gium ascendisset Fidus, certo naufragio  
 ereptus fuit ab Euthymio quem invocave-  
 rat, quique illi apparens, dixit, n. 114. p. 299.  
 Noli timere; Ego sum Euthymius servus Dei:  
 scias autem tibi bonum non esse hoc iter in  
 conspectu Dei; nullam enim afferet utilitatem  
 matri ecclesiarum. Quapropter oportet te reverti  
 ad eum qui te misit, eique meo nomine denun-  
 ciare, ne sit ullatenus sollicitus de disjunctione  
 Apostolicarum: non enim diu abhinc, sed sub  
 ejus Pontificatu erit unio, & omnes Hierosoly-  
 mitani fient unus grex atque sub uno Pastore.  
 (Veritatem visionis firmavit vaticinii eventus,  
 de quo vide supra col. 176.) Te autem oportet  
 venire ad meam lauram; & fratrum quidem  
 cellas (dispersas nempe) diruere ab ipsis fun-  
 damentis; cœnobium vero reœdificare illic, ubi  
 meum œdificasti cœmeterium. Locum enim Deo  
 placet non lauram esse, sed potius cœnobium, &c.  
 Et num. 116. pag. 301. Transiens postea ad  
 Patriarcham, ei omnia renunciavit Fidus. Et  
 ille vehementer admiratus narrationem opinione  
 majorem; profecto, inquit, Dei propheta est  
 magnus Euthymius .... quæ enim ad lauram  
 spectant, ea coram nobis omnibus prædixit, jam  
 in Christo per mortem consummandus. His  
 dictis, ipse etiam Fido committit cœnobii ædi-  
 ficationem, conceditque ei ut illò proficiscatur,  
 simul professus se quoque omnibus viribus opus  
 una esse aggressurum. Et num. 117. Fidus  
 itaque, accepta magna manu ministrorum &  
 structorum, cum uno ex mechanicis seu architectis,  
 descendit in lauram: quumque ædificasset cœno-  
 bium, septoque & muro in orbem esset comple-  
 xus, vetus quidem templum attribuit fratribus  
 ad cœnaculum; aliud autem templum ædificat  
 superius. Intra cœnobium vero splendide excitat  
 turrim velut quoddam totius eremi propugna-  
 culum, & in medio cœmeterio collocat, &c. Et  
 n. 119. Quum itaque hujusmodi totum cœnobii  
 ædificium simul & ornamentum non opus ha-  
 buisset plus quam tribus annis ob multas manus  
 intensumque ministerium, volebant quidem divini  
 illi Patres, cum alio ornatu & artificio dedica-  
 tionem etiam ecclesiæ tribuere; eos autem arce-  
 bat rursus aquæ penuria: nam in illa solitudine  
 pluit tantum hyeme.... Itaque Helias præpositus,  
 & diaconus Fidus significant Longino inferioris  
 monasterii præfecto, & Paulo præposito mona-  
 sterii Martyrii, ut per jumenta eos adjuvent ad  
 aquam ex Pharis *ὁ δὲ Φαεῶν* transferendam.  
 Num. 120. pag. 504. Sequenti ergo nocte,  
 paratis iis circa diluculum ad iter, jamque con-  
 gregatis jumentis, apparet nocte illa beato Heliae  
 magnus Euthymius: Quid hoc tibi vult, rogans,  
 quod hodie jumenta congregetis? Quum is vero  
 Tomus III.

respondisset: ut aquam ex Pharis afferamus, eo  
 quod nos nunc omnino defecerit; increpavit ille,  
 dicens: Modicæ fidei homines, quamam de causa  
 Deum non precati estis? Num is qui è prærupta  
 petra inobedientem potavit populum, & aquam  
 ex asini maxilla Samsoni aliquando fecit scatu-  
 rare, non poterit vobis quoque ad usum suppedi-  
 tare, dummodo cum fide offeratis petitionem?  
 Deinde eis etiam prohibuit iter ad Pharas *ὁ δὲ*  
*Φαεῶν*, ut minime necessarium. Aqua enim  
 vobis implebuntur, inquit, vel maximæ cisternæ,  
 ne tribus quidem horis expectatis. Et n. 121.  
 B Excitatus è somno ad visionem beatus Helias,  
 statimque ea Fido & reliquis annunciata, ju-  
 menta à proposito solvit ministerio: quum nox  
 autem jam transisset, & sol omnem quantam  
 videt terram radiorum illustraret jaculis, nubes  
 alicunde aërem subito complexa cœnobio incum-  
 bentem, erupit protinus in pluviam, & omnia  
 quidem circumcirca simile adhuc puniebat fla-  
 gellum siccitatis; ii autem soli qui erant in  
 cœnobio, aqua præter opinionem fruebantur:  
 perinde ac si aliquis pluviam circumscripsisset,  
 rursusque non sineret ulterius progredi. Post-  
 quam autem cisternæ fuerunt aqua plenæ, nec  
 ii amplius indigebant imbribus è cælo, statim  
 nubes dissipata est, & vehemens imbrium pro-  
 cella ad serenitatem iterum redacta fuit. Et  
 num. 122. pag. 305. Quum vero miraculum  
 brevi totam pervasisset solitudinem, atque ad  
 ipsum etiam archiepiscopum Martyrium jam  
 pervenisset, descendens ille cum multa rerum  
 affluentia ad cœnobium, præclaram agit syna-  
 xim & vigiliam, cum multis lampadibus &  
 suffitibus *καὶ θυμιάμασι*: sed & splendidam  
 magnificamque facit dedicationem; deponens  
 D sub altari quasdam partes reliquiarum marty-  
 rum Tarachi, Probi & Andronici, septimo mensis  
 Maii, anno jam duodecimo post Euthymii mor-  
 tem (proindeque Christi 484.) Quum aliquod  
 autem tempus transisset, diaconus quoque Fidus  
 accipit episcopatum civitatis quæ vocatur Dora:  
 proindeque ordinatus est Fidus iste, vel sub  
 finem anni 484. vel anno seq. 485. Quid  
 in præfulatu egerit, & quonam obierit anno  
 nos latet. Constat solum exeunte anno 518.  
 eum non fuisse amplius superstitem.

## II. BARACHIUS.

Quum, post mortem Anastasii Imperatoris  
 anno 518. mense Julio, Justinus I. ejus suc-  
 cessor synodum Chalcedonensem ubique  
 recipi curaret, Joannes Patriarcha Hieroso-  
 lymitanus ea de re concilium eodem anno  
 celebravit, cui adfuerunt 33. episcopi, & inter  
 eos Barachius episcopus Dorensis. Epistolæ  
 enim synodicæ hujus concilii, quæ extat  
 tom. 5. concil. Labb. col. 187. C. præmisso  
 titulo, Rescriptum Joannis Hierosolymitani,  
 Oo



*et episcoporum qui sub eo sunt, ad Joannem A. Constantinopolitanum, subscripsit cum cæteris, col. 191. E. Βαροχὺς Ἐπίσκοπος Δώρον ἔρρω-  
δύ με, καὶ τὰ λοιπὰ. Barochius episcopus Do-  
rorum, valere me, et reliqua: (id est, ut legitur  
in prima subscriptione Joannis Hierosolymita-  
ni, col. 190. E. Et Domino bene placere  
orate, Domini sancti, ac Dei amantissimi Pa-  
tres.) Tunc itaque ecclesiæ huic Dorensi  
Barachius iste præsidebat. Sed de eo præterea  
nihil nobis compertum est.*

### III. JOANNES.

Sententiæ synodali Hierosolymis latæ, præside Petro Patriarcha, anno 536. mense Septembri, adversus Anthimum aliosque hæreticos concilii Chalcedonenſis hoſtes, ſubſcripſit Ἰωάννης ἐπίσκοπος Δοάρεον, *Joannes Doareus, tom. 5. concil. Labb. col. 283. E.* Mendum ſane occurrit in vocabulo Δοάρεον, & legendum, vel Δόρεον *Dororum*, vel Ζοάρεον *Zoarorum*. Hæc quidem poſtrema lectio arri- deret, eo quod illo ipſo anno 536. *Joannes episcopus Zoarorum*, concilio Conſtanti- nopolitano, menſibus Maio & Junio, ſub Menna hujus urbis præſule, interfuerit: verum ob- ſtare videtur, quod ſynodo Hieroſolymitanæ in eo caſu deſuiſſe dicendum eſſet *epiſcopum Doreſem* primum Cæſareæ metropolis ſuffraganeum, nec adſtituiſſe qui ejus vices geſſuiſſet, inter 33. episcopos qui ad hanc ſynodum venerunt. Probabilius ergo, dum ſederet Joannes episcopus Zoarorum, ex- titiſſe pariter in Palæſtina alium Joannem episcopum Doreſem qui huic ſynodo Hieroſolymitanæ ſubſcripſerit, Joannem vero Zoarorum abſuiſſe. Vide infra, ubi de eo episcopo, inter Zoaræ antiſtites, in tertia Palæſtina.

#### IV. STEPHANUS.

Sub Sophronio I. Hierosolymitano Patriarcha, qui post Modestum circa ann. 634. ad hanc sedem erectus fuit, Dorenſi eccleſiæ

A præerat *Stephanus*, quem ille Romam suppetias postulandi gratia adversus nascentem Monothelismum misit. Is iterum atque iterum & tertia vice, coram Theodoro Papa ejusque successoribus, & postremo coram Martino I. synodum Lateranensem habente anno 649. sese præsentem stitit, huicque synodo inter alios præsules subscripsit in hunc modum, *tom. 6. concil. Labb. col. 367. A. Stephanus episcopus sanctæ Dorensis ecclesiæ, ut supra* (id est, ex Martini subscriptione *col. 362. A. huic definitioni confirmationis orthodoxæ fidei, & damnationi Sergii Constantinopolitani quondam episcopi, Cyri Alexandriæ antistitis, Theodori item episcopi Pharanitani, Pyrrhi, atque Pauli item Constantinopolitani episcopi, cum hæreticis eorum scriptis, & impiæ Ectheseos, & impii Typi ab ipsis illegitimè promulgatorum, propria manu, statuens subscripsi.*) In Græco textu, *col. 368. A. Στέφανος ἐπίσκοπος Δωρεών, ἐμπίως.* De eo plura diximus, tum *col. 129. & seqq.* tum *col. 273. & seqq.* quæ hic repetere necesse non est. Quamdiu autem post annum 649. superstes fuerit iste Stephanus, C hætenus assequi non licuit.

V. ZACHARIAS.

Extat inter opera S. Joannis Damasceni  
novæ editionis Paris. 1712. *to. 1. p. 655. A.*  
*epistola sanctissimi Petri Mansur ad Zachariam*  
*episcopum Doarum Δοάρον*, de corpore & san-  
guine Christi. Pro Δοάρον autem legendum  
arbitror Δώρον Dororum. Auctor enim hujus  
epistolæ, qui non fuit ipse sanctus Joannes  
Damascenus, cujus nec doctrinam refert,  
videtur commoratus in Palæstina, quippe qui  
Dpag. 655. A. quædam verba recitat ex liturgia  
sancti Jacobi seu Hierosolymitana. Quum  
vero non constet quandonam vixerit Petrus  
ille, pariter etiam hujus Zachariæ ævum defi-  
niri accuratè non potest. Ejus porro hic me-  
minimus, ex hypothese quod reipsa fuerit,  
aliquo tempore, Dororum in Palæstina epi-  
scopus, *Zacharias* nuncupatus.

### III.

ECCLESIA ANTIPATRIDIS.

**A**NTIPATRIDIS mentio habetur Act. Apost. cap. 23. vers. 23. & 31. Josephus lib. 16. antiq. cap. 9. conditam tradit hanc urbem ab Herode, in campo qui dicitur Capharsaba, aquoso & plantis idoneo, etiam amne circumfluente. Vicum scilicet ejusdem nominis jam ibi situm, in urbem auxit præfatus Herodes, & ex nomine patris sui *Antipatri*, *Antipatridem* nuncupavit. Id innuit idem Josephus lib. 13. cap. 23. his verbis: *fossam duxit* (Alexander) *à Chabarzaba* τὸν τῆς Χαβαρζαβᾶ incipiens, quæ nunc *Antipatris* vocatur ἢ νῦν Ἀντιπατεῖς. S. Hieron. in Epitaph. Paulæ Vid. cap. 3. de ejus peregrinationibus in Palæstina agens, dicit: *deinde Antipatrida semirutum oppidulum, quod de patris nomine Herodes vocaverat.* An tunc sedes episcopalis extiterit nulla monumenta produnt. Certe unum duntaxat ejus præfulem novimus, qui latrocinio Ephesino anno 449. & postea Chalcedonenſi concilio anno 451. interfuit.



## EPISCOPI ANTIPATRIDIS.

ECCLESIA  
ANTIPA-  
TRIDIS.

POLYCHRONIUS.

**I**N pseudosynodo Ephesina anno 449. A lapsus est *Polychronius episcopus Antipatridis*: sed biennio post in concilio Chalcedonenfi anno 451. veniam petiit & obtinuit. In hac postrema synodo nomen ejus pluries invenitur subscriptum. *To. 4. conc. Labb. Act. 1.*

*part. 2. col. 82. E. Polychronio Antipatridis.*  
Item *col. 118. E. Et Polychronio Antipatridis*  
*civitatis. Et col. 788. D. Polychronius Anti-*  
*patridis. Denique Act. 16. inter cæterorum*  
*episcoporum subscriptiones, col. 805. E.*  
*Polychronius episcopus Antipatridis definiens*  
*subscripsi, Πολυχρόνιος Ἀντιπατριδὸς οὐσίας*  
*πρεσβυτέρου.*

## IV. ECCLESIA LYDDÆ seu DIOSPOLIS.

**L**YDDA, ab Hebræis *Lud*, & à Gentilibus *Diospolis* sive *Jovis civitas* appellata est; de qua Theodoretus *lib. 1. hist. eccl. cap. 5. pag. 21. D. edit. Valesi.* Λύδδα δὲ ὄρεται ἡ νῦν καλουμένη Διόσπολις, *Lydda vero civitas est quæ nunc Diospolis appellatur.* Post Judæorum à Babylonia regressum à Benjaminitis habitata fuit, ut habetur *2. Esdr. cap. XI. vers. 31. & 34. Filii autem Benjamin à Geba, (seu Gabaa) Mechmas... Seboim & Neballat, Lod, &c.* Judææ subinde toparchia evasit, à Samaritide distracta, *1. Machab. cap. XI. vers. 28. & 34. Josephus lib. 20. antiq. cap. 5. Lyddam vicum dicit nulli civitati magnitudine cedentem.* Haud procul Joppe distabat, ex qua Petrus Apostolus accitus Tabitham suscitavit, *Act. cap. 9. vers. 38. & seqq.* Ibidem quoque Æneam sanavit paralyticum, *vers. 32. 33. & 34.* Synodo in causa Pelagii coacta anno 415. notissima facta est illa civitas. In notitia Patriarchatuum Nili Doxopatrii, scripta anno Christi 1151. edita à Le Moine in variis sacris *pag. 231. & à Scheltratano to. 2. antiq. eccl. quæ apud Hadrianum Relandum in Palæstina Illustrata, edit. Trajecti Batavorum 1714. to. 1. pag. 220. & seq. legitur, hæc sunt: Habet autem (Patriarcha Hierosolymitanus) archiepiscopus nemini obnoxios 25. qui nullos sub se habent episcopatus, & subsunt omnes throno Hierosolymitano. Primus Diospoleos sive urbis Georgii. α. τῆς Διόσπολεως ἡτοι Γεωργίου πόλεως.* Addit idem Hadrian. Reland. *to. 2. pag. 960. templum sancti Georgii non longè à Rama extitisse, ubi olim Lydda fuit, cujus templi pars adhuc superest: & de illo templo intelligendum censet ibid. quod scribit de Califa Ægypti Joannes Cantacuzenus lib. 4. histor. cap. 14. pag. 757. Post hæc petiit legatus vester, ut quoddam ruinofum ædificium veteris templi, sancti Georgii dicti, vicinum Romanis (Ramenfibus, id est, inquit Relandus, incolis Ramæ, puto enim Ραμύνων scriptum fuisse, non Ρωμύων ut nunc legitur, voce notiori à librariis substituta pro ignotiori) renovaretur, quod etiam concessimus. Urbem hanc Ramta, quæ & Ramola vel Ramula sive Ramla dicitur, Abulfeda in Geographia sua manusc. ait conditam esse à Solimanno filio Abdelmelic, vastata urbe Lydda, abesse autem ab urbe Hierosolymitana, itinere unius diei: Sanutus vero in libro 3. Secretorum Fidelium Crucis, part. 6. cap. 4. pag. 152. lin. 46. eandem civitatem Ramam ædificatam ab Arabibus prope Lyddam, quum peregrini primo iverunt ad partes illas, post tempora Mahumeti. Quod Elmacinus confirmat lib. 1. hist. Saracen. cap. 14. pag. 74. his verbis: Eodem anno (98. Hegiræ inchoato die 24. Aug. anni Christi 716.) cepit Suleiman (Solimannus) ædificare Ramlam, proindeque anno illo 716. vel 717. ante mensem Augustum. Ab historicis bellorum sacrorum Gallica voce veteri *Sangorge de Rama* nuncupatur. Bernardus Francus monachus qui anno 868. ad loca sacra Palæstinæ peregrinatus est, ut supra retulimus *col. 372. E. & seqq.* ait in itinerario suo: *Deinde venerunt Alarixa, de Alarixa in Ramula juxta quam est monasterium beati Georgii martyris, ubi ipse requiescit. De Ramula ad Emmaus castellum, de Emmaus ad sanctam civitatem Hierusalem.**

## EPISCOPI LYDDÆ sive DIOSPOLIS.

## I. ZENAS sive ZENO.

**D**OROTHEUS episcopus Tyri, qui tempore B Licinii Imperatoris martyrium subiit, ait in synopsi de 70. discipulis, quæ ipsi attribuitur, *Zenam* unum illorum Diospolis episcopum fuisse. Ita apud Hadrianum Relandum in Palæstina Illustrata *tom. 2. pag. 879. Ζηναῖς ὁ*  
*Tomus III.*

*Νομικὸς ὃ καὶ αὐτὸς ὁ Ἀπόστολος μὲμνηται, ὃς καὶ ἐπίσκοπος Διόσπολεως γέγονεν. Zenas legis peritus, cujus meminit quoque Apostolus, (Ad Tit. 3. 13.) episcopus Diospolis fuit. Verum, inquit idem Relandus, pag. 751. nulla est hujus libelli auctoritas qui nomine Dorothei prodiit. Canisius *tom. 2. antiq. lect. pag. 760.* hæc ex menologio Græcorum recitat, ad  
Oo ij*



ECCLESIA  
LYDDÆ  
seu  
DIOSPOLIS.

diem 27. April. Zeno hic ille est quem Paulus Apostolus *πομπὸν* appellat ad Romanos (ad Tit.) scribens, qui quum à beato Petro in Diospoli primus episcopus esset constitutus, docebat prædicans Christum esse Deum verum. Hi igitur (Aristarchus scilicet, Marcus, & hic Zeno) quum multas ærummas ab infidelibus pro ædificatione ecclesiarum, & everfione idolorum passi, miraculorumque & sanitatum effectores essent, ad Christum Dominum migraverunt.

## II. AETIUS.

Unus patronorum Arii, à quo Ariana hæresis denominata est, extitit Aetius episcopus Lyddæ. Hunc quippe laudat Arius in epistola ad Eusebium Nicomediensem, quam refert Theodoretus lib. 1. histor. eccl. cap. 5. edit. Vales. pag. 21. A. Et quoniam Eusebius frater tuus episcopus Cæsareæ, & Theodotus, ac Paulinus, Athanasius, Gregorius, & Aetius, omnes denique per Orientem episcopi asserunt Deum principii omnis expertem existere ante Filium, &c. Subdit Theodoretus paulo inferius. Porro ex iis quos Arius in hac epistola recenset, Eusebius quidem episcopus erat Cæsareæ, Theodotus vero Laodiceæ, Paulinus Tyri, Athanasius Anazarbi, Gregorius Beryti, Aetius autem Lyddæ. Lydda vero civitas est quæ nunc Diospolis appellatur. Atque hos quidem opinionis suæ fautores habere se Arius gloriabatur. Subscripsit tamen concilio Nicæno Aetius Lyddensis, tom. 2. conc. Labb. col. 51. C. Imò, si Philostorgio credimus lib. 3. hist. eccl. cap. 12. pag. 485. C. partes catholicorum postea amplexus est, brevique divinitus morte mulctatus. Athanasius vero, inquit.... per urbes transiens, singulos episcopos ad quos accesserat, ad consubstantialis fidem sermonibus suis excitabat: Et subjungit alios quidem episcopos verbis Athanasii non obtemperasse: Aetium vero episcopum Palæstinæ qui fornicationis reus delatus fuerat, quum per communionem Athanasii id probrum occultare vellet, ad ejus sententiam se transtulisse; verum eundem brevi pœnas dedisse morte turpissima qua ex hac luce, vermibus corrosus, sublatus est. Obiit Aetius, dum adhuc federet Hierosolymis Macarius qui anno 335. vita functus est.

## III. MAXIMUS electus.

### IV. \* \* \*

Sozomenus lib. 2. hist. eccl. cap. 20. edit. Vales. pag. 470. D. & seq. A. B. hæc narrat: Ecclesiam Hierosolymitanam post Macarium Maximus suscepit. Hunc Diospolitanae ecclesiæ episcopum à Macario constitutum esse memorant; sed cives Hierosolymorum eum apud se detinuisse. Nam quum confessionis gloria clarus, & omni ex parte egregius esset, plebis iudicio tacite

designabatur, ut post obitum Macarii episcopatum illic capesseret. Proinde quum plebs moleste ferret eripi sibi hominem, cujus virtutem experta esset, & seditio intentaretur; commodius visum est, ut Diospolitani quidem alius eligeretur episcopus: Maximus vero maneret Hierosolymis, & una cum Macario episcopali munere fungeretur, & post ejus obitum ecclesiam gubernaret. Cæterum qui res istas accurate examinarunt, affirmant ex sententia Macarii hæc acta esse, & à plebe summo studio postulata. Aium enim pœnituisse Macarium, quod Maximum Diospoleos episcopum ordinasset, *φασὶ γὰρ αὐτὸν μεταμελῆσαι ἐπὶ τῇ Μαξίμου χειροτονίᾳ*. Quippe ordinatione celebrata cogitare cœpit, illum qui & recte de Deo sentiret, & ob confessionem populo acceptus esset, necessario servandum fuisse ut ipsi succederet. Etenim verebatur, ne, se mortuo, Eusebius & Patrophilus Ariani dogmatis fautores, occasionem nacti, aliquem ejusdem dogmatis labe infectum in Hierosolymitana sede collocarent. Siquidem Macario adhuc superstite res novas moliti fuerant; sed quum ab illo communione privati essent, ἀποκείνους δὲ αὐτὸς, ea de causa conquiescebant. De eo Maximo qui Macario successit, vide superius inter Hierosolymitanos præfules, coll. 156. & 157. Ex illa autem Sozomeni relatione discimus, hunc Maximum pro ecclesia Diospolitana à Macario fuisse primitus ordinatum: at deinde alium qui non nominatur, in ejus locum Diospolitanae sedi fuisse præfectum.

## V. DIONYSIUS.

Subscriptus concilio secundo generali Constantinopoli celebrato anno Christi 381. legitur to. 2. conc. Labb. col. 955. C. Dionysius Diosopolitanus. Ejus ceu Confessoris meminit Hieronymus epist. 61. quæ est ad Pammachium, de erroribus Joannis Hierosolymitani, non longè ante finem, ubi Joannem adloquens hæc interserit: An non tu potius scindis ecclesiam, qui præcepisti Bethleem presbyteris tuis, ne competentibus nostris in Pascha baptismum traderent, quos nos Diospolim ad confessorem & episcopum misimus Dionysium baptizandos? Hanc epistolam scripsit Hieronymus, ex ob-E servat. Tillem. tom. 12. hist. eccl. pag. 643. col. 1. exeunte anno 396. vel initio anni sequentis 397. quo reconciliatio inter ipsum & Joannem inita est. Adhuc itaque vivebat Dionysius Diosopolitanus anno Christi 396. Passum aliquid mali, fortassis exilium, fidei orthodoxæ causa necesse est, sub Valente Imperatore Ariano, quandoquidem ipsum Confessorem appellat Hieronymus. Annus mortis ejus nos latet, videtur tamen decessisse ante annum 415. quo Diospolitana synodus



celebrata est: nam inter 14. episcopos qui huic interfuerunt, & nominantur ab Aug. lib. 1. cont. Jul. cap. 5. Dionysius filetur, nec memoratur quis tunc ex illis fuerit Diospolititanus antistes, nisi is unus sit ex iis sex episcopis, quorum sedem ignoramus, scilicet Ammonianus, Zosimus, Nymphidius, Chromatius, Porphyrius alter à Gazensi, demum Clematius. Verisimile quippè non est in synodo Diospolitana abfuisse episcopum Diospolititanum, nisi tunc sedes illa vacaverit.

## VI. PHOTINUS.

In latrocinio Ephesino anno Christi 449. Dioscori Alexandrini Patriarchæ furori cessit, ut cæteri fere episcopi, Photinus Diospolititanus præsul: at post biennium, in synodo Chalcedonenfi anno 451. errorem retractavit, & reconciliatus est ecclesiæ, Act. præsertim IV. ubi Leonis Papæ ad Flavianum epistolam approbavit, duasque in una Christi persona naturas confessus est, tom. 4. conc. Labb. col. 494. A. Cæteris demum synodi decretis, cum aliis episcopis subscripsit hoc modo, ibidem col. 585. C. Photinus minimus episcopus Lyddæ, definiens subscripsi: Φωτεινὸς ἐπίσκοπος ἐλᾶρχος Λύδδης, ὁρίσας τὰ ἐν γράμμαι & col. 788. C. Photinus Diospolititanus. Baluzius in nova collect. concilior. col. 1239. habet Photinus episcopus Lyddæ.

## VII. APOLLONIUS.

Anno 518. sedebat Lyddæ five Diospoli Apollonius, qui synodicæ trium Palæstinæ epistolæ, à Joanne Hierosolymorum Patriarcha ad Joannem Constantinopolitanum antistitem directæ, subscriptus legitur tom. 5. D. concil. Labb. col. 194. Ἀπολλώνιος ἐπίσκοπος τῆς Διοπολιτῶν, Apollonius episcopus Diospolititanus.

## VIII. EUSTATHIUS.

Leontius discipulus & auctor vitæ sancti Stephani Sabaitæ, qui eam scribebat initio sæculi IX. hujus Eustathii meminit, apud doctissimos Bollandianos to. 3. actorum sanctorum mensis Jul. ad diem 13. pag. 585. num. 131. E. Alias quoque, inquit, pervidenti illustratus oculo (Stephanus Sabaita) rem nobis dixit singularem, quum in Castellii spelæis tunc versaretur per dies, quibus sancti Patris nostri Sabæ memoria celebratur, præsentem eximio plane, ac suis claro virtutibus abbate tum, nunc autem Lyddæ, urbis Christo dilectæ, episcopo Eustathio, qui ad visitandum eum venerat. Quum igitur sub vesperam exiguum quiddam pomorum cœnassemus, illico senis vultus, splendentis instar solis accensus, refulsit; dumque oculos in eum intendimus; dico, inquit, vobis,

Abditam hic in terra juxta ostium speluncæ jacere pelvim; & si quidem rem vultis pernoscere, fodite, & eam invenietis. Surgit extemplo abbas Eustathius, & sine ligone terram egerere manibus occipit, quo ardorem illum cito remittente, ita nos mirificus senex increpuit: neque fidem, neque patientiam habetis, miseri. Incepi ergo & ego statim una fodere cum illo. Jam terram simul ambo erueramus, alteque penetraveramus in locum, quum, re nulla detecta, incredulitas nobis suborta est, & supersedere placuit fossione. Quare senex turbati nos conspiciatus, atque explicata non nihil fronte subridens ait: sustinete adhuc aliquantulum, modicæ fidei. Eruta igitur, ad imperium Senis, paulo altius humo, in pelvim incidimus antiquam, nihilque continentem. Sed eam ut invenimus, dubitatio subiit ac suspicio, an non, vel ipse abstruxisset eam ibi, vel alius quispiam qui id ipsi significasset: donec illum interrogavi, nosque securos reddere dignatus est, dicens: Testis profecto ipsa veritas, neque abscondisse me illam, neque de ea indicium mihi quemquam fecisse, neque reconditam istic eam latere vel cogitasse me ante horam hanc, qua indicavi vobis. Tum enimvero manifeste deprehendi, perspicaci ductum collustratumque mentis intuitu assequutum hoc eum fuisse; ac Deum laudavi glorificantem famulos suos. De hoc sancto Stephano Sabaita, & Leontio vitæ ejus scriptore, vide quæ superius dicta sunt, coll. 305. D. 342. E. & seqq. Quid egerit Eustathius iste in episcopatu Lyddenfi, quove anno sæculi noni obierit, nobis ignotum est.

## IX. \* \* \*

Anno 1602. vir illustrissimus Dominus Franciscus de Breves, Christianissimi Regis Henrici IV. apud Turcicam Aulam Orator, in Palæstinam quum appulisset, ut sacra loca inviseret, Lyddam ingressus ab hujus urbis episcopo multo honore exceptus est. Id indicat Itinerarium ejus Gallicè editum pp. 100, & 101.

## X. DOROTHEUS.

In appendice ad librum Nectarii Patriarchæ Hierosolymitani Ὁ ἐν ἀρχῇ τῆς Πατρῆς, de primatu Papæ, qui anno 1682. typis Giasiensibus prodiit, narratur Païsum, ejusdem Nectarii qui obiit anno 1660. die 2. Decembris, decessorem Constantinopoli Hierosolymam revertentem, navigationis socium inter cæteros habuisse Dorotheum Lyddæ episcopum, Δορθεῖος ἐπίσκοπος Λύδδης, qui proinde anno 1660. sedebat.

## XI. ANTONIUS.

Synodo Hierosolymitanæ, adversus Calvi-  
Oo iij



ECCLESIA  
LYDDÆ  
seu  
DIOSPOLIS.

nianos errores, à Dositheo Patriarcha anno A  
1672. Bethleemi celebratæ interfuit & sub-  
scripsit *humilis archiepiscopus Lyddæ Antonius*  
ὁ ἐλάχιος ἀρχιεπίσκοπος Λύδδης Ἀντώνιος, apud  
Harduin. *to. XI. conc. col. 270. A.*

## XII. NICEPHORUS.

Ante annum Christi 1733. sedebat *Nice-  
phorus archiepiscopus Lyddæ.*

## XIII. LEFFRENDIUS.

Duplici epistola Gallicè scripta ex urbe  
Tripoli Syriæ anno 1733. una quidem die 1.  
Martii, altera vero die 25. ejusdem mensis,  
moniti fuimus tunc episcopum Lyddæ fuisse  
*Leffrendium*, de quo nihil nobis aliud inno-  
tescit.

## V.

## ECCLESIA JAMNIAE.

**J**AMNIA five *Jabne*, vulgo *Zania*, urbs est antiqua Philistiim, cujus muros, ut & Azoti  
& Geth, Ozias rex Judæ destruxisse 2. Paral. *cap. 26. vers. 6.* refertur: *Pugnavit contra  
Philistiim, & destruxit murum Geth, & murum Jabne, murumque Azoti.* In censu urbium  
Judæ, Josue *cap. 15. vers. 45.* juxta translationem 70. Interpr. *Ιαμναι* post *Ἀντιόχον* extat,  
quæ hæc videtur *Jamnia*. Scriptoribus antiquis *Ιάμνα*, *Ιαμνία*, & *Ιέμνα*, nomen habet.  
Stephanus Byzantinus sic de ea scribit. *Jamnia oppidum Phœnicia, vicus Straboni sic appellatus  
à Jamno; ὑπὸ Ἰάμνῃς vel quod Ἰάμνῃς appellabant humidos & floridos locos.* Strabo quippe  
*lib. 16. pag. 759. A.* Edit. Casaub. ait: *Locus hic adeo hominibus abundavit, ut ex Jamnia  
proximo vico, & circumvicinis habitationibus, quadraginta hominum millia armarentur.* Ad  
recitata autem modo Stephani verba subdit Thomas de Pinedo, *annot. 6. pag. 317. col. 1.*  
*Quærere etymologiam urbis Judææ seu Phœnicia à lingua Græca, desipere est.* Verum, cum  
bona ejus venia dixerim, ita insulsum non apparet, civitatem Judææ, nuncupatam  
Hebraicè *Jabneh*, à Græcis nominatam fuisse *Jamniam*, juxta sibi proprium idioma, ex  
voce Græca *Ιάμνῃς*, qua *locus humidus & virens* significatur. Portum habebat *Jamnia*  
paulo à se diffitum; unde Plinius duas facit *Jamnias*: unam in terris, alteram ad mare.  
Portum hunc Judas Machabæus incendit 2. Mach. *cap. 12. vers. 9.* ubi ab Hierosolymis  
legitur stadiis 240. abesse.

Lib. 5.  
cap. 13.

## EPISCOPI JAMNIAE.

### I. MACRINUS.

**Q**UO tempore Arius hæresim suam pro-  
palare incepit, *Macrinus* Jamniæ episcopus  
erat. Hunc enim & alios, teste Eptphanio  
*lib. 2. to. 2. hæc. 69. n. 4. pag. 730.* Alexander  
Alexandrinus Patriarcha de illius impietate  
per epistolam certiore fecit. Obierat porro  
ante synodum Nicænam.

### II. PETRUS.

Inter episcopos Palæstinæ, qui concilio  
Nicæno interfuerunt anno Christi 325. le-  
gitur *Petrus Jamniensis*, *tom. 2. concil. Labb.*  
*col. 51. C.* Legitur etiam ultimus in subscrip-  
tionibus synodi Sardicens. anno 347. inter  
episcopos Palæstinæ, *Petrus*, *ibid. col. 679. D.*  
Item epistolæ synodicæ quam Maximus Hie-  
rosolymorum antistes ad populum Alexan-  
drinum misit pro Athanasio, eodem an. 347.  
aut sequenti, subscripsit, *ibid. col. 727. A.*

### III. ÆLIANUS.

Anno 381. Jamniæ sedebat *Ælianus*, qui  
secundæ synodo generali Constantinopoli  
habitæ subscripsit *Ælianus Jamniensis*, *to. 2.*  
*conc. Labb. col. 955. C.*

### IV. STEPHANUS.

In vita sancti Euthymii archimandritæ  
quam accuratè scripsit Cyrillus Scythopoli-  
tanus, auctor suppar, & referunt tum Bol-  
landus *to. 2. Januar. ad diem 20.* tum Cote-  
lerius *tom. 2. monum. eccl. Græc.* frequens est  
mentio de hoc *Stephano*. Sic *num. 41. p. 233.*  
Cotel. legitur: *Suscipit etiam* (Euthymius  
inter discipulos suos) *alios tres fratres genere,  
patria Melitenos, Μελιτινῶδες, consobrinos Synodii  
illius qui cum Acacio educaverat Euthymium,  
quorum nomina Stephanus, Andreas, Gaïanus.*  
Et *num. 54. pag. 244.* *Quum magna & æcu-  
menica synodus Ephesi tunc primum congrega-  
retur, Synodius, qui cum Acacio fuerat magister  
Euthymii . . . adhuc pueri, in Palæstinam ad  
adoranda loca venerabilia profectus, accedit  
etiam ad lauram, quinquagesimo-quarto anno  
ætatis magni Euthymii, partim ut illum ipsum  
Euthymium viseret, partim ut salutaret consō-  
brinos suos Stephanum, Andream, & Gaïanum.*  
*Videns igitur Euthymium, ei narravit de im-  
piissima hæresi Nestorii, &c. Exposuit etiam ei  
de Cyrillo Alexandrino, & Acacio Melitenensi,  
quemadmodum ardentem zelum exhiberent pro  
fide orthodoxa, & quod æcumenica synodus esset*



mox Ephesi congreganda adversus illum impium. A His ergo sic dictis à Synodio, animo lætatus est Euthymius, talia discens de Acacio.... à quo fuerat institutus in exercitio literarum. Deinde vero quum ei valedixisset Synodius, discedit è laura, assumens Stephanum consobrinum, & abit in sanctam civitatem, atque persuadet ei cui commissa erat ecclesiæ illius gubernatio, (scilicet Juvenali) ut Stephanum cooptaret in numerum suorum diaconorum. Ille autem una cum eo ordinat quoque Cosnam Cappadocem, & utrumque refert in diaconorum chorum. Et num. 57. pag. 247. Juvenalis Stephanum B Melitenensem ordinat Jamniæ episcopum (quibusdam utique annis post celebratam Ephesinam synodum.) Et num. 72. pag. 260. Cæterum septuagesimo-quinto anno ætatis magni Euthymii, congregata fuit synodus Chalcedonensis.... Huic synodo etiam intererant discipuli præcellentis Euthymii, Stephanus Jamniæ, & Saracenorum episcopus Joannes.... (qui) postquam fidei decretum (fuit) mandatum literis, eo statim arrepto, quam potuerunt celerrimè ad Euthymium accedunt.... volentes scire an ipse quoque assentiretur iis quæ scripta fuerant.... neque habebant quo modo aut consentirent, aut differrent, antequàm cognoscerent quo vergeret illius sententia. Postquam vero ille legisset, & quæ scripta erant invenisset rectè se habere, & rectæ regulæ veritatis concinere, pervasit repente fama totam solitudinem, quod & magnus Euthymius sequeretur synodum Chalcedonensem. Subscriptus extat tom. 4. conc. Labb. in concilio præfato, actione 1. col. 82. E. Στεφάνου

Α Jamniæ, Stephanus Jamniæ Palæstinæ. Act. 2. col. 329. A. Eodem modo, act. 3. ibid. col. 445. C. hæc de eo referuntur: Stephanus episcopus civitatis Jamniæ dixit: His quæ determinata sunt à sanctissimis Patribus super Dioscoro Alexandrinorum quondam episcopo, consentio, & alienum eum judico ab omni sacerdotali ministerio. Act. 6. ibid. col. 585. C. Stephanus episcopus Jamniæ definiens subscripsi, Στέφανος ἐπίσκοπος Ἰαμνίας, ὁρίσας πᾶσι. Denique act. 16. col. 788. D. Stephanus Jamniensis. Nihil aliud de eo reperimus.

## V. ZENOBIVS.

Inter episcopos Palæstinæ qui synodicæ Joannis Hierosolymitani præfulis ad Joannem Patriarcham Constantinopolitanum epistolæ subscripserunt, anno Christi 518. legitur 10. 5. conc. Labb. col. 191. A. Zenobius episcopus Jamnianus me benè valere, & reliqua. Ζηνοβίου ἐπίσκοπος Ἰαμνίας, ἐρρωσάμει, καὶ τὰ λοιπὰ.

## VI. STEPHANUS II.

Anno 536. adfuit synodo Hierosolymis celebratæ contra Anthimum sub Petro Patriarcha, Stephanus episcopus Jamniæ, qui & sententiæ adversus eum latæ, cum cæteris trium Palæstinarum præsulibus subscripsit in hunc modum: Το. 5. conc. Labb. col. 286. D. Στέφανος ἐπίσκοπος τῆς Ἰαμνιτικῆς, ὁρίσας πᾶσι. Stephanus episcopus Jamnitianus, diffinivi & subsignavi.

\*\*\*\*\*

## VI.

## ECCLESIA NICOPOLIS.

NICOPOLIS, cujus priscum nomen Emmaus sive Ammaus fuit, ab Hierosolymis viginti duobus milliaribus sive 176. stadiis distabat, ut in Itinerario veteri Hierosolymitano legitur. Unde minime confundenda est hæc civitas cum vico Emmaus qui ex Evangelio Lucæ cap. 22. vers. 13. erat solum in spatio stadiorum 60. Nonnulli tamen, etiam ex veteribus scriptoribus, utrumque illum locum pro uno eodemque sumere. Distinguendos illos Emmaus duos multis ostendit Hadrianus Relandus in Palæstina illustrata, 10. 1. pag. 426. & seqq. «De Emmaunte, inquit, magis ardua est disquisitio. Si enim Emmaus ab Hierosolymis non abfuit, nisi per spatium 60. stadiorum, quomodo sita dicitur 1. Macch. cap. 3. vers. 40. in regione campestri? campestris (enim) regio longius aberat ab Hierosolymis occalum versus. Id Itineraria omnia & ἀντίπαι uno ore affirmant: (scilicet) decem milliarium Romanorum spatia circiter ab urbe Rama, per quam iter ducit à Joppe Hierosolymas, (&) campis relictis ad montana adscenditur, (extare,) per (quæ) iter continuum fit usque ad Hierosolymas. Notius hoc certiusque quam ut negari possit.... Præterea (illa) Emmaus (quæ) postea Nicopolis dicta est.... aberat Hierosolymis 22. milliaribus Romanis, id est, 176. stadiis, ut in Itinerario veteri Hierosolymitano legitur. Quantum differt hoc spatium à 60. stadiis? (Insuper) multa habentur in scriptis veterum, (quæ) miror tot viros doctos non advertisse,) de Nicopoli tradita, quæ nulla prorsus ratione Emmaunti à Luca memoratæ conveniunt.... Duo (quippe) loca sunt disjunctissima maximeque diversa: quod ut clarum fiat ad hæc velim attendi. Primo, Emmaus à Luca commemorata, erat κώμη, vicus, 60. stadiis distans ab Hierosolymis. Josephus idem testatur lib. 7. de bell. Jud. cap. 27. χωρίον.... Αμμαῆς ἀπέχει τῇ Ἱεροσολύμων σαδὲς ἐξήκοντα. Emmaus autem, quæ Nicopolis dicta est, urbs fuit,



» & Hierosolymis aberat 22. miliaribus Romanis, quæ 176. stadiis paria sunt. Deinde,  
 » Emmaus, dicta Nicopolis, illic erat sita ubi sunt campestria, & ubi montana Judææ  
 » incipiunt consurgere. Ita scribit Hieronymus *comment. in Dan. cap. XI. vers. 44. & 45.*  
 » *Juxta Nicopolin, quæ prius Emmaus vocabatur, ubi incipiunt Judææ provinciæ montana con-*  
 » *surgere.* Hoccine dici potest de loco qui 60. (tantum) stadiis Hierosolymis abest! . . . . At  
 » ubi Nicopolis erat, 22. miliaribus ab Hierosolymis, & 10. miliaribus à Lydda, illic inci-  
 » piunt montana Judææ consurgere, ubi nunc ostenditur *Castrum boni latronis*. Id omnes  
 » norunt qui iter illud confecerunt, aut itineraria legerunt recentia, &c. Præterea, Emmaus,  
 » Nicopolis dicta, jungitur cum Lydda, Joppe, aliisque locis campestribus. Plinius *lib. 5.*  
 » *cap. 14. Fontibus irriguam asserit Emmaum, Lyddam, Joppicam, &c.* Hieronymus, (quem  
 » profecto stupendum est in Epitaph. Paulæ, & *lib. de locis Hebr.* scribere potuisse *Emmaunta*  
 » *Lucae eandem fuisse atque Nicopolim*) Hieronymus, inquam, *comment. in Abdia vers. 19.* ait:  
 » *Qui autem habitabant in Sephela, id est, in campestribus (Lyddam & Emmaus, Diospolin scilicet*  
 » *Nicopolinque significans) possidebunt Palæstinos.* Et *comment. in Ezech. cap. 48. vers. 21. & 22.*  
 » ita describit regionem Tribus Dan: *Septima Dan usque Joppen, ubi sunt Turres Hailon &*  
 » *Selebi & Emmaus, quæ nunc appellatur Nicopolis.* Porro perspicuum est . . . . *Emmaunta*,  
 vicum à Luca memoratum, qui 60. stadiis Hierosolymis aberat, in portione Tribus Dan  
 non fuisse, quæ longius aberat Hierosolymis.

Josephus, pergit Relandus pp. 428. & 429. *Ammauntis* meminit pluribus in locis: *lib. 2. de bell. Jud. cap. 25. In toparchiam Thamnæ missus est qui eam administraret Joannes Essæus. Illi additæ sunt Lydda, Joppe, & Ammaus.* Ἀμμαῦς & Ἐμμαῦς Josepho idem locus est, quippe cui dicitur Ἀμμαῦς *lib. 2. de bell. Jud. cap. 3.* Ἐμμαῦς vero *lib. 17. antiq. cap. 12.* Superius etiam *lib. 12. antiq. cap. XI.* postquam narravit Gorgiam fuisse in Judæam missum cum exercitu, addit, οἱ δ' ἄρχις Ἐμμαῦς πόλεως ἐλθόντες ἐν τῇ πεδινῇ κατὰ στρατοπέδον τῆς, Illi autem usque ad Emmaunta urbem progressi in regione campestri castrametantur. Regio autem campestris longius aberat Hierosolymis versus occasum, quam sint 60. stadia vici Emmaus; unde palam est Josephum loqui de Emmaunte, dicta postea Nicopoli, de qua rursus scribit *lib. 5. de bell. Jud. cap. 4.* Vespasianum cum exercitu venisse Antipatrida, inde in Thamniticam toparchiam, & Lyddam & Jamniam, & εἰς Ἀμμαῦντα. Quis non videt hanc Emmaunta viciniorem fuisse Lyddæ, Joppe, & Jamniæ, quam ut credi possit eadem ac vicus Emmaus Hierosolymis distans 60. tantum stadiis! Urbs quoque Emmaus, non vicus, memoratur *lib. 1. Machab. cap. 3. vers. 40.* his verbis: *Et processerunt cum universa virtute sua, & venerunt, & applicuerunt Emmaum in terra campestri.* Et *cap. 4. vers. 1. Et assumpsit Gorgias quinque millia virorum, & mille equites electos, & moverunt castra nocte, ut applicarent ad castra Judæorum, & percuterent eos subito. . . . Et audivit Judas (Machabæus) & surrexit ipse, & potentes, percutere virtutem exercituum regis (Antiochi) qui erant in Emmaum. . . . vers. 14. & congressi sunt, & contritæ sunt gentes, & fugerunt in campum. Novissimi autem omnes ceciderunt in gladio, & persequuti sunt usque Geseron, & usque in campos Idumææ, & Azoti, & Jamniæ, &c.* Ad hanc victoriam respicit Hieron. *comment. in Daniel. cap. 8. vers. 14.* ubi ait: *Judæ Machabæi significat tempora, qui de vico Modin, fratribus ac propinquis secum adniventibus, & multis de populo Judæorum, Antiochi duces superat juxta Emmaus, quæ nunc Nicopolis dicitur.* Idem Josephus *lib. 13. antiq. cap. 1.* munitam esse à Judæis urbem Ἐμμαῦν scribit, & turres in ea ædificatas. Harum turrium & munitionum, inquit Hadrian. Reland. *pag. 429.* aut illarum quas Romani postea extruxerunt, reliquias ego suspicor rudera quæ nunc ad latus dextrum viæ publicæ ducentis à Joppe conspiciuntur, & *Castrum boni latronis* solent dici. Spatium certe decem miliarium Romanorum, quod illa rudera absunt Diospoli, & quod Nicopolis abfuisse scribitur, est idem. Subjungit idem Relandus *10. 2. pag. 758.* Tria loca esse nomine Emmauntis nota in Palæstina; 1.º Urbem hanc, Nicopolim dictam postea. 2.º Vicum in Evangelio Lucæ memoratum. 3.º Locum vicinum Tiberiadi, qui à thermis nomen videtur traxisse.

De novo nomine Nicopolis, urbi Emmaus imposito hæc scribit M. Aurel. Cassiodorus in chron. ad Consulatum Alexandri & Augusti, apud eundem Reland. *pag. 759.* *His Coss. in Palæstina Nicopolis, quæ prius Emmaus vocabatur, urbs condita est:* adeoque, secundum ipsius computum, ante imperium Alexandri Mammææ filii, sub Elagabalo, sive Heliogabalo. Chronicon Paschale ad annum Christi 223. habet etiam: *Nicopolis Palæstinæ, olim Emmaus dicta, condita est, legationem pro ea obeunte illius præfecto Julio Africano scriptore chronicorum.* Hieronymus, de Julio Africano agens in catalogo scriptor. eccles. ita rem narrat: *Julius Africanus, cujus quinque de temporibus extant volumina, sub Imperatore Marco Aurelio Antonino (id est, Heliogabalo) qui Macrino successerat, legationem pro instauratione urbis Emmaus suscepit,*  
 quæ



quæ postea Nicopolis appellata est. Denique Theophanes in chronographia pag. 41. fuisse tradit fontem propè Emmaus, quem Julianus Apostata obturari jussit: *Nicopoli Palæstinæ*, inquit, quæ olim Emmaus vocabatur, fons est qui omnibus tam brutorum quam hominum morbis medetur, in eo enim ferunt Deum & Dominum nostrum Jesum peracto itinere pedes suos lavisse. Illum (fontem) aggesta terra obstrui scelestus (Julianus) imperavit. Hucusque Hadrianus Relandus de Emmaunte sive Nicopoli.

ECCLESIA  
NICOPOLIS.

## EPISCOPI NICOPOLIS.

### I. LONGINUS.

IN indice episcoporum provinciæ Palæstinæ, qui synodo Nicænæ anno 325. subscripserunt, legitur: *Longinus Nicopolitanus*, tom. 2. concil. Labb. col. 51. C.

### II. RUFUS.

Anno 381. concilio II. generali Constantinopoli congregato, subscripsit *Rufus Nicopolitanus*, inter episcopos Palæstinæ, *ibid.* col. 955. C.

### III. ZENOBIUS.

Decreto synodi Hierosolymitanæ, sub Petro Patriarcha anno 536. contra Anthimum, Severum & alios hæreticos, subscriptus habetur inter cæteros trium Palæstinæ præfules, *Zenobius episcopus Nicopolis*, tom. 5. concil. Labb. col. 286. A. Ζηνόβιος ἐπίσκοπος Νικοπόλεως ὁρίσας ὑποσημνήσας, *Zenobius episcopus Nicopolis diffiniens subsignavi.*

### IV. JULIUS.

Moyse Barcephæ, id est, Cephæ sive Petri filius, (qui, Masio teste in præfat. ad hujus tractatum de Paradiso, obiit anno ab Alexandri Magni regno 1224. (hoc est, Christi 913.) die Sabbato, qui tum decimus-tertius erat ejus mensis, quem Syri Sebot, nostri plerumque Februarii interlunio inchoatum appellant:) inter auctores quos citat in præfato tractatu, *Julium* recenset, quem idem Masius, ut & clarissimus Fabricius *to. 5. Bibl. Græc. pag. 270. Julium Africanum Emmaus episcopum* esse putant, cujus commentarios Novi Testamenti, & chronicon laudat Hebed-Jesu in catalogo librorum Chaldæorum *n. 15.* & expositiones

A scripturarum subinde in catenis allegantur: ac præsertim in catena Corderiana super Joannem, ubi *Julius episcopus* vocatur. Hæc doctissimus Josephus Simonius Assemanus, *Biblioth. Orient. Clementino-Vatican. tom. 2. pag. 129. col. 1.* qui subdit: «Quamquam fortasse dubitare quis possit, num diversus ab Africano sit, quum à Gregorio Bar-hebræo in *Horreo Mysteriorum* frequenter citetur *Julius*, aliquando vero *Africanus*, quasi duo auctores fuerint, nisi illum utroque nomine indigitare voluerit.» Dionysius Barsalibi Melitenensis, episcopus Amidæ, de grege Jacobitarum, qui obiit initio sæculi decimi-terti, testimonia affert in suis commentariis super libros sacros, ex *Africano* episcopo Emmaus in *Evang. fol. 33. & 37.* apud eundem Assemanum *ibid. pag. 158. col. 1.* Ita quoque modo relatus Gregorius Bar-hebræus, qui vivebat sæculo decimo-tertio, in *Comment. Scripturar. ibid. pag. 283. col. 1. Africanum* laudat, & rursus in historia Dynastiarum; *Africanum*, Andronicum, Eusebium, & Jacobum Edeffenum, quorum chronica citat *pp. 4. 11. 24. 27. 33. 54. & 80. ibid. p. 310. col. 2.* Demum in chronico Syriaco, *Africanum* sæpè appellat, apud eundem Assemanum *pag. 313. col. 2.* Verum hic, sive *Julius*, sive *Africanus*, unus, vel duo homines, quorum unusquisque dicitur episcopus *Emmaus*, hic, inquam, diversus esse debet à *Julio Africano*, qui florebat initio sæculi tertii, utpote quem nec Eusebius, nec sanctus Hieronymus scripserint fuisse episcopum *Emmaus* sive *Nicopolis*. Si autem hanc ecclesiam aliquis *Julius Africanus*, ab iis scriptoribus recitatus, revera ante sæculum decimum administraverit, ejus, quocunque vixerit ævo, hic meminimus.

## VII.

## ECCLESIA SOZUSÆ.

*SOZUSA*, Græcis Σωζουσα, urbs Palæstinæ primæ erat episcopatuque insignis, verba sunt Hadriani Relandi, in Palæstina illustrata, *to. 2. pag. 1021.* Hujus mentio fit in concilio Chalcedonenfi, & in notitiis ecclesiasticis veteribus. Stephanus, de ea ait: Σωζουσα, πόλις ἑστὶς, Φωίνης. . . . *Sozusæ, urbes tres, Phœnices, &c.* In notitia Latina, cujus excerptum refert ex Carol. à Sancto Paulo præfatus Hadr. Reland. *to. 1. pag. 222. Sorucis* appellatur. Sozuzam idem Carol. à Sancto Paulo, in mappa sua Geogr. inter Cæsaream & Samariam collocat.



## EPISCOPIS SOZUSÆ.

## I. BARACHIUS sive BARUCHIUS.

**B**ARACHIUS iste sedebat anno 449. Adfuit enim latrocinio Ephesino eo anno congregato, ut legitur in actis ejus quæ inserta sunt actis concilii Chalcedonenfis, Βαρεχῆ ἐπίσκοπος Σωζύσης Παλαιστίνης, Baruchius episcopus Oruzæ (Sozusæ) Palæstinæ provinciae, tom. 4. conc. Labb. col. 267. B. Βαρεχῆ ἐπίσκοπος Σωζύσης, Baruchius episcopus Sozucenæ civitatis, col. 312. A. Baruchius episcopus ecclesiæ Oruzæ, col. 320. D. In Latinis codicibus quibusdam habetur *Oruxæ* B nopolim ab Eustochio Patriarcha Hierosolymitano ad synodum V. generalem missis qui in ea vices suas supplerent, unus fuit, *Damianus episcopus Sozusæ*: id ex ejus subscriptione constat, tom. 5. concil. Labb. col. 580. E. his verbis: *Damianus misericordia Dei episcopus Sozytanæ civitatis, agens vicem Eustochii sanctissimi Patriarchæ Hierosolymitanæ civitatis, una cum Stephano & Georgio religiosissimis episcopis, similiter.* Vide supra, ubi de Eustochio Patriarcha Hierosolymorum, coll. 218. & 219.

## II. LEONTIUS.

Litteris synodicis Joannis Hierosolymitani ad Joannem Constantinopolitanum adversus Severum sedis Antiochenæ invasorem & hæ-

Areticum Monophysitam, datis anno 518. subscripsit Λεόντιος ἐπίσκοπος Σωζύσης, *Leontius episcopus Sozusenius*, to. 5. conc. Labb. col. 191. E. In actis etiam concilii Hierosolymitani, sub Petro Patriarcha, adversus Anthimum, convocati anno 536. subscriptus legitur, Λεόντιος Σωζύσης, *ibid.* col. 284. D. Subindeque tunc adhuc sedebat Leontius ille, nisi alius fuerit ejusdem nominis episcopus.

## III. DAMIANUS.

E tribus episcopis anno 553. Constanti-



## VIII.

## ECCLESIA GADARORUM.

**D**UPLEX memoratur *Gadarorum* civitas: una Palæstinæ primæ, quæ non longè fuit ab Azoto & Jamnia, ut colligere est ex Josepho lib. 12. antiq. cap. 2. ubi dicitur Judas persecutus hostes suos usque ad *Gadara μέγχι Γαδάρον & campos Idumææ, & Azorum, & Jamniam.* Similiter lib. 1. Mach. cap. 14. vers. 34. legitur, Γαζαρι (quam Josephus Ζάρα, Γάδαα & Γαζαρα appellat) ἐν τῷ ὁρίῳ Ἀζότῃ fuisse in finibus Azoti. Nonnulli existimant hanc urbem esse quæ *Gezer* vel *Gazer* nuncupatur in scripturis, Josue cap. 16. vers. 3. & 10. Jud. cap. 1. vers. 29. 2. Reg. cap. 5. vers. 25. & 1. Paral. cap. 14. vers. 6. Idem Josephus lib. 8. antiq. cap. 2. scribit de rege Ægypti eum cepisse *Gazara Γαζαρα* urbem regionis Palæstinorum τῆς Παλαιστίνων, & filia suæ Salomoni nuptæ in dotem tradidisse. Hæc autem urbs *Gezer* appellatur 2. Reg. cap. 5. vers. 25. & 3. Reg. cap. 9. vers. 15. Altera civitas *Gadarorum*, fuit Palæstinæ secundæ, ad flumen Hieromiacen, teste Plinio lib. 5. cap. 18. Hæc, ex Josepho lib. 5. de bell. Jud. cap. 3. metropolis erat Perææ ad ortum sita lacus Tiberiadis ab eo distans stadiis 60. De regione *Gadarenorum Γαδαρήνων* ἢ five *Gergesenorum*, mentio occurrit, Matt. cap. 8. vers. 28. Marc. cap. 5. vers. 1. Luc. cap. 8. vers. 26. Thermae Gadarense laudat Eunapius Sardianus in libro de vitis Philosophor. ubi de Iamblichō, *Gadara*, inquit, *Thermae sunt in Syria secundas tenentes à Romanis quæ Baiis sunt, quibuscum nullæ aliæ comparari queunt.* Episcopi Gadarense in actis conciliorum nominantur, de quibus merito subest dubium, cujusnam ex duabus illis urbibus, sedem unusquisque eorum tenuerit. Certè synodo Hierosolymitanæ anno 536. celebratæ contra Anthimum sub Petro Patriarcha duo episcopi *Gadarorum* subscripserunt, to. 5. conc. Labb. col. 286. B. D. Ἀράχιος Γαδάρον *Araxius episcopus Gadarenus*, & Θεόδωρος Γαδάρον, *Theodorus episcopus Gadarorum.* Propterea hîc episcopos conjungimus quicumque *Gadarorum* in subscriptionibus conciliorum nomine insigniuntur, judicio lectoris relinquentes, ad quam duarum illarum urbium eorum unumquemque assignare libeat. Hæc omnia fufius tradit Hadrianus Relandus, in Palæstina illustrata, tom. 2. pag. 773. & seqq. usque ad 780.



## EPISCOPI GADARORUM.

ECCLESIA  
GADARORUM.

## I. CAJANUS sive GAIANUS.

**C**AJANUS *Gadarensis* subscriptus legitur concilio primo Nicæno anno 325. *tom. 2. conc. Labb. col. 51. B.* Ob loca adjecta, subdit præfatus Relandus, *pag. 776.* videretur hic *Gadara* (in plurali neutro) *Palæstinæ primæ* esse intelligenda.

## II. EUSEBIUS.

*Eusebius Gadarensis*, solus est notatus ex episcopis *Palæstinæ*, qui subscripserit synodo Antiochenæ anno 341. *tom. 2. concil. Labb. B. col. 559.*

## III. THEODORUS.

*Theodorus episcopus Gadarorum*, Θεόδωρος Γαδαρέων, inter illos occurrit qui subscripsere concilio Ephesino anno 431. *Tom. 3. conc. Labb. col. 448. B.*

## IV. JOANNES.

*Joannes episcopus Gadarorum*, Ιωάννης Γαδαρέων, subscripsit actis concilii Chalcedonensis anno 451. *to. 4. concil. Labb. coll. 82. E. & 329. A.* *Joanne Gadiorum* Ιωάννης Γαδαρέων, ad marg. Γαδαρέων. Nec quis existimet, inquit idem Reland. *pag. 777.* (quoniam hic Γαδαρέων scribitur, & in notitiis veteribus Γάδαρα etiam appellatur urbs *Palæstinæ secundæ*, primæ autem Γάδαρα) oportere episcopos qui Γαδαρέων esse dicuntur in actis

A conciliorum referri ad *Gadara* (in plurali neutro) *Palæstinæ primæ*, & qui Γαδαρέων ad *Gadara Palæstinæ secundæ*: nam verum nomen urbis hujus *Palæstinæ secundæ* Γάδαρα fuisse, non Γάδαρα, constat ex scriptoribus antiquis, & hi ipsi episcopi qui Γαδαρέων dicuntur, *Gadarenses* nuncupantur. Ita in Latina versione actorum hujus ipsius concilii Chalcedonensis, *col. 82. E.* ubi in Græco legitur Ιωάννης Γαδαρέων, in Latino est *Joanne Gadara Palæstinæ secundæ*, & in act. xv. ejusdem concilii, *to. 4. conc. col. 787. D.* in qua uti ex codice antiquissimo descripta sunt episcoporum nomina à Sirmondo, legitur *provincia Palæstinæ secundæ episcopi IV. Severianus, &c. Joannes Gadarensis.* Quid! quod in ipso contextu Græco ejusdem *to. 4. conc. col. 586. C.* idem episcopus appelletur Ιωάννης επίσκοπος της Γαδαρέων. Atque ita etiam in ipsis notitiis veteribus Latinis pro Γάδαρα, legitur *Gadarum*. Hæc præfatus Relandus.

## V. ARAXIUS.

## VI. THEODORUS.

**C** Jam diximus *Araxium* & *Theodorum* inscribi eodem tempore episcopos *Gadarorum*, in sententia lata contra Anthimum, anno 536. ita ut unus quidem illorum fuerit episcopus *Gadarorum Palæstinæ primæ*, alter vero *Gadarorum Palæstinæ secundæ*; sed quis determinatè prioris urbis, quis posterioris, definire facile non est.

## IX.

## ECCLESIA ASCALONIS.

**A**SCALON vulgo *Scalona*, urbs antiqua, Satrapiæ unius Philistinorum caput, Hierosolymis 520. stadiis distabat. Hæc gentilismo diu addictissima fuit, quum vero Julianus Apostata deorum cultum revocare niteretur, presbyteros & virgines occiderunt, teste auctore chronici Paschalis ad annum 361. *apertaque eorum corpora hordeo repleta porcis (devoranda) exposuerunt.* Expugnata à Francis & Latinis *Palæstina*, Ascalonis episcopatus Bethleem translatus fuit.

## EPISCOPI ASCALONIS.

## I. LONGINUS sive MONGINUS.

**A**D Longinum hunc Ascalonensem episcopum, quum Arianæ hæresis propalari cœpta est, epistolam scripsit Alexander Alexandrinus Patriarcha, de nova ea hæresi, ut refert Epiphanius *lib. 2. tom. 2. hæc. 69. num. 4. pag. 730. B.* Λογγίνω ἐν Ἀσκάλωνι, *Monginum Ascalonis* habet ibidem versio Latina. Obiit Longinus antequam synodus Nicæna celebraretur: certè in subscriptionibus præfulum *Palæstinæ* nomen ejus non legitur, sed Sabini.

*Tomus III.*

## II. SABINUS.

*Sabinus* iste Longino successisse videtur: nam in indice synodi Nicænæ anno 325. celebratæ, extat inter episcopos provincie *Palæstinæ*, *Sabinus Ascalonitanus*, *to. 2. conc. Labb. col. 51. B.*

## III. AUXENTIUS.

Anno Christi 381. sedebat Ascalonis episcopus *Auxentius*; quippe qui synodo secundæ generali eo anno Constantinopoli habitæ adfuerit & subscripserit, *Auxentius Ascalonitanus*, *Tom. 2. conc. Labb. col. 955. C.*

Pp ij



## IV. JOVINUS.

Ex diacono ecclesiæ Ascalonitanæ ad ejus sedem evectus est Jovinus Ἰωβίνος, ante ann. 415. quem virum pium, & eruditum appellat Palladius *hist. Laus. c. 143. D. 10. 1. Bibl. vet. Patr. Græco-Lat. edit. Paris. 1624.* Synodo Diospolitanæ interfuit prædicto anno 415. & inter 14. episcopos quibus illa constitit numeratur ab Augustino *lib. 1. contra Jul. cap. 5. Vid. 10. 2. conc. Labb. col. 1532. D.*

## V. LEONTIUS.

Ad latrocinium Ephesinum venit Leontius iste Ascalonis episcopus, ejusque impiis decretis volens nolenſve ſuffragatus est, anno Christi 449. Sed biennio post in ſynodo Chalcedonenſi anno 451. act. IV. quicquid egerat retractavit, primus aliorum de Palæſtina præſulum nominatus, ejusque actis ſubſcripſit Leontius Ascalonis Palæſtinæ, Λεοντίου Ἀσκαλῶντος. *10. 4. conc. Labb. coll. 82. D. 118. D. 266. D. 311. B. 320. D. 460. E.* ubi habetur Λεόντιος ἐπίσκοπος Ἀσκαλῶντος, δέισας ἐπὶ τῇ καθαρῳύσῃ Διοσκορίῳ ὑπέγραψα. Leontius episcopus civitatis Ascalonæ desiniens in damnatione Dioscori ſubſcripſi, *coll. 494. A. 570. C. 585. A. 788. C. & 801. A.*

## VI. ANTONIUS.

Antonius Marciani episcopi Sebaſteni filius, ordinatus est episcopus Ascalonenſis ab Elia Hierosolymitano Patriarcha, qui ad Hierosolymitanam ſedem, poſt Saluſtium, promotus fuit anno Christi 494. De ea ordinatione Antonii hæc habet Cyrillus Scythopolitanus in vita ſancti Sabæ abbatis *num. 37. tom. 3. D. monum. eccl. Græc. Cotel. pag. 277. C.* Marcianus quidam præſbyter ſanctæ Reſurrecciónis, & ſanctæ Sionis præpoſitus, frequenſius ad ſanctum patrem noſtrum Sabam accedebat.... cum liberis ſuis Antonio & Joanne.... quem archiepiscopus Elias amore proſequutus, episcopum Sebaſtæ ordinavit, ut & Ascalonitarum eccleſiæ Antonium (ejuſdem Marciani filium:) καὶ τῆς Ἀσκαλωνιτῶν ἐκκλησίας τὸν Ἀντώνιον. Id contigit ante annum 513. quo Elias in exilium pulſus est ab Anaſtaſio Imperatore propter fidem. Anno 518. Joannes, Antonii frater, qui in locum Eliæ Patriarchæ ſubſtitutus fuerat, exceptum in convivio Sabam, mediumque inter utrumque conſtitutum, ipſe cum fratre ſuo Antonio propriis manibus ingenti ſolertia inſerviebant, ut ſuperius ſcripſimus *col. 187. B. C.* Eodem anno ſubſcripſit ſynodicis Joannis Patriarchæ fratris ſui litteris contra Severum hæreticum ad Joannem Conſtantinopolitanum antiſtitem miſſis, *tom. 5. conc. Labb. col. 192. C.*

A Demum ſub Petro Patriarcha qui Joanni ſucceſſerat, Juſtinianus Imperator anno 532. mandata emiſit, teſte eodem Cyrillo Scythopolitano *ibid. num. 73. pag. 345. B. C.* ad archiepiscopum Petrum, & Palæſtinæ rectores, quæ decernebant ut Antonius episcopus Ascalonis Ἀντώνιον τὸν ἐπίσκοπον Ἀσκαλῶντος, & Zacharias episcopus Pellæ inſpicerent villas primæ ac ſecundæ Palæſtinæ à Samaritanis incenſas, atque ex pecunia publica indictionis nonæ & decimæ (id eſt, annorum 531. & 532.) juxta damnum unicuique loco obortum, concederent auri centenaria tredecim. Ruſuſque eoſdem inſpicere juſſit oratorias ædes quæ combuſtæ fuerant, & conſiderare quænam danda eſſent ad uniuſcujuſque venerabilis loci inſtaurationem, eaque aut ex ærario, aut ex Samaritarum facultatibus præberi, per Stephanum clariffimum Comitē, qui etiam juſſus eſt episcopos cum eo quo egerent auxilio tueri. Porro verbis nunc relatis de Indictione decima, quæ actu currebat eo ipſo anno 532. uſque ad primam diem Septembris, non parum confirmatur aſſertio noſtra quod obierit S. Sabas eodem anno 532. die 5. Decembris, Indiſt. XI. à menſe Septembri inchoata: non vero juxta communioſententiam anno præcedente 531. Vide ſupra *coll. 190. D. 192. C. & 195. B.* Nihil aliud de Antonio nobis compertum eſt, niſi quod deſierit vivere ante finem anni 536.

## VII. DIONYSIUS.

Dionysius iſte ſubſcriptus legitur Διονύσιος ἐπίσκοπος Ἀσκαλῶντος, δέισας ὑποſημιγάρῃ. Dionysius episcopus Ascalonis, diſſinivi & ſubſignavi, ſententiæ contra Anthimum hæreticum Monophyſitam latæ in ſynodo Hierosolymitana, ſub Petro Patriarcha anno 536. menſe Septemb. Dum vero Ascalonenſem eccleſiam regeret, mirum quiddam accidit quod ſic narrat Joannes Moſchus in *Prato Spirituali cap. 176. tom. 2. Bibl. veter. Patr. Græco-Lat. edit. Paris. 1624. pag. 1132.* Narravit nobis Palladius, inquit, ſe audiviſſe narrantem quemdam patrem, Andreā nomine, (in cujus congreſſum & nos venimus,) & dicentem: Quum eſſem juvenis, indiſciplinatus valdè & inquietus fui. Die ergo quadam, perſecutionem paſſi pro noſtra inquietudine, fugimus in Palæſtinam ego & novem alii, inter quos unus quidam erat induſtrius, alius autem Hebræus. Quum ergo veniſſemus in eremum, inſirmatus eſt Hebræus uſque ad mortem, & in magno mœrore conſtituti eramus, neſcientes quid illi faceremus, &c. Decrevimus cum multis lacrymis illum dimittere in eremo.... metuentes ne nos ipſi quoque ſui deſiceremus. Quum igitur illum in arena plorantes poſuiſſemus, videretque

To. 5. conc.  
Labb. col.  
285. B.



nos abire velle; cepit nos adjurare per Deum qui fecit cælum & terram, &c. Nolite pati ut Hebræus moriar, sed tanquam Christiani facite mecum misericordiam, & baptizate me, ut Christianus de hac vita exeam, & ad Dominum pergam, &c. Quum ergo (aqua destituti) in magna hæsitazione essemus, industrius ille, divinitus inspiratus ait nobis, erigite illum, & exuite. Erëximus itaque cum magno labore illum, erectumque tenentes exuimus. Industrius autem ille implens ambas manus suas arena, tertio effudit super caput ejus dicens ita: Baptizatur Theodorus in nomine Patris, &c. nobis vero.... respondentibus Amen, Dominus Deus testis est, fratres, ita continuo sanavit, & corroboravit eum Christus Deus noster, ut nullum jam in eo pristinae infirmitatis remaneret indicium.... sed sanus & valens.... quod reliquum erat itineris per eremum ambulavit, semper nos præcedens, &c. Venientes autem Ascalonem adduximus eum ad beatum ac sanctum Dionysium ejus urbis episcopum, narrantes quæ fratri in via contigissent. Quibus auditis sanctus admirandusque Dionysius stupens ad tam novum inauditumque miraculum, convocato clero exposuit ei totum negotium, ut decernerent utrum effusio illa arenæ reputanda esset fratri in baptismum, an non. Et alii quidem dicebant; debere reputari illi in baptismum, propter inauditam miraculi magnitudinem; alii vero dicebant, Non. Theologus quippe Gregorius omnia baptisinata dinumerat: Baptizabat Moyse, &c. Quo igitur horum iste baptizatus est, ut etiam ipsius baptismi roboremus! &c. Hæc igitur & alia plurima quum dicta essent, visum est beato Dionysio episcopo mittere fratrem illum ad sanctum Jordanem, illicque baptizari. Indu-

strium autem illum, ordinavit diaconum. Hæc duntaxat de illo Dionysio ad notitiam nostram devenere.

ECCLESIA  
ASCALONIS.

## VIII. \* \* \*

Anno 328. Hegiræ, qui incepit die 18. Octob. anni Christi 939. sedebat Ascalone episcopus quidam cujus meminit, nomine tamen tacito, Elmacinus lib. 3. hist. Sarac. cap. 1. p. 209. Eodem anno, inquit, (proinde Christi 939. aut 940.) tumultum excitarunt Muslimi, Ascalone, atque irruerunt in templum quoddam magnum quod ibi erat, vocatum templum viride Mairæ (fortassis legendum Mariæ) idque destruxerunt, & diripuerunt quæcumque in eo erant, opem iis ad hoc ferentibus Judæis, qui ligna accensa rotis in tectum traxerunt, ita ut totum deslagaverit. Episcopus autem fugie Ramlam, (propè Lyddam) atque ibi mansit donec obiit.

## IX. ELIAS.

Anno 6654. mundi juxta æram Constantinopolitanam, id est Christi 1146. sedebat Bethleem, quo sedes Ascalonitana à quibusdam annis translata fuerat, Elias. Dositheus enim Hierosolymorum Patriarcha, lib. 7. de Patriarchis Hierosolymitanis, cap. 22. §. 4. refert Eliam episcopum Græcum Bethleem, cujusdam Gerasimi monachi, insignis eo tempore viri testamento, quod in monasterio S. Euthymii Hierosolymitano repertum est, subscripsisse, una cum Arsenio Patriarcha, de quo nos supra col. 502. A. B. egimus, & quibusdam aliis præsulibus, ritus utique Græci, ὁ ἐπίσκοπος Βηθλεὲμ Ηλίας.

## X.

## ECCLESIA MAJUMÆ ASCALONIS.

MAJUMA ASCALONIS portus fuit urbis Ascalonis, ab ea aliquatenus diffitus, qui aliam veluti civitatem constituebat. Licet enim ipsa Ascalon ad mare sita fuerit, ὡς παλαιοί, uti Philo loquitur; littus ipsum tamen urbis Ascalonis olim aptum portui, lapsu annorum sic ineptum redditum est, ut aliquo inde intervallo portum suum Ascalonitæ constituere opus habuerint. Eodem modo portus Cæsareæ maritimæ, quondam optimus, cujus descriptionem Josephus tradit, nunc nullus est. Certè civitati hujus portus, dictæ Majumæ Ascalonis, præfectus fuit episcopus specialis. Ita Relandus, in Palæst. illustr. tom. 2. pp. 530. & 590.

## EPISCOPI MAJUMÆ ASCALONIS.

## STEPHANUS.

Episcoporum Majumæ Ascalonis, unus tantummodo occurrit, scilicet in epistola synodica Joannis Hierosolymitani Patriarchæ anno Christi 518. missa ad Joannem Constantinopolitanum præfulem, pro condemnatione Severi, aliorumque concilii

D Chalcedonensis adversariorum, Stephanus quidam Στέφανος ἐπίσκοπος τῆς Μαῦμας Ἀσκαλωνῆς, &c. in Latinis codicibus, Stephanus episcopus Majumæ Ascalonis, &c. dum simul federet Antonius episcopus Ascalonis, qui eidem quoque epistolæ subscripsit, ut supra dictum est col. 599. E. Vide 10. 5. conc. Labb. col. 192. B.



## XI.

## ECCLESIA GAZÆ.

**G**AZA vetustissima Philistinorum civitas fuit. In codice Hebræo veteris testamenti *Azza* dicitur, cujus primam litteram, inquit Cellarius *geogr. ant. 10. 2. lib. 3. cap. 13. p. 603.* Græci sæpè, & hos sequuti Latini per G. exprefferunt *Γάζα Gaza*, ut in Gomorra, & aliis. Memoratur Gen. *cap. 10. vers. 19.* Deuter. *cap. 2. vers. 23.* Josue *cap. 10. vers. 41. cap. XI. vers. 22. cap. 13. vers. 3.* 1. Mach. *cap. XI. vers. 61. & cap. 13. vers. 43.* Tribui Judæ forte fuit assignata, Jos. *cap. 15. vers. 47. & 1. Reg. cap. 6. vers. 17.* In novo Testamento ejus tantum semel fit mentio, scilicet Act. *cap. 8. vers. 26. via quæ ducit Hierosolymis Gazam.* Josephus hujus urbis aliquoties meminit: nam *lib. 5. antiq. capp. 1. & 2.* scribit esse urbem Tribus Judæ. *Lib. 9. cap. 13.* Hizkiam ait cepisse omnes urbes Palæstinorum à Gaza ad Gath. *Lib. XI. cap. 8.* eam narrat obsessam fuisse ab Alexandro Magno dum præsidium Persicum in ea erat. *Lib. 13. cap. 21.* captam rursus à Ptolemæo; tum ab Alexandro Jannæo qui eam destruxit. *Lib. 14. cap. 10.* instauratam à Gabinio. *Lib. 15. cap. 2.* Herodi redditam ab Augusto. Denique *lib. 17. cap. 13.* Archelao regi Judææ non fuisse subditam. Arrianus *lib. 2. pag. 150.* de Alexandri expeditione, apud Cellarium *10. 2. geogr. antiq. lib. 3. cap. 13. pag. 603.* sic urbis hujus situm descripsit: *Distat Gaza à mari stadiis summum viginti, accessum ob arenæ altitudinem habens difficilem.... Urbs ampla, & in colle sita, validoque muro circumdata. Ultima autem colitur, si ex Phœnice in Ægyptum tendis, ad initium solitudinis posita.* Strabo de eadem urbe *lib. 16.* ait: *Paulo supra portum ad septem stadia urbs sita est, illustris olim, ab Alexandro autem diruta, manet deserta.* Spatium Strabo notat, inquit Cellarius citatus, ubi urbs proximè accedit ad mare; Arrianus vero, ubi maximè à mari recessit, quod pro amplitudine civitatis omnino ad viginti stadia patere potuit. Hanc quantumvis Judæi sibi aliquoties subjecerint, nunquam tamen eam à superstitione ethnica immunem fecerunt, addicta in primis erat cultui Jovis Cretensis, quem incolæ Marnam, id est, Dominum nostrum nuncupabant. Exiguus fuit in illa primis ecclesiæ sæculis Christianorum numerus; & quæ sub Constantino Magno erectæ ab iis ibi fuerant ecclesiæ, everse ac igne consumptæ sunt sub Juliano, multis martyrio coronatis.

Pag. 759.  
C. edition.  
Cajaub.

## EPISCOPUS GAZENSES.

## I. PHILEMON.

**D**OROTHEUS episcopus Tyri, vel potius auctor synopsis de Prophetis, Apostolis & 72. Christi discipulis, ejus nomine inscriptæ, tradit *Philemonem*, ad quem directæ extat S. Pauli epistola, fuisse episcopum Gazæ. Legitur synopsis ista, *Magnæ Bibl. vet. Patr. edit. Colon. Agrippinæ 1618. 10. 3. à pag. 143. col. 1. ad pag. 150. col. 1.* Verùm hanc ut variis fabulis confertam jam pridem Baronius, Possévinus, Bellarminus, Rainaudus, Labbeus, alique obelo nigro fixerunt, inquiunt doctissimi Bollandiani *10. 1. actorum sanctorum Jun. ad diem 5. s. 3. pag. 436. col. 1. num. 9. C.* Idem Baronius in notis ad hanc diem 5. Jun. asserit se in *Bibl. Vatic. eundem Dorotheum* (scilicet auctorem synopsis) abbatem inscriptum invenisse, nec illud ignorasse Petrum (à Natal.) in catalogo, qui dum cum allegat, abbatem appellat. Joannes Maria Brasichellensis Ord. Præd. & sacri Palatii Apostolici Magister, in Indice librorum expurgandorum *pag. 230.* censet, multa inesse huic libello, quæ fide historica vacillant, indigna prorsus antiquo illo sancto martyre Dorotheo: quæque passim erroris arguuntur ab his qui puritatem historice ex antiquis historiis erunt. Hæc ille, qui, uti & alii, profert varia

A inepta & absona synopsis illi inserta; per quæ fit, ut plurima, forsàn bona & vera, talia haberi nequeant, nisi aliunde confirmentur. Eundem Philemonem Constitutiones Apost. *lib. 7. cap. 47.* apud Labbeum *tom. 1. concil. col. 452. C.* referunt ordinatum episcopum *Colossensem.* Sed hæ Constitutiones, sancto Clementi Romano Pontifici falso adscriptæ, sunt etiam exiguæ auctoritatis.

## II. SILVANUS.

De eo *Silvano* Gazensi episcopo, & martyre sub Diocletiani Imperio, hæc discimus ex Eusebio Cæsariensi qui tunc vivebat: *Inter martyres autem Palæstinæ, Silvanus Gazæ urbis episcopus Σιλβανός ἐπίσκοπος τῆς ἀμφὶ τὴν Γάζαν ἐκκλησιᾶς*, inquit *lib. 8. hist. eccl. cap. 13. pag. 308. B.* edit. Vales. *apud æris metalla quæ sunt in Phæno ἐν Φαυνοί, cum aliis undequadragesima capite truncatus est.* Et rursus, in tract. *de Martyribus Palæstinæ cap. 7. ibid. pag. 328.* Prolatis his verbis: *Quum vero quintus jam annus persecutionis voveretur, die secundo mensis Xantici, quod est ante diem IV. nonas Apriles, ipso Dominicæ resurrectionis die, &c.* quibus indicatur dies secunda April. anni Chr. 307. nam persecutio cœperat anno 303. mense Martio; subjungit in eadem *p. 308. C.*



Post hæc die v. mensis Dii, hoc est, ut Romani dicunt nonis Novembris (nimirum die v. hujus mensis) in eadem urbe Cæsarea Silvanus, qui etiam tum presbyter & confessor erat, sed paulo-post ad episcopatus honorem electus (anno subinde 308.) martyrium consummavit, & alii quidam ejus comites; quum pro vera pietate singularem constantiam ostendissent, ad opus in iisdem metallis faciendum ab eo quem dixi præside condemnati sunt: decretumque ut pedum junctura candente ferro prius ipsis debilitarentur. Demum cap. 13. pag. 343. & seqq. Septimus, inquit, jam persecutionis annus ad exitum vergebat, & res nostræ sensim sine sensu calumniantium molestia liberatæ ad octavum usque annum processerant, (adeoque Christi 310.) Et infra, D. Silvanus Gaza oriundus episcopus, vir qui religionis Christianæ absolutissimum quoddam & venerabile exemplum extitit. Hic quum à primo, ut ita dicam, persecutionis die, & per totum deinceps illud tempus, variis confessionum certaminibus inclaruisset, ad id usque temporis servatus fuerat, ut omne illud in Palæstina certamen postremus quasi signaculo clauderet. Ejus memoria recolitur in Martyrologio Romano die 4. Maii, his verbis. In metallo Phennensi Palæstinæ natalis beati Silvani Gazæ episcopi, qui in Diocletiani persecutione, Galerii Maximiani Cæsaris mandato, cum plurimis clericis suis, martyrio coronatus est. In Menologio autem Græco Basilii Porphyrogennetæ ad eandem diem sic legitur, apud doctissimos Bollandianos tom. 1. Maii, pag. 468. num. 1. col. 1. A. B. Certamen sancti martyris Silvani. Silvanus sacer Christi martyr, fuit ex Gazæorum regione, primum quidem miles, postea vero propter Christum abdicatis terreni regis castris, militiam cælestis regis Christi assumpsit. Quare & sacerdotio magno dignus habitus, primum presbyter, dein & episcopus ordinatus est. Quum vero ecclesiæ sibi creditæ regimini summa tolerantia incumberet, & multos ex ethnicis suâ doctrina ad Christum adduceret: deprehensus ab idololâtris, & coram Cæsariensi populo in medio constitutus, crudeliter cæsus est, deinde suspensus & flagellis exceptus, ac postea ad æris metalla effodienda damnatus: ubi quum plures ærumnas sustinuisset, ac Christum non solum profiteri non cessaret, sed etiam aliis, & maxime iis qui cum ipso erant ejusdem pænæ consortes, Christum verum Deum annuntiaret; una cum aliis quadraginta martyribus, qui ab ipso fidem Christi edocti fuerant, capite obrutatus fuit.

### III. ASCLEPAS sive ASCLEPIUS.

QUINTIANUS intrusus.

Insignis sæculo quarto catholicæ fidei

adversus Arianos propugnator fuit Asclepas sive Asclepius Gazæ episcopus. Huic Alexander Alexandrinus Patriarcha, uti & aliis pluribus episcopis, scripsit de doctrina Arii impia, teste Epiphonio lib. 2. to. 2. hæc. 69. num. 4. pag. 730. B. Ἀσκληπῆς ἐκ Γάζης. Nicænæ synodo interfuit anno 325. celebratæ, & ejus subscriptio legitur inter cæteras, Asclepius Gazæ, to. 2. concil. Labb. col. 51. C. Exinde ipsum immani odio persecuti sunt Arianæ hæresis sectatores & fautores. Et primum quidem deposuerunt eum anno 330. aut 331. B fortassis in synodo Antiochena ubi Eustathium hujus urbis episcopum exauctorarunt. Nam in epistola, quam ex sua synodo Philippopoli habita sub mendaci nomine synodi Sardicensis, dum legitima Sardicensis celebraretur, scripserunt anno 347. & legitur apud Hilar. fragmento 3. num. 9. col. 1313. B. edit. Paris. 1693. aiunt: Decimus (dicimus) autem Asclepas (Asclepam qui) ante decem & septem annos episcopatus honore distinctus est, &c. Ei autem Quintianum subrogaverunt.

Solam adhæSIONem fidei Nicænæ, ejus fuisse, sicut & plurium similium episcoporum, veram depositionis causam testatur Athanasius epist. ad Solitar. pp. 812. D. & 813. A. to. 1. edit. Græco-Lat. Paris. 1627. Asclepas Gazæ, inquit, Cyrus Berrææ, &c. episcopi, visi sunt tantummodo hæresim odisse, & id tanti fuit, ut hos sub specie alicujus causæ, illos prorsus sine ulla causificatione, diplomate Imperatoris exturbatos è civitate aliò transtulerint, suffectis in eorum locum quos impios noverant.

Adfuit concilio Arianorum Tyrio an. 335. id enim tradit Theodor. lib. 1. hist. eccl. c. 29. in fine: Quum igitur hoc modo episcopi Tyrum convenissent, inquit, eo accesserunt, tum alii quidam qui ob perversam doctrinam accusabantur, ex quorum numero fuit Asclepas episcopus Gazæ, Ἀσκληπῆς ὁ Γάζης; tum admirandus Athanasius. Nihil tamen legitur in ea synodo ulterius actum contra eum. Romam perrexerunt Asclepas, Athanasius, nonnullique alii episcopi Arianorum factione injuste oppressi, ut sedis apostolicæ, & Orientalium patrocinium implorarent. Ita explicat Socrates lib. 2. hist. eccl. cap. 14. pag. 91. edit. Vales. Porro Athanasius post diuturnos labores, ægrè tandem in Italiam pervenit. . . . Eodem tempore (anno scilicet 340.) Paulus quoque Constantinopolis episcopus, Asclepas Gazæ, Marcellus Ancyra. . . . Lucius denique Hadrianopolis; alius aliam ob causam accusati, & ecclesiis suis pulsi, (quamvis enim Constantinus, Constantius, & Constans, ut refert Athanasius supra citatus, p. 814. C. post obitum patris sui Constantini anno 337. jusserint quemque in suam ecclesiam & patriam reverti, scribentes quidem de singulis ad singulas



ipforum ecclesias: eos tamen pro depositis Ariani semper habebant, nec desinebant vexare. Hinc ergo) in urbem regiam (id est, Romam) adventant. Ubi quum Julio Romanæ urbis episcopo causam suam exposuissent; ille, quæ est Romanæ ecclesiæ prærogativa, liberioribus litteris eos communitos in Orientem remisit, singulis sedem suam restituens, simulque perstringens illos qui supra dictos episcopos temere deposuissent. Itaque illi Roma digressi, & Iulii episcopi litteris freti, suas quisque ecclesias occuparunt, & epistolas ad eos quibus scriptæ fuerant miserunt. Verum hi acceptis Iulii litteris, reprehensionem contumeliæ loco duxere: & convocata Antiochiæ synodo (anno 341.) in unum collecti, de communi omnium sententia conscripitis litteris, Iulium vicissim acrius insimulant; significantes non debere ab ipso discuti, si quos ipsi ecclesiis suis expellere voluissent: neque enim se contradixisse, tunc quum Novatus ecclesia ejectus est. Et hæc quidem Orientales episcopi Julio Rom. urbis episcopo rescripserunt.

Idem confirmat quibusdam additis Sozomenus lib. 3. hist. eccl. cap. 8. Porro, inquit, Athanasius Alexandria profugus, Romam venit. Eodem tempore Paulus quoque Constantinopoleos episcopus, & Marcellus Ancyra: eo accessit & Asclepas Gazæ, qui quum adversaretur Ariani, à quibusdam contrariæ factionis hominibus accusatus quod altare subvertisset, depositus fuerat. In ejus autem locum subrogatus Quintianus, Gazæorum ecclesiam rexit.... Episcopus igitur Romanus, quum singulorum causas cognovisset, omnesque in Nicænæ fidei doctrinam consentientes reperisset, tanquam idem cum ipso sentientes, in communionem recepit. Et quoniam propter sedis dignitatem omnium cura ad ipsum spectabat, suam cuique ecclesiam restituit, &c.

Julio Papæ assensit synodus Sardicensis sive Sardicensis anno 347. ut enim subjungit idem Sozomenus cap. 12. Ex altera vero parte congregati qui cum Hosio erant, innocentes pronuntiarunt, primum Athanasium, eo quod episcopi apud Tyrum collecti insidias ei injuste struxissent: deinde Marcellum, utpote qui professus esset se non ita sentire ut accusatores ejus insimulabant: Asclepam item eo quod Eusebii Pamphili, (proindeque ante annum 339. quo circiter Eusebius ille obierat) aliorumque multorum judicium sententia episcopatum suum recuperasset, & hæc vera esse actis judicialibus comprobasset.... Et ad singulorum ecclesias scripserunt ut eos pro episcopis suis haberent, ac propediem expectarent. Gregorium vero Alexandriæ, Basilium Ancyra:, & Quintianum Gazæ, ne nominarent quidem episcopos, nec ullam cum iis communicationem haberent, nec omnino Christianos censerent. Constantius Imperator tunc annuit ut episcopi, quos

A synodus Sardicensis restituerat, ad suas ecclesias libere redirent. Imperatorem (Ariani) passi sunt ea agere quæ vellent, inquit Socrates lib. 2. hist. eccl. cap. 23. pag. 111. D. Ille igitur Athanasio, Paulo atque Marcello, Asclepæ item ac Lucio, quorum alter Gazæ, alter Hadriano-polis erat episcopus, sedes suas restituit. Nam & isti à Sardicensi concilio suscepti fuerant: Asclepas quidem quum acta exhibuisset, ex quibus constabat Eusebium Pamphili una cum pluribus aliis de ipsius negotio cognoscentem pristinum dignitatis gradum ipsi reddidisse.

B Accusatio fuerat, ea nempe quam memorant Eusebiani in epistola ad Africam, ex synodo sua adversus Sardicensem Philippopoli coacta an. 347. apud S. Hilarium fragm. 3. supra cit. col. 1313. B. Sed in civitate Gaza, inquit, provinciæ Palæstinæ, post reditum suum (mortuo Constantino Magno, adeoque anno 337. aut 338. sanè superflite adhuc Eusebio Cæsariensi) Asclepas altare comminuit, multasque seditiones effecit. Cæterum de ea calumnia hæc nos docet Athanasius in apolog. ad Constantium Imperat. 10. 1. supra cit. pag. 762. D. Lectæ enim sunt litteræ quas Theognius in fraudem Athanasii, Marcelli & Asclepæ adulteraverat, ut Imperatores in hos viros concitaret, & hoc ita esse, ii qui Theognio per id tempus diaconi fuere, demonstrarunt (in synodo Sardicensi.) Et rursus p. 764. D. Asclepas autem comminister noster in sacris, prolatis actorum monumentis Antiochiæ confectis, docuit, quum ibi simul & accusatores, & ipse Eusebius Cæsariensis adessent, judiciis episcoporum qui huic causæ præsidebant, se innocentem pronuntiatum esse. Ex his porro sancti Athanasii pro Asclepa testimoniis patet quid sentiendum sit de relatione Eusebianorum, qui conciliabulum suum Sardicæ celebrare se mentientes, dum Philippopoli illud revera agerent, aiunt in epistola supra citata, inde scripta ad Africam, col. 1314. E. Etenim quum adhuc esset episcopus Athanasius, Asclepam depositum sua sententia ipse damnavit. Ut enim annotant doctissimi hujus editionis S. Hilarii auctores, ibid. condemnationis hujus nullum est, aut apud Athanasium, aut apud alios sacræ historiæ scriptores vestigium: hunc nusquam reprehendit Athanasius, passim laudibus extollit.

E Ipsi quoque Patres Sardicenses, in sua epistola synodica ad totius orbis episcopos, apud Theodoretum lib. 2. hist. eccl. cap. 8. edition. Vales. Paris. 1673. pag. 74. pro Asclepæ innocentia omnimoda, id est, tam in fide quam in moribus hæc declarant: pag. 75. C. Nam quum in urbem Serdicam advenissent (Eusebiani) conspicati fratres nostros Athanasium, Marcellum, Asclepam, & reliquos, in judicium venire sunt veriti. Et vocati non semel atque iterum,



iterum; sed sæpius, citationibus minime obtemperarunt: quamvis universi qui convenerant episcopi.... ipsos expectarent, hortarenturque ut ad iudicium venirent, ut ea quæ adversus absentes collegas nostros scripserant & divulgaverant, ipsis præsentibus possent convincere, &c.

Et pag. 76. C. Recitatae sunt enim literæ Theognii, ejusque consortium, adversus collegas nostros Athanasium, Marcellum, & Asclepam scriptæ, ut Imperatorum animos in illos concitarent: & hoc ita esse demonstrarunt ii qui tunc diaconi fuerant Theognii, &c. Et pag. 79. D. Idcirco dilectos quidem fratres & collegas nostros, Athanasium episcopum Alexandria, Marcellum episcopum Ancyra Galatiæ, Asclepam Gazæ, & eos qui cum illis ministri sunt Domini, innocentes ac puros esse pronuntiavimus: scriptis literis ad uniuscujusque ecclesiam, ut cujusque ecclesiæ populus innocentiam episcopi sui cognoscat; & hunc quidem habeat atque expectet episcopum: eos vero qui luporum instar in eorum ecclesias invaserunt; Gregorium scilicet Alexandria, Basilium Ancyra, & Quintianum Gazæ, nec episcopos omnino, nec Christianos appellent, nec cum illis ullam habeant communionem; & neque literas ab illis accipiant, neque ad illos scribant.

Ut autem huic synodo subscripsit Asclepius in hunc modum: Asclepius à Palæstina de Gaza. Tom. 2. concil. Labb. col. 658. D. & col. 662. D. sic & Quintianus pseudo-synodo Philippopolitanæ eodem tempore ab Eusebianis celebratæ, ibid. col. 711. A. Quintianus episcopus à Taxe (mendum est interpreti attribuendum, qui τὸ Τάξης legit in Græco, pro τὸ Τάξης, litterarum T & Γ, necnon ξ & ζ similitudine deceptus, unde legendum à D Gaza) opto vos in Domino bene valere.

Reversus est ergo Asclepas ad suam ecclesiam eo anno 347. aut sequenti 348. Ipsum Gazæ, inquit Socrates loco ultimum citato pag. 112. A. libenter susceperunt. Quantum postea vixerit nos latet. Ecclesiæ ab eo constructæ in occidentali civitatis suæ parte fit mentio in vita S. Porphyrii Gazensis episcopi, apud Bollandum die 26. Febr. n. 20. p. 648. col. 2. E. his verbis: Quum fuisset autem mane, accepto signo venerandæ Crucis, quod nos præcedebat, egressi sumus cum hymnis ad antiquam ecclesiam, quæ est à parte occidentali civitatis, quam aiunt ædificasse sanctissimum & beatissimum Asclepam episcopum, qui multas sustinuit afflictiones pro fide orthodoxa: cujus vita & facta scripta sunt in paradiso deliciarum.

#### IV. IRENIO sive IRENÆUS.

Irenio ecclesiæ Gazensis administrationem gerebat anno 363. quum synodus Antiochiæ celebrata est initio imperii Joviani, Juliani  
Tomus III.

A Apostatæ successoris, sub Meletio Patriarcha, in qua fides Nicæna confirmata est: subscriptus enim legitur inter cæteros episcopos, Irenio Gazæ, Ἰρηνίων Γάζης, tom. 2. concil. Labb. col. 828. E. Marcus auctor vitæ S. Porphyrii Gazensis episcopi apud Bollandum die 26. Febr. num. 11. p. 647. C. de eo ait: Irenion, qui ipse quoque fuit civis angelicarum potestatum, cujus laudes fieri non potest ut scribantur in digressione: sed opus esset opere separato ad hoc, ut conscriberemus vitam hujus dicti inclyti Irenionis. Et num. 18. pag. 648. B. Profecti autem sumus ad ædes episcopi quas ædificaverat prius nominatus sanctus Ireneon episcopus, simul cum sancta ecclesia quæ vocatur Irenes.... Hunc locum quum invenisset beatus Irenion coli à Gazæis, in eo construxit ecclesiam. Ejus memoria colitur in Martyrologio Romano die 16. Decembris his verbis: Gazæ in Palæstina sancti Irenionis episcopi. Obiit anno circiter 392. aut 393. ut ex modo dicendis patebit.

#### V. ÆNEAS.

Irenioni successit Æneas, teste Marco sancti Porphyrii episcopi Gazensis discipulo & vitæ scriptore, apud Bollandum tom. 3. Febr. ad diem 26. n. 11. pag. 647. col. 1. C. Tribus autem annis, inquit, postquam fuerat ordinatus (presbyter Porphyrius) accidit ut episcopus prædictæ civitatis Gazæ à vita excederet. Is erat Æneas, qui minimo tempore gesserat episcopatum. Ante Æneam autem Irenion, &c. Obiit exeunte an. 394. aut ineunte sequenti 395.

#### VI. PORPHYRIUS.

«Vitam sancti Porphyrii Gazensis episcopi, inquit doctissimus Bollandus modo citatus, « commentarii prævii n. 7. pag. 644. col. 2. F. « proximis ab ejus obitu annis scripsit Marcus « ejus discipulus, ab eo diaconus ordinatus, & « familiaris omnium laborum atque itinerum « per ultimos triginta aut circiter annos socius « ac comes. Est is diligens & veritatis cultor, « & illorum temporum gnarus historicus, vir « admodum eruditus, pius etiam ac sanctus, « uti ex tota vitæ ejus serie accurate deducta « conspicitur.» Eam vitam Latinè redditam ex Græco à Gentiano Herveto exhibet ibidem Bollandus à pag. 645. ad pag. 661. Acta hujus vitæ pluris facit Tillem. tom. 10. histor. eccl. pp. 703. & 843. licet fateatur in iis nonnulla occurrere, quæ non modicum negotium facessunt, & ipse explicare conatur. Analysim hujus Porphyrii vitæ exhibet idem Bollandus pag. 644. n. 3. col. 1. A. B. quam hic describimus, quibusdam in ea correctis vel illustratis ex diligenti præfati Tillemont. critica. Quot annis vixerit sanctus Porphyrius, inquit, ac



Gazæis episcopus præfuerit, & tandem ad A laborum suorum præmium moriens abierit, hoc fere calculo colligimus. Natus est Thessalonica, ex insigni genere, circiter annum Christi 353. (Tillem. pag. 850. not. 2. col. 2. ait: 352. aut 353.) qui annus, uti & proxime sequentes, ex posterioribus colliguntur.

Absolutis dein humanæ divinæque sapientiæ studiis, anno ætatis circiter 25. Chr. 378. Divinus eum amor subiit (vitæ ejus num. 4. pag. 646. col. 1. A.) relinquendi patriam, & splendorem generis, & opes infinitas, & vitam amplectendi monasticam. Quumque navigasset B Thessalonica, venit in Ægyptum. Recta autem profectus in sceten, & paucis post diebus dignatur venerando habitu. Et quum illic esset versatus quinque annos cum sanctis Patribus, alius divinus amor eum subiit adorandi sancta & veneranda Dei loca. Quumque illic fuisset & adorasset, abiens in partes Jordanis, habitavit in spelunca. Quum illic autem esset versatus quinque annos cum multa afflictione, ex magna siccitate & inæqualitate locorum illorum, incidit in magnum morbum. Videns vero se adductum in extremum periculum, Dei providentia accersit C quemdam ex suis notis, ut eum duceret Hierosolyma. Morbus autem erat scirrus hepatis cum continua febre tenuissima. Hoc ergo morbo invalescente .... ipse non cessabat quotidie obire sancta loca incurvatus .... immitens baculo.

Et n. 5. Accidit autem illo tempore ut ego ex Asia navigarem ad adorandum loca veneranda. Quumque in eis essem, diu ibi sum versatus, me alens operando manibus: callebam enim pulchrè scribendi artem. Adspiciens vero sanctum continenter videntem ad Christi resurrectionem, & ad alia oratoria, mirabar quod in tanta corporis D imbecillitate, non dubitaret se sic cruciari. Quodam autem die quum ei occurrissem in gradibus Martyrii (Martyrium Μαρτυριον, basilica est sanctæ Resurrectionis, quæ Martyrii nomine etiam insignitur à S. Cyrillo Hierosolymitano in catech. 14. quod sit testimonium & fidele præcipui hujus fundamenti fidei nostræ monumentum) quod fuerat conditum à Constantino Imperatore, non valenti progredi accurrens, & ei manum meam porrigens, rogavi ipsum, ut ei inniteretur, & gradus ascenderet. Ille vero nolebat.... morbum enim adeo contemnebat, ut existimares E ipsum habere morbum in alieno corpore ....

Et n. 6. Hoc autem eum solum male habebat & mordebat, quod remansissent facultates, & non .... venditæ essent & distributæ pauperibus. Causa autem hujus impedimenti fuit, quod essent ei fratres pueri, quando excessit à patria. Hoc ergo aggrè ferens petit à me, qui jam ei eram familiaris, (ei enim ministrabam propter ejus infirmitatem) ut navigarem Thessalonica, & dividerem facultates cum suis fratribus; & quum

dedisset mihi scriptum mandatum ..... dimisit præbitis mihi minimis impensis: neque enim opes suppetebant, &c. Ostenso quod in scriptis habebam mandato, divisi bona cum ejus fratribus. Vendidi autem quæ mihi obtigerant possessiones ter mille aureis. Vestes vero & argentum mecum tuli, & alios mille quadringentos aureos: & quum omnia collegissem, post tres menses renavigavi. Quum autem spatio duodecim dierum venissem in emporium Ascalonis, & illic jumenta conduxissem, & ea onerasset, ascendi in sanctam civitatem. Quum me autem adspexisset vir beatissimus, me est amplexus cum gaudio & lacrymis.... ego vero ipsum non cognoscebam; habebat enim corpus valde honestum, & faciem rubicundam:olvebam autem meos oculos, frequenter ipsum intuens. Et num. 7. Ipse vero quum animadvertisset & subrisisset, placide dixit: ne mireris, frater Marce, me videns sanum & robustum, sed discere causam sanitatis, & tunc admirare Christi benignitatem ineffabilem, &c.

Ego vero rogavi ipsum ut mihi diceret ..... quemadmodum talem morbum propulsaverit. Ille autem mihi respondit: Quadraginta abhinc diebus, quum ego essem in vigilia sanctæ Dominicæ, me invasit dolor, quem quum non possem ferre, ivi & recubui propè sanctam Calvariam, & quum præ magno dolore essem veluti in ecstasi, video Servatorem clavis affixum in cruce, & unum ex latronibus cum ipso pendentem in alia cruce, & incipio clamare & dicere vocem latronis: Memento mei, Domine, quando veneris in regnum tuum. Respondens autem Servator, dixit latroni pendenti: Descende de cruce, & serva illum qui recumbit, quomodo tu quoque fuisti servatus. Latro vero descendens de cruce, me complexus fuit, & deosculatus, & porrecta dextera me fecit surgere dicens: Veni ad Servatorem. Et statim surrexi, & cucurri ad eum, & video ipsum descendisse de cruce, & mihi dicere: Accipe hoc lignum & serva. Quumque accepissem & portassem hoc pretiosum lignum, statim ad me redii ab ecstasi: & ab ea hora nullus dolor mihi fuit amplius, neque apparuit locus morbi.

Et n. 8. Ego autem his auditis valde sum admiratus, & Deum glorificavi: & de cætero fui in virum magis affectus, & ei inservii diligentius. Revera enim quum renumerasset Dei servo pecuniam, & quum ei restituissem quæcunque attuleram, mansi apud eum, ei inserviens, & fruens spiritualibus ejus orationibus, &c. Et num. 9. Quum autem accepisset à me pecunias, & alia quæ attuli, & vendidisset vestes, & conflasset plurimum pecuniæ, reliquam omnem pretiosam supellectilem parvo tempore dedit egentibus, non solum in sancta civitate, sed etiam in aliis civitatibus, vicis, & monasteriis, & maxime iis quæ erant in Ægypto:



erant enim valde egeni illic monasteria..... Quamobrem brevissimo tempore distribuit omnes suas facultates, adeo ut ipse egeret alimento quotidiano: seipsum ergo dedit arti futoris coriarii, pelles lavans & consuens, & in omnibus imitans divinum illum Apostolum, qui nolebat panem gratis comedere, &c.

Postea, pergit Bollandus, Porphyrius circiter XL. annos natus, ut n. 10. ejus vitæ dicitur pag. 647. B. presbyter ordinatus est, (non tamen à Praylio qui post 25. exinde annos sedem Hierosolymitanam conscendit, sed à Joanne Praylii decessore,) qui etiam ei credidit custodiam venerandi ligni crucis, juxta quod illi dictum fuerat in ecstasi.... Accipe & serva mihi hoc lignum. Id contigit anno Christi 392. Hunc autem honorem adeptus, inquit Marcus ejus discipulus num. 10. cit. non mutavit mores priores, sed mansit in illa afflictione exercitationis. Erat vero illi alimentum panis sordidus & olera, idque post occasum solis: aliis autem sanctis diebus hora sexta comedebat, accipiens oleum & caseum & madafacta legumena. Sumebat autem etiam unum poculum vini temperati, idque propterea quod se male haberent ejus viscera. Hanc vivendi rationem & regulam perpetuo servavit toto tempore vitæ suæ. Post tres annos Joannes Cæsareæ archiepiscopus, qui circa finem an. 394. vel initio sequentis 395. Gelasio successerat, eum ad se accersitum, episcopum Gazæ consecravit, mense Martio vel Aprili ejusdem anni 395. Porphyrius episcopus factus ad fidem Christi exhortationibus & nonnullis miraculis, 232. idololatrias Gazæos convertit; sed quum cæteri resisterent veritati, ac Christianos, ipsumque episcopum & ejus ministros injuriis non parum afficerent, Marcum, quem diaconum ordinaverat, misit Constantinopolim anno 398. scriptis ad sanctum Joannem Chrysostomum litteris, ut auctoritate Arcadii Imperatoris templa falsorum numinum Gazæ diruerentur. Edictum obtinuit quo jubebatur ut ea clausa manerent, nec ullus simulacra confunderet. Sed quum Gentilium furor cohiberi non posset, Porphyrius volens episcopatum dimittere Cæsaream petivit: à Joanne tamen archiepiscopo Cæsariensi deterritus, simul Constantinopolim perrexere (die 18. Dec. anni 400. ex Tillem. pp. 709. & 846.)

Ibi Eudoxiæ Imperatricis opera, cui masculam prolem jamjam edendam ex pii anachoretæ vaticinio prænuntiabant, res pro voto cessit; paucis abhinc diebus filium peperit anno 401. qui Theodosius junior fuit, statim vero atque baptizatus est infans, mense Aprili ejusdem anni, Arcadii & ipsius quoque Theodosii nomine, edictum duobus episcopis concessum fuit, ut destruerentur Gazæ

Tomus III.

A cuncta idolorum templa, ipsum quoque Marnæ fanum: ecclesia autem in medio Gazæ & xenodoxium construerentur, pro quorum impensis Arcadius & Eudoxia magnas pecuniarum summas erogarunt.

Constantinopoli egressi duo præsules die 18. Aprilis, ejusdem anni 401. pervenerunt prima die Maii in maritimam partem Gazæorum, quæ Majuma appellatur, num. 54. 55. 56. & 57. Erant tunc Gazæ octo falsorum numinum delubra, nempe Solis, & Veneris, & Apollinis, & Proserpinæ, & Hecates, & quod dicebatur Hierion seu sacerdotum, & Fortunæ civitatis, quod vocabant Tycheon, & Marnion, quod dicebant esse Cretigenæ, id est à Creta oriundi, Jovis, quod existimabant esse gloriosius omnibus templis quæ sunt ubique: erant autem alia quoque plurima simulacra in ædibus & pagis, &c. num. 64. Templa hæc omnia diruta sunt, idolæque igne consumpta, & nova ecclesia ædificata, Eudoxiana appellata, quam post quinque annos Porphyrius solemniter dedicavit anno subinde 406. die Resurrectionis Domini, à num. 64. ad 93. Idololatræ autem ex eo magis furentes studuerunt malis afficere Christianos, & ante omnes Porphyrium, qui quæsitus non semel ad necem, Deo protegente, per fugam evasit, à num. 95. ad n. 100.

Interfuit anno 415. Diospolitanæ synodo, in qua Pelagiana hæresis damnata est & Pelagius absolutus. Nam sanctus Augustinus lib. 1. contra Jul. cap. 5. quatuordecim episcopos enumerans quibus ea synodus conflata est, duos Porphyrios nominat, quorum quidem unius sedes non est comperta, sed alter fuit verisimillime Gazæus noster ea ætate & in Palæstina degens. Unde tom. 2. concil. Labb. col. 1532. D. in notis ad hanc synodum, unus ex illis dicitur Porphyrius Gazæus. Tandem obiit sanctissimus anno ætatis circiter 68. antistes, die 26. Febr. anno 420. ut censet Tillem. pp. 716. & 849. Bollandus tamen pag. 644. num. 5. D. assignat annum 421.

De Porphyrii morte hæc scribit Marcus n. 103. Beatissimus autem episcopus Porphyrius, quum regulam constituisset ecclesiasticam, & omnem consequentiam, & alios paucos annos (ab ultima gentilium persecutione sibi suisque illata) fuisset superstes, postquam sanctam sanctificasset ecclesiam, in morbum incidens, pium fecit testamentum: in quo quum multis legasset, & omnes Christum amanti populi Deo commendasset, in pace dormiit cum sanctis, secundo mensis Dystri, anno, ut est Gazæorum computatio, quadringentesimo-octogesimo: episcopatus ab eo gesti vigesimo-quarto, mense undecimo, (dubitatur Tillem. pag. 849. an menses isti undecim comprehendantur in vigesimo-quarto anno, an vero illum excedant: si primum, asserendum ait

Qq ij



ECCLESIA  
GAZÆ.

illum obiisse anno 419. Si secundum, anno 420.) & præclaro peracto certamine adversus idololatrias usque ad diem suæ dormitionis. Et nunc est in paradiso deliciarum, intercedens pro nobis cum omnibus sanctis: quorum precibus nostri miserebitur Pater & Deus cum Filio & sancto Spiritu; cui gloria & potentia in sæcula sæculorum, Amen. In Martyrologio Romano ejus memoria his verbis celebratur, die 26. Februar. Gazæ in Palæstina, sancti Porphyrii episcopi, qui tempore Arcadii Imperatoris Mar- nam idolum, ejusque templum everit, ac multa passus quievit in Domino.

## VII. NETORAS.

Idem, vel alius qui VIII. NATIRAS.

MARINIANUS.

Idem, vel alius NATIRAS sive NETIRAS.

PETRUS IBERUS, intrusus.

Anno Christi 431. Gazæ sedebat, proximus fortassis sancti Porphyrii successor Netoras. Præfato enim anno 431. synodo Ephesinæ adversus Nestorium hoc modo ille subscripsisse legitur, tom. 3. concil. Labb. col. 541. A. col. 692. E. & col. 694. Νετόρας ἐπίσκοπος Γάζας πρεσβύτερος, &c. Netoras episcopus Gazæ subscripsit, &c. Anno 449. Natiras qui fortassis idem est episcopus ac modo nominatus Netoras, adfuit synodo Constantinopoli coactæ mense Aprili ad discutiendum, num acta synodi anno præcedenti 448. coactæ in qua Eutyches damnatus fuerat, essent falsata, ut contendebat Eutyches: initio enim sic inscriptus legitur to. 4. conc. Labb. col. 236. A. Νάτιρας τῆς εὐλαβεστάτης ἐπισκοπῆς τῆς Γάζων πόλεως. Natiras reverendissimus episcopus Gazæ civitatis. In concilio quoque Chalcedonenfi anno 451. subscripsit Natiras, ibid. col. 436. E. Νάτιρας Γάζης, Natiras Gazæ. Et act. vi. col. 585. B. Νάτιρας ἐπίσκοπος πόλεως τῆς καὶ Γάζων οἰκίας πρεσβύτερος. Natiras episcopus civitatis ad Gazam, &c. Notanda hæc subscriptio, quasi Gaza tunc temporis non fuerit sita in loco ipso, sed prope locum ubi prior Gaza steterat. Et certe sanctus Hieronymus de locis Hebraicis ait, Gazæ civitatis locum vix fundamentorum præbere vestigia, hanc vero quæ nunc cernitur, in alio loco, pro illa quæ corruit, ædificatam. Item col. 801. B. Νάτιρας ἐπίσκοπος τῆς καὶ Γάζων ἐκκλησίας οἰκίας, &c. Natiras episcopus ecclesiæ Gazæ, sive quæ est ad Gazam, &c. Hic Natiras alius esse potuit à Netora qui synodo Ephesinæ interfuerat, nam ab anno 431. quo huic synodo subscripsit Netoras, ad annum 449. quo Natiras in synodo Constantinopolitana primum legitur inscriptus, intervallum fluxit octo-decim annorum, non computatis undecim annis, qui jam ab anno 420. quo decessit

A Porphyrius, ad annum 431. quo synodus prima Ephesina celebrata est, elapsi fuerant. Observat Hadrianus Relandus, Palæstinæ illustratæ tom. 2. pag. 796. in act. xv. concilii Chalced. to. 4. conc. Labb. p. 788. E. sic legi inter episcoporum Palæstinæ tertiæ nomina Niz Tiras, Marcianus Gazes: at in nova collectione concilior. edita à Baluzio col. 1453. Νετίρας ἐπίσκοπος Γάζης: unde Marcianus ille episcopus fuit, non Gazæ, sed Γεζερον Gerarorum in Palæstina, to. 4. conc. Labb. col. 585. C.

Inter subscriptiones episcoporum qui acta B latrocinii Ephesini anno 449. coacti, præside Dioscoro Alexandrino Patriarcha, approbaverunt, extat Latinè solum Mariniani cujusdam subscriptio iis verbis, tom. 4. concil. Labb. col. 322. D. & to. 2. conc. Harduini col. 272. B. Marinianus episcopus Gazæ definiens subscripsit. Circa quod Mariniani nomen, si mendum aliquod non occurrit, dicendum est: 1.º Marinianum hunc, Natiræ mortuo vel deposito post synodum Constantinopolitanam anno 449. & ante synodum Ephesinam secundam eodem anno habitam successisse. 2.º Eundem Marinianum obiisse ante synodum Chalcedonensem anno 451. congregatam. 3.º demum Natiram, qui eidem synodo Chalcedonenfi pluries subscripsit, alium fuisse ab eo Natira qui an. 449. concilio Constantinopolitano interfuit: nisi hic depositus ut locum Mariniano daret, postea, & ante quam synodus præfata Chalcedonenfis celebraretur, mortuo vel deposito isto Mariniano, sedem suam recuperaverit. Verum hæc omnia, utpote obscura, prudentis lectoris relinquimus judicio.

Zacharias Meletinensis episcopus, Malela D sive Rhetor ab Evagrio dictus, qui sub Justiniano Imperatore circa annum Christi 550. vivebat, loquens de Theodosio quodam monacho qui post terminatum concilium Chalcedonenfe anno 451. sedem Hierosolymitanam, pulso Juvenale invasit, de quo vide supra coll. 116. & 169. ait, teste doctissimo Assemano to. 2. Bibl. Orient. pag. 56. col. 1. hunc statim post ordinationem suam, plures in urbibus trium Palæstinarum intrusisse episcopos, inter quos fuit Petrus quidam Iberus cui Gazæ episcopatus commissus est. Eum quidem præfatus Evagrius lib. 2. hist. eccl. c. 5. non Gazæ sed Majumæ episcopum consecratum affirmat, at calami certe lapsu, inquit Assemanus, nam idem postea, lib. 3. cap. 33. ubi meminit monasterii Gazam inter & Majumam siti, subdit: Petrus quoque Iberus, qui ejusdem Gazæ episcopus fuit, &c. Juvenale restituto ope Marciani Imperatoris anno 453. & episcopis à Theodosio ordinatis suis sedibus deturbatis, solus Petrus Iberus pro quo Imperatrix Eudoxia intercefferat, relictus fuit:



verum angeli monitu, ut comminiscitur Zacharias, exules cæteros sponte sequutus est. Is probabiliter in locum subrogatus fuit Natiræ episcopi Gazensis orthodoxi adhuc viventis, sed qui fortassis jam obierat an. 453. quando Juvenalis aliique episcopi catholici restituti sunt, propter quod obtinuerit Eudoxia ut in ecclesia Gazensi conservaretur.

Evagrius lib. 2. hist. eccl. c. 8. Petrum Iberum memorat adfuisse anno 457. ordinationi Timothei Æluri. Alexandrini, inquit, captato tempore, quo Dionysius dux rei militaris, in superiore Ægypto morabatur, Timotheum quemdam cognomento Ælurum, Alexandrinæ urbis episcopum eligunt, qui prius quidem monasticam vitam excoluerat, postea vero in numerum presbyterorum Alexandrinæ ecclesiæ fuerat adscriptus. Hunc ergo ad maiorem ecclesiam quæ Cæsaris dicitur, quum duxissent, episcopum sibi constituunt, Proterio (Patriarcha Alexandrino) adhuc superstite & episcopale munus obeunte. Interfuerunt autem ordinationi, Eusebius episcopus Pelusii, & Petrus ex Hiberia oriundus, episcopus Majumæ (legendum Gazæ) quemadmodum commemorat is qui vitam Petri litteris mandavit. Et lib. 3. cap. 23. Illico (Severus hæreticus) monasticam vitam amplexus est in quodam monasterio quod inter civitatem Gazam & oppidum Majumam in medio itineris positum est. Quo in loco Petrus quoque Iberus Πέτρος ὁ Ἰβερ, qui ejusdem Gazæ episcopus fuit, & qui cum Timotheo Æluro in exilium missus est, (anno 460.) monasticum vivendi genus excoluit, crebrisque hominum sermonibus celebratus est. In vivis adhuc erat anno 512. quo sancto Flaviano Antiocheno Patriarcha in exilium missus ab Anastasio Imperatore, Severus hæreticus in ejus sedem intrusus est mense Novembri. Libellus enim monachorum orthodoxorum ad Mennam Constantinopolitanum antistitem anno 536. oblatus: hæc de Severo asserit, tom. 5. concil. Labb. col. 122. D. Iterum ergo (Severus) & Petrum Iberum eodem tempore (quo sedem invadit Antiochenam) suscipit, & communicat cæteris hæreticis, &c.

#### IX. JOANNES.

In Kalendario Æthiopum Habyssinorum, die sexta Aprilis censetur inter sanctos quidam Joannes episcopus Gazæus, cujus cæterum ætas & gesta ignorantur.

#### X. TIMOTHEUS.

Ex Dositheo Patriarcha Hierosolymitano, lib. 4. Patr. Hieros. cap. 18. §. 1. Timotheus Gazæ episcopus, ad Anastasium Imper. missus est ab Hierosolymitis, ut ab eo obtineret abolitionem tributi quod Chrysargyrum dicebatur, & reipsa sublatum est. De eo tributo hæc

A scribit Evagrius lib. 3. hist. eccl. cap. 39. edit. Vales. pag. 368. Res præterea eximia ac plane divina ab eodem Imperatore (Anastasio) gesta est, vectigalis scilicet quod Chrysargyrum dicebatur abolitio.... Romanorum reipublicæ tam longè lateque diffusæ impositum erat vectigal miserabile prorsus, Deoque invisum, & barbaris ipsis indignum, nedum Christianissimo Romanorum imperio conveniens. Quod ad Anastasii usque tempora nescio quamobrem neglectum atque toleratum, ipse regali magnificentia sustulit. Impositum autem erat, tum aliis compluribus qui stipe collaticia victitabant, tum mulierculis quæ corpore quæstum faciebant, & per abdita atque obscura urbis loca in cellis meritoriis ad stuprum prostabant, masculis præterea qui muliebria passi fuerant, nec naturam solum ipsam, verum etiam rempublicam ignominia afficiebant. Adeo ut collatio ista vice legis proclamaret, licere cuivis incestam illam libidinem perpetrare. Porro impium illum ac detestandum quæstum, qui ex hoc vectigali percipiebatur, exactores, qui illud ubique colligebant, quarto quoque anno deferebant ad summum magistratum imperii Romani: ita ut non minima pars hæc esset magistratus, & propria, ut vocant, scrinia haberet, & numerosos qui ratiociniis hujusmodi præerant, viros non obscuros, qui istud munus, perinde ac reliqua, militiam esse censerent. Quod quum didicisset Anastasius, & ad senatum retulisset, scelus hoc esse, & novum quoddam atque insolens piaculum jure merito pronuntians, lege lata sanxit ut penitus aboleretur, & chartas quæ exactionis hujus notitiam continebant, incendio consumpsit, &c. Porro, si Anastasius, opera præsertim & hortatu Timothei Gazensis episcopi, illud tributum sustulit, ut asserit præfatus Dositheus, nulli dubium est quin ex ea abolitione ille Timotheus plurimum laudis apud omnes pios promeruerit, & reportaverit.

#### XI. CYRILLUS.

Synodicis litteris Joannis Patriarchæ Hierosolymitani ad Joannem Patriarcham Hierosolymitanum adversus Severum Antiochenum ejusque hæresis affectas anno 518. datis, subscriptus legitur inter alios Palæstinæ præsules Κυρίλλος ἐπίσκοπος Γαζῶν, Cyrillus episcopus Gazæ, to. 5. conc. Labb. col. 191. E.

#### XII. MARCIANUS.

Decreto synodi trium Palæstinarum adversus Anthimum hæreticum congregatæ Hierosolymis sub Petro Patriarcha anno 436. Marcianus subscripsit, cum aliis trium Palæstinarum episcopis, in hæc verba: Μαρκανὸς ἐπίσκοπος Γάζης ὁρίσας ὑποσημαίνων, Marcianus episcopus Gazenus diffiniens subscripsi. To. 5. conc. Labb. col. 288. A.



## XIII. AURELIANUS.

In bibliotheca Coisliniana olim Segueriana Paris. 1715. dicitur pag. 393. in codice 281. olim 197. membranaceo XIII. circiter sæculi foliorum 237. extare fol. 186. verso, liber sub hoc titulo: *Doctrina sancti Barsanuphii, sub Aureliano, vel ad Aurelianum episcopum Gazæ, de Origenis, Evagrii & Didymi sententiis*. Initium Α' δελφὸς ἠρώτησε τὸν ἄγιον γέγοντα τὸν ἀββᾶν Βάρσανυφιον. *Frater quidam interrogavit sanctum senem abbatem Barsanuphium, &c.* refertur Græcè & Latinè opusculum B illud ibid. à pag. 394. ad pag. 399. Titulus illius Græcè est Διδασκαλία τῆς ἀγίας Βαρσανυφίς ἐπὶ Αὐρελιανῆς ἐπισκόπου Γάζης καὶ τῶν Ὁριγένους, Εὐαγρίου, καὶ Διδύμου φρονιμαίων. *Doctrina sancti Barsanuphii sub Aureliano episcopo Gazæ circa opiniones Origenis, Evagrii & Didymi*. Florebat autem Barsanuphius seculo VI. medio. Hæc enim narrat Evagrius lib. 4. hist. eccl. cap. 33. *Iisdem temporibus (sub Justiniano Imperatore) viri plane divini, & admirabilium operum effectores, in variis orbis terrarum locis vixerunt; sed quorum gloria ubique inclaruit, hi fere sunt. Barsanuphius Ægyptius genere, qui in carne vitam carnis expertem transiit in quodam monasterio juxta oppidum Gazam, adeo ut plurima miracula perpetraverit, quæ recensere difficile est; credaturque ab omnibus etiamnum vivere in cellula reclusus, quamvis quinquaginta & amplius anni jam exceßerint, ex quo nec visus est à quoquam, nec terrenum quidquam degustavit. Quæ quum falsa esse crederet Eustochius Hierosolymorum antistes, & cellulam in qua vir Dei sese incluserat perfodi jussisset, ignis inde exiliens universos prope-* D *modum qui aderant combussit. Hæc Evagrius, ex quo, quia finiit suam historiam anno Mauricii Imperatoris duodecimo, Christi 594. quinquaginta & amplius annis postquam Barsanuphius desiverit hominibus esse visibilis, intelligendum datur, Aurelianum episcopum Gazæ, sub quo opusculum præfatum Barsanuphius scripsit, ante illos quinquaginta & amplius annos, anno circiter 540. sedisse, subindeque probabiliter Marciani proximum fuisse successorem.*

## XIV. MATUS.

Dositheus Patriarcha Hierosolymorum refert lib. 7. hist. Patriarc. hujus sedis, cap. 22. §. 4. testamento Gerasimi (cujusdam monachi, viri utique illustris, subscripsisse anno mundi 6654. id est, Christi 1146. una cum Arsenio Patriarcha, aliquos ritus Græci præfules, inter quos ab eo nominatur *Matus episcopus Gazæ, Μᾶτος Γάζης ὁ ἱερωμης*. Vid. supra col. 502. B. ubi de Arsenio, & col. 602. C. ubi de Elia

A episcopo Ascalonis. Gazensem itaque ecclesiam administrabat Matus iste an. Chr. 1146.

## XV. \* \* \*

Ante annum 1569. sedebat *episcopus Gazæ* Germani Patriarchæ Hierosolymitani consanguineus. Id enim David Cytræus sibi à Michaele Libadario Theffalonicensi narratum indicat, *oratione de statu ecclesiarum in Græcia, &c.*

## XVI. PAYSIIUS seu PAÏSIUS.

Joannes de Lilienthal sacrae Regiæ Majestatis Sueciæ ad latus magni Ruthenorum ducis constitutus Residens in aula Suecica Moscoviæ, epistolam scripsit die 22. Septembris anno 1666. ad reverendissimum *Paysium metropolitam Gazæ*, de fide Græcorum ab ecclesia Romana separatorum, circa præsentiam realem Christi in Eucharistia, & transubstantiationem: cui respondit Païsius epistola data in *Alexiano Musæo eodem anno salutis 1666. octavo Novembris*. Titulus est: *Humilissimus metropolita Gazæ Paysius Ligaridius illustrissimo atque generosissimo Domino Residenti Joanni de Lilienthal salutem plurimam dicit*. Initium est: *Isocratis Atticæ Aicpula melleum extat pronunciatum εἰαν ἦς φιλομαθὴς ἔσῃ καὶ πολυμαθὴς, si eris discendi studiosus multa quoque perdisces, &c.* Subscriptio autem: *Tuæ illustrissimæ dominationi devotissimus ac humilissimus cliens Païsius Ligaridius Chius metropolita Gazæ Hierosolymitanus manu propria subscripsi*. Extat utraque hæc epistola Latinè, in volum. de Perpet. fidei ecclesiæ universalis circa Euchar. adversus Claudium Calvinistam ministrum Charenton. edit. Paris. anno 1669. lib. 12. prima quidem, pag. 58. altera vero, à pag. 59. ad p. 72. ex quibus discimus hunc Païsium sedisse anno Christi 1666.

## XVII. CHRISTODULUS.

Anno 1672. concilio in encœniis Bethleemitani templi habito sub Dositheo II. Patriarcha, *Christodulus* Gazæ archiepiscopus, qui probabiliter Païsio successerat; hujusque synodi decretis adversus Calvinianos Cyrilli Lucaris articulos subscripsit, tam suo nomine, quam vices insuper gerens Joannicii Dei amantissimi archiepiscopi sanctæ Speluncæ, five Hebron. Acta hujus synodi extant Græcè & Latinè to. XI. conc. P. Harduini Societ. Jesu. Subscriptio autem Christoduli his verbis exprimitur col. 267. E. ὁ ἁγίων ἀρχιεπίσκοπος Γάζης Χριστόδουλος, καὶ τῶν τόπων (lege τὸν τόπον) ἐπὶ τῶν Γεωργίου καὶ Θεοφιλέως ἀρχιεπισκόπου τῆς ἀγίας συνόδου δεύσας ὑπέγραψα, *Christodulus humilis archiepiscopus Gazæ, & Joannicii sanctissimi archiepiscopi sanctæ Cavernæ locum*



*tenens, definiens subscripsi.* De ea synodo Hierosolymitana vide quæ supra dicta sunt, sub Nectario & Dositheo II. Patriarchis, *col. 520.* D. Præfatus Dositheus, in suorum decessorum historia, testatur se, hujus Christoduli Gazensis opera, Eutychii Alexandrini chronicon Arabicum transtulisse.

## XVIII. PANTALEO.

Ex Urbani Cerry relatione de Romanæ ecclesiæ per universum orbem statu, *Pantaleo* Romæ in Græcorum collegio sacras litteras

edoctus in Moschoviam perrexit, ubi de illius regionis ecclesia cum Romana concilianda egit: postmodum vero ab Hierosolymorum Patriarcha, circa finem sæculi elapsi, vel initium præsentis, Gazensis ecclesiæ metropolita constitutus est.

## XIX. PARTHENIUS.

Præfenti sæculo decimo-octavo sedebat *Parthenius archiepiscopus Gazæ*, ὁ Ἰακώβος Παρθένιος, de quo nihil aliud ad notitiam nostram devenit.

ECCLESIA  
GAZÆ.

## XII.

ECCLESIA MAJUMÆ *juxta* GAZAM.

**M**AJUMÆ nomen Palæstinis idem sonabat quod *portus* seu *navale* Latinis, suumque Majuma Alcaloni erat, suum Jamniæ, suum quoque Azoto, suum denique Gazæ: verum in hoc differebant Majuma Ascalonis & Majuma Gazæ à cæteris Majumis, quod speciales ecclesias constituerent propriosque haberent episcopos; unde sicut supra *col. 601.* C. Majumam Ascalonis ab Ascalone terevimus, ita & nunc à Gaza secernimus Majumam Gazæ. Septem duntaxat stadiis à Gaza distitam fuisse Majumam scribit Strabo *lib. 16.* Verum Arrianus supra recitatus *col. 603.* ubi de Gaza, & Sozomenus modo referendus, aiunt Gazam & Majumam sive portum intervallo viginti stadiorum separari. De ea hæc Sozomenus *lib. 2. hist. eccl. cap. 5. pag. 450 edit. Vales B.* Quo quidem tempore (Constantini Imperatoris) *navale urbis Gazæorum, quod Majuma nuncupatur, ὃν Μαῖσμα, quod superstitioni admodum deditum erat, & veteres cæremonias antea semper suspexerat, universum repente ad Christi fidem se transtulit.* Imperator vero eorum pietati vicem rependens, maximo honore illos affecit; & locum illum, qui antea urbs non erat, civitatem esse jussit, & Constantiam cognominavit: ejus quem ex filiis charissimum habebat nomine locum illum cohonestans ob religionem. Et rursus *lib. 5. cap. 3. pag. 597.* C. loquens de impietate Juliani Imperatoris, qui Constantio successerat. *Constantiensibus quoque in Palæstina, inquit, idem crimen (religionis Christianæ) objiciens, urbem eorum Gazæis contribuit.* Hanc enim Constantiam, uti supra retulimus, quum navale esset Gazæorum, & Majuma prius diceretur Μαῖσμα, Constantinus Christianæ religioni impense deditam esse intelligens, civitatis jure donaverat, & filii sui Constantii nomine appellatam, separatim rempublicam habere præceperat, iniquum esse ratus, ut Gazæis Græcorum superstitioni supra modum addictis contributa esset (sive subdita.) Verum ubi Julianus ad imperium pervenit, Gazæi adversus Constantienses litem moverunt. Ipse vero in ea causa judex sedens, Gazæis Constantiam adjudicavit viginti circiter stadiis ab ea distitam. Atque exinde priore spoliata vocabulo, *maritima pars urbis Gazæ appellatur.* Ac civiles quidem magistratus, & duumviri, & respublica ambabus communis est. Quod vero ad ecclesiam pertinet, ea solum parte duæ urbes etiamnum videntur. Utraque enim suum seorsum habet episcopum, suum clerum: dies item festos martyrum suorum, & commemorationes episcoporum qui ipsis præfuerunt: vicinorum denique agrorum liniites, quibus ecclesiæ ad utrumque episcopatum pertinentes distinguuntur. Nostra igitur ætate quidam episcopus urbis Gazæ, mortuo episcopo Majumitanorum utrumque clerum adunare ac sibi subicere conatus est, nefas esse dicens ut unius urbis duo essent episcopi. Sed quum Majumitani contradicerent; synodus provinciæ, causa cognita, alterum episcopum ordinavit: prorsus æquum esse judicans, ut qui pietatis causa jus civitatis adepti fuissent, sed pagani principis sententia eo jure excidissent, in iis saltem quæ ad sacerdotium & ecclesiasticum ordinem spectant, concessis sibi præmiis nequam spoliarentur. Hucusque Sozomenus. Quamvis autem vix dubitandum sit, quin Majumensi ecclesiæ, à tempore suæ conversionis ad Christum sub Constantino Magno, usque ad Theodosium per quinquaginta circiter annos aliquot præfuerint episcopi, nullius tamen illorum notitiam adepti sumus, ante Zenonem, quem ideo primum statuimus.

EPISCOPI MAJUMÆ *prope* GAZAM.

## I. ZENO.

**Z**ENO iste natus est Gazæ, vel in regione adjacente. De eo hæc narrat Sozomenus,

B qui eundem, jam senem centum annorum, vidit. Scribebat autem sub Theodosio juniore sæculo quinto: *Celebres eodem tempore, (quo scilicet Epiphanius & Acacius Berroæ*



ECCLESIA  
MAJUMÆ  
juxta  
GAZAM.

florebant sæculo quarto) inquit lib. 7. hist. A  
eccl. cap. 28. pag. 751. C. fuere Zeno & Ajax  
fratres, qui initio quidem non in solitudine phi-  
losophati sunt, sed in urbe Gaza juxta mare,  
qui locus etiam Majuma vocatur. Cæterum ambo  
catholicæ fidei assertores acerrimi fuere, Deum-  
que forti animo confessi sunt, adeo ut sæpenu-  
mero à paganis gravissime & crudelissime ver-  
berati sint. Et Ajax quidem, &c. At Zeno,  
quum adhuc juvenis sæculo & nuptiis renun-  
tasset, in ministerio Dei diligentissimus fuit.  
Aiunt certe, imò nos quoque ipsi vidimus, eum  
quum Majumæ ecclesiam gubernaret, jam senem,  
ac centum circiter annos natum, nunquam à  
matutinis aut vespertinis hymnis, aut à reliquo  
officio divino abfuisse, nisi morbus ipsum deti-  
neret. Porro quum in monastica philosophia  
vitam traduceret, lineam vestem texebat super  
unica tela: hoc artificio, & sibi ipsi necessaria  
comparabat, & aliis subministrabat. Nec cessavit  
usque ad exitum vitæ id opus exercere, tametsi  
reliquos omnes provinciæ illius episcopos anti-  
quitate superaret, & ecclesiam tum populi ma-  
gnitudine, tum divitiis præcellentem regeret.

Sanctorum martyrum Eusebii, Nestabi & Ze-  
nonis fratrum, qui tempore Juliani Apostatæ,  
irruente in eos turba gentilium, Gazæ in Pa-  
læstina discerpti atque necati sunt, ut refertur  
in Martyrologio Romano, die 8. Septembris,  
consobrinum fuisse Zenonem hunc nostrum  
prodit idem Sozomenus lib. 5. hist. cap. 9.  
pag. 606. B. Sed tamen non latuerunt diu (ossa  
illorum martyrum) etenim mulier quædam  
Christiana . . . quæ illic (Gazæ) domicilium  
fixerat, Deo jubente, noctu ea collegit, & in  
ollam coniecta, Zenoni eorum consobri-  
no custodienda tradidit. Sic enim Deus in somniis  
præceperat, & locum ubi vir iste degeret, mulieri  
indicaverat, ac priusquam illum vidisset ei osten-  
derat. Erat enim ignotum mulieri, & ob recens  
excitatam persecutionem occultus latebat. Parum  
siquidem abfuerat, quin & ipse comprehensus à  
Gazæis occideretur. Sed dum populus consobri-  
norum ejus cædibus intentus esset, ipse opportu-  
nitatem nactus, Anthedonem aufugit, urbem  
maritimam, viginti circiter stadiis Gaza distan-  
tem: quæ quidem eo tempore superstitioni Gen-  
tilium perinde addicta, & simulacrorum cultui  
supra modum dedita erat. Ibi quum indicio  
quorundam Christianus esse proditus fuisset,  
tergo virgis graviter cæsus est ab Anthedoniis,  
& urbe ejectus. Quumque ad Gazæorum navale  
se contulisset, illic abditus delitescebat. Ibi mulier  
ei occurrens reliquias tradidit: eas ille domi  
abditas aliquamdiu servavit. Postea vero episco-  
pum illius ecclesiæ sortitus (id autem contigit  
principatu Theodosii) basilicam extra urbem  
ædificavit, & altare sublime erexit, & martyrum  
reliquias deposuit, juxta Nestorem confessorem,

qui cum consobrinis suis, dum viverent, fami-  
liariter versatus, & una cum illis à populo  
comprehensus, vincula ac flagella simul cum iis  
pertulerat. Sed inter trahendum ii qui eum  
raptabant, conspecta illius pulcritudine, juvenem  
miserati sunt, & extra urbis portas projecerunt,  
adhuc quidem spirantem, sed qui brevi moriturus  
sperabatur. Inde quidam eum tollentes ad Ze-  
nonem deportarunt, apud quem dum ulceribus  
ejus ac plagis medicina adhiberetur, animam  
exhalavit. Hujus martyris memoria colitur in  
Martyrol. Rom. præfata die octava Septemb.  
B Ibidem (Gazæ scilicet) sancti Nestoris martyris  
qui sub eodem Juliano ab iisdem gentilibus fu-  
rentibus sævissime cruciatus emisit spiritum.  
Zenonis quoque nomen eidem Martyrolo-  
gio inscribitur die 26. Decembris, his verbis:  
Majumæ sancti Zenonis episcopi. Obiit pro-  
babiliter ineunte sæculo quinto.

## II. PAULIANUS.

In actis synodi Ephesinæ primæ anno 431.  
tom. 3. conc. Labb. col. 468. B. legitur: Πα-  
λιανὸς ἐπίσκοπος Μαῖουμæ Παλαιστίνης τῆς παλαιστίνης  
ἐῖπε, Paulianus episcopus Majumæ primæ Pa-  
læstinae dixit, &c. Idem recensetur etiam ibid.  
coll. 500. A. 541. A. & 694. A. In nonnullis  
Latinis hujus concilii actis, & apud Marium  
Mercatorem, Paulinianus appellatur.

## III. PAULUS. Petrus Iberus.

In latrocinio Ephesino anno 449. pro  
Dioscoro stetit, ac sancti Flaviani depositioni  
subscripsit Paulus episcopus Majumæ, ut ejus-  
dem acta lecta in concilio Chalcedonen-  
si act. 1. fidem faciunt. Illius nomen habetur  
D tom. 4. concil. Labb. col. 118. D. καὶ Παύλου  
Μαῖουμæ, & Paulo Majumensis civitatis. Item  
col. 311. E. Παῦλος ἐπίσκοπος Μαῖουμæ, Paulus  
episcopus Majumæ.

Petrum Iberum, de quo supra inter episco-  
pos Gazæ col. 616. D. egimus, episcopum  
Majumæ propè Gazam fuisse scribit Evagrius  
lib. 2. hist. eccl. cap. 5. pag. 296. C. edit. Vales.  
& cap. 8. p. 299. D. At hallucinatus videtur,  
tum quia Zacharias Malela sive Rhetor quem  
primo loco describit, Petrum hunc ait episco-  
pum Gazæ, tum etiam quia Evagrius ipse  
E infra lib. 3. cap. 33. præfatum Petrum asserit  
episcopum Gazæ.

## IV. PROCOPIUS.

Episcopum Majumæ sive portus Gazæo-  
rum, alium fuisse ab episcopo urbis Gazæ,  
clare indicat hic utriusque episcopi distincta  
subscriptio Procopii scilicet episcopi Majumæ  
Gazæ, Μαῖουμæ Γάζης, tom. 5. concil. Labb.  
col. 191. C. & Cyrilli episcopi urbis Gazæ,  
Γάζων, ibidem E. uni eidemque epistolæ  
synodicæ



synodicæ Joannis Hierosolymitani præfulis ad Joannem Constantinopolitanum Patriarcham, adversus Severum Monophysitam, anno 518. Hoc modo enim subscriptus legitur huic epistolæ Procopius: Προκόπιος ἑπίσκοπος Μάγμε Γάζης, &c. Procopius episcopus Majumæ Gazæ.

## V. COSMAS.

Sæculo ecclesiæ octavo medio florebat Cosmas episcopus Majumæ. Huic siquidem nuncupavit sanctus Joannes Damascenus tractatum suum Dialecticæ, qui extat tom. 1. B ejus operum recentior. edit. Paris. anno 1712. pag. 3. sub isto titulo: τὸ ὁσιωτάτω καὶ θεοφιλέτω Πατρι Κοσμᾷ, ἀγιωτάτω ἐπισκόπῳ τῆς Μάγμε, ἐλάχιστος μονάχος καὶ πρεσβύτερος, ἐν κρείσσῃ χάριτι, religiosissimo & venerabili in Deo Patri Cosmæ, sanctissimo episcopo Majumæ, Joannes minimus monachus & presbyter, in Domino salutem. Vita item sancti Joannis Damasceni à Joanne Patriarcha Hierosolymitano Græcè & Latinè conscripta, quæ ibidem refertur ante opera ejusdem sancti, hæc de eo Cosma habet, pag. 20. num. 34. C Porro ad ejusmodi labores arripiendos fraterno more adhortatorem habuit, quem in spiritu Dei fratrem acceperat, Cosmam scilicet virum illum ornatissimum, sermonum suorum, institutionisque & religiosæ exercitationis participem: qui & ipse spirituales Joannis in condendis carminibus labores ingeniosè imitando, concinnos concentus in cithara & voce psalmi ecclesiæ succinit. Proprium siquidem corpus per affectionum compressionem, ad instar tympani, Deo exhibuerat,

A seque totum uti novum aliquod decachordum psalterium aptarat, quintuplicem sensum, & totidem animi facultates multa arte & sapientia intendendo. Verum Cosmas quidem ab Hierosolymitarum Patriarcha Majumæ episcopus Κοσμᾷς ἐπίσκοπος τῆς Μάγμε ordinatur, non sponte, sed vi adactus ut cederet: qui quum gregem suum præclare, utque Deo gratum erat, rexisset, in senectute bona migravit ad patres suos, imò potius concessit ad Deum. Superius vero num. 10. pag. 7. legitur hunc Cosmam à sancti Joannis Damasceni patre fuisse adoptatum, & cum eodem Joanne in ejus domo quasi illius fratrem enutritum & eruditum. Hoc unum te rogo, inquiebat pater ille ad alium Cosmam monachum quem è Saracenorum vinculis liberari & sibi tradi ab eorum principe impetrarat, hoc unum te rogo, vir honorande, ut meum hunc quem à natura suscepi filium, istumque alterum, cui idem ac tibi nomen est, quemque Hierosolymis oriundum, & tenera adhuc ætate parentibus orbatum in filium spiritualem adoptavi, omni tam peregrina, quam ea qua Spiritus sancti gratia dignos imbuir, eruditione omni & philosophiæ, cujus scientiam tenes, perquam diligenter instituas. Legenda ad calcem ejusdem paginæ annotatio 2. in qua observatur Cosmam istum, (quem Græci, à divinorum qui in ecclesiis ipsorum canuntur hymnorum compositione, Μελωδὸν Melodum vocant) adoptatitium fuisse Joannis Damasceni fratrem, etiam testimonio Constantini Acropolitæ, in paraphrastico sermone suo.

ECCLESIA  
MAJUMÆ  
Juxta  
GAZAM.

## XIII.

## ECCLESIA JOPPE S.

JOPPE urbs & navale sive portus Palæstinæ. In scripturis Japho dicitur, Josue cap. 19. vers. 46. 2. Paral. cap. 2. vers. 16. Jon. cap. 1. vers. 3. 1. Esd. cap. 3. vers. 7. & alibi. Strabo lib. 16. pag. 759. edit. Casauboni, de ea ait: Postea Joppe est, juxta quam litus Ægyptiacum, ante in ortum solis porrectum, notabiliter in Septemtrionem flectitur. Ibi quidam fabulati sunt Andromedam ceto fuisse expositam. Et S. Hieron. in cap. 1. Jonæ: Joppen portum esse Judææ, in Regnorum & Paralipp. libris legimus, ad quem Hiram quoque rex Tyri ligna de Libano ratibus transferebat, quæ Hierusalem terreno itinere perveherentur. Hic locus est in quo usque hodie Saxa monstrantur in litore, in quibus Andromeda religata Persei quondam sit liberata præsidio. Scit eruditus lector historiam. Sed & juxta regionis naturam de montanis & arduis ad Joppen & campestria veniens Propheta (Jonas) recte dicitur descendisse. Josephus etiam lib. 3. de bello Jud. cap. 29. Ibi adhuc Andromedæ vinculorum signa ostenduntur, quæ fidem faciunt antiquitati fabulæ. Cæterum Joppe nomen speculum gaudii Hebræicè significat, ex mente Greg. Naz. apolog. orat. 1. pag. 42. Et specula lætitiæ relicta, inquit, id enim Joppe Hebræis notat. In lexico Origeniano legitur ἰωππη, καλλωνή, καταισχοπή, Joppe, pulcritudo, specula. Idem Hieron. in lib. nom. Hebræor. Joppe pulcritudo. Nunc vulgo Jassa dicitur. De ejus antiquitate Pomponius Mela lib. 1. cap. 11. ita loquitur: Est Joppe ante diluvium, ut ferunt, condita: ubi Cephea regnasse eo signo accolæ affirmant, quod titulum ejus, fratrisque Phinei, veteres quædam aræ cum religione plurima retinent. Quin etiam rei celebratæ carminibus ac fabulis, servatæque à Perseo Andromedæ clarum vestigium, belluæ marinæ ossa immania ostentant. Et Plinius lib. 5. cap. 13. Joppe Phœnicum, antiquior terrarum inundatione,



ut ferunt: insidet collem præjacente Saxo, in quo vinculorum Andromedæ vestigia ostendunt. De Joppe pluries sermonem habet Josephus, ut *Antiq. lib. 9. cap. 11. lib. 11. cap. 4. lib. 13. capp. 8. & 23. lib. 14. cap. 17. lib. 5. de bello Jud. cap. 14.* Plinius loco citato *cap. 14. Joppicam toparchiam* memorat in Judæa, & à Samaria distinguit. Quod res Christianas attinet, Petrus Apostolorum princeps in illa urbe aliquandiu moratus est, ut constat ex *Act. Apost. cap. 9. vers. 43. & cap. 10. vers. 5.*

## EPISCOPUS JOPPES.

## I. FIDUS.

Inter episcopos Palæstinæ qui synodo Diospolitanae Pelagiani erroris causa habitæ interfuerunt anno 415. *Fidus* quidam memoratur ab August. *lib. 1. cont. Jul. cap. 5.* Hic enim censetur episcopus Joppes *to. 2. conc. Labb. col. 1532.* D. Synodo etiam Ephesinæ primæ anno 431. adversus Nestorium subscriptus legitur *Φείδος ἐπίσκοπος Ἰόππης, Fidus episcopus Joppes, tom. 3. conc. coll. 468. A. 497. D. 540. E. 692. A.* Fit etiam mentio de Fido Joppenfi, in vita sancti Euthymii, *num. 60.* B apud Coteler. *to. 2. monum. eccl. Græc. p. 249.* ubi narratur Anastasium vasorum sanctæ Resurrectionis custodem, cum Fido Joppenfi, altero Fido hujus Fidi nepote, & Cosma sanctæ Crucis custode, adiisse sanctum Euthymium, qui hunc Anastasium fore Patriarcham sanctæ civitatis prænuntiavit: nec fefellit eventus: Anastasius enim Juvenali anno 458. successit. Vide supra *coll. 172. C. & 575. A.*

Notandum porro in supra dicta *col. 172. C.* dici, hunc Fidum fuisse Jamniæ antistitem, cum Fido episcopo Jamniæ, quia scilicet sic legeram verba Cyrilli Scythopolitani, apud Papebrochium *to. 3. actorum sanctorum Maii, in hist. Chronol. Patr. Hieros. pag. 24. n. 104. col. 1. B.* Verum Cotelerius modo citatus, expresse habet, juxta textum Græcum, in sua versione Latina, *Fidum fuisse episcopum Joppes* *Φείδος τε πῶς ἐπίσκοπος Ἰόππης, Fido Joppes episcopo.* Hinc est quod eum supra inter Jamniæ episcopos non recensuerim. Et certe tunc temporis Jamniæ episcopus erat *Stephanus* patria Melitenensis, à Juvenale ordinatus, ex eodem Cyrillo *ibid. n. 57. p. 247.* Vide quæ de eo Stephano relata sunt *col. 588. B. C.*

Nescio an Fidus iste Joppenfis, alius non fuerit à Fido illo qui adstitit synodo Diospolitanae anno 415. & jam tunc forsitan à pluribus annis ecclesiam Joppensem administrabat. Fidus enim, de quo in vita Euthymii, non multum ante synodum Chalcedonensem, quæ anno 451. celebrata est, vivebat.

## II. THEODOTUS.

Quum in subscriptionibus episcoporum synodi Chalcedonensis, nullius episcopi Joppenfis reperiatur nomen, asserere non ausim, an Fidus de quo supra, adhuc esset superstes

A necne. Refert Evagrius, inter plures episcopos, qui à Theodosio monacho, sedis Hierosolymitanæ adversus Juvenalem statim post solutam synodum Chalcedonensem invasore, ordinati sunt, *Theodotum* consecratum episcopum Joppes. Ex quo manifestum fit Theodotum hunc fidei Chalcedonensis tunc fuisse impugnatorem: sed aliquis suspicandi locus est ipsum postea resipuisse. Ait enim Evagrius *lib. 3. hist. eccl. cap. 6. pag. 339. D. edit. Vales.* ex Zacharia Rhetore: *illinc* (id est, Epheso) *profectus* (Timotheus Ælurus) *venit* (sub imperio Basilisci, subindeque ante ann. 477. quo imperium Zeno eo victo recuperavit) *& à cunctis ipsum adeuntibus, ut Chalcedonensem synodum sub anathemate damnaverent exigere perseveravit. Recesserunt tamen ab eo, tum alii complures ejusdem factionis, sicut à Zacharia proditum est, tum Theodotus episcopus Joppæ, unus ex eorum numero qui ordinati fuerant à Theodosio illo qui Hierosolymorum episcopus à quibusdam factus fuerat, quum Juvenalis Constantinopolim profectus esset.* Quid exinde egerit Theodotus iste, & quandonam obierit, C ignoramus.

## III. ELIAS.

*Elías* iste ecclesiam Joppensem constantissime regebat ab anno 518. ad 536. Duplici enim synodo Hierosolymitanæ interfuit his annis habitæ; priori quidem, sub Joanne, cujus epistolæ ad Joannem Constantinopolitanum Patriarcham, adversus Severum & ejus asseclas, subscripsit, apud Labb. *tom. 5. conc. col. 191. D.* Posteriori vero, sub Petro, cujus sententiæ contra Anthimum pariter subscripsit, *ibid. col. 283. C.* *Ἡλίας ἐπίσκοπος Ἰόππης, Helias episcopus Joppes.* Nihil aliud nobis de eo antistite compertum est.

## IV. SERGIUS.

Antequam Sophronius in locum Modesti Hierosolymorum Patriarchæ, circa finem anni 633. mortui, subrogaretur, & iterum post ejusdem Sophronii mortem, *Sergius Joppensis episcopus*, non ecclesiastica, sed Imperatoris Heraclii auctoritate fretus, Hierosolymitanæ sedis vices gerens, episcopos, presbyteros, & diaconos passim in Palæstina ordinavit. Hæc supra explicata sunt *col. 282.* quæ hic repetere necesse non est. Vide etiam



tom. 6. concil. Labb. col. 109. B. In concilio Hierosolymitano seu Bethleemitano, quod anno 1672. celebravit Dositheus II. Patriar-

cha adversus errores Calvinianos Cyrilli Lucaris, fedit & subscripsit Germanus hieromonachus, & exarchus archiepiscopatus Joppes.

ECCLESIA  
JOPPE.

\*\*\*\*\*

## XIV.

## ECCLESIA RAPHIÆ.

**R**APHIA, quibusdam Rhama, urbs est Palæstinæ, sita in tractu maritimo inter Anthedona & Rhinocolura. De ea mentionem faciunt, Josephus lib. 13. antiq. capp. 21. & 23. lib. 14. cap. 10. lib. 1. de bello Jud. cap. 3. & lib. 5. cap. 14. S. Hieron. ad Dan. cap. 11. Strabo lib. 16. pag. 522. Polybius lib. 5. capp. 80. 82. & seqq. ubi describit prælium initum propè illam civitatem, inter Ptolemæum quartum dictum Philopatorem, & Antiochum Magnum, quorum iste victus est, magna exercitus ejus strage facta.

## EPISCOPI RAPHIÆ.

## I. ROMANUS.

**T**Empore synodi Ephesinæ primæ, scilicet anno 431. sedebat Raphiæ episcopus, Romanus, qui sic in ejus actis legitur, Ρωμανός Ραφείας, Romanus episcopus Raphiæ sive Raphiæ. To. 3. conc. Labb. coll. 449. A. 540. E. & 691. E.

## II. EPIPHANIUS.

Anno 518. Epiphanius episcopus Raphiæ subscripsit synodicis litteris Joannis Hierosolymitani Patriarchæ adversus Severum ad Joannem Constantinopolitanum præfulem datis. Tom. 4. concil. Labb. col. 191. D. Subscripsit quoque anno 536. sententiæ adversus Anthimum latæ in synodo Hierosolymitana sub Petro hujus urbis antistite, ibid. col. 283.

A. C. Ε'πὶ φανῶ P'αφίας, Epiphanius episcopus Raphiæ.

## III. STEPHANUS.

Stephanus episcopus Raphiæ, unus ex tribus Palæstinæ episcopis fuit, qui Eustochii Patriarchæ Hierosolymorum vices gerens anno 553. in synodo quinta generali, ejus actis subscripsit in hunc modum, ut jam supra relatum est, ubi de Eustochio, col. 219. C. Stephanus misericordia Dei episcopus Rappheotanae civitatis, vicem agens Eustochii sanctissimi Patriarchæ Hierosolymitanæ civitatis, una cum Georgio & Damiano religiosissimis episcopis. Similiter Stephani hujus nomen legitur to. 5. conc. Labb. coll. 416. B. 430. A. 509. A. & 979. E.

\*\*\*\*\*

## XV.

## ECCLESIA SARIPHÆÆ.

**S**ARIPHÆA, in vicinia Gazæ & Ascalonis sita erat: nam in actis viginti martyrum Sabaitarum à Saracenis occisorum die 20. Martii, anno 796. apud Bollandum ad hunc diem, tom. 3. Mart. De Saracenis legitur, num. 4. pag. 167. E. Diversas urbes, easque incolis refertas, depopulati sunt. Eleutheropolim enim plane desertam & inhabitatam reddiderunt: & præterea Ascalona, Gazam, & Sarephæam Σαρεφάιαν, necnon alias urbes diripuerunt. Vide quæ de iis actis supra observata sunt col. 313. & seqq. Hadrianus Relandus in Palæstina illustrata, tom. 2. pp. 987. & 988. ait hanc Sariphæam, nunc esse vicum Serphend, inter Joppen & Ramam, quas inter nulli vici sunt præter Jazur ac Serphend: & Jazur quidem abesse tribus quadrantibus horæ itineris à Joppe, Serphend vero, una hora à Jazur, & dimidia hora à Rama. Hæc, inquit, mihi significavit vir integerrimus Henricus Lub, qui Ramæ diu habitavit. In notitiis veteribus de Sariphæa nihil: quare videtur eo tempore quum illæ conscriptæ sunt, nondum habuisse episcopum.

## EPISCOPI SARIPHÆÆ.

## STEPHANUS.

**I**Nter episcopos trium Palæstinarum, qui subscripserunt decreto synodi Hierosolymitanæ, præside Petro Patriarcha, mense Sep-

tembri, anno 536. adversus Anthimum, legitur Στέφανος ἐπίσκοπος Σαριφάας. In Latino habetur Stephanus episcopus Scarphiensis & Sariphæensis. To. 5. conc. Labb. col. 283. C.



## XVI.

## ECCLESIA ANTHEDONIS.

**A**NTHEDON, urbs est Palæstinæ primæ, sita ad mare, viginti circiter stadiis à Gaza. Ptolemæus *cap. 16. geogr.* in descript. Palæstinæ Judææ, *tab. 4.* Asiæ, Anthedona recenset inter urbes littorales, & distinguit à Gaza, Jamnia, Lydda, ac Antipatride, in ora quidem maritima sitis, sed non ad mare. Stephanus Byzant. *de urbib. & pop. Anthedon*, inquit, *urbs vicina Gazæ in parte maritima*, & Plinius *lib. 5. cap. 13. Rhinocolura & intus Raphæa. Gaza & intus Anthedon.* Urbs hæc dicta est Agrippias ab Herode, uti Josephus tradit *lib. 13. antiq. cap. 21.* quem locum ante oculos habuit eruditus scholiastes Lycophronis Joannes Tzetzes; quamvis vulgo, sed male, Isacio Tzetze fratri ejus hic liber tribuatur, quod Joannes amore singulari fratris ductus, nomen ejus scetui huic suo præposuerit, ut ipse fatetur in epistola, quam primus edidit Ludolphus Kusterus, plurimis veteris ævi monumentis editis atque illustratis optime de re litteraria meritis, in notis ad Suidam, *to. 2. pag. 473.* Sic itaque de Anthedone Tzetzes, ad *vers. 754. Josephus urbem quæ nunc Agrippias dicitur, olim Anthedona nuncupatam fuisse testatur.* Hæc omnia erudite exponit Hadrian. Reland. *Palæstinæ illustratæ to. 2. pp. 566. & 567.* Josephus hujus urbis meminit, non solum *lib. cit. 13. ant. cap. 21.* sed etiam *lib. 14. cap. 10. & lib. 1. de bello Jud. cap. 16.* de Herodis operibus. Observat Cellarius *to. 2. geogr. ant. lib. 3. cap. 13. pag. 609.* nomen Agrippiæ vel Agrippei, Anthedoni inditum ab Herode, non diu substituisse, saltem communius, post ejus mortem: siquidem Ptolemæus & Plinius eam *Anthedonem* dixerunt; & in nummo Caracallæ apud Patinum *pag. 306. ANΘΗΔΟΝΟC* legitur.

## EPISCOPI ANTHEDONIS.

## I. PAULUS.

**A**Nno 431 synodo generali Ephesinæ A interfuit, & subscripsit *Paulus episcopus Anthedonis Παῦλος ἐπίσκοπος Ἀνθηδώνου. To. 3. concil. Labb. coll. 473. A. 500. B. 541. A. 691. A.* Legitur quoque initio actorum synodi Constantinopoli habitæ anno 449. mense Aprili. *Tom. 4. col. 236. A.* Extat demum pluries nomen ejus in actis synodi Chalcedonenfis anno 451. celebratæ, *ibid. coll. 82. E. 329. A. 458. D. 494. A. 585. C.*

## II. EUSTATHIUS.

Epistolæ synodicæ Joannis Hierosolymitani ad Joannem Constantinopolitanum adversus Severum subscripsit anno 518. *Εὐστάθιος ἐπίσκοπος Ἀνθηδώνου, Eustathius episcopus Anthedonis. To. 5. conc. col. 192. A.*

## III. DOROTHEUS.

Sententiæ adversus Anthimum anno 536. in synodo Hierosolymitana, præside Petro Patriarcha, editæ subscripsit *Δορόθεος ἐπίσκοπος Ἀνθηδώνου, Dorotheus episcopus Anthedonis. To. 5. conc. col. 286. E.*

## XVII.

## ECCLESIA ELEUTHEROPOLIS.

**D**E urbe Eleutheropoli hæc observat Cellarius *geogr. antiq. to. 2. lib. 3. cap. 13. p. 579.* Origo ejus ignota est (id est) à quonam & quando fuerit condita, aut novum hoc nomen sortita: nulla siquidem ejus extat mentio, quantum cognitum habemus, ante tempora Christianorum principum: sed tum urbs florens erat & celebris adeo, ut Eusebius ac Hieronymus, ex illa & Ælia, fere omnium oppidorum vicorumque distantias ac positiones metiantur. Josephus & Ptolemæus (ejus) nusquam meminerunt, quod argumento est, illorum ætate posteriorem esse. Haud dubiè tamen sub ethnicis Imperatoribus fuit constituta; in Nicæna. quippe synodo subscripsit Eleutheropolitanus episcopus Macrinus. Hadr. Reland. *tom. 1. Palæst. illustr. pag. 208.* hæc de ea urbe observat: «Carolus à Sancto Paulo in *geogr. sac. (p. 316.)* scribit Eleutheropolim quibusdam Hebron credi. Ita quoque Petavius ad Epiphanium. Sed quum ex Eusebii Onomastico, ubi urbes aliquas describit inter Eleutheropolim & Chebronem (sive Hebronem) liqueat non posse esse eandem cum Chebrone; & ex Itinerario veteri, quod Antonini dicitur, appareat alio loco sitam fuisse Eleutheropolim quam Chebronem, voluisssem hoc illic à viris doctissimis monitum fuisse, ne videretur illa opinio ferri posse, eandem esse Eleutheropolim & Chebronem: quæ, si quæ alia, falsissima est.» Eleutheropolis patria fuit sancti Epiphanii, qui natus in vita dicitur inter Phœnices, in agro Eleutheropoleos, tercio ab illa lapide. Phœnices autem urbs dicitur ea ratione, quæ



multi scriptores, Phœnicen ad Ægyptum usque protendunt, non solum quoad ea quæ in littore, sed & in iis quoque quæ littori sunt propinquiora. Fuit enim procul à mari, sed minori distantia, quam à lacu Asphaltite.... Sanctus Hieronymus in *Abdiæ vers. 1. & 5.* Eleutheropolim cum Idumæa conjunxit, sed laxè Idumæam intelligit, ut omnem australem Judæam comprehendat, &c. Hæc præfatus Cellarius, qui subdit *p. 580.* male à quibusdam Eleutheropolim cum Hebrone confundi, à qua ipse Hieronymus diserte (eam) separavit *lib. de locis Hebr.* aiens post Eusebium: *In Ceila, nunc villula Ceila, ad Orientalem plagam Eleutheropoleos, pergentibus Chebron (Hebron) quasi octavo milliario, atque ita in tribu Juda Eleutheropolis fuit, &c.* Dictum est supra *coll. 629. & 630.* ubi de Sariphæa, Eleutheropolim, cum aliis multis urbibus, à Saracenis fuisse vastatam, anno 796. qui eam *desertam & inhabitatam reddiderunt.* In Martyrologio Romano, die 25. Januar. legitur de Anania qui sanctum Paulum baptizavit: *Hic quum Damasci & Eleutheropoli, alibique evangelium prædicasset, sub Licinio Judice . . . . . (Damasci) martyrium consummavit.*

## EPISCOPI ELEUTHEROPOLITANI.

## I. JUSTUS.

SI qua posset adhiberi fides auctori synopsis de prophetis, apostolis, & 72. discipulis, Dorotheo martyri sub Licinio attributæ, quæ extat *magnæ Biblioth. veter. Patr. edit. Colon. Agrippinæ 1618. 10. 3. à pag. 143. col. 1. ad pag. 150. col. 1.* Justus quidam, unus ex 72. discipulis Christi Domini, dicendus foret primus Eleutheropolis civitatis episcopus, *p. 150. A. col. 1. Jesus (Joseph) qui & Justus, dicitur & Barfabas, cujus Lucas meminit quod in sorte cum Mathia conjunctus fuerit, Eleutheropolis episcopus factus est,* verba Græca sic refert Hadrianus Relandus *Palæst. illustr. 10. 2. pag. 751.* Ἰησοῦς ὁ λεγόμενος Ἰσσοῦς, ὃ καὶ αὐτὸς μνησθῆναι ὁ Ἀποστόλος ἐν τῇς πράξεσιν τῶν Ἀποστόλων, ὃς καὶ ἐπίσκοπος γέγονεν ἐν Ἐλευθεροπόλει. Verum, ut ratiocinatur idem Hadrianus Relandus *ibid.* si jam tum fuisset (primo nimirum ecclesiæ sæculo) eo nomine (Eleutheropolis) nota (ista civitas) & episcopatu insignis, fecisset certe uspiam (illius) mentionem Josephus. Subdit idem Relandus, à Dorotheo scriptum, (quod tamen in edit. Latina supra cit. non inveni) Simonem unum ex duodecim Apostolis Eleutheropoli evangelium prædicasse. Σιμων δὲ ὁ ἐπικληθεὶς Ἰσδαρ ἐν Ἐλευθεροπόλει, καὶ ὑπὸ Γάζης ἕως Ἀγύπτιος κηρύξας τὸν Χριστὸν θάπτεται ἐν τῇ Ὀσρακίῃ πόλει τῆς Ἀγύπτιος. Simon, cognomine Judas, Eleutheropoli, & à Gaza ad Ægyptum usque prædicato Christo, sepultus est Ostracinæ, urbe Ægypti. Vide supra *col. 603. A.* ubi de Philemone inter episcopos Gazenses, quid de synopsis Dorotheo martyri supposita sentiendum sit. Menæa Græcor. manuscr. de Justo D eadem habent, apud Bollandianos, *tom. 4. Jun. pag. 67. ad diem 21. hujus mensis n. 2. col. 1. C. Et Jesu appellati Justi episcopi Eleutheropolis, καὶ Ἰησοῦ λεγόμενος Ἰσσοῦ ἐπίσκοπος Ἐλευθεροπόλεως.* Et *n. 3. col. 2. D. Memoria.... Jesu dicti Justi episcopi Eleutheropolis.* Et *n. 4. F. Justus vero qui & Jesus appellatus, Eleuthe-*

*A ropoli episcopus creatus, &c.* Quæ ex synopsis Dorothei fere sunt accepta. Demum aiunt *num. 7. pag. 68. col. 2. E.* suspicari quis posset Eleutheropoli fuisse aliquem episcopum nomine *Justum*, qui occasionem dederit eodem trahendi *Jesum* cognomento *Justum* quem ex circumcissione fidelem sibi socium laudat Paulus, Roma Colossensibus scribens (*cap. 4. vers. XI. Salutat vos . . . & Jesus qui dicitur Justus.... ex circumcissione, &c.*) Quidni libere quo vellet abire permissus Paulus, Jesum istum à se dimiserit in Syriam, episcopum ordinatum; & ille Eleutheropoli sibi sedem statuerit? Quod autem hic Jesus in catalogo discipulorum (Domini) relatus sit. . . . non potest aliter factum fuisse, quam ex vicinia nominum Ἰησοῦς & Ἰωσή: unde nata confusio ansam præbuerit istum Pauli discipulum faciendi quoque unum ex 70. discipulis Domini. Hæc doctiss. Bollandiani. Ex his proculdubio Græcis fontibus hausit Dositheus Patriarcha Hierosolymorum, in historia decessorum suorum, *lib. 1. cap. 2. §. 12. Josephum seu Josen Jacobi minoris fratrem, è septuaginta duobus discipulis unum, quem, inquit, apostoli statuerunt cum Matthia, ut Judæ proditoris locum sortiretur, episcopum fuisse Eleutheropolis.*

## II. MACRINUS.

In Indice episcoporum de provincia Palæstinæ qui synodo primæ Nicænæ interfuerunt anno 325. legitur *Macrinus Eleutheropolitanus episcopus. Tom. 2. concil. Labb. col. 51. C.*

## III. AETIUS.

Epiphanius, in tractatu adversus hæreses, hæresi 40. quæ est Archonticorum, meminit cujusdam Aetii episcopi, quem verisimile est fuisse Eleutheropolitanum præfulem. In Armenia minore, inquit *10. 1. lib. 1. pag. 291. A. lolium istud certo ab homine disseminatum est, qui paulo ante Constantii Imperatoris obitum*



ECCLESIA  
ELEUTHE-  
ROPOLIS.

(anno 361.) ex Armenia in Palæstinam profectus est, Eutactus nomine, sive Atactus potius, hoc est moribus perturbatus. Qui quum infelix illud dogma combibisset in patriam reversus profiteri cœpit quod didicerat. Ejusmodi porro velut ab aspidē venenum, à sene quodam hauserat, nomine Petro, sed minime hac appellatione digno, qui in Eleutheropolis & Hierosolymorum finibus habitabat, tertio ab Hebrone lapide oppido quod Cabarbaricha nominant. Huic porro seni vestitus erat initio asperitate ipsa horribilis, & ad simulationem affectatus, ac quum extrinsecus ovis pelle esset indutus, lupo erat intus rapacissimus & occultus. Anachoreta quippe esse videbatur in spelunca degens. Qui quidem pluresque abdicatis fortunis omnibus ad sese pertraxit, Paterque vulgo cum ob ætatem, tum ob habitum ipsum appellari solebat. Idem quidquid habebat in egenos distribuere, ac quotidie stipem erogare (consueverat.) Sed ab ineunte ætate variis se hæresibus addixerat. Postea ad Aetium episcopum delatus (utique hujus loci, ac subinde Eleutheropolitanum,) ac Gnosticorum hæresis convictus, à sacerdotio exautoratus est: illius quippe loci creatus olim fuerat presbyter. Deprehensus itaque, & ab Aetio pulsus in Cochaben Arabiæ oppidum profectus est, &c. Is ipse videtur fuisse Aetius ille, qui in concilio Sardicensi anno 347. Athanasii, cæterorumque præsulū ab Arianis suis sedibus dejectorum, causam adjuvit 10. 2. conc. coll. 678. E. & 679. D. Nam inter quindecim episcopos Palæstinæ, post Maximum (Hierosolymitanum) Aetius legitur. Μάξιμος, Αἰνῶ, &c. Hic rursus eodem anno 347. aut sequenti 348. epistolæ synodicæ ad Alexandrinos pro restitutione Athanasii, in concilio Hierosolymitano à Maximo celebrato directæ subscripsit, *ibid.* col. 727. A. Μάξιμος, Αἰνῶ, &c. Omnes quidem sexdecim, addito Macrino illis quindecim qui synodo Sardicensi interfuerunt: sed in utroque loco eorum sedes reticentur.

#### IV. THEOPHILUS.

Ad sedem Eleutheropolitanam evectus est Theophilus iste ante annum 359. quo Eutychius ejus successor, ut hujus ecclesiæ præsul, subscripsit synodo Seleucienfi. Ex Eleutheropolitana ecclesia ad Castabalensem in Cilicia transtulerat Theophilum Silvanus Tarsi episcopus, propter quod etiam Acaciani Silvanum ipsum deposuerunt in conciliabulo Constantinopolitano anno 360. Ita refert Sozomenus lib. 4. hist. eccl. cap. 24. edit. Vales. pag. 579. C. Porro Acaciani, quum aliquandiu substitissent Constantinopoli, episcopos ex Bithynia evocarunt... quumque essent numero 50. in unum collecti, formulam fidei quæ Arimini

recitata fuerat (anno præcedenti 359.) suffragiis suis comprobarunt, hoc tantum adjecto, ne quis in posterum substantiam in Deo aut hypostasim diceret τὴν τοῦ ὁσίου ἢ τὴν τοῦ αὐτοῦ ἐν τῷ Θεῷ ὁνομαζέειν μηδ' ὁλως: utque præter hanc formulam reliquæ omnes, tam quæ antea scriptæ, quam quæ postea scribendæ essent, condemnarentur, &c. Et pag. 582. A. Post hæc iterum convenientes Silvanum deponunt episcopum Tarsi, &c. Ac Silvanum quidem deposuerunt propterea quod vesaniæ auctor ac signifer cæteris extitisset, tum Seleuciæ, tum Constantinopoli: & B quod Castabalensi ecclesiæ Theophilum quemdam præfecisset, qui prius ab episcopis Palæstinenfis Eleutheropolis episcopus fuerat ordinatus, juramentoque sese obstrinxerat nunquam se alium episcopatum suscepturum absque illorum consensu. Vix dubitandi locus quin Theophilus quoque in eo conciliabulo episcopatu Castabalensi dejectus fuerit: sed verisimile est eum, ineunte imperio Juliani, ad suam ecclesiam rediisse anno 362. Certe hic Theophilus Castabalensis Θεόφιλος Κασταβάλων, una cum Basilio Ancyrae, Silvano Tarsi, & quibusdam aliis episcopis qui voci consubstantialis, similem in substantia de Filio Dei substitui volebant, Joviano libellum anno 363. in hujusce suæ opinionis gratiam porrexerunt: quem quum accepisset Imperator, ipsos sine responso dimisit, inquit Socrates lib. 3. hist. eccl. cap. 25. pag. 203. C. hoc tantum proloquitur: ego contentionem averfor; eos vero qui concordiam student, diligo, atque observo. Quæ quum ad aures reliquorum perlata essent, impetum eorum qui altercari cupiebant, fregere. Nihil aliud nobis de illo Theophilo compertum est.

#### V. EUTYCHIUS.

Translato, ut dictum est, ad ecclesiam Castabalarum in Cilicia Theophilo suffectus videtur Eutychius, qui jam anno 359. in synodo Seleucienfi, Semiarianorum formulæ, inter episcopos 43. tanquam Eleutheropolis episcopus, teste Epiphanio lib. 3. adversus hæreses, hæc. 73. 10. 1. num. 26. pag. 874. A. subscripsit, Εὐτύχιος ἐπίσκοπος Ἐλευθεροπόλεως Eutychius episcopus Eleutheropolis. Hunc catholicum fuisse asserit idem Epiphanius, sed aliquando fidem suam dissimulasse. Eutychius Eleutheropolitanus, inquit *ibid.* n. 23. p. 871. B. utpote à B. Maximona (Maximo) Hierosolymitano episcopo ac confessore catholice fidei institutis edoctus, propter Cyrilli odium, ad Acacium sese non adjunxit (in societatem scilicet erroris,) qui quidem aliquanto tempore catholicam fidem amplectens, dignitatis suæ retinendæ gratia dissimulavit, ut & alii Palæstinæ complures episcopi, propter quos Acacius cum suis eadem rabie & infidelitatis furore



perciti, nihil ad tempus de hisce dogmatibus A  
 movere voluerunt, neque aut affirmando aut  
 negando pronuntiarunt. Sed Seleucia, &c. In  
 ea nihilominus synodo Seleuciana Eutychius  
 excommunicationis pertulit sententiam, teste  
 Athanasio lib. de Synodis to. i. vet. edit. Græco-  
 Lat. p. 881. B. C. ubi ait: Acacium quidem....  
 abdicarunt: nonnullos item ex Asia, Leontium,  
 Theodosium.... communione vero spoliaverunt  
 Asterium.... Eutychium & Magnum, eo quod  
 citati ad causam dicendam de criminibus quibus  
 accusati erant, non comparuerint, censuerunt-  
 que eos incommunicabiles habendos, donec se  
 legitima defensione puros ostenderent. Videtur  
 tamen ipsemet Epiphanius Eutychium ad  
 aliquam Arianarum factionum partem interdum  
 revocasse, ibid. num. 27. pag. 875. C. D.  
 ait enim: Jam diximus tres in partes Arianorum  
 sectam esse divisam.... nam quum à se invicem  
 opinione non discreparent, nihilominus certas in  
 factiones divulsi sunt, dum privatas inter se simul-  
 tates exercent; veluti quod Cyrillus Hierosoly-  
 mitanus, & Eutychius mutuas inimicitias fove-  
 rent. Ex ea scilicet dissensione Eutychii à  
 Cyrillo ortum observat num. 23. pag. 870. C  
 quod Acacio Cæsariensi eidem Cyrillo in-  
 fenso se conjunxerit. Acacius Palæstinus Cæ-  
 sareæ episcopus, inquit, cum Meletio, & Uranio  
 Tyrio, & Eutychio Eleutheropolitano, pro eo  
 quo in Cyrillum Hierosolymitanum odio & in-  
 vidia flagrabat, se ipsum opposuit Basilio, Georgio  
 Laodicensi, &c.

Eutychius anno 363. epistolæ synodali  
 concilii Antiocheni sub Meletio celebrati  
 pro consubstantialitate Verbi admittenda,  
 juxta fidem Nicænam, cum ipso etiam Aca-  
 cio Cæsariensi, & pluribus aliis episcopis, D  
 omnibus numero 27. subscripsit. To. 2. conc.  
 Labb. col. 828. E. Εὐτύχιος Ἐλευθεροπόλεως,  
 Eutychius Eleutheropolis. Mortuo Acacio,  
 Cyrillum seniore ejus sedi præfectum Euty-  
 chii opera tradit idem Epiphanius, ibid.  
 pag. 885. C. Ex hoc grege (Arianorum) Cæ-  
 sariensis Euzoïus prodiit illorum discipulus, qui  
 post Acacium ei sedi præfuit, quum ante Philu-  
 menus à Cyrillo Hierosolymitano in illa consti-  
 tutus fuisset, ac deinde Cyrillus senior ibidem  
 ab Eutychio collocatus. Sanctus Hieronymus,  
 in epistola 61. quæ est ad Pammachium, de E  
 erroribus Joannis Hierosolymitani, Epipha-  
 nium laudat, quod, vel presbyter, inquit,  
 (subindeque ante annum circiter 368. quo  
 ad episcopatum evectus est) in monasterio ab  
 Eutychio audiebatur (magni utique nominis  
 aliquo.... episcopo aut abbate, necdum tamen  
 aliunde noto, inquit Papebrochius tom. 3.  
 actorum sanctorum Maii, ad diem 12 ubi de  
 S. Epiph. pag. 38. n. 11. col. 2. F.) vel postea  
 episcopus Cypri à Valente non tangebatur: tanta

enim venerationis semper fuit, ut regnantes  
 hæretici ignominiam suam putarent, si talem  
 virum persequerentur. Hunc porro Eutychium,  
 ipsum fuisse Eleutheropolitanum episcopum  
 de quo agimus, suadent, tum nomen, tum  
 dignitas, Eutychius enim eo tempore erat  
 Eleutheropolitanus antistes; tum denique  
 circumstantia loci, quum in synopsi ad Epi-  
 phanii ancoratum, ex eodem Papebr. ibid.  
 num. 10. col. 2. D. legatur quod Epiphanius  
 primam monastici instituti exercitationem in  
 Ægypto suscepit, ibique ad vigesimum usque  
 B ætatis annum permansit, donec ad Eleutheropo-  
 litanam regionem reversus monasterium in ea  
 condidit. S. Hieron. in catal. script. eccl. ubi  
 de Lucifero Calarit. eum scribit, quum nollet  
 sub nomine Athanasii Nicænam damnare fidem,  
 in Palæstinam relegatum. Tertium hoc Marcel-  
 linus & Faustinus, in suo libello precum ad  
 Theodosium Imp. fuisse ejus exilium asserunt  
 in Palæstinam, scilicet primam ac salutarem,  
 ad quam pertinet Eleutheropolitana civitas,  
 cujus tunc fuisse indicant episcopum Euty-  
 chium hæreticum, sub quo B. Lucifer patiebatur  
 C exilium. (Sunt eorum verba, apud doctissimos  
 Bollandianos, to. 5. Maii, ad diem 20. n. 8.  
 pag. 199. \* col. 1. B.) qui & ipsum fidem libere  
 vindicantem, multis atrocitatibus afflixit. Sunt  
 adhuc hodie, qui illo tempore penas gravissimas  
 dederunt, eo quod cum catholice fidei episcopo  
 Lucifero convenirent. Verum monent iidem  
 Bollandiani, num. 35. pag. 203. \* col. 2. F.  
 hunc libellum precum Marcellini & Faustini,  
 nonnisi cum cautela legendum esse, propter  
 graves calumnias in Damasum Papam, alios-  
 que nonnullos catholicos episcopos, quorum  
 facta vel invidiosius traducuntur, vel mali-  
 tiose aggravantur adjunctis Arianorum fa-  
 cinoribus, catholicam fidem externa solum  
 professione simulantium. Quandonam fato  
 functus fuerit Eutychius nos latet.

## VI. TURBO.

Præfati Marcellinus & Faustinus Lucife-  
 riani, addunt in eodem suo libello, Turbonem,  
 qui Eutychii diaconus erat, dum ille Luci-  
 ferum orthodoxosque ei consentientes tam  
 immaniter Eleutheropoli persequeretur, ex  
 tunc, quum nempe ipsi scriberent, Theodo-  
 sio nimirum imperante, se catholicum dixisse,  
 quamvis nihilominus in catholicos, hoc est  
 Luciferianos, sævire non destiteret. De ea  
 vexatione fides sit penes auctores illos, ea in  
 causa non parum suspectos: nos autem ex  
 illorum narratione eruimus duntaxat, Tur-  
 bonem Eleutheropolitanæ ecclesiæ sub Euty-  
 chio diaconum, ad illam sedem, & proba-  
 biliter quidem post illius mortem immediate  
 fuisse assumptum, & tempore Theodosii



Magni, hanc ecclesiam administrasse. Obiit sub eo Imperatore, ut ex modo dicendis patebit.

## VII. ZEBENNUS.

Sozomenus *lib. 7. hist. eccl. cap. 29. p. 752.* C. D. refert; sub finem imperii Theodosii Magni, Zebennus Eleutheropoleos episcopo revelata fuisse divinitus corpora Prophetarum Abacuc & Michææ: *Abacuc*, inquit, *nec multo post eum Michæas*, ex primis illis Prophetis, circa id tempus reperti. Amborum autem corpora per divinam in somnis visionem, sicut accepi, ostensa sunt Zebennus, qui tunc Eleutheropolitane ecclesie pontificatum gerebat. Locus porro in quo repertus est Abacuc vocabatur Cella, olim vero Ceila civitas dicebatur. Berathsatia vero locus est decem circiter stadiis distans ab urbe, juxta quem locum erat sepulcrum Michææ: quod quidem incolæ, ignorantes quid dicerent, monumentum fidelium appellabant, Nephsameemana patrio sermone nominantes. Atque hæc quidem ad Christianæ religionis gloriam amplificandam idonea, hujus Imperatoris (Theodosii) temporibus contigerunt. Caterum post partem de Eugenio victoriam, Imperator Theodosius, dum Mediolani degeret, morbo correptus est, &c. Hunc Zebennum, Theophanes in chronico ad annum Theodosii 15. Chr. 393. p. 63. A.

A Bezenum nuncupat. Eodem anno, inquit, Abacum & Michææ Prophetarum reliquiae Bezeno episcopo Eleutheropolis Palæstinæ Βεζένω τῷ ἐπισκόπῳ Ἐλευθεροπόλεως τῆς Παλαιστίνης divinitus revelatæ, in duobus pagis Eleutheropolitani agri inventæ sunt. Vivebat adhuc Zebennus anno 415. quo synodo Diospolitanæ adversus hæresim Pelagianam celebratæ interfuit, & unus fuit 14. episcoporum quos nominat Augustinus *lib. 1. cont. Jul. cap. 5. To. 2. conc. Labb. col. 1532. D.*

## VIII. GREGORIUS.

Ex subscriptionibus episcoporum Palæstinæ, epistolæ synodice Joannis Patriarchæ Hierosolymorum, anno 518. ad Joannem Constantinopolitanum, adversus Severum hæreticum, missæ, nobis innotescit Gregorius Eleutheropolitanus episcopus, Γρηγόριος Ἐλευθεροπόλεως. *To. 5. conc. Labb. col. 192. B.*

## IX. ANASTASIUS.

Anno 536. synodo Hierosolymitanæ mense Septembri habitæ contra Anthimum & alios heterodoxos, sub Petro Patriarcha, adfuit Anastasius Eleutheropolitanus episcopus, Ἀναστάσιος Ἐλευθεροπόλεως. Eodem tom. 5. col. 284. D.

## XVIII.

## ECCLESIA HEBRONIS sive CHEBRONIS.

HEBRON, urbs antiquissima fuit, quæ ante Moysis tempora dicta fuerat Arbee, ut legitur Gen. cap. 23. vers. 2. Arbe autem fuit pater τῆς Enac, Josue cap. 15. vers. 13. Hebronis nomen invaluit, quod septuaginta interpretes Χεβρον Chebron sine flexione casuum scripsere. In Vulgata communius Hebron appellatur: Chebron tamen 1. Mach. cap. 5. vers. 65. Septem annis ante Zoan seu Tanim urbem Ægypti condita est, Num. cap. 13. vers. 23. Juxta eam in spelunca duplici sepultos esse Abrahamum, Saram, Isaac, Jacob, aliosque veteres sanctitate celebres tradit scriptura: propter quod etiamnum ecclesia Hebronis nuncupatur ἁγιον σπηλαιον, sancta spelunca. Sita erat Hebron in Chananæa australi, non longè à lacu Asphaltide. Eusebius *lib. de locis Hebraicis*, ad vocem Ἀρβὴ, hanc docet Hierosolymis distare versus austrum 22. miliaribus. Eam in Orientem, ab Hierosolymorum meridiano declinasse asserit post Lighfootum Cellarius *geogr. ant. tom. 2. lib. 3. cap. 13. pag. 566.* At Hadrianus Relandus Palæstinæ illustratæ *to. 2. lib. 3. p. 710.* illam existimat ad Occidentem potius, quam ad Orientem declinasse, quia via per eam Gazam tendit, nimisque vicina mari mortuo statuitur. Haud procul ab ea urbe ostendebatur locus, Græcè ἡ δρὴ quercus *vers. 19.* Ibi quoque terebinthus, de quo Josephus *lib. 4. de bello Jud. cap. 31.* Cernitur sexto ab urbe Hebron stadio terebinthus maxima, quam dicunt à creatione mundi usque hæc tempora permanere. Et Sozom. *lib. 2. hist. eccl. cap. 4. p. 447. B.* Locus hic est quem hodie terebinthum vocant, à Chebron quidem, quæ sita est ei ad meridiem, quindecim stadiis distans, ab Hierosolymis vero ducentis circiter stadiis & quinquaginta. Addit ibi quotannis Palæstinos & finitimos conventum agere, non modo mercatus causa, verum etiam religionis, quia ille locus & Judæis sacer fuit, & Christianis, ipsis quoque ethnicis, propter Angelos qui ibi Abrahamo apparuisse pari omnium consensu tenebantur. Hunc locum à prophanorum rituum & sacrificiorum spurcitiis expurgari, ibique ecclesiam Deo construi jussit Constantinus Magnus, ex eodem Sozom. *ibid. p. 448. B. C.* Sanutus, in Secretis Fidelium Crucis, *pag. 148.* ait: Ibi ilex quæ usque ad tempora Theodosii Imperatoris permansit, teste Hieronymo, & suum esse dilatavit,



dilatavit, & ex illa hæc fuisse perhibetur, quæ in præfenti (scribebat sæculo 12.) ab illic præfentibus videtur, & chara tenetur, quæ licet arida, medicinalis tamen probatur: si enim equitans de ea secum portaverit, animal suum non infunditur. Hierosolymis ab exercitu Christianorum Cruce signatorum expugnatis anno Christi 1099. vicinaque regione subacta, Hebron sedes episcopalis facta est, cui Latini sui ritus præfulem assignarunt, de quibus Hebronis antistitibus Latinis suo loco postea sermo erit. Post ejectos vero è Palæstina Latinos, eidem Hebronis ecclesiæ episcopos Græci præfecerunt, quorum unus duntaxat ad notitiam nostram venit. Hebronem à paucis annis sedem destitisse esse episcopalem colligitur ex notitia illustrissimi Chrysanthi Patriarchæ Hierosolymitani, in qua Hebron omittitur.

ECCLESIA  
HEBRONIS  
sive  
CHEBRONIS,

## EPISCOPI HEBRONIS.

JOANNICIUS.

**A**Nno 1672. ecclesiam Hebronis administrabat Joannicius. Actis enim synodi eo anno in encœniis Bethleemitani templi habitæ sub Dositheo II. Patriarcha Hierosolymorum, in qua adversus Calvinianos Cyrilli Lucaris articulos pronuntiatum est, Christodulus Gazæ archiepiscopus, tam suo, quam Joannicii hujus præfulis nomine subscripsit in hunc modum, 10. XI. concil. P. Hard. Societ. Jesu, col. 267. E. ὁ ὑποπνεύς ἀρχιεπίσκοπος Γάζης

Α Χριστόδουλος, καὶ τῷ τῶπων (lege τὸν τόπον) ἐπὶ τῶν Ἰωαννικίῳ τῷ θεοφιλεστάτῳ ἀρχιεπισκόπου τῷ ἀγίῳ πνεύμῳ ὁρίσας ὑπογράψα, id est, Christodulus humilis archiepiscopus Gazæ, & Joannicii sanctissimi archiepiscopi sanctæ Cavernæ locum tenens, desiniens subscripsit. Ibid col. 271. A. legitur Γεώργιῳ ἱερεὺς καὶ Εὐφημέειῳ τῷ ἀγίῳ πνεύμῳ, Georgius sacerdos & Ephemerius sanctæ Speluncæ. Et rursus ibid. Ἰσας ἱερεὺς καὶ Εὐφημέειῳ τῷ ἀγίῳ πνεύμῳ, Isas sacerdos & Ephemerius sanctæ Speluncæ. De ea synodo vide supra coll. 523. & 524.

XIX.

## ECCLESIA BETHLEEM.

**B**ETHLEEM prius nominabatur Ephrat sive Ephrata, ut Gen. cap. 35. vers. 19. & cap. 48. vers. 7. clare proditum est: Ephrata, hæc est Bethleem: utrumque nomen conjungitur Mich. cap. 5. vers. 2. & tanquam synonyma alterum alteri respondet ita ut videatur Ephrata oppidi potius quam regionis nomen fuisse, nisi quis velit ab oppido, regiunculam quoque in qua illud situm erat, eandem appellationem sortitam: sic enim, post Eusebium, ejus interpretes Hieronymus lib. de locis Hebraïcis, ait: Ephrata, regio Bethleem civitatis David. Dicitur etiam Bethleem Juda, Jud. cap. 17. vers. 7. cap. 19. vers. 1. & Matth. cap. 2. vers. 5. ad distinctionem alterius Bethleem in tribu Zabulon, cujus mentio fit Josue cap. 19. vers. 15. De Bethleem Ephrata sive Juda hæc habet præfatus Hieronymus loco supra allegato: Bethleem civitas David in sorte tribus Judæ, in qua Dominus noster atque Salvator natus est, in sexto milliario ab Ælia, contra meridianam plagam, juxta viam quæ ducit Chebron, ubi & sepulcrum Jesse & David ostenditur. In versione Græca septuaginta interpr. Jos. cap. 15. vers. 60. legitur Bethleem cum aliis decem oppidis tribui Judæ assignatis, quæ undecim defunt in textu Hebræo, ut monet idem Hieron. in Mich. cap. 5. vers. 2. Legimus, inquit, juxta septuaginta duntaxat interpretes, in Jesu Nave, ubi tribus Judæ urbes & oppida describuntur, inter cætera etiam hoc scriptum: Theco, & Ephrata, hæc est Bethleem, & Phagor, & Ætham, & Culon, & Tatami, & Soris, & Carem, & Gallim, & Bæther, & Manoch, civitates undecim, & viculi earum; quod nec in Hebræo, nec apud alium invenitur interpretem: & sive de veteribus libris erasum sit malitia Judæorum, ne Christus de tribu Judæ ortus videretur; sive à septuaginta additum, nequaquam liquido cognoscens, certum quid novimus. Erasum ex sacro codice à Judæis oppidum Bethleem præfractè negat Hadrianus Relandus, Palæstinæ illustratæ 10. 2. lib. 3. pag. 644. rationesque affert quas lectori injucundum non fore arbitror hîc ipsius judicio subjici. Major est, inquit, eorum veneratio & superstitio erga sacrum codicem, quam ut illum vitiasse consulto & de industria censerî possint, tantum ut hostibus suis, id est, nobis nocerent. Ideone illi unicum gentis suæ κειμήλιον sacrilegè corrupissent damno nunquam resarciendo, & se iræ divinæ exposuissent scientes volentes! Non puto. Quod si vel maximè illos credamus eò stultitiæ & impietatis devenire potuisse, apertiora de Christo testimonia quæ adhuc leguntur in codicibus eorum inde erassissent, & quibus jam Christiani contra eos utebantur; uti de gloria templi secundi Agg. cap. 2. vers. 10. de 70. hebdomadibus Danielis, de statu Messiae abjecto Isaïæ cap. 53. de Bethleem patria Messiae futura Mich. cap. 5. vers. 2. Adde quod quidam inter ipsos in Gem. Hierof. Beracoth fol. 5. 1. fateantur Bethleem Messiae fore patriam, uti in Echa Rabbati fol. 72. 1. legitur Messiam

Tomus III.

Sf



ECCLESIA  
BETHLEEM.

nasciturum in *Birath Arba in Bethleem Judæ*. De *Birath Arba* glossator notat esse nomen loci in Bethleem Judæ. Profecto pluris intererat rei Judaicæ erasum esse Micheæ vaticinium de Bethleem ex qua egressurus esset dominator in Israel, quam comma illud (versiculum) 60. in *cap. 15*. Josue, ubi solum recensetur Bethleem inter urbes Judæ, & unde Christiani nihil causæ suæ præsidii querere possunt: nam si quis dicat, inde demonstrari posse Bethleem sitam fuisse in Juda, adeoque Christum ex Juda fuisse: Primo quidem ex loco nativitatæ non sequeretur illum ex Juda fuisse: sed quum historia Evangelica nos doceat Mariam, quia erat de familia Davidis, atque adeo Judæ, ascendisse Bethleemum urbem Davidis, inde docemur Christum ex Juda fuisse. Deinde Bethleem in Juda fuisse non erat necesse ut ex hoc loco edoceremur, quia *Jud. cap. 17. vers. 7*. Bethleem Judæ appellatur, sicut & *Mich. cap. 5. vers. 2*. Et si vel maxime voluissent Bethleem ex illa serie tollere, quid commeruerant decem urbes adjectæ? Cur illæ quoque exturbari debuere? Dices, quia numerus subjunctus undecim urbium detegeret sacrilegium, si sola Bethleem ejiceretur, quum sic decem tantum remanerent. Verum qui audet nomen Bethleem tollere ex codice sacro, an non auderet pro undecim substituere decem? Maximè quum interesset summo opere gentis Judaicæ urbes omnes nosse quæ olim in terra eorum fuerant. Hæc Relandus, qui etiam ait *ibid. initio pag. 644*. In manuscripto codice bibliothecæ nostræ Trajectinæ legitur, *Theco, & Ephrata hæc est Bethleem, & Fagor, & Ethan, & Caulon, & Dathan, & Sores, & Corem, & Salim, & Tether, & Manoch, civitates undecim, & viculi earum*. Ex quibus omnibus colligitur nos æquè latere, siue cur in codice Hebræo libri Josue *cap. 15*. à primis ecclesiæ sæculis totus versiculus desideretur, in quo de civitate Bethleem, & decem aliis, sit mentio; siue undenam septuaginta interpretes illum cruerint, ut in sua translatione repone- rent. Oppidum Bethleem episcopali sede caruit ad tempora usque belli sacri quod Franci nostri & Latini in Palæstina Godefrido Bullonio duce gesserunt. Eo autem defuncto, Balduinus frater ejus episcopum in eo constitui curavit, qui Hierosolymorum Patriarchæ obnoxius seu suffraganeus esset. Latinos hujus ecclesiæ præfules nunc mitto.

## EPISCOPUS BETHLEEM.

## I. RAGUEL.

MANUELE Comneno Imperatore, & Amalrico Hierosolymorum rege, *Raguele* *iridem sanctissimo episcopo Bethleem*, anno mundi (ære Constantinopolitanæ) 6677. Christi 1169. instauratum templum sancti præsepis, opera Ephraim monachi & historiographi, fert inscriptio quæ in eadem sancta æde etiamnum legitur; teste Dositheo Patriarcha Hieros. in *hist. pag. 1213*.

## II. ATHANASIUS.

Temporibus Theophanis (IV.) Patriarchæ Hierosolymitani, subindeque ante ann. 1646. quo ille obiit, sedebat *Athanasius* metropolita Bethleem sanctæ sedis (Hierosolymorum) illo absente procurator. Ita Dositheus Patriarcha *lib. 12. hist. Patr. Hieros. cap. 1. §. 6*.

## III. NEOPHYTUS.

Anno 1660. quo exeunte, post mortem Païfii Patriarchæ Hierosolymitani, Nectarius

A Constantinopoli electus est qui illi succederet, vel anno sequenti 1661. quo ordinatus est die 9. Aprilis, metropolita Bethleem *Neophytus* erat, ab eo institutus ecclesiæ suæ curator, dum mox Constantinopolim profecturus abesset. Anno 1672. synodo Bethleemi coactæ à Dositheo II. Patriarcha Hierosolymorum, ad proscribenda Calviniana dogmata, interfuit, & in hunc modum subscripsit *10. XI. conc. Hard. col. 267*. Ε. ὁ Ὑπερώνος Μεζοπολίτης ἀγίας Βηθλεὲμ Νεόφυτος ὑποφάνομος, *Neophytus humilis metropolita sanctæ Bethleem, ita affirmo.*

B

## IV. MALACHIAS.

Præfenti sæculo ante annum 1733. sedebat *Malachias*, de quo nihil aliud scimus.

## V. ANNANIA.

Epistola gallicè scripta die 1. Martii anno 1733. ex urbe Tripoli Syriæ, nos certiores fecit, ecclesiæ Bethleemitanæ actu episcopum esse quemdam nomine *Annaniam*, qui residebat in vico Valachiae.

XX.

## ECCLESIA DIOCLETIANOPOLIS.

DIOCLETIANOPOLIS urbs fuit Palæstinæ primæ, cujus mentio fit in notitiis veteribus ecclesiasticis, & in conciliis. Quodnam fuerit priscum illius nomen, vel quo Palæstinæ loco steterit, mihi hætenus incompertum. Doctissimus Harduinus Soc. Jesu *10. XI. concil. in indice geograph. episcopatum, col. 714*. tres urbes hujus nominis distinguit, quarum



episcopi in variis conciliis leguntur.... 1.<sup>o</sup> *Diocletianopolis in Thracia*, ex notitiis Græcis, in quibus est *Διοκλητιανόπολις* sub metropolita Philippopolitano: hujus Diocletianopolis episcopi, *Bassus* in concilio Sardicensi anno 347. *Cyriacus* in conciliabulo Ephesino sub Joanne Antiocheno anno 431. & *Epictetus* in concilio Chalcedonensi anno 451. subscripsere.... 2.<sup>o</sup> *Diocletianopolis in Palæstina prima*, ex notitia Græca, in qua est ibi *Διοκλητιανόπολις ἀρχιεπισκοπή* hujus episcopi *Elissæus* in conciliabulo Seleucienfi anno 359. & *Elias* in conc. v. generali anno 553. subscripserunt.... 3.<sup>o</sup> demum, *Diocletianopolis in Phrygia Pacatiana*. In notitia Græca ibi *Διοκλία* est: & in Echtesi ὁ *Διοκλείας*. *Constantinus* Diocletianopolis conc. Ephesino anno 431. interfuit. *Κωνσταντίνος ἐπίσκοπος τῆς Διοκλητιανῶν πόλεως* *Constantinus Diocletianopolitanus episcopus*. Hanc urbem omisit Carolus à Sancto Paulo in indice urbium episcopaliū Palæstinarum.

## EPISCOPI DIOCLETIANOPOLIS.

## I. ELISSÆUS sive ELISÆUS.

## EPICTETUS.

**I**Nter episcopos 43. ab Epiphano *lib. 3.* adversus hæreses, *hær. 73. n. 26. p. 874.* D. recensitos, qui anno 359. formulæ Semiarianorum subscripserunt, legitur *Ελισσαῖος ἐπίσκοπος Διοκλητιανῶν πόλεως*, *Elissæus episcopus Diocletianopolis*.

Hadrianus Relandus, Palæstinæ illustratæ *to. 2. pag. 736.* hujus Diocletianopolis censere videtur episcopum fuisse *Epictetum* illum, qui interfuit synodo Chalcedonensi an. 451. ut videre est *tom. 2. concil. Labb. coll. 82.* E. *Ἐπικτήτης Διοκλητιανῶν πόλεως*, *Epicteto Diocletianopolis*, 329. A. 373. C. 436. D. *Ἐπίκτητος Διοκλητιανῶν πόλεως*, *Epictetus episcopus Diocletianopolis*, 451. E. & 585. C. Verum, quia Epictetus iste aliquot annis postea epistolæ Valentini episcopi Philippopolis, ad Leonem

A Imperat. pro concilio Chalcedonensi, subscripsit; probabiliorem reor P. Harduini supra citati opinionem, hunc scilicet Epictetum, non Diocletianopolis in Palæstina ecclesiam administrasse, sed Diocletianopolis in Thracia sub Philippopolitana metropoli. Epistola illa Valentini extat *to. 4. conc. Labb. col. 909.* B. subscriptiones autem *col. 910.* C. in hunc modum: *Valentinus episcopus Philippopolitanæ metropolis sanctissimæ ecclesiæ, manu mea subscribens, his quæ sunt scripta, consentio. Epictetus episcopus Diocletianopolis, similiter.*

## II. ELIAS.

Anno 553. synodo quintæ generali adfuit *Elias* episcopus Diocletianopolis, cujus nomen legitur *tom. 5. conc. Labb. col. 583.* A. *Elias misericordia Dei episcopus Diocletianopoleos, similiter.*

## XXI.

## ECCLESIA NEAPOLIS.

**L**ICET *Neapolim* in Palæstina & *Sichem* multi etiam veterum pro eadem urbe habeant, & modo *Sichem*, modo *Neapolim* appellent, ut Epiphan. *lib. 3.* adversus hæreses *to. 1. pag. 1055.* ἐν Σικίμοις, τὰτ' ἐστίν, ἐν τῇ νυνὶ Νεαπόλει. *Sicimis, id est, Neapoli, uti nunc dicitur:* & *pag. 1068.* ἐν Σικίμοις ἐν τῇ νυνὶ καλουμένῃ Νεαπόλει, *Sicimis, quæ nunc appellatur Neapolis:* alii tamen, veteres quoque, *Sichem* à *Neapoli* distinguunt, ut Euseb. Cæsariens. in Onomastico ad vocem *περίβηδος*, qui scribit illam esse ἐν Σικίμοις, πλησίον Νέας πόλεως, *Sicimis, prope Neapolim.* Et in voce *Συχέμ:* Δείκνυται ὁ τόπος ἐν περὶ τῶν Νέας πόλεως, *Locus (urbis Sychem) monstratur in suburbanis Neapolis.* Et in voce *Λέζα:* ὁρακείμενη Συχέμ ἐπὶ τῇ σημεῖς Νέας πόλεως, ubi Hieronymus rectius videtur legisse, juxta *Sichem* in tertio lapide *Neapoleos.* Ita observat Hadrian. Reland. Palæst. illustr. *to. 2. pp. 1004. & 1005.* qui addit: lapsu temporis aliæ partes urbis *Sichem* periisse potuerunt, ad alias (vero) nova accessio facta, ut tandem ipsa urbs *Neapolis* ab loco antiquæ *Sichem* aliquo intervallo distaret. Quod illustrari posset, inquit, ex urbis Trajecti ad Rhenum situ, quæ olim propior fuisse vico, nunc *Veehten* dicto, creditur, ubi arcis Romanæ vestigia conspiciuntur, & nummi veteres, gemmæ, urnæ, tegulæ, annuli, fibulæ, aliaque antiquitatis Romanæ monumenta quotidie eruuntur.

*Sichem* occurrit mentio, Gen. cap. 12. vers. 6. cap. 37. vers. 12. Jos. cap. 24. vers. 1. 25. & 32. Jud. cap. 8. vers. 31. cap. 9. vers. 1. & 49. 3. Reg. cap. 12. vers. 25. Joa. cap. 4. vers. 5. *Sichar* nuncupatur: ad quod nomen *Sichar*, ait Hieron. in Epitaph. Paulæ cap. 4. Transivit (Paula) *Sichem*, non, ut plerique errantes legunt, *Sichar*, quæ nunc *Neapolis* appellatur: & Quæstion. in Gen. cap. 48. num. 22. *Sicima* juxta Græcam & Latinam consuetudinem declinata est; alioquin hebræice *Sichem* dicitur, ut Joannes quoque Evangelista testatur: licet vitiose, ut



*Sichar legatur, error inolevit.* Cellarius tamen *geogr. ant. tom. 2. lib. 3. cap. 13. pag. 515.* ait codices omnes, interpretesque antiquissimos Sirum & Arabem, non M, sed R, in fine hujus dictionis habere: & subjungit *pag. seq. 516.* novum nomen *Neapolis* ei fuisse inditum à Vespasiano vel Tito post Hierosolymorum excidium. Plinius enim, qui sub Tito decessit, *lib. 5. cap. 13.* eam hoc nomine donat. *Intus Samariæ oppida: Neapolis quod antea Mamortha dicebatur: Sebaste in monte.*

Nomen istud *Neapolis* diutissime perseveravit, sic ut neglecto vetustiori *Sichem*, *Neapolim* nuncupaverint Judæi, Christiani, Græci, Latini, ipsique Mohammedani qui nunc *Palæstina* potiuntur & *Naplousam* illam appellant. In nummis antiquis *Flavia Neapolis* nominatur: Titi nummo, & simili Domitiani, inscriptum legitur ΦΛΑΟΤΙ. ΝΕΑΠΟΛ. ΣΑΜΑΡ. *Flaventium Neapolitanorum Samariæ.* Et in Faustinae junioris nummo ΦΛ. ΝΕΑΚ. ΠΟΛ. ΣΥΡ. ΠΑΛΕΚΤΙ. hoc est, Φλαβίας Νέας πόλεως Συρίας Παλαιστίνης, *Flavia Neapolis Syriæ Palæstinae.* Ex hac urbe S. Justinus martyr se fatetur oriundum, etsi genere Samaritanus non erat, *Apol. 2. pag. 41.* Ἰουστίνου.... ὁπὸ Φλαβίας Νέας πόλεως τῆς Συρίας Παλαιστίνης: *Justinus.... ex Flavia Neapoli Syriæ Palæstinae.* *Salem* dicitur eadem urbs *Gen. cap. 33. vers. 18.* ubi refertur Jacob venisse *Salem* oppidum *Sichem*, & ad faciem urbis tabernaculum fixisse: unde Hieron. de locis Hebr. ait: *Salem civitas Sicimorum, quæ est Sichem.* Verum, ut animadvertit supra citatus Cellarius *pag. 516.* certum non est, imò maximè dubium, ibi *Salem* urbis nomen esse, quum & uterque Chaldæus, & Judæi interpretes omnes, illud *Salem*, non pro nomine proprio, sed appellativo habeant, ut sensus sit Jacob venit *Salem*, id est, *Salvus & incolumis* ad urbem *Sichem*.

Locus quem hæc urbs tenere debet in mappa geographica, juxta laudatum Hadrianum Relandum *pag. 1007.* & situs ejus inde colligitur, quod Eusebius & Hieronymus scribant *Schilo* abesse à *Sichem* sive *Neapoli* decem milliaribus. *Schilo* autem erat inter *Bethel* & *Sichem* *Jud. cap. 21. vers. 19.* Porro distabat *Sichem* ab urbe Hierosolymitana milliaribus quadraginta: In itinero enim veteri Hierosolymitano hæc distantia ponitur; *Inde autem à puteo Samaritanæ, millia viginti octo euntibus Hierusalem: in sinistra parte viæ est Bethan, (Bethel) & inde duodecim millia usque ad Hierusalem.* Ita quoque Eusebius & Hieronymus dicunt *Bethel* abesse à *Hierusalem* milliaribus duodecim. Sæculo sexto Antonius martyr in Itinerario suo hæc refert: *Vidimus civitatem quæ nuper appellata est Samaria (Sichem) nunc vero Neapolis, in qua puteus est ubi Dominus à muliere Samaritana aquam petiit, ibique facta est basilica in honorem sancti Joannis, & ipse puteus ante cancellos altaris, & situla de qua dicitur quod de ea bibit, multique ægri veniunt, & sanantur.* Codinus de orig. *Constantin.* tradit eum lapidem, cui Christus fatigatus insedit, allatum fuisse Constantinopolim tempore Justiniani Imperat. Phocas qui loca sacra invisit anno 1185. ita hujus urbis situm describit: *Metropolis Samaritanorum Sichar postea dicta Neapolis, sita inter duos colles quorum pedibus ipsa fundamentis suis qua se longius extendit inhæret....* Et mox: *Ad radices montis (Garizim) est ager quem Jacob Josepho filio suo dedit, in quo est puteus Jacob.* Nullam mentionem facit ecclesiæ supra puteum. *Neapolis* antistes nunc archiepiscopi titulo ornatur, necnon præsulis *Sebastiæ*, quæ *Samaria* vetus est, & in eundem episcopatum coaluit.

## EPISCOPI NEAPOLIS.

### I. GERMANUS.

**G**ERMANUS hic subscriptus legitur synodo Ancyranæ anno 314. *10. 1. conc. Labb. col. 1475.* E. *Germanus Neapolis Palæstinae.* Eodem quoque anno synodo Neocæsariensi, *ibid. col. 1488.* C. & Nicænæ I. anno 325. *10. 2. col. 51. B.*

### II. TEREBINTHUS.

Procopius *lib. 5. de ædificiis Justiniani, cap. 7.* narrat, imperante Zenone, Neapolitanos Samaritanos impetum fecisse in Christianos Pentecosten celebrantes, & episcopum *Terebinthum* sacræ mensæ adstantem manuum digitis truncasse: qui ad Imperatorem confugiens ejus opem imploravit. Huic annuens

A Zeno Samaritanos monte Garizim expulit, & in culmine ejus ecclesiam sanctæ Mariæ condidit à Christianis adeundam. Et templo illi murum specie, sed maceriam tantum revera circumdedit. Infra autem in urbe præsidium constituit validum, ad murum vero superiorem nonnisi decem milites posuit. Samaritani tunc quidem quieverunt, sed postea, imperante Anastasio, montem vi occuparunt, per prærupta ascendentes; quum enim via quæ illuc ex urbe duceret, ab altera parte præsidio militum defenderetur, non poterat adscensus ibi tentari. Præses provinciæ plures illorum morte mulctavit: Justinianus vero muro ecclesiæ Garizimitanæ alterum addidit planè inexpugnabilem, & quinque templa Christianorum in eadem urbe incensa



restituit. Regnavit Zeno ab anno 475, usque ad annum 491. Hæc Hadrianus Relandus pp. 1009. & 1010.

## III. PROCOPIUS.

Anno 518. epistolæ synodicæ Joannis Hierosolymitani Patriarchæ ad Joannem Constantinopolitanum præfulem, adversus Severum hæreticum, subscripsit Προκόπιος ἡπίσκοπος τῆς Νεαπολιτῶν, Procopius episcopus Neapolis. To. 5. conc. Labb. col. 192. B.

## IV. AMMONAS sive SAMMONAS.

Cyrillus Scythopolitanus, in vita S. Sabæ abbatis num. 70. apud Cotel. tom. 3. monum. eccl. Græc. pag. 339. scribit, quarto post Theodosii abbatis obitum mense, qui ad Deum migraverat die 11. Januar. anno 529. Palæstinæ Samaritanos multa nefaria in Christianos perpetrasse, episcopum insuper Neapoleos Ammonam sive Sammonam jugulasse τότε δὴ τὸν μετ' ἐπίσκοπον Νεαπόλεως Αμμιωνᾶ (aliàs Σαμμωνᾶ) κατέσφαξαν. Id subinde contigit eo anno, circa mensem Maium. Vide supra col. 190. D. E. ubi de Petro Patriarcha Hierosolymitano.

## V. JOANNES.

Anno 536. Joannes Neapolis in Palæstina episcopus interfuit synodo Hierosolymitanæ, quam Petrus Patriarcha convocavit adversus

Anthimum hæreticum, mense Septembri, & sententiæ excommunicationis contra eundem lata subscripsit in hunc modum: Ἰωάννης ἐπίσκοπος Νέας πόλεως, Joannes episcopus novæ civitatis, id est, Neapolis. To. 5. concil. Labb. col. 286. C. qui addit ad margin. Moreæ sive Famagoræ.

## VI. CHRISTOPHORUS.


Christophorus iste subscriptus legitur in actis synodi Hierosolymitanæ Bethleemi celebratæ, sub Dositheo II. Patriarcha, anno 1672. ad condemnanda Calviniana dogmata Cyrilli Lucaris. Tom. XI conc. P. Hard. col. 270. A. Χριστόφορος ἀμαρτωλὸς ἀρχιεπίσκοπος Νεαπόλεως, καὶ πρεσβύτερος Σεβαστίας, ὑπὲρ γραφῆς, Christophorus peccator archiepiscopus Neapoleos, & Sebastæ præsul, subscripsi.

## VII. LEONTIUS.

Præsenti sæculo sedebat Leontius ecclesiæ Neapolis in Palæstina archiepiscopus ὁ Νεαπόλεως Λεόντιος, de quo nihil aliud scimus, nisi eum obiisse ante mensem Martium anni 1733.

## VIII. LEVENDIUS.

Ex epistola gallicè scripta die prima Martii 1733. ex urbe Tripoli Syriæ, didicimus eum qui tunc Naplousæ sive Neapolis in Palæstina ecclesiæ præerat, nominari Levendium.



## XXII.

## ECCLESIA SEBASTES sive SAMARIÆ.

SAMARIÆ nomine donata fuit, tum urbs quædam specialis Palæstinæ, tum tota ipsa regio cujus urbs illa caput erat. Hæc regio, una è tribus terræ cis Jordanem sitæ partibus Σαμαρείτης, Samaritis dicitur 1. Mach. cap. 10. vers. 30. Sic vero eam describit Josephus lib. 3. de bello Jud. cap. 2. Samariensis regio inter Judæam quidem & Galilæam sita est: incipiens enim à vico in planicie (sive Campo magno) posito, cui nomen est Ginæa, in Acrabatenam desinit toparchiam: sed natura nihil à Judæa discrepat; nam utræque montosæ sunt & campestres, &c. Harum confinium est Anyath vicus, qui etiam Borceos appellatur, Judææ limes à Septemtrione. Meridiana vero pars ejus, si in longitudinem metiare, adjacenti vico Arabum finibus terminatur, cui nomen est Jarda. Latitudo sanè à Jordane flumine usque ad Joppen explicatur.

De Samaria urbe, Procopius Gazæus comment. ad lib. 3. Reg. cap. 16. ait: ὑπὸ τῆς Σεμὴρ τὸ ὄρος ἐκλήθη Σομρέον, ὑπὸ δὲ τῆς ὄρεος ἡ πόλις Σαμάρεια, ἡ νῦν Σεβάση καλεσσομένη: id est, à Schemer dictus est mons Schomrom, & à monte Samaria, quæ nunc Sebaste appellatur, Σεβάση ἢ Παλαιστίνης, Sebaste Palæstinæ dicitur ab Epiphan. lib. 3. adversus hæreses pag. 874. Eadem quoque esse videtur Σεβαστόπολις quam in Samaria collocat, in lib. de vitis Prophetar. 10. 2. pag. 238. A. Apud Josephum varia leguntur de illa urbe; scilicet lib. 8. antiq. cap. 7. hanc olim dictam fuisse Μορεῶν: postea de nomine Σαμάρειν à quo Omri (Amri, & Amarinus Josepho) montem in quo urbs sita est emerat, appellatam (Samaritam.) Addit lib. 13. cap. 18. Sebastem deinde fuisse nuncupatam, urbemque munitissimam extitisse, hanc tamen postmodum sic vastatam fuisse ab Hircano, inductis eo torrentibus, ut ne vestigium quidem hujus urbis remanserit. Et lib. 14. cap. 10. à Gabinio de novo restructam. Et lib. 15. cap. XI. munitam fuisse ab Herode, qui Sebasten appellavit. In ea urbe fuisse condita sancti Præcursoris ossa tradit Hieron. comment. in Ozæ cap. 1. vers. 5. Samaria, quæ & ipsa altera urbs fuit metropolis decem tribuum, quæ postea ab Augusto Cæsare appellata est Augusta, id est,



ECCLESIA  
SEBASTES  
sive  
SAMARIE.

*Σεβαστή*, in qua ossa Joannis-Baptistæ condita sunt. Et rursus comment. in Abdiam cap. 1. vers. 1. Sepulcrum ejus (Abdiæ) usque hodie cum mausoleo Elizæi Prophetæ, & Baptistæ Joannis in Sebaste venerationi habetur, quæ olim Samaria dicebatur. Hanc Herodes rex Judææ Antipatri filius, in honorem Augusti Cæsaris Græco sermone vocavit Augustam. Theodoretus lib. 3. hist. eccl. cap. 7. refert Paganos, sub Juliano Apostata, Sebastæ.... Joannis-Baptistæ arcam aperuisse, & ossibus igne consumptis, cineres hac & illac dispersisse. A Christianis tamen plura sacrorum illorum ossium fuisse præservata ab incendio, colligitur ex verbis Hieronymi modo adductis, necnon ex epitaphio Paulæ, cap. 6. ubi ait: *Inde (Neapoli) divertens, vidit duodecim Patriarcharum sepulcra, & Sebasten, id est, Samariam, quæ in honorem Augusti ab Herode Græco sermone Augusta est nominata. Ibi sibi sunt Helisæus & Abdias propheta, & quo major inter natos mulierum non fuit, Joannes-Baptista: ubi multis intremuit consternata mirabilibus, &c. Et sicut erat invalida, ascendit pedibus montem; in cujus duabus speluncis, persecutionis & famis tempore, Abdias propheta centum prophetas aluit pane & aqua. Philippus diaconus Act. Apost. cap. 8. vers. 5. & seqq. multos in hac urbe ad Christum convertit, quos subinde Petrus & Joannes Spiritus sancti signaculo confirmarunt. De Samaria tam urbe, quam regione, vide quæ supra dicta sunt coll. 121. & 122.*

## EPISCOPI SEBASTENI.

### I. NICOLAUS.

**H**IPPOLYTUS Thebanus tradit à Nicolao A illo, qui ex septem primis diaconis unus fuit, & Nicolaitarum hæresim fertur condidisse, ecclesiam Sebastenam fuisse gubernatam. At viris eruditis scriptoris hujus qui post Metaphrasten vixit inutilis est auctoritas.

### II. MARIUS sive MARINUS.

In indice episcoporum de provincia Palæstinæ qui synodi primæ Nicænæ anno 325. celebratæ actis subscripserunt legitur *Marius Sebastenus*. Alii eum appellant *Marinum*. To. 2. conc. Labb. col. 51.

### III. EUSEBIUS.

Inter episcopos qui Semi-arianorum formulam sua subscriptione firmarunt in synodo Seleuciensi anno 359. recenset Epiphani. lib. 3. adversus hæreses hæc. 73. to. 1. num. 26. pag. 874. C. *Eusebium episcopum Sebastæ Palæstinæ*, Εὐσεβίου ἐπισκόπου Σεβαστῆς τῆς Παλαιστίνης, qui proinde eo anno sedebat.

### IV. PRISCIANUS.

Anno 381. concilio generali Constantinopolitano interfuit & subscripsit *Priscianus Sebastensis*, tom. 2. concil. Labb. col. 955. C. Is etiam delegatus est ab hujus concilii patribus eodem anno cum Cyriaco episcopo Adanorum Ciliciæ & Eusebio episcopo Epiphaniæ Syriæ ad Damasum Papam. Ibidem enim col. 964. A. episcopi qui Constantinopoli convenerant ad concilium, scribentes Damaso, Ambrosio, aliisque præsulibus Romæ convocatis, aiunt.... *Oravimus reverendissimos honoratissimosque fratres & collegas nostros episcopos Cyriacum, Eusebium & Priscianum, ut laborem ad vos proficiscendi suscipere non gravarentur.*

### V. ELEUTHERIUS.

Inter episcopos quatuordecim ab Augustino nominatos lib. 1. cont. Jul. cap. 5. quos professione fidei suæ subdola delusit Pelagius in Diospolitana synodo anno 415. legitur *Eleutherius*. To. 2. conc. Labb. col. 1532. D. Hunc enim fuisse episcopum Sebastes, & eodem anno una cum Joanne Hierosolymitano præfule, & Eleutherio altero sive Eutonio Hierichuntis episcopo, S. Stephani Protomart. reliquias in civitatem sanctam transtulisse testatur Lucianus presbyter in epist. quam scripsit de revelatione sibi facta. B To. 10. edit. vet. operum sancti Augustini Paris. 1586. pag. 631. D. *Statim ergo renuntiavi episcopo, quum esset in Lydda, quæ est Diospolis, synodum agens. Qui assumpsit secum duos alios episcopos, Eleutherium de Sebaste, & Eleutherium de Hiericho, & venerunt ad locum, &c.*

### VI. CONSTANTINUS sive CONSTANTIUS.

In concilio prædatorio Ephesino anno 449. pro Eutychiana hæresi stetit *Constantinus* sive *Constantius episcopus Sebastes*, Κωνσταντῖνος Σεβαστῆς. To. 4. conc. Labb. col. 1118. D. Κωνσταντῖνος Σεβαστείας. Ibid. col. 312. E.

### VII. MARCIANUS.

*Marcianus* iste episcopus Sebastes constitutus est ab Elia I. qui Hierosolymitanæ ecclesiæ post mortem Salustii suffectus anno 494. ei præfuit usque ad finem anni 513. quo in exilium propter fidem ejectus fuit ab Anastasio Imperatore. Cyrillus Scythopolitanus hæc de hujus Marciani ordinatione prodit in vita sancti Sabæ abbat. num. 37. apud Cotel. to. 3. mon. eccl. Græc. p. 277. C. *Marcianus Μαρκιανός quidam presbyter sanctæ Resurrectionis & sanctæ Sionis præpositus frequentius ad sanctum patrem Sabam accedebat,*



tum multa ei afferens, tum propriis manibus, A  
qui fide ageretur, cum liberis suis Antonio &  
Joanne laborans, laborantesque adjuvans in  
(cœnobii speluncæ) . . . ædificiis; tanta erat  
viri fides: quem archiepiscopus Elias amore pro-  
sequutus episcopum Sebastæ Ἀνθωνίου ἐπισκοπῆς  
Σεβαστῆς ordinavit, ut & Ascalonitarum ecclesiæ  
Antonium; Joannem vero sanctæ Resurrectionis  
diaconum fecit.

## VIII. PELAGIUS.

Sententiæ adversus Anthimum, & alios  
hæreticos latæ anno 536. in synodo Hiero-  
solymitana, Petro Patriarcha præside subscri-  
psit Pelagius episcopus Sebastensis, Πελάγιος ἐπι-  
σκοπὸς Σεβαστῆς. To. 5. conc. Labb. col. 286. C.

## IX. CHRISTOPHORUS.

De eo Christophoro, qui Neapolis simul &  
Sebastes in Palæstina præsul erat anno 1672.  
jam supra diximus inter episcopos Neapoli-  
tanos, col. 650. B.

## X. NASTRI.

In nuntiis publicis gallicè exaratis anno  
1731. die 7. April. narratur pag. 164. ex urbe  
Roma scriptum die 15. Martii, reverendissi-  
mum Samariæ archiepiscopum Græcum,  
nomine Nastri, qui tunc Romæ commora-  
batur, postquam diutissimè missionarium  
egisset in Oriente; uno ex curribus, quibus  
stipatus supremi equitum Melitensis ordinis  
magistri legatus solemnem ingressum in  
urbem conficiebat, prostratum fuisse, sicque  
graviter vulneratum, ut die sequenti obierit.  
Quum autem corpus ejus per quatuor dies  
expositum in basilica collegii de propaganda  
fide sudore diceretur perfundi suavem odo-  
rem spirante, Romanum Pontificem Cle-  
mentem XII. eo suos medicos atque chirur-  
gos misisse, quorum relatione audita, corpus  
illud in eadem basilica sepultum est juxta  
tumulum Cardinalis Turnonii.

ECCLESIA  
SEBASTES  
sive  
SAMARIÆ.

## XXIII.

## ECCLESIA HIERICHO.

**H**IERICHO, Περὶ ἧς five Hierichus Περὶ χοῦ, urbs est Palæstinæ antiquissima, cujus sæpè  
scriptura utriusque testamenti meminit. Hæc prima civitas fuit quam Israelitæ Jor-  
danem transgressi expugnaverint; Jos. cap. 6. vers. 20. eam autem penitus destruxerunt  
vers. 24. necnisi longo postmodum tempore, gravi ipsius instauratoris damno, de novo  
ædificata est ab Hiel de Bethel sub rege Achab 3. Reg. cap. 16. vers. 34. Exinde discipulis  
prophetarum hospitium præbuit, 4. Reg. cap. 2. vers. 4. 5. 15. &c. Ipsique Christo Domino  
apud Zacchæum publicanum venienti, Luc. 19. vers. 6. Distat ab urbe Hierosolyma 150.  
stadiis, & à Jordane fluvio 60. ut Josephus tradit lib. 5. de bello Jud. cap. 4. qui & ait hanc  
urbem esse in planitie sitam cui mons nudus ac sterilis imminet qui à borea ad agros  
Scythopolitanos; à meridie usque ad terram Sodomiticam, & Asphaltitis lacus terminos,  
extenditur . . . tractum vero Hierichuntinum irrigari fonte largissimo . . . & proferre mel,  
opobalsamum, Cyprum & myrobalanum μυροβάλανον, sic quod θεῖον χοῦριον divina regio  
mereatur appellari. De Hierichunte hæc scribit Strabo rerum geographicar. lib. 16. p. 763. B.  
edit. Casauboni Paris. 1620. Hierichus Περὶ χοῦ est planities montibus circumdata quæ in theatri  
speciem ad ipsam alicubi declinat. Ibi est palmetum cui aliæ stirpes hortenses permixtæ sunt, locus  
ferax palmis abundans, centum stadiorum spatio, totus irriguus est & habitationibus plenus. Ibi  
& regia est, & balsami paradisus καὶ ὁ τῆς βαλσάμου ὠρεῶν, quæ planta aromatica est fruticosa  
cytiso & terebintho persimilis: hujus corticem scindentes, succum in vasis suscipiunt tenaci lacti  
persimilem, &c. Succinit Justinus lib. 36. hist. cap. 3. Est namque vallis, quæ continuis mon-  
tibus, velut muro quodam, ad instar castrorum clauditur; spatium loci ducenta jugera: nomine  
arcus (sive Hierichus) dicitur. In ea (valle) sylva est & ubertate & amœnitate insignis, siquidem  
palmeto & opobalsamo distinguitur. Ex eo haud dubie palmeto Hiericho civitatis palmarum  
nomen habet Deut. cap. 34. vers. 3. & 2. Paral. cap. 28. vers. 15. Ambitum ejus fuisse  
plusquam 20. stadiorum narrat Epiph. lib. 2. adversus hæreses 10. 1. p. 702. qui dicit etiam  
tom. 2. lib. de ponderib. & mensur. pag. 174. in Hiericho ἐν Περὶ χοῦ septimo anno imperii  
Caracallæ (id est Christi 217.) inventam esse, in doliis quibusdam, quintam editionem  
Græcam veteris testamenti, quam suis Hexaplis Origenes inseruit.

## EPISCOPI HIERICHO.

## I. JANUARIUS:

**I**N indice Patrum synodi Nicænæ I. anno C  
325. celebratæ legitur Januarius Hierichunti-  
nus. To. 2. conc. Labb. col. 51. C.

## II. MACER.

Anno 381. concilio generali secundo inter-  
fuit & subscripsit Macer Hierichuntinus. To. 2.  
conc. Labb. col. 955. C.



ECCLESIA  
HIERICHO.

## III. ELEUTHERIUS.

Synodo Diospolitanae anno 415. celebratae, & statim postea reliquiarum sancti Stephani protomartyris inventioni ac translationi praesens fuit *Eleutherius episcopus Hierichuntis*, ut jam supra observatum est col. 652. A. ubi de Eleutherio Sebastensi.

## IV. JOANNES.

Epistolae synodicae Joannis Hierosolymitani ad Joannem Constantinopolitanum Patriarcham, adversus Severum haereticum sedis Antiochenae invasorem, scriptae anno 518. subscriptus inter alios legitur *Joannes episcopus Hierichuntinus*, Ἰωάννης ἐπίσκοπος Ἱερειχύντων. To. 5. conc. Labb. col. 191. B.

## V. GREGORIUS.

## BASILIUS.

Gregorius iste anno 536. ratam sua subscriptione habuit condemnationem Anthimi & aliorum haereticorum in synodo Hieroso-

lymitana peractam, praeside Petro Patriarcha, Γρηγόριος ἐπίσκοπος Ἱερειχύντων, *Gregorius episcopus Hierichuntis*. Tom. 5. concil. Labb. col. 283. D.

*Basilus*, de quo infra inter episcopos Tiberiadis, exeunte saeculo octavo, vel initio noni, ecclesiae Hierichuntinae aliquandiu curam suscepit, priusquam episcopus Tiberiadis constitueretur. Asserere non ausim, an hanc Hierichuntis ecclesiam administraverit, ceu qui verus esset ejus antistes, ut postea Tiberiadi praefuit, necne: non enim hujus ecclesiae nuncupatur *episcopus*, sicut Tiberiadis: id tamen refert hanc in rem Leontius vitae S. Stephani Sabaitae scriptor accuratus, num. 55. apud Bollandianos tom. 3. Jul. ad diem 13. pag. 554. A. *Basilus*.... praevisione hac (episcopatus à praefato Stephano sibi denuntiati) ad apicem impleta, eaque pluribus narrata, Hierichuntinae ecclesiae administranda suscepit negotia: atque inde sanctum eundem senem (Stephanum) invisit Tiberiadis dilectae Christo civitatis per id tempus episcopus, &c.

## XXIV.

## ECCLESIA LIBYADIS.

**L**IBYAS five Livias, vel etiam corruptè Regium Lutas, olim Batharampta, & Bethara, ut colligitur ex Eusebio Caesariensi & sancto Hieronymo de locis Hebraicis: Bethara, civitas tribus Gad juxta Jordanem, quae à Syris dicitur *Betramthapha* (Eusebius Βηθεμφθα) & ab Herode in honorem Augusti (ex secunda ejus uxore Livia) Libias cognominata est. Urbis Betharan fit mentio Num. cap. 32. vers. 36. & Jos. cap. 13. vers. 27. Ille locus, inquit Cellar. tom. 2. geogr. antiq. lib. 3. cap. 13. pag. 651. & seq. ex septemtrione, ubi vulgares tabulae habent, in austrum deducendus est. Ptolemæo latitudinem habet quindecim scrupulis majorem quam Hierosolyma, quod australem ejus positionem confirmat. Hanc etiam Hieronymus tradit comment. in Joel. cap. ult. vers. 18. Pro torrente funiculorum, five spinarum, Symmachus interpretatus est vallem spinarum. Est autem (hic) locus juxta Liviadem trans mare mortuum, sexto ab ea distans milliario, ubi quondam cum Madianitis fornicatus est Israel. Positionem denique Libyadis in austro stabilit maris mortui, montium Abarim, Nebo, Pisga, ac urbis Elbon vicinitas: ait siquidem idem Hieronymus de locis Hebr. in Abarim: Abarim mons, in quo mortuus est Moses. Dicitur autem & mons esse Nebo (five Nabo) in terra Moab contra Hiericho supra Jordanem in supercilio Phasga, ostenditurque ascendentibus de Libyade in Esbun. Hanc Libyadem Josephus appellat Juliadem, Ἰουλιάδα, lib. 5. de bello Jud. cap. 3. ut & Liviam Augusti conjugem nominat semper Juliam: nullibi tamen asserit hanc urbem ab Herode in honorem Augusti fuisse ita nuncupatam.

Edit. Ge-  
nev. 1611.  
p. 890. A.

## EPISCOPI LIBYADIS.

## I. LETOIUS.

**A**NNO 431. synodo Ephesinae generali interfuit & subscripsit Λητοῖος ἐπίσκοπος Λιβιάδος, *Letoius episcopus Libyadis*. Tom. 3. conc. Labb. coll. 475. A. 500. C. 545. C. & 10. 4. col. 283. D.

## II. PANCRATIUS.

Synodo alteri Ephesinae dictae praedatoria, sub Dioscoro Alexandrino Patriarcha, convocatae anno 449. adfuit, & ad ejusdem

**C** Dioscori voluntatem pro Eutychiana haeresi, & adversus Flavianum ceterosque episcopos orthodoxos sententiam dixit Παγκράτιος ἐπίσκοπος Λιβιάδος, *Pancratius episcopus Libyadis*. To. 4. conc. Labb. coll. 118. E. (nomen Pancrati Libyadis hic deest in Graeco textu, tam apud Labb. quam apud Harduin. to. 2. conc. col. 85. C.) 268. C. & 313. C. Erratum tamen suum agnovit postea, & cum multis aliis episcopis, qui pariter lapsi fuerant in eo latrocinio, retractavit anno 451. in synodo Chalcedonensi, ubi veniam obtinuit. Tomo eodem



codem 4. concil. col. 82. D. 330. A. (ubi habetur Παγκρατὶς Λιβιάδος: & ad marg. legitur, non Λιβιάδος, nam in eo constanter mendosa sunt exemplaria. Idem observat Hard. 10. 2. conc. col. 277. A.) 494. B. 585. B. & 808. E.

## III. ZACHARIAS.

Sedebat Libyadis episcopus anno 536.

A Zacharias, qui sententiæ in Anthimum aliof- que hæreticos latæ à Petro Hierosolymorum Patriarcha in synodo trium Palæstinarum, subscriptus legitur in hunc modum, Ζαχαρίας ἐπίσκοπος τῆς Λιβισίων, Zacharias episcopus Libysianus, id est, Libyadis, 10. 5. concil. Labb. col. 286. C.

ECCLESIA  
LIBYADIS

## XXV.

## ECCLESIA SYCAMAZONIS.

**D**E eo oppido hæc monet Hadrianus Relandus in Palæstina illustrata, *tomo quidem 1. pag. 212.* «Certi nihil liquet de situ hujus urbis: fuisse in Palæstina prima patet ex notitia Græca Patriarchatum.» *Tomo autem 2. pag. 1023.* «Non invenio hujus urbis mentionem factam ante annum 431. quo concilio Ephesino interfuit & subscripsit episcopus hujus urbis.» *Et pag. sequenti:* «In notitiis veteribus ecclesiasticis hæc inter urbes Palæstinæ primæ memoratur. Errant qui Palæstinæ secundæ attribuunt.» Oppidi cujusdam Συκᾶμινον *Sycaminon* in Judæa Josephus meminit *lib. 13. antiq. cap. 20.* Euseb. Cæsariensis ad vocem Ἰαφῶθ scribit vicum, cui nomen ἡ Συκᾶμινον, esse maritimum inter Cæsaream & Ptolemaïdem prope montem Carmelum, & Ἡφὰ Ephā dici ipsius tempore: Strabo *lib. 16. D. pag. 758. edit. Casauboni*, locum hunc appellat Συκᾶμινων πόλιν urbem *Sycaminorum*, sitamque tradit inter Ptolemaïdem, & Turrin Stratonis five Cæsaream. *Post Acam Ἀκὴν* (id est, Ptolemaïdem) *est Stratonis Turris, quæ stationem habet: in medio est Carmelus mons, & oppidula, quorum præter nomina nihil restat, ut Sycaminorum urbs, & Bubulcorum, & Crocodilorum, & hujusmodi alia.* Quibus verbis innuit Strabo prædicta oppida non amplius superfuisse sua ætate, scilicet sub imperio Tiberii. Instaurata postmodum fuit Sycaminon civitas, siquidem in Itinerario Antonini dicitur distare à Ptolemaïde 24. miliaribus passuum, & à Cæsarea 20. In Itinerario autem Hierosolymitano, à Ptolemaïde 15. & à Cæsarea 16. Hæc porro vox *Sycaminon* arborem *morum* significat, qua abundabat Judæa, ut & sycomoris: nam idem Josephus *lib. 8. ant. cap. 2.* de Salomone scribens ait: τῶν κεδρίων ξύλων & πεύκεων ὄντων ὡσπερ καὶ τῶν δένδρων τῶν Συκᾶμινων πλήθει τὰ τῆς Ἰουδαίας πεδία, hoc est, cedros arbores antehac nunquam in Judæa visas in campis ejus adeo multiplicavit, ut moros numero æquarent. Et Theodoretus *comment. in Esai. pag. 45.* τὰς δὲ Συκᾶμινους Συκομύρους ἔφασαν οἱ λοιποὶ, καὶ λίαν εὐκότως: τέτων γὰρ ἡ Παλαιστίνη πεπληροῦται, καὶ ἐν τῶν ξύλων τῶν τοιούτων ὁμοφῶς τὰς οὐκίας. Pro *Sycaminis* (id est *moris*) reliqui dixerunt *Sycomoros*, & valde probabiliter: his enim plena est Palæstina, & lignis istiusmodi domos tegunt. Hæc Hadrian. Reland. *tom. 2. pag. 1024.* qui tamen non ait *Sycaminon* idem fuisse oppidum ac *Sycamazon*: nec aliunde quicquam occurrit ex quo id adstruam. Certè *Sycaminon* sedes non videtur exstitisse episcopalis; saltem nullus reperitur qui illius fuerit antistes: at *Sycamazonis* nonnulli episcopi in actis conciliorum generalium subscripsere.

## EPISCOPI SYCAMAZONIS.

## I. AIANES five JOANNES.

**I**N actis Græcis synodi Ephesinæ primæ B anno 431. celebratæ, 10. 3. concil. Labb. col. 448. B. legitur Ἀιανὲς Συκαμαζόν, Aieno episcopo *Sycamazonis*, & col. 540. E. Ἀιάνης *Ajanes*, &c. Baluzius in nova collectione conciliorum col. 452. hunc appellat *Joannem*. In serie episcoporum, quæ ex codice manuscripto regio descripta est, quamque idem Baluzius inseruit collectioni suæ col. 511. habetur Ἀιάνης ἐπίσκοπος Συκαμαζών, Ἰωάννης, Aianne episcopus *Sycamizonis* subscripsi. In actis ejusdem synodi quæ idem Baluzius recenset, Latine legitur sessione sexta col. 528. Joanne *Sycamazonis*, & ibid. *Tomus III.*

col. 539. & tom. 3. concil. Labb. col. 692. A. Joannes episcopus *Sycamazonis* subscripsi. Item eodem modo Joannes scribitur in concilio Chalcedonenfi, ubi hæc nomina relecta sunt, tom. 4. conc. Labb. col. 283. D. Joanne *Sycamazonensi*. Sed quum nomina illa hîc nonnisi Latine tradantur, facile potuit nomen notum *Joannis*, pro ignotiori *Ajane* usurpari. Hæc Hadr. Reland. *Palæst. illust. 10. 2. pag. 1023.*

## II. DIONYSIUS.

Anno 449. latrocinio Ephesino interfuit, & Dioscoro Alexandrino Patriarchæ adhæsit pro hæresi Eutychiana *Dionysius episcopus Sycamazonis*, Διονύσιος ἐπίσκοπος Συκαμαζόν. Tom. 4. concil. Labb. col. 118. D. In



col. quidem 267. E. habetur Διονύσιος ἐπί-  
σκοπος Συκαμαζόνων, sed legendum Συκαμα-  
ζόνων, ut supra, & ut col. 312. D.

## III. ALPHIUS.

*Alphius Sycamazonis episcopus* subscripsit  
anno 518. epistolæ synodicae Joannis Pa-  
triarchæ Hierosolymitani ad Joannem Con-  
stantinopolitanum antistitem, adversus Seve-

rum hæreticum. Αλφειὸς Συκαμαζόνων. To. 5.  
conc. Labb. col. 192. C.

## IV. BASILIUS.

Anno 536. sententiæ adversus Anthimum  
aliosque hæreticos latae, in synodo Hieroso-  
lymitana, sub Petro Patriarcha sanctæ civi-  
tatis, subscripsit Βασίλειος Συκαμαζόνων, Ba-  
silius episcopus Sycamazonis. Ibid. col. 286. C.

## XXVI.

## ECCLESIA AZOTI.

**A**ZOTUS urbs fuit antiquissima & celeberrima. In Hebræis codicibus *Aschdod* sive *Asdod*  
nuncupatur, quod nomen per *Azotum* Αζωτος à Græcis interpretibus ubique redditur,  
quos etiam Hieronymus imitatus est, & vetus interpres Latinus. Tribui Judæ fuit assignata  
Jos. cap. 15. vers. 47. sed diu fuit una ex quinque Philistæorum satrapiis. Stephanus Byzan-  
tinus de urbibus & populis sic urbem illam describit: *Azotus urbs Palæstinae. Hanc ædificavit*  
*unus è profugis qui rediere à mari rubro, & de nomine uxoris suæ Azam nuncupavit, id est Capram,*  
*quam Azotum interpretati sunt.* Herodotus lib. 2. cap. 157. singulare quidpiam de ea narrat:  
*Psammitichus, inquit, in Ægypto regnavit annos 54. è quibus per annos novem & viginti magnam*  
*Syriæ urbem obsedit, quam tandem expugnavit. Hæc est Azotus, quæ diutissimè inter urbes omnes*  
*quas novimus obsidionem sustinuit.* Eam dicit Syriæ urbem, quia, ut norunt eruditi, olim sub  
Syria comprehendebatur Palæstina, Judæa, Phœnicia, & Idumæa: *Syriæ partes,* inquit  
Strabo geogr. lib. 16. pag. 749. B. edit. Casauboni, *ab Cilicia & Amano incipiendo ponimus*  
*Commagenam, & eam quæ Seleucis Syriæ appellatur: postea Cælesyriam, sive cavam Syriam in*  
*mediterraneis, ultimam Judæam in ora Phœnices.* Nonnulli totam Syriam in Cælesyros & Phæ-  
nices partivunt, hisque dicunt quatuor nationes esse permixtas, *Judæos, Idumæos, Gazæos, &*  
*Azotios, qui agriculturæ quidem, ut Syri & Cælesyri: mercaturæ (vero) ut Phœnices, operam*  
*navant.* Hieronymus comment. in Joel. cap. 2. vers. 18. 19. & 20. ait Azotum sitam esse in  
littore maris: *mare autem novissimum, hoc quod ad Occidentem est, & quod ducit in Ægyptum;*  
*in cujus littore Gaza, & Ascalon, Azotusque, & Joppe, & Cæsarea, & cæteræ urbes maritimæ*  
*sitæ sunt.* Verum ut Gaza paulo remotior erat à suo portu, qui dicebatur Majuma Gazæ;  
sic & de Azoto sentiendum videtur Hadriano Relando *Palæst. illust. to. 2. pag. 606.* Nam  
duplex erat Azotus, ex notit. Græc. patriarchat. apud eundem Hadrian. Reland. tom. 1.  
pp. 215. & 216. una, quæ παρὰλιν sive παράλιος (id est, *maritima*) altera, quæ Ἰππῖνον,  
(in translat. Lat. *Azotus Hippius*) cognominabatur. Sita autem erat Azotus hæc mediter-  
ranea inter Jamniam & Ascalonem, sic ut Jamnia fuerit Azoto septemtrionalior. Nunc  
vicus est nuncupatus Arabicè *Esdud* & vulgo *Azdot*, inter *Lod* & *Jebna*, id est Diospolim  
& Jamniam, propior tamen Diospoli quam Jamniæ. Hæc sibi narrata testatur præfatus  
Hadrianus Relandus to. 2. pag. 608. ab Henrico Lub, qui in Palæstina annos septemdecim  
commoratus est. Inter Azotum & Jamniam, subdit idem Relandus *ibid.* decem milliaria  
collocantur in tabula veteri Peutingeriana: verum huic opponimus Diodorum Siculum,  
Itinerarium Antonini & Hierosolymitanum, ex quibus liquet 34. milliaria fuisse inter Gazam  
& Azotum, & 36. à Gaza (usque ad) Jamniam, sic ut decem milliaria poni non possint  
inter Jamniam & Azotum, nisi Azotus nimium removeatur à mari ortum versus, & extra  
viam quæ Jamnia duceret Gazam. Sic etiam nimis longè abesset à portu, vel Azoto maritima:

## EPISCOPI AZOTI.

## I. SILVANUS.

**I**N indice episcoporum qui synodo Nicænæ  
primæ interfuerunt anno 325. exstat inter  
præsules de Palæstina, *Silvanus Azotius.*  
To. 2. conc. Labb. col. 51. C. Idem quoque  
videtur fuisse episcopus ille hujus nominis  
qui cum aliis 14. de Palæstina, in concilio  
Sardicensi anno 347. Athanasii, cæterorum-  
que præsulum ab Arianis suis sedibus dejec-

B torum, innocentiam approbavit, to. 2. conc.  
Labb. col. 679. D. Et rursus eodem anno aut  
sequenti, cum iisdem episcopis Palæstinis,  
quibus adjunctus est Macrinus, epistolæ sy-  
nodicae ad Alexandrinos, pro restitutione  
eiusdem Athanasii, à Maximo Hierosolymi-  
tano directæ subscripsit, *ibid.* col. 727. A. in  
Græco textu. Nominantur quidem in utro-  
que loco illi episcopi *Palæstini*, sed sedes  
illorum in neutro exprimuntur. Si tamen



*Silvanus* iste alius fuit à Silvano Azotio, hujus A hîc meminimus, quæcunque fuerit illius in Palæstina sedes. Quindecim cæterorum nomina sunt: *Maximus* Hierosolymitanus, *Aërius*, *Arius*, *Theodosius* sive *Theodorus*. (Θεόδωρος enim in Sardicensi concilio legitur, Θεόδωρος vero in Hierosolymitano,) *Germanus*, *Paulus*, *Claudius*, *Patricius*, *Elpidius*, *Germanus* alter, *Eusebius*, *Zenobius*, *Paulus* alter, *Petrus*, & *Macrinus*.

## II. CHARISIUS.

Anno 359. formulæ Semiarianæ synodi Seleucienſis subscripsit Χαρῖσιος Ἐπίσκοπος Ἀζώτης, *Charisius episcopus Azoti*; apud Epiphanium lib. 3. advers. hæres. hæc. 73. n. 26. pag. 874. D.

## III. HERACLIUS.

In Ephesino latrocinio anno 449. fedit & iniquis Dioscori Alexandrini Patriarchæ ausibus suffragatus est Η'ρακλῆς Ἐπίσκοπος Ἀζώτης *Heraclius episcopus Azoti*, ut constat ex hujus synodi actis in synodo Chalcedonenſi relectis anno 451. 10. 4. conc. Labb. coll. 118. D. & 312. B. Sed in ea ipsa synodo Chalcedonenſi erratum confessus est, & veniam obtinuit: *ibid.* coll. 82. E. 329. A. 494. A. 585. C. & 808. A. Animadvertit Hadrian. Reland. *Palæst. illustr.* 10. 2. pag. 550. ubi de Agathopoli, in actis concilii Chalcedonenſis, act. xv. inter nomina episcoporum Palæstinæ primæ, uti illa à Sirmondo ex codice manuscripto antiquissimo Maffæi traduntur, extare hæc

duo vocabula, *Prælius Agathopolitanus*. Sed non dubito, inquit, corruptum esse utrumque, & legendum *Heraclius Azatopolitanus*. Et ut perspicui possit quam certa sit conjectura, videamus primum indicem episcoporum ex codice Maffæano. Ibi sic legitur: *Provincia Palæstinæ primæ episcopi IX. Juvenalis Hierosolymitanus. Glucon Cæsariensis per Sozimum episcopum Edinensem, lege Minoïdensem*. Nam in actis hujus concilii 10. 4. concil. Labb. pag. (col.) 80. & seqq. legitur in versione Latina B *Glycone Cæsariensi per Zosimum episcopum Minoïdensem. Leontius Ascalonitanus. Photinus Diospolitanus. Paulus Anthedonensis. Prælius Agathopolitanus. Pancratius Enodensis*, in aliis *Abiadensis*: propius ad veram lectionem, nam legendum est *Libyadensis. Polychronius Antipatridensis. Stephanus Jamniensis*. Conferamus hæc cum serie episcoporum quæ legitur in nova collectione conciliorum Baluzii pag. 1239. ubi hoc ordine recensentur: *Leontius episcopus Ascalonis. Photinus episcopus Lyddæ. Paulus Anthedonis. Heraclius Azoti*. (Non *Prælius Agathopolitanus*.) Constans itaque videtur hîc mendum irrepsisse, & legendum *Heraclius Azotopolitanus*.

## IV. LAZARUS.

Synodo trium Palæstinarum Hierosolymis celebratæ anno 536. sub Petro Patriarcha, adversus Anthimum & alios hæreticos, adfuit & subscripsit *Lazarus episcopus Azoti*, Λάζαρος Ἐπίσκοπος Ἀζώτης. 10. 5. conc. Labb. col. 283. D.

## ECCLESIA GERARORUM.

**G**ERARA vetus civitas Palæstinorum, quæ temporibus Abraham & Isaac metropolis fuit, ac sedes regia Abimelech, Gen. cap. 20. vers. 1. & 2. Hieronym. post Euseb. de locis Hebr. de ea urbe hæc tradit: *Gerara, ex cujus nomine nunc Geraritica vocatur regio trans Daromam, procul ab Eleutheropoli viginti millibus, & quinque ad meridiem. Erat autem olim terminus Chananæorum ad australem plagam, & civitas metropolis Palæstinæ (id est Philisthææ:) Scriptura commemorat fuisse eam inter Cades & Sur, hoc est, inter duas solitudines, quarum una Ægypto jungitur, ad quam populus trans fretum rubri maris pervenit: altera vero Cades usque ad Saracenorum eremum extenditur. Posterioribus sæculis sub potestatem regis Æthiopum venerat, siquidem 2. Paral. cap. 14. vers. 14. refertur, ab Aza rege Juda, qui Zaram regem Æthiopum fuso ejus grandi exercitu devicit, omnia circa Geraram vastata fuisse. Idem Hieron. comment. in Gen. cap. 22. vers. 3. ait: Notandum quod de Geraris usque ad montem Moria, id est, sedem templi, ier dierum trium sit. Et Theodoret. in lib. 2. Paral. cap. 14. vers. 13. Esse hæc Gerara (in neutro plurali) Palæstinæ si dixerim, nemo, opinor, contradicet: circa enim urbem nuncupatam Eleutheropolim est Salton Σάλτων (frequens est ea vox in notitiis ecclesiasticis) Gerarenorum in hunc usque diem appellatum. Est autem in Palæstina prima tractus (sive Saltus) Gerariticus, inquit Hadrian. Reland. *Palæst. illustr.* 10. 2. pag. 804. In Talmude pro *Gerar*, legitur aliquando *Geraricu*. Id videtur natum illo tempore quo Salton Gerariticon Σάλτων Γεραριτικόν dixerent (illud oppidum.) In Bereschit Rabba, sectione 65. *Geradike* legitur pro *Gerar*. Adde Resch, quod in Talmude geminatum exstat, & veram scriptionem Γεραριτικόν habebis. Hæc præfatus Hadr. Reland. *ibid.* qui etiam 10. 1. p. 215. in nota xi. super hæc verba notitiæ Græcæ, Σάλτων Γεραριτικός ἦτοι Βαρσάμιον, *Salton Gerariticus**



sive *Barsamorum*, scribit: lege Γεραριτικός ἦτοι Βαρσάβων, *Tractus Gerariticus* sive *Bershaba*. De qua re non sinunt nos dubitare hæc verba Theodoreti *quæst. 1. in lib. 2. Parap.* Ὡς δὲ τὴν καλουμένην Ἐλευθερόπολιν Γεραρινῶν Σάλτον μέχρι τῆ παρόντος ὠνόμαται. *Circa Eleutheropolin est Salton Gerarenorum usque in hunc diem appellatum.*

## EPISCOPI GERARORUM.

## MARCIANUS.

**A**CTIONIBUS prima & sexta synodi Chalcedonensis anno 451. celebratæ, inter Jamniæ & Azoti episcopos *Marcianus Gerarorum*, Μαρκιανὸς Γεράρων recitatur. *Tom. 4. concil. Labb. coll. 82. E. 329. A. & 585. C.* In hoc ultimo loco quidam codices Latini habent *Gerrhæ*, sed in textu Græco legitur Γεράρων

*A Gerarorum.* Actione xv. ejusdem synodi, col. 688. E. exstant inter episcoporum Palæstinæ tertiæ nomina *Niz Tiras, Marcianus Gazes*: sed non dubito legendum, inquit supra relatus Hadrianus Relandus pag. 796. *Netiras Gazæ, Marcianus Geraron* Μαρκιανὸς Γεράρων. Vide supra, ubi de Netira Gazæ, col. 616. A.

## XXVIII.

## ECCLESIA PETRÆ.

**D**UPPLICEM fuisse urbem hujus nominis existimant nonnulli, unam in Palæstina, in Arabia alteram. His assentitur Cellarius *geogr. ant. 10. 2. lib. 3. cap. 14. pp. 679. & 683.* Loco tamen ultimum citato, huic sententiæ non parum inesse difficultatis agnoscit, & S. Hieronymum ait utramque illam civitatem confundere. «An vero inquit pag. 683. etiam nobilis illa *Petra* metropolis Arabiæ, Edomitarum fuerit, & in sacris æquè scripturis memorata, in quæstionem solutu non facillimam adducitur. Utramque quæstionis partem Hieronymus affirmat. *Petra*, inquit, *civitas Arabiæ in terra Edom, quæ cognominata est Jectæël, & à Syris Recem dicitur.*» (Scilicet qui duplicem *Petram* distinguunt, illi eam quam in Palæstina collocant, volunt fuisse quæ cognominata est *Jectæël*, & differre à *Petra* in Arabia sita, quæ *Recem* sive *Rekem* dicebatur.) Pergit Cellarius: «Confundit Hieronymus *Petram Amalechitarum* ad fines Judææ positam, cum hac metropoli Arabiæ longè ab illa in austrum reducta. Ea enim *Sela*, sive, ut Græci vocant, *Petra*, quam rex Amasias (*lib. 4. Reg. cap. 14. vers. 7.*) devictis Idumæis in valle *Salinarum* expugnavit, eique nomen indidit *Jectæël* (*Jectehel*), non procul à valle illa, sede victoriæ, fuit: vallis autem *Salinarum* sive *Salis* (erat) propè mare *Salis* sive *Salsissimum*, (quod in) sacris litteris *mare mortuum* seu *Asphaltites* appellatur. Nec vero inficiamur illam *Petram* (*Jectæël*) tum temporis etiam *Edomitarum* fuisse, qui deletis *Amalechitis* in Judæam usque fines (suos) protulerunt.» Superius dixerat idem Cellarius pag. 679. «*Petra* autem illa *Amalechitarum* videtur *Jud. cap. 1. vers. 36.* notari, (fuit autem terminus *Amorrhæi* ab ascensu *Scorpionis*, *Petra*, & superiora loca,) quia fuit ad adscensum *Scorpionis*.... (&) etiam (fuisse quæ memoratur) *4. Reg. cap. 14. vers. 7.* ubi *Jectæël* (*Jectehel*) cognominatur. Diversa ergo est à celebriore illa urbe *Petra*, quæ *Petrææ Arabiæ* nomen dedit, à *Scorpionis adscensione* longius remota.» Hæc, inquam, Cellarius.

Verum, ut observat Cornelius à Lapide, in *cap. 1. Judic. vers. 36. p. 104. col. 2.* ea verba explicans ab ascensu *Scorpionis*, septuaginta, & alii, *Acrabbim*, (scribunt) id est, locum *Scorpionum*. Est enim, inquit, nomen loci ita dicti, quod *Acrabbim*, id est, *Scorpionibus* abundaret, juxta Lyran. Abulens. Dionysium Ariam, & alios. Ab hoc *Acrabbim*, id est, loco *Scorpionum*, dicta est *Acrabatenæ* urbs, & *Acrabatenæ* regio, quæ fuit una ex undecim Judææ Toparchiis, eratque terminus Samariæ, & confinium *Amorrhæorum*. Vide de ea S. Hieronymum in *locis Hebr. Joseph. lib. 2. de bello Jud. cap. XI. Adricom. & alios Chyrophos Terræ Sanctæ*. In synopsi quoque Criticor. tom. 1. col. 744. in *Numeror. cap. 34. vers. 4.* legitur: *Per ascensum Scorpionis*: (Hic) variant (interpretes) 1.º Similitudo est: q. d. Lyran. Estius, Menochius, Tirinus, Paulus Fagius, Vatablus, Tostatus qui & Abulensis, David Kimhi, Arias Montanus, Mercerus, & alii: & patet ex *lib. Judic. cap. 1. vers. 36.* sic dictus (autem) erat (locus ille *Acrabin*), vel à *Scorpionum* multitudine, ut indicatur *Deut. cap. 8. vers. 15.* nam *Acrab* Hebræicè *Scorpionem* significat; vel à collium & cacuminum curvitate; vel à spinis qui acritate *Scorpionum* aculeos referunt. Et col. 1069. in *Judic. cap. 1. vers. 36.* *Ascensus Scorpionis* locus erat in australi parte Chananææ, ut patet ex *Numer. cap. 34. vers. 4. & Josue cap. 15. vers. 3.* In Hebr. habetur *Judic. cap. 1. vers. 36.*



*Et terminus Emoræi ab ascensu Scorpionum (Acrabin) à Petra, & supra. Septuaginta verterunt Græcè καὶ τὸ ὄρειον τῆς Ἀμαρρᾶς ἀπὸ ἀναβάσεως Ἀκραβὶν ἀπὸ τῆς Πέτρας καὶ ἐπάνω, id est; & terminus Amorrhæi ab ascensu Acrabin (hoc vocabulum ut nomen proprium sumserunt) à Petra & supra. Paraph. Chald. Et terminus Amorrhæi in ascensu Ghakrabim à Petra & supra. Versio Syr. ab acclivi Acron, à rupe & supra. Versio demum Arab. ab acclivi Acron, ab radice rupis sursum tendendo. Ascensus itaque Scorpionis locus quidam fuit, juxta quem erat Petra, non urbs, sed rupes. Petra illa, fatente Cellario, ea ipsa fuit, quam postea cœpit Amasias, & appellavit Jectaël sive Jecthel, 4. Reg. cap. 14. vers. 7. Ipse (Amasias) percussit Edom in valle Salinarum, decem millia, & apprehendit Petram (in Hebræo Selah) in prælio, vocavitque nomen ejus Jecthel usque in præsentem diem: porro Petram hanc rupem duntaxat fuisse, aut, ad summum, arcem in rupe sitam, non vero urbem aliquam in Palæstina, liquet ex lib. 2. Paral. cap. 25. vers. 11. & 12. ubi narratur eadem Amasiæ expeditio: Amasias confidenter eduxit populum suum, & abiit in vallem Salinarum, percussitque filios Seir decem millia: & alia decem millia virorum ceperunt filii Juda, & adduxerunt ad præruptum cujusdam Petræ, præcipitaveruntque eos de summo in præceps, qui universi crepuerunt. In Hebræo exstat: Et Amasiah robortatus est, & eduxit populum suum, & abiit (in) vallem Salis, & percussit filios Seir decem millia, & decem millia vivos captivos duxerunt filii Jehudah, & adduxerunt eos ad caput Petræ, & projecerunt eos à capite Petræ, & omnes hi rupti sunt. Septuaginta autem verterunt.... Et ducebant super summitatem præcipitii, & præcipitabant eos à summitate præcipitii, & omnes disrupti sunt. Versio Syriaca fert.... Et adduxerunt eos ad caput lapidum. Versio demum Arabica: Cœpitque decem millia captivorum quos omnes catenis vinctos adduxerunt Judæi ad caput lapidis. En genuinam hujus Petræ notionem. Profecto intellectu arduum est, si hæc fuit civitas aliqua, nullam de illa reperiri mentionem in urbium enumeratione quas vel Moyses vel Josue Tribubus Israel distribuerunt. Jam laudatus Cornelius à Lapide in lib. 4. Reg. cap. 14. vers. 7. pag. 449. ait de præfato Amasiæ facto: Cœpit rupem hostium celsam & munitam, ex qua præcipitavit alia decem millia Idumæorum, ut dicitur 2. Paral. cap. 25. vers. XI. & sequenti. Subdit tamen à nonnullis existimari hanc Petram, fuisse urbem hujus nominis in Arabia. Verum, ut recte arguit Cellarius, vallis Salinarum, in qua vel propè quam erat Petra quæ cognominata est Jectaël, longe aberat ab Arabia. Ex his autem sequi videtur, adversus sententiam ejusdem Cellarii de duplici urbe Petra, quarum una fuerit in Palæstina, altera in Arabia; nec Scorpionem qui memoratur Jud. c. 1. v. 36. & alibi, fuisse constellationem hujus nominis, nec Petram loco Jud. cit. & 4. Reg. cap. 14. vers. 7. necnon 2. Paral. cap. 25. vers. 12. enuntiatam, aliud fuisse quam rupem, collem, aut montem aliquem excelsum & præruptum, vicinum loci illius qui appellabatur Acrabin, sive Scorpionum.*

Huic Cellarii, quem tamen non nominat, opinioni adversatur Hadr. Reland. Postquam enim retulit *to. 1. Palæst. illustr. pag. 210.* sententiam Caroli à Sancto Paulo abbat. Fulienf. de duplici urbe Petra, subdit: «Ego autem non video duas Petras statuendas esse; sed illam Petram in finibus Moab (sitam) commentum esse puto.» Et *tom. 2. pag. 926. & seqq.*

- » (Petra Arabiæ) «appellatur etiam urbs Palæstinæ in notitiis veteribus ecclesiasticis. Ita
- » (quoque) Stephanus Byzantinus Πέτρα, πόλις νῦν τῆς τελευτῆς Παλαιστίνης, Petra, urbs nunc
- » Palæstinæ tertiæ. Suidas: Πέτρα, πόλις τῆς Παλαιστίνης, Petra, urbs Palæstinæ. Eusebius in
- » Onomast. ad voces Κάδδης βαρὺν, in Petra urbe Palæstinæ, Πέτρα πόλις τῆς Παλαιστίνης, quod
- » (Παλαιστίνης) mutandum esse in Ἀραβίας existimat in notis suis ad hunc locum Joannes
- » Clericus, quia, inquit, constat Petram fuisse, non Palæstinæ, sed Arabiæ urbem.... Itaque hoc
- » fuerit mendum oscitantis librarii; notior enim fuit hæc urbs quam ut situs ejus Eusebio ignotus
- » esset. Idem de Hieronymo circa urbem Ailam in Arabia juxta Petram, habet Bonfrerius in
- » Onomast. pag. 18. Illud mirum, inquit, quomodo Ailam Hieronymus ponat in extremis finibus
- » Palæstinæ: Satis enim constat eam ad Palæstinam nihil pertinuisse, & ab ea satis procul abfuisse
- » deserto interjecto: crediderim ab Hieronymo scriptum, in extremis finibus Idumææ. Ego autem,
- » prosequitur Relandus pag. 927. in Eusebio aut Hieronymo nihil esse mutandum censeo, &
- » rectè eos scripsisse Petram & Ailam fuisse urbes Palæstinæ. Palæstina (scilicet) ætate Eusebii
- » & Hieronymi usque ad Sinum Arabicum fuit porrecta. (Certe) in ipso concilio Nicæno I.
- » (anno 325.) cui interfuit Eusebius, Aila inter urbes Palæstinæ recensetur: (&) Petra,
- » urbs Palæstinæ nuncupatur ab Eusebio in eodem libro (jam laudato) ad vocem Ἀραβίμ:
- » Πέτρα πόλις ὁπίσθιμος τῆς Παλαιστίνης, Petra, urbs clara Palæstinæ: & ad vocem Πέτρα, eandem
- » Arabiæ dicit; ut & Suidas ad vocem Διὸς ἄρης, ἐν Πέτρα τῆς Ἀραβίας apud Petram Arabiæ
- » cultum ait fuisse Martis simulacrum.»

Quibusdam deinde interpositis, subjungit idem Relandus, «Petram Palæstinæ esse distinctam à Petra Arabiæ metropoli, (quæ) postea tertiæ etiam Palæstinæ metropolis evasit,



ECCLESIA  
PETRÆ.

» persuasum est nonnullis, propter verba Athanasii in epist. ad Solitarios 10. 1. pag. 635. E. (vet. edit. Græco-Lat. anni 1600.) ubi ait: καὶ Ἀρείον μὲν, καὶ Ἀσέριον τὸν μὲν ὑπὸ Πεζῶν τῆς Παλαιστίνης, τὸν δὲ ὑπὸ τῆς Ἀραβίας, ἐπισκόπους, τὰς ἀποπηδήσαντας ἀπ' αὐτῶν: Et Arium quidem & Asterium, illum Petrarum Palæstinae, hunc ex Arabia, episcopos, qui ab ipsis desciverant.» Notandum in versione Latina, quæ exstat ibidem, legi: alterum in Petra Palæstines, alterum in Petra Arabiae episcopum: licet in textu Græco vox Petra semel legatur: ex ea autem repetitione male posita adducti fuere multi ut adstruerent Petram Palæstinae distinctam à Petra Arabiae expresse reperiri apud Athanasium. Id profitetur Thomas de Pinedo Lusitanus, in notis ad Stephanum Byzantinum, ubi de urbe Petra pag. 546. not. 52. Duas, inquit, fuisse hujus nominis urbes, Petram Arabiae, & Petram Palæstinae, elucescit ex Athanasio in epist. ad solitar. vitam agentes: alterius enim episcopum Arium, alterius Asterium nominat: at Petrae Palæstinae, apud neminem alium, quod sciam, fit mentio. Eamdem Athanasii auctoritatem urget Carolus à Sancto Paulo, geogr. sac. pp. 316. & 317. edit. Paris. 1641.

Sed sic rem explicat præfatus Relandus pag. 928. «Fateor (quidem) in hoc loco non memorari duas Petras, (ut inde jure inferatur Asterium fuisse episcopum Petrae in Arabia,) sed (istud) aliunde liquet: nam idem Athanasius in epist. ad Antiochenes scribit pag. 452. A. Asterius Petrae Arabæorum Ἀσέριος Πεζῶν τῆς Ἀραβίας: Apologia autem secunda pag. 595. A. ubi Arium appellat Macarium (quod procul dubio duplici hoc nomine nuncuparetur) ait: Μακαρίου ὑπὸ Παλαιστίνης, καὶ Ἀσέριος ὑπὸ Ἀραβίας, Macarii ex Palæstina, & Asterii ex Arabia: (hic nempe de illorum sedibus file.) .... Certe mirum esset, si in Palæstina urbs Petra fuisset (Athanasii ævo) episcopatu insignis & distincta à Petra Arabiae, nullam plane ejus mentionem in tot subscriptionibus conciliorum fieri, aut in notitiis veteribus ecclesiasticis scriptisve Eusebii, Hieronymi, ac aliorum qui Athanasii temporibus proximi fuere. Adeoque unicum hunc locum Athanasii non arbitror sufficere, ut statuamus Petram aliquam ab illa notissima urbe Arabiae, vel metropoli Palæstinae tertiæ quæ eadem est, distinctam. Crediderim, (verba semper sunt Relandi) illud Πεζῶν (in epistola ad Solitarios) loco suo motum (id est, positum esse à librario ante τῆς Παλαιστίνης, quum esse debuerit ante τῆς Ἀραβίας) & legendum τὸν μὲν ὑπὸ τῆς Παλαιστίνης, τὸν δὲ ὑπὸ Πεζῶν τῆς Ἀραβίας, illum quidem ex Palæstina; hunc vero Petrarum in Arabia: vel, omissa utrobique urbis Petrarum mentione, uti in apolog. 2. τὸν μὲν ὑπὸ τῆς Παλαιστίνης, τὸν δὲ τῆς Ἀραβίας; illum quidem ex Palæstina, hunc vero ex Arabia. Quorsum enim unum ab urbe denominasset, & alterum non? maximè quum in epistola ad Antiochenes scribat Asterium episcopum esse Petrarum in Arabia Πεζῶν τῆς Ἀραβίας. (Itaque, si Arium præmisisset Athanasius in epistola ad Solitarios episcopum esse Petrarum in Palæstina, addidisset de Asterio, eum esse episcopum alterius urbis Petrarum sitæ in Arabia, nedum nomen hujus urbis in suo textu Græco reticeret.) Sed, opinor aliquem ad marginem (textus Græci Athanasii) apposuisse Πεζῶν (quod utrobique aberat) quum legisset apud (eundem) Athanasium (in epist. ad Antioch.) Asterium fuisse episcopum Πεζῶν, ut jungeretur cum τῆς Ἀραβίας, (sive ut intelligeretur cujusnam urbis, juxta eundem Athanasium, Asterius hic episcopus fuisset) & (quemdam) alium id junxisse (perperam) cum τῆς Παλαιστίνης: quod eo facilius fieri potuit quod Petra (Arabiae) sequentibus sæculis Palæstinae tertiæ metropolis fuerit. Adde apud Hilarium in fragmento operis historiae col. 1288. D. edit. Paris. 1693. appellari eosdem Arium ex Palæstina & Stephanum de Arabia. Pro (voce) Stephanum legi debere Asterium certum est. Sic (rursus) ibid. pag. 1293. C. Arius à Palæstina, Asturus (Asterius) ab Arabia. Petrae nulla illic mentio, nedum duarum.» Hucusque Hadrianus Relandus, ex cujus erudita differtatione colligitur valde incertum esse, num Arius sive Macarius, cujus meminit Athanasius, episcopus fuerit alicujus Petrae in Palæstina, profecto non fuit Petrae in Arabia. Quia tamen, ex eodem Athanasio, episcopus fuit alicujus loci in Palæstina, qui nos latet, ideo hic de illo mentionem faciendam ducimus.

## ARIUS sive MACARIUS,

dictus episcopus Petrae in Palæstina.

**A**RIUM hunc Patres Sardicenses, in epistola sua synodica ad totius orbis episcopos, Sardicæ scripta anno 347. quam refert Theodoretus histor. eccl. lib. 2. cap. 8. Macarium appellant, ut & Athanasius in apolog. 2. ad Constantium Imperat. Et quum Serdicam venirent (episcopi Eusebiani) synodos certis

A in locis & pacta inter se fecerunt (verba sunt hujus epistolæ p. 79. A. edit. Vales.) adjunctis comminationibus, ut quum Serdicam venissent, nec omnino ad judicium accederent, nec simul & in eundem locum cum sacrosancta synodo convenirent: sed ut postquam urbem ingressi essent, ac dicis causa (id est, ut apud sanctum Athanasium legitur loco infra citando p. 595. lin. 4. pro perfunctoria specie purgationis, sive purgationis suæ gratia, ut habetur operum



Theodoreti edit. Græco-Lat. Paris. 1642. A. tom. 3. pag. 593. D.) præsentiam suam tantummodo ostendissent, statim se fuga proriperent. Hæc enim ad notitiam nostram perlata sunt per collegas nostros, Μαργαρίτῃ Παλαιστίνῃ, καὶ Ἀστέριῳ ὑπὸ Ἀλεξάνδριαν, Macarium Palæstinæ, & Asterium Arabiæ episcopos, (omituntur urbium nomina) qui cum ipsis quidem advenerunt, sed ab ipsorum perfidia recesserunt. Hi quum ad sanctam synodum venissent, & vim quam passi fuerant conquesti sunt: & nihil rectè atque ordine apud illos geri affirmarunt; illud quoque adjicientes, multos illic esse qui rectam fidem retineant, sed prohiberi ab illis ne huc veniant, partim pollicitationibus, partim minis adversus eos qui ab ipsorum partibus vellent recedere. Hujus rei causa omnes in una domo simul manere studuerunt, ne modico quidem tempore cuiquam permittentes privatim degere, &c. Eamdem synodi Sardicensis epistolam & adducta nunc ex ea verba, legere etiam est apud Athanasium tom. 1. vet. edit. Græco-Lat. 1600. pp. 594. E. & 595. A. qui & addit in epist. ad solitariam vitam agentes, ibid. pag. 634. A. B. Cæterum, ubi jam reipsa experiebantur ecclesiasticum morem (in synodo Sardicensi) tantummodo observari, & ex singulis ecclesiis civitatibusque accusatores ibi præsto esse, & documenta, rerumque probationes ad-

versus se in promptu esse, conspicatque ibidem Arium & Asterium venerabiles episcopos, una quidem secum ex Oriente profectos, sed diverso itinere ingressos, nobisque in veniendo comites factos, eosdemque memorantes vafriem ipsorum.... inter se confusurrarunt.... prorsus futurum est ut condemnemur, &c. Et pag. 635. E. Imperatore vero prompto ad omnia quæ ipsi vellent, effecere, ut ab Alexandria in Armeniam duo presbyteri & tres diaconi relegarentur. Arium porro & Asterium, alterum in Petra Palæstinae, alterum in Petra Arabiæ (jam supra observavimus coll. 667. 668. in textu Græco deesse istud secundum in Petra) episcopum, qui ab ipsis desciverant, non solum in superiorem Africam relegarunt, sed ut contumelias paterentur operam dedere. Unus fuit Arius ille, ex quindecim iis Palæstinæ episcopis, qui, tum actis synodi Sardicensis, tum eodem anno 347. vel sequenti, epistolæ synodicæ Maximi Hierosolymitani præsulis ad populum Alexandrinum, pro restitutione Athanasii, subscripserunt. To. 2. conc. Labb. coll. 659. A. 663. A. 679. D. & 727. A. Memoria ejus colitur in Martyrol. Rom. ad diem 20. Jun. his verbis: *Petræ in Palæstina, sancti Macarii episcopi, qui ab Arianis multa passus, & in Africam relegatus, quievit in Domino.*

## XXIX.

## ECCLESIA MENOIDIS.

EUSEBIUS de locis Hebraïcis ad vocem Μηνεινὰ, *Menoïdem* notat oppidum five Castrum propè Gazam, καὶ νῦν καλεῖται Μηνοῖς πλησίον Γάζης, πόλιν; quæ Hieronymus vertit: *Et nunc est Menois oppidum juxta civitatem Gazam.* Urbem hanc in Palæstina primam præterierunt Carolus à Sancto Paulo, & Holstenius in notitia episcopatuum hujus Palæstinæ, & collocarunt in Palæstina secunda. Holstenius quidem credidit eam fuisse eandem cum urbe *Mennith* trans Jordanem. Sed alia est *Minois* urbs vicina Gazæ.... alia *Mennith*. Id liquet ex Eusebii Onomastico. Vide notitias Imperii. Carolus autem à Sancto Paulo pag. 312. ulterius vagatur ad quærendam Minoïda, conjicitque esse Minoam urbem in Creta vel Insula quadam ante Megaram. Sed nihil est certius quam Minoïda propè Gazam fuisse. Hæc Hadr. Reland. *Palæst. illustr. to. 1. pag. 209.* Cellarius *to. 2. geogr. antiq. lib. 3. cap. 14. pag. 673.* Mennith reponit in Arabia Petræa, & ait dici Jud. *cap. XI. vers. 33. Mennith viginti civitates* quasi proprio nomine, (ut *Decapolis*) quia in regione illa erant viginti civitates. In notitia dignitatum Imperii Romani memorantur *Equites promoti Illiriciani Menoïdæ*, sub dispositione ducis Palæstinæ, apud eundem Relandum *to. 1. pag. 229.* Cellarius *geogr. ant. to. 2. lib. 3. cap. 13. pp. 587. & 608.* censet *Menoïn* esse *Mænænum* castrum illud quod lege 30. codicis Theodosiani, de erogatione militaris annonæ exprimitur: jungitur enim cum castro *Versabini*, id est, *Bersabe* in Palæstina. V. autem & B. in legibus frequenter permutantur. Menois fuit sedes episcopalis, cujus aliquot episcopi in actis concil. leguntur.

## EPISCOPI MINOIDIS.

## I. ZOSIMUS.

IN synodo prædatoria Ephesina anno 449. Dioscoro Alexandrino Patriarchæ adversus Flavianum Constantinopolitanum, aliosque præsules orthodoxos adhæsit *Zosimus Me-*

*noïdis* episcopus, Ζωσίμου Μηνοῖδος & Μηνοείδης, ut testantur ejusdem synodi acta in concilio Chalcedonenfi, anno 451. relecta, *tom. 4. concil. Labb. coll. 118. D. 267. A. 311. E.* Verum in eodem concilio Chalcedon. cum multis aliis præsulibus similiter lapsis, erratum



ECCLESIA  
MENOIDIS.

retractavit, & non solum pro se col. 494. B. A scopus Menoidis, Γωάννης Μονοΐδης (legendum Μηνοΐδης.) To. 5. conc. Labb. col. 192. C.


sed & pro Glucone Cæsariensi, subscripsit, ibid. coll. 83. B. & 788. Glycon Cæsariensis per Zosimum episcopum Menoïdensem. Vide supra, ubi de Heraclio episcopo Azoti, col. 662. A.

## II. JOANNES.

Epistolæ synodicæ Joannis Hierosolymitani ad Joannem Constantinopolitanum, adversus Severum aliosque hæreticos Monophysitas, subscripsit anno 518. Joannes epi-

## III. STEPHANUS.

Decretum synodi trium Palæstinarum sub Petro Patriarcha Hierosolymitano anno 536. adversus Anthimum & alios hæreticos sua subscriptione approbavit Stephanus Meniatenus vel Menytanus procul dubio Menoïdis, Στέφανος τῆς Μηνιωτῶν, id est, Μηνωΐδων vel Μηνοΐδης. To. 5. conc. Labb. col. 283. E.



## XXX.

## ECCLESIA BETHELIÆ sive BETYLII.

OPPIDUM Betheliæ, quod Estomafon sive Estilion corruptè aliquando dictum, pro Betilion, observat Hadr. Reland. to. 1. Palæst. illustr. pag. 223. non longe ab urbe Gaza videtur fuisse situm: de eo enim hæc tradit Sozomenus lib. 5. hist. eccl. cap. 15. pag. 617. A. edit. Vales. Licet ille (Julianus Imperator) palam non persequeretur (Christianos,) per vicos tamen & civitates passim fugiebant, cujus fugæ tum alii ex majoribus meis consortes fuere, tum avus meus: nam quum patre gentili natus esset, ipse cum universa domo, omnesque simul qui ex gente erant Alaphionis, primi fidem Christi susceperunt Betheliæ, Χερισαντο αὐτοὶ ἐγένοντο ἐν Βηθελίᾳ καὶ οὐκ ἐν Γαζᾷ, qui vicus est Gazæorum, abundans incolarum multitudine, templaque habet tum ob vetustatem, tum ob structuram, indigenis veneranda: præcipuè vero Pantheon, colli cuidam manufacto, velut arci, impositum, & supra universum pagum undequaque eminens. Unde etiam hunc locum nomen accepisse conjicio, & ex Syrorum lingua in Græcam conversum, deorum domicilium vocari ob illud fanum Pantheon. Porro familias eorum quos supra dixi, ad Christianam religionem conversas esse perhibent ab Hilarione monacho. Nam quum Alaphion ille dæmonio vexaretur, Pagani quidam & Judæi, incantamentis & magicis quibusdam maleficiis diutius usi, nihil profecerunt. Sed quum Hilarion solo Dei nomine invocato dæmonem expulisset, illi ad Christianam religionem se transfulerunt. Et avus quidem meus in exponendis sacris voluminibus excelluit, &c. Libro 7. præced. cap. 32. pag. 689. D. dixerat de quatuor fratribus inter monachos claris: quo quidem tempore (sub Valentis imperio) Salamones, Phuscon, Malchio, & Crispio fratres, in illis monasteriis inclaruerunt. Degebant autem juxta Bethedaleam Βηθελέαν, qui vicus est in agro Gazæorum.... Magistrum porro hujus disciplinæ (monasticæ) habuerant Hilarionem. Estne (Bethelia ista sive Bitulion aut Bitelion) inquit Hadr. Reland. Palæst. illustr. to. 2. pag. 664. notissima urbs Bethel? nam Ælia & Neapolis, inter quas duas urbes media sita fuit Bethel, urbes fuere Palæstinæ primæ, adeoque & Bethel videtur sub Palæstina prima fuisse censita: an vero Betulia Hieronymi, & Bethelia Sozomeni prope Gazam?... Βητέλιον scribitur in notitia veteri ecclesiastica, recenseturque inter urbes Palæstinæ primæ. Idem Hadr. Reland. de Bethel & Bethelia, nihilominus, tanquam de duobus locis diversis, figillatim differit to. 2. pp. 636. & 638. Betuliæ vero, ut ipse animadvertit pag. 639. meminit & Hieronymus in vita præfati Hilarionis, quem narrat cum infinito agmine prosequentium venisse Betuliam; & inde quinto die Pelusium. P. Harduin. Soc. Jesu, to. XI. conc. col. 680. ait oppidum Βηθελί in Palæstina, locum fortassis esse qui Βηρυμὸς in Palæstina prima scribitur in notitia Græca.

## EPISCOPI BETHELIÆ sive BETYLII.

## I. AJAX.

QUUM prædicatione sancti Hilarionis oppidum præsertim Betheliæ sive Betylii fidem Christianam receperit tempore Juliani Imperatoris, id est, circa annum 362. ut modo ex Sozomeno didicimus, qui se fatis innuit hujus territorio oriundum: Ajax videtur primus fuisse illius loci episcopus: de eo autem hæc tradit idem Sozomenus lib. 7. hist. eccl. cap. 28. pag. 751. C. edit. Vales. Celebres

B eodem tempore (sub Theodosio Magno) fuere Zeno & Ajax fratres, qui initio quidem, non in solitudine philosophati sunt, Ζηνων καὶ Ἀΐας ἀδελφοί, οἱ δὲ τὸ τελεῖν ἐφιλοσόφουν (hoc est studio sapientiæ & virtutis incubuerunt) sed in Gaza juxta mare, qui locus etiam Majuma vocatur. Cæterum ambo catholicæ fidei assertores acerrimi fuere, Deumque forti animo confessi sunt, adeo ut sæpenumero à Paganis gravissime & crudelissime verberati sint. Et Ajax quidem.... uxorem duxisse dicitur.... tresque ex ea liberos sustulisse;



sustulisse; posthæc vero ab uxore .... separatus Azomeno (supra recitato,) *Deorum domus.*

monasticam duxisse vitam: atque ex filiis, duos quidem ad studium rerum divinarum & ad cælibatum instituisse, tertium vero ad matrimonium. Ipse præclare admodum & moderate ecclesiam Botolii gubernavit, τὴν τῆς Βοτωλῆς ἐκκλησίαν ἐπετρόπευσεν. Illud Βοτωλῆς ex Βηθελίᾳ natum suspicatur Hadr. Reland. *Palæst. illustr. to. 2. pag. 800.* hoc enim nomen, inquit, magis exprimit significationem ei attributam à So-

## II. M A N U E L.

Sententiæ adversus Anthimum latæ in synodo Hierosolymitana anno 536. sub Petro Hierosolymorum antistite, subscriptæ, inter cæteros trium Palæstinarum episcopos, Μηνεήλιος ἐπίσκοπος τῆς Βιτυλῆς, *Manuel episcopus Bitylii. To. 5. conc. Labb. col. 286. A.*

ECCLESIA  
BETHELIÆ  
sive  
BETYLII.

## XXXI.

## ECCLESIA ZABULONIS.

**D**E Zabulone, quæ Græcè Ζαβυλὼν scribitur, hæc tradit Hadrian. Reland. *Palæst. illustr. to. 1. pag. 129. & to. 2. pag. 1062. & seq.* Urbs est munita Galilææ, quæ Ptolemaïdem dirimit à gentium terris. Josephus *lib. 2. de bello Jud. cap. 22.* ait: Κεῖται ὁρμησεν ἐπὶ πόλιν καρτεράν τῇ Γαλιλαίας Ζαβυλὼν, ἡ καλεῖται ἀνδρῶν. διορίζεται δὲ ἀπὸ τῶ ἐθνὸς τὴν Πτολεμαῖδα. Cestius in validissimam Galilææ civitatem contendit Zabulon, quæ appellatur virorum, & à Judæorum (videtur interpretes Latinus τῶν Ἰουδαίων legisse) finibus Ptolemaïda discernit: Et ibidem notat oppidum hoc domos habuisse θωμᾶς τοῦ καλλῆς, &c. admirabili pulcritudine, & simili modo quo Tyrice, Sidonia, & Berytia erant, exstructas. Et rursus *lib. 3. cap. 2. inferioris Galilææ longitudinem ducit à Tiberiade usque ad Zabulon, cui in tractu maritimo vicina est Ptolemaïs.* Μέχρι Ζαβυλὼν, ἥς ἐν τοῖς παλαιοῖς γέγονεν τὸ μῆκος ἐκτείνεται. Ita quidem legendum cenſeo, quum in editis codicibus male legatur Χαβυλῶνης. Videlicet pro Χαβυλῶνης substituendum est Ζαβυλὼν, uti liquet ex altero testimonio Josephi supra allato, & versione Rufini qui Zabulon legit. Nam Χαβυλῶνη, ut pro regione accipiat, huc non pertinet, sita in finibus Tyrionum, licet & Χαβαλὼν γῆ in antiq. & Ζαβυλὼν *lib. 1. cont. Appion.* ab eo, vel potius à librariis scribatur. Deinde vox Χαβυλῶνης in duas dividenda est Χαβυλὼν ἥς, & ἥς referenda ad sequentia ἥς ἐν τοῖς, &c. Atque hinc obiter discimus Ptolemaïdis & Tiberiadis fere eandem latitudinem geographicam esse, quum illa ad occasum, hæc ad ortum, terminus fuerit Galilææ inferioris.... Urbs Zebulun in Ascher (Afer) de qua *Jos. cap. 14. vers. 27.* posset esse eadem. Hactenus Hadr. Reland. *tom. 2. pp. 1062. & 1063.* Carolus à Sancto Paulo Fulienſ. *geogr. sac. pag. 316.* Zabulonem, de qua Josephus *lib. 2. de bello Jud. capp. 21. 22.* meminit, ipse collocat in Palæstina prima. Verum dubitat idem Hadr. Reland. *to. 1. p. 212.* an ad eam pertineat, quia Ptolemaïs ipsa non ad Palæstinam, sed ad Phœnicen pertinuit. Hæc vicinitas Ptolemaïdis facit, inquit Cellarius *geogr. ant. to. 2. lib. 3. cap. 13. pag. 506.* ut (urbem Zabulon) etiam Chabulonem sive Chabolonem dictam fuisse credamus, nisi (apud Josephum) in alterutra voce (Zabulonis & Chabulonis) error sit: nam in vita sua *pag. 1015. edit. Genev. 1611.* legitur εἰς Χαβυλὼν πόλιν Πτολεμαῖδος μετόρειον ἔσται, in vicum Chabulonem Ptolemaïdi conterminum: & ibi ex castrorum situ colligitur Chabulonem à Ptolemaïde 60. circiter stadiis abfuisse. Hadr. Reland. *tom. 2. pag. 701.* legendum putat in eo loco Josephi, pro Χαβυλὼν vel Χαβαλὼν, Ζαβυλὼν. Fatetur tamen apud eundem Josephum *ibid. pag. seq. 1016.* legi Χαβαλὼν & Χαβαλὼν, cui affine est nomen Cabul, de qua urbe dicitur in Talmude Echa Rabbati 75. 4. quod vastata fuerit propter contentiones. Hæc idem Reland. *ibid. pag. 668.*

## EPISCOPI ZABULONIS.

HELIODORUS.

**I**N indice Latino episcoporum qui anno 325. synodo Nicænæ primæ interfuerunt de provincia Palæstinæ, legitur Heliodorus Za-

bulonites. Quidam codices habent Diabulonites vel Diaboliternites: sed mendum esse videtur librarii Latini, qui pro Za scripsit Dia. *To. 2. conc. Labb. col. 51. C.*

## XXXII.

## ECCLESIA ARCHELAIDIS.

**A**RCHELAIS inter urbes Syriæ Palæstinæ sive Judææ, ab occasu Jordanis fluvii, recensetur à Ptolemæo *geogr. lib. 4. cap. 16.* Condita est ab Archelao Herodis filio, de quo Josephus *lib. 17. antiq. cap. 15.* ait: vicum ædificiis ornat, & Archelaïdis nomen ei imponit.

Tomus III.

V u



Ἀρχελαιδα ὄνομα αὐτῇ πόλει. Convallem adjacentem Plinius *lib. 13. cap. 4.* Archelaïdem quoque appellat, his verbis: *nobilitas (Caryotis) in Judæa, nec in tota, sed Hierichunte maxime: quanquam laudatæ & Archelaïde, & Phaselide, atque Liviade, gentis ejusdem convalibus.* In tabulis Peutingerianis collocatur Hierichunta inter & Scythopolim, *Archelaïde*: in sexto enim casu, sive ablativo, vetusta itineraria locorum nomina efferunt: & sæpe etiam in aliis scriptoribus sic ea leguntur, ut videre est apud Salmasium ad Vopiscum *pag. 434.* Hæc Cellar. *10. 2. pag. 551.* & Hadr. Reland. *10. 2. p. 576.* Addit autem iste *pag. seq. 577.* inter urbes quæ sedes episcoporum fuerunt in Palæstina non haberi nomen *Archelaïdis.* Eam quoque censet *tom. 1. pag. 208.* fuisse, quam *Aracleam* vel *Heracleam* appellat Carolus à Sancto Paulo Fulienf. *geogr. sac. p. 316.* his verbis: *Aracilia sive Haraclea Palæstinæ (primæ) urbs in limitibus Phœniciæ, Tyri archiepiscopo subdita apud Guillelmum Tyrium, olim forte sub Cæsarea, quum hujus nulla memoria sit in notitiis antiquis Phœniciæ. Procopius Heracleotanus qui dicto concilio Hierosolymitano (anno 536. sub Petro Patriarcha) subscripsit, fortè hujus antistes erat.* Sed quo fundamento id prædictus Carolus à Sancto Paulo asserat, nescio. Crediderim hoc nomen (*Aracilia*) in quibusdam codicibus legi, sed depravatum pro nomine *Archelaïdis.* Procopius quidem episcopus Helenopolis in Palæstina secunda, subscripsit in synodo Hierosolymitana præfata: hunc vero probabile est esse *Procopium* illum quem memorat Carolus à Sancto Paulo, quique per mendum dictus fuerit in aliquibus codicibus, *Heracleotanus.* Hæc Relandus laudatus.

## EPISCOPI ARCHELAIDIS.

## I. TIMOTHEUS.

IN duabus synodis Constantinopoli convocatis quarum prior anno 448. sub Flaviano Patriarcha, posterior vero anno sequenti 449. præside Thalassio Cæsareæ Cappadociæ episcopo pro revisione actorum in causa Euty-  
chis hæresiarchæ confectorum, sedit *Timotheus* reverentissimus episcopus *Saracenorum civitatis provincie Palæstinæ, Τιμοθέος τῆς ἐν Παλαιστίνῃ ἐπισκοπῆς τῆς Ἀρμενίων πόλεως ἐπαρχίας Παλαιστίνης.* *Tom. 4. concil. Labb. col. 233. D.* Licet autem in Latina translatione legatur *Saracenorum civitatis* in Palæstina, quia tamen nulla extitit hujus nominis in Palæstina civitas; probabilius videtur hunc *Timotheum* *Archelaïdis*, quæ interdum appellatur *Arce*, ut modo dicitur, fuisse episcopum; idque confirmat textus Græcus modo recitatus *Ἀρχινών.*

## II. ANTIOCHUS.

Synodo Chalcedonenfi anno 451. celebratæ adfuit *Antiochus* episcopus *Archelaïdis*

*A Palæstinæ, tom. 4. conc. Labb. col. 82. D.* ut legitur in actis hujus synodi Latinis. In Græcis tamen habetur hic & *coll. 327. E. & 586. B.* Ἀντίοχου & Ἀντιόχου Ἀρκεν, *Antiochus Arces* sive *Arcensis.* Et *col. 460. B.* *Antiochus episcopus Arcæ civitatis.* Verum eo ipso quod synodo huic una cum Antiocho subscripserint *Heraclitus* sive *Heraclius Arces* in *Phœnice prima*, *Palæstinæ adfini, col. 787. E. & Joannes Arcæ* sive *Arces* in *Armenia secunda*, *ibid. col. 592. A.* videtur sequi hunc *Antiochum Arces*, illum ipsum fuisse qui in Latinis codicibus dicitur *Antiochus Archelaïdis, coll. 82. D. & 585. B.* In eodem concil. Chalced. *10. 2. conc. P. Harduini, col. 375. D. E.* legitur Ἀντίοχος ἐπίσκοπος Ἀλκενών, &c. *Antiochus episcopus Alcenensis civitatis, &c.* Sed, ut observat idem Hard. *tom. XI. col. 628. Alcenensis*, videtur esse pro *Arcensis* è Phœnicia, quum ibi *Byblon* (sive episcopum *Byblensem*) antecedit. At, inquam ego, nonne probabilius diceretur *Alcenensem* sive *Arcensem* hic poni pro *Archelaïde*? siquidem *Arcensi* ecclesiæ in Phœnicia tunc *Heraclius* præerat.

## ECCLESIA ELIÆ.

DE ea urbe hæc animadvertit Hadrianus Relandus *10. 1. Palæst. illustr. pag. 207.* *Aelia* nonnunquam scribitur *Elia*, unde Hieronymus ait *comment. in Isai. cap. 64. vers. XI. Templum in toto orbe celebratum versum in sterquilinum urbis novæ quæ à conditore appellatur Elia.* Est porro hæc eadem cum *Hierosolyma*, quam Hadrianus Imperator Ἀίλιαν *Καπετολίαν* ὀνόμασε *Aeliam Capitolinam* appellavit, teste Xiphilino in epitome Dionis *pag. 262.* Si quis de ea re dubitet, ex hoc ipso libro plura veterum testimonia colligere poterit. Putavit tamen Carolus à S. Paulo Fulienfis eam urbem ab *Hierosolyma* diversam esse: nam quum, inter urbes Patriarchatus Hierosolymitani, *Hierusalem* recensuisset *p. 315. geogr. sacræ, mox pag. 316.* inter urbes *Palæstinæ primæ Eliam* memorat his verbis: *Elia, Antonino Palæstinæ oppidum inter Neapolin & Ascalonem. Teoctistus diaconus pro episcopo Eliæ*



subscripsit dicto concilio Hierosolymitano (scilicet sub Petro Patriarcha anno 536.) Holstenius in notis suis ad hunc locum nihil habet. Est tamen meo iudicio, verba sunt Relandi, insignis error, & eo magis indicandus, quod in libro istius argumenti, quemque aliquis incertus de situ alicujus loci in re dubia inter primos consideret, inveniatur. Quid? quod in mappa geographica patriarchatus Hierosolymitani, ab eodem scriptore (Carolo à Sancto Paulo) oppidum aliquod *Elia* legatur inter Hierosolymam & Lyddam; nec tamen ignoravit is scriptor Hierosolymam *Aeliam* dictam fuisse, nam pag. 309. num. 3. id fatetur, sed nescio qua ratione inductus credidit aliam fuisse *Eliam* vel *Aeliam* in Antonini itinerario, & concilio Hierosolymitano memoratam, aliam *Hierosolymam*. Hæc porro annotanda duximus, ne urbs *Elia* à nobis prætermissa censeretur. Morari autem non debet subscriptio Theoctisti à Carolo Fulienfi adducta: subscripsit enim Theoctistus iste pro episcopo nominato *IEia* qui immediate ante recensetur, non vero pro episcopo loci alicujus dicti *Elia*. Tom. 5. concil. Labb. col. 283. E. *Elias episcopus Hadrianopolis* (sive Ariopolitanus) diffinivi & subscripsi. Deinde: *Theoctistus minimus notarius & diaconus sanctissimi episcopi Elia, subscripsi pro ipso, juxta ejus mandata in scriptis data.* Θεόκτιστος ἐλάχτος δίακονος καὶ νοτάριος τῆς ὁσιωτάτης ἐπισκοπῆς Ἡλίας ἐγράψα ὑπὲρ αὐτοῦ, κατ' ἐγκράτος ἐνθόλας αὐτοῦ. *Elias* scilicet quamvis præsens subscripsit per manum Theoctisti. Ἡλίας ἐπίσκοπος Ἀρεοπόλεως, ὁρίσας ὑπεσημειώσιν, aliàs Theoctistus nomen episcopi tacuisset pro quo subscribebat, quod insolitum.

## ECCLESIA ONUS.

**I**N notitiis Græcis Patriarchatus Hierosolymitani extat inter cæteras sedes Palæstinæ primæ, *Ὀνὸς Onus* sive *Ono*, ut legere est apud Hadrian. Reland. *Palæst. illustr. tom. 1. pag. 215.* qui addit *tom. 2. pp. 912. & 913.* hanc urbem conditam fuisse à Benjaminitis, 1. Paral. cap. 8. vers. 12. ubi legitur de Samad hujus tribus, *hic ædificavit Ono, & Lod, & filias ejus.* A Lydda ad *Ono* sunt tria milliaria. In Talmude narratur Rabbi Jacobum Ben Dosthai ante diluculum aliquando eo profectum ad talos usque in melle ficuum ambulasse. In notitiis antiquis *geograph. sacræ* Caroli à Sancto Paulo subjunctis, inter Palæstinæ primæ ecclesias recensetur *Onus*, tum pag. 5. tum etiam pag. 73. Verum nullus episcoporum hujus ecclesiæ nobis hætenus innotuit.

## ECCLESIA APATHOS sive PATOS.

**D**E ea ecclesia, hæc tantum occurrunt: 1.º In notitia Græca Patriarchatum edita à Luca Holstenio ex manuscripto Vaticano, & subjuncta geographiæ sacræ Caroli à S. Paulo Fulienfis Amstelodami anno 1704. pag. 6. inserta quoque corpori *Historiæ Byzantinæ*, editaque anno 1648. Paris. una cum Codino *Europalata de officiis & officialibus Curiae Constantinopolitaneæ*, cujus excerptum tradit Græcè & Latine Hadrianus Relandus *tom. 1. Palæst. illustr. pag. 214. & seqq.* inter ecclesias Palæstinæ primæ, recensetur *Πεγειὼν Ἀπαθῶς, Regeon Apathos* (*Πεγειὼν*, inquit Reland. *ibid. pag. 215.* in nota 5. est *Regio*, & in nota 4. *Ἀπαθῶς*, an est *Ἀμαθῶς*? At illa videtur ad secundam Palæstinam potius referenda.) 2.º In notitia Latina, cujus excerptum refert idem Reland. *ibid. p. 222.* legitur *Regium Patos*. 3.º Ab eodem Relando *ibid. pag. 208.* *Apathus* appellatur. 4.º Ab eodem rursus Relando, *tom. 2. pag. 571.* de eo loco scribitur: *Πεγειὼν Ἀπαθῶς.* Mentio ejus fit inter Sebasten & Hierichunta in notitiis veteribus ecclesiasticis. Erat in Palæstina prima. 5.º In notitiis antiquis *geographiæ sacræ* Caroli à Sancto Paulo subnexis habetur inter sedes Palæstinæ primæ *Regium Apathos, pag. 5. & Regium Patos, pag. 73.* Cæterum nullus nominatur ex ejus episcopis.

## ECCLESIA TRICOMIÆ.

**T**RICOMIAS urbs fuit Palæstinæ primæ, cujus mentio fit in notitiis veteribus ecclesiasticis, *Τειχωμας, tom. 1. Palæst. illustr.* Hadriani Relandi *pag. 215.* Si ex ordine, quo recensetur, aliquid colligere liceat, videtur circa Gazam quærenda. Memoratur etiam Tricomia in notitia Imperii sub dispositione ducis Arabiæ. Hæc idem Relandus *to. 2. p. 1046.* qui *pag. præcedenti 1045.* *Tricomim* laudat, quam tamen non dicit fuisse *Tricomiam*. Tricomis, inquit, urbs Palæstinæ, cujus meminit Cedrenus in compend. *hist. pag. 135.* A. & *Τειχωμα*  
Tomus III. Vu ij



τῆς Παλαιστίνης appellat, *Tricomina Palæstina*. Et mox ibidem C. Postquam *Tricomina* Τρίκωμιν pervenissent (Scythæ, qui Iphigeniam persequebantur) & intellexissent eos quos insequabantur jam inde abiisse, ibi remanserunt, & urbe, cui *Scythopolis* nomen est, condita, domum reversi non sunt. Nullum quoque habemus, sive *Tricomia*, sive *Tricomis* episcopum.

## ECCLESIAE TOXI, ARACLEÆ, BASCHAT, &amp;c.

**T**OXUS urbs fuit Palæstinæ primæ, cujus meminit Hadrian. Reland. tum in notitia Græca, tom. 1. *Palæst. illustr. pag. 215*. Τόξος Σαλτων, *Toxus Salton* (*Salton* in notitiis ecclesiasticis sæpius legitur, & videtur significare territorium,) tum etiam tom. 2. pag. 1045. ubi scribit *Quintianum* episcopum à *Taxe* recenseri ab Hilario edit. Paris. 1693. col. 1323. qui concilio Sardicensi subscripserit. Verum hic *Quintianus* Arianus fuit, & in sedem *Gazæ* intrusus pro *Asclepa* hujus sedis orthodoxo episcopo, quem Ariani deposuerant: nec *Quintianus* subscripsit legitimo concilio Sardicensi, sed pseudo-synodo Philippopolitanæ: vox autem à *Taxe* mendum est. Unde editores Hilarii ibidem in nota b. sic observant: leg. à *Gaza*: is enim est qui *Asclepæ* sedem usurpat, & de quo fragmentum (2. loquitur) superius, num. 8. col. 1289. C. id est, epistola concilii Sardicensis ad universas ecclesias in eo fragmento relata, ubi legitur, *Gregorium in Alexandria, Basilium in Ancyra, & Quintianum in Gaza, neque nomen habere episcopi, neque communionis omnino eorum habere participium, &c.* Vide supra, inter episcopos *Gazenses*, col. 607. D. E. Nullus itaque etiam sedis *Toxi* in Palæstina suppetit episcopus.

Nonnullæ adhuc occurrunt sedes episcopales Palæstinæ primæ, in notitiis ecclesiasticis apud Carolum à Sancto Paulo, & Hadrianum Relandum: videlicet *Araclea* sive *Heraclia*, *Baschat*, *Affur*, *Regium Lutas*, *Parabas* sive *Paliternum*, *Estomason* sive *Estilion*, *Eucomazon*, *Saltium*, *Constantiniakis* sive *Salton Constantiniaces*, & *Salton Gerariticus Barsamorum*. At observare est, hæc esse, vel vocabula corrupta quorundam locorum nomina, de quibus jam supra mentionem fecimus: vel oppida sive oppidula nunc prorsus ignota. Nam 1.º *Araclea* sive *Heraclia*, quam memorat Carolus à Sancto Paulo *geogr. sac. pag. 316*. videtur Relando 10. 1. *Palæst. illustr. p. 208*. nomen esse depravatum *Archelaïdis*, de qua nos supra col. 674.

2.º *Baschat*, reposta in prima Palæstina à Carolo à Sancto Paulo, p. 316. est *Bacatha* urbs Arabiæ, de qua inferius agitur inter sedes Palæstinæ tertiæ.

3.º *Affur*, apud eundem Carolum in notit. antiq. pag. 73. alia non est ab *Apollonia*, ut Hadrian. Reland. 10. 2. pag. 569. monet his verbis: «Dicitur vulgo (Antipatris) esse *Affur*» vel *Arsuf*, oppidum maritimum in loco sylvis condensis amœno & pascuis herbosis fœcundo, uti scribit Jacob. de Vitriac. *hist. Hierosol. cap. 23*. & Guillelmus Tyrius. Sed nauci non est hæc traditio statuens Antipatrida fuisse urbem maritimam, &c. & pag. seq. «Si in loco *Affur* rudera urbis antiquæ conspiciuntur, crederem potius esse illa *Apollonia*.» Hæc autem *Apollonia* Palæstinæ, (quam Cellar. *geogr. ant. 10. 2. lib. 2. cap. 13. p. 524*. inter Cæsaream & Joppen fuisse ait, propiorem tamen Joppe) non recensetur in notitiis veteribus ecclesiasticis. Addit idem Hadr. Reland. *ibid. pag. 596*. ubi de *Ascher*, quæ ex itinero veteri Hierosolymitano extat inter *Scythopolin* & *Neapolin*: «An hæc sit urbs *Affur*, cujus mentio in notitia ecclesiastica Latina, quæri posset: verum putem nomine *Affur* indicari urbem *Arsuf* dictam ab aliis, haud longè ab *Jamnia*, post quam recensetur *Affur*.» Et in indice, qui ad calcem *tom. 2*. extat: *Affur*, inquit, nomen (est) corruptum loci.

4.º *Regium Lutas*, est *Livias* sive *Libyas*, ex eodem Relando, tom. 1. pag. 223. in not. f. De *Libyade* vide supra coll. 655. 656.

5.º *Parabas* sive *Paliternum* locus est, de quo nihil aliud quam quod hoc nomen habeat tradunt Carolus à Sancto Paulo notit. antiq. pag. 73. & Hadr. Reland. 10. 1. p. 223.

6.º De *Estomasone* vel *Estilione* scribit idem Reland. *ibid. in annot. h. & Betilion*, significans hanc urbem esse *Betilion* sive *Betheliam*, de qua nos supra coll. 671. 672.

7.º Pro *Eucomazon*, legendum Συκομαζών *Sycomazon* asserit idem Reland. *ibid. pag. 215*. in not. 9. De *Sycomazone* vide supra coll. 657. 658.

8.º Ad *Saltium*, *Constantiniakis*, habetur apud Carolum à Sancto Paulo, in notit. antiq. pag. 73. ad marg. Pro his duabus urbibus, unam legit (Guillelmus) Tyrius, quam vocat *Salton Constantiniaces*. Porro nos quid locus iste fuerit ignoramus.

9.º Tandem de *Salone Geraritico* sive *Barsamorum*, vide supra, ubi de ecclesia *Gerarorum*, coll. 661. 662.





## II. PROVINCIA PALÆSTINÆ SECUNDÆ.

### I. ECCLESIA SCYTHOPOLIS, METROPOLIS.

**D**E *Scythopoli*, olim *Bethchean* sive *Bethsan*, mentio fit *Jud. cap. 1. vers. 27. Manasses quoque non deleuit Bethsan.* Huic autem voci *Bethsan* Græcè *Βαιθσαι* septuaginta interpretes addiderunt ἡ ἐστὶ Σκυθῶν πόλις, quæ est *Scytharum urbs.* Hadrianus Relandus *tom. 2. Palæst. illustr. pag. 992.* de ea additione suspicatur, hanc ex margine in contextum irrepsisse: Nec enim, inquit, ab antiqua illa *Scytharum irruptione in Palæstinam*, cujus meminit *Herodotus lib. 1. illud nomen (Scythopolis) arcessendum est*, quæ planè ficta multis videtur. Ipse autem probabilius putat, ex celebriori loco *Succoth* sive *Socoth*, de quo legitur *Gen. cap. 33. vers. 17. Et Jacob venit in Socoth; ubi ædificata domo, & fixis tentoriis, appellavit nomen illius Socoth, id est tabernacula: regionem*, in qua extabat locus ille, idem nomen *Succoth* esse fortitum; urbem pariter *Bethsan* in ea regione sitam, ex eodem nomine *Succoth*, dictam esse *Succothopolim*, & exinde *Scuthopolim* sive *Scythopolim*, quasi urbem primariam regionis *Succoth*.

Verum, quia nomen *Scythopolis* urbi *Bethsan*, non à Judæis impositum fuit, sed à Græcis, teste *Josepho lib. 12. antiq. cap. 12. pag. 418. A. edit. 1611. Trajecto Jordane in magnum Campum veniunt, qua sita est urbs Bethsana, à Græcis dicta Scythopolis, πόλις Βαιθσαι, καλουμένη πρὸς Ἑλλήνων Σκυθόπολις*: quia etiam narratio *Herodoti*, de irruptione *Scytharum in Palæstinam*, duobus ferè sæculis præcedit tempus quo septuaginta interpretes versionem suam Græcam scripturarum confecerunt; scilicet 277. annis circiter ante æram nostram, nihil ob stare videtur, quominus, tum additionem laudatam ipsismet septuaginta interpretibus apud quos similes non raro occurrunt tribuamus: tum nomen *Scythopolis*, à *Scythis* qui eam urbem aliquandiu occupaverint, censeamus derivatum.

Et certe *Herodotus*, patria *Halicarnassensis*, antiquissimus fuit historicorum Græcorum, utpote quem tradit *Vossius lib. de historicis Græcis*, anno 3. Olympiadis 84. id est annis ante Christum natum 442. quum ipse jam esset 42. annorum, libros suos Athenis in *Panathenæorum* panegyri recitasse. Ita refert *Nat. Alexander in hist. eccl. vet. test. tom. 2. in-fol. pag. 273. col. 2. num. 12.* Idem etiam asserit *Georg. Matthias Konigius Biblioth. vet. & nov. edit. Altdorsiensis anno 1678. pag. 398. col. 1.* ubi addit: «*Eum Tullius lib. 1. de legibus, historia parentem appellat. Insigni injuria optimum historicum afficiunt qui patrem fabularum vocant: quod ipsum convitium facundissimo dialogo refutavit Henricus Stephanus.*» Citat insuper pro *Herodoto* *Konigius Gerh. Joh. Vossium de nat. Rhet. p. 67. Jonsium de S. H. P. pag. 335. & Thomassium de Plagio, §. 458.*

De nomine *Scythopolis* observat itidem *Cellarius 10. 2. geogr. antiq. lib. 3. cap. 13. p. 518.* nihil in historiis reperiri, quod huc referri possit, nisi illud *Scytharum in Asia imperium*, quod *Herodotus lib. 1. cap. 105. p. 45. edit. Genev. anno 1618.* descripsit; nimirum *Scythas*, victis *Medis*, omnem *Asiam* occupasse: indeque profectos adversus *Ægyptum*, quum venissent in *Palæstinam Syriam* ἐπὶ ἐγένοντο ἐν τῇ Παλαιστίνῃ Συρίῃ, *Psammiticum Ægyptiorum regem* obvium habuisse, qui muneribus precibusque ne ulterius progredierentur effecerit. Licet autem post 28. annos expulsi fuerint (trucidatis eorum principibus) ex *Media*, & reliqua cultiori *Asia*, à *Cyaxare* rege *Mediæ*, ut idem *Herodotus* prodit *cap. seq. 106.* in *Palæstina* tamen, & in una ejus urbe videntur remansisse qui forte debiles ac vulnerati inibi collocati fuerant de exercitu. Hæc, inquam, *Cellarius*.

Porro, quas de hac *Scytharum irruptione in Palæstinam* fabulas suis immiscuerunt historiis nonnulli auctores *Herodoto* posteriores, eas profecto illi apud *Herodotum* ipsum non hauserunt, in quo prorsus desiderantur; ut quod habet *Plinius lib. 5. cap. 18. Scythopolim, antea Nisam, à Libero Patre sepulta nutrice ibi Scythis deductis, sic fuisse nuncupatam.*



Quodque non minus leviter Cedrenus in compendio *hiflor.* pag. 135. C. *Postquam Tricomim Palæftinæ perveniffent* (Scythæ qui Iphigeniam perfequebantur) & intellexiffent eos quos inſequebantur, jam inde abiiffe, ibi remanferunt, & urbe cui Scythopolis nomen eſt condita, domum reverſi non ſunt. Hæc Cedreni verba refert Hadrian. Reland. *tom. 2. pag. 1045.* ubi de urbe Tricomi, & propter illa fortaffis Herodoti narrationem ut ſuſpectam fictionis ſpredit: ſed, ut dictum eſt, id non ſcripſit Herodotus. Eusebius vero *lib. 1. chronic. citato à Thoma de Pinedo annot. 95. ad Steph. Byzant. pag. 610. col. 1. ait: Scythæ Palæſtinam depopulabantur, & Baſan* (Bethſan) *poſſederunt, ex eiſdem vocatam Scythopolim* Σκυθόπολιν. Stephanus quoque *Scythopolis Palæſtinæ urbs, vel Niſſæ* (Niſſa) *Cœleſyriæ, Scytharum urbs* Σκυθῶν πόλις. Ante eos auctor *lib. 2. Machab. cap. 12. verſ. 29. & ſeqq.* ſcripſit de Juda Machab. & ejus copiis: *Inde ad civitatem Scytharum abierunt, quæ ab Hieroſolymis ſexcentis ſtadiis aberat. Conteſtantibus hiſ, qui apud Scythopolitas erant, Judæis, quod benigne ab eiſ haberentur, etiam temporibus infelicitatis, quod modeſte ſecum egerint: gratias agentes eiſ, & exhortati etiam de cætero erga genus ſuum benignos eſſe, venerunt Hieroſolymam.* Item *lib. Judith. cap. 3. verſ. 14. juxta textum Græcum 70. interpretum Scythopolis appellatur Scytharum urbs* Σκυθῶν πόλις. Denique Georgius Syncellus *pag. 214. C. ſub tempore regis Joſiæ, ait: Scythæ Palæſtinam incuſſionibus populantur, & Baſan* (Bethſan) *occupant, de eorum nomine dictam Scythopolim* Σκυθόπολιν. Hæc verba Relandus adducit *pag. 993.* quæ proſecto ipſius opinioni non favent. Non malè itaque, nî fallor, ex iis omnibus testimoniis colligitur nomen *Scythopolis* potius à *Scytharum* nomine, quam à loco *Succoth* eſſe repetendum.

Joſephus urbis *Bethſan* ſive *Scythopolis* meminit, non ſolum *lib. 12. ant. cap. 12.* ſupra laudato, ſed etiam *lib. 3. de bello Jud. cap. 4. Galilæam, inquit, à meridie diſterminat Samaritana regio & Scythopolis: & cap. 16. Scythopolim* (mittit) *quæ eſt maxima Decapoleos, & Tiberiadi vicina.* Item *lib. 5. antiq. cap. 1.* hanc tradit terminum eſſe regionis Manaffis ad boream. *Lib. 13. cap. 18.* Judæis fuiſſe proditam ab Epicrate. *Lib. 14. cap. 10.* inſtauratam à Gabinio. Et in vita ſua *p. 1025. edit. Genev. 1611.* ait Tiberiadem abſuiſſe ab Hippo 30. ſtadiis, à Gadaris 60. à Scythopoli 120. & ſitam ad lacum Gennesareth. Adeoque niſi Tiberias ad unum extremum lacus collocetur, quum is tantum habuerit longitudinem 100. aut, ut alii volunt, 140. ſtadiorum, Scythopolis ad lacum hunc non poteſt collocari, uti à quibuſdam fit; & ita collocanda eſt, ut diſtantiæ Tiberiadis ab Hippo & Gadaris conveniat. Situm longe alium & à vero quam maxime diverſum urbi huic dedit Bochartus, qui in mappa geographiæ Syriæ & Ægypti, non tantum ad ortum Jordanis eam collocat, ſed & *lib. 3. geogr. ſac. cap. 13. ſcribit: numquid ea eſt Scythopolis urbs in Aulone ſeu Scythopolitana valle nobilis, ad Orientem lacus Tiberiadis, quem Syri vocant mare Ginnosar! &c.* Ita præſatus Relandus *pag. 994.* qui ſubdit *pag. 995.* «Non exiſtimo multis mihi laborandum eſſe ut hunc errorem refutem, quum ex ſacro codice liqueat Bethſan ad Occidentem Jordanis fuiſſe, & (Joſephus) hunc ſitum adeo confirmet, ut nihil in univerſa geographia Palæſtinæ certum, ſi hoc non fit, Scythopolim ad Occidentem Jordanis eſſe collocandam.» Urbs porro fuit Palæſtinæ ſecundæ epiſcopatu inſignis ſæculo quarto, ſed ejus incolarum multitudo magna ſic ſuperſtitioni idololatriæ diutius addicta fuit, ut Chriſtiani ſæpè in ea gravioribus perſecutionibus afflicti memorentur: unde plurimorum martyrum ſub Imperatoribus ethnicis triumpho decorata eſt. Quo autem tempore Franci & Latini Palæſtinam occupaverunt ſæculo xi. Scythopolis jura ſua metropolitana amiſit, quæ *Nazareth* patriæ Domini conceſſa ſunt; ea tamen poſtmodum à Græcis Hieroſolymorum Patriarchis recuperavit.

## EPISCOPUS SCYTHOPOLIS.

## I. PATROPHILUS.

**P**ATROPHILUS Scythopolis epiſcopus, interfuit concilio Palæſtino anno 318. juxta Baluzium in nova collectione conciliorum *pag. 23.* teſte Hadriano Relando *Palæſt. illuſtr. tom. 2. pag. 996.* Inter ſubſcriptiones epiſcoporum ſynodi Nicænæ I. legitur *Patrophilus Scythopolis, to. 2. conc. Labb. col. 51. C.* Hic, & Eusebius Cæſarienſis, dicuntur à Nicæta in theſauro fidei orthodoxæ V. T. ex Philoſtorgio, ſoli epiſcoporum Palæſtinæ qui pro Ario ſteterint. Eum ſane Theodoretus *lib. 1.*

*A hiſt. eccl. cap. 7. pag. 26. A. edit. Valeſ.* inter Arii deſenſores huic concilio præſentes recenset: *Pauci vero, inquit, quorum ſuperius mentionem feci, & præter illos... Patrophilus Scythopolitanus & o. Σκυθόπολις Πατροφίλος, Theognius ipſius Nicææ epiſcopus, &c. Apoſtolicæ doctrinæ adverſabantur, Ario patrocinantes.* Antiochiam cum cæteris Eusebianis venit anno 331. ad deſiſtationem Eufſtathii illius urbis epiſcopi conficiendam. Id refert idem Theodoret. *ibid. cap. 21. pag. 52. A. Proſectus eſt una cum illo* (Eusebio Nicomediens) *etiam Theognius Θεογόγιος epiſcopus Nicææ....*



Qui quum Antiochiam venissent, amicitia spe-  
ciem præferentes, summo cultu atque honore  
excepti sunt. Veritatis enim defensor magnus  
ille Eustathius omnem illis fraternam charita-  
tem exhibuit. Inde quum ad sacra loca perve-  
nissent, & eos qui idem cum ipsis sentiebant  
vidissent, Eusebium videlicet Cæsariensem, Pa-  
trophilum Scythopolitanum καὶ τὸν Σκυθοπολίτην  
Πατροφίλον, &c. & alios Ariana labe conta-  
minatos; consilium suum eis aperiunt, & una  
cum illis Antiochiam contendunt, &c. Libro  
etiam 5. cap. 7. pag. 205. D. Patrophilum  
insignioribus Arianae hæresis propugnatori-  
bus accenset: Orientalis vero imperii portio  
multis in locis hanc labem contraxit. Primo  
enim Arius, &c. Eusebius deinde (Cæsarensis)  
& Patrophilus Πατροφίλος atque Aëtius Palæ-  
stini, &c. male jactis seminibus incrementum  
præbuerunt, &c. Adfuit Patrophilus synodo  
Tyriensi adversus Athanasium anno 335.  
tom. 2. concil. Labb. col. 436. B. Inde cum  
cæteris episcopis Hierosolymam se transtulit  
dedicandæ causæ novæ sanctæ resurrectionis  
ecclesiæ. Quum autem ibi litteras à Constan-  
tino recepissent sibi non admodum gratas: C  
complures quidem ex illis, inquit Socrates lib. 1.  
hist. eccl. cap. 35. pag. 71. A. edit. Vales. ad  
propriam civitatem reversi sunt. Eusebius vero &  
Theognis ac Maris atque Patrophilus cum Ur-  
sacio & Valente Constantinopolim profecti, non  
amplius de calice confracto, nec de mensa sub-  
versa, nec de cæde Arsenii inquisitionem fieri  
permiserunt: sed ad aliam conversi sunt calum-  
niam, imperatori suggerentes comminatum esse  
Athanasium prohibitorium se ne annona mitte-  
retur, quæ quotannis ex urbe Alexandria Con-  
stantinopolim vehi consueverat, &c. Qua ca-  
D lumnia circumventus Imperator Athanasium  
in exilium relegavit, & Gallias incolere præ-  
cepit. Eusebium Vercellensem episcopum  
Scythopolim in exilium missum anno 355.  
indignissime habuit Patrophilus, ut legere est  
in ejusdem Eusebii epistola, apud Baronium  
ad annum 356. num. 92. & seqq. Anno 359.  
depositionis sententiam perpeffus est in syno-  
do Seleuciensi; Patrophilum quoque episcopatu  
abdicarunt, inquit præfatus Socrates lib. 2.  
hist. eccl. cap. 40. pag. 152. C. eò quod à  
Dorotheo presbytero accusatus, & ab ipsis ad  
causam dicendam citatus, non obtemperasset.  
Fato functus fuerat anno 361. quo furentes  
gentiles, ut refertur in chronico Paschali edit.  
D. Du Cange Paris. 1688. pag. 295. Patrophili  
quoque Scythopolitanæ ecclesiæ episcopi (in textu  
Græco ἐπὶ δὲ τῆς αἰγῆς Πατροφίλος ἐπισκόπου τῆς  
ἐν Σκυθοπόλει ἐκκλησίας) aperto tumultu, corporis  
alia quidem disperferunt, calvam vero κράνιον in  
usum veluti lichni suspensam contumeliose infi-  
xerunt.

ASTERIUS.

II. PHILIPPUS.

III. ATHANASIUS.

Hieronymus Asterium quemdam Scytho-  
politanum laudat epist. 84. ad Magnum vet.  
edit. non longe ante finem, his verbis: Quid  
in illis (scriptoribus) indoctum, imò quid non  
è media philosophia est? Hunc (Clementem  
Alexandrinum) imitatus Origenes decem  
scripsit Stromateas, &c. Extant & Julii  
Africani libri, &c. Eusebii quoque Emiseni,  
& Triphillii Cyprii, & Asterii Scythopolitæ,  
& Serapionis confessoris, &c. Et epist. 89. ad  
Augustinum: Porro quod dicis non debuisse me  
interpretari post veteres, & novo uteris syllo-  
gismo: aut obscura fuerunt quæ interpretati sunt  
Septuaginta, aut manifesta, &c. tuo tibi sermone  
respondeo. Omnes veteres tractatores, qui nos in  
Domino præcesserunt, & qui scripturas sanctas  
interpretati sunt, aut obscura interpretati sunt,  
aut manifesta. Si obscura; quomodo tu post eos  
ausus es differere, quod illi explanare non potue-  
runt? Si manifesta, superfluum est te voluisse  
C differere, quod illos latere non potuit, maxime  
in explanatione psalmorum, quos apud Græcos  
interpretati sunt multis voluminibus, primus  
Origenes, secundus Eusebius Cæsariensis, ter-  
tius Theodorus Heracleotes, quartus Asterius  
Scythopolitanus, quintus Apollinarius Laodi-  
cænus, sextus Didymus Alexandrinus. Eam  
epistolam scripsit Hieronymus exeunte anno  
404. Verum incertum est num Asterium  
istum Hieronymus Scythopolitanum nuncupet  
ex præfatu hujus urbis, quem gesserit, an  
ex loco originis ejus, sive domicilii, uti Cle-  
mentem Alexandrinum dicit, & Didymum  
Alexandrinum, qui tamen nunquam fuerunt  
Alexandriæ episcopi: non enim expresse  
asserit Asterium illum fuisse episcopum.  
Aliunde negotium non modicum facessit,  
quandonam episcopatum Scythopolitanum  
capeffiverit: siquidem Epiphanius to. 1. lib. 3.  
adversus hæreses, hæc. 73. num. 24. pag. 872.  
A. edit. Colon. 1682. Patrophilo asserit Phi-  
lippum successisse. Erant enim inter illos,  
inquit, Patrophilus Scythopolitanus, & Philip-  
pus qui hujus successor constitutus illic fuerat.  
E Philippus autem iste sic recens decesserat,  
quum hunc librum de hæc. Epiphanius anno  
circiter 376. aut 377. scripsit, ut de eo quasi  
adhuc viveret, licet successorem ejus etiam  
recenseat, loquatur, ibid. num. 37. p. 885. D.  
Ex eisdem & illis Gemellinus extitit. Indidem  
& Philippus Scythopolitanus: necnon & Atha-  
nasia Scythopolitanus. Qui quidem non occultè,  
sed palam & audacter, velut bonitatis omnis  
expertes, non Arii solum decreta docent, sed &  
suam ipsorum propugnant hæresim, ac veritatis



ECCLESIA  
SCYTHOPO-  
LIS.

*professores insequuntur.* Tillemontius *tom. 10. A monument. ad hist. eccl. pp. 407. & 799.* difficultatem sensit, ad quam enucleandam ait Asterium factum fortassis fuisse episcopum Scythopolitanum post Athanasium Patrophili successorem, imò post Saturninum qui anno 381. concilio generali Constantinopolitano interfuit. Sed quia Hieronymus hunc Asterium, ceu antiquiorem prodit, utpote quem reponat inter Theodorum Heracleotem qui non excessit annum 355. & Apollinarium Laodicænum de quo nihil reperimus post annum 382. eundemque Asterium *quartum* computet libri Psalmorum interpretem, *quintum* vero Apollinarium, & *sextum* Didymum; conjicit præfatus Tillemontius, sub Joviano Imperatore, qui Juliano successit anno 363. & fato functus est anno sequenti, hunc Asterium, qui probabiliter orthodoxus erat, ab orthodoxis Scythopolitanis suum fuisse constitutum episcopum, dum simul Philippus Arianus suos Arianos regeret. At istud ariolari est, quum Epiphanius, qui Patrophilum, Philippum & Athanasium Arianos episcopos Scythopolitanos memorat, Asterii ejusdem urbis illo ipso tempore antistitis orthodoxi nullatenus meminerit. Satiùs itaque duco Asterium hunc *Scythopolitanum* dici ab Hieronymo, non quod illius ecclesiæ episcopus fuerit; sed quod vel ex urbe Scythopoli oriundus esset, vel in ea urbe diutius commoratus sit.

De *Philippo & Athanasio* Scythopolitanis præfulibus Arianis nihil aliud nobis notum est, quam quod supra retulimus ex Epiphanio, ex cujus verbis colligendum datur priori circa ann. 376. aut 377. mortuo successisse posteriorem. Hic autem jam obierat anno 381. ut modo patebit.

## IV. SATURNINUS.

In indice Latino Patrum synodi secundæ generalis anno 381. Constantinopoli celebratæ sub Theodosio Magno, extat *Saturninus Scythopolitanus*, qui probabiliter Athanasio Ariano, sive mortuo, sive deposito successerat. *To. 2. conc. Labb. col. 955. C.*

## V. THEODOSIUS.

Inter episcopos Orientis qui Joannis Chrysostomi amicitiam coluerunt, etiam dum exilio mulctaretur, è præcipuis fuit *Theodosius Scythopolitanus episcopus*, ad quem anno 404. ille scripsit epistolam 89. Θεοδοσίω Σκυθοπόλειως, eumque laudat ceu præfulem magni meriti, ecclesiisque valde utilem iis difficillimis temporibus. Legitur hæc epistola *tom. 4. operum Græco-Lat. Joan. Chrysost. Fronton. Ducaei edit. Paris. 1636. pag. 730. B. & nov. edit. tom. 3. pag. 640. D.*

## VI. ACACIUS.

Dum Cyrillus Alexandrinam ecclesiam administraret, sedebat Scythopoli *Acacius*, sive ante synodum Ephesinam I. anno 431. habitam, cui non videtur interfuisse, sive post hujus synodi celebrationem: Acacio enim episcopo Scythopolis Ἀκάκιος Σκυθοπόλειως scripsit epistolam Cyrillus *de Capro emissario*. Extat hæc epistola Græcè & Latinè, operum Cyrilli Alex. *to. 5. part. 2. edit. Paris. 1638.* inter ejus epistolas *pag. 121. ad Acacium episcopum* ὡς τὸν Ἀκάκιον ἐπίσκοπον, non dicitur cujus loci; sed Photius *in biblioth. cod. 169. pag. 379. edit. Rothom. 1653.* ait: *Erat & hic epistola ad Acacium Scythopolitanum de emissario Capro* ὡς Ἀκάκιον ἐπίσκοπον Σκυθοπόλειως. Ephræmius quoque Patriarcha Antiochenus citat, apud eundem Photium *ibid. cod. 229. pag. 796.* aliud scriptum Cyrilli Alexandrini *ad Acacium Scythopolitanum episcopum*, ὡς Ἀκάκιον Σκυθοπόλειως ἐπίσκοπον.

## VII. SEVERIANUS Martyr.

Inter episcopos Palæstinæ secundæ qui subscripserunt concilio Chalcedonensi anno 451. commemoratur in indice Latino *Severianus Scythopolitanus*, *tom. 4. conc. Labb. col. 788. D.* sed nulla in actis Græcis de eo mentio occurrit. Hunc Theophanes ad ann. 5945. æræ Constantinopolitanæ, Chr. 452. Imperatoris Marciani tertium, interfectum refert ab impio Theodosio sedis Hierosolymitanæ adversus Juvenalem, peracta synodo Chalcedonensi, invasore: *Severianum autem*, inquit *pag. 92. B. edit. Paris. 1655. Scythopoleos episcopum*, Σεβηριανὸν δὲ τὸν ἐπίσκοπον Σκυθοπόλειως, quum ipsius pravis erroribus assentiri nollet, civitate expulsus interfecit. Ipse quoque Imperator Marcianus in epist. 8. ad Alexandr. monachos, *to. 4. conc. col. 852. E.* ait: *Severianus piæ memoriæ episcopus Scythopolis, una cum aliis pro illo* (id est, in locum Juvenalis) *nefarie interemptus, vesaniæ Theodosii fuit parergon*: Σεβηριανὸς δὲ ὁ τῆς εὐλαβῆς μνήμης ἐπίσκοπος τῆς Σκυθοπολίτων, ἄμα ἐτέροις αὐτ' ἐκείνῳ δυσσεβῶς ἀνααιρεθεὶς, πάρεργον τῆς Θεοδοσίᾳ κατέστη μανίας. Et in epistola 9. ad Aeliæ monachos, *ibid. col. 857. B.* Proficientibus autem ad pejora .... Juvenalem sanctissimum episcopum, & alios reverentissimos sacerdotes per quendam ad hoc destinatum interficere voluistis. Quum vero is qui missus fuerat, fuisset spe sua deceptus, sine effectu suam vesaniam & eorum à quibus missus fuerat esse non sinens, Severianum sanctæ memoriæ episcopum gladio percutiens, neque his qui erant cum eo pepercit. Denique in epist. 15. ad sanctam synodum in Palæstina congregatam, *col. 880. A.* Severinum Σεβηριανὸν sanctissimum Scythopolitarum



*Scythopolitarum episcopum, una cum iis qui cum ipso erant, interfecit (Theodosius.) De eo Theodosio vide supra coll. 116. B. & 165. C. D. In Martyrol. Rom. colitur Severiani memoria die 21. Febr. his verbis: Scythopoli in Palæstina S. Severiani episcopi & martyris.*

## VIII. OLYMPIUS.

Severiano anno 452. pro fide Chalcedonenſi, ut supra dictum est, occiso, suffectum fuisse ab orthodoxis in sede Scythopolitana *Olympium* istum verisimile est. Ad eum, ut ad plures alios metropolitanos & episcopos, eandem epistolam scripsit Leo Imperator anno 457. post necem Proterii Alexandrini Patriarchæ, de concilio Chalcedonenſi, quam legere est cum nominibus præſulum ad quos missa fuit, tum apud Labbeum *tom. 4. concil. col. 889.* E. tum apud Harduinum *tom. 2. col. 689.* C. Notandum tamen, præterquam quod in serie episcoporum quam recenset Labbeus tres defunt episcopi qui exstant in serie Harduini, insuper in serie Labbeana haberi: *Basilio episcopo Seleuciæ Isauriæ. Olympio episcopo Constantiæ Cypri. Joanni episcopo Patrenſi.* In Harduina vero, *Basilio, &c. Olympio episcopo Scythopoleos. Savino episcopo Constantiæ Cypri. Joanni episcopo Patrenſi.* Ex quibus colligitur in serie Labbeana, ex duobus episcopis unum conflatum fuisse, ita ut nomen prioris conjunctum sit cum sede posterioris. Obiit Olympius circa finem anni 466. paulo-post beati Theoctisti in Palæstina abbatis mortem: sic enim refert Cyrillus Scythopolitanus in vita sancti Euthymii *tom. 2. monument. ecclef. Græc. Coteler. num. 100. pag. 284.* B. C. *Quum vero Patriarcha (Anastasio) cognovisset apud Theoctistum assidere Euthymium, idque existimasset occasionem esse non inopportunitatem ad eum veniendi, jam beato Theoctisto ad Deum profecto, tertia die mensis Septembris, accedit ad eum, & communiter ab iis facta est corporis sepultura.* Et *num. 103. p. 286.* C. *Statim autem post magni Theoctisti obitum, quum Olympius Scythopolitanus episcopus vitam reliquisset, Cosmas quidem custos crucis pro illo ordinatur episcopus.*

## IX. COSMAS.

Olympio mense Septembri vel Octobri anni 466. mortuo successit *Cosmas* modo memoratus, de quo hæc scribit præfatus Cyrillus in vita citata sancti Euthymii, scilicet *num. 40. pag. 231.* C. *Accedunt ad eum (Euthymium) quidam numero tres, fratres secundum carnem; qui germina quidem erant Cappadocum regionis, in Syriæ autem tractu educati, illic in virtute & doctrina se exercuerant, Cosmas, Chrysippus, & Gabrielius. Is*  
Tomus III.

*A autem faciens ut consueverat, nec eos admisit, ætatem causans juvenilem, mutuumque naturæ amorem, qui etiam solet, ut plurimum, avocare à contentione exercitationis; & maxime quod esset Gabrielius adhuc adolescens ac imberbis.... Ea vero nocte venit ad ipsum in somnis aliquis, mandans tum ut fratres exciperet, sunt enim, inquit, ab ipso Deo ad te missi: tum ut deinceps paratus esset ad susceptionem cujuscumque accedentis & volentis. Manè igitur præclaram illam fraternitatem & cognationem suscipiens, ut ei jussu erat visio, ait Cosmæ, qui primus erat ætate inter fratres: sic ego jam feci, juxta ea quæ mihi à Deo mandata fuerunt, atque vos in hanc demum admisi, &c. verum non puto te longo tempore hic vitam acturum; sed ecclesiæ Scythopolitanæ præfecturam propediem accipies. Num. 54. pag. 245. C. refert idem Cyrillus Cosmam à Juvenale Patriarcha Hierosolymitano ordinatum fuisse diaconum, circa tempora synodi Ephesinæ primæ, quæ anno 431. celebrata est. Et *num. 57. pag. 247.* C. ab eodem in ordinem presbyterorum fuisse ascitum, eique mandatam sanctæ Crucis custodiam. Denique *num. 103. pag. 286.* C. constitutum esse ab Anastasio Patriarcha Juvenalis successore episcopum ecclesiæ Scythopoleos post mortem Olympii, juxta Euthymii prædictionem: Et quidem *B. Cosmas,* inquit, *quum totos triginta annos in eo principali munere permansisset, magnis in secunda Palæstinorum provincia claruit meritis. Chrysippus autem frater ejus, ubi duodecim annos obiisset ministerium custodiendæ crucis (quod ipsi post Cosmam præstitum fuerat) scriptis relictis & numero multis, & ob tractationem laudabilibus, vita excedit. Horum tandem frater Gabrielius, presbyter, (factus) & monasterii (S. Stephani. Protom.) per 24. annos præfectura functus, postea breve sibi ædificavit monasterium in valle venerabilis templi ad orientem, quod nomine sanctæ Ascensionis donatum fuerat, &c. moritur autem octogesimo ætatis anno in (illo) monasterio: & illic fuit viro sepulcrum insignis maximis illustri. Deceſſerit oportet ex hac vita Cosmam Scythopolitanum antistitem anno 496. aut sequenti, utpote qui à fine anni 466. per 30. annos sederit.**

E

## X. JOANNES.

Cosmam probabiliter excepit circa annum 496. *Joannes*, quem Sophronius Patriarcha Hierosolymitanus in epistola synodica ad Honorium, teste Photio *codice 231. col. 890.* edit. Rothomag. 1653. inter varios Patres citat contra Monothelitas: & beatus *Joannes aristides Scythopolitanus*, qui doctè & piè de synodo Chalcedonenſi scripsit. Idem Photius *cod. 95. col. 250.* recenset *Joannis Scythopolitæ*

X x



ECCLESIA  
SCYTHOPO-  
LIS.

lib. 12. contra Eutychianos. *Lectus est*, inquit, *Joannes Scythopolita scholasticus*, Ἀνεγνώσθη Ἰωάννης Σκυθοπολίτης σχολαστικός, adversus ecclesiasticos desertares, sive contra Eutychen & Dioscorum, ejusdemque sectæ affectas. Quum hunc Joannem episcopum non appellet Photius, nescio an non sit Joannes ille scholasticus Scythopolita Expelleutæ filius, cujus meminit Cyrillus Scythopolitanus in vita sancti Sabæ num. 61. tom. 3. monum. eccl. Græc. Coteler. pag. 327. B. C. qui confundendus non est cum Joanne episcopo Scythopolitano, si quidem vivebat ille sub Theodosio Joannis episcopi successore. Porro Joannes grammaticus Scythopolita, diversus à Joanne episcopo, is esse videtur qui calamum strinxit adversus Basilium Cilicem Nestoriano errori nimium indulgentem, & à quo ipse vicissim multis scriptis exagitatus est, ut narrat idem Photius *cod. 107. col. 282*. Agatho Papa in epistola ad Constantinum Pogonatum, quæ lecta est in synodo vi. generali act. iv. tom. 6. concil. Labb. col. 664. Joannem episcopum Scythopolitanum laudat: *Non desunt autem*, inquit, *& aliorum venerabilium Patrum probarissima testimonia*.... C *beatæ memoriæ Joannes Scythopolitanus episcopus, Eulogius Alexandrinus, &c.* Fato functus fuerat Joannes iste an. 518. ut modo patebit.

## XI. THEODOSIUS.

Anno 518. fedebat Theodosius Scythopolitanus antistes, quum Justinus Imperator litteras encyclicas ubique misit pro concilio Chalcedonenfi; sic enim refert Cyrillus Scythopolitanus in vita S. Sabæ num. 61. Tom. 3. monum. eccl. Græc. pag. 327. A. Tunc archiepiscopus Hierosolymorum Joannes suadet sancto D Patri nostro Sabæ transire usque in Cæsaream & Scythopolim, una cum aliis quibusdam eremi hegumenis, ad patefaciendas illas Imperatoris litteras, & quatuor concilia per urbes sacris diptychis inferenda, &c. Etiam Scythopolim advenerunt: atque in occursum eorum cuncti cives, una cum sanctissimo metropolita Theodosio prodire ad sancti Thomæ apostolium sive templum, &c. Erat porro quidam Scythopoli scholasticus Joannes Expelleutæ filius, vir bonus & animo illuminatus, qui accedens ad sanctum Sabam in episcopalem domum, sermonem multum de quodam Silvano Samarita habuit.... E quibus auditis, sanctus Pater noster Sabas Spiritu sancto repletus, dixit tum episcopo, tum iis qui aderant: Ecce veniunt dies, ait Dominus, & complementum in Silvano accipiet Psalmus Davidis quinquagesimus primus, ut ipse in media civitate igne comburatur. Quod tredecim aut quatuordecim annis postea, anno scilicet 531. aut sequenti completum fuit, ut legere est supra col. 191. A. Subscripsit Theodosius eodem

Anno 518. epistolæ synodicæ Joannis Hierosolymitani adversus Severum Antiochenum, Θεοδοσίος ἐπίσκοπος τῆς Σκυθοπολίτεως, Theodosius episcopus Scythopolitanus, tom. 5. conc. Labb. col. 191. A. Hunc rogavit sanctus Sabas anno 532. paulo ante suam mortem, ut Cyrilli ipsius vitæ scriptoris, qui adhuc puer erat, curam gereret. Vide supra col. 193. E. Anno 536. synodo Hierosolymitanæ, sub Petro Patriarcha, adversus Anthimum & alios hæreticos interfuit: ejus subscriptio exstat tom. 5. conc. Labb. col. 283. C. his verbis: Θεοδοσίος ἐλὲν Θεῷ ἐπίσκοπος Σκυθοπόλεως, Theodosius.... episcopus Scythopolitanus. Quandonam abhinc obierit nos latet, sed mortuus videtur ante Petrum Patriarcham, quem decessisse communius asserunt scriptores anno 544.

## XII. THEODORUS.

Theodorus hic Theodosio probabiliter successit. In Origenistarum monachorum tumultibus post mortem S. Sabæ exortis, de quibus vide supra col. 196. & seqq. Origenistis se adjunxit, unde Theodoro Ascidæ factus acceptissimus, Scythopolitanus præsul creatus est. Audiendus Cyrillus Scythopolitanus in vita sancti Sabæ num. 89. 10. 3. monum. eccl. Græc. pag. 373. A. Quum ergo Theodorus (Ascidas) .... staret à partibus Isochristorum, eosque tueretur, multosque ipsorum episcopos Palæstinæ ac hegumenos constitui fecisset; necnon Theodorum novæ lauræ præpositum procurasset fieri crucis custodem, & Scythopolitanorum metropolitam, procellæ atque tempestates comprehenderunt non solum nostrum gregem, sed etiam eum qui impiissimo Protoctisto dogmati adhærebat, quique præfectum habebat Isidorum, &c. Id refert Cyrillus ante Petri Patriarchæ Hierosolymitani obitum, de quo ibid. loquitur num. sequenti 90. C.

In bibliotheca Coisliana olim Segueriana, pp. 86. & 94. legitur ex codice 34. olim 43. membranaceo, sæculo circiter XII. scripto, constante fol. 212. fol. 22. opusculum hujus Theodori. Initium est: Libellus Theodori episcopi Scythopoleos, religiosissimo Domino Justiniano, & beatissimis Patriarchis Eurychio, Apollinario, Domnino, & Eustochio; Theodorus misericordia Dei episcopus Scythopolitanus. Quoniam nuper, upote homo, quædam sentiebam ab atheo & impio Origene prolata circa præexistentiam & restitutionem: nunc autem lectis accuratius divinis scripturis, & sanctis deiferisque patribus, clarè edoctus ejusmodi impia dogmata cum Græcorum stultitiis, & Manichæorum fabulis consentire, imò etiam cum Arianicis blasphemiiis, & Judaicis quæ à Nestorio, sive ab impio Theodoro (Mopsuesteno) excogitata sunt; quumque compererim vos



*piissimos, sanctissimos, beatissimos archiepiscopos & Patriarchas, Eutychium hujusce imperialis urbis antistitem, Apollinarium Alexandrinorum, Dominum Theopolitarum seu Antiochenorum, & Eustochium Hierosolymitanorum, ejusmodi dogmata, utpote execranda, jure abhorre ac omnino ejicere; ac in more sit eos qui penitentiam agunt ac errorem constituentur suum, à sancta Dei catholica & apostolica ecclesia recipi; ideoque ego gratiam maximam profiteor Deo, vestraque piissimæ serenitati, necnon memoratis beatissimis Patriarchis, qui mihi procurarunt ut ab hoc animæ pernicioso damno liberarer & omnino eruerer, &c. Quamobrem imperio vestro, ac præfatis beatissimis Patriarchis obtemperans profiteor ea quæ subjiciuntur. (Sunt duodecim anathematismi Justiniani Imperat. adversus errores Origeni adscriptos, tacito tamen ubique ejus nomine.) Deinde sic concludit: Anathema Origeni Adamantio, qui hæc exposuit, cum detestandis & maledictis ejus dogmatibus; omni que personæ hæc sentienti, aut docenti, aut prædicanti, aut quæ secundum quidpiam quovis tempore hæc defendere ausa sit, aut quæ à præsentis tempore hæc non detestata fuerit. C Theodorus misericordia Dei episcopus Scythopolitanorum præsentem libellum feci, & totum manu mea descripsi.*

Porro observandum diligenter, Theodorum in eo libello, quem, Eutychio Constantinopolitano, Apollinario Alexandrino, Dominino Antiocheno, & Eustochio Hierosolymitano Patriarchis, qui omnes anno 553. actis v. synodi generalis, tres quidem manu propria, Eustochius vero per tres vicarios subscripserunt, adhuc sedentibus edidit, (subindeque intra illud spatium temporis quod fluxit ab an. 552. quo, mense Aug. exeunte, Mennæ defuncto Eutychius suffectus est, ad annum 559. quo Dominus obiit illorum primus mense itidem Augusto,) nihil omnino eloqui de Origenis damnatione in illa quinta synodo generali peracta; nec Didymum & Evagrium vel leviter nominare, quos vulgo scriptores una cum Origene in ea synodo v. perhibent damnatos. Numquid solemnem hanc tacuisset Theodorus Origenis proscriptionem, ex qua tantum laudis redundasset in Justinianum Imperatorem, præfatosque Patriarchas, si latam fuisse novisset? Hæc

A certe mentio præsentis materiæ nec extranea erat, nec à Theodoro negligenda: præsertim quum ea proscriptio plurimo dedecore dogmata Origeniana quæ ejurabat, aspergeret. Scriptum autem hoc opusculum Theodori post quintam synodum generalem palam sit ex silentio Cyrilli Scythopolitani, qui licet lucubrationem suam de vita sancti Sabæ ultra tempus hujus synodi generalis cujus meminit, producat; nihil tamen dicit de reditu Theodori Scythopolitani præfulis ad sanam doctrinam, iis rejectis Origenianis erroribus, propter quorum professionem, ipso teste, Theodorus Ascidas maximus Origenistarum monachorum protector, eundem ad illam sedem promoveri curaverat. Posterior itaque fuit retractatio illa Theodori, nondumque facta fuerat quando Cyrillus opus suum de vita sancti Sabæ absolvit. Hinc vero non parum corroborari videtur assertio supra ventilata, col. 210. & seqq. qua statuimus gravioribus momentis, in synodo v. generali nihil reipsa de Origene, Didymo & Evagrio damnandis propositum, tractatum, aut definitum fuisse. Tillemont. 10. 10. monument. ad hist. eccl. in Didymo, ait pag. 397. de damnatione ejus cum Origene & Evagrio per synodum quintam generalem, non ignorari multa suppetere dicenda, quæ ad sæculum sextum pendenda remittit: his utique verbis innuens damnationem illam Origenis, Evagrii & Didymi, summis involvi difficultatibus, nec certam sibi videri. In indice episcoporum hujus synodi quintæ, Theodorus iste Scythopolitanus non legitur, nec aliud quicquam de eo nobis compertum est.

### XIII. GERMANUS.

Gerasimi monachi testamento, quod in monasterio sancti Euthymii Hierosolymitano asservatur, subscripsit anno mundi juxta æram Constantinopolitanam 6654. id est Christi 1146. post Arsenium Patriarcham, Germanu metropolitas Bafan, seu Bethsan. ὁ Βάσαν, id est Scythopolis (notat scilicet Hadr. Reland. 10. 2. Palæst. illustr. pag. 997. nomen Bethsan ab Hebræis constanter usurpari.) Ita habet Dositheus Patriarcha, lib. 7. hist. Patr. Hieros. cap. 22. §. 4. Vide supra ubi de Arsenio, col. 502. B.

## II.

### ECCLESIA NAZARETH.

**D**E Nazareth Domini nostri Jesu-Christi patria, hæc tradit Hieronymus, in locis Hebr. Nazareth, unde & Dominus noster Salvator Nazaræus vocatus est..... est autem usque hodie in Galilæa viculus contra Legionem in quinto decimo ejus milliaro ad Orientalem plagam juxta montem Thabor, nomine Nazara. Recentiores ab occasu montis Thabor oppidum istud Nazareth aiunt situm duabus aut tribus ab eo leucis, 16. aut amplius à Capharnaum milliaribus,



ECCLESIA  
NAZARETH.

colli impositum est, ex quo Christum præcipitare volebant impii cives, Luc. cap. 4. vers. 29. Addit Hadr. Reland. 10. 1. Palæst. illustr. pp. 497. & 498. Nazareth dici ab Hieronymo esse contra Legionem, quamvis sat magno intervallo inde remota sit, quia per planitiem interjectam urbem illam respicit.

Post subactam Latinorum armis Palæstinam, Nazareth episcopali sede ab ipsis donata est, metropoliticeque pro Scythopoli, quæ tunc fere deserta erat, juribus ornata. A Græcis itidem, postquam recessissent Latini, inter metropoles conservata est, licet nihilominus sua Scythopoli reddita jura videantur.

## EPISCOPINAZARETH.

## I. PACHORUS.

**PACHORUS** post medium sæculum proximè elapsum antistes fuit Nazareth, ex qua assumptus fuit ad Alexandrinam sedem occupandam. Obiit Smyrnæ anno 1685. terræ motu obrutus. An ante vel post Parthenium ecclesiæ Nazareth præfuerit, ignoramus.

## II. PARTHENIUS.

Anno 1672. metropolita Nazareth sedebat Parthenius, quo synodo Bethleemitanæ à

A Dositheo II. congregatæ adfuit, erroresque Calyinianos damnavit die 16. Martii: ὁ ἀγίας Ναζαρέθ μετροπολίτης Παρθένιος, Parthenius metropolita sanctæ Nazareth. Tom. XI. concil. P. Harduin. col. 267. E.

## III. DOROTHEUS.

Dorotheus iste regebat ecclesiam Nazareth anno 1733. ut certiores nos fecerunt epistolæ duæ Gallicè scriptæ eo anno, mense Martio, ex urbe Tripoli Syriæ.

\*\*\*\*\*

III.

## ECCLESIA MONTIS THABOR.

**MONS Thabor** memoratur Jos. cap. 19. vers. 22. Jud. 4. vers. 6. & Ps. 88. vers. 13. In tribus quidem his locis septuaginta interpretes Θαβὼρ Thabor, ut in Hebræo est, scripserunt: at Ozeæ cap. 5. vers. 1. mutarunt nomen in Græcam formam Ἰταβύριον Itabyrion. Unde Hieronymus in hunc locum ait: Expanditis rete super montem Thabor, quem septuaginta Ἰταβύριον transfulerunt, hanc habentes consuetudinem, ut Hebræa nomina Græco sermone declinent; sicut Edom, hoc est, Esau; & Seir semper Idumæam interpretantur. Est autem Thabor mons in Galilæa, situs in campestribus, rotundus atque sublimis, & ex omni parte finitur æqualiter. Ex hac versione habemus Itabyrion Josephi lib. 4. de bell. Jud. cap. 6. (2.) esse montem Thabor, de quo sic loquitur: Vespasianus autem inter curas obsidionis (Gamalensis civitatis) subcisivum opus adgreditur adversus eos qui montem Itaburium Ἰταβύριον occupaverant, inter campum magnum & Scythopolim medium: cujus altitudo 30. stadiis assurgit, Septemtrionali latere inaccessa: in vertice planities 26. stadiorum patet, tota muro circumdata. Eusebius in Onomastico, juxta translationem Hieronymi, hæc de eo monte scribit: Thabor, terminus Zabulon; est autem mons in medio Galilææ, mira rotunditate, sublimis, distans à Diocæsarea decem millibus contra Orientalem plagam, qui consinium quoque inter tribum Issachar & Nephtalim fuit. In colle quindecim & amplius stadiis alto, propè montem Thabor, urbs quædam fuit ejusdem nominis, cujus mentio fit 1. Paral. cap. 6. vers. 77. Illam Polyb. lib. 5. cap. 70. Atabyrion appellat, de Antiocho rege narrans: Cæteris quæ ceperat præsidio firmatis ad Atabyrium accessit παρὶν ὄρει Ἀταβύριον. Id in colle situm est leniter se attollente, adscensum habens plusquam 15. stadiorum. Usus vero tum insidiis & stratagemate, oppidum occupavit. Ita refert Cellarius geogr. antiq. 10. 2. lib. 3. cap. 13. pag. 500. qui & hæc subdit pag. sequenti.

«An Thabor sive Itabyrius sit mons ille excelsus in quo Christus cœlestem claritatem adsumserit, licet plurimi affirmant, sunt tamen etiam eruditi viri qui negatum eant. Antiqua traditio est hunc ipsum montem Thaborem esse, in quo sanctissimi viri Moses & Elias colloquuti cum Servatore sunt. Hieronymus epist. 17. ad Marcellam Paulæ & Eustochii nomine: Pergemus ad Itabyrium, & tabernacula Salvatoris, non ut Petrus quondam voluit, cum Mose & Helia, sed cum Patre cernemus & Spiritu sancto. Idem rursus Epitaph. Paulæ, sive epist. 27. scandeat montem Thabor, in quo transfiguratus est Dominus. Ita Cyrillus, Beda, & alii: unde constans nata opinio. Nec vero defuerunt qui aliter sentirent, sed rationibus destituti: (His vero momentis) Lightfootus in Marc. cap. 9. vulgarem opinionem adgreditur. Christus, inquit, in historia proxime antecedente fuit in finibus Cæsareæ Philippi, Matt. cap. 16. vers. 13. Marc. cap. 8. vers. 27. Luc. cap. 9. vers. 18. nec, quod ex Evangelistis elici potest, locum mutavit ante hanc historiam. Intercesserunt quidem sex dies, in quibus, in quiete, proficisci potuit



» *Christus à Cæsarea Philippi ad Thaborem. Potuit quidem, sed nullam loco mutationem innuunt*  
 » *Evangelistæ, tantum dicentes, quod tres ex discipulis suis duxerit in montem. Quum descenderet*  
 » *de monte, sanavit puerum dæmoniacum, Marc. cap. 9. vers. 26. Inde in domum introivit, vers. 27.*  
 » *ex qua profectus cum discipulis prætergredebantur Galilæam, vers. 29. & venerunt Capharnaum,*  
 » *vers. 32. quam in via reliquisset si ex Cæsarea illa ad Thaborem montem fuisset profectus.*  
 » *Tandem colligit Lightfootus consonantius videri historię evangelistæ Christum transfiguratum*  
 » *fuisse in monte aliquo propè Cæsaream Philippi, isto forsan, qui teste Josepho altissimus ipsissimis*  
 » *fontibus Jordanis imminebat, atque ad pedem cujus sita erat illa Cæsarea. Hæc speciose ita*  
 » *differuntur, subjungit Cellarius pag. 502. neque improbabiliter: nec vero propterea explo-*  
 » *sam velim vulgarem opinionem, quam nominati Patres utique ab antiquioribus acceperant.*  
 » *Hadr. Reland. qui tom. 1. Palæst. illustr. pag. 334. in sententiam vulgari contrariam se pro-*  
 » *pendere indicat, nihil tamen occurrere fatetur quod vulgarem evellere atque evertere queat.*

Adamnanus scriptor sæculi septimi, ait de situ hujus montis, lib. 2. de locis Sanctis, apud eumdem Hadr. Reland. ibid. pag. 333. *Mons Thabor in Galilæa tribus millibus à lacu Chereth distat, mira rotunditate ex omni parte collectus, à parte boreali respiciens supra dictum stagnum, herbosus valde & floridus. In cujus amœna summitate ampla planities silva prægrandi circumcincta habetur, cujus in medio campo monachorum inest grande monasterium, & plurimæ eorundem cellulæ, nam illius montis campestris vertex non in angustum coarctatur cacumen, sed in latitudinem dilatatur stadiorum 24. altitudo autem ejus 30. stadiis sublimatur. In sancti Willibaldi itinerario, sæculi octavi, legitur: Ibi est nunc monasterium monachorum, & hæc ecclesia Domino est consecrata, & Moyse, & Helie, & illi cives nominant illum locum, montem age, (id est sanctum.) Duos tantum hujus ecclesiæ archiepiscopos novimus.*


## EPISCOPI MONTIS THABOR.

### I. LEONTIUS.

**P**RÆSENTI sæculo, ante annum 1733. fedit quidam *Leontius episcopus Montis Thabor, & Οαλωεὶς ὁ ἐπὶ Λεόντιος.*

### II. LEVENDIUS.

Epistola Gallicè scripta ex urbe Tripoli Syriæ, mense Martio, anno 1733. tradit episcopum *Montis Thabor* qui tunc sedebat, *Levendium* nominari.



## IV.

## ECCLESIA PELLÆ.

**P**ELLAM urbem Decapolis & aquis divitem esse scribit Plinius lib. 5. cap. 18. Hieronymus & Eusebius in *Asiroth & Jabes Galaad*, aliquid de situ ejus produnt, nimirum Jabes esse prægrandem villam à civitate Pella sex millibus distantem pergentibus *Gerasam*: sed neutro loco addunt, inquit Cellarius 10. 2. geogr. antiq. lib. 3. cap. 13. pp. 643. & seq. in quam plagam, Orientem an Septemtrionem: quo fit ut in dubio positio ejus maneat, præsertim quod nec certissima ipsius sit *Gerasæ*. Si fides Ptolemaicis numeris esset, confici res facile posset: sed nimis hic discrepant Latini à Græcis.... His ergo si stare licet *Gerasa* à *Pella* 35. millibus in ortum recedit, quinque autem ab eadem in Septemtrionem inclinat. Pellam diruit Alexander Jamnæus, teste Josepho lib. 13. antiq. cap. 23. eo quod ejus incolæ recusarent Judæorum ritus recipere. Idem lib. 2. de bello Jud. cap. 19. jungit *Gerasa*, Pellam & *Scythopolim*. Euseb. lib. 3. hist. eccl. cap. 5. pag. 75. A. edit. Vales. hæc narrat de fuga Christianorum versus Pellam, instante obsidione Hierosolymorum à Vespasiano: quum universa plebs fidelium ecclesiæ Hierosolymitanæ ex oraculo quod viris quibusdam sanctissimis divinitus editum fuerat, ante initium belli ex civitate migrare, & oppidum quoddam trans Jordanem, Pellam nomine, Πέλλαν ὑπὸ τὴν ὀνομαζέσθων, incolere jussa fuisset; jamque omnes qui in Christum crediderant, relictis Hierosolymis, sedes suas Pellam transtulissent, &c. Idem tradit Epiph. lib. 1. adversus hæreses, hæ. 29. num. 7. pag. 123. B. & lib. de ponder. & mens. n. 15. pag. 171. A. Ea itaque primordia fuerunt ecclesiæ Pellensis, cujus tamen præsules nulli suppeditantur ante sæculum quintum.

## EPISCOPI PELLÆ.

### I. ZEBENNUS.

**P**RÆDATORIÆ synodo Ephesinæ interfuit *Zebennus* anno 449. Ζεβέννος ἐπίσκοπος πόλεως Πέλλης, *Zebennus episcopus civitatis Pellæ,*

tom. 4. conc. Labb. coll. 118. D. 268. C. & 313. A. Erratum duobus abhinc annis, anno scilicet 451. retractavit & ecclesiæ reconciliatus est in synodo Chalcedonenfi, cujus actis subscripsit, ibid. coll. 82. D. 328. E.



ECCLESIA  
PELLÆ.\* 2.<sup>o</sup> Quia  
bis ponun-  
tur nn. 459  
& 460. in  
hoc tomo  
Labb.

460. B. \* 494. B. 585. B. &amp; 808. D.

## II. PAULUS.

Anno 518. epistolæ synodicæ Joannis Hierosolymitani præfulis adversus Severum Antiochenum nomen suum apposuit Παύλος ἑπίσκοπος Πέλλης, *Paulus episcopus Pellius sive Pellæus. To. 5. conc. Labb. col. 191. C.*

## III. ZACHARIAS.

Pellensem ecclesiam administrabat Zacharias iste anno 532. Quum enim eo anno S. Sabas Constantinopolim missus fuisset à Petro

A Patriarcha Hierosolymorum ad Justinianum Imperat. ut miserum ei Palæstinæ statum exponeret, Zacharias Pellæ episcopus ab Imperatore nominatus est cum Antonio episcopo Ascalonis, qui regionem illam lustrarent: vide supra, ubi de Antonio episcopo Ascalonis, col. 600. A. Superstes adhuc erat Zacharias anno 536. quo subscripsit sententiæ contra Anthimum & alios hæreticos ab eodem Petro Patriarcha latæ mense Septembri in synodo Hierosolymitana. Ζαχαρίας ἑπίσκοπος τῆς Πέλλης, *Zacharias episcopus Palleonus sive Pellæorum. To. 5. conc. Labb. col. 283. E.*

## V.

## ECCLESIA GERASÆ.

PLINIUS lib. 5. cap. 18. in Decapoli *Galasam* numerat prope Pellam, quod *Galasa* nomen, quia aliis scriptoribus ignotum est, depravatum videtur ex *Gerasa*. Quibus enim oppidis Plinius suam *Galasam* conjunxit, cum iisdem Josephus & Ptolemæus *Gerasam* composuerunt. Josephus quidem lib. 1. de bello Jud. cap. 5. vicos Syrorum, & his finitimas regiones vastaverunt, *Philadelphiam & Gerasam Γέραςσιν, & Pellam ac Scythopolim: deinde in Gadaram & Hippon irruerunt.* Ptolemæus vero lib. 5. cap. 15. *Hippus.... Scythopolis, Gerasa Γέραςα, Pella, Dium, Gadora, Philadelphia, Canatha.* De situ hujus oppidi gravis est controversia, quum ad Arabiam alii in Orientem illud transponant, alii propinquum mari Galilæo constituent. Hieronymus de locis Hebræic. in *Gargasi*, cum Eusebio: *Gerasa*, inquit, *urbs insignis Arabiæ.* Et in *Abdiæ vers. 19. Benjamin possidebit Arabiam, quæ prius vocabatur Galaad, & nunc Gerasa nuncupatur.* Hic regionis nomen est, sed ab urbe *Gerasa* subortum. Quod si ita est, longius remota fuit à mari *Galilæo*: mons quippe *Galaad* non contingebat proxime mare illud, neque limes erat Arabiæ desertæ. Alii credunt esse *Gergesenorum* oppidum, cujus Matt. cap. 8. vers. 28. fit mentio; vicinum *Gadara*, quoniam Marcus cap. 5. vers. 1. & Lucas cap. 8. vers. 26. *Gadarenorum* agrum dicunt qui Matthæo est *Gergesenorum*: hisque favet vulgatus interpres, *Gergesenorum*, ut in Matthæo, sic & in cæteris Evangelistis scribens. Verum oppidum istud *Gergesenorum* idem non fuisse videtur ac *Gerasa* illa Arabiæ: quod etiam post Eusebium, in *Gargasi* sive *Gergesa*, non obscure innuit Hieronymus: *Hæc (Gergesa) esse nunc dicitur Gerasa, urbs insignis Arabiæ λέγεται*, inquit, quasi asserere velit; *dicitur esse eadem, sed revera non est*: quia *Gergesa* est mari finitima, *Gerasa* autem ad fines Arabiæ, atque ita extra limitem Judaicæ regionis. Et certe, teste Josepho lib. 2. de bello Jud. cap. 35. quum aliæ Judæis extraneæ civitates ipsos interficerent, *Gergeseni* Judæis qui apud se manere delegerant nihil intulerunt mali, & egredi volentes usque ad fines suos deduxerunt.

Quod spectat ad *Gergesenos* de quibus Matt. cap. 8. vers. 29. fit mentio, fuerunt quidem inter Chananæos *Gergesæi*, at incertum est an reliquiæ illorum singulare oppidum trans Jordanem incoluerint & suo nomine *Gergesam* appellaverint. Quidam apud Matthæum non oppidum sed regionem *Gergesenorum* memorari putant, in qua urbs *Gadara* fuit; verum adversatur quod subulci dicantur cap. 8. vers. 33. εἰς τὴν πόλιν in oppidum *Gergesenorum* fugisse. Eusebius supra citatus, de *Gargasi* sive *Gergesa*, hanc ait à nonnullis ipsam esse *Gadaram* existimari: quæ duplici proinde nomine designaretur. Et certe eadem regio & *Gadarenorum* reperitur dicta, & *Gergesenorum*: probabilius tamen est *Gergesam* aliquod fuisse singulare oppidum, subjectum *Gadara*, eique vicinum ac finitimum, & Galilæo mari æquè aut magis propinquum, in quod impulsu dæmonum grex porcorum sese præcipitaverit. Hæc habet Cellarius to. 2. geogr. antiq. lib. 3. cap. 13. pag. 645. & seqq.

Oppidulum *Gergesæ* non videtur sedes fuisse episcopalis, sed ad ecclesiam *Gadarorum* pertinuisse, unde nec in notitiis trium Palæstinarum legitur. *Gerasa* vero sive *Gerasa*, (cujus episcopus *Placo* in actis concilii Chalcedonensis legitur) exstat quinta numero in notitiis provinciæ Arabiæ. Græcè quidem Ἐπαρχία Ἀραβίας.... 5. Γέραςα. Latine vero provincia Arabiæ.... *Gerasa*: Apud Hadr. Reland. to. 1. Palæst. illustr. pp. 217. & 219. Juris itaque non est ecclesiarum Palæstinæ.



## VI.

## ECCLESIA GADARORUM.

**J**AM supra diximus *coll. 595. 596.* duplicem fuisse in Palæstina civitatem *Gadara* in plurali dictam: unam in Palæstina prima, alteram in secunda: quia vero in actis conciliorum non exprimitur cujusnam præcise utriusque hujus sedis fuerint episcopi *Gadarenses*, qui illis subscribere, de utraque ea ecclesia & earum præfulibus, ibi loquuti sumus. Quare hîc nihil amplius de iis dicendum superest.

## VII.

## ECCLESIA GABARUM seu GABORUM.

**H**ADRIANUS Relandus *to. 2. Palæst. illustr. pag. 772.* tradit *Gaben* fuisse urbem parvam distantem à Cæsarea 16. miliaribus, & adjacentem magno campo Legionis. Nulla *Gabe* legitur inter sedes episcopales Palæstinæ, sed *Γαδαὶ Gada:* quum tamen nullus episcopus *Γάδων* in actis conciliorum exstet, *Γαδαὶ* fortassis irrepsit pro *Γάβυ*. Certe episcopus *Γάβων* in Palæstina subscripsit in concilio Hierosolymitano, ut modo patebit. Observat idem Hadr. Reland. *ibid. pag. 768. & seq.* fuisse quoque in tribu Benjamin urbem *Gabee*, de qua *Jos. cap. 18. vers. 24.* quam multi putant esse eandem ac *Geba lib. 2. Esdr. cap. 7. vers. 30.* exstare etiam nummos inscriptos *Γαβωνῶν Gabenorum*, quos ad *Gaben* nonnulli referunt. Verum & in Cœlesyria (distincta à Palæstina) erant *Gabeni*, quorum episcopus *Γαβωνῶν* subscripsit concilio Nicæno primo anno 325.

## EPISCOPI GABORUM.

## I. RUFFINUS.

**I**nter episcopos Palæstinæ qui Ephesinæ synodo anno 431. interfuerunt, legitur *Ruffinus Taborum*, *Ρῦφινον Ἐπίσκοπος Τάβων: to. 3. concil. Labb. coll. 497. E. 540. E.* Sed quum nulla fuerit in tribus Palæstinis hujusce nominis episcopalis sedes, palam est T. emendandum in Γ. & legendum *Γάβων, Gaborum*. Sic etiam habent index Latinus *ibid. col. 691. E.* alique codices Latini in collectione concil.

A Baluzii, *coll. 539. 609. & 632. Ruffinus episcopus civitatis Gabarum, Gabon, & Gaborum.*

## II. ANASTASIUS.

Anno 536. sententiæ in synodo trium Palæstinarum Hierosolymis, præside Petro Patriarcha, adversus Anthimum & alios hæreticos latæ, subscripsit *Anastasius episcopus Gabenorum, Gaborum, Ἀναστάσιος Ἐπίσκοπος Γαβων. To. 5. conc. Labb. col. 283. C.*

## VIII.

## ECCLESIA ABELÆ sive ABILÆ.

**I**N notitiis ecclesiasticis inter Palæstinæ secundæ episcopales sedes recensetur *Ἀβίλα, Abila*, apud Hadrianum Relandum *to. 1. Palæst. illustr. pp. 215. & 216.* quæ civitas apud eundem *to. 2. pag. 529.* nuncupatur etiam in litteris synodicis Palæstinæ *Ἀβίλη & Ἀβέλη*. Ubi autem fuerit, inquit ille in loco ultimum citato, non patet, nisi sit eadem ac *Abila Batanææ*, de qua Hieronymus loca Hebræica exponens ait: *alia quoque est civitas nomine Abela vini fertilis, in duodecimo à Gadaris milliaro contra Orientalem plagam.* Polybius ejus meminit *lib. 5. hist. pag. 414. edit. Casauboni Paris. 1609.* ubi ait *Abila* (in plurali numero neutrius generis) capta fuisse ab Antiocho *κλειος γινεται Ἀβίλων*. Hanc urbem omisit Carolus à Sancto Paulo.

Non est autem confundenda hæc *Abila Batanææ*, sive cum *Abila Perææ*, sive cum *Abila ad Libanum*. Nam prior, quam Josephus *lib. 5. de bello Jud. cap. 3.* jungit cum *Liviade* sive *Libyade & Besimoth*, à Jordane 60. stadiis aberat, ex eodem Josepho *lib. 4. antiq. cap. 7. & lib. 5. cap. 1.* Posterior vero in Libano vel ad Libanum sita erat, ad plagam septentrionalem Damasci urbis Syriæ. In tabula itineraria veteri, quæ vulgo Peutingeriana dicitur, urbs ista *Abila* inter Heliopolim & Damascum collocatur. Suidas Phœnices fuisse scribit. Hieronymus *Abela vinearum* nuncupat & ab *Abila Batanææ* secernit his verbis: *Abela vinearum, ubi dimicavit Jephthe in terra filiorum Ammon; nam & usque in præsentem diem in septimo lapide Philadelphicæ villa Abela cernitur vinetis confita: alia quoque est civitas nomine Abela vini fertilis, &c.* ut supra. *Abela Perææ* verisimiliter perierat temporibus Eusebii &



ECCLESIA  
ABELÆ  
five  
ABILÆ.

Hieronymi, siquidem nulla ejus mentione facta urbes tantum duas nomine *Abila* commemorant, unam 12. miliaribus à Gadaris distantem, quam censemus esse Abilam Batanææ, & alteram inter Paniadem & Damascum, quæ est Abila ad Libanum. Hujus postremæ episcopus fuisse videtur *Jordanes* ille qui in synodo Chalcedonenſi inter alios Phœnices episcopos post Heliopoleos præfulem recensetur, *Jordanes* five *Jordanus Abilæ Syriae*. *Tom. 4. concil. Labb. coll. 83. D. & 329. E.* Hæc monet Hadr. Reland. *tom. 2. pp. 524. 527. 528. & 529.*

## EPISCOPI ABILÆ.

### I. SOLOMON.

**E**pistolæ synodicæ Joannis Hierosolymitani antistitis ad Joannem Constantinopolitanum Patriarcham, adversus Severum Antiochenum an. 518. subscripsit *Solomon episcopus Abilæ*, Σολομὼν ἐπίσκοπος Ἀβίλης. *To. 5. conc. Labb. col. 192. E.*

### II. NICOSTRATUS.

Synodo trium Palæstinarum Hierosolymis convocatæ, sub Petro Patriarcha, adversus Anthimum anno 536. interfuit & subscripsit *Nicostratus episcopus Abilæ*, Νικόστρατος ἐπίσκοπος Ἀβίλης. *To. 5. conc. Labb. col. 283. D.*

### III. ALEXANDER.

Nicostrato verisimile est successisse circa annum 538. *Alexandrum* istum, qui sub Justiniano Imperatore, quum à Menna Byzantino præfule ejusque synodo proscripti fuissent

**A**multi Origenis errores, huic damnationis sententiæ, assentiri recusavit, unde & depositus est. Sic rem narrat Cyrillus Scythopolitanus in vita S. Sabæ *num. 85. apud Cotel. to. 3. monument. eccl. Græc. p. 365. Imperator edictum adversus Origenis errores tulit, cui subscripsit Mennas.... una cum synodo sua, &c.* Et *num. 86. pag. 366. Ubi ergo edictum adversus Origenem latum, evulgatum fuit Hierosolymis, cunctique Palæstinæ episcopi & solitudinis abbates eidem subscripsere, uno excepto Alexandro episcopo Abilæ.* Et *num. 90. pag. 374. Postquam vero Imperator acta synodi Hierosolymam misisset, omnes per Palæstinam episcopi manu & ore ea confirmarunt, præter Alexandrum Abilæ, qui ideo ab episcopatu dejectus est, ac (postea) Byzantii (quo se receperat) à terræ motu obrutus fuit.* Vide supra, ubi de Petro & Eustochio Hierosolymorum Patriarchis, *coll. 198. D. E. & 210. B. C.*

## IX.

## ECCLESIA MAXIMIANOPOLIS.

**H**ANC urbem sic appellant Hieronymus, notitia vetus ecclesiastica, aliique, quam tamen nonnulli *Maximinianopolim* dici præferunt. Olim dicta fuit *Hadadrimmon*, sita juxta Jezraëlem. *Adadremmon*, inquit Hieronymus *comment. in Zach. cap. 12. vers. 11. pro quo Septuaginta transtulerunt Πόδιος, urbs est juxta Jezraëlem, quæ hoc olim vocabulo nuncupata est, & hodie vocatur Maximianopolis in campo Mageddon: & adhuc clarius comment. in Oz. cap. 1. vers. 5. supra diximus Jezraëlem, quæ nunc juxta Maximianopolim est, ex quibus posterioribus verbis palam fit Maximianopolim esse quidem propè Jezraëlem, sed non esse ipsam Jezraëlem. In itinerario Hierosolymitano Maximianopolis abesse dicitur 17. millibus à Cæsarea, & 10. à Jezraële, quæ est Esdraëla. Ita Hadr. Reland. *to. 2. pag. 891.**

## EPISCOPI MAXIMIANOPOLIS.

### I. MAXIMUS. II. PAULUS.

**I**N indice Latino Patrum Nicænæ synodi anno 325. celebratæ, recensetur inter episcopos de provincia Palæstinæ, *Maximus Maximianopolitanus*, & statim post ipsum *Paulus Maximianopolis*, *tom. 2. concil. Labb. col. 51. C.* quamvis duplex non exstet in Palæstina hujus nominis episcopalis sedes: unde conjectu pronum, vocem *Maximianopolitani*, vel *Maximianopolis* in alterutro loco pro alia voce mendose fuisse positam, vel alterum ex duobus illis præsulibus alteri in persecutionibus pristinis exulanti subrogatum fuisse. In

**C**synodo Sardicensi anno 347. inter 15. episcopos Palæstinæ subscripti leguntur, non designatis eorum sedibus, duo *Pauli*. *To. 2. conc. Labb. col. 679. D.* & in synodo Hierosolymitana eodem anno vel sequenti habita pro restitutione Athanasii, duo item *Pauli* cum cæteris episcopis Palæstinæ qui synodo Sardicensi adfuerant, & Macrino qui supervenit, epistolæ synodicæ Maximi Hierosolymitani ad populum Alexandrinum subscripserunt, *ibid. col. 727. A.* Fortassis unus ex illis *Paulis* idem fuit qui ad synodum Nicænam acceſſerat. Nomina horum 16. præsulum exstant solum in Græco,

### III. MEGAS.



## III. MEGAS.

Maximianopolis in Palæstina episcopus erat A. *Megas* anno 518. quo epistolæ synodicæ Joannis Hierosolymitani præfulis ad Joannem Constantinopolitanum Patriarcham, adversus Severum Antiochenum, initio imperii Justiniani Anastasii successoris, subscripsit in hunc modum Μέγας ἐπίσκοπος τῆς Μαξιμιανουπόλεως, *Megas episcopus Maximianopolis.* To. 5. conc. Labb. col. 192. E.

## IV. DOMNUS.

Anno 536. *Domnus episcopus Maximianopolis* interfuit, tum synodo Constantinopolitanæ sub Menna, 10. 5. conc. Labb. coll. 51. B. 59. E. & 74. A. tum synodo Hierosolymitanæ sub Petro Patriarcha, sententiamque in Anthimum utrobique latam sua subscriptione approbavit. Δόμνος ἐπίσκοπος Μαξιμιανουπόλεως, *ibid.* col. 286. C.

ECCLESIA  
MAXIMIA-  
NOPOLIS.

## X. ECCLESIA TIBERIADIS.

**T**IBERIAS urbs ultima est ad oram lacus hujus nominis in australi parte sita. Hanc Herodes Antipas Tetrarcha, teste Josepho lib. 18. ant. c. 3. edit. Geney. 1611. p. 619. D. in amicitiam Tiberii receptus condidit, & de ipsius nomine Tiberiadem nominavit, electo ad hoc optimo agro Galilææ in ora lacus Gennesarethici. Idem Josephus in vita sua p. 1025. E. Justum Tiberiensem æmulum & historicum adloquens, ait: *Tua vero, Juste, patria sita ad lacum Gennesarethicum, & distans ab Hippo 30. stadiis, 60. à Gadaris, & à Scythopoli centum & viginti.* Ex quibus intelligitur non longè à Jordane ubi in lacum effluit, distare Tiberiadem, quia Hippos trans flumen, sed prope illud, sita erat. Plinius lib. 5. cap. 15. de oppidis lacum *Genesaram*, ut ipse vocat, cingentibus, eum ab Oriente scribit circumseptum *Juliade* (id est Libyade) & Hippo: à meridie *Tarichæa*, quo nomine aliqui & lacum appellant; ab Occidente *Tiberiade aquis calidis salubri.* Fuerint de novo condita Tiberias, an reparata & instaurata ex veteri oppido, disputatur inter eruditos. Hieronymus in Ezech. cap. 48. vers. 21. ait: *Tiberias olim appellabatur Chenereth.* Si id ab aliquo fide digno accepit, certiores erimus de nomine maris *Cimereth* sive *Chenereth*, & de ipso ejusdem nominis oppido, quod utrumque in obscuro latere videbatur. Talmud codice Megillah fol. 5. col. 2. scribit: & certum nobis est *Rakkath* esse Tiberiadem: porro *Rakkath* illa Jos. cap. 19. vers. 35. eum *Chinereth* conjungitur: potuerunt itaque *Rakkath* & *Chenereth* oppida sic olim fuisse deleta, ut novam in loco eorum Herodes Antipas urbem condiderit, quæ non tam instaurata vetus, quàm plane nova ædificata censeretur. Ita monet Cellarius infra citandus. Verum refragatur Relandus infra pariter citandus, his verbis: «Sunt qui illam Tiberiadem olim *Kinnereth* dictam putent, aut *Raccath*, aut *Chammath*: sed quum *Raccath*, *Chammath*, & *Kinnereth* urbes fuerint Naphtaliticæ, & Capernaum urbs Tiberiade septemtrionalior in confiniis Zebulonis & Naphtali sita fuerit, Tiberias non potuit esse *Chammath*, *Raccath*, aut *Kinnereth*. Tiberiada esse urbem *Kinnereth* hinc puto fuisse creditum, quia lacus cui adjacet dicebatur *mare Tiberiadis*, & *mare Kinnereth*, unde sibi persuaferunt multi *Tiberiada* & *Kinnereth* fuisse urbem eandem.»

A Judæis solum, maximè Galilæis, exclusis Samaritanis, ethnicis, & Christianis, habitabantur Tiberias, nonnullæque aliæ urbes, usque ad tempora Constantini magni. At postquam Ellet seu Hillel Patriarcha ipsorum, ut modo dicetur, baptizatus fuit, Josephque Comes Christi fidem publicè professus est, is à Constantino impetravit permitti sibi ecclesias iis in urbibus construere, in quibus nullæ antea fuerant, & præsertim Tiberiade, Diocæsareæ, Nazarethi, & Capharnaumi. Quocirca Tiberiade vetustum templum, quod ab Hadriano Imperatore inceptum Ἀδριανέον dicebatur, in ecclesiam Christianorum commutari curavit. Hæc refert Epiph. 10. 1. lib. 1. adv. hæ. pp. 128. 136. & 137. edit. Colonienf. 1682. Quibus elucidatur quod memorat Lampridius in Alexandro Severo: scilicet Christo templum facere voluisse (Alexandrum istum) eumque inter Deos recipere: quod & Hadrianus cogitasse fertur, qui templa in omnibus civitatibus sine simulacris jusserat fieri: quæ hodie, idcirco quia non habent numina, dicuntur Hadriani, sive Hadriania. Tiberiade, doctorum Judæorum scholam diu perseverasse omnes norunt. Lege Cellarium tom. 2. geogr. antiq. lib. 3. cap. 13. pp. 496. & 497. & Hadr. Reland. 10. 1. Palæst. illustr. pag. 161. & 10. 2. p. 1036. & seqq.

## EPISCOPI TIBERIADIS.

## I. \* \* \*

Sub Constantino Magno, qui obiit anno 337. Imperii 32. quidam erat *Tiberiadis* epi-  
Tomus III.

scopus, cujus nomen nobis ignotum est. Is videtur non Tiberiade habitasse, ubi solis Judæis commorari licebat, sed in aliquo vico propè Tiberiadem, ubi Christianorum in

Y y



ECCLESIA  
TIBERIA-  
DIS.

regione adjacente degentium curam gerebat. A

Accersitus autem ab Hillel Judæorum Patriarcha in extremis agente, eum baptizavit. Sic rem narrat Epiphanius supra citatus pag. 127. D. num. 4. & pag. seq. A. B. C. Fuit Josephus quidam, non historiae ille scriptor antiquus, sed Tiberiadensis alter, qui beatæ memoriæ Constantini senioris Imperatoris ætate vixit, à quo etiam Comitivam (id est, dignitatem Comitis) accepit, cum ea potestate, ut cum in urbe ipsa Tiberiadis, tum Diocæsarææ, Capharnaumi, ac vicinis aliis in oppidis ecclesias in Christi honorem exstrueret, &c. Hic Josephus ex illorum erat ordine qui apud Judæos principem locum dignitatis obtinent, quos quidem secundum Patriarcham apostolos nominant. Assident hi Patriarchæ, &c. Erat tum Patriarchæ nomen Ellet, &c. Moriens Ellet vicinum episcopum Tiberiensem arcessit, *τελευτών δὲ ὁ Ἑλληλ ἡξίωσε τὸ κατ' ἐκείνου καὶ τοῦ ἐπίσκοπον πλησιόχωρον τῷ Τιβεριῶν ὄντι*, ab eoque lotionem sacra sub vitæ exitum, per medicinæ speciem expiatur. Quum enim episcopum, per Josephum, velut medicum evocasset, facessere jussis omnibus, καὶ ποιήσας πάντας ἔξω γένεσθαι, supplex illum interpellat his verbis: Quæso te mihi ut Christi signum impertias. Tum accitis ministris aquam inferri jubet, tanquam agrotanti Patriarchæ morbi quoddam ex aqua remedium parare vellet. Illi quid strueret ignari imperata faciunt. Inde reverentiam simulans, & universos abire jubens Patriarcha sacro baptismate ac divinis mysteriis initiatus est, &c. Num. 6. pag. 129. D. & 130. A. Quum itaque Patriarcha baptismo hunc in modum initiaretur, ego, inquit (Josephus) per januam commissuram furim intro spectans, omnia quæ ab episcopo Patriarchæ fierent observabam... ubi inter cætera Patriarcha vim quandam auri non mediocrem tenens hanc episcopo porrexit, & pro me, inquit, offero: Scriptum est enim (quæcunque) à sacerdotibus Dei alligari solvique in terris (contigerit) omnia & eadem in cælo soluta fore vel alligata. Posthæc apertis foribus, sciscitantibusque de Patriarcha qui aderant, quemadmodum ex eo remedio valeret, percommode se habere respondit: quid enim diceret præclare noverat. Biduo dehinc vel triduo, adeunte sæpius per medici speciem episcopo, felici ex hac vita exitu Patriarcha decessit, E quum prius Josepho & alteri cuidam honestissimo viro tenerrimæ adhuc ætatis filium commisisset. Mihi vero, inquit Epiphanius ibid. n. 5. pag. 128. D. hæc, uti dixi, omnia Josephus ipse narrabat. Hæc non aliunde quam ex ipsomet illius ore didici, quum affecta jam ætate foret, ac septuagesimum plus minus annum ageret, (circa annum 355. juxta Tillemont. tom. 7. monument. ad hist. eccl. pag. 298.)

## II. JOANNES I.

Synodo secundæ Ephesinæ prædatoriæ dictæ interfuit & cum multis aliis episcopis lapsus est, anno 449. Joannes episcopus Tiberiadis, to. 4. conc. Labb. coll. 118. D. 267. D. & 312. C. Sed erratum agnovit biennio post in conc. Chalced. anno 451. ejusque definitionibus adversus Eutychen & in Dioscorum subscripsit. Tom. eodem 4. concil. coll. 82. D. 328. E. 460. B. 494. B. 585. B. & 808. E. *Ἰωάννης ἐπίσκοπος πόλεως Τιβεριάδος*, Joannes episcopus Tiberiadis civitatis.

## III. JOANNES II.

Anno 518. Joannes alter episcopus itidem Tiberiadis subscripsit epistolæ synodicæ Joannis Hierosolymitani ad Joannem Constantinopolitanum Patriarcham contra Severum Antiochenum, *Ἰωάννης ἐπίσκοπος Τιβεριάδος*, Joannes episcopus Tiberiadis, to. 5. conc. Labb. col. 191. A. Superstes adhuc erat anno 536. Sententiæ enim adversus Anthimum hæreticum, & alios, in synodo Hierosolymis eo anno præside Petro celebrata latæ subscripsit *Ἰωάννης Τιβεριάδος*, Joannes episcopus Tiberiadis. Ibid. col. 283. C.

## IV. GEORGIUS.

Synodo v. generali anno 553. habitæ interfuit, & cum duobus aliis præsulibus Palæstinis Eustochii Patriarchæ Hierosolymitani vices in ea gessit Georgius episcopus Tiberiadis, ut constat ex ejus subscriptione in hunc modum: Georgius misericordia Dei episcopus Tiberiadis, agens vicem Eustochii sanctissimi Patriarchæ Hierosolymitanæ civitatis, una cum Stephano & Damiano religiosissimis episcopis, similiter. To. 5. conc. Labb. col. 579. E. Legitur etiam ibid. coll. 416. B. 430. A. 509. A. & 549. B. Vide supra ubi de Eustochio, col. 219. C.

## V. BASILIUS.

Basilus iste vivebat exeunte sæculo octavo: fuit primum monachus, cellamque habebat Hierosolymis, propè templum sanctæ Resurrectionis, in loco dicto *Σπυδαὸ ἐν τῇ ἀναστάσει* à *ἀναστάσει* studeo, quod ibi studium esset ad cleri monachorumque instructionem erectum. Hunc Theodorus, qui sedem Hierosolymitanam, sua opera dejecto & in exilium pulso Helia II. invasit ante celebratam anno 787. septimam synodum generalem, comitem fuit ad invisendum sanctum Stephanum Sabaitam, ut ab illo disceret num intento proposito corresponderet eventus. Id supra explicatum est col. 306. & seqq.

Leontius vitæ ejusdem Stephani diligentissimus scriptor, quæ exstat Græcè & Latine



apud doctissimos Bollandianos tom. 3. Julii A  
ad diem 13. hæc addit de eo Basilio, num. 53.  
pag. 552. B. C. Rursum alio tempore abbas,  
cujus paulo ante memini, Basilius, fatuo Theo-  
doro quondam familiariter usus, deinde vero  
propter ejus audaciam impiamque præsumptio-  
nem proscribendo à se illum ac facessere jubendo,  
sapienter adversatus; ex quo nempe vaticinan-  
tem de eo præscium futuri senem audierat: hic,  
inquam, Basilius deiferum senem adiit, orans  
ac dicens: Sanctissime Pater Stephane, obsecro  
te ut expedias mihi quam huc de causa ac-  
cesserim; tum quid illa pertendat: novi etenim,  
novi, quidquid à Deo postulas, dari tibi. Ac  
primo quidem tergiversabatur senex; postmodum  
tamen bona ejus propensaque voluntate exorari  
se passus, duorum ab eo dierum intervallum dari  
sibi petiit: post quod revertenti ait sanctus pres-  
byter: Ad episcopatum rogaris, eoque huc jam  
recurris, quod scire aveas numnam id expediat;  
qua propter edico tibi: Num. 54. Episcopatum  
quidem ingentem ac sublimem, supraque mundi  
dignitates positum, supernis æternorum bonorum  
remuneracionibus eos honorare, qui ad ministe-  
rium suum castè integreque obeundum incumbunt,  
& concreditam sibi navim prudenter tranquil-  
lum in portum dirigunt, ac præstant incolumem.  
Rerum omnium nihil est summo sacerdotio me-  
lius; nimirum quod ad supremum virtutum  
apicem eos attollit, qui religiose ac sanctè com-

missa sibi ecclesiastica gubernacula moderantur.  
Veruntamen, si me audis, cavebis illos sequi  
qui te requirunt, gravissimoque hoc premendam  
jugo inclinare cervicem; sed leve illud, quod  
gestas modo, servare in perpetuum perges; nam  
episcopum agere non expedit tibi. Scio tamen,  
quantumvis inhibeam, nequaquam acquiesces,  
sed ultro admittes episcopatum: quippe nec im-  
ponitur tibi necessitas, nec vis affertur, sed honor  
volenti oblatus est. Num 55. pag. 553. Demi-  
ratus hæc itaque abbas Basilius ait: Quid hoc  
sibi velle dicam, pater sanctissime, quod edoctus  
à Deo episcopum omnino fore me, prohibes tamen  
hortarisque ne fiam? Cui senex reposuit: quod-  
cunque divinitus ostensum est mihi, non te celavi,  
quum te dixi, neque vi, neque necessitate ad  
honores, sed tua voluntate adductum esse, &  
significavi vitam istam, quam agis modo, magis  
tibi, quam episcopatum expedire, &c. Et n. 58.  
pag. 554. Quibus quidem percussus Basilius  
bonorum datori, ac Deo nunquam sat laudando  
Eucharisticum carmen direxit, stupendam senis  
virtutem extollens: nam prævisione hac ad  
apicem impleta, eaque pluribus narrata, Hier-  
chuntinæ ecclesiæ administranda suscepit negotia,  
atque inde sanctum eundem senem invisit, Tibe-  
riadis dilectæ Christo civitatis, per id tempus  
episcopus, deiferi senis indigno me tunc agente  
discipulum, &c. Nihil aliud de eo Basilio  
novimus.

ECCLESIA  
TIBERIANA  
DIS.

## XI.

## ECCLESIA HIPPI.

**H**IPPOS, Græcè Ἱππος, triginta stadiis à Gadaris distabat, & totidem à Tiberiade,  
propè ripam Jordanis lacu egredientis in Decapoli. Lighfootus chorogr. Matt. c. 77.  
conjicit hanc esse eam urbem quam Hebræi *Sufitham* appellarunt. Nulla Hippi in sacris  
paginis occurrit mentio, nisi nomen aliud olim habuerit sub quo recenseatur. Josephus  
tamen Hippi multis in locis meminit. Narrat quippe lib. 14. antiq. cap. 8. Herodi redditas  
fuisse urbes Hippos, Gadara, & Samariam. Lib. 17. cap. 13. Gadara, Hippon, & Gaulanitida  
vastata à Judæis. Lib. 3. de bello Jud. cap. 2. urbes Hippenen, Gadara & Gaulanitida, esse  
terminos Galilææ ad ortum. In vita sua pag. 1001. edit. Genev. 1611. Gadarenorum &  
Hippenorum vicos qui in confiniis Tiberiadis & agri Scythopolitani siti erant, incensos à  
Justo Tiberiade egresso, quam ob causam, pag. 1030. ille à primatibus Decapolitanis apud  
Pompeium accusatus fuit. Et pag. 1010. se per lacum Tiberiadis navi assumpta in confinia  
Hippenorum trajecisse. Hippus in notitiis veteribus ecclesiasticis inter sedes episcopales  
secundæ Palæstinæ recensetur, cujus nonnulli in actis conciliorum suppetunt præfules.

## EPISCOPI HIPPI.

## I. PETRUS.

**C**onciliabulo Seleuciensi anno 359. inter-  
fuit & subscripsit Πέτρος Ἐπίσκοπος Ἱππων Πα-  
λαιστίνης, Petrus episcopus Hippi in Palæstina.  
Ita Epiphanius tom. 1. hæres. 53. pag. 874.  
Non dubitat Hadr. Reland. tom. 2. Palæst.  
illustr. p. 821. quin idem fuerit qui concilio  
Antiocheno subscripsit anno 363. teste So-  
crate lib. 3. hist. eccl. cap. 25. pag. 204. edit.  
Tomus III.

**D**Vales. ubi nunc legitur, post Titum episco-  
pum Bostrenum, Πέτρος Σίππων, Petrus  
Sipporum. Legendum scilicet ait Ἱππων,  
Petrus Hippenorum sive Hipporum.

## II. CONON.

Litteris synodicis Joannis Hierosolymo-  
rum episcopi ad Joannem Constantinopoli-  
tanum præfulem contra Severum Antioche-  
num subscripsit anno 518. Conon episcopus  
Yy ij



ECCLESIA  
HIPPI.


*Hipponius*, Κόνων ἐπίσκοπος Ἰππων. *To. 5. conc. A Palæst. illustr. pag. 534. In quibusdam Latinis* (indicibus legitur) *Ipsenorum, puto pro Hip-*

*Labb. col. 192. E.*

## III. THEODORUS.

Sententiæ adversus Anthimum latæ in synodo Hierosolymitana, sub Patriarcha Petro, an. 536. subscripsit Θεόδωρος ἐπίσκοπος Ἰππων, *Theodorus episcopus Iptenorum. Tom. 5. concil. Labb. col. 286. E. Ait autem Hadr. Rel. to. 2.*

*penorum Ἰππωνων. Harduinus quoque to. XI. conc. col. 749. de illa ecclesia Hippi hæc habet: Hipponius in Palæstina secunda, ex notitia Græca, in qua est ibi Ἰππος, Plinio lib. 5. c. 15. In Judæa est Hippos.... Theodorus Iptenorum, (pro Hippenorum) in conc. Hieros. anno 536.*



## XII.

## ECCLESIA JOTABÆ sive JOTABES.

**J**O TABÆ, Græcè Ἰωτάβη, urbs Palæstinæ episcopatu insignis, quæ tamen in notitiis veteribus ecclesiasticis non recensetur. Vox affinis est *Jotape* Ἰωτάπη, cujus Josephus meminit in vita sua *pag. 1024. edit. Genev. 1611.* sed hæc *Jotape* Josephi, videtur esse *Jotapata*, urbs sita in Galilæa, & omnium munitissima, quæ fere tota rupes vallibus profundissimis cincta, nonnisi à septemtrione adiri poterat. Hanc expugnavit arcem Vespasianus, non obstante valida ejusdem Josephi qui eam defendebat resistentia, & destruxit. Vide Josephum ipsum *lib. 3. de bello Jud. à cap. XI. ad 24.* At nullum suppetit momentum ex quo eruamus Jotaben, de qua hîc agitur, fuisse Jotapen sive Jotapatam Josephi.

## E P I S C O P I J O T A B Æ.

## I. MARCIANUS.

**I**N actis synodi Chalcedonenfis anno 451. B celebratæ, refertur act. IV. *to. 4. conc. Labb. col. 494. C.* sexdecim episcopos Palæstinæ ibidem nominatos, quorum ultimus erat *Marcianus episcopus Jotapæ*, subinde, ut alii, etiam ipse in Palæstina episcopus, ex charta quam dictaverant per Anianum episcopum Capitoliadis in Palæstina, significasse se assentiri tribus præcedentibus conciliis generalibus, & epistolæ Leonis ad Flavianum, *ὁ Μαρκανός ὁ ἐλάβετο ἐπίσκοπος Ἰωτάπης, & Marcianus reverendissimus episcopus Jotapæ, ex charta quum dictassent per Anianum episcopum Capitoliadis dixerunt, &c.* Idem videtur fuisse, qui post act. xv. legitur subscriptus inter episcopos Palæstinæ tertiæ, *ibid. col. 788. D.* In indice Latino, *Marcianus Diotamus pro Jotabenus*, errore codicis sive librarii.

## II. ANASTASIUS.

Anno 536. concilio Constantinopolitano sub Menna, mense Maio, interfuit, & post Domnum Maximianopolitanum secundæ Palæstinæ legitur, *Anastasius Jotapæ, Δόμνῳ Μαξιμιανῶν πόλεως τῆς δευτέρας Παλαιστίνης, Ἀναστασίῳ Ἰωτάβης. To. 5. conc. Labb. coll. 51. B. 59. E. & 74. A.* Item *ibid. col. 99. A. col. autem 259. C.* subscripsit Ἀναστάσιος ἐπίσκοπος νήσου Ἰωτάβης, *Anastasius episcopus Insulæ Jotabæ*, ante Domnum Maximianopolitanum. Subscripsit etiam libello qui refertur in eodem concilio Constantinopolitano *ibid. col. 43. D.* Ἀναστάσιος ἐπίσκοπος Ἰωτάβης, *Anastasius episcopus Jotabæ*, ante eundem Domnum. Item inter episcopos trium Palæstinarum, qui eodem an. 536. mense Sept. sententiæ adversus Anthimum hæreticum & alios latæ Hierosol. in synodo sub Petro Patriarcha subscribere, exstat Ἀναστάσιος ἐπίσκοπος Ἰωτάβης, *Anastasius episcopus Jotapæ sive Jotabæ. Ibid. col. 286. A.*



## XIII.

## ECCLESIA HELENOPOLIS.

**H**ELENOPOLIS, sic nuncupata fuit de nomine Helenæ matris Constantini Magni, ut tradit Sozomenus *lib. 2. hist. eccl. cap. 2. pag. 443. D. edit. Vales.* his verbis: *Habent etiam tempora ventura perenne pignus memoriæ ejus (Helenæ) urbes duas de nomine ejus dictas, alteram in Bithynia, alteram in Palæstina.* Hanc omisere Carolus à Sancto Paulo Fulienfis, & Holstenius in notitia episcopatum Palæstinæ secundæ. Recensetur tamen in notitia Græca patriarchatum. At quod prius nomen urbis illius fuerit, ignotum est.

## E P I S C O P I H E L E N O P O L I S.

## P R O C O P I U S.

**A**NNO 536. Helenopolitanæ ecclesiæ in Palæstina præerat *Procopius*; quandoquidem

interfuit synodo Hierosolymitanæ sub Petro Patriarcha contra Anthimum. *Tom. 5. conc. Labb. col. 286. B.* Προκόπιος ἐπίσκοπος Ἐλενῶν πόλεως, *Procopius episcopus Helenopolitanus.*



## XIV.

## ECCLESIA DIOCÆSAREÆ.

**D**IOCÆSAREA, etiam *Sepphoris* appellata est, & à Rabbiniis *Zippori*. Fuit Galilææ primaria & munitissima in medio illius regionis. Distabat 10. miliaribus à monte Thabor, & 18. miliaribus à Tiberiade. Josephus tradit *lib. 13. antiq. cap. 21. & lib. 17. cap. 12.* Sepphori adfuisse unum ex quinque Synedriis totius terræ Judaicæ: quatuor vero reliqua Hierosolymis, Hierichunte, Gadaris & Amathunte. *Et lib. 18. cap. 3.* Captam hanc urbem à Varo: deinde caput Galilææ constitutam ab Herode Antipa. Ejus etiam meminit *lib. 2. de bell. Jud. cap. 37. & lib. 3. c. 3.* Quum autem Judæi Diocæsareæ habitatores adversus Romanos arma sumplissent, Constantius Gallus, quem Constantius Imperator ornaverat Cæsaris dignitate, misso exercitu eos profligavit, civitatemque Diocæsaream solo æquari præcepit: ita referunt Socrat. *lib. 2. hist. cap. 33. pag. 128. B. edit. Vales. & Sozom. lib. 4. hist. cap. 7. p. 545. B.* Id contigit anno 353. At non multo post fuisse reædificatam colligitur ex epistola Petri Alexandrini S. Athanasii successoris apud Theodoret. *lib. 4. hist. eccl. cap. 22.* Narrat enim *pag. 185. A. B. edit. Vales.* à Lucio Ariano sedis Alexandrinæ invasore, agente magno Comite largitionum, episcopos undecim Ægypti orthodoxos & virtute celeberrimos Diocæsaream relegatos fuisse, *urbem quæ à Judæis Domini intersectoribus colitur.* In *Midras Schir Hasschirim* hæc legi *fol. 35. num. 2.* de sartore quodam nomine Justo, testatur Hadr. Reland. *tom. 2. Palæst. illustr. pag. 1001. & seq. Justus, sartor Sepphoriensis, ad Romanos abiit, & eo usque favorem Imperatoris impetravit, ut juberet eum petere quodcunque vellet. Petiit Justus ut præficeretur ditioni patriæ: quod quum obtinisset, rediit Sepphorim. Populares ejus, qui vix sibi persuadere poterant Sartorem ad hanc dignitatem esse evectum, contendebant inter se, essetne hic Justus ipse, necne. Tandem alicui hoc venit in mentem: videamus, inquit, quum in publico procedit an transiens illum locum, ubi olim considens Sartorem egit, respiciat. Si respiciat, signum erit hunc eundem esse. Quid fit? eò transiens Justus respexit locum, & pro eo agnitus est, & dixit illis: an vos miramini fortunam meam? Ego magis eam ipsam miror.* Recensetur Diocæsarea, in notitia Græca patriarchatum, inter sedes episcopales Palæstinæ secundæ. Eam tamen Carolus à Sancto Paulo in sua serie omisit.

## EPISCOPI DIOCÆSAREÆ.

## I. MARCELLINUS.

A *tom. 5. conciliorum Labb. col. 192. B.*

**A**NNO 518. epistolæ synodicæ Joannis Patriarchæ Hierosolymitani ad Joannem Constantinopolitanum præfulem adversus Severum Anthimum & alios hæreticos, subscripsit *Marcellinus*, *Μαρκελλίνος ἐπίσκοπος Νεοκαισαρείας*, legendum certe *Διοκαισαρείας*, quum nulla fuerit in Palæstina urbs *Neocæsarea*, sed *Diocæsarea*, *Marcellinus episcopus Diocæsareæ*. Sic observat Hadrianus Reland. *Palæst. illustr. 10. 2. pp. 530. & 1001.* Vide

## II. CYRIACUS, sive DOMINICUS.

Quum episcopi trium Palæstinarum synodum Hierosolymis celebrarunt contra Anthimum & alios heterodoxos, præside Petro Patriarcha, anno 536. Diocæsariensis ecclesiæ præsul *Cyriacus*, interfuit & subscripsit in hunc modum: *Κυριακὸς ἐπίσκοπος Διοκαισαρείας*, in Latina serie *Dominicus episcopus Diocæsariensis. To. 5. conc. Labb. col. 286. B.*

## XV.

## ECCLESIA EXALENSIS.

**E**XALUS, Græcè *Ἐξάλους*, videtur esse *Ἐξάλους* Eusebii in Onomastico ad vocem *ἀχσάφ*, sicque apud eum, (non vero *Ἐξάδους*, ut nunc) legisse Hieronymum, qui vertit . . . . Appellatur hodie villula *Chafalus* in octavo lapide *Diocæsareæ* ad radicem montis Thabor in campestribus versus ortum. De Cafaloth mentio fit *Jos. cap. 19. vers. 18.* Non exstat quidem Exalus sive Chafalus in notitiis veteribus eccles. ei tamen præerat episcopus sæculo sexto.

## EPISCOPI EXALENSIS.

## PARTHENIUS.

**I**NTER subscriptiones synodi Hierosolymitanæ sub Petro Patriarcha ex episcopis trium

Palæstinarum anno 536. congregatæ legitur *Παρθένιος ἐπίσκοπος Ἐξάλους*, *Parthenius episcopus Epalanus*, sic quidem in indice Latino, *10. 5. conc. Labb. col. 286. D.* Sed legendum  
Y y iij



715

ECCLESIA

EXALENSIS.

DIŒCESIS HIEROSOLYMITANA.

716

est *Exalensis*, vel *Exalanus*, juxta textum Græcum Εξάλους. Pro illo subscripsit, Theodorus episcopus, (nî fallor, Gadarorum, qui statim pro se subscripsit:) nam immediate post verba modo recitata Παρθένιος, &c. *Parthenius*, &c. subsequitur: Θεόδωρος ἐπίσκοπος ἐγραψα ὑπὲρ αὐτοῦ, δὴ τὸ ἀδυνατεῖν αὐτὸν. *Theodorus episcopus subscripsi pro ipso, eò quod ipse infirmaretur.*

XVI.

ECCLESIA AMATHUNTIS.

**A**MATHUS, Græcè Ἀμαθύνε, urbs fuit munita in regione trans Jordanem. Eusebius de locis Hebr. ad vocem *Amath*, & ex illo Hieronymus: *Et nunc Amathus villa dicitur* (addit Eusebius *in Peræa inferiore*) *in vicesimo primo milliaro Pellæ ad meridiem.* Josephus lib. 13. antiq. cap. 21. & lib. 1. de bell. Jud. cap. 3. scribit Theodorum Zenonis Philadelphiæ tyranni filium Amathunte thesauros suos condidisse, ex quo infertur Amathuntem non longè fuisse ab urbe Philadelpia.

EPISCOPI AMATHUNTIS.

I. THEODOSIUS.

**I**Nter episcopos Palæstinæ qui anno 449. synodo Ephesinæ prædatoriæ dictæ adstiterunt, recensetur *Theodosius episcopus Amathuntenus.* To. 4. conc. Labb. coll. 270. C. & 320. D. Θεοδοσίω Ἀμαθύντος.

II. SERGIUS.

Cyrillus Scythopolitanus in vita S. Sabæ abbatis, num. 27. tom. 3. monum. eccl. Græc. Coteler. pp. 257. C. & 258. A. mentionem facit de *Sergio* quodam Theodori abbatis fratre, qui ad ecclesiæ Amathuntis regimen assumptus est. *Paulo autem mortuo*, inquit, (quem Sabas monasterio Castellii præposuerat) *gubernationem tenuit Theodorus, propriumque fratrem Sergium & Paulum patrum* (sive avunculum) *suum admisit genere Meli-*

*Atinos, qui postquam Castellio per aliquod tempus præclare præfuissent, Amathuntis & Ailæ episcopatum exceperunt.* Id contigit sæculo quinto exeunte, vel sæculo sequenti.

III. PROCOPIUS.

Epistolæ synodicæ Joannis Hierosolymitani antistitis ad Joannem Constantinopolitanum Patriarcham, adversus Severum Antiochenum subscripsit anno 518. *Procopius episcopus Amathuntis*, Περγόπος ἐπίσκοπος Ἀμαθύντων. To. 5. conc. Labb. col. 191. E.

IV. DIONYSIUS.

In subscriptionibus libelli synodi trium Palæstinarum anno 536. exstat *Dionysius episcopus Amathuntis*, Διονύσιος ἐπίσκοπος Ἀμαθύντων. To. 5. conc. Labb. col. 286. E.

XVII.

ECCLESIA CAPITOLIADIS.

**P**TOLEMÆUS tradit urbem Ιεροσόλυμα. Hierosolymam eandem esse quæ Καπιτωλιάς *Capitolias* dicitur: sed quum antea inter Hippon & Gadara urbem Capitoliada collocaverit, videtur librariis potius quam ipsi adscribendum esse errorem, & legendum Hierosolymam dici *Capitolinam* Καπιτωλίαν, uti & Dioni-Cassio nuncupatur. Certe hanc Capitoliadem differre ab Ælia Capitolina sive Hierosolymis palam est, tum ex nummis ubi Capitolias ἑωτόνομος, id est,  *suis legibus utens* profertur, ad discrimen Æliæ Capitolinæ, quæ, ut-pote colonia Romana, legibus non suis sed Romanis utebatur, tum ex actis conciliorum Nicæni I. & Chalcedonensis, ubi recensentur episcopus Hierosolymorum & præsul Capitoliadis. *Capitolias, Capetolissa* & vulgo *Sumete* appellatur. Constituitur quidem in itineralio Antonini inter Gadara & Damascum; at in tabula Peutingeriana, inter Gadara & Adraa. Ita Hadr. Reland. to. 2. Palæst. illustr. p. 693.

EPISCOPI CAPITOLIADIS.

I. ANTIOCHUS.

**I**N indice Latino Patrum synodi Nicænæ, inter episcopos Palæstinæ recensetur *Antiochus episcopus Capitoliensis* vel *Capitoliadis*, qui subinde anno 325. sedebat. To. 2. conc. Labb. col. 51. C.

II. ANIANUS sive ANANIAS.

Synodo Chalcedonenfi anno 451. cele-

*bratæ* adfuit *Anianus episcopus Capitoliadis*, Ἀνιανὸς ἐπίσκοπος Καπιτωλιάδος, & interdum Ἀνανίας, ut act. iv. ubi chartam sive libellum scripsisse dicitur, nomine sexdecim episcoporum Palæstinæ, quo rectam de duabus Christi Domini naturis fidem profitebantur, & Leonis Papæ ad Flavianum epistol. approbabant. To. 4. conc. Labb. col. 494 B. In translat. tamen Lat. dicitur *Anianus*. Subscripsit demum, cum



III. BASSUS.

In subscriptionibus episcoporum Palæstinæ  
epistolæ synodicae Joannis Hierosolymitani  
antistitis ad Joannem Constantinopolitanum  
Patriarcham anno 518. missæ adversus Seve-  
rum Antiochenum, legitur Βάσος ἐπίσκοπος  
Καπιτωλιάδος, Bassus episcopus Capitolianus.  
To. 5. conc. Labb. col. 192. C.

IV. THEODOSIUS I.

Synodo trium Palæstinarum, quæ, Petro  
Patriarcha præside, habita est mense Septem-  
bri anni 536. contra Anthimum & alios  
hæreticos, interfuit & subscripsit Theodosius  
episcopus Capitoliensis, Θεοδοσίος ἐπίσκοπος Κα-  
πιτωλίσ. To. 5. conc. Labb. col. 286. E.

V. THEODOSIUS II.

Sæculo sexto exeunte, vel sæculo sequenti,  
episcopus Capitoliadis fuit Theodosius alter,  
à quo nonnulla de gestis quorundam abba-  
tum se accepisse testatur Joannes Moschus in  
Prato Spirituali, dum ipse in cœnobio sancti  
Theodosii archimandritæ monachus degeret.  
To. 2. Bibl. Patr. Græco-Lat. edit. Paris. 1624.  
Narravit nobis in cœnobio sancti Patris nostri

Theodosii, inquit cap. 104. pag. 1099. abbas  
Theodosius, qui fuit episcopus Capituliadis, de  
abbate Nonno presbytero, &c. Et cap. 9. *ibid.*  
pag. 1104. De abbate Sergio, Patre monasterii  
abbatis Theodosii, narravit nobis abbas Theo-  
dosius ejus discipulus, bonus ac mitis & humilis,  
qui fuit episcopus Capitoliadis, quod duodecim  
annos observasset eum, si vel semel turbaretur,  
& nunquam turbatum vidit.

VI. PETRUS.

Synaxarium Basilii Imperat. ad diem 4.  
B Octob. Petrum martyrem memorat, qui ex  
Gentili Christianus factus, & postea Capetolii  
sive Capitoliadis episcopus ordinatus, quum  
multos ad Christi fidem converteret, à præ-  
fecto, erutis primum oculis, naribus ampu-  
tatis, manibus ac pedibus nervo fractis, in  
crucem tandem actus, pro tortoribus Deum  
deprecari non cessabat. Aliud menologium  
vetus, quod Henricus Canisius tom. 2. antiq.  
lect. edidit, eodem die meminit sancti Petri  
Capitolii presbyteri, qui Damascum ductus ab  
Hagarenis, seu Saracenis, effossis oculis, cruci  
affixus, capite demum truncatus, in ignem  
projectus est. In utroque illo menologio eum-  
dem Petrum designari palam videtur: at non  
ita clarum, num Capitoliadis reipsa episcopus  
fuerit, & quandonam martyrium subierit.

ECCLESIA  
CAPITOLIA  
DIS.

Vid. Ughel-  
lum tom. 6.  
Ital. sac.  
vet. edit. col.  
1091. n.  
84. C.

XVIII. ECCLESIA CAPARCOTIÆ sive CAPHARCOTIÆ.

CAPHARCOTIA urbs Galilææ est, Ptolemæo dicitur Καπαρκότια. De ea loquitur Hadr.  
Reland. tom. 1. Palæst. illustr. pag. 461. & to. 2. pag. 687. In hoc secundo loco addit:  
Caparcotani legitur inter Scythopolim & Cæsaream Palæstinæ in tabula veteri Peutingeriana.  
Supra dixerat tom. 1. pag. 211. Caparcotiam, juxta Carolum à Sancto Paulo geogr. sac.  
pag. 316. esse Ptolemæi interpretibus Capernaum, hancque ab ipso collocari in mappa  
sua geographica patriarchatus Hierosolymitani ad latus septentrionale maris Galilææ.  
Verum urbs (illa) fuit inter Scythopolin & Cæsaream, nec quidquam est quod suadeat  
(id) de Capernaum esse cogitandum, præsertim quum plurima Palæstinæ loca nomen  
Caphar (quod vicum significat) præpositum habeant. Caparcotiam Palæstinæ secundæ idem  
Carolus à Sancto Paulo adscribit, quæ tamen non memoratur in notitiis veteribus eccle-  
siasticis: ejusque præfulem fuisse tradit Demetrium quemdam, qui synodo Hierosolymitanæ  
anno 536. interfuit & subscripsit in hunc modum Δημήτριος ἐπίσκοπος Καρχημώλων, De-  
metrius episcopus Chartnianus, vel Carpathenus, pro quo legendum ipse censet Caparcotenus.  
Verum hic Demetrius episcopus fuit Characmobæ in tertia Palæstina, ut infra dicetur. Unde  
nullum novimus Caparcotiæ episcopum.

XIX. ECCLESIA MYRI.

IN notitia Patriarchatum Nili Doxopatrii, scripta anno æræ Christianæ 1151. edita à  
le Moine in variis sacris pag. 231. & à Schellstratano tom. 2. antiq. eccl. cujus excerptum  
refert Hadr. Reland. tom. 1. Palæst. illustr. Græcè quidem pag. 219. & seq. Latine vero  
pp. 220. & 221. exstat sedes decima-quarta τὴν Μύρου (sive Μύρον) Myri. Item in notitia  
Latina, sub Scythopoli metropoli secundæ Palæstinæ, legitur *ibid. p. 223. Mirum.* Cæterum  
nihil aliud de ea urbe mihi notum est.



## EPISCOPI MYRI.

SERENIANUS, *sive* HERENNIANUS,  
*vel* BERENNIANUS.

IN actis synodi Ephesinæ I. anno 431. celebratæ adversus Nestorium, post *Suidam* episcopum Phœnîs in Palæstina subscripsit Σερηνιανὸς ἐπίσκοπος Μυρέων πόλεως, *Serenianus episcopus civitatis Myreorum. Tom. 3. concil. Labb. col. 541. B. & col. 690. C. Herennianus episcopus Myrôn.* In subscriptionibus tamen Græcis quas clarissimus Baluzius edidit in nova collect. concilior. col. 511. legitur Βερρηνιανὸς ἐπίσκοπος τῆς Μυρέων πόλεως, *Berrenianus episcopus civitatis Myrensis.* Ita etiam in

A codicibus quibusdam Latinis. Carolus à S. Paulo in notitia episcopatum Patriarchatus Constantinopolitani pag. 242. recenset ex ea notitia, quandam urbem *Myrum*, in provincia Phrygiæ salutaris, & Megalum (vel potius Philippum) *Myrenorum* episcopum subscripsisse ait concilio quintæ generali. Nam exstat to. 5. conc. Labb. col. 416. E. Philippo religiosissimo episcopo *Myrorum.* Et col. 581. C. Philippus misericordia Dei episcopus *Myrensum metropoleos Lydiæ provinciae.* Fortassis hujus Myri in Phrygia *Serenianus* episcopus fuit, non *Myri* in Palæstina.

XX.

## ECCLESIA TETRACOMIÆ.

TETRACOMIA, Græcè Τετρακομία, urbs vel vicus fuit in Palæstina secunda. Hujus quidem fit mentio in notitiis veteribus ecclesiasticis; sed nullus memoratur qui ei præfuerit episcopus. Vide Hadr. Reland. to. 1. Palæst. illustr. pag. 215. & to. 2. pag. 1029. Eam omisit Carolus à Sancto Paulo.

XXI.

## CLIMA GAULAMES.

IN notitiis veteribus patriarchatum, sedibus episcopalibus Palæstinæ secundæ *Clima Gaulames* inseritur, apud Hadrian. Reland. tom. 1. Palæst. illustr. pag. 215. Κλίμα Γαυλάμης, qui de hac urbe nihil aliud ait *ibid. in nota 15.* nisi in *hist. Byzant.* de ea mentionem fieri. Eam omisit Carolus à Sancto Paulo in sua episcopatum serie Palæstinæ secundæ. Nullus nominatur ex ejus episcopis.

XXII.

## NAÏS, &amp;c.

KΩμὴ Ναῖς vicus *Naïs* inter urbes Palæstinæ secundæ recensetur in notitia veteri ecclesiastica, ut tradit Hadr. Reland. to. 1. Palæst. illustr. pag. 215. & to. 2. pag. 905. qui pag. præced. 904. ait esse vicum Samaritidis situm in magno campo, cujus Josephus meminit lib. 20. antiq. cap. 5. quem etiam lib. 2. de bell. Jud. cap. 2. Γημὴν appellat. Hunc vicum omisit Carolus à Sancto Paulo in sua serie episcopatum Patriarchatus Hierosolymitani. Nullum habemus ex episcopis qui ei præfuerunt. Inter subscriptiones archimandritarum, & aliorum in dignitate aliqua constitutorum qui synodo Bethleemiticæ adfuerunt anno 1672. adversus dogmata Calviniana Græcis imputata à Claudio Ministro Charentonensi subscripsit ὁ ἐφημέριος τῆς ἀγίας οἰκίας Θεωὶ, καὶ δόμου τῆς καύμης αὐτῆς, καὶ καύμης Ναὶν, καὶ ἡ ἐκείνη, ἡτοι Πασχάλης ἱερεὺς ὑπεγράφη. Paschalis sacerdos ephemerius sancti montis Thabor, & administrator oppidi ejusdem nominis, & oppidi *Nain*, necnon & adjacentium, subscripsi. Tom. XI. conc. Harduini col. 272. A.

In notitia Latina subjuncta geographiæ sacrae ejusdem Caroli à Sancto Paulo, pag. 59. cujus quoddam excerptum refert præfatus Hadr. Reland. to. 1. pag. 223. legitur de sedibus secundæ Palæstinæ: *Sedes secunda Scythopolis, id est, Bethsan: sed hodie translata est sedes ad Nazareth ob reverentiam Annunciationis Dominicæ & Nativitatem beatæ Mariæ Virginis. Sub hac sunt episcopatus novem, Capitoliadis scilicet, Mirum, Gadarum, Pelonvillus, Ypopopulus & Wilippus, Terratomias, Clima Gaulanis, Comanas, Tiberias. Ibi sunt adhuc Bethsaïda, Naun, & Capharnaum, sed alio nomine vocitantur, nec habent episcopos.*



# III. PROVINCIA PALÆSTINÆ TERTIÆ.

I.

## ECCLESIA PETRÆ METROPOLIS.

**J**AM supra coll. 663. 664. de episcopis primæ Palæstinæ differentes, diximus urbem quandam *Petram* à nonnullis scriptoribus in illa Palæstina prima reponi, & distingui à *Petra* metropoli tertiæ Palæstinæ; ostendimus autem ex Hadriano Relando, *Petram* hanc esse probabilissime ipsammet *Petram* Arabiæ, de qua nunc agendum suscipimus: unde etiam episcopos alterutri adscriptos hic recensimus, ut hujus solius *Petræ*, quæ tertiæ Palæstinæ metropolis fuit, veros præfules, excepto duntaxat *Ario* sive *Macario*, de quo, ut-pote alicujus quidem loci in Palæstina nobis ignoti, sed non hujus *Petræ* episcopo, loquuti sumus *ibid.* coll. 667. & 669.

*Petra* itaque, vulgo dicta *Krach* & *Arach*, urbs est Arabiæ celeberrima, ex qua tota regio illa *Petræ* nomen sustulit. De ea Eusebius & Hieronymus in locis Hebr. ad vocem *Petra*, aiunt, *Petra* civitas Arabiæ in terra Edom. Et ad vocem *Πέτρα*, illa est *Petra* urbs Arabiæ. Scilicet Arabiæ nomen tunc dabatur regioni quæ olim *Edom* dicta est. Hinc post Eusebium idem Hieronym. apud Hadr. Reland. tom. 1. *Palæst. illustr. pag. 71. & seqq.* Idumæa regio *Esau*, quæ ex eo quod ille *Edom* vocabatur, nomen accepit. Est autem circa urbem *Petram*, quæ nunc dicitur *Gabalene*, sive *Gabalene* (Gabalene nomen est regionis istius, & significat regionem montanam.) Et pag. 84. ex eodem Hieron. Regio *Idumæorum*, quæ nunc *Gabalene* dicitur, vicina *Petræ* civitatis. Josephus lib. 2. antiq. cap. 1. pag. 36. D. edit. Græc. Lat. Genèv. 1611. loquens de filiis *Esau* hæc habet: *Hi habitaverunt Idumææ regionem, quæ Gobolitidis Γοβολιτιν dicitur, & eam quæ de Amaleci nomine Amalecitis est appellata: quondam enim late patentem terram Idumææ nomen complectebatur.* Et lib. 3. cap. 2. p. 74. B. ait de urbe *Petra*: *Præcipui vero hujus expeditionis instigatores erant qui Gobolitidem Γοβολιτιν regionem & urbem Petram Πέτραν incolunt, vocanturque Amaleciti, inter eas gentes pugnacissimi.* Et lib. 4. cap. 4. pag. 110. B. *Quumque venisset. (Moyses) in agrum urbis Arabum primariæ, quæ olim Arce Αρην, nunc Petra Πέτρα nominatur, &c. & infra cap. 7. pag. 117. E. Tanta Madianitarum multitudo est cæsa... ne regibus quidem servatis. Hi fuere Ochus, Sures, Robeas, Ubes, & quintus Recemus, à quo deductum nomen primaria urbs Arabum & hodie retinet, Receme Αρηνέμ dicta, quam Græci Petram Πέτρα vocare malunt.* Porro, licet *Petra* in Arabia sita fuerit, eam nihilominus asserit post Eusebium Hieronymus, commentario in *Esayæ cap. 42. vers. XI.* urbem esse Palæstinæ: *Et habitatores Petræ, quæ & ipsa urbs Palæstinæ est.* Quia scilicet Palæstina Eusebii & Hieronymi temporibus usque ad sinum Arabicum sese extendebat. Palæstinæ tertiæ metropolim eam recenset notitia vetus Græca, apud Hadr. Reland. tom. 1. pag. 215. *Επαρχία Παλαιστίνης Γ'. Πέτρα μνημόπολις, Provincia Palæstinæ tertiæ, Petræ metropolis.*

*Petræ* situs ut distinctius cognoscatur, (verba sunt ejusdem Hadr. Reland. to. 2. pag. 929.) notandum ab *Aila* vel *Elath*, portu sinus Arabici, abfuisse tantum decem milliaria Romana. Vicinam certe *Petram* *Ailæ* fuisse etiam ex eo colligimus quod Hieronymus *comm. in Abd. vers. 5.* *Idumæorum regionem ab una parte Eleutheropoli, ab altera Petra & Aila terminet: Omnis, inquit, australis regio Idumæorum de Eleutheropoli usque ad Petram & Ailam, (hæc est enim possessio Esau) in specubus habitatiunculas habet.* Unde in mappis nostris spatium terræ inter sinum Arabicum & lacum Asphaltiten multo est angustius quam in aliis mappis geographicis. A lacu autem Asphaltite remota fuit *Petra* stadiis 300. uti liquet ex Diodoro Siculo lib. 19. cap. 108. Sed tamen incertum manet an ad Orientem, an vero ad austrum lacus sita fuerit. Videtur ad Orientem, vel certe inter Orientem & austrum, collocanda, quia Josephus lib. 5. de bell. Jud. cap. 4. scribit montem, cingentem τὸ μέγα πεδῖον campum magnum ab Oriente, protendi à *Juliade*, sive *Libyade*, usque ad *Somorram* in finibus *Petræ*. Præterea ducimur huc à *Strabone* lib. 16. pag. 779. C. edit.

Zz



ECCLĒSIA  
PETRÆ.

*Casaub.* tradente à Petra, metropoli Nabatæorum (ita hanc appellat) usque ad Hierichuntē brevissimum iter esse trium dierum aut quatuor. Quia (enim) ad situm Petræ declarandum urbem Hierichunta eligit Strabo, videtur illa inter urbes Judææ celebres proxima Petræ fuisse. Quod si versus occidentem lacus Asphaltitis, aut etiam recto ductu ad austrum lacus sita fuisset, dixisset eam ab Hierosolymis, vel Gaza, aliisve urbibus vicinis disjunctam fuisse per tot vel tot stadia: sed quum à Hierichunte ejus situm suspendat, tuto creditur illam inter urbes celebres Judaicas Petræ proximam fuisse. Insuper non plane negligenda sunt quæ Strabo addit de itineris trium aut quatuor dierum spatio quod reponit inter Hierichuntē & Petram; hinc quippè patet non ad orientem recta via Petram remotam fuisse à lacu Asphaltite, sed ita ut ad austrum quoque ejus lacus fuerit, id est, plagam euro-australem. Nam extremitas australis lacus Asphaltitis aberat Hierichunte præter propter sexcenta stadia. Trium vero dierum iter est stadiorum sexcentorum & quadraginta; quatuor autem dierum stadiorum octingentorum & quinquaginta, si sequamur rationes Procopii Cæsariensis, qui iter unius diei tradit esse stadiorum ducentorum & decem. Atque adeo colligimus Petram ab Hierichunte remotiorem fuisse extremitate australi lacus Asphaltitis, &c. Strabo *ibid.* Petram describit sitam in regione plana, & hortis fontibusque instructam, cinctam tamen rupibus undequaque; ultra quas deserta sunt maximam partem, præcipuè versus Judæam, ad cujus *Φοινικώνα* Palmetum iter est dierum quinque. Id Palmetum sinui Arabico adjacet, & distinguendum est à Phœnicone seu palmeto Hierichuntino cujus ante Strabo meminerat.\*

\* Hadr.  
Relandus  
to. 2. pag.  
929. &  
seqq.

Petram olim *Ἀρκεν* Arce dictam fuisse supra vidimus ex Josepho *lib. 4. antiq. cap. 4.* qui tamen postea *cap. 7.* eam asserit *Ἀρκεμένην* Araceme appellatam de nomine *Πενέμεν*: unde vel *Ἀρκεν* capitis quarti mendum est pro *Ἀρκεμένην*; vel idem est *Ἀρκεν* & *Ἀρκεμένην*, ut tradit Bochartus *lib. 1. cap. 45.* & *Ἀρκεν* ex *Ἀρκεμένην* per apocopen fit. Eusebius, & etiam post ipsum Hieron. *Recem* Josephi aiunt esse *Petram*: sic enim uterque habet in Onomastico Locorum, *Ἀρκεν. καὶ Ἰώσεππον αὐτὴν ὅτι Πέτρα πόλις ἐπίσημος τῆς Παλαιστίνης. Arcem. Refert Josephus hanc esse Petram urbem nobilem Palæstinæ.* Josephus, quia hæc pars regionis, ubi Petra sita erat, *Arabia* dicebatur, Petram *Arabie* tribuit, uti *lib. 14. ant. cap. 2. p. 469. F.* Cæterum nomen priscum Petræ *Ἀρκεμένην* est, sive *Recem*, quo nomine eam notari in scripturis multi Hebræorum existimant, ut *Num. cap. 31. vers. 8. Reges.... Evi, & Recem, &c.*

Plinius *lib. 6. cap. 28.* de Petra urbe hæc observat: *Nabatæi oppidum incolunt Petram nomine in convalle, paulo minus duorum millium passuum amplitudinis, circumdatum montibus inaccessis, amne interfluente: abest à Gaza oppido litoris nostri sexcentis millibus, à sinu Persico 122. millibus. Huc convenit utrumque bivium, eorum qui Syriæ Palmyram petiere, & eorum qui ab Gaza venerunt. Numeros esse corruptos clarum est, quum Petra multo propior fuerit Gazæ quam sinui Persico: videturque permutatio numerorum instituenda, quod recte advertit Cellarius *to. 2. geogr. antiq. pag. 418. (pag. est 684. edit. Lipsiæ 1706.)* Atque ita melius convenit cum iis quæ ipse Plinius de Gazæ & sinus Elanitici distantia 150. millibus passuum dixerat. Videtur itaque à sinu Elanite abfuisse 15. milliaria. Hieronymus dicit *to. 2. pp. 931. & 932.* qui etiam addit *pag. 933.* nomen hodiernum hujus urbis, illudque vetus, esse *Ἀγρα* Agra, ex quo nomen *Hagarenorum* dimanavit. *Agræorum* certè Arabum meminit Strabo *lib. 16. pag. 767. D. propter adjacentes Arabum gentes, Nabatæos scilicet, Chaulotæos, & Agræos. Διὰ δὲ τῶν παρεκκειμένων Ἀερίων ἐθνῶν Ναβαταίων τε, καὶ Χαυλοταίων, καὶ Ἀγραίων.* Petram Arabiæ metropolim fuisse, & dictam olim *Hadrianam* ex nomine *ΜΗΤΡΟΠΟΛΙΣ* legitur; tum Dio-Cassius qui scribit *lib. 68.* hanc Romanis à Palma præfecto Syriæ, imperante Trajano, subjectam, & *Hadrianam* appellatam. Id refert idem Hadr. Reland. *pag. 931.* Porro eam urbem statuunt tertiæ Palæstinæ metropolim notitiæ veteres eccl. & plures ejus præsulum in actis conciliorum memorantur.*

## EPISCOPI PETRÆ.

I. ASTERIUS.

GERMANUS intrusus.

DE eo Asterio Petræ in Arabia episcopo jam plura superius dicta sunt *coll. 667. & 669.* quæ hic repetere necesse non est. Hujus Asterii sæpius meminit sanctus Athanasius *to. 1. edit. Commel. an. 1600.* ut *pp. 447. E. 448. A. B.*

A 451. D. 452. A. 595. A. 596. B. 634. A. 635. E. Primum quidem adhæserat Asterius iste Eusebianis contra Athanasium; sed in concilio Sardicensi anno 347. ab iis discessit, illorumque fraudes ipse & Arius sive Macarius episcopus in Palæstina declaravere, & tandem sententiæ quam pro Athanasio ac cæteris præsulibus orthodoxis tulerunt Sardicenses Patres



subscripserunt. Quia autem Petra tunc nondum recenscebatur inter sedes episcopales Palæstinæ, nomen Asterii legitur in subscriptionibus hujus concilii, non cum episcopis Palæstinæ, apud Athanas. pag. 597. B. sed cum aliis episcopis pag. 596. B. Ἀστέριος.

Porro Eusebiani, Asterium & Arium, auctoritate Constantii, in Africam relegarunt. Redierintne ab illo exilio, vel ærumnis in Africa confecti vitam præsentem in æternam commutaverint, definire non audent doctiff. Bollandiani 10. 4. Jun. ad diem 20. num. 3. pag. 11. col. 1. eo quod, inquit, nihil ultra de illis scripserit Athanasius, nec in Græcorum Synaxariis ullo uspiam die illorum memoria fiat, sicut nec in Latinorum antiquis Martyrologiis. Recens quippe Martyrologio Romano nomen Asterii Baronius inseruit ad diem 10. Junii, his verbis: *Petræ in Arabia, sancti Asterii episcopi, qui ob fidem Catholicam ab Arianis multa perpeffus, & à Constantio Imperatore in Africam relegatus, confessor gloriosus occubuit.* Attamen constat, saltem Asterium, post Constantii mortem, ex Africa reversum, concilio Alexandriæ habito anno 362. interfuisse. Id siquidem testatur jam supra laudatus Athanasius in epistola ad Antiochenes ex illo ipso concilio exarata, pag. 447. E. *necessarium visum est ut ea, quæ à nobis nostrisque dilectis scripta essent Eusebio (Vercellenfi) & Asterio Εὐσεβίῳ τῷ καὶ Ἀστέριῳ, vestræ bonitati insinuare, &c.* Et paulo ante finem, p. 452. A. *Ego Athanasius cæterique in hoc conventu præsentis epistolæ subscripsimus, &c. Episcoporum nomina ad quos epistola conscripta est (id est, ad quos ejus executio commissa est) sunt hi.... Asterius Petræ Arabæorum, Ἀστέριος Πέτρῳ τῆς Ἀραβίας, Cymatius Palti Cælosyriæ, Anatolius Eubææ. Cæterum qui epistolam scripserunt, sunt isti: Papa Athanasius, & qui cum illo Alexandriæ fuerunt, ipse quoque Eusebius inter eos est, Asterius item, Ἀστέριος, καὶ οἱ λοιποὶ, &c.* His etiam Eusebius latine subscripsit, quorum hæc interpretatio: *ego Eusebius episcopus, &c. Ego Asterius superioribus scriptis adstipulor, & vos in Christo bene valere precor.* Verosimile est Asterium, synodo Alexandrina soluta, Antiochiam, cum Eusebio Vercellenfi, perrexisse, tum ut decreta hujus synodi promulgarent, tum etiam ut schisma Antiochenum ad finem perducere conarentur. Quid exinde Asterius egerit, & quandonam obierit nos latet.

Vivente adhuc Asterio, & probabiliter quando in exilium ab Imperatore Constantio missus est, Ariani ejus sedi Petrarum Germanum quemdam præfecerunt. Anno enim 359. in conciliabulo Seleuciensi, formulæ fidei cum aliis 42. episcopis ab Epiphanio

Tomus III.

nominatis subscripsit penè ultimus, in hunc modum: Γερμανὸς ἐπίσκοπος Πέτρῳ, *Germanus episcopus Petrarum.* Epiphan. lib. 3. *adversus hæreses, hæc. 73. 10. 1. num. 26. p. 874. D. edit. Colon. 1682.*

## II. JOANNES.

In indice metropolitānorum Orientis, ad quos Leo Imperator post necem Proterii Alexandrini Patriarchæ anno 457. scripsit, legitur *Joannes Petrensis. Joanni reverendissimo episcopo Petrensi. To. 4. conc. Labb. col. 891. A.*

## III. THEODORUS.

*Theodorus* iste sancti Theodosii archimandritæ, qui obiit anno 529. die 11. Januarii, discipulus fuit, ejusque vitæ scriptor. Petrarum autem episcopus erat anno 536. quo synodo trium Palæstinarum Hierosolymis congregatæ adversus Anthimum, aliosque hæreticos, præside Petro Patriarcha, interfuit, & subscripsit. Θεόδωρος Πέτρῳ, *Theodorus episcopus Petrarum.* Tom. 5. concil. Labb. col. 286. A. Observat Hadr. Reland. tom. 2. *Palæst. illustr. pag. 933.* Germanum & hunc *Theodorum* se subscripsisse episcopos Πέτρῳ Petrarum, quia scilicet nomen hujus urbis scribitur Græcè Πέτρα in plurali & Πέτρα. Unde Suidas, ad vocem Γενεθλίος ait: Γενεθλίς, Παλαιστίνος ἐκ Πέτρῳ, σοφιστής, &c. *Genethlius, Genethlii filius, Palæstinus, ex urbe Petrarum, Sophista.* Et Malala in chronico pag. 116. ἐξωείσθη εἰς Πέτρας, πόλιν ἐπὶ τοῦ ἡγελοῦμένην, ἔσαν τῆς τέλεις Παλαιστίνης, *relegatus est Petras, urbem sic appellatam, quæ est tertiæ Palæstinæ.* Sic quoque Πέλλα & Πέλλα, Pella: Ἀρπη & Ἀρπη Arce: Ραφανία & Ραφανία Raphanea, in singulari utique & plurali numero exarantur.

## IV. ATHENOGENES.

Hic *Athenogenes* Damianæ abbatissæ filius, Petræ episcopus fuit circa finem sæculi sexti vel initium sequentis. Ab ejus siquidem matre *Damiana*, Joannes Moschus qui obiit sæculo septimo non multum adulto, se ea didicisse scribit quæ ipse refert, in *Prato spirituali capp. 127. 128. & 129.* Narravit nobis, inquit, cap. 127. 10. 2. *Bibl. Veter. Patr. Græco-Lat. edit. Paris. anni 1624. pag. 1111. A. Abbatissa Damiana solitaria, mater abbatis Athenogenis, episcopi Petrensis, dicens, &c. Διηγήσατο ἡμῖν ἡ Ἀμμὰ Δαμιανὴ ἡ συγχεστρία, ἡ μήτηρ τῆς ἀββῆς Ἀθηνογένους τῆς ἐπισκόπου Πέτρῳ, λέγουσα, &c.* Et cap. 128. pag. 1112. A. *Audi, referente abbate Athenogene episcopo Petræ, filio abbatissæ Damianæ, &c.* Et cap. 129. p. 1113. A. *Abbas idem Athanasius narravit nobis audivisse se narrantem abbatem Athenogenem episcopum*

Zz ij



ECCLESIA  
PETRÆ.

*Petræ, &c. ὅτι ἀνέκοιεν τῇ ἀββᾷ Ἀθηνογένους τῇ Ἀποστόλου Πέτρῃ, &c. Nihil aliud de eo episcopo nobis compertum est.*

## V. DOROTHEUS.

Anno 1672. actis synodi Bethleemi celebratæ sub Dositheo II. Patriarcha, ad pro-

scribenda Calviniana dogmata, quæ Cyrillus Lucaris Patriarcha Constantinopolitanus propugnauerat, subscripsit *Dorotheus* in hunc modum: ὁ Πέτρος Δωρόθεος δέσποτα τῆς πέτρας, *Dorotheus episcopus Petræ definiens subscripsi. To. XI. conc. Hard. col. 267. E.*

## II. ECCLESIA AUGUSTOPOLIS.

*AUGUSTOPOLIS* inde nobis duntaxat innotescit, quod in notitiis ecclesiasticis recensetur inter sedes episcopales Palæstinæ tertiæ, & quod aliqui ejus episcopi in actis conciliorum memorentur. Quocirca, nec quando urbs illa nomen istud acceperit, nec an aliud vetustius nomen habuerit, asserere ullatenus ausim.

## EPISCOPI AUGUSTOPOLIS.

## I. JOANNES I.

Anno 431. synodo Ephesinæ I. adfuit, & subscripsit *Joannes episcopus Augustopolis*, Ἰωάννης ἐπίσκοπος Ἀυγουστούπολεως. *To. 3. conc. Labb. coll. 473. B. 500. B. 540. E. 692. E. & 10. 4. coll. 283. E.*

## II. JOANNES II.

Libello synodico Petri Patriarchæ Hierosolymitani contra Anthimum & alios hæreticos, subscripsit anno 536. *Joannes episcopus Augustopolis*, Ἰωάννης ἐπίσκοπος Ἀυγουστούπολεως. *To. 5. conc. Labb. col. 283. D.*

## III. ECCLESIA ARINDELÆ sive ARINDELORUM.

*NOTITIÆ* veteres, *Arindela* in neutro plurali, inter sedes episcopales Palæstinæ tertiæ, recensent Ἀρίνδηλα. Stephanus Byzantinus, de urbibus & populis, ejus meminit: Ἀρίνδηλα τρίτης Παλαιστίνης. Γλαύκος δὲ καὶ μὲν ἀπὸ τῆς καλεῖται. *Arindela* (urbs) tertiæ Palæstinæ: *Glaucus* vero eam vicum appellat. Thomas de Pinedo Lusitan. ait in hunc Stephani locum nota 29. pag. 107. col. 1. *Sed de ea urbe nulla apud alios scriptores, quod sciam, fit mentio. Hi occurrunt ejus episcopi.*

## EPISCOPI ARINDELORUM.

## I. THEODORUS.

Synodo Ephesinæ primæ anno 431. adversus Nestorium celebratæ interfuit, & subscripsit Θεόδωρος ἐπίσκοπος Ἀρεινῶν, veletiam Ἀρενῶν & Ἀρενῶν, pro Ἀρεινῶν, *Theodorus episcopus Aribelorum, Arbelorum, Aribdila, Aribdelensi*, id est, *Arindelorum*: Non (enim) puto, inquit Hadr. Reland. tom. 2. *Palæst. illustr. pag. 581.* hic de *Arbelis* esse cogitandum, (de quo nihil in notitiis) sed

Cesse.... urbem.... Ἀρεινῶν, *Arindelorum*. Vide *10. 3. conc. Labb. coll. 472. E. 497. D. 541. A. 694. C. & 10. 4. col. 283. D.*

## II. MACARIUS.

Anno 536. sententiæ contra Anthimum & alios hæreticos latæ Hierosolymis in synodo episcoporum trium Palæstinarum, præside Petro Patriarcha, subscripsit Μακάριος ἐπίσκοπος Ἀρεινῶν, *Macarius episcopus Arindelorum. To. 5. conc. Labb. col. 286. C.*

## IV. ECCLESIA ARAD.

*PROCOPIUS* Gazæus comment. ad lib. Judic. ait, teste Hadr. Reland. *10. 1. Palæst. illustr. pag. 501.* *Arad* urbs *Amorrhæorum* est vicina deserto *Cades*, hoc est, *Pharan*. Hac autem tempestate vicus est ad quartum lapidem à *Malathis*, ab *Chebrone* vero ad vicissimum. Eadem leguntur apud Eusebium & Hieronymum, quibus auctoribus eum usum fuisse patet ex eo quod sæpe illos nomine citet, uti & Ἐρεσίων ὀνομαζέτων ἐρμηνείαν. Addit autem Hieronymus abesse *Arad* sive *Arath*, si de eadem urbe, uti videtur, inquit idem Reland. *ibid. pag. 482.* sermo est, ab *Chebrone* millibus viginti ad meridiem. Hujus oppidi meminit scriptura Num. cap. 21. vers. 1. *Quod quum audisset Chanaanæus rex Arad, qui habitabat ad meridiem,*



venisse scilicet Israël... pugnavit contra illum, & victor existens duxit ex eo prædam. At Israël voto se Domino obligans... Exaudivitque Dominus preces Israël, & tradidit Chananæum, quem ille interfecit subversis urbibus ejus. Item Josue cap. 12. vers. 14... rex Hered unus. Et cap. 15. vers. 3. Ascendens ad Addar. Addar hic scriptum est pro Arad, propter similitudinem litterarum Daleth & Resch. Verterunt septuaginta A'ed, & A'ed. Et Judic. cap. 1. vers. 16. Filii autem Cinai cognati Moyse, ascenderunt... cum filiis Juda in desertum fortis ejus, quod est ad meridiem Arad. Hæc porro civitas exulat à notitiis.

## E P I S C O P I A R A D.

## S T E P H A N U S.

Inter subscriptiones episcoporum Palæstinæ quæ exstant ad calcem epistolæ synodicæ Joannis Patriarchæ Hierosolymitani adversus Severum Antiochenum, anno 518. legitur Στέφανος Ο'ραν, Stephanus Oranus. Item inter similes inscriptiones episcoporum trium Palæstinæ, qui sententiam adversus Anthimum in synodo Hierosolymitana pronuntiatam anno 536. præside Petro Patriarcha, approbant, exstat Στέφανος Α'ρδων, in Latino indice Stephanus Aradorum. Unde Hadr. Rel. tom. 2. Palæst. illustr. pag. 574. ubi de Arad, sic loquitur: Hanc suspicor esse urbem cujus episcopus Stephanus in actis concilii Hierosolymitani an. 536. appellatur Στέφανος Α'ρδων. Latini (quidem) codices habent Aradorum. (At) Aradus huc nil facit, aut Α'δραα, Adraa: nam series illa episcoporum, in qua Stephanus Aradorum episcopus legitur, non

A complectitur nisi episcopos Palæstinæ, & Aradus non erat in Palæstinæ ulla, sed in επαρχία Φοινίκης, in provincia Phœnices; Adraa (vero) in επαρχία Α'ραβίας, in provincia Arabia. Carolus à Sancto Paulo Fulienfis qui geogr. sac. p. 317. Arad reponit in tertia Palæstina, ait pariter: Stephanus Aradorum est in eodem concilio (scilicet Hierosolymitano.) Idem fortassis conjiciendum de Stephano Orano, qui subscripsit epistolæ synodicæ Joannis Hierosolymitani anno 518. pro Orano videlicet, à loco in Palæstina ignoto; legendum fore Aradano ab Arad, librariorum errore, ΟΡΑΩΝ posito pro ΑΡΔΩΝ. Porro si Stephanus iste qui sedebat anno 518. non est idem ac Stephanus qui subscripsit anno 536. duo erunt Stephani hujus sedis Aradenfis præfules, quorum probabiliter priori successerit posterior. Vide 10. 5. conc. Labb. coll. 192. E. & 283. D. Item præfatum Reland. 10. 2. pag. 531. nota 6.

## V. E C C L E S I A C H A R A C M O B Æ.

CHARACMOBA, Græcè Χαρχμοβα, urbs fuit Palæstinæ episcopatu insignis. De ea urbe Theodoretus in Esai. cap. 15. vers. 1. tom. 2. edit. Paris. 1642. pag. 66. D. ad illud: Verbum quod contra Moabitidem, ait: Hi genus ducunt à Loth; metropolim autem olim habebant eam quæ nunc dicitur Charachmoba, μετόπολιν δὲ εἶχον πάλαι τὴν νῦν καλουμένην Χαρχμοβα. Recensetur inter urbes Arabiæ Petrææ à Ptolemæo, & Palæstinæ tertiæ adscribitur in notitia Græca, sive Diatyposi Leonis Augusti, ut eam appellat Jacobus Goar, qui illam corpori historiæ Byzantinæ inseruit, & cum manus. contulit, teste Hadr. Reland. tom. 1. Palæst. illustr. pag. 216. ubi legitur Græcè quidem p. 217. Επαρχία Παλαιστίνης Γ..... 4. Χαρχμουχα Latinè vero pag. 218. Provincia Palæstinæ tertiæ.... Charagmucha. Qui etiam paulo supra pp. 212. & 213. sic notat: Characmoba. Fuisse in Palæstina tertia, patet ex notitia Græca secunda (ea scilicet quæ modo relata est) & episcopum habuisse ex concilio Hierosolymitano liquet: quare inter urbes episcopales hujus Palæstinæ recenseri debuisset à Carolo à Sancto Paulo in geographia sacra pag. 309. Addit idem Hadr. Reland. 10. 2. pag. 705. in notitiis veteribus ecclesiasticis hanc urbem nuncupari Παρχμουχον, sed in aliis rectius Χαρχμουχα, quod idem est ac Characmoba. Stephanus Byzant. de urbib. & popul. hæc habet: Characmoba, Χαρχμοβα, urbs tertiæ nunc Palæstinæ, quam celebrat Ptolemæus in geographicis lib. 5. in Arabicis cap. 17. Fide ille dignus est in talibus. Laborem enim posuit in describenda accurate Arabia. Dicunt & Mocharax, & Μωχαράξ φησίν. Hujus oppidi etiam meminit M. Niger Asiæ comment. 4. qui nunc Castellum, olim urbem fuisse tradit. Ita refert Thomas de Pinedo Lusitanus in notis ad Stephanum, pag. 716. edit. Amstelodam. 1678. not. 52.

## E P I S C O P I C H A R A C M O B Æ.

## I. D E M E T R I U S.

Sententiæ latæ contra Anthimum in syno-

do trium Palæstinæ Hierosolymis congregata an. 536. sub Petro Patriarcha subscripsit Δημήτριος ἐπίσκοπος Χαρχμοβών, Demetrius  
Z z iij



episcopus Carpathenus (ad marg. Charachmo-  
beus) tom. 5. conc. Labb. col. 283. In indice  
Latino, apud P. Hard. 10. 2. conc. col. 1418.  
E. legitur Demetrius episcopus Charthnians :  
Et ad marg. Ita ms.

## II. JOANNES.

Exeunte sæculo octavo, vel ineunte nono  
ecclesiæ Characmobæ curam suscepit Joannes  
quidam sancti Stephani Sabaitæ discipulus,  
de quo Leontius in vita hujus sancti, apud  
doctiff. Bollandianos, 10. 3. Jul. ad diem 13.  
nonnulla memorat. Quam fidem mereatur  
hic Leontius supra indicatum est col. 305. D.  
Is itaque scriptor, cap. 4. num. 35. pag. 544.  
& seqq. hæc de eo Joanne tradit: Fratres  
Deo chari tres ex eorum numero, quorum testata  
religio est, Damascum.... incolebant. Horum  
unus, quum sæculo vale dicens in hac maxima  
laura habitaret, hæc mihi commemoravit: quod  
vir quidam insignis, Joannes dictus, qui & multa  
edebat miracula, quorum viri complures, studio-  
sissimi veritatis, fecere periculum, huic beatæ  
memoriæ Seni (Stephano Sabaitæ qui obiit  
anno 794.) discipulus fuisset, ac deinde illustris  
gloriosæque Characmoborum, πόλεως Χαρακμο-  
βῶν, urbis creatus est episcopus. Vir sublimis,  
probataque, ut erat, virtutis habebatur, & ob  
negotia quædam necessaria, cum politica, tum  
ecclesiastica ad Symbolum Σύμβολον, id est  
præfectum Damasci, atque ad judicem fre-  
quenter itans, domi nostræ hospitium sibi dele-  
gerat. Multum vero ex sermonibus ejus ac  
relationibus utilitatis ac beneficentiæ spiritualis  
percepimus. Die autem aliqua sub multam  
vesperam, superque mensam, cui tres fratres  
una cum ipso accumbebamus, recensuit nobis  
quod sibi à magistro contigerat prodigii.

Num. 36. pag. 545. Quum sub viri hujus  
divini disciplina, inquit, essem, accidit ad mo-  
nasterium proficisci me, quod Churam appellant.  
Iter emensus, valens istuc integerque pervene-  
ram, quando ægritudo me aliqua invasit, &  
gravis admodum & plena periculi.... Aliquantò  
post reparatis.... confirmatisque viribus, viam,  
quæ per solitudinem ad lauram ducebat, arripui,  
pauculis, iisque siccis, panibus onustus. At æstu  
vehementer ingravescente.... solaribus radiis ac  
siti oppidò fatigabar.... in angustiis multis consi-  
liique inopia, Deum & sancti Senis (Stephani)  
invocabam preces, donec divina misericordia in  
istis me ærumnis ope sua præveniens, ed.... pa-  
stores aliquot Arabes deduxit, qui contemplati  
me rogabant ecquid haberem. Ubi vero panes  
illis exhibui, questusque sum sitim, panes qui-  
dem abstulerunt sibi; aquam autem aiebant hic  
inpromptu non esse, cæterum mittemus qui viam  
te doceat, locumque assignet ubi rivus decurrit  
non longè admodum distitum. Num. 37. Mit-

tunt ergo truculentum ac terribilem Æthiopa....  
& si mores spectares, nihil à diabolo diversum....  
Hunc ergo, urente siti, volens nolens ducem  
sequebar. Dum ad justum una spatium proces-  
sissemus, sistit me ad alveum torrentis, aquas  
continentem, & ait: bibe, homo Dei, & secure  
quantum lubet, quantumque opus habes, te satia.  
Labore itaque fessus, parvum quod gestabam  
epirriptarium ἐπιρριπτάριον, id est mantellum,  
deposui, ac bibere tentavi per otium & minime  
propere. Vix fonti caput subjeceram, quum in-  
jecta est mihi suspicio, exitialem illum Æthiopa  
sinistri aliquid in me cudere ac machinari; &  
sublato nonnihil capite, hominem.... saxo, quan-  
tum capere manus poterat, armatum conspicio,  
oculisque torvis ac sanguineis, & ignis instar  
collucentibus, in fatalem clam mihi ictum sus-  
pensum. Verum ego erectus extemplo, spirituque  
illico ac præter mentem inflammatus; quam ob  
causam, aiebam, istuc facere meditaris, miser?  
Fac sane periculum, si quid penitus vales: nam  
& robore equidem te sum superior, & magis  
ad dimicandum accinctus. At ille simul hæc  
audivit, lapidem tremebundus abiecit è manu,  
carreproque furtim, quod jacebat humi, epirrip-  
tario, festinato se atque ingenti cum trepidatione  
proripuit.

Num. 38. pag. 546. Persoluta Deo gratia-  
rum actione, ad Arabes unde abieram reverti  
metuebam.... Tandem statui inviam solitudinem  
facere perviam, per eamque, si quomodo possem,  
ad lauram penetrando salutis vitæque consulere....  
Per horas ita complures consilio destitutus &  
animis, Deo opitulante vocem exaudio, quasi  
ex remoto longè spatio quodam ad me delatam,  
& me nomine compellantem, quasque viam suo  
sonitu commonstrantem; audere vero jubentem  
& nihil quicquam extimescere, imò dicentem:  
Pater Joannes, Ἀλλὰ Ἰωάννη. Num. 39. Prin-  
cipio commovebar quidem, ac dæmonis phan-  
tasma audire me suspicabar. Ergo pia preca-  
tione, ut par est, instituta, recitataque oratione  
Dominica, nihilominus persistebat vox & reso-  
nabat distinctius, & tanquam ex propinquo  
audiebatur, illudque iterabat: Pater Joannes,  
huc accede, & timorem omnem omitte; adeo ut  
sonum discernere jam possem, & senem esse, qui  
me appellabat, conjicere. Incredibilis mihi res  
videbatur & nequaquam cohærens: nam quid  
hucusque, aiebam, venisse is potest? Et terror  
me revera corripuit & mentis abalienatio in  
casu tam paradoxo, quoad ipsum per se homi-  
nem divinum conspexi, animos addentem mihi,  
& ad rectam me viam reducentem, consuetaque  
monachis auspicantem preces. Dicto Amen, me  
alloquitur. Quid, fili Joannes, etiam terrere te  
potuit infelix ille & parricida Æthiops, quum  
diffindere tibi caput volebat? Usque adeo id  
male te habuit quod epirriptarium suffuratus est



tibi! Neutiquam id tibi sit curæ; sic enim habeto, ipsa hora qua manus afferre tibi violentas sceleratus ille tentabat, pro te Christo Salvatore me supplicasse.... Confide igitur, nec quicquam verere, sed ad hesychasterium ἡσυχαστήριον (locus erat arctissimæ solitudinis) pergamus. Hic admiratio me perculit major: lætus itaque cum eo processi donec ad ejus hesychasterium perventum est.

Num. 40. Quod autem rursus me dicere necesse est, non celabo, sed ad Dei gloriam vestramque utilitatem edisseram. Quum eo, quem dixi, morbo tentatus, in monasterium Chura dictum, venissem, ægrotavi; tum vehemens quædam & ardens suborta est mihi appetitio elixo pisce salso cum sinapi ad satietatem vescendi.... sed quoniam per illud tempus nihil istic esset ejusmodi, affectioni huic indulgere intra me, ac æstulare impotentius desiderio perrexi. Verum ubi venerabile illud, ut dixi hesychasterium attigimus, elapsa prima quidem, vel etiam secunda vigilia, post fusas præterea, ad quas antiqua traditaque à Patribus consuetudine tenebamur, preces; sedeto, Pater Joannes, insit senex. Dum sedeo, intrat ipse in interiorem, quæ istic erat, hesychasterii speluncam: quum, ecce, mihi nec

opinanti, adest patrator mirabilium Pater lancem afferens pisce sale macerato, addito insuper sinapi instructam, &: En tibi, inquit, frater, quod appetis: paravi enim istud tibi, dum rediisses. Quin comede ac satura te; neque Dei unquam imposterum auxilio subsidioque diffide. Dum autem rem tam inopinatam obstupescens mecum ipse recogito, unde tali hora istiusmodi apud eum repertum esset obsonium, aliud nihil incidit, nisi Christum, qui sanctis Apostolis post resurrectionem apparuit apud mare, prunasque & pulmentarium impositum ac panem vere ipsis præbuit, eundem, inquam, Christum famulo suo ac discipulo appetitum revelasse meum, & quod desiderabatur, attulisse. Comedi itaque, & saturatus sum (id est appetitum replevi ut deinceps quiesceret) ac..... Eucharisticum Deo etiam ex hoc capite carmen accinui. Numeris 41. 42. & 43. pp. 547. & 548. quædam alia mirabilia à Deo per sanctum Stephanum Sabaitam patrata quorum ipse testis fuerat, refert. Ex quibus colligitur hunc quoque Joannem insignem fuisse servum Dei. At quid in episcopatu suo Characmoborum gesserit nos latet.

## VI.

## ECCLESIA AREOPOLIS.

**A**REOPOLIM, Sozomenus lib. 7. hist. cap. 15. pag. 725. C. edit. Vales. Arabiæ attribuit secundum morem illorum temporum, quibus tota Palæstina tertia, Arabia appellatur: Adhuc tamen, inquit, in aliquot urbibus, Pagani pro templis suis acriter dimicabant, scilicet imperante Theodosio Magno, in Arabia quidem Petrai & Areopolitæ: in Palæstina Raphienses & Gazæi, &c. Nomen Areopolis compositum videtur ex vocabulo Ar, quod ipsum nomen fuerit hujus urbis, & vocabulo πόλις, urbs, id est urbs Ar: hanc olim Ariel appellatam tradit Theodoretus comment. in Isai. cap. 15. vers. 9. tom. 2. edit. Paris. 1642. pag. 67. D. Ἀριὲλ τὸν οὖν ἔστιν ἡ νῦν καλεσμένη Ἀρεόπολις, Ariel ea est quæ nunc Areopolis nuncupatur. Et rursus ibid. cap. 29. vers. 1. p. 84. B. Ἀριὲλ ἡ Ἀρεόπολις καλεῖται, & δὲ Μωαβίτιδος ἔστιν αὐτῇ ἐπίσημος, Ariel appellatur Areopolis, est autem urbs insignis Moabitidis. Censet Hadr. Reland. tom. 2. Palæst. illustr. pag. 577. illam sitam fuisse ad latus australe fluvii Arnon, quia Ar filiis Loth (Moabitidis) à Deo fuit data: Deut. cap. 2. vers. 9. Dixitque Dominus ad me (Moysen): Non pugnes contra Moabitas, nec ineas adversus eos prælium; non enim dabo tibi quidquam de terra eorum, quia filiis Loth tradidi Ar in possessionem. At Israëlitarum regio erat usque ad eundem fluvium ex ea parte: unde subdit eos errare qui urbem Aroër Israëlitis assignatam ibid. vers. 36. cap. 3. vers. 12. & cap. 4. vers. 48. eandem esse ac urbem Ar existimant. Et pag. seq. 578. ait: situs ejus haud ita certus est, ut in inappa geographica locari queat. Eusebius & Hieronymus in Onom. ad vocem Ἀρεῶν scribunt ad septemtrionem Areopolis ostendi locum vallis in prærupta demersæ, in quo & militum præsidia distributa sunt. Atque inde est quod in notitia dignitatum imperii legatur: Cohors tertia Alpinorum apud Arnona. Et Cohors tertia felix Arabum in ripa vadi Apharis fluvii in castris Arnonensibus. Et Equites Mauri Illyriciani Areopoli. Et forsitan id quod sequitur: Equites promoti indigenæ speluncis fuit præsidium in isto satis horribili loco vallis in prærupta demersæ, cujus Eusebius & Hieronymus modo citati meminerunt. Iidem, in voce Μωὰβ hæc loquuntur: Μωὰβ πόλις τῆς Ἀραβίας, ἡ νῦν Ἀρεόπολις καλεῖται δὲ Μωὰβ καὶ ἡ χώρα, ἡ δὲ πόλις Παλῆστῃν Μωὰβ: Moab civitas Arabiæ, quæ nunc Areopolis dicitur; vocatur autem Moab (ex nomine urbis) & regio, & ipsa civitas Rabbath Moab. Verum refragatur Cellarius to. 2. geogr. antiq. lib. 3. cap. 14. pag. 675. ubi urbs (aliqua) inquit, simpliciter Moab dicatur, ut Eusebius asserit, exemplum, quod clarè probet, non occurrit, sed Moab gentis nomen est, & regionis: probabilius alterum nomen



ECCLESIA  
AREOPOLIS.

*Areopolis*, quod idem Eusebius scribit suo tempore *νῦν* obtinuisse, quo & ipse usus est in *Ἀρῶν & Λαβῶ*. Eadem ergo urbs *Ar*, *Areopolis*, & *Rabbath Moab*, dicta est, adeo ut vox *Moab* addita fuerit, ne cum *Rabbath Ammonitarum* confunderetur. Hanc *Rabathmoma* appellat Stephanus Byzant. *de urbib. & popul. pag. 571*. *Ραβᾶθμομα πόλις τῆς Παλαιστίνης*, ἢ *νῦν Ἀρεόπολις*, *Rabathmoma*, urbs *tertiæ Palæstinæ*, quæ nunc *Areopolis*. Ad quæ verba sic observat Thomas de Pinedo Lusit. *ibid. not. 1*. Pro *Ραβᾶθμομα* puto legendum *Ραμᾶθμομα*, *Ramathmoba*, quæ, ut ipse ait, *Areopolis* dicitur. Tertia *Palæstina* huic auctori vocatur *Arabia Petræa*. Memoratur Ptolemæo *lib. 5. cap. 17*. *Rhabathmoba* vero videtur nomen deflexum ex Hebræo *Rhabathmoab*, id est, *magna urbs Moabitidis*: ejus nomen erat *Armoab*, ut apparet ex *lib. Num. cap. 21. vers. 28*. *Ignis egressus est de Hesebon, flamma de oppido Sehon, & devoravit Ar Moabitarum, & habitatores excelsorum Arnon*. Unde Græcis factum est *Areopolis*. Idem Stephan. *pag. 481*. ubi de *Moba*: *Moba*, inquit, *pars Arabiæ*. *Uranius Arabicor. lib. 2*. *Habitantes Mobeni* dicuntur & *fæmin. gen. Mobenæ*. Videtur vero deesse primum (A.) *Erat enim Moaba* *Ἡ'ν γδ Μωᾶβα*. *Gentile Moabites. fæm. Moabitis*. Thomas autem de Pinedo, *ibid. not. 32*. *Moba* contractè, ut videtur, pro *Moabia*.... Hebraïcè dicitur *Moab*, ac si diceres *Meab*, id est, *ex Patre*: ob incestum scilicet filiarum Loth cum patre suo.

## E P I S C O P I A R E O P O L I S.

## I. A N A S T A S I U S.

*Secundæ synodo Ephesinæ anno 449*. interfuit *Ἀναστάσιος ἐπίσκοπος Ἀρεοπόλεως* sive *Ἀρεοπόλεως*, *Anastasius episcopus Areopolitanus*, qui & ejusdem synodi prophanis decretis subscripsit. *Tom. 4. conc. Labb. coll. 118. D. 311. C. 320. D.*

## II. P O L Y C H R O N I U S.

In subscriptionibus epistolæ synodicæ Joannis Hierosolymorum Patriarchæ ad Joannem Constantinopolitanum antistitem,

*A* adversus Severum & alios hæreticos an. 518. legitur *Πολυχρόνιος ἐπίσκοπος Ἀρεοπόλεως*, *Polychronius episcopus Areopolis. Tom. 5. concil. Labb. col. 191. A.*

## III. H E L I A S.

*Synodo trium Palæstinarum Petro Patriarcha Hierosolymitano præside, anno 536*. adfuit, & sententiæ adversus Anthimum latæ subscripsit *Ἡλίας ἐπίσκοπος Ἀρεοπόλεως*, *Helias episcopus Hadrianopolis sive Areopolitanus. To. 5. conc. Labb. col. 283. E.*

## VII.

## E C C L E S I A E L U S Æ.

*ELUSA* tribuitur *tertiæ Palæstinæ* in notitia Græca & à Stephano Byzant. *de urbib. & popul. pag. 261*. *Ἐλῶσα πόλις τῆς νῦν μὲν Παλαιστίνης τῆς παλαιᾶς δὲ Ἀραβίας*. *Elusa* urbs nunc quidem *tertiæ Palæstinæ*, olim vero *Arabia*. In versione tamen Latina act. primæ synodi Chalced. *tom. 4. conc. Labb. col. 82. D.* dicitur esse *secundæ Palæstinæ*. At in textu Græco solum legitur *Ἀρετὰ Ἐλῶσης*, *Areta Elusæ* episcopo. Sanctus Hieronymus ejus meminit in vita sancti Hilarionis: *Vadens, inquit, in desertum Cades ad unum de discipulis suis visendum cum infinito agmine monachorum pervenit Elusam, eo forte die, quo anniversaria solemnitas omnem oppidi populum in templum Veneris congregaverat. Colunt autem illam ob Luciferum, cujus cultui Saracenorum natio dedita est. Sed & ipsum oppidum ex magna parte semibarbarum est propter loci situm*. *Elusam* Ptolemæus collocat inter urbes *Idumææ* ad occidentem Jordanis.

## E P I S C O P I E L U S Æ.

## I. \* \* \*

*Sanctus Nilus* monachus, quem in utraque *philosophia magno Chrysostomo usum præceptore* asserit Nicephor. Callist. *lib. 14. histor. eccles. cap. 53*. describit in historia cædis monachorum montis Sinai à Saracenis occisorum suo tempore, quorum memoria colitur in Martyrologio Romano die 14. Januar. quomodo filium suum Theodulum, à Barbaris quidem captum, & venditum, sed ab episcopo *Elusæ*

*B* redemptum, qui eum ad quosdam ordines promoverat, apud eundem episcopum reperit, à quo uterque, licet invitus, sacerdotio postmodum initiatus fuit. Vide Bollandum *to. 1. Januar. ad diem 14. præsertim à n. 51. pag. 964. col. 1. usque ad finem*. *Eorum autem qui illic erant, inquit num. 61. pag. 966. coll. 1. & 2. vere pius & religiosus episcopus quum nos diu curasset, & à priori afflictione nos non parum recreasset, rogabat non mediocriter ut nos apud eum maneremus, benigneque pollicebatur se nostri*



se nostri curam habiturum in omnibus. Ne vide-  
retur autem vim asferre, quod reputaret pretium  
datum pro filio, nec nimis jure domini exigere  
ut maneremus, permisit ut faceremus quidquid  
videretur ex nostra animi sententia: in hoc solo  
in nos exercens tyrannidem, quod sacri ordinis  
jugum vel invitis nobis imposuerit, &c. Et  
num. 62. Volentes autem discedere, & domum  
proficisci, liberali viatico prosequutus, ut pote  
quod longa esset via, & ut Dei gratia nos comi-  
taretur precatus quæ deinceps nobis pacem con-  
ciliaret, sic dimisit: quum nec de dominio se  
arroganter jactasset, ut aliquis fortasse alius,  
ejus quem emerat, auctoritatem prædicans; sed  
etiam quod videbatur fuisse infortunium, levasset  
multa consolatione; & opinionem insolentiae  
vitasset moderatione. Id videtur Tillemontio  
tom. 14. monum. ad hist. eccl. pag. 205. conti-  
gisse initio sæculi v. sed definiri non posse ait  
quonam præcisè tempore: Saraceni enim  
solitudines regionis Thecuæ in Palæstina  
peragrarunt, ibique plures occiderunt mo-  
nachos circa annum 395. & rursus an. 411.  
Hic proinde Elusæ præsul, cujus nomen  
ignoratur, florebat, vel exeunte sæculo iv. C  
vel sæculo sequenti quinto.

## II. THEODULUS, sive ABDELLAS.

Inter episcopos Palæstinæ qui synodo  
Ephesinæ anno 431. interfuerunt, recensetur  
Θεόδουλος ἐπίσκοπος Ἐλῶσης Παλαιστίνης, Theo-  
dulus episcopus Elusæ. To. 3. conc. Labb. coll.  
456. B. 457. A. 465. E. & 540. D. Ampellas  
quidem scribitur Ἀμπέλλας Ἐλῶσης. Act. 1.  
col. 448. C. Sed legendum prorsus est Ἀβ-  
δελλας, Abdellas, ut ferunt Latinæ translati-  
onis codices, apud Baluzium pag. 452. Vox  
autem Abdellas idem Arabicè & Syriacè re-  
sonat atque Θεόδουλος, id est Dei servus. Hic

unus trium episcoporum fuit quos Patres  
Ephesini ad Nestorium accersendum secunda  
vice delegarunt, col. 456. B. Vide insuper  
col. 694. C.

## III. ARETAS.

Synodo Chalcedonenfi anno 451. adfuit  
Aretas episcopus Elusæ, qui act. iv. tom. 4.  
conc. Labb. col. 494. C. suo, & aliorum quin-  
decim præfulum Palæstinæ nomine, chartam  
obtulit tunc lectam, in qua rectam de duabus  
in Christo naturis fidem profitebantur, nec-  
non Leonis Papæ epistolam ad Flavianum  
fufcipiebant. Ἀρέτας Ἐλῶσης, Aretas episcopus  
Elusæ. Act. 1. col. 82. D. dicitur in Latina  
versione episcopus Elusæ Palæstinæ secundæ,  
sed mendum est: nam in notitiis veteribus  
ecclesiasticis Elusa Palæstinæ tertiæ adscribi-  
tur, non secundæ. Item act. xv. ejusdem sy-  
nodi Chalcedonenfis, col. 788. D. Aretas  
Elusitanus recensetur inter episcopos Pala-  
stinæ tertiæ. De eo vide insuper coll. 570. C.  
585. B. & 800. E.

## IV. PETRUS.

Epistolæ synodicæ Joannis Hierosolymo-  
rum antistitis adversus Severum Antioche-  
num, aliosque hæreticos, subscripsit anno  
518. Πέτρος ἐπίσκοπος Ἐλῶσης, Petrus episco-  
pus Elusæ. To. 5. conc. Labb. col. 192. B.

## V. ZENOBIVS.

Anno 536. synodo episcoporum trium  
Palæstinarum Hierosolymis coactæ adversus  
Anthimum & alios hæreticos interfuit Ze-  
νόβιος ἐπίσκοπος Ἐλῶσης, Zenobius episcopus  
Elusæ, qui & subscripsit sententiæ ibidem  
latæ à Petro Patriarcha. Tom. 5. conc. Labb.  
col. 286. A.

## ECCLESIA ZOARORUM sive SEGOR.

ZOARA olim Bela sive Bala & Segor nuncupabatur, Gen. cap. 14. vers. 8.... necnon & rex  
Bala, quæ est Segor. Unde Hieron. in Isai. cap. 15. vers. 5. ait: Appellatur Bala, id est,  
absorpta, tradentibus Hebræis quod tertio terræ motu prostrata sit: ipsa est quæ hodie Syro ser-  
mone vocatur Zoora, Hebræo Segor, utroque parvula. Zoara dicitur tum in singulari fœm. gen.  
tum etiam in plur. neutr. gen. Eusebius ad vocem Βαλὰ, Bala, de locis Hebr. testatur eam  
suo tempore habitatam fuisse, & præsidio militum Romanorum munitam, imminere autem  
mari mortuo. Meminit etiam ejusdem oppidi ad vocem Βηλὰ, scribens illud esse in limite  
Orientali Judææ, non Idumææ: ita enim legit Hieronymus: Ζώαα à Græcis scribitur &  
Ζώοα, uti & Σεγὼρ vel Σηγὼρ; Zoara scilicet Zoora & Segor, ab Hebræis vero Tsoar.  
Josephus lib. 1. antiq. c. 12. de ea dicit Ζόαρ ἐπὶ τῇ νῦν λέγεται, καλεῖται γὰρ ἔτι Εὐεῖοι Τσολίζον,  
Zoor nunc usque vocatur, sic parvum Hebræorum lingua significante. Eamdem lib. 5. de bell.  
Jud. cap. 5. Ζωάρον τῆς Ἀραβίας, Zoara Arabiæ appellat, & eo usque tradit se extendere  
lacum Asphaltitem. Præfatus Eusebius ad vocem Θαλάσσα ἡ ἀλυνὴ scribit mare mortuum  
esse inter Hierico & Zoaram: & ad vocem Λαεὶθ Luith, hanc esse inter Arcopolin &  
Zoaram, μεταξὺ Ἀρεοπόλεως καὶ Ζοορέων. Et ad vocem Νεμμεὶν (ita enim pro Νεμμεὶν legen-  
dum est) Βενναμαρῆν Bennamarem sive Benamerium, vicum Moabitidis esse ad septemtrionem

Aaa



Zoaræ. Quum autem Moabitis fuerit ad ortum maris mortui, etiam Zoara, ad cuius septemtrionem loca Moabita fuerunt, eo vergere censenda est. Idem Hieronymus in *Isai. cap. 15. vers. 5.* scribit Segor in finibus Moabitarum sitam esse, & dividere ab iis terram Philisthim. Stephanus Byzant. de urbib. & popul. pag. 290. edit. Amstelod. 1678. ait: Est etiam vicus magnus, Castellum in Palæstina juxta Asphaltitem mare, Zoara neutro genere Zōara & Σεργος. Significat vero Hebræorum lingua parvum, quod Lot fugit, ac salvus evasit à Sodomitica ira. Idem Stephanus pag. 612. ubi de Sodoma Segor vicina: Sodoma, inquit, metropolis erat decem urbium (quinque tantum nominat scriptura, nempe cum Sodoma, Gomorram, Adamam, Seboim & Balam sive Segor, Gen. cap. 14. vers. 8. ipsaque regio Penapolis dicitur, Sap. cap. 10. vers. 6. nisi fortassis alia quinque minora oppida his quinque subjecta fuerint) quæ in Asphaltite lacu subversæ sunt. Josephus lib. 5. de bell. Jud. cap. 5. hæc habet de ea regione: Vicina est Sodomitis Σοδομίτης (id est urbs Sodoma) ipsi (paludi Asphaltiti) olim quidem terra felix, tum propter fructus, tum propter civitatum abundantiam, nunc autem tota exusta. Aiunt vero quod ob habitatorum impietatem fulminibus combusta fuerit. Sunt denique etiamnum reliquæ divini ignis, & quinque civitatum umbras videre licet, necnon in fructibus renascentes cineres, qui colorem habent edulibus similem, carpentium autem manibus in fumum dissolvuntur & cinerem. Adstipulatur Cornelius Tacitus lib. 5. hist. cap. 7. Haud procul inde campi, quos ferunt olim uberes, magnisque urbibus habitatos, fulminum jactu arsisse; & manere vestigia, terramque specie torridam, vim frugiferam perdidisse: nam cuncta sponte edita, aut manu sata, sive herba tenuis aut flore, seu solitam in speciem adolevere, atra & inania velut in cinerem vanescunt. Ego sicut Judaicas quondam urbes igne cælesti flagrasse concesserim, ita halitu lacus infici terram, corrumpi superfusum spiritum, eoque fetus segetum & autumnii putrescere reor, solo cæloque juxta gravi. Strabo lib. 16. geogr. pag. 704. C. edit. Casauboni Paris. 1620. similia fere tradit de Sodoma & adjacentibus terris: Ab indigenis prædicantur, in hoc loco tredecim urbes olim habitatas fuisse, quarum caput Sodoma adhuc sexaginta stadiorum habeat superstitem ambitum: terræ autem tremoribus, & ignis aquarumque calidarum, & bituminosarum ac sulphurearum eruptione extitisse lacum, saxa ignem concepisse, urbium alias absorptas, alias ab iis quicunque fugere potuerunt, derelictas. Erasmosthenes contra sentit, regionem stagnis intus conceptis subductam, maxima ejus parte factis eruptionibus reductam fuisse, quemadmodum & mare, &c.

Vulgo creditur lacum Asphaltitem natum esse eo tempore, quo Sodoma, Gomorra, Adama, & Seboim à Deo subversæ sunt, ita ut aquis illius lacus textæ & immersæ fuerint. Verum ea opinio Hadriano Relando tom. 1. Palæstinæ illustr. pag. 254. & seqq. firmis non videtur rationibus niti. «Scio, inquit, huc referri quod de regibus Sodomorum, Gomoræ, Adamæ, Seboim, & Balæ sive Segor scribitur Gen. cap. 14. vers. 3. ipsos scilicet convenisse, in vallem Silvestrem, (Hebraice Siddim) quæ nunc est mare salis. Sed hic nihil dicitur nisi hanc vallem, olim appellatam Siddim, postea factam fuisse mare salis sive mare mortuum; quod» (asserit quidem Hieronymus lib. Quæstionum Hebraicarum in Gen. cap. 14. vers. 3. Vallis autem salinarum, inquit, in qua fuerunt ante putei bituminis, post Dei iram & sulphuris pluviam, in mare mortuum versa est; quod à Græcis λίμνη Ἀσφαλτίνης, id est, stagnum bituminis, appellatur. Et ego) «non inficior: potuit enim illa vallis vicini maris aquis inundata fuisse, aut exuberante fluvio Jordane, aut aquis subterraneis, aliisve, de quibus, quia incertum est quomodo & quando contigerit, nihil addere necesse est. (Verum) non dicit scriptor facer, urbes illas quinque sitas fuisse in valle Siddim; imò contrarium potest ex eo colligi, quod reges illarum quinque urbium, exercitu coacto, se contulerint versus vallem Siddim, ut fert textus hebræus. Quod si quis in valle interpretari velit, eodem nihilominus redibit res. Erit enim vallis Siddim, in qua congregati sunt quinque Reges, diversa ab illa regione in qua eorum urbes quinque erant sitæ.... Præterea in toto sacro codice nulla plane fit mentio submersionis harum quinque urbium, nec eo ipso loco ubi narratur ipsa historia, Gen. cap. 19. nec alibi. Gen. quippè cap. 19. vers. 24. & seq. dicitur Deus pluisse super Sodomam & Gomorram sulphur & ignem de cælo, & subvertisse civitates has, & omnem circa regionem, universos habitatores urbium, & cuncta terræ virentia. Et vers. 28. Intuitus est (Abraham) Sodomam & Gomorram, & universam terram regionis illius; viditque ascendentem favillam de terra quasi fornacis fumum. Nihil hic de eluvie, nihil de inundatione: sed contraria omnia, sulphur, ignis, fumus, subversio.

Ad id elucidandum maxime facit quod legitur Deut. cap. 29. vers. 23. Sulphure & salis ardore comburens, ita ut ultra non seratur, nec virens quippiam germinet, in exemplum (id est, ad instar) subversionis Sodomæ & Gomorrahæ, Adamæ & Seboim, quas subvertit Dominus in ira & furore suo. Minatur hîc Deus se urbes Israëlitarum (si ad idololatriam diverterint)



» subversurum, & terras adjacentes redditurum similes regioni Sodomorum, ita ut sulphure  
 » & sale multo combustæ, non producant ultra herbas. Si planities Sodomitica & circum-  
 » jacens aquis obruta fuisset, non dixisset, opinor, Moyse, de regione quæ facta illi foret  
 » similis, hanc non amplius ferendam, nec germinaturam, ea præcisè causa addita quod  
 » sulphure & sale inepta imposterum culturæ & productioni efficeretur. Quid enim planius,  
 » quam terram aquis submersam, & in vastum lacum quasi mare mutatam, non posse de  
 » cætero feri, nec ex ea fructus ullos decerpandos? Eundem in modum vaticinatur Sophonias  
 » cap. 2. vers. 9. in nomine Dei: *Propterea vivo ego, dicit Dominus exercituum Deus Israël, quia*  
 » *Moab ut Sodoma erit, & filii Ammon quasi Gomorra, siccitas spinarum, & acervi salis, &*  
 » *desertum usque in æternum.* Quid clarius, si Sodoma aquis immersa est, cur hîc nihil de aquis,  
 » sed contra siccitas prædicitur? Item Amos cap. 4. vers. XI. legitur: *Subverti vos, sicut subvertit*  
 » *Deus Sodomam & Gomorrhæam, & facti estis quasi torris raptus ab incendio.* Quid, urbes aquis  
 » obrutæ, sunt ne titioni similes? Eadem minatur Deus, adducto exemplo de Sodoma &  
 » Gomorrhæa, Jerem. cap. 49. vers. 17. & erit Idumæa deserta.... vers. 18. *Sicut subversa est*  
 » *Sodoma & Gomorrhæa, & vicinæ ejus, ait Dominus: non habitabit ibi vir, & non incolet eam*  
 » *filius hominis.* Et cap. 50. vers. 35. *Gladius ad Chaldaeos, ait Dominus, &c. vers. 38. Siccitas*  
 » *super aquas ejus erit, & arescent, quia terra sculpsilium est, & in portentis gloriantur.*  
 » vers. 39. *Propterea habitabunt dracones cum faunis sicariis: & habitabunt in ea struthiones; &*  
 » *non inhabitabitur ultra usque in sempiternum, nec extruetur usque ad generationem & generatio-*  
 » *nem.* vers. 40. *Sicut subvertit Dominus Sodomam & Gomorrhæam, & vicinas ejus, ait Dominus:*  
 » *non habitabit ibi vir, & non incolet eam filius hominis.* Hîc tantum abest ut, in similitudinem  
 » Sodomæ, enatis aquis submergendam terram Babyloniorum prænuntiet Propheta, quin  
 » potius exsiccandas fore eorum aquas minetur. In libris novi testamenti nulla pariter inun-  
 » dationis memoria occurrit. Christus Dominus Luc. cap. 17. vers. 29. *Qua die autem exiit*  
 » *Lot à Sodomis, pluit ignem & sulphur de cælo, & omnes perdidit.* S. Petrus 2. epist. cap. 2.  
 » v. 6. *Et civitates Sodomorum & Gomorrhæorum in cinerem redigens.* Judas quoque Apostolus,  
 » suæ epist. vers. 7. *Sicut Sodoma & Gomorrhæa, & finitimæ civitates .... factæ sunt exemplum,*  
 » *ignis æterni pœnas sustinentes.* Confirmant omnino hanc sententiam Josephus & Cornelius  
 » Tacitus, quorum testimonia supra allata sunt. Idem etiam videtur sensisse Basilii citatus ab  
 » Anastasio Sinaïta in quæstionibus de variis argumentis, quæst. 17. to. 9. *Biblioth. Patrum. edit.*  
 » *Lugdun. 1677. pag. 985. col. 2. H. ubi ait: Sodomitarum gens, quum malitia eorum summum*  
 » *apicem attingisset, deleta est, atque ita & Ægyptiorum & Chananæorum; illa quidem igne exusta,*  
 » *altera aquis obruta, tertia in bello hostibus tradita.* Hæc præfatus Hadrianus Relandus, nec  
 » improbabiliter, ut videtur; de cujus tamen rationibus judicium esto penes lectorem.

Lacus vicinus Sodomæ cæterarumque urbium igne cælesti subversarum, appellatur  
*Asphaltites* à bitumine quod in eo reperitur diciturque bitumen Judaicum, ex eodem  
 » Hadr. Reland. pag. 240. & mare mortuum; mare quidem, quod omnis congregatio aquarum,  
 » (verba sunt Hieronymi lib. quæst. Hebraic. in Gen. cap. 1.) *sive salis sint, sive dulces, juxta*  
 » *idioma linguæ Hebræicæ, maria nuncupentur.* Mortuum vero, quia pisces non alit. Facit enim,  
 » inquit idem Reland. p. 243. *eximia aquarum falsedo, ut pisces eum (lacum) fugiant.* Unde  
 » rursus Hieronymus comment. in Ezech. cap. 47. vers. 8. ait: *Mare mortuum in quo nihil poterat*  
 » *esse vitale, & mare amarissimum, quod Græcè ἡ λίμνη Ἀσφαλτῆς, id est, stagnum bituminis vocatur....*  
 » Et paulo-post: *Re vera, juxta litteram, hucusque nihil quod spiret, & possit incedere, præ amari-*  
 » *tudine nimia in hoc mari reperiri potest: nec cochleolæ quidem parvique vermiculi & anguillæ,*  
 » *& cætera animantium sive serpentium genera, quorum magis corpuscula possumus nosse, quam*  
 » *nomina.* Denique si Jordanis auctus imbribus pisces illuc influens rapuerit, statim moriuntur, &  
 » pinguibus aquis supernatant. Maundrellus tamen ὠτόπῃς observavit conchyliis quædam sive  
 » cochleolas ad littus ejus nunc reperiri, quæ à Jordane eo deferri non potuere, quia nimis  
 » longè inde locus est ubi Jordanes in hunc lacum influit. Addit idem Hadr. Reland. p. 244.  
 » alium esse lacum Asphaltiten circa Babylonem, quem cum lacu Asphaltite Palæstinæ con-  
 » fundunt scriptores multi, uni tribuentes quod alteri convenit. *Babylone, inquit Vitruvius*  
 » *lib. 8. cap. 3. lacus amplissima magnitudine, qui Limne Asphaltitis appellatur, habet supernatans*  
 » *liquidum bitumen; quo bitumine & latere testaceo structo muro Semiramis circumdedit Babylonem.*  
 » De eo lacu Xiphilinus ait in Trajano pag. 252. *Ibi Trajanus vidit lacum bituminis unde*  
 » *mœnia Babylonis ædificata sunt: cujus tanta vis est, ut permixtum cum lateribus aut minutis*  
 » *lapidibus quovis ferro aut saxo sit durius. Ostium quoque ejus spectavit, unde tam gravis halitus*  
 » *surgit, ut eum nulla animantia terrestria aut volatilia ferre possint, sed solo olfactu intereant.*  
 » Josephus situm lacus Asphaltitis sic describit lib. 5. de bell. Jud. cap. 5. *Hujus lacus longitudo est*  
 » *quingentorum & octoginta stadiorum secundum quam usque ad Zoara Arabiæ extenditur, latitudo*



ECCLESIA  
ZOARORUM  
sive  
SEGOR.

*autem centum & quinquaginta.* Maundrellus in itinerrario scribit longum esse 24. leucis, & sex latum; quod cum Josepho congruit, modo leucam statuamus tria milliaria Romana complecti, sive 72. stadia. Nam stadia octo efficiunt mille passus sive unum milliare Romanum: atque adeo 150. stadia efficiunt milliaria Romana 18. & paulo plus, non tamen 19. milliaria. Ita explicat Hadr. Reland. *to. 1. pp. 442. & 451.* Eundem lacum distare ab Hierosolymorum finibus trecentis stadiis tradit præfatus Josephus *lib. 15. antiq. cap. 9.*

Mirum profecto quod Severus episcopus Sodomorum commemoretur in subscriptionibus Patrum concilii Nicæni I. inter præfules Arabiæ, *to. 2. conc. Labb. col. 52. A.* Vecors esset, inquit idem Hadr. Reland. *tom. 2. pag. 1120.* qui hic Sodoma à Deo everfa & nunquam postea habitanda intelligi posse sibi persuaderet. Quem ergo locum hic latere suspicabimur? Non Zoara, quæ Palæstinæ urbs fuit, non vero Arabiæ; non etiam Sycamazona, quæ & ipsa non urbs Arabica, sed Palæstinarum erat. In indice Arabico, post Gennadium Iabrudorum, legitur: Severus Zuzumaon, quæ potuit esse urbs aliqua Arabiæ sub metropoli Bosfris, puta quæ Zozyrna aut Zoraima in quibusdam notitiis ecclesiasticis scribitur. Porro in notitiis Græco-Latinis quas exhibet P. Goar ad calcem operis Georgii Codini Curopalatæ *de officiis magnæ ecclesiæ & aulæ Constantinopolitanæ, edit. Paris. 1648.* exstat sub provinciæ Lyciæ, *pag. 344. n. XI.* Sitymorum ὁ Σιτύμων & ad marg. Sidymorum: Item *p. 388.* sub throno 20. Myræ totius Lyciæ metropolis, *num. 10.* Myra non computata, Sydemorum ὁ Συδήμων. Et superius sub provincia 19. Lyciæ *num. XI. pag. 374.* Sidymorum ὁ Σιδύμων. Hæc fortassis est ecclesia, quæ per mendum scripta fuerit Sodomorum. Circa fines autem australes lacus Asphaltitis urbem Sodomorum sitam fuisse verisimile est. Certe non longe distabat ab urbe Segor sive Zoara, siquidem Loth surgente aurora Sodoma egressus, sole oriente Segor ingressus est, *Gen. cap. 19. vers. 15. & 23.*

## EPISCOPI ZOARORUM.

### I. MUSONIUS.

Synodo Ephesinæ secundæ anno 449. interfuit Musonius iste Μεσώνιος ἐπίσκοπος Ζωάρων, fidemque prodidit, Dioscori Alexandrini Patriarchæ partes amplexus. At biennio post, in concilio Chalcedonenfi anno 451. ipse, multique alii episcopi ejusdem Dioscori factione similiter in errorem inducti, ad ecclesiam redierunt; delicti veniam postulantes, & actis hujus synodi subscripserunt. *To. 4. conc. Labb. col. 82. D.* dicitur Musonius episcopus Zoaræ secundæ Palæstinæ. Mendum est, corrigendum tum ex textu Græco, ubi legitur solum Μεσώνιος Σηζωρ: tum etiam ex act. xv. ubi Musonius episcopus Zoroanensis inter Palæstinæ tertiæ antistites recensetur. Vide *ibid. coll. 118. D. 267. D. 312. C. 328. E. 494. C. 788. D. 809. A.*

### II. ISIDORUS.

In subscriptionibus epistolæ synodicæ Joannis Hierosolymorum præfulis ad Joannem Constantinopolitanum Patriarcham missæ anno 518. initio Imperii Justiniani, adversus Severum quem ille Antiochena sede exturbaverat, subscripsit cum aliis multis Palæstinarum episcopis Ἰσίδωρος ἐπίσκοπος τῆς Ζωορνᾶν, Isidorus episcopus Zooreus. *To. 5. conc. Labb. col. 192. D.*

### III. JOANNES.

Joannes iste Zoarorum ecclesiæ præerat anno 536. ut-pote qui eo anno epistolæ sive

A libello orthodoxorum episcoporum Orientalium contra Anhimum, Severum, aliosque Acephalos, oblato Agapeto Papæ, subscripsit post Dominum episcopum Maximianopolis, Ἰωάννης ἐπίσκοπος Ζωορῶν ἀξιώσεως ἐπὶ ἑξαβῆτα, Joannes episcopus Zoarorum supplicando subscripsit. *To. 5. conc. Labb. col. 43. E.* Rursus eodem anno interfuit synodo Constantinopolitanæ, præfide Menna Patriarcha, mensibus Maio & Junio congregatæ, adversus præfatos hæreticos, ejusque singulis actionibus subscripsit: primæ quidem, sexto Nonas (id est, die secunda) Maii. *Ibid. col. 6. A.* Secundæ vero, pridie Nonas (id est, die 6.) Maii. *col. 51. B.* Tertiæ, sexto Idus (id est, die 10.) Maii. *col. 59. E.* Quartæ, duodecimo kalendas Junii (id est, 21. Maii.) *coll. 74. A. & 95. A.* Quintæ demum, pridie Nonas (id est, die 4.) Junii. *coll. 99. A. & 259. D.* In eo ultimo loco legitur, Ἰωάννης ἐπίσκοπος Ζωορῶν τῆς τελευτῆς Παλαιστίνης ἐπαρχίας δεύσεως ἐπὶ ἑξαβῆτα, Joannes episcopus Zoaramus tertiæ Palæstinæ provinciæ diffiniens subscripsit.

In actis synodi Hierosolymitanæ eodem anno 536. mense Septembri, contra eosdem hæreticos, à Petro Patriarcha, ex episcopis trium Palæstinarum coactæ, exstat subscriptio Joannis Doareni Ἰωάννης ἐπίσκοπος Δοαρέων, Joannes episcopus Podaleanus, in ind. Latino, *tom. 5. conc. Labb. col. 283. E.* ubi ad marg. notatur Doareus. *Tom. autem 2. concilior. Hard. col. 1418. E.* legitur in Latino indice, Joannes Posdomus, & ad marg. Ita manuscr. at Græcè Doareus. Idem Harduinus *tom. XI.*



col. 715. & seq. de episcopatu Doareno hæc observat: *Doareus* (episcopus) in *Cappadocia*, ex notitiis Græcis, in quibus est ibi *Δωαρεα* & *Περεδωαρεα*, hoc est, *Regio Doara*. *Basilio* in *epist.* 10. & 395. *Δωαρεα* κώμην (*Doara vicus*). Et paulo-post: *Joannes Doareus*. In concilio *Hierosolymitano* anno 636. *To. 2.* (edit. suæ) col. 1418. E.

Procul dubio vocabula *Δωαρεα*, *Podaleanus*, *Posdonus*, & *Doareus*, mendum sunt, pro quibus legendum videtur, in Græco quidem textu vel *Δωερον*, vel *Zoάερον*, sive *Zωοερον*: In Latina autem versione, *Dororum* vel *Zoarorum* sive *Zoororum*. *Dororum* lectionem suadet, quod alias episcopus hujus ecclesiæ, post Cæsaream primæ Palæstinæ metropolim primariæ, huic synodo Hierosolymitanæ non interfuisset, nec alius vices ejus gessisset. *Zoarorum* vero lectioni favet, quod episcopus *Joannes* nuncupatus, ex supradictis, eo anno præfuerit huic *Zoarorum* sedi, qui aliàs eidem synodo Hierosolymitanæ non subscripserit, licet plures alii præfules Palæstinarum, ut *Domnus Maximianopolis*, & *Anastasius Jotabæ*, qui similiter concilio Constantinopolitano sub *Menna* adfuerant, synodo etiam Hierosolymitanæ quæ quarto postea mense celebrata est, nihilominus interfuerint: Sed

Anullo modo probabile est, loco episcopi, sive *Dororum*, sive *Zoarorum* in *Palæstinis*, legendum esse *Joannem episcopum Doarorum* in *Cappadocia*, cujus ecclesia patriarchatui Hierosolymorum minimè subiciebatur. *Δωαερον* manere posset, inquit *Hadr. Reland.* tom. 2. *Palæst. illustr. pag. 532. in annot. 5.* si non constaret hos omnes fuisse episcopos Palæstinarum; nam in *Cappadocia* secunda urbs est *Δωαρεα*, (cujus) episcopus, (dictus) *Δωαερον*, nuncupatur in concilio (vi. generali anno 680.) *To. 6. conc. (Labbe.) coll. 1042. 1068. B & 1202.* (quum) tunc (etiam) esset episcopus *Δωερον*. Verum, si ex subscriptione *Joannis* episcopi, qui vel *Dororum* vel *Zoarorum* ecclesiæ præfuerit tempore concilii Hierosolymitani anno 536. colligi certè non possit *Joannem* *Zoarorum* præfulem, de quo hic agimus, ei concilio interfuisse, constat nihilominus, ex concilio Constantinopolitano sub *Menna*, eo ipso anno 536. *Joannem* hunc *Zoarorum* ecclesiam administrasse: quod autem simul sederint *Joannes Dororum*, & *Joannes Zoarorum* in *Palæstina*, quorum alteruter synodo Hierosolymitanæ adfuerit, profecto nullatenus repugnat. Vide supra, ubi de episcopis *Dororum*, col. 579. B. C.

ECCLESIA  
ZOARORUM  
sive  
SEGOR.

## IX.

## ECCLESIA PHÆNUS vel PHÆNON.

**P**HÆNUS sive *Phænon*, Græcè *Φαινών*, olim urbs *Idumææ*, postea vicus fuit inter urbem *Petram* & *Zoaram*, teste *Eusebio de locis Hebr.* ad vocem *Φαινών*, unde *Hieronymus: Phænon.... Fuit quondam civitas principum Edom, nunc viculus in deserto ubi æris metalla damnatorum suppliciis effodiuntur inter civitatem Petram & Zoaram.* Ex *Cellar. tom. 2. geogr. antiq. lib. 3. cap. 14. pag. 682.* Idem *Eusebius* ad vocem *Δαδών*, juxta translationem *Hieronymi, Dedan* in regione *Idumææ*, super qua scribit *Hieremias* (cap. 49. vers. 8.) est in quarto milliario à *Metallofeno* contra *Aquilonem*. *Metallofeno* hic appellat *Hieronymus* vicum quem *Eusebius* *Phanam* nuncupat τῇ Φανᾷ. Porro «si originis Græcæ (*Phænon*) vox esset,» inquit *Hadr. Reland. to. 2. Palæst. illustr. pag. 951.* posset credi aliquid commune habere «cum *Γεωφανίον*, quo nomine Græci locum nuncupant è quo metalla effodiuntur, (vide «*Harpocratonem* & *Hesychium*) aut cum *Φανωρ*. *Faunus* enim *Pici* filius primus fodinas «auri & argenti, vel metalla auraria & argentaria, ut *Plinii* verbis utar *lib. 34. cap. 18.* invenit. «Vide *Suidam* ad vocem *Μεταλλεῖς*, *Hesychius* *γεωφανῆς*, *Θεοφράστους* ἐν μεταλλικῷ. (Vide de hoc *Meurs. in comm. ad Apollonium Dyscolum pag. 147.) Χρυσὶς οὐρρόας.*» *S. Athanas. in epist. ad Solitar. vitam agentes pag. 658. A. edit. Græco-Lat. Ex officina Commelin. 1600.* ait de *Eutychio. In metalli fodinam eum mitti curaverunt* (*Eusebiani*,) *nec in metalli fodinam solum, sed illam speciarim quæ Phæno nuncupatur, in qua homicida damnatus nonnisi ad paucos dies superesse potest.* Tempore persecutionis *Maximini II.* Imperatoris multi martyres ad metalla eruenda damnati sunt à præfide provinciæ, ut narrat idem *Eusebius lib. de Martyribus Palæst. cap. 7. post lib. 8. hist. eccl. pag. 328. B. edit. Vales.* Inde (præses) ad reliquos *Christi Confessores* se transferens, inquit, omnes ad æris metalla quæ sunt apud *Phænum* *Palæstinæ* damnavit: *Ὅτις καὶ Φαινὸν τῆς Παλαιστίνης χαλκοῦ μεταλλοῖς τῆς πάντας παραδίδωσιν.* *Petrus Alexandrinus Athanasii* successor, in epistola quam scripsit de his quæ *Alexandriæ* gesta sunt, dum *Lucius* hujus sedis invasor, tyrannidem suam in orthodoxos ipsius communionem repudiantes exerceret, apud *Theodoretum lib. 4. hist. eccl. cap. 22.* hæc refert p. 183. *D. edit. Vales.* Omnes posthæc in media urbe publicè & privatim singuli gementes.... ne flere quidem permitti sunt, vetante id *Palladio* præfecto urbis *Alexandriæ*, qui dæmonum cultui erat addictissimus.



ECCLESIA  
PHÆNUS.  
vel  
PHÆNON.

*Multi enim ex fletibus rapti, ac prius custodiae mancipati, deinde verberati, lacerati, torti, ad Phœnensia ἑὶς Φαινείους & Proconnessia metalla damnati sunt, viri qui pro ecclesiae defensione divino zelo incensi pugnaverant. Plerique enim erant monachi, accuratioris ac districtioris vitae studio solitudinem incolentes, tres ac viginti numero. Cum quibus paulo-post diaconus quoque.... manibus post tergum revinctis publicè à carnificibus ductus est.... Qui.... lapidibus ac plumbatis cervice diu verberata, navigium in mari conscendit sicut ceteri, divinæ crucis signo frontem suam consignans, omnique cura & solatio destitutus, ad æris metalla datus est quæ sunt in Phenne, ἑὶς καὶ Φεννῆς παρεδόθη μετάλλοις. Epiphanius lib. 2. advers. hæres. pag. 719. Φαινῆσια μέταλλα commemorat. In notitia veteri ecclesiastica Græca urbs Phænon non legitur inter urbes Palæstinarum: sed inter urbes provinciae Arabiæ to. 1. Palæst. illustr. Hadr. Reland. p. 218. ubi undecima exstat Φέντος, Phenutus, quam ipse non dubitat tom. 2. pag. 952. esse hanc Phænon, cujus nonnulli in actis conciliorum recensentur episcopi.*

## EPISCOPI PHÆNON sive PHÆNUS.

### I. SAIDAS.

**S**YNODO generali Ephesinæ anno 431. adfuit, & pro Cyrilli ad Nestorium litteris sententiam dixit Σάιδας ἐπίσκοπος Φάινος τῆς Σαλυντίας Παλαιστίνης, Suidas episcopus Phænus Salutaris Palæstinæ, qui & ejusdem synodi decretis omnibus subscripsit. Tom. 3. concil. Labb. coll. 473. B. 500. C. 541. A. & 692. D. In actis synodi Chalcedon. idem Sidas episcopus Phænenfis nominatur tom. 4. conc. B. col. 283. E.

### II. CAJUMAS.

Alteri synodo Ephesinæ, prædicatoriæ dictæ, anno 449. interfuit, & Diolcoro Alexandrino Patriarchæ adstipulatus est *Cajumas episcopus Phænus*, Κάϊμας ἐπίσκοπος Φαινός, Κάϊμου Φαινός *Cajumo Phænus*, tom. 4. concil. Labb. coll. 118. D. 268. A. 312. D. & 320. E.

**A** Legitur in subscriptionibus Latinis: *Cajumas episcopus Phœnicensis (sive Phænenfis) definiens subscripsi per coepiscopum meum Dionysium (Sycamazonis) propterea quod litteras ignorem, Græcas scilicet. Ibid. col. 320. E.*

### III. PETRUS.

Anno 518. epistolæ synodicæ Joannis Hierosolymorum Patriarchæ adversus Severum Antiochenum subscripsit *Petrus episcopus Phænus* Πέτρος ἐπίσκοπος Φενός. Tom. 5. conc. Labb. col. 191. D.

### IV. JOANNES.

Sententiæ adversus Anthimum & alios hæreticos latæ in synodo Hierosolymitana, præside Petro Patriarcha, subscripsit cum cæteris trium Palæstinarum episcopis *Ἰωάννης ἐπίσκοπος Φαινός, Joannes episcopus Phænus. To. 5. conc. Labb. col. 286. B.*

## X. ECCLESIA PHARAN sive MONTIS SINAI.

**N**OTISSIMUM est ex divinis paginis desertum Pharan, Hebraicè *Paran* in Arabia Petræa. Israëlita post transitum maris rubri primum in solitudinem *Sur* venerunt, Exod. cap. 15. vers. 22. Hieronymus de locis Hebr. ait: *Sur*, ubi invenit Angelus ancillam Saræ Agar inter *Cades* & *Barad*: extenditur autem desertum *Sur* usque ad mare rubrum, quod ad Ægypti confinia pervenit. Deinde Israëlita profecti sunt in desertum *Sin*, Exod. cap. 16. vers. 1. & cap. 17. vers. 1. Postea in desertum *Sinai*, Exod. cap. 19. vers. 1. Ex *Sinai* vero in desertum *Paran* sive *Pharan*, Num. cap. 10. vers. 12. & cap. 13. vers. 4. In ejus extremitate ad terram Chanaan situm erat *Cadesbarne*, quod videtur fuisse oppidum. Atque hinc exploratores terræ Chanaan, nunc ex deserto *Pharan* dicuntur emissi, Num. cap. 13. vers. 3. nunc ex *Cadesbarne*, cap. 32. vers. 8. & Deut. cap. 9. vers. 23. Hoc oppidum *Cadesbarne* in terminum aliquando *Cades* simpliciter; Gen. cap. 16. vers. 14. & cap. 20. vers. 1. nec confundi debet cum altero *Cades* in deserto *Zin*, Num. c. 20. vers. 1. & 16. Sinus Arabicus in summitate sua in duos alios sinus fissus est, quorum unus, *Heroopolitanus* dictus, altero latere per Ægyptum fluit, & in vertice urbem *Heroum* habet, unde & denominatur, & per hunc sinum Israëlita ex Ægypto suspensis utrimque aquis pertransierunt: alter vero sinus hinc in ortum solis recedens *Elaniticus* nuncupatur. Uterque, hic totus, ille in parte, Arabiam Petræam alluit. Prior Straboni lib. 16. p. 759. C. ὁ πρὸς Ἀγυπτὸν καὶ τὴν Ἡρώων πόλιν κόλπος, sinus ad Ægyptum juxta *Heroum* civitatem: Ptolemæo lib. 5. cap. 17. κόλπος ὁ Ἡεροπολίτης, sinus *Heroopolites*: Plinio lib. 5. cap. XI. *Heroopoliticus* sinus; in cujus ora Arabica nihil est memorabile usque in angulum fissionis seu initium sinus *Elanitici*. Angulus enim promontorium habet supra



quod in plano situm est Phara Ptolemæi, qui lineam terminalem duxit μέχρι τῆς καὶ Φαράν ἀκρωτηρίων, usque ad promontorium juxta Pharan, quæ ibidem, ex Palatino codice, ἢ Φάρα κώμη, Phara vicus dicitur, ut fere Arabum oppida fuerunt. Stephano Byzantino *de urbib. & popul.* est Φαράν Pharan primo casu: Φαράν πόλις μεταξύ Αἰγυπτίου καὶ Ἀραβίας, Pharan est oppidum inter Ægyptum & Arabiam, videlicet secundum Ptolemæi lineam ad promontorium, qua sinus Heroopolitanus Ægypto relinquitur. Salmasius in *Solin.* p. 344. dicit, ab Ismaëlitis conditum, Hieronymi auctoritate. Rem non negabo, quia latè habitarunt Ismaëlitæ: at de conditu nihil Hieronymus, sed tantummodo Ismaëlem habitasse in deserto Pharan, ex *Gen. cap. 21. vers. 21.* Hæc Cellarius *10. 2. geogr. antiq. lib. 3. cap. 14. pp. 685. 686. 691. & 692.* Hieronymus de Pharan ait in locis Hebr. Pharan, nunc oppidum est trans Arabiam contra australem plagam junctum Saracenis qui in solitudine vagi errant. Per hoc iter fecerunt filii Israël, quum de monte Sina castra movissent. Est ergo, ut diximus, trans Arabiam contra australem plagam, & distat ab Aila contra (id est, versus) Orientem itinere 3. dierum. Nec quisquam existimet celebrem illam lauram quæ Pharan dicebatur, ex oppido Pharan, de quo nunc sermo, nomen habuisse: nam laura hæc in Palæstina prima sita erat, sex duntaxat stadiis ab urbe Hierosolyma, ut expresse tradit Cyrillus Scythopolitanus in vita S. Euthymii, *num. 10. tom. 2. monument. eccles. Græc. Cotel. pag. 209.* A. Pharan vero Arabiæ in tertia Palæstina fuit.

In notitia excerpta ex Nili Doxopatrii, scripta anno 1151. & edita à D. Le Moine in Variis Sacris *pag. 231.* & à Schellstratano *10. 2. antiq. eccl. apud. Hadr. Reland. 10. 1. Palæst. illustr. pag. 219. & seqq.* Græcè & Latine, mentio fit montis Sinai. His enim præmissis, *pag. 220.* Postea autem novo honore mactatus est (id est, ad nobiliorem gradum erectus) thronus Hierosolymitanus, avulsus à diœcesi ac potestate Alexandrini (id falsum videtur) & ipse caput evasit, ad eandem dignitatem cum tribus aliis thronis promotus. Sancitum tamen est, ut ordine inferior esset Antiocheno & post illum honoraretur, referretur in diptychis, & sedem occuparet. Patriarcha etiam vocatus est episcopus Hierosolymitanus, licet antea episcopus esset sub Cæsariensi Palæstinæ, quum illius metropolis esset Cæsarea, & Hierosolyma Cæsarea ut episcopatus metropoli subesset. Habuit vero & alias metropoles quæ varios episcopos sub se habebant, nempe secundam Scythopolin sive Basan (Bethsan,) tertiam Petram, quartam Bostram sive Arabiam. Habet autem archiepiscopatus nemini obnoxios viginti quinque, qui nullos sub se habent episcopatus, & subsunt omnes throno Hierosolymitano. Observat autem Hadrianus Relandus *ibid. pag. 219. annot. a.* Nilum hunc explicare superius *pag. 228.* quo sensu episcopatus illi dicantur archiepiscopatus: nempe si urbes essent in eadem provincia in qua metropolis erat, magnitudine præstantes, & parum ab illa differentes, ἐποῖεν ταύτας ἀρχιεπισκοπὰς, αἱ ὕψος δὲ εἶχον ἐπισκοπὰς ὑπὸ ἐαυτὰς, constituerunt eas archiepiscopales, quæ nullos episcopatus sub se haberent. Illorum archiepiscopatum ultimus est montis Sinai. Scilicet *p. 221. 1. Diospoleos, sive urbis Georgii. 2. Ascalonis. 3. Joppes. 4. Gazæ. 5. Anhedonis. 6. Diocletianopoleos. 7. Eleutheropoleos. 8. Neapoleos. 9. Sebastes. 10. Jordanis. 11. Tiberiadis. 12. Diocæsarea. 13. Maximianopoleos. 14. Capitoliadis. 15. Myri. 16. Gadari. 17. Nazareth. 18. Montis Thabor. 19. Cyriacopoleos. 20. Adria. 21. Gabalorum. 21. Ælia. 23. Phara. 24. Helenopoleos. 25. demum Montis Sina.* Recolendum notitiam hanc opus esse duodecimi sæculi medii. Cæterum in notitiis anterioribus, nec Pharan recensetur, nec mons Sinai: suppetunt nihilominus aliquot, tum Pharan, tum montis Sinai præfules; sedes quippe quæ primum Pharan extabat, videtur postea (vastato nempe eo oppido) translata fuisse ad montem Sinai: hincque fortassis contigisse præpositum hujus celeberrimi monasterii, à pluribus sæculis in episcopum esse ordinatum, & episcopi imò archiepiscopi nunc temporis titulo ornari. Certe montem Sinai, sæculo sexto, ditionis fuisse ecclesiæ Pharan colligitur ex libello Mariani monachi & archimandritæ monasterii beati Dalmatii ac primatis venerabilium monasteriorum urbis regiæ, & ipsius archimandritarum, necnon & archimandritarum & monachorum Hierosolymitanorum & sancti montis Sinai, ac secundæ Syriæ in ipsa congregatorum ad Justinianum Imperatorem, lecto Constantinopoli, in synodo anno 536. habita sub Menna præfule, act. 1. die 2. Maii. Inter subscriptiones enim huic libello legitur, *tom. 5. concil. Labb. col. 15. E. Theonas Dei miseratione presbyter & legatus sancti montis Sina, & eremi Rhaitu, ac sanctissimæ ecclesiæ de Pharan faciens pro omnibus suprascriptis, supplicavi, & subscribens porrexi.* Θεώνας ἐλέω Θεοῦ πρεσβύτερος, καὶ ἀποκριστάριος τῆς ἀγίας ὁδοῦ Σινᾶ, καὶ τῆς ἐρήμου Ραῖτου, καὶ τῆς καὶ Φαράν ἀγιωτάτης ἐκκλησίας. In Menologio Græcorum jussu Basilii junioris Imperat. Constantinopolitani ante annum 984. conscripto, quod Latine versum à Petro Arcudio, primus edidit Ughellus ad calcem *10. 6. Ital. sac. ver. edit. col. 1049. & seqq.* extat die 18. Febr. *col. 1223. n. 397.* B. commemoratio cujusdam Agapiti episcopi Sinai, de quo dicitur, quod Diocletiano & Maximiano Impp.



Cappadox Christianis parentibus natus monasticam disciplinam amplexus fuerit, clarueritque miraculis, sed à Licinio Imperatore invitus & reluctans militiæ adscriptus, post ejus obitum, ab *episcopo Sinay* presbyter ordinatus sit, eique mortuo successerit in ea sede. Verum esto fides penes illos qui hæc primitus scripserunt.

## EPISCOPI PHARAN sive MONTIS SINAI.

### I. NETRAS sive NATERAS.

**E**X monacho montis Sinai *Netras* iste episcopus Pharan evasit. De eo enim refertur in libro qui *Verba Seniorum* seu *Apophthegmata Patrum* inscribitur, apud Cotel. 10. 1. monum. eccles. Græc. pag. 579. A. B. Narraverunt de abbate *Netra* Νετρά, alias *Natnez* discipulo abbatis *Silvani*, quod quando in cella sua sedebat in monte *Sina*, moderate se ipsum regebat ad corporis necessitatem, postquam vero factus est episcopus in *Pharan*, οτε δὲ ἐγένετο ἐπίσκοπος εἰς Φαράν, multum se austeriori vita constrinxit. Quocirca dicit ei discipulus ejus; abba, quum essemus in eremo non adeo asceticè vivebas. Excepit senex, illic solitudo erat, quies, silentium, paupertas: placebatque moderari corpus, ne in infirmitatem inciderem, & ea quærere cogerer quibus carebam. Nunc vero mundus adest, occasiones adsunt: quod si hic ægrotavero, est qui succurrat mihi. Ne monachi propositum amittam. Nihil aliud de eo nobis compertum est, nec quo sæculo vixerit.

### II. MACARIUS.

*Macarium* hunc fuisse episcopum Pharan, circa ann. 451. aut aliquo ex proxime sequentibus, colligendum videtur ex sacris litteris *Marciani* Imperatoris ad sanctam synodum à *Juvenali* Patriarcha, post recuperatam sedem *Hierosolymorum*, congregatam anno 454. in quibus Imperator significabat se scripsisse ad *Macarium* reverendissimum episcopum, & ad archimandritas qui in sancto monte *Sinai* degunt, de ejiciendo *Theodosio* impiissimo monacho sedis *Juvenalis* invasore. Tom. 4. conc. Labb. col. 880. B. Quod quum sensisset, inquit (*Theodosius*) *Hierosolymis* aufugit, ac vitat *Palastinam* universam, quam multis malis affecerat, sicuti ipsis oculis sanctitas vestra accepit: se ipsum vero in *Sina* monte ἐν τῷ Σινῶ ὄρει, una cum quibusdam scelestorum consiliorum participibus occultat, eo se quasi in latibulum, inque ferarum cubicula abdens, ac comparans se adversus veritatem. Quumque vellet conatus suos ad exitum adducere, simpliciorumque illic animas mendaciis suis captivare, obrectans sanctæ synodo (*Chalcedonenſi*) quædam contra eam effutivit, vel potius contra salutem suam, quæ impiæ ipsius solius menti & linguæ consentanea sunt. Quamobrem studio sanctissimæ nostræ fidei invigilans pietas nostra.... ad *Macarium* reverendissimum episcopum, &c.

**A** Μακάριον τὸν εὐλαβέστατον ἐπίσκοπον, & ad archimandritas, monachosque omnes qui in præfato monte degunt, sacras litteras misit, scelerati *Theodosii* vesaniam & impietatem redarguens, exhortans fugere ejus commenta, falsosque sermones, simplicem vero & inculpatam fidem colere.... & eum ejicere è prædictis venerabilibus locis, ne ipsa quoque polluantur *Theodosii* scelere: vel etiam eum tradere una cum ipsius satellitibus provinciæ præfecto, &c. Palam est *Macario* huic cœnobiū montis *Sinai*, ut suo episcopo subjacuisse, qui subinde fuerit episcopus Pharan, vel ejusdem montis. De *Theodosio* illo nefario monacho, vide supra coll. 116. B. & 165. C. D.

### III. PHOTIUS.

Ante sæculi sexti medium, imperante *Justiniano*, ecclesiæ Pharan vel montis *Sinai*, curam gerebat *Photius*, de quo hæc habet *Joannes Moschus* in *Prato spirituali* cap. 127. 10. 2. Bibl. Græco-Lat. vet. Patr. edit. Paris. C 1624. p. 1111. Narravit nobis abbatissa *Damiana* solitaria mater abbatis *Athenogenis* episcopi *Petrensis* dicens: Erat quidam abbas in sancto monte *Sina*, nomine *Georgius*, magnæ virtutis & abstinentiæ vir. Huic abbati *Georgio* magni *Sabbati* die sedenti in cellula sua venit desiderium faciendi sacrum diem *Resurrectionis* in sancta civitate, & sumere veneranda mysteria in sancta *Christi Dei nostri resurrectione*. Per totam ergo diem senior hujusmodi cogitatione sollicitabatur & orabat. Quum itaque sero factum esset, venit discipulus ejus dicens ei: jube, pater, ut eamus ad synaxim. Senex autem respondit ei: vade, & tempore sanctæ communionis veni ad me, & pergam. Mansit itaque senex in cellula. Quum autem advenisset tempus sanctæ communionis in sancta resurrectione inventus est senex prope archiepiscopum beatum *Petrum*, qui præbuit illi cum presbyteris sanctam communionem. Videns igitur eum *Patriarcha*, dixit *Mencæ* assessori suo: Quando venit abbas montis *Sinai*? Respondit ille: Per orationes vestras, Domine, non vidi illum nisi nunc solummodo. Tunc ait *Patriarcha*: Dic illi ut non recedat; volo enim ut mecum sumat cibum. Ille vero profectus id dixit seni. Qui ait: voluntas Dei fiat. Quum ergo senex dimisisset synaxes, adorato sancto monumento, inventus est in cellula sua, & ecce discipulus ipsius pulsavit, & dixit: Pater, veni ut communices. Senex vero profectus in ecclesiam cum discipulo suo, iterum sumpsit veneranda mysteria.

Petrus



Petrus autem archiepiscopus contristatus quod illi inobediens fuisset, post solemnitatem misit ad episcopum Phari abbatem Photinum, καὶ πρὸς τὸν ἐπισκοπὸν Φαῶν τὸν ἀλλὰ Φώτιον Photium, & ad Patres Sina, ut abbatem ad se mitterent. Quum ergo venisset qui attulerat litteras, dedissetque illas, misit & senex tres presbyteros, abbatem scilicet Stephanum Cappadocem... & abbatem Zosimum... & abbatem Dulcitium Romanum ad Patriarcham, purgavitque se ipsum senior scribens.... Absit à me, mi Domine sanctissime, ut sanctum angelum vestrum contempserim. Scripsit etiam & hoc ad eum: ut sciat beatitudo vestra, post sex menses Christo Domino ac Deo nostro simul occursuri sumus, & illic adorabo vos, καὶ ἐκεῖ ὁμῶς προσευχήσομαι. Egressi itaque presbyteri dederunt Patriarchæ litteras. Dixerunt autem & hoc ei: quoniam senex multos annos habebat, ex quo non venerat in Palæstinam. Ostendebant quoque litteras episcopi Phari καὶ Φαῶν, simul contestantes, quod ferme septuaginta annos haberet senex, ex quo de sancto monte Sina non exierat. Sanctus vero ac mitissimus Petrus afferebat testes eos qui tunc affuerant episcopos & clericos, dicentes: Vere nos senem vidimus, & omnes osculo sancto illum salutavimus. Postquam igitur impleti sunt sex menses, requieverunt in pace senex & Patriarcha, juxta scilicet ipsius senis prophetiam. Petrus Patriarcha Hierosolymorum, obiit, ut tradunt communis scriptores, anno 544. licet Baronius ejus mortem differat ad annum 546. & Cyrillus Scythopolitanus in vita sancti Sabæ abbatis, eam memoret quibusdam narratis quæ anno 548. contigerant. Vide supra coll. 195. E. 196. A. 203. A. 207. E. & 208. B.

## IV. THEODORUS.

Sæculo septimo sedebat episcopus Pharan Theodorus qui antesignanus fuit unusque ex præcipuis hæresis Monotheliticæ assertoribus, propter quam proscriptus est & anathemati subjectus, tum in synodo Lateran. anno 649. sub Martino Papa, 10. 6. conc. Labb. col. 355. E. tum etiam in synodo sexta generali anno 680. Ibid. col. 1117. B. & primus utrobique nominatur.

## V. SIMEON.

Inter codices Arabicos, sub Innocentio XIII. in bibliothecam Vaticanam translato, quadragesimus sextus extat, Antiochi monachi lauræ sancti Sabæ pandecte divinæ scripturæ; sive compendium totius religionis Christianæ & sacrarum scripturarum doctrinæ capitibus 130. comprehensum in fol. parvo bomb. 258. Arabicis litteris & sermone exaratus pro Simeone episcopo montis Sinai. Tomus III.

Apud doctissimum Josephum Simonium Asseman. 10. 2. Bibl. Orient. pag. 511. col. 1. Nos latet quandonam Simeon iste vixerit.

## VI. JORIUS.

Tom. 1. Annalium Belgicorum idiomate Hispano exaratorum, quorum titulus, *Anales de Flandes, dedicados a la Catholica Magd. del Señor Rey Don Phelipe IV. nuestro Señor, Compuestos por Emanuel Sueyro Cavallero del habito de Christo, &c. En Anvers. En casa de Pedro, y Juan Beleros, 1624.* mentio fit, sub regimine Balduini de la Barba Hermosa, five Barbaty, ad annum Christi 1033. de Jorio quodam episcopo montis Sinai. Sic enim legitur p. 73. col. 2. paulo ante medium: Llegó à Boloña Jorio Obispo del monte Sinay, facilitando su devoción los trabajos del largo viaje: cumplió el voto, haviendo venerado en esta ciudad la imagen milagrosa de la Virgen, passo à Bethuna; pero la misma noche murio en la casa de un amigo, que por conocerle le alojó; este, por haver succedido la muerte tan de repente, temio alguna molestia del Juez, y enterro secretamente el cuerpo; descubriose la sepultura por muchas apariciones, y assi le dieron sepulchro mas digno en la Iglesia de san Bartholomé, dedicandose à su nombre la capilla aunmas adornada por los milagros. Id est, latinè vertendo: Bononiam venit Jorius episcopus montis Sinai, cui itineris difficultates devotio sua explanaverat: soluto voto, quum veneratus esset in illa civitate miraculosam Virginis Imaginem, Bethunam ivit. Verum eadem nocte vita functus est apud quemdam amicum à quo hospitio fuerat receptus. Veritus hic ne tam subita mors molestiam sibi apud Judices crearet, corpus secreto inhumavit. At sepultura per multas apparitiones in cognitionem hominum venit, unde sepulchrum illi dignius assignatum est in ecclesia sancti Bartholomæi, in qua etiam dedicatum ejus nomini sacellum, quod postmodum ob miracula ibi perpetrata magis ac magis ornatum est.

Doctissimi Bollandiani, ad diem 26. Julii, tom. 6. hujus mensis pag. 340. col. 2. F. hæc referunt de eo Jorio, ex Joanne Molano, vel potius Petro Louvio, qui ex Molani jam vita defuncti schedis Natales sanctorum Belgii collegit: Die 26. Julii, de S. Jorio episcopo, ex iis, quæ contulit Jacobus Franchus, Bethuniensis, Sac. Theol. Baccalaureus. Bethunice Natalis B. Jorii peregrini, qui montis Sina episcopatum tenuit: cujus festum in choro canonicorum sancti Bartholomæi est magnum duplex, &c. In parvo lapide albo, qui cum sacris ossibus reconditus fuit, insculptum est, beatum episcopum venisse ex Armenia majore, parentes habuisse Stephanum & Helenam; fratres septem, inter quos Macarius fuit, (&) obiisse anno 1033.



Perantiquus autem codex habet solum, testibus canonicis Bethuniensibus ea de re consultis, *ibid. pag. 341. col. 1. C. Obiit beatus VII. KL. (Kal.) Augusti. Venit de Armenia majore; & fuit episcopus de monte Sinai. Pater ejus Stephanus, & mater ejus Helena: VII. fratres fuerunt Macarius. Ab Incarnatione mill. trigesimus III.* Ex ea porro differentia utriusque hujus inscriptionis colligunt Bollandiani nunc citati, *col. 2. num. 5. D. E.* interpolatam esse apud Molanum inscriptionem lapidis; & pro genuinis hisce vocibus, *VII. fratres fuerunt Macarius*, suggestas à Franco non satis fideliter esse has, *fratres VII. inter quos Macarius fuit, &c.* « Mihi certè, pergunt Bollandiani, non probatur inscriptio illa sic explicata, ut eam offert Molanus, ita ut *Macarius* referatur ad *fratres VII.* tanquam unus ex illis: quis enim hunc sensum extundat ex his verbis, *septem fratres fuerunt Macarius!* Imò, nisi aliquid accedat, voces illæ sic conjunctæ nullum omnino vel sensum vel syntaxim exhibent. Existimo igitur, (quandoquidem nefas est interpolare quidquam) legenda esse separatim hæc verba ad hunc modum: *Obiit B. Jorius, &c. Pater ejus Stephanus, & mater ejus Helena: VII. fratres fuerunt. Macarius, ab Incarnatione, &c.* ita ut *Macarius*, quisquis demum ille fuerit, non censeatur ad inscriptionem pertinere, sed ad inscriptionis subscriptionem; quasi dicat: *Ego Macarius testor, hanc inscriptionem esse veram; vel: Ego Macarius beatum sepeliri, ejusque sepulcro hunc lapidem ad æternam ejus memoriam exculptum imponi curavi.* Hic sensus planus est & plenus, atque in ejusmodi inscriptionibus usitatissimus, nec aliam exigit mutationem, quam solius interpunctionis, quæ passim in vetustis inscriptionibus vel omnino non adhibetur, vel solis punctis, quibus voces singulæ inter se distinguantur, exprimi solet.... aut certe punctum illud, quod inter vocem *Macarius* & eas quæ hanc præcedunt sensus exigit, vel in ipso lapide detritum esse (oportet,) vel ab excubante non observatum.»

Advertunt præterea iidem Bollandiani *n. 6. F. sanctum Macarium episcopum Antiochenum*, de quo nos supra *col. 466. E. & seqq.* quique Gandavi obiit anno 1012. & ibidem colitur, non fuisse *Macarium* illum qui in lapidis hujus inscriptione legitur, tum quia prioris parentes nuncupantur in ejus vita anno circiter 1067. composita, *Michaël & Maria*, ita ut *Jorii frater* haberi non possit; tum etiam quia viginti & amplius annis ante *Jorium* defunctus, ejus epitaphio subscribere non valuit. Cæterum Molanus, quem appellant quotquot de *B. Jorio* mentionem aliquam fecere, sic de eo loquitur, apud eosdem Bollandianos,

*n. 7. pag. 342. col. 1. A. Bethuniensium traditio habet, eum voti & religionis causa invisisse Bononiæ memoriam Deiparæ Virginis; inde propter viciniam loci divertisse Bethuniam, ad quemdam, qui ei aliquando famulatus fuerat. Apud quem, nemine conscio, nocturno tempore ad lucem æternam migravit. Famulus morte deprehensa (Jorii,) & sibi ex ea metuens à judice molestiam, corpus (ejus) intra domesticos parietes sepelivit: sed res per crebras apparitiones detecta fuit. Unde viro sancto dignior data est sepultura, quæ adhuc cernitur intra ecclesiam sancti Bartholomæi, in sacello quod postea in honorem ipsius Jorii Deo dicatum est. Quum autem eo etiam in loco memoria ejus miraculis crebresceret, caput, decenter ornatum, repositum est in sacrario: reliqua sacra pignora in summum altare. In hujus autem rei memoriam utriusque sepulturæ locus religiose colitur. Nam & privata illæ ædes annuè exornantur in die Natali: caput sacrum eò defertur, & ad sepulcrum piè concurritur; circa quod multam lucem divinitus apparentem sese conspexisse testantur multi superstites. Conservantur ibidem inter ecclesiæ sacra vasa, duæ ejus cistulæ, & duo fulcra pedum equestria.*

## VII. EUGENIUS.

Sæculo decimo-sexto labente, ad Maximilianum Imperat. & Carolum Austriæ archiducem supplices litteras scripsit *Eugenius* eo titulo inscriptas: *Potenti ac divinitus coronato Regi (sive Imperatori Βασιλεῖ) Domino nostro, Domino Maximiliano, cum summa reverentia Viennam; Eugenius episcopus & antistes sancti montis Sinai, τῶν κρατικῶν καὶ Θεοσεβειῶν Βασιλεῖ Μαξιμιλιανῶ Εὐγενίος ἐπίσκοπος καὶ καθεζομένης τῆς ἁγίας ὁδοῦ Σινᾶ, cum omnibus suis hieromonachis, & monachis, in Domino salutem. Ignosce Imperator, &c.* Data in monte Sinaeo, anno, ab Incarnata Christi dispensatione, 1569. die Martii 20. Ind. XII. Humilis episcopus *Eugenius* montis Sinai & Rhairhi, ὁ Γερμανὸς ἐπίσκοπος τῆς ἁγίας ὁδοῦ Σινᾶ, & Ραῖρῆ. In ea subsidium ab Imperatore postulabat, quo possent Imperatori Turcarum ingentem pecuniarum summam suis monasteriis impositam solvere. Extat illa epistola Græcè cum translata. Latina, apud Martinum Crusium in Academia Tybingensi Græcum & Latinum professorem, *Turco-græciæ lib. 3. pp. 261. & 262.* qui etiam ita annotat ad istam epistolam, *p. 263.* « Acceperam (hanc) 16. Mart. 1579. à D. D. Chytræo, Restochio. Monasterium montis Sinai magnum est... Situm est ad radicem illius montis. Conditor ejus Imperator Justinianus (hallucinatur Crusius, siquidem sæculo quinto medio jam subsistebat, ex supra dictis, ubi de Macario episcopo Pharan.) In



» montis vertice, ubi Deus tabulas Moyſi dedit,  
 » reliqui (maceriæ) templi, ab eodem Impera-  
 » tore extructi, cernuntur. In eo monasterio  
 » ſunt plus centum Græci monachi. Eugenius  
 » ἀρχιεπίσκοπος, καὶ ἡγούμενος τῆ Σινᾶς ὄρους, τῶ  
 » Γεωργιολύμων πατεράρχῃ ὑποτεταγμένος. E re-  
 » gione montis Sinai, eſt alter mons τὸ Ἀγα-  
 » θεῖνης ὄρος, ſanctæ Catharinæ mons: ubi &  
 » templum ejuſdem Martyris. Rhaithi, anti-  
 » quitus Εἰλμ, locus eſt, aut κώμῃ (vicus):  
 » diſtans bidui à monte Sinai. Ibi eſt S. Georgii  
 » templum. Sic audiviſſe ſe D. Theodoſius  
 » τῷ δὲ Γεωμονάρχῳ Σινᾶς ἵδ' ait. » Hæc præfatus  
 Martinus Cruſius. Superſtes adhuc erat anno  
 mundi 7087. Chriſti 1579. Eugenius epiſco-  
 pus montis Sinai, quum Germanus Patriar-  
 cha Hieroſolymitanus hanc ſedem dimiſit,  
 teſte Doſitheo, *lib. XI. de Patr. Hieroſol. c. 7.*  
*ſ. 4.* (Vid. ſupra *col. 517.* C. ubi pro 7088.  
 lege 7087.) Idem Cruſ. *p. 234.* dixerat de S.  
 Catharina: « In montis Sinai monaſterio 120.  
 » monachi Græci ſunt: in quod, ex monte  
 » ſanctæ Catharinæ, huius corpus, metu Ara-  
 » bum, tranſlatum eſt: cujus adhuc reſtant  
 » ambæ manus integræ propè chorum templi.»

## VIII. JOASAPH.

IX. NECTARIUS *electus.*

*Joasaph* iſte, ex Renaudotio, obiit in extre-  
 ma ſenectute circa annum 1661. ſiquidem  
 eo anno ei ſucceſſor electus eſt in ſede montis  
 Sinai *Nectarius*, qui eodem tempore Con-  
 ſtantinopoli nominabatur Patriarcha Hiero-  
 ſolymitanus poſt Païſii obitum. Unde con-  
 ſecratus eſt, non in epiſcopum montis Sinai,  
 ſed in Hieroſolymorum præſulem, die 10.  
 Aprilis ejuſdem anni. Vide ſupra *col. 520.* E.  
 De eo loquitur Doſitheus *lib. 12. Patriarch.*  
*Hieroſ. cap. 3. ſ. 1.*

## X. ANTONIUS.

In Nectarii locum probabiliter ſucceſſus eſt  
 epiſcopus montis Sinai *Antonius*, qui certè

A ſedebat anno 1665. Eo enim anno, cum  
 Macario Antiocheno, & Païſio Alexandrino  
 præſulibus, in Moſchoviam petiit ad Impe-  
 ratorem Baſilium, ut gentis illius Patriarcham  
 ad ordinem redigeret. Ita refert D. de la  
 Croix, *Turchie Chreſtienne, pag. 181.*

## XI. JOANNICIUS I.

Reſponſioni Nectarii quondam Patriarchæ  
 Hieroſolymitani adverſus miniſtrum Clau-  
 dium Calviniſtam anno 1672. menſe Junio  
 ſubſcriptus legitur Γωαννίκιος ἀρχιεπίσκοπος τῆ  
 Β ἀγίας ὄρους Σινᾶς, *Joannicius archiepiſcopus S.*  
*montis Sinai.* Quatuor poſt annis, id eſt anno  
 1676. hæc Nectarii reſponſio è monte Sinai,  
 D. Carolo Franciſco Olier de Nointel Chri-  
 ſtianiffimi regis apud Turcarum Imperatorem  
 oratori miſſa eſt, teſte doctiſſ. Renaudot.  
*to. 4. Perpet. ſid. circa Euchar. pag. 128.*

## XII. COSMAS.

*Cofmas*, qui fuit renuntiatus Patriarcha  
 Conſtantinopolitanus poſt Cyrillum huius  
 nominis V. erat archiepiſcopus montis Sinai  
 quum eam ſedem conſcendit. Qua deinde  
 abdicata, ad montem Sinai rediit, ibique pro-  
 cul à vitæ tumultibus cibum ſuaviſſimaſque  
 delicias habuit divinarum ſcripturarum me-  
 ditationem, ut refert Demetrius Procopius.  
 Vide ſupra *tom. 1. col. 348.* D. E. Præerat  
 eccleſiæ montis Sinai ante annum 1720. quo  
 ejus ſucceſſorem in ſede Conſtantinopolitana  
 Hieremiam III. à paucis diebus exauctora-  
 tum fuiſſe tradiderunt Amſtelodamenſes  
 publici commentarii ad diem 14. Maii ejuſ-  
 dem anni 1720. ex litteris Conſtantinopoli  
 datis die 26. Febr. Vide rurfus ſupra *ibid.*  
*col. 349 A.*

## XIII. JOANNICIUS II.

Hoc eodem ſæculo decimo-octavo præſul  
 montis Sinai perhibetur *Joannicius* alter, de  
 quo nihil aliud novimus.

## XI.

## ECCLESIA AILÆ.

*AILA*, quæ & *Ailath* ſive *Elath* appellatur, Deut. *cap. 2. verſ. 8. & 4. Reg. cap. 14.*  
*verſ. 22.* fuit urbs Idumæorum, quibus devictis à Davide, in poſſeſſionem Judæorum  
 venit, 3. Reg. *cap. 9. verſ. 26. & 2. Paral. cap. 8. verſ. 17.* Eam poſtea ab Idumæis recupe-  
 ratam Azarias rex Juda ſuæ ditioni iterum adjunxit, 4. Reg. *cap. 14. verſ. 22.* uſquequo à  
 Rezin rege Syrorum capta eſt, 4. Reg. *cap. 16. verſ. 6.* De ea Hieronymus in locis Hebr.  
 ait: *Ailath in extremis finibus Palæſtinæ, juncta meridianæ ſolitudini, & mari rubro: unde ex*  
*Ægypto Indiam, & inde ad Ægyptum navigatur. Sedit autem ibi legio Romana cognomento*  
*decima: & olim quidem Ailat à veteribus dicebatur, nunc vero appellatur Aila.* Porro ex ea  
 urbe ſinus maris in quo ſita eſt dicitur *Elaniticus*. Meminit quoque huius Theodoretus  
*quæſt. 44. in lib. 4. Reg. Quænam civitas eſt Ailon Αἰλὼν?* Et reſpondet: *Quæ nunc nominatur*  
*Aila Αἰλὼν, ſita eſt autem in oſtio ſinus Arabici, quem mare rubrum nuncupant.* Et in Jerem.  
*cap. 49. verſ. 35. Ailam urbs eſt in ore maris rubri ſita: olim erat emporium inſigne, unde nunc*  
*Tomus III.*



etiam solvunt qui navigant ad Indos. Ante eos observaverat Eusebius ad vocem *Elath*, hanc urbem decem miliaribus abesse à Petra versus ortum. Petra autem aberat à lacu Asphaltite trecentis stadiis. Ab Elath vero usque ad Gazam 150. miliaria Romana numerari testatur Plinius lib. 5. cap. 17. imò 1260. stadia, Strabo & Marcianus Heracleota, quæ efficiunt 157. miliaria Romana. Tradit Epiphanius lib. 2. advers. hæres. pag. 618. Ailam unum esse è tribus Portibus maris rubri: Portus, inquit, mare rubrum varios habet, quibus ad Romanum litem aditus diverse patet. Horum unus Aclam Αἰλὼν spectat, quam sacræ litteræ Aclon Αἰλὼν appellant.... Alius est portus ad Castrum Clysmatis obversus ἐπὶ τὸ Κάστρον τῆς Κλύσματος. Tertius in superioribus Ægypti partibus ad Berenicen ἐπὶ τὴν Βερνίκην pertinet, qua ad Thebaidem pervenitur. Id elucidatur ex Philostorgio hist. eccl. lib. 3. cap. 6. pag. 478. D. edit. Vales. post hist. eccl. Theodoretī & Evagrii. Dicit enim: Rubrum quidem mare (intellige sinum Arabicum) maxime in longum porrectum, in duos sinus dividitur. Et alter quidem eorum versus Ægyptum tendit, & Clysmā secundum nomen loci in quo desinit, appellatur Χωρὶς Χλύσμα. Per hunc sinum Israëlītæ quondam fugientes Ægyptios, sicco pede transgressi sunt. Alter vero in Palæstinam fertur, juxta urbem quæ jam inde à priscis temporibus Aila Αἰλα vocatur. Procopius item lib. 1. de bell. Persic. cap. 19. scribit: Fines Orientales Palæstinæ pertingunt ad mare rubrum, quod ab India quidem incipit, in ea vero Romanæ ditionis ora terminatur. Est littori urbs apposta, nomine Ailas Αἰλᾶς, ubi mare.... desinens, in sinum arctatur angustissimum; quem qui intrant ex illa parte, à dextra montes Ægyptiorum versus meridiem procurrentes habent, à læva solitudinem quæ ad septentrionem longissime patet. Porro introrsum veltis apparet utrinque tellus, donec pervenerint ad insulam Jotaben, stadiis haud minus mille ab urbe Aila dissitam; cuius incolæ Hebræi, quum sui jam inde olim juris fuissent, Justiniani principatu Romanum jugum acceperunt. Vide Cellar. tom. 2. geogr. antiq. pp. 686. & 687. & Hadr. Reland. to. 2. Palæst. illustr. pp. 554. & seqq.

## E P I S C O P I A I L Æ.

## I. P E T R U S.

Inter episcopos Palæstinæ qui Nicænæ synodo anno 320. subscripserunt, legitur in indice Latino, *Petrus Ailæ*. Tom. 2. concil. Labb. col. 51. C. Ex quo inferimus, jam tempore Eusebii, urbem Ailam ad Palæstinam pertinuisse, quæ postea, divisas in tres Palæstinis, tertiæ adscripta est, ut patet ex notitiis veteribus ecclesiasticis: Εἰλᾶς sive Αἰλᾶ ad sinum Arabicum.

## II. B E R Y L L U S.

In synodo Chalcedonenſi anno 451. sedit Βήρυλλος ὁ ἐκλαβίστατος ἐπίσκοπος Αἰλᾶ τῆς Παλαιστίνης τῆς τριτῆς, Beryllus reverendissimus episcopus Ailæ Palæstinæ tertiæ. To. 4. conc. Labb. col. 494. B. In codicibus Latinis legitur *Alalæ civitatis*, in aliis *Aili*, *Ahilæ* & *Eliensis*. Item in Græcis quibusdam Αἰλῶν, Αἰλῶν, Αἰλᾶ: sic ut non videatur dubitandum quin sit ipsa urbs Aila. Id fortassis Carolus à S. Paulo Fulienſ. in errorem induxit, ut geogr. sac. p. 316. Etiam ab urbe Hierosolymorum dicta olim Aelia distingueret, & in prima Palæstina reponeret. Vide supra col. 675. De eo Beryllo in eadem synodo mentio fit, coll. 82. D. 328. E. 585. B. 788. D. & 800. E.

## III. P A U L U S I.

Paulus iste frater patris vel matris fuit

A Theodori, quem sanctus Sabas monasterio suo Castellii præposuerat abbatem exeunte circiter sæculo quinto. Hic postea renuntiatus est episcopus Ailæ, subindeque vel sub finem ejusdem sæculi, vel sequenti sæculo non admodum adulto. Ita refert Cyrillus Scythopolitanus in vita sancti Sabæ num. 27. apud Cotelerium tom. 3. monum. eccl. Græc. pp. 257. C. & 258. A. Paulo autem mortuo, inquit, (Castellii abbate) gubernationem tenuit Theodorus, propriumque fratrem Sergium & B Paulum patrum (sive avunculum) suum admisit, genere Melitinos, qui postquam Castellio per aliquod tempus præclare præfuissent, Amathuntis & Ailæ episcopatum exceperunt. De Sergio episcopo Amathuntis, vide supra coll. 715. 716. De Paulo nihil aliud superest dicendum.

## IV. P A U L U S II.

Anno 536. sententiæ contra Anthimum & alios hæreticos latæ in synodo Hierosolymitana, præside Patriarcha Petro, subscripsit Παύλος ἐπίσκοπος τῆς Αἰλᾶς, Paulus episcopus Ailæ, to. 5. conc. Labb. col. 286. D. Ibidem etiam legitur coll. 116. D. & 141. E. Joannes quidam presbyter & monachus, qui subscripsit in concilio Constantinopolitano, eodem anno 536. sub Menna, pro omnibus monasteriis in Aila tertiæ Palæstinæ, ἐν τῇ Αἰλᾷ τῆς τριτῆς Παλαιστίνης.



XII. ECCLESIA METROCOMIAS *sive* BACATHORUM.

**M**ΗΤΡΟΧΩΜΗΣ, in notitiis veteribus Græcis, memoratur ut sedes episcopalis, tertiæque adscribitur Palæstinæ: istud nomen Μητροχώμης, unde Latinum *Metrocomes* & *Metrocomia*, significat *præcipuum vicorum*. Uti enim *metropolis*, inquit Hadrian. Reland. tom. 1. *Palæstinæ illustr. p. 215.* caput est urbium alicujus provinciæ, ita *Metrocomia* caput est vicorum. Hic autem eo nomine denotari *Bacatha* in neutro plurali colligitur ex Epiphanio, qui hunc locum *Metrocomiæ* appellatione donat, his verbis, tom. 1. in *Synopsi lib. 2. advers. hæres. pag. 397. D. & tom. 2. in Anacephalæosi pag. 145. D. Οὐαλήσιον . . . δι τὴν Βακάδων κατοικοῦντες, Μητροκομίαν τῆς Ἀραβίας τῆς Φιλαδελφίας, Valesii Bacathum incolunt, vicum primum Arabiæ Philadelphiensis. Intelligit autem per Arabiam Philadiæ eam regionem quæ circa illam urbem sita erat, & cujus eadem urbs erat præcipua, quemadmodum Arabiam Petræam à Petra, Syriam Antiochenam ab Antiochia, & Galliam Narbonensem à Narbone, nuncupamus. *Bacatha* in plurali nominat lib. 2. *advers. hæres. pag. 489. C. ἐν Βακάδοις τῆς Φιλαδελφεινῆς χώρας πέραν τῆς Ἰορδάνου, qui in Bacathis Philadienæ provinciæ trans Jordanem habitant. Quum itaque nonnulli episcopi in actis conciliorum extent Bacathorum, nulli vero Metrocomiæ: & aliunde non Bacatha, sed Metrocomiam ferant notitiæ veteres, probabilissimum videtur his nominibus unum & eundem locum significari. Posset objici *Bacatha* vicum fuisse, adeoque ineptum ut ibi episcopus præffet: sed respondet Sozomenus lib. 7. *hist. eccl. cap. 19. pag. 734. C. edit. Vales.* Apud alios populos etiam vici habent consecratos episcopos, uti in Arabia & insula Cypro animadverti. *Bacatha* porro erant in Arabia, secundum communem loquendi modum illorum temporum, & ipsius Sozomeni, qui *Areopolin Palæstinæ tertiæ urbem Arabiæ* appellat, *ibid. cap. 15. pag. 725. C.* Ita præfatus Hadrian. Reland. *to. 2. pp. 612. & 613.* Carolus à Sancto Paulo Fulienfis *geogr. sac. pag. 316.* inter urbes Palæstinæ primæ quoddam oppidum *Baschat* recenset: *Baschat*, inquit, *Palæstinæ primæ locus, cujus memoria est in Josue cap. 15. Gregorius Baschatanus subscriptus legitur in rescripto Joannis Hierosolymitani & episcoporum Palæstinæ qui sub eo erant, ad Joannem Patriarcham Constantinopolitanum. Verum illud Baschat aliud non fuit à vico Bacathorum sito trans Jordanem, qui proinde ad primam Palæstinam non pertinebat, nec est urbs illa Baschat in Tribu Juda constituta, quæ memoratur Josue cap. 15. vers. 39. Hæc rursus Hadr. Reland. tom. 1. pag. 208.***

## E P I S C O P I B A C A T H O R U M.

## I. A L Y P I U S.

**I**N secunda synodo Ephesina anno 449. inter Palæstinæ episcopos sedit, sententiamque pro Eutyche dixit *Alypius* episcopus *Bacathorum*, per Auxilium episcopum gentis Saracenorum. In actis quidem hujus synodi lectis in Chalcedonensi concilio, nominatur *Ἀλύπιος Βακθων*, *Alypius episcopus Bactrorum*, tom. 4. *concil. Labb. coll. 118. D. 313. B. & 321. A.* At substituendum esse *Βακθων*, nec *Bactra* hic locum habere posse liquet, tum ex iis ipsis actis col. 268. D. ubi appellatur *Ἀλύπιος ἐπίσκοπος Βακθων*: tum etiam ex nonnullis codicibus Latinis, in quibus legitur *Alypius episcopus Bacatensis, Bacnatensis, & Bacantensis.* Ita Hadr. Reland. *to. 2. p. 612.*

## II. G R E G O R I U S.

Synodicis litteris Joannis Hierosolymitani præfulis adversus Severum Antiochenæ sedis infaurem, aliosque concilii Chalcedonensis hostes anno 518. initio imperii Justiniani, subscripsit *Γρηγόριος ἐπίσκοπος Βακθων*, *Gregorius*

*A episcopus Bacathanus, tom. 5. conc. Labb. col. 192. E.* Hic est Gregorius episcopus *Baschat* cujus meminit Carolus à Sancto Paulo, ut paulo supra dictum est.

## III. B A R A C H U S.

Sedebat *Bacathorum* episcopus *Barachus* anno 532. quo Justinianus Imperator ad preces sancti Sabæ mandatum dedit ut Hierosolymis construeretur ecclesia in honorem beatæ Virginis Deiparæ, cui operi præfecit hunc *Barachum*. Sic enim refert Cyrillus Scythopolitanus in vita sancti Sabæ num. 73. apud Cotelerium tom. 3. *monum. eccl. Græc. pag. 346. B.* Multum quoque, inquit, adhibuit studium (Imperator) in exequendo quarto senis (Sabæ) postulatu, misitque Hierosolymam Theodorum quemdam machinarium & architectum, qui novam beatæ Deiparæ semperque Virginis Mariæ ecclesiam ædificaret, ac præcepit Palæstinæ tractatoribus uti aurum ad ædificium subministrarent. Tum Petro archiepiscopo (Hierosolymorum) summam ea in re auctoritatem tribuit, *Barachum autem Bacathorum episcopum,*



ECCLESIA  
METROCO-  
MIAS, sive  
BACATHO-  
RUM.

*Βαράχος* δὲ τῆς ἐπισκοπίας Βαράθων, ædificationis operibus præesse mandavit: atque ita multa manu & diligentia, spatio annorum duodecim constructa fuit ecclesia laudatissimæ Dei Genitricis, omniq[ue] ornatu instructa. Cujus venerandæ ædis magnitudinem, ac resplendentem gloriam, ornamentorumque magnificentiam enarrare superfluum est, quum nostris pateat oculis, cunctaque superet vetera spectacula & monumenta quæ mirantur homines, quæ Græci in historiis conscripta reliquere, &c. De ecclesia illa consulendus Procopius Cæsariensis, *lib. 5. de ædif. cap. 6. pag. 102. C. edit. Paris. anni 1663.* Interfuit idem Barachus synodo totius Palæstinæ Hierosolymis congregatæ sub præfato Petro anno 536. contra Anthimum & alios hæreticos Monophysitas, eique subscripsit in hunc modum: *Βαράχος τῆς Βαράθων* (videtur legendum Βαράθων) Barachus episcopus Bacenorum, legendum Bacathorum. *To. 5. conc. Labb. col. 286. B.* Nihil aliud de eo episcopo scimus.

#### IV. ANTONIUS.

Anno 649. Bacathorum ecclesiæ regimini invigilabat Antonius iste, ut discimus ex epistola v. Martini I. Papæ sub finem hujus anni, vel initio sequentis 650. scripta ad Joannem Philadelphię episcopum, *tom. 6. conc. Labb. col. 20. A.* in qua, ait *ibid. col. 24. B.* *Ecce vero in auxilium, ut magno studio, ac sine*

Aullo impedimento, charitas tua ministerium impleat, à nostra apostolica auctoritate tibi commissum; hortati sumus Deo amabiles episcopos... dico Theodorum Esbuntiorum, & Antonium Bacathorum Βαράθων adesse in omnibus, ac pro viribus inservire hujusmodi spiritali voluntati tuæ, &c. Specialem ad hunc Antonium ea de re scripsit Martinus epistolam, quæ septima est, *ibid. col. 31. C.* Vide supra *col. 284. E. & seqq.* ubi de Patriarchis Hierosol. Ex ea autem postrema epistola palam fit Antonium illum à Monothelitarum errore resipuisse, ipsi enim gratulatur de reditu ad orthodoxam fidem. Incipit: *Decipi quidem & falli commune est propriumque humanæ infirmitatis; at in melius commutari solius opus est gratiæ.... quod in vobis cum omni satisfactione evenisse, religiosissime frater, vestræ literæ significarunt, asserentes, per veram de Domino confessionem, bonam vestram bonique odoris fidem: quam in spiritu suscipientes, & secundum Deum ea delectati, sacerdotalis dignitatis unguentum ei (fidei) retribuimus ex auctoritate apostolica signatum: vos semper hortantes, ut in verbo gratiæ permaneat, ut exemplo aliis esse studeatis, eorum excitetis studium, & vestro zelo ad meliorem mentem omnes convertatis, qui super inductam novitatem sequuti, in Domino resurgunt, &c.* Quandonam obierit Antonius iste, & quinam ei successerint, nos latet.



### XIII. ECCLESIA PAREMBOLES, sive CASTRI SARACENORUM.

**V**OX Græca Παρεμβολή, Latinè *Castra* sonat. Hic nobis sermo est, non de civitate quapiam eo nomine designata; sed de Castris Saracenorum quorundam, qui, quum nullas urbes incoherent, nullasque sedes haberent fixas, sed hinc inde vagantes per Arabiam desertam, in tentoriis habitabant, *Nomades* sive *Scenitæ* appellabantur. De iis Strabo *lib. 16. pag. 765. B. edit. Casaub. Paris. 1620.* ait: *Uterior Euphratis regio, quæ ad ejus ostia est, à Babylonis & (Chaldæis) incolitur: quæ (vero regiones) Mesopotamiæ succedunt usque in Cælesyriam flumini propinqua, & Mesopotamiæ, Arabes Scenitæ obtinent, per parvas quasdam ditiones in sterilibus locis propter aquarum inopiam nacti. Agriculturam aut parum aut nihil exercent, omnis generis pecus, præsertim camelos pascunt. Plinius quoque lib. 5. cap. 16. Prospicit eum (Asphaltiten lacum) ab Oriente Arabia Nomadum. Et cap. 24. de regione circa Euphratem loquens à Syriæ latere: Oppida Europum, Thapsacum quondam, (quæ) nunc Amphipolis, Arabes Scenitæ (incolunt,) Et lib. 6. cap. 28. Nomadas, infestatoresque metantur, ubi libuit.*

Quoddam istorum Scenitarum agmen ad Palæstinæ plagam meridionalem deveniens, religionem Christianam suscepit circa initia sæculi v. Quam novæ hujus ecclesiæ institutionem sic refert Cyrillus Scythopolitanus in vita sancti Euthymii *num. 18. & seqq. tom. 2. monum. eccl. Græc. Coteler. pag. 216. B. C. & seqq.* Nobis autem jam deinceps incipit oratio pergere ad res antiqui Terebonis; quas cuncti quidem seniores Patrum mihi concordī voce narrarunt; accuratius vero Terebon ille, veteris istius Terebonis nepos, qui Tribui apud Saracenos præfuit, & in eis maximum nomen reliquit ad claritatem. Oportet autem ab alto ordiri principium narrationis, ut sic perspiciatur facilius sermo noster. Erat apud Persas quidam Græcus, nomine *Aspeberus*, qui factus fuerat princeps Tribus Saracenorum. Mota (interim) per magos, circa finem regis Isdegerdis, persecutione adversus Christianos, illi ducentes opus esse summo studio



contendendum, ut cunctos venarentur Christianos, omnes Tribuum præfectos diuisionis suæ, ipsumque etiam Aspebetum, in diligentes viarum custodes ubique constituunt, quo nullus Christianus posset clanculum confugere ad imperium Romanorum. Is itaque Aspebetus videns ingentem hanc in Christianos incursionem & insaniam, motus misericordia eorum calamitatis, non modo non prohibuit fugam, sed & manum potius præbuit non mediocriter adiutricem. Qua de causa accusatus apud regem Isdegerdem, & illius veritus crudelitatem, assumptis protinus suis facultatibus, cum cognatis ac Terebone puero, ad Romanos transfuga venit. Quos excipiens Anatolius (is enim tunc erat præfectus Orientis) collocat in Arabia; & Saracenorum præfecturam, quæ illic Romanis suberat, tradit Aspebeto; sic exhibens illi securam omnisque doli expertem susceptionem.

Num. 19. pag. 217. Quum is ergo sic ad Romanos accessisset, puer quidem Terebo... percussus erat flagello demonis, ut qui partem corporis ex dimidio dexteram haberet siccam, mortuisque similem... à capite usque ad pedes; adeo ut licet pater multum facultatum consumpsisset in medicorum manus, nullum Terebon ex arte illorum acceperit adiumentum. Postquam vero migrarunt in Arabiam, videt puer in somnis aliquid; & ad visionem expergefactus eam patri narrat, qui citra moram ullam assumens puerum multosque ex ei subiectis Barbaris, pergit ad Euthymii & Theoctisti speluncam: eò enim ut veniret præcipiebat quæ apparuerat visio. Atque fratres quidem, tantam multitudinem videntes, invasit anxietas & metus, nec compertum habebant quidnam esset. At beatus Theoctistus, ejecto ex eorum animis timore illo, descendit fidenter ad barbaros, & rogat quænam necessitas eos adduxisset? Responderunt illi: Venimus ad videndum Euthymium. Tum beatus Theoctistus: ille, inquit, nunc in secessus quiete degit, neque omnino usque ad Sabbatum in cuiusquam conspectum venturus est.... Tunc Aspebetus manum Theoctisti prehensens, ostendit ei filium semiaridum, & dextera parte veluti mortuum; deinde puero annuit superciliis. Et ille incipiens rem omnem narrat ordine.

Num. 20. pp. 218. & 219. Ego, inquit, in Perside afflictus hac plaga, multisque medicis & magicis artibus contritus, nihil amplius fructus percepi, nisi solum ut damnares, & non haberem valde illis confidere. Deinde ubi in hanc Arabum venimus regionem, hinc quoque rursus cum priori luctabar calamitate, & malis vexabar similibus. Noctu autem aliquando attendens mihi ipsi, & considerans an usquam à morbo aliquam invenirem liberationem, quia nullam ex nostris cernebam mali curationem... Deum ardentissime precatus sum, & ab eo petii à morbo liberationem; atque vicissim ipse pollicitus sum repensurum me vitæ mutationem, & Christianum fore.

Num. 21. pp. 219. & 220. Dum vero... talem ad Deum deferrem supplicationem, paulatim in somnum deductus, mihi videbar quemdam cernere monachum promissa densaque barba jam senescentem... qui interrogabat me quisnam esset morbus? quidnam mali nos invasisset? Quumque ego ei morbum ostendissem; ille, implebis-ne, inquit, tu, quæcunque Deo es pollicitus? Quum ego iterum promississem me prompto & alacri animo omnia impleturum: ego, inquit, sum Euthymius, qui ad Orientalem solitudinem habito in torrente, ad australem partem viæ quæ Hierichuntem ducit, suo, decem millibus distans à Hierosolymis. Si vis ergo invenire mali solutionem, veni ad me, ait, & per nos sanabit te Deus. Hæc in somnis postquam vidissem, essemque excitatus, patri statim narraui. Et ecce omnibus postpositis, huc, ut iussit visio, venimus nunc, teque valde & enixe rogamus, ut nobis ostendas vere divinum & admirabilem illum medicum qui per visionem nobis indicatus fuit.

Num. 22. pp. 220. & 221. Hæc audiens beatus Theoctistus, & quomodo visio apertum Dei gratiæ esset indicium, admiratus, Euthymio interrumpit quietem, eique omnia ordine, pueri morbum, neminem qui curaret inventum, promissa communi Domino ab eo facta, somnum illum, visionem ostensam, uno verbo nihil non singulatim recenset. Qui ipse quoque persuasus rem illam divino geri consilio, statim descendit ad Barbaros, & ardentibus pro puero fuis precibus, factaque super illum crucis figura, non aliquo opus habuit tempore, non maiore in orando perseverantia, sed eum valentem & omnino sanum statim efficit.

Num. 23. pag. 221. Percellit Barbaros id quod factum fuerat, & citius quam ægroti corpus, eorum quoque curantur animæ, seu magis animæ sanitatem communiter accipiunt, fiuntque statim fideles. Quocirca proni in solum projicientes se, rogant sanctam illam animam, ut Christi obsignentur signaculo, partemque ac nomen Christianorum consequantur.

Num. 24. pp. 221. & 222. Non erat autem omnino viri pii & Deum amanti cunctari in rebus huiusmodi. Neque ergo fuit Euthymio ulla cunctatio: sed videns eos corde magis quam ore sacrum baptismum postulare, jubet parvam piscinam in quodam speluncæ angulo ex tempore fieri; quæ quidem usque in hunc diem subsistit: & consuetas orationes pronuntians, ac cunctis quæ lex præcipit super illos peractis, primo quidem Aspebetum baptizat, Petrum transnominans; deinde autem Marim fratrem uxoris Aspeberi, ambos claros genere, & amplissimis divitiis instructos, seu potius qui prudentia & virtute ornarent divitias, aut etiam qui ipsas opes facerent materiam



ECCLESIA  
PAREMBO-  
LES,  
sive CASTRI  
SARACENO-  
RUM.

virtutis: postea vero Terebonem, dein reliquos; quos utique & quadraginta dies apud se retinuit, & multa monuit, primumque religionis cultum accurate docuit, atque omni modo firmis iustisque redditis quæ ad salutem pertinent, dimisit in pace, &c.

Num. 25. pag. 222. At Maris, Terebonis avunculus, non amplius voluit.... discedere à monasterio, sed ei consecratis omnibus facultatibus.... soli Deo adhæret, & per totam ætatem sub eo vivere statuit, magno utens ductore.

Num. 26. pp. 222. & 223. Ubi autem miraculum dispersum est per multas partes solitudinis, multi morbis & ægri tudinibus correpti ad divinum Euthymium undequaque confluebant, sicque curationem sine mercede ac facilem colligentes, revertebantur læti, &c.

Numeris frequentibus usque ad 36. refert Cyrillus Scythopolitanus Euthymium, quod humanam adversaretur gloriam, priorisque meminisset suæ solitudinis & quietis, Domitiano uno ex discipulis suis secum assumpto, clam fugisse, diversasque solitudines adiisse. Quum autem esset in Ziphorum deserto, quosdam Manetis erroribus infectos propè degentes, ab ipso ad rectam fidem fuisse adductos, ex quo factum est ut multi ad eum quotidie confluerent. Assumpto itaque rursus Domitiano Euthymium ad fratres quos reliquerat rediisse. His narratis pergit Cyrillus.

Num. 36. pp. 228. & 229. Quum autem ejus (Euthymii) adventus nescio quomodo fuisset significatus Aspebeto, qui fuit cognominatus Petrus, licebat statim videre examen Agarenorum (sive Saracenorum) congregatum. Ille enim multis eorum omni ex genere & ætate collectis, ut qui ipse primus bonum gustasset, & studeret ut illi quoque essent participes dulcedinis, adducit eos ad Euthymium: qui adductione valde delectatus, virosque hilaribus oculis intuitus, promuntiatibus super eos solitis precibus, deduxit ad fratres & monasterium. Deinde quum eos illic baptizasset ac instituisse, atque ex illo tempore septem dies cum eis esset versatus.... ad consuetam iterum rediit solitudinem, &c.

Num. 38. pp. 229. & 230. Agarenorum vero multitudo, quæ, ut prius dixi, fuit ab eo baptizata.... non amplius, ne minimum quidem, ab eo discedere sustinebat; sed acriter precabatur ut apud ipsum maneret.... Ille vero, qui sibi conservabat indivulsum quietis bonum, eos non sive hic versari; sed alio eos ducens, quum templum & tabernacula eis circumscripsisset, (est autem locus inter duo monasteria) iussit ut exstruant juxta descriptionis figuram & magnitudinem, atque inibi habitent. Quo quidem in loco postquam sibi ædificarunt domos, & in eis deinceps assidue perseverarunt, frequenter magnus veniebat Euthymius, & quemadmodum se haberent semper visabat. Sciebat enim quantum ex eo lucri sibi compararet. Nec prius desistit hoc facere donec illorum animas purgavit & exercuit, effecitque ut presbytero ac diaconis subessent. Quamobrem illic lubenter manserunt, non ii soli qui fuerant priores baptizati, sed etiam multi alii ex iis qui quotidie ad eum veniebant & baptizabantur.

Num. 39. pp. 230. & 231. Quum ergo usque adeo multiplicarentur filii Agar, & ad veram traducerentur nobilitatem, inque diversa crescerent castra, mittit divinus Euthymius ad Juvenalem Hierosolymorum Patriarcham, postulans ut eis ordinaretur episcopus. Ille vero ad eum mittit Petrum patrem Terebonis, ut-pote idoneum qui præficeret animabus, easque deduceret ad salutem. Sic itaque Petrus episcopus Castrorum (sive Paremboles Παρεμβολῶν ἐν Παλαιστίνῃ) in Palæstina primus ordinatur. Saracenorum autem multitudo, non secus ac fluviorum perennium fluenta, affluebat; & qui accedebant adjiciebantur prioribus: itque omnes, signati signaculo baptismi, connumerabantur cum grege Christianorum. Hæc fuere exordia hujus ecclesiæ.

## EPISCOPI PAREMBOLES sive CASTRI SARACENORUM.

### I. P E T R U S.

**M**ODO diximus Petrum istum, illum fuisse A qui prius Aspebetus nominabatur, pater Terebonis ab Euthymio sanitate donati. Hunc, postquam à Juvenale episcopus consecratus est, rogavit Euthymius, ut quibusdam suis discipulis recens admissis parvas cellas construeret, & templum scite admodum adornaret, unde factum est ut brevi illic nova laura constitueretur, illa quæ erat in Pharan nullatenus inferior. Ita Cyrillus Scythopolitanus citatus, num. 41. pag. 233. C. qui etiam supra n. 37. p. 229. B. eundem Petrum narrat priusquam

fieret episcopus, quum videret Euthymium sine lecto & inopem sedere in loco deserto, pro maximis beneficiis ab illo susceptis, baptismo scilicet & salute, ut mediocrem referret gratiam, ædificatoribus multis mercede arcessitis, magnam cisternam duo habentem ostia fodisse in horto.... ad quam construi curavit panificii officinam, & cellas tres cum oratorio: adeo ut nullius eorum, quæ ad usum necessarium pertinebant, egeret Euthymius. Interfuit Petrus an. 431. synodo Ephesinæ, quem ad eam proficiscentem hortatus est Euthymius, ibid. num. 55. p. 246. A. ut adjungeret se ad Cyrillum Alexandriæ & Acacium Melitenes episcopos, & quæ eis viderentur,



viderentur, ea quoque comprobaret. Quod ille præstitit: quin unus è tribus præsulibus fuit, quos delegarunt Patres, tum ad Nestorium tom. 3. conc. Labb. col. 453. D. tum etiam ad Joannem Antiochenum, ibid. col. 639. A. ut illos ad synodum invitarent. Omnibus tandem decretis hujus synodi subscripsit: Πέτρος ἐπίσκοπος Παρεμβολῶν ὑπὲρ ἡμεῶν, Petrus Parembolarum episcopus subscripsi, ibid. coll. 541. A. & 692. E. Peracta synodo reversus ad Euthymium ei omnia narravit quæ in ea evenerant, & quonam processerint, inquit præfatus Cyrillus Scythopolitanus loco mox citato. Obiit autem ante synodum Ephesinam II. quæ anno 449. coacta fuit.

## II. AUXILAUS sive AUXOLAUS.

Petro successit, ex eodem Cyrillo Scythopolitano, num. 72. pag. 260. B. Auxolaus Ἀὐξολαύς, qui in synodo secunda Ephesina Dioscoro adhæsit anno 449. nec multo post in visus Euthymio vitam finivit. In actis hujus synodi in concilio Chalcedonenfi relectis, Ἀὐξίλαος ἐπίσκοπος Σαρακενῶν ὑπὲρ ὑποαπόνδων, Auxilaus episcopus Saracenorum fœderatorum inscribitur. Tom. 4. concil. Labb. coll. 118. E. 268. D. 313. D. & 321. A.

## III. JOANNES.

Auxilaum excepit Joannes, ante synodum Chalcedonensem anno 451. celebratam, in qua damnavit quæcunque decessor suus Ephesi male gesserat; cunctis vero Chalcedonensibus decretis subscripsit. Tom. 4. conc. Labb. coll. 83. E. 332. A. & 788. B. Ἰωάννης ἐπίσκοπος Σαρακενῶν, Joanne gentis Sarracenorum. Sedebat quoque in eadem synodo, ibid. col. 458. B. Eustathius aliorum Saracenorum episcopus, de quo dictum est in Patriarchatu Antiocheno, & provincia Osroëna. Terminata autem synodo Joannes iste cum Stephano episcopo Jamniæ, fidei decreto arrepto, quam potuerunt celerrime ad Euthymium accedunt, inquit præfatus Cyrillus Scythopolit. num. 72. pag. 260. C. .... volentes scire an ipse quoque assentiretur iis quæ scripta fuerant. Non

A mediocriter enim terrebat eos, quod Auxolao contigerat: neque habebant quomodo aut consentirent, aut differrent, antequam cognoscerent quo vergeret illius sententia. Postquam vero ille legisset, & quæ scripta erant invenisset recte se habere, & rectæ regulæ veritatis concinere, pervasit repente fama per totam solitudinem, quod magnus Euthymius sequeretur synodum Chalcedonensem. Hoc autem omnes prope modum monachos ad eam attraxisset, nisi Theodosius (impius ille monachus de quo supra dictum est, coll. 116. B. 165. C. D. & 688. C. D.) omnia suis calumniis perturbasset.

## IV. PETRUS II.

Alterum Saracenorum Scenitarum in Arabia Petræa episcopum, Petrum nomine, exhibet Malchus Rhetor Philadelphienfis in historia. Hunc enim ait ab Amorcesia Persa delegatum fuisse ad Leonem Imperatorem, anno ejus decimo-septimo, Christi 473. ut pacta fœderis cum Romanis feriret, & Saracenis qui Arabiam Petræam incolebant, Phylarchia concederetur. Mittit igitur, inquit, ad Leonem Romanorum Imperatorem, Petrum tribus ipsius episcopum, qui, si qua ratione posset, hæc ab Imperatore impetraret. Petrus Leonem convenit à quo perhonorifice receptus cuncta pro voto obtinuit.

## V. VALENS.

Synodicis litteris Joannis Patriarchæ Hierosolymorum, adversus Severum hæreticum Monophysitam, ejusque socios, subscripsit anno 518. Οὐάλης ἐπίσκοπος ὑπὲρ Παρεμβολῶν, Valens episcopus Parembolanus. Tom. 5. conc. Labb. col. 192. D.

## VI. PETRUS III.

Anno 536. sententiæ, adversus Anthimum & alios hæreticos Monophysitas, in synodotrium Palæstinarum Hierosolymis habita latæ sub Petro Patriarcha, subscripsit Πέτρος ἐπίσκοπος ὑπὲρ Παρεμβολῶν, Petrus episcopus Parembolanus. To. 5. conc. Labb. col. 286. C.

## XIV.

## ECCLESIA MEDABÆ.

MEDABA sive Medba, urbs in portione Tribus Ruben, & quidem regione ejus australi, nam Jos. cap. 13. vers. 16. ad Medabam ejus fines esse dicuntur: Fuitque terminus eorum ab Aroër, quæ sita est in ripa torrentis Arnon, & in valle ejusdem torrentis media: universa planities quæ ducit Medaba, & Hesebon. Ex quibus verbis colligit Cellarius 10. 2. geogr. antiq. lib. 3. cap. 13. pag. 659. (quoniam Aroër ad Arnonem sita erat in tribu Gad, atque ita in ortum hibernum ab Hesebon;) oppositam Medbam ab eadem in occasum æstivum recessisse. Ptolemæus lib. 5. cap. 17. habet Μεδάβα Medava in Arabia Petræa, quæ ipsa est Medaba: hanc enim urbem cum Esbunta, id est Esbon sive Hesebon, conjungit, quam etiam in eadem Arabia posuerat: & Hieronymus de locis Hebr. Medaba usque hodie urbs Arabiæ antiquum nomen retinens juxta Hesebon. Arabes quippe australia Petrææ loca posteriori ævo



tenuerunt. Unde 1. Mach. cap. 9. vers. 35. & 36. *Μηδαβὰ* Medaba sive Madaba dicitur esse juxta Nabataeos: & Stephano Byzantino *Μηδαβὰ πόλις τῆς Νεβαταίων*, Medaba urbs Nabataeorum est. At Straboni lib. 16. p. 776. D. edit. Casaub. Nabatæi Arabes erant. Ex Plinio itidem lib. 6. cap. 28. Nabatæi oppidum incolunt Petram nomine in convalle. Ex Diodoro quoque Siculo lib. 3. cap. 43. sinus Aelanites circa quem vici sunt Arabum qui Nabatæi dicuntur. Medaba celebris fuit victoriâ quam de Ammonitis Joab apud eam obtinuit 1. Paral. cap. 19. vers. 7. necnon nece Joannis Judæ Machabæi fratris, ex Josepho lib. 13. antiq. cap. 1. qui etiam scribit cap. 17. eam captam fuisse ab Hircano, & cap. 23. traditam fuisse Judæis quum esset sub Moabitarum potestate, & lib. seq. 14. cap. 2. Arabibus fuisse ereptam à Judæis. Ejus mentio fit in Scripturis lib. Num. cap. 21. vers. 30. Jos. cap. 13. vers. 16. 1. Paral. cap. 19. vers. 7. & Isai. cap. 15. vers. 2. In notitiis nulli trium Palæstinarum adscribitur: sed in ea quæ ex diatyposi Leonis Augusti excerpta est, quamque refert Hadr. Reland. tom. 1. Palæst. illustr. pag. 216. & seqq. Græcè quidem *Μεδάβα* recensetur sub provincia Arabiæ num. 4. p. 217. & Latinè *Medava* pag. 219. Ejus rursus meminit idem Hadr. Reland. inferius pag. 464. ubi notat apud Ptolemæum lib. 5. cap. 17. tab. 4. Asiæ, legi *Μηδύνα* Meduna, sed *Μηδαβὰ* Medava esse in cod. ms. quo usus est Hudsonus, nec dubitandum eam esse veram lectionem, quia & ita habetur *Μηδαβὰ* inter *Πέτρα* & *Βόστρα*, Petram & Bosstra in tabula Ptolemaïca urbium insignium ab eodem edita pag. 36. Et 10. 2. p. 893. addit: «*πόλις Μηδαβῶν* appellatur in concilio Chalcedonenfi, & episcopatu erat insignis.» Ait etiam Carolus à Sancto Petro, geogr. sac. pag. 305. sub Arabia Petræa, num. 3. Medava. Ptolem. ibid. vulgo Medavon Guillelmo Tyrio: aliis vero Medbad. Cajanus hujus episcopus in concil. Chalced. nuncupatur. Cyrillus Scythopolitanus in vita sancti Euthymii, scribit Gaianum quemdam, unum ex hujus Sancti discipulis, factum fuisse episcopum Medaborum. Itaque

## EPISCOPUS MEDABÆ.

## GAIANUS.

**G**AIANUS iste patria Melitinus fuit: hæc autem de eo narrat præfatus Cyrillus Scythopolitanus num. 41. apud Cotel. 10. 2. monum. eccl. Græc. pag. 233. A. B. Post eos (quos jam susceperat Euthymius) se ipsum permisit ingredi cupientibus, eratque deinceps ad excipiendum paratissimus. Etenim excipit quemdam Domnum, ex Antiochena quidem civitate oriundum, Joannis vero qui illi præerat (& postea pro Nestorio seorsim à patribus Ephesinis conventus suos cum triginta episcopis anno 431. tenuit) ex sorore nepotem. Suscipit etiam alios tres fratres genere, patria Melitenos, consobrinus Synodii illius qui cum Acacio (Melitenensi episcopo) educaverat Euthymium; quorum nomina, Stephanus, Andreas, & Gaianus, καὶ Γαῖανος.... Quum ergo eos admisisset, Petrum adhortatur episcopum (Paremboles, sive Saracenorum recens ad fidem Christi conversorum) ut eis parvas cellas construat, & templum scite admodum adornet. Atque ita brevi illic lauram constituit, illa quæ est in Pharan nihilo inferiorem. Et n. 54. pp. 244. & 245. Quum magna & œcumenica synodus Ephesi... congregaretur, Synodius, qui cum Acacio (Melitenensi) fuerat magister Euthymii adhuc pueri, in Palæstinam ad adoranda loca venerabilia profectus, accedit etiam ad lauram, 54. anno ætatis (eiusdem) Euthymii, partim ut illum ipsum Euthymium viseret, partim (quoque) ut saluaret consobrinos suos Stephanum, Andream, & Gaianum, &c. Et n. 97. p. 281. B. C. Terebon

**A** Saracenorum tribus præfectus, de quo supra coll. 763. 764. quum aliqua de causa venisset Bosstras, & à quodam compræfecto delatus esset ad eum cui commissæ fuerat regionis administratio, comprehensus fuit & carcerem habitare condemnatus per longum quod intercessit tempus. Cognito autem calumniæ actu magnus Euthymius scribit ad Antipatrum, qui tunc Bosstrensem regebat ecclesiam, una cum litteris mittens Gaianum fratrem Stephani Jamniæ episcopi, ut omnem adhiberet diligentiam quo à vinculis Terebon eriperetur. Hic vero acceptis litteris, susceptoque Gaiano, quum Terebonem ab omni liberasset accusatione, eique sumptum ad prosecutionem necessarium suppeditasset, eum mittit ad magnum, ἐπὶ τὸν μέγαν (puto subintelligi Euthymium.) At Gaianum veluti scintillas quasdam doctrinæ Euthymii, statuit retinere, & episcopum Medaborum *Μηδαβῶν* civitatis ordinat. Quid in præfulatu gesserit Gaianus, & quandonam obierit, incertum est. In actis concilii Chalcedonenfis ad calcem act. vi. 10. 4. conc. Labb. col. 605. B. C. ita legitur: Constantinus episcopus metropolis Bosstrorum, & pro religiosissimis episcopis sub me constitutis, Placo civitatis Gerasæ, Zosio civitatis Esbuntorum, &c. Cajano (sive Gaiano) civitatis Medaborum Γαῖανος πόλεως Μηδαβῶν, Severo Maximianopolis, &c. consentiens subscripsi. Ex quibus verbis colligitur hunc Gaianum anno 451. superstitem fuisse, non tamen ivisse ad synodum Chalcedonensem, & tunc temporis ecclesiam Medabensem metropoli subjacuisse Bosstrorum.



QUÆDAM ALIÆ ECCLESIAE MINUS NOTÆ,  
vel recentius additæ.

**I**N notitiis veteribus ecclesiasticis aliquot occurrunt urbes, veluti sedes episcopales Palæstinæ, de quibus tamen nulla alibi mentio extat: quædam quoque posterioribus temporibus in sortem Patriarchatus Hierosolymitani transferunt. De his nunc breviter agimus.

*Parochmuchi.* Locus hic in notitia Græca, cujus excerptum refert Hadr. Reland. *tom. 1. pag. 215.* tertiæ Palæstinæ adscribitur, Παροχμούχου *Parochmuchi.* De ea autem urbe sic ipse annotat *ibidem:* Puto esse Χαρακμόβα *Characmoba*, & *tom. 2. pag. 705.* Recensetur inter urbes Arabiæ Petrææ à Ptolemæo, & Palæstinæ tertiæ in notitiis veteribus ecclesiasticis Παροχμούχου, sed in aliis rectius Χαρακμόβα, quod idem est ac *Characmoba.* De *Characmoba*, vide supra coll. 729. 730.

*Mapses,* Græcè Μάψης. Legitur in notitia veteri Græca, apud præfatum Hadr. Reland. *to. 1. pag. 215.* qui subdit *to. 2. pag. 887.* Μάψης inter urbes Palæstinæ tertiæ recensetur in notitia veteri ecclesiastica. Μάψης alii, alii denique Νάψης legunt. Sed Ptolemæus confirmat lectionem priorem: ibi enim Μάψη legitur, diciturque esse urbs Idumææ ad occidentem Jordanis. Nihil aliud de ea mihi compertum est.

*Sodoma.* Idem Hadr. Reland. *to. 2. pag. 1120.* ait hanc urbem, quæ à Deo subversa est una cum Gomorrha, Adama, & Zeboim, sive Seboim, circa fines australes lacus Asphaltitis fuisse sitam, prope Zoara sive Segor, ad quod oppidum Loth se transtulit: Severum autem, qui dicitur episcopus Sodomorum in indice Latino synodi Nicænæ, *to. 2. conc. Labb. col. 52. A.* fuisse profecto episcopum alterius loci, pro quo substitutum fuerit vocabulum Sodomorum: Vide supra, ubi de ecclesia Zoarorum coll. 743. 744.

*Birosabon.* Hoc solum de ea urbe reperi apud Hadr. Reland. *to. 1. pag. 217.* hanc scilicet recenseri nonam in Palæstina tertia. 9. Βιροσαβων.

*Pentacomia.* Una est ex sedibus episcopalibus tertiæ Palæstinæ, in notitia Græca, quam refert idem Hadr. Reland. *tom. 1. pag. 215.* Græcè Πεντακόμια. Item *pag. 218.* inter sedes Arabiæ in alia notitia extat altera Πεντακόμια, *Pentacomia.*

*Mamopsora,* tertiæ etiam Palæstinæ attribuitur in notitiis veteribus ecclesiasticis, apud præfatum Hadr. Reland. *to. 1. pp. 215. 217. & 218.* qui insuper *to. 2. pag. 886.* observat in quibusdam legi Μαμὼ & dein Ψοεῶ, ac si duæ urbes essent: Sed siquidem, inquit ipse hoc postremo loco, Palæstinæ tertiæ tribui debent urbes episcopales 14. (addita Petra metropoli,) uti dicitur (*tom. 1.*) *p. 223.* Μαμὼ & Ψοεῶ unam vocem debent constituere, nam si divellantur, erunt 15. Et certe ΜαμὼΨοεῶ legitur uno verbo in Græca notitia, quam idem Relandus *pag. 215.* refert, ubi quoque urbes 14. Palæstinæ tertiæ assignantur: sic & Mamapson legitur, (in indicibus Latinis, & ut quidem videtur, pro Mamopsora.) *ibid. pp. 223. & 226.*

*Salton Ieraticon* sive *Salus Hieraticus*, Græcè Σάλτον Ἱερατικόν, in notitia veteri Græca, inter sedes episcopales tertiæ Palæstinæ recensetur, *tom. 1.* ejusdem Hadr. Reland. *pp. 215. & 217.* qui nihil addit amplius.

*Cyriacopolis,* Græcè Κυριακούπολις, extat in notitia Græca Nili Doxopatrii anno 1151. scripta, cujus excerptum habet Hadr. Reland. *to. 1. pag. 219.*

*Adria,* Græcè Ἀδρία sive Ἀδρία, in eadem notitia Nili Doxopatrii loco 20. recensetur, *ibid. pp. 220. & 221.* Verum ad provinciam Bostorum pertinebat, ut colligitur ex præfato Relando *tom. 2. pp. 547. 548. & 549.*

*Phara,* Græcè Φαεῶ, *ibid.* nominatur loco 23. nec quidquam de ea addit Relandus.

In indice episcoporum qui synodicæ Joannis Patriarchæ Hierosolymitani, contra Severum & alios hæreticos Acephalos anno 518. subscripsere, extat locus vacuus unius episcopi Palæstinæ, cujus scilicet desiderantur, tum nomen proprium, tum sedes. In Græco quippe textu una linea prorsus deest, in sequenti vero linea legitur duntaxat: καὶ τὰ λοιπὰ ὅτι Παλαιστίνων ἱεραρχμάτων. In Latina autem versione, prima linea habet: Pres .... episcopus ..... deinde valere me, & reliqua, per litteras Latinas. Ita extat *tom. 5. conc. Labb. col. 191. D.* & apud Harduin. *to. 2. conc. col. 1346. C.* Ignoratur subinde quis fuerit ille episcopus Palæstinus, qui tamen eo anno 518. vivebat & subscripsit.



Si quis discere aveat hodiernum sedium episcopaliū in tribus his Palæstinis statum, legat ea quæ observarunt doctissimi actorum Sanctorum editores Antuerpienses, tom. 2. mensis Maii p. 805. ubi aiunt: *Nunc gementibus sub Turcarum iugo qualibuscunque Christianis; & Constantinopolitanis Imperatoribus, à quibus solebant episcopi peti, pridem extinctis; eò res devenit, ut quum nuper præterito anno 1672. congregari synodum placuisset adversus Calvinistas pro reali Christi præsentia in Eucharistia, exemplo aliarum quæ fuerant super eadem causa Constantinopoli celebratæ anno 1637. & 1642. (quarum omnium acta Græco-Latina recentior accepimus impressa Parisiis) soli septem reperti sint qui ad Dositheum tunc Patriarcham convenire possent, scilicet metropolitæ Petræ, Ptolemaidis & Polifidonis (qui etiam Cæsareæ præsulem se dicebat,) Nazareth, Bethleem, cum archiepiscopo Gazæ (qui etiam locum tenebat absentis archiepiscopi sancti Spelæi) & archiepiscopo Neapoleos atque Sebastæ, necnon cum episcopo Lyddæ; subscripseruntque decreto fidei ibidem constitutæ, una cum 60. hegumenis monasteriorum, ecclesiarum æconomis, hieromonachis, presbyteris, ac diaconibus, cæterisque ecclesiæ Hierosolymitanæ ministris, aliquam tituli dignitatem habentibus.*

Michaël Antonius Baudrand tom. 1. geogr. edit. Paris. anni 1682. pag. 180. col. 1. scribit urbem Bosram, nunc esse Patriarchatus Hierosolymitani: Bosra, inquit, Arabiæ Petrææ urbs, Ammiano, Stephano, & in libro notitiæ, Colonia Bosra olim dicta, & Bosra Legio, Philippi Imperatoris patria, unde ab eo Philippopolis dicta fuit, teste Zonara, nunc Bussereih, Guillelmo Tyrensi, Bocharo, & aliis, urbs archiepiscopalis sub Patriarcha Hierosolymitano quum prius esset sub Antiocheno. 60. mill. pass. à mari Tiberiadis distat in ortum. Dicta fuit etiam Colonia Alexandrina in nummis Alexandri Severi Imperat. & matris (ejus) Mammææ. Inter subscriptiones episcoporum & aliorum plurium in dignitate aliqua ecclesiastica constitutorum, synodo Bethleemitanæ ad proscribenda Cyrilli Lucaris dogmata Calviniana celebratæ anno 1672. legitur: ὁ Φιλήμων ἱερομόναχος καὶ ἀρχιμανδρίτης, καὶ διοικητὴς τῆς αἰγυπτιακῆς μετروπόλεως Βοστράν, οὐσίας ὑπέργραφα, Philemon hieromonachus & archimandrita, & procurator sanctissimæ metropoleos Bosrorum, definiens subscripsi. Tom. XI. concil. Harduin. col. 269. E.

Ex iisdem actis liquet episcopatus Ptolemaidis & Polifidonis, nunc sedi Hierosolymitanæ esse subjectos: nam col. 268. E. extat hæc subscriptio: ὁ Ἰωάσαφ ἐλάχτος μετروπόλιτης Πτολεμαίδος, καὶ Πολυσιδωνος, καὶ πρεσβυτέρου Καισαρείας Παλαιστίνης, ὑπέργραφα. Joasaph humillimus metropolita Ptolemaidis & Polifidonis, & præsul Cæsareæ Palæstinæ, subscripsi. De Polifidone nihil aliud novimus: at de Ptolemaide tradit Hadr. Reland. to. 2. pag. 534. & seqq. nomen urbis hujus antiquum fuisse Acco, in regione tribus Aser: ut colligitur ex Jud. cap. 1. vers. 31. Aser quoque non delevit habitatores Acco, & Sidonis, &c. In Græca versione inferitur etiam Dor: Ἀκχὼ, Δὼρ, Σιδὼν. Inter urbes Ascheriticas Jos. cap. 19. vers. 25. nulla fit mentio urbis Acco; verum in Græca versione video (verba sunt Hadriani Relandi) vers. 30. post Ecdippam, scriptum Ἀρχὼς, & in aliis codicibus Ἀκὼμ, quæ non multum ab Ἀκχὼ. Et pag. 536. «Græci, quamvis nomen recens Ptolemaidis frequentaverint, non ignorarunt nomen pristinum Acco, quod Ἀκκὴ pronuntiarunt, more suo Græcam originem huic voci tribuentes. Ita (enim) legitur in Etymologico magno: Ἀκκὴ, πόλις Φοινίκης, ἢ τῶν καλουμένων Πτολεμαίδος, &c. Ace, urbs Phænices, quæ nunc Ptolemais appellatur: quidam dicunt arcem Ptolemaidis appellatam esse Acem Ἀκκὴν, quod Hercules à serpente ictus, & illic sanatus à voce ἀκκίσθην eum locum ita nuncupaverit. Stephanus Byzant. ad vocem Ptolemais: Ptolemais urbs Phænices, olim Ace appellabatur à curatione plagæ Herculi inflictæ à serpente. (Et pag. 537.) Harpocraton in Lexico, & (ex illo) Suidas..... Demetrius proprie arcem Ptolemaidis olim Acen dictam scribit. A scriptoribus Romanis Ptolemais dici consuevit. (Hieron. comment. in Amos cap. 1. vers. 2. Carmelus juxta Ptolemaidem, quæ prius vocabatur Acho, mari imminens.) In nummis (autem) appellatur Colonia Ptolemais. Erat enim colonia Claudii Cæsaris, teste Plinio (lib. 5. cap. 19. Colonia, inquit, Claudii Cæsaris Ptolemais, quæ quondam Ace.) Postea, (idem Reland. pag. 538.) neglecto nomine Ptolemaidis, postliminio vetus nomen Acconis (huic) urbi restitutum est. Solent (quippe) Mohammedani vetustissima urbium nomina pro recentibus substituere, uti Aeliam pro Hierosolymis, &c. Tempore belli sacri Acra nuncupata est, & Accaron, & sancti Joannis de Acra. Arabes nunc illam Acca nominant.... Sita vero est ad latus septemtrionale sinus quem mare mediterraneum efficit, sic ut ad latus occidentale & meridianum mari cingatur. Sinus hic vulgo nunc nautis nostris dicitur de baay van S. Jan d'Acre, & inter montem Carmelum atque urbem Acco est, olimque videtur totus in regione tribus Ascher fuisse.» Hæc Relandus p. 539. qui etiam hanc ejus descriptionem refert pag. 541. ex Josepho desumptam lib. 2. de bello Jud. cap. 9. Adjacet



*hæc urbs Galilææ, ad mare sita, & in magno campo exstructa. Cingitur autem montibus; ad plagam quidem Orientalem montibus Galilææ, ad australem Carmelo inde remoto 120. stadiis, ad septentrionalem altissimo monte qui Scala Tyriorum vocatur, 100. inde stadiis disjunctus. Duorum stadiorum intervallo ab urbe amnis Belus labitur, exiguus omnino, ad quem sepulcrum est Memnonis vicinum, habens locum qui nonnisi centum cubitorum spatium occupat, & admiratione dignus est: est enim rotundus & cavus, egerens arenam vitriariam, quam licet plurimæ naves exhauriant, denud locus repletur. Ptolemais olim sub Tyro metropoli erat.*

Auctor cujusdam epistolæ Gallicè scriptæ die prima Martii anno 1733. ex urbe Tripoli Syriæ, has Palæstinæ sedes exhibet, ab episcopis Græcis actu occupatas, scilicet:

Bethleem, cujus archiepiscopus *Ananias*, in vico Valachiæ commorabatur.

Montem Thabor, cujus episcopus appellabatur *Levendius*.

Nazareth, cujus episcopus *Dorotheus*, vulgo *Dorothaoux*.

Naplousam, cujus episcopus *Levendius*.

Lyddam, cujus episcopus *Leffrendius*.

Elcarak trans Jordanem, cujus episcopus *Taoussani*.

Monet insuper *Cæsareæ*, *Acconis*, *Jassæ* five *Joppes*, *Gazæ*, *Agelonis* trans Jordanem, montis *Sinai*, denique *Hozelis*, prope illum montem, cujus præsul se independentem autumat à jurisdictione Patriarchæ Hierosolymitani, episcoporum nomina hæcenus sibi fuisse ignota.

Inter subscriptiones episcoporum qui synodo Sardicensi anno 347. adfuerunt pro causa *Athanasii*, hi recensentur episcopi Palæstinæ, omissis eorum sedibus, *Maximus* (qui archiepiscopus erat Hierosolymitanus) *Aetius*, *Arius*, *Theodorus*, *Germanus*, *Silvanus*, *Paulus*, *Claudius*, *Patricius*, *Elpidius*, *Germanus* alter, *Eusebius*, *Zenobius*, *Paulus* alter, & *Petrus*. Tom. 2. conc. Labb. col. 679. A.

Iidem Palæstini episcopi, addito *Macrino*, subscripserunt epistolæ, quam eodem anno 347. vel anno sequenti 348. præfatus *Maximus* antistes Hierosolymorum ad ecclesiam Alexandrinam, pro restitutione ejusdem *Athanasii*, misit. *Ibid.* col. 727. A. Ex illis episcopis, ubi aliquorum sedes aliunde potuimus nosse, de iis sedibus agendo, ipsorum quoque meminimus: cæterorum nomina hic data saltem indicant anno Christi 347. præfules iis nominibus insignitos in Palæstina sedisse, & Catholicæ fidei, adversus Arianos, strenuos fuisse pugiles.

Atque hæc sunt quæ de ecclesiis trium Palæstinæ patriarchatui Hierosolymitano subiectis, earumque præsulibus Græcis, nobis innotescere licuit.

## A P P E N D I X.

*Columna 381. A. & coll. seqq. hujus to. 3.* pluribus demonstratum est, id quod in Chronico Martini Poloni legitur de *Joanna Papissa muliere*, inter Leonem IV. (five V. ut ipse eum nominat) & Benedictum III. ad annum 855. non esse illius factum, sed ejus operi, post ejusdem mortem, fuisse insertum, exeunte sæculo XIII. vel ineunte XIV. Reperi abhinc insuper in Bibliotheca nostri conventus SS. Annuntiat. Paris. in Collect. Scriptor. German. to. IX. *Rerum Germanicarum, Argentorati anno 1685.* editionem chronici Martini Poloni, de Romanis Pontificibus & Imperatoribus, se extendentis usque ad finem Pontificatus Clementis IV. defuncti anno 1258. in qua editione deest omnino *Papissa*, sed immediate post *Leonem CVIII. Papam*, sequitur *Benedictus CIX. pag.* scilicet 363. Ad latus vero ibidem intra hanc eandem paginam, ita monet Joannes Cæsar, hujus voluminis probabiliter editor.

J O A N N E S C Æ S A R, Lectori.

» Candide lector, ne mireris hoc loco prætermitti Joannem, quem vocant VIII. Fœminam,  
» ortam, ut fabulantur, Moguntiæ. Non erasmus è codice nostro, ut fortassis criminaberis:  
» verum, candide, ea quæ scripta invenimus, edimus. Nihil plane addidimus, nihil etiam  
» subtraximus, solum demptis erroribus manifestissimis librarii manu commissis, quos fideliter,  
» ubi visum fuit, sustulimus.»

En novum argumentum, quo evincitur nihil de *Joanna Papissa* à Martino Polono in genuino suo chronico fuisse exaratum; quod autem de illa fœmina in eo opere jam à multis sæculis legitur, puram esse interpolationem huic obtrusam.



Item *col. 445. B.* hæc de Godefrido Viterbiensi dixeram: *Porro verba quæ Anonymus Gallus fabulæ propugnator citat, in Pantheone Godefridi hujus editionis minime reperiuntur.* Tunc, fateor, quodam catalogo, quo Pantheonis Godefridi pars 20. totumque chronicon terminatur, reperto, ubi nulla mentione facta de Papissa, Leoni IV. immediate assignatur successor Benedictus III. hunc illum ipsum esse bona fide existimavi, quem Joannæ patroni opponebant, & Blondellus quoque recitabat. Neque enim vel leviter suspicatus sum, initio hujus partis 20. alium inesse catalogum in quo occurrerent verba objecta, *Papissa Joanna non numeratur.* Et certe quis sibi in mentem prima fronte adducat, apud aliquem auctorem, in eadem operis sui parte, paucis ab invicem paginis, duplicem existere ejusdem argumenti tractatum! Idipsum fortassis & nostros similiter fefellit adversarios, qui lecto in limine partis 20. Pantheonis catalogo cui innituntur, alterum ad calcem hujus operis non cogitarunt extare, quem etiam propterea siluerint. Ut ut sit, lectores non monent illi de duplici eo catalogo, nec aiunt verba ab ipsis allata legi in illorum priori, non in posteriori.

Sciant ergo lectores, quod à paucis duntaxat diebus ego detexi, duplicem apud hunc Godefridum, Pantheonis parte 20. suppetere Romanorum Pontificum & Imperatorum catalogum, unum initio hujus partis à *col. 535.* usque ad *col. 549. edit. Pistorianæ Hanov. 1613.* alterum in fine, à *col. 563.* usque ad *col. 580.*

In priori quidem catalogo haberi, *col. 543. lin. 30.*

» Leo IV. Papa, fedit annis 8. mensibus 5.

» Papissa Joanna non numeratur.

» Benedictus Papa, fedit annis duobus.»

In posteriori vero nihil prorsus inveniri de Papissa, *ibid. col. 57. post lin. 30.*

Leo Papa, fedit annis 8. mensibus 5. sub eodem Lothario & filio ejus Ludovico.

Benedictus Papa, sub eodem (posueram intra duas parentheses ea verba referens supra *col. 445. B. Ludovico,* sed de Lothario adhuc vivente & cum filio imperante intelligendum modo patebit,) fedit annis duobus.

Distinctio temporum. (Duo hæc vocabula sæpius recurrunt in isto catalogo, nullatenus autem in altero.)

Ludovicus Imperator regnat post patrem suum. (Obiit quippe Lotharius ea ipsa die 29. Septemb. 855. qua Romæ jam à duobus mensibus & amplius electus in Papam Benedictus ordinatus est.)

Dicent proculdubio fabulæ propugnatores, saltem palam esse ex priori Godefridi catalogo, ejus ævo non ignotam fuisse Papissæ historiam, sæculo nimirum XII. exeunte, contra quod tam fidenter asserueram, hanc apud nullum scriptorem legi sæculo XIII. anteriorem.

Verum mihi omnino constat, priorem illum catalogum, genuinum non esse Godefridi foetum, sed illi adscititium quid, ab alio recentiori auctore, ex ejus catalogo posteriori, concinnatum: unde iisdem sæpius verbis exprimitur, & sub Urbano III. Papa & Henrico VI. rege pariter desinit. Id profecto plura & gravissima momenta evincere videntur.

1.º Enim, ut quid Godefridus in eadem sui chronici parte 20. duos, non longè ab invicem, Romanorum Pontificum & Imperatorum catalogos contexuerit! Ingeniose profecto ad rem suam fabulæ patroni de duplici catalogo siluerunt, si noverant, soliusque meminere prioris quasi unicum scriptor ille confecisset. Adverterunt utique viri perspicaces, duplici memorato catalogo in cujus posteriore nequicquam investigaretur Papissa, se prorsus causa casuros cordati lectoris judicio, qui statim conjiceret alterutrum ex illis catalogis Godefrido supponi, eumque probabilius in quo verba ab ipsis objecta reperiuntur. Cur enim utrobique non extarent!

2.º Duos illos catalogos ab uno eodemque calamo non processisse, colligitur ex illorum discrepantia ab invicem circa durationem regiminis plurimorum Pontificum & Imperatorum: nam si hæc varietas ab ipso utriusque scriptore originem duceret qui unum altero fecisset emendatiorem, quorsum utrumque, nulla monitione præmissa, suo inseruisset Pantheoni! Nonne dictabat vel sola ratio naturalis, quidquid ipse in uno ex illis catalogis censura & correctione dignum duxerat, id minime deberi lectorum oculis in altero subjacere, qui



exinde perplexi fierent quisnam præcise illorum, in iis quæ inter se non cohærere deprehenduntur, foret præferendus? Hujus diversitatis nonnulla speciminis ergo juvat proferre exempla.

*Prior.*

Petrus Apostolus sedit (Romæ) annis 25. mensibus 5. diebus 4. col. 535. lin. 10.  
 Evaristus Papa, sedit annis 9. mensibus 5. diebus 10. *ibid.* post lin. 20.  
 Anicetus, annis 10. mensibus 4. diebus 3. *ibid.* post lin. 30.  
 Eleutherus, annis 11. mensibus 9. diebus 3. *ibid.* lin. 40.  
 Fabianus, annis 12. mensibus 2. diebus 11. col. 537. post lin. 10.

*Posterior.*

Petrus Apost. &c. Romæ autem in Papatu, sedit annis 25. mensibus 2. diebus 4. col. 563. ante lin. 10.  
 Evaristus Papa, sedit annis 9. mensibus 10. diebus 2. *ibid.* post lin. 30.  
 Anicetus, annis 11. mensibus 6. diebus 3. col. 565. ante lin. 30.  
 Eleuth. annis 15. mensibus 9. diebus 3. *ibid.* ante lin. 40.  
 Fabianus, annis 14. mensibus 11. diebus. 11. col. 566. post lin. 40.

*Inter Imperatores vero:*

Claudius (I.) annis 14. mensibus 5. col. 536. lin. 10.  
 Decius, anno uno, col. 538. lin. 20.  
 Claud. (II.) anno uno, *ibid.* ante lin. 10.  
 Constantinus (id est Constantius) cum Constantino & Constante fratribus, an. 34. m. 5. d. 23. *ibid.* lin. 50.

Claudius, annis 14. mensibus 8. col. 563. lin. 20.  
 Decius, annis 3. col. 567. post lin. 10.  
 Claud. anno uno, mensibus 9. col. 568. ante lin. 10.  
 Constantius cum Constantino & Constante, annis 24. mensibus 5. diebus 23. col. 570. lin. 10.

Plura alia hujusmodi prætereo, quibus, nî fallor, palam omnino fit, duos illos catalogos duplicis esse concinnatoris foetus, quorum unus recentior, Pontifices & Imperatores promiscuè extantes in Godefridi catalogo secundum quod simul vixerunt, ipse in suo distinctis columnis collateraliter exhibuit, ut facilius lectori adstarent; tempora etiam quibus præfuerunt, aliter in multis illorum censuit ordinanda, & quia post enatam Papissæ fabulam scribebat, proindeque non citius sæculo XIII. hanc inveniens omissam inter Leonem IV. & Benedictum III. in Godefridi catalogo, ubi revera deest, ipse eam omissionem notavit appositis his verbis: *Papissa Joanna non numeratur*: quæ subinde nihil aliud significant, quam cæteris illam non accenseri Pontificibus in Godefridi catalogo.

3.º Nonnisi unum Godefridus, in præfatione ad suum Pantheonem, pollicetur Romanorum Pontificum & Imperatorum catalogum, quem iis indigitat signis quæ illorum posteriori & totius operis coronidi conveniunt, non priori. Sic quippe loquitur *pag. 3.*  
 » Materia totius libri est, universum vetus & novum Testamentum, & universi Imperatores,  
 » Reges, & regna, quæ fuerunt, vel sunt ab initio mundi usque ad tempora nostra, quorum  
 » omnium notamus originem & finem, nomina, ætates, & gesta. Sola itaque nomina  
 » regnorum, ad majorem evidentiam, in præsentī procemio duximus subroganda: Babylo-  
 » niorum regnum, Assyriorum, &c.» (quæ tamen hic non exhibet eo ordine quo sunt in  
 » suo chronico:) & post eam enumerationem subdit: « Similiter post omnes reges, posuimus  
 » etiam historias Imperatorum; item omnium Pontificum Romanorum gesta, & annos, &  
 » menses, & dies, nominaque eorum: à beato Petro usque ad venerabilem Urbanum III.  
 » Papam: & usque ad Dominum Imperatorem Fridericum I. & ad filium ejus Dominum  
 » regem Henricum VI. feliciter. Amen.» Sic finit ejus præfatio. Stat quidem promissis  
 Godefridus in catalogo posteriori, quo historiam diversorum regnorum, & totum opus  
 terminat: at minime in priori, qui illam historiam à col. 549. ad col. 562. contentam  
 antecedit; nihil enim in eo de gestis Pontificum ac Imperatorum recenset. Posteriorem  
 igitur solum sibi proposuit conficere & reipsa edidit catalogum Godefridus, non vero  
 alterum, cujus consequenter aliquis alius parens est.

4.º Demum, Gobelinus Persona, quem Henricus Meibomius junior, in præfatione ad  
 chronicon hujus scriptoris, *tom. 3. Rerum Germanicarum Helmsted. 1688.* ait natum  
 anno 1358. in antiqua Saxonia nunc Westphalia dicta, quemque ex Godefridi Viterbiensis  
 chronico quædam excerptisse agnoscit. Hic, inquam, Gobelinus Leonis IV. immediatum  
 successorem designat Benedictum III. prætermissa prorsus Papissa, licet hæc suo tempore  
 minimè ignoraretur. En ejus verba, ætate VI. *pag. 245.* « Leo IV. natione Romanus, sedit  
 » annos 8. menses 3. &c. Benedictus, natione Romanus, sedit annos duos, menses quinque.  
 » Contra illum electus est Anastasius, sed legatus Lotharii Imperatoris, capto Anastasio,  
 » Benedictum restituit. Nicolaus sedit annos 9. menses duos, dies 15.» Inferius autem,  
*pag. 253.* factum quoddam referens quod contigit imperante Othone III. « Otto Imperator,  
 » inquit, prout in quadam chronica, (notat Meibomius intra duas parentheses, vide *Gode-  
 fridum Viterbiensem parte chronici 17.*) legitur, &c.» Gestum istud revera extat fusi-  
 &



783 DIŒCESIS HIEROSOLYM. PROV. PALÆST. TERTIÆ. 784  
versibus exaratum, Pantheonis Godefridi *part. 17. col. 481. & seq. Item de III. Othone*  
*Imperatore, versibus subrogatur:*

*Est juxta Mutinam, Comitum domus, Amula dicta, &c.*

Gobelinus ergo iste qui Pantheonem Godefridi evolverat, alium in eo non reperit catalogum, quàm posteriorem à quo exulat Papissa, prior subinde, vel tunc conflatus non erat, vel deerat in exemplari quo ipse utebatur, vel ab illo ut spurius parentisque recentioris proles rejectus est.

Maneat itaque inconcussum, Godefridi ævo, sæculo scilicet XII. exeunte, nondum lucem aspexisse Joannæ Papissæ fabulam, quam nec ipso ineunte sæculo XIII. scriptoribus notam, evidens videtur ex Fossæ Novæ chronico, Joanne Ceccano auctore, apud Ughellum ad calcem *tom. 1. Ital. sac. vet. edit. col. 449.* qui pervetustum exemplar manuscripti hujus cœnobii chronicon illud continens primus edidit: incipit autem à Christo, & cum anno 1217. desinit. In eo nihil de Joanna Papissa. Sed ita legitur *col. 458. B. C.*

» 847. Indict. x. Leo IV. fedit annis 8. mensibus 3. diebus 6. & cessabit (cessavit, id est  
» vacavit sedes,) mensibus duobus, & diebus quindecim.

» 850. Indict. XIII. Lotharius cum Ludovico filio imperavit annis 5.

» 855. Indict. III. (scilicet usque ad mensem Septembrem) Ludovicus imperavit annis  
» decem & novem.

» 856. Indict. IV. Benedictus III. annis duobus, mensibus sex, diebus decem, & cessavit  
» diebus quindecim.

» 858. Indict. VI. Nicolaus I. fedit annis 8. mensibus 2. diebus 20.»

Ex his omnibus concludo, si in exemplari manusc. Pantheonis Godefridi Viterbiensis, quod typis mandavit Basilius Joannes Heroldus, prior catalogus Romanorum Pontificum & Imperatorum, ubi de Joanna Papissa fit mentio, eadem manu exaratus reperitur, illud exemplar certissime interpolatum esse, nec antiquius ad summum sæculo XIII. exeunte, & post enatam jam Papissæ fabulam, de qua nullus auctor qui prius scripserit, se vel levissimam indicavit habuisse notitiam.







## PATRIARCHATUUM ORIENTIS PRÆSULES RITUS LATINI.

### DISSERTATIO PRÆLIMINARIS.

Ratio  
operis.

I. **D**E singulis hucusque Patriarchatibus Græci ritus Orientis, eorumque appendicibus, multa fusè dicta sunt; de illorum scilicet primordiis, institutione, amplitudine, ecclesiastico regimine, aliisque ad eos spectantibus; successiones quoque Patriarcharum, ac præsulum inferiorum, prout ad unumquemque Patriarchatum pertinebant, subjunctæ. Quia tamen episcopi Latini ritus, earumdem ecclesiarum plurimas gubernarunt, à sæculi XI. exitu, & deinceps per nonnulla sæcula; aliæque item sedes passim per Orientis plagas à Latinis institutæ sunt, suscepti operis ratio exigit ut de eo Latinorum regimine eadem fere methodo nunc agamus. Latinos itaque Patriarchas exhibebimus, qui, occasione bellorum sacrorum, Antiochiæ, Hierosolymis, Constantinopoli & Alexandria præfuerunt, unaque metropolitas & episcopos quos illi ditionum suarum urbibus præfecere. Sed prius, de novorum ejusmodi Patriarcharum instituendorum causa, de illorum jurisdictione, ac de singularum diceceseon administratione, quædam prælibanda videntur.

Quando-  
nam Patri-  
archæ ritus  
Latini in  
Oriente in-  
stitui cœpe-  
runt.

II. Patriarchæ ritus Latini creari cœperunt in Orientis partibus, post expugnatam à Francis & Latinis urbem Antiochiam anno 1098. Huic quidem ecclesiæ tunc præerat Joannes III. Græci ritus Patriarcha: at quia sibi non arridebant Latinorum mores & ceremoniæ, dimisit eam sedem intra biennium, & Constantinopolim secessit. Ipsi itaque principes exercitus Cruce signatorum præfulem Latinum suffecerunt. Similimodo, Symeone Patriarcha Hierosolymorum, quo tempore urbs sancta ab iisdem Cruce signatis obsidebatur, defuncto in Cypro insula quo se Mohammedanorum metu receperat, Godefridus Bullonius, Hierosolymis expugnatis, rex à principibus exercitus

Tomus III.

A proclamatus, Patriarcham Latinum, ex iis electum qui expeditionis sacræ comites fuerant, illi subrogari curavit. Denique quum initio sæculi XIII. urbs Constantinopolitana in potestatem devenisset Cruce signatorum qui in Palæstinam pergebant, illi quoque in ea urbe Latinum sibi præfecerunt Patriarcham.

III. Quod ad Patriarchas Latinos Alexandria attinet, hinc inde quidem hujusmodi Patriarcharum mentio aliqua occurrit apud scriptores: verum quandonam institui cœperit Latinus iste Patriarchatus, quisve primus illorum Patriarcharum fuerit constitutus, obscurissimum est; non enim Latini principes Alexandria urbe potiti sunt, nisi anno 1365. quo eam Petrus rex Cypri cœpit, & statim reliquit, ita ut nullus antistes ritus Latini in ea urbe reipsa unquam federit. Sæculo autem decimo-tertio ineunte hujus ecclesiæ Melchitis Nicolaus præsidebat, qui Innocentii III. Papæ fovebat communionem, ut ex epistolis constat quas sibi mutuo scripserunt. Raynald. C ad annum 1223. num. 9. refert ejus epistolam ad Honorium III. cujus titulus est: *Reverendo Patri ac Domino Honorio Dei gratia sanctæ Romanæ ecclesiæ summo Pontifici, & universali Papæ, Nicolaus eadem gratia Alexandrinæ sedis humilis Patriarcha, tam promptam quam debitam reverentiam.*

Alexandri-  
næ ecclesiæ  
non reperi-  
tur tunc  
datus Patri-  
archa Latini  
ritus.

Damiatam quidem maritimam Ægypti urbem anno 1219. die 5. Novembris, sibi Cruce signati subjecerunt, sed eamdem paulo post recuperarunt Saraceni. Hanc rursus S. Ludovico Francorum rege anno 1249. præfatis infidelibus ereptam, brevi admodum sub archiepiscopi titulo præsul administravit Latinus, eam enim Mohammedanis restituere coactus est Ludovicus; præsul vero ad Tyri metropolim tunc vacantem transiit.

Damiatam  
Latinis bre-  
vi tempore  
subdita.

Ddd



Patriarcha  
Antioche-  
nus, è Græ-  
coritu, con-  
sentiente  
Boamundo,  
decernitur  
assumendus  
inposse-  
rum.

IV. Boamundus, qui princeps Antiochiæ, ea capta, à Ducibus Cruce signatorum renun-  
tius fuerat, pacem iniit anno 1108. cum  
Alexio Comneno Imperatore Constantino-  
politano, inter cujus articulos unus fuit, ut  
Antiochenus Patriarcha deinceps, non ex  
gente Francica vel Latinorum, sed de Græca,  
& de Byzantinæ ecclesiæ clero assumeretur.  
Formam juramenti refert Anna Comnena,  
Alexiados lib. 13. edit. Possini Soc. Jesu, Paris.  
anno 1651. pag. 413. A. in hunc modum  
Συμφωνῶ δὲ ἐ ἐπομνυμι τὸν ἐκ τῆ ἐκκλησίας Ἀν-  
πόχου πρεσβευόμενον Θεὸν ὡς ὅτι ἐν τῇ ἡμετέρῃ  
γένει Πατριάρχης ἔστι Ἀνθόχίας, ἀλλ' ὃν αὐ-  
θεβαλεῖται ἡ βασιλεία ὑμῶν, ἐν τῇ θρησκείᾳ  
τῇ ἡμετέρᾳ τῆς καὶ τὴν Κωνσταντινὴν πόλιν μεγάλης  
ἐκκλησίας· ὁ δὲ ὅστις γὰρ καὶ τῇ θείᾳ τῇ καὶ τὴν  
Ἀνπόχου ἐπιστάτη καὶ πάντα πρεσβυτέρους ἀρχιερατικῶς,  
ἐντε χειροτονίας, καὶ τοῖς λοιποῖς ἐκκλησιαστικαῖς  
ὑποδείξει, καὶ τὰ τῇ θείᾳ τῇδε πρεσβυτέρῳ. Pro-  
mitto etiam & jurans testor eum qui in ecclesia  
Antiochiæ oratur & adoratur Deum, non futu-  
rum Antiochiæ Patriarcham ex nostro genere:  
sed eum quem vestra Majestas in eam dignita-  
tem promoverit, delectum è numero alumnorum  
magnæ Constantinopolitanæ ecclesiæ. Hic talis  
ejusmodi observatione electus ascendat thronum  
Antiocheni Patriarchatus, & quæ summo loci  
ejus antistiti competunt in impositionibus ma-  
nuum, & in cæteris ecclesiasticis functionibus,  
juxta ritus ejus ecclesiæ legitimos obeat.

Hoc pacti conventi caput, licet, ut tradit  
Cynnamus lib. 4. hist. capp. 18. & 20. sub  
Manuele Comneno Alexii nepote denuo  
fancitum, minime observatum fuit à Latinis.  
Imperatores autem Constantinopolitani ali-  
quem è suis Græcis in Antiochenum Patriar-  
cham eligi & apud se ordinari curarunt, sal-  
tem quo ad titulum, ne antistitum Græcorum  
hujus sedis interrupta series censeretur: eo-  
dem quoque modo ecclesiæ Hierosolymorum  
providerunt de Patriarcha Græco. Isti porro  
Patriarchæ Græci, vel Constantinopoli, vel  
in vicinis quibusdam monasteriis degebant:  
qui mos perseveravit usquequo Franci &  
Latini à Mohammedanis Antiochia, Syria,  
ac omni Palæstina ejecti fuere sub finem  
sæculi decimi-tertii.

V. Non eadem vero fuit, sub Latinis, E  
ecclesiarum dispositio in Patriarchatibus An-  
tiocheno & Hierosolymorum, quæ antehac  
sub Græcis: nam ab antiquo quidem tem-  
pore Tyrus cum omni Phœnice prima, cujus  
hæc metropolis erat, Antiochenæ diocesis  
prima sedes numerabatur; at ubi hæc à Bal-  
duino II. Hierosolymorum rege Veneticæ  
classis auxilio Latinis parta fuit, Hierosoly-  
mitanæ sedi subdita est, assentiente Inno-  
centio II. Papa, ea tamen lege ut episcopatus tres

A Tyro metropoli auferrentur, ac Antiocheni  
Patriarchæ juris remanerent, Byblus scilicet,  
Anteradus, & Tripolis Syriæ.

VI. Exordium Patriarchatus Constanti-  
nopolitani Latini ritus jam supra dictum est  
num. 2. initio sæculi decimi-tertii statuendum.  
Postquam enim Cruce signati an. 1204. hac  
regia urbe expugnata, Balduinum Flandriæ  
Comitem in Imperatorem Orientis elegere,  
novum quoque sui ritus erexerunt Patriarcha-  
tum, cujus jurisdictioni assignatæ sunt regio-  
num illarum ecclesiæ quæ tunc eorundem  
B armis subactæ fuerunt: [inter quas nihilomi-  
nus Innocentius III. ut refertur in tract. de gest.  
ejus, 10. 1. epistol. hujus Papæ, edit. Baluz. p. 64.  
col. 2. eas excepit, quæ antea non fuerant sedi  
Constantinopolitanæ subjectæ: Subsequentem  
vero petitionem, inquit, ad Thomam respon-  
dens primum Constantinopolitanæ sedis Pa-  
triarcham, quæ ecclesias illas tibi subjici postula-  
bas, quæ priusquam Constantinopolitana civitas  
caperetur Constantinopolitano Patriarchæ mini-  
mè respondebant, duplici ratione non duximus  
admittendam, &c.] Quænam vero fuerint  
C hujusmodi provinciæ, ex chronico Alberici  
colligitur ad annum 1205. pag. 439. ubi ait:  
Apud Constantinopolim uno tantum anno Im-  
perator Balduinus imperavit. Ultra brachium  
sancti Georgii apud Nicænam, unde dicta est  
synodus Nicæna (hîc nonnulla desunt de Græ-  
corum eo ævo Imperatore qui Nicæam se  
receperat.) Uno similiter anno regnum obtinuit  
Comes Ludovicus. Et Marchio Montisferrati  
apud Thessalonicam rex est constitutus. Otto de  
Rupe cujusdam nobilis Pontii de Rupe in Bur-  
gundia filius, quodam miraculo fit dux Athe-  
nienstem atque Thebanorum. Gaufridus de Villa  
Harduini Joannis filius, nepos Gaufridi Cam-  
paniæ marescalli Montionis insulam, id est, Si-  
cyonis, & Achaiam, & civitatem Mycenæ ob-  
tinuit. Lacedæmonia & Corynthus, Andreno-  
polis (Messinopolis) & Philippis civitates Græ-  
ciæ licet à nobis fuerint acquisitæ, postea tamen  
fuerunt perditæ. Similiter quædam insula non  
longe à Constantinopoli ultra brachium vocatur  
Azycum (Cizicum) sive Kyzicum, id est,  
Eskisia (Eskisin) metropolis erat, cujus suffra-  
ganea fuit Troja sive Troada, & ad duas die-  
tas continuatur Mirilenensis insula, quæ episco-  
pum (archiepiscopum) habet. Hucusque  
chronicon, in quo regiones ad septemtrio-  
nem positas, Thraciam, Rhodopen, & alias  
Bulgariam usque novam, quin etiam Bithi-  
niæ partem omisit auctor ille quem Alber-  
icus exscribebat. Eas igitur provincias Con-  
stantinopolitanus antistes Latini ritus admi-  
nistravit, quandiu Constantinopoli sedere fas  
ei fuit, hoc est, usque ad annum 1261. quo  
Michaël Palæologus regiam hanc urbem

Exordium  
Patriarcha-  
tus Latini in  
urbe Con-  
stantinopo-  
litana.

Id à Latinis  
observatum  
non fuit,  
qui Latini  
præfatu-  
lem Antio-  
chiæ præfi-  
cere non  
desiderunt.

Dispositio  
ecclesiarum  
sub Patriar-  
chis Latinis.



recuperavit. Achaiam autem, Peloponnesum, & insulas Ægæi maris, Latini retinuerunt, ad tempora usque grassationis Tamerlani, aliaque etiam Græcorum loca adhuc diutius.

Quenam  
auctoritas  
Patriarcha-  
rum Latini-  
corum.

VII. Quum summa esset Patriarcharum Græcorum in omnes diocesium suarum sedes auctoritas, & præsertim præsulis Constantinopolitani, quæ ab ea non discrepabat, qua Romani Pontifices per omnes occiduarum gentium regiones jus dicebant: Patriarcharum Latinorum jurisdictio ad angustiores longè terminos coarctata fuit. Hujus administrationis formam disertissime exponit Innocentius III. litteris suis apostolicis, quibus præfati Thomæ in primum Patriarcham Constantinopolitanum Latini ritus electionem confirmavit, *Tractatus de ejusdem Papæ gestis præfixi to. 1. edit. Baluz. pag. 60. col. 2. n. 98.* Recepto enim ab eo fidelitatis & obedientiæ juramento, sub tenore antiquo & approbato, quo primates & metropolitani pallium fuscipientes uti solent, privilegium Patriarchale his verbis ei concessit.

Privilegia  
Patriarcha-  
rum ritus  
Latini.

» Prærogativa dilectionis & gratiæ quam  
» apostolica sedes exhibuit ecclesiæ Byzantinæ,  
» quum eam in Patriarchalem sedem erexit,  
» ecclesiasticæ plenitudinem potestatis, quam  
» non homo, sed Deus, imò verius Deus homo  
» in beato Petro ecclesiæ Romanæ concessit  
» evidenter attestatur, &c. Licet autem eadem  
» ecclesia interdum ab obedientia sedis apostoli-  
» cæ declinaverat; quia tamen ad eam per Dei  
» gratiam humiliter est reversa, tuis precibus  
» annuentes, eandem ecclesiam, cui, Deo  
» actore, præesse dignosceris, sub beati Petri &  
» nostra protectione fuscipimus, & præsentis  
» scripti patrocinio communimus. Præterea  
» quascunque possessiones, & quæcunque  
» bona eadem ecclesia in præsentiarum juste  
» & canonice possidet, aut in futurum con-  
» cessione Pontificum, &c. usque adipisci; fir-  
» ma tibi, tuisque successoribus & illibata con-  
» sistant. Libertates etiam & immunitates ejus-  
» dem ecclesiæ, ac consuetudines rationabiles,  
» & antiquas, quæ apostolicæ sedis non obvi-  
» ant institutis, ratas habemus, & eas perpetuis tem-  
» poribus illibatas permanere sancimus. Pal-  
» leum quoque, insigne videlicet plenitudinis  
» Pontificalis officii, fraternitati tuæ apostolicæ  
» sedis liberalitate largimur, quo intra ecclesias  
» tuæ jurisdictioni subjectas, in solemnibus mis-  
» sarum utaris diebus inferius denotatis: vide-  
» licet in Nativitate Domini, festivitate Proto-  
» martyris Stephani, Circumcisione Domini,  
» Epiphania, Hypapante, Dominica in ramis  
» palmarum, Coena Domini, Sabbato Sancto,  
» Pascha, feria secunda post Pascha, Ascen-  
» sione, Pentecoste, tribus festivitibus sanctæ

Tomus III.

A Mariæ, natali sancti Joannis-Baptistæ, solem-  
nitatibus Apostolorum, commemoratione  
omnium Sanctorum, dedicationibus eccle-  
siarum, episcoporum consecrationibus, ordi-  
nationibus clericorum, principalibus festivi-  
tatibus ecclesiarum tuarum, & anniversario  
consecrationis tuæ die, & tam Imperatoris,  
quam aliorum magnatum & principum se-  
pulturis. Ad indicium etiam gratiæ plenioris,  
auctoritate tibi præsentium indulgemus, ut  
archiepiscopis suffraganeis tuis usum pallei  
præsentis indulgentiæ auctoritate concedas,  
B ab eis pro te quod canonicum fuerit, pro  
nobis autem & ecclesia Romana sponsonem  
obedientiæ recepturus. Porro crucem, vide-  
licet vexillum Dominicum, per quemcunque  
locum te transire contigerit, excepta urbe  
Romana & loco in quo fuerit Romanus an-  
tistes, ante te deferendi licentiam imparti-  
mur, & in processionibus tuis tibi concedi-  
mus usum nacci. Præsentis scripto nihilominus  
statuentes, ut universi clerici cujuscunque  
nationis & gentis in civitate vel diocesi Con-  
stantinopolitana ecclesias vel ecclesiastica be-  
neficia obtinentes, tibi, & ecclesiæ Constan-  
tinopolitanæ reverentiam exhibeant debitam  
& devotam: salva tamen in omnibus apostoli-  
cæ sedis auctoritate, reverentia, & honore.  
Data est apud sanctum Petrum III. kalend.  
Aprilis (id est die 30. Martii) anno pontifi-  
catus ejus octavo (Christi 1205.)

Aliis litteris, *ibid. pag. 61. col. 2.* eidem  
Thomæ Innocentius III. concessit, ut sub-  
ditos suos, qui in clericos, & alios viros  
religiosos manus injecerint violentas, auctori-  
tate & vice ipsius, secundum ecclesiæ for-  
mam, absolveret, nisi forsan ita enormis  
fuerit excessus, ut meritò credat eos ad sedem  
apostolicam destinandos. Falsariorum quo-  
que absolutionem ejus fraternitati commisit,  
si forsan in sigillo vel ipsius vel subditorum  
vitium commiserint falsitatis. Ei etiam per-  
sonaliter indulgit, ut si qui reges Constanti-  
nopolitano Imperio subditi, fuerint inun-  
gendi, modo tamen ab eo inunctio postu-  
letur, & imperialis assensus accedat, illos  
inungere posset: utque in diebus Dominicis,  
& præcipuis solemnitatibus, quum necesse  
E fuerit, personas idoneas in subdiaconos va-  
leret promovere.

Usus pallii à Romano Pontifice petere  
tenebantur Patriarchæ Latini ritus, & ab  
eodem recipere: unde quum Rudolphus  
secundus Patriarcha Antiochenus pallium de  
altari beati Petri in sua ecclesia sumere atten-  
tasset, pro more verisimiliter decessorum  
suorum Græci ritus, id ægrè tulit Innocen-  
tius II. Papa, qui voluit ut Romam veniret,  
dimissoque illo pallio, aliud reciperet de

Patriarchæ  
Latini ritus  
pallium à  
Romano  
Pontifice  
petere tene-  
bantur.

Ddd ij



corpore beati Petri. Ita refert Willelm. Tyr. *de bello sac. lib. 14. cap. 10. & lib. 15. cap. 13.*

Præcipua  
Patriarcha-  
rum Latini  
ritus præro-  
gativa.

VIII. Præcipuam Patriarcharum Latini ritus prærogativam in eo constituisse liquet ex dictis, quod suarum diocesium metropolitanos & archiepiscopos, tum ordinarent, tum pallio donarent, accepto ab illis prius sacramento, quo sanctè sponderent, non Patriarchæ duntaxat suo, sed Romanæ inprimis sedi obediens futuros, quemadmodum apud nos fit. Episcoporum itaque & metropolitanorum electio ad ecclesiarum capitula de prisco jure spectabat, episcoporum autem confirmatio & consecratio ad metropolitanos, sicut metropolitanorum ad Patriarcham. Atque hæc consuetudo duravit pro uno quoque Patriarchatu, quandiu Patriarchæ singuli suarum regionum ecclesias reliquiasve tenuerunt.

Facultas  
eligendi Pa-  
triarchas  
Latini ritus  
capitulis po-  
testa sublata.

IX. Post Palæstinam omnemque Syriam Mohammedanorum armis iterum subactas, Francis ac Latinis inde ejectis, Antiochenæ atque Hierosolymitanæ ecclesiarum canonici Latini ritus aliò se receperunt, atque, ut apparet, in insulam Cyprum, ibique Patriarcharum ejusdem ritus qui nuper occubuerant successores more pristino elegerunt. At Bonifacius VIII. x. kal. Jan. id est die 23. Decemb. anno 1301. ejus Pontif. 7. cavendum ducens ne aliqui in Patriarchas renunciarentur qui ad id muneris minus essent idonei, unde Patriarchæ nomen & dignitas summa vilesceret, illorum electionem capitulis ademit, sibi que reservavit, Romanisque Pontificibus in posterum, quandiu illæ regiones in infidelium vel schismaticorum potestate remanerent. Apud Raynald. ad annum 1301. num. 24.

Transla-  
tiones epi-  
scoporum  
Patriarchis  
Latini ritus  
interdictæ.

X. A Patriarchis Latini ritus potestas sublata est transferendi episcopos suæ ditionis de una sede in aliam. Id namque vetuit Innocentius III. ipso primo sui Pontificatus anno, Christi 1198. epistola 50. ad Antiochenum Patriarcham, apud Baluzium *to. 1. epistolar. hujus Papæ, lib. 1. pag. 28. col. 2.* Quum enim Patriarcha ille, prædecessoris sui exempla sequutus qui motu propriæ voluntatis Mamistanum (præsulem) in Tharsensem (ecclesiam) dicebatur transtulisse, La. quondam Apamiensem (episcopum) in Tripolitanam ecclesiam transtulisset, ait Innocentius, ex illo generali privilegio quod beato Petro, & per eum ecclesiæ Romanæ Dominus noster indulsit, canonica postmodum emanasse instituta continentia majores ecclesiæ causas esse ad sedem apostoli-

*cam perferendas: ac per hoc translationes episcoporum, sicut depositiones eorum, & sedium mutationes, ad summum Apostolicæ sedis antistitem de jure pertinere: nec super his præter ejus assensum aliquid debere attentari, &c.* Data est Laterani XVI. kal. April. (id est, die 17. Martii) anno 1198.

XI. Ex quo complures Orientis regiones in Francorum Latinorumque potestatem venire, multi præfules Græci, Latini nominis odio, suas ultro sedes reliquerunt; nonnulli tamen, solum vertere nolentes, archiepiscopis Latini ritus sese subjecerunt, ac communionem amplexi sunt Romanam. Quum vero Orientales episcopi in ordinationibus suis unctiones non adhibeant, Innocentius Papa quæsitus à Patriarcha Constantinopolitano, num Pontifices Græci chrismate sacro inungendi essent, ei respondit *epist. 23. lib. XI.* apud eundem Baluz. *to. 2. pag. 146. col. 2.* *Episcopos Græcos ad Patriarchæ obedientiam redeuntes, (qui) præstito ipsi corporaliter juramento, & sibi (Papæ) obedientia promissa, inungi renunt juxta consuetudinem Latinorum.... quod si ii qui jam consecrati sunt induci nequeunt ut recipiant unctionem, id in hac novitate sub dissimulatione possit pertransire; consecrandos vero nullatenus consecret, nisi more Latino voluerint consecrari, quum nos ipsi, inquit, Græcos non nisi juxta nostram consuetudinem consecremus.* Data fuit Laterani VIII. Idus (id est die 8.) Martii anno XI. (Christi 1208) Id quoque definit pro Bulgariis in epistola ad Trinovitianum archiepiscopum, quem ipsis primatem, & quasi Patriarcham præfecerat, *lib. de gestis Innoc. III. ibid. initio to. 1. num. 75. pag. 37. col. 1.*

Græci  
præsules à  
Patriarchis  
Latinis ritu  
Romano  
consecrandi  
decernun-  
tur.

XII. Porro illos duntaxat, tam Patriarchas, quam inferiores episcopos Latini ritus hic recensere juvat, qui, vel reipsa episcopales Orientalium regionum sedes occuparunt, vel ad eas aliquando regendas data opera destinati erant, quandiu spes fuit eas iterum Latinorum armis subigendas fore. Neque enim omnino interesse duxerim indices scribere tot episcoporum, qui in præsentiarum, sine clero & populo, sub ecclesiarum Orientalium titulis ordinati, in partibus Infidelium dicuntur, & in aliorum præfulum Occidentis diocesium, vice ipsorum, pontificalia obire munia solent: quanquam non omittendum episcoporum istud genus, à primis illis episcopis Latinis, qui bellorum sacrorum temporibus instituti sunt, esse derivatum.

Non recen-  
sentur præ-  
fules in par-  
tibus infide-  
lium.





## PATRIARCHÆ CONSTANTINOPOLITANI LATINI RITUS.

**P**RIUSQUAM de Patriarchis Constanti-  
nopolitanis ritus Latini differamus, hæc  
pauca iis quæ fusè dicta sunt initio tomi 1.  
istius operis addenda ducimus de urbe By-  
zantio sive Constantinopoli, ex Mich. Ant.  
Baudrand desumpta *geogr. tom. 1. pag. 201.*  
*col. 1. & pag. 295. coll. 1. & 2.*

*Byzantium*, urbs Thraciæ Straboni, Poly-  
bio, & aliis, *Constantinopolis* postea nuncupata,  
eo quod à Constantino magno instaurata &  
valde aucta fuerit, nunc *Stamboul* Turcis, &  
*Constantinopolis* Italis appellatur. Sita est ad  
Bosphorum Thracicum, è regione Asiæ mi-  
noris, contra Chalcedonem Bithyniæ urbem,  
cum portu amplissimo & tutissimo, inter Pro-  
pontidem cui fere infidet ad meridiem, &  
Pontum Euxinum, à quo 16. aut 17. milliar.  
distat. Cingitur ab oriente Bosphori faucibus,  
ab occidente Thracia, & à meridie Propon-  
tide. Circuitus ejus est 14. circiter milliarium,  
dicunturque in illa quingenta fere millia inco-  
larum numerari, sed incendiis sæpius & pesti-  
lencia deformata multum defecit. Diffita per-  
hibetur ab urbe Roma in ortum 900. milliar.  
Tabresium versus sive Tauris in regno Persa-  
rum 1250. & à Candia in septemtrionem 510.  
Primum condita fuit à Pausania rege Sparta-  
rum anno mundi 3469. In ea urbe quatuor  
celebrata sunt concilia generalia: unum scili-  
cet anno 381. adversus impugnantes divini-  
tatem Spiritus sancti. Alterum anno 553. ad  
tria capitula proscribenda Nestorianæ hæresi  
faventia. Tertium anno 680. adversus Mo-  
nothelitas. Quartum denique anno 869. ad-  
versus Photium sedis patriarchalis hujus urbis  
invasorem. Turcis impræsentiarum subest  
eorum facta regia, ab anno 1453. quo illam  
Græcis eripuerunt die 27. Maii, everso pe-  
nitus Imperatorum Orientis solio. His præ-  
missis, undenam occasionem nacti sunt  
Latini ut Patriarchas sui ritus sedi Constanti-  
nopolitanæ præficerent, breviter exponimus.

Anno Christi 1203. Indict. vi. Francis Ve-  
netisque apud Jaderam hiemantibus, ad eos  
venit Alexius quindecim annorum adolescen-  
tulus, filius Isaacii Angeli Imper. Græcorum  
quem deponi & excæcari curarat frater ipsius  
Alexius senior, hujus Alexii patruus; ex cujus  
manibus sese subripiens Alexius junior ad eos  
confugit, quibusdam conditionibus hinc inde  
acceptis. Id Francos Venetosque movit, ut  
Constantinopolim navigarent adversus Ale-  
xium tyrannum. Francorum quidem copię

erant viginti millium militum, equitumque  
octo millium; Venetorum autem classis sexa-  
ginta triremibus, septuaginta onerariis, &  
centum viginti hippaginibus constabat: Fran-  
cis terra, Venetis mari rem impigrè agentibus,  
post multa certamina, Græcis ingenti  
armatorum numero peditum equitumque  
urbem propugnantibus, capta nihilominus  
est Constantinopolis octavo obsidionis die,  
mense Julio ejusdem anni 1203. magna ho-  
minum strage & ædificiorum ruina, Alexio  
tyranno interim fuga elapso, quum impe-  
rasset annos octo, menses tres, dies decem.  
Mox Isaacius senex tyranni frater è carcere  
eductus proclamatus rursus est Imperator  
una cum filio suo Alexio juniore, cunctaque  
approbavit pater quæ filius suus Francis Ve-  
netisque promiserat ut ipsorum ope imperium  
recuperaret.

Anno sequenti 1204. Indict. vii. dum  
Latinorum exercitus apud Constantinopolim  
hiemaret, Francis in castris ex adverso urbis,  
interjacente portu, & Venetis in navibus suis,  
donec Isaacius & Alexius promissis datis ste-  
tissent, tempusque navigationi in Syriam  
opportunum advenisset; gravissimam sedi-  
tionem in urbe excitarunt Græci, Francis &  
Venetis ingentem pecuniarum summam con-  
ferri ægrè ferentes, ignem inprimis submini-  
strante Alexio Duca, *Murtzuphli* dicto ob  
conjuncta supercilia & velut oculis immi-  
nentia, quem juvenis Alexius amplissima  
Protovestiarii dignitate nuper ornaverat. Ad  
finem itaque vergente Jan. hujus anni 1204.  
seditiosi conviciis utrumque Imperatorem  
insectantes, primo adolescentem quemdam,  
*Nicolaum Canabum* nomine, invitum procla-  
marunt Imperatorem; deinde Alexium junio-  
rem, qui in palatium Marchionem Montis-  
ferrati consanguineum suum, Latinorumque  
copias advocare satagebat, (animam quippe  
interim Isaacius agebat senior, sive dolore,  
sive alia occultiore causa ad extrema redactus.)  
Ducas Murtzuphli in teterrimum carcerem  
conjecit, arreptisque confestim imperialibus  
insignibus, Canabum à suis mox derelictum  
custodiæ mancipavit, Alexium vero veneno  
bis frustra tentatum, laqueo demum propriis  
manibus necavit, post sex menses & octo dies  
à recuperato imperio. Postea autem milites  
in Francos eduxit, quo prælio Græci fusi  
fugatique sunt, ac in urbem magna ipsorum  
cæde facta compulsi, capta insuper est, una

Ddd iij



cum vexillo Imperatorio, imago B. Virginis quam Imperatores Constantinopolitani secum in expeditionibus, tanquam belli sociam, deferre consueverant. Ita refert Justinianus *lib. 2. histor. Venetæ*. Verum ex litteris Innocentii III. datis die 13. Januarii anno 1207. apud Raynaldum ad eum annum *nn. 19. & 20.* discimus imaginem hanc B. Virginis, quæ dicitur à S. Luca depicta, quæque in sacrario Basilicæ S. Sophiæ Constantinopoli asservabatur, à Venetis quibusdam anno 1206. fuisse sublatam, sententiamque in illos latam à Thoma Patriarcha ob facinus istud, eum Pontificem confirmasse. Eam imaginem nunc Venetiis in sancti Marci ecclesia coli testatur præfatus Justinianus.

Sic itaque reportata victoria statuerunt Franci & Veneti communi consilio Constantinopolim armis iterum aggredi, totumque subigere Græcorum imperium, pactis quibusdam conventis quidquid in ipsorum potestatem veniret æquis inter ipsos portionibus fore dividendum. Ex hoc igitur per 60. dies sic urbem terra marique acriter oppugnarunt, ut Murtzuphlus, duobus mensibus & diebus sexdecim imperio potitus, salutis suæ fuga consulendum putaverit, & Theodorus Lascaris Alexii Angeli tyranni gener, qui in Murtzuphli locum tumultuarie cleri suffragio renuntiatus fuerat Imperator, Latinos urbe propellere non valens, se substraxerit quoque fuga, ac urbem illis diripiendam reliquerit. Hanc denuò Franci & Veneti ceperunt pridie idus (id est die 12.) Aprilis ejusdem anni 1204. fer. 2. post Passionem Domini, testibus Niceta, Villarduno, &c.

Cæterum urbe recepta, rebusque pro tempore compositis, de creando Imperatore consultatio procerum est habita, nominatimque ex conventionem nonnullis, quibus illius eligendi jus esset ac potestas, uno illorum consensu electus est Balduinus Flandriæ Comes die 9. Maii, & Dominica sequenti die 16. ejusdem mensis corona aliisque insignibus Imperialibus ornatus, quum annum duntaxat ætatis 32. ageret. Post hanc vero electionem, ad Patriarcham Constantinopolitanum constituendum processerunt, & juxta quod Francos inter & Venetos statutum fuisse tradunt Auctor Gestorum Innocentii III. Blondus, Sabellicus, & alii: scilicet ex una gente Imperatore assumpto, ex altera gente Patriarcham eligendum, is Latinorum primus denuntiatus est Thomas Venetus, de quo nunc nobis fermo erit. De his omnibus legendus Henricus Spondanus Appamiarum in Gallia episcopus, *10. 1. annal. edit. Paris. 1641.* ad annum 1201. *num. 9. p. 21. col. 2.* ad annum 1203. *num. 1. pag. 27. col. 1. & ad*

*A annum 1204. num. 1. & seqq. pag. 29. col. 1. & seqq.*

### I. THOMAS MAUROCENUS.

Superstite licet adhuc Patriarcha Constantinopolitano Græco Joanne Camatero, qui capta urbe à Francis & Venetis, una cum Niceta, aliisque plurimis, inde recessit, electus est anno 1204. primus ejusdem urbis Patriarcha ritus Latini, *Thomas Maurocenus* sive *Morefmi*, nobilis Venetus, quod sic explicat Andreas Dandulus in chronico, apud doctiss. actor. SS. editores Antwerp. *tom. 1. Augusti, tract. prælim. de Patriarch. Constant. pag. 147. col. 2. num. 882. E. Clerus postea catholicus Venetorum canonicos in ecclesia S. Sophiæ præfecit, qui venerabilem virum Thomam Mauroceno, genere nobilem & moribus circumspæctum, Patriarcham Constantinopolitanum concorditer elegerunt: electus quoque electioni consentiens cum imperialibus & Ducis nuntiis pro obtinenda confirmatione Romam perrexerit.*

Suffragatur Paulus Rhamnusius in *hist. de bello Constant. edit. Venet. anno 1634. lib. 3. pag. 144. & seqq. relatus ibid. num. 883. F. & pag. 147. col. 1. A. Balduino, inquit, Imperatore coronato, juxta seriem pactorum, in quæ Galli & Veneti ante urbem captam consenserant, Thomas Maurocenus à Venetis sacerdotibus, privato suffragio, Constantinopolitanus Patriarcha vetere Orientis more in diva Sophiæ æde, ubi dudum Græci metropolitæ, qui in Constantinopolitani imperii ditione censentur, solemnibus auspiciis Patriarcham designare consueverant, absens nec ambiens, sola probitatis & eruditionis opinione declaratur, totique Orientis ecclesiæ præficitur. Et quibusdam interjectis subdit: Cæterum Maurocenus Venetiis patricia familia natus, quum supra generis antiquum decus, amplissimam ex sacris studiis laudem spectaret, plane adolescens abdicata Maurocenæ gentis præclara nobilitate, & spreto demum omni patrimonio, quum rerum humanarum satietas illum cepisset, amore religionis in Portuensis cænobii, quod virorum sanctitate illustrium Seminarium fuit, sacratis septis se inclusisse dicitur. Ibi vitæ duritiem perferens, nec à suscepta professione vel paululum discedens, tantam eo sæculo ab universa Italia & Venetia (forsan Veneta) regione pietatis laudem promeruit, ut cæteris præteritis & repulsam ferentibus, Patriarchatum omnibus Venetorum suffragiis adipisceretur. Hanc tamen electionem Innocentius III. nullam primo congressu declaravit, ut-pote contra canones à clericis ad id potestatem non habentibus, & à laicis factam: Thomam nihilominus sibi optimè notum, precibus Balduini Imperat. motus, justasque*



alias ob causas, sua autoritate renunciavit Patriarcham, ac suis manibus consecravit anno sequenti 1205.

Thomas Roma discedens Venetias petiit, ibique, compulsus à Venetis, certa quædam cum iis pacta iniit, juramentoque firmavit, inter quæ illud unum erat, quod beneficia ecclesiastica ipse non conferret nisi Venetis. Id porro Innocentius statim atque cognovit, ut injustum reseidit anno 1206. die 21. Jun. In gestis ejus, num. 99. Constantinopolim appulsus Thomas clericos Gallos ipsius inthronizationi sese opposcentes feriit anathemate, sed Benedictus Romanæ sedis legatus diffidium compescuit. Eodem anno pacta conventa sancita sunt Balduinum inter & Patriarcham, quæ Innocentius rata habuit die 5. Aug.

Georgius Acropolita huic tempori proximus scribit, apud præfatos actorum sanctorum editores, *ibid. pp. 146. col. 2. F. & 147. col. 1. A. Italos urbe potitos civibus potestatem fecisse, ut qui vellent manerent, ac subditi essent: qui nollent, libere quo vellent, proficiscerentur.* Sed Theodorus Lascaris Nicæam se contulit, ibique imperii sui constituit sedem. Patriarcha quoque Græcus Joannes Camaterus, Constantinopoli recessit; de quo hæc legimus 10. 1. *Juris Græco-Romani pag. 303. Joannes diaconus & chartularius Camaterus, eodem Alexio imperante (floruit,) præfuitque ad captam usque urbem, annis quinque, mensibus octo, (&) diebus septem: vixit & post captam urbem annis duobus, mensibus duobus, (&) diebus quatuordecim. Capta fuit urbs Indictione septima die 13. (juxta alios scriptores 12.) Aprilis. .... Anno mundi sexies millesimo septingentesimo duodecimo.* Is annus in annum Christi 1204. incidit. Ut enim habet Spondanus, ad annum 1204. *pag. 30. n. 4. col. 2.* quum ex Zonara *tom. 3. hist.* constet annos urbis Constantinopolitanæ numerandos esse ab anno mundi, ut ipsi numerabant, 5838. & Nicetas dicat captam fuisse anno 6712. si ab hoc posteriori numero priorem fustuleris, restabunt 874. quibus si junxeris 330. qui fluxerunt à Christi Nativitate ad dedicationem urbis Constantinopolitanæ, reperientur 1204. Tunc quippe cœptos esse numerari annos ab urbe Constantinopolitana condita, quum dedicata est ignorat nemo. Hic igitur Patriarcha (Joannes) pergit auctor citatus Juris Græco-Romani, in (urbe) *Didymoticho* (quo perrexerat) *diem obiit, (&) vacavit thronus* (viduatus pastore Græco) *annum unum, (&) menses decem.* Philippus Cyprius, circa sedis ac vitæ annos hujus Joannis Camateri, cum isto catalogo Juris Græco-Rom. plane concordat.

Thomas autem Patriarcha Latinus huic Græco suffectus in sede Constantinopolitana, Henricum Balduini fratrem, qui post ejusdem decessum in Bulgaria, Imperator Constantinopolitanus renunciatus fuerat, corona imperiali anno 1206. probabiliter, ut mos erat, redimivit. Præfatus namque Balduinus anno præcedenti 1205. Adrianopolim urbem Thraciæ amplam atque munitam, Latinis rebellem, quo plerique Græcorum Latinis infensorum confugerant obsidens, advenientique Joannicio sive Calo-Joanni Bulgarorum regi obsessis suppetias ferenti obviam progressus die 15. Aprilis, ab eo captus fuit, & in Misiæ (inferiorem,) quæ est Bulgaria, vinctus adductus, in carcere periit decimo-quinto suæ detentionis mense. Nicetas Choniates auctor Græcus tradit Balduinum Calo-Joannis jussu, post longum carcerem, brachiis cruribusque truncatis in profundam vallem præcipitatum ibi die tertia expirasse. Ut ut sit de modo quo Balduinus decesserit, (nam Calo-Joannes ab Innocentio III. instanter rogatus ut ipsum dimitteret liberum, respondit ad id fas sibi non esse quia ille jam debitum carnis in carcere exsolverat.) Henricus certè Balduini frater sic egregiè interim rempublicam administravit, ut principes proceresque Latini, audita Balduini morte, in Imperatorem eum elegerint mense Augusto ejusdem anni 1206. Indiæ. ix. cujus electionis occasione hæc ait Nicetas Choniates: *Audiant hæc Romani* (id est Novæ Romæ sive Constantinopolitani proceres) *qui & eodem tempore Imperatorem inaugurant, & qui inauguratum everiat animis concipiunt.* Ita Spondanus ad annum 1205. *nn. 3. & 4. & ad annum 1206. num. 1.*

Porro dum Henricus ille, nondum creatus Imperator, moderatorem imperii ageret anno 1206. Innocentius III. epistola data nonis (id est die 5.) Aug. compositionem factam inter ipsum ejusque Barones ac populum ex una parte, & Thomam Patriarcham clerumque Constantinopolitanum ex altera, super divisione possessionum ac bonorum temporalium ecclesiarum, solutione decimarum, immunitate, &c. hujusmodi, ratam habuit.

Plures occurrunt epistolæ Innocentii ad hunc Thomam, vel de ipso, scriptæ, tum in gestis hujus Papæ à *f. 96. usque ad 104. edit. Baluz. to. 1. pag. 59. & seqq.* tum in ejusdem Papæ regesto *to. 2. prædictæ editionis Baluz. videlicet 16. & seqq. 76. & seqq. Lib. XI. anno 1208. 79. 113. 116. 117. 140. & seqq. Lib. XII. anno 1209. & 18. 44. 145. 146. 153. 166. & seqq. 184. & 342. Lib. XIII. anno 1210. de variis negotiis, quæ hic recepere longius foret.*



De hoc Patriarcha sic loquitur, apud Raynaldum ad annum 1206. num. 6. jam supra laudatus Nicetas Choniates: «Is patrio vestitu indutus erat qui corpus ita adstringebat, ut acubus illi assutus videretur, manibus duntaxat & pectore aperto: malis ita rasis, ut quemadmodum in impuberi puero nullum pili vestigium cerneretur. Obiisse Thomam Thessalonicae anno 1211. circa mensem Junium colligitur ex epist. 97. Lib. XIV. Innocentii III. data eo anno die 5. Aug.

## II. GERVASIUS sive EVERARDUS.

Odoricus Raynaldus, ad annum 1211. n. 24. de Thomae successore in eum modum scribit: *Hoc anno, defuncto Thoma Mauroceno Constantinopolitano Patriarcha, Innocentius (III.) convulsis, quæ minus legitime erant gesta ab iis ad quos ea electio pertinebat; quorum alii ejus ecclesiae decanum, in locum demortui subrogarant, alii tres alios renuntiabant, electionem ad leges canonicas revocari jussit.* Spondanus pariter, ad annum 1215. n. 12. *Post obitum, inquit, Thomæ, primi hujus ecclesiae Patriarchæ, quem ex regesto Innocentii Pontificis reperimus decessisse Thessalonicae circa mensem Junii anni ejusdem Innocentii Pontificatus decimi-quarti, nempe Christi 1211. fuisse (discimus) magnam pro electione successoris inter Venetos ac ceteros ejus ecclesiae clericos dissensionem, quæ diutinam induxit sedis vacationem. Exstatque etiam in collectione decretalium (& apud Baluz. 10. 2. epistolar. Innoc. III. lib. 15. pag. 622.) ejusdem Innocentii Constitutio, (quæ est epistola 156. lib. 15.) de lite ea de re vertente inter archiepiscopum Heraclensem, & L. plebanum sancti Pauli Venetiarum; quum nihilominus ex Regesto constet, etiam alios hinc inde diversis vicibus electos tumultuose fuisse.* Legenda epist. 112. lib. 16. epistolar. Innoc. III. data Signæ XIV. kal. Octob. Pontif. ejus anno 16. id est 18. Sept. anno Christi 1213. Doctissimus Guillelmus Cuperus Presb. & Theol. Soc. Jesu, in dissert. de hist. chronol. Patriarch. Constant. tom. 1. præfixa actorum Sanctorum mensis Augusti, p. 149. num. 891. col. 1. quædam commemorat hanc in rem scitu non indigna. «Nonnulli scriptores apud Cangium in Hist. Constant. Paris. anno 1657. Gallicè impressa, lib. 2. num. 20. tradunt, Fan- tinum Dandulum Thomæ Mauroceno suc- cessisse, sed eorum opinio erroris convincitur ex Alberico, Synchrono Trium-fontium monacho, qui in suo chronico editionis Leibnit- zianæ ad annum 1227. ita scribit: *Patriarcha Constantinopolitanus erat hoc anno Matthias, tertius illorum qui de Latinitate in eadem sede assumti sunt. Primus eorum dictus est Thomas, de Venetia natus; secundus Gervasius suis*

A (forfan fuit) *de Tuscia assumtus.* Menckenius tom. rerum Saxonicar. col. 84. pro *Gervasius* legit *Gerartius*. Idem Cangius *ibid.* affirmat præfulem Heracleensem, & Parochum sancti Pauli de patriarchatu Constantinopolitano contententes, hujus litis causa Romam venisse eo tempore quo Innocentius III. concilium IV. Lateranense celebrabat, electionem utriusque in synodo fuisse examinatam, & ambobus rejectis, hunc Gervasium electum esse, qui tanquam Patriarcha Constantinopolitanus reliquo concilio interfuerit. Certè B Godefridus monachus coævus in annalibus suis, inter scriptores rerum Germanicarum è bibliotheca Freheriana editis, ad annum Christi 1215. (pag. 283.) occasione synodi Lateranensis de hac re sic scribit: *Eodem etiam anno Papa Romæ concilium habuit . . . Constantinopoli duo in Patriarcham electi Romam venerunt, quos ambos consilio Cardinalium deposuit, & tertium substituit, & investivit, & ad sedem propriam remisit.* Conradus abbas Urspergensis, aliique chronographi ad eundem annum tradunt Patriarcham Constantinopolitanum huic concilio Lateranensi interfuisse; quod cum Cangio optime concordat.

Ex his concludo, pergit Cuperus, Gervasium mense Novembri anni 1215. ad sedem Constantinopolitanam evectum fuisse. Hoc (certè) initium confirmatur ex ipsis Gervasii litteris, quæ apud Camuzatum in Promptuario sacrarum antiquitatum Tricassinæ diocesis fol. 313. verso, sic incipiunt: *Gervasius permissione divina sanctæ Constantinopolitane ecclesiae Patriarcha, dilecto filio Guerrico priori sancti Salvatoris Mothonensis diocesis, salutem & Patriarchalem benedictionem, &c.* Datum Corinthi anno Domini 1216. quarto kal. Junii (id est die 29. Maii.) Pontificatus anno primo. (Hunc appellat *Everardum*) Raynaldus ad annum 1217. num. 17. pag. 262. col. 1. De Honorio III. quippe loquens ait: *Ut vero bene meritos beneficiis est prosequutus, ita Philippensem principem, qui episcopum suum per summam impietatem sævitiamque interemerat, animadvertit. Everardo enim Patriarchæ, ac suffraganeis provinciam imposuit ut anathemate ipsum percellerent . . . donec crimen ritè expiasset.* E Hic agitur de Patriarcha Constantinopolitano, quem Raynaldus ex litteris Honorii III. in margine notatis *Everardum* nominat. (Eundem quoque præfulem *Everardum* nuncupat Thomassinus, ecclesiae disciplinæ part. 1. lib. 1. cap. 26. num. 5. dum hæc de eo scribit: *Non his se finibus continebat Everhardus, qui Thomæ in thronum regie urbis ecclesiae successerat. In provincias legatos à latere missitabat, non minus plena instructos potestate, quam qua suos Papa armabat, quasque causas*



» causas definiendi, excommunicandi & absol-  
 » vendi subditos aliorum episcoporum, eis incon-  
 » sultis; novos creandi archiepiscopos, quantumvis  
 » inde in metropolitanos emergeret detrimenti;  
 » appellationibus ad Apostolicam sedem factis  
 » haud cedendi; percussores clericorum, eoque  
 » canonicis innodatos censuris, exsolvendi: deni-  
 » que Lateranensis concilii canones ad beneficio-  
 » rum collationem spectantes licenter & impune  
 » prætergrediendi. Summa hæc sunt capita que-  
 » relarum excerpta ex epistola Honorii III. ad  
 » Patriarcham Constantinopolitanum, qui cum  
 » sole cæloque Constantinopolitano videbatur una  
 » hausisse ingenium illud indocile impatiensque  
 » jugi, & vel æquissimæ obedientiæ insolens, quæ  
 » fuerat hujus urbis priscorum Patriarcharum in-  
 » doles. Quare Honorius apud Raynaldum ad  
 » annum 1218. num. 28. pag. 281. col. 1. eum-  
 » dem Patriarcham post alia increpat his  
 » verbis: Si hæc ita se habent, quæ sunt specia-  
 » liter Romani Pontificis usurpando, & aliorum  
 » justitiam, ipsos multipliciter opprimens, inva-  
 » dendo, videris, non pastoralis curam regiminis,  
 » sed thronum superbiæ ac pestilentiae cathedram  
 » conscendisse. Quum igitur quantacunque digni-  
 » tate præfulgeas, te nobis scias esse subjectum,  
 » qui tempus accepimus justitiam judicandi, &  
 » quantumcunque tibi deferre velimus, dissimulare  
 » non possumus nec debemus talia contra Deum.»

Spondanus se ignorare testatur ad ann.  
 1215. num. 12. pag. 86. col. 1. quis fuerit  
 Thomæ Mauroceni proximus successor.  
 Facta enim mentione de controversia quæ  
 post mortem Thomæ inter varios sedis  
 Constantinopolitanæ agitata est competi-  
 tores, hæc subdit: Quis vero demum thronum  
 obtinuerit, non adeo invenimus, quum tamen  
 existimemus prævaluisse Venetos; sed ita ut  
 alius quispiam fuerit electus; quum legerimus  
 in chronico manuscr. Andreæ Danduli ducis  
 Veneriarum, Robertum Imperatorem Constanti-  
 nopolitanum coronatum fuisse post quinque abhinc  
 annos à Matthæo Patriarcha, quem & natione  
 fuisse Venetum indicare videtur. Verum ex  
 dictis liquet ante hunc Matthæum, Gerva-  
 sium sive Everhardum sedisse, natione Tuscum,  
 qui obiit anno 1220. Ipso quippe mortuo,  
 ac electoribus iterum dissidentibus, lis de  
 successore substituendo ad apostolicam sedem  
 delata est: & mense Martio anni 1221. de  
 Patriarcha Constantinopolitano Romæ jam  
 provisum fuerat.

### III. MATTHÆUS sive MATTHIAS.

Cangius lib. 3. hist. Constant. num. 2. ut  
 refert præfatus P. Cuperus Tract. de histor.  
 chronol. Patr. Constant. tom. 1. Aug. præfixo,  
 pag. 150. n. 898. col. 1. A. scribit Robertum  
 Imperatorem Constantinopolitanum, die 25.  
 Tomus III.

A Mart. anno Christi 1221. solemniter in tem-  
 plo sanctæ Sophiæ à Matthæo Patriarcha co-  
 ronatum fuisse. Andreas quoque Dandulus  
 in suo chronico ait: Robertus pubes factus,  
 post decessum parentum, per Hungariam & Bla-  
 chiam Constantinopolim perrexit, & coronatus  
 est à Matthæo Patriarcha. Id autem contigisse  
 anno 1221. discimus ex diplomate ipsius Ro-  
 berti, quod Raynaldus ad hunc annum n. 26.  
 p. 314. col. 1. exhibet, in quo tempus imperii  
 ita exprimitur: Actum mense Junii, anno Do-  
 mini 1221. imperii nostri anno primo. Suffra-  
 gatur Thomassinus in veteri & nova eccles.  
 discipl. part. 1. lib. 1. cap. 26. num. 5. Post  
 Everhardi mortem, inquit, clerus Constantino-  
 politanus consentire non potuit in unum aliquem  
 Patriarcham; itaque dari sibi postulavit idoneum  
 aliquem ab Honorio III. Electus ab eo est Mat-  
 thæus, Aquilæ episcopus, antiquisque donatus  
 prærogativis: præ cæteris autem ut novi imperii  
 reges (id est novo Imperatori Constantino-  
 politano subditos) regis ornaret insignibus, si  
 tamen assentiretur Imperator, utque vetaret ne  
 obviam illis clerus solempni, qua solet, pompa  
 C procederet, aut osculandum afferret Evangelio-  
 rum codicem, nisi in ecclesia sacro ante chrismate  
 deliburi essent. De ea dissensione cleri Con-  
 stantinopolitani, & electione Matthæi ab  
 Honorio, citat Raynaldus ad annum 1221.  
 n. 27. p. 314. col. 1. ejusdem Honorii Papæ  
 epistolam, quæ 397. est libri v. ad capitulum  
 clerusque Constantinopolitanum. Hunc appel-  
 lat Matthiam Albericus ad ann. 1227. p. 523.

Observat idem P. Cuperus n. 901. Tho-  
 massinum falli dum dicit Matthæum fuisse  
 antea Aquilæ episcopum. Episcopus quidem  
 D Equilinus fuit in ditione Veneta, at non  
 Aquilanus. Certe Raynaldus ad ann. 1221.  
 n. 27. pag. 314. col. 1. eum appellat episcopum  
 Equilinum; & Ughellus 10. 10. Ital. sac. nov.  
 edit. col. 80. eundem inter episcopos Equi-  
 linos recenset.

Cæterum prima hujus Matthæi sive Mat-  
 thiæ gesta in munere Patriarchali minimè  
 laudabilia fuisse colligitur ex epistola Honorii  
 III. data anno 1222. Alatri xv. kalend. Jul.  
 (id est die 17. Jun.) in qua ait: « Timemus  
 ne de te dicere nos oporteat, pœnitet nos  
 E hominem hunc fecisse. Quum enim hujus  
 rei gratia te ad Constantinopolitanæ ecclesiæ  
 regimen vocassemus, ut quasi lucerna super  
 candelabrum luceres in domo Domini, pro-  
 ficiendo verbo tuis subditis & exemplo, tuus-  
 que esset super tuos humeros principatus, ac  
 prodesse potius quam præesse: tu, sicut ad  
 audientiam nostri apostolatus pervenit, non  
 factus forma gregis ex animo, sed in clero  
 potius dominans, factus es multis offendicu-  
 lum per exemplum. Et infra: Mercenarium  
 Eee



» te exhibes potius quam pastorem, quum lac  
 » & lanam quærens ex ovibus, vagas non redu-  
 » cas ad caulas, nec lentas stimules, & languidas  
 » non sustentens, prædicationi minime insisten-  
 » do, qua ipsas arguere, obsecrare, ac increpare  
 » deberes in omni patientia & doctrina. Missa-  
 » rum vero solemnia rarissime celebras, & ex-  
 » communicatis communicare non metuis, &  
 » cum Venetis, ut haberi à fama publica dicitur,  
 » iniisti contra nationes alias illicitas pactiones,  
 » & ut quasi velis ab Aquilone tuum solium  
 » collocare, excommunicatos à legato Aposto-  
 » licæ sedis passim absolvis, & appellationibus  
 » legitime interpositis ad eandem deferre con-  
 » temnis. *Et infra:* Ne igitur tacti dolore cordis  
 » intrinsecus dicere compellamur, delebimus  
 » hominem quem creavimus, fraternitatem  
 » tuam monemus & exhortamur in Domino;  
 » per apostolica tibi scripta mandantes, quate-  
 » nus in his, & aliis, te ipsum taliter corrigas,  
 » & emendes, insistens sollicitè officio pastorali,  
 » evangelistæ opus adimplens, ut securim in-  
 » fructuosæ arbori apponere non cogamur.  
 » Utinam autem sic objurgatio hæc circa in-  
 » fructuosam ficulneam foderit fimo correctio-  
 » nis appposito, quod fructum afferat requisi-  
 » tum, & succidi non debeat in futurum.» Ita  
 apud Raynald. ad ann. 1222. m. 22. & 23.

» Nescio an Matthæus, verba sunt P. Cu-  
 » peri, num. 903. post hanc reprehensionem  
 » respuerit: cætera enim ipsius gesta apud anti-  
 » quos auctores non invenio, si excipias An-  
 » dream Dandulum, qui in chronico hæc  
 » pauca de eo memorat: *Matthæus Patriarcha*  
 » *Constantinopolitanus ad petitionem Angeli Gra-*  
 » *densis Patriarchæ declaravit, ut Venetorum ec-*  
 » *clesiæ per totum imperium Romanicæ à jurif-*  
 » *ditione sua intelligantur exemptæ, ut fuerant*  
 » *tempore Græcorum.* Etiam ignoro determina-  
 » tum tempus quo Matthæus Patriarcha ex hac  
 » vita migravit. » Ilum nihilominus ante finem  
 » anni 1226. obiisse constat ex Honorii litte-  
 » ris, quarum excerptum Raynaldus ad annum  
 » Christi 1226. n. 59. refert, *Dat. Later. X. kal.*  
*Jan.* (id est, 23. Decemb.) *Pont. anno XI.*

JOANNES electus. IV. SIMON.

Constantinopolitana sede anno Christi  
 1226. vacante post Matthæi obitum, nec  
 convenientibus inter se electoribus de suc-  
 cessore nominando, Honorius III. huic  
 ecclesiæ Joannem præfulem Bisuntinum,  
 egregii meriti virum, præficiendum duxit,  
 ut patet ex his ejus litteris ad præfatum  
 Joannem, apud Raynald. loco modo citato.  
 » Quum nuper nobili ecclesia Constantinopo-  
 » litana pastore vacante, capitulum, & alii ad  
 » quos electio pertinet, in substitutione Pa-  
 » triarchæ futuri concordare nequivissent, aliis

A postulantibus venerabilem fratrem nostrum  
 episcopum Belvacensem, aliis appellantis  
 contra eos: tandem utriusque partis procu-  
 ratoribus in nostra præsentia constitutis, &  
 nolentibus, vel non valentibus in unam con-  
 sentire personam, postulationem non duxi-  
 mus admittendam. Sed nos sollicitè cogi-  
 tantes, qualiter tam celebri, tam insigni  
 (ecclesiæ) possemus de persona idonea pro-  
 videre, demum post tractatus multiplices,  
 deliberato fratrum nostrorum consilio, te ad  
 Constantinopolitanam ecclesiam de Bisun-  
 tina providimus transferendum, non tam  
 personæ in ecclesia, quam ecclesiæ in per-  
 sona utiliter nos consulere arbitantes, &c.»  
*Dat. Later. X. kal. Jan. Pont. nostri anno XI.*

Verum præsul Bisuntinus Byzantinam  
 sedem recusavit: sic enim narrat Albericus,  
 tom. 2. chronici ad annum 1227. pag. 523.  
*Tertius iste Matthias (Matthæus) iterum Ve-*  
*netianus, quo sedente, (forfan cedente vel de-*  
*cedente,) & electoribus vota sua per consilium*  
*transferentibus, & in magistrum Joannem ar-*  
*chiepiscopum Bisuntinensem consentientibus de*  
 C *voluntate Domini Papæ, dictus archiepiscopus*  
*Romam adiit, postulatus onus illud subire, non*  
*consensit attentare: unde Dominus Papa Car-*  
*dinalem eum instituit, & secum retinuit, dans*  
*ei Sabinensem episcopatum; in Constantinopoli*  
*vero factus est Patriarcha Simon archiepiscopus*  
*de Tyro.* Ad elucidationem hujus loci Albe-  
 rici, (qui Papam quidem non nominat, sed  
 id scribit relatis tum Honorii III. obitu,  
 tum Gregorii IX. electione subsequuta)  
 dicendum reor, vel Joannem archiepiscopum  
 Bisuntinum, cujus electio ad Patriarchatum  
 Constantinopolitanum confirmata fuerat ab  
 Honorio III. die 23. Decemb. anni 1226.  
 Romam non accessisse nisi post mortem hujus  
 Pontificis, quæ contigit die 18. Martii anni  
 sequentis, vel si eum adhuc superstitem re-  
 pererit, ab illoque obtinuerit ut hanc sedem  
 conscendere non cogeretur, ipsum tamen  
 creatum fuisse Cardinalem, non ab Honorio  
 III. sed à Gregorio IX. ejus successore. Id  
 enim constat ex Necrologio ecclesiæ Ambia-  
 nensis, quæ Deiparæ sacra est, ad diem 23.  
 Septemb. ubi de illo Joanne hæc leguntur:  
 E *Obitus felicitis memoriæ Joannis de Abbatis-*  
*villa, quondam decani nostri, postea archiepi-*  
*scopi Bisuntini, vocati per Dominum Honorium,*  
*tunc summum Pontificem, ad Patriarchatum*  
*Constantinopolitanum: sed pro suæ probitatis*  
*& scientiæ reverentia à Domino Gregorio nono*  
*detenti apud sedem apostolicam, in qua factus*  
*est Cardinalis episcopus Sabinensis. Pro cujus*  
*memoria, quoniam ecclesiam nostram multipli-*  
*citer honoravit in sanctorum reliquiis & orna-*  
*mentis ecclesiasticis multis, & sui regimine*



*decanatus, &c.* Ita Josephus à Jesu Maria, Carmelita discalceatus in *hist. Gallica Abbatis-villæ lib. 1. cap. 92.* ubi etiam citat plures scriptores, qui de Joanne isto electo Constantinopolitano Patriarcha meminere. Hæc tradit præfatus P. Cuperus in *hist. chronolog. Patr. Constant. præfixa 10. 1. actorum sanctorum mensis Augusti, num. 904. pag. 150. col. 2. F.* Dignitatem itaque sibi delatam Joanne isto recusante, ad eam assumptus est Simon anno 1227.

Hunc quoque Patriarcham ignoravit Spondanus, quippe qui ad annum 1222. *num. 5. pag. 117. col. 2.* ait: Quinam vero è Latinis interea Constantinopoli præsiderent haud adeo nobis exploratum, nisi quod ex Danduli chronico superius (ad annum 1215. *num. 12.*) Matthæum retulimus, & in quadam constitutione Innocentii IV. anni ejus tertii reperimus subscriptum Nicolaum; ac denique in amissione urbis Constantinopolitanæ Pantaleonem Justinianum: credimusque omnes semper Venetos fuisse ex primæva pactione occupationis urbis; nec forte alios præsedisse, quam quos nominavimus. Porro hujus Simonis nec patriam novimus, nec gesta: sed procul dubio fuit Patriarcha ille Constantinopolitanus, sedis apostolicæ legatus; ad quem Gregorius IX. epistolam scripsit anno 1231. die 8. Maii, teste Raynald. ad eum annum, *num. 57.* de Joanne qui ex rege Hierosolymitano electus fuerat Imperator Constantinopolitanus. Cangius *historiæ Constantinopolit. lib. 3. num. 17.* hunc asserit vitam functum anno 1232. Albericus vero, auctor coævus, mortis ejus meminit ad ann. 1233. Constantinopoli, inquit *10. 2. chron. pag. 547.* post mortem Patriarchæ Simonis, vacavit sedes per annum & ultra; & Dominus Papa de consensu illorum, Spoletanum episcopum in Patriarcham consecravit; & eis transmisit, magistrum (scilicet) Nicolaum de Placentia, qui fuit vice-cancellarius Papæ. Obiit igitur Simon anno 1232. vel 1233. & vacavit sedes usque ad annum 1234.

#### V. NICOLAUS I.

Ughellus *10. 1. Ital. sac. vet. edit. col. 176. num. 37.* B. initium hujus Patriarchæ circumcirca eruit ex quodam diplomate Gregorii IX. Nicolaus, inquit in serie episcoporum Spoletanorum, à Gregorio IX. electus (ad ecclesiam Spoletanam regendam) anno 1230. translatus inde ad Patriarchatum Constantinopolitanum anno 1235. Exstat in registro Vaticano Gregorii IX. epistola directa priori & capitulo basilicæ Salvatoris Lateranensis, in qua controversia inter Nicolaum episcopum Spoletanum, tunc electum Constantinopolitanum, & inter priorem & capitulum Lateranense dirimitur,

Tomus III.

*Kalendas Maii*, (vel numerus præcedens vocem *Kalendas* intercudit, vel legendum *Kalendis*) Pontificatus nono. Itaque epistola ista Gregorii IX. (quæ 105. est fol. 36.) scripta fuit mense Aprili, vel die prima mensis Maii, anno 1235. quum jam annus nonus Gregorii Papæ flueret: ex quo sequitur Nicolaum saltem eo anno in Patriarcham electum fuisse, quod tamen non officit, ut observat P. Cuperus in *hist. Patriarch. Constant. initio 10. 1. actorum sanctorum mensis Maii, n. 908. p. 151. col. 2. D.* quin jam ab aliquot mensibus, (& fortassis) ante medium anni 1234. ad eam dignitatem fuerit designatus; priusquam autem Constantinopolim proficisceretur, nonnulla suæ Spoletanæ ecclesiæ negotia conferret: adeoque anno 1234. ad cathedram Constantinopolitanam evectus sit. Raynald. ad annum 1234. *num. 27.* testatur ex litteris Gregorii IX. ad Syros scriptis patere hunc Papam eo anno antistitem conventum Spoleti habuisse de sacra militia adversus infideles Asiaticos, cui interfuerunt Patriarchæ Constantinopolitanus, Antiochenus, atque Hierosolymitanus. Waddingus item *10. 6. annal. Min. ad annum 1261. pag. 500. num. 24.* ait Gregorium IX. consecrasse anno 1234. ecclesiam S. Pauli urbis Spoleti, assistentibus Cardinale episcopo Tusculano, Patriarcha Constantinopolitano, &c. Hic procul dubio Nicolaus fuit, qui proinde jam tunc, ut minus, nominatus erat Patriarcha.

Sub pontificatu istius Nicolai, res Latinorum Constantinopoli in pejus ruere cœperunt: quare Patriarcha expensis in subsidium imperii facultatibus suis, ad summas angustias redactus est. Id discimus ex epistola Gregorii IX. ad præsules in Peloponeso habitantes, data *Interamnæ x. kal. Decemb.* (id est die 22. Novembris) anno Pontif. x. Christi 1236. quam profert Raynald. ad eum annum *n. 70.* In ea enim sic loquitur Papa: Venerabilis frater noster Patriarcha Constantinopolitanus. sua nobis petitione mandavit, quod, quum ipse propter guerrarum discrimina, & Græcorum malitiam, fere omnes redditus, & alia amiserit bona sua, & ea quæ habuit expenderit pro subsidio imperii Romanicæ, nec sibi remanserit unde valeat sustentari: universitatem vestram rogandam duximus.... quatenus sic ei in necessariis providere curetis, quod idem in illis paribus ad utilitatem præfati imperii valeat remanere, & nos devotionem vestram dignis possimus in Domino laudibus commendare. Hunc Innocentius IV. anno 1243. gerenda in Cruce signatorum exercitu sedis Apostolicæ legati dignitate ornavit, ut refert Raynaldus ad eum annum, *num. 49.* Eundem quoque Patriarcham Matthæus Parisius, in *histor. Angl. ad*

Eee ij



annum 1245. scribit eo anno Lugdunensi concilio interfuisse, ibique ecclesiæ suæ calamitates exposuisse, quæ ad id redacta erat, ut quum 30. olim suffraganeos obtinuisset, jam vix tres numeraret: Ita præfatus Raynald. ad eum annum, num. 26. Subscriptus etiam legitur Nicolaus Patriarcha Constantinopolitanus cuidam diplom. Innocentii IV. Pap. dat. Lugduni tertio idus Jul. Pontif. ejus anno 3. id est 13. Jul. anno 1245. ex libro cujus titulus est, *Gesta Dei per Francos. Hanoviae 1611. p. 1195.* Obiit Nicolaus anno 1251. nam Tristanus Calchus in *hisor. Mediolan. lib. 15.* ad hunc annum exponens quomodo Innocentius IV. Papa Mediolanum ingressus fuerit, de morte Nicolai hæc habet: *Comitabantur eum (Papam) sex Cardinales, & Nicolaus Patriarcha Constantinopolitanus, quem genere Placentinum ex familia de Castro Arquato oriundum fuisse in Placentinis annalibus legi.* Deinde postquam laudavit varia pietatis ac doctrinæ Innocentii specimina, addit: *Nicolai quoque Patriarchæ, qui per idem tempus obiit, exequias, sua, & Cardinalium præsentia honestare, dum is in cænobio Minorum sepeliretur, haud dedignatus est.* Item Petrus Maria Campi, in *hist. eccl. Placent. part. 2. pag. 206.* citat duplex chronicon mss. quod utrumque eundem annum adstruit. Primum quidem continet: *Anno Domini 1251. Patriarcha Constantinopolitanus, nomine D. Nicolaus de Castro Arquato obiit.* Alterum vero: *Anno 1251. obiit D. Nicolaus de Castro Arquato de Porta, Patriarcha Constantinopolitanus.* Ex quibus emendandus venit Waddingus, qui in annalibus sui ordinis ad annum 1251. n. 3. scribit Corium habere Mediolani, tunc mortuum Manuëlem II. Patriarcham (Græcum) Constantinopolitanum, & apud Minores sepultum. Corius enim in *hist. Mediolan. part. 2. fol. 109. verso,* Patriarcham Constantinopolitanum, tunc Mediolani defunctum, diserte Nicolaum appellat (non Manuëlem.) Hæc præfatus P. Cuperus loco supra allegato.

#### VI. PANTALEO JUSTINIANUS.

Videtur ecclesia Constantinopolitana, post mortem Nicolai, per unum alterumve annum vacasse; siquidem Raynaldus ad ann. Christi 1253. num. 53. de electione Pantaleonis ita differit: *Absolvamus hujus anni periodum, collocatis hoc loco Orientalis imperii rebus, quæ quum, ingravescente Græcorum potentia, fractæ admodum essent, Innocentius (IV.) ad eas erigendas apostolicas curas intendit: quum enim Pantaleonem Justinianum patricium Venetum, capellanum suum, ad Patriarchatum Constantinopolitanum extulisset, mox illi excitandi pro concione ad induendam crucem Veneti populi*

*A munus demandavit, ut comparatis validissimis copiis ad fulciendum imperium cum quo res Christiana grave adibat discrimen, proficirent.... Tum permisit eidem Patriarchæ ut ad cogenda pro sustinendis bellicis sumtibus aliqua pecuniarum subsidia, mille nimirum marchas sterlingorum mutuo accipiendas, bona ecclesiarum Constantinopolitani imperii oppigneraret. Illum vero & ob egregias virtutes quibus ornatus erat, & ad enixissimam Venetorum commendationem, ad Patriarchatum evectum ostendunt litteræ pontificiæ, quibus Innocentius nobilissimæ illius reipublicæ strenua in sedem apostolicam studia ita collaudavit: « Ut in te providæ circumspeditionis deflectamus intuitum, hæc specialiter suggerunt inter multa; devotio videlicet Veneti populi, unde te natales conspicui produxerunt, quæ ecclesiæ Romanæ fœdere inconcusso cohærens, ab ejus obedientia nunquam avelli funditus potuit, inundatione quacunque in fundamentum catholicæ fidei pro tempore irruente. » Tum excurrit in Patriarchæ laudes, quem legati apostolici in exercitu Christiano, atque in imperio Constantinopolitano, munere decoravit; ea tamen lege, ut ab eo obeundo abstineret, quum legatus à latere eò se contulisset, quo argumento ad archiepiscopos, episcopos, cæterosque ecclesiasticos litteras exaravit. Si litteræ istæ Innocentii IV. an. 1253. scriptæ fuerunt, ut ex eo colligere est quod hoc illarum excerptum sub eo anno referat Raynaldus, conjectu pronum Pantaleonem illo anno ad Patriarchatum Constantinopolitanum evectum fuisse.*

Dum autem Pantaleo ecclesiæ suæ curam gereret, sic invalere Græci, ut frequentes eorum incursus, maximam reddituum ipsius partem abstulerint, unde ad Alexandrum IV. Innocentii successorem recurrere coactus est, qui præsulibus & abbatibus Romanæ per ministrum provincialem Fratrum Minorum mandavit ut necessitati ejus subvenirent, & eidem Patriarchæ, tanquam eorum capiti, annuatim, quousque præacti Patriarchatus sui redditus quiete percipere valeat, quingentas marchas argenti pro sua sustentatione ministrare procurent. Hæc Alexandri epistola legitur apud Waddingum tom. 2. *annal. Minor. in Regesto Pontif. pag. 57.* & data est Viterb. Idibus (id est die 15.) Julii, anno tertio Pontif. ejus, qui in annum Christi 1257. incidit.

Tandem Pantaleo urbem Constantinopolitanam deferere compulsus fuit anno 1261. quo juxta exactiores chronologos à Græcis hæc recuperata est. Tunc enim Balduinum II. Imperatorem, & Pantaleonem Patriarcham è manibuseorum elapsos esse plerique scriptores tradunt. Mariana lib. 13. de rebus Hispan. cap. 16. narrat Imperatorem Balduinum &



Pantaleonem Justinianum Patriarcham, Michaelis Palæologi armis Græcia pulsos, à Sultano Ægypti interceptos in fuga fuisse, & munificentia regis Alphonfi anno hujus sæculi sexagesimo-octavo libertatem obtinuisse. Addit tamen prudenter: *Hujus narrationis quidam scriptores fidem elevant, negantque Balduinum à Sultano Ægypti captum. Nostrarum nobis historiarum consentiens auctoritas potior fuit; tametsi non ignoremus pleraque sæpè supra verum famæ prædicatione augeri.* At nobis potior, inquit P. Cuperus jam sæpius citatus, num. 916. p. 152. col. 2. D. *hist. chronol. Patr. Constant. initio 10. 1. actorum sanctorum mensis Augusti, esse debet indubitata veterum monumentorum auctoritas, de qua Spondanus ad annum Christi 1261. num. 10. pag. 298. col. 2. Captam per prodicionem Constantinopolim, ac Pantaleonem Justinianum Patriarcham una cum Balduino Imperatore manus Græcorum effugisse, & in Italiam incolumes pervenisse Latini consentiunt . . . . Qui vero Balduinum una cum Patriarcha interceptum in fuga à Sultano Ægypti fuisse, & post septennium ambos argenti pondo viginti millibus ab Alphonso Castellæ rege precibus Augustæ solutis liberatos tradiderunt;* (citatur Spondanus ad marg. Roder. Sant. Rer. Hispan. part. 4. cap. 2. & Marian. lib. 13. cap. 16.) *næ illi res suas insigni vanitate contra cæterorum omnium tam Græcorum, quam Latinorum, cunctarumque aliarum gentium fidem, prædicari ambiunt. Quum & insuper extent litteræ Urbani (IV.) Pontificis scriptæ ad Provincialem Minorum in regno Franciæ (ad marg. Reg. Vatic. num. 129. & apud Waddingum annal. Minor. tom. 2. hoc anno) paulo-post amissam prodicionaliter, ut loquitur (Papa), Constantinopolim scriptæ; quibus narratur Balduinum Imperat. & ducem Venetorum per nuntios suos ipsi Pontifici significasse, se copias terra marique parare adversus Palæologum; hortaturque prædictum Provincialem (Minorum) ut tam per se ipsum, quam per alios fratres ordinis (sui) populos ad eandem expeditionem exciter.* Hanc quoque epistolam refert Raynald. ad annum 1262. num. 34. & seqq. Interfuit Pantaleo concil. II. Lugdun. anno 1274. to. XI. conc. Labb. col. 956. B. Demum obiit circa annum 1286. eo quippe anno Honorius IV. x. kal. Sept. id est die 23. Augusti, electionem Petri successoris ejus confirmavit.

## VII. PETRUS I.

Quamvis urbs Constantinopolitana ab anno 1261. non amplius esset in potestate Latinorum, nec proinde in ea resideret Patriarcha eorum ritus; quia tamen in nonnullas adhuc provincias & insulas Orientis principes Latini jus dicebant, Pantaleo ejus-

que successores per aliquod tempus iis quoque præfuerunt in spiritualibus. Pantaleoni itaque suffectus est Petrus, cujus confirmationem ab Honorio IV. factam refert Raynaldus ad annum 1286. n. 35. Diploma datum est hoc anno die 23. Aug. Hic fuit procul dubio Petrus ille Patriarcha Constantinopolitanus, ad quem Waddingus tom. 3. annal. Minor. ad annum 1302. num. 7. p. 8. narrat Bonifacium VIII. scripsisse adversus Francum Liberatum ejusque socios Minoritas, in quadam insula Achaiæ degentes extra obedientiam Ministri Generalis Ordinis Minorum. Tunc quidem Venetiis erat Patriarcha, sed reversus Nigropontum, bis ad requisitionem Fratrum Minorum Romanæ, publicam excommunicationis sententiam in illos tulit, nisi ordinis auctoritati sese subjicerent. Id contigisse oportet ante finem anni 1301. Nam isto anno obiisse Petrum modo patebit.

## VIII. LEONARDUS.

Hucusque Patriarcha Constantinopolitanus ritus Latini electus vel petitus fuerat à capitulo canonicorum ejusdem ritus, qui ecclesiam sanctæ Sophiæ Constantinopoli administrare habebant. Eo modo Petrum illi canonici licet post captam hanc urbem, aliò migrati, Pantaleoni defuncto substituerunt. Verum sequutis temporibus sic dispersi fuere, ut Petro qui succederet ab uno duntaxat ex illis tunc superstitibus nominatus sit. Hinc Bonifacius VIII. anno 1301. electionem quatuor Patriarcharum Orientis, sibi, suisque successoribus reservavit, quandiu istæ ecclesiæ sub potestate schismaticorum forent. In constitutione autem ea de re lata, quæ incipit *Sancta Romana ecclesia, &c.* & extat in sexto decretalium, lib. 1. Extravag. Communium, de Electione, cap. 3. Ita loquitur Bonifacius: *Sancta Romana ecclesia, quæ, disponente Domino, super omnes alias ordinariæ potestatis obtinet principatum à Deo, utpote mater universorum Christi fidelium & magistra, quatuor Patriarchales sedes . . . . multis prærogativis & honoribus, ac privilegiis decoravit: de quarum provisionibus, quum eas vacare contingit, tanto est accuratius cogitandum, & attentius providendum, quanto majoris eminenti altitudine dignitatis, & periculose erraretur in provisionibus earundem.* Super hoc igitur cum fratribus nostris habita deliberatione matura, inter alia nostræ considerationi occurrit, quod omnes, prohi dolor! prædictarum sedium Patriarchalium civitates, aut sunt destructæ, aut occupatæ ab infidelibus, vel à schismaticis detinentur, ipsarum capitulis seu conventibus & canonicis dispersis undique extra civitates ipsas, per alias regiones seu loca à civitatibus ipsis remota. Ex



quo contingit, (sicut experientia nuper nos docuit) quod vacante Constantinopolitana ecclesia per mortem bonæ memoriæ Petri Patriarchæ, solum per unum duntaxat ejus canonicum fuit de novo pastore electio celebrata, aliis canonicis suis agentibus in remotis: dictus tamen electus juri, si quod sibi ex electione hujusmodi compete-  
 rebat, in nostris manibus sponte ac libere resignavit. Ideoque de eorundem fratrum consilio, & apostolicæ potestatis plenitudine statuimus, ut quamdiu civitates ipsæ, schismaticorum, aut infidelium subsunt, aut suberunt ditioni, aut derinebuntur per eos, canonici dictarum Patriarchalium sedium, quum eas vel ipsarum aliquam seu aliquas vacare contigerit, ad electionem, postulationem, seu quamvis provisionem de præficiendo sibi Patriarcha vel pastore nullo modo procedant, quousque ad apostolicæ sedis notitiam deducatur. Nos enim, à data præsentium, decernimus irritum & inane, si secus per prædicta capitula, conventus, vel canonicos, aut quemvis alium, vel alios, scienter vel ignoranter fuerit attentatum, nonobstantibus quibuscunque ipsarum ecclesiarum, vel alicujus earum, consuetudinibus vel statutis, juramento, confirmatione dictæ sedis, vel quacunque alia firmitate valatis, &c. Data Later. x. kal. Januar. (id est, die 23. Decembris) Pontif. nostri anno VII. Christi 1301. Leonardum autem promovit ad sedem Constantinopolitanam iste Pontifex anno sequenti 1302. ut constat ex ejus diplomate dato Laterani pridie kal. April. (id est die 31. Mart.) .... anno VIII. quod legere est apud Raynaldum ad eum annum, num. 27. Addit *ibid.* Raynaldus, quum Constantinopoli federe non posset Leonardus, ei à Bonifacio ecclesiæ Cretensis administrationem fuisse commissam. Fuit is verisimiliter Patriarcha ille Constantinopolitanus in insula Cretensi residens, ad quem Clemens V. encyclicas suas litteras misit datas anno 1307. die 12. Aug. ut ipsum & plures alios præfules ad concilium generale Viennæ in Gallia celebrandum invitaret, tom. XI. concil. Labb. part. 2. col. 1549. B. Ipsi quoque, vel fortassis Nicolao ejus successor, redditæ sunt aliæ ejusdem Clementis V. litteræ datæ anno 1310. die 4. April. quibus concilium præfatum anno sequenti convocandum significabat. An Leonardus iste, vel Nicolaus ejus successor, huic concilio interfuerit, nos latet.

## IX. NICOLAUS II.

Raynaldus ad annum 1314. nm. 9. & 10. refert epistolam Clementis V. datam Montiliis Carpentoratenfis diocesis XIX. kal. Febr. anno Pontif. IX. (id est, die 14. Januar. anno 1314.) scriptam venerabili fratri Patriarchæ Constantinopolitano, qua ei mandabat ut omni

A studio & opera Catalanos duces & milites quandam societatem iniquitatis conflantes, monitis, precibus & censurarum incussa religione induceret ad erepta restituenda Gualtero de Castellione alterius Gualteri de Brenna ducis Athenarum ab iis nequiter occisi leviro, regni Gallici equitum magistro. At nihil profuere Pontificis ac Patriarchæ monita ut injusto bello parta restituerent Catalani isti, quos Gregoras lib. 7. ex iis initiis ditionis suæ terminos latius proferre perrexisse usque ad tempora scribit. Inde autem Hispanos reges B varia successione, Athenarum & Neopatriæ ducatus nomina, nunc quidem inania umbramque, suis aliis titulis adjecisse Mariana agnoscit lib. 15. cap. 15. Ita Raynaldus n. XI. subjungens, hunc Patriarcham Constantinopolitanum Latinæ gentis, fuisse Nicolaum, cui ob Constantinopolim ab Andronico occupatam, extra eam degere coacto, Clemens, defuncto Gualchero Negroponti olim Eubœæ episcopo, hujus ecclesiæ administrationem ac vectigalia tradidit ad sustinendam Patriarchalem dignitatem: quam etiam ecclesiam in posterum cum Patriarchatu conjunctam jussit fore. Quandiu postea vixerit Patriarcha iste, quove anno obierit, ignoramus.

## X. PETRUS II.

Ughellus 10. 1. Ital. sac. vet. edit. in Aversanis episcopis, col. 552. n. 20. D. hæc scribit de eo Petro: «Petrus de Bolonesio, canonicus Belvacensis, Caroli Siciliæ regis capellæ magister, à capitulo electus, confirmatur à Clemente V. anno 1309. ex Reg. Vatic. Factus est inde Patriarcha Constantinopolitanus & ecclesiæ Aversanæ commendatarius per cessionem Leonardi episcopi Cardinalis Albanensis. Obiit anno 1324.» Hic Petrus probabiliter est Patriarcha ille Constantinopolitanus Latinus, quem cum archiepiscopo Patracensi Joannes XXII. invigilare jussit, ne Latini qui in Achaïa morabantur cum Græcis schismaticis in divinis communicarent. Ex Augustino Oldoino hist. Rom. Pontif. & DD. Cardinal. tom. 2. edit. Rom. 1677. sub Joanne XXII. col. 403. E. Vide etiam Rayn. ad ann. 1323. num. 4.

## XI. CARDINALIS.

Petro successisse in dignitate Patriarchali, quemdam nomine Cardinalem colligitur ex Odorico Raynaldo, ad annum 1335. n. 63. «Nec modo, inquit, ad hæreticorum, verum etiam ad schismaticorum nefaria consilia elidenda, navata est à Pontifice (Benedicto XII.) opera. Miserat in Cretam Græcus Patriarcha Constantinopolitanus (Latinus tunc enim erat Gotius, quem hoc anno Benedictus XVIII. «



» kal. Julias, id est die 14. Junii, illi ecclesiæ, A  
 » vita functo Cardinale Patriarcha cui Card-  
 » nalis nomen erat, præfecerat) miserat, in-  
 » quam, in Cretam Græcus Patriarcha Con-  
 » stantinopolitanus episcopum schismaticum,  
 » ut eos populos inficeret.... (At) Pontifex  
 » Franciscum Dandulum ducem ac senatum  
 » Venetum exoravit, ut nefarium hominem  
 » tollerent, fideique dignitatem tuerentur.  
 » Epistola hæc data est apud Pontem Sorgiæ  
 » Avin. diæcesis, XIII. kal. Aug. (id est die 20.  
 » Jul.) anno primo (Christi 1335.)» Patriarcha  
 hic Cardinalis nomine verisimiliter est Pa-  
 triarcha ille Constantinopolitanus Latinus cui  
 Joannes XXII. litteris datis anno 1330.  
 die 14. Junii, & quibusdam aliis episcopis  
 injunxit, ut religiosam militiam professuros  
 crucis symbolo distinguerent.

Vide Ray-  
 nald. ad an-  
 num 1329.  
 n. 3. & ad  
 ann. 1330.  
 n. 54.

## XII. GOTIUS.

Gotius five Gostius, Gochius, Gofus & Gõi-  
 sius, ut varii variè eundem appellant, de Bat-  
 tagliis cognominatus erat, ex familia scilicet  
 Battagliana, quam hodie inter primores Ari-  
 minenses locum obtinere testatur Augusti-  
 nus Oldoinus tom. 2. hist. Rom. Pontif. &  
 DD. Cardin. edit. Rom. 1677. col. 473. D.  
 & è Battaglia ortum ducere ex antiquis &  
 authenticis tabulis constat. Is natus est Ari-  
 mini in parochia S. Agnetis, ut ferunt acta  
 foundationis capellæ illic conditæ sub titulo  
 S. Priscæ legenda apud Raphaëlem Adima-  
 rium lib. 2. hist. Arimin. pag. 609. & apud  
 Ughellum tom. 2. Ital. sac. edit. Rom. 1652.  
 coll. 428. & 429. Ita doctiss. Baluzius in vitis  
 Papar. Avinion. edit. Paris. anno 1693. to. 1.  
 col. 810. & seq. Juris utriusque professor fuit,  
 juxta inscriptionem Ariminensem, pluraque  
 alia vetera monumenta, collectanea inprimis  
 Petri Puteani de diffidio Bonifacii VIII. &  
 Philippi Pulchri regis Francorum, pp. 370.  
 371. 390. 394. & 399. ubi insignitur utrius-  
 que juris professor, & doctor. Unus exitit illo-  
 rum qui anno 1310. Bonifacii VIII. memo-  
 riam susceperere defendendam adversus accu-  
 sationes Guillelmi de Nogareto.

Guillelmus Cardinalis anno 1326. quo  
 suum testamentum condidit, illi legavit cen-  
 tum florenos: Domino Gotio auditori suo cen-  
 tum florenos. Anno 1335. XVIII. kal. Jul. id  
 est, die 14. Junii, creatus est Patriarcha Con-  
 stantinopolitanus ritus Latini à Benedicto  
 Papa XII. ex Odorico Raynaldo ad eum  
 annum, num. 63. Anno 1336. idem Rom.  
 Pontifex volens certas quasdam ordinationes  
 sancire FF. Minoribus, quorumdam ad id  
 Cardinalium, aliorumque virorum doctrina  
 præstantium usus est consilio, inter quos nu-  
 merabatur Gotius Patriarcha Constantino-

politanus. Bulla data est Avin. IV. kal. Decem-  
 bris anno 2. id est, die 28. Novembris anno  
 1336. & refertur à Raynaldo ad eum annum,  
 num. 65. & seqq. Circa ea tempora, ex Ba-  
 luzio, col. 723. Gaucelinus factus Pœnitenti-  
 tiarius major corrigi curavit formularium  
 pœnitentiariæ, quod legitur tum in codice  
 1892. biblioth. regiæ, tum etiam in biblio-  
 theca imperatoria ut scribit Petrus Lambec.  
 lib. 2. biblioth. Vindobonensis pag. 932. initium  
 est: Incipit novum formularium pœnitentiariæ  
 D. Papæ correctum & reformatum de speciali  
 mandato D. Benedicti Papæ XII. per reverendos  
 in Christo Patres Dominos Gaucelinum episco-  
 pum Albanensem, Gotium Patriarcham Con-  
 stantinopolitanum, Jacobum, &c. professores  
 juris canonici & civilis.

Anno 1338. die 18. Decembris, feria 6.  
 quatuor temporum, Gotius ad Cardinalatum  
 assumtus est, cum quinque aliis, ex auctori-  
 bus vitæ Benedicti XII. apud Baluzium supra  
 citatum coll. 209. 216. 235. & 242. qui addit  
 col. 811. hunc, quia absens erat, diu fuisse  
 sine titulo, dari non solito nisi præsentibus;  
 & col. seq. ait: Difficile est certo statuere de  
 tempore quo datus ei est titulus Cardinalis.  
 Etenim quum is.... in Italica legatione fuerit  
 eo tempore quo dignitate illa ornatus est, &  
 nullibi reperiamus eum rediisse Avenionem quan-  
 diu Benedictus XII. fuit in humanis, affirmare  
 non possumus titulum illi datum fuisse à Bene-  
 dicto: imo proclivius est existimare eum non  
 deposuisse provinciam ante mortem ejus.... quo  
 consequitur titulum ei datum à Clemente (VI.  
 Benedicti successore). Verum non capio quo  
 pacto asserere potuerit Baluzius, à se nullibi  
 repertum rediisse Gotium Avenionem adhuc  
 superstiti Benedicto XII. siquidem auctor  
 tertiæ vitæ Clementis VI. scribit apud eum-  
 dem Baluz. ibid. col. 281. ad quam colum-  
 nam ipsemet remittit Baluzius, in indice ad  
 calcem hujus voluminis ubi de Gotio, scribit,  
 inquam, de Petro Rogerio qui postea fuit  
 Clemens VI. Per eundem Dominum Bene-  
 dictum Papam ad apicem Cardinalatus assumi-  
 tur, & de Parisius ad Romanam curiam tunc  
 Avinione manentem capellum nigrum in rubeum  
 commutaturus accedit; ubi simul cum Domino  
 Goso (id est Gotio) qui velut apostolicus nuntius  
 factus Cardinalis de Italia redibat, cum debita  
 solita sollemnitate per Papam & Cardinales ex-  
 cipitur, &.... capelli rubei flamme decoratur,  
 sub quo per annos quasi tres, &c. Id subinde  
 contigit anno 1339. post mensem Maium:  
 anno quippe 1342. die 7. Maii, Petrus Ro-  
 gerius electus est in Papam. Quocirca nihil  
 obstat quin Gotius, qui cum Petro Rogerio  
 absens creatus fuerat Cardinalis à Benedicto  
 XII. pileum deinde ab eodem, & S. Priscæ



titulum receperit hoc anno 1339. una cum A præfato Rogerio. Hunc tamen ideo specialiter in ea cæremonia non memorat auctor ille, quia Rogerii vitam describebat, non Gotii.

Anno igitur 1338. delegatus fuerat Gotius in Siciliam cum Raterio episcopo Vafionensi, ad res inter Robertum & Petrum reges componendas, ut ex bulla hujus commissionis constat apud Raynaldum ad eum annum, n. 35. & seqq. cujus initium est: *Benedictus, &c. venerabilibus fratribus Gotio Patriarchæ Constantinopolitano & Raterio episcopo Vafionensi A. S. N.* (id est, apostolicæ sedis nuntiis) *in agro dominico, &c.* Finis vero: *auctoritate apostolica, qua plene vos in hac parte fungi volumus, procedatis sicut videritis expedire, non obstantibus quibuscunque privilegiis, &c.* Data Avin. IV. Non. (id est, die 4.) Julii, anno IV. Protulerunt autem illi sententiam judicariam anno sequenti 1339. adversus Petrum cæterosque rebelles, quæ sic incipit, *ibid.* ad eum annum, num. 44. *Gotius Dei gratia sanctæ Romanæ ecclesiæ presbyter Cardinalis* (titulum non exprimit quem tunc nondum receperat) *olim Patriarcha Constantinopolitanus, & Raterius eadem gratia episcopus Vafionensis apostolicæ sedis nuntii, commissarii & executores ad infra scripta per sedem apostolicam specialiter deputati: universis & singulis hujus processus seriem inspecturis, ad certitudinem præsentium, & memoriam futurorum. Dudum de mense Septembris proxime præteriti, nos Gotius & Raterius commissarii & executores præfati contra Dominum Petrum primogenitum quondam Domini Frederici olim regis Trinacriæ, & alios natos & hæredes ipsius Domini Frederici, &c.* Sic autem clauditur, num. 58. *Civitates vero, castra, seu loca cætera, & universitates eorum qui scientia secus fecerint, in his scriptis ecclesiastico supponimus interdicto, &c.* Sub anno à Nativ. Dom. 1339. Indict. VII. die septima mensis Aprilis, Pontificatus ejusdem sanctissimi Patris Domini Benedicti Papæ XII. anno 5. Fazellus lib. 9. posterioris decadis, hanc legationem narrat sub annum 1340. proindeque non loco suo, quod sæpe ei contingit, inquit Spondanus ad annum 1338. num. 10. Id patet ex temporibus quibus datæ sunt bulla Benedicti & sententia ejus legatorum modo citatæ. Gotii & Raterii meminere, tum Clemens VI. in diplomate dato Avin. kal. (id est, die 1.) Martii anno 7. Christi 1349. apud præfatum Raynaldum, ad eum annum, num. 9. tum Innocentius VI. Clementis successor, in diplomate dato Avin. x. kal. Decemb. anno 2. id est, die 22. Nov. anno 1354. *ibid.* ad hunc annum, num. 15. Ex quibus omnibus monumentis errare liquet Ciaconium, quem Oldoinus supra recensitus

A scripsisse tradit Gotium ex episcopo Vafionensi ad cardinalatus dignitatem esse evectum. Obiit Avinione, ex eodem Oldoino, non anno 1344. ut habet idem Ciaconius, nam ex testamento ejus condito anno sequenti 1345. palam fit ipsum illo anno adhuc in vivis fuisse; sed eodem anno 1345. ut scribit Ughellus 10. 2. *Ital. sac. col. 430. B. ver. edit.* vel etiam, ut Cotelorio placet, die 10. Junii, anno 1348. Præfatum hujus Cardinalis testamentum referunt Raphael Adimarius, & Cæsar Clementinus in historia Ariminensi, B cujus exemplar authenticum se vidisse testatur idem Ughellus, Scipionis de Battaglinis nobilis Ariminensis humanitate. Gotii cineres Avenione Ariminum translati fuere, & in sacello S. Stephani Proto-martyris ab ipso erecto in ecclesia S. Agnetis reconditi. Omnibus & fere singulis Ariminensibus templis pretiosam suppellectilem distribuit.

## XIII. HENRICUS.

Gotio inter Cardinales cooptato anno 1338. mense Decembri substitutus videtur C Henricus ad titulum Patriarchæ Constantinopolitani. Is certe ea dignitate insignitus erat anno 1341. Huic quippe Odoricus Raynaldus ad eum annum, num. 130. Catalanos (qui à Nicolao Patriarcha Constantinopolitano, jussu Clementis V. Papæ, anno 1314. censuris ecclesiasticis innodati fuerant, ob Gallici generis Latinos ab ipsis injuste oppressos,) significasse, in gratiam se Romani Pontificis redire velle narrat: excerptumque tradit epistolæ Benedicti XII. ad eum Patriarcham his verbis: *Te pridem de Romana recedente curia, & ad tuam Nigropontensem ecclesiam accedente, quum per partes ducatus Athenarum tuum iter prosequendo transires, ex parte illorum, qui de magna societate se faciunt nominari, tibi expositum extitit reverenter, quod ipsi reconciliationem & reductionem suam ad gremium sanctæ matris ecclesiæ, ac nostram & apostolicæ sedis gratiam, devotionem, & obedientiam summis desideriis affectabant, quædam quæ pro defensione fidelium & fidei, ac ecclesiarum & personarum ecclesiasticarum parvium illarum utilitate non modica, statuque pacifico confovendo admodum utilia esse possent offerentes nihilominus, teque rogantes instanter, ut super hoc nobis scribere procurares. Sanè quia nos, quibus desuper cura gregis dominici est commissa, non solum illos, sed quosvis oberantes alios reduci cupimus ad ovile dominicum, extra quod non est alicui gratia, neque salus, si procuratores suos mandatis munitos sufficientibus ad sedem apostolicam duxerint super iis destinandos, eos libenter & favorabiliter audiemus, &c.* Dat. Avin. IV. id. Febr. anno 7. (id est die 2.



die 2. hujus mensis, anno 1341.) Quum vero, ad comparandam classem adversus Turcas, Clemens VI. Benedicti successor regem Cypri, Rhodios Equites, Venetos ac Genueses concitasset, Henrico Patriarchæ Constantinopolitano apostolicæ sedis legato, qui huic operi plurimum incubuerat, idem Papa gratulatus est epistola data VIII. kal. Aug. (id est, 25. Julii) hujus anni, teste eodem Raynaldo ad annum 1344. num. 2. Ne tamen Græci Latinorum armis territi sese Turcis adjungerent in ea expeditione, eundem Henricum, suum iis in regionibus legatum, monuit Clemens, ut cruce signatos à Græcorum oppugnatione averteret, & universos impetus in solos Turcas effundendos curaret. Epistolam ejus ad Henricum, datam apud Villamnovam Avinionensis diocesis XIV. kal. Octob. (id est, 18. Septemb.) anno 3. Christi 1344. transcribit idem Raynaldus præfato num. 2.

Conjunctioni Græcorum refarciendæ cum Romana ecclesia tunc temporis favebat Imperatrix Joanna Andronici Junioris uxor, ex ducum Sabaudia stirpe catholica fata, ad quam anno 1337. ea de causa scripserat Benedictus XII. Eodem etiam anno ipse Andronicus Græcorumque proceres Turcico flagello vexati ejusdem Pontificis opem flagitarant, spem missis oratoribus dantes, fore ut, si militibus ac stipendiis Latinorum ad amissa recuperanda adjuvarentur, ecclesiæ Romanæ sese aggregarent, paratos se declarantes statim atque cognoscerent errare se in aliquo fidei articulo errorem hunc revocare. Datas ea de re à Benedicto epistolas legere est apud Raynaldum ad præfatum annum 1337. num. 31. & seqq.

Unionem denuo ecclesiæ Græcæ cum Romana anno 1339. Andronicus proposuit, missis ad Benedictum Papam Barlaamo abbate & Stephano Dandulo oratoribus suis, qui ei significarent Græcorum votum, iis tamen legibus ut in synodo œcumenica de processione Spiritus sancti orthodoxum dogma concertationibus theologicis illustratum communi consilio stabiliretur, & ante hujusmodi synodi celebrationem auxilia Græcis subministrarentur, quibus quatuor urbes principales sibi à Turcis ereptas in Asia recuperarent. Confectas de eo tractatu fusiores tabulas, & epistolam Benedicti ad Philippum regem Franciæ eo de argumento datam Avin. 2. sive pridie Non. Septemb. anno 5. id est die 4. hujus mensis anno Christi 1339. transcripsit Raynald. ad eum annum, num. 19. & seqq.

Andronico mortuo die 15. Junii anno 1341. Joannes Palæologus ejus filius novennis successit, Cantacuzenus vero imperii

Tomus III.

A habenas moderabatur, ex eodem Raynaldo ad hunc annum num. 129. Is itaque Joannes anno 1343. vel potius consiliarii ejus, quum Græci non solum Turcarum, sed etiam Tartarorum armis opprimerentur, ad Clementem VI. Benedicti successorem confugerunt, qui ad Joannem respondens, epistola data Avin. XII. kal. Novemb. anno 2. id est, die 21. Octob. anno Christi 1343. apud Raynald. ad eum annum, num. 12. ait.... quumque tam per ipsas litteras, quam (per) ea quæ idem nuntius (Philippus de Sancto Germano ab Imperatore missus) verbo.... explicavit, affectum magnæ devotionis & reverentiæ nobis & Apostolicæ sedi obtuleris, ac.... præstari tibi, & eisdem Græcis adversus Turcorum.... potentiam & malitiam, galearum & vasorum navigabilium armatorum, & munitorum Latinis hominibus, subsidium per nos & Romanam ecclesiam postulaveris; eidem magnificentia (tuæ) breviter super iis respondemus, quod nos dudum.... non valentes pietatis paternæ viscera claudere.... certum galearum & vasorum hujusmodi sufficienter armatorum & munitorum ordinavimus subsidium exhibendum; volentes indubie te tenere, quod si tu ac Græcorum clerus & populus, rejecta infectione illius execrandi ac damnandi schismatis, quod eos damnabiliter à sacro-sancta Romana ecclesia matre omnium fidelium & magistra divisit, per unionem salutarem, Deo placibilem, mundo acceptabilem, & saluti animarum multipliciter fructuosam, ad matrem rediretis eandem; & diligenter attento, quod D. N. J. C. unicum esse ovile ovium suarum, & unum pastorem esse voluit.... vos sub eodem ovili, extra quod non est alicui gratia neque salus, reducere curaretis; nos & ipsa ecclesia, vobis gaudiosis amplexibus occurrentes, intra nostra reciperemus præcordia, & ad defensionem vestram, non solum contra Turcas.... sed Tartaros, & alios vestros & fidei catholicæ inimicos & hostes, quantum possemus, defendere ac tractare tanquam prædilectos & charissimos filios amplis favoribus & opportunis gratiis proculdubio studeremus, &c. Scripsit etiam eodem die Pontifex ad Alexium Megaducam, commendavitque illi Bartholomæum Romanum canonicum Negropontensem, sive quemcumque alium ab Henrico patriarcha Constantinopolitano ritus Latini apostolicæ sedis legato mittendum, ut operam atque industriam ad aggregandum Romanæ ecclesiæ Imperat. poneret. Item ad magistratus Peyræ, quæ ex adverbo Constantinopoleos littore in Asia jacet, VII. kal. Decembris, id est die 25. Novemb. ejusdem anni 1343. scripsit, ut Demetrio Græciæ despotæ, si ad Romanæ ecclesiæ conjunctionem rediret, opera &

Fff



consilio non deessent, & Henrico patriarchæ A  
Constantinopolitano, apostolicæ sedis legato,  
vel aliis ab eadem sede aut Patriarcha missis  
ad tractandam Græcorum cum Romana  
ecclesia reunionem, studium suum impen-  
derent. Dum hæc ergo gererentur, idem  
Clemens anno sequenti 1344. mandavit  
Henrico patriarchæ Constantinopolitano in  
partibus transmarinis apostolicæ sedis legato,  
ut cruce signatos à Græcorum oppugna-  
tione abduceret, & universos impetus in  
Turcas erumpendos curaret. Epistolam pro-  
fert Raynaldus ad eum annum num. 2. ex B  
qua discimus, Martinum Zachariam classis  
pontificiæ præfectum, privati commodi spe  
delinitum, apparatus belli sacri in rei suæ  
utilitatem convertere voluisse, ut Chium sci-  
licet insulam quæ ab Andronico Juniore sibi  
per prodicionem sublata fuerat, in potestatem  
redigeret. Verum Henrici studio dissipatum  
est istud Zachariæ propositum, vertentesque  
cruce signati in Asiam arma, Smyrnam urbem  
munitissimam, Turcarum propugnaculum,  
expugnandam susceperunt, quæ die 28. Octo-  
bris ipsis subdita est.

Anno sequenti 1345. Marbassanus Tur-  
carum ductor exercitus videns se non posse  
vincere vi aperta, quum Smyrnam collectis  
ingentibus copiis obsidione cinxisset, con-  
vertit se ad dolos: relictis enim in castris  
aliquot turmis se subduxit, & florentissimo  
alio exercitu stipatus in montibus delituit.  
Voto potitus est, Christianosque incautos  
subito rediens oppressit. Sic rem describit  
Cortusiorum historia apud eundem Raynald.  
ad hunc annum num. 1. Cum maxima mul-  
titudine armorum se posuerunt juxta Smiras,  
& cum trabuchis intrinsecos infestabant in  
opprobrium sanctæ crucis. Christiani vexillo  
crucis præmisso exierunt subito pugnaturi, &  
de Turcis habuerunt victoriam, & eorum ma-  
chinas combusserunt. Dum vero christiani vaga-  
rentur, colligentes eorum spolia, & Dominus  
legatus (Henricus Constantinopolitanus Pa-  
triarcha) missam solemniter celebraret, Mor-  
bassan, (qui se scribit Dominum Achaïæ, &  
Imperatoris Orhani collateralem & pugilem,) cum  
multitudine equitum supervenit, contra  
quem nobiles caporales pugnauerunt egregie, E  
quasi ab universo vagante populo destituti.  
Paucisque interjectis, ut sub multitudine sub-  
cubuerint, subdit: Sic eo die capita Domi-  
norum legati, Petri Zeni, Martini Zachariæ  
de Janua, Capitanei etiam Rhodi, & aliorum  
viginti nobilium Morbassano Turcorum Domino  
præsentantur. Isti nobiles Christi pugiles.....  
vivunt in æternum. Fuit hoc 1345. die 17.  
Januarii.

## XIV. STEPHANUS.

Ughellus, tom. 8. Ital. sac. vet. edit. in  
archiepiscopis Beneventanis, col. 231. C. refert  
Stephanum Patriarcham Constantinopolitanum,  
Beneventanæ ecclesiæ præfulem renuntia-  
tum esse à Clemente VI. anno 1346. die  
17. Novembris, ex reg. Vatic. in lib. obligat.  
Prælat. & obiisse anno 1350.

## XV. GUILLELMUS I.

## XVI. GEORGIUS.

Stephano probabiliter successit anno 1346.  
Guillelmus Pustrella, de quo Spondanus ad  
annum 1362. num. 17. pag. 775. col. 1.  
ita scribit. «Titulum Patriarchæ Constan-  
tinopolitani habuisse hoc tempore ex Latinis  
Guillelmum Pusterlium Mediolanensem archi-  
episcopum Onuphrius ponit.» De eodem  
etiam præf. Ughellus to. 4. Ital. sac. vet. edit.  
col. 361. B. in archiep. Mediolanensibus,  
«Guillelmus Pustrella, rerum experientia, &  
claritate sanguinis vir illustris, ex Modætiæ  
archipresbytero factus Constantinopolitanus  
C patriarcha: mox archiepiscopus Mediola-  
nensis evasit anno 1361. Sedit (Mediolani) «  
annos 9. decessitque anno 1370.»

Substitutum quidem refert Bollandus to. 2.  
Jan. ad diem 29. pag. 993. col. 1. n. 18. B.  
Petrus Thomæ sive Thomæsum, Carmelitam,  
Guillelmo, qui, Genebrardo teste, Callisto &  
Philotheo Græcis Patriarchis & schismaticis,  
annos decem adversariam, sed legitimam tenuit  
cathedram. Verum Georgium quemdam hujus  
B. Petri fuisse prædecessorem in tituli Patriar-  
chæ Constantinopolitani possessione constat  
D ex libro obligationum Prælat. sub Urbano V.  
in quo sic legitur apud Danielem à Virg.  
Maria Carmelitam, to. 2. Speculi Carmelitani,  
part. 5. lib. 3. p. 949. num. 3338. col. 2.  
Fr. Petrus Patriarcha Constantinopolitanus  
recognovit 13. Julii 1364. pro Georgio præde-  
cessore, & pro ecclesia Coronensi. In magnorum  
quippe sumptuum subsidium quos subire  
cum oportebat, redditus illi concessit Pon-  
tifex ecclesiarum Coronensis & Nigropont-  
ensis.

Verisimillimum itaque est, Guillelmo  
Pustrella ad sedem Mediolanensem promotum  
anno 1361. adeoque non decimo, sed de-  
cimo-quinto sui patriarchatus titularis anno,  
collatum fuisse Georgio hunc patriarchatum  
qui illo potitus fuerit usque ad annum 1464.  
sive is tunc obierit, sive ad aliam sedem  
fuerit assumptus.

## XVII. PETRUS III.

B. Petri cognominati Thomæ sive Thoma-  
si vitam à Philippo Mazzerio, regni Cypri



Cancellario, ejusque itinerum & laborum ultimis annis socio, scriptam doctissimus Bollandus refert 10. 2. Jan. ad diem 29. à p. 995. ad 1022. cujus hæc summa est. In Ducatu Aquitaniæ, & diœcesi Sarlatensi (adeoque post annum 1317. quo Petragoricensi Sarlatensis avulsa est à Joanne XXII.) primam lucem adspexit Petrus iste de parentela inferioris conditionis; grandiusculus factus relicta domo paterna, in castrum *Mampesier* (five *Montis-pensierii*, ut appellat Waddingus in vita hujus Petri), se contulit. Ibi emendicans panem scholasque frequentans, brevi sic studuit, ut effectus sit puerorum magister. Deinde venit in civitatem Agennensem, ibique per aliquot annos humaniores litteras, logicam & dialecticam didicit, ex elemosinis interea & labore victum sibi comparans: *nec enim in tota vita sua*, inquit Philippus Mazzerius, *num. 2. à patre vel domo propria unquam habuit valorem viginti florenorum*. Docuit postea pueros provinciæ grammaticam & logicam usque ad vigesimum ætatis suæ annum.

Prior, & Lector conventus Carmelitarum hujus civitatis, duxerunt eum Lectorem, ubi per annum perrexit docere pueros grammaticam & logicam. Quum vero Prior Carmelitarum urbis Condomii eò veniens, subtilitatem ejus ingenii & morum integritatem novisset, eum duxit in suum conventum, ibique induit habitu religioso. Post factam professionem docuit fratres juvenes per duos annos. In urbem Agennensem postea missus, legit per tres annos logicalia, & ad sacerdotium promotus est. Legit quoque in multis conventibus suæ provinciæ, & Parisiis ubi laurea doctorali in theologia ornatus fuit. Procurator deinde generalis electus sui ordinis, Avenione in Curia Romana sub Clemente VI. apud Papam & dominos Cardinales scientia & pietate mirum in modum effulsit. Concionabatur, legebat theologiam, quæstionesque solvebat cum omnium applausu. Ipsum non minoris fecit Innocentius VI. Clementis successor, qui sedem apostolicam conscendit die 18. Decembris anni 1352. Multiplici legatione sub eo pontifice & sub Urbano V. præclarè functus est. Ut verò majori auctoritate polleret, hunc primum episcopum Pactensem & Lippariensem in Sicilia creavit Innocentius VI. die 16. Novembris anni 1354. & postea transtulit ad ecclesiam Coronensem die 10. Maii anno 1359. Eundem successor ejus Urbanus V. anno 1363. die 5. Martii, Cretenſi ecclesiæ præfecit; & tandem anno 1364. renunciavit Patriarcham Constantinopolitanum ritus Latini, simul addens, tum ecclesias Coro-

*Tomus III.*

Agennensem & Negropontensem, ut ex earum redditibus aleretur, tum etiam decem florenos quotidianos. Sic legi in *lib. 1. provis. Prælat. hujus Papæ anno 2.* testatur Daniel à V. M. *tom. 2. Speculi Carmel. part. 5. lib. 3. p. 949. n. 3338. Constantinopolitana ecclesia vacat.... providetur ei de persona Petri archiepiscopi Cretenſis III. Non. (id est die 5.) Julii.*

Raynaldus ad annum 1364. n. 24. profert diploma Urbani V. datum eo anno die 10. Julii. Piiſſime obiit Petrus Famagustæ in insula Cypro anno 1366. die 6. Januarii.

#### XVIII. GUILLELMUS II.

#### XIX. PAULUS.

Waddingus *tom. 4. annal. Min.* ad annum 1366. *num. 18. p. 117.* meminit, his verbis, cujusdam *Guillelmi* Patriarchæ Constantinopolitani: «ad Dimitacen. Sub Patriarcha Constantinopolitano, per obitum Joannis, Fr. Joannes (Minorita) assumptus à *Guillelmo* Patriarcha: sed quum id ratum non haberet Pontifex (Urbanus V.) sua eum promovit auctoritate VII. kal. Febr.» (id est die 26. Januar.) Hunc subinde Guillelmum renuntiatum fuisse oportet eodem mense Januario quo obierat Petrus.

Guillelmo suffectus videtur *Paulus* in titulo Patriarchæ Constantinopolitani, illo ipso anno 1366. vel sequenti, quippe quem appellat Urbanus V. *Patriarcham* in quibusdam suis litteris anno 1367. Is ecclesiam Smyrnensem gubernabat anno 1355. quo eum Constantinopolim advocavit Joannes Palæologus Imperator Græcorum, ut ipsorum reunionem cum sede apostolica jam sub Cantacuzeno agitatam, ad finem perducere satageret. Solemni itaque sacramento spondit coram illo, Pontifici se Romano, catholicorum principum cæterorum more, futurum obedientem: prosequuturum debitis honoribus legatos apostolicos, daturumque operam revocandis ad Romanæ ecclesiæ obsequium Græcis adhuc schismate ab illa divisus: præterea se filium Manuëlem hæredem imperii ad aulam apostolicam missurum, palatium etiam legato apostolico Constantinopoli concessurum, ac dignitates ecclesiasticas, juxta illius arbitrium, Græcis doctrina & morum innocentia conspicuis conferendas fore. A Pontifice autem simul postulavit, ut exercitum adversus Turcas, eosque perduelles Græcos qui Matthæi sui æmuli, filii Cantacuzeni, partibus adhærebant, in Orientem transmitti procuraret, cujus ipse dux & vexillifer ecclesiæ nomine crearetur. Hæc tunc inter Joannem Palæologum, & Paulum Smyrnensem archiepiscopum sedis apostolicæ nuntium, Constantinopoli firmata sunt, & in

Fff ij



publicis tabulis conscripta, anno à constitutione A mundi 6864. à nativitate autem Domini 1355. die 15. Decembris, quæ ad Innocentium VI. transmissæ sunt. Eas refert Raynaldus ad eum annum num. 34. & seqq. ex libro privilegiorum Romanæ ecclesiæ quem unà cum aliis pene innumeris (archivis) singulari Innocentii X. beneficentia evolendum habuit.

Anno sequenti 1356. Paulus cum aliis Avenionem venit à Joanne Imperatore missus ad Innocentium VI. ut refertur in manuscripto Vaticani, apud Raynald. ad eum annum, num. 32. his verbis: *Anno 1356. infra octavas Pentecostes nuntii Imperatoris Constantinopolitani cum parva galea applicant juxta ecclesiam B. Mariæ de miraculis Avenionensis, offerentes Dominum suum reditum ad ecclesiæ unitatem, ut sibi ab ecclesia subsidium fieret contra Turcas.* Quibus benigne receptis Innocentius, Petrum Thomasi Carmelitam, de quo supra, tunc Pactensem in Sicilia episcopum, & Guillelmum Sisopolitanum antistitem legavit in Græciam, eos Hugoni regi Cypri, Ludovico regi Hungariæ, Rogerio è Pinibus Rhodiorum equitum magistro, Francisco Ctelusio Genuensi Mitilenes principi, & Patriarchæ Constantinopolitano Græci ritus commendans. Scripsit etiam eo anno, tum Imperatori Palæologo, tum Patriarchæ Græco Constantinopoleos litteras quas legere est *ibidem* nn. 33. & 35.

Anno 1366. vel seq. 1367. Urbanus V. Innocentii VI. successor, Paulum archiepiscopum Smyrnensem qui tanta prudentia res ecclesiæ annis præcedentibus gesserat, Patriarchæ Constantinopolitani titulo ornavit. Certe anno 1367. ea dignitate auctus erat, quum Viterbium venit ad Urbanum à Joanne Palæologo iterum missus, ob reunionem Græcorum cum sancta sede apostolica: *Urbano adhuc Viterbii existente, inquit vitæ hujus pontificis auctor, apud præfatum Raynaldum, ad eum annum, num. 5. & apud Baluz. to. 1. Papar. Aven. edit. Paris. 1693. col. 380. venerunt ad ipsum Amedeus comes Sabaudia, Patriarcha Constantinopolitanus (Paulus scilicet ut infra patebit,) & aliqui alii viri notabiles, missi pro parte Imperatoris Constantinopolitani, pro sui parte eidem Papæ promittentes ipsum reditum ad Romanæ ecclesiæ unitatem; & super hoc breviter personaliter venturum ad ipsum Papam.* Ex quibus colligendum datur Imperatorem Græcum hæcenus promissis suis non fletisse, conjunctionemque ecclesiæ Orientalis cum sede Romana, quam anno 1356. se velle tantoperè testatus fuerat, nondum anno 1366. fuisse confectam. Observat porro Raynaldus num. 7. nulla multorum annorum fluxu sub-

missa fuisse Joanni Palæologo idonea auxilia quibus Turcica tyrannis posset comprimi, principibus nimirum Christianis perpetuo inter se bello dissidentibus. Quinimo Orhanes Turcarum Imperator, ob Cantacuzenum & Matthæum ejus filium ad vitam monasticam redactos, quibus arctissimo erat junctus foedere, deinde etiam Amurates maximis cladibus Græcorum imperium affecerant, usque ad annum 1365. quo tandem Amedeus comes Sabaudia, collecto Urbani V. auspiciis cruce signatorum exercitu, Palæologo consanguineo suo in subsidium veniens, Gallipolim Græciæ portum munitissimum, in quem ex Asia Turcæ trajicere, & Christianorum Europæorum tristia spolia convehere soliti erant, expugnavit, huicque Imperatori tradidit, teste eodem Urbani vitæ scriptore. Recuperata itaque Gallipoli, Joannes Palæologus in spem obterendæ, Latinorum copiis, Amuratis Turcarum principis potentia, erectus, misit ad Urbanum octo oratores amplissimos, quibus Amedeus Allobrogum princeps, & Paulus.... (Patriarcha Constantinopolitanus) socios se addiderant, pollicitus expetitam tot annorum votis Orientalis ecclesiæ conjunctionem confecturum, Romanque vere proximo accessurum. Auditis his legatis Viterbii Urbanus V. tantæ rei ad finem perducendæ cupidus, scripsit ad Joannam Siciliæ reginam, ut totis viribus obstaret ne qua Palæologo mare Siculum sulcaturum injuria conferretur. Epistola data est die 6. Nov. anno 1367. apud Raynaldum ad hunc annum, num. 7. Dum autem Paulus Patriarcha Latinus Constantinopolitanus pontificia legatione in ea urbe fungebatur, congressum habuit cum Cantacuzeno de erroribus Palamitarum, quem sic ipse explicat, apud Raynald. modo citatum, n. 12. *Paulus miseratione divina Patriarcha Constantinopolitanus, omnibus in Christo fidelibus, & c. & infra: Ne posteros veritas rerum prætereat, oportere censui quæ inter Imperatorem Cantacuzenum & me disputari contigit, scripturæ tradere. Quoniam enim ad Dominum Papam Urbanum V. & ejus Cardinales nonnulli Græci retulerunt, commemoratum Imperatorem Cantacuzenum & ecclesiæ Græcorum multas suo dogmate divinitates inducere supereminentes & remissas, eò quod asserant, quæ Deo insunt realiter inter se differre, & unumquodque horum deitatem distinctam in infinitum à divina substantia distare: quum nosse verum hujus doctrinæ cuperem, Constantinopoli degens, quando ad Imperat. Palæologum à commemorato summo pontifice missus fui, quæsimus istud scire, non autem potuimus verbo vel re aliquid certi de hac opinione & impia doctrina comprehendere. Tandem Imperator*



ipse Cantacuzenus de hac opinione mecum verba fecit. Quamvis autem à principio videretur mihi non recte sentire, qui ex ejus verbis eum distinctionem realem ponere suspicabar; tamen post aliquos dies sermone protracto dixit, se non sentire realem distinctionem inter ea quæ Deo insunt, sed tantum ratione & conceptu mentis. Tunc veluti gavisus dixi, bene eum dicere, & cum B. Ambrosio convenire. Postea dicta colloquia scriptis mandavit, quibus nonnulla inseruit, quia dubitationem pariunt, utrum rationis tantum, an etiam realem distinctionem esse contendat: quæ profecto scripta summo Pontifici ostendam ut ea vel improbet vel confirmet, &c. Deinde scripsit de lumine, quod apparuit in monte Thabor, asserens illud esse increatum, & non esse Dei essentiam, sed quandam divinam operationem, quod ne auditu quidem ferendum est: nihil enim est increatum præter divinam essentiam, & omne increatum sempiternum est: nullum porro sempiternum visibile est, quæ enim cernuntur, temporanea sunt. Quare si diceret, illud visibile lumen symbolum fuisse invisibilis & increati luminis, utique recte saperet: dicere autem lumen quod corporalibus oculis visum est, esse increatum, omnino extra terminos fidei est contra omnem rationem. Hæc igitur volumus præsentī scripto esse manifesta, ut rei veritas in posterum conservetur. Ita reipsa sensisse Cantacuzenum patet ex historia ab eodem Cantacuzeno scripta. Lib. quippe 2. cap. 40. hujusmodi errores de Thaborio lumine, ut fidei dogmata proponit. Adventum Joannis Palæologi Romam anno 1364. fideique professionem quam in ea urbe emisit legere est apud præfatum Raynaldum ad eum annum num. 1. & seqq.

Nihil amplius de eo Paulo Constantinopolitano Patriarcha nobis compertum est, cui successor datus erat anno 1372.

## XX. UGOLINUS.

Ugolinus de Malabranca cognominatus, ex Urbe veteri oriundus, ordinis Eremitarum sancti Augustini alumnus fuit, cujus & Prior extitit Generalis, teste Thoma de Herrera scriptore ejusdem ordinis in alphabeto suo Augustiniano tom. 2. littera V. pag. 500. col. 1. & pag. 502. col. 1. Refert autem pag. 503. c. 1. ex Gregorii XI. regesto, epistolam datam Avenione V. kal. Januarii pontificatus ejus anno 2. id est, die 28. Decemb. anno Christi 1372. ad illum cum ea inscriptione: Venerabili fratri Ugolino Patriarchæ Constantinopolitano; in qua agitur de Francischino de Imola Dominicano, & Bartholomæo de Grasis Franciscano, qui à se invicem circa aliquid doctrinæ dissidebant, sese mutuo de certis conclusionibus minus catholicis arguentes. Quum ergo venisset Avenionem ad Gregorium Bartholo-

maus, & negaret se conclusionem protulisse quam Ugolinus ipsum asseruisse contendebat, eidem Ugolino Pontifex illa epistola mandat ut quidquid ea de re sibi compertum esset, renuntiaret, atque Bartholomæi scripta, si quæ haberentur, ad se studeret destinare.

Mirum est auctores, in assignando hujus Ugolini Patriarchatus ævo, sic deviasse ut Antonius Sabellicus, Ciaconius & alii eum ad annum 1286. assignaverint, Trithemius ad annum 1290. & Bzovius ad annum 1291. Quod in causa fuit cur alii, ipseque Thomas de Herrera, Ugolinos duos, ambos Constantinopolitanos Patriarchas ritus Latini, ambos de Malabranca dictos, ambos Augustinianos professione, ambos Urbevetanos patria, ambos demum Ariminenses commemoraverint episcopos, quorum unus floruerit sæculo decimo tertio exeunte, alter sub Gregorio XI. ut modo expositum est: verum, præterquam quod id superet omnem fidem, obest insuper series Patriarcharum Latinorum qui sub finem sæculi decimi tertii vixere. Vide supra ubi de Petro & Leonardo Patriarchis Constantinopolitanis, col. 809. & seqq. Non dissimulandum tamen Thomam de Herrera hæc addere p. 501. col. 2. Me minus certum reddunt (duos esse viros ab invicem distinguendos) & quod in nullo nostrorum chronographorum mentio est nisi Ugolini Prioris Generalis circa annum 1370. & quod opuscula indubitata Ugolini Generalis alteri Ugolino attribuantur. De hoc ultimo Ugolino & ut quidem videtur, unico, ait idem Thomas Herrera, *ibid.* pag. 502. col. 1. illum Romanæ provinciæ filium fuisse, Doctorem Parisiensem, & in lectura Gregorio Ariminensi pariter Augustiniano successisse. Ughellus 10. 2. Ital. sac. ubi de Ariminensibus episcopis, col. 432. de Ugolino ita scribit: Quum Patriarcha Hierosolymitanus (dicendum Constantinopolitanus) esset, Ariminensis antistes declaratus est anno 1371. rexitque illam ecclesiam annos tres, tamen absens multoties, quippe qui à Pontificibus gravibus explicandis negotiis sæpissime adhiberetur. Dum digressus Parisiis Romam reverteretur, in oppido Aquæpendentis excessit è vivis anno 1374. ejus deinde cadaver Urbem veterem delatum, in D. Augustini templo translatum est.

## XXI. JACOBUS.

Jacobus iste Campanus erat in Italia, natus scilicet in ea parte Italiæ quæ Campania dicitur, in qua sitam esse civitatem Fundorum scribit Theodoricus à Niem lib. 1. de Schismate cap. 9. cui adjacet castrum de Itro, unde Jacobus de Itro cognominabatur. Joannes Villanius lib. 12. cap. 74. ait castellum de Itro esse prope Galetam, quod etiam liquet ex



epist. Joannis XXII. apud Waddingum *to. 3.* *annal. Min. in Regesto pag. 153.* Quia autem Campanus fuisse legitur hic Jacobus in prima Clementis VII. vita, *to. 1. Papar. Avenionens. Baluz. col. 490.* hinc ortus videtur error eorum qui illum existimarunt fuisse Gallum ex Campania oriundum. Verum in vita secunda Gregorii XI. *ibid. col. 465.* dicitur expresse Italicus de Comitatu Fundorum. In vita prima Clementis VII. *ibid. col. 490.* de promotione Jacobi ad Cardinalatum hæc narrantur: *Die 18. mensis Decembris anni prædicti 1378. quæ fuit feria sexta quatuor temporum, sex novos creavit* (Clemens) *presbyteros Cardinales, videlicet D. Jacobum de Itro Campanum tunc Patriarcham Constantinopolitanum, D. Petrum, &c.* De Jacobo sequentia docet Baluzius *ibid. in notis col. 1249. & seqq.* Initium dignitatum & honorum illi fuit episcopatus Iſclanus in regno Neapolitano, è quo ad Marturanensem in Calabria translatus est anno 1359. Factus postea archiepiscopus Hydruntinus anno 1363. Anno 1367. tempore quadragesimæ erat in regno Neapolitano cum Ægidio Albornotio Cardinale, quem Bzovius ad annum 1366. *num. 6.* ait Siciliæ legatum fuisse. Illic in generali Parlamento regni ut ipse ad Urbanum V. scripsit, orationem coram Joanna Regina & eodem legato habuit jussu prælatorum. Hanc testatur Baluzius extare in codice 758. bibliothecæ Colbertinæ. Anno 1370. idem Urbanus eum visitatorem apostolicum monasteriorum Ordinis sancti Basilii in regno Siciliæ instituit VII. idus, (id est, die 7.) Junii, apud Bzov. ad hunc annum 1370. *num. 7.* Anno 1376. xv. kal. Febr. (id est, die 18. Jan.) Gregorius XI. eum fecit Patriarcham Constantinopolitanum, simulque ecclesiam Hydruntinam illi commisit. Vicarium habuit in dignitate Patriarchali Antonium Balistarium Franciscanum archiepiscopum Athenarum, ut docent istius litteræ in collectione opusculorum Petri de Marca *pag. 405.* Anno 1378. die octava Aprilis Bartholomæus archiepiscopus Barenfis, electus est Papa, & Urbanus VI. appellatus. Inter illos vero qui ei reverentiam exhibuerunt nominatur inprimis iste Patriarcha in depositione Stephani episcopi Tudertini apud Raynaldum ad hunc annum 1378. *num. 26.* Vidi maritum reginæ, Comitem Fundorum, (&) Patriarcham qui nunc est Cardinalis, adorare istum, & exhibere sibi reverentiam tanquam Papæ. Postea apud Anagniam (ab eo defecit.) Cardinalium partes amplexus qui Clementem ibi elegerunt, propter quod anathematizavit eum Urbanus VI. ut scribit idem Raynaldus ad hunc annum *num. 112.* Die autem 18. Decembris ejusdem anni absens creatus est

A Cardinalis à Clemente dicto VII. Bullam profert Waddingus *to. 4. annal. Min. in Reg. p. 163.* Vulgo traditur illum habuisse primo titulum sanctæ Priscæ, postea vero sanctæ Praxedis: sed de primo parum constat, nam paulo-post ejus promotionem appellatur Cardinalis *tituli sanctæ Praxedis*, in vita prima Clementis VII. apud præfatum Baluzium *tom. 1. col. 494.* Quum vero Clemens profectus esset Neapolim, adeo tumultuatum est adversus eum, ut subito eò unde venerat oportuerit remeare, ut ait auctor vitæ ejus. B Excedens itaque Italia, hunc Jacobum in ea regione reliquit, ubi *post multas afflictiones*, inquit idem auctor vitæ Clementis, *ibid. col. 502. vitam velut martyr consummavit.* Hinc colligit Baluzius *col. 1251.* falsum esse quod scribit Ciaconius, illum è carcere dimissum Avenionem ivisse, illicque obiisse. Scilicet anno 1381. post captam à Carolo Duracio Neapolim, ipse & Cardinalis Leonardus de Giffono, qui Clementi adhærebant, inciderunt in manus Gentilis de Sangro Cardinalis, legati Urbani VI. in carcerem vero uterque conjectus, coactus est abjicere insignia Cardinalatus, quæ in medio templo sanctæ Claræ Neapoli sunt tradita flammis, apud Raynaldum ad annum 1381. *num. 26.* & Wadding. in *annal. Min.* ad annum 1378. *num. 7. pag. 238.* Eductum tamen (Jacobum fuisse) è carcere, verba sunt Baluzii, *ibid. & col. 1262.* facile crediderim.... ex quodam tractatu (præfati) Leonardi Cardinalis de Giffono, ubi *duorum Cardinalium carceratorum quinquennium* commemoratur (desinens utique ad finem anni 1386. aut initium sequentis 1387.) At Jacobus ultra non vixit, siquidem auctor (modo recitatus) vitæ Clementis testatur illum eam consummasse inter has ærumnas; (conjectu subinde pronum) mortem ei obvenisse anno 1387. ut tradit idem Ciaconius. Ait quidem Cotelierius, eum enuntiari defunctum die 30. Martii anno 1393. in litteris hujus Clementis: at istud referri debet ad mentionem de Jacobi morte in litteris Clementis factam tali die, non vero ad diem quo ille extinctus est.

## XXII. GUILLELMUS III. electus.

E Quum Clemens VII. qui adversus Urbanum VI. electus fuerat anno 1378. die 20. Septembris, Jacobum de Itro, Patriarcham Constantinopolitanum, ad Cardinalatus in sua obedientia dignitatem eodem anno mense Decembri evexisset; ei anno sequenti 1379. die 21. Januar. substituit in titulo hujus Patriarchatus & in administratione ecclesiæ Hydruntinæ five Otranto, Guillelmum Ordinis Minorum episcopum Urbini. Diploma refert



Waddingus *tom. 4. annal. in Regest. Pontif. A* *pag. 163. dat. Fundis XII. kal. Febr. anno 1.* De eo Guillelmo legi etiam potest apud Baluzium *to. 2. Papar. Aven. col. 878.* epistola Caroli V. regis Francor. ad ipsum scriptam anno 1379. ex codice 356. biblioth. Colbert. quæ sic incipit: *Karolus Dei gratia Francorum rex, venerabili in Christo Patri Patriarchæ Constantinopolitano amico nostro charissimo, salutem cum dilectione sincera. Amice dilectissime, &c. Finis: Nobis rescribentes præterea, amice charissime, quæ placita fuerint votis vestris. Nam majestas regia minimè ingrata exauditione repetit. Datum apud Montem Argi die 26. Sept. cui epistolæ jungitur, col. 879.* altera quæ est responsio Guillelmi ad superiorem epistolam, in qua sic exorditur: *Serenissime ac gloriosissime rex, veridicè plusquam illustris. Cum quantis reverentia & humilitate (hoc decet me semper flexis poplitibus, vultu demisso, humo proclivum reverentius) commendando vestros mellifluos apices cordis jubilo amplectendo, totus attonitus fere in ecstasi, plurimum admiror quod ingens vestri celsitudo mei tam infimi sui, rex, incolæ minimè immemor persistat, &c.* Finis est: *Scriptum Avinioni die .... Octobris. Ejusdem præcelsæ majestatis servitor minimus, supplex orator, ac obnoxius perpetuus capellanus, frater G. Patriarcha Constantinopolitanus, ecclesiarum Idrontinæ & Nigropontensis administrator.* Hunc postea Urbanus VI. omni honore spoliavit, ex Ughello *tom. IX. Ital. sac. vet. edit. col. 79. D.*

## XXIII. MATTHÆUS II.

Probabile admodum est Urbanum VI. exauctorato Guillelmo, Clementi VII. Papæ Avenion. affecta, in ejus locum renuntiassè Patriarcham Constantinopolitanum; virum aliquem in sua obedientia degentem, qui nobis ignotus sit. Bonifacius IX. Urbani successor concessit hunc titulum *Matthæo Bandello* Ordinis Prædicat. juxta Fontanam, in *Theatro Dominic. 1. part. cap. 4. de Patriarch. tit. 1. pag. 43. col. 1. num. 1.* ubi ait quemdam *Matthæum* nomine, cujus familiam patriamque tenebris involvunt scriptores, fuisse Patriarcham Constantinopolitanum certum esse; at quo tempore, & sub quo pontifice Romano incertum: quibus subjungit hæc Lusitani verba, id est, *Antonii Senensis* ejusdem ordinis in sua bibliotheca (sive chronico hujus Ord. Præd. ad annum 1430. fol. 239.) *Frater Matthæus, qui fuit aliquando Patriarcha Constantinopolitanus, vir admodum gravis, & eximia eruditione fulgens, & tam in Christiana, quam in sæculari philosophia insigniter instructus, suum nomen apud posteros celebre reddidit scribendo libros quatuor quibus totam scripturam*

*A* *redegit in locos communes. Incipit liber: Omnia poma nova, &c.* Hunc porro Matthæum clarius exhibet Rovetta Dominicanus, in *sua biblioth. chronol. illustr. viror. provinc. Lombard. Ord. Præd. edit. Bonon. 1691. ad ann. 1400. pag. 61. coll. 1. & 2.* «Fr. Matthæus Brixien-  
sis, inquit, ex nobilissima familia Dominorum Equitum de Bandellis, vir in omni fere disciplinarum genere eruditissimus, qui expletis provinciæ Lombardiæ in insignioribus conventibus lecturis, primo ad sacræ theologiæ magisterium promotus, deinde ad Constantinopolitanam ecclesiam regendam præfectus fuit, idque sub pontificatu SS. in Christo Patris Bonifacii Papæ IX. anno 1398. in quo munere circa sacrarum paginarum studium tali ardore se applicavit, ut brevissimo tempore perspicacissimi ingenii dignissimum partum in lucem ediderit; Grande, atque elaboratissimum volumen locorum communium totius sacræ scripturæ in quatuor libros miro ordine quadripartitum, cujus initium est: Omnia poma nova, &c. Quod opus ex Sixto Senensi, in bibliotheca sancta, lib. 4. & aliis scriptoribus fide dignis in bibliotheca conventus Bononiensis servatur.... Familia de Bandellis (agnoscit) præfatum Matthæum Patriarcham .... eodem stipite proveniente, uti declarat ejus effigies in domibus eorum.» Verisimile est eum obiisse sub pontificatu ejusdem Bonifacii IX. subindeque ante exitum an. 1404. ut modo patebit.

## XXIV. ANGELUS.

*Angelus* iste fuit, qui postea, durante schismate Occidentali, Papa factus, Gregorius XII. appellatus est. Natus erat Venetiis ex familia Coraria, patricia; hinc *Angelus Corarius* ante pontificatum dictus: ab ineunte ætate studiis ita acriter incubuit, ut eximius sacræ theologiæ evaserit magister. Illum Bonifacius IX. ex episcopo Castellano, sive urbis Venetiarum, Patriarcham Constantinopolitanum creavit, cum Chalcidensis sive Negropontensis sacerdotii in Græcia commendatione, teste Oldoino *tom. 2. hist. Rom. Pont. & DD. Card. edit. Rom. 1677. coll. 749. & 780.* Id contigisse an. 1390. asserit Ughellus *to. 5. col. 1352. num. 44. D.* Angelum misit idem Papa sedis apostolicæ nuntium ad regem Ladislaum, ut Neapolim rebellem, & Ludovici Andegavenfis ducis partibus adhærentem in Ladislai fidem reduceret, ecclesiamque Neapolitanam quæ tum pastore vacabat administraret, maxima cum facultate omnia sacerdotia conferendi, & ad suam obedientiam redeuntés absolvendi. Innocentius VII. qui Bonifacio IX. die 1. Octobris anni 1404. defuncto substitutus fuerat à Cardinalibus



hujus obedientiæ die 17. ejusdem mensis, Angelum anno sequenti 1405. die 12. Jun. Cardinalem tituli sancti Marci renunciavit, & in eadem legatione, aucta etiam potestate, confirmavit. Mortuo Innocentio anno 1406. die 6. Novemb. ipse in illa obedientia Papa electus est die 30. ejusdem mensis. Pontificatui tandem cessit anno 1415. die 4. Julii per Carolum Malatestam, Arimini Domicellum, pro bono pacis & schismatis exterminio, in concilio Constantiensi. Sederat ab electione sua annos 8. menses 7. & dies 5. ex synodi autem decreto constitutus est episcopus Cardinalis Tusculanus, sacri collegii decanus, & Piceni perpetuus legatus, cunctis ejus actis confirmatis. Cardinales quoque viventes quos ipse creaverat, in cæterorum collegium adscripti sunt. Obiit abhinc biennio Recineti anno 1417. paulo ante Martini V. electionem, quæ die XI. Novembris peracta est: corpus ejus in ecclesia cathedrali Recanatenfi sepultum fuit.

## XXV. ANTONIUS.

Angelo Corario ad Cardinalatum evecto anno 1405. ut dictum est, titulus Patriarchæ Constantinopolitani quem ille gerebat, Antonio Corario ejus fratris filio concessus fuisse videtur. De eo enim Oldoinus *tom. 2. hist. Rom. Pont. & DD. Cardin. edit. Rom. anno 1677. c. 765.* A. B. hæc scribit: «Antonius Corarius seu Corrarius, Patricius Venetus, Philippi Gregorii XII. fratris filius, canonicus cong. S. Georgii in Alga, cujus fuerat auctorum unus, episcopus primo Bononiensis, mox Patriarcha Constantinopolitanus, seu Hierosolymitanus,» (Hierosolymitanus non fuit. Nam anno sequenti Pisanae synodi actis subscripsit Hugo de Robertis ut Patriarcha Hierosolymitanus: Antonium præterea dicunt Patriarcham Constantinopolitanum Ciaconius *hist. Rom. Pontif. & DD. Cardinal. edit. Rom. 1630. c. 1068. D. & Spondan. to. 2. annal. ad annum 1408. num. 6. pag. 153. col. 1.*) «(deinde) ecclesiæ Romanæ camerarius (a præfato) Gregorio declaratur.... (Quibusdam postea annis, scilicet die 9. Maii anno 1408.) inter presbiteros Cardinales cooptatur, titulo, non S. Chrysogoni, neque S. Gregorii, ut referunt Panvinius, Ciaconius, & alii, sed ex diariis, & diplomatibus ipsius Gregorii, S. Petri ad vincula, alias Eudoxiæ, & Cardinalem Bononiæ se nominavit. Episcopus deinde Portuensis, demum Ostiensis ab Eugenio IV. renunciatus, ecclesiam Bononiensem, annua reddituum parte sibi reservata, dimisit. Constantiensi concilio interfuit, in quo inter purpuratos annumeratus, Martini V. partes sincere deinceps sequutus est. Le-

gationis munere pro Gregorio patruo in Gallia & Germania, ac sub Martino V. apud Senenses & Perusinos functus est. Ecclesiam Civitatis novæ, seu Acmonensem an. 1420. usque ad annum 1421. commendatarius rexit. Deinde anno 1435. ecclesiam Cervenensem regendam suscepit, cui paulo-post nuntium remisit. Abbas etiam commendatarius fuit Abbatiae S. Zenonis Veronensis. Scripsit, ut Garimbertus narrat, sui temporis historiam quæ ms. olim Venetiis asservabatur. Vitam cum morte commutavit Patavii in cœnobio S. Joannis sui ordinis, sacri collegii decanus, die 19. Januar. anno 1445. & Venetiis, ut mandaverat, sepultus est apud S. Georgium in Alga.»

## XXVI. FRANCISCUS I.

Antequam Franciscus Landus sive Laudus aut Laudo, Patriarcha Gradenfis, titulo Patriarchæ Constantinopolitani donaretur, hunc alicui nobis ignoto fuisse collatum anno 1408. à Gregorio XII. quum Antonium Corarium eo ornatum Cardinalem creavit, admodum verisimile est. Nullus tamen ea dignitate patriarchali insignitus legitur in subscriptionibus concilii Pisani anno 1409. celebrati: sed quatuor isti duntaxat Patriarchæ *tom. XI. conc. Labb. part. 2. col. 2216. D. R. P. D. Simon Patriarcha Alexandrinus. R. P. D. Wenceslaus, Patriarcha Antiochenus. R. P. D. Hugo de Robertis, Patriarcha Hierosolymitanus. & R. P. D. Franciscus Laudo Patriarcha Gradenfis.* Is fortasse partes Gregorii acriter tuitus, huic concilio noluerit adesse aut subscribere: propter quod etiam Alexander V. in illo concilio electus Papa eodem anno statim titulum Patriarchæ Constantinopolitani, ceu vacantem, Francisco Laudo Patriarchæ Gradenfi contulerit: siquidem probabile non videtur hujus patriarchatus titulum ab Antonio Corario dimissum, quando ipsum Gregorius XII. ad cardinalatum evexit anno 1408. die 12. Jun. nemini fuisse datum ab eodem Gregorio. Ut ut sit, Franciscus iste Landus sive Laudus aut Laudo Venetus erat, teste Ughello *1. 5. Ital. sac. in Gradenfibus Patriarchis, col. 1219. vet. edit. num. 62. C.* «& præcipua nobilitate, ac rerum experientia clarus. Gradenfi (autem) Patriarchatu auctus est anno 1408. qua dignitate exornatus interfuit concilio Pisano anno 1409. Deinde ab Alexandro V. translatus fuit ad Constantinopolitanam ecclesiam eodem anno, & à Joanne XXIII. presbyter Cardinalis tituli S. Crucis in Hierusalem creatus (anno 1411.) concilio Constantiensi assedit, &c.» & *1. 1. in episcopis Sabinensibus col. 206. n. 54. D.* «A Martino V. deinceps factus est episcopus Cardinalis



» Cardinalis Sabinus. Deceffit Romæ 1427. A  
» VII. kal. Jan. (id est die 26. Decembris) se-  
» pultusque est apud S. Mariam Majorem,  
» prope majus altare.»

## XXVII. JOANNES I.

Vid. Rayn.  
ad annum  
1414. num.  
70. ad ann.  
1415. num.  
26. & ad  
ann. 1420.  
p. 19.

Inter subscriptiones illorum qui in con-  
cilio Constantiensi anno 1416. die 4. Febr.  
solemni sacramento approbarunt capitula in  
eodem concilio sancita, legitur tom. 12. conc.  
Labb. col. 184. A. Joannes Patriarcha Constan-  
tinopolitanus, qui proinde Francisco Lando  
ad cardinalatum evecto à Joanne XXIII. B  
anno 1411. in eo patriarchali titulo succef-  
fisse videtur.

## XXVIII. JOANNES II.

Post assumptionem Martini V. ad sum-  
mum pontificatum anno 1417. die XI.  
Novembris in synodo Constantiensi factam,  
Joannes de Rupefciffa (viculo duobus circiter  
milliar. ab urbe Lugduno distante) qui huic  
synodo interfuerat, episcopus tunc existens  
Gebennensis, & electorum unus nominatus  
est nationis Gallicæ, qui in istam promotio-  
nem cum Cardinalibus suffragium ferret, ab  
eodem Papa renuntiatus fuit Patriarcha Con-  
stantinopolitanus, teste Oldoïno tom. 2. hist.  
Rom. Pontif. & DD. Cardin. edit. Rom. anno  
1677. col. 841. num. 8. D. ubi hæc habet:  
» Joannes de Rupefciffa, &c. natione Gallus,  
» juris utriusque doctor, ex puero choralis Lug-  
» dunensi, fit curiæ Rothomagensis ecclesiasticæ  
» iudex, & litterarum apostolicarum corrector.  
» Deindè Genevensem episcopatum primo,  
» mox Sancti-Pauli, & Bituricensem seu Bisun-  
» tinum obtinuit....» (A DD. Sammarthanis  
to. 1. Gall. Christ. edit. Paris. 1656. non ac-  
» censetur archiepiscopis Bituricensibus, sed  
» Bisuntinis: aiunt enim pag. 132. col. 2. n. 8.  
» Joannes de la Rochetaillée Cardinalis Rho-  
» tomagensis, dictusque de Rupefciffa à natali  
» solo, &c. officialis Rothomagensis, & variis  
» temporibus Genevensis, Parisiensis, Rotho-  
» magensis, Bisuntinus.... demum Patriarcha  
» Constantinopolitanus, &c.) Interfuit archi-  
» episcopus Bituricensis (id emendandum ex  
» modo dictis) consilio Caroli VI. regis anno  
» 1395. pro acceptione urbis Genevensis in  
» dominium Franciæ habito. Post assumptio-  
» nem Martini (V.) renuntiatur Patriarcha  
» Constantinopolitanus, ac perpetuus ecclesiæ  
» Parisiensis administrator denominatur, uti  
» habetur in statutis collegii Marchiani à Guil-  
» lelmo de la Marche canonico Tullensi Parisiis  
» erecti.... A Parisiensi ad Rothomagensem  
» cathedram promovetur, & post duos annos  
» (anno scilicet 1426. die 24. Maii) presbyteris  
» Cardinalibus titulo sancti Laurentii in Lucina  
» Tomus III.

à Martino adscribitur, & sanctæ Romanæ  
ecclesiæ Vicecancellarius constituitur. Ar-  
chipresbyteri munere functus est in basilica  
Liberiana, ut habemus ex tabulis ejusdem  
basilicæ. Bononiæ sedis apostolicæ partes  
sustinuit sub Eugenio (IV.) Martini succef-  
fore; qua in legatione, Dominica in Palmis  
die 24. Martii, anno 1437. è vita excessit.  
Corpus Bononia delatum ad cathedralem  
ecclesiam Lugdunensem, ibi in choro jacet  
sub humili saxo, sine ulla sepulchrali inscrip-  
tione.»

## XXIX. FRANCISCUS II.

Ughellus tom. 5. Ital. sac. vet. edit. in epi-  
scopis Veronensibus, col. 940. num. 97. B.  
scribit Franciscum Condulmerium, patritium  
Venetum, Eugenii IV. nepotem, ab eo pon-  
tifice creatum esse presbyterum Cardinalem  
(anno 1431.) Camerarium, ac Vicecancel-  
larium sanctæ Romanæ ecclesiæ, Patriarcham  
Constantinopolitanum, & archiepiscopum Bi-  
suntinum (quando scilicet per obitum Joan-  
nis de Rupefciffa, anno 1437. titulus iste  
patriarchalis, & ecclesia Bisuntina vacarunt)  
demum Veronensem constitutum præfulem  
anno 1438. XII. kal. Novemb. (id est die 21.  
Octob.) Diu quidem obstitere Veronenses  
ne is suæ ecclesiæ iniret possessionem, utpote  
quum ab illa semper abesse cogeretur: vicit  
tamen auctoritas, annoque 1442. die 15.  
Septemb. sede illa potitus est. At titulum  
Patriarchæ Constantinopolitani dimisisse vi-  
detur ante adventum Græcorum ad syno-  
dum Florentinam; etenim ejus actis nullus  
præfulem Latinorum subscripsit ut Patriar-  
cha Constantinopolitanus. Romæ deceffit anno  
1453. die 5. Septemb.

## XXX. JOANNES III.

## XXXI. GREGORIUS.

## XXXII. ISIDORUS.

Tres istos Patriarchas Pius II. comme-  
morat sequenti diplomate, apud Odoricum  
Raynaldum ad annum 1459. num. 84. «Ve-  
nerabili fratri Isidoro episcopo Sabinensi, &  
salutem, &c. Cooperante Dei miseratione  
in œcumenica synodo generali Florentina  
tempore felicitis record. Eugenii Papæ IV.  
prædecessoris nostri congregata, sedato schif-  
mate, statutum & ordinatum fuit, ut quam  
primum aliquam ipsarum duarum partium  
dicti patriarchatus per cessum, vel decessum,  
aut alia quavis dimissione illi tunc præsentis  
vacare contingeret, patriarchatus ipse & ec-  
clesia Constantinopolitana reintegraretur, &  
deinceps unus tantum eidem ecclesiæ tam  
Latinorum quam Græcorum Patriarcha»



» præffet; fucceffive vero altera parte ejufdem  
 » patriarchatus, videlicet Latinorum, cui bonæ  
 » memoriæ *Joannes Contareno* Patriarcha Con-  
 » ftantinopolitanus inter Latinos, dum viveret,  
 » præfidebat, per obitum ipsius Joannis Pa-  
 » triarchæ extra Romanam curiam defuncti  
 » vacante, piæ memoriæ Nicolaus Papa V.  
 » etiam prædeceffor noster ftatutis, & ordina-  
 » tionibus dicti concilii fe conformans voluit,  
 » quod bonæ memoriæ *Gregorius* Patriarcha  
 » Constantinopolitanus, qui alteri parti, vide-  
 » licet Græcorum, præfuerat, & tunc præerat,  
 » pro vero & unico Patriarcha Constantino-  
 » politano haberetur & reputaretur, necnon illi  
 » ecclefiam Nigropontensem hujufmodi per fe  
 » tenendam, regendam, & gubernandam in  
 » fpiritualibus & temporalibus fub certis modo  
 » & forma commendavit: *Et infra*: Quum  
 » itaque præfata ecclefia Constantinopolitana  
 » per obitum ejufdem Gregorii Patriarchæ,  
 » qui nuper apud fedem apostolicam diem  
 » claufit extremum, apud ipsam vacaverit, &  
 » vacet ad præfens, nullufque de illa præter  
 » nos hac vice fe intromittere potuerit, five  
 » poffit: *Et infra*: De perfona tua eifdem  
 » Constantinopolitanæ & Nigropontenfi (con-  
 » junctæ enim fuerant donec Constantinopolis  
 » à Latinis recuperaretur) ecclefiis providimus,  
 » teque illis præfecimus in Patriarcham &  
 » pastorem, &c. Datum Senis anno 1459.  
 » xii. kal. Maii (id eft die 20. April.) ponti-  
 » ficatus noftri anno primo.»

Subdit Raynaldus *num. 85.* commendatam  
 fuiſſe à Pio eidem Cardinali Nicofienſem  
 eccleſiam, adeo ut unà cum ea epifcopatum  
 Sabinenſem, Nigropontenſem archiepiſco-  
 patum, & Patriarchatum Constantinopolita-  
 num gereret. Hic Ifidorus, teſte Ughello  
*to. 1. Ital. fac. vet. edit. col. 208. num. 59. C.*  
 patriâ fuit Theſſalonicenſis, ſancti Baſilii  
 monachus, abbas ſancti Dominici in Con-  
 ſtantinopolitana urbe, Ruthenorumque ar-  
 chiepiſcopus, qui quum, Beſſarione ſibi ad-  
 juncto comite, ad concilium Florentinum  
 veniſſet, ac utriufque virtus pietasque toti

A concilio maximè probaretur, ab Eugenio IV.  
 ambo creati ſunt Cardinales anno 1439. &  
 Ruthenus quidem titulo SS. Marcellini &  
 Petri, miſſuſque eſt Conſtantinopolim, ut  
 concordiam fœdusque Chriſtianæ fidei,  
 quam Græci cum Latina eccleſia Florentiæ  
 profeſſi erant, ſua adhortatione ac præſentia  
 ſtabiliret. Verum Græcis in hæreſim & ſchiſ-  
 ma iterum relapſis, urbeque Conſtantinopoli  
 à Turcis non multo poſt expugnata, anno  
 ſcilicet 1453. Ruthenus commutatis per  
 tumultum cladis cum jacente cadavere veſti-  
 bus, fugiens captus eſt, & in duram ſervitutem  
 redactus, donec aliquando, Deo dante, ſe  
 etiam ex illa calamitate exſolvit, pervenitque  
 Romam, ubi tandem Cardinalis & Conſtan-  
 tinopolitanus Patriarcha deceſſit anno 1464.  
 Oldoinus *to. 2. hiſt. Cardin. col. 904. C.* ait  
 ex libro *Divisionum* in Vatic. biblioth. ſerva-  
 to, eum obiſſe non die 8. Mart. 1464. ſed  
 die 27. April. 1463. & in eccleſia ſancti Petri  
 ſepultum eſſe.

## XXXIII. BESSARION.

## XXXIV. PETRUS IV.

Spondanus *to. 2. annal. ad annum 1463. n. 16. p. 574.* refert Ifidoro Rutheno defuncto  
 ſucceſſum fuiſſe eodem anno à Pio II. in titulo  
 Patriarchæ Constantinopolitani *Bessarionem*  
 Cardinalem. Id quoque aſſerit Raynaldus ad  
 eum annum *num. 58.* qui etiam ſubjungit ad  
 ann. 1472. *n. 11.* poſt hujus mortem, quæ eo  
 anno accidit, titulum Patriarchæ Conſtanti-  
 nopolitani *Petro Riario* ord. Min. Sixti IV.  
 ſororis filio & Cardinali, ab eo Papa fuiſſe col-  
 latum. Obiit Petrus iſte anno 1474.

D Cæterorum deinceps Patriarcharum Con-  
 ſtantinopolitanorum omittimus nomina, &  
 ad archiepiſcopos, præſulesque ritus Latini  
 qui Conſtantinopolitano ejufdem ritus Pa-  
 triarchæ paruerunt, tranſimus. Ut autem  
 aliqua procedamus methodo, metropoles al-  
 phabetico proſequemur ordine, ſinguliſque  
 eccleſias in earum provinciis conſtitutas ſub-  
 jungemus.





# PROVINCIA ATHENIENSIS.

**M**OX à capta Francorum & Venetorum Armis Constantinopoli anno 1204. Balduinus renuntiatus Imperator, subactis vicinis regionibus Thraciæ, Macedoniæ, & Theſſaliæ, Athenas obſidione cinxit, ſed irritò conatu. Eam poſtea expugnarunt Bonifacius Marchio Montisferrati, & Otho de Rocca ſive de Rupe: de quibus hæc pauca leguntur in chronico Alberici monachi Triumfontium, edit. Lipſiæ 1698. part. 2. pag. 439. ad annum 1205. Et Marchio Montisferrati apud Theſſalonicam rex eſt conſtitutus. Otto de Rupe cujuſdam nobilis Pontii de Rupe in Burgundia filius, quodam miraculo fuit dux Athenienſium atque Thebanorum. Tunc vero conſtitutus eſt Athenis præſul ritus Latini, ejuſque juridiſctioni adſcripſit Innocentius III. undecim epiſcopatus, quos ipſe enumerat epiſt. 256. lib. XI. edit. Baluz. Pariſ. 1682. to. 2. pag. 267. col. 1. his verbis: Epiſcopatus quoque inferius annotatos eccleſiæ tuæ (Athenienſi) ab antiquis temporibus metropolitico jure ſubjectos, tibi, tuiſque ſucceſſoribus nihilominus confirmamus, videlicet epiſcopatum Ægripontis, Cermopitenſem, Davalienſem, Abelonenſem, Zorconenſem, Cariftienſem, Coroniacenſem, Andrenſem, Megarenſem, Squirenſem, & Cheenſem: hoc eſt, ut vera plurium eccleſiarum illarum nomina ab amañuenſibus corrupta reſtituantur, Nigripontenſem, Thermopylenſem, Diauliſenſem, Aulonenſem, Coronenſem, Scyrenſem, & Ceenſem. Titulus hujus epiſtolæ eſt: Berardo Athenienſi archiepiſcopo, ejuſque ſucceſſoribus canonicè ſubſtituendis in perpetuum. Finis autem: Datum Laterani per

amanum Joannis ſanctæ Mariæ in Coſmidin diaconi Cardinalis, ſanctæ Romanæ eccleſiæ Cancellarii, idibus (id eſt die 13.) Februar. Ind. XI. Incarnat. Domini anno 1208. pontificat. verb. D. Innocentii Papæ III. anno XI. Ejuſdem Pontificis extat alia epiſtola ſcripta Nobilibus viris Balmo Theſſalonicenſi Comeſtabulo, Ottoni de Rocca Domino Athenarum, ... Marchioni... Domino Nigripontis, T. de Oſtremuncout, & aliis principibus Romanæ. Data eſt: Laterani IX. kal. Februar. anno XI. id eſt die 24. Jan. anno 1208. ibid. pp. 261. & 262.

**B** Archiepiſcopo & capitulo Athenarum conceſſit idem Pontifex, epiſt. 113. lib. XI. pag. 193. col. 1. ut conſuetudines eccleſiæ Pariſienſis ſequerentur. Quia igitur à nobis cum reverentia debita poſtulaſtis ut veſtram eccleſiam dignaremur ſecundum inſtitutiones Pariſienſis eccleſiæ ordinare, ac ejus conſuetudines faceremus firmiter obſervari, vobis portiones legitimas poſſeſſionum ſuarum, reddituum, & proventuum aſſignantes, certo canonicorum numero, quem dilectus filius noſter Benedictus, tituli ſanctæ Suſannæ preſbyter Cardinalis, tunc apoſtolice ſedis legatus ibidem inſtituit, in ſuo robore remanente, nos poſtulationi veſtræ grato concurrentes aſſenſu, univerſitari veſtræ concedimus, quatenus, ſi fieri poteſt abſque detrimento ipſius eccleſiæ ac juſto ſcandalò cleri & populi ac terræ illius principis, eam ſecundum conſuetudinem Pariſienſis eccleſiæ liberè ordinetis. Dat. apud S. Germanum 2. (ſive pridie) idus (id eſt die 14.) Julii, anno XI. Chriſti 1208.

## I. ECCLESIA ATHENARUM.

**R**EGIO Athenienſium Attica dicta eſt, de qua Plinius lib. 4. cap. 7. Attica, antiquitus Acte vocata. Et Pausanias Attic. cap. 2. Nominant Atticam regionem, quæ prius vocata fuit Actæa. Terminos habet, ab occaſu Megaridem, à ſeptentrione Bœotiam, ab aſtro Saronicum ſinum, ab ortu Ægæum mare. Athenæ ejus caput erat, quam aſſerit Michaël Antonius Baudrand in Lexico geogr. to. 1. pag. 116. col. 1. vix mille paſſibus diſtare ab ora præfati ſinus, 44. autem à Corintho in ortum, 24. à Megara, 50. à Thebis in meridiem, & 120. à Sparta in ſeptentrionem. Olim Cecropia nuncupabatur, quod nomen poſtea illius arcis manſit, teſte præfato Plinio lib. 7. cap. 56. Verum arx illa omnem urbem veterem complectebatur, ut refert Thucydides lib. 2. pag. 3. Ante Theſea, quæ nunc ſumma urbs eſt, urbs fuit, & id præcipue quod ſub ea ſpectat meridiem. Carolus à Sancto Paulo geogr. ſac. pag. 199. edit. 1641. ait in Diatypoſi Patriarchatus Conſtantinopolitani Leoni Imperatori

Ggg ij

Tomus III.



ECCLESIA  
ATHENARUM.

tributa apud Leunclavium legi, Athenarum metropolitano exarcho Helladis subjectos fuisse decem episcopatus, scilicet *Euripi, Diauliae, Coroneae, Andri, Orei, Scyri, Carysti, Porthmi, Aulonis, & Syrae*, eumque avulsam esse à Romano Patriarchatu, sicut & Thessalonicensem, Syracusanum, Corinthium, Rhegium, Nicopolitanum & Patrensem, ut Constantinopolitano Patriarchae subjiceretur. Et paulo post subdit: «Attamen Atheniensem episcopum jura omnia metropolitanae, & suffraganeos ante finem sexti saeculi obtinuisse absolute non dixerim, maxime quum inter suffraganeos Corinthi subscribat in actis concilii Chalcedonenfis.»

In notitia Latina ex bibliotheca regia, quae extat ad calcem ejusdem operis, legitur pag. 77. *Archiepiscopus (Atheniensis) hos habet suffraganeos: Thermopileensem, Nigripontensem, Megarensensem, Davaliensem, Abelonensem, Eguincum, Salonensem, Reonensem.* Vide quae de Athenis dicta sunt to. 2. hujus operis, coll. 167. 168. Quod spectat ad antistites ritus Latini urbis Athenarum, hi duntaxat nobis innotuere.

## ARCHIEPISCOPI LATINI ATHENARUM.

### I. BERARDUS.

CAPTIS Athenis à Bonifacio Marchione Montisferrati, recessit Michael Choniates praeful Graecus, teste Niceta ejusdem cognominis ejus fratre, libro ultimo. Atque hinc contigit, ut ei subrogaretur *Berardus*, de quo & duobus aliis episcopis Latinis recens electis, haec ait Innocentius III. in *epist. 35. lib. 10.* data die 30. Mart. anno 1207. *Licet à venerabili fratre nostro .... Patriarcha Constantinopolitano fuerit confirmatus, non tamen ab eo poterat consecrari, pro eo quod coepiscopos non habeat. Unde oportuit ipsum (Verisensem) .... Atheniensem & .... Thebanum electos, pro consecrationis munere obtinendo in Syriam destinare. To. 2. edit. Baluz. epistolar. Innoc. III. pag. 17. col. 1.* Plures ejusdem Papae litterae ad archiepiscopum Atheniensem, de variis negotiis scriptae annis 1208. 1209. 1210. & 1212. occurrunt apud eundem Baluzium: in nullis quidem earum, excepta epistola 256. lib. XI. data die 13. Febr. anno 1208. quae est *Berardo Atheniensi archiepiscopo*, nomen ejus reperitur; at hunc esse eundem Berardum, inde colligimus, quod nunquam innuant, archiepiscopum ad quem diriguntur, *Berardo* fuisse posteriorem, vel recens creatum. Odoricus Raynaldus in annalibus, ad annum 1223. num. 13. scribit Honorium III. Romanum Pontificem, *Athenarum archiepiscopum*, (qui hic non nominatur) *absolvendi provinciam commississe redeuntes ad ecclesiam piratas, quibus vulgo Capelletis nomen erat.* Nihil impedit quominus archiepiscopum istum adhuc fuisse Berardum existimemus, de quo nos latet, vel quot annos sederit, vel quo anno obierit.

### II. \* \* \*

Refert idem Raynaldus ad annum 1243. num. 50. quum effudisset praeter ceteris Orientis ecclesiis Constantinopolitana opes suas ad corroborandum Latinorum imperium à

A Graecis oppugnatum, ad ejus sublevandam inopiam missas litteras ab Innocentio IV. archiepiscopo Atheniensi, & quibusdam aliis, ut ecclesiarum in Morea, Negreponto, insulisque adjacentibus imperio obnoxii sitarum decimas Patriarchae Constantinopolitano solvi operam darent.

### III. \* \* \*

Urbe Constantinopolitana à Michaelae Palaeologo Latinis erepta anno 1261. mense Julio, ejectoque Balduino II. eorum Imperatore, Urbanus IV. qui mense Augusto sequenti electus est Romanus Pontifex, incitandis ad arma sacra principibus Christianis, tum pro ea urbe recuperanda, tum etiam pro juvandis Orientalis imperii Latinis principibus, quorum res maxime periclitabantur, plurimam navavit operam. Raynaldus, ad annum 1263. num. 21. testatur id haberi ex Urbani litteris «ad Patracensem, Corynthiensem, Atheniensem & Thebanum archiepiscopos, Coronensem, Olonensem, Lacedaemonium, & Nigropontensem episcopos, abbates, ceterosque earum regionum praefules, ut ad commune arcendum periculum communes opes Wilhelmo Villarduno Achaiae principi bello à Palaeologo lacerato ad contrahendas copias praerberent.» Nihil aliud scimus de eo archiepiscopo Atheniensi.

### IV. STEPHANUS.

Rerum Dominicanarum scriptores, *Stephanum* quemdam, cognomine *Mangiaterum*, Romanae provinciae alumnum, perhibent constitutum fuisse archiepiscopum Atheniensem: sed quo tempore, silent. Id contigisse circa annum 1300. refert Fernandez in archiepiscop. Italarum Ordinis Praedicat. catalogo, quod, si verum est, Atheniensis ille praeful esse potuerit, ad quem scripsisse Bonifacium VIII. anno 1302. ait Waddingus ad eum annum, to. 3. num. 7. p. 8. adversus F. Liberatum ejusque socios Minoritas in



quadam insula Achaiae degentes, extra obedientiam Ministri Generalis Minor. Sunt qui Thebanam Stephano praefato ecclesiam assignent. Vide Michael, Cavalieri *Galler. Dam. edit. Benevent. 1696. to. 1. pag. 58. n. 173.* & Fontanam in *Theatro Domin. p. 58. col. 2.* Huic, vel ejus successor, missa est epistola encyclica Clementis V. data Pictavis pridie idus (id est die 12.) Aug. anno 3. Chr. 1307. qua invitabat praesules ad concilium Viennense. In eodem modo archiepiscopo Atheniensi, &c. quatenus vos fratres archiepiscopo, &c. to. XI. conc. Labb. part. 2. col. 1548. C. Item alia epistola similiter encyclica, data die 4. April. anno 1319. *Ibid. col. 1553. A.*

## V. ANTONIUS I.

## VI. FRANCISCHINUS.

«Francischinus monachus & abbas coenobii Sanævallis de Folina, Ord. Cisterciensis, (in dicecesi Cenetensi sub Aquileiensi Patriarcha, fundati anno 1146.) creatus est archiepiscopus Athenarum anno 1339. in locum defuncti Antonii de Talentis, Florentini, qui ad eam dignitatem vocatus fuerat ex abbate sancti Hilarii de Galerata, Ord. S. Benedicti Ravennatensis provinciae, ut notatur in lib. *Obligat. Prælat. fol. 254.*» Hæc Ughellus to. 5. *Ital. sac. vet. edit. in episcopis Cenetensibus, col. 207. num. XI. B. C.*

## VII. NICOLAUS.

Daniel à Virgine Maria, Carmelita, refert in *Speculo Carmelitarum, to. 2. p. 933. n. 3268.* in conventu Cabilonensi sui Ordinis asservari exemplar authenticum electionis Joannis Bononiensis ejusdem Ordinis ad Andrensem episcopatum, consecrationisque illius in majori ecclesia civitatis Nigripontensis, peractæ à Nicolao Atheniensi metropolitano, die 14. Augusti, anno 1345. Qui subinde archiepiscopus ille Atheniensis fuerit quem Raynaldus ad annum 1345. num. 6. narrat, Humberto sive Imberto Delphino Viennensi Cruce signatorum in Turcas exercitus duce renuntiato à Clemente VI. monitum fuisse, cum aliis praesulibus hujus regionis, ut ei consilio & opera non deessent. Idem fortassis fuit, vel alius ejus successor, ad quem, alioque horum tractuum archiepiscopos, scripsit epistolam Innocentius VI. anno 1559. die XI. Maii, quæ extat apud eundem Raynaldum, ad hunc annum, num. 16. ut religionem Christianam adversus Turcarum conatus conservari curarent.

## VIII. FRANCISCUS.

Anno 1365. Franciscus Ordinis Minorum provinciae Romanæ Minister, electus est ab

A Atheniensi capitulo archiepiscopus hujus ecclesiae, quam electionem Urbanus V. nescio qua de causa approbare noluit, eum tamen auctoritate apostolica huic sedi suffecit XII. kal. Septembris, (id est die 21. Augusti) ejusdem anni 1365. Wadding. in *annal. Min. to. 4. num. 5. pag. 105.*

## IX. JOANNES.

## X. ANTONIUS II.

Post obitum Joannis Atheniensis archiepiscopi, Antonium Balistarium ejusdem Ordinis Min. sacrae theologiae bacchalaureum, fuisse renuntiatum hujus ecclesiae praesulem ab Urbano V. VI. kal. April. (id est die 27. Mart.) refert praefatus Wadding. ad ann. 1370. n. 19. pag. 142. Scripserat nihilominus ad annum praecedentem 1369. n. 1. p. 121. Joannem Palæologum Imperatorem Græcum, Romanam fidem Romæ quo venerat, professum esse, die 18. Octobris hujus anni, Ind. VII. coram Nicolao Aurenopolitano, & Antonio Atheniensi, utroque Ordinis Minor. Ex quo sequi videtur Antonium istum jam fuisse episcopum Atheniensem anno 1369. Antonius fortassis fuit Atheniensis ille episcopus, ad quem, omisso nomine, litteris suis significavit Gregorius XI. ex eodem Waddingo ad annum 1376. à se evectum esse ad episcopatum Andrensem Benedictum de Nigriponte Franciscanum. Wadding. to. 4. in *Reg. Pontif. p. 155.*

## XI. ANTONIUS III.

Antonius de Genebreda Hispanus, Ordinis Prædic. ex provincia Aragoniae, vir doctus, constitutus fuit archiepiscopus Atheniensis anno 1382. ab Urbano VI. Obiit vero sub eodem Papa, ut in illius regestis legitur. Ita Vincentius Fontana, in *Theatro Domin. p. 59. col. 1.* ex Diago & Plodio ejusdem Ordinis scriptoribus.

## XII. LUDOVICUS.

Ughellus, to. 1. *Ital. sac. in episcopis Volaterranis, col. 375. \* n. 56. A. vet. edit.* hæc scribit de isto Ludovico: «Ludovicus Alliotus, Pratenfis, filius Bartholomæi sacrorum canonum doctoris, Athenarum antea archiepiscopus, generalisque sanctæ ecclesiae thesaurarius, ad episcopatum Volaterranensem translatus est anno 1409. IV. kal. Jun. (id est die 29. Maii.) Interfuit concilio Pisano eodem anno. In Britannia spoliis collectoris munere functus est, decessitque anno 1411. Hic, quod Athenarum antea fuisset archiepiscopus, pallio utebatur, unde postea nonnulli falso existimarunt Volaterranos praesules usum pallii habuisse.»



## ANDREAS electus.

Huic Ludovico, quum ad Volaterranam ecclesiam transiit, designatus successor in sede Atheniensi videtur *Andreas Nicolai de Luca*, Carmelita, sacrae paginae professor, ex confistor. regestis Alexandri V. die 6. Sept. 1409. Quia tamen in capitulo generali Carmelitarum Bononiae anno 1411. celebrato, Procurator generalis hujus ordinis est factus, jure dubitatur an Atheniensis archiepiscopus consecratus fuerit. Ita censet Daniel à Virg. Mar. in *Specul. Carmel.* tom. 2. pp. 909. & 910. B n. 3162.

## XIII. ANGELUS.

## XIV. ANTONIUS III.

Anno 1450. vacante sede Atheniensi per obitum *Angeli* ejus praesulis, *Antonius de Omossa* vel *de Omnessa* Ordin. Praedic. huic sedi praefectus est à Nicolao V. die 16. Decembris; & anno sequenti, XVI. kal. April. id est die 17. Mart. ad Acciensensem in Corsica translatus, ex ejusdem Nicolai V. Regestis. Ita Fontana in *Theatro Domin.* p. 59. col. 1. C Addit autem doctiss. P. Antoninus Bremond, *Bullar. Ord. Praed.* to. 3. Rom. edit. an. 1731. «*Accia*, in Corsica (est) sub archiepiscopo » Genuensi. Istius episcopi meminit Ughellus » in episcopis Accien. to. 4. *Ital. sac.* pag. 909. » edit. II. Sed fileat quod alumnus fuerit Ord. » Praedic. Hinc à nostratibus inter *Accienses* » episcopos non recensetur. *Astaniensi* sedi » praeficitur à Fontana pag. 133. (aiante) quod » haec *Astaniensis* sedes est in Corsica.» (Advertendum tamen Fontanam sese emendare in appendice subjecta suo *Theatro Dominic.* haec enim habet pag. 681. *Hunc pastorem sub vit.* 58. *Astaniensis* posuimus, quae ecclesia in Cor-

*Africa non est, nec in Regest. Cancellariae Apost.* nominatur.... Qua de re consule abbatem *Michaëlem Justinianum* in epistolis memorabilibus, epistola ad *Carolus de Vechis archiepiscopum Atheniensem*. Ita, inquam, Fontana.) Pergit P. Bremond: «Quia vero hujusce nominis episcopatus ibidem non est, Cavalerius (*Gal-leriae Domin.*) tom. 1. pag. 254. num. 149. « censet Antonium episcopum *Astensem* fuisse, « in ejusdem nominis comitatu Italiae, sub « archiepiscopo Mediolanensi.» Emendandus etiam Ughellus in *Acciensium* episcoporum serie; ubi Antonium Alberto nostro de Casinis successisse scribit; non enim huic fuisse substitutum, sed Agnello Ordinis Carmelitarum, liquet ex diplomate dato die 16. Nov. eo anno 1450. quod ibidem profert R. P. Bremond.

## XV. ANTONIUS IV.

Waddingus, tom. 8. *annal. Min. ad annum* 1511. num. 13. pag. 191. sub Julio II. Papa, scribit *Fr. Antonium Tubetam* sive *Trombettam* hujus ordinis, virum doctissimum, ad ecclesiam Urbinatensem fuisse promotum eo anno die 7. Novembris, & ut talem subscripsisse novem sessionibus concilii Lateranensis; sed sessioni decimae anno 1515. subscripsisse ut archiepiscopum *Athenarum*. Addit idem Waddingus, pag. 292. n. 47. eum obiisse Patavii anno 1517.

## XVI. CAROLUS.

Tempore abbatis Michaelis Justiniani, quidam *Carolus de Vechis* archiepiscopus Atheniensis vivebat, ad quem, in epistolis ejus memorabilibus, unam extare ab eo abbate scriptam ait Fontana in appendice ad *calcem Theat. Dom.* pag. 681. linn. 10. & 11.

## II.

## ECCLESIA NEGROPONTENSIS.

**E**UBŒA, Græcè *Εὐβοία*, insula est oblonga, ab Attica ad Thessaliam usque, quam à Boeotia Euripi fretum dirimit. Ad meridiem, inquit Plinius, lib. 4. cap. 12. promontoriis duobus, *Geræsto* (scilicet) ad Atticam vergente, (&) ad Hellespontum *Caphareo*, insignis (est); à septentrione *Cenæo* (itidem promontorio): nusquam latitudinem ultra 40. millia passuum extendit, nusquam intra viginti millia contrahit: sed in longitudinem universae *Bæotiae*, ab Attica Thessaliam usque, prætenta in 150. millia passuum; circuitu vero trecenta sexaginta quinque. Inter præcipua hujus insulae oppida, recensetur *Chalcis*, teste Cellar. to. 1. *geogr.* pag. 1255. & seq. Græcè *Χαλκίς*; hodie *Negroponte* Italis, *Egripos* vero Turcis & Græcis incolis appellatur, ex Anton. Baudrand in *Lexico geogr.* tom. 1. pag. 260. col. 1. ad vocem *Chalcis*. Strabo lib. 10. pag. 448. B. edit. Casaub. de ea ait: Sane nostra ætate *Chalcis* citra controversiam principem dignitatem obtinet, & primaria Euboicarum urbs dicitur. Propter situs commoditatem, & munimentorum robur, una ex tribus urbibus fuit, quas rex Philippus, Demetrii filius *Πέδης Εὐμυνος*, compedes Græciæ appellasse fertur, apud Polyb. Excerpt. lib. 17. cap. XI. Erant autem tres illæ urbes *Demetrias*, *Chalcis*, & *Corynthus*.

Quandiu Imperatoribus Constantinopolitanis Francici generis subdita fuit *Negroponte*, Latini ritus episcopum habuit, quem inter suffraganeos archiepiscopi Atheniensis assignavit



Innocentius III. ut supra dictum est *col. 837. B. C.* Ejus vero redditus adeo ampli erant, ut post recuperatam à Græcis Constantinopolim, sedis ejus administratio Patriarchæ Constantinopolitano Latino commissa fuerit, ut vitam dignitatemque sustentaret. Ex sede episcopali postea metropolis evasit. Porro urbs est, ut observat præfatus Baudrand, probè culta & munita, cum duplici castro ad Euripum, & continenti Achaia, ob freti illic angustiam 50. tantum passuum, ponte partim ligneo conjungitur. Portu gaudet capaci & valde tuto. Sub dominio fuit reipublicæ Venetæ, quæ ipsam receperat à Rabano Carcerio ejus Duce, sed erepta illis est à Mahumete II. anno 1470. Turcisque subjicitur cum tota insula ejusdem nominis Negroponti. Distat autem 16. milliaribus à Thebis in ortum, & 50. ab Athenis in Boream, Aulidi excisæ proxima, Euripo tantum intercedente. Ita, inquam, laudatus Baudrand. Vide quæ de Chalcide dicta sunt *to. 2. hujus operis, coll. 212. 213.*

ECCLESIA  
NEGROPON-  
TENSIS.

## EPISCOPI NEGROPONTENSES.

### I. THEODORUS.

#### II. \* \* \* electus.

**T**HEODORUS iste episcopus Græcus ecclesiæ Negropontensis, quum civitas illa in ditionem Latinorum transiit initio sæculi XIII. Romani Pontificis communionem sponte amplexus est, propter quod in sua sede permansit. Verum hunc postea dejecit Berardus archiepiscopus Atheniensis, eo quod unctionem Latinorum in consecratione episcopali apud Græcos non usurpata, accipere renuisset. Ejus autem patrociniū suscipiens Innocentius III. hæc pro illo scripsit *archiepiscopo Neopatreński, & episcopo Davaliensi, & abbati Sancti-Lucæ Nigripontensis diæcesis, to. 2. epist. Innoc. III. edit. Baluz. pag. 228. col. 1. Sua nobis venerabilis frater noster Theodorus episcopus Nigripontis fecit conquestione monstrari, quod, licet coram dilecto filio Benedicto, tituli sanctæ Susannæ presbytero Cardinale, tunc apostolicæ sedis legato sacrosanctæ Romanæ ecclesiæ canonicam obedientiam promiserit exhibere præstito jramento, & idem legatus episcopatum ipsum auctoritate qua fungebatur confirmavit eidem; archiepiscopus tamen Atheniensis metropolitanus ipsius, occasione assumpta ex eo quod idem inungi volebat juxta consuetudinem Latinorum, præsertim quum idem archiepiscopus mandatum super hoc non haberet apostolicum speciale, ipsum pro suæ voluntatis arbitrio præsumpsit destituere, juris ordine prætermisso, & alium in episcopum loci ejusdem eligi fecit in ejus præjudicium & gravamen. Quum igitur dictus episcopus tam nobis quam ipsi archiepiscopo paratus sit, sicut asserit, canonicam obedientiam exhibere, discretioni vestræ per apostolica scripta mandamus, quatenus, si est ita, ipsum ad episcopatum prædictum mediante justitia, sublato cujuslibet appellationis obstaculo, restitui faciatis, nec permittatis eundem super eo indebite molestari, contradictores per censuram ecclesiasticam compescentes, &c. Datum Laterani VI. idus (id est die 8.) Decemb. Pontificatus nostri anno XI. Christi 1208. Hunc Theodorum, licet*

A Græcum genere & ordinatione, inter episcopos Latini ritus recensemus, quia is Latinis præsulibus sese adjunxit, & quasi Latinus à legato sedis apostolicæ confirmatus est, ab ipso etiam Innocentio Papa eidem sedi restitutus fuit. Quid autem deinceps ei contigerit, quandonam ille excefferit è vita, quotque habuerit successores usque ad annum 1263. nos latet.

#### III. \* \* \*

Raynaldus ad annum 1263. *n. 21.* scribit B Urbanum IV. pro rebus Latinorum in Oriente refarciendis, post recuperatam à Græcis Constantinopolim plurimam dedisse operam: «Nec modo, inquit, pro erigendo imperiali solio everso Balduini, Pontifici laborandum erat; verum etiam pro fulciendis reliquis Orientalis imperii Latinis principibus, quorum res à (Michaele) Palæologo concussæ atque in periculum abductæ erant; ut docent... Urbani litteræ ad Patracensem, Corinthiensem, Atheniensem, & Thebanum archiepiscopos, Coronensem, Olonensem, C Lacedæmonium, & Nigropontensem episcopos, &c.» Quodnam episcopo huic Nigropontensi nomen fuerit ignoramus.

#### IV. \* \* \*

Oldoinus, *hist. Rom. Pont. & DD. Card. to. 2. sub Nicolao III. col. 230. num. 9. edit. Rom. 1677.* ubi de Jacobo Columna, Cardin. refert inscriptionem olim in ecclesia sanctæ Mariæ in Via Lata affixam, & ex Vaticano codice editam à Floravante Martinello, in qua legitur: «In nomine Domini, Amen. Anno Domini 1295. pontificatus Domini Bonifacii VIII. PP. (annò 1.) Indict. IX. mense Decembris, die 6. in festo S. Nicolai, consecratio istius altaris sancti Nicolai, facta fuit per episcopum Nigropontensem de mandato D. Jacobi de Columna diaconi Cardinalis sanctæ Mariæ in Via Lata, cui ista ecclesia erat in temporalibus & spiritualibus commendata, &c.»



ECCLESIA  
NEGROPON-  
TENSIS.

V. GUALCHERUS sive GUALTERUS.

VI. NICOLAUS.

*Gualcherus sive Gualterus* iste episcopus Nigropontensis, is esse videtur, ad quem, ut ad multos alios præsules, Clemens V. suas direxit litteras encyclicas datas Pictavis pridie idus (id est die 12.) Augusti anno 3. Christi 1307. ut eos invitaret ad concilium Viennense: *In eodem modo archiepiscopo Atheniensi, & episcopis, &c. Mandamus, quatenus vos fratres archiepiscopo, & Nigropontensis & Reonnenfis episcopi, &c. To. XI. concil. Labb. part. 2. col. 1548. C.* Obiit anno 1313. aut 1314. Clemens enim, audita ejus morte, Nigripontensis ecclesiæ administrationem Nicolao Patriarchæ Constantinopolitano ritus Latini contulit, ut ex ejus redditibus suam posset Patriarchalem sustinere dignitatem: hanc etiam sedem in posterum cum eo pa-

A triarchatu voluit conjungi, quandiu Constantinopolis sub schismaticorum Græcorum potestate detineretur. Ita refert Raynaldus ad annum 1314. num. XI.

VII. ANGELUS.

Augustinus Oldoinus, jam supra laudatus ubi de IV. præsule Nigriponti, ait *ibid. to. 2. col. 720. num. 3. C. & col. 750.* sub Gregorio XII. A. Angelum Corarium, Venetum, qui Pontifex postea fuit, dictus Gregorius XII: renuntiatum esse à Bonifacio IX. ex episcopo Castellano Venetiarum, Patriarcham Constantinopolitanum cum Chalcidensis (sive Nigripontensis) sacerdotii in Græcia commendatione. Id contigit ante mensem Octobrem anni 1304. cujus prima die obiit Bonifacius. Vide quæ de Angelo dicta sunt inter Patriarchas Constantinopolitanos, col. 830. D.

III.

## ECCLESIA THERMOPYLENSIS.

**T**HERMOPYLÆ sunt angustus transitus inter mare & præruptos montes, silvis imperviis horrendos, ex Theffalia in Locridem & Bœotiam. Sic describit locum hunc Herodotus lib. 7. cap. 176. apud Cellar. geogr. ant. to. 1. lib. 2. cap. 13. pag. 1121. *Thermopylarum, quod ad occidentem vergit, mons est inaccessus & præalti præcipitii, procurrens usque ad Ætam: quod autem viæ in ortum vergit, id à maris excipitur illuvie.* Ex Mich. Anton. Baudrand in Lexico geogr. tom. 2. pag. 309. col. 2. distant 90. milliaribus à Chalcide sive Negroponte in occasum æstivum, & 70. à Chrissæo sinu in septentrionem.

De Thermopylis hæc tradit Abraham Ortelius, ad vocem *Thermopylæ* in suo *Thesaurus geogr. edit. Antwerp. Plantin. 1596.* «*Thermopylæ, Θερμοπύλαι, angustiae sunt, ut à Strabone lib. 9. describuntur, Ætæ montis, qui est inter Macedoniam & Theffaliam. Aditus hujus, inquit, Pylæ, id est, Portæ vocantur; item stena, sive angustiae: ac Thermopylæ, à calidis lavacris. Thermopylas ab aliis Græcis; Pylas vero ab incolis & vicinis dici scribit Suidas. Scelos nunc vocari scribit Joannes Lydus. Terremoto nostra tempestate vocari tradit Bo-nacciolus in suo Strabone ex Græco in Latinum versò. Bocca di Lupo Nardus in suo Livio Italico. Latius tamen interdum Thermopylarum vocabulum extendi apud alios auctores constat.... sed quæ Livio (lib. 36. cap. 15.) Thermopylæ sunt, Strabonis Æta videtur: sic enim de eo, (monte Strabo) Ænianses Ætam accoluerunt. Is mons à Thermopylis & ortu porrigitur usque ad sinum Ambracium, & occasum. His descriptionibus si quis Græciæ tabulam adhibeat, perspicuè videt Livii Thermopylas, & Strabonis Ætam synonyma ejusdem montis esse: Item Pylas horum (esse) partem, nempe ubi eorum transitus patet ad sinum Maliacum. Ulpianus in Demosthenem scribit hunc transitum 25. pedum tantum spatio fuisse, &c.*» Hucusque Ortelius. Eò autem loci fuisse ejusdem nominis *Thermopylarum* civitatem, cui sæculo decimo-tertio, post captas à Francis & Venetis Constantinopolim & circumjacentem regionem, episcopi Latini ritus præfecti sunt, ut Atheniensis sedis suffraganei, colligitur ex sequentibus episcopis *Thermopylarum* dictis.

## EPISCOPI THERMOPYLARUM.

I. ARNULFUS.

**I**Nter epistolas Innocentii III. Papæ, quæ extant apud Baluzium tom. 2. epistolar. hujus Pontificis nonnullæ occurrunt ad episcopum *Thermopylensem* scriptæ annis 1208. & 1210. Is quidem præsul interdum *Fermopylensis* & *Cermopylensis* in iis dicitur; sed id amanuen-

C sum incuria videtur contigisse. Illas brevita-tis gratia hic indicabo tantum. Sunt scilicet *epist. 152. lib. XI. an. 1208. & 6. 13. 37. 38. 39. 40. 41. 42. 114. 151. & 192. lib. 13. an. 1210.* In his quidem epistolis, quæ de variis negotiis scriptæ sunt, nomen istius episcopi desideratur, verum detegitur fuisse *Arnulphus*, ex *epist. 57. lib. 15.* ejusdem Papæ, in qua *Arnulphum*



*Arnulphum* ex Thermopylenſi eccleſia ad A metropolitanam Sarrenſem tranſtulit. Titulus eſt: *Arnulpho Sarrenſi archiepiſcopo, ejuſque ſucceſſoribus canonicè ſubſtituendis in perpetuum.* Poſt pauca: *Quocirca, venerabilis frater in Chriſto, tuam volentes perſonam propenſius honorare, te ad Sarrenſem metropolim ab eccleſia tranſtulimus Thermopylenſi, teque apud ſedem apoſtolicam conſtitutum palleo inſignivimus, &c.* Finis eſt: *Datum Laterani, per manum Joannis ſanctæ Mariæ in Coſmidin diaconi Cardinalis ſanctæ Romanæ eccleſiæ, VIII. kal. Jun. (id eſt die 25. Maii) Indiſt. XV. B Incarnationis Domini anno 1212. Pontificatus vero Domini Innocentii Papæ III. anno quinto-decimo.* Quis illi ſucceſſerit in Thermopylenſi eccleſia nos fugit: nec ſubſequentes epiſcopos magis novimus, uſque ad ſæculum XV.

## II. SILVESTER.

*Silveſter Calbus de Corono, Ord. Prædic. epiſcopus Thermopylenſis in Romania provincia Athenienſi, à Gregorio XII. creatus eſt, VIII. idus (id eſt die 6.) Junii, anno 6. qui fuit C Chriſti 1412.* Ita quædam manuſcripta Bzoviana, apud Fontanam, in *Theatro Domini-cano* pag. 305. col. 2. tit. 580.

## III. PETRUS.

## IV. JOANNES I.

Waddingus, 10. 6. annal. Min. ad annum 1466. num. 5. pag. 661. ſcribit, ad Thermopylarum ſedem in Græcia, ſub archiepiſcopo Athenarum, per obitum *Petri* ejus præfulis vacantem, evectum fuiſſe eo anno pridie kalend. Decembris, (id eſt die ultima Nov.) à Paulo II. *F. Joannem de Hemburg, Minoritam, Baccalaureum in theologia.*

V. \* \* \*

Ex eodem Waddingo, 10. 7. n. 52. p. 19. Thermopylenſi eccleſiæ, ſub archiepiſcopo Athenienſi, N. ſacræ theologiæ profeſſor Ord. Min. à Sixto IV. anno 1476. III. kal. Januar. (id eſt die 30. Decemb.) præfec-tus eſt. Is fortassis fuit *Joannes* qui modo ſequitur, ex hypothefi tamen quod alius ab eo fuerit, ejus hic meminimus.

## VI. JOANNES II.

## VII. STEPHANUS.

Eccleſia Thermopylenſi vacante an. 1484. per obitum *Joannis* ejus epiſcopi, de quo nihil aliud novimus, *Stephanum Kanor* Ord. Præd. ei ſubſtituit illo anno Innocentius VIII. Papa, ut conſtat ex duobus ejus diplomatibus datis, primum quidem die 17. Nov. alterum vero die 15. Decemb. Apud doctiff. P. Bremond, 10. 4. Bull. Ordin. Præd. edito Romæ anno 1732. pp. 76. & 77.

## VIII. JOANNES III.

## IX. ALPHONSUS.

Eccleſia Thermopylarum vacante per obitum *Joannis* ejus epiſcopi, illi præfecit Innocentius VIII. IV. Non. (id eſt die 2.) Decembris anno 1491. *Fr. Alphonsus de Spina* Ord. Min. quem Waddingus id referens ad eum annum, 10. 7. num. 69. pag. 274. cenſet auctorem fuiſſe *Fortalitii fidei*.


## X. LUDOVICUS.

Anno 1521. die 2. Octobris, epiſcopus Thermopylarum renuntiatus eſt à Leone X. *Ludovicus Galteri*, Ordin. Præd. ex ejuſdem Pontificis diplomate quod refert præfatus R. P. Bremond, tom. 4. Bullar. pag. 405.

## IV.

## ECCLESIA MEGARÆ.

**M**EGARENSIUM regio, dicta *Megaræ*, Græcè *Μεγαρεῖς*, Plinio lib. 4. cap. 7. Atticæ pars eſt; aliis tamen, ut ei proxima & contigua ab Occidente habetur. Illius caput eſt *Megara*, Græcè *τὰ Μέγαρα* neutro genere, civitas nobilis quæ contra Athenienſes & Corinthios ſæpius præliata eſt. De ea hæc tradit Stephanus Byzantius: *Urbs eſt circa Iſthmum (Corinthiacum) media inter Peloponneſum, & Atticam, & Bæotiam. Cujus navale Niſæa. Sic vero denominata fuit à Megareo filio Apollinis, vel (potius) Ægei filii Pandionis, filii Erechthei, filii Vulcani. Vel (etiam) propter regionis aſperitatem .... Megareus fuit Theognis qui Paræneſes ſcripſit. Erat vero inibi Schola philoſophorum Megarenſium dicta, quæ recepit Euclidem Megarenſem Socraticum, ut narrat Strabo lib. 9. (his verbis: Multas habuit mutationes Megarenſium urbs; tamen etiamnum durat: habuit aliquando & Philoſophorum Scholam, qui Megarici dicebantur, ſucceſſores Euclidis Socratici, patriâ Megarenſis.) Poſtea quum Megarenſes, ut obſervat Thomas de Pinedo in notis ad præfatum Stephanum, pag. 450. annot. 17. col. 2. ab Athenienſibus defeciſſent, illis interdictum fuit portubus in ditione Athenienſium ſitis, auctore Thucidide lib. 1. Quapropter Euclides muliebri veſtitu ad Socratem ſe conferebat, teſte Aulo Gellio Noct. Attic. lib. 5. cap. 10. Peloponneſſi, ex Velleio lib. 1. cap. 2. digredientes ſnibus Atticis Megaram, mediam Corintho Atheniſque urbem,  
Tomus III. Hhh*

ECCLESIA  
THERMOPY-  
LENSIS.



condidere. Quæ colonia tandem Romana facta est, unde Plinius supra citatus, ait: *appellatur Megaris*, (ipsa regio) à colonia *Megara*. Nunc parvam esse admodum scribit Mich. Anton. Baudrand in *Lexico geogr.* 10. 1. p. 640. col. 2. duobusque miliaribus distat à sinu Saronico, ab Athenis vero 26. miliaribus in occasum, & totidem à Corintho in ortum æstivum.

Hujus civitatis, præter modo memoratos, meminere Scylax in *Megara*, Ptolemæus *lib. 3. cap. 15.* Pausanias *lib. 1.* & T. Livius in diversis locis. Duplici arce instructa erat, quarum alteri quidem *Nisæa*, alteri vero ab Alcathoo ejus conditore *Alcathoe* nomen fuit, necnon navali *Nisæa* quoque dicto, ad quod usque Athenienses longos muros ædificaverant. Vide Abrahamum Ortelium in *Theaur. geogr. & Cellar. 1. 1. geogr. antiq. l. 2. c. 13. p. 1167.*

## E P I S C O P I M E G A R Æ.

## I. GRATIADEUS

ANNO 1303. sedebat *episcopus Salvin.* id est, *Megarensis*, sic dictus ex *Salvia*, quam esse *Nissæam* sive *Nisæam* Megarensium portum tradit Baudrand *tom. 2. geogr. pag. 26. col. 1.* Hunc *Megarenses* fuisse episcopum doctiss. P. Bremond observat *tom. 2. Bullar. nota XI.* in bullam XIV. Benedicti XI. quem ut beatum quotannis die ejus anniversaria 7. Julii in diocesis Tarvisina & Perusina, & toto Prædic. Ordine, officio colendum ecclesiastico sacra Congreg. rit. & SS. Papa Clemens XII. die 29. Novemb. anno 1738. decrevere. Is quippe Gratiadeus, pluresque alii in præfata Benedicti bulla nominati præfules, inter quos & Leonardus Patriarcha Constantinopolitanus, Benedicto, qui tunc Nicolaus Cardinalis episcopus Ostiensis erat, Patavii templum FF. Præd. solemniter die 11. April. consecranti adstiterunt.

## II. FRANCISCUS.

Ughellus, *tom. 4. Ital. sac. veter. edit. in episcopis Albensibus, col. 409. num. 29. D.* narrat de Lazarino episcopo Albeni sub Mediolanensi metropoli, hunc anno 1357. concessisse *Francisco episcopo Magarensi* (Megarensi) facultatem conferendi ordines apud Dianum suæ diocesis locum.

## III. FAUSTINUS.

Bonifacius IX. Papa Megarensis ecclesiæ episcopum constituit *F. Faustinum de Richettis*, Brixensem, Ordin. Prædic. IV. Nonas (id est die 4.) Martii, anno 1392. de cujus promotione Bzoviana manuscripta hæc referunt, apud Fontanam in *Theatro Dominicano p. 232. tit. 376. col. 1. Faustinus de Richettis de Brixia Ordin. Præd. episcopus Megaren. à Bonifacio IX. quarto Non. Martii anno 3.*

## IV. JOANNES.

## V. NICOLAUS.

Post obitum Joannis episcopi Megarensis, qui probabiliter Faustino successerat, huic ecclesiæ præfecit idem Bonifacius IX. Papa die 10. Decemb. anno 1400. *Nicolaum de Pilva* vel *Pilva*, ut à nonnullis appellatur

A Ordin. Prædic. Id constat ex diplomate ejus promotionis, apud doctiss. P. Antoninum Bremond. 1. 2. *Bullar. Ordin. Præd. p. 404.*

## VI. LAURENTIUS.

*Laurentius* Alphonsi, Lusitanus, Ordin. Eremit. S. August. Megaræ episcopus designatus est à Joanne XXIII. Papa anno 1410. VII. idus (id est die 9.) Julii. Ita ex Regestis Consistorialibus refert Thom. de Herrera *Alphab. Augustin. 10. 2. pag. 13. col. 2.*

## VII. ANDREAS I.

Ughellus, *tom. 3. Ital. sac. vet. edit. in episcopis Adjacentibus, col. 596. num. 13. D.* de eo Andrea ita scribit: «*Andreas*, ex episcopo Civitateni, huc (id est ad ecclesiam Adjacentem) translatus est anno 1422. pridie Nonas (sive die 4.) Septemb. Deinde anno 1427. III. Non. (id est die 5.) Maii, ad episcopatum Megarenses.» Dubitat Ughellus *ibid.* an Andreas iste non sit ille Andreas Hispanus monachus Benedictinus, de quo paulo supra *col. 595. num. 3. D.* mentionem fecit, quique ex episcopo Civitateni, factus est episcopus Adjacentis. Licet enim hujus meminerint Trithemius *lib. 4. de scriptoribus eccles. cap. 44.* & Wion *lib. 2. Ligni vitæ*, non tamen indicant tempus quo floruerit.

## VIII. ANDREAS II.

Andreæ præfato, nî fallor, successit *Andreas* alter, *Dias* cognominatus, Uliisipponensis, Ord. Præd. qui quum hanc ecclesiam sanctè administrasset ab anno 1432. quo fuerat consecratus, in conventum suum Uliisipponensem regressus est, ubi reliquum vitæ piissimè transegit. Unionis decreto in synodo Florentina anno 1439. condito subscriptus legitur iis verbis, *tom. 13. concil. Labb. col. 1169. A. Ego Andreas Hispanus Portugalensis, episcopus Megarensis, subscripsi.* Citat Fabricius, *tom. 10. pag. 435. & seq. Andreas Megarensis episcopi tractatum de Græcis errantibus eorumque erroribus*, quem ait exstare in bibliotheca Cardinalis Sirleti. Andreæ meminere (præter P. Echard. in *indice 10. 1. script. Ord. Præd. præfixo, p. 26. col. 1.* qui tamen



ignorat hoc ejus opus modo citatum, unde A hunc inter scriptores ejusdem Ordinis non recensuit:) Ludov. Souza, *hist. prov. Portug. Ord. Præd. edit. 1623. part. 1. lib. 3. cap. 36. fol. 193. verso. & alii.*

## IX. PETRUS.

Initio sæculi XVI. Megarensis episcopus erat *Petrus Aureacella*. Ab anno 1505. usque ad annum 1512. ecclesiam Monteregealensem in Sicilia administravit vice Alphonfi II. de Aragonia ejus præfulis, Ferdinandi Hispaniarum regis filii illegitimi. Ita Rocchus Pirrus *tom. 1. Sicil. sac. in archiepiscopis Monteregealensibus, pag. 426. num. 22.*

## X. JULIUS sive JULIANUS.

*Julius Stamiranus* vel *Staniranus* Ordin. Prædic. episcopus Megarensis constitutus est anno circiter 1561. à Pio IV. ut catholicorum in insula Cypro curam gereret. Sic enim in actis consistorialibus legitur: *Die 24. Oct. referente Cardinale Amulio, providit Pontifex ecclesiæ Megarensi in partibus infidelium, de persona fratris Julii Stanirani, Armeni, totius populi in insula (Cypri) existentis, ac etiam tam majoris, quam cæterarum omnium ecclesiarum Armenorum ejusdem insulæ curam ei com-*

*mittendo; ita quod ipse in his tanquam suffraganeus archiepiscopi Nicosiensis, curam & regimen hujusmodi suscipiat, & exerceat.* Hæc refert doctiss. P. Bremond, *to. 5. Bullar. FF. Præd. Romæ edito anno 1733. pag. 104.* ubi & subdit opinari se hunc esse Julianum illum episcopum Armenorum de quo R. P. Echard, *to. 2. scriptorum Ord. Præd. in indice episcoporum, pag. 31. ait: Julianus episcopus Armenorum in Cypro à suis electus, & à Pio IV. confirmatus, Cypro insula (post modum) à Turcis invasa, à Pio V. positus est episcopus Bovenfis in Calabria sub Rhegiensi.*

## XI. \* \* \*

In nuntiis publicis per annum 1642. Gallicè scriptis, fit mentio de quodam episcopo *Megarensi*, & suffraganeo episcopi Constantinensis, qui creatus est episcopus eo anno die 16. Decemb. & die 22. ejusdem mensis Romæ consecratus à Cardinale Rocci, *pp. 54. & 69.*

## XII. VINCENTIUS.

Ex iisdem nuntiis per annum 1727. pag. 188. eo anno die 17. Mart. *Vincentius Magnati* renuntiatus est episcopus Megarensis in Macedonia, à SS. Papa Benedicto XIII.

## V. ECCLESIA DAVALIÆ sive DIAULIÆ, DAULIÆ aut DAULIDIS.

**D**AVALIA illud fuisse oppidum videtur quod à priscis scriptoribus *Daulium*, Græcè *Δαῦλιον*, à Polybio *lib. 4. cap. 26.* & *Daulis*, Græcè *Δαυλῖς*, ab Homero, Livio, Pausania, Stephano appellatur, & urbibus Phocidis regionis annumeratur. *Dauliæ* Thucydides meminit *lib. 2. ἐν Δαυλίᾳ τῆς Φωκίδος ὠκεῖ*, in *Daulia Phocidis* (Tereus) habitabat. De ea urbe hæc habet Strabo *lib. 9. pag. 423. B. editionis Casaubonis, Paris. 1620.* Jam in mediterraneis fermè versus ortum solis à Delphis, oppidulum est *Daulis*, ubi ferunt Tereum illum Thracem dominatum fuisse, eodemque fabulam de Procnè & Philomela referunt. Thucydides *Megaram* locum rei quæ narratur assignat. Loci nomen videtur ductum à densitate, quod *Daulos* *Δαυλὸς* vocarent olim loca stirpibus confita. Porro quam Homerus *Daulidem* *Δαυλίδην* vocat, posteriores *Dauliam* dixerunt, *ὅτι δ' ὕστερον Δαυλίαν*. Thomas de Pinedo Lusitanus, in notis ad Stephanum Byzantium *pag. 225. col. 2. annot. 56.* observat in verbis Græcis Stephani, pro voce *Δαυλῖ*, legendum esse ex Strabonis *lib. 9. Δαυλίαν*.... Et pergit: sed sicut ex Strabone correximus Stephanum, sic etiam ex Stephano corrigendus est Strabo, apud quem.... pro *Δαυλὸς* lege *Δαῦλα* (neutrum scilicet pro masculino in plurali) *Δαῦλον* enim, ut scribitur apud Stephanum est τὸ δαυλὸν densum, asperum, hirsutum; quod confirmatur ex Hesychio, qui eodem modo inquit *Δαῦλον, δαυλὸν*. Pausanias scribit in *Phoc. cap. 4.* *Daulidem* abesse ab oppido Panopeo septem stadiis, & propinquam Parnasso, sic tamen ut ex *Daulide* in Parnassum ascendatur longiore via, sed minus difficili, quam quæ ex Delphis est. Vide Cellar. *geogr. antiq. to. 1. lib. 2. cap. 13. pag. 1129.* De *Daulide* hæc observat Mich. Anton. Baudrand in *Lexico geogr. to. 1. pag. 327. col. 1.* *Daulis*, urbecula Phocidis in Achaia Ptolemæo.... episcopalis sub archiepiscopo Atheniensi, in excelsotumulo sita, 15. milliar. à Delphis distat in septentrionem Elatæam versus. *Daulia* etiamnum dicitur in vicum redacta, ut quidam credunt. In notitia Græcorum episcopatumum P. Goar, quæ extat ad calcem Codini de *Officiis, num. 2.* assignatur sub throno 28. Athenarum Græciæ, *ὁ Δαυλείας, Diauliæ, pag. 391.* Sæculo XII. præfule Latini ritus donata est.



ECCLESIA  
DAVALIÆ  
five  
DIAULIÆ,  
aut  
DAULIDIS.

## EPISCOPI DAVALIÆ five DAULIDIS.

I. \* \* \*

A

IV. ANTONIUS II.

V. NICOLAUS.

**E** *Piscopi Davaliensis*, nomine ejus tacito, plurima mentio occurrit in epistolis Innocentii III. *to. 2. edit. Baluz.* quarum nonnullæ ad ipsum scriptæ sunt de variis negotiis, puta 179. 191. & 252. lib. XI. anno 1208. 102. 110. 136. 154. 155. 156. & 192. lib. XIII. anno 1210. 29. 53. 60. 77. & 78. lib. XV. anno 1212. & 97. lib. XVI. anno 1213.

II. ANTONIUS I.

III. PHILIPPUS.

Anno 1376. vacante per obitum cujusdam *Antonii*, Davaliensi sede, ad eam promotus est à Gregorio XI. v. kal. Febr. id est die 28. Jan. *Philippus de Ardizoni* Minorita. *Wading. to. 4. annal. Minor. p. 220. n. 6.*

Bonifacius IX. anno 1392. ecclesiæ Davaliensi per obitum *Antonii* episcopi vacanti, præfecit VIII. idus (id est die 6.) Novemb. *Nicolaum de Neritano Ord. Min.* Ex eodem *Wadding. to. 4. pag. 298. n. 16.*

VI. JOANNES.

B Patavii obiit anno 1441. sepultusque est *Joannes*, Eremita sancti Augustini, episcopus Davaliensis, cujus sepulcro hæc inscriptio apposita est: *Sepultura R. Domini Joannis, episcopi Davalensis anno M. cccc. xxxxi. die 6. Jul. Ordin. fratrum Eremitarum sancti Augustini.* Ita Thomas de Herrera, *Alphab. August. to. 1. pag. 432. col. 1.*

## ECCLESIA AVELENSIS five AVALONENSIS.

VI.

**Q**UÆ à Latinis nostris *Avalonensis* vel *Avelensis* civitas dici solet, censetur esse illa *Aulon*, de qua Stephanus Byzantius de urbibus & populis ait, *Αυλών, πόλις Λακωνική, μία τῶν εκατῶν, Aulon, urbs Laconica, una ex centum.* Memoratur à Strabone lib. 8. p. 350. A. *edit. Casaub. Mich. Anton. Baudrand in Lexico geogr. to. 1. pag. 126. col. 2.* de illa urbe hæc scribit: «*Aulon* urbs Taulantiorum in Macedoniæ ora occidentali & in Pelasgoniæ tractu, teste Plinio; *Aulon* navale dicta à Ptolemæo, nunc *La Valona* Italis, urbs est Albaniae superioris, alias episcopalis sub archiepiscopo Atheniensi, postea sub Dyrrachino: deinde metropolis & ipsa effecta à Græcis. Probe munita est cum arce & portu amplissimo, seu verius sinu quem duo castra muniunt ad ejus ostium. Sedes est præfecti Turcarum in con- finio Epiri inter Apolloniam ad septentrionem & montes Acroceraunios ad meridiem, juxta fauces maris Adriatici... & 70. milliar. distat ab Hydrunto urbe Italica in ortum.»

## EPISCOPI AVALONENSES.

I. \* \* \*

**I**Nter epistolas lib. XIII. Innocentii III. *tom. 2. edit. Baluz.* extant 13. 47. & 102. cuidam electo *Avelensi* episcopo, & 192. episcopo *Avalonensi*, scriptæ anno 1210. ad quem etiam dirigitur anno sequenti epistola 112. lib. XIV. *Episcopus* iste *Avalonensis*, nonnullique alii Latini Præsules Orientis, interfuerunt anno præfato 1210. pactis conventis cum Thoma Mauroceno primo Patriarcha Constantinopolitano sancitis de servandis bonis, juribus & privilegiis ecclesiarum, ut constat ex bulla Honorii III. data Signiæ pridie Non. (id est die 4.) Septemb. anno VIII. Christi 1223.

II. NICOLAUS.

*Nicolaus* episcopus Vallonensis (*La Valona*) unus fuit Præfulum qui B. Nicolao de Tarvisio Ord. Præd. tunc Cardinali episcopo Ostiensi, & postea summo Pontifici sub nomine Benedicti XI. basilicam cenobii Pata-

C vini ejusdem Ordinis solemniter ritu die 11. April. anno 1303. consecranti astiterunt. Id habetur ex duobus hujus Benedicti de ea consecratione diplomatibus, datis, uno quidem die modò laudato dum Cardinalis esset, altero autem anno sequenti 1304. die 4. Februar. dum esset Papa, quæ exhibet R. P. Bremond, *tom. 2. Bullar. pp. 86. & 87.*

III. JACOBUS.

Daniel à V. M. *Speculi Carmelit. tom. 2. pag. 930. num. 3256.* refert istud epitaphium legi Venetiis in ecclesia Carmelitarum: *Hic est sepultus venerabilis Pater & DD. Fr. Jacobus de Venetiis, Ordinis beatæ Mariæ de Carmelo, episcopus Evellonensis, qui obiit anno Domini 1345. die penultima Octobris.* Hæc porro sedes *Evellonensis*, ipsa est verosimiliter *Avelonensis*.

IV. JOANNES.

V. GUILLELMUS.

VI. STEPHANUS.

Anno 1437. translato *Joanne Raphael*, qui



reginæ Franciæ à confessionibus fuit, à sede Avelonenſi ad Silvanectenſem in Gallia, epiſcopus Avelonenſis renunciatus eſt eodem anno VI. idus (id eſt die 10.) Maii, *Guillelmus Aucupis* Ordin. Minor. ab Eugenio IV. teſte Wadding. *in annal. Min. 10. 5. num. 34. p. 320.* Verum probabiliffimum eſt, utrumque hunc epiſcopum, titulum duntaxat eccleſiæ Avelonenſis geſſiſſe, nec ad eamdem

regendam perrexisse. Idem sentiendum de  
*Stephano Paris*, Gallo, Ord. Præd. constituto  
 episcopo Avelonensi à Jul. III. anno 1551.  
 & suffraganeo archiepiscopi Rotomagensis,  
 cujus meminere Fontana in *Thear. Domin.*  
*pag. 112. tit. 2. ex Actis Consist. Jul. III.*  
*Cavaler. 10. 1. pag. 398. num. 157. P. Jacob.*  
*Echard. 10. 2. script. Ord. Præd. & R. P.*  
*Bremond, 10. 5. Bullar. ejusd. Ord. p. 37.*

ECCLESIA  
Aveleensis  
*sive*  
Avalonen-  
sis.

VII.

ECCLESIA ZORCONENSIS.

**E**PISTOLA Innocentii III. ad Berardum primum Atheniensem metropolitani ritus Latini, de qua mentio facta est supra col. 837. C. ecclesiam *Zorconensem*, inter alias undecim, eidem archiepiscopo subjicit. De ea tamen, ejusve episcopis, nihil aliunde reperi.

VIII.

ECCLESIA CARISTYÆ.

**E**UBÆA, Græcè Εὐβοία, insula est oblonga, ab Attica ad Thessaliam, & à Bœotia Euripi freto dirimitur. Hujus oppidorum maxime celebratur Κάρυστος *Carystus*, quod Ptolemæus *lib. 3. cap. 15.* posuit inter Caphareum & Geræstum. Hæc Strabo post initium *lib. 10.* de eo oppido habet: *Carystus sub monte Ocha sita est; in propinquo Styra & Mar-marium, ubi Carysticæ columnæ exscinduntur.* Suffragatur Stephanus Byzantius aiens: *Carystus urbs sub Ocha civitate Eubææ, ὑπὸ τῇ Οἴχῃ πόλις τῆς Εὐβοίας.* (ad quæ verba Thomas de Pinedo Lusitanus *ibid. pag. 361. num. 61.* ait: Quum Ocha non fuerit urbs, sed mons, apud Stephanum pro πόλις, lege fidenter ὄρος τῆς Εὐβοίας, id est, monte Eubææ, quod etiam ipse in eadem sectione confirmat) Pergit Stephanus: *A Carysto Chironis filio* (hoc nomen fumpsit) *Theodoridas Chironiam Χειρωνίαν eam vocat; jacet vero prope Myrtoum pelagus, sub monte ὑπὸ τοῦ ὄρος Ocha....* In hac urbe (Carysto) nascitur lapis qui radiatur & textitur, sic ut linteolum textura fiat, quod, quum sordidum est, in flammam injicitur, ac mundatur à sor-dibus, ac si fuisset lotum. (Id Stephanus ex Strabone *lib. 10.* inquit laudatus Thomas de Pinedo, *pag. 362. n. 63.* Sed apud Strabonem pro τὰ ὑφέματα, lege ex nostro auctore τῇ ὑφῇ: genus istud lini Latini vocant amiantum, Græci ἀσβεστον, de quo videsis Coel. Rhodigen. *antiq. lect. lib. 8. cap. 16.* Pancirol. *rer. memorab. tit. 4. & Leonicum de varia historia lib. 1. cap. 93.*)

Mich. Anton. Baudrand, in *Lexico geogr.* 10. 1. pag. 236. col. 2. ita loquitur de Carysto: «Eubœæ insulæ Straboni, quæ & *Carystos*, nunc etiam *Carysto* incolis, teste Sophiano, » *Castelrosso* Italis, & *Chasteauroux* Gallis, teste Babino: Est autem urbecula episcopalis sub » archiepiscopo Chalcidenfi, versus Caphareum promontorium in ora Orientali insulæ, » 60. miliar. distans à Chalcide (sive Negroponto) in ortum, & 15. à Geresto in septentrionem. Marmore abundat quod Carystium nominatur.» In notitia Græcorum episcopatum, quæ extat ad calcem Codini *de Officiis*, sub throno 28. Athenarum Græciæ septimo loco recensetur ὁ Καρίστου, *Carysti* p. 391. Hanc, inter cæteras, Atheniensi metropoli Innocentius III. assignavit in epistola ad Berardum jam multoties laudata. Nullus tamen hujus ecclesiæ præfulum Latini ritus nobis innotuit. Discimus tantum ex doctiss. P. Antonino Bremond, tom. 6. *Bullar. Ord. Præd. Romæ edito anno 1735. pag. 520. Fr. Maginum Ventalliol, hujus Ordinis cænobii Barchinonensis alumnus, episcopum Carystensem in Eubœa, sub archiepiscopo Atheniensi, fuisse constitutum anno 1718. à Clemente XI. & Fokiensis provinciæ Sinensis Apostolicum administratorem missum. Testem vero appellat R. P. Dominicum Ponsi, in vita R. P. Antonini Cloche Magistri Generalis Ordin. Præd. cap. 8. pag. 215. n. 57.*

## IX.

ECCLÉSIA CORONENSIS.

**CORONEA**, urbs Græciæ in Boeotia regione, Plinio & Straboni, nunc *Corone* dicta, teste Pineto, loco edito sita, prope lacum Copaïdem ubi Cephissus fluvius in eum influit, episcopalis est sub archiepiscopo Atheniensi, sed parva admodum, & in vicum



ECCLESIA  
CORONEN-  
SIS.

redacta sub dominio Turcarum, inter Cherroneas ad occasum, & Copas ad ortum, 20. miliaribus ab urbe Thespiis distans. Hæc Michael Antonius Baudrand in *Lexico geogr. tom. 1. pag. 301. col. 2.* In notitia Græcorum episcopatum P. Goar, quæ extat ad calcem operis Codini *de Officiis, &c. edit. Paris. 1648.* legitur pag. 391. sub throno 28. Athenarum Græciæ, num. 3. γ' ὁ Κορωνεῖας, 3. *Coroniæ. Coroniacensem* ecclesiam, inter alias Athenarum suffraganeas recenset Innocentius III. in epistola ad Berardum, ut supra dictum est col. 837. C. Verum neminem ex ejus præsulibus ritus Latini reperimus ante sæculum decimum-quartum, aut decimum-quintum.

## E P I S C O P I C O R O N E N S E S.

I. P A U L U S.

II. P E T R U S.

**W**ADDINGUS, *tom. 4. annal. Minor. ad annum 1367. num. 9. pag. 120.* scribit *Coronensi* ecclesia, in *Peloponneso*, sub archiepiscopo *Atheniensi*, vacante per translationem *Pauli* ejus præsulis ad ecclesiam Castellanam, ei suffectum fuisse *F. Petrum Cornarium*, Ord. Minor. nobilem Venetum, eo anno 1367. xviii. kalend. Maii, id est die 14. April. ab Urbano V. At Paulum Petri hujus prædecessorem non memorat Ughellus *10. 1. Ital. fac. vet. edit.* inter episcopos ecclesiæ Castellanae. Præterea nescio an duo illi episcopi non potius federint *Coroneæ* sub Patracensi archiepiscopo, quam *Coroneæ* sub Atheniensi: Nam idem Waddingus, qui *Coroneam* eo loci dicit esse sub archiepiscopo Atheniensi, dicit etiam esse in *Peloponneso. Coronea* porro urbs *Peloponnesi*, Patracensi archiepiscopo subest, non Atheniensi; & reipsa duæ occurrunt *Coroneæ*, sedes episcopales, in notitia relata, una quidem *Bæotiae* subiecta throno 28. *Athenarum Græciæ*, num. 3. ὁ Κορωνεῖας, *Coroniæ* sive *Coroneæ*, pag. 391. altera vero subdita throno 32. *Patrarum Peloponnesi* metropoli, n. 3. ὁ Κορωνεῖας, *Coronæ*, *ibid. pag. 392.* Hic autem istorum præsulum meminimus, ex hypothesi quod *Coroneæ* metropolis Atheniensis suffraganeæ præfecti fuerint.

III. M A R T I N U S.

IV. P R O C U L U S.

Anno 1419. ecclesiæ *Coronamensis*, sive ut observat R. P. Antonin. Bremond, *tom. 2. Bullar. Ordin. Prædic. pag. 702.* *Coroneæ*, in

*A Bæotia* sub archiepiscopo Atheniensi, *Martinus* curam gerebat, cui defuncto successor designatus est anno 1420. die 15. Januar. à Martino V. *F. Proculus de Lepays*, Ordin. Præd. Diploma profert idem R. P. Bremond *ibid. pag. 575.* Hunc autem episcopum ignorarunt scriptores Ord. Præd.

V. F R A N C I S C U S.

VI. M A T T H Æ U S.

*Francisco* episcopo *Coroneæ* in *Peloponneso*, sub archiepiscopo Atheniensi, viam omnis carnis ingresso, ei substitutus est ab Eugenio IV. anno 1435. die 22. Septemb. *F. Matthæus de Sirinno*, Ordin. Minor. in theologia Baccalaureus, & Pœnitentiarius D. Papæ. Ita Wadding. ad hunc annum, num. 16. *tom. 5. annal. pag. 272.* qui etiam exhibet in *Regest. Pontif. pag. 223.* diploma hujus promotionis, *Attentæ considerationis, &c.* Sed hallucinatur ipse, ut supra in Paulo & Petro Coronensibus episcopis monuimus, sive dum ait *Coroneam* hanc esse in *Peloponneso*, sive dum eam subjicit metropoli Atheniensi. De his itaque duobus præsulibus idem esto judicium, ac de duobus præfatis Paulo & Petro. Matthæum probabile est, illum fuisse episcopum *Coronensem*, ad quem Albertus Sarthianensis Vicarius Generalis Ord. Min. epistola sua x. data ex Padua die 16. Mart. anno 1443. scribit, se, propter ipsius, & episcopi Ariminensis suffragium, fratrem aliquem ejusdem Ordinis extremo supplicio mulctandum, mitissimè punivisse. Extat ea epistola *tom. 3. Veter. Scriptor. RR. PP. Edm. Martenne & Ursini Durand Bened. Congr. S. Mauri, edit. Paris. 1724. coll. 801. & 802.*

X.

## E C C L E S I A A N D R E N S I S.

**A**NDRUS freto dirimitur ab Eubœa australi, & alio angustiore ab insula Teno, ex Cellar. *geogr. antiq. 10. 1. lib. 2. cap. 14. pp. 1083. & 1084.* Stephanus Byzantius de ea ita loquitur: *Andros A'νδρος, insula una Cycladum, sic denominata fuit ab Andro Eurymachi, vel Ananii fratre, Ænotroporum patre; quem (Andrum) aliqui dicunt Andrieum A'νδρίεα, & Ananii filium.* Quibus hanc notam subnectit Thomas de Pinedo, num. 33. p. 82. «Cyclades insulæ dictæ fuere, quod circa Delum in orbem sitæ fuerint, (teste) Plinio lib. 4. *hist. nat. cap. 12.* qui etiam asserit primam earum cognominatam fuisse, ex Myrsilo quidem *Cauron*, deinde *Antandron*, ex Callimacho autem *Lasiam*, ex aliis demum *Nonagriam*, *Hydrussam* &



*Epagrin.* » Hanc scribit Mich. Anton. Baudrand *tom. 1. pag. 59. col. 2.* nunc subesse archiepis-  
 copo Naxiensi, portum vero habere satis tutum, & 60. vicos in quibus degunt 6000.  
 Christiani. Duos hic existere præsules, Latinum unum, Græcum alterum. Insulam autem  
 alias fuisse sub dominio Sanutorum nobilium Venetorum, antequam anno 1538. occupa-  
 retur à Turcis; illam distare 55. miliaribus à Cea insula, 4. à Teno in occasum, & 15. à  
 Geresto Eubœæ promontorio in ortum. Denique circuitum ejus esse 70. miliaribus. Eccle-  
 siam Andrensem Atheniensi metropoli subjectam declaravit Innocentius III. in epistola  
 sæpius citata ad Berardum archiepiscopum Atheniensem. Nullus tamen ejus præsulum  
 ritus Latini ad notitiam nostram devenit, qui federit ante annum 1272. In notitia Græco-  
 rum episcopatum, quæ extat ad calcem Codini *de Officiis*, 4. loco assignatur sub throno 28.  
 Athenarum: δ Ἀνδρῶν Ἀνδρί, pag. 391.

## EPISCOPANDRENSIS.

## I. PLACIDUS.

MILENSIUS in *Alphabeto Augustiniano*,  
 teste Thoma de Herrera in opere ejusdem  
 nominis, tradit ex bulla quadam indulgentia-  
 rum, quæ apud Augustinianos Ratisponenses  
 affervatur, anno 1272. *Placidum* hujus ordi-  
 nis alumnum Andri episcopatum gessisse, &  
 post biennium Lugdunensi concilio secundo  
 interfuisse. Ita præfatus Thomas de Herrera  
*Alphabeti August. to. 2. pag. 259. col. 1.*

## II. JOANNES.

Anno 1345. *Joannes de Sancta Catharina*  
 dictus, Carmelita Bononiensis, electus in  
 episcopum Andrensem, die 14. Aug. con-  
 secratus fuit in ecclesia majore Nigropontensi  
 à Nicolao Atheniensi archiepiscopo. *Specul.*  
*Carmelit. to. 2. pag. 933. num. 3268.*

## III. NICOLAUS.

## IV. BENEDICTUS I.

Sede Andrensi vacante anno 1376. per  
 obitum *Nicolai*, successit illi à Gregorio  
 XI. Papa *Benedictus* de Nigroponte Ordinis C  
 Min. XVI. kalend. Jul. (id est die 16. Jun.)  
 cujus promotionem archiepiscopo Athe-  
 nienfi denuntiavit. *Wadding. tom. 4. annal.*  
*Min. pag. 220. num. 6.*

## V. FRANCISCUS.

## VI. MELILLUS.

## VII. BENEDICTUS II.

## VIII. JACOBUS.

Post obitum *Francisci*, qui probabiliter  
 Benedictum exceperat, *Melillus de Sabinice* D  
 Augustinianus anno 1390. VIII. kal. Octob.  
 (id est die 24. Septemb.) ecclesiæ Andrensis  
 administrationem suscepit. Qui, vel in eo  
 præfulatu parum vixit, inquit Thomas de  
 Herrera *Alphabeti Augustiniani to. 2. p. 75.*  
*col. 2.* vel ad aliam ecclesiam brevi translatus  
 est. Anno enim 1396. II. idus (id est die 14.)  
 Julii, *Jacobus de Urbe*, Augustinianus, per  
 obitum *Benedicti* (alterius profecto à Bene-

A dicto Minorita) ad eandem ecclesiam An-  
 drensem promovetur.

## IX. MICHAEL.

Ab Innocentio VII. creatus est, post obi-  
 tum Jacobi, episcopus Andrensis, pridie Idus  
 (id est die 12.) Febr. anno 1406. *Michael de*  
*Terminis* vel *de Tornicis* Ord. Præd. præfuit  
 que bonus pastor pluribus annis. Ita Fontana  
 in *Theat. Domin. tit. 32. num. 1. p. 123. Ex*  
*lib. Provision. Innocentii VII.* Et in Append.  
*pag. 620. ex mss. Bzovianis.* Bzovius quippe  
 B in *hist. ms.* habet: *Michael de Tornicis* Ord.  
*Præd. ab Innocentio VII. episcopus Andrensis*  
*in provincia Athenarum pridie idus* (id est  
 die 12.) Febr. anno 2. scilicet ejus Pontifi-  
 catus. Quandonam obierit Michael iste me-  
 latet.

## X. GUILLELMUS.

## XI. ANDREAS.

Michaeli probabiliter successit *Guillelmus*,  
 de quo nihil aliud compertum est, nisi quod  
 exceperit e vita circa finem anni 1426. aut  
 initio seq. 1427. cujus die 28. Martii, re-  
 nuntiatur episcopus Andrensis à Martino V.  
 Papa, Andreas de *Aurea*, vulgo *Doria*, Ge-  
 nuensis, Ord. Præd. Id totum discimus ex  
 diplomate ejusdem Pontificis, apud doctis-  
 simum P. Antoninum Bremond, *to. 2. Bullar.*  
*pag. 676.* Hinc autem emendandi occurrunt  
 scriptores qui docent Andream anno 1419.  
 ad sedem hujus ecclesiæ fuisse evectum. Ob-  
 servat idem P. Bremond, *ibid. p. 707.* scrip-  
 sisse Fontanam in *Theatro Dominic. pag. 123.*  
*Atheniensis archiepiscopi suffraganeum fuisse An-*  
*dream*; verum in Andrensi ecclesia tunc tem-  
 poris duos sedisse episcopos, Græcum unum  
 sub Atheniensi metropoli, Latinum alterum  
 sub Naxensi seu Naxiensi. Cavalieri tradit  
*Galler. Domin. t. 1. p. 232. n. 57.* Andream  
 interfuisse concilio Basileensi, (in cujus tamen  
 actis nulla ejus extat memoria,) ipsumque  
 obiisse anno 1436. Illi attribuit Rovetta, in  
*biblioth. scriptor. provinc. Lombard. Ord. Præd.*  
*edita Bonon. anno 1691. p. 69. col. 1.* Sermones



ECCLESIA  
ANDRENSIS.

varios ad populum ordinatos, Tractatum brevem de censuris, & nonnulla alia opuscula. Sed quæ ubi servantur, fatetur se ignorare.

XII. LOMBARDUS sive LEONARDUS  
vel LAMBERTUS.

Andream excepit *F. Lombardus de Solis*, ab Eugenio IV. renuntiatus anno 1436. die 28. Novemb. teste Fontana in *Theat. Domin. pag. 123. tit. 32. ex Regest.* ejusdem Eugen. Papæ. Waddingus *tom. 5. annal. Minor.* ad annum 1436. *num. 14. pag. 302.* successorem Andreæ ait fuisse *Lombardum de Salis* Ord. Minor. *Andriensis*, inquit, *sub archiepiscopo Naupactensi frater Lombardus de Salis, per obitum Andreæ de Doria, 14. kal. Decembris.* Porro, quod observandum, præfulem hunc non asserit Fontana fuisse Ord. Præd. imò ex eo Ordine non fuisse assumptum, satis indicat eo ipso quod, quum illum dixerit successisse Andreæ de Doria, quem secundum ex Ord. Prædic. retulit ecclesiæ Andrensis fuisse episcopum, statim designet in tertium hujus Ordinis, qui aliàs quartus esse debuerat, Dominicum Bolanum. R. P. Echard. *tom. 1. scriptor. Ord. Præd. in indice præfulem hujus Ordinis pag. 26. col. 2. & rursus p. 790. col. 2.* ubi agit de Andrea Doria, cum supponit fuisse Ord. Præd. & ait *Leonardum* ac *Lambertum de Solis* à nonnullis nominari, sed ad solum Fontanam remittit. R. quoque P. Bremond *to. 3. Bull. pag. 220.* eundem, quem *Leonardum* sive *Lambertum* appellat, Ord. Præd. dicit: at Cavalierum tantummodo qui nullius auctoris prodit testimonium, & P. Echardum modo laudatum citat. Unde probabilius videtur *Lombardum de Solis* Fontanæ, *Leonardum* sive *Lambertum de Solis* Cavalieri, Echardi, & R. P. Bremond, & *Lombardum de Salis* Waddingi, iisdem die & anno ad sedem Andrensem promotum, unum eundemque fuisse hominem, potiusque Minoritam, quam Ord. Præd. Dominicum Bollanum hîc non recensemus inter episcopos Andrenses, quia non hujus ecclesiæ antistes fuit, quidquid adstruat Fontana, sed Agiensis & Cydoniensis in Creta insula, ut infra patebit.

XIII. FRANCISCUS.

*Franciscus Bertinus*, Lucensis, episcopus Andriensis, nobis innotescit ex nonnullis Jacobi Ammannati Picolominei, dicti Cardinalis Papiensis, epistolis. Epistola enim ejus 161. edit. Francof. 1614. *pag. 586.* data Romæ die 7. Octob. 1465. *Francisco electo Andrien.* scripta est, quæ sic incipit: «Francisce mi, age gratias Deo, non eo tantum quod ecclesiam Andriensem es assequutus, quam quod tanto pontificis (Pauli II.) &

A communis Domini beneficio accepisti. Ad satisfactionem te compara. Ea est, ut Deum timeas, ut merita augeas, ut dignus fias cre-  
dito ministerio. Memineris sarcinam tibi impositam, in qua non tua tantum, sed animæ omnium illigentur, quarum factus es pastor. Non tam honoris quam oneris præfulatus est nomen. Opus bonum, si regatur ut convenit, &c.» Epistola 282. *ibid. p. 666.* in titulo habet: *Fr. (id est Francisco) Bertino, Lucensi, episcopo Andriensi*, cumque certiore facit de sententia à Paulo II. anno 1466. die 25. Decemb. lata sive promulgata adversus Georgium Podiebratium Bohemiæ regem Hussitarum errorum reum. Eidem quoque scripta est epistola 291. qua illi indicat, se Roma egressum, ne pestis ibi acriter sævientis subjaceret periculo, Pientiam (vulgo *Pienza* in agro Senensi) petiisse. Utraque anno 1468. exarata videtur, quum similes aliæ, tum anteriores ut epistola 280. *pag. 661.* tum posteriores, ut 284. *p. 669. 305. p. 677.* & plures aliæ, usque ad 313. Romæ datam die 15. Febr. anno 1469. *pag. 680.* annum 1468. referant. Hujus præfulem Andrensis extat ibidem, *pag. 723.* epistola ad Cardinalem illum, qua ei varia narrat de rebus Angliæ & Galliæ: epistola est 379. Titulus: *Fr. episcopus Andriensis Cardinali Papiensi.* Ad calcem: *Hesdini xi. Octob. 1470.* Denique idem Cardinalis huic *Fr. Bertino episcopo Andriensi* epistolam suam 384. direxit, datam Romæ 1471. *ibid. pag. 728.* in qua, commentaria sua designans, ait: *Scribimus de temporibus his, à Pii (II.) obitu, neque Italica modo, sed & Trans-Alpina, & Græca, &c.* Porro Franciscum hunc episcopum fuisse Andrensem in Græcia, non vero civitatis Andriæ sub archiepiscopo Tranensi in regno Neapolitano, colligitur ex Ughello *tom. 7. Ital. sac.* qui in episcopis Andriæ *col. 1263. nm. 21. & 22. B. C. vet. edit.* scribit Rogerrum de Atella ecclesiarum unitarum Andriensis & Montis Pelusii antistitem, munus adiisse anno 1463. Huic vero successisse Martinum de Soto-majore Hispanum, qui decessit anno 1477.

XIV. PAULUS.

E *Paulus Pucchiarellus*, Ord. Præd. conventus Querquensis Viterbiensis in Romana provincia alumnus, episcopus Andrensis renuntiatus est à Gregorio XV. Papa, anno 1621. die 17. Maii. Ita Fontana, in *Theat. Dominic. tit. 32. pag. 124. col. 1. Ex Actis Consistor. ejusdem Pontificis*: qui addit præfulem hunc, quum oves sibi commissas in fide operibusque bonis constabilisset, quievissse in Domino sub Urbano VIII. circa ann. 1630. Serius



Serius tamen ex hac vita migrasse Paulum hunc colligit Michaël Cavalieri, *Galler. Dom. tom. 1. pag. 578. num. 59.* ex mandato ipsi dato à Cæsarino Cardinali anno 1632. ut inquireret de violenta morte quam Turcæ P. Andreae Garga Ordin. Prædic. episcopo Scyrensi intulerant; id vero ne exequeretur, ejus obitus paulo-post adveniens impedivit. Decessit itaque Paulus Pucchiarellus illo anno 1632. aut sequenti 1633.

## XV. DOMINICUS.

Leo Allatius in opere *de Eccl. Occident.* &

*Orient. perpet. consens. lib. 3. cap. 10. num. 3. col. 1057. edit. Colon. anno 1648.* inter quosdam episcopos Latinos in Oriente sedentes tunc temporis, recenset *Dominicum* Andrensi ecclesiæ præfectum. «Chii, inquit, ut ex relationibus apostolicis liquet, Latinorum decies mille capita numerantur. Hac ætate, episcopi sunt, Naxi Raphaël Schiattinus Chius, Chii Andreas Stephanus Chius, Andri Dominicus de Grammatica Chius, &c.» Nihil aliud nobis de eo Dominico comper- tum est.

ECCLESIA  
ANDRENSIS.

## XI.

## ECCLESIA SCYRENSIS.

**S**CYROS five Scyrus & Scyra, Græcè Σκύρος una est ex insulis Cycladibus Maris Ægæi, medio fere itinere inter Lesbion & Eubœam. Hujus meminere Plinius *lib. 4. cap. 12.* Strabo *lib. 9.* & Ptolemæus *lib. 3. cap. 13.* Σκύρος, inquit hic ultimus apud Cellar. *geogr. antiq. tom. 1. lib. 2. cap. 14. pag. 1290.* νῆσος καὶ πόλις, Scyros insula & oppidum. Clara est exilio & morte Thesei Atheniensis regis, de quo Valerius Maximus *lib. 5. cap. 3.* ait: *Thesei submoti ab Atheniensibus Scyros, exsule minor insula, ossa mortui cepit.* Hæc de ea insula scribit Baudrand *tom. 2. pag. 217.* «Scyros, insula maris Ægei Straboni, Plinio & Melæ, quæ & Scyrus dicta fuit, nunc Skiros Græcis & incolis, Schiro Italis, & Squire Gallis, circuitus est 80. mill. pass. estque satis culta, licet montuosa. Urbecula (ibi extat) ejusdem nominis (quæ sedes est) episcopalis sub archiepiscopo Atheniensi, sed à Nautis Italis dicitur etiam *San Giorgio di Schiro*, ab ecclesia (ibi constructa) sub invocatione hujus sancti. 40. milliar. distat ab Eubœa insula in septentrionem, uti à Caphareo promontorio, & 70. à Magnesia provincia Macedoniæ in ortum.» In notitia Græcorum episcopatuum ad calcem Codini de officiis, sextum locum obtinet sub throno 28. Athenarum, ὁ Σκῆρον, Scyri, *pag. 391.* Vide quæ de ea dicta sunt *to. 2.* hujus operis, *coll. 232. 233.*

## EPISCOPI SCYRENSES.

## I. PETRUS.

**C**irca annum 1350. Scyri episcopus sedebat *Petrus Gau*, Ord. Præd. Hispanus, Urgellensis cœnobii in Catalaunia alumnus, testibus Fernandez, Michaële Pio, Diago, Fontana, Cavalieri, aliisque rerum ejusdem ordinis scriptoribus.

## II. FRANCISCUS.

Wadding. ad annum 1523. *to. 8. num. 54. p. 394.* scribit ad ecclesiam *Cyrenensem* (probabiliter *Scyrensem*) sub archiepiscopo Atheniensi, promotum esse *F. Franciscum Marturanum*, Ord. Min. die 19. Decemb. & suffraganeum fuisse episcopi Crotoniensis.

## III. UBERTINUS.

Idem Waddingus, *ibid.* ad annum 1538. *num. XI. pag. 631.* auctor est, ad Scyrensem ecclesiam sub archiepiscopo Athenarum certo modo vacantem, *Fr. Ubertinum N.* Minoritam conventualem, à Paulo III. eo anno fuisse evectum.

## IV. BENEDICTUS.

*Benedictus Stepsius*, Chienfis, Ord. Præd. à Gregorio XIII. Papa, anno 1583. die 2. *Tomus III.*

**B** Augusti, Scyrensis episcopus renuntiatus est, ex *Regest. Cancell. Apost.* Ita Fontana in *Theat. Domin. tit. 571. pag. 303. col. 1.*

## V. ANDREAS.

Anno 1607. *Andreas Garga*, Venetus, Ordin. quoque Prædic. episcopus Scyrensis creatus est à Paulo V. Papa, ut tradit præfatus Fontana, ex *Actis Consist. hujus Pontificis*, & *Regest. Cancell. Apost. ibid.* Qui etiam addit *pag. 684. in appendice:* «Is quum bonum certamen certasset, multosque infideles & schismaticos ad catholicam fidem perduxisset, in patibulo suspensus (à Turcis,) migravit ex hac vita circa ann. 1626.» De cujus preciosa morte inquiri Romæ cœptum, in ordine ad beatificationem, nonnulla sac. Rit. congreg. decreta indicant, apud eundem Fontan. *ibid.*

## VI. DOMINICUS.

Leo Allatius meminit cujusdam *Dominici* actu episcopi Scyrensis, dum ipse scriberet opus suum *de Eccles. consensu editum Colon. anno 1648.* Scyri inquit, *ibid. lib. 3. cap. 10. num. 3. col. 1057.* (sedet) *Dominicus Maren- gus Chius* (five Chienfis.)



## VII. JOANNES I.

## VIII. \* \* \*

Daniel à V. M. *to. 2. Spec. Carm. part. 5. lib. 3. pag. 937. num. 3287.* scribit hæc legi in Actis Consistor. Alexandri VII. *Ecclesia Syrensis.... vacans per liberam cessionem Joannis Michaëlis de Curtis ultimi episcopi providetur, die 2. August. anno 1655.* Hunc Joannem testatur P. Daniel fuisse sui ordinis, cognominatum *Cucuzza*, Neapolitanum, in lingua Hebraica peritum, renuntiatum vero episcopum Syrensem anno 1647. die 6. Maii, & obiisse anno 1656. die 27. Junii. Nomen ejus successoris in ea sede non indicat præfatus Daniel.

## IX. JOANNES II.

Anno 1730. D. Joannes Franciscus Bossi, episcopus Syrensis, ad Paro-Naxiensem eccle-

A siam transfatus est à Clemente XII. die 2. Octob. Ex nuntiis publicis Gallicè scriptis per hunc annum, *pag. 523.*

## X. ANTONIUS.

D. Joanni Francisco Bossi probabiliter successit in sede Syrensi, *F. Antonius Matuit*, Ord. Min. qui ex iisdem nuntiis per annum 1731. *p. 258.* propositus est Romæ eo anno die 30. April. ad eum episcopatum in consistorio coram Clemente Papa.

## XI. EMANUEL.

Anno 1733. die 13. April. præfatus Clemens XII. renuntiavit in consistorio episcopum Syrensem, *D. Emanuele Caranzam*, qui erat philosophiæ professor in collegio *de Propaganda Fide.* Ex iisdem nuntiis per eum annum, *pag. 236.*

## ECCLESIA CÆ sive CEOS.

**C**ÆA, ex Mich. Anton. Baudrand, *tom. 1. pag. 251. col. 1.* Insula est maris Ægei, quæ Cea à Plinio, Cia à Ptolemæo, Ceos à Tullio & Strabone, *Hydrussa* à Græcis, & nunc vulgo *Zea* appellatur, una Cycladum, prope Atticam regionem, & Helenam insulam five Santerini. Circuitus ejus olim erat 60. milliarius, nunc vix 40. constat, magna ejus parte in mari absorpta. 20. milliariis distat ab Eubœa insula in meridiem, uti 35. ab Andro. Oppidum continet in quo per dimidium annum commoratur episcopus Theræ five Thermiæ, qui Cææ quoque præest hisce posterioribus sæculis, sub Paro-Naxiensi metropoli, ut infra dicam ubi de Thera.

## EPISCOPI CEENSES.

## I. PURICIVALLIS.

## II. SIMON.

**P**ost obitum *Puricivallis episcopi Ceensis*, Gregorius XI. Papa ad hanc sedem promovit anno 1376. *Simonem de Aretio*, Ordin. Min. litteris *Apostolatus officium, &c.* datis XVI. kal. Jul. (id est die 16. Jun.) Ita Wadd. *to. 4. annal. Min. pag. 220. num. 6.*

## III. FRANCISCUS I.

## IV. FRANCISCUS II.

## V. FRANCISCUS III.

Idem Waddingus *tom. 5. ad annum 1422. num. 17. p. 151.* testatur *Franciscum Andream Venetum*, Ordinis Minor. episcopum *Crensem* (id est Ceensem) in insula *Zea* (Cea) sub archiepiscopo Atheniensi, à Martino V. Papa, III. Nonas (id est die 5.) Julii, fuisse creatum.

Addit rursus *ibid.* ad annum 1445. *n. 11. pag. 474.* *Crensis & Terminiarum* (id est Cææ & Termiarum) sub archiepiscopo Atheniensi, (ecclesiis vacantibus) per obitum *Francisci* (probabiliter alterius ab eo qui modo memo-

Cratus est, quum eum Waddingus, nec *Fratrem* appellet, nec asserat fuisse sui ordinis alumnus, suffectum esse) *Fr. Franciscum* (Minoritam,) *pridie Nonas* (id est die 4.) Junii.

## VI. DIONYSIUS.

## VII. CONSTANTINUS.

*Dionysium* hunc extitisse origine Græcum, & Ordinem Minorum amplexum, scribit præfatus Waddingus, *to. 8. annal. ad annum 1529. num. 40. pag. 489.* factum deinde episcopum *Fulminen.* (legendum procul dubio *Thermien.* id est insulæ *Theræ* five *Thermiæ*) in Archipelago à Clemente VII. eo anno die 9. Februar. suffraganeumque (five Vicarium datum) archiepiscopo Nicolsiensi. Et ad annum 1538. *num. XI. pag. 631.* eundem translatus fuisse eo anno die XI. Decemb. ab ecclesiis Zianen. & Firmen. (id est *Thermien.* modo recensita & Ceensi ipsi unita) ad Melipotamensem & Chironensem pariter unitas, sub archiepiscopo Cretensi.

Huic Dionysio in sede Thermiensi & Zianensi substitutus est *Constantinus Justinianus* Chienfis, Ord. Præd. à Paulo III. anno 1540.



die 27. Aug. ex Actis Consistor. istius Papæ, A  
quæ citat Fontana in *appendice* ad calcem  
*Theat. Domin. p. 682.* Supra dixerat *p. 305.*  
*tit. 579.* eum Constantinum ex patitiis Ja-  
nuensibus, & Dynastis Chienfibus ortum esse  
circa annum 1500. sextoque sui episcopatus  
anno obiisse Romæ in conventu S. Mariæ  
super Minervam, scilicet anno 1546. Ait  
tamen Cavalierius *tom. 1. Galler. Domin. esse*  
qui velint illum non esse mortuum nisi  
anno 1550.

## VIII. JACOBUS.

Leo Allatius *lib. 3. de utriusque Ecclesiæ*  
*consensu cap. 10. n. 3. col. 1057. edit. Colon.*  
*anni 1648.* inter episcopos aliquot ritus La-  
tini, qui, quum hæc scribebat, in Oriente de-  
gebant, *Jacobum Thermiorum*, (subindeque  
Cææ insulæ) præfulem commemorat. Hac  
ætate, inquit, episcopi sunt Naxi, &c. *Ther-*  
*miorum Jacobus della Roccha*, Chius.

ECCLESIA  
CÆÆ  
sive  
CÆOS.

## XIII.

## ECCLESIA ÆGINÆ.

ATHENIENSI metropoli, ac undecim ecclesiis ei assignatis ut suffraganeis ab Inno-  
centio III. in epistola ad Berardum sæpius memorata, nonnullæ aliæ hic addendæ  
videntur, quas auctores Innocentio posteriores aiunt Atheniensi subditas.

Ab Ægina incipimus, quam sic describit Anton. Mich. Baudrand, *to. 1. geogr. pag. 17.*  
*col. 2.* « Ægina, insula parva Græciæ in mari Ægæo & sinu Saronico, teste Strabone,  
» Ægina vulgo sive l' Egina, sub Attica censebatur, & urbeculam habet episcopalem cogno-  
» minem in ora australi sub archiepiscopo Atheniensi, nunc paucis constantem incolis, cum  
» arce à Turcis excitata in colle, in tutelam sinus Saronici, ab ea *le Golphe d' EGINE* Gallicè,  
» (id est Latinè *sinus Æginensis*) dicti. 20. milliar. distat ab Athenis in meridiem, inter Epi-  
daurum Peloponnesi urbem 28. mill. & Megaram 20.... Circuitus (ejus) est 36. mill.»  
Multitudine navium Atheniensibus vix inferiores erant, ut apparuit in prælio ad Sala-  
minam adversus Persas commisso. Urbs hujus insulæ primaria, *Ænopia* prius nuncupabatur,  
sed ab Æaco, cujus patria & regnum fuit, nomine Æginæ matris ipsius donata est. Unde  
Ovidius, *Metamorph. lib. 7. vers. 472. & seqq.*

Ænopiam Minos petit, Æacideia regna,  
Ænopiam veteres appellavere; sed ipse  
Æacus Æginam genitricis nomine dixit.

Præter Æacum, protulit hæc quoque Achillem, Patroclum, Ajacem, Neoptolemum, &  
Paulum insignem medicum, ut observat Thomas de Pinedo Lusitanus in notis ad Steph.  
Byzant. *pag. 35. col. 2. annot. 37.* Vide quæ de ea insula dicta sunt, *tom. 2.* hujus operis,  
*coll. 226. & 227.* Habuit porro ista civitas quosdam episcopos Latini ritûs, ex quibus  
sequentes ad notitiam nostram devenerunt.

## EPISCOPI ÆGINENSES.

## I. ANTONIUS.

UGHELLUS, *to. 3. Ital. sac. veter. edit.*  
*col. 331. num. 37.* de isto Antonio sic lo-  
quitur: « Fr. Antonius Cipollonus, Nicolai  
» filius, Florentinus, ex Ord. Prædic. sacræ  
» theologiæ magister, episcopus Fesulanus  
» effectus est anno 1383. translatus deinceps ad  
» Volaterranensem ecclesiam anno 1390. inde  
» ad episcopatum Æginensem, post etiam ad  
archiepiscopatum Turritanum in Sardinia.»  
Hunc ad Æginensem transportatum sedem  
à Bonifacio IX. anno 1396. ix. kal. Jun.  
(id est die 24. Maii,) asserunt idem Ughellus,  
*to. 1. Ital. sac. in episcopis Volaterranis, col.*  
*374. num. 54. veter. edit. Fontana, Theat.*  
*Domin. pag. 188. col. 2. tit. 232. & Mich.*  
*Cavalieri, Galler. Domin. tom. 1. p. 194. &*  
*seq. quorum hic postremus scribit eum ad*  
*Tornus III.*

B archiepiscopatum *della Torre* in Sardinia pro-  
motum circa annum 1398. (vel potius anno  
1397.) & mortuum in illa urbe anno 1403.

## II. THOMAS.

Thomas Vicecomes Mediolanensis, creatus  
est episcopus Brixienfis anno 1386. deinde  
translatus ad ecclesiam Cremonensem anno  
1390. postea ad suam Brixianam reversus, ad  
Æginensem migravit ann. 1397. v. kal. April.  
(id est die 28. Mart.) *ex lib. provis. Prælat.*  
Ita Ughellus, *tom. 4. col. 752. n. 87. C. D.*

## III. JOHANNES I.

Waddingus, *tom. IV. annalium Min. ad*  
annum 1400. *num. 3. pag. 368.* Fr. Paulum,  
hujus Ordinis alumnum, factum fuisse refert  
archiepiscopum Nazarenum in regno Nea-  
politano, *ob translationem Johannis* (hujus  
Iii ij



ECCLESIA  
ÆGINÆ.

sedis episcopi) *ad ecclesiam Eguinensem*, (id est *Æginensem*) v. idus (id est die 9.) Febr. eo anno 1400.

IV. BERTRANDUS.

V. BERENGARIUS.

VI. JOHANNES II.

VII. REGINALDUS.

*Bertrandus de insula*, Minorita, teste eodem Waddingo *tom. v. ad annum 1420. num. 5. pag. 132.* eo anno, xvii. kal. Febr. (id est die 16. Januar.) à Martino V. Papa ad Eguinensem (sive Æginensem) ecclesiam in Achaia assumptus est.

Huic autem *Fr. Berengarius Perrinus* ejusdem Ord. successit, Æginensis episcopus renuntiatus à Martino V. per litteras *Aposto-*

*latius officium, &c.* anno 1428. *III. Non.* (id est die 3.) *Novemb.* ex eodem Waddingo ad hunc annum, *num. 3. pag. 197.* ubi tamen Bertrandum illum, cui suffectus est Berengarius, nec *Fratrem* appellat, nec *Minoritam*, sed simpliciter *Bertrandum*, quasi alius fuerit à *Bertrando de insula*, sui Ordin. quem supra asseruerat ad sedem Æginensem fuisse evectum.

*Fr. demum Reginaldus Polet*, etiam Minorita, post obitum *Johannis* cujusdam qui Berengarium probabiliter exceperat, episcopus Æginensis ab Eugenio IV. Papa, anno 1436. electus fuit, ut constat ex hujus Papæ litteris *Pastoralis officii, &c. v. kal. April.* (id est die 28. Martii) quas Wadd. memorat *ibid.* ad hunc annum, *num. 14. p. 302.* & exhibet in *Regesto Pontif. p. 230.*



## XIV. ECCLESIA CITHONIÆ, sive SITHONIÆ.

*CYTHNUS*, Græcè Κυθνός, Plinio & Melæ *Cythnos*, ex Stephano Byzantio insula est juxta Dryopidem Cycladum (quæ) à *Cydno* conditore (nomen sumpsit.) Appellabatur vero *Ophiasa* & *Dryopis*. Hanc sic describit Baudrand, *tom. 1. geogr. pag. 319. col. 1.* «*Cythnus* insula est maris Ægæi Plinio & Tacito, nunc *Gaura* dicitur, teste Sophiano, versùs oram Atticæ, inter Ciam & Delum insulas.... Tota montuosa est, & raros incolas habet.» Posteriori ævo Cithonia nuncupata est, factaque sæculo xiii. episcopi sedes Latini.

## EPISCOPI CITHONIÆ, sive SITHONIÆ

I. \* \* \*

Inter epistolas Innocentii III. variæ occurrunt de variis negotiis ad *episcopum Cithoniensem*, scilicet 153. lib. xi. anno 1208. 47. 151. 161. & *seqq.* & 170. & *seqq.* lib. xiii. anno 1210. 69. 73. 75. 76. & 80. lib. xv. anno 1212. *tom. 2. edit. Baluz.*

II. PHILIPPUS.

III. ANTONIUS.

Anno 1353. die 4. April. post *Philippi* episcopi Cithoniensis mortem, ad eam sedem

Devectus est ab Innocentio VI. Papa, *Fr. Antonius de Fario, Ord. Min.* Ita Wadding. ad hunc annum, *tom. 4. num. 6. pag. 32.*

IV. GREGORIUS.

*Gregorius*, Eremita Augustinianus, episcopus erat Cithoniensis anno 1389. quo ipsi à Capitulo Generali hujus Ordinis concessa facultas fuit die 24. Febr. retinendi apud se duos ejusdem instituti fratres. Id sub corrupto nomine *Siconiensis* refert Thom. Herrera *Alphab. August. tom. 1. pag. 295. col. 1.* ex Registris Generalium sui Ordinis.



## XV. ECCLESIA SALONIENSIS.

*SALONA* olim *Amphyssa*, ut observat Mich. Anton. Baudrand in *Lexico geogr. tom. 1. edit. Paris. 1682. p. 53. col. 1.* ad vocem *Amphissa*, quo nomine donatur à Strabone Plinio & Plutarcho, *Amphyssa* quoque dicta à Claudiano; urbs Græciæ est, Locrorum Ozolarum caput in Livadia provincia. Appellabatur autem *Amphissa* ex Stephano Bizant. in *Tract. de urbibus & populis*, quod utrimque montibus vallata sit. Distat 10. milliariis ab ora sinus Crissæi in septentrionem, & episcopatu insignitur sub archiepiscopo Atheniensi.

De urbe *Amphissa* hæc tradit Cellarius, *tom. 1. geogr. antiq. lib. 2. cap. 13. pag. 1117.* «*Primaria Ozolarum urbs Amphissa* fuit. Pausanias *Phoc. cap. 38.* (ait) *Δελφῶν ἡ ἀπώτατος σταδίων ἑκοσι καὶ ἑκατὸν ἔστιν Ἀμφισσα μέγιστη καὶ ὀνομαστότατη πόλις τῆς Λοκρῶν, Delphis cxx. stadiorum iinere Amphissa abest, Locrorum urbs maxima & nobilissima.* (At) Æschines contra *Ctesiphonem, p. 449.* (scribit) *οἱ Λοκροὶ οἱ Ἀμφισσῆς ἐξήκοντα στάδια ἀπὸ τῶν οἰκονόντων Δελφῶν, Locri Amphissenses sexaginta stadiis absunt à Delphis.* En quantus dissensus! Ille 120. habet



stadia, hic 60. sed Æschines non de urbe loquutus est, verum de Amphiffensibus qui à «  
finibus suis Athenienses arcebant. Ex qua parte vero Delphorum, lævane an dextra, «  
Amphiffa sita fuerit, non est omnino apertum. Plinius, *lib. 4. c. 3.* in Phocide ponit; quo fit «  
ut in dextrum latus, quod ortum solis spectat, aut in boream, remota ab urbe Delphis «  
fuerit, quia hi in extremo Phocidis, prope Locrorum fines, fuere positi. Contra Ptole- «  
mæus, & Scylax, & Stephanus, & Harpocraton in Locride Ozolarum censent, ut Delphos «  
à dextra & orientem versus adspexerit Amphiffa.» Thomas de Pinedo, nota 13. in Ste-  
phanum Bizant. *p. 79.* cum Stephano isto non consentit de etymologia nominis *Amphiffæ*,  
vultque eo nomine donatam ex *Amphiffa* Macarei Æoli filia, cujus monimentum adhuc  
ætate Pausaniæ erat in ea urbe, ut ipse refert, *lib. 10.* Amphiffam autem commigrarunt  
Ætoli ab Aug. Cæsare suis sedibus pulsi, teste eodem Pausania in lib. citato. Hanc Strabo  
ait amplius non stetisse suo tempore. «(Amphiffenses) qui de corpore sunt Locrorum  
Ozolarum, inquit *lib. 9. pag. 419. A. edit. Casaub.* quum, irruptione facta, Crissam occu- «  
passent, campum ab Amphictyonibus consecratum rursus culturæ subjecerunt.... Itaque «  
Amphictiones de iis supplicium sumpserunt, agrumque deo reddiderunt.» Et *pag. 426.*  
D. «Locrorum urbes fuerunt Amphiffa & Naupactus, de quibus Naupactus restat.» De-  
nique, *pag. 427. B.* «Amphiffa in extremitate campi Crissæi sita fuit; (sed) eversa, ut  
diximus, est ab Amphictyonibus.»

Verum, licet de urbe Amphiffa, ceu de loco celebri mentio occurrat, tum apud  
veteres scriptores, tum etiam *lib. 2. de Thematis.* Constantini Porphyrogenetæ, *Them. 5.*  
*pag. 24. B. tom. 1.* Imperii Orientalis Domni Anselmi Banduri Bened. *edit. Paris. 1711.*  
& in Hieroclis Synecdomo, *ibid. pag. 34.* in notitiis tamen non recensetur, nec ullus ejus  
memoratur episcopus qui conciliis interfuerit. Neque enim confundenda est *Salona*  
illa Græciæ cum alia urbe *Salona* in Dalmatia, cujus sedes Metropolitana translata est  
anno 650. ad civitatem *Spalatro*, inde 4. aut 5. milliar. distantem; quum sic diruta fuerit à  
Slavis anno 641. ut hodie viculus sit tantummodo, qui nec inter ipsos Spalatrensis episco-  
patus suffraganeos enumeretur. Ita monet doctiss. abbas de Commanville in *Tractatu geogr.*  
& *chronolog.* de omnibus orbis sedibus episcopalibus, Gallicè exarato Rothomag. 1700.  
*pp. 205. & 221.*

## EPISCOPI SALONIENSES.

### I. \* \* \*

ANNO 1345. extabat quidam episcopus  
*Sauloniensis* (Saloniensis) Ord. Præd. de quo  
fit mentio in *bibliotheca Cluniacensi Domni*  
*Martini Marrier, edit. Paris. 1614. coll. 345.*  
*346.* in excerpto scilicet ex chartulario Sil-  
viniacensi (Gallicè *Sauvigny en Bourbonnois*)  
de translat. corporis S. Odilonis à Rogerio  
Bituricensi archiepiscopo facta, ubi sic le-  
gitur: «Rogerius, permissione divinâ, Bitu-  
» ricensis archiepiscopus, universis Christi  
» fidelibus salutem in Domino sempiternam.  
» Noveritis quod de licentia & mandato SS.  
» in Christo Patris D. N. D. Clementis, digna  
» Dei providentia, Papæ VI. Nos una cum  
» reverendis in Christo Patribus Domnis Ca-  
» pitulien. Augustinorum & *Saulonien. Præd.*  
» *Ordin. episcopis*, & quamplurimis abbatibus,  
» &c. in ecclesia Silviniacensi Cluniacensis  
» Ordinis Claromontensis diocesis congre-  
» gatis, venerabile corpus almi confessoris B.  
» Odilonis, de loco in quo hætenus ibidem  
» tumultatum extitit, solemniter relevavimus,  
» &c. *Datum apud Tolon.* Claromontensis dice-  
» cesis, nostram provinciam visitantes, die 21.  
» Junii, anno Dom. 1345.» Idem excerptum  
extat apud Bollandum, *tom. 1. Jan. pag. 77.*

At nullibi occurrit nomen hujus episcopi  
Saloniensis, cujus nec meminere Ord. Præd.  
scriptores.

### II. JOANNES I.

Thomas de Herrera, in *Alphab. Augustin.*  
*tom. 1. pag. 427. col. 1.* de quodam Joanne  
ait: «*Joannes*, episcopus Saloniensis in Dal-  
matia (legendum ex dictis in *Græcia*) anno  
1390. inter vivos agebat. Ei enim (utpote  
» Ordinis Augustiniani alumno) die 19 Au-  
» gusti Prior Generalis (eiusdem Ordinis)  
» potestatem fecit retinendi continue unum  
» Capellanum, vel socium Fratrem nostri  
» Ordinis, prout libuerit, & eundem permu-  
» tare, secundum temporum occurrentiam.»

### III. JOANNES II.

### IV. GERARDUS.

Waddingus, *t. 5. anthal.* ad annum 1429.  
*num. 6. pag. 203.* tradit ad Salonen. in Dal-  
matia (legendum, ut supra, in *Græcia*) *Fr.*  
*Gerardum* (Baccalaureum formatum in theo-  
logia) per obitum *Joannis* (alterius fortassis  
ab eo qui supra, ejusque successoris, quum  
exinde fluxerint anni ferme quadraginta)  
à Martino V. promotum v. idus (id est die  
11.) Mart. ejusque diploma *Apostolatus of-*  
*ficiu* subjungit in *Regeft. Pontif. pag. 175.*



ECCLESIA  
SALONIENSIS.

V. JOANNES III.

VI. JOANNES IV.

Idem Wadding. ad annum 1457. n. 66. tom. 6. pag. 399. scribit Salonienſi eccleſiæ ſub archiepiſcopatu Naupaſtenſi (legendum Athenienſi, nulla enim eccleſia Salonienſis metropoli Naupaſtenſi ſubjicitur) vacanti per obitum *Joannis Stanterbich*, præfectum eſſe *Fr. Joannem Freyn*, Minoritam à Calisto III. eo anno die 29. Aug.

VII. JOANNES V.

Idem Waddingus *ibid.* ad annum 1461. num. 19. pag. 499. ait hoc anno occurrere ſibi memoriam *Joannis episcopi Salonen. in partibus infidelium sub archiepiscopo Athenienſi*, ſuffraganei episcopi Friſingenſis.

VIII. ANTONIUS.

Idem Waddingus, tom. 5. ad ann. 1448. n. 44. p. 551. refert templum Clariffarum Mediolanenſium exterius & interius anno 1471. ſub nominibus SS. Claræ, Antonii & Bernardini Deo dicatum, conſecratum eſſe ab *Antonio Cattaneo episcopo Salonenſi*, Stephani de Forolivio archiepiſcopi Mediolanenſis ſuffraganeo.

A

IX. JOANNES VI.

X. PHILIBERTUS.

*Joanni* episcopo Salonenſi mortuo ſubſtitutus eſt anno 1474. die 29. Jul. *Fr. Philibertus Willodi, Ord. Præd.* cujus promotionis diploma datum à Sixto IV. profert R. P. Bremond, tom. 3. Bullar. p. 635. ut & aliud ejuſdem Pontificis datum die 2. Auguſti, in quo hæc eccleſia *Salonenſis* dicitur archiepiſcopo Athenienſi ſubjecta.

B

XI. ERASMUS.

Idem Waddingus, tom. 7. ad ann. 1482. num. 82. pp. 137. & 138. ſub Sixto IV. hæc habet: «Ad Salonen. in Græcia ſub archiepiſcopo Athenienſi vel Naupaſtenſi per obitum *Joannis*, etiam Minoritæ, ſuffraganei, « uti diximus, episcopi Friſingenſis, *Fr. Eras- mus Pechenger*, in theologia licentiatuſ, VIII. « Idus (id eſt die 6.) Novemb.» Verum non capio quo pacto iſta cohæreant cum eo quod ſupra aſſeruit tom. 5. de Antonio Cattaneo: non enim Joanni qui Antonium præceſſit, ſuccedere potuit *Erasmus*; niſi fortalliſ Joannes ille titulo Salonienſis eccleſiæ bis fuerit potituſ, ſcilicet ante Antonium præfatuſ, & poſt Philibertum. Sed hallucinatuſ Waddinguſ fatiuſ duco.



XVI.

## ECCLESIA REONENSIS.

NULLAM aliam habeo notitiã eccleſiæ Reonenſis, quam ex quibuſdam præſulibuſ ei assignatiſ ſub Athenarum metropoli.

## EPISCOPI REONENSES.

I. \* \* \*

Inter præſuleſ quos Clemens V. litteriſ encycliciſ datiſ Piſtaviſ die 12. Auguſti anno 1307. vocavit ad conciliuſ generale Viennæ in Galliis celebranduſ, extat *episcopus Reonenſis*. « In eodem modo archiepiſcopo Athenienſi & episcopis, &c. mandamus quatenuſ voſ fratres, archiepiſcope, & Nigropontenſiſ & *Reonnenſiſ* episcopi, &c.» tom. XI. conc. Labb. part. 2. col. 1548. C.

II. JOANNES.

III. PETRUS.

Waddinguſ 10. 8. ad annuſ 1521. n. 24.

D pag. 351. tradit ad *Reonenſem* eccleſiam in iſula *Ægæi* maris, ſub archiepiſcopo Athenienſi, poſt obituſ *Joanniſ*, fuiſſe promotuſ à Leone X. eo anno die 6. Sept. *Fr. Petruſ à Corduba*, Minoritam.

Hunc Fontana *Theat. Domin. pag. 279. tit. 491.* fuiſſe ait *Ord. Præd.* & promotuſ die 13. Septemb. Subdit vero: «Licet hæc eccleſia inter infideleſ ſita ſit; tamen tunc temporis multi clerici & laici ibidem degebant, ut dicitur in actiſ Conſiſtorialiſibuſ ejuſdem Pontificiſ Maximi.»





## PROVINCIA CÆSAREENSIS IN CAPPADOCIA.

### ECCLESIA CÆSAREÆ METROPOLIS.

ECCLESIA  
CÆSAREEN-  
SIS.

**C**ELLARIUS *tom. 2. geogr. antiq. lib. 3. c. 8. pag. 346.* observat urbi, cui olim nomen *Mazaca*, postea novum sub Tiberio *Cæsareæ* nomen additum. Sic autem situm ejus describit Strabo *lib. 12. pag. 539. B. C. edit. Casaub.* « Absunt *Mazaca* (in neut. plur.) à Ponte versus meridiem stadiis circiter 800. ab Euphrate paulominus duplo, à Ciliciis portis itinere sex dierum.... à Cybistris 300.»

Cæsarea temporibus belli sacri, Latinos nonnullos incolas habuit, quibus se adjunxerunt alii ejusdem ritus Antiochiâ eò fugientes. Iis præfuerunt aliquot archiepiscopi.

### ARCHIEPISCOPI CÆSAREENSES *in Cappadocia.*

#### I. HENRICUS I.

**C**AVALERIUS asserit *tom. 1. Galler. Dom. pag. 153. n. 220.* quemdam *Fr. Henricum* Ord. Præd. natione Germanum, renunciatum esse archiepiscopum Cæsareensem in Asia, & floruisse circa annum 1365. Idem referunt alii ejusdem Ordinis scriptores.

#### II. JOANNES.

Daniel à V. M. *tom. 2. Spec. Carmelit. pag. 935. num. 3276.* testatur *F. Joannem Fabri* Carmelitam, ex archiepiscopo Calaritano in Sardinia factum esse archiepiscopum Cæsareensem anno 1440. ab Eugenio IV. & citat librum provisionum prælat. sub eo Papa.

#### III. GALESIUS.

*Galesius*, ex sede archiepiscopali Nicotienfi, in cujus possessionem ne veniret ob-

A stabat Joannes Rex Cypri, translatus est ad Cæsareensem ab Eugenio IV. anno 1445. ut narrat Raynaldus ad eum annum *n. 20.*

#### IV. HENRICUS.

*Fr. Henricus Kaltysen* sive Latinè *Frigidum Ferrum*, natione Germanus, Ordinis Prædic. hæreticorum hostis acerrimus, qui Basileensi concilio interfuit, & 8. volumina mss. suorum operum reliquit, recensita à R. P. Echard *tom. 1. pag. 829.* ad archiepiscopatum Nidrosiensem in Norvegia evectus est à Nicolao V. die 28. Februar anni. bissext. 1452. Dicitur etiam fuisse archiepiscopus Cæsareensis in suo epitaphio apud FF. Præd. Confluentinos in diocesi Trevirenfi ubi decessit anno 1465. die 2. Octob. Vide Fontanam *Theat. Dom. p. 66. tit. 25. & pag. 91. tit. 70.* R. P. Echard laudatum *pag. 828.* & R. P. Bremond, *tom. 3. Bullar. pp. 122. & 328.*

## PROVINCIA CORCYRENSIS.

**C**ORCYRA, vulgo *Corfu* sive *Corfou*, insula maris Ionii vix 4. milliariis. distans ab Epiri ora à parte boreali, extenditur à septentrione ad meridiem ad 55. milliariis. Porcaccio teste: ejus autem circuitus est 120. milliariis. inter Acroceraunios montes ad Boream & Leucadem insulam ad austrum; subest dominio Venetorum ab anno 1386. urbem habet cognominem, parvam, sed duplici arce fortissimam. Hæc Baudrand, *tom. 1. geogr. p. 298. col. 2.* Ecclesia est archiepiscopalis, cujus sequentes præfules ad notitiam nostram devenere.

### ARCHIEPISCOPI CORCYRENSIS.

#### I. GADDUS.

**G**ADDUS, Pisanus, Ordin. Præd. renunciatus est episcopus insulæ maris Adriatici, quam *Corcyram Nigram* seu *Melanam* appel-

Clamus, sub archiepiscopo Epidaurio ante annum 1331. quo decessit Bernardus Guidonis qui ejus meminit. Inde translatus hunc anno 1341. à Benedicto XII. ad metropolitanam Corcyrensem asserunt Cavalier.



ECCLESIA  
CORCYREN-  
SIS.

10. 1. pag. 121. num. 118. & R. P. Bremond, A  
tom. 2. Bullar. pp. 205. & 221. Fuit for-  
tassis archiepiscopus ille *Corcyrensis*, ad quem  
aliosque præfules Latinos Orientis scripsisse  
Clementem VI. refert Raynaldus ad annum  
1345. num. 6.

## II. JOANNES I.

Si *Joannes* iste cognomento *de Porta* non  
præcessit Gaddum in sede Corcyrensi, eum  
certè proximè subsequutus videtur, utpote  
quem Ughellus, tom. 6. Ital. sac. veter. edit.  
col. 427. num. 34. B. & 1. 9. col. 49 n. 36. B  
B. scribit olim archiepiscopum *Corphiensem*  
fuisse, annoque 1348. die 30. Maii trans-  
iisse ad sedem Brundusinam, & postea anno  
1352. ad Capuanam, ex Reg. Vatic. demum  
obiisse anno 1357.

## III. FRANCISCUS.

*Franciscus de Aptis*, nobilis Tudertinus,  
insignis sacrorum canonum doctor, ex ec-  
clesia Corcyrensi ad Clusinam in Italia  
translatus est anno 1348. die 17. Septemb.  
deinde ad Cassinensem anno 1353. die 15. C  
Jul. & ad Florentinam anno 1355. Hunc  
anno sequenti Innocentius VI. Cardinalem  
creavit tituli S. Marci. Obiit *Franciscus*  
anno 1361. Hæc Ughellus, tom. 7. in Ap-  
pend. ad tom. 3. col. 1426. num. 26. C.

## IV. \* \* \*

Innocentius VI. anno 1359. die XI. Maii  
epistolam scripsit cuidam archiepiscopo *Cor-*  
*phienfi*, & 13. aliis metropolitanis, eorumque  
suffraganeis, quam legere est apud Raynal-  
dum ad eum annum num. 16.

## V. JOANNES II.

*Joannes de Aurelia*, sic dictus ex patria  
sua Gallicè *Aureille*, æquali ferme spatio  
inter Arelatem & Avenionem, teste Baluzio  
de Pap. Aven. tom. 1. col. 1243. archiepi-  
scopus erat Corcyrensis ante annum 1378.  
quo eum Urbanus VI. mense Septembris  
renuntiavit Cardinalem. Verùm quum postea  
venisset in suspicionem prodicionis adversus  
eum Pontificem, illius jussu captus est Lu-  
ceriæ anno 1385. die XI. Januar. & tandem E  
Genuæ cum quatuor aliis Cardinalibus mor-  
tem violentam sustulit. De eo consulendi  
Baluzius modò laudatus, & Oldoinus in vitis  
*Rom. Pont. & DD. Card. t. 2. col. 633. E. F.*

## VI. MARCUS.

Daniel à V. M. tom. 2. *Speculi Carmelit.*  
pag. 942. num. 3311. refert hoc epitaphium  
extare in basilica sui Ordinis Venetiis: *Hic*  
*jacet F. Marcus Contareno Ordinis Carmeli-*

*tarum, archiepiscopus Corphienfis, qui obiit anno*  
*M. ccccx. die 14. Novemb.* Verùm dimissam  
fuisse ab ipso hanc ecclesiam pluribus ante  
annis quàm discederet è vita, ex modò di-  
cendis patebit.

## VII. ALBANUS.

## VIII. HILARIUS.

## IX. GEORGIUS sive GREGORIUS.

Ughellus, tom. 5. Ital. sac. col. 435. n. 89.  
A. B. vet. edit. scribit *Albanum Michaëlem*  
nobilem Venetum, archiepiscopum *Cor-*  
*phiensem*, ad Patavinam ecclesiam transiisse  
anno 1406. die 8. Martii, & obiisse anno  
1409. ipsi autem successisse in sede *Cor-*  
*phienfi Hilarium*, juris utriusque peritissi-  
mum, qui decessit anno 1414. & post hunc  
renuntiatum esse præfulem *Corphiensem*  
*Georgium de Cadolfino Ord. Præd.*

Hunc non *Georgium*, sed *Gregorium* ap-  
pellant Fontana *Theat. Dom. p. 70. tit. 32.*  
*Caval. t. 1. p. 207. n. 439.* & R. P. Bremond,  
*t. 2. Bullar. p. 528.* aiuntque promotum anno  
1414. die 28. Septemb. post obitum Hilarii.

## X. \* \* \*

Ambrosius præpositus Generalis Ordinis  
Camaldulensis, qui interfuit concilio Flo-  
rentino, & obiit anno 1439. meminit cu-  
jusdam archiepiscopi *Corcyrenfis* in epist. XIII.  
lib. x. suarum epistolar. tom. 3. *Veter. Script.*  
*ampl. collect. col. 321. C.*

## XI. PETRUS.

*Petrus*, Venetus, Ord. Præd. anno 1458.  
ad sedem Corcyrensem evectus est, & anno  
D sequenti admissus est ad gratias ejusdem Ord.  
in capitulo generali apud Noviomagum  
(*Noyon.*) Ita refert Fontana, *Theat. Domin.*  
*pag. 70. tit. 622.*

## XII. ISIDORUS.

Oldoinus *hist. Rom. Pont. & DD. Card.*  
*tom. 2. col. 904.* *Isidorum* Cardinalem ait præ-  
fuisse ecclesiis *Corphienfi* & *Nicosiensi*. Vide  
supra inter Patriarchas Constantinopolitanos  
ritus Latini col. 834. D.

## XIII. CHRISTOPHORUS.

Anno 1516. *Christophorus Marcellus*, *Cor-*  
*cyrensis* archiepiscopus electus, sacrarum  
ceremoniarum editionem libris tribus typis  
Venetis prodire curavit, & Leoni X. nun-  
cupavit. Refert Raynaldus ad annum 1522.  
num. 22. fragmentum epistolæ Petri Del-  
phini ad eum, datæ die 7. Jun.

## XIV. ANDREAS.

*Andreas Vendrominus*, ex Ord. Equitum  
S. Joannis



S. Joannis Hierosolymitani, archiepiscopus A sequenti mense Maio, quem postea anno 1686. Innocentius XI. Cardinalem creavit die 2. Augusti & ad ecclesiam Montefiasconensem transtulit anno 1687. mense Junio. Piissimè obiit anno 1706. die 27. Maii. Ex iisdem nuntiis, anno 1677. pag. 775. anno 1678. pag. 521. anno 1686. pp. 304. & 504. anno 1687. p. 372. & anno 1706. p. 306.

ECCLESIA  
CORCYRENSIS.

#### XV. JACOBUS.

Annis 1546. & 1547. *Jacobus Cauchus*, Venetus, archiep. Corcyrensis, interfuit concilio Tridentino sub Paulo III. ut constat ex ejus subscriptionibus, t. XIV. conc. Labb. coll. 745. E. 749. B. 771. A. 773. E. 788. E. & 790. A.

#### XVI. ANTONIUS.

*Antonius Caucus*, similiter Venetus, archiepiscopus Corcyrensis creatus anno 1560. die 29. Mart. adstetit postremis concilii Tridentini sessionibus, quibus subscripsit anno 1563. tom. XIV. conc. Labb. col. 924. B.

#### XVII. JOANNES.

Ex Ughello, tom. 7. Ital. sac. vet. edit. col. 941. num. 33. D. *Joannes Petrus Fortiguerrus*, Pistoriensis, ex episcopo Corcyrensi factus est Bituntinus antistes anno 1579. die 19. April. & obiit anno 1593.

#### XVIII. BERNARDINUS.

*Leo Allatius*, lib. 3. de consens. c. 16. col. 1253. num. 1. refert Paulum Gryfaldum, Perusinum, Ord. Præd. in gratiam *Bernardini Suriani archiepiscopi Corcyrensis*, edidisse *Malleum* sive *decisiones fidei catholicæ*, ad errores Græcorum refellendos. Opus illud Venetiis prodiit anno 1582. teste R. P. Echard, t. 2. p. 368. col. 2. ex quo sequitur Bernardinum hoc anno esse anteriorem.

#### XIX. ALPHONSUS.

*Alphonsus Paleottus*, archiepiscopus Corcyrensis renunciatus est anno 1591. die 13. Februar. ac coadjutor archiepiscopi Bononiensis, cui successit anno 1597. & obiit anno 1610. Ita Ughellus, tom. 2. Ital. sac. col. 59. num. 2. D.

#### XX. \*\*\*

In nuntiis publicis Gallicè scriptis per annum 1633. narratur pag. 373. Romæ die 25. August. festo S. Ludovici Regis Francorum, decantatam fuisse in ejus honorem Missam in basilica ei sacra ab archiepiscopo Corcyrensi, adstantibus DD. Cardinalibus, maximaque prælatorum ac nobilium caterva.

#### XXI. LABIA.

#### XXII. MARCUS ANTONIUS.

*Labiâ* ex archiepiscopo Corcyrensi ad sedem Adriensem in Lombardia migrante anno 1677. mense Septemb. ei suffectus est *Marcus Antonius Barbarigo*, Venetus, anno Tomus III.

In præfatis nuntiis per annum 1689. refertur pag. 21. anno præcedente mense Decemb. archiepiscopum Corcyrensem Venetias petiisse.

#### XXIII. \*\*\*

Anno 1706. ad ecclesiam Corcyrensem promotus est die 15. Novembris *Nicolaus Zeno*. Ex iisdem nuntiis per hunc annum, p. 628.

#### XXIV. NICOLAUS.

Anno 1706. ad ecclesiam Corcyrensem promotus est die 15. Novembris *Nicolaus Zeno*. Ex iisdem nuntiis per hunc annum, p. 628.

#### XXV. AUGUSTUS.

*Augustus Zacco*, archiepiscopus Corcyrensis, ex ea sede transit ad Tarvisiensem anno 1723. Ex similibus ejusdem anni nuntiis, pp. 115. & 626.

#### XXVI. ANGELUS.

*Angelus Maria Quirini*, Ord. S. Benedicti in congreg. Montis Cassini alumnus, ex archiepiscopo Corcyrensi præsul Brixienfis evalit die 30. Jul. anno 1727. Postea Cardinalis renunciatus est eodem anno die 26. Novembris, ut tamen jam creatus in petto anno præcedenti die 9. Decemb. Ex iisdem nuntiis anno 1723. p. 626. & anno 1727. pp. 415. & 621.

#### XXVII. VINCENTIUS.

#### XXVIII. PETRUS.

*Fr. Vincentius Maria Mazzoleni*, Ordin. Præd. Bergomi natus, ad archiepiscopatum Corcyrensem promotus est anno 1727. die 26. Novemb. ad Parentinam sedem postea transit anno 1731. die 18. Jun. de quo legendus R. P. Bremond, tom. 6. Bullar. pp. 707. & 748. Huic autem probabiliter successit *Petrus Antonius Foscarini*, Clericus regularis congreg. sancti Salvatoris, qui anno 1732. die 29. Mart. consuetum pro ea sede Romæ subiisse examen refertur in nuntiis Gallicis ejusdem anni, pag. 152.

Ecclesiæ Corcyrensi, his recentioribus sæculis subjectæ sunt, ut suffraganeæ, sedes Cepheleniæ & Zacynthi in unum episcopatum conjunctæ, de quibus sub provincia Corinthiensi agemus, quippe quas Corintho metropoli adscripserit Innocentius III. sæculo XIII.



## I. PROVINCIA CORINTHIENSIS.

**C**ORINTHUS, quam lumen totius Græciæ appellat Tullius in Orat. pro lege Manilia, urbs est Peloponnesi in Achaia, Isthmo insidens ex ejus nomine dicto *Corinthiaco*. Isthmos enim Græci nuncupant quascumque terræ angustias per quas è peninsula ad continentem itur. Cellarius, *tom. 1. geogr. ant. lib. 2. c. 13. p. 1171*. hanc, quia inter duo maria Ionium scilicet ac Ægæum sita est, à Latinis *Bimarem* dici observat. Duos autem portus habuit, *Lechæum*, Græcè Λεχæον ad Crissæum sinum seu occidentalem plagam, & *Cenchreas* Græcè Κενχρεας ad Saronicum sinum, de quibus mentionem facit Strabo *lib. 8. pag. 380. A. edit. Casaub.*

Urbs illa, quibusdam annis post captam à Francis & Venetis anno 1224. Constantino-polim, Gaufrido de Villaharduini in possessionem cessit, qui princeps Achaïæ dictus est; postea ad ditionem Venetorum transiit, quibus erepta est à Mahumete II. anno 1458. Distat 80. milliar. ab urbe Patris in ortum, teste Baudrand, *tom. 1. geogr. p. 300. col. 1.* Athenas versus 40. à Lacedæmone 85. in septentrionem, & 25. ab urbe Argos.

## ARCHIEPISCOPI CORINTHIENSES.

## I. H.

**E**X Innocentii III. epistola 6. lib. XIII. archiepiscopo Atheniensi, & Thermopylensi & Sidoniensi episcopis, data Later. IV. Non. (id est die 4.) Martii, anno XIII. Christi 1210. *tom. 2. edit. Baluz. pag. 409. col. 2.* non modica conjiciendi ansa porrigitur, quemdam; cujus nomen à littera H. incipiebat, Corinthiensi ecclesiæ datum esse primum præfulem Latini ritus. Hæc quippe ait Pontifex: *De cura Corinthiorum sollicitudinem decet nos gerere pastorem, ut quum eorum civitas ad dominium Latinorum credatur in proximo perventura, vel jam forsitan pervenisse, oves Domini quæ sunt ibi... ad unum redeuntes pastorem, & cognoscant eum... & cognoscantur ab ipso. Quocirca fraternitati vestræ per apostolica scripta præcipiendo mandamus, velut ex relatis rumoribus spem concepimus, dilecto filio nobili viro G. Romanicæ Senescalco reddere se contingat, aut jam reddidit seipsam, & aliquis archiepiscopus est in ea, prudenter & efficaciter inducatis eundem, ut ad obedientiam & reverentiam apostolicæ sedis ac nostram humiliter convertatur, juramentum exhibens super hoc quod exhiberi à talibus consuevit. Qui si forsitan id perficere recusaverit, vos, eo ab administratione pontificali prorsus amoto, quum pro rei novitate non possit, ex more aliarum ecclesiarum, ad usitatum electionis modum procedi, dilectum filium H. Decanum Cathalaunensem, virum utique vita, fama & scientia commendabilem, ecclesiæ civitatis ejusdem, autoritate nostra, sublato cujuslibet contradictionis & appellationis obstaculo, in archiepiscopum assignetis: idipsum facturi si forsitan, ut accepimus, eandem ecclesiam inveneritis, defuncto archiepiscopo, destitutam, monendo clericos, si qui fuerint, ut ei reverentiam*

*A & obedientiam debitam ac devotam impendant. Alioquin eidem Decano potestatem auctoritate apostolica conferatis, amotis illis (Clericis) instituendi tales in locis ipsorum qui sibi studeant, sicut membra capiti, per devotam obedientiam cohærere, &c.*

Scilicet, ut observat Bosquetus in notis ad epistolas Innocentii III. *suæ edit. Tolos. anno 1635. pag. 10.* cessit primo impetu Francis omnis Græcia, at resumptis postea animis, acriter sese defendit. Corinthus itaque, cui Leo Scurus tyrannus dominabatur, à Bonifacio marchione Montisferrati obfessa, non multa vi quidem capta est, sed restitit aliquandiu Acrocorinthus arx ejus; Scuri opem ferente. Corinthi archiepiscopus tunc sedebat Nicolaus, quem Scurus ille, quasi ipsi, depositis pristinis odiis, perfecte reconciliatus, suæ mensæ accitum, effossis oculis, de rupe præcipitari jussit, teste Niceta Choniata in annalibus, ubi de Balduino Imperat. *edit. Græco-Latin. Paris. anno 1647. pag. 410.* B. Occiso interim anno 1206. dum adversus Bulgaros dimicaret, Bonifacio, Gaufridus de Villaharduini Corinthum & arcem ejus sibi subdidit. Quum autem tunc temporis ea civitas Græco suo pastore destitueretur, illi præfectum, ut mandaverat Innocentius Papa, Cathalaunensem Decanum H. probabile admodum est.

## II. GUALTERUS.

Gualterum hunc anno 1212. ad sedem Corinthiensem promotum colligimus ex epistola 58. lib. xv. epistolar. Innocentii III. ipsi Gualtero Corinthiensi archiepiscopo, ejusque successoribus canonice substituendis in perpetuum, data Laterani per manum Joannis S. Mariæ in Cosmidin Diac. Cardin. S. R. E. Cancellarii, XI. kal. Junii (id est die 22. Maii)



indict. XV. Incarn. Dom. anno 1212. Pontif. anno XV. quæ extat tom. 2. edit. Baluz. pag. 622. col. 1. In ea siquidem ait: *Tuam volentes personam propensius honorare, propriis manibus consecravimus in Pontificem, & palleo insignivimus pontificali, &c.* Deinde, ad ejus petitionem, jura, privilegia possessionesque hujus metropolitane sedis confirmat, ecclesiasque suffraganeas recenset. *Episcopatus quoque, inquit, inferius annotandos ecclesie tue metropolitico jure subjectos tibi, tuisque successoribus nihilominus confirmamus: videlicet Cephalonen. Jachint. Damelant. Malavesia, Argos, Gilas & Gimenes.* Hæc autem omnia præfulem recens constitutum indicant. Anno sequenti 1213. scripsit idem Pontifex Patracensi archiepiscopo, ut Cephalonensem episcopum ab archiepiscopi Corinthii, qui verisimiliter adhuc erat hic Gualterus, molestiis eximeret. Epist. est 92. lib. XVI. to. 2. Baluz. pag. 793. col. 2. De eo antistite nihil ulterius occurrit.

## III. \*\*\*

Alter à Gualtero fortassis fuit *Corinthiensis ille archiepiscopus*, in cujus gratiam Honorius III. Petro Constantinopolitano Patriarchæ scripsit anno 1218. de usu pallii, *quatenus eidem archiepiscopo utendi eo libere tribueret facultatem.* Epistola data est Later. IV. kal. Novemb. (id est die 29. Octob.) anno III. apud Raynald. ad hunc annum, num. 25.

## IV. \*\*\*

Scribit idem Raynaldus, ad annum 1263. num. 21. pro erigendo Imperatoris Constantinopolitani Balduini folio, quod Michael Palæologus, captâ urbe regiâ, plurimum deturbaverat, simulque fulciendis reliquis Orientis Latinis principibus, missas ab Urbano IV. eo anno litteras ad Patracensem, *Corinthiensem*, aliosque archiepiscopos & episcopos, abbates, ac cæteros earum regionum præfules, ut, ad commune arcendum periculum, subsidia Wilhelmo Villarduino Achaie principi bello à Palæologo laceffito ad contrahendas copias suppeditarent.

## V. \*\*\*

Anno 1272. Gregorius X. Papa, archiepiscopum Corinthi in Gallias misit ad Philippum Regem sancti Ludovici filium, ut auxilia ab illo ipsius nomine in gratiam terræ sanctæ postularet. Transumptum ejus epistolæ refert Raynaldus ad eum annum, n. 5. Si archiepiscopus hic Corinthiensis idem non est ac ille cui, aliisque episcopis novem antea annis scripserat Urbanus IV. quod nomina propria utrobique omissa sub dubio  
Tomus III.

relinquunt, ejus impresentiarum specialiter meminimus.

Alius fortassis ab isto non fuit archiepiscopus ille Corinthiensis, cui, quinto exinde anno, Christi scilicet 1276. post mortem Adriani V. Papæ, quæ die 18. Aug. contigerat, Viterbii agenti, à Cardinalibus ibidem quoque congregatis tradita provincia est promulgandæ constitutionis ejusdem Adriani, qua altera Gregorii X. de reclusionem Cardinalium in conclavi suspensa declarabatur. Verum à Viterbiensibus pessime habitus fuit, qui sacrum collegium in duriores atque arctiorem custodiam redegerunt. Ita præfatus Raynaldus ad eum annum, num. 28.

## VI. GUILLELMUS I.

Guillelmus de Moerbeka five Morbeka, à loco natali, quod oppidulum est vernacule Meerbeke, ab oppido Ninive nuncupato, vulgo Ninove, tribus circiter milliar. distitum in Brabantie & Flandrie confiniis, Ordin. Præd. amplexus est, & ut vir erat zelo animarum æstuans, linguam Græcam & Arabicam, præter Latinam, familiares sibi fecit. Anno 1268. apud Clementem IV. Viterbii degit, cujus capellanus & pœnitentiarius fuit, sicut & successoris ejus Gregorii X. cui individuus adstitit in concilio secundo Lugdunensi; nec parum profuit. De eo enim ita legitur in actis hujus synodi, t. XI. conc. Labb. col. 958. Patriarcha (Gregorius) cum omnibus Græcis archiepiscopis de Calabria, & Frater W. (Wilhelmus) de Morbecca de Ordine Fratrum Præd. & F. Joannes de Constantinopoli de Ordine FF. Min. pœnitentiarum D. Papæ, qui linguam Græcam noverant, cantaverunt solemniter & alta voce prædictum symbolum, &c. Ad sedem Corinthiensem promotum illum ante finem anni 1277. liquet ex codice antiquo, qui est LV. fol. mag. memb. à fol. 92. ad 116. in Bibl. Colberti. ut refert R. P. Echard. tom. 1. scriptor. Ord. Præd. p. 390. col. 2. ad calcem quippe tractatus Galeni de alimentis, habetur: *Explicit liber Galeni de virtutibus alimentorum, translatus è Græco in Latinum à D. F. Guilhelmo de Morbeka Ord. Præd. archiepiscopo Corinthiensi, absolutus Viterbii (anno) 1277. XI. kal. Novemb. (id est die 22. Octob.)* A Joanne XXI. proinde circa finem anni 1276. aut primis sequentis anni mensibus, non vero à Nicolao III. qui electus est Pontifex die 25. Novemb. anno 1277. Guillelmus constitutus fuit archiepiscopus Corinthius, quamvis ei pallium, per manus Jacobi Cardinalis tituli S. Mariæ in Cosmedin, à Nicolao concessum fuisse v. idus (id est die 9.) April. anno 1278. ut tradit Bzovius ad eum annum, num. 33.  
K k k ij



ECCLESIA  
CORIN-  
THIENSIS.

nihil vetet. Bernardus Guidonis de eo ait inter praelatos Ordinis Præd. *F. Guillelmus de Morbecha fuit archiepiscopus Corinthi.* Ad sponsam suam quamprimum convolvit, annisque 1280. & 1281. ibidem commorabatur. Nam ad finem Procli Diadochi, *de decem dubitationibus circa providentiam*, legitur: *Expleta fuit translatio hujus libri Corinthi à F. Guillelmo de Morbeka archiepiscopo Corinthiensi anno Dom. 1280. die 4. Febr.* (id est stylo novo 1281.) Quamdiu postea vixerit, & ubi, quove die & anno obierit, non constat. Verisimile est decessisse eum Corinthi, nec ad annum 1300. pervenisse.

## VII. MATTHÆUS.

Guillelmum proxime excepit *Mathæus de Ofenio*, ut extat apud Bernardum Guidonis, in episcopis provinciæ Græciæ, non autem *de Costino* vel *de Constino*, ut mendose habent S. Antoninus *lib. 3. hist. tit. 23. cap. 11. pag. 680. col. 1.* C. Leander Albertus, *fol. 104.* B. Fontana in *Theat. Domin.* & alii. Ita præfatus P. Echard. *ibid. p. 389. col. 2.* Hunc doctiss. P. Antoninus Bremond, *t. 2. Bullar. Præd. pag. 71.* ad annum circiter 1294. revocandum censet, & ad pontificatum Bonifacii VIII. qui tamen electus est Papa die tantum 24. Decemb. hujus anni 1294.

## VIII. GUILLELMUS II.

Alphonfus Fernandez Ordinis Præd. in concertatione prædicatoria edita Salmanticæ anno 1618. ubi de archiepiscopis Italis ejusdem Ord. agit, *p. 453.* D. post recensitum Guillelmum de Morbeka archiepiscopum Corinthi, cujus nos supra meminimus, statim subdit: *F. Guillelmus alter archiepiscopus item Corinthi (anno) 1310.*

## IX. \*\*\*

Epistolam Joannis XXII. datam anno 1329. die 7. Maii archiepiscopo Corinthiensi & pluribus aliis præsulibus, adversus Petrum de Corbaria Antipapam, exhibet Raynald. ad hunc annum, *num. 3.* qui etiam scribit ad annum seq. *num. 54.* eundem Pontificem mandasse eo anno die 14. Junii, archiepiscopis Corinthi, Patrarum, & Hydruntino, ut militiam religiosam professuros crucis simbolo distinguerent.

## X. JACOBUS.

## XI. FRANCISCUS.

*Jacobus* iste archiepiscopus Corinthiensis erat ante annum 1349. & probabiliter præsul ille fuit, ad quem & novem alios metropolitæ eorumque episcopos suffraganeos, epistolam

A scripsit Clemens VI. Papa anno 1345. teste Raynaldo ad eum annum, *num. 6.* qua eos monebat ut Humbertum sive Imbertum, exercitus cruce signatorum contra Turcas ducem constitutum, totis viribus adjuvarent. Eo autem de ecclesia Corinthiensi translato ad Tarentinam, anno 1349. *Fr. Franciscus de Massa Ord. Min.* ad hanc Corinthiensem promotus est à Clemente VI. ut ex ejus diplom. *Officii nostri debitum, &c. dat. IV. kal. April.* (id est die 29. Martii) tradit Wadd. ad eum annum, *tom. 3. annal. Min. num. 11. pag. 566.* Is Franciscus fortassis fuit, ad quem aliosque illarum regionum præfules scripsit Innocentius VI. epistolam, datam Aven. v. idus (id est die 11.) Maii anno VII. Christi 1359. apud Raynaldum, ad hunc annum, *num. 16.* de vindicanda adversus Turcas religione christiana.

## XII. STEPHANUS.

Idem Wadding. *tom. 4. annal.* ad annum 1390. *num. 12. pag. 387.* scribit Stephanum episcopum Nimociensem in insula Cypro fuisse translatum ad ecclesiam Corinthiensem (anno 1305.) & in ejus locum sedi Nimociensi præfectum eodem anno XIII. kal. Octob. (id est die 19. Septemb.) à Bonifacio IX. Fr. Bartholomæum Gaium Minoritam.

## XIII. PETRUS I.

*Petrus Joannes de Baraballis*, nobilis Neapolitanus, archiepiscopus Acheruntinus ad ecclesiam Corinthiensem translatus est anno 1395. *Ex lib. obligat. Prælat. sub Bonifacio IX.* Ita Ughellus, *tom. 7. Ital. sac. col. 69. num. 21. D. vet. edit.*

## XIV. JOANNES.

Idem Ughellus, *tom. 9. col. 69. num. 12.* C. D. refert Joannem Petrum episcopum Cephalonensem ad sedem Corinthi migrasse anno 1401. *ex lib. Provif. Prælat.*

## XV. ANTONIUS.

## XVI. PETRUS II.

Post obitum Antonii archiepiscopi Corinthiorum, qui fortassis Joanni Petro successerat, huic sedi præpositus est anno 1421. die 14. Febr. *Petrus Raynaldi de Ripa Frangona* in Piceno, Ordin. Præd. ut constat ex diplomate Martini V. apud R. P. Bremond, *tom. 2. Bullar. pag. 597.* ex quo emendandi veniunt qui hunc anno 1415. asseruere promotum ad hanc ecclesiam.

## XVII. HUGO. Thomas.

## XVIII. JULIUS.

*Hugo Rethut* Burgenfis (vel Brugenfis)



Ord. Præd. creatus est archiepiscopus Corinthiensis à Nicolao V. anno 1450. teste Fontana, *Theat. Dom. pag. 70. tit. 33.* At Fernandez quem citat, hunc Hugonem, *pag. 453.* & Thomam Seraphinum ejusdem Ordinis, *pag. præcedenti 452.* recenset; unumquemque autem pro illo ipso anno 1450. R. P. Bremond, *tom. 3. Bullar. pag. 328.* solum Hugonem commemorat, omisso Thoma. Cavalier. utriusque meminit Hugonis quidem, *tom. 1. pag. 250. num. 128.* sub anno 1450. Thomæ vero *ibid. p. 328. num. 375.* sub anno circiter 1516. Quia tamen anno 1514. die 5. Maii sess. IX. conc. Lateranens. subscripsit R. P. D. Julius Corinthiensis præsul, *t. 14. conc. Labb. col. 204.* D. dicendum omnino Thomam Seraphinum, si reipsa præfuit aliquando ecclesiæ Corinthiensi, vel ante Julium sedisse, vel post ipsum.

## A XIX BELLARINI sive BALSARINI.

ECCLESIA  
CEPHA-  
LONÆ.

Quum Veneti, inter plura alia Moreæ oppida, etiam Corinthum Turcis eripuissent anno 1687. huic in archiepiscopum dederunt sub finem anni 1698. D. Bellarini qui antea fuerat ecclesiæ Chienfis antistes. Is nonnunquam Balsarini nuncupatur, & obiit Naupliæ (Napoli de Romania) anno 1700. Ex nuntiis Gallicis anno 1699. *pag. 7.* & anno 1700. *pag. 165.*

## XX. ANGELUS.

Angelus Maria Carlini, Ord. Præd. susceptus est in sedem Corinthi eodem anno 1700. Ex præfatis nuntiis eo anno *p. 340.* & anno 1703. *pag. 18.* Hujus quoque meminit R. P. Bremond, *ta. 6. Bullar. p. 517.*

## II. ECCLESIA CEPHALENIAE sive CEPHALONIAE.

CEPHALENIA, sive Cephallenia, aut Cephalonia, Græcè Κεφαλονία & Κεφαλλονία, insula mediocris est maris Ionii inter Ithacam & Zacynthum.

Cephallenia Latinos præfules habuit sub Corintho metropoli sæculo XIII. ut ex epistola Innocentii III. constat Gualtero Corinthiensi archiepiscopo data die 22. Maii anno 1212. cujus supra meminimus, *col. 884.* In unum postea cum Zacynthensi ecclesia episcopatum coaluit sub archiepiscopatu Corcyrano, postquam Corinthus in Turcarum potestatem venisset. Ditionis, est nunc Reipubl. Venetorum ab aliquot sæculis, & villas tantum ac pagos habet cum castro in colle Cephallenia dicto, sive Cefalonia, à quo ad sex milliaria inest portus Argostoli peramplus in ora australi insulæ, cujus habitatores Græcos ritus servant. Hæc asserit Mich. Anton. Baudrand in *Lexico suo geogr. edit. Paris. 1682. tom. 1. p. 255. col. 2.* Additur in *Lexico Gallico Morerii edit. Paris. 1712. p. 161.* insulæ hujus circuitum esse 170. milliar. & dividi in septem partes, dictas Argostoli, Liscuri, Finea, Erisso, Pillaro, Samo & Lucato. Erectum episcopatum in illa insula cum canonicorum collegio à Marchione de Tocchis qui princeps erat Achaiæ sæculo XII. A Gaïo eandem insulam Venetis dono concessam anno 1224. captam à Turcis anno 1479. in potestatem Venetorum rediisse anno 1499. à quibus anno 1595. castrum Aſso constructum est in colle sublimi, ut populo insulæ esset in præsidium.

## EPISCOPI CEPHALENIAE.

### I. \*\*\*

Præfatus Innocentius Papa in epist. 64. lib. xv. ipsimet episcopo Cephaloniæ data Laterani xv. kal. Jun. anno. xv. id est die 18. Maii, anno Christi 1212. *t. 2. edit. Baluz. pag. 623. col. 2.* ei mandat ut Corinthiensi archiepiscopo recens promotus, Gualtero scilicet, suo metropolitano obediret.

Fuit verisimiliter episcopus ille Kephalonensis de quo hæc scripsit idem Innocentius anno sequenti 1213. Patracensi archiepiscopo, *pag. 793. col. 2. epist. 92. lib. xvi. Exhibita nobis ex parte venerabilis fratris nostri Kephalonensis episcopi petitio continebat, quod quum Kephalonensis ecclesia ad apostolicam sedem immediate spectaverit ab antiquo,*

*C & distet per septem dietas, duobus archiepiscopatibus mediis, à Corintho, venerabilis frater noster Corinthiensis archiepiscopus per quasdam litteras ad te contra Kefalonensem ecclesiam super impendenda obedientia impetratas, ipsum indebita molestatione fatigat. Quocirca fraternitati tuæ per apostolica scripta mandamus, quatenus, inquisita & cognita veritate, non permittas eundem super hoc indebite molestari, &c. Datum Signiæ nonis (id est die 5.) Augusti anno xvi.* Non liquet quænam molestia illa fuerit episcopo Cephalenicensi à Corinthiensi archiepiscopo illata.

### II. G.

Ughellus, *tom. 1. Ital. sac. in Humana-tenfibus episcopis, col. 806. num. 9. C. ver.*  
K k k iij



ECCLESIA  
CEPHA-  
LENSE.

*edit.* ita scribit: «G.... quondam episcopum  
» Cefalonensem huc (id est ad ecclesiam  
» Humanatensem) transtulit Innocentius IV.  
» anno 1252. pridie kal. Julii (id est die 30.  
Jun.) ex Reg. Vat. *ep. 1. fol. 196. anni X.*»

## III. BLASIUS.

Anno 1389. *Blasius* Ord. Eremit. sancti  
Augustini, episcopus erat Cephalonensis in  
insula maris Ionii, ditionis Venetorum, anno  
1391. ut ex Registris Generalium ejusdem  
Ord. colligit Thom. de Herrera, in *Alphab.*  
*August. tom. 1. pag. 106. col. 2.*

## IV. JOANNES I.

## V. GREGORIUS.

## VI. ANTONIUS.

## VII. DOMINICUS.

## VIII. JOANNES II.

Ughellus, *to. 9. Ital. sac. vet. edit. col. 69.*  
*num. 12. C. D. refert ex lib. Provis. Prælat.*  
translato Joanne Petro episcopo Cephalonensi  
ad archiepiscopatum Corinthiensem anno  
1401. in locum ejus subrogatum esse à  
Bonifacio IX. Gregorium Velliternensem.

Porro *Gregorius* iste Velliternensis ille ipse  
videtur *Gregorius* episcopus *Cephaludensis*  
(legendum procul dubio *Cephalonensis*) in  
Patracenti provincia, quem idem Ughellus,  
*tom. 1. col. 152. num. 32. C. ad Signinensem*  
ecclesiam translatum ait die 28. Novemb.  
anno 1427. *ex actis consistorial. Martini V.*  
Gregorium, *tom. 9. ex ecclesia Cephalonensi*  
ad Signinensem transivisse narrat, & hoc  
solum discrimen occurrit, quod, *tom. 9. die*  
mensis omissa, annum 1430. assignet; sed

Annus 1427. *tom. 1. præferendum reor,*  
ex modo dicendis.

*Antonio* quippe *de Morellis*, nobili civi &  
canonico Florentino, qui Gregorio Velliter-  
nensi in sede Cephalonensi suffectus fuerat,  
successit in ea sede anno 1430. teste ipsomet  
Ughello, *tom. 9. nunc citato, Dominicus.*

De eo autem *Dominico* nihil hîc aliud  
profert Ughellus, quam nomen & obitum  
anno 1437. Verum ex diplomate Martini V.  
dato Romæ x. kal. April. (id est die 23.  
Mart.) Pontif. anno XIII. Christi 1430.  
B apud doctiss. P. Antonin. Bremond, *tom. 2.*  
*Bullar. Ord. Præd. pag. 708.* discimus præ-  
fulem istum Ordin. Præd. alumnum fuisse,  
ac evectum ad sedem, non *Cephaloditanam*  
in Sicilia, ut existimarunt Fontana & Cava-  
lerius, sed *Cephalonensem*, tunc sub Patracenti  
archiepiscopo, nunc vero sub Corcyrensi.  
Eo igitur mortuo anno 1437.

*Joannes*, canonicus Monopolitanus, qui  
anno 1423. VIII. kal. Novemb. (id est die  
25. Octobris) datus fuerat præsul ecclesiæ  
Hostunensi Brundisinæ suffraganeæ, ex ea  
translatus est ab Eugenio IV. ad Cephalo-  
nensem præfatus anno 1437. v. kal. Martii  
(id est die 25. Febr.) Post recensitos supra  
dictos episcopos, subdit Ughellus: «Hæc *ex*  
*lib. Provis. Prælat.* licuit hic breviter enarrare, «  
quum non desint qui scribant hos *Cephalu-* «  
*denses* in Sicilia fuisse præfules; sed *Cepha-* «  
*lonenses* revera fuerunt antistites.»

De cæteris *Cephaloniæ* episcopis agemus  
inter *Zacynthi* præfules, utpote qui *Ce-*  
*phalonix* & *Zacynthi* ecclesiarum unitarum  
curam gefferint.

## III.

## ECCLESIA ZACYNTHI.

*ZACYNTHUS* insula maris Ionii, versus oram occidentalem Peloponnesi. Hanc asserit  
Plin. *lib. 4. c. 12. aliquando adpellatam Hyriam*; unde minus recte *Hyriam* à *Zacyntho*  
distinguit Mela. Scylax in ea insula oppidum & portum esse testatur.

## EPISCOPI ZACYNTHI.

## I. \* \* \*

INNOCENTIUS III. anno 1207. die 18.  
Septembris per epistol. 128. lib. x. mandat  
archiepiscopo Patracenti, *tom. 2. edit. Baluz.*  
*pag. 73. col. 2.* ut cuidam episcopo Græco  
*Zacynthi*, nisi ille resipisceret, alium qui  
procul dubio ritus Latini foret, substitui  
curaret: *Ad nostram noveris audientiam per-*  
*venisse, quod in insula Zacyntho quæ ad dilecti*  
*fili nobilis viri Majonis Comititis Kephalonix*  
*perinet ditionem, quidam episcopus Græcus*  
*non solum sedi apostolicæ inobediens & rebellis*

*Dei* sit, ejus dispositionibus omnino parere con-  
temnens, verum etiam vitam ducit in multorum  
scandalum dissolutam. Quocirca fraternitati tuæ  
per apostolica scripta mandamus, quatenus, si  
est ita, eundem episcopum moneas attentius,  
& inducas ut sedi apostolicæ omnimodam  
obedientiam & reverentiam studeat exhibere,  
vitam & mores suos in melius commutando,  
prout gravitas officii Pontificalis exposcit. Si  
vero monitis tuis acquiescere forte contempserit,  
tu, ipso ab ecclesiæ suæ cura prorsus amoto,  
facias eidem ecclesiæ de persona idonea, sub-  
lato appellationis obstaculo, canonice provideri,



*contradictores vel rebelles per censuram ecclesiasticam, monitione præmissâ, compescens. Datum Viterbii XIV. kal. Octob. anno x. Latet quisnam fuerit hujus negotii exitus.*

Anno 1212. die 18. Maii, scripsit idem Pontifex *episcopo de Zacyntho*, qui fortassis episcopo huic Græco, sive deposito, sive mortuo, successerat, ut archiepiscopo Corinthiensi tanquam suo metropolitano obedientiam præstaret. Epistola est 63. lib. xv. tom. 2. edit. Baluz. pag. 623. col. 2.

## II. JOANNES I.

## III. JOANNES II.

Waddingus, tom. 6. annal. FF. Minor. p. 617. ad annum 1463. num. 120. scribit, Joanne (qui forsitan non est Joannes ille anno 1437. promotus, de quo postremam fecimus mentionem inter episcopos Cephalonis & Zacynthinæ unitarum mortuo, anno 1463. ei subrogatum fuisse eodem anno à Pio II. XII. kal. Novembris, id est die 21. Octob. Fr. Johannem Antonium Scardameti, Minorit.

## IV. JOANNES III.

Posterioribus sessionibus synodi Tridentinæ interfuisse legitur, tom. XIV. conc. Labb. col. 928. B. Johannes Franciscus Commendonus, Venetus, episcopus Zacynthi & Cephalonis, electus mense Octob. anno 1555. qui Cardinalis creatus est anno 1565. die XII. Martii, obiitque Patavii die xxvi. Decemb. anno 1584.

## V. JOHANNES IV.

Commendono successit in episcopatu ecclesiarum Cephalonis & Zacynthi Johannes Petrus Delphinus, itidem Venetus, canonicus regularis S. Salvatoris, electus die 2. April. anno 1560. qui synodo quoque Tridentinæ adfuit sub Pio IV. & subscripsit ut episcopus Cephalonis & Zacynthi secundus, vivente nimirum Commendono, cui ad honorem, dimissa sede, titulus relictus fuerat. Ibid. col. 930. B.

## VI. RAPHAEL.

Oldoinus, hist. Rom. Pont. & DD. Card. tom. 4. Rom. edit. 1677. col. 227. A. sub Gregorio XIV. refert à Paulo Æmilio Sfondrato qui creatus fuerat Cardinalis ab eo Pontifice anno 1590. die 19. Decemb. cum titulo S. Cæcilie, & postea Albanensis episcopus evasit, ad hanc ecclesiam diligentius regendam, adiutorem assumptum, ex Pauli V. consensu, Raphaëlem Invitatum Zacynthi episcopum, sic etiam post dimissam ecclesiam illam nuncupatum, qui ab Urbano

A VIII. Pontifice præceptor Xenodochii S. Spiritus in Saxia constitutus, ibi religiosissime decessit, morum candore & multiplici doctrina conspicuus.

## VII. CONSTANTINUS.

In nuntiis publicis Gallicè conscriptis per annum 1634. pag. 353. legitur die 24. Jul. hujus anni propositum à Cardinali Barberino pro episcopatu Zacynthi sub ditione Venet. P. Dom. Constantinum, Rossanum.

## VIII. JOANNES.

B In iisdem nuntiis per annum 1640. pp. 845. & 846. legitur Joannem Rossi examen fuisse coram Urbano VIII. die 29. Octob. hujus anni, pro episcopatu Zacynthi sub dominio Venetorum.

## IX. GOZZADINUS.

Anno 1654. die 22. Mart. D. Gozzadinus episcopus Zacynthi consecratus est à Cardinali Franciotti, ex iisdem nuntiis per hunc annum, pag. 397. Vivebat adhuc, & Zacynthi commorabatur anno 1666. nam C Josephus de Sancta Maria Carmelita discalceatus, Vicarius apostolicus, scribit se ex India orientali Romam redeuntem ab ipso perhonorifice exceptum eo anno in insula Zacyntho.

## X. HYACINTHUS.

Hyacinthus Maria Conigli, Venetus, Ord. Præd. alumnus provinciæ Lombardiæ, Prior erat conventus S. Dominici Venetiis, quum piissimus adolescens Gravinensium Dux D. Petrus Franciscus Ursinus, mundum calcans sub pedibus, ad ipsum accessit, ut veste ejusdem Ord. indueretur, quem ultro cum suis religiosis admisit pro eodem conventu anno 1668. mense Augusto. Is fuit qui postea sacram Cardinalium purpuram sub nomine Vincentii Mariæ Orfini, ipsamque sedem apostolicam sub nomine Benedicti XIII. heroicis virtutibus plurimum illustravit. Porro Fr. Hyacinthus Maria Conigli, celebris concionator, postea renunciatus est à Clemente X. die 6. Maii, anno 1675. suæ ætatis 55. episcopus Cephalonis & Zacynthi, atque consecratus à præfato Vincentio Maria Orfini qui jam Cardinalis erat ab anno 1672. & à tribus mensibus archiepiscopus Manfredonis. Primus autem fuit tot episcoporum quibus deinceps eminentissimus ille Orfini manus sacras imposuit; quod tunc contigit eodem mense Maio Gravinæ in ecclesia monialium S. Francisci. In visitatorem apostolicum delegatus fuit Hyacinthus Maria Conigli per totam regionem



ECCLESIA  
ZACYNTHI.

Moreæ à Venetis recens ereptam Turcis. A Tandem exacto vigesimo vigilantissimi regiminis anno, dignitate dimissâ, ad suos fratres in conventu sancti Dominici Venetiis se recepit mense Maio anno 1695. ubi reliquum vitæ sanctè peregit. Superstes adhuc erat anno 1696. quo Michaël Cavalieri de eo hæc scribebat. Legendus *tom. 1. Galler. Domin. pag. 676. num. 196. & tom. 2. §. 6. pag. 21. num. 6. præfato anno editis.*

## XI. JUNELLI.

Hyacintho Mariæ Conigli successit P. Junelli Ordinis S. Benedicti, de quo nuntii publici Gallicè conscripti die 17. Septemb. 1695 ex litteris Roma missis die 23. Aug. eodem anno hæc tradunt, *p. 436. Die 18. S.S. (Innoc. XII.) interfuit congregationi sancti Officii, die vero sequenti, examini episcoporum, in quo P. Junelli Benedictinus interrogatus fuit.*

## XII. JOHANNES VI.

Johannes Chrisostomus Calvi, Ord. Præd. creatus est à Clemente XI. episcopus Cephaloniæ & Zacynthi anno 1718. Deinde transiit ad ecclesiam Feretranam seu Leopolitanam, sub archiepiscopo Urbinatenfi in Italia, die 7. Septembris anno 1729. Ita R. P. Antoninus Bremond, *tom. 6. Bullar. Præd. pp. 521. & 710.*

## XIII. JOSEPHUS.

Joanni Chrisostomo Calvi ad ecclesiam Feretranam translato anno 1729. substitutus est eodem an. *Fr. Josephus Caccia*, Venetus, Ordin. Minor. qui Romam veniens mense Novembri, de theologia & jure canonico examen consuetum subiit coram S.S. Papa Benedicto XIII. Ex nuntiis publicis per eum annum Gallicè scriptis, *pp. 597. 598. & 622. & per annum 1731. p. 65.*

## XIV. CÆSAR.

Ex iisdem nuntiis anno 1730. *pag. 464. anno 1731. pp. 65. & 150. & anno 1736. pag. 101.* discimus Casciam sive Cacciam ad sedem Traguriensem (Traw) sub Spalatro metropoli in Dalmatia migrasse anno 1730. eique in ecclesia Zacynthi suffectum eodem anno D. Cæsarem Bonajutti, qui fisci ecclesiæ Patriarchalis Venetiarum tunc curam gerebat; anno autem 1731. Cæsarem Bonajutti Romæ consecratum à Cardinali Otthoboni die 24. Martii, & postea ad ecclesiam Liesenensem sub dominio Venetorum translatum anno 1736. mense Febr.

## XV. PIETRUCINI.

Cæsari Bonajutti suffectus est in sede Zacynthi, eodem anno 1736. mense Febr. D. Pietrucini Romondivi. Ex iisdem nuntiis per hunc annum, *pp. 125. & 140.*

## IV. ECCLESIA MALVASIÆ.

**M**ALVASIA olim appellabatur *Epidaurus Limera*. Tres autem *Epidauri* nomine insignitas civitates reperimus: unam in Dalmatia, quæ nunc *Ragusum* dicitur: alteram in Peloponnesi Argia regione ad Saronicum sinum: tertiam ad Argolicum sinum in Laconica ditione. De tribus illis urbibus agit Mich. Anton. Baudrand, *to. 1. pag. 364. col. 2.* & de tertia quidem hæc habet: «*Epidaurus Limera*, id est Pratenfis (sive Portuensis) urbs Peloponnesi in Laconia regione Thucydidi, Ptolemæo & aliis, postea *Monembasia* dicta, & archiepiscopalis facta, vulgo *Malvasia* (nuncupatur) Gallis *Malvoisie*, ubi nobile vinum: nunc in Traconia regione sita est in ora littorali ad initium sinus Argolici in rupe in modum insulæ undique mari cincta, & ponte tantum ligneo oblongo jungitur lingulæ terræ in mare excurrenti: portum habet capacem, & arcem munitam in colle vicino à Turcis constructam, ubi antea sita erat urbs antiqua *Epidaurus*, teste Sagredo. Aliàs sub erat dominio Reipub. Venetæ, sed pace cum Turcis sancita, eis concessa fuit anno 1537... Vix 50. milliar. distat à Sparta in ortum, & 65. à Scyllæo promontorio in meridiem, (&) Maleam promontorium versus 30. circiter.»

## EPISCOPI MALVASIÆ.

## I. SYBERTUS.

**A**Nno Domini 1359. XI. kalend. Octobris, (id est die 21. Septemb.) obiit Sybertus de Bospardia de Troistorp, Carmelit. episcopus Malvasiensis, ut epitaphii ejus inscriptione ferri in Bospardia ejusdem Ord. conventu dicit Daniel à Virg. Maria Carmel. *tom. 2.*

D *Specul. Carmelit. pag. 953. num. 3353.*

## II. ANDREAS.

Concilio Lateranensi, anno 1514. sub Leone X. Papa, interfuit reverendus pater *Andreas Monembasiensis episcopus*, *tom. XIV. conc. Labb. col. 204. E.*



## V. ECCLESIAE DAMELANTENSIS, GILAS ET GIMENES.

**T**RES illas ecclesias simul jungimus, quod, licet eas cum aliis quibusdam, Corinthi metropoli ut suffraganeas, Innocentius III. assignaverit in sua epistola ad Gualterum supra memorata, nullus tamen ex praesulibus Latini ritus, qui illarum ecclesiarum suscepit curam, nobis notus sit: imo quae fuerint loca illa, corruptis vel mutatis nominibus, vix ariolando conjicere possimus.

\*\*\*\*\*

## VI. ECCLESIA ARGOLICA.

**A**RGOS celeberrima urbs est Peloponnesi, de qua haec habet Strabo, l. 8. geogr. p. 376. *D. edit. Casaub. Omnium quae in Peloponneso sunt urbium, illustrissimae fuerunt, suntque etiamnum Argos ac Sparta.... Antiquitus quidem fama Argos superabat; sed inferioribus temporibus Spartani omnibus modis superiores fuerunt, libertatem suam perpetuo servantes: nisi quod exiguis quibusdam in rebus deliquerunt.* Supra dixerat idem auctor, pag. 368. *B. Post Maleas Argolicus sequitur sinus & Hermionicus, quorum ille usque ad Scyllaeum versus ortum & Cycladas porrigitur; hic magis adhuc in Orientem vergit usque ad Aeginam & Epidauriam. Primas Argolici sinus partes Lacones, reliqua Argivi, tenent, &c. Argivorum sunt Prasiae & Temenium, ubi sepultus est Temenus: & prior eo locus per quem fluit Lerna fluvius paludi cognominis Hydrae fabula celebri. A Temenio Argos usque supra mare sunt stadia 26. ab Argis Heraeum stadia 40. atque hinc Micenas 10. &c. & pag. 370. C. Urbs Argos maiore sui parte sita est locis planis, arcem habet Larissam collem mediocriter munitum.... Prope urbem fluit Inachus amnis, &c.*

Urbs Argos simul cum Neapoli in Morea anno 1388. à Maria illius principatus haerede, Venetis vendita est, ut refert Raynald. ad hunc annum n. 5. ex auctore append. ms. ad historiam Andreae Danduli, quum grave periculum immineret ne eae urbes in Turcarum potestatem laberentur. Olim episcopalis sedes erat sub archiepiscopo Corinthio, sed Isaac Angelus Imperator Graecus, qui Constantinopoli regnare coepit ab anno 1185. & mortuus est anno 1204. eam ad dignitatem ecclesiae metropolis evexit: hanc tamen postea Innocentius III. in epist. ad Gualterum Corinthiensem archiepiscopum, de qua superius, col. 885. B. fecimus mentionem, inter Corinthi suffraganeas recenset. Baudrand, tom. 1. geogr. pag. 92. col. 1. asserit eam hodie esse metropolim, quanquam in vicum redacta sit, paucisque constet incolis: venditam autem fuisse Venetis à Theodoro Spartae Duce, iis vero ereptam deinde à Turcis, & rursus à Mahomete II. Turcarum Imperat. sed fuisse recuperatam à Venetis anno 1686. iisque remansisse, pace inita inter ipsos & Turcas anno 1699. Plures episcopos Latini ritus in eam sedem promotos invenimus, qui non archiepiscopi, sed episcopi dicuntur.

### EPISCOPI ARGOLICENSES.

#### I. \* \* \*

**A**NNO 1255. Alexander IV. litteris ad episcopum Argolicensem aliosque praesules, datis Neapoli IV. Nonas (id est die 2.) Januar. anno 1. iis mandavit ut, quum Achaiae & Moreae regiones Latinis subditae, Graecorum armis oppetita, in grave periculum adducerentur, universos archiepiscopos, episcopos, aliosque ecclesiarum praelatos, procuratores cathedralium ecclesiarum vacantium, necnon caeteros clericos beneficiatos, omnes quoque religiosos tam exemptos quam non exemptos monerent, & efficaciter inducerent ut ad dictarum regionum conserva-

Tomus III.

tionem adversus hostiles insultus congrua subsidia largirentur. Excerptum hujus epist. refert Raynald. ad annum 1255. num. 74.

#### II. \* \* \*

Anno 1264. Urbanus IV. Coronensi atque Argolicensi episcopis, provinciam contrahendi Cruce signatorum exercitus, pro recuperando imperio Constantinopolitano, quod Francis Graeci abstulerant, demandavit: ex Raynald. ad hunc annum, num. 57.

#### III. \* \* \*

Intèr archiepiscopos & episcopos quos Clemens V. litteris suis encyclicis, datis

LII



ECCLESIA  
ARGOLICA.

pridie idus (sive die 12.) Augusti anno 3. Christi 1307. invitavit ad concilium Vienne, episcopus fuit Argolicensis: legitur enim, tom. XI. conc. Labb. part. 2. col. 1547. D. In eodem modo archiepiscopo Corinthiensi & episcopis, &c. mandamus, quatenus vos, fratres archiepiscopo & Argonensis episcopo, &c.

## IV. VENTURINUS.

## V. NICOLAUS.

Venturinus praeul erat Argolicensis anno 1356. quo IV. idus (id est die 10.) Decemb. translatus est ad ecclesiam Bellicastrensem in Italia ab Innocentio VI. ex ejus epistol. 65. fol. 10. in Regest. Vatic.

Iisdem vero anno & die, ex sede Bellicastrensi ad Argolicensem promotus est Nicolaus, qui priori ecclesiae, ex episcopo Bituntino, praeerat ab anno 1349. kal. (id est die 1.) Januar. Ita Ughellus, tom. 9. Ital. sac. vet. edit. col. 695. m. 4. & 5. B.

## VI. JACOBUS.

Jacobus Petrus de Pigalordis, Gallus, Ord. Præd. doctor Paris. Argolicensis episcopus renuntiatus est ab Urbano V. VI. idus (id est die 8.) Novemb. anno 1368. ex lib. 3. Provision. hujus Pontificis, & Ughello in mss. Ita Fontana in Theat. Domin. pag. 130. tit. 50. num. 1.

## VII. JOANNES.

## VIII. CONRADUS I.

Johanne, episcopo Argionenfi (sive Argolicensi) sub archiepiscopo Corinthio in Romania Moreæ, sive Sconia, anno 1395. mortuo, ei successit eodem anno die 29. Novembris à Bonifacio IX. Papa, F. Conradus Fader, (non vero Flander, ut nonnulli scripsere.) Hunc fuisse Ordinis Præd. patet ex diplomate ejusdem Pontificis legendo apud R. P. Antonin. Bremond, to. 2. Bullar. Ord. Præd. pag. 354.

## IX. SIGUNTONANES.

In chronico brevi, quod post Michaëlis Ducæ historiam Græcè Latinèque editum est, pag. 199. edit. Paris. 1651. ad annum mundi 6929. Christi 1421. hæc habentur: Indic. XIV. Januar. 21. fer. 3. Siguntananes Σιγουντανανς episcopus Latinorum, sanctissimi Petri Nauplii & Argorum episcopi pretiosas reliquias ab urbe Argis Nauplium, quæ episcopalis sedes est, transtulit. Qui tunc illic præsentibus adfuerunt, asseruere terram, quum sanctum monumentum illud apertum fuit, motu concussam fuisse: odor etiam suavis admodum dimanavit (qui) locum illum, & totum aërem complexit; & monumentum luminibus splendere

visum est. Pretiosæ reliquiae in honesto & venerabili loco depositæ sunt, quarum particulas quum fideles aliquot accepissent, plurimi illis sanati sunt. Hinc discimus Argolicensem Latinam ecclesiam in episcopatum unum cum Naupliensi sive Napoli de Romania aliquando fuisse conjunctam. At Siguntanensis nomen ibi à scriptore Græco mendose exaratum est, ut observat Bullialdus, pag. 280. in Annotat. ad annum 1421. & forte legendum ait Secundus Namus: gens quippe Nanorum apud Venetos celebris est.

## X. CONRADUS II.

Fontana in Monumentis Domin. pag. 316. col. 2. ad annum 1424. refert ex Ughello F. Conradum Feden. Ord. Præd. Argionenfi ecclesiae fuisse præfectum à Martino V. Papa anno Pontif. VII. qui cadit in eum annum.

## XI. FRANCISCUS.

## XII. BARTHOLOMÆUS I.

Conradum probabiliter excepit Franciscus in sede Argolicensi, cui, post ejus obitum, successit Eugenius IV. anno 1434. die 16. April. F. Bartholomæum de Rimberinis Ord. Præd. de quo legendus doctiss. P. Antonin. Bremond, tom. 3. Bullar. sui, pag. 216. ubi hunc observat in duos tresve homines perperam multiplicari à multis scriptoribus Dominicanis, certoque fuisse renuntiatum episcopum Argolicensem anno 1434. ex diplomate quod ipse ibid. profert, nec assumptum à magisterio sacri palatii, cujus munere nunquam potitus fuerat, sed à magisterio scholarum sacri palatii apostolici, à Prædicatoribus, Minoribus, aliisque administrato, qui scholas illas habebant in sacro Palatio, priusquam in gymnasium illo, cui à Sapientia nomen est, reponerentur. Ad te Ordin. F. Prædic. ac magistrum scholarum palatii apostolici, &c. inquit Eugenius Papa in diplomate promotionis ejus ad ecclesiam Argolicensem. Interim autem magister sacri palatii erat Joannes de Turrecremata, eo munere potitus usque ad annum 1439. quo creatus est Cardinalis.

Bartholomæus ex Argolicensi ecclesia translatus est ad Cortonensem in Italia an. 1440. die 14. Jan. ex Ughello, tom. 1. Ital. sac. col. 669. num. 12. veteris edit. & rursus ad Coronensem, non tamen anno 1449. ut asserit Ughellus ibid. sed longe citius; nam S. Antonin. archiepiscopus Florentinus, Bartholomæo coævus, eum appellat episcopum Coronensem sub anno 1445. hist. part. 3. tit. 22. cap. XI. ubi ait: Ille tamen (Marcus) Ephesinus, acerrimus disputator, permanens in perfidia sua, cum aliis ad veritatem fidei reverti



noluit. Verum ad patriam rediens, quum Cardinalis Venetus destinatus legatus in regionem illam Constantinopoli moram traheret, & in ejus societate esset venerabilis episcopus Coronensis D. Bartholomæus de Florentia sacræ theologiæ professor egregius & Græci idiomatis non ignarus, placuit eidem Imperat. Græcorum (Joanni Palæologo) & proceribus ejus ut fieret publica concertatio inter episcopum Ephesinum præfatum, & Coronensem episcopum jam fama ibi celebrem. Quo factò, Ephesinus præfatus iterum ab eo superatus & confusus est, & tanta ab eo absorptus est tristitia, ut intra paucos dies expiraverit cum sua perfidia. Quæ verba etiam recitat ad annum 1445. num. 17. Raynaldus. Marcus autem Ephesinus post hunc annum & ante 1448. obiit.

Coronensem ecclesiam dimisit Bartholomæus anno 1457. ut colligitur ex diplomate Callisti III. dato die 8. Jun. hujus anni, quo statuit annuam pensionem ipsi solvendam ex redditibus Coronensis ecclesiæ. In eo enim ait Pontifex: Quum itaque tu nuper regimini & administrationi ecclesiæ Coronensis, cui tunc præeras.... sponte & libere concesseris, &c. Diploma illud totum refert R. P. Antonin. Bremond, tom. 3. Bullar. Præd. pag. 364.

Obiit Bartholomæus in conventu S. Mariæ Novellæ sui Ord. Florentiæ anno 1466. die 21. Jun.

### XIII. BARTHOLOMÆUS II.

### XIV. PAULUS I.

### XV. JACOBUS.

Ughellus, 10. 9. Ital. sac. col. 705. n. 14. B. vet. edit. scribit Bartholomæum episcopum

Argolicensem translatum esse ad ecclesias Geruntinensem & Cariatensem unitas an. 1440. die 27. Januar. ex quo intelligendum datur Bartholomæum de Rimbertainis ex sede Argolicensi ad Cortonensem migrasse ante diem 14. Januar. anni 1440. quicquid fecus asserat idem Ughellus supra laudatus. Aliàs duo Bartholomæi, ineunte eo anno, simul fuissent episcopi Argolicenses, ex qua ecclesia unus quidem ad Cortonensem die 14. Januar. alter vero ad Geruntinensem die 27. ejusdem mensis transiisset.

Bartholomæo hujus nominis II. in sede Argolicensi probabiliter successit Paulus quidam, post cujus obitum, episcopus renunciatus est anno 1458. die 5. Maii Fr. Jacobus Richei Ord. Præd. ut constat ex diplomate Callisti III. quod profert R. P. Bremond, tom. 3. Bullar. pag. 374.

### XVI. AUGUSTINUS.

Thomas de Herrera, Alphab. Augustin. tom. 1. pag. 41. col. 2. testatur in Registris sui Ordinis mentionem fieri de Augustino à Magdalena episcopo Argolicensi, annis 1479. 1496. & 1501.

### XVII. TRIPHO.

### XVIII. PAULUS II.

Idem Thomas de Herrera, 10. 2. p. 268. col. 1. refert ex Actis Consistorial. absoluto D. Triphone à vinculo ecclesiæ Argolicensis anno 1504. die 20. Mart. Fr. Paulum Zabarella Eremitam Augustinianum in ea sede fuisse suffectum, qui obiit Patavii anno 1525. die 25. Jul. Ita quoque Ughellus, tom. 5. col. 441. num. 100. D.



## ECCLESIA LACEDÆMONIS.

### VII.

QUAMVIS ecclesia Lacedæmonis non recensetur in epist. Innoc. III. ad Gualterum Corinthien. supra memorata col. 885. A. B. inter ecclesias huic sedi metropolitanæ subditas, imo in notit. Græc. metropolis Laconiae dicatur ad calcem geogr. sac. Caroli à S. Paulo p. 23. Λακεδαίμων μητρόπολις τῆς Λακωνικῆς ἢ πρὶν Σπάρτη, quæ prius Sparta, Italorum tamen principum qui Peloponneso potiti sunt ætate, sedes duntaxat episcopalis fuit, & ut observat Baudrand, tom. 1. geogr. pag. 547. col. 1. archiepiscopo Corinthio obtemperabat, qui hanc etiam ait nunc Misitram nuncupari, testibus Sophiano & Nigro, sed parvam esse admodum cum castro in colle adjacenti: hanc autem 30. miliaribus distare à Megalopoli in ortum hybernum, & 120. ab Athenis in meridiem, uti 90. à Corintho, versus sinum Laconicum 20. circiter. Giraldus Gallus, qui illas oras pluries lustravit, existimat Lacedæmonem omnino destructam esse, (& extitisse) eo in loco qui nunc Palæochori dicitur, id est, vetus vicus in planitie, 4. aut 5. miliaribus à Misitra, quæ crevit ex ejus ruinis: id vero satis probabile videri ex utriusque situ. Theodorus I. Despota Achaiae eam Theodoro II. fratris vel sororis suæ filio, morte reliquit sæculo xv. Hic conjugem ex familia Malatestæ in Italia accepit; unde & principes hujus domus Lacedæmonis domini etiamnum dicuntur. At Mahometus II. anno 1460. eam urbem sibi subjecit, quam tertio exinde anno Sigismondus Malatesta captam, quum arcem subigere nequiret, incendit anno 1463. Hanc Veneti postea, anno scilicet 1687. Turcis eripuerunt, simulque magnam Moreæ regionis partem. Vide quæ de ea urbe scripta sunt supra, tom. 2. coll. 189. 190.

Tomus III.

LII ij



## EPISCOPI LACEDÆMONII.

## I. \*\*\* fortassis HAYMO.

A

URBANUS IV. teste Raynaldo, ad annum 1263. num. 21. col. 2. eo anno, ad plures archiepiscopos & episcopos in Græcia morantes, inter quos *episcopus Lacedæmonius* recensetur, litteras scripsit suppresso eorum omnium nomine, quibus eos monebat ut ad commune arcendum periculum ex Græcorum armis imminens, subsidium Willelmo Villarduino Achaïæ principi præberi fatagerent.

Is fortassis vel ejus successor fuit *Haymo* ille de quo Wadding. tom. 2. annalium ad annum 1278. num. 33. refert Nicolaum III. epist. *Transmissa nobis*, data eo anno xv. kal. Septemb. (id est die 18. Augusti) mandasse episcopo Olonenfi, priori Prædic. & guardiano Min. de Clarentia ejusdem diocesis Olonenfis, ut *Haymonem* episcopum Lacedæmoniae in Peloponneso à Græcis occupatæ, ad ecclesiam Coronensem etiam in Peloponneso & Messania tractu sitam, à Capitularibus postulatum, in eadem auctoritate apostolica admitti, & à prioris ecclesiæ vinculo absolvi curarent.

## II. JACOBUS.

Fontana scribit, *Theat. Domin. pag. 209. tit. 310. col. 1.* ex Bzovio de rebus gestis in provincia Poloniae Ord. Præd. c. 6. *Jacobum* Polonum hujus Ordinis, & sacrae theologiae laureatum, Lacedæmonium episcopum renuntiatum esse ab Innocentio VIII. Papa anno 1491. suffraganeumque ecclesiæ Plocensis in Polonia datum. Idem testatur Dominicus Frydrychowicz in S. Hyacintho Poloniae patrono pag. 221. apud R. P. Bremond, tom. 4. Bullar. pag. 84. ubi etiam observat legendum 1491. non 1401. & sedem hanc nunc metropolitanam esse.

## III. JOANNES.

Fontana modo laudatus addit *ibid.* ex eodem Bzovio, *Johannem* Cracoviensem Ord. Prædic. magistrum in theologia, catholicae fidei propugnatorem acerrimum, egregiumque concionatorem, ob vitæ probitatem ac morum, ad Lacedæmoniensem ecclesiam post præfatum Jacobum promotum fuisse, & suffraganeum quoque assignatum ecclesiæ Plocensi in Polonia. Florebat itaque circa annum 1500.

## VIII.

## ECCLESIA MAYNÆ sive MAINÆ.

MICHAEL Antonius Baudrand *geogr. tom. 1. pag. 571. col. 2.* de *Maina* hæc habet ad vocem *Leuctrum*: «*Leuctrum* seu *Leuctra* oppidum Peloponnesi maritimum in Laconia provincia Pausaniae & Ptolemæo; nunc *Maina*, teste Nigro cum aliis, extat in ora sinus Messeniaci, inter Abæam oppidum Messeniae ad boream 15. milliar. & Tænarium promontorium ad austrum 35. estque in tractu aspero & montuoso admodum, ad radices Taygeti montis sub dominio Turcarum: sed tamen aliqua fruitur libertate propter asperitatem regionis. Hinc tractus adjacens *il braccio di Marina* dicitur; incolæ autem *Mainotæ, les Mainottes* seu *Magnottes* appellantur in Tzaconia tractu.» Et p. 609. col. 1. ad vocem *Maines*: «*Maines*, inquit, urbs Peloponnesi in Laconia tractu & in ora Laconiae ad *Maleam* promontorium, teste Porphyrogenetâ, ubi nunc etiam castrum *Maina* dictum.» In notitia Græco-Lat. episcopatum Græcorum, ad calcem Georgii Codini Curopalatae de *Officiis magnæ ecclesiæ & aulae CP.* sub throno 27. Corinthi Peloponnesi, septimo loco recensetur ὁ Μαινός, *Mainæ* p. 391. Huic oppido episcopos Lat. rit. præfectos duos reperimus.

## EPISCOPI MAYNÆ.

## I. RAYNERIUS.

D

WADDINGUS, tom. 2. annal. Minor. ad annum 1255. num. 17. p. 114. scribit Raynerium virum sui Ord. eo anno renuntiatum fuisse ab Alexandro IV. episcopum Maynæ, quæ Pausaniae & Ptolemæo *Leuctrum* est Laconicae regionis urbs in Peloponneso ad finem Messeniacum, concessumque ipsi ab eodem Pontif. ut, quandiu proventus hujus ecclesiæ ab infidelibus detinerentur, posset in Italia vel alibi degere.

## II. JACOBUS.

Thomas de Herrera in *Alphab. Augustin. tom. 1. pag. 424. col. 1.* hæc de quodam *Jacobo* hujus Ordin. habet: «*Jacobus* episcopus Mainensis, ut Milensius in *Alphabeto* tradit, interfuit Lugduni generali concilio anno 1274. indulgentiasque Ratisponensi monasterio nostro, capellæ Domini, festis quibusdam diebus adjecit iv. kalend. Jun.» (id est die 29. Maii.)



## ECCLESIA CHRISTIANOPOLIS.

**C**HRISTIANOPOLIS, olim *Megalopolis* dicta, teste Curopalate, & Arcadiæ præcipua, in Meditullio Peloponnesi juxta Strabonem & Polybium ex ea oriundum, nunc *Leon-dari* appellatur ex Sophiano & aliis, estque vicus tantummodo nullius fere nominis in Tzaconia provincia prope Alpheum fluvium, sub Turcarum potestate; distat autem 40. milliar. circiter à Lacedæmone in occasum æstivum, & 25. à sinu Messeniaco in septentrionem, Corinthum versus 75. ad montium radices. Sedes episcopalis fuit sub archiepiscopo Corinthio, deinde metropolis effecta est. Hæc Mich. Anton. Baudrand *tom. 1. geogr. p. 267. col. 2. & pag. 640. col. 2.* In notit. Græcor. episcopat. Leonis sapientis, quæ extat ad calcem *lib. de Officiis Georgii Codini edit. Paris. 1648.* inter metropoles loco 76. recensetur *p. 380. os.* Η Χριστιανούπολις. 76. *Christianopolis*, & *pag. 402. num. 48.* legitur: μή. Ο Χριστουπόλεως· ης αὐτὴ Θεός ος. ἴσα, εἰς μή. περιβλάσθη. 48. *Christianopoleos metropolis ex loco 76. ad 48. pervenit.* Vide quæ de illa urbe & ecclesia scripta sunt *tom. 2. hujus operis, coll. 187. 188.* Ea porro civitas à Græcis auctoribus interdum Μεγάλη πόλις duplici vocabulo, quasi *magna urbs* scribitur, interdum vero unâ voce Μεγαλόπολις: *Megalopolis*. Hæc paucis mensibus post prælium Leuctricum condita perhibetur, & ex multis parvis oppidis coaluisse, ut sic magna civitas effecta, hostiles impetus validius contunderet. Ita Cellar. *1. 1. geogr. ant. l. 2. cap. 13. p. 1225.* Urbs autem *Christianopolis* neque cum *Chrisopoli* sive *Christopoli* metropoli Philipporum subdita confundenda est, neque cum altera *Chrysopoli* provinciæ Bostrorum in Arabia, de quibus infra suis locis agemus.

## EPISCOPI CHRISTIANOPOLIS.

## I. GERARDUS.

II. JOANNES I. *electus.*

## III. CONRADUS.

**G**ERARDO episcopo Christinopolitano sive Christianopolitano mortuo anno 1392. Bonifacius IX. huic ecclesiæ suffecerat die 8. Januar. anni sequentis *Fr. Joannem Coc-torem* Ordin. Minor. Verum quum Joannes ille litteras apostolicas intra terminum requisitum super hujusmodi provisione & præfectura obtinere, vel saltem in cancellaria apostolica reponere neglexisset, ne diuturnior fieret præfatæ ecclesiæ vacatio, ei substituit idem Papa anno 1396. die 29. Novembris

**A F. Conradum Lindin de Weclaria** Ord. Præd. Id constat ex diplomate hujus Pontif. apud doctiss. P. Antonin. Bremond, *1. 2. Bullar. p. 360.* qui ejusdem Conradi meminit etiam *pag. 466.* ubi ait civitatem *Christinopolitanam* sive *Christianopolitanam*, eam esse quæ nunc *Leondari & Leontari* dicitur, olimque *Megalopolis* sub archiepiscopo Corinthio.

## IV. HENRICUS.

Wadding. *tom. 5. annal. ad annum 1422. num. 17. pag. 151.* scribit creatum esse à Martino V. *Metropolitam Christinopolitanum* *Fr. Henricum de Villa Color. XIII. kal. Junii* (id est die 20. Maii.)





# PROVINCIA CRETENSIS.

## I. ECCLESIA CANDIÆ METROPOLIS.

**C**RETA insula est Græciæ inter mare Ægæum & Cyrenaicum, à Peloponneso pene usque ad Asiæ fines protensa. Hæc initio sæculi XIII. in Montisferrati Comitis ditionem cessit, qui eam vendidit Venetis, teste Spondano *t. 1. annal. ad annum 1204. n. 8.*

Exinde autem præfules Latini ritus in hac insula creati sunt, sed pro *Gortina* veteri metropoli, cujus vix rudera quædam supersunt, *Candacum* sive *Candia* in ejus agro constructa sedes archiepiscopalis evasit. Urbs illa ea ipsa est quæ *Matium* à Plinio appellatur *lib. 4. c. 12.* *Candia* ab Italis & *Candax* à Græcis, nunc primaria hujus insulæ, portu, arce & armamentario celebris, sub dominio Turcarum qui hanc Venetis eripuerunt anno 1669. ex quo tempore paucos habet incolas. Duplex est: *Vetus* quæ restrictior, & *Nova* quæ major & elegantior, veterem etiam complectens. Distat à Rhitymna 35. milliar. in ortum, & à Spinalonga 40. circiter in occasum. Hæc Baudrand *tom. 1. geogr. pag. 219. col. 2. & pag. 633. col. 2.*

## ARCHIEPISCOPI CANDIÆ.

### I. \* \* \*

**I**nter præfules quos Innocentius III. litteris encyclicis datis anno 1213. die 19. April. ad concilium Lateranense vocabat anno 1215. celebrandum, legitur *archiepiscopus Cretensis tom. XI. conc. Labb. part. 1. col. 125. D. In eodem modo (archiepiscopo & episcopis) per Cretensem (provinciam) constitutis.*

### II. JOANNES I.

Ughellus, *10. 2. Ital. sac. col. 581. n. 38. C. vet. edit.* scribit Joannem Quirinum, nobilem Venetum, olim archiepiscopum *Cretensem*, Philippo Fontanæ episcopo Ferrariensi successisse anno 1252. die 17. Jul. *ex Reg. Vatic.*

### III. ANGELUS.

Idem Ughellus, *tom. 5. col. 1212. n. 44. C.* refert Angelum Maltraversum, Venetum, Ordinis Prædicat. archiepiscopum *Cretensem*, ab Alexandro IV. ad sedem Gradensem translatum anno 1255. die 28. Maii. Obiit anno 1271.

### IV. LEONARDUS I.

Jam diximus supra *col. 811. D.* quum Leonardus Patriarcha Constantinopolitanus ritus Latini, in hac urbe à Græcis recuperata ann. 1261. amplius residere non posset, ei à Bonifacio VIII. datam ecclesiæ metropolitanæ insulæ Cretensis administrationem, ut narrat Raynaldus ad annum 1302. *num. 27.* Is subinde, nisi jam obierit, præful ille fuit quem Clemens V. encyclicis suis litteris datis anno 1307. die 12. Aug. ad concilium Viennense

A invitavit: «In eodem modo Patriarchæ Constantinopolitano ac dilectis filiis electis, &c.» per Constantinopolitanam & Cretensem provinciam constitutis mandamus, quatenus vos «fratres Patriarcha cum duobus suffraganeis» patriarchatus tui Constantinopolitani, quos «ad hoc duxeris eligendos; & (tu) episcopo» Arianensis suffraganeæ ecclesiæ Cretensis quæ «Constantinopolitanæ ecclesiæ per sedem apostolicam ad ipsius sedis beneplacitum est unita,» reliquis vestrum (in provincia vestra remanentibus) &c.» *tom. XI. conc. Labb. part. 2. col. 1549. C.*

### V. ALEXANDER I.

Thomas de Herrera in *Alphab. Augustin. tom. 1. pag. 37. col. 2.* de illo Alexandro hæc tradit: «Alexander de S. Elpidio, scriptis celebris, quem Coriolanus in chronica, *magistrum luculentissimum, & ecclesiasticæ dignitatis defensorem acerrimum* vocat, anno 1312. «Augustinianæ religionis Generalis eligitur. «Eo munere dum spatio 13. annorum fungitur, varias summi Pontificis Joannis XXII. «ad varios principes fertur obiisse legationes. «Anno 1325. si nonnullis auctoribus assentimur, archiepiscopus Ravennas instituitur: «at hoc valde difficile. Verius, ut Roman *in notis mss.* affirmat, fuisse electum primo archiepiscopum *Cretensem*, & deinde Amalphitanum. Quanto tempore ecclesiam suam rexit, nemo quem viderim, tradidit, præter Hieronymum Roman, qui loco citato affirmavit Alexandrum, ut in Registris Ordinis habebatur, paucis mensibus supervixisse.»

Nihil quidem obstare videtur quin hic Alexander ab anno 1325. ad annum 1327.



Cretens. ecclesiam administraverit. At quod ex ea ad Amalphitensem translatus fuerit, anno saltem 1327. nullatenus dici potest: nam Andreas de Alanco hujus ecclesiae archiepiscopus renunciatus anno 1294. à Cælestino V. & confirmatus ab ejus successore Bonifacio VIII. anno seq. 1295. IV. kal. April. (id est die 29. Mart.) annos 36. hanc sedem occupavit, mortalitatem exutus anno 1330. ipsumque excepit an. sequenti 1331. F. Landulphus Neapolitanus Ord. Min. qui obiit circa annum 1351. Vide Ughellum, tom. 7. Ital. sac. vet. edit. col. 309. & seqq.

#### VI. ALEXANDER II.

Hic Alexander Ordinis Prædic. alumnus, Ungarus gente, variae litteraturæ vir præclarissime dotibus ornatus, Cretensem sedem conscendit, Joanne XXII. promovente, anno 1327. Ita Fontana Theat. Domin. pag. 71. tit. 35. col. 2. ex Regest. Joannis XXII. Ferrario, & Olmeda.

#### VII. ÆGIDIUS.

Ægidius de Galluis Ordinis etiam Præd. Alexandro successisse videtur in sede Cretensi. Ughellus, tom. 5. Ital. sac. veter. edit. col. 1443. hæc de eo habet: «Torcellanus» fuit episcopus anno 1322. ex Tabulis ejusdem ecclesiae, narratque (istud) Seraphinus Razzi, &c. Cæterum hujus nulla mentio extat in lib. oblig. Prælat. Quamobrem apud præfatos auctores de hujusmodi re fides esto. » Non tamen me latet hunc Ægidium Cretæ fuisse archiepiscopum, Bononiæque decessisse anno 1340. »

#### VIII. FRANCISCUS I.

Ughellus, tom. 2. Ital. sac. veter. edit. col. 385. narrat quemdam Franciscum Michaelium, natione Venetum, primo renunciatum fuisse à Benedicto XII. archiepiscopum Ravennæ anno 1334. cujus ministerium iniit anno sequenti 1335. deinde anno 1342. translatus esse ad archiepiscopatum Cretensem. Legimus etiam apud Raynald. ad ann. 1345. n. 5. eo anno floruisse archiepiscopum Cretensem, qui post Henrici Patriarchæ Constantinopolitani Latini ritus, de quo differuimus col. 816. C. necem, initio ejusdem anni sic strenue se gessit ad confirmandos catholicos, ut ipsi eo anno Clemens VI. vices legati apostolici contulerit, scripseritque litteras quas prodit ibidem Raynaldus, datas Avenione XV. kal. Aug. (id est die 18. Jul.) an. IV. Transiit ad sedem Patracen. an. 1349.

#### IX. URSUS I.

#### X. URSUS II.

Ursus Delphinus, Venetus, ex rectore S.

A Jacobi de Rivo alto creatus est episcopus Justinopolitanus sub Aquileiensi Patriarcha anno 1347. deinde Cretensi ecclesiae per Francisci ejus præfulis translationem ad Patracensem vacanti suffectus anno 1349. die 30. Mart. Ita Ughellus, tom. 5. Ital. sac. col. 358. vet. edit. qui addit col. 1218. num. 56. hunc ex archiepiscopo Cretensi ad sedem Gradensem transiisse anno 1355.

Hinc itaque alterum ejusdem nominis fuisse oportet Ursus illum archiepiscopum Cretensem, ad quem Raynaldus sub anno 1359. num. 16. Innocentii VI. de abrogato ipsi legationis apostolicæ officio & in Petrum Thomasi transmissio extare diploma tradit. Obit Ursus iste, vel ad aliam sedem migravit anno 1363. ut modo palam fiet.

#### XI. PETRUS I.

#### XII. FRANCISCUS II.

Teste Philippo Mazerio vitæ B. Petri Thomasi Ordinis Carmelit. scriptore, considerans (Innocentius VI.) recte vivendi consuetudinem & melius institutum (hujus) Petri, summosque sumptus quos in legatione fecisset, archiepiscopatum Cretensem ei contulit in sui status augmentum. Id contigisse anno 1363. asserit Daniel à V. M. Carmelit. tom. 2. Speculi Carmel. pag. 949. n. 3338. ex lib. 3. Provis. Prælat. Urbani V. anno 1. ubi perhibet legi: Cretensis ecclesia vacat, providetur ei de persona Petri episcopi Coronensis II. Non. (id est die 6.) Mart. (anno 1363.) Raynald. to. 16. ad annum 1364. n. 4. refert quædam pacis formulas, Bernabonem nobilem Mediolanensem inter & ecclesiae fœderatos, datas anno 1364. die 3. Mart. sed quæ non fuerunt observatæ, in quibus habetur.... Ambaxiatoribus dicti domini (Petri) Regis Cypri, videlicet reverendo in Christo Patre domino Petro archiepiscopo Cretensi, &c. Ecclesiam proinde Cretensem adhuc administrabat Petrus anno 1364.

Scribit tamen Ughellus, tom. 5. col. 358. C. veter. edit. num. 13. Franciscum Quirinum, Venetum, plebanum S. Mariæ de Formoso, qui electus fuerat episcopus Justinopolitanus sub Aquileiensi Patriarcha an. 1349. III. kal. April. (id est die 30. Mart.) inde translatus esse ad archiepiscopatum Cretensem an. 1363. III. Non. (id est die 5.) Jul. ex Regest. Vatic. Mendum fortassis subrepsit, & pro 1363. legendum foret 1364. quo reipsa Urbanus V. Petrum appellat non Cretensem archiepiscop. sed Constantinopolitanum Patriarcham in epist. ad ipsum data die 10. Jul. apud Raynaldum n. 24. Præfatum Franciscum Ughellus ibid. in Patriarchis Gradenfibus col. 1210. n. 57. C. narrat ad hanc sedem ex Cretensi transiisse



ECCLESIA  
CANDLE.

anno 1367. pridie kal. Jun. (id est die 31. Maii) ex Reg. Vat. & obiisse circa an. 1372.

## XIII. URSUS III.

## XIV. PETRUS II.

Ecclesiæ Cretensis curam gerebat anno 1367. Ursus quidam duobus supra memoratis posterior, qui Gerardum Eremitam Augustinian. eo anno Ariensem episcopum renuntiavit in illa insula, ut postea dicemus inter episcopos Arientes. Ad ipsum probabiliter scripta fuit epistola Urbani V. Venerabilibus fratribus archiepiscopo Cretensi, ejusque suffraganeis, data apud Montemfiasconem v. kalend. Aug. (id est die 28. Jul.) anno vi. Christi 1368. in qua hæc ait Pontifex: *Fraternitati vestræ per apostolica scripta mandamus, quatenus quilibet vestrum in suis civitate & diocesi auctoritate nostra districte inhibeat, ne aliquis scholaris, seu laicus literatus Græcus de insula supradicta insigniatur de cætero characterem clericali, vel promoveatur de cætero ad quoscunque ordines, nisi per Latinum episcop. aut Græcum catholicum, per cujus litteras de sua promotione faciat plenam fidem; & ii qui ex talibus fuerint in presbyteros ordinati, missas & alia divina officia juxta ritum quem præfata Romana servat ecclesia, debeant celebrare: adjicientes quoque inhibitioni jam dictæ, quod nullus Calogeorum, seu sacerdos Græcus, præfatum ritum non servans, de cætero audeat confessiones audire, vel populo prædicare, &c.* Raynaldus ad hunc annum num. 20.

Ursus istum vel mortuum, vel ad aliam ecclesiam translatus jam exceperat Petrus alter anno 1375. Quum enim eo anno die 29. Martii Gregor. XI. decreto sanxisset ut sedes suas episcopi singuli repeterent, segniorum se præbuit Petrus archiepiscopus Cretensis, quem ideo Pontifex gravissimis litteris perstrinxit, intentatoque anathemate, ei præcepit ut gregem suum evolvendo ab acceptis litteris mense præsens curaret. Hujus præfulis eo magis desiderabatur præsentia, quod in ecclesiam Cretensem plures irrepsissent abusus, eandemque schismatici pervertere niterentur: conferebatur enim Græcis schismaticis ecclesiarum administratio, sacerdotiorum vectigalia locabantur, ex quibus timenda graviora adhuc incommoda. Hinc ergo Pontifex, incusso anathemate, ipsos ab hujusmodi muneribus deturbari jussit. Eidem procul dubio ejusque suffraganeis scripta fuit epist. quæ venerabilibus fratribus archiepiscopo Cretensi, & Kyronensi, Siciensi, Aichadiensi, Calomonensi, Agriensi, Kiffunensi, Canticensi, Ariensi & Milopotamensi episcopis, data est Aven. xv. kal. Maii anno v. (id est die 17. April. anno 1375.) apud præfatum Raynald.

Ad eum annum num. 25. qua iis injungebat ut à Græcis hujus insulæ consuetam fidei professionem exigerent.

## XV. LEONARDUS II.

Leonardus Delphinus, Venetus, Patricius, & archiepiscopus Cretensis, Thomæ Falerio episcopo Castellano sive Venetiarum successit in ea sede anno 1392. die 29. Aprilis. Ita Ughellus, tom. 5. Ital. sac. col. 1354. num. 46. D. vet. edit.

## XVI. FRANCISCUS III.

Idem Ughellus ibid. col. 908. & seqq. litteras profert à Michaële Steno Venetiarum Duce ad Anton. Luschum, nobilem Vicentinum oratorem suum apud Innocentium VII. scriptas anno 1406. die 19. Jun. in quibus mentio fit de quodam Francisco, qui ex episcopo Chironensi Cretensis archiepiscopus evaserat.

## XVII. PETRUS III.

Waddingus, t. 3. ad annum 1342. n. 35. C p. 493. narrat Petrum archiepiscopum Cretensem, virtute diplomatis Martini V. dat. anno 1421. die 14. Febr. duobus fratribus Minoritis, Romæ adjudicasse legitimam possessionem ipsorum cœnobii Baruthani in Syria Damasci & urbe Barutho. Vide eundem Wadd. ibid. num. 32. pag. 491. & 10. 5. in Reg. Pontif. pag. 85.

Hic Petrus probabiliter est ille Petrus Marcellus, nobilis Venetus, quem Ughellus, t. 5. col. 435. n. 90. C. refert ex Cenetensi episcopo sub patriarchatu Aquileiensi ad Patavinam ecclesiam translatus an. 1409. die 6. Nov. & postea ad Cretensem à Martino V. promotum, ac demum obiisse anno 1428. Quia tamen addit col. seq. 436. num. 91. A. B. Petrum Donatum Venetiarum præfulem Petro Marcello in sede Patavina fuisse subrogatum anno eodem 1428. die 17. Maii, intelligendum datur Petrum Marcellum ex Cretensi ecclesia ad Patavinam ante obitum rediisse.

## XVIII. PETRUS IV.

Petrus Donatus modo memoratus, Petro Marcello successit in sede Cretensi ante an. 1323. vel saltem eo anno ineunte. Donatum enim archiepiscopum Cretensem hoc anno die 22. Februar. designatum à Martino V. unum ex præsidibus concilii generalis Papiæ eodem anno celebrandi scribit Raynaldus ad illum annum num. 3. ubi partem exhibet diplomatis pontificii dati VIII. kalend. Mart. anno vi. De eo quoque mentio fit ibid. ad annum 1424. n. 4. in alio diplomate hujus Pontificis



Pontificis dato hoc anno die 12. Mart. sed ad sedem Castellanam Venetiarum translatus est anno 1426. die 12. Februar. & post duos annos ad Patavinam, ut jam supra observatum est. Vide Ughell. *tom. 5. col. 1357. num. 49.* B. Obiit anno 1447. ex eodem Ughello *ibid. col. 436. num. 91. C.*

## XIX. FANTINUS.

## XX. PHILIPPUS.

Ughellus nunc laudatus scribit *col. 375. num. 43. C.* Fantinum Vallareffum, nobilem Venetum, Latinæ & Græcæ linguæ eruditissimum, ac multiplici doctrina virum clarissimum, à Joan. XXIII. Parentino præfui mortuo suffectum fuisse anno 1412. eundemque, quum Joannes pontificatu se abdicasset in synodo Constantiensi, adlectum iterum ad illam ecclesiam anno 1418. die 1. Februar. à Martino V. qui etiam apostolica auctoritate supplevit ætatis defectum, ipso tunc vix excedente 25. annos, cui postquam præfuit multa cum laude usque ad annum 1426. Petro Donato successit in sede Cretensi. Actis concilii Florentini subscripsit anno 1439. *tom. XIII. conc. Labb. col. 1168. D.* Ad Patavinam ecclesiam translatus est anno 1448. die 8. Jan. obiit tandem anno 1459. Vide adhuc Ughellum *ibid. coll. 436. & 437.* & Raynald. ad annum 1439. *n. XI.* ubi profert epistolam Eugenii IV. ad ipsum datam eo anno die 18. Septembris.

Fantino in ecclesia Cretensi subrogatum Philippum Parutam, nobilem Venetum, Eremitam Augustinian. subindeque anno 1448. testatur Thom. de Herrera, *Alphab. August. tom. 2. pag. 266. col. 1.* Decessit anno 1458. Hujus etiam meminit Ughell. *1. 5. Ital. sac. col. 1446. num. 48.* inter episcopos ecclesiæ Torcellanæ, cui præfuerat Philippus annis 26. antequam ad Cretensem transferretur.

## XXI. HIERONYMUS.

Philippo successit Hieronymus, Venetus, anno 1459. Hunc Pius II. Papa legatum misit cum Francisco Toletano sacrarum litterarum professore ad Georgium Podiebra-tium regem Bohemiæ qui, quamvis ecclesiæ se velle obsequi assereret, in publico tamen conventu catholicum se profiteri subterfugebat, Bohemosque catholicos non desistebat opprimere. Refert Raynaldus ad hunc annum 1459. *num. 22.* diploma hujus Pontificis ad legatos præfatos, quo ipsis mandabat ut potissimum paciscendo Georgium inter ac Wratislavienses fœderi operam navarent, eosdemque ad arma in Turcas convertenda excitarent. Titulus est: *Venerabili fratri Hieronymo archiepiscopo Cretensi, ac di-*  
*Tomus III.*

lecto filio Francisco de Toletano sacre theologiæ professori in ecclesia Hispalensi archidiacono de Astigia nuntiis & oratoribus nostris. Datum est Mantuæ anno 1459. XII kal. Oct. anno 2. (id est die 20. Septembris.) De ea legatione mentionem facit Pius II. in diplomate dato anno 1463. die 29. Mart. quod exhibet idem Raynald. ad eum annum *num. 96. & seqq.*

Dlugossius, *tom. 2. edit. Lipsiæ anno 1712. col. 256.* refert nuntios illos Senas venisse ad Pium II. qui eò se contulerat ex urbe Mantua anno 1460. mense Januar. Porro valde probabile est Hieronymum hunc archiepiscopum Cretensem, fuisse Hieronymum illum Landum, Venetum, quem idem Pius anno 1463. in Poloniam nuntium apostolicum misit, & ad quem epistolam scripsit, apud Bzovium ad eum annum *n. 55. p. 452.* ejus titulus est: *Pius, &c. venerabilibus fratribus, Cretensi, ad regnum Poloniae terramque Silesiæ ac Prussię nuntio & oratori sedis apostolicæ, & Gnesnensi archiepiscopo salutem, &c.* Datum Romæ apud S. Petrum anno Incarnat. Domin. 1463. IV. kal. April. (id est die 29. Mart.) Pontificat. nostri anno V. Subdit enim Bzov. *ibid. num. 59. pag. 457.* Cretensem archiepiscopum quem supra dixerat missum in Poloniam, fuisse Hieronymum Landum, qui Polonos contra Turcas excitaret, eosdemque inter & Crucigeros ac Pruthenos pacem componeret; verum, ortâ inter Polonos & legatum apostolicum acerbâ contentione, rebus infectis hunc rediisse Romam ad Pontificem. Hieronymi archiepiscopi Cretensis meminit etiam Raynald. *tom. 19. ad annum 1463. nn. 1. & 4.* Jacobus Piccolominus, dictus Cardin. Papiensis, scribit *lib. 1. Commentar. pag. 354. edit. Francof. 1614. lin. 34.* mense Jun. anni 1464. quo apud Anconam Pius II. migravit ex hac vita die 14. Augusti, allatas huic Pontif. Hieronymi antistitis Cretensis litt. quibus significabatur magnam cruce signatorum multitudinem Anconam confluere, identidemque lamentari, quod Pontificem qui se trajiceret, non invenissent, &c. Inter ejusdem Cardinalis Papiensis epistolas, *ibid. 34. p. 479.* à se nomine Pii II. Hieronymo Lando archiepiscopo Cretensi denotatur scripta (anno 1463.) Item epistola 311. *ibid. pp. 679. & 680.* Hieronymo Lando episcopo Cretensi, legato Perusino, hæc ad ipsum de ipso prodit circa finem: *Sed illud etiam addo, gratulari me multum, quod in isthac difficillima Perusiæ administratione ita prædicetur dexteritas tua, ut nihil intempestivum aut improvidum agere judicaris. Ita etiam commendetur vitæ institutio, ut adsit semper, & sine scurrilitate comitas, & sine asperitate gravitas. Retine usque in finem laudem hanc inchoatam, arque illud cogita*  
M m m



ECCLESIA  
CANDIÆ.

*semper, raros fuisse etiam summæ virtutis viros, quorum in tam fervida civitate similes initiis exitus fuerint. Ego, mi Cretensis, sum tuus, & tibi omnia summa desidero. Vale. Romæ 23. Decemb. 1468.* Quid exinde gesserit Hieronymus, quove anno obierit, nos latet.

## XXII. MICHAEL.

Cavalerius, *tom. 1. Galler. Dom. pag. 302. n. 303.* recenset quemdam *Michaëlem* Ord. Prædicat. archiepiscopum Cretensem anno 1491. ex Ambros. Altamura, ad eum annum in *sua Biblioth. p. 23.* Hunc autem ipse putat præfulem illum Cretensem fuisse, cuius meminit Lopez *part. 3. lib. 3. cap. 1. pag. 184.*

## XXIII. PETRUS.

*Petrus Landus*, Venetus, archiepiscopus Cretensis renunciatus anno 1535. mense Mart. à Paulo III. subscripsit actis concilii Trident. anno 1563. *tom. 14. conc. Labb. col. 923. C.*

## XXIV. \* \* \*

R. P. Bremond, *to. 5. Bullar. pag. 476.* profert diploma Sixti V. *Venerabili fratri archiepiscopo Cretensi*, datum die 29. Januarii

anni 1588. quo eum certiore facit de electione Fr. Dominici Bolani Ordin. Præd. ad ecclesiam Agiensem in ea insula.

## XXV. LUCAS.

Ughellus, *1. 5. Ital. sac. col. 449. n. 110.* B. *veter. edit.* scribit *Lucam Stellam*, Venet. Patavinæ academix nobilem alumnum, successively ad ecclesias Rethimi, Jaderæ, Candiæ, Vicentiæ & Patavii fuisse promotum, obiisse tandem anno 1642.

## XXVI. MOZZENIGO.

*D. Mozzenigo*, præfectus recens ecclesiæ Cretensi, pallio donatus pontificali legitur in nunciis publicis Gallicè scriptis per annum 1633. *pag. 417.* Migravit ex hac vita in ea insula anno 1644. ex iisdem nuntiis eo anno, *pag. 402.*

## XXVII. QUERINI.

Ex iisdem rursus nunciis per ann. 1645. *p. 150.* ad ecclesiam Cretensem evexit anno præcedenti 1644. die 13. Decemb. *D. Querini* Innocentius X. pallioque ornavit die 16. Januar. anni sequentis 1645.

## II.

## ECCLESIA CHIRONENSIS.

**E**PISCOPUS Chironensis legitur in titulo epistolæ Gregorii XI. de qua mentionem fecimus, *col. 911. E.* ubi de Petro II. archiepiscopo Cretensi. Verum quænam sit civitas *Chironensis* nos latet, nisi ipsa sit *Cherronesus* sive *Chersonesus* vulgo *Chironis*, de qua hæc scribit Baudrand, *tom. 1. geogr. pag. 263. col. 2.* «*Chersonesus* urbs Cretæ insulæ littoralis » Ptolemæo, episcopalis sub archiepiscopo Candiæ, in ora septentrionali, nunc, teste Marco » Boschino cum aliis, est *Spinalonga*, arx probè munita, scopulo affixa, & tantisper à continenti » insulæ separata, cum portu capaci & securo.... in provincia seu territorio Candiæ; sed ejus » episcopatus suppressus fuit, & *Siriæ* unitus à multis annis. 150. milliarib. distat à Candia (urbe,) in ortum Sitiam versus 30.» Chironenses aliquot episc. occurrerunt, qui sequuntur.

## EPISCOPI CHIRONENSES.

I. FATIUS sive BONIFACIUS.  
*Bonifacius alter.*

**F**ATIUS sive *Bonifacius*, cognomento *Donoraticus* ex illa sua familia nobilissima in Tuscia, Ordin. Præd. primum episcopus Sagonensis sub metropoli Pisarum, certe ante diem 18. Mart. anni 1298. qua basilicam hujus Ordin. Senensem quibusdam indulgentiis ditavit, deinde translatus ad ecclesiam *Chironensem* anno circiter 1306. tum ad *Coronensem* circa annum 1320. In monumentis conventus Pisani habetur eum obiisse an. 1333. De illo legendi Ughellus, *tom. 3. Ital. sac. col. 608.* B. *vet. edit.* Fontana *Theat. Dom. pp. 169. 179. & 281.* Caval. *1. 1. p. 65. n. 200.* & R. P. Bremond, *1. 2. Bullar. pp. 73. & 127.*

**C** Alter *Bonifacius* Ord. quoque Præd. sedi Chironensi illegitime præfectus fuit à Petro de Corbaria adversus Joannem XXII. Antipapa sub nomine Nicolai V. à quo etiam pseudocardinalitia purpura ornatus, eodem ad ordinem redacto, similem & ipse fortunam secutus est.

## II. JOANNES I.

**D** Ughell. *to. 7. Ital. sac. pag. 1244. n. 14.* D. scribit quemdam Joannem ab Innoc. VI. anno 1358. ecclesiæ Salpensi in Italia datum præfulem ejusque jussu consecratum; quum vero innotuisset falsum fuisse nuncium de morte episcopi Salpensis, hunc *Hieronensem* (procul dubio *Chironensem*) nominatum eodem anno die 1. Decemb. *ex Reg. Vatic.*



## III. \* \* \*

Gregorius XI. epistolam scripsit an. 1375. die 17. April. Petro II. archiepiscopo Cretensi ejusque suffraganeis, inter quos recensetur *Chironensis* præsul, de cogendis Græcis hujus insulæ ad emittendam fidei catholicæ professionem, ut supra dictum est, col. 911. E.

## IV. FRANCISCUS.

Ughellus, tom. 5. *Ital. sac. veter. edit.* in episcopis Veronensibus col. 908. C. & coll. seqq. recitat litteras quasdam Michaëlis Steni Ducis Venetiarum, ad Anton. Luschum, suum apud Innocentium VII. oratorem, scriptas anno 1406. die 19. Jun. indict. xv. in quibus mentio fit alicujus *Francisci*, prius episcopi *Chironensis*, tunc vero translati ad archiepiscopat. Cretensem. Verba sunt: *Quod D. Franciscus Pavono, qui erat episcopus Chironensis, nunc translatus & prolatus ad archiepiscopatum Cretensem, &c.* col. 911. B. De eo jam egimus supra inter archiepiscopos Cretenses, col. 912. B.

## V. VINCENTIUS.

## VI. DIONYSIUS.

Waddingus, tom. 8. *annal. Ord. Min.* ad

A annum 1538. n. xi. pag. 631. scribit translatum fuisse ab ecclesiis Zianen. & Firmen. unitis ad Melipotamen. & *Chironen.* pariter unitas, sub archiepiscopo Cretensi, *F. Dionysium* Minoritam, post obitum *Vincentii de Masseriis*, hoc anno die xi. Decembris. Is interfuit concilio Tridentino sub Paulo III. annis 1546. & 1547. in cujus pluribus sessionibus subscriptus legitur *R. D. Dionysius episcopus Chironensis & Melopotamenus, Græcus*, tom. 14. concil. Labb. coll. 745. E. 749. E. 771. C. 774. C. 788. E. 790. A. & 793. B. Utramque hanc ecclesiam postea dimisit Dionysius, Chironensem quidem ante medium annum 1549. ut modo patebit, Milopotamiensem vero ante medium an. 1555. unde subscripsit tanquam *Milopotamiensis senior* actis ejusdem concilii sub Pio IV. anno 1563. *ibid.* col. 925. A.

## VII. JOANNES II.

*Joannes Franciscus Verdura*, Messanensis, Dionysio ecclesiam Chironensem dimittenti suffectus est à Paulo III. die 7. Jun. anno 1549. Adstitit concilio Trident. sub Pio IV. & subscripsit in hunc modum: *Joannes Franciscus Verdura, Messanensis, episcopus Chironensis*, tom. xiv. conc. Labb. col. 926. D.

## III.

## ECCLESIA SITIENSIS.

*CYTÆUM* urbs Cretæ insulæ in ejus ora septentrionali Ptolemæo & Stephano, nunc Bellonio & aliis est *Setia* Italica, *Sitia* Græcis, urbs episcopalis sub archiepiscopo Cretensi. Distat 80. milliar. à Matio seu Candia urbe in ortum, Samnonium promontorium versus 30. circiter, teste Boschino. In modum peninsulæ pro majori parte mari Cretico cingitur, & portum habet. Ita Mich. Anton. Baudrand, *to. 1. pag. 319. col. 1.* Huic præfuerunt episcopi aliquot ritus Latini.

## EPISCOPI SITIENSES.

## I. ANDREAS.

## II. JOANNES I.

Vacante Sitiensis ecclesiæ sede per obitum *Andrææ*, ei præfecit Clemens VI. *Joannem de Clavasio* Ord. Min. datis litteris *Pastoralis officii*, x. kalend. April. (id est die 23. Mart.) anno 1251. Wadd. ad hunc annum, tom. 4. num. 42. pag. 22. & in *Regeſt. Pont.* pag. 2.

## III. JOANNES II.

Post hunc Joannem, Sitiæ episcopatum gessit alter ejusdem nominis, sed Ordin. Præd. ex Fontana *Theat. Dom.* pag. 295. tit. 547. «In Candia, inquit, sub metropolitana Cretensi est Sichiensis (*Sitiensis*) ecclesia, cui præfectus est episcopus ab Urbano V. Papa «*F. Joannes de Senis*, ab eodem Pontif. postmodum deputatus judex in causa Azolini  
Tomus III.

D Malavoltæ Senensis episcopi, ut constat ex instrumento rogato die 14. April. an. 1364. «existente in archivio hospitalis majoris dictæ civitatis, (apud) Ugurger. in *Pomp. Senen. tit. 7.*» Is ille fortassis fuit episcopus *Siciensis*, qui in titulo epistolæ Gregorii XI. die 17. April. anno 1375. Petro archiepiscopo Cretensi ejusque suffraganeis episcopis scriptæ, legitur, de qua nos supra, col. 911. B.

## IV. DOMINICUS. Victor electus.

E Anno 1395. *Dominicus de Dominicis*, Carmelita, Ordinis sui Procurator in curia Romana generalis, pridie kal. Maii (id est die 30. April.) renuntiatus est episcopus Sitiensis, ex lib. obligat. prælat. sub Bonif. IX. anno 6. fol. 57. deinde translatus fuit anno 1399. die 24. Novemb. ad sedem Milopotamiensem in locum *Victoris* transmutati ad  
Mmm ij



Sitiensem, *ex lib. 2. de Regular.* sub Bonif. A IX. anno XI. *fol. 203.* Ita Daniel à Virgine Maria Carmelit. Flander, *to. 2. Speculi Carmelit. pag. 919. num. 3206.* qui simul addit: «Fuit autem Dominicus noster suffraganeus » in diœcesi Mantuana, neque unquam ad » suam sedem accessisse verosimile est, sicuti » & incertum quo anno obierit. Ad annum » tamen circiter 1409. supervixisse fatis pro- » babiliter colligitur ex verbis Mich. Pio in » opere Ital. de nobili progenie S. Dominici » (part. 1. lib. 2. c. 67. p. 243. edit. Bonon. » 1618.) ubi eum appellat *Fr. Dominicum de B Cremona Carmelitam, episcopum Sitiensem & suffraganeum Mantuæ.* Eadem leguntur in *hist. Placentina* (to. 2. lib. 24. p. 189.) Verum hunc ad Milopotamiensem ecclesiam nova provisione assumptum fuisse anno 1405. ex modo dicendis patebit; adeo ut Victor Milopotamiensem suam sedem servasse usque ad hunc ann. quo fortassis mortuus est, & Dominicus pariter suam Sithiensem, videantur.

## V. MATTHÆUS.

*Matthæum de Rethimo vel Recimo Ordin.*

Eremit. S. Augustini, ad Sitiensem ecclesiam gubernandam renuntiatum III. Non. (id est die 3.) Junii anno 1405. translato ad Milopotamiensem Dominico de Dominicis, *ex Regest. Vatic. Bonif. IX.* narrat Thomas de Herrera *Alphabeti Augustin. tom. 2. pag. 76. col. 1.*

## VI. JOANNES III.

## VII. LEO.

Post obitum Joannis episcopi Sitiensis; *Leo de Naxia* Ordinis Minor. litterarum peritia celebris huic ecclesiæ præsulatus est à Paulo II. anno 1467. VI. kal. April. (id est die 17. Mart.) Ita Wadding. *tom. 6. anal. Min.* ad hunc annum, *num. 21. pag. 678.*

## VIII. GEORGIUS.

In nunciis publicis Gallicè scriptis per annum 1634. habetur *pag. 401.* hoc anno die 21. Aug. *Georgium Minotti* fuisse Romæ in consistorio à Laudivio Zacchia Cardinali sancti Sixti proclamatum pro episcopatu Sithiensi insulæ Cretensis.

## IV. ECCLESIA ARCADIAE.

**A**RCADIA urbs Cretæ insulæ in ejus ora occidentali versus Cissamum, *Arcades* etiam appellatur, Græcè *Ἀργαδία*. Hanc memorat Xenion in Creticis, teste Stephano Byzant. *de urbibus & populis, pag. 109.* Seneca autem, *lib. 3. quæst. nat. cap. 11.* apud Cellar. *geogr. ant. tom. 1. lib. 2. cap. 14. pag. 1275.* ex Theophrasto narrat, circa Arcadiam, quæ urbs in Creta insula fuit, fontes & lacus substituisse, quia desierit coli terra, diruta urbe; postquam vero cultores receperit, aquas quoque recepisse. In notitia eccl. Græca δ *Ἀργαδίας* episcopus legitur sub metropolitano Cretensi ad calcem *geogr. sac. Caroli à S. Paulo abbat. Fuliens. pag. 13.*

## EPISCOPI ARCADIAE.

## I. RAPHAEL.

## II. RAPHAEL alter.

**A**NNO 1349. die 10. Jul. Arcadiensi sede in Creta insula vacante per obitum cujusdam *Raphaelis, Raphael alter* Ordin. Min. provinciae Græciæ minister, hujus ecclesiæ præsulatus est à Clemente VI. ex Wadd. *tom. 3. ad annum 1349. num. 12. pag. 566. & in Regest. Pontif. pag. 388.*

## III. ANDREAS.

Anno 1369. *Andreas* Ord. Eremitarum S. Augustini, Arcadiensi in Creta insula ecclesiæ præfectus est ab Urbano V. die 23. Julii, teste Thoma de Herrera *Alphabeti*

**C** Augustin. *tom. 1. pag. 38. col. 2.* qui hunc etiam ait ex Regestis generalium præpositorum ejusdem Ord. in humanis adhuc egisse anno 1391. Ex quo probabile sit ipsum fuisse episcopum illum *Arcadiensem* qui in titulo epist. Gregorii XI. sæpius memoratæ legitur.

## IV. MICHAEL.

## V. PETRUS.

*Michaele* episcopo Arcadiensi defuncto anno 1424. successor ei assignatus est eodem anno die 18. Decemb. *Petrus de Ceno* Ord. Prædicat. à Martino V. ut constat ex ejus diplomate, *Apostolatus officium, &c.* apud R. P. Antoninum Bremond, *tom. 2. Bullar. pag. 648.*



## V.

## ECCLESIA CALAMONÆ.

**D**E hujus urbis situ nihil certum reperi: fuisse in insula Creta colligitur ex epistola Gregorii XI. ad episcopos Latinos hujus insulæ, apud Raynald. ad annum 1375. n. 25. cujus titulo cum aliis præsulibus præfigitur *Calamonæ* episcopus. Cavalerius *Galler. Domin. 10. 1. pag. 360. num. 74.* vicinam esse Retimo Calamonam scribit, & pag. 427. in episcopatum unum cum sedibus Arienfi & Chisamenfi in eadem insula coaluisse anno 1551. de creto Julii III. die v. Octob. quod etiam asserit Fontana *Theat. Dom. pag. 150. tit. 119.*

## EPISCOPI CALAMONÆ.

## I. LEO.

**L**OTHERIUS II. qui Thomæ successerat in sede Verulanensi anno 1280. Romam profectus anno 1287. obtinuit ab undecim episcopis tunc in curia commorantibus, ut suæ cathedrali ecclesiæ singuli quadraginta dies indulgentiarum concederent, statutis diebus. Inter illos autem episcopos legitur *Leo Chalamonensis*. Diploma, cui hac de re subscripserunt, datum est Romæ Honorii Papæ IV. anno 11. (non v. nam in pontificatu vixit duos annos tantum & duos dies, obiitque die 3. April. anno 1287.) (dies & mensis desunt, sed mensis debuit unus esse ex tribus primis hujus anni mensibus.) Id refert Ughellus, *tom. 1. Ital. sac. in episcopis Verulanensibus, col. 299. \* num. 29. D. veteris editionis.*

## II. JULIANUS.

Fontana *Theat. Domin. p. 299. tit. 562. num. 1.* asserit Fr. Petrum de Anagnia Ord. Prædic. ab Urbano V. creatum esse die 16. Decemb. 1365. episcopum ecclesiæ Stephanensis, quæ vacabat per translationem *Juliani* ejus episcopi ad *Calamonensem* in insula Cretensi. *Ex lib. 2. Provision. Prælat. sub eo Pontifice.* Is probabiliter episcopus ille est *Calamonensis*, qui in epistola Gregorii XI. ad Petrum archiepiscopum Cretensem, supra memorata, de reducendis Græcis schismaticis hujus insulæ ad Roman. ecclesiæ obsequium, data anno 1375. die 17. Aprilis, inter alios ejusdem archiepif. suffraganeos recensetur.

## III. BARTHOLOMÆUS.

## IV. ALBERTUS.

De *Bartholomæo* nihil aliud nobis compertum est, nisi ipsum fuisse Alberti prædecessorem in sede *Calamonensi*, & decessisse anno 1537. In Actis enim Consistorialibus Pauli III. habetur sub die 29. Octob. hujus anni, teste Fontana in *Theat. Dom. pag. 150. tit. 119.* Die 29. Octob. Pontifex instituit episcopum ecclesiæ *Calamonen.* vacantis per obitum *Bartholomæi Averoldi, F. Albertum Ordinis*

*A Prædicatorum, cum retentione omnium, &c.*

*Albertus* porro iste, cognominatus *Paschaleus*, patria & professione *Utinensis*, moribus ac litteris clarebat an. 1516. quo sic scribebat de eo *Leander Albertus fol. 154. Albertus Bellunensis seu Utinensis est, poeticam non minus quam philosophiam ac cæteras bonas artes callet, prout ejus carmina protestantur.* Hujus fama permoti Venetiarum senatores, Patavium vocarunt, ubi publico Reip. stipendio metaphysicam professus est ab anno 1520. ad 1531. ut refert *Tomasinus Gymnas. Patav. p. 287.* Ea tempestate scripsit elegans opusculum hoc titulo: *De optimo philosophorum genere*, editum Venetiis anno 1532. Exinde à Paulo III. anno 1537. die 29. Octob. ad ecclesiam *Calamonensem* in Creta insula fuit evectus; & postea ab eodem ad insulas *Claudia Fossæ*, vernaculè *Chiozza*, translatus est kal. April. anno 1541. de quo Ughellus inter episcopos Clugientes (sive *Claudia Fossæ*) *tom. v. Ital. sac. vet. edit. col. 1423.* ait: *Albertus Paschalius Utinensis, sacrae theologiae doctor insignis, successit Joanni anno 1541. prima die April. Is etiam synodum celebravit in cathedrali, pluresque leges condidit ecclesiasticæ utilitati profuturas. Obiit anno 1541. Utini diem clausisse extremum asserit Mich. Pio in scripto della progenie di S. Domenico in Italia, lib. 2. pag. 382. col. 2. eum tamen Pandaleonem cognominat. Ei attribuit Cherubinus Forni, Venetus, in suis memorialibus mss. tractatum de potestate Pontificis, & varia carmina; sed non prodit ubi servantur. Ita R. P. Jacobus Echard, tom. 2. scriptor. Ord. Præd. pag. 122. col. 1.*

## V. VINCENTIUS.

## VI. TIMOTHEUS.

*Vincentius Quirinus* episcopus erat *Calamonæ* in Creta insula anno 1551. quo ecclesiam hanc dimisit, ad quam eodem anno evectus est à Julio III. *Timotheus Justinianus* Ord. Prædic. patritia Justinianorum insulæ Chienfis in *Ægæo* mari Toparcharum de stirpe satus, ad annum circiter 1502. Is in ea civitate & insula natus est patre Jacobo, &



*Bernardi* primo nomen habuit, quod postea in *Timothei* mutatum est, quum vestem Dominicanam induit. Pietate & eruditione clarus factus, Congregationis peregrinantium in eodem Ord. Præd. institutus est vicarius generalis anno 1548. deinde anno 1550. die 21. Jun. à Julio III. ad ecclesiam Ariensem in Creta insula promotus fuit, cui anno seq. 1551. die v. Octobris idem Pontifex *Calamonensem* vicinam conjunxit. De his ecclesiis sic legitur in actis consistorialibus, quæ scitu non extranea sunt, quum aliàs ecclesiæ illæ nobis obscuriores sint: *Die Veneris prima die Junii anno 1520. SS. D. N. (Leo X.) univit ecclesiam Ariensem in insula Cretæ, ecclesiæ Cysamenis in eadem insula, redditus floren. 200. &c. Et postea: Romæ die Mercurii mense.... 1526. referente RR. D. Card. Farnesio, univit (Clemens VII.) ecclesiæ Ariensi, quæ est valoris tantum ducatorum XII. quia bona occupantur ab infidelibus, ecclesiam Cheronensem in insula Cretæ, prædictæ ecclesiæ Ariensi cum dismembratione ab ecclesiis Dre-rapretenfis (fortassis Hierapetræ) & Monobarianensi pinguioribus, &c. Denique: Romæ die v. Octob. anno 1551. sanctitas sua (Julius III.) univit ecclesiam Calamonensem, tunc per cessionem R. Vincentii Quirini vacantem, ecclesiæ Ariensi, quæ sede episcopali caret, & à civitate Rethimi (Rhitymna) in qua episcopus Calamonensis, pro tempore existens, & ibi ecclesiam cathedralem habens, personaliter residere consuevit, per 16. milliaria, vel circa, distat, & cui R. P. D. Timotheus episcopus Ariensis præesse dignoscitur, cujusque mensæ episcopalis fructus fere nulli, seu admodum pauci sunt, quandiu idem Timotheus episcopus*

*illi præfuerit, &c. Exinde Timotheus Calamonensis duntaxat, non Ariensis dictus, ad suam hanc ecclesiam se transfudit, vigilantissimique præfulis partes implevit, nec inde discessit, nisi vocatus ad concilium Tridentinum sub Pio IV. cui interfuit, & cum aliis subscripsit exeunte anno 1563. 10. 14. conc. Labb. col. 926. E. Anno sequenti 1564. defuncto Paulo de Flisco Chiensi præfule, ad hanc ecclesiam promotus est à præfato Pontifice die 14. Aprilis, ad quam ille mox se contulit. Verum dum patriam paterno vere gubernabat animo, urbs insulaque Chiensis à Piali Bassa Solimani genero & architalasso; Christianis eripitur die 17. April. anni 1566. Suorum fortis miseratus gentilium Timotheus, Constantinopolim cum præcipuis insulæ civibus profectus est, & à Selimo Sultano Chiensibus christianis religionis suæ liberum obtinuit exercitium. Deinde Romam veniens anno 1568. ad Pium V. ab eo Strongulensi in Calabria ecclesiæ adstrictus fuit, de quo sic in actis consistorialibus: Anno 1568. die lunæ v. April. proponente SS. D. N. sanctitas sua absolvit R. P. Timotheum Justinianum episcopum Chiensem à vinculo quo ecclesiæ Chiensi tenebatur, quum ipsa à Turcarum tyranno occupata sit, neque spes sit eam ab ipso recuperari posse, eumque transfudit ad ecclesiam Strongulensem vacantem per translationem, &c. Hanc ultimam sponsam tribus quatuorve annis coluit, mortuus anno 1571. & sepultus in ecclesia cathedrali. Scripsit, teste Ughel. 10. 9. Ital. sac. vet. edit. col. 736. relazione breve del isola di Scio, id est, brevem relationem de insula Chiensi. Hæc refert P. Echard laudatus, pag. 217. col. 1.*

VI.

ECCLESIA AGRIÆ sive AGIENSIS.

**E**CCLESIA *Agriensis* memoratur in titulo supra laudatæ epist. Gregorii XI. ad Petrum Cretensem archiepiscopum, de exigenda à Græcis hujus insulæ fidei catholicæ formulæ. Sed nulla nobis aliunde suppetit de hac ecclesia notitia, nisi Cidonienfi unita sit. De urbe autem Cidonia hæc docet Baudrand, tom. 1. geogr. pag. 316. col. 2. «*Cydonia*, urbs Cretæ insulæ Straboni, *Cydon* Plinio, antiquissimis temporibus dicta *Apollonia*; (*Apollonia* tamen & *Cydon* commemorantur à Plinio, lib. 4. c. 12. ut duæ distinctæ urbes in insula Cretensi,) nunc *la Canea* (nuncupatur) Græcis & Italis, episcopalis sub archiepiscopo Candia. Urbs est quadrata & (una) ex quatuor præcipuis insulæ, probè munita cum portu capaci in ora & in tractu seu territorio Cydoniæ ab ea dicto, in parte occidentali insulæ.... Distat 28. milliar. à Ciamo promontorio in ortum Rhitymnium versus 40. & Candiam seu Matium 90. circiter, teste Boschino.»

EPISCOPI AGRIENSES.

I. JACOBUS electus.

**U**GHELLUS, tom. 6. Ital. sac. veter. edit. col. 1025. n. 6. B. scribit Jacobum quemdam, canonicum Cretensem, jam electum Agriensem

*Depiscopum*, translatum fuisse à Clemente V. ad Bisacensem ecclesiam in Italia, vacantem per translationem Francisci ejus præfulis ad sedem Asculanam in Apulia anno 1310. & obiisse Avenione anno 1328.



## II. THOMAS.

Anno 1325. *Thomas* episcopus Gerapetrensis sive Hierapetrensis in Creta insula, translatus est ad Agiensem sive Agriensem in eadem insula, à Joanne XXII. ut refertur in diplomate *Regimini universalis*, dato idib. (id est die 13.) Febr. cujus meminit Wadd. tom. 3. annal. Min. ad annum 1325. n. 25. pag. 332. quodque exhibet in *Regest. Pontif. pag. 157.*

## III. ANTONIUS.

## IV. RAYMUNDINUS.

Post obitum *Antonii* episcopi Agienfis sive Agriensis in Creta insula, ad hanc ecclesiam ex Arienfi in eadem insula an. 1351. translatus est à Clemente VI. diplomate *Æterni Regis*, dato VIII. kalend. Jun. (id est die 25. Maii,) *F. Raymundinus* Ord. Min. Ita idem Wadding. tom. 4. ad annum 1351. num. 42. p. 22. qui refert diploma illud *ibid. in Regest. Pontif. pag. 11.* Is fortassis fuit, cui 24. annis postea, scilicet anno 1375. die 17. Aprilis, Gregorius XI. epistolam, ut & cæteris Cretensis insulæ præsulibus scripsit, tacitis eorum nominibus, præter solius Petri ipsorum metropolitani. Si tamen diversus fuit à Raymundino episcopus iste, ejus hîc meminimus.

## V. MARCUS.

## VI. CATHARINUS.

*Marcus* episcopus Agienfis sive Agienfis in insula Cretensi obiit anno 1390. cui successit *Catharinus Barbo*, Venetus, Ord. Min. eodem anno huic ecclesiæ suffectus à Bonifacio IX. litteris datis IV. idus (id est die 12.) Octobris. Ita refert idem Wadding. ad hunc annum, tom. 4. annal. Min. n. 10. p. 286.

## VII. ANDREAS.

## VIII. PAULUS.

Waddingus, t. 5. ad annum 1402. pp. 8. & 9. narrat Bonifacium IX. scripsisse eo anno ad *Andream* episcopum *Agiensem*, injungens illi, tum ut permetteret ædificari in oppidulo *Caneæ* (ejus proinde episcopatus) monasterium Clarissarum, tum ut earundem basilicam consecraret. Hæc epist. data est die 30. Augusti eo anno, quam profert *ibid.* Wadd. in *Regest. Pontif. pag. 8.*

De *Andrea* isto & *Paulo* ejus successore tradit Ughell. to. 5. Ital. sac. col. 453. n. 11. A. B. vet. edit. priore, qui episcopus fuerat primum Crapulanus, deinde Petinensis sub Aquileiensi Patriarcha anno 1394. die 16. Feb. postremo Agenensis (Agiensis) in Creta insula an. 1396. mortuo ibidem anno 1411. ei subrogatum *Paulum Barocchium*, nobilem

A Venetum, qui ipse decessit anno 1418.

## IX. LUCAS.

## X. MICHAEL.

Lucâ ecclesiæ Agienfis præfule viam universæ carnis ingresso, huic in ea sede substituit Nicolaus V. anno 1451. die 1. Octob. *Fr. Michaellem de Candia*, Ord. Præd. « Ipse est, inquit R. P. Bremond, tom. 3. Bullar. « pag. 334. *Michael Græcus*, quem Cavalerius, « t. 1. p. 287. n. 244. præficit ecclesiæ Cydoniensi vulgo *la Caneæ*: episcopatus (quippe) « est insulæ Cretensis, cui sedes Agienfis unita « fuit. Hinc episcopus *Caneæ* dicitur à Fontan. « *Theat. Domin. pag. 154. tit. 132.* » Diploma Nicolai V. in quo Michael iste Ordini Præd. adscribitur, profert idem R. P. Bremond: unde perperam Wadding. *Michaellem* hunc suis accenset Minoritis, tom. 6. ad annum 1451. num. 55. pag. 33. Obiit anno 1479. juxta Mich. Pio, Razzium, Fernandez & Fontanam, vel 1491. juxta Altamuram & Cavalerium.

## XI. ANTONIUS.

Ughellus, tom. 5. Ital. sac. col. 976. A. veteris editionis, de quodam *Antonio Urso* episcopo Agienfi meminit, qui Joanni Michaelio Cardinali S. Angeli dicto, Romæ defuncto anno 1503. insignem in basilica sancti Marcelli erexit tumulum, cujus inscriptioni hæc addita à Jacobo Urso *Antonii* fratre leguntur: « *Antonius Urfus*, Venetus, « secretarius apostolicus, *episcopus Agienfis*, fa- « miliaris pientiss. sicuti fide ac singulari amore « totius suæ vitæ tempore adstitit, ita & in « morte ab hac luce gratiss. subjectione inse- « paratum se videri cupiens, conditorium do- « mino suo, seque sub illo tumulari testamento « mandavit. Qui Innocentii VIII. Alexandri « VI. Pii III. Julii II. Pont. referendarius, « summa integritate, doctrina, religione, jus- « titia, vixit annos 72. (&) decessit 28. Sept. « 1511. *Jacobus Urfus* frater bene merentibus « P. (id est posuit.) »

## XII. FRANCISCUS.

Wadding. to. 8. ad annum 1523. ... 54. pag. 394. scribit ad Agriensem ecclesiam sub archiepiscopo Cretensi promotum ab Adriano VI. eo anno die 24. Jul. *Fr. Franciscum de Molendina*, Minoritam.

## XIII. ALOYSIUS.

## XIV. DOMINICUS.

Defuncto *Aloysio* episcopo Agienfi seu Cydoniensi anno 1587. vel initio sequentis, in ejus locum subrogatus est à Sixto V. Papa *Fr. Dominicus Bolanus*, Ord. Præd. an. 1588.



die 29. Martii, de cuius promotione duo huius Pontificis diplomata exhibet R. P. Bremond, *to. 5. Bullar. p. 476.* Vide Fontan. *Theat. Dom. pp. 115. 123. 132. 154. & 640.* Caval. *tom. 1. pag. 541. num. 359.* & R. P. Echard, *tom. 2. pag. 396.* ubi etiam monet observari à Michaelē Pio, *part. 2. col. 308.* episcopatum Agenensem (Agensem) eundem esse ac *Caneæ.* Vivebat adhuc Dominicus Bolanus anno 1615.


XV. BERNARDUS.

*Bernardus Flores*, ex Ord. Cruciferorum, episcopus *Agienfis* erat an. 1642. quo translatus est die 26. Maii ab Urbano VIII. ad ecclesiam Jadrensem. Ita Ughellus, *tom. 5. Ital. sac. col. 1466. num. 31.* C. qui *ibid. in erratis pag. ultima col. 1. n. 42.* Bernardum

Ahunc asserit *Caneæ* fuisse episcopum, non *Agienfis* ecclesiæ. At nos supra animadvertimus eundem esse *Caneæ* & Agensem episcopatum.

XVI. BENCY.

Bernardo in sede Agienfi sive Cydonienfi aut *Caneæ* successit *D. Bency*, qui dum Turcæ Cydoniam obsiderent anno 1645. ibidem degebat, populumque ad strenuam urbis defensionem hortabatur; sed, ipsa nihilominus à Turcis expugnata, ecclesiæ Novienfi in Italia præfectus est ab Innocentio X. anno 1646. mense Febr. ex nunciis publicis Gallicè scriptis anno 1641. *pag. 967.* anno 1642. *pag. 585.* anno 1645. *pag. 943.* & anno 1646. *pag. 186.*



VII.

ECCLESIA CISSAMIÆ.

**C**ISSAMIA sive *Cisamus* oppidum est Cretæ insulæ ad littus maris prope Apteram, cujus navale esse dicitur à Strabone, *lib. 10. geogr. pag. 479.* B. edit. *Casaub.* Plinius, *lib. 4. cap. 12.* in oppidis Cretæ *Cysamum* commemorat. In notitia Græca extat ὁ Κισάμου, *Cisami* (scilicet episcopus:) hodie appellatur *Chisamo.* Ita Cellar. *tom. 1. geogr. ant. lib. 2. c. 14. pp. 1262. & seq.* Urbem hanc in ora boreali Cretæ insulæ sitam asserit Mich. Anton. Baudrand, *geogr. tom. 1. pag. 273. col. 2.* prope Camaram amnem in territorio Cydoniæ 15. milliar. à Ciamo promontorio in austrum Corycum versus totidem, & 25. à Cydonia in occasum; antea episcopalem sedem fuisse, sed nunc oppidulum esse *Castel Chissamo* dictum. Aliquot habuit *Latinos antistites.*

EPISCOPI CISSAMIÆ.

I. BELLETUS.

II. GUILLELMUS I.

**B**ELLETUS episcopus *Cissamiæ* sive *Chisfimenfis* ecclesiæ in Creta insula, obiit anno 1346. eique successor datus est à Clemente Papa VI. eo anno *Guillelmus Mauracochius* Ord. Min. pridie kal. Octob. (id est die 30. Sept.) diplomate *Inter sollicitudines varias*, cujus meminit Wadding. *tom. 3. annal. ad annum 1346. num. 10. pag. 539.* quodque exhibet *ibid. in Regest. Pontif. pag. 348. ex lib. 3.* in append. epist. 36. Hunc misit sedis apost. nuncium idem Pontifex anno 1349. ad Joannem *Cantacuzenum* Constantinopolitanum Imperatorem pro ecclesiarum Græcarum cum Romana unione. Clementis ea de re epistolam referunt Waddingus ad eum annum, *num. 7. pag. 564.* & Raynaldus ad annum 1350. *num. 28.* datam anno 1350. die 13. Februarii.

III. NICOLAUS.

IV. GUILLELMUS II.

Ughellus, *tom. VII. Ital. sac. prioris edit. col. 1180.* B. tradit, Eliæ Saguini Ord. Præd.

B defuncto an. 1349. successisse in episcopatu Vestano, ecclesiæ Sipontinæ suffraganeo, *Nicolaum* Ord. Min. translatum ex ecclesia Kifemenfi XIV. kal. Jul. (id est die 18. Jun.) an. 1350. Quocirca brevi admodum ecclesiæ Chisfimenfi præfuit Nicolaus iste, quippe qui anno, non 1350. sed 1349. (cujus initio huic sedi adhuc præerat Guillelmus Mauracochius) ex ea ad Vestanam in regno Neapolitano transferit. Id constat ex Waddingo qui *tom. 3. annal. ad annum 1349. num. 12. pag. 566.* scribit ad Kissaurensem (sive Chisfimensem) ecclesiam sub archiep. Cretensi, vacantem per translationem *Nicolai* (quem non ait fuisse Ordinis Min.) ad Vestanam, promotum esse *Fr. Guillelmum Emergavi*, sacre theologiæ magistrum, Ordinis Min. à Clemente VI. Papa, diplomate *Ecclesiarum omnium regimini*, dato die 17. Jun. an. 1349. quod profert idem Waddingus *ibid. in Reg. Pontif. pag. 386.*

V. JOANNES.

Guillelmo Emergarc sive Emergavi fortassis successit *Joannes* iste, de quo Ughellus, *to. 1. Ital. sac. in episcopis Hortanis, col. 781. num. 31.*



num. 31. D. veter. edit. hæc ait: «Joannes, A  
» antea episcopus *Kissanensis*, ad hanc eccle-  
» siam (Hortanam) translatus est anno 1362.  
» die vero 16. mensis Aug. solita pensione atque  
tributo apostolicam cameram veneratus est.»

## VI. AICARDUS.

*Aicardus* Ordin. Eremitar. S. Augustini,  
legitur in Registro Pontificali (Urbani V.)  
renuntiatus episcopus *Chisimensis* VI. idus  
(id est die 8.) Jun. anno 1366. teste Thoma  
de Herrera ejusdem Ord. *Alphab. Augustin.*  
*tom. 1. pag. 38. col. 2.*

Is ille fortassis episcopus fuit *Kissimensis*,  
cui, ut & cæteris Cretæ insulæ præfulibus,  
scripsit epistolam Gregorius XI. Papa die 17.  
April. anno 1375. de reducendis hujus in-  
sulæ Græcis ad ecclesiæ Romanæ fidei ob-  
sequium, apud Raynaldum ad eum annum  
num. 25. ut jam supra sæpius dictum est.

## VII. JACOBUS.

## VIII. MARTINUS.

Ecclesiâ *Lissamensi* (potius *Kissamensi*) va-  
cante per obitum *Jacobi* ejus præfulis, de  
quo nihil aliud nobis notum est, *Martinus*  
*Vannis de Esculo*, Ord. Eremit. S. Augustini,  
qui ex Registris hujus Ordinis erat die 2. Jul.  
anni 1387. cœnobii Romani conventualis,  
& postea factus fuerat Domini Papæ pœni-  
tentiarius, demum ad eam ecclesiâ evectus  
est IX. kal. Febr. (id est die 24. Januar.) à  
Bonifacio IX. anno 1392. Ita Thomas de  
Herrera *Alphabeti Augustiniani* 10. 2. p. 75.  
col. 2.

## IX. ANGELUS.

*Cissamiæ* episcopum fuisse exeunte sæculo  
decimo quinto *Angelum* illum probabile est,  
de quo mentionem facit Ughellus, *tom. 5.*  
*Ital. sac. in Venetiarum Patriarchis, col. 1353.*  
D. aiens initio congregationis canonicorum  
S. Georgii de Alva Venetiis erectæ, clericos  
in ea receptos, obtenta Bonifacii IX. licen-  
tia, ab illo Angelo in canonicos fuisse ordi-  
natos, & cœnobium S. Augustini in colle-  
giatam canonicorum sæcularium transmu-  
tatum. «Quod quum fecisset, inquit, *Angelus*  
*episcopus Chysamensis*, Bonifacii Pontificis «  
delegatus anno 1394. robur & incrementum «  
sancta hæc congregatio tantum accepit, ut «  
viri ex ea clarissimi ac sanctimonia insigni (præ- «  
stantes) ad nostra usque sæcula claruerint, «  
&c.» Is videtur fuisse ille Angelus Barbadico  
translatus ad ecclesiâ Veronensem an. 1406.  
die 2. Septemb. de quo Ughell. *ibid. col. 912.*  
B. C. meminit.

## X. PROSPER.

Augustinus Oldoinus, *hist. Rom. Pont. &*  
*DD. Card. edit. Roman. 1677. tom. 3. sub*  
*Pio IV. de Prospero Publicola* Sancta Crucio  
Card. agens, hunc refert, *col. 952.* B. dum  
unus erat ex consistorialibus advocatis, à  
Paulo III. episcopum *Chysamensem* renun-  
tatum, missumque ad Ferdinandum Roma-  
norum regem, ut, eo intercessore, Carolus  
V. Imperator citius ac facilius ad urbis Pla-  
centiæ restitutionem moveretur. Id contigit  
anno circiter 1548. Obiit autem anno 1589.

## VIII.

## ECCLESIA CANTIÆ.

CANTIA, cujus episcopum *Canticensem* cæteris Cretæ insulæ præfulibus jungit Gre-  
gorius XI. in epistola ad eos scripta die 17. Aprilis anno 1375. fortassis est urbs illa  
Cretæ dicta *Cantanus* à Stephano Byzant. & *Cantanum* à Carolo à S. Paulo, *geograph. sac.*  
*pag. 210.* Vide supra *tom. 2. coll. 273. 274.*

## EPISCOPI CANTIÆ.

## I. \* \* \*

## D

## III. \* \* \*

## II. FRANCISCUS.

*EPISCOPO* cuidam *Cantiæ*, cujus nomen  
ignoramus, mortuo anno 1346. suffectus est  
à Clemente VI. eodem anno die 21. Aug.  
*Fr. Franciscus* Ordin. Min. Ita Waddingus,  
*tom. 3. ad annum 1346. num. 10. pag. 539.*  
qui diploma profert *ibid. in Regest. Pontif.*  
*pag. 347.*

Præful iste, cujus nos latet nomen, ipse  
est episcopus *Cantiensis* memoratus in titulo  
epistolæ Gregorii XI. datæ die 17. Aprilis  
anno 1375. de qua superius mentio mul-  
toties facta est, quæque extat apud Raynald.  
ad eum annum, num. 25.



## IX.

## ECCLESIA ARIENSIS.

**A**RIENSEM Cretæ insulæ civitatem, inter alias Cretensis archiepiscopi ritus Latini ecclesias suffraganeas recensuit Gregorius XI. in epistola modo citata; huic deinde propter suam paupertatem Leo X. die 1. Jun. anno 1520. ecclesiam *Cysamensem* sive *Cissamiæ* in eadem insula univit: illi rursus Clemens VII. anno 1526. *Cheronensem* sive *Kironensem* conjunxit: denique Julius III. die v. Octobris anno 1551. ejusdem jurisdictioni ecclesiam *Calamonensem* subdidit, ut supra dictum est, ubi de Vincentio & Justiniano Calamonæ episcopis, col. 923. B. C.

## EPISCOPI ARIENSES.

## I. \* \* \*

**A**NNO 1307. episcopum Arianensem (sive Ariensem) in Creta insula Clemens V. suis litteris invitavit ad concilium Viennense. Vide supra col. 908. A. ubi de archiepiscopis Cretensibus.

## II. LAZARUS.

## III. RAYMUNDUS.

Post obitum *Lazari*, episcopum Ariensem Clemens VI. renunciavit anno 1349. die 8. Julii *Fr. Raymundum de S. Lucia*, Minor. Ita Wadd. tom. 3. ad hunc annum, num. 12. pag. 566.

## IV. RAYMUNDINUS.

*Raymundinus* Ord. Min. episcopus Arien- sis ad Agiensem translatus est anno 1351. die 25. Maii. Vide supra col. 925. B.

## V. GERARDUS.

Ursus archiepisc. Cretensis, de quo supra inter metropolitanos hujus insulæ egimus, col. 911. A. B. sede Arienfi per negligentiam capituli hujus ecclesiæ diutius vacante, ei *Gerardum*, Ordin. Eremitarum sancti Augustini alumnum, sua auctoritate præfecit: verum promotionem istam Urbanus V. irritam declaravit, non tamen alium quam illum ipsum *Gerardum* renunciavit præfulem diplomate dato Romæ vi. idus (id est die 8.) Novemb. anno vi. Christi 1367. Ita refert Thomas de Herrera *Alphab. Augustin. tom. 1. pag. 294. col. 2.* Gerardus iste probabiliter fuit præsul ille *Arienfis*, quem fert titulus epistolæ Gregorii XI. ad episcopos Cretenses, de Græcis schismaticis hujus insulæ ad unitatem reducendis, datæ 17. April. anno 1375.

## VI. FRANCISCUS.

## VII. ROLANDUS.

## VIII. FRANCHIONUS.

Gerardo in sede Arienfi fortassis successor datus est *Franciscus* ille, Carmelita, quem

**A** Daniel à V. M. to. 2. *Spec. Carmel. p. 921. n. 3218.* asserit sexagenarium adhuc vixisse anno 1418. die 17. Decemb. quum jam ab annis circiter 30. præsul esset. *Ex lib. 1. de diversis formis Martini V. anno 2. fol. 7.* Verum, ut id cohæreat cum promotione nonnullorum antistitum hujus ecclesiæ interim facta, oportet Franciscum hunc ab an. 1388. circiter consecratum sedis Arienfis episcopum, & mortuum anno 1418. eandem dimisisse ante annum 1410. & ad suos Carmelitas rediisse, ut apud ipsos reliquum vitæ transigeret.

Post obitum quippe *Rolandi* Arienfis ecclesiæ in insula Creta episcopi, qui Franciscum Carmelitam excipere potuit, ad hanc sedem evectus est à Joanne XXIII. die 28. Julii anno 1410. *Franchionus Secretus*, Cretensis, Ordin. Min. ex Wadding. tom. 5. ad annum illum, num. 14. pp. 71. & 72.

## IX. BERTRAMINUS.

Præfato Franchione translato ab eodem Papa de Arienfi ecclesia ad Milopotamensem, die 30. Jul. anno 1414. ei suffectus est in ecclesia Arienfi *Bertraminus de Seraphinis*, vir nobilis, ejusdem Ordinis Minor. cui Martinus V. concessit anno 1418. ut in aliquo conventu sui Ordinis provinciæ Januensis commorari posset, quamdiu in sua ecclesia ab infidelibus detenta residere ipsi non liceret. Hæc refert idem Waddingus *ibid.* ad annum 1414. num. 8. pag. 88. Obiit anno 1437.

## X. ANTONIUS electus.

## XI. JOANNES I.

*Antonius Guidius*, Florentinus, Ord. Præd. & sacrae theologiæ professor, electus est episcopus Arienfis in insula Cretensi à Martino V. die 14. Decemb. anno 1419. quia scilicet, ut palam fit, hanc sedem dimiserat eo anno Bertraminus. Fontana in *Theat. Dom. iii. 51. pag. 130.* citat acta consistor. hujus Pontificis, & ait Guidium annis pluribus cum insigni creditarum sibi ovium profectu Ariensem ecclesiam rexisse. Id etiam asserit



Cavaler. *Galler. Dom. t. 1. p. 226. num. 44.* A Verum ex Constitutione Martini V. data die 21. April. anni 1421. quam profert R. P. Antonin. Bremond, *tom. 2. Bull. Ord. Præd. pag. 597.* constat ab Antonio Guidio episcopatum hunc fuisse recusatum, priusquam consecraretur, ipsique substitutum Joannem de Chorono, ejusdem Ordinis, de quo iidem prorsus silent.

Antonium Guidium præfatus Cavalerius ait *loco citato* renunciatum fuisse episcopum die 14. Decemb. anni 1419. & obiisse circa annum 1430. quod potest esse verum, non tamen quod addit, *tom. 2. pag. 13. s. IV. num. 12.* eum ad annum circiter 1427. ecclesiæ Arienfi jus dixisse. Nihil aliud de his duobus viris compertum est.

## XII. JOHANNES II.

## XIII. NICOLAUS.

*Johannes de Vanno*, Ordinis Min. Joanni de Chorono, ut probabile est, in sede Arienfi successit; vita vero functus est anno 1433. quo *Nicolaus Salma* ejusdem Instituti Min. ex insula Creta oriundus, ad sedem illam promotus fuit diplomate Eugenii IV. dato die 16. Novemb. hujus anni 1433. Ita Wadd. *tom. 5. ad eum annum, num. 14. pag. 257.* Obiit autem anno sequente.

## XIV. BENEDICTUS.

## XV. ANTONIUS.

Nicolao episcopo Arienfi defuncto, idem Eugenius Papa *Benedictum de Paconeto*, Ord. D. Prædic. de provincia regni Neapol. ad eam sedem evexit die 10. Septemb. anno 1434. *Ex lib. Provis. Prælatorum Eugenii IV. teste Fontanâ Theat. Dom. pag. 130. tit. 51.* qui eum subjungit, *pag. 136. col. 2. tit. 72.* ex Taëgio in monum. *Ord. Præd. & ex Ughello, tom. 1. Ital. sac. vet. edit. col. 568.* D. postea ad ecclesiam Balneoregiensem in Tuscia ab eodem Eugenio fuisse translatum die 10. Maii anni 1438. & decessisse anno 1445.

Benedicto autem in sede Arienfi subrogatus est *Antonius Mina*, Cretensis, Ordinis Min. die 2. Novemb. præfati anni 1438. ab eodem Eugenio IV. Hæc Waddingus ad eum annum, *tom. 5. num. 25. pag. 343.*

## XVI. BARTHOLOMÆUS.

## XVII. LUDOVICUS.

Anno Christi 1526. Arienfis episcopus erat *Bartholomæus Abraham*, cui Clemens VII. hoc anno die 22. April. apostolicum breve dedit, pro typis edenda ejus translatione Latina actorum Græcorum synodi Florentinæ.

Probabile est Bartholomæum hunc esse *Bartholomæum Sirigo*, Cretensem, quem ex Arienfi episcopo translatum ad ecclesiam Castellatenensem in Italia à Paulo III. anno 1536. die 9. Nov. scribit Ughell. *to. 9. Ital. sac. veteris edit. col. 214. num. 24.* D. & in ea sedisse usque ad annum 1544. quo illam dimisit.

Wadd. *t. 8. annal. Min. ad annum 1537. num. 22. pag. 622.* asserit Bartholomæo in sede Arienfi substitutum esse eo anno die 5. Decemb. *Ludovicum de Martinis*, Minoritam.

Verum nescio an Ludovicus iste de Martinis non sit præsul Arienfis hujus nominis & Ordinis Prædicat. conventus SS. Joannis & Pauli Venetiis, in cujus epitaphio coram altari majore legitur, teste Mich. Pio de *progenie S. Dominici in Italia, lib. 2. cap. 31. pag. 350. col. 2. Fr. Ludovicus de Martinis, Venetus, Ord. Præd. episcopus Arienfis obiit (anno) 1541.*

## XVIII. TIMOTHEUS.

Arienfi, Calamonensi, Cifamenfi & Cheronenfi ecclesiis in unam sedem episcopalem coadunatis, ut supra expositum est, *col. 923.* B. C. præfectus est *Timotheus Justinianus*, Ordin. Præd. à Julio III. Papa die 21. Jun. anno 1550. De eo supra egimus inter episcopos Calamonenses, *col. 922. D.*

## X.

## ECCLESIA MILOPOTAMIÆ.

*MILOPOTAMON* urbem insulæ Cretæ, Niger *geogr. Comment. II.* apud Thomam de Pinedo, *annot. 38.* in Stephanum Byzantium, *pag. 527. col. 1.* eam esse tradit quam *Pantomatrium* veteres appellant, quæque à Ptolemæo, *lib. 3. cap. 17.* inter septentrionalis lateris Cretæ civitates recensetur. Ultra *Dium* promontorium, esse *Pantomatrium* Ptolemæi, Plinii, & Stephani scribit Cellarius *geogr. antiq. tom. 1. lib. 2. cap. 14. pag. 1267.* Ecclesia Milopotamienfis cum Rithymnensi conjuncta est in unum episcopatum, ex Baudrand, *to. 2. geogr. pag. 420. col. 2.*



## I. MICHAEL.

II. NICOLAUS. *Petrus.*

**A** Nno 1344. episcopus Milopotamienſis erat *Michael de Verona*, Ord. Præd. quem eo anno Clemens VI tranſtulit ad eccleſiam Foſſæ Clodiæ ſeu Clugienſem, vulgo *Chiozza* in ſtatu Venetiarum, 15. ab urbe Veneta milliario.

De eo epifcopo ſic loquitur Fontana *Theat. Domin. pag. 239. tit. 396.* «Fr. Michael de Verona Molopotamienſem ſedem epifcopalem adeptus eſt, ex qua Non. (id eſt die 7.) Oct. anno 1342. tranſfertur à Clemente VI. ad Clugienſem.» Et ſupra, *p. 174. tit. 190. num. 2.* «Michael de Verona, quum Molopotamienſis epifcopus eſſet, à Clemente VI. Nonis Octob. anno 1342. ſui pontificatus primo ad Clugienſem ſedem tranſlatus eſt, in qua duobus tantum annis ſacrum juſ dixit, ad reddendam rationem villicationis ſuæ, à Chriſto vocatus.» Citat autem Ughellum, qui reiſſa ſimiliter ait, *tom. 5. Ital. ſac. ubi de epifcopis Clugienſibus, col. 1421. veter. edit. num. 15.* «Fr. Michael epifcopus Molopotamienſis (cujus Ordinis incertum) ad hanc ſedem tranſlatus legitur in *Reg. Vatic.* anno 1342. Non. (id eſt die 7.) Octobris.» Fortaſſis, inquam ego, hîc recenſetur electio hujus Michaelis ad ſedem Milopotamienſem, non vero ejusdem tranſlatio ex Milopotamienſi ad Clugienſem: hanc quippe non niſi anno 1344. factam eſſe conſtat ex diplomate Clementis VI. dato eo anno die 23. Junii, quod profert Wadd. *1. 3. in Reg. Pont. p. 303.*

Scilicet de *Nicolao* hæc tradit Waddingus *ibid.* ad annum 1344. *num. 6. pag. 525.* «Fr. Nicolaus, Minorita, ad Milopotamen. ſub archiepifcopo Cretenſi (promotus eſt) per tranſlationem Michaelis (quem non ait fuiſſe ſui Ordin. Fontana vero & alii aſſerunt fuiſſe Ord. Præd.) ad Clugienſem. Hic miſit ad Pontificem anno 1346. quaſdam querelas de bonis ſuæ eccleſiæ occupatis à laïcis, quas Pontifex miſit ad Andream Dandulum, Ducem Venetum, cui tunc inſula Cretenſis parebat.» Eundem Nicolaum ſic memorat Ughellus ſupra laudatus, *num. 16.* «Nicolaus hujus eccleſiæ (Clugienſis) præſul poſt Michaelẽ, inde tranſlatus ad Molopotamienſem eccleſiam anno 1344. VIII. kalend. Jun. (id eſt die 25. Maii,) ex *Regeſt. Vatic.*» Et *n. ſeq. 17.* ſubdit, «*Petrus* ſucceſſit Nicolao (in ſede Clugienſi) anno 1344. tranſlatus deinde eſt ad eccleſiam Molopotamienſem, pauloque poſt fuit epifcopus Concordienſis, ex *Reg. Vatic.*»

**A** Verum hallucinatur graviter in his duobus epifcopis *Nicolao & Petro* Ughellus: nam tantum abeſt ut *Nicolao* in ſede Clugienſi *Petrus* ſucceſſerit die 25. Maii anno 1344. ex qua poſtmodum tranſlatus ſit ad Milopotamienſem, quin è contra nec Clugienſi eccleſiæ unquam præfuit Nicolaus, nec Milopotamienſi *Petrus*, ſaltem poſt annum 1344.

**B** De Nicolao res manifeſta eſt: is enim ex Brumacenſi ſede, ob quam falſo exiſtimatam vacantem, fuerat conſecratus epifcopus, ad Milopotamienſem dimiſſam à Michaelẽ de Verona tranſlato ad Clugienſem, promotus eſt anno 1344. die 23. Junii; eamque, ex laudato diplomate Clementis VI. adminiſtravit uſque ad obitum ſuum anno 1349. quo Fr. Jacobus, Minorita, ipſum excepit, ut infra dicetur. Nunquam igitur fuit epifcopus Clugienſis.

**C** Petrum quoque non minus conſtat ſedi Milopotamienſi non præfuiſſe, ſaltem poſt annum 1344. (fortaſſis Michaelẽ de Verona in hujus eccleſiæ regimine præceſſerit, adeoque ante annum 1344. quo Michael iſte ex ea ſede ad Clugienſem tranſlatus eſt, id tamen nullibi reperi.) Eccleſia quippe Milopotamienſis ab anno 1344. quo Michaeli de Verona ejus præſuli ſucceſſus eſt Nicolaus, uſque ad annum 1349. quo huic Nicolao ſucceſſit Jacobus Minorita; eundem Nicolaum epifcopum habuit, totoque illo tempore varias *Petrus* in Italia occupavit ſedes, ex ipſomet Ughello, nimirum 1.º *Clugienſem*, *tom. 5. col. 1421. n. 17.* quanquam non anno 1344. die 25. Maii, ut aſſerit ibi Ughellus, quia eo anno die 23. Jun. ex eccleſia Milopotamienſi ad hanc Clugienſem tranſivit Michael de Verona, qui & ejus curam geſſit adhuc duobus annis, ac ſubinde uſque ad annum 1346. 2.º *Melphienſem*, anno 1347. die 12. Decembris, *tom. 1. col. 1008. num. 20.* 3.º demum *Concordienſem* anno 1348. die 30. Maii, *tom. 5. col. 334. num. 25.* Ex ea autem poſtrema eccleſia ad aliam Petrum migratſſe non ſcribit Ughellus, ſed *num. 26. ſeq. Guidonem* recenſet, quem anno 1369. die 23. Jan. à ſede Concordienſi ad Cervenſem tranſlatum commemorat. Non ergo poſt annum 1344. præſectus eſt *Petrus* eccleſiæ Milopotamienſi, imo nunquam probabili-ter ejus antiſtes fuit.

## III. JACOBUS.

Narrat Waddingus, *tom. 3. annal. Min* ad annum 1349. *num. 12. pag. 566.* «ad Milopotamen. ſub Cretenſi (Archiepifcopo) «



» per obitum Nicolai Minoritæ, *Fr. Jacobum*  
 » *de Ponto* (eiusdem Ordinis Min. diplomate  
 » Clementis VI.) *Pastoralis officii debitum* VIII.  
 idus (id est die 8.) Julii (promotum fuisse.)  
 Quod diploma *ibid.* profert in *Regest. Pontif.*  
*pag. 387.*

## IV. \* \* \*

Nisi Jacobus de Ponto modo memoratus  
 adhuc superstes fuerit die 17. Aprilis 1375.  
 ad alium Milopotamienfis ecclesiæ præfulem  
 epistolam suam direxit eo anno Gregorius  
 XI. de Græcis schismaticis insulæ Cretæ ad  
 unitatem ecclesiæ reducendis, in cujus titulo  
 legitur inter alios hujus insulæ episcopos, &  
*Milopotamensi.* Apud Raynald. ad eum an-  
 num 1375. num. 25.

## V. VICTOR.

## VI. DOMINICUS electus.

Victor episcopus ecclesiæ Milopotamienfis  
 erat anno 1390. quem eo anno translatus  
 esse ad Sitientem à Bonifacio IX. ipsique  
 subrogatum *Dominicum de Dominicis* episco-  
 pum Sitientem, Carmelitam, refert Daniel  
 à Virg. Maria, Carmel. tom. 2. *speculi Carmel.*  
*pag. 919. n. 3206.* Vide supra inter episco-  
 pos Sitientes, col. 918. E.

## VII. FRANCHIONUS.

*Franchionus* iste Ord. Min. de quo jam  
 supra dictum est, col. 931. D. inter episcopos  
 Arientes, ex ea ecclesia ad Milopotamiensem  
 translatus est à Joanne XXIII. die 30. Jul.  
 anno 1414. teste Waddingo ad eum annum,  
 tom. 5. num. 8. *pag. 88.*

## VIII. FRANCISCUS.

*Franciscus* Milopotamienfi ecclesiæ præ-  
 erat anno 1512. interfuit enim eo anno sy-  
 nodo Later. sub Julio II. t. 14. conc. Labb.  
 col. 29. A. Item anno 1514. sub Leone X.  
*ibid. col. 207. A.*

## IX. VINCENTIUS.

## X. DIONYSIUS.

Vacante sede Milopotamienfi per cujus-  
 dam *Vincentii de Massuriis* obitum an. 1538.  
 ad eam assumptus est à Paulo Papa III. *Dio-*  
*nysius* Ord. Min. litteris datis die XI. Decemb.  
 ex Waddingo, tom. 8. *pag. 631. num. XI.* Ille  
 procul dubio hic Dionysius est qui interfuit

concilio Trid. tum sub Paulo III. annis 1546.  
 & 1547. tum sub Pio IV. anno 1563. ut  
 supra dictum est, ubi de episcopis Chiro-  
 nensibus, col. 918. A. B. To. quidem 14. conc.  
 Labb. col. 925. A. legitur in margine quod  
 Dionysius ille factus fuerit præsul mense  
 Februar. anno 1529. sed id intelligendum  
 de ecclesiis Citanensi & Thermienfi unitis,  
 quibus præfuit antequam ad Milopotamien-  
 sem transfiret. Vide supra col. 868. C. D.

## XI. JACOBUS II.

Dionysio, qui Milopotamiensem ecclesiam  
 dimiserat, successus est à Paulo IV. die 26.  
 Jul. anno 1555. *Jacobus Suretus*, de quo  
 inter subscriptiones concilii Trid. sub Pio IV.  
 anno 1563. tom. 14. conc. Labb. col. 928. B.  
 extat: *Jacobus Suretus, Græcus, episcopus Mi-*  
*lopotamienfis junior.*

## XII. LUCAS.

*Lucas Stella*, Venetus, episcopus urbis  
 Retimi (Milopotamienfi ecclesiæ unitæ) pri-  
 mum fuit, idque ante annum 1615. quo ad  
 Jadrensem archiepiscopatum die 16. Nov. à  
 Paulo V. translatus est. Paulo post evasit ar-  
 chiepiscopus Cretensis; inde ad sedem Vi-  
 centinam anno 1632 die 24. Nov. transiit,  
 & ex illa demum ad Patavinam anno 1639.  
 die XI. Jul. Ita Ughellus, tom. 5. *veter. edit.*  
*coll. 447. num. 110. B. 1155. num. 76. C.*  
 & 1465. num. 28. D. Vide supra in archiepi-  
 scopis Cretensibus, col. 916. A.

## XIII. ZERBINUS.

Idem Ughell. *ibid. in episcopis Feltrensis,*  
*col. 354. n. 44. B.* scribit *Zerbinum Lugum*,  
*Bassani Vicentinæ ditionis oppidi, episcopum*  
*Milopotamiensem*, ad ecclesiam Feltrensem  
 translatus esse die 9. Januar. anno 1639. &  
 obiisse anno 1647. mense Jan. relicta existi-  
 matione quod præclaris animi dotibus insigni-  
 ores æquasset sui temporis præfules.

## XIV. GOZZADINUS.

*D. Gozzadinus*, Bononienfis, Angeli Go-  
 zadini episcopi civitatis Castellanae frater, re-  
 nuntiatus est episcopus ecclesiæ Rethimnensis  
 Milopotamienfi unitæ, ab Urbano VIII. die  
 12. Aug. an. 1641. Ex nunciis publicis Gal-  
 licè scriptis per hunc annum, p. 613. & seq.

## XI.

## ECCLESIA HIERAPETRÆ.

LICET in epistola Gregorii XI. ad Cretenses episcopos data die 17. April. anno 1375.  
 de Græcis schismaticis hujus insulæ ad concordiam cum Romana ecclesia revocandis,  
 quam supra sæpe citavimus, episcopus *Hierapetrensis* non memoretur; quia fortassis ea ec-  
 clesia tunc vacabat, vel absens ab ea erat ejus antistes: hanc nihilominus fuisse episcopalem  
 Nnn iij



præfulis Latini ritus sedem tunc temporis, & antea, liquet ex hujus episcopis modo recensendis, qui ad nostram venerunt notitiam. De ea autem urbe hæc habentur apud Mich. Anton. Baudrand, *to. 1. geogr. p. 480. col. 2.* «*Hierapetra*, urbs Cretæ insulæ Ptolemæo, » quæ *Hierapyina* Straboni & Plinio, *Hierapydna* Dionysio, id est, *Sacrapetra*, vulgo *Gera-* » *petra* Sophiano, sive etiam *il Castel di Gerapetra*, castrum (est) cum portu utcumque tuto » in ora meridionali insulæ Cretæ & in territorio Sitæ: aliàs episcopali dignitate insignis, sed » postea ejus episcopatus Sitæ unitus fuit. Sedet prope montem *Malaura*, vix 10. milliar. ab ora septentrionali insulæ, & 26. à Setia in occasum.» In notitia episcopatum Græcor. inter Cretenses episcopos extat Ἱεραπίδνης Hierapidnæ, ad calcem *geogr. sac. Caroli à S. Paulo, pag. 12.* Stephanus plura ejus nomina memorat, *pag. 322.* ubi ait: *Hierapyina* Ἱερά πύτνα urbs Cretæ, quæ prius *Cyrba*, postea *Pytna*, deinde *Camirus*, deinde sic *Hierapyina* Ἱερά Πύτνα.

## EPISCOPI HIERAPETRÆ.

## I. THOMAS.

## II. GERARDUS.

JOANNES XXII anno 1325. *Thomam* Hierapetræ episcopum ad Agiensem sedem in insula Creta transfudit die 13. Febr. De eo Thoma jam egimus inter episcopos Agrienses sive Agienses, *col. 925. A.*

Huic autem substituit idem Pontifex *Fr. Gerardum*, Minoritam, cujus meminit Waddingus, *tom. 3. ad annum 1325. num. 25. pag. 332.* & diploma profert *ibid. in Regesto Pontif. pag. 157.*

## III. DOMINICUS.

## IV. JULIANUS.

*Dominico* Hierapetrensi episcopo ad Maurianensem ecclesiam translato ab Urbano V. anno 1364. ei successit ab eodem Pontifice in sede Hierapetrensi die 29. Augusti *Fr. Julianus Angeli* seu *de Angelis*, Ordinis Prædicat. apud Fontanam in *Theat. Domin. pag. 197. tit. 265.* qui citat *librum Provision. Prælat. Urbani V.* hancque ecclesiam appellat *Giropetiensem* seu *Geropetiensem*, ac in *monum. Dom. pag. 231. col. 1. Hiropetiensem*; simul

A vero advertit de eo Juliano profundum haberi silentium à scriptoribus Dominicanis.

## V. FRANCISCUS.

## VI. JOANNES.

Waddingus, ad annum 1390. *tom. 4. num. 12. pag. 287.* ait, vacante Hierapetrensi ecclesia per obitum *Francisci*, *Fr. Joannem Quirinum*, Minoritam, nobilem Venetum, ad eam die 23. Novemb. eo anno à Bonifacio IX. fuisse promotum.

## VII. HIPPOLYTUS.

B *Hippolytus Arivabenus*, Mantuanus, à Paulo III. die 21. Decemb. anno 1542. renuntiatus est episcopus Hierapetrensis. Adfuit concilio Tridentino sub Pio IV. & ejus actis subscripsit anno 1563. *tom. 14. conc. Labb. col. 925. D.*

Waddingus, *to. 8. ad annum 1530 n. 18. pag. 500.* meminit cujusdam *Fr. Jacobi N.* Minoritæ creati episcopi *Badicensis* sub archiepiscopo Cretensi à Clemente VII. eo anno die 23. Septemb. Verum hæc ecclesia mihi ignota est: quippe quæ nullibi inter Cretensis metropolis suffraganeas recensetur.





# PROVINCIA CYZICI.

## I. CYZICUS METROPOLIS.

ECCLESIA  
CYZICI.

UT omnis præcaveatur confusio circa regionem *Mysia*, in qua extat *Cyzicus*, & distinguatur à *Moesia*, observandum cum Cellar. tom. 1. *geogr. ant. lib. 2. cap. 8. pag. 569.* *Mæsiam* à Græcis plerisque scribi *Μυσίαν Mysiam*, quod & nomen regionis in Asia est. « Idcirco, inquit etiam Dio Cassius, l. 49. p. 413. discriminis causa dicit ἡ ἐν τῇ Εὐρώπῃ Μυσία, » *Mysia Europea*. Raro Latini Græcos imitantur. Inscriptio 9. pag. 446. apud Gruterum, » LEG. LEG. VII. CL. IN MYS. INFERIOR. Et alia apud eundem pag. 521. num. 7. NAT. » *MYSIA SUPERIORI*. Et cod. Theodos. lege VII. de Lusor. Danub. in *Mysiaco limite*: ac leg. III. » de milit. veste, *Scytia & Musia*, id est, *Moesia* secunda, Latino more y in u mutato. » Ovidius quoque l. 4. *Pont. epist. 9. vers. 77. Mysas* dixit *Mæsos*. (Verum) alibi semper Latino » ore est *Mæsia* (illa, scilicet, regio Europæa quæ Pannoniæ in ortum adjacet, incipiens post » Taurunum, ex Ptolemæi dispositione) diphthongo sonans, qua à *Mysia Asiæ* distinguatur.

De hac autem *Mysia Asiatica* ita differit idem Cellar. tom. 2. lib. 3. c. 3. pp. 35 & 36. « *Mysia* juxta *Olympum*, quæ inde *Olympena* cognominatur, & olim *Minor* fuit censa, ac etiamnum ab eruditis *Minor* adpellatur; sita est ad Propontidem, inde in Mediterranea » procurrens. Ptolemæus quidem non habet in Græco nomen *Μικρὰς minoris*; adposuit vero » interpres Latinus, nec male. Urbes (enim) hujus partis recenset *Cyzicum, Parium, Lamp-* » *sacum*: fluminum ostia *Aesepi Αἰσῆπον* & *Granici*. Urbs prima *Cyzicus* vel *Cyzicum*, in Asiæ » civitatibus nobilissima (est) in insula Propontidis eodem nomine sita, de qua hæc ait Strabo » lib. 12. p. 575. B. C. edit. Casaub. *Insula Cyzicus duobus pontibus continenti adjuncta, virtute » præstans admodum, ambitu ad 500. stadia: urbem ejusdem nominis habet ad ipsos pontes, duos-* » *que portus qui claudi possunt, & navalia 200.* (continere:) *pars urbis in plano est, alia monti » adjacet: mons (ille) Urforum mons ὄρεον δεξι* dicitur; supra hunc est alius, *Dindymum*, uno » cacumine: in eo monte fanum est *Dindymenes* deorum matris, dedicatum ab Argonautis. Hæc » urbs comparari potest cum principibus Asiæ urbibus, ob magnitudinem, pulchritudinem, & legum » bonitatem, bello pacique juxta accommodata, videtur iisdem ornamentis prædita, quibus *Rho-* » *diorum, Massiliensium, Carthaginiensiumque* urbes antiquitus fuerunt decoratæ ». Huc usque Strabo. Pergit Cellarius, « Plinius (quoque) lib. 5. c. 32. (scribit:) *Ultra* (urbes supra memoratas extat) *insula quam continenti junxit Alexander, in qua oppidum Milesiorum Cy-* » *zicum, antea vocitatum Arctonesos, & Dolionis, & Dindymis, cujus à vertice mons Dindymus,* » &c. Clarius *Cyzicus* facta, quum Mithridatis obsidionem sustinuit, liberata deinde à Lucullo ». Hanc anno orbis conditi 2953. & post Romam 70. ædificatam tradit Baudrand, tom. 1. *geog. pag. 319.*

In notitiis Græco-Latinis quæ sunt ad calcem Codini de officiis, sæpius commemoratur *Cyzicus*, scilicet, pp. 337. 341. 365. 369. & 383. Eominus probabile est *Cyzico* non præfuisse antistes Latini ritus, dum Latini in Oriente dominabantur, quod nonnullis ejus ecclesiis suffraganeis quosdam hujusmodi datos reperiamus in episcopos: non tamen occurrit, nisi fortassis unus qui sequitur.

## ARCHIEPISCOPI CYZICENI.

\* \* \*

IN secundo diplomate Sixti IV. de promotione Fr. Gutterii de Quinonnes, Ord. Præd. ad ecclesiam Libariensem, dato anno 1477. die 29. Novembr. quod profert R. P. Bremond tom. 3. Bull. pag. 541. fit mentio *archiepiscopi Aquisiceni*. qui verisimiliter fuit præsul *Cyzicenus*: « Præterea volumus, &c. » (inquit Pontifex) quodque per hoc venerabili fratri nostro *archiepiscopo Aquisiceni*. cui

A præfata ecclesia (Libarien.) metropolitico jure subesse dignoscitur, nullum in posterum « præjudicium generetur, &c. ». Corruptionem « in hoc vocabulo *Aquisiceni*. agnoscit R. P. Bremond, & legendum putat *Aqueliceni*. seu *Anchialeni*. ab urbe *Anchialo* in Thracia. Verum quia pluries asseverat Wadd. ut infra patebit, ecclesiam *Libariensem* suffraganeam fuisse *Archiepiscopi Cyziceni in Hellesponto*, potius crederem legi oportere *Cyziceni*. cui præerat subinde anno 1477. antistes ritus Latini,



ECCLESIA  
ADRIMI-  
TANA.

## ECCLESIA ADRIMITANA.

- II. **M**E fugit quid sit ecclesia *Adrimitana*, nisi sit *Adrianotheras* sive *Hadrianotheras*, quæ ex Baudrand, *tom. 1. geogr. pag. 15. col. 2.* urbs est Mysiæ, ab Hadriano Imperatore ob fœlicitatem venationis condita, ut Dio observat. Addit autem abbas de Commanville in *indice alphabetico episcopat. totius orbis, pag. 117.* *Hadrianotheram* sive urbem venationum Hadriani, per corruptionem *Adrane* dictam, aut *Achyrae* in Hellesponto & Exarchatu Asiæ, etiamnum vicum esse Natoliæ, *Endrenos* appellatum, sub Turcarum potestate. Ait quoque laudatus Baudrand, *ibid. col. 1.* *Adrane* urbem esse Mysiæ inferioris ad Rhodium fluvium in Asia minori, & *Adrani* appellatam ad Prusam urbem, nuncque *Endrenos* nuncupari à Turcis, teste Leunclavio. Demum Carolus à S. Paulo monet, *pag. 239.* *Adrianotheræ* Cedrenum & Notitiam Græcam meminisse, huiusque episcopum, Patricium nomine, subscripsisse concilii Chalcedonensis actionibus 1. & 16. necnon epistolæ synodali provinciæ Cyziciniæ ad Leonem Imperatorem. Wadding. in *annalibus Minorum*, aliquos nobis suppeditat episcopos *Adriamitanos* & *Adrimitanos* qui fortassis huic ecclesiæ præfuerunt, quum præsertim ipse *Adrimitanos* sub Cyzico reposuerit. Extat quidem *Adramytteum* in Mysia maiore, ad Caicum flumen; verum urbs illa Epheso metropoli subest, non Cyzico.

## EPISCOPI ADRIMITANI.

I. HENRICUS.

II. JOANNES I.

**D**Octiff. P. Bremond, *10. 3. Bull. p. 219.* diploma exhibet Eugenii IV. Papæ, datum an. 1436. die 10. Febr. quo discimus, ecclesia *Adrimitana* vacante per obitum *Henrici*, ei præfectum fuisse *Fr. Joannem Heyterbach*, Ordinis Prædicat. quem non noverunt Fontana, Cavalerius, alique rerum Dominicanorum scriptores.

III. JACOBUS.

IV. UDALRICUS.

Waddingus, *10. 6. annal.* ad annum 1474.

A n. 21. pag. 815. scribit *Fr. Udalicum de Ulma*, Minoritam, episcopum *Andriamitan.* renuntiatum fuisse à Sixto IV. eo anno, post obitum *Jacobi* hujus ecclesiæ præfulis.

V. \* \* \*

VI. JOANNES II.

Idem Waddingus, *tom. 7. ad annum 1481. n. 22. pag. 95.* asserit *Fr. Joannem Welmechier*, Ordinis Minor. eo anno die 18. Jul. à præfato Pontifice episcopum *Andrimitan.* sub archiepiscopo *Cyziceno*, esse constitutum post obitum N.

## ECCLESIA LIBARIENSIS.

- III. **E**CCLÉSIA Libariensis, vel post exaratas Notitias Græcorum episcopatum metropoli Cyzico addita est, vel in iis sub alio aliquo nomine delitescit. Huic autem præfuere nonnulli Latini ritus præfules.

## EPISCOPI LIBARIENSES.

I. JACOBUS.

II. JOANNES I.

**T**HOMAS de Herrera, *Alphab. Augustin. tom. 1. pag. 427. col. 2.* hæc nos de duobus istis episcopis docet: «*Joannes de Quinque-Ecclesiis* (Augustinianus) per obitum *Jacobi* fit in Regesto Pontificio episcopus Libariensis vel *Libariensis*, Nonis (id est die 5.) Jun. anno 1392. & in Registro Ordinis (Augustiniani) die 3. Jun. anno 1387. in cœnobio Senensi sacræ theologiæ studens assignatur.»

III. JOANNES II.

Waddingus, *10. 6. annal.* ad annum 1455.

B num. 66. pag. 399. ait *Fr. Joannem de Dertheren*, Ord. Min. sacræ theologiæ lectorem, ad *Libarien.* ecclesiam in *Hellesponto*, sub archiepiscopo *Cyziceno*, à longo tempore vacantem, eo anno die 27. April. à Calixto III. fuisse assumptum.

IV. JOANNES III.

Idem Waddingus *ibid.* ad annum 1465. num. 8. pag. 655. testatur occurrere hoc anno in Registro Vaticano mentionem *Joannis episcopi Libarien.* in *Hellesponto* sub archiepiscopo *Cyziceno*, cui Pontifex concedit facultatem disponendi de rebus suis mobilibus, quantumvis fuerit Minorita, prid. Non. (id est die 6.) Jul.

V. GUTTERIUS.



## V. GUTTERIUS.

Ecclesiâ Libariensi sic dudum vacante post obitum sui præfulis, ut de hujus vacationis initio anno 1477. certa notitia non haberetur, Sixtus IV. ad illam promovit eo anno *Fr. Gutterium de Quinones*, aliàs *de Leon*, Ord. Præd. die 28. Novemb. Id constat ex tribus diplomatibus hujus Pontificis à R. P. Bremond, *10. 3. Bull. pag. 641.* transcriptis; B in quorum quidem secundo ea ecclesia dicitur suffraganea archiepiscopi *Aquisfien.* Sed vocem hanc corruptam censet idem R. P. Brèmond, & legendum *Achelicen.* seu *Anchialen.* vulgo *Achelo & Anchialo* in Thracia. At quidni potius existimemus legendum *Cyzicen.* cujus antistiti subditam hanc *Libarien.*

A ecclesiam testatur toties Waddingus? Vide supra, ubi de ea metropoli, *col. 941. A.*

ECCLESIA  
LIBARIEN.  
SIS.

## VI. ALPHONSUS.

Anno 1492. die 3. Decemb. *Libariensis* episcopus constitutus est ab Alexandro VI. *Fr. Alphonsus à S. Cypriano*, Hispanus, Ord. Præd. Diploma exhibet præfatus R. P. Bremond, *tom. 4. pag. 193.*

## VII. ANTONIUS.

Waddingus, *t. 8.* ad annum 1502. *n. 34. pag. 31.* scribit *Fr. Antonium Gard*, Minoritam, ad sedem *Libarien.* in *Hellesponto* sub archiepiscopo *Cyziceno*, ab Alexandro VI. eo anno die 5. Jul. fuisse evectum.

## IV. ECCLESIA PRÆCONNESI sive MARMORÆ.

**P**ROCONNESUS seu, & melius, *Præconnesus*, ut legitur in vetustissimis codicibus Græcis *mss. biblioth. regie*, insula est Asiæ minoris in Propontide, & in ora Mysiæ minoris Plinio & Ptolemæo, quæ *Elaphonnesus* etiam & *Neuris* dicta fuit, teste eodem Plinio, nunc *Marmora* appellatur à marmore inde assumpto. Circuitus ejus est 20. milliarium, & probè culta, urbem habens parvam in parte occidentali. Vix 6. milliar. distat à Cyzico in occasum Hellespontum versus, & ex ea marmor eruitur, Cyzicenum dictum. Huic insulæ adfunt quinque portus satis tuti, & adjacet ad occasum *Camara* insula parva. Ita Baudrand, *tom. 2. geogr. pag. 139.*

Carolus à S. Paulo, *pag. 239.* hæc scribit de Præconneso sub Hellesponto: «*Præconnesus* insula Ptolem. *lib. 3. c. 11.* vulgo *Marmora*. Joannis episcopi *Præconnesi* meminit Socrates «*hist. Eccles. lib. 7. c. 37.* & Acacius *Præconnesi* legitur inter suffraganeos episcopos Cyzici «*in concilio Chalcedonensi, Act. XVI.*» Unus duntaxat ex ejus præfulibus Latinis ad notitiam nostram devenit.

## EPISCOPI MARMORENSES.

## GARTERUS.

R. P. Echard in *indice episcoporum. Ord. Præd.* initio *to. 1. scriptor. pag. 27. col. 1.* de quodam Gartero Dominicano hæc tradit: «*Garterus de Argentina*, episcopus Marmorensis. Sic

C Pignon scribebat anno 1394. ex quo habuit «*Sampaio*. Corruptè à nostris vocatur *Batterius*, & perperam ad annum 1450. amandatur.» Ejus quoque meminit R. P. Bremond, *t. 2. Bullar. p. 463.* ad annum 1391.

## V.

## ECCLESIA PARIÏ.

**P**ARIUM, urbs Mysiæ minoris in Asia minori Straboni & Ptolemæo, quæ *Parion* & *Adraastia* Pomponio Melæ, *Pariana colonia* Plinio, *Pario* adhuc dicta, teste Sophiano, *Paradiso* autem Nigro, nautis & aliis, in Propontide. 20. milliar. distat à Lampſaco in ortum, Cyzicum versus 30. circiter. Portu gaudet non ignobili. Ita Baudrand, *to. 2. geogr. p. 81. col. 1.* Hanc urbem eo nomine donatam tradit Stephan. Byzant. à *Pario* Jasionis *Παριωνος* filio, quod & Eustathius ad *Odyss. lib. 5.* habet, teste Thoma de Pinedo in Stephanum Byzant. *annot. 65.* de urbe *Pario*, *pag. 530. col. 2.* qui etiam subdit: «*Ciceroni* epistolarum *lib. XIII.* ad C. Memmium & cæteros *epist. 53.* dicitur *Pariana civitas*, Plinio, *lib. 5. c. 32.* «*Pariana colonia*, quam Homerus *Adraastiam* appellavit. Straboni vero, *lib. 13.* (*pag. 588.* «*A. edit. Casaub.*) & (Stephano in *Αδραστία*) diversæ sunt urbes *Adraastia* & *Parium*. (Ait «*quippe* Strabo: *Σίτα* est urbs *Adraastea* inter *Priapum* & *Parium*, &c.»)

«*Circa Parium* autem Crates Pergamenus apud Plinium, *lib. 7. cap. 2.* tradit fuisse genus hominum quos Ophiogenes appellat, serpentum ictus contactu levare solitos, & manu «



ECCLESIA  
PARI.

» imposita, venena extrahere corpori. Sed præstat & de urbe Pario, & de horum hominum  
» genere, audire Strabonem, lib. 13. (pag. 588. C. D.) *Parium quoque, inquit, urbs est ad*  
» *mare, portum habens quam Priapus majorem, & quidem rebus Priapenis aucta est: nam Pariani*  
» *Attalidis regibus operam suam navantes, quibus suberat Priapena civitas, illorum permissu multa*  
» *hujus ad se traxerunt. Ibi locorum fabulantur Ophiogenes Ὀφιογενὲς esse, qui cum serpentibus*  
» *quamdam habeant cognationem: nam mares eorum medicari aiunt iis qui à vipera morfi sunt,*  
» *continenter tangendo, tamquam incantatores solent, ac primum in se transferre livorem, deinde*  
» *inflammationem etiam doloremque sedare. Ferunt principem ejus generis è serpente in heroem*  
» *fuisse mutatum: fortasse unus è Psyllis Afris fuit: facultas (autem) ea aliquandiu eo in genere*  
» *mansit.*» Hæc Strabo. Plinius vero, lib. 7. c. 2. ait: *Varro etiam nunc esse paucos ibi, quorum*  
» *salivæ contra ictus serpentum medeantur. Similis & in Africa gens Psyllorum fuit, ut Agathar-*  
» *cides scribit, à Psyllo rege dicta, cujus sepulcrum in parte Syrtium majorum est. Horum corpori*  
» *ingenitum fuit virus exitiale serpentibus, ut cujus odore sopirent eos. Mos vero liberos genitos*  
» *protinus objicendi sævissimis eorum, &c.*

Cellarius, tom. 2. geogr. antiq. lib. 3. cap. 3. pag. 37. de situ Parii in ordine ad urbes  
vicinas observat Ptolemæum ponere Granici amnis ostia infra Parium; Strabonem è contra  
Granicum ponere supra Parium, cui ipse, ut hujus regionis peritiori, magis assentitur: ait  
enim Ptolemæus, lib. 5. cap. 2. *Æsepi hæc ostia, Parium, Granici hæc ostia.* Strabo (vero) ci-  
tatus, pag. 587. C. inter *Æsepum & Priapum Granicus fluit, majori parte per Adrasteæ cam-*  
» *pum.* Et post Priapum: *Deinde regio est finitima Parianorum & Lampsacenorum.* Ab *Æsepo*  
itaque primum Granici ostia ponit, deinde Priapum, postea Parium, denique Lampsacum,  
cui ordini suffragatur quoque Plinius, lib. 5. c. 32. Oppida illa ab austro in septentrionem  
enumerans, *Percote oppidum & Lampsacum, Parium colonia, oppidum Priapos, amnis Æsepus.*  
Flumen Granicum mox separatim exposuit. Coloniam autem fuisse Parium Italici juris, Pau-  
lus lege VIII. de censibus testatur: *In provincia Asiæ duæ sunt juris Italici, Troas & Parium.*  
Idem habetur ex veteri inscriptione apud Sponium, pag. 173. COL. IUL. PARIANÆ. Et in  
nummo Imperat. Marci COL. PARIA. IUL. AUG. unde etiam auctorem coloniae cog-  
noscimus. Pario præfuerunt aliquot episcopi Latini, quorum nobis unus tantummodo  
innotescit.

## E P I S C O P I P A R I I .

\* \* \*

A Nno 1209. sedebat quidam episcopus  
» *Parii, quem Innocentius III. commemorat*  
» *epistola 144. lib. XII. archiepiscopo Eraclienfi*  
» *& Salimbriensi episcopo, & decano de Blakerna*  
» *Constantinopolitano, data eo anno die 23.*  
» *Novembris, tom. 2. epistolarum hujus Ponti-*  
» *fificis, edit. Baluz. pag. 387. col. 2. «Venera-*  
» *bilis, inquit, frater noster Constantinopoli-*  
» *tanus Patriarcha nostro apostolatui reseravit*  
» *quod, quum homines de Spigant, ubi nun-*  
» *quam episcopus extitit, dari sibi episcopum*  
» *postularent, idem hoc facere metuens abs-*  
» *que nostra licentia speciali, ad eorum instan-*  
» *tiam episcopatu de Pario commisit eisdem.*

A Quumque postmodum episcopum de Pario  
» *accedentem ad ipsos admittere recusassent, «*  
» *in ipsos post admonitionem sæpius iteratam «*  
» *Patriarcha præfatus excommunicationis sen-*  
» *tentiam promulgavit, quam auctoritate petiit «*  
» *apostolica confirmari. Quocirca discretionem «*  
» *vestræ per apostolica scripta mandamus, qua-*  
» *tenus dictam excommunicationis sententiam, «*  
» *sicut rationabiliter est prolata, faciatis aucto-*  
» *ritate nostra usque ad satisfactionem con-*  
» *dignam, appellatione postposita, firmiter ob-*  
» *servari. Qod si non omnes, &c. duo vestrum, «*  
» *&c. Datum Laterani IX. kalend. Decembris, «*  
» *anno XII. » Nos latet quis hujus rei fuerit*  
» *exitus.*





# PROVINCIA DYRRACHIENSIS.

## I. ECCLESIA DYRRACHII.

ECCLESIA  
DYRRACHII.

**D**YRRACHIUM, Græcè Δυρράχιον, urbs Illirica, prius *Epidamnus* dicta fuit, nunc *Durazzo* Italis, *Drazzi* Turcis, *Duras* Gallis nomen habet; etiamnum satis ampla est, & archiepiscopalis in Albania regione, sub dominio Turcarum; arce prædita est, & portu in ora maris Adriatici ad ostia fluvii *l' Argentaro*. 40. millibus pass. distat à Lissio in meridiem, Aulonem versus 65. à Brundusio 120. in ortum æstivum, & 200. à Thessalonica in occasum. Hæc Baudrand *geogr. tom. 1. pag. 349. col. 1.* à quo insuper, *tom. 2. pag. 429. col. 1.* assignantur ut sedes huic metropoli suffraganeæ, Alexiensis, *Alessio*, Lissensis, *Liis*, Bendensis, *Benda*, Canoviensis, *Canovia*, & Croiensis, *Croia*. Initio sæculi XIII. Dyrrachio præfici cæperunt Latinis eò degentibus archiepiscopi ritus Latini.

## ARCHIEPISCOPI DYRRACHII.

### I. M.

**I**NNOCENTIUS III. epistola 94. lib. XII. apud Baluz. *tom. 2. epistolar. hujus Pontificis, pag. 355.* anno 1209. die 18. Aug. mandavit Paduano & Cenetensi episcopis, & abbati S. Martini de colle Cenetensis diocesis, ut archiepiscopum Dyrrachii recens promotum, in possessionem hujus ecclesiæ inducerent. Porro à littera M. nomen hujus præfulis Dyrrachiensis incepisse discimus ex epistola 92. lib. XIV. ejusdem Papæ, *ibid. pag. 549. col. 2.* data anno 1211. die 2. Septemb. de ejus morte & electione successoris, ubi ait: «Ex litteris dilectorum filiorum capituli Dyrrachiensis accepimus quod bonæ memoriæ M. ipsorum archiepiscopo viam universæ carnis ingresso, &c.» Brevis itaque fuit antistitis hujus Dyrrachiensis præfectura.

### II. A. \* \* \*

Ex posteriore epistola Innocentii III. modo laudata constat anno 1211. in locum præfulis Dyrrachiani mortui electum fuisse archiepiscopum, cujus nominis prima littera erat A. Pergit enim Pontifex, Patriarchæ Gradeni & episcopo Castellano scribens: «Iidem, ne dicta ecclesia, quæ jam dudum per tempora ex defectu pastoris lapsum gravem senserat & ruinam, patris absentiam diutius deploraret, convenientes in unum, & Spiritus sancti gratia invocata, dilectum filium A. Constantinopolitanum præpositum Venetiis existentem sibi elegerunt concorditer in pastorem, nobis humiliter supplicantes ut, quia Constantinopolitana ecclesia noscitur nunc vacare (Thoma primo ejus Patriarcha mortuo) à qua fuerat confirmationis gratia expectanda, & ipsam electionem confirmare auctoritate apostolica dignaremur, & electo face-

Tomus III.

A remus munus consecrationis impendi. Quo- circa, &c. Datum Laterani IV. Non. (id est die 2.) Septembris anno XIV.»

### III. PETRUS I.

*Petrus* iste sedi Duracensi præerat anno 1303. die XI. April. quo B. Nicolao de Tarvisio Cardinali episcopo Ostiensi, qui postea eodem anno die 22. Octob. electus est summus Pontifex, Benedictus XI. basilicam cœnobii Patavini Ordinis Prædic. solemniter consecranti adstitit cum pluribus aliis præfulibus, ut ex duplici ejusdem, unius ut Cardinalis, alterius ut Papæ diplomate constat, apud R. P. Bremond, *tom. 2. Bullar. pp. 86. & 87.*

### IV. MATTHÆUS. Augerius electus.

### V. PETRUS II.

Anno 1340. mortuo *Matthæo*, archiepiscopo Dyrrachienfi, irritaque declarata *Fr. Augerii* Ordin. Minor. electione, *Fr. Petrus de Gironfa*, ejusdem Ordinis, ad eam sedem promotus est à Benedicto XII. cujus diploma datum eo anno die 23. Mart. memorat Waddingus, *tom. 3. pag. 465. num. XI.* & profert *ibid. in Regest. Pontif. pag. 259.* Hic Petrus probabiliter fuit archiepiscopus ille Dyrrachinus non nominatus, cui & novem aliis metropolitibus eorumque episcopis suffraganeis scripsit Clemens VI. anno 1345. ut Humberto sive Imberto Delphino Viennensi Duci constituto cruce signatorum exercitus contra Turcas totis viribus adessent, teste Raynaldo ad eum annum, *num. 6.*

### VI. ANGELUS.

### VII. ANTONIUS I.

Post obitum *Angeli* archiepiscopi Dyrrachiensis, ad eam sedem translatus est ex

O o o ij



ECCLESIA  
DYRRACHII.

Hierapolitana à Clemente VI. die 25. Maii an. 1349. *F. Antonius de Duratio*, Minorita. Ita Waddingus, *tom. 3. annalium Minor.* ad hunc annum, *num. 11. pag. 566.* qui *ibid. in Regest. Pont. p. 384.* diploma Pontificis refert. Extat apud Raynaldum, *tom. 16.* ad annum 1351. *num. 20.* epistola Clementis VI. *venerabilibus Fratribus Antonio Duracensi, & Eliæ Ragusino archiepiscopis, &c.* data eo anno die 1. Septemb. aduersus errores Græcorum. Verisimile est fuisse *archiepiscopum* illum *Duracensem*, cui non nominato & 13. aliis metropolitans eorumque episcopis suffraganeis, Innocentius VI. anno 1359. die 11. Maii, de vindicanda contra Infidelium conatus christiana religione, epistolam scripsit, quam profert Raynaldus ad illum annum, *num. 16.*

## VIII. \* \* \*

Alius probabiliter ab Antonio modo laudato extitit *archiepiscopus Dyrrachiensis*, cui Urbanus V. anno 1370. quosdam episcopos Minoritas in Albaniam missos commendavit, ex Raynaldo ad eum annum, *num. 8.*

## IX. STEPHANUS I.

*Stephanus* iste archiepiscopus erat Dyrrachiensis anno 1392. quo ad Potentinam ecclesiam in Italia translatus est: sed quum neglexisset litteras suæ translationis obtinere, Benedictus de Arpino, Minorita, ad hanc sedem promotus est. Ita Ughellus, *tom. 7. Ital. sac. col. 186. num. 21. D. vet. edit.*

## X. STEPHANUS II.

*Fr. Stephanus Guillelmi de Neapoli* (Carmelita) *pænitentiarius apostolicus, electus est archiepiscopus Duracenus in Dalmatia III. Non.* (id est die 3.) *Jun. anno 1394.* Ex lib. Provis. prælat. Bonifacii IX. anno v. fol. 84. apud Daniel. à V. M. *tom. 2. Spec. Carmel. p. 454. num. 3359.* Dicitur autem fortassis sedes ista in Dalmatia, quod, ut tradit Baudrand, *to. 1. geogr. de Albania* agens, hæc regio, in qua Dyrrachium sita est, terminetur *Dalmatia* à septentrione.

## XI. JOANNES I.

Ughellus, *tom. 7. Ital. sac. col. 671. n. 13.* C. scribit *Joannem Bonifacii de Panella*, Neapolitanum, *Duracensem archiepiscopum*, ad ecclesiam Caputaquensem in Italia translatum esse anno 1399. die 19. Aprilis.

## XII. MINOR.

## XIII. JOANNES II.

Post *Minoris* archiepiscopi Dyrrachiensis obitum, huic sedi Joannes XXIII. præfecit *F. Joannem de Duratio*, Dominicanum, quem

perperam Fontana *Theat. Dom. p. 73. tit. 41.* cognominat *de Duranol*, & adhuc pejus Cavaler. *tom. 1.* in duos homines dividit, *Joannem de Durazzo*, episcopum alicujus ecclesiæ in Dalmatia tempore Bonifacii IX. *pag. 186. num. 244.* & *Joannem de Duranol*, archiepiscopum Duracensem in Albania die 1. Oct. anno 1412. *p. 206. num. 428.* Verum li-tem dirimit diploma Joannis XXIII. datum iis die & anno, quod subministrat R. P. Bremond, *tom. 3. Bullar. pag. 515.* ubi præsul ille dicitur *Joannes de Duracio, electus Duracensis, & in sacerdotio tunc solum constitutus*, ut anterior aliquis episcopatus ejus excludatur. Obiit anno 1421. aut 1422.

## XIV. NICOLAUS.

Huic Joanni in sede Duracensi successit *Fr. Nicolaus Cosmæ*, Minorita anno 1422. ex diplomate Martini V. quod Waddingus citat, *tom. 5. ad eum annum, n. 17. p. 151.* & exhibet *ibid. in Regest. Pontif. pag. 94.*

## XV. PAULUS.

C Raynald. *to. 19.* ad annum 1460 *nn. 103. & 104.* meminit cujusdam *archiepiscopi Duracensis*, ad quem & Antibarentem archiepiscopum Pius II. epistolam scripsit anno præcedenti 1459. die 18. Febr. Porro is probabiliter *Paulus Angelus Dyrrachinus episcopus* fuit, ex cujus & Veneti oratoris consilio Scanderbegum arces in Albania fortissimis præfidiis munivisse narrat idem Raynaldus ad annum 1465. *num. 18.*

## XVI. \* \* \*

## XVII. LUDOVICUS.

D Wadding. *tom. 8.* ad annum 1540. *n. 27. p. 660.* refert post obitum *archiepiscopi Dyrrachiensis*, quem non nominat, huic sedi præfectum esse *Fr. Ludovicum Bianchum*, Venetum, Minoritam regularis observantiæ, eo anno die 16. Aprilis.

## XVIII. ANTONIUS II.

*Antonius Provana, Dyrrachiensis archiepiscopus*, Taurinensis renuntiatus est archipræsul ab Urbano VIII. anno 1631. die 2. Novemb. & obiit anno 1640. die 25. Jul. Ita Ughellus, *tom. 4. Ital. sac. col. 1487. num. 10. vet. edit.*

## XIX. \* \* \*

Ex nunciis publicis Gallicè scriptis per annum 1640. *pp. 749. & 805.* quidam episcopus Albanix ad sedem *Dyrrachensem* translatus est eo anno die 10. Septemb. qui fortassis, vel ejus successor, constitutus est ab Alexandro VII. anno 1660. die 8. Octobris vicarius apostolicus, ut præfesset populo



provinciae de Chimara in Albania, commu-  
nionem ecclesiae Romanae amplectenti per  
duos legatos, ad id ab eodem populo Ro-  
mam missos, ut refertur in similibus nunciis  
anni praefati 1660. pag. 1123.

## XX. PETRUS III.

*Petrus Scurra*, archiepiscopus Dyrrachien-  
sis, pallio donatus est ab Innocentio XIII.  
anno 1722. die 23. Septembris. Ex iisdem  
nunciis per hunc annum, pag. 524.

ECCLESIAE  
KERNICEN-  
SIS & PRIS-  
CÆ.

## II.

## ECCLESIA KERNICENSIS.

INTER epistolas Innocentii III. à Baluzio, to. 2. editas, una extat, pag. 796. col. 2. scilicet  
nonagesima octava lib. XVI. cujus titulus est: *Episcopo Amyclensi, electo Kernicensi, & priori  
Patraceuti*. Iis autem mandabat Pontifex ut sententias interdicti à Theffalonicensi archiepi-  
scopo, & Sidonienfi sive Sithonienfi ac Cardicenfi episcopis latas contra detentores bonorum  
ecclesiasticorum, praestito prius juramento de iis restituendis, revocarent. Data est Signia  
VII. kal. Septemb. anno XVI. (id est die 26. August. anno 1213.) Ex ea porro epistola dis-  
cimus aliquem ecclesiae *Kernicensi*, nobis aliunde ignotæ, sed non longius remotæ ab aliis  
Achaiae ecclesiis ibi nominatis, puta *Patraceuti*, *Philippensi*, *Sarrensi*, *Theffalonicensi*, *Neu-  
patrensi* sive *Neopatrensi*, *Thebana*, *Athenienfi* & *Corinthienfi*, sub ditione Gaufridi de Villa  
Arduini Achaiae principis constitutis, episcopum Latini ritus illo anno 1214. fuisse desig-  
natum praefulem.

## III.

## ECCLESIA PRISCÆ.

R. P. Antoninus Bremond, tom. 2. Bullar. Ord. Præd. pag. 470. ait ecclesiam *Priscensem*  
eamdem esse ac *Justinianam primam*, nonnullis *Lochrida*, Turcis *Giuftandil*, quæ nunc  
archiepiscopalis est. Abraham Ortelius in *Theſaur. geogr.* ad vocem *Tauresium*, scribit urbem  
illam *Tauresium* à Procopio, lib. 4. de *Ædif. Justiniani Imperatoris*, dici fuisse natalem istius  
principis, ab eoque instauratam, & quatuor turribus munitam, unde & *Τετραπύργια* *Tetra-  
pyrgia* nuncupata est; proximè vero apud eam ædificatam fuisse aliam urbem, quam *Justi-  
nianam primam* Imperator ille appellavit. Et certe Nicephorus Callistus, lib. 16. hist. *Eccles.*  
cap. 37. patriam hujus Imperatoris *Achridum* & *Justinianam primam* appellat, eamque describit  
in excelso tumulo sitam prope lacum *Lychnidum*, antiquitus *Dassaritem* dictum. Hæc civitas  
procul dubio ea ipsa *Lychnidus* est, quam Ptolemæus, lib. 3. cap. 13. reponit in Macedonia  
regione *Dassaretiorum*, quam nunc *Lochrida* nuncupant multi.

Baudrand, tom. 1. geogr. pag. 542. observat *Justinianam primam*, nunc *Lochrydam*, esse  
etiamnum amplam Macedoniae regionis urbem in excelso colle sitam ad lacum *Lychnidum*  
in limite Albaniae, sub dominio Turcarum, hancque 80. miliarib. distare à Dyrrachio in  
ortum Theffalicum versus. Habuit autem aliquos episcopos ritus Latini, è quibus sequentes  
ad notitiam nostram devenerunt.

## EPISCOPI PRISCENSES.

## I. ANDREAS.

## II. GEORGIUS.

ANNO 1404. mortuo *Andrea* episcopo  
Priscensi & Bodensi, ei suffectus est à Boni-  
facio IX. *Georgius Pandusius*, Ord. Præd. ut  
constat ex diplomate hujus Pontificis, dato eo  
anno die 12. Maii, quod profert R. P. Anton.  
Bremond, t. 2. Bullar. ejusdem Ord. p. 457.

Porro civitas *Bodensis* seu *Bendensis*, de  
qua fit mentio in praefato diplomate, ea est,

B teste R. P. Bremond, pag. 470. quæ vulgo  
*Benda* nominatur. Benda autem, ut de ea  
Michael Baudrand observat, to. 1. pag. 156.  
col. 2. urbs est Macedoniae in Albania regione,  
& sedes episcopalis sub archiepiscopo Dyr-  
rachino; nunc in ruinis jacet sub dominio  
Turcarum: ejus episcopus commorabatur in  
castro *Mammoli* dicto, & ab ea tractus adja-  
cens etiamnum nuncupatur *la Benda*, sub  
quo censetur *Sermenica* regiuncula verius  
Croiam.

## IV.

## ECCLESIA CROIÆ.

CROIA urbs est Albaniae caput, ex Mich. Anton. Baudrand supra laudato, p. 309. col. 2.  
Hæc *Crua* à Chalcondylo, *Croia* ab Italis, & *Croie* à Gallis nuncupatur, juxta *Lisanam*  
fluvium. Olim *Antrigonia* sive, ut alii malunt, *Eribæa* dicebatur, eratque munitissima. Prope  
mænia ejus *Georgius Castriotus*, vulgo *Scanderbegh*, Turcarum potentiam pluries retudit;



955 PROVINCIA DYRRACHIENSIS. 956  
 ECCLISIA sed post ejus obitum à Turcis capta, ipsis etiamnum subest cum toto tractu. Vix 25. milliar.  
 CROIÆ. distat ab ora maris Adriatici in ortum, & 35. à Dyrrachio.

## EPISCOPI CROIÆ.

I. GREGORIUS.

II. ANDREAS.

**W**ADDINGUS, tom. 4. annalium Min. ad annum 1366. num. 18. pag. 117. refert, ecclesiā Croienſi ſub archiepiscopo Dyrrachino Gregorii paſtoris ſui ſolatio deſtitutâ per ejus obitum, electum fuiſſe à capitulo *F. Andream* Ordinis Minor. ſed irrita electione declarata ab Urbano V. illi nihilominus hunc datum eſſe episcopum apoſtolica auctoritate eodem anno 1366. die 8. Junii.

III. ANTONIUS.

Idem Waddingus ad annum 1425. tom. 5.

Anum. 7. pag. 166. ſcribit *F. Antonium Venturam de S. Blaſio*, Minoritam, eidem eccleſiæ Croienſi fuiſſe præfectum à Martino V. die 10. Octobris.

IV. \*\*\*

Anno 1649. menſe Maio *episcopus Croia* unâ cum præſule Liſſienſi, convocatis ſuis diœceſanis, irruerunt in aliquas Turcarum turmas, quæ adverſus habitatores de Montenegro Venetis ſubditos procedebant, & ex illis tria millia in fugam verterunt. Ex nunciis publicis Gallicè ſcriptis per annum 1649. pag. 678.

## V. ECCLESIA LISSIENSIS.

**L**ISSUS ſive *Eliffus*, urbs eſt Illyrici, in Prævalitana provincia Polybio & Straboni, quæ *Lyſſus* Plinio in Macedoniæ confinio, nunc autem, teſte Sophiano, *Aleſſio* dicitur, urbs Albanæ regionis in colle arduo ſita, duobus milliaribus ab ora maris Adriatici prope oſtia Drilonis fluvii, qui inibi ſe exonerat in ſinum Illyricum, ab eo fluvio *il Golfo dello Drino* nuncupatum ſub dominio Turcarum. Diſtat autem 20. milliaribus à Nymphæo promontorio in ortum, 25. à Croia in ſeptentrionem, & 35. à Dyrrachio Scodram verſus, media fere inter Epidaurum urbem Dalmatiæ ad ſeptentrionem, & Aulonam urbem Macedoniæ ad meridiem: ſedes eſt episcopalis ſub archiepiscopo Dyrrachino. Hæc Mich. Anton. Baudrand, tom. 1. geogr. pag. 581. col. 2. Thomas de Pinedo in Stephanum Byzant. pag. 425. nota 13. obſervat Liſſum à Ptolemæo, lib. 2. cap. 17. memorari inter Dalmatiæ civitates; quia ſcriptores Dalmatiam & Illyriam, utpote contiguas, frequenter confundunt. Aliquot Liſſus episcopos ritus Latini habuit.

## EPISCOPI LISSIENSES.

I. BLASIUS.

**B**LASIUS de Albania, Ord. Præd. Liſienſis ſive Liſſienſis episcopus erat anno 1475. de quo in *Regeſtis* Leonardi de Manſuetis Magiſtri Generalis ejusdem Ord. fol. 210. legitur ad præſatum annum: *R. D. Blaſius de Albania ex noſtro Ordine episcopus Liſien. habuit licentiam aſſumendi duos ſocios quos voluntarios invenerit, dummodo habeant licentiam à ſuis prælatis.* Ita Fontana *Theat. Dom.* pag. 216. C. iii. 338.

II. GEORGIUS.

III. MICHAEL.

*Georgio* episcopo Liſienſi ſive Liſſienſi mortuo, ei ſuffectus eſt anno 1513. die 25. April. à Leone X. *F. Michael de Natera*, Ordinis Præd. quem omittunt Fontana, Cavalerius, aliique rerum hujus Ordinis ſcrip-

tores: at diploma ejus promotionis exhibet R. P. Antonin. Bremond, t. 4. *Bullar.* p. 397.

IV. BERNARDINUS.

Huic ſedi præfectus fuiſſe videtur *Bernardinus* ille de *Grouama*, Ordinis Minor. quem Waddingus, tom. 8. annal. ad annum 1518. num. 23. p. 301. ad *Alexienſem* episcopatum ſub archiepiscopo Dyrrachino fuiſſe evectum refert eo anno à Leone X. die 17. Maii.

V. \*\*\*

In nunciis publicis Gallicè ſcriptis anno 1649. legitur, pag. 678. episcopos *Liſſienſem* & *Croienſem*, quorum hîc deſunt nomina, ſuis diœceſanis congregatis, tria circiter millia Turcarum qui adverſus Montenegrenſes, ut eos à Venetis ſejungerent, procedebant, fortiter aggreſſos, in fugam illos vertiſſe.



## VI.

## ECCLESIA CANDAVIÆ.

**D**E Candavia hæc tradit Michael Baudrand, *tom. 1. geogr. pag. 219. col. 1.* «Regio est » Macedoniæ ad occasum Cæsari & Ciceroni, ubi montes *Candaviæ* dicti; hodie *la Canovia* etiamnum dicitur, estque regiuncula Albanæ intra montes, ubi incolæ plerumque » christiani, & urbs fuit ejusdem nominis, episcopalis sub archiepiscopo Dyrrachino, sed ex- » cisa manet ab aliquot sæculis, & diœcesis complectitur tantum 24. parochias cum ecclesia » cathedrali S. Joanni dicata in monte & oppidulo *Babuichi* dicto in ora littorali, ut didici ex » incolis illius tractus. 75. milliar. circiter distat à Dyrrachio in boream. Hinc saltus Candaviæ » à Scardo monte initium fumentes, & in austrum extensi.»

## EPISCOPI CANDAVIÆ.

T H O M A S.

**D**ANIEL à V. M. Carmelita Flander, *to. 2. Speculi Carmel. pag. 933. num. 3268.* testatur inter instrumenta conventus sui Ordinis in

A urbe Semuriensi legi cœmeterium hujus do-  
mus fuisse benedictum die 16. Octob. anno  
1362. à *Thoma* de Candavia, ex Ordine  
Carmelitarum.



## PROVINCIA EPHESI.

## I. ECCLESIA EPHESI METROPOLIS.

**M**ICHAELI Antonio Baudrand *geogr. tom. 1. pag. 364. col. 1.* *Ephesus* urbs est Asiæ minoris, maritima in Ionia provincia. Pherecydes antiquus scriptor, narrat apud Strabon. *lib. 14. geogr. pag. 632. C. edit. Casaub.* Androclum Codri Atheniensium regis filium legitimum & ducem coloniæ Ioniorum, Ephesum condidisse. Ipse autem Strabo ait, *p. seq. C.* Smyrnâ ædificatâ ab Ephesiis, ipsam Ephesum *Smyrnæ* nomen gessisse; ita ut Callinus in oratione ad Jovem, Ephesios Smyrnæorum vocabulo exprimat, *Σμυρναίης δ' ἐλέησον, Smyr- naeos miserere.* Ephesus Herodoto, *lib. 1. cap. 142.* *Lydiæ* urbs est; quia scilicet, ut observat Cellar. *tom. 2. geogr. antiq. lib. 3. cap. 3. pag. 80.* *Lydia* olim fuerat, quæ à colonis nuncu- pata est *Ionia*, vel quia pars *Lydorum* regni fuit, licet non *Lydiæ* propriæ, quam in medi- terraneo (tractu) definivit Ptolemæus.

## ARCHIEPISCOPI EPHESINI.

I. CORRADUS.

**C**ORRADUS, Ord. Min. vir doctus & in linguis Orientalibus versatus, ad archiepiscopatum Ephesinum promotus est à Constan- tinopolitano Patriarcha Latini ritus, qui tunc erat *Petrus II. vel Cardinalis*, de quibus supra egimus, *col. 812. C. D. E.* Hanc vero digni- tatem ei confirmavit Joannes XXII. anno 1318. die IV. Jul. diplomate: *Decet & ex- pedit, &c.* quod citat Waddingus, *tom. 8. ad*

B eum annum, *num. 31. pag. 228. & refert ibid. in Regesto Pontif. pag. 77.*

II. DOMINICUS.

III. FREDERICUS.

Idem Waddingus, *tom. 5. ad annum 1411. num. 3. pag. 76.* testatur se eruisse ex libris consistorialibus, *F. Dominico* præfuli Ephesino mortuo suffectum fuisse die 2. Januar. anno 1411. à Joanne XXIII. *F. Fredericum Mons. Minoritam.*



## II.

## ECCLESIA PERGAMI.

**P**ERGAMUS, Græcè Πέργαμος, urbs Mysiæ majoris mediterranea in Asia minori Pto- lemæo & Josepho, *Pergamo* adhuc dicta, teste Sophiano: nunc semi-diruta extat sub potestate Turcarum. Fuit olim Attalicorum regum sedes, quam Eumenes rex, Romanis junctus adversus Antiochum magnum, valde auxit, & bibliothecis exornavit: hujus filius



ECCLESIA  
PERGAMI.

Attalus nomine III. sine liberis decedens, Romanos fecit hæredes regni sui, qui illud in provinciæ formam redegerunt. Patria fuit Galeni insignis medici sub Trajano, Adriano, & Antonino Pio Imperatoribus. Ab ea urbe Pergamena Charta nomen accepit. Hæc porro civitas in ipso limite Lydiæ sita est, inter Adramittium ad occasum æstivum 55. milliar. & Thyatiram ad ortum hybernium 25. à Sardibus 66. circiter & 35. à Smyrna: eam intermeat Scelinus fluvius, & præfluit Caicus, estque in planitie ad radices montis: sedes olim fuit episcopalis sub archiepiscopo Ephesino, postea vero metropolis effecta. Hæc Michael Anton. Baudrand *geogr. tom. 2. pag. 93. col. 1.*

## E P I S C O P I P E R G A M I.

## A G N I S I U S.

**P**ERGAMO præfectus est episcopus à Bonifacio VIII. circa annum 1297. *Agnisius* Pergamensis, Ordinis Prædic. cujus nempe

A Olmeda meminit in vita B. Nicolai Tarvisini ejusdem Ordinis Magistri Gener. IX. postea Cardinalis, demum summi Pontificis sub nomine Benedicti XI. Ita refert Fontana in *Theat. Dom. pag. 262. tit. 460.*

## III.

## E C C L E S I A D I M I T R I E N S I S.

**D**IMITRIENSE oppidum, de quo hîc agitur, est verisimiliter *Antandros*, de qua Abraham Ortelius in *Thesauro geogr.* ait: *Αντανδρός* Ptolemæo Asiæ minoris oppidum est in Mysia regione, ad mare Ægæum, quod ut apud Plinium est, *lib. 5. cap. 30.* *Edonis* prius vocatum, deinde *Cimmeris* & *Assôs*, item & *Apollonia*; hodie *S. Dimitri*, Sophiano scriptore, dicitur. *Antandros* & *Assôn* duo diversa sunt Ptolemæo oppida. *Antandrus* autem Solino saxum est in hoc tractu, quod procul visentibus capræ simile creditur: extat in ora sinus Adramytteni inter Scepsim & Adramyttium fere media, prope ostia Cillei fluvii: sedes est episcopalis sub archiepiscopo Ephesino, ex Baudrand, *tom. 1. pag. 66. col. 1.*

## E P I S C O P I D I M I T R I E N S E S.

## I. G E O R G I U S.

**A**Nno 1392. Bonifacius IX. episcopum *Dimitriensem* sive *Demetriensem* renuntiavit *Georgium de Argentina*, Ord. Præd. Ita refert Fontana ex Bzovii *msf. in append. ad Theat. Dom. p. 623. col. 1.* Hunc autem *Gregorium* appellat Cavalier. *tom. 1. Galler. Dom. p. 182. num. 322.* sed neuter eorum exprimit cuinam civitati Dimitriensi ille præfuerit, num ei quæ dicitur *Antandros* in Phrygia sub metropoli Ephesina, an vero *Demetriadi* urbi Thessaliæ sub metropoli Larissena, quæ & ipsa postea in metropolim erecta est. Doctiss. P. Antonin. Bremond eum episcopis S. Dimitri in Mysia adscribit. «Fr. Georgius Argentinensis, in-

B quit, episcopus Dimitriensis seu Antandrensis, vulgo *S. Dimitri*, in Mysia sub archiepiscopo Ephesino,» *tom. 2. Bullar. pag. 463.*

## II. R O D E R I C U S.

Huic Georgio, vel alteri ejusdem nominis, nisi post prioris mortem aliquandiu vacaverit ecclesia Demetriensis, substituit Eugenius IV. anno 1437. die 4. Februar. diplomate, *Divina disponente clementia*, vacante sede per obitum *Georgii*, Fr. *Rodericum Regamiam*, Ord. Min. Ita Wadd. ad hunc annum 1437. *tom. 5. annal. Min. num. 34. pag. 320.* qui diploma illud profert in *Regest. Pontif. ibid. pag. 246.*

## IV.

## E C C L E S I A A U R E L I O P O L I S.

**A**URELIOPOLIS, urbs Asiæ minoris, episcopalis sub archiepiscopo Ephesino, Miræo teste, in Lidia regione, 60. milliar. distat ab Epheso in boream. Hæc Baudrand *geogr. tom. 1. pag. 128. col. 1.* De ea autem hæc habet Carolus à S. Paulo abbas Fulienf. *geogr. sac. edit. Paris. 1641. pag. 230.* «*Aureliopolis* notitiæ antiquæ Græcæ, quæ & *Aurelianopolis* dicitur, quibusdam in Lydia est Asiæ finitima, sed certius in provincia Asiæ locandam esse censeo cum notitia Græca, quæ facit eam Ephesinæ metropolis suffraganeam.» In *notit. Græcor. episcopat.* ad calcem Codini *de Offic. pag. 340.* in provincia Asiæ recensetur decimo quinto loco *Ο Αὐρηλιουπόλεως Aureliopoleos*. Altera etiam ejusdem nominis ponitur *ibid. pag. seq. 341.* in provincia Lydiæ, sexto loco *Ο Αὐρηλιουπόλεως Aureliopoleos*. Eodem modo in *alia notit. pp. 368. & 370.* Eodem quoque modo in *notit. Leonis Sapientis, pag. 382.* sub throno



throno secundo Ephesi Asiæ, loco decimo tertio, & pag. 384. sub throno sexto Sardium Lydiæ, quinto loco *Aureliopolis*, ὁ Αὐρηλιουπόλεως. Ex quibus patet fuisse duplicem hujus nominis sedem episcopalem, unam sub Epheso metropoli, alteram sub Sardenfi. Porro ad quamlibet illarum pertineant episcopi sequentes, eos hic recensemus, quos *Aureliopolis* invenimus præfules, non designata Sardium metropoli.

ECCLESIA  
AURELIO-  
POLIS.

## EPISCOPI AURELIOPOLIS.

A Græcam & Latinam optime callebant.

### I. NICOLAUS.

**W**ADDINGUS, tom. 4. *annalium Min.* ad annum 1369. num. 1. pp. 120. & 121. refert Joannem Palæologum Imperat. Græcorum, professionem fidei Romæ emisisse eo anno, *Indict. VII.* die 18. Octob. præsentibus Paulo Patriarcha Constantinopolitano ritus Latini, *Nicolao episcopo Aurenopolitano* (legendum videtur *Aurelianopolitano* vel *Aureliopolitano*) & Fr. Antonio Atheniensi Ord. Min. deputatis auctoritate apostolica, ut quæcumque ille dixisset, interpretarentur: linguam enim

### II. FERDINANDUS.

Ex eodem Waddingo, t. 8. ad annum 1531. num. 13. pag. 511. Fr. *Ferdinandus Vaqueirus*, Minorita, ad sedem Aureliopolientem in Asia sub archiepiscopo Ephesino, & suffraganeus seu proepiscopus in insulis & locis Indiæ orientalis dominio regis Lusitaniæ subjectis renuntiatus est à Clemente VII. anno 1531. die 27. Novemb. de quo legendus Maffei *de rebus Indiar. lib. X.* versus finem. Obiit circa annum 1537.

## PROVINCIA HADRIANOPOLITANA.

### I. ECCLESIA HADRIANOPOLITANA METROPOLIS.

ECCLESIA  
HADRIANO-  
POLITANA.

**H**ADRIANOPOLIS, urbs Thraciæ Ptolemæo, quæ prius *Uscudama*, ut Ammianus, & *Oresta*, ut Lampridius, vel *Orestias*, ut Zonaras scribunt, appellabatur; vulgo Turcis *Endrem*, Italis vero *Andrinopoli* dicitur, ad Hebrum fluvium sita: capta fuit à Turcis anno 1402. factaque eorum sedes regia ante expugnatam Constantinopolim, à qua distat 150. milliar. in occasum Philippopolim versus, & 80. à mari Ægæo in septentrionem. Hæc Baudrand, tom. 1. *geogr. pag. 458. col. 1.* Sedes est archiepiscopalis sub Patriarcha Constantinopolitano.

### ARCHIEPISCOPI HADRIANOPOLITANI.

\* \* \*

**T**Empore Innocentii III. præfectum fuisse Hadrianopoli antistitem Latini ritus colligitur ex epistola encyclica hujus Pontificis, data anno 1213. die 19. April. qua præfules invi-

B tabat ad concilium Lateranense anno 1215. celebrandum: inter cæteros enim recensetur Hadrianopolitanus, to. XI. part. 1. conc. Labb. col. 125. E. *In eodem modo archiepiscopo & episcopis per Andrinopolitanam provinciam.* Cæterum hujus archiepiscopi nomen nos latet.

### II. ECCLESIA SOZOPOLIS.

**S**OZOPOLIS, ex Mich. Anton. Baudrand, tom. 2. *geogr. pag. 257. col. 2.* urbs parva est Thraciæ ad Pontum Euxinum, teste Gregora: sedes episcopalis unà cum Agathopoli fuit sub archiepiscopo Hadrianopolitano; sed an extet hodie incertum est. Vide quæ de ea ecclesia dicta sunt supra, tom. 1. coll. 1181. & 1182.

### EPISCOPI SOZOPOLIS.

#### GUILLELMUS.

**W**ADDINGUS, tom. 4. *annalium Min.* ad annum 1356. num. 1. p. 47. scribit Petrum  
Tomus III.

**C** Thomæ sive Thomæ Ordinis Carmelit. episcopum tunc Pactensem, & *Guillelmum*, Minoritam, episcopum Sizopolitanum, delegatos fuisse eo anno Constantinopolim ab  
Ppp



963
PROVINCIA HADRIANOPOLITANA.
964

ECCLESIA  
SOZOPOLIS.

Innocentio VI. ad Joannem Palæologum, Aferat. De ea legatione loquitur Raynaldus ad eundem annum 1356. *nn.* 33. & 34. ubi totam epistolam hujus Pontificis ad Joannem Palæologum datam die 21. Julii eo anno refert.

III.
ECCLESIA SCOPELI.

DE *Scopelo* hæc scribit Baudrand, *tom.* 2. *pag.* 213. *col.* 2. «*Scopelus*, urbs Thraciæ, mediterranea Cedreno, (sedes) episcopalis à Leone Imperat. effecta sub Hadrianopolitano archiepiscopo, Develto urbi finitima, ab ea Hadrianopolim versus recedens, *Ischeboli* vulgo, teste Leunclavio, *Scopi* dici videtur apud Stephanum.» Hæc aliquos habuit Latini ritus episcopos, è quibus nobis innotescunt qui sequuntur.

EPISCOPI SCOPELENSES.

- I. JOANNES I.
B nienfis. Sic (Joan. Henr.) Heister in suffrag. Colonienf. *pag.* 98.» Verum, teste doctiss. P. Antonin. Bremond, *tom.* 2. *Bull.* p. 127. *Scopiensis* civitas alia est à *Scopelo*: prior enim dicitur *Scupi*, Italis *Scopia*, Turcis *Ufshub*, in Mœsia superiori, nunc in Servia, in confinio Macedoniæ, olim sedes episcopalis; nunc metropolis: posterior vero, sive *Scopelus*, est in Thracia mediterranea. Ipse Joannem hunc censet *Scopulensem* sive *Scopelensem* fuisse episcopum, non *Scopiensem*.
- II. JOANNES II.
Ejusdem ecclesiæ, ut quidem videtur, *Scopelensis* episcopus fuit, Joannisque successor *Joannes* alter ejusdem Ordinis Præd. suffraganeus quoque archiepiscopi Colonienfis ab anno 1321. ad 1331. ex præfato Heister, de quo postremo Joanne ait R. P. Echard *ibid.* «Forte ille est qui à Laurent. Pignon dicitur *Joannes de Limengaublie* episcopus *Scopiensis*, qui certo sedebat ante 1394. ac proinde à nostris (scriptoribus) non recte amandatur ad annum 1451.»

*JOANNES* de *Constantia*, Ordinis Prædic. episcopus *Scopulensis* seu *Scopelensis*, sub archiepiscopo Hadrianopolitano in Thracia, florebat anno 1307. sub Clemente V. teste Bernardo Guidonis, scriptore coævo, in episcopis provinciæ Græciæ, ex quo emendandi occurrunt, tum Cavalerius cum auctoribus quos citat, *tom.* 1. *pag.* 254. *nn.* 145. & 146. quasi ille vixerit anno circiter 1451. tum etiam Fontana *Theat. Domin.* *pag.* 292. qui insuper in eo hallucinatur, quod Joannem istum inter episcopos *Scopienses* recenseat. R. P. Echard in *indice episcoporum*, ad limen *tom.* 1. *scriptor. Ord. Præd.* apposito, *pag.* 25. *col.* 2. de Joanne hæc monet: «*Joannes de Constantia*, episcopus *Scopiensis*, ut habet Laurent. Pignon, vel ut fert hujus epitaphium Colonix apud FF. Præd. *Scopulensis*, anno 1298. electus (sub Bonifacio VIII.) obiit 17. Octobris 1321. Fuit suffraganeus Colo-

IV.
ECCLESIA AGATHOPOLIS.

EX Mich. Anton. Baudrand *geogr.* 10. 1. p. 25. *col.* 1. hæc *Agathopolis* urbs est Thraciæ, sedesque episcopalis sub archiep. Hadrianopolitano in Hæmimonte. Abbas de Commanville in *Tabula alphabetica episcoporum totius orbis*, p. 7. hanc ait nunc appellari *Gotopoli*, & esse viculum tantum, ac unicum suffraganeum metropolis supra memoratæ. In *notit. Græcor. episcopat.* Imper. Leonis Sapientis, ad calcem Codini *de Offic.* *pag.* 395. extat sub throno quadragesimo Hadrianopolis Hæmimontis, secundo loco, Ε'. δ Αγαδοπόλεως. 2. *Agathopolis*.

EPISCOPI AGATHOPOLIS.

- I. LEONTIUS.
D litano, renuntiatum esse hujus loci præfulem à Pio II. anno 1460. VI. Nonas (id est die 2.) Mart. Fr. Thomam Buelduer, Minoritam, sacræ theologiæ professorem, qui postea anno 1463. VIII. kal. Octob. (id est die 24. Sept.) assignatus est suffraganeus Buchardi episcopi Constantienfis.
- II. THOMAS.

W ADDINGUS, *tom.* 6. *annalium Min.* ad annum 1463. *num.* 120. p. 617. scribit, post mortem *Leontii* episcopi *Agathopolis* in Hæmimonte, sub archiepiscopatu Andrianopo-



# PROVINCIA HERACLEENSIS.

## I. ECCLESIA HERACLEÆ METROPOLIS.

ECCLESIA  
HERACLEÆ.

**M**ICHAEL Anton. Baudrand, *tom. 1. geogr. pag. 472. col. 1.* ad vocem *Heraclea*, de ea civitate ita loquitur: «*Heraclea*, urbs Thraciæ Ammiano, quæ & *Perinthus* Ptolemæo, & antea *Migdonia* dicta, nunc *Araclea*, testibus Leunclavio & Sophiano, urbs archiepiscopalis, sed male culta, cum portu capaci & tuto in ora Propontidis, deficit in dies.» Distat autem 52. milliar. à Constantinopoli in occasum, & 70. à Callipoli in septentrionem.» Et, *tom. 2. pag. 93. col. 2.* ad vocem *Perinthus*: «Urbs est Thraciæ in Corpialica provincia Ptolemæo & Zozimo, quæ *Heraclea* Ammiano, nunc etiam *Heraclia* dicta Nigro, Sophiano & Ortelio, seu *Araclia* Leunclavio & aliis.... distat 48. milliar. ab Apris in ortum, & 20. à Rhodosto in septentrionem, &c. Anno ab urbe Roma condita 153. ædificata fuit, ut quidam tradunt.»

### ARCHIEPISCOPI HERACLEENSES.

\*\*\* fortassis FANTINUS.

**A**NNO 1208. die 17. April. Innocentius III. scripsit epistolam suam sexagesimam octavam lib. XI. *electo Heracleensi*, *tom. 2. edit. Baluz. pag. 171. col. 1.* Epistolæ etiam 144. lib. XII. anno 1209. 38. lib. XIII. anno 1210. & 84. lib. XIV. anno 1211. directæ sunt *Heraclienfi archiepiscopo*.

Hunc Heracliensem metropolitam postulatam fuisse ad sedem Constantinopolitanam post mortem Thomæ Mauroceni primi Patriarchæ ritus Latini, refert præfatus Innocentius epist. 112. lib. XVI. *ibid. pag. 801.*

**A** *col. 2. Albanensi episcopo apostolicæ sedis legato*, data Signiæ XIV. kal. Octobris anno XVI. (id est die 18. Septemb. anno 1213.) Inter epistolas ejusdem Pontificis encyclicas, invitandis præfulibus ad concilium generale Lateranense scriptas, una erat *archiepiscopo & episcopis per Yracliensem provinciam constitutis*, data Laterani XIII. kal. Maii anno XVI. (id est die 19. April. anno Christi 1213.) ut observat Labbeus, *tom. XI. conc. part. 1. col. 125. C.* In his omnibus locis nomen istius archiepiscopi Heracleensis desideratur; sed Paulus Rhamnusius, *lib. 4. de Deliciis Italicis* scribit illum appellatum fuisse *Fantium*.

## II. ECCLESIA PANIDENSIS.

**Q**UÆ sit ecclesia *Panidenfis* obscurum est: extabat tamen tempore Innocentii III. *episcopus Panidenfis*, ut modo dicitur. Urbs est fortassis *Panis*, de qua Michael Anton. Baudrand sic paucis loquitur, *tom. 2. pag. 76. col. 1.* *Panis*, urbs Thraciæ in Europa provincia, ex synodo sexta Constantinopolitana. Abrahamus Ortelius in *Thesauro geogr.* ad vocem *Panium*, ait: «*Panium Πάνιον*, promontorium Europæ, parallelum Cyaneis insulis, ut illud ex Dyonisio Byzant. describit Gyllius; hodie *Phanorion* vulgo vocatur. Hujus Panii meminere quoque Zonaras, Nicetas & Cedrenus. Suidæ castrum circa littus est in finibus Heracleæ.» Carolus quoque à S. Paulo *geogr. sac. pag. 233. edit. 1641.* *Panium* seu *Phanorion* constituit sub Heraclia in Thracia provincia Europæ.

### EPISCOPI PANIDENSES.

I. \*\*\*

B

II. JACOBUS.

**I**NNOCENTII III. tres epistolæ occurrunt anno 1208. scriptæ, scilicet 13. 17. & 77. lib. XI. *tom. 2. edit. Baluz.* in quorum titulo episcopus Panidenfis inter alios legitur, sed non nominatur.

Tomus III.

Thomas de Herrera *Alphabeti Augustiniani tom. 1. pag. 425. col. 2.* hæc scribit de quodam *Jacobo* hujus Ordinis: «*Jacobus de Bononia* erat anno 1314. episcopus *Pavidenfis* & seu *Panidenfis*, ut constat ex instrumento....» quod extat in archivo urbis Bononiensis, in «  
Ppp ij



ECCLESIA  
PANIDENSIS.

» archivo Camerae actorum urbis, & in uno  
» libro memorialium contractuum & ultima-  
» rum voluntatum, scripto de anno 1314. per  
» Bartholomæum Andreæ Bartholomæi nota-  
» rium ad dictum officium memorialium. Ibi  
» fol. 17. sic habetur: *Instrumentum permutationis*  
» *quorundam bonorum facta per R. P. Fr. Jacobum*  
» *de Bononia capellæ S. S. Vitalis & Agricola,*  
» *Ordinis Fratrum Eremitarum S. Augustini,*  
» *ecclesiæ sancti Jacobi, episcopum Pavidentem;*  
» *factum de dicto anno 1314. die 14. mensis Sept.*»

III. JOANNES.

IV. BERTALDUS.

Si eadem sit Panadensis ac Panidentis ec-

clesia, Joanne episcopo Panadensi mortuo,  
Paulus II. ei substituit in illa sede Bertaldum  
de Oberk, Ordinis Præd. anno 1468. die 13.  
Maii. Hujus quidem episcopi meminerunt  
Fontana *Theat. Dom. pag. 259. tit. 449.* &  
Cavaler. *tom. 1. Galler. Dom. p. 276. n. 208.*  
At circa nomen & cognomen ipsius erravere.  
Ab utroque enim *Benedictus* nuncupatur, &  
à priore dicitur *de Othert*, à posteriore vero  
*de Oberich*, & natione Scotus; quo tamen no-  
mine & cognomine donatus fuerit, constat  
ex diplomate Pauli II. quod profert R. P. An-  
tonin. Bremond, *tom. 3. Bullar. Ord. Præd.*  
*pag. 478.* ubi nominatur Bertaldus de Oberk.

## III. ECCLESIA SELYMBRIÆ, sive SALIMBRIÆ.

**S**ELYMBRIA, ex Michaele Anton. Baudrand, *tom. 2. pag. 224. col. 1.* urbs est Thraciæ  
ad Propontidem Plinio, *lib. 4. cap. 11.* quæ Selybria Ptolemæo in Urbana provincia,  
sedes olim episcopalis fuit sub archiepiscopo Heracleensi, sed nunc metropolis est. *Selivrea*  
dicitur, teste Sophiano, Gallis *Selivree*, urbs etiamnum ampla sub dominio Turcarum,  
quamquam fere sine mœnibus; distat autem 50. mill. à Byzantio in occasum, Perynthum  
versus 25. Martinus Crusius *Turco-græc. lib. 7. pag. 507.* ait *Selybriam 7. milliar. Germa-*  
*nics à Byzantio distare, & in monte sitam esse in mare proxime subjectum despiciente.* Strabo  
hanc tradit, *lib. 7. pag. 319. B. edit. Casaub.* antea *Selyn* appellatam, postea vero additam  
esse vocem *Bria*, quæ Thracum lingua urbem significat. Dividitur hodie in superiorem &  
in inferiorem, portu instructas parum tuto.

## EPISCOPI SALIMBRIENSES.

I. \* \* \*

**A**Nno 1207. & seqq. aliquis sedebat *epi-*  
*scopus Salimbriensis*: plures enim Innocentii  
III. epistolæ *episcopo Salimbriensi* scriptæ annis  
1207. 1208. 1209. 1210. 1211. & 1212.  
leguntur *tom. 2. edit. Baluz.* scilicet epistola  
125. lib. x. Epistolæ 15. 35. 41. & 171. lib. xi.  
Epistolæ 115. & 144. lib. xii. Epistola 185.  
lib. xiii. Epistola 90. lib. xiv. denique epistola  
33. lib. xv. In hac postrema, quæ data est  
xviii. kalend. Maii anno xv. (id est die 14.  
April. anno 1212.) *Salimbriensi episcopo*, ait  
Pontifex: *Quum Buccæ Leonis & de Blakerna*  
*ecclesiæ ad Romanam ecclesiam nullo pertineant*  
*mediante, fraternitati tuæ per apostolica scripta*  
*mandamus, quatenus chrisma, oleum sanctum*  
*& alia ecclesiastica sacramenta, quum necesse*  
*fuerit, studeas ipsis liberaliter exhibere.* Cæte-  
rum in his omnibus Innocentii Papæ epistolis  
Salimbriensis hujus episcopi abest nomen.

II. \* \* \*

Anno 1221. sedebat aliquis *episcopus Sa-*  
*limbriensis*, alius fortassis ab illo cujus modo  
meminimus, ejusque successor quem, tacito  
etiam nomine, Honorius III. in epistola eo  
anno die 8. Mart. ad Matthæum Patriarcham

B scripta, cum ipso invigilare jubet, ut consti-  
tutio synodalis à Pelagio episcopo Albanensi  
edita tempore legationis suæ, in his regio-  
nibus servaretur, qua cautum erat ne ulli prin-  
cipi, nisi sacro oleo inunctus foret, agmen re-  
ligiosorum honoris gratia obviam procederet,  
neve lecto evangelio liber ei osculandus de-  
ferretur, ne tandem sacris ordinibus initiati,  
tabellionis munus obirent. Ita refert Raynald.  
ad annum 1221. *nn. 27. & 28.*

## C III. FRANCISCUS I.

R. P. Echard de quodam Francisco Ord.  
Præd. ista habet in indice episcoporum. *t. 1. scriptor.*  
*ejusdem Ord. præfixo, p. 22. col. 1.* « *Franciscus* episcopus Salubriensis (Salimbriensis) «  
Leodiensis episcopi suffraganeus, & vices ge- «  
rens, florebat anno 1294. quo ædem sacram «  
nostram (Ord. Præd.) Trajecti ad Mosam de «  
dicavit. *Ex Tabulis ejus domus.* Omittitur à «  
Fontana & aliis nostris. » Addit vero doctiss.  
P. Bremond, *t. 2. Bull. Præd. p. 38.* circa an-  
num 1294. « *Fr. Franciscus de S. Georgio*, sic  
ab ejusdem nominis patria in diocesi Bono- «  
nensi sita nuncupatus, episcopus Salubriensis «  
in Græcia sub Patriarcha Constantinopoli- «  
tano, vices gerens Leodiensis fuit. (Citat) *Ber-* «  
*nardum Guidonis in episcopis provincia Græciæ,* »



» Cavalerium, *to. 1. pag. 118. num. 113.* R. P. A  
 » Echard. *to. 1. &c.* Quo anno decesserit è vivis,  
 » vel inauguratus fuerit Franciscus (iste) incer-  
 » tum. Id unum scimus, (ut) inquit Cavalerius,  
 » ipsum vixisse, sedente Benedicto XII. circa  
 » 1340. & Bononiæ mortuum, ibi enim visitur  
 » sepulchrum, ubi hoc breve epitaphium: *Fra-*  
*tris Francisci episcopi Salubriensis.* » Scilicet  
 post recuperatam à Græcis Constantinopolim  
 anno 1261. vix ullus Selimbriensis episcopus  
 ritus Latini Selimbriæ sedere potuit.

## IV. JOANNES.

## V. FRANCISCUS II.

Anno 1396. Joannes episcopus Salubriensis  
 (Salimbriensis) sub Patriarcha Constantino-  
 politano migravit ex hac vita, eique suffecit  
 Bonifacius IX. eodem anno die 3. Jul. *Fr.*  
*Franciscum de Sancto-Patre*, Ord. Min. Ita  
 refert Waddingus ad eum annum 1396. *to. 4.*  
*num. 2. pag. 310.*

## VI. NICOLAUS.

Nicolaus episcopus erat Wladimiriensis seu  
 Wlodimiriensis, vulgo *Wlodzimierz* in Polo-  
 nia anno 1400. quo à Bonifacio IX. die 17.  
 Febr. ex ea sede ad *Salubriensem* diplomate  
*Apostolatus officium* translatus est, eique suf-  
 fectus Gregorius de Butzkow, Ordinis Præd.  
 Diploma istud legitur apud R. P. Antonin.  
 Bremond, *tom. 2. Bull. Ord. Præd. pag. 393.*

## VII. FRANCISCHINUS.

## VIII. ROGERUS.

*Gregorius. Rogerius.*

Post obitum *Francischini* episcopi Salim-  
 briensis, renuntiatus est hujus ecclesiæ præ-  
 sul à Martino V. anno 1420. die 16. Decemb.  
*Rogerus* Ord. Præd. ut scribit R. P. Bremond,  
*to. 2. Bullar. p. 703.* ubi monet *Solubriensem*,  
*Selymbriensem*, *Selybriensem* & *Selombriensem*  
 ecclesiam, unam & eandem esse, vulgo *Se-*  
*livrée* dictam, *Selivream*, *Selombriam* & *Se-*  
*libriam* in Thracia sub Heracleensi archiepi-  
 scopo, quæ nunc metropolis est; legitur autem  
 apud eum diploma Martini V. *ibid. p. 595.*  
*Waddingus, tom. 6. ad annum 1461. n. 19.*  
*p. 499.* inter aliquot præfules, quorum dicit  
 eo anno occurrere memoriam, *Gregorium* &  
*Rogarium de Arella* recenset: « (Memoria)  
 » *Rogarii de Arella*, inquit, episcopi *Solubrien-*  
 » ecclesiæ in confinibus Hungariæ sub Pa-

triarcha Constantinopolitano, paulo antea «  
 ab infidelibus occupatæ, per obitum *Gregorii* «  
 xv. kal. Januar. (id est die 18. Decembris) «  
 conceduntur ei fructus ecclesiæ Salpiensis «  
 unitæ mensæ archiepiscopali Tranensi. » At  
 Rogerii non meminit Ughellus in *episcopis*  
*Salpensibus, tom. 7. veter. edit. col. 1244.* qui  
 hanc ecclesiam Salpensensem ait, *col. seq. n. 22.*  
 fuisse unitam Tranensi à Martino V. & rur-  
 sus à Tranensi divulsam anno 1523. Verum,  
 quia ab anno 1420. & antea usque ad annum  
 1463. ecclesiæ Selimbriensi præfuere Fran-  
 cischinus, Rogerus, & Simon sine ulla inter-  
 ruptione, Simoni autem successit Ingueran-  
 dus anno 1464. non video ad eam sedem  
 promoveri potuisse *Gregorium* & *Rogarium de*  
*Arella* circa annum 1461.

## IX. SIMON.

## X. INGUERANDUS.

Rogero successit anno 1439. in sede Se-  
 limbriensi *Simon de Lande*, ejusdem Ordinis  
 Prædic. ut constat ex diplomate Eugenii IV.  
 dato eo anno die 14. Octob. quod profert  
 R. P. Bremond, *tom. 3. Bullar. p. 225.* Hunc  
 tamen Waddingus, *tom. 5. ad annum 1439.*  
*num. 56. pag. 369.* episcopis sui Ordinis ac-  
 censet, sed non refert diploma Pontificium.  
 « Salubriens. inquit, in patriarchatu Constan-  
 tinopolitano, petente duce Burgundiæ *Fr.* «  
*Simon de Lande* IX. Octobris. » Alterum di-  
 ploma recitat laudatus R. P. Bremond, datum  
 vi. kal. Nov. (id est die 27. Octob.) eodem  
 anno, in quo is & Dominicanus asseritur, &  
 à confessionibus fuisse Isabelis ducissæ Bur-  
 gundiæ. R. P. Echard in *indice episcoporum. Ord.*  
*Præd. tom. 1. scriptor. ejusdem Ord. præfixo,*  
*pag. 23. col. 2.* hæc monet de isto Simone.  
 D « Simon de Lande patria & professione Dua-  
 censis, Philippi Boni ducis Burgundiæ con-  
 fessarius, episcopus titularis Salubriensis.... «  
 promotus ab Eugenio IV. an. 1439. die 27. «  
 Octobris) anno IX. quarum exemplum mihi «  
 est præ manibus. Obiit vero anno. 1463. Non «  
 fuit suffraganeus Atrebatensis, ut quibusdam «  
 visus est. »

Huic successit *Fr. Inguerandus Sugnat*,  
 etiam Ordinis Præd. anno I. Pauli II. electi  
 anno 1464. translatus est deinde ad ecclesiam  
 Antisiodorensensem die 21. Mart. anni 1473.  
 Obiit demum Parisiis anno 1485. die 22.  
 Mart. Fontana *Theat. Dom. pag. 126. tit. 39.*  
 & *pag. 283. tit. 508.*

## IV.

## ECCLESIA MISINI.

BAUDRAND, *tom. 1. geogr. p. 660. col. 1.* ad vocem *Mizinum*, de ea urbe hæc scribit:  
 B « *Mizinum* seu *Misinum* urbs Thraciæ episcopalis, quæ & *Druspara* seu *Dryspara.* »



## EPISCOPI MISINI.

## I. FRANCISCUS.

## II. NICOLAUS.

**F**RANCISCO episcopo Misinenfi mortuo circa annum 1397. Bonifacius IX. substituit Nicolaum Tzymernan, Ord. Præd. die 17. Oct. hujus anni, ut constat hujus Pontificis diplomate, quod profert R. P. Bremond, tom. 2. Bull. p. 366. qui etiam observat *ibid.* p. 466. hunc minus recte *Misnensis* ecclesiæ sub Magdeburgi archiepiscopo in Saxonia superiori dici fuisse præfulem à Fontana & Cavalerio, qui *Misnensem* in Thracia non noverant.

## III. PETRUS.

## IV. JOANNES.

Anno 1476. vel initio sequentis, sedi Mi-

A sinenfi vacanti per obitum *Petri* præfecit Sixtus IV. anno 1477. die 30. Jan. *Fr. Joannem Tidelu*, Ordin. Præd. diplomate quod extat apud præfatum R. P. Bremond, *to. 3. Bullar. pag. 640.*

## V. LUDOVICUS.

Joanni modo memorato, vel alteri ejusdem nominis mortuo, successit in sede Misinenfi *Fr. Ludovicus de Sighen*, Minorita, promovente Alexandro VI. die 20. Maii anni 1502. teste Waddingo, *tom. 8. ad hunc annum, num. 34. pag. 31.* Obiit die 13. Febr. anno 1508. *ibid.* ad hunc annum, *num. 19. pag. 155.*

## V.

## ECCLESIA CALLIPOLIS.

**C**ALLIPOLIS, urbs Thraciæ Chersonesi Ptolemæo, Straboni, & Stephano Byzantio; nunc Gallipoli nostris, & Geliboli Turcis, teste Leunclavio; sedes est tum episcopalis sub Heracleensi archiepiscopo, tum etiam præfecti maris sub dominio Turcarum; portu & arce pollet, atque armamentario probe instructo, ad Hellespontum qui ab ea Gallipolitanus sinus dicitur, è regione Asiæ minoris à qua distat tantum 5. milliariis. in occasum, & vix duobus à Propontide, à Byzantio autem 110. in meridiem. Hæc Mich. Anton. Bau-  
drand ad vocem *Callipolis*, *tom. 1. geogr. pag. 211. col. 2.*

## EPISCOPI CALLIPOLIS.

## I. \* \* \*

**T**empore Innocentii III. sedebat Callipoli episcopus cujus ignoramus nomen: in titulo enim epistolarum ejus 17. & 24. lib. XI. anno 1208 & 44. lib. XIII. anno 1210. extat inter alios episcopus *Kallipoliensis*.

## II. DANIEL. Marchio. Franciscus.

Daniel de Leodio, Ordinis Præd. episcopus Gallipolen. à Bonifacio IX. Nonis (id est die 5.) Aug. anno XII. Christi 1401. Ita Bzoviana mss. quædam servata in archivo Ord. Præd. lecta à Fontana, ut ipse testatur *Theat. Dom. pag. 195. tit. 257.* ubi etiam subdit eum huic ecclesiæ præfuisse tribus annis. *Gallipolitanam* quidem appellat sub metropolitana Hydruntina, unde & miratur quod ab Ughello omissus fuerit Daniel iste inter hujus ecclesiæ episcopos, *tom. 9. Ital. sac. col. 136.* Verum ex illo ipso Ughelli silentio infert post Cavalerium, *tom. 1. Galler. Domin. p. 197. n. 391.* R. P. Bremond, *tom. 2. Bullar. pag. 469.* Daniele præfulem fuisse, non *Gallipolitanum* in regno Neapolitano, sed *Callipolitanum*, nostris *Gallipoli*, Turcis autem *Geliboli* in Thracia sub Heracleensi metropoli. Id porro constare videtur quia Ughell. laudatus scribit,

B *num. 10. & tom. 6. col. 1028. nn. 6. & 7.*

Joanne Gallipolitano in Italia ad ecclesiam Laquedonensem à Bonifacio IX. anno 1396. ix. kal. Febr. (id est die 24. Jan.) *ex lib. oblig. Prælator.* translato, Guillelmum ex episcopo Laquedonenfi ad hanc Gallipolitanam eodem die & anno transiisse, & sub Joanne XXIII. diem clausisse extremum, cui successit Guillelmus de Fonte, Ordinis Min. anno 1412. iv. kal. Febr. (id est die 29. Januar.) quod refert quoque Wadding. *to. 5. annal. num. 2.* Ex his enim sequitur Guillelmum, qui prius fuerat Laquedonenfis episcopus, Gallipolitanam in regno Neapolit. sedem occupasse ab anno 1396. usque ad annum 1411. aut 1412. quæ proinde non vacabat anno 1401.

Negotium tamen faceffit quod idem Waddingus *ibid.* ad annum 1402. *num. 12. pag. 8.* tradat *F. Franciscum de Vuffen.* Minoritam, eo anno renuntiatum fuisse episcopum *Gallipolitanum* VII. kalend. Octob. (id est die 25. Septemb.) per obitum *Marchionis*; nam licet subjungat: «Nescio an (Gallipoli) in Thracia sub archiepiscopo Herackensi (Heracleensi) an vero in regno Neapolitano sub archiepiscopo Hydruntino,» non solvitur difficultas, quia nullus locus reperitur huic utrique episcopo assignandus, sive in sede Gallipolitana



regni Neapolitani, cui ab anno 1396. usque ad annum 1412. præfuisse unicum Guillelmum Ughellus testatur, & duos illos prorsus filet, sive in sede Callipolitana Thraciæ, si hanc vere tenuit Daniel Ordinis Prædic. per tres annos, nempe ab anno 1401. usque ad 1404. Præfuerunt fortassis ecclesiæ Callipolitane in Thracia, post Bernardum qui sequitur.

### III. BERNARDUS.

Bzoviana mss. supra citata habent ex eodem Fontana *ibid.* p. 196. n. 2. Bernardus Arcuficis, Ord. Præd. episcopus Gallipolen. ab Innocentio VII. VII. kal. Mart. (id est die 23. Februar.) anno 1. Christi 1405. Hunc omisit Ughellus inter episcopos Gallipolitanos in Italia, indeque colligit Cavalierius, *tom. 1. pag. 197. num. 397.* nec levi fundamento, inquit R. P. Bremond, *to. 2. Bullar. p. 480.* Bernardum hunc sedisse Callipoli vulgo Gallipoli in Thracia sub Heracleensi archiepiscopo.

### IV. ANTONELLUS.

De eo Antonello Ordin. Min. hæc scribit Waddingus, *tom. 6. annal. ad annum 1451. num. 55. pag. 33.* «Galliopolis in Thracia sub archiepiscopo Heracleensi Fr. Antonellus de

A Joanneto, VIII. idus (id est die 8.) Octob.»

ECCLESIA  
CALLIPOLI.

### V. HIERONYMUS.

### VI. JOANNES I.

Mortuo Hieronymo episcopo Calipolensi seu Callipolensi in Thracia suffectus est à Callisto III. anno 1458. die 14. Jul. Johannes de Cocedorio, Ordinis Prædic. Id constat ex diplomate hujus Pontificis, quod profert R. P. Antonin. Bremond, *to. 3. Bullar. p. 375.* Hunc omisere Fontana, Cavalierius, & alii Ordinis Præd. scriptores.

### VII. DIDACUS.

Didacus Minorita, sacre theol. magister, ab Innocentio VIII. anno 1485. die 28. Jun. ecclesiæ Callipolensi sub archiepiscopo Heracleæ præfectus est. Ita Waddingus ad hunc annum, *tom. 7. num. 14. pag. 190.*

### VIII. JOANNES II.

Anno 1518. die 23. Jul. episcopus Callipolensis in Thracia renunciatus est à Leone X. Johannes Kiperia, Ord. Præd. Diploma hujus Pontificis refert R. P. Bremond, *to. 4. Bullar. pag. 403.* Hunc non noverunt Fontana, Cavalierius, &c.

## VI. ECCLESIA CHERSONESI.

**C**HERSONESUS sive Cherronesus, ut Græci appellant, idem est ac *peninsula*, à voce *Χέρρος terra*, & *Νήσος insula*, id est pars aliqua terræ non ab omni parte mari cincta, sed brachio aliquo adhærens continenti. Quatuor autem imprimis celebrantur Cherronesi, Thracica scilicet, de qua Ptolemæus, *lib. 3. cap. XI. Cimbrica* quæ hodie *Dania, Taurica* prope Mæotin paludem, & *Aurea* in India, quæ *Malaca* esse creditur. Hæc Thomas de Pinedo in Stephan. Byzant. *pag. 719. nota 73.* Stephanus vero *ibid.* urbes hujus nominis recensens, de secunda quam nunc memoramus ita loquitur: «Est secunda urbs in Thracia Cherronesus... *Αψινθίης ad meridiem contermini sunt Cherronesίæ* (qui) *ex turribus, quod fiebat, Atheniensibus significavere.*» In notit. Græcor. episcop. ad calcem Codini *de Officiis, pag. 341.* in provincia Europæ sub Heraclea Thraciæ extat (episcopatus) *Cherronesί ὁ Χερσονήσου*. Et in alia *ibid. pag. 369. ὁ Χερσονήσου Chersōnesi.*

### EPISCOPI CHERSONESI.

#### PETRUS.

Waddingus, *tom. 8. annal. ad annum 1527. num. 16.* scribit ecclesiæ Chersonensi

C sub archiepiscopo Heracleæ eo anno die 18. Februar. Fr. Petrum Fugetium, Ordinis Min. à Clemente VII. fuisse præfectum.

## VII. ECCLESIA REDÆSTI.

**R**EDÆSTUM, quæ & *Bisanthe*, urbs Thraciæ est ad Propontidem Ptolemæo, *Resiston* Plinio, nunc *Rodosto* Sophiano & aliis, sedes episcopalis sub archiepiscopo Heracleensi, portu gaudet, estque probe culta & emporium celebre. Distat 20. milliarib. ab Heraclea in meridiem, & itinere duorum dierum à Selymbria: extat ad radices collis juxta sinum parvum cognominem. Ita Mich. Anton. Baudrand, *tom. 2. geogr. pag. 162. col. 1.* In notit. Græcor. episcop. ad calcem Codini *de Officiis, pag. 341. edit. Paris. 1648.* in provincia Europæ loco



sexto ὁ Παύλειος *Rædesti* legitur. Et, pag. 369. in provincia itidem Europæ, loco septimo ὁ Ρόδωρος *Rhodosti*. Denique, pag. 382. sub throno tertio Heracleæ, Thraciæ & Macedoniæ, loco secundo ὁ Παύλειος *Rhædesti*.

E P I S C O P I R E D Æ S T I.

I. HENRICUS.

A

II. ELIAS.

DANIEL à Virgine Maria, tom. 2. *Speculi Carmelit.* pp. 926. & 927. num. 3243. scribit *Henricum Juvenis*, Carmelitam, Conradi à S. Georgio anno 1295. prædecessorem in provincialatu Allemaniæ, eo verisimiliter anno ad episcopatum Redæstonensem fuisse assumptum. Vivebat adhuc anno 1310. quo die 22. Novembris consecravit Coloniae capellam quamdam dictam *ad Olivas*.

Idem Daniel à Virgine Maria, *ibid.* p. 907. num. 3155. hæc habet de *Elia* sui Ordinis alumno, *ex monumentis conventus Mechliniensis*: «*Elia* episcopus Redestensis. Iste sæpe fuit in conventu & filius conventus Mechliniensis ante annum 1384. sicut patet in libro «*septimanalium*: sæpe prædicavit in conventu, «& obiit post annum 1420.»

VIII.

E C C L E S I A P E R I S T A C I I.

PERISTACIUM urbs est Thraciæ ad Propontidem, *Peristasi* nunc dicta, inter Hexamilium seu Lysimachiam, à qua 16. milliar. & Myriophytum, à qua 12. milliar. distat, sedes episcopalis sub archiepiscopo Heracleensi. Hæc Mich. Anton. Baudrand, *to. 2. p. 93. col. 2.* In notitia Græcor. episcopat. secundum dispositionem Imperat. Leonis Sapientis, ad calcem Codini *de Officiis edit. 1648.* extat sub throno tertio Heracleæ, Thraciæ & Macedoniæ, loco sexto pag. 383. ὁ Περυστασιος. ὁ. *Peristasis*.

E P I S C O P I P E R I S T A C I I.

C Æ S A R.

B N. Minoritam, ad Peristacien. vel Perischarien. in patriarchatu Constantinopolitano sub archiepiscopo Heracleæ, eo anno die 18. Mart. à Clemente VII. fuisse promotum.

W ADDINGUS, tom. 8. *annal.* ad annum 1526. num. 34. pag. 446. scribit *Fr. Cæsarem*

IX.

E C C L E S I A B I Z Y Æ.

CAROLUS à S. Paulo, *geogr. sac. pag. 234. edit. Paris. 1641.* reponit *Bizyam* in provincia Europæ Thraciæ sub Heraclea metropoli. Cæterum in *notitiis Græcis* recensetur inter sedes illas archiepiscopales, quibus nullæ ecclesiæ subijciuntur. De ea urbe hæc habet Mich. Anton. Baudrand, *tom. 1. geogr. pag. 170. col. 1.* «*Bizya*, urbs Thraciæ Ptolemæo, » *Byze* Suidæ, *Bizus* Arriano in Periplo, *Vize* nunc Leunclavio, cis Rhodopen, archiepi- » scopalis in mediterraneis, olim in Cœnica tractu, & postea in Europa regione sic dicta, ad » fontes Atyræ fluvii, ubi Terei regia fuit, nunc sedes præfecti Turcarum quibus paret. Di- » citur etiam *Bizona* Straboni & Melæ, 45. milliaribus distans ab Apris in septentrionem, Peronticum versus & Salmydessum 40. & 85. à Constantinopoli in occasum.» Hujus urbis rector fuit Anselmus de Caioco, de Morinorum gente, ab Henrico Balduini Imperatoris fratre constitutus.

E P I S C O P I B I Z Y Æ.

B A L D U I N U S.

BALDUINUS de Adria, Senogalliæ antistes, omissus tamen ab Ughello in hujus

C sedis episcopis, fertur translatus fuisse ad Bizyæ ecclesiam, & archiepiscopi titulo donatus; sed non dicitur quonam anno aut saltem sæculo id contigerit.



# PROVINCIA HIERAPOLITANA.

ECCLESIA  
HIERAPOLITANA

## I. ECCLESIA HIERAPOLIS.

**H**IERAPOLIS, de qua hîc agitur, urbs Phrygiæ magnæ Straboni, *lib. 12. p. 579.* A. edit. Casaub. & Plinio, *lib. 2. cap. 93.* prope Mæandrum fluvium in Asia minori, primum episcopalis, postea archiepiscopalis fuit sub Patriarcha Constantinopolitano, proxima Laodiceæ, uti & Tripoli, nunc à Turcis dicta *Bambouck-Kale*, quasi turris Gossipii, teste Ricautio, quamquam Tavernerius interpretetur *Aphiom-Carasar*, ex conjectura: est autem hodie diruta, ita ut plurima supersint ejus antiquitatis vestigia. Distat locus iste à Philadelphia urbe Lydiæ 35. milliar. in meridiem, in confinio Cariæ, ibique puteus amplius extat, unde vapores noxii exoriuntur. Hæc Mich. Anton. Baudrand ad vocem *Hierapolis*, *to. 1. p. 480. col. 2.* *Hierapolis* sonat *sacram urbem*, quæ sic appellata est, ex Stephano Byzantio, quod templa multa haberet.

### ARCHIEPISCOPI HIERAPOLITANI.

- I. ANTONIUS.
- II. STEPHANUS.

**W**ADDINGUS, *tom. 3. annalium Min.* ad annum 1346. *num. 10. pag. 539.* refert archiepiscopum Hierapolitanum in Phrygia Capatiana sub Patriarcha Constantinopolitano constitutum fuisse à Clemente VI. *F. Antonium de Alexandria*, Minoritam, eo anno die 31. Julii diplomate, *Summi dispositione Rectoris, &c.* quod inferius exhibet in *Regist. Pontif. pag. 346.* Hujus archiepiscopi, sub nomine *Antonini*, meminit Raynaldus ad annum 1348. *num. 29.*

Antonius iste translatus est ad ecclesiam

A Dyrrachianam anno 1348. eique successit in sede Hierapolitana *F. Stephanus de Larolo*, pariter Minor. ab eodem Clemente renuntiatus diplomate, *Prudentia Regis æterni, &c.* anno 1349. VIII. kal. Jun. (id est die 25. Maii.) Ita præfatus Wadding. *ibid.* ad hunc annum, *num. 11. p. 566. & in Regest. Pontif. pag. 384.* De eo Antonio vide supra inter episcopos Dyrrachianos, *col. 951. A.*

Quosdam alios Hierapolitanos præfules; sed simplices episcopos nobis subministrant Dominicani Ordinis monumenta, qui subinde alteri Hierapoli, non vero isti præfuerunt, quos hîc prætermittendos censemus.

## II. ECCLESIA ANGURIENSIS.

**B**AUDRAND, *tom. 1. geograph. pag. 57. col. 2.* scribit *Ancyram*, seu potius *Angyram* ex codice Græco, Ptolemæo urbem esse Asiæ minoris in Phrygia Pacatiana. Hanc autem sedem esse episcopi sub metropoli Hierapolitana, cujus fit mentio in *conciliis*, & extare in limite Mysiæ 30. milliar. à Nicæa in austrum. In *notitia Græcor. episcop.* ad calcem Codini de *Officiis*, *Ancyra* locum tenet quintum inter suffraganeas ecclesias Hierapolis, *pag. 395. & ὁ Ἀγκύρας, 5. Ancyra.* Ad eam promoti sunt nonnulli ritus Latini antistites.

### EPISCOPI ANGURIENSES.

- I. FRANCISCUS.
- II. GUNDISALVUS.

**F**RANCISCO Auguriensi (probabiliter *Anguriensi*) episcopo defuncto substituit Eugenius IV. anno 1434. die 22. Decemb. *Fr. Gundisalyum de Curiola*, Ord. Præd. Hunc

B quidem non noverunt rerum Dominicanarum scriptores; sed diploma ejus promotionis se vidisse testatur R. P. Bremond, *tom. 3. Bull. pag. 218.* eosque *Angurienses* fuisse episcopos censet, id est, civitatis Ancyranæ, vulgo *Anguri* dictæ in Phrygia sub archiepiscopo Hierapolitano.



## PROVINCIA LARISSENSIS.

I. ECCLESIA LARISSENSIS  
METROPOLIS.

**L**ARISSA urbs est Macedoniæ, Theſſaliæ præcipua in Pelasgiotide regiuncula Ptolemæo & Pauſaniæ, patria Achillis fuit; extat ad Peneum fluvium in planitie montibus circumdata, nunc etiam urbs clara eſt & archiepiſcopalis, *Larizza* dicta, teſte Sophiano. Diſtat 28. milliar. à ſinu Thermaico in occaſum, & 25. à Pharfalo in ſeptentrionem, Dium verſus totidem, teſte Antonino, & 200. leucis à Conſtantinopoli in occaſum. Ita Michael Anton. Baudrand, *tom. 1. pag. 556. col. 2.* Huic poſt captam Conſtantinopolim à Francis & Venetis initio ſæculi XIII. præfuerunt nonnulli antiſtites Latini ritus.

## ARCHIEPISCOPI LARISSENSIS.

I. \* \* \*

**I**Nitio ſæculi XIII. ſedebat *archiepiſcopus Lariffenſis*, de quo legendæ, *to. 2. edit. Baluz.* Innocentii III. epiſtolæ 114. 122. 153. 160. 171. 244. & 252. lib. XI. anno 1208. 105.

A 106. 152. 161. 170. & 192. lib. XIII. anno 1210. denique, 73. lib. XV. anno 1212. In his epiſtolis Innocentius varia ei negotia injungit, quæ longius foret recenſere. Quandoſque autem ille obierit, quive poſt illum huic eccleſiæ præfuerint, nos latet.

## II. ECCLESIA CARDICENSIS.

**E**CCLESIÆ Cardicenſis ſæpius meminit Innocentius III. in epiſtolis ſuis, *tom. 2. edit. Baluz.* hanc autem fuiſſe ſub metropoli Lariffena ex eo colligitur, quod archiepiſcopus Lariffenus eam Dimitrienſi eccleſiæ univerit in ſua provincia. Aliàs nihil de illa eccleſia reperi, quæ aliquot tamen ritus Latini habuit epiſcopos.

## EPISCOPI CARDICENSES.

I. BARTHOLOMÆUS.

**I**NNOCENTIUS III. epiſt. 105. lib. XI. inſcripta *Bartholomæo Cardicenſi epiſcopo*, hunc præſulem ſub ſpeciali ſedis apoſtolicæ protectione ſuſcipit. Data eſt Ferentini III. Non. (id eſt die 5.) Octob. anno XI. Chriſti 1208. De eodem epiſcopo extant epiſtolæ 101. 106. 113. & 120. lib. XIII. anno 1210. & 69. 71. 72. & 80. lib. XV. anno 1212. In epiſtola autem 72. p. 627. col. 2. quæ archiepiſcopo *Lariffeno* ſcripta eſt die 25. Maii, hæc ait Pontifex: *Venerabilis frater noſter Cardicenſis epiſcopus propoſuit coram nobis, quod tu ad mandatum noſtrum Dimitriacenſem eccleſiam cum ſuis pertinentiis eidem multam inopiam patienti liberaliter contuliſti. Volentes igitur factum tuum per te ipſum fortius ſtabiliri, fraternitati tuæ per apoſtolica ſcripta præcipiendo mandamus, quatenus quod per te auctoritate noſtra provide noſcitur eſſe factum, firmiter facias obſervari. Ad hunc Cardicenſem epiſcopum nonnullæ extant Innocentii III. epiſtolæ. Verum quandoſque ille obierit, quive ejus*

**B** fuerint totò ſæculo decimo tertio ſucceſſores, nos latet.

II. BENEDICTUS.

Thomas de Herrera, *Alphab. Auguſtiniani to. 1. p. 105. col. 2.* hæc ſcribit: *«Benedictus Icenus ſeu Nordovolgicus Anglus, (Ordinis « Eremit. S. Auguſtini) celebris ſuo tempore « prædicator, & aliquorum opuſculorum edi- « tor, Episcopos Cardicenſis, & Antonii epiſcopi « Nordovicenſis ſuffraganeus fuit. Quidam ad « annum 1340. alii 1342. obiſſe eum tradunt. « Cruſenius & Pamphilius ſub anno 1354. illum « Creponunt, & Nordovi ſepultum affirmant.»*

III. JULIANUS.

IV. LUCAS.

Ughellus, *tom. 4. Ital. ſac. vet. edit. in epiſcopis Nebienſibus, col. 1410. n. 9.* C. ſcribit *Julianum epiſcopum Cardicenſem tranſlatum eſſe ad Nebienſem eccleſiam anno 1363. cui ſucceſſit in epiſcopatu Cardicenſi doctiſſimus quidam vir Lucas Ord. Servorum B. Mariæ. Ex Regeſt. Vatic.*



## V. MARTINUS.

Thomas de Herrera scribit *Alphab. August.*  
tom. 2. pag. 75. col. 2. « Martinum de Torba

A (Eremitam Augustinianum) per obitum «  
Lucae institutum in *Registris Vaticanis* epi- «  
scopum Cardicensem v. idus (id est die 9.) «  
Novembris anno 1389.»

ECCLESIA  
DIMICENSIS.

## III.

## ECCLESIA DIMICENSIS.

**D**IMICUS, quam Michael Anton. Baudrand, tom. 1. geogr. pag. 349. col. 1. Domocum & Domonicum appellat, est, ipsomet teste, urbs Theffaliæ, episcopalis sub archiepiscopo Larissæo, cujus fit mentio in *libris conciliorum*. Lormiæ autem & Pharsalo finitima est, nunc paucis constans incolis, & Domochi dicitur. Sæculo decimo tertio ei præpositi fuere præsules aliquot Latini ritus.

## EPISCOPI DIMICENSES.

## GUALO.

**A**NNO 1208. sedebat quidam episcopus Dimicensis, cui ob paupertatem consensit Innocentius III. adjungi episcopatum Calidonensem Dimicensi contiguum. Si fieri possit absque detrimento ecclesiæ utriusque, ac sine justo scandalo cleri, & populi, & terræ illius principis... & ejus curam utiliter administret. Id constat ex epistola 114. lib. XI. epistolar. hujus Pontif. 10. 2. edit. Baluz. p. 193. col. 2. quæ Dimicensi episcopo inscribitur, & data est apud S. Germanum 11. idus (id est die 14.) Julii anno XI. Christi 1208. Gualo nominabatur; nam, Francisco Bosqueto Narbonensi jurisconsulto teste in *notis* ad epistolas Innocentii III. edit. Tolos. 1636. pag. 181. ubi de epist. 48. lib. III. *Regest. XV.* « Anonymus, lib. de mirac. S. Mamantis in biblioth. Floriac. cap. 5. circa hæc tempora Philippi Augusti (vivens) nomen hujus episcopi nobis indicat, (dum ait:) Quod quum per Dei gratiam cognovisset Gualo de Domna Petra, vir honestæ vitæ & boni testimonii, dilectus Deo & hominibus, in exercitu Latinorum non minimus, ut postmodum claruit, quia in episcopum Dimicensem unanimiter est assumptus. Male (autem) corrigitur (in) Damascensem & Dimiensem, apud Robertum in Gall. Christ. in Lingonens. episcop. num. 61. » De episcopo Dimicensi mentionem facit idem Papa epistola 120. *ibid.* pag. 194. col. 1. Nobili viro Comestabulo Theffalonicensi, data die 14. Julii anno XI. Christi 1208. Sed epistola 104. lib. XIII. Sidoniensi & Cardicensi episcopis, &c. *ibid.* pag. 464. col. 2. de eodem episcopo conqueritur. Significaverunt nobis, inquit, venerabilis frater noster Larissenus archiepiscopus, & dilecti filii procurator & canonici Dimicensis ecclesiæ, quod

**B**venerabilis frater noster episcopus Dimicensis post tertium consecrationis suæ diem ab ecclesia Dimicensi recedens, bona ejus quæ ad ipsum spectant, reliquit in manibus nobilis viri Comestabuli Romanicæ; ad quam redire, quum jam trium annorum spatium præterierit, hæcenus non curavit: propter cujus defectum ad tantam devenit eadem ecclesia paupertatem, quod vix possunt in ea tres clerici sustentari. Ideoque discretionis vestræ per apostolica scripta mandamus, quatinus, si est ita, episcopum ipsum ut ad suam ecclesiam revertatur, monitione præmissa, per censuram ecclesiasticam, appellatione postposita, compellatis. Datum Later. 111. Non. (id est die 5.) Jul. anno XIII. Christi 1210. Anno 1212. archiepiscopus Larissensis de mandato Innocentii Papæ ecclesiam Calidonensem episcopo Sidoniensi gubernandam concessit: hinc vero episcopus Dimicensis, cui prius concessa fuerat, ut supra dictum est, ad sedem apostolicam appellavit, sed appellationem hanc nec per se nec per alium est legitime prosequutus. Quamobrem Innocentius Papa epist. 48. lib. XV. *ibid.* pag. 618. col. 1. archiepiscopo, & B. archidiacono, & P. cantori Theffalonicensibus inscripta, & data Laterani xv. kal. Jun. (id est die 18. Maii) anno XV. iis mandavit, quatinus, partibus convocatis, audirent causam, & appellatione remota, sine canonico deciderent. Ecclesiam tamen Calidonensem ejus administrationi tunc non fuisse subtractam, exinde inferre licet, quod epist. 54. data ab eodem Papa tertio abhinc die, id est, die 21. ejusdem mensis Maii, ecclesia Nazarocensis sive Nazorencensis episcopo Sidoniensi commissa fuerit. Nihil autem aliud de episcopo Dimicensi nobis notum est, nec de ejus in sede Dimicensi successoribus.





ECCLESIA  
DEMETRIACENSIS.

IV.

## ECCLESIA DEMETRIACENSIS.

**D**EMETRIAS, urbs Thessaliæ maritima in Magnesia regiuncula, episcopalis olim sub archiepiscopo Larissæo, postea metropolis evasit. Juxta sinum Pelagicum sita erat, & aliquandiu regia Macedonum principum, & navale fuit: nunc etiam *Dimitriada* dicitur, teste Sophiano, Pagasis proxima. 25. milliar. distat à Thebis Phthiotidis in ortum æstivum, & 90. à Thebis Bœotiae in septentrionem, Thessalonicam versus 100. circiter. Ita Mich. Anton. Baudrand *Lexico geogr. tom. 1. pag. 329. col. 2.* Stephanus distinguit Demetriadem Macedoniæ à Demetriade Thessaliæ: verum Thomas de Pinedo Lusitanus, ad hunc Stephani locum, p. 232. edit. *Amstelod. anno 1678. annot. 1. col. 2.* ait eandem fuisse civitatem, quam alii Thessaliæ, alii Macedoniæ adscripserunt: Macedonia enim comprehendebat Thessaliam, ut videre est apud Ptolemæum, *lib. 3. cap. 13.* & ipse quoque Ptolemæus inter Macedoniæ urbes eam numerat, *ibid.*

## EPISCOPI DEMETRIACENSES.

I. \* \* \*

A

IV. GUILLELMUS.

V. JOANNES III.

**A**NNO 1208. sedebat quidam episcopus *Demetriacensis*, qui archiepiscopo Larissenfi debitam obedientiam denegabat. Id constat ex epistola 189. lib. XI. Innocentii III. eo anno data die 8. Decembris, *tom. 2. editionis Baluz. pag. 236. col. 1.*

II. B.

III. BARTHOLOMÆUS.

Idem Innocentius III. epist. 42. lib. XV. data anno 1212. die 7. Maii quemdam B. recens electum episcopum Demetriacensem, qui hanc ecclesiam dimittere volebat, ab ejus vinculo à se absolutum fuisse declarat. *Ibid. pag. 616. col. 2.*

Altera epistola, cujus supra meminimus, ubi de *Bartholomæo* Cardicensi, *vol. 979. B.* data anno eodem 1212. die 25. Maii, ratam habuit Pontifex possessionem ecclesiæ Demetriacensis huic episcopo concessam à Larissenno archiepiscopo.

Waddingus, *to. 5. annal. ad annum 1447. num. 65. pag. 529.* asserit *Demetriacensem* in provincia Larissena episcopum constitutum à Nicolao V. eo anno die 1. Sept. post obitum *Guillelmi, F. Joannem de Porriaco, Minoritam,* & diploma exhibet in *Regesto Pont. pag. 357.*

VI. RODERICUS.

Idem rursus Waddingus, *to. 6. ad annum 1461. num. 19. p. 499.* testatur hoc anno sibi occurrere memoriam *Roderici Demetriaden.* in Thessalonica sub archiepiscopo Larissenno.

VII. \* \* \*

VIII. JOANNES IV.

Ecclesiâ Demetriacensi vacante per obitum sui præfulis, ei datus est episcopus *Fr. Joannes de Quemada*, Ord. Min. à Sixto IV. an. 1478. die 6. April. Ita præfatus Waddingus, *tom. 7. ad eum annum, num. 71. pag. 57.*

V.

## ECCLESIA SIDONIENSIS.

**E**CCLLESIA *Sidonensis*, de qua hîc agimus, ea non est quæ vicina erat urbis Tyri, sed altera in Thessaliâ, & probabiliter suffraganea archiepiscopi Larissenfi.

## EPISCOPI SIDONIENSES.

I. \* \* \*

**E**Piscopum *Sidonensem* exprimunt, sed nusquam nominant Innocentii III. epistolæ 6. 104. 109. & seqq. 114. & 192. lib. XIII. anno 1210. scriptæ, item 48. & 54. lib. XV. anno 1212. & 97. lib. XVI. anno 1213. die 24. Octob. In ista porro hæc de Sidoniensi episcopo habet: *Dilecti filii decanus & cantor Nazarocensis ecclesiæ suis nobis litteris intimarunt, quod quum olim curam ejusdem ec-*

*Clesiæ Sidoniensi episcopo duxerimus committendam, idem ecclesiâ ipsam frumento, animalibus, possessionibus, & rebus aliis spoliare præsumens, & muris obstrui faciens portas ejus, eam in usum cellarii, reverentia divini cultus posthabita, redigere non expavit, præfatis decano, cantore, aliisque fratribus ejectis penitus ab eadem. Quumque propter hæc, & alia nonnulla gravamina, nostram audientiam appellassent, ipse appellationi nequaquam deferens eorundem, quinimo in apostolicæ sedis injuriam*



& contemptum eos durius aggravans & affligens, tantæ persecutionis sævitiam exercuit in eosdem, quod in præfata ecclesia nisi unus ex præfatis canonicis non remansit. Ideoque discretioni vestræ per apostolica scripta mandamus, quatenus, si est ita, præfatum episcopum, ut ea quæ abstulit ecclesiæ memoratæ, restituat universa, per censuram ecclesiasticam, appellatione postposita, compellentes, ecclesiæ sæpeditæ capitulo eligendi sibi personam idoneam canonicè in pastorem tribuatis auctoritate nostra liberam facultatem, &c. Nihil aliud de eo Sidonienfi episcopo nobis notum est.

II. \* \* \*

III. PONTIUS.

Waddingus, tom. 5. annal. sui Minorum Ordinis, ad annum 1446. num. 16. pag. 493. narrat, post obitum præfatis Sidonienfis in provincia Larissena, ad hanc sedem promotum fuisse F. Pontium Gaufredi, Minoritam, ab Eugenio IV. eo anno die 30. Novemb.

IV. JOANNES I.

V. LUDOVICUS.

Sedi Sidonienfi in Græcia sub archiepi-

scopo Larisseno brevi admodum præfuisse necesse est Pontium modo recensitum: scribit enim idem Waddingus *ibid.* ad annum 1448. num. 21. p. 546. Joanne (qui proinde Pontio jam successerat) mortuo, in ejus locum eo anno die 2. Sept. à Nicolao V. episcopum Sidoniensem fuisse renuntiatum Ludovicum, & diploma profert in *Regest. Pontif. pag. 368.*

VI. ALEXANDER.

Ughellus, tom. 1. Ital. sac. col. 211. n. 48. D. veteris edit. hæc scribit: « Alexander Angelus, antea Sidoniæ episcopus, ad ecclesiam hanc (Terracinensem) translatus est die 23. mensis Novemb. anno 1534. Decessit (anno) 1540. Ejus cum laude meminit Horatius Turcellinus, lib. 3. Lauret. hist. cap. 2. »

VII. JOANNES II.

Alexandro fortassis successit in sede Sidoniæ Joannes Bratianus, Minorita regularis observantiæ, quem Waddingus, tom. 8. ad annum 1535. num. 39. pag. 601. ait eo anno die 21. Jun. electum esse episcopum Sidoniensem in Thessalonia sub archiepiscopo Larisseno.

VI.

## ECCLESIA NAZORESCÆ.

DE ecclesia Nazorescæ pluries mentio occurrit in epistolis Innocentii III. Aliquot episcopos ritus Latini habuit, Larissensis archiepiscopi suffraganeos, ut ex eo inferre licet, quod hujus cura episcopo Sidonienfi demandata fuerit, ex supra dictis.

## EPISCOPI NAZORESCÆ.

I. \* \* \* electus.

II. W.

ANNO 1208. recens electus erat vir quidam in episcopum Nazorescensem, ad quem, & ad duos alios episcopos scripsit Innocentius III. eo anno die 8. Decemb. epistolam 189. lib. XI. Eidem electo Nazorescensi epistolam 190. dedit Innocentius die sequenti, qua ejus ecclesiam Nazorescensem sub sedis apostolicæ protectione suscipit, & rursus epistolam 247. die 25. Januar. anno 1209. adversus quosdam ejus ecclesiæ Nazorescensis canonicos, qui personaliter deservire detrectabant.

Haud scio an idem sit, & anno 1210. adhuc duntaxat electus, an vero alius recens etiam electus, propter electi præcedentis sive translationem ad aliam ecclesiam, sive resignationem, sive obitum, Nazorescensis antistes, ad quem scripsit idem Innocentius epistolas 103. & 104. lib. XIII. anno 1210. Is probabiliter est Wilhelmus ille, quem à Nazarocensi (id est Nazorescensi) ecclesia idem Pontifex ad Philippensem metropolim translulit anno

C 1212. & ad quem epistolam 56. libro XV. scripsit sub hoc titulo: *Willelmo Philippensi archiepiscopo ejusque successoribus canonicè substituendis in perpetuum, datam Laterani XI. kal. Jun. anno XV.* (id est die 22. Maii an. 1212.) in qua ait: *Memor semper illius gratiæ specialis quam tibi dignanter impendimus, quum à Nazarocensi ecclesia te transtulimus ad metropolim Philippensem, teque propriis manibus consecravimus in Pontificem, &c.* Idem enim Papa in epistola 86. quam paulo post priori & capitulo Dominici Sepulcri dedit, nimirum die 26. ejusdem mensis, recitat epistolam archiepiscopi Thessalonicensis, qui testabatur se prudentum virorum usum esse consilio, videlicet Ar. Cernipolensis episcopi Sarrensis postulati, W. Nazarocensis electi Philippensis postulati, &c. ad ineundam compositionem quam confirmari sedis apostolicæ auctoritate petebat.

II. \* \* \*

Quum itaque anno 1212. vacaret ecclesia Nazorescensis, hujus administrationem commisit Innocentius III. episcopo Sidonienfi, Q q q iij



idque declaravit epistola 54. lib. xv. *clero & populo Nazarocensi*, data eo anno die 21. Maii.

## III. \* \* \*.

Verum episcopo Sidoniensi modo memorato ecclesiae Nazarescensis sive Nazorescensis clerum & populum valde vexante, illis permisit idem Innocentius Papa, ut ad electionem alterius praesulis canonicè procederent. Id patet ex ejus epistola 97. lib. xvi. *episcopo, archidiacono & cantori Davaliensibus*, data die 24. Augusti anno 1213. quam supra retulimus, coll. 284. C. & 285. A. Ignoramus autem quis tunc illi ecclesiae praefectus fuerit.

## IV. FRANCISCUS.

## V. NICOLAUS.

Post obitum *Francisci* episcopi Nazaretensis sub archiepiscopo Larissano in Thes-

salia, Bonifacius IX. anno 1393. die 3. Decembris ei ecclesiae praefecit *F. Nicolaum Wenceslai*, Ord. Præd. ut constat diplomate hujus Pontificis, quod refert R. P. Antonin. Bremond, tom. 2. *Bullar. pag. 339. ex archivo Apost. lib. 45. fol. 51.*

## VI. JOANNES.

Idem R. P. Bremond, to. 4. *Bullarum Ord. Præd. pag. 212.* nonnulla exhibet diplomata Alexandri VI. data xiv. kal. Septemb. (id est die 19. Aug.) anno 1502. quibus constat eo anno *Fr. Joannem Fanelli*, Ord. Præd. (qui omittitur à Fontana, Cavalier. &c.) ad ecclesiam *Nazarensem* seu, inquit P. Bremond, *Nazarotensem* sub archiepiscopo Larisseno in Thessalia fuisse promotum, & archiepiscopi Byzuntini suffraganeum.

## VII.

## ECCLESIA CALIDONIENSIS.

ECCLESIAE *Calidonensis* meminit Innocentius III. in quibusdam suis epistolis, de quibus vide supra, coll. 981. B. & 982. C. D. ubi de ecclesia Dimicensi, cujus episcopo hanc adungi concessit. Hæc Calydoniensis ecclesia per corruptionem fortassis una est ex duplici *Colydro* ὁ Κολύδρος, quæ n. 8. & n. 22. recensetur in notitia Græcor. episcopatum sub Larissa metropoli secundæ Thessaliæ, ad calcem operis Georgii Codini Curopalatae de *Officiis*, edit. Paris. 1648. pag. 393. Certe vicina erat diocesis Dimicensi & Sydoniensi in provincia Larissena, ex supra dictis.

Michael Antonius Baudrand, to. 1. *geogr. pag. 213. col. 1. Calydonem* memorat, sed quæ alia urbs esse videtur, utpote quæ civitas sit Græciæ in Ætolia provincia, cujus caput existit, & sedes episcopalis sub archiepiscopo Naupactensi, in edito monte sita prope Evenum fluvium, 3. milliar. à sinu Corinthiaco distans, & 7. à Naupacto in occasum. Nullum autem Calydoniensis ecclesiae episcopum specialem ritus Latini novimus.

## VIII.

## ECCLESIA LÆDORICENSIS.

IN notitia Græcorum episcopatum modo laudata extat *ibid.* sub Larissa metropoli, n. 5. ὁ Λαδωρικὸς *Lædoricii* sedes, quæ probabiliter est ecclesia illa *Lidoricensis*, ad quam promotum nobis subministrat Fontana unum episcopum Ordinis Prædicatorum.

## EPISCOPI LÆDORICENSES.

## WENCESLAUS.

FONTANA *Theat. Dom. pag. 215. tit. 333.* scribit *F. Wenceslaum Spouer*, Ord. Præd. à Joanne XXIII. Lidoricensem episcopum esse renuntiatum die 7. Augusti, testibus miss. Bzovianis, in quibus legitur: *Wenceslaus Spouer Ordinis Præd. episcopus Lidoricensis* à

*C Joanne XXIII. vii. idus* (id est die 7.) *Aug. anno IV.* Fontanam Cavalierius excipit, to. 1. p. 215. num. 206. sed mendum intercessisse existimat in nomine episcopatus. Utrumque demum citat R. P. Antonin. Bremond, to. 2. *Bullar. pag. 530.* ubi & subdit: *Quisnam sit episcopus iste me fugit.*

## IX.

## ECCLESIA THEBARUM sive ZITONIS.

INTER plures urbes *Thebarum* nomine insignitas, quinque praesertim commemorat Baudrand, tom. 2. *geogr. pag. 306. col. 2.* Una est urbs Ægypti, altera oppidum Troadis sive Phrygiæ minoris, tertia oppidum Brutiorum in Italia, quarta Bœotiae caput, ultima demum,



cujus nunc meminimus, de qua ipse sic loquitur: «*Thebæ* urbs Phthiotidis in Thessalia Livio, Straboni & Ptolemæo, postea *Thebæ Philippi* Polybio ad sinum Maliacum, nunc *Ziton* dicta, teste Sophiano, olim episcopalis sub archiepiscopo Larissæo, nunc & ipsa archiepiscopalis effecta, à Larissæ urbe 40. milliarib. distans in meridiem; parva (est) & male culta sub Turcis.»

In serie episcopatum, juxta dispositionem Leonis Sapientis, qui exeunte sæculo nono florebat, extat ad calcem Codini *de Officiis*, pag. 393. sub throno 34. Larissæ, loco tertio γ' ὁ Ζητονίου *Zetonii*. Abbas de Commanville in sua serie episcopat. totius orbis, pag. 206. sub Larissæ recenset loco tertio *Thebas Phthioticas*, quæ *Zetunæ* sive *Zeiton* dicitur. Aliquot *Zetonis* præfules Latini ritus occurrerunt.

## EPISCOPI THEBARUM sive ZITONIS.

I. NICOLAUS.

A

II. JACOBUS.

UGHELLUS, tom. 4. *Ital. sac. veter. edit.* col. 1258. num. 4. C. scribit Nicolaum episcopum *Zitonensem* huc (ad ecclesiam *Ac-ciensensem*) fuisse translatum anno 1344. v. kal. Junii (sive die 28. Maii.) ex *Regesto Vatic.* & decessisse Avenione anno 1348.

Anno 1362. Fr. Jacobus de Florentia, Ordinis Min. archiepiscopus *Zaitonen-sis*, & Fr. Guillelmus Campanus, itidem Minorita, pro fidei christianæ confessione occisi sunt à Saracenis in Medorum imperio. Ita Waddingus, tom. 4. ad annum 1362. n. 4. p. 83.



## PROVINCIA MACRENSIS.

EPISCOPATUS *Macræ* ὁ Μάκρης, recensetur in provincia Rhodopes sub Trajanopoli metropoli in notitia episcopatum Græcor. ad calcem Codini *de Officiis*, p. 394. Subjungitur autem, p. 404. hanc urbem *Orthagoriam* & *Stagiram* olim dictam, nunc *Macræ* appellari, Ορθαγορεία & Σταγίρα ἢ νῦν Μάκρη. De ea hæc scribit Michael Anton. Baudrand, tom. 2. *geogr.* pag. 261. ad vocem *Stagira*: «Oppidum (est) Macedoniae in Amphaxitide tractu Plinio, Straboni, Dioni, & Stephano, quod *Stantira* Ptolemæo, in agro Olinthiaco & in ora sinus Strymonici ad montis Athi radices, patria Aristotelis: nunc *Libanova* dicitur, teste Sophiano, sive *Macra*, teste Niceta, 16. milliarib. distans à Singitico sinu in septentrionem, & hodie paucis constat incolis.» Hanc urbem factam fuisse archiepiscopalem & metropolitanam provinciæ ex ea dictæ *Macrensis* colligitur ex litteris encyclicis Innocentii III. ad provincias Orientis, ut illarum præfules invitaret ad synodum Lateranensem, datis Later. XIII. kal. Maii anno XVI. (id est die 19. April. anno 1213.) legitur enim, tom. XI. part. 1. conc. Labb. col. 126. A. In eodem modo archiepiscopo & episcopis per *Macrensem* (provinciam constitutis.) Cæterum nullum novimus ex episcopis ritus Latini hujus provinciæ. Harduin. tom. XI. conc. col. 773. 774. med. observat geminas poni *Macræ* nominis urbes in Pseudo-synodo Photiana, quarum unius Nicolaus antistes extiterit, tom. VI. edit. Hard. col. 215. D. alterius vero *Antiochus*, ibid. col. 218. & addit: Unam habet in Lycia vetus *Ecthefis*, ὁ Μάκρης.





## PROVINCIA MITYLENENSIS.

I. ECCLESIA MITYLENES  
METROPOLIS.

**P**ROVINCIA Mitylenensis intra insulam Lesbos unam Cycladum continetur. Est autem Lesbos insula Asiæ minoris in mari Ægæo Straboni, *lib. 13. pag. 616. C. edit. Casaub.* Plinio, *lib. 5. cap. 31.* & aliis, versus oram Troadis & Mysiæ majoris ab ea sex milliar. distans in meridiem, & 12. à Cana promontorio in occasum, dictaque fuit etiam *Mitylene*, nunc vero *Mitylin* à Turcis nuncupatur, *Metelino* ab Italis, testibus Sophiano & Porcaccio, ab ejusdem nominis urbe quæ archiepiscopalis est in parte orientali insulæ, habetque duas alias urbes parvas cum totidem episcopis. Circuitus insulæ est 140. milliar. & extenditur à septentrione in meridiem ad 40. milliar. Dicta etiam fuit *Hemerie*, *Lasia*, *Ægira*, *Pelasgia*, *Æthiope* & *Marcaria*. Paruit aliàs hæc insula Catalusiis qui origine Genuenses erant, illamque per sæculum integrum possederunt, nempe ab anno 1355. (quo, teste Raynaldo ad eum annum, *n. 32. ex Matth. Villano, lib. 4. c. 46.* Joannes Palæologus, Francisci Catalusii Genuensis opera, imperium Constantinopolitanum recuperavit: cujus beneficii memor Palæolog. ipsi sororem suam matrimonio conjunxit, eidemque Lesbum insulam ac successoribus ejus jure fiduciario tribuit.) Sub potestate autem Catalusiorum remansit Lesbos usque ad annum 1462. quo erepta fuit Dominico Catalusio à Mahumete II. ut refert Leunclavius, & exinde dominio Turcarum subjicitur. Hæc Michael Anton. Baudrand, *tom. 1. geogr. pag. 569. col. 1.* Vide quæ supra dicta sunt de Mitylene, *tom. 1. hujus operis coll. 953. 954.* Aliqui præsules ritus Latini urbi illi præfuerunt, ex quibus occurrunt sequentes.

## ARCHIEPISCOPI MITYLENENSES.

## I. JOANNES.

**A**LBERICUS in *Chronic. edit. Lipsiæ 1698. t. 2. p. 440.* ad annum 1205. narrata Balduini Imperatoris Constantinopolitani nece, subjungit: Ad hoc etiam quod in Tornoa fuerit occisus, consentit Dominicus archiepiscopus *Joannes Mitylinensis*, &c. Non explicat autem Albericus an Joannes iste Græci ritus præsul fuerit, an vero Latini: si Latinus fuit, hîc de eo meminimus.

## II. AMBROSIVS.

Mitylenensium deinceps præsulum nullus occurrit usque ad *Ambrosium de Abiate*, Ord. Præd. Mediolanensem, qui à Bonifacio IX. anno 1402. huic ecclesiæ Mitylenensi præfectus est: ex Fontana *Theat. Dom. pag. 238. tit. 394.*

## III. ANGELVS.

## IV. HUGHECTVS.

Doctissimus P. Antonin. Bremond, *to. III. Bull. Ord. Præd. pag. 208.* ad annum 1431. diploma refert Eugenii IV. datum hoc anno vi. kal. Octob. (id est die 26. Septembris) quo constat *Angelo* archiepiscopo *Mitilmen.* defuncto, (Amanuensis autem incuria hoc nomen *Mitilmen.* aliàs ignotum, scriptum

A fuisse existimat pro *Mitylenen.* vulgo *Metelin* in ejusdem nominis (sive Lesbi) insula maris Ægæi, ) ipsi substitutum esse *F. Hughectum de Valentia*, Ord. Præd. præsulem ab hujus Ordinis scriptoribus prætermisum. *Ex archivo apostolico, lib. VIII. fol. 196.*

## V. DOROTHEVS.

## VI. LEONARDVS.

Hughecto probabiliter successit in sede **B** Mitylinensi *Dorotheus* iste, cui mortuo successus est ab eodem Eugenio Papa an. 1444. *Leonardus Chiensis*, Ordinis Prædic. Nam Fontana in *Theat. Dom. pag. 81. tit. 55.* scribit, vacante ecclesia Mitylinensi per obitum *Dorothei* ejus archiepiscopi, assumptum esse ab Eugenio IV. *Fr. Leonardum de Chio*, Ord. Præd. Annum quidem non indigitat: at ipsum curam hujus ecclesiæ suscepisse ante diem 1. Jul. anni 1444. colligitur ex duobus præfati Eugenii diplomatibus, quæ profert **C** R. P. Bremond, *tom. 3. Bullar. pp. 210. & 211.* datis die 1. Jul. eo anno, quibus jam ei concessum pallium declaratur. Hunc postea delegavit Pontifex circa annum 1446. unâ cum Isidoro Rutheno Cardinali, ad Constantinum Palæologum Imperat. Græcorum, sancitæ in concilio Florentino ecclesiæ orientalis cum Latina restituendæ firmandæque concordie



concordiæ causa, qui tandem effecerunt ut unio illa fieret die 12. Decemb. anno 1452. Verum id serius contigit, quam Græcorum rebus expedisset: neglecto enim ab illis antea Papæ ac occidentalium principum auxilio, anno sequenti à Mahomete II. capta est Constantinopolis; ex cuius strage se surripientes Cardinalis & Leonardus, ille quidem Romam, hic vero Chium petiit, ex qua insula Nicolaum V. certior fecit die 16. Aug. eodem anno 1453. de omnibus in hac expugnatione gestis. Porro præter relationem istam, quam Bzovius edidit *tom. 17. annal.* ad annum 1453. *n. 6. à p. 84. A. ad p. 90.* B. scripsit etiam idem Leonardus tractatum apologeticum adversus Carolum Poggium Florentinum, Eugenii IV. secretarium, anno 1446. die 27. Decemb. Mitylenæ, & concionem amplam, cuius meminit Echardus *ibid.* Lesbium reversus, ibi mansit usque ad annum 1458. quo, juxta Bosium, aut ad annum 1462. quo, juxta alios, insula hæc in dominium Turcarum cecidit: tunc enim à præfato Mahomete II. incolas Latini ritus partim dirissime interfectos, maxime nobiliores, inter quos probabile est involutum fuisse piissimum antifilem, partim in sævam redactos servitutem scribit abbas Michael Justiniani.

## VII. LEONARDUS II.

## VIII. ANGELUS.

Waddingus, *tom. 7. annalium Minor.* ad annum 1482. *num. 82. p. 137.* sub Sixto IV. hæc scribit: «Ad Mutilensem per obitum » *Leonardi Fr. Angelus de Barbianis, regularis*

observantiæ professor, de nobili & baronum genere (ita habet Regestum pontificium) « procreatus (ejectus est) XIV. kal. Septemb. » (id est die 19. Augusti.) Hunc episcopatum « non invenio in provinciali Romano, neque » in libris Consistorialibus; quid si scribendum « *Mutinenfis* in Lombardia, vel *Mytilensis* (id est *Mitylenensis*) archiepiscopatus in Lesbii » insula & mari Ægæo!»

Profecto, inquam ego, hæc ecclesia *Mutilen.* non fuit ipsa Mutinenfis: nam Ughellus, *tom. 2. Ital. sac. veter. edit. coll. 168. & 169. num. 56.* refert Nicolaum Sandoninum, Lucensem, sedi Mutinensi præfuisse ab an. 1465. usque ad annum 1479. quo ad ecclesiam Lucensem translatus est; & *num. 57. Joannem Andreæ de Bociaciis*, Regiensem, ecclesiam Mutinensem rexisse ab eodem anno 1479. usque ad annum 1497. quo Romæ decessit. Hic subinde Joannes sedem Mutinensem occupabat anno 1482. non *Leonardus*, non *Angelus*.

Quod spectat ad ecclesiam *Mitylenensem*, nihil obstat quod illam uterque assignato tempore administraverit; sed tunc *Leonardus* iste alius fuerit à Leonardo supra memorato, quem periisse tradunt scriptores anno 1458. aut saltem 1462.

Idem Waddingus, *to. 6. ad annum 1456. num. 26. pag. 217.* meminit cujusdam *Fr. Joannis de Falconeio*, episcopi Berratinensis sive Bernitinenfis in Lesbia insula sub archiepiscopo Mitylenæo, eo anno die 9. Jul. & suffraganei episcopi Atrebatensis.

## PROVINCIA NAUPACTENSIS.

## I. ECCLESIA NAUPACTI METROPOLIS.

**N**AUPACTUS, urbs Ætoliae in Græcia Cæsari, Livio & aliis, nunc vero *Epactos* indigenis, *Einebacti* Turcis, *Lepanto* Italis, teste Leunclavio. Livadiæ propriæ dictæ caput existit in ora sinus Corinthiaci, qui ab ea *sinus Lepanti* cognominatur, prope ejus fauces & Antirrhium promontorium. Distat 95. milliaribus à Nicopoli Epiri in ortum hybernium, Corinthum versus 85. circiter, & 12. ab urbe Patras in septentrionem: sita est ad radices montis cum arce in summo ejus vertice atque portu parvo. A Turcarum principe Bajaceto Venetis erepta fuit anno 1499. ex quo tempore eorum dominio subjicitur. Non procul ab ipsa prælio maritimo Turcæ victi fuerunt à Christianis anno 1571. Vide quæ de ea urbe dicta sunt *to. 2. hujus operis, coll. 197. 198.* ubi quidem habetur in notitia Græca Leonis Sapientis *Naupactum* sortiri *locum trigessimum sextum* inter metropoles patriarchatus Constantinopolitani; verum id emendandum: nam in ea notitia, prout illam refert P. Goar ad calcem libri *de Officiis Georg. Codini Curopal. edit. Paris. 1648. trigesima quinta* assignatur *pag. 379. λὲ H. Ναύπακτο. 35. Naupactus, & pag. 394. Θέσος τετακτός*



ECCLESIA  
NAUPACTI.

πέμπτος; τῶς Ναυπάκτῃς Ἀιτωλίας: thronus trigessimus quintus; Naupacti Aetoliae. Demum in expositione Imperatoris Domini Andronici Palæologi senioris, quem locum nunc teneant metropoles quæ Constantinopolitano throno subiectæ sunt: ibid. pag. 401. num. 42. μὲν δὲ Ναυπάκτου. ἔα δὲ δὲ. ὃν θένος, εἰς μὲν. κατὰ δὲ. Et ad marg. additur γέρον. 42. Naupacti metropolis, quæ quum trigessimum quintum thronum possideret, ad quadragessimum secundum redacta est. Huic porro ecclesiæ nonnulli præfecti sunt ritus Latini præfules.

## ARCHIEPISCOPI NAUPACTENSES.

## I. ROSTANGUS.

**R**OSTANGUS Candola, Gallus, Narbonensis, Ordinis Prædic. doctor celebris, ex ecclesia Sidoniensi, ad quam eum promoverat F. Petrus de Plana-Cassano, Ordin. Min. legatus apostolicus in Orientem missus, (quem etiam asserit Marianus, cap. 3. fuisse Patriarcham Hierosolymitanum) translatus est anno 1307. à Clemente V. ad metropolitanam Naupactensem. De eo hæc scribit Taëgius in suis monumentis Ord. Præd. teste Fontana in Theat. Domin. pag. 91. tit. 68. Eodem anno (scilicet 1307.) F. Rostangus Candola factus est archiepiscopus Neupoten. (id est Naupactensis) in Achaia per D. Clementem præfatum ante festum omnium Sanctorum. Hic erat episcopus Sydonis, factus per provisionem D. Patriarchæ Hierosolymitani, anno præcedenti ante Natale. Hujus meminit S. Antoninus, part. 3. tit. 23. c. XI. p. 680. col. 1. C. at non dicunt quanto tempore ecclesiam Naupactensem administraverit. Souëgius in præfatione primæ partis mensis Julii anni Dominicani, ubi de ecclesia Nigripontensi, pro Naupactensi Nigripontensem scribit, & Bernardum Guidonis citat: omnes tamen auctores, quos R. P. Antonin. Bremond, tom. 2. Bullar. pag. 125. laudat, scilicet ipsemet Bernardus Guidonis, Cavalerius, Taëgius, Olmeda, Plodius sive Michael Pio, S. Antoninus, Lusitanus, &

A Fontana, hunc constanter aiunt Neupactensem seu corrupte Neupotensem fuisse archiepiscopum: unde hallucinari Souëgius videtur.

## II. JOANNES.

## III. EUSTACHIUS.

Joanne archiepiscopo Naupactensi defuncto, ei substitutus est à Clemente VI. die 26. Junii anno 1345. F. Eustachius de Ancona, Ordinis Minor. tunc guardianus Clarentiæ, diocesis Olenensis in Romania.

B Ita Waddingus, tom. 3. ad annum 1345. num. 8. pag. 531. & in Regest. Pontif. ibid. pag. 322. ubi diploma refert Clementis.

## IV. HERMANNUS.

Anno 1366. sedebat Hermannus, Eustachii fortassis successor, qui Lazarinum Minoritam eo anno Buthroti ecclesiæ sibi suffraganeæ episcopum designavit. Ita Waddingus, 10. 4. annal. Min. ad hunc annum 1366. num. 18. pag. 117.

## V. ANTONIUS.

In nunciis publicis Gallicè scriptis per annum 1731. mentio fit, pag. 534. de Antonio Maria Palavicini archiepiscopo Lepanti, qui eo anno die 7. Octobris Cardinalem Otthoboni ecclesiæ patriarchalis S. Joannis Lateranensis archipresbyterum, dum eam ecclesiam lustraret, comitatus est.

## II.

## ECCLESIA BUTHROTI.

**B**UTHROTUM seu Botrontum, Græcis Βυθρωτὸν, Italis vero Butrinto sive Botronto, Naupactensis ecclesiæ suffraganea, in notitia Græcor. episcopatum, juxta dispositionem Leonis Sapientis, octavo loco ponitur sub throno trigesimo quinto ὁ Βουθροτὸς Buthroti ad calcem libri de Officiis Codini, pag. 394. edit. Paris. 1648. & inferius, ubi: Quæ urbes nomen ultimò mutaverunt: pag. 405. Epirus nunc Butrotum Ἡπειρος τὸ Βοθρωτὸν. Oppidulum est autem Albaniae in Chimara provincia, teste Mich. Antonio Baudrand, tom. 1. geogr. p. 199. col. 2. & in ora littorali maris Ionii & Buthroti sinus, ægre habitatum; subest dominio Turcarum. Vix sex miliaribus distat à Corcyra insula in ortum, 10. vero ab urbe ejusdem nominis in ortum æstivum, & 100. stadiis ab Acrocerauniis montibus in meridiem Nicopolim versus. Eò multi piscatores confluunt. Nonnullos autem ritus Latini habuit episcopos.

## EPISCOPI BUTRHOTI.

## I. NICOLAUS.

**N**ICOLAUS iste Ordinem Præd. amplexus est, & Henrico VII. Lucemburgio Impera-

Dtori Romam petenti ut ibi coronaretur, comes individuus, pro cujus gerendis negotiis magna subiit vitæ discrimina. Relationem hujus itineris ab ipso compositam, ex cod.



ms. 9920. biblioth. Reg. Paris. fol. med. chart. A  
typis dedit clarissimus Baluzius Papar. Aven.  
tom. 2. à col. 1146. ad 1230. sic incipit:  
*Nicolai episcopi Botrontinensis relatio de itinere  
Italico Henrici VII. Imperat. ad Clementem V.  
Papam*, nempe ab an. 1310. ad annum 1313.  
In ea autem ait, col. 1171. *Ab Imperatore  
missus Brixiam, à militibus Brixianorum stipen-  
diariis captus.... petivi quare me ceperant, quum  
essem frater Prædicator, & episcopus, & in via  
eundi ad Cardinales, &c.* Opus curiosum est,  
& merito legendum, inquit P. Echard. 10. 1.  
scriptor. Ord. Præd. pag. 522. col. 2. Addit  
R. P. Antonin. Bremond, tom. 2. Bullar.  
p. 129. de eo agens: *Illum crediderim (fuisse)  
Nicolaum de Ligny coadjutorem Tullensis epi-  
scopi, quem Cavalerius (Galler. Dom.) 10. 1.  
p. 78. n. 245. ex Souëgio, sedente Joanne XXII.  
circa annum 1316. floruisse docet.*

## II. FRANCISCUS.

## III. LAZARINUS. Antonius.

*Francisco* Buthrotensi episcopo mortuo,  
*Lazarinus* Ord. Min. huic ecclesiæ suffectus  
est ab Hermanno archiepiscopo Naupactensi:  
verum Urbanus V. ea electione posthabita,  
illum sua auctoritate ad hanc sedem evexit  
die 9. Febr. anno 1366. Hæc Waddingus,  
tom. 4. ad hunc annum, num. 18. pag. 117.

Ex actis capituli generalis Ordinis Præd.  
Noviomagi anno 1459. die 13. Maii cele-  
brati, discimus tunc sedisse *Antonium de  
Rhegio* episcopum *Botudinensem*, ejusdem  
Ord. alumnum, qui receptus est ad suffragia  
hujus Ordinis. Hunc R. P. Echardus supra  
laudatus censet fuisse *Buthroti* episcopum,  
& erratum esse ex notariorum oscitatione vel  
ignorantia, legendumque *Botruntinensem* vel  
*Buthrotinum*: vult etiam hallucinatum Ughel-  
lum, qui *Botudinensem* ecclesiam non in-  
veniens, putavit substituendum esse *Bituntinam*.  
Ughellus reipsa, tom. 7. Ital. sac. veter. edit.  
col. 939. num. 21. de Antonio ita scribit:  
«*Fr. Antonius de Rhegio*, Ord. Præd. verbi

Dei insignis concionator, egregiusque theo-  
logus, Callisto III. in paucis charus, ab ipso  
*Bituntino* episcopatu (in regno Neapolitano  
sub archiepiscopo Barenfi) ornatus est die 4.  
Maii 1457. (cui) præfuit laudabiliter aliquot  
annos.» Duos autem Fontana distinguit *An-  
tonios de Rhegio in Theatro Domin.* unum,  
quem episcopum *Bituntinum* in Appulia,  
pag. 143. tit. 94. facit ex Ughello: alterum,  
quem *Botudinensem*, non expressa regione,  
appellat, pag. 145. tit. 101. Afferit quoque  
in utroque loco unumquemque illorum à  
Callisto III. fuisse promotum, & in capitulo  
generali apud Noviomagum habito an. 1459.  
ad gratias Ordinis admissum: unus tamen  
duntaxat in actis hujus capituli legitur iis  
verbis quæ ipse refert secundo loco: *Reci-  
piuntur, ad gratias & beneficia Ordinis, FF.  
episcopi. Inprimis acceptamus F. Petrum de  
Venetiis archiepiscopum Corphiensem, D. An-  
tonium de Rhegio episcopum Botudinensem, &c.*  
Verum leviori fundamento nixam hanc dis-  
tinctionem merito explodit R. P. Antoninus  
Bremond, tom. 3. Bullar. pag. 371. ad an-  
num 1457. Bituntinisque episcopis regni  
Neapolitani Antonium adjudicat Diploma  
Callisti III. quod *ibid.* exhibet, hujusmodi  
est: *Callistus episcopus, &c. dilecto filio Antonio  
electo Botontin. salutem, &c. Dudum siquidem  
bonæ memoriæ Paulo episcopo Botontino, &c.  
Datum Romæ apud S. Petrum anno Incarnat.  
Domini 1457. IV. Non. (id est die 4.) Maii,  
pontificatus nostri anno III. ex archivo apost.  
lib. 28 fol. 273.* Porro concordat cum isto  
diplomate Ughellus, qui loco citato, col. 938.  
n. 20. prædecessorem Antonii in sede Biton-  
tinenti Paulum assignat. «*Paulus de Alfatis,*  
inquit, antea episcopus Polinianensis, ad hanc  
Bitontinam ecclesiam translatus est XVIII. kal.  
Jun. 1424. Sedit in hac sede annis 32. (&) «  
obiit anno 1457.» *Bituntinus* itaque in Italia  
præsul *Antonius* iste dicendus, non *Botrun-  
tinus* in Græcia, nec ob quædam amanuen-  
sium errata in duos antistites dividendus.

## III.

## ECCLESIA NICOPOLIS.

*NICOPOLIS*, ex Mich. Anton. Baudrand, 10. 1. pag. 23. col. 1. urbs est Epiri Ptolemæo  
& aliis in Cassiopeia tractu ad ostium Ambracii sinus contra Actium promontorium,  
sedesque episcopalis sub archiepiscopo Naupactensi, nunc *la Prevesa* dicta, teste Sophiano  
& aliis, prope oram maris Ionii, inter Corcyram & Leucadem insulas, & ab Augusto post  
devictum Marcum Antonium condita fuit, & *Nicopolis* appellata, id est, *urbs victoriæ*, ut  
refert Suetonius in ejus vita. Nonnullos episcopos ritus Latini ad Nicopolitanam sedem  
promotos reperio: sed quia præter Nicopolim sub Naupactensi metropoli, quædam aliæ  
extant hujus nominis urbes; puta una in Palæstina sub Patriarcha Hierosolymitano, alia in  
Armenia minori sub archiepiscopo Sebastensi, alia demum in Mysia, ut observat R. P.  
Antoninus Bremond, tom. 2. Bull. pag. 530. definire non ausim an omnes præfules quos  
subjicio, Nicopoli de qua agimus, præfuerint.

Tomus III.

R r r ij



## EPISCOPI NICOPOLIS.

## I. LUCAS.

## II PETRUS.

Post obitum *Lucae* episcopi Nicopolis, renuntiatus est ejus successor à Bonifacio IX. *Petrus de Alba-Regali*, Eremita Augustinian. iv. kal. Decemb. (id est die 28. Novemb.) anno 1390. *Ex Registro Vatic.* Ita Thomas de Herrera ejusdem Ordinis in *Alphabeto Augustiniano*, tom. 2. pag. 261. col. 2. ubi subjungit hunc sine dubio esse illum Petrum episcopum Nicopolensem, cui in Registris hujus Ordinis die 17. Maii anno 1391. conceditur fratrem unum ejusdem Ordinis secum retinendi licentia.

## III. LEONARDUS.

## IV. MARTINUS.

Thomas de Herrera modo citatus observat *ibid.* Petrum sui Ordinis, vel paucis post praefulatum susceptum annis obiisse, vel ad aliam sedem fuisse translatum, utpote quum *ex Regist. Vaticano* constet per obitum *Leonardi* (utique Petri successoris) designatum fuisse episcopum Nicopolensem *Martinum Jacobi*, Minoritam, pridie idus (id est die 14.) Octob. anno 1394. Id quoque refert Waddingus ad hunc annum, tom. 4. num. 5. pag. 306. sub Bonifacio IX. & nominat speciatim sedem Nicopolensem sub patriarchatu Constantinopolitano.

## V. JOANNES.

Martino Minorita mortuo, ei successit in sede Nicopolensi *Joannes Cecchi Offidamus*, ejusdem Ord. Min. successus à praefato Bonifacio IX. iv. idus (id est die 10.) Jan. an. 1396. Ita Wadding. laudatus, to. 4. ad hunc annum, num. 2. pag. 310. Is ecclesiam Fabrianensem sui Ordinis solemniter dedicavit anno 1398. die Dom. ante nativitatem S. Joannis Bapt. ex eodem Waddingo, to. 3. ad annum 1322. num. 25. pag. 274. & tom. 4. ad annum 1398. num. 2. pag. 320.

## VI. FRANCISCUS.

## VII. IVO.

Post obitum *Francisci* episcopi Nicopolensis renuntiatus est à Joanne XXIII. hujus sedis antistes *Ivo Nerocii de Senis*, Ord. Præd. anno 1412. die 31. Augusti. Diploma pontificium profert doctissimus P. Antoninus Bremond hujus tenoris, tom. 2. Bull. p. 514. *Joannes, &c. dilecto filio Ivoni Nerocii de Senis, electo Nicopolensi salutem, &c. per ipsius Francisci obitum, &c. ad te Ordinis FF. Prædic. professorem, &c. Datum Romæ apud S. Petrum*

A 11. kal. Septemb. pontificatus nostri anno III. *Ex archivo apostolico lib. 17. fol. 34.* Hunc Ivonem censuit Minoritam Wadding. to. 5. annal. ad hunc annum 1412. num. 2. pag. 78. sed diploma relatum litem dirimit.

## VIII. PETRUS II.

## IX. MICHAEL.

Si eandem sedem Nicopolensem tenuerunt duo isti praefules, ac Ivo Nerocii modo memoratus, hunc oportet vel brevi decessisse, vel ad aliam sedem post paucos menses fuisse translatum, ipsumque *Petrum* qui ipsi successerit, ex hac vita fere statim migravisse: nam idem Waddingus ad annum 1413. to. 5. num. 6. pag. 82. scribit *Fr. Michaellem Jacobi*, sui Ordinis, regimini Nicopolitanæ ecclesiae sub Patriarcha Constantinopolitano per obitum *Petri* vacantis, à Johanne XXIII. praefato fuisse admotum.

## X. HERMANNUS.

Raynaldus ad annum 1417. num. 10. de Bohemis agens, ita scribit: «Aucta vero est hæreticorum (Hussitarum) improbitas, quum *Hermanno* episcopo Nicopolensi sua infudere «venena. Is enim à Conrado archiepiscopo «Pragenfi renuntiatus, ut vices illius gereret, «hæreticorum multitudinem sacerdotio initiavit, atque ob id scelus munere exaucto- «ratus est à (praefato) Conrado, cujus litteræ «(datae sunt) *Rudnitz anno Domini 1417. die 15. mensis Martii.* Captus est postea Hermannus à Zenkone è Wartemberg, & ab eo «sacerdotalibus sacris initiati, munere sacerdotali interdicti à Constantiensibus Patribus, «nisi à sede apostolica ea censura solverentur.» Inter viginti quatuor articulos praescriptos in eo concilio ad reducendos ab Hussitana hæresi Bohemos, decimus tertius his verbis exprimitur: *Ut presbyteri, vel alii ordinati per dominum Hermannum suffraganeum archiepiscopi Pragenfis, captum per dominum Zenkonem de Wartemberg, cum eis non dispenseretur, sed ad sedem apostolicam remittantur.* Ita Joannes Cochlaeus Germanus *histor. Hussitar. lib. 4. pag. 167. edit. S. Victoris prope Moguntiam 1549.* qui etiam recitat, pag. 169. epistolam Conradi archiepiscopi Pragenfis & apostolicæ sedis legati, qua praefatum Hermannum episcopum Nicopolensem, & suum in pontificalibus vicarium generalem, ab officio hujusce vicariatus amovet, ordinatosque per eundem ab executione ordinum susceptorum suspendit. Addit Cochlaeus, p. 172. *Fratres Ordinis Prædicatorum, qui per solidam sancti Thomæ Aquinatis theologiam hæreticis acerrime*



*resistere solent, præ cæteris invisi erant Hussitis. A de Stenheim, Ord. Præd. quem omiserunt*

ECCLESIA  
CRONENSIS.

XI. WENZESLAUS.

XII. HUGO.

Sede Nicopolensi vacante per obitum  
*Wenzeslai* ejus episcopi, ei præfecit Eugenius  
IV. anno 1437. die 9. Augusti *F. Hugonem*

hujus Ordinis scriptores. Id tamen constat  
ex diplomate pontificio, quod legitur, 10. 3.  
*Bullar. R. P. Antonin. Bremond, pag. 221.*

Aliquot alios non recensio, qui solo Ni-  
copolitano titulo potiti sunt.

IV.

## ECCLESIA CRONENSIS.

**D**E ecclesia Cronensi nihil aliud compertum est, quam quod à Waddingo reponatur  
sub Naupactensi metropoli, hujusque duo memorentur præfules.

### EPISCOPI CRONENSES.

I. \* \* \*

II. MATTHÆUS.

**P**ræfatus Waddingus, *tom. 5. annal. Min.*  
ad annum 1433. *num. 14. pag. 257.* ait ad  
Cronensem (ecclesiam) sub archiepiscopo

**B** Naupactensi *Fr. Matthæum*, Minoritam,  
lectorem sacre theologiæ in conventu Quin-  
que Ecclesiensi, eo anno 11. Non. (id est die 4.)  
Sept. ab Eugenio IV. Papa fuisse evectum,  
post mortem *N.* ejus præfulis.

V.

## ECCLESIA ACTONENSIS.

**E**CCLESIAM Actonensem, aliàs nobis ignotam, reponit Waddingus sub archiepiscopo  
Naupactensi, ejusque duos episcopos memorat.

### EPISCOPI ACTONENSES.

I. THEODORICUS.

II. HERMANNUS.

**E**cclesiæ Actonensi vacanti per obitum  
*Theodorici*, aliàs *G. Fabri*, in præulem datus

**C**est anno 1415. die 6. Mart. tempore synodi  
Constantiensis, *Fr. Hermannus Burburonde*,  
Ord. Min. Ita præfatus Waddingus, *tom. 5.*  
ad eum annum, *num. 21. pag. 101.*

## PROVINCIA NAXIENSIS.

**N**AXUS, insula Græciæ in mari Ægæo, & Cycladum una Straboni, quæ & *Naxos*  
dicta, & olim etiam *Strongyle*, *Callipolis*, *Dionysia* & *Sicilia minor*, Plinio teste, nunc  
vulgo *Naxia* & *Naxia* Sophiano & aliis, *Niesia* quoque quibusdam, satis ampla est, & probe  
cultâ propter fertilitatem: figuræ est fere quadratæ, & circuitus 88. milliarium. Urbem  
habet cognominem, eamque archiepiscopalem cui præest duplex archiepiscopus, Græcus  
nimirum unus, Latinus alter, & octodecim pagos. Erat aliàs ducatus titulo insignita, in  
ditione Sanutorum nobilium Venetorum, nunc autem subest Turcis. Hinc autem marmor  
olim eruebatur *Serpentinum* dictum, seu Ophites Plinio, viride, sed maculis lividis aspersum.  
Paro proxima est, 7. aut 8. milliaribus ab ea distans, & 30. circiter à Delo & à Mycono in  
meridiem. Hæc Mich. Anton. Baudrand, *tom. 2. geogr. pag. 13. col. 2.* Modo memorata  
*Paros* insula, quæ olim episcopatus erat sub archiepiscopo Naxiensi, huic metropoli unita  
est ab anno mundi 6591. juxta æram Constantinopolitanam, Christi 1083. sic enim Græcè  
& Latinè extat ad marginem notitiæ Græcorum episcopat. ad calcem Codini *de Officiis*,  
*pag. 395. Paros & Naxia unitæ sunt, & una metropolis facta mense Maio, indictionis sextæ,*  
*anno 6591. Recensetur ibid. pp. 394. & 395. sub throno 38. Rhodi Cycladum insularum,*  
*nm. 4. & 6. De insula Paros ita loquitur præfatus Baudrand, ibid. pag. 82. col. 1. « Paros,*  
*insula maris Ægæi Straboni & Ptolemæo, una Cycladum, prius Pactya & Minoa, teste Plinio, «*  
*dicta Demetrias, Zacynthus, Hyria & Cabarnis Stephano, nunc Paris vulgo, teste Sophiano, «*  
*Paro aliis. Circuitus ejus est 50. milliar. portu gaudens optimo, duobus castris Kephalos & «*



ECCLESIA  
NAXIÆ.

» *Agosta*, pluribus vicis, & 6000. (circiter) incolis. Milliar. distat 20. à Delo in meridiem:  
» fuit sub dominio Venieræ gentis Venetæ; nunc paret Turcis ab anno 1538. Candido  
» marmore Pario dicto celebratur, & lapide quo veluti Lydio probatur aurum. Ei altera  
» insula adjacet *Antiparos* dicta, vulgo *Antiparis*, quæ etiam culta est, & 18. milliar. habet  
in circuitu.»

Stephanus Byzantius, ad vocem *Paros*, postquam observavit in insula hujus nominis extare quoque urbem ejusdem nominis, quod à *Paro* Parafii filio, Arcade viro, dicitur provenisse, scribit à *Parianis* ortam parcemiam τὸ ἀπαραιστέον, id est, more *Pariorum* pacta frangere. Ut enim Ephorus narrat lib. x. *Miltiades*, alias quidem insulas, quum ad eas appulisset, vastavit: *Parum* vero felicissimam, ac maximam *Cycladum* diu obsidebat, commeatus, qui ei mari poterant inferri, arcebat, ac terra tormentis premebat: jam vero cadentibus muris, ac paciscentibus (incolis) urbem tradere, sylvæ quædam fortuito circa *Miconum* incensa *Parii* existimantes *Datim* ipsis signum dare ne urbem traderent, pacta mentiti sunt, ac urbem *Miltiadi* non tradidere: unde qui pacta mentiuntur ἀπαραιστέον, id est, *Parios* imitari dicuntur.

Præfatus Baudrand, *ibid.* pag. 429. col. 2. *Naxiæ* ecclesiæ suffraganeas accenset *Thinensem* *Tine* in insula cognomine sub Venetis, exemptam tamen, *Milensem* *Milo*, *Scirensensem* *Sira*, *Chiensensem* *Scio*, *Andrensem* *Andro*, *Therastensem* *Santorini*, & *Therammiensem* seu *Termiam*. *Andrensis* porro & *Scirensis*, de quibus jam supra dictum est, coll. 859. 860. & 865. 866. à provincia *Atheniensi* avulsæ fuerunt; *Thinensis* autem, *Milenis* & *Chienis* infra sub provincia *Rhodi* exponentur. Vide *tom.* 1. hujus operis, coll. 937. 938.

## ARCHIEPISCOPI NAXIÆ & PAROS, sive PARO-NAXIENSES.

### I. \* \* \*

ANNO 1345. intentus Clemens VI. auxilio Christianorum in oriente, Imbertum sive Humbertum Delphinum Viennensem, qui postea sæculo valedicens, Ordinem Prædic. amplexus est, exercitus cruce-signatorum ducem creavit, simulque ad archiepiscopos ecclesiarum Cretensis, Patracensis, Atheniensis, Thebanæ, Corcyrensis, Colocensis, *Nicisensis* (id est, ut videtur, *Naxiensis*, siquidem *Naxia* ab aliquibus nuncupatur etiam *Nicis*) *Dyrrachinæ*, *Neopacensis*, & *Neopatre*nsis, eorumque suffraganeos scripsit, ut consilio & opera illum juvarent. Ita Odoricus Raynaldus ad hunc annum, *num.* 6.

### II. \* \* \*

Clementis successor Innocentius pariter VI. ad coercendos Turcarum impetus adversus Catholicos in oriente degentes, litteras dedit inscriptas: Venerabilibus fratribus Petro episcopo Coronensi apostolicæ sedis legato, necnon Patriarchæ Constantinopolitano, ac Nicosensi, Cretensi, &c. *Nixiensi*, &c. archiepiscopis, eorumque suffraganeis, &c. datas Avin. v. idus (id est die 11.) Maii anno VII. Christi 1359. quibus mandabat, ut contra illos zelum Christianorum accenderent. Harum excerptum refert idem Raynaldus ad hunc annum, *num.* 16. Si archiepiscopus iste *Nixiensis* sive *Naxiensis*, alius fuit ab eo qui supra memoratus est, ejus hîc meminimus.

### III. \* \* \*

Anno 1372. Gregorius XI. solemnes Chris-

A tianorum conventus Thebis indixit, quibus Neopatriæ & *Nixiensem* archiepiscopos interesse jussit, ut in iis Orientales Occidentalesque uniri possent ad compescendam Turcarum potentiam. Id legere est apud Raynaldum ad hunc annum, *num.* 29.

### IV. \* \* \*

Paro-Naxiensis archiepiscopus fuisse omnino videtur præsul ille *Nichissiensis*, ad quem Martini V. diploma de promotione F. Joannis de Nardo, Ordinis Præd. ad sedem Santerinensem *Naxiensis* suffraganeam, anno 1423. die 27. Octob. directum legitur apud doctissimum P. Antoninum Bremond, *tom.* 2. *Bullar.* p. 628. Vide infra, ubi de eo Joanne, inter episcopos Santerinenses.

### V. \* \* \*

Anno 1488. die 28. Jul. epistolam scripsit Innocentius VIII. ad archiepiscopum *Naxiensem* de promotione Fr. Marci Stella, Ordinis Præd. ad ecclesiam *Milensem* sive *Melos*, tunc ejus suffraganeam. Legitur hæc epistola *tom.* 4. *Bullar.* R. P. Bremond, pp. 78. 79.

### VI. ROBERTUS.

Robertus de Noe vel de Nola, Apulus, Ord. Præd. vir doctrina & pietate clarus, primum præfectus est ecclesiæ Minerbini sub archiepiscopo Bariensi, ab Innocentio VIII. die 23. Januarii anno 1492. deinde translatus ad Acerranensem in regno Neapolitano ab Alexandro VI. anno 1497. die 15. Maii. Demum ecclesiarum unitarum *Naxiæ* &



*Paros* curam suscepit anno 1504. die 15. April. ex *Actis Consistorialibus* Julii II. Ita Ughellus, tom. 6. col. 257. num. 21. D. Fontana & alii.

#### Joannes. VII. PAULUS.

Roberto probabiliter successit in sede Paro-Naxiensi circa annum 1515. *Paulus Zabarrella*, Eremita Augustinianus, de ecclesia Argolicensi ad istam translatus, de quo vide quæ supra dicta sunt, col. 902. D. inter episcopos Argolicenses.

R. P. Bremond, tom. 4. *Bullar. Ord. Præd.* pag. 273. refert diploma Julii II. datum vi. kal. Septemb. (id est die 27. Augusti) anno 1508. *Fr. Joanni* Ord. Præd. archiepiscopo *Nazariensi*. Ait vero hanc ecclesiam *Nazariensem* esse *Naxensem*, quæ vulgo *Naxia* & *Nacfa* nuncupatur in ejusdem nominis insula maris *Ægæi*, vel fortassis *Nazareth* in Palæstina. Subscriberem libenter pro sede Naxensi, nisi obstaret quod ex *Cavaler. to. 1. pag. 328. num. 373.* anno 1508. Naxiensi præsideret Robertus supra memoratus, qui non obiit nisi circa annum 1515. nec dicitur antea translatus ad aliam ecclesiam. Hinc itaque is Joannes, quem omiserunt inter Ordinis Præd. præfules Fontana, Cavalerius, &c. archiepiscopis Paro-Naxiensibus accensendus non videtur; sed potuit esse episcopus Nizariensis sub metropoli Rhodiorum.

#### VIII. JACOBUS.

#### IX. JOSEPHUS.

Waddingus, tom. 8. *annalium Minor.* ad annum 1538. num. 11. pag. 631. scribit assumptum esse eo anno ad archiepiscopatum Naxiensem & Pariensem in Archipelago *Fr. Josephum de Montanaris*, Minoritam conventualem, per obitum *Jacobi de Cupis*, die 23. Septembris, ipsumque ex hac vita migrasse anno 1540.

#### X. SEBASTIANUS.

*Sebastianum* hunc *Leccavellam* cognominatum, hominem Græcum, & Ord. Præd. ad præsentationem ducis Archipelagi, prout in *Actis Consistorialibus* fertur, Naxiensis & Pariensis ecclesiarum unitarum archiepiscopum Paulus III. creavit anno 1540. die 12. Maii. Is concilio Trident. interfuit, & Bononiæ, quo illud sese receperat propter pestem Tridenti grassantem, missam coram eo solemniter celebravit die 21. April. anno 1547. promulgavit quoque decretum, *ibid.* editum, teste Cavalerio, tom. 1. pag. 408. num. 178. Postea à Pio IV. ad Litterensem ecclesiam in regno Neapolit. translatus est anno 1562. die 16. Decembris, quam sponte dimisit, ut

reliquum vitæ tempus sub regulari sui Ordinis disciplina transigeret. Obiit Romæ, ex præfato Cavalerio, anno 1566. die 13. Novemb. ætatis suæ 51. fuitque sepultus in ecclesia S. Mariæ super Minervam.

#### XI. ANTONIUS.

#### XII. FRANCISCUS.

Translato ad Litterensem ecclesiam Sebastianus Leccavella an. 1562. die 16. Decemb. à Pio IV. ut modò dictum est, statim iisdemque die & anno ab eodem Papa ad ecclesiam Paro-Naxiensem evectus est *Antonius Justiniani*, Græcus, qui in insula & urbe Chienfi an. 1505. de gente Patritia, & Justinianorum stirpe satus Ordinem Præd. amplexus fuerat Januæ in conventu S. Mariæ del Castello die 5. April. anno 1524. Is insignis evasit concionator & theologus. Quæsitior etiam fidei institutus est in insula Chienfi à Julio III. anno 1550. ex quo munere ad dignitatem archiepiscopalem supra memoratam ipsum promovit Pius IV. Verum quia Joannes Crispus dux Naxiensis molestè tulerat quod *Franciscus Pisani*, vir quidem probus, sed natalibus ortus illegitimis, & illiteratus, huic ecclesiæ non fuisset præpositus, ejus votis obsecundans Pius Papa, ad sedem Lipparitanam in Sicilia, quamvis tantummodo episcopalem, Antonium transtulit die 12. Maii anno 1564. & *Franciscum* præfatum ecclesiæ Paro-Naxiensi præfecit, quem Ughell. tom. 5. *Ital. sac. col. 1424. num. 35. A. vet. edit.* ad Clugientem ecclesiam translatus anno 1569. die 29. Jul. & obiisse anno 1573. refert.

Quod ad Antonium attinet, concilio Tridentino adfuit sub postremis ejus sessionibus; ecclesiam deinde Liparitanam strenuè administravit usque ad obitum suum anno 1571. & in cathedrali sepultus est. Vide Ughellum in *Append. to. 2. Ital. sac. vet. edit. col. 1058. num. 39. D. Cavalerium, tom. 1. pag. 431. num. 208. & P. Echardum, tom. 2. scriptor. Ord. Præd. ad annum 1571. pag. 214. col. 2.*

#### XIII. ANGELUS.

De isto Angelo hæc nos docet Ughellus, tom. 1. *Ital. sac. col. 804. num. 56. A. veteris editionis.* « *Angelus Gozadinus*, Bononiensis, archiepiscopus Nixiensis & Pariensis, archiepiscopatus Bononiensis suffraganeus pro « Cardinali Ludovisio: sublectus est episcopus « Castellanus atque Hortanus à Gregorio XV. « anno 1621. » Eo adhuc superstiti, hæc scribebat Ughellus, cujus hic tomus editus est Romæ anno 1644.

#### XIV. NICEPHORUS.

*Nicephorus Melissenus Comnenus*, Neapoli



ECCLESIA  
NAXIÆ.

natus patre Theodoro Æni Despota, in Aetate episcopi sunt, Naxi, Raphael Sciattinus, Chius: Chii, &c.

Quum autem à Turcis in carcerem trusus, tandem liber dimissus esset, in Italiam reversus est, Galliamque & Hispanias peragravit, ubique honorifice receptus. Ex Naxiensi ecclesia ad Crotoniensem in Italia translatus est ab Urbano VIII. anno 1628. die 29. Maii. Obiit die 5. Febr. anno 1635. Ita Ughellus, *10. 9. Ital. sac. veteris editionis col. 535. & seqq. num. 45. D.*

## XV. RAPHAEL.

Quo tempore Leo Allatius libros de utriusque ecclesiæ occidentalis & orientalis perpetua consensione scribebat, anno 1648. editos, Naxiæ archiepiscopatum gerebat Raphael Sciattinus Chiensis. Sic enim testatur, *lib. 3. cap. 12. col. 1057. In maris Ægæi insulis archiepiscopum unum & sex episcopos, omnes Latinos, Latino ritu quem ipsi sequuntur ordinatos, Romano Pontifici obnoxios (ecclesia Latina) habet. Qui præest Naxo, archiepiscopi; qui Chio, Andro, Scyro, Sanctæ Irenæ, Milo, & Thermiis, episcopi titulum sibi vindicant. Singuli subjectos populos ex ritu Latino regunt. Chii, ut ex relationibus apostolicis liquet, Latinorum decies mille capita numerantur. Hac*

B *F. Petrus Martyr Justiniani, Ord. Præd. Chiensis, nobili progenie ortus, alumnus conventus S. Dominici Genuensis in provincia Lombardiæ, sacre theologiæ professor, qui fuerat vicarius conventus Peræ in suburbio Constantinopolis, item conventus Chiensis, ad archiepiscopatum Paro-Naxiensem evectus est anno ætatis 45. Christi 1691. die 10. Decemb. ab Innocentio XII. Vivebat adhuc anno 1696. Ita Cavalerius, tom. 1. pag. 687. num. 214. Ejus quoque meminit doctissimus P. Antonin. Bremond, tom. 6. Bullar. pag. 434.*

## XVIII. JOANNES.

Joannes Franciscus Bossi, episcopus Scyrensis, refertur in nunciis publicis Gallicè scriptis per annum 1730. renuntiatus Naxiensi præful eo anno die 2. Octob. Romæ in consistorio coram Clemente XII. *p. 523.*

## XIX. ANTONIUS.

Anno 1733. die 13. April. Antonius Maturi à præfato summo Pontifice Clemente XII. præful Naxiensis in Archipelago renuntiatus est. Ex iisdem nunciis per eum annum, *p. 236.*

## II.

## ECCLESIA SANTERINI.

SANTERINI, sive Sant-Erimi Græcis & Italis, & Saint Erin Gallis, quasi Sanctæ Helenæ, olim Therasia nuncupata, insula est maris Ægæi, & una Sporadum Straboni & Plinio, satis culta, cum 1500. incolis: habet 30. milliaria circuitus, octo vicos & aliquot castra, quorum præcipuum Scaro dicitur, & duo alia Acortiro & Nebio. Distat ea insula 18. milliar. ab insula Io, 40. à Melo in ortum, & 36. ab ora proximiori Cretæ insulæ in septentrionem: est vero duplex, nempe magna, Santerini nunc appellata, & parva, quæ antiquum fere nomen retinet, Tiresia dicta. Hæc priori adjacet ad occasum, à qua anno 1507. terræ motu divisa fuit, & utraque terræ incendiis posterioibus temporibus non parum afflictæ est. Turcis subijcitur Santerini insula, in qua duo sunt episcopi, Græcus & Latinus, Paro-Naxiensis archiepiscopi suffraganei. Hæc Mich. Anton. Baudrand, *tom. 2. geogr. ad vocem Therasia, pag. 308. col. 2.*

## EPISCOPI SANTERINI.

## I. JOANNES I.

## II. JOANNES II.

Mortuo Joanne Santerini episcopo, ei successus est anno 1423. die 27. Octobris

D Joannes alter dictus de Nardo, Ordinis Præd. ex R. P. Bremond, *tom. 2. Bullar. pp. 627. 628. ubi 4. diplomata Martini V. leguntur. Tertium quidem illorum archiepiscopo Nichifensi, ut metropolitano, scriptum est, quem corrupte*



corrupte pro *Nicosiensi* positum censet præfatus R. P. Bremond, pag. 628. nota 3. & p. 704. Verum (pace ejus dixerim) *Nixiensis* potius adstruendus ille videtur, id est *Naxiensis* sive *Paro-Naxiensis*; tum quia in epistolis Clementis VI. Innocentii VI. & Gregorii XI. quarum supra meminimus, coll. 1003. C. & 1004. A. B. archiepiscopus Naxiæ *Nixiensis* appellatur; tum quia Cyprus insula, quæ Patriarchatus est Antiocheni, non Constantinopolitani, longius distat ab insulis Cycladibus, ut *Santerini* illarum una, *Nicosiensis* metropolis in Cypro suffraganea existimari debeat; tum denique quia nusquam *Santerini*, sicut nec cæteræ insulæ Cycladum, recensita in provincia *Cypri* reperitur, vel sub *Nicosia* metropoli; sed in provincia harummet *insularum*, prius sub *Rhodo* metropoli, deinde sub *Naxiensi*. Ita enim Ferrarius ab ipso R. P. Bremond, pag. 628. nota 3. citatus: ita etiam Baudrand, tom. 2. geogr. pag. 308. col. 2. & pag. 429. col. 2.

## III. DOMINICUS.

Anno circiter 1483. Fr. Dominicus Terdonensis, Ord. Præd. renunciatus est episcopus Santerinensis, teste Fontana *Theat. Domin.* pag. 285. tit. 514. ex *Regest.* Salvii Cassetæ magistri generalis ejusdem Ordinis.

## IV. JACOBUS.

Fr. Jacobus Calatayud, Ord. quoque Præd. Santerinensi ecclesiæ præfuit anno 1521. à Leone X. promotus. Hæc Fontana in *monum. Domin.* ad eum annum, pag. 431. & R. P. D. Bremond, tom. 4. Bullar. pag. 405.

## V. MARCUS.

Fr. Marcus Laureus, ejusdem Ordinis, episcopus Santerinensis creatus est à Paulo IV. anno 1555. die 16. Decemb. ex *Reg. Cancell. apostolicæ*; deinde translatus fuit ad ecclesiam Campaniensem in Italia à Pio IV. an. 1560. & decessit anno 1571. Hujus meminere Ughellus, tom. 7. vet. edit. col. 655. num. 3. D. Fontana *Theat. Dom.* pag. 285. tit. 514. & R. P. Bremond, tom. 5. Bullar. pag. 55.

## VI. BERNARDUS sive BERNARDINUS.

Anno 1565. Fr. Bernardum sive Bernardinum, Tropeiensem in Calabria, Ord. Præd. ecclesiæ Santerinensi præfectum à Pio IV. referunt præfati Fontana, *ibid.* & R. P. Bremond, *ibid.* pag. 108.

## VII. ANGELUS.

Fr. Angelus Calepius, Cyprius, Ord. Præd. post varias fortunas ad episcopatum Santerinensem evectus est anno 1583. die 7. Nov. Obiit Neapoli anno 1594. die 19. Augusti. De eo legendus R. P. Echard. tom. 2. *script.* pag. 310. col. 2.

## VIII. ANTONIUS.

Fr. Antonius de Marchis, Chienfis, ejusdem Ordinis Præd. episcopus Santerinensis evasit circa finem sæculi XVI. vel initium sequentis, & obiit anno 1611. ex Cavalerio, tom. 1. pag. 537. num. 349. & Fontana *Theat. Dom.* p. 684. qui citat abbatem Mich. Justin. in *Scio sacra*.

## IX. PETRUS.

Fr. Petrus de Marchis, etiam Chienfis & Ord. Præd. Antonio successit anno 1611. die 18. Aprilis. Ad ecclesiam Smyrnensem translatus est ab Urbano VIII. circa annum 1640. Obiit anno circiter 1645. De eo agit R. P. Echard. tom. 2. *script.* pag. 547. col. 2. Hunc asserit Fontana *Theat. Dom.* pag. 100. tit. 91. Fr. Antonii de Marchis fuisse nepotem.

## X. ANDREAS.

Petro substitutus est anno 1640. in ecclesia Santerinensi Andreas Sophianus, Chienfis, qui anno sequenti ad Chiensem transiit, ex abbate Mich. Justin. in *Scio sacra* pag. 203.

## XI. HIERONYMUS.

Leo Allatius, lib. 3. de *consens. cap. 10. num. 3. col. 1057.* testatur Sanctæ Irenæ sive *Santerini* episcopum fuisse Hieronymum Paduanum, dum ipse scriberet illud opus, editum anno 1648.

## XII. GUARCHI.

In nunciis Gallicis anni 1731. pag. 139. legitur D. Julium de Turris in episcopum eo anno die 18. Febr. consecratum ab archiepiscopo Antiocheno, assistentibus Bovæ & Santorini præsulibus. Hic postremus fortassis est ille D. Guarchi, episcopus de Santorino, qui anno 1734. die 10. Febr. sacrum solemniter celebravit in collegio de propaganda fide, coram DD. Cardinalibus hujus Congreg. pro recens defuncto Cardinale Falconerio. Ex nunciis hujus anni 1734. pag. 126.



ECCLESIAE  
THERÆ  
five  
TERMIÆ  
& CEÆ.

## ECCLESIAE THERÆ five TERMIÆ

III.

&amp; CEÆ, unitarum.

**T**HERA, teste Mich. Baudrand, *tom. 2. geogr. pag. 308. col. 1.* insula est maris Ægæi, quæ olim *Callista* appellata fuit: eam Bordonius interpretatur *Antimilo*.... sed aliis est *Termia* insula circuitus 40. milliar. prope Seriphum, à qua distat 8. milliar. & 10. à *Zea* five *Cea* insula. *Thera* minime confundenda est cum *Therasia* five *Santerino*: de iis enim, ut distinctis insulis, loquitur Strabo, *lib. 1. pag. 57. C. D. edit. Casaub. anni 1620.* «Si quis » referat, inquit, quæ *Theræ* & *Therasiæ* ὡς Θήρα & Θερσίου evenerunt, insulis in freto sitis, &c.» Potuerunt quidem olim duæ istæ insulæ unam conflare ecclesiam, ut colligitur ex *tom. 1. præsentis operis, coll. 941. & 942.* at hisce posterioribus sæculis specialem habuere episcopum Latinum sub Paro-Naxiensi metropoli: unde Leo Allatius, *lib. 3. de consens. cap. 10. num. 3. col. 1057.* ait: «Qui præest *Naxo*, archiepiscopi; qui *Chio*, *Andro*, *Scyro*, » *Sanctæ Irenæ* (id est *Santerino* five *Therasiæ*) *Milo*, *Termiis* (id est *Theræ*) episcopi titulum sibi vindicant.» Et Baudrand, *tom. 2. geogr. pag. 429. col. 2.* episcopatus recensens, nunc metropoli Paro-Naxiensi subditos, *Therasiensem* *Santorini*, & *Theramniensem* *Termiam* commemorat.

De *Ceenfi* ecclesia, nunc conjuncta cum *Theramniensi* five *Termiensi*, ac identidem de utriusque præsulibus Latinis jam supra egimus, *coll. 867. & 868.* sub metropoli Atheniensi, cujus *Cea* olim suffraganea erat.

## PROVINCIA NEOPACENSIS.

ECCLESIA NEOPACENSIS  
METROPOLIS.

**D**E ecclesia *Neopacensi* nihil aliud nobis compertum est, nisi quod illi præfuerint sæculo XIV. nonnulli præsules Latini.

## EPISCOPI NEOPACENSES.

I. \* \* \*

**A**NNO 1345. Humberto five Imberto Delphino Viennensi exercitus cruce signatorum adversus Turcas constituto duce, scripsit Clemens VI. Cretensi, *Neopacensi*, &c. archiepiscopis, ut ipsum consilio & opera juvarent. Ita Raynaldus ad eum annum, *num. 6.*

II. \* \* \*

A præcedenti alter fortassis fuit, cui, ut B & aliis in Græcia morantibus præsulibus Latinis mandavit Innocentius VI. anno 1359. die XI. Maii, ut contra Turcas religionem catholicam strenue propugnari curarent. Apud eundem Raynaldum ad eum annum, *n. 16.*

III. DONATUS.

Fr. Donatus de Benevento, Eremita Au-

A gustinian. archiepiscopus *Neopacensis* creatus est anno 1366. die 19. Jan. *Ex Reg. Vatic.* Ita Thomas de Herrera *Alphab. Augustiniani tom. 1. pag. 196. col. 2.*

IV. JOANNES.

Anno 1394. ecclesiæ *Neopacensi* præerat Joannes quidam sedis apostolicæ nuntius in Achaia, cui Bonifacius IX. per epistolam datam eo anno die 3. Januar. injunxit ut per se, vel per alios ad hoc idoneos, in regnis Dalmatiæ, Croatiae, Bosniæ, & Slavoniæ crucis signa attolleret in Turcas, Achaiam & Athenarum ducatum depopulantes. Hanc epistolam profert Raynaldus ad hunc annum, *num. 23.*





# PROVINCIA NEOPATRIÆ.

## I. ECCLESIA NEOPATRIÆ METROPOLIS.

**I**N Leonis Imperatoris notitia, quæ extat Græcè & Latinè ad calcem voluminis Codini *de Officiis*, duæ distinguuntur metropoles *Patrarum*: una quæ *Patrarum Peloponnesi* τῆς Πατρῶν Πελοποννήσου, sub throno trigesimo secundo, pag. 392. quæ etiam appellatur *Patræ veteres*: altera quæ *novarum Patrarum Græciæ* τῆς νεῶν Πατρῶν Ελλάδος, sub throno quinquagesimo, pag. 397. In expositione etiam Imperatoris Andronici Palæologi senioris mentio de utraque habetur, pag. quidem 401. num. 39. *Veterum Patrarum metropolis, quum thronus trigessimus secundus esset, trigessimus nonus evasit.* λθ'. Ο παλαιὰν Πατρῶν. Ἐν αὐτῇ λθ'. ἔστι εἰς λθ' ὑπερβιάσθη. pag. vero 402. num. 61. *Novarum Patrarum metropolis ex quinquagesimo loco ad sexagesimum secundum devenit.* ξα'. Ο νέαν Πατρῶν. Ἐν αὐτῇ ν'. οὕτως, εἰς ξβ'. ὑπερβιάσθησαν.

Constat itaque novas *Patras* à *veteribus Patris*, sive *Patris* simpliciter, toto cælo differre.

## ARCHIEPISCOPI NEOPATRENSES.

### I. \* \* \* fortassis JOANNES I.

**P**Lures suppetunt Innocentii III. epistolæ archiepiscopo *Neopatrensi* datæ, scilicet epistolæ 179. & 189. lib. XI. anno 1208. 13. 47. 101. 102. 103. 112. 113. 116. 120. 136. 137. 152. 154. & 192. lib. XIII. de variis negotiis anno 1210. Anno sequenti 1211. idem Papa episcopum Zaratoniensem cum decano Thebano & cantore Davaliensi, epistola 98. lib. XIV. data apud Cryptam Ferratam die 21. Augusti commisit, qui diligenter inquirerent de multis excessibus quorum accusatus fuerat archiepiscopus *Neopatrensis* à decano & capitulo ecclesiæ suæ apud sedem apostolicam. Quis fuerit exitus hujus litis nos latet; subindeque pariter latet an archiepiscopus ille *Neopatrensis* sit *Joannes* quidam *Neopatrensis* archipræful, quem Molanus in SS. Belgii refert post Lateranense concilium anno 1215. celebratum, cui interfuit, reliquias sacras aliquas, præsertimque duos digitos S. Nicolai, ad Gemblacense monasterium ex quo fuerat assumptus, misisse. Inter metropolitæ porro quos idem Innocentius III. datis encyclicis litteris die 19. Aprilis an. 1213. ad præfatum concilium Lateranense vocavit, archiepiscopus *Neupratensis* reperitur: fortassis mendum est pro *Neopatrensi*. In eodem modo (archiepiscopis & episcopis) per *Neupratensem* (provinciam constitutis) tom. XI. conciliorum Labb. part. 1. col. 126. A.

### II. \* \* \*

Raynaldus, to. 15. ad annum 1320. n. 48. scribit à Johanne XXII. Papa *Neopatrensi* archiepiscopo datam provinciam, ut ad Ceph-

Tomus III.

A *loniæ* comitem qui Græcorum schisma amplexus erat, ad Latinum ritum revocandum operam impenderet.

### III. \* \* \*

Anno 1345. Clemens VI. scripsit ad plures metropolitanos eorumque suffraganeos Latini ritus in Græcia degentes, inter quos archiepiscopus *Neopatrensis* memoratur, ut eos certiores faceret Humbertum Delphinum Viennensem cruce signatorum exercitus adversus Turcas constitutum esse ducem, quatenus ipsi consilio & ope adessent. Ita Raynaldus ad eum annum, num. 6.

### IV. \* \* \*

Eidem fortassis, si adhuc superstes erat, vel ejus successor in sede metropolitana *Neopatrensi*, Innocentius VI. scripsit, ut & multis aliis archiepiscopis eorumque suffraganeis, anno 1359. epistolam datam Avin. die 11. Maii, qua eos acerrime hortatur ne religioni catholice graviter periclitanti ob Turcarum impetus deficerent. Extat apud eundem Raynaldum ad annum 1359. num. 16.

### V. FRANCISCUS.

Anno 1372. fedebat *Neopatrensis* archiepiscopus quidam *Franciscus* nomine, quem narrat Raynaldus ad eum annum, num. 29. à Gregorio XI. missum, ut Græcorum Imperatorem aliosque principes incitaret ad ineundum fœdus inter se contra Turcas. Ea etiam de re litteras scripsit idem Gregorius ipsi Imperatori Joanni Palæologo, datas Avin. die 13. Novemb. anno 1372.

SSS ij



ECCLESIA  
NEOPATRIÆ.

## VI. MATTHÆUS.

Vacante per Francisci obitum Neopatrensis ecclesiæ sede, illi successus est à Gregorio XI. *Matthæus* Ord. Min. die 6. Febr. anno 1376. Ita Waddingus, *to. 4. annal. ad hunc annum, num. 6. pag. 220.*

## VII. JOANNES II.

Thomas de Herrera, *Alphab. Augustiniani tom. 1. pag. 428.* ad annum 1394. hæc habet de quodam Joanne sui Augustiniani Ordinis alumno. «*Joannes Ruis*, de provincia Aragoniæ, erat circa annum 1394. episcopus *Neopatrensis* in Græcia, ut legi in archivo præfulum Bertusienſium.» (*Neopatrensis* probabiliter hic ponitur per mendum amanuensis pro Neopatrensis.) Pergit Thomas. «Celebravit enim Ordines Bertusæ anno 1379. 1380. & 1399. referturque in Registris anni 1381. fuisse Johannem provisum de ecclesia Neopatrensi per Patriarcham Constantinopolitanum, ejusque provisionem de mandato summi Pontificis à D. Cardinali Prænestino confirmatam, eumque à D. episcopo Segobricensi solemniter consecratum.» Hæc Thomas de Herrera, in quibus tamen provisio, confirmatio & ordinatio Joannis pro episcopatu Neopatrensi sub anno 1381. evidenter contradicerent collationi Ordinum sacrorum, quæ dicitur facta ab eodem Joanne, ut præfule Neopatrensi, annis 1379. & 1380.

A nisi eadem provisio, confirmatio & ordinatio, licet sub anno 1381. scriptæ in Registris, quia fortassis ex incuria superius omissæ fuerant, accipiantur tanquam de re præterita jam ab aliquibus annis. Ab hoc Joanne autem dimissam fuisse necesse est sedem Neopatrensem ante annum 1399. quo adhuc superstes erat: nam anno 1393. sedebat alter Joannes, ex Ordine Min. assumptus, ut modo patebit.

## VIII. JOANNES III.

Waddingus, *to. 2. ad annum 1292. n. 42. pag. 639. & tom. 4. ad annum 1393. num. 1. pag. 302.* scribit ex Monte Luponum in Piceno ortum, & hujus conventus alumnum *Fr. Joannem*, Minoritam, archiepiscopum Neopatrensem, ecclesiam S. Francisci Montis Ulmi consecrasse anno præfato 1393.

## IX. LUCHINUS.

Ughellus, *to. 4. Ital. sac. vet. edit. col. 1403. num. 9. A.* scribit *Luchinum*, Naulensem episcopum, ex Ordine Minorum à Bonifacio IX. ad ecclesiam Neopatrensem fuisse translatum anno 1396. *Ex lib. 1. Provif. Prælatorum.*

## X. BENEDICTUS.

Idem Ughellus, *tom. 7. col. 186. num. 21.* D. ait *Benedictum de Arpino*, ejusdem Ordinis Minor. ex episcopo Potentino ad ecclesiam Neopatrensem transiisse anno 1402. *Ex lib. Solut. Prælatorum.*

## II.

## ECCLESIA LAVATENSIS.

DE ea ecclesia nihil aliud nobis notum est, nisi quod Waddingus, *tom. 3. annalium Min. hanc memoret ut metropolis Neopatrensis suffraganeam, duosque episcopos ei assignet ad annum 1329. num. 17. pag. 370.*

## EPISCOPI LAVATENSES.

## I. JOANNES.

## II. HENRICUS.

WADDINGUS modo laudatus sic scribit: «*Fr. Henricus de Apoldia* (Minorita) ad La-

*vaternensem* sub archiepiscopo Neopatrensi per mortem *Joannis* (promotus est à Joanne XXII. diplomate,) *Summi dispositione Regis, iv. Non. (id est die 4.) Julii.* Diploma illud refert *ibid. in Regest. Pontif. pag. 197.*





# PROVINCIA NICOMEDIENSIS.

## I. ECCLESIA NICOMEDIENSIS METROPOLIS.

**N**ICOMEDIA, urbs Asiæ minoris in Bithynia Ptolemæo & Pausaniæ, olim clarissima, vulgo *Comidia* Europæis, & *Isnigimid* Turcis, per abbreviationem vero *Ismid*, teste Leunclavio, prope Propontidem & sinum Astacenum, qui ab ea nunc dicitur Gallicè *le Golfe de Comidia*, hodie pene deserta est. Extat inter Byzantium ad occasum, & Nicæam ad ortum, ut narrat Busbequius testis oculatus. Ita Mich. Antonius Baudrand in *Lexico geogr.* tom. 2. pag. 23. col. 1.

### ARCHIEPISCOPI NICOMEDIENSES.

#### I. \* \* \* electus.

**A**Nno 1208. electus fuerat in archiepiscopum Nicomediensem *vir quidam*, ad quem simul & alios de variis negotiis Innocentius III. direxit epistolas 41. & 54. lib. XI. datas die 10. Martii & die 17. Aprilis. Me fugit autem qua de causa electus adhuc duntaxat, & nondum consecratus, migraverit ex hac vita anno 1211. ut ex modo dicendis patebit.

#### II. S.

Hujus præfulis nomen à littera S. incepisse novimus ex epist. 90. lib. XIV. Innocentii III. data VII. kalend. Augusti anno XIV. id est die 26. Jul. anno 1211. in qua hæc scripsit Pontifex *episcopo Salimbriensi, & Variensi electo, & Theodorico canonico Constantinopolitano*: « Tam ex litteris dilectorum filiorum » capituli Nicomediensis ecclesiæ, quam charissimi in Christo filii nostri.... illustris Constantinopolit. Imperatoris accepimus quod.... ejusdem loci *electo* viam universæ carnis ingressu, iidem capitulum convenientes in unum, dilectum filium S. ejusdem ecclesiæ thesaurarium, sancti Spiritus gratia invocata, elegerunt unanimiter in pastorem; sed quum electionem ipsam à bonæ memoriæ Patriarcha (Thoma Mauroceno) Constantinopolitano petierint confirmari, ipse nihil obiciens quare id fieri non deberet, eandem confirmare penitus recusavit. Unde quum tam à prædicto Imperatore, quam (ab) aliis exoratus, ipsam, hujusmodi adjecta conditione,

A voluerit postmodum confirmare, ut sibi partem possessionum ejusdem ecclesiæ retineret, ipsi, deliberatione præhabita, id facere penitus recusantes, dictum S. ad sedem apostolicam destinarunt, electionem ipsam auctoritate postulantes apostolica confirmari. Quocirca discretionis vestræ per apostolica scripta mandamus, quatenus, si electionem eandem de persona idonea repereritis canonice celebratam, vos eam auctoritate nostra, sublato cujuslibet contradictionis & appellationis obstaculo, confirmetis, &c.»

**B** Ab illo archiepiscopo Nicomediensi, vel fortassis ab ejus successore, Honorius III. rogatus anno 1223. quomodo sese gerere deberet erga quosdam Græcorum monachos, qui Romanæ ecclesiæ fidos ac obsequentes se fore polliciti, alicui nihilominus Græco Patriarchæ Nicæno appellato obedientiam detulissent, respondit eos censuris ecclesiasticis, atque implorato etiam magistratuum auxilio, si res posceret, ad obsequium ecclesiæ Romanæ reducendos. Ita Raynaldus ad eum annum, num. 13.

#### III. ALBERTUS.

Ex Ughello, tom. 8. Ital. sac. vet. edit. in *episcopis Lesinensibus*, col. 445. num. 5. B. C. Albertus Ordinis Min. à Clemente VI. ex episcopo Nicomediensi translatus est ad ecclesiam Lesinensem anno 1348. die X. Novemb. Pontif. VII. in *Reg. Vatic. epist. 41. fol. 56.* Obiit anno 1351.

## II. ECCLESIA CHALCEDONIS.

**C**HALCEDON, urbs Asiæ minoris in Bithynia Plinio, Straboni & Ptolemæo, *Chalcedonia* Livio, perantiqua est, anno post Romam 148. condita; nunc vicus Turcis *Calciin* dictus, *Calcedona* exteris. Extat in ora Propontidis, ex adverso Byzantii milliario distans, Bosphoro intercedente. Hæc, teste Plinio, urbs *Cæcorum* nuncupata fuit, eo quod locum



ECCLESIA  
CHALCE-  
DONIS.

eligere nescissent hujus oppidi conditores. Narrat enim Strabo, lib. 7. pag. 320. C. ferri Apollinem iis qui, condita jam Chalcedone à Megarensibus, Byzantium condiderunt, oraculum sciscitantibus mandavisse ut è regione cæcorum urbi locum caperent, cæcorum nomine notantem Megarenses, quod quum priores ad ista loca navigassent, omissa in ulterius litus navigatione, in quo tanta esset commoditas (piscationis Pelamydis piscis delicatissimi) deteriora loca occupaverint. Ad eorum quippe portus, ut paulo supra asseruit idem Strabo *ibid.* Pelamys non appellit. Vide Mich. Anton. Baudrand, pp. 259. & 260. & tom. 1. præsentis operis, coll. 599. 600. Archiepiscopalis est, sed sine suffraganeis, ut expresse dicitur in notitia Græcor. episcopat. Leonis Sapientis, ad calcem Codini *de Officiis*, pag. 385. thronus nonus. Chalcedonis Bithyniæ metropolitæ nullus thronus est subjectus. Θεῖον ἐννατος. τῶς Χαλκηδόνος Βιθυνίας θεῖος ἐποποιεῖντος ὁν ἐστ. Id honoris sedi Chalcedonenfi redditum à Patribus Chalcedonenfibus, concilium IV. generale in ea urbe celebrantibus anno 451.

## EPISCOPI CHALCEDONIS.

## I. PAULUS I.

**A**Nno 1345. à Clemente VI. Fr. Paulus Lapus de Bolenziis, Ord. Præd. conventus Florentini S. Mariæ Novellæ alumnus, Chalcedonenfis archiepiscopus renunciatus est: Hunc memorat Fontana in *Theatro Domin.* pag. 150. tit. 120. Eundem obiisse tradit Cavalerius, tom. 1. pag. 140. num. 178. circa annum 1353.

## II. PAULUS II.

Ughellus, tom. 2. *Ital. sac. col.* 495. n. 25. B. veteris edit. meminit cujusdam antistitis Chalcedonenfis, qui vivebat anno 1370. «Fr. Bernardus de Guasconis, Florentinus, Ord. Minor. & episcopus Concordienfis, electus episcopus Cervienfis (anno) 1370. III. kal. April. (id est die 30. Mart.) Hic à S. Andrea Corsino in Florentina cathedrali inauguratus fuit die 27. Maii ejusdem anni, assistentibus jussu Pontificis, Lucio episcopo Cæsenate, ac præfule Chalcedonenfi.» Idem Ughell. *10. 7. col.* 1190. num. 12. B. refert Benedictum de Cavalcantibus, Etruscum, Ordinis Minor. episcopum Rapollanum, munus consecrationis accepisse Florentiæ ex dispensatione apostolica à S. Andrea Corsino episcopo Fesulano, anno 1371. die 6. April. assistentibus Lucio Cæsenatensi, & Paulo Chalcedonenfi episcopis. Ex quibus inferre licet episcopum Chalcedonis anno 1370. modo commemoratum, hunc fuisse Paulum.

## III. PAULUS III.

## IV. ALPHONSUS.

Paulus iste anno 1398. ecclesiæ Chalcedonenfi præerat: scribit enim Raynaldus ad annum 1398. num. 40. & ad annum 1399. n. 1. Bonifacium IX. permotum Græcorum gemitibus ob Turcarum oppressionem, Paulo episcopo Chalcedonenfi promulgandæ sacrae in Turcas militiæ provinciam dedisse an. 1398. die 1. April. idemque munus iterum ei contulisse anno 1399. ampliori diplomate, cujus

A titulus est: Venerabili fratri Paulo episcopo Chalcedonenfi apostolicæ sedis nuntio. Datum die 6. Mart. 1399. quod ipse refert ad eum annum, nm. 2. 3. & 4.

De eo Paulo intelligendus procul dubio Wadding. quum scribit, t. 5. ad annum 1403. num. 5. pag. 10. translato Paulo archiepiscopo Chalcedonis in littore Asiatico sub Patriarcha Hierosolymitano (legendum Constantino-politano) ad ecclesiam Arborensem in Sardinia, Fr. Alphonsum à Sancta Cruce, Minoritam, ad sedem Chalcedonensem fuisse promotum à Bonifacio IX. VII. idus (id est die 7.) April. anno 1403. verum huic ecclesiæ brevissimo tempore præfuit Alphonsus, paulopost vel mortuus, vel ad aliam sedem assumptus.

## V. JACOBUS.

## VI. PETRUS.

Alphonso probabiliter successit Jacobus iste, quo mortuo anno 1404. Petrus Matthæi de Senis, Eremita Augustinianus, eodem anno die 13. Aug. à præfato Bonifacio IX. ecclesiæ Chalcedonenfis renunciatus est præsul. Ita Thomas de Herrera in *Alphab. Augustiniano*, tom. 2. pag. 263. col. 1.

## VII. \* \* \*

## VIII. MATTHÆUS.

Idem Thomas de Herrera, tom. 2. pag. 76. col. 2. refert ex Pamphilo, fol. 80. suæ chronicae, sub anno 1443. Matthæum Luthum, Senensem, Eremitam Augustinianum, fuisse episcopum Chalcedonensem, & Senis obiisse, ubi in templo S. Augustini sepultus jacet sub monumento marmoreo, effigie sua & litteris sui nominis insculpto. Subdit autem: «Præcesserat (hunc) Matthæum in eadem sede Chalcedonenfi ante aliquot annos, Petrus Matthæi de Senis, &c.» Quibus verbis innuit inter Petrum Matthæi & Matthæum istum, sedi Chalcedonenfi præfuisse aliquem alium, qui nobis ignotus sit.



## III.

## ECCLESIA CÆSAREÆ.

**I**NTER Rhyndacum amnem & Olympum montem in Bithynia, haud longe à mari, Ptolemæus *Cæsaream* ponit, quæ ante dicta fuerat *Σμυράλεια Smyrælea* five, ut in Palatino est, *Σμυρδιανή Smyrdiana*. Sed ignotum vetus nomen, quocumque modo scribatur: neque novum multo notius, nisi quod in notitiis episcopatum & conciliis, ejus mentio habetur in Bithynia. Hierocles decimam Bithyniæ urbem numerat *Καϊσάρειαν Cæsaream*: & in alia notitia ὁ *Καϊσάρειας, Cæsareæ episcopatus*, itidem in Bithynia. Hæc tradit Cellarius *geogr. ant. tom. 2. lib. 3. cap. 8. pag. 299.*

## EPISCOPI CÆSAREÆ.

## I. ARNOLDUS.

**C**AVALERIUS, *Galler. Dom. to. 1. p. 58. num. 176.* refert ex Mich. Pio, *2. part. lib. 1. Arnoldum Federicum*, Ordinis Præd. ecclesiæ Cæsarensi fuisse præfectum à Bonifacio VIII. circa annum 1300. Non distinguit quidem Michael Pio cuiam *Cæsareæ* præfuerit: at fuisse *Cæsaream* in Bithynia sub archiepiscopatu Nicomediensi, censent tum idem Cavalerius, tum etiam doctiss. P. Antoninus Bremond, *10. 2. Bull. p. 74.* ad annum 1300.

## II. ULRICUS.

## III. THOMAS.

Waddingus, *tom. 5. annalium Minor. ad annum 1412. num. 2. pag. 78.* scribit ad Cæsariensem episcopatum in Bithynia sub metropolitano Nicomediensi, per obitum *Ulrici* promotum fuisse à Joanne XXIII. *F. Thomam* Ordinis Minor. eo anno 1412. die 17. Martii.

## IV. JOANNES.

Oldoinus in *vitis Summorum Pontificum & DD. Cardinalium*, *tom. 2. col. 941.* C. hæc habet de quodam Joanne, qui *Cæsariensis præsul* renunciatus est à Nicolao V. circa annum 1449. « *Joannes, de Villa Vezzosa cognominatus*, natione Hispanus, patria Segobienfis, » theologus illius ævi clarus, archidiaconus » Ovetensis, interfuit concilio Basileensi, & » unus ex Hispanis electoribus in comitiis suffragium pro Felice (V.) tulit: à quo in secunda » Patrum (Cardinalium) enunciatione inter » presbyteros Cardinales tituli S. Mariæ trans Tyberim cooptatus, Felicis V. nomine legationis munere functus est in conventu Bituricensi. Cardinalis titulum unà cum purpura » dimisit post abdicationem Felicis. S. Antonin. » scribit Joannem hunc Ord. Præd. alumnum » fuisse, ac statim adepta purpura, è vita excessisse. (Hic hallucinatur Oldoinus: nam » S. Antoninus loquitur de *Joanne de Ragusio*, » Ord. Præd. qui cum Joanne isto Cardinalis » creatus est à Felice;) Sed Æneas Sylvius in

*A hist. concilii Basileensis* apertis verbis affirmat « virum hunc (Joannem scilicet Segobiensem) « litteris & pietate illustrem, purpuram depo- « fuisse in manus Nicolai (V.) post Felicis ab- « dicationem, & episcopatum Cæsareæ..... « obtinuisse. Quidquid sit, certum tamen est, « dimissa purpura, & mortalibus rebus valere « jussis, secessisse in solitudinem, ac reliquum « vitæ in Dei obsequium sanctissime duxisse. « Hic Alchoranum..... in Latinam linguam « convertit, ejusque mendacia veris rationibus » & argumentis explosit. Concordantias insuper « partium orationis indeclinabilium in bibliis « collegit, duoque volumina de actis concilii » Basileensis edidit.» Hucusque Oldoinus.

Hunc Æneas Sylvius in *gestis istius concilii*, *lib. 2. pag. 48.* F. edit. *Basileensis 1571.* nuncupat *Joannem de Segovia, archidiaconum de Villa Vissosa in ecclesia Metensi.* Et in *hist. de Europa*, *cap. 42.* versus finem, *pag. 440.* D. de illo ait: « Joannes Segobienfis, homo Hispanus, moribus & doctrina illustris, qui » quum summos theologiæ præceptores doctrina æquaret, ab Amedeo, dum se Papam » dixit, cardinalatus eminentiam acceperat. Et » deinde unioni consentiens, (à Nicolao Pont. » Max. cardinalatus dimisso titulo, *Cæsariensi* » ecclesiæ præfectus fuerat: in altissimis reconditus montibus, parvo monasterio contentus, » vocatis ex Hispania legis Arabicæ magistris, » librum quem vocant Alchoram, &c.»

Joannes Albertus Fabricius in *bibliotheca mediæ & infimæ Latinitatis*, *tom. 5. editionis Hamburgi 1735. lib. 9. pag. 414. in nota 1.* observat Joannem hunc Segobiensem distinguendum esse ab alio Joanne Segobienfi, Ordinis Prædic. longe juniore, & defuncto anno 1594. qua de re ad *tom. 2. scriptorum ejusdem Ord.* Jacobi Echard remittit. Porro citatus P. Echard de posteriore Joanne Segobienfi agens, *pag. 312. col. 2.* ait: « Monendus hic lector non erat, hunc nostrum » Joannem longe alium esse ab ejusdem cognomine, qui Basileensium Felici V. Papæ » adhæsit, ab eodem Cardinalis creatus, eaque » dignitate postea spoliatus anno 1449. nisi »



ECCLESIA  
CÆSAREÆ.

» hunc sæculo integro fere antiquiorem, & A  
» *Gonzales de Contreras* gentilitio agnomine  
» dicendum, Oldoinus ex S. Antonino (part. 3.  
» tit. 22. cap. 10. §. 4.) pravè intellecto, nostris  
» accensuisset.... Nam hic Segobienfis, (verba  
» sunt ejusdem P. Echard, *tom. 1. pag. 798.*  
» *col. 2.* ubi opera Joannis de Ragusio, Ord.  
» Præd. discutit) non regularis, sed archidia-  
conus de Villa-Vitiosa fuit.» A quo etiam in  
libro concordantiarum nihil aliud præstitum  
testatur, *ibid. pag. 206. col. 2. & pag. 207.*  
*col. 1.* nisi quod concordantiam vocum qua-  
rumdam indeclinabilium bibliorum à Joanne

de Ragusio jam elaboratam, ordine distribuerit  
alphabetico, præfixoque prologo in lucem  
dederit. Merito itaque Fontana, P. Echard,  
& R. P. Antoninus Bremond Joannem de  
Segobia, archidiaconum de Villa-Vitiosa,  
& episcopum Cæsariensem, non computant  
inter episcopos vel scriptores Ordinis Præd.  
Cavaler. tamen in errorem adductus aucto-  
ritate Oldoini quem describit, ejus meminit,  
ut hujus Ordinis alumni, *tom. 1. pag. 237.*  
*n. 75.* illumque asserit mortuum anno 1440.  
qui profecto anno 1449. adhuc superstes erat.

## PROVINCIA PATRARUM VETERUM.

### I. ECCLESIA PATRACENSIS METROPOLIS.

**P**ATRÆ, teste Mich. Antonio Baudrand *geogr. tom. 2. pag. 85. col. 2.* colonia & urbs  
Achaia in Peloponneso Straboni & Plinio, antea *Aroe* dicta, vulgo *Patras*, Turcis  
autem *Batra*, & *Balubatra*, id est, *Veteres Patræ*, ex Leunclavio. Archiepiscopalis est, &  
etiamnum satis culta, sub dominio Turcarum: in colle sita est & arce munita prope Rhium  
promontorium, ad fauces sinus Corinthiaci. Distat à Corintho in occasum 90. milliaribus.  
Celebris fuit, & post Corinthum *alia metropolis* Peloponnesi, ut tradit Constantinus Por-  
phyrogenneta, *lib. 2. Themat.* ubi de Peloponneso, *Them. 6. pag. 24. D. edit. Paris. 1711.*  
A Patreo quodam Πατρεὺς, qui hanc urbem amplificavit, *Patræ* in plurali nuncupata est,  
veteri tamen *Aroe* nomine cum illo interdum conjuncto in quibusdam nummis COL. A. A.  
PATR. id est, *Colonia Augusta Aroe Patrensis*. Ita Cellar. *geogr. ant. to. 1. lib. 2. c. 13. p. 1179.*

### ARCHIEPISCOPI PATRARUM VETERUM.

#### I. \* \* \*

**A**Nno 1207. sedebat archiepiscopus Pa-  
trarum *vir quidam*, cujus nomen nos latet,  
inopia vero ea fuit, quod quum sua debita sol-  
vendi impos esset, Innocentius III. eo anno  
epist. 49. lib. x. *episcopis, abbatibus, prioribus,*  
*& universis clericis per Achaïam constitutis,*  
data Later. iv. kal. Maii (id est die 28. Aprilis)  
anno x. mandaverit, ut ipsi *charitativis stu-*  
*derent auxiliis subvenire*, quatenus ille suorum  
debitorum obligationibus expeditus, eorum com-  
modis expeditius valeret insudare, *tom. 2. edit.*  
*Baluz. epistolar. hujus Pontif. p. 23. col. 2....*  
Illi iisdem die & anno epistolam 50. scripsit  
Innocentius, *ibid.* qua jubebat ne clericos suæ  
provinciae sineret proventus ecclesiasticos per-  
cipere, nisi personaliter residerent....

Extat quoque *ibid.* epistola 51. ad eum præ-  
fulem data xiii. kal. Maii anno x. id est, die 19.  
Aprilis anno eodem 1207. in qua hæc ha-  
bentur scitu non indigna: «Ex tuæ devotionis  
» insinuatione recepimus, quod quum Latini  
» regionem Achaia occupassent, quidam epi-

B scopi Græci suffraganei tui, timore perterriti,  
de locis propriis fugientes, suas ecclesias re-  
liquerunt; quorum quidam, licet sæpius mo-  
niti, ad sedes tamen suas redire contemnunt;  
nonnulli propter guerrarum discrimina per-  
certos nequeunt nuntios commoneri. Unde  
nobis humiliter supplicasti ut super hoc tibi  
salubriter consulentes, qualiter circa illos &  
ipsum diceceses procedere debeas, tibi seri-  
bere dignemur. Nos igitur attendentes quod  
propter novitatem mutationis illius terræ &  
novitatum eventus, sit cum maturitate plu-  
rima procedendum, devotioni tuæ taliter  
respondemus, ut illos non semel, sed sæpe,  
videlicet primo, secundo & tertio citare pro-  
cures; & si comparere noluerint, sed in sua  
voluerint contumacia perdurare, nisi forte  
se appellationis clypeo duxerint muniendos,  
quam infra tempus legitimum prosequantur,  
ipsos per suspensionis & excommunicationis  
sententias ad tuam obedientiam venire com-  
pellas. Quod si nec sic ipsorum duritia poterit  
emolliri, eos dilectus filius B. (Benedictus)  
titulo sanctæ Susannæ presbyter Cardinalis  
apostolicæ



» apostolicæ sedis legatus, ab episcopatu A  
 » administratione removeat, & quibus præsumt  
 » ecclesiis, de personis idoneis faciat provideri,  
 » sed in eos degradationis sententiam non pro-  
 » mulget, ut cum eis misericorditer, si ex-  
 » pediat, facilius agi possit. In ecclesiis autem  
 » eorum qui se fraudulenter absentant, nec ad  
 » ipsos valet citatio pervenire, trinæ citationis  
 » edictum facias publicari. Et si nec sic cura-  
 » verint obedire, seu etiam ultra sex menses  
 » suas deseruerint ecclesias, ut juxta canonicas  
 » sanctiones eis debeant merito spoliari, contra  
 » eos quoque, sicut præscriptum est, proce-  
 » datur. Postulasti præterea per sedem aposto-  
 » licam edoceri, utrum clericos illos, qui ad  
 » partes Achaïæ sine commendatitiis litteris  
 » veniunt, permittere debeas celebrare. Super  
 » quo tibi taliter respondemus, quod nisi legi-  
 » time tibi constiterit, sive per litteras, sive per  
 » testes, de illorum ordinatione canonica qui  
 » penitus sunt ignoti, non debes ipsos permit-  
 » tere tuis plebibus celebrare. Sed si forsan  
 » eorum aliqui secreto ex devotione celebrare  
 » voluerint, poteris sustinere.» Has probabi-  
 » liter Innocentii Papæ litteras non recepit  
 » præful iste, mortuus illo ipso mense Aprili,  
 » vel etiam fortassis jam mense Martio, ut ex  
 » modo dicendis patebit.

## II. A. \* \* \*

Vix epistolam relatam miserat Innocentius  
 III. quum stetit coram illo alius Patrarum  
 archiepiscopus jam præcedentis defuncti suc-  
 cessor, à capitulo hujus ecclesiæ electus. Rem  
 memorat ipse Papa epistola 56. lib. x. data  
 die 24. Aprilis anni ejusdem 1207. *tom. 2.*  
*edit. Baluz. pag. 29. col. 2.* Scripsit quoque  
 Pontifex Thomæ Mauroceno Patriarchæ  
 Constantinopolitano, *tom. 1. ejusdem edit.*  
*Baluz. in gestis hujus Papæ, pp. 65. & 66.*  
*n. 103.* epistolam in qua nomen archiepiscopi  
 Patracensis designat sub littera A. *ut dilectum*  
*filium A. electum S. Andrea de Patras, &c.*  
 Auctor vero horum gestorum Innocentii  
 præmittit eundem fuisse natione *Burgundum.*

Huic archiepiscopo Patracensi directæ ex-  
 tant de variis negotiis epistolæ, scilicet 128.  
 lib. x. anno 1207. die 18. Septembris, 152.  
 lib. xi. anno 1208. die 4. Octob. 24. 159.  
 165. & 167. lib. xiii. anno 1210. 47. & 61.  
 lib. xv. anno 1212. demum 92. lib. xvi.  
 anno 1213.

## III. BERNARDUS.

Innocentius IV. anno 1243. quum orta  
 fuisset in ecclesia Patracensi de præfulis elec-  
 tione contentio, electum explosit, *Bernar-*  
*dumque* subdiaconum ac notarium suum,  
 hominem hujus dignitatis gerendæ idoneum,

Tomus III.

in eam sedem evexit: quam sic extollit in lit-  
 teris de ea promotione ad clerum Patracensem  
 directis: *Velut paradisum voluptatis dextera di-*  
*vinæ plantatam Beatus Andreas Apostolus quasi*  
*quadripartito flumine irrigavit, dum illam evan-*  
*gelicis doctrinis edocuit, informavit exemplis,*  
*illustravit miraculis, & tandem passione mortis*  
*in crucis patibulo decoravit.* Ita Raynaldus ad  
 eum annum, num. 50.

## IV. \* \* \*

Idem Raynaldus ad annum 1263. num. 21.  
 testatur datas esse eo anno ab Urbano IV. lit-  
 teras ad *Patracensem* aliosque præfules illarum  
 regionum, ut à communi arcendo periculo  
 subsidia Willelmo Villarduno bello à Pa-  
 læologo laceffito, qui jam Constantinopolim  
 Latinis eripuerat anno 1261. ad contrahendas  
 copias conferrent.

## V. RAYNERIUS.

## VI. FRANCISCUS electus.

## VII. GUILLELMUS.

Quum aliqui Minoritæ qui, duce F. Li-  
 berato ejusdem Ordinis, juxta concessam sibi  
 à Cælestino V. licentiam ut seorsim ab obe-  
 dientia ministri generalis Min. quasi Eremitæ,  
 austeriorem vitam incolerent, in insula qua-  
 dam Achaïæ commorarentur, Bonifacius  
 VIII. ad quem delati fuerant, ceu homines  
 qui eum non reputarent verum Pontificem,  
 scripsit adversus illos Petro Constantinopoli-  
 tano Patriarchæ ritus Latini, & archiepiscopis  
 Atheniensi & *Patracensi* anno 1302. ut solli-  
 cite circa hæc inquirerent, & errantes corri-  
 gerent. Ita refert Waddingus ad eum annum,  
*tom. 3. num. 7. p. 8.* qui *Petrum* appellat Pa-  
 triarcham illum Constantinopolitanum, ad  
 quem Bonifacius scripsit anno 1302. Sed  
 Petrus ille obierat anno 1301. Vide supra de  
 eo col. 869. E. Unde vel legendum *Leonar-*  
*dum* Petri successorem, vel dicendum hanc  
 epistolam scriptam fuisse ante 1302. *Patra-*  
*censis* autem ille archiepiscopus probabiliter  
*Raynerius* fuit per cujus obitum huic ecclesiæ  
 vacanti succedit Joannes XXII. die 3. Jan.  
 anno 1317. *Fr. Guillelmum*; Minoritam, ut  
 modo dicitur, Potuit tamen archiepiscopus  
 Patracensis qui sedebat anno 1302. fuisse  
 Raynerii prædecessor, quia nos latet quo  
 præcise anno hujus ecclesiæ regimen Ray-  
 nerius susceperit. Idem Raynerius, vel cui  
 ipse successerit, archiepiscopus ille fuit Pa-  
 tracensis, quem, ut & plures alios præfules,  
 Clemens V. litteris suis encyclicis datis die  
 12. August. anno 1307. ad synodum Vien-  
 nensem generalem vocavit: *In eodem modo*  
*venerabilibus fratribus archiepiscopo Patracensi,*

T t t



ECCLESIA  
PATRACEN-  
SIS.

ac episcopis &amp; dilectis filiis electis, abbatibus, A

prioribus, decanis, &c. per Patracensem provinciam constitutis, &c. mandamus, quatenus vos fratres, archiepiscopo, ac Motonensis & Coronensis episcopi, &c. tom. XI. conc. Labb. part. 2. col. 1547. E. Ad eundem quoque tum alias de eadem re litteras, datas die 4. April. anno 1310. In eodem modo archiepiscopo Patracensi & ejus suffraganeis, ibid. col. 1552. C. tum rursus sententiam de extinctione Templariorum in concilio Viennensi latam die 2. Maii anno 1311. direxit. In eodem modo Patriarchæ Constantinopolitano & archiepiscopo Patracensi ac episcopo Olenensi, ibid. col. 1562. D. Obiit Raynerius anno 1316.

Eo igitur defuncto, canonici ecclesiæ sancti Andreæ Patracensis elegerunt in suum præfulem Franciscum Savoloca ejusdem ecclesiæ decanum; sed ob scientiæ in archiepiscopo requisitæ defectum repulsus fuit à Joanne XXII. Papa, qui auctoritate apostolica Fr. Guillelmum, Minoritam, archiepiscopum Patracensem renuntiavit diplomate: Cælestis dispositione consilii, dato die 3. Januar. anno 1317. Ita Waddingus ad eum annum, 10. 3. C. num. 56. pag. 212. & in Regesto Pontificio, pag. 53.

Is probabiliter fuit ad quem, & ad Patriarcham Constantinopolitanum ritus Latini scripsit Joannes XXII. die 1. Oct. anni 1322. ut deterrent Latinos in Achaia degentes à communione fovenda in divinis cum Græcis schismaticis, ut etiam Alphonsum ducem rectoresque alios Catalanæ cujusdam societatis, ac nonnullas similes personas à quibus Galli in Oriente graviter vexabantur, cohiberi curarent. Duas illas Joannis epistolas legere est apud Raynaldum ad eum annum, an. 48. & 49.

Idem adhuc fortassis, vel ejus successor fuit, cui ac Constantinopolitano Patriarchæ, duobusque aliis præsulibus mandavit præfatus Pontifex anno 1330. die 14. Jun. ut militiam religiosam professuros crucis symbolo distinguere, ex Raynaldo ad eum annum, n. 54. quem etiam certiore fecit anno 1332. de promotione Alyari Pelagii, Minoritæ, ad ecclesiam Coronensem, teste Waddingo, 10. 3. E. annal. in Reg. Pont. pag. 223.

Idem denique, vel ejus successor fuit, cujus tempore obfessa Patracensi urbe anno 1338. à Bertrando è Baucio, quem provinciæ Achaïæ præfecerat Catharina titulo tenus Imperatrix Constantinopolitana dicta, quod è Balduinorum sanguine sata esset, Catharinam hanc & Robertum Siciliæ Regem monuit Benedictus XII. ut Bertrandum ad solvendam obsidionem cogerent. De quibus consulendus Raynald. ad eum annum, n. 34.

## VIII. \* \* \*

Anno 1345. Clemens VI. scripsit ad archiepiscopum Patracensem, & ad plures alios in Oriente præfules, ut Humberto Delphino Viennensi cruce signatorum contra Turcas duci, consilio omnique opera præsto essent. Ex eodem Raynaldo ad illum annum, n. 6.

## IX. NICOLAUS I.

Nicolaus Canalius ex sede Ravennatenfi ad Patracensem translatus est à Clemente VI. anno 1347. De quo vide Ughellum, tom. 2. Ital. sac. col. 386. num. 95. C. veteris edit. & Waddingum, 10. 3. ad eum annum, n. 13. pag. 546. qui etiam in Reg. Pont. pag. 356. diploma profert Clementis.

## X. FRANCISCUS.

Franciscus Michaelius, Cretensis archiepiscopus, ad Patracensem transiit anno 1349. die 30. Martii. Ex Ughello, tom. 2. Ital. sac. col. 286. num. 94. C. vet. edit.

## XI. NICOLAUS II.

## XII. RAYNALDUS.

Patracensi ecclesiæ per obitum Nicolai (qui Francisco utique successerat) vacanti præfecit Clemens VI. die 4. Januar. anni 1351. Raynaldum Hydruntinum præfulem. Ita idem Ughellus, tom. 9. col. 79. num. 23. A. Is probabiliter est, cujus meminit Innocentius VI. in epistola data anno 1353. die 1. Decemb. apud Raynaldum ad hunc annum, num. 19.

## XIII. JOANNES I.

Joannes Ursinus, Romanus, episcopus Patavinus, ex ea sede ad Patracensem translatus est ab Innocentio VI. anno 1359. Is vel ipsius prædecessor fuit, cui multisque aliis mandavit iste Papa eo anno die xi. Maii, apud Raynald. n. 16. & n. 19. ut religionem catholicam adversus Turcas protegendam satagerent, censuris quoque promulgarent illigandos quicumque infidelibus arma deferrent.

## XIV. BARTHOLOMÆUS.

## XV. ANGELUS.

Bartholomæus, quem de Carbone cognominat Toppius biblioth. Neapolit. pag. 350. de Papazurris vero Ughellus, tom. 6. Ital. sac. col. 721. num. 23. D. vet. edit. Ordinis Præd. primum episcopus Theanensis evasit anno 1349. postea Theatinus anno 1353. demum ad Patrarum sedem translatus est ab Urbano V. anno 1362. die 12. Aug. in qua dignitate obiisse ferri in lib. Provis. Prælat. anno 1365. asserit idem Ughellus, ibid. col. 928. D. qui nihilominus ait, tom. 7. col. 201. n. 13. D.



*Angelum* episcopum Tricaricensem ad Patracensem ecclesiam regendam per obitum Bartholomæi vacantem, missum ab Urbano V. anno 1364. sed augenda modo difficultas.

## XVI. BONJOANNES.

Præfatus Ughellus, *t. 2. col. 784. n. 44. D.* scribit *Bonjoannem*, Placentinum, ex Bolnensi episcopo Firmanum factum an. 1349. deinde ad archiepiscopatum Patracensem translatus esse anno 1363. Porro quomodo hæc cohæreant non capio: scilicet Bartholomæo defuncto in præfatu Patracensi anno 1365. B successisse Angelum anno 1364. ad quam ecclesiam tamen ex Firmana translatus sit Bonjoannes iste an. 1363. Neceffe est itaque, vel circa præfules relatos, vel circa annos assignatos, aliquem occurrere errorem, quem emendare non valeo.

## XVII. JOANNES II.

Idem Ughellus, *tom. 2. col. 722. & seqq. n. 26.* narrans quid præstiterit Joannes Numaius episcopus Sassenatensis, pro recuperandis ecclesiæ suæ juribus, instrumentum exhibet sententiæ in ejus gratiam latæ anno 1372. in quo instrumento *Joannes de Placentinis* commissarius hac de re datus dicitur, quum episcopus Cerviensis esset, ex qua sede ad Patavinam, & ab ea ad *Patracensem* transferat. « Coram R. P. & DD. Joanne de Placentinis, tunc episcopo Cerviensi, & demum » episcopo Paduan. & de præfenti archiepiscopo *Patracensi* commissario, &c. » Is anno 1379. ad Castellanam Venetiarum translatus est, & postea Cardinalis creatus à Clemente VII. tempore schismatis anno 1385. die 12. Jul. Decessit tandem die 9. Maii 1404. Hæc præfatus Ughellus, *to. 2. col. 494. D. num. 24. & tom. 5. col. 432. num. 84. C. & col. 1351. num. 42. B.* in quibus tamen locis ipsum aliquando præfuisse filet ecclesiæ Patracensi.

## XVIII. PAULUS.

*Paulus* iste sedebat Patracensis archiepiscopus anno 1387. quo Urbanus VI. diplomate dato die 6. Septemb. quod legere est apud Raynaldum ad eum annum, *num. 8.* sic eum alloquitur: « De fraternitate tua sum » mentes in Domino fiduciam specialem te... » Principatus Achaïæ pro nobis & ecclesia Romana in temporalibus generalem vicarium & » gubernatorem usque ad nostrum beneplacitum auctoritate apostolica tenore præsentium facimus, &c. »

## XIX. STEPHANUS.

De *Stephano* præfule Patracensi mentionem facit Martinus V. in epistola sua ad Emma-Tomus III.

Anuelem Græcorum Imperatorem, quam Raynaldus ad annum 1422. *num. 3.* exhibet. Ait quippe Papa: « Quamvis non dubitemus dilectum filium nostrum, natura tuum, excellentem principem Theodorum Despotum » Moreæ, & sua benignitate, & nostris exhortationibus, servaturum eam pacem, quam » nuper fecit cum venerabili fratre nostro Stephanano archiepiscopo Patracensi, tamen cupimus ut ad hoc etiam tuæ Serenitatis auctoritas intercedat, &c. »

## XX. PANDULPHUS.

Anno 1429. ecclesiæ Patracensis curam gerebat *Pandulphus Malatesta*, præsul Latinus, cujus pluries meminit Georgius Phranza in *chronico, lib. 2. capp. 6. 7. & 8.* Sed merito dubitari potest an à Pandulpho isto diversus non fuerit, ejusque fortassis successor, archiepiscopus ille *Patracensis*, quem, omisso ejus nomine, refert, *lib. 3. cap. 28.* à Turcis necatum anno 1467. eo quod suspicarentur ipsum in causa fuisse cur classis Venetorum eò advenisset.

Ex his autem palam fit delendum totum articulum XI. \* \* \* qui extat inter archiepiscopos Patracenses Græcos, *tom. 2.* hujus operis, *col. 181. C.* ubi supponitur metropolitam Patrarum, de quo agit Phranza, *lib. 2. capp. 6. 7. & 8.* hominem Græcum fuisse, & ab illo nomen ejus omitti. Hunc enim Phranza appellat *Pandulphum Malatestam, cap. 8.* & tota sua narratione hominem fuisse Latinum indicat, qui pro Latinis adversus Græcos staret.

## XXI. SIMON.

Ughellus, *tom. 5. Ital. sac. col. 360. n. 22. A. vet. edit.* scribit *Simonem de Montana*, qui ecclesiam Justinopolitanam sub Aquileiensi Patriarcha suscepit regendam anno 1475. fuisse etiam *Patracensem archiepiscopum*, & Romæ obiisse anno 1482. mense Augusto.

## XXII. BAPTISTA.

Ughellus, *tom. 4. Ital. sac. col. 437. vet. edit. num. 22. D.* hæc scribit de eo præfule: « *Fr. Baptista de Judicibus*, à Finali Liguriæ, Ord. Præd. vir longe doctissimus, ad hanc » ecclesiam (Albintimiliensem) assumptus est » à Paulo II. anno 1469. x. kal. Maii (id est » die 22. April.) quam administravit usque ad » annum 1483. die 6. April. Deinde translatus » est ad archiepiscopat. Amalphitanum; anno » vero 1484. ad ecclesiam *Patracensem*. Romæ » è vivis exemptus est, atque apud S. Mariam » supra Minervam tumulatus cum hoc epitaphio: *Baptistæ ex Judicibus humanæ divinæque » doctrinæ professori, Pontifici Intemiliensi, post Patracensi, qui vixit annos 55. Julianus Cardinalis* »



» *S. Petri ad vincula familiari opt. & B. M.* A tanam ecclesiam die 3. April. 1483. & per aliquot menses Amalphitani archiepiscopi titulum tenuisse, eoque dimisso, ad primam rediisse sponsam, deinde factum archiepiscopum Patracensem, & in ea dignitate Romæ obiisse. *Ex Actis Consistorialibus.*

\*\*\*\*\*

## II. ECCLESIA AMYCLARUM.

**A**MYCLÆ quæ & *Taygeta*, urbs Græciæ in Peloponneso & in Laconia provincia, Pausaniæ olim *Lemna* dicta, prope Eurotam fluvium, nunc *Vordonia*. [Sedes fuit episcopalis sub metropoli Veterum Patrarum loco sexto, in notitia Philippi Cyprii Franequerae edita anno 1679. pag. 32. num. 31. VI. *Amyclei*. Græcè autem, pag. 26. 5' ὁ Ἀμυκλῆς. At hodie] subest archiepiscopo Spartano sive Lacedæmonienfi: extat ad montis Taygeti radices, & distat 5. circiter milliar. à Sparta in ortum, ac 22. à Laconico sinu in Boream; ex ea ortos referunt Castorem & Pollucem. Hæc Baudrand, *to. 1. geogr. p. 54. col. 2.* Stephanus Byzantius *de urbibus & populis*, ait hanc urbem unam fuisse ex centum quas regio Laconica habuisse traditur, & ab Amycla Lacedæmonis filio esse conditam. Hujus ecclesiæ sedem conscenderunt aliquot ritus Latini præfules.

## EPISCOPI AMYCLARUM.

I. IMBERTUS *electus*.

## II. GILIBERTUS.

**I**NNOCENTIUS III. epistola 29. lib. XIII. *to. 2. edit. Baluz. p. 422. Oddoni Patracensi, & Terrico, & W. de Mirabello canonicis Thebanis*, data Later. VIII. kal. April. anno XIII. (id est die 25. Mart. anno 1210.) hæc nos docet de duobus istis episcopis: «Dilecti filii  
» canonici Amyclenses gravem nobis expo-  
» suere querelam, quod venerabilis frater noster  
» archiepiscopus Patracensis (A. de quo supra  
» col. 1025. C.) *Gilibertum* quondam abbatem  
» de Flaviniaco, propter suos enormes excessus

B apud sedem apostolicam condemnatum, in « episcopum Amyclensem, *Imberto* ejusdem « loci *electo* vivente, post inhibitionem cano- « nicorum ipsorum, illicite consecrare præ- « sumpsit. Quocirca, &c.» Probabile est autem *Imbertum* episcopatu potitum esse, *Giliberto* repudiato, huncque præfulem esse illum Amyclensem, ad quem idem Pontifex scripsit epistolas 174. ejusdem lib. XIII. præfato anno 1210. 61. lib. XV. anno 1212. & 98. lib. XVI. anno 1213. de variis negotiis, quæ hîc recensere longius foret. Nihil aliud nobis de episcopis Amyclarum compertum est.

\*\*\*\*\*

## III. ECCLESIA METHONENSIS.

**M**ETHONE, ex Michaeli Antonio Baudrand, *tom. 1. geogr. pag. 652. col. 1.* urbs est Peloponnesi in ora meridionali Messeniæ, quæ nunc *Modon* dicitur, Sophiano teste, *Mutune* Turcis juxta Leunclavium, etiamnum locus celebris & emporium in provincia *Belvedere*. Arce gaudet munitissima, portuque amplissimo ac tuto, sub dominio Turcarum à temporibus Bajacethi II. 15. milliaribus distat à Corone in occasum hybernum, 120. à Nauplia, 72. à Tænario promontorio in occasum, & 120. ab urbe Patris in meridiem: sedes est episcopalis sub archiepiscopo Patracensi, & aliquot habuit ritus Latini præfules.

## EPISCOPI METHONENSES.

## I. J O.

**A**NNO 1210. sedebat episcopus quidam *Motonensis* sive (Methonensis) cui & quibusdam aliis episcopis inscribuntur Innocentii III. epistolæ 24. & 174. lib. XIII. anno 1210. *tom. 2. edit. Baluz.* Dum autem episcopus ille de licentia Innocentii devotionis ergo, peregrinaretur Compostellam ad S. Jacobi

C Apostoli visitandas reliquias, nonnulli dice- cesum Mothonensis, Coronensis, & Amy- clensis, possessiones ejusdem Mothonensis ecclesiæ occuparunt, quas idem Pontifex res- tituendas præscribit epistola 44. lib. XV. *Athe- niensi & Thebano archiepiscopis, & decano de Thebis*, data v. idus (id est die 11.) Maii anno XV. Christi 1212. Eadem die ipsi episcopo *Mothoniensi* mandavit ut canonici qui non



residerent in ipsius ecclesia, subtractione A  
suorum beneficiorum mulctarentur. Eodem  
etiam anno 1212. Innocentius epistola 55. Jo.  
episcopo Mothoniensi, ejusque successoribus ca-  
nonice substituendis in perpetuum, data XIII. kal.  
Maii (id est die 19. April.) ecclesiam Motho-  
nensem ejusque bona sub sedis apostolicæ  
protectionem recepit. Ex qua ultima epistola  
discimus nomen hujus Mothonensis præfulis  
incepisse à litteris Jo. ac probabiliter fuisse  
Joannem.

## II. LEONARDUS.

Ughellus, 10. 1. Ital. sac. vet. edit. col. 552.  
num. 18. C. D. hæc scribit: «Leonardus Pa- B  
» trassus, Bonifacii VIII. patruus, episcopus  
» Alatrinus, mox Averfanus, translatus ab eo-  
» dem ad Capuanam ecclesiam VIII. kal. Aug.  
» (id est die 25. Jul.) anno 1300. pauloque  
» post factus episcopus Card. Albanensis, &c.  
» Idem fuit episcopus Motonensis. Iterum ec-  
» clesiam Averfanam accepit in commendam  
» anno 7. Bonifacii VIII.» Obiit Lucæ in  
Etruria, ex Ptolemæo Lucensi, anno 1311.

## III. ÆGIDIUS.

De Ægidio Ferrariensi hæc scribit Ughellus,  
10. 5. Ital. sac. vet. edit. col. 1214. num. 48. D.  
«Ægidius Ferrariensis, Ord. Præd. insignis  
» alumnus, ad sedem Gradensem assumptus est  
» à Bonifacio VIII. anno 1295. XIV. kal. Jun.  
» (id est die 19. Maii.) Is anno 1308. à Cle-  
» mente V. una cum fratribus Lapo Ordinis  
» Præd. & Attanasio Ord. Min. legatus missus  
» est ad Regem Rassæ Urosium, de quo le-  
» gendus Odoricus Raynaldus, tom. XV. (ad  
» annum 1308. num. 26.) translatus deinde  
» est ab (eodem) Clemente ad Alexandrinum  
» Patriarchatum anno 1310. ut in Reg. Vatic.  
habetur.» Addit Fontana in Theat. Domin.  
pag. 241. tit. 404. num. 1. in antiquis mss.  
archivi Ord. Præd. legi: Ægidius Ord. Præd.  
creatur Patriarcha Gradenfis anno 1. Bonifacii  
VIII. Fuit iste postea Patriarcha Alexandrinus,  
& commendatarius ecclesiæ Mothonensis.

## IV. ANGELUS I.

Idem Ughellus, ibid. n. 49. D. ait: «Angelus  
» episcopus Motonen. successit Ægidio (in sede  
» Gradenfi) anno 1310. idibus (id est die 15.)  
» Octobris, brevique Pontifex fuit, decessit-  
» que anno 1313.» Conjiunt aliqui eum  
fuisse Angelum de Leuti, Ord. Præd. Ut ut sit,  
probabiliter is fuit, quem cum aliis pluribus  
præfulibus Clemens V. litteris suis encyclicis,  
datis Pictavis II. idus (id est die 12.) Aug.  
anno III. Christi 1307. ad synodum gene-  
ralem Viennensem vocavit. In eodem modo  
archiepiscopo Patracensi & episcopis, &c. man-

damus, quatenus vos fratres, archiepiscopo, ac  
Motonensis & Coronensis episcopi, &c. tom. XI.  
conc. Labb. part. 2. col. 1547. E.

## V. THOMAS.

Ughellus, 10. 5. Ital. sac. col. 1354. n. 45.  
B. veteris editionis, scribit Thomam Falerium,  
Venetum, paulo antea Metonensem episcopum,  
ad ecclesiam Venetiarum translatum esse anno  
1390. die 30. Novembris. Ex lib. obligat.  
Prælat. & obiisse anno 1392.

## VI. LUDOVICUS I.

## VII. ANTONIUS I.

## VIII. LAURENTIUS.

## IX. PAULUS.

## X. FRANCISCUS.

## XI. JACOBUS.

## XII. MARTINUS.

## XIII. GABRIEL.

## XIV. MARCUS.

## XV. ANGELUS II.

Seriem Methonensium præfulum Latini  
ritus ab anno 1391. ad annum 1459. nobis  
suppeditat Leo Allatius in Exercit. part. 1.  
adversus Robertum Creyghtonum Anglum,  
Romæ 1665. Exercit. IX. pag. 157.

«Electi sunt, inquit, Methonenses episcopi  
Latini à summis Pontificibus:»

«Ludovicus Maurocenus, Venetus, epi-  
scopus Justinopolitanus, transfertur ad Me-  
» thonensem episcopatum anno 1391. XI. kal. «  
» Decemb.» (id est die 21. Novemb.) Ejus  
meminit Ughellus, tom. 5. Ital. sac. col. 358.  
num. 14. D. vet. edit.

«Antonius eligitur anno 1405.» De eo  
mentionem facit Raynaldus, tom. 17. ad  
annum 1407. m. 3. 6. 13. & 23.

«Per obitum Antonii eligitur Fr. Lauren-  
tius, Venetus, Ord. Præd. anno 1410. idib. «  
» Jun.» De eo Laurentio hæc scribit Fontana  
Theat. Dom. pag. 241. tit. 404. «Laurentius  
Venerius, Venetus, à Joanne XXIII. idibus «  
» (id est die 15.) Julii anno 1411. creatur epi- «  
» scopus Motonensis, qui plures annos ibid. vixit, «  
» arguendo, obsecrando, increpando in omni «  
» patientia & doctrina. Ex lib. Provis. Prælat.»  
Ex quibus patet de anno & mense promo-  
tionis hujus Laurentii differre ab invicem  
Allatium & Fontanam.

Paulum memorat Ughellus, tom. 5. Ital.  
sac. vet. edit. col. 1422. n. 23. A. his verbis:  
«Paulus Joannis, ecclesiæ Castellane archi-  
diaconus, eligitur Clugiensis episcopus à «  
» Bonifacio IX. anno 1401. v. kal. Mart. «



» (id est die 25. Februarii.) Hujus mentio  
» habetur in monumentis cœnobii S. Thomæ  
» de Torcello Ord. Cisterciensis anno 1406.  
» (die) 26. Febr. Translatus deinde fuit ad  
» *Metonensem* ecclesiam anno 1410. die 24.  
Januar. *Ex lib. oblig.* » Hic *Paulus* omittitur  
in serie Allatii, & procul dubio translatus fuit  
ad sedem *Metonensem* à Gregorio XII. qui  
post Innocentium VII. Bonifacii IX. suc-  
cessorem, Pontifex in ea obedientia electus  
fuerat. Unde etiam Joannes XXIII. Ale-  
xandri V. eo anno 1410. die 3. Maii defuncti  
successor, post obitum Antonii, nulla ratione  
habita translationis hujus Pauli, præfatum  
Laurentium Venerium renuntiavit *Metonensem*  
præfulem eodem anno 1410. die 13.  
Jun. juxta Allatium, vel juxta Fontanam  
anno solum sequenti 1411. die 15. Julii.  
Prosequitur Allatius.

« *Franciscus de Franciscis* eligitur anno  
1415. idibus (id est die 13.) Junii. »

Idem Ughellus, tom. 1. col. 1122. n. 30.  
D. *Jacobum* Fulginatem, Ordinis Præd. ex  
ecclesia Nucarina ad *Motonensem* translatus  
ait à Martino V. subindeque post annum  
1417. quo Martinus sedem apostolicam con-  
scendit die XI. Nov. Hunc etiam prætermisit  
Allatius, qui post Franciscum *Motonensi*  
ecclesiæ *Martinum* adscribit.

« *Martinus*, inquit, eligitur anno 1428.  
(die) 13. Junii. »

« Post Martinum *Gabriel de Gabriellis*, no-  
» bilis Venetus, anno 1433. (die) 10. Julii,  
» qui postea anno 1448. XIII. kal. Junii (id est  
» die 20. Maii) transfertur ad episcopatum Jus-  
» tinopolitanum. Sedit in Methonensi usque  
» ad (præfatum) annum 1448. cui successit  
» *Marcus* eodem anno (die) 11. Decem-  
» bris.... *Marco* successit *Angelus* anno 1459.  
(die) 10. Decembris. » Hæc, inquam, Leo  
Allatius.

#### XVI. LUDOVICUS II.

*Ludovicus Longus*, Venetus, Ord. Præd.

A Angelo probabiliter suffectus est in sede Me-  
thonensi, à Paulo II. renuntiatus anno 1466.  
die 4. Novembris, quo in munere annos 9.  
pastor egregius vixit, quievitque in pace anno  
1475. Ita Fontana in *Theat. Dom. pag. 241.*  
*tit. 404. num. 3.*

#### XVII. OREWIN.

*Fr. Orewin* ejusdem Ordinis Præd. ad ec-  
clesiam Methonensem evectus est à Sixto IV.  
anno 1476. die 26. Aprilis. Diploma refert  
Pontificium doctiss. P. Antonin. Bremond,  
B tom. 3. *Bullarum Ordinis Prædic. pag. 637.*  
Hunc censet idem R. P. Bremond, *ibid.* esse  
episcopum illum *Montonensem*, quem, post  
Taëgium & Mich. Pio, Cavalerius, tacito ejus  
nomine, ait receptum ad gratias Ordinis sui  
in capitulo generali anno 1508. Verum alius  
non fuit anonymus iste ab *Antonio II.* modo  
recensendo.

#### XVIII. ANDREAS.

#### XIX. ANTONIUS II.

*Andrea Falconis*, episcopo Methonensi  
mortuo, *Fr. Antonius de Avila*, Ord. Præd.  
Cyprius, an. 1506. die 9. Martii renuntiatus  
est à Julio II. episcopus Methonensis, cui  
etiam concessit ut pontificalia munia obiret  
in ecclesia Nicosiensi in insula Cypro, de  
licentia hujus archiepiscopi. Id constat ex  
diplomatibus quæ profert præfatus R. P. Bre-  
mond, tom. 4. *Bullar. pp. 279. & 280.* Data  
sunt anno 1505. stylo Bullarum hujus tem-  
poris, id est, 1506. ante diem 25. Martii.

Tunc autem ecclesiam Methonensem Co-  
rinthiensi metropolitano fuisse subditam li-  
quet ex alio diplomate, eodem die dato, in  
quo legitur: *Quodque per hoc venerabili fratri*  
*nostro archiepiscopo Corinthiensi, cui præfata*  
*ecclesia (Methonen.) metropolitico jure subesse*  
*dignoscitur, nullum in posterum præjudicium*  
*generetur, &c.*

### IV. ECCLESIA CORONENSIS.

**C**ORONE, urbs Peloponnesi in Messenia Straboni & Plinio, olim colonia Thebanorum  
in ora sinus Messeniaci, *Coron* dicta à recentioribus in provincia Belvedere, & prius  
*Pedasum*, sita est sub Thematia monte cum portu capaci & tuto, inter Methonem, à qua  
distat 12. milliar. ad ortum æstivum, & Messenem ad ortum æstivum. Sedes fuit episcopalis  
sub archiepiscopo Patracensi, sed nunc est metropolis. Ita Mich. Antonius Baudrand in  
*Lexico geogr. tom. 1. pag. 301. col. 2.* Hujus urbis meminit Stephanus Byzantius. *Secunda*  
(Coronæ nominis) *urbs Peloponnesi inter Sicyonem & Corinthum.* Ad quem locum observat  
Thomas de Pinedo, *pag. 379. nota 74.* hanc Coronam dici *Messeniacam* à Strabone, *lib. 9.*  
(p. 411. D. edit. Casaub.) ut eam à Coronea *Beonica* secerneret: & quamvis hæc secunda  
Coronea Peloponneso assignetur à Stephano, & Messeniæ à Strabone, esse nihilominus  
unam & eandem urbem; quia auctores Peloponnesum & Messeniam, quas Achaia



1037 PROVINCIA PATRARUM VETERUM. 1038  
comprehendebat, sæpius confundunt. Hanc urbem, quam Venetis eripuit Bajazeth II. anno  
1500. & Turcis Carolus V. Imperator an. 1532. qui eam illis dimisit anno 1534. recuperarunt  
Veneti anno 1685. Ex nunciis publ. per eum annum Gallicè conscriptis, pp. 569. & 580.

ECCLIESIA  
CORONEN-  
SIS.

## EPISCOPI CORONENSES.

### I. \* \* \*

ANNO 1210. electo *Coronensi* episcopo duas  
epistolas scripsit Innocentius III. scilicet 23.  
& 24. lib. XIII. datas Laterani XI. kal. April.  
(id est die 22. Mart.) anno XIII. tom. 2. edit.  
*Baluz.* pp. 420. col. 2. & 421. col. 1. Poste-  
rioris titulus est: *Patracensi archiepiscopo &*  
*episcopo Motonensi, & Coronensi electo.*

### II. \* \* \*

Urbanus IV. pro erigendo Balduini II. B  
imperiali folio, & juvandis reliquis princi-  
pibus Latinis in Oriente adhuc dominantibus,  
episcopum *Coronensem*, cæterosque earum  
regionum præfules scriptis litteris graviter  
hortatus est anno 1263. ut ad commune  
arcendum periculum, communes opes im-  
penderent, Willelmoque Villarduino Achaïæ  
principi bello à Mich. Palæologo laceffito,  
ad contrahendas copias, auxilium ferrent.  
Hæc narrat Raynald. ad eum annum, n. 21.  
Anno sequenti 1264. *Coronensi*, qui proba- C  
biliter idem erat, & Argolicensi episcopis pro-  
vinciam demandavit Urbanus contrahendi  
exercitus cruce signatorum, pro recuperando  
imperio Constantinopolitano. Idem Raynald.  
ad hunc annum, num. 57.

### III. HAYMO.

Waddingus, to. 2. ad annum 1278. n. 33.  
refert Nicolaum III. epistola *Transmissa nobis*,  
data eo anno die 18. Aug. mandasse episcopo  
Olonensi, Priori Præd. & Guardiano Minor. D  
de Clarentia ejusdem diocesis Olonensis, ut  
*Haymonem* episcopum Lacedæmonia in Pe-  
loponneso à Græcis occupatæ, ad ecclesiam  
*Coronensem*, etiam in Peloponneso & Mes-  
sania tractu sitam, à capitularibus postulatam  
in eadem auctoritate apostolica admitti, & à  
prioris ecclesiæ vinculo absolvi curarent.

### IV. \* \* \*

Inter episcopos quos Clemens V. per lit-  
teras datas Pictavii die 12. Aug. anno 1307. E  
ad concilium Viennense vocavit, extat *Co-*  
*ronensis*: legitur enim, tom. XI. conc. Labb.  
part. 2. col. 1547. E. «In eodem modo archi-  
» episcopo Patracensi & episcopis, &c. man-  
» damus, quatenus vos fratres, archiepiscope,  
ac Motonensis & *Coronensis* episcopi, &c.»

### V. FATIUS.

*Fatius* sive *Bonifacius*, cognomento Do-

*A noraticus* ex familia sua nobilissima in Tuscia;  
Ord. Præd. primum episcopus Sagonensis sub  
Pisana metropoli creatus est à Bonifacio VIII.  
anno 1297. deinde ad Chironensem eccle-  
siam in insula Cretensi transiit anno 1306.  
denique *Coronensem* administravit circa an-  
num 1320. simulque commendatam habuit  
ecclesiam S. Petri ad vincula Pisanam. Vide  
supra de eo inter episcopos Chironenses,  
col. 915. C.

### VI. ALBERTINUS.

*Franciscus electus.*

### VII. ALVARUS.

Sede Coronensi vacante per obitum *Al-*  
*bertini*, ad illam promovit Joannes XXII.  
anno 1332. die 16. Jun. *Alvarum Pelagium*,  
Minoritam celeberrimum, Hispanum, Ro-  
manæ ecclesiæ poenitentiarium, qui præfati  
Joannis Papæ partes adversus Petrum Cor-  
barium Antipapam strenue tutatus erat, libri-  
que *Planctus ecclesiæ* extitit auctor.

Elegerant quidem canonici Coronenses  
*Franciscum de Luca*, Patracensem canoni-  
cum; sed hanc electionem ratam non habuit  
Pontifex, ac pro illo Alvarum renuntiavit.  
Is vero anno sequenti 1333. transiit ad ec-  
clesiam Sylvensensem in Algarbiis Lusitanorum.  
Alvari meminere Raynaldus & Waddingus  
ad annum 1332. prior, num. 30. posterior,  
tom. 3. num. 7. pag. 392. qui etiam in *Reg.*  
*Pontif.* pp. 222. & 223. diploma Joannis  
profert, eumque subdit in eundem modum  
scripsisse archiepiscopo Patracensi (utique  
metropolitano) & Joanni principi Achaïæ.

### VIII. ISRAEL.

Alvaro probabiliter successit in sede Co-  
ronensi anno 1333. *Fr. Israel* Ordinis Præd.  
quem post Michaellem Pio, part. 2. lib. 3.  
col. 180. Cavalerius, tom. 1. p. 131. n. 148.  
huic ecclesiæ præfuisse asserit: aiunt quidem  
id contigisse circa annum 1347. verum quia  
anno 1346. Joannes qui sequitur, jam eum  
exceperat, dicendum omnino Israellem sedisse  
intra annos 1333. & 1346. Is subinde epi-  
scopus ille *Coronensis* fuit, cui ut & Olenensi  
injunxit Benedictus XII. anno 1337. die 16.  
Septembris, teste Raynaldo ad eum annum,  
num. 34. ut, objecta censurarum religione,  
Bertrandum è Baucio Achaïæ præfectum,  
qui urbem Patracensem obsidebat, à cœptis  
deterrent, & ad oppida, si quæ Patracensi  
ecclesiæ eripuisset, restituenda compellerent.



IX. JOANNES I. *electus*.

## X. PHILIPPUS.

## XI. JOANNES II.

Pro tuendæ in Armenia fidei studio Clemens VI. Antonium, Minoritam, episcopum Cajetanum, & Joannem electum Coronensem in eas regiones legavit anno 1346. Litteras ejus, datas Aven. die 30. Novemb. referunt Raynaldus & Waddingus; ille, *num. 67. iste, tom. 3. num. 2. pp. 533. & 534.* Ad Pisanam ecclesiam translatus est Joannes anno 1349. B die 24. Jun. ex Ughello, *tom. 3. Ital. sac. col. 545. n. 58. B. C. vet. edit.* Obiit tandem Pisis anno 1363.

Idem Ughellus, *tom. 9. col. 79. num. 24.* ait vacanti ecclesiæ Coronensi per modo dictam Joannis translationem præfectum esse à Clemente VI. Philippum de Lanzano, canonicum Rheginensem, anno 1348. die 10. Jul. (legendum ut supra:) ei autem postea translato ad ecclesiam Hydruntinam in regno Neapolitano substitutum ab eodem Pontifice anno 1351. die 20. Maii, *Fr. Joannem Raolecum, Minoritam.* Ita etiam Wadding. *to. 4. ad eum annum, num. 42. pag. 22. & in Reg. Pont. pp. 7. & 8.*

## XII. LUDOVICUS.

## XIII. PETRUS I.

Daniel à V. M. *to. 2. Spec. Carmel. p. 218. num. 776.* exhibet diploma, quo Innocentius VI. promovit B. Petrum Thomæ sive Thomassium, Carmelitam, episcopum Pactensem, ad ecclesiam Coronensem, translato Ludovico ex ea sede ad Aquileiensem an. 1359. die 10. Maii. De Petro jam egimus, tum inter Patriarchas Constantinopolit. *col. 820. E.* tum inter Cretenses archiepiscopos, *col. 910. B. C.*

Ludovicum autem tradit Ughellus, *to. 5. col. 120. num. 73. B. C. veteris edit.* cognominatum fuisse Turrianum, Mediolanensem patria, & ex episcopo Coronensi ad sedem Aquileiensem migrasse anno 1358. vi. idus (id est die 10. Mart.) *Ex Reg. Vatic. epist. 18. fol. 28.* Anno VII. (ex quo anno VII. colligitur hunc fuisse 1359. fortassis quoque legendum Maii, ut in diplomate quod profert Daniel à Virgine Maria, non Martii.) Obiit anno 1364. ante mensem Septemb.

## XIV. PAULUS.

## XV. PETRUS II.

Ughellus modo laudatus scribit, *col. 1350. num. 41. C. D. Paulum Foscharum*, nobilem Venetum, ex ecclesia Coronensi translatum fuisse ad Castellanam Venetiarum an. 1367. die 5. April. eique in episcopatu Coronensi

A successisse Petrum Cornarum seu Cornelium, Venetum, Ordinis Minor. illo ipso anno die 14. Aprilis.

Duorum istorum episcoporum jam meminimus inter episcopos Coronenses sub Atheniensi metropoli, *col. 859. A.* ubi & dubium nostrum aperuimus, cuinam ecclesiæ Coronensi assignandi essent, eo quod ex modo loquendi Waddingi utraque ea ecclesia inferri possit.

## XVI. BARTHOLOMÆUS I.

Bartholomæus Dominici de Senis, Ordinis Præd. Coronensis episcopus renunciatus est circa annum 1413. Obiit Arimini an. 1417. die 3. Jul. Ejus meminere Fontana *Theat. Domin. pp. 179. & 180. tit. 203. & R. P. Bremond, tom. 2. Bullar. pag. 530.*

## XVII. FRANCISCUS.

## XVIII. MATTHÆUS.

De his duobus Coronensis ecclesiæ episcopis Francisco & Matthæo idem ferendum videtur judicium, ac de Paulo & Petro II. supra memoratis. Certum quidem ex diplomate Eugenii IV. *Attentæ considerationis*, dato anno 1435. die 22. Septembris, quod refert Waddingus, *tom. 5. ad eum annum, n. 16. p. 272.* Francisco episcopo Coronensi mortuo suffectum esse illo anno in ea sede Matthæum de Sirinno, Minoritam, hujus Pontificis pœnitentiarium; at cuinam Coronensi præfuerint dubium. Waddingus designat Coronensem in Peloponneso sub archiepiscopo Atheniensi: verum ejus pace dixerim Coroneam urbem, quæ extat in Peloponneso, metropoli Patracensi subjacere, non Atheniensi; eam autem quæ Atheniensi paret, esse in Bœotia, non in Peloponneso. Vide supra *col. 859. B. C.*

## XIX. CRISTOPHORUS.

Christophorus iste sedebat Coronensis episcopus an. 1437. quo missus est ad Joannem Palæologum Græcorum Imperatorem, ut ipsum ad concilium Florentinum invitaret. Diploma Eugenii IV. datum eo anno die 8. Jul. transcripsit Raynaldus, *n. XI.* Legendi tum Labbeus, *tom. XIII. conc. coll. 845. B. C. 850. E. & 1160. C.* ubi hæc extat ejus subscriptio. *Ego Christophorus episcopus Coronensis subscripsi*, tum Raynaldus ad annum 1437. *num. 12. & ad annum 1443. num. 16.*

## XX. BARTHOLOMÆUS II.

De eo Bartholomæo Ord. Præd. jam supra dictum est inter episcopos Argolicenses, *col. 900. C. D.* Hic brevi repetere satis erit eum primò Argolicensi ecclesiæ fuisse præfectum anno 1434. die 16. April. ab Eugenio IV. deinde



deinde translatum ab eodem Pontifice ad A Diploma pontificium extat, tom. 4. Bullar. R. P. Bremond, pag. 284.

ECCLESIA  
CORONEN-  
SIS.

XXIII. ALOYSIUS sive LUDOVICUS II.

Ughellus, tom. 1. Ital. sac. col. 828. n. 51. A. vet. edit. scribit Aloysium de Apera, Panormitanum, antea Coronensem episcopum, ad ecclesiam Humanatensem translatum esse à Julio II. anno 1509. die 7. Septembris; Laterano concilio interfuisse anno 1512. demum obiisse anno 1520.

XXIV. \* \* \*

Raynaldus, to. 19. ad annum 1459. n. 42. mentionem facit de quodam episcopo Coronensi, qui eo anno die 1. Jun. in urbe Mantua coram Pio II. & toto congressu, de Pontificis suscepto consilio, conventus causa, & tyrannidis Turcicae atterendae necessitate, fuisse differuit.

XXII. VINCENTIUS.

Anno 1507. Vincentius quidam episcopus Segni in Campania Romana, translatus est à Julio II. die 4. Aug. ad ecclesiam Coronensem, eique subrogatus in Segniensi Fr. Ludovicus de Viterbio, Ordinis Prædicat.

B Angelus Calepius, Cyprius, Ord. Præd. de quo egimus inter episcopos Santerinenses, col. 1010. A. refert in tractatu de expugnatione Nicosiæ à Turcis anno 1570. qui extat Gallicè ad calcem historiæ generalis regni Cypri Stephani Lusiniæ, edit. Paris. 1604. à fol. 237. verso, ad 272. refert, inquam, fol. 271. tunc interfectum esse cum aliis multis de clero reverendissimum episcopum Coronensem, suffraganeum Nicosiæ.

V. ECCLESIA OLENI.

O LENUS sive Olonus, urbs Achaïæ in Peloponneso Straboni & Ptolemæo, quæ Olenum Plinio, & ab Oleno Vulcani filio condita dicitur, nunc, teste Nigro & aliis, nuncupatur Caminitza, estque oppidulum tenue ad Pirum fluvium (quem Melas Strabo appellat) vix tribus milliar. distans ab ora maris Ionii medium inter Patras, cui ut metropoli subest, & Araxum promontorium. Hæc Baudrand, tom. 2. geogr. pag. 49. col. 2.

EPISCOPI OLENI.

I. GUILLELMUS.

MICHAËLE Palæologo Græcorum Imperatore, post recuperatam anno 1261. Constantinopolim, novam expeditionem parante adversus Latinos principes in Achaïa morantes, ut eos inde deiceret, Urbanus IV. episcopo Olenensi, aliisque præsulibus & abbatibus illarum regionum litteras scripsit anno 1263. ut ad commune arcendum periculum Wilhelmo Villarduino Achaïæ principi auxilia pecuniarum præberent. Ita Raynaldus ad hunc annum, num. 21. in fine.

Is erat Guillelmus de Pontoise, Ordinis Cluniacensis, Caritatis ad Ligerim Prior, inde abbas Cluniaci, qui, ut fertur in chronico hujus archimonafterii jussu abbatis Jacobi de Ambasia conscripto, regere cœpit anno 1244. rexii (autem) annis fere 14. & in episcopatum Olenensem assumptus est: adeoque anno 1258. In catalogo tamen abbatum Cluniacensium dicitur creatus episcopus Olenensis an. 1250. his verbis: Anno 1244. Hugo abbas in Lingonensem episcopum assumptus est, & Guillelmus Prior de Caritate electus est. Anno 1250. D. Tomus III.

C Guillelmus resignavit, & in episcopum Olivensem (Olenensem) assumptus est. In præfato chronico additur: Is obiit xv. kal. Jan. (id est die 18. Decembris) 1263. Jacet apud S. Martinum Parisius. Ita doctissimus Dionys. Sammarthanus, tom. 2. Gallia Christi. edit. Paris. 1720. col. 918. A. ubi etiam observat Guillelmum hunc cum alio Guillelmo episcopo Aginnesi perperam confundi à clarissimis Sammarthanis in sua Gallia Christi. abbatem vero Cluniaci non fuisse episcopum Aginensem, sed Olenensem.

II. \* \* \*

Anno 1278. die 18. Aug. Nicolaus III. scripsit cuidam episcopo Olonensi (Olenensi) ut unâ cum Priore Præd. & Guardiano Min. de Clarentia, ejusdem diocesis Olonensis, Haymonem episcopum Lacedæmonia in Peloponneso à Græcis occupatâ, ad ecclesiam Coronensem, etiam in Peloponneso & Mesania tractu sitam, à capitularibus postulatum, auctoritate apostolica admitti, & à prioris ecclesiæ vinculo absolvi curaret. Ita refert Waddingus, to. 2. ad hunc annum, n. 33. p. 453.

V u u



Inter cæteros præfules, ad quos Clemens V. litteras direxit, datas Viennæ vi. Nonas (five die 2.) Maii anno 1311. de extinctione Templariorum, *Olenensis* commemoratur, *tom. XI: conc. Labb. part. 2. col. 1562. D.* «In eodem modo Patriarchæ Constantinopolitano, & archiepiscopo Patracensi, ac episcopo *Olenensi*.»

## IV. NICOLAUS.

## V. JOANNES.

Ughellus, *tom. 8. Ital. sac. vet. edit. n. 14. col. 272. D.* scribit quemdam Nicolaum episcopum *Olonensem* ad sedem Abellinensem sub Benevento metropoli fuisse translatum die 17. Jun. anno 1334. successorem vero habuisse in ecclesia *Olonensi* Joannem Ordinis Cisterciensis monachum, eodem anno die 18. Aug. *ex Reg. Vatic.* & Nicolaum obiisse anno 1351.

Joannes iste, vel fortassis ejus successor, ille fuit *Olonensis episcopus*, cui refert Raynaldus ad annum 1337. *num. 34.* injunctam provinciam à Benedicto XII. eo anno, ut, objecta censurarum religione, Bertrandum è Baucio solvere obsidionem ab urbe Patracensi cogeret.

## VI. PETRUS.

## VII. ANTONIUS.

Fontana in *Theat. Dom. tit. 433. p. 251.* refert ex mss. quibusdam Bzovii, *Petrum Nicolai*, Ordinis Præd. renunciatum esse episcopum *Olenensem* à Bonifacio IX. x. kal. Febr. (id est die 23. Jan.) anno 1391.

Verum, vel non multo post suam promotionem obiit iste Petrus, vel ad aliam ecclesiam translatus est, vel *Olenensem* dimisit: nam eo ipso anno 1391. *Antonius de Macerata*, Eremita Augustinianus, huic ecclesiæ præfectus fuit ab eodem Bonifacio III. idus (id est die XI.) August. *ex Regesto Vaticano*, teste Thoma de Herrera *Alphab. Augustinian. tom. 1. pag. 39. col. 1.*

Anno 1421. *Theodorus Chrysonergi*, Constantinopolitanus, ejusdem Ordinis Prædic. fedebat episcopus *Olenensis*, quippe qui eo anno constitutus fuit à Fr. Joanne de Chorono, Ordinis quoque Præd. suus procurator specialis, ut per ejus manus dimitteret ecclesiam Ariensem in Creta insula, ad quam renunciatus fuerat. Id constat ex diplomate *Romani Pontificis, &c.* Martini V. dato Tibure idib. (five die 13.) Aug. eodem an. 1421. apud R. P. Bremond, *to. 2. Bullar. pag. 599.* Memoravimus supra Joannem de Chorono, inter episcopos Arientes, *col. 933. A.*

## IX. RAYMUNDUS.

Fr. *Raymundus Lizoli*, Mediolanensis, Ord. Præd. episcopus *Olenensis* renunciatus est ab Innocentio XII. anno 1696. ex Caval. *tom. 1. Galler. Dom. pag. 692. num. 229.* & ex Dominico Ponfi in vita R. P. Antonini Cloche magistri generalis ejusdem Ordinis, *cap. 8. p. 212. num. 25.* Hujus quoque meminit R. P. Jacobus Echard. *tom. 2. scriptor. p. 31. indicis episcoporum*, & creatum asserit episcopum Aulonensem (dicendum *Olenensem*) anno 1697. mense Januar. Vicarius apostolicus fuit Raymundus iste in missionibus Sinensibus, uti liquet ex Fr. Francisco Gonzalez à S. Petro ejusdem Præd. Ordinis in narratione eorum quæ gesta sunt in iis missionibus. Ita R. P. Bremond, *to. 6. Bull. ad annum 1696. pag. 435.*

De ecclesia *Christianopolitana*, quam sub *Patris Veteribus* recenset abbas de Commanville in *sua serie episcopatum totius orbis Gallicè scripta, edit. Rotomag. 1700. p. 209.* quæque nunc est metropolis ad honorem, jam supra differuimus, *coll. 905. 906.* sub metropoli Corinthiensi, cujus antea suffraganeam fuisse scribit Baudrand, *tom. 1. geogr.* ubi de Christianopoli & Megalopoli.

## VI.

## ECCLESIA ANDREVILLÆ.

DE ecclesia Andrevillensi Innocentius III. mentionem facit in epistola 25. lib. XIII. quæ est *thesaurario Thebano, & R. Atheniensi & T. Thebano canonicis* data IX. kalend. April. anno XIII. (id est die 24. Mart. anno 1210.) «Preces, inquit, dilecti filii nobilis viri» Gaufridi principis Achaïæ recepimus, supplicantis ut archidiaconatum vacantem in Andrevillensi ecclesia dilecto filio magistro Joanni capellano suo.... concedere dignaremur, &c.» Huic præfuere nonnulli præfules ritus Latini sub Patracensi Metropolitano.





## EPISCOPI ANDREVILLÆ.

ECCLESIA  
ANDRE-  
VILLÆ.

## I. JOANNES.

**W**ADDINGUS, *tom. 3.* ad annum 1342. *num. 4. pag. 480.* narrat à Joanne Tolono, Minorita, genere Catalano, episcopo Andrevillæ (Andrevillæ) Peloponnesiacæ civitatis, coronatum fuisse hoc anno regio diadmate Ludovicum Trinacriæ regem: citat vero Fazellum, *Decad. 2. lib. 9.* in principio.

## II. THOMAS.

Andrevillensis ecclesiæ præsul renuntiatus est à Bonifacio IX. anno 1391. VII. kal.

A Febr. (id est die 26. Jan.) *Thomas Renda* de Trepano, Ord. Præd. Ita Fontana in *Theat. Domin. pag. 620. col. 2.* ex mss. quibusdam Bzovianis.

## III. AUGUSTINUS.

*Augustinum de Plumbino*, Eremitam Augustinianum, constituit idem Papa Andrevillensem episcopum anno 1396. II. kalend. Aprilis (id est die 31. Martii.) *Ex Regesto Vatic. teste Thoma Herrera, tom. 1. Aphab. Augustiniani, pag. 39. col. 1.*

## PROVINCIA PHILIPPORUM.

**P**HILIPPI, urbs Macedoniæ in Ædonum tractu & in Thraciæ confinio Plinio & Ptolemæo, in prærupto tumulo sita, dicta fuit olim *Datum & Crenides*, ut refert Ap- pianus; postea in gratiam Cæsarum, dicta est colonia Julia Philippi, ad montis Pangæi radices: hodie *Philippo* nuncupatur, & urbs est archiepiscopalis, sed nunc à paucis inhabi- tata, sub dominio Turcarum. Vix 12. milliar. distat ab ora maris Ægæi in septentrionem, & 33. ab Amphipoli in ortum Neapolim (sive Christopolim) versus. Hic campi Philippici, ubi Brutus & Cassius qui Julium Cæsarem interfecerant, ab Augusto victi fuere. Ita Bau- drand, *tom. 2. geogr. pag. 104. col. 1.* Urbs Philipporum archiepiscopo Latini ritus subdita est statim atque Latino principi obtemperavit, eique assignavit ecclesias suffraganeas Inno- centius III. quæ sequuntur, sed corruptis nominibus, scilicet in epistola 56. lib. xv. data die 22. Maii anni 1212. «Episcopatus quoque inferius annotandos ecclesiæ tuæ metropolitico » jure subjectos tibi tuisque successoribus nihilominus confirmamus, videlicet *Eleutheropolim, Casiropolim, Polistrios, Vilikios (&) Morenos*: » quæ ecclesiæ fortassis sunt *Alectryopolis* sive *Alectroso, Cæsaropolis, Polystilius, Belicia & Smolenorum*, de quibus fit mentio in notitia Græco-Latina sub Philippis ad calcem Codini *de Officiis, pag. 391.*

## EPISCOPI PHILIPPENSES.

## WILLELMUS.

**W**ILLELMUS iste ille est, ad quem modo laudatam epistolam, scilicet 56. lib. xv. In- nocentius III. scripsit, & de qua nos supra, *col. 986. C.* inter Nazorescentes episcopos sub Larissena metropoli sermonem habuimus: hunc enim præfatus Pontifex ex ea sede, pro qua hætenus electus tantum fuerat, ad Phi- lippensensem transtulit anno 1212. ac propriis manibus consecravit, pallioque insignivit, ut ipse in ea epistola testatur, *edit. Baluz. tom. 2. pag. 620. col. 2.* Huic præter illam 56. datæ sunt eodem anno 1212. epistolæ 50. 69. & 78. jam recitati libri xv. Probabile est autem illum fuisse antistitem eum *Philippensem*, quem anno 1217. princeps hujus loci per summam

B impietatem sævitiamque interemit, ob cujus cædem Honorius III. eo anno Everardo Pa- triarchæ Constantinopolitano ac episcopis Philippensi metropoli suffraganeis, provin- ciam imposuit, ut anathemate ipsum percel- lerent, ejusque ditionem tandiu ecclesiastico interdicto mulctarent, donec is tantum scelus rite expiasset; si vero impœnitentem sese pro- dere pergeret, aliorum principum potentiam ad pertinaciam ejus infringendam implora- rent, quos etiam ipse Pontifex datis litteris ex- citavit, ut Patriarchæ atque præsulibus modo recensitis in tali ulciscendo crimine suppetias ferrent. Ita Raynaldus ad annum 1217. n. 17. in fine. De archiepiscopis Philippensibus nihil aliud nobis compertum est.





ECCLESIA  
VALACEN-  
SIS.

II.

## ECCLESIA VALACENSIS.

**I**NNOCENTIUS III. meminit cujusdam ecclesiæ *Valacensis* in epistola 192. lib. XIII. ut modo palam fiet: cæterum urbs hujus nominis aliunde nobis incomperta est.

## EPISCOPI VALACENSES.

\* \* \* *electus.*

**E**Pistola 192. lib. XIII. epistolarum Innocentii III. *tom. 2. edit. Baluz. pag. 496. col. 2.* data Later. XII. kal. Jan. anno XIII. (id est die 21. Decemb. anno 1210.) qua confirmantur resignationes ecclesiarum factæ per nobiles terræ Thessalonicensis, hunc titulum præ se fert: «Atheniensi, Neopatreysi, &

A Lariffeno archiepiscopis, & Davaliensi, Fer-  
mopilenfi, Avalonenfi, Sydoniensi, Casto-  
riensi, & Zaratorienfi episcopis, & Thebano, «  
Citrenfi, Nazorescensi, & *Valacensi electis.* «  
Quum à nobis petitur quod justum est, &c.»  
Hinc patet eo anno exeunte aliquem fuisse  
electum in episcopum ecclesiæ Valacensis:  
at quodnam fuerit ejus nomen, quosve suc-  
cessores habuerit, ignoramus.

III.

## ECCLESIA CHRISTOPOLIS.

**C**HRISTOPOLIS, ex Mich. Anton. Baudrand, *tom. 1. geogr. pag. 268. col. 1.* urbs est Macedoniae Gregorio Turonensi in Thraciæ confinio, episcopalis olim sub archiepiscopo Philippensi, nunc metropolis, quæ eadem putatur cum *Amphipoli*, de qua hæc idem habet, *pag. 53. col. 1.* «*Amphipolis*, urbs Macedoniae Thucydidi, quæ postea *Christopolis* à Græcis appellata (vulgo Christopolis) hodie *Emboli* Turcis, teste Leunclavio, aliis autem «*Chrisopoli*, seu & melius *Chisopoli*, urbs archiepiscopalis Macedoniae versus Thraciam, in «*Odomantice tractu ad Strymonem fluvium paulo supra ejus ostia (quibus) in mare Ægæum «(demergitur,) Serris proxima, & sinui Strymonico: dicta (autem) fuit Amphipolis, quod «illam Strymon (præfatus) circumfluit & ambit; est autem inter Philippos ad ortum, & «Apolloniam ad occasum ad 30. milliar. & 75. à Thessalonica in ortum, sub dominio Tur- carum.» Et rursus, *tom. 2. pag. 15. col. 1.* ubi de Neapoli in Macedonia: «*Neapolis*, inquit, «urbs Macedoniae Ptolemæo, quæ postea *Christopolis*, nunc *Christopoli*, Sophiano teste, antea «episcopalis sub archiepiscopo Philippensi, postea metropolis effecta, ad Strymonicum sinum «inter ostia Strymonis & Nessi fluviorum, forsan eadem est quæ Amphipolis, ut quidam credunt.» Thomas de Pinedo in Stephan. Byzantium, *pag. 78. annot. 10.* urbem hanc ait olim appellatam *Acræ*, *Novem vias*, *Crademnam* & *Anadrænum*: at postquam ab Agnone Atheniensium duce capta fuit, dictam esse *Amphipolim*; & *pag. 619. annot. 63.* Strymonem, quem *fluvium Amphipolis* Stephanus nuncupat, & de cujus nomine hodierno inter auctores non convenit, Thraciæ & Macedoniae assignari, quod, juxta Ptolemæum *lib. 3. cap. 13.* ex montibus Thraciam & Macedoniam dividantibus originem sumat. Huic urbi præfuere nonnulli antistites Latini.*

## EPISCOPI CHRISTOPOLIS.

I. MARTINUS.

**M**ARTINUS de Soleta, Helvetius, Ord. Præd. & sacre theologiæ magister in facultate Coloniensi, refertur à Fontana in *monum. Domin. pag. 224.* ex fide Lucarini ejusdem Ordinis, ut qui floruerit circa annum 1354. ac adversus hæreticos grande volumen scripserit *de catholice fidei veritate*: propter quod à Nicolao V. *Chrispolitani* episcopus promotus fuerit, & episcopo Basileensi suffraganeus datus. Subdit autem eum obiisse quum ad apostolicam curiam accederet. Verum errorem occurrere oportet, vel in nomine Pontificis, vel in assignatione temporis: sedit

Benim Nicolaus V. ab anno 1447. ad annum 1455. Præterea ecclesia *Chrispolitana* nullibi legitur in notitiis; dicendum itaque videtur hunc Martinum renunciatum fuisse episcopum vel *Christopolis* in Macedonia sub Philippensi metropoli, vel *Chrysopolis* in Arabia sub Bostrensi, idque contigisse tempore Innocentii VI. aut aliquorum ex ejus successoribus, si revera sæculo decimo quarto medio floruerit iste Martinus; vel ipsum sequenti tantum sæculo vixisse, si ipsum Nicolaus V. nominaverit præfulem. Has movet difficultates R. P. Echard. *tom. 1. scriptorum Ordinis Præd. pag. 729. col. 1.* Ad sæculum tamen potius decimum quartum quam ad decimum



quintum revocandus videtur, utpote quod A scribat Waddingus infra laudandus, Joanni defuncto substitutum fuisse Michaellem sui Ordinis in sede Christopolitana à Nicolao V. anno illo ipso 1454.

## II. HERMANUS.

*Hermanus Wolf*, Ordinis Prædic. electus est episcopus *Chrisspolensis* sive *Christopolensis* in Macedonia sub archiepiscopo Philippenfi ab Innocentio VI. extremis sui Pontificatus diebus, & ab Urbano V. ejus successore confirmatus die 8. Novemb. anno 1362. *Ex lib. Provif. Prælat. utriusque Pontif.* Ita Fontana *Theat. Dom. pag. 182. tit. 209.* Cavalerius, *to. 1. pag. 149. num. 202.* & R. P. Bremond, *tom. 2. Bullar. pag. 263.* ad annum 1362.

## III. ADALBERTUS.

## IV. JOANNES I.

Waddingus, *tom. 4. ad annum 1394. n. 5. pag. 305.* refert, ecclesia *Christonopolitana*

(probabiliter *Christopolitana*) sub Patriarcha Constantinopolitano vacante per obitum *Adalberti, Fr. Joannem Zacous, Minoritam*, eo anno 1394. die 17. Jul. huic præfectum esse à Bonifacio IX.

## V. THOMAS.

Joanni præfato anno 1395. & probabiliter priusquam consecraretur, defuncto, substitutus est ab eodem Bonifacio IX. *Fr. Thomas Buttylerus*, Ordinis quoque Min. Ita rursus Waddingus, *ibid. ad annum 1395, num. 2. pag. 308.*

## VI. JOANNES II.

## VII. MICHAEL.

Post obitum cujusdam *Joannis* episcopi Christopolitani in Macedonia, *Fr. Michael Castault*, Ordinis Minor. ad hanc sedem à Nicolao V. evectus est die 8. Martii anno 1454. Ita Vaddingus, *to. 6. ad hunc annum, num. 64. pag. 129.*

## PROVINCIA RHODI.

**RHODUS**, insula Asiæ minoris in mari Carpathio, & Cariæ ad meridiem fere adjacens Straboni, Plinio & Ptolemæo, variis nominibus quondam dicta est; prius *Ophiusa, Telchinis, Asteria, Æthraea, Trinacria, Corymbia, Pæssa, Atabyria, Macaria & Olæssa*; circuitus ejus fertur 130. milliar. quidam dicunt 110. Urbs ejus primaria Rhodus permunita est & archiepiscopalis, in parte orientali hujus insulæ sita, qua tendit ad septentrionem: portum habet & emporium celeberrimum, ubi olim steterat Colossus seu statua Solis, opus inter septem totius orbis mirabilia celebratum, de quo sic Plinius loquitur, *lib. 34. cap. 7. Ante omnes fuit Solis Colossus Rhodi, quem fecerat Chares Lindius Lysippi discipulus. 70. cubitorum altitudinis fuit. Hoc simulacrum post 56. annum terræ motu prostratum, sed jacens quoque miraculo est: pauci pollicem ejus amplectuntur; majores sunt digiti quam pleræque statuae: vasti specus hiant de fractis membris.* Capta fuit quarto ab oppugnatione anno, die scilicet 15. Augusti anno 1310. à Fulcone Willaretio Gallo, magno magistro equitum S. Joannis Hierosolimitani, qui inde appellati fuere *Rhodii equites*, eamque servarunt usque ad annum 1522. Tunc autem eis erepta est à Solimano Turcarum Imperatore, ex quo tempore Turcis subjicitur. Distat à Cypro insula in occasum 260. milliar. ab Alexandria in septentrionem Constantinopolim versus 500. circiter, 20. milliar. à littore Cariæ inter Cretam ad occasum 134. & Chelidonias insulas in ortum 160. Ita Baudrand, *tom. 2. pp. 171. & 172.*

Præsules hujus urbis interdum *Colossenses* dicuntur ob famosum ejus *Colossus*, qui subinde confundendi non sunt cum archiepiscopis Colocensibus in Pannonia.

## ARCHIEPISCOPI RHODII sive COLOSSENSIS.

## I. VIDO.

**VIDO**, natione Græcus, professione Dominicanus, dicitur fuisse archiepiscopus Colossensis sive ecclesiæ metropolis insulæ Rhodi anno 1238. Ejus meminere Fontana *monum. Dom. p. 42. col. 2. Cavaler. tom. 1. pp. 11. & 12. n. 5.* & R. P. Bremond, *to. 1. Bull. p. 113.*

## II. \* \* \*

Raynaldus, *to. 16. ad annum 1336. narrat*

C Benedictum XII. scripsisse eo anno ad præfules insularum Siciliæ, Cypri, *Rhodi, &c.* ut sacram militiam suscitarent contra Infideles.

Idem fortassis fuerit, quem monuit Clemens VI. anno 1245. ut Imberto sive Umberto Delphino Viennensi duci exercitus cruce signatorum consilio & opera præsto esset.



## III. \* \* \*

Archiepiscopi *Colossensis* meminit Innocentius VI. in epistola data anno 1353. die 1. Decemb. apud Raynaldum, *num. 19.* qui etiam probabiliter eidem archiepiscopo, ut & pluribus aliis præsulibus mandavit litteris datis die 11. Maii anni 1359. ut fideles protegerent adversus Turcas, *ibid.* ad eum annum, *num. 16.* Non alius fortassis fuit ille, ad quem duosque alios scripsit Urbanus V. anno 1363. die 16. Junii, de restituendis ipsorum cura bonis quibuscumque Fr. Petro Fanensi Minoritæ Converso ablatis. Hanc epistolam profert Waddingus, *tom. 4. annal. in Regest. pag. 80.*

## IV. GUILLELMUS.

Idem Waddingus, *ibid.* ad annum 1365. *num. 5. pag. 105.* scribit, *Guillelmo* episcopo Niseriensi ad *Colossensem* archiepiscopatum translato, ei successum esse in sede Niseriensi eo anno die 2. Martii Fr. Thomam de Nigroponte, Ordinis Min.

## V. JOANNES.

*Joannes Fardinas*, Ordinis Præd. archiepiscopus Colossensis in insula Rhodo ab Urbano V. renuntiatus est anno 1370. *Ex lib. Provisionum Prælat. hujus Pontificis.* Ita R. P. Bremond, *tom. 2. Bullar. pag. 263.*

## VI. MATTHÆUS.

*Matthæus de Empoli*, Ord. Præd. alumnus provincie Romanæ, archiepiscopus Rhodius creatus fuit à Bonifacio IX. circa annum 1396. Ita Fontana *Theat. Domin. pag. 97. tit. 81.* ubi ait eum obiisse anno 1400. & R. P. Bremond, *pag. 460.*

## VII. ANDREAS.

*Andreas*, Rhodius vel *Colossensis* dictus, quod metropolis insulæ Rhodi archiepiscopus fuerit, Græcus erat natione. In actis concilii Basileensis agnominatur *de Petra* (ea fortassis oriundus, quæ extat in Macedonia ad oram maris Ionii ad Dyrrachium.) In schismate à parentibus educatus, Græcorum theologiam perfecte didicit; sed sibi comparata lingua Latina, Patribusque utriusque ecclesiæ sedulo lectis, afflante divino numine, schisma ejuravit, & Ordinem Prædicatorum professus est; deinde ad sedem Rhodiorum seu Colossensem assumptus, affuit concilio Constantiensi. De eo hæc scribit Sylvester Sguropulus scriptor schismaticus, *hist. conc. Florent. sect. 2. c. 5.* "...quum noster esset origine (*Andreas*) nostraque litteratura ac eruditione plenissime instructus, nescio quo cæstro percitus, à nobis

A ad Latinos transfugit, eorumque doctrinam ac mores amplexus, & ab illis ad dignitatem episcopalem evectus, omnem in posterum operam ac industriam conferebat, ut alios ad eandem sententiam pertraheret, quam ipse intime imbiberat, maximamque sibi felicitatem reputabat, si omnes æque ac se dociles sui que sequaces reperiret."

Anno 1416. die 4. Febr. in sessione 20. synodi Constantiensis Andreas, tum suo, tum Sigismundi Romanorum regis nomine, subscripsit concordatis Narbonæ initis die 13. Decembris anno præcedenti Legatos inter hujus synodi & ambassiatores regum qui Benedicti XIII. obedientiam fovebant. Martinus V. anno circiter 1430. Andream misit Constantinopolim, ut unionem utriusque ecclesiæ, ad quam Manuel Joannesque ejus filius Imperatores Græci propendere videbantur, promovere studeret. Ex ea legatione reversus paulo ante Martini mortem, apud illum ejusque successorem Eugenium IV. substituit. Oboræ inter præsules concilii Basileensis & Eugenium Papam gravioribus diffidiis, ab isto ad illos delegatus est nuntius & orator, ut eosdem ad partes summi Pontificis adduceret, eaque de re gravem & elegantem anno 1432. die 22. Aug. orationem habuit: verum responso à Basileensibus die 3. Sept. accepto, quum die 6. ejusdem mensis in sess. 6. præsentem se synodo exhibuisset, repulsam passus, rediit ad Eugenium.

Concilio primum Ferrariæ, deinde Florentiæ coacto pro reconciliatione Græcorum cum ecclesia Romana interfuit, Marcumque Ephesinum, & Bessarionem Nicænum, antistites pro Græcis disputantes, sæpius confutavit. Andream quidem arguit Græcus concilii interpres, quasi extra chorum saltaverit, nec de re proposita dixerit; at secus refert Andreas à S. Cruce præsens in concilio, qui & ejusdem historiam seu diarium concinnavit: notat quoque Horatius Justinianus plenam Græco scriptori vel ejus corruptori non esse adhibendam fidem. Subscripsit synodo inter Latinos archiepiscopos quartus anno 1439.

Perstitit Florentiæ Andreas usquequo Armeni & Jacobitæ fidem Romanam amplexi sunt: tum vero ab Eugenio missus est in insulam Cyprum, ut devios adhuc ibi & dissidentes ad frugem revocaret. Extat apud Raynaldum ad annum 1441. n. 6. diploma hujus Pontificis, datum archiepiscopo Colossensi Florentiæ eo anno die 5. Novemb. quo ei mandat, ut habita ratione decreti unionis in concilio promulgati, & in insula Cypro accepti, omni cura & diligentia procuret ne deinceps Latini in ea insula à communione



Græcorum abstineant. Legendum insuper A  
aliud diploma ejusdem Pontificis, datum  
Romæ anno 1445. mense Augusto, *tom. 13.*  
*conc. Labb. col. 1225. D. & tom. 13.* Raynaldi  
ad annum 1445. *num. 21.* Ex quo infert P.  
Echard. *tom. 1. scriptor. Ord. Præd. pag. 803.*  
*col. 1.* eo anno Andream adhuc fuisse super-  
stitem, quum nullum ibi ejus mortis indi-  
cium suggeratur. Eum in Oriente reliquum  
vitæ suæ exegisse tempus, qua confirmandis  
in recenti unione, qua ad eam revocandis  
aut inducendis multis regionum illarum in-  
colis, conjicit idem P. Echard. qui præter  
acta ejus in conciliis Constantiensi, Basileensi  
& Florentino, quædam opuscula Græcè B  
scripta in Vaticanis mss. servari ait, videlicet,  
1.º *Andræ Rhodi archiepiscopi apologiam de-*  
*monstrativam de divina essentia & operatione*  
*ex S. Thomæ commentariis, ad Bessarionem*  
*Nicææ archiepiscopum.* 2.º *Andræ Rhodi &*  
*Marci Ephesii dialogum, cui occasionem*  
*dederat epistola quædam Marci Ephesii ad*  
*Georgium Scholarium contra ritus & sacrificia*  
*Romanæ ecclesiæ, teste Allatio, de utriusque*  
*ecclesiæ consensu, lib. 3. cap. 3. col. 935.*

## VIII. LEONARDUS.

ECCLESIA  
RHODI.

Waddingus scribit, *tom. 8. annalium* ad  
annum 1506. *num. 84. pag. 128.* Leonardum  
*de Balestrinis*, Minoritam, ad archiepisco-  
patum Colossensem five Rhodium eo anno  
die 7. Septemb. à Julio II. fuisse promotum.  
Sub ejus præfulatu Solymanus Turcarum  
Imperator Rhodum equitibus Rhodiis anno  
1522. eripuit. Rocchus Pirrus, *Sicil. sac.*  
*tom. 2. pag. 621. num. 13.* Leonardum ait  
Romæ obiisse anno 1524.

## IX. MARCUS.

*Marcus Cathaneo*, Januensis, Ord. Præd.  
vir doctrina & facundia tam in scholis quam  
in sacris pulpitis celebratissimus, à Clemente  
VII. Bononiæ tunc agente, fedi Colossensi  
per obitum Leonardi vacanti præfectus est  
anno 1529. die 24. Augusti, ut fidem facit  
hujus Pontificis diploma, quod refert R. P.  
Bremond, *tom. 4. Bullar. pag. 527.* Decessit  
Januæ anno 1546. mense Maio. De eo me-  
minere Leander Descritt. *d'Italia, fol. 16. A.*  
Fontana, Cavalier. R. P. Echard. & plures alii.

## II.

## ECCLESIA NIZERIÆ.

**N**IZERIA procul dubio est *Icaria*, de qua Michael Antonius Baudrand, *geogr. tom. 1.*  
*p. 503. col. 1.* hæc scribit: «*Icaria*, insula maris Ægæi Ptolemæo, quæ *Icaros* Plinio  
& Stephano, nunc vulgo *Nicaria*, seu etiam *Nicouri* dicta, ut quidam tradunt, oblonga est «  
& culta, urbeculam habens episcopalem sub archiepiscopo Rhodio. Sic appellata est ob «  
*Icarum*, quem volantem ibi decessisse fabulantur, quum prius *Pergamus* nominaretur, teste «  
Pausania in Bœoticis. Ejus circuitus est 40. milliar. circiter, inter Samum insulam ad ortum «  
28. milliar. & Naxum ad occasum 60. inter Chium vero ad septentrionem 40. & Pathmum «  
ad meridiem 25. longius autem à Delo. Olim suberat Justinianis Genuensibus Chii insulæ «  
dominis; sed à duobus sæculis sub potestate Turcarum est.»

## EPISCOPI NIZERIÆ.

## I. JOANNES I.

## II. GUILLELMUS I.

**W**ADDINGUS refert, *tom. 4.* ad annum  
1353. *num. 6. pag. 33.* ecclesia Nizeriensi  
in Rhodiorum insula vacante per obitum  
*Joannis*, assumptum fuisse ad ejus regimen  
ab Innocentio VI. eo anno die 19. Julii  
*Guillelmum Alboni*, Minoritam, per diploma  
*Pastoralis officii*, quod exhibet *ibid. in Regest.*  
*Pontif. pag. 30.*

## III. GUILLELMUS II.

## IV. THOMAS.

Ex eodem Waddingo, *ibid.* ad annum 1365.  
*n. 5. p. 105.* Guillelmo episcopo Nizeriensi  
translato ad Colossensem ecclesiam, in ejus  
locum suffectus est ab Urbano V. eo anno  
die 2. Mart. *Fr. Thomas de Nigroponte*, Mi-

Cnorita. Si *Guillelmum* Waddingus diceret sui  
Ordinis fuisse alumnum, vel *Fratrem* nun-  
cuparet, eum facile crederem esse *Guillelmum*  
illum *Alboni* superius memoratum; sed de eo  
loquitur veluti de extraneo.

## V. GUILLELMUS III.

*Guillelmus Capellerii*, Eremita Augustinian.  
renuntiatus est episcopus Nisariensis (id est  
Nizeriensis) anno 1426. die 30. Augusti à  
D Martino V. Ita Herrera *Alphabeti Augusti-*  
*niani tom. 1. pag. 296. col. 2.*

## VI. JOANNES II.

R. P. Bremond profert, *tom. 4. Bullar.*  
*pag. 273.* diploma quoddam Julii II. datum  
anno 1508. die 27. Augusti, quo *Fr. Joannem*  
Ord. Præd. promovet ad ecclesiam *Naza-*  
*riensem*. Hanc sedem quæ nullibi reperitur,



cenſuit ille fuiſſe vel *Nazareth* in Palæſtina, A pro *Nizerienſi*, ſubindeque Joannem illum, de quo ſilent ſcriptores Dominicani, fuiſſe eccleſiæ Nizerienſis epiſcopum. Vide ſupra *Nazarienſem* hîc legi per amanuenſis errorem inter Paro-Naxienſes antiſtites, col. 1005. B.

## III.

## E C C L E S I A M E L O S.

**M**ELOS inſula eſt maris Ægæi ſeu Cretici Straboni & Plinio, olim *Zephiria* ab Ariſtotele dicta, & *Mimallis* à Callimacho, nunc *Milo*: fere rotunda eſt, circuitus 60. milliarium, fertilis admodum & culta, portu gaudens capaciſſimo cum tribus caſtris, & urbe ejuſdem nominis, epiſcopali ſub archiepiſcopo Rhodiorum in ejus parte meridionali, cum duplici epiſcopo, Latino nempe & Græco. Diſtat autem 36. milliarib. à Cydonia & Rhitymna urbibus Cretæ in ſeptentrionem, Sunium promontorium Atticæ verſus 90. & 70. à Scyllæo promontorio Peloponneſi in ortum hybernium, eique adjacet ad meridiem inſula parva *Antimilo* dicta, & ad ortum, alia *Cimolos* appellata. Hæc Baudrand, *tom. 1. geogr. p. 644. col. 1.* Epiſcopum Latinum hujus inſulæ archiepiſcopo Paro-Naxienſi parere tradit abbas de Commanville in *Tab. epiſcopatum totius orbis, pag. 154.* Hi porro Latini præſules iſtius loci ad notitiam noſtram venerunt.

## E P I S C O P I M E L E N S E S.

## I. J A C O B U S I.

**J**ACOBUS Navellus ſive Novellus, Ordinis Prædic. renunciatus eſt epiſcopus Melenſis, ſive urbis & inſulæ Melos, à Clemente VI. circa annum 1349. Ita poſt Cavalerium, *to. 1. pag. 138. num. 170.* doctiſſimus P. Bremond, *tom. 2. Bullar. p. 241.* Ejus meminit Valerius Moſcheta, Ordinis Præd. in *vita B. Joannis Vicentini*, ejuſdem Ordinis, *num. 33.* apud doctiſſ. Bollandianos, *tom. 1. Jul. ad diem 2. pag. 475. col. 1.* B. Fr. Jacobus Novellus (Tariſinus Ordinis Præd.) epiſcopus Milenenſis claruit 1350.

## II. A L B E R T U S.

**Albertus de Uſſi**, ejuſdem Ordinis Præd. dicitur à Fontana in *Theat. Dom. pag. 235. tit. 386.* fuiſſe epiſcopus *Milonenſis* in Hungaria ſub archiepiſcopo Colocenſi ab Urbano V. renunciatus an. 1364. ex mſſ. Bzovii. Verum quia epiſcopatum ejuſmodi nominis nec in Hungaria, nec ullibi reperire eſt, fortaiſſis legendum cenſet præfatus P. Bremond, *ibid. pag. 702.* epiſcopus *Milonenſis* ſeu *Melonenſis*, id eſt, eccleſiæ *Melos* ſub archiepiſcopo Rhodio, sæpe *Coloſſenſi* appellato.

## III. V I T A L I S I.

**Vitalis de Faventia**, Eremita Auguſtinianus, anno 1391. erat epiſcopus Milenſis, quo in regiſtris præfati Ordinis datur ei die 25. Sept. facultas retinendi ſecum continue in capellanium vel ſocium, unum Fratrem ejuſdem Ordinis, eundemque permutandi, prout libuerit. Ita Herrera *Alphabeti Auguſtiniani tom. 2. pag. 503. col. 2.*

## IV. V I T A L I S II.

Waddingus, *tom. 5. ad annum 1411. n. 4.*

B *pag. 77.* ſcribit Fr. Vitalem ſui Ordinis alumnus, ex Milenenſi eccleſia ad Abienſem ſub Patriarcha Conſtantinopolitano tranſlatum fuiſſe anno 1399. in eaque diem extremum clauſiſſe anno 1411. Is fortaiſſis fuerit Vitalis immediate ſupra recensitus: quo in caſu Auguſtinianus eſſet, non Franciſcanus.

## V. H E N R I C U S.

## VI. J O A N N E S I.

Idem Waddingus, *ibid.* ad annum 1418. *num. 35. pag. 121.* aſſerit, eccleſia Milonenſi in inſula Archipelagi vacante per obitum C Henrici, ei datum eſſe Fr. Joannem de Medicis, Cretenſem, Minoritam, eo anno à Martino V. die 2. Maii.

## VII. G E R L A C U S.

## VIII. J O A N N E S II.

**Gerlaco** Milonenſi epiſcopo viam omnis carnis ingreſſo, ſubſtituit præfatus Martinus V. anno 1419. die 27. Novemb. Fr. Joannem Botesach, Ord. Præd. diplomate, *Apoſtolatus officium*, quod profert R. P. Bremond, *to. 2. Bullar. pag. 570.*

## IX. J O A N N E S III.

## X. N I C O L A U S.

Fontana *Theat. Domin. pag. 235. tit. 383.* refert ex lib. *Proviſ. Prælat.* Calliſti III. Joanni Milonenſi ſive Milenſi epiſcopo mortuo ſuſſectum fuiſſe ab eo Pontifice anno 1455. die 21. April. Fr. Nicolaum Langen, Ordinis Præd. Joannis hîc ſpecialiter meminimus, quia fortaiſſis alius eſt à Joanne præcedenti, quum ab anno 1419. ad finem anni 1455. computentur anni 36.

## XI.



## XI. JACOBUS II.

## XII. MARCUS.

*Jacobo* episcopo Melenfi hanc ecclesiam resignante inter manus Innocentii VIII. anno 1486. die 28. Julii, ad illam iisdem die & anno promovit Pontifex *Fr. Marcum Stellam*, Ordinis Prædic. Legi possunt duo ejus diplomata, unum ad Marcum Stellam, alterum ad archiepiscopum Naxiensem, tunc temporis metropolitanum, data eodem die 28. Jul. apud doctissimum P. Bremond, *tom. 4. Bullar. pag. 78.*

## FRANCISCUS electus.

## XIII. JOANNES IV.

## XIV. GREGORIUS.

*Franciscus* Rhodius, quum fuisset electus episcopus Milenensis sive Milensis an. 1541. antequam inauguraretur, eam ecclesiam dimisit. Huic subinde substitutus est à Paulo III. die 4. Februarii (anno, ut videtur, 1542.) *Joannes Petrus Ferettus*, Ravennas, vir eruditissimus, sed in amœnioribus præcipue literis summam apud sui ævi doctos existimationem consequutus, & præfato Paulo III. admodum charus: ei ecclesiæ quum præfuiisset annos quatuor, episcopali Romæ se muneri substraxit; sed anno 1550. coactus est præsulatus iterum subire onus in sede Lavellina. Plura ingenii sui monumenta reliquit manuscripta, quæ in Vaticana bibliotheca asservantur.

*Gregorius Casella* seu *Castagnola*, Ordinis Præd. theologus insignis, Joanni Petro Ferretto successit anno 1545. die 6. Novembris.

Hæc de tribus istis episcopis scripserat Ughellus, *tom. 1. Ital. sac. vet. edit. col. 1040.*

*Ann. 39. 40. & 41. sub Militenfibus episcopis:* ECCLESIA MELOS.  
verum postea in Appendice quæ extat ad calcem *tom. 9. col. 916. lin. ult. & col. 917. A.* ita advertit: «Eadem pagina, inquit, (1040. tom. 1.) nn. 39. 40. & 41. dele omnia quæ « de *Francisco Rhodio*, *Joanne Petro Ferretto*, « & *Fr. Gregorio Corella* (Casella) Dominicano « diximus; quum revera ii tres episcopi, non « *Militenses*, sed *Milenses* in insulis Ægæi maris « fuerint episcopi: & nos hallucinati, tum ex « nominis episcopatum affinitate, cum ex « amanuensis inscitia, gratis in *Militensium* ap- « posuimus serie, quum *Milenses* fuissent.» Sessioni VIII. concilii Tridentini anno 1547. die 11. Martii subscribere *Joannes Petrus Ferretus* & *Gregorius Castagnola*, uterque ut episcopus *Milensis*, *tom. XIV. conciliorum Labb. col. 786. C. D.*

## XV. ANTONIUS.

*Leo Allatius, lib. 3. de utriusque ecclesiæ consens. cap. 12. col. 1057.* testatur suo tempore, id est, ante annum 1648. quo tractatus iste editus est, episcopum Latinum Melensem in ea insula degentem fuisse *Antonium Serram*, Chio oriundum. Is probabiliter ille est, qui, tacito nomine, refertur consecratus Romæ die 28. Septembris à D. Cardinali Pallotta in templo S. Silvestri anno 1642. episcopus Milensis (Millo) in nunciis publicis hujus anni Gallicè scriptis, *pag. 1061.*

## XVI. \* \* \*

In nunciis Bruxellensibus anni 1658. Gallicè pariter scriptis, fit mentio, *p. 451. episcopi Milensis*, suppresso ejus nomine, quem Turcæ interfecerunt eo anno. Fortassis alius est à præcedenti.

## IV. ECCLESIA SCARPATENSIS.

*CARPATUS*, insula Asiæ minoris in mari Ægæo Straboni & Plinio, vulgo *Scarpanto* appellatur, Sophiano teste & aliis, estque inter Rhodum insulam ad ortum 50. milliar. & Cretam ad occasum 60. milliar. Asiæ minori & Cariæ propior: ejus circuitus est 50. milliar. Oppidum habuit *Posidium*, nunc *Scarpanto* dictum, castrum tenue cum portu *Porto Tristano* nuncupato in ora orientali. Ibi commoratur episcopus Græcus. Hæc Baudrand, *tom. 1. pag. 234. col. 1.* Aliquot præsules Latini ritus ei præfecti fuere.

## EPISCOPI SCARPATENSES.

## I. NICOLAUS I.

## II. NICOLAUS II.

*Waddingus, tom. 3. ad annum 1326. n. 10. pag. 339.* refert Scarpatenfem ecclesiæ in Græcia sub Patriarcha Constantinopolitano vacanti per obitum cujusdam *Nicolai* Venetiis defuncti, datum esse in episcopum à Joanne *Tomus III.*

*EXXII.* eo anno die 26. Maii *Fr. Nicolaum de Machilona*, Minoritam, diplomate, *Summi dispositione*, quod ipse exhibet *ibid. in Regest. Pontif. pag. 167.*

## III. NICOLAUS III.


*Nicolaus Sorbolus*, Venetus, Ord. Carmel. episcopus Scarpatenfis, obiit anno 1368.

X x x



anni 1400. Ita Fontana *Theat. Dom. p. 292.*  
*tit. 535.*

*Nicolaus Abrahæ*, Ord. Præd. recensetur



V. ECCLESIAE TENI & MYCONI.

**B**ONIFACIUS IX. ecclesias *Thinnarum* & *Michimarum*, ut ipse eas appellat, jam fuisse unitas anno 1400. testatur in diplomate, *Dudum siquidem*, eo anno dato die 31. Martii, apud R. P. Bremond, *tom. 2. Bullar. Ordinis Præd. pag. 394.* Hæ autem Cycladum duæ insulæ sunt, de quibus seorsim Mich. Antonius Baudrand ita loquitur: «*Tenos* insula est maris *Ægæi*, inquit, *tom. 2. pag. 299. col. 1.* & una Cycladum Ptolemæo, ab Aristotele *Hydnissa* dicta ob aquarum copiam, teste Plinio, (qui etiam appellari ait ab aliquibus *Ophiussam*) nunc *Tine* à Sophiano, & ab aliis omnibus. Extenditur ad 15. milliar. Circuitus vero ejus est 35. cum oppidulo & arce permunita in monte excelsa, sub dominio Reipublicæ Venetæ à tribus sæculis, quum omnes aliæ illarum partium (insulæ) Turcis subsint. Episcopum habet ritus Latini, estque Andro proxima ad 7. milliar. 18. à Scyro, & 12. à Mycono insula in septentrionem, uti à Delo. Ejus meminit Ovidius, *lib. 7. Metamorph.*»

De *Mycono* vero ait, tom. 1. pag. 687. «*Myconos*, infula maris *Ægæi* una *Cycladum*  
» *Ptolemæo* & *Plinio*, quæ *Mycone* *Virgilio*, nunc *Micone* dicta, prope *Tenon* insulam, teste  
» *Sophiano*. Circuitus ejus est 30. milliar. cum oppido & duplici portu sub dominio *Turcarum*  
» ab uno sæculo & ultra, quum antea *Venetis* obtemperaret. 4. milliar. distat à *Delo*, & inter  
» utramque inest scopulus *Tragonisi* dictus ab incolis, & *Dragonera* *Italis*. Vix 5. milliaribus à  
» *Teno* distita est in ortum.» Hæc, inquam, *Baudrand*. Ecclesiam *Thiniensem* sub *Naxiam* &  
» sub *Rhodom*, ut suffraganeam utriusque, diversis temporibus reponit abbas de *Commanville*  
» in sua serie episcopat. pp. 104. & 235. sed nunc *Naxiæ* subjectam monet, *ibid.* pag. 232.

EPISCOPI TENI & MYCONI.

I. JOANNES.

II. MARCUS I. *electus.*

### III. JACOBUS I.

EX diplomate Bonifacii IX. dato an. 1400. die 31. Mart. quod exhibet doctissimus P. Bremond, tom. 2. Bullar. pag. 394. discimus, quodam Joanne episcopo Tynnarum & Michimarum ecclesiarum invicem canonicè unitarum defuncto, renunciatum fuisse ab eo Papa Fr. Marcum de Palmerio, Ord. Præd. hujus sedis præfulem. Quum vero Marcus iste litteras apostolicas super hac provisione infra tempus debitum expediri neglexisset, ipsi Fr. Jacobum Gudrigetti de Lavazola, ejusdem Ord. Præd. ab eodem Pontifice fuisse substitutum.

#### IV. ANTONIUS.

Waddingus, tom. 5. ad annum 1418.  
num. 35. pag. 121. & ad annum 1428. n. 3.  
pag. 197. scribit Fr. Antonium Tiburinum,  
Minoritam, creatum fuisse à Martino V.

B anno 1418. die 11. Augusti episcopum Thienensem & Michonensem, postea vero ab eodem Papa translatum esse anno 1428. die 21. Maii ad ecclesiam Civitatis novæ in Istria sub Patriarcha Aquileensi. Diploma profert postremæ promotionis in *Reg. Pontif. pag. 160.*

V. JACOBUS II.

In modo laudato diplomate Martini V. declaratur, ecclesia Thinarum & Michonarum vacante per translationem Antonii ad sedem Civitatis novæ, *Fr. Jacobum*, Venetum, ejusdem Ordinis Min. huic ecclesiæ præfici eo anno 1428. die 21. Maii. Obiit anno 1430.

## VI. MARCUS II.

Præfato Jacobo defuncto successit anno  
1430. *Fr. Marcus Slavus de Candia*, ejus-  
dem Ordinis Min. ex diplomate Martini V.  
*Dum ad universas*, dato eo anno die 25. Oct.  
quod citat Waddingus, *to. 5. ad illum annum*,  
*num. 32. pag. 225. & transcribit ibid. in Reg.*  
*Pontif. pag. 184.*





## VI.

## ECCLESIA CHII.

**M**ICHAEL Anton. Baudrand, *to. 1. geogr. pag. 266. col. 1.* hæc scribit de insula Chio: «*Chios & Chius* Straboni & Plinio, *Scio* nunc, seu etiam *Chio*, à Turcis *Sakizadasi* (appellatur,) id est, insula mastices, insula est Asiæ in mari Ægæo & Icario, Ioniæ fere «  
adjacens, ab Argeno promontorio vix 12. mill. pass. recedens in occasum. Circuitus (ejus) «  
est 100. milliar. Distat (vero) 45. milliar. à Samo insula in septentrionem, Lesbum versus «  
totidem. Dividitur in duas partes, nempe in superiorem seu Apanomeream, & inferiorem «  
seu Catomeream: tota fere montuosa est: urbem habet cognominem in ora orientali insulæ «  
ex adverso Ioniæ, cum portu capaci & tuto, & arce munita. Suberat antea dominio Justi- «  
nianorum Genuensium ex dono Andronici Palæologi Imperatoris Constantinopolitani (qui «  
regnare cœpit anno 1283.) sed à Turcis occupata contra fidem anno 1565. ipsis etiamnum «  
paret..... Aliàs erat episcopalis sub archiepiscopo Rhodiensi; postea metropolis effecta, «  
archiepiscopatum habet Græci ritus cum 200. ecclesiis, & episcopum Latinum cum 30. «  
ecclesiis. Incolæ hujus insulæ sunt fere omnes Christiani, & in ea (numerantur) 60. castra «  
seu vici.» Episcopum Latini ritus subesse Naxiensi metropoli ait abbas de Commanville in  
*Tabul. episcopatum, pag. 69.*

## EPISCOPI CHII.

## I. MANFREDUS.

**A**NNO 1363. Chienensis episcopus sedebat *Manfredus* Ordinis Minor. cui Urbanus V. concessit eo anno, ut duos sodalitiis sui fratres apud se teneret; eidem quoque illo anno, simulque archiepiscopis Colossensi sive Rhodio & Smyrnenfi injunxit, ut quæcumque Fr. Petro de Fano, Minoritæ, ablata fuerant in urbe Smyrnenfi, ipsi restitui satagerent. De quibus legendus Waddingus, *tom. 4. annal. num. 18. pag. 83. & rursus in Regest. Pontif. pag. 80.*

## II. JOANNES I.

*Joannes Baptitus*, nescio cujus Ordinis religiosi alumnus, episcopus Chienensis, pacta conventa inivit anno 1391. die 24. Maii cum Justinianis, tunc hujus insulæ dominis, quibus cautum erat ut è trecentis florenis sibi antea assignatis, ducentos tantum reciperet in futurum, & de residuis centum, quinquaginta quidem expenderentur in ecclesiæ restaurationem, quinquaginta vero uni vicario & uni capellano solverentur. *Scio sacra pag. 31.*

## III. CAROLUS.

Joannis hujus successor fuit *Carolus Justinianus*, Januensis, patre Francisco Justiniani Januensi Comite Palatino, & Reipublicæ Januensis apud Sigismundum Imperatorem quondam oratore, & matre Theodora Leonard Montaldi Januensis Reipublicæ Ducis filia ortus. Is quum sexdecim annos numeraret, electus est episcopus Chienensis à Bonifacio Papa, qui etiam cum illo de ætate dispensavit. Verum non multo post junior præsulatum dimisit. *Scio sacra pag. 38.*

*Tomus III.*

## A

## IV. THOMAS.

In Caroli locum suffectus est *Thomas Palavicinus*, Patricius Januensis, *ibid. pag. 39.*

## V. LEONARDUS.

Anno 1409. synodo Pisanae interfuit *Leonardus Palavicinus*, episcopus Chienensis, qui obiit anno 1421. *ibid.*

## VI. ANTONIUS I.

Leonardum excepit *Antonius* de eadem Palavicina domo, qui exiguo tempore ecclesiam Chiensem administravit, ut modo palam fiet. *Scio sacra pag. 39.*

## VII. LUDOVICUS.

Anno 1423. sedebat *Ludovicus*, Eremita Augustin. cui generalis ejusdem Prior concessit eo anno die 26. Sept. & rursus die 28. Febr. anno 1434. ut posset tenere tres fratres sacerdotes in ecclesia episcopatus sui, juxta facultatem quam à sede apostolica obtinuerat. Is Fr. Angelum de Alexandria vicarium suum instituerat, sed illum ab hoc officio removit Prior generalis anno 1426. die 12. Martii, quod fratres Prædicatores indigne vexaret. Ita Thomas de Herrera *Alphab. Augustiniani to. 2. pp. 13. & 14.* Huic episcopo epistolam scripsit anno 1427. die 2. Mart. Martinus V. pro Fr. Francisco de Spinola, Minorita, quam refert Waddingus, *tom. 5. in Regest. Pontif. pag. 142.*

## VIII. ANTONIUS II.

## IX. HIERONYMUS I.

Ecclesia Chienfi vacante per obitum *Antonii*, Fr. *Hieronymus de Camulio*, Ordinis

Xxx ij



ECCLESIA  
CHII.

Min. ei præfectus est anno 1470. die ultima Decembris. Idem Waddingus, 10. 6. ad eum annum, num. 8. pag. 708.

## X. PAULUS I.

*Paulus de Monelia* sive *Moneglia*, è Justinianorum Januensium stirpe de *Moneglia* dictorum oriundus, patre Pellegro hujus Reipublicæ aliquando apud Mediolanensem Ducem legato & oratore, natus anno 1444. Ordinem Prædic. amplexus est anno 1463. Hunc Innocentius VIII. sacri Palatii magistrum constituit anno 1490. & Alexander VI. episcopum Chiensem renuntiavit anno 1499. die 1. Febr. atque mox in Hungariam misit nuntium apostolicum, quo in munere Budæ obiit anno 1502. Ita R. P. Echard. 10. 2. *Scriptorum Ord. Præd. pp. 3. & 4.* qui addit relicta ferri ab eo in sacra biblia, vel universa, vel plura saltem, erudita commentaria, sed quæ ubi servantur nemo prodit. Ejus meminere abbas Justinianus in *Scio sac. p. 90.* Fontana *Theat. Dom. pag. 167. tit. 167.* & R. P. Bremond, 10m. 4. *Bullar. pag. 207.*

## XI. BENEDICTUS I.

Ex actis consistorialibus Alexandri VI. ad Chiensem sedem per obitum Pauli vacantem promotum esse eodem anno 1502. *Benedictum* constare scribit præfatus P. Echard. pag. 4. col. 1. Erat Cardinalis Laurentii de Mari archiepiscopi Beneventani nepos: interfuit concilio Lateranensi, tum sub Julio II. anno 1512. tum etiam sub Leone X. annis 1514. & 1515. Ejus subscriptio legitur, 10m. 14. conc. Labb. coll. 29. A. 206. C. & 281. B. Obiit anno 1533. *Scio sacra p. 97.*

## XII. HIERONYMUS II.

Waddingus ad annum 1534. 10. 8. n. 77. pag. 581. refert ad episcopatum Chiensem in Archipelago sub archiepiscopo Colossensi sive Rhodio evectum fuisse à Clemente VII. eo anno die 14. Jan. *Fr. Hieronymum Viginum*, Minoritam, sacre theologiæ magistrum.

## XIII. PAULUS II.

*Paulus*, de Fiescorum gente, Patricius Januensis, à Julio III. anno 1550. die 21. Jun. renuntiatus est episcopus Chienfis. *Scio sac. pag. 110.*

## XIV. TIMOTHEUS.

*Timotheus Justinianus*, Ord. Præd. de quo jam supra dictum est inter episcopos Calamonenses sub Cretensi metropoli, col. 922. D. ex ea Calamonensi sede ad Chiensem translatus est à Pio IV. anno 1564. die 10. April. Concilio Tridentino sub eodem Pontifice

A interfuit, coque terminato, ad suam ecclesiam se contulit, quam dum eximie pietatis laude regeret, contigit hujus insulæ expugnatio à Turcis anno 1565. Uno autem ex illis sacram Pixidem in S. Petri æde profanis manibus arripiente, ut, projectis hostiis, eas pedibus conculcaret, procidit coram illo pius antistes, rogans ut sibi prius vitam adimeret, quam pretiosum Christi Domini corpus tanta injuria affici cerneret: quibus verbis permotus barbarus, à proposito destitit. Sua sic sede deturbatus Timotheus, Romam petiit, quem humanissime suscipiens SS. Papa Pius V. ad Strongulensem ecclesiam in Italia promovit anno 1568. die 5. April. ubi quarto sui regiminis anno, Christi 1571. decessit. Hæc Fontana *Theat. Dom. pag. 168. tit. 167. ex Actis Consistorial. Pii V. & ex Regest. Cancell. apost.* Laudat etiam Ughellum, 10m. 9. *Ital. sac. in Strongulensibus episcopis*, & abbatem Justinianum in *sua Scio sacra.*

## XV. BENEDICTUS II.

Anno 1579. die 30. Jan. à Gregorio XIII. C Chienfis episcopus creatus est *Benedictus Garrettus*, Chienfis, qui Christianis Latini ritus in ea insula provideret. Obiit anno 1597. Illius meminere abbas Justinianus in *Scio sac. & Allatius, lib. 3. de consens. c. 10. col. 1060.*

## XVI. HIERONYMUS III.

*Hieronymus Justinianus*, Chienfis, Ordinis Præd. anno 1597. episcopus Chienfis renuntiatus à Clemente VIII. quum aliquot annos suam ecclesiam administrasset, podagra supra modum laborans, eam dimisit circa annum 1604. seseque recepit in conventum S. Catharinæ de Formello Neapoli, cujus erat filius. Obiit in castro Grottariæ in Calabria an. 1618. Fontana, *ibid.* ubi citat abbatem Justinianum in *Scio sac. & Mich. Pio, part. 2. lib. 4.*

## XVII. MARCUS.

Hieronymo Justiniano substitutus est ab eodem Papa Clemente VIII. anno 1604. die 31. Maii, ad petitionem Cardinalis Justiniani; *Fr. Marcus Justinianus Massonus* de Chio, Ordinis Præd. provinciæ Lombardiæ. Is ecclesiæ Chienfi præfuit usque ad annum 1640. Decessit prope centenarius, relicta ex licentia summi Pontificis fratribus suis Chienfis bibliotheca libris plurimis referta. Abbas Justinianus, Michael Pio, & Fontana supra citati. De eo hæc scribit Allatius, lib. 3. de consens. cap. 3. num. 4. col. 1059. «Vidi ipse Chii Marcum Justinianum Latinorum episcopum, in monasterio monachorum Græcorum... præsentibus monachis Græcis cum eorum Hegumeno (abbate) & open»



» ferentibus, in medio majoris ecclesiæ ante  
» imaginem Virginis, à qua nomen monasterio  
» est, de novo erecto altari portatili, sacrum  
» solemnem Latinorum ritu celebrasse, post-  
» modum Græcos ibidem sua officia prose-  
quutos, &c.»

## XVIII. A N D R E A S.

*Andreas Sophianus*, Chienfis, ex ecclesia Santerini ad Chiensem suam patriam translatus est ab Urbano VIII. anno 1641. Hunc Allat. lib. 3. de consens. c. 10. n. 3. col. 1057. testatur Chii sedentem, dum librum illum ipse scriberet, qui fuit editus anno 1648. De eo pariter mentionem facit abbas Justinianus in Scio sacra.

## XIX. \* \* \*

XX. \* \* \* *coadjutor.*

In commentariis qui inserti habentur nunciis publicis Gallicè scriptis per annum 1674. legimus, pag. 76. Comitum de Nointel christianissimi regis Ludovici XIV. legatum, post renovata pacta cum aula Turcica, in insulam Chio ivisse, ubi ab *episcopo Latino*, ab ejus-

dem *coadjutore*, qui verisimiliter illi postea successit, à clero, à religiosis cœtibus, & ab urbis proceribus perhonorifice exceptus est mense Octob. anni præcedentis 1673.

## XXI. BELLARINI sive BALSARINI.

Ante annum 1698. *Bellarini* iste sive *Balsarini* præful fuerat *Chienfis*, ut refertur in nunciis Gallicis anni 1699. pag. 7. Is fortassis alius fuit à *coadjutore* illo de quo supra. Anno autem 1698. renuntiatus est *Bellarini* archiepiscopus Corinthi. Ex iisdem nunciis.

## XXII. A V E S T R E L L I.

Anno 1720. die 30. Sept. proclamatus est à Cardinali Barberino pro episcopatu Chienfi in Archipelago, coram SS. Papa Clemente XI. consistorium habente, *D. Avestrelli*, ut refertur in nunciis Gallicis hujus anni, p. 524.

Ecclesiam *Andrensem* sive insulæ *Andros* unius Cycladarum jam recensuimus, coll. 859. 860. sub Atheniensi metropoli, cui hanc Innocentius III. inter plures alias, suffraganeam assignavit epist. 256. lib. XI. anno 1208.

Monitum  
de Ecclesia  
Chienfi.

**L**EO Allatius, lib. 3. de utriusque ecclesiæ consens. edit. Colonienfis 1648. cap. 10. col. 1059. num. 4. nonnulla refert de Græcis Chienfibus, exeunte sæculo decimo sexto, & sequenti medio, quæ lectori fortassis scitu non indigna videbuntur. «Græci etiam ipsi, inquit, ut plurimum, in iisdem regionibus Latini nominis amantissimi, quæ Latinorum sunt fœvent, & animo deosculantur, summique Romani Pontificis majestatem venerantur, & promiscue cum Latinis, quemadmodum Latini cum Græcis, in ecclesiis utriusque ritus sacra audiunt, officia celebrant, neque à mutuis matrimoniis abhorrent. Vidi ipse Chii Marcum Justinianum (de quo nos p. præced. col. 1064. D. E.) Latinorum episcopum, in monasterio monachorum Græcorum... sacrum solemnem Latinorum ritu celebrasse; postmodum Græcos ibidem sua officia prosecutos: (deinde) meridie in cella Hegumeni episcopum, Hegumenum, & spectatissimos atque honestissimos monachos, preces prius Latinè effundente episcopo, convivatos. A prandio exorarunt episcopum, ut summo Pontifici, quando jam ille non multo post Romam petiturus esset, monasterium commendaret, animum monachorum, tantæ dignitatis observantissimum, exponeret, excommunicationemque impetraret contra rerum monasterii occupatores, qui Latini omnino non sunt, sed Græci: Græcis enim eorum administratio committitur. Quare eam non à suo Patriarcha, quando cum Græcis res erat, procurarunt?

Timentne igitur Græci diras Pontificis Romani? Maxime vero. Et ut rem certissimam certissimo quoque exemplo firmem, solent mercaturæ gratia in eandem insulam (Chium) plures è Calvinii hæresi appellere. Quidam ex iis, negotiis ita ferentibus, cum cive Chio (nomini parco, ne ea familia diffametur,) familiaritatem contraxit. Quum sæpe loquuntur inter epulas etiam bene poti, de auctoritate summi Pontificis & concilii Tridentini sermo factus est. Eam Calvinista miro verborum apparatu deprimere (cœpit.) Res non displicuit civi; & in forum progressus, quæ audierat optime edoctus, palam inter alios civitatis principes viros eloquitur. Cives primum admirati, deinde bile mota, in eum verbis & factis obloquuntur. Quidam, qui inter ipsos scientior erat, elata voce: Calvinus (Calvinianus) es, clamat, & Calvinii nobis dogmata pandis. Nec mortuis verba fecit; statim enim per totam urbem rumor increbrescit, talem Calvinum esse, & Calvinum ab omnibus appellari. Omnes tum cives, etiam mulieres, & ex infima plebe potior pars, hominis commercium refugiunt, & cujus familiaritatem execrantur, aspectum non sustinent. Afflictorum interim ille infortunio, quum nullum ullius fortis hominem, etiam prægrandi oblata pecunia, conducere posset. Quare & campi & vineæ incultæ mœrebant, & domesticus cultus imminuebatur, quum non esset qui operam præstare vellet, tantum erat omnibus Calvinii nomen exotum. Quum obsistere malo non valeret, in summum discrimen adductus, ad episcopum Latinum (erat is Benedictus



ECCLESIA  
CHIL.

» Garettus, col. 1064. C.) accurrit, qui, ne aliis similia in insula attentandi ansa daretur, dixit  
 » eum excommunicatum esse, non posse se, nisi prævia pœna, absolvere. Offert se ad pœnam  
 » libens. Hinc episcopus, die dominico, quum omnis Latinorum populus in ecclesiam ad  
 » sacrum.... audiendum venit, jubet eum extra portas ecclesiæ, genuflexum, & cervice curvata,  
 » caput in corbem paleis aliisque pabulis armentorum plenum, inclinare: frænum ori ad-  
 » aptaverat, cujus lora per cervices in humeros defluebant. Ita vir ille, sane vir, qui tantæ  
 » potestatis rigore non est perterritus, per totum sacrum solenne, omnibus aspectantibus &  
 » admirantibus, nonnullis etiam parum æquis dictæis ipsum incessantibus, immotus perstitit.  
 » Absoluto sacro, Pontifex, uti moris est, absolvit, & dum ille delicti pœnitentiam poscit, Pon-  
 » tifex in lacrymas effusus: Sat, ait, te pœnituit; sat pœnarum datum est, ac laudatum coram  
 » omnibus dimisit.... Quotidie cernimus eosdem Græcos, filios suos Romam, & in alias La-  
 » tinorum provincias, non sine sumptu mittere; tantum ut litteris imbuantur, & doctrinam  
 » veram hauriant: qui postea perdocti, & in Græciam reversi, maxima apud omnes sunt in  
 » existimatione; quibus à Græcis episcopis facultas fit ut, quam didicerunt doctrinam, alios  
 » doceant, & palam populo annuntient. Quod aliter fit de iis qui in Angliam, aut alium de  
 » hæresi suspectum locum profecti, instituti sunt: illi enim, uti suspecti semper rejiciuntur,  
 » neque similibus muneribus præficiuntur. Taceo sodalitates & confraternitates, in quibus  
 » certatim Græci & Latini conveniunt, quum tantum à Latinis institutæ sint, & ab illis re-  
 » gantur, & exercitationibus, quibus Romana ecclesia suos solet exercere, delectentur; iis  
 » (vero) saniores reddit, schisma & hæresim deponunt.» Huc usque Leo Allatius.

## PROVINCIA SARDIUM.

### I. ECCLESIA SARDIUM METROPOLIS.

**S**ARDIS, urbs Lydiæ in Asia minori Plinio, quæ Sardes Straboni, Xenophonti &  
 aliis, olim regia Cræsi Lydorum regis, archiepiscopalis fuit, cui plurimæ ecclesiæ suf-  
 fraganeæ erant. Hanc Tarnam esse Homeri nonnulli existimant, nunc excisa jacet, & in  
 vicum redacta, qui Sardo appellatur, cum castro antiquo, & aliquot antiquitatis vestigiis ad  
 Tmolium montem, unde Pactolus fluvius auri ramentis celebris defluens, illam interluit.  
 Thyatira 36. milliar. & Philadelphia 26. distat. Ita Mich. Anton. Baudrand, tom. 2. geogr.  
 pag. 202. col. 2. Sardeis aut Sardes plurali numero nuncupatur vulgo à Latinis, fuitque  
 una de septem ecclesiis quarum meminit Joannes Apostolus, Apocal. cap. 3. In notitiis  
 Græcorum episcopatum ad calcem Codini de Officiis, metropolis est Lydiæ, & sextum  
 locum occupat, pp. 336. 365. & 379. Επισκοπὴς Λυδίας ὁ Σαρδίων 5. In provincia Lydiæ,  
 Sardinum VI. eique assignantur 27. sedes suffraganeæ. pp. 341. 342. 369. 370. & 384.

### ARCHIEPISCOPI SARDIUM.

I. JACOBUS.

A Gisarcien (nescio in qua regione) ad Sar-  
 densensem promotus est Fr. Franciscus de Do-  
 moosole, Ord. Min. anno 1396. die 13. Sept.


II. FRANCISCUS.

**J**ACOBO ex ecclesia Sardenfi translato ad

Ita Wadding. t. 4. ad eum annum, n. 2. p. 310.

### II. ECCLESIA TRIPOLIS.

**T**RIPOLIS ista urbs est Asiæ minoris ad Meandrum fluvium. Ex Baudrand, tom. 2.  
 pag. 335. col. 2. In provincia Lydiæ sub metropoli Sardinum legitur ad calcem Codini  
 de Officiis, pp. 341. 370. & 384. ὁ Τριπόλεως Tripolis. Nonnullos episcopos invenio Latini  
 ritus ipsi adscriptos.





## I. MARTINUS.

DANIEL à V. M. *tom. 2. Specul. Carmel. pag. 943. num. 3315.* scribit Fr. Martinum de Soto-Majori, Carmelitam, electum esse episcopum Tripolitanum titularem in provincia Philippenfi sub Patriarcha Constantinopolitano IX. kal. Octobris (id est die 23. Septemb.) anno 1440. *Ex Actis Consistorial. Eugenii IV.* Quum in notit. Græc. episcopat.

A nulla Tripolis extet in provincia Philippenfi, sed in provincia Lydiæ, ut dictum est, de ea Tripoli hîc sermo esse videtur.

## II. BARTHOLOMÆUS.

Ex Waddingo, *tom. 7. ad annum 1479. num. 16. p. 70.* Fr. Bartholomæus de Gifulfis, Minorita, eo anno die 10. Decemb. promotus est à Sixto IV. ad ecclesiam Tripolitana in Lydia sub archiepiscopo Sardæorum.

## PROVINCIA SEBASTES.

I. ECCLESIA SEBASTES  
METROPOLIS.

SEBASTE, olim Cabira in neutro plurali, in Mithridatico bello plurimum celebratur. Hæc est, inquit Cellarius, *tom. 2. geogr. antiq. lib. 3. pag. 332.* illa Sebaste Armeniæ in Martyrologiis v. idus Jan. III. Non. Febr. & VII. idus Mart. laudatæ (quæ sic dicitur) quia in Armeniæ finibus, minoris videlicet, posita est. Eam Baudrand, *tom. 2. geogr. pag. 218. col. 1.* Sebastiam nominat, aitque urbem esse Asiæ minoris in Cappadocia Plinio & Ptolemæo in Colopena tractu, quæ Sebaste Antonino, nunc Saustia dicta, teste Castaldo, prope montem Argæum, & archiepiscopalem sedem esse, cui Sebastopolis subest, à qua 70. milliar. recedit in ortum, & 80. à Setala in meridiem Cæsaream Mazæam versus 90. circiter. Alia est Sebaste in Palæstina sub Cæsarea metropoli, & alia in Cilicia sub Tharso.

In notitiis Græcor. episcopat. ad calcem Codini *de Officiis, Sebastæa*, de qua hîc agimus, caput est Armeniæ primæ, & inter metropoles locum XI. servat: *ὁ Σεβαστίας. pp. 338. 343. 366. 372. 379. & 385.*

## ARCHIEPISCOPI SEBASTES.

## I. \* \* \*

ANNO 1210. sedebat præsul quidam Sebastiensis, de quo Innocentius III. epistola 40. lib. XIII. *Heraclensi archiepiscopo, & Cardicensi & Fermopilensi episcopis* data eo anno die 30. Mart. *to. 2. edit. Baluz. p. 424. col. 2.* hæc ait: «Quum dilectus filius Benedictus, &c. » tunc apostolicæ sedis legatus, *Sebastiensi* episcopo, salvo mandato nostro, custodiam monasteriorum Montis sancti (scilicet Montis Athos, sic dicti ob multitudinem cœnobiorum ibi conditorum) quæ ad sedem apostolicam immediate pertinere dicuntur, duxerit committendam, & ipse illa multipliciter aggravarit, easque committat enormitates, quæ non sunt dignæ relatu, fraternitati vestræ, &c. mandamus, quatenus ipsum à custodia monasteriorum ipsorum penitus amoventes, &c. » Jubet itaque Pontifex, ut ei alius in illa monasteriorum cura, assumpto Imperatricis Mariæ, Bonifacii marchionis Montisferrati

B & regis Theffalonicæ viduæ consilio, substituitur.

## II. JOANNES I.

## III. EVERARDUS.

Waddingus, *to. 5. annal. ad annum 1412. num. 2. pag. 78.* refert, ecclesia Sebastensi in Armenia sub Patriarcha Constantinopolitano vacante per obitum Joannis, ei præpositum fuisse à Joanne XXIII. eo anno die 17. Martii Fr. Everardum, sui Ordinis alumnum.

## IV. JOANNES II.

Everardo fortassis successit Fr. Joannes de S. Facundo, ejusdem Ordinis Minor. quem præfatus Waddingus, *ibid.* ad annum 1425. *num. 7. pag. 166.* scribit ad *Sebastensem* ecclesiam in Armenia à Martino V. eo anno die 25. Maii fuisse evectum.

## V. MARTINUS.

## VI. HENRICUS.

Idem Waddingus, *tom. 2. ad annum 1292.*



ECCLESIA  
SEBASTES.

n. 28. p. 236. agens de cœnobio Leonano sive Lunano sui Ordinis, Feretrinæ diœcesis in ducatu Urbini, hæc ait: «Primum fratrum » habitaculum erat extra oppidum, sed trans- » latum est ad interiora oppidi anno 1362. In » hoc recentiori floruerunt.... magister Mar- » tinus Madronius episcopus Sebastensis, ma- » gister, &c.» Nullibi indicat Waddingus, saltem quod in annalibus ejus reppererim, vel quan- » donam post eum annum 1362. vixerit Mar- » tinus iste, vel cujusnam Sebastæ præful fuerit, an quæ in Palæstina, an quæ in Armenia, aut in Cilicia. Fortassis *Martinus* ille fuerit, per cujus obitum, *ex Actis Consistorialibus* Eugenii IV. anno 1436. *Fr. Henricum*, Ere- » mitam Augustinianum, diœcesis Caminensis, institutum fuisse episcopum *Sebastensem* refert Thomas Herrera *Alphab. Augustinian. tom. 1. pag. 343. col. 1.*

Hunc autem Henricum scribit Thomas de Herrera, cognominatum *Wogghersin* sive

A *Wugherfin*, filium conventus Tangliniensis provinciæ Saxonæ, electum esse 1435. episcopum Sebastenum, & de eo legi in Registris Ordinis eo anno ad diem 14. Decemb. *Dedimus licentiam Fr. Henrico Wugherfin, ut possit assumere dignitatem episcopalem.* Et die 25. Jun. anno 1436. *Concessimus D. Henrico Wugherfin Ord. FF. Eremit. &c. Dei gratia episcopo Sebastensi, ut possit tenere F. Henricum Fabri, sui conventus Tangliniensis.*

## VII. GEORGIUS.

B Jam laudatus Waddingus, *tom. 6. ad annum 1459. n. 33. p. 451.* testatur occurrere mentionem eo anno sub XIV. kal. Jul. (id est die 18. Jun.) in *Regeſto* Pii II. de *Fr. Georgio*, Minorita, olim theologiæ professore, episcopo *Sebasteno*. Verum non indicat, sicut nec Herrera de Henrico, cujusnam Sebastæ illi fuerint præfules.

## II.

## ECCLESIA SEBASTOPOLIS.

D E Sebastopoli hæc scribit Michael Antonius Baudrand, *tom. 2. geogr. pag. 218. col. 1.* «*Sebastopolis*, urbs Cappadociæ in Asia minori Plinio, episcopalis sub archiepiscopo » Sebastensi, nunc *Suvas* dicta à Castaldo, hodieque ampla & præclara, in qua sedes præfecti » Turcarum in Amasia regione in mediterraneis, & vix 50. milliar. ab Amasia urbe in ortum hybernium.» In notitiis supra laudatis, ubi de Sebastæ verba egimus, Sebastopolis prima suffraganea hujus metropolis ponitur.

## EPISCOPI SEBASTOPOLIS.

## I. PETRUS.

A Nno 1330. quidam *Petrus Geraldus* creatus est episcopus Sebastopolis à Joanne XXII. teste Raynaldo, *tom. 15. ad hunc annum, num. 57.* ubi ait: «Demandata » etiam est Sebastopolensis ecclesia *Petro Geraldus* episcopo designato, ut Evangelium propagaret.»

## C

## II. JOANNES.

## III. PAULUS.

Vacante ecclesia Sebastopolitana in Armenia sub Patriarcha Constantinopolitano per obitum *Joannis*, ei datus est episcopus à Martino V. anno 1428. die 23. Jul. *Fr. Paulus Francisci*, Minorita. Ita refert Waddingus, *tom. 5. ad hunc annum, num. 3. pag. 197.*

## III.

## ECCLESIA BERISSES.

C AROLUS à S. Paulo *geogr. sac. p. 256. edit. Paris. 1641.* ecclesiam *Berisses* Sebastæ metropoli Armeniæ primæ quartam suffraganeam assignat. Certe in notitiis Græcorum episcopatum ad calcem Codini *de Officiis, pp. 343. & 372.* sub provincia Armeniæ & Sebastæ metropoli, *Berisse* constituitur, sed modo *Cerisse* ὁ Κνερασίν, modo *Bireſſæ* ὁ Βιρίσιν; demum *pag. 385. Berisse* ὁ Βνερασίν, & ad marg. *Μερίσιν Merisse* nuncupatur. Duos nobis ex ejus præfulibus Latinis suppeditavit Waddingus.

## EPISCOPI BERISSES.

## I. JOANNES.

## II. LIBERTUS.

W ADDINGUS, *tom. 6. annal. ad annum 1470. n. 7. p. 708.* scribit, ecclesia Berissensi

CI in Armenia sub archiepiscopo Sebasteno vacante per obitum *Joannis*, ad eam promotum esse eo anno à Paulo II. die 10. Decembris *Fr. Libertum de Bræhun*, Minoritam.



# PROVINCIA SERRARUM.

## I. ECCLESIA SERRARUM METROPOLIS.

**D**E *Serris* hæc pauca tradit Baudrand, *tom. 2. geograph. pag. 229. col. 2.* «*Serræ*, urbs Macedoniae Nicetæ & Cedreno, nunc etiam *Seres* dicta, teste Leunclavio, archiepiscopalis loco Amphipolis, inter ipsam, Theffalonicam & Philippos, estque ampla & culta cum castro semi-diruto in colle ei adjacente.»

In notitia episcopatum Græcorum, juxta dispositionem Leonis Sapientis qui, mortuo Basilio patre suo, solus regnare coepit anno 886. inter octoginta metropoles Patriarchæ Constantinopolitano subjectas extat quinquagesima octava *Serræ* ἡ Σέρραι, *pag. 380.* ad calcem Codini *de Officiis*. Item *ibid. pag. 401. in exposit.* Andronici Palæologi senioris, qui imperium auspicatus est anno 1283. habetur, *num. 46. Serrarum.* Hæc ex quinquagesimo octavo loco ad quadragesimum sextum ascendit. *μς'. ὁ Σέρραις καὶ ἀπὸ τῆς Σέρραις, εἰς μς'. ἀνέχθη.*

### ARCHIEPISCOPI SERRARUM.

#### ARNULPHUS.

**I**nter epistolas Innocentii III. una extat *Arnulpho Sarrensi archiepiscopo ejusque successoribus canonice substituendis in perpetuum*, data anno 1212. die 25. Maii, qua hanc ecclesiam recens ad communionem Romanam reversam sub protectione sedis apostolicæ

A recipit. In ea autem epistola, quæ quinquagesima septima est lib. xv. in *editione Baluz. tom. 2. pag. 621. col. 2.* declarat Pontifex à se translatum esse hunc Arnulphum *ab ecclesia Thermopilenfi ad Sarrensem metropolim*. De eo Arnulpho jam supra egimus inter episcopos Thermopilenses sub metropoli Atheniensi, *col. 847. C.*

## II. ECCLESIA ZICHNARUM.

**Z**ICHNÆ urbs Macedoniae, vulgo etiam *Zichne*, teste Leunclavio, episcopalis prius sub Archiepiscopo Serrano, postea archiepiscopalis effecta, Serris proxima est ex Curopalate. Ita Baudrand, *tom. 2. geogr. pag. 414. col. 2.*

In notitia Græcorum episcopatum ad calcem Codini *de Officiis, pag. 408.* inter episcopatus qui archiepiscopatus honorem obtinuerunt, legitur, *num. 26. κς'. ἀπὸ τῆς Σέρραις, ὁ Ζιχναίς.* Ex *Serrarum* (suffraganeis) *pæsul Zichnarum.*

### EPISCOPI ZICHNARUM.

#### LUCAS.

**L**UCAS *Manellus*, Ordinis Præd. de conventu Florentino sanctæ Mariæ Novellæ, philosophiæ ac theologiæ doctrina clarus, Ziconensis episcopus creatus est à Clemente VI. initio sui pontificatus, subindeque anno 1342. Translatus est deinde ad ecclesiam Auximanam in Piceno ab eodem Papa anno 1345. die 5. Novemb. ex ea autem transf-

B migravit ad Fanensem anno 1360. Obiit Florentiæ anno 1363. vel sequenti. Ita Fontana *Theat. Dom. p. 191. tit. 241. pag. 329. tit. 655. & pag. 621.* in *Append. ex Ughello tom. 1. Ital. sac. in episcopis Auximanis.* Ejus quoque meminere R. P. Echardus, *tom. 1. Scriptorum, pag. 642. col. 1.* & doctissimus P. Bremond, *tom. 2. Bullar. pag. 254.* ad annum 1358.





# PROVINCIA SMYRNENSIS.

## I. ECCLESIA SMYRNÆ METROPOLIS.

**D**E Smyrna hæc tradit Baudrand, *tom. 2. geogr. pag. 252. col. 2.* «*Smyrna*, urbs Ionie regionis in Asia minori Ptolemæo, Straboni & Plinio, prius *Naulochos* dicta, à Tantalò ædificata, postea *Smyrna* vocata à Smyrne Amazone, teste Sophiano, & Homeri patria, cujus ibi statua fuit, ut Varro ait; nunc vulgo etiam *Smyrne* dicitur ab Europæis, & *Ismir* à Turcis... Est (autem) archiepiscopalis, perampla & probe culta, sedes præfecti Turcarum, quibus subest à tribus sæculis: sita est, partim in monte, partim in planitie ad Melem fluvium cum portu capaci & tuto in ora maris Ægæi & sinus Smyrnæi, estque emporium celebre cum castro antiquo in monte, & duplici arce in ora, 40. milliaribus distans ab Epheso in septentrionem, & totidem à Chio in ortum.» Strabo, *lib. 14. pag. 646. A. edit. Casaub.* duplicem Smyrnam, veterem scilicet & novam commemorat. «Inde alius sinus, inquit, in quo vetus Smyrna 20. stadiis à nova (diffita) est.»

In notitiis episcopatum Græcorum ad calcem Codini *de Officiis, pp. 338. & 366.* inter archiepiscopos Autophalos, id est, ut *p. 338.* exponitur, qui proprii sunt juris, recensetur quinto loco *Smyrnæ in provincia Asia, Επαρχία Ασίας ὁ Μύρνης, & ad marg. ὁ Σμύρνης.* De ea quoque fit mentio *pp. 380. 396. & 402.*

Anno 1344. classis Latinorum navibus copiisque Clementis VI. regis Cypri, Venetorum, Genuensium, & equitum Rhodiorum conflata, maritimam Asiæ oram lustrans, in Ioniam appulsa, Smyrnam subita oppugnatione subegit die 28. Octobris, cæsis ad internecionem incolis, quæ in Latinorum potestate multis annis permansit, & exinde nonnulli hujus ritus præfules ei præpositi sunt. In potestatem Turcarum rursus venit sub Tamerlane anno 1404. Subdita est iterum Latinis anno 1472. sed à Venetis, opibus captivisque abductis, incendio deleta est, teste Raynaldo ad eum annum, *nn. 42. & 43.*

## ARCHIEPISCOPI SMYRNÆ.

### I. \* \* \*

**S**MYRNA Saracenis erepta exeunte anno 1344. ut modo dictum est, provisum ei esse à Clemente VI. de antistite Latino, quam citius id fieri potuit, credendum est, quamvis quis ille fuerit nos fugiat. Certe exordio anni 1346. jam sedisse Smyrnæ antistitem Latinum discimus ex Leandro Alberto *de viris illustribus Ord. Præd. lib. 5.* apud Raynaldum ad hunc annum, *n. 71.* Ait enim Venturinum Bergomatem, hujus Ordinis alumnum, eo anno cum episcopo Smyrnæ Smyrnam tendisse quo kal. Martii pervenit. Is autem præsul verisimiliter archiepiscopus ille Smyrnensis fuit, cui anno 1348. unaque Barnabæ de Parma Domicello Parmensi Capitaneo civitatis Smyrnensis, litteras scripsit præfatus Clemens, datas Avin. xvi. kal. Septemb. anno vii. (id est die 17. Augusti anno 1348.) quas exhibet Raynaldus ad eum annum, *num. 28.* gratulatorias de reportata victoria adversus Marbassanum Turcarum ducem, qui Smyrnam obsidebat, cujusque nece & copiarum ejus clade ea urbs liberata est, & Latinis conservata.

**A** Haud scio autem an idem fuerit archiepiscopus ille Smyrnensis, cujus ex culpa maximum periculum Smyrna incurrerat an. 1350. unde & in ipsum laudatus Papa diligentis faciendæ inquisitionis provinciam Raymundo episcopo Morinorum sedis apostolicæ legato injunxit litteris datis Avin. idibus (id est die 13.) Jan. anno ix. Christi 1351. apud Raynaldum ad eum annum, *num. 21.* Quis fuerit exitus hujus inquisitionis ignoramus.

### II. PAULUS I.

**B** Alter prorsus à modo memorato Smyrnensi archiepiscopo, cujus nomen nos latet æque ac fors, fuit Paulus iste, qui sedebat anno 1355. & præclara gessit sæpius missus, tam à Joanne Palæologo Imperatore Græco ad Innocentium VI. & Urbanum V. quam ab illis Pontificibus ad Joannem, pro redintegrandâ unione Græcorum cum sede apostolica. Translatus est ad ecclesiam Thebanam anno 1358. deinde ad dignitatem Patriarchæ Constantinopolitani Latini ritus assumptus ab Urbano V. Vide supra inter illos Patriarchas, *col. 822. C.*



## III. PETRUS I.

Paulo ad Thebanam ecclesiam transmissio, *Fr. Petrus Placentinus*, Ord. Min. Smyrnenfis archiepiscopus renunciatus est ab Innocentio VI. anno 1358. die 22. Jan. Ita Waddingus, *tom. 4.* ad eum annum, *num. 5. pag. 72.* qui diploma Innocentii exhibet, *ibid. in Regesto Pontificio, pag. 50.*

Is probabiliter ille est *archiepiscopus Smyrnenfis*, cui Urbanus V. unaque archiepiscopo Colossensi sive Rhodio, & episcopo Chienfi injunxit, data epistola anno 1363. die 16. Jun. ut bona *Fr. Petro Fanensi*, Minoritæ, suo in civitate Smyrnenfi quoad temporalia vicario erepta, reddi providerent. Scilicet Petrus iste Fanensis, cognomento *Patricelli*, frater erat conversus Ordinis Min. cui, teste præfato Waddingo, *tom. 3.* ad annum 1347. *num. 12.* olim concefferat raro exemplo Clemens VI. eo anno 1347. facultatem conscribendi milites, eosque conducendi ad partes ultramarinas adversus Saracenos; quippe qui jam eos frequenter, priusquam religiosus fieret, armis represserat, aggregato competenti bellatorum numero, inter quos ex uno supra viginti ipsius consanguineorum, vitam amiserunt duo ejus fratres, unus nepos, & quinque alii in diversis præliis, ut fert pontificium diploma laudatæ concessionis à Clemente, incipiens: *Zelus amoris*, datum VII. idus (id est die 7.) Junii eo anno 1347. *ibid. in Regesto Pontif. pag. 355.* Id itaque in causa fuerat cur hunc fratrem conversum tum ipse Clemens VI. tum ejus etiam successor Innocentius VI. vicarium suum in temporalibus crearint urbis Smyrnarum, ut nempe diligentius aliis ejus conservationi prospiceret. *Innocentii diploma, datum an. 1353. die 12. Decemb. extat apud eundem Waddingum, tom. 4. ad eum annum, num. 3. pag. 31.*

## IV. JOANNES.

Daniel à V. M. *tom. 2. Speculi Carmelit. p. 936. n. 3281.* scribit Joannem *Leycestrum*, Ordinis Carmel. alumnum, archiepiscopum Smyrnæ in Ionia anno 1398. fuisse renuntiatum à Bonifacio IX. *ex lib. de Regularibus* sub ejus pontificatu, anno IX. *fol. 99.* obiisse vero anno circiter 1424.

A

## V. PAULUS II.

## VI. FRANCISCUS.

Joannem supra memoratum, diu antequam diem extremum clauderet, dimisisse oportet Smyrnensem ecclesiam, si reipsa, ut Waddingus asserit ad annum 1412. *tom. 5. annal. num. 2. pag. 78.* eo anno die 4. Jan. jam vacante per obitum *Pauli* Smyrnenfi sede, ad eam *Fr. Franciscus de Monte Granelli*, Minorita, à Joanne XXIII. evehctus sit.

## VII. EUGENIUS.

*Eugenius*, Eremita Augustinianus, qui coram Patribus concilii Tridentini sub Pio IV. plures conciones habuit, creatus est à Gregorio XIII. archiepiscopus Smyrnenfis anno 1575. Obiit vero anno 1580. *Herrera Alphab. Augustin. tom. 1. pag. 213. col. 2.*

## VIII. PETRUS II.

*Petrus de Marchis*, Chienfis, Ord. Præd. vir doctrina, pietate, agendorumque peritia clarus, à Paulo V. ad ecclesiam Santerini in Archipelago promotus est anno 1611. die 18. Aprilis; deinde anno 1621. missus fuit à Gregorio XV. visitator apostolicus Constantino-polim, Capham, in insulas Archipelagi, ac per Tartariam; exinde ab Urbano VIII. ad ecclesiam Smyrnensem translatus est circa annum 1640. & tandem obiit circa annum 1645. Ita R. P. Echard. *tom. 2. Scriptor. pag. 547. col. 2.* Vide supra inter episcopos Santerinenses, *col. 1010. C.*

## IX. HYACINTHUS.

*Hyacinthus Subianus*, Aretinus, Ordinis Præd. missionarius apostolicus in Orientem perrexit anno 1640. ibique per plures annos salutis animarum incubuit. Interim archiepiscopus Edeffæ ab Urbano VIII. renunciatus est circa annum 1643. & coadjutor ecclesiæ Smyrnenfis, in qua deinde successit Petro de Marchis anno circiter 1645. Romam postmodum reversus anno 1655. obiit anno sequenti die 15. Octob. in conventu S. Mariæ super Minervam, anno ætatis suæ 63. grassantē, lue extinctus. *Fontana Theat. Domin. pp. 74. & 75. tit. 44. & pag. 100. tit. 91.*

## II.

## ECCLESIA PHOCÆÆ.

*PHOCÆA* urbs Æolidis in Asia minori, & in limite Ioniæ Straboni & Tito-Livio, sedes est episcopalis sub Smyrnarum metropoli. *Phocis* appellatur Melæ, nunc autem vulgo *Fochia* seu *Fojavechia*, teste Sophiano, estque vicus tenuis sub Turcis cum portu capaci in ora sinus Smyrnæi versus ostia Hermi fluvii, inter Cumam ad boream & Smyrnæ ad austrum, à qua 20. milliar. distat, & ad duo milliaria ab ipsa inest altera *Phocæa*, *Fochia nova*

Tomus III.

Yyy ij



dicta, urbs satis culta cum arce & portu. Hæc Baudrand, *tom. 2. pag. 106. col. 1.*

Thomas de Pinedo in Stephanum Byzantium, *pag. 707. annot. 62. & 63.* ait *Phocidem* regionem fuisse circa Parnassum, ejusque incolas *Φωκείς* dici à Græcis, urbis autem Phocææ cives *Φωκείς* & *Φωκείας*; dictosque similiter à Latinis, prioris quidem *Phocenses*, posterioris vero *Phocaenses* & *Phocæenses*: in quibus, inquit, cespitant viri etiam eruditissimi. Phocæam tum veterem, tum novam, nobiles Genuensium colonias, Tamerlanes Turcarum Imperator evertit anno 1404.

R. P. Bremond observat, *tom. 2. Bullar. pag. 706.* ubi Fr. Nicolai de Tuderto meminit episcopi Foliarum, Phocæam, urbem Æolidis in ora maris Ægæi sub archiepiscopo Smyrnenfi, *Foliarum* aliquando nomine designari, utpote quæ *Foia Vecchia*, *Foglia* & *Fochia Vecchia* appellatur. Aliquot autem occurrunt hujus ecclesiæ sub diversis istis nominibus Latini præfules.

## E P I S C O P I P H O C Æ Æ .

## I. B A R T H O L O M Æ U S .

**W**ADDINGUS, *tom. 3. ad annum 1346. n. 10.* scribit, post diutinam ecclesiæ *Folienfis* vacationem, ei præfectum esse à Clemente VI. eo anno die 14. Maii Fr. Bartholomæum de Cassino, Januensem, Ordinis Minor. & diploma *Attenta meditatione* exhibet *ibid. in Regesto Pontif. pag. 343.*

## II. J O A N N E S I .

Daniel à V. M. *Speculi Carmelit. tom. 2. pag. 939. num. 3296.* meminit cujusdam Joannis Ordinis Carmelit. episcopi *Folienfis*, qui aderat Genuæ die 19. Febr. anno 1383. Videtur autem fuisse *Phocææ* antistes, quippe quæ *Foia* & *Foglia* nominatur.

## III. J O A N N E S II .

## IV. N I C O L A U S .

Ecclesia Phocææ vacante per obitum Joannis Rubei, Martinus V. anno 1427. die 10. Jan. ei præfecit Fr. Nicolaum de Tuderto, Ordinis Prædic. Diploma promotionis ejus profert R. P. Bremond, *tom. 2. Bull. p. 675.* in quo uterque dicitur episcopus *Foliarum* & *Cumæ*. Nomine autem *Cumæ* intelligendam existimat idem P. Bremond, *ibid. pag. 706.* *Foiam novam* in Æolide. Cæterum Nicolaum hunc ignorarunt omnes qui de rebus Ordinis Prædicatorum scripsere.

## A

## V. L U D O V I C U S .

De Ludovico isto hæc tradit R. P. Jacobus Echardus in indice episcoporum Ord. Præd. præfixo *tomo 1. Scriptorum ejusdem Ordinis, pag. 26. col. 1.* «Ludovicus de Foro, (Ordinis Præd.) professione Wesaliensis, episcopus *Fogiensis* circa 1450. ex chronica Wesaliensi antiqua ms. à nostro Henrico Hilden, S. T. M. «Colonienfi visa. Omittunt, aut non norunt «nostri.» Non explicat R. P. Echardus quis, vel ubi sit episcopatus ille *Fogiensis*; verum existimat R. P. Bremond, *to. 3. Bull. p. 333.* ad annum 1450. esse urbis *Phocææ*, vulgo *Foia* dictæ sub archiepiscopo Smyrnenfi.

## VI. S T E P H A N U S .

Fr. Stephanus Chaan, Ord. Præd. episcopus creatus est *Folianensis* seu *Foliarum* in Æolide sub archiepiscopo Smyrnenfi anno 1457. Ita Fontana *Theat. Dom. pag. 193. tit. 247. ex lib. Provis. Prælat.* sub Callixto III. Cavalerius, *tom. 1. pag. 259. num. 169.* & R. P. Bremond, *tom. 3. Bullar. pag. 373.*

## VII. Æ G I D I U S .

Sede Folienfi vacante per obitum Stephani, ei præfectum esse à Sixto IV. anno 1475. die 28. Maii *Ægidium de Portu*, Minoritam Lusitanum, scribit Waddingus, *tom. 6. annal. pag. 831. num. 29.*





# PROVINCIA THEBANA.

## I. ECCLESIA THEBARUM METROPOLIS.

**T**HEBÆ, urbs Bœotiae caput in Græcia Plinio, Thucydidi, & aliis, ad Ismenum fluvium, archiepiscopalis cum arce Cadmæa dicta, nunc *Thiva* five *Stives*, paucis constans incolis, in loco edito sub dominio Turcarum, paucis milliaribus distat ab Asopo fluvio, 50. ab Athenis in occasum æstivum, 16. à Chalcide five Negroponto in occasum, & 40. à Megara in septentrionem. Ita Baudrand, *to. 2. pag. 306. col. 2.* Thomas de Pinedo in Stephanum Byzantium, *pag. 307. col. 1. annotat. 54.* ait eam urbem appellatam esse *Heptapylos*, quod septem portas haberet, ad quas alludens Juven. *Satyr. 13.* canit:

*Rari quippe boni, numero vix sunt totidem, quot  
Thebarum portæ, & divitis ostia Nili.*

In serie ecclesiarum Patriarchæ Constantinopolitano subiectarum, juxta dispositionem Leonis Sapientis, ad calcem Codini *de Officiis, pag. 380.* inter metropoles extat loco 57. *v. 2.* Αἱ Θηβαὶ Thebæ. Et rursus in ordine earumdem metropolitanarum sedium sancito ab Andronico Palæologo seniore *ibid. legitur, pag. 402. num. 68. Thebarum, ex quinquagesimo septimo loco ad sexagesimum nonum devenit. ξη' ὁ Θηβαῖν' καὶ ἀπὸ τῆς 57. ἑστῆς, ξθ'. γέγονεν.*

Post captam à Francis & Venetis Constantinopolim initio sæculi XIII. & ipsa Thebarum civitas Latinis subdita est, hujusque ritus præfules accepit.

## ARCHIEPISCOPI THEBARUM.

I. \* \* \*

A anno 1210. at eo anno ejus obitu vacavit ecclesia Thebana, ut modo patebit.

\* \* \* electus. II. A.

**I**Nitio anni 1207. electus est in archiepiscopum Thebarum vir Latini ritus, cujus nobis nomen ignotum est. Nam Innocentius III. epistola 56. lib. x. data *capitulo Patracensi* eo anno die 24. April. de Patracensi recens præfule verba habens, Thebani quoque meminit, ut recens ordinati. *Quum idem Patriarcha* (Constantinopolit. Thomas Maurocenus) inquit, *tom. 2. edit. Baluz. pag. 29. col. 2.* *tunc temporis eum* (Patracensem) *consecrare nequiverit, quia coepiscopos non habebat. Unde Atheniensem & Thebanum electos ad suam præsentiam accedentes in Syriam destinavit, consecrationis munus inibi recepturos.* Idem Papa epistola 116. lib. xi. data anno sequenti 1208. die 14. Julii, *nobilibus viris Dominis Thebarum* injunxit ut persolvi decimas curarent ecclesiæ Thebanæ. Eodem anno archiepiscopo Thebano directæ sunt epistolæ 152. 154. & 171. præfati lib. xi. Huic rursus, ut & Verisienfi & Larissenfi præsulibus, mandavit idem Innocentius anno sequenti 1209. epistola 114. lib. xii. data die 2. Novembris, ut Henrico Constantinopolitano Imperatori fidelitatem exhiberi satagerent a prælatis omnibus, tam Græcis quam Latinis earum regionum. Demum eidem Thebano archiepiscopo datæ sunt epistolæ 15. & 110. lib. xiii.

Anno 1210. electus est in archiepiscopum Thebanum A. capellanus Henrici Imperatoris Constantinopolitani. Sic rem narrat Innocentius III. epistola 138. lib. xiii. *capitulo Thebano* data die 4. Octobris. «Thebana dudum ecclesia viduata pastore, A. archidiaconus vester cum Gerardo de Besentuno & J. cognato suo propria vota direxit in venerabilem fratrem nostrum Davaliensem episcopum pro vestro Pontifice postulandum, appellationem ad sedem apostolicam interponens, ne ceteri canonici procederent ad electionem aliam faciendam. Qui tandem convenientes in unum, appellatione hujusmodi pro inutili reputata, dilectum filium A. capellanum charissimi in Christo filii nostri Constantinopolitani Imperatoris illustris concorditer in archiepiscopum elegerunt. Postmodum autem electione ipsius venerabili fratri nostro Constantinopolitano Patriarchæ præsentata de more, quum sibi demum per testes ab archidiacono & ejus sociis introductos de appellatione interposita constitisset, negotium ipsum ad nostram præsentiam destitavit. Constitutis itaque partibus coram nobis, & quæ fuerunt hinc inde proposita, »

Yyy iij



ECCLESIA  
THEBARUM.

» plenius intellectis, postulationem de me-  
» morato episcopo, tantummodo factam à  
» tribus, quamquam persona commendabilis  
» haberetur, non duximus admittendam; elec-  
» tionem vero de capellano præfato à sexdecim  
» regulariter celebratam, quia studiis & meritis  
» potioribus juvabatur, iustitia confirmavimus  
exigente. Quocirca, &c.» Castoriensi & Za-  
ratorienſi episcopis ecclesiæ Thebanæ suffra-  
ganeis iisdem die & anno epistolam 139. scripsit  
in eundem modum, ut huic electo Thebano  
archiepiscopo obedientiam præstarent.

Is nondum consecratus erat, nescio qua  
de causa; die 21. Decembris hujus anni: in  
titulo enim epistolæ 192. lib. XIII. ipsi & aliis  
præsulibus directæ, *electus* duntaxat appel-  
latur; at epistolæ 111. lib. XIV. anno 1211.  
& 26. 29. 44. 53. 60. 73. & 75. lib. XV.  
anno 1212. ipsi, ut *Thebano*, de variis ne-  
gotiis datæ sunt.

### III. \* \* \*

Anno 1241. sedebat *archiepiscopus The-  
banus*, cui Gregorius IX. unaque Priori Ord.  
Præd. hujus urbis, necnon archidiacono de  
Nigroponte epistolam scripsit, datam eo anno  
die 29. Maii, qua iis mandabat ut *ecclesias  
cathedrales metropolitanorum & episcoporum,  
rum deinde omnes alias prælatorum & cœno-  
biorum sive Græci sive Latini ritus, sive denique  
quocumque modo exemptorum ad decimandum  
censerent, & ad solvendum ex universo patriar-  
chio compellerent Patriarchæ Constantinopoli-  
tano, qui per id temporis maximos sumptus  
fecerat ob defensionem Imperatoris Balduini,  
& ad extremam fere inopiam redigebatur. Ita  
refert Bzovius, 10. 13. annal. ad annum 1241.  
num. 11. col. 475.*

### IV. \* \* \*

Quum Michael Palæologus, recuperata  
anno 1261. urbe Constantinopolitana, expe-  
ditionem pararet in Achaïam vicinasque pro-  
vincias, ut ex iis principes Latinos expelleret,  
Urbanus IV. litteras dedit anno 1263. *archi-  
episcopo Thebano*, pluribusque illarum regio-  
num præsulibus ritus Latini, ut ad commune  
arcendum periculum Guillelmo Willarduino  
Achaïæ domino opem ferri curarent. Ex  
Raynaldo ad eum annum, num. 21.

### V. NICOLAUS I.

Quum Henricus rex Cypri, & Almaricus  
ejus frater princeps Tyri, de regni admi-  
nistratione contententes, suos ea de re ad  
Clementem V. oratores misissent, Pontifex  
*Nicolaum Thebarum archiepiscopum*, ac Ray-  
mundum è Pinibus capellanum suum dele-  
gavit in Cyprum insulam, ut ad concordiam

eos revocarent; aut saltem, si pax inter eos  
fanciri non posset, totius hujus negotii cir-  
constantias explorarent, & sibi Papæ diligen-  
tius referrent. Diploma ejus legere est sub  
hoc titulo: *Clemens, &c. venerabili fratri Ni-  
colao archiepiscopo Thebano, &c. dat. Pictavis  
X. kal. Febr. anno III.* (id est die 23. Januar.  
an. 1308.) apud Raynaldum ad eum annum,  
n. 37. Hoc eodem anno vel obiit Nicolaus  
iste, vel ad aliam ecclesiam translatus est.

### VI. ISNARDUS.

« *Fr. Isnardus* (Tacconus) Papiensis (Ord. «  
Præd.) teste Bernardo Guidonis, fuit factus «  
archiepiscopus Thebanus per Clementem «  
Papam V. anno Domini 1308. circa festum «  
Pentecostes, qui fecerat eum prius pœniten- «  
tium. Ei (hic) frater notus erat, quia in «  
necessitate magna itineris sibi adstiterat, quum «  
esset Burdigalensis archiepiscopus, & quasi «  
ignotus & solus per partes transiret Lombar- «  
diæ anno Domini 1302.» Lateranensi ecclesia  
incendio fere consumpta anno præfato 1308.  
die 6. Maii, Romam missus est Isnardus, pon-  
tificii vicarii officio functurus. Dum autem  
ibi degeret, mandatum accepit ab eodem  
Papa litteris datis die 28. Junii anni 1313.  
quas profert Raynald. 10. 15. ad annum 1310.  
n. 37. eos examinandi qui Bonifacium VIII.  
hæresis insinulabant. Patriarchatum Antio-  
chenum cum administratione ecclesiæ Pa-  
piensis ad Papæ beneplacitum accepit idem  
Isnardus anno 1311. die 5. Novembris: at  
apud Joannem XXII. anno 1319. accusatus  
crimine rebellionis, omni ab eo dignitate  
exutus est. Illum tamen ipsemet Joannes ad  
sedem Thebanam denuo evexit anno 1325.  
Datis litteris *Aven. kal.* (id est die 1.) *Augusti*  
anno IX. ut scribit Bzovius, 10. 14. ad annum  
1325. num. 12. Certe refert Raynaldus ad  
annum 1328. num. 85. *Isnardo archiepiscopo*  
*Thebano* à Joanne Papa demandatam esse  
provinciam incitandi Philippum Tarentinum  
& Joannem Achaïæ principes, ut sese adjun-  
gerent Roberto Siciliæ regi & Venetis adversus  
Turcas. De eo proinde intelligendus Sanutus  
Torcellus, *epist.* 20. ad calcem lib. cui titulus  
est: *Gesta Dei per Francos, &c. edit. Hanov.*  
1611. ubi hæc habet, p. 313. lin. 30. « *D. &  
R. P. D. archiepiscopus Thebanus* qui, ut scire «  
potestis, fuit *Patriarcha Antiochenus*, qui venit «  
ex parte summi Pontificis ad requirendos «  
Venetos, habere ab ipsis auxilium de galeis «  
armatis pro facto Turcorum: & dicit quod «  
D. Papa debet eis mittere litteras super hoc, «  
quæ nondum venerunt, & ignoro si venient, «  
de quo multum doleo, quia sperabam quod «  
aliquod bonum fieret in subsidium insularum «  
Romania. Et si litteræ prædictæ non venerint «



» per totum mensem Februarii, vel ante, credo  
 » quod archiepiscopus prædictus ad suum re-  
 » gredietur archiepiscopatum.» Data est epistola  
 hæc *Venetis die 18. Januarii*. Annus filetur,  
 sed fuit 1328. aut 1329. nam in epistola se-  
 quenti, data *Venetis anno 1329.* ait idem  
 Sanutus, *ibid. p. 314. lin. 44.* «*Archiepiscopus*  
 » *Thebarum* est adhuc *Venetis*, & tractat quan-  
 » tum plus potest, conservationem illarum ter-  
 » rarum de Romania occasione Turcorum, &  
 » etiam piratarum de mari, qui multum infestant  
 » insulas & partes alias Romaniae, & credo quod  
 » finaliter sapientia & probitas ipsius D. archi-  
 » episcopi ducet ad executionem negotia hujus-  
 » modi, quæ eidem recommandata fuerunt.»  
 Idem Sanutus epistolam sequentem, scriptam  
*Venetis illo anno 1329. die 28. Octob. ibid.*  
*p. 315. lin. 13.* sic exorditur: «*Noscat vestra*  
 » *reverenda paternitas per præsentem, quod nu-*  
 » *per recepi litteras à reverendo D. D. archiepi-*  
 » *scopo Thebano, olim Patriarcha Antiocheno,*  
 » *qui est in illis partibus Romaniae, qualiter*  
*Turchi, &c.*» Ex quibus colligitur Isnardum  
 fuisse archiepiscopum illum *Thebanum*, ad quem  
 aliosque præfules extat Joannis XXII. epi-  
 stola, data anno 1329. die 7. Maii, apud  
 Raynaldum ad eum annum, *num. 3.* Hunc  
 obiisse eo anno tradunt nonnulli scriptores.

## VII. \* \* \*

Anno 1344. sedebat *Thebanus archiepi-*  
*scopus* vir quidam, de quo mentionem facit  
 Clemens VI. eo anno in litteris quas *venerabili*  
*fratri Henrico Patriarchæ Constantinopolitano*  
*in partibus transmarinis A. S. L.* scripsit die 18.  
 Septemb. apud Raynaldum ad eum annum,  
*n. 2.* in iis enim ait Pontifex: *Et nihilominus*  
*tam ipse quam venerabilis frater noster archi-*  
*episcopus Thebanus, tuus delegatus seu com-*  
*missarius, dilectum filium magistrum hospitalis*  
*S. Joannis Hierosolymitani, & Cyprenses etiam*  
*requisiverunt instanter, ut ad hoc suas galeas*  
*destinarent, eosdem Cyprenses ad id præfatus*  
*archiepiscopus per excommunicationis sententias*  
*compellendo, &c.* Is fortassis fuit *Thebanus* ille  
 archiepiscopus, cujus meminit Innocentius VI.  
 in epistola data anno 1353. die 1. Decemb.  
*ibid. num. 19.*

## VIII. PAULUS I.

*Paulus*, de quo supra dictum est, tum inter  
 Patriarchas Constantinopolitanos ritus La-  
 tini, in præsentī *tomo 3. col. 822. C.* tum inter  
 archiepiscopos Smyrneses, *col. 1076. B.*  
 ex ea Smyrnenſi sede translatus est ad The-  
 banam ab Innocentio VI. anno 1358. die 22.  
 Januar. ut constat ex diplomate *Dum juxta*  
*pastoralis*, quod exhibet Waddingus, *tom. 4.*  
*annual. in Regesto Pontif. pag. 59.* Hunc ait

A Rocchus Pirrus, *tom. 1. Sicil. sac. pag. 349.* ECCLESIA  
*num. 16.* indulgentias concessisse anno 1361. THEBARUM  
 die 11. Maii monasterio monialium Cata-  
 nensium S. Benedicti. *Ex lib. Proton.*

## IX. SIMON sive SIMEON.

Ughellus, *to. 9. Ital. sac. vet. edit. col. 548.*  
*n. 13.* B. scribit *Simeonem* Constantinopoli-  
 tanum Basiliani Ordinis monachum, datum  
 esse episcopum Hieracensi ecclesiæ à Cle-  
 mente VI. anno 1348. die 4. Aug. Postquam  
 vero diocesanam synodum ibi celebrasset,  
 translatus esse ad Thebanam sedem anno  
 1366. die 3. Augusti, *ex Regesto Vaticano.*  
 Anno 1374. iussus est Simon archiepiscopus  
 Thebanus à Gregorio XI. operam dare, cum  
 nuntiis quos Constantinopolim mittebat, ad  
 redintegrandam ecclesiæ orientalis cum occi-  
 dentali unionem, teste Raynaldo ad eum  
 annum, *num. 2.*

Simonem hunc appellant auctores *Jacu-*  
*mæum* vel *Sacumæum*, vel etiam *Tacumæum*:  
 Leo autem Allatus eum dicit fuisse Ordinis  
 Præd. *lib. 2. de consens. c. 15. n. 11. col. 774.*  
 & in Diatriba de Simeonum scriptis, *p. 202.*  
 sed videtur ipse tres *Simones* in unum ho-  
 minem conflasse, scilicet *Simonem Constan-*  
*tinopolitanum*, Ordinis S. Dominici, qui obiit  
 circa annum 1325. *Simonem Cretensem*, ejus-  
 dem Ordinis, qui florebat circa finem synodi  
 Constantiensis, & *Simonem Jacumæum*, de  
 quo hîc agimus, & qui probabiliter ad finem  
 sæculi decimi quarti non pervenit. Legendus  
 R. P. Echard. *tom. 1. Script. pag. 737. col. 1.*  
 ubi dubitat an Simeon iste Jacumæus Or-  
 dinem Præd. amplexus sit, eo præsertim quod  
 nec Sixtus Senensis, nec Augustinus Justi-  
 niani, qui Dominicani erant, ejus scripta in  
 Biblia sacra recensentes, taceant *Dominicanum*  
 fuisse.

## X. PAULUS II.

Rocchus Pirrus, *tom. 1. Sicil. sac. in archi-*  
*episcopis Montis Regalis, pag. 420. & seqq.*  
*num. 15.* meminit cujusdam *Pauli* patria Ro-  
 mani, cujus institutum ignorabat, ecclesiæ  
 Æterniensis in Italia primum antistitis, deinde  
 ad archiepiscopatum Montis Regalis promoti  
 ab Urbano VI. anno 1379. sed postmodum  
 ejecti à Clemente VII. Papa Avenionensi  
 tempore schismatis. «Carebat, inquit, interim  
*Fr. Paulus* suæ ecclesiæ proventibus: ea de  
 causa Bonifacius IX. Pontifex (Urbani VI.  
 successor) commendæ nomine ei dedit *The-*  
*bensis* archiepiscopatus jura & proventus (circa  
 annum 1396.) Anno autem 1407. 21. April.  
 Gregorius XII. largitus est (ei) prioratum  
 S. Eusebii Romæ Ord. Cœlestinorum... Tra-  
 ditus deinde est anno 1418. Fr. Paulo Thef-  
 salonicensis archiepiscopatus à Martino V.»



## XI. A N D R E A S .

A

## XIII. J A C O B U S .

## XIV. J O A N N E S .

*Andreas Furnarius*, Pisanus, Ordinis Præd. renuntiatus est à Gregorio XII. archiepiscopus Thebanus, qui dum ad ecclesiam suam pergeret, diem clausit extremum anno 1409. Ita Fontana *Theat. Domin. pag. 104. tit. 102. ex antiquis monumentis cænobii Pisani.*

Sede Thebana vacante per obitum *Jacobi*, huic præfectus est à Martino V. die 19. Febr. anno 1418. *Fr. Joannes de Pontremulo*, Minorita, in sacra pagina magister. Ita præfatus Wadding. *ibid.* ad eum annum, n. 35. p. 121.

## XII. N I C O L A U S II.

## XV. Z A N E T U S .

Waddingus, *to. 5.* ad annum 1410. n. 14. pag. 71. refert *Fr. Nicolaum* Trivisanum, Venetum, Ordinis Præd. sacre theologiæ professorem, electum fuisse ab Alexandro V. eo anno die 4. Aprilis archiepiscopum Thebanum.

Idem Waddingus, *tom. 6.* ad annum 1475. n. 7. p. 822. scribit *Fr. Zanetum*, Utinensem, Minoritam, eo anno archiepiscopum Thebanum renuntiatum esse à Sixto IV. Papa. Addit vero *to. 7. p. 153.* eum obiisse an. 1483.

## II.

## E C C L E S I A C A S T O R I Æ .

SUPRA vidimus sub archiepiscopis Thebanis ritus Latini epistolam 139. lib. XIII. epistolarum Innocentii III. scriptam fuisse *Castoriensi & Zaratorienti episcopis ecclesiæ Thebanæ suffraganeis* die 4. Octobris anno 1210. de obedientia ab ipsis præstanda suo metropolitano archiepiscopo Thebano recens promoti. De Castoria mentio sit in *historia belli sacri*, n. 9. *tom. 1.* Musæi Italici Mabillon. pag. 145. Castoriam abbas de Commanville in *serie episcopatum totius orbis*, p. 208. sub Thebis cum Zaradonia & Pelope recenset. Alterius quoque Castoriæ meminit, pag. 216. sub Achrida seu Justiniana prima, de qua facit quoque mentionem Mich. Anton. Baudrand, *tom. 1. geogr. pag. 242. col. 1.* & *Castoria Castra* nuncupat. Cæterum *Castoria* præsentis loci jam à primis sæculi XIII. annis episcopos aliquot ritus Latini habuit.

## E P I S C O P I C A S T O R I Æ .

\* \* \*

ANNO 1208. sedebat *episcopus Castoriæ*, cui eo anno, ut & Atheniensi & Thebano episcopis scripsit Innocentius III. epistolam 154. lib. XI. datam IV. Nonas (id est die 4.)

B Octob. pro viris ecclesiasticis de Larce diocesis Larissiensis, quos nobilis vir Guillelmus indebite vexabat. Eidem etiam, aliisque præfulibus datæ sunt epistolæ 139. & 192. lib. XIII. anno 1210. Quandonam ille obierit, quive fuerint ipsius successores ignoramus.

## III.

## E C C L E S I A Z A R A T O R I Æ .

DE Zaratoria nihil amplius ac de Castoria nobis compertum est. Huic scimus duntaxat initio sæculi decimi tertii præfuisse episcopum Latini ritus, ad quem, vel de quo extant nonnullæ Innocentii III. epistolæ, ipsum vero Thebani ejusdem generis archiepiscopi fuisse suffraganeum.

## E P I S C O P I Z A R A T O R I Æ .

\* \* \*

REcens evecto ad ecclesiam Thebanam præfule, episcopis Castoriensi & Zaratorienti ejusdem suffraganeis scripsit Innocentius III. epistolam 139. lib. XIII. datam Later. IV. Non. (id est die 4.) Octobris anno 1210. ut ipsi tanquam metropolitano morem gererent. Iisdem die & anno Davaliensi & Zaratorienti episcopis, & electo Nazorescensi exarata legitur epistola 153. ejusdem libri XIII. pro fratribus militiæ Templi adversus dominum

C Nigripontis, à quo illi vexabantur. Eodem quoque anno 1210. epistola 192. data est XII. kal. Januarii (id est die 21. Decemb.) Atheniensi, Neopatrensi, & Larisseno archiepiscopis, & Davaliensi.... Castoriensi, & Zaratorienti episcopis, & Thebano, Citrensi, Nazorescensi, & Valacensi, de resignationibus factis per nobiles Theffalonicenses.

Notandum porro obiter, ex epistola 155. hujus libri XIII. data VII. kal. Novemb. (id est die 26. Oct.) quæ inscribitur: Cardicensi & Davaliensi episcopis, & electo Zaratorienti, minime



minime esse inferendum eo anno 1210. post A  
diem quartam mensis Octobris, episcopo  
*Zaratorienſi* mortuo, vel ad aliam eccleſiam  
translato, novum præſulem fuiſſe ſubſtitutum;  
quia mendum hic occurrere evidens eſt, &  
legendum *electo Nazoreſcenſi*, ut in epiſtola  
154. præcedenti, data die 20. Septembris, &  
in modo laudata 192. Id porro conſtat ex  
epiſtola 111. lib. XIV. anno 1211. die 30.  
Septembris, data *archiepiscopo & decano*, &  
alii *canonico Thebanis*, de re eadem ac in illa  
ipſa epiſtola 155. lib. XIII. Ibi enim habetur:  
« Venerabiles fratres noſtri Davalienſis &  
» Cardicenſis epiſcopi per ſuas nobis litteras  
» intimarunt, &c. inter dilectos filios fratres  
» militiæ Templi ex parte una, & venerabilem  
» fratrem noſtrum Patracenſem archiepisco-  
» pum ex altera vertebatur, *eis & dilecto filio*  
» *Nazarocenſi* (id eſt *Nazoreſcenſi*) *electo* duxe-  
rimus committendam, &c. »

Anno 1211. *episcopo Zaratonienſi* inqui-  
rere contra archiepiscopum Neopatrenſem  
juſſit Innocentius epiſtola 98. lib. XIV. data  
die 21. Auguſti.

Anno ſequenti 1212. Thebano archiepi-  
ſcopo injunxit idem Pontifex epiſtola 26.

lib. XV. data VI. idus (id eſt die 8.) Aprilis,  
ut Zaratonienſi epiſcopo inopi opem ferret.  
Quum vero idem Thebanus præſul variis  
moleſtiis Zaratonienſem epiſcopum afficeret,  
modo ejus diœceſanos ab ipſo rationabiliter  
excommunicatos, recipiendo Thebis ad di-  
vina, modo ejuſdem ditionis loca nonnulla  
occupando; quin etiam decanus & canonici,  
ac laici quidam Thebani, *in domum ipſius*  
*irruentes, & manus temerarias in illum inji-*  
*cientes, hominem, quem propter eorum ſæviti-*  
*brachiis tenebat propriis amplexatum, capere*  
*præſumpſerunt, & arctæ cuſtodix manciparunt;*  
ad inquirendum de his gravaminibus epi-  
ſcopo Zaratonienſi injuſte illatis, epiſtolas 28.  
29. & 30. lib. XV. datas diebus 7. 8. & 9.  
April. anni 1212. ſcripſit Innocentius Papa,  
quæ extant tom. 2. edit. Baluz. Thebanum  
tamen & Zaratonienſem antiſtites paulopoſt  
fuiſſe ad invicem reconciliatos exinde colli-  
gere eſt, quod ſequenti menſe eos ſimul cum  
Davalienſi epiſcopo circa aliquot negotia  
commiſerit ipſe Pontifex, tum epiſtola 60.  
lib. XV. data die 21. Maii, tum etiam epiſt. 77.  
data die 25. ejuſdem menſis. An præſul iſte  
Zaratonienſis ſucceſſores habuerit nos latet.

ECCLESIA  
ZARATON-  
RIÆ.

## PROVINCIA THESSALONICENSIS.

### I. ECCLESIA THESSALONICÆ METROPOLIS.

**T**HESSALONICA, urbs ampla Macedoniæ in Amphaxiti tractu & in ora littorali  
Plinio, Straboni & Stephano Byzantio, olim *Therme* dicta, ut quidam exiſtimant,  
nunc *Salonichi* incolis & Italis, muris antiquis cincta & probe culta, ad radices collis, cum  
arce in monte & portu commodo in intimo reſſu ſinus cognominis, olim *Thermaici*  
dicti: eſt autem emporium celebre, & pro maxima parte à Judæis inhabitatur, prope oſtia  
Echedori fluvii. Vendita fuerat anno 1423. Reipublicæ Venetæ à Joanne Palæologo  
Constantini ultimi Græcorum Imperatoris fratre, eo quod illam Græci nullomodo poſſent  
adverſus Turcas defendere; ſed anno 1431. Sultanus Amurathes II. eam obſedit, & tandem  
Venetis eripuit. Diſtat 220. milliar. à Dyrrachio in ortum Byzantium verſus 350. à Sardica  
120. in meridiem, & itinere 38. horarum à Lariffa. Hæc Baudrand, to. 2. *geogr. p. 310. col. 1.*

In notiis Græcorum epiſcopatuum, quæ extant ad calcem Codini *de Officiis*, legitur,  
pag. 350. *Theſſalonicam* & quaſdam alias diœceſes à Romana ſede fuiſſe avulſas, & throno  
Constantinopolitano mancipatas. De ea etiam ſit mentio, pp. 372. 379. & 406.

Poſt expugnatam à Francis & Venetis Constantinopolim, Theſſalonicam occupavit Bo-  
niſcius comes Montisferrati, acceptaque in matrimonium Maria vidua Iſaaci Imperatoris  
Græcorum, regnum Theſſalonicenſe Latinum auſpicatus eſt, quod magna parte provin-  
ciarum orientalis Illyrici conſtabat. Exinde archiepſcopi Latini ritus Theſſalonicæ præſuerunt.

### ARCHIEPISCOPI THESSALONICÆ.

#### I. NIVELLO.

**N**IVELLO de Cherify, patre Girardo de Chi-  
riſiaco, Chiriſiacci & Mureti domino, & matre  
Tomus III.

C Agnete, quondam Longipontis domina,  
natus, ad Sueſſionenſem ſedem promotus eſt  
anno 1175. & conſecratus eodem anno die IX.  
Auguſti. Gaufridus Villarduinus Mareſcallus



ECCLESIA  
THESSALO-  
NICÆ.

Campaniæ, refert in chronico expeditionis A  
Constantinopolitanæ, ipsum præfuisse duo-  
decim proceribus qui Balduinum Flandriæ  
Comitem in Imperatorem Constantinopoli-  
tanum anno 1204. elegerunt. Anno sequenti  
1205. ipse creatus est archiepiscopus *Thef-  
salonicensis*. Quum autem Constantinopolim  
reverteretur, multosque ex omni Gallia in  
auxilium Latinorum collectos milites secum  
deduceret, apud Barrum in Italia diem su-  
preum clausit anno 1207. die 14. Septemb.  
quo die fit mentio ejus obitus in abbazia  
monialium S. Joannis in Bosco. Albericus in  
chronico mortem illius sub anno 1205. per-  
peram recitat, quippe quum supersint illius  
adhuc viventis instrumenta eo anno posteriora  
in archivis Longipontis. Hæc Sammarthani  
*Gall. Christ. edit. Paris. anno 1656. in episcopis  
Suessionensibus 10.2. part. 2. pag. 1051. col. 1.  
num. 57. Raynaldus, tom. 13. ad annum 1206.  
num. 8. refert concessum fuisse ab Innocentio  
III. Niveloni, ut retenta sua Suessionenfi  
ecclesia, ad Thessalonicensem promoveretur,  
ut novo Imperatori Constantinopolitano  
Henrico præsto esset, donec ejus stabiliretur  
imperium. Hinc procul dubio eum *Suessio-  
nensem* duntaxat episcopum nominat præfatus  
Albericus *chronici part. 2. ad annum 1205.  
p. 441. dum ait: «Nevelo Suessionensis epi-  
scopus à Constantinopoli reversus in Gallias,  
» plurimas Sanctorum secum ferens reliquias,  
» qui quum esset in itinere positus, obiit in  
» Appulia, sepultusque fuit in Barrensi sancti  
» Nicolai ecclesia Reliquias vero quas habebat,  
» sub testamento designavit ad diversas ecclesias:  
» ecclesiæ Catalaunensi dedit cubitum sancti  
» Stephani, & episcopus Garnerus misit Trecas  
» caput Philippi Apostoli.»**

## II. PETRUS electus.

Innocentius III. epistola 106. lib. XI. data  
v. kal. Julii (id est die 27. Junii) anno 1208.  
*tom. 2. edit. Baluz. pag. 188. col. 2. cuidam  
episcopo Yporiensi scripsit in hunc modum:  
«Quum Thessalonicensis metropolis, quæ  
» in regno Græcorum quasi præcipua post  
» Constantinopolitanam sedem habetur, pas-  
» toris sit regimine destituta, nos ei volentes  
» paterna sollicitudine providere, personam  
» tuam, quam multiplici dote virtutum repu-  
» tamus idoneam, ejus regimini duximus de-  
» putandam, terræ Potestatis (id est Domini)  
» accedente consensu, quin etiam desiderio  
» concurrente, &c.»*

Yporiensis autem episcopus iste in Thessa-  
lonicensem archiepiscopum electus an. 1208.  
alius fuisse non videtur à *Petro*, de quo ita  
scribit Ughellus, *tom. 4. Ital. sac. vet. edit. in  
Eporediensibus episcopis, col. 1498. n. 24. B.*

«Petrus, natione Pedemontanus, monachus  
Ordinis Cisterciensis, & abbas cœnobii Fir-  
mitatis (la Ferté) Cabilonensis diœcesis, vir  
potens in opere & sermone.... à capitulo  
Eporediensi episcopus electus anno 1205.  
& confirmatus, quum ad ecclesiam sibi cre-  
ditam accessisset, post paucos dies, quieti &  
contemplationi intentus, illa absque Romani  
Pontificis venia relicta, fugit in abditis non-  
dum consecratus. (At) Innocentius III.  
doctissimam ei scripsit epistolam, qua Patrum  
canonumque auctoritate plenissime docuit  
electum aliquando episcopum haud à sponsæ  
vinculo absolvi & divelli posse absque Ro-  
mani Pontificis auctoritate, non secus ac si  
consecrationis munus recepisset.» Hanc epi-  
stolam, datam Later. XII. kal. Nov. anno IX.  
(id est die 21. Octob. anno 1206.) exhibet  
Ughellus, & statim subdit, *col. 1501. D.*  
«Paruit Petrus summi Pontificis mandato,  
&...ad sponsam reversus, in episcopum conse-  
cratur, & veluti lucidissimum sidus ecclesiam  
suam, provinciamque totam inradiavit, &c.»  
Anno 1209. Antiochenus Patriarcha in  
Oriente creatus, cujus mentio est in epistolis  
Innocentii.» Reipsa, in epistola 8. lib. XII.  
hujus Pontificis, *Patriarchæ Hierosolymitano  
apostolicæ sedis legato* data III. Non. (id est  
die 5.) Mart. anno XII. Christi 1209. legitur.  
«Attendentes, &c. postulationem quam dilecti  
filii canonici Antiocheni de venerabili fratre  
nostro *Yporiensi episcopo*, tuo studio mediante,  
fecerunt, de consilio fratrum nostrorum du-  
ximus approbandam, &c.» Item in epistola  
38. ejusdem libri, *decano & magistris R. &  
P. canonicis Antiochenis, & universis clericis  
in castro Cursarii commorantibus*, data Viterbii  
VII. kal. Jun. (id est die 26. Maii) eodem  
anno, ait: «Hinc est siquidem quod quum  
Antiochena ecclesia proprio viduata pastore  
venerabilem fratrem nostrum *Petrum*, nunc  
Patriarcham Antiochenum, tunc *Yporiensem*  
episcopum postulaverit in pastorem, &c.»

Ughellus quidem eò loci nullum verbum  
habet de electione hujus Petri in archiepi-  
scopum Thessalonicensem; verum quum as-  
serat *Petrum* ecclesiæ Yporiensi ab anno 1206.  
usque ad 1209. præfuisse, constet etiam  
ex epistola 106. lib. XI. Innocentii supra lau-  
data, Yporiensem episcopum fuisse electum  
Thessalonicensem præfulem anno 1208. se-  
quitur omnino præfulem hunc ipsum *Petrum*  
fuisse, qui tamen electioni suæ non consen-  
serit, utpote qui anno 1209. ex sede Yporiana  
ad patriarchatum Antiochenum fuerit trans-  
latus. Obit in Oriente anno 1217.

## III. GUARINUS.

Guarinus ex ecclesia Verisienti, (ad quam



eum electum confirmaverat & consecravit A  
Innocentius III. ut ipse testatur epistola 35.  
lib. x. data die 30. Martii anno 1207.) ad  
Thessalonicensem transiit. Recusante enim  
Petro episcopo Yporiensi anno 1208. hanc  
sedem, Verisensem archiepiscopum sibi dari  
in præfulem postularunt ab Innocentio Papa  
non solum canonici sanctæ Sophiæ Thessa-  
lonicensis, sed etiam Maria vidua Bonifacii  
marchionis Montisferrati, aliique regni Thef-  
salonicensis proceres. Id indicat Innocentius  
epistola 171. lib. xi. data eodem anno 1208.  
die 1. Novembris, qua *Larisseno & Thebano*  
*archiepiscopis* injungebat ut de ea postulatione  
sedulo inquirerent. Diu de ea postulatione  
litigatum videtur, siquidem anno duntaxat  
1210. Guarinus ecclesiæ Thessalonicensis  
possessionem inire permissus est epistola 13.  
lib. xiii. Innocentii Papæ, archiepiscopo  
Neopatrensi & Cermopilenfi episcopo, &  
electo Avelensensi data eo anno die xi. Mart.

Is anno 1212. ecclesiæ suæ Thessaloni-  
censis privilegia à sede apostolica confirmari  
obtinet epistola 18. lib. xv. præfati Inno-  
centii, *G. Thessalonicensi archiepiscopo ejusque*  
*successoribus canonice substituendis in perpetuum,*  
data eo anno die 7. April. In ea suffraganeas  
Thessalonicæ ecclesias recensens ait: « Ad  
» hæc ipsi Thessalonicensi metropoli suam  
» confirmamus provinciam, in qua subscriptos  
» episcopatus specialibus nominibus duximus  
» exprimendos, videlicet *Citrensem, Berisensem,*  
» *Campaniensem, Vardariensem, Serviensem,*  
» *Perrensem, Platomonensem, Langardensem,*  
» *Adrameriensem, Nerisensem & Cassandren-*  
*sem.* » Quæ probabiliter eadem sunt sedes  
ac in notitiis, pag. 379. sed quarum nomina  
magna ex parte amanuensium incuria cor-  
rupta sunt. Eidem scriptæ hoc anno 1212.  
de variis negotiis occurrunt epistolæ, scilicet  
42. 69. 75. & 80. lib. xv. Item in epistola 86.  
ejusdem Papæ exhibetur quædam epistola  
hujus archiepiscopi Thessalonicensis ad ipsum  
Papam. Nil autem vetat quin fuerit ille Thef-  
salonicensis præsul, quem & ejus episcopos  
Pontifex ad concilium Lateranense vocavit.  
*In eodem modo* (archiepiscopo & episcopis)  
*per Thessalonicensem* (provinciam constitutis)  
*tom. xi. conc. Labb. part. 1. col. 125. C.* Idem  
quoque fortassis extitit, de quo Raynaldus,  
*tom. 13. apmal. ad annum 1222. n. 25. p. 322.*  
hæc ait: « Theodorus (Angelus Comnenus)  
» potiundi imperii ambitione æstuans, quum  
» Demetrius Thessalonicæ rex ad contrahenda  
» auxilia venisset in Italiam, ut Gregoras scribit  
» (lib. 2. cap. 2.) occasione usus, expugnatis  
» pluribus arcibus urbibusque, Thessalonicam  
» regni principem in suam potestatem redegit,  
» ac mox ea victoria elatus, imperialia signa

*Tomus III.*

corripere meditatus, quum *Thessalonicensem* «  
*archiepiscopum*, ut iis ipsum redimiret, ad- «  
ducere non potuisset, ea à Bulgariæ archi- «  
episcopo eblanditus, Imperatorem se gessit. »  
In indice ad calcem hujus voluminis Ray-  
naldi pag. 73. col. 3. ubi de hoc Theodoro,  
additur: *Archiepiscopum Thessalonicensem de-*  
*treclantem ipsum inungere, pellit in exilium.*

#### IV. \* \* \*

Ex Alberici chronico, *part. 2. pp. 572. &*  
*573.* ad annum 1239. expeditione in Palesti-  
nam à Francis suscepta, « juvenis Imperator  
Balduinus (hujus nominis II.) Petri Comitis «  
Antissiodorensis filius ultimus, habuit in co- «  
mitatu suo viros nobiles, Thomam de Marla «  
fratrem Ingelrami de Coci de parentela sua, «  
Humbertum de Bellojoco cognatum suum, «  
Jofferannum Grossum de Burgundia, *quem-* «  
*dam archiepiscopum qui fuerat Thessalonicensis,* «  
&c. »

#### V. LUDOVICUS I.

Waddingus, *to. 3. ad annum 1345. n. 8.*  
*p. 531.* refert ad Thessalonicensem ecclesiam  
in Thessalia sub Patriarcha Constantinopoli-  
tano dudum vacantem, *Fr. Ludovicum de*  
*Urbe veteri,* Minoritam, evectum fuisse à  
Clemente VI. 30. Jul. eo anno per diploma,  
quod ipse profert in *Reg. Pontif. pag. 324.*

#### VI. LUDOVICUS II.

Ughellus, *tom. 3. Ital. sac. col. 550. vet.*  
*edit. num. 64. B.* scribit *Ludovicum Bonetum,*  
Siculum, patria Agrigentinum, ad ecclesiam  
Panormitanam evectum esse ab Urbano VI.  
anno 1383. deinde translatum successive ad  
plures alias, scilicet ad Antibarensem anno  
1395. à Bonifacio IX. *ad Thessalonicensem*  
anno 1396. die 22. Maii, ad Bergomensem  
in Insubria anno 1399. die 5. Septembris,  
ad Pisanam anno 1400. die 15. Novembris  
ab eodem Pontifice; denique ad Tarentinam  
ab Innocentio VII. anno 1406. eundem  
Cardinalium quoque purpura ornatum fuisse  
à Gregorio XII. anno 1408. die 18. Septemb.  
obiisse tandem Arimini anno 1413. die 13.  
Septembris.

#### VII. PAULUS.

Idem Ughellus, *tom. 6. Ital. sac. vet. edit.*  
*col. 502. n. 27. D.* de quodam Paulo hæc ait:  
« *Fr. Paulus de Urbe,* Ordinis Min. successor  
datus est (in Æterniensi sede) Philippo ad «  
Tiburtinam ecclesiam translato eodem anno «  
1367.... eoque munere se absolvit anno 1376. «  
ac deinde ab Urbano VI. translatus est ad «  
archiepiscopalem sedem Montis Regalis in «  
Sicilia die 13. Februarii 1379. Varia deinde «

Z z z ij



ECCLESIA  
CITRI.

» fortuna in ea dignitate vixit ad annum usque  
» 1418. quo à Martino V. ad Thessaloni-  
» censem ecclesiam translatus est; antea The-  
» banam habuerat commendatam, ut *in lib.*  
» *oblig. observavimus.*» Hunc Waddingus non

A recenset inter præsules sui Ordinis, Rocchus  
autem Pirrus de eo agens inter archiepiscopos  
ecclesiæ Montis Regalis in Sicilia, *tom. 1.*  
*Sicil. sac. pag. 420. num. 15.* se nescire fatetur  
cujus instituti religiosi Paulus iste fuerit.

## II.

## ECCLESIA CITRI.

**C**ITHRON sive Citrum, urbs Macedonia Straboni, quæ postea Pydna dicta in Pieria,  
olim episcopalis sub archiepiscopo Thessalonicensi, deinde metropolis effecta, in ora  
sinus Thermaici, nunc etiam Chitro dicta, teste Sophiano, ab urbe Thessalonica distat  
40. circiter milliar. in meridiem. Ita Baudrand, *tom. 1. geogr. ad vocem Citron, pag. 274.*  
*col. 1. & tom. 2. pag. 151. col. 1. ad vocem Pydna.*

## EPISCOPI CITRI.

## I. \* \* \*

**A**NNO 1208. episcopo electo Citriensi per-  
misit. Innocentius III. epistola 115. lib. XI.  
data die 14. Jul. ut propter ipsius inopiam,  
simul cum Citriensi ecclesia, Platamonensem  
quoque ei contiguam administraret. Eidem  
ut electo inscripta est, tum epistola 244. ejus-  
dem libri, data die 23. Jan. anni sequentis,  
tum epistola 252. data die 6. Februarii de  
diversis negotiis.

Is nondum consecratus erat, nescio qua  
de causa, anno 1210. quo adhuc Citrensis  
electus memoratur in quibusdam epistolis lib.  
XIII. præfati Pontificis, scilicet 103. & 111.

B datis diebus 2. & 10. Jul. 151. & 152. datis  
die 18. Septembris, & 192. data die 21. De-  
cembris. Nihil aliud circa illum præfulem  
mihi occurrit.

## II. JOANNES.

## III. HERMANNUS.

Joanne quodam episcopo Citrensi mortuo,  
ei successus est anno 1432. die 26. Martii ab  
Eugenio IV. Fr. Hermannus de Gherden,  
Ordinis Præd. cujus non meminere præfulem  
hujus Ordinis nomenclatores; sed id constat  
ex præfati Pontificis diplomate Summi dispo-  
sitione Rectoris, quod exhibet R. P. Bremond,  
*tom. 3. Bullar. pag. 213.* ad annum 1432.

## PROVINCIA TRAJANOPOLIS.

## I.

ECCLESIA TRAJANOPOLIS  
METROPOLIS.

**T**RAJANOPOLIS, urbs Thraciæ Antonino & Ptolemæo, antea Zernis dicta, adhuc  
Trajanopoli appellatur, & archiepiscopalis est ad Hebrum fluvium, 25. milliar. distans  
à Cypsella in septentrionem, uti 40. ab ora maris Ægæi, Hadrianopolim versus vix 45.  
estque nunc parva admodum & male culta. Ita Baudrand, *tom. 2. geogr. pag. 326. col. 2.*  
In notitiis Græcorum episcopatum ad calcem Codini de Officiis, pp. 338. & 366. inter  
cæteras throno Constantinopolitano subditas, loco trigesimo recensetur Trajanopolis. In  
provincia Rhodopes, Trajanopoleos XXX. Επαρχίας Ραδοπίης, ὁ Τεζιανού πολέως λ'.

## ARCHIEPISCOPI TRAJANOPOLIS.

## I. LADISLAUS.

## II. BENEDICTUS.

**W**ADDINGUS, *tom. 7. annalium Min.* ad  
annum 1493. *num. 39. pag. 314.* refert post

Cobitum Ladislai archiepiscopi Trajanopolis,  
ad eam sedem promotum esse Fr. Bene-  
dictum de Zegedino, Minoritam, eo anno  
die 2. Januarii ab Alexandro VI.





II.

## ECCLESIA RUSII.

**R**USIUM, urbs Thraciæ cis Rhodopen Cedreno, quæ *Topiris* Ptolemæo, & *Doberus* Thucydidi, episcopalis sub archiepiscopo Trajanopolitano, nunc *Rusio* dicitur, teste Sophiano. [Certe in notitiis ad calcem Codini *de Officiis*, pag. 404. legitur *Topirus nunc Russium*.] Hæc civitas 8. milliar. distat ab ora maris Ægæi in septentrionem, 90. vero ab Hadrianopoli in occasum hybernū. Hæc Baudrand, *tom. 2. pag. 185. col. 1.*

## EPISCOPI RUSII.

## I. JOANNES.

**F**R. Joannes Carnutensis, Gallus, Ordinis Prædic. insignis theologus, Laureatus Parisiensis, linguarum peritia excultus, ab Urbano V. Rufionensi ecclesiæ episcopus datus est anno 1368. Ita Fontana *Theat. Domin. p. 280. tit. 498.* ex Nicolao le Febvre ejusdem Ordinis in Manuali ecclesiastico historico *in-8.º edit. Rupellæ 1646.* ad annum 1368. Addit Fontana *in monum. Domin.* ad annum 1366.

*A p. 232. col. 1.* ab eo Joanne multos Græcos ad communionem Romanam fuisse perductos.

## II. HENRICUS I.

## III. HENRICUS II.

Sede Rufionensi vacante per obitum *Henrici*, renuntiatus est hujus ecclesiæ præsul à Bonifacio IX. anno 1391. die 29. Decemb. *Henricus Ringourt*, Ordinis Min. alumnus, teste Waddingo, *to. 4. ad eum annum, n. 3. pag. 289.*

## PROVINCIA TRAPEZUNTINA.

ECCLESIA TRAPEZI  
METROPOLIS.

**T**RAPEZUS, urbs ampla Asiæ minoris in Cappadocia, cujus caput existit, Straboni, Plinio & Melæ, Sinopensium colonia, nunc *Tarabosan* dicta incolis & Turcis, teste Leunclavio, & *Trebisonda* Italis, urbs etiamnum clara, præfecturæ Trapezuntinæ caput, cum portu capaci in ora Ponti-Euxini: aliquando etiam Imperatorum Græcorum sedes fuit, Imperatoresque sibi proprios è gente Lascara per annos 200. habuit, nempe ab anno 1261. usque ad annum 1460. quo tandem sub Davide à Mahumete II. Imperatorē Turcarum vastata est. Ejus regibus suberant Cappadocia & Colchis. Ipsa vero sita est ad radices montis, ubi ora in boream Colchos versus flecti incipit, vix 40. milliar. distans in septentrionem à confinio Armeniæ minoris, 35. à confinio Colchidis in occasum Polemonium versus. Archiepiscopalis est (translata nempe ad eam metropolitana Phæsidis nunc dirutæ dignitate.) Ita Baudrand, *tom. 2. geogr. pp. 102. col. 2. & 329. col. 2.*

Inter metropoles Patriarchæ Constantinopolitano subjectas *Trapezus* servabat locum 33. juxta dispositionem Leonis Sapientis, ut constat ex notitiis Græcorum episcopatum ad calcem Codini *de Officiis*, pag. 379. λγ'. Η Τραπεζοῦς, 33. *Trapezus*. Et pag. 392. sub throno 33. τῆς Τραπεζοῦτος Λαζικῆς *Trapezuntis Lazicæ* (provinciæ.) At eadem *Trapezus* ex dispositione Andronici senioris, de loco 33. ad 40. descendit, *ibid. pag. 401. num. 40.* In anterioribus autem notitiis de Trapezunte nulla fit mentio, sed provinciæ *Lazicæ Phazis* dicitur metropolis, eique assignatur locus 28. Επαρχίας Λαζικῆς, ὁ τῆς Φασιδος κη'. In provinciâ *Lazicæ, Phasidis XXVIII.* pp. 338. 348. 366. & 377. *Trapezuntis* non pauci suppetunt præsules Latini, utique tum propter Venetos & Genuenses ibi degentes, tum etiam propter eos qui opera missionariorum ad fidem Romanam iis in regionibus convertebantur.

## ARCHIEPISCOPI TRAPEZI.

## I. ANTONIUS.

**W**ADDINGUS, *tom. 3. ad annum 1344. num. 2. pag. 523.* profert epistolam Cle-

B mentis VI. Guidoni regi Armeniæ datam III. idus (id est die XI.) Septemb. eo anno, in qua hæc ait Pontifex: «Pridem ad nostram venientes præsentiam, & tuæ celsitudinis»

Zzz iij



ECCLESIA  
TRAPEZI.

» litteras præsentantes venerabiles fratres nos-

» tros Joannem Mascarensem & *Antonium*» *Trebesonensem* episcopos, ac dilectos filios

» Daniele Armenum Ordinis FF. Min. &amp;

» nobilem virum Gregorium de Sargiis militem

» ambaxiatores &amp; nuntios regios benigne re-

cepimus, &amp;c.» Probabile videtur duos illos

episcopos ejusdem fuisse ritus &amp; commu-

nionis ac Fr. Daniele, Minoritam, eorum

in hoc itinere socium: missi utique fuerant

ab illo rege, qui fidem Romanam profite-

batur, &amp; pleniorē de ea instructionem à

Clemente expetebat. Hujus Guidonis me-

minit Raynaldus ad eum annum, *num. 7.*

Cæterum mihi perspectum non est quænam

fuerit ecclesia *Mascarensis*, cui tunc *Joannes*præerat. *Antonii* vero hîc meminimus ex

hypothesi quod præsul Latinus extiterit.

## II. MATTHIAS.

Anno 1346. *Matthias* episcopus erat Trapezundæ, qui eo anno ecclesiam & altaria Clarissarum monasterii loci dicti *Condenderster* in Opbrussella Cameracensis diocesis consecravit ex commissione Pontificis, teste eodem Waddingo, *ibid.* ad annum 1344. *num. 15. pag. 528.*

## III. ALEXANDER.

## IV. JOANNES.

## V. BARTHOLOMÆUS.

Ex jam laudato Waddingo, *tom. 4.* ad annum 1390. *num. 12. pag. 287.* ecclesia Trapezundensi ad mare Euxinum sub Patriarcha Constantinopolitano vacante per translationem *Alexandri* ad Caffensem die 9. Novemb. eo anno, ei successus est Fr. *Joannes Mundel*, Minorita à Bonifacio IX.

Thomas Herrera, *Alphab. Augustin. to. 1. p. 106. col. 2.* scribit *Bartholomæum Joannis*, Eremitam Augustinianum, renunciatum esse episcopum Trapezundensem an. 1390. die 15. Novembris. At non video quomodo id cohæreat cum promotione Fr. Joannis Mundel die 9. ejusdem mensis facta, nisi Joannes iste suæ electioni consentire noluerit.

## VI. \* \* \*

## VII. MICHAEL.

## VIII. NICOLAUS.

Trapezundarum in Lazica urbis archiepiscopum Fr. *Michaelem* (Ordinis Minorum) sedis apostolicæ poenitentiarium, per obitum N. anno 1409. die 23. Octobris (renuntiavit Alexander V.) Ita præfatus Waddingus, *to. 5.* ad eum annum, *num. 15. pag. 64.* qui statim subdit: *Trapezusarum* (urbs est mediterranea Ponti Cappadociæ) Fr. *Nicolaum de Gummidia*, sacrae theologiæ magistrum, per obitum N. die 2. Decemb. Me fugit quænam sit hæc Trapezus diversa à priori. Fortassis eadem est, cui Gregorius XII. vel Benedictus XIII. ratam non habentes ab Alexandro V. peractam Michaelis promotionem, Nicolaum hunc præfecerit.

## IX. PAULUS.

Idem Waddingus, *ibid.* ad annum 1414. *num. 8. pag. 88.* ait: «Trapezundensem archiepiscopum ad mare Euxinum sub Patriarcha Constantinopolitano Fr. *Paulum Marklini*, per obitum Nicolai de Gummidia, etiam Minoritæ, (die 31. Januar. eo anno instituit Joannes XXIII.)» Quibus verbis roborari videtur conjectura modo allata: quem enim Trapezurarum asseruerat præfulem Nicolaum Waddingus, hîc Trapezundensem archiepiscopum fuisse scribit, nullo locorum adducto discrimine.

## X. MARCUS.

Martinus V. anno 1427. die xi. Aprilis Fr. *Marcum Viarum*, Venetum, Minoritam, ad Trapezundarum archiepiscopatum in mari Euxino evexit. Ita laudatus Waddingus, *ibid.* ad eum annum, *num. 20. pag. 190.*

## XI. GREGORIUS.

Anno 1437. *Gregorius de Corsanego* de Pera, episcopus erat Trapezundensis: de eo enim mentionem fieri eo anno in Registris Generalium Ord. Eremitarum S. Augustini testatur Herrera, *Alphabeti Augustiniani to. 1. p. 297. col. 1.* qui exinde colligit Gregorium hunc ejusdem Ordinis fuisse alumnum.





# PROVINCIA VERISIENSIS.

## I. ECCLESIA VERISIENSIS METROPOLIS.

**I**N epistolis Innocentii III. frequens de ecclesia Verisensi occurrit mentio, quæ extabat in Macedonia, vel Thracia, non longe à Theſſalonica, Thebis, ſimilibusque harum regionum urbibus; at de ea alibi nihil potui detegere. Haud ſcio an de illa accipiendum ſit quod legitur ad calcem *geogr. ſac.* Caroli à S. Paulo, *edit. Pariſ. 1641. pag. 76. in notitia antiqua Latina regiæ bibliothecæ. Archiepiſcopus Veriſienſis hos habet ſuffraganeos, Ruſiorenſem, Aptenſem, Kiptalenſem.* Huic autem metropoli ſæculo decimo tertio nonnulli præſuerunt Latini ritus antiſtites.

### ARCHIEPISCOPUS VERISIENSIS.

#### I. GUARINUS.

**G**UARINUS iſte ad ſedem Veriſienſem evectus eſt exeunte anno 1206. vel initio anni ſequentis. Id colligitur ex epistoſa 35. lib. x. epistoſarum Innocentii III. *clero & populo Veriſienſi* data die 30. Mart. anno 1207. *tom. 2. edit. Baluz. pag. 17. col. 1.* Epistoſa autem 37. eodem die data illi permiſit ut, « quum Conſtantinopolitanum imperium nondum ſit adeo ſolidatum, quin adhuc ex magna parte fluctuet, &c. beneficia quæ in prænominata civitate (Conſtantinopolitana) antequam ad onus paſtoralis officii fuiſſet aſſumptus, canonicè fuerat aſſequutus, cum omnimoda integritate retineret, donec ſibi (Papæ) & ſucceſſoribus ſuis viſum fuerit expedire. » Eidem quoque ſcriptæ fuerunt de variis negotiis epistoſæ 36. & 125. ejuſdem libri x. anno præſato 1207. epistoſæ itidem 13. 16. 18. 35. 41. & 77. lib. xi. anno 1208. ſimiliter epistoſæ 114. & 115. lib. xii. anno 1209. Electus eſt anno ſequenti 1210. in

A archiepiſcopum Theſſalonicensẽ, ut ſupra dictum fuit, *col. 1092. E. & col. 1093. A.*

#### II. \* \* \*

Guarino è fede Veriſienſi ad Theſſalonicensẽ tranſlato ſuffectus eſt aliquis, cujus nomen ignoramus. Is electus quidem erat die 7. Decemb. anno 1210. ut modo patebit, at non conſecratus fuit, niſi poſt diem 26. Julii anni ſequentis 1211. epistoſa enim 90. lib. xiv. Innocentii III. iis die & anno data, inſcripta eſt *epiſcopo Salimbrieni, & Varifiſienſi electo*, &c. quos ſcilicet committit Pontifex, ut de validitate electionis præſulis Nicomediẽſis inquirerent, eamdemque, ſi rite factam repererint, auctoritate apoſtolica confirmarent.

Is probabiliter fuit, quem idem Pontifex ſuis litteris encyclicis, datis die 19. Aprilis anno 1213. ad ſynodum Lateranenſem anno 1215. celebrandam vocavit. *In eodem modo archiepiſcopo & epiſcopis per Veriſienſem (provinciam conſtitutis) to. xi. cone. Labb. part. 1. col. 126. A.*

## II. ECCLESIA MEDENSIS.

**D**E eccleſia Medenſi nihil aliud nobis compertum eſt, niſi hanc initio ſæculi decimi tertii Veriſienſis metropolis fuiſſe ſuffraganeam, & anno 1210. eidem Veriſienſi unitam eſſe ab Innocentio III. Id conſtat ex ejus epistoſa 185. lib. xiii. data eo anno die 7. Decemb. in qua hæc legere eſt: « Quum eccleſia Veriſienſis, quæ metropolitica eſt prædita dignitate, in redditibus ſit exilis, ne præ nimia paupertate in ea nomen epiſcopale vileſcat, nobis fuit humiliter ſupplicatum ut Medenſem eccleſiam in ejus provincia conſtitutam, eidem adjungere dignaremur, quum nondum quiſquam ejus regimini ſit præfectus. Quocirca diſcretionis vestræ per apoſtolica ſcripta mandamus quatenus, ſi eam vacare, ac de ipſius provincia eſſe conſtiterit, curam ejuſdem dilecto filio Varifiſienſi electo auctoritate apoſtolica committatis, ut eam teneat commendatam, donec de illa nos vel ſucceſſores noſtri aliter duxerimus diſponendum; ita quod diſtrahendi vel alienandi quoquomodo poſſeſſiones ipſius nullam habeat penitus poteſtatem, &c. » Quid circa illam eccleſiam deinceps ordinatum fuerit nos latet.



## PROVINCIA ZICHIÆ sive ZECHIÆ IN SCYTHIA.

CAROLUS à S. Paulo *geogr. sac. edit. Paris. anni 1641. p. 235.* scribit tres in Scythia sedes episcopales crui ex notitia Græca, scilicet *Chersonum, Bosphorum & Zicchiam.*

*Chersonus* eadem est verisimiliter, ac *Chersonesus* in Taurica Chersoneso.

*Bosphorus* sive *Vosprus* extat pariter in Taurica Chersoneso.

*Zicchia* demum, ut caput provincie ejusdem nominis recensetur in notitiis Græco-Latinis, ad calcem Codini *de Officiis*, sic pag. 403. num. 93. *Zecchia civitas, quum archiepiscopatus esset, ad metropolitanum honorem erecta est: sic etiam superius, p. 339. In provincia Zicchia (episcopus) Chersonis.*

*Zecchia* quidem archiepiscopum Latini ritus sub *Zecchia* nomine adhuc reperi neminem; at probabile est archiepiscopum *Matrigensem* in regno *Zecchia*, cui assignatos infra videbimus quosdam suffraganeos episcopos Latinos, vel fuisse ipsum *Zecchia* metropolitanum; vel in ejus locum successisse. Certe una ex notitiis laudatis inter archiepiscopos Autophalos, ommissa *Zecchia*, habet *Mettracha*, pag. 381. num. 39. Urbs porro *Mettracha* apud abbatem de Commanville, pag. 227. cum *Zichia*, *Tomis*, *Chersone*, *Bosphoro*, *Alania*, *Litbadia*, *Nicopsi* & *Monte Caucaſo*, sub *Cassa* seu *Theodosia* metropoli in *Scythia* & *Chersoneso* *Taurica* legitur: ita ut extra omnem rationem non fuerit, ex sede *Mettrachensi Matrigensem* archiepiscopum esse denominatum.

In *Taurica* autem *Chersoneso* & locis adjacentibus nobis occurrerunt præfules Latini *Cassenses*, *Soldayenses*, *Saraënes*, *Camacenses* sive *Cumuchenses*, *Symbolienses*, *Tanenses*, *Chersonenses*, *Vosprenses*, *Matrigenses*, *Sybenſes* & *Lucucenſes*, de quibus sigillatim non nihil dicendum.

### I. ECCLESIA CAFFENSIS.

*CAPPA* sive *Capha*, ex Mich. Anton. Baudrand, tom. 1. *geogr. pag. 205. col. 2. & tom. 2. pag. 308. col. 1.* urbs est *Tartariæ* minoris in *Taurica Chersoneso*, ampla & probe culta, cum portu & emporio in ora *Ponti-Euxini*, sub dominio *Turcarum*: antea episcopalis erat nemini suffraganea. Vulgo creditur esse, quæ antiquitus dicebatur *Theodosia* seu *Theudofia*: censet tamen D. Sanson *Theodosiam* fuisse olim, quæ nunc *Tusba* appellatur; *Cassum* vero fuisse *Cavum*, ubi *Tauro-Scytharum* portus, & crevisse ex *Theodosiæ* ruinis, à qua 30. miliaribus distat in occasum.

### EPISCOPI CAFFENSES.

Joannes. I. HIERONYMUS I.

CAVALERIUS, tom. 1. pag. 28. num. 67. & P. Echardus, tom. 1. in indice episcoporum p. 26. col. 2. asserunt quemdam Fr. Joannem, Rotomagensis, Ord. Præd. à Clemente IV. ecclesiæ Caphensi fuisse præpositum circa annum 1268. Verum quia urbem hanc in sedem episcopalem erexit Joannes XXII. anno 1317. vel sequenti, primumque ejus episcopum constituit Fr. Hieronymum, Minoritam, dicendum Joannem hunc videtur, si unquam ecclesiæ præfuit Caffensi, Hieronymo isto esse posteriorem.

*Hieronymus* autem unus fuerat ex episcopis Minoritis missis in *Tartaria* à Clemente V. absque titulo alicujus ecclesiæ, quem Joannes XXII. erecta villa Caphensi diocesis Cam-

A balienſis in civitatem & sedem episcopalem, ei in episcopum præfecit anno 1318. Certe in diplomate *Exultavit*, dato eo anno die 28. Mart. quod profert Raynald. ad illum annum, nn. 13 & 14. nominatur episcopus Caphensis. Vivebat adhuc anno 1323. quo constitutioni ejusdem Pontificis, latæ die 12. Novembris de paupertate Minoritarum, subscripsit, teste eodem Raynaldo ad eum annum, num. 63. Legendus Waddingus, tom. 3. annalium ad annum 1320. n. 7. p. 246. & ad annum 1323. num. 3. pag. 295. & in Regesto Pontif. pag. 116. Legenda quoque epistola 8. Sanuti Torcelli ad hunc Hieronymum scripta anno 1324. ad calcem libri *Gesta Dei*, &c. pag. 299.

II. THADDEUS.

Ante mensem Octob. anni 1323. ecclesiæ Caffensi



Caffenſi deſierat præſſe Hieronymus. Id A  
 conſtat ex litteris, quas *Vidimus* appellant,  
 Bullæ canonizationis S. Thomæ de Aquino  
 in conventu FF. Prædicatorum Tiburtino  
 ſervatis, in quibus habetur: «Nos fratres  
 » Guillelmus Dei gratia Soldaniensis archiepi-  
 » ſcopus, & *Thaddæus Caffenſis episcopus*, notum  
 » facimus, &c. Anno Nativitatis Dom. 1323.  
 » Indiſt. VI. die 2. menſis Octobris, pontif.  
 Joannis XXII. anno XIII.» Apud Fontanam,  
*Theat. Dom. p. 680.* ubi tamen pro anno XIII.  
 legendum anno VIII. quo erat Indiſtio VI.  
 nam annus XIII. fuit 1328. Chriſti, qui cum  
 Indiſtionis anno XI. concurrebat. Is togam  
 Dominicanam aſſumpſerat, plurimamque  
 cum Bartholomæo Parvo ejuſdem Ordinis,  
 reductioni Armenorum ad S. Romanæ ec-  
 cleſiæ communionem, navavit operam, poſt  
 cujus obitum, congregationis Fratrum uni-  
 torum in Armenia promotor & tutor extitit.  
 Vide P. Echardum, *tom. 1. pag. 537. col. 2.*  
 & *pag. 538. col. 1. Episcopi Caffenſis meminit*  
 Raynaldus ad annum 1354. *num. 31.*

## III. CONRADUS.

Thaddæo mortuo ſuffecit Innocentius VI. C  
 in ſede Caffenſi *Fr. Conradum de Pregoantia*,  
 Minoritam, anno 1358. die 29. Januarii,  
 teſte Waddingo, *to. 4. ad eum annum, n. 5.*  
*pag. 72. & in Regeſto Pontif. pag. 59.*

## IV. ALEXANDER.

*Alexander* præſul Trapezundensis ad Ca-  
 phenſem tranſlatus eſt à Bonifacio IX. anno  
 1390. die 9. Decemb. ex eodem Waddingo  
 ad eum annum, *num. 12. pag. 287.*

## V. BARTHOLOMÆUS.

Anno 1391. die 27. Febr. *Bartholomæus* D  
*Ventura*, Dominicanus, ab eodem Bonifacio  
 IX. renuntiatus eſt episcopus Caffenſis. Ita  
 Fontana ex mſſ. Bzov. *Theat. Dom. p. 622.*

## VI. JOANNES.

Waddingus ad annum 1398. *n. 2. p. 320.*  
 refert hoc anno varia privilegia collata eſſe  
 cuidam *Fr. Joanni*, Minoritæ, episcopo Ca-  
 phenſi, à præſato Bonifacio IX. cujus di-  
 ploma ſubminiſtrat, *ibid. in Regeſto Pontif.*  
*pag. 207.*

## VII. HIERONYMUS II.

*Fr. Hieronymus de Genua*, Ord. Præd. ec-  
 cleſiæ Caffenſis antiſtes conſecratus eſt circa  
 annum 1404. ex P. Echard. *t. 1. p. 799. col. 1.*

## VIII. GIFREDUS.

## IX. JACOBUS.

Raynaldus ad annum 1439. *n. 17.* epistolam  
 proſert Eugenii IV. *episcopo Caphenſi* ſcriptam  
 eo anno die 15. Decemb. de archiepiſcopo  
 Armenorum non moleſtando. Is episcopus  
 Caffenſis probabiliter *Gifredus* fuit, cui amoto  
 ſubſtituit idem Pontifex anno 1441. die 23.  
 Januarii *Fr. Jacobum* Ord. Præd. diplomate  
 quod legi poteſt apud R. P. Bremond, *to. 3.*  
*Bullar. pag. 228.*

Is fortaliſſe vel ejus ſucceſſor fuit *episcopus*  
*ille Caphenſis*, qui, teſte Ænea Sylvio, poſtea  
 Pio II. Papa in *hiſt. de Aſia minori*, *pag. 356.*  
*D. edit. Baſil. 1571.* ſub Calliſto III. (ciccto  
 anno 1455. & deſuncto anno 1458.) florebat.  
*Episcopus Caphenſis*, inquit, *Calliſto Pontifici*  
*Maximo*, nobis præſentibus, hæc enarravit, qui  
 tunc tranſitum per Myſtlenem fecerat, ab ec-  
 cleſia ſua Romam petens.

## X. ALBERTUS I.

*Fr. Albertus Szczecin*, Ordinis Præd. epi-  
 ſcopus Theodoſienſis ſeu Caffenſis creatus  
 eſt ab Alexandro VI. anno 1493. Ita R. P.  
 Bremond, *tom. 4. Bullar. pag. 193.* ex Do-  
 minico Frydrychowicz, in S. Hyacintho Po-  
 loniæ patrono, *pag. 213.*

## XI. ALBERTUS II.

Alberto memorato veriſimiliter ſucceſſit  
*Albertus* alter, à *Secinia* dictus, & ejuſdem  
 Ordinis Prædic. circa annum 1502. Hujus  
 meminere Fontana *Theat. Dom. pp. 307. &*  
*364. Cavalerius, tom. 1. pag. 313. num. 338.*  
 & R. P. Bremond, *tom. 4. Bullar. pag. 212.*

## XII. SIGISMUNDUS.

Eccleſiæ *Theodoſienſis* (quæ probabiliter  
 Caffenſis eſt) adminiſtrator renuntiatus eſt  
 & episcopus Cherſonenſis ab Urbano VIII.  
 anno 1643. *Fr. Sigismundus Miaszkowski*,  
 Polonus, Ordinis Præd. ex Fontana *Theat.*  
*Dom. pag. 167. tit. 165. & ex R. P. Bremond,*  
*tom. 6. Bullar. pag. 142.*

## II.

## ECCLESIA SOLDANIAE.

MICHAEL Antonius Baudrand, *tom. 2. geogr. pag. 658. col. 2.* ſcribit *Soldadiam* vel  
*Soldaïam* eſſe, quæ appellatur *Lagyra* oppidum Tartariæ minoris. Lagyram autem  
 ait, *to. 1. p. 551. col. 1.* urbem eſſe Tauricæ Cherſonenſi Ptolemæo, in ejus parte meridionali,  
 quæ nunc quibuſdam eſt *Soldadia* urbecula, inter Criumetopon promontorium ad occalum,  
 & Theodoſiam (ſive Capham) urbem ad ortum; aliis vero eſt *Camba* oppidum cum portu  
 Tomus III.



1107 PROVINCIA ZICHIÆ sive ZECHIÆ. 1108  
 ECCLESIA SOLDAIÆ. in viciniis, ut didici, inquit, ex nautis qui illas partes pluries lustrarunt. Dicecesis quidem Soldaiensis in quodam diplomate Eugenii IV. infra memorando, sita dicitur in Armenia majore; sed doctissimus P. Bremond, qui illud recitat, tom. 3. Bullar. p. 214. simul observat hinc Armeniam majorem late sumi, ut nonnullis, inquit, antiquis familiare fuit. Ei præfuerunt aliquot antistites Latini.

## EPISCOPI SOLDAIÆ.

- I. LUDOVICUS.  
 II. AUGUSTINUS.

**L**UDOVICO episcopo Soldaiensi mortuo, illi substituit Eugenius IV. Papa anno 1432. die 23. Jul. Fr. Augustinum de Capha, Ordinis Prædic. Id constat ex diplomate pontificio, quod profert modo laudatus R. P. Bremond. Licet enim in eo diplomate uterque nominetur episcopus Soldagiensis, in altero tamen, dato die 18. Augusti ejusdem anni, & ibidem quoque recensito, Augustinus dicitur episcopus Soldayensis. En verba: «Venerabili fratri Augustino episcopo Soldayensi, &c. Tuis itaque in hac parte supplicationibus inclinati, (concedimus) ut unum de quacumque domo

A Ordinis FF. Prædicatorum, in sacerdotio constitutum, ad hoc tamen voluntarium, quum, sicut asseris, in paribus Armenia majoris, in quibus Soldaiensis ecclesia, cui præesse dignosceris, sita est, catholici sæculares commode haberi non possunt, recipere, & in tuum capellanum, & socium pro dicendis horis canonicis, & divinis celebrandis officiis, retinere; dictusque frater domum (domo) de qua ipsum receperis, absque sui superioris licentia exire, tecumque in dicta ecclesia residere, libere & licite valeat: ita tamen quod idem frater habitum dicti Ordinis retinere, & juxta illius instituta regularia vivere teneatur, &c.»

## III. ECCLESIA SARAENSIS.

**W**ADDINGUS, tom. 4. anal. Ordinis Min. ad annum 1400. num. 25. pag. 395. tradit cœnobium Tanæ & de Sarai sive Sarar, sui Ordinis, fuisse de custodia Saraïæ vicarius Tartariæ Aquilonaris. Dixerat autem, tom. 3. ad annum 1345. num. 8. pag. 530. urbem Tanensem esse in extimis terminis Ponti-Euxini: ex quibus colligere est urbem Saraënsem fuisse etiam in illis regionibus. Idem rursus meminit, in locis infra citandis, ecclesiæ Saraïcensis Armenorum, & Saraënsem Tartarorum, quæ fortassis eadem est. Baudrand ait de Sara, tom. 2. geogr. pag. 450. col. 2. hæc pauca duntaxat: Sara, Sala, urbs Armeniæ majoris. Cæterum de ea nihil aliud mihi compertum est, nisi huic sub alterutro nomine duos præfuisse episcopos Minoritas.

## EPISCOPI SARAENES.

- I. STEPHANUS.  
 II. COSMAS.

**E**X præfato Waddingo, tom. 3. ad annum 1321. num. 38. pag. 266. Joannes XXII. Papa renuntiavit eo anno episcopum Saraïcensem Armenorum F. Stephanum, Minoritam.

B Idem scriptor, tom. 4. ad annum 1370. num. 1. pag. 133. refert F. Cosmam, præfati Ordinis alumnum, eo anno translatum esse ab Urbano V. ex ecclesia Cambaliensi (Cambalu sive Pekin in regno Sinarum) ad Saraënsem in Tartaria.

## IV. ECCLESIA CAMACHÆ.

**C**AMACHUS, ex Baudrand, to. 1. geogr. p. 213. col. 1. urbs est Ciliciæ, teste Balsamone, litano; nunc vulgo Chemach dicitur, teste Leunclavio, estque parva admodum sub dominio Turcarum in Armeniæ minoris confinio. In notitia Græcorum episcopatum, quæ extat ad calcem Codini de Officiis, edit. Paris. 1648. pag. 396. legitur sub throno 46. Camachi Armeniæ. τῷ Καμάχῳ Ἀρμενίας, cum octo suffraganeis ei assignatis. Item pag. 402. num. 58. Camachi: ex sede 46. quinquagesima nona facta est. τῷ ὁ Καμάχῳ ἡ ἀρχὴ μὲν. 302, 16. 26222. Waddingo, tom. 5. ad annum 1422. num. 17. pag. 151. extat in Tartaria circa montes Caspios.



## EPISCOPI CAMACHÆ.

ECCLESIA  
CAMACHÆ.

## I. EMERICUS.

**T**HOMAS de Herrera, *tom. 1. Alphabeti Augustiniani pag. 213. coll. 1. & 2.* narrat *Fr. Emericum*, Eremitam Augustinianum, in Registris Generalium hujus Ordinis notari ad annum 1391. ut *Camocensem* (fortassis *Camacensem* sive *Camachæ*) episcopum, cui conceditur unum fratrem secum retinere.

A

## II. JOANNES.

## III. AMBROSIVS.

Waddingus supra laudatus refert ecclesiæ Cumuchensi (Camachenfi) in Tartaria vacanti per obitum *Joannis*, præfectum esse à Martino V. Papa an. 1322. die 24. Novemb. *Fr. Ambrosium Scipionis de Cassa* (fortassis *Cassa* seu *Capha*) Minoritam, & diploma pontificium exhibet, *ibid. in Regesto pag. 91.* ubi ea ecclesia dicitur *circa montes Caspios sub dominio Tartarorum.*

\*\*\*\*\*

## V. ECCLESIA SYMBOLIENSIS sive SIBULÆ.

**S**YMBOLON portus est Tauricæ Chersonesi Ariano, Straboni, & Plinio, qui à Strabonis interpretibus *Pactorum portus* dicitur, prope Eupatoriam urbem ad fauces sinus Carcinitis & Chersonum urbem, nunc *Sibula* dictus, teste Mercatore. Ita Baudrand, *tom. 2. geogr. pag. 277. col. 2.* qui etiam *pag. 656. col. 1.* hæc pauca addit: *Sibula, Symbolon, Symbolorum portus, Pactorum portus, oppidum & portus Tartariæ minoris.*

## EPISCOPI SYMBOLIENSES sive SIBULÆ.

## I. JOANNES.

## II. MICHAEL.

**R.** P. Antoninus Bremond, *tom. 3. Bullar. Ord. Præd. pag. 438.* ad annum 1462. refert post obitum *Joannis*, *Fr. Michaelis de Ruthalem*, hujus Ordinis professorem, ecclesiæ *Simbaliensi*, fortassis *Symboliensi*, inquit, oppidi vulgo dicti *Sibula* in Taurica Chersonesi, præfectum esse à Pio II. Papa eo anno 1462. die 9. April. hunc vero arbitratur esse procul dubio illum *Fr. Michaelis Ruthalem*, virum

**B** Græcum Ord. Præd. quem Fontana *Theat. Dom. pag. 184. tit. 213.* & Cavalèrius, *Galler. Domin. tom. 1. pag. 270. num. 192.* scribunt post Plodium sive Michaelis Pio, *part. 2. lib. 3.* & Fernandez, ecclesiæ *Cunabulensis* in Græcia, nobis prorsus ignotæ, fuisse à Pio II. renuntiatum episcopum circa annum 1460. & quum illam pluribus annis singulari pietate, doctrina ac prudentia ornatus optime gubernasset, decessisse anno circiter 1465. Diploma pontificium ibidem exhibet laudatus R. P. Bremond.

\*\*\*\*\*

VI.

## ECCLESIA TANENSIS.

**T**ANENSES nonnulli occurrunt episcopi ritus Latini modo recensendi, qui jus dixisse; non civitati *Tanis* Ægypti sub patriarchatu Alexandrino videntur, utpote quam undantaxat anno & paucis mensibus tenuerint Latini initio sæculi XIII. sed potius urbi Tanæ, quam Cassensi proximam ad littora Ponti-Euxini innuit Martinus V. in epistola data an. 1425. die 3. Jun. in qua hæc ait: «In partibus ultramarinis, præsertim in *Cassensi & Tanensi civitatibus*, &c.» apud Raynaldum ad eum annum, *num. 19.* hanc vero Waddingus scribit, *tom. 3. anal. ad annum 1345. num. 8. pag. 530.* in extimis Ponti-Euxini terminis sitam, ad Tanaim fluvium. Ex quo probabiliter nomen *Tanæ* accepit, ut & *Tanaitæ* hujus regionis incolæ. Tanam reponit Cellarius, *tom. 1. geographiæ antiq. pag. 494. in sua Mappa*, juxta paludem Mæotidem & fluvium Tanaim. Lege Raynaldum ad annum 1443. *num. 22.* Alia est urbs *Thana* in India orientali, cum ista minime confundenda.

## EPISCOPI TANENSES.

## I. RAYNOLDUS.

**R**AYNOLDUS sive Reginaldus de Spoleto, Ordinis Præd. Tanensis episcopus fuit circa finem sæculi XIII. vel initium sequentis, cujus meminit Bernardus Guidonis inter episcopos *Tomus III.*

**C** provinciæ Græciæ, teste R. P. Bremond, *10. 2. Bullar. p. 38.* qui tamen hunc censet ecclesiæ *Tanis* in Ægypto præfuisse.

## II. HENRICUS.

Ad Tanensem ecclesiam in extimis Ponti-  
Aaaa ij



1111 PROVINCIA ZICHIE sive ZECHIE. 1112

Euxini jam dudum vacantem, *Fr. Henricus, Avanto*, Dominicanus. Id constat ex hujus Pontificis diplomate, quod profert R. P. Bremond, *tom. 2. Bullar. pag. 608.*  
Minorita, à Clemente VI. anno 1345. die 15. Augusti promotus est. Ita Waddingus, *to. 3. ad hunc annum, n. 8. p. 530. & in Regesto Pontif. pag. 329.*

III. MATTHÆUS.

IV. ANTONIUS.

Post obitum *Matthæi* episcopi Tanensis, huic ecclesiæ præpositus est à Martino V. anno 1423. die 3. Jul. *Fr. Antonius de Le-*

V. FRANCISCUS.

VI. BASILIUS.

Vacanti per obitum *Francisci* ecclesiæ Tanensi præfecit Eugenius IV. anno 1439. die 11. Novemb. *Fr. Basilium*, Ordinis Min. ex Waddingo, *tom. 5. ad eum annum, n. 56. pag. 369. & in Regesto Pontif. pag. 269.*

\*\*\*\*\*

VII. ECCLESIA CHERSONESI.

*CHERSONESUS*, urbs Tauricæ Chersonesi in ora occidentali, aliàs etiam *Heraclea* dicta, & *Cherso*, nunc *Topetorkan* à recentioribus appellatur, S. Clementis Papæ exilio ac martyrio celebris est. Episcopalis sedes fuit, postmodum metropolitana. Distat autem 50. milliar. à promontorio *Fronte-Arietis* in septentrionem, Carcinem urbem versus 70. & 120. à Taphris in meridiem prope Parthenium promontorium. Hæc Baudrand, *tom. 1. geogr. pag. 263. col. 2.*

EPISCOPI CHERSONESI.

I. RICHARDUS.

*RAYNALDUS*, *tom. 15. anal. ad annum 1333. n. 17.* narrat Andronicum Græcorum Imperatorem attritum Turcarum incurfionibus, reducendæ ad S. R. ecclesiæ obsequium orientalis suæ aliquam demonstrasse voluntatem, eaque de re contulisse cum duobus antistitibus Dominicanis ad Joannem XXII. revertentibus, post amplificatam inter Zichos & Gochos longe lateque fidem catholicam, quorum unus *Richardus* fuit episcopus *Cer-onensis*, ut eum appellat Joannes XXII. in

B epistola responsiva ad hunc Imperatorem, data eo anno die 4. Augusti, quæ apud eundem Raynaldum legi potest.

II. SIGISMUNDUS.

*Fr. Sigismundus Miaszkowski*, Polonus, Ord. Præd. episcopus *Chersonensis* & administrator ecclesiæ Theodosiensis (sive Caffensis) constitutus est ab Urbano VIII. anno 1643. testibus Fontana *Theat. Dom. p. 167. tit. 165.* Dominico Frydrychowicz, *pag. 232.* & R. P. Bremond, *tom. 6. Bullar. pag. 142.* Obiit circa annum 1650.

\*\*\*\*\*

VIII. ECCLESIA VOSPRI sive BOSPORI.

*VOSPRUS* ipsa est *Bosporus* vel *Bosphorus*, urbs Tauricæ Chersonesi in ora Bosphori Cimmerii, quæ nunc *Vespera* dicitur, portu gaudens capaci versus Mæotim paludem. Ita Baudrand, *tom. 1. geogr. pag. 179. col. 2.*

EPISCOPI VOSPRI.

FRANCISCUS.

*FRANCISCUS* iste, Ord. Præd. præsul *Vosprensis*, alter antistes fuit, qui cum Richardo episcopo Chersonensi ab Andronico Græ-

corum Imperatore ad Joannem XXII. missus est, cujusque meminit Pontifex in epistola sua responsiva ad hunc Imperatorem, de quibus vide Raynaldum ad annum 1333. *nn. 17. 36. 37. & seqq.*

\*\*\*\*\*

IX. ECCLESIA MATRIGENSIS.

DE sede Matrigensi in provincia Zecchiæ nihil mihi compertum est, nisi sit urbs *Me-tracha*, de qua, ut supra observatum est, *coll. 1103. 1104.* mentio fit, tum in notitiis Græcis, tum apud abbatem de Commanville, qui hanc addit in *Tab. Alphab. pag. 157.* esse nunc oppidulum dirutum Chersonesi Tauricæ, cui insidet archiepiscopus ad honorem sub Constantinopolitano Patriarcha.



1113 PROVINCIA ZICHIÆ five ZECHIÆ. 1114  
ARCHIEPISCOPI MATRIGENSES.

ECCLESIA  
MATRIGENSIS

JOANNES.

Waddingus, tom. 3. ad annum 1349. num. 11. pag. 565. scribit promotum à Clemente VI. eo anno die 23. Aprilis ad Ma-

trigensem ecclesiam in regno Zecchiæ sub Patriarcha Constantinopolitano, Fr. Joannem, Minoritam, ex iis partibus oriundum, & per Minoritas in fide catholica instructum. Diploma refert, *ibid. in Regesto Pontif. pag. 381.*

X.

ECCLESIA SYBENSIS.

SYBENSEM ecclesiam erexit Clemens VI. anno 1349. sub Matrigenfi archiepiscopo, ut modo palam fiet.

EPISCOPI SYBENSES.

I. THOMAS.

II. THEALDUS.

AD Sybensem ecclesiam in regno Zecchiæ in civitatem & cathedram erectam anno 1349. die 30. April. sub archiepiscopo Matrigenfi, evexit Clemens VI. iisdem die & anno Fr. Thomam de Birago, Minoritam, qui primus

ejus antistes fuit. Ita Waddingus, tom. 3. ad eum annum, num. 11. pag. 565. & in *Regesto Pontif. pag. 383.* Obiit anno 1367.

Thomæ substituit Urbanus V. eodem anno die 16. Novembris Fr. Thealdum ejusdem Ordinis Min. ex præfato Waddingo, tom. 4. ad eum annum, num. 9. pag. 120.

XI.

ECCLESIA LUCUCENSIS.

CLEMENS VI. iisdem die & anno, quibus locum Sybæ ad dignitatem civitatis episcopalis extulit, simili quoque vicum *Lucucensem*, inde duntaxat nobis notum, in regno Zecchiæ; honore decoravit, teste eodem Waddingo, tom. 3. ad annum 1349. n. 11. p. 565.

EPISCOPI LUCUCENSES.

JACOBUS.

Waddingus nunc citatus tradit à Clemente VI. anno 1349. die 23. April. primum

Lucucensis ecclesiæ præfulem sub archiepiscopo Matrigenfi, renunciatum esse Fr. Jacobum de Ponteturno, Minoritam, & diploma profert, *ibid. in Regesto Pontif. pag. 384.*

*Sedes quædam episcopales hætenus non recensitæ.*

ECCLESIAS infra referendas huc reservavimus, vel quod satis compertum non habeamus cuinam metropoli obtemperarint, vel quod earum metropoles præsulibus Latinis caruerint, vel quod non constet an Patriarchæ Constantinopolitano unquam subditæ sint. Eas autem ordine alphabetico proponemus.

A.

I.

ECCLESIA ABIENSIS.

ECCLESIA Abiensis duplex est Waddingo, una sub Constantinopolitano Patriarcha, altera sub Antiocheno. At ubinam urbes hujus nominis sitæ sint nec indicat, nec alibi reperire licuit. Hic de episcopis Abiensibus prioribus nobis sermo est.

EPISCOPI ABIENSES.

I. VITALIS.

II. CONRADUS.

Waddingus, to. 5. ad annum 1411. n. 4. pag. 77. scribit Fr. Vitalem, Minoritam, ex

Decclesia Melenfi ad Abiensem sub Patriarcha Constantinopolitano à Bonifacio IX. translatum fuisse anno 1399. & post ejus obitum huic sedi suffectum esse à Joanne XXIII. anno 1411. die 28. Novembris Conradum.

A a a iij



## II.

## ECCLESIA AJACIENSIS.

**A**JACIUM in Ciliciæ extrema ora maritima sitam tradit Raynaldus, *tom. 15. annalium* ad annum 1318. *n. 15.* ibique refert epistolam Joannis XXII. *Offinio regi Armeniæ datam Avin. VI. idus* (id est die 8.) *Jun. anno 11.* Christi 1318. in qua ait Pontifex: ".... Providendo celerius, ut certa loca in regno tuo, & præcipue in civitate Ajacii, prædictis Dei famulis " (Ord. FF. Præd.) assignentur, &c."

## EPISCOPI AJACIENSES.

NICOLAUS sive JOANNES.

A die 17. Novemb. *ibid. in Reg. Pont. pag. 190.*

**W**ADDINGUS, *tom. 3.* ad annum 1328. *num. 23. pag. 357.* meminit Fr. Nicolai, quem tamen Joannem appellat Joannes XXII. in diplomate ejus promotionis, dato eo anno

in quo hæc leguntur: "... Ajaciensi ecclesia... providemus; teque illi, necnon omnibus & singulis Armenis & Latinis degentibus in civitate & diœcesi Ajaciensi præfecimus in episcopum, &c."

## III.

## ECCLESIA ARCÆ.

**A**RCÆ urbs fuit provinciæ secundæ Armeniæ sub Melitene metropoli. In notitiis Græco-Latinis, quæ sunt ad calcem Codini *de Offic. post Melitenem* legitur o *Arcæ pp. 342. 372. & 386.*

## EPISCOPI ARCÆ.

THOMAS.

B Armenia à Nicolao V. anno 1449. die 5.

**T**HOMAS Ordinis Min. creatus est episcopus *Archenfis* in regione Melitenes in

Jul. ex Waddingo, *tom. 5.* ad hunc annum, *num. 32. pag. 567.*

## IV.

## ECCLESIA AVENETENSIS.

**A**BYDUS, nunc Aveo, & Turcis Aidos, urbs est Phrygiæ minoris seu Misiæ in ora Bosphori Thracici contra Seston urbem Thraciæ, mari ad 40. stadia interfuso: olim episcopalis erat sub Cyzico metropoli inde 21. milliar. in austrum distanti, nunc metropolis effecta est. Ita Baudrand, *tom. 1. geog. pag. 6. col. 1.*

## EPISCOPI AVENETENSES.

I. PETRUS.

CR. P. Bremond, *pag. 640.*

II. JOANNES.

Fontana *Theat. Domin. pag. 134. tit. 63.*

III. LUDOVICUS.

**E**cclesiæ Avenetensi, Petro mortuo, in episcopum datus est à Sixto IV. anno 1477. die 16. Aprilis Fr. Joannes Robillerius, Ordinis Prædic. Diploma extat *tom. 3. Bullar.*

scribit Fr. Ludovicum Combonet, Gallum, ejusdem quoque Ordinis, renunciatum esse *Avenetensem* pastorem in partibus Infidelium, & suffraganeum Corisopitensem in Britannia majori, à Paulo III. anno 1528. die 28. Jul. *Ex Actis Consistorialibus* hujus Pontificis.

## V.

## ECCLESIA AUGURIENSIS.

**D**E ecclesia Auguriensi mentio reperitur in diplomate quodam Eugenii IV. dato anno 1434. die 22. Decemb. teste R. P. Bremond, *tom. 3. Bullar. pag. 218.* Fontana modo citatus, *tit. 64.* & quidam alii hanc censent extare in Anglia. Verum quia nulla hujus nominis sive sedes episcopalis, sive etiam civitas legitur in eo regno, conjicit præfatus R. P. Bremond esse *Ancyram*, vulgo *Anguri*, & rectius *Angyram* in Phrygia sub archiepiscopo Hierapolitano.

*Ancyram* quidem, seu potius *Angyram* ex codice Græco Ptolemæi, urbem Asiæ minoris in Phrygia Pacatiana episcopalem sub archiepiscopo Hierapolitano memorat Baudrand,



tom. 1. geogr. pag. 57. col. 2. esseque ait in limite Mysiæ, 30. milliaribus ab urbe Nicæa in austrum. At aliam esse quæ *Anguri* sive *Angouri*, & Turcicè *Engouri* nuncupatur, observat paulo supra, *Ancyram* scilicet Galatiæ metropolim. Alterutrius autem ex duabus illis ecclesiis duos nobis præfules suppeditat diploma Eugenii IV. cuius modo meminimus.

ECCLESIA  
ANGURIENSIS

## EPISCOPI AUGURIENSES.

I. FRANCISCUS.

II. GUNDISALVUS.

Uidam *Francisco* episcopo *Auguriensi* (probabiliter *Anguriensi* sive *Angyriensi*) substituit Eugenius IV. anno 1434. die 22. Decemb. *Fr. Gundisalum de Curiola*, Ordinis Præd.

A Hunc appellant *Consalvum* Fontana, & alii, & *Anglum* fuisse dicunt, fortassis quod sedem *Auguriensem* in Anglia sitam existimarent. R. P. Bremond asserit, *ibid.* diploma hujus promotionis haberi in archivo Ordinis Præd. Romæ. *Ex Archivo Apost. lib. 51. fol. 249.*



## B.

## ECCLESIA BACCOVIÆ.

*BACCOVIA* sive *Backow*, urbs est Moldaviæ ad Ararium fluvium, 30. milliar. distans à Targovisco in septentrionem, Stephanopolin verius paulo plus, estque in limite Walachiæ & satis culta, sed male in Tabulis recentioribus appellatur *Brackovia* & *Braslow* à quibusdam. Sedes episcopalis evasit, ad eam translata Ceretensi sub Clemente VIII. teste Miræo cum aliis. Ita Baudrand, tom. 1. geogr. pag. 135. col. 1.

## EPISCOPI BACCOVIÆ.

I. JOANNES-BAPTISTA.

Anno 1633. die 18. Jul. ecclesiæ *Baccoviensi* præpositus est ab Urbano VIII. *Fr. Joannes-Baptista Zamoycki*, Ordinis Præd. de provincia Russiæ, qui quum annos 15. hanc pie prudenterque rexisset, obiit anno 1649. Ita Fontana *Theat. Domin. pag. 135. tit. 70. Ex Reg. Cancel. Apost. & Simone Okolski in Russia Florida.*

II. JACOBUS.

*Fr. Jacobus Goreschi*, ejusdem Ord. Præd. propositus fuit Romæ in Consistorio coram SS. Papa Innocentio XI. ad episcopatum *Baccoviensem* anno 1678. mense Februario. Ex nunciis publicis Gallicis hujus anni, p. 190.

III. JOANNES.

IV. ARNALDUS.

V. DAMASCENUS.

VI. THOMAS.

VIII. RAYMUNDUS.

Renuntiati sunt episcopi *Baccoviæ*

B *Joannes Franciscus Loufony* ab Innocentio XI. die 23. Septembris.

*Fr. Arnaldus* sive *Amandus* & *Arnandus Victorinus Cieseyko*, Vilnensis, Ordinis Prædicatorum, ab Innocentio XII. anno 1694. die 15. Martii.

*Fr. Joannes Damascenus Lubinski*, Polonus, Ordinis Prædicatorum, qui erat theologus collegii Casanatensis, à Clemente XI. anno 1711.

*Fr. Thomas Szklubiczaleski*, Polonus, Ordinis Prædicatorum, qui erat Prior cœnobii Luceorientis, à Clemente XII. die 13. Aprilis.

& *Fr. Raymundus Jesierski*, Polonus, Ord. Præd. ab eodem Pontifice anno 1737. die 23. Decembris. Ita discimus de *secundo* quidem & *tertio*, ex R. P. Bremond, tom. 6. *Bullar. pp. 435. & 519.* de *primo* autem, *quarto*, & *quinto*, ex nunciis Gallicè scriptis anno 1680. pag. 564. anno 1733. p. 236. & anno 1738, pag. 31.



## C.

## ECCLESIA CERETI.

SÆCULO decimo quarto Latsko dux Moldaviensis prædicatione quorundam Minoritarum schisma Græcorum ejuravit, petiitque ab Urbano V. Papa, ut ad religionis catholicæ propagationem sedes episcopalis in *Ceretensi* oppido sui ducatus institueretur. Id constat ex diplomate hujus Pontificis, archiepiscopo Pragensi, & Wratislaviensi & Cracoviensi episcopis dato anno 1370. die 24. Jul. apud Raynaldum ad eum annum, num. 7.



## I. ANDREAS.

**R**AYNALDUS scribit ad annum 1370. n. 8. inunctam provinciam ab Urbano V. eo anno supra dictis præfulibus, ut *Fr. Andream* à *Cracovia*, Ordinis Min. Moldaviæ episcopum ordinarent. Addit autem ad annum 1372. n. 32. quia episcopus Haliciensis Græcorum schismate laboraret, huic Andree episcopo Ceretensi commissam esse eo anno à Gregorio XI. Catholicorum istius regionis curam. Ad ecclesiam Vilnensem in Lithuania translatus est ab Urbano VI. anno 1386. Hujus meminere Dlugoffus *hist. Polon. l. 10. coll. 47. & 112.* Cromerus, *lib. 13. pag. 228. & lib. 15. pag. 243.* & Waddingus, *tom. 4. ad annum 1386. num. 2. pag. 271.*

## II. STEPHANUS I.

R. P. Bremond, *tom. 2. Bullar. pag. 304.* narrat *Fr. Stephanum Rutenum*, Ord. Præd. renuntiatum esse episcopum Ceretensem in Walachia inferiori ab Urbano VI. circa annum 1380. Verum hunc successisse oportet Andree, quando ad ecclesiam Vilnensem translatus fuit anno 1386. subindeque vel eo anno vel sequenti.

## III. JOANNES I.

## IV. STEPHANUS II.

Stephano verisimiliter substitutus est in sede Ceretensi *Joannes*, quem mortuum excepit *Stephanus* alter cognominatus *Martini* anno 1394. die 8. Junii. Diploma Bonifacii IX. legi potest apud R. P. Bremond, *ibid. p. 344.*

## Nicolaus. V. JOANNES II.

*Ceretensis* fortasse præful fuit *Nicolaus* quidam Ord. Præd. corrupte *Ciethensis* antistes dictus in Bzovianis mss. hoc modo, teste Fontana *Theat. Dom. p. 623. col. 1. Nicolaus Ord. Præd. episcopus Ciethensis à Bonifacio IX. 11. kalend. Decemb. anno XII.* (id est die 30. Nov. anno 1401.) Latet enim nos ecclesia *Ciethensis*, à *Ceretensi* distincta.

*Joannem* quidem *Sartorium Rutenum*, ejusdem Ordinis Præd. creatum *Ceretensem* episcopum à Bonifacio IX. circa annum 1400. tradit R. P. Bremond, *tom. 2. Bullar. p. 468.* sed promotionem hanc, de cujus anno incertum se ipse innuit, protelari ad annum 1402. aut 1403. quid vetat? Fontana enim *Theat. Dom. pag. 165. tit. 160.* de Joanne Ruteno solum ait, eum ecclesiæ S. Joannis Ceretensi indulgentiam aliquam concessisse anno 1403. Observat R. P. Bremond, *ibid. Joannem Sartorium & Joannem Rutenum* duos nonnullis esse episcopos *Ceretenses*: sic profecto censuisse Fontanam citatum ex eo colligitur, quod post laudatum, n. 2. Joannem Rutenum, ut modo dictum est, eidem sedi

A assignet, n. 4. *Sartorium de Cracovia*. Subdit tamen, quo tempore is sederit non exprimi in mss. Bzovianis: doctissimo itaque P. Bremond unum virum afferenti suffragandum videtur.

## VI. STEPHANUS III.

*Fr. Stephanus Zajaches* vel *Zarazech*, Polonus, Ordinis Prædic. ecclesiæ Ceretensi præerat anno 1412. quo accedente apostolica auctoritate, omnia sua *Cracoviensi* conventui post obitum reliquit, ex Bzovio *de rebus gestis in Polon. c. 6.* apud Fontanam, *ibid. num. 3.* B Hujus quoque meminit R. P. Bremond, *tom. 2. Bullar. pag. 529.*

## VII. THOMAS I.

Idem Fontana, *ibid. pag. 623.* refert *Fr. Thomam Erneber*, Ordinis Præd. à Joanne XXIII. ecclesiæ Ceretensi præpositum esse anno 1413. mense Aug. ex mss. Bzovianis.

## VIII. NICOLAUS.

## IX. JOANNES III.

Waddingus, *tom. 5. ad annum 1433.* hæc scribit: «*Ceretens. an forte Cariatens. in regno Neapolitano unita Geruntensi sub archiepiscopo Rosanensi vel Tereten. (S. Severinæ) & Fr. Joannes, Minorita, per obitum Nicolai & 14. kal. Jan. (id est die 29. Decembris) sub Eugenio Papa IV. Verum ecclesia Cariatens. ab anno 1429. ad 1437. non vacavit, juxta Ughellum, tom. 9. Ital. sac. col. 705. A. vet. edit. Ecclesiæ igitur Ceretensi in Moldavia præfuisse censendi sunt Nicolaus & Joannes.*

## X. JOANNES IV.

Quum episcopatus Ceretensis erectus fuerit ut hujus ecclesiæ præful omnium fidelium curam gereret, qui in Moldavia degebant, ex supra dictis sub Andrea primo Ceretensi antistite, idem videtur fuisse qui *Ceretensis*, & qui *Moldaviensis*. Hujusmodi extitit *Joannes Rosa*, Ordinis Præd. episcopus *Moldaviensis* constitutus anno 1451. ex R. P. Bremond, *tom. 3. Bullar. pag. 334.*

## XI. SIMON.

## XII. THOMAS II.

*Simoni* episcopo *Moldaviensi* mortuo successus est ab Alexandro VI. anno 1497. die 20. Septemb. *Fr. Thomas de Zagrodino*, Ordinis Præd. Diploma pontificium exhibet R. P. Bremond, *tom. 4. Bullar. pag. 203.* Exinde alii non occurrunt episcopi live *Ceretenses* sive *Moldavienses* usque ad *Joannem-Baptistam*, qui, translata *Ceretensi* sede ad ecclesiam *Baccoviæ* à Clemente VIII. exeunte sæculo XVI. vel ineunte sequenti, huic ecclesiæ *Baccoviensi* præfuit anno 1633. ut dictum est *pag. præcedenti col. 1117. B.*



## II. ECCLESIA CUMANORUM.

**S**PONDANUS, *tom. 1. anal.* ad annum 1220. *num. 9. pag. 109.* scribit à Roberto archiepiscopo Strigoniensi in Hungaria baptizatum esse eo anno *Cumanorum* proximæ gentis regem, cum filio ejus & quindecim aliorum millibus: in reliquis autem Cumanis ad fidem Christi convertendis plurimam à FF. Prædicatoribus navatam operam. Hæc de ea gente habet R. P. Bremond, *tom. 1. Bullar.* ad diploma XXIV. Gregorii IX. *nota 2.* «Quinam fuerint Cumani....haud plane compertum. Arridet tamen nonnullorum sententia, qui ex Comania Asiæ regione Georgiam inter & Tanaim fluvium sita suis forsitan sedibus expulsos, ad fines Hungariæ profectos, ibi tandem confedisse Cumanos autumant.» Favet Gregorius IX. qui in epistola data anno 1228. die 21. Mart. *Priori FF. Prædicatorum* apud eundem R. P. Bremond, *ibid. pag. 26.* eos appellat *gentem vagam.*

## EPISCOPI CUMANORUM.

## THEODERICUS.

**T**HEODERICUS Ord. Præd. constitutus est à Gregorio IX. anno 1227. vel sequenti, primus Cumanorum episcopus, de quo legendæ hujus Pontificis epistolæ, quas profert idem R. P. Bremond, *ibid. pp. 22. 26. & 27.*

A Num vero post hunc Theodericum Cumanorum genti aliquis præfuerit episcopus nos latet. Legendi tum Waddingus, *tom. 1. ad annum 1245. num. 7. pag. 643.* & *tom. 2. ad annum 1278. num. 12. pag. 442.* & ad annum 1288. *n. 23. pag. 537.* tum etiam Raynaldus ad annum 1279. à *num. 35. ad num. 42.*

## D.

## I. ECCLESIA DIONYSIOPOLIS.

**D**IONYSIOPOLIS sive *Dionysopolis* in Mœsia inferiori, antea *Crunos* appellata, nunc quibusdam *Varna* dicitur. Urbs est autem Bulgariæ ad Zyram fluvium, qui paucis milliaribus infra in Pontum-Euxinum labitur: paucis leucis distat à confinio Thraciæ in septentrionem, 180. milliaribus à Byzantio, & 25. à Mesembria urbe Thraciæ extrema. Dionysiopolim Niger censet esse *Chaliacra* in ora littorali Bulgariæ. Ita Baudrand, *tom. 1. geogr. pag. 336. col. 1.*

*Dionysiopolim* non solum existimari eamdem esse ac *Varnam* à multis, quibus assentitur Cromerus, *hist. Polon. lib. 21. pag. 326. B.* sed etiam eamdem esse ac *Tiberiopolim*, colligitur ex notitia Græca ad calcem Codini *de Officiis, pag. 407.* quæ sic habet: «*Varna*, ut quidam sentiunt, est *Tiberiopolis*: propterea in expositione non comparet, neque inter metropoles, neque inter archiepiscopatus, neque inter episcopatus; sed antistes Varnensis idem est ac *Tiberiopolitanus.*» Si itaque *Dionysiopolis, Varna* & *Tiberiopolis* differunt ab invicem, saltem in uno & eodem episcopatu comprehenduntur.

## EPISCOPI DIONYSIOPOLIS.

## I. JOANNES I.

B

## IV. NICOLAUS II.

## II. NICOLAUS I.

**E**Cclesia Varnensi vacante per obitum Joannis ejus episcopi, ei præfecit Bonifacius IX. anno 1393. die 24. Jan. *Fr. Nicolaum Staynecker, Ord. Præd.* Ita R. P. Bremond, *tom. 2. Bullar. pag. 336.* ubi & diploma pontificium exhibet.

*Nicolaus de Marciariis Perusinus* Calliensem rexit ecclesiam ab anno 1398. usque ad annum 1414. quo translatus est ad *Dionysensem*, ex *lib. Provis. Prælat.* Hæc Ughellus, *tom. 2. Ital. sac. col. 904. num. 35. C. vet. edit.*

## V. ARNOLDUS.

## VI. JOANNES II.

## III. ANTONIUS.

Thomas de Herrera *Alphab. Augustin. to. 1. p. 39. col. 1.* refert *Fr. Antonium de S. Cantiano, Eremit. Augustin.* creatum esse à Bonifacio IX. episcopum *Varmensem* (probabiliter *Varnensem*) die 5. Oct. anni 1396. ex *Reg. Vatic. Tomus III.*

Post *Arnoldi* Dionysiensis episcopi obitum huic sedi præpositus est à Sixto IV. an. 1476. die 24. Maii *Fr. Joannes de Ilten, Ord. Præd.* Id constat ex duplici hujus Pontificis diplomate, quæ profert R. P. Bremond, *tom. 3. Bullar. pag. 637.*

B b b b



## II. ECCLESIA DIMITACENSIS.

**E**CCLÆ *Dimitacensis* alia mihi non est notitia quam ex Waddingo nunc citando.

## EPISCOPI DIMITACENSES.

I. JOANNES I.

II. JOANNES II.

**W**ADDINGUS, *tom. 4. ad annum 1366. num. 18. pag. 117.* de duobus istis episcopis *Joannis* nomine insignitis hæc nos docet:

A « *Ad Dimitacensem* sub Patriarcha Constanti-  
nopolitano per obitum *Joannis, Fr. Joannes* «  
(Minorita) assumptus à Guillelmo Patriarcha: «  
sed quum id ratum non haberet Pontifex «  
(Urbanus V.) sua cum promovit auctoritate «  
VII. kal. Febr.» (id est die 26. Januarii.)

## H.

## ECCLESIA HIERAPOLIS.

**I**N Phrygia Salutari sub Synnada, cui nullum invenimus præfuisse archiepiscopum Latinum, extat urbs *Hierapolis*, quæ præsulum aliquot Latinorum sedes fuit. Phrygia Salutaris, teste Baudrand, *tom. 2. geogr. pag. 108. col. 1.* provincia est Asiæ minoris, sepe extendens à *Comopoli*, quæ dicitur *Merus*, usque ad Iconium. Observat autem Cellarius, *to. 2. geogr. antiq. lib. 3. pp. 172. & 173.* divisionem *Phrygiæ magnæ* in *Phrygiam Pacatianam*, sive *Pacatianam* & *Phrygiam Salutarem*, esse mediæ ævi, & ad illius temporis geographiam pertinere, ideoque nunc in usu esse, ut ex qua parte notitiarum sedes aliqua desumpta esset, distinctius palam fieret.

Carolus à S. Paulo *geogr. sac. pag. 242. edit. Paris. anni 1641.* unam duntaxat *Hierapolim* in Phrygia commemorat, quam in Phrygia Pacatiana recenset, atque metropolim factam. Verum huic eruditi viri duas Hierapoles in unam conflantis sententiæ refragari videtur, quod in omnibus notitiis Græcis ab anno 886. usque post annum 1283. exaratis, quas P. Goar exhibet ad calcem Codini *de Officiis edit. Paris. anni 1648.* præter *Hierapolim* in provincia Phrygiæ Salutaris sub Synnada metropoli, alia extet *Hierapolis* unius partis Phrygiæ Pacatianæ in duas provincias ecclesiasticas divisæ metropolis, dum altera pars Laodiceæ subesset. Legi possunt *pp. 346. 349. 375. 376. 377. 378. 389. 390. 395. & 402.* Nunc autem nobis sermo est de episcopis Latinis illius *Hierapolis*, quæ Synnadam metropolim habet.

## EPISCOPI HIERAPOLIS.

I. JOANNES I.

II. GERLACUS.

**D**utius post mortem *Joannis* episcopi *Hierapolis* vacavit ista ecclesia, cui tandem Nicolaus V. præfecit anno 1449. die 24. Jan. *Fr. Gerlacum Gildehuisen*, Ordinis Præd. qui Leydensium Sanctimonialium sacellum consecravat anno 1450. mense Julio. Diploma profert R. P. Bremond, *to. 3. Bullar. p. 330.*

III. JUDOCUS.

IV. JOANNES II.

V. ULRICUS.

Gerlaco successit *Fr. Judocus Bar*, ejusdem Ordinis Præd. anno 1453. die 14. Maii, ex diplomate præfati Nicolai V. apud R. P. Bremond, *ibid. p. 336.* Obiit anno 1470. die 25. Julii, sed pluribus antea annis ecclesiam hanc

B dimiserat: nam Waddingus, *tom. 6. ad annum 1456. num. 243. pag. 356.* scribit ad sedem Hierapolitanam in Phrygia sub archiepiscopo Synnadorum promotum esse à Calixto III. eo anno die 23. Julii post obitum *Joannis*, qui subinde Judoco jam successerat, *Fr. Utricum Anneir*, Minoritam.

VI. GOSWINUS.

De eo Goswino hæc scribit Daniel à V. M. *C Specul. Carmel. tom. 2. pag. 923. num. 3227.*  
« *Fr. Goswinus* Ord. Carmel. sacre theologiæ professor, eligitur episcopus Hierapolitanus «  
XI. kal. Julii (id est die 21. Junii) anno 1469. «  
Quum vero ad ecclesiam prædictam propter «  
Infideles non detur accessus, conceditur ei «  
usus pontificalium in diocesi Trajectensi. «  
Obiit Ultrajecti, ubi hoc epitaphium: *Con-* «  
*ditur hic D. Goswinus, & Ordinis hujus Fra-* «  
*trum conventus, qui fuit eximius doctor Parisius,* «



*præful Hierapolit. Loenhout quem genuit, proli A an vero alteri in Arabia sub archiepiscopo*  
*dolor! hic obiit an. D. 1475. ultima die Mart. Petracensi.*

ECCLĒSIA  
HIERAPOLIT.  
LIS.

## VII. GUILLELMUS.

*Fr. Guillelmus Turin, Ordinis Prædic. sedi*  
 Hierapolitanæ præpositus est anno 1478. à  
 Sixto IV. cuius tria diplomata refert R. P.  
 Bremond, *tom. 3. Bullar. pp. 642. & 643.*  
 dubitans tamen an huic præfuerit Hierapoli,

## VIII. VINCENTIUS.

Anno 1490. die 20. Decembris *Fr. Vin-*  
*centius, Minorita, renuntiatus est episcopus*  
 Hierapolitanus in Phrygia sub archiepiscopo  
 Synnadæ, ab Innocentio VIII. teste Wad-  
 dingo, *tom. 7. ad eum annum, n. 20. p. 247.*

\*\*\*\*\*

## K.

## ECCLĒSIA KIOVIÆ.

**L**ICET præful diœcesis *Kioviæ* à sæculo IX. exeunte aut sequenti, suffraganeus sit ecclesiæ  
 Leopoliensis, ipsa tamen Kiovia olim sedes metropolitana fuit, cui civitas Leopoliensis  
 suberat.

*Kiovia* autem, *Kiow* incolis, qui *Kiout* pronuntiant, & *Kiaff* Germanis, est, teste Baudrand,  
*tom. 1. geogr. pag. 545. col. 1.* urbs regni Poloniæ in Ucraina, seu Palatinatu ab ea *Kioviensi*  
 dicto, ad Borystenem fluvium cum arce munita. Condita fuit à Kio principe quondam  
 Russico anno 861. & ab eo tempore caput extiterat Tauro-Scythiæ ex Cinnamo: deinde  
 facta est sedes imperii Russici in Russia Rubra late sumpta; postea principes habuit proprios.  
 Anno 1604. capta est & vastata à Turcis, varias exinde experta vices, nunc subest Moscicis.  
 Distat porro 40. milliar. Polonicis à confinio Moscoviæ in occasum, Camenecium versus  
 70. & Varsoviæ 100. circiter.

Ejus meminit notitia Græco-Latina, quæ est ad calcem Codini *de Officiis, pag. 399.*  
 S. Hyacinthus Ord. Præd. ejusque socii ac discipuli strenuam operam navarunt sæculo XIII.  
 ut ecclesiam Kioviensem, cæterasque harum regionum gentes ad obsequium sedis apostolicæ  
 inducerent, de quorum adventu in Poloniam hæc tradit Cromerus, *lib. 7. hist. pag. 125. B.*  
*edit. Basil. 1568.* «Vincentio (episcopo Cracov.) qui successit Ivo Sauli filius.... Romam  
 profectus, ac Dominici Calaguritani, qui tunc novæ sectæ & sodalitatis, quam à studio «  
 concionandi *Prædicatorum* vocant, auctor florebat, doctrinam vitamque admiratus, *Jacicum* «  
 sive *Jacinctum* gentilem suo de territorio Oppoliensi canonicum Cracoviensem, atque tres «  
 alios de comitibus suis, à Dominico institutum vitæ illius edoctos atque professos Cra- «  
 coviam secum reduxit. Novæ sodalitati primarium in urbe Cracoviensi templum, quod «  
 Trinitatis nomine appellatur, attribuit, copiosam suppellectilem templo dicavit, victum «  
 vestitumque sodalibus suppeditavit. Parœciam vero inde ad templum Virgini Matri Dei «  
 Mariæ dicatum, ob id tunc à se constructum, transtulit: complura deinde eidem sodalitati «  
 cœnobîa in Polonia condita sunt. *Quin Kioviæ quoque & Haliciæ ea paulopost colonias* «  
*suas deduxit; sed non potuit eam ferre Kioviæ Dux Volodomirus, veritus ne ab ea Russi sui à* «  
*schismate & ritibus Græcorum abstraherentur.»* Addit Fontana *Theat. Dom. pag. 77. tit. 48.*  
 ex Bzovio in *annal. eccl. ad annum 1233. num. 4.* Fr. Bernardum, Polonum, Dominicanum,  
 qui Infidelium & Schismaticorum conversioni in his plagis strenue incumberebat, *Haliciensi*  
 ecclesiæ præfectum esse à Gregorio IX. annoque 1233. crudele subiisse martyrium, ferra  
 dissectum, & in ignem dissectum.

Idem Cromerus, *lib. 20. pag. 308. B.* scribit Jagellonem regem Poloniæ, qui obiit anno  
 1434. die 31. Maii, basilicas Chelmensem atque Kioviensem in Russia instituisse, & epi-  
 scopis attribuisse; quod, stricte loquendo, verum omnino non videtur, quandoquidem apud  
 Raynaldum legitur, *tom. 16. ad annum 1375. num. 28.* Chelmensem ecclesiam eo anno,  
 tempore Ludovici regis Poloniæ Jagellonis prædecessoris, à Gregorio XI. fuisse erectam,  
 nisi fortassis Jagello has sedes jam quidem erectas destinatione, sed nondum occupatas,  
 ipse præfulibus tradiderit.

## EPISCOPI KIOVIÆ.

## I. HENRICUS.

**A**Nte præfatam ecclesiæ *Kioviensis* in se-  
 dem episcopalem ritus Latini à Gregorio XI.  
*Tomus III.*

B erectionem, si cum Chelmenfi eam ipse con-  
 stituit, antistites quosdam ei præfectos, sal-  
 tem quoad nomen, innuit Spondanus, *to. 1.*  
*annal. ad annum 1321. n. 3.* ubi sic loquitur  
 B b b b ij



ECCLESIA  
KIOVIAE.

ex Bzovio: «Et *Kiovia* in confinibus Rutenorum & Tartarorum episcopum restituit » (Joannes XXII.) quum propter schisma » Græcanicum, pastorem & clerum catholicum, quin & populum habere desiissent; » hoc autem tempore opera FF. Præd. ad fidem reverti cœpissent.» Certe *Fr. Henricus Dacus*, hujus Ordinis alumnus, episcopus *Kioviensis* fuit ante annum 1394. ex Laurent. Pignon, teste P. Echard. in *indice episcoporum initio tom. 1. Scriptor. pag. 25. col. 1.* Hujus etiam meminit R. P. Bremond, *tom. 2. Bull. pag. 209.* sub annum 1321. ubi citat Dominicum Frydrycōwicz, *pag. 125.* & Simonem Okolski, *pag. 58.* Addit vero hunc esse verisimiliter *Henricum* illum *de Dacia*, quem Sampaio, Mich. Pio, Fontana & Cavaler. episcopum *Birionensem* per corruptionem dicunt.

## II. JACOBUS.

*Fr. Jacobus* ejusdem Ordinis, *Kioviensis episcopus*, Leopoli sepultus fuit anno 1377. ut ex ejus epitaphio constare scribit Simon Okolski in *Russia Florida, pag. 58.* De eo mentionem facit post Fontanam Cavalerius. Ita R. P. Bremond, *tom. 2. Bullar. pp. 294. & 295.*

## III. PHILIPPUS.

*Fr. Philippus*, etiam Dominicanus, circa annum 1387. ecclesiae *Kioviensi* præfuit. Ex Fontana *Theat. Domin. pag. 209. tit. 309.* & R. P. Bremond, *ibid. pag. 306.*

## IV. MICHAEL I.

Post obitum Philippi *Fr. Michael Trestka*, ejusdem quoque Ordinis, renunciatus est *Kioviensis episcopus* à Joanne XXIII. anno 1410. die 19. Novemb. cujus diploma profert R. P. Bremond, *ibid.*

## V. ANDREAS.

*Fr. Andreas*, pariter Dominicanus, ecclesiae *Kioviensi* præerat anno 1420. quo partem ligni S. Crucis cœnobio Lublinensi sui Ordinis dedit. R. P. Bremond, *ibid. pag. 702.*

## VI. MICHAEL II.

*Michael* alter, ejusdem Ordinis, sedit anno 1439. R. P. Bremond, *tom. 3. Bull. pag. 225.*

## VII. JOANNES.

*Fr. Joannes* episcopus *Kioviensis*, Dominicanus, subscripsit Casimiro unâ cum Janussio episcopo Vilnensi, ex Simone Okolski, qui tempus flet. Ita Fontana, *ibid. pag. 209.* Porro Casimirus iste regnavit in Polonia ab anno 1447. usque ad 1492. quo obiit die 7. Junii.

## VIII. CLEMENS.

## IX. ALBERTUS.

Martinus Cromerus horum episcoporum meminit, *lib. 28. p. 408. B.* «*Clemens* quoque *Kioviensis* episcopus, inquit, homo plebeius, sed probus, eo anno (1473.) defunctus, *Albertum Narbutum*, equestri apud Lithuanos familia ortum, successorem accepit. Tartari vero Mescenenense territorium *Kiovia* vicinum depopulati, ad septingentos homines captivos abegerunt.»

## X. STANISLAUS I.

## XI. MICHAEL III.

Vacante ecclesia *Kioviensi* per obitum *Stanislai*, ei præfecit Innocentius VIII. an. 1487. die 22. Jun. *Fr. Michaellem de Leopoli*, Ord. Præd. Triplex diploma exhibet R. P. Bremond, *tom. 4. Bullar. pag. 80.*

Tempore hujus Michaelis simul sedebat *Kiovia* Josephus antistes Græcus, qui quum ipse, alique ejusdem ritus præfules in Lithuania & Russia à catholicis episcopis vexarentur, eo quod synodum Florentinam non reciperent, Niphonem Patriarcham Constantinopolitanum consuluit quid de ea synodo sibi sentiendum esset. Responsum Patriarchæ refert Raynaldus ad annum 1486. *num. 62.* merito hîc transcribendum.

«Nipho, &c. piissimo & Dei dilecto Josepho fratri & conservo metropolitæ *Kioviensium* & totius *Russia* salutem, &c.»

Accepimus litteras dilectionis tuæ scriptas humilitati nostræ, quibus significas Romanorum ecclesiae episcopos Rutenos & Lithuanos vobis molestos esse, vosque compellere ad unitatem ecclesiasticam Florentiæ decretam, unde metuis ingentia pericula, amissionem privilegiorum & libertatis, quæ illo tempore, quando unio decreta est, à regibus Poloniae vobis concessa sunt. Postulas itaque à nobis auxilium, & ad vestrum potentissimum regem commendatorias. Desideras insuper scire de hac synodo, quomodo fuerit transacta, ut possis reddere rationem omnibus persecutibus & compellentibus ad unionem. Scias igitur eam synodum legitime fuisse congregatam, & magnifice totius orbis lætitia & consensu comprobata, idque præsentibus illustri Imperatore nostro Joanne Palæologo, & SS. Patriarcha Constantinopoleos B. mem. Josepho, non ita pridem ante nos sedente, & vicariis sex legatis fratrum nostrorum Patriarcharum, archiepiscoporum & principum orientalem ecclesiam repræsentantium, præfente quoque episcopo Romano unâ cum suis. Cæterum quum nonnulli gentis nostræ, qui domi remanserant, nolissent decretam



» amplecti unionem, forte ex odio in Latinos, A  
 » ideo apud nos confusio & nullus ordo, quando  
 » oves nobis concreditæ imperium & arbitrium  
 » in nos sibi usurpant, quorum pervicaciæ re-  
 » sistere non possumus. At quis scit si non ideo  
 » divinæ iracundiæ furor in nos defævit, & in  
 » dies defævire non intermittit, quod sanctam  
 » unitatem respuerimus, ut præteream, quod  
 » subsidia Latinorum non tantum amiserimus,  
 » sed etiam eos offenderimus! Quamobrem  
 » neque mirari oportet, si etiam vobis sunt  
 » difficiles, quamvis non injustam excusationem B  
 » habeas, dum inscio Patriarcha Constantino-  
 » politano quidquam tibi licere dicis. Nos certe,  
 » quamquam maxime cuperemus, nihil facere  
 » possumus eorum quæ nobis expediunt. Ergo  
 » illi minime de nobis conquerantur, sed potius  
 » calamitatibus nostris compatiētes, Deum  
 » nobis propitium reddant, ut à tyrannica ser-  
 » vitute liberati, denuo uniamur, divina favente  
 » clementia. Tu vero ne nimium reluctaveris,  
 » sed amice cum Latinis versare: nam & nostris  
 » sacerdotibus in dominio Veneto degentibus C  
 » nos utique injunximus, ut unà cum iisdem  
 » Latinis, servato tamen ecclesiæ orientalis ritu,  
 » simul orent & congregentur; sed ritus patrios  
 » observa. Namque non prius majores nostri in  
 » unionem Florentinam consenserunt, quam  
 » privilegia nostra fuissent confirmata. Scrip-  
 » simus principibus & antistitibus Rutenis, ac  
 » Lithuanis nostri ritus, ut tibi in omnibus ad  
 » nutum sint. Anno septies millesimo die 5.  
 » April. Indict. XI. (id est Christi 1492.)»

## XII. MOYSES.

*Moyfes* Ordinis Prædic. ad Kioviensem  
 episcopatum assumptus est anno 1514. Ita  
 Fontana, *ibid.* ex Actis provinciæ Poloniæ  
 Luceoriæ habitis.

## XIII. \* \* \*

In nunciis publicis Gallicis anni 1641.  
*pag. 233. quidam non nominatus* propositus  
 ad episcopatum Kioviensem eo anno die 18.  
 Martii Romæ in consistorio coram SS. Papa  
 Urbano VIII. refertur.

## XIV. STANISLAUS II.

In nunciis similibus anni 1679. *pag. 214.*  
 extat *D. Stanislaus Witwiski* eodem modo  
 ad eam sedem fuisse promotum eo anno  
 die x. Aprilis.

## XV. \* \* \*

Ex nunciis quoque Gallicis anni 1699;  
*p. 284. episcopus Kioviensis* (qui alius fortassis  
 à Stanislao fuit) translatus est eo anno die 18.  
 Maii ad ecclesiam Posnaniensem.

## XVI. JOANNES II.

*D. Joannes Tarlot*, episcopus Kioviensis;  
 transferendus ad sedem Posnaniensem relatus  
 est Romæ anno 1723. diebus 20. Jan. & 15.  
 Mart. Ex nunciis hujus anni, *pp. 91. & 187.*

## XVII. SAMUEL.

Eodem anno 1723. die 30. Septembris  
*D. Samuel de Ossa-Ozga* ecclesiæ Kioviensi  
 præficiendus oblatus fuit Romæ in consis-  
 torio. Ex præfatis nunciis, *pag. 477.*

## M.

## ECCLESIA MOSCOVIÆ.

**M**OSCOVIA, quæ & *Russia magna* ac *nigra* dicitur, *Ruska-Ziemia* & *Moskwa* Polonis;  
*Russenland* Germanis, *Muscovi* Anglis, *Ruslant* Belgis, & *Russa* Turcis, regio am-  
 plissima est Europæ versus septentrionem, olim maximam partem Sarmatiæ Europæ con-  
 tinens cum aliqua parte Asiaticæ. Terminatur à septentrione mari concreto sive glaciali &  
 freto Vaigatio, quo separatur à nova Zembla: ab ortu dividitur à Tartaria magna, fluviis  
 Peisida, Obio & Jaicio: à meridie fluviis Tanai minori, vulgo Donetz, Desna & Psola,  
 quibus separatur à Tartaria minori. Denique ab occasu à fluviis Borystene & Narva, quibus  
 dividitur à Poloniæ regno.

Totius regionis primaria urbs est *Moscua* seu *Moscha*, à qua *Moscoviæ* nomen deductum  
 est, non vero à *Moschis* populis ultra Pontum-Euxinum, Cholchis finitimis, apud quos  
 Russi rerum aliquando potiti sunt, à *Roxolanis* Ptolemæo Sarmatiæ Europæ populis, forte  
 deflexo paululum nomine, oriundi: eos quippe observat *Cromerus*, *lib. 1. c. 8. pag. 9. A.*  
 pro *Roxolanis* vel *Roxanis* appellari *Rossos* à Græcis recentioribus, ab aliis *Russos*, *Rutenos*  
 quoque vulgo à Latinè scribentibus. Russorum principes imperii sui sedem, primo Novo-  
 gardiæ, deinde Kioviæ, postremo Volodimiræ, antequam *Moscua* transferretur, ex qua  
 proinde *Moschi* sive *Mosci* & *Moscoviæ* dicti sunt. Ab ea etiam una ex hujus imperii pro-  
 vinciis *Moscoviæ* ducatus nuncupatur, cujus ipsa caput est, sedesque magni Ducis Russorum.  
 Extat porro urbs ista, ubi *Moscus* fluvius recipit *Neolinam* & *Jayusam*: distat 170. miliar.  
 Polonicis à confinio Lithuanæ in ortum, 54. à *Smolensko*, 280. à *Novogardia parva* in  
 occasum hybernum, & 370. à *Novogardia magna* in ortum hybernum. Ita *Baudrand*, *to. 1.*  
*geogr. pag. 680.*



ECCLESIA  
MOSCOVIÆ.

Abbas de Commanville *Tab. Alphab. p. 163.* scribit Moscuam, quæ saltem à sæculo XIV. archiepiscopalis erat ad honorem, erectam esse in sedem patriarchalem totius Moscoviæ anno 1588. eique subesse refert, *part. 3. cap. 2. pp. 306. & 307.* metropoles *Novogardiam magnam, Rostovium, Casanum & Casaris castellum; archiepiscopatus Vologdam, Resaniam, Susdaliam, Tuveriam, Fubolskam, Astracanum, Plescoviam, Archangelopolim, & Smolenscum: denique episcopatus Columnnam & Viatkam.*

Narrat Raynaldus, *tom. 13. ad annum 1227. num. 8. pag. 371.* Russiæ proceres ad Guilelmum Mutinensem episcopum, sedis apostolicæ legatum, oratores misisse, qui paratos se significarent ad Christi castra transvolare ab erroribus quibus ob præconum evangelicorum inopiam involuti erant: Honorium III. vero, eo accepto nuncio, illis pollicitum esse, si in illa voluntate perseverarent, & legatum peterent ab apostolica sede, ipsorum se votis minime defuturum. Litteras pontificias *ibid.* exhibet, datas die 17. Januar. eo anno.

Russiæ regem schisma Græcorum deserendi propositum aliquod præ se tulisse anno 1231. discimus ex epistola Gregorii IX. data eo anno die 18. Julii apud eundem Raynaldum, *ibid. num. 43.*

## EPISCOPI MOSCOVIÆ sive RUSSIAE.

## I. ALBERTUS.

**ALBERTUS** iste ex Armachana sede ad archiepiscopatum Prussiae, Livoniae & Estoniae in oris septentrionalibus translatus fuerat ab Innocentio IV. incunte anno 1246. ex Raynaldo ad eum annum, *num. 28.* Is etiam postea curam suscepit *Russiae*, ejus archiepiscopus dictus ab eodem Raynaldo ad annum 1249. *num. 15.* scilicet, ut ipse scribit loco primum citato. «Procubuerunt in Romanæ ecclesiæ obsequium Russi anno 1246. qui, licet antea evangelica luce essent collustrati, in Græcorum tamen schismate atque erroribusmersi jacuerant: quorum conversionem Longinus, non tam Danielis ipsorum principis pietati, quam ambitioni tribuit. Quum enim amplissimis opibus subditarum gentium multitudine polleret, Ducis nomine abjecto, ad regiam dignitatem assurgere in animum induxit; quam ut conciliaret sibi, oratores ad Opizonem abbatem à Mezano in Polonia, legatum maxima auctoritate à sede apostolica instructum misit, obtulitque se populos sibi subditos ad Romanæ ecclesiæ obsequium adducturum, viresque ad propulsandos Tartaros cum cæteris catholicis conjuncturum, si regium sibi diadema imponeret: illum vero & divinæ gloriæ amplificandæ, & illustrandæ legationis suæ cupidum, renitentibus (licet) Polonis præsulibus, quos invidia agi putabat, regiis ornamentis Daniele sacramento adactum se suosque sedi apostolicæ obsequentes futuros induisse, &c. Hoc nuntio excitatus Innocentius IV. Prussiae archiepiscopum, quem ex Armachana ad illam sedem ineunte anno transtulerat, apostolicæ sedis legati dignitate ornatum ad Russos misit, redeuntibusque ad ecclesiæ (Romanæ communionem) gratulatoriis litteris fausta precatus est.» Has litteras, datas eo anno die 3. Maii, profert Raynaldus, *ibid. num. 29.* ut & alias eidem

A archiepiscopo datas die 19. Mart. & die 26. Aprilis eodem anno 1246. *nn. 30. & 31.* Item ad annum 1247. *num. 28.* alias eidem præfuit, datas eo anno die 7. Septembris.

Verum anno 1249. ad vomitum rediit Daniel, & Albertum Armachanum olim episcopum, tunc Russiae archiepiscopum, verba sunt Raynaldi ad eum annum, *num. 15.* ad se missum ab Innocentio IV. indigne ejecit. Litteras Alexandri IV. ad Danielelem, datas anno 1257. die 13. Febr. refert idem Raynaldus ad eum annum, *nn. 26. 27. & 28.* sed incassum: hunc enim resipuisse nemo narrat. Obiit autem, juxta Cromerum, *lib. 9. p. 160.* B. (qui de ejus perfidia loquitur, *p. 159. A.*) circa annum 1264. & juxta Raynaldum ad annum 1266. *num. 40.* eo anno.

## II. JACOBUS.

Ughellus, *tom. 5. Ital. sac. col. 191. n. 44.* A. veteris editionis, scribit Jacobum de Bruna, Bohemum, rectorem fuisse ecclesiæ patriarchalis in Moscovia diæcesis Olmiciensis (verisimiliter ut Catholicorum ibi degentium curam gereret à summo Pontifice delegatus) ex quo munere ad episcopatum Bellunensem in Italia translatus est ab Innocentio VI. anno 1353. die 21. Novemb. *Ex Reg. Vatic.* Obiit vero anno 1369.

## III. \* \* \*

Joannes Basilii Russorum Dux solemnem ad Sixtum IV. legationem misit anno 1472. de qua ait Raynaldus ad eum annum, *n. 48.* «XXII. Maii vocati sunt in concilium Patres. Vocationis (autem) causam præbuerunt oratores Joannis Ducis albæ Russiae: ii venerunt ut venerarentur primo Romanum Pontificem, inde desponderent filiam Despoti olim Peloponnesi, quæ Romæ unâ cum duobus fratribus patria profugis, pietate sedis apostolicæ alebatur, &c. Dictæ sententiæ sunt, »



» decretum conjugium: permissum quoque ut  
 » sponsalia, sicut postulabatur, in basilica SS.  
 » Apostolorum Petri & Pauli.... fierent, &c.  
 » Harum rerum allatæ rationes, quod Rutheni  
 » olim concilium Florentinum acceperint, &  
 » archiepiscopum Latinum à sede Romana ha-  
 » buerint: nam Græcis à Patriarcha Constanti-  
 » nopolitano mos erat accipere, & oratorem  
 » ad se mitti nunc postulant, qui fide eorum  
 » omnium inspecta, rebus etiam cognitis, si  
 » quid devium est, in viam rectam reducat, &  
 » an ad profitendam etiam obedientiam accessse-  
 » rint, &c.» Hæc ex ms. Vaticano Volaterrani  
 transcriptis Raynaldus, qui subjungit ad an-  
 num 1484. num. 26. «Non perfecta est Mos-  
 coviticæ ecclesiæ cum Romana conjunctio,  
 » quæ ad augendas christianas vires, Mahume-  
 » ticamque superstitionem obterendam, ad-  
 modum erat necessaria, &c.»

Sigismundus Liber Toparcha in comment.  
*Moscoviticis*, p. 12. lin. 9. edit. Francof. 1600.  
 hæc scribit: «Sunt qui principem Moscoviæ  
 » *Album regem* nuncupant. Ego quidem causam  
 » diligenter quærebam cur *regis Albi* nomine  
 » appellaretur, quum nemo principum Mos-  
 » coviæ eo titulo antea esset usus, imo confi-  
 » liariis ipsis sæpe, data occasione, & aperte dixi,

A nos non *regem*, sed *magnum Ducem* agnos-  
 cere. Plerique tamen hanc *regii* nominis ra-  
 tionem esse putabant, quod sub imperio suo  
 reges haberet: *Albi* vero rationem nullam  
 habebant. Credo autem, ut Persam nunc  
 propter rubea tegumenta capitis *Kisilpassa*, id  
 est, *rubeum caput* vocant, ita illos propter alba  
 tegumenta, *Albos* appellari.» Nihil aliud no-  
 vimus de archiepiscopo Latino, qui Russis à  
 Romano Pontifice ad eorum petitionem post  
 synodum Florentinam datus fuerit. De Mos-  
 covitis legendus idem Raynaldus, tom. 20. ad  
 annum 1519. n. 60. ad annum 1524. n. 72.  
 ad annum 1525. nn. 67. & 73. ad annum  
 1553. num. 40. & ad annum 1561. nn. 17.  
 & 29. Verum nihil tunc, nec deinceps, pro  
 ecclesiæ Moscoviticæ cum Romana unione  
 confectum est.

Daniel à V. M. tom. 2. *Speculi Carmelit.*  
 pag. 926. num. 3241. scribit Fr. Henricum de  
 Brommelsheim, Carmelitam conventus Ma-  
 nænawensis provinciæ Allemaniæ inferioris,  
 anno circiter 1473. assumptum in episcopum  
*Astarcanensem* & suffraganeum Hildesiensem;  
 apud Munsterum autem legi, *Astarcan* sive  
*Astracam* urbem esse ditionis Moscoviticæ,  
 haud procul à mari Caspio.

## N.

## I. ECCLESIA NATURENSIS.

IN notitia quadam quatuor patriarchatum, quam ex bibliotheca regia edidit Carolus à  
 S. Paulo in fine suæ geographiæ sacrae, pag. 76. legitur: «Constantinopolitana ecclesia  
 hos habet suffraganeos & metropoles, Solumbriensem, *Naturensensem*, &c.» At, nec ipse  
 Carolus, nec ullus alius, quod sciam, indicat ubinam sit urbs *Natura* dicta, cui tamen à  
 sæculo XIV. nonnullos antistites ritus Latini præfuisse reperimus.

## EPISCOPI NATURENSES.

## I. THEODORICUS I.

P. ECHARDUS in indice episcoporum, quem  
 præfixit tom. 1. *Scriptor.* hæc scribit, pag. 26.  
 col. 2. «*Theodoricus de Wischel*, Teuto, (Ord.  
 » Præd.) conventus Wesaliensis alumnus, epi-  
 » scopus *Naturensis*; circa (annum) 1350. cœ-  
 » nobium suum Wesaliense die 7. August. casu  
 » totum igne consumptum, suis curis & largif-  
 » simis eleemosinis reparavit. Sic refertur in  
 » quodam codice antiquo ms. cui titulus *Chro-*  
 » *nica Wesaliensis*. Hunc non norunt nostri.  
 » Ecclesia *Naturensis* in antiqua notitia eccle-  
 » siastica ms. quam habeo præ manibus, ponitur  
 sub Constantinopolit. Patriarcha immediate.»

## II. THEODORICUS II.

## III. ANTONIUS I.

Waddingus, to. 4. ad annum 1392. n. 32.

Cp. 225. refert post obitum Theodorici (qui  
 probabiliter alius à præcedente fuit) Fr. An-  
 tonium de Fremonia, Monasteriensensem, Mino-  
 ritam, renuntiatum esse ecclesiæ *Naturensis*  
 sub Patriarcha Constantinopolitano episco-  
 pum à Bonifacio IX. eo anno die 15. Jan.

## IV. JOANNES I.

Antonio successit Joannes, Eremita Au-  
 gustinianus, per ejus cessionem, anno 1402.  
 die 18. Januar. Ita Thomas Herrera *Alphab.*  
*Augustiniani* tom. 1. pag. 428. col. 2.

## V. ERASMUS I.

«*Naturensis* ecclesia in Romania sub Con-  
 stantinopolit. patriarchatu episcopum habuit  
 » Fr. *Erasmum Villis* (Ord. Præd.) à Joanne  
 » XXIII. creatum IV. Non. (id est die 4.)  
 » Mart. anno 1414. de quo mss. Bzoviana, &c.»  
 Hæc Fontana *Theat. Dom.* p. 245. tit. 413.



## VI. JOANNES II.

## VII. JOANNES III.

Waddingus, *to. 5. ad annum 1430. n. 32. pag. 225.* narrat Joanni episcopo Naturensi mortuo suffectum esse à Martino V. eo anno die 30. Octobris, Joannem alterum cognomento *Fabri*, Minoritam, Paderbornensem, & diploma exhibet, *ibid. in Reg. Pont. p. 184.*

## VIII. ERASMUS II.

## IX. JOANNES IV.

Post obitum *Erasmi* episcopi Naturensis,

A Eugenius IV. huic sedi præfecit anno 1434. die 30. Novemb. *Fr. Joannem Joannis*, Minoritam, ex eodem Waddingo, *ibid. ad hunc annum, n. 4. p. 264. & in Reg. Pont. p. 219.*

## X. JOANNES V.

## XI. ANTONIUS II.

Idem Waddingus scribit, *tom. 6. ad annum 1469. num. 16. pag. 700.* Joanni (quem non dicit fuisse Minoritam) successisse eo anno die 30. Jun. *Fr. Antonium Nicolai*, Ordinis Minor. qui suffraganeus fuit archiepiscopi Gnesnensis.

## II.

## ECCLESIA NEÆ sive NIO.

*NEA*, teste Baudrand, *to. 2. geogr. p. 14. col. 2.* insula est parva admodum maris Ægæi, inter Lemnum & Hellespontum. *Nio* apud Nigrum appellatur ex Ortelio.

## EPISCOPI NEÆ.

## I. HECTOR.

## II. MICHAEL.

*HECTORE* episcopo Niocensis ecclesiæ mortuo, hujus sedis episcopus renunciatus est ab Eugenio IV. anno 1443. die 4. Nov. *Fr. Michael de Padrolo*, Ordinis Prædic. ut constat ex ejus diplomate, quod profert R. P. Bremond, *tom. 3. Bullar. pag. 231.*

## III. PETRUS.

## IV. HIERONYMUS.

Fontana *Theat. Dom. pag. 249. tit. 424.* tradit ex Regestis apostolicæ cancellariæ, & ex quibusdam Ughelli mss. *Fr. Petrum de Xaque*, Hispanum, Ord. Præd. præfectum esse ecclesiæ Niocensi à Pio IV. anno 1560. die 4. Septembris.

B Mich. Pio in Append. ad 2. part. col. 404. meminit sub anno 1304. *Fr. Petri Xaquez*, Ord. Præd. episcopi Niocensis.

Idem *ibid. lib. 3. col. 74.* sub anno 1486. *Fr. Petrum Pagne*, Ord. Præd. commemorat episcopum Neoginensem, ex Steph. Sampaio.

Denique Joannes Lopez, 4. part. lib. 2. cap. 2. pag. 329. col. 1. inter episcopos Ord. Præd. qui florebant anno 1553. recenset *Fr. Petrum Xaquez* episcopum Niquensem.

C *Petrum Xaquez* episcopum Niquensem. Hos autem conjicit Cavalerius, *tom. 1. pag. 404.* tres fortassis fuisse episcopos Niocenses, qui diversis illis temporibus vixerint.

Utut sit, Petro de Xaque successit *Fr. Hieronymus Clavigo*, ejusdem Ordinis Prædic. anno 1564. die 28. Augusti. *Ex Reg. apost. Cancell. apud Fontanam, ibid.*

## III.

## ECCLESIA NELIENSIS.

*STRABO*, lib. 9. pag. 436. B. edit. Casaub. meminit cujusdam *Neliæ* in Thessalia. Verum me fugit an huic præfuerit episcopus qui sequitur.

## EPISCOPI NELIENSES.

## PETRUS.

*DANIEL* à V. M. scribit, *tom. 2. Speculi Carmel. pag. 949. n. 3341. ex lib. 3. Provis.*

D Prælat. sub Urbano V. anno 1. *Fr. Petrum Ordinis Carmelitarum*, in sancta Pagina magistrum, institutum esse episcopum Neliensem XII. kal. Aug. (id est die 21. Jul.) anno 1363.

## P.

## ECCLESIA PERGETENENSIS.

*COMPERTUM* mihi non est quænam sit ecclesia *Pergetenensis* in Lycaonia, cujus meminit Waddingus modo citandus.

## EPISCOPI



JOANNES.

Waddingus, tom. 5. ad annum 1412.  
 num. 2. pag. 78. refert Fr. Joannem de Strans,

A Minoritam, ecclesiæ Pergetenensi in Lycaonia  
 sub Iconio metropoli, præfectum esse hoc  
 anno die 18. Aprilis.



R.

ECCLESIA RUTENORUM.

RUTENI populi sunt Europæ, Russiam rubram incolentes, quæ *Russia* quoque proprie dicta, & *Roxolania* nuncupatur, inter Poloniam propriam & Moscoviam. Hi etiam religionem Græcam ejusque ritum servant: sed regio ipsa à Casimiro II. Poloniæ rege huic regno acquisita est anno 1345. Ita Baudrand, tom. 2. geogr. pp. 185. & 186.

EPISCOPI RUTENORUM.

I. GERARDUS.

GERARDUS Ord. Præd. ex Provinciali Poloniæ creatus est à Gregorio IX. primus Rutenorum episcopus circa annum 1233. de quo hæc habet Cromerus, lib. 9. p. 153. A. «Anno sequenti (id est 1254.) Prendota » episcopus Cracoviensis sacri corporis ejus » (S. Stanislai) reliquias solemni pompa de » sepulcro levavit, & hominum venerationi ex- » posuit. Interfuere autem ei celebritati archi- » episcopus (Gnesnensis) & episcopi Poloniæ, » quicumque per valetudinem potuerunt; item- » que Gerardus Russorum (ad marg. Russorum » episcopus catholicus) & Vitus Lithuanorum » (ad marg. Lithuanorum episcopus primus) epi- » scopi. Nam & hi (Lithuani) ad religionem » christianam jam accedebant, & illi (Russi) » ad societatem ecclesiæ catholicæ sese ad- » junxerant.»

De eodem Gerardo addit Spondanus, tom. 1. ad annum 1231. num. 7. pag. 155. «Hoc item anno quum apud Russos sive » Rutenos negotium fidei catholicæ opera FF. » Præd. felices progressus fecisset, Gregorius

B Pontifex eis antistitem vitæ sanctimonia & ecclesiæ administrandæ peritia insignem præficere rogatus, Gerardum ejusdem Ordinis professorem, Provincialis Poloniæ officio nuper egregie perfunctum, primum ei genti constituit episcopum.» Vitus, de quo supra, Dominicanus quoque fuit.

II. HENRICUS.

III. THEODERICUS.

Sede Rutenensi vacante per obitum Henrici, renuntiatus est episcopus ab Urbano V. anno 1367. die 30. April. Fr. Theodericus de Indagine, Eremita Augustinianus. Ita Thomas de Herrera Alphab. Augustinian. tom. 2. pp. 448. & 449.

IV. JOANNES.

«Joannes Hoppe, Ordinis Præd. episcopus Rutenensis in Livonia provincia Rigenensi à Bonifacio IX. iv. Non. Maii anno XIV. (id est anno 1403. die 4. Maii.) Ex mss. Bzovianis apud Fontanam Theat. Dom. pag. 280. tit. 499. Ejus meminit R. P. Bremond, 10. 2. Bullar. pag. 470.



S.

I. ECCLESIA SCOPIENSIS.

SCOPIA sive Scupi, Ushub Turcis, urbs Mœsiæ superioris, Dardaniæ caput, in Macedonia confinio versus Scardum montem, sub dominio Turcarum, 10. milliar. distat à Thessalonica in occasum æstivum, 80. à Sophia in occasum, 60. à Philippopoli, Scodram versus paulo plus. Episcopalis sedes fuit, postea metropolis effecta. Hæc Baudrand, tom. 2. geogr. pag. 216. col. 1.

EPISCOPI SCOPIENSES.

I. JOANNES.

II. FREDERICUS.

Hic Joannes duos omittimus, qui proba-  
 Tomus III.

Dbilius sedi Scopelensi præfuerunt sub archiepiscopo Hadrianopolitano, de quibus vide supra inter archiepiscopos Scopelenses, col. 963. B. Waddingus, 10. 4. ad annum 1351. n. 42.

Cccc



**ECCLESIA SCUPIENSIS.** pag. 22. refert, ecclesia Scupienſi vacante per A 1400. die 5. Jul. *Fr. Antonius de Terano*, Minorita, ex Waddingo, to. 4. ad hunc annum, num. 3. pag. 368.

## III. HERMANNUS.

## IV. ANTONIUS.

Post obitum *Hermanni* episcopi Scupienſis ſub archiepiscopo Præſtamenſi, creatus eſt hujus eccleſiæ præſul à Bonifacio IX. anno

## V. HYACINTHUS.

*Fr. Hyacinthus Macripodanus*, Ord. Præd. Chienſis, Scupienſis antiſtes renuntiatus eſt ab Innocentio X. anno 1649. die 11. Octob. ex *Regeſtis Cancellariæ apoſt.* Hujus meminit *Fontana Theat. Domin.* pag. 169. tit. 168. & pag. 292. tit. 536.

## II. ECCLESIA SMOLENSCENSIS.

**SMOLENSCIUM**, *Smolensko*, urbs Lithuanix & Ruſſix albæ ad fluvium Boryſtenem, prope fines Moſcovix, olim Ruſſicis Ducibus cum tota regione paruit: ſed anno 1403. Vitondus magnus Dux Lithuanix eam ſibi ſubjecit; capta eſt deinde à Caſimiro rege Polonia anno 1452. ac poſtea à Moſcis anno 1514. Eamdem recuperavit Sigismundus III. rex Polonia anno 1611. poſt duorum fere annorum obſidionem, ſicque Polonici juris manſit uſque ad annum 1654. quo expugnata eſt die 13. Octobris ab Alexio Michaelitio magno Moſcovix Duce, & exinde Moſcis ſubditur. Diſtat 20. milliar. Polonicis à Vitebicia in ortum hybernum, 150. à Varſovia in ortum, 100. à Vilna, Moſcuam verſus 54. circiter, & 150. à Kiovia in ſeptentrionem. Episcopatum Latini ritus in ea urbe conſtitui à ſummo Pontifice curaverat Wladislaus (VI.) Polonia rex, ex deſtinatione patris ſui Sigismundi III. (qui obiit anno 1632. ipſeque diem clauſit extremum anno 1648.) Ita Baudrand, tom. 2. *geogr.* pag. 252. col. 2. In notitia Græcorum episcopatuum, quæ extat ad calcem Codini *de Officiis*, legitur pag. 399. Græcè & Latinè, ſub Ruſſia minori loco ſeptimo τὸ Μολέσμον *Moleſmum*, & ad marginem utrobique Σμολενκόν *Smolencum*.

## EPISCOPI SMOLENSCENSES.

## I. PETRUS.

**I**N notitiis publicis Gallicè conſcriptis per annum 1636. legitur, (ſic autem Latinè reddo)  
«Die 1. Septemb. eo anno propoſita fuit in  
» conſiſtorio (coram SS. Papa Urbano VIII.)  
» erectio ſedis episcopalis in urbe Smolenſcio,  
» à paucis annis Moſcovitis erepta à Polonia  
» rege (Sigismundo III.) primuſque ejus epi-  
» ſcopus (ritus Latini) renuntiatus eſt *Petrus*  
*Parazenski*, Polonus.»

## II. CAROLUS.

*Carolus Petrus Pancertzinski*, antea episcopus in partibus Infidelium, pro episcopatu Imolensko (*Smolensko*) in Lithuania pro-

clamatus eſt anno 1721. die 14. Septembris Romæ. Is deinde anno 1724. die 12. Jun. & die 11. Septemb. propoſitus eſt ad eccleſiam Vilnenſem in Lithuania transferendus. Hæc ex nunciis præſatis anno 1721. pag. 527. & anno 1724. pp. 363. & 520. In poſtremo autem loco *Carolus* iſte *Pancertzinski* dicitur episcopus *Smolensko*.

## III. BOGISLAUS.

Diebus 20. Decembris anni 1724. & 29. Februar. anni ſequentis 1725. Romæ denuntiatus eſt ad eccleſiam Smolenſcensem promovendus *Bogislaus Corvinus Goziewski*. Ex nunciis anni 1725. pp. 32. & 103.

*Monitum.* **C**ASU omiſſus fuit ſupra, col. 1070. C. inter præſules *Sebaſtes* in Armenia, poſt IV. *Joannes II.* antiſtes nomine *Paulus*, Minorita, de quo Waddingus ita loquitur, tom. 5. ad annum 1428. num. 3. pag. 197. «*Fr. Paulus Franciſci*, episcopus *Sebaſtenus* in Armenia, per obitum *Joannis X.* kal. Aug.» (id eſt die 23. Jul. eo anno.)





## PATRIARCHATUS ALEXANDRINUS

### RITUS LATINI.

**Q**UÆ ad Patriarchatum Alexandrinum qualitercumque spectant, jam exposita fuere *tomo 2. hujus operis, col. 329. & sequentibus*: unde pauca duntaxat hîc subjiciam de urbe Alexandria, ut ad Patriarchas ritus Latini, aliosque præfules ipsis obtemperantes, deveniam.

Inter urbes octodecim *Alexandriæ* nomine donatas in diversis orbis partibus, quas recenset Stephanus Byzantius in *tractatu de urbibus & populis, edit. Amstelod. 1678. pag. 61.* præeminet omnimodo *Alexandria* Ægypti caput, quæ primis ecclesiæ sæculis secunda fuit sedes patriarchalis immediate post Romanam; emporium quoque celeberrimum quo merces, & præsertim aromata per universam Europam distribuenda advehebantur. Hæc appellata est olim *Libyssa, Rhacatis, Pharos, Leontopolis, Sebaste*, id est, *Augusta, Julia, Claudia, Domitiana*, nunc vero à Turcis *Scanderik* sive *Scanderia*, ex nomine corrupto Alexandri magni, à quo condita refertur olympiade 112. annis circiter 330. ante Christi nativitatem.

Alexandria hodie majori sui parte in ruinis jacet sub dominio Turcarum, qui basilicam S. Athanasii, olim Patriarcharum sedem, in Moschæam vertere: unde templum pervetustum S. Catharinæ virginis & martyris ei à Græcis substitutum est. At ecclesia Francorum ibi cæteris præcellit Orientis Catholicorum.

Antequam Mahumetanis subjiceretur præclara hæc civitas, valde florebat: sed ab Amro expugnata, post obsidionem tredecim mensium anno Christi 640. exeunte, cœpit exinde paulatim minui. Distat autem à Cairo 125. milliar. in occasum æstivum, 12. milliar. à Nili ostio Canopico in occasum, 460. milliar. in boream à Syene ultima Ægypti urbe meridionali, 150. à Pelusio in occasum, Cyrenen versus 60. Hæc Baudrand, *tom. 1. geogr. pag. 36. col. 1.*

Willelmus Tyrius, *lib. 19. c. 24. & seqq.* pluribus refert Amalricum III. Hierosolymorum regem Alexandriam obsidione cinxisse, ac tandem occupasse, *Soldano in sua administratione confirmato*, anno 1167. ante XII. kal. Septemb. (id est diem 21. Aug.) Quam expeditionem sic paucis narrat Robertus de Monte in chronico ad annum 1168. apud R. P. Pagi, *tom. 4. crit. annal. Baron. ad annum 1167. num. 32. pag. 630. col. 2.* « Amalricus rex Hierusalem evocatus ab Amiralio Babylonæ (seu procuratore & præfecto, *Siracono* à Tyrio appellato) « cui confœderatus erat, obsedit Alexandriam, quæ caput est Ægypti, & cepit, & reddidit « eam Amiralio, qui pepigit ei singulis annis tributum de eadem civitate, quinquaginta septem « millibus (videtur deesse *aureis Byzantiis*) quos habet de Babylone.»

Eandem urbem Alexandriam cepit Petrus rex Cypri anno 1365. ut scribit Philippus à Mazeriis, testis oculatus, in vita S. Petri Thomasi Patriarchæ Constantinopolitani ritus Latini, Ordinis Carmelitarum, apud Raynaldum, *tom. 16. annal. ad annum 1365. num. 10.*

Verum in his expeditionibus datus non videtur Alexandriæ Patriarcha Latinus, qui in ea urbe vel tantisper sederit: nam in prima quidem Amalricus non sibi aut Latinis eam cepit, sed Soldano Babylonæ, cui statim eam remisit: certe non multo post Nicolaus Græcus huic præerat Patriarcha Melchita, qui Innocentii III. & Honorii III. communionem fovebat, ad eos litteras scribens benevolentia & veneratione refertas, de quibus legendæ tum Innocentii epistolæ 146. 147. & 148. lib. XIV. anno 1211. mense Januario, & 34. lib. XVI. anno 1213. qua eum invitabat ad concilium Lateranense, tum ipsius Nicolai epistola ad Honorium, quam profert Raynaldus, *tom. 13. ad annum 1223. n. 9. pag. 328. col. 2.* In secunda vero circa Alexandriam expeditione, hanc vix aliquot diebus Latini detinuerunt, eam statim deferentes, frustra obsistentibus Petro rege Cypri, & B. Petro Thomasio, Carmelita.

D. abbas de Commanville in *Tabula Alphab. Gallica episcopatum totius orbis, pag. 10.*  
*Tomus III.* Cccc ij



Alexandriæ præfuisse asserit Latinos præfules, dum Latini in Oriente bellum Turcis intulerunt. Quod licet inficiari non ausim, non tamen mihi constat quandonam incepit illa Patriarcharum Alexandrinorum ritus Latini series, quisnamve fuerit eorum primus. Eos itaque subjiciam, qui à sæculo XIV. hac dignitate instructi à scriptoribus perhibentur.

## PATRIARCHÆ ALEXANDRINI RITUS LATINI.

*Athanasius.*

I. ÆGIDIUS.

**A**THANASIUS quidam Patriarcha Alexandrinus sæculo XIII. non multum adulto commemoratur apud doctissimos Bollandistas in *hist. chronol. Patriarch. Alexandr.* præfixa tom. 5. Junii pag. 105. col. 1. num. 575. ubi *Additamentum. De Patriarchis plerisque Latinis, ex magno Lexico biblico Simonii, edito Lugduni anno 1703.* De qua Patriarcharum serie sic ipsimet scribunt: *Quam vero à recta chronologia passim auctor ille deficiat per te, lector, judicare poteris, si Simonii laciniam cum nostro tractatu conferas.* In ea autem legitur, num. LIII. *S. Athanasius Claromontanus pro Latinis 1219.* Verum eo anno sedebat Patriarcha Alexandrinus Græcus Melchita *Nicolaus*, cui profectò, utpote ecclesiæ Romanæ addicto ex paulo supra dictis, alium Patriarcham Romani Pontifices non substituerunt. Daniel à V. M. *Carmelita*, tom. 2. *Speculi Carmel.* p. 353. num. 1250. refert ex Lezana in annalibus Carmelitarum, cuidam synodo Hierosolymis congregatæ an. 1222. adfuisse præfules Syro-Græcos 36. & inter eos *Athanasium de Claromonte, Patriarcham Alexandrinum.* At de ea synodo fides sit penes illos, qui eam celebratam tradunt.

Quod spectat ad *Ægidium* (quem ideo primum assigno Patriarcham Alexandrinum ritus Latini, quia me fugit quis fuerit alius eo antiquior in illa dignitate,) Ughellus in *Patriarchis Gradenfibus*, tom. 5. *Italiae sacrae* col. 1214. vet. edit. num. 48. D. hæc de eo habet: «*Fr. Ægidius, Ferrariensis, Ordinis Præd. insignis alumnus, ad sedem Gradensem assumptus est à Bonifacio VIII. anno 1295. XIV. kal. Jun. (id est die 19. Maii.) Is anno 1308. à Clemente V. Papa, unà cum FF. Lupo Ord. Prædic. & Athanasio Ord. Min. legatus missus est ad regem Rasciæ Vrosium, de quo legendus Odericus Raynaldus, 10. 15. Translatus deinde est Ægidius à Clemente V. ad Alexandrinum Patriarchatum anno 1310. ut in Reg. Vatic. habetur.*» Est autem *Rascia*, teste Baudrand, 10. 2. *geogr. pp. 159. & 160.* regio septentrionalis Servia, sic dicta à fluvio *Rasca* per eam labente, extenditurque ubi olim *Dardania* in *Mœsia* superiori. Quandonam obierit *Ægidius* ille non reperio, sed annum 1322. non excessit.

II. OTTO seu ODO.

*Otto seu Odo & Oddo de Sala*, è primaria

**A** Pisanorum nobilitate, Ordinis Præd. doctor Universitatis Paris. episcopus autem successive Teralbensis in Sardinia, Polensis, Arborensis, & Pisanus, demum Alexandrinus Patriarcha creatus à Joanne XXII. anno 1322. die 22. Maii. Montis Cassini administrator renuntiatus est eodem anno die 2. Maii, ibique obiit anno sequenti 1323. die 9. Novemb. Ejus meminere Fontana *Theat. Dom.* p. 44. tit. 2. Ughellus, tom. 2. col. 1032. num. 1. B. & tom. 3. col. 529. num. 55. C. veteris edit. Cavalerius, tom. 1. pag. 89. num. 25. & R. P. Bremond, tom. 2. *Bullar.* pag. 205.

III. JOANNES I.

**J**oannes iste, filius Jacobi II. regis Aragonum, anno ætatis 17. factus archiepiscopus Toletanus, sic dono scientiæ & gratia prædicationis floruit, ut nullus illo ævo in hoc ei similis crederetur. Carnem suam jejuniis & ciliciis macerabat. Anno autem ætatis 28. creatus Patriarcha Alexandrinus & administrator ecclesiæ Tarraconensis, constructo monasterio *Scala Dei* dicto, Ordinis Carthusiensis, in ista dicecesi, piissime obiit die 19. Aug. anno 1334. ætatis suæ 33. quem Deus tam in vita quam post mortem multis miraculis illustravit. Hæc desumpta sunt ex ejus epitaphio in basilica *Scalæ Dei*, quod exhibet Diego de Castejoni Fonseca, tom. 2. *hist. Toletanæ eccles. editæ Madriti anno 1645. part. 3. c. 18. p. 795.* Extat apud Raynaldum ad annum 1329. num. 83. epistola Joannis XXII. Papæ, data pridie idus (id est die 14.) Octob. pontificatus anno XIII. Christi subinde 1328. cujus titulus est: *Joannes, &c. Joanni olim archiepiscopo Toletano in Patriarcham Alexandrinum electo.* Ex quo colligitur hunc eo anno titulo illo fuisse ornatum. Leguntur tom. 4. *thesauri novi Anecdor. edit. Paris. an. 1717. à col. 283. usque ad col. 323.* Acta IV. conciliorum Tarraconensium sub Joanne Patriarcha Alexandrino & administratore ecclesiæ Tarraconensis, quorum primum celebratum est anno 1329. IV. kal. Mart. (id est die 26. Febr.) Waddingus ad annum 1331. num. 9. p. 383. refert epistolam, quam venerabilibus, &c. FF. Minorum Generali ministro, cæterisque fratribus apud Perpinianum in generali capitulo congregatis, Joannes provisione divina sanctæ sedis Alexandriæ Patriarcha, & administrator sanctæ ecclesiæ Tarraconensis, scripsit propria manu Gerundæ die Martis post



*Ascensionem Domini* (id est die 14. Maii) anno 1331. De eo insuper legi potest præfatus Raynaldus ad annum 1328. *nn. 53. & 66.* ad annum 1330. *num. 26. & pag. 3.* ante finem ejusdem tomi xv. *col. 2.* paulo ante medium. Item *tom. 16.* ad annum 1336. *num. 47.*

## IV. GUILLELMUS.

*Guillelmus de Chanac*, nobilis Lemovicensis, episcopus Parisiensis, qui collegium S. Michaelis, aliàs de Chanaco, Parisiis fundavit, creatus est Patriarcha Alexandrinus anno 1342. & obiit die 3. Maii anno 1348. Ita DD. Sammarthani, *tom. 1. Gallie christ. edit. Paris. anno 1656. pag. 452. col. 2. n. 83. C. & pag. 453. col. 1. num. 84. C.*

## V. HUMBERTUS.

Serenissimus princeps *Humbertus*, Delphinus Viennensis, terreno principatu in Joannem Philippi regis Francorum filium natu majorem, tunc Normanniæ Ducem, transmissio, votisque solemnibus Ord. Præd. cooptatus, Alexandrinus Patriarcha renuntiatus est à Clemente VI. initio anni 1351. & anno sequenti administrationem perpetuam ecclesiæ Rhemensis suscepit. Obiit apud Clarummontem in Arvernia anno 1355. die 22. Maii, indeque corpus ejus Lutetiam delatum est, & in æde Dominicanorum sepultum.

## VI. ARNALDUS.

*Oldoinus*, *tom. 2. hist. Rom. Pont. & DD. Card. edit. Romæ anno 1677. col. 566. n. vi.* D. refert *Arnaldum Bernardi de Montemajori*, natione Gallum, ex Patriarcha Alexandrino presbyterum Cardinalem & S. R. E. Camerarium ab Urbano V. renuntiatum esse, non in secunda, ut scribit Frizonius, sed ex Contelerio & Ciaconio, in tertia Cardinalium creatione, anno 1368. die 22. Septembris. Viterbii peste periit anno 1369. Meminere hujus Regesta Urbani V.

## VII. JOANNES II.

Anno 1372. titulo Patriarchæ Alexandrini fruebatur *Joannes* quidam, ad quem epistolam scripsit Gregorius XI. datam eo anno vii. kal. Aug. (id est die 26. Jul.) adversus Bernabonem de Vice-comitibus, militem Mediolanensem, qui multas Italiæ civitates

A depopulabatur. Hanc profert Raynaldus ad eum annum, *num. 1.*

## VIII. PETRUS I.

*Petrus Amelii de Brenaco*, Ordinis Eremit. S. Augustini, conventus Limosi Narbonensis diocesis alumnus, ex sacrista pontificio episcopus Senogallienensis constitutus, deinde episcopus Tarentinus, & anno 1388. vel seq. Patriarcha Gradenfis; demum *Alexandrinus Patriarcha* & administrator ecclesiæ Aquensis in Vasconia, vixit usque ad tempora Bonifacii IX. Hæc Thomas de Herrera *Alphab. Augustin. to. 2. p. 261. col. 2. & p. 262. col. 1.*

## IX. PETRUS II.

Petrò modo laudato fortassis successit alter *Petrus* cognominatus *Alexander*, quem præfatus Papa Bonifacius transtulit anno 1400. ex sede patriarchali Gradenfi ad Alexandrinam. Hanc enim translationem testatur ipse met Pontifex in diplomate quo ipsi sufficiebat in ecclesia Gradenfi Fr. Joannem Benedictum Ordinis Præd. ipsique hanc dignitatem recusanti subrogavit Petrum Canche Castellane diocesis, eo anno die 22. Septembris, apud R. P. Bremond, *to. 2. Bull. pp. 459. & 460.*

## X. LEONARDUS.

*Leonardus Delphinus*, Venetus Patritius & Archiepiscopus Cretensis, ad ecclesiam Venetiarum transiit anno 1392. die 29. April. quam administravit usque ad annum 1401. tunc quippe eum transtulit Bonifacius IX. ante diem 27. Aug. ad patriarchalem Alexandrinam. Ita Ughell. *to. 5. Ital. sac. col. 1354. num. 46. D. vet. edit. ex lib. oblig. Prælat.*

## XI. UGO.

*Ugo de Robertis de Tripoli*, Regienfis, primum episcopus Adriensis, deinde per commutationem cum Joanne, Patavinus anno 1393. demum ex ea sede ad patriarchatum Alexandrinum pervenit anno 1402. Idem Ughellus, *ibid. col. 433. num. 87. D.*

Cæteros qui deinceps Patriarcharum Alexandrinorum titulo potiti sunt, mitto, ut ad paucas illas deveniam hujus patriarchatus ecclesias, quibus præfuerunt antistites aliquot Latini.

## I.

## ECCLESIA DAMIATÆ.

*Baudrand*, *tom. 2. geogr. pag. 91. col. 1.* observat ex ruinis Pelusii redacti in vicum *Belbais* nuncupatum, testibus Tyrensi, Nigro, & aliis, crevisse *Damiatam* urbem, ei fere adjacentem in adversa Nili Pelusiaci ripa, quæ ei successit in sede archiepiscopali sub Patriarcha Alexandrino, unde etiam sæpius, sed male à recentioribus pro ipsa Pelusio



ECCLESIA  
DAMIATÆ

sumitur. Hanc porro sic describit Jacobus de Vitriaco, *lib. 3. n. 6.* apud R. P. D. Edmund. Martenne, *tom. 3. thes. nov. Anecd. col. 274. B.* « In terra illa ubi major pars Nili recipitur » in mari, inter ripas Nili & littus maris sita est Damiatæ civitas pulcherrima & firmissima, 32. » turribus altis & aliis infinitis minoribus decorata, habens contra fluvium murum, & sic versus » terram, & unum fossatum interius & exterius bene pavatum. Est autem in medio Nili ante » Damiatam firmissima turris erecta, à cuius pede duæ maximæ catenæ ferri usque ad muros » civitatis contra turrim Sodanni protenduntur, ne pateat navigio intrantibus vel egredientibus » Ægyptum, nisi de licentia Sodanni. Hac enim via exeunt naves cum speciebus aromaticis » oneratae ab India venientes, & tendentes versus Antiochiam, Syriam, Armeniam, Græciam » & Cypriam, &c. Hæc civitas clavis est & caput totius Ægypti: ab hac civitate sunt octo » dictæ usque ad montem Synai, ubi requiescit corpus B. Catharinæ. In magna veneratione » tenent locum illum Saraceni, & monachos ejusdem loci. »

Ibidem etiam, *col. 303. C.* extat epistola IV. Jacobi de Vitriaco, in qua ad Honorium III. scribens de expugnatione Damiatæ per Christianos die 5. Novemb. anni 1219. ait: « Purgata » autem civitate, dominus legatus & Patriarcha (Hierosolymitanus) cum clero & universo » populo accensis candelis & luminaribus, cum hymnis & canticis, cum laudibus & gratiarum » actione, in die Purificationis B. Mariæ processionaliter ingressus est civitatem. Fecerat autem » dominus legatus præparari maximam basilicam, in qua in honorem B. V. Mariæ cum » lacrymis & devotione magna, populo circumstante, celebravit: in qua sedem archiepiscopalem » instituit, multis etiam aliis infra ambitum civitatis constitutis ecclesiis, ejecto perhido Ma- » chomete, divinum officium diebus ac noctibus ad honorem Dei & Sanctorum ejus jugiter » adimpletur, & diversis in ecclesiis diebus singulis à sacerdotibus illic constitutis, Patris » Filius offertur. » Et nonnullis interjectis: « Nec solum istam (Damiatam) sed civitatem » (quoque) *Thanaos* cum sua diocesi... nobis Deus subjecit, (quæ) sub Damiatæ metropoli » continetur. »

Verum Damiatæ & Thanais iterum in Saracenorum potestatem venire anno 1221. die 9. Septembris. De qua Latinorum clade legi possunt *chronicon* Lamberti Parvi à Reinero monacho continuati, *tom. 5. veterum Scriptor. & monum. ampl. collect. col. 63. D.* *chronicon* Joannis Iperii, dictum *S. Bertini*, *tom. 3. thes. novi Anecd. col. 703. D.* & *chronicon* Alberici ad annum 1221. *part. 2. pag. 507.*

Anno autem 1249. eandem urbem S. Ludovicus rex Franciæ miraculose subegit ante diem 20. Novembris, quo ex ea recessit, ut adversus copias Saracenorum præliaretur, ipso teste in epistola, quam ad proceres Galliarum scripsit anno sequenti mense Augusto, apud Raynaldum, *tom. 13. ad annum 1250. num. 13.* sed die 5. April. hujus anni 1250. victus est & captus piissimus rex, nec, nisi Damiatæ restituta, sibi suisque libertatem potuit impetrare. « Sane, inquit rex in præfata epistola, *ibid. num. 19.* post captionem nostram, per dies » aliquot jam dictus Soldanus requiri nos fecit de treugis faciendis, petens instanter, non sine » minis & austeritate verborum, quod sublato moræ dispendio, faceremus sibi restitui Da- » miatam cum omnibus rebus ibidem inventis, & resarciremus omnia damna, & expensas » quas fecerat usque ad tempus illud, à die qua receperant Damiatam Christiani, &c. » Me fugit an urbibus Tani & Damiatæ dati fuerint præfules, quando in ditionem Latinorum transierunt exeunte anno 1219. quamvis hanc postremam in archiepiscopalem cathedram, alteram vero in episcopalem ei suffraganeam, tunc crexerit Pelagius sedis apostolicæ legatus. At Damiatæ præfectum esse archiepiscopum Latini ritus anno 1249. nunc palam fiet.

## ARCHIEPISCOPI DAMIATÆ.

### ÆGIDIUS

STATIM atque S. Ludovicus rex Francorum Damiatæ possessionem iniit anno 1249. ibi ipse præfule qui constitueretur, aliisque sacri altaris ministris, certos proventus assignavit, ut legere est in charta hujus foundationis, apud clariss. Baluzium, *tom. 4. Miscellan. pag. 491.* Porro qui tunc in archiepiscopum electus est, quemdam fuisse Ægidium colligitur ex Guillelmi Tyrii continuatore, qui hæc scripsit ad annum 1253. in lingua Gallica sui temporis: *Moururent li rois Henry de Chipre, &*

*A l'evesque de Jasse Gui de Nimars.... & Nicolas Larcas archevesque de Sur: après luy fû postulé à archevesque Giles, qui fû de Damiate, tom. 5. veterum Scriptor. & monum. ampliss. collect. R. P. D. Martenne Benedict. col. 735. B.* quod Latine sonat: Anno 1253. decesserunt Henricus rex Cypri, & episcopus Joppensis Tyri, & Nicolaus Larcas archiepiscopus Tyri, in cuius locum postularus est Ægidius, qui Damiatæ præfuerat. Nicolaus iste Larcas paulo supra ab eodem scriptore Petrus Larcas appellatur, *ibid. col. 734. E.* De Ægidio itaque intelligendus videtur S. Ludovicus in epistola



quæ extat apud præfatum Baluzium, p. 495. ubi ait: «Ludovicus, Dei gratia Francorum rex, notum facimus quod Nos attendentes, quod dilectus ac fidelis noster E. Dei gratia *Damiatanus episcopus* factus erat pauper propter Christum, & etiam propter gratum ejus servitium, quod nobis impendit in partibus cismarinis, dedimus & concessimus eidem ducentas libras annui redditus, quandiu vixerit sine episcopatu vel archiepiscopatu, percipiendas in festo omnium Sanctorum annua-

tim in coffris nostris, ita quod post ejus decessum, vel postquam provisum fuerit ei de episcopatu vel archiepiscopatu, idem redditus ad nos & hæredes nostros libere revertatur, &c. Actum in castris juxta Joppen anno Domini 1252. mense Julii.» Alii non occurrerunt Damiatæ archiepiscopi, nisi sæculo proxime elapso, qui proinde solo ejus titulo potiti sunt, sine ulla spe Damiatæ unquam sedendi.

ECCLESIA  
DAMIATÆ;

## II. ECCLESIA TANIS sive THANIS.

**T**ANIS, urbs Ægypti Straboni & Ptolemæo, quæ *Thanis* Antonino, & *Thamma* Egesippo, ad Tanaiticum ostium Nili, urbs quondam magna & Pharaonis regia, ubi Moyse tot signa edidit, teste Isidoro. Vocem enim Hebraicam *Tsoan*, Numeror. cap. 13. vers. 13. Isay. cap. 19. vers. 11. & 13. & Ps. 78. (77.) vers. 13. & 44. Græci interpretes reddiderunt, per vocem *Tavis Tanis*; ita etiam paraphrastes Chaldaicus Isay. c. 19. vers. 13. Dicitur *Thamphis* in historiis belli sacri: nunc *Tanes* nuncupatur, 18. miliaribus distans à Pelusio in occasum hybernum. Ita Baudrand, tom. 2. geogr. pag. 285. col. 2. Vide quæ de ejus, ut & Damiatæ captione anno 1219. scripsimus paulo supra, pagina præcedenti.

### EPISCOPI TANIS.

#### I. RAYNOLDUS.

**R**AYNOLDI cujusdam, sive *Reginaldi de Spoleto*, Ordinis Præd. & *episcopi Tanensis*, meminit Bernardus Guidonis in episcopis provinciæ Græciæ, teste R. P. Bremond, to. 2. Bullar. pag. 38. qui eum existimat episcopum fuisse ecclesiæ *Tanis* in Ægypto, idque ante annum 1331. quo obiit Bernardus. Nescio tamen an non potius præfuerit Raynoldus iste

B ecclesiæ Tanensi juxta Pontum-Euxinum, ubi jam de eo mentionem fecimus, col. 1109. C.

#### II. NICOLAUS.

Waddingus, tom. 5. annalium Minor. ad annum 1425. num. 7. pag. 166. scribit *Fr. Nicolaum de Troja*, Minoritam, renuntiatum esse episcopum Thanensem in Ægypto sub archiepiscopo Damiatæ à Martino V. Papa, eo anno XIII. kal. Aug. (id est die 20. Jul.)

## III. ECCLESIA CAIRI sive MEMPHIS.

**M**EMPHIS urbs fuit Ægypti regia, quæ Hebræis *Maph* vel *Noph*, & *Migdol* ad Nilum fluvium ex adverso Babylonis, ab Osyride condita, testibus Plinio, Ptolemæo & aliis. Excisa fuit ab Amro Alasi filio, qui in opposita Nili ripa *Fustatam* condidit, ubi nunc *Cairus*, le *Caire* Gallis dicta, *Alcairo* & *Cairo* Italis, quæ caput est Ægypti & regia. Hæc ex Mempheos ruinis crevit: nunc autem sensim deficit, ex quo pro Calipha præfectum duntaxat habet sub dominio Turcarum, quibus subest ab anno 1517. cum tota regione. In ea innumeræ sunt Mesquitæ, Græcorum sex ecclesiæ, duæ Catholicorum in domibus consulis Franci & consulis Veneti, cum hospitio Franciscanorum & Capucinorum. Distat 80. miliaribus ob ora maris mediterranei in austrum, & 120. ab Alexandria. Ita Baudrand, tom. 1. geogr. pag. 206. col. 2. & pag. 645. col. 1. Hos duntaxat Latini ritus *Cairi* reperi præfules.

### EPISCOPI CAIRI.


#### I. JACOBUS.

**D**ANIEL à V. M. tom. 2. Speculi Carmel. pag. 930. n. 3257. refert *Jacobum Wemmers*, Belgam, Carmelitam, qui præfectus Æthiopiciæ missionis electus fuerat anno 1640. à Congregatione de Propaganda Fide, postea

renuntiatum esse episcopum *Memphis*, vulgo *Cairi*, & vicarium apostolicum in partibus Æthiopiciæ anno 1645. die 24. Aprilis; sed obiisse Neapoli eodem anno die 21. Aug.

#### II. FRANCISCUS.

Ex eodem Daniele à Virgine M. p. 921.





num. 3218. Fr. Franciscus Suarez de Villegas, A Ughello, tom. 9. Ital. sac. col. 64. n. 63. D. Lusitanus, Carmelita, electus est episcopus ver. edit.) Obiit tandem Parisiis anno 1664. die 17. April. De eo mentio fit in nunciis publicis Gallicè scriptis, tum per annum 1649. pag. 1194. tum etiam per annum 1661. pag. 1178.

#### IV. ECCLESIA CYRENENSIS.

CYRENAICA regio extat in Libya Ptolemæo, mari mediterraneo exposita, ab eo terminata ad septentrionem, ab ortu regione Marmarica, ab occasu Tripolitana, & à meridie Garamantibus, ubi nunc pars occidentalis regni dicti Barca in Barbaria. In ea est Pentapolis provincia, quæ nunc *Mesrata* à quibusdam nuncupatur, & nautis *lucus Droeceanum*. In ejus parte septentrionali existit urbs *Cyrene*, olim totius regionis primaria, sed nunc Barcæ præcipua. *Cairoan* vulgo appellatur, teste Postello; sedet in monte, distatque 32. milliariibus ab ora maris mediterranei, 25. leucis Gallicis à Barca seu *Barce* in septentrionem, Phycantem promontorium versus 30. & 125. ab Ammonis templo ad occasum, licet Plinius 400. milliaria numeret. Condita fuit, ut quidam tradunt, à Batto rege anno mundi 3563. urbis autem Romæ 143. & à Cyrene Pencei filia nomen sumpsit. Dominio Turcarum cum tota regione subjicitur, & in dies deficit. Hæc Baudrand, tom. 1. geogr. pag. 318. coll. 1. & 2. Porro Cyrene archiepiscopalis sedes est, cujus aliquot præfules Latini recensentur.

#### EPISCOPI CYRENENSES.

##### I. MATTHIAS.

EX Daniele à V. M. Carmelita, tom. 2. Speculi Carmelit. pag. 944. num. 3319. Fr. Matthias Emich, Germanus, ejusdem Ord. episcopus Cyrenensis fuit renunciatus & suffraganeus Moguntinus, anno 1477. Obiit vero anno 1480. die 24. Maii.

##### II. HENRICUS.

##### III. JOANNES I.

Waddingus, tom. 7. annalium Minor. ad annum 1482. n. 82. p. 137. refert, vacante ecclesia Cyrenensi in partibus Infidelium per obitum *Henrici* ejus antistitis, ad eam promotum esse à Sixto IV. Fr. Joannem Spenner, Minoritam, eo anno pridie Nonas (id est die 4.) Novembris.

##### IV. JOANNES II.

Anno 1485. xvii. kal. Jun. (id est die 16.

B Maii) Fr. Joannes de Beerfel, Ord. Min. ad Cyrenensem ecclesiam sub Patriarcha Alexandrino evectus est, teste eodem Waddingo ad eum annum, num. 14. pag. 190.

##### V. NICOLAUS.

Fr. Nicolaus Melchioris, Ordinis Prædic. promotus est ad ecclesiam Cyrenensem in partibus Infidelium à Leone X. anno 1518. die 18. Aprilis, simulque constitutus suffraganeus S. Pontii Tomerarium in Gallia. Ita Fontana Theat. Dom. pag. 185. tit. 216. ex Actis Consistor. hujus Pontificis, qui addit eum obiisse anno 1535.

##### VI. JOANNES III.

Rocchus Pyrrus, tom. 1. Sicil. sac. p. 433. n. 26. meminit cujusdam Joannis Petri Fontguerra, episcopi Cyrenensis anno 1557.

Monitum.

W ADDINGUS, tom. 8. ad annum 1514. n. 31. p. 219. scribit Fr. Antonium de Garay, Minoritam, Hispanum Burgensem, postquam annis 20. Antillæ in Ægypto prope Alexandriam episcopum *Tamacensem* egisset, huic præfultui Romæ cessisse. Addit autem *Tamam* oppidum esse in Ægypto ad Nilum prope Hierosycaminum. Nihil aliud reperi de Patriarchatu Alexandrino Latini ritus.





# PATRIARCHATUS ANTIOCHENUS

## RITUS LATINI.

**Q**UUM de Patriarchatu Antiocheno multa jam dicta fuerint *tom. 2.* hujus operis, *col. 669. & seqq.* novus itidem ejus status post captam à Francis & Latinis Antiochiam anno 1098. die 28. Junii, expositus, *col. 694. num. 28.* hîc duntaxat seriem subjungimus Patriarcharum Latinorum hujus ecclesiæ, cæterorumque præfulum ejusdem ritus his Patriarchis subditorum toto tempore quo Latini in Oriente contra Moammedanos bella gesserunt.

Porro *Antiochia* cognomento *Magna*, urbs Syriæ regionis quondam primaria fuit. *Theopolis* etiam dicta, & ab Antiocho patre Seleuci condita perhibetur: *Antachia* nominatur à Turcis, & *Anthakia* ab Arabibus; sedet partim in clivo & partim in plano juxta Orontem fluvium, qui ibi ponte lapideo trajicitur. Muri urbis adhuc extant fere integri; at ipsa semi-diruta paucos habet incolas. Duodecim leucis distat à mari mediterraneo in ortum, 16. à Laodicea, 22. ab Aleppo in occasum hybernum, & 120. à Tarso in ortum hybernum, estque ferme media inter Byzantium & Alexandriam Ægypti, itinere terrestri distans 700. milliar. ab Alexandria in ortum æstivum, & paulo plus à Byzantio in ortum hybernum: nunc sedet Damasci Patriarcha ejus Græcus. Ita Baudrand, *tom. 1. geogr. pag. 68. col. 1.*

## PATRIARCHÆ ANTIOCHENI LATINI RITUS.

### I. BERNARDUS.

**Q**Uando Antiochia in Latinorum potestatem venit anno 1098. ut supra dictum est, Patriarcha Græcus sedebat Joannes, qui egregius nominis Christi sub Saracenis fuerat confessor. Hunc perseverare in sua dignitate ultro permiserunt Latini; verum *vix evoluto biennio, videns ipse quod non satis utiliter præesset Græcus Latinis*, inquit Willelmus Tyr. *lib. 6. cap. 23. urbe cedens, Constantinopolim abiit.* Itaque post ejus discessum convenientes ejusdem civitatis clerus & populus, *Artasiensem episcopum, Bernardum nomine, natione Valentinum* (id est Valentia ortum in Gallia) qui in eadem expeditione D. Podiensem episcopum & legatum sequutus fuerat capellanus ejus, sibi præfecerunt Patriarcham. Huc usque Tyrius. Antiochenam sedem adiit Bernardus iste anno 1100. medio circiter, quam ex eodem Tyrio, *lib. 14. c. 10.* administravit 36. annis.

Anno mundi juxta Græcos 6617. Christi 1108. Boamundus Antiochiæ princeps Constantinopolim petiit, paciscendi cum Alexio Comneno Imperatore fœderis causa, inter cujus præcipua capita hoc etiam unum fuit, ut Antiochenus Patriarcha non de Latino sed de Græco genere, & de clero magnæ ecclesiæ Constantinopolitanæ in posterum assumeretur. Formam juramenti ea in re à

*Tomus III.*

A Boamundo præstiti supra retulimus Græcè & Latinè, *col. 787.* B. C. hujus tomi 3. At observatum minime fuit pactum istud, licet sub Manuele Comneno Alexii nepote, Cinnamo teste, *lib. 4. capp. 18. & 20.* denuo sancitum, qui etiam scribit, *cap. 21.* quum Manuel Antiochiam venisset, eum ab hujus urbis Pontifice sacris induto vestibus perhonorifice exceptum.

Præfatus Willelmus Tyrius, *lib. XI. c. 27.* narrat Balduinum Hierosolymorum regem à Paschali II. per nuntios postulasse ut quascumque urbes sibi posset vindicare, omnes ditioni & regimini Hierosolymitanæ ecclesiæ subjacerent: quod obtinuit rescripto, dato Laterani v. idus (id est die XI.) Julii. Gibelino quoque Hierosolymorum Patriarchæ concessit Papa litteris nullo quidem die aut mense notatis, sed quæ videntur eodem die datæ ac rescriptum modo memoratum, idque fortassis an. 1111. quo exeunte Gibelinus obiit: concessit, inquam, ut ad patriarchatum ipsius pertinerent urbes & provinciæ, quæ gloriosi regis Balduini, ac exercituum eum sequentium sanguine per Dei gratiam acquisitæ sunt. Eas habet post Tyrium, *lib. XI. cap. 28.* Baronius ad annum 1108. *nn. 11. & 12.* Porro Bernardus Antiochiæ præful apud Paschalem de illata ecclesiæ suæ eo pontificio decreto injuria graviter conquestus est, qui litteris,

Dddd



1155 PATRIARCHATUS  
 datis *Laterani VII. idus* (id est die 7.) *Augusti*, & à Tyrio ibidem recitatis, ipsi respondit, actum id esse propter ignorantiam & locorum prolixam longinquitatem, seque jus & honorem quibusque ecclesiis conservaturum. Baronius ad annum 1113. num. 2. refert alias litteras Paschalis ad Bernardum, datas *Beneventi XV. kal. Aprilis* (id est die 18. Martii) quibus ait se jam revocasse concessionem factam *felicis memorie Gibelino Hierosolymitano Patriarchæ*. Eadem die Balduino Hierosolymorum regi scripsit, quod *Hierosolymitanæ ecclesiæ sint jure contenti* (Patriarchæ hujus sedis;) *nec injuste aut procaciter usurpare ea contendant, quæ certo sciuntur ad jus Antiochenæ ecclesiæ pertinere.* Datæ sunt *Laterani XV. kal. April.* sed legendum est *Beneventi*, quum uno eodemque die Paschalis II. Romæ & Beneventi esse non potuerit. Ita advertit Pagius, tom. 4. crit. Baron. ad annum 1113. nn. 6. & 7. Has postremas litteras recitat Baronius laudatus, n. 3. Honorius II. Paschalis successor, litteris datis *in territorio Barenfi VIII. idus* (id est die 8.) *Julii*, quarum Baronius meminit ad annum 1127. num. 22. Bernardo mandavit, ut præfati Tyrensi suffraganeos ejus ecclesiæ restitueret. Bernardus obiit ex Tyrio, lib. 14. c. 10. *trigesimo sexto sui patriarchatus anno*: subindeque an. 1135. aut 1136. Cangius tamen in librum XIII. Alexiados Annæ Comnenæ, pag. 400. A. monet ex tabulario Manoscensi seu Manufecano in Provincia haberi eum potitum patriarchica dignitate usque ad annum 1134.

## II. RADULPHUS.

De hujus Radulphi inthronizatione Wilhelmu Tyrium audire juvat. « Post obitum (Bernardi) inquit, lib. 14. c. 10. quum universi illius amplissimæ sedis suffraganei, tam archiepiscopi, quam episcopi de more convenissent, ut ecclesiæ pastoris destitutæ solatio utiliter providerent.... Radulphus quidam Mamistanus archiepiscopus, de castro Damfrunt oriundus, quod in confinio Normanniæ & Cenomanensis dioceseos situm est, vir militaris, magnificus & liberalis plurimum, plebi & equestri admodum acceptus ordini, absque fratrum & coepiscoporum conscientia, solo populi, ut dicitur, suffragio electus est, & in cathedram principis Apostolorum inthronizatus. Quod audientes, qui ad hoc ut sibi Patriarcham, auctore Domino, præficerent convenerant, timentes furentis & vociferantis populi indiscretos impetus, divisi sunt, ab invicem ei quem non elegerant obedientiam exhibere recusantes. Ille tamen nihilominus ecclesiam & palatium occupans, statim sine mora pallium de altari B. Petri,

1156 ANTHIOCHENUS  
 nulla ad ecclesiam Romanam habita reverentia, sibi assumpsit. Processu quoque temporis nonnullos de suffraganeis ecclesiæ (Antiochenæ) in suam attraxit communionem. Is scilicet Romanum Pontificem parem sibi, non superiorem autumabat; dicens, inquit idem Tyrius, lib. 15. c. 13. *utramque* (Antiochenam & Romanam) *Petri esse cathedram, eamque* (Antiochenam) *quasi primogenitæ insignem prærogativa.* Horum itaque aliorumque facinorum ab æmulis suis actus reus, ab Antiochiæ principe compulsus est accusatores suos Romam sequi: ubi tamen amicorum opera honorifice exceptus, damnationis sententiam elusit. Cæterum Innocentius II. Papa eum jussit pallium dimittere, quod Antiochiæ sibi sumpserat, aliudque de B. Petri corpore accipere more solito: tum deinde redire Antiochiam, causam illic dicturum coram sedis apostolicæ legato qui in Orientem mittebatur.

Radulphus in Syriam reversus, à principe & clero non nisi post longas moras admissus est: legatus interim, Petrus nimirum Lugdunensis archiepiscopus, in Palæstinam quum appulisset, Hierosolymis Antiochiam profectus, Accone sive Ptolemaïde obiit; cujus morte Romæ nuntiata, Albericus Cardinalis episcopus Ostiensis, natione Gallus, in ejus locum legatus Antiochiam missus est, qui anno circiter 1136. vocatis in eam urbem episcopis Palæstinæ & Syriæ, imprimisque Wilhelmo Hierosolymitano Patriarcha, & Fulcherio Tyri archiepiscopo, concilium celebravit, in quo Radulphus ter accersitus, nec comparens, depositionis subiit sententiam, nullaque mora palatio extractus, vinculisque constrictus, carceri in S. Simeonis monasterio traditus est. At inde clam elapsus, Romam fugit: dum vero sedis apostolicæ indulgentiam impetraturus putaretur, obiit, veneno, ut fertur, necatus. Hæc omnia gesta sunt à morte Bernardi usque ad annum 1142. unaque serie leguntur apud Wilhelmu Tyrium, lib. 14. c. 10. & lib. 15. à cap. 12. ad 17.

## III. AYMERICUS.

Præfatus Tyrius, lib. 15. cap. 18. hunc Aymericum sic nobis describit: « Clerus Antiochenus, & maxime qui in depositione D. Radulphi conspiraverant, instinctu & suggestione (Raymundi) principis (Antiocheni) & maximorum, ut dicitur, interventu munerum, elegerunt sibi quemdam ejusdem ecclesiæ subdiaconum, Aymericum nomine, Lemovicensem natione, hominem absque litteris.... quem prædictus D. Radulphus, arbitrans eum sibi reddere obligatiorem & fideliorum amplius, in decanum ejusdem ecclesiæ promoverat, spe frustratus. Nam ab ea die



» cum ejus adversariis dicitur convenisse, & A  
 » in benefactoris sui, fidelitatis immemor,  
 conspirasse depositionem.» Electus videtur  
 Aymericus adulto jam anno 1142. siquidem  
 anno ejus pontificatus xx. Christi 1162.  
*duodecimo kal. Martii* (id est die 18. Febr.)  
 Amalricus fratri suo Balduino regi Hieroso-  
 lymorum *die 8. post* (ejus) *obitum* successit,  
 teste eodem Tyrio, *lib. 19. cap. 1.* Mendum  
 quippe est, quod ibidem legitur Amalricum  
 Balduino successum esse *anno ab Incarnat.*  
*Dom. 1163.* capite enim præcedenti dixerat  
 Balduinum obiisse *anno ab Incarn. Dom. 1162.* B  
*quarto idus* (id est die 10.) *Februar.* Adde ex  
 eodem Tyrio, *lib. 16. c. 3.* quando Balduinus  
 regnum auspicatus est die natali Domini  
 anno 1142. id gestum esse, *præsidente.....*  
*ecclesiæ..... Antiochenæ D. Aymerico.*

Anno 1182. Maronitarum multitudinem  
 non parvam ab erroribus Monothelitarum  
 ad fidem & communionem Romanæ ecclesiæ  
 traductam ab Aymerico narrat idem Tyrius,  
*lib. 22. cap. 8.* Quod licet de tota Maroni-  
 tarum gente ipse asserere videatur, de aliqua  
 tamen duntaxat eorum parte, quæ libro hæ-  
 retico cujusdam Thomæ Haranitis, Mono-  
 thelitæ, episcopi Caphartabensis, seducta  
 fuerat, intelligendum supra observavimus in  
 dissertatione speciali de Maronitis, *num. 26.*  
*col. 34. & seqq.* hujusce III. voluminis.

Vivebat adhuc Aymericus anno 1187. ut  
 constat ex ipsius epistola ad Henricum II.  
 Angliæ regem, data eo anno, dum Saladinus  
 urbem sanctam obsideret mense Septembri,  
 quam legere est apud Rogerum Hovedenum  
 in Henrico II. versus finem, & apud Baron.  
 ad eum annum, *num. 5.* At non diu postea D  
 in humanis fuit. Illo ipso anno mortuum  
 scribunt Onuphrius, Genebrardus, & alii.

#### IV. RADULPHUS II.

Onuphrius Panvinus, Genebrardus, alii-  
 que recentiores, imo & catalogus Arabicus  
 clarissimi viri Assemani, cujus meminerunt  
 doctissimi Bollandistæ in *histor. chronol. Pa-*  
*triarch. Antioch. præfixa tom. 4. Jul. pag. 239.*  
*col. 1. n. 659.* A. Radulphum quemdam Ay-  
 merico subjungit in patriarchatu Latinorum  
 Antiocheno, rectene an secus, pronuntiare E  
 non ausim: at errasse, quotquot illi 33. annos  
 regiminis assignant, certo certius est, ut ex  
 infra dicendis modo patebit. Si enim Radul-  
 phus iste aliquando sedit, non profecto ultra  
 annum 1200. qui solum decimus tertius suæ  
 præfecturæ exitisset, à fine scilicet anni 1187.  
 vel ab anno sequenti 1188. Panvinus du-  
 plicem Petrum omittit, qui in eo 33. an-  
 norum spatio Antiochenam ecclesiam admi-  
 nistrarunt.

*Tomus III.*

#### V. PETRUS I. \*\*\* Græcus intrusus.

Petrus iste sedebat Patriarcha Antiochenus  
 anno 1201. quo juxta Sanutum, *lib. 3. part. 2.*  
*c. 1.* Raymundus, Comes Tripolitanus, prin-  
 cipatum Antiochenum adiit: is tunc enim  
 huic Patriarchæ sese obstrinxerat jurejurando.  
 Verum anno 1208. ex eodem Sanuto, *c. 3.*  
*civitas Antiochena ad inductionem Patriarchæ*  
*principi (Raymundo) rebellavit, & expulsi per*  
*(eum) principem milites (Armeni) rediere.*  
 Comes vero (Tripolitanus) *assumptis armis de*  
*castro descendens, communitatem ejusque au-*  
*xiliarios superans, Patriarcham non dubitavit*  
*carcere includere, ibique affligendo perimere.*

Hujus odii Raymundi in Petrum Patriar-  
 cham causa fuit, quod is Leonis Armeniæ  
 regis, ac nepotis ejus Rupini quem post  
 præstitum sibi homagium ligium *de corporali*  
*possessione civitatis totiusque principatus Antio-*  
*cheni Patriarcha sanciverat*, ut ipse Leo ad  
 Innocentium III. scribit apud Raynaldum  
 ad annum 1205. *n. 37.* partes amplexus sit.  
 Id etiam testatur Innocentius Papa in epistola  
 quam refert idem Raynaldus, *ibid. num. 28.*  
 Controversiam autem hanc sic explicat Ray-  
 naldus, *ibid.* ad annum 1199. *n. 67.* « Emer-  
 ferat, inquit, ingens ea discordia ex immatura  
 Rupini majoris natu filii Raymundi (patris  
 Raymundi Comitis Tripolitani) Antiochiæ  
 principis morte. Is enim, suscepto ex Aliza  
 uxore Leonis Armeniæ regis nepte filio, in  
 extremis vitæ confiniis patrem obsecravit ut  
 principatum Antiochenum, qui naturæ jure  
 in se transfundendus erat, si superstes foret,  
 in filium eundemque ipsius nepotem trans-  
 mitteret. Sublato in ipso ætatis flore Rupino,  
 tristis pater, filio justis persolutis, nepotem  
 suum, qui filium ipsi redivivum referebat,  
 Antiocheno principatu ornavit, atque ut  
 hæredi legitimo nobiles populumque sacra-  
 mento adegit. Rem tulit graviter Tripolitanus  
 Comes defuncti frater, atque ad invadendum  
 principatum Hospitalariis ac Templariis ful-  
 tus se comparavit, subornatis civibus, Antio-  
 chiam occupavit, eosque, priori sacramento  
 abjurato, novo alio sibi devinxit: quo facto  
 non modo Raymundo parenti, verum etiam  
 Leoni Armeniæ regi, cujus neptis filius pa-  
 tria hæreditate exuebatur, gravissimam inju-  
 riam intulit. Armenus igitur, Templariis atque  
 Hospitalariis paulopost Tripolitanum dese-  
 rentibus, ejectum... restituit, atque Inno-  
 centium rogavit, ut apostolicam in tanta re  
 auctoritatem adhiberet, ac jura Rupini de-  
 functi filii, avumque à Tripolitani conatibus  
 vindicaret; cui Innocentius, ut melius dubia  
 explicarentur, & æqua ferri posset sententia,  
 legatos in Orientem se missurum respondit.»

D d d d ij



Incarcerationem hanc Petri Patriarchæ A moleste ferens Innocentius III. ita scripsit epistola 214. lib. x. data die 13. Februarii an. 1207. ad Hierosolymitanum Patriarcham sedis apostolicæ legatum, *tom. 2. edit. Baluz. p. 130.* «Specialiter autem nobilis vir Comes Tripolitanus, sicut ex quam plurimum litteris & relatione multorum accepimus, in Christum Domini venerabilem fratrem nostrum Patriarcham Antiochenum, dominum suum, cuius est homo juratus, compater & filiulus, sacrilegas manus misit, & ipsum, imo Christum in eo, cum duobus ejus nepotibus in gravi non metuit custodia detinere.»

Ipso adhuc vivente, intrusum esse aliquem *Græcum*, quem deponi curavit Innocentius, habetur ex ejus epistola 9. lib. xi. data die 4. Mart. anno 1208. *Patriarchæ Hierosolymitano apostolicæ sedis legato, 1.2. edit. Baluz. p. 142. col. 2.* Quod etiam eruitur ex epistola 2. ejusdem Papæ lib. xvi. data die 28. Febr. anno 1213. *Regi Armenia, ibid. pag. 734. col. 2.* in qua ait Pontifex, *pag. 735. col. 1.* «Quum enim venerabilis frater noster Patriarcha Hierosolymitanus apostolicæ sedis legatus quemdam, qui se Patriarcham Antiochenum appellat, de speciali mandato nostro duxerit, exigente justitia, deponendum, & in omnes qui eidem tanquam Patriarchæ intenderent, excommunicationis sententiam promulgarit, &c.» Decessit autem in carcere Petrus ante diem 12. Jul. anni 1208. Idem enim Papa epistola 110. lib. xi. iis die & anno data ad præfatum suum legatum, *ibid. pag. 190.* de ejus morte hæc habet: «...apposuit Tripolitanus Comes mittere manum suam in Christum Domini piæ memoriæ Patriarcham Antiochenum, patrem ac dominum suum, carceri mancipando, in quo tandem miserabiliter expiravit.» Hunc Patriarcham nominatum fuisse *Petrum* indicat Innocentius iste epistola 181. lib. xv. data die 10. Octobris anni 1212. *ibid. p. 685.* In ea quippe ait: «Felicitis memoriæ *Petrus*... qui propter justitiam non solum persecutionem passus est, sed & mortem, &c.»

#### VI. PETRUS II.

Innocentius III. accepto Petri Patriarchæ Antiocheni obitu, ejus continuo successoris E electionem Patriarchæ Hierosolymitano, sedis apostolicæ legato, maturandam commendavit epistola 110. lib. xi. data anno 1208. die 12. Jul. *tom. 2. edit. Baluz. pag. 190.* In eam curam legatus haud segniter incubuit. Convenere tandem canonicorum Antiochenorum suffragia in alterum *Petrum*, tunc Yporiensem episcopum, qui paulo ante ad Thessalonicensem ecclesiam electus, consensum suum recusarat. Hunc pallio de B. Petri

A corpore sumpto donatum, ac prolixis laudibus exornatum idem Innocentius Antiochiam misit, præcipiens clero ac populo Antiocheno, ipsi etiam Comiti Tripolitano, ut ei debitam reverentiam & obedientiam exhiberent. Vide Innocentii III. epistolas 110. lib. xi. anno 1208. 38. & 39. lib. xii. anno 1209. 63. & 70. lib. xiv. anno 1211. 179. & 205. lib. xv. anno 1212. & 177. lib. xvi. anno 1213. item Raynaldum, *tom. 13. annal. ad annum 1211. num. 26. & ad annum 1213. n. 4.* Ad concilium Lateranense anno 1215. celebratum gravi languore detentus venire non potuit, sed præfulem Antaradensem in sui locum misit, teste Parisio aliisque. Jam vivere desierat Petrus iste die 31. Octobris anni 1217. ut ex litteris ab Honorio III. ad decanum & capitulum ecclesiæ Antiochenæ iis die & anno datis, colligit Spondanus, *10. 1. annal. ad annum 1219. num. 11.* quamquam id perperam referat ad obitum Radulphi II. omisso duplici Petro. De posteriori jam supra egimus inter archiepiscopos Thessalonicenses, *col. 1091. D.*

C Is utique fuit *abbas ille Petrus de Ludio in Lombardia, & postmodum Primarcha Antiochenus*, quem recenset Albericus in chronico ad annum 1204. *part. 2. p. 437. edit. Lipsiæ 1698.* inter duodecim electores Balduini I. Imperatoris Constantinopolitani.

#### *Petrus.* VII. RAYNERIUS.

Ab obitu Petri ecclesia Antiocheria vacavit usque ad annum 1219. Interim tamen ejus regimini præfecerat Honorius III. *Petrum* quemdam Capuanum, quem quum hoc ipso anno 1219. Cardinalem nominasset, *Raynerium* S. R. E. Vicecancellarium ad patriarchatum Antiochenum promovit. Id constat ex epistola hujus Pontificis, data eo anno die 7. Septembris, cujus fragmentum extat apud Raynaldum ad illum annum, *num. 20.* Decessit Raynerius anno 1226. Eo quippe anno, ut refert idem Raynaldus citans epistolam 356. lib. x. Honorii ad hunc annum, *n. 59.* Antiochenis canonicis præcepit Pontifex, ut mensis spatium ab acceptis suis litteris Patriarcham sibi designarent.

#### VIII. ALBERTUS.

Apud Onuphrium Panvinium in chronico suo ecclesiastico legitur, testibus doctiss. Bollandianis in *hist. chron. Patriarch. Antioch. præfixa tomo 4. Jul. pag. 545. n. 671.* «Anno Christi 1239. *Helias Robertus* Regiensis, ex episcopo Brixiano sextus ex Latinis Antiochenus Patriarcha sedit annos VIII.» Et inferius ad annum 1247. «Qui post *Heliam* ex Latinis Patriarcha Antiochenus fuit, incomptum.»



Verum jam ab anno 1226. Raynerio successisse aliquem ex supra dictis colligitur: hunc vero nominatum fuisse *Albertum* plura indicant. Scilicet 1.<sup>o</sup> quod inter Brixienſes episcopos hujus ævi nullus occurrat *Helias Robertus* apud Ughellum, tom. 4. Ital. sac. bene vero *Albertus*, ibid. col. 743 n. 68. C. vet. edit. qui huic ecclesiæ præfuit ab anno 1213. successoremque habuit, quando ad sedem Antiochenam translatus est, ibidem n. 69. A. Fr. Guallam, unum ex fociis S. Dominici Ordinis Præd. institutoris, anno 1229. vel etiam, teste Marchesio, to. 5. sacri Diarii Domin. ad diem 3. Septembris anno 1228. 2.<sup>o</sup> quod Albericus, hujus temporis scriptor, sic habeat in chronico ad annum 1233. p. 548. «Post Patriarcham Antiochiæ Petrum » fuit Patriarcha quidam Renerus (Raynerius) » de Tuscia, & post eum diebus istis sedem » obtinebat *Albertus*, episcopus quondam Brixianus. » 3.<sup>o</sup> quod bullæ ab Innocentio IV. in concilio Lugdunensi I. editæ anno 1245. expressis verbis subscripsit *Albertus Patriarcha Antiochenus*, lib. de gestis Dei per Francos, pag. 1195. Denique, quod tom. 4. thes. novi Anecdotorum col. 1386. inter statuta capituli generalis Ordinis Cisterciensis anni 1246. octavum istud referatur. «Bonæ memoriæ » D. Alberto, quondam Patriarchæ Antiocheno, » qui existens in curia D. Papæ, ex maxima devotione quam habebat ad Ordinem, in domo » Cistercii, quæ est mater nostra, suam elegit » sepulturam, conceditur plenarium officium per universum Ordinem.» Constat itaque *Albertum* hunc ecclesiæ Antiochenæ præfuisse post Raynerium ab anno 1226. aut 1227. certe ante completum annum 1228. usque post concilium Lugdunense I. absolutum, & obiisse anno 1245. aut 1246. Ex quibus recte infertur ad eum *Albertum* spectare quidquid de *Patriarcha Antiocheno*, tacito ejus nomine, tradit Raynaldus sub annis 1232. num. 45. 1234. num. 27. 1235. nn. 13. & 43. 1238. n. 34. 1243. n. 50. & 1245. n. 25.

## IX. ELIAS.

Alberto in curia Romana mortuo subrogatus est *Fr. Elias*, Dominicanus, non quidem anno 1240. ut habet Rodericus de Acuña, Bracarenſis in Lusitania archiepiscopus, tract. de primatu Bracarenſi pag. 202. edit. 1632. qui scribit *Eliam Regiensem ex Ordine Præd. Patriarcham Antiochenum* sedisse ab anno 1240. ad 1250. sed anno duntaxat 1245. aut 1246. quo obiit ejus antecessor, ex supra dictis. Ita R. P. Echardus, ex quo id refert R. P. Bremond, tom. 2. Bull. pag. 112.

## X. CHRISTIANUS.

Anno 1268. quo Christianis à Soldano,

A Babyloniæ die 29. Maii juxta Sanutum, lib. 3. part. 12. c. 9. Antiochia erepta est, sedebat Patriarcha *Fr. Christianus* Ordinis Præd. qui coram altari sacris vestibus indutus Infidelium gladio occubuit cum quatuor sui Ordinis fratribus. Hujus, ut Dominicani, sed tacito ejus nomine, meminit Nicolaus Trevetus, ejusdem Ord. scriptor, ineunte sæculo XIV. in suo chronico ad annum 1267. At Bzovius ad annum 1269. n. 12. Raynaldus ad eundem annum, num. 53. Leander Albertus, lib. 1. de viris illustribus Ordinis Præd. & alii ipsum appellant *Christianum*. Hic probabiliter fuit *Antiochenus* ille *Patriarcha*, de quo, suppresso ejus nomine, mentionem facit Raynaldus sub annis 1255. num. 74. & 1256. nn. 45. & 49. qui etiam narrat, n. 45. nunc laudato, quum ob hostium incursiones vectigalia Antiocheni patriarchatus adeo fuissent imminuta, ut sustentandæ dignitati paria non essent, ab Alexandro IV. cujus epistolæ III. idus (id est die XI.) Febr. anni 1256. datæ, fragmentum refert, Nimosienſis in Cypro ecclesiæ administrationem esse collatam.

## C XI. OPIZIO. Othobonus.

Quamvis ab anno 1268. Antiochia Latinorum dominio subjeci desisset, huic nihilominus Patriarchas Latinos præficiebant Romani Pontifices, qui fidelium ejusmodi ritus in Syria degentium curam gererent. *Opizio* post Christiani necem ita renunciatus videtur. Is certe anno 1274. concilio Lugdunensi II. interfuit, apud Labb. tom. XI. conc. part. 1. col. 956. & Raynaldum ad illum annum, n. 3. Ughellus, tom. 4. Ital. sac. col. 1229. num. 7. D. vet. edit. refert Nicolaum IV. anno 1287. *Opizionem* (quem *Obizonem* appellat) tunc Antiochenum Patriarcham, in administratorem Januensis ecclesiæ elegisse, quousque eidem ecclesiæ provideretur; & citat epistolam 70. ejus, eidem *Obizoni* scriptam die 4. Jun. 1288. Addit, col. seq. 1230. num. 8. A. *Obizzonem* hunc è Flisca Januensi nobilissima gente oriundum, Innocentii IV. & Adriani V. summorum Pontificum fuisse nepotem; quum vero Antiochenus Patriarcha factus, à Saracenorum secta, sua sede deturbaretur, Tranensis primum ecclesiæ curæ admotum, deinde ad patriæ suæ sedem administrandam vocatum; obiisse demum anno 1292. Idem fuisse videtur ac *Othobonus*, de quo idem Ughellus, tom. 7. col. 1229. n. 17. D. veter. edit. ita loquitur: «*Othobonus Antiochenus Patriarcha*, factus est hujus sedis » (Tranensis) administrator à Nicolao III. anno » 1280. kal. Aprilis.... Epistola est num. 34. » fol. 28. anni III. in Regesto Vaticano.»



## XII. ISNARDUS.

A

## XIII. GERALDUS.


Post Opizionem nullum reperimus Antiochenum Patriarcham ritus Latini ante *Isnardum Tacconum*, Papiensem, Dominicanum, de quo jam egimus inter archiepiscopos Thebarum, *col. 1084. B.* Hic dicere sufficiet ipsum jam præsulem Thebanum factum anno 1308. à Clemente V. renuntiatum deinde Patriarcham Antiochenum ab eodem fuisse anno 1311. die 5. Novembris, quamvis patriarchatus iste vacaret jam ab anno 1307. ut ex eo colligitur, quod Clemens præfatus encyclicis suis litteris eo anno die 12. Augusti datis, præsules Latinos in Oriente degentes ad synodum Viennensem vocans, *Patriarcham Antiochenum*, ut & Alexandrinum prætermittat. Titulo Patriarchæ, & simul administratione ecclesiæ Papiensis potitus est Isnardus usque ad annum 1319. quo Joannes XXII. ipsum omni dignitate privavit. Anno tamen 1325. idem Pontifex illum ad ecclesiam Thebanam denuo evexit, & legatum misit in Orientem, non tamen ei concessit titulum Patriarchæ Antiocheni, qui vacavit ab anno 1319. usque ad annum 1342. ut infra patebit. Isnardum obiisse anno 1329. tradunt scriptores Dominicani. Ejus meminit Raynaldus, *tom. 15. ad annum 1311. num. 74.*

*Geraldus Odonis sive Ottonis*, Ordinis Min. Generalis Minister, in Hungariam missus apud Carolum regem à Benedicto XII. quum inde reverteretur anno 1340. per Boëniam Caroli hortatu iter direxit, à cujus Bano sive principe Stephano honorifice exceptus, ipsum cognovit optime affectum erga ecclesiam Romanam, modo eundem Papa & Carolus adjuvarent, teste Raynaldo ad eum annum, *num. 73.* Duobus postea annis, anno scilicet 1342. die 27. Novemb. Clemens VI. Geraldum renuntiavit Patriarcham Antiochenum litteris quas exhibet Waddingus, *10. 3. in Reg. Pontif. ad eum annum, p. 276.* in quibus ait Pontifex in rem nostram. «Quum autem ecclesia Antiochena ex eo jam dudum pastoris regimine destituta, quod dictus Joannes (XXII.) prædecessor noster bonæ memoriæ Isnardum archiepiscopum Thebanum, tunc Patriarcham Antiochenum, ex certis causis patriarchali dignitate amovit; nos considerantes, quod nullus de ipsa Antiochena ecclesia, de qua sic vacante Joannes & Benedictus præfati, dum vixerunt, minime ordinarunt, &c.» Huic Geraldo Clemens Catanensem ecclesiam in Sicilia administrandam præbuit, cujus redditibus sustentaretur.

Patriarchas posteriores mitto, solo titulo, absque ulla spe recuperandæ sedis, potitos.







## PROVINCIA ANTIOCHENA.

POST ereptas Saracenis Antiochiam aliasque Orientis urbes, huic ecclesiæ patriarchali ut suffraganeæ assignatæ sunt *Laodicea*, *Gabala*, *Antaradus*, *Tripolis* & *Byblus*, de quibus nunc agendum est. Cæteras deinde subjungemus ab eodem patriarchatu dependentes.



### I. ECCLESIA LAODICEÆ.

ECCLESIA  
LAODICEÆ.

**L**AODICEA Syriæ, sola ex urbibus Antiochiæ vicinis, bellorum sacrorum tempore litioni Imperatoris Græcorum subdita remanserat, teste Tyrio, *lib. 7. cap. 16. p. 738*. Hanc Balduinus Godefridi Bullonii frater occupavit, cui exinde Latini ritus antistes datus est, sed sub episcopi duntaxat titulo, primique suffraganei sedis Antiochenæ. De ea urbe scribit Stephanus Byzantius, hanc prius *Λευκή ἀκρὴ* (id est *Album litus*) dictam, & antehac *Ramitha*, quia fulmine ictus pastor quidam dixit *Ramanthas*, hoc est, *ab alto Deus*. *Raman* enim *altitudinem*, *Athas* vero *Deum* significat, sic Philo: subdit quoque eandem urbem appellari *Laodiceam* à *Laodice* matre Seleuci Nicatoris, & esse vini optimi feracem, cæterisque fructibus abundantem. Observat demum ibidem aliam esse *Laodiceam* Lydiæ, aliam *Licaoniæ*, & aliam *Mediæ*. Strabo, *lib. 16. pag. 749. D. edit. Casaub.* tradit «Antiochiam (quæ extat) apud Daphnen, Seleuciam in Pieria, Apameam, & *Laodiceam*, propter concordiam sorores cognominatas; conditas vero fuisse à Seleuco Nicatore, (qui) maximam à suo patre Antiocho *Antiochiam* denominavit; *Seleuciam* munitissimam à seipso; *Apameam* ab uxore sua Apama, & *Laodiceam* à matre.» Thomas de Pinedo in locum allatum apud Stephanum, *not. 48. p. 416. col. 2. edit. Amstel. 1678.* ait «nomen *Rhamitha* (olim *Laodiceæ* impositum) videri derivatum à voce Syriaca *Rama*, ex qua prodierit *Ramatha*, id est, *ex-celsa*, quod est nomen urbium in illis regionibus haud infrequens, ut norunt qui in sacris libris non sunt hospites: etsi (Stephanus) ejus etymologiam aliter afferat ex Philone, qui Sanchoniathonem antiquissimum rerum scriptorem ex Phænicio in Græcum sermonem transtulit.» Baudrand, *tom. 1. geogr. pag. 554. col. 2.* hanc urbem ita describit: «*Laodicea*, urbs Syriæ Ptolemæo & Straboni, *Rhamata* Hebræis, in ora littorali maris Syriaci, archiepiscopalis & metropolitana sub Patriarcha Antiocheno, in Theodoriade tractu.... nunc *Lyche* incolis, teste Moletio, & *Ladikia* Arabibus, à Strabone *Laodicea ad Libanum* dicta, urbs amplo gaudens portu, inter Antiochiam ad septentrionem & Tripolim ad meridiem, ante Scabens castellum, quod est Platanus Antonini, teste Gollio in notis ad Alferganum, estque parva, & sensim deficit.» *Laodiceam* Græcis ereptam à Tancredo ante annum 1103. refert Willelmus Tyrius, *lib. X. cap. 23*.

### EPISCOPI LAODICEÆ.

#### I. GERARDUS.

**G**ERARDUS *Laodiceæ* episcopus erat, quum Albericus sedis apostolicæ legatus conventum episcoporum habuit Antiochiæ pro causa Radulphi hujus sedis Patriarchæ discutienda anno 1136. de qua vide supra *col. 1156*. C. ubi de Radulpho egimus. Willelmus quippe Tyrius, *lib. 15. cap. 16.* *Gerardum Laodicensem* inter alios recenset, aitque pro canonicis Antiochenis stetisse contra Patriarcham. Subdit idem scriptor, *lib. 18. cap. 23.* Rainaldum principem Antiochenum, «*Gerardo venerabili Laodicensem episcopo* sibi facto itineris consorte, in Ciliciam, ubi dominus Imperator (Manuel Comnenus) erat... ad urbem Mamistram pervenisse, ubi... Im-

periali reconciliatus est excellentiæ, &c.» Id refert Tyrius, regnante Hierosolymis Balduino III. qui obiit anno 1162. mense Febr. Quarundam Gerardi lucubrationum meminit Simlerus, *pag. 237*.

#### II. PETRUS.

Urbanus IV. paulo ante suam mortem, quæ contigit anno 1264. die 2. Octobris, *Fr. Petrum de S. Hilario*, Ordinis Præd. renuntiavit episcopum *Laodiceæ*. Hanc vero promotionem confirmavit successor ejus Clemens IV. & eundem Petrum consecrari curavit per episcopum Bethleemitanum (Thomam Agni de Lentino.) Id constat ex quatuor Clementis diplomatibus, datis an. 1265. die 21. Septemb. quæ citat R. P. Bremond,



tom. 1. Bull. p. 448. & profert, *ibid.* pp. 456. & 457. In iis omnibus locis appellatur *Petrus de S. Ylario*.

## III. AUGUSTINUS.

Pithæus in libro de scriptoribus Angliæ tradit *Augustinum*, Minoritam, Guillelmi qui ex Eboracensi canonico Franciscanum Ordinem amplexus est germanum fratrem, Laodiceæ factum episcopum à Clemente V. qui obiit anno 1314. die 20. Aprilis. De hujus tamen episcopatu Waddingus ait ad annum 1334. num. 27. pag. 419. nullam se alibi invenisse mentionem.

## IV. SIMON.

Anno 1366. episcopus erat Laodiceæ *Simon* quidam, Dominicanus, de quo hæc leguntur in vita B. Petri Thomæ Ordinis Carmelitarum, scripta per Joannem Carmassonum magistrum in sacra theologia, & ministrum Ord. Min. Terræ Sanctæ, cap. 12. apud Daniele à V. M. tom. 2. Spec. Carmel. p. 189. n. 679. «Anno D. N. J. (C.) 1366. die 14. mensis April. IV. Indiæ. in civitate C Famagustæ R. in Christo P. & DD. Fr. Simon Ordinis Præd. Dei & apostolicæ sedis gratia episcopus Laodicensis, vicarius ecclesiæ Famagustæ, de requisitione illustrissimi & perfectæ fidei triumphatoris ac DD. Petri (de Luzignano) Dei gratia regnorum Hierusalem & Cypri regis, eidem D. vicario facta per nobilem & sapientem virum D. Philippum de Mazzeriis militem, dicti D. regis cancellarium, fecit ut requireret, congregaret, & uniret videlicet in sacristia B. M. de Carmelo doctores canonicos, assisios, & sacerdotes D in Syria sub Patriarcha Antiocheno vacanti per obitum Martini successum esse à præfato Bonifacio eo anno die 28. April. Fr. Benedictum Nicolai, Minoritam.

Idem Waddingus, *ibid.* ad annum 1400. num. 3. pag. 368. scribit ecclesiæ Laodicensis in Syria sub Patriarcha Antiocheno vacanti per obitum Martini successum esse à præfato Bonifacio eo anno die 28. April. Fr. Benedictum Nicolai, Minoritam.

Cæteros dimitto solo titulo potitos, præter *Eduardum*, qui missionarius apostolicus fuit in Indiis.

IX. EDUARDUS.

Ut apud orientales Indos degeret episcopus, qui & pontificalia exerceret, & sacramentalia ministraret, ad preces Lusitaniæ Regis missus est illuc ab Alexandro VI. Papa, Fr. *Eduardus Nunius*, episcopus Laodicensis, Ordinis Præd. eximius verbi Dei præco, qui cum sociis suis Dominicanis messem multam in horrea ecclesiæ congregavit, & in regno Coulan maxime, aliisque adjacentibus locis gentiles plurimos ad fidem Christi convertit. Hæc Fontana in monumentis Domin. ad annum 1503. pag. 403. col. 2.

*Anensem*, qui tunc temporis vivebat. Inter quatuor autem urbes episcopales *Laodiceas* appellatas, & in geographia sacra Caroli à S. Paulo indicatas, videtur intelligenda *Laodicea Syriae*, è regione insulæ Cypri in regione littorali, ubi Laodicea à Latinis occupata fuerat sedes episcopalis sub Patriarcha Antiocheno. » Hucusque Daniel à V. M. Simon iste extremam unctionem B. Petro Thomæ administravit, apud Bollandum, t. 2. Jan. die 27. pag. 1019. num. 120. col. 1.

Simonem præfatum non fuisse episcopum *B* Laudunensem in Gallia anno 1366. palam fit insuper ex Sammarthanis qui, tom. 2. Gall. Christ. edit. Paris. 1656. fol. 623. col. 4. n. 62. C. D. in episcopis Laudunensibus, scribunt *Gaufridum le Meindre de Boucicaut*, factum episcopum Laudunensem anno 1363. & obiisse Bononiæ in Italia anno 1370. circa festum S. Andreae, cui successit Petrus Aiscelin die 10. Jan. anni 1370. (id est 1371. ante festum Annuntiationis, vel ante Pascha.)

## V. MARTINUS I.

## VI. ANDREAS.

Waddingus, tom. 4. ad annum 1396. n. 2. pag. 310. refert post obitum *Martini* episcopi Laodicensis in Syria sub Patriarcha Antiocheno, huic sedi præfectum à Bonifacio IX. Fr. *Andream Petri de Monte Laterano*, Minoritam, eo anno die 7. Januarii.

## VII. MARTINUS II.

## VIII. BENEDICTUS.

Idem Waddingus, *ibid.* ad annum 1400. num. 3. pag. 368. scribit ecclesiæ Laodicensis in Syria sub Patriarcha Antiocheno vacanti per obitum Martini successum esse à præfato Bonifacio eo anno die 28. April. Fr. Benedictum Nicolai, Minoritam.

Cæteros dimitto solo titulo potitos, præter *Eduardum*, qui missionarius apostolicus fuit in Indiis.

## IX. EDUARDUS.

Ut apud orientales Indos degeret episcopus, qui & pontificalia exerceret, & sacramentalia ministraret, ad preces Lusitaniæ Regis missus est illuc ab Alexandro VI. Papa, Fr. *Eduardus Nunius*, episcopus Laodicensis, Ordinis Præd. eximius verbi Dei præco, qui cum sociis suis Dominicanis messem multam in horrea ecclesiæ congregavit, & in regno Coulan maxime, aliisque adjacentibus locis gentiles plurimos ad fidem Christi convertit. Hæc Fontana in monumentis Domin. ad annum 1503. pag. 403. col. 2.



## II.

## ECCLESIA GABALÆ.

**G**ABALA five *Gabula* urbs est Cœlesyriæ in ora littorali maris Syriaci Ptolemæo, episcopalis sub Patriarcha Antiocheno, hodie *Gibel* dicta, prope montem Anticassium, 46. miliaribus ab Antarado in boream. Ita Baudrand, *tom. 1. pag. 416. col. 1.* Willelmus Tyrius, *lib. 7. hist. cap. 17.* hujus urbis meminit. «Egressus igitur, inquit, è Laodicia Syriæ exercitus, receptis his quos in eadem urbe repererant... oram legentes maritimam, ad urbem «*Gabulensem*, quam vulgari appellatione *Gibellum* dicunt, quæ à prædicta Laodicia duodecim « distat miliaribus, pervenerunt, &c.» Hanc quidem tunc obsederunt cruce signati, anno videlicet 1098. sed statim jussi à Comite Tolosano obsidionem solvere, ab ea recesserunt. Postmodum tamen in Latinorum potestatem venit, & episcopi ejusdem ritus administrationi subiecta est ineunte sequenti sæculo.

## EPISCOPI GABALÆ.

## I. WILLELMUS.

**D**E quodam *Willelmo* hæc nos docet post annum 1115. Gauterius cancellarius in lib. cujus titulus: *Bella Antiochena.* «*Willermus*, inquit, *pag. 446.* voluminis dicti, *Gesta Dei per Francos, episcopus Gibellensis*, vir per omnia laudabilis, populum à Deo sibi commissum verbis & exemplis eidem festo (Exaltationis Sanctæ Crucis mense Septembri) congruentibus instruxit, monuit & armavit, &c.»

## II. HUGO.

Concilio Antiocheno pro discutienda Radulphi Patriarchæ hujus sedis inthronizatione congregato anno 1136. interfuit *Hugo* episcopus Gabulensis, ibique canonicis Antiochenis contra eundem Radulphum patrociniatus est. Ita refert Willelmus Tyrius, *lib. 15. cap. 16.* Vide supra, ubi de eo Radulpho, *col. 1156. C.*

## III. \* \* \*

Alter fortassis fuit à præfato Hugone episcopus ille *Gabulensis*, de quo hæc leguntur in Alberici chronico, *part. 2. pag. 307. edit. Lipsiæ 1698.* ad annum 1145. (ex Ottone Frisingensi lib. 7. cap. 33.) «Vidimus etiam ibi tunc prætaxatum de Syria *Gabulensem episcopum*, cujus præcipue opere ad plenum Antiochia Romanæ sedis subesse cœpit, tam de Patriarcha suo Antiocheno, & de principis matre Balduini Hierosolymitani quondam regis filia querimoniam facientem, quam de spoliis Saracenis ablatis, jure antiquitatis decimas, exemplo Abrahæ, qui eas... Melchisedech dedit, exigentem, ac super hoc apostolicæ sedis auctoritatem requirentem. Audivimus eum periculum transmarinæ ec-

clesiæ post captam Edissam lacrymabiliter querentem, & ob hoc Alpes transcendere ad reges Romanorum & Francorum pro flagitando auxilio volentem, &c.» Nihil aliud nobis de eo episcopo notum est.

## IV. W.

Inter episcopos qui anno 1179. concilio III. Lateranensi sub Alexandro III. celebrati interfuerunt, & quorum nomina exhibentur Spicilegii Dacheriani, *tom. 12. pag. 643.* extat *provincia Cælesyriæ. W. Glambulepcensis episcopus.* Mendum est Amanuensium, & legendum probabiliter *Gabulensis* in Cœlesyria.

## V. GUALTERUS.

Bzovius, *tom. 13. annal. ad annum 1264. num. 10. col. 706.* scribit *Fr. Gualterum*, Calabrum, Ordinis Prædic. Gabulensi ecclesiæ præfectum esse ab Urbano IV.

## VI. ADAMUS.

Ex Waddingo, *tom. 3. ad annum 1345. num. 8. pag. 530.* ad Gabulensem ecclesiam sub Patriarcha Antiocheno jam dudum vacantem promotus est eo anno die 28. Jun. à Clemente VI. *Fr. Adamus*, Minorita.

## VII. HENRICUS.

R. P. Echardus in indice episcoporum initio *tom. 1. Scriptor. pag. 25. col. 1.* recenset ex Laurentio Pignon *Fr. Henricum de Henreberch*, Dominicanum, episcopum *Gabanliensem* ante annum 1394. & subdit: *Quæ hæc ecclesia! an Gabulensis!* Gabulensem censeo, donec altera ad prioris nomen propius accedens occurrat.

## III.

## ECCLESIA ANTARADI.

**A**NTARADUS, urbs Phœniciæ in ora maris Syrii Plinio & Ptolemæo, quæ postea *Orthosa* dicta, nunc *Toriosa*, episcopalis sub Patriarcha Antiocheno, olim vero archiepiscopi Tyrensis suffraganea, aliquando *Constantia* ex nomine Constantini magni appellatur  
Tomus III. E e e



in libro conciliorum. Extat inter Balaneam five Balancas ad boream, & Tripolim ad meridiem, inde 34. hinc 28. milliar. diffita. In ruinis fere deserta jacet sub dominio Turcarum, juxta quam inest modica insula, ubi antiqua urbs *Arados*, quæ nunc quoque in ruinis jacet. Ita Baudrand, *tom. 1. geogr. pag. 66. col. 1. Antaradum* nihilominus & *Orthosiam* ut duas urbes episcopales sub Tyro metropoli recensent Willelmus Tyrius ad calcem suæ historiæ, *pag. 1044.* in volumine, *Gesta Dei per Francos*, Carolus à S. Paulo *geogr. sac. pag. 304. edit. 1641.* & abbas de Commanville, *episcoporum totius orbis pag. 268.* Fortassis utraque ad eandem diocesim Antaradensem pertinebat temporibus præfulum Latinorum, ut & *Aradiensis* & *Maracleensis*, quibus, teste Willelmo Tyrio, *lib. 14. cap. 14.* episcopus Antaradi jus dicebat.

Antaradum habitatoribus vacuum repertam occuparunt cruce signati, dum, capta Antiochia, Palæstinam versus tenderent anno 1098. cessitque in sortem Willelmi Jordani, qui Bertramni Tripolitani Comititis consanguineus erat, seque Boamundi Antiochiæ principis clientem sacramento professus est. Exinde sedi Antiochenæ addicta mansit Antaradus, licet hanc Innocentius II. Tyro metropoli Hierosolymitani regis ditionis factæ, suffraganeam declaraverit. Sæculo autem XIV. medio unita est sedi Famagustanæ in Cypro insula. Vide *coll. 827. 828. tom. 2.* hujus operis.

## E P I S C O P I A N T A R A D I.

## I. R.

**T**empore Innocentii II. qui electus est in Romanum Pontificem anno 1130 die 17. Febr. *Tortosæ* five *Antaradi* sedebat episcopus, cujus nomen incipiebat à littera R. Willelmus enim Tyrius, *lib. 14. c. 13.* profert epistolam hujus Pontificis, datam die 17. Jan. annus desideratur, qua Gerardo Tripolitano, R. *Tortosano*, & H. Bybliensi episcopis, mandabat, ut Tyrensi archiepiscopo suo metropolitano parerent.

## II. P E T R U S.

Synodo Lateranensi sub Innocentio III. anno 1215. interfuit, vicesque gessit Petri Antiocheni Patriarchæ *Petrus* alter episcopus *Antaradensis*. Is fortassis episcopus fuit *Anteradenensis*, cujus meminit præfatus Innocentius epistola 186. lib. x. data anno 1208. die 9. Januar. *edit. Baluz. tom. 2. pag. 105. col. 1.* & epistola 177. lib. xvi. data anno 1213. die 27. Jan. *ibid. pag. 832. col. 1.* Apud Raynaldum, *tom. 13. ad annum 1211. num. 23.* extat pars quædam epistolæ ejusdem Innocentii, datæ eo anno die 17. Maii Patriarchæ Hierosolymitano, in qua de episcopo *Antaradensi* mentio fit.

## III. \* \* \*

Quum mos esset Antiochiæ principem à Patriarcha investituram recipere per vexillum, juramentumque fidelitatis ipsi & ecclesiæ Antiochenæ præstare, princeps novus anno 1238. à vestigiis prædecessorum suorum pro sua voluntate recedens, non solum (hanc) investituram (à Patriarcha Alberto) recipere, ac fidelitatis præstare (nolebat) juramentum, sed etiam adversus... ecclesiam Antiochenam se extollens, usque ad gravamina & injurias extendebat illicite manus suas. Quocirca Acconensi &

A *Antaradensi* episcopis partes imposuit Gregorius IX. epistola data eo anno die 31. Jul. ut censurarum incussa religione, principem ad officium reducerent. Hanc epistolam profert Raynaldus, *to. 13. ad eum annum, n. 35.*

## IV. G U I L L E L M U S.

Anno 1247. die 1. Octob. sedebat *Guillelmus* Ordinis Præd. episcopus *Antaradensis*: diploma enim Innocentii IV. iis die & anno datum RR. PP. Carmelitis pro approbatione correctionis factæ ex sua auctoritate in eorum regula, per Hugonem Cardinalem S. Sabinæ Ordinis quoque Præd. & per præfatum *Guillelmum*, quem appellat *episcopum Anteradensem*, exhibet R. P. Bremond, *tom. 1. Bullar. pag. 177.* Item Bernardus Guidonis apud R. P. Echard. *tom. 1. Script. pag. 121. col. 2.* de Innocentio IV. loquens in chronico summorum Pontificum, ait: «Anno Domini 1247. in kal. Oct. Innocentius Papa pontificatus sui anno quinto confirmavit regulam fratrum Ordinis de Carmelo modificatam ex commissione ejusdem per D. Hugonem præbyterum Cardinalem tituli S. Sabinæ, & per Fr. *Guillelmum* episcopum *Anteradensem* ex prima regula ipsorum, quam dederat eis Albertus Patriarcha Hierosolymitanus.»

## V. \* \* \*

Matthæus Paris ad annum 1249. meminit his verbis cujusdam episcopi *Tortosæ* *edit. Paris. 1644. p. 512. col. 2. B.* «Eodem tempore episcopus de Tortosa, cujus episcopatus est in Syria, Anglicus natione, & frater de Ordine Prædicatorum, venit in Angliam gratia natalis soli, & si quos haberet parentes visitandi. Erat enim non procul à Redingo... Hic assertionem certissima conventui de Radingo, ubi in die inventionis



» S. Crucis majorem missam celebrarat, enar-  
ravit, &c.»

VIII. \* \* \*

ECCLESIA  
ANTARADIA.

## VI. DANIEL I.

Quum Willelmus Tyrius asserat, *lib. 14. cap. 14.* episcopum Antaradensem ecclesiæ Aradiensis suo tempore gessisse curam, præfulibus Antaradensibus accenseri posse videtur *Daniel*, Carmelita, quem Daniel alter à V. M. *tom. 2. Speculi Carmel. p. 917. n. 3196.* scribit episcopum fuisse *Aradiensem* sub metropoli Tyrio, & suffraganeum Henrici à Gueldria episcopi Leodiensis, qui Daniel obiit circa annum 1274. Dionysius Sammarthanus *Gall. Christ. tom. 3. edit. Paris. 1725.* de Henrico Othonis III. Comitis Gueldriæ fratre agens, qui anno 1247. die 10. Octob. Leodiensis episcopus renunciatus est, hancque ecclesiam primis duodecim annis, nec sacerdos, nec episcopus, sed solo *electi* titulo rexit, ait, *col. 888. C.* « Primus, ut tradunt, » episcopum titularem in muneribus Pontificis » vicarium sibi substituit anno 1249. *Danielem* » *Carmelitam*, quod exemplum amplexi sunt ejus successores. » Episcopus ille probabiliter in Orientem non perrexit.

## VII. BARTHOLOMÆUS.

Ex veteri continuatore Gallico historiæ Willelmi Tyrii, *tom. 5. veter. Script. ampliff. collect. edit. Paris. anno 1729.* Tortosæ præerat quidam *Bartholomæus* nomine an. 1274. Sic enim legitur, *coll. 747. & 748. num. 20.* « A MCCLXXIV. &c. morut Beumont » prince d'Antioche, & Cuens de Triple (Tri- » poli) à XX. jors de Mars, & fu fait prince » Beumont son fils, qui alla en la Hermenie » (l'Armenie) por estre chevalier de la main » du roy d'Hermenie son oncle, par le conseil » de la princesse sa mere, & de *Berthelemeu* » *evêque de Tortouse*, qui gouvernoit tout son fait, parce qu'il estoit menor d'aige.»

Raynaldus, *to. 4. ad annum 1278. n. 81.* scribit eo anno ab *Antaradensi* præfule crudeliter adeo exagitatum fuisse Tripolitanum episcopum, ut ob infidias vitæ suæ comparatas fugere compulsus fuerit. Quare Nicolaus III. Sidonis & Beriti episcopis injunxit ut Antaradensem hunc antistitem ad Romanam curiam proficisci compellerent.

## IX. MARCUS.

## X. ITERIUS.

*Marcus* Famagustanus & *Anteradensis* episcopus dicitur in actis synodi Nicosiensis celebratæ anno 1340. die 27. Januar. *tom. XI. conc. Labb. part. 2. col. 2432. C.* sub Helia II. archiepiscopo Nicosiensi, de qua synodo infra agemus, ubi de eo Helia.

Huic autem Marco post ejus obitum successisse in utraque sede, Anteradensi nimirum & Famagustana, anno 1346. die 26. Jun. *Fr. Iterium de Nabinallis*, Minoritam, scribit Waddingus, *tom. 3. ad eum annum, num. 10. pag. 539.* & diploma Clementis VI. exhibet, *ibid. in Reg. Pont. pag. 344.*

## XI. LUCIANUS.

## XII. DANIEL II.

Idem Waddingus, *tom. 5. ad annum 1412. num. 2. pag. 78.* refert sedi Atteradensi (Anteradensi) post *Luciani* obitum vacanti, *Fr. Daniele de Castagnolo*, Minoritam, fuisse præfectum eo anno die 26. Maii.

## XIII. SALOMON.

Præfato Daniele mortuo, successor datus est à Martino V. anno 1420. die 16. Decemb. *Fr. Salomon Cardon*, Ord. Præd. ut constat ex diplomate hujus Pontificis apud R. P. Bremond, *tom. 2. Bullar. pag. 595.*

## IV.

## ECCLESIA TRIPOLIS.

*TRIPOLIS*, urbs Syriæ in Phœnicia, sic dicta quod tribus urbibus stadio inter se distantibus olim constaret, teste Stephano Byzantio, nunc *Tarabolos scham* Turcis & incolis, juxta clivum se porrigit potiore sui parte, à dextra habens planitiem peramplam: in clivo autem arx ipsi imminet. Portu gaudet satis capaci, estque inter Orthosiam ad septentrionem, & Byblum ad meridiem: illi præfuerunt, totique ditioni cognomini, belli sacri temporibus, principes proprii, qui *Tripolitani Comites* dicebantur. Hæc Baudrand, *tom. 2. geogr. p. 335. col. 2.* Vide *coll. 821. & 822. tom. 2. hujus operis, & coll. 79. & 80. præsentis tom. 3.*

Tripolim ceperunt Latini anno 1099. ante festivitatem Paschalem, quam in ea celebrarunt, subditaque fuit Patriarchæ Antiocheno, quasi metropolitæ. Statuit quidem postea Innocentius II. ut hæc Tyrensi archiepiscopo obnoxia foret, ac Palæstinæ diocesis censeretur; verum ea constitutio non videtur fuisse executioni mandata: observat autem Willelmus Tyrius, *lib. 14. cap. 14.* episcopum Tripolitanum jus dixisse ecclesiis Botriensi, Archenfi & Artuscensi.

Tomus III.

E e e e ij



## EPISCOPI TRIPOLITANI.

## I. GERARDUS.

**F**ortassis ante hunc *Gerardum* aliquis ecclesiæ Tripolitanæ præfuerit nobis ignotus: cæterum sedebat iste tempore Innocentii II. anno 1130. in Papam electi. Profert enim *Willelmus Tyrius*, lib. 14. cap. 13. epistolam hujus Pontificis, inscriptam *venerabilibus fratribus Gerardo Tripolitano*, &c. datam die 17. Jan. omisso anno, qua illi & episcopis Tortosano & Bybliensi injungebat, ut Tyrensem archiepiscopum pro suo metropolitano haberent. Captus fuit Gerardus à Saracenis ante annum 1137. *ibid.* cap. 23.

## II. ROMANUS.

Concilio Lateranensi III. sub Alexandro III. anno 1179. interfuit cum quibusdam aliis præsulibus ritus Latini *Romanus episcopus Tripolitanus*, teste præfato Tyrio, lib. 21. c. 26. Eorum subscriptiones leguntur *Spicil. Dacher.* tom. 12. pag. 643.

## III. LA.

Initio pontificatus Innocentii III. &, ut quidem videtur, anno 1198. vir quidam, cujus nomen incipiebat à litteris *La.* archiepiscopus electus Apameensis, sed nondum consecratus, translatus est ab Antiocheno Patriarcha (qui fuit vel Radulphus II. vel Petrus I.) propria auctoritate ad ecclesiam Tripolitanam. Id ægre tulit Innocentius Papa, ideoque Patriarcham suspendit ab episcoporum confirmatione, usquequo super hoc aliud ipse statuisset. Epistola ejus 50. lib. 1. data die 17. Mart. legenda est tom. 1. edit. *Baluz.* pag. 28. col. 2. & pag. 29. col. 1. In ipsum quoque *La.* quod huic translationi, inconsulta sede apostolica, operam dedisset, sententiam suspensionis ab officii pontificalis executione pronuntiavit idem Innocentius epistola 51. ad eum scripta, *ibid.* De hac duplici epistola sua mentionem facit ipsemet Innocentius epistola 117. lib. 1. data die 27. April. *ibid.* p. 67. col. 1. A prædicta tandem suspensione archiepiscopum Apameensem electum *La.* absolvit, & auctoritate apostolica ad sedem Tripolitanam transfudit Innocentius eo anno die 31 Decemb. ut constat ex ejus epistola 502. *ibid.* pag. 287. col. 2. Absolvit similiter Patriarcham Antiochenum epistola 508. eadem die, pag. 249. col. 1. injunxit postea episcopo & capitulo Tripolitano epistola 529. data eadem die, *ibid.* pag. 300. col. 1. ut primo vacaturum canonicatum cuidam Raymundo conferrent. Is probabiliter fuit *Tripolitanus* ille episcopus,

A cujus meminit præfatus Papa in epistola 186. lib. x. *Patriarchæ Hierosolymitano* data die 9. Jan. anno 1207. tom. 2. edit. *Baluz.* p. 105. col. 1. Item in epistola data anno 1211. die 17. Maii Patriarchæ Hierosolymitano, apud Raynaldum, tom. 13. ad eum annum, num. 25. Denique in epistolis 162. lib. xv. anno 1212. die 18. Septemb. tom. 2. laudatæ edit. *Baluz.* pag. 680. col. 2. & 177. lib. xvi. anno 1213. die 29. Jan. *ibid.* pag. 832. col. 1.

## IV. GAUFRIDUS.

**B** In chronico Alberici, parte 2. ad annum 1211. pag. 458. legitur: «Prosecutor dictæ causæ (inter archiepiscopum Turonensem & episcopum Dolensem) archidiaconus *Gaufridus*, electus est post aliquot annos in episcopum *Tripolitanum* ultra mare, qui *Gaufridus* sororem habuit Flandriam nomine, sanctam matronam, quæ etiam narratur quædam fecisse miracula.» Is subinde extitit, quem quasi archipræsulem Innocentius III. encyclicis suis litteris ad concilium Lateranense anno 1215. celebrandum invitavit. In eodem modo (archiepiscopo & episcopis) *per Tripolitanam* (Tripolitanam) provinciam (constitutis) tom. XI. conc. Labb. part. 1. col. 126. A.

## V. \* \* \*

Anno 1234. Innocentius IV. mandavit archiepiscopo Tyrensi, & episcopo electo Tripolitano, ut in Bybliensem episcopum nullius litteraturæ hominem, & Patriarchæ Antiocheno rebellem inquirerent, & ad ipsum referrent. Ita Raynaldus, 10. 13. ad eum annum, num. 50.

## VI. WILLELMUS.

Idem Raynaldus, tom. 14. ad annum 1263. num. 12. scribit ex epistolis 45. & 76. lib. 11. epistolarum Urbani IV. *Willelmum* Tripolitanum (episcopum) Ordinis Præd. ad hunc Pontificem accessisse, ut ei exponeret Terræ Sanctæ discrimina.

## VII. PAULUS.

**E** Anno 1274. sedebat episcopus Tripolitanus *Paulus*. Ord. Min. quippe qui eo anno concilio II. Lugdunensi adfuit, ex Waddingo, tom. 2. ad illum annum, num. 10. pag. 321. & tom. 7. num. 14. pag. 103. Is probabiliter episcopus ille *Tripolitanus* fuit, qui anno 1278. ab Anteradensi episcopo graviter vexatus, ob infidias vitæ suæ comparatas fugere compulsus est, teste Raynaldo ad eum annum, num. 81. Anno sequenti 1279. ei imposita provincia est à Nicolao III. ut ad Radulphum regem



Romanorum se conferret pro coeundo fœ- A  
dere inter ipsum & Carolum regem Siciliae,  
ex eodem Raynaldo ad eum annum, *num. XI.*  
qui subdit, *ibid. num. 49.* ab illo Pontifice  
susceptam episcopi *Tripolitani* causam, quem  
Boamundus Comes Tripolitanus, iniquis  
impulsus consiliis, Tripoli pepulerat, scrip-  
tamque eo anno die 1. Junii huic Comiti  
epistolam refert, in qua ait: «Ad audientiam  
» apostolatus nostri pervenit quod tu non at-  
» tendens, ut convenit, quod venerabilem B  
» fratrem nostrum *P. episcopum Tripolitanum* te  
» decet tam ratione officii pontificalis quo præ-  
» eminet, quam etiam consanguinitatis qua  
» sibi nosceris conjunctus, &c. dictum epi-  
» scopum, præter atroces injurias & gravamina  
» per te ac tuos sibi suæque familiæ irrogata,  
» &c. ab episcopali sede Tripolitana ausu sacri-  
lego ejecisti, &c.» Hunc appellat *Romanum*  
*Sanutius*, ad annum 1275. fortassis ex ipsius  
genere. *Quia*, inquit, *episcopus Tripolitanus*  
*Romanus Romanos defendebat.*

## VIII. CYNTHIUS electus.

Ughellus, *to. 6. Ital. sac. col. 419. n. 24. D.*  
*vet. edit.* tradit *Cynthium de Pinea*, nobilem  
Romanum, *ex electo Tripolitano episcopo*, ab  
Honorio IV. sublectum esse archiepiscopum  
Capuanum die 28. Maii anno 1286. obiisse  
demum anno 1290.

## IX. B.

Expugnata Tripoli à Soldano Babylonie  
Melec-Meffor anno 1289. die 27. Aprilis,  
scripsit Nicolaus IV. *episcopo Tripolitano* eo-  
dem anno die 1. Septemb. injungens ei ut  
pro concione populos Occidentis ad bellum  
sacrum adversus Saracenos concitaret. Epi-  
stolam profert Raynaldus ad eum annum,  
*n. 66.* Idem videtur, ad quem extat ejusdem  
Pontificis epistola, data anno sequenti 1290.  
die 20. Octob. *ibid.* ad eum annum, *num. 8.*

## X. VIDO.

Ughellus, *tom. 2. Ital. sac. col. 304. n. 61.*  
*D. & col. 385. num. 93.* D. scribit *Vidonem*  
*Abisium* five *Albaisium*, Regiensensem civem  
& episcopum, antea *Tripolitanum* præfulem,  
ad archiepiscopatum Ravennatem translatum  
esse anno 1332. obiisse vero Bononiæ anno  
sequenti 1333. mense Septembri.

## XI. JOANNES I.

*Joanne* episcopo Tergestano sub Patriarcha  
Aquilienfi ad ecclesiam *Tripolitanam* trans-  
eunte, *Fr. Nicolaus de Caturis*, Minorita, ei  
in sede Tergestina successit anno 1409. die 9.  
Augusti. Ita Waddingus, *tom. 5.* ad eum  
annum, *num. 15. pag. 63.*

## XII. PETRUS I.

## XIII. SIMON.

Idem Waddingus, *ibid.* ad annum 1414.  
C *num. 8. pag. 88.* ait ecclesiæ Tripolitanæ in  
Syria vacanti eo anno per obitum *Petri*,  
præfectum esse die 28. Januar. *Fr. Simonem*,  
Minoritam.

## XIV. PETRUS II.

## XV. NICOLAUS.

Ex eodem Waddingo, *ibid.* ad annum 1435.  
*num. 16. pag. 273.* Petro Tripolitano prætuli  
mortuo substitutus est eo anno die 14. Nov.  
*Fr. Nicolaus del Nevo*, Ord. Min. Diploma  
D Eugenii IV. profert in *Reg. Pont. pag. 224.*

## XVI. ANTONIUS.

## XVII. BENEDICTUS.

Anno 1451. sede Tripolitana in Syria  
vacante per obitum *Antonii*, renunciatus est  
hujus ecclesiæ episcopus *Fr. Benedictus de*  
*Adoaria*, Minorita, eo anno die 21. Maii.  
Idem Waddingus, *tom. 6.* ad eum annum,  
*num. 55. pag. 33.*

## V.

## ECCLESIA BYBLI.

**B**YBLUS, teste Baudrand, *tom. 1. geogr. pag. 200. col. 2.* urbs Syriæ in Phœnicia, *Byblos*  
Plinio, *Giblet* hodie five *Zibellet*, in excelsio loco sita in ora littorali, ubi Adonis fluvius  
nunc Canis dictus, sub mœnibus in mare labitur: antiquitus *Evea* nuncupata fuit. Distat  
à Botry 10. milliar. ad meridiem, inter Tripolim ad septentrionem, & Beritum in meridiem;  
ab illa quidem urbe 30. milliar. ab ista vero 24. Vide *tom. 2.* hujus operis, *coll. 819. 820.*  
& *coll. 89. 90.* hujus *tom. 3.* Hæc porro civitas post captam Tripolim in Bertramni Comitis  
etiam potestatem venit, & ab Antiocheno Patriarcha Latinum recepit episcopum, qui ipsi  
immediate subderetur.

## EPISCOPI BYBLI.

## I. H.

**T**Empore Innocentii II. in summum Pon-  
tificem electi anno 1130. sedebat episcopus

E Bybli vir quidam, cujus nomen incipiebat à  
littera H. Id constat ex epistola hujus Papæ,  
data die 17. Januarii, omisso anno, apud  
Willelmum Tyrium, *lib. 14. cap. 13.* in titulo  
E e e iij



enim ejus legitur: *Gerardo Tripolitano, R. A Tortosano, & H. Bybliensi episcopis*. Injun-  
gebat scilicet illis, ut archiepiscopo Tyrensi  
obtemperarent.

## II. \* \* \*

Anno 1298. die 23. Decembris scripsit  
Innocentius III. Sidoniensi, Beritensi & *By-  
bliensi* episcopis, de solutione decimarum.  
Epistola est 516. lib. 1. tom. 1. edit. Baluz.  
pag. 296. col. 2. quæ rursus repetitur p. 564.  
col. 1. Trium quoque istorum episcoporum  
meminit idem Papa epist. 257. lib. 11. p. 508.  
col. 1. Patriarchæ Hierosolymitano, Tyrensi  
archiepiscopo, & Acconensi episcopo, data  
die 15. Decembris anno, ut probabile est,  
1199. non enim ibi exprimitur, sicut nec  
ullibi nomen hujus episcopi Bybliensis.

## III. \* \* \*

Anno 1243. Innocentius IV. scripsit archi-  
episcopo Tyri & Tripolitano electo, ut in  
episcopum *Bybliensem*, virum illiteratum, Pa-  
triarchæ Antiocheno inobsequentem, cen-  
suras spernentem, ecclesiæ suæ bona dissipan-  
tem, aliaque perpetrantem impune facinora,  
inquirerent, certiorumque hujusmodi rerum  
se facerent, quatenus justis ipsum pœnis per-  
celleret. Ita refert Raynaldus, tom. 13. anal.  
ad eum annum, num. 50.

## IV. GARZIAS.

In dormitorio cœnobii SS. Joannis &  
Pauli Ord. Præd. Venetiis, teste Cavalerio,  
tom. 1. pag. 311. m. 328. 329. extat pictura  
plures Cardinales ejusdem Ordinis repræsen-  
tans, & unum episcopum cum ea inscriptione.  
*Fr. Garzias de Martinis, primo conversus, pro-  
fessus, clericus, sacerdos, tandem factus epi-  
scopus Bybli, obiit anno 1382. Nihil aliud  
nobis de eo notum est.*

## V. VOLKERUS.

## VI. JACOBUS I.

*Volker*o episcopo Bybliensi mortuo substi-  
tuit Bonifacius IX. anno 1396. die 19. Jan.  
*Fr. Jacobum de Wesp*, Ord. Præd. Id constat  
ex diplomate hujus Pontificis, tom. 2. Bullar.  
R. P. Bremond, pag. 357. qui ejus etiam  
meminit, pag. 466.

## VII. SOLKERUS sive FOLKERUS.

## VIII. ULRICUS.

Idem R. P. Bremond exhibet, *ibid.* p. 462.  
diploma aliud præfati Pontificis, datum anno  
1400. die 8. Novemb. quo ecclesiæ Gybel-  
densi sive Bybliensi per obitum *Sulleri*, qui  
& *Folkerus* infra appellatur, vacanti præfuit  
*Fr. Ulricum Galgari*, Ordinis Præd.

## IX. JACOBUS II.

## X. JACOBUS III.

*Fr. Jacobus de La*, Gandavensis, Ordinis  
Præd. episcopus erat Bybliensis sive Gybel-  
densis anno 1422. quo decessit. Ex R. P.  
Echardo in indice episcoporum initio 1. tom.  
*Scriptorum Ordinis Præd.* pag. 25. col. 2. &  
R. P. Bremond, tom. 2. Bullar. pag. 703.

Huic autem Jacobo successit eodem anno  
die 23. Jan. *Jacobus* alter *de Wesp*. Ordinis  
Præd. de quo sic loquitur Fontana in monum.  
*Domin.* pag. 313. col. 2. ad annum 1422.  
«Promovit Pontifex (Martinus V.) ad cul-  
todendas Christi oves in ecclesia *Gasbeldensi* «  
à malignantium hæreticorum pressuris, præ-  
visque dogmatibus, P. *Jacobum de Wesp*. «  
per apostolicas litteras creatum, expeditas «  
x. kal. Febr. quæ in archivo Ordinis sunt.»  
Quæ sit ecclesia illa *Gasbeldensis* nos latet:  
R. P. Bremond, tom. 2. Bullar. p. 704. hunc  
*Jacobum de Wesp*. ait episcopum fuisse *Gy-  
beld*, *Gybeleren*. sive *Bybliensem*, *Gibel Gilet*  
in Phœnicia sub Patriarcha Antiocheno, &  
remittit ad Fontanam nunc relatum.

## VI.

## ECCLESIA SELEUCIÆ.

**D**UPLEX *Seleucia* fuit archiepiscopalis sub patriarchatu Antiocheno; una in provincia  
Isauriæ, hæcque *Trachia* sive *Aspera* dicta est, *Albia* quoque & *Hyria*, teste Stephano,  
nunc autem *Seleschia* appellatur, quæ distat 12. milliar. ab ora maris Cilicii in septentrionem,  
70. à Tarso in occasum, 15. à Coryco in occasum æstivum, & 170. à *Seleucia Pieria*,  
quæ altera est urbs hujus nominis in provincia Syriæ primæ, & *Portus S. Symonis* dicitur  
in historia Willelmi Tyrensis de bello sacro, nunc vero *Seleuche Jelbet*, distans ab Antiochia  
10. milliar. & 3. ab ostio Orontis fluvii in septentrionem. Hæc habet de utraque ea urbe  
Baudrand, tom. 2. geogr. pag. 223. col. 1. Vide tom. 2. hujus operis, coll. 777. & 1009.  
Aliquot archiepiscopi occurrerunt ritus Latini Seleucienses sub patriarchatu Antiocheno,  
quos, quum ignoremus cuinam earum præfuerint, hic recensemus.





## EPISCOPIS SELEUCIÆ.

ECCLESIA  
SELEUCIÆ.

## I. PONTIUS.

**W**ADDINGUS, *tom. 3.* ad annum 1345. *num. 7. pag. 531.* scribit *Fr. Pontium*, Minoritam, eo anno die 7. Aug. promotum esse ad ecclesiam Seleuciensem sub patriarchatu Antiocheno. Apud Raynaldum legitur, *t. 16.* ad annum 1346. *n. 70.* epistola Clementis VI. archiepiscopo Soltaniensi ejusque suffraganeis data 11. kal. Aug. (id est die 31. Jul.) eo anno, in qua iudicium intendit *Pontio archiepiscopo Seleuciensi*, qui Pseudominoritarum asserta circa paupertatem Christi & Apostolorum, composita postilla quadam super evangelium S. Joannis, & in linguam Armenam translata, spargere in Perfide an-

A nitebatur: dat autem provinciam illis præsulibus, ut, comperta re, eum ad ejurandum publice errorem adigerent, detrectantique diem assignarent, ut apostolico conspectui præsentem se sisteret. Hujus Pontii meminit Galanus, *tom. 1. conciliat. eccl. Armenæ cum Romana, cap. 30. num. 15. pag. 512.*

## II. MARTINUS.

## III. CHRISTIANUS.

Idem Waddingus, *tom. 4.* ad annum 1394. *n. 5. p. 306.* refert ecclesiæ Seleuciensi sub patriarchatu Antiocheno vacanti per obitum *Martini* ejus archiepiscopi, *Fr. Christianum Bellemares*, Ordinis Min. præfectum fuisse eo anno die 18. Septembris.

## PROVINCIA CILICIÆ PRIMÆ.

ECCLESIA TARSI  
METROPOLIS.

**L**ATINORUM exercitu per Asiæ minoris sive, ut hodie loquuntur, Anatoliæ provincias Syriam versus pergente, Tancredus Boamundi Tarentini consanguineus in Ciliciam devenit, ejusque metropolim Tarsum obsedit, Christianis habitatoribus, Armenis & Græcis refertam, præter Saracenos exiguo satis numero. Urbem brevi subegit anno 1098. ut colligitur ex auctore anonymo historiæ belli sacri, *tom. 1. num. 31. Musæi Ital. Mabill. pp. 157. 158. & 163.* Hæc nunc *Terassa* dicitur incolis, *Tersis* Turcis, & *Tarso* Italis. Hanc Cydnus fluvius mediam secatur: media est autem inter Seleuciam asperam ad occasum, & Cæsaream penes Anazarbum ad ortum, sexque milliar. tantum distat ab ora maris. Ita Baudrand, *tom. 2. geogr. pag. 289. col. 2.*

## ARCHIEPISCOPI TARSI.

## I. ROGERIUS.

**A**UCTOR supra citatus historiæ belli sacri, *n. 135. ibid. pag. 231.* refert ad annum 1100. Dayberto in Patriarcham Hierosolymitanum sublimato, «ordinatos (ante festum Paschæ) » episcopos quatuor, scilicet *Roggerium Tarsi*, » *Mamystæ Bartholomæum*, *Bernardum Artasii*, & *Benedictum Edeffæ*, qui cum Boamundo & Baldoyno in presbyteratus officio » positi venerant: expleta (autem) solemnitate » paschali, Boamundum (principem Antiochiæ) cum tribus suis patribus reversum; » Baldoynum quoque cum suo archiepiscopo » *Benedicto Edeffam*, cujus ipse comitatum tenebat, rediisse.» Is videtur fuisse episcopus ille *Tarsi*, qui cum septemdecim aliis præsulibus affuit cuidam synodo Hierosolymis coactæ adversus præfatum Daibertum, teste Alberto Aquisani, *lib. 9. hist. Hierosolymitanæ*

*C cap. 16.* qui etiam *episcopi Tarsensis* meminit, *lib. XI. cap. 40.*

## II. STEPHANUS.

Synodo Antiochenæ anno circiter 1136. habitæ pro examinanda Radulphi hujus sedis Patriarchæ inthronizatione, interfuit *Stephanus* archiepiscopus Tarsi, partesque canonicorum adversus eum propugnavit, ex *Willelmo Tyrio, lib. 15. cap. 16.* Vide supra, ubi de Radulpho inter Patriarchas Antiochenos, *col. 1156. C.*

## III. AUBERTUS.

Anno 1190. sedebat *Aubertus* archiepiscopus Tarsi, de quo mentio fit in quodam privilegio, quod Januensis concessit eo anno Boamundus princeps Antiochiæ, apud *Ughellum, to. 4. Ital. sac. coll. 1215. & 1216. vet. edit.* legitur enim ad calcem: «Actum est



ECCLESIA  
TARS.

» hoc privilegium anno Incarnationis Dom. A  
» M. C. XC. Indict. VIII. prima die mensis  
» Septemb. Datum per manum *Auberti Tar-*  
» *sensis archiepiscopi & principalis curiæ can-*  
» *cellarii, &c.*»

## IV. N.

Innocentius III. epistola 50. lib. I. data  
die 17. Mart. omisso anno, sed probabiliter  
primo sui pontificatus, Christi 1198. *Pa-*  
» *triarchæ Antiocheno, tom. 1. editionis Baluz.*  
» *p. 29. col. 1.* refert Patriarcham, hujus præde-  
» *cessorem, motu propriæ voluntatis archiepi-*  
» *scopum Tharsensem ad Mamistanam ecclesiam*  
» *transluisse: istius porro præsulis nomen in-*  
» *cepisse à littera N. colligitur ex epistola 502.*  
» *ejusdem lib. I. data die 31. Decemb. episcopo*  
» *Tripolitano, pag. 287. & seqq.* In ea enim ait  
» Pontifex: « Sane quum ad apostolatus nostri  
» notitiam luce clarius pervenisset, quod vene-  
» rabilis frater noster Antiochenus Patriarcha,  
» prædecessoris sui exempla sequutus, qui motu  
» propriæ voluntatis N. Tharsensem in Mamistan.  
» dicitur transluisse, &c. »

## V. \* \* \*

Raynaldus, *to. 13. annal.* ad annum 1205.  
» *num. 36.* profert epistolam Leonis regis Ar-  
» *menię ad Innocentium III. Papam eo anno*  
» *scriptam, in qua legitur, n. 38.* « Postquam  
» vidimus dominum Patriarcham (Antioche-  
» num Petrum I.) fecisse judicium & justitiam,  
» concessimus ei restituere *Tarsensem ecclesiam*  
» *cum omnibus... suis, in qua diu suo orbata*  
» *pastore consecratus est archiepiscopus venera-*  
» *bilis cantor Antiochenę ecclesię, &c.* »

## VI. \* \* \* electus.

Anno 1213. idem Innocentius III. epi-  
» *stola 2. lib. XVI. data regi Armenię die 28.*  
» *Februar. tom. 2. edit. Baluz. pag. 134.* eum  
» graviter arguit, non solum quod Patriarcham  
» Græcum sedi Antiochenę intrusum, de quo  
» nos supra, *col. 1159. B.* pro legitimo Pa-  
» triarcha habuerit, sed etiam quod, archiepi-  
» scopo electo Tharsensi sublato de medio,  
» quum Patriarcha (Petrus) speraret ut juxta  
» regis ipsius promissionem archiepiscopus in-  
» titueretur (Latinę communionis;) è contra-  
» rio, redditibus & casibus hujus ecclesię  
» militibus suis sacrilega præsumptione divisis,  
» & Latinis clericis expulsis ab eadem, Græcos  
» illuc intruserit. Attamen ex ejusdem Papę  
» epistola 7. *ibid. p. 738.* colligi posse videtur,  
» regem illum ab incepto aliquatenus resipuisse.  
» Utut sit, inter epistolas encyclicas, quibus  
» Innocentius præfules Latinos Orientis ad  
» concilium suum Lateranense vocabat, nulla  
» legitur pro archiepiscopo Tarsensi, quasi hæc  
» tunc adhuc vacaret.

## VII. \* \* \*

Honorius III. anno 1224. die 17. Decemb.  
» Hierosolymitano Patriarchę sedis apostolicę  
» legato scripsit, ut archiepiscopos *Tarsensem*  
» & Mamistanum, ab Armenis suis sedibus  
» pullos, iis restitui curaret. Ita Raynaldus,  
» *tom. 13. annal.* ad eum annum, *num. 27.*

## VIII. JOANNES I.

## IX. DANIEL.

Ecclesia Tarsensi vacante per obitum *Joan-*  
» *nis ipsius archiepiscopi, Clemens V. Papa*  
» *anno 1310. die 22. Junii Fr. Daniele de*  
» *Terdona, Minoritam, ad eam sedem electum*  
» *confirmavit, teste Waddingo, tom. 3. ad an-*  
» *num 1311. num. 3. pag. 128.* qui diploma  
» pontificium exhibet, *ibid. in Regesto, p. 41.*  
» Hujus Danielis meminit Raynaldus, *to. 15.*  
» *ad annum 1311. num. 74.*

## X. \* \* \*

Idem Raynaldus, *to. 16.* ad annum 1341.  
» *n. 46.* refert à Benedicto XII. sollicitatum  
» *C Tarsensem archiepiscopum cum præsulibus S.*  
» *Thadæi in majori Armenia, Navarzanensi,*  
» & Soldanienfi, ut curarent Armenorum Pa-  
» triarcham synodum celebrare, multosque er-  
» rores damnare, qui Armenis imputabantur.

## XI. PONTIUS.

## XII. JOANNES II.

Waddingus, *to. 4.* ad annum 1366. *n. 18.*  
» *pag. 117.* scribit eo anno die 26. Novemb.  
» Pontio Tarsensi archiepiscopo mortuo ius-  
» sectum esse ab Urbano V. Fr. Joannem,  
» D Minoritam.

## XIII. JOANNES III.

## XIV. JULIANUS.

Idem Waddingus, *ibid.* ad annum 1396.  
» *num. 2. pag. 310.* refert Tarsensi ecclesię in  
» Cilicia vacanti per obitum Joannis, quem  
» non dicit fuisse sui Ordinis alumnum, suc-  
» cessisse eo anno die 17. Maii Fr. Julianum  
» Hectoris, Pisanum, Minoritam.

## XV. JOANNES IV.

Joannes quidam archiepiscopus Tarsensis,  
» Paphensis ecclesię in insula Cipro adminis-  
» trator creatus est à Joanne XXIII. per  
» ipsum, quoad viveret, tenendę & guber-  
» nandę, cui vita functo substitutus est in sede  
» Paphensi Fr. Angelus Narniensis, Ord. Min.  
» à Martino V. anno 1428. die 5. Maii. Ex  
» Waddingo, *tom. 5.* ad annum 1427. *num. 20.*  
» *pag. 190.* qui etiam diploma hujus Pontificis  
» profert in *Regesto, pag. 159.*

## XVI.



## XVI. JACOBUS.

*Fr. Jacobus de Clusio*, Ordinis Præd. ex Romana provincia anno circiter 1449. renuntiatus est à Nicolao V. Tarsensis archiepiscopus, qui quum linguarum peritia poleret, plurimos Infideles ad Christi fidem convertit. Ita Fontana *Theat. Dom. p. 303. tit. 573.* ubi citat Ugurgerium in Pompis Senens. *tit. 7.* Fernandez ad annum 1450. &

## XVII. THOMAS.

## XVIII. UBERTINUS.

Waddingus, *to. 6.* ad annum 1460. *n. 34. pag. 480.* narrat sedi Tarsensi vacanti per translationem Thomæ ejus præfulis ad archiepiscopatum Tarentasiensem, subrogatum esse eo anno die 6. Febr. *Fr. Ubertinum de Monte-Callerio*, Minoritam.

## PROVINCIA OSRHÆNES.

ECCLESIA EDESSÆ  
METROPOLIS.

**E**DESSA, urbs Mesopotamiæ, *Rhoa, Rohas & Orrhoai* Arabibus dicta, ampla & archiepiscopalis, quam à Nembrot conditam tradit Isidorus, media est inter Aleppum ad occasum, & Amidam ad ortum, uti inter Euphratem fluvium ad occasum, & Chaboram ad ortum: distat vero 49. miliaribus à Samosata in ortum, & 45. ab Hierapoli. Comites habuit proprios tempore belli sacri & regum Hierosolymitanorum. Ita Baudrand, *tom. 1. geogr. pp. 353. & 354.* Albertus Aquensis hæc de subjectione hujus urbis spontanea Latinorum ditioni post ingressum eorum in Syriam scribit, *lib. 3. hist. Hieros. cap. 19.* «Fama Baldewini (Balduini fratris Godefridi Bullonii primi Hierosolymorum regis) longe lateque crebrescente, & bellorum suorum virtute super omnes hostes suos divulgata, Dux civitatis «*Kohas*, quæ dicitur *Edeffa*, sita in regione Mesopotamiæ, episcopum (utique Græcum) «ejusdem urbis cum duodecim majoribus civitatis, quorum consilio omnis status regionis « fiebat, ad ipsum Baldewinum misit, quatenus cum Gallis militibus ad urbem descenderet, « terram adversus Turcorum infestationes defenderet, & cum Duce communi potentia & « dominio universos redditus & tributa obtineret. Qui tandem consilio accepto, acquievit, « &c.» Deinde narrat usque ad caput 25. quomodo Edeffam, occiso suo Duce, quem non diligebant, Balduinum hujus necis minime participem, ac renitentem, Ducem suum crearent. Id contigit anno 1097. ante obsidionem Antiochiæ.

## ARCHIEPISCOPI EDESSÆ.

## I. BENEDICTUS.

**B**ENEDICTUS iste archiepiscopo illi Græco successisse videtur, qui Balduinum acciverat. Hunc consecravit Daibertus Patriarcha Hierosolymitanus, statim atque ipse patriarchatum auspicatus est an. 1100. circa festum Paschæ, teste auctore anonymo historiæ belli sacri, apud Mabillonem, *tom. 1. Musæi Ital. pag. 231. num. 135.* Daybertus.... inquit, in patriarchatum Hierusalem sublimatur, &c. Ordinantur ibi quatuor episcopi, scilicet.... Benedictus Edeffæ, &c. Expleta itaque solemnitate paschali, &c. Baldoynus quoque cum suo archiepiscopo Benedicto Edeffam, cujus ipse comitatum tenebat, rediit. Anno 1104. ut refert Fulcherius Carnotensis, *lib. 2. hist. Hieros. c. 26.* captus est Benedictus à Turcis. Quem quum de reculis suis & utensilibus ut jumentum Turci onerassent, patrocinio cujusdam militis Tomus III.

B armipotenti, qui pro eo animam suam charitative posuit, opitulante Deo, de manibus eorum miro suo ausu eum eripuit. Ejus etiam meminit Albertus Aquensis, *lib. 9. capp. 39. & 40.*

## II. HUGO.

Anno 1142. exeunte præerat sedi Edeffanæ Hugo, qui ea civitate capta à Saracenis, cum pluribus aliis ejus incolis periit. «Tantus (enim) in introitu concurrentium populo- rum factus est tumultus, inquit Willelmus « Tyrius, *lib. 16. historiæ cap. 5.* ut præ turba « comprimente multi miserabiliter suffocati « interirent; inter quos & reverendissimus vir « Hugo, ejusdem civitatis archiepiscopus, cum « quibusdam clericis suis eodem dicitur modo « occubuisse, &c.» Id evenisse refert chronicon Alberici, *part. 2. p. 306.* ipso natalis Dominici die.

Ffff



## PROVINCIA SYRIÆ SECUNDÆ.

I. ECCLESIA APAMEÆ  
METROPOLIS.

**A**PAMEA urbs Syriæ, inter Antiochiam ad boream, & Emesam ad austrum sita est, 40. milliar. à mari Syriaco in ortum; nunc *Hamous* vel *Hama* dicitur, ex Baudrand, tom. 1. pag. 71. col. 2. Vide tom. 2. hujus voluminis, cell. 909. 910. Fulcherius Carnot. lib. 2. hist. Hierosol. cap. 43. ad annum 1111. civitatem hanc scribit Tancredi jam dudum juris fuisse, utpote ab eo expugnatam.

## ARCHIEPISCOPI APAMEÆ.

## I. PETRUS.

**G**AUTERIUS cancellarius, cujus elucubratio de bellis Antiochenis extat in volumine dicto, *Gesta Dei per Francos*, à pag. 441. ad 466. cujusdam Petri archiepiscopi Apamiensis meminit, primam duntaxat exprimendo ejus nominis litteram P. sedentis anno 1119. quo Rogerus princeps Antiochiæ in prælio contra Turcas interfectus est. Ait enim, pag. 451. lin. 40. Actumque est, P. archiepiscopo Apamiensi consulente, ut omnes una, facto edicto per exercitum, ante lucem ad capellam conveniant, quatinus ibi vita & moribus emendati, cibo potuque cælesti refecti, in Dei servitio & in nomine ejus, ut decet milites, vivere & mori valeant, &c. Et pag. 452. lin. 50. Quem (Rogerum) archiepiscopus vice beati Petri suscipiens ab omnibus peccatis absolutorus, in nomine Domini & in nomine veræ penitentiæ præcipit bellum præsens aggredi, & agere vel recipere quod divinæ majestati placeret: mori vel vivere, &c. Hunc archiepiscopum Willelmus Tyrius, lib. 12. hist. c. 10. ad annum 1119. diserte Petrum nuncupat: loquens quippe de eadem morte Rogeri, hæc habet: Dicitur tamen quod in ea expeditione, qua confessus interiit, apud dominum Petrum, venerabilem virum, Apamiensem archiepiscopum, qui eidem necessitatis articulo præsens interfuerat, corde contrito & humiliato delicta sua coram Deo confessus fuerat, promittens, auctore Domino, penitentiæ fructus condignos: & sic vere penitens, prælii discrimen ingressus est, &c.

## II. SERLO.

In concilio Antiocheno, quod anno circiter 1136. Radulphi I. Patriarchæ cautâ celebratum est, sedebat Serlo Apamiensis præsul qui, licet ei ab initio adversarius fuisset, inquit Willelmus Tyrius, lib. 15. conversus ad eum,

A domino Patriarchæ suum manifeste (præstitit) patrocinium. Et non multo post: Interim Serlo Apamiensis episcopus in choro Pontificum sine veste residens nuptiali: non enim more aliorum indutus erat pontificalibus: à domino legato (sedis apostolicæ) convenitur, quare reliquis fratribus non consonaret, & quare ad accusandum (Patriarcham) sicut aliquando fecerat, non procederet. Respondit: "Quod aliquando feci, inconsulto calore & contra salutem animæ meæ..... operatus sum, & nunc ab errore devio me, auctore Domino, revocans, nec cum accusare, nec judicare præsumptuose tentabo; sed pro ejus statu & incolumitate paratus sum utque ad mortem decertare." Præcipitur ergo exire, & data in eum sententia excommunicationis simul & degradationis, sive injuste, sive aliter, ab omni officio sacerdotali & pontificali dejectus est, &c. Serlo igitur, sive de facto, sive de jure depositus, Antiochia egrediens, in suam diocesim se contulit, perveniensque ad castrum Harene, ægritudine præventus, & curarum anxius pondere, lecto decubuit, & conversus ad parietem, injuriarum enormitatem non ferens, expiravit.

## III. LA. electus.

Initio pontificatus Innocentii III. &, ut videtur, ipsomet anno 1. Christi 1198. vir quidam, cujus nomen incipiebat à litteris La. jam electus archiepiscopus Apamiensis, ab ea ecclesia, inconsulta sede apostolica, à Patriarcha Antiocheno translatus fuit ad Tripolitanam: propter quod utrumque suspensionis sententia mulctavit præfatus Pontifex: "Licet enim, inquit epistola 50. lib. 1. data die 17. Mart. Antiocheno Patriarchæ, tom. 1. edit. Baluz. pag. 29. col. 1: nondum fuisset in archiepiscopum consecratus, confirmationis tamen munus receperat, & archiepiscopalia, quantum ei licuerat, ministrarat, sicut ipsius nobis relatione innotuit, qui se



» Valeniensem episcopum, quum in nostra A  
» esset praesentia constitutus, asseruit confir-  
masse.» Eum tamen postea ad Tripolitanam  
sedem transferri consensit Innocentius, ut  
supra inter Tripolitanos praefules observavi,  
col. 1175. C.

IV. \* \* \*

Quum graves querelas apud sedem apos-  
tolicam Albertus, Antiochenus Patriarcha,

adversus Armeniæ Catholicum suæ obno-  
xium auctoritati attulisset, illum scilicet præ-  
ter morem ab Antiocheni patriarchatus ob-  
sequio se divulsisse, Gregorius IX. Papa ad  
*Apamiensem* & Mamistranum archiepiscopos  
scripsit anno 1238. die 26. Junii, ut ipsum  
ad officium revocarent. Epistolam profert  
Raynaldus, tom. 13. ad hunc annum, n. 34.

ECCLESIA  
ARTESIÆ.

## II. ECCLESIA BALANÆ.

**B**ALANEA, quæ *Balanææ* Ptolemæo, *Balanææ* Stephano, *Valania* Nigro, *Bagnias*  
Postello nuncupatur, in Theodoriade ad ostia Eleutherii fluvii in ora maris Phœnicii,  
media inter Gabalam ad septentrionem 27. milliar. & Antaradum ad meridiem 24. milliar.  
distans, à Tripoli vero 74. in boream: sedes episcopalis fuit sub archiepiscopo Apameno;  
sed nunc ista sedes Maronienfi unita est. Ita Baudrand, tom. 1. geogr. pag. 138. col. 2.  
Urbem *Valeniam* sub oppido Margat in littore maris sitam asseruit Willelmus Tyrius, lib. 7.  
*historiæ*, cap. 17.

## EPISCOPI BALANÆ.

\* \* \*

**V**idimus paulo supra episcopum *Valaniensem*  
(sive *Balanææ*) ab archiepiscopo Apameno  
*La.* dicto esse confirmatum circa initia pon-  
tificatus Innocentii III. teste eodem Papa  
epistola 50. lib. 1. tom. 1. edit. Baluz. pag. 29.  
col. 1. Is probabiliter episcopus ille *Valeniensis*  
est, cui, & Patriarchæ Antiocheno, ac archi-  
episcopo Nazareno præfatus Innocentius  
quædam mandata injunxisse se adversus Fra-  
tres Militiæ Templi scribit epistola 567. *Ma-*  
*gistro & Fratribus Hierosolymitani Hospitalis*  
data die 8. Febr. *ibid.* pag. 325. col. 2. ubi  
ait: «Quod si forte noluerint, venerabilibus  
» fratribus nostris Patriarchæ Antiocheno, ar-  
» chiepiscopo Nazareno, & *Valeniensi episcopo*  
» dedimus in mandatis, ut eos ad præstandum  
» hujusmodi juramentum per censuram eccle-

**B**isaticam, appellatione remota, compellant, «  
&c.» Annus omittitur, quem fuisse conji-  
cimus Christi 1199. aut 1200.

Idem rursus fortassis, vel ejus successor,  
episcopus ille extitit, qui per mendum *Vala-*  
*ciensis* pro *Valaniensi* dicitur in epistola 186.  
lib. x. ejusdem Innocentii III. Patriarchæ *Hie-*  
*rosol. A. S. L.* data v. idus (id est die 9.) Jan.  
anno 1207. super provisione archidiaconatus  
Antiocheni facienda idoneo viro. In ea enim  
epistola legitur, tom. 2. edit. Baluz. pag. 105.  
col. 1. «Præterea supradictus (Petrus Car-  
dinalis tituli S. Marcelli) legatus Antiochenos  
» canonicos, quos pro eo quod ordinationi  
» suæ contumaciter resisterunt, suspensionis  
» primo, & postmodum excommunicationis  
» sententia innodarat, per *Valaciensem episcopum*  
» & collegas ipsius recepta juratoria cautione,  
» mandavit absolvi, &c.»

## III. ECCLESIA ARTESIÆ.

**U**RBS tractus Antiocheni, quæ à belli sacri scriptoribus *Artasium* sive *Arthesia* dicitur,  
omissa *Arethusa*, eadem fuisse *Arethusa* videtur, nunc *Fornacusa* appellata, haud procul  
ab Apamea, & episcopalis sub archiepiscopo Apameno. Hanc occuparunt Latini anno,  
ut videtur, 1097. utpote ante obsessam eo ipso anno Antiochiam: illam enim expeditionem  
isti præmittit Albertus Aquensis, lib. 3. *hist.* cap. 28.

## EPISCOPI ARTESIÆ.

## I. BERNARDUS.

**B**ERNARDUS iste, Valentiae in Gallia  
natus, & Podiensis episcopi sedis apostolicæ  
legati capellanus, eum in expeditione Hie-  
rosolymitana sequutus est. Hunc Daibertus  
Patriarcha Hierosolymitanus consecravit epi-  
Tomus III.

**D**iscopum *Artasii*, teste auctore historiæ belli  
sacri, apud Mabillonem, tom. 1. *Musæi Ital.*  
pag. 231. circa festum Paschæ, dum adhuc  
viveret rex Godefridus Bullonius, subinde-  
que anno 1099. Anno sequenti primus con-  
stitutus est Antiochenus Patriarcha, de quo  
vide supra col. 1153. A.

Ffff ij



ECCLESIA  
ALBARIÆ.

## II. \* \* \*

Gauterius cancellarius in libro *de bellis Antiochenis* prælum describens Rogeri principis Antiocheni adversus Turcas, in quo ipse periit anno 1119. meminit cujusdam *episcopi Arresii*: extat in volumine cujus titulus *Gesta Dei per Francos*, &c. pag. 451.

A lin. 54. Actum, inquit, ut vasa pretiosa & omnis suppellex honorosa, nocte ad turrem Arresii, episcopo commendanda deferrentur, &c. Et pag. 452. lin. 8. Princeps publice.... voluptatibus præteritis, præsentibus, & futuris abrenuntiando, Deo & episcopo pro lege Domini moriturum, ut decet Christianum, eisdem galeæ suæ laqueis se servum tradidit, &c.

## IV.

## ECCLESIA ALBARIÆ.

ALBARA five Albaria episcopalis sedes erat sub Apamea metropoli, quam Bernardus primus Antiochiæ Patriarcha ad dignitatem archiepiscopalem erexit. De ea hæc scribit Willelmus Tyrius, *lib. 7. hist. c. 8.* «Comes Tolosanus cum suo comitatu & multo pauperum populo egressus Antiochia, ne interim otiosus torpesceret, Albaram urbem munitissimam in Appamiensi provincia constitutam, ab Antiochia quasi duorum dierum itinere distantem, obsedit, & obsessos in ea cives violenter compulit ad ditionem, &c.» Huic autem episcopum præfici statim curavit anno, ut videtur, 1098.

## EPISCOPI ALBARIÆ.

## I. PETRUS.

Præfatus Willelmus post verba modo relata subdit: «Urbe vero capta, & adjacente sibi cum universis suburbanis subjecta regione, quemdam Petrum, Narbonensem genere, de suo comitatu, virum honestæ conversationis & valde religiosum, in ejusdem loci elegit episcopum, cui statim dimidium civitatis & universi contulit territorii, Deo gratias exhibens, quod per ejus operam & studium Oriens episcopum haberet Latinum: qui Antiochiam ut suæ consecrationis munus susciperet, de mandato Comitis profectus, pontificalis adeptus est plenitudinem potestatis. Postmodum vero Antiochena ordinata ecclesia, per dominum Bernardum ejusdem civitatis Patriarcham Latinorum primum, suæ metropolis in eandem ecclesiam transiit dignitatem, suscepto ab eodem pallii genio, factus archiepiscopus.» Hunc tamen

Bejusque successorem appellat Tyrius laudatus solummodo *episcopum Albariensem*, *ibidem capp. XI. XVII. XVIII. XIX. & XX. & lib. 9. cap. 1.*

## II. WILLELMUS.

Idem Willelmus Tyrius, *lib. 8. cap. 19.* Willelmum episcopum Albariensem, Petri subinde, quacumque id ratione contigerit, successorem, adfuisse narrat expugnationi urbis Hierosolymorum anno 1099. mense Julio. «Ingressus est igitur, inquit, Tolosanus Comes, &.... Willelmus de Sabran episcopus Albariensis, & alii multi nobiles.... Hi omnes unanimiter, junctis agminibus, ad unguem armati, per mediam urbem discurrantes, stragem operati sunt horrendam, &c.» De episcopo Albariensi, sive Petro, sive Willelmo, tacito nomine, frequens mentio occurrit in volumine cui titulus *Gesta Dei per Francos*, puta pp. 23. 123. 161. 168. 341. 367. &c.

## V.

## ECCLESIA LARISSÆ.

LARISSA nunc Laris, urbs Syriæ, extat inter Apameam, cujus suffraganea est, & Epiphaniam, habuitque episcopos aliquot ritus Latini.

## EPISCOPI LARISSÆ.

## I. JOANNES I.

F. JOANNES Faber, Ordinis Minor. ad ecclesiam Larissæ in Syria promotus est anno 1437. die 13. Septembris ab Eugenio IV. Papa. Ita Waddingus, *to. 5. ad eum annum, num. 34. pag. 320.*

## D

## II. JOANNES II.

## III. WERBOLDUS.

Idem Waddingus, *to. 6. ad annum 1470. n. 7. p. 708.* refert mortuo Joanni episcopo Larissensi sub patriarchatu Antiocheno substitutum esse à Paulo II. Fr. Werboldum de Heyfs, Minoritam, eo anno die 10. Decemb.



VI. ECCLESIA MARIAMMES.

**M**ARIAMME urbs est suffraganea Apameæ in Syria sub Patriarcha Antiocheno, quam Stephanus *Mariammi* appellat, & dicit urbem esse Phœnicum. De ea vide *tom. 2. præsentis operis, coll. 919. 920.*

EPISCOPI MARIAMMES.

I. DIONYSIUS.

II. DURANDUS.

**E**X Waddingo, *tom. 5. ad annum 1450. num. 17. pag. 587. Dionysio* episcopo Ma-

A riammes sub sede Apameæ mortuo, ad eam ecclesiam evectus est à Nicolao V. Papa, *Fr. Durandus Sapelli*, Ord. Min. eo anno die 6. Novembris.



PROVINCIA EUPHRATENSIS.

I. ECCLESIA HIERAPOLIS  
METROPOLIS.

**H**IERAPOLIS urbs est Syriæ, *Bambyce* Plinio dicta, postea *Menba* sive *Manba* ab Orientalibus nuncupata, & *Menbigium* à Latinis, vulgo *Menbigz*, sed fere diruta est & in vici formam redacta, teste Gollio in notis ad Alferganum. Ab Aleppo bidui itinere distat, & ab Euphrate vix die uno. Hæc Baudrand, *tom. 1. geogr. pag. 480. col. 2.* Vide *tom. 2. præsentis operis, coll. 925. 926.* Hierapolim subegere Latini exeunte sæculo XI. vel ineunte sequenti, eique præfici curarunt sui ritus archiepiscopum.

ARCHIEPISCOPI HIERAPOLITANI.

FRANCO.

**A**NNO 1136. circiter, quo agitata est in concilio Antiocheno, legato apostolico præfide, inthronizatio Radulphi hujus urbis Patriarchæ, sedebat *Franco* archiepiscopus Hierapolitanus, qui præfato concilio interfuit, & Patriarchæ causam adversus canonicos totis viribus propugnavit. «Favebant prædicto Patriarchæ, inquit Willelmus Tyrius, *lib. 15. cap. 14.* illius regionis episcopi, & tanquam dominum & patrem devote venerabantur, Edeffanus videlicet, Coriciensis, & *Hierapo-*

*B litanus* archiepiscopi, &c.» Et *c. 16.* «*Franco* autem *Hierapolitanus*, & Coriciensis... do- «mino Patriarchæ suum manifeste præstabant «patrocinium, &c.» Hierapolim amiserunt Latini ante annum 1152. saltem elapsum: nam idem Willelmus Tyrius, *lib. 17. cap. 17.* post annum 1148. & ante 1152 ait: «De- «cesserunt itaque ecclesiæ Antiochenæ in par- «tibus illis tres archiepiscopi, Edeffanus, *Hie- «rapolitanus*, & Coricensis, quorum ecclesias «etiam nunc infidelitas detinet, & gentilis su- «perstitio, licet invitas.»



II. ECCLESIA CYRRHI.

**C**YRRHUS sive etiam *Cyrrhos*, urbs Syriæ in Cyrestica Ptolemæo & Stephano, *Cyrus* quoque à Cyro rege conditore, nunc vero *Quars* seu *Carin*, distat 45. milliaribus à Zeugma in occasum hybernum, & totidem ab Euphrate fluvio in occasum, 25. autem infra Berroeam seu Aleppum in septentrionem. Fuit primum episcopalis sub archiepiscopo Hierapolitano; postea metropolis evasit sub Patriarcha Antiocheno. Ita Baudrand, *tom. 1. pag. 318. col. 2.* Vide *tom. 2. præsentis operis, coll. 929. 930.*





ECCLESIA  
CYRRHI.

## EPISCOPI CYRRHI.

## I. PETRUS.

**F.** *Petrus de Consleto vel Conflitto*, natione Burgundus, Ord. Præd. archiepiscopus Cyrensis in Syria, de quo Bernardus Guidonis in episcopis provinciæ Græciæ ait: *Fr. Petrus de Consleto, Burgundus, archiepiscopus Cyrensis, sepultus in S. Dionysio.* Florebat Petrus iste anno 1271. quo adfuit capitulo generali sui Ordinis apud Montem-Pessulanum, ut constat ex hujus capituli Actis: postea autem archiepiscopus Cyrensis

A creatus est circa annum 1272. Hæc R. P. Bremond, *tom. 1. Bull. p. 538.* ad annum 1272.

## II. SIFFRIDUS.

*Fr. Siffridus, Teuto, Ord. Præd. episcopus Cyrrhi, vulgo Quars, ante annum 1459. creatus est, quo obiit Theodoricus archiepiscopus Moguntinus, cujus suffraganeus fuit. Adeas R. P. Echard. tom. 1. Script. pag. 820. col. 1. & R. P. Bremond, 10. 3. Bull. p. 220. ad annum 1436.*

## III. ECCLESIA VENECOMPONENSIS.

**E**CCLESIAM *Vencoporiensem*, quæ eadem videtur ac *Venecomponensis* sive *Veneropolitana*, sed alias nobis ignota est, ait Waddingus infra laudandus esse in Armenia sub archiepiscopo Sergiopolensi. Porro Sergiopolis, teste Baudrand, *tom. 2. geogr. pag. 229. col. 1.* urbs est Syriæ in Euphratesia provincia ad Euphratem fluvium, sic à S. Sergio martyre dicta, quum antea Barzaliū nuncuparetur, à Justiniano Imperatore instaurata, & sita inter Melitam ad septentrionem, & Samosatam ad meridiem, non longe à Sura. Olim episcopalis erat sub Hierapoli, sed postmodum in sedem archiepiscopalem erecta est, cui subinde probabiliter inter suffraganeas assignata est ecclesia Venecomponensis.

## EPISCOPI VENECOMPONENSES.

## I. ARTICUS.

**V**ALERIUS Muscheta, Ordinis Præd. in vita B. Joannis Vicentini, ejusdem Ordinis, quæ extat apud doctissimos Bollandistas, *tom. 1. Julii ad diem secundam, inter præfules Dominicanos ex cœnobio Tarvisino assumptos nominat, cap. 3. pag. 476. n. 33. col. 1. B. Fr. Articum Bandachinum episcopum Veneropolitanum (qui) decessit anno 1326.*

## II. BONIFACIUS.

Daniel à V. M. *10. 2. Spec. Carmel. p. 915. num. 3186.* scribit hoc legi epitaphium in templo Carmelitarum Venetiis: *Hic jacet venerabilis P. & D. frater Bonifacius Ordinis divæ Mariæ de Carmelo, episcopus Venecomponensis, qui obiit anno 1374. (die) 26. mensis Aprilis.*

## III. CONRADUS.

Idem Daniel à V. M. *ibid. p. 916. n. 3191.* aliud refert epitaphium, quod extat in basilica Carmelitarum Colonienſium. Est hujusmodi: *Anno Domini 1433. die ultima mensis Julii, obiit quondam R. P. & DD. Conradus de Arnsberg, Dei gratia episcopus Venecomponensis, Ordinis Carmelitarum, reverendissimi in Christo Patris & Domini nostri D. Theodorici de Morſa, eadem gratia S. Colonienſis ecclesiæ*

B archiepiscopi in pontificalibus vicarius generalis, hic sepultus, &c. Eleclus fuit anno 1397.

## IV. JOANNES.

Ex Waddingo, *tom. 5. ad annum 1434. num. 5. pp. 263. & 264. Venecoporiensis (ecclesiæ) in Armenia sub archiepiscopo Sergiopolis (sedis) Fr. Joannes Slechter (Minorita) sacre theologiæ professor, per obitum Conradi (diplomate Eugenii IV.) Apostolatus officium, C VI. kal. Nov. anno IV. (id est die 27. Octob. anno 1434) quod exhibet idem Waddingus, ibid. in Regeſto Pontif. pag. 217.*

## V. HENRICUS.

*Henricus de Rubenach (Ord. Præd.) episcopus Venecomponensis, sacre theologiæ magister, Roberti Bavari archiepiscopi Colonienſis suffraganeus ab anno 1458. Roberto abdicante, & ipse abdicavit: deinde Coloniae legit publice theologiā, & decanus fuit gymnasii theologi, & obiit anno 1484. Sepultus ad Prædicatores. Sic Heister in suffraganeis Colonienſibus, pag. 98. à nostris de Ravennato vel Rivenio corrupte dictus. Hæc R. P. Echard. in indice episcoporum. tom. 2. Script. p. 25. col. 1. Ejus meminit Fontana Theat. Dom. p. 67. tit. 27. num. 2. & p. 318. tit. 622.*



## PROVINCIA CILICIÆ PRIMÆ.

### ECCLESIA CORYCI METROPOLIS.

**CORYCUS**, urbs Ciliciæ in Asia minori, quæ à quibusdam *Corycium* dicitur, nunc *Carachisar* Turcis, *Churco* & *Churc* nautis, in Caramania regione, cum portu capaci & arce munita in ora maris Cilicii, 25. miliaribus distat à Pompeiopoli in occasum, 60. à Tarso (cujus suffraganea fuit) & 46. ab ora proximiori Cypri insulæ in septentrionem. Ita Baudrand, *tom. 1. geogr. pag. 303. col. 1.* Vide *tom. 2. præsentis operis, coll. 879. 880.* Hanc urbem cum omni regione occupaverant Franci & Latini sub finem sæculi XI. vel initio sequentis, sedemque archiepiscopalem ad honorem constituerat Patriarcha Antiochenus, sed medio eodem sæculo in Turcarum potestatem unà cum Edeffa & Hierapoli rediit, ut paulo supra observatum est ex Willelmo Tyrio, *lib. 17. hist. cap. 17.*

### ARCHIEPISCOPI CORYCI.

GERARDUS.

IN concilio Antiocheno pro causa Radulphi I. ipsi patrocinator est Gerardus Cori-

*ciensis archiepiscopus*, teste præfato Willelmo Tyrio, *lib. 15. capp. 14. & 16.* Vide supra, ubi de Francone archiepiscopo Hierapolitano, *col. 1193. B.*

## PROVINCIA CILICIÆ SECUNDÆ.

### ECCLESIA MAMISTRÆ METROPOLIS.

**MAMISTRA** five *Malmistra*, ipsa est *Mopsuestia* urbs Ciliciæ in Asia minori, quæ *Mopus* Plinio dicitur. In mediterraneis extat ad Saronem fluvium, à quo in duas partes dividitur, veterem & novam. Hæc Baudrand, *tom. 1. geogr. pag. 677. col. 1.* Vide *tom. 2. præsentis operis, coll. 889. 890.* Observandum autem, *col. 891.* ubi de Theodoro II. episcopo Mopsuestiæ, *lin. 10. B.* delendam esse vocem *Sedebat*. Ea urbs in potestatem Latinorum venit, antequam Antiochiam obsiderent anno 1097. Hanc ad sedem episcopalem evexit Patriarcha Antiochenus.

### ARCHIEPISCOPI MAMISTRÆ.

I. BARTHOLOMÆUS.

ANNO 1100. circa festum Paschæ, Daybertus Hierosolymitanus Patriarcha præsules quatuor consecravit, inter quos fuit Bartholomæus pro ecclesia Mamistræ. Ita auctor historiæ belli sacri, *tom. 1. Musæi Ital. Maillon. num. 135. pag. 231.* Hic subinde fuit episcopus ille de Mamistra, quem Albertus Aquensis, *lib. 9. cap. 16.* affuisse ait cuidam concilio Hierosolymitano adversus præfatum Daybertum Patriarcham coacto prioribus sæculi duodecimi annis.

II. RADULPHUS.

Radulphus iste, de quo jam mentionem

B fecimus inter Antiochenos Patriarchas ritus Latini, *col. 1155.* D. utpote qui eam sedem obtinuit anno 1134. aut 1135. post obitum Bernardi Patriarchæ primi, ex ecclesia Mamistrana ad hanc patriarchalem transivit.

III. \* \* \*

Inter regum & principum epistolas XXVIII. quæ extant in volumine dicto *Gesta Dei per Francos*, à pag. 1172. usque ad pag. 1185. epistola 4. quæ est Amalrici Hierosolymorum ab anno 1162. regis, ad Ludovicum VII. regem Franciæ scripta, hujus latorem indicat archiepiscopum Mamistræ. « De cætero, inquit rex Amalricus, pag. 1174. lin. 20.



ECCLESIA  
MAMISTRÆ.

» vestræ commendamus paternitati præsen-  
» tium latorem magnæ honestatis virum &  
» venerabilem *Mamistræ archipræsulem*, ad  
» omnia bene agenda strenuum, quatinus  
» eum benigne recipiatis, & ei sicut ori  
» nostro credatis, &c.» Idem Amalricus in  
» epistola 9. *ibid. pag. 1176.* auxilium petens  
» à præfato Ludovico, ait: «Et negotii illius  
» pro quo venerabilis *archiepiscopus Mamif-*  
» *trensis* Galliarum partibus destinatus est, me-  
» mores sitis, quoniam in instanti plus quam  
» lingua queat exprimi, necesse est fieri. Præ-  
» terea ex quo *Mamistrensis archiepiscopus* à

I V. N.

V. \* \* \*

Innocentius III. epistolis 50. & 502. lib. I.  
» *tom. 1. edit. Baluz. pp. 29. & 287.* meminit  
» cujusdam archiepiscopi Tharsensis N. (for-  
» tassiss *Nicolai*) qui ab Antiocheno Patriarcha,  
» prædecessore illius Patriarchæ ad quem tunc  
» ipse anno circiter 1198. scribebat, ad *Ma-*  
» *mistranam* ecclesiam propria auctoritate trans-  
» latus fuerat. Vide supra de eo inter episcopos  
» Tharsenses, *col. 1183. A. B.*

Alter fortassis ab eo fuit *archiepiscopus* ille  
» *Mamistanus*, de quo idem Innocentius lau-  
» data epistola 50. hæc loquitur: «Sciturus,  
» quod nos ab exauditione petitionis quam  
» pro venerabili fratre nostro *archiepiscopo Ma-*  
» *mistano* porrexeras, revocavit, &c.»

V I. \* \* \*

Quum anno 1224. Armeni Tarsensem

A & *Mamistanum* archiepiscopos, cæterosque  
» earum regionum clericos expulissent., Ho-  
» norius III. Papa injunxit Hierosolymitani  
» Patriarchæ suffraganeis, ut eorum catholicon,  
» aliosque Armeniæ procures pro viribus in-  
» ducerent ad restituendas illis archiepiscopis  
» & capitulis suas ecclesias. Epistolam hanc,  
» datam eo anno die 17. Decembris, exhibet  
» Raynaldus, *tom. 13. annal. ad illum annum,*  
» *num. 27.*

VII. \* \* \*

B Idem Raynaldus, *ibid. ad annum 1238.*  
» *num. 34.* scribit à Gregorio IX. injunctum  
» Apamienfi & *Mamistano* archiepiscopis, epi-  
» stola data hoc anno die 26. Jun. ut Armeniæ  
» catholicon, qui Antiocheni patriarchatus se  
» substrahebat obsequio, ad officium revocare  
» conarentur.

VIII. CONSTANTINUS.

Clemens V. in epistola quam Gregorio  
» Patriarchæ & Leoni regi Armenorum de  
» copiis auxiliaribus ad eos trajecturis scripsit  
» anno 1306. die 2. Jul. apud præfatum Ray-  
» naldum, *to. 15. ad eum annum, n. 13. Con-*  
» *stantinum archiepiscopum Mamistanum* com-  
» memorat. «Sicut primo, inquit, per vene-  
» rabilem fratrem nostrum *Constantinum archi-*  
» *episcopum Mamistanum*, & deinde per dilectos  
» filios magistrum Joannem Antiochenum, &  
» Colozanum, & Ægidium nuntios vestros  
» accepimus, &c.»





# PROVINCIA CYPRI.

**H**IS quæ de Cyprio insula fufe dicta sunt *tom. 2. hujus operis, coll. 1037. 1038. & seqq. & coll. 83. & 84. præsentis tom. 3. subjungenda duntaxat ducimus pauca quædam ex Baudrand, tom. 1. geogr. p. 317. col. 2. «Cyprus.... multis olim nominibus appellata (est) teste Plinio, Acamantis, Amathusa, Aspelia, Ceraſtis, Colinia, Cryptus & Macaria. «Extenditur (vero) ab ortu in occaſum, inter mare Cilicium ad ſeptentrionem, (mare) «Syriacum ad ortum, (mare) Ægyptiacum ad meridiem, & (mare) Pamphilium ad occaſum. «Ejus longitudo eſt 220. milliar. inter Acamantem promontorium occidentale, & Clides «promontorium orientale: latitudo vero eſt 60. milliarium. Dicta fuit etiam *Chitim* & terra «*Citim*, ut Ziegletus ſcribit, & *Chetima* à Joſepho; (nunc).... *Kubros* Turcis (&) *Kubrus* «Arabibus (nomen habet,) 75. milliar. diſtans ab ora Syriæ in occaſum, & vix 50. ab ora «Ciliciæ & Amathus, Salamis & Paphos: nunc totius inſulæ caput eſt Nicoſia, olim Leu- «coſia.... Hæc inſula habet duas urbes metropoles, ſive archiepiſcopales ſecundum alios, «unam Græcorum, quæ olim *Salamis* & poſtea *Conſtantia* dicta eſt, cui epiſcopi ſuffraga- «bantur quatuordecim, &c. alteram Latinorum, (ſcilicet) *Leucoſia* ſive *Nicoſia*, cui ſuffra- «gantur *Hamacoſtos* (ſive *Famagoſta*) *Paphos*, & *Neapolis* (Nimeſi) epiſcopatus Latini, &c.» Quibus etiam addenda videtur *Ceraunia* ſive Gallicè *Cerines*, ob nonnullos ejus Latini ritus præſules.*

## I. ECCLESIA NICOSIÆ METROPOLIS.

**D**E Nicoſia urbe hæc tradit præſatus Baudrand, *tom. 2. pag. 23. col. 2. «Nicoſia....* urbs Cypri inſulæ, archiepiſcopalis & permunita, in meditullio inſulæ.... in planitie «admodum irrigua, 36. milliar. diſtans à Famaguſta in occaſum, & 30. à Pedalio promon- «torio in ſeptentrionem.» Olim *Leucoſia* nuncupabatur, *Ledra* quoque plurali numero ſive *Ledrum*, & *Leutheon*, ut præſato *tom. 2. præſentis operis, coll. 1075. 1076. observatur. Hæc* totius regni Cyprii caput facta eſt à Guidone Luſinianorum regum primo, qui obiit anno 1194. Scribunt quidem Stephanus Luſinianus *hiſt. gener. regni Cyprii cap. 19. fol. 85. & Henricus Giblet, pag. 31. Alifiſiam uxorem Hugonis I. regis Cypri, dum ipſe abſens erat, adverſus Turcas bellum gerens, legatum miſiſſe cum litteris ad Innocentium III. & ſynodum Lateranenſem, quibus enixe petebat ut, quemadmodum olim, Salamina deſtructa, ſedes ejus archiepiſcopalis ad urbem Famaguſtam tranſſata fuerat, ſic quoque ex ea ad urbem Nicoſiam transferretur; quod conſequuta eſt: verum tranſlationem hanc eſſe antiquiorem, & in ipſis fortaiſſis regni Cyprii exordiis ſub Guidone, vel ejus fratre ac ſucceſſore Amalrico Hugonis I. patre obtentam, arguere videtur de archiepiſcopo *Nicoſieſi* mentio non ſemel occurrens ante annum 1215. ut ex modo dicendis palam fiet: quamvis præſatam tranſlationem in ſynodo Lateranenſi confirmari potuiſſe non inſiciet.*

## ARCHIEPISCOPI NICOSIÆ.

- I. \* \* \* *Durandus electus.*  
II. \* \* \*

**R**AYNALDUS, *tom. 13. ad annum 1206. num. 6. refert Nicoſienſem archiepiſcopum hoc ipſo anno in juſ vocatum eſſe ab Innocentio III. epiſtola 145. lib. 1x. ut cognosceretur an Conſtantinopolitano Patriarchæ ſubjici deberet, an non. Is autem probabiliter Latinus fuit, primuſque hujus ritus in inſula Cyprio archipræſul, qui obiit ante annum 1211. elapſum.*

*Tomus III.*

**A** *Durandus* quippe eccleſiæ Nicoſienſis theſaurarius in archiepiſcopum à capitulo ejusdem eccleſiæ eo anno electus eſt; ſed quia vir quidam nobilis aliquid contra eum ſcripſerat ad Innocentium III. quod ipſe electus falſum eſſe proteſtabatur, Papa commiſit Patriarcham Hieroſolymitanum, qui ea de re diligentius inquireret; ſi vero deprehen-deret inſontem, illum faceret conſecrari, pal-lioque quod illi mittebat, eundem ornaret. Epiſtola eſt 134. lib. xiv. data die 30. Decemb. anni 1211. *tom. 2. edit. Baluz. p. 570.*

G g g g



ECCLESIA  
NICOSIÆ.

col. 2. Hanc tamen electionem irritavit Patriarcha, *non personæ, sed electionis vitio*, verba sunt Papæ in epistola 206. lib. xv. *capitulum Nicosiense* data die 15. Januarii anno 1212. pag. 706. col. 1. cujus hanc rationem ipse profert epistola 204. *illustri regi Cypri* data die 13. Jan. p. 705. col. 2. *Ecce Nicosiensem ecclesiam tam duræ conditionis subicere* (subjicere) *jugo laboras, quod ei non pateris per electionem canonicam de persona idonea provideri, ejusdem canonicis eligendi necessitatem indicens illum quem de duobus tibi nominandis ab ipsis tu primo duxeris eligendum, &c.*

Porro nisi Durandus iste iterum electus sit eo anno 1212. alius fuit nobis ignotus, quem & ejus episcopos Innocentius III. vocavit ad concilium Lateranense litteris suis encyclicis, datis anno 1213. die 19. Aprilis. *In eodem modo* (archiepiscopo & episcopis) *per Cyprum* (constitutis) *tom. XI. conc. Labb. part. 1. col. 125. B.*

## III. EUSTORGIUS.

*Eustorgius*, ex Stephano Lusiniense in viris illustribus, consecratus fuit ab Innocentio III. eo anno in concilio Lateranensi archiepiscopus Nicosiensis, qui subinde archiepiscopus ille Nicosiensis fuisse videtur, quem Jacobus de Vitriaco, lib. 3. *hist. Hierosol.* refert ad annum 1217. transisse cum pluribus aliis episcopis in Terram-Sanctam. Anno autem sequenti ipse cum Joanne rege Hierosol. Duce Austriæ, Patriarcha item Hierosolymitano, aliisque præsulibus scripsere de obfidione Damiatæ à Latinis epistolam, cujus fragmentum tradit Raynald. ad annum 1218. num. 6. De eo Eustorgio hæc ait etiam Albericus in chronico ad annum 1219. part. 2. p. 505. «Episcopo Roberto de Podio occiso succedit Bernardus de Monteacuto, nepos ex fratre *Eustorgii de Alvernia Nicosiensis archiepiscopi*, & episcopi (Limiconiensis) Fulconis, &c.» Et infra ad annum 1239. p. 574. de ejus morte. «Mortuus est archiepiscopus Nicosiensis in Cypri *Eustorgius*, qui fratrem habuit Fulconem Limiconiensem episcopum.» Legendus Raynaldus ad annum 1222. num. 10. ad annum 1225. num. 9. & ad annum 1226. num. 57.

## IV. ELIAS I.

Eustorgium probabiliter excepit *Elias*, de quo, tacito nomine, hæc nos docet Raynaldus præfatus ad annum 1240. num. 44. «*Archiepiscopus Nicosiensis* apostolico jussu, ut Græcum clerum in Cypri ad hæresim omnem evomendam, atque ad sedis apostolicæ accipienda imperia impelleret, egregiam operam navarat, reluctantibusque anathema

intentarat. At Græci clerici, petito ad deliberandum spatio, magna ex parte expilatis ecclesiarum suarum ac monasteriorum opibus, in Armeniam profugerant, atque anathema in eos intorserant, qui Latino archiepiscopo parerent. Qua de re admonitus Nicosiensis archiepiscopus, Romanum Pontificem (Gregorium IX.) quid facto opus esset consuluit; qui illi ut viduis ecclesiis idoneos pastores præficeret imperavit.» Epistolam Papæ refert, num. seq. datam eo anno die 13. April. Idem narrat ad annum 1248. num. 33. quum S. Ludovicus rex Francorum in Palestinam iter dirigens, ad insulam Cyprum eo anno applicuisset, Græcum archiepiscopum hujus insulæ, qui se à Latini archiepiscopi obsequio subduxerat, esse reversum, atque alios qui anathemate defixi fuerant, in ecclesiæ gratiam restitutos, & ad gaudii publici cumulum, Sarracenos plures qui in vinculis tenebantur, post ardentissimas eorum preces undis baptismalibus lustratos.

*Tom. XI. conc. Labb. part. 2. col. 2400. A.* extat constitutio Heliae archiepiscopi Nicosiensis, de Canonicis supernumeratis, quæ sic incipit: «In nomine Domini. Amen. Nos frater *Helias*, Dei & apostolicæ sedis gratia, archiepiscopus Nicosiensis, &c.» Et infra *ibid.* D. E. «Ordinationes seu institutiones D. Odonis Tusculani episcopi, A. S. L. in regno Cypri anno 1248. Considerantes, &c. tam venerabilem P. E. (Eliam) archiepiscopum.... adstrinximus juramento, &c. Actum anno 1248. mense Martio.» *Ibid. col. 2405. C.*

Anno 1250. Cyprii Græci plures à fidelium communione alieni Innocentio IV. se subjecerunt, quibus ille nonnulla beneficia exposcentibus, scilicet ut suæ nationis præfules quatuordecim episcopatibus, pro more antiquo, præficerentur, nec subessent Latinis præsulibus, sed pari cum ipsis libertate sedi apostolicæ tantum essent obnoxii, hæc liberaliter indulgit. Ita idem Raynaldus ad annum 1250. num. 41. ubi & profert epistolam Pontificis, episcopo Tusculano (Odoni) A. S. L. ea de re datam illo anno die 21. Jul. Obiit Elias eodem anno, vel initio sequentis 1251.

## V. HUGO.

*Hugo* iste archiepiscopus Nicosiensis erat initio anni 1251. nam *tom. XI. conc. Labb. part. 2. col. 2400. A.* in fine cujusdam constitutionis, qua declarantur & denuntiantur excommunicati, habetur: «Recitata sunt prædicta populo in magno cœmeterio Nicosiensis ecclesiæ, in die Palmarum, tempore D. Hugonis Nicosiensis electi consecrati anno Domini 1251. Non. idus April. (Fortassis redundat vox *idus*, & legendum *Nonis April.*»



id est die 5. mensis hujus: in nullo enim mense plures numerantur idus quam VIII.) Extat etiam, *ibid. col. 2382.* B. statutum legati Odonis, *venerabili P. H. Dei gratia archiepiscopo Nicosiensi: Odo, &c. datum in Joppe anno Dom. 1252. Nonis* (id est die 5.) *Jan.* Item aliud, *Nihilominus, &c. datum in Joppe anno D. 1252. IV. Non.* (id est die 4.) *Mart. ibid. col. 2383.* A. B. Item anno Domini 1253. XIV. kal. Jul. (id est die 18. Jun.) in synodo ab eodem D. Hugone Nicosiensi archiepiscopo in Nicosiæ ecclesia publicatæ fuerunt duæ constitutiones, &c. *ibid. B. C. Item col. 2405. C.* « Constitutio Odonis legati contra Simoniacos lata in concilio provinciali Syriæ anno 1254. cujus initium: *Venerabili in Christo P. H. (Hugoni) Dei gratia archiepiscopo Nicosiensi, vel ejus vicariis, &c.* » Finis autem: « *Actum in Accon anno Dom. 1254. VIII. idus* (id est die 6.) *Aug.* » *ibid. col. 2409. C.* De eo vide insuper *coll. 2384. D. E. 2385. E. & 2386. C.*

Hujus Hugonis tempore gravis inter ipsum & Germanum, Græcorum ejusdem insulæ archiepiscopum, exarsit controversia de Latini metropolitæ auctoritate in Græcos Cyprios. Germanus quippe se legitime electum à Græcis episcopis de licentia Innocentii IV. Papæ contendebat: id è contra inficiabatur Hugo, asserens post subactam à Latinis Cyprium insulam, unam ejus metropolim esse à Cœlestino III. institutam, cui cæteri episcopi, tum Latini, tum Græci parerent: unde Germanum ut contra leges promotum archiepiscopali gradu deturbabat. His autem petitus injuriis Græcus antistes, ad Alexandrum IV. anno 1260. confugit; qui, cognita causa, Hugoni quidem indulgit, ut post Germani obitum sive cessionem nullus deinceps metropolita Græcus ejus in locum ordinaretur, quatuor etiam solummodo Græci ritus episcoporum sedes forent, *Soliensis* nimirum in diocesi Nicosiensi, *Arsinoënsis* in Paphensi, *Carpasiensis* in Famagustana, & *Leucarensis* in Nimosiensi: hi vero speciali sacramento Latinorum episcoporum clientes se profiterentur. At Germanum, quandiu superstes esset, archiepiscopi Græcorum honore & juribus potiturum; sic tamen ut vel in urbe Soliorum, cujus præsul ad urbem Arsinoën tunc vacantem transfret, vel in monasterio S. Barnabæ Soliensi moraretur. Constitutionem Alexandri Papæ, ea de causa datam anno 1260. die 3. Jul. legere est *tom. XI. conc. Labb. part. 2. à col. 2352. C. ad col. 2359. C.*

#### V I. R A P H A E L.

Hugoni successisse videtur *Raphael*, cujus una constitutio pro instructione Græcorum, *Tomus III.*

A his verbis incipiens: *Ecce isti de longe venient,* &c. refertur eodem *tom. XI. Labb. col. 2386.* ECCLESIA NICOSIÆ.

E. Plura capitula continet sancita in quodam concilio provinciali, cui præfuerat iste Raphael: nam in conclusione legitur, *ibidem col. 2388. Hæc & multa alia considerantes nos Raphael, miseratione divina Nicosiensis archiepiscopus, &c.* Tacetur autem quo anno ea edicta fuerint. Fortassis fuerit archiepiscopus ille Nicosiensis, de quo ita loquitur Raynaldus ad annum 1264. n. 66. « Diuturnas Græcos inter ac Latinos regni Cypri præfules controversias deciderat Alexander (IV.) sed « Græci ac Syri non steterere pontificiæ sententiæ, atque à *Nicosiensi archiepiscopo* insulæ metropolita defecere: quumque archiepiscopus infanda crimina, quæ Nicosiæ patrabantur, plectere meditaretur, magistratuumque auxilio destitutus, impunita relinquere cogeretur, vitia in dies pullulabant. Quo audito, Pontifex (Urbanus IV.) ad regiæ aulæ procuratorem ac proceres scripsit, ut archiepiscopo Græcos Syrosque ad officium revocanti, immaniaque crimina.... punienti opem explicarent; ni facerent, se archiepiscopi eorum auxilio destituti in eos latas sententias firmas justasque habiturum.» Partem epistolæ Pontificis exhibet *ibid. Raynaldus.*

#### V II. R A N U L P H U S.

#### V III. J O A N N E S I.

Sede Nicosiensi vacante per obitum *Ranulphi* ejus archiepiscopi, Nicolaus IV. duobus rejectis qui à capitulo, suffragiis dissidentibus, electi fuerant, *Joannem*, Minor. renuntiavit hujus ecclesiæ præfulem anno 1288. die 20. Octobris. Ita Waddingus, *tom. 2. ad hunc annum, num. 37. pag. 542.* qui diploma, *Sponso cælesti* profert, *ibid. in Regesto Pontif. pag. 182.*

#### I X. G E R A R D U S.

Joanne, illo probabiliter quem modo memoravimus, ad Turritanam ecclesiam ex Nicosiensi translato anno 1295. ut habet Ughellus, *tom. 2. col. 1052. num. 16. D. vet. edit.* in ejus locum assumptus est *Gerardus*, qui anno 1298. synodum provincialem Nimocii celebravit die 22. Septemb. ejusque acta promulgavit *ibidem* die sequenti. Vide *tom. XI. conc. Labb. part. 2. coll. 2409. D. & 2417. E.* Hujus meminit, tacito nomine, Bonifacius VIII. in epistola Henrico regi Cypri data anno 1299. die 10. Junii apud Raynaldum ad eum annum, *num. 38.* Is anno 1303. in Galliis morabatur, regisque Philippi Pulchri adversus Papam simultatum habebatur fautor, propter quod Bonifacius, diplomate dato eo anno Anagninæ die 15.

G g g g ij



ECCLESIA  
NICOSIÆ.

Aug. eundem ab administratione bonorum omnium spiritualium & temporalium ecclesiæ Nicosiensis suspendit. Diploma illud, in quo appellatur *Gerardus*, transcripsit idem Raynaldus ad eum annum, num. 37. Non alius ab eo fortassis fuit archiepiscopus ille *Nicosiensis*, quem Clemens V. litteris encyclicis, datis anno 1307. die 12. Aug. invitavit ad concilium Viennense, tom. XI. conc. supra cit. col. 1548. C. *Nicosiensi* & Paphensi; quem etiam aliis litteris, datis anno 1311. die 29. Aug. quas exhibet præfatus Raynaldus ad eum annum, num. 53. de causa Templariorum certiore fecit.

## X. JOANNES II.

*Joannes de Polo*, quem Ughellus de Provincialibus cognominat, tom. 3. Italiae sac. col. 528. num. 54. B. C. veter. edit. Pisanus, Ord. Præd. ad sedem Pisanam evectus est anno 1299. die 13. Febr. à Bonifacio VIII. & ex ea ad Nicosiensem in Cypro translatus à Clemente V. anno 1213. die 10. Maii. Has autem ex ejusdem ecclesiæ Nicosiensis constitutionum codice ms. optimæ notæ refert Labb. tom. XI. conc. part. 2. à col. 2424. B. ad col. 2431. C. D. scilicet anno 1320. die 7. April. constitutiones 19. Anno 1321. die 17. Jun. alias constitutiones. Anno 1323. die 31. Augusti alias. Denique anno 1325. die 30. Mart. alias constitutiones. Ita R. P. Echard. tom. 1. Script. pag. 559. ad annum 1325. coll. 1. & 2. qui supra, p. 418. agens de Joanne Columna archiepiscopo Messanensi, ad annum 1290. observat Stephanum Sampayo delusum ex Laurentio Pignon male intellecto, alios in errorem induxisse. Dixit enim Pignon tantummodo, *Fr. Joannes Romanus* (ipse est *Joannes de Polo*, quem Romanum nuncupat, eo quod esset Romanæ provinciæ alumnus) fuit archiepiscopus Nicosiensis. F. Joannes Columna Provincialis Tusciæ archiepiscopus Messanensis. Sampayo autem utrumque cognominavit de Columna. Hinc porro Rochus Pirrus Sicil. sac. to. 1. p. 335. num. 5. post Mich. Pio, quem citat, scribit Joannem de Columna, archiepiscopum Messanensem, ad Nicosiæ ecclesiam in Cypro insula anno 1262. translatum esse, ibique obiisse anno 1264. Joannes quippe de Columna archiepiscopus Messanensis fuit, at nunquam Nicosiæ. Giovanni dal Conte Arcivescovo di Cypro meminit Henricus Giblet, pag. 290. ad annum 1324. qui subinde ipse est, quem nunc laudamus. Obiit anno 1332.

## XI. HELIAS II.

*Helias de Nabinallis*, Ordinis Min. Gallus Petragoricensis, post Joannis obitum in Ni-

A cosiensem archiepiscopum electus est anno 1332. die 16. Novembris. Ita Waddingus, tom. 3. ad eum annum, num. 7. pag. 392. qui etiam diploma Joannis XXII. Militanti refert in Regesto Pontif. pag. 227.

Tom. XI. conc. Labb. part. 2. col. 2431. E. extat hujus Heliae Nicosiensis archiepiscopi constitutio sine nota temporis: incipit, *Quam laudandæ*, &c. quam subsequuntur acta concilii Nicosiæ celebrati ab Helia archiepiscopo, ejusque suffraganeis anno 1340. Initium est, col. 2432. B. C. « Congregato & convocato provinciali concilio regni Cypri in aula archiepiscopatus Nicosiensis per R. in Christo P. & DD. Fr. Heliam, Dei & apostolicæ sedis gratia archiepiscopum Nicosiensem, metropolitanum regni prædicti, unà cum suffraganeis suis RR. in Christo PP. dominis Odone Paphensi, Lambertino Nimociensi, & Fr. Marco Famagustano & Anteradeni episcopis; & præsentibus, & eidem concilio interessentibus venerabilibus in Christo Patribus Fr. Leondio de Solia Nicosiensis, Fr. Matthæo de Lascino Paphensis, Fr. Clemente de Lescara Nimociensis, & Fr. Michael de Carpasio Famagustanæ diocesis Græcorum episcopis; & Fr. Georgio Maronitarum (*Georgius* hic Maronitarum præsul in insula Cypri, omissus fuit inter antistites Maronitarum, col. 83. C. hujus tomi, ubi locum habere debuerat, ante Joannem qui primus recensitus est Maronitarum archiepiscopus) & Fr. Gregorio Armenorum præsulibus & episcopis; & aliarum nationum, videlicet Nestorinorum & Jacobitarum rectoribus; & aliorum clericorum Latinorum & Græcorum & dictarum nationum multitudine copiosa: præfatus D. archiepiscopus, &c.» Deinde col. 2433. A. legitur: « Confessio fidei, Quoniam in regno Cypri, &c.» Qua recitata, subiungitur, col. 2435. E. « Memorati Græcorum, Maronitarum & Armenorum episcopi, & præmissarum aliarum nationum majores pro se & subditis suis, intellectis omnibus & singulis supradictis, & super singulis articulis fidei, &c. Singuli singulariter, & universaliter universi... clare, aperte, distincte, & singulariter & explicitè recognoverunt... & devota confessione professi, illa omnia & singula in dicti scripti serie comprehensa vera esse, & quod illa omnia & singula firmiter credebant... quod ita erat ab omnibus catholicis absque dubietate credendum, & quod sacrosancta Romana ecclesia erat mater omnium fidelium, & magistra super omnes ecclesias plenum principatum obtinens & primatum; & quod SS. in Christo P. D. Benedictus, divina Providentia Papa XII. successor B. Petri, & in terris vicarius J. C. erat cunctorum »



» fidelium pater, & pastor, & dominus, cui  
 » singuli prælati ecclesiarum omnium debent  
 » reverentiam humilem, ipsique reverentiam  
 » eidem & obedientiam promittebant. Petentes  
 » humiliter quod eis liceret in suis ritibus fidei  
 » non contrariis permanere, ac deprecantes  
 » dictum D. archiepiscopum, ut devotionem  
 » eorum intimare domino summo Pontifici dignaretur, &c.» *ibid. col. 2436.* A. B. «Lectæ,  
 » &c. Et scriptum per me Notarium infra  
 » scriptum sub anno à nativitate Domini 1340.  
 » Indict. VIII. die Lunæ 17. mensis Januar.»  
*ibid. col. 1439.* B. C. De eo Helia intelligendus est Raynald. *to. 16.* ad annum 1335.  
*num. 35.* & ad annum 1336. *num. 41.* quem  
 reipfa *Elia* appellat ad annum 1338. *n. 71.*  
 additque ad annum 1342. *num. 24.* à Clemente VI. Hierosolymorum Patriarcham creatum, relicta nihilominus ipsi ecclesiæ Nicosiensis administratione: legendus quoque Waddingus, *tom. 3.* ad annum 1342. *num. 4. pag. 480.* qui etiam diplomata Clementis VI. *Romana ecclesia & Cum ecclesiarum*, data die 12. Jul. eo anno exhibet, *ibid. in Regesto Pontif. pag. 265.* Eodem rursus anno die 20. Septembris Helias renunciatus est Cardinalis, & demum obiit anno 1367. die 4. Octobris.

## XII. P H I L I P P U S I.

Helia successit in sede Nicosiensi Philippus, qui an. 1350. & seqq. constitutiones 4. edidit legendas *tom. XI. conc. Labb. part. 2. coll. 2439.* D. & 2441. A. B. C. Raynaldus ad annum 1350. *num. 37.* epistolam Clementis VI. transcribit, datam *venerabili fratri Philippo archiepiscopo Nicosiensi* eo anno die 16. Septemb. qua ipsi injungebat ut errores quosdam ab Armenis ejurari curaret. Anno sequenti 1351. eidem ejusque suffraganeis episcopis mandavit epistola, data die 22. Septembris, ut sapientem aliquem virum catholicæ fidei studio succensum ad Armenorum Catholicum absque mora transmitterent, ex eodem Raynaldo ad hunc annum, *num. 19.* qui etiam ad annum 1353. *num. 25.* epistolam refert Innocentii VI. datam *venerabili fratri Nerses archiepiscopo Manesguerdensi* die 1. Octob. hujus anni, in qua Philippi archiepiscopi Nicosiensis meminit.

## XIII. R A Y M U N D U S.

Anno 1367. Raymundus iste sedebat Nicosiensis archiepiscopus, quem, præfato Raynaldo teste ad eum annum, *n. 14.* Urbanus V. jussit incumbere opportune importune, precibus, mandatis, blanditiis, minis, apud Petrum regem Cypri, ut conjugem suam quam ejecerat, revocaret, atque ab Occidente

A repetendo ad monomachiam committendam cum Florimundo Spartæ regulo deterreret. Ad Petrum ipse quoque scripsit Pontifex eo anno die 2. Decemb. cujus epistolam ibidem legere est.

## XIV. C O N R A D U S I.

Idem Raynaldus, *to. 17.* ad annum 1396. *num. 3.* epistolam profert Bonifacii IX. *venerabili fratri Conrado archiepiscopo Nicosiensi Camerario nostro*, &c. datam Romæ VI. idus (id est die 8.) April. anno VII. Christi 1396. adversus quemdam Franciscum episcopum Segobiensem Benedicti XIII. fautorem, à quo ipse proditus fuerat.

## XV. C O N R A D U S II.

Conradus Caracciolus, Neapolitanus, ad Romanam curiam accessit, sedente Urbano VI. à cujus successore Bonifacio IX. quum ecclesiæ S. Stephani prope Aquileiam præpositus fuisset, subdiaconus apostolicus factus est & Procamerarius. Deinde anno 1402. VI. Non. (id est die 2.) Oct. archiepiscopus Nicosiensis in insula Cypri evasit, postea Melitenis episcopus cum ejusdem archiepiscopatus commendatione. Eundem Innocentius VII. anno 1405. Cardinalem presbyterum tituli S. Chrysogoni creavit. Is interfuit synodo Pisanæ anno 1409. & obiit anno 1411. die 15. Februarii. Ita Oldoinus *hist. Roman. Pontif. & DD. Card. tom. 2. col. 718. num. 1. D.*

## XVI. S T E P H A N U S.

Ughellus, *to. 5. Ital. sac. col. 434. n. 88.* B. *vet. edit.* scribit Stephanum è clarissima gente Carrara Patavii domina, electum esse archiepiscopum Nicosiæ ab Innocentio VII. Hunc dixerat, *tom. 1. col. 407. n. 27. C. D.* ex archiepiscopo Nicosiensi ad sedem transfuisse Aprutinam anno 1412. die 3. Octob. & obiisse anno 1449. die 10. Julii.

## XVII. U G O II.

Waddingus, *tom. 5.* ad annum 1420. exhibet epistolam Martini V. venerabilibus Patriarchæ Gradenfi, & Nicosiensi, ac Colocensi archiepiscopis datam VII. idus (id est die 9.) Jul. eo anno in gratiam FF. Minorum Terræ Sanctæ. Is Hugo fuit Lusignanus, Græcus, filius Jacobi regis Cypri, & frater Jani similiter regis Cypri, qui propter nonnullas cum fratre suo similtates Italiam petiit, priusquam consecrationem reciperet; anno autem 1413. in Cyprum reversus, ibidem de more ordinatus fuit. Hunc Martinus V. renunciavit Cardinalem anno 1426. die 24. Maii. Diem clausit extremum in Sabaudia



ECCLESIA  
NICOSIA.

anno 1442. mense Augusto. De eo Hugone A  
legendi Henricus Giblet, *lib. 9. pp. 543. &*  
*566. & lib. 10. pag. 580. & Oldoinus, lib. 2.*  
*col. 660. num. XVI. C.*

## XVIII. G A L E S I U S.

Raynaldus ad annum 1445. n. 20. scribit  
*Galesium*, quum archiepiscopali sedi Nicosiæ  
esset præpositus, in hujus ecclesiæ posses-  
sionem venire prohibitum à Joanne rege  
Cypri: illum vero ad Eugenium IV. con-  
fugisse, qui controversiæ dirimendæ pro-  
vinciam dedit Joanni episcopo Prænestino, B  
& Joanni S. Laurentii in Lucina Cardina-  
libus, ut nonnullas ad archiepiscopum re-  
gemque conciliandos leges constituerent,  
quas ipse auctoritate apostolica firmavit,  
traduxitque *Galesium* à sede Nicosiensi ad  
Cæsariensem in Cappadocia. Quia vero rex  
ecclesiæ Nicosiensis vectigalia aliaque prædia  
invaserat, Urbevetanum episcopum ejus ad-  
ministrationi præfecit, regemque eogi jussit  
censuris ad illa restituenda. Urbevetanus iste  
præsul erat Jacobus Benedictus è Luceriana  
sede ad illam nuper ab Eugenio, Ughello  
teste, *10. 1. Ital. sac. col. 394. n. 47. C.* trans-  
latus. Tandem Joannis Lastici Hierosolymi-  
tanæ Religionis Magistri opera, Nicosiensis  
ecclesiæ regimen *Galesio* permissum est, qui  
post paucos menses è vivis excessit circa an-  
num 1447. ut refert Henricus Giblet, *lib. 10.*  
*pag. 580. & seqq.*

## XIX. \* \* \*

Quum accepisset Nicolaus V. nonnullos  
ex Chaldæis in insula Cypro commorantibus  
ad veteres errores esse reversiones, *Nicosiensi*  
archiepiscopo mandavit epistola data Romæ  
anno 1450. quam refert Raynaldus, *tom. 18.*  
ad eum annum, *num. 14.* ut eos moneret of-  
ficii, pertinacesque à fidelium communione  
depelleret.

## Jacobus. XX. E L I A S III.

## XXI. I S I D O R U S.

Henricus Giblet, *lib. 10. hist. de Re. Lusit-*  
*gnani* ad annum 1459. *pag. 588. & seqq.*  
narrat *Jacobum* filium illegitimum Joannis  
regis Cypri, anno ætatis 17. in archiepisco-  
pum Nicosiensem designatum esse, qui,  
mortuo patre, regnum Cyprium invasit, re-  
lictò præfulatu, quum solum subdiaconatum  
suscepisset. Raynald. *10. 18.* ad annum 1459.  
*num. 85.* ita de eo loquitur: «Commendata  
est à Pio (II.) eidem Cardinali *Isidoro* (Græco)  
Nicosiensis ecclesia, adeo ut unà cum ea  
episcopatum Sabinensem, Nigropontensem,  
& patriarchatum Constantinopolitanum ge-  
reret. Exambiverat Nicosiensem sedem *Ja-*

*acobus* Joannis Cyprii regis filius nothus, cui  
reginæ Cypri Helena & Carlotta adversatæ  
sunt, scripsereque ad Pontificem, indignum  
illum ecclesiastico fastigio, ut qui manus  
humano sanguine inquinasset; quas litteras  
quum interceptisset Jacobus, efferatus odio,  
contracta valida factiosorum manu, Nico-  
siam ingressus est, ac sibi infensos contruci-  
davit, illiusque urbis imperium occupavit,  
donec adventu Ludovici Ducis Sabaudie  
filii, qui ad Carlottæ viduæ thorum Cy-  
priorumque solium vocabatur, territus ad  
Sultanum Ægypti profugit. Porro Ludo-  
vicus.... ad Sultanum (quoque) Ægyptium  
veluti illius imperii vectigalis oratores misit,  
ut regias vestes ab illo impetraret: jamque  
Sultanus ei dandas decreverat, quum Amira  
ac Mamaluchi, qui Jacobo studebant, ut  
qui, juxta Mahumeticam impietatem, licet  
spurcius sorori legitimæ præferendus esset,  
obstiterunt: Mahumetes etiam II. Turcarum  
Imperator hortatus est Sultanum Ægyptium  
ut Jacobum Carolæ præferret, cujus vir  
(Ludovicus) Gallico cretus sanguine, Gallos  
in Syriam inducere posset; quibus permotus  
Sultanus, Jacobum regem Cypri pronun-  
tiavit, quum prius illum impio & nefandis-  
simo sacramento sibi obstrinxisset, ac regis  
vestibus ac diademate insignitum per urbem  
circumduci jussit. Tum *Eliam* pseudocar-  
melitam (vel Eremitam Augustinianum, ut  
asserit Stephanus Lufinianus *hist. gener. Cypri*  
*pag. 167.*) qui nefaria hæc omnia consilia  
suggererat, religionis christianæ hostem,  
archiepiscopum Nicosiensem renuntiavit,  
armisque Ægyptiis Ludovicum Sabaudum  
cum Carola depellendum sanxit.»

Isidoro Cardinali commendata videtur ec-  
clesia Nicosiensis in locum Jacobi Cyprii,  
cujus electionem sedes apostolica minime  
probaverat. At Jacobus, postquam Cairi pro-  
clamatus rex Cypri fuit à Soldano Ægypti,  
sibi substituit in sede Nicosiensi *Fr. Eliam*  
*Guinemæum* anno 1460. qui ipsum in adep-  
tione regni Cyprii plurimum adjuverat, teste  
præfato Stephano Lufiniano, *fol. 167. 168.*  
*173. & 174.* Obiit Elias iste anno circiter  
1463. aut 1464. Hunc suis Augustinianis  
non accenset Thomas de Herrera in Alpha-  
beto Augustiniano.

## XXII. A N T O N I U S.

## XXIII. J O A N N E S III.

Post mortem Isidori, dum sedebat Elias,  
quem Jacobus II. sibi subrogaverat in sede  
Nicosiensi, Pius II. cui inthronizatio utrius-  
que minime placuerat, probabiliter *Anto-*  
*nium* & Joannem successive archiepiscopos  
Nicosienses renuntiavit. Nam 1.º Rocchus



Pyrrus, *tom. 2. Sicil. sac. pag. 181. num. 84.* & *pag. 222. num. 12.* refert Andream II. de Tolomæis Senensem, datis litteris an. 1464. die 14. Februarii, concessisse, ut *Antonius Tanetus* sive *Tunetus* archiepiscopus Nicosiensis in insula Cypro ædem monialium Benedictinarum sub vocabulo S. Salvatoris Neti in Sicilia consecraret, 2.<sup>o</sup> Ughellus, *tom. 9. Ital. sac. col. 475. num. 31. D. vet. edit.* scribit Joannem Franciscum Brusalum, Veronensem, ex favore Bartholomæi Roverellæ Cardinalis, cujus erat ex sorore nepos, evasisse episcopum Cassanensem anno 1463. die 5. Aug. pauloque post translatum ad sedem Nicosiensem, & obiisse Romæ an. 1477.

## XXIV. FABRICIUS.

Stephanus Lusinianus *hist. Cypri foll. 199. & 181.* item Henricus Giblet, *p. 717.* mentionem faciunt de quodam Fabricio archiepiscopo Nicosiensi, fratre Joannis Perez Fabricii, nobilis Hispani, quem præfatus rex Jacobus Comitem Joppe & Carpassi creaverat. Hunc autem Eliæ successisse post illius obitum, missumque fuisse ab eodem Jacobo ad Pium II. Papam (proindeque ante diem 14. Augusti anni 1464. quo decessit Pius) expresse asserit citatus Lusinianus, *fol. 181.*

## XXV. GUILLELMUS.

Thomas de Herrera *Alphab. Augustiniani tom. 1. pag. 298. col. 2.* tradit Guillelmum Gonnem de Cypro, Eremitam Augustinianum, qui fuerat sacræ theologiæ lector anno 1434. ecclesiæ Nicosiensis administratorem in temporalibus factum à Paulo II. anno pontificatus III. subindeque Christi 1466. aut 1467. sed certe jam electum esse in archiepiscopum die 16. Maii anni 1467. eique concessam die 27. ejusdem mensis à Generali Ordinis præfati curam conventuum Rhodi, Cretæ & Cypri: quia fuit nostræ religionis professus, inquit, aliisque, dum in Ordine extitit, illorum conventuum regimen habuit, & bonum. Hujus Guillelmi Ordinis Augustiniani alumni meminit Stephanus Lusinianus citatus, *fol. 158. & 165.* eumque Guinemeum cognominat, ac dicit Joannis regis Cypri patris Jacobi fuisse confessorium, licet taceat, nescio qua de causa, archiepiscopum evasisse Nicosiensem. Illum quidem fuisse Augustinianum *Connemme* cognominatum, Nicosiæque archipræsulem scribit Henricus Giblet, *pp. 605. 651. 699. & 715.* sed omisso prorsus Eliæ: ei autem tribus post obitum Jacobi regis Cypri mensibus, adeoque mense Septembri anni 1473. defuncto successisse asserit Fabricium Joannis Perez Fabricii fratrem, *pag. 717.* Verum Fabricium prædecessorem Guillelmi fuisse

A oportet, si tempore Pii II. jam ecclesiæ Nicosiensis gerebat curam, teste Lusinianno citato, qui Henrico anterior est.

## XXVI. LUDOVICUS.

Joannes Perez Fabricius, nobilis Hispanus, Joppe & Carpassi Jacobi II. regis Cypri liberalitate Comes factus, cujus frater, ut supra dictum est, archiepiscopus Nicosiensis fuit, ex Apollonia nobilissima scemina uxore sua liberos habuit Ludovicum, Carolam, Elizabetham, Ursulam, & Lucretiam. Ursula autem sibi desponsavit Eugenium, nobilem Cyprium, fratrem Ludovici Podocatoris sive Podochararii, Nicosiensis, Cardinalis, suæque patriæ archiepiscopi, teste Stephano Lusinianno, ubi de Comitibus Carpassi, *fol. 60.* Ludovicum hunc renunciatum esse episcopum Caputaquensem à Sixto IV. anno 1483. die 14. Novembris refert Ughellus, *tom. 7. Ital. sac. col. 673. num. 26. B. veteris edit.* deinde translatum ad sedem Beneventanam à Julio II. anno 1503. (1504.) die 20. Jan. *tom. 8. col. 254. num. 41. B.* Hunc Oldoinus scribit *hist. Rom. Pont. & DD. Card. tom. 3. col. 197. num. XXX. A.* creatum esse Cardinalem ab Alexandro VI. anno 1500. die 28. Septemb. Omisere quidem Ughellus & Oldoinus illum fuisse archiepiscopum Nicosiensem: sed, quo ad hoc, eo magis Stephano Lusinianno credendum videtur, quod ex ipso met, *ibid. in hist. Cypri fol. 181.* Philippus suus avus paternus uxorem duxerit Elizabetham sororem istius Ursulæ, quæ Eugenium sibi desponsavit hujus Ludovici fratrem.

Hinc porro colligitur, 1.<sup>o</sup> Ludovicum renunciatum esse archiepiscopum Nicosiensem, antequam ad ecclesiam Caputaquensem assumeretur an. 1483. 2.<sup>o</sup> esse præfulem illum Nicosiensem Guillelmi anno 1473. mortui successorem, quem Henricus Giblet existimavit fuisse Fabricium fratrem Joannis Perez Fabricii Joppe & Carpassi Comitum: denique esse illum Nicosiensem, qui unâ cum nobilibus quibusdam Hispanis plurimam navavit operam, ut Catharina Veneta Jacobi II. recens vidua, ejusque filii posthumi Jacobi III. mater, nuptias contraheret cum Ferdinando rege Neapolitano: Carola itidem præfati Jacobi II. filia illegitimo thoro procreata filio spurio ejusdem Ferdinandi nuberet; quibus conjugii sperabant regnum Cypri ad reges Hispaniæ quandoque devolvendum. Quæ quum Cypriis proceribus bene multis minime arrisissent, archiepiscopo ejusque asseclis sibi celeri fuga providendum fuit, ne quid deterius immineret, ex eodem Lusinianno postremum citato, *fol. 185.* Obiit Ludovicus Mediolani anno 1506. die 25. Jul. ætatis 75.



ECCLESIA  
NICOSIÆ.

corpusque ejus Romanum translatum est, & in A templo S. Mariæ del popolo sepultum.

## XXVII. SEBASTIANUS.

Ughellus, *tom. 9. Ital. sac. col. 53. n. 53. C. veteris edit.* narrat Hieronymum Aleandrum, qui archiepiscopus Brundusinus fuit, Venetias accitum esse anno 1498. ut litteras Græcas, quibus apprine pollebat, *Sebastianum Priolum* archiepiscopum Nicosensem edoceret.

## XXVIII. ALDOBRANDINUS.

Waddingus, *tom. VII. ad annum 1500. n. 21. pag. 438.* scribit *Aldobrandinum* archiepiscopum Nicosensem & dominum oppidi Morlupi diocesis Nepesinæ eo anno, Minoritis illic ex modico tugurio commodum cœnobium fecisse. Is concilio Lateranensi sub Julio II. & Leone X. interfuit annis 1513. & 1517. *tom. 14. conc. Labb. coll. 133. C. & 325. B.*

## XXIX. GUIDO.

*Fr. Guido Brunellus*, Ordinis Præd. Cortonienfis, renuntiatus est archiepiscopus Nicosiensis in insula Cypri à Clemente VII. circa annum 1530. Ita Fontana *Theat. Dom. pag. 91. tit. 69.* ex monumentis cœnobii Cortonienfis.

## XXX. PHILIPPUS II.

Anno 1560. mense Martio sedi Nicosiensis præfectus est *Philippus Mocenicus*, nobilis Venetus, qui anno sequenti interfuit concilio Tridentino, cujus subscripsit actis an. 1563. hoc modo: *Philippus Mocenicus, Venetus, regni Cypri Primas, & legatus natus, archiepiscopus Nicosiensis. To. 14. conc. Labb. col. 924.*

Monitum.

ERUDITISSIMUS abbas Joseph Simonius Assemanus, *tom. 3. parte prima Biblioth. Orient. Clementino-Vatic. edit. Rom. 1725. pag. 638. col. 1. num. 8.* mentionem facit de quodam *Georgio archiepiscopo Cypri*, qui probabiliter vivebat sæculo xv. subindeque alius fuit à *Georgio* florente anno 1340. cujus supra meminimus, *col. 1208. C.* «Codex,» inquit, olim pertinuit ad Thomam monachum, deinde ad *Georgium archiepiscopum Cypri*, demum ad Abraham monachum ac presbyterum orientalem.... qui notam hanc apposuit anno Græcor. 1812. (Christi 1501.)» Idem Assemanus initio *part. 2.* seriem refert aliorum codicum Syriacorum mss. quos *D. Gabriel Eva archiepiscopus Cypri Syro-Maronita* SS. Papæ Benedicto XIII. obtulit. Omissi fuere hi duo præsules inter archiepiscopos Maronitas Cypri in præsentī *tom. 3.* prior quidem, *col. 85. E.* ante *III. Gabriel*; posterior vero, *col. 88. C.* post *VIII. Petrus*.

A. Germanus frater erat Ludovici Mocenici Venetæ Reipublicæ Ducis. Obiit an. 1577. nimirum septimo post expugnatam an. 1570. die 9. Septemb. Nicosiam à Turcis, qui totam insulam sibi subjecerunt, capta Famagosta anno sequenti 1571. die 5. Augusti. Unde Philippus iste ultimus est Nicosiæ archiepiscopus ritus Latini, qui Nicosienſi ecclesiæ jus dixerit.

## XXXI. JULIANUS.

*Julianus* iste, natione Armenus, Ordinis Præd. à suis Armenis in Cypri, licet schismaticis, ipsorum episcopus electus, Romam venit ad Pium IV. à quo confirmationem suam accepit. Redux Armenos insulæ Cypri sibi obtemperantes ad communionem Romanam adduxit, pluribusque erroribus ac superstitionibus liberavit. Hunc, capta Nicosia à Turcis anno 1570. SS. Papa Pius V. translulit ad ecclesiam Bovensem in Calabria Græcis refertam, quorum linguam Julianus non minus bene ac Armenam callebat. Adhuc vivebat, piissimus antistes anno 1578. quæ hæc de eo scripsit Stephanus Lusinianus, ejus itinerum socius, *hist. gener. Cypri edit. Gall. in-4.º Paris. 1604. cap. 16. fol. 72.* Is probabiliter ille ipse est, quem Ughellus, *tom. 9. Ital. sac. col. 462. nn. 20. & 21. A. veter. edit.* in duos dividit viros, utrumque Bovensem episcopum, quorum prior ex episcopo Maguensi translatus est ad Bovensem ecclesiam die 19. Mart. 1571. & obiit anno 1577. posterior vero electus est die 2. Oct. 1577. & Romæ decessit septima die à sua promotione, quum nondum esset consecratus. Sed major fides ea in re Stephano Lusiniانو testi oculato adhibenda videtur.

## II.

## ECCLESIA PAPHENSIS.

*PAPHOS* urbs Cypri insulæ, quæ *Neapaphos*, id est, *nova Paphos* Plinio appellatur, ad distinctionem *veteris Paphi*, *Palapaphos* dictæ à Strabone & eodem Plinio, versus Drepanum promontorium, cujus ruinae nunc etiam *Bassô distructa* nomen habent. Paphos autem nova, *Bassô* hodie nuncupata, parva admodum est, distans 7. milliar. in septentrionem à veteri



à veteri Papho. Castro pollet in ora occidua insulæ cum portu versus Acamanthem promontorium, & ante insululas *les Mullis* dictas. Ita Baudrand, *tom. 2. geogr. pag. 78. col. 1.* Porro ex quo tempore Cyprus insula Latinorum principum ditionis facta est sub Lufiniani generis regibus, Paphos curæ Latini episcopi sedis Nicosienfis suffraganei subjacuit, quorum sequentes ad nostram notitiam devenere.

## E P I S C O P I P A P H E N S E S .

*Bartholomæus.* I. NICOLAUS.

**I**N epitaphio recentiori *B. Bartholomæi de Bragantiis*, Ord. Præd. in templo Vicentino ejusdem Ordinis, testibus doctissimis Bollandianis, *tom. 7. Maii pag. 703.* legitur:

*Unde fit pastor Paphensis, Nemonicensis,  
Et Vicentinus, patria plaudente, creatur.*

De Nemosicensi quidem illius episcopatu in insula Cypro constat; at de *Paphensi* nulla alibi memoria: fortassis, dum Nimosienfi præerat ecclesiæ, cura ipsi per aliquod tempus & *Paphensis* five vacantis, five absente ejus episcopo, injecta fuerit. De illo infra dicemus inter episcopos Nimosieneses, *col. 1225. A.*

Anno 1298. die 22. Sept. *Nicolaus* episcopus Paphensis interfuit synodo Nimausienfi sub Gerardo Nicosienfi archiepiscopo celebratæ, cujus supra meminimus, *col. 1206. E.*

### II. ROBERTUS.

*Fr. Rubertus* seu *Robertus*, Normannus, Ordinis Præd. episcopus fuit Paphensis circa annum 1304. Ita R. P. Antonin. Bremond, *tom. 2. Bullar. p. 103.* ex Bernardo Guidonis in episcopis provinciæ Terræ-Sanctæ, Plodio five Michaelæ Pio in Appendice ad *part. 2.* Fontana, & Cavalerio.

### III. JACOBUS I.

### IV. AYMERICUS.

Waddingus, *to. 3. ad annum 1322. n. 72. pag. 293.* scribit ad Paphensem ecclesiam, vacantem ob mortem *Jacobi, Fr. Aymericum*, Minoritam, electum esse à capitulo, & confirmatum à Joanne archiepiscopo Nicosienfi, forsan ignaro quod hujus ecclesiæ provisionem sibi reservasset Joannes XXII. hanc tamen confirmationem ab eo Papa ratam habitam, ut patet ex ejus diplomate *Apostolicæ sedis benignitas*, dato eo anno die 18. Jul. quod legi potest, *ibid. in Regesto Pontif. pag. 138.* Ejusdem quoque meminit, *tom. 7. pag. 469. num. XI.* Item Raynaldus, *to. 15. ad annum 1323. num. 13.* & ad annum 1324. *num. 43.* & Henricus Giblest ad annum 1324. *pag. 290.*

### V. ODO.

*Odo* iste sedebat episcopus Paphensis anno 1340. quo adfuit synodo Nicosiæ ab Helia II. archiepiscopo coactæ die 17. Januar. de qua *Tomus III.*

**A** vide supra *col. 1208.* **B.** Extat apud Waddingum, *tom. 4. ad annum 1351. num. 3. pag. 3.* epistola Clementis VI. *venerabilibus fratribus Guillelmo Patriarchæ Hierosolymitano, & Philippo archiepiscopo Nicosienfi, & Odoni Paphensi, &c.* data eo anno die 22. Septembris. De Odone legendi Raynaldus, *tom. 16. ad annum 1350. n. 37. 1351. n. 19. & 1353. num. 25.* & Waddingus, *tom. 3. ad annum 1347. num. 2. pag. 541.*

### VI. PINUS.

Anno 1394. die XI. Mart. *Pinus* episcopus Paphensis ad ecclesiam Cervientem in Italia translatus est: decessit autem anno 1402. ex Ughello, *tom. 2. Ital. sac. col. 495. num. 29. D. veteris editionis.*

### VII. BERTRANDUS.

### VIII. JOANNES administrator.

### IX. ANGELUS.

**C** Waddingus, *tom. 5. in Reg. Pont. p. 159.* profert epistolam Martini V. datam *dilecto filio Angelo de Narnia* (Minoritæ) *electo Paphen.* III. Non. (id est die 5.) Maii, anno XI. Christi 1428. in qua de his tribus episcopis Paphensibus sic loquitur: "... Joannes XXIII. venerabilem fratrem nostrum *Bertrandum* (episcopum) S. Flori, tunc *Paphensem episcopum*, licet absentem, à vinculo.... absolvens, ipsum ad ecclesiam S. Flori Ordinis S. Benedicti tunc vacantem duxerat transferendum, &c. Eandem ecclesiam *Paphensem* sic vacantem, bonæ memoriæ *Joanni* archiepiscopo Tarsensi, per eum, quoad viveret, tenendam, regendam, & etiam gubernandam commendaverat, &c. Quum itaque dictus Joannes archiepiscopus nuper fuerit.... vita functus, &c. nos ad provisionem, &c."

### X. GUILLELMUS.

### XI. ANTONIUS.

**E** *Guillelmus*, Eremita Augustinianus, sedebat episcopus Paphensis an. 1472. quo eum die 30. April. teste Thoma de Herrera *Alphab. Augustiniani tom. 1. pag. 299. col. 1.* Jacobus de Aquila hujus Ordinis Generalis, quibusdam locis & fratribus in regno Cypri reformatis præfecit. Obiit anno sequenti: nam Waddingus, *tom. 6. ad annum 1473. n. 14. pag. 789.* vacanti per obitum *Guillelmi*

Hhhh



ECCLESIA  
PAPHENSIS.

Paphensi ecclesiæ in Cypro, præpositum Aporum, tom. 14. conc. Labb. col. 153. D. & c.  
Fr. Antonium Mazonium, Minoritam, die 17. Septembris commemorat.

## XII. S I M O N.

Simon de Balcinola, Ord. Præd. Paphensem ecclesiam regendam suscepit circa annum 1485. Ita Fontana Theat. Domin. pag. 627. col. 1. ex Sampaio de viris illustribus Ordinis Præd. part. 2. lib. 3.

## XIII. J A C O B U S.

Raynaldus, to. 19. ad annum 1502. n. 19. B refert pontificatæ classi adversus Turcas præfectum esse eo anno Jacobum episcopum Paphensem, eique injunctum ab Alexandro VI. epistola data eo anno die 20. Aprilis, ibid. legenda, ut illam milite & helico apparatu instructam ad Petrum Aubuffonium S. R. E. Cardinalem, ac Rhodiorum equitum Magistrum, facrique exercitus Imperatorem, duceret. Interfuit concilio Lateranensi sub Julio II. & Leone X. ex subscriptionibus episco-

## XIV. P E T R U S.

## XV. F R A N C I S C U S.

Concilio Tridentino anno 1563. subscribere duo episcopi Paphenses Petrus Centareus, Venetus, qui ad hunc episcopatum promotus fuerat anno 1557. mense Julio, tom. 14. conc. Labb. col. 928. E. & Franciscus Contareus, Venetus, ecclesiæ Paphensi, quam procul dubio Petrus dimiserat, anno 1560. die 4. Mart. præpositus, ibid. col. 932. C. Is postremus in expugnatione Nicosiæ à Turcis anno 1570. periit, ex narratione Angeli Calepii, ad calcem historiæ generalis Cypri Stephani Lusiniæ Gallicè scriptæ, fol. 271. Ex quo tempore solo titulo potiti sunt Paphenses episcopi Latini ritus.

Observandum pro Coronide episcopum Paphensem Græcum, qui anno 1733. sedebat, & fortassis adhuc sedet, Dionysium nominari.

## III. E C C L E S I A F A M A G U S T Æ.

FAMA-AUGUSTA seu Hamacostlos, Famagosta incolis & Italis, Famagouste Gallis, urbs permunita Cypri insulæ, in ejus ora orientali olim Arsinoe dicta, gaudet portu capaci, 35. milliar. distat à Nicosia in ortum. A Turcis post obsidionem decem mensium capta est die 9. Augusti. Hæc Baudrand, tom. 1. geogr. pag. 377. col. 1. De ea ecclesia vide quæ dicta sunt tom. 2. hujus operis, coll. 1065. 1066.

## E P I S C O P I F A M A G U S T Æ.

## I. C Æ S A R E U S.

ANNO 1211. sedebat episcopus Famagustanus, quem memorat Innocentius III. in epistola data eo anno die 17. Maii, apud Raynaldum, tom. 13. ad illum annum, n. 25. Idem etiam probabiliter fuit, quem præfatus Papa epistola encyclica, data anno 1213. die 19. April. inter alios Orientis præfules, ad concilium Lateranense anno 1215. celebrandum invitavit. In eodem modo (archiepiscopo & episcopis) per Cyprum (constitutis.) Tom. XI. conc. Labb. part. 1. col. 125. B. Is autem fuisse videtur Cæsareus ille de Alagno, Amalphitanus, quem Ughellus, tom. 7. Ital. sac. col. 594. num. 15. D. veteris edit. scribit ex Famaugustano episcopo in Cypro insula translatum esse ab Honorio III. anno 1225. ad ecclesiam Salernitanam, & à Pontifice suis litteris commendatum capitulo Salernitano, datis VII. kal. Octob. pontificatus x. (id est die 25. Septemb. anno 1225.) in Reg. Varic. n. 550. Obiit Cæsareus Amalphitæ an. 1263.

## II. V A L A S C U S.

Fr. Valasius, Minorita, sedebat episcopus

C Famagustanus in insula Cypro anno 1267. quo translatus est ad sedem quamdam in Lusitania die 17. Septemb. Ita Waddingus, tom. 2. ad hunc annum, num. 8. pag. 304. qui diploma Clementis IV. profert in Reg. Pont. p. 108.

## III. G U I D O.

Anno 1298. quo Gerardus Nicosiensis archiepiscopus concilium tenuit die 22. Septemb. apud Nimocium, ut supra dictum est, col. 1206. E. episcopus Famagustæ, qui hic non nominatur, aberat, tunc in remotis agens. At probabiliter fuit Guido ille, cujus meminit Henricus Giblet in historia regum Lusinianorum Cypri insulæ, p. 238. quemque obiisse anno 1308. ac virum fuisse eximie virtutis religionisque specimen testatur pag. sequenti 239. edit. Bonen. 1647.

In kalendario ms. S. Sepulchri Hierosolymitani ad diem 7. Septemb. leguntur, ab ipso originali scriptore exarata ante annum 1315. hæc verba: Obiit Guidonis de Ybelino anno 1308. quæ probabiliter de eo Guidone intelligenda sunt: Ybelina enim domus nobilissima est in insula Cypro.



## IV. ANTONIUS.

Guidoni successit in fede Famagustana, moribus valde dissimilis, *Antonius Sauranus*, qui mox septuaginta millia Byzantium, construendo monasterio à prædecessore destinata, aliaque ecclesiæ suæ bona expilavit, ex eodem Henrico Gibleto, pag. 240.

## V. \* \* \*

Anno 1311. episcopo Famagustæ, & quibusdam aliis præsulibus injunxit Clemens V. epistola data eo anno die 29. Augusti apud Raynaldum ad eum annum, num. 53. ut de Templariis gravissimorum scelerum accusatis diligenter inquirerent. Ipse fortassis fuit, cujus meminit Henricus Gibleto ad annum 1324. pag. 290.

## VI. MARCUS.

## VII. ITERIUS.

Anno 1340. sedebat episcopus Famagustanus & Antaradensis *Marcus*, qui mense Januario interfuit synodo Nicosienfi, sub Helia II. archiepiscopo coactæ, ut supra dictum est, col. 1208. B. Obiit anno 1346. eique successit in utraque ecclesia tunc unitis *Fr. Iterius de Nabinallis*, Minor. eodem anno, ex Waddingo, to. 3. ad eum annum, n. 10. pag. 539. qui diploma Clementis VI. datum eo anno die 26. Jun. exhibet, *ibid. in Reg. Pont. pag. 344.* Hujus probabiliter meminit Innocentius VI. in epistola data anno 1354. die 14. Octob. apud eundem Waddingum, tom. 4. in *Reg. pag. 46.*

## VIII. BERTRANDUS.

*Bertrandus de Alaneo*, episcopus Famagustanus, ac S. R. E. capellanus, sacri etiam palatii auditor, translatus est ad ecclesiam Eugubinensem in Italia anno 1390. die 12. Octob. & postea ad Amalphitanam an. 1401. Obiit anno 1408. die 15. Jun. Ita Ughellus, tom. 1. *Ital. sac. col. 696. n. 59. D. vet. edit.*

## IX. GEORGIUS electus.

Henricus Gibleto, *hist. regum Lusitanorum in insula Cypro lib. 9. ad annum 1398. p. 532.* meminit cujusdam *Fr. Georgii electi episcopi Famagustæ* eo anno: *Mandando al Rè col mezzo di F. Georgio eletto Vescovo di Famagosta, &c.*

## X. PETRUS.

## XI. LUCIANUS.

## XII. JOANNES.

Waddingus, to. 5. ad annum 1409. n. 15. p. 64. tradit *Luciano* episcopo Famagustano *Tomus III.*

A defuncto substitutum esse eo anno die 4. Septemb. *Fr. Petrum*, Minoritam, episcopum Ventimiliensem. At hic transposita *Petri* & *Luciani* nomina videntur; ita ut non Luciano Petrus, sed Petro Lucianus successerit. Id suadet omnino 1.º quod *Petrus episcopus Famagustanus* interfuerit & subscripserit synodo Pisanæ anno 1409. ante diem 4. Septemb. *Tom. XI. conc. Labb. part. 2. col. 2219. B.* 2.º quod anno 1412. die 26. Maii *Luciano* mortuo subrogatus sit *Fr. Joannes de Montenegro*, itidem Minorita, ex eodem Waddingo ad eum annum 1412. num. 2. pag. 78. qui quum ad illam transpositionem non attenderit, difficultatem inde nascentem solvere conatur, aiens *Petrum*, vel obiisse fortassis, vel aliò translatus esse ante adeptam ecclesiæ Famagustanæ possessionem. *Petrum* itaque *Lucianus* excepit anno 1409. & *Lucianum Joannes* anno 1412. non vero Petrus mortuus anno 1409. ante diem 4. Septembris, *Lucianum* anno duntaxat 1412. mortuum.

## XIII. NICOLAUS I.

*Nicolaus de Tenda*, Ordinis Prædic. qui Sigismundi regis Hungariæ consiliarius & orator missus ad christianos principes pro gravioribus negotiis, quibus etiam in muneribus Jano sive Joanni inservivit, episcopus Famagustanus renunciatus est à Martino V. anno 1417. die 20. Decemb. & obiit anno 1427. die 15. Jan. Ita Fontana *Theat. Dom. p. 190. tit. 240.* Ejus meminit R. P. Echard. tom. 1. *Script. pag. 779.*

## XIV. NICOLAUS II.

## XV. JACOBUS.

Anno 1441. die 23. Januar. post obitum *Nicolai* episcopi Famagustani, qui procul dubio alius à præcedente fuit, nisi 14. annis integris vacaverit ea sedes, ad illam promovit Eugenius IV. *Fr. Jacobum* Ord. Præd. quem omiserunt hujus Ordinis scriptores; sed diploma pontificium legere est apud R. P. Bremond, tom. 3. *Bullar. pag. 228.*

## XVI. AUGUSTINUS.

## XVII. DOMINICUS.

Ecclesiæ Famagustanæ vacanti per *Augustini* ejus præsulis mortem præpositus est à Callisto III. anno 1455. die 23. Jul. *Fr. Dominicus de Pera*, Ordinis Præd. ex ejus diplomate quod profert præfatus R. P. Bremond, *ibid. p. 369.* Ipse est profecto, quem Fontana *Theat. Dom. pag. 191. tit. 240.* appellat *Michaelem de Perei*: hunc enim *Augustino* in sede Famagustana substitutum à Callisto III. anno 1455. die 23. Jul. commemorat.

H h h h ij



ECCLESIA  
FAMAGUSTA  
I. 3.

XVIII. PETRUS II.  
XIX. FRANCISCUS.

Idem Waddingus, *to. 6. ad annum 1473. num. 14. pag. 789.* scribit, vacante ecclesia Famagustana per obitum *Petri* ejus episcopi, renuntiatum esse eo anno die 30. Martii à Sixto IV. *Fr. Franciscum de Pernis de Vicheria*, Ordinis Minor.

XX. MATHIAS.

*Mathias Ugonius* sedebat episcopus Famagustanus anno 1514. quo synodo Lateranensi sub Leone X. interfuit die 5. Maii. *Tom. 14. conc. Labb. col. 207.* A. Is anno 1434. librum de synodorum auctoritate, *Sinodum Ugonium* dictum, *SS. & Clementissimo D. N. D. Paulo III. Pont. Max.* nuncupavit, editum *Brixiae XIII. mensis Novembris*, cui ipse subscripsit *humillimus pectum S. V. servulus Mathias Ugonius episcopus Famagustanus.* Hunc librum suo jussu ad examen revocatum Pontifex approbavit litteris datis die 17. Decemb. eodem anno 1534. Volumen quoque aliud composuit Ugonius *de præstantia patriarchali.*

XXI. PHILIPPUS.

Concilio Tridentino adfuit anno 1547. sub Paulo III. *Philippus Bonus*, Venetus, episcopus Famagustanus. *To. 14. conc. Labb. col. 775. C.*

A XXII. FRANCISCHINUS.  
XXIII. HIERONYMUS.

*Ughellus, tom. 4. Ital. sac. col. 714. n. 66.* A. B. *veteris editionis*, refert *Hieronimum Ragazzonum*, Venetum, Pii IV. cubicularium, 26. ætatis suæ anno episcopum Nazianzenum renuntiatum esse, & coadjutorem *Francischini episcopi Famagustani* in Cypro datum, cum spe futuræ successionis (die 15. Januar. anni 1561.) Interfuit concilio Tridentino, cujus actis subscripsit. *Tom. 14. conc. Labb. col. 931. B.* Posthac in Cyprum transfretavit, pervenitque ad propria, defuncto Francischino; dumque clerum ad normam concilii instituere cœpisset, Famagustam à Turcarum exercitu vallatam vidit. Ipse per mediam ipsorum classem transiens, ad Venetam Rempublicam celeri cursu properavit ut suppetias peteret; sed dum auxilia parabantur Venetiis, Famagusta expugnata, totum regnum Cyprum in Turcarum potestatem venit. Eum Gregorius XIII. ad Chisamentem ecclesiam transfudit in Creta insula, deinde anno 1577. die 19. Jul. ad Bergomensensem in Italia. Romæ obiit anno 1592. die 7. Mart. & in templo S. Marci sepultus est.

Hieronimus iste *Chisamentibus* episcopis accensendus venit, supra prætermisus suo loco post X. *Prosper, col. 930.*

IV.

ECCLESIA NEMOSIÆ.

**A** MATHUNTE Cypri insulæ civitate antiqua diruta, quæ *Lemissus* etiam appellata fuit, *Neapolis* vicina urbs in *Lemissum novam* assurrexit, quæ à diversis scriptoribus diversis nominibus expressa est, *Limocium* scilicet, *Limiconium*, *Nemonium*, *Nimocium*, *Nemisia*, ac demum *Limisso* vel *Lemissus*, aut *Lemissum*. Annis 1425. & 1537. à Saracenis ingentia sustulit damna. Hac in urbe anno 1298. concilium provinciæ habuit Gerardus archiepiscopus Nicosiensis, cujus acta leguntur *tom. XI. conc. Labb. part. 2. col. 2417. E.*

EPISCOPUS NEMOSIÆ.

I. FULCO.

**S**TEPHANUS Lusitanus, *hist. gener. regni Cyprii cap. 19. fol. 85.* & Henricus Giblet, *p. 32.* referunt in synodo Lateranensi anno 1215. ad petitionem Alisiæ reginæ Cypri, translata metropoli (vel potius confirmata ea translatione) ex urbe Famagusta ad Nicosiam caput regni, archiepiscopum Nicosiæ & episcopos Papho, Famagustæ, & Nemosiæ ritus Latini datos esse atque ordinatos. Hujus postremæ ecclesiæ præfulem fuisse *Fulconem* fratrem Eustorgii tunc consecrati archiepiscopi Nicosiensis non male fortassis colligitur ex iis chronici Alberici monachi Cisterciensis ad annum 1239. *part. 2. pag. 574.* verbis: «Mortuus est archiepiscopus Nicosiensis in

**D** Cypro Eustorgius, qui fratrem habuit *Fulconem Limiconiensem* (probabiliter *Limissensem*) episcopum.»

Verum anno 1211. jam sedebat episcopus *Nemosiæ*, sive ille *Fulco* fuerit, sive alius ejusque in ea sede prædecessor. Nam Innocentius III. in epistola ad Patriarcham Hierosolymitanum, data Laterani XVI. kal. Junii anno XIV. (id est die 17. Maii anni præfati) apud Raynaldum ad eum annum 1211. *n. 25.* ait se venerabilibus fratribus Patriarchæ Antiocheno, & archiepiscopo Tyrensi, & Sidonienfi, Tripolitano, & Anteradenfi, *Nimonienfi*, & Famagustano episcopis, dedisse in præceptis suis litteris, ut auctoritate sua excommunicationis sententiam publicarent. &c.



## II. B A R T H O L O M Æ U S.

*Bartholomæum* hunc *de Bragantia* dictum esse, quod re ipsa è Comitum *de Bragantia* sive *Bregantia* nobili urbis *Vicentiæ* in Italia stirpe originem duceret, discimus ex antiquo nobilium hujus civitatis familiarum elencho, edito *tom. VIII.* operis, cui titulus est: *Rerum Italicarum Scriptores*, cura ac labore eruditissimæ Societatis Palatinæ, Mediolani erectæ typis mandati anno reparatæ salutis 1726. Elenchus enim iste, in *Scriniis Herculis Fortitiæ* diu servatus, ita testatur, *pag. 92.* «Hæ sunt familiæ quæ in civitate nostra (*Vicentina*) nobiles erant: Comites *de Auzignano*, &c. Comites *Bregantiorum*, ex quibus fuit episcopus *Bartholomæus Vicentinus de Ordine Prædicatorum*, &c.» De eo autem instrumento doctissimus D. Philippus Argelatus, hujus Societatis Palatinæ moderator, requisitus à R. P. M. T. Ord. Præd. respondit per epistolam datam die 18. Jul. anni 1730. in hæc verba: «Te monitum volo, non auctoritate *Herculis Fortitiæ*, sed antiqui codicis, qui penes illum servabatur, cujus exemplar inextat in bibliotheca Ambrosiana, libere te asserere posse beatum *Bartholomæum episcopum Vicentinum à Comitibus Bregantiarum originem traxisse.*» His obiter elucidata arbitror, quæ adversus *Bartholomæi* ex ea familia natales opposuerant sagacissimi *Bollandistæ*, *tom. 1. Jul. die 1. pag. 280. num. 16. col. 2. F. & pag. sequenti col. 1. A. & tom. 7. Jul. p. 854. col. 1. B.* Eum porro *Bartholomæum* habitum religionis è manibus S. Dominici probabiliter suscepisse, deinde vero eximium divini verbi evasisse præconem, individuumque fuisse B. Joannis Spledonis *Vicentini*, ejusdem professionis viri inclyti, in eo munere collegam, ac Ordinem militare sub titulo & auspicio SS. Virginis, pacificandis urbium Italiae tumultibus, instituisse, ab Urbano IV. confirmatum anno 1262. die 1. Januar. tradit R. P. Echardus, *tom. 1. Script. p. 254.* Magistri sacri palatii muniis functum Romæ & Lugduni sub Innocentio IV. scribit Leander Alberti, *lib. de viris illustribus Ord. Præd. fol. 115.* Renuntiatus fuit *Bartholomæus episcopus Nemosiensis*, non an. 1246. aut 1250. ut variis placuit auctoribus, sed anno 1248. quo feria sexta post Pentecosten, S. Ludovicus rex Francorum, ex Jovillæo, iter transmarinum arripuit. Id satis expresse innuit ipsemet *Bartholomæus* in instrumento quodam apud Ughellum, *tom. 5. col. 1130. num. 41. D. vet. edit. & R. P. Echard. loco laudato*, ubi ait: «Rex christianus, cum regina & fere tota domo regia, christianæ religionis amore, mare transiit, tempore quo

*A nobis licet indignis Nimonicensis civitatis quæ in regno Cypri est pontificatum apostolica sedes contulit, &c.*» Refert Bzovius, *tom. 13. ad annum 1260. num. 13. col. 665. edit. Colon. 1621.* tantam *Bartholomæo* cum S. Ludovico interfuisse necessitudinem, ut quas rex piissimus vereretur ne admisisset noxas, eas non alteri quam *Bartholomæo* in confessione aperiret. Confessarium ejus fuisse, sive ordinarium, sive extraordinarium *Bartholomæum* agnoscunt pariter Fernandez Concertat. prædicat. Salmant. 1618. *pag. 484.* qui & annum circiter 1240. assignat, Anton. Mallet, *de viris illustribus cænobii San-Jacobi Paris. edit. 1634. pag. 344.* & D. Archon, *p. 130.* ubi doctissimum quoque Sirmondum appellat. *Bartholomæo* ut episcopo Nemosiæ Innocentii IV. litteras datas an. 1252. die XI. Maii exhibet R. P. Bremond, *tom. 1. Bullar. p. 227.* de eodem insuper, *pp. 263. & 412.* legendus. Ex ea postmodum ecclesia ad *Vicentinam* patriam suam translatus *Bartholomæus* die 18. Januarii anni 1256. ex Alexandri IV. epistola 741. *fol. 10. in Reg. Vatic.* docet præfatus Ughellus, *ibid.* Obiit demum *Vicentiæ* venerabilis præsul paucis diebus, juxta R. P. Echard. à confecto die 22. Septemb. anni 1270. testamento suo; vel, juxta Barbaranum, *hist. Vicent. p. 148.* die 1. Julii anni sequentis 1271. sed, secundum omnes, relicta magna suæ sanctitatis opinionē. De eo iterum infra sermo redibit inter Patriarchas Hierosolymitanos.

## III. CHRISTIANUS administrator.

Raynaldus, *to. 14. ad annum 1256. n. 45.* refert Alexandrum IV. Papam litteris ad Patriarcham Antiochenum datis eo anno die XI. Febr. scripsisse, quia ob hostium incursiones vectigalia Antiocheni patriarchatus adeo imminuta erant, ut sustentandæ dignitati paria non essent; ideo se illi Nemosiensis in Cyprio ecclesiæ administrationem contulisse.

Is porro Patriarcha Antiochenus videtur fuisse *Christianus* ille Eliæ successor ab anno circiter 1250. quem supra recensuimus, *col. 1162. A.*

## IV. B E R A R D U S.

Anno 1298. quo celebratum est Nemosiæ à Gerardo archiepiscopo Nicosiensi concilium provinciale die 22. Septembris, inter cæteros aderat *Berardus episcopus Nemosiensis. To. XI. conc. Labb. part. 2. col. 2417. E.* Vide supra inter archiepiscopos Nicosienses, *col. 1206. E.*

## V. P E T R U S I.

Waddingus, *tom. 7. annal. in Append. ad H h h h iij*



ECCLESIA  
NEMOSIENSIS

tom. 3. pag. 469. num. XI. ait addendum ad annum 1314. n. VIII. post verba *per omnia sectari*: «Hoc anno misit Henricus (II.) rex » *episcopum Nimociensem*, Hugonem de Beduinis, & Fr. Aymerium, Minoritam.... legatos ad Jacobum II. regem Aragoniæ, ut » de sorore sua Maria, Jacobo desponsanda, » ultimas tabulas conficerent: quod quidem feliciter præstiterunt, &c.» Is probabiliter alius non est à *Petro de Herlant*, episcopo Limiffensi in Cypro insula, cujus meminit Henricus Gibley, *hist. regum Lusitanorum* ad annos 1304. 1305. & 1307. pp. 213. 224. & 238.

## VI. GUILLELMUS.

*Fr. Guillelmus*, Ordinis Carmelitarum, sedebat episcopus Nemosiensis anno 1324. quo die 21. Febr. translatus fuit ad ecclesiam civitatis Castellaniæ, & inde rursus ad Æsernensem anno 1332. die 15. Octobris. *Ex Regesto Vaticano*. Ita post Ughellum, tom. 1. col. 637. num. 15. D. *veteris edit.* & tom. 6. col. 501. num. 25. B. Daniel à V. M. *Specul. Carmel.* pag. 925. num. 3237.

## VII. RAYMUNDUS administrator.

*Fr. Raymundus Bequin*, Tolosanus, Ord. Præd. doctor Parisiensis, ex Magistro sacri palatii, quem ab an. 1321. egerat, Patriarcha Hierosolymitanus renunciatus est à Joanne XXII. anno 1324. data simul eidem (quia Hierosolymis ob Saracenorum tyrannidem sedere non poterat) *ecclesiæ Nemosiensis administratione*. Eò mox se contulit, partesque implevit vigilantis pastoris usque ad annum 1328. quo excessit è vivis. Legendus Raynaldus ad annum 1324. num. 44. & 1326. num. 28. Ita R. P. Echardus, tom. 1. *Script. p.* 561. col. 1. ubi emendat Razzium, Fontanam & Percinum, Dominicanos, circa hunc Raymundum varie hallucinatos.

## VIII. PETRUS II. administrator.

Raynaldus, tom. 15. ad annum 1329. n. 94. scribit *Petrum è Palude*, ejusdem Ord. Præd. Raymundo, qui in Cypro obierat eo anno, subrogatum in sede patriarchali Hierosolymitana, eidemque etiam ad hanc dignitatem sustentandam, ecclesiæ Nimosiensis in Cypro administrationem traditam. Is postmodum, relicta Nemosiæ ecclesia, Conseranensis in Galliis administrator extitit, ut constat ex instrumento anno 1337. confecto, quod citat R. P. Echardus, tom. 1. p. 606. col. 1. Obiit Parisiis anno 1342. die 31. Januarii, ibique sepultus est in ecclesia FF. Prædicatorum.

## IX. LAMBERTINUS.

Concilio Nicosiensi ab Helia archiepiscopo

celebrato anno 1340. die 17. Jan. interfuit *Lambertinus* episcopus Nemosiensis. Tom. XI. *conc. Labb. part. 2. col. 2432. C.* Vide supra inter archiepiscopos Nicosienses, col. 1208. B. Hunc appellat Ughellus, tom. 4. *Ital. sac. col. 750. n. 78. D. Lambertinum Balduinum della Cecca*, aitque Bononiensem fuisse, & ad sedem Brixianam translatum anno 1344. die 3. Novemb. ex epistola 3. Clementis VI. in *Reg. Vatic.* denique obiisse anno 1348. die 3. Septembris.

## X. ITERIUS.

Lambertino translato ad ecclesiam Brixianam, subrogatus est in sede Nemosiensi *Fr. Iterius de Nabinallis*, Minorita, præfati Helie archiepiscopi Nicosiensis consanguineus. Diploma Clementis VI. *Inter sollicitudines*, datum anno 1344. die 3. Novemb. extat apud Waddingum, tom. 3. *anal. in Reg. Pont. p.* 304. qui ejusdem Iterii quoque meminit, *ibid.* ad annum 1344. n. 6. p. 525.

## XI. LEODEGARIUS.

C Idem Waddingus ad annum 1351. n. 3. pag. 3. epistolam refert Clementis VI. inscriptam: «Venerabilibus fratribus Guillelmo Patriarchæ Hierosolymitano, & Philippo archiepiscopo Nicosiensi, & Odoni Paphensi, & Leodegario Nimociensi episcopis, datam » x. kal. Octobris (id est die 22. Septemb.) » anno x. (Christi 1351.) » Legendus etiam Raynaldus, tom. 16. ad eum annum, n. 19. & ad annum 1353. num. 25.

## XII. THOMAS.

D *Thomas Ammanatus*, Pistoriensis, sedebat episcopus Nemosiæ anno 1380. quo à Clemente VII. sic dicto in sua obedientia, tempore schismatis occidentalis, archiepiscopus Neapolitanus renunciatus est. Obiit Avenione anno 1396. die 6. Decemb. Ita Ughellus, tom. 6. *Ital. sac. col. 201. n. 30. B. C. vet. edit.*

## XIII. STEPHANUS I.

*Stephanus Gobemus* sive *Gobernus* ecclesiam Nemosiensem administrabat an. 1390. quo translatus est à Bonifacio IX. ad ecclesiam Corinthiensem, ex qua iterum transiit anno 1395. ad Acheruntinam, deinde anno 1402. die 6. Novemb. ad Calvensensem. Obiit demum anno 1413. Ita Ughellus, tom. 6. *Ital. sac. col. 602. num. 21. C. veteris edit.* & tom. 7. col. 70. n. 22. A. De eo jam supra loquuti sumus inter archiepiscopos Corinthienses, col. 888. B. C. XII. *Stephanus*, ubi lin. 2. pro 387. legendum est 287. & lin. 5. pro 1305. legendum 1390.



## XIV. BARTHOLOMÆUS.

Stephano in sede Nemosiensi successus est anno 1390. die 19. Sept. à Bonifacio IX. *Fr. Bartholomæus Gaius*, Minorita, ex Waddingo, *tom. 4. ad eum annum, n. 12. p. 287.*

## XV. NICOLAUS.

Circa annum 1461. sedebat episcopus Nemosiensis *Nicolaus*, quem à Carola Ludovici regis Cypri uxore ad Emirum Sultani Ægypti delegatum refert Steph. Lusitanus, *hist. gener. regni Cypri c. 21. fol. 171.* ut Sultani ope jus sceptri adversus Jacobum II. sibi conservaretur: sed prævaluit Jacobus, regnumque Cyprium invasit. Vide *col. 1211. E.*

## XVI. SALOMON.

## XVII. STEPHANUS II.

*Salomon Cardona*, Ordinis Præd. ex Fernandez inter episcopos Græcos, & Plodio five Michaelio Pio *part. 2. lib. 3.* Nemosiæ episcopus electus est circa annum 1480. cui successit, ex iisdem scriptoribus, anno circiter 1486. *Stephanus*, Ordinis quoque Præd. Ita Fontana *Theat. Domin. pp. 248. & 249. tit. 423.*

## XVIII. NICOLAUS II.

Ughellus, *tom. 5. Ital. sac. col. 152. n. 84. D. veter. edit.* scribit *Nicolaum Donatum*, Patrium Venetum, Nemosiensem episcopum, intrusum esse à senatu in locum Hermolai Barbari Patriarchæ Aquileiensis in exilium missi; quod contigit intra annum 1491. quo Hermolaus renunciatus fuerat Patriarcha, & annum 1494. quo Hermolaus Romæ obiit.

## XIX. PAULUS.

Idem Ughellus, *ibid. col. 1388. C.* profert bullam Clementis VII. datam anno 1524. de processu canonizationis sancti Laurentii Justiniani Patriarchæ Venetiarum, in qua dicitur Adrianum VI. (qui electus est Papa anno 1522. & decessit anno 1523.) venera-

*A bilibus FF. Thomæ Feltrensi & Paulo Nemosiensi episcopis.... mandasse ut processum istum, &c.* Is jam sedebat anno 1517. quo synodo Lateranensi sub Leone X. *10. 14. conc. Labb. col. 326. A.* interfuit.

## XX. ANDREAS I.

*Andreas Centanus*, Venetus, episcopus Nemasiensis (Nemosiensis) subscripsit concilio Tridentino sub Paulo III. anno 1546. *ibid. col. 750. C.*

## XXI. ANDREAS II.

*Andreas* alter cognominatus *Mocenicus*, etiam Venetus, qui creatus est episcopus Nemosiensis à Pio IV. anno 1560. die 3. Maii, adstitit eidem concilio sub eo Papa, *ibid. col. 930.* Vivebat adhuc anno 1567. quo Vicarii ejus munus gessit Stephanus Lusitanus, ut ipse refert *hist. Cypri, fol. 211.*

## XXII. SERAPHINUS.

*Seraphinus Foribraccia*, Famagustanus; Ordinis Præd. ecclesiæ Nemosiensis incumbere regimini annis 1570. & 1571. quibus expugnatae sunt à Turcis Nicosia & Famagusta. Posterioris hujus urbis obsessæ incolis & militibus omnimodam opem ferens periit anno 1571. teste Angelo Calepio, ad calcem historiæ Stephani Lusitani, *fol. 279.* Ejus meminit R. P. Echard. *tom. 2. in indice episcoporum, pag. 31. col. 1.*

## XXIII. STEPHANUS III.

## XXIV. STEPHANUS IV.

Fontana *Theat. Dom. pag. 249. tit. 423. col. 1.* refert *Stephanum Luzinianum*, Ordinis Præd. (qui est auctor historiæ regni Cypri, & aliorum operum apud R. P. Echardum, *10. 2. Script. pp. 300. col. 2. & 998. col. 1.*) ex nobilissima regum Luzinianorum stirpe fatum, ad ecclesiam Nemosiensem promotum esse à Sixto V. anno 1588. die 27. April. post obitum alterius *Stephani.* Ex *Actis Confistorialibus* ejusdem Pontificis.

V.

## ECCLESIA CERAUNIÆ.

*CERAUNIA*, urbs Cypri insulæ Ptolemæo, *Ceronia* Polybio, *Cirynia* Plinio, nunc opidulum *Cerines* dictum; hæc episcopalis est sub archiepiscopo Nicosiensi, in ejus ora boreali Ciliciæ obversa cum portu peramplo, inter Carpasiam ad ortum, & Lapithum ad occasum. Ita Baudrand, *tom. 1. geogr. pag. 256. col. 2.* Nonnullos ejus episcopos reperi Latini ritus.

## EPISCOPI CERAUNIÆ.

## I. JORDANUS.

R. P. Bremond, *tom. 2. Bullar. pag. 216.* meminit *Jordani* cujusdam de *Miramonte*,

E Ordinis Præd. episcopi *Sernensis* (fortassis *Cerinenfis*) de quo Percinus *monum. convent. Tolosani* ad annum 1301. *p. 67. col. 1.* hæc loquitur: «Fr. Jordanus de *Miramonte* de



ECCLESIA  
CERAUNIAE.

» prædicatione (id est domo FF. Prædic.) A  
» Tolosana hoc anno numeratur in ms. inter  
» episcopos Sernenfes (qui) electus (est) à  
» Papa Joanne XXII. promovente rege  
» Roberto, de quo (Jordano) nihil amplius  
reperi.»

## II. E V E R H A R D U S.

Daniel à V. M. *Speculi Carmelit. tom. 2. pag. 920. num. 3209.* scribit *Fr. Everhardum*, sui Ordinis alumnum, ex Patritia apud Ubios familia de Musgen, id est, de Musculorum gente, episcopum *Caronensem* (fortassis *Ceronensem*) sub patriarchatu Antiocheno fuisse promotum, & factum suffraganeum archiepiscopi Colonienfis, ac obiisse Coloniae anno 1397. Ex Ægidio Gelenio.

## III. A N D R E A S.

## IV. J O A N N E S.

Quum ecclesia Cerinensis post obitum *Andreae* sui præfulis per annum & amplius vacasset, *Fr. Joannes de Rysterscheyt*, Ordinis Prædic. ei præfectus est à Martino V. Papa anno 1420. die 4. Sept. Ita R. P. Bremond, *tom. 2. Bullar. pag. 703.* qui diploma pontificium exhibet, *ibid. p. 592.* Hunc Fontana *in monum. Dom. p. 310.* appellat episcopum *Chermensem*; at legendum *Cerinensem* constat ex diplomate laudato.

## V. S Y F R I D U S.

## VI. D I O N Y S I U S.

*Syfridus Piscatoris*, Ordinis Præd. Joanni post ejus obitum successus est ab Eugenio IV. anno 1446. die 6. Mart. cujus promotionis decretum exhibet R. P. Bremond, *tom. 3. Bullar. pag. 234.* Idem prorsus est, ac quem *Goffredum* episcopum *Corinensem* appellat Fontana *Theat. Domin. pag. 180. tit. 204.* aitque successisse Joanni eo anno Nonis Mart. quem etiam *Guffridum* appellat Sixtus IV. diplomate dato anno 1474. die 9. Maii, apud præfatum R. P. Bremond, *p. 635.* quo ei defuncto substituit in sede Cyrenensi (*Cerinensi*) *Fr. Dionysium Bard*, ejusdem Ordinis Præd. aliàs nobis ignotum.

## VII. H I E R E M I A S.

Ughellus, *to. 1. Ital. sac. col. 546. n. 32.*

Monitum.

**D**UM de episcopis Latinis agimus, qui in insula Cypro ecclesias administrarunt, quædam observanda occurrunt circa S. Lazarum à Christo Domino fuscitatum, de quo sic habetur *tom. 2. hujusce operis, col. 1055. D.* «In Calendario Æthiopum Habessinorum » die 22. Maii, memoria legitur *sancti Lazari episcopi* Cypri, qui secunda vice mortuus est, » inquit, postquam nempe à Domino à mortuis fuerat excitatus. In Menologiis Græcorum » ad diem 17. Octobris *Cirii episcopus* fuisse dicitur, ejusque corpus Constantinopolim transf- » latum est anno 890. Habessinorum, qui hoc à Cophitis Ægypti acceperunt, cum Menæis Græcorum consensus nonnullam veri speciem huic Cypriorum traditioni præbet.» Hæc nimirum

B. *veteris edit.* scribit *Hieremiam Coutugium*, Volaterranum, Cardinali Soderino familiaritate conjunctum, ab Alexandro VI. ad ecclesiam Assisientem promotum anno 1496. die 8. Febr. ex ea vero post annos 13. subindeque anno 1509. ad Cirinensem transiisse; quumque rediisset in patriam, decessisse Assisii, & in templo S. Francisci sepultum esse.

## VIII. A R N A L D U S.

Ex Thoma de Herrera *Alphab. Augustin. tom. 1. p. 45. col. 1.* *Fr. Arnaldus de Arceto*, Eremita Augustinianus, ad instantiam episcopi Adurenfis (*Ayres* in Gallia sub archiepiscopo Auscienfi *Auch*) declaratus est episcopus Cirinensis, & Adurenfis suffraganeus, à Leone X. anno 1517. die 20. Aprilis.

## IX. B A L T H A S A R.

*Fr. Balthasar de Eredia*, Hispanus, Ord. Præd. ecclesiæ Cirinensi certo modo vacanti præfectus est à Paulo III. anno 1535. die 24. Febr. cujus promotionis diploma extat *to. 4. Bullar. R. P. Bremond, pag. 676.*

## X. L U G A R A.

XI. J E R A S I M U S. *Joannikius.*

Anno 1646. mense Decemb. *D. Lugara*, episcopus Cirinensis in Cypro, professionem fidei, in qua unioni Græcorum cum ecclesia Latina consensum præbebat, emisit coram sacra Congregatione *de Propaganda Fide*, antequam in Cyprum progrediretur, quo ibat munitus litteris commendatitiis, quibus subsidium quarundam pecuniarum Constantinopoli reciperet, sibi ab eadem sacra Congregatione concessum ad utilitatem religionis catholicæ in iis regionibus. Ita legitur in nunciis Gallicè scriptis per annum 1647. *pag. 18.* Hunc quidem verisimile est fuisse *Monitum.* episcopum Græcum, qui Romæ schisma ejuraverit suæ nationis; sed quia omissus fuit *tom. 2. hujus operis, col. 1074. D.* ejus hîc meminimus.

Accepimus etiam ex litteris ab Oriente missis anno 1733. ecclesiæ *Cirinensis* præfulem Græcum, tunc sedentem, *Jerasimum* appellari; *Larnicensis* vero in eadem insula *Joannikium.*



nimirum elucidatione five emendatione quadam indigere videntur. Nam 1.<sup>o</sup> neque in Menologio Græcorum edit. 1628. neque in ejus versione Latina, quam edidit Canisius, tom. 2. *Lect. antiq.* quidquam reperitur de *episcopatu Citiano sancti Lazari*; sed fit duntaxat mentio ad diem 17. Octob. de *translatione reliquiarum sancti Lazari ex urbe Citio Constantinopolim* jussu Leonis Sapientis, hoc modo: « Eodem die relatio reliquiarum *sancti & justi Lazari*, quas reliquias celeberrimus & fidelissimus Imperator Leo, divino zelo commotus in templo pulcherrimo sub ejus sancti viri nomine dicato, ex urbe Citienfi Constantinopolim translatas in argenteis loculis reposuit. » Extat apud Bolland. tom. 3. Febr. ad diem 23. pag. 393. num. 10. D. 2.<sup>o</sup> Expresse asserunt viri doctissimi Tillemont. tom. 2. *hist. Eccles.* pag. 33. & Baillet. tom. 3. vit. SS. pag. 245. §. 2. D. nullibi legi in operibus Græcorum S. Lazarum fuisse *episcopum* aut *martyrem*. « Comme aucun des Grecs, verba sunt Tillemontii, *n'a remarqué ces deux circonstances*, elles ne peuvent pas estre bien assurées. » « Quelques-uns, inquit Bailletus, veulent même qu'il y ait esté évesque (in Cypro insula,) & d'autres ne font point difficulté d'adjouter le titre de martyr à cette qualité, mais sans aucun fondement, & sans que les Grecs paroissent en avoir rien sçu. On se contentoit encore au ix. siècle de dire que le corps de saint Lazare reposoit en Cypre, sans parler ni de son *épiscopat* ni de son martyr prétendu. » Quin etiam 3.<sup>o</sup> idem Bailletus, *ibid.* ex silentio sancti Epiphanii Cypri IV. sæculo metropolitæ, (qui, licet ex traditione quadam sui temporis scripserit sanctum Lazarum anno vitæ trigesimo à Christo suscitatum adhuc 30. annos vixisse, nihil tamen loquutus est de ejus incolatu & obitu in Cypro insula,) colligit traditionem Cypriorum de adinvento hujus Sancti tumulo juxta urbem Citium sæculo IX. nullius esse auctoritatis. « On croyoit au IV. siècle, inquit, qu'il avoit vécu 30. ans depuis sa résurrection, & qu'il en avoit déjà 30. lorsque J. C. le resuscita. Mais on peut assurer que nous connoissons encore moins le lieu que le temps de sa mort. Si l'on en croit les Grecs, il mourut dans l'isle de Cypre, & fut enterré à Citie ville fort connue de cette isle; mais cette opinion ne paroît née que depuis le siècle de saint Epiphane, qui estoit metropolitain de cette isle, & qui n'auroit peut-estre pas oublié d'en parler, comme il a fait de celle de son âge, s'il l'avoit sçu. Elle a passé dans l'Occident, où elle a esté reçüe long-temps sans contradiction, &c. » Traditioni quidem ab Epiphanio laudatæ eò magis deferendum observat Tillemontius supra citatus, quod ipse vixerit in insula Cypro, ubi Græci recentiores perhibent sepultum fuisse S. Lazarum. « Il pourroit, inquit, estre mort l'an 63. de l'ere commune, selon saint Epiphane; & la tradition que cite ce Pere merite d'autant plus de croyance, que les Grecs disent que son tombeau estoit à Citie ville assez celebre dans l'isle de Cypre, dont saint Epiphane estoit metropolitain. Quelques auteurs Latins confirment la même chose, &c. » Sed totum hoc Tillemontii ratiocinium evidenter supponit, ex solo Cedreni & Zonaræ auctorum Græcorum XI. & XII. sæculorum, quos nonnulli exceperunt Latini, testimonio, *sanctum Lazarum certo decessisse in Cypro insula*, quantumvis de eo obitu Epiphanius, IV. sæculo florens, dum annos ejus vitæ ex quadam ævi sui traditione commemoraret, tacuerit. Quod profecto stupendum, quum ipsemet hujusmodi Græcos sublestæ fidei millies insimulet, penitusque floccifaciat quidquid ab eis adstruitur, de sæculis præsertim longe anterioribus, nisi id aliunde aliquo momento solidiori fulciatur. Tantum abest itaque ut ex narratione illa istorum Græcorum traditio Epiphania de 30. annis, quibus sanctus Lazarus suæ resurrectioni supervixerit, credibilior evadat; quin potius ex silentio Epiphania de extante sepulcro sancti Lazari juxta urbem Citium suo tempore, sequatur, ut recte animadvertit Bailletus, verum non fuisse Sancti hujus tumulum, quem ii repertum aiunt in insula Cypro sub finem sæculi IX. At hîc non immoror: eo enim sancti Epiphanii silentio, 4.<sup>o</sup> contendo, non suaderi duntaxat utcumque, sed & demonstrari invincibiliter, episcopatum, incolatum, & obitum sancti Lazari in ea insula ipsis fuisse prorsus ignotos Cypriis IV. sæculo. Æquum lectoris appello judicium. Dico igitur quod, si illo ævo innotuisset in Cypro insula, ibi sanctum Lazarum episcopatum gessisse, aut vixisse, diemque clausisse ultimum, ac sepultum fuisse, id non modo forsitan (*peut-estre*,) ut cum Bailleta loquar, non prætermisisset Epiphanius, sed & expressissime protulisset; ex quo nimirum plene confutasset Manichæos, contra quos eo loci disputabat. Illi quippe traditionem de 30. annis vitæ Lazari post resurrectionem suam, quantumlibet hæresim ipsorum jugulantem de corporibus nostris, ut cæteris visibilibus, à dæmone confectis, & per se malis, eam traditionem, inquam, in hunc præcise finem illic ab Epiphanio adductam, repudiare, si non quoad 30. saltem quoad multos annos resurrectionis constantis & perseverantis ejusdem Lazari, ea evidentia convicti, minime potuissent. En Epiphanii textum juxta Dionysii Petavii translationem Latinam, in tract. de hæresibus hæresi 45. sive 66. quæ est Manichæorum,



tom. 1. pag. 652. A. B. C. « Cur enim non & hominem (à dæmoniorum legione liberatum) » in mare cum porcis præcipitare & extinguere passus est, quo universas animas, tam hominis » scilicet quam porcorum, repurgaret ac servaret? Verum longe aliter istud intelligimus: si- » quidem Lazarum è monumento quatrduanum evocat atque excitat, & in mundum reducit. » Nec utique mali quidquam eo facto conciliare voluit, aut absurdum ei aliquid ineptumque » facere: *amabat enim Lazarum*, ait scriptura (*Joan. 11. 36.*) Quem igitur amabat, cur in » carnem, si ea mala est, regredi voluit? Cur non mortuum illum semel exsolutumque cor- » pore, ita uti erat, reliquit? Nec est quod sibi quisquam persuadeat Lazarum subinde esse » mortuum. Hoc enim evangelium aperte declarat, accubuisse postea Jesum, & cum eo » Lazarum similiter accubuisse. Quin & illud inter traditiones reperimus, triginta tum annos » natum fuisse Lazarum, quum à mortuis excitatus est; atque idem ille postea triginta aliis » annis vixit, atque ita mortuus ad Dominum rediit, & cum illustri nominis fama vocatus est, » ut & cæteri homines, ad ultimæ resurrectionis usque tempus, quando, ut pollicitus est, » unigenitus Dei Filius corpus animæ, corporique restituet animam, & *unicuique, prout gessit, sive bonum sive malum* (2. Cor. 5. 10.) rependet.» Nihil ille eo de argumento amplius.

Porro ipsis cæcis conspicuum est incolatum diuturniorem sancti Lazari in Cyprio insula post resurrectionem suam, ejusdemque ibi episcopatum per plures annos, ac tumulum juxta urbem Citium, Epiphanii ratiocinio tantam vim contulisse adversus errorem Manichæorum, quem impugnabat, tamque ineluctabile subministrasse de perdurante Lazari resurrectione momentum, ad cujus evidentiam nihil illi reponere habuissent, ut eo nunquam certissime omisisset ipsorum os obstruere, si novisset. Didicerat quidem Epiphanius ex illa traditione, cujus etiam propterea meminit, sed quam ab ipso nulla aliunde probatione fultam Manichæis explodere facile erat, Lazarum suæ resurrectioni supervixisse adhuc triginta annos; at quibusnam in locis commoratus sit toto illo tempore, ubinam decesserit, ubinam servaretur ejus sepulcrum; quæ proferre ipsius tantum intererat, id, inquam, omne illo ævo tam ipsum Epiphanium latebat, quam cæteros Cyprios. Hoc solummodo indicat ipso suo silentio Epiphanius, qui Eleutheropolitanus erat in Judæa non longe Hierosolymis, qui Metropolita Cypri, Lazari corpus sua ætate, nec in *Bethania*, nec in *insula Cyprio* fuisse asservatum.

Exinde autem inferendum videtur, 1.º recentiorum Græcorum traditione, quam nullo niti fundamento ultro ipsemet agnoscit Bailletus supra laudatus, Massilienses sua possessione circa sanctum Lazarum minime deturbari: præsertim quum in Anglia jam notum fuerit sæculo XII. ex traditione utique anteriori, sanctum Lazarum ecclesiæ Massiliensis fuisse episcopum, olimque in ea urbe quiescente. Id quippe ut rem suo tempore indubitatam refert Rogerus sive Rogerius de Hoveden, scriptor Anglicus XII. sæculi, qui, teste Joanne Pitæo, tom. 1. *Relationum historicarum de rebus Anglicis edit. Paris. 1619. p. 272.* florebat anno 1204. sub Joanne rege Angliæ, & exaravit annales Anglorum diligentissime, non solum annos notando, sed etiam menses, & nonnumquam horas. Hujus quoque meminit Raynaldus, tom. XIII. *annal.* ad annum 1201. num. 43. Is igitur Rogerus annalium Anglorum, quos ab anno circiter 730. usque ad finem anni 1200. deducit, hæc habet *part. poster. pag. 671. lin. 53. edit. Francofort. 1601.* « Deinde pervenerunt (crucesignati) usque ad Marsiliam, » quæ distat per 20. milliar. ab introitu Rhodani. Marsilia est civitas episcopalis sub potestate » regis Arragoniæ. *Ibi fuerunt reliquiæ sancti Lazari fratris sanctæ Mariæ Magdalene & Marthæ, qui ibidem septem annis episcopatum tenuit, postquam Jesus suscitavit eum à mortuis.* » Et paulo inferius: « Ex altera parte portus (Massiliæ) ex opposito est abbatia S. Victoris.... Et ibi (inter alias reliquias quas enumerat) extat & *maxilla S. Lazari.* » In relatione Gallica de invento Augustoduni à X. vel XII. circiter annis sancti Lazari corpore, legebatur pariter huic tantum defuisse *maxillam* Massiliæ conservatam. Massiliensium traditioni etiam non parum favet quod de ea scribit Dionysius Sammarthanus, tom. 1. *Gall. Christ. edit. Paris. 1715. col. 631. B.* « Communis est, non solum apud vulgus, verum etiam inter eruditos in » Provincia viros, primum qui fidem christianam Massiliæ & in locis finitimis disseminavit, » fuisse sanctum Lazarum à Christo Salvatore nostro è mortuis excitatum.... Hujus reliquias à Burgundionibus sibi ablatas, & Augustodunum delatas queruntur Provinciales, &c.»

2.º Reliquias sancti Lazari prope urbem Citium sub finem sæculi IX. repertas, & Constantinopolim translatas, alterius fuisse Sancti à Lazaro quem suscitavit Dominus. Certe in Menologio Græcorum supra memorato dicitur duntaxat Lazarus ille *sanctus & justus*, sed non à Christo suscitatus: *Relatio pretiosarum reliquiarum sancti & justi Lazari, quas reliquias, &c.* Exuvie fortassis fuerunt *S. Lazari monachi* & egregii pictoris à Theophilo Imperatore



sævissime cruciati ob cultum sacrarum imaginum, cuius scilicet corpus, quum ille Romam adiens in itinere decessisset, non improbabiler in Cyprum insulam adsportatum fuerit, ibique sepultum.

3.<sup>o</sup> Tandem sanctum Lazarum à mortuis excitatum, perperam supra *tom. 2. episcopis Cui* in insula Cypro fuisse annumeratum, auctoritate præcise ac testimonio Habessinorum Æthiopum, Cophtorum, & Græcorum, ævo sancti Epiphani longè posteriorum; maxime nulla de præfato ejusdem sancti Epiphani, hac in re tanti ponderis, silentio mentione facta.

### *Aliæ quædam Ecclesiæ Patriarchatus Antiocheni.*

**N**ONNULLIS ecclesiis, præter recensitas, præpositos reperi aliquot Latini ritus episcopos. Sunt autem sequentes ordine alphabetico.



#### A.

#### I. ECCLESIA ABIENSIS.

**J**AM observatum est supra, *coll. 1113. 1114.* D. duplicem Waddingo esse *Abiensem* ecclesiam, unam sub Patriarcha Constantinopolitano, alteram sub Antiocheno; de quibus nihil aliud occurrit, nisi aliquot illis datos fuisse præfules. De posterioris hîc agemus.

##### EPISCOPI ABIENSES.

I. ADAMUS.

II. JOANNES.

**P**ræfatus Waddingus, *tom. 3. ad annum 1349. num. 12. pag. 566.* scribit Adamo episcopo Abiensi sub patriarchatu Antiocheno,

A ad sedem Catarensē translatō, substitutum fuisse eo anno die 8. Julii à Clemente VI. *Fr. Joannem de Montefono*, Minoritam. Diploma autem exhibet, *ibid. in Regesto Pontif. pag. 388.*



#### II. ECCLESIA ALEPPENSIS.

**A**LEPPUS urbs est Syriæ in Cyrhestica regione, quæ *Berrhæa* Ptolemæo, *Beræa* Plinio, *Beroa* Antonino, *Beroe* Stephano dicitur; nunc vero *Aleppo* Italis & *Alep* Gallis. In Jure orientali legitur *Berrhæa sive Chalepo*. Hæc Baudrand, *tom. 1. geogr. p. 161. col. 1.* ad vocem *Berrhæa*. Vide supra *coll. 81. 82. & tom. 2. coll. 781. 782.*

##### EPISCOPI ALEPPENSES.

I. VINCENTIUS.

**V**INCENTIUS de Mazuelo, Ord. Præd. renunciatus est præsul *Bericensis* (sive *Berœensis* aut *Aleppensis*) ut explicat R. P. Bremond, *10. 4. Bull. p. 205.* ab Alexandro VI. cujus diploma profert, datum anno 1498. die 6. Aprilis.

II. PETRUS.

Ecclesiæ Aleppensi vacanti per præfati Vincentii obitum præfecit idem Alexander VI.

B Papa an. 1500. die 11. Decemb. *Fr. Petrum de Monimo*, Ord. Præd. Ita R. P. Bremond laudatus, *tom. 4. pag. 208.* ubi tria exhibet hujus Pontificis diplomata.

III. BALDUINUS.

Anno 1645. duobus diebus ante festum Assumptionis B. V. M. mense Augusto, consecratus est archiepiscopus Aleppi in Syria *Fr. Balduinus*, Minorita de Observantia. Ex nunciis Gallicis per hunc annum, *pag. 883.*

*Monitum.*

**P**RÆTERMISIMUS inter præfules Aleppenses Maronitarum, *col. 81. B. Fr. Joannem-Baptistam*, natione Maronitam, & professione Dominicanum, qui circa annum 1613. archiepiscopus Maronitarum Aleppi degentium creatus est, cujus meminit R. P. Bremond, *tom. 5. Bullar. pag. 719.* aiens quamdam ejusdem epistolam accenseri litteris eminentissimi D. Cardinalis du Perron, *edit. Paris. anni 1623. p. 701.* Is proinde ante *Gabrielem de Blausa* primo loco reponendus erit, adeoque expungendum quod legitur, *col. 74. A. & col. 81. B.* Gabrielem hunc fuisse primum Maronitarum Aleppensium archiepiscopum.

*Tomus III.*

Iiii ij



## C.

## ECCLESIA CONSTANTIAE.

**I**N notitia Græca, quæ est ad calcem Codini *de Officiis*, &c. edit. Paris. 1648. p. 358. in provincia Osiroënes sub Edeffa metropoli, tertio loco computata ipsa Edeffa, recensetur *Constantia* Κωνσταντία. Item p. 361. in provincia Arabiæ sub Bosra metropoli loco 12. computata Bosra, extat *Constantine* Κωνσταντίνη, quam alii *Constantinam* & *Constantiam* nuncupant. Prior quidem, ex Cellario, tom. 2. *geogr. antiq. lib. 3. cap. 15. pp. 713. & 714.* olim appellabatur *Nicephorium*: altera vero, ut scribit M. A. Baudrand, 10. 1. *geogr. p. 294.* urbs fuit episcopalis Cœlesyriæ sub archiepiscopo Bosrensi, ex libris conciliorum. Aliquot episcopos reperi sæculo XIV. præfectos *Constantiæ sub Patriarcha Antiocheno*, de qua quum non declaretur utrâ illarum fuerit, eos hîc subjicio, ad quamcumque pertinuerint.

## EPISCOPI CONSTANTIAE.

## I. PETRUS.

**W**ADDINGUS, tom. 3. *annal.* ad annum 1346. num. 10. pag. 539. refert *Fr. Petrum*, Minoritam, eo anno die 31. Jul. episcopum Constantiæ sub Patriarcha Antiocheno à Clemente VI. esse renuntiatum.

A creatus est episcopus Constantiensis sub Patriarcha Antiocheno, & suffraganeus ecclesiæ Veronensis ante annum 1376. Ita Daniel à V. M. tom. 2. *Spec. Carmel. p. 333. n. 3283.* Ejus meminit Ughellus, tom. 5. *Italiae sacræ col. 881. D.* in quodam instrumento confecto die 19. Maii anni præfati, quod Masquardus Patriarcha Aquileiensis confirmavit anno sequenti 1377. die 2. Januarii.

## II. JOANNES.

*Fr. Joannes Lupi*, Ordinis Carmelitarum,

## D.

## ECCLESIA DIOCÆSAREÆ.

**D**IOCÆSAREÆ urbs est Ciliciæ asperæ in Asia minori inter Aphrodisiam & Philadelphiam, 20. miliaribus distans ab ora maris mediterranei in septentrionem, & 10. in occasum à Seleucia Isauriæ, cujus suffraganea est. Ita Baudrand, 10. 1. *geogr. p. 335. col. 2.*

## EPISCOPI DIOCÆSAREÆ.

## I. LUDOVICUS.

## II. THEODORICUS.

**W**ADDINGUS, tom. 5. ad annum 1448. n. 21. pag. 546. scribit ecclesiæ Diocæsareæ

B sub archiepiscopo Seleuciensi vacantis per obitum *Ludovici* ejus præsulis administrationem suscepisse, promovente Clemente VI. eo anno die 15. Aprilis *Fr. Theodoricum Cursum*, Minoritam.

## O.

## ECCLESIA ORTOSIENSIS.

**O**RTOSIAS five *Sarchais* urbs est Phœniciæ sub archiepiscopo Tyri & Patriarcha Antiocheno, quam Baudrand, tom. 2. *geogr. p. 62. col. 2.* cum *Antarado* confundit, aiens eam prius *Antaradum* appellatam, & nunc *Tortosam* dici. In notitia tamen Græc. episcopat. quæ extat ad calcem Codini *de Offic. p. 360.* in provincia Phœnices Paraliæ five littoralis sub Tyro metropoli, *Ortosias* & *Antaradus* ut duæ urbes ab invicem distinguuntur, loco quidem octavo Ὀρτωσίας *Ortosias*: loco autem duodecimo Ἀνταράδος *Antaradus*.

## EPISCOPI ORTOSIENSES.

## ARNALDUS.

**E**X Waddingo, tom. 3. ad annum 1345. num. 7. pag. 531. *Fr. Arnaldus*, Minorita, ecclesiæ Ortosiensi sub patriarchatu Antio-

cheno præpositus est à Clemente VI. Papa, eo anno die 3. Julii.

Atque hæc de patriarchatu Antiocheno Latini ritus.





## PATRIARCHATUS HIEROSOLYMITANUS RITUS LATINI.

**J**ACOBUS de Vitriaco episcopus Aconensis, & postea S. R. E. Cardinalis, hæc tradit de Patriarchatus Hierosolymitani statu sub Patriarchis & regibus Latinis, *Historiæ Hierosolymitanæ cap. 55.* in volumine inscripto *Gesta Dei per Francos, Hanov. 1611. pag. 1077. lin. 24.* «Habet (Hierusalem) sub se quatuor metropolitanos, quorum primus est *Tyrensis*. continens sub se quatuor suffraganeos episcopos, scilicet *Acconensem, Sydoniensem, Berytensem, & Paneadensem*. Est autem *Paneas* civitas illa quæ nunc vulgariter *Belinas* nuncupatur, ad radices Libani montis sita; *Damascenæ* civitati satis vicina est, & est terminus terræ promissionis. Secundus metropolitanus... est *Cæsariensis*, unum solum subiectum habens suffraganeum, episcopum videlicet *Sebastensem*. *Sebasta* alio nomine olim dicebatur *Samaria*, &c. Civitas autem quæ dicitur *Cayphas* sive *Porphyria*, non habet episcopum; subest autem immediate archiepiscopo Cæsariensi. Tertius metropolitanus est *Nazarenus*, unum solum habens suffraganeum *Tiberiadensem* episcopum, &c. Fuit autem quondam sedes archiepiscopalis in urbe Scythopoli... sed propter dignitatem loci, & reverentiam Dominicæ Conceptionis translatus est archiepiscopatus ad civitatem Nazarenam. Quartus autem metropolitanus est *Petracensis*, unum solum habens suffraganeum episcopum Græcum in monte Synai, ecclesiæ B. Virginis Catharinæ, & monachis ejusdem monasterii præfectum. Est autem *Petra* civitas munitissima, quæ vulgari nomine hodie dicitur *Crac*, & *Petra deserti* ultra Jordanem in finibus Moab, in monte sublimi sita, secundæ Arabiæ metropolis, &c.»

«Habet præterea Hierosolymitanus Patriarcha quosdam episcopos suffraganeos sibi, nullo mediante, subiectos, scilicet *Bethleemitanum, & Ebronensem, & Lyddensem*. Fuit autem ecclesia Bethleemitica Prioratus canonicorum regularium usque ad tempora Balduini I. regis Latinorum in Hierusalem. Rex vero (ille) propter loci dignitatem & Dominicæ Nativitatis præcellentiam, eam cathedrali dignitate sublimavit, constituens in eam episcopum de mandato & voluntate bonæ memoriæ Paschalis (II.) Papæ, qui etiam *Ascalonem* civitatem eidem immediate subjecit. Similiter *Ebronensis* ecclesia, quæ prius fuerat Prioratus, propter loci dignitatem in quo sepulti sunt Adam & Eva, & tres Patriarchæ Abraham, Isaac & Jacob, cum Sara & Rebecca in, spelunca duplici... ad episcopalem sublimata est dignitatem... *Lydda* autem civitas, quondam *Diospolis*... nunc ad *S. Georgium* nuncupatur.»

«Habet insuper prædictus Patriarcha abbates & priores sibi subiectos, insignia pontificalia, baculos scilicet & mitras, annulos & sandalia ex privilegio dignitatis habentes, domino Patriarchæ in ministerio reverenter assistentes. Patriarchalis siquidem ecclesia, quæ est *Dominici sepulchri* sub monte Calvariæ, canonicos habet regulares, secundum habitum & regulam B. Augustini viventes: habent autem Priorem, ad quem cum prædictis canonicis pertinet eligere Patriarcham, qui est eis loco abbatis. In ecclesiis autem *templi Domini, & montis Sion, & montis Oliveti* sunt abbates & canonici, secundum regulam prædictam B. Augustini Domino ministrantes: in ecclesiis vero seu monasteriis de *Latina & Vallis Josaphat* sunt abbates cum monachis nigris, secundum regulam B. Benedicti Domino servientes: in *Bethania* vero, quæ est castellum Mariæ & Marthæ & Lazari fratris earum, & distat ab Hierusalem quindecim stadiis, ultra montem Oliveti in declivi ejusdem montis est abbatia *sancti Lazari*, quæ dicitur *de Bethania*, in qua est abbatissa nigra, & moniales sancti Benedicti regulæ & instituta profitentes. Est autem alia *Bethania* trans Jordanem, ubi erat Joannes baptizans. Ejusdem autem Ordinis & professionis est abbatia *S. Annæ* genitricis matris Domini, juxta portam quæ dicitur *Josaphat*, juxta probaticam piscinam sita, in quo loco B. Virgo Maria nata fuisse perhibetur, in qua est abbatissa cum monialibus nigris. Abbatia insuper *S. Mariæ*, monialium in Hierusalem cum abbatissa & monialibus nigris sub sancti Benedicti regula Deo fervientibus, &c. In monte *Thabor* est abbatia nigrorum monachorum



» sub metropolitano Nazareno. *Joppensis* autem civitas non habet episcopum, sed immediate  
 » subest Priori & canonicis Dominici sepulchri: similiter civitas *Neapolis*, quæ in evangelio  
 » dicitur *Sichar*, ubi est puteus Jacob, juxta quem Dominus loquutus est Samaritanæ mulieri,  
 » episcopo caret; pertinet autem ad abbatem *Dominici templi*. Multæ etiam aliæ sunt civitates  
 » in terra promissionis, quæ licet ante tempora Latinorum proprios haberent episcopos Su-  
 » rianorum & Græcorum, Latini tamen propter multitudinem & paupertatem eorum, ne  
 » dignitas episcopalis vilipenderetur, plures ecclesias cathedrales & civitates uni cathedrali  
 » subjecerunt.» Hactenus Jacobus de Vitriaco, cujus descriptioni addo quod Willelmus  
 Tyrensis habet de principatu civili Syriæ & Palæstinæ iisdem temporibus.

« Orientalis Latinorum tota regio, inquit, *lib. 16. hist. cap. 29. ibid. pag. 908. lin. 21.*  
 » quatuor principatibus erat distincta. Primus enim ab austro erat *regnum Hierosolymorum*,  
 » initium habens à rivo qui est inter Byblium & Berytum urbes maritimas provinciæ Phœ-  
 » nicis, & finem in solitudine quæ est ultra Darum, quæ respicit Ægyptum. Secundus erat  
 » versus septentrionem *comitatus Tripolitanus*, à rivo supradicto habens initium, finem vero  
 » in rivo qui est inter Maracleam & Valeniam, urbes similiter maritimas. Tertius erat *prin-*  
 » *cipatus Antiochenus*, qui ab eodem rivo habens initium, usque in Tarsum Ciliciæ versus  
 » occidentem protendebatur. Quartus (demum) erat *comitatus Edessanus*, qui ab ea sylva quæ  
 » dicitur *Marrum*, in Orientem ultra Euphratem protendebatur.» Vide quæ de *patriarchatu*  
*Hierosolymitano* dicta sunt initio hujus tomi III. à *coll. 101. 102.* & de illius regimine sub  
 præsulibus Latinis, *ibid. num. 32. & seqq. col. 131.*

Urbem Hierosolymam sic commendat Michael Antonius Baudrand, *tom. 1. geogr. edit.*  
*Paris. 1681. p. 481. col. 1.* « *Hierosolyma*, urbs Palæstinæ notissima, & Judææ caput Plinio,  
 » Straboni, & aliis, &c. *Ælia* (dicta ab Ælio Hadriano Imperatore, à quo restaurata fuit) nunc  
 » (vero) *Jerusalem* Gallis, *Gierusalem* Italis, & *Elkods* Turcis, id est, *urbs sancta*, teste Mi-  
 » chaele Nau, &c. Eam sacro Dei cultui restituit Constantinus magnus, & præclaris multis  
 » operibus ornavit, inter quæ maxime eluxit templum sepulchri D. N. J. C. quod olim extra  
 » urbem erat. Hujus Imperatoris exemplo Omar Saracenorum Imperator, urbe sui juris facta,  
 » novum templum in monte Moriah, ubi quondam extitit Salomonis, extruxit suis, quod  
 » uti novum templum extremum Arabes dixerunt, teste Gollio. Subest autem dominio Tur-  
 » carum ab anno 1515. circiter, quum antea pareret Soldano Ægypti; sed parvi est circuitus,  
 » & vix decem millia incolarum continet. A Turcis ad arcendos Arabes mœnibus cincta,  
 » deficit in dies.... Capta est à Christianis die Veneris 15. Jul. anno 1099. sub Urbano II.  
 » summo Pontifice, & Philippo I. Francorum rege, ipsisque postea paruit fere per sæculum  
 » (id est usque ad annum 1187.) sub propriis regibus. Distat 25. milliar. à Joppe & à littore  
 » maris Syrii in ortum, mare mortuum versus 30. estque inter Damascum & Cayrum. De  
 » hac urbe plurimi scripsere; sed ejus loca sacra fuse descripsit & delineavit Bernardinus  
 » Amicus à Gallipoli Ordinis S. Francisci; & notandum quod religiosi hujus Ordinis habent  
 » loca sacra urbis Hierosolymitanæ cum aliquot aliis in Terra-Sancta, ex liberalitate Roberti  
 » regis Neapolitani ex familia Andegavenfi ab anno 1325. & etiamnum servant sub clientela  
 regum Francorum, ut dignoscitur ex pontificiis diplomatibus.» Hucusque Baudrand.

## PATRIARCHÆ HIEROSOLYMOREM RITUS LATINI.

ARNULPHUS vice-præsul.

I. DAIBERTUS.

Postquam urbem Hierosolymam expugnare Latini an. 1099. die 15. Jul. Godefrido Bullonio duce, hunc quidem principes exercitus cruce signatorum in primum regem elegerunt; deinde, accepto ex insula Cipro Simeonis Patriarchæ Hierosolymorum Græci obitu, de successore illi subrogando deliberatum: « Dilatio (tamen) facta est, inquit  
 » Albertus Aquensis, *lib. 6. Hist. Hieros. c. 39.*  
 » donec inveniretur aliquis qui ad hoc ponti-  
 » ficale officium foret idoneus, & tantum Ar-  
 » nulphum de Rohes, clericum miræ prudentiæ  
 » & facundiæ, cancellarium sanctæ ecclesiæ  
 » Hierosolymitanæ, procuratorem sanctarum

A reliquiarum, & custodem eleemosinarum fi-  
 delium, constituerunt. Promoto nunc Ar-  
 nulpho ad hanc dignitatem sanctæ & novæ  
 ecclesiæ, donec eligeretur Patriarcha, &c.»  
 Id factum eo anno die 1. Augusti testantur  
 scriptores, qui tamen pro vario affectu vel  
*Patriarcham*, vel *vice-præsulem* tantum, hunc  
*Arnulphum* tunc fuisse asserunt, ut observat  
 doctissimus Pappebrochius in *Hist. chronol.*  
*Patriarcharum Hierosol. præfixa tom. 3. Maii,*  
*pag. 46. n. 195. A.* Sed de eo iterum redibit  
 sermo, quum illam ecclesiam Latinorum  
 tertius obtinebit.

Constat enim, illo ejecto, maxime eo quod  
 filius sacerdotis erat, eo ipso anno 1099. post  
 diem Domini natalem, si fides habeatur lau-  
 dato Alberto Aquensi, *l. 7. c. 7.* & Fulcherio



Carnotensi, *lib. 1.* ad hunc annum, vel anno sequenti circa festa paschalia, ex auctore anonymo belli sacri, *tom. 1. Musæi Ital. Mabill. num. 135. p. 231. Daibertum*, quem *Daimbertum*, *Dagobertum*, & *Theodebertum* nominatum à diversis legimus, jam Pisanum episcopum, virum doctrina & facundia celebrem, qui multis navibus stipatus Joppen venerat, in Patriarcham Hierosolymorum, juvante Boamundo, fuisse electum. Is autem Godefrido regni Hierosolymitani, & Boamundo Antiocheni principatus investituras, à se ut Patriarcha humiliter deposcentibus, contulit, ex Willelmo Tyr. *hist. lib. 9. c. 15.*

Verum quum defuncto die 18. Jul. ejusdem anni 1100. Godefrido germanus ejus frater Balduinus successisset, hic Arnulphi supramemorati, qui archidiaconi officio fungebatur, artibus Daibertum sic infectatus est, ut, patriarchali domo relicta, secesserit in ecclesiam montis Sion. Reconciliatus postmodum cum Balduino anno 1101. ipsum solemniter coronavit in ecclesia Bethleemtica die natalis Domini. At recrudescentibus denuo inter utrumque simulatibus, Daibertus ad Boamundum confugit, à quo honorifice susceptus, ecclesiam sancti Georgii administravit anno 1103. Anno autem sequenti cum eo Romam petiit, ut coram Paschali Papa causam suam exoraret: diutius vero expectatis nec comparentibus, qui adversus ipsum aliquid objicerent, sententia Romani Pontificis sedi suæ, quam Ebremarus invaserat, restitutus est; sed quum reverteretur, obiit Messanæ in Sicilia an. 1107. die 14. Maii. Hæc omnia Willelmus Tyrius, *lib. X. hist. cap. 25. & lib. XI. capp. 1. & 4.*

EBREMARUS intrusus.

## II. GIBELINUS.

Daiberto sancta civitate egresso anno 1103. Arnulphus apud Balduinum regem egit ut ipsius loco, quasi episcopatum abdicasset, *Ebremarus* constitueretur. «Is in prima venerat expeditione, inquit Willelmus Tyrius, *lib. X. c. 26.* honestæ conversationis merito cunctis acceptus; sed in hoc crassam nimis & supinam inventus est ignorantiam habuisse, quod, vivente Patriarcha, sedem ejus licere sibi credebatur usurpare.» Et *lib. XI. cap. 4.* «Ebremarus (autem) audiens quod prædictus Daibertus cum plenitudine gratiæ reverteretur, sedem suam recepturus, antequam de obitu ejus instrueretur, ad eandem Romam nam transfretare decrevit ecclesiam, allegaturus de sua innocentia, quomodo invitum & renitentem in eandem sedem eum locaverant. Quo perveniens, nihil impetrare potuit, quam ut cum eo dirigeretur legatus,

qui de causa ejus, Hierosolymis constitutus, plenius posset cognoscere. Designatus est autem ad id munus prosequendum dominus Gibelinus, vir senior & grandævus, Arelatensis archiepiscopus, qui de mandato domini Papæ Hierosolymam profectus, convocato episcoporum regni concilio, de causa domini Ebremari cognovit plenius. Quumque ei constitisset per testes idoneos, sufficientes & majores omni exceptione, quod dominus Daibertus absque causa legitima, Arnulphi factionibus & regia violentia fuerat expulsus, & quod Ebremarus adhuc viventis Pontificis, & ecclesiæ Romanæ habentis communionem, sedem occupaverat, auctoritate qua præeminebat, eum à patriarchatu deposuit. Sed considerans multam viri religionem, & simplicitatem miram, Cæsariensem, quæ tunc vacabat, ecclesiam concessit habendam.»

«Postmodum vero, dum de substituendo ecclesiæ Hierosolymitanæ Patriarcha clerus & populus disceptaret, constituta ad hoc specialiter die, ut super eo negotio de more tractaretur, post multas hinc inde deliberationum partes, in dominum *Gibelinum* apostolicæ sedis legatum unanimiter conveniunt, & eum in sedem locant patriarchalem. Hoc etiam prædictus Arnulphus malitiose dicitur construxisse, ut homo senex & decrepitus in illa sede diu vivere non posset. Eodem anno, qui erat ab Incarn. Domini 1107. &c.»

Gibelinus iste anno 1094. jam sedens archiepiscopus Arelatensis, ecclesiam simul Avenionensem per aliquod tempus administravit, ut constat ex litteris ejus, quæ extant apud doctiss. Dionysium Sammarthanum, *tom. 1. Gall. Christ. edit. Paris. 1715. inter instrumenta ecclesiæ Avenionensis, p. 140. col. 2.* Item anno 1103. interfuit cum pluribus aliis præsulibus Gallo-provinciæ solemnem dedicationem ecclesiæ sancti Salvatoris à Petro III. Aquensi archiepiscopo peractæ, cujus rei instrumentum, ceu prorsus legitimum & in nullo de suppositione aut interpolatione suspectum, exhibet idem Dionysius Sammarthanus, *ibid. p. 66. col. 2.* In eo autem ita legitur: «Anno D. N. J. C. 1103. Petrus Aquensis archiepiscopus, congregatis quibusdam comprovincialibus (id est ejusdem regionis, quæ *Provincia* sive *Gallo-provincia* nuncupatur) episcopis apud Aquas, videlicet domno *Gibelino Arelatensi archiepiscopo*, Johanne Cavellicensi, Berengario Foroju-liensi, & Augerio Regiensi episcopis, &c. statuit consecrare ecclesiam Domini Salvatoris, scilicet hinc noviter fundatam inter duas ecclesias, videlicet adversus septentrionem ecclesiam Dei genitricis sitam; versus meridiem



« vero ecclesiam B. Joannis-Baptistæ positam, A  
 « oratorio quoque ejusdem Domini nostri Sal-  
 « vatoris versus orientem constructo. Hanc  
 « denique consecrationem domnus Petrus ar-  
 « chiepiscopus, &c. sed quoniam earumdem  
 « ecclesiarum quas superius exaravimus B. Ma-  
 « ximinus & B. Mariæ Magdalena primi funda-  
 « tores extiterunt, in eadem ecclesia Salvatoris  
 « à supradictis religiosissimis viris in honore  
 « B. Maximini & B. Mariæ Magdalenæ altare  
 « dedicatum est, cujus consecrationis dies est  
 « VII. idus (id est 7.) Augusti, quatenus futuris  
 « temporibus, absque ulla dubitatione, in ec- B  
 « clesia illa dies ista celebris annuatim cele-  
 « bretur. » Ibidem etiam Paschalis II. in di-  
 « plomate dato anno sequenti 1104. die 25.  
 « Februarii, inter festa solemnia quibus idem  
 « Petrus Aquensis archiepiscopus pallio quod  
 « ipsi mittit, uteretur, festivitates recenset S. S.  
 « Mariæ Magdalenæ & Maximini episcopi. Ex  
 « quibus ob iter notare est, jam sæculo XI.  
 « subindeque ducentis annis ante adinventas  
 « anno 1279. S. Mariæ Magdalenæ in sancti  
 « Maximini fano reliquias, notum fuisse in  
 « Gallo-provincia, quod cò Sancta hæc & C  
 « S. Maximinus advenissent. Obiit tandem  
 « Gibelinus anno exeunte IV. teste Willelmo  
 « Tyrio, qui *lib. XI. Hist. capp. 14. & 15.* ita  
 « loquitur: « Capta est autem prædicta civitas  
 « (Sydon) anno ab Incarn. Domini MCXI.  
 « mense Decemb. 19. die mensis. Per idem  
 « tempus mortuus est dominus Gibelinus bonæ  
 « memoriæ Hierosolymorum Patriarcha, &c. »

## III. ARNULPHUS.

*Arnulphus*, quem jam supra diximus, *col.*  
 1243. B. ecclesiæ Hierosolymitanæ in vice-  
 præfulem datum anno 1099. die 1. Augusti,  
 donec eligeretur Patriarcha, eam tandem  
 obtinuit post Gibelini obitum, *invita Divi-*  
*nitate*, inquit laudatus Tyrius, *lib. XI. cap. 15.*  
 subjungens: « Arnulphus... Hierosolymitanus  
 « archidiaconus, qui vulgo cognominatus est  
 « *Malacorona*.... sicuti & prius, seipsum conti-

A Papa, auditis enormitatibus Arnulphi Pa-  
 triarchæ... legatum dirigit ad partes Syriæ...  
 Aurasicensis episcopum, qui ad partes nos-  
 tras perveniens, convocato universi regni  
 concilio, prædictum Arnulphum coram se  
 adstare præcepit, tandemque, meritis exigen-  
 tibus, auctoritate sedis apostolicæ ab officio  
 pontificali deposuit. Ille vero adhuc fiduciam  
 habens in suis præstigiis, quibus pene uni-  
 versorum subvertebat animos, transfretare  
 coactus, ad Romanam perrexit ecclesiam,  
 ubi domini Papæ... religionem circumve-  
 niens, cum gratia sedis apostolicæ remeavit  
 ad propria, sedem obtinens Hierosolymi-  
 tanam eadem vivendi licentia, qua prius  
 meruerat depositionem, &c. » Obiit anno  
 1118. mense April. postquam Balduinum II.  
 in regem Hierosolymorum die 2. ejusdem  
 mensis, licet jam æger, inunxisset, ex Al-  
 berto Aquensi, *lib. XII. capp. 29. & 30.* qui  
 tamen hunc Arnulphum iis atris coloribus  
 non depingit, quibus Tyrius.

## IV. GORMUNDUS.

C Laudatus Willelmus Tyrius, *lib. XII. c. 6.*  
 ad annum 1118. hæc ait de morte Arnulphi,  
 & promotione *Gormundi*. « Per eosdem dies  
 mortuo Arnulpho Hierosolymorum Patriar-  
 cha, viro inquietissimo, & officii sui sancti-  
 moniam negligente, substitutus est ei vir  
 simplex ac timens Deum, dominus *Gormun-*  
*dus*, natione Francus, de episcopatu Am-  
 bianensi, de oppido Pinqueniaco (Piquiny.)  
 Hujus diebus, & meritis etiam, ut creditur,  
 multa magnifice ad regni consolationem &  
 incrementum operari dignatus est Dominus,  
 &c. » Inter quæ merito censetur Templariorum  
 Ordinis institutio, quam idem Tyrius  
 describit, *ibid. cap. 7.* Anno 1123. instru-  
 mentum dedit Gormundus, sua & aliquot  
 præsulum atque abbatum subscriptione mu-  
 nitum, de pactis conventis inter Venetos &  
 principes regni Hierosolymitani, quod le-  
 gitur, *ibid. cap. 25.* Tandem decessit Sydone  
 anno 1128. quum per annos circiter decem  
 Hierosolymorum ecclesiæ præfuisset, teste  
 præfato Tyrio, *lib. XIII. c. 25.* Is est procul  
 dubio, qui *Guillelmus Patriarcha Hierosoly-*  
 E *mitanus* nuncupatur in chronico Alberici ad  
 annum 1118. *part. 2. pag. 235.*

## V. STEPHANUS.

Gormundo successit *Stephanus*, abbas S.  
 Joannis de Vallea in urbe Carnotensi, ipse  
 Carnotensis genere, regisque Balduini con-  
 sanguineus. De quo hæc habet Willelmus  
 Tyrius, *lib. XIII. c. 25.* « Hic ejusdem civi-  
 tatis, ante conversionem suam, in equestri  
 Ordine, & habitu fuerat Vice-dominus: »  
 postmodum



» postmodum sæculo renunciāns, habitum reli-  
 » gionis in prædicto clauſtro ſuſcepit. Demum  
 » ſuffragantibus meritis, ad regimen ejuſdem  
 » eccleſiæ (cœnobii) promotus eſt, in adoleſ-  
 » centia ſua liberalibus diſciplinis convenienter  
 » inſtructus. Qui quum orationis gratia & de-  
 » votionis intuitu Hieroſolymam veniſſet, ibi-  
 » que tranſitum expectans, moram faceret,  
 » contigit quod poſt exequias D. Gormundi  
 » Patriarchæ, dum clerus & populus de ſubſti-  
 » tuendo paſtore tractarent, communi om-  
 » nium voto electus eſt, &c. Erat autem homo  
 » magnificus, in propoſito conſtans, honeſtæ  
 » conuerſationis, juris ſui ſollicitus proſecutor  
 » (in civitates Joppenſem & Hieroſolymita-  
 » nam:) unde inter eum & D. regem graves  
 » exortæ ſunt inimicitia, quarum tamen mors  
 » immatura finem dicitur feciſſe. Nam non  
 » completo biennio in fata conceſſit. Opi-  
 » nantur nonnulli eum veneno dato interuiſſe;  
 » ſed nos pro certo id compertum non ha-  
 » bemus. Traditur tamen, quod dum in lecto  
 » ſupremæ decubaret ægri tudinis, & rex (Bal-  
 » duinus II.) ad eum viſitandum eſſet ingreſſus,  
 » & ab eodem de ejus ſtatu quæreretur, ita reſ-  
 » ponderit: *Sic eſt nobis in præſenti, domine*  
*Rex, ſicuti vultis.* Obit anno 1130. Porro  
 monaſterium Carnotenſe, cui ante aſſump-  
 tionem ad patriarchatum præerat Stephanus,  
 canonicorum regularium fuit ab Ivone epi-  
 ſcopo Carnotenſi erectum anno 1099. Al-  
 berto autem primo abbati ſucceſſerat.

#### VI. WILLELMUS ſive GUILLELMUS I.

*Willelmus* ille, ex eodem Tyrio, lib. XIII.  
 cap. 26. ad annum 1130. Prior erat *Dominici*  
*ſepulcri, vir ſimplex, modice litteratus, forma*  
*decorus, moralitate commendabilis, Flamingus*  
*natione, de eo loco qui dicitur Mecine; regi,*  
*regniſque principibus, & populo univerſo plu-*  
*rimum acceptus.* Anno ſequenti 1131. Ful-  
 conem Balduini II. generum, ejuſque ſuc-  
 ceſſorem in regno Hieroſolymorum, corona  
 regia redimivit die 14. Septembris. Adfuit  
 deinde tum concilio Antiocheno, in quo  
 Arnulphus hujus ſedis Patriarcha deſignatus  
 eſt, tum ſynodo Hieroſolymitanæ, ad quam  
 venerat maximus Armenorum Pontifex, qui  
*Catholicus* dicitur, & multa plenius inſtructus  
 in fide ſua correxit, *ibid. lib. XV. capp. 16.*  
*& 18.* Item anno 1142. Fulcone mortuo  
 menſe Novemb. Balduinum III. ejus filium  
 tredecim annorum, die natali Domini in  
 regem, cum Milifinde regina matre ejus, ſo-  
 lemniter inunxit, *ibid. lib. XVI. cap. 3.* Obit  
 tandem die 27. Septembris, ſui præſulatus  
 anno XV. *ibid. c. 17.* ſubindeque, ut videtur,  
 anno 1145. Is proinde ille ipſe eſt, qui *Fre-*  
*dericus* appellatur in Alberici chronico ad  
 Tomus III.

A annum 1141. parte ſecunda, pag. 288.

#### VII. FULCHERIUS.

Post mortem Willelmi vacavit patriarchalis  
 ſedes Hieroſolymorum uſque ad diem 25.  
 Januar. anni ſequentis 1146. quo ſubſtitutus  
 eſt ipſi *Fulcherius* Tyrenſis archiepiſcopus. Ita  
 reſert Willel. Tyr. l. XVI. c. 17. Is Conradum  
 Imperatorem Germaniæ, deinde Ludovicum  
 VII. regem Franciæ, qui in auxilium regni  
 Hieroſolymitani cum exercitu cruceſignato-  
 rum in Orientem venerant, in ſanctam civi-  
 tatem ſolemniter introduxit. Interfuit etiam  
 generali curiæ apud urbem Acconenſem in-  
 dictæ, ut de fructu ex ea Occidentalium  
 principum peregrinatione ſuſcepta perci-  
 piendo tractaretur: ſed irritus labor, *ibid.*  
*cap. 29.* Adſtitit anno 1152. cum pluribus  
 aliis epiſcopis obſidioni urbis Aſcalonæ, quæ  
 capta eſt à Balduino rege anno 1154. die 12.  
 Auguſti, *ibid. lib. XVII. capp. 21. 23. & 30.*  
 Quare emendandus error qui ſupra irrepiſit,  
 col. 501. E. & pro anno 1146. legendum eſt  
 anno 1152. Anno 1155. aut 1156. verno  
 tempore Fulcherus, licet longævus, & fere  
 centenarius, ad ſummum Pontificem Adria-  
 num IV. venit, pluribus epiſcopis ſibi ſub-  
 ditis ſtipatus, ut adverſus fratres Hospitalis  
 ſancti Joannis nonnihil expoſtularer; verum  
 reverti, infecto negotio, neceſſe habuit, *ibid.*  
*lib. XVIII. capp. 6. 7. & 8.* Deceſſit autem  
 anno patriarchatus XII. die 20. Novembris,  
 adeoque Chriſti 1157. *ibid. cap. 19.*

Monitum.

#### VIII. AMALRICUS.

Fulchero, opera tum ſororis reginæ Mi-  
 liſendis, tum etiam Sibillæ ſororis regis Bal-  
 duini III. ſubſtitutus eſt in ſede Hieroſoly-  
 mitana *Amalricus* eccleſiæ *Dominici ſepulchri*  
 Prior (verba ſunt præfati Willelmi Tyr. l. 18.  
 cap. 20.) natione Francus, de epiſcopatu No-  
 viomenſi, de oppido Neella, vir commode litte-  
 ratus, ſed ſimplex nimium, & pene inutilis.  
 Ejus electioni contradixerunt Cæſarienſis &  
 Bethleemitanus præſules, & ad ſedem apoſ-  
 tolicam appellarunt. Sed Patriarcha Frederi-  
 cum epiſcopum Acconenſem Romam miſit,  
 qui adverſarios præveniēns, ab Adriano IV.  
 Papa pallium Amalrico obtinuit. Id proba-  
 biliter contigit anno 1158. Quædam extant  
 illius epiſtolæ ad Ludovicum VII. Franco-  
 rum regem, in libro cui titulus, *Gesta Dei*  
*per Francos*, pag. 1172. & ſeqq. Anno 1162.  
 (ut habet idem Tyrius, lib. XVIII. cap. 34.  
 nam quod legitur, lib. ſeq. XIX. cap. 1 anno  
 1163. mendum eſt, ex *ibid.* adjunctis corri-  
 gendum) Balduino III. die 10. Febr. abſque  
 liberis mortuo ſucceſſit frater ejus Amalricus,  
 quem regio chriſmate inunxit Amalricus

K k k k



Patriarcha die 18. ejusdem mensis, eoque A  
viam omnis carnis ingresso die 11. Jul. anni  
1173. filium ejus Balduinum IV. coronavit  
die 15. Julii, ex prædicto Wilhelmo Tyrio,  
*lib. XX. cap. 33. & lib. XXI. cap. 2.* Obiit  
demum Amalricus anno 1180. die 6. Octob.  
patriarchatus sui anno XXII. mense sequenti  
à morte Ludovici VII. Francorum regis,  
*ibid. lib. 22. cap. 2.*

#### IX. ERACLIUS sive ERACLEUS.

Amalrico intra decem dies subrogatus est  
Eraclius Cæsarensis archiepiscopus, teste B  
laudato Tyrio. Hunc Marinus Sanutus,  
*lib. 3. part. 6. c. 24.* versus finem voluminis  
dicti *Gesta Dei per Francos*, edit. Hanov.  
1611. p. 172. lin. 33. tam perniciosi exempli  
fuisse ait, ut procedentem ornatissimam mulie-  
rem, quam publice tenebat, vulgus Patriar-  
chissam vocaret, & in ejus electione publice  
dictum fuerit, sub Eraclio amittendam esse  
crucem, sicut sub Heraclio Imperatore recu-  
perata fuerat: quod & accidit. Anonymus  
scriptor qui Willelmi Tyrii historiam Gallico  
idiomate sæculo XIII. labente transtulit, &  
ad sua usque tempora continuavit, Eraclium  
tradit Arvernum fuisse in Gallia, forma de-  
corum: Hierosolymitana autem sede dona-  
tum, agente Sibilla Guidonis, qui an. 1186.  
rex Hierosolymorum evasit, uxore: Willel-  
mum Tyri archiepiscopum ejus electioni  
obstitisse, ac prænuntiasse futurum ut, ipso  
patriarchatum gerente, civitas sancta in In-  
fidelium denuo potestatem veniret. Missus  
est à Balduino IV. Antiochiam cum aliquot  
episcopis & proceribus, ut Boamundum  
Antiochiæ principem, quem Aymericus  
Patriarcha Antiochenus à communione se-  
gregaverat, eo quod, relicta uxore sua Theo-  
dora Manuelis Imperatoris Græcorum nepte,  
Sibillam quamdam duxisset, cum illo Pa-  
triarcha reconciliaret; sed nihil confecerunt,  
ex præfato Wilhelmo Tyrio, *lib. 22. cap. 7.*  
Anno 1184. in Gallias venit Eraclius, auxilia  
Terræ-Sanctæ graviter periclitanti à Philippo  
Augusto rege petiturus. In Angliam quoque  
transiit. Post biennium Hierosolymam re-  
versus, vidit mala gentis suæ; regem scilicet  
Guidonem, qui post mortem Balduini IV.  
& filii ejus Balduini V. quorum prior obiit  
anno 1185. posterior vero anno sequenti, in  
regem promotus fuerat, captum à Salaha-  
dino Ægypti Soldano, profligato ejus exer-  
citu prope Tiberiadem, sanctamque postea  
civitatem Christianis ab eodem Salahadino  
ereptam anno 1187. De qua strage legenda  
historia Hierosolymitana volumini *Gesta Dei  
per Francos* inserta, pag. 1150. Porro Pa-  
triarcha, cum Sibilla regina, Templariis,

& numerofo populo, Antio-  
chiam petiit, *ibid. pag. 1155. lin. 1.*

Obiit tandem Eraclius, dum Acon obfi-  
deretur à Christianis, quæ, eò advenientibus  
Philippi Augusti regis Francorum & Richardi  
regis Angliæ classibus, capta est anno 1191.  
die 12. Jul. Exinde usque ad annum 1291.  
quo in Saracenorum denuo rediit potesta-  
tem, sedes fuit tum Patriarcharum Latino-  
rum, tum etiam regum Hierosolymorum,  
qui Hierosolymis amplius degere non po-  
terant.

#### X. SULPITIUS. Cyrillus.

#### XI. MICHAEL electus.

Theodoricus Pauli (de quo vide supra  
col. 141. C.) Sulpitium quemdam recenset,  
Eraclii in patriarchatu Hierosolymitano suc-  
cessorem, teste Papebrochio in *hist. chronol.*  
*Patriarcharum Hierosolymorum*, tom. 3. Maii  
præmissa pag. 51. num. 213. D. col. 2. ubi  
etiam subdit, *ibid.* à Palæonidoro tradi in vita  
S. Cyrilli Prioris tertii Carmelitarum, hunc  
Cyrillum anno 1191. à Cœlestino III. Papa  
electum esse in Patriarcham Hierosolymita-  
num; ipsum vero huic muneri suscipiendo  
non præbuisse consensum. Sed ipse Pape-  
brochius hanc electionem pro valde incerta  
habet. Idem Theodoricus Pauli, *ibid. n. 214.*  
F. de Michaele ita loquitur: «Anno 1194.  
Michael, Parisiensis decanus, vir in regendis  
scholis Parisiensibus eximius, & in largiendis  
eleemosinis, & in aliis pluribus bonis floridus,  
in Patriarcham Hierosolymorum est electus:  
sed post quindecim dies à clero Senonensi  
electus, & in archiepiscopum Senonensem  
est consecratus: & sic alius electus in Pa-  
triarcham fuit, cujus nomen non reperi.» In  
chronico Alberici ad annum 1194. legitur  
pariter, pag. 403. *Magister Michael, decanus  
Parisiensis, vir theologus & religiosus, in Pa-  
triarcham Hierosolymam (Hierosolymorum)  
est electus; sed antequam illuc iter arriperet,  
factus est Senonensis archiepiscopus.* Extat 1. 2.  
Miscellaneorum Baluzii, pag. 242. *epistola  
J. episcopi Lyddensis ad magistrum Michaellem  
decanum ecclesiæ Parisiensis, & electum Pa-  
triarcham Hierosolymitanum*, qua eum invi-  
tabat ut patriarchatum acciperet, & veniret  
E quantocius.

#### XII. MONACHUS.

Michaele ad sedem Senonensem pro-  
moto, ut nunc dictum est, ecclesiam Hiero-  
solymitanam suscepit vir quidam venerabilis,  
nomine *Monachus*, de Florentina civitate  
oriundus. Scilicet is, quum Hierosolymam  
devotionis causa venisset, à Patriarcha pri-  
mum cancellarius, deinde archiepiscopus



Cæsariensis creatus fuerat: ex qua ecclesia ad Hierosolymitanam transiit anno 1194. & obiit anno 1203. De eo legendum instrumentum super translationem brachii sancti Philippi Apostoli Florentiam anno 1205. exaratum ante annum 1230. quod extat 10. 1. Actorum SS. Maii, p. 15. col. 2. num. 1. D. E. Monachum Cæsariensem archiepiscopum electum, missum Antiochiam cum Eraclio Patriarcha Hierosolymitano, & aliquot aliis episcopis à Balduino IV. ut Boamundum principem cum suo Patriarcha Aymerico reconciliare conarentur, refert Willelmus Tyrius, lib. 22. c. 7. Ad hunc Patriarcham spectant nonnullæ epistolæ Innocentii III. tom. 1. edit. Baluz. puta 11. 73. 505. & 518. lib. I. anno 1198. pagg. 6. 40. 290. & 297. Item 189. 257. & 273. lib. II. pagg. 459. 508. & 521. Ejus quoque meminit Albericus in chronico ad annum 1153. p. 324. ubi eum dicit Tuscum fuisse, & successisse Eraclio. Vide insuper Ughellum, 10. 3. Ital. sac. col. 487. C. vet. edit. & 1. 4. col. 1097. B.

## XIII. SOFFREDUS electus.

## Simon. XIV. ALBERTUS.

In instrumento de translatione brachii S. Philippi Apostoli modo laudato hæc habentur, pag. 16. col. 2. n. 5. E. «Tumulato corpore tanti Patris (Monachi Patriarchæ Hierosolymorum,) venerabilis Cardinalis Soffredus (qui creatus est Cardinalis anno 1182. & decessit anno 1211.) qui tunc in Ultra-marinis partibus legationis officioungebatur, fuit in Patriarcham electus: sed ille postea electioni renuntiavit. Verum universi ad quos spectabat electio, de consensu regis elegerunt episcopum Vercellensem (Albertum) ad quem reducendum (Rainerus ortu Florentinus, ecclesiæ primùm S. Resurrectionis Hierusalem, tunc Joppenfis) Prior fuit legatus principaliter constitutus.» Odericus Raynaldus, 10. 13. annal. ad annum 1203. n. 10. refert excerptum epistolæ Innocentii III. ad Soffredum Cardinalem, qua illum vehementer hortabatur ut oblatum patriarchatum susciperet: subdebatque se alteri legato pallium mittere, ut ab ipso illud acciperet, ac legationem unà cum patriarchatu gerat, suique consilii esse, ita ecclesiæ Hierosolymitanæ ipsum conferre, ut tamen Romanæ auferre nolit: at non acquievit Soffredus.

Simonis cujusdam Patriarchæ Hierosolymitani ante Albertum meminit Albericus in chronico ad annum 1214. p. 475. his verbis: «Patriarcha Hierosolymitanus post Simonem & Albertum dicebatur Galterus, qui hoc anno à quodam pessimo christiano cultello occisus est.» Verum Simon iste alius non fuit

Tomus III.

à Monacho, vel fortassis Soffredo, post quorum prioris quidem obitum, posterioris vero recusationem, Albertus electus est Hierosolymorum Patriarcha.

Hic autem Albertus, de Castro Gualterii Parmensis diocesis, nobili prosapia ortus, è canonico regulari cœnobii Mortariensis, inter Paduam & Vercellas siti, Bobiensis episcopus electus est anno 1184. eodemque anno translatus ad Vercellensem ecclesiam, cujus regimini per 20. circiter annos diligentem impendit operam. Deinde anno 1204. ad patriarchatum Hierosolymitanum assumptus, pallium ab Innocentio III. recepit, munusque legati apostolici per quadriennium exercendum. Eundem anno sequenti 1205. in Syriam transfretantem præfatus Papa litteris datis die 16. Junii, cunctis archiepiscopis, episcopis, abbatibus, &c. in Hierosolymitana provincia constitutis plurimum commendavit, teste Raynaldo, tom. 3. ad illum annum, num. 27. Multæ occurrunt hujus Papæ epistolæ ad eum scriptæ: scilicet 186. & 214. lib. X. anno 1207. 9. 108. & 110. lib. XI. anno 1208. 8. & 28. lib. XII. anno 1209. 126. lib. XIII. anno 1210. 64. 104. 134. & 147. lib. XIV. anno 1211. 185. lib. XV. anno 1212. 7. 36. 90. & 150. lib. XVI. anno 1213. tom. 2. edit. Baluz. Ea etiam legi potest, qua ipsum monet Pontifex, ut electioni de se factæ consensum impertiatur, extat in tractatu de gestis Innocentii III. præfixo tom. 1. edit. Baluz. num. 88. p. 48. col. 2.

Hujus Patriarchæ acta in Vercellensis ecclesiæ monumentis reperta, ipsum ferunt, dum in Oriente per octo annos tam sancte & laudabiliter vixisset, ut non solum à Christianis, verum etiam à Saracenis in magna veneratione haberetur, à viro quodam de loco Caluxii Eporediensis diocesis, quem de suis excessibus corrigebat, occisum anno 1214. die sacra Exaltationis Sanctæ Crucis mense Septembri, Accone, in processione quam cum suo clero solemniter agebat. Fratribus Montis Carmeli regulam concinnavit, in multis postea correctam, ad illorum preces, ab Hugone de S. Charo Cardinali, & Guillelmo episcopo Antaradensi Dominicanis, jussu Innocentii IV. qui hanc correctionem approbavit anno 1247. De eo Alberto consulendi Ughellus tom. 4. Ital. Sacre in Vercellensibus Episcopis col. 1086. n. 64. D. vet. edit. & in Bobiensibus ibid. col. 1295. n. 11. c. & Papebroch. tom. 1. April. ad diem 8. pag. 769. & sequent. Albertum hunc cum Alberto Bethleemitano episcopo confusum ab Auberto Miræo nonnullisque aliis auctoribus, observat idem Ughellus col. 1096. D.

Kkkk ij



XV. GUALTERUS *sive* LOTHARIUS.XVI. RADULPHUS *sive* RODULPHUS.

Anno 1212. Aconensis episcopus sedebat *Gualterus*, cujus, unâque Alberti Patriarchæ documentum quoddam plumbeo signo munitum Acone datum eo anno asservatur in archivo Januensis ecclesiæ, teste præfato Ughel. *ibid. col. 1198. B. C.* Hunc quidem Alberto successisse ait chronicon Alberici supra memoratum his verbis: « Patriarcha Hierosolymitanus post Simonem & Albertum dicebatur » *Galterus*, qui hoc anno (1214.) à quodam pessimo christiano cultello occisus fuit: cui successor factus est magister *Radulphus*, qui erat in Sarepta Sydoniorum episcopus. » Verum non *Galterus* sive *Gualterus* hoc modo vitam amisit, sed *Albertus*, ut dictum est, cui subrogatum *Radulphum*, prætermisso *Gualtero*, tradit *Marinus Sanutus, lib. 3. part. XI. c. 5.* « Anno 1214. inquit, *Albertus* » Patriarcha Hierosolymitanus in processione mortuus est, cui successit *Rodulphus*. »

Porro *Gualterus* fuisse videtur, quem *Lotharium* idem *Ughellus* appellat *tom. 3. col. 498. num. 48. C.* aitque *Vercelleni* ecclesiæ præfuisse post *Albertum*, deinde translatum esse ad sedem *Pisanam* anno 1209. quum vero in Orientem illic bellantibus Christi fidelibus opem laturus cum suis *Pisanis* transfisset, Patriarcham Hierosolymorum creatum anno 1216. pro quo legendum esse, non 1215. cum ipsomet *Ughello tom. 4. col. 1101. A.* sed 1214. colligitur ex epist. *Innocentii III. Patriarchæ Hierosolymitano* data *X. kal. Mart. Pontif. anno XVII.* (id est die 20. Februarii anno 1215.) *tom. 2. edit. Baluz. p. 838. col. 1.* in qua Pontifex alterius epistolæ meminit à se scriptæ *Alberto bonæ memoriæ prædecessori ejus.*

Huic autem *Gualtero* sive *Lothario* probabiliter successit *Radulphus* episcopus *Sareptæ*, quem memorant supra laudati *Albericus* & *Sanutus*, sed non assignant quo anno. Unde, quoniam ex eodem *Alberico* ad annum 1215. *p. 488.* concilio *Lateranensi* eo anno interfuerunt Patriarchæ *Constantinopolitanus* & *Hierosolymitanus*, palam est *Gualterum* vel *Radulphum* huic synodo affuisse. *Gualterum* quoque vel *Radulphum* spectant, quæcunque de *Patriarcha Hierosolymitano* habet *Raynaldus tom. 13. ad annos 1217. num. 31. 1218, nn. 6. & 14. & 1222. nn. 8. & 9.* Horum Patriarcharum posterior obiit anno 1225. ex præfato *Alberico* ad illum annum, *p. 518.*

XVII. GIROLDUS *sive* GERALDUS.*Raynaldus tom. 13. annal. ad annum 1220.*

A num. 43. hæc transcribit de *Giraldo*, ex chronico *Cluniacensi* manuscripto: *Giroldus sive Girondus*, anno 1220. ex abbate *Cluniacensi* fuit episcopus *Valentinensis*, & postea fuit Patriarcha *Hierosolymitanus*. Obiit VII. idus (id est die 7.) Septembris: jacet juxta sepulcrum Domini *Hierusalem*: cujus anno secundo congregatus est exercitus Domini in *Accon*, & antequam prædicarent crucem in *Saxonia*, apparuit triplex forma crucis in aëre, & in medio illarum apparuit crucis patibulum figuram hominis habens in eo suspensam, cum infixione clavorum in manibus & pedibus, & capite incoronato. Porro *Giroldus* ille anno 1222. delegatus est ab *Honorio III.* qui de sanctitate vitæ & miraculis *S. Roberti abbatis Molismensis* & fundatoris Ordinis *Cisterciensis*, cum quibusdam aliis, inquireret. Anno autem 1224. donationem accepit nomine suæ ecclesiæ, à *Guidone Adomaro, Gall. Christ. to. 2. part. 2. p. 1113. n. 41. edit. Par. 1656.* Anno demum sequenti 1225. ex jam supra laudato *Alberici* chronico, post obitum *Radulphi*, Patriarcha *Hierosolymitanus* creatus est: is proinde videtur esse Patriarcha ille quem, teste *Raynaldo* ad hunc annum num. 8. *Honorius III.* Papa pluribus commendavit litteris, eaque ornavit prærogativa, ut in alienis provinciis pallio uteretur: certe *Gregorius IX.* epist. ad omnes Christi fideles data anno 1227. die 23. Dec. pro accelerando subsidio, apud *Matthæum Paris, p. 234. col. 1. A.* litteras refert, quas *Giroldus Patriarcha Hierosolymitanus*, alii-que præsules, ipsi de eo argumento scripserant. Altera ejusdem Patriarchæ epistola extat *ibid. p. 247. col. 1. C. D.* ad annum 1229. cujus titulus est: *Geroldus Patriarcha Hierosolymitanus universis Christi fidelibus, &c.* qua scilicet graviter conquerebatur de treuga ab Imperatore *Frederico* cum Soldano inita. Hujus treugæ capitula legere est apud *Raynaldum* ad hunc annum 1229. n. 15. Verum an. 1232. *Giroldum* à *Frederico* Imperatore motæ seditionis accusatum *Gregorius IX.* accersivit in Occidentem, monuitque ut à novandis rebus in *Fredericum* absteret, ne illius odio egisse putaretur: abrogatum etiam illi legati apostolici munus est, & delatum *E. Alberto Patriarchæ Antiocheno*, quatenus adversas partes inter se reconciliari satageret. Obiit *Giroldus* anno 1239. ex chronico *Alberici*, ad hunc annum, pag. 574.

JACOBUS postulat.

XVIII. ROBERTUS *sive* GUIDO. Epicius.

*Gregorius IX.* litteris datis die 14. Maii anno 1240. quas profert *Raynaldus* ad hunc annum n. 47. ait: *Vacante ecclesia Hierosolymitana*, postulatam esse ab ejus capitulo bonæ



*memoriae Tusculanum episcopum* (Jacobum de Vitriaco Cardinalem) quia tamen *eius praesentia non solum Romanae, sed etiam ecclesiae generali apud sedem apostolicam utilis habebatur*, se eam electionem non confirmasse: sed quum processu temporis ad se (Papam) fuisset haec provisio devoluta, *episcopum Nannetensem à se ad illam sedem patriarchalem transferri*. Is seipsum *Robertum* nuncupat in epistola quam ad Galliae & Angliae episcopos scripsit Accone die 25. Novemb. anno 1244. apud Matthaeum Paris, pag. 427. col. 1. D. Eum nihilominus Alberici chronicon ad annum 1241. *Guidonem* appellat pag. 577. *Episcopus Guido Nannetensis in Britannia, inquit, fuit Patriarcha Hierosolymitanus*. De eo legi potest Raynaldus 1. 13. annal. ad annos 1243. n. 52. & 1244. nn. 8. & 13. In castris Sancti Ludovici regis Francorum aderat Robertus, captaque Damietta & mundata, in eam cum rege nudis pedibus ingressus est, ibique missam celebravit. Obiit tandem anno 1254. die 8. Junii.

*Epicii* cujusdam meminit continuator Gallus historiae Willelmi Tyrii, vet. Script. & Monum. ampl. collect. tom. V. edit. Paris. 1729. col. 735. C. A. MCCLIV.... & à VIII. jors de Juing morut Robert Patriarche de Hierusalem: & arriva à Acre Epice Patriarche. Verum Epicius iste, aliàs nobis ignotus, non expresse hîc dicitur Patriarcha Hierosolymorum, sed simpliciter Patriarcha: unde mentionem de eo facimus, ex hypothese solum quod Jacobum praecesserit, de quo nunc agendum est.

#### XIX. JACOBUS.

*Jacobus Pantaleon*, Gallus Trecentis, primum Leodiensis archidiaconus, ubi plurimum contulit ut festivitas SS. Corporis Christi de novo celebraretur: deinde Viridunensis episcopus creatus an. 1252. quum à Pomeranica legatione feliciter administrata revertisset ad Alexandrum IV. Papam, renunciatus est ab eo Hierosolymitanus Patriarcha, simulque sedis apostolicae legatus, duobus diplomatibus datis anno 1255. die 7. Decemb. quae profert Raynaldus, tom. 16. annal. ad hunc annum, n. 66. Acconem venit anno 1256. ex continuatore Gallo historiae Willelmi Tyrii supra laudato aiente, col. 735. E. A. MCCLVI.... le tiers jor de Juing vigile de Pentecoste vint en Acre le Patriarche de Jerusalem, maistre Jacques, qui fu évesque de Verdun. Ejus meminit praefatus Raynaldus ad annos 1256. num. 46. & 1260. num. 32. Anno autem sequenti 1261. Jacobus Viterbium venit ad curiam Romanam pro suae ecclesiae negotiis promovendis, ibique summus

Pontifex electus est die 29. Augusti, Urbanus IV. dictus. Obiit Perusii anno 1264. die 2. Octobris.

#### XX. BARTHOLOMÆUS electus.

#### XXI. HUMBERTUS electus.

De isto *Bartholomæo*, patria Vicentino, familia Bragantino, professione Dominicano, jam supra actum est inter episcopos Nemosienses in Cypro insula, col. 1225. A. Hic rationem reddo cur illum *Patriarcham Hierosolymitanum electum* velim. Non quidem eum dico cum doctiss. Papebrochio, 10. VII. Maii, pag. 705. col. 1. A. in Palaestinam profectum, relicta Vicentina sede cui praeerat, ut Patriarchae Hierosolymorum muniis fungeretur: sed nec etiam eundem, cum non minori eruditionis laude praestante R. P. Solerio, Papebrochii in actis Sanctorum concinnandis socio & successore, tom. 1. Jul. p. 280. col. 1. A. ad hanc ecclesiam patriarchalem assumptum inficior. Verum non improbabile duco Bartholomæum Urbano IV. (qui ex Patriarcha Hierosolymitano electus Papa anno 1261. die 29. Augusti, virum idoneum quærebat, quem sibi in regenda ea ecclesia substitueret,) apprime notum, & qui in eam regionem olim navigaverat, ab ipso ad hanc sedem renunciatum esse diplomate aliquo, quod, ut alia hujusmodi non pauca, injuria temporum exciderit: illum tamen, quia jam ætate provectus erat, assiduisque laboribus ac itineribus pro ecclesiae utilitate feliciter gestis fractus, eam dignitatem, cum onere cui tunc imparem se judicabat, recusasse. Istius autem nostrae sententiae fulcrum illud ipsum est, cui innixus epitaphii Bartholomæi vetus auctor post annum 1354. ab ejusdem obitu circiter 83. huic epitaphio promotionem illam, nemine refragante, inscripsit, veluti rem ibi, sive ex scriniis gravissimis, sive ex traditione adhuc vigente, compertissimam. *Hierusalem Patriarcha fuit, dilexit & omnes*. Ex 26. namque carminibus magna nunc ex parte detritis, quibus epitaphium illud vetus constabat, quinque versus integri remanserunt, & inter eos quem modo recensuimus: *Hierusalem Patriarcha fuit, &c.* testibus Barbarano, histor. Vicentinae pag. 148. & citato P. Papebrochio, pag. 703. col. 2. F. Hinc etiam R. P. Echard, tom. 1. Script. pag. 257. col. 2. ait hanc *forſan oblatam ei sedem* ab Urbano IV. *sed quam constanter recusaverit*. Nec officit ipsiusmet Bartholomæi de illa promotione silentium in suo testamento, quippe qui in eo ecclesiarum illarum praecise meminerit, quarum incubuerat regimini, quales fuerant *Nemosensis* duntaxat & *Vicentina*, non vero *Hierosolymitana*, ad cujus



administrationem suscipiendam ne consensum quidem præbuerat. Quod autem de illo tacuerit Bernardus Guidonis inter Hierosolymorum Patriarchas ex Ordine Prædicatorum assumptos, id probabiliter ortum est, quia hæc Bartholomæi electio in Italia peracta, statimque frustrata effectum, ad illum in Galliis scribentem non pervenerit: fatetur enim ipsemet, apud R. P. Antoninum Bremond, *tom. 1. Bullar. pag. 261.* nonnullas præsulum hujus Ordinis infulas à se prætermittas, quod illæ ipsum fugerint. Certe Fr. Joannem à S. Maxentio archiepiscopum Tyrensem omisit, de quo nos infra. Porro relati epitaphii auctoritatem tanti fecit, rigidissimus licet, si quis alius, similium instrumentorum trutinator D. Castellanus, ut in suo Martyrologio Gallicè exarato absolute dixerit die 1. Jul. *p. 324.* juxta translationem Latinam R. P. Sollerii, *tom. 1. Jul. pag. 278. col. 1. B.* «Vicentiæ, venerabilis Bartholomæi de Bragantia, *Patriarchæ Hierosolymitani*, qui Parisiis existens sacram spinam de manu sancti Ludovici recepit; unde Vicentiæ sacre coronæ templum fundavit.»

Ante vel post delatam Bartholomæo Hierosolymitanam sedem, quam ille recusavit, oblata quoque fuisse videtur Humberto Magistro generali Ordinis Prædic. de quo Sallanhacus auctor coævus, titulo de Fratibus ejusdem Ordinis qui oblatas dignitates recusarunt, apud P. Jacobum Echard. *tom. 1. Script. p. 142. col. 2.* sic habet: *F. Humbertus de Romanis, Magister Ordinis V. renuit patriarchatum sanctæ civitatis Hierusalem, & episcopatum postea.* Quibus hæc subdit idem P. Echard. «Quando vero id factum fuerit non addit. Conjectu autem prout patriarchatum ei oblatum fuisse, non, ut habet Leander Albertus, à Nicolao III. qui sedem Romanam non ascendit nisi 27. Novemb. 1277. quo jam mortuus erat Humbertus: sed ab Urbano IV.... qui mox ut Pontifex Romanus electus est (die 29.) Aug. 1261. hominem quæsitum sedi Hierosolymitanæ congruum, nec aptiorem invenit quam Humbertum, tum ob eximias ejus dotes, tum quia res ejus ecclesiæ optime perspectas habebat, ceu qui in Terram-Sanctam ali-

A oblatam fuisse, & ab utroque recusatam.

## XXII. GUILLELMUS.

*Guillelmus* iste (quem veteres Sammarthani confuderunt cum alio *Guillelmo* dicto *de Pontoise*, monacho Cluniacensi, Caritatis ad Ligerim Priore, inde vero abbate Cluniaci, demum episcopo, non Aginensi, sed Olenensi, & mortuo Parisiis anno 1263. ut observat doctissimus P. Dionysius Sammarthanus, *Gall. Christ. tom. 2. edit. Paris. 1720. col. 918. A. B. C.*) jam sedebat episcopus Aginensis anno 1247. ex tabulario Aginensi, cui ecclesiæ adhuc præerat anno 1263. *quinta die in exitu* (id est fortassis ante exitum) *Februarii, in charta Bellæ-Perticæ, & in membranis tabularii regii, inquit præfatus P. Dionysius, col. 919. C.* ubi subdit: *Legimus eum fuisse Patriarcham Hierosolymitanum post Jacobum Pantaleonem* (Urbanum IV.)... *ex regesto anni secundi* (ejus pontificatus) *capp. 9. 36. & 37.* Tunc porro sedi Hierosolymitanæ Acconensis ecclesiæ administratio conjuncta fuit, teste Nicolao IV. in epistola data anno 1288. die 30. April. quam refert Papebrochius in *hist. chronol. Patriarcharum Hierosol. præfixa to. 3. Maii, p. 58. n. 340.* A. his verbis: «Quum felicis recordat. Urbanus Papa IV. primò de fratrum suorum consilio ecclesiam Acconensem, de qua bonæ memoriæ Magistrum Florentium ad Arelatensem ecclesiam tunc vacantem duxerat transferendum, Patriarchæ Hierosolymitano, qui erit pro tempore, decreverit committendam, & ab eo unà cum dicta Hierosolymitana ecclesia tamdiu in temporalibus & spiritualibus gubernandam, donec eadem Hierosolymitana ecclesia, bonis ejus recuperatis, possessionem habuerit eorumdem, &c.» (Ex ea autem epistola obiter colligitur adversus P. Dionysium Sammarthanum, *to. 1. Gall. Christ. anno 1715. col. 570.* D. E. Florentium reipsa ex sede Acconensi ad Arelatensem fuisse translatus, nec ad hanc posteriorem fuisse promotum anno 1260.) Extat epistola ad Guillelmum à Benedicto episcopo Massiliensi scripta an. 1263. die 9. Augusti, quam ex Baluz. *Miscellan. tom. 6. pag. 351.* exhibet R. P. Echard. *to. 1. Scriptor. pag. 256. col. 2.* Acconem venit Guillelmus eo anno die 25. Septembris, ex continuatore Gallo historiæ Wilhelmi Tyrii, *vet. Script. & Monum. ampliss. collect. tom. V. num. 6. col. 738. C. A. MCCLXIII.... & vint en Acre au 25. jor de Septembre legat & Patriarche de Hierusalem, & Ministre de l'Eveschié d'Acre Guillaume qui avoit esté Evesque d'Argense* (d'Agen.) Anno 1267. aderat in Cypro insula, ubi die natali Domini



regem Hugonem coronavit, *ibid.* num. 12. col. 742. E. A. MCCCLXVII... morut Hugues hoir du royaume de Chypre en Novembre, & fu coroné a roy Hugues de Lesignen le jor de Noël par la main (de) Guillaume Patriarche de Hierusalem qui estoit la alé por vister les yglises & le royaume de Chypre. Obiit Guillelmus anno 1270. *ibid.* col. 744. C. En cet an morut en Acre Guillaume Patriarche de Jerusalem a XXI. jor d'Avril. De eo Patriarcha intelligendus venit Raynaldus, *l.* 14. *annal.* ad annos 1264. num. 69. 1265. n. 37. & 1267. n. 69. Ejus quoque meminit Gregorius X. in epistola data anno 1272. die 24. Novemb. quam refert idem Raynald. ad eum annum, n. 19.

## XXIII. THOMAS.

Guillelmi in sede Hierosolymitana successor fuit Fr. Thomas Agni, Siculus, de Lentino cognominatus, sive de Leontino civitate Siciliae, Ordinis Prædicatorum, qui quum Neapolitani cœnobii Prior esset, S. Thomam Aquinatem anno 1243. teste R. P. Echardo, *tom.* 1. *Script.* pag. 358. col. 2. religionis veste induit. Romanæ provinciæ moderator electus anno 1247. hanc usque ad annum 1255. rexit, & per id tempus S. Petri martyris, ejusdem Ordinis, qui ad cœlum anno 1252. evolarat, vitam scripsit. Bethleemitanæ ecclesiæ postea præpositus est, legationisque apostolicæ per omnem Syriam munere donatus ab Alexandro IV. Hunc Romam reversum ad Cusentinam sedem archiepiscopalem in Calabria promovit Clemens IV. anno 1267. die 18. Aprilis. A Messanensis ecclesiæ capitulo Thomam hunc fuisse postulatam, mortuo Bartholomæo Pignatelli illius civitatis præfule, scribit Ughellus, *to.* 9. *Ital. sac. vet. edit.* col. 296. n. 15. C. Ut-ut sit, Gregorius X. ex sede Cusentina ad Hierosolymitanam ipsum transfudit anno 1272. mense Martio, ut constat ex ejus epistolis datis eo anno diebus 29. & 31. Martii, apud R. P. Bremond, *to.* 1. *Bull. pp.* 503. & 505. Eundem quoque sedis apostolicæ legatum creavit in toto Oriente, ex Raynaldo, *to.* 14. *annal.* ad annum 1272. n. 17. Ad urbem Acconem appulit Thomas eo anno die 8. Octobris, teste continuatore Gallo historiæ Willemi Tyrii, *tom.* 5. *veter. Script. & Monum. ampl. collect.* *tom.* V. n. 17. col. 746. B. A. MCCCLXXII... & a 8. jors d'Octembre arriva en Acre Frere Thomas de l'Ordre des Freres Prescheors Patriarche de Hierusalem, & legat de toute Surie, & évêque d'Acre... Et paulo inferius: Et le Patriarche en sa venue amena as deniers de l'yglise cinq cens hommes, qu'a pied, qu'a cheval. Eum ob-

uisse anno 1276. asserit præfatus Ughellus. At Bernardus Guidonis in catalogo prælatorum Ord. Præd. ejus mortem assignat ad annum 1277. Doctissimus Papebrochius in *Historia chronol. Patriarch. Hierosol. præfixa tom.* 3. *Maii*, pag. 58. num. 239. C. Thomam Agnialium censuerat à Thoma de Lentino: verum id ipsemet revocavit in Appendice ad acta SS. Maii, *tom.* VII. ejusdem mensis, col. 714. De illo Thoma inferius redibit sermo inter episcopos Bethleemitanos.

B Guido. XXIV. AIGLERIUS electus.

XXV. JOANNES electus.

Stephanus Lusignan in catalogo virorum illustrium, ubi de Hierosolymorum Patriarchis, post Thomam de Lentino, *Guidonem de Soliaco*, Gallum, Ord. Præd. memorat, quo id auctore me latet: nam Guido iste Bituricensis Patriarcha fuit, non Hierosolymitanus.

Papebrochius initio *tom.* 3. *Maii*, p. 58. n. 241. scribit Nicolaum III. dejecta *Aiglerii*, quem Spondanus *Angelum* nuncupat, archiepiscopi Neapolitani electione ad patriarchatum Hierosolymitanum, huic præfecisse, non Fr. Hieronymum Asculanum Ministrum generalem Ordinis Min. quem jam creaverat Cardinalem anno 1277. sed Fr. Joannem de Vercellis, Magistrum generalem Prædicat. ad quem extat epistola data anno 1278. die 1. Octob. ut ipsius consensum eliceret, apud Raynaldum ad eum annum, num. 80. Ipsi tamen enixe deprecanti, ut à gerendo isto munere liber renunciaretur, id concessum per Breve datum die 4. Febr. anno 1279. cujus meminit Bzov. *to.* 13. ad eum annum, n. 12.

D Palmerius. XXVI. ELIAS.

XXVII. NICOLAUS.

Cavalerius Galler. *Domin.* *tom.* 1. pag. 36. num. 98. refert ex Lopez *part.* 5. *hist. lib.* 1. cap. 14. Fr. Palmerium, Eugubinum, Ord. Præd. datum esse in Patriarcham Hierosolymitanum à Nicolao III. sed ipsum statim honori & oneri cessisse, & paulo post obiisse an. 1278. (vel potius 1279.) Hujus quidem Palmerii ut viri mira sanctitate pollentis meminit Bzovius, *to.* 13. ad annum 1279. n. 10. At de ejus patriarchatu nihil habet.

E Idem Nicolaus III. anno 1279. *Eliam* renuntiavit Patriarcham Hierosolymitanum, & ecclesiæ Acconensis administratorem. Ita testatur Nicolaus IV. in epistola supra laudata, col. 1260. C. D. verbis enim ibi relatis subjungit: « Et postmodum etiam piæ memoriæ Gregorius X. primo Thomæ (de « Lentino) & subsequenter Nicolaus III. Ro- « mani Pontifices prædecessores nostri *Eliæ* Pa- « triarchis, &c. » Gaufridus episcopus Hebronensis se dicit *Eliæ Patriarchæ Hierosolymitani*



*vicarium*, in epistola sua ad Eduardum I. Angliæ regem, de statu Terræ-Sanctæ, quæ extat in libro inscripto, *Antiquæ constitutiones regni Angliæ*, &c. col. 1232. Extant etiam litteræ quibus indulgentias 40. dierum concedit, datæ anno 1287. Pont. Honorii IV. anno 2. 1. 1. *Thef. Anecd. ed. Par. 1717. col. 1230. F.*

Obiit eo anno vel sequenti: nam *Fr. Nicolaus de Hanapis*, Gallus, de Remensi dicecesi, Ordinis Prædicatorum, à Nicolao IV. renuntiatus est Patriarcha Hierosolymitanus anno 1288. die 30. April. Diploma profert Raynaldus ad eum annum, n. 41. Eundem insuper sedis apostolicæ legatum creatum asserit, pro Syria, Palestina, Cyprio & Armenia, *ibid.* Ejus quoque meminit ad annum 1289. n. 69. Verum anno 1291. obsessa & tandem expugnata Accone à Soldano Babylonis, periit Patriarcha, qui durante obsidione cives exhortari ad pœnitentiam non cessaverat. Quum enim capta urbe plures civium maris periculis natando expositos videret, tot eorum intra navem suam recepit, ut hæc fuerit submersa. De eo legendus R. P. Echard. *tom. 1. Script. pag. 422. & seqq.* qui etiam observat, *pag. 427. col. 1.* *Fr. Nicolaum de Hancinis* Ord. Præd. à nonnullis scriptoribus hujus ordinis inter Patriarchas Hierosolymitanos recensitum, alium non esse à *Nicolao de Hanapis*.

## XXVIII. RADULPHUS II.

Bernardus Guidonis in episcopis Terræ-Sanctæ ex ordine Præd. assumptis, hæc tradit de isto Radulpho: « *Fr. Radulphus*, Gallicus, Burgundus, (Joannes Canonicus Victorinus in *memoriali histor. cod. Victor. 448.* apud R. P. Echardum, *tom. 1. pag. 425. col. 1.* eum dicit *Normannum de Grandivilla natum*) » fuit factus Patriarcha Hierosolymitanus per » Coelestinum Papam V. anno Domini 1294. » domino Carolo rege Siciliæ procurante. » Hic *Fr. Radulphus* fuit Prior Provincialis » Terræ-Sanctæ. Hic obiit anno 1304. mense Nov. patriarchatus sui anno x. completo. » Hinc colligitur sedem Hierosolymitanam ab obitu Nicolai de Hanapis vacasse usque ad annum 1294. Narrat Guillelmus de Nangiaco ad eum annum: *Radulphum de Grandivilla fratrem ordinis Prædicatorum, qui jussu Coelestini Papæ deposuit apud Parisius in Patriarcham Hierusalem consecratus fuerat, (quum) Romam venisset, à Papa Bonifacio (VIII. esse) degradatum.* At ipsum paulo post restitutum oportet: nam ex Petro de Alliaco *lib. II. cap. 16. vitæ S. Petri Coelestini*, is ad Bonifacium deductus est, comitante honoris gratia inter alios Patriarcha Hierosolymitano. Affuit quidem etiam Guillelmus

A Estendardus magnus regni Siciliæ comestabularius in eo itinere, sed non erat Patriarcha Radulpho subrogatus, utpote laicus qui tertiam uxorem duxit anno 1302. teste Ferrante della Marra, *Famiglie di Napoli, pag. 400.* Raynaldus ad annum 1295. num. 48. scribit præfectum à Bonifacio VIII. eo anno Hierosolymitanæ sedi *Landulphum*: verum Landulphus iste alius non est à Radulpho, ex dictis.

B Refert Ughellus, *tom. 9. Ital. sac. vet. edit. col. 48. n. 30.* A. translato Andrea Pandono ex Brundusina ecclesia ad Capuanam, prioris capitulum in partes divisum duos elegisse qui Andreæ succederent, decanum scilicet ecclesiæ Capuanæ, & Guillelmum Ebraudi regni Siciliæ cancellarium: sed rejecto utroque datam esse ecclesiam Brundusinam à B. Benedicto XI. Papa in administrationem Radulpho Patriarchæ Hierosolymitano ad sedis apostolicæ beneplacitum, die 5. Junii anni 1304. ex *epist. Regest. Vatic. 745.*

## XXIX. ANTONIUS.

C De eo Antonio ita loquitur Joannes Pitseus, Anglus, *tom. 1. de rebus Anglicis, edit. Paris. 1619. in append. pag. 825.* « *Antonius Beccus* sacerdos Anglus, vir pius & literatus... virtutis & eruditionis intuitu evectus » est ad episcopatum Dunelmensem (in Anglia) & anno Domini 1305. electus Patriarcha Hierosolymitanus, & à Clemente » Papa V. confirmatus... Obiit anno 1310. » Raynaldus quoque ejus meminit, *tom. 15. annal. ad annum 1306. num. 14.* his verbis: » Dum parantur pro Armenis auxilia, professus est inter cœteros religiosam militiam, » accepto crucis symbolo, *Antonius Dunelmensis episcopus, idemque Patriarcha Hierosolymitanus superiore anno (1305.) à Clemente (V.) ea dignitate exornatus, cujus » eximium zelum Pontifex commendavit, &c.* » Verum ea expeditio peracta non est.

## XXX. PETRUS I.

Hunc Petrum commemorat laudatus Raynaldus ad annum 1314. n. 12. « Consuluit etiam, inquit, Hierosolymitanæ patriarchali ecclesiæ (Clemens V. eo anno) quæ quum » Antonio Patriarcha eoque episcopo Dunelmensi defuncto, pastore esset orbata, eam » dignitatem Petro Ruthenenfi (in Gallia) » episcopo contulit, cui ob Hierosolymas ab infidelibus oppressas Ruthenenfis ecclesiæ » vectigalibus potiri, ejusque administrationem gerere permisit, ut apostolicum diploma docet Montiliis (in Carpentorateni dicecesi) » 14. kal. Mart. (id est die 26. Febr.) pontificatus anno 1x. (Christi 1314.) exaratum. » Commendavit



» Commendavit eundem Patriarcham regi  
» Cypri, ut ipsum regio studio prosequeretur.  
» Quem quidem gessisse apostolicæ sedis lega-  
» tionem in exercitu, quo Rhodus Saracenis  
» erepta est, atque suo zelo de Orientali ecclesia  
» optime meritum, superius vidimus (ad annum  
scilicet 1309. *num. 33.*) »

Is cognominabatur *de Cassano*, seu *de Plana*,  
ordinemque Minorum amplexus fuerat, teste  
Waddingo, *tom. 3. annal. ad annum 1309.*  
*num. 1. pag. 102.* Obiit anno circiter 1322.

## XXXI. PETRUS II.

## XXXII. RAYMUNDUS.

Petro successit anno 1322. alter *Petrus*,  
quem præfatus Raynaldus ad eum annum,  
*num. 46.* ait fuisse canonicum Nicosiensem,  
& confirmatum in Patriarcham Hierosoly-  
mitanum isto anno, XIII. kal. Jul. (id est die  
19. Jun.) à Joanne XXII. Papa, qui etiam  
ad regem Cypri litteras dedit in recentioris  
Patriarchæ gratiam. Ejus iterum meminit ad  
annos 1323. *num. 13.* & 1324. *num. 44.* quo  
posteriore anno obiit Petrus: Ibi enim ita  
loquitur Raynaldus:

« Erepto è vivis Petro Patriarcha Hiero-  
» solymitano, Pontifex (Joannes XXII.)  
» *Raymundum* (*Bequin*, Tolosanum) Domi-  
» nicanæ familiæ, virum religiosum, eo titulo  
» exornavit, eique contulit Nimociensis ec-  
» clesiæ administrationem, quum Hierosolymis  
» ob infidelium tyrannidem sedere non posset.  
» Denique ipsum à Guillelmo episcopo Sabi-  
» nensi sacrari, & pallio à Neapoleone.... ac  
» Bertrando.... diaconis cardinalibus ornari,  
» fideique sacramento adigi jussit: factaque  
» abeundi potestate clero Hierosolymitano &  
Henrico regi Cypri eum commendavit. »

Anno 1326. Hugoni regi Cypri scripsit  
Joannes Papa ut ad exscindendas hæreses in  
ea insula gliscentes Raymundo Patriarchæ re-  
giam opem porrigeret: ex eodem Raynaldo  
ad hunc annum, *num. 29.* Obiit anno 1328.  
De eo vide supra inter episcopos Nemo-  
senses, *col. 1227. C.*

## XXXIII. PETRUS III.

Idem Raynaldus ad annum 1329. *n. 94.*  
scribit consultum eo anno lapsæ in Syria reli-  
gioni, præfectumque patriarchatui Hiero-  
solymitano *Petrum de Palude* Ordinis Præd.  
theologicæ scientiæ laude florentem, & Ray-  
mundo, qui in Cypro obierat, subrogatum,  
(eo anno die 2. Martii) cui etiam ad digni-  
tatem sustentandam ecclesiæ Nemosiensis in  
Cypro administratio tradita est. De eo autem  
hæc habet continuator Guillelmi de Nangis,  
apud Papebrochium in *Histor. chronol. Patr.*  
*Hierosol.* initio *10. 3. Maii*, p. 70. n. 273. B. C.

*Tomus III.*

A « Post Raymundum Fr. Petrus de Palude,  
de Ordine Prædicatorum, vir utique magnæ æ-  
vitæ & famæ, Doctor in Theologia, Ave-  
» nione existens, Patriarcha Hierosolymitanus æ-  
per summum Pontificem ordinatur: (qui) æ-  
circa principium Julii (anno 1329.) una cum æ-  
episcopo Mimatenfi & nuntiis regis Cypri, æ-  
ducentes secum filiam comitis Claromontis æ-  
filio regis Cypri desponsandam, cum multis æ-  
aliis peregrinis, accepta licentia à Domno æ-  
Papa per portum Marsiliæ ad Insulam Cypri æ-  
tendunt, sperantes D. N. Jesu Christi auxilio, æ-  
B ab illo loco usque ad Hierusalem transfre-  
tare, ut D. N. Jesum Christum verum Deum æ-  
adorarent in loco ubi steterunt pedes ejus. »  
Ivit deinde Petrus ad Ægypti Soldanum,  
« ad sciendum, utrum via posset inveniri,  
qua Terra-Sancta recuperaretur: » sin minus,  
ut indiceret bellum Philippi regis nomine.  
Inde autem reversus accepit à Pontifice litte-  
ras, inscriptas sibi universisque archiepiscopis  
per regnum Franciæ constitutis, datas Nonis  
(id est die 5.) Decembris an. pontificatus XVI.  
(Christi 1331.) ad prædicandam crucem pro  
C expeditione sacra, post biennium ab instanti  
mense Martio computandum, sed in fenum  
abiit hic conatus per bellum quod rex Angliæ  
Eduardus regi Francorum intulit anno 1336.  
Hæc laudatus Papebrochius. Raynaldus quo-  
que ad annum 1331. *num. 30.* refert ex aula  
Soldani regressum esse Petrum Paludanum  
eo anno, & exhibet litteras Joannis XXII.  
de quibus mentio modo facta est.

Petrus postea, relicta administratione ec-  
clesiæ Nemosiensis sive Nimociensis in Cypro  
insula, Conseranensis in Aquitania sub Au-  
scienfi archiepiscopo administrationem sus-  
cepit, retento nihilominus patriarchatus Hie-  
rosolymitani titulo. Id constat ex quodam  
ejus statuto, de quo mentionem facit R. P.  
Echard. *tom. 1. Script. pag. 606. coll. 1. & 2.*  
Hujus enim principium est: « Ego Fr. P.  
Ord. Præd. permissione divina & apostolicæ æ-  
sedis gratia Patriarcha Jerusalem & admi-  
» nistrator Conseranensis ecclesiæ in spiritali æ-  
bus & temporalibus ab eadem sede specialiter æ-  
deputatus, &c. Datum anno Domini 1337. æ-  
die Martis post Dominicam in qua cantatur, æ-  
E (Evangelium) *Ego sum Pastor bonus*, in quo æ-  
fuit festum S. Joannis ante portam Latinam. »  
Quæ omnia huic anno conveniunt. Demum  
obiit Parisiis 1342. die 31. Jan. De eo ejus-  
que operibus legendus præfatus P. Echard  
loco citato.

## XXXIV. ELIAS II.

Wadding. *t. 3. annal. Min.* ad annum 1342.  
*n. 4. pag. 480.* refert ad patriarchatum Hie-  
rosolymitanum vacantem per obitum Petri,

LIII



assumptum esse Fr. *Eliam de Nabinallis*, A Minoritam, archiepiscopum Nicosiensem in Cypro insula, die 12. Jul. eo anno à Clemente VI. qui illi nihilominus reliquit ejusdem ecclesiæ Nicosiensis administrationem, fecitque potestatem dispensandi cum Petro Lufignano regis Cypri filio, ut in matrimonium duceret Ecchinam Rupini Monfortii filiam ipsi sanguinis gradu vetito conjunctam. Eodem anno 1342. mense Septemb. Eliam inter Cardinales adscripsit Clemens Papa, cujus diplomata duo profert laudatus Waddingus, *ibid. in Regest. pag. 265.* Eliæ etiam meminit Raynaldus, *tom. 16. ad annum 1342. nn. 24. & 29.* Vide supra ubi de archiepiscopis Nicosiæ, *col. 1207. E.*

## XXXV. GUILLELMUS III.

Anno 1351. titulo Patriarchæ Hierosolymitani potiebatur *Guillelmus* quidam, ut constat ex epistola Clementis VI. *Sicut in litteris, &c. Venerabilibus fratribus Guillelmo Patriarchæ Hierosolymitano, & Philippo archiepiscopo Nicosiensi, & Odoni Paphensi, & Leodegario Nimociensi, episcopis, data x. kal. Octobris* (id est die 22. Septembris) anno pontificatus x. apud Waddingum, *tom. 4. annalium ad eum annum, num. 3. p. 3.* De ea epistola mentionem quoque faciunt Raynaldus, *tom. 16. ad illum annum, num. 19. & Innocentius VI. Papa in epistola data anno 1353. die 1. Octob. ibid. ad eum annum, num. 25.*

## XXXVI. PHILIPPUS.

*Philippus de Cabassole*, ortu Cabellicensis in Gallia, sed genere Avenionensis, ex antiqua & nobili familia; sedem Cabellicensem adeptus est anno 1334. die 3. Augusti. Hunc deinde Patriarcham Hierosolymitanum renuntiatum esse anno 1361. censet Dionys. Sammarth. *to. 1. Gall. Christ. edit. Paris. 1715. col. 949. C.* Waddingus tamen, *tom. 4. annal. ad annum 1366. n. 18. p. 117.* ait ad Cabellicensem ecclesiam promotum esse Fr. Franciscum de Cardaliaco, Minoritam, per translationem Philippi ad patriarchatum Hierosolymitanum VIII. kal. Octob. (id est die 24. Sept.) Scribit quoque præfatus Dionysius Sammarthan. *col. 951. C.* Franciscum de Cardaillaco, Ord. Minor. assumptum esse ad regendam

ecclesiam Cavallionensem sive Cabellicensem anno 1366. mense Octobri. Dixerat quidem supra, *col. 949. C.* « Hanc autem dignitatem (Patriarchæ Hierosolymorum) putamus ei collatam anno 1361. quo tempore in cathedra Cavellicensi successor ei datus est. » At in animadversionibus ad primum tomum, quæ tom. 2. præfixæ sunt, legendum monet datus dicitur: Verum reipsa datus non fuit, inquam ego, nisi anno 1366. quippe quum, ex ipsomet Dionysio Sammarth. *col. 951. B.* Philippus in actis concilii Aptensis, cui interfuit anno 1365. appelletur *Patriarcha Hierosolymitanus & Cavellicensis ecclesiæ administrator perpetuus.* Unde colligitur adversus Waddingum (qui præterea confundit ecclesiam Cabellicensem cum Cabilonensi sub archiepiscopo Lugdunensi) Philippum fuisse patriarchatu Hierosolymitano donatum ante annum 1366. quo hanc sedem Cabellicensem dimisit, & administrationem tunc suscepit ecclesiæ Massiliensis, cui incubuit usque quo creatus est anno 1368. ab Urbano V. Cardinalis tituli SS. Marcellini & Petri, mutati deinde in Sabinensem anno 1371. Decessit tandem Philippus Perusii an. 1372. ejusque corpus ex Italia advectum, in æde Carthusiæ Boni-passus Cavellicensis diocesis sepultum est. « Scripsit, inquit Dionys. Sammarth. *ibid. col. 950. D.* de vita & miraculis S. Mariæ Magdalenæ, cujus reliquias à monachis Veziliacensibus suo vindicari monasterio ægre fert: quod opus asservatur in Victorina bibliotheca apud Parisios. »

## XXXVII. GUILLELMUS IV.

*Guillelmus Militis*, Andegavensis, de nobilissima familia de *Militibus* ortus, Ordinis Præd. ab Urbano V. ad patriarchatum Hierosolymitanum promotus est die 29. Junii anni 1369. obiit vero anno 1374. de quo legendi, Fontana *Theat. Dom. p. 47. tit. 4. num. 8.* R. P. Echard. *tom. 1. Script. p. 674. col. 2.* & Ughellus, *tom. 1. Ital. sac. p. 282. \* num. 57. vet. edit.* Quibus præivit Laurent. Pignon suppar.

A cæteris Patriarchis Hierosolymorum posterioribus recensendis supersedeo, utpote qui deinceps nullam spem suæ sedis recuperandæ habuerint.





## PROVINCIA HIEROSOLYMITANA.

JAM supra observavimus, ubi de Patriarchatu Hierosolymitano, coll. 1241. 1242. ex Jacobo de Vitriaco, tres ecclesias Hierosolymitanæ quasi metropolitanæ immediate fuisse subditas tempore Latinorum, scilicet *Hebronensem*, *Lyddensem*, & *Bethleemitanam*. Incipimus ab Hebronensi.

### I. ECCLESIA HEBRONENSIS.

ECCLESIA  
HEBRONENSIS  
SIG.

DE *Hebrone* multa diximus, coll. 939. 940. ibidem legenda: hîc tantum addimus ex Michaelē Baudrand, 10. 1. geogr. p. 466. col. 2. hanc nunc oppidum esse satis cultum, quod ab indigenis *Elkhalil* appellatur, in memoriam Abrahæ Patriarchæ, quem hîc sepultum fuisse existimant: est autem partim in colle, & partim in planitie ad ejus radices, sed sine muris, teste Michaelē *Nau*, & 20. milliar. distat ab Hierosolymis in meridiem. Wilhelmus Tyrius, *hist. lib. 20. cap. 3.* ad annum 1167. de institutione nonnullarum ecclesiarum sub Amalrico Hierosolymorum rege, hæc nos docet: «Eodem anno nihil pene memoria dignum in regno accidit, nisi quod circa quadragesimale tempus duæ ecclesiæ in regno, susceptis episcopis, ordinatæ sunt: quarum altera ab ingressu Latinorum.... Latinum non habuerat Pontificem, videlicet *Petracensis*.... altera vero *Hebronensis* videlicet, ut dicitur, nunquam; sed tempore Græcorum Prioratus fuerat, &c. *Hebronensis* quoque, intuitu servorum Dei.... Abraham videlicet, Isaac & Jacob, eadem tunc dignitate primùm meruit insigniri, &c.» Castellum *S. Abrahæ* nuncupatur ab Alberto Aquensi, *lib. 12. cap. 30.*

### EPISCOPI HEBRONIS.

#### I. RAINALDUS.

Præfatus Wilhelmus Tyrius ibidem sic pergit loqui: «Præfatur ergo.... *Hebronensi* (ecclesiæ) Dominus *Raynaldus*, Domini Fulcherii piæ recordationis Patriarchæ (Hierosolymitani) nepos.» Is probabiliter ille fuit *R. Hebronensis*, qui Bibliothecæ Cluniacensis col. 1432. B. testis adfuisse legitur an. 1170. quum Guillelmus Acconensis episcopus charitam exaravit de condendo in sua parochia hujus ordinis cœnobio.

#### II. \* \* \*

Obsidioni Acconis sive Ptolemaidis anno 1190. in castris Christianorum aderat, & periit, inter plures alios, episcopus de *S. Abraham*. Ita Rogerus de Hoveden, *Historiæ Anglorum, part. poster. pag. 685. lin. 28. edit. Francofurt. 1601.*

#### III. GAUFRIDUS.

Fr. *Gaufridus*, Anglus, Ord. Præd. renunciatus est episcopus Hebronis anno 1268. ex continuatore Gallo *Hist. Willelmi Tyrii, vet. script. & monum. ampl. collect. t. 5. col. 743. C. n. 13.* ad annum 1268. *Et fu fait Evesques de Saint-Abraham frere Giesfroy de l'Ordre*

A des *Prescheors*. Is Eliæ Patriarchæ Hierosolymorum vicarius fuit, ipsomet teste in epistola quæ extat apud auctorem operis dicti *Antiquæ constitutiones regni Angliæ, &c. col. 1232.* Hujus enim inscriptio est: «Excellentissimo & serenissimo domino Edwardo illustri, Dei gratia regi Angliæ, suo domino speciali. *Frater Gaufridus, de Ordine Prædicatorum, miseratione divina Hebron episcopus, R. P. D. Eliæ divina providentia Patriarchæ Hierosolymitani vicarius, cum Terræ-Sanctæ recommendatione seipsum, & felicis desiderii complementum. Apicibus, &c.*» Scripta est ante annum 1288. quo Eliæ successor datus est Nicolaus de Hanapis.

#### IV. MAMMIMETRUS.

Fr. *Mammimetrus*, Italus, Ordinis Præd. florebat episcopus Hebronis in Palæstina sub pontificatu Clementis VI. an. circiter 1347. Ita Cavalerius, *tom. 1. Galler. Dom. p. 130. num. 147.*

#### V. LUDOVICUS.

Waddingus, *tom. 4. ad annum 1365. n. 5. pag. 105.* ait Fr. *Ludovicum*, Minoritam, ab Urbano V. Papa eo anno die 29. Octobris condendi testamenti facultatem obtinuisse.



ECCLESIAE  
LYDDÆ &  
RAMULÆ  
unitæ.

II.

## ECCLESIAE LYDDÆ &amp; RAMULÆ unitæ.

**L**YDDA & Ramula in unum episcopatum coaluerunt sub Latinis, ut refert Willelmus Tyrius, *lib. 7. historię cap. 22.* De utraque jam loquuti sumus sub ecclesia Lyddæ, *coll. 581. 582.* In chronico Alberici, *part. 2. pag. 174. edit. Lipsiæ 1698.* hæc leguntur ad annum 1099. «De Sur (Tyro) venerunt ad Acram (crucesignati) & inde ad castellum » Caïphas, & juxta Cæsaream, ubi die Pentecostes iv. kal. Jun. (id est 29. Maii) quieverunt. » Inde ventum est ad Ramulam, juxta quam civitatem honorabilis monstratur ecclesia, in » qua pretiosissimum B. Georgii martyris corpus quieverat. Ibi episcopum de novo consti- » tuerunt, cui decimas facultatum suarum obtulerunt, quia non habebat unde viveret. Ramula à Jerusalem 24. miliaribus distat, &c.»

## EPISCOPI LYDDÆ &amp; RAMULÆ.

## I. ROBERTUS.

**W**ILLELMUS Tyrius supra laudatus hæc scribit de præposito duobus istis oppidis episcopo, statim atque in potestatem Latinorum devenerunt, ante obsessam ab iisdem Hierosolymam anno 1099. «Inde.... Lyddam quæ » est *Diospolis*, ubi & egregii martyris Georgii » gloriosum usque adeo sepulchrum ostendi- » tur.... pervenerunt.... Compertum autem ha- » bentes quod in vicino nobilis quædam esset » civitas *Ramula* nomine.... accedentes ad ur- » bem propius.... portas quas patentes repere- » runt ingressi sunt, urbem penitus reperientes » vacuam.... ibi continuum exegerunt triduum, » episcopum eidem ecclesiæ præficientes quem- » dam *Robertum*, Normannum genere, de epi- » scopatu Rothomagensi, cui utramque urbem, » *Lyddam* videlicet & *Ramulam* cum adjacen- » tibus suburbanis, jure perpetuo possidendas » contulerunt, primitias laborum suorum cum omni devotione egregio martyri dedicantes.» Ab eo Roberto Dagobertum sive Daibertum, electum Patriarcham Hierosolymitanum, consecratum esse narrat Albertus Aquensis, *lib. 7. hist. cap. 8.* Adfuit Robertus synodo Hierosolymis coactæ, ubi ejusdem Patriarchæ causa discussa est, ex eodem Alberto Aquensi, *lib. 9. c. 16.* Is quoque probabiliter ille episcopus *Lyddensis* fuit, quem præfatus Willelmus Tyrius, *lib. 10. cap. 22.* asserit, audita & prope conspecta eorum qui (anno 1102.) in Ramulensi præsidio capti fuerant strage, relicta ecclesia sua, Joppen confugisse. Obiit ante annum 1120.

## II. ROGERUS sive ROGERIUS.

Anno 1120. Gormundus Hierosolymorum Patriarcha conventum apud Neapolim (Naploufe) urbem regionis Samariæ habendum curavit, cui cum rege Balduino II. multique regni proceribus ac ecclesiarum prælatis interfuit *Rogerus Lindensis* (Lyddensis) episcopus, ex Willelmo Tyrio, *lib. 12. c. 13.* qui

A etiam, *c. 25.* refert instrumentum quoddam pactorum inter Venetos & regni Hierosolymitani principes confectum apud Acconem anno 1223. cui subscripsit *Rogerus Lyddensis sancti Georgii episcopus.*

## III. CONSTANTINUS.

Fulchero Patriarchæ Hierosolymitano anno 1155. aut 1156. in Italiam proficiscenti ad Adrianum IV. ob quædam negotia, *Constantinus Lyddensis episcopus* unus præfulum fuit qui ipsum in eo itinere comitati B sunt, teste eodem Tyrio, *lib. 18. cap. 6.*

IV. RAYNERUS sive RENERTUS.  
V. BERNARDUS.

Præfatus Willelmus Tyrius, *lib. 20. c. 13.* sub anno 1168. hæc de utroque eo episcopo loquitur: «Domino rege (Amalrico) in regnum reverso, nil memoria dignum prima illius anni parte gestum est, nisi quod, de- » functo *Raynero* bonæ memoriæ Lyddensi » episcopo, *Bernardus* abbas ecclesiæ Montis » Thabor in eadem ecclesia (Lyddensi) in- » thronizatus est.»

Raynerus iste est procul dubio, qui *Renertus* appellatur in quodam instrumento Willelmi Acconensis episcopi, apud Ughellum, *tom. 7. in Amalphitanis archiepiscopis, col. 267. num. 8. B. C. vet. edit.* ubi legitur: «Hujus igitur concessionis paginam, ut stabilis & rata permaneat, auctoritate sigilli » nostri confirmavimus, testibus subnominatis » qui adfuerunt, Fridericus Tyrensis archiepi- » scopus, *Renertus Lyddensis episcopus*, Hugo » abbas templi Domini H. &c. (anno) Incarn. » Dom. 1161.»

Quod spectat Bernardum hujus Rayneri successorem, ejus denuo meminit laudatus Willelmus Tyrius, *ibid. c. 20.* Is anno 1170. Accone subscripsit chartæ Willelmi Acconensis episcopi de condendo in sua parochia cœnobio Ordinis Cluniacensis, *B. Lyddensis.* Hoc diploma extat in libro dicto *Bibliotheca*



*Chuniacensis, edit. Paris. 1614. col. 1432. B.* Adhuc sedebat Bernardus anno 1174. de quo quippe in Martyrologio cœnobii Grandimontis habetur: «Anno MCLXXIV. » tempore Guillelmi VI. Prioris susceptio vi- » vificæ crucis pridie kal. Junii (id est die 31. » Maii,) quam.... rex Amalricus cum aureo » contulit Philacterio, & divina inspiratione » illuminatus eandem per *Bernardum vene-* » *rabilem Lyddensem episcopum* apud Grandi- » montem direxit.»

## VI. \* \* \*

Radulphus Coggeshalensis cœnobii in Anglia abbas, qui obiit circa annum 1228. ait in suo chronico Terræ-Sanctæ, tom. v. *vet. Script. & Monum. ampl. collect. col. 552. E. & col. 553. B. C. n. 7. anno 1187. quum* Saraceni Syriæ ingentem exercitum congregassent adversus Christianos Palæstinæ, istos misisse ad (Eraclium) Patriarcham Hierosolymorum, ut ipse cum ligno sanctæ crucis ad castra properaret. Qui, «quoniam lumen » oculorum cordis, inquit, jam dudum ami- » ferat, sicut Heli Silonites Ophni & Phinees » filios suos, scilicet *episcopum Lyddensis eccle-* » *sia*, & episcopum Accon, constituit ut essent » portitores Dominicæ crucis & custodes.... » sperans.... sibi aditum evadendi patere: sed... » cecidit retro de sella quam forte indignus possederat, &c.» Et *col. 557. C.* «Inter hæc » Syri irruerunt per millenos & millenos super » Christianos, sagittando & interficiendo eos. » Interim episcopus Accon, bajulator crucis » Dominicæ, vulneratus est ad mortem, atque » *episcopo Lyddensi* crucem gestare reliquit, » &c.» Et *col. 558. C.* «Quid plura! Capta » est crux, & rex Hierosolymorum (Guido,) » & Magister militiæ templi, & *episcopus Lyd-* » *densis*, & frater regis, & Templarii, & Hof- » pitalarii, & Marchio de Mont-ferrat, atque omnes vel mortui vel capti sunt, &c.»

## VII. J.

*Tom. 1. edit. Baluz. epist. Innocentii III. pag. 198. col. 1. extat epistola 343. lib. 1. epi-* » *scopo Lyddensi* data Spoleti III. kal. Septemb. (id est die 30. Augusti) de qua mentionem facit Raynaldus, tom. 13. *annal. ad annum 1298. num. 85.* Epistola sequens data kal. (id est die 1.) Septemb. *eidem* quoque scripta est, quibus illi pluribusque aliis injunxit, ut militiam sacram pro recuperanda Hierosolyma prædicarent. Is probabiliter *episcopus* ille est *Lyddensis*, cujus nomen incipiebat à littera J. qui anno 1294. ad Magistrum Michaelem decanum ecclesiæ Parisiensis electum in Patriarcham Hierosolymitanum, epistolam scripsit, ut ipsum invitaret ad onus

A illud subeundum. Hanc refert Baluz. tom. 2. *Miscellan. pag. 242.* Idem fortassis fuerit *episcopus Lyddensis*, quem cum Hierosolymitano Patriarcha ac Hierosolymitani hospitalis & militiæ templi Magistris præfatus Innocentius Papa commisit epistola 189. lib. II. *pag. 459. edit. Baluz. laudatæ*, qui collectam transmissamque eleemosinam quibus oportuerit fideliter distribuerent.

## VIII. R.

*Tom. 1. Thesauri novi Anecdotor. editionis* » *Paris. 1717. col. 1012. C. D. extat epistola* » *Praelatorum & Baronum Terræ-Sanctæ ad* » *Theobaldum regem Navarra, de observandis* » *in profectione ad Terræ-Sanctæ subsidium,* » *cujus initio inscribuntur* «E. miseratione di- » vina Nicosiensis domini Patriarchæ Hiero- » solymitani vicarius, & H. Dei gratia Naza- » rensis archiepiscopi, & R. Acconitidis, & R. » *Liddensis* episcopi, & H. abbas Templi, &c. » Datum Accon pridie Nonas (id est die 6.) » Octobris.» Ad marg. legitur: *Circa annum* » *1239. ex cartario Campaniæ biblioth. regiæ.*

## IX. \* \* \*

Alius fortassis fuit *episcopus* ille *S. Georgii de Rama*, quem anno 1244. occisum à Turcis die 18. Octobris, unâ cum Petro archiepiscopo Tyri, narrat continuator Gallus historiæ Willelmi Tyrii, tom. v. *vet. Script. & Monum. ampl. collect. coll. 729. E. & 730. B.* his verbis: «Et i furent occis Pierre de Sergines qui estoit Arcevesque de Sur, & l'E- » *vesque de S. Georges de Ramés....* Cette des- » confiture fu par un mardy en l'an de l'In- » carnation Notre Seignor J. C. MCCLIV. » u mois d'Octembre; & fu le jor de S. Luc » l'Evangéliste.»

In hac porro nota anni mendum occurrere, & legendum esse MCCXLIV. palam fit ex eo ipsomet auctore, qui statim subjungit gravissimam sancti Ludovici regis Francorum ægritudinem, quæ sub finem anni MCCXLIV. aliaque plura quæ annis MCCXLVIII. MCCL. &c. contigerunt. Annum pariter MCCXLIV. huic stragi assignant, tum Fredericus Imperator in epistola ad Richardum Cornubiæ in Anglia Comitem scripta die 27. Februarii anni sequentis, apud Matthæum Paris, *edit. Paris. 1644. pag. 419. col. 1. tum Sanutus, lib. 3. part. XII. cap. 1. ad calcem voluminis Gesta Dei per Francos, edit. Hanov. 1611. p. 217.* Adde diem 18. Oct. in diem Martis cecidisse anno 1244. in Dominicam vero anno 1254.

## X. GUILLELMUS.

Dionysius Sammarthanus, tom. 2. *Gallia* » LIII iij



ECCLESIAE  
LYDDÆ &  
RAMULÆ  
unitæ.

*Christ. edit. Paris. 1720. in ecclesia Aginnensi, Alam profert Raynaldus, tom. 14. annalium ad col. 919. D. hæc habet de Guillelmo IV. hunc annum, nn. 19. & 20.*

episcopo Aginnensi. «*Guillelmus*, quondam  
» *Liddensis* episcopus, ad Aginnensem eccle-  
» siam per translationem Guillelmi (hujus sedis  
» episcopi) facti Patriarchæ Hierosolymitani  
» vacantem evocatur, ex Regeſto anni 11. Ur-  
» bani IV. cap. 36. (qui) ſolemne in hanc  
» urbem (Aginnensem) ingreſſum facit die Do-  
» minica in feſto S. Magdalenæ an. 1263. &c.»

## XI. \* \* \*

Gregorius X. in epiſtola archiepiscopo Nazareno, Bethleemitano & Paneadenſi episcopis, data ix. kal. Novemb. anno 2. (id eſt die 24. Octob. anno 1272.) conqueritur de episcopo *Lyddenſi*, quod ex mandato Guillelmi Patriarchæ Hierosolymitani, non obſtante appellatione Mariæ ad ſedem apoſtolicam, Hugonem regem Cypri in regem Hierosolymorum coronaffet. Hanc epiſto-

## XII. ANDREAS I.

Anno 1295. archiepiscopi & episcopi numero 23. qui Romæ convenerant, inter quos eſt *Andreas Lyddenſis*, quaſdam indulgentias largiti ſunt in gratiam monaſterii Glandarienſis. Diploma hujus conſeſſionis legitur to. 1. *Theſ. novi Analector. edit. Paris. 1717. col. 1271. B.*

## XIII. ANDREAS II.

## XIV. JOANNES.

*Andreas* episcopo Lidinenſi, id eſt, *Lyddenſi* ſive *S. Georgii de Lydda* ſub Patriarcha Hierosolymitano, ut obſervat R. P. Antoninus Bremond, tom. 2. *Bull. pag. 466.* poſt ejus obitum, ſubſtitutus eſt à Bonifacio IX. *Fr. Joannes Celli*, de Tuderto, Ord. Præd. anno 1397. die 28. Septemb. Litteras hujus promotionis ſuperius retulerat, pag. 365.

## III. ECCLESIAE BETHLEEM &amp; ASCALONIS

unitæ.

**B**ETHLEEM, de qua paſſim in ſcripturis, quæ & *Lehem*, ſeu *Lahem*, & *Ephrata*, quæque *Bethleem Judæ* ad diſcrimen alterius dicta eſt, ab Hierosolymis 5. milliar. in auſtrum Hebron verſus diſtat. Hanc Paſchalis II. Papa in ſedem episcopalem erexit, ſub Patriarcha Hierosolymitano: ſed nunc exciſa eſt manente tantum cœnobio, ejus vero episcopatu ritus Latini conſtituto apud Gallos in xenodochio ad Clametium oppidum, Nivernenſis provinciæ, & Antiffiodorenſis diœceſis, ad Icaunum fluvium. Hæc Mich. Ant. Baudrand, tom. 1. *geogr. p. 162. col. 2.* Vide quæ de *Bethleem* ſupra ſcripſimus hoc tomo 3. *col. 641.*

*Ascalon* autem, ex eodem Baudrand, ibid. *p. 106. col. 1.* urbs eſt Paſteſtinæ in ora maris Syriaci Straboni, quæ *Ascalo* Plinio, una ex quinque primis Philoſtinorum urbibus, poſtea episcopalis ſub Patriarcha Hierosolymitano, nunc etiam *Scalona* dicitur, ſed paucis conſtans incolis, ſedi episcopali Bethleemitiç juncta, eſtque inter Azotum ad ſeptentrionem, & Gazam ad meridiem 18. milliar. ab Azoto diſſita. Vide ſupra in præſenti tomo, *col. 597.*

Scilicet, quum oppidum Bethleem in poteſtatem veniſſet Latinorum ſimul cum Hierosolymis anno 1099. Eſſi illud hætenus episcopatu cohoneſtatum non fuiſſet, ob ejus proximitatem ad Hierosolymam, anno tamen 1110. ſub Balduino I. Godefridi de Bullonio fratre, ſedes episcopalis evaſit. Sic enim ſcribit Willelmus Tyrius, *lib. XI. Hiſt. cap. 12.* «Anno ſequenti, qui erat ab Incarnatione Domini 1110. ſollicitus rex, & curam gerens pervigilem, quomodo ſibi regnum à Deo commiſſum poſſet honorare, & Deo protectori ſuo aliquid acceptione dignum offerre, propoſuit, de pio mentis fervore, *eccleſiam Bethleemitiçam*, quæ uſque ad illum diem Prioratus tantum fuerat, ad cathedralem ſublimare dignitatem.» Et ſubjungit chartam ejusdem piſſimi regis, de illa erectione, quæ confirmata eſt auctoritate Paſchalis II. Papæ, per Gibellinum Arelatenſem archiepiscopum, ejus legatum ad hoc in Palæſtinam miſſum, & in Patriarcham Hierosolymitanum aſſumptum. Illuc autem tranſſata fuit ſedes episcopalis Aſcalonis à Saracenis tunc adhuc occupatæ, quæ nimirum anno duntaxat 1154. iis erepta fuit, & Bethleemitiç unita, ex eodem Willelmo Tyrio, *lib. 17. cap. 30.* Ejectis poſtea è Palæſtina Latinis, quum Græci eccleſias hujus regionis ſibi vindicaſſent, ſedem episcopalem eccleſiæ Bethleem ſervaverunt.

At præſul Latinus, ut referunt Sammarthani, tom. 2. *Gall. Chriſt. edit. Paris. 1656. pag. 297. col. 2. B. in episcopis Antiffiodorenſibus*, ab infidelibus extorris factus, in Galliam adductus eſt à Guidone Nivernenſi Comite anno 1223. & donatus Hoſpitali diverſorio cum jure & titulo episcopali, in loco ſuburbano Clameciaci diœceſis Autiffiodorenſis, in comitatu Nivernenſi. Is itaque præſul ad nominationem Principum Nivernenſium, & confirmationem



summorum Pontificum, promovendus, caret omni territorio vel diœcesi, decimis, populo vel clero, aliisve juribus, nec aliud quicquam habet nisi quod præfectus istius Hospitalis nuncupetur *episcopus Bethleemitanus*. Qua de re legi possunt Aubertus Miræus, in *Geogr. ecclesiastica*, Renatus Chopinus, *lib. 2. cap. 4. n. 20.* & Guido Coquillæus, in *Hist. Nivernensi*.

ECCLESIA  
BETHLEEM  
&  
ASCALONIS  
unitæ

## EPISCOPI BETHLEEM & ASCALONIS.

### I. ASCHETINUS *sive* ASQUITINUS.

**B**ALDUINUS I. Hierosolymorum rex in charta paulo superius memorata erectionem ecclesiæ Bethleemiticæ in episcopalem sic exponit: « Propterea à me, clero simul & » populo, gaudenter susceptus (Gibelinus Arelaten- » latensis archiepiscopus, Paschalis II. Papæ » legatus) .... in Bethleemitica ecclesia, *Aschetinum*, virum illustrem eandem gubernan- » tem; quem Hierosolymitanum capitulum » ejusdem ecclesiæ cantorem, me cum meis » proceribus & populo volente, Ascalonæ ele- » gerat atque statuerat episcopum (id est designaverat pro tempore quo in potestatem Latinorum veniret quod contigit an. 1154.) » obtinere primatum episcopalem decrevit, » Bethleemiticæque sedi pro præcepto (id est de mandato Paschalis Papæ) & consideratione nostra, Ascalonæ ecclesiam parochiali » jure subjugavit (id est subjecit) &c. Facta est » autem hæc concessionis vel confirmationis » nostræ inscriptio, rerumque gestarum designatione (in hac charta) anno ab Incarn. » Domini 1110. Indict. III. præsidente Romanæ ecclesiæ Papa Domno Paschale II. » Hierosolymis vero Gibelino Arelaten- » si archiepiscopo, sedis apostolicæ vicario, in Patriarcham electo, &c. »

Albertus Aquensis, *lib. 9. Hist. Hierosol. cap. 16.* ait episcopum de Bethleem unum fuisse ex 18. præfulibus qui Hierosolymis conveniunt, jussu Balduini regis, adversus Dagobertum, seu Daibertum Patriarcham, qui depositus est, & Evermerus (sive Ebremarus) in ejus locum subrogatus anno 1102. At ex charta modo relata constat primum Bethleemitanum episcopum electum fuisse anno duntaxat 1110. tribus annis post obitum Daiberti, qui *federat in pace annis quatuor*, ex Willelmo Tyrio, *lib. XI. cap. 4. in exilio vero tribus*. Dicendum itaque videtur *Aschetinum* nondum episcopum Bethleemitanum, ea dignitate designari per anticipationem ab Alberto Aquensi, nisi in ejus textum error fortassis de eo episcopo irrepsit.

Adfuit Aschetinus concilio quod Gormundus Patriarcha Neapoli in Samaritica regione anno 1120. celebravit, teste præfato Willelmo Tyrio, *lib. 12. cap. 13.* Subscripsit demum cum pluribus aliis Accone an. 1120. pactis conventis inter Venetos & principes regni Hierosolymitani, his verbis: *Ego As-*

*quitinus Bethleemita similiter confirmo, ibid. cap. 25.*

### II. ANSELMUS.

*Anselmus sedebat* Bethleemitanus antistes, quum agitata est Antiochiæ Radulphi hujus sedis Patriarchæ causa, anno circiter 1136. in concilio cui præsidebat Albericus sedis apostolicæ legatus & episcopus Ostiensis, ex Willelmo Tyrio, *lib. 15. cap. 16.* qui subjungit, *cap. 21. & 23.* quum Joannes Comnenus Imperator Græcorum in Palæstinam sacrorum locorum honorandorum specie iter arripuisset, obviam ei à Fulcone Hierosolymorum rege delegatos processisse *Anselmum Bethleemitanum episcopum*, Gaufridum abbatem templi Domini Græca lingua peritum, & Roardum arcis Hierosolymitanæ castellanum, qui significarent aditum ipsi liberum fore, dummodo decem duntaxat hominum millia secum duceret, eo quod regio illa amplioris numeri copiis alendis esset impar: cui conditioni obtemperare noluit Imperator, mortuus paulo post anno 1137.

### III. GERALDUS *sive* GERARDUS I.

*Abfalon.*

Anno 1147. *Geraldus sive Gerardus* Bethleemitanus episcopus interfuit cum pluribus aliis præfulibus generali curiæ, quam christianii principes Accone habuerunt. Ita Willelmus Tyrius, *lib. 17. cap. 1.* qui præterea refert, *cap. 30.* urbe Ascalone à Balduino III. Hierosolymorum rege capta anno 1154. Fulcherum Patriarcham certum in ea numerum canonicorum instituisse; *episcopum* quoque *quemdam* nomine *Abfalonem* ecclesiæ Dominici sepulcri canonicum regularem, reclamante multum Geraldo Bethleemita episcopo, ordinasse: postmodum vero per appellationem causa ad Romani Pontificis audientiam delata, prædictum Bethleemitanum episcopum obtinuisse, eo excluso quem Patriarcha ibi consecraverat, Ascalonitanam ecclesiam cum possessionibus suis sibi & ecclesiæ Bethleemiticæ jure perpetuo possidendam.

### IV. RADULPHUS.

De *Radulpho* isto multa discimus ex Willelmo Tyrio variis in locis: nam 1.º ex *lib. 16. cap. 17.* Anglus erat, regisque Angliæ cancellarius, vir utique litteratus, sed sæculi moribus nimis addictus: quum vero post translationem Fulcheri de sede Tyrensi ad



ECCLESIAE  
BETHLEEM  
&  
ASCALONIS  
unite.

patriarchalem Hierosolymorum anno 1146. A scriptio ejus legitur *to. XII. Spicileg. p. 643. Provincia Palæstinae I. Albertus Bethleem episcopus.* Ubaldus archiepiscopus Pisanus ei concessit anno 1186. die 23. Decemb. ecclesiam S. Martini prope Pisas, cujus diploma extat apud præfatum Ughell. *1. 3. col. 485. C.*

2.º Ex *lib. 18. c. 20.* Radulphus tunc Bethleemitanus præsul totis viribus obstitit, ne Fulchero Patriarchæ mortuo anno 1157. Amalricus substitueretur, sed nequicquam: Amalricus enim pallium obtinuit ab Adriano IV. Papa. 3.º Ex *lib. 19. cap. 24.* idem Radulphus adfuit prælio Amalrici regis Hierosolymorum cum Siracono Soldani Ægypti prætore anno 1167. ibique graviter vulneratus sua omnia amisit. 4.º Ex *lib. 20. cap. 28.* gestavit crucem Dominicam in exercitu ejusdem regis Amalrici, dum Noradinus Sultanus Petram obsideret. 5.º Tandem de ejus morte hæc ait præfatus scriptor, *ibid. c. 32.* « Vere » proxime subsequuto (anno 1173.) venerabilis frater dominus Radulphus felicitis memorie Bethleemita episcopus & regius cancellarius, vir liberalis & benignus admodum, » diem fatalem ingressus est, in capitulo ecclesie suæ honorifice sepultus: post cujus » obitum, dum in eadem ecclesia de pastore » substituendo tractus haberetur, votis dissonis » deciderunt in quæstiones difficiles, quæ domini Balduini successoris domini Amalrici » (regis) & filii ejus vix terminatæ sunt anno 2. » quæ prædictam ecclesiam (Bethleemitanam) ad multa traxerunt dispendia. » Is utique fuit qui in libro, cui titulus *Biblioth. Cluniacensis edit. Paris. 1614. col. 1432.* B. subscriptus legitur instrumento cuidam Accone confecto anno 1170. Indict. III. hoc modo. *R. quoque Bethleemita.*

## V. ALBERTUS.

Hic *Albertus*, quem multi perperam confundunt cum alio Alberto ex Vercellensi ecclesia ad Hierosolymitanam translato, ut observat Ughellus, *to. 4. Ital. sac. col. 1097. C. vet. edit.* Petri Eremitæ nepos fuit. Bethleemitanæ autem sedi præfectus est an. 1175. ex supra recitatis Willelmi Tyrrii verbis, qui addit, *lib. 21. c. 22.* ab eo gestatam crucem in certamine Balduini IV. adversus Salahadinum Ægypti Soldanum (anno circiter 1176.) Ejus etiam meminit, *lib. 22. cap. 7.* Interfuit Albertus concilio Lateranensi, quod Alexander III. anno 1179. celebravit, & sub-

scriptio ejus legitur *to. XII. Spicileg. p. 643. Provincia Palæstinae I. Albertus Bethleem episcopus.* Ubaldus archiepiscopus Pisanus ei concessit anno 1186. die 23. Decemb. ecclesiam S. Martini prope Pisas, cujus diploma extat apud præfatum Ughell. *1. 3. col. 485. C.*

## VI. R.

Circa primordia Innocentii III. R. subdiaconus Romanæ ecclesie, & P. canonicus sepulcri Dominici, electi fuerant ad sedem Bethleemitanam, quorum primus à Hierosolymitano Patriarcha confirmatus est, alteri autem Rex Hierosolymorum favebat. Re ad Innocentium delata, Pontifex commisit Cardinales P. a tituli Basilicæ XII. Apostolorum J. b tituli S. Stephani in Cœliomonte, & G. c S. Mariæ in Porticu, qui de ea duplici electione inquirerent, & ad ipsum referrent. Hinc sufficienter instructus, utramque irritavit, sed præfatum R. subdiaconum qui se ostenderat per sæcularem potentiam spoliatum, restituendum decrevit. Diploma istud pontificium legitur *tom. 1. edit. Baluz. epistolar. Innocentii III. titulo 27. de restitutione. Idem canonicis Bethleemitanis. Cum super electione Bethleemitanensi, &c. pag. 585. col. 2.* Et ad margin. citatur cap. *Cum super. de cav. poss.*

## VII. PETRUS I.

Ughellus, *to. 4. Ital. sac. in episcopis Vercellensibus, col. 1097. C. D. vet. edit.* illo quem modo recensuimus prætermisso, tradit Alberto Bethleemitano episcopo successisse Petrum sedis apostolicæ legatum, qui unus fuit ex 12. electoribus Balduini I. Imperatoris Latini Constantinopoleos anno 1204. *Episcopum Bethleemitanum* revera, sed omisso ejus nomine, inter eos electores computant tum Balduinus ipse in epistola sua ad Innocentium III. apud Raynaldum, *to. 13. annal. ad annum 1204. num. 15.* tum Albericus in chronico ad eundem annum, *part. 2. pag. 437. edit. Lipsiæ 1698.* Præfatus Ughellus, *tom. 3. in archiepiscopis Pisanis, col. 490. D.* instrumentum quoddam exhibet confectum anno 1205. Indict. VIII. mense Sept. cum inscriptione Rivelonis Sueffionensis, G. Trecentis, & P. Bethleemitani episcoporum.

## VIII. REGNERIUS.

## IX. GODEFRIDUS.

Anno 1223. Honorius III. Papa celebrem in Campania de subsidiis in Terram-Sanctam ferendis, conventum habuit, cui Fridericus Imperator, Patriarcha & rex Hierosolymorum, Bethleemitanus quoque episcopus, Religiosorum Equitum Magistri, aliique viri celebres

a (Id est Pandulphum Mascan, Pisanum, qui creatus est à Lucio III. anno 1182. & obiit circa an. 1201.)

b (Id est Joannem Sallernitanum, qui creatus est à Calixto III. anno 1191. & obiit circa an. 1210.)

c (Id est Gregorium Galganum, qui creatus est à Clemente III. anno 1188. & obiit post an. 1225.)



celebres interfuerunt, ut ipsemet Honorius testatur in epistola sua ad Philippum regem Francorum, quam profert Raynaldus, ad hunc annum, *n. 3.* Is porro episcopus alius non fuisse videtur à *Regnerio*, quem Sammarthani *10. 2. Gall. Christ. pag. 297. col. 2. B. C. edit. Paris. 1656.* tradunt sedisse an. 1223.

## X. THOMAS.

*Thomas Agni de Lentino, sive de Leontio, cuius jam supra meminimus inter Patriarchas Hierosolymorum, col. 1261. B. ad Bethleemitanam sedem evectus est ab Alexandro IV. anno 1255. ex Bernardo Guidonis in episcopis Dominicanis Terræ-Sanctæ. De eo mentionem facit Guillelmus Tripolitanus, Ord. Præd. in libro de statu Saracenorum, ad Gregorium X. anno 1273. cuius fragmentum extat tom. 5. Histor. Francor. Andr. Duchesne, p. 433. B. Tempore illo, inquit, Fr. Thomas erat Behelivitanus (Bethleemitanus) episcopus, apostolicæ sedis legatus in Accon, qui factus est postmodum Patriarcha Hierusalem. Benedictus Massiliensis episcopus tractatum suum de Trinitate & fide catholica ad eum misit, epistola data, Reverendissimo Domino T. Dei providentia episcopo Bethleemitano, apostolicæ sedis legato, &c. Accone anno 1261. in festo S. Matthæi; apud Baluz. 1. 6. Miscellan. pag. 350. Continuator Gallus hist. Willelmi Tyr. 10. 5. vet. Script. & Monum. ampl. collect. col. 737. ait sub eo anno 1261. num. 26. C. Après celle guerre vint en Acre legat frere Thomas de Lantil Evêque de Bethleem; & col. 738. C. A. MCC LXIII.... S'en retourna à Rome li legat Thomas qui estoit evêque de Bethleem Scilicet, ad Urbanum IV. D venit gravissima Terræ-Sanctæ pericula imminencia expositurus, ex Raynaldo, tom. 14. annal. ad annum 1263. num. 12. qui etiam subdit ad annum 1264. n. 21. & 23. Bethleemitano episcopo commissas in plebem Romanam ab eo Papa vices pontificias, dum ipse apud Urbem veterem moraretur, injunctum quoque mandatum ut crucis signa adversus Manfredum attolleret. Extat fol. 1321. libri cui titulus, Antiquæ constitutiones regni Angliæ, Londini 1672. epistola quædam quam de malis Terræ-Sanctæ impendentibus, Excellentissimo ac christianissimo principi D. Henrico (III.) illustri regi Angliæ, Fr. Thomas, de Ordine Prædicatorum, miseratione divina Bethleemitanus episcopus, apostolicæ sedis legatus, ejus ad Deum orator assiduus, scripsit cum nonnullis aliis, Acton. (Accone) quarto die mensis April. sexto (anno) Indictionis, (id est anno 1263.) antequam nimirum in Occidentem reverteretur. Hunc autem Clemens IV. Urbani IV. successor*  
*Tomus III.*

Ad ecclesiam Cusentinam in Calabria transfudit anno 1267. die 18. Aprilis, & ex illa Gregorius X. ad Hierosolymitanam & Acconensem unitas anno 1272. mense Martio. En quod de eo præfule habet breviter Bernardus Guidonis in catalogo Prælator. apud P. Echardum, tom. 1. Scriptor. p. 359. col. 1. *Frater Thomas Agni de Lentino fuit Patriarcha Hierosolymitanus & episcopus Aconensis. Hic fuit à Domino Dco suo semper & ubique directus: qui, quum esset prior provincialis Romanæ provinciæ, episcopatum Bethleemitanum compulsus est recipere, & legatus in Terra-Sancta factus, multum bene se habuit; deinde ad archiepiscopatum Cusentinum transfatus, multo melius: tandem ad patriarchatum electus, bono principio optimum finem adjunxit. Hic obiit anno Domini 1277.*

## XI. GAILHARDUS.

Thomæ Cosentiam translato anno 1267. successit ejusdem Dominicani Ordinis alumnus alter *Gailhardus de Urst-saltu (d'Ourfault)*, Gallus, Vasco, ex priore Tarasconensi episcopus factus Bethleemitanus, teste præfato Bernardo Guidonis, apud R. P. Bremond. tom. 1. Bullar. pag. 413. Hugone rege Cypri & Maria Antiocheni principis filia de Hierosolymitano regno contendentibus, quum ille coronatus fuisset à Lyddensi episcopo ad hoc deputato à Guillelmo I. Hierosolymorum Patriarcha, non obstante appellatione Mariæ ad sedem apostolicam, Gregorius X. ea de re epistolam scripsit anno 1272. die 24. Octob. archiepiscopo Nazareno, Bethleemitano, & Paneadensi episcopis, quam refert Raynald. 10. 14. ad annum 1272. n. 19. Ex dictis porro tam de eo præfule Bethleemitano, quam de prædecessore ejus Thoma Agni, palam sit emendandos quotquot Gailhardum hunc annum 1256. ad sedem Bethleemitanam promotum asserunt, quæ ab anno 1255. ad annum 1267. non vacavit.

## XII. HUGO.

Ughellus, tom. 1. Ital. sac. col. 238. n. 12. A. vet. edit. scribit *Fr. Hugonem*, patria Neapolitanum, Ord. Præd. electum fuisse episcopum Trojanum in Italia anno 1278. IV. kal. Aug. (id est die 29. Jul.) & deinde translatum ad Betalemitanam (Bethleemitanam, ut legitur in diplomate Nicolai III. apud Waddingum, tom. 2. annal. in Reg. Pontif. pag. 147.) anno sequenti 1279. VII. idus (id est die 9.) Octobris. Honorius IV. anno 1285. Martini IV. prædecessoris sui vestigia sectatus, qui totius Italiæ decimas, ad comprimendam Petri Aragonii pervicaciam, ad triennium Carolo regi Siciliæ concesserat; earum colligendarum

M m m m



ECCLESIAE  
BETHLEEM  
&  
ASCALONIS  
quæ.

*Hugoni Bethleemitano episcopo*, inquit Raynaldus, *tom. 14. ad annum 1285. num. 16.* provinciam tradidit. Sammarthani, *tom. 2. Gall. Christ. edit. Par. 1656. scribunt, p. 297. col. 2. B. C. Hugonem monachum, ex Andr. Duchesne in hist. domus Monmorencianæ (inter probationes, p. 131.) interfuisse (Parisiis) ad Luparam (in camera palatii regii) consilio (Philippi Pulchri) cum pluribus aliis præsulibus, anno 1291. (die 12. Jan.) quando Petrus Flota, eques, litteras quasdam Guidonis Flandriæ comitis recitavit. Eundem quoque episcopum legatum fuisse apud ducem Austriæ cum priore fratrum Dominicanorum Parisiensium, ex compoto baillivorum Franciæ de termino omnium Sanctorum 1295. Recenseri & (in anno) 1297. Verum licet is titulo episcopi Bethleemitani adhuc tunc temporis ornaretur, dimissa videtur ab illo fuisse ea sedes saltem ab anno 1287.*

### XIII. PETRUS II.

*Petrus de Sancto Maxentio*, Gallus, Ord. Prædicat. sub Honorio IV. Papa, qui obiit die 3. April. 1287. electus est episcopus Bethleemitanus, ex Bernardo Guidonis in episcopis provinciæ Terræ-Sanctæ. Is Christianis in Palæstina, quam fere totam Saraceni sibi subdiderant, degentibus erudiendis plurimam navavit operam.

### XIV. JAGARDUS sive GERARDUS II.

Idem Bernardus Guidonis meminit *Jagardi*, quem alii *Gerardum* appellant, Ord. Præd. qui sub Bonifacio VIII. electo Papa anno 1294. die 24. Decemb. sedebat; quem subinde immerito scriptores istius Ordinis ad Bonifacii IX. tempora uno sæculo posterioris differunt.

### XV. WULFRANNUS.

*Vulfrannus de Abbatis-villa* (Abbeville) ex ea urbe Pontivi in regione Picardiæ capite oriundus, Ord. Præd. recensetur à laudato Bernardo Guidonis inter episcopos Bethleemitanos ejusdem Ordinis. Is Carolo II. regi Siciliæ admodum charus fuit, ad cujus petitionem Bethleemitanus episcopus creatus est à Bonifacio VIII. circa annum 1301. In Galliam regressus adfuit solemnī dedicationi ecclesiæ collegiatæ sanctæ Mariæ d'Escoüys diocesis Rothomagensis, factæ à Nicolao de Freauville Dominicano & S. R. E. Cardinali, anno 1313. ut constat ex bulla Clementis V. Papæ. Ita Sammarthani, *tom. 2. Gall. Christ. pag. 297. col. 2. & P. Echard. in indice episcoporum præfixo tom. 1. Script. pag. 23. col. 2. Et rursus pag. 557. col. 1.*

### XVI. GERARDUS III.

Præfati Sammarthani, *ibid.* mentionem

A faciunt cujusdam *Gerardi de Gisors*, episcopi Bethleemitani, quem aiunt obiisse Parisiis, circa annum 1321. & apud Carmelitas Maubertinos jacere.

### XVII. JOANNES I.

R. P. Echard. *in indice paulo supra laudato, pag. 25. col. 2. de eo Joanne hæc loquitur: «Joannes de Heglescliff, Anglus (Ord. Præd.) Helchistede corrupte dictus à Laurent. Pignon, corruptius à Fontana, & aliis nostris (Dominicanis) Helchifades, episcopus primum Bethleemitanus; tum Conorrensis in Hibernia: demum anno 1323. mense Septemb. Landavenensis in Anglia. Obiit Bishonæ anno 1346. (die) 2. Januar. sepultus apud Prædicatores Cardiffæ. (Hunc) perperam amandant nostri (scriptores) ad (annum) 1483. cujus meminit Pinon (Laurentius Pignon) anno 1394. scribens.»*

Hic porro non omittendum, ex eodem R. P. Echardo, *tom. 1. Script. p. 620. col. 2. anno 1348. in capitulo generali Ord. Præd. Lugduni celebrato die 8. Junii admiffa fuisse duo nova cœnobia, unum construendum Hierosolymis, alterum Bethleemi.*

### XVIII. PETRUS III.

Ughellus, *tom. 1. Italiæ sac. in Signinis episcopis, col. 151. \* n. 23. D. vet. edit. hæc pauca de eo Petro habet: «Fr. Petrus fuit adlectus (ad ecclesiam Signiensem) an. 1346. vi. kal. Jul. (id est die 26. Jun.) ex Regest. Vatic. epist. 26. translatus ad Betalemitanam (Bethleemitanam) ecclesiam (anno) 1347.»*

### XIX. HUGO II.

*Hugo* iste, Ord. Præd. Gallus, Turonensis patria & professione, episcopus Bethleemitanus fuit sæculo decimo quarto, utique ante annum 1394. quo Laurentius Pignon catalogum suum præsulum Dominicanorum, cui eum inseruit, concinnabat. Ita laudatus P. Echard. *in indice pag. 22. col. 2.*

### XX. DURANDUS.

### XXI. ADIMARUS.

Fontana *Theat. Domin. pag. 141. tit. 88. num. 4. scribit, vacante Bethleemitana sede per obitum Durandi, Fr. Adimarum de Rupe, Ordinis Prædic. ad eam fuisse evectum ab Urbano V. anno 1363. die 13. Novemb. ex lib. Provif. Prælatorum hujus Pontificis, & Ughello in mss.*

### XXII. JOANNES II.

Ughellus, *tom. 1. Italiæ sac. in episcopis Lucensibus, col. 882. num. 74. vet. edit. ait Fr. Joannem Salvutium, Fucinatem, Ordinis*



Min. *Bethleemitanum episcopum*, ad ecclesiam A. Lucensem translatum esse anno 1383. & obiisse anno 1394.

## XXIII. GUILLELMUS.

*Guillelmus de Valen* five *de Vallone*, Ord. Præd. Caroli regis Francorum confessarius, ejusque eleemosinarum dispensator an. 1383. ut constat ex diario Camerae computorum Parisiensium, promotus est eo anno ad episcopatum Bethleemitanum, deinde translatus circa annum 1389. ad Ebroicensem. Ita Sammarthani, *tom. 2. Gall. Christ. editionis Paris. 1656. p. 298. col. 1. A.* Ejus meminit P. Echard. in *indice episcoporum*. initio *tom. 1. Script. pag. 22. col. 1.*

## XXIV. JOANNES III.

R. P. Antoninus Bremond, *tom. 2. Bull. p. 463.* ait *Joannem de Genence*, Flandrum, Ordinis Prædicat. creatum esse episcopum Bethleemitanum circa annum 1391. certe ante 1394. utpote quem eo anno Laurentius Pignon inter episcopos Bethleemitanos ex Ordine Prædic. assumptos numeret. De eo mentionem quoque facit laudatus modo P. Echardus.

A cæteris Bethleemitanis præsulibus recensendis supersedeo, quum deinceps Latinis nulla spes amplius Palæstinam recuperandi affulserit.

ECCLESIAE  
BETHLEEM  
&  
ASCALONIS  
unitæ.

## PROVINCIA PRIMÆ PALÆSTINÆ

## S U B L A T I N I S.

I. ECCLESIA CÆSAREÆ  
METROPOLIS.

**D**E ecclesia *Cæsareæ* supra differuimus, *coll. 529. 530.* Addimus nunc, ex Michael Antonio Baudrand, *tom. 1. geogr. p. 204. col. 2.* hanc urbem hodie *Caïsar* appellari, & 30. milliar. distare à Ptolemaïde in meridiem, Joppen versus 36. & 45. ab Hierosolymis versus septentrionem, teste Adricomio. Expugnata est Cæsarea à Balduino I. Godefridi Bullonii fratre, & in regno Hierosolymitano successore anno 1101. post Pascha. Willelmus Tyrius, *lib. 10. histor. cap. 15.* Cæsaream ait aquarum fluentium & hortorum irriguorum amœnitate decorari, sed portu carere, licet Herodes senior multis sumptibus elaborasset, ut tutam ibi navibus præberet stationem.

## ARCHIEPISCOPI CÆSAREÆ.

## I. BALDUINUS I.

**P**ræfatus Willelmus Tyrius, *ibid. cap. 16.* scribit regem Balduinum, capta Cæsarea, quum moram ibi faciendi diuturniorem commodum non haberet, revocantibus ipsum aliis negotiis, *electo archiepiscopo quodam Balduino*, qui cum D. Duce Godefrido in expeditione venerat, relictis etiam ad custodiam civitatis de exercitu nonnullis, cum cæteris Ramulam festinasse, quam habitatoribus vacuum reperiens occupavit. Interfuit Balduinus Cæsariensis synodo Hierosolymitanæ, ubi Daybertus Patriarcha depositus est, teste Alberto Aquensi, *lib. 9. hist. c. 16.* Obiit demum anno 1107.

## II. EBREMARUS.

*Ebremarum* jam memoravimus inter Hierosolymorum Patriarchas, ad quam sedem evectus est, vivente Dayberto qui ad Pascha-  
*Tomus III.*

B lem II. anno sequenti confugit. At mortuo illo Patriarcha Messanæ, dum Roma Hierosolymam reverteretur, Gibelinus Arelatenfis archiepiscopus, & sedis apostolicæ legatus, de Paschalis mandato Hierosolymam adveniens concilium ibi regni episcoporum convocavit, ut de causa Ebremari cognosceret. Gibelinus itaque, postquam sibi constitit Daybertum Arnulphi archidiaconi Hierosolymitani factionibus & regia violentia immerito fuisse expulsum, & Ebremarum subinde sedem occupasse viventis adhuc Pontificis qui ecclesiæ Romanæ communionem habebat, eum à patriarchatu deposuit. Considerans tamen quanta ille religione polleteret, miramque ejus simplicitatem, Cæsariensi ecclesiæ, quæ tunc vacabat, ipsum præposuit. Id autem contigit anno 1107. Hæc Willelmus Tyrius, *lib. XI. hist. cap. 4.* Adfuit Ebremarus anno 1120. synodo apud Neapolim (Naplouise olim Sichem) coactæ à Gormundo

M m m m ij



ECCLESIA  
CÆSAREÆ.

Patriarcha, ubi convenerunt Balduinus II. A  
rex Hierosolymorum, & plures episcopi,  
abbates, ac regni Proceres, de sancienda  
disciplina, *ibid. lib. XII. cap. 13.* Anno tan-  
dem 1123. pacta conventa inter Venetos &  
regni Hierosolymitani principes, cum aliis  
& ipse sua subscriptione firmavit: *Ego Ebre-*  
*marus Cæsariensis archiepiscopus, hæc eadem*  
*similiter confirmo. ibid. cap. 25.*

## III. GAUDENTIUS.

*Gaudentius* archiepiscopus Cæsareæ in Pa-  
læstina sedebat an. 1136. quo interfuit, cum  
pluribus aliis episcopis regni Hierosolymitani  
& principatus Antiocheni, concilio Antio-  
chiæ congregato in causa Radulphi, hujus  
sedis Patriarchæ, qui ibidem depositus est.  
Ex Wilhelmo Tyrio, *lib. XV. hist. cap. 16.*

## IV. BALDUINUS II.

Anno 1147. Accone celebrata est curia  
generalis, ut de modo quo procederent  
crucesignati ad percipiendum ex tanta pere-  
grinatione fructum in ea deliberaretur. Huic  
conventui, inter plures alios regni Hieroso-  
lymitani præfules, adstitit *Balduinus Cæsa-*  
*riensis archiepiscopus*, apud præfatum Willel-  
mum Tyr. *lib. 17. cap. 1.* qui etum quoque  
accenset, *cap. 21.* cæteris episcopis & Pro-  
ceribus anno 1152. præsentibus, dum ob-  
sideretur urbs Alcalon à Balduino III. rege  
Hierosolymorum, quæ anno 1154. in ejus  
potestatem venit. Idem Balduinus episcopo-  
rum unus fuit qui Fulcherum Patriarcham  
Romam petentem ut de fratribus Hospi-  
talis Hierosolymitani conquereretur, comi-  
tati sunt an. 1155. aut 1156. sed non multo  
post obiit.

## V. ERNESIUS sive ERNESTUS.

*Ernesius* jam sedebat archiepiscopus Cæsa-  
reæ anno 1157. utpote qui una cum Radul-  
pho Bethleemitano episcopo ad Romanum  
Pontificem Adrianum IV. provocaverit, ne  
Amalrici Fulcheri Patriarchæ Hierosolymi-  
tani eo anno mortui successoris electio rata  
fieret. Vicit tamen Amalricus. Anno 1167.  
Ernesius, & Odo de S. Amando tunc regius  
Pincerna, Constantinopolim missi sunt à rege  
Amalrico ad Manuelem Comnenum Græ-  
corum Imperatorem, qui in uxorem eidem  
Amalrico peterent Mariam Joannis Proto-  
sevastis nepotis Imperatoris filiam, quam Ty-  
rum deduxerunt, ubi ejus coronationis &  
desponsationis solemnia peracta sunt. Anno  
sequenti 1168. missus iterum est Ernesius  
in occiduas partes cum Wilhelmo Acco-  
nensi episcopo, ut subsidia Terræ-Sanctæ  
peterent: sed orta tempestate fractis navigiis,

vix incolumis cum suis reversus est. Obiit  
demum Ernesius anno 1174. Hæc omnia  
habet Wilhelmus Tyrius, *lib. 18. hist. cap. 20.*  
*lib. 20. capp. 1. & 13. & lib. 21. cap. 10.* Hinc  
autem patet C. archiepiscopum Cæsarien-  
sem, qui anno 1170. Accone subscripsit  
chartæ Wilhelmi episcopi Acconensis pro  
construendo cœnobio Ord. Cluniac. quæ  
extat in libro dicto *Bibl. Cluniac. col. 1432.*  
B. hunc esse Ernesium, & legendam ibi  
litteram majusculam E. pro littera majus-  
cula C.

## VI. ERACLEUS sive ERACLIUS.

Laudatus modo Wilhelmus Tyrius scribit,  
*lib. 21. hist. cap. 10.* dum Balduinus IV. rex  
Hierosolymorum expeditionem quandam  
perageret adversus Damascenos anno primo  
sui regni, quem inceperat die XI. Jul. anno  
1173. obiisse Ernesium Cæsariensem archi-  
episcopum (anno; ut videtur, 1174. ante  
mensum Julium) inque loco ejus *Eracleum*  
Hierosolymitanum archidiaconum electum  
esse atque consecratum. Is interfuit an. 1179.  
concilio Lateranensi III. sub Alexandro III.  
anno 1179. cui subscripsit hoc modo: *Pa-*  
*lestinae secundæ. Eraclius Cæsariensis archiepi-*  
*scopus. Spicileg. tom. 12. pag. 643.* Ex ea sede  
ad patriarchalem Hierosolymorum transiit  
anno 1180. ut supradictum est, *col. 1251. B.*

## VII. MONACHUS.

Eracleo in Patriarcham electo, Cæsariensis  
archiepiscopus evasit *Monachus*, qui diploma  
Conradi Marchionis Montis-Ferrati filii da-  
tum anno 1187. mense Octobri Indict. VII.  
approbavit: apud Ughellum, *tom. 3. Ital. sac.*  
in Pisanis archiepiscopis, *col. 487. C.* Is  
etiam ad patriarchatum Hierosolymorum  
evectus est an. 1194. Vide supra *col. 1252. E.*

## VIII. \* \* \*

Extat *tom. 2. edit. Baluz.* epistolarum In-  
nocentii III. *pag. 838. col. 2.* una epistola  
hujus Pontificis *ad archiepiscopum Cæsarien-*  
*sem*, data Laterani x. kal. Martii pontificatus  
anno 17. (id est die 20. Febr. anno 1214.)  
qua ei, & Priori sancti Sepulcri, ac cantori  
Acconensi mandat, ut Erardi de Brena &  
Philippæ Henrici Campaniæ Comitissæ filia  
nuptias, quæ in orientis partibus contractæ  
fuerant, irritas esse declararent, ob ambo-  
rum consanguinitatem in Galliis manifestam.  
De quibus nuptiis vide Baluzium, *ibidem*  
*pag. 837.*

## IX. \* \* \* fortassis PETRUS.

Anno 1222. quum in regno Cypri non-  
nulli Græci præfules Romanæ ecclesiæ in-  
obedientes, se gererent ut Pontifices in epi-  
scoporum Latinorum diocæsis, Hugoni



regi Cypri, qui concordiae alendae causa ab Honorio III. postularat ut eos praesules Graecos Graecis praesse permetteret, scripsit ille Papa se Patriarchae Hierosolymitano, Tyrensi quoque & *Cæsariensi* archiepiscopis, mandasse, ut eos Graecos morari de cetero velut praesules in dictis dicecesibus nullatenus paterentur. Excerptum hujus epistolae, quae data est III. kal. Jan. anno VI. (id est die 30. Decemb. anni 1222.) refert Raynaldus, *tom. 13. annal.* ad eum annum, *nn. 8. & 9.* Injunxit etiam idem Honorius archiepiscopis Nicosienfi & *Cæsariensi* litteris datis Later. XIV. kal. Mart. anno X. (id est die 16. Februarii anni 1226.) *ibid.* ad eum annum, *num. 57.* ut Comitem Tripolitanum, gravium scelerum reum & contumacem, anathematis sententia irretitum declararent.

Is autem probabiliter fuit *Petrus* ille archiepiscopus *Cæsariensis*, cujus meminit Gregorius IX. in epistola quam scripsit ad omnes Christi fideles anno 1227. die 23. Decembris, apud Matthaeum Paris ad eum annum, *pag. 233. col. 2. C. & pag. 234. col. 1. A.* his verbis: « Noverit universitas vestra nos » de partibus transmarinis sub hac forma litteras suscepisse: G. miseratione divina Patriarcha Hierosolymitanus, humilis & indignus apostolicae sedis legatus, *P. Cæsariensis*, » N. Nazarenis, & N. Narbonensis archiepiscopi, &c. » de infelici Terrae-Sanctae statu.

A Hunc enim P. *Cæsariensem* archiepiscopum nominatum fuisse *Petrum*, colligitur ex continuatore Gallo hist. Willelmi Tyrii, *tom. 5. vet. Script. & Monum. ampl. collect. col. 710. n. 14. C.* ubi sic loquitur: « Et iluec furent tant qu'il auint que Girart le patriarche de » Hierusalem & *Pierre l'Arcevesque de Cesa-* » *saire*, &c. se partirent d'Acre & alèrent à » Baruth. » Et infra, *col. 712. n. 17. D.* « Le » jor que cele besoigne auint fu par un mardy » le tiers jor de May l'an de l'Incarnation nostre » B Seigneur J. C. 1232. »

#### X. J. electus.

Epistola Roberti Patriarchae Hierosolymorum & aliorum episcoporum Palaestinae ad regnorum Franciae & Angliae praesules, de cladibus Terrae-Sanctae, data Acone die 25. Novemb. anno 1244. apud Matthaeum Paris, ad eum annum, *pag. 427. col. 1. D.* praefert in titulo nomen *J. Cæsariensis electi.*

#### XI. LOCIAMUS.

Ex laudata historia gallice conscripta habemus quemdam nomine *Lociamum* archiepiscopum *Cæsareae* diem clausisse extremum anno 1266. En ejus verba ibidem, *col. 742. n. XI. C.* « A. MCCLXVI.... En cè tans morut Johan d'Ibelin cuens de Jaffe u mois » de Loier, & *Lociaulmes Arcevesque de Cesa-* » *saire* u mois de Januier. »

## II.

### ECCLESIA SEBASTES.

*SEBASTE* in Palaestina ea urbs est quae olim dicebatur *Samaria*, regionis ejusdem caput, solaque sub Latinis *Cæsareae* fuit metropolis suffraganea. His autem quae de ea urbe jam supra dicta sunt, *coll. 649. 650.* addere tantummodo juvat, ex Mich. Anton. Baudrand, *tom. 1. geogr. p. 197. col. 1.* hanc nunc prorsus excisam jacere, 35. milliar. ab Hierosolyma in septentrionem, & 8. à Neapoli (Naplouse) quae crevit ex ejus ruinis.

### EPISCOPI SEBASTENI.

#### I. RENERUS.

**F**ULCHERO Patriarcha Hierosolymorum Romam pergenti an. 1155. aut 1156. comes adstitit *Renerus Sebastenus episcopus*, ex Willelmo Tyrio, *lib. 18. histor. cap. 6.* Albertus autem Aquensis, *lib. XII. histor. cap. 30.* quae extat in lib. *Gesta Dei per Francos*, *pag. 379. lin. 56.* refert de Balduino II. rege Hierosolymorum, qui regnavit ab anno 1118. ad annum 1131. ipsum subdidisse suo imperio civitates Neapolim, *Samariam*, Joppen, Caypham, Castellum S. Abrahæ (id est Ebronem) Ptolemaidem (id est Acconem) Sagittam (id est Sidonem) Tabariam, & cæteras civitates & loca quae erant de regno Hierosolymitano, atque eorum redditus partim assignasse

Dpraelatis, partim suae mensae. Sub eo itaque Balduino ante annum 1131. videtur praefectus esse primus Sebastenus episcopus *Renerus* iste, quo anteriorem alium non legimus.

#### II. RADULPHUS.

Anno 1179. interfuit *Radulphus* Sebastenus episcopus concilio Lateranensi III. sub Alexandro III. cui & subscripsit. *Tom. 12. Spicil. Dacher. pag. 643.* & apud Willelmum Tyrium, *lib. 21. cap. 26.*

#### III. JACOBUS.

#### IV. \* \* \*

De duobus illis episcopis Sebastenis Ord. Præd. hæc nos docet Fontana *Theat. Dom. pag. 292. tit. 539.* « Fr. Jacobus de Mileto » M m m m iij



» Sebastensis ecclesiæ episcopus suffectus est, A  
» qui quum gregem sibi commissum per sa-  
» lutis semitam dirigere curaret, ab Alexandro  
» Papa IV. ad Millevitanam translatus est anno  
» 1259. alio fratre *Dominicano* Sebastensi epi-  
» scopo in ejus locum creato, prout habetur  
» in bulla hujusmodi translationis existentis in  
» archivo regii conventus S. Dominici de Nea-  
poli nobis insinuata.»

#### V. CHRISTOPHORUS.

*Christophorus Minii de Tolomæis*, Senensis  
Ordinis Prædic. ex Provinciali Romano à B  
Roberto rege Neapolitano capellanus major  
eligitur anno 1313. deinde Sebastenus epi-  
scopus renuntiatur. Ita Fontana *Theat. Dom.*  
*pag. 293. tit. 539. num. 2.* ex Ugurgerio in  
Pompa Senensi, *tit. 6.*

#### VI. EVERHARDUS.

*Everhardus de Westerheym* seu *Westrum* in  
Westphalia, Ord. Præd. episcopus Sebastenus,  
& vicarius ecclesiæ Colonienfis, obiit anno

1392. & sepultus est Colonia in ecclesia  
S. Crucis FF. Præd. ubi hoc ejus epitaphium  
extat. *Anno Domini MCCCCLXXXII.*  
*die III. mensis Maii dominus Fr. Everhardus*  
*de Westerheym episcopus ecclesiæ Sebastiensis*  
*Ordinis FF. Præd. Anima ejus requiescat in*  
*pace. Amen.*

#### VII. MATTHÆUS.

#### VIII. BERTRANDUS.

Waddingus, *tom. 4. annalium Minor.* ad  
annum 1400. *n. 3. pag. 368.* scribit ecclesiæ  
Samaritanæ vacanti per obitum *Matthæi*,  
præfectum esse à Bonifacio IX. *Fr. Bertran-*  
*dum de Pagiis*, Minoritam, die 16. Maii.

#### IX. ANDREAS.

Ex eodem Waddingo, *tom. 5. ad annum*  
*1403. num. 5. p. 10.* *Andreas* archiepiscopo  
Spalatenfi in Dalmatia ad ecclesiam Samari-  
tanam translato suffectus est in sede Spala-  
tensi *Fr. Peregrinus de Aragonia*, Ordinis  
Minor. die 18. Aprilis.

### III. ECCLESIA JOPPE.

QUAMVIS Jacobus de Vitriaco supra recitatus, *coll. 1241. 1242.* Joppensem ecclesiam  
inter illas non recenseat, quæ proprio episcopo Latini ritus donata fuerit, aliquot  
tamen ejus præfules occurrerunt illo scriptore posteriores. « *Joppe* autem, ex Mich. Anton.  
» Baudrand, *tom. 1. geogr. pag. 527. col. 1.* urbs (primæ) Palæstinæ est, olim episcopalis sub  
» archiepiscopo Cæsariensi... nunc *Jafa* dicta. Excisa fuerat à Salahadino, & postea reparata  
» est à S. Ludovico rege Francorum anno 1252.... Nunc satis inhabitatur, præsertim versus  
» portum.... (à) mercatoribus & peregrinis, qui ex Europa Hierosolymam tendunt, teste  
» Michaeli Nau S. J. qui illas partes lustravit. 35. milliaribus distat à Cæsarea in austrum,  
» Ascalonem versus 47. à Lydda autem 6. in occasum, & ab Hierosolymis recedens circiter  
24. teste Adrichonio.» Vide supra *coll. 625. 626.*

#### EPISCOPI JOPPE.

##### I. GUIDO.

JOPPEN occupaverunt Christiani anno  
1100. adhuc vivente Godefrido primo Hie-  
rosolymorum rege, ex Alberto Aquensi,  
*lib. 7. cap. 12.* in volumine dicto *Gesta Dei*  
*per Francos*, *pag. 297. lin. XI.* sed nullum ei  
præfectum episcopum reperi ante *Guidonem*,  
quem mortuum anno 1253. scribit conti-  
nuator Gallus historiæ Willelmi Tyrensis, D  
*tom. 5. vet. Script. & Monum. ampl. collect.*  
*col. 735. B. num. 3.* « A. MCCLIII....  
» morûrent li rois Henry de Chipre, & l'E-  
vesque de Jaffe Gui de Nimars.» Nihil aliud  
mihi de eo notum est.

##### II. \* \* \*

Sedebat anno 1273. quidam episcopus Jop-

Cpensis, cujus meminit, tacito nomine, præ-  
fatus continuator Gallus, *ibid. col. 747. A.*  
*n. 19.* his verbis. « En l'an de MCCLXXIII.  
&c. alèrent au concile au Lion por Sire «  
Hugues de Liseignen roy de Chipre, & por «  
Chrestienté de la mer messages l'Arceuesque «  
de Sur, l'Eueque de Jaffe, &c.»

##### III. JOANNES.

Anno 1365. Leodii in natali Domini  
missam tertiam majorem solemniter cele-  
bravit Joannes de S. Martino, Ord. Carmel.  
episcopus Joppensis & suffraganeus ecclesiæ  
Leodienfis. Ita chronicon Cornelii Zantfliet  
ad annum 1365. *tom. 5. præfato vet. Script.*  
*&c. col. 286.* D. Hunc obiisse anno 1374.  
die 23. Decemb. refert Daniel à V. M. *10. 2.*  
*Spec. Carmel. pag. 237. num. 3285.*



## IV.

## E C C L E S I A S A B Æ.

**L**ocus iste mihi solum innotescit ex continuatore Gallo historiæ Willelmi Tyrensis, qui *lib. 23. num. 5.* meminit *episcopi* ejus, quem non nominat, hanc vero civitatem Sabam ait duobus milliaribus distare à Neapoli *Naplouse*, quæ erat sub Cæsarea metropoli. Marinus Sanuto Torcellus, *lib. 3. Secret. Fidel. S. Crucis, part. 7. c. 1.* ad calcem voluminis, cujus titulus *Gesta Dei per Francos*, p. 174. lin. 40. scribit *episcopum Sabadoit*, inter cæteros Palæstinæ præfules ac principes, suppeditasse ad bellum sacrum de armigeris *centum viros*.

## E P I S C O P I S A B Æ.

\* \* \*

**C**ontinator Gallus modo memoratus, *tom. 5. vet. Script. & Monum. amplif. collect. coll. 599. C. & 600. A.* narrat Belianum d' Ibelin, anno 1190. die 1. Maii, qua magna Christianorum strages contigit, egressum Neapoli de nocte, venisse ad civitatem appellatam *Sabat*, inde 2. milliar. distantem, ejusque *episcopum* adhuc in lecto quiescentem excitasse, ut missam posset audire, priusquam

A ulterius progrediretur. « Or vous dirons de Beleen qui a Naples estoit remes.... Quant il ot erré deux milles, il vint a une cité qui a nom le Sabat.... Il torna a la maison de l'Euesque, si le fit leuer, & parlerent tant ensemble que la guette corna le jor. Lors fit l'Euesque reuestir un sien chapelain qui li chanta, &c. Lors allerent vers Nazareth, &c. Et saches que si Beleen ne fu torné au Sabat por oir Messe, il fu bien venu a point a la bataille, &c. »

## P R O V I N C I A P A L Æ S T I N Æ S E C U N D Æ

## S U B L A T I N I S.

## I.

## E C C L E S I A N A Z A R E T H

## M E T R O P O L I S.

**J**AM observavimus, *coll. 695. 696.* hujus *tom. III.* post subactam Latinorum armis Palæstinam initio sæculi XII. translatam esse ab ipsis ex urbe Scythopoli Palæstinæ secundæ metropoli, quæ tunc fere diruta erat, dignitatem archiepiscopalem in oppidum Nazareth sub Patriarcha Hierosolymitano. Hæc nunc etiam *Nazareth* nuncupatur, sed fere excisa est, & in pagum redacta, ac 7. milliar. distat à monte Thabor in occasum, paulo plus à Naim, 26. à Ptolemaide five Accone in meridiem, Hierosolymam versus 70. circiter. Porro post ejectos à Palæstina à Saracenis Latinos exeunte sæculo XIII. archiepiscopatus Nazarenus translatus fuit ad urbem *Barlettam* dicecesis Tranensis in Appulia, eique perpetuo unitus fuit episcopatus Montis-viridis. Hæc Michael Antonius Baudrand, *tom. 1. geogr. pag. 14. col. 1.* ex Ughello elucidanda, qui *tom. 1. Ital. sac. col. 1039. B. C. vet. edit.* scribit haud procul à Baruli five Barlettæ moenibus ecclesiam B. Mariæ de Nazareth in metropolim cum juribus & dignitate archiepiscopali erectam esse, successuque temporis, præter alias parochiales ecclesias quæ illi subjectæ fuerunt, duas etiam cathedrales ei conjunctas esse, Canensem scilicet anno 1455. & Montis-viridis anno 1534. hanc vero ecclesiam Nazarenam, quum bellorum injuriis æquata solo esset, jussu SS. Papæ Pii V. intra oppidum Barlettam in abbatali ecclesia S. Bartholomæi cum juribus, privilegiis, ac S. Mariæ Nazarenæ titulo constitutam esse. Cæterum Nazareth civitati Palæstinæ sub regibus Hierosolymitanis unicus duntaxat suffraganeus episcopus assignatus est, urbis videlicet Tiberiadensis, utpote quæ tunc sola staret ex iis omnibus quæ olim archiepiscopo Scythopolis morem gerebant.





## ARCHIEPISCOPI NAZARENI.

## I. BERNARDUS.

**B**ERNARDUS primus est qui occurrat Nazarenæ ecclesiæ præful, utpote qui concilio Neapoli in regione Samariæ à Gormundo Patriarcha Hierosolymorum coactæ interfuerit an. 1120. & Accone subscripserit anno 1123. pactis conventis Venetos inter & principes regni Hierosolymitani, ex Wilhelmo Tyrio, *lib. 12. hist. capp. 13. & 25.*

## II. WILLELMUS.

Anno 1129. *Willelmus* sedebat archiepiscopus Nazarenus, qui eo anno testis fuit cujusdam donationis à Wilhelmo Tyrensi præfule factæ ecclesiæ sancti Sepulchri. Ita Ughellus, *10. 7. Ital. sac. col. 1039. n. 2. C.* Obiit circa annum 1138.

## III. ROBERTUS.

*Robertus electus archiepiscopus Nazarenus* præfens adlitit anno 1138. donationi à Fulcone rege Hierosolymorum factæ Petro Priori sancti Sepulchri. Hunc anno 1142. Balduinus III. suæ in Bosram Arabiæ urbem expeditionis socium assumpsit, ubi crucis Dominicæ, quam Robertus gerebat, virtutem experti sunt Infideles. Idem præful subscripsit anno 1144. chartæ qua Balduinus rex abbatiæ S. Lazari in Bethania crectionem ratam habebat. Acconensi quoque conventui interfuit anno 1147. Obiit tandem circa annum 1151. Vide *Willelmum Tyrium, lib. 16. cap. XI. & lib. 17. cap. 1. & Ughellum supra laudatum, num. 3. col. 1039. D. & col. 1040. A. vet. edit.*

## IV. ROBERTUS II.

Roberto successit *Robertus* alter, qui nempe jam *electus* adfuit anno 1151. ex eodem Ughello, *num. 4. col. 1040. B.* testis donationis nonnullorum bonorum quibus regina Milisendis, Fulconis Hierosolymorum regis vidua, abbatiæ S. Lazari in Bethaniam ditabat. Idem in castris Christianorum versabatur anno 1152. quo cœpit obsidione cingi ab illis Ascalon civitas. Ex præfato Wilhelmo Tyrio, *lib. 17. cap. 21.*

## V. AITARDUS sive ATTARDUS.

Anno 1155. die 24. Jan. *Aitardus* archiepiscopus Nazarenus testis similiter fuit concessionis cujusdam factæ ab Hugone de Hibelino & Hermengarde sorore ejus, ecclesiæ S. Sepulchri, ex Ughello supra citato, *num. 5. col. 1040. B. C.* Obiit anno 1158. Constantinopoli, quo miserat ipsum Balduinus III.

**A** Hierosolymorum rex, ut sibi uxorem à Manuele Imperatore postularet. Ejus vero corpus ad ecclesiam Nazarenam relatum est, ibique honorifice sepultum, ut refert *Willelmus Tyrius, lib. 18. capp. 16. & 22.*

VI. LOTARDUS sive LETARDUS  
aut LEOTARDUS.

*Letardus* ex Priore canonicorum Ordinis Præmonstratensis, qui tunc Nazarenæ ecclesiæ cathedrali inserviebant, electus est an. 1158. ejusdem ecclesiæ archiepiscopus: de cujus promotione sic loquitur *Willelmus Tyr. lib. 18. cap. 22.* «... successit dominus *Letardus*, ejusdem ecclesiæ Prior, vir mansuetus, admodum affabilis, & benignus, qui hodie (quum hæc scribebat) etiam eidem præest ecclesiæ, vicissimum tertium habens in pontificatu annum.» Is anno 1170. subscripsit in hunc modum *L. Nazarenus archiep.* chartæ *Willelmi Acconensis episcopi*, pro construendo cœnobio Ordinis Cluniacensis, in libro cui titulus, *Bibliotheca Cluniacens. edit. Paris. 1614. col. 1432. B.* Ejusdem quoque *Letardi* fuisse epistola videtur, quæ extat CCC. inter epistolas *Alexandri III. Papæ, tom. 2. vet. Script. & Monum. ampliss. collect. col. 864.* cujus epistolæ titulus est: *L. archiepiscopi Nazareni ad Henricum archiepiscopum Remensem* (qua) *commendat ei Willelmum canonicum ecclesiæ suæ* (Nazarenæ, hujus epistolæ latorem.) Deest quidem epocha temporis, sed *Henricus* ille præfuit ecclesiæ Remensi ab anno 1162. ad annum 1175. quo obiit die 13. Novemb. *Letardus* etiam reperitur inscriptus monumento cuidam *Guarini abbatis de monte Thabor*, in gratiam ecclesiæ S. Sepulchri Hierosolymitani Prioris & canonicorum anno 1175. ex Ughello, *tom. 7. Ital. Sac. col. 1040. num. 6. C.* qui & subdit illum quoque anno 1187. die 17. Octob. Indict. VI. testem fuisse donationis factæ Pisanis populis à Comite Tyrensi *Conrado*, cujus instrumentum ipse exhibuit, *tom. 3. Ital. sac. in Pisanis archiepiscopis, col. 487. C.* Decessit tandem an. 1190. nam *Rogerus de Hoveden, part. poster. suorum annal. p. 685. edit. Francof. 1601.* inter Magnates qui in obsidione urbis Acconis à Christianis facta obierunt anno 1190. recenset *archiepiscopum de Nazareth.*

## VII. \* \* \*

*Innocentius III.* initio sui pontificatus, & probabiliter ipso anno 1198. quo electus est, de quodam archiepiscopo Nazareno mentionem facit, in epistola sua 73. lib. 1. qua injungit



injungit Magistro & fratribus Hospitalis Hierosolymitani, ut ecclesiam de Nephin unâ cum decimis resignarent ecclesiæ Tripolitanæ eodem modo quo eas habuerat: *Antequam*, inquit, *per venerabilem fratrem nostrum Nazarenum archiepiscopum . . . occasione mandati prædecessoris nostri, prædictarum rerum possessio vobis adjudicata fuisset, &c. tom. 1. edit. Baluz. epistolar. hujus Pontificis, pag. 40. col. 1. Archiepiscopi Nazarenus etiam meminit in epistola 517. ejusdem lib. 1. Acconensi episcopo data Later. x. kal. Jan. (id est die 23. Decemb.) ibid. p. 297. col. 1. Anno, ut videtur, sequenti scilicet 1199. vi. Idus (id est die 8.) Febr. epistolam scripsit idem Papa, quæ est 567. lib. 1. ibid. p. 324. col. 2. præfatis magistro & fratribus hospitalis Hierosolymitani, qua ipsos jubet causam suam contra fratres militiæ Templi non vi, sed jure proseguere. In ea autem epistola hæc habet, pag. 325. col. 2. «Quod si forte noluerint, venerabilibus nostris Patriarchæ Antiocheno, archiepiscopo Nazareno, & Valenienensi episcopo dedimus in mandatis, ut eos ad præstandum hujusmodi juramentum per censuram ecclesiasticam appellatione remota compellant, nec liceat partibus ab iis ante sententiam appellare, &c.» Demum idem Innocentius in epistola sua 273. lib. 11. ibid. p. 520. col. 2. Tyrensi archiepiscopo & episcopo Sydonienensi directâ, qua illos committit finem imposituros causæ jamdudum pendenti inter ecclesiam Tripolitana & Hospitalarios, ait, pag. 521. col. 1. «...de fratribus nostrorum consilio Tripolitana ecclesia in eum statum possessionis decrevimus integrè reducendam, quam ante habuerat, quam per venerabilem fratrem nostrum Nazarenum archiepiscopum, &c. præmissarum rerum possessio ipsis Hospitalariis adjudicata fuisset, &c.»*

## VIII. \* \* \*

Anno 1213. sedebat archiepiscopus Nazarenus, ejus quem modo memoravimus fortassis successor, quem, ut & plures alios in Oriente præfules, Innocentius III. litteris encyclicis datis Laterani XIII. kal. Maii anno pontificatus XVI. (id est die 19. Aprilis anni præfati) ad concilium Lateranense anno 1215. celebrandum invitavit. In eodem modo archiepiscopo & episcopis per Nazarensem (provinciam constitutis.) Tom. XI. conc. Labb. part. 1. col. 126. D.

## IX. N.

Apud Matthæum Paris, edit. Paris. 1644. pag. 223. G. & 224. A. extat epistola Gregorii IX. Papæ, data Later. x. kal. Januarii anno 1. (id est die 23. Decemb. anno 1227. Tomus III.

A in qua ipse aliam epistolam profert ad se scriptam per N. archiepiscopum Nazarensem, & alios quosdam præfules, de calamitatibus quas in Palæstina Christiani perpetiebantur. «Gregorius episcopus, servus servorum Dei, omnibus Christi fidelibus salutem. Noverit universitas vestra nos de partibus transmarinis sub hac forma litteras suscepisse: G. miseratione divina Patriarcha Hierosolymitanus, humilis & indignus apostolicæ sedis legatus. P. Cæsariensis, N. Nazarenus, & N. Narbonensis archiepiscopi. P. Wintoniensis & W. Exoniensis episcopi, &c.» Fortassis Nicolaus appellabatur Nazarenus iste archiepiscopus.

## X. \* \* \* fortassis HENRICUS I.

Raynaldus, to. 13. annal. ad annum 1236. n. 25. observat discordiam inter Fridericum Imperatorem & cives Acconenses aliosque Christianos regni Hierosolymitani, Gregorii IX. opera ex æquo & bono extinctam esse, ut pontificiæ litteræ ad archiepiscopum Nazarensem, episcopum Acconensem, ad Fridericum ipsum, &c. exaratae demonstrabant. Porro archiepiscopus iste Nazarenus, alius esse potuit à præcedente, quod certum si ille fuit cujus nomen à littera H. incipiebat, in epistola Prælatorum & Baronum Terræ-Sanctæ ad Theobaldum regem Navarræ scripta circa annum 1239. tom. 1. thes. anecdotor. col. 1012. C. D. principium quippe ejus est: «Nobilibus viris, &c. E. miseratione divina Nicosiensis domini Patriarchæ Hierosolymitani vicarius, & H. Dei gratia Nazarenus archiepiscopi, & R. Acconitidis, & R. Lyddensis episcopi, &c. Datum Accone pridie Nonas (id est die 6.) Octobris.»

Is autem probabiliter fuit Henricus qui Accone an. 1233. die 25. Novemb. scripsit una cum Roberto Patriarcha Hierosolymitano, aliisque præsulibus Palæstinæ, de claudibus Terræ-Sanctæ illatis à Saracenis: in cujus epistolæ titulo inter cæteros, post Patriarcham, Henricus archiepiscopus Nazarenus. Apud Matthæum Paris ad eum annum, pag. 427. col. 1. D.

## XI. HENRICUS II.

Ughellus, tom. VII. Italia sacra col. 1041. A. vet. edit. profert diploma Clementis IV. Papæ, datum Viterbii die 7. Maii, pontificatus illius anno 1. Christi 1265. quo episcopum Nazarenum eo privilegio ornabat ut ante ipsum ubique terrarum crux gestaretur. Hunc autem admodum probabile est fuisse Henricum archiepiscopum Nazarenum, qui diem clausit extremum anno 1268. ex continuatore Gallo hist. Willelmi Tyrii, tom. 5. vet. Script. & Monum. ampl. collect. col. 743. C.

N n n n



ad eum annum. « Baudocdar Soudan de A 11. mensis Junii in festo S. Barnabæ, conse-  
» Babilone, &c. ala en Antioche, & la prit crata fuit ista ecclesia, &c. per venerabiles  
» fans nulle défense à 27. jor de May, &c. & Patres Petrum archiepiscopum Nazaretanum,  
» morut Henry archeuesque de Nazareth, &c. » Salionem episcopum Adriensem, &c.

Unde ab Henrico præcedenti videtur fuisse  
diversus.

## XII. \* \* \*

Anno 1272. die 24. Octob. Gregorius X.  
archiepiscopo Nazareno, & Bethleemitano, ac  
Pancadenfi episcopis mandavit, ut de juri-  
bus Hugonis Lusiniæ regis Cypri, & Ma-  
riæ Boemundi principis Antiocheni filiae,  
ad titulum coronæ Hierosolymitanæ inquir-  
rent. Epistolam Papæ exhibet Raynaldus,  
tom. 14. ad eum annum, num. 19.

## XIII. YVO sive GUIDO.

Ughellus, tom. 7. Ital. sac. col. 1043. n. 9.  
A. vet. edit. de eo præfule ait: « Guido Naza-  
» renus archiepiscopus, defunctus est anno  
1298. » Et to. 9. in Append. col. 1038. sub  
titulo Nazareni: « Guido, Ord. Præd. ab Af-  
» canio Senensi vocatur Fr. Yvo, Gallus; sed  
» in Regesto Vaticano Guido legitur, defunc-  
tus anno 1298. (1298.) » R. P. Bremond,  
tom. 2. Bullar. p. 35. ad annum 1290. eum  
dicit Yvonem vel Guidonem, Gallum, & citat  
Bernardum Guidonis in episcopis provinciæ  
Terræ-Sanctæ Ord. Præd. Fontana quoque  
ejus meminit, Theat. Dom. p. 88. tit. 66. eum  
aiens ad Nazarenam sedem assumptum esse  
circa annum 1290. illoque elogio honestari  
à Taëgio, in monumentis Ordinis Prædic.  
Fr. Yvo, Gallus, de provincia Provinciæ, vir  
apprime eruditus, & fama præclarus, factus  
est archiepiscopus de Nazareth in provincia  
Terræ-Sanctæ per provisionem D. Patriarchæ  
Hierosolymitani.

## XIV. GUILLELMUS II.

Idem Ughellus, tom. 7. laudato, num. 10.  
A. subdit de isto Guillelmo: « Guillelmus de  
» S. Joanne, Hierosolymitani Templi miles,  
» à Nicolao IV. (dicendum potius à Bonifa-  
» cio VIII.) in mortui Guidonis locum archi-  
» episcopus Nazarenus electus anno 1298.  
» kal. (id est die 1.) Jun. pontif. I. (Fuit IV.  
» nam Bonifacius VIII. cathedram S. Petri  
» conscendit anno 1294. die 24. Decemb.)  
Ex Reg. Vatic. epist. 84. fol. 21. »

## XV. PETRUS I.

Petrus archiepiscopus Nazarenus erat anno  
1326. ex tabula marmorea apposita sub por-  
ticu extra urbem S. Laurentii urbis Patavinæ,  
in qua tabula extat, teste præfato Ughello,  
ibid. num. XI. B. MCCCXXVI. Indict. IX.

## XVI. PETRUS II.

Petro successit anno 1330. Petrus alter,  
Ordinis Prædic. vir egregia virtute illustris,  
inquit idem Ughellus, ibid. n. 12. D. (qui)  
laudabiliter per annos 15. Nazarenam eccle-  
siam rexit, (&) obiit anno 1345. ex Regesto  
Vaticano.

## XVII. DURANDUS.

## XVIII. RICHARDUS.

## XIX. GUILLELMUS III.

## XX. JOANNES I.

## XXI. JOANNES II.

Hos præfules, vix ulla spe potitos Naza-  
renam suam ecclesiam in Palæstina unquam  
adeundi, breviter expedio.

Durandus de Scrimino, Carmelita, à Cle-  
mente VI. renuntiatus est anno 1345. die XI.  
Maii, ex Regest. Vatic. epist. 895. fol. 57.  
anno III. Obiit autem Vassone anno 1348.  
Idem Ughellus, tom. 7. col. 1043. n. 13. D.

Richardus, Ordinis Min. ad Nazarenam  
sedem promotus est VI. idus (id est die X.)  
Octob. juxta Ughellum, ibid. num. 14. ex  
Reg. Var. epist. 203. Clementis VI. fol. 95.  
anno VII. Waddingus tamen, tom. 3. ad an-  
num 1348. n. 9. p. 559. de ea promotione  
citatur diploma In Eminentia, datum VI. idus  
(id est die 8.) Decemb. illudque exhibet in  
Regesto Pontif. ibid. pp. 374. & 375.

Guillelmus Belvaysius, ejusdem Ord. Min.  
huic sedi præfuit anno 1366. die 28. Jan.  
post obitum Richardi, ex Ughello laudato,  
n. 15. B. qui addit hunc Guillelmum trans-  
latum esse ad ecclesiam Turritanam anno  
1368. Ejus quoque meminit Waddingus,  
tom. 14. ad annum 1366. n. 18. p. 117.

Joannes Salamonius, Ord. Præd. creatus  
est ab Urbano V. anno 1368. die 29. Octob.  
Obiit vero circa annum 1388. ex Fontana  
Theat. Dom. pag. 88. tit. 66. num. 3.

Demum Joannes de Urbe à Bonifacio IX.  
electus fuit anno 1390. die 15. Febr. ex lib.  
Obligat. & postea translatus die 9. Februarii  
anni 1400. ad ecclesiam Æginensem sub me-  
tropoli Atheniensi, ubi eum memoravimus  
supra, col. 870. C. Ita etiam Ughellus, to. 7.  
citato, n. 17. B. Cæteros posteriores mitto,  
de quibus idem Ughellus, ibid.



## II. ECCLESIA TIBERIADIS.

**T**IBERIAS urbs est Palæstinæ in Galilæa, episcopalis sub archiepiscopo Nazareno, nunc *Tabarie* dicitur ab incolis, teste Nigro, & *Tiberiade* Europæis, sed parva admodum, semi-diruta, & à paucis inhabitata propter frequentes Arabum incursiones; castro antiquo munitur in ora occidentali maris Galilææ, seu lacus ab ea dicti *Tiberiadis*. Distat autem 30. milliar. à Nazareth in ortum, & 5. à Jotapata, ad radices montis. Ita Mich. Baudrand, *tom. 2. geogr. pag. 314. col. 2.* Vide quæ de ea urbe supra dicta sunt in isto tomo 3. coll. 705. 706.

Porro urbs illa in potestatem Christianorum venit anno 1099. aut 1100. vivente adhuc Godefrido primo Hierosolymorum rege, à quo Tankradus illius regimen obtinuit. Sic enim legitur apud Albertum Aquisensem, *lib. 7. hist. cap. XVI.* in volumine dicto *Gesta Dei per Francos*, p. 298. lin. 36. «Arx autem hæc Tabaria sita est juxta locum quem appellant mare Tiberiadis, duo milliaria habens in longitudine, & duo in latitudine. Hanc à Duce christianissimo subjugatam cum præsidio restructo Tankradus obtinuit in beneficio, eo quod gratiam in oculis ipsius invenerit, in officio militari probus, & quia adversariis Christianorum indeficiens ad resistendum videretur.» Ei præfectus est etiam episcopus Latinus sæculo duodecimo.

## E P I S C O P I T I B E R I A D I S.

## Ugo. I. HERBERTUS.

**D**iplomati cuidam Balduini I. Hierosolymorum regis, quod refert Ughellus, *tom. 4. Italiae sacrae veteris edit. col. 1168.* B. dato anno 1109. in gratiam ecclesiæ cathedralis S. Laurentii Januensium, subscripsit *Hugo de Tabaria*, hujus loci fortassis episcopus.

Willelmus Tyrius, *lib. 18. hist. c. 6.* refert *Herbertum* episcopum Tiberiadensem Gormundo Patriarchæ Hierosolymitano eunti ad curiam Romanam socium se itineris, cum pluribus aliis præsulibus, præbuisse anno circiter 1155. aut 1156.

## II. R.

Anno 1170. quidam *R. episcopus Tiberiadis* subscripsit chartæ confectæ à Wilhelmo Acconensi episcopo pro construendo cœnobio Ordinis Cluniacensis in ipsius parochia. Hanc legere est in libro dicto *Bibliotheca Ord. Cluniac. edit. Paris. 1614. col. 1432.* B.

## III. \* \* \*

Rogerus de Hoveden, scriptor Anglus, *part. poster. suorum annal. pag. 685. editionis Francofurti 1601.* inter magnates Accone defunctos anno 1190. dum eam obsideret Salahadinus, recenset *episcopum de Tabaria*, quo nomine frequenter urbem Tiberiadem appellant belli sacri scriptores.

## IV. \* \* \*

## V. \* \* \*

Innocentius III. in epistola 257. lib. II. *10. 1. edit. Baluz. pag. 508. col. 1.* Patriarchæ Hierosolymitano, & Tyrensi archiepiscopo, *Tomus III.*

A & Aconensi episcopo, data Later. XVIII. kal.

Januar. (id est die 15. Decembris) anni, ut videtur, 1199. mentionem facit de *episcopo Tiberiadensi*, qui pecuniæ summam aliaque bona deposuerat apud Magistrum & Fratres quosdam militiæ Templi, quæ *episcopus* alter *Tiberiadensis* hujus successor ab illis tunc repetebat. Prior duorum illorum præsulum Tiberiadensium is fortasse erat qui mortem oppetiit Accone anno 1190. Si autem alius fuerit, utriusque hic meminimus.

At posterior esse ille potuit, ad quem ejusdem Innocentii extat epistola, *ibidem pag. 604. col. 2.* quæ etiam Juri canonico inserta est, *cap. VIII. de Divort.* Quum enim Tiberiadensis ille episcopus ab ipso quæsiisset, utrum Pagani qui ad fidem christianam multi conversi fuerant, deberent ab uxoribus in secundo, tertio, vel ulteriore gradu sibi antea conjunctis separari, in ea epistola respondet: «Quod quum Sacramentum conjugii apud Infideles existat, quemadmodum ostendit Apostolus, dicens: «*Si quis frater infidelem habet uxorem, & hæc consentit habitare cum illo, non dimittat illam;*» & in præmissis gradibus à Paganis quoad eos licite sit contractum, qui in constitutionibus canonicis non arctantur, (Quid enim ad nos, secundum eundem Apostolum, de his qui foris sunt, judicari!) in favorem præsertim christianæ religionis & fidei, à cujus perceptione per uxores deferri se timentes viri possent facile revocari, fideles hujusmodi matrimonialiter copulati libere possunt & licite remanere conjuncti, quum per Sacramentum baptismi non solvantur conjugia, sed crimina dimittantur.» Addit Pontifex,

N n n n ij



ECCLESIA  
TIBERIADIS.

licet de hoc ab illo episcopo non fuisset re-  
 quisitus: « Et quoniam Pagani circa plures  
 » insimul scēminas affectum dividunt conjuga-  
 » lem; utrum post conversionem omnes, vel  
 » quam ex omnibus retinere valeant, non im-  
 » merito dubitatur. Quia vero tam Patriarchæ  
 » quam alii viri iusti ante legem pariter & post  
 » legem multas uxores insimul habuisse legun-  
 » tur, nec contrarium apparet in evangelio vel  
 » lege præceptum; neque Pagani subjiciuntur  
 » institutis canonicis post inventis, quemad-  
 » modum est præmissum, videtur (id est *videri*  
*posset*: nam objectio est quam ipse postea di-  
 » luit) quod & nunc juxta ritum suum licite  
 » contrahant cum diversis, quorum conjunc-  
 » tiones legitimas unda sacri baptismatis non  
 » dissolvit, & ita Patriarcharum exemplo, ad  
 » fidem Christi Pagani conversi conjugiorum  
 » pluralitate gaudebunt. Verum absonum hoc  
 » videtur & inimicum fidei christianæ, quum  
 » ab initio una costa in unam scēminam sit  
 » conversa, & Scriptura divina testetur, quod  
 » *propter hoc relinquet homo patrem & matrem,*  
 » *& adhærebit uxori suæ; & erunt duo in carne*  
 » *una.* Non dicit, *tres*, vel *plures*, sed *duo*. Nec  
 » dicit, *adhærebit uxoribus*, sed *uxori*. Unde  
 » Lamech qui plures simul uxores legitur ha-  
 » buisse, reprehenditur in Scripturis eo quod  
 » ipse primus reprobendam bigamiæ speciem  
 » introduxit. Licet autem de hujusmodi non  
 » quæsieris, volentes tamen tam te quam alios  
 » super his etiam reddere certiores, & quod  
 » veritas prævaleat falsitati, sine dubitatione  
 » qualibet protestamur quod nulli unquam li-  
 » cuit plures insimul uxores habere, nisi cui  
 » divina fuit revelatione concessum, quæ mos  
 » quandoque interdum etiam fas censetur, per  
 » quam sicut Jacob à mendacio, Israëlita à  
 » furto, & Sanson ab homicidio, sic & isti  
 » ab adulterio excusantur. Sane juridica hæc  
 » sententia probatur etiam testimonio veritatis  
 » in evangelio protestantis: *Quicumque dimi-*  
 » *serit uxorem suam nisi ob fornicationem, &*  
 » *aliam duxerit, mœchatur.* Sic ergo uxore  
 » dimissa, duci alia de jure non potest. For-  
 » tius etiam ipsa retenta. Per quod evidenter  
 » apparet pluralitatem in utroque sexu, quum  
 » non ad imparia judicentur, circa matrimo-  
 » nium reprobendam. Cæterum prolem de  
 » hujusmodi conjunctionibus natam, quæ  
 » secundum opinionem eorum matrimoniali  
 » contrahuntur affectu, post fidem receptam,  
 » utilitate publica suadente, legitimam volu-  
 » mus reputari. Qui vero secundum ritum  
 » suum legitimam repudiavit uxorem, quum

Gen. 2.

24.

Math.

19. 5.

Math.

19. 9.

A tale repudium Veritas in evangelio repro-  
 baverit, nunquam, ea vivente, aliam licite  
 poterit, etiam ad fidem Christi conversus,  
 habere, nisi post conversionem ipsius illa re-  
 nuat habitare cum ipso, aut etiam si con-  
 sentiat, non tamen absque contumelia Crea-  
 toris, vel ut eum pertrahat ad mortale pec-  
 catum, in quo casu restitutionem petenti,  
 quamvis de injusta spoliatione constaret, res-  
 titutio negaretur; quia secundum Apostolum  
*frater aut soror non est in hujusmodi servitute*  
*subjectus.* Quod si conversum ad fidem &  
 illa conversa sequatur, antequam propter  
 causas prædictas legitimam ille ducat uxo-  
 rem, eam recipere compelletur. Et quamvis  
 secundum evangelicam veritatem, *qui du-*  
*xerit dimissam mœchetur*, non tamen dimissor  
 poterit opponere fornicationem dimissæ, pro  
 eo quod nupserit alii post repudium, nisi  
 aliàs fuerit fornicata. Extractum istud tran-  
 scripsi ob ejus utilitatem.

1. Cor.  
7. 15.Math.  
19. 9.

## VI. \* \* \*

Idem Innocentius III. litteris suis ency-  
 clicis datis die 19. April. anni 1213. *episcopum*  
*Tiberiadsensem*, utpote unicum ecclesiæ Na-  
 zarenæ suffraganeum, ad concilium Latera-  
 nense vocavit anno 1215. celebrandum. *In*  
*eodem modo archiepiscopo & episcopis per Na-*  
*zarenam* (provinciam constitutis.) *Tom. XL.*  
*conc. Labb. part. 1. col. 126. D.*

## VII. EUSTORGIUS.

## VIII. GUILLELMUS I.

## IX. GUILLELMUS II.

Continuator Gallus hist. Willelmi Tyrri  
 ad annos 1273. & 1274. *tom. 5. vet. Script.*  
*& Monum. ampl. collect. col. 747. num. 19. B.*  
*& col. 748. num. 20. B.* scribit Eustorgio epi-  
 scopo Tabariæ mortuo successisse an. 1273.  
*Guillelmum de Salonica*, archidiaconum ec-  
 clesiæ S. Georgii Lyddæ, quem defunctum  
 anno sequenti excepit alter *Guillelmus* cogno-  
 mento *Pilosus*, cantor ecclesiæ S. Georgii  
 Lyddæ & cancellarius regni Armeniæ. *En*  
*l'an de MCCLXXIII. &c. & morut Estor-*  
*gue Euesque de Tabarie, & fu fait Euesque*  
*en son lieu Guillaume de Salonique Arcediacre*  
*de S. Jorge de Lidde. A. MCCLXXIV. &c.*  
*& morut Guillaume de Salonique Euesque de*  
*Tabarie, & fu fait en son lieu Guillaume li*  
*Velus Chantre de S. Jorge de Lidde & Chan-*  
*celier d'Ermenie.*





# PROVINCIA PALÆSTINÆ TERTIÆ

## SUB LATINIS.

### I. ECCLESIA PETRÆ METROPOLIS.


**P**ETRA urbs Arabiæ ab illa dictæ *Petræ*, olim Moabitarum regia, quæ ab ipsis *Rabath & Arraba*, id est, *Petra deserti* nuncupabatur, teste Holstenio: appellata etiam *Cyriacopolis & Krach*, versus confinia Palæstinæ, & prope torrentem Zareth. Ita Baudrand, *tom. 2. geogr. pag. 98. col. 2.* Vide quæ de ea jam supra observata sunt in hoc tomo 3. *coll. 721. 722.* Fuit sedes archiepiscopi Latini sub Patriarcha Hierosolymitano, dum Palæstina Latinis obtemperaret.

#### ARCHIEPISCOPI PETRÆ.

##### GUERRICUS.

**D**E promotione *Guerrici* primi *Petræ* præsulis Latini ritus hæc discimus ex Wilhelmo Tyrio, *lib. 20. hist. cap. 3.* « Eodem anno (1167.) nihil pene memoria dignum in regno (Hierosolymorum sub Amalrico rege) accidit, nisi quod circa quadragesimale tempus duæ ecclesiæ in regno, susceptis episcopis, ordinatæ sunt: quarum altera ab ingressu Latinorum (anno 1199.) in Terram Promissionis, Latinum non habuerat Pontificem; videlicet *Petracensis*, quæ ultra Jor-

danem in finibus Moab sita est, secundæ Arabiæ metropolis: altera vero, Ebronensis videlicet, &c. *Præficitur ergo Petracensi ecclesiæ, & secundæ Arabiæ metropolitanus efficitur dominus Guerricus, canonicus regularis in templo Domini.* » Idem *lib. 22. c. 5.* de Philippo loquens domino Arabiæ secundæ, ait: *Quæ est Petracensis, qui locus hodie vulgo Krach (nominatur.)* Qui fuerint *Guerrici* hujus successores hætenus non reperi, præter aliquot nudo hujus ecclesiæ titulo potitos, quos mitto.



### II. ECCLESIA MONTIS SINAI.

**S**INA, mons Arabiæ *Petræ* excelsus, qui *Sinæus* Justino, *Sinæus* Josepho, *le Mont Sinay* Gallis, *il Monte-Sina* Italis, & *d'Gibel Mousa* Turcis, id est *Mons Moysis*: dicitur etiam sæpius ab Europæis *Mons S. Catharinæ*, quod in eo corpus hujus sanctæ virginis & martyris conditum sit. Ad radices hujus montis extat monasterium, quod à pluribus sæculis episcopali dignitate insignitum fuit sub archiepiscopo *Petræ*. Vix 200. milliar. distat ab Hierosolymis in meridiem, & 300. à Pelusio in ortum hybernum, 60. vero à finu Arabico in ortum. Hæc Michael Antonius Baudrand, *tom. 2. geogr. pag. 239. col. 2.*

Porro non videtur huic unquam ecclesiæ præfectus Latini ritus antistes. Nam Jacobus de Vitriaco, *lib. 3. Hist. Orient. n. XI.* apud D. Edm. Martenne, *tom. 3. Thes. novi Anecdotes. edit. Paris. 1717. col. 277.* D. ait: *Archiepiscopum Petratensem nullum habere* (episcopum suffraganeum) *nisi Græcum in monte Sinai.* Item Marinus Sanutus Torsellus, *lib. 3. Secretor. fidel. crucis, part. VII. cap. 2.* ad calcem voluminis dicti *Gesta Dei per Francos, pag. 176. lin. 42.* « Quartus (archiepiscopatus sub Patriarcha Hierosolymitano) *Petracensis*, inquit, unum habens suffraganeum *episcopum Græcum in monte Sinai*, in ecclesia pretiosæ virginis *Katherinæ* monachis præsidentem. Distat autem mons *Sinai* à Jerusalem 12. dietis; à *Damiata* 8. Est autem *Petra* juxta urbem antiquissimam quæ dicitur *Rabath*, ante quam civitatem *Urias* occubuit, procurante *David.* » Attamen D. Abbas de Commanville, in *Serie sua Gallica episcopatum, edit. Rothomagensis 1700. pag. 163.* scribit, dum Latini versarentur in Palæstina, ab ipsis nominatum fuisse episcopum ejusdem ritus qui monti *Sinai* præficeretur sub archiepiscopo Latino *Petræ*. Verum nullus mihi occurrit hujusmodi episcopus Latinus.



## PROVINCIA ARABIÆ.

I. ECCLESIA BOSTRORUM  
METROPOLIS.

**B**OSTRA in neutro plurali, & etiam in singulari fœminino dicitur, & in veteribus notitiis assignatur metropolis Arabiæ: distat vero ab urbe Adraorum 24. milliar. Romanis, & adscribitur à nonnullis Trachonitidi regioni. Ita Hadrian. Reland. *tom. 2. Palæst. illustr. edit. Trajectens. Batavor. 1714. pag. 655.* Vide quæ de illa urbe dicta sunt, *tom. 2. præsentis operis, coll. 853. 854.* ubi recte observatur Philippum Imperatorem, qui in agro Bostrensi natus erat, locum illum in urbem erexisse suo nomine Philippopolim appellandam, subinde à Bostris ipsis diversam, reveraque tertiam positam sub Bostris in notitia: Quod animadvertit quoque adversus Scaligerum & Holstenium Cellarius, *to. 2. geogr. antiq. lib. 3. cap. 14. pag. 694.* Vide etiam supra in hoc tomo 3. *coll. 775. 776.* Caterum Latini ritus alium non inveni qui Bostris præfuerit, nisi fortassis sequentem.

## ARCHIEPISCOPI BOSTRORUM.

## DANIEL.

**E**X Raynaldo, *tom. 16. annal. ad annum 1346. n. 70.* «Propagandæ religionis ardore  
» permotus Clemens VI. præfecit nonnullis  
» inter infideles ecclesiis constitutis præfules,  
» inter quos duos Minoritas, *Danielem nimirum*  
» *Bosfraensem in Arabia majore* (fortassis *Bos-*  
» *traensem*) & Antonium de Alexandria Hie-  
» rapolitanum in Phrygia archiepiscopos crea-

A vit.» Idem asserit de isto Daniele Waddingus, *tom. 3. ad hunc annum, num. 10. pag. 539.* qui etiam diploma *In supremæ dignitatis*, ea de re datum die 29. Jul. exhibet, *ibid. in Reg. Pontif. pag. 345.* illamque ecclesiam tunc ditionis fuisse Patriarchæ Antiocheni innuit, subjungens: *In eundem modum Patriarchæ Antiocheno scriptum, Geraldo scilicet anno 1342. promot.*

## II. ECCLESIA CHRYSOPOLIS sive CHRISTOPOLIS.

**C**HRYSOPOLIM urbem fuisse episcopalem Cœlesyriæ sub archiepiscopo Bostrensi, ex libris conciliorum scribit Mich. Anton. Baudrand, *tom. 1. geogr. pag. 268. col. 2.* In serie sedium patriarchatui Antiocheno subditarum, quæ extat ad calcem historiæ Wilhelmi Tyrii in volumine cujus titulus *Gesta Dei per Francos, edit. Hanoviæ 1611. pag. 1044. col. 2.* *Christopolis* legitur sub Bostro, loco 17. Vide *tom. 2. hujus operis, col. 867.*

## EPISCOPI CHRYSOPOLIS.

## I. CORRADUS sive CONRADUS.

**F.** *Corradus* sive *Conradus de Weefloria*, Ord. Præd. renunciatus est episcopus Chrysopolitanus in Arabia majore sub archiepiscopo Bostrensi anno 1297. die 29. Novemb. ex Regeſto Bonifacii VIII. & quibusdam Ughelli mss. quæ citat Fontana *Theat. Dom. pag. 167. tit. 171.* Ita R. P. Bremond, *to. 2. Bull. p. 74.* Is subinde alius fuit à *F. Conrado Linden de Weeflaria*, ejusdem Ordinis, creato episcopo *Christianopolitano* sub metropoli Coryntho à Bonifacio IX. anno 1396. die 29. Novembris, cujus supra meminimus in hoc *tom. 3. col. 905. A.* Distant enim ab invicem 100. annis duo illi præfules.

## II. MATTHÆUS.

Leo Allatius, *lib. 3. de consensu utriusque eccl. edit. Colon. 1648. c. 10. n. 3. col. 1059.* meminit cujusdam *Matthæi de Castro*, Chrysopolitani actu viventis, dum ipse scribebat. «Plura, inquit, possent dici de utraque India orientali & occidentali, necnon Armenia « septentrionali, in quas etiam sacra congregatio ex Capucinis, Minoritis Observantibus, « Dominicanis, Augustinianis, & clericis regularibus, quos Theatinos appellant, cum « archiepiscopo sub Myrensis titulo, viros « probos atque idoneos amandavit. (Sic) Francis « Antonius à S. Felice Goæ expectat « donec facultas facta fuerit Sinenses adeundi: « sic etiam *Matthæus de Castro Chrysopolitanus* « episcopus sedem fixit in regno Idalcam.»



## III. ECCLESIA DIONYSIENSIS.

**P**RÆTER Dionysiopolim in Mœsia inferiori, de cuius episcopis Latinis supra egimus, coll. 1121. 1122. alia extat *Dionysias* dicta in provincia secundæ Arabiæ sub Bostrensi metropoli & Patriarcha Hierosolymitano, cui præfectos reperi aliquot præfules Latini ritus.

## EPISCOPI DIONYSIENSES.

I. JOANNES I.

II. DOMINICUS.

**F.** *Joannes le Tellier*, Carmelita, electus est episcopus Dionysiensis titularis in VI. sede Arabiæ III. Nonas (id est die 5.) Maii anno 1441. ex Actis Consistorialibus Eugenii IV. Obiit anno 1449. Ita Daniel à V. M. tom. 2. *Specul. Carmel. pag. 396. num. 3280.*

Huic successit anno 1449. idib. (id est die 13.) Augusti *Fr. Dominicus Pulchrisili*, Ordinis Prædic. promovente Nicolao V. ex lib. Provis. Prælat. sub eo Pontifice. Fontana *Theat. Dom. pag. 186. tit. 224.*

III. JOANNES II.

IV. ARNOLDUS.

Waddingus, to. 6. ad annum 1465. n. 8.

*A p. 655.* scribit ecclesiæ Dionysiensi in Arabia sub Patriarcha Hierosolymorum vacanti per obitum *Joannis*, præpositum esse à Paulo II. eo anno die 4. Novemb. *Fr. Arnoldum de Rotensen*, Minoritam.

V. LUINUS.

VI. JOANNES III.

Ex Regestis Leonardi de Mansuetis Magistri generalis Ordinis Præd. discimus, teste supra laudato Fontana, *ibidem*, *Fr. Luinum Brunstorp*, Halberstadiensis conventus, & *Fr. Joannem Ermannum*, Dionysienses episcopos ad gratias & suffragia ejusdem Ordinis receptos; priorem quidem anno 1476. die 12. Jan. posteriorem vero anno 1478. die 22. Aprilis.

## PROVINCIA PHŒNICES.

II.

ECCLESIA TYRI  
METROPOLIS.

**D**IÆCESIS Orientis, sub Antiocheno Patriarcha, primaria metropolis olim fuit *Tyrus*, cuius Pontifex Πρωτόπριος Orientis dicebatur: Ea vero urbe Balduini II. regis Hierosolymorum anno 1124. ditionis facta, hæc cum suis juribus ad Palæstinam diœcesim transiit, quantumvis reluctaretur Antiochenus præsul: Quum enim utriusque Patriarchæ causa ad Innocentium II. Papam relata esset, ab ipso decretum est, quod, quia Paschalis II. Balduino I. concesserat quamcunque is subigeret urbem, hanc sedi Hierosolymitanæ fore obnoxiam, Tyrensis ecclesia cum sex suffraganeis, quibus tunc constabat, eandem conditionem fortiretur. Duplicem hujus Innocentii epistolam die 17. Januar. anno non expresse, scriptam, unam quidem episcopis *Tripolitano*, *Tortosano* sive *Antaradensi*, & *Byblitano*: alteram autem *Berytensi*, *Sydoniensi* & *Ptolomaidensi* sive *Acconensi*, quibus eos jubebat Tyrensi archiepiscopo suo metropolitano obedientiam præstare, refert Willhelmus Tyrius, lib. 14. hist. cap. 13. Verum paulo post civitatibus Tripolitana, Antaradensi, & Bybliensi, in principis Antiocheni potestatem devolutis, has suæ sedi subjecit Patriarcha Antiochenus. Cæterum ejectis Latinis ex omni Syria & Palæstina à Mohammedanis, Tyri metropolita Græcus Patriarchæ Antiocheno subditus denuo est cum omnibus suis suffraganeis. Vide to. 2. præsentis operis, coll. 801. 802. & hujus tomi 3. coll. 77. 78.

De Tyro hæc tradit Mich. Anton. Baudrand, tom. 2. geogr. pag. 350. col. 1. «*Tyrus*, urbs Syriæ, & Phœniciæ caput Straboni, Plinio, & aliis, in ora maris Syrii, olim clarissima, & insula, sed ab Alexandro Magno expugnata, & continenti aggeribus juncta, ut Quintus « Curtius scribit. Olim *Sarra* dicta, teste Festo, & ab Agenore Phœnicum rege condita: « nunc *Sur* incolis & Italis, & *Sour* Gallis. Ampla fuit, & munita in saxo undique prærupto, « cum portu capaci & tuto, & pro majori parte à mari circumdatur. Capta fuerat à Francis «



ECCLESIA  
TYRI.

» anno 1124. post 5. mensium obsidionem, sed postea Christianis erepta fuit anno 1291. &  
» nunc in ruinis jacet cum 15. domibus tantum & castro antiquo, inter Sidonem ad septen-  
» trionem, & Ptolomaidem ad meridiem. Ejus archiepiscopo suffragabantur (olim) 14. urbes  
» episcopales sub Patriarcha Antiocheno; nempe *Porphiria, Ptolemais, Cæsarea Philippi* five  
» *Paneas, Sarepta, Sidon, Berytus, Byblus, Botrus, Tripolis, Artusia, Archis, Arados, Anta-*  
» *radus, & Marathea*, (five *Maraclea*) teste Wilhelmo ejus archiepiscopo. » Verum sub Hieroso-  
lymitanis Patriarchis Latini ritus quatuor duntaxat episcopi archiepiscopo Tyrensi obtem-  
perabant; videlicet Sidonensis, Berytensis, Acconensis, & Paneadensis: de quibus ecclesiis  
post Tyrensem agemus.

## ARCHIEPISCOPI TYRI.

## I. ODO.

Post jam tentatam frustra anno 1111. à Balduino I. Hierosolymorum rege urbis Tyri expugnationem, Balduinus II. ejus successor illi præficiendum curavit *Odonem*, an. 1122. Fulcherius Carnotensis primam Tyri obsidionem describit, *lib. 2. Hist. Hieros. cap. 44.* apud Andr. Duchesne, *tom. 4. Hist. Francor. pag. 860.* A. B. Electionem vero Odonis narrat, *lib. 3. c. 10. ibid. pag. 868.* C. & *pag. 869.* A. his verbis: *Anno Dom. Incarn. 1122. præficitur in Hierusalem ecclesiæ Tyriæ archiepiscopus, Odo nomine, primus de gente Latina.* Verum is dum rursus obsideretur Tyrus diem clausit extremam anno 1124. ex Wilhelmo Tyrio, *lib. 13. histor. cap. 13.* Dicitur autem, inquit, in eadem expeditione (iteratæ obsidionis Tyri) *vita decessisse vir venerabilis Odo nomine, qui ad titulum ejusdem ecclesiæ, urbe adhuc ab hostibus detenta, ordinatus fuerat metropolitanus, & à Patriarcha Hierosolymitano (Gormundo) consecratus dicebatur.*

## II. WILLELMUS I.

Anno duntaxat quarto post Odonis mortem ei de successore provisum est. De qua diuturniore mora sic loquitur Wilhelmus Tyrius, *lib. 13. cap. 23.* » Vere demum proxime  
» subsequuto quarto anno postquam civitas  
» fidei restituta est christianæ, rex (Balduinus II.) cum domino Patriarcha (Gormundo) & majoribus regni principibus apud  
» Tyrum convenientes, de Pontifice eidem  
» ecclesiæ ordinando cœperunt habere tractatum: tandemque dominum *Wilhelmum*,  
» virum venerabilem, ecclesiæ Dominici Sepulchri Priorem, natione Anglicum, vita  
» & moribus commendabilem, eidem urbi  
» præficiunt.... Admirantes... illius temporis  
» prudentiam, hæremus in nobis ipsis quasi  
» temeritatem reputantes. Nam qui biennio  
» antequam prædicta civitas christianæ restitueretur libertati, episcopum ibi consecra-  
» verant sibi, postmodum supina & crassa  
» prudentia usque in quartum annum distulerunt eidem antistitem providere, &c. Porro...  
» dominus Wilhelmus, suscepto consecrationis  
» suæ munere à D. Hierosolymitano Patriar-

Acha, ut pallium reciperet, invito & renitente eodem suo consecratore, Romam profectus est: ubi à D. Papa Honorio II. (anno 1127.) benigne susceptus, quod petebat obtinuit, &c. » Obiit anno circiter 1132. aut 1133.

## III. FULCHERIUS five FULCHERUS.

De obitu Wilhelmi & promotione *Fulcherii* hæc tradit idem Wilhelmus Tyrius, *lib. 14. cap. XI.* » Per eosdem dies (exorti schismatis inter Innocentium & Petrum Leonis) mi-  
» gravit ad Dominum; carnis onere depositò,  
» noster prædecessor Wilhelmus, primus Latinorum, Tyrensi archiepiscopus, post  
» urbis liberationem. Nam dum adhuc ab  
» hostibus detineretur, ordinatus fuerat ad titulum ejusdem ecclesiæ quidam Odo, qui  
» ante ejusdem urbis liberationem vita decesserat... cui substitutus est D. *Fulcherus* bonæ  
» memoriæ, Aquitanicus natione, patria Engolismensis, vir religiosus ac timens Deum,  
» modice litteratus, sed constans & amator  
» disciplinæ. Hic apud suos abbas extiterat canonorum regularium, in monasterio cui  
» *Cella* nomen. Sed postmodum tempore prædicti schismatis.... sumpta licentia à fratribus, orationis gratia Hierosolymam venit,  
» tandemque in claustro ecclesiæ Dominici Sepulchri regularem vitam... professus, ad  
» ecclesiam Tyrensem vocatus est. Rex autem eandem ecclesiam strenue & feliciter  
» annis 12. quartus ante nos qui nunc eidem ecclesiæ, non electione meriti, sed sola  
» Domini dignatione & patientia, præsidemus, &c. » De Fulchero etiam mentionem  
» facit, *lib. 15. capp. XI. & XVI. & lib. 16. capp. 3. & 17.* In hoc posteriori loco translationem ejus memorat ab ecclesia Tyrensi ad patriarchalem Hierosolymorum. » Per idem  
» tempus, inquit, D. Wilhelmus bonæ memoriæ Hierosolymorum Patriarcha... obiit  
» v. kal. Octobris (id est die 27. Septembris anno, ut videtur, 1145.) pontificatus ejus  
» anno xv. cui postmodum subsequente Januarii VIII. kal. Febr. (id est die 25. Jan.)  
» substitutus est D. *Fulcherus* Tyrensis archiepiscopus, &c. » Vide supra inter Patriarchas Hierosolymorum ritus Latini, *col. 1250. A. Radulphus.*



Radulphus. IV. PETRUS I.

V. FREDERICUS.

Capitulo Tyri diffidente, *Radulphus* regis Angliæ cancellarius ab una parte electus est, & ab altera repudiatum quæ ad sedem apostolicam appellavit. Is nihilominus Balduino III. regis Hierosolymorum sibi faventis benevolentia fretus, ecclesiam hanc ejusque bona toto biennio possedit. Verum illo sententia Eugenii III. dejecto, in sede Tyrensi « de communi omnium consensu, » inquit *Willelmus Tyrius*, *lib. 16. cap. 17.*... » substitutus est vir miræ simplicitatis & mansuetudinis, timens Deum & recedens à malo, » cujus memoria in benedictione est apud » Dominum & homines, *D. Petrus*, ecclesiæ » Dominici Sepulchri Prior, de .... civitate » Barchinona (in Catalonia) nobilis secundum » carnem, sed spiritu nobilior: cujus vita & » conversatio longiores & diligentiores postulant tractatus, &c. » Adfuit Petrus iste obsidioni Ascalonis anno 1152. *ibidem*, *lib. 17. capp. 21. & 23.* Deinde *Fulcherus Patriarcha* comitatus est Romam euntem, *lib. 18. cap. 6.* crucem quoque Domini gestavit in prælio contra *Noradinum Damascenorum* regem, qui victus est à *Balduino III.* an. 1157. *ibid. cap. 21.* In schismate autem *Antipapæ Victoris* adversus *Alexandrum III.* istius posterioris causam in Oriente strenue tutatus est anno 1160. *ibid. c. 29.* De ejus denique obitu, & promotione successoris, ita loquitur, *lib. 19. cap. 6.*

« Per idem tempus *D. Petrus*, venerabilis » Tyrensis archiepiscopus, piæ in Domino » recordationis, anno secundo *D. regis* (*Amal-* » *rici* qui regnare cœperat anno 1162. mense » *Februario*) prima die mensis (*Martii*) viam » universæ carnis ingressus est (anno subinde » 1163.) Cui intra paucos dies eodem mense » substitutus est, domino rege plurimum ad » id adspirante, ejusdem ecclesiæ suffraganeus » *D. videlicet Fredericus* *Acconensis* episcopus, vir secundum carnem nobilis, corpore » procerus admodum, natione *Lotharingus*, » modice litteratus, sed militaris ultra modum, &c. »

Hæc quidem *Willelmus Tyrius*, in quibus tamen non capio quo pacto *Fredericus* iste ad sedem Tyrensem ex *Acconensi* translatus fuerit anno 1163. quippe quum ex diplomate *Willelmi* ejus in ecclesia *Acconensi* successoris, dato anno 1161. coram illo ipso *Frederico* jam Tyrensi archiepiscopo, quod extat apud *Ughellum*, *tom. 7. Ital. sac. veter. edit. col. 267.* *B. C.* & extractum dicitur ab ipso exemplari archivi ecclesiæ *Amalphitanæ* vetustate pene obsoleto, *Willelmus* ille IV.

Tomus III.

*A* Latinorum *Acconensis* ecclesiæ episcopus cum capituli sui assensu locum in cœmeterio ecclesiæ *S. Nicolai* *Acconæ* in usum *Amalphitanorum* *Mansoni* & *Sergio* *Amalphitanis* civibus concefferit, eosdemque ad societatem *Acconensis* ecclesiæ admiserit. Verum satius videtur, si in eo anno 1161. laudati transumpti mendum aliquod occurrere suspicemur, ita ut legendum sit ad minus 1163. quam si *Willelmum Tyrium* in relato promotionis *Frederici* prædecessoris sui anno oscitantæ arguamus. Adfuit *Fredericus* obsidioni *Alexandriæ* *Ægypti* per regem *Amalricum* factæ an. 1167. sed disenteria pressus, priusquam urbs illa caperetur, domum repetere coactus est, *lib. 19. c. 27.* Missus postea in *Galliam* subsidia *Christianis* *Palæstinæ* imploraturus, biennio consumpto, nihil obtinuit, *lib. 20. cap. 13.* Decessit tandem anno 1173. die 30. Octob. *Neapoli* (*Naplouse*) in *Samariâ*, corpusque ejus *Hierosolymam* delatum, in capitulo templi Domini, ubi prius fuerat canonicus regularis, sepultum est, *lib. 21. cap. 4.*

## VI. WILLELMUS II.

*Fredericum* in Tyri archiepiscopatu excepit *Willelmus* hujus nominis II. & nobilissimus belli sacri scriptor, quem sæpius citavimus. Hunc *Hierosolymis* ortum scribit ejus historiæ continuator *Gallus*, *tom. 5. vet. Script. & Mon. ampl. collect. col. 604. E.* « *L'Arcevesque de Sur* (de Tyr) ot nom *Guillaume* » & fu né de *Jerusalem*. Si ne favoit l'on meilleur clerc de la terre. » Archidiaconatum ecclesiæ Tyrensis à *Frederico* archiepiscopo prædecessore suo recepit circa annum 1167. deinde post obitum *Radulphi* episcopi *Bethleemitani*, regni cancellarii, hanc ei rex cancellarii tradidit dignitatem, ipsomet teste, *lib. 21. cap. 5.* Tandem præfato *Frederico* in sede Tyrensi successit anno 1174. de qua sua promotione sic ipse loquitur, *ibid. c. 9.* « Eodem mense (*Mai*o,) quum Tyrensis ecclesia septem vacasset mensibus continuis, » consonante cleri & populi voto, regis quoque (*Balduino IV.*) ut moris est, conveniente » assensu, Dei patientia potius, quam meritis » nostris, ad regimen illius ecclesiæ vocati sumus, & infra decem dies in ecclesia *Dominici* » *sepulchri*, per manus domini *Amalrici* » *Hierosolymitani* *Patriarchæ* munus consecrationis VI. idus (id est die 8.) Jun. auctore » Domino, suscepimus licet indigni. » Anno 1179. interfuit concilio *Lateranensi* sub *Alexandro III.* ejusque actis subscripsit. *Spicileg. tom. 12. pag. 643.* De qua synodo hæc ipse habet, *lib. 21. cap. 26.* « Per idem tempus (anno 1179.) Romæ celebrata est synodus »

O o o o



ECCELSIA  
TYRL

» in basilica Constantiniana, quæ dicitur  
» Lateranum, trecentorum episcoporum,  
» pontificatus domini Alexandri anno 20.  
» mense Martio, Indictionis XII. quinta die  
» mensis. Cui (cujus) si quis statuta & episco-  
» porum nomina, numerum & titulos scire  
» desiderat, relegat scriptum quod nos ad pre-  
» ces sanctorum Patrum, qui eidem synodo  
» interfuerunt, confecimus diligenter: quod  
» in archivo sanctæ Tyrensis ecclesiæ, inter  
» cæteros quos eidem contulimus ecclesiæ li-  
» bros, cui jam sex annos præfuimus, jussimus  
» collocari.» Soluta concilio, ivit Wilhelmus  
» Constantinopolim à Manuele Græcorum  
» Imperatore subsidia Terræ-Sanctæ petiturus,  
» ibique non inutiliter commoratus est septem  
» mensibus. Inde Antiochiam veniens, «com-  
» pletis, inquit, *lib. 22. cap. 4.* injunctis nobis  
» ab imperiali Excellentia cum domino prin-  
» cipe (Antiochiæ) & cum domino Patriarcha  
» mandatis, domino rege (Balduino) apud  
» Berithum invento, eoque terrestri itinere  
» Tyrum properante, nos propitia Divinitate,  
» continua navigatione, pridie Nonas (id est  
» die 6.) Julii, post annum & menses decem,  
» ex quo ad synodum profecti eramus (anno  
» 1178.) ad Tyrensem reversi sumus ecclesiam  
» (anno 1180.)»

Quum eo anno mense Octobri obiisset  
» Amalricus Patriarcha Hierosolymorum, &  
» in ejus locum substitutus fuisset Eraclius,  
» ejus promotioni obstitit Wilhelmus, ad Ro-  
» manum Pontificem provocans; iter etiam  
» postea arripuit in Italiam, ubi, re nondum  
» confecta, veneno extinctus est, teste laudato  
» ejus historiæ continuatore Gallo, *col. 605.*

C. D. E. his verbis: «En tele maniere fut  
» Eracles Patriarche de Hierusalem. Quant il  
» fu Patriarche, il commanda as Arceuesques  
» & as euesques de la terre qu'il li feissent obe-  
» dience, & il li firent tuit, fors l'arceuesque  
» de Sur (de Tyr.) Cil apela a Rome & dit  
» qu'il mostreroit raison, par quoy il ne devoit  
» pas estre Patriarche. Quant l'arceuesque ot  
» fait son apel, si appareilla son erre & ala a  
» Rome. L'Apostole fu mult lie de sa venüe &  
» li Cardinal. Puis fit il tant vers le Pape &  
» vers les Cardinaux, que s'il eu tans vescu que  
» le Patriarche fu venu a Rome, il eust esté  
» déposé. Si vos dirai coment il fu mort ainsi  
» que le Patriarche venist là. Quant le Patriar-  
» che Eracle sot que l'Arceuesque de Sur fu  
» alé a Rome por luy greuer, bien sout que si  
» viuoit longuement, qu'il seroit déposé, por  
» ce dit a un sien fuiscien qu'il alast apres, &  
» qu'il l'empoisonast, & cil si fist, si fu mort.  
» Apres ala le Patriarche a Rome & fist ce qu'il  
» vout, si s'en retourna en Jerusalem.»

Non exprimit ille auctor quo præcise anno

A Wilhelmi contigerit obitus: sed is assignandus  
non videtur ante annum 1184. utpote quum  
» Wilhelmus suam historiam deducat, *lib. 22.*  
» *capp. 29. & 30.* usque ad finem circiter  
» anni 1183.

#### VII. JORICUS sive JOSIUS JORSIUS vel etiam JOSEPHUS.

Ughellus, *tom. 4. Ital. sac. veteris edit.*  
» *col. 1097.* D. Jorsium episcopum Aconensem  
» qui adfuerat concilio Lateranensi III. sub  
» Alexandro III. anno 1179. Wilhelmo Ty-  
» rensi successisse ait. Hinc probabiliter archi-  
» episcopus fuit ille Tyrensis, quem Oldoinus,  
» *tom. 1. hist. Roman. Pontif. & DD. Cardin.*  
» *col. 1125.* F. Josephum appellat his verbis:  
» «Calamitatem orientalis ecclesiæ, & Hiero-  
» solymorum expugnationem audivit Urbanus  
» (III.) quam urbem x. obsidionis die à Sa-  
» lahadino VI. Nonas (id est die 2.) Octobris  
» anno 1187. Josephus Tarenfis (Tyrensis)  
» archiepiscopus captam nuntiaverat.» De ar-  
»chiepiscopi Tyrensis quippe itinere in Occi-  
» dentem, tacito ejus nomine, ita loquitur  
» laudatus Wilhelmi Tyrii continuator Gallus,  
» *ibid. col. 624. num. 32.* A. «Ci vous lairons  
» un petit de Salahadin, & si vous dirons de  
» l'Arceuesque de Sur qui vint a l'Apostole en  
» message. Noueles aporta dela grant dolor  
» qui estoit auenüe en la terre de promission.  
» Il arriua en la terre le Roy de Cefile & de  
» Calabre & de Puille. Cil Roy Guillaume  
» auoit une fille (que) le Roy d'Angleterre  
» (auoit) a fame, qui auoit nom Johanne.  
» L'Arceuesque de Sur si sout que le Roy estoit  
» pres d'iluec. Il vint a luy, & li conta le grant  
» damage qui estoit auenu u Royaume de Je-  
» rusalem. Le Roy en fu mult dolent, & pensa  
» qu'il estoit auques coupable de la perdition  
» de la terre, &c.» Id sibi imputabat rex Sici-  
» liæ Guilielmus quod, ut asserit Albericus in  
» chronico ad annum 1186. *part. 2. pag. 369.*  
» *guerram habens contra Isaacum Imperatorem*  
» *Græcorum, omnibus Christianis peregrinis cru-*  
» *cesignatis portus Apuliæ interdixerit, & ista*  
» *fuerit una de specialibus causis vel occasio-*  
» *nibus quare postea perdita sit Jerusalem.* Sub-  
» dit idem auctor ad annum 1188. *pag. 375.*  
» *Venit.... legatus (Henricus Albanensis) cum*  
» *archiepiscopo de Tyro, id est, de Sur, apud*  
» *Yvodium (Yvoix in ducatu Luxemburgensi)*  
» *ad colloquium regis (Francorum Philippi Au-*  
» *gusti) & Imperatoris (Frederici.)*

E Certe Joricus sive Jocius archiepiscopus  
» Tyrensis, exposcente Conrado Marchione  
» Montisferrati, & accedente capituli suæ ec-  
» clesiæ assensu, Januensibus concessit ut ca-  
» pellam in urbe Tyro ædificare possent, jus-  
» que nominandi in eam capellam parochi in



canonicos Januenses perpetuò transtulit diplomate confecto *apud Tyrum præsentibus*, &c. *anno ab Incarn. Dom. 1190. Indict. VIII.... XVIII. kal. Maii* (id est die 14. Aprilis,) pluribus sigillis obsignato, & servato in archivo canonicorum Januensium, teste præfato Ughello, *ibid. col. 1212. n. 3. C. D.*

Idem, vel fortassis ejus successor, *archiepiscopus* fuit ille *Tyrensis*, cujus meminit Innocentius III. epistola 74. lib. I. *tom. 1. edit. Baluz. p. 40. col. 2.* Vide supra, ubi de VII. *archiepiscopo Nazareno, col. 1296. E.* Epistolæ pariter 513. & 515. ejusdem libri I. *Tyrensi archiepiscopo* datæ sunt die 30. Decemb. (1198.) & diebus 2. & 5. Jan. (1199.) *ibid. pp. 295. & 296.* Epistola quoque 257. lib. II. data die 15. Decemb. (1199.) *ibid. pag. 508.* Patriarchæ Hierosolymitano, & *Tyrensi archiepiscopo*, &c. inscribitur, de qua vide etiam superius, ubi de IV. *episcopo Tiberiadis, col. 1301. D.* Epistola demum 275. ejusdem libri II. *Tyrensi archiepiscopo*, &c. *ibid. pag. 520.* circa idem argumentum versatur ac laudata epistola 74. lib. I. & probabiliter scripta fuit anno 1199. aut 1200. Raynaldus, *tom. 13. ad annum 1206. num. 8.* narrat Innocentium III. *Tyrensi archiepiscopo* notam fecisse querimoniam quamdam de ipso perlatam à Duce Venetiarum, eum simul monendo ut mores emendaret. Quæ omnia nescio an Joricum spectent, an quemdam alium qui illi successerit.

## VIII. \* \* \*

Anno 1213. die 15. Decemb. scripsit Innocentius III. Patriarchæ Hierosolymorum (Alberto) & *Tyrenensi archiepiscopo* epist. 150. lib. XIII. *tom. 2. edit. Baluz. p. 820.* qua illos jubebat prohibere sub pœna excommunicationis, ne Erardus de Brena matrimonium contraheret cum Philippa ipsi intra gradus consanguinitatis vetitos conjuncta. Qua de re extant legendæ, præter annotationem laudati Baluzii, duæ quæ eam sequuntur Innocentii III. epistolæ datæ anno 1215. die 20. Febr. *ibid. in Append. pag. 837. & seqq.* Vide etiam supra, ubi de VIII. \*\*\* *archiepiscopo Cæsariensi, col. 1288. D.*

## IX. SIMON.

Ex chronico Andrensi ad annum 1217. *Spicileg. tom. 9. pag. 624.* Simon *Tyrensis archiepiscopus* de mandato domini Honorii Papæ (III.) venit in Galliam pro commutandis votis humilium & debilium personarum cruce signatarum, ut pauperes & debiles, & præcipue mulieres, missa in subsidium Terræ-Sanctæ pecunia, à voto crucis absolveret, & ab illis quos in partem suæ sollicitudinis adsciverat, absolvi

Tomus III.

*faceret.* Is utique fuit *archiepiscopus* ille *Tyrensis*, quem cum Patriarcha Hierosolymitano & *archiepiscopo Cæsariensi* commisit idem Honorius epistola data anno 1222. die 30. Decembris, ut Græcos *episcopos* reprimerent, qui in Cypro insula præesse suis Græcis volebant in diocesis præfatum Latinorum, apud Raynaldum, *tom. 13. ad eum annum, num. 8.* Eundem memorat Fridericus II. Imperator in epistola ad Honorium III. scripta anno 1226. die 29. Augusti, quam refert idem Raynaldus ad illum annum, *num. 21.* Anno demum 1227. ex ecclesia *Tyrensi* ad sedem Constantinopolitanam transiit, teste Alberico in chronico ad hunc annum, *pag. 525. edit. Lipsiæ 1698.* ubi ait: *In Constantinopoli vero factus est Patriarcha Simon archiepiscopus de Tyro.* Vide supra in præsentī tomo inter Patriarchas Constantinopolitanos, *col. 804. B.*

## X. PETRUS II.

Simoni in sede *Tyrensi* fortassis successit Petrus iste, cognominatus de Sergines, qui anno 1244. dum erat *episcopus Tyri*, occisus est in infelici prælio à Christianis adversus Soldanum Babylonis prope Ascalonem gesto, ut habet continuator Gallus historiæ Wilhelmi Tyrii, *to. 5. vet. Script. & Monum. ampl. collect. col. 729. E.* Et y furent occis Pierre de Sergines qui estoit Archevesque de Sur, & l'Evesque de S. George de Ramès. Et *col. sequenti 730. B.* Cette desconfiture fu par un mardi en l'an de l'Incarnation notre Seigneur J. C. MCCLIV. u mois d'octobre: & fu le jor de Saint Luc l'Evangéliste. Porro legendum esse MCCXLIV. pro MCCLIV. supra observavimus inter *episcopos Lyddenses, col. 1274. D.* Fredericus Imperator in epistola ad Richardum Cornubiæ in Anglia Comitem die 27. Febr. anni 1245. scripta, apud Matthæum Paris, *p. 417. col. 1.* hunc Petrum *archiepiscopum Tyrensem* ait ex illatione vulnerum non periisse, sed carceri fuisse mancipatum. Alius probabiliter ab eo Petro non fuit *archiepiscopus* ille *Tyrensis*, cui atque electo Tripolitano *episcopo* provinciam dederat Innocentius IV. anno præcedenti 1243. inquirendi de scientia & moribus *episcopi Bybliensis*, ex Raynaldo ad eum annum, *num. 50.*

## XI. NICOLAUS sive PETRUS III.

Anno 1251. ad sedem *Tyrensem* evectus est Petrus Larcat, quem Petrum & Nicolaum intra 17. lineas appellat continuator Gallus historiæ Wilhelmi Tyrii, *tom. 5. vet. Script. & Mon. ampl. collect. col. 734. E.* A. MCCLI. ferma (id est munitionibus firmavit) le Roy



de France (S. Ludovicus) *Cesaire* (Cæsaream) A  
*et fu fait Arceuesque de Sur* (Tyri) *Pierre*  
*Larcat*. Et col. 735. B. A. MCCCLIII.....  
*morurent li rois Henry de Chipre.... et Nicolas*  
*Larcat Arceuesque de Sur*. Is videtur fuisse  
*Fr. Nicolaus* Ordinis Præd. quem Bernardus  
 Guidonis, in episcopis ex provincia Terræ-  
 Sanctæ hujus Ordinis assumptis, asserit fuisse  
 archiepiscopum Tyri ante Fr. Bonacursium  
 (qui electus est anno 1272. ut infra dicitur.)  
*Fr. Nicolaus*, inquit, *fuit archiepiscopus de* B  
*Tyro. Fr. Bonacursius, &c.* Ex R. P. Echard.  
*tom. 1. Script. pag. 159. col. 1.*

## XII. ÆGIDIUS.

*Ægidius* iste, qui Damiatæ creatus fuerat  
 archiepiscopus post ejus expugnationem à  
 S. Ludovico rege Francorum, ipsaque paulo  
 post Saracenis reddita, absque præsulatu re-  
 manferat, Nicolao Tyrensi antistiti defuncto  
 successus est an. 1253. Sic enim testatur modo  
 laudatus Willelmi continuator, col. 735. B.  
 «*Après luy (Nicolas Larcat) fu postulé a Ar-*  
*ceuesque Giles qui fu de Damiete.*» Raynald.  
*tom. 14. ad annum 1263. num. 12. ait Ur-*  
*banum IV. litteris significasse S. Ludovico*  
*Francorum regi illo anno die 7. Januarii,*  
*instructum à se Tyrensem archiepiscopum auc-*  
*toritate, ut colligeret in Galliis pro subsidio*  
*Terræ-Sanctæ centesimam quinquennalem*  
*summam, quam rex ipse piissimus imposue-*  
*rat; & n. seq. 13. præpositum Ægidium archi-*  
*episcopum Tyrensem, qui in Franciæ regno,* D  
*ac Metensi, Tullensi, Virdunensi, Leodiensi,*  
*& Cameracensi provinciis, fidelibus religio-*  
*sam militiam professuris Symbolum crucis*  
*conferret, partemque transcribit epistolæ*  
*Urbani Papæ, ad hunc Ægidium datæ illo*  
*ipso anno die 25. Maii. Ad eundem Cle-*  
*mens IV. epistolam scripsit an. 1265. die 28.*  
*April. quæ extat tom. 2. Thes. novi Anecd.*  
*col. 127. B. C. Obiit Ægidius anno sequenti*  
*1266. quo idem Papa die 16. Jun. Simoni* E  
*Cardinali A. S. L. injunxit, ut collecta aut*  
*colligenda à bonæ memoriæ Æ. Tyrensi*  
*archiepiscopo pro subsidio Terræ-Sanctæ*  
*reciperet, ibid. coll. 355. C. D. 383. E. F.*  
*& 421. C. D.*

## XIII. JOANNES.

## XIV. BONACURTIUS.

Ante annum 1272. sedebat Joannes è

*Sancto Messano* sive *Maxentio*, Ord. Præd.  
 quem omisit Bernardus Guidonis, nec etiam  
 cognoverunt alii scriptores Dominicani, præ-  
 ter RR. PP. Jacobum Echardum, tom. 2. in  
*indice episcoporum, pag. 30. & Antoninum*  
*Bremond, tom. 1. Bullar. pag. 500. ad an-*  
*num 1272. qui eum memorant ex his verbis*  
*continuatoris Galli Willelmi Tyrii auctoris*  
*coævi, to. 5. vet. Script. & Mon. ampl. collect.*  
*col. 746. n. 17. C. «A. MCCCLXXII....*  
*& a VIII. jors d'Octembre arriua en Acre «*  
*Frere Thomas de l'Ordre des freres Pres-* «  
*cheors Patriarche de Jerusalem.... et morut «*  
*frere Johan de Saint Messan de l'Ordre des «*  
*Prescheors Arceuesque de Sur, et fu fait Ar-* «  
*ceuesque en son lieu frere Bonacourt de Gloire.»*  
 Et paulo supra: «*En cel an meisme (1272.)*  
*fu fait Arceuesque de Sur frere Bonacourt de «*  
*l'Ordre des Prescheors fil Henry de Gloire.»*  
 Hujus posterioris meminit Bernardus Gui-  
 donis in episcopis Terræ-Sanctæ, apud R. P.  
 Echardum, tom. 1. Script. pag. 159. col. 1.  
*Fr. Nicolaus fuit archiepiscopus de Tyro. Fr.*  
*Bonacurtius ultramarinus fuit archiepiscopus*  
*ibidem.* Is autem dicitur *Ultramarinus*; quia  
 scilicet in Syria vel Palæstina natus erat: unde  
 minime confundendus est cum Fr. Joanne  
 Bonacurtio, Bononiensi in Italia, aliquorum  
 operum auctore, ejusdemque Ordinis Præd.  
 alumno, de quo agit laudatus P. Echardus,  
 tom. 1. pag. 156. col. 2. & à præfule Tyrensi  
 diversum fuisse monet, ibid. pag. 159. col. 1.  
 Notandum, inquit, eadem circiter ætate, hoc  
 est, inter 1250. & 1280. alterum ejusdem no-  
 minis (Bonacursii) sed provinciæ Terræ-Sanctæ  
 sodalem claruisse, &c. De Bonacursio Tyrensi  
 archiepiscopo mentio fit ad calcem cujus-  
 dam instrumenti relati ab Ughello, tom. 4.  
*Ital. sac. veteris edit. in Januensibus archiepi-*  
*scopis, coll. 1215. & 1216. A. B. C. Privile-*  
*gium est à Boemundo principe Antiocheno*  
*concessum Januensibus anno 1190. die 1.*  
 Sept. exscriptum ab authentico exemplari  
 servato in canonicorum Januensium archi-  
 vo, cui subjungitur: «*Ego Joannes Amici*  
*de Suxilia auctoritate imperiali notarius, au-* «  
*thenticum præsentis privilegii vidi & legi «*  
*bullatum, &c. & ad majorem cautelam præ-* «  
*sens transumptum (contuli) cum originali «*  
*prædicto coram venerabilibus Patribus D. «*  
*Fr. Bonacursio de Ordine Præd. Dei gratia «*  
*archiepiscopo Tyrensi, D. Bartholomæo, &c.»*

## II.

## ECCLESIA SIDONIS.

*SIDON* apud scriptores belli sacri *Sagitta* sæpe nuncupatur: est autem urbs Phœniciaë  
 in Syria in ora littorali, etiam *Sydon* dicta, & hodie *Seyde* & *Sayd*, parva admodum  
 ad radices collis, cum castro antiquo in saxo, & portu in ora maris Mediterranei. Restaurata



fuerat, cum aliis quibusdam civitatibus, à S. Ludovico rege Francorum, dum in Oriente versaretur, anno 1250. sed postea à Saracenis capta est anno 1292. & nunc Turcis subest. Distat autem 35. milliar. à Beryto in meridiem, Tyrum versus 24. & à Damasco 55. in occasum. Sydonii primi fuere qui maria navibus fulcare cœperint. Hæc Baudrand, *tom. 2. geogr. pag. 190. col. 2. & pag. 235. col. 2.* Urbem illam Balduinus I. Hierosolymorum rex Moammedanis eripuit anno 1110. mense Decembri, ex Fulcherio Carnotensi ad eum annum: cujus historia extat in volumine dicto *Gesta Dei per Francos*, p. 422. Vide *tom. 2. hujus operis, coll. 811. 812. & supra in præsentī tom. 3. coll. 87. 88.*

## E P I S C O P I S I D O N I S.

## I. BERNARDUS.

## II. AMALRICUS.

**A**Nno circiter 1131. Innocentius II. Papa litteras apostolicas dedit XVI. kal. Februar. (id est die 17. Januar.) Balduino Berycensi (Berytensi) *Bernardo Sydoniensi*, (&) Joanni Ptolemaïdensi episcopis, quas refert Willelmus Tyrensis, *lib. 14. histor. cap. 13.* Ægre scilicet illi hæctenus tulerant Phœniciam primam, cujus Tyrus erat metropolis, Hierosolymitano Patriarchæ subjeci: unde Fulchero Tyrensi archiepiscopo renuebant obtemperare. Paruerunt tamen deinceps. Idem Bernardus adfuit concilio Antiocheno an. 1136. *ibid. lib. 15. cap. 16.* Fulchero Tyrensi archiepiscopo in Patriarcham Hierosolymorum promotus anno 1145. Radulphi, quem, divisis electoribus, pars una in præfulem Tyrensem deposcebat, Bernardus cum altera parte promotioni obstitit, & ad apostolicam sedem appellavit, ut supra dictum est inter Bethleemitanos episcopos, *col. 1278. E. & inter Tyrios antistites, col. 1313. A.* Adstitit quoque Bernardus anno 1147. solemnī conventui Accone habito, de quo mentionem faciunt auctor gestorum Ludovici VII. regis Galliæ, *cap. 18. tom. 4. Script. hist. Francor. Andreæ Duchesne, pag. 404. A. & laudatus Willelmus Tyrius, lib. 17. cap. 1.* Obiit dum obsideretur Ascalon à Balduino III. scilicet intra annum 1152. usque ad 1154.

«Per idem quoque tempus, inquit Willelmus Tyrius, *ibid. cap. 26. mortuo domino Bernardo bonæ memoriæ Sidoniensi episcopo*, substitutus est ei *Amalricus*, piæ in Domino recordationis, abbas canonicorum regularium, Ordinis Præmonstratensis, in eo loco qui dicitur S. Abacuc sive S. Joseph, qui cognominatus est ab Arimathia; vir simplex ac timens Deum, & egregiæ conversationis: qui in ecclesia Liddensi per manum D. Petri felicitis memoriæ, Tyrensis archiepiscopi, munus consecrationis dicitur recepisse: quoniam niam ab urbe obsessa nulli longius abscedere dabatur licentia.» Is Fulchero Patriarchæ Hierosolymorum Roman eunti anno 1155. aut 1156. comes itineris fuit, ex eodem Willelmo Tyr. *lib. 18. c. 6.* Obiit an. 1175.

## A

## III. ODO.

Amalrico successit in sede Sidoniensi *Odo*, quem sic memorat laudatus Willelmus Tyr. *lib. 21. c. XI.* «Eodem anno (1175.) mense Maio, secunda mensis die, per nostrum ministerium in ecclesia Tyrensi munus consecrationis susceperunt dominus *Odo Sidoniensis electus*, qui ejusdem ecclesiæ Tyrensis fuerat præcentor, & dominus Raynaldus Berythenis electus.» Vivebat adhuc anno 1187. nam apud Ughellum, *tom. 3. Ital. sac. vet. edit. col. 487. C.* extat instrumentum Conradi filii, Marchionis Montisferrati, in quo legitur: «.... consilio & consensu Magistri Monachi Cæsariensis archiepiscopi, & D. Leotardi Nazareni archiepiscopi, & D. Odonis episcopi Sidoniæ, anno 1187. mense Octobri, &c.» Odo iste probabiliter fuit, quem periisse anno 1190. dum obsideretur à Christianis Accon, narrat Rogerus de Hoveden, *histor. Anglor. parte posteriore pag. 685. edit. Francof. 1601.* Titulus est: «Nomina Magnatum qui eodem anno (1190.) in obsidione Accon obierunt. Heraclius Patriarcha Jerusalem.... archiepiscopus de Nazareth.... archiepiscopus de Sidone, id est, de Saëta, &c.»

## IV. \* \* \*

Innocentius III. epistola 73. *lib. 1. tom. 1. edit. Baluz. pag. 40. col. 1.* initio sui pontificatus scripta, proindeque, ut videtur, anno 1198. mentionem facit de *episcopo Sidoniensi*. «Noveritis autem, inquit, nos venerabilibus fratribus nostris Tyrensi archiepiscopo, & *episcopo Sidoniensi* mandasse, &c.» Epistola 516. ejusdem libri 1. *ibid. pag. 296. col. 2. & pag. 564. col. 1.* data Later. x. kal. Januarii (id est die 23. Decembris) *episcopo Sidoniensi*, Berytensi & Bybliensi episcopis inscripta est. Idem Papa valde conqueritur epistola 257. *lib. 11. data Later. xviii. kal. Januarii (id est die 15. Decemb. anni verisimiliter 1199.) de episcopo Sidoniensi*, contra quem inquirere, & si reus deprehendatur, suspensionis ferre sententiam, Patriarcham Hierosolymitanum, Tyrensem archiepiscopum, & Acconensem episcopum jubet, *ibid. pag. 508. coll. 1. & 2. & pag. 509. col. 1.*



ECCLESIA  
SIDONIS.

Epistola 273. ejusdem libri II. *ibid.* pag. 520. col. 2. & pag. 521. col. 1. quæ est de eodem negotio ac epistola 73. lib. I. supra laudata, Tyrensi archiepiscopo, & *episcopo Sidonienfi* dirigitur: fortassis nonnullis ex præcedentibus anterior ista fuit; deest enim illi tempus quo exarata est.

## V. \* \* \*

Alius ab episcopo Sidonienfi, cujus modo meminimus, esse potuit *episcopus* ille *Sidonienfis*, de quo idem Innocentius III. mentionem facit in epistola 64. lib. XIV. data *Patriarchæ Hierosolymitano* (Alberto) Later. xv. kal. Jun. pontificatus anno XIV. (id est die 18. Maii anni 1211.) *tom. 2. edit. Baluz. p. 535. col. 2.* his verbis: «.... Venerabilibus » fratribus nostris Patriarchæ Antiocheno, & » archiepiscopo Tyrensi, & *Sidonienfi*, Tripo- » litano, Anteradenfi, Nimocienfi, & Fam- » gustanenfi episcopis damus nostris litteris in præceptis, &c.» Huic eidem *Sidonienfi* & Acconensi episcopis scripta est probabiliter epistola 164. lib. XV. data Lateran. IV. kal. Octob. anno XV. (id est die 28. Septembris anni 1212.) Venit is Romam illo anno, teste eodem Papa in epistola 211. lib. XV. data Later. v. idus (id est die 9.) Jan. anno XV. Christi 1213. *illustri regi Hierosolymitano* (Balduino I.) in qua ait: *Venientem ad apostolicam sedem venerabilem fratrem nostrum Sidoniensem episcopum consueta benignitate recepimus, &c. ea quæ idem episcopus super tuis ac regni tui negotiis sollicitè ac prudenter, sicut vir providus & fidelis, proposuit coram nobis, quantum decuit, curavimus exaudire, &c.* Denique in epistola 177. lib. XVI. data *Patriarchæ & capitulo Antiochenis*, Later. IV. kal. Februar. anno XVI. (id est die 29. Jan. anni 1213.) legitur: *Alioquin venerabili fratri nostro Sidonienfi episcopo, &c. damus nostris litteris in mandatis, &c.*

## VI. \* \* \*

Anno 1244. sedebat *episcopus Sidonienfis*, qui legitur in titulo epistolæ Roberti Hierosolymorum Patriarchæ, nonnullorumque Palæstinæ præfulum ad archiepiscopos, episcopos, &c. in regnis Franciæ & Angliæ constitutos, de cladibus Terræ-Sanctæ illatis à Chorasminis, Acone scriptæ die 25. Novembris. Extat apud Matthæum Paris, ad eum annum, pag. 427. col. 1. D.

## VII. ADAMUS.

Anno 1274. Sidonienfi ecclesiæ præfectus est *Adamus de Romery*, Patriarchæ Hierosolymitani (Thomæ Agni de Lentino) bailivus sive feneschallus, & Sidonienfis ecclesiæ decanus. Ita refert continuator Gallus hist.

Willelmi Tyrii, *tom. 5. veterum Scriptor. & Monum. ampliss. collect. col. 748. B. num. 20.* «A. MCCLXXIV. &c. Et morut Oliuiers de Termes a XII. jors d'Aoust.... & fu fait « *Euesque de Sajete* (id est *Sagittæ* sive *Sidonis*) *Adam de Romery*, qui estoit baillis du « *Patriarche, & deens de cel meismes yglise de « Sajete.*» Is probabiliter episcopus ille Sidonienfis fuit, cui, & episcopo Beryti injunxit Nicolaus III. anno 1278. ut episcopum Anteradensem cogerent ad Romanam curiam proficisci, apud Raynaldum, *tom. 14. annal. ad eum annum, num. 81.*

## VIII. ROSTANGUS.

*Rostangus*, oriundus è nobili familia de *Candole*, quæ Massiliæ etiamnum floret, Ord. Præd. primus Tolonensis Prior, renunciatus est episcopus Sidonienfis sub archiepiscopo Tyrensi anno 1305. Ita R. P. Antoninus Bremond, *tom. 2. Bullar. pag. 126.* ad annum 1305. ubi citat Bernardum Guidonis in episcopis provinciæ Terræ-Sanctæ, *Fontanam Theat. Dominic. pag. 295. tit. 548. Cavalerium, tom. 1. Galler. Domin. pag. 70. n. 221.* & alios. Is ad sedem metropolitanam Naupacti translatus est à Clemente V. anno 1307. Vide supra de eo inter archiepiscopos Naupactenses, *col. 995. A.* ubi tamen corrigendum est quod diximus, *Rostangum* promotum esse ad ecclesiam Sidoniensem à *Fr. Petro de Plana-Cassano*, Ordinis Min. legato apostolico in Orientem misso: anno enim 1305. quo *Rostangum* aiunt scriptores ad eam sedem evectum à Patriarcha Hierosolymitano, istum patriarchatum iniit *Antonius-Beccus* Radulphi successor. Hunc itaque Patriarcham fuisse *Radulphum* ipsum immerito aiunt Fontana & Cavalerius, utpote qui obierat anno 1304. mense Novemb. ex Bernardo Guidonis supra relato, *col. 1263. D.* Non fuit etiam Patriarcha ille *Petrus de Plana-Cassano*: nam eum Clemens V. primum creavit legatum apostolicum in Cypro & Rhodo insulis, in Armenia quoque minori, & in Alexandrino, Antiocheno atque Hierosolymitano patriarchatibus, diplomate dato XII. kal. Jul. anno IV. (id est die 20. Jun. anno 1309.) apud Raynaldum, *to. 15. annalium ad eum annum, num. 33.* deinde Patriarcham declaravit anno 1314. die 26. Febr. *ibid.* ad eum annum, *n. 12.* Patriarcha igitur qui *Rostangum* ecclesiæ Sidonienfi præfecit, alius esse non potuit ab Antonio Becco episcopo Dunelmenfi in Anglia, qui ad patriarchatum Hierosolymitanum assumptus est anno 1305. Verum de his Patriarchis jam differuimus, *coll. 1263. C. & 1264. C.*



## III. ECCLESIA BERYTI.

**B**ERYTUS Phœniciæ urbs Ptolemæo, & aliis, *colonia felix Julia* dicta à Plinio, *lib. 5. c. 20.* nunc *Beirut* incolis, *Barut* Gallis, *Baruti* Italis, in ora maris Syrii, inter Byblum ad arctos 34. milliar. & Sydonem in austrum 30. à Tripoli 70. ex Itinerario Antonini; sed apud recentiores inter Tripolim 40. ad boream, & Damascum 60. ad ortum. Ita Baudrand, *10. 1. geogr. p. 161. col. 2.* Hanc sibi subdidit Balduinus I. rex Hierosolymorum anno 1111. die 27. April. teste Wilhelmo Tyrio, *lib. XI. cap. 13.* qui de ea urbe ita loquitur: «Romanis quondam acceptissima fuit; ita ut, jure Quiritium civibus concessa, inter colonias reputatur: de qua Ulpianus in Digestis, titulo de censibus.... *Est & Berytensis colonia in eadem provincia* (Phœnice) *Augusti beneficiis gratiosa*, & ut divus Adrianus in quadam oratione ait: *Augustiana colonia quæ jus Italicum habet.* Nec solum jus Italicum, verum etiam & docendi jus, quod raris concessum fuit urbibus, ab eodem Augusto obtinuit potestatem, sicut in primo Codicis, ea constitutione quæ incipit *Cordi nobis est*, in qua legitur: *Et Berytensium doctorem Dorotheum.*» Vide *tom. 2.* hujus operis, *coll. 15. 816.* & in præsentī *tom. 3. coll. 89. 90.*

## EPISCOPUS BERYTI.

## I. BALDUINUS.

**I**NNOCENTIUS II. Papa, composita lite, qua Antiochenus & Hierosolymitanus Patriarchæ de Tyro sibi vindicanda contendebant, eaque urbe cum suis suffraganeis sedi posteriori adjudicata, mandavit *Balduino Berytensi*, Bernardo Sidoniensi & Joanni Ptolemaidenſi, epistola data Later. XVI. kalend. Februar. (id est die 17. Jan.) quam profert *Wilhelmus Tyrius, lib. 14. hist. c. 13.* ut *Fulcherio* archiepiscopo Tyrensi suo metropolitano morem gererent. Interfuit Balduinus concilio Antiocheno anno 1136. in causa Arnulphi ejus Patriarchæ, *ibid. lib. 15. c. 16.* Eum Boloniensem ad mare fuisse colligitur ex his duobus versibus, qui leguntur apud DD. Edmundum Martenne & Ursinum Durand, doctissimos Benedictinos, *tom. 5. veterum Scriptor. & Monum. ampliss. collect. col. 540. A. de viris illustribus diœcesis Tarvanensis qui in sacra fuere expeditione: versus sunt 18. & 19.*

*Fulcho Gifnensis urbem tenuit Baruth, in qua Antistes sedit Balduinus Boloniensis.*

## II. JOANNES.

Quum, Fulchero ad patriarchatum Hierosolymorum assumpto, Radulphus proponeretur ab una parte capituli ecclesiæ Tyrensis, qui illi in ea sede succederet initio anni 1146. Joannes Pisanus hujus ecclesiæ archidiaconus, qui postea Cardinalis fuit, Bernardus Sydoniensis, & Joannes Berytensis episcopi, ipsius promotioni resistere, ad Eugenium III. Papam appellantes, qui & ipse Radulphum abjecit, ex eodem Wilhelmo, *lib. 16. cap. 17.* Vide supra inter Bethleemi-

A tanos episcopos, *col. 1278. E.* & inter Tyrios antistites, *col. 1313. A.*

## III. WILLELMUS.

In solemnī conventu Accone celebrato anno 1147. de modo quo gereretur bellum adversus Saracenos pro conservatione Terræ Sanctæ, deliberavit cum cæteris *D. Wilhelmus Berytensis episcopus.* Ita laudatus Tyrius, *l. 17. c. 1.* & auctor gestorum Ludovici VII. regis Galliæ, *cap. 18. tom. 4. Script. hist. Francor. Andreae Duchesne, pag. 404. A.*

## IV. MAINARDUS.

## V. RAYNALDUS.

## VI. ODO.

Annum duntaxat obitus hujus Mainardi novimus ex Wilhelmo Tyrio, *lib. 21. cap. 9.* «Iisdem diebus, inquit, (scilicet anno 1174. qui primus erat Balduini IV. regis Hierosolymorum à die 15. Julii anni præcedentis) *D. Mainardus*, bonæ memoriæ, Berytensis episcopus, dum in urbe Berytensi languore correptus aliquantulum ægrotasset, morte præventus est VII. kal. Maii (id est die 25. Aprilis.)»

*Raynaldum* ejus successorem consecravit Wilhelmus ipse Tyrius, qui eodem mense Aprili quo Mainardus decessit, Tyrensi ecclesiæ præfectus est. «Eodem anno (scilicet secundo Balduini IV. Christi vero 1175.) inquit, *lib. 21. cap. XI.* mense Maio, secunda mensis die, per nostrum ministerium in ecclesia Tyrensi munus consecrationis susceperunt *D. Odo* Sydoniensis electus.... & *D. Raynaldus Berytensis electus.*» Obiit anno 1181.

Post Raynaldum Berytensis ecclesiæ electus est præsul *Odo*, ex eodem Wilhelmo Tyrio



ECCLESIA  
BERYTI.

fic loquente, *lib. 22. cap. 7.* «Eodem anno A epistolam) *ad Cismarinos sub omni qua possent festinatione deferendam.*

» (1181.) mense Augusto, 27. die mensis,  
» pontificatus ejus anno 23. D. Alexander  
» Papa III. viam universæ carnis ingressus est,  
» &c. Eodem quoque tempore venerabilis in  
» Christo frater noster, piæ in Domino recor-  
» dationis dominus *Raymundus* (Rainaldus)  
» ecclesiæ Berytensium episcopus, idibus (id  
» est die 13.) Septemb. ex hac luce substractus  
» est, lucis perpetuæ, prævia Domini gratia,  
» præmiis perenniter potiturus. Cui postmo-  
» dum in eadem ecclesia substitutus est vir  
» honestus & litteratus magister *Odo*, ecclesiæ B  
» nostræ (Tyrensis) archidiaconus, cui nos, in  
» jejuniis Decembris, & sacerdotii gradum, &  
» pontificalem, auctore Domino, contulimus  
» dignitatem.» Is probabiler ille est *episcopus*  
» *de Baruth*, quem *Rogerus de Hoveden, hist.*  
» *Anglorum parte posteriori, pag. 685.* ait in  
» obsidione Acconis interiisse cum multis aliis  
» anno 1190.

## VII. \* \* \*

Innocentius III. Papa die 23. Decemb.  
anno, ut videtur, 1198. episcopis Sidoniensi,  
Berytensi, & Bybliensi epistolam scripsit, quæ C  
516. est. *lib. 1. tom. 1. edit. Baluz. pag. 296.*  
col. 1. de solutione decimarum.

## VIII. GUALTRANUS sive WALERANNUS.

Raynaldus, *to. 13. annal.* ad annum 1245.  
num. 28. narrat *Gualtrannum* Berytensem  
episcopum à Syriæ Christianis missum in  
Occidentem, qui auxilia ipsis imploraret,  
lugubres litteras lacrymisque imbutas concilio  
1. Lugdunensi eo anno coacto porrexisset,  
quæ ab Arnulpho Dominicano in sessione  
prima lectæ, Patrum commiserationem plu-  
rimum moverunt. Extant apud Matthæum D  
Paris ad annum 1244. p. 427. col. 1. D. &  
datæ sunt Accone die 25. Nov. anni 1244.  
In iis autem aiunt, *ibid. pag. 428. col. 2. E.*  
*Mittimus ad præsentiam vestram venerabilem*  
*Patrem Biritem* (Berytensem) *episcopum,*  
*& religiosum virum Ordinis Præd. qui seriem*  
*veritatis fideliter & plenarie referent paterni-*  
*tati vestræ, &c.* Et paulo post, *ibid. G.* ait  
Paris: *Commiserunt prælati ac magnates Terræ-*  
*Sanctæ D. episcopo Biritem, nomine Wale-*  
*ranno, & F. Arnulpho de Ord. Præd. (hanc*

Monitum.

CLARISSIMUS abbas Joseph Simonius Assemanus initio *tom. 3. part. 2. Bibl. Orient.*  
*edit. Rom. 1728. num. 5.* mentionem facit de cod. Syr. ms. in-fol. Bombicino, qui  
exaratus fuit fer. 4. die 10. Januar. anno mundi 7118. Christi 1610. ab Isa filio Jacobi ex  
oppido Garzur diocesis Bybliensis, monacho cœnobii Hamaturæ in monte Libano, diebus  
Joachimi archiepiscopi Berytensis, &c. Is Joachim omissus est supra in præsentī tomo 3.  
coll. 89. 90. ubi de ecclesia egimus Beryti Maronitarum.

## IX. BARTHOLOMÆUS.

Tempore Bonacursii, Ordinis Prædicat.  
archiepiscopi Tyrensis electi anno 1272. de  
quo supra egimus, *col. 1320.* B. sedebat epi-  
scopus Berytensis nomine *Bartholomæus*, ut  
constat ex diplomate ibidem memorato, in  
quo legitur: «Et ad majorem cautelam præ-  
sens transumptum cum originali prædicto  
(contuli) coram venerabilibus Patribus D. «  
Fr. Bonacursio de Ordine Præd. Dei gratia «  
archiepiscopo Tyrensi, *D. Bartholomæo, Dei* «  
*gratia episcopo Berytensi, &c.*» Apud Ughel-  
lum, *tom. 4. Ital. sac. veter. edit. coll. 1215.*  
*& 1216.* A. B. C. Bartholomæus iste proba-  
biliter ille fuit *Beryti episcopus*, ad quem, &  
ad episcopum Sydonis Raynaldus, *tom. 14.*  
*annalium* ad annum 1278. num. 81. refert  
Nicolaum III. eo anno scripsisse, ut Ante-  
radensem præfulem ad Romanam curiam  
proficisci compellerent.

## X. ROBERTUS.

## XI. Emmanuel electus.

## XII. MATTHÆUS.

Ex Waddingo, *tom. 3. annal.* ad annum  
1323. num. 42. pag. 310. ad ecclesiam Bery-  
tensem per obitum *Roberti* vacantem, ca-  
nonici ejusdem ecclesiæ, Nicosiæ in Cypro  
congregati, quia in sua propria à Saracenis  
occupata convenire non poterant, primum  
elegerunt *Fr. Emmanuelem Longum*, Mino-  
ritam, qui, antequam confirmaretur sua elec-  
tio, obiit: unde in ipsius locum subrogarunt  
idem *Fr. Matthæum*, etiam Minoritam, cujus  
promotionis diploma datum à Joanne XXII.  
Papa eo anno 1323. die 18. Febr. extat, *ibid.*  
*in Regesto Pontif. pag. 141.*

## XIII. JACOBUS.

## XIV. BLASIUS.

Idem Waddingus, *tom. 4.* ad annum 1397.  
n. XI. pag. 316. scribit eo anno post mortem  
*Jacobi* episcopi Berytensis ad illam ecclesiam  
promotum esse à Bonifacio IX. Papa die 9.  
Jul. *Fr. Blasium de Clusiano*, Ordinis Minor.





## IV.

## ECCLESIA ACONIS.

**A**CON, nunc *Acca* Turcis, *Acre* sive *Saint Jean d'Acre* Gallis, *Acri* Italis, olim probe culta, *Ptolemæis* dicta, urbs maritima Phœnices in Syria. Portum habet etiamnum ab Europæis frequentatum in sinu parvo ad radices montium. Distat 15. milliar. à promontorio Albo inter Tyrum ad septentrionem, & Cæsaream Palæstinæ ad meridiem. Regum Hierosolymorum, post amissam anno 1187. Hierosolymam, sedes fuit, donec ipsa Christianis erepta est anno 1291. Hæc Baudrand, *tom. 1. geogr. pag. 10. col. 1.* ad vocem *Acon*, & *tom. 2. pag. 149. col. 1.* ad vocem *Ptolemæis*. Vide *tom. 2. hujus operis, coll. 813. 814.* & *tom. 3. supra coll. 775. 776.*

## EPISCOPI ACONENSES.

## I. JOANNES I.

**I**NNOCENTIUS II. circa annum 1133. scripsit Balduino Berytensi, Bernardo Sidonensi, & Joanni *Ptolemæidensi* (sive Aconensi) episcopis die 17. Januarii. Hanc epistolam profert Wilhelmus Tyrius, *lib. 14. hist. c. 13.* Vide supra, ubi de Bernardo & Balduino, *coll. 1321. A. & 1325. A.*

## II. RORGO sive ROGERUS.

Idem Wilhelmus Tyrius, *lib. 17. c. 1.* inter episcopos qui interfuerunt solemnī conventui anno 1147. Acone coacto de modo quo gereretur bellum contra Infideles, *Rorgonem Aconensem episcopum* recenset. Hunc *Rogerrum* appellat auctor gestorum Ludovici VII. regis Francorum, *cap. 18. tom. 4. Script. hist. Francor. Andreæ Duchesne, pag. 404. A.*

## III. FREDERICUS.

*Fredericus* Aconensis episcopus in castris Christianorum degebat cum multis aliis Palæstinæ præsulibus anno 1152. dum à Balduino III. Hierosolymorum rege urbs Acalon obsideretur. Capta ea urbe anno 1154. missus est Fredericus ab eo rege Antiōchiam ad Rainaldum de Castellione hujus urbis principem, ut ipsum cum Aymerico Patriarcha Antiōcheno, quem gravissimis injuriis afficiebat, reconciliare cōnaretur. An. 1155. aut 1156. verno tempore Fulchero Patriarchæ Hierosolymitano Romam eunti comes itineris fuit. Idem, delegatus ab Amalrico Fulcheri successore cujus promotioni sese opposuerant Hernesius Cæsariensis archiepiscopus & Radulphus Bethleemitanus antistes, Romam iterum venit, & pro eo pallium ab Adriano IV. impetravit. Ad ecclesiam Tyrensem transiit anno 1163. mense Martio, ut supra inter archiepiscopos Tyrenses, *col. 1313. D.* dictum est. Hæc omnia refert Wilhelmus Tyrius, *lib. 17. cap. 21. lib. 18. capp. 1. 6. & 20. & lib. 20. cap. 1.*

## IV. WILLELMUS I.

Fredericum in Aconensi sede excepit  
*Tomus III.*

**A** Wilhelmus Tyrensis ecclesiæ archidiaconus, cujus archidiaconatus Wilhelmo Tyrio belli sacri scriptori collatus est, ipso teste, *lib. 20. cap. 1.* Wilhelmus ille Aconensis episcopus anno 1167. missus est cum Hernesio Cæsariensi archiepiscopo in Occidentem ad principes, auxilium Terræ-Sanctæ petitori, *ibid. c. 13.* Octavo autem anno regni Amalrici, adeoque an. 1169. quum is regnare cœpisset anno 1162. mense Febr. « Wilhelmus Aconensis episcopus, inquit laudatus Wilhelmus Tyrius, *ibid. c. 27.* ab urbe Constantinopolitana (quo perrexerat) à D. rege in Italiam directus, peragratis ejus partibus, & omni via ad obtinendum quod petebat, prudenter fideliterque prætentata, dum in redeundo ad propria remenso itinere ad dominum Imperatorem (Constantinopolitanum) ex condicito rediturus apud Adrianopolim secundæ Thraciæ claram metropolim pervenisset, casu sinistro mortem immeritus subiit inauditam. Nam dum hora meridiana longo fatigatus itinere post sumptum cibum membra sopori concessisset, quidam Robertus de comitatu ejus, quem ipse ad sacerdotium provexerat, & inter familiares receperat, in eodem in quo dominus episcopus conclavi jacens, jam de longa ægritudine qua plurimum laboraverat convalescens, furia invecus, dominum episcopum dormientem, arrepto gladio pluribus inflictis vulneribus, lethaliter confodit. Quem quum sui, qui exterius erant, clamantem audirent.... ostio ab intus firmiter obserato, ingredi non potuerunt. Tandem effracto violenter ostio, dominum semianimem, & adhuc circa præcordia modicum spiritus habentem, reppererunt. Volentes igitur prædictum maleficum vinculis mancipare.... voce & manu prohibuit, orans & petens ut pro remedio animæ suæ ei plenior fieret indulgentia, nec ad mortem ei præsens factum imputaretur postulans enixius, ultimum Domino tradidit spiritum III. kal. Jul. (id est die 29. Jun.) &c.» Id non contigisse nisi anno 1171. aut 1172. colligendum

Pppp



ECCLESIA  
ACONIS.

videtur ex instrumento quo concessit Willel-  
mus ille Stephano abbati Cluniacensi anno  
1170. ut construeretur in sua diocesi cœ-  
nobium hujus Ordinis. Extat instrumentum  
illud in libro dicto *Bibliotheca Cluniacensis*,  
*edit. Paris. 1614. col. 1432. B.* & sic habet:  
*Privilegium Willelmi Aconensis episcopi de con-*  
*struendo in parochia sua monasterio. Willelmus*  
*Dei gratia Aconensis ecclesiæ Latinorum epi-*  
*scopus quartus, Stephano Cluniacensis ecclesiæ*  
*R. abbati, &c. Factum est hoc in Aconensi civi-*  
*tate anno ab Incarnat. Dom. 1170. Indict. III.*  
*in præsentia domni Patriarchæ Amalrici, &*  
*domni regis Amalrici, (de) consensu capituli*  
*Aconensis ecclesiæ. Interfuerunt autem ibi viri*  
*venerabiles C. (E. scilicet Ernestus) Cæsa-*  
*riensis, L. Nazarenus archiepiscopi. R. quoque*  
*Bethleemita, B. Lyddensis, R. Tiberiadensis,*  
*R. Ebronensis episcopi: & plures alii religiosi*  
*viri.*

## V. JOSCIUS sive JOCIUS

## &amp; JORICUS.

*Joscius* iste, qui his variis nominibus repe-  
ritur scriptus, ut jam de eo observatum est  
inter archiepiscopos Tyrenses, *col. 1316. A.*  
Willelmo in sede Aconensi successit. «Eo-  
dem anno, inquit Willelmus Tyrius, *lib. 20.*  
» *cap. 27.* quidam *Joscius*, ejusdem ecclesiæ  
» canonicus, & subdiaconus, ix. kal. Decemb.  
» (id est die 23. Novemb.) in eadem ecclesia  
substitutus est.» Is anno 1179. adfuit con-  
cilio Lateranensi sub Alexandro III. Papa,  
ejusque Actis subscripsit. *Spicileg. tom. 12.*  
*pag. 643. Jocius Aconensis episcopus.* Ad ec-  
clesiam Tyrensem transit post mortem Wil-  
helmi belli sacri scriptoris.

## VI. RUFINUS.

*Joscio* ad Tyrensem ecclesiam post an-  
num 1183. translato, ejus sedem Aconensem  
obtinuit probabiliter *Rufinus* ille, quem per-  
iisse anno 1187. narrat Radulphus Anglus  
cœnobii Coggeshalensis abbas in chronico  
Anglicano, *tom. 5. veter. Script. & Monum.*  
*ampliff. collect. col. 812. A.* «Hoc anno, &c.  
» Tandem Tekedinus nepos Salahadini Gui-  
» donem regem Jerusalem fugam arripientem  
» cepit cum cruce Dominici ligni, interfecto  
» *Rufino* episcopo de Achon, qui eam contra  
» consuetudinem loratus portavit; & hoc Dei  
» judicio, qui magis in armis terrenis, quam  
cælestibus confidentiam habuit.»

## VII. \* \* \*

Anno 1190. in Christianorum castris Aco-  
nem obsidentium decessit *novus episcopus de*  
*Acon*, ex Rogero de Hoveden, *hist. part.*  
*poster. p. 685. lin. 28. edit. Francof. 1601.*

## VIII. \* \* \*

Idem Rogerus, *ibid. pag. 827. lin. 27.*  
alterius episcopi Aconensis meminit, qui anno  
1200. navi contracta in maritima Tripolis ante  
Byblium, ipse & plures viri honestissimi sub  
aquis perierunt. Is probabiliter fuit episcopus  
ille Aconensis, ad quem diriguntur epistola  
440. lib. I. Innocentii III. data 14. Nonas  
(id est die 2.) Decembris anno, ut videtur,  
1198. *tom. 1. edit. Baluz. pag. 261. col. 2.*  
& epistola 517. ejusdem libri I. data die 23.  
Decemb. *ibid. pag. 297. col. 1.* Item epistola  
257. lib. II. data die 15. Decemb. an. 1199.  
*ibid. pag. 509. col. 1. & pag. 599. col. 2.*

## IX. JOANNES II.

Ad annum 1202. memoratur in chronico  
Alberici *edit. Lipsiæ 1698. part. 2. pag. 426.*  
quidam *Joannes episcopus Aconensis electus.*  
«Adjuncti sunt, inquit, (principibus ad ex-  
peditionem Constantinopolitanam pergen-  
tibus) episcopus *Joannes Aconensis electus,* «  
&c.» Idem nondum adhuc consecratus, unus  
fuit ex 12. qui Balduinum I. post captam  
Constantinopolim in Imperatorem elegerunt  
anno 1204. *ibid. ad eum annum, pag. 437.*  
«Duodecim electores de communi assensu  
sunt constituti, scilicet, &c *Magister Joan-* «  
*nes Aconensis electus, &c.»*

## X. TEDALDUS.

Ughellus, *to. 4. Ital. sac. vet. edit. col. 1097;*  
D. observat tempore Petri I. Bethleemitani  
episcopi (de quo nos supra, *col. 1280. C. D.*)  
fedissee Tedaldum Aconensem episcopum.  
D «Ejusdem Petri, inquit, mentio habetur  
anno 1205. mense Septembri, & sequenti «  
anno. *Acconensis ecclesiæ episcopus tunc erat* «  
*Tedaldus* successor Jorsii (non tamen imme- «  
diatus) in concilio Lateranensi anno 1179. «  
noti, inde Tyrensis archiepiscopi Guillelmi «  
belli sacri scriptoris successoris. *Tedaldus suc-* «  
*cessorem excepit Gualterum.»*

## XI. GUALTERUS.

Anno 1212. Acconensis præful erat *Gual-*  
*terus*, ut patet ex instrumento Alberti Pa-  
triarchæ Hierosolymorum, & Gualteri Aco-  
nensis episcopi, circa negotia quædam inter  
Januenses & Pisanos confecto, apud lauda-  
tum Ughellum, *ibid. col. 1099. A.* Titulus  
est: *Albertus, Dei gratia Patriarcha Hieroso-*  
*lymitanus, Gualterus episcopus Acconensis, &*  
*Andreas Vicecomes Venetorum. Finis: Datum*  
*Accone in palatio episcopali, anno Incarnationis*  
*Dom. 1212. II. idus (id est die 12.) April. In-*  
*dict. xv. ibid. col. 1100. C.* Idem probabiliter  
fuit, ad quem & ad Sidonensem episcopum



dirigitur epistola 164. lib. xv. Innocentii III. A  
data Later. iv. kal. Octob. anno xv. (id est  
die 28. Septemb. eodem anno 1212.)

## XII. JACOBUS.

## XIII. JOANNES III.

## XIV. RODULPHUS.

*Jacobus de Vitriaco*, qui celebris exitit mul-  
torum operum scriptor, è vico Argentolio  
prope Lutetiam Parisiorum ortus est, cujus  
municipii presbyter quoque fuit: in cœnobio  
deinde S. Nicolai ad Sabium fluvium Bra-  
bantiæ, diœcesis Namurcensis, olim Leo-  
diensis, canonicorum regularium suscepit in-  
stitutum. Crucem adversus Albigenes anno  
1212. & sequentibus incredibili zelo prædi-  
cavit. Anno 1216. episcopus Aconensis elec-  
tus est, ex chronico Alberici ad eum annum,  
*part. 2. pag. 494.* Sic enim ibi legitur: *Ma-*  
*gister Jacobus de Vitriaco religiosus prædicator*  
*factus est in partibus transmarinis Aconensis*  
*episcopus; sive Ptolemæidis dicatur, sive Acon,*  
*ipsa est quæ Acra nunc vocatur.* In Orientem  
profectus Christianis Terræ-Sanctæ maximo  
fuit adjumento: adstitit colloquio Joannis  
regis Hierosolymorum cum Ægypti Soldano  
de Damiatâ Saracenis reddenda anno 1221.  
ipseque cum eodem rege obsides apud Infide-  
les mansere, donec iis restitueretur urbs  
illa, ex continuatore Gallo historiæ Willelmi  
Tyrii, *tom. 5. vet. Script. & Monum. ampliff.*  
*collect. coll. 693. E. & 694. D. nn. 83. & 84.*  
In Occidentem postea venit; certe Rhemis  
aderat initio anni 1227. ex laudato Alberici  
chronico ad eum annum, *pag. 522.* ubi sub-  
ditur, *pag. 523.* eum *Romam abiisse cum*  
*festinatione evocatum à summo Pontifice (Gre-*  
*gorio IX.) & paulo post mare transivisse.*

Idem auctor ad annum 1229. *pag. 530.*  
hæc habet de Jacobo & duobus ejus succef-  
soribus: «Magister Jacobus, dimisso episco-  
» patu suo (Aconensi) in partes Leodii re-  
» versus, & inde Romam à Papa accersitus, fit  
Cardinalis episcopus Tusculanus.» (Ughel-  
lus, *tom. 1. vet. edit. col. 268. num. 17. D.* id  
contigisse asserit anno 1228.) Anno autem  
1239. aut 1240. idem Jacobus de Vitriaco  
in Patriarcham Hierosolymorum electus fuit,  
sed eum confirmare noluit Gregorius IX. ut  
supra observatum est inter Patriarchas Hie-  
rosolymitanos, *col. 1236. E.* Obiit (Jaco-  
bus) ex laudato Alberici chronico ad annum  
1240. *pag. 575. Romæ, kal. (id est die 1.)*  
*Maii: ejus vero ossa post aliquantulum tem-*  
*poris translata sunt apud Oignies Leodiensis*  
*diœcesis, & ibi honorifice tumulata.* Ughellus  
tamen loco citato eum decessisse scribit an-  
no 1244. die 30. Aprilis.

Tomus III.

Idem Albericus ad annum 1229. *p. 530.*  
hæc de duobus Jacobi in ecclesia Acconensi  
successoribus habet: «Post quem fuit Romæ  
consecratus in episcopum Aconensem Ma-  
gister *Joannes de Pruvino*, decanus Parisiensis,  
qui mare transivit, & infra biennium obiit:  
& ita post ipsum electus est Magister *Rodul-*  
*phus Tornacensis.*» Migravit itaque ex hac  
vita Joannes de Pruvino anno 1230. aut  
1231. nec quicquam aliud de eo scimus.

Quod ad *Rodulphum* attinet, is utique  
fuit episcopus ille *Aconensis*, ad quem scripsit  
Gregorius IX. anno 1236. pro sedanda dis-  
cordia inter Aconenses cives & Fredericum  
Imperatorem, teste Raynaldo ad eum an-  
num, *num. 25.* Videtur etiam fuisse *R. Aco-*  
*niidis*, qui initio epistolæ Prælatorum &  
Baronum Terræ-Sanctæ ad Theobaldum  
regem Navarræ, &c. datæ Acone die 6. Oc-  
tobris anno circiter 1239. legitur, *tom. 1.*  
*Thef. novi Anecdotor. col. 1012. C. D.* Item  
*R. episcopus Aconensis*, qui præfixus extat epi-  
istolæ Roberti Patriarchæ Hierosolymorum,  
datæ Acone die 25. Novemb. anno 1244.  
Capud Matth. Paris ad eum annum, *p. 427.*  
*col. 1. D.*

Porro dum Aconensi ecclesiæ præerat Ro-  
dulphus iste, sepultus est in templo FF. Præd.  
hujus civitatis, venerabilis *Fr. Jordanus*, ejus-  
dem Ordinis primus post S. Dominicum  
generalis Magister, cujus vitam sanctitate &  
miraculis claram legere est *tom. 2. Februar.*  
*Actor. SS. doctiff. Bolland. à pag. 720. ad*  
*pag. 739.* Hæc autem de ejus obitu & sepul-  
tura scripsit Cornelius Zanfiet, monachus  
Benedictinus S. Jacobi Leodiensis, in suo  
chronico ab anno 1230. ad annum 1461.  
*tom. v. vet. Script. & Monum. ampliff. collect.*  
*edit. Paris. 1729. col. 71. A. B.* «Eodem  
anno (1236. stylo veteri, fuit 1237.) idibus  
(id est die 13.) Februarii, Magister Jordanus  
pastor totius Ordinis FF. Prædic. obiit in  
mari. Dum enim in Terram-Sanctam ad  
visitandum fratres & loca sancta pergeret,  
inundante maris sævitia galeam in qua fuerat  
cum duobus fratribus & 90. personis ad littus  
perpellente, Pater cum illis submersus est:  
quumque corpora jacerent inhumata, lumi-  
naria de cœlis super illos effulserunt, sed &  
cruces multæ super illos à multis visæ sunt:  
ad quod miraculum incolæ loci cōfluentes,  
tanti odoris fragrantiam hauserunt, ut usque  
ad decem dies odor ille suavissimus à ma-  
nibus eorum qui sepelierunt eosdem, non  
recederet, sed per sepulturæ circuitum sua-  
vitas ejusdem odoris latius emanabat. Verum  
fratres de Accon cum barka venerunt, & illos  
in ecclesiam suam transfulerunt, ubi etiam  
dictus Pater miraculis coruscat infinitis.»

P p p p ij



ECCLESIA  
ACONIS.

Addit Stephanus de Lufiniano, Cyprius, A  
Ord. Præd. in historia generali Cypri, c. 19.  
anno 1572. exarata, & Gallicè versâ, ipsomet  
curante, anno 1578. edit. Par. 1604. p. 90.  
sepulcrum Jordani adhuc sua ætate esse in  
veneratione singulari, etiam apud Saracenos:  
non quidem quod ibi orationes fundant; sed  
quod, destructa jamdudum ecclesia cum cœ-  
nobio FF. Prædicat. ei tegumentum impo-  
suerint, quo innotescat esse ibi quid sacrum.  
«Le conuent ou monastere principal de la  
» prouince de la Terre-Sainte entre les FF. B  
» Prêcheurs, dit-il, est celuy de S. Jean d'Acre  
» ou de Ptolomaide, auquel S. Jordan est ense-  
» ueli avec ses deux Freres, qui fut le premier  
» General de l'Ordre apres S. Dominique, des-  
» quels encore pour lejour d'huy les Sarazins  
» honorent le sepulcre, jaçoit qu'ils n'y fassent  
» aucunes prieres, le gardant par grande singu-  
» larité. Et combien que ce monastere ait esté  
» destruit par eux, comme beaucoup d'autres,  
» toutefois il y a au coing de l'Eglise un petit  
» lieu couuert, sous lequel est mis ce sepulcre.» C

## XV. GUALTERUS II.

## XVI. FLORENTIUS.

## XVII. GUILLELMUS II.

Rodulpho verisimiliter successit in sede  
Aconensi *Gualterus*, quem continuator Gal-  
lus historiæ Willemi Tyrensis, lib. 26. n. 3.  
tom. 5. vet. Script. & Monum. ampliss. collect.  
col. 735. B. obiisse asserit anno 1253. *Gautier*  
*l'Euesque d'Acre*. Hunc vero excepisse vi-  
detur *Florentius*, qui Romæ consecratus epi-  
scopus Aconensis, cō appulit anno 1256.  
ex eodem auctore, *ibid.* E. A. MCCLVI...  
*apres le jor de S. Johan vint en Acre Maistre*  
*Florent Euesque d'Acre sacré a Rome*. Is  
translatus est ad Arelatensem ecclesiam ab  
Urbano IV. anno 1263. ubi obiit an. 1266.  
die 30. Maii, ex necrologio S. Andreæ Ave-  
nionensis. Ipsi autem eodem anno 1263. in  
sede Aconensi, cujus etiam tunc administra-  
tio unita fuit patriarchatui Hierosolymitano,

subrogatus est *Guillelmus* ecclesiæ Aginnen-  
sis in Gallia episcopus, de quo vide supra inter  
Patriarchas Hierosolymorum, col. 1260. A.

Urbs Acon exinde usque ad annum 1291.  
quo Christianis erepta est à Saracenis, Pa-  
triarcharum ac regum Hierosolymorum sedes  
fuit, cui præfuere antistites qui sequuntur,  
videlicet, XVIII. Thomas. XIX. Elias.  
XX. Nicolaus I. XXI. Nicolaus II. XXII.  
Gualterinus. XXIII. Ludovicus. XXIV.  
Rodericus.

De *Thoma Agni de Lentino*, *Elia*, & *Nico-*  
*lao de Hanapis* Patriarchis Hierosolymorum,  
simulque *Aconensibus* episcopis, quorum pri-  
mus & tertius fuerunt Ordinis Prædic. jam  
dictum est, coll. 1261. B. 1262. E. & 1263. A.

*Nicolaus* alter, cognomento *de Arluno*,  
Ordinis Carmelitarum, episcopus Acconen-  
sis renuntiatus est circa annum 1367. & obiit  
anno 1392. Ita *Daniel à V. M.* tom. 2. *Spec.*  
*Carmel. part. 5. lib. 3. pag. 945. num. 3323.*  
qui etiam observat, *ibid.* cum in nonnullis  
instrumentis dici episcopum *Azotensem*.

*Waddingus*, tom. 4. *annal. Min.* ad annum  
1392. num. 16. pag. 298. scribit ecclesiæ  
Acconensi in Syria sub archiepiscopo Ty-  
rensi vacanti per obitum Nicolai (utique  
quem modo memoravimus) suffectum esse  
à Bonifacio IX. eo anno die 6. Novembris  
*F. Gualterinum de Sorrezana*, Minoritam.

*Fontana Theat. Domin.* pag. 114. tit. 8.  
n. 2. refert *Fr. Rodericum Alvarum*, Ordinis  
Præd. post obitum cujusdam *Ludovici* Aco-  
nensis episcopi, huic ecclesiæ præfectum esse  
à Bonifacio IX. anno 1397. VIII. idus (id  
est die 6.) Januarii. Ejus quoque meminit  
*R. P. Bremond*, tom. 2. *Bullar.* pag. 466. ad  
eum annum; sed dicit eum promotum fuisse  
VIII. idus (id est die 6.) Junii. Et revera  
diploma pontificium quod protulit p. 363.  
datum est VIII. idus Junii.

A cæteris episcopis Aconensibus recen-  
sendis supersedeo, quibus deinceps suæ sedis  
adipiscendæ spes omnis evanuerit.

## V. ECCLESIA PANEADIS.

*PANEAS* est *Cæsarea Philippi* in Trachonitide regione. Hanc urbem *Philostorgius*  
fuisse olim appellatam *Dan* existimat; verum *Dan* à *Pancade* distinguit S. Hieronymus  
in locis Hebraicis. *Dan* viculus est in quarto à *Pancade* milliaro euntibus *Tyrum*; qui usque  
hodie sic vocatur, terminus *Judææ* provincie contra septentrionem. Quod *Pancadem* spectat:  
hanc quidem *Herodes senior*, auctus à *Cæsare* (Augusto) nova regione (Trachonitide scilicet)  
verba sunt *Josephi*, lib. 1. de bello Jud. cap. 17. etiam in illa ipsa templum ei (Augusto)  
juxta *Jordanis* fontes posuit. *Panium* ille locus nuncupatur *παλῆται δὲ Πανίων ὁ τόπος*. At filius  
ejus *Philippus*, hæres *Trachonitidis* factus, *Pancadem* oppidum condidit, sive ampliavit  
ornavitque, & *Cæsaream* appellavit, quæ ex eo dicta est *Cæsarea Philippi*. *Philippus*, inquit  
laudatus *Josephus*, lib. 2. de bello Jud. cap. 13. juxta *Jordanis* fontes in *Pancade* in *Πανιάδα*



(regiuncula) urbem condit Cæsaream. Paneas utique non hujus oppidi tantum nomen fuit, sed & parvæ regionis, ac etiam fontis, ut observat Plinius, lib. 5. cap. 15. ubi ait: «Jordanis amnis oritur è fonte Paneade, qui cognomen dedit Cæsareæ (Philippi).» Et c. 18. «Intercurfant cinguntque has (Decapoleos) urbes tetrarchiæ, regionum instar singulæ, & in regna contribuuntur, Trachonitis, Paneas in qua Cæsarea cum supradicto fonte.» Mons quoque, ad cujus radices Cæsarea Philippi sita erat, Paneum nuncupabatur, ex Eusebio, lib. 7. hist. Eccl. cap. 17. his verbis: «Apud Cæsaream Philippi, quam Phœnices Paneada» nominant Πανεάδα ad pedes Panii montis Πανεύς δευς, fontes visuntur, ex quibus profluit Jordanis.» Ita Cellarius, tom. 2. geogr. antiq. lib. 3. c. 13. pp. 484. 619. & 620. Scriptores belli sacri Cæsaream istam tradunt Paneadem & Belinam suo tempore communius fuisse appellatam. Nunc excisam jacere docet M. A. Baudrand, tom. 1. geogr. pag. 204. col. 2. & ante ipsius portas confluere fluviolos Jor & Dan fluvium Jordanem efficientes: ipsam vero extare inter Tyrum ad occasum 40. milliar. & Damascum ad ortum paulo minus; demum distare Hierosolymis 110. milliar. Vide tom. 2. hujus operis, coll. 831. 832. & Palæstinam illustratam Hadriani Relandi edit. Traject. Batav. 1714. tom. 2. pag. 918.

## E P I S C O P I P A N E A D I S.

## I. A D A M.

Civitate Paneade capta à Fulcone Hierosolymorum rege an. 1132. aut 1133. Adam ei præfectus est, cujus promotionem sic describit Willelmus Tyrius, lib. 15. hist. c. XI. «Nostri vero civitate recepta, D. Patriarcha» (Willelmo) id procurante, dominoque Fulchero Tyrensi archiepiscopo, ad cujus jurisdictionem Paneadensis ecclesia jure metropolitico certum erat pertinere id concedente & electionem approbante, dominum Adam, archidiaconum Acconensem, in episcopum ejusdem loci eligunt, & curam fidelium illic commorari volentium committunt spiritua-

lem, &c.» Is anno 1147. solemni conventui Acone congregato pro sanciendo modo bellum utiliter gerendi contra Saracenos, affuit cum aliis Palæstinæ præsulibus, apud auctorem gestorum Ludovici VII. regis Galliæ, cap. 18. tom. 4. Script. hist. Francor. Andreæ Duchesne, pag. 404. A. & apud laudatum Willelmum Tyrium, lib. 17. c. 1.

## II. J O A N N E S I.

Anno 1169. sedebat Joannes Paneadensis episcopus, quem, teste præfato Willelmo Tyr. l. 20. c. 13. Fredericus Tyrensis archiepiscopus missus eo anno in Occidentem ab Amalrico rege secum duxit. Verum episcopus ille statim apud Parisios ultimum clausit diem.

## III. J. fortassis J O A N N E S II.

Joannis modo memorati successor pro-

habiliter fuit ille J. quem, vivente adhuc Amalrico rege qui obiit anno 1173. die XI. Jul. Ludovico VII. regi Francorum Amalricus Patriarcha Hierosolymorum plurimum commendavit. Nam inter epistolas 28. à diversis scriptas huic Galliæ regi, in libro cujus titulus *Gesta Dei per Francos*, à col. 1172. ad col. 1185. sexta extat ab Amalrico Patriarcha præfata ad eum regem directæ, in qua legitur, col. 1172. «Habemus autem in finibus patriarchatus nostri in civitate Paneadensi quæ dicitur Belinas, ecclesiam quamdam, &c.» Novissime autem temporibus nostris suscitavit Deus spiritum servi sui J. venerabilis fratris nostri in eadem civitate de novo ordinati & constituti episcopi, qui multo corporis labore, multa rerum suarum impensa, eandem ecclesiam ad pristinum statum revocare cupiens, per varia pericula maris & terræ transitum faciens, ad genua charitatis vestræ tandem elapsus est, ut calamitatem & mendicitatem tantæ & tam reverendissimæ ecclesiæ vobis insinuet, &c.»

## IV. \* \* \*

Gregorius X. archiepiscopo Nazareno, Bethleemitano & Paneadensi episcopis, epistolam scripsit anno 1272. die 24. Octobris, ut de coronatione regis Cypri cognoscerent, &c. Hanc Raynaldus refert, tom. 14. annal. ad eum annum, num. 19.

## VI.

## ECCLESIA SAREPTÆ.

SAREPTA, urbs Palæstinæ Plinio, quæ Sarepta Sidoniorum Livio, & Sarapta Stephano; in ora maris Syriaci, & in confinio Phœnices, episcopalis sub archiepiscopo Tyrensi in planitie, estque fere media inter Sidonem ad septentrionem, & Tyrum ad meridiem, 10. milliaribus circiter utrinque distans, nunc diruta jacet Tsarphand nuncupata à Nubiensi Geographo, Saraphendi Gistello, & Sarphat Zieglero. Hæc M. A. Baudrand, tom. 2. geogr. pag. 202. col. 2. Sareptha Σαρεπθά à Græcis interpretibus, lib. 3. Reg. cap. 17. vers. 9. & à Josepho, lib. 8. Antiq. cap. 7. appellatur, Zarpath vero sive Tsarphathah in textu Hebræo.



ECCLESIA  
SAREPTÆ.

In agro Sidoniorum sita erat, hospitiumque olim fuit Eliæ Prophetæ apud pauperculam viduam, cujus filium suscitavit à mortuis. Dicitur Græcè Σαρεπτα, *Luc. cap. 4. vers. 26.* Ejus vinum celebrat Sidonius Apollinaris Carmine XVII.

*Vina mihi non sunt Gazetica, Chia, Falerna,  
Quæque Sareptano palmite missa bibas.*

Vide Hadrianum Relandum, *tom. 2. Palæst. illustr. edit. Trajecti Batav. 1714. coll. 985. & 1057.* Cellarium, *tom. 2. geogr. antiq. lib. 3. cap. 13. pp. 451. & 452.* & Thomam de Pinedo in Stephanum Byzantium, *edit. Amstelod. 1678. pag. 587. annot. 50. col. 2.* Urbs Sarepta in notitiis Græcis non memoratur; quod signum est hanc ad episcopalem sub Tyro cathedram non fuisse evectam, nisi sæculo XII. aut XIII. sub Latinis. Willemus Tyrius, *lib. 14. hist. cap. 14.* eam fuisse testatur ditionis præfulis Sidoniensis: *Sidonienfis*, inquit, *detinebat, sicut & nunc etiam detinet, Sareptanum* episcopatum. Aliquot tamen habuit Sarepta antistites proprios ritus Latini post hujus Willemi tempora.

## EPISCOPI SAREPTÆ.

## I. RADULPHUS.

**R**ADULPHUS episcopus erat Sareptæ, antequam evaderet Hierosolymorum Patriarcha post Gualterum initio sæculi XIII. Ejus enim meminit Albericus in chronico ad annum 1214. *part. 2. p. 475. edit. Lips. 1698.* Cui (Gualtero,) inquit, *successor factus est Magister Radulphus qui erat in Sarepta Sidoniorum episcopus.* De eo vide supra inter Patriarchas Hierosolymorum, *col. 1255. D.*

## II. BARTHOLOMÆUS.

## III. JACOBUS.

Thomas de Herrera, *tom. 1. Alphabeti Augustin. pag. 105. col. 2.* narrat Fr. Bartholomæum de Dorbato, Eremitam Augustinianum, à Bonifacio IX. anno 1390. die 24. Mart. ecclesiæ Sareptanæ esse præfectum. Is profecto Bartholomæus ille est, post cujus obitum eodem anno idem Pontifex Fr. Jacobum de Ockembrocke, Ordinis Prædic. renuntiavit episcopum Sareptanum, diplomate dato die 14. Novembris, quod exhibet R. P. Bremond, *tom. 2. Bullar. pag. 314.*

**A** Waddingus quidem, *tom. 4. annalium ad annum 1391. num. 3. pag. 289.* scribit ad sedem Sareptanam, vacantem per obitum Bartholomæi, evectum esse à Bonifacio IX. eo anno 1391. die 14. Septemb. Fr. Jacobum de Ockebrobre, Minoritam, sed non profert diploma pontificium: quare ii Bartholomæus & Jacobus non alii esse videntur à modo memoratis, quorum proinde posterior Dominicanus fuit, non Franciscanus; ejus autem promotio ad annum præcedentem 1390. pertinet, non ad annum 1391.

## IV. WENCESLAUS.

## V. NICOLAUS.

**B** Brevi potitum sede Sareptana oportet Jacobum istum, sive ad aliam transferit, sive cito decesserit: nam laudatus Waddingus, *ibid. ad annum 1394. num. 5. pag. 306.* ait Sareptensem episcopum post mortem Wenceslai creatum esse à præfato Bonifacio IX. eo anno die 17. Jul. Fr. Nicolaum de Bezmintz, Ordinis Minorum.

Atque hæc de Patriarchatu Hierosolymorum sub præfulibus ritus Latini.

Monitum.

**A**D calcem coll. 1139. 1140. observatum est, casu omissum fuisse, *col. 1070. C. inter præfules Sebastes in Armenia Fr. Paulum Francisci, Ord. Min. cujus meminit Waddingus, tom. 5. annal. ad annum 1428. num. 3. pag. 197.* Porro deleri debet observatio hæc tota: quia reipsa Paulum illum recensuimus, *col. 1072.* ubi de episcopis Sebastopolitanis Sebastes suffraganeis egimus, quibus, non vero Sebastenis, accensendum ipsum constat ex diplomate Martini V. *Divina disponente*, dato eo anno die 23. Jul. quod exhibet præfatus Waddingus, *ibid. in Reg. Pont. pag. 160.* Ansam autem erroris præbuerunt verba ista ejusdem Waddingi *pag. 197. supra laudata:* «Creati sunt hoc anno (1428.) episcopi, Sevastopolitanus, seu Sebastes in Armenia, sub Patriarcha Constantinopolitano, Fr. Paulus Francisci, &c.»

Dissertationi supra positæ, *coll. 1231. 1232.* addendum reor, reliquias Lazari Citio Constantinopolim translatas, eo probabilius fuisse S. Lazari monachi Constantinopolitani, quod in Menologio Græcorum de ea translatione legatur: *Relatio pretiosarum, &c.* Vox enim ista *Relatio* evidenter supponit reliquias illas fuisse cujusdam Lazari, qui Constanti-nopoli commoratus fuerat. Certe eodem modo in præfato Menologio, *tom. 2. vet. Lect. Canisii pag. 735.* ad diem 27. Jan. de translatione corporis S. Joannis Chrysostomi extat: *Relatio reliquiarum S. Joannis Chrysostomi, &c.*



# APPENDIX

## AD ORIENTEM CHRISTIANUM.

### ECCLESIAE ORIENTALIS TRACTUS, A LATINIS CONDITAE vel ADMINISTRATAE.

**D**UM res Christianorum in Syria & Palæstina sæculo decimo tertio in dies pessum irent, viri apostolici, inter quos plures extitere Ordinum Prædicatorum & Minorum alumni, in terras Infidelium per Orientem evangelium Christi invexerunt, novasque condiderunt ecclesias, quas sub beneplacito Romani Pontificis gubernabant. Honorius III. in epistola data anno 1225. die 7. Octob. apud Waddingum, *tom. 1. annal. ad hunc annum, pag. 338.* & R. P. Antoninum Bremond, *tom. 1. Bullar. Ord. Præd. pag. 16.* ad quosdam ex utroque Ordine assumptos missionarios ita loquitur: *Vos in regnum Miramolinum sedis apostolicæ transmittit auctoritas, ut evangelizantes illic Dominum J. C. quantum ipse dederit, convertatis incredulos, erigatis lapsos, sustentetis debiles, pusillanimes confolemini, & fortes nihilominus confortetis, &c.* Refert idem R. P. Bremond, *ibid. pag. 58.* litteras Gregorii IX. Dominicanis in terras Saracenorum & Paganorum proficiscentibus, &c. datas an. 1233. die 26. Jul. & p. 73. alias ejusdem Pontificis, FF. Ord. Præd. in terris Infidelium & Schismaticorum constitutis, &c. datas anno 1235. die 15. Februar. item pag. 136. epistolam Innocentii IV. Magistro (præfati Ordinis Præd.) & Priori provinciae Terræ-Sanctæ, datam anno 1244. die 22. Martii, in qua legitur.... *quod fratres vestri Ordinis, qui à vobis, vel altero vestrum deputantur ad prædicandum Jacobitis, Nestoritis, Georgianis, Græcis, Armenis, Maronitis, & Mosollinis, &c. & pag. 237.* aliam ejusdem Innocentii, datam anno 1253. die 23. Julii dilectis filiis de Ordine Præd. in terris Saracenorum, Paganorum, Græcorum, Bulgarorum, Cumanorum, Æthiopum, Syrorum, Iberorum, Alanorum, Gazarorum, Gothorum, Zicocorum, Ruthenorum, Jacobitarum, Nubianorum, Georgianorum, Armenorum, Indorum, Mosilicorum, Tartarorum, Hungarorum majoris Hungariæ, Christianorum captivorum apud Tartaros, aliarumque infidelium nationum Orientis, seu quarumcumque aliarum partium proficiscentibus, &c. Ad illas omnes regiones missos esse & penetrasse Dominicanos sæculis XIII. XIV. & XV. ex earum simili enumeratione in litteris Clementis IV. Nicolai III. Nicolai IV. Joannis XXII. Gregorii XI. & Martini V. palam est *tom. 1. Bullar. R. P. Bremond, pp. 482. & 559. & to. 2. pp. 22. 136. 154. 184. 280. & 552.* Item ex Raynaldo, *to. 15. ad annum 1318. n. 7.*

Narrat idem Raynaldus, *tom. 13. annal. ad annum 1253. num. 48.* Innocentium IV. Odoni Cardinali episcopo Tusculano sedis apostolicæ legato, ad preces S. Ludovici regis Francorum, qui amplificandi christiani nominis modos omnes studiosissime inquirens, suos ea de causa oratores ad Tartaros direxerat, injunxisse, ut è Prædicatorum & Minorum Ordinibus religiosos viros pietate & doctrina præstantes episcopos crearet, qui fidem christianam inter Tartaros disseminarent. Pontificis litteras profert, *ibid. num. 49.*

His porro temporibus institutas esse in utroque Ordine Præd. & Minor. missionariorum congregationes, dictas *Fratrum Peregrinantium propter Christum*, tradit Jacobus Scrobissevius in suo opere *de episcopis Haliciensibus, cap. 9.* cujus hæc verba transcribit Waddingus, ad calcem *tom. 4. annal. Min. in additionibus ad to. 2. p. 17. n. 3.* « Constat Innocentium IV. posteriori tempore, anno nimirum 1252. instituisse societatem *Fratrum Peregrinantium propter Christum* ex religiosis B. Dominici & S. Francisci, cujus institutum erat excurrere ad terras « Infidelium & Schismaticorum, ad prædicandam & propagandam fidem Christi. Ea societas, « Domino cooperante, brevi ita crevit, ut non solum per Poloniam, Russiam, Podoliam, « Wolhiniam, Lithuaniam, Walachiam utramque; verum etiam per varias Orientis & Septen- « trionis Infidelium & Schismaticorum nationes proferens uberes religionis & fidei christianæ « fructus, dilatata & propugnata fuerit, &c.» Ad vicarium fratresque hujus congregationis Ordinis Præd. data extat epistola Gregorii XI. anno 1375. die 28. Januarii, qua concedit ut in usum illorum cedant conventus Chiensis, Caphensis, Trapefundensis, & Peyræ in suburbio urbis Constantinopolis, quibus jam fuerant potiti; sed in ditionem postea provinciae Græciæ devenerant. Hanc exhibet laudatus R. P. Bremond, *tom. 2. Bullar. pag. 287.*



ut & Waddingus pariter epistolam Bonifacii IX. vicario & fratribus Minoritis societatis Peregrinantium anno 1399. datam die 6. Januar. *tom. 4. ad eum annum, num. 2. pag. 323.* In iis congregationibus Peregrinantium adfuisse archiepiscopos & episcopos colligitur ex epistola Joannis XXII. Papæ, data anno 1329. die 1. Octobris, quam refert præfatus R. P. Bremond, *tom. 2. pag. 184.* in qua ait Pontifex: « Joannes XXII. servus, &c. venerabilibus FF. archiepiscopis & episcopis, necnon dilectis filiis FF. Ordinis Præd. in terris Saracenorum, &c. Gratias agimus, &c. Liceat quoque vobis, fratres archiepiscopi & episcopi Ordinis fratrum Præd. professoribus, & successoribus vestris archiepiscopis & episcopis qui erunt pro tempore in illis partibus ordinati, &c. » Similem citat epistolam anno 1318. 1. Maii, Waddingus ad calcem *tom. 4. pag. 18. num. 3.* Metropolitanos quidem harum regionum renuntiabant Romani Pontifices; at illis potestatem faciebant, ob distantiam locorum, subditos sibi præfules ordinandi, & episcopales erigendi sedes, ubi sufficiens christianæ plebis multitudo reperiretur. De iis itaque ecclesiis nonnihil dicendum duxi pro coronide totius hujus operis.

## ECCLESIAE TARTARIAE & SINARUM.

**D**E Tartaria majori hæc tradit Michael Baudrand, *tom. 2. geogr. pag. 290. col. 1. edit. Paris. 1681.* « Pars est Asiæ amplissima, magis ad boream extensa, ubi aliàs Scythia intra & extra Imaum (montem maximum) & Serica regio, secundum recentiores. Dividitur à quibusdam in quatuor partes, nempe in *Tartariam veram*, quæ ad septentrionem & ad ortum extenditur, *Tartariam desertam*, quæ ad occasum, *Zagatayam*, quæ versus Persiam, & *Turcheistaniam*, quæ ad meridiem versus Indiam propriam. Alii autem, & melius, uti Arabes, dividunt Tartariam magnam in plures partes Europæis vix nomine notas: quarum præcipuæ sunt *Thibetum* regnum, ubi forsân aliàs pars australis Scythiæ extra Imaum; *Trans Oxiana* sive *Maurahnaharia*, *le Maurenaher*, *le Mawarahnahra*, ubi olim Jaxartæ & Sogdiana pro majori parte; *Olgaria* seu *Kalmuchi* populi, ubi forte aliàs Orgasi populi Scythiæ intra Imaum; *Chazalgitæ*, ubi olim Sacæ populi Scythiæ intra Imaum; *Chaulachitiæ*, ubi Alani Scythæ intra Imaum; *Mongalia*, *Mongal* seu *Moal*, & *Magog*, ubi forsân olim Hyperborei Scythæ; *Kaimachitarum* seu *Naimanorum* perampla regio, ubi aliàs pars septentrionalis Scythiæ extra Imaum, & Sericæ regionis; *Tangutum* regnum, ubi pars meridionalis Sericæ regionis, ut credunt recentiores; *Niucanum* regnum seu *Tenduc*, ubi minor pars Sericæ australis; & *Yupia* regio maxime in ortum extensa, ut quidam existimant: & de his omnibus pauca dici possunt, quum in his raræ sint urbes. De his Abulfeda fusius. Subest Tartaria plurimis regibus, ex quibus reges Niucani Sinarum imperium devastarunt ( sæculo proxime elapso ) & etiamnum occupant ex magna parte. Terminatur autem Tartaria magna à septentrione mari Boreali seu Scythico, ab oriente mari Kaimachitarum, ab occidente Moscovia, & à meridie Persiæ, Indiæ, & Sinarum imperiis. Hujus urbes, secundum recentiores, sunt *Asmireia* sive *Chacan Kaimach*, *Baghara*, *Camulum* sive *Xamo*, *Casgarium*, *Issedon* Scythica sive *Carocoram*, *Issedon* Serica sive *Suchur*, *Maracanda* sive *Samarcaud*, & *Ottorocora* sive *Tuluphan*. » Earum regionum populis nomen *Tartarorum* inesse ait Raynaldus, *tom. 13. annal. ad annum 1241. num. 1.* sive à fluvio hujus nominis, quo Scythiæ Asiaticæ extrema pars ad Orientem longe submota proluitur; sive à *multitudine* quæ apud eos *Tartar* appellatur: immeni enim armatorum numero vastissimas oras inundarunt.

Fontana in monumentis Dominicanis ad annum 1245. *pag. 52.* scribit ex Bzovio, *n. 13.* decretum esse in concilio i. Lugdunensi mittendos fore ad Tartarorum Imperatorem fratres Prædicatores & Minores, ut gentes illas ad catholicam fidem perducerent: delectos autem ad hoc ministerium ex Dominicanis fratres Anselmum, Alexandrum, Simonem & Albertum, Andream quoque missum nunc patebit; & ex Minoritis Joannem, Benedictum, & duos alios. Dum S. Ludovicus rex Francorum in insula Cypro degeret, ad eum venerunt Ercal-thay magnarum apud Tartaros opum atque auctoritatis viri oratores cum litteris Persico & Arabico idiomate exaratis; illas autem ab *Andrea religioſe Præd. familiæ viro ex iis quos Pontifex (Innocentius IV.) ad Tartaros legarat*, inquit Raynaldus ad annum 1248. *num. 34.* *traductas in Latinum sermonem ad reginam Blancham misit.* Innocentius ipse in epistola regi & populo Tartarorum data anno 1245. die 5. Mart. iis Fr. Laurentium de Portugallia & socios ejus Ordinis FF. Minor. hujus latores plurimum commendat, *ibid.* ad eum annum, *nn. 16. & 17.* Idem Raynaldus ad annum 1247. *num. 78.* refert hunc Papam religiosorum alios in septentrionalem Tartariam misisse, alios vero in Persidem & Indias, partemque decerpit relationis fratris Simonis Ordinis Præd. quæ extat apud Vincentium Bellovacensem, *lib. 31. Spec.*



*Spec. histor. cap. 40.* Assentitur doctissimus Assemanus, *tom. 3. Biblioth. Orient. Clementino-Vatic. part. 2. p. 132. edit. Rom. 1728.* ubi ait: *Ita in propaganda apud Nestorianos Tartaros, Indos, Persasque, Minores cum Prædicatoribus laudabili æmulatione certabant: nec in Oriente duntaxat, sed etiam in Aquilone ejus gentis conversionem pari studio procurabant, ut testis est Joannes XXII. in suis epistolis ad Mussaydam seu Boyssethan Tartarorum Imperatorem, ad Abuscanum filium Cotogani regis, ad Zopan Regilay regem, & ad Neophitos Aquilonares, Caphensis archiepiscopi ac Prædicatorum & Minorum opera ad christianam fidem adductos.* His ergo vastissimis regionibus christiana fide imbuendis summopere allaborarunt operarii evangelici à Romano Pontifice missi, qui & nonnullas sedes vel instaurarunt vel crexerunt, quarum ex præcipuis fuit *Cambaliensis*, à Joanne de Monte-Corvino Ordinis Minorum gubernata.

## I. ECCLESIA CAMBALIENSIS METROPOLIS.

**CAMBALUM**, quæ *Cambalu* Europæis, & *Chambalech* Arabibus dicitur, id est, urbs Domini, in Asia est, & Cataiæ regionis caput, de qua scripsit Marcus-Paulus Venetus. Hanc eandem esse cum Pekino urbe Sinarum regia existimant eruditi, quam opinionem pluribus probant Nicolaus Trigautius in libro *de Christiana expeditione apud Sinas*, Martinus Martinius in *generali Descriptione Sinarum*, Jacobus Gollius in *notis ad Alferganum & in Dissertatione de Cambalu*, Thevenotius, & alii. Ita Mich. Anton. Baudrand, *tom. 1. geogr. pag. 214. col. 1.* qui addit, *tom. 2. pag. 87. col. 2. Pechinum, Peking*, id est, *Palatium regium septentrionale*, urbem esse amplissimam, Pechinensis provinciæ præcipuam, & totius imperii Sinarum caput ab anno 1404. quo sedes regia eò translata fuit è Nanquino ab Imperatore Taifungo. Distat 100. milliar. in meridiem à celebri muro Sinensi, & 70. à sinu Gango in occasum, estque in parte septentrionali totius imperii sub dominio Tartarorum. Hanc urbem etiam *Jons* appellari ex nomine familiæ *Yven*, unde erat Coblaius hujus instaurator, observat doctissimus abbas Assemanus, *tom. 3. part. 2. Biblioth. Orient. pag. 513.*

## EPISCOPI CAMBALIENSES.

### I. JOANNES.

**JOANNES** de Monte-Corvino, sic dictus quod ex uno duorum oppidorum hujus nominis, in Apulia Daunia scilicet, vel in Piceno prope Salernum oriundus sit, Ordinem Minor. amplexus, maximam vitæ suæ partem consumpsit in Oriente, functionibus apostolicis impigre vacans, quibus innumeros Infideles & Schismaticos ecclesiæ catholicæ aggregavit. Hunc anno 1272. misit Michael Palæologus Imperator Græcorum ad Gregorium X. Papam, ut ipsi de adepto pontificatu gratularetur, apud Waddingum, *to. 2. annal. ad hunc annum, m. 3. & 4. p. 351. & seqq.* Rediit in Orientem, unde venit denovo anno 1288. ad Nicolaum IV. cum litteris Argonis regis Tartarorum, quibus significabatur Magnum Cham, ut appellant, optasse ut aliqui Latini christianæ fidei magistri ad se venirent. Annuit libentissime Papa, eundemque Joannem ac socios necessariis facultatibus munitos remisit anno sequenti 1289. in Orientem, scriptis litteris ad Cobilam Magnum Cham, Argonem regem, Caydonum principem, Iolum Pisanum nobilem & potentem ibi commorantem; item ad regem Armeniæ, & ad Mariam sororem

Tomus III.

A ejus, quas refert laudatus Waddingus ad annum 1289. *num. 2. & seqq. p. 546. & seqq.*

Idem Waddingus, *to. 3. ad annum 1305. m. 10. & 11.* duas exhibet epistolas Joannis de Monte-Corvino eo anno scriptas, quarum quidem priori deest titulus, posteriori vero finis. Istius titulus est: *Reverendo in Christo Patri Fratri N. N. Vicario generali Ministro Ordinis Fratrum Minorum, & Vicario fratrum & Magistro Ordinis Prædicatorum, & Fratribus Ordinis utriusque in provincia Persarum manentibus, &c.* In earum prima hæc leguntur, non indigna scitu: «Ego frater Joannes de Monte-Corvino de Ordine FF. Minorum recessi de Thaurisio civitate Persarum anno Domini 1291. & intravi in Indiam, & fui in contrada Indiæ ad ecclesiam S. Thomæ Apostoli mensibus 13. & ibi baptizavi circa centum personas in diversis locis, & socius fuit meæ viæ Fr. Nicolaus de Pistorio, de Ordine FF. Prædic. qui mortuus est ibi, & sepultus in eadem ecclesia. Et ego ulterius procedens perveni in Katag regnum Imperatoris Tartarorum, qui dicitur Magnus Cham, ipsum vero cum litteris D. Papæ ad fidem D. N. J. C. catholicam invitavi, qui tamen nimis inveteratus est idololatria, sed multa beneficia præstat Christianis, & ego sum

Qqqq



ECCLESIA  
CAMBALIENSIS.

» apud eum jam ante duos annos. Nestoriani  
» quidam christianitatis titulum præferentes,  
» sed à christiana religione plurimum devian-  
» tes, tantum invaluerunt in partibus istis, quod  
» non permittant quempiam Christianum alte-  
» rius ritus habere quantumlibet parvum ora-  
» torium, nec aliam, quam Nestorianam pu-  
» blicare doctrinam. Ad has siquidem terras  
» nec aliquis Apostolus, nec Apostolorum dis-  
» cipulus pervenit, & ideo præfati Nestoriani  
» per se, & per alios pecunia corruptos, perse-  
» cutiones mihi gravissimas intulerunt.... Ita  
» persæpe ad iudicium fui tractus cum igno-  
» minia mortis. Tandem per cujusdam confes-  
» sionem, Deo disponente, Imperator cognovit  
» meam innocentiam & malitiam æmulorum,  
» quos cum uxoribus & liberis exilio relegavit.  
» Ego vero solus in hac peregrinatione fui sine  
» socio annis undecim, donec venit ad me frater  
» Arnoldus Alemannus de provincia Coloniae,  
» nunc est annus secundus. Unam ecclesiam  
» ædificavi in civitate Cambaliech, ubi est præ-  
» cipua residentia Regis, quam ante sex annos  
» complevi, ubi etiam feci campanile, & ibi  
» tres campanas posui. Baptizavi etiam ibidem,  
» ut existimo, usque hodie circa sex millia per-  
» sonarum, & nisi fuissent supradictæ infama-  
» tiones, baptizassem ultra triginta millia, &  
» sum frequenter in baptizando, &c. Quidam  
» rex illius regionis Georgius de secta Nesto-  
» rianorum, qui erat de genere illustri magni  
» Regis, qui dictus fuit presbyter Joannes de  
» India, primo anno quo huc ego veni mihi  
» adhæsit, & ad veritatem veræ fidei catholicæ  
» per me conversus, minores Ordines suscepit,  
» mihiq; celebranti regiis vestibus indutus  
» ministravit. Sed quidam alii Nestoriani ipsum  
» de apostasia accusaverunt: tamen ipse ma-  
» gnam populi sui partem ad veram fidem ca-  
» tholicam adduxit, & ecclesiam pulchram se-  
» cundum regiam magnificentiam construxit,  
» ad honorem Dei nostri, sanctæ Trinitatis &  
» D. Papæ, vocans eam ecclesiam *Romanam*.  
» Qui rex Georgius ante sex annos migravit  
» ad Dominum verus Christianus, relicto filio  
» hærede ferme in cunabulis, qui nunc est  
» annorum novem. Fratres tamen ipsius regis  
» Georgii, quum essent perfidi in erroribus  
» Nestorii, omnes quos ille converterat, post  
» regis obitum subverterunt, ad schisma pristi-  
» num reducendo. Et quia fui solus, nec potui  
» recedere ab Imperatore Cham, ire non potui  
» ad illam ecclesiam, quæ distat ad 20. dietas:  
» tamen si venerint aliqui boni coadjutores &  
» cooperatores, spero in Deo quod totum po-  
» terit reformari; nam adhuc habeo privile-  
» gium prædicti regis Georgii defuncti, &c.  
» Ego jam senui, & canus factus sum potius  
» laboribus & tribulationibus, quam ætate: sum

enim annorum 58. Didici competentem lin-  
guam & litteram Tartaricam.... & jam trans-  
tuli in linguam illam & litteram totum No-  
vum Testamentum & Psalterium, &c. Data  
in civitate Cambaliech regni Catan, anno  
Domini 1305. die 8. mensis Januar.»

Porro quum tantus fructus evangelicæ præ-  
dicationis in Tartaria ad aures Clementis V.  
pervenisset anno 1307. Joannem de Monte-  
Corvino Cambaliensem archiepiscopum &  
metropolitam creavit eo anno, septemque  
Minoritas ei adjunxit in episcopos suffraga-  
neos, scilicet *Fr. Gerardum, Fr. Peregrinum,*  
*Fr. Andream de Perusio, Fr. Nicolaum de*  
*Bantra sive de Apulia, Ministrum provinciae*  
*S. Francisci, Fr. Petrum de Castello, Fr. An-*  
*druium de Assisio, & Fr. Guillelmum de Fran-*  
*chya sive de Villalonga aut Villanova:* quorum  
tres primi successive fuerunt episcopi eccle-  
siæ cathedralis erectæ in Cayton: tres qui  
sequuntur mortui sunt in ingressu Indiæ;  
postremus demum, vel in Orientem non  
perrexit, vel regressus est in Italiam, ubi ad  
ecclesiam Sagonensem assumptus est anno  
1323. diplomate *Cum pastoralis officii,* Joan-  
nis XXII. dato eo anno die 28. Februarii,  
apud Waddingum, *tom. 3. in Regesto Pontif.*  
*p. 142.* Hæc omnia refert idem Waddingus  
ad annum 1307. *num. 6. & seqq. pag. 60. &*  
*seqq.* qui etiam subdit, *ibid.* ad annum 1311.  
*num. 3. pag. 125.* ab eodem Clemente eo  
anno datos alios tres Minoritas Joanni de  
Monte-Corvino in episcopos suffraganeos  
& laborum evangelicorum socios, scilicet *Fr.*  
*Thomam, Fr. Hieronymum, & Fr. Petrum de*  
*Florentia:* & diplomata pontificia refert, *ibid.*  
*in Reg. Pont. pp. 42. & 44.* Id etiam narrat  
Raynaldus, *tom. 15.* ad annum 1311. *n. 74.*  
Obiit Joannes de Monte-Corvino anno cir-  
citer 1330. ut colligitur ex Cambaliensium  
Christianorum epistola ad Benedictum XII.  
quam profert laudatus Waddingus ad annum  
1338. *n. 3.* eo anno scriptam, in qua aiunt:  
«Hoc autem sanctitati vestræ sit notum,  
quod longo tempore fuimus informati in  
fide catholica, & salubriter gubernati, & con-  
solati plurimum per legatum vestrum fratrem  
Joannem, valentem, sanctum, & sufficien-  
tem virum, qui tamen mortuus est ante octo  
annos, in quibus fuimus sine gubernatore, &  
sine spiritali consolatione; licet audierimus  
quod providistis de alio legato, ille tamen  
nondum venit, &c.»

## II. NICOLAUS.

Joannes XXII. accepto obitus Joannis  
de Monte-Corvino nuncio anno 1333. *Fr.*  
*Nicolaum,* Minoritam, scientia & virtute spec-  
tatissimum, ipsi substituit, eique adjunxit



laborum socios viginti sacerdotes & sex laicos ejusdem Ordinis, quos per varias litteras datas die 1. Octobris hujus anni, Magno Cham Tartarorum Imperatori, & reliquis illius gentis regibus ac principibus, Leoni regi Armenorum, & Jacobo Catholico eorumdem commendavit. Has legere est apud Waddingum ad eum annum, *n. 1. & seqq. p. 394. & seqq.* & apud Raynaldum, *to. 15. ad eundem annum, num. 32. & seqq.*

Nicolaus tamen, nescio qua de causa, ad suam Cambaliensem ecclesiam non videtur accessisse nisi anno 1338. quo de illius fausta receptione Benedictus XII. Magno Cham gratias agit in epistola data die 15. Jun. apud laudatum Waddingum ad eum annum, *n. 7.* ait enim: «Venerabilem fratrem nostrum Nicolaum archiepiscopum, & dilectos filios fratres Ord. Min. dudum ad partes illas per felicis recordationis Joannem Papam XXII. predecessorem nostrum transmissos recepisti favorabiliter & benigne, ad ipsos manum liberalem & munificam extendendo, & etiam pro Dei reverentia concedendo licentiam reparandi destructas ecclesias, & novas etiam construendi, & prædicandi libere audire volentibus verbum Dei, super quibus tuæ celsitudini gratiarum referimus actiones, &c.»

### III. COSMAS.

#### IV. GUILLELMUS.

Observat doctissimus abbas Joseph Simonius Affemanus Maronita, *tom. 3. Biblioth. Orient. Clementino-Vatic. part. 2. pp. 516. & 535.* binis Tartarorum in Sinarum regiones irruptionibus, imperium Sinense ad duplicem transiisse familiam Tartaricam: primam quidem Yven dictam, auctore Xi-cu Imperatore, ab an. 1280. usque ad an. 1369. quo familia Mim Sinenfis, pulsus Tartaris, regnare coepit; alteram vero Cim appellatam, auctore Cum-ti seu Tson-ti Tartarorum provinciae Tenduch rege ab anno 1645. quo rursus Tartari Sinarum terras occuparunt, & tenent usque in præsentem diem. Addit autem, *p. 535.* in ea Tartarorum Imperatorum ejectione, quæ contigit anno 1369. fratres quoque Minores coactos ex urbe Cambaliensi & regno Chatajæ egredi; ita ut nullus Nicolai archiepiscopi Cambaliensis aut episcoporum Caytonensium successor legatur. Ex quo inferendum Cosmam & Guillelmum, cæterosque deinceps recensendos, Cambalienses titulo duntaxat tenuisse antistites, qui licet in Tartariam missi, ibi convertendis hæreticis, schismaticis & gentilibus incumbere, non tamen in urbe Cambaliensi residere poterant.

De Cosma & Guillelmo modo memoratis  
Tomus III.

A tradit Waddingus, *tom. 4. annal. ad annum 1370. num. 1. pag. 133.* vastissimæ gentis Tartarorum salutis procurandæ zelo ardentem Urbanum V. quum audisset obiisse ferme omnes Minoritas à suis prædecessoribus in regiones illas delegatos, & multos ab eis ad veram fidem conversos pastore carere per translationem Fr. Cosmæ Ord. Min. ad ecclesiam Saraensem, destinasse ad eos Fr. Guillelmum Pratensem, ejusdem Ordinis alumnum, sacre theologiæ magistrum Parisiensem, quem ecclesiæ Cambaliensi præfecit, & vicarium instituit regionis Catayæ, multisque privilegiis ornavit. Socios autem ei assignavit duodecim fratres Minoritas, & postea alios circiter sexaginta. Dixerat Bzovius, *tom. 14. annal. ad annum 1370. num. 9.* his Minoritis associatos etiam fuisse aliquot Dominicanos: id præfracte negat Waddingus, contendens ex litteris pontificiis, quas *ibid.* ipse exhibet, constare solos Minoritas Guillelmo fuisse adjunctos. Verum in prima illarum epistolarum Urbani V. ipsi Fr. Guillelmo archiepiscopo Cambaliensi, data Romæ eo anno die 31. Mart. legitur.... ipsosque ab omnibus transgressionibus regulæ ac constitutionum Ordinis Prædicatorum, sicut potest Generalis Minister, absolvere, &c. Quæ verba profecto intelligi non possunt nisi de Dominicanis, quibus proinde, ut & Minoritis sociis, Guillelmus superior constitutus fuerit. De Guillelmo isto, privilegiisque ei concessis vide Raynaldum, *tom. 16. ad annum 1270. num. 9.*

#### V. JOSEPH.

#### VI. DOMINICUS.

Idem Waddingus, *to. 5. ad annum 1403. num. 5. pag. 3.* scribit ecclesiæ Cymbaliensi (Cambaliensi) vacanti per obitum Josephi, præfectum esse Fr. Dominicum, Minoritam, à Bonifacio IX. eo anno die 9. Augusti.

#### VII. CORRADUS.

Anno 1405. die 22. Decemb. Innocentius VII. Cambaliensem antistitem renunciavit Fr. Corradum, Dominicanum, ut habetur in ejusdem Innocentii Papæ lib. Provis. Prælat. teste Fontana Theat. Dom. *p. 151. tit. 122.* F. Corradus Scopper Ord. Præd. fuit episcopus Cambaliensis sive Simsalicensis XI. kal. Januar. Doctissimus P. Antoninus Bremond, *to. 2. Bullar. pag. 480.* ad annum 1405. observat pro Simsalicensi rectius legendum Sin-Sericensem, ex Sina Serica.

#### VIII. JACOBUS.

Corrado fortassis in sede sive titulo ecclesiæ Cambaliensis successit Fr. Jacobus Ord. Præd. quem Martinus V. ad eam dignitatem

Q q q q ij



evexit anno 1427. die 12. Januarii. Hujus A promotionis diploma refert R. P. Bremond, *ibid. pag. 706.* in quo adjudicat Pontifex illi præfuli ecclesiam parochialem S. Laurentii Caphæ, non excedentem decem florenos aureos, *per ipsum unà cum ecclesia Gambalien. (Cambalienfi) quæ inter Infideles & Tartaros consistit, &c. tenendam, regendam, & etiam gubernandam, &c.*

## IX. LEONARDUS.

## X. BARTHOLOMÆUS I.

Leonardo Cambalienfi archiepiscopo defuncto suffectus est anno 1448. die 15. April. à Nicolao V. *Fr. Bartholomæus de Caponibus, Ordinis Min.* Ita Waddingus, *tom. 5. ad eum annum, num. 21. p. 546.* qui diploma pontificium profert, *ibid. in Regesto pag. 365.*

## XI. BERNARDUS.

## XII. JOANNES II.

Idem Waddingus, *to. 6. ad annum 1456. num. 243. pag. 356.* scribit ad archiepiscopatum Cymbaliensem (Cambaliensem) in Tartaria, post obitum *Bernardi*, promotum esse à Callisto III. Papa eo anno die 1. Mart. *Fr. Joannem Pelletz, Minoritam, qui etiam*

die 14. ejusdem mensis datus est suffraganeus Jacobo de Rosembergh electo Wratislaviensi episcopo.

## XIII. BARTHOLOMÆUS II.

## XIV. ALEXANDER.

Ex laudato Waddingo, *ibid. ad annum 1462. num. 81. pag. 550.* Pius II. ecclesiæ Cambalienfi archiepiscopali in Tartaria, post obitum *Bartholomæi Caponis de Pera*, præfecit eo anno die 1. Decemb. *Fr. Alexandrum de Caffa, Minoritam, quem commendatum voluit protectoribus.... S. Georgii urbis Januensis.* Is est probabiliter frater ille *Alexander de Capha*, quem idem Waddingus, *tom. 7. ad annum 1485. num. 14. pag. 190.* asserit, exactis 7. annis duræ servitutis apud Turcas, à quibus captus fuerat in direptione urbis Caphensis, ineunte hoc anno liberatum, consecrasse eodem anno ecclesiam Minorum urbis Collis in Etruria, ut in ejus fronte incisum ære fertur his verbis: *Reverendissimus in Christo D. Alexander (de) Capha, Ord. Min. & episcopus Cymbaliensis, hoc templum consecravit anno 1485. die 2. Jul. Prima die à 1. vesp. usque ad 2. sequentis diei, omnibus illud visitantibus 40. dierum indulgentias concessit.*

## Appendix ad Ecclesiam recentiore Sinarum.

**D**OCTISSIMUS abbas Joseph Simonius Affemanus Maronita, *tom. 3. Biblioth. Orient. Clementino-Vatican. part. 2. pag. 535. edit. Rom. 1728.* scribit, bellis Tartaros inter ac Sinenfes ingruentibus anno 1369. Tartaros & unà cum illis fratres Minores è Sina recedere coactos esse: tunc vero non Latinos solum, sed ipsos etiam Nestorianos, qui plurimum apud Imperatores Tartaros valuerant, à Sinenfibus Idololatriis vexatos, vel aliò migravisse, vel ibi delituisse, & paulatim ex pastorum defectu christianam religionem fere exuisse; ita ut, teste clarissimo & de republica litteraria optime merito Renaudotio in *relationibus antiquis Indiarum & Sinarum, pag. 270.* «Quum Lusitani, Fernando Perez de Andrada Duce, qui primus ad urbem Cantonensem appulit, in Sinam anno 1517. venissent, nullum ibi christianismi vestigium deprehenderint: & primi quoque ejusdem nationis præcones evangelici, simulque Hispani qui ex insulis Philippinis cò se contulerant, non alios ubique præter idololatrias invenerint. Cruces (autem) nonnullæ, & alia quædam signa, quæ postea reperta sunt, quum inscriptionibus & epocha carerent, lucem huic rei nullam asserre potuerunt usque ad annum 1625. quo inscriptio (quædam).... patefacta est, &c.» Hanc inscriptionem Latine versam refert præfatus Affemanus, *ibid. pp. 482. & 538. & seqq. de qua, tom. 2. pag. 255. in annot. 2. ad calcem paginæ, sic ipse loquitur:* «Episcopos ac presbyteros à Nestoriano Chaldæorum Patriarcha in vastissimas Indiarum Sinarumque regiones, disseminandi evangelii causâ, jam ab octavo Christi sæculo allegatos fuisse, liquet ex monumento lapideo eruto in provinciæ Xensi metropoli anno 1625. cujus exemplar Sinicè & Syriacè impressum in folio volubili extat in nostra bibliotheca Vaticana inter libros Sinicos à P. Couplet Soc. Jesu Innocentio XI. Pont. Max. dono oblatos: ubi inter verba Sinico charactere impressa, quibus nomina 70. evangelii præconum (non ex *Palæstina*, ut Latinus interpres in titulo perperam adnotavit, sed ex *Affyria* seu *Chaldæa* in Sinarum regnum missorum) recensentur.... Anno Græcorum 1092. (Christi 781. *Mar Jagedhuzid, &c.*)»

Idem Affemanus, *tom. 3. laudato, pag. 521. num. 8.* ait ex eo monumento Syro-Sinico plerisque scriptores colligere fidem Christi in Sinas invectam anno 636. non ab orthodoxis evangelii præconibus, sed à Nestorianis, Jesuabo Gadalenfi eorum patriarchatum gerente: ante illum vero annum nullam reperiri christianæ religionis in Sinarum regno memoriam,



documentum nullum. Porro ab anno 1369. Europæis hominibus aditu illius regionis intercluso, pergit Affsemanus, pag. 537. «expeditionem Sinicam... anno 1517. Lusitani instaurarunt, &c. (Postea) Matthæus Ricius (Soc. Jesu) aliique circa annum 1600. illuc penetrarunt. (Atque hinc quando) Trigautius aliique communiter affirmant primos evangelii prædicatores anno Christi 1552. vel 1600. è Societate Jesu in Sinam penetrasse, id de instaurata ab iis antiqua missione intelligendum est.» Hæc, inquam, Affsemanus.

Non quidem inficias iverim *S. Franciscum Xaverium* Societatis Jesu maximo evangelium prædicandi apud Sinas æstuassee voto, quod morte præventus in Sanciano insula die 2. Decemb. anni 1552. exequi non potuit: exinde autem ejusdem Societatis viros *RR. PP. Michaelem Rugerium & Matthæum Ricium* ad Sinarum regnum appulisse anno 1582. At veritatis candor obstat ne taceam duobus istis præconibus prævisse *Fr. Gaspardum à Cruce*, Lusitanum, Ordinis Præd. qui quum anno 1548. mense Martio Goam pervenisset cum undecim Dominicanis, ibique conventum sui Ordinis erexisset, in Camboiæ regnum se contulit, deinde Sinam ingressus est anno 1556. multaque ab iis Infidelibus, quibus fidem Christi annuntiabat, pertulit mala: id quippe ipsemet narrat in relatione sua, quam sub titulo *Tradado em que se contam muito por estenfo as cosas ol a China com sus particularidades e assi do Reyno de Ormus*, regi Sebastiano dicavit, editam Eboræ anno 1569. in-4.º teste Antonio Hispalensi in *Biblioth. Hispana*, tom. 1. pag. 401. col. 1. edit. Rom. 1672. Observat etiam R. P. Echard. tom. 2. *Script.* pag. 210. col. 2. ex Dominico Navarrette, tom. 2. tract. 8. cap. 1. *FF. Martinum de Rada & Hieronymum Marin*, Eremitas Augustinianos, in Sinam accessisse anno 1575. adeoque ante annum 1582.

Porro his posterioribus sæculis nonnulli episcopi quibusdam urbibus aut provinciis Sinensis regni præpositi sub nomine vicariorum apostolicorum occurrunt, inter quos recenseri possunt qui sequuntur.

## EPISCOPI SINENSES RECENTIORES.

I. JACOBUS.

II. IGNATIUS.

III. GREGORIUS.

IV. FRANCISCUS I. *electus.*

V. CICERI.

VI. ANTONIUS.

VII. EMANUEL.

VIII. FRANCISCUS II.

IX. PETRUS.

X. POLYCARPUS.

**R.** P. Bremond, tom. 3. *Bullar.* pag. 648. ad annum 1483. refert diploma Sixti IV. quo sedi *Xoufensi* (fortassis *Xuntienfi*) certo modo vacanti præficitur eo anno die 31. Januarii *Fr. Jacobus de Grangia*, Ordinis Præd. Discimus autem ex M. A. Baudrand, tom. 2. *geogr.* p. 408. col. 1. *Xuntam Xunte* quintam esse urbem regni Sinarum in Pekinenfi provincia, & ab ea pendere octo alias urbes: hanc vero sedere ad radices montium versus imperii confinia, teste Martinio.

*Ignatio Cosolendi* episcopo Mitellopolitano in partibus, quem Alexander VII. qui obiit anno 1667. mense Maio, constituerat vicarium apostolicum in regno Sinensi, suffectus est in eadem administratione à Clemente X. diplomate apud Fontanam in monum. Dom. ad annum 1674. pp. 697. & 698. extante, cujus partem modo describemus.

**A** *Fr. Gregorius Lopez.* Is regio ipso Sinensi oriundus, & Ord. Præd. alumnus, primum creatus est à Clemente X. anno 1673. mense Septembri episcopus Basilitanus titularis in Africa sub Carthagine: deinde anno sequenti die 4. Januar. ab eodem Pontifice datus qui succederet præfato Ignatio in apostolico vicariatu super plures provincias regni Senensis, ut constat ex hoc ejus diplomate: «Clemens Papa X. Dilecte fili, salutem, &c. super cathedram, &c. Quum itaque, sicut accepimus, «bonæ memoriæ *Ignatius Cosolendi*, dum vixit episcopus Mitellopolitano, quem felicis recordat. Alexander Papa VII. prædecessor noster vicarium apostolicum Nanchini in Sina cum nonnullarum provinciarum administratione deputaverat, ab humanis jam pridem decesserit, & sicut venerabiles fratres episcopi vicarii apostolici Chinæ, Tunkini, & Cozincinæ nobis nuper exponi fecerunt, ipsi te qui patria Sinensis existis, ob egregium tuum orthodoxæ fidei & christianæ religionis zelum, dicto Ignatio episcopo in vicariatu apostolico subrogari plurimum desiderent, &c. te qui professionem regularem in provincia sanctissimi Rosarii insularum Philippinarum Ord. Præd. expresse emisisti, & quem ecclesiæ Basilitanæ in partibus Infidelium consistenti in episcopum.... præfecimus, &c. de venerabilium fratrum nostrorum S. R. E. Cardinalium negotiis propagandæ fidei præpositorum consilio, te Nanquini in Sina cum administratione provinciarum Pechini, «



» Xantii, Xantung, Honan, Xenfii, & Coreæ  
 » vicarium apostolicum, &c. ut postquam mu-  
 » nus consecrationis, juxta alias nostras in si-  
 » mili forma Brevis litteras super præfectione  
 » & provisione dictæ ecclesiæ Basilitanæ de tui  
 » persona à nobis factas (factis) emanatas, re-  
 » ceperis, & non prius, tota jurisdictio dicto  
 » Ignatio episcopo Mitelopolitano ab hac  
 » sancta sede antea attributa, in te de facto  
 » transferatur, &c. Cæterum tibi prohibemus  
 » ne particulares tuæ religionis FF. Præd. ritus  
 » & cæremonias, sed universales ecclesiæ Ro-  
 » manæ, tum in officio recitando, tum in  
 » missa celebranda, & in cæteris functionibus  
 » usurpes, ut ecclesiæ Sinensis capita, non so-  
 » lum in doctrina, sed etiam in ritibus & cære-  
 »moniis ecclesiasticis ad Christianorum ædifi-  
 » cationem unanimes sint, & uniformes, &c.  
 » Datum Romæ apud S. Mariam Maj. sub  
 » annulo Piscatoris die 4. Jan. MDCLXXIV.  
 » pontif. nostri anno IV. J. G. Slusius.» Non  
 » fuit tamen consecratus Gregorius iste nisi  
 » anno circiter 1686. Piissime obiit Nanquini  
 » aliquibus postea annis. De eo legendi Fon-  
 » tana supra laudatus, pp. 671. 693. & 697.  
 » Cavalerius, tom. 1. Galler. Domin. pag. 641.  
 » n. 161. R. P. Echard. tom. 2. Script. p. 708.  
 » col. 2. Balthasar de la Cruz, tom. 2. historie  
 » provinc. Philipp. pp. 124. 239. 279. 305. 311.  
 » & 448. & Dom. Navarette, historie Sinens.  
 » tom. 1. pp. 1. & 354.

Fr. Franciscus Varo, Hispanus, ejusdem  
 Ordinis Præd. celebris missionarius in regno  
 Sinensi, episcopus Basilitanus, vel, ut alii  
 aiunt, Lyddensis creatus est ab Innocentio  
 XI. & vicarius apostolicus constitutus. Hunc  
 nondum consecratum obiisse anno 1687.  
 asserit præfatus R. P. Echard. pag. 714. col. 2.  
 In nunciis tamen Gallicè conscriptis currente  
 anno 1688. legitur, pag. 404. renuntiatum  
 Romæ fuisse mense Julio ab Innocentio XI.

episcopum in regno Sinensi Fr. Varo, His-  
 panum, Ord. Præd. à longo tempore missio-  
 narium in regno Sinensi, quibus certe indiciis  
 ipsemet Franciscus Varo, utique adhuc su-  
 perstes, vel vivens existimatus eo anno, de-  
 signari videtur.

Ex iisdem rursus nunciis per annum 1694.  
 p. 102. eo anno præconizatus refertur die 25.  
 Januarii Romæ coram Innocentio XII. ad  
 ecclesiam Nanquinensem in regno Sinensi  
 R. P. Ciceri Societatis Jesu.

Mense Septembri anno 1718. consecratus  
 fuit episcopus Nanquinenfis ab Ulisipponensi  
 Patriarcha D. Antonius Paës Godinho, Lusi-  
 tanus. Ita in similibus nunciis hujus anni, ad  
 diem 29. Septembris, pag. 521.

Ex iisdem quoque nunciis per annum  
 1721. pag. 238. Ulisippone Emanuel à Jesu  
 Maria, concionator apostolicus, in semina-  
 rio missionariorum de Varateio consecratus  
 est die 30. Mart. hujus anni episcopus Nan-  
 quinenfis.

In iisdem pariter nunciis an. 1725. p. 139.  
 legitur renuntiatus episcopus Pekinensis in  
 regno Sinensi Romæ die 21. Febr. Fr. Fran-  
 ciscus à Purificatione, Eremita Augustinianus.

Anno circiter 1729. SS. Papa Benedictus  
 XIII. episcopum creavit & vicarium aposto-  
 licum in regno Sinensi Fr. Petrum Martyrem  
 Sans, alumnum provinciæ Aragoniæ Ord.  
 Prædic. Ita R. P. Bremond, tom. 6. Bullar.  
 pag. 629.

Demum R. P. Polycarpus Sousa, Socie-  
 tatis Jesu, rhetoricæ professor in collegio  
 Conimbricensi, quem in episcopum Rosaliæ  
 in partibus rex Lusitaniæ proposuerat mense  
 Jul. an. 1738. ut præfesset missionibus regni  
 Sinarum, renuntiatus in Pekini præfulem  
 habetur mense Nov. à SS. Papa Clemente  
 XII. ex laudatis nunciis eo anno Gallicè  
 conscriptis, pp. 428. 476. 477. & 599.

## II.

## ECCLESIA CATAIÆ.

CATAIA, Gallicè le Catay, regio Asiæ est, de qua Marcus Paulus Venetus, plurima  
 scripsit, & quam Europæi hucusque crediderant esse regnum amplissimum, Tartariæ  
 magnæ partem, inter oceanum septentrionalem & Sinarum partem borealem: sed depre-  
 hensum est esse partem septentrionalem imperii Sinarum, quam Arabes, Persæ, Tartari, &  
 alii Orientales sic nuncupare solent, ut pluribus probant Nicolaus Trigautius, Martinus  
 Martinius, Jacobus Gollius ex Abulpheda, Thevenotius, alique. Ita M. A. Baudrand, to. 1.  
 geogr. pag. 246. col. 2.

Doctissimus abbas Assemanus, tom. 3. Biblioth. Orient. part. 2. pag. 504. de ea regione  
 hæc tradit: «Chataia Sinam Borealem significat, quam Orientales Sinæ nomine absolute  
 » appellant: habet autem Turchestanam ad occasum, Sinam (meridionalem, quam Masnam  
 » nuncupant, ex pag. præced. 503.) ad austrum, terram & mare Esonis, vulgo de Jessò, ad  
 » ortum, & Tartariam veram (seu magnam) ad septentrionem. Sericæ antiquæ pars est, ut  
 » ex Ptolemæo scribit Cellarius (tom. 2. geographiæ antiq. lib. 3. cap. 24. pag. 888.) nimirum  
 » ultra Emodos montes.... ubi celebres illi muri incipiunt, qui Tartaros à Sinis excludunt.



Recentioribus vero appellatur *Chataia*, *Cataia*, *Cataium*, *Chathai*, & *Chatha*.... Abulpharagius ejus regionis populos *Chethæos* seu *Cethæos* appellat.... Aytonus, *lib. de Tartaris*, cap. 1. (regni Cathay) fines sic describit: *Regnum Chatay est in Oriente ab uno capite, & in illa parte nulla est aliarum habitatio gentium, ut refertur; ex parte occidentis suos habet confines cum regno Tarsæ; ex parte septentrionis cum deserto de Belgian; ex parte vero meridiei sunt insulæ maris Oceani*.... De Cathai Marcus Paulus Venetus, *lib. 2. à cap. 10.* plura (differit, cujus regiam urbem) Cambalu esse testatur.... Urbes alias (hujus provinciæ) memorat, *Tainfu*, *Geogui*, *Pianfu*, *Chincui*, *Cianfu*, *Quenquinafu*, *Cunchi*, *Achalechmangi*, & *Sindinfu*.... Coblaius (Sinarum Imperator) utramque Sinam... seu borealem & meridionalem, in 15. provincias distribuit, quarum sex *Chataiæ*, & novem *Mangi* seu *Masinæ* attribuit. Nomina provinciarum *Chataiæ* sunt hæc, *Pechinensis*, *Xansia*, *Xensia*, *Xantonia*, *Honania*, & *Su-chuensis*: nomina vero provinciarum *Mangi* sunt, *Nanquinensis*, *Huquania*, *Chekianensis*, *Kiansia*, *Fochiensis*, *Quantunia*, *Quansia*, *Junnania*, & *Queichea*.... (Sic) metropolis *Mangi* (est) *Nanquinum*: metropolis (vero) *Chataiæ*, *Pekinum* seu *Cambalu*, &c. Subdit Assemanus, pag. 511. Coblaii inaugurationem contigisse anno Hegiræ 658. Christi 1260.

Urbi *Cayton* in regno *Cataiæ* præfuerunt nonnulli episcopi Latini, ut modo palam fiet. Hæc autem urbs *Cayton* illa ipsa esse videtur, quam M. A. Baudrand, *tom. 2. geogr. p. 155. col. 1.* *Queitum*, *Queite*, appellat, & dicit esse urbem Sinarum, & secundam *Honaniæ* provinciæ, in planitie prope fluvium *Cium* & in limite *Xantoniæ* provinciæ; ab ea vero urbe pendere octo urbes minores, teste Martino Martinio. *Honania* enim provincia una est regni *Cataiæ*.

## EPISCOPI CAYTONIS.

### I. GERARDUS.

### II. PEREGRINUS.

### III. ANDREAS.

### IV. JACOBUS.

JAm diximus supra, *col. 1348.* B. Joanni de Monte-Corvino, Minoritæ, ad Cambaliensem archiepiscopatum evecto an. 1307. à Clemente V. datos esse eodem anno septem Minoritas in suffraganeos, ex quibus unus rediit in Italiam, ubi Sagonenſi ecclesiæ præfectus est an. 1323. Tres in ingressu Indiarum aëris intemperie decesserunt, tres demum alii, scilicet *Gerardus*, *Peregrinus*, & *Andreas de Perusio*, successive ecclesiam *Caytonis* gubernarunt: de quibus hæc habet ipse *Andreas* in epistola quam an. 1326. Guardiano sui conventus *Perusini* scripsit, apud Raynaldum, *tom. 15. ad eum annum, num. 30.*

«Fratr Andreas de Perusio de Ordine  
» Min. divina permissione vocatus episcopus  
» R. P. E. Guardiano, &c. Novistis me cum  
» bonæ memoriæ fratre *Peregrino* coepiscopo,  
» & meæ peregrinationis individuo comite....  
» demum, Deo juvante, ad Cambaliensem civitatem, quæ sedes est imperii Magni Chanis (Cham) anno Dominicæ Incarn. 1308. ut credo, pervenisse: ubi secundum mandatum à sede apostolica nobis datum, archiepiscopo consecrato, moram ibi per quinquennium fere contraximus. Infra quod temporis spatium procuravimus alafa ab Imperatore magnifico pro victu & vestitu octo personarum. Est autem alafa, impensa quam Imperator tribuit nuntiis magnatum, oratoribus, bella-

A toribus, diverſarum artium artificibus, jaculatoribus, pauperibus, & diverſis diverſarum conditionum personis: quæ impensæ plurimum Latinorum regum introitus & expensas transcendunt, &c.» Et infra: «Est quædam magna civitas juxta mare oceanum, quæ vocatur lingua Persica *Cayton*, in qua civitate una dives domina Armena ecclesiam erexit præclaram satis & grandem, quam quidem de ipsius voluntate per archiepiscopum in cathedralem erectam cum competentibus dotibus, fratri *Gerardo* episcopo & fratribus qui cum eo erant donavit in vita, & in morte reliquit; qui primus eandem cathedram suscepit. Mortuo autem dicto episcopo, ibique sepulto, voluit archiepiscopus in eadem ecclesia me facere successorem; sed hujusmodi locationi & successioni me non præbente assensum, ipsam contulit fratri *Peregrino* episcopo memorato, qui illuc, habita opportunitate, se contulit, & postquam paucis annis rexit eandem, anno Domini 1322. in crastino octavæ Apostolorum Petri & Pauli (die 7. Jul.) diem clausit extremum. Ante cujus discessum per quatuor fere annos ego, qui in Cambaliech non eram consolatus ex aliquibus causis, procuravi quod dicta alafa seu eleemosyna imperialis mihi daretur in præfata civitate *Caytonis*, quæ distat à Cambaliech itinere hebdomadarum fere trium.... & cum octo equitibus ab Imperatore mihi concessis ad eandem civitatem cum magno honore perrexerim... adhuc fratre *Peregrino* præfato vivente: & in quodam nemore proximo civitati ad quartam partem unius milliaris ecclesiam convenientem & præclaram ædificari



ECCLESIA  
CATALÆ.

» feci cum omnibus officinis sufficientibus  
» pro 22. fratribus, & cum quatuor cameris,  
» quarum quælibet esset pro quocumque præ-  
» lato sufficiens. In quo quidem loco moram  
» traho continuam, & vivo de eleemosyna re-  
» gia memorata, quæ juxta mercatorum Ja-  
» nuensium æstimationem ascendere potest  
» annuatim ad valorem centum florenorum  
» aureorum vel circiter: & de hac eleemosyna  
» magnam partem in ædificatione loci præ-  
» dicti expendi, cui similem in eremitoriis in  
» tota nostra provincia nullum scio quoad pul-  
» chritudinem & omnem amœnitatem.  
» Denique non longo elapso tempore post  
» obitum fratris Peregrini, recepi decretum  
» archiepiscopi de locatione nostra in memo-  
» rata ecclesia cathedrali, cujus locationi as-  
» sensum præbui, causa rationabili suadente:  
» & nunc in loco vel ecclesia civitatis, nunc  
» in eremitorio moram facio juxta meæ libi-  
» tum voluntatis, &c. Sane in isto vasto im-  
» perio sunt gentes de omni natione quæ sub  
» cælo est, & de omni secta, & conceditur  
» omnibus & singulis vivere secundum sectam

A suam. Est enim hæc opinio apud eos, seu «  
potius error, quod unusquisque in sua secta «  
salvatur; & nos prædicare possumus libere «  
& secure: sed de Judæis & Saracenis nemo «  
convertitur. De idololatriis baptizantur quam «  
plurimi, sed multi ex baptizatis non recte «  
incedunt per viam christianitatis. Quatuor «  
nostri fratres martyrizati fuerunt in India à «  
Saracenis, quorum unus bis in ignem co- «  
piosum injectus illæsus evasit: & tamen ad «  
tam stupendum miraculum nullus est à sua «  
perfidia permutatus, &c. Datum in Cayton «  
B anno Domini 1326. in mense Januar.» Id  
tantum nobis innotescit de eo Andrea epi-  
scopo Caytonis.

Waddingus ad calcem *tom. 4. annal.* in  
additionibus ad *tom. 3. pag. 32. n. 6.* scribit  
*Fr. Jacobum Sottoripam, Ord. Min. episcopum*  
*in Tartariæ regione* (non exprimit locum)  
interfuisse anno 1317. translationi solemnī  
reliquiarum SS. Prothi, Hyacinthi, & Euge-  
niæ in civitate Comensi, teste Francisco Bel-  
larino ejusdem urbis historiographo.

## III.

## ECCLESIA ARMALECH.

**W**ADDINGUS urbis *Armalech* meminit, *tom. 3. annal.* ubi ad annum 1338. *num. 10.*  
*pag. 482.* refert relationem F. Paschalis de Victoria, Hispani, Ordinis Min. datam  
ex ea urbe eo anno die 10. Decemb. in qua ille ait: *Ecce gratiose ductus sum in Armalech*  
*civitatem in medio ipsorum Medorum in vicaria Catay, &c.* Huic tunc præerat episcopus  
ejusdem Ordinis.

## EPISCOPI ARMALECH.

RICHARDUS.

**A**Pud laudatum Waddingum, *ibid. num. 8.*  
*p. 450.* extat epistola Benedicti XII. Papæ,  
*Dilectis filiis nobilibus viris Carasmon & Johan-*  
*nan principis Chamfi Imperatoris Tartarorum*  
*de medio imperio familiaribus, data idib. (id est*  
*die 13.) Jun. anno IV. Christi 1338. in qua*  
*hæc leguntur.... unum fundum vestrum opti-*  
*num cuidam episcopo de Ordine fratrum Mino-*  
*rum in civitate Armalech deputato pro consola-*

*tionem vestram, & Christianorum ibidem degentium*  
*donatione libera concessistis, in quo ad laudem*  
*divini nominis talis pulchra ecclesia est con-*  
*structa, &c.*

Is probabiliter est episcopus ille *Armalech*,  
nomine *Richardus de Burgundia*, Ordinis  
Minorum, quem idem Waddingus refert ad  
annum 1342. *num. 7. pag. 480.* hoc anno,  
circa festum S. Joannis Baptistæ, gloriosum,  
cum pluribus aliis Minoritis, martyrium sub-  
iisse in civitate *Armalech* vicaria Tartariæ.

## IV.

ECCLESIA SOLTANIÆ  
METROPOLIS.

**D**E *Soltania* five *Sultania*, dicta olim *Tigranocerta*, hæc habet M. A. Baudrand, *tom. 2.*  
*geogr. pag. 317. col. 1.* «*Tigranocerta* urbs Armeniæ majoris Plinio, Straboni & Pto-  
» lemæo, (quæ) *Tigranopetra*.... Appiano, ad Nymphæum fluvium, versus confinia Assyriæ,  
» inter Arthemitam ad ortum æstivum, & Amidam ad occasum hybernum, 100. milliar. à  
» Nisibi distans in septentrionem. (Hanc tamen à Nisibi distare 37. solum milliaribus scribit  
» Tacitus, *lib. 15. cap. 5.*) *Sultania* dicitur à Jovio, sed ab aliis creditur *Bilis*, urbs munita  
Armeniæ sub dominio Turcarum.» *Tigranocerta*, neutro plurali & etiam foeminino singulari  
apud



apud auctores, à Tigraue rege Armeniæ Mithridatici belli temporibus constructa est, de qua Strabo, *lib. 12. pag. 532. B. C. edit. Casaub.* ita loquitur: «.... Syriam etiam transmissio Euphrate ac Phœnicem vi occupavit (Tigranes.) Eò usque elatus, urbem condidit vicinam Iberiæ, inter hanc & Zeugma quod est ad Euphratem, quam *Tigranocerta* Τίγρανόκερτα nominavit; conducens in eam homines è XII. quas evastaverat Græcanicis urbibus. Sed supervenit Lucullus qui Mithridatem bello prefferat, habitatoribusque domum suam dimissis, opus semi-perfectum subvertit, exiguumque pagum reliquit, &c.» Kerta scilicet Armenis & Syris idem sonat ac *urbs*, teste Cellario, *tom. 2. geogr. antiq. lib. 3. cap. XI. pag. 392.* unde *Tigranocerta* est *urbs Tigranis*, Græcè *Tigranopolis* Τίγρανόπολις, ut observat Stephanus Byzantius. Licet autem Lucullus hanc urbem semi-ædificatam diruerit, eandem nihilominus postea in amplam excrevisse civitatem colligitur ex Tacito qui, *lib. 15. cap. 4.* eam describit *copia defensorum & magnitudine mœnium validam.* «Sita erat, inquit laudatus Cellarius, *p. 391.* ultra Tigris fontes, Taurum montem versus, in excelsio monte in parte Armeniæ australi.»

D. Joseph Simonius Assemanus, *tom. 3. part. 2. Biblioth. Orient. p. 780.* ait *Soldaniam* esse urbem Adorbiganæ, à Taurisio distantem itinere octo dierum, quam conditam (sive restauratam) à Charbanda Algiaptu Argoni Tartarorum Imperatoris filio, (qui regnare cœpit, ex eodem Assemano, *ibid. p. 127.* anno Christi 1303. & obiit, *p. 128.* anno 1317.) imperiique sedem effectam tradunt Abulpheda, *Tab. geogr. n. 434.* & Herbelotius, *p. 827.* Hanc vero Joannes XXII. Papa, anno 2. Abufaidi filii Charbandæ, Christi 1318. in sedem archiepiscopalem erexit, creato primo ejus præfule Franco Perusino Ord. Præd. cui etiam aliquot assignavit suffraganeos. «Franco successit Joannes de Core anno 1330. inde in provinciam Naxuanam translata est sedes archiepiscopalis, quam in præsentem usque diem administrant fratres Ord. Præd. quos olim summi Pontifices legare in Persidem consueverant, ut Nestorianos, Jacobitas, & Armenos ad catholicam ecclesiam revocarent.» Hæc, inquam, doctissimus Assemanus, quæ tamen nonnulla emendatione indigere ex infra dicendis palam fiet. Est porro *Aderbigiana* seu *Aderbigian*, teste post Gollium M. A. Baudrand, *tom. 1. pag. 14. col. 1. & pag. 638. col. 1.* regio Asiæ in Perside, unaque olim ex Mediæ provinciis.

## ARCHIEPISCOPI SOLTANIENSES.

### I. FRANCUS.

**F**RANCUS, origine Perusinus in Italia, professione Dominicanus, ineunte sæculo XIV. perrexit in Persidem & Tartariam, quum vero ibidem innumeros Infideles religione Christi imbuisset, misit Avenionem ad Joannem XXII. Papam Fr. Guillelmum Adæ, ejusdem Ordinis, itineris sui ac laborum socium, qui hæc ipsi nuntiaret: quibus intellectis, Pontifex sedem archiepiscopalem in urbe Soltania constituit, eique *Francum* præfecit diplomate dato Aven. die 1. Maii anno 1318. quod extat apud Raynaldum, *tom. 15. ad eum annum, n. 4.* eo tenore: «Joannes, &c. Dilecto filio F. Franco Perusino Ordinis FF. Præd. electo Soltanienfi. Pridem gratis relatus intellecto, quod in partibus Persidis, & terris aliis circumpositis, sub magni Imperatoris Tartarorum Persidis imperio constitutis.... novella plantatio.... regenerata unda baptismatis, nomen veneratur Altissimi, &c. Propter quod villam Soltaniensem in eisdem partibus & dominio constitutam, inter alias villas dictarum partium, prout fide dignorum habet assertio, insignem, nobilem, & famosam, ac habentem populum copiosum, de fratrum nostrorum consilio, & apostolicæ plenitudine potestatis, in civitatem metro-

Tomus III.

A politanam duximus erigendam, ac ad personam tuam evangelizantem in illis partibus verbum Dei, de cujus sanctitate vitæ, litterarum scientia, & aliis copiosis virtutum meritis, magna nobis & eisdem fratribus fide digna testimonia sunt relata, oculos dirigentes, te Ordinis Prædicatorum professorem.... ecclesiæ dictæ civitatis in archiepiscopum præfecimus & pastorem; curam & administrationem & sollicitudinem animarum omnium existentium in eisdem partibus, quæ subduntur præfati Imperatoris, necnon Chaydo, (id est, teste R. P. Bremond, *tom. 2. Bullar. p. 138. annot. 2. magno Regi*, lingua antiqua Persarum) & Æthiopiarum ac Indiæ regum seu principum dominiis, tibi plenarie committentes, &c. Volentes igitur ut catholicæ fidei veritas semper de bono in melius, auctore Domino, in illarum partium latitudine, expulsis tenebris, elucescat, sex de fratribus dicti Ordinis, videlicet Geraldum Calvensen, Guillelmum Adæ, Bartholomæum de Podio, Bernardum de Placentia, Bernardum Moreti, & Bartholomæum Abaliati, in lege Domini eruditos, vita & religione præclaros, & multarum virtutum titulis commendatos... assumpsimus, & præfecimus in episcopos & pastores, ipsosque in adiutorium commissæ tibi sollicitudinis pro majori animarum salute

Rrrr



ECCLESIA  
SOLTANIÆ.» in præfatis partibus duximus deputandos, A  
&c.»

Addit Raynaldus, *ibid. nm. 5. & 6.* Joannem Papam imposuisse eidem Soltanienſi archiepiſcopo provinciam, ut ſi pluribus epiſcopis ad proferendos evangeliſ limites opus eſſet, (ipſe aliquos,) excitis duobus catholicis antiſtitibus, ſacris pontificalibus initiaret auctoritate apoſtolica: & conſtituiſſe, quum illos è vivis excedere contigiffet, ut Prædicatorum ſodalitia earum partium eccleſiarum curam gererent: pallium denique tranſmiſiſſe per Guillelmum Adæ & Joannem è Florentia, quos illud conſignare juſſit epiſcopo, cujus partium erat Soltanienſem archiepiſcopum conſecrare, ut ipſum in Romani Pontificis verba ſolemni ſacramento adactum eo ornaret. «Nec ad Tartaros modo, inquit  
» *ibid. Raynaldus, num. 7.* Pontifex præcones  
» evangelicos ex Ordine Præd. verum etiam ad  
» alias nationes, toto orbe diffuſas, veterique  
» ſuperſtitione, aut ſchiſmatis & hæreſis erroribus imbutas, colluſtrandas divina luce tranſmiſit, quos ad excolendam vineam Domini inſtruxit auctoritate ſubjectis litteris,» (quas profert datas iſdem die & anno ſub hoc titulo:) *Joannes, &c. dilectis filiis fratribus Ordinis Prædicatorum in terris Saracenorum, Paganorum, Græcorum, Bulgarorum, Cumanorum, Iberorum, Alanorum, Gazarorum, Gothorum, Ruthenorum, Jacobitarum, Nubianorum, Neſtorianorum, Georgianorum, Armenorum, Indorum, Mocolitarum, aliarumque non credentium Orientis & Aquilonis, ſeu quarumcumque aliarum partium proſciſcentibus. Gratiſ agimus, &c.*

His non contentus Joannes Pontifex, D ſcripſit Oſſinio regi Armenorum, ut fratri Raymundo Stephani Ord. Præd. & quibuſdam aliis ejus ſociis certa loca assignaret in regno ſuo, & præſertim Ajacii, in quibus conſluentem plebem inſtruere, & Latini ſermonis copiam pueris valerent miniſtrare. Litteras ea de re datas *Avin. VI. idus* (id eſt die 8.) *Jun. anno 2. Chriſti 1318.* legere eſt apud eundem Raynaldum ad illum annum, *n. 15.*

R. P. Echardus, *tom. 1. Script. pag. 574. col. 1.* conjicit Raymundum iſtum Stephani auctorem eſſe operis, cujus titulus eſt: *Directorium ad faciendum paſſagium tranſmarinum, editum per quemdam F. Ord. Præd. ſcribentem experta & viſa potius quam audita, quod dirigitur ſereniſſimo principi & DD. Philippo regi Francorum, compilatum anno Domini 1333.* quod extat in bibliotheca Colbert. *n. 2104. cod. mſ. memb. fol.* Obſervat quoque idem P. Echard. *pag. 574. col. 1.* hunc auctorem anonymum factum poſtea archiepiſcopum in Oriente perhiberi, in Regeſto quodam

Camerae regiae computorum, *volum. 2. Bibl. olim Seguer. nunc Coiſſin.* quod incipit ab anno 1300. In eo enim extat: *Dans une deliberation du chemin a tenir pour aller en la Terre-Sainte par le Roy de France, neveu du Roy de Naples, &c. Item eſt bien a voir que aucuns avis ont eſté baillés au Roy ſur cette beſogne par maniere de livre que l'on dit qu'un ſage Prêlat, qui jadis fut de l'Ordre des Prêcheurs, & eſt a preſent Archeveſque en l'empire de Conſtantinople, & ez marches delà, a compoſé & l'a envoyé, &c.* Hujus archiepiſcopi, aliàs nobis ignoti, hîc obiter meminimus, qui fortaiſſis fuerit archiepiſcopus Soltanienſis, & Joannis I. infra memorandi ſucceſſor.

Sed ut revertamur ad Francum, is anno 1323. ceſſit præſulatu, procuratoris opera ad ſedem apoſtolicam miſſi, quo liberius cæleſtium rerum contemplationi vacaret. Ceſſionem admiiſit Joannes Papa, eique conceſſit uſum inſignium pontificalium, excepto pallio, in iis partibus, in quibus *pro ſalute fidelium & ampliacione catholicæ fidei converſari* pergebant, ut legitur in ejus epiſtola data *Aven. eo anno die 1. Jun. apud eundem Raynaldum ad eum annum, num. 8.*

## II. GUILLELMUS II.

Joannes XXII. admiſſa, ut modo dictum eſt, ſpontanea Franci Soltanienſis archiepiſcopi ceſſione, in ejus locum *Fr. Guillelmum Adæ*, ejuſdem Ordinis Præd. ſubrogavit: de cujus promotione hæc habet præſatus Raynaldus, *ibid. n. 7.* «Emerſere è tenebris perfidiæ Armeniæ inferioris populi, divina- que luce colluſtrati litteras & oratores ad Romanum Pontificem miſere, ut incorruptæ fidei formam à ſede apoſtolica veluti puriſſimo fonte peterent. Delibutus itaque Joannes (XXII. Papa) magno lætitiæ ſenſu apoſtolicum ſtudium ad revocandos in gremium eccleſiæ Armenos qui in Perſide verfabantur, contulit, legavitque in Perſidem *Guillelmum*, magnæ religionis virum, quem Soltanienſem archiepiſcopum creavit, & Conſtantinum Patriarcham Armenorum ad conjungendam cum archiepiſcopo in ea re operam, zelumque in animarum ſalute promovenda explicandum incitavit litteris datis *Avin. kalend. (id eſt die 1.) Jun. anno VII. (Chriſti 1323.)* quas ibidem legere eſt.»

Hunc Guillelmum Adæ cenſet R. P. Echardus, *tom. 1. Scriptorum, pag. 2. col. 537.* auctorem operis, cujus titulus eſt: *Notitia regiminis Magni Caan Cathai Tartarorum Imperatoris, cum deſcriptione vaſtiſſimi ejus regni, juſſu Joannis XXII. ab archiepiſcopo Soltanienſi Latine ſcripta: quæ è Latino Gallicè verſa à F. Joanne le Long de Ypris monacho ſancti*



Bertini Audomarifani anno 1351. extat Parisiis in bibliotheca regia, *cod. ms. 8389. memb. fol. max.* Guillelmus anno 1323. die 2. Oct. testimonium reddidit unà cum Thaddæo Caphensi episcopo, se vidisse ipsummet exemplar bullæ canonizationis S. Thomæ Aquinatis. Quod testimonium asservatur in archivo conventus FF. Prædic. S. Blasii de Tibure, & exhibetur à Fontana *Theat. Dom. pag. 680.* in Appendice. Vide supra inter episcopos Caphenses, *col. 1105.* A. Obiit Guillelmus anno 1329.

### III. JOANNES I.

Idem Joannes XXII. Papa ecclesiæ Soltaniensi vacanti præfecit anno 1330. *F. Joannem de Core*, Dominicanum, ut ipsemet testatur in litteris huic *Joanni de Core electo Soltaniensi*, datis Avin. XVI. kalend. Mart. anno XIV. (id est die 14. Febr. anno 1330.) apud Raynaldum ad eum annum, *n. 57.* in quibus ait Pontifex: « Te de fratrum nostrorum consilio Soltaniensi ecclesiæ in imperio » Imperatoris Persidis constitutæ tunc vacanti » providimus præficientes te illi in archiepiscopum & pastorem, curam & administrationem » ipsius & sollicitudinem animarum quæ subduntur eidem, tibi in spiritualibus & temporalibus plenarie committentes, prout in nostris » litteris inde confectis plenius continetur. Ut » igitur, postquam munus consecrationis, Deo » auctore, susceperis, pallio.... etiam decoreris, &c. » Subjungit Raynaldus *ibidem.* quum Joannes Papa accepisset in Soltaniensi archiepiscopatu præsules ecclesiarum administrationem ritu canonico non accepisse, alios vero sacris Ordinibus non rite initiatos, ipsum, ut his mederetur malis, Soltaniensi archiepiscopo & suffraganeis episcopis partes dedisse, ut apostolica auctoritate non admotos canonicè ecclesiis orthodoxæ fidei, nuncupata professione è formula præscripta, iisdem vel aliis ecclesiis præficerent: alios vero sacris Ordinibus non rite initiatos consecrarent. Porro ex dictis hætenus constare videtur hunc Joannem successisse immediate, non *Franco Perusino*, sed *Guillelmo*, qui Francum jam exceperat, secus ac asserit eruditissimus D. abbas Assemanus, *10. 3. part. 2. pp. 131. & 780.* Vide supra *coll. 1361. 1362. lin. 22.* E

Alius fortassis ab isto Joanne fuit archiepiscopus ille *Soltaniensis*, quem aliosque archiepiscopos Orientis Benedictus XII. an. 1341. die 1. Augusti hortatus est, ut Patriarchæ Armenorum damnandis in synodo erroribus huic nationi imputatis præsto essent. Epistola Pontificis ea de re huic Patriarchæ dicto *Catholico* scripta extat apud præfatum Raynaldum, *tom. 16. ad eum annum, num. 46.*

Tomus III.

A ad cujus calcem ait Benedictus: *Porro litteras, quas quibusdam prælatis Armeniæ super præmissis dirigimus, tua prudentia è vestigio mittere non postponat.*

*Soltaniensi* quoque archiepiscopo Benedicti successor Clemens VI. mandatum dedit anno 1346. tum ut quosdam Tephelicensē episcopum injuriis laceffentes censuris ecclesiasticis reprimeret, tum etiam ut Pontium archiepiscopum Seleuciensem nefariis suis scriptis patrocinantem Fraticellorum erroribus ipse sui que suffraganei ad ejurandos illos errores adigerent, ac detrectanti diem dicerent. Epistola hæc posterior, data eo anno die 31. Julii, legitur *ibid.* ad illum annum, *num. 70.*

Joannem I. vel ejus successorem, non improbabile videtur fuisse archiepiscopum illum Ordinis Præd. supra memoratum, *col. 1364.* A. B. cujus & nomen & sedes tacentur.

### IV. ANTONIUS.

Clemens Galanus Surrentinus, clericus regularis ex sacra Theatinorum congregatione, missionarius apostolicus ad Armenos, meminit, *10. 1. conciliationis ecclesiæ Armenæ cum Romana cap. 30. n. 60. pag. 528.* cujusdam libri contra Mahometanos à F. Antonio episcopo de Sultanæa compositi; verum non indicat quandonam floruerit Antonius iste. Fontana ejus meminit ad annum 1347. in *monum. Dom. pag. 217. col. 1.*

### V. BONIFACIUS I.

Waddingus, *tom. 4. ad annum 1393. n. 1. pag. 302.* scribit, Bonifacio Vernensi antistite ad ecclesiam Soldanensem (Soltaniensem) translato, ei successisse in sede Vernensi Fr. Antonium Petri de Malliano, Minoritam, eo anno 1393. die 3. Junii.

### VI. JOANNES II.

Ex litteris pontificiis Bonifacii IX. F. Stephano Petri de Seghes (Minoritæ) electo Nachuanensi (episcopo) datis XIII. kal. Novembris anno XI. (id est die 20. Octob. anni 1400.) quas profert R. P. Bremond, *tom. 2. Bullar. pag. 460.* discimus Joannem Ordinis Prædic. hujus Stephani prædecessorem, ab ecclesia Nachuanensi ad Soltaniensem ab ipso translatum esse VII. kal. Septemb. anno IX. (id est 26. Augusti anni 1398.) Huic idem Bonifacius concessit privilegium litteris datis anno 1400. die XI. Decemb. ut Neophytis quibusdam earum regionum licentiam posset facere eligendi confessarium, à quo in morte absolverentur à casibus etiam summo Pontifici reservatis, teste Fontana in *monum. Dom. ad annum 1397. pag. 264. col. 1.*

Rrrr ij



VII. NICOLAUS electus.

VIII. WILLELMUS II.

IX. JOANNES III.

Bonifacius. Joannes.

Nicolaus Robertus episcopus Ferrariensis ad sedem Soltaniensem translatus est anno 1401. mense Jan. ex lib. Provis. Prælat. teste Ughello, tom. 2. Ital. sac. col. 586. n. 54. D. vet. edit. Verum in diplomate Bonifacii IX. dato anno 1403. die 5. Febr. apud R. P. Bremond, tom. 2. Bull. pag. 454. legimus hunc Nicolaum dejectum esse, quod litteras apostolicas infra tempus præfixum expediri neglexisset, substitutumque ipsi ab eodem Pontifice Fr. Willelmum Belæts, Anglum, Ord. Prædic. Quod tamen non video quomodo conciliari possit cum alio hujus Bonifacii diplomate dato anno 1402. die 26. Jul. ibid. pag. 450. quo ecclesiæ Nachuanensi vacanti ob translationem Joannis ejus episcopi ad ecclesiam Soltaniensem, præficitur F. Joannes Lycens Ord. Præd. nisi fortassis successerit Joannes ille III. Willelmo Belæts anno 1404. ita ut legendum sit in posteriori diplomate Anno pontif. XV. pro Anno XIII.

Cæterum Joannes iste III. probabiliter fuit Soltaniensis ille archiepiscopus, cui Martinus V. Papa anno 1423. die 13. Octobris commendavit Petrum Ordinis Unitorum à se promotum ad Nascivanensem ecclesiam præfato tom. 2. Bull. R. P. Bremond, p. 625. qui superius observarat nota 4. ad bullam 37. hujus Pontificis, pag. 564. Nachuanensem sedem juris factam fuisse Soltaniensis metropolis ex constitutione ejusdem Martini V. data anno 1419. die 27. Novembris. Obitus ejus huic Pontifici innotuit exeunte anno 1423. ut modo palam fiet.

Waddingus, tom. 5. ad annum 1401. n. 4. pag. 4. scribit Soltaniensem in Media archi-

A episcopum F. Joannem Grenlaw, (Minoritam, creatum esse eo anno) post obitum Bonifacii, XII. kal. Octob. (id est die 20. Septembris.) Verum ex modo dictis, col. 1367. A. B. initio ejusdem anni ad sedem Soltaniensem ex Ferrariensi translatus fuerat Nicolaus Robertus, cui subrogatus est Willelmus Belæts anno 1403.

X. JOANNES IV.

XI. THOMAS.

Joanne archiepiscopo Soltaniensi mortuo, B huic ecclesiæ præfecit Martinus V. an. 1423. die 12. Decembris alterum Joannem Ordinis Unitorum, diplomate quod exhibet R. P. Bremond, tom. 2. pag. 628. hujus tenoris: « Martinus, &c. dilecto filio Joanni electo Soltaniensi. Romani Pontificis, &c. Quum itaque, sicut fide dignis percepimus rebus, ecclesia Soltaniensis, cui bonæ memoriæ Joannes archiepiscopus Soltaniensis, dum viveret, præsidebat, per ejusdem obitum, &c. ad te Ordinis FF. Præd. Unitorum nuncupatorum (fuerant Ordinis S. Basilii, sed opera FF. Præd. schisma ejurarant, huicque postea Ordini sese adjunxerant) professorem, in sacerdotio constitutum, quem, ut asseris, nonnulli ex dictis fratribus, (id) asserentes juxta quædam privilegia apostolica desuper concessa eis licere, post hujusmodi obitum, in archiepiscopum Soltaniensem duxerunt eligendum, &c. direximus oculos mentis nostræ... teque illi præficimus in archiepiscopum, &c. Per hoc autem hujusmodi privilegiis, si quæ sint, derogare in aliquo non intendimus, sed illa nihilominus in suo volumus robore permanere. Datum Romæ II. idus Decemb. pontif. nostri anno VII. » Obiit Joannes iste anno 1425. eique substituit eo anno præfatus Martinus die 19. Decemb. diplomate quod extat ibid. p. 660. Fr. Thomam de Abaraner, ejusdem Ordinis Unitorum.

V.

## ECCLESIA TEPHLIS.

TEPHLIS urbs est Georgiæ regionis primaria in Carduelia provincia. Ea urbs, olim Artaxata dicta, ampla & munita nunc paucis constat incolis sub dominio Persarum. Ita M. A. Baudrand, tom. 2. pag. 299. col. 2. Cellarius, tom. 2. geogr. antiq. lib. 3. cap. XI. pag. 389. scribit Artaxata in neutro plurali metropolim fuisse & regiam sedem regum Armeniæ, quam ad Araxem fluvium Hannibal condidit pro rege Artaxia, ex Strabone, l. XI. pp. 528. E. & 529. A. edit. Casaub. & Plutarcho in vita Luculli, p. 513. R. P. Echard. tom. 1. Script. pag. 583. col. 1. ait in urbe Tephli five Tiphli, nunc Tebile Cala dicta, sedere tum Georgianorum Patriarcham, tum episcopum ejusdem ritus, tum episcopum Armenorum sub Patriarcha Ecsmiasin; institutum autem fuisse sæculo XIV. ibid. episcopum Latinum à Joanne XXII. sed domum Ordinis FF. Præd. jam in ea civitate extitisse ante annum 1240.

Porro Georgia, ex laudato Baudrand, tom. 1. pag. 431. col. 2. quæ Gurgistan indigenis, Chiurgistan Turcis, la Giorgia Italis nuncupatur, regio est Asiæ, inter mare Caspium ad



ortum, & Pontum-Euxinum ad occasum protensa, quæ terminatur ab occidente mari nigro, à septentrione Circassia, Comania, & ditione Magni Ducis Moscoviæ, ab oriente Tartaris Daghestaniæ, & à meridie Scituania provincia Persidis, Armenia majori & Asia minori ex parte. Ejus regiones sunt, Mengrelia sive Odisci, Guria sive Guriel, & Imeretia sive Imereti vel Bassa-Siouch ad occasum, ubi olim Colchis, Abassia sive Abbassa ad septentrionem, Carduelia sive Carduël & Cartuël, ac Gagueta sive Gagheti ad ortum, ubi olim Iberia; denique Samsea sive Samsché ad meridiem versus Armeniam.

ECCLESIA  
TEPHLIS

## EPISCOPI TEPHLICENSES sive TEPHELICENSES.

### I. JOANNES I.

**D**E Joanne è Florentia, sic nuncupato ex loco originis, hæc habet chronica cœnobii S. Mariæ Novellæ Ordinis Præd. in ea urbe, fol. 40. A. apud R. P. Jacobum Echardum, tom. 1. Scriptor. pag. 583. col. 1. «Litteris ardenti desiderio cœpit insistere (Joannes iste ad habitum Conversorum primum receptus) nec ulli labori parcens die noctuque vertebat libros, donec ad eam tandem devenit litterarum peritiam, quod omnibus miraculo erat. Propterea datus illi fuit clericorum habitus, & sacris fuit initiatus. Claruit prædicatione, humanitate, & gratia apud omnes, quousque, volente Deo, ad Thephalicensem promotus fuit episcopatum. Obiit Peræ anno 1348. quum multos Orientalium ad verum Dei cultum sua prædicatione duxisset.» Clemens Galanus Theatinus, tom. 1. conciliat. ecclesiæ Armenæ cum Romana edit. Rom. 1650. c. 30. n. 59. quinque ecclesias Armeniæ enumerans olim à Dominicanis administratas, de illarum secunda ait: «Secunda Teflicensis cui præfuit D. F. Joannes episcopus, qui unus fuerat ex fociis B. Bartholomæi (de quo infra agemus in ecclesia Maraghæ) ut constat ex libro quodam ab eodem F. Joanne traducto, in cuius fine hoc ipsum legitur adnotatum.»

Anno 1318. ex Oriente reversus Joannes Avenione versabatur apud Joannem XXII. Papam, qui per ipsum, & Fr. Guillelmum Adæ, pallium misit ad Francum Perusinum designatum archiepiscopum Soltaniensem, ut supra dictum est, col. 1363. B. Quum autem præfatus Pontifex urbem Tephlicensem in sedem cathedralem anno 1329. erexisset, primum ejus episcopum Joannem hunc nominavit, diplomate dato eo anno die 19. Octob. hujus tenoris, apud Raynald. tom. 15. ad hunc annum, n. 94. «Joannes, &c. dilecto filio Joanni de Florentia electo Tephelicensi. Nuper ad dilatationem fidei christianæ, &c. locum insignem Tephelicensem nuncupatum, &c. in civitatem ereximus, ipsamque, &c. decrevimus, &c. dignitatis episcopalis titulo decorandam, &c. In te Ordinis FF. Præd. professorem, in sacerdotio constitutum, in sacra pagina eruditum, qui conditiones & qualitates illarum partium

A præsentialiter & palpabiliter expertus, & per tuam sationem verbi divini multorum jam «fidelium lucri fecisse animas diceris Domino «Jesu Christo, cuique sacræ religionis zelus, &c. suffragantur, oculos convertimus nostræ «mentis, &c. Dat. Avin. XIV. kal. Novemb. «anno XIV.» Joannes de Cherna abbas monachorum Armenorum, meminit Joannis Tephlicensis episcopi in epistola sua ad fratres Unitos, apud præfatum Galanum, c. 30. num. 41. pag. 521. his verbis: «Quapropter (Roma) in Orientem reversus, ego & focii «mei votum fecimus vivendi religiose juxta «regulam S. Augustini, & constitutiones sancti «Dominici, quem & habere proposuimus tanquam patrem, fundamentum ac principium «nostræ congregationis; emissaque religionis «professione in manu cujusdam D. Joannis, «genere Latini, qui à Romano Pontifice missus fuerat cum plenitudine potestatis episcopus urbis Theflis, electus fui à sociis juxta «facultatem ab eodem episcopo nobis traditam, Superior Provincialis nostri Ordinis «Unitorum.»

Is procul dubio fuit episcopus ille Tephelicensis, in cujus gratiam scripsit Clemens VI. anno 1346. tum archiepiscopo Soltaniensi, tum populo Tephelicensi. Rem sic exponit Raynaldus, tom. 16. ad eum annum, n. 70. «Curavit etiam Pontifex rem christianam in regnis quæ Infidelium servituti erant obnoxia. Quum enim Tephelicensis episcopus à Joanne XXII. ad inferendam gentibus evangelii lucem, atque hæreticos & schismaticos ad sinum Romanæ ecclesiæ traducendos missus, plures Infideles christianis sacris imbuisset, aliosque fide parum excultos instruxisset egregie, nonnulli scelerati perciti livore, neophytos ab illo abalienare, atque alios ad pietatem affectos retardare moliti sunt. Quibus injuriis laceffit episcopus, confugit ad suum premum religionis christianæ antistitem Clementem VI. qui Soltaniensi archiepiscopo, cujus suffraganeus Tephelicensis erat, imperia dedit ut censuris ecclesiasticis nefarios homines hostes pietatis reprimeret. Univerfos (quoque) fideles Tephelicensis diocesis litteris apostolicis monuit, ut episcopo memorato tanquam pastori animarum ac patri obsequerentur.»



ECCLESIA  
TEPHLIS.

His subdit Raynaldus epistolam ejusdem A Pontificis, *venerabilibus fratribus archiepiscopo Soltaniensi ejusque suffraganeis*, datam eodem anno die 31. Julii adversus Pontium archiepiscopum Seleuciensem, qui scriptis quibusdam in Perside disseminatis errorem Fratitellorum de Christi & Apostolorum paupertate fovebat.

## II. BERTRAMUS sive BERTRANDUS.

*Fr. Bertramus sive Bertrandus*, Teuto, Ordinis Præd. episcopus Tephelicensis fuit, ante annum 1366. quo Dom. 4. Quadrag. eo titulo indutus, & Theodorici de Poppart electi episcopi Metensis anno 1364. suffraganeus, sacellum quoddam dedicavit Metis. Urbano VI. tempore schismatis semper adhæsit. Ejus epitaphium, quod extat in oculo ecclesiæ Confluentinæ FF. Præd. hæc continet, teste Friderico Stell, apud R. P. Jacob. Echard. *tom. 1. Script. pag. 689. col. 2. Hæc sepultura est fratris Bertrami episcopi Thefelicensis fratris hujus conventus Confluentini, dimissa sepultura sua quam fieri fecit (fecerat) in conventu Metensi ad sinistram chori. Obiit anno Domini 1387. die 20. mensis Januar.*

## III. KENARDUS.

De eo *Kenardo* nihil aliud scimus quam hæc pauca, quæ ex Bzovianis quibusdam scriptis refert Fontana *Theat. Dom. p. 305. tit. 576. num. 3. Kenardus de Villaco Ord. Præd. episcopus Tephelicensis à Bonifacio IX. VIII. idus (id est die 8.) Martii anno secundo: subinde Christi 1391.*

## IV. ALEXANDER.

Idem Fontana, *ibid. n. 4.* scribit *Fr. Alexandrum*, Italum, Ord. Præd. eidem Tephelicensi ecclesiæ præfuisse circa annum 1450. teste Plodio sive Mich. Pio, *part. 2. lib. 3.*

## V. HENRICUS I.

## VI. HENRICUS II.

Waddingus, *tom. 6. annal. Ord. Min. ad annum 1462. n. 81. p. 550.* tradit ecclesiæ Tephelicensi in Media, vacanti per obitum *Henrici*, præfectum esse eo anno die 31. Decemb. à Pio II. Papa *F. Henricum Wonst*, Minoritam, qui obiit anno 1469.

## VII. JOANNES II.

Anno 1469. die 10. Julii *Fr. Joannes Iminch*, Eremita Augustinianus, creatus est à Paulo II. episcopus Tephelicensis, & suffraganeus ecclesiæ Paderbornensis: vivebat adhuc anno 1475. Ita Thomas de Herrera, *10. 1. Alphab. August. p. 434.* qui perperam scribit hanc sedem esse *sub archiepiscopo Moguntino*. Certe laudatus Waddingus ait, *ibid.* Joannem istum suo Henrico Wonst successisse anno 1469. VI. idus Julii.

## VIII. ALBERTUS.

Ex eodem Waddingo, *tom. 7. ad annum 1493. num. 39. pag. 314.* mortuo Joanni (illi probabiliter qui supra) successus est in sede Tephelicensi in Media *Fr. Albertus Engel*, Ordinis Min. eo anno die 19. Maii, & designatus itidem suffraganeus Hermannii archiepiscopi Colonienensis.

## VI. ECCLESIA COLUMBENSIS.

**C**OLUMBUM sive Columbo urbs Indiæ est intra Gangem, cum arce probe munita in parte occidentali insulæ Ceylan, & regni cognominis caput. Distat 28. leucis à Candea urbe in occasum hybernum, & 43. à Commaria promontorio in ortum. Hæc M. A. Baudrand, *tom. 1. geogr. pag. 288. col. 1.* qui superius, *pag. 259. col. 1.* de Ceylan dixerat, hanc esse insulam peramplam Asiæ in India citeriori, quæ Antiquorum *Taprobana* fuisse creditur. Hæc autem insula ab Indis *Tenarism* nuncupatur, id est, *terra deliciarum*, & ab Arabibus *Zeylan Dive* seu *Ceylanum insula*, quæ vix 60. leucis distat à promontorio Comorini in ortum, & circuitus est 250. leucarum circiter, ubi continentur regna *Candea* in meditullio, *Columbi*, cujus oppidum cum arce subest dominio Belgarum Fœderatorum, *Iaulæ*, &c. Ecclesiam Columbensem Soltaniensi suffraganeam factam discimus ex epistola Joannis XXII. *Joanni de Core electo Soltaniensi archiepiscopo*, data Avin. XVI. kal. Mart. anno XIV. (id est die 14. Febr. anno 1330.) in qua Semiscatensem & *Columbensem* episcopos ipsius suffraganeos appellat, apud Raynaldum, *tom. 15. ad eum annum, num. 57.*

## EPISCOPI COLUMBENSES.

## JORDANUS.

**J**AM à pluribus annis *Jordanus* quidam Ord. Præd. evangelium Christi in Perside aliisque circumjacentibus regionibus disseminabat,

Quum anno 1321. die 9. April. quatuor fratres Minores Thomas, Jacobus, & Petrus presbyteri, ac Demetrius Tephelicensis Conversus eorum interpret, qui ipsius in hoc ministerio focii erant, martyrium subire in



urbe Thana. Jordanus de ea re duplicem A epistolam scripsit, *RR. in Christo Patribus & Fratribus Prædicatoribus & Minoribus in Thauriso, Diagorgano & Morga commorantibus*: quarum prior data in urbe Carga eo anno 1321. die 12. Octob. extat apud R. P. Jacobum Echard. *tom. 1. Scriptor. pp. 549. & 550.* posterior vero data in urbe Thana Indiæ anno 1323. die 20. Jan. apud Waddingum, *tom. 3. annalium ad annum 1321. num. 14. pag. 255.* qui insuper laudat, *ibid. num. 1.* epistolam Francisci de Pisis, Dominicanæ, missionarii quoque in Perside cum præfato Jordano, de qua Francisci Pisani epistola hæc transcribit: «Isti quatuor FF. Min. cum F. Jordano de Ordine Præd. à Thauriso » versus Cathag iter dirigere statuerunt. Nave » conscensa, ut irent Polumbum (Columbum) » mari tempestuoso & nautarum dolo qui navigabant ad ecclesiam S. Thomæ Apostoli, deportati sunt præter spem & voluntatem in » civitatem Thanam, quæ est ultra Thaurisium » itinere trium mensium. Illic invenerunt quindecim domus Christianorum, sed Nestorianorum, quorum unus grato animo fratres » excepit hospitio. Dum illic commorarentur » per dies octo, persuadebant Nestoriani ut ex illis unus iret in urbem Paroth, in qua plurimi habitabant Christiani, nomine potius quam fide, eosque in fide instruerent & baptizarent. Inito consilio & communi consensu statuit illuc ire Jordanus, qui cæteris melius callebat linguam Persarum. Assumptis (itaque) secum duobus Christianis Nestorianis, quorum unus Indorum linguam optime noverat, & ut incognita interpretaretur semet exhibuit, navem ascendentes venerunt Superam, in qua urbe prædicavit S. Thomas Apostolus, & ecclesiam construxit, quam Pagani demoliti sunt, sed postea refecerunt Christiani. Hic catechizavit, baptizavit, & sacra communione refecit (Jordanus homines) ferme 90. dum per dies quindecim moram traheret: sed dum ad destinatam urbem Paroth ulterius pergere desideraret, cum nautis pepigit ut veheretur.» Verum in littore stans jamjam navem conscensurus, hæc nullis fluctibus acta in altum recedit. «Stupens ad rem insolitam (Jordanus)..... » judicavit non esse Dei voluntatem ut elongaretur à consociis, quibus decrevit scribere » per illos Christianos quos secum duxit..... » deinde abiit in prædictam ecclesiam, ubi..... » Dominum orabat ut consociorum actus dirigeret. Erat autem feria 6. ante Ramos Palmarum (die 10. April.) & die antecedente hi pro quibus orabat gloriosum consummarant agonem. Nocte sequenti occurrerunt » pavidi Christiani, & quos instruxit discipuli

dicentes supervenisse nuncium qui refert in « ECCLESIA COLUMBENSIS 315. » carcerem actos Thanæ consocios, & suadebant ut quantocius aufugeret: at ille respondit.... se Thanam reversurum, & coram Mellichio (urbis præfecto) pro cæteris lingua quam noverat Persica responsurum. Regressus Thanam invenit in quodam hospitio procul ab urbe quem miserat epistolæ latorem, & alios Christianos magno timore perculsos, qui narraverunt jam suos sodales fuisse crudeliter interemptos.... Urbem ingressus (cognovit) rem omnem, uti nunc narro, contigisse.» Jordanus quatuor martyrum Franciscanorum corpora, juvante Genuensi quodam juvene, secum Superam adsportavit, ibique in ecclesia S. Thomæ, ea qua potuit veneratione, reposuit.

Ipse Jordanus quæ postea sibi evenerunt in urbe Thana exponit epistola secunda supra citata, cujus nonnulla verba refero... «F. Jordanus Præd. Ordinis, omnium minimus, &c. » Noverit omnium vestrum paternitas veneranda, me solum sine socio in India pauperculum & peregrinum esse, &c. Maneo solus » in civitate præfata (Thana) & circumadjacenti provincia per annos duos cum dimidio ingrediens & egrediens, &c. Quis enarrare valeat cuncta quæ passus sum postmodum adversa! Nam captus sum à piratis, incarcerationis à Saracenis, accusatus, maledictus.... in camisia sola viliter tempore longo totaliter sine habitu mei S. Ordinis usque hodie delictus. O qualem famem, sitim, frigus, calores, ardores, maledictiones, corporis infirmitates, paupertates, persecutiones, falsorum Christianorum detractiones, aëris intemperies, & infinita alia passus sum, &c! » Sed & his majora usque ad mortem paratus sum ferre propter dulcem Jesum, &c. Ultra tamen 130. utriusque sexus feliciter baptizavi, fieretque fructus gloriosus, si fratres sancti venirent, qui se ad omnem patientiam & felix martyrium præpararent, &c. Notifico vobis, quod nomen nostrum Latinorum majus est apud Indos, quam apud nos ipsos Latinos: sed & Latinorum continue expectant adventum sive passagium, quia ferunt in ipsorum libris penitus esse scriptum. Nec non & suo more tota die rogant Dominum, quod Latinorum acceleret optatum adventum. O quis hoc Papæ sanctissimo nuntiabit! » Peregrinus ego penitus nequeo, sed vobis Patribus sanctis totum commendo, &c.»

Observat R. P. Echard. *tom. 1. pag. 550. col. 1.* ante priorem epistolam Jordani (quæ extat in *cod. ms. Colbert. 5496. memb. ejus ætatis*) aliam esse Fr. Bartholomæi Custodis Thaurisii Ord. Min. ad Fr. Galeranum ejusdem Ordinis Ministri Vicarium generalem,



qui ad calcem sic loquitur: «Vicarius vero A  
» FF. Præd. Fr. Nicolaus Romanus videns  
» litteram sui fratris (Jordani) testimonium  
» perhibentis (penuriæ præconum) iter arri-  
puit & versus Indiam properavit.» Hæc Bar-  
tholomæi epistola data est Thaurisii in cras-  
tino Ascensionis Domini. (Annus deest, sed  
probabiliter labebatur annus 1323. quo epi-  
stolam posteriorem scripserat Jordanus die  
20. Januarii, adeoque hæc data fuerit die 6.  
Maii.)

Addit præfatus Echardus, *ibidem col. 2.*  
«Videtur acceptis & lectis Jordani epistolis B  
» vel anno 1323. vel sequenti Franciscus de  
Pisis (Ordinis Præd. auctor epistolæ de qua  
supra, ejusque in India orientali consocius)  
» jam in Asia & forte in Persia agens, ad eum  
» accurisse, ac in ministerio verbi strenuum  
se illi adiutorem præstitisse, &c.»

Venit Jordanus Avenionem ad Joannem  
XXII. Papam anno 1329. Fuit enim, ni-  
vehementer fallor, *Jordanus ille Catalani*,  
Ordinis Præd. quem eo ipso anno 1329. vel  
initio sequentis 1330. hic Papa creavit epi-  
scopum *Columbi*, & per quem transmisit pal-  
lium, quo ornaretur archiepiscopus Soltani-  
ensis ejus metropolitanus. Certe Joannes  
scribens Joanni de Core electo Soltaniensi  
archiepiscopo anno 1330. die 14. Febr. apud  
Raynaldum, *tom. 15. ad eum annum, n. 57.*  
ait: «..... pallium..... de corpore B. Petri  
» sumptum per venerabiles Fratres nostros  
» Thomam Semiscatensem, & *Jordanum Co-*  
» *lumbensem episcopos suffraganeos tuos*, &c.  
duximus destinandum, &c.» Item in alia  
epistola data eodem anno 1330. die 8. April.  
*ibid. n. 55. Nobili viro domino Nascarinorum*

(gens est Indiæ citerioris, ubi urbs Columbo  
in insula Ceylan, inquit R. P. Bremond, *10.2.*  
*Bull. pag. 191. annot. 1. col. 1.*) & *universis*  
*sub eo Christianis Nascarinis de Columbo*, hæc  
loquitur: «.... Ideoque universitatem vestram  
rogamus, &c. quatenus *venerabilem fratrem* «  
*nostrum Jordanum Catalani, episcopum Colum-* «  
*bensem, Præd. Ordinis professorem, quem nuper* «  
*ad episcopalis dignitatis apicem auctoritate apo-* «  
*stolica duximus promovendum, quemque ad* «  
partes ipsas, velut fructuosum futurum &  
utilem, ut speramus, ad messem nationum «  
ipsarum partium in horrea Dominica infe- «  
rendam, ad dictas partes providimus perso- «  
naliter destinandum; necnon dilectos filios «  
fratres Prædicatorum & Minorum Ordinum «  
in dictis partibus commorantes, vel illuc ve- «  
nientes, ... habere velitis propensius com- «  
mendatos: attendentes quod per tam longas «  
maris terræque distantias præfatus episcopus «  
& fratres, non absque magnis laboribus & «  
periculis, pro sola cooperatione divinorum «  
obsequiorum ad partes illas accedunt, &c.»

Waddingus narrat, *tom. 3. annalium ad*  
annum 1330. *num. XI. pag. 376.* missos hoc  
anno ad Malabarica regna in India orientali  
plures operarios ex Ordinibus Præd. & Min.  
simul cum *Jordano Catalani episcopo Colum-*  
*bensi ex Prædicatoribus assumpto*, quos repe-  
titis litteris Pontifex Christianis Nestorianis,  
& iis qui commorabantur in Molephatanis  
regionibus commendat eo anno die 22. Jan.  
Litterarum Joannis Papæ ad Molephatanos  
meminit Raynaldus, *num. 55.* Quid postea  
egerit Jordanus iste nos latet, ut & similiter  
an habuerit successores.

## VII.

## ECCLESIA SEMISCATENSIS.

**S**EMISCATA five *Gemiscata* erecta est in sedem episcopalem, & in suffraganeam data  
archiepiscopo Soltaniensi à Joanne XXII. anno circiter 1329. Hanc sitam fuisse in  
regionibus Chorazanæ vel Turquestiæ sub ditione Imperatoris Tartarorum colligi posse  
videtur ex quadam epistola ejusdem Papæ inferius memoranda.

Porro *Chorazana*, Gallicè *le Chorazan*, ex M. A. Baudrand, *tom. 1. geogr. p. 267. col. 1.*  
regio est Persiæ perampla, versus Tartariam extensa, inter Mawaralnahram, Sablistaniam,  
Carmaniam, & Tabristaniam, ubi olim regiones, Aria, Bactriana ex parte, Margiana, &  
Paropamisus. Charazanæ nomen latiori significato ultiores quoque plagas designat, quæ  
Mawaralnahræ seu Transfoxianæ regionis sunt & Turkestanæ, uti ab Alfergano, & sæpe à  
Persis sumitur, teste Gollio in notis ad Alferganum.

*Turchestia* autem, Gallicè *le Turquestan*, ex eodem Baudrand, *tom. 2. pag. 345. col. 1.*  
pars est ampla Asiæ in Tartaria, inter Tartariam veram seu magnam ad septentrionem, &  
imperium Magni Mogolis ad meridiem, ut fere omnes narrant in historiis illius tractus. Sunt  
tamen, subdit ille, multi recentiores qui credunt nullam esse Turchestaniam, sed in illo  
tractu esse regnum *Thibet* seu *Tobat* cum urbe primaria cognomine: quod extenditur, inquit  
*ibid. pag. 310. col. 2.* ab ortu in occasum inter Tartariam magnam ad septentrionem, &  
Indiam propriam ad meridiem, uti inter regnum Tangutum ad ortum & Mawaralnahariam  
ad occasum: erat aliàs in eo tractu pars Scythiæ extra Imaum montem.

EPISCOPI



## EPISCOPI SEMISCATENSES.

ECCLESIA  
SEMISCA-  
TENSIS.

T H O M A S.

**F.** *Thomas Manasola*, Ordinis Præd. jam episcopus erat *Gemiscatensis* sive *Semiscatensis* exeunte anno 1329. Nam Raynaldus, *to. 15. annalium* ad eum annum, *num. 96.* refert epistolam Joannis XXII. Papæ, *dilectis filiis Jeretanny, & universis Christianis Ungaris, Malchaytis & Alanis*, datam *Avin. III. kal. Octob. anno XIV.* (id est die 29. Septembris anno 1329.) in qua hæc ait Pontifex: «Cu-  
» pientes igitur, ut Christi familia ubique lo-  
» corum incrementa suscipiat, sed maxime in  
» ipsis partibus dilatetur, venerabilem fratrem  
» nostrum *Gemiscatensem episcopum*, vobis no-  
» tum, ad partes ipsas cum nostræ benedictio-  
» nis gratia providimus destinandum. Quocirca  
» devotionem vestram monemus & hortamur  
» in Domino J. C. quatenus sacris instructio-  
» nibus, quas idem *Thomas* & alii episcopi ca-  
» tholici, necnon dilecti fratres Prædicatorum  
» & Minorum Ordinum, in ipsis partibus com-  
» morantes, in doctrina catholicæ fidei vobis  
» fecerint, mentales aures devotius adhibentes,  
» animos vestros veritati ejusdem fidei & sanc-  
» torum Patrum auctoritati coaptetis, &c.»  
Hic *Thomas* missus fuerat ab *Elchigadano* Imperatore Tartarorum ad apostolicam sedem, qui ejus nomine sacerdotes & episcopos ad Tartaros in fide christiana excolendos quos *FF.* Prædicatores & Minores ab errorum tenebris eruerant, deposceret. Id palam fit ex responso Joannis XXII. *ibid. num. 97.* *Magnifico viro Elchigadan Imperatori Tartarorum Corassan & Turquestan ac Indostan, gratiam in præsentem, quæ perducatur ad gloriam in futuro.* «Pastoralis officii, &c. personam tuam  
» eo specialius lucrifacere Domino cupimus,  
» mentisque tuæ oculos cognitione veræ &  
» catholicæ fidei illustrare, quo propter bene-  
» ficia & multa solamina quæ in terris dominio

A tuo subjectis exhibes Christianis, te magis «  
præcipua affectione prosequimur, &c. Quod «  
tu dilectos filios fratres Prædicatorum & Mi- «  
norum Ordinum, fideles operarios J. C. in «  
partibus Orientis evangelizantes in fervore «  
spiritus verbum Dei, benigne suscipis, devote «  
pertractas, & officium eis hilaris hospitalitatis «  
impendis. Colligimus etiam ex aliis tuorum «  
laudabilium operum floribus tuæ devotionis «  
insignia, qui nuper duos fratres ejusdem «  
Ordinis Prædicatorum, *venerabilem fratrem* «  
*nostrum Thomam nunc episcopum Semiscanten-* «  
*sem*, cum uno socio ejusdem Ordinis spe- «  
ciales nuncios tuos ad apostolicam sedem «  
devote & humiliter destinasti, petens & cu- «  
piens tibi per litteras apostolicas benedici, ac «  
etiam de fide catholica informari. Laudabilia «  
igitur vota tua gratis affectibus complecten- «  
tes, *eundem Thomam ad statum proveximus* «  
*pastoralem*, curam animarum quas ad gregem «  
suum in civitate *Semiscantensi* cælestis pietas «  
jam vocavit, vel vocabit in posterum, eidem «  
*Thomæ* episcopo auctoritate apostolica com- «  
mittentes, &c. Dat. *Avin. IV. Nonas* (id est «  
die 2.) *Novemb. anno XIV.* (Christi 1329.)»

Anno sequenti *universis conversis ad fidem catholicam, & catholicis Christianis habitantibus inter infideles & schismaticas nationes in partibus Aquilonis, & etiam Orientis, & specialiter in imperio Usbeck & Elchigaday* epistolam scripsit idem Pontifex, *ibid.* ad annum 1330. *num. 55.* datam *Avin.* eo anno die 22. *Januar.* in qua, teste eodem Raynaldo, illis commendat *Thomam Manasolam* episcopum *Semiscatensem*, ac Prædicatorii Ordinis religiosos viros, qui in eas oras ad evangelium disseminandum properabant. *R. P. Bremond, to. 2. Bull. p. 189. in annot. 3. ad bullam 77.* Joannis XXII. ait florere etiam nunc *Placentiæ Manasolam* gentem nobilem.

VIII.

## ECCLESIA DIAGORGANENSIS.

**D** *DIAGORGANAM* esse in Perside discimus, tum ex diplomate Joannis XXII. modo subjiendo, tum etiam ex epist. *F. Jordani Ord. Præd.* cujus meminimus, *col. 1373. A.* ubi de ecclesia *Columbi*: at non æque liquet in quam vasti hujus imperii parte sive regione sita erat, silentibus ea de re communiter Geographis. Huic tamen episcopum Latinum præfecit anno 1329. præfatus Pontifex.

## EPISCOPI DIAGORGANENSES.

B E R N A R D U S.

**R** *RAYNALDUS, tom. 15.* ad annum 1329. *n. 95.* post relatam epistolam Joannis XXII. *Trapefundarum Imperatori*, datam *Aven.* eo *Tomus III.*

E anno die 1. Decemb. hæc subjungit: «Con-  
ceptæ sunt eadem formula litteræ hortatoriæ «  
ad *Rasciorum, Tephelicensium* in Georgia, «  
& *Choracicensium* reges, atque ad *Solagay,* «  
*Misserquis, Tephelenses principes,* tum «  
S s s s



ECCLESIA  
DIAGOR-  
GANENSIS.

„ Carpi & Aliquis regulos, quos omnes ad  
„ repetendum Romanæ ecclesiæ sinum exci-  
„ tavit: tum Prædicatores & Minoritas, qui  
„ iis in oris circumferebant evangelium, tum  
„ *Bernardum è Gardiola episcopum Diagorga-  
nensem* enixe commendavit. „

Extat apud R. P. Bremond, *to. 2. Bullar.*  
*pag. 183.* alia epistola ejusdem Pontificis,  
*dilectis filiis universis Christianis in imperio  
Persidis constitutis, &c.* data die XI. Septemb.  
anno 1329. in qua mentio fit de eo Bernardo  
his verbis: „ Votis zelamus, &c. ideoque  
„ universitatem vestram rogamus, monemus,  
„ & hortamur, &c. quatenus venerabilem fra-

Atrem nostrum *Bernardum de Gardiola epi-  
scopum Diagorganensem*, quem nuper ad epi-  
scopalis dignitatis apicem auctoritate apo-  
stolica duximus promovendum, quemque  
ad partes ipsas velut fructuosum futurum &  
utilem, ut speramus, ad messem nationum  
ipsarum partium in horrea Dominica infe-  
rendam, ad dictas partes providimus perso-  
naliter destinandum: necnon dilectos filios  
fratres Prædicatorum & Minorum Ordinum  
in illis partibus commorantes, vel illuc ve-  
nientes... habere velitis propensius com-  
mendatos, &c. „ Me latet quando obierit,  
quemve habuerit successorem Bernardus iste.

## IX. ECCLESIA SUDENSIS.

**D**E ecclesia *Sudensi* sive *Sunensi* nihil aliud mihi occurrit, nisi hanc fuisse Soltanien-  
siquando suffraganeam, eique præfuisse nonnullos ritus Latini episcopos.

## EPISCOPI SUDENSES.

I. FRANCISCUS.

II. GUALTERUS.

**W**ADDINGUS, *tom. 4.* ad annum 1398.  
*n. 2. p. 320.* refert *Francisco* episcopo Sudensi  
mortuo successum esse à Bonifacio IX. Papa  
eo anno die 21. Augusti *Fr. Gualterum de  
Polema*, Minoritam.

III. NICOLAUS.

Daniel à V. M. *tom. 2. Speculi Carmelit.*  
*p. 946. n. 3326.* scribit ex Actis Consistor.  
Martini V. haberi, *F. Nicolaum*, Carmelitam,

Brenuntiatum esse episcopum *Sudensem* anno  
1419. die X. Januarii.

IV. JOANNES.

Anno 1524. die 6. Jan. decessit in urbe  
Senonensi *Fr. Joannes de Medina*, Ordinis  
Minor. episcopus *Sudensis* sive *Sunensis* in  
*Media* sub archiepiscopo *Soltanienfi*. Hæc  
*Waddingus, tom. 8.* ad annum 1524. *n. 33.*  
*pag. 410.* quem etiam, *tom. 4. in addit. ad  
tom. 2. p. 23. n. 29.* dixerat fuisse Tristandi  
archiepiscopi Senonensis suffraganeum.

## X. ECCLESIA TAURISII.

**Q**UÆ *Tauris* vulgo appellatur, *Tebris* vero Persis, & Latinè *Tabresium* seu *Tauresium*,  
urbs est regni Persarum perampla, in provincia *Adirbuitzan*, *Echbatana* olim dicta, &  
Mediæ regionis primaria Nigro, Masio, ac aliis recentioribus; sed multum defecit, & ideo  
fedes regia ex ea à multis annis Aspahamum translata est. Distat autem 1100. circiter milliar.  
ab urbe Constantinopoli in ortum, Maracandam versus 900. estque in vasta planitie ad  
radices montium, juxta fluviolum Scheinkaio qui paulo infra cadit in fluvium cui Aggissou  
nomen est. Ita M. A. Baudrand, *tom. 2. pag. 280. col. 2.*

## EPISCOPI TAURISIENSES.

I. GUILLELMUS.

**F.** *Guillelmus de Cigiis*, Ordinis Prædic.  
an. 1329. renuntiatus est episcopus Taurisii  
in Perside à Joanne XXII. Papa, ut disci-  
mus ex ejus epistola, *venerabili F. Zachariæ  
archiepiscopo S. Thaddæi Apostoli de Coratesia  
in imperio Persidis*, data *Avin. III. idus* (id est  
die XI.) *Sept. pontif. anno XIV.* Christi 1329.  
Ex *Waddingo, to. 3.* ad eum annum, *n. 13.*  
*pag. 367.* & R. P. Bremond, *tom. 2. Bullar.*

*C pp. 182. & 183.* In ea sic loquitur Pontifex:  
„ Divina, ut firmiter credimus, est ordina-  
tione provisum, ut ad terras imperii Persidis,  
licet ab aliis terris quas regenerat unda bap-  
tismatis.... magna maris terræque distantia  
separatas, licet plurium infidelium & hostium  
fidei interstitiis impeditas, nonnulli Prædica-  
torum & Minorum Ordinum fratres, tanta  
terrarum & locorum latitudine & distantia  
peragrata, viri utique illuminati doctrina ve-  
ræ fidei quam sacrosancta Romana catholica



« & universalis tenet ecclesia, &c. Ideoque fra-  
 « ternitatem tuam rogamus... quatenus... vene-  
 « rabilem fratrem nostrum *Guillelmum de Cigiis*  
 « *episcopum Taurisensem*, Ordinis Præd. profes-  
 « forem, quem nuper ad episcopalis dignitatis  
 « apicem apostolica auctoritate promoventes,  
 « &c. benigne suscipias, &c. eumque episco-  
 « pum, atque fratres (Ordinum Præd. & Min.)...  
 « habeas propensius commendatos, &c.»

Refert Raynaldus, *10. 15.* ad annum 1330.  
*n. 56.* epistolam ejusdem Pontificis, *universis*  
*Christianis habitantibus in montibus de Albors*,  
 datam *Avin. X. kal. Febr. auno XIV.* (id est  
 die 23. Jan. anni 1330.) in qua ait: « Ecce  
 „ igitur vestris in hac parte desideriis annuentes,  
 „ &c. venerabilem fratrem nostrum *Guillelmum*  
 „ *de Cigiis episcopum Taurisensem*, & dilectos  
 „ filios fratres Ord. Præd. viros utique magnæ  
 „ religionis & vitæ, & in lege Domini eruditos  
 „ ad vos providimus destinandos, &c.» Iisdem  
 die & anno datis litteris Maphrianum Jaco-  
 bitarum (procul dubio Gregorium IV. de  
 quo vide supra *10. 2.* hujus operis, *col. 1554.*  
*B. C.*) hortatus est Joannes Papa, ut creditos  
 ipsius pastoralis curæ populos ad unionem  
 cum Romana ecclesia induceret, & FF. Præd.  
 ac Min. ad gentes missis faveret. «.... dilectos  
 „ filios, inquit (ibid. *n. 57.*) fratres Prædica-  
 „ torum & Minorum Ordinum ad partes ipsas  
 „ venientes, vel morantes in eis, vel per illas  
 „ transitum facientes charitative recipias... &  
 „ maxime venerabilem fratrem nostrum *Guil-*  
 „ *lelmum de Cigiis episcopum Taurisensem*, quem  
 „ ad Dei laudem & gloriam, & pascendum gre-  
 „ gem fidelium in partibus illis prædicationis  
 „ verbo pariter & exemplo ecclesiæ Taurisensi  
 præfecimus in pastorem, &c.» Nihil aliud  
 de eo episcopo nobis innotescere licuit.

## II. BARTHOLOMÆUS.

Fontana *Theat. Dom. pag. 304. tit. 575.*  
*num. 3.* scribit ex chronico mss. conventus  
 Urbevetani Ord. Præd. *Fr. Bartholomæum de*  
*Abagliatis*, ejusdem Ordinis, nobilem Se-  
 nensem, præfuisse ecclesiæ Taurisensi in  
 Perside, sed ibidem, ut & apud Ugurgerium  
 in *Pompis Senensibus*, *tit. 7.* fileri quo tem-  
 pore id contigerit. Porro, quum inter sex  
 episcopos Ordinis Prædic. Franco Perusino  
 primo archiepiscopo Soltanienfi assignatos  
 socios à Joanne XXII. Papa in diplomate  
 dato anno 1318. die 1. Maii, ut supra retu-  
 limus, ubi de eo Franco, *col. 1362. C.* nomi-  
 netur *Bartholomæus Abaliati*, nihil prohibere  
 videtur quin sit iste *Bartholomæus de Aba-*  
*gliatis*, Senensis, qui proinde Guillelmo in  
 sede Taurisensi successerit.

## III. JOANNES.

Anno 1375. Joannes quidam Ord. Præd.  
*Tomus III.*

A sedebat episcopus Taurisensis in Perside,  
 qui eo anno Avenionem venit ad Grego-  
 rium XI. Ut enim narrat Fontana in *monum.*  
*Domin.* ad eum annum, *pag. 239.* Joannes  
 ille per urbem Constantinopolim transiens  
 ipse aliique fratres Ord. Præd. disputationem  
 habuere cum Joanne Cantacuzeno ex Impe-  
 ratore facto monacho, & cum doctoribus  
 Græcis, de primatu sedis Romanæ super  
 quoscumque Patriarchas, etiam Constanti-  
 nopolitanum, qui caput ecclesiæ Græcæ se  
 venditabat. Convictus autem Cantacuzenus  
 eundem primatum confessus est. Id conti-  
 gisse anno superiori 1374. scribit Raynaldus,  
*tom. 16.* ad annum 1375. *num. 1.* & profert,  
*num. 2.* epistolam Gregorii Pontificis *Joanni*  
*dicto Cantacuzeno Ordinis S. Basilii professori*,  
 datam *Avin. V. kal. Februar. anno V.* (id est  
 die 28. Jan. an. 1375.) in qua hæc leguntur:  
 « Inter desideria, &c. Sane quia venerabilis  
 „ frater noster *Joannes episcopus Taurisensis*,  
 „ lator præsentium, nobis exposuit quod in  
 „ quadam disputatione, quam nuper tu & qui-  
 „ dam alii Græci, tam prælati quam alii, cum  
 „ quibusdam FF. Ord. Præd. quos ad partes  
 „ Armeniæ majoris ad conservationem fide-  
 „ lium & conversionem dictarum partium mit-  
 „ tebamus, super his in quibus Græci à Latinis  
 „ discordare noscuntur, in civitate Constanti-  
 „ nopolitana habuistis, non immemor verbi  
 „ Salvatoris nostri, qui dixit B. Petro, cujus  
 „ sumus divina permissione successor: *Tu es*  
 „ *Cephas*, &c. Sponte confessus te credere &  
 „ tenere sanctam Romanam ecclesiam, quæ  
 „ mater est omnium fidelium & magistra, super  
 „ omnes orbis ecclesias obtinere primatum; &  
 „ quod ad hoc defendendum, si expediret,  
 „ morti exponeres corpus tuum. Cujus qui-  
 „ dem episcopi, uti fide digni, relationi hujus-  
 „ modi nos fidem indubiam adhibentes, quam-  
 „ plurimum sumus de dicta confessione lætati,  
 „ &c. Quum enim hujusmodi primatus nega-  
 „ tio, olim præsumpta per Græcos eosdem, dis-  
 „ fidii Latinorum & ipsorum Græcorum fuerit  
 „ causativa, & conservativa schismatis subse-  
 „ cuti; tuque, prout fama publica prædicat, sis  
 „ vir magnæ prudentiæ, &c. speramus in Deo...  
 „ quod effectū obedientiæ & concordandi cum  
 „ dictis ecclesia & Latinis in aliis in quibus hac-  
 „ tenus discordasti, donum pretiosius largietur;  
 „ nec, si voles, solus accedes ad arcam Domini,  
 „ sed innumerabiles manipulos præsentabis ei-  
 „ dem, &c.» Cum ea epistola, duas alias ejus-  
 „ dem Gregorii XI. iisdem die & anno datas,  
 „ *Joanni* scilicet *Palæologo*, & *Emanueli* ejus  
 „ filio, quas exhibet Raynald. *ibid. nn. 4. & 5.*  
 Constantinopolim portavit Joannes ad suam  
 ecclesiam Taurisensem revertens.

Is Joannes fortassis fuit *Joannes ille de*

Ssss ij



ECCLESIA  
TAURISII.

*Rothomago*, Ordinis Præd. quem Cavalerius, A motione anno 1358. die 29. Jan. usque ad annum 1390. die 9. Decembris, neminem reperimus qui Conradum exceperit.

tom. 2. *Galler. Domin. pag. 28. num. 67.* & R. P. Jacobus Echard. in *indice episcoporum Ordinis Præd. initio tom. 1. Scriptor. pag. 26. col. 2.* asserunt fuisse episcopum Caphensem & Taurisensem, sed quem perperam assignant ad annum circiter 1268. quum ecclesia Caphensis erecta fuerit in sedem episcopalem anno duntaxat 1317. à Joanne XXII. Papa, qui ei primum antistitem præfecit F. Hieronymum, Minoritam, ut supra dictum est inter episcopos Caphenses, col. 1103. A. B. R. P. Echardus laudatus censet Joannem illum ex ecclesia Taurisensi ad Caphensem migrasse. Si id ita sit, & fuerit Joannes iste ipse Taurisensis episcopus sub Gregorio XI. florens, de quo agimus impræsentiarum, successerit utique post annum 1375. in sede Caphensi III. *Conrado*, Minoritæ, quem memoravimus, col. 1105. Ab ejus quippe pro-

## IV. FRANCISCUS.

*Fr. Franciscus Cinquinus*, Pisanus, Ordinis Præd. zelo fidei succensus in orientales oras perrexit, ibique fuit episcopus Taurisensis sæculo decimo quinto. Plurimis autem ad religionem catholicam adductis, rediit in patriam. At grassante lue in urbe Pisana, infirmorum obsequio sese devovit, quibus quum sacramenta & cibum assidue ministraret, ipse extinctus est cum fama sanctitatis; adeo ut populus ingenti concursu funus ejus cohonestaverit. Hæc Fontana *Theat. Dom. p. 304. num. 575.* ex monumentis cœnobii Pisani, quæ tempus non expressere; sed Mich. Pio, part. 2. lib. 3. & Fernandez in *episcopis Ital.* de eo Francisco sub anno 1450. loquuntur.

## XI. ECCLESIA SALMASÆ sive SALMASTRI.

*SALMASA*, Abulphedæ *Tab. geogr. num. 413.* *Salamas*, urbs Aderbiganæ seu Mediæ antiquæ, in ejus finibus ad occasum posita, à Geographo Nubiensi *Clim. 4. part. 6.* in Armenia collocatur, olim episcopalis sub metropolitano Arbelenfi, deinde sub metropolitano Aderbiganæ; postea metropolitana & ipsa. Masius in epistola ad Augerium Busbeckium apud doctissimum abbatem Assemanum, tom. 1. *Bibl. Orient. pag. 525. col. 1.* hanc appellat *Salmastrum*, aitque dierum circiter octo itinere à Ninive distare versus Orientem. Hæc idem Assemanus, tom. 3. part. 2. pp. 773. & 774.

## EPISCOPI SALMASÆ sive SALMASTRI.

## I. THOMAS.

## II. WILLELMUS.

**E**X Waddingo, tom. 5. *annal. ad annum 1402. num. 12. pag. 8.* Thoma episcopo Salmastrensi in partibus Infidelium translato ad aliam ecclesiam, quam ipse non nominat, ei successit à Bonifacio IX. eo anno die 6. Novembris *Fr. Willemus de Wildenhorcz*, Ordinis Minorum.

## III. MARCUS.

Anno 1430. die 19. Jun. renunciatus est à Martino V. Papa episcopus Salmastrensis in Persia sub Patriarcha Muzal in Assiria *Fr. Marcus de Pera*, etiam Minorita. Ita laudatus Waddingus ad eum annum, n. 32. p. 225. Extat *ibid. in Regesto Pontif. p. 172.* epistola quædam hujus Romani Pontificis, sic inscripta: *Dilecto filio Nicolao de Tibure Ordinis*

**C** Minorum professori, capellano nostro, apostolicæ sedis nuntio, & in Caphensi, Chienfi, Metellinensi, Symbaliensi, & Salmastrensi civitatibus & diœcesibus, & in terra Peræ diœcesis Constantinopolitanæ, jurium, fructuum, reddituum, & proventuum Camera apostolicæ collectori, &c. *Ex fidei*, &c. Data est die 26. Jan. anno 1429. Ex ea autem inscriptione discimus iis in locis ævo illo adhuc plurimos extitisse fideles ritus Latini, quibus subinde nihil vetat præfuisse ejusdem ritus episcopos.

## IV. HENRICUS.

Fontana *Theat. Dom. pag. 284. tit. 510.* scribit ex Plodio, id est, Mich. Pio, part. 2. lib. 3. & Fernandez in *episcopis Germanicis*, ecclesiæ Salmastrensi datum esse in præfulem *Fr. Henricum de Praga*, Ordinis Præd. circa annum 1460.





## XII.

## ECCLESIA S. THADDÆI.

**E**X notitia episcopatum diœcesis Armeniæ, *Macu* archiepiscopatus magnus est in provincia Artaz, in cujus cathedrali ecclesia corpus est S. Thaddæi: habetque sub se episcopatus quinque, *Auhar, Hoi, Jormi, Maratha, & Salmaſta* sive *Salmaſam*: ex quo discimus *Macu* ipsam esse urbem quæ *S. Thaddæi* dicitur Christianis. Vide *tom. 1.* hujus operis, coll. 1445. 1446.

## EPISCOPI S. THADDÆI.

I. CACHANA. *Zacharias.*

**R**AYNALDUS, *tom. 15. annal.* ad annum 1321. num. 5. scribit, constituendis Tartariæ ecclesiis intentum Joannem XXII. Papam, quum nonnullos in Camelesia ad dignitates ecclesiasticas irrepsisse illegitime accepisset, aliquos etiam sacris Ordinibus rite initiatos non esse, ut his mederetur malis archiepiscopo *S. Thaddæi* è Camelesia provinciam dedisse, ut, vel sacros Ordines, vel auctoritatem necessariam, pontificio nomine, hujusmodi promotis conferret. Extat *ibid.* Joannis Papæ ea de re epistola inscripta: *Venerabili fratri Cachanæ archiepiscopo S. Thaddæi Apostoli de Camelesia, & dilectis filiis Vicario Prædicatorum & Custodi FF. Minorum in imperio Tartarorum consistentibus. Quum, sicut accepimus, &c. Dat. Avin. .... idus Octobris anno v. (id est eo mense anno 1321.)*

Eodem tempore alius erat S. Thaddæi archiepiscopus, nomine *Zacharias*, Armenus, qui fidem catholicam amplexus, Christianis Armenis probabiliter præerat, non Latinis. Idem enim Raynaldus, *n. 6.* epistolam exhibet præfati Joannis XXII. *venerabili fratri Zachariæ archiepiscopo S. Thaddæi, Datum Avin. x. kal. Decemb. anno vi. (id est die 22. Novemb. anno 1321.)* in qua ait Pontifex: „Sane, dilectissime frater, de te multæ lætitiæ causam & exultationis habemus, quia tu „in ejusdem fidei veritate spiritu beatæ considerationis inductus, pro divini nominis gloria stabiliter perseverans, pro ipsius observatione fidei ab æmulis ejus multas te perpeſsum angustias, multosque te percepimus pertulisse labores, &c. Profecto quod tu ad hanc fidei veritatem zelo devotionis afficeris, quod ipsam devotus amplecteris, quod ad unitatem & observantiam ejus cunctos tibi subditos exemplo laudandæ imitationis inducis; sciens cum Apostolo quod, sicut unus est Dominus, unumque baptisma, sic cunctorum debet esse fidelium una fides, &c.” Illum identidem monet, ne Sacramentum confirmationis administrari, vel oleum infirmorum consecrari à simplicibus presbyteris pateretur. Ad eundem quoque Zachariam scripsit Joannes

A Papa anno 1329. die xi. Septemb. epistolam cujus superius meminimus sub Guillelmo de Cigiis episcopo Taurisensi, *col. 1379. C.*

De eo S. Thaddæi præfule ejusque ecclesia hæc refert Joannes Chernacensis Armenus in epistola sua ad fratres Armenos Unitos, apud Clementem Galanum, *tom. 1. conciliat. eccl. Armenæ cum Romana, cap. 30. nn. 29. & 30. pag. 517.* „Ex istis autem Prædicatoribus missi fuere aliquot à SS. Pontifice „Joanne XXII. cum litteris pontificiis ad „domnum Constantinum Cæsariensem, Ar- „menia Patriarcham, necnon ad regem Osci- „num (sive Ossinium); qui quidem Patriarcha, „convocans quotquot potuerat, suæ diœcesis „episcopos ac præfules, unà cum ipso rege „Oscino ac principibus regni, concilium celebravit (concilium fuit Adanense, cujus acta „exhibet idem Galanus, *ibid. cap. 29. p. 472. & seqq.*) in quo Armeni, peracta jam cum „S. R. E. unione, obedientiam Romano Pontifici promissere. Inter episcopos autem qui „ad concilium convenere, adfuit etiam archi- „episcopus *Zacharias* qui præerat ecclesiæ sancti „*Thaddæi Apostoli*, ubi est ejus sepulcrum, „versus Orientem, trans fluvium Araxem, in „confinibus regionis Parthorum, haud procul „à celebri monte Ararat in quo, secundum „constantem Armenorum traditionem, requievit arca Noemi.”

## II. \* \* \*

Benedictus XII. Papa scripsit anno 1341: die 1. Augst. *Catholico Armenorum* litteras, quibus eum hortabatur ut diligentiam in celebranda synodo adhiberet, atque errores in libello quem ei mittebat descriptos confutatosque damnaret. Sollicitavit etiam aliis litteris archiepiscopos *S. Thaddæi* in *majori Armenia*, Navarnazensem, Tarsensem, & Soltaniensem, ut in illud opus studia sua conferrent. Ita Raynaldus ad eum annum, *n. 46.* ubi litteras Pontificis ad Catholicon Armenorum exhibet. Porro archiepiscopus iste S. Thaddæi alius esse potuit à *Cachana* vel *Zacharia* supra memoratis. Sed ipse, & præfatus *Cachana* videntur fuisse præfules Latini ritus, quidquid secus asseratur, *to. 1. col. 1446. B. C.*



ECCLESIA  
S. THAD-  
DÆI.

## III. BERTUCIUS.

## IV. JOANNES-BAPTISTA.

R. P. Bremond, *tom. 2. Bullar. pag. 449.* refert diploma Bonifacii IX. Papæ, datum anno 1402. die 5. Maii, quo post obitum *Bertucii* archiepiscopi S. Thaddæi in Armenia, huic ecclesiæ præficitur *Fr. Joannes-Baptista de Insula*, Ordinis Præd.

## V. HIERONYMUS.

## VI. JOB.

*Hieronimo* archiepiscopo S. Thaddæi apostata facto, Martinus V. Papa in ejus locum substituit *Fr. Job de Macho*, Ordinis Præd. Id constat ex diplomate pontificio dato anno 1424. die 13. Mart. apud laudatum R. P. Bremond, *ibid. p. 643.* in quo hæc leguntur: "*Dilecto filio Job de Macho electo Machoenfi,*

A &c. Quum itaque ecclesia S. Thaddæi Ma-  
choënsis, ex eo quod nos nuper iniquitatis "  
filium *Hieronimum*, de cujus persona dudum "  
præfatæ ecclesiæ tunc vacanti fuerat aposto- "  
lica auctoritate provisum, quique in vi pro- "  
visionis hujusmodi possessionem pacificam "  
assecutus, abnegata palam catholica fide Jesu "  
Christi Redemptoris & Domini nostri, blas- "  
phemus notorius est factus, de fratrum nos- "  
trorum consilio dicta ecclesia, ac ejus regimine "  
& administratione declaramus esse privatum, "  
& sententialiter privavimus & amovimus ab "  
eisdem, vacaverit & vacet ad præsens, &c. "  
demum ad te Ordinis FF. Præd. &c. quique "  
ex illis partibus oriundus, illis verbo prodesse "  
poteris, direximus oculos mentis nostræ, &c. "  
Dat. Romæ apud S. Petrum III. idus Mart. "  
pontif. nostri anno VII. "

### XIII. ECCLESIA NAVARZANENSIS sive NAHARVANENSIS.

*NAVARZANA* probabiliter eadem est ac *Naharvana*, de qua sic loquitur Assemanus, *tom. 3. part. 2. pag. 766.* "*Naharvanæ* urbs est episcopalis in Babylonia, Kosræ conjuncta, ad provinciam patriarchalem (Syro-Nestorianorum) spectans, de qua hæc Abulpheda, *Tab. geogr. n. 282.* *Naharvana, nomen oppidi est, & fluminis quo interfecatur: estque urbecula à Bagdado quatuor parasangis distans.* Ab Herbelotio, *pag. 658.* inter Bagdadum & Vasetam ponitur. "

## EPISCOPINAVARZANENSES.

\* \* \*

ANNO 1341. sedebat quidam præsul *Navarzanensis*, quem, ut & archiepiscopos sancti Thaddæi, Tarsensem & Soltaniensem, sollicitavit eo anno Benedictus XII. Papa die 1.

C Aug. ut Catholico Armenorum opem ferrent, ad proscribendos, congregata synodo, errores aliquos qui Armenis imputabantur. Apud Raynaldum, *tom. 16.* ad eum annum, *num. 46.*

### XIV. ECCLESIA DIATAGERENSIS sive DIATARAGENSIS.

FONTANA *Theat. Dom. p. 72. tit. 39.* scribit Diatagerensem ecclesiam fuisse in Perside, tituloque archiepiscopali potitam, cujus unum præfulem subministrat.


## EPISCOPIDIATAGERENSES.

## GERARDUS.

GERARDUS de Monte-Pessulano in Gallia, Ord. FF. Præd. ex laudato Fontana, divino spiritu inflammatus, cum pluribus aliis ejusdem Ordinis in Persidem contendit, catholicam fidem in vastissimis illis regionibus annuntiaturus: quum vero plures ibidem ad Christi ecclesiam adduxisset, decessit in urbe

DTaurisio die 1. Novemb. anni 1322. De eo Leander Albertus, *lib. 3. de viris illustribus Ordinis Præd.* ita loquitur, *pag. 121.* "*Cum Superioribus præclarissimis connumerabimus "* *Geraldum* ex Monte-Pessulano oriundum, "  
virum sanctum, & devotum antistitem in ur- "  
be Diataraga provinciæ Persidis, cujus obitus "  
fuit Taurisii 1322. kal. Novemb. Porro post "  
mortem is celeberrimis miraculis claruit. \*





## XV. ECCLESIA BASSORENSIS.

**D**E urbe *Bassora* hæc tradit Mich. Antonius Baudrand, *tom. 1. geogr. pag. 140. col. 1.*  
 « *Balsera* seu *Bas-ra*, & *Bassora*, olim *Teredon*, urbs Asiæ & emporium celebre Arabiæ  
 desertæ, in confinio Chaldææ seu provinciæ *Yerach* dictæ, ad fluvium Arabum *Schat-el-*  
*Arab*, seu ad Tigrim & Euphratem fluvios simul unitos, bidui itinere infra Bagdatum in  
 meridiem, & 12. leucis distans in septentrionem à sinu Persico, qui ab ea dicitur etiam à  
 multis sinus *Balseræ*. Gaudet portu capaci & tuto, estque caput præfecturæ seu principatus  
 cognominis cum castro munito. » Subjungit autem, ad vocem *Teredon*, *to. 2. p. 299. col. 2.*  
 « *Teredon*, urbs Babylonis Ptolemæo & Æliano, quæ ab aliis Arabiæ tribuitur, nunc *Bassora*  
 dicitur, sive *Balsera* & *Bas-ra*, estque hodie urbs Arabiæ desertæ, in confinio Arabiæ felicis,  
 testibus Philippo à S. Trinit. Thevenotio, & aliis, versus confinia provinciæ *Hierach*, &c. »  
 Distat à Babylone navigatione 15. dierum, Armusum versus 600. milliar. circiter, &c. »  
 Observat Cellarius, *to. 2. geogr. antiq. lib. 3. cap. 16. pag. 759.* Ptolemæum posuisse urbem  
 Terebonem inter ostia Tigris intus, seu reductius à mari; Strabonem vero conjunxisse bis  
 illam cum ostio Euphratis, item Dionysium in Periegesi. *Forfan*, inquit, *inter Euphratem*  
*& Tigrim circa ostia fuit Teredon sua. Ex iisdem etiam adparet Euphratem olim in sinum Per-*  
*sicum peculiari ostio exisse, licet fossis postea, & variis deductionibus, mutata rerum facies fuerit:*  
*ideoque Ptolemæus silentio id ostium præterierit.* Unum præfulem reperi Bassorensem Latini  
 ritus.

## EPISCOPI BASSORENSES.

## ROGERIUS.

**A**Nte annum 1363. *Fr. Rogerius*, Siculus,  
 è Platia, Ord. Min. Friderici III. capellanus,  
 episcopus *Bassorensis* fuit, urbis scilicet *Ba-*  
*soræ* (sive *Bassoræ*) *mercato celebris haud procul*  
*à sinu Persico.* Deinde ad ecclesiam Mazaren-

A sem in Sicilia translatus est, de quo, ut Maza-  
 rensi præfule, mentio extat die 6. Oct. anni  
 præfati 1363. Indiçt. 11. in Tabulis Montis  
 S. Juliani. Obiit Mazaræ anno 1383. die 13.  
 Januar. Ita Rocchus Pirrus, *volum. 2. Sicil.*  
*sac. pp. 105. num. VII. & 508. num. 23.*



## XVI. ECCLESIA ASPAHAMENSIS.

**A**SPAHAMUM, aliàs *Aspa* & *Hispahan*, urbs est Persidis præclara in provincia *Hierach*  
 sive *Yerach*: à multis *Asaphan* & *Haspachan* dicitur, à Persis vero *Spahan*. Sita est in  
 planitie perampla montibus circumsepta, & rigatur fluvio *Zenderoud*, qui à monte *Rima-*  
*vend* delatus ipsam in duas partes secatur. Hæc M. A. Baudrand, *tom. 1. geogr. p. 110. col. 2.*  
*Assémanus, tom. 3. Bibl. Orient. part. 2. p. 725.* ait *Aspahanensem* ecclesiam metropolitano  
 Nestorianorum Persidis subjacuisse, licet in Tabula Eliæ Damasceni non recensetur. Huic  
 ab uno circiter sæculo præfecti sunt nonnulli antistites ritus Latini.

## EPISCOPI ASPAHANENSES.

## I. TIMOTHEUS.

## II. fortassis TIMOTHEUS alter.

## III. JOANNES.

**R**OCCHUS Pirrus, *volum. 2. Siciliae sacræ*  
*p. 554. post med.* tradit *M. Timotheum Perez*,  
 Siculum Mazarensem, Carmelitam, à Ro-  
 mano Pontifice anno 162.. (creatum esse)  
*episcopum Aspahanensem in Persia*: (qui tunc  
 quum scilicet ipse hæc scribebat ante annum  
 1646.) suffraganeus erat Toleti.

Nescio an alius ab isto non fuerit Carme-  
 lita ejusdem nominis, cujus meminit Daniel  
 à V. M. *to. 2. Spec. Carmel. p. 957. n. 3368.*

B hunc enim dicit *Hispanum de Malacha*. « *Ti-*  
*motheus Perez*, inquit, *Hispanus de Malacha*,  
 institutus est episcopus Babylonis seu Bagdat  
 die 2. Aug. 1632. simulque destinatus coad-  
 jutor cum futura successione *episcopi Aspa-*  
*nensis* (Aspahanensis) in Regia Persarum:  
 unde dicitur *episcopus Aspanensis*. Postmo-  
 dum titulum ecclesiæ *Lystriensis* in *Lycaonia*  
 habuit, sub quo obiit Toleti die 5. Aprilis  
 anno 1651. »

In nunciis Gallicis anni 1632. legimus;  
*pp. 409. & 451.* Romæ proclamatum esse eo  
 anno die 6. Sept. & die 19. ejusdem mensis  
 consecratum à Cardinali Spada in templo *del*  
*anima*, pro episcopatu *Aspahanensi*, Joannem



*Thaddæum*, Carmelitam discalceatum, Hispanum, ut statim in Persidem pergeret, ipso rege Persarum in id consentiente.

## IV. BARNABAS.

R. P. Bremond scribit, *to. 6. Bull. p. 620.* ex P. Jacobo Echard. in indice episcoporum initio *tom. 2. Scriptor. pag. 31. col. 2.* & ex P. Dominic. Ponfi in vita R. P. Antonini Cloche Magistri Generalis Ordinis Prædic. *cap. 8. pag. 215. num. L. Fr. Barnabam de Fidelibus*, Ordinis Præd. alumnum Congreg.

A S. Sabinæ, renuntiatum esse episcopum *Aspahanensem* in Perside à Clemente XI. an. 1716. quem promotum die 8. Jun. asserit laudatus Echardus.

## V. PHILIPPUS.

Ex nuntiis Gallicis anni 1732. *pp. 402. & 439.* proclamatus est Romæ die 21. Julii à Cardinali Zondodari R. P. Philippus Maria de S. Augustino, Carmelita discalceatus, pro episcopatu *Aspahanensi* in Perside, quò paulo-post perrecturus erat ut missionarius apostolicus.

## XVII. ECCLESIA BAGDADI sive BABYLONIS.

**B**AGDADUM, aliàs *Baudras*, teste Pineto, & etiam *Seleucia* ab Antiocho Seleuci filio ex patris nomine, nunc *Bagdad & Baghdet*, urbs Asiæ dives, ampla & valde munita provinciæ Iracæ *Yerach* caput ad Tigrim fluvium, antea Califarum sedes, deinde regibus Persarum subdita fuit usque ad annum 1638. quo in Turcarum cecidit potestatem. Crevit ex ruinis *Babylonis*, cujus hodie pauca quæ supersunt rudera ad Euphratem, unius diei itinere inde distant in septentrionem. Extructa fuit ab Almanfore Abugiafar XXIII. Calipha & Abbasidarum XI. anno 762. & nuncupata *Bagdad*, id est, *hortus Dadi*, quod Persa quidam hujus nominis hic amplum possideret hortum. Abest autem ab urbe Aspahamo 400. milliar. in occasum, 140. à Ninive in meridiem, vix 200. ab ostiis Tigridis in septentrionem, 280. à Susa in occasum, & 500. ab Echbata in meridiem. Porro Babylon, cujus sedes archiepiscopalis ad urbem Bagdadum translata est, caput extitit Chaldaicæ regionis, quæ *Babylonia* ab ea dicebatur. Nembrod seu Belus eam urbem condiderat circa Noe obitum: postea eandem Semiramis regina mœnibus cinxit tam latis ut quadrigæ obviæ sese non impedirent, unde & inter septem orbis miracula computabantur. Hæc Mich. Antonius Baudrand, *tom. 1. ad vocem Babylonis, pag. 133. col. 2. & Bagdadi, pag. 137. col. 1. & tom. 2. ad vocem Seleuciæ, pag. 223. col. 1.*

## ARCHIEPISCOPI BAGDADI sive BABYLONIS.

## I. TIMOTHEUS.

**T**IMOTHEUS Perco, Siculus, Carmelita discalceatus, archiepiscopus *Babylonis* proclamatus est Romæ anno 1632. die 6. Septemb. & die 19. ejusdem mensis consecratus unâ cum Joanne Thaddæo de S. Elizæo, Hispano, episcopo Aspahanamensi, Carmelita pariter discalceato, à Cardinali Spada in basilica *del anima*. Die vero sequenti pallium ei concessum est. Roma demum uterque exivit ante diem 9. Octob. ut in Persidem se transferrent, de consensu regis Persarum. Ex nuntiis Gallicis hujus anni 1632. *pp. 409. & 451.*

## II. BERNARDUS.

*Bernardus de S. Theresia*, Gallus, natus Clameffii in dicecesi Antissiodorensi anno 1597. die 22. April. Ordinem Carmelitarum discalceatorum amplexus est Parisiis anno 1614. Antistes *Babylonis* renuntiatus Romæ an. 1637. & consecratus ibidem à Cardinali Pallotta, in Persidem perrexit anno 1639. Aspahanum appulit anno sequenti. In Gallias reversus anno 1647. obiit Parisiis cum

B sanctitatis fama in seminario Missionariorum die XI. April. anno 1669. Ita relatio quædam de ejus vita Gallicè scripta, quæ extat in nuntiis itidem Gallicis anni 1669. *num. 48. pag. 355.*

Bernardi hujus meminit Leo Allat. *lib. 3. de consens. utriusque eccles. edit. Colon. 1648. col. 1058. cap. 10. n. 3.* ubi ait: «Sic etiam in aliis patriarchatibus orientalibus Alexandrino, Antiocheno, & Hierosolymitano, multi catholici vitam agunt, quos partim in Asia & Ægypto per suos curat cogitatque Guardianus Hierosolymitanus, partim *Macronitarum* Patriarcha cum suis archiepiscopis & episcopis, partim *Babyloniæ episcopus Bernardus*, Carmelitanus discalceatus, cum aliis ad id missis, Augustinianis, Carmelitanis, Capucinis, & Dominicanis, cum eorum episcopo Ascevan Latino nomine Augustino: «(ii Latinum) servant ritum, sed in lingua Armena.»

## III. PLACIDUS.

Ex similibus nuntiis anni 1661. *pag. 721.* eo anno mense Jun. R. P. *Placidus Ludovicus* du



*du Chemin*, Benedictinus Congreg. S. Mauri A in Gallia, renuntiatus est episcopus Neocæsareæ & *coadjutor archiepiscopi Babylonis*, & in hunc finem consecratus Romæ à Cardinali Antonio Barberino in basilica S. Ludovici Francorum.

R. P. *Pidou*, clericus regularis, Theatinus, quem jam sacra congregatio de Propaganda Fide in missionarium apostolicum elegerat, proclamatus est Romæ pro archiepiscopatu *Babylonis* à Cardinali Altieri. Ex iisdem nuntiis hujus anni, pag. 689.

ECCLESIA  
BAGDADI  
sive  
BABYLONIS

## IV. PIDOU.

Anno 1687. sub finem mensis Novemb.

## XVIII.

## ECCLESIA MARAGÆ.

**D**OCTISSIMUS abbas Affsemanus Maronita, *tom. 3. Biblioth. Orient. part. 2. pp. 761. & 762.* hæc nos docet de urbe Maraga, quam vel omisere Geographorum plerique, vel sub alio nomine descripsere. « *Maraga* Aderbiganæ urbs, ad occasum Taurisii posita, ab ea 17. parasangis distans, juxta Abulphedam *Tab. geogr. num. 417.* Ibi archivum celebre « librorum Syriaco, Arabico, & Persico sermone exaratorum, unde annales suos Abulpharagius « se collegisse testatur. Frequentes in ea urbe sub Tartaris Christiani, cum Jacobitæ, tum « Nestoriani, quorum Patriarcha Jaballaha domicilium ibidem habuit. Est & Marga urbs epi- « scopalis sub metropolitano Adiabenco: an eadem (sit) cum superiori non ausim definire. « Thomas (Margæ) episcopus qui IX. sæculo ineunte claruit, eam in Assyriæ seu Adiabene « finibus inter Aderbiganam regionem & urbes Solecen atque Dasenam ponit, in ea Zabæ « majoris minorisque parte quæ initium Mediæ seu Aderbiganæ respicit... qui videtur esse « *Maragæ* situs. Sed obstat utriusque nomen (diversum Syriacè & Arabicè.) Præterea (Marga) « in ditione Mosulana... collocatur ab Amro... *Maraga* vero non paucis inde parasangis abest, « ut ex tabulis geographicis apparet. » Idem Affsemanus supra, pag. 423. num. 6. ait: « Media à Madaï filio Japhet (Gen. x. 2.) dicta, inter Parthiam & Hircaniam ad ortum, Armeniam « majorem ad occasum, Assyriam Susianamque ad meridiem, & mare Caspium ad boream, « eas olim regiones complectebatur, quas recentiores (Herbelot. *Biblioth. Orient. pag. 790.*) « vocant *Scirvan* & *Adhorbigian*. Urbes præcipuæ sunt Tabriz (Taurisium) Ardebil, *Maraga*, « Salmas, &c. » Maragæ antistites aliquot Latini præfuere sæculo XIV.

## EPISCOPI MARAGÆ.

## I. BARTHOLOMÆUS.

**B**ARTHOLOMÆUS, cognomento *Parvus*, Bononiensis, Ordinis Prædicatorum, initio sæculi XIV. sic præclaris dotibus erat conspicuus, ut, illis auditis, Joannes XXII. Papa eum ad se Avenionem accersiri fecerit, & *Maragensem* constituerit episcopum. Id contigisse anno circiter 1320. ex modo dicendis colligere est. De eo quippe hæc scribit Clemens Galanus, Theatinus, missionarius apostolicus ad Armenos, *tom. 1. conciliat. eccles. Armenæ cum Romana, Rom. 1650. cap. 30. p. 508. n. 1.* ex scriniis Armenis in Armenia apud Dominicanos servatis.

« Florebat, inquit, tempore Joannis Papæ  
» XXII. in religione FF. Prædic. cum vitæ  
» sanctimonia, tum divinarum humanarumque  
» scientiarum peritia, ob quam ad magisterii  
» gradum jam evehi promeruerat, B. Bartholo-  
» mæus Bononiensis, cujus virtutum fama per-  
» motus idem summus Pontifex, consecravit  
» eum episcopum, non Armeniæ quidem, ut  
» communiter dicitur, sed *provinciae Maraga-*  
» *censis*, sic à primaria ejus urbe *Maraga* nuncu-  
» patæ, quæ inter Armenorum Parthorumque

Tomus III.

B confinia sita est. Incolebat autem tunc tem-  
poris non solum Armeniam, sed multas etiam  
Persidis urbes, ingens Christianorum schis-  
maticorum multitudo, quos bonus pastor uti  
aberrantes in viam veritatis adduceret, vel  
cum vitæ dispendio, si necessarium foret, diu  
noctuque animo revolvebat. Quum tandem  
linguam Persicam didicisset, ac plurimos,  
Deo dante, ad catholicam perduxisset fidem...  
extruxit unâ cum aliquibus sociis in monte  
quodam monasterium Eremiticum... (cujus  
cellulæ) usque adhuc videntur: talem denique  
in reducendis pascendisque Christi ovibus se  
exhibuit, ut virtutis doctrinæque ejus auditio  
jam in multas dimanare cœperit regiones.

Interim anno post Christum natum 1328. «  
clarus inter Armenos monachos, ac totam «  
per Armeniam celeberrimus erat magister «  
quidam insignis, nomine Isaias, qui in suo «  
ubi præerat cœnobio non longe à civitate «  
Eravan, trecentos septuaginta ex discipulis «  
suis magisterii dignitate... condecoraverat; «  
atque unus fuerat ex istis... magister Joannes «  
Chernacensis, qui & ipse in provincia Erin- «  
ciach, nunc vulgo dicta Alincia, præerat «  
monasterio prope oppidum Cherna, cujus «

T t t t



ECCLESIA  
MARAGÆ.

» princeps erat dominus Georgius, ipsius  
» Joannis avunculus. Audiens igitur magis-  
» ter Isaias prædicationis ac vitæ famam B. Bar-  
» tholomæi, hortatus est per nuntios discipu-  
» lum Joannem, ut iret ad illum, ac videret  
» quænam esset ejus doctrina: erant quippe  
» omnes, non tam per contumaciam, quam  
» per ignorantiam schismatici, &c.

» Itaque è vestigio ad conventum B. Bartho-  
» lomæi profectus, quò pervenit post 4. dies  
» itineris, talia vidit audivitque, ut statim ad  
» ecclesiæ Romanæ obedientiam se reducere  
» in animo proposuerit. Mansit autem apud  
» illum per sesqui annum, quo tempore didicit  
» inter alia etiam Latinam linguam, docuitque  
» B. Bartholomæum ac socios ejus Armeni-  
» cam: ex iis insuper quæ ibi.... didicerat,  
» multa in unum congeffit sermonum & ca-  
» suum conscientiae librum Armeno compo-  
» situm idiomate, in cujus præfatione præsen-  
» tem narrat historiam, quæ in aliis etiam Ar-  
» menis codicibus.... latius continetur.

» Adveniente autem anno 1330. idem ma-  
» gister Joannes eruditissimas misit epistolas,  
» à B. quidem Bartholomæo Armenicè com-  
» positas, sed ab ipso elegantiori stylo concin-  
» natas, ad multos magistros condiscipulos suos  
» in variis tunc degentes provinciis, quibus  
» inter alia eos hortabatur, ut ad aliquod con-  
» venientes concilium, de unione cum catho-  
» lica ecclesia, atque obedientia Romano Pon-  
» tifici exhibenda, deliberarent, firmiorique  
» quam antea stabilitate cceptum illud, in præ-  
» teritis olim conciliis Armeniæ toties absolu-  
» tum, ac iterum postea dissolutum, ad finem  
» perducerent. Harum ergo epistolarum co-  
» hortationibus annuentes præ aliis duodecim  
» magistri, congregati sunt in oppido Cherna...  
» quò etiam convenere ipse magister Joannes,  
» ac B. Bartholomæus cum socio quodam F.  
» Petro Tarraconensi laico; eorumque om-  
» nium sumptus necessarios per mensem inte-  
» grum, quo disputationes de cunctis Arme-  
» niorum erroribus inter ipsos habitæ sunt,  
» sustinuit antedictus princeps Georgius.

» Itaque diremptis intra id temporis de fide  
» controversiis, atque improbatis rejectisque  
» erroribus universis, omnes unanimi consensu  
» orthodoxam fidem professi sunt, Romano-  
» que Pontifici tanquam vero ac legitimo to-  
» tius ecclesiæ capiti obedientiam promittere:  
» quorum quidem exemplo alii quamplures  
» Armeni in ecclesiæ catholicæ gremium sese  
» postea receperunt.

» Stabilita jam fidei veritate, tantum inde  
» gaudii percepit D. Georgius, ut intra 60. dies  
» magnificam in ipso conventu de Cherna ec-  
» clesiam à fundamentis erexerit. Nepos vero  
» ejus magister Joannes, animadvertens insti-

tutum monachorum S. Basilii per Patriar-  
» cham Niersensem Ghelaïensem in Armeniam  
» olim introductum, tunc penitus ad relaxa-  
» tionem.... pervenisse, conceperat animo ad  
» pristinam illud observantiam restituere: sed  
» re postea diligentius considerata, illi melius  
» videbatur, si novum institueret Ordinem,  
» quo catholica jam ab Armenis recepta fides  
» conservaretur, ac magis magisque dilaretur.  
» Quamobrem divino innixus auxilio.... fun-  
» davit Ordinem quemdam, dictum *Unitorum*  
» *S. Gregorii Illuminatoris* ad ecclesiam catho-  
» licam, sub regula S. Augustini & constitutio-  
» nibus FF. Præd. mutato Armenorum mona-  
» chorum habitu in habitum S. Dominici, cum  
» scapulari tamen & caputio nigro: qui quidem  
» Ordo, confirmatus deinde à Joanne XXII.  
» per orientem ac septentrionem longe late-  
» que propagatus est.

Videntes (autem,) subdit Galanus, p. 524.  
» n. 49. prædicti fratres anno 1356. se omnes  
» pene ritus Dominicanæ religionis habere, ac  
» etiam fuisse nedum ad paucitatem, sed pau-  
» pertatem ac miseriam extremam perductos,  
» miserunt Romam duos procuratores, vide-  
» licet F. Thomam & F. Eleutherium, ambos  
» Ciahuchenfes & germanos, ad impetrandum  
» à Romano Pontifice, ut, annuente FF. Præd.  
» Patre Generali, ipsorum Ordo Dominicanæ  
» familiæ uniretur, & in omnibus ac per omnia  
» eidem Generali subjiceretur. Quo quidem  
» per apostolicum illis Breve concessio, F. Eleu-  
» therius primus fuit Provincialis Superior, qui  
» ex urbe ad Nascivanensem gubernandam pro-  
» vinciam missus est.»

Sed ut ad Bartholomæum revertamur: ita  
» pergit idem Galanus, p. 512. n. 14. « Interea  
» B. Bartholomæus & F. Joannes Anglus, unà  
» cum Armenis magistris Joanne & Jacobo,  
» ad translationem sacrorum librorum ex La-  
» tino in Armenum idioma sese totos dedere;  
» quibus etiam F. Petrus laicus in iisdem ex-  
» scribendis libris maximo adjumento fuit. Et  
» quidem tantum in hoc laboris ac studii con-  
» tulerunt, ut mirabile dictu sit, quot quanta-  
» que traduxerint volumina spatio trium anno-  
» rum, quibus post dictam unionem vixit B.  
» Bartholomæus: qui tandem virtutibus ac  
» E meritis opimus migravit ad Dominum anno  
» salutis 1333. Ejus sepulcrum innumeris hac-  
» tenus clarum miraculis in Armenia ab ipsis  
» etiam infidelibus magna colitur veneratione.»

Reductionem hujus ecclesiæ Armenæ ad  
» fidem & obsequium sanctæ Romanæ sedis,  
» & quidquid ad id contulerit Bartholomæus  
» archiepiscopus Maragæ, exposuit præfatus  
» Joannes Chernacensis in epistola quadam ad  
» suos Fratres Unitos, quam in gratiam lectoris  
» transcribere hîc non piget ex laudato Galano,



qui illam refert Armenè cum translatione Latina, à pag. 513. 10. 1. n. 18. ad pag. 523. num. 46.

« Frater Joannes à Cherna, indignus sacerdos, ac servus Jesu Christi Salvatoris nostri, omnibus qui consimili gloria sortiti estis fidem & religionem in justitia Salvatoris nostri Jesu Christi Dei, atque in unione sanctæ Romanæ ecclesiæ. Gratia vobis, & pax, & continuum religionis augmentum multiplicetur. Memor sit fraternitas vestra verbi Domini dicentis: (Matth. 18. vers. 7.) *Væ mundo à scandalis; necesse est enim ut veniant scandala: verumtamen væ homini illi per quem scandalum venit.* Quare autem necesse est ut veniant scandala ostendit Apostolus dicens: *ut electi probentur.* Quoniam sicut ignis necessarius est ad probandum aurum, ita similiter tribulationes & persecutiones ad electos Dei probandos. Verumenimvero quicquid ipsis electis ad probationem confert & electionem, id ipsum reprobis qui hunc diligunt mundum, ad scandalum ac perditionem facit, juxta idem verbum: *Væ mundo*, nempe mundanis, *propter scandala.* Hæc siquidem semitæ veritatis ingressuique ad gloriam cœlestem impedimento sunt.

Quocirca tres ecclesia passa est terribiles persecutionum procellas: primam à Judæis; secundam à Gentibus; tertiam ab Hæreticis: jam quartam ab Antichristo futuram expectat ultro ac timet. Quamvis porro quælibet earum scandalum multis & ruinam attulerit, præ cæteris tamen tertia multo pluribus causa fuit perditionis. Quapropter, multiplicatis hæreticis, videlicet Ario, Sabellio, Apollinari, Macedonio, ac Nestorio, Dioscorus & Eutyches, qui eorum, non secus ac belluarum, alumni extitere, Armeniorum nationem veneno suo coinquinarunt. Licet enim iidem Armeni tempore S. Silvestri Papæ, Magno imperante Constantino, strenuæque in Armenia Tiridate regnante, illuminati fuerint opera S. Gregorii Illuminatoris, & ad fidem conversi, postea tamen tempore S. Leonis Papæ, à quo Chalcedonense concilium convocatum fuit & confirmatum, ab unione Romanæ ecclesiæ segregati sunt, ac prædictorum hæreticorum, qui unam tantum in Christo naturam mixtam & confusam E asserere ausi fuerant, vestigia sectati sunt; quamvis nunc Eutychen, quod Christum sanctissimæ matri ejus consubstantialem negaverit, detestentur. Et quemadmodum, ut divus ait Gregorius, peccatum quod statim per pœnitentiam non deletur, alia trahit se cum peccata: ad eundem prorsus modum ex uno errore facile quis in alios permultos dilabitur, ut Armeniorum contigit nationi,

*Tomus III.*

Aquæ deinde in errores prope infinitos dilapsa est. Præcipui autem sunt hi sequentes.

ECCLÉSIA  
MARAG.

1. Afferunt unam esse tantum naturam in Christo, juxta hæresim Dioscorianam.
2. Spiritum Sanctum à Filio non procedere, secundum errorem Græcorum.
3. Sanctorum animas ante finale judicium in regnum cœlorum non ingredi, neque peccatorum in infernum; sed omnes in medio aëris judicium illud expectare.
4. Non esse purgatorii locum, neque inferni.
5. Ecclesiam Romanam super reliquas ecclesias primatum non obtinere.
6. Detestantur S. Leonem Papam, & concilium Chalcedonense.
7. Non celebrant Dominicas festivitates juxta ordinem ab ecclesia Romana servatum, præsertim Nativitatem Domini.
8. Non servant jejunia secundum ecclesiasticos canones.
9. Non habent omnia septem ecclesiæ Sacramenta, Confirmationem & Extremam Unctionem omittentes, aliorumque Sacramentorum essentiam ignorantes.
10. Non infundunt aquam in Calicem, dum divinum illud Missæ sacrificium peragunt.
11. Afferunt Eucharistiam populo imperitiendam non esse, nisi sub utraque specie: unde Christi Corpus, sacro ipsius Sanguine prius intinctum in Calice, distribuunt.
12. Celebrant in Calicibus ex ligno aut luto confectis.
13. Quilibet sacerdos pœnitentes absolvit à quolibet peccato sine ulla reservatione, etiam extra casum necessitatis.
14. Subduntur duobus Patriarchis, quorum quilibet totius Armeniæ sibi patriarchatum adscribit.
15. Parochi & episcopi fiunt hæreditario jure per consanguineorum violentiam.
16. Pretio emunt ac vendunt ecclesiæ Sacramenta.
17. Faciunt inter virum & uxorem divortium sine causa propter pecuniam, contra evangelii præceptum, & sacros canones.
18. Non conficiunt oleum Chrismatis, neque Infirmorum.

19. Tribuunt sacram Communionem parvulis ante rationis usum.

His itaque, aliisque multis erroribus, natio Armeniorum à via veritatis longo jam aberraverat tempore, sine ulla resipiscentia in tenebris residens ignorantiae; quum novissime placuit Domino Jesu Christo, juxta id quod & ipse dixerat Petro (Luc. 22. vers. 32.) *Et tu aliquando conversus confirma fratres tuos; immittere in cor sanctissimi Pontificis Romani,*

T t t t ij



ECCLESIA  
MARAGÆ.

» ut destinaret ad omnes schismaticorum na-  
» tiones prædicationis ministros, qui eas ad  
» veram Christi fidem, beato Petro ac succef-  
» soribus ejus commendatam, adducerent. Ex  
» istis autem Prædicatoribus missi fuere aliquot  
» à sacrosancto Pontifice Joanne XXII. cum  
» litteris pontificiis ad domnum Constantinum  
» Cæsariensem, Armeniæ Patriarcham, nec-  
» non ad regem Oscinum: qui quidem Pa-  
» triarcha convocans, quotquot potuerat, suæ  
» diœcesis episcopos ac præfules, unà cum ipso  
» rege Oscino ac principibus regni concilium  
» celebravit, in quo Armeni, peracta jam cum  
» sancta Romana ecclesia unione, obedientiam  
» Romano Pontifici promissere.

» Inter episcopos autem qui ad concilium  
» convenere, adfuit etiam archiepiscopus Za-  
» charias (de quo vide supra col. 1386. A. B.)  
» qui præerat ecclesiæ S. Thaddæi Apostoli,  
» ubi est ejus sepulcrum, versus orientem, trans  
» fluvium Araxem, in confinibus regionis Par-  
» thorum, haud procul à celebri monte Ara-  
» rath, in quo, secundum constantem Arme-  
» norum traditionem, requievit Arca Noëmi.  
» Interfuit etiam magnus magister Joannes  
» Zorzorensis, alique plures cum eo.

» Ego igitur Joannes Chernacensis, quum  
» diu litteris operam dedissem in Academia  
» magni Magistri Isaïæ, qui ab Armeniis velut  
» oraculum habebatur; atque ex ejus manibus  
» baculum cum libro, nempe magisterii digni-  
» tatem, accepiissem: audiens omnia hæc, ea-  
» que assidua recolens consideratione, ardenti  
» desiderio cupiebam testem me fieri oculatum  
» reductionis meæ nationis ad veram salutem.  
» Exquirens autem ad hæc operam Latinorum,  
» suspiriis ex intimo corde avulsis, atque gemi-  
» tibus ex animi profundo extractis, testimo-  
» nium multoties perhibentibus oculis, veram  
» cum sancta Romana ecclesia unionem sum-  
» mopere expetebam. Quum ergo in dies magis  
» ac magis hoc in me desiderium augetur,  
» adeo me spes afflixit (fortassis affecit,) ut  
» tandem egressus sim inquirendo, si forte ali-  
» quem offendere potuissem ex apostolicis mis-  
» sionariis.

» Accidit porro, ut veniens de industria in  
» civitatem Maraga (neutro plurali) quæ distat  
» à magna urbe Tauris milliaria sex supra tri-  
» ginta, invenissem ibi dominum fratrem Bar-  
» tholomæum, Ordinis Prædicatorum S. Do-  
» minici, virum plane sanctitate vitæ conspi-  
» cuum; apud quem manens per annum ac  
» dimidium, ex ejus sapientiæ fonte ita affluen-  
» ter, tanquam cervus sitibundus, expletus fui,  
» ut per idem temporis spatium, interprete  
» linguæ Persicæ mediante, librum septem Sa-  
» cramentorum, aliaque opuscula, ex Latino  
» in Armenum convertissemus: quibus sane

A omnibus magis ipse confirmatus, deliberavi  
» meam cum sancta Romana ecclesia unionem  
» perficere.

Quum autem considerarem me, non meæ  
» tantum, verum etiam omnium meorum sa-  
» luti studium ac laborem debere, adhuc intra  
» me dolebat cor meum. Quare assumens præ-  
» dictum dominum fratrem Bartholomæum,  
» adduxi illum in oppidum Cherna, in quo  
» multi etiam ex Armenis magistris, mei quon-  
» dam in studiis condiscipuli, congregati fue-  
» rant, quorum nomina sunt sequentia: Ma-  
» gister Marcare ex oppido Ozzuopa. Mag.  
» Jacobus ex oppido Cherna. Mag. Hairabiet  
» ex oppido septem fontium. Mag. Joannes  
» ex oppido Zuani. Mag. Simeon ex oppido  
» Pafensi. Mag. Nierses ex provincia Tarsensi.  
» Magistri Arracchial & Eal ex provincia Art-  
» zunensi. Mag. Gregorius ex oppido Abra-  
» goni. Magistri Constantinus & Joannes ex  
» provincia Clesuanensi. Mag. Simeon ex pro-  
» vincia Sanctæ-Crucis. Et plures alii, quorum  
» nomina sunt in libro vitæ.

» Igitur omnes isti, è quibus postea plerique  
» fuerunt ad episcopatum promoti, tum pro  
» se, tum pro suis monasteriis ac provinciis obe-  
» dientiam Romano Pontifici sponponderunt.  
» Quo peracto, cœpimus omnes per universam  
» Armeniam prædicare unionem cum sancta  
» Romana ecclesia ad salutem necessariam esse:  
» Quapropter nostra *Unitorum* Congregatio  
» magis per Dei gratiam augebatur, ac fidelium  
» numerus crescebat in dies: immo quo magis  
» in fide confirmabamur, & quo plura ex La-  
» tino traducebantur volumina, eo magis illu-  
» minabantur mentes nostræ, nostræque natio-  
» nis defectus clarius apparebant. Unde perspi-  
» cientes nos antea nil aliud christianæ fidei nisi  
» nomen tantummodo habuisse, stupefacti, ac  
» pudore suffusi, non secus ac muti, silentio  
» tenebamur.

» Triennio autem post editam unionem, vir  
» Dei Bartholomæus, magister ac pastor bonus,  
» nec sanctitate minus quam sapientia singu-  
» laris, tot tantisque exantlatis laboribus, ad  
» Christum ex hac vita migravit: post cujus  
» obitum, ut multiplicabatur Unitorum cre-  
» dentium numerus, ita pariter persecutionum  
» ac tribulationum crescebant procellæ. Tunc  
» ego, ad Latinos in occidentem profectus,  
» petii almam urbem Romam, ubi postquam  
» plurima præsens vidi & audiui, quibus plene  
» de totius nostræ fidei veritate, quam sancta  
» Romana profitebatur ecclesia, certior factus  
» fui: animadverti, non modo populum nos-  
» trum à rectis christianæ fidei semitis, verum  
» nostros etiam monachos à canonibus sancto-  
» rum Patrum aberrantes, non habere Ordi-  
» nem, neque regulam, non constitutiones,



» neque capitula, nec paupertatis & obedientiæ  
 » vota; sed quemlibet eorum negotiationibus  
 » atque usuris addictum, ultro citroque pro  
 » voluntate circumvagare: ita denique inculte  
 » ruditerque vivere, ut carerent comitiis tum  
 » Provincialibus, tum Conventualibus, nec  
 » Provinciales Superiores haberent, neque  
 » Priores, neque Visitatores, nec ullos demum  
 » sui Ordinis zelatores, sed unusquisque pro  
 » suæ voluntatis desiderio regeret semetipsum.  
 » Videns ergo omnia ista apud Latinos per-  
 » fectissime observari, deficere vero in nostris  
 » monachis, nimio zelo affectus sum, ac diu  
 » noctuque cogitabam quonammodo potuis-  
 » sem monachorum Armeniæ, eorumque mo-  
 » nasteriorum & constitutionum reformationi  
 » prospicere. Quapropter in Orientem rever-  
 » sus, ego & socii mei votum fecimus vivendi  
 » religiose secundum regulam S. Augustini &  
 » constitutiones S. Dominici, quem & habere  
 » proposuimus tanquam Patrem, fundamen-  
 » tum, ac principem nostræ Congregationis,  
 » emissaque religionis professione in manu cu-  
 » jusdam domini Joannis, genere Latini, qui  
 » à Romano Pontifice missus fuerat cum ple-  
 » nitudine potestatis episcopus urbis Theffis,  
 » electus fui à sociis, juxta facultatem ab eodem  
 » episcopo nobis traditam, Superior Provin-  
 » cialis nostri Ordinis Unitorum.  
 » Quum igitur nostræ reductionis ad veram  
 » fidem, atque reformationis nostrorum mo-  
 » nachorum auctores extiterint Fratres Prædi-  
 » catores S. Dominici, eaque de causa Congre-  
 » gatio nostra super Ordinem eorum fundata  
 » est; volumus idcirco ut Fratres prædicti à  
 » nobis tanquam patres, auctores, & magistri  
 » nostri habeantur, eisque honor præcipuus à  
 » toto Ordine nostro exhibeatur: ac insuper,  
 » quod nihil inter nos fiat, nisi per instructio-  
 » nem & definitionem ipsorum; neque sine  
 » illorum præsentia ullum à nobis capitulum  
 » celebretur: immo pro viribus curabimus ut  
 » in cunctis nostris monasteriis semper aliquot  
 » eorum resideant, habentes tanquam Patres  
 » cum honore debito prima loca. In omnibus  
 » denique dubiis ad fidem pertinentibus, dum-  
 » modo ad sanctam sedem apostolicam recur-  
 » sus haberi nequeat, pro ipsorum sententia  
 » stabimus.  
 » Et quoniam Ordo noster fuit potissimum  
 » institutus propter unionem cum sancta Ro-

mana ecclesia, unde & nomen accepit, ac  
 dictus est *Ordo Unitorum*; idcirco cum omni  
 reverentia & amore easdem nostras regulas  
 & constitutiones à prædicta sancta Romana  
 ecclesia, matre omnium ecclesiarum, susci-  
 pimus, tanquam à capite, fundamento, ac  
 principio cujuscumque alterius Ordinis &  
 Constitutionis, ut illa, quemadmodum ipsi  
 videbitur, de nobis semper disponat.»

Ex ea porro Joannis Chernacensis epistola  
 B innotescit quis esset status ecclesiæ Armeniæ in  
 illa regione Persidis, quum sæculo XIV. sub  
 Joanne XXII. Papa, ejectis pristinis erro-  
 ribus, unionem cum sancta sede apostolica  
 amplexa est, in qua etiamnum perseverat sub  
 cura archiepiscopi Nascivanensis, & Fratrum  
 Prædicatorum provinciæ Persidis, in quorum  
 Ordinem eodem sæculo XIV. Fratres Uniti  
 cooptari voluerunt, ut supra observatum est,  
 col. 1396. B. C.

C Subdit autem Galanus, p. 523. n. 47. de  
 ea Congregatione: «Sic... (illa) inter Arme-  
 nos fundata, multa Fratres Uniti, non solum  
 in Armenia ac Georgia monasteria extruxe-  
 runt; sed trans Pontum-Euxinum ad Scythiæ  
 quoque Chersonesum provecti, in ejus pri-  
 maria urbe Theodosia, vulgo dicta Caffa,  
 quæ tunc ditioni Genuensium subdebatur,  
 universale studium collegium erexerunt, ex  
 quo deinde haud pauci egressi sunt viri doc-  
 tissimi. Dilatato postea magis Turcarum at-  
 que Persarum imperio, tot fuerunt in eos ex  
 Infidelibus, Hæreticisque persecutionum  
 tempestates exortæ; adeoque ad parvum nu-  
 merum redacti sunt, ut Scythia ac Georgia  
 relictis, in provinciam solum Nascivanensem  
 majoris Armeniæ sese omnes receperint, ubi  
 ad hæc usque tempora in duodecim Arme-  
 norum catholicorum oppidis, inter Paga-  
 norum & Schismaticorum spineta, rosam or-  
 thodoxæ fidei illibatam cum Romano etiam  
 E ritu conservant.»

## II. \* \* \*

Qui fuerint Bartholomæi successores in  
 sede Maragenfi nos latet usque ad annum  
 1375. quo Gregorius XI. gratulatus est *Mar-*  
*raghaensi episcopo* de susceptis in Armenia la-  
 boribus apostolicis ad evangelii dilatationem  
 & salutem animarum, teste Raynaldo, to. 16.  
 ad eum annum, num. 1.





## ECCLESIA NASCIVANENSIS.

“**N**AXUANA, verba sunt M. A. Baudrand, *tom. 2. geogr. pag. 14. col. 1.* urbs Armeniæ majoris Ptolemæo, nunc etiam *Nak Sivan & Nascivan* dicta, archiepiscopalis est, sub dominio regis Persarum, ad radices montis Ararath, media inter Caspium & Lychnitem paludem. Hujus urbis archiepiscopus semper defumitur ex Ordine S. Dominici ad electionem populi diœcesis ab anno 1300. Ejus sedes est conventus Abaranensis totius provinciæ præcipuus. Illius diœcesis longitudo est 120. milliarium, latitudo vero 60. & in eo sunt 12. oppida Armenorum catholicorum, nempe Abaranum *Abaraner* ad ripam fluvii Alingeaci, Carnum *Carne*, Coskakenum *Coskaken* in clivo montis Bolu dicti, Abracunium *Abraconis*, Saltacum *Saltac*, Ciahukium *Ciahuk*, Sciabunum *Sciabonis*, Canzakum *Canzak*, Zuorzurium seu Chezuchum *Zuorzor* vel *Chezuc*, Caraschusium *Caracuz*, cum duobus aliis, ut pluries didici ab incolis harum partium. Hæc urbs media est inter Eriyanum ad occasum, atque Tabrisium ad ortum, & pessime habita fuit à Turcis, sed nunc in dies restauratur.”

De ecclesiis Armeniæ à præsulibus ritus Latini conditis vel administratis hæc scribit Clemens Galanus, *tom. 1. conciliat. eccles. Armenæ cum Romana, cap. 30. num. 58. pag. 527.*

“Quamvis constans traditio sit apud Armenos catholicos, septem ipsorum ecclesias in Oriente ab episcopis ex Dominicano Fratrum Unitorum Ordine assumptis fuisse solitas gubernari, vix tamen quinque earundem ecclesiarum nomina ex nonnullis vetustis codicibus hætenus apud illos extantibus.... hauriri potuerunt. Prima est ecclesia *Maragacensis*, cujus fuit episcopus, ut supra dictum est, B. Bartholomæus. Secunda *Tephlicensis* apud Georgianos.... Tertia est ecclesia *de Capha* apud Scythas (de qua jam egimus, *coll. 1103. 1104.*).... Quarta est ecclesia magnæ civitatis *de Sultanea* in Perside, ubi erant olim Christianorum templa 25. nunc vero vix extant in ea domus aliquot Infidelium cum ecclesia majori in spurcitiam Mahometicæ superstitionis conversa.... Quinta demum est ecclesia *Nascivanensis* in majori Armenia, cujus quidem episcopi longa sibi invicem serie succedentes, quum reliqui cæterarum ecclesiarum per earum deletionem defecerint, ad hæc usque tempora perseverant, &c.”

## EPISCOPI NASCIVANENSES.

## I. THOMAS.

**S**criptores Ordinis Præd. communius primum Nascivanensem archiepiscopum recensent *Bartholomæum Parvum* jam à nobis laudatum, quem ex ecclesia Maragæ ad hanc transiisse asserunt. Verum quum id non repariatur, sive in epistola Joannis Chernacensis ex Clemente Galano supra relata, *col. 1397.* A. sive apud eundem Galanum, qui, *n. 63. pag. 528. Fr. Thomam* in capite cæterorum hujus sedis præsulum nominat, nos quoque Thomam istum primum existimamus qui ecclesiæ Nascivanensis specialiter consecratus fuerit antistes, cujus antea fortassis curam gesserint Fratres Uniti, vel F. Thaddæus episcopus Caffensis, de quo egimus, *col. 1105. A.*

Narrat scilicet Galanus, *pag. 524. n. 50.* anno 1356. Eleutherium, quem cum illo Thoma Fratres Uniti ad Innocentium VI. miserant, unione facta ipsorum congregationis cum Ordine Prædic. primum hujus provinciæ Provinciale constitutum fuisse, *Thomam* vero *initiatum esse ejusdem provinciæ archiepiscopum.* Et subdit, *num. 61. pag. 528.* “Solent autem, idque de more veteri, ad episcopatum (Nascivanensem) ex Dominicana familia promoveri per electionem populi,

A atque fratrum, deinde accedentes ad urbem “ (Romam) confirmantur à summo Pontifice, “ & consecrantur. Horum igitur episcoporum “ series, (paucis intermissis, quorum nulla re- “ peritur traditio neque scriptura,) ex prædictis “ libris extracta, sic se habet: Dominus *F. Tho- “ mas Ciahuchensis*, Armenus, consecratus fuit “ archiepiscopus Nascivanensis anno à Virginis “ partu 1356.”

## II. JOANNES I.

## III. Franciscus electus.

## IV. STEPHANUS I.

Anno 1398. die 26. Augusti translatum fuisse ex sede Nachuanensi (quæ ipsa *Nascivanensis* videtur) ad Soltaniensem, Joannem Ord. Præd. testatur Bonifacius IX. in litteris *F. Stephano Petri de Seghes*, Minoritæ, datis anno 1400. die 20. Octobris, quibus ipsum substituit in locum *Francisci de Taurisio*, Dominicani, qui promotus, immo & consecratus episcopus hujus ecclesiæ Nachuanensis, diploma provisionis infra annum sibi expediri non curaverat. Eas Bonifacii Papæ litteras profert R. P. Bremond, *tom. 2. Bull. p. 460.*

## V. JOANNES II.

## VI. JOANNES I.

Idem R. P. Bremond, *ibid. pag. 450.* alias



exhibet litteras præfati Bonifacii, datas anno 1402. die 26. Jul. quibus ecclesiæ Nachuanensi vacanti ob translationem *Joannis* ejus episcopi ad Soltaniensem, præficit *Joannem* alterum, cognominatum *Lycens*, Brugensem in Flandria; Ordinis Præd. Verum fortassis id contigerit anno 1404. Vide supra in episcopis Soltaniensibus, col. 1367. B. C.

## VII. MICTAREUS.

## VIII. MARTINUS.

## IX. PETRUS.

Martinus V. Papa diplomate *Ex pastoralis*, dato Florentiæ VII. idus (id est die 9.) Octob. anno II. Christi 1419. quod legere est apud laudatum R. P. Bremond, *ibid. pag. 562.* *Mictareo* episcopo Nachuanensi mortuo subrogat *Martinum de Chiari*, Ord. Unitorum, quibus etiam diplomate *Circumspecta charitas*, dato die 21. dictorum mensis & anni, *ibid. p. 563.* episcopi Nachuanensis eligendi largitur facultatem. Martino autem mortuo, in ejus successorem confirmavit idem Papa *Petrum*, Ordinis quoque Unitorum, an. 1423. die 13. Octobris, illumque Soltaniensi archiepiscopo commendavit, *ibid. pag. 625.*

## X. MATTHÆUS I.

*Matthæus Avenicensis*, Ord. Unitorum, Armenus, sedem Nascivanensem conscendit an. circiter 1438. promovente Eugenio IV. Papa, & in Cypro insula obiit. Ita Fontana *Theat. Dom. pag. 55. tit. 9. num. 6.*

## XI. JOANNES IV.

*Joannem*, Armenum, ab anno 1462. usque ad 1477. ecclesiam Nascivanensem rexisse refert, post Galanum, *tom. 1. p. 528. n. 63.* Fontana *Theat. Dom. pag. 56. tit. 9. num. 7.* Is fortassis fuerit *Joannes* ille *Simonis*, quem laudatus Fontana scribit, *ibid. p. 246. tit. 415.* *Nazovanensis* (Nascivanensis) ecclesiæ in partibus Infidelium creatum (sive potius confirmatum) pastorem à Paulo II. anno 1. sui pontificatus, qui fuit humanæ salutis (1464. aut) 1465. in qua dignitate quum pluribus annis vixisset, in pace quievit. *Ex lib. Provis. Prælat. ejusdem Pontificis.*

## XII. BENEDICTUS I.

*Benedictus*, Armenus, ecclesiæ Nascivanensi jus dixit ab anno 1478. usque ad annum 1492. quo obiit. Ita Galanus, *ibid.* & Fontana *Theat. Domin. pag. 56. num. 8.* qui etiam observat de eo mentionem fieri in Regestis Magistrorum Ordinis Præd.

## XIII. JOANNES-BAPTISTA V.

*Joannes-Baptista*, Armenus, Benedicto

successit in sede Nascivanensi, ejus electione confirmata ab Alexandro VI. anno 1492. & ex hac vita migravit anno 1501. Ex iisdem Galano & Fontana laudatis.

## XIV. BENEDICTUS II.

*Benedictus*, hujus nominis II. post obitum Joannis-Baptistæ ecclesiam Nascivanensem gubernavit, mortuus ipse anno 1509. aut 1510. Hunc omisit Galanus, sed exhibet Fontana, *pag. 56. num. 10.*

## XV. GREGORIUS.

*Gregorius*, Armenus, post electionem suam in Italiam venit, petiitque Bononiam, ubi tunc Julius II. Papa versabatur, à quo benignissime receptus est & confirmatus. Per interpretem loquebatur; omnia tamen ad Latinos ritus spectantia observabat. Pontifici Armenæ suæ ecclesiæ statum aperuit, à quo multis donariis & sacris vestibus ditatus, in Armeniam rediit anno 1511. Obiit autem anno 1538. Ita post Galanum, Leandrum, Plodium sive Michaellem Pio, Fontana qui ipsos citat, *ibid. num. XI.*

## XVI. BENEDICTUS III.

*Benedictus*, Armenus, Gregorii successor electus, Romam venit cum electionis suæ litteris Pontifici Maximo directis, quas in publico consistorio legit Cardinalis Burgensis. Has refert laudatus Fontana *Theat. Domin. pag. 56. num. 12.* lectu non indignas.

« In consistorio apud S. Petrum die 20. Octob. 1542. congregato, Cardinalis Burgensis litteras ecclesiæ Nasciovanensis in Armenia ad Sanctissimum transmissas, legit sequentis tenoris.

« In nomine Unigeniti Filii Dei, qui sua gratia & misericordia de Virgine nasci dignatus est. Anno Domini 1540. in die B. Andreæ Apostoli fuimus congregati, P. Beatissime, nos qui sumus oves vestræ, & provinciæ in spiritualibus subjectæ vestræ Sanctitati. Vos autem caput nostrum estis, & in hoc sæculo omnibus superior, & nos sub V. S. obedientia: Vos vero cœlestem potestatem habetis, & gratiam à Deo ad regendum mundum, & Angeli cœlestes in societate vestra, & prælatorum totius mundi; & estis vicarius Christi in omni loco ubi fidem ejus duodecim Apostoli prædicaverunt, & vos veram & rectam retinetis fidem, ad cujus sedem omnes fideles & catholici Christiani concurrunt.... & estis verus successor S. Petri, qui mundum universum manu continetis, & quodcumque ligatis & solvitis in terra, ligatum similiter & solutum erit in cœlis, & estis fundamentum totius ecclesiæ Dei. O Pater sancte, quem



ECCLESIA  
NASCIVANENSIS.

» mundus in partibus nostris non cognoscit, A  
» Nos F. Andreas Vicarius Casalis seu villæ  
» quæ dicitur Gianech, & Subprovincialis  
» totius provinciæ Armenorum catholicorum.  
» F. Azarias Prior villæ Sabonis. F. Joan. Prior  
» Abbaraner. F. Joan. Prior Cascasini. F. Joan.  
» Prior Abaracundis. F. Zacharias Prior Salitad.  
» F. Thomas Prior Charna. Omnes isti  
» Christiani catholici & Fratres Ordinis Præd.  
» S. Dominici, subjecti & filii obedientissimi  
» S. V. parati ad omnia exequenda. Et Petrus  
» de Gianech. Petrus Joannes de Sabonis. Mirans  
» de Abbaraner. Saphar de Cascasini. Achic  
» Abaracundis. Putach de Carva. Agabech  
» Salitath. Silvan de Ganfa. Laici omnes  
» & capita, seu Priores villarum suprascriptarum  
» omnes filii Sanctitatis Vestræ.

» O Pater sancte, mortuus est episcopus  
» noster, & alium pastorem & caput loco ejus  
» cupimus substitui nobis: conferentes autem  
» inter nos, invenimus virum idoneum, F. videlicet  
» *Benedictum* filium Berzati de Naxsciovan  
» Ordinis S. Dominici, quem adire fecimus  
» regionem & urbem vestram, quem elegimus  
» in episcopum nostrum post biennium à morte  
» prænominati & prædicti Naxsciovanensis  
» episcopi nostri, die videlicet & anno suprascriptis.  
» O Pater sancte Papa Paule, conservet  
» vos Deus omnipotens, & S. Petrus, & S. Paulus,  
» & omnes Sancti cœlestis Curiae, & ita  
» commendatum habeat V. Sanctitas electum  
» nostrum, qui est bonus & catholicus Christianus,  
» qui neque Latinam loqui linguam, neque  
» Italicam novit; unde compatiatur eidem  
» Sanctitas V. O Pater sancte, quidquid  
» boni facietis huic fratri *Benedicto* electo  
» nostro, retribuent S. V. sancti Dei Apostoli  
» Petrus & Paulus. Nos Infidelibus subjecti  
» sumus, à quibus ipse jam electus, captus &  
» catenatus est, & in vinculis & catena per novem  
» menses habitus; unde ut ipsum redimeremus,  
» paramenta ecclesiæ, & calices, & crucēs  
» vendere coacti sumus. Et ita eum trecentis  
» aureis redemimus, & venit in sanctam civitatem  
» vestram. Nunc autem S. V. tantum boni ipsi  
» contribuat, quantum illi Deus in mentem  
» dederit: & ille qui scripsit osculatur pedes  
» S. V. F. Joannes ab Aracundis supra nominatus,  
» filius Cosigian.

» Quibus perlectis, Sanctitas Sua confirmavit  
» dictam electionem de præfata ecclesia Naxsciovanensi  
» vacante per obitum Gregorii filii Arazator, id est,  
» Deodati, & providit de persona dicti F. *Benedicti*.

Hæc in consistorialibus Actis Pauli III. registrata se legisse, & propria manu exscripsisse  
testatur laudatus Fontana, qui subjungit, pag. 57. *Benedictum* istum pluribus ecclesiasticis  
ornamentis donatum, consecratione

» suscepta, dum in suam ecclesiam proficisceretur,  
» obiisse anno sequenti 1543. in Cypri insula. Ejus quoque  
» meminit Galanus loco citato.

## XVII. STEPHANUS II.

*Stephanus*, Armenus, *Benedictum* excepit, & Romam venit à Paulo III. electionis suæ confirmationem consequuturus, quæ ipsi anno 1546. die 15. Jan. concessa est. In patriam reversus, decessit anno sui regiminis XIV. subindeque anno 1559. aut 1560. Ita idem Fontana, *ibid. p. 57. n. 13. ex Actis Consist. Galano, & Plodio sive Mich. Pio.*

## XVIII. NICOLAUS.

*Nicolaus*, Armenus, anno 1560. die 25. Octobris Romæ à Pio IV. electionis suæ ad sedem Nascivanensem recepit confirmationem, à quo & DD. Cardinalibus sacra suppellectili plurimum ditatus ad ecclesiam suam se contulit. Sub SS. Papa Pio V. anno 1568. item sub Gregorio XIII. Romam venit. Multa à Turcis & Persis passus, tandem senio confectus obiit anno 1598. Ex Galano, & Fontana supra citatis.

## XIX. AZARIAS.

*Azarias Fridonis*, Armenus, qui jam sub Sixto V. Romam venerat, à Nicolao suo prædecessore missus, in episcopum Nascivanensem post ejus mortem assumptus, sedi apostolicæ præsentem se iterum exhibuit, ut suæ electionis confirmationem impetraret, quum prius multa perpeffus esset à Turcis, pluribusque invitatus muneribus à Patriarcha Armeno schismatico ut sibi adhæreret, quæ incorrupto animo rejecit. Romam pervenit anno 1602. die 15. Aug. undecim mensibus in itinere consumptis. A Clemente VIII. Papa honorifice receptus, ei de Latinis ritibus plene satisfecit. Verum quum à Cardinali Asculano consecratus esset anno 1604. paulopost Romæ decessit, ibique sepultus est in ecclesia Armenorum. Hæc idem Fontana, pp. 57. & 58. num. 15.

## XX. MARCUS.

## XXI. MATTHÆUS II.

## XXII. MATTHÆUS III. electus.

Laudatus Fontana, pag. 58. n. 16. scribit *Marcum*, Armenum, Azariæ successorem, Romæ pariter obiisse, ex Actis Consistorialibus, in quibus legitur: Die 22. Octob. 1607. *F. Matthæus*, Armenus, Ordinis Præd. electus Naxsciovanensis archiepiscopus in Armenia, per obitum F. Marci in Curia. *Marcum* omisit Galanus loco citato.

Dum



Dum vero *Matthæus* iste, *Erasmus* cogitationem ac consecrationem à sede apostolica impetraret, comperit *Paulum Mariam Citadinum*, de quo modo egimus, promovente Paulo V. in locum *Matthæi* jam substitutum. Hunc *Gregorius XV.* qui *Paulum V.* exceperat, in *Myrensem* archiepiscopum ordinandum constituit cum futura successione ad sedem *Nascivanensem*, quando illam contingeret vacare. Sic ergo in patriam remeavit *Augustinus*, & post præfati *Pauli* obitum anno 1627. ecclesiam *Nascivanensem* summa prudentia & zelo rexit usque ad annum 1653. quo ipse è vivis excessit die 16. April. Hæc *Galanus* qui, ipso adhuc vivente, scribebat, pp. 529. & 530. num. 66. *Fontana*, *Theat. Dom.* pag. 58. num. 19. *Cavalerius*, tom. 1. pag. 605. num. 197. & *R. P. Echard.* tom. 1. *Scriptor.* pag. 572. col. 2. qui subdit ipsum exarasse *Armenè Itinerarium suum per Asiam & Europam*, & *Tractatum de Pœnitentia*.

## XXIII. PAULUS I.

*Paulus Maria Citadinus*, Bononienfis, Ord. Præd. ex provincia Lombardiæ, multarum linguarum, & præcipue *Armenæ* peritissimus, à *Paulo V.* *Myrensis* archiepiscopus, & coadjutor *Nascivanensis* ecclesiæ cum futura successione creatus est anno 1621. Hunc antea apostolicum missionarium ivisse in *Perfidem* cum *Matthæo Erasmo* archiepiscopo *Nascivanensi*: deinde ad *Myrensem* suam ecclesiam sese contulisse, acceptoque, dum ibi resideret, multaque Christianis hujus loci præstaret pietatis opera, præfati *Matthæi* obitu, in *Armeniam* properasse scribit *Fontana* in *Monum. Dom.* ad annum 1621. pag. 599. Ipsum refert *Galanus*, n. 66. è *Carthusianorum* Ordine, ad quem, suo *Prædicatorum* dimisso, migrarat, esse assumptum ad archiepiscopatum *Myrensem*: at major fides ea in re *Fontanæ* adhibenda videtur, ita loquenti *Theat. Domin.* pag. 58. num. 18. «Arctioris vitæ desiderio tentus (*Paulus* è *Perfide* regressus) transiit ad *Carthusianos* in *Neapolitana* civitate; dum (vero) probationis annum tereret, reclamante apud Pontificem Maximum *Paulum V.* nostro Magistro Generali *P. Seraphino Sicco*, eo quod inconsulto ipso ad talem Ordinem transiisset, ex apostolico decreto ad nostros reversus (anno 1620.) in conventu *S. Sixti* de Urbe per annum, non tamen completum, mansit, prout omnes nostri Patres antiquiores adhuc superstites, qui eundem viderunt & agnoverunt, testantur.» Non itaque professionem emisit inter *Carthusianos* *Paulus*, qui ad suum *Prædicatorum* Ordinem jam redierat, quum archiepiscopus *Myrensis* renunciatus est an. 1621. Decessit autem anno 1627.

## XXIV. AUGUSTINUS.

*Augustinus Bagienfis*, Armenus, electus fuerat pro more ab Armenis *Nascivanensis* archiepiscopus post *Matthæi Erasmi* mortem: sed Romam veniens ut suam confirmaretur

## XXV. PAULUS II.

*Paulus Pyromallus*, Calaber, Ord. Præd. *Siderni* natus, Magister Novitiorum fuit in cœnobio *S. Mariæ* super *Minervam* Romæ annis 1629. & 1630. Anno autem sequenti 1631. à sacra Congregatione de Propaganda Fide missionarius apostolicus in *Perfidem* & magnam *Armeniam* delegatus, innumeras calamitates, vincula atque carceres in iis regionibus expertus, plurimos ad ecclesiam catholicam reduxit, & inter alios *Cyriacum Vartabiet* Patriarcham *Armenorum*, cum duobus ejus præcipuis doctoribus. Quum autem Romam reverteretur, captus à piratis *Turcis* prope *Siciliam*, atque *Tunetum* perductus, & conjectus in carcerem, à suo *Prædicatorum* Ordine redemptus est, & ab *Alexandro VII.* ecclesiæ *Nascivanensi* *Augustino* præfule suo viduatæ præfectus anno 1655. Hanc sedulo administravit usque ad annum 1664. quo ad *Bissianensem* (*Bisignano* sub *Rossanensi* in regno *Siciliæ*) translatus est die 15. Decemb. Scripsit ad instantiam *Perfarum* regis anno 1656. libellum, cui titulus: *Œconomia Salvatoris nostri explicans ex solis Prophetis ineffabile Incarnationis Sacramentum*: & alterum, cui titulus: *Apologia de duplici natura Christi divina & humana, ex S. Cyrillo Alexandrino petita, contra Simonem Armenorum doctorem*, qui *Viennæ Austriæ* typis prodierunt. In eo postremo indicat *Paulus*, teste *R. P. Echard.* tom. 1. *Script.* pag. 622. col. 1. ex suis scriptis *Galanum* pleraque quæ habet de erroribus *Armenorum*, ut & monumenta *SS. Patrum* & conciliorum *Armenè* redita accepisse. Obiit *Paulus Pyromallus* anno 1667. Hæc *Fontana*, tum *Theat. Domin.* pag. 58. num. 20. tum in *Monum. Domin.* ad



ECCLESIA  
NASCIVANENSIS.

annum 1654. pag. 664. col. 2. & ad annum 1656. pag. 668. col. 1. Cavalerius, tom. 1. pag. 624. n. 137. & laudatus R. P. Echard.

## XXVI. MATTHÆUS IV.

Paulo Pyromallo successit in sede Nascivanensi *Matthæus de Avanic*, Armenus, sacrae theologiae magister, quem ex ejusdem ecclesiae vicario generali Clemens Papa IX. archiepiscopum renuntiavit anno 1668. die 14. Maii. Is antea fuit Prior Provincialis, & missionarius apostolicus à sacra Congregatione de Propaganda Fide designatus; quæ munia dum strenue adimpleret, mentem omnem superat, quot labores susceperit, quot pericula adierit, à vivicomburio, ad quod ipsum damnaverant Infideles ob conversos ad Christum sex Mohammedanos, sola Dei providentia ereptus, qui corda aliquorum ex iis Infidelibus movit, ut pro eo intercederent. Electus à suis Armenis post Pauli Pyromalli obitum archiepiscopus Nascivanensis, Romam venit, ubi à Clemente IX. humanissime exceptus, de ejus mandato consecratus est in ecclesia S. Mariæ super Minervam anno præfato 1668. die 24. Maii. In patriam rediit legationibus Romani Pontificis, Ludovici XIV. regis Franciæ, Reipublicæ Venetorum, & Magni Ducis Tusciæ ornatus, ut ipsorum nomine Persarum regem ad bellum Turcis inferendum concitaret. Persarum rex, receptis Clementis, aliorumque principum litteris, misit FF. Azariam de S. Joanne & Antonium Nazarium, Dominicanos, in Europam, qui Romam ingressi anno 1673. tres ejus epistolas Clementi X. porrexerunt. Eas ex Persico idiomate in Italicum translatas legere est apud Fontanam in *Monum. Domin.* ad illud annum, pp. 694. 695. & 696. Iidem Roma discedentes ad regem Franciæ accessere, Persarum quoque litteras Suae Majestati tradituri. De quorum adventu mentio fit in nuntiis Gallicis hujus anni 1673. ad diem 1. Sept. pag. 921. Interim Matthæus noster, insigni, potente, & numerosissima Charamoniorum familia ad obedientiam sedi Romanæ exhibendam adducta, à rege Persarum obtinuit ut Hispahami ædes FF. Prædicatoribus construeretur, in qua tres hujus Ordinis alumni sacras litteras docerent, & prædicationi, ac animarum saluti omnimodo procurandæ darent operam. Quum autem fidei catholicæ æmuli in ecclesiam ejus Nascivanensem atrociter desævirent, regem Persarum Matthæus adiit, quem illi verentes ne propitium haberet, Matthæum veneno interemerunt anno 1674. die 14. Julii, cujus corpus è civitate Casbinenfi ad urbem Abbaraner itinere 15. dierum distantem, summa pompa delatum

est, & in ecclesia sua cathedrali, lugente populo, sepultum. Ita Cavalerius, tom. 1. p. 637. & seqq. num. 157.

## XXVII. THOMAS II.

## XXVIII. SEBASTIANUS.

*Thomas Jatumensis*, Armenus, sacrae theologiae magister, & provinciæ suæ Armeniæ Prior Provincialis, annos jam natus 60. post mortem Matthæi de Avanic, electus pro more archiepiscopus Nascivanensis, Romam venit, & à Clemente X. Papa confirmatus est anno 1676. die 27. April. Obiit anno 1691. Ita Cavalerius, tom. 1. pag. 653. num. 182.

Verum jam anno 1681. in archiepiscopum Nascivanensem electum *F. Sebastianum Knab*, Germanum, refert R. P. Bremond, tom. 7. Bull. pag. 533. ex auctore vitæ Gallicæ clarissimi præfulis Francisci Picquet. Is quidem auctor asserit ab obitu F. Matthæi sedem Nascivanensem annis octo vacasse: at nihil obstat quominus F. Thomas Jatumensis, à Clemente X. anno 1676. die 27. Aprilis, teste laudato Cavalerio, confirmatus, inter utrumque federit. Sebastianus ille utique fuit hic archiepiscopus Nascivanensis, quem innotinatum legimus in nuntiis Gallicis an. 1683. pag. 185. Viennæ in Austria die 21. Martii hujus anni, à Cardinali Bonvisio, qui in illa curia vices nuntii apostolici gerebat, solemni ritu ornatum pallio in ecclesia FF. Præd. Is igitur Thomæ successor fuit, & ex hac vita migravit anno 1691.

## XXIX. PAULUS III.

*Paulus-Baptista Avenicensis*, Armenus, Nascivanensis electus archiepiscopus anno ætatis 45. dum erat Prior Provincialis provinciæ suæ Armeniæ, Romam accessit anno 1692. ibique confirmatus est ab Innocentio XII. die 24. Maii. Obiit autem anno circiter 1702. Cavalerius, pag. 688. num. 215.

## XXX. STEPHANUS III.

## XXXI. JOANNES VI.

*Stephanus Sciranus*, Nascivanensis archiepiscopus confirmatus est à Clemente XI. anno 1703. die 15. Januarii.

Ipsi successit ab eodem Pontifice renuntiatus *Joannes Vincentius Castelli*, Lombardus, Ord. Præd. anno 1709. die 15. April. qui eodem anno, dimissa ea ecclesia, electus est die 19. Junii archiepiscopus Marcianopolitanus in secunda Mœsia, & ecclesiarum Orientis visitator, indeque translatus anno 1714. die 21. Mart. ad ecclesias S. Angeli in Vado & Urbanensem unitas. Hæc R. P. Echardus in indice episcoporum initio tom. 2. Scriptor. pag. 31. col. 1. & R. P. Bremond, tom. 2. Bullar. pag. 518.



## XXXII. PETRUS MARTYR.

Anno 1709. die 6. Maii Joanni Vincentio modo memorato suffecit Clemens XI. in sede Nascivanensi *Petrum Martyrem* de Parma, Ordinis Præd. & Congregationis S. Sabinæ alumnus, ex R. P. Echard. *ibid.* col. 2. & R. P. Bremond, *ibid.* Obiit anno circiter 1722.

## XXXIII. ARCHANGELUS.

## XXXIV. DOMINICUS.

Laudatus R. P. Bremond scribit, *tom.* 6. *Bullar.* pag. 533. anno 1722. renuntiatum esse archiepiscopum Nascivanensem *F. Archangelum Feni*, Ordinis Prædic. Italum è

A Bariffia, ejusdem Congregationis S. Sabinæ. Is proclamatus refertur à Cardinali Barberino eo anno diebus 23. Mart. & 2. April. coram SS. Papa Innocentio XIII. in nuntiis Gallicis hujus anni, *pp.* 211. & 259.

Huic successit creatus archiepiscopus Nascivanensis anno 1731. die 30. April. *F. Dominicus Maria Salvini*, Italus, præfata Congregationis S. Sabinæ alumnus, qui consecratus est anno sequenti 1732. die 24. Aug. & pallio donatus die 3. Septemb. teste eodem R. P. Bremond, *ibid.* p. 747. De eo quoque mentio fit in nuntiis Gallicis anni 1732. *pp.* 402. & 432.

ECCLESIA  
NASCIVANENSIS.

## XX.

## ECCLESIA DANCALÆ.

**D**ANCALA, teste M. A. Baudrand, *tom.* 2. *geogr.* pag. 38. col. 1. urbs est primaria Nubiæ regionis extantis versus Nilum & Nubiam fluvios, & undique montibus vallatæ, quæ terminatur à septentrione Ægypto & deserto Barcæ, ab occasu Zaara regione, & ab ortu ac meridie Æthiopia superiori feu Abyssinia, extenditurque ad 300. fere leucas Gallicas.

## EPISCOPI DANCALÆ.

## BARTHOLOMÆUS.

**C**AVALERIUS, *to.* 1. *Galler. Dom.* p. 137. n. 169. scribit *F. Bartholomæum de Tivoli* in Italia, Ord. Præd. virum pietate & doctrina insignem, renuntiatum esse episcopum *Dancalæ* urbis capitis Nubiæ à Joanne XXII.

B Papa, consecratum vero Romæ, qua profectus est an. 1330. cum duobus FF. sui Ordinis Florentio & Subiaco, ut in iis regionibus fidem catholicam disseminarent. Obiit circa annum 1350. Ejus meminere R. P. Souëgius, *part.* 1. *Jul. Anni Domin.* pag. 182. & R. P. Bremond, *tom.* 2. *Bullar.* pag. 215.

## XXI.

## ECCLESIA OCHIÆ in Japonia.

**J**APONIA, sive Japonicæ insulæ, regio ampla Asiæ in oceano orientali sive Sinico, *Niphon* indigenis dicta, *Gepuen* Sinis, id est, Oriens, *Japaon* Lusitanis, *Japan* Anglis & Belgis, *il Giapone* Italis, & *le Japon* Gallis, terminatur ab occidente oceano Sinico, quo separatur à Corea insula & à Sinarum imperio: ad boream dividitur à regione Esonis oceano orientali & freto Sangario; ad ortum vero & meridiem alluitur oceano orientali. Complectitur tres insulas, *Niphoniam*, quæ amplissima est, *Saicocam* & *Xicocam*, in quibus numerantur 68. regna sub dominio regum 21. qui ea possident uti feuda sub clientela Imperatoris Japoniæ. Nunc Japonia cum insulis adjacentibus dividitur in septem partes, quarum nomina sunt, *Jamaiftera*, *Jetfenga*, *Jetfesena*, *Ochia*, *Quantoa*, *Saicoca*, & *Xicoca*. Porro *Ochia* sive *Ochio* est in insula *Niphonia*, & extenditur maxime ad septentrionem & orientem, ejusque primaria urbs est *Jedum*, nunc Japoniæ sedes regia. Hæc Michael Antonius Baudrand, *tom.* 1. *geogr.* pag. 499. col. 1. & *tom.* 2. pag. 43. col. 2.

## EPISCOPI OCHIÆ.

## GUILLELMUS.

**M**ICHAEL Pio, *part.* 2. *historiæ Ordinis Præd.* lib. 2. col. 176. ad annum 1345. scribit

C *F. Guillelmum*, Gallum, hujus Ordinis alumnus, episcopum *Ochiensem* eo tempore floruisse. Nihil aliud de eo nobis notum est.





ECCLESIA  
SENASCOPO-  
LENSIS.

XXII.

## ECCLESIA SENASCOPOLENSIS.

URBEM *Senascolim* ad littus maris Pontici tradit Waddingus infra laudandus: hujus autem aliquot præsules ritus Latini occurrerunt.

## EPISCOPI SENASCOPOLENSIS.

I. GOTHUS.

A.

IV. JOANNES.

II. BERTOLDUS *electus*.

V. GEORGIUS.

III. NICOLAUS.

R. P. Bremond, *tom. 2. Bullar. pp. 426. & 427.* refert diploma Bonifacii IX. datum anno 1401. die 23. Decemb. in quo legitur *Gotho* episcopo Senascopulensi (Senascopolensi) defuncto suffectum fuisse *F. Bertoldum Volo*, Ordinis Præd. huic vero, eo quod non curasset expediri tempore debito apostolicas provisionis litteras, substitutum *F. Nicolaum Posseck*, ejusdem Ordinis.


Waddingus, *to. 5. ad annum 1450. n. 17. pag. 587.* scribit ecclesie *Senascopolensis ad mare Ponticum* vacanti per obitum *Joannis*, præfectum esse eo anno die 5. Jun. à Nicolao V. Papa, *F. Georgium de Regibus*, Minoritam.

Atque hæc sunt quæ de præsulibus Latinis in Oriente ad notitiam nostram venerunt, finemque imponent toti immenso Operi Posthumo R. P. MICHAELIS LE QUIEN, cui titulus, *ORIENS CHRISTIANUS*.

F I N I S.







# I N D E X,

## NOMINA URBIUM EPISCOPALIU, PATRIARCHARUM, PRÆSULUM, ABBATUM,

Et Presbyterorum delegatorum, tam Græci quam Latini ritus, in hocce volumine tertio recensitorum, complectens, qui alicujus Ecclesiæ regimini quoquo modo præfuerunt.

### ECCLESIA MARONITARUM DE MONTE LIBANO.

**M**ARONITÆ nomen istud sortiti sunt à Marone sanctissimo abbate I v. & v. sæculi. *col. 4. n. 4.* D. quod subinde tantum abest ut alicujus hæresis fuerit protestativum. *5. num. 5.* D. quin è contra publica professionis catholicæ adversus errores Nestorianorum & Monophysitarum in istis regionibus esset tessera. Quia enim ad cœnobium S. Maronis, per illos monachos de vera fide instruendi, vel in illa confirmandi, confluebant quotquot eam servare illibatam satagerent; hinc ipsos quoque, quasi fidei Maronitarum monachorum sectatores præcipuos, nuncupare solebant *Maronitas. 29. n. 22.* E. qua etiam nomenclatura Heraclium Imperatorem ante enatum Monothelismum donarunt. *30. num. 24. D.*

Maronitas tamen recentiorum plerique, Eutychii præsertim Patriarchæ Alexandrini sæculo X. & Willelmi Tyrii scriptoris sæculi XII. auctoritati innixi, reos faciunt *Monophysismi* & *Monothelismi*, contententes à Marone quodam illorum sectæ antesignano, qui alio Marone longe recentior fuit, hæresim imprimis *Monotheliticam* adinventam, quam ii demum sub finem sæculi XII. ejuraverint. *1. & seqq. nn. 1. 2. & 3.* Verum Eutychius ille nullam fidem evidenter meretur, quippe qui putidissimis passim scateat mendaciis, & quoad hoc totam trium sæculorum anteriorum pessumdet historiam. Narratio autem Willelmi de Maronitarum reditu ad ecclesiam suo tempore, omnino restringenda est ad aliquam illorum partem, paucis duntaxat annis antea viru Monothelitico infectam. *26. & seqq. usque ad 40. num. 21. & seqq. ad 31.*

Maronitæ Antiochenis Patriarchis paruisse videntur, donec proprium habuerunt in fine sæculi VII. aut initio sequentis. Is primum degit in monasterio castelli *Caphar-Hai* agri Botrensis. *11. n. 10. B.* deinde ante annum 1445. in monasterio *Kanubin. 63. D.* Præest quinque metropolitans, *Tyriensi* videlicet, *Damasceno*, *Tripolitano*, *Aleppensi*, & *Nicosiensi*; pluribus quoque episcopis, qui omnes ipsi immediate subduntur, eundemque eligunt, adstantibus aliquot magnatibus. *46. num. 40. D.*

Apud Maronitas, non tantum clerici, sed etiam sæculares, mulieres quoque, divinis officiis diu ac noctu ut plurimum interfunt. Tribus hebdomadibus ante Quadragesimam à Dominica Quinquagesimæ

incipientem, funduntur preces pro defunctis: in prima quidem pro his qui fuerunt de clero: in secunda vero pro monachis: in tertia demum pro omnibus aliis. Idem per quatuordecim dies ante festum SS. Petri & Pauli, per totidem ante festum Assumptionis, & per viginti ante Nativitatem Domini, abstinent à carne & lactiniis. *47. nn. 42. & 43. C. D.*

#### *Ecclesiæ Maronitarum ordine alphabetico.*

Accura, ad meridiem Libani, sedes episcopalis. *coll. 93. 94.*

Aleppus, olim *Berhæa*, inter Hierapolim & Antiochiam, sedes metropolitana. *81. 82.*

Algigæi archiepiscopus erat *Cyrillus* quidam anno 1404. *100. A.*

Sancti Antonii monasterium Congregationis Aleppinorum monachorum, quorum institutor extitit & primus abbas in cœnobio S. Elizæi *Abdalla* sive *Abdula*, in sedem episcopalem erectum est, nescio quo anno, sed ei præfuit, ut episcopus, idem Abdalla post Josephum, quem in Patriarcham elegere Maronitæ anno 1733. *100. C. D.*

Arca sive *Arce*, urbs Phœnices, Alexandri Imperatoris patria, sedes episcopi Maronitæ, cujus ecclesiæ S. Arsenii nomen gerit. *95. 96.*

Berytus, urbs quoque Phœnices, quam à Saturno conditam ferunt, scholâ antiquâ celebris, colonia Juris Italici. Ejus episcopus Maronita præest regimini Catholicorum in ea degentium. *89. 90.*

Bisrai, urbs & provincia in Monte Libano, sedes episcopalis Maronitarum. *97. 98.*

Botrys Roma & Carthagine antiquior, cujus episcopo Maronitæ subsunt omnes Christi fideles in hoc loco. *91. 92.*

Bisrai, urbs circa Libanum, regioni vicinæ nomen tribuens, cui olim præerat princeps specialis. Episcopus Maronita Christianorum hujus nationis curam gerit, etiam in terris adjacentibus. *95. 96.*

Byblus, urbs Phœnices antiquissima, sedes est episcopalis Maronitarum. *89. 90.*

Chifaya monasterium est, cujus abbas & episcopus erat anno 1733. *Josephus* quidam. *100. C.*

Damascus, urbs Syriæ & Soldani olim regia, quæ una est ex quinque metropolitans Maronitarum sedibus. *77. 78.*

Eden sive *Paradisus*, ad orientem Tripolis, sedes episcopalis Maronitarum. *91. 92.*

Edlun, cujus episcopus nomine *Gabriel* sedebat anno 1733. *76. B. & 100. C.*

Hhadeth, nunc pene orbata populo, celebratissima est in Maronitarum chronicis, quod per annos septem à Saracenis oppugnata sese strenue defenderit. *97. 98.*

Hefron, urbs Phœnices, quæ vetus Syriacum seu Chaldaicum, non solum in officiis ecclesiasticis, ut cæteræ hujus regionis urbes usurpant, sed & pro lingua communi habent, sedes est episcopalis Maronitarum. *95. 96.*

Kanubin sive *Canobin*, monasterium est Maronitarum sub nomine S. Mariæ extractum à Theodosio magno ad radices Montis Libani; illud ex sede episcopali quam primus tenuit *Petrus* quidam. *63. E. 100. B.* patriarchalis evasit sub Joanne Algigæo 43. Maronitarum Patriarcha ante annum 1445. *63. E.*

Domum illam ab omni vestigalis gravamine exemit *Alzaher Barcuch* Orientis & Ægypti Soldanus, incisit ea de re in lamina ærea caracteribus. *63. D.*

Sedebat prius Patriarcha Maronitarum in monasterio *Caphar-Hai*, quod *Joannes Maro* primus eorum Patriarcha nobis notus ædificaverat ad radices præfati Montis Libani, & S. Maronis abbatis I v. & v. sæculo florentis nomine donarat, in memoriam scilicet cœnobii ejusdem nominis à Romæis sive Constantinopolitanis destructi. *11. A. B.*

Kfarfu, cujus episcopus *Theodorus* ab Hieremia Patriarcha Maronitarum Romani pergente suis vicarius constitutus est anno circiter 1200. *col. 99. D.*

Nicosia, urbs Cypri insulæ, una ex sedibus quinque metropolitans Maronitarum, qui è Palæstina & Phœnice ejecti sæculo XII. à Salahadino, huc fugerunt. *83. 84.*

Sarepta, urbs Phœnices inter Tyrum & Sidonem, sedes episcopalis Maronitarum. *89. 90.*

Sciadra, oppidulum & sedes episcopalis Maronitarum. *97. 98.*

Sidon, urbs antiquissima Phœnices, quæ à Sidonio Chanaani primogenito condita fertur, sedes episcopalis Maronitarum. *87. 88.*

Tripolis, urbs Phœnices, sic dicta quod olim tribus coloniis, *Aradiorum* videlicet, *Sidoniorum*, & *Tyriorum* ab invicem sejunctis, coalesceret, una est ex quinque ecclesiis metropolitans Maronitarum. *79. 80.*

Tyrus, urbs Phœnices clarissima, inter quinque metropolitans Maronitarum sedes primum locum obtinens. *77. 78.*



## Index Patriarcharum Maronitarum.

I. Joannes Maro, de quo jam supra in indice episcoporum sedium Maronitarum, ad vocem *Kanubin*, primum *Botrensis* fuit episcopus. 7. D. deinde Antiochiam casu veniens sub finem sæculi VII. à Maronitis illic & in tractu Antiocheno de gentibus renuntiatus est *Patriarcha*, non quidem *Antiochiæ*, ut placet nonnullis, sed *Maronitarum*, dictus nihilominus *Maronitarum Patriarcha Antiochenus*. 9. B. & 50. D. Mirum quot & quanta in suæ gentis commodum præstiterit dignitate episcopali ornatus iste Joannes Maro: nam, præter episcopos & sacerdotes in variis regionibus ordinatos. 8. C. præter libros exaratos, in quibus elucet tum eximia eruditio, tum fides illibata. 7. B. & 17. D. usque ad 21. B. collectis insuper copiis, quibus præfici curavit Abrahamum suum ex sorore nepotem, totam provinciam à Saracenorum infestationibus liberavit; quod tamen quia privata auctoritate, & inconsulto Justiniano II. Græcorum Imperatore, patraverat, adeo ipsi displicuit, ut inde Maronitis *Mardaitarum* nomen indictum fuerit, id est, *rebellium* Imperatori; dum è contra qui Imperatori parebant, *Melchitæ* idiomate Syro, id est, *Imperiales* nuncuparentur. Nomina itaque *Mardaitarum* & *Melchitarum* coæva & opposita, non *Religionis* aut *Ritus*, sed *civilis* duntaxat *factionis* in prima origine nomina fuerunt, id est, *rebellionis* vel *obedientiæ* erga Imperatorem Romanum; nec ante sæculum X. ii qui fidem concilii Chalcedonensis profitebantur, alio titulo reperiuntur insigniti ab hæreticis huic concilio infensis, quam *Chalcedonensium* aut *Synoditarum*: postea tamen *Melchitæ* vocabulum pro religionis *catholicæ* tessera usurpatum est. 11. E. usque ad 17. A. Obiit Joannes Maro anno 707. col. 6. & seqq. usque ad 21. E. & 49. A. usque ad 51. C.

II. Cyrus Joannis Maronis ex sorore nepos & successor anno 707. 51. B. C.

III. Gabriel I. de Monte Libano. *ibid.* D.

IV. Joannes II. dictus etiam *Maro*, qui fuerat monachus in cœnobio S. Maronis abbatis. *ibid.* E.

V. Joannes III. ex pago Dmalsa in Botrydis districtu. 52. A.

VI. Theophilus. *ibid.*

VII. Gregorius I. *ibid.*

VIII. Stephanus I. *ibid.*

IX. Marcus. *ibid.* B.

X. Eusebius. *ibid.*

XI. Joannes IV. *ibid.*

XII. David I. *ibid.*

XIII. Gregorius II. *ibid.*

XIV. Theophylactus. *ibid.*

XV. Jesus sive Iſa. *ibid.*

XVI. Domitius. *ibid.*

XVII. Isaac. *ibid.*

XVIII. Joannes V. *ibid.*

XIX. Simon I. *ibid.*

XX. Hieremias I. *ibid.*

XXI. Joannes VI. *ibid.* C.

XXII. Simon II. *ibid.*

XXIII. Simon III. *ibid.* Hi recensentur in quodam catalogo, &c. 53. A. B. C. D.

XXIV. Joseph I. Paschali II. Papæ scriptus; obiit vero circa ann. 1119. Is Thomam Haranitam metropolitam Kfartab in diocesi Aleppensi, qui viru Monotheliticæ

hæresis Maronitas inficere conabatur anno circiter 1111. scriptis epistolis acriter confutavit. 54. A.

XXV. Petrus I. jam sedebat anno 1121. 55. C. D.

XXVI. Gregorius III. Alathensis legatos misit ad Innocentium II. Papam anno 1130. ut gratularetur ei de sua exaltatione. *ibid.* E.

XXVII. Jacobus I. *Petrus* etiam dictus, ex oppido Ramath diocesis Botrensis, patriarchatum gerebat anno 1141. *ibid.* & 56. A.

XXVIII. Joannes VII. ex oppido Lephed agri Bybliensis, Maroniticæ genti præfuit ab anno 1151. ad 1173. 56. C. 57. A.

XXIX. \*\*\* 57. C. 48. A.

XXX. \*\*\* *ibid.*

XXXI. \*\*\* *ibid.* Trium istorum Patriarcharum primus, qui hæresim Monotheliticam ebiberat, depositus est à Maronitis: alter vero, qui in ejus locum fuerat substitutus, letho datus est à prioris Patriarchæ affectis; tertius demum, curante Haymerico Patriarcha Antiocheno an. 1182. electus pacifice fuit, eique unita illa Maronitarum pars, quæ quum Monotheliticæ lue à paucis annis infecta fuisset, ad ecclesiam rediit. 57. C. usque ad 58. E.

XXXII. Lucas I. hujus ultimi successor, exeunte sæculo XII. vel initio sequentis, Monophysitarum erroris fautor extitit. 58. E.

XXXIII. Hieremias II. de Hamſcis, in Byblidis districtu oriundus, ad patriarchatum Maronitarum assumptus est anno 1209. Is Romam perrexit ad Innocentium III. ut malis à prædecessore genti suæ inductis mederetur. Interfuit concilio Lateranensi anno 1215. Obiit anno 1230. 41. E. 42. A. 59. D. & 60. A.

XXXIV. Daniel I. de Sciamat in agro Byblidis, electus anno 1230. adhuc vivebat anno 1236. 60. D.

XXXV. Joannes VIII. 60. E.

XXXVI. Simon IV. sedebat anno 1268. quo, Antiochia Christianis à Soldano Babylonice erepta, fideles plurimos inde fugientes benigne excepit. 61. A.

XXXVII. Daniel II. Simoni successit circa annum 1281. Erat de Hadſcis in Bistraensi provincia. 61. C.

XXXVIII. Lucas II. ex oppido Bnehran ad radices Montis Libani, an. 1283. ecclesiæ Maronitarum præerat. 61. D.

XXXIX. Gabriel II. de Hagula in Byblidis tractu electus est, testibus Stephano Edenenſi & Blasio Terzi, circa annum 1290. Obiit autem anno 1296. die 1. Aprilis, à Saracenis propter fidem igne consumptus. Verum hunc Gabrielem eo ævo esse recentiore, utpote an. 1367. extinctum, liquet ex codice 18. Ecchellenſi, cujus meminit Assemanus. 62. A. B. ubi, *lin. 14. pro octoginta legendum est septuaginta.*

XL. Simon V. sedebat anno 1322. 62. C.

XLI. Joannes IX. sedebat anno 1357. 62. D. Huic fortassis successit Gabriel II. de quo supra.

XLII. David II. dictus etiam *Joannes*, sedebat anno 1396. & pervenit usque ad annum 1404. 62. E.

XLIII. Joannes X. Algigæus ab Eugenio IV. synodo Florentinæ præſidente pallium obtinuit. Is à Mahumetanis exagitatus, ad monasterium S. Mariæ de Kanubin se contulit, quod exinde evasit Patriarcharum

Maronitarum domicilium. Ibi obiit anno 1445. 63. B.

XLIV. Jacobus II. Joanni suffectus est eodem anno 1445. & decessit anno 1468. die 8. Februarii. 63. E.

XLV. Petrus II. ad patriarchatum assumptus est post novem dies à morte prædecessoris: obiit vero anno 1492. die 12. Februarii. 64. E.

XLVI. Simon VI. sive Simeon iisdem mense & anno Petrum excepit. Is Jacobi II. frater erat, Hadethensis, & bis Romam legatum misit, scilicet statim post electionem suam, & anno 1515. quo ejus litteræ in concilio Lateranensi lectæ sunt. Ex hac vita migravit anno 1524. die 27. Novembris, ætatis suæ anno fere 120. 64. E.

XLVII. Moyses ex Barda oppido provincie Accurenſis electus die 11. Decembris anni 1524. obiit anno 1567. ætatis 95. die 19. Martii. 65. E.

XLVIII. Michael Rifiſius die 31. Martii ejusdem anni 1567. sedem Maronitarum patriarchalem conscendit: decessit autem anno 1581. die 21. Septemb. 66. E.

XLIX. Sergius Rifiſius, præcedentis frater, ei successit. Is synodum coegit an. 1596. cui interfuit Hieronymus Dandinus Societatis Jesu, à Clemente VIII. missus, ut fidem Maronitarum exploraret. Paulo post obiit Sergius eodem anno die 5. Octob. 68. B.

L. Joseph II. Rifiſius, duorum Patriarcharum laudatorum frater, ad eandem quoque dignitatem assumptus. Hunc præfatus Dandinus & Assemanus aiunt fuisse duntaxat Sergii Rifiſii nepotem. Is primus Calendarii correctionem Gregorianam suscepit anno 1606. Obiit vero anno 1608. 68. D.

LI. Joannes XI. anno 1609. mense Maio sedem patriarchalem conscendit, quæ à novem mensibus vacabat, ob Turcarum copias in ea tunc regione omnia devastantes. Viam universæ carnis ingressus est anno 1633. die 15. Decemb. 68. E.

LII. Gregorius I. Amira, ex episcopo Edenenſi Patriarcha Maronitarum evasit anno 1633. die 27. Decembris, & obiit, juxta Assemanum, an. 1644. die 29. Jul. 69. D. Qui tamen anno præced. 1643. ex hac vita migrasse dicendus foret, si verum sit quod in vita *D. Galaup de Chasseuil* legitur, *Elia* nempe episcopum Edenenſem Georgio successisse sex mensibus ante obitum præfati *D. Galaup*, qui contigit anno 1644. die 15. Maii. 70. B.

LIII. Joseph III. Accurenſis, ex sede Sidonienſi Maronitarum ad patriarchalem transiit anno 1644. die 15. Aug. Obiit vero anno 1647. die 3. Novemb. 71. B.

LIV. Joannes XII. Saffrenſis, de Byblidis districtu, iisdem mense & anno in Patriarcham electus est. Pie obdormivit in Domino anno 1656. die 23. Decembris. 71. E.

LV. Georgius II. de Besbhel in agro Tripolitano, renuntiatus est Patriarcha anno 1657. die 1. Jan. Obiit autem Kefruani anno 1670. die 1. Aprilis. 72. C.

LVI. Stephanus II. Edenenſis, clarissimus rerum Maronitarum scriptor, sedem eorum patriarchalem conscendit an. 1671. die 20. Maii. Migravit ex hac vita anno 1704. die 3. Maii. 72. E.

LVII. Gabriel III. de Blaſa oppido in Monte Libano, ex primo Aleppi suæ gentis



archiepiscopo ad sedem patriarchalem promotus est anno 1704. die 11. Maii. Obiit anno sequenti die 31. Octob. 73. E.

LVIII. Jacobus III. Avodius de Hefron etiam in Monte Libano patriarchatum obtinuit anno 1605. die 5. Novemb. Hunc episcopi Maronitæ quibusdam annis postea, congregati in quodam monasterio provinciae Kefrovanensis, deposuerunt, & in ejus locum subrogarunt *Joseph Benedictum*, quem pallio donare semper recusavit Clemens XI. Papa. Mortuo isto Joseph Benedicto, restitutus est Jacobus Avodius suæ sedis in curia Romana. Obiit anno 1733. die 12. Februarii. 74. C.

LIX. Joseph IV. in Patriarcham electus est post gravia dissidia anno 1733. mense Martio. 76. A.

### Index Præfulum Maronitarum ordine alphabetico.

#### A.

Abdellah five Abdalla aut Abdula, S. Antonii cœnobii monachorum Aleppinorum. coll. 76. A. C. & 100. D.

Arfenius. Accuræ. 93. C.

Cyrillus. Algigæi. 100. A.

Cyrus. Patr. 51. B.

#### D.

Daniel I. Patr. 60. D.

II. 61. C.

David I. Patr. 52. B.

II. 62. E.

Arch. 95. D.

Domitius. Patr. 52. B.

#### E.

Elias. Patr. 70. B.

Cypri. 84. C.

Eden. 70. B. & 94. A.

Arcæ. 95. B.

Episc. Maron. 100. D.

Eusebius. Patr. 52. B.

#### G.

Gabriel I. Patr. 51. D.

II. 61. E.

III. 73. E.

Tripolis. 80. C.

Aleppi. 81. B.

I. Cypri. 85. E.

II. 1215. Monit.

Sareptæ. 90. B.

Sidonis. 90. A.

Edlun. 76. B. & 100. D.

Georgius I. Patr. 69. D.

II. 72. C.

Damasci. 77. A.

I. Cypri. 1208. Monit.

II. 86. E.

III. 1215. Monit.

IV. 88. B.

Eden. 93. B.

I. Accuræ. 94. D.

II. *ibid.*

Germanus I. Aleppi. 82. C.

II. 84. B.

Gregorius I. Patr. 52. A.

II. *ibid.* B.

III. 55. E.

#### H.

Hieremias I. Patr. 52. C.

II. 59. D.

#### J.

Jacobus I. Patr. 55. E.

II. 63. E.

III. Avodius. 74. C.

Jesus five Isa. Patr. 52. B.

Joachim. Beryti. 1327. Monit.

Joannes I. Maro. Patr. 6. C. usque ad 21. E. & 49. A.

II.

51. E.

III.

52. A.

IV.

52. B.

V.

*ibid.*

VI.

*ibid.*

VII.

56. B. & 99. C.

VIII.

60. E.

IX.

62. D.

X.

63. B.

XI.

68. E.

XII.

71. E.

Tripolis. 80. B.

Bapt. Aleppi. 1237. 1238. Monit.

Cypri. 83. C.

Sidonis. 89. A.

Bybli. 91. B.

Botrys. 91. C.

I. Hefronis. 95. A.

II. 96. A.

Sciadræ. 97. B.

Joseph I. Giargefæus. Patr. 54. A.

II. Rifiis. 68. D.

III. 71. B.

IV. *electus.* 74. C.

V. 76. A.

Tripolis. 80. C.

Sidonis. 87. D.

I. Bybli. 91. A.

II. 92. A.

Claixæ. 100. C.

S. Antonii. *ibid.*

Isaac. Patr. 52. B.

Tripolis. 79. A.

#### L.

Lucas I. Patr. 58. E.

II. 61. D.

Cypri. 88. C.

#### M.

Marcus. Patr. 52. B.

Michael Rifiis. Patr. 66. E.

Tripolis. 80. B.

Aleppi. 82. B.

Moyfes. Patr. 65. E.

Cypri. 87. C.

Biciarra. 97. A. & 100. C.

#### P.

Petrus I. Patr. 55. C.

II. 64. E.

Cypri. 88. C.

Eden. 93. A.

Accuræ. *ibid.* D.

Bisrai. 99. A.

Kanubin. 63. E. & 100. A.

#### S.

Sergius Rifiis. Patr. 68. B.

Rifiis Damasci. 77. A.

Simon I. Patr. 52. B.

II. *ibid.* C.

III. *ibid.*

IV. 61. A.

V. 62. C.

VI. five Simeon. 64. E.

Stephanus I. Patr. 52. A.

II. 72. E.

Kanubin. 76. B. & 100. D.

#### T.

Theophilus. Patr. 52. A.

Theophylactus. Patr. 52. B.

### Præfules anonymi Maronitarum.

Tres eorum Patriarchæ: scilicet

XXIX. col. 57. C.

XXX. *ibid.*

XXXI. *ibid.*

Biciarra. 97. A.

Item in cœnobiiis

S. Dominici. 55. D. & 99. C.

S. Simeonis *ibid.*

S. Elizæi *ibid.*

S. Mariæ Lephediensis. *ibid.*

### De Patriarchatu Hierosolymitano.

**H**IERUSALEM, urbs sancta, Judaica olim Reipublicæ caput ac metropolis, novi quoque fœderis prima ecclesia, quam Christus perennis sacrificii sanctione ac prima oblatione sacravit, & in qua voluit Apostolos suos illapso Spiritus sancti linguas omnium gentium edoctos, opus evangelicæ prædicationis ordiri. Hæc cæterarum, quandiu stetit, Palæstinæ fuit ecclesiarum mater, cui Jacobum minorem, dictum fratrem Domini, in primum episcopum dederunt Petrus, Jacobus alter, & Joannes. col. 101. A. Ea urbe à Romanis exercitibus subversa, ducibus Vespasiano & Tito, Christiani ejus incolæ, qui ad montana trans Jordanem jam fugerant, in Peræa regione ac Pellæ præsertim constiterunt. 102. C. Quindecim primi Hierosolymorum antistites ex Judaica gente assumpti fuerunt: sed quum, oppido quod in ejus ruinis surrexerat iterum capto & diruto à Romanis sub Ælio Hadriano Imperatore, alia urbs ex ejus nomine *Ælia* appellata, cujus ingressu Judæi origine arcebantur, constructa esset, Gentiles ad Christum conversi, qui in illa degebant, sibi in episcopum elegerunt unum ex suis *Marcum* nomine, dum *Judas*, Hebræorum ultimus, fortassis adhuc viveret, suamque ex Judæis fidelibus conflata ecclesiam gubernaret. à 102. D. ad 107. A.

Porro *Cæsarea*, quæ post Hierosolymam celeberrima fuerat civitatum Palæstinæ, ea solo æquata, metropolis evasit Christianorum totius regionis, urbis etiam *Æliæ* ejusque præfulum, per quatuor fere sæcula. 107. A. An vero in Palæstina Patriarcha Antiochenus jurisdictionem aliquam exercuerit obscurum est: nam non ab eo Cæsariensis antistes, sed ab episcopo *Æliæ*, ceu digniore suorum suffraganeorum, consecrari solebat. 108. C. Nonnullis aliis prærogativis interim gaudebat idem *Æliæ* præful, ob Hierosolymæ prioris memoriam, quas ei libentissime confirmarunt Patres Nicœni, servata nihilominus Cæsariensi ecclesiæ dignitate metropolis. 107. C. & 109. A.

At Hierosolymitano patriarchatui erigendo præfuisse visi sunt eodem sæculo IV. Macarius, Cyrillus, & Joannes *Æliæ* episcopi, occasione accepta ex Ariana hæresi, cui impense favebant Eusebius & Acacius Cæsarienses: quorum enim illi communionem averfabantur, horum volebant auctoritati subijci: unde & contendere coeperunt suam ecclesiam esse *Apostolicam*, cæterarumque totius Palæstinæ matrem, utpote quæ ipsa esset Hierosolyma sub nomine *Æliæ* restaurata. 109. D. 110. A. Juvenalis deinde, Joannis post Praylium paucorum annorum antistitem successor, petiit in synodo Ephesina anno 431., & viginti abhinc annis in Chalcedonenſi assequutus est, ut sedes sua Hierosolymorum Palæstinæ, olim uni, sed tunc in tres Palæstinas divisæ, quarum metropoles erant, primæ quidem *Cæsarea*, secundæ vero *Scythopolis*, tertiæ demum *Petra*, jus diceret.



à 109. D. ad 116. B. Is inde dicendus venit novæ urbis Hierosolymorum primus Patriarcha, qui scilicet istius sedis jure toti Palæstinæ, *Judæam*, *Samariam*, & utramque *Galilæam* olim complectenti, præfuerit. à 117. C. ad 127. B.

Hujusmodi Patriarcharum, Saracenis Palæstinas devastantibus sæculo VII. interrupta fuit series, post Sophronii obitum, per 60. & amplius annos. Verum interim ecclesia Romana varios commisit episcopos, inter quos noti sunt Stephanus Dororum, & Joannes Philadelphæ, qui ipsius vice toti huic regioni prospicerent. à 129. A. ad 131. D.

Capta Hierosolyma à Latinis an. 1099. illique præposito ejusdem ritus Patriarcha, Imperatores Byzantini, non tamen ante annum 1142. Patriarchas Hierosolymitanos sui ritus nominarunt, qui Constantinopoli morabantur quandiu Hierosolyma Latinis paruit; in eam autem urbem regressi sunt postquam hæc iterum in Saracenorum devenit potestatem anno 1187. sed illuc schisma Byzantinum invexere, quo nunc, non secus ac cæteræ sedes patriarchales, laborat. à 131. D. ad 136. B.

### Index Ecclesiarum Patriarchatus Hierosolymitani, ordine alphabetico.

#### A.

Abela five *Abila Batanææ*, non confundenda, vel cum *Abila Perææ*, vel cum *Abila ad Libanum*, sedes est episcopalis Palæstinæ secundæ sub Scythopoli metropoli. 701. 702.

Acon, vide *Ptolemais*.

Adria. 773. 774.

Ælia five *Elia*, ipsa est quam Ælius Hadrianus sub Hierosolymorum ruinis exstruxit, dicta *Ælia Capitolina*, propter templum Jovis in ea erectum. Hanc immerito aliam fuisse urbem existimavit Carolus à S. Paulo. 675. 676.

Agelon. 777. 778.

Agrippias, vide *Anthedon*.

Aila, quæ & *Ailath* five *Elath*, urbs in oramari Rubri five sinus Arabici, sedesque episcopalis tertiæ Palæstinæ sub Petra metropoli. 757. 758.

Amathus, urbs in regione trans Jordanem, non longe à Philadelphia, sedes episcopalis secundæ Palæstinæ sub Scythopoli. 715. 716.

Ammaus, vide *Nicopolis*.

Anthedon, ab Herode denominata *Agrippias*, sita ad mare non longe à Gaza, sedes episcopalis Palæstinæ primæ sub Cæsarea metropoli. 631. 632.

Antipatris, ab Herode ex nomine patris sui sic appellata, sedes episcopalis Palæstinæ primæ sub Cæsarea metropoli. 579. 580.

Apathos five *Regium Patos*, in notitia Græca sedes episcopalis Palæstinæ primæ sub Cæsarea. 677. 678.

Arachia, vide *Archelais*.

Arad, urbs Amorrhæorum, sedes episcopalis Palæstinæ tertiæ sub Petra metropoli. 727. 728.

Archelais, quæ est *Arachia* five *Heraclia* Caroli à S. Paulo, urbs ab Archelao Herodis filio condita, sedes episcopalis Palæstinæ primæ sub Cæsarea metropoli. 673. 674. & 679. 680.

Areopolis, quasi *urbs Ar*, sedes episcopalis Palæstinæ tertiæ sub Petra metropoli. 733. 734.

Arindela in neutro plurali, sedes episcopalis Palæstinæ tertiæ sub Petra metropoli. 727. 728.

Ascalon, vulgo *Scalona*, sedes episcopalis Palæstinæ primæ sub Cæsarea metropoli. 597. 598. & 1275. 1276.

Assur, quam laudat Carolus à S. Paulo; sed hæc alia esse non videtur ab *Apollonia* urbe maritima inter Cæsaream & Joppen, quæ tamen non fuit sedes episcopalis, fortassis est urbs *Arsuf* non longe à Jamnia, sed nec sedes episcopalis. 679. 680.

Augustopolis, sedes episcopalis Palæstinæ tertiæ sub Petra metropoli. 727. 728.

Azotus, Hebræis *Ashdod* five *Afdod*. Duplex fuit in Palæstina prima hujus nominis civitas, quas notitiæ Græcæ memorant: una quæ *Περδάλιος* five *maritima* dicebatur, altera quæ *Ἰππίνος* *Azotus Hippinus*, & mediterranea erat inter Jamniam & Ascalonem. Hæc nunc vicus est dictus *Azdot*. 659. 660.

#### B.

Bacatha neutro plurali, quæ *Metrocomes* five *Metrocomia* in notitiis Græcis appellatur, id est, *præcipuus vicorum*, sedes fuit episcopalis Palæstinæ tertiæ. Ipsa est quam Carolus à S. Paulo *Baschat* appellat, & inter sedes Palæstinæ primæ recenset. 679. 680. & 761. 762.

Baschat, vide *Bacatha*.

Batharampta, vide *Libyas*.

Belinas, vide *Paneas*.

Berytus, sedi Hierosolymorum addicta sub Latinis. 1325. 1326.

Bethara, vide *Libyas*.

Bethelia five *Betulium* prope Gazam, fortassis *Betulia* S. Hieronymi, aut etiam *Bethel*, sedes fuit episcopalis Palæstinæ primæ sub Cæsarea metropoli. 671. 672.

Bethleem, prius *Ephrat* five *Ephrata*, Christi Domini natalibus celeberrima. Hanc non expunxerunt Judæi, ex cap. 15. vers. 60. libri Josue. Coepit sedes esse episcopalis sub Latinis initio sæculi XII. suffraganea facta ecclesiæ Hierosolymorum. 641. 642. & 1275. 1276.

Bethsan, vide *Scythopolis*.

Birosabon, sedes episcopalis Palæstinæ tertiæ sub Petra metropoli. 773. 774.

Bostra, urbs patriarchatus Antiocheni, nunc Hierosolymitani. 775. 776. & 1307. 1308.

#### C.

Cæsarea, olim *Turris-Stratonis*, quam Herodes multum auxit, & in honorem Augusti Imperatoris *Cæsaream* nuncupavit. Hierosolymis solo æquatis, metropolis evasit totius Palæstinæ, nondum in tres divisæ: sed sæculo V. medio, Ælia in sedem patriarchalem erecta, primæ duntaxat Palæstinæ metropolis remansit. 107. C. 109. A. 529. 530. & 1285. 1286.

Cæsarea Philippi, vide *Paneas*.

Caparcotia five *Capharcotia* inter Cæsaream & Scythopolim. Hanc Carolus à S. Paulo inter episcopales sedes recenset, sed in notitiis non legitur. 717. 718.

Capitolias, sedes episcopalis primæ Palæstinæ, minime confundenda cum *Ælia Capitolina* five *Hierosolymis*. 715. 716.

Casaloth five Chasalus, vide *Exalus*.

Castrum Saracenorum, vide *Parembole*.

Characmoba, urbs Arabiæ Petrææ, & sedes episcopalis Palæstinæ tertiæ sub Petra metropoli. 729. 730.

Chebron, vide *Hebron*.

Chrysopolis five *Christopolis*, sedes episcopa-

lis sub Bostris metropoli. 1307. 1308. Clima Gaulames in notitiis veteribus legitur inter sedes episcopales Palæstinæ secundæ. 719. 720.

Cyriacopolis in notitia Græca Nili Doxopatrii recensetur. 773. 774. D.

Diocæsarea five *Sephoris*, & Rabbini *Zippori*, de cujus uno præfecto Sartore historiam sat lepidam referunt, sedes episcopalis fuit Palæstinæ secundæ sub Scythopoli. 713. 714.

Diocletianopolis, sedes episcopalis Palæstinæ primæ sub Cæsarea metropoli. 645. 646.

Dionysias, sedes episcopalis Arabiæ secundæ sub Bostris metropoli. 1309. 1310.

Diospolis five *Lydda*, sedes episcopalis Palæstinæ primæ sub Cæsarea metropoli, archiepiscopalis deinde facta. 581. 582. & 1271. 1272.

Dora in neutro plurali, five *Dor*, *Nephet Dor*, & *Doron*, sedes primaria inter suffraganeas Cæsareæ metropolis Palæstinæ primæ. 573. 574.

#### E.

Elcarach. 777. 778.

Eleutheropolis, S. Epiphaniï patria, sedes episcopalis Palæstinæ primæ sub Cæsarea metropoli, non fuit *Hebron*. 631. 632.

Elia, vide *Ælia*.

Elusa, in notitia Græca sedes episcopalis Palæstinæ tertiæ sub Petra metropoli. 735. 736.

Emmaus, vide *Nicopolis*.

Estomafon five *Estilion*, ipsa est urbs Bethelia, de qua. 671. 672. vide 679. 680.

Eucomazon, vide *Sycomazon*. & 679. 680.

Exalus five *Chasalus*, vel *Casaloth*, urbs episcopalis Palæstinæ secundæ sub Scythopoli. 713. 714.

#### G.

Gaben, urbs Palæstinæ secundæ sub Scythopolitana metropoli. 701. 702.

Gadara in neutro plurali. Duplex urbs hujus nominis fuit: una quidem in Palæstina prima sub Cæsarea. 595. 596. altera vero in Palæstina secunda sub Scythopoli. 701. 702.

Gaza, urbs Philistinorum antiquissima, sedes episcopalis Palæstinæ primæ sub Cæsarea metropoli. 603. 604.

Gerara, vetus civitas Palæstinorum, temporibus Abraham & Isaac regia Abimelech, sedes episcopalis Palæstinæ primæ sub Cæsarea metropoli. 661. 662. & 679. 680.

Gerasa, urbs Arabiæ, juris non fuit patriarchatus Hierosolymitani. 699. 700.

#### H.

Hadadrimmon, vide *Maximianopolis*.

Hebron five *Chebron*, dicta *Arbee* ante Moyse tempora, juxta quam in spelunca duplici condita fuerunt corpora Abraham, Saræ, Isaac, Jacob, &c. unde ea urbs *Sancta Spelunca* appellatur. Incepit sedes esse episcopalis initio sæculi XII. sub Latinis. 639. 640. & 1269. 1270.

Helenopolis, sic appellata ex nomine Helenæ matris Constantini Magni, sedes episcopalis Palæstinæ secundæ sub metropolitana Scythopoli. 711. 712.

Heraclea, vide *Archelais*.

Hiericho, urbs Palæstinæ antiquissima, sedes episcopalis Palæstinæ primæ sub Cæsarea metropoli. 653. 654.

Hierusalem five *Hierosolyma*, urbs ita antiqua ut plurimi veterum hanc censuerint fuisse *Salem* regiam Melchisedech. Certe fuit *Jebus* ditionis Jebusæorum. Totius Reipublicæ



Reipublicæ Judæorum caput fuit, & ecclesiæ christianæ cunabula. Penitus subversa est à Romanis sub Vespasiano & Tito; iterumque sub Ælio Hadriano, qui aliam in ejus locum exstruxit, *Æliam* ex suo nomine dictam. Eandem per 88. annos possederunt Latini sæculo XII. à 101. ad 136. & 1241. 1242.

Hippos, urbs prope ripam lacus in Decapoli, fortassis fuit *Susitha* Hebræorum. In notitiis veteribus sedes est episcopalis Palæstinæ secundæ sub Scythopoli. 709. 710.

Hozelis, sedes episcopalis juxta montem Sinai, cujus præsul se nunc subtrahit jurisdictioni Patriarchæ Hierosolymorum. 777. 778.

J

Jaffa, vide Joppe.

Jamnia sive *Jabne*, vulgo *Zania*, urbs antiqua Philistinorum, portum habebat paulo à se distitum, ob quem Plinius duas distinguit Jamnias. Sedes episcopalis fuit Palæstinæ primæ sub Cæsarea. 587. 588.

Joppe sive *Japho*, nunc *Jaffa*, urbs & navale Palæstinæ, à veteribus fabula Persei & Andromedæ celebratur. Sedes fuit episcopalis Palæstinæ primæ sub Cæsarea metropoli. 625. 626. & 1291. 1292.

Jotabæ numero plurali, sive *Jotabes*, sedes episcopalis Palæstinæ secundæ sub Scythopoli. Hæc non fuit *Jotapes* illa sive *Jotapata*, quam Josephus defendebat adversus Vespasianum. 711. 712.

Itabyrion, vide Thabor.

Julias, vide Lybias.

L

Libyas sive *Livias*, Josepho *Julias*, dicta etiam corrupte *Regium Lutas*, olim *Batharampta* & *Bethara*, sedes episcopalis Palæstinæ primæ sub Cæsarea. 655. 656.

Lydda, vide Diospolis.

M

Majuma Ascalonis, ab Ascalone aliquatenus distita, ejusque portus, specialem habuit episcopum sub Cæsarea primæ Palæstinæ metropoli. 601. 602.

Majuma Gazæ, similiter portus hujus urbis, & episcopatus specialis Palæstinæ primæ. 621. 622.

Mamopfora, sedes episcopalis Palæstinæ tertiæ sub Petra metropoli. 773. 774.

Mamorta, vide Neapolis.

Mapses, sedes episcopalis Palæstinæ tertiæ sub Petra metropoli. 773. 774.

Maximianopolis sive *Maximinianopolis*, & antea *Hadadrimmon*, prope Jezraëlem in campo Mageddon, sedes episcopalis Palæstinæ secundæ sub Scythopoli. 703. 704.

Medaba sive *Medba* & *Medava*, in Arabia Petrea, sedes episcopalis sub Bostris. 769. 770.

Menois, urbs prope Gazam, & diversa à *Memnith* trans Jordanem, sedes episcopalis Palæstinæ primæ sub Cæsarea metropoli. 669. 670.

Metrocomia, vide Bacatha.

Myrum, sedes episcopalis Palæstinæ secundæ sub Scythopoli. 717. 718.

N

Nais, vicus Samaritidis in Magno-Campo, sedes episcopalis Palæstinæ secundæ sub Scythopoli. 719. 720.

Nazareth, D. N. J. C. patria, sedes episcopalis evasit initio sæculi XII. sub Latinis, translata in ipsam metropolitica urbis

Scythopolis tunc fere desertæ, dignitate.

693. 694. & 1293. 1294.

Neapolis, quam multi antiquam *Sichem* fuisse censuerunt, eo nomine donata est à Vespasiano post excidium Hierosolymorum, quum antea *Mamortha* appellaretur: nunc *Naplousa* dicitur. Sedes episcopalis fuit Palæstinæ primæ; aucta deinde dignitate archiepiscopali, cum Sebastia sive Samaria veteri in unam ecclesiam coaluit.

645. 646. & 1289. 1290.

Nicopolis, olim *Emmaus* sive *Ammaus* dicta, sed non confundenda cum vico *Emmaus* Hierosolymis adjacente, sedes episcopalis Palæstinæ primæ sub Cæsarea metropoli. 589. 590.

O

Onus sive *Ono*, sedes episcopalis Palæstinæ primæ sub Cæsarea metropoli. 677. 678.

P

Palæstina, olim nonnisi una dicebatur, licet tres præcipuas complecteretur regiones: id est, *Judæam*, *Samaritidem*, & *Galilæam*. Appellabant eam veteres *Syriam Palæstinam*, sive *Syriarum ultimam*: tres enim *Syrias* distinguebant, nimirum *Syriam Ciliciæ*, vel potius *Syriam Cælen*, sive *Cæle-Syriam*, *Syriam Phœnicen*, & *Syriam Palæstinam*. At sub finem sæculi IV. divisa est Palæstina in tres Palæstinas, *primam*, *secundam*, & *tertiam*. 117. C. & 529. 530.

Paneas sive *Cæsarea Philippi* & *Belinas* in Galilæa, prope urbem *Dan*, suffraganea Tyri metropolis sub Patriarcha Antiocheno; sed obnoxia facta est Patriarchæ Hierosolymitano tempore Latinorum. 1335. 1336.

Parabas sive *Paliternum*, sedes episcopalis Palæstinæ primæ sub Cæsarea metropoli. 679. 680.

Parembolia sive *Castrum Saracenorum*, civitas specialis non fuit, sed turmam quamdam Saracenorum designabat, qui de Arabia Deserta progressi ubi in tentoriis habitabant, propter quod *Nomades* sive *Scenitæ* appellati sunt, venerunt ad S. Euthymium abbatem, & aspirante Dei gratia, ad fidem conversi ineunte sæculo V. episcopum à Juvenale Patriarcha Hierosolymitano obtinuerunt sub Petra metropoli. 763. 764.

Parochmuch, in notitia Græca sedes episcopalis Palæstinæ tertiæ, videtur eadem fuisse ac *Characmoba*. 773. 774.

Patos, vide Apathos.

Pella, urbs Decapolis, ad quam, instante Hierosolymorum obsidione sub Vespasiano, Christiani se contulerunt. Hæc sedes episcopalis fuit Palæstinæ primæ sub Cæsarea metropoli. 697. 698.

Pentacomia, sedes episcopalis Palæstinæ tertiæ sub Petra metropoli. 773. 774.

Petra nonnullis duplex fuit; una *Palæstinæ*, *Acrabbim* cognominata ex loco vicino qui *Ascensus Scorpionis* dicebatur; altera *Arabie*: verum prior episcopalis sedes non erat, neque urbs aliqua, sed duntaxat prærupta rupes, de cujus summitate Judæi decem millia Idumæorum, post Amasæ victoriam, in præceps dederunt. *Lib. II. Paral. XXV. 11. & 12.* Nec distinctionem adstruit Athanasius in epistola ad Solitarios. Alia itaque non fuit *Petra Palæstinæ*, præfulis specialis sedes, quam ipsa *Petra Arabie*, *Krach* & *Arach* dicta, quæ toti regioni *Arabie Petree* nomen indi-

dit, & metropolis extitit Palæstinæ tertiæ. 663. 664. 721. 722. & 1305. 1306.

Phænus sive *Phænon*, urbs Idumææ inter Petram & Zoaram, celebris ob metalla, ad quæ effodienda damnati sunt martyres multi, sedes fuit episcopalis Palæstinæ tertiæ sub Petra metropoli. 745. 746.

Phara, sedes episcopalis obnoxia patriarchatui Hierosolymorum, ex notitia Nili Dioxopatrii. 773. 774.

Pharan sive *Mons Sinai*: Ad coenobium quippe huic Monti vicinum in Arabia Petrea sedes episcopalis oppidi *Pharan* devastati translata est sub Petra metropoli. 747. 748. & 1305. 1306.

Polifidon, sedes aliqua sub patriarchatu Hierosolymitano. 775. 776.

Ptolemais sive *Accon*, sedes suffraganea ecclesiæ Tyrensis, obnoxia primùm patriarchatui Antiocheno, deinde temporibus Latinorum Hierosolymitano. 775. 776. & 1329. 1330.

R

Rama sive *Ramula* aut *Ramola*, inter Lydam & Joppen, quam Latini exeunte sæculo XI. in sedem episcopalem erexerunt. 1271. 1272.

Raphia, quibusdam *Rhama*, inter Anthedonem & Rhinocolura, sedes episcopalis Palæstinæ primæ sub Cæsarea metropoli. 629. 630.

Regium Lutas, vide Lybias, & 679. 680.

Regium Patos, vide Apathos.

S

Sabas, sedes episcopalis tempore Latinorum. 1293. 1294.

Saltium, Constantinianus, duo oppida Carolo à S. Paulo, unum Willelmo Tyrio, quod *Salton Constantiniaces* appellat, aliàs ignotum. 679. 680.

Salton Gerariticus, sive *Barsamorum*, vide Gerara.

Samaria, vide Sebeste.

Sarepta, inter Tyrum & Sidonem, sedes episcopalis sub Latinis. 1337. 1338.

Sariphæa, in vicinia Gazæ & Ascalonis, sedes episcopalis Palæstinæ primæ sub Cæsarea metropoli. 629. 630.

Scalona, vide Ascalon.

Scythopolis, olim *Bethsan*, cui irruptio Scytharum in Palæstinam nomen *Scythopolis* indidisse videtur, metropolis fuit Palæstinæ secundæ; quæ dignitas ad urbem *Nazareth* translata est à Latinis. 681. 682. & 1293. 1294.

Sebeste, prius *Samaria*, & caput regionis ejusdem nominis. Hanc Herodes *Sebasten*, id est, *Augustum* nuncupavit in honorem Augusti Cæsaris. Sedes fuit episcopalis Palæstinæ primæ sub Cæsarea metropoli. 649. 650. & 1289. 1290.

Sephoris, vide Diocæsarea.

Sichem, vide Neapolis.

Sidon, suffraganea Tyri, sed sub Latinis obnoxia patriarchatui Hierosolymorum. 1319. 1320.

Sinai Mons, vide Pharan.

Sodoma, pro altero loco perperam inducta in subscriptionibus Patrum Nicænorum. 743. 744. & 773. 774.

Sozusa sive *Sorucis*, sedes episcopalis Palæstinæ primæ sub Cæsarea metropoli. 593. 594.

Sycamazon, sedes episcopalis Palæstinæ primæ sub Cæsarea metropoli. 657. 658.



## T

Tetracomia, sedes Palæstinæ secundæ sub Scythopoli metropoli. 719. 720.  
 Thabor Mons, *Itabyrion* Josephi, Transfiguratione Christi, ut fert communior opinio, celebris, hoc sæculo XVIII. duos episcopos habuit. 695. 696.  
 Tiberias, ab Herode Antipa condita in honorem Tiberii Cæsaris, schola celebris Rabbiorum, sedes episcopalis Palæstinæ secundæ sub Scythopolitana metropoli. 705. 706. & 1301. 1302.

Toxus *Salon*, id est, territorium, sedes episcopalis Palæstinæ primæ sub Cæsarea metropoli. Hujus episcopus non fuit *Quintianus*, mendose dictus à *Taxe*, sedis Gazæ inuasor, qui subscripsit actis synodi Arianæ Philippopolis. 609. C. & 679. 680.

Tricomias, sedes episcopalis Palæstinæ primæ sub Cæsarea metropoli. 677. 678.

Tyrus, urbs Syriæ, caput Phœnices, sedes metropolitana sub Patriarcha Antiocheno. Hæc obnoxia venit patriarchatui Hierosolymorum, dum Latini in Palæstina rerum potirentur. 1309. 1310.

## Z

Zabulon, urbs Galilææ prope Ptolemaïdem, sedes episcopalis, cujus præsul interfuit synodo Nicænæ. 673. 674.

Zoara five *Segor*, ad lacum Asphaltiten, sola ex quinque urbibus servata propter Loth, qui ad illam fugit. *Legenda disquisitio de situ earum urbium, & modo quo perierunt.* 737. & seqq.

## Præfules Hierosolymorum.

- I. S. Jacobus I. dictus *Minor*, & *Frater Domini*, qui ipso anno quo Christus Dominus passus est, ætæ vulgaris 29. aut anno sequenti 30. curam ecclesiæ Hierosolymorum, ceu specialis ejus episcopus, suscepit, eamque rexit usque ad septimum Neronis annum, Christi 60. quo martyr occubuit. à 139. A. ad 140. C.
- II. Sanctus Simeon I. vel *Simon* Martyr, filius Cleophæ, & consanguineus Christi secundum carnem, qui anno Neronis septimo, ætæ nostræ 60. aut 61. electus episcopus Hierosolymorum, cruci affixus est anno Trajani X. Christi 107. ætatis circiter 120. à 140. C. ad 141. D.
- III. Justus five *Judas I.* qui tribus circiter annis ecclesiam Hierosolymorum administravit, mortuus anno Trajani XIV. Christi 111. à 141. D. ad 142. E.
- IV. Zacchæus vel *Zacharias*. 142. E.
- V. Tobias. *ibid.*
- VI. Benjamin. *ibid.*
- VII. Joannes I. *ibid.*
- VIII. Matthias vel *Matthæus*. *ibid.*
- IX. Philippus. *ibid.*

Horum sex episcoporum regimen totum simul, nonnisi 14. annos duravit, ab anno scilicet III. ad annum 125. 142. E. 143. E.

- X. Seneca. 143. E.
- XI. Justus II. *ibid.*
- XII. Levi. *ibid.*
- XIII. Ephrem. *ibid.*
- XIV. Joseph. *ibid.*
- XV. Judas II. *ibid.*

Hos brevi admodum sedisse scribit Eusebius, & usque ad ultimam Hierosolymorum destructionem sub Hadriano Imperatore, ex Judæis assumptos esse. 144. D. ubi *lin. 10. pro* Christi 32.

*legendum est* Christi 132.

XVI. Marcus, primus *Æliæ* sub Hierosolymorum macerias constructæ episcopus electus est anno circiter Christi 135. qui Gentilibus christianis urbis hujus gentilis ipse præfesset, dum fortassis Judas II. adhuc viveret, suamque gubernaret Hierosolymorum ecclesiam ex Judæis conflata, quibus *Æliam* ingredi fas non erat. Obiit Marcus anno 156. 145. D.

XVII. Cassianus. 147. A.

XVIII. Publius. *ibid.*

XIX. Maximus I. *ibid.*

XX. Julianus I. *ibid.*

XXI. Caius seu Gaius I. *ibid.*

XXII. Symmachus. *ibid.*

XXIII. Caius seu Gaius II. *ibid.*

XXIV. Julianus II. *ibid.*

XXV. Capito. *ibid.*

Horum regimen simul sumptum duravit ab anno Christi 156. usque ad annum circiter 185. 147. D.

XXVI. Maximus II. 147. D.

XXVII. Antonius. *ibid.*

XXVIII. Valens. *ibid.*

XXIX. Dolichianus. *ibid.*

XXX. Narcissus. *ibid.*

XXXI. Dios. *ibid.*

XXXII. Germanion. *ibid.* E.

XXXIII. Gordius. *ibid.*

Hi omnes ecclesiam *Æliæ* administraverunt per annos circiter 28. aut 30. ab anno nimirum 185. ad annum 212. & amplius; unde *col. 147. lin. ultima, pro* octoginta, *legendum est* triginta: Alexander siquidem Narcissi, qui iterum sedit post Gordium, successor designatus est anno Christi 212. adhuc vivente Narcisso senio confecto, quicum usque ad ejus mortem ecclesiam hanc rexit. Aduit autem Narcissus synodo in Palæstina congregatæ à Theophilo Cæsariensi metropolitano anno 198. pro celebratione Paschatis. à 148. D. ad 150. D.

XXXIV. Alexander Martyr, prius episcopus in Cappadocia, quum *Æliam* venisset, Narcisso annos ferè centum sexdecim numeranti à clero & populo coadjutor datus est anno 212. ut eidem postea succederet. Martyr ad Christum migravit in persecutione Decii anno 249. aut 250. 150. D.

XXXV. Mazabanes, ab anno 250. ad annum 265. ecclesiæ *Æliæ*, five Hierosolymorum præfuit. 152. A.

XXXVI. Hymenæus anno (non 266. ut perperam legitur *col. 152. C. lin. 1. & col. 153. A. lin. 7.* sed) 265. curam *Ælianæ* ecclesiæ suscepit: quandoquidem duplici concilio Antiocheno adversus Paulum Samosatensem interfuit, quorum prius illo ipso anno 265. coactum est, alterum autem anno circiter 272. Obiit anno 298. 152. C.

XXXVII. Zabdas five *Zambdas* præfuit *Æliæ* ab anno 298. ad annum 302. Unde non ab ipso, sed ab ejus prædecessore Hymenæo, fidem Christi didicere S. Mauritius totaque ejus legio Thebæorum, qui anno 285. martyrio in Galliis coronati sunt. 153. B. D.

XXXVIII. Hermon, ab anno 302. ad annum 311. aut etiam 313. ecclesiam *Æliæ* gubernavit. 154. B.

XXXIX. Macarius I. anno 313. *Ælianam* sedem conscendit. Sub ejus regimine inventa sunt ab Helena matre Constantini Magni an. 326. aut 327. sacra Passionis

Dominicæ instrumenta. Obiit ante annum 335. 154. D.

Quiriacus five *Cyriacus* quidam, S. crucis inventor sub Constantino, & martyr sub Juliano Apostata, S. Macarii in sede Hierosolymitana successor statuitur à nonnullis scriptoribus ex Historia ejus fabulis evidenter referta. In aliquibus ecclesiis colitur die 4. Maii. Hunc doctissimi actorum SS. editores alium non fuisse existimant à S. Juda XV. Hierosolymorum præfule, qui & *Quiriacus* in martyrologiis cognominatur ad diem primam ejusdem mensis. 146. B. & 155. C.

XI. Maximus III. post Macarium recensetur Hierosolymorum antistes ab Hieronymo in Chronico. Aduit anno 335. conciliabulo Tyrensi, in quo S. Athanasius damnatus est: ipse quoque ab Arianis deceptus, ejus depositioni subscripsit five Tyri five Hierosolymis. Sed postea facti poenitens eundem Athanasium anno 347. à Sardicensi concilio revertentem festive admodum excepit. Obiit anno 350. aut initio sequentis.

XLI. Sanctus Cyrillus tum multiplici exilio propter fidem tum etiam scriptis suis celeberrimus anno 351. sedebat, quo de splendida crucis apparitione mense Maio Constantium Imperatorem certior fecit. Hieronymus in chronico refert *Heracium* quemdam, quem Maximus moriens suum successorem declaraverat, à Cyrillo circumventum eam sedem non conscendisse. Cyrillo pluries ab Arianis in exilium ejecto substituti fuere variis temporibus *Eutychius*, *Irenæus*, & *Hilarius*, Ariani homines. Anno tandem 378. aut ineunte sequenti sub Theodosio Magno thronum suum recuperavit Cyrillus. Interfuit concilio Constantinopolitano anno 381. & obiit anno 386. aut 387. à 57. D. ad 161. E.

XLII. Joannes II. vix triginta annos natus ad sedem Hierosolymitanam evectus est. Inter ipsum & Epiphanium ac Hieronymum graves exarserunt discordiæ ab anno 394. ob errores Origenis, quibus favere putabatur. Anno 415. in synodo Diospolitana à Pelagio delusus hunc absolvit damnata ejus hæresi. Eodem anno sancti Stephani reliquias divinitus repertas transtulit in sanctam ædem Sion. Variis nominibus nuncupatus legitur apud scriptores, putà *Praylius*, ut ejus successor, *Silvanus* & *Nepos*. Obiit anno 417. 161. E.

XLIII. Praylius delusus à Pelagio & Cœlestio, testimonium sanæ eorum fidei dedit Zosimo Papæ; sed non multo post mutavit sententiam. Obiit anno 418. aut 420. Certe ante annum 428. 162. E.

XLIV. Juvenalis, Praylii successor, sedebat anno 428. aut 429. quo, die 7. Maii, lauram sancti Euthymii abbatis dedicavit. Interfuit anno 431. synodo Ephesinæ, anno 449. alteri synodo Ephesinæ, in qua Dioscoro adhæsit; & anno 451. synodo Chalcedonenſi, ubi errato retractato jura patriarchica in tres Palæstinas suæ ecclesiæ Hierosolymitanæ obtinuit. Terminata ea synodo, *Theodosius* quidam monachus, hæresis Eutychianæ acerrimus propugnator, ob quam Chalcedone maximos tumultus excitaverat, reditum Juvenalis in Palæstinam præveniens, Eudociam Augustam ibi degentem, populum & monachos fere omnes suis calumniis



- adversus concilium Chalcedonenſe com-  
movit, inſiſſetque ipſiſſet Juvenalis ſe-  
dem, quam per viginti meſes, prædonum  
more, omni ſclerum genere deturpavit.  
Sed Marciani Imperatoris opera reſtitu-  
tus eſt Juvenalis anno 453. Theodoſius  
vero in Synæum montem profugit. De-  
ceſſit Juvenalis anno 458. à 111. C. ad  
117. C. & à 164. A. ad 168. B.
- XLV. Anaſtaſius, S. Paſſarionis abbatis  
diſcipulus, & S. Reſurrectionis vaſorum  
ſacrorum cuſtos, Juvenali ſucceſſit an-  
no 458. Non conſtat ipſum Baſiliſci Im-  
peratoris litteris ſubſcripſiſſe. Obiit an-  
no 478. à 168. B. ad 171. D.
- XLVI. Martyrius Cappadox ad S. Euthy-  
mium venit quum Timotheus Ælurus  
eccleſiam Alexandrinam conturbaret. Ad  
ſedem Hieroſolymitanam evectus anno  
478. litteras Petri Mongi ceu catholici  
deſuſus recepit, ſuaſque ad eum commu-  
nionis indices miſit, ſed abſque fidei ſuæ  
diſpendio. Obiit anno 486. à 171. E.  
ad 174. B.
- XLVII. Saluſtius, factus Hieroſolymorum  
Patriarcha anno 486. Henotico Zenonis  
Imperatoris fovendæ pacis gratia ſub-  
ſcripſit. Obiit anno 494. à 174. B. ad  
176. C.
- XLVIII. Elias I. Arabs natione, qui cum  
Martyrio in Palæſtinam ad Euthymium  
ſe contulerat, Saluſtio ſucceſſus eſt anno  
494. In nonnullis quidem, is & Flavi-  
nus Antiochenus Patriarcha, Anaſtaſio  
Imperatori Monophyſitæ connivere viſi  
ſunt; at fidem Chalcedonenſem ab ipſis  
minimè rejectam colligitur ex utriuſque  
exilio ejuſdem Imperatoris juiſſu, in quo  
piſſime deceſſerunt an. 518. à 176. C.  
ad 185. A.
- XLIX. Joannes III. in locum Eliæ ſub-  
ſtitutus anno 513. quanquam Olympio  
Anaſtaſii Imperatoris Præſecto pollicitus  
fuerat, ſe communionem jungendum cum  
Severo, & concilium Chalcedonenſe  
damnaturum, S. Sabæ tamen, aliorum-  
que monachorum hortatu deterritus, neu-  
trum præſtitit: immo adverſarios fidei  
Chalcedonenſis publicè diris devovit an-  
no 514. Deſuncto Anaſtaſio anno 518.  
ſacra Juſtini ejus ſucceſſoris in gratiam  
concilii Chalcedonenſis data libentiſſime  
ſuſcepit, curavit & promulgari: congre-  
gavit etiam ſynodum ea de cauſa ex toto  
ſuo patriarchatu, cui ipſe præſuit eodem  
anno. Obiit anno 524. à 185. A. ad  
189. E.
- L. Petrus, Eleutheropoli oriundus, pro-  
motus eſt ad ſedem Hieroſolymitanam  
anno 524. Mollius ſe geſſit adverſus mo-  
nachos Origeniſmi ſectatores, qui tu-  
multus magnos ſuſcitabant in Palæſtina;  
Anthimum quoque hæreticum Mono-  
phyſitam facilius ad ſuam communionem  
admiſit: ſed eundem paulo poſt, ab Aga-  
peto Papa reprehenuſus, convocatis ſuæ  
ditionis epiſcopis, proſcripſit anno 536.  
Edicto deinde Juſtiniani contra errores  
Origenis ſubſcripſit, ut & alteri ejuſdem  
adverſus tria capitula. Aſſignatur obitus  
ejus communius ad annum 544. à 189.  
E. ad 209. A.
- LI. Eufthochius, manu trium epiſcopo-  
rum ſuæ ditionis, quos Conſtantino-  
polim miſerat, vices ſuas impleturos in  
ſynodo v. generali anno 553. ejus actis  
ſubſcripſit. In ea quidem ſynodo, una  
cum tribus capitulis, damnatos Origenem,  
Evagrium & Didymum, aſſerunt Cyril-  
lus Scythopolitanus vitæ ſancti Sabæ  
ſcriptor, Evagrius, Theophanes, Cedre-  
nus, &c. quibus omnes fere ſuffragantur  
recentiores: verum hæc damnatio Ori-  
genis peracta fuiſſe videtur ante eam ſy-  
nodum, in altera Conſtantinopoli coacta  
ſub Menna intra annum 538. & annum  
544. ejuſque acta actis v. ſynodi diu  
poſt iſtam ſynodum ob argumenti ſimi-  
litudinem fuiſſe adjuncta. *Legatur diſſer-  
tatio ſpecialis ea de re à 210. E. ad  
233. E.* Cæterum Eufthochius, qui in  
locum Macarii prius electi, ſed à Juſti-  
niano non admiſſi, poſt Petri mortem aſ-  
ſumptus fuerat, depoſitus eſt anno 563.  
& Macarius reſtitutus. à 209. A. ad  
235. C.
- LII. Macarius itaque II. ad ſedem Hiero-  
ſolymitanam iterum promotus eſt ejecto  
Eufthochio anno 563. Quum autem Juſ-  
tiniano hæreſim Aphthartodocetarum  
ſive Incorrupticolarum ſub finem vitæ  
ſuæ propugnanti palam reſiſteret Ana-  
ſtaſius Sinaïta Patriarcha Antiochenus,  
hujus ſequuti ſunt exemplum alii Orientis  
epiſcopi, ſubindeque Macarius. Obiit iſte  
exeunte an. 574. à 235. C. ad 242. A.
- LIII. Joannes IV. anno 574. aut 575.  
electus Hieroſolymorum Patriarcha, obiit  
anno 593. aut ſequenti. Sub ipſius regi-  
mine inventa eſt anno 590. in civitate  
Joppe tunica Chriſti inconfuſilis. à 242.  
A. ad 246. D.
- LIV. Amos ſive *Neamus*, prius mona-  
chus, deinde Hieroſolymorum antiſtes,  
obiit anno 600. aut 601. à 246. D.  
ad 248. A.
- LV. Iſacius, quem *Hefichium* Baronius  
appellat, ab anno 600. vel 601. ad 608.  
ſediſſe fertur. Extat reſponſio ſancti Gre-  
gorii Magni ad ejus ſynodicam. à 248.  
A. ad 249. C.
- LVI. Zacharias, cuſtos vaſorum ſacro-  
rum eccleſiæ Conſtantinopolitanæ, ad ſe-  
dem Hieroſolymitanam evectus an. 609.  
hanc urbem captam à Chofroë, Perſarum  
rege, vidit ſexto ſui regiminis anno,  
ipſeque cum innumera Chriſtianorum  
multitudine & ſacro ligno crucis in Per-  
ſidem abductus eſt. Victo in multis præliis  
Chofroë ab Imperatore Heraclio, pace-  
que inita cum Syroë Chofrois filio &  
ſucceſſore, cujus reſertur pars epiſtolæ ad  
Heraclium lectu dignæ, 256. D. crux  
ſacra reſtituta eſt, & in patriam rediere  
Zacharias, cæterique captivi. Obiit Za-  
charias anno 631. aut ad ſummum 633.  
à 249. C. ad 258. D.
- LVII. Modeſtus, abbas monaſterii ſancti  
Theodoſii in Palæſtina, abducto in Per-  
ſidem Zacharia vices ejus per 14. fere  
annos ejuſdem licentia præclare geſſit.  
Sanctum Anaſtaſium Perſam & marty-  
rem Hieroſolymis baptizavit. Zachariæ  
reſerſo anno 628. adminiſtrationem hu-  
jus eccleſiæ reſtituit, vel fortaiſſis mutuo  
conſenſu ſimul cum illo gerere perrexit  
uſque ad annum 631. aut 633. quo ipſi  
mortuo ſucceſſus, brevi ſedit; deceſſiſſe  
enim videtur anno 633. exeunte. à 258.  
D. ad 264. C.
- LVIII. Sophronius, clariffimus fidei cat-  
holicæ adverſus naſcentem Monotheliſ-  
mum deſenſor, primùm monachus,  
deinde Hieroſolymorum Patriarcha ſub  
finem anni 633. aut ineunte 634. Nihil  
non fecit apud Cyrum Patriarcham  
Alexandrinum, Sergium Patriarcham  
Conſtantinopolitanum, & Honorium  
Papam, ut Monotheliſmus in cunis præ-  
focaretur. In hoc præclaro certamine  
obiit anno circiter 644. à 264. C. ad  
280. A.
- Sedes vacat. *Saracenis Palæſtinas devaſtan-  
tibus, ſanctæ ſedis Romanæ auctoritate  
Patriarcharum Hieroſolymitanorum vi-  
ces geſſerunt*
- Stephanus, Doreniſis epiſcopus, quem  
oppoſuit Theodorus Papa *Sergio* Jop-  
penſi epiſcopo Monotheliſtæ, qui ante  
ordinationem Sophronii, & poſt ejus  
obitum, Heraclii Imperatoris auctoritate  
ſultus, ceu Patriarcha eſſet, epiſcopos in  
toto patriarchatu conſecrabat. à 280. A.  
ad 283. A.
- Joannes, Philadelphię epiſcopus, ex  
commiſſione Martini I. anno 649. aut  
650. à 283. A. ad 288. C.
- Theodorus demum præſbyter, cujus  
nomine anno 680. actis ſynodi vi. ge-  
neralis ſubſcripſit ab eo miſſus *Georgius  
humilis præſbyter S. Chriſti Dei noſtri  
Reſurrectionis, & locum gerens Theodori  
Deo amabilis præſbyteri & locum ſervan-  
tis apoſtolice ſedis Hieroſolymorum, &c.*  
280. C. & 288. C.
- Anaſtaſius quidam, ſubſcriptus etſi le-  
gitur actis ſynodi Trullanæ anno 692.  
ſiſtitiuſ eſt, & omnino expungendus.  
281. B. & 289. E.
- LIX. Joannes V. anno 705. ad ſedem Hiero-  
ſolymitanam evectus eſt. Hujus me-  
minit S. Joannes Damascenus. Succeſ-  
ſorem fortaiſſis habuit aliquem ejuſdem  
nominis, quem cum ipſo nonnulli conſu-  
derint ſcriptores. à 289. E. ad 291. B.
- LX. Theodorus I. eccleſiæ Hieroſolymo-  
rum regimen ſuſcepit anno 752. aut  
etiam 754. 299. D. Vivebat adhuc an-  
no 767. à 291. B. ad 300. C.
- LXI. Eufebius innotescit ex vita duntaxat  
ſancti Madalvæi ſive Madelvei, Vir-  
dunenſis epiſcopi, ſub finem ſæculi xi.  
ab Hugone Flaviniacenſi ſcripta, quæ  
extat apud Labbeum *T. 1. Biblioth.* In  
ea enim legitur hunc epiſcopum, qui obiit  
an. 776. ab *Eufebio* Patriarcha Hieroſo-  
lymitano benigniſſime exceptum, quum  
eò ad ſacra loca viſenda perrexiſſet. à  
300. C. ad 302. E.
- LXII. Elias II. ſedebat Patriarcha Hiero-  
ſolymorum anno 787. ex vita S. Tha-  
raſii; ſed quum in exilium pulſus eſſet à  
Saracenis, opera cujuſdam *Theodori*, qui  
in ejus locum ſubrogari cupiebat, & ob-  
tinuit; ſynodo Nicænæ II. intereſſe non  
potuit eo anno habitæ. Reſtitutus ſuæ  
eccleſiæ Elias adhuc in vivis erat an. 796.  
meſe Martio, nec quantum poſtea vixe-  
rit conſtat. à 302. E. ad 317. B.
- LXIII. Georgius, qui *Gregorius* & *Ser-  
gius* in nonnullis ſcriptis nuncupatur,  
Eliæ Syncellus ipſum excepit. Is, vel ejus  
deceſſor, Patriarcha ille fuit *Hieroſoly-  
mitanus*, à quo miſſus monachus quidam  
an. 799. multas reliquias Carolo Magno  
attulit. Nam *Joannes* à Baronio memo-  
ratus ut Eliæ ſucceſſor plane ſiſtitiuſ eſt.  
Obiit Georgius ante annum 807. elap-  
ſum. à 317. B. ad 323. C.
- Fortunatum, prius Patriarcham Hiero-  
ſolymitanum, poſtea Gradenſem, ac  
abbatem coenobii Medianenſis in Voſa-  
go referunt aliqui ſcriptores, ut qui ad  
Carolus Magnum acceſſerit anno 803.



- Verum *Fortunatus* Patriarcha Gradenfis alius fuit à *Fortunato* abbate Medianensi: neuter autem Patriarcha Hierosolymitanus extitit. *Legatur ea de re dissertatio specialis à 323. C. ad 342. C.*
- LXIV. Thomas Georgio jam suffectus erat anno medio 807. cujus legati Georgius & Felix sub finem mensis Augusti eo anno, simul cum legato Aaronis, regis Persarum, Carolo Magno munera detulere quæ ad eum rex ille mittebat. Tunc coepta disceptatio contra Græcos de processione Spiritus sancti à Filio. Obiit Thomas ante annum 829. à 342. C. ad 363. C.
- LXV. Basilus, simul cum Patriarchis Alexandrino & Antiocheno, epistolam scripsit Theophilo Imperatori pro cultu sacrarum imaginum. Regnare inceperat Theophilus anno 829. die 1. Octob. à 363. C. ad 366. E.
- LXVI. Sergius exeunte anno 842. aut initio sequentis ad sedem Hierosolymitanam assumptus est. Photium & Gregorium Syracusanum anathemate feriit. Obiit demum anno 858. aut 859. à 366. E. ad 369. C.
- LXVII. Salomon, exemplo Photii, ex laico patriarchatum Hierosolymorum iniiit anno circiter 858. obiit vero probabiliter anno 863. aut 864. 362. C.
- LXVIII. Theodosius sive *Theodorus*, Salomonis successor, scripsit anno 867. epistolam sancto Ignatio Patriarchæ Constantinopolitano, cujus sedem Photius invaserat. Eum invisit Bernardus Francus, quum perrexit ad loca sacra, in cujus itinerrario reperitur inter alia plura scitu digna, mentio de miraculo ignis cœlitus accensi quotannis sabbato sancto in lapidibus sancti Sepulchri Dominici. Obiit Theodosius anno 879. ante mensem Novembrem. à 370. C. ad 376. C. De præfato igne vide etiam 492. B.
- LXIX. Elias III. in actis synodi Photianæ anno 879. habitæ mense Novembri refertur ut qui Photio semper adhæserit. Certe, ejus restitutioni, post Ignatii obitum, consensere pro bono pacis non solum ille per suos vicarios, sed & ipse quoque Joannes VIII. Papa, qui ad eam synodum legatos misit. Nimiam quidem hujus Pontificis indulgentiam in Photium occasionem præbuisse fictioni de Joanna Papissa arbitratus est Baronius, verum absque fundamento. Cæterum nec adinventor hujus fabulæ nec promotor fuit Martinus Polonus, Ordinis Præd. à cujus quippe chronico intemerato ea prorsus exulat. *Legenda dissertatio specialis aliis hæcenus datis luculentior, quam fabula illa plenissime confutatur, tum ab ejus assertione purgatur Martinus. à 380. E. ad 460. C. & in appendice à p. 777. 778. ad p. 785. 786.* Elias fuit proculdubio *Abel* ille cujus meminit Pagius ut eo ipso tempore sedentis: nam *Ab. El.* est *Abba Elias*, col. 462. B. C. Obiit autem anno circiter 907. 376. B. & à 460. C. ad 463. E.
- LXX. Sergius II. electus anno 907. obiit anno 911. 463. E.
- LXXI. Leontius sive *Leo*, electus anno 911. obiit anno 927. aut 928. 464. D.
- LXXII. Anastasius, qui & *Athanasius I.* promotus anno 927. aut 928. Is non eodem anno obiit, ut incogitanter scriptum est col. 465. C. saltem id asserere nihil cogit, sive ipsi successerit, ut vult Dositheus Patriarcha recentior, *Nicolaus* quidam, & post Nicolaum Christophorus; sive, expuncto illo Nicolao alias ignoto, eum immediate exceperit Christophorus, cujus episcopatus non innotescit ante annum 937. 465. B.
- LXXIII. Christophorus I. quem *Christodulum* & *Christodorum* varii appellant, sedebat anno 937. in festo Paschatis. 465. D.
- LXXIV. Agatho. 466. B.
- LXXV. Joannes VI. combustus est à Saracenis circa annum 969. Alius ab eo probabiliter extitit *Joannes* ille quem archiepiscopus Antiochiæ in Pisidia Macarius nomine, apud Gandaveses cum sanctitatis fama mortuus anno 1012. refertur in actis vitæ ipsius vidisse Hierosolymis. à 466. C. ad 473. C. Fortassis posterior iste Joannes fuit *Hieremias*, de quo infra.
- LXXVI. Christophorus sive *Christodulus II.* 473. C.
- LXXVII. Thomas II. *ibid.* D.
- LXXVIII. Joseph II. *ibid.* E.
- LXXIX. Alexander II. Antiochia probabiliter Pisidiæ translatus est Hierosolymam sub Basilio Porphyrogeneta, qui regnavit ab anno 975. usque ad annum 1025. 482. B.
- LXXX. Agapius, episcopus Seleuciæ, translatus quoque ad Hierosolymitanam ecclesiam, sedebat tempore Nicolai Chrysobergis Patriarchæ Constantinopolitani, qui hanc sedem tenuit ab anno 983. ad annum 995. *ibid.* & 500. B.
- LXXXI. Hieremias, qui & *Orestes*, fortassis quoque etiam *Joannes* nuncupatus, Hierosolymitanæ ecclesiæ præfuit in fine sæculi x. & initio sequentis. Babylonem deinde adsportatus ibi Martyr occubuit circa annum 1010. à 474. A. ad 482. B.
- LXXXII. Theophilus. 482. D.
- LXXXIII. Arsenius ante annum 1024. præerat ecclesiæ Hierosolymitanæ. Is Theophili sive prædecessor fuit, sive successor, ex vita S. Simeonis monachi & eremitæ ex Armenia oriundi. à 483. A. ad 491. E.
- LXXXIV. Jordanus: hujus meminit Rodolphus Glaber. 491. E.
- LXXXV. Nicephorus sedebat anno 1048. quo basilicam sancti Sepulchri dominici Hierosolymis reparari curavit. à 492. E. ad 496. C.
- Mennas, qui nobis ex Dosithei catalogo solum innotescit. 496. A.
- LXXXVI. Sophronius II. præfuit regi mini ecclesiæ Hierosolymorum anno 1059. ex Alberici chronico. 496. D.
- Marcus II. 497. E.
- LXXXVII. Euthymius. *ibid.*
- LXXXVIII. Simon sive *Simeon II.* sedebat anno 1094. quo Petrum Eremitam admodum hortatus est ut sacram militiam in occidente cogi ad eripiendam Saracenis sanctam civitatem satageret. Obiit in Cyprio insula anno 1099. dum Franci & Latini Hierosolymam obsiderent. 498. B.
- LXXXIX. Sabbas sive Sabas I. *ibid.* C.
- Eucherius I. legitur in Dosithei catalogo, sed alius probabiliter non fuit à *Fulchero*, qui eo tempore sedebat Patriarcha Hierosolymorum ritus Latini. Idem est quoque fortassis ac
- Macarius quidam Hierosolymitanus, cujus lucubrationem adversus Latinos floccificavit Allatius. 501. D.
- XC. Jacobus II. notus ex præfato duntaxat Dosithei catalogo. 502. A.
- XCI. Arsenius II. sedebat an. 1146. *ibid.* B.
- XCII. Joannes VII. seu potius *Nicolaus*, anno 1156. interfuit cuidam synodo Constantinopoli habitæ. *ibid.* C.
- XCIII. Nicephorus II. adfuit alteri synodo etiam Constantinopoli celebratæ anno 1166. 503. C.
- XCIV. Athanasius II. Hierosolymam venit, pulsus ex ea urbe anno 1187. à Salahadino Babylonie rege Latinis. *ibid.* E.
- XCV. Leontius II. 504. D.
- XCVI. Dositheus I. Venetiis natus, ex Patriarcha Hierosolymitano ad sedem Constantinopolitanam translatus est anno 1193. *ibid.*
- XCVII. Marcus II. cognomento *Florus*. 505. E.
- XCVIII. Theophanes I. ecclesiæ Hierosolymorum præfuit exeunte sæculo XII. vel initio sequentis. 506. B.
- XCIX. Gregorius II. *ibid.* C.
- C. Athanasius III. qui à Saracenis occisus est. *ibid.* D.
- CI. Thaddæus sedebat anno 1298. *ibid.* E.
- CII. Sophronius III. 507. A.
- CIII. Athanasius IV. *ibid.* B.
- CIV. Gabriël Brula. *ibid.* D.
- CV. Lazarus ante annum 1332. electus fuerat Hierosolymorum Patriarcha, sed *Gerasimi* cujusdam monachi, qui in ejus locum subrogatus est, calumniis petitis dejectus est à Joanne Patriarcha Constantinopolitano. Hunc in schismate Græcorum pertinacem incassum Galatæ Latini in suburbio Constantinopoleos morantes ad quos confugerat, ad unionem cum Romana ecclesia magnis pollicitationibus hortati sunt, maluit ille in præfati Joannis manibus tradi, à quo tamen honorifice exceptus fuit. Postea vero in suam sedem restitutus ab Ægypti Califa, gravissima tormenta perpeffus est propter Christum ab hujus Califæ successore. Vivebat adhuc anno 1367. quo, una cum Patriarchis Constantinopolitano & Alexandrino, scripsit ad Urbanum V. Papam pro unione Orientalis ecclesiæ cum Romana. à 508. B. ad 513. A.
- CVI. Sophronius IV. obiit ante annum 1387. *ibid.*
- CVII. Dorotheus I. *ibid.* B.
- CVIII. Theophilus II. vivebat adhuc anno 1419. *ibid.* C.
- CIX. Theophanes II. sedit anno 1430. *ibid.* D.
- CX. Joachim florebat tempore synodi Florentinæ, in qua Dositheus Monembasiæ metropolita ejus vices gerens unioni subscripsit. Verum tantum abest ut hanc ratam habuerit Joachim, quin eam potius ipse, ac Patriarchæ Alexandrinus & Antiochenus, diris devoverint. 514. A.
- CXI. Theophanes III. schismaticæ cuicdam synodo Constantinopoli habitæ adversus unionem cum Latinis adfuit & subscripsit. *ibid.* C.
- CXII. Abraham, una cum Patriarchis Alexandrino & Antiocheno, legationem misit ad Pium II. Papam anno 1460. ut communionem Romanam complecterentur. Obiit anno 1468. 515. A.
- CXIII. Jacobus III. Catholicus, obiit anno 1482. 516. A.
- CXIV. Marcus



# INDEX.

ix

CXIV. Marcus III. etiam Catholicus. 516. C.  
 CXV. Gregorius III. fedit annos 36. *ibid.* D.  
 CXVI. Dorotheus II. fedit annos 43. *ibid.* E.  
 CXVII. Germanus. Is patriarchatui cessit senio confectus anno 1579. 517. A.  
 CXVIII. Sophronius V. ē Peloponneso ortus, cessit pariter anno 1608. *ibid.* D.  
 CXIX. Theophanes IV. adfuit anno 1638. synodo Constantinopoli habitae adversus errores Calvinianos Cyrilli Lucaris. Obiit anno 1646. 518. C.  
 CXX. Paisius obiit anno 1660. 519. C.  
 CXXI. Nectarius anno 1672. cessit patriarchatui: adfuit tamen & subscripsit eodem anno synodo Hierosolymitanæ adversus Cyrillum Lucarem. 520. D.  
 CXXII. Dositheus II. synodum præfatam celebravit, cui & interfuit: obiit vero anno 1707. à 522. E. ad 525. E.  
 CXXIII. Chrysanthus obiit anno 1733. à 525. E. ad 528. B.  
 CXXIV. Milatheus euectus est ad sedem Hierosolymorum anno 1733. ante mentem Martium. 528. B.

## Index Præfulum Græcorum Patriarchatus Hierosolymitani, ordine alphabetico.

### A

Abdellas Elufæ. col. 737. C.  
 Abraham Hierosol. 515. A.  
 Acacius Cæsareæ. 559. C.  
 Scythopolis. 688. A.  
 Ælianus Jamniae. 589. C.  
 Æneas Gazæ. 610. C.  
 Aetius Lyddæ five Diospolis, *Arianus.* 583. B.  
 Eleutheropolis. 634. D. & 777. 778. lin. 22.  
 Agapius I. Hierosol. 474. A.  
 II. Cæsareæ. 547. C.  
 Agatho Hierosol. 466. B.  
 Agricolaus Cæsareæ. 547. D.  
 Ajanes five Joannes Sycamazonis. 657. B.  
 Ajax Bethelæ five Betylii. 671. B.  
 Alexander I. Hierosol. 150. D.  
 II. 474. A.  
 Abilæ. 703. B.  
 Alphius Sycamazon. 659. A.  
 Alypius Metrocomias five Bacathorum. 761. A.  
 Amonas seu Samonas Neapolis. 649. B.  
 Amos Hierosol. 246. D.  
 Anania Bethleem. 644. B. & 777. 778. lin. 10.  
 Capitoliadis. 715. C.  
 Anastasius I. Hierosol. 168. B.  
 II. confectus. 281. B.  
 III. 465. B.  
 Cæsareæ. 573. A.  
 Eleutheropolis. 640. B.  
 Gabarum five Gaborum. 702. A.  
 Jotabæ. 712. B.  
 Areopolis. 735. A.  
 Archelaidis. 675. B.  
 Capitoliadis. 715. C.  
 Hierosol. 147. D.  
 Antoninus Lyddæ five Diospolis. 586. E.  
 Ascalonis. 599. C.  
 Pharan five Montis Sinai. 757. D.

### Tomus III.

Antonius Metrocomias five Bacathorum. 763. C.  
 Apollonius Lyddæ five Diospolis. 585. D.  
 Araxius Doarorum. 548. C.  
 Aretas Elufæ. 738. A.  
 Arius five Macarius Petræ. 667. A.  
 Arsenius I. Hierosol. 483. A.  
 II. 502. B.  
 Asclepas five Asclepius Gazæ. 605. E.  
 Asterius Scythopolis. 686. A.  
 Petræ. 723. A.  
 Athanasius I. Hierosol. 503. E.  
 II. 506. E.  
 III. 507. A.  
 Bethleem. 643. B.  
 Scythopolis. 686. A.  
 Athenogenes Petræ. 726. D.  
 Aurelianus Gazæ. 619. A.  
 Auxentius Ascalonis. 598. D.  
 Auxilaus five Auxolaus Parembolæ five Castri Saracenorum. 769. B.  
 Barachius Dororum. 578. E.  
 Sozuxæ. 595. A.  
 Barachus Metrocomias five Bacathorum. 762. A.  
 Basilus Hierosol. 363. C.  
 Hiericho. 655. B.  
 Sycamazonis. 660. A.  
 Tiberiadis. 708. D.  
 Bassus Capitoliadis. 717. A.  
 Benjamin Hierosol. 142. E.  
 Berenianus five Herenianus Myri. 719. A.  
 Beryllus Ailæ. 759. B.  
 Cajanus five Gajanus Gadarorum. 597. A.  
 Cajumas Phoenus vel Phœnon. 747. B.  
 Cajus five Gajus I. Hierosol. 147. A.  
 II. *ibid.*  
 Capito Hierosol. 147. A.  
 Cassianus Hierosol. *ibid.*  
 Charisius Azoti. 661. B.  
 Christodulus Gazæ. 620. E.  
 Christophorus five Christodorus & Christodulus I. Hierosol. 465. D.  
 II. 473. C.  
 Neapolis. 650. B.  
 Sebastes five Samar. 653. B.  
 Chrysanthus Hierosol. 525. E.  
 Cæsareæ. 574. C.  
 Claudius In Palestina. p. 777. 778. lin. 23.  
 Conon Hippi. 710. D.  
 Constantinus five Constantius Sebastes. 652. B.  
 Cornelius Cæsareæ. 534. B.  
 Cosmas Majumæ prope Gazam. 625. B.  
 Scythopolis. 689. E.  
 Pharan five Montis Sinai. 758. C.  
 Cyriacus five Quiriacus Hierosol. 146. B.  
 & 150. C.  
 Cyriacus five Dominicus Diocæsareæ. 714. A.  
 Cyrillus Hierosol. 157. D.  
 Senex Cæsareæ. 561. B.  
 Gazæ. 618. D.  
 Damianus Sozuxæ. 596. B.  
 Demetrius Characmobæ. 729. C.  
 Dionysius Lyddæ five Diospolis. 584. D.  
 Ascalonis. 600. D.  
 Sycamazonis. 658. B.  
 Amathuntis. 716. B.  
 Hierosol. 147. D.  
 Dios

Dolichianus Hierosol. 147. D.  
 Dominicus five Cyriacus Diocæsareæ. 714. A.  
 Dominus Cæsareæ. 567. A.  
 Domnus Cæsareæ. 543. B.  
 Maximiniapolis. 706. A.  
 Dorotheus I. Hierosol. 513. B.  
 II. 516. E.  
 Cæsareæ. 573. C.  
 Lyddæ five Diospolis. 586. E.  
 Anthedonis. 632. A.  
 Nazareth. 696. A.  
 Petræ. 727. A.  
 Dositheus I. Hierosol. 504. E.  
 II. 522. E.  
 Cæsareæ. 574. B.  
 Eleutherius Sebastes five Samariæ. 652. A.  
 Hiericho. 655. A.  
 Elias I. Hierosol. 176. C.  
 II. 302. E.  
 III. 460. C.  
 Cæsareæ. 572. B.  
 Ascalonis. 602. C.  
 Joppes. 628. C.  
 Diocletianopolis. 646. B.  
 Arcopolis. 736. A.  
 Diocletianopolis. 645. A.  
 Elipidius In Palestina. p. 777. 778. lin. 23.  
 Ephrem Hierosol. 143. E.  
 Epictetus Diocletianopolis. 645. B.  
 Epiphanius Raphiæ. 629. B.  
 Eucherius Hierosol. 501. D.  
 Eugenius Pharan five Montis Sinai. 756. C.  
 Eulogius Cæsareæ. 563. E.  
 Eusebius Hierosol. 300. C.  
 Cæsareæ. 548. E.  
 Gadarorum. 597. B.  
 Sebastes five Samariæ. 651. B.  
 In Palestina. pp. 777. 778. lin. 23.  
 Anthedonis. 632. A.  
 Lyddæ five Diospolis. 585. E.  
 Anthedonis. 632. A.  
 Eustochius Hierosol. 299. A.  
 Euthymius Hierosol. 497. C.  
 Eutychius Hierosol. intrusus. 157. D.  
 Eleutheropolis. 636. D.  
 Euzoïus Cæsareæ. 561. B.  
 F  
 Fidus Dororum. 575. A.  
 Joppes. 627. A.  
 Fortunatus Hierosol. 323. C.  
 G  
 Gabriël Brula Hierosol. 507. A.  
 Gajanus Medabæ. 771. A.  
 Gaius five Caius I. Hierosol. 147. A.  
 II. *ibid.*  
 Gelasius I. Cæsareæ. 561. E.  
 II. 567. E.  
 III. 568. D.  
 Georgius Hierosol. 317. B.  
 Tiberiadis. 708. C.  
 Gerasimus Hierosol. 508. B.  
 Germanion Hierosol. 147. E.  
 Germanus Hierosol. 516. E.  
 Neapolis. 647. A.  
 Scythopolis. 694. D.  
 Petræ. 723. A.  
 I. In Palestina. pp. 777. 778. lin. 22.  
 II. *ibid.* lin. 23.  
 Geruntius Hierosol. 168. B.  
 Glycon Cæsareæ. 567. C.  
 Gordius Hierosol. 147. E.

### C



- Gregorius I. Hierosol. 506. C.  
II. 516. D.  
Eleutheropolis. 640. B.  
Hiericho. 655. B.  
Metrocomias five Bacathorum. 761. B.
- H  
Heliodorus Zabulon. 673. B.  
Heracius Hierosol. 157. D.  
Azoti. 661. C.
- Herenianus five Berenianus Myri. 719. A.  
Hermon Hierosol. 154. B.  
Hieremias five Orestes Hierosol. 474. A.  
Hilarius Hierosol. 157. D.  
Hymenæus Hierosol. 152. C.
- I  
Jacobus I. Hierosol. apostolus. 139. A.  
II. 501. D.  
III. 515. A.  
Januarius Hiericho. 653. C.  
Joachim Hierosol. 514. A.  
Joannes I. Hierosol. 142. E.  
II. 161. E.  
III. 185. A.  
IV. 242. A.  
V. 289. E.  
VI. *fictitius*. 319. A.  
VII. 466. B.  
VIII. *ibid.*  
IX. *seu* Nicolaus. 502. C.  
Vicepræful Hierosol. 280. A.  
I. Cæsareæ. 563. B.  
II. 570. C.  
III. 572. E.  
Dororum. 579. B.  
Gadarorum. 597. C.  
Gazæ. 617. E.  
Neapolis. 649. C.  
Hiericho. 655. B.  
*five* Ajanes Symacazonis. 657. B.  
Menoidis. 671. A.  
Scythopolis. 690. E.  
I. Tiberiadis. 708. A.  
II. *ibid.* B.  
Petræ. 726. A.  
I. Augustopolis. 727. B.  
II. 728. B.  
Characmobæ. 731. A.  
Zoarorum *five* Segor. 743. C.  
Phœnus *vel* Phœnon. 748. B.  
Parembolæ *five* Castrî Sarcenorum. 769. C.  
Joannicius Hebronis *five* Chebronis. 641. A.  
I. Pharan *five* Montis Sinai. 758. A.  
II. *ibid.* D.  
Joasaph Pharan *five* Montis Sinai. 747. C.  
Cæsareæ. pp. 775. 776. med.  
Ptolemaidis. *ibid.*  
Polifidonis. *ibid.*  
Jorius Pharan *five* Montis Sinai. 754. A.  
Jordanus Hierosol. 491. E.  
Joseph I. Hierosol. 143. E.  
II. 473. D.  
Jovinus Acalonis. 599. A.  
Irenæus Hierosol. 157. D.  
Cæsareæ. 567. D.  
*five* Irenio Gazæ. 609. E.  
Ifacius Hierosol. 248. A.  
Isidorus Zoarorum *five* Segor. 743. C.  
Judas *five* Justus I. Hierosol. 141. D.  
II. 143. E.  
Julianus I. Hierosol. 147. A.
- Julianus II. Hierosol. 147. A.  
Julius Nicopolis. 593. C.  
Justus Hierosol. *vide* Judas.  
Eleutheropolis. 633. A.  
Juvenalis Hierosol. 164. A.
- L  
Lazarus Hierosol. 508. B.  
Azoti. 662. C.
- Leffrendius Lyddæ *five* Diospolis. 588. A.  
Leontius I. Hierosol. 464. D.  
II. 504. D.  
Sozusa. 595. B.  
Acalonis. 599. B.  
Neapolis. 650. B.  
Montis Thabor. 697. A.  
Libyadis. 655. C.  
Leuonius Neapolis. 650. C.  
Montis Thabor. 698. A.  
Levi Hierosol. 143. E.  
Longinus Nicopolis. 593. A.  
*five* Monginus. Acalonis. 597. D.
- M  
Macarius I. Hierosol. 154. D.  
II. 235. D.  
III. 501. D.  
*five* Arius. Petræ. 667. A.  
Arindela. 728. C.  
Pharan *five* Montis Sinai. 751. C.  
Macer Hiericho. 654. C.  
Macrinus Jamnia. 687. B.  
Eleutheropolis. 634. C.  
Malachias Bethleem. 644. B.  
Manuël Bethleem *five* Betylii. 674. A.  
Marcellinus Diocæsareæ. 713. A.  
Marcianus Gazæ. 618. E.  
Sebastes *five* Samariæ. 652. C.  
Gerarorum. 663. A.  
Jotabæ *five* Jotabes. 711. B.
- Marcus I. Eliæ *five* Hierosol. 145. D.  
II. 496. C.  
III. 505. E.  
IV. 515. A.  
Gazæ. 615. B.  
Marinianus Gazæ. 615. B.  
Marius *five* Marinus Sebastes. 651. A.  
Martyrius Hierosol. 171. E.  
Matthias *five* Matthæus Hierosol. 142. E.  
Matus Gazæ. 619. E.  
Maximus I. Hierosol. 147. A.  
II. *ibid.* D.  
III. 156. C.  
Lyddæ *five* Diospolis. 583. E.  
Maximinianopolis. 703. C.  
Hierosol. 152. A.  
Maximinianopolis. 705. A.  
Mennas Hierosol. 496. C.  
Milatheus Hierosol. 528. B.  
Modestus Hierosol. 258. D.  
Monginus *five* Longinus Acalonis. 597. D.  
Musonius Zoarorum *five* Segor. 743. A.
- N  
Narcissus Hierosol. 147. D.  
Nastri Sebastes *five* Samariæ. 654. A.  
Natræ *five* Netiras, *vel* Netoras Gazæ. 615. B.  
Nectarius Hierosol. 520. D.  
Pharan *five* Montis Sinai. 757. C.  
Neophytus Bethleem. 643. B.  
Netras *five* Nateras Pharan *five* Montis Sinai. 751. A.
- Nicephorus I. Hierosol. 492. E.  
II. 503. C.  
Lyddæ *five* Diospolis. 587. A.  
Nicolaus Hierosol. 465. B.  
Sebastes *five* Samariæ. 651. A.  
Nicostratus Abila. 703. B.
- O  
Olympius Scythopolis. 689. A.  
Orestes *five* Hieremias Hierosol. 474. A.
- P  
Pachorus Nazareth. 695. A.  
Païsius Hierosol. 519. C.  
Gazæ. 620. B.  
Pancratius Libyadis. 655. C.  
Pantaleo Gazæ. 621. A.  
Parthenius Gazæ. 622. A.  
Nazareth. 695. A.  
Exali. 713. B.  
Patritius In Palæstina. pp. 777. 778. lin. 23.  
Patrophilus Scythopolis. 683. A.  
Paulinianus Majumæ prope Gazam. 624. C.  
Anthedonis. 631. A.  
Pellæ. 699. A.  
Maximinianopolis. 703. C.  
I. Aila. 759. C.  
II. 760. C.  
I. In Palæstina. pp. 777. 778. lin. 22. *ibid.* lin. 23.
- Pelagius II. Sebastes *five* Samariæ. 653. B.  
Petrus Hierosol. 189. E.  
*Iberus* Gazæ. 615. B.  
*Iberus* Majumæ prope Gazam. 624. D.  
Jamnia. 587. C.  
Hippi. 709. D.  
Capitoliadis. 718. B.  
Elusa. 738. C.  
Phœnus *five* Phœnon. 748. A.  
Aila. 759. A.  
I. Parembolæ *five* Castrî Sarcenorum. 767. A.  
II. 770. B.  
III. *ibid.* D.  
Gazæ. 603. A.  
Philippus Hierosol. 142. E.  
Scythopolis. 686. A.  
Philumenus Cæsareæ. 661. B.  
Photinus Lyddæ *five* Diospolis. 585. B.  
Photius Pharan *five* Montis Sinai. 752. C.  
Polychronius Antipatridis. 581. A.  
Areopolis. 735. A.  
Porphyrius Gazæ. 610. D.  
Praylius Hierosol. 162. E.  
Pres. pp. 773. 774. lin. 4. *ante finem*.  
Priscianus Sebastes *five* Samariæ. 651. C.  
Procopius Majumæ prope Gazam. 624. E.  
Neapolis. 649. A.  
Helenopolis. 711. D.  
Amathuntis. 716. A.  
Hierosol. 147. A.
- Q  
Quintianus Gazæ. 605. E.  
Quiriacus *five* Cyriacus Hierosol. 146. B. & 150. C.
- R  
Raguël Bethleem. 643. A.  
Romanus Raphiæ. 629. A.



# INDEX.

xj

Rufinus Gabarum *sive* Gaborum. 701. A.  
 Rufus Nicopolis. 593. A.  
 S.  
 Sabbas *sive* Sabas Hierosol. 500. B.  
 Sabinus Acalonis. 598. D.  
 Saïdas Phoenus *sive* Phoenon. 747. A.  
 Salomon Hierosol. 369. C.  
 Salustius Hierosol. 174. B.  
 Samonas *sive* Amonas Neapolis. 649. B.  
 Saturninus Scythopolis. 687. D.  
 Seneca Hierosol. 143. E.  
 Serenianus Myri. 719. A.  
 Sergius I. Hierosol. 366. E.  
 II. 463. E.  
 Cæsareæ. 572. C.  
 Joppes. 628. D.  
 Amathuntis. 715. B.  
 Severianus Scythopolis. 688. C.  
 Simeon *sive* Simon I. Hierosol. 140. C.  
 II. 498. B.  
 Pharan *sive* Montis Sinai. 753. E.  
 Solomon Abilæ. 703. A.  
 Sophronius I. Hierosol. 264. C.  
 II. 496. C.  
 III. 507. A.  
 IV. 513. A.  
 V. 517. D.  
 Stephanus Saripheæ. 629. C.  
 Raphiæ. 630. B.  
 Vicepræful Hierosol. 280. A.  
 Dororum. 579. D.  
 I. Jamniæ. 588. B.  
 II. 590. C.  
 Majumæ Acalonis. 601. D.  
 Menoidis. 672. A.  
 Arad. 729. A.  
 Sylvanus Gazæ. 604. B.  
 Azoti. 659. B.  
 Symmachus Hierosol. 147. A.  
 T  
 Taoussani Elcarak trans Jordanem. pp. 777. 778. lin. 15.  
 Terebinthus Neapolis. 647. B.  
 Thaddæus Hierosol. 506. E.  
 Theoctistus Cæsareæ. 541. B.  
 Theodorus Presbyter, Vicepræful Hierosol. 280. A.  
 I. Hierosol. 291. B.  
 II. Invasor. 302. E.  
 I. Gadarorum. 597. B.  
 II. 598. C.  
 Scythopolis. 692. B.  
 Hippi. 711. A.  
 Petreæ. 726. B.  
 Arindelæ. 727. C.  
 Pharan *sive* Montis Sinai. 753. D.  
 In Palæstina. pp. 777. 778. lin. 22.  
 Theodosius I. Hierosol. intrusus. 164. A.  
 II. 370. C.  
 I. Scythopolis. 687. E.  
 II. 691. C.  
 Amathuntis. 715. A.  
 I. Capitoliadis. 717. B.  
 II. *ibid.* C.  
 Theodotus Joppes. 627. D.  
 Theodulus *sive* Abdellas Elusæ. 737. C.  
 Theophanes I. Hierosol. 506. B.  
 II. 513. D.  
 III. 514. C.  
 IV. 518. C.  
 Theophilus I. Hierosol. 482. D.  
 II. 513. C.  
 I. Cæsareæ. 537. B.

Theophilus II. Cæsareæ. 538. D.  
 Eleutheropolis. 635. E.  
 Theotecnus Cæsareæ. 543. B.  
 Thomas I. Hierosol. 323. C.  
 II. 473. D.  
 Timotheus Cæsareæ. 569. E.  
 Gazæ. 617. E.  
 Archelaidis. 675. A.  
 Tobias Hierosol. 142. E.  
 Turbo Eleutheropolis. 637. E.  
 V  
 Valens Hierosol. 147. D.  
 Parembolæ *sive* Castri Saracenorum. 770. C.  
 Z  
 Zabdas Hierosol. 153. B.  
 Zachæus I. Cæsareæ. 533. A.  
 II. 538. C.  
 Zacharias I. *sive* Zachæus. Hierosol. 142. D.  
 II. 249. C.  
 Dororum. 580. C.  
 Libyadis. 657. A.  
 Pellæ. 699. A.  
 Zebennus Eleutheropolis. 639. A.  
 Pellæ. 697. B.  
 Zenas *sive* Zeno Lyddæ *sive* Diospolis. 581. B.  
 Zeno Majumæ prope Gazam. 621. B.  
 Zenobius Jamniæ. 590. B.  
 Nicopolis. 593. B.  
 Elusæ. 738. C.  
 In Palæstina. p. 777. 778. lin. 23.  
 Zozimus Menoidis. 669. D.  
 Anonymi Præfules Græci Patriarchatus Hierosolymorum.  
 Acconis. pp. 777. 778. lin. 16.  
 Agelonis trans Jordanem. *ibid.*  
 Acalonis. 602. A.  
 Cæsareæ. pp. 777. 778. lin. 16.  
 Elusæ. 735. B.  
 Gazæ. I. 620. A.  
 II. pp. 777. 778. lin. 16.  
 Hozelis prope Montem Sinai. pp. 777. 778. lin. 17.  
 Joppes. *ibid.* lin. 16.  
 Montis Sinai. *ibid.* lin. 17.  
 Tiberiadis. 705. B.

## De Præfulibus Latinis in Oriente.

Patriarchæ ritus Latini creati coeperunt in ecclesiis Constantinopolitana, Antiochena, & Hierosolymitana, postquam illæ urbes in Latinorum potestatem venere. 785. n. 2. C. Sic enim  
 1.º Capta Antiochia anno 1098. hujus urbis sedi, quam anno 1100. sponte dimisit Joannes III. Græcus Patriarcha, præfecerunt Latini Bernardum sui ritus. *ibid.* & 1153. A.  
 2.º Eodem modo Simeoni Patriarchæ Hierosolymorum mortuo in Cypro insula anno 1099. dum ea urbs obsideretur à Latinis, substitutus est eodem anno Arnulphus, & paulopost Daibertus ritus Latini. 785. D. & 1243. A.  
 3.º Demum expugnata Constantinopoli à Francis & Venetis anno 1204. Joanni X. Camatero ejus præfuli Græco Didymothicum sese recipienti succurrunt Latini Thomam Morocenum Venetum illo ipso anno. 786. A. & 796. A.  
 Idem non videtur dicendum de sede

Alexandrina: utpote quum eam urbem principes Latini vix possederint. Hinc Alexandrinorum præfulum Latini ritus nullus reperitur qui in illa civitate degerit, vel hanc revera administraverit ecclesiam. 786. B.

Hi Patriarchæ Latini, ut pallium recipiebant à Romano Pontifice, sic & edonabant metropolitanos atque archiepiscopos sibi subditos: non tamen ipsis fas erat episcopos suæ ditionis de una ecclesia transferre ad aliam. 791. A. E.

## Ecclesiæ præfulum Latinorum in Oriente, ordine alphabetico.

Abienfis, sedes duplex Waddingo; una sub Patriarcha Constantinopolitano, 1113. 1114. altera sub Antiocheno. 1237. 1238.  
 Abydus, *vide* Aveo.  
 Acco, *sive* Ptolemais, *vide* sub patriarchatu Hierosolymorum.  
 Actonensis sedes, Waddingo Naupacti suffraganea sub Patriarcha Constantinopolitano. 1001. 1002.  
 Adrimitana, suffraganea Cyzici sub Patriarcha Constantinopolitano. 943. 944.  
 Ægina, insula parva in mari Ægeio & sinu Saronico, suffraganea Athenarum sub Patriarcha Constantinopolitano. 869. 870.  
 Ælia, *vide* Hierosolymam, sub patriarchatu Hierosolymorum.  
 Agathopolis, urbs Thraciæ, suffraganea Hadrianopolis sub Patriarcha Constantinopolitano. 963. 964.  
 Agienfis ecclesia, *sive* Agria, in Creta insula, unita sedi episcopali Cydoniæ Canea dictæ, sub Patriarcha Constantinopolitano. 923. 924. & 926. B.  
 Ajacium, in Ciliciæ extrema ora maritima. 1115. 1116.  
 Albaria, suffraganea Apameæ, sub Patriarcha Antiocheno. 1191. 1192.  
 Aleppus, olim Berrhoea, urbs Syriæ in Cyrrhestica regione, sub Patriarcha Antiocheno. 1237. 1238.  
 Aleffo, *vide* Lissus.  
 Alexandria, sedes patriarchalis, & Ægypti caput, ab Amalrico III. Hierosolymorum rege capta est an. 1167. in gratiam Amiralii Babylonæ, cui eam restituit: & iterum à Petro rege Cypri anno 1365. qui eam statim deferuit. 1141. 1142.  
 Amyclæ, olim Lemnæ, numero plurali, nunc Vordonia, ad Montis Taygeti radices, sedes episcopalis suffraganea Veterum Patrarum, hodie vero Lacedæmonis, sub Patriarcha Constantinopolitano. 1031. 1032.  
 Andrevilla, suffraganea Patrarum. 1043. 1044.  
 Andrus, freto divisa ab Eubœa australi, nunc subest archiepiscopo Paro-Naxienfi. 861. 862.  
 Angyra *sive* Ancyra, suffraganea Hierapolis in Phrygia Pacatiana. 977. 978.  
 Eadem est ac ecclesia Auguriensis, subinde perperam repetita 1115. 1116.  
 Antaradus *sive* Tortosa, urbs Phœnices, in ora maris Syrii, quæ in potestatem Latinorum venit anno 1098. subest autem Patriarchæ Antiocheno. 1169. 1170.  
 Antigonis, *vide* Croia.  
 Antiochia, cognomento Magna, sedes patriarchalis, urbs Syriæ quondam primaria, quæ capta est à Latinis anno



1098. die 28. Junii. 1153. 1154.  
 Apamea, urbs Syriæ, sedes metropolitana  
 Syriæ secundæ, sub Patriarcha Antio-  
 cheno. 1187. 1188.  
 Araclea, vide Heraclea.  
 Arcæ, urbs Armeniæ secundæ, sub Meli-  
 tene metropoli. 1115. 1116.  
 Arcadia, urbs Cretæ insulæ, suffraganea  
 Candia, sub Patriarcha Constantinopo-  
 litano. 919. 920.  
 Argos, urbs Peloponnesi, suffraganea Co-  
 rinthi. 897. 898.  
 Arienfis ecclesia in Creta insula, sub Can-  
 dia. 931. 932.  
 Armalech, civitas apud Medos. 1359.  
 1360.  
 Arfinoë, vide Famagusta.  
 Artesia, olim *Arethusa*, suffraganea Apa-  
 mæ, sub Patriarcha Antiocheno. 1189.  
 1190.  
 Ascalon, vide sub patriarchatu Hierosoly-  
 morum.  
 Ascartan in Moscovia. 1134. B.  
 Aspahamum, alias *Aspa*, & *Hispahan*, urbs  
 inclyta Persidis in provincia Hierach, à  
 multis *Aspahan* & *Haspachan*, sive *Spa-  
 han* dicta. 1389. 1390.  
 Athenæ, numero plurali, ea urbs jam erat  
 juris Latinorum anno 1208. olim vero  
*Cecropia* nuncupabatur, & erat Atticæ  
 regionis caput. 837. 838.  
 Aveo, olim *Abydus*, urbs Phrygiæ mino-  
 ris seu Mysiæ, in ora Bosphori Thracici,  
 suffraganea Cyzici, nunc metropolis.  
 1115. 1116.  
 Auguriensis ecclesia, vide Angyra.  
 Aureliopolis, urbs Asiæ minoris, suffraga-  
 nea Ephesi. 959. 960.  
 B  
 Baccovia sive Backow, urbs Moldaviæ  
 ad Arabium fluvium, ad eam quippe  
 translata est à Clemente VIII. sedes epi-  
 scopalis Ceretensis. 1117. 1118.  
 Badicensis ecclesia in Creta insula. 940. B.  
 Bagdadum, alias *Baudras*, & etiam *Seleu-  
 cia*, nunc *Bagdad* & *Baghdet*, urbs Asiæ  
 dives in provincia Yerack, quæ ex ruinis  
 Babylonis crevit. 1391. 1392.  
 Balanea, in ora maris Phoenicii, suffraganea  
 Apamæ, sub Patriarcha Antiocheno.  
 1189. 1190.  
 Bassora, olim *Teredon*, urbs Asiæ, in con-  
 finio provincie Yerach. 1389. 1390.  
 Berisse, quæ in notitiis *Bressæ*, *Cerisse*, &  
*Merisse* nuncupatur, suffraganea Sebas-  
 tes in Armenia, sub Patriarcha Constan-  
 tinopolitano. 1071. 1072.  
 Berratinensis ecclesia, in insula Lesbos.  
 994. C.  
 Berytus, vide sub patriarchatu Hierosoly-  
 morum.  
 Bethlehem, vide sub patriarchatu Hieroso-  
 lymorum.  
 Bizanthe, vide Redæstum.  
 Bizya, nunc *Vize*, cis Rhodopen, archi-  
 episcopalis sub Patriarcha Constantino-  
 politano. 975. 976.  
 Bosporus vel Bosphorus, sive *Vosprus*, &  
*Vospero*, urbs Tauricæ Chersonnesi ver-  
 sus Mæotim paludem. 1111. 1112.  
 Bosra, vide sub patriarchatu Hierosoly-  
 mitano.  
 Buthrotum, sive *Botrontum*, Naupacti suf-  
 fraganea, sub Patriarcha Constantinopo-  
 litano. 995. 996.  
 Byblus, hodie *Giblet* sive *Zibellet*, olim  
*Evea*, urbs Phoenices sub Patriarcha An-  
 tiocheno. 1177. 1178.

Cæsarea, olim *Mazaca*, in Cappadocia,  
 metropolis, sub Patriarcha Constantino-  
 politano. 877. 878.  
 Cæsarea, in Bithynia, suffraganea Nico-  
 mediæ, sub Patriarcha Constantinopoli-  
 tano. 1021. 1022.  
 Cæsarea, in Palæstina, vide sub patriar-  
 chatu Hierosolymitano.  
 Caffa sive *Capha*, urbs Tartariæ minoris,  
 in Taurica Chersonneso. 1103. 1104.  
 Cairus, olim *Memphis*, ad Nilum fluvium,  
 ex adverso Babylonis. 1149. 1150.  
 Calamonia, in Creta insula, sub Candia me-  
 tropoli. 921. 922.  
 Callipolis, nunc *Gallipoli*, suffraganea He-  
 racleæ. 971. 972.  
 Camachus, urbs Ciliciæ, nunc *Chemach*  
 dicta, in confinio Armeniæ minoris, sub  
 Patriarcha Constantinopolitano. 1107.  
 1108.  
 Cambalum sive *Cambalu*, urbs Asiæ, Ca-  
 taie regionis caput, quæ *Pechinum* sive  
*Peking* esse existimatur in imperio Sina-  
 rum. 1345. 1346.  
 Candavia, nunc *Canovia*, urbs Macedo-  
 niæ, suffraganea Dyrrachii, sub Patriar-  
 cha Constantinopolitano. 957. 958.  
 Candia sive *Candacum*, olim *Matium*, in  
 Creta insula, Gortyna destructa, evasit  
 metropolis totius insulæ. 907. 908.  
 Cantia, olim *Cantanus*, in Creta insula, suf-  
 fraganea Candia. 929. 930.  
 Cardicensis ecclesia, cujus meminit Inno-  
 centius III. 979. 980.  
 Carin, vide Cyrrhus.  
 Castoria, suffraganea Thebarum, sub Pa-  
 triarcha Constantinopolitano. 1087.  
 1088.  
 Cataia, regio Asiæ, pars septentrionalis im-  
 perii Sinarum, urbs ejus *Cayton* sedes fuit  
 episcopalis. 1355. 1356.  
 Cea sive *Ceos*, nunc *Zea*, una insularum  
 Cycladum, suffraganea olim Athenarum,  
 nunc Paro-Naxiæ. 867. 868.  
 Cecropia, vide Athenæ.  
 Cephallenia sive *Cephalonia*, insula maris  
 Ionii, suffraganea Corinthi, deinde Cor-  
 cyræ. 889. 890.  
 Ceraunia, nunc *Cerines*, in insula Cypro,  
 suffraganea Nicosiæ. 1229. 1230.  
 Ceretense oppidum, in Moldavia, cujus se-  
 des episcopalis erecta est an. 1370. deinde  
 Baccoviam translata. 1117. 1118.  
 Cerisse, vide Berisse.  
 Chalcedon, urbs Asiæ minoris, in qua sy-  
 nodus IV. generalis habita est, suffraga-  
 nea Nicomediæ. 1017. 1018.  
 Chalcis, vide Negroponte.  
 Chemach, vide Camachus.  
 Chersonnesus sive *Cherronnesus*, quod  
 idem sonat ac *peninsula*, urbs Thraciæ,  
 suffraganea Heracleæ. 973. 974.  
 Chersonnesus altera, urbs Tauricæ Cher-  
 sonnesi exilio & passione S. Clementis  
 Papæ celebris. 1111. 1112.  
 Chersonnesus tertia, vulgo *Chironis*, in  
 Creta insula, nunc *Spinalonga*, suffra-  
 ganea Candia. 915. 916.  
 Chios sive *Chius*, insula in mari Egæo,  
 suffraganea Rhodi: Episcopus Latini ri-  
 tus subest Naxiæ. 1061. 1062.  
 Chironis, vide Chersonnesus Cretæ.  
 Chitro, vide Cithron.  
 Christianopolis, olim *Megalopolis*, suffra-  
 ganea Corinthi, deinde metropolis ef-  
 fecta. 905. 906.  
 Christopolis, urbs Macedoniæ versus Thra-

ciam, suffraganea Philippi, postea me-  
 tropolis. 1047. 1048.  
 Chrysopolis, vide sub patriarchatu Hiero-  
 solymorum.  
 Cissamia sive *Cisamus*, sedes episcopalis in  
 Creta insula sub Candia metropoli. 927.  
 928.  
 Cithonia sive *Sithonia* & *Cythnus*, olim  
*Ophiosa* & *Driopis*, insula est maris  
 Egæi versus oram Atticam, sedes epi-  
 scopalis sub Athenis metropoli. 871.  
 872.  
 Cithron sive *Citrum*, nunc *Chitro*, olim  
*Pydna*, in Pieria, sedes episcopalis sub  
 Thessalonica, deinde metropolis effecta.  
 1095. 1096.  
 Columbum sive *Columbo*, urbs Indiæ intra  
 Gangem, in parte occidentali insulæ  
 Ceylan, & regni cognominis caput.  
 1371. 1372.  
 Constantia, suffraganea Edeßæ, in patriar-  
 chatu Antiocheno. 1239. 1240.  
 Constantia altera, sive *Constantine* & *Con-  
 stantina*, suffraganea Bostorum. *ibid.*  
 Constantinopolis, antea *Byzantium*, nunc  
*Stamboul* Turcis, ad Bosphorum Thra-  
 cicum, a Constantino magno valde aucta,  
 sedes patriarchalis; quatuor conciliis œcu-  
 menicis in ea habitis, II. nimirum, V.  
 VI. & VIII. celeberrima. Hæc à Francis  
 & Venetis capta est annis 1203. & 1204.  
 a Græcis autem recuperata anno 1261.  
 in potestatem demum Turcarum venit an-  
 no 1453. ex quo regia est ipsorum im-  
 perii. 793. 794.  
 Corcyra sive *Corfu* & *Corfou*, insula maris  
 Ionii, sub dominio Venetorum, sedes est  
 archiepiscopalis. 877. 878.  
 Corinthus, urbs Peloponnesi in Achaia,  
 isthmo insidens, ecclesia metropolis.  
 883. 884.  
 Coronea, urbs Boeotiæ, nunc *Corone* dicta,  
 suffraganea Athenarum. 857. 858.  
 Coronea altera, sive *Corone* & *Coron*, urbs  
 Peloponnesi, suffraganea Patrarum Ve-  
 terum. 1035. 1036.  
 Corycus sive *Corycium*, urbs Ciliciæ in Asia  
 minori, sedes archiepiscopalis sub patriar-  
 chatu Antiocheno. 1197. 1198.  
 Croia, urbs Albanie caput, olim *Antigo-  
 nia* dicta, & *Eribæa*, suffraganea Dyrr-  
 rachii. 953. 954.  
 Cronensis ecclesia, suffraganea Naupacti.  
 1001. 1002.  
 Crunos, vide Dionysopolis.  
 Cumanorum ecclesia, ad fines Hungariæ.  
 1121. 1122.  
 Cyrene, urbs Cyrenaicæ regionis prima-  
 ria, nunc regni *Barca* dicti caput, sedes  
 archiepiscopalis sub Patriarcha Alexan-  
 drino. 1151. 1152.  
 Cyrrhus sive *Cyrrhos*, nunc *Quars* seu *Ca-  
 rin*, urbs Syriæ in Cyrrhestica, sedes pri-  
 mum episcopalis sub Hyerapoli in pa-  
 triarchatu Antiocheno; deinde metropo-  
 lis. 1193. 1194.  
 Cytæum, vide Sitia.  
 Cythnus, vide Cithonia.  
 Cyzicus in Mysia Asiatica, quæ non con-  
 fundenda est cum Mœsia in Europa.  
 941. 942.  
 D  
 Damelantensis ecclesia, suffraganea Co-  
 rinthi. 897. 898.  
 Damiatia, ex ruinis Pelusii erecta, sedes ar-  
 chiepiscopalis, sub patriarchatu Alexan-  
 drino. 1145. 1146.  
 Dancala, urbs primaria Nubiæ regionis,  
 versus



versus Nilum & Nubiam fluvios. 1413.  
1414. nonnullis *Dungala* appellatur.  
*Davalia*, quæ & *Daulium*, *Daulis* & *Daulia*, urbecula Phocidis in Achaia, suffraganea Athenarum. 853. 854.  
*Demetrias*, urbs Thessaliæ in Magnesia, suffraganea Larissæ, facta deinde metropolis. 983. 984.  
*Diagorgana*, urbs Persidis, & sedes episcopalis. 1377. 1378.  
*Diataraga*, urbs quoque Persidis, & sedes episcopalis. 1387. 1388.  
*Dimicus*, nunc *Domochi*, urbs Thessaliæ, suffraganea Larissæ. 981. 982.  
*Dimitacensis ecclesia*, sedes episcopalis sub Patriarcha Constantinopolitano. 1123. 1124.  
*Dimitrienſe oppidum*, nunc *Sancti Dimitri*, sedes episcopalis sub Epheso. 959. 960.  
*Diocæsarea*, urbs Ciliciæ Asperæ in Asia minori, suffraganea Seleuciæ Isauriæ, sub Patriarcha Antiocheno. 1239. 1240.  
*Dionysias*, vide sub patriarchatu Hierosolymorum.  
*Dionysiopolis* five *Dionysopolis*, antea *Crunos*, eadem quibusdam ac *Varna* & *Tiberiopolis*, vel fortassis in unum coaluerunt episcopatum. 1121. 1122.  
*Diospolis*, vide sub patriarchatu Hierosolymorum.  
*Domochi*, vide *Dimicus*.  
*Driopis*, vide *Cithonia*.  
*Drusipara*, vide *Misnum*.  
*Dyrrachium*, prius *Epidamnus*, nunc *Durazzo*, urbs Illyricæ, sedesque archiepiscopalis in Albania. 949. 950.  
E  
*Edessa*, Arabibus *Rhea*, *Rohas*, & *Orrohai* dicta, urbs Mesopotamiæ, inter Aleppum & Amidam, ecclesia metropolis sub Patriarcha Antiocheno. 1185. 1186.  
*Ephesus*, urbs maritima Asiæ minoris, in Ionia provincia, sedes archiepiscopalis. 957. 958.  
*Epidamnus*, vide *Dyrrachium*.  
*Epidauros Limera*, vide *Malvasia*.  
*Eriboea*, vide *Croia*.  
F  
*Famagusta*, olim *Arfinoë*, sedes episcopalis sub Candia metropoli, in insula Cypro. 1219. 1220.  
*Fochia*, vide *Phocæa*.  
G  
*Gabala* five *Gabula*, nunc *Gibel* dicta, urbs Coelesyriæ, sub Patriarcha Antiocheno. 1169. 1170.  
*Gallipolis*, vide *Callipolis*.  
*Gemiscata*, vide *Semiscata*.  
*Gibel*, vide *Gabala*.  
*Giblet*, vide *Byblus*.  
*Gilas*, suffraganea Corinthi. 897. 898.  
*Gimenes*, suffraganea Corinthi. *ibid.*  
H  
*Hadrianopolis*, antea *Uscudama*, *Orestia* & *Orestias*, nunc *Andrinopoli*, urbs Thraciæ ad Hebrum fluvium, ecclesia metropolis sub Patriarcha Constantinopolitano. 961. 962.  
*Haspahan* five *Haspachan*, vide *Aspahanum*.  
*Hebron*, vide sub patriarchatu Hierosolymorum.  
*Heraclæa*, olim *Perinthus* & *Migdonia* dicta, nunc *Heraclia* & *Araclia*, urbs archiepiscopalis sub Patriarcha Constantinopolitano. 965. 966.  
*Hierapetra*, olim *Hierapytna* & *Hiera-*  
*Tom. III.*

*pydna*, nunc *Gerapetra*, urbs Cretæ insulæ, suffraganea Candia. 939. 940.  
*Hierapolis*, urbs Phrygiæ Pacatianæ, quæ, ea divisa in duas provincias ecclesiasticas ejusdem nominis, in hujus posterioris metropolim data est sub patriarchatu Constantinopolitano. 977. 978.  
*Hierapolis altera*, urbs Phrygiæ Salutaris, sub Synnadis metropoli in eodem patriarchatu. 1123. 1124. ubi *lin. 16. pro indicatis paginis 375. 377. & 390. legendum est suo ordine 338. 366. & 380.* Certe duplicem extitisse *Hierapolim* in Phrygia, quarum quidem prior metropolis fuit alterius provinciæ Pacatianæ five Cappatianæ ab ea cujus metropolis Laodicea erat, posterior vero suffraganea fuit Synnadorum metropolis provinciæ Phrygiæ Salutaris, palam fit ex laudatis notitiis: In prima quippe, p. 338. loco 34. in secunda, p. 366. n. 34. & in tertia, p. 380. n. 41. inter metropoles, *Hierapolis* recensetur, de qua rursus, p. 402. n. 42. habetur, ob mutationem inductam ab Andronico Palæologo circa metropoles, *Hierapolim* ex 41. loco ad 49. descendisse. Item sub Synnadis, in prima, p. 346. loco 9. in secunda, pag. 376. loco 12. & in tertia, p. 389. loco 9. inter ecclesias hujus metropolis suffraganeas reponitur *Hierapolis*, à priore subinde diversa. Tandem præfata prior *Hierapolis* designatur metropolis provinciæ Phrygiæ Cappatianæ alterius ab ea cui *Laodicea* præerat: nam in prima, p. 338. n. 22. extat *Laodicea*, & n. 34. *Hierapolis*; similiter, p. 346. *Laodicea*, pag. 349. *Hierapolis*. In secunda, p. 366. n. 22. *Laodicea*, n. 34. *Hierapolis*; & p. 375. n. 21. *Laodicea*, p. 378. n. 33. *Hierapolis*. In tertia, denique p. 379. n. 22. *Laodicea*, p. 380. n. 41. *Hierapolis*; & p. 389. n. 22. *Laodicea*; p. 395. n. 41. *Hierapolis*. Duplex itaque in Phrygia *Hierapolis*.  
*Hierapolis tertia*, urbs Syriæ, dicta olim *Bambyce*, *Menba* five *Manba*, vulgo *Menbigium* & *Menbigz*, archiepiscopalis sub Patriarcha Antiocheno. 1193. 1194.  
*Hierosolyma*, vide sub ejus patriarchatu.  
I  
*Icaria*, vide *Nizeria*.  
*Joppe* five *Jaffa*, vide sub patriarchatu Hierosolymitano.  
K  
*Kernicensis ecclesia*, cujus meminit Innocentius III. 953. 954.  
*Kiovia*, *Kiov* incolis, ad Borystenem fluvium, nunc subest Moscæ. 1125. 1126.  
L  
*Lacedæmon*, prius *Sparta*, suffraganea Corinthi. 901. 902.  
*Lædoricium* five *Loedoricium*, suffraganea Larissæ. 987. 988.  
*Laodicea*, urbs Syriæ, *Rhamatâ* Hebræis, sedes archiepiscopalis sub Patriarcha Antiocheno. 1165. 1166.  
*Larissa*, nunc *Larizza*, urbs Thessaliæ præcipua, sedes metropolitica sub Patriarcha Constantinopolitano. 979. 980.  
*Larissa*, nunc *Laris*, urbs Syriæ, suffraganea Apamæ sub patriarchatu Antiocheno. 1191. 1192.  
*Larnicensis* in Cypro insula. 1232. D.  
*Lavatensis ecclesia*, suffraganea Neopatriæ. 1015. 1016.

*Lepanto*, vide *Naupactus*.  
*Leucosia*, vide *Nicosia*.  
*Leuctrum*, vide *Mayna*.  
*Libariensis ecclesia*, suffraganea Cyzici in Hellesponto. 943. 944.  
*Limisso*, vide *Nemofia*.  
*Lissus* five *Elissus*, urbs Illyrici in Macedonia confinio, nunc *Alessio* dicta, suffraganea Dyrrachii. 955. 956.  
*Lochrida*, vide *Prisca*.  
*Lucucensis ecclesia*, suffraganea Matrigensis in regno Zecchiæ. 1113. 1114.  
*Lydda*, vide *Diospolis*, sub patriarchatu Hierosolymitano.  
M  
*Macræ*, olim *Orthagoria* & *Stagira*, nunc *Libanova* & *Macra*, urbs Macedoniae, & sedes archiepiscopalis sub Patriarcha Constantinopolitano. 989. 990.  
*Malvasia*, olim *Epidauros Limera*, id est Pratenſis five Portuenſis, *Monembasia* quoque dicta, urbs Peloponnesi in Laconia, suffraganea Corinthi, deinde archiepiscopalis facta. 895. 896.  
*Mamistra* five *Malmistra*, quæ ipsa est *Mopsuestia*, urbs Ciliciæ in Asia minori, ecclesia metropolis sub Patriarcha Antiocheno. 1197. 1198.  
*Maraga*, urbs Aderbiganæ, ad occasum Taurisii in Perside. 1393. 1394.  
*Mariamme*, suffraganea Apamæ in Syria, sub Patriarcha Antiocheno. 1193. 1194.  
*Marmora*, vide *Præconneſus*.  
*Matium*, vide *Candia*.  
*Matrigensis ecclesia*, sedes archiepiscopalis in Taurica Cherſonneſo, sub Patriarcha Constantinopolitano. 1111. 1112.  
*Mayna*, olim *Leuctrum* five *Leuctra*, ad radices Taygeti montis in Laconia, sedes suffraganea Corinthi. 903. 904.  
*Mazaca*, vide *Cæsarea Cappadociæ*.  
*Medensis ecclesia*, initio sæculi XIII. suffraganea erat Veriſienſis metropolis. 1101. 1102.  
*Megalopolis*, vide *Christianopolis*.  
*Megara*, urbs media inter Peloponnesum, Atticam & Boeriam, suffraganea Athenarum. 849. 850.  
*Melos*, insula maris Ægæi, nunc *Milo*, suffraganea Rhodi. 1055. 1056.  
*Memphis*, vide *Cairus*.  
*Menbigium*, vide *Hierapolis Syriæ*.  
*Merisse*, vide *Berisse*.  
*Methone*, nunc *Modon*, in provincia *Belvedere*, suffraganea Veterum Patrarum. 1031. 1032.  
*Metracha*, vide *Zichia*.  
*Milopotamia*, in Creta insula, suffraganea Candia; hanc Niger cenſet fuiſſe *Pantomatium* veterum. 933. 934.  
*Misnum* five *Mizinum*, olim *Drusipara* & *Dryſipara*, nunc *Misni*, suffraganea Heraclææ. 971. 972.  
*Mitylene*, urbs insulæ Lesbos unius Cycladum, ecclesia metropolis sub Patriarcha Constantinopolitano. 991. 992.  
*Modon*, vide *Methone*.  
*Monembasia*, vide *Malvasia*.  
*Mons Sinai*, vide *Pharan*, sub Patriarcha Hierosolymitano.  
*Mopsuestia*, vide *Mamistra*.  
*Moscua* five *Moscha*, urbs *Moscoviæ* regionis dictæ etiam *Russia Magna* & *Nigra*. 1129. 1130.  
*Myconos*, vide *Tenos*.  
N  
*Naksivan* five *Nascivan*, ad radices montis  
d



- Ararath in Imperio Persidis. 1403. 1404.
- Natura, sedes episcopalis sub Patriarcha Constantinopolitano. 1133. 1134.
- Navarzana five *Naharvana*, urbs episcopalis in Perside. 1387. 1388.
- Naupactus five *Lepanto*, urbs Ætolia, ecclesia metropolis. 993. 994.
- Naxia, vide *Paro-Naxia*.
- Nazareth, vide sub patriarchatu Hierosolymorum.
- Nazoresca, suffraganea Larissæ, sub Patriarcha Constantinopolitano. 985. 986.
- Nea five *Nio*, insula parva inter Lemnum & Hellespontum. 1135. 1136.
- Negroponte, olim *Chalcis*, in Eubœa insula, primum sedes episcopalis suffraganea Athenarum, deinde metropolis facta sub Patriarcha Constantinopolitano. 843. 844.
- Nelia, in Thessalia, sedes episcopalis, sub patriarchatu Constantinopolitano. 1135. 1136.
- Nemofia, antea *Neapolis*, ex ruinis *Lemissi* five *Amathuntis* urbis insulæ Cypri in *Lemissum Novam* assurrexit, & dicta est *Limocium*, *Limiconium*, *Nemonicium*, *Nimocium*, *Nemofia*, *Lemissus* aut *Lemissum* & *Limisso*: suffraganea Candia metropolis. 1223. 1224.
- Neopacensis ecclesia, metropolis sub Patriarcha Constantinopolitano. 1011. 1012.
- Neopatria five *Novæ Patræ*, ad distinctionem *Veterum Patrarum*, ecclesia metropolis sub Patriarcha Constantinopolitano. 1013. 1014.
- Nicomedia, urbs Asiae minoris, & ecclesia metropolis sub Patriarcha Constantinopolitano. 1017. 1018.
- Nicopolis, nunc *La Preveza*, ad oram maris Ionii inter *Coregram* & *Leucadem* insulas, sedes episcopalis sub Naupacto. 997. 998.
- Nicopolis altera five *Emmaüs*, vide sub patriarchatu Hierosolymorum.
- Nicosia, olim *Leucosia*, *Ledrum* seu *Ledra*, & *Leutheon*, ecclesia metropolis præfulum Latinorum in Cyprio insula. 1201. 1202.
- Nizeria, quæ & *Icaria*, nunc *Nicouri*, insula maris Ægæi, in qua urbecula extat ejusdem nominis, suffraganea Rhodi. 1053. 1054.
- O
- Ochia five *Ochio*, in insula Niphonia Imperii Japoniæ. 1413. 1414.
- Olenus five *Olonus*, urbs Achaia in Peloponneso, suffraganea Veterum Patrarum. 1041. 1042.
- Ophioia, vide Cithonia.
- Orrhoai, vide Edeffa.
- Ortosias five *Sarchais*, urbs Phœnices, suffraganea Tyri, sub Patriarcha Antiocheno. 1239. 1240.
- P
- Pactorem Portus, vide Symbolon.
- Paneas five *Cæsarea Philippi*, vide sub patriarchatu Hierosolymorum.
- Panidensis ecclesia, sub Patriarcha Constantinopolitano. 965. 966.
- Paphos, urbs Cretæ insulæ, sub Candia metropoli. 1215. 1216.
- Parium, urbs Myriae minoris in Asia minori, sedes episcopalis sub Patriarcha Constantinopolitano. 945. 946.
- Paro-Naxia, in unam metropolim conflata ex insulis *Paros* & *Naxia* in mari Ægæo, quarum prior suffraganea erat posterioris. 1101. 1102.
- Patræ Veteres, antea *Aroë*, vulgo *Patras*, urbs Achaia in Peloponneso, ecclesia metropolis. 1023. 1024.
- Pergamus, urbs Myriae majoris, suffraganea Ephesi. 957. 958.
- Pergetensis ecclesia in Lycaonia. 1135. 1136.
- Peristacium, nunc *Peristasi*, urbs Thraciæ ad Propontidem, suffraganea Heracleæ. 975. 976.
- Petra, vide sub patriarchatu Hierosolymorum.
- Præconnesus five *Marmora*, insula est Asiae minoris in Propontide, suffraganea Cyzici. 945. 946.
- Preveza (*La*), vide Nicopolis.
- Philippi, urbs Macedoniæ in Thraciæ confinio, & ecclesia metropolis sub Patriarcha Constantinopolitano. 1045. 1046.
- Phocæa, vulgo *Fochia*, seu *Fojavechia*, & *Foglia*, urbs Æolidis in ora maris Ægæi, suffraganea Smyrnarum. 1077. 1078.
- Prisca five *Lochrida*, & *Justiniana prima*, suffraganea Dyrrachii, nunc sedes archiepiscopalis sub patriarchatu Constantinopolitano. 953. 954.
- Pydna, vide Cithron.
- Q
- Quars, vide Cyrrhus.
- R
- Redæstum, quæ & *Bisanthe*, nunc *Rodofto*, urbs Thraciæ ad Propontidem, suffraganea Heracleæ. 973. 974.
- Reonensis ecclesia, suffraganea Athenarum. 875. 876.
- Rhoa five *Rohas*, vide Edeffa.
- Rhodus, olim *Ophiusa*, *Telchinis*, *Asteria*, *Æthraea*, *Trinacria*, *Carymbia*, &c. insula Asiae minoris in mari Carpathio, ecclesia metropolis, ex cujus celebri Colosso *Colossenses* sæpe denominantur Rhodii præfules. 1049. 1050.
- Rodofto, vide Redæstum.
- Rusium, nunc *Russo*, urbs Thraciæ cis Rhodopen, sedes episcopalis sub Trajanopoli. 1097. 1098.
- Rutenorum ecclesia, in Russia Rubra. 1137. 1138.
- S
- Saba, vide Sabas, sub patriarchatu Hierosolymorum.
- Salmasia five *Salmastrum*, & *Salamas*, urbs Aderbiganæ, in Perside. 1383. 1384.
- Salona, olim *Amphysa*, & *Amphissa*, suffraganea Athenarum, minime confundenda cum *Salona* in Dalmatia, cujus sedes translata est anno 650. ad civitatem *Spalatro*. 873. 874.
- Salonichi, vide Thessalonica.
- Santerini five *Sant-Erini*, quasi *Sandæ Helenæ*, olim *Therasia*, insula maris Ægæi, suffraganea ecclesiæ *Paro-Naxiensis*. 1107. 1108.
- Sarai, urbs non longe à civitate Tana in finibus Ponti Euxini. 1107. 1108.
- Sarchais, vide Ortosias.
- Sardes, regia Cræsi Lydorum regis, ecclesia metropolis sub Patriarcha Constantinopolitano. 1067. 1068.
- Sarepta, vide sub patriarchatu Hierosolymorum.
- Scarpantho, olim *Carpathus*, insula Asiae minoris in mari Ægæo, suffraganea Rhodi. 1057. 1058.
- Scopelus, urbs Thraciæ, sedes episcopalis sub Hadrianopoli. 963. 964.
- Scopia five *Scupi*, urbs Mœsiæ superioris, Dardaniæ caput, quæ ex sede episcopali metropolis effecta est sub Patriarcha Constantinopolitano. 1137. 1138.
- Scyra five *Sira* & *Siro*, insula maris Ægæi, suffraganea Athenarum. 865. 866.
- Sebaste, olim *Cabira*, dicta etiam *Sebastia* in Armeniæ minoris finibus, nunc *Sauslia*, sedes archiepiscopalis sub Patriarcha Constantinopolitano. 1069. 1070.
- Sebaste altera, five *Samaria*, vide sub patriarchatu Hierosolymitano.
- Sebastopolis, urbs Cappadociæ in Asia minori, suffraganea *Sebastes* Armeniæ. 1071. 1072.
- Seleucia duplex; una dicta *Trachæa* five *Aspera*, *Albia* quoque & *Hyria*, nunc autem *Selechia*, in provincia Isauriæ; altera *Pieria*, hodie *Seleuche Jelber*, in provincia Syriæ primæ: utraque archiepiscopalis sub Patriarcha Antiocheno. 1179. 1180.
- Seleucia tertia, quæ est *Bagdadum*, vide Bagdadum.
- Selymbria five *Salymbria*, nunc *Seliurea*, urbs Thraciæ ad Propontidem, olim suffraganea Heracleæ, postea metropolis. 969. 970.
- Semiscata five *Gemiscata*, in Tartaria magna, suffraganea ecclesiæ Soltaniensis. 1375. 1376.
- Senascopolis, ad littus maris Pontici, Soltaniæ suffraganea. 1415. 1416.
- Serræ, nunc *Seres*, urbs Macedoniæ, & ecclesia metropolis, sub Patriarcha Constantinopolitano. 1073. 1074.
- Sibula, vide Symbolon.
- Sidon, urbs Thessaliæ, suffraganea Larissæ, sub patriarchatu Constantinopolitano. 983. 984.
- Sidon altera, suffraganea Tyri, vide sub patriarchatu Hierosolymorum.
- Sira five *Siro*, vide Scyra.
- Sithonia, vide Cithonia.
- Sitia five *Setia*, olim *Cytaum*, urbs Cretæ insulæ, sub Candia metropoli. 917. 918.
- Smolenscium five *Smolencum*, nunc *Smolensko*, urbs Lithuanicæ & Russiæ Albæ ad fluvium Borystenem, prope fines Moscoviæ. 1139. 1140.
- Smyrna, prius *Naulochos*, urbs Ionie in Asia minori, & ecclesia metropolis sub Patriarcha Constantinopolitano. 1075. 1076.
- Soldaia five *Soldadia*, olim *Lagyræ*, urbs Tartariæ minoris. 1105. 1106.
- Soltania five *Sultanica*, olim *Tigranocerta*, urbs Armeniæ majoris, & ecclesia metropolis. 1359. 1360.
- Sozopolis, urbs Thraciæ ad Pontum Euxinum, suffraganea Hadrianopolis. 961. 962.
- Spahan, vide Aspahamum.
- Sparta, vide Lacedæmon.
- Spinalonga, vide Chersonnesus Cretæ.
- Stagira, vide Macræ.
- Stamboul, vide Constantinopolis.
- Sudenfis five *Sunenfis* ecclesia, suffraganea Soltaniæ. 1379. 1380.
- Sybenfis ecclesia, suffraganea Matrigensis in provincia Zecchiæ. 1113. 1114.
- Symbolon, olim *Pactorem portus*, nunc *Sibula*, oppidum & portus Tauricæ Chersonnesi. 1109. 1110.



## T

- Tamacenſis eccleſia, ſub Patriarcha Alexandrino. 1151. C.
- Tana, ad littora Ponti Euxini, juxta Paludem Mæotidem, & fluvium Tanaim. 1109. 1110.
- Tanis ſive *Thanis*, ut & *Thamnia*, ac *Thampnis*, nunc *Tanes*, urbs Ægypti ad oſtium Tanaiticum Nili, ſub Patriarcha Alexandrino. 1149. 1150.
- Tarſus, ad Cydnum fluvium, media inter Seleuciam Aſperam & Cæſaream, ſub Patriarcha Antiocheno. 1181. 1182.
- Tauris ſive *Taureſum*, *Tabreſum*, & *Tebriſ*, urbs Imperii Perſarum. 1379. 1380.
- Tenos, inſula eſt maris Ægæi, una Cycladum, quæ cum Mycono, altera inſula 12. milliaribus diſtante, in unam coaleſcit ſedem episcopalem, ſuffraganeam Paro-Naxiæ & Rhodi variis temporibus. 1059. 1060.
- Tephliſ, urbs Georgiæ regionis primaria, olim *Artaxata* dicta, ſub dominio Perſarum. 1367. 1368.
- Teredon, vide Baſſora.
- S. Thaddæi, civitas Armeniæ in Imperio Perſidis, & ſedes archiepiſcopalis. 1385. 1386.
- Thebæ, urbs Phthiotidis in Theſſalia, nunc *Ziton*, olim ſuffraganea Lariffæ, poſtea metropolis facta. 989. 990.
- Thebæ, urbs Bœotiæ caput, nunc *Thiva* ſive *Stives*, eccleſia metropolis, ſub Patriarcha Conſtantinopolitano. 1081. 1082.
- Thera ſive *Termia*, olim *Calliſta*, inſula maris Ægæi, quæ minime confundenda eſt cum *Theraſia* ſive *Santerini*, licet unam potuerint olim conſtare eccleſiam; ut nunc eadem Thera Cææ conjuncta eſt ſub Paro-Naxienſi metropole. 867. 868. & 1011. 1012.
- Theraſia, vide Santerini.
- Thermopylæ, ſunt anguſtus tranſitus inter mare & præruptos montes ex Theſſalia in Lochridem & Bœotiam: Ibi extitit urbs ejuſdem nominis, ſuffraganea Athenarum. 847. 848.
- Theſſalonica, olim *Therme*, nunc *Salonichi*, urbs Macedoniæ, & eccleſia metropolis. 1089. 1090.
- Tiberias, vide ſub patriarchatu Hieroſolymorum.
- Tiberiopolis, vide Dionyſiopolis.
- Tortola, vide Antaradus.
- Trajanopolis, antea *Zernis*, urbs Thraciæ ad Hebrum fluvium, & eccleſia metropolis. 1095. 1096.
- Trapezus, urbs Aſiæ minoris in Cappadocia, *Trebifonda* & *Tarabofa* etiam dicta, in ora Ponti Euxini, ſedes metropolis ſub Patriarcha Conſtantinopolitano. 1097. 1098.
- Tripolis, urbs Aſiæ minoris ad Mæandrum fluvium, ſuffraganea Sardium in provincia Lydiæ. 1067. 1068.
- Tripolis altera, urbs Syriæ in Phœnice, ſic dicta quod tribus coloniis, quaſi tribus urbibus ſtadio ab invicem diſtantibus conſtaret; ſedes episcopalis ſub Patriarcha Antiocheno. 79. 80. & 1173. 1174.
- Tyrus, vide ſub patriarchatu Hieroſolymorum.

## V

Valacenſis eccleſia, ſedes episcopalis ſæculo XIII. ſub Patriarcha Conſtanti-

nopolitano. 1047. 1048.

Varna, vide Dionyſiopolis.

Vencoporienſis eccleſia, ſive *Venecomponenſis* aut *Venetopolitana*, in Armenia, ſuffraganea *Sergiopolis*, quæ eſt urbs Syriæ ad Euphratem fluvium, ſub Patriarcha Antiocheno. 1195. 1196.

Veriſienſis eccleſia, metropolis ſæculo XIII. ſub Patriarcha Conſtantinopolitano. 1101. 1102.

Vize, vide Bizya.

Vordonia, vide Amyclæ.

Vospruſ, vide Boſporuſ.

## Z

Zacynthus, inſula maris Ionii verſus oram occidentalem Peloponneſi, ſedes episcopalis unita Cephaleniæ ſub Corintho metropoli. 891. 892.

Zaratoria, ſuffraganea Thebarum ſub Patriarcha Conſtantinopolitano ſæculo XIII. 1087. 1088.

Zibellet, vide Bybluſ.

Zicchia ſive *Zecchia*, provinciæ ejuſdem nominis caput, ſedes archiepiſcopalis, deinde metropolitana ad honorem; urbs eadem fortaliſ ac *Metracha* in Scythia & Cherſonneſo Taurica. 1103. 1104.

Zichnæ, urbs Macedoniæ, ſuffraganea Serarum, poſtea archiepiſcopalis effecta ſub Patriarcha Conſtantinopolitano. 1073. 1074.

Ziton, vide Thebæ, urbs ſuffraganea Lariffæ.

## I N D E X

## Præſulum ritus Latini, in Orientali tractu.

## Series Patriarcharum Conſtantinopoleos.

- I. Thomas Maurocenus ſive *Morſini*, Venetus, qui poſt captam Conſtantinopolim à Francis & Venetis, electus eſt primus Patriarcha ritus Latini an. 1204. obiit autem anno 1211. col. 796. A. & ſeqq. De eo legenda quoque epistoſa Honorii III. dat. anno 1223. die 4. Septemb. tom. 2. edit. Baluz. epistoſ. Innocent. III. p. 835. col. 1.
- II. Gervafius ſive *Everardus*, ut Raynaldus & Thomafſinus eum nominant: Is poſt diuturniorem quatuor annorum & amplius ſedis vacationem ob diſcordiam electorum, auctoritate Innocentii III. in ſynodo Lateranenſi an. 1215. menſe Novembri promotus eſt; obiit vero anno 1220. 799. B. & ſeqq.
- III. Matthæus ſive *Matthias* anno 1221. die 25. Martii Robertum Imperatorem Conſtantinopolitanum ſolemniter coronavit. Fuerat episcopuſ, non *Aquilanuſ*, ſed *Equilinuſ*, in ditione Veneta. Obiit ante finem anni 1226. 801. E.
- Electuſ. Joannes de Abbatiſſilla, archiepiſcopuſ Biſuntinuſ, diſſidentibus capituli Conſtantinopolitani de Matthæi ſucceſſore ſuffragiis, ab Honorio III. an. 1226. die 23. Decembris huic eccleſiæ ſuffectus eſt; ſed ipſe non aſſenſit, & poſtea Cardinaliſ evaſit à Gregorio IX. creatuſ. 803. E.
- IV. Simon, Joanni recuſanti ſubſtitutuſ anno 1227. Obiit an. 1232. aut 1233. 805. B.
- V. Nicolauſ I. ad ſedem Conſtantinopo-

litanam ex Spoletana tranſiit anno circiter 1234. aut 1235. qui expenſis in ſubſidium imperii Latinorum facultatibus ſuis ad ſummas anguſtias redactus eſt. Concilio Lugdunenſi I. anno 1245. interfuit. Obiit Mediolanuſ anno 1251. 805. E.

VI. Pantaleo Juſtinianuſ, Venetuſ, anno circiter 1253. ad regendam eccleſiam Conſtantinopolitanam aſſumptuſ, hanc vidit à Græciſ recuperatam anno 1261. Adſuit concilio Lugdunenſi II. anno 1274. Obiit autem circa annum 1286. 807. E.

VII. Petruſ I. in Patriarcham confirmatuſ eſt anno 1286. ab Honorio IV. die 23. Auguſti. Obiit an. 1301. 809. E.

VIII. Leonarduſ electuſ eſt Patriarcha anno 1301. die 31. Martii à Bonifacio VIII. qui ad Pontificem Romanum, anno præcedente die 23. Decembris, promotionem quatuor Patriarcharum Orientalium rituſ Latini ob penuriam electorum reſervarat. Obiit Leonarduſ ante annum 1314. 810. C.

IX. Nicolauſ II. titulo Patriarchæ potiebatur cum adminiſtratione eccleſiæ Negropontenſis initio anni 1314. Annuſ ejuſ obituſ non conſtat. 811. E.

X. Petruſ II. de Boloneſio, Canonicuſ Belvacenſiſ, poſtea Patriarcha Conſtantinopolitanuſ, obiit an. 1324. 812. C.

XI. Cardinaliſ, non dignitate ſed nomine, Petro ſucceſſit. 812. E.

XII. Gotiuſ ſive *Goctiuſ*, *Gofuſ* & *Goſſuſ de Battagliſ*, familia nobili inter Ariminenſeſ, creatuſ eſt Patriarcha anno 1335. die 14. Junii. Deinde Cardinaliſ evaſit promovente Benedicto XII. anno 1338. die 18. Decembris. Obiit Aven. anno 1345. 813. B.

XIII. Henricuſ Catalanam ſocietatem in Oriente degentem anathemate ſolvit quo anno 1314. fuerat innodata. Plurimam navavit operam pro redintegranda unione eccleſiæ Græcæ cum Romana, & contemenda Turcarum potentia, quorum copie ipſi dum ſacrum in caſtris Chriſtianorum celebraret, multiſque aliis, mortem intulere an. 1345. die 17. Januarii. 816. C.

XIV. Stephanuſ, Conſtantinopolitanuſ Patriarcha, ad Beneventanam eccleſiam evectuſ eſt anno 1346. die 17. Novembris; obiit vero anno 1350. 820. A.

XV. Guillelmuſ I. dictuſ *Puſtrelſa* ſive *Puſterliuſ*, ex archipreſbytero Madoetiæ Patriarcha factuſ, deinde archiepiſcopuſ Mediolanenſiſ anno 1361. Obiit anno 1370. 820. B.

XVI. Georgiuſ. *ibid.* D.

XVII. B. Petruſ III. Carmelita, Galluſ, episcopuſ primuſ Paſtenſiſ & Lipparienſiſ in Sicilia anno 1354. die 16. Novembris, poſtea Coronenſiſ anno 1359. die 10. Maii: dehinc Cretenſiſ archipreſul anno 1363. die 5. Martii; demum titulo Patriarchæ decoratuſ eſt ab Urbano V. anno 1364. die 13. Julii cum adminiſtratione Negropontis & Coronenſiſ eccleſiarum. Obiit Famaguſtæ in inſula Cypro anno 1366. die 6. Januarii. 820. E.

XVIII. Guillelmuſ II. eodem menſe Januario Prtriarcha creatuſ videtur. 822. B.

XIX. Pauluſ Guillelmo ſucceſſit eodem anno 1366. aut 1367. ex Smyrnenſi eccleſia tranſlatuſ. Pro reconciliatione eccleſiæ Græcæ cum Latina plurimuſ



- laboraverat legatus utrinque missus. Obiit circa annum 1372. 822. C.
- XX. Ugolinus de Malabranca, Urbevitanus, Eremitarum S. Augustini alumnus & Prior generalis, deinde Ariminensis episcopus, tandem Patriarcha Constantinopolitanus anno 1372. Obiit in oppido Aquæpendentis anno 1374. Perperam à quibusdam scriptoribus, vel ad annos 1286. 1290. & 1291. revocatur, vel in duos dividitur Patriarchas, quorum unus sæculo XIII. alter autem sequenti floruerit. 825. D.
- XXI. Jacobus Campanus in Italia, episcopus Isclanus in regno Neapolitano, deinde Marturanensis in Calabria an. 1359. posthac Hydruntinus archiepiscopus anno 1360. hujus postremæ ecclesiæ administrationem retinuit factus Patriarcha à Gregorio XI. anno 1376. die 18. Jan. Tempore schismatis occidentalis ab Urbano VI. cui primum adhæserat deficiens æmuli ejus Clementis VII. dicti partes amplexus est qui ipsum Cardinalem renuntiavit die 18. Decemb. anno 1378. Obiit anno circiter 1387. 826. E.
- XXII. Guillelmus III. Ord. Min. episcopus Urbini, Clementis quoque VII. auctoritati cum Gallia sese subjecit, à quo substitutus est Jacobo Cardinali factò, tum in titulo Patriarchæ Constantinopolitani, tum in administratione ecclesiæ Hydruntinæ an. 1379. die 21. Januarii. 828. E.
- XXIII. Matthæus II. cognominatus *Bandellus* ex sua familia, Ord. Præd. à Bonifacio IX. creatus est Patriarcha Constantinopolitanus, sub cujus etiam pontificatu obiit. 829. D.
- XXIV. Angelus Corarius, qui postea fuit Gregorius XII. ab eodem Bonifacio IX. titulo Patriarchæ ornatus fuit cum administratione ecclesiæ Negropontensis. Hunc Innocentius VII. ad cardinalatum evexit anno 1405. die 12. Junii. Obiit anno 1417. 830. D.
- XXV. Antonius Corarius, Angeli ex fratre nepos, titulum Patriarchæ Constantinopolitani suscepit anno 1405. deinde à patruo suo factò Pontifice sub nomine Gregorii XII. Cardinalis creatus est anno 1408. die 9. Maii. Concilio Constantiensi interfuit. Obiit sacri Collegii Decanus anno 1445. die 19. Januarii. 831. C.
- XXVI. Franciscus I. *Landus, Laudus*, aut *Laudo*, Venetus, Patriarcha primum Gradenfis, sub qua dignitate subscripsit Concilio Pisano anno 1409. Is ab Alexandro V. ibi electo titulum Patriarchæ Constantinopolitani accepit eodem anno. Posthac à Joanne XXIII. inter Cardinales cooptatus anno 1411. in synodo Constantiensi sedit. Deceffit Romæ anno 1427. die 26. Decembris. 832. C.
- XXVII. Joannes I. eidem synodo Constantiensi adfuit anno 1416. ut Patriarcha Constantinopolitanus. 833. A.
- XXVIII. Joannes II. de Rupescissa, de la *Rochetaillée*, Gallus, episcopus Gebennensis, unus electorum nationis Gallicæ in concilio Constantiensi anno 1417. Posthac variis temporibus evasit Patriarcha Constantinopolitanus, perpetuus ecclesiæ Parisiensis administrator, archipræsul Rothomagensis, S. R. E. Cardinalis anno scilicet 1426. die 24. Maii, & archiepiscopus Bisuntinus. Obiit Bononiæ

- anno 1437. die 24. Martii. 833. B.
- XXIX. Franciscus II. dictus *Condulmerius*, Venetus, Eugenii IV. nepos, ab eo creatus est Cardinalis anno 1431. Patriarcha etiam Constantinopolitanus, & archiepiscopus Bisuntinus, ex qua sede ad Veronensem transiit. Obiit Romæ anno 1453. die 5. Septembris. 834. B.
- XXX. Joannes III. *ibid.*
- XXXI. Gregorius. *ibid.*
- XXXII. Isidorus. Hi tres commemorantur ut Patriarchæ Constantinopolitani in epistola Pii II. Papæ huic postremo data an. 1459. die 20. Aprilis. 834. D.
- XXXIII. Bessarion Isidoro successit anno 1463. & ipse obiit an. 1472. 836. C.
- XXXIV. Petrus IV. Riarius, Ord. Min. Sixti IV. ex sorore nepos, anno 1472. titulo Patriarchæ Constantinopolitani potitus est: Fuit etiam S. R. E. Cardinalis. Obiit anno 1474. *ibid.*

*Series Patriarcharum Alexandriæ Latini ritus.*

- Incertus.* Athanasius de Claromonte anno circiter 1219. valde dubius Patriarcha. *col. 1143. A.*
- I. Ægidius, Ferrariensis, Ord. Præd. Patriarcha primum Gradenfis anno 1295. die 19. Maii, deinde Alexandrinus anno 1310. *ibid. D.*
- II. Otto seu *Odo & Oddo de Sala*, Pisanus, Ordinis Prædicatorum, qui fuerat successive episcopus Terabensis in Sardinia, Polensis, Arborensis, & Pisanus; tandem Patriarcha Alexandrinus evasit anno 1322. die 22. Maii; administrationem quoque habuit Montis Cassini, ubi deceffit anno 1323. die 9. Novembris. 1144. A.
- III. Joannes I. filius Jacobi II. regis Aragonum, anno ætatis 17. archiepiscopus Toletanus creatus, & anno 28. Patriarcha Alexandrinus, cum administratione ecclesiæ Tarraconensis. Piissime obiit anno ætatis 33. Christi 1334. die 19. Augusti. *ibid. B.*
- IV. Guillelmus de Chanac, episcopus Parisiensis, Patriarcha Alexandrinus constitutus est anno 1342. & obiit an. 1348. die 3. Maii. 1145. B.
- V. Humbertus, Delphinus Viennensis, tereno principatu in Joannem Philippi regis Francorum natu majorem transmissò Ordinem Præd. amplexus, Alexandrinus Patriarcha renuntiatus est à Clemente VI. initio anni 1351. Obiit anno 1355. die 22. Maii. 1145. C.
- VI. Arnaldus Bernardi de Monte Majori, Gallus, ex Patriarcha Alexandrino S. R. E. Cardinalis evasit an. 1368. die 22. Septembris. Obiit anno sequenti. *ibid. D.*
- VII. Joannes II. anno 1372. die 26. Julii titulo Patriarchæ Alexandrini ornabatur. *ibid. E.*
- VIII. Petrus I. dictus *Amelii de Brenaco*, Ord. Eremit. S. Augustini, Gallus, episcopus successive Senogalliensis, Tarentinus, & Gradenfis Patriarcha, Patriarcha quoque Alexandrinus anno 1388. aut sequenti, & administrator ecclesiæ Aquisensis. 1146. A.
- IX. Petrus II. cognominatus *Alexander*, ex sede patriarchali Gradenfis ad Alexandrinam translatus est à Bonifacio IX. anno 1400. mense Septembri. *ibid. C.*
- X. Leonardus Delphinus, Venetus, archi-

episcopus Cretenfis, deinde Venetiarum præsul anno 1392. die 29. Aprilis, ad patriarchalem Alexandrinam evectus est anno 1401. die 27. Augusti. 1146. D.

XI. Ugo de Robertis de Tripoli, Regiensis, episcopus Adriensis, deinde Patavinus anno 1393. postea Patriarcha Alexandrinus evasit anno 1402. *ibid. E.*

*Series Patriarcharum Antiochiæ ritus Latini.*

- I. Bernardus, Valentinus in Gallia, anno 1100. medio, Joanni Patriarchæ Antiochiæ, Græco, sponte cedenti successus est. Quum Balduinus I. Godefridi I. Hierosolymorum regis frater & successor à Paschali II. Papa obtinuisset ut quascunque urbes *sibi posset vindicare, omnes ditioni & regimini Hierosolymitanæ ecclesiæ subjacerent*; id moleste ferens Bernardus, de illata suæ sedi injuria apud eundem Pontificem graviter conquestus est, à quo responsum accepit facta testā fore in posterum ecclesiarum jura. Obiit anno 1134. aut 1135. *col. 1153. A.*
- II. Radulphus I. Normannus in Gallia, episcopus primum Mamistanus in Oriente; solo deinde populi Antiocheni suffragio electus in Patriarcham, pallium sibi sumpsit de altari S. Petri hujus urbis. Actus reus apud apostolicam sedem Romanam petere coactus est, ubi deposito suo pallio aliud recepit pro more de corpore S. Petri ab Innocentio II. qui ipsum redire Antiochiam jussit causam dicturum coram sedis apostolicæ legato. Albericus autem Cardinalis eò missus, vocatis Antiochiam anno circiter 1136. episcopis Syriæ & Palæstinæ synodum habuit de hujus Radulphi inthronizatione. Causa cecidit iste & depositione multatus est, carceri insuper traditus in S. Simeonis monasterio. Inde tamen clam elapsus Romam fugit: dum vero sedis apostolicæ indulgentiam impetraturus putaretur, veneno extinctus est anno 1142. 1155. D.
- III. Aymericus, Gallus Lemovicensis, in Decanum ecclesiæ Antiochenæ à Radulpho assumptus, in ejus nihilominus depositionem cum cæteris conspiravit; cui & successit anno 1142. Maronitarum, non quidem tota gens, ut existimasse videtur Willelmus Tyrius, *lib. 22. cap. 8.* sed nonnulla pars quæ à quibusdam annis in hæresim Monothelitarum inciderat, ad catholicam fidem ejus opera anno 1182. rediit. *col. 34. & seqq. ubi de Maronitis.* Vivebat adhuc Aymericus anno 1187. 1156. E.
- IV. Radulphus II. ex Onuphrio Panvinio, Genebrardo, aliisque recentioribus, & etiam ex catalogo Arabico clarissimi D. Assemani, Aymericum excepit; Id si verum est, non tamen quod 33. annos seculum est, non tamen quod 33. annos seculum est: nam anno 1201. Antiochiæ jam Patriarcha erat Petrus. 1157. D. E.
- V. Petrus I. à Panvinio omisus, ecclesiæ Antiochenæ, ut modo dictum est, curam gerebat anno 1201. quo juxta Samaritanum, Raymundus, Comes Tripolitani, principatum Antiochenum adiens huic sese pro more jurejurando obstrinxit: sed ipsum anno 1208. idem Raymundus in carcerem conjecit, eò quod juri junioris Rupini, filii fratris sui, ad præfatum principatum patrocinebatur.

*Intrusum*



- Intrusum quoque in ejus locum *Græcum* quemdam hominem fovit, quem deponi curavit Innocentius III. de Raymundi violenta agendi ratione graviter conquestus. Decessit in carcere Petrus ante diem 12. Jul. anni 1208. 1158. A.
- VI. Petrus II. Ord. Cisterciensis, ex abbate coenobii Firmitatis an. 1205. episcopus Yporiensis (*Yvrée*) factus, ad Thesalonicensem ecclesiam anno 1208. electus est, sed non acquievit. Ad sedem Antiochenam transiit anno sequenti 1209. Gravi languore detentus episcopum Antaratensem suas vices acturum misit ad synodum Lateranensem IV. anno 1215. Jam vivere desierat die 31. Octobris anni 1217. 1159. E.
- VII. Raynerius de Tuscia, S. R. E. Vicecancellarius, ad sedem Antiochenam promotus est anno 1219. ab Honorio III. Antea autem hujus ecclesie regimini præfecerat ad tempus Pontifex Petrum quemdam Capuanum, quem illo anno 1219. Cardinalem creavit. Obiit Raynerius anno 1226. 1160. D.
- VIII. Albertus anno 1226. aut sequenti electus est in Patriarcham Antiochenum, qui primum fuit episcopus Brixie ab anno 1213. usque ad annum 1227. aut 1228. Adfuit concilio Lugdunensi I. anno 1245. Decessit tandem eo anno, aut sequenti 1246. 1160. E.
- IX. Elias, Ord. Præd. Alberto successus est in sede Antiochena, non quidem anno 1240. ut habet Rodericus de Acunna, Bracarensis archiepiscopus; sed anno duntaxat 1245. aut 1246. quo obiit ejus prædecessor. Hanc vero ipse tenuit, ex eodem scriptore, usque ad annum 1250. 1160. E.
- X. Christianus, Ord. Præd. ecclesie Antiochenæ curam gerebat anno 1268. quo hanc urbem sibi subiecit Soldanus Babylonie die 29. Maii juxta Sanutum: in qua strage Patriarcha sacris vestibus indutus coram altari gladio infidelium trucidatus est. 1162. A.
- XI. Opizio sive *Obizo*, è Flisca Januensi nobilissima familia oriundus, patriarchatum Antiochenum gerebat anno 1274. quo interfuit synodo II. Lugdunensi. Idem fuisse videtur ac *Othobonus Patriarcha Antiochenus*, quem Nicolaus III. administratorem constituit ecclesie Traneensis an. 1280. die 1. April. siquidem anno 1287. *Obizo Antiochenus* adhuc Patriarcha creatus est à Nicolao IV. administrator ecclesie Januensis, cui etiam anno sequenti die 4. Junii scripsit epistolam. Obiit anno 1292. 1162. C.
- XII. Isnardus Tacconus, Papiensis, Ord. Præd. primum archiepiscopus Thebanus anno 1308. deinde Patriarcha Antiochenus anno 1311. die 5. Novemb. cum administratione ecclesie Papiensis, omni ea dignitate spoliatus est an. 1319. à Joanne XXII. Papa, qui tamen anno 1325. illum ad sedem Thebanam denuo evexit, & misit suum legatum in Orientem. Obiit an. 1329. 1163. A.
- XIII. Geraldus Odonis sive *Ottonis*, Generalis Minister Ord. Minor. titulo Patriarchæ Antiocheni ornatus est anno 1342. die 27. Novemb. quum vacasset titulus iste ab an. 1319. quo illum amiserat Isnardus: administrationem quoque ecclesie Catanensis accepit. 1164. A.

*Series Patriarcharum Hierosolymorum ritus Latini.*

- I. Daibertus sive *Daimbertus*, *Dagobertus* & *Theodebertus*, Arnulpho in Vicepræsulem duntaxat assumpto post captam Hierosolymam anno 1099. substitutus est Patriarcha exeunte eodem anno, vel in paschalibus anni sequentis. Is à Balduino I. plurimum vexatus Romam petiit, dum autem reverteretur obtenta causa obiit Messanæ anno 1107. die 14. Maii. col. 1243. A.
- II. Gibelinus, archiepiscopus Arelatensis, Hierosolymam missus à summo Pontifice, ut de Ebremaro judicium ferret, qui in locum Daiberti Patriarchæ adhuc viventis electus fuerat, eo deposito, & ad Cæsariensem ecclesiam tunc vacantem translato, ipse in Patriarcham assumptus est anno 1107. Is adlitterat anno 1103. solemnem ecclesie S. Salvatoris dedicationi à Petro Aquensi archiepiscopo peractæ, in qua erectum altare fuit in honorem S. Maximini & S. Mariæ Magdalene, ceu primorum fundatorum duarum ecclesiarum hujus loci. Obiit exeunte anno 1111. 1245. D.
- III. Arnulphus, qui jam Vicepræsul ecclesie Hierosolymorum constitutus fuerat anno 1099. die 1. Augusti, hanc sedem conscendit post Gibelini mortem eodem anno 1111. vel initio sequentis. Depositus est anno 1115. restitutus autem à Papa, ad quem perrexerat, ad propria remeavit, ibique decessit an. 1118. mensè Aprilis. 1247. D.
- IV. Gormundus, Gallus, anno 1118. electus, pactis conventis inter Venetos & proceres Hierosolymorum subscripsit anno 1123. Obiit anno 1128. 1248. C.
- V. Stephanus, Carnotensis in Gallia, canonicus regularis, electus Patriarcha anno 1128. post biennium decessit anno 1130. *ibid.* E.
- VI. Willelmus sive *Guillelmus* I. Belga, Prior Dominici Sepulchri, electus anno 1130. Patriarcha Hierosolymorum, corona regia Fulconem redimivit anno sequenti die 14. Septembris. Adfuit concilio Antiocheno anno circiter 1136. In regem inunxit Balduinum III. an. 1142. Obiit anno 1145. die 27. Septembris. 1249. D.
- VII. Fulcherus, Tyrensis primum archiepiscopus, ad sedem Hierosolymorum transiit anno 1146. die 25. Jan. Conradum Imperatorem Germaniæ & Ludovicum VII. regem Francorum Hierosolymis festivo recepit. Obsidioni interfuit Ascalonis anno 1152. quæ juris facta est Balduino III. anno 1154. Quare col. 501. E. pro anno 1146. legendum est 1152. Romam petiit anno 1155. Obiit anno patriarchatus XII. die 20. Novemb. Christi 1157. 1250. A.
- VIII. Amalricus, Gallus, & ecclesie Dominici Sepulchri Prior, electus est Patriarcha, contradicentibus licet Cæsariensi & Bethleemitano præsulibus. Quædam extant litteræ ejus ad Ludovicum VII. regem Franciæ. Amalricum Balduino III. fratrem & successorem anno 1162. die 18. Febr. item anno 1173. die 15. Julii Balduinum IV. hujus Amalrici filium, regia corona ornavit. Obiit anno 1180. die 6. Octobris. *ibid.* D.

- IX. Eraclius sive *Eracleus*, Arvernus in Gallia, electus est an. 1180. mensè Octob. Sub ejus regimine Christianis erepta fuit à Salahadino anno 1187. civitas sancta. Obiit dum à Christianis obsideretur Acon, quæ iis subdita est anno 1191. die 12. Julii, deinceps sedes facta, tum regum, tum etiam Patriarcharum Hierosolymorum, usque ad annum 1291. quo & ipsa in Saracenorum devenit potestatem. 1251. B.
- X. Sulpitius, à Theodorico Pauli traditur Eraclii successor. *Cyrrillus* quoque Prior III. Carmelitarum renuntiatus à Cælestino III. Papa anno 1191. pethibetur à Daniele à V. M. 1252. B.
- XI. Michaël, Parisiensis Decanus, electus in Patriarcham Hierosolymorum anno 1194. priusquam iter arripere Senonensis factus est Archipræsul. *ibid.* C.
- XII. Monachus, Florentinus, ex archiepiscopo Cæsariensi in Palæstina, Patriarcha evasit Hierosolymorum anno 1194. *ibid.* E.
- XIII. Soffredus, Cardinalis S. R. E. in Patriarcham Hierosolymorum electus est anno circiter 1203. quem ad præbendum consensum hortatus est Innocentius III. sed ille non acquievit. *Simonis* cujusdam meminit Albericus, sed qui alius non fuit à Monacho aut Soffredo. 1253. C.
- XIV. Albertus, Parmensis, ex episcopo Vercellensi electus Patriarcha Hierosolymorum anno 1204. Fratribus Montis Carmeli regulam concinnavit. Occisus est à pessimo Christiano anno 1214. die 14. Septembris. 1254. A.
- XV. Gualterus sive *Lotharius*, episcopus Vercellensis post Albertum, ei quoque successit in patriarchatu Hierosolymorum. 1255. A.
- XVI. Radulphus I. sive *Rodulphus*, primum episcopus Sareptæ, deinde electus Patriarcha Hierosolymorum, obiit anno 1225. *ibid.* D.
- XVII. Giroldus sive *Geraldus*, ex abbate Cluniacensi episcopus Valentiniensis in Gallia, deinde Patriarcha Hierosolymorum anno 1225. obiit anno 1239. 1256. A.
- XVIII. Robertus sive Guido, episcopus Nannetensis, postulato à capitulo Hierosolymorum in Patriarcham Jacobo de Vitriaco tunc S. R. E. Cardinali, quem Gregorius IX. utpote sibi necessarium confirmare noluit, subrogatus est ab eodem Pontifice. Is in castris S. Ludovici regis Francorum erat quando Damiatam cepit anno 1240. decessit autem anno 1254. die 8. Junii. Post cujus obitum ad eundem annum meminit *Epicii* cujusdam Patriarchæ continuator Gallus hist. Willelmi Tyrii, sed hunc non ait expresse Patriarcham fuisse Hierosolymorum. 1256. E.
- XIX. Jacobus Pantaleon, Gallus, Trecentensis, primum archidiaconus Leodiensis, deinde Virdunensis episcopus, ab Alexandro IV. renuntiatus est Patriarcha Hierosolymorum anno 1255. ipsique successit anno 1261. die 29. Aug. Urbanus IV. dictus. 1257. D.
- XX. Bartholomæus de Bragantia, Vicentinus, Ordinis Prædicatorum, episcopus primum Nemosiensis in Cypro insula, deinde Vicentinus, oblatum sibi patriarchatum Hierosolymorum ab eodem



- Urbano IV. anno 1261. recusasse videtur. 1258. A.
- XXI. Humbertus de Romanis, Gallus, V. Magister generalis Ord. Præd. eodem tempore illam similiter dignitatem sibi delatam non admisit. 1259. C.
- XXII. Guillelmus II. episcopus Aginensis in Gallia, renuntiatus est ab eodem Urbano IV. Patriarcha Hierosolymitanus & administrator ecclesiæ Acconenfis anno 1263. Obiit anno 1270. 1260. A.
- XXIII. Thomas Agni de Lentino sive de Leontino, oppido Siciliae, Ord. Præd. primum Bethlehemitanus episcopus, deinde Cusentinus archiepiscopus an. 1267. die 18. Aprilis; posthac Patriarcha Hierosolymorum creatus à Gregorio X. anno 1272. mense Martio, obiit anno 1277. 1261. B.
- XXIV. Aiglerius sive Angelus, archiepiscopus Neapolitanus, electus fuerat Patriarcha Hierosolymorum, 1202. B. sed à Nicolao III. in ejus locum substitutus est
- XXV. Joannes de Vercellis, VI. Magister generalis Ord. Præd. anno 1278. qui non præbuit consensum. 1261. C.
- XXVI. Elias I. Patriarcha Hierosolymorum creatus est anno 1279. & decessit anno 1287. aut sequenti. *ibid.* D.
- XXVII. Nicolaus de Hanapis, Gallus, Ord. Præd. à Nicolao IV. promotus est

- ad patriarchatum Hierosolymorum, unaque ad episcopatum Aconensem ei conjunctum anno 1288. die 30. Novemb. sed sub ejus regimine erepta est Acon Christianis anno 1291. ipse autem submersa navi periit eodem anno. 1263. B.
- XXVIII. Radulphus II. Gallus, Ord. Prædicatorum, anno 1294. à Cælestino V. renuntiatus Patriarcha Hierosolymorum, depositus est à Bonifacio VIII. qui tamen ipsum eidem sedi non multo post restituit. Obiit anno 1304. mense Novembri. *ibid.* C.
- XXIX. Antonius Beccus, Anglus, episcopus Dunelmensis in Anglia, electus Patriarcha Hierosolymorum anno 1305. obiit anno 1310. 1264. C.
- XXX. Petrus I. de Plana-Cassano, Ord. Min. episcopus Ruthenenfis in Gallia, legatus sedis apostolicæ per varias Orientis regiones, creatus Patriarcha Hierosolymorum à Clemente V. Papa anno 1314. die 26. Febr. obiit anno circiter 1322. *ibid.* D.
- XXXI. Petrus II. canonicus Nicosiensis, ad sedem Hierosolymorum promotus est anno 1322. die 19. Jun. obiit autem anno 1324. 1265. B.
- XXXII. Raymundus Bequin, Tolosanus, Ord. Præd. Petro successus est in sede titulari Hierosolymorum anno 1324. eique simul Nicosiensis ecclesiæ in in-

- sula Cypro ad sustentationem administratio collata. Obiit anno 1328. *ibid.* C.
- XXXIII. Petrus III. de Palude, Ord. Præd. renuntiatus est Patriarcha Hierosolymorum, simulque administrator ecclesiæ Nicosiensis in insula Cypro, anno 1329. die 2. Martii. Deinde administrator factus ecclesiæ Conferanensis in Gallia, obiit Parisiis anno 1342. die 31. Januarii. *ibid.* E.
- XXXIV. Elias II. de Nabinallis, Ordinis Minoritarum, jam ab anno 1332. archiepiscopus Nicosiensis in Cypro insula, Patriarcha Hierosolymitanus evasit anno 1342. die 12. Julii, rursusque eodem anno mense Septembri Cardinalis creatus est. 1266. E.
- XXXV. Guillelmus III. titulo Patriarchæ Hierosolymorum potiebatur anno 1351. die 22. Septembris. 1267. B.
- XXXVI. Philippus de Cabasole, ortu Cabellicensis in Gallia, ejusdemque loci episcopus, titulo Patriarchæ Hierosolymitani ornatus est anno 1361. ex ecclesia autem Cabellicensi ad Massiliensem transfuit anno 1366. Promotus postea ad cardinalatus dignitatem anno 1368. obiit Perusii anno 1372. 1267. C.
- XXXVII. Guillelmus IV. Militis, Ord. Præd. Patriarcha Hierosolymitanus renuntiatus anno 1369. obiit anno 1374. 1268. D.

## INDEX

Præfulum ritus Latini in quatuor Patriarchatibus Orientis, ordine alphabetico.

Abbreviationis gratia designamus his litteris O. C. Ordinem Carmelitarum. O. M. Ordinem Minorum. O. P. Ordinem Prædicatorum. E. A. Eremitam Augustinianum. O. Cist. Ordinem Cisterciensem. O. Clun. Ordinem Cluniacensem. O. S. Ben. Ordinem sancti Benedicti.

- A
- A. Dyrrach. col. 949. C.
- Thebar. 1082. A.
- Abfalon Bethleem & Ascalonis in Palæstina. 1278. D.
- Adalbertus Chrystopolis. 1049. B.
- Adam Paneadis in Palæst. 1337. A.
- Adamus de Romery Sidonis in Palæstina. 1323. E.
- O. M. Gabalæ sub Patriarcha Antiocheno. 1170. B.
- Abiensis in patriarchatu Antiocheno. 1237. A.
- Adimarus de Rupe, O. P. Bethleem & Ascalonis in Palæst. 1284. E.
- Ægidius de Gallutiis, O. P. Candia. 909. C.
- Ferrariens. O. P. Methon. 1033. C.
- de Portu, O. M. Phocææ. 1080. C.
- Ferrariensis, O. P. Patr. Alexandr. 1143. D.
- Damiatæ in patriarchatu Alexandrino. 1147. A.
- Tyri. 1319. B. C.
- Agnifius, O. P. Pergami. 959. A.
- Aicardus, E. A. Cissamix. 929. A.
- Aiglerius sive Angelus, Patriarcha Hierosolymitanus. 1262. B.
- Aitardus sive Attardus, Nazareth. 1295. E.
- Albanus, Michaël, Corcyra. 880. A.
- Albertinus, Coronæ. 1038. B.
- Albertus, Paschaleus, O. P. Calamonæ. 922. A.

- Albertus, O. M. Nicomed. 1018. C.
- de Usti, O. P. Melos. 1055. C.
- I. Szczecin, O. P. Caffæ. 1106. C.
- II. à Secinia, O. P. Caffæ. *ibid.* D.
- Narbutus, Kiovia. 1128. A.
- Moscovia. 1131. A.
- Patr. Antiochiæ. 1160. E.
- Parmensis, Patr. Hieros. 1253. C.
- Bethleem & Ascalon. 1279. E.
- Engel, O. M. Tephlis. 1372. C.
- Aldobrandinus, Nicosiæ in insula Cypro. 1215. B.
- Alexander I. de S. Elpidio, E. A. Candia. 908. B.
- II. O. P. Candia. 909. B.
- Angelus, Sidonien. sub Patriarcha Constant. 986. B.
- Trapezi. 1099. C.
- Caffæ. 1105. D.
- de Caffa, O. M. Cambalu. 1352. B.
- O. P. Tephlis. 1372. A.
- Aloysius, Agriæ in Creta insula. 926. E.
- de Apera, Coronæ. 1042. A.
- Alphonfus de Spina, O. M. Thermop. 850. C.
- Paleottus, Corcyra. 881. D.
- à S. Cypriano, O. P. Libarien. 946. A.
- à S. Cruce, O. M. Chalced. 1020. B.
- Aluarus Pelagius, O. M. Coron. 1038. B.
- Amalricus, Patr. Hierosolym. 1250. D.

- Amalricus, Sidonis in Palæstina. 1321. D.
- Ambrosius de Abiate, O. P. Mitylen. 991. B.
- Scipionis, O. M. Camachæ. 1110. A.
- Andreas Nicolai de Luca, O. C. Athen. 843. A.
- I. Megar. 852. A.
- II. Dias, O. P. Megar. *ibid.* C.
- de Aurea sive Doria, O. P. Andros. 862. C.
- Carga, O. P. Scyræ. 866. B.
- Vendrominus, O. Equit. S. Joan. Hier. Corcyra. 880. E.
- Malvasiæ. 896. D.
- Sitiæ in Creta inf. 917. D.
- E. A. Arcadiæ in Creta insula. 919. C.
- Agriæ in Creta inf. 925. D.
- Priscæ. 953. B.
- O. M. Crojæ. 955. A.
- Sophianus, Santerini. 1010. C.
- Falconis, Methon. 1036. C.
- O. P. Rhodi sive Colossensis. 1051. D.
- Sophianus, Chii. 1065. A.
- Furnarius, O. P. Theb. 1087. A.
- Cracovia, O. M. Cereti. 1119. A.
- O. P. Kiovia. 1127. D.
- Petri de Monte-Laterano, O. M. Laodic. 1168. C.
- I. Centanus, Nemosiæ in Cypro insula. 1230. A.



- Andreas II. Mocenicus, Nemof. 1230. B.  
Cerauniae in Cypro insula.  
1231. A.
- I. Lyddæ & Ramulæ in Palæstina.  
1276. A.
- II. Lyddæ & Ramulæ. *ibid.* B.  
Sebastes in Palæst. 1292. B.  
de Perusio, O. M. Cathaia.  
1357. C.
- Angelus Corarius, Patr. Const. 830. D.  
Athenarum. 843. B.  
Corarius, Negropont. 848. B.  
Maria Quirini, O. S. Ben. Cor-  
cyr. 882. C.  
Maria Carlini, O. P. Corinth.  
890. B.  
Maltraversus, O. P. Candia in  
Creta insula. 907. B.  
Barbadico, Cissamiae in Creta in-  
sula. 930. A.  
Dyrrachii. 950. D.
- I. Mitylen. 991. C.
- II. de Barbianis, O. M. Mitylen.  
994. A.  
Gozaddinus, Paro-Nax. 1006. E.  
Calepius, O. P. Santer. 1010. A.  
Patrarum Veterum. 1029. A.
- I. de Leuti, O. P. Methon. 1033. E.
- II. Methon. 1035. D.  
de Narnia, O. M. Paphos in Cy-  
pro insula. 1218. C.
- Anselmus, Bethleem & Ascalonis in Pa-  
læstina. 1278. A.
- Antonellus de Joanneto, O. M. Callipo-  
lis. 973. B.
- Antonius Corarius, Patriarcha Constanti-  
nopolitanus. 831. C.
- I. de Talentis, Athenarum. 841. B.
- II. Balistarius, O. M. Athenarum.  
842. B.
- III. de Genebreda, O. P. Athenar.  
*ibid.* D.
- IV. de Omoffo, O. P. Athenarum.  
843. C.
- V. Tubeta, O. M. Athen. 844. C.
- I. Daval. 855. B.
- II. Daval. 856. A.  
Matuit. O. M. Scyræ. 868. A.  
Cipollin. O. P. Aeginæ. 869. B.  
de Fario, O. M. Cithon. 872. D.  
Cattaneus, Salonien. 875. C.  
Cachus, Corcyr. 881. B.  
Corinthi. 888. C.
- I. Agriae in Creta insula. 925. A.
- II. Ursus, Agriae in Creta insula.  
926. C.
- I. Guidius, O. P. Arien. in Creta  
insula. 932. D.
- II. Mina, O. M. Arien. in Creta  
insula. 934. A.  
Gard, O. M. Libarien. 946. B.
- I. de Duratio, O. M. Dyrrachii.  
950. D.
- II. Provana, Dyrrachii. 952. D.  
de Alexandria, O. M. Hierapo-  
lis. 977. A.  
Maria Pallavicini, Naupacli.  
996. C.  
de Rhegio, O. P. Buthroti.  
997. D.
- I. Justiniani, O. P. Paro-Naxia.  
1006. B.
- II. Maturi, Paro-Naxia. *ibid.* E.  
de Marchis, O. P. Santerini.  
1010. B.
- I. Methon. 1034. D.
- II. de Avila, O. P. Methones.  
1036. C.
- Antonius de Macerata, E. A. Oleni.  
1043. D.  
Serra, Melos. 1058. C.  
Tiburtinus, O. M. Teni & My-  
coni. 1059. C.
- I. Palavini, Chii. 1062. A.
- II. Chii. *ibid.* C.  
Trapezi. 1097. B.  
de Levanto, O. P. Tanæ.  
1111. A.  
de S. Cantiano, E. A. Diony-  
siopolis. 1121. B.
- I. de Fremonia, O. M. Naturen.  
1134. C.
- II. Nicolai, Naturen. 1136. A.  
de Terano, O. M. Scopien.  
1140. A.  
de Garay, O. M. Tamacen.  
1151. C.  
Tripolis, sub Patriarcha An-  
tiocheno. 1178. D.  
Nicos. in Cypro ins. 1212. E.  
O. M. Paphos in Cypro insula.  
1218. C.  
Sauranus, Famagustæ in Cypro  
insula. 1221. A.  
Beccus, Patr. Hierof. 1264. C.  
Paës, Godinho in Imperio Sina-  
rum. 1356. B.  
O. P. Soltanæ. 1366. C.
- Archangelus Feni, O. P. Nascivan in Ar-  
menia. 1413. A.
- Arnaldus, *sive* Amandus, O. P. Baccoviz.  
1118. B.  
Bernardi, Patriarcha Alexandri-  
nus. 1145. D.  
de Arceto, E. A. Cerauniae in  
Cypro insula. 1232. B.  
O. M. Ortosien. 1239. C.
- Arnoldus Federicus, O. P. Cæsareæ sub  
Nicomed. 1021. A.  
de Rotensen. O. M. Dionysien.  
in Palæst. 1309. B.
- Arnulphus, Thermopyl. 847. C.  
Serrarum. 1073. A.  
Patriarcha Hierofol. 1243. A.  
& 1247. D.
- Articus Bandechinus, O. P. Venecompon.  
1195. B.
- Asquetinus, Bethleem & Ascalon. 1277. A.
- Athanasius de Claro-Monte, Patriarcha  
Alexandr. 1143. A.
- Attardus, *vide* Aitardus.
- Aubertus, Tarfi. 1182. D.
- Avestrelli, Chii. 1066. B.
- Augerius, O. M. Dyrrachii. 950. C.
- Augustinus à Magdalena, E. A. Argol.  
902. C.  
de Plumbino, E. A. Andrevillæ.  
1046. A.  
de Caffa, O. P. Soldaia. 1107. A.  
O. M. Laodiceæ. 1167. A.  
Bagiensis, O. P. Nascivan.  
1409. E.
- Augustus Zacco, Corcyr. 882. C.
- Aymericus, Patriarcha Antioch. 1156. E.  
O. M. Paphos. 1217. D.
- Azarias Fridonis, O. P. Nascivan. 1408. C.
- B.
- Demetriacensis. 983. B.  
Tripolis, sub Patriarcha Antio-  
cheno. 1177. D.
- Balduinus de Adria, Bizyæ. 975. C.  
O. M. Aleppi. 1238. B.
- I. Cæsareæ Palæst. 1285. B.
- II. Cæsareæ Palæst. 1287. B.  
Beryti sub Tyro. 1325. A.
- Balfarini *sive* Bellarini, Corinth. 890. A.
- Baltazar de Eredia, O. P. Cerauniae in Cy-  
pro insula. 1232. B.
- Baptista de Judicibus, O. P. Patrarum Ve-  
terum. 1030. E.
- Barnabas de Fidelibus, O. P. Aspaham in  
Perside. 1391. A.
- Bartholomæus I. de Rimbertainis, O. P.  
Argos. 900. C.
- II. Argos. 901. D.  
Averoldi, Calamonæ in Creta  
insula. 921. D.  
Abraham Sirigo, Arien. in Creta.  
934. B.  
Cardicen. 979. B.  
Demetriacen. 983. B.  
de Carbone *sive* de Papazurris;  
O. P. Patrar. 1028. E.
- I. Dominici de Senis, O. P. Coron.  
sub Patris. 1040. B.
- II. O. P. Coron. sub Patris Veter.  
*ibid.* E.  
de Gifulphis, O. M. Tripolis sub  
Patr. Const. 1070. A.  
de Cassino, O. M. Phocææ.  
1079. A.  
Joannis, E. A. Trapezi. 1099. D.  
Ventura, O. P. Caffæ. 1105. D.  
Antaradi. 1173. D.  
Mamistræ. 1197. B.  
de Bragantia, O. P. Paphos.  
1217. A.
- I. Nemof. 1225. A.
- II. Gaius, O. M. Nemof. 1229. A.  
de Bragantia, O. P. Patr. Hiero-  
fol. 1258. A.  
Beryti sub Tyro. 1328. A.  
de Dorbato, E. A. Sareptæ.  
1339. B.
- I. de Caponibus, O. M. Cambalu.  
1351. B.
- II. Caponis de Pera. Cambalu.  
1352. A.  
de Abaghiatis, O. P. Tauris in  
Perside. 1381. D.  
Parvus, O. P. Maragæ. 1393. B.  
de Tibure, O. P. Dancalæ.  
1413. B.
- Bafilus, O. M. Tanæ. 1112. A.
- Bellarini, *vide* Balfarini.
- Belletus, Cissamiae in Creta insula. 927. B.
- Bency, Agriae in Creta insula. 928. A.
- Benedictus I. de Nigroponte, O. M. An-  
dros. 861. C.
- II. Andros. *ibid.* D.  
Stepsius, O. P. Scyræ. 865. C.  
de Paconeto, O. P. Arien. in  
Creta insula. 933. D.  
de Othert, O. P. *vide* Bertaldus  
de Oberk.
- Icenus *sive* Nordovolgicus, E. A.  
Cardicen. 980. B.
- de Arpino, O. M. Neopatriæ.  
1016. C.
- I. O. P. Chii. 1063. C.
- II. Garettus, Chii. 1064. C.  
de Zegedino, O. M. Trajano-  
polis. 1096. C.  
Nicolai, O. M. Laodiceæ.  
1168. D.  
de Adoaria, O. M. Tripolis sub  
Patr. Antioch. 1178. D.  
Edeffæ. 1185. B.
- I. O. Unitorum *sive* Præd. Nasci-  
van. 1405. E.
- II. O. V. *sive* P. Nascivan. 1406. A.
- III. O. V. *sive* P. Nascivan. *ibid.* C.
- Berardus, Athenar. 839. A.  
Nemofia in Cypro ins. 1225. E.



## INDEX.

- Berengarius Perrinus, O. M. Æginæ. 871. C.
- Bernardinus Surianus, Corcyrae. 881. C.  
de Grovama, O. M. Liffien. 956. B.  
five Bernardus, O. P. Santerini. 1009. E.
- Bernardus Flores, O. Crucifer. Agriæ in Creta inf. 926. G.  
Arcuficis, O. P. Callipol. 973. B.  
five Bernardinus, O. P. Santerini. 1009. E.  
Patrarum Veterum. 1025. E.  
Patr. Antioch. 1153. A.  
Artesia sub Patriarcha Antiocheno. 1189. D.  
Lyddæ & Ramulæ sub Patriarcha Hierof. 1272. B.  
Nazareth. 1295. A.  
Sidonis. 1321. A.  
Cambalu in Imperio Sinarum. 1351. C.  
de Gardiola, O. P. Diagorganensis. 1377. E.  
de S. Theresia, O. C. Bagdadi. 1391. C.
- Bertaldus de Oberk, O. P. Panidenfis. 968. A.
- Bertoldus Volo, O. P. Senascopolensis. 1415. A.
- Bertraminus de Seraphinis, O. M. Agriæ in Creta insula. 932. C.
- Bertramus five Bertrandus, O. P. Tephlis. 1371. B.
- Bertrandus de Insula, O. M. Æginæ. 871. C.  
Paphensis in Cypro inf. 1218. C.  
de Alaneo, Famagustæ in Cypro insula. 1221. D.  
de Pagiis, O. M. Sebastes in Palestina. 1292. B.  
five Bertramus, O. P. Tephlis. 1371. B.
- Bertucius, S. Thaddæi. 1387. A.
- Bessarion, Patriarcha Constant. 836. C.
- Blasius, E. A. Cephalenæ. 891. A.  
de Albania, O. P. Liffienfis. 955. B.  
Berytenfis sub Tyro. 1328. D.
- Bogislaus Corvinus Goziewsky, Smolensensis. 1140. D.
- Bonacursius de Gloire, O. P. Tyrenfis. 1320. B.
- Bonifacius I. five Fatius Donoraticus, O. P. Chironensis in Creta insula. 915. C.  
II. O. P. Chironensis in Creta insula. 916. C.  
five Fatius Donoraticus, O. P. Coronensis. 1037. E.  
O. C. Venecomponen. 1195. C.  
I. Soltaniæ. 1366. C. D.  
II. Soltaniæ. 1368. A.
- Bonjoannes, Patracensis. 1029. A.
- C
- Cachana, S. Thaddæi. 1385. A.
- Cæsar Bonajutti, Zacynthi. 896. B.  
N. O. M. Peristacii. 975. B.
- Cæfareus, Famagustæ in Cypro insula. 1219. C.
- Cardinalis, Patriarcha Constant. 812. E.
- Carolus de Vechis, Athenar. 844. C.  
Justiniani, Chii. 1061. C.  
Petrus Pancergensky, Smolensensis. 1139. C.
- Catharinus Barbo, O. M. Agriæ in Creta insula. 925. C.
- Christianus, O. P. Patr. Ant. 1162. A.
- Christianus Bellemares, O. M. Seleucia. 1182. B.  
O. P. Nemosia in Cypro insula. 1225. D.
- Christophorus Marcellus, Corcyra. 880. E.
- Christophorus Minii de Tolomæis, O. P. Sebast. in Palest. 1291. B.
- Cicery, Soc. Jesu, in Imperio Sinarum. 1356. A. B.
- Clemens, Kiovia. 1128. A.
- Conradus I. Fader, O. P. Argos. 899. D.  
II. Feden, O. P. Argos. 900. B.  
Linden de Weclaria, O. P. Christianopolis. 906. A.  
de Pregoantia, O. M. Caffensis. 1105. C.  
O. M. Abiensis sub Patriarcha Constantin. 1114. D.  
de Arnsberg, O. C. Venecomponensis. 1195. D.  
I. Nicosia in Cypro inf. 1210. A.  
II. Caracciolus, Nicosia in Cypro insula. *ibid.* B.  
de Wecloria, O. P. Chrysopolis in Arabia. 1307. B.
- Constantinus Justinianus, O. P. Cæa. 868. D.  
Zazynthi. 894. A.  
Mamistræ. 1200. C.  
Lyddæ & Ramulæ. 1272. A.
- Corradus, O. M. Ephesi. 957. B.  
five Conradus de Wecloria, O. P. Chrysopolis. 1307. B.  
O. P. Cambaliensis in Imperio Sinarum. 1350. D. E.
- Cosmas, O. M. Saraënsis. 1108. B.  
O. M. Cambaliensis in Imperio Sinarum. 1350. A.
- Cynthius de Pinea, Tripolis sub Patriarcha Antioch. 1177. C.
- Cyrillus, O. C. Patr. Hierof. 1252. B.
- D
- Daibertus five Daimbertus, Dagobertus & Theodebertus, Patriarcha Hierofol. 1243. A.
- Daniël de Leodio, O. P. Callipol. 971. C.  
I. O. C. Antaradi. 1173. A.  
II. de Castagnolo, O. M. Antaradi. 1174. D.  
de Terdona, O. M. Tarfi. 1184. B.  
O. M. Bolstrorum in Arabia. 1307. A.
- Dionysius, O. M. Cæa. 868. D.  
O. M. Chironensis in Creta insula. 918. A.  
O. M. Milopotamiae in Creta insula. 937. E.  
Mariammes. 1193. A.  
Græcus, Paphensis. 1220. B.  
Bard. O. P. Cerauniae in Creta insula. 1231. D.
- Dominicus de Grammatica Chius, Andrenfis. 866. A.  
Marengus, Scyræ. *ibid.* C.  
O. P. Cephalenæ. 892. B.  
de Dominicis, O. C. Sitenfis in Creta insula. 918. E.  
Bolanus, O. P. Agriæ in Creta insula. 926. E.  
de Dominicis, O. C. Milopotamiae. 937. C.  
Hierapetræ in Creta inf. 939. B.  
Ephesi. 958. B.  
Terdonenfis, O. P. Santerini. 1009. C.  
de Pera, O. P. Famagustæ in Cypro insula. 1222. E.
- Dominicus Pulchrifili, O. P. Dionysienfis in Arabia. 1309. B.  
O. M. Cambaliensis in Imperio Sinar. 1350. D.  
Maria Salvini, O. P. Nascivan. 1414. A.
- Donatus de Benevento, E. A. Neopatriæ. 1011. B.
- Dorotheus, Mitylenensis. 992. B.
- Durandus Sapelli, O. M. Mariammes. 1194. A.  
Nicosia. 1202. A.  
Bethleem & Ascalonis. 1284. E.  
de Sernino, O. C. Nazareth. 1300. C.
- E
- Ebremaus, Patriarcha Hierofol. 1245. D.  
Cæfareæ in Palestina. 1285. C.
- Eduardus Nunius, O. P. Laodiceæ. 1168. E.
- Elias five Helias, O. P. Patriarcha Antiochenus. 1160. E.  
O. C. Redæsti. 976. A.  
I. Nicosia in Cypro inf. 1203. E.  
II. de Nabinallis, O. M. Nicosia. 1207. E.  
III. Nicosia. 1211. E.  
I. Patr. Hierofolym. 1262. E.  
II. de Nabinallis, O. M. Patr. Hierofol. 1266. E.  
Acconis. 1336. B.
- Emericus, E. A. Camachæ. 1109. A.
- Emmanuel Caranza, Scyræ. 868. B.  
Longus, O. M. Beryti sub Tyro. 1328. C.  
à Jesu Maria, Lusitanus, in Imperio Sinarum. 1356. B.
- Epicius, Patr. Hierofolym. 1257. C.
- Eraclius five Eracleus, Patr. Hier. 1251. B.  
Cæfareæ in Palestina. 1288. B.
- Erasmus Pechenger, O. M. Salonienfis. 876. B.  
I. Villis, O. P. Naturen. 1134. D.  
II. Naturensis. 1135. A.
- Ernesius five Ernestus, Cæfareæ in Palestina. 1287. D.
- Everardus five Gervasius, Patr. Constantinopol. 799. B.  
O. M. Sebastes in Armenia. 1070. B.  
O. C. Cerauniae in Cypro insula. 1231. A.
- Eugenius, E. A. Smyrnae. 1078. B.
- Eustachius de Ancona, O. M. Naupacti. 996. B.
- Eustorgius, Nicosia in Cypro insula. 1203. C.  
Tiberiadis in Palest. 1304. D.
- F
- Fabricius, Nicosia in Cypro inf. 1213. B.
- Fantinus Vallareffius, Candia in Creta insula. 913. A.  
Heracleæ. 965. A.
- Fatius five Bonifacius Donoraticus, O. P. Chironensis in Creta insula. 915. C.  
Coronenfis sub Patrac. 1037. E.
- Fauflinus de Richettis, O. P. Megara. 851. B.
- Ferdinandus Vaqueirus, O. M. Aureliopolis. 962. A.
- Florentius, Acconis. 1335. D.
- Folkerus, Bybli. 1180. B.
- Franchionus Secretus, O. M. Ariensis in Creta insula. 932. B.  
O. M. Milopotamiae in Creta insula. 937. D.
- Francischinus, O. Cist. Athenarum. 841. B.
- Francischinus,



Franciscinus, Selymbriae. 969. D.  
 Famagusta. 1224. A.  
 Franciscus I. Landus *five* Laudus, Patriar-  
 cha Constant. 832. C.  
 II. Condulmerius, Patr. Constanti-  
 nopolit. 834. B.  
 Franciscus, O. M. Athenar. 841. B.  
 Megara. 851. C.  
 Coronea sub Athenis. 860. A.  
 I. Andrensis. 861. D.  
 II. Bertinus, Andrensis. 863. E.  
 Marturanus, O. M. Scyræ.  
 865. B.  
 I. Andreae, O. M. Cea. 867. D.  
 II. Cea. *ibid.*  
 III. O. M. Cea. 868. C.  
 de Massa, O. M. Corinthi.  
 888. A.  
 Argos. 900. B.  
 I. Michaelius, Candia in Creta in-  
 sula. 909. D.  
 II. Quirinus, Candia. 910. E.  
 III. Candia. 912. B.  
 Pavono, Chironensis in Creta in-  
 sula. 917. B.  
 de Molendina, O. M. Agienfis  
 in Creta insula. 926. E.  
 O. M. Cantia in Creta insula.  
 929. D.  
 O. C. Arienfis in Creta insula.  
 931. B.  
 Milopotamia in Creta. 937. D.  
 Hierapetra in Creta. 950. A.  
 I. de S. Georgio, O. P. Selymbriae.  
 968. C.  
 II. de Sancto Patre, O. M. Selym-  
 briae. 969. B.  
 Misini. 971. A.  
 Angurienfis. 977. B.  
 Nazorese. 987. B.  
 Buthroti. 997. B.  
 Nicopolis. 999. D.  
 Pisani, Paro-Naxienfis. 1006. C.  
 Neopatria. 1014. C.  
 Savoloca, Patracensis. 1027. B.  
 de Francisca, Methon. 1035. B.  
 I. de Luca, Coronensis sub Patra-  
 cen. 1038. C.  
 II. Coronensis. 1040. B.  
 Melos. 1057. B.  
 de Domossole, O. M. Sardinum.  
 1068. A.  
 de Monte-Granellio, O. M.  
 Smyrnae. 1078. A.  
 Tanensis. 1112. A.  
 O. P. Vospri *five* Bospori.  
 1111. C.  
 Augurienfis. 1117. A.  
 Suarez de Villegas, O. C. Cairi.  
 1150. C.  
 Contareus, Paphensis in Cypro  
 insula. 1220. A.  
 de Pernis de Vicheria, O. M.  
 Famagusta. 1223. A.  
 I. Varo, O. P. in Imperio Sina-  
 rum. 1355. D.  
 II. à Purific. E. A. in Imperio Sina-  
 rum. 1356. C.  
 Sudensis *five* Sunensis. 1379. B.  
 Cinquinus, O. P. Taurisienfis.  
 1384. A.  
 de Tauris, O. P. Nascivanensis.  
 1404. B.  
 Franco, Hierapolis sub Patr. Antiocheno.  
 1193. B.  
 Francus Perusinus, O. P. Soltanienfis.  
 1361. A.  
 Fredericus Mons, O. M. Ephefi. 958. B.

Tom. III.

Fredericus de Reterbeck, O. M. Scopien-  
 fis. 1139. A.  
 Tyri. 1313. D.  
 Acconis. 1329. C.  
 Fulcherus *five* Fulcherius, Patr. Hieroso-  
 lymitanus. 1250. A.  
 Tyri. 1312. A.  
 Fulco, Nemofia in Cypro inf. 1223. D.  
 G.  
 vel Theodoricus Fabri. Acto-  
 nensis. 1001. C.  
 Gabriel de Gabriellis, Methon. 1035. D.  
 Gailhardus de Urft-Saltu, O. P. Bethleem  
 & Ascalon. 1282. B.  
 Galesius, Caesarea Cappadociae. 877. B.  
 Nicosia in Cypro inf. 1211. A.  
 Garterus de Argentina, O. P. Praconnefi.  
 945. C.  
 Garzas de Martinis, O. P. Bybli. 1179. C.  
 Gaudentius, Caesarea in Palaest. 1287. B.  
 Gaufridus, Tripolis sub Patr. Antiocheno.  
 1176. B.  
 Anglus, O. P. Hebron. 1269. C.  
 Georgius, Patriarcha Constant. 820. B.  
*five* Gregorius de Cadolfino,  
 O. P. Corcyrae. 880. B.  
 Minotti, Sitenfis in Creta insula.  
 920. B.  
 Pandusius, O. P. Prisca. 953. B.  
 Liffienfis. 955. C.  
 de Argentina, O. P. Dimitrien-  
 fis. 959. B.  
 O. M. Sebastes in Armenia.  
 1072. B.  
 Famagusta in Cypro insula.  
 1221. D.  
 de Regibus, O. M. Senascopo-  
 lenfis. 1416. A.  
 Geraldus, O. M. Patriarcha Antiochenus.  
 1164. A.  
 Gerardus, O. M. Salonenfis. 874. C.  
 Christianopolis. 905. A.  
 E. A. Arienfis in Creta insula.  
 931. C.  
 O. M. Hierapolis in patriarchatu  
 Constantin. 939. A.  
 O. P. Rutenorum. 1137. B.  
 Laodicea. 1165. A.  
 Tripolis sub patriarchatu Antio-  
 cheno. 1175. A.  
 Coryci sub patriarchatu Antio-  
 cheno. 1197. A.  
 Nicosia in Cypro inf. 1206. E.  
 I. *five* Geraldus, Bethleem & Asca-  
 lonis. 1278. C.  
 II. *five* Jagardus, O. P. Bethleem &  
 Ascalonis. 1283. C.  
 III. de Gisors, Bethleem & Ascalonis.  
*ibid.* E.  
 O. M. Cataia. 1357. A. B.  
 de Monte-Pessulano, O. P. Dia-  
 tagerensis. 1387. D.  
 Gerlacus, Melos. 1056. C.  
 Gildehuisen, O. P. Hierapolis  
 sub Patr. Const. 1123. B.  
 Gervasius *five* Everardus, Patriarcha Con-  
 stant. 799. B.  
 Gibelinus, Patriarcha Hierosol. 1245. D.  
 Gifredus, Caffensis. 1106. A.  
 Gilibertus, Amyclarum. 1031. B.  
 Girolodus *five* Giralodus, Patriarcha Hiero-  
 solymit. 1255. E.  
 Godefridus de Perfectis, Bethleem & Asca-  
 lonis. 1280. E.  
 Gormundus, Patr. Hierosol. 1248. C.  
 Goswinus, O. C. Hierapolis sub patriar-  
 chatu Const. 1124. C.  
 Gothus, Senascopolensis. 1415. A.

Gotius *five* Goflius & Goffius, Patr. Con-  
 stantinopol. 813. B.  
 Gozzadinus, Zacynthi. 894. C.  
 Milopotamia in Creta. 938. E.  
 Gratiadeus, Megara. 851. A.  
 Gregorius, Patr. Constantin. 834. D.  
 E. A. Cithonia. 872. D.  
*five* Georgius de Cadolfino, O. P.  
 Corcyrae. 880. B.  
 Cephalenia. 891. C.  
 Croia. 955. A.  
 Rogerius de Arella, Selymbriae.  
 969. D.  
 Casella *five* Castagnola, O. P.  
 Melos. 1057. D.  
 de Corfanego de Pera, E. A. Tra-  
 pezi. 1100. D.  
 Lopez, O. P. in Imperio Sina-  
 rum. 1354. A.  
 Armenus, O. P. Nascivanensis.  
 1406. B.  
 Gualcherus *five* Gualterus, Negroponti.  
 847. A.  
 Gualo, Dimicenis. 981. B.  
 Gualterinus de Sarrezana, O. M. Acconis.  
 1336. C.  
 Gualterus *five* Gualcherus, Negroponti.  
 847. A.  
 Corinthi. 884. C.  
 O. P. Gabala sub Patr. Antio-  
 cheno. 1170. B.  
*five* Lotharius, Patriarcha Hiero-  
 solymorum. 1255. A.  
 I. Acconis. 1332. E.  
 II. Acconis. 1335. C. D.  
 de Polema, O. M. Sudensis *five*  
 Sunensis. 1379. B.  
 Gualtranus *five* Wallerannus, Beryti sub  
 Tyro. 1327. C. D.  
 Guarchi, Santerini. 1010. E.  
 Guarinus, Thessalonicensis. 1092. E.  
 Verisenfis. 1101. A.  
 Guerricus, Petra in Arabia. 1305. A.  
 Guido Brunellus, O. P. Nicosia in Cy-  
 pro insula. 1215. C.  
 de Ybelino, Famagusta in Cypro  
 insula. 1220. C.  
*five* Robertus, Patr. Hierosoly-  
 morum. 1256. E.  
 de Soliaco, O. P. qui non fuit  
 Patr. Hierosol. 1262. B.  
 Joppes sub Patr. Hier. 1291. C.  
*five* Yvo, O. P. Nazareth. 1299. B.  
 Guillelmus I. Pustrella *five* Pusterlius, Patr.  
 Constantinop. 820. B.  
 II. Patr. Constantinop. 822. B.  
 III. Patr. Constantinop. 828. B.  
 Andrenfis. 862. B.  
 I. de Morbeka, O. P. Corinthi.  
 886. B.  
 II. Corinthi. 887. D.  
 Cephalenia. 891. C.  
 I. Mauracochius, O. M. Cissamia  
 in Creta insula. 927. B.  
 II. Emergavi, O. M. Cissamia.  
 928. C.  
 de Neapoli, O. C. Dyrrachii.  
 951. D.  
 O. M. Sozopolis. 961. C.  
 Demetriacensis. 984. A.  
 O. M. Patracensis. 1027. C.  
 de Pontoise, O. Clun. Oleni.  
 1041. C.  
*five* Willelmus, Philipporum.  
 1045. B.  
 Rhodi *five* Colossensis. 1051. B.  
 I. Alboni, O. M. Nizeria. 1053. C.  
 II. Nizeria. *ibid.* D.



- Guillelmus III. Capellerii, E. A. Nizeriæ. 1054. C.  
 deTurin, O. P. Hierapol. 1125. A.  
 de Chanac, Patr. Alex. 1145. B.  
 five Willelmus, Gabalæ. 1169. A.  
 O. P. Antaradi. 1172. B.  
 five Willelmus, O. P. Tripolis. 1176. D.  
 five Willelmus, Albariæ. 1192. B.  
 Gones, E. A. Nicosiæ in Cypro insula. 1213. C.  
 E. A. Paphensis in Cypro insula. 1218. E.  
 O. C. Nemos in Cypro. 1127. B.  
 I. five Willelmus, Tyri. 1311. C.  
 II. five Willelmus, Tyri. 1314. C.  
 five Willelmus, Beryti. 1326. A.  
 I. five Willelmus, Accon. 1229. D.  
 II. Acconis. 1336. A.  
 five Willelmus Belits, O. P. Soltaniæ. 1367. A.  
 five Willelmus de Wildenholtz, O. M. Salmafæ. 1383. C.  
 I. five Willelmus Belga, Patriarcha Hierosol. 1249. D.  
 II. Patriarcha Hierosol. 1260. A.  
 III. Patriarcha Hierosol. 1267. B.  
 IV. Patriarcha Hierosol. 1268. D.  
 Lyddæ & Ramulæ. 1274. E.  
 de Valen five de Valone, Bethleem & Afcā. 1285. A.  
 I. five Willelmus, Nazareth. 1295. B.  
 II. de S. Joanne, O. Templi Hierosol. Nazareth. 1299. D.  
 III. Belvaifus, O. M. Nazareth. 1300. D.  
 I. Tiberiadis. 1304. D.  
 II. Tiberiadis. *ibid.*  
 Pratenfis, O. M. Cambalienfis. 1350. A. B.  
 Adæ, O. P. Soltanien. 1364. C.  
 de Cigiis, O. P. Taurisienfis. 1379. C.  
 Gallus, O. P. Ochiæ in Japonia. 1413. C.  
 Gundifalvus de Curiola, O. P. Angurienfis. 977. B.  
 Augurienfis. 1117. A.  
 Gutterius de Quinones, O. P. Libarienfis. 945. A.  
 H.  
 Corinthi. 883. A.  
 Bybli. 1177. E.  
 Haymo, Lacedæmonis. 903. A.  
 Coronæ sub Patracen. 1037. D.  
 Hector, Neæ five Nio. 1135. B.  
 Helias, *vide* Elias.  
 Henricus, Patriarcha Constant. 816. C.  
 I. Cæfareæ in Cappadocia. 877. A.  
 II. Kaltyfen, O. P. Cæfareæ. 878. A.  
 de Villacolor, O. M. Christiannopolis. 906. A.  
 Juvenis, O. C. Redæsti. 975. A.  
 de Apoldia, O. M. Lavatenfis. 1016. D.  
 Melos. 1056. B.  
 Woggherfin, E. A. Sebastes in Armen. 1071. B.  
 I. Rufii. 1098. A.  
 II. Ringourt, O. M. Rufii. *ibid.*  
 O. M. Tanenfis. 1110. C.  
 Dacus, O. P. Kioviæ. 1125. B.  
 de Brommelsheim, O. C. Afcartan. 1134. B.  
 Rutenorum. 1138. B.  
 Cyrenen. sub patr. Alex. 1151. C.  
 de Henreberch, O. P. Gabalæ. 1170. C.  
 Henricus de Rubenach, O. P. Venecomponenfis. 1196. D.  
 I. Nazareth. 1298. B.  
 II. Nazareth. *ibid.* E.  
 I. Tephlis. 1372. B.  
 II. Wonst, O. M. Tephlis. *ibid.*  
 de Praga, O. P. Salmafæ. 1384. D.  
 Herbertus, Tiberiadenfis. 1301. A.  
 Hermannus, Naupacli. 996. B.  
 Nicopolis. 1000. C.  
 Burburonde, O. M. Acton. *ibid.*  
 Wolfst, O. P. Christop. 1049. B.  
 de Gherden, O. P. Citri. 1096. B.  
 Scapienfis. 1139. A.  
 Hieremias Coutugius, Ceraunenfis in Cypro insula. 1232. A.  
 Hieronymus Landus, Candia in Creta insula. 913. E.  
 Ciffamiæ, suo loco omiffus. 1224. C.  
 Callipolis. 974. A.  
 Gaduanus. Santerini. 1010. D.  
 I. de Camulio, O. M. Chii. 1062. C.  
 II. Viginus, O. M. Chii. 1063. D.  
 III. Justiniani, O. P. Chii. 1064. C.  
 I. O. M. Caffenfis. 1103. B.  
 II. de Genua, O. P. Caffenfis. 1106. A.  
 Clavigo, O. P. Neæ five Nio. 1136. C.  
 Ragazzonus, Famagustæ in Cypro insula. 1224. C.  
 O. M. in Tartaria. 1348. C.  
 Apostata, S. Thaddæi. 1387. B.  
 Hilarius, Corcyra. 880. B.  
 Hippolytus Arivabenus, Hierapetræ in Creta insula. 940. B.  
 Hughectus de Valentia, O. P. Mitylenes. 992. A.  
 Hugo Rethut, O. P. Corinthi. 888. E.  
 de Stenheim, O. P. Nicopolis. 1001. A.  
 de Robertis de Tripoli, Patriarcha Alexandrinus. 1146. E.  
 Gabalæ. 1169. B.  
 Edeffæ. 1186. C.  
 I. Nicosiæ in Cypro inf. 1204. E.  
 II. Lufignanus, Nicosiæ. 1210. E.  
 I. O. P. Bethleem & Afcalonis. 1282. D.  
 II. O. P. Bethleem & Afcā. 1284. D.  
 de Tabaria, Tiberiaden. 1301. A.  
 Humbertus five Imbertus Delphinus, O. P. Patr. Alexand. 1195. C.  
 de Romanis, O. P. Patriarcha Hierosol. 1259. C.  
 Hyacinthus Maria Conigli, O. P. Zacynthi. 894. D.  
 Subianus, O. P. Smyrnæ. 1078. D.  
 Macripodanus, O. P. Scapienfis. 1140. A.  
 I.  
 J. Neopatriæ. 1013. A.  
 Lyddæ & Ramulæ. 1273. D.  
 Cæfareæ in Palæstina. 1290. B.  
 Paneadis sub Patr. Hierosolymorum. 1338. A.  
 Jacobus Campanus, Patr. Const. 826. E.  
 de Urbe, E. A. Andren. 861. D.  
 della Rocha, Cere five Ceos. 870. A.  
 Cauchus, Corcyra. 881. A.  
 Corinthi. 887. E.  
 I. Petrus de Pigalordis, O. P. Argos. 899. C.  
 II. Richei, O. P. Argos. 902. B.  
 O. P. Lacedæmonis. 904. A.  
 E. A. Maynæ. 904. D.  
 Jacobus Agienfis five Agriæ in Creta insula. 923. D.  
 Ciffamiæ in Creta inf. 929. C.  
 I. de Ponto, O. M. Milopotamiæ in Creta insula. 936. E.  
 II. Suretus, Milopotamiæ in Creta insula. 938. B.  
 N. O. M. Badicenfis in Creta insula. 940. B.  
 Adrimitanus. 944. B.  
 Libarienfis. 943. C.  
 de Bononia, E. A. Panidenfis. 966. B.  
 de Florentia, O. M. Thebarum Zitonis. 990. A.  
 de Cupis, Paro-Naxien. 1005. D.  
 Calataud, O. P. Santer. 1009. D.  
 Chalcedonis. 1020. B.  
 Fulginas, O. P. Methonenfis. 1035. C.  
 I. Navellus, O. P. Melos. 1055. B.  
 II. Melos. 1057. A.  
 I. Gudrigetti de Lavazola, O. P. Teni & Myconi. 1059. C.  
 II. O. M. Teni & Myconi. 1060. B.  
 Sardium. 1067. A.  
 Thebarum. 1088. A.  
 O. P. Caffenfis. 1106. B.  
 de Ponteturnio, O. M. Lucucenfis. 1113. C.  
 Goreschi, O. P. Baccov. 1117. C.  
 O. P. Kioviæ. 1127. B.  
 de Bruna, Moscoviæ. 1132. B.  
 Wemmers, O. C. Cairi. 1149. C.  
 I. de Wefep, O. P. Bybli sub Tyro. 1180. A.  
 II. de La, O. P. Bybli. *ibid.* B.  
 III. de Wefp, O. P. Bybli. *ibid.* C.  
 de Clufio, O. P. Tarfi. 1185. A.  
 Nicosiæ in Cypro inf. 1211. E.  
 I. Paphenfis in Cypro. 1217. D.  
 II. Paphenfis. 1219. A.  
 O. P. Famagustæ in Cypro insula. 1222. D.  
 I. de Vitriaco, Patriarcha Hierosolymorum. 1256. E.  
 II. Pantaleon, Patr. Hierosol. 1257. D.  
 de Mileto, O. P. Sebastes in Palæstina. 1290. E.  
 Beryti sub Tyro. 1328. D.  
 de Vitriaco, Acconis. 1333. A.  
 de Ockembroche, O. P. Sareptæ. 1339. B.  
 O. P. Cambalienfis. 1350. E.  
 de Grangia, O. P. in Imperio Sinarum. 1353. B.  
 Sottoripa, O. M. Cataiæ. 1360. B.  
 Jagardus, O. P. Bethleem & Afcā. 1283. C.  
 Jerafinus Græcus, Cerauniæ in Cypro insula. 1232. D.  
 Ignatius Cosolendi, in Imperio Sinarum. 1353. C.  
 Imbertus, Amyclarum. 1031. B.  
 five Imbertus Delphinus, O. P. Patr. Alex. 1195. C.  
 Inguerandus Sugart, O. P. Selymbriæ. 970. E.  
 Jo. Methonenfis. 1031. C.  
 Joannes I. de Abbativilla, Patr. Constantinop. 803. E.  
 II. Patriarcha Constantin. 833. A.  
 III. de Rupefciffa, Patriarcha Constantin. *ibid.* B.  
 IV. Patriarcha Constantin. 834. D.  
 O. M. Athenarum. 842. B.  
 I. de Hemburg, O. M. Thermopylarum. 849. C.  
 II. Thermopylarum. 850. B.



Joannes III. Thermopylarum. 850. C.  
 Megaræ. 851. D.  
 E. A. Davaliæ. 856. B.  
 de S. Catharina, O. C. Andren-  
 fis. 861. B.  
 I. Michaël de Curtis Cucuzza, O. C.  
 Scyræ. 867. A.  
 II. Franciscus Boffi, Scyræ. *ibid.* B.  
 I. Æginæ. 870. C.  
 II. Æginæ. 872. C.  
 I. E. A. Salonienfis. 874. B.  
 II. Salonienfis. *ibid.* C.  
 III. Stanterbich, Salonienfis. 875. A.  
 IV. Freyn, O. M. Salonienfis. *ibid.*  
 V. O. M. Salonienfis. *ibid.* B.  
 VI. Salonienfis. 876. A.  
 Reonenfis. *ibid.* D.  
 Fabri, O. C. Cæfareæ in Cappa-  
 docia. 877. B.  
 I. de Porta, Corcyra. 879. B.  
 II. de Aurelia, Corcyra. *ibid.* D.  
 III. Petrus Fortiguerrus, Corcyra.  
 881. B.  
 Petrus, Corinthi. 888. D.  
 I. Petrus. Cephaleniæ. 891. B.  
 II. Cephaleniæ. 892. C.  
 I. Zacynthi. 893. B.  
 II. Antonius Scardameti, O. M. Za-  
 cynthi. *ibid.*  
 III. Franciscus Commendonis, Za-  
 cynthi. *ibid.* C.  
 IV. Petrus Delphinus, Canon. Reg.  
 Zacynthi. *ibid.* D.  
 V. Roffi, Zacynthi. 894. B.  
 VI. Chrysofomus, Zacynthi. 895. C.  
 Argos. 899. C.  
 O. P. Lacedæmonis. 904. B.  
 Coctor, O. M. Christianopolis.  
 905. A.  
 Quirinus, Candia in Creta insula.  
 907. A.  
 I. Chironenfis in Creta inf. 916. D.  
 II. Franciscus Verdura, Chironenfis.  
 918. C.  
 I. de Clavasio, O. M. Sitenfis in  
 Creta insula. 917. D.  
 II. de Senis, O. P. Sitenfis. *ibid.* E.  
 III. Sitenfis. 920. A.  
 Cissamiae in Creta inf. 928. C.  
 I. de Chorono, O. P. Arienfis in  
 Creta insula. 933. A.  
 II. de Vanno, O. M. Arienfis. *ibid.* C.  
 Quirinus, O. M. Hierapetræ in  
 Creta insula. 940. A.  
 I. Heyterbach, O. P. Adrimitanus.  
 943. B.  
 II. Welmechier, O. M. Adrimita-  
 nus. 944. B.  
 I. de Quinque-Ecclesiis, E. A. Li-  
 bariensis. 943. C.  
 II. de Derteren, O. M. Libariensis.  
 944. C.  
 III. O. M. Libariensis. *ibid.*  
 I. Bonifacii de Panella, Dyrrachii.  
 951. E.  
 II. de Duratio, O. P. Dyrrachii. *ibid.*  
 I. de Constantia, O. P. Scopeli.  
 963. B.  
 II. de Limengaulie, O. P. Scopeli.  
 964. C.  
 Panidenfis. 967. A.  
 Selymbria. 969. B.  
 Tideli, O. P. Misini. 972. A.  
 I. de Cocedorio, O. P. Callipolis.  
 974. A.  
 II. Kiperia, O. P. Callipolis. *ibid.* B.  
 I. de Portiaco, O. M. Demetria-  
 censis. 984. A.

Joannes II. de Quemada, O. M. Deme-  
 triacensis. 984. B.  
 I. Sidonienfis sub patriarchatu Con-  
 stantinopol. 986. A.  
 II. Bratianus, O. M. Sidonienfis.  
*ibid.* B.  
 Fanelli, O. P. Nazorescæ. 988. B.  
 Mitylenes. 991. A.  
 de Falconcio, O. M. Berratinen-  
 fis. 994. C.  
 Naupacti. 996. A.  
 Cecchi Offidanus, O. M. Nico-  
 polis. 999. D.  
 I. O. P. Paro-Naxienfis. 1005. B.  
 II. Franciscus Boffi, Paro-Naxien-  
 fis. 1008. C.  
 I. Santerini. 1007. D.  
 II. de Nardo, O. P. Santerini.  
 1008. D.  
 Neopacensis. 1012. B.  
 I. Ruis, E. A. Neopatriæ. 1015. B.  
 II. O. M. Neopatriæ. 1016. B.  
 Lavatenfis. 1015. D.  
 de Villa-Vezzoza, Cæsar. 1021. C.  
 I. Ursinus, Patracensis. 1028. D.  
 II. de Placentinis, Patracen. 1029. C.  
 III. Baptista de Judicibus, O. P. Pa-  
 tracenfis. 1030. E.  
 I. Coronensis sub Patrac. 1039. A.  
 II. Raolecus, O. M. Coronensis.  
*ibid.* C.  
 O. Cist. Oleni. 1043. B.  
 Tolonus, O. M. Andrevillæ.  
 1045. A.  
 I. Zacous, O. M. Christopolis.  
 1049. B.  
 II. Christopolis. 1050. B.  
 Fardinas, O. P. Rhodi. 1051. C.  
 I. Nizeriæ. 1053. C.  
 II. O. P. Nizeriæ. 1054. D.  
 I. de Medicis, O. M. Melos.  
 1056. C.  
 II. Botefach, O. P. Melos. *ibid.*  
 III. Melos. *ibid.* D.  
 IV. Petrus Ferretus, Melos. 1057. C.  
 Teni & Myconi. 1059. B.  
 Baptitus, Chii. 1061. B.  
 I. Sebastes in Armenia. 1070. B.  
 II. à S. Facundo, O. M. Sebast. *ibid.* C.  
 Sebastopolis. 1072. C.  
 Beriffes. 1071. D.  
 Leycester, O. C. Smyrnæ.  
 1077. D.  
 I. O. C. Phocææ. 1079. B.  
 II. Rubeus, Phocææ. *ibid.* C.  
 de Pontremulo, O. M. Theba-  
 rum. 1088. A.  
 Citri. 1096. B.  
 Carnutenfis, O. P. Rufii. 1097. A.  
 Mundel, O. M. Trapezi. 1099. D.  
 I. de Rothomago, O. P. Caffensis.  
 1103. A. & 1138. A.  
 II. O. M. Caffensis. 1105. C.  
 Camachæ. 1110. A.  
 Symbolienfis sive Sibulæ. 1109. B.  
 O. M. Matrigensis. 1113. A.  
 O. M. Ajaciensis. 1115. A.  
 Robillerius, O. P. Avenetenfis.  
*ibid.* C.  
 I. Baptista Zamoysky, O. P. Bac-  
 coviæ. 1117. B.  
 II. Franciscus Louzony, Baccoviæ.  
 1118. B.  
 III. Damascenus Lubiensky, O. P.  
 Baccoviæ. *ibid.*  
 I. Cereti. 1119. C.  
 II. Sartorius Rutenus, O. P. Cereti.  
*ibid.* D.

Joannes III. O. M. Cereti. 1120. C.  
 IV. Rosa, O. P. Cereti. *ibid.* D.  
 I. Dionysiopolis. 1121. B.  
 II. de Ilten, O. P. Dionysiopolis.  
 1122. B.  
 I. Dimitacensis. 1123. A.  
 II. O. M. Dimitacensis. 1124. A.  
 I. Hierapolis sub patriarchatu Con-  
 stantinopol. 1123. B.  
 II. Hierapolis. 1124. B.  
 I. O. P. Kiovia. 1127. E.  
 II. Tarlot, Kiovia. 1130. C.  
 I. E. A. Naturensis. 1134. D.  
 II. Naturensis. 1135. A.  
 III. Fabri, O. M. Naturensis. *ibid.*  
 IV. Joannis, O. M. Natur. 1136. A.  
 V. Naturensis. *ibid.*  
 de Strans, O. M. Pergetensis.  
 1137. A.  
 Hoppe, O. P. Rutenor. 1138. C.  
 Scopiensis. 1139. A.  
 I. Patriarcha Alexandr. 1144. B.  
 II. Patriarcha Alexandr. 1145. E.  
 I. Spenner, O. M. Cyrenensis sub  
 Patr. Alexandr. 1151. C.  
 II. de Beerfel, O. M. Cyrenensis.  
 1152. B.  
 III. Petrus Fortiguerra, Cyrenensis.  
*ibid.* C.  
 Tripolis sub patriarchatu Antio-  
 cheno. 1178. B.  
 I. Tarfi. 1184. A.  
 II. O. M. Tarfi. *ibid.* D.  
 III. Tarfi. *ibid.*  
 IV. Tarfi. *ibid.* E.  
 I. Faber, O. M. Lariffæ sub Patr.  
 Antioch. 1191. D.  
 II. Lariffæ. 1192. D.  
 Slehter, O. M. Venecompo-  
 nensis. 1196. C.  
 I. O. M. Nicosiæ in Cypro insula.  
 1206. D.  
 II. de Polo de Provincialibus, O. P.  
 Nicosiæ. 1207. B.  
 III. Nicosiæ. 1212. E.  
 Paphensis in Cypro inf. 1218. C.  
 O. M. Famagustæ in Cypro in-  
 sula. 1221. E.  
 de Ryfsterscheyt, O. P. Cerauniæ  
 in Cypro inf. 1231. B.  
 de Montefono, O. M. Abienfis  
 sub Patr. Ant. 1238. A.  
 Lupi, O. C. Constantiæ sub pa-  
 triarchatu Ant. 1239. A.  
 de Vercellis, O. P. Patriarcha  
 Hierosol. 1262. C.  
 Celli de Tuderto, O. P. Lyddæ.  
 1276. B.  
 I. de Heglescliff, Anglus, O. P.  
 Bethleem & Afc. 1284. A.  
 II. Salvutius, O. M. Bethleem & Af-  
 calonis. *ibid.* E.  
 III. de Genencé Flander, O. P. Beth-  
 leem & Afc. 1286. A.  
 de S. Martino, O. C. Joppes.  
 1292. E.  
 I. Salamonius, O. P. Nazareth.  
 1300. D.  
 II. de Urbé, Nazareth. *ibid.* E.  
 I. Le Tellier, O. C. Dionysienfis  
 in Arabia. 1309. A.  
 II. Dionysienfis. 1310. A.  
 III. Ermannus, O. P. Dionysienfis.  
*ibid.* B.  
 è S. Messano sive Maxentio, O. P.  
 Tyri. 1320. A.  
 Beryti sub Tyro. 1325. C. D.  
 I. Acconis. 1329. A.



- Joannes II. Acconis. 1332. B.  
 III. de Prunio, Acconis. 1334. A.  
 Paneadis five Cæsareæ Philippi.  
 1337. C.  
 I. de Monte-Corvino, O. M. Cambalensis. 1345. A.  
 II. Pelletz, O. M. Cambalensis. 1351. C.  
 I. de Core, O. P. Soltaniæ. 1365. B.  
 II. O. P. Soltaniæ. 1366. D.  
 III. O. P. Soltaniæ. 1367. C.  
 Grenlaw, O. M. Soltaniæ. 1368. A.  
 IV. O. Unitorum, Soltaniæ. *ibid.* B.  
 I. è Florentia, O. P. Tephli. 1369. A.  
 II. Iminch, E. A. Tephli. 1372. B.  
 de Medina, O. M. Sudensis five Sunensis. 1380. B.  
 de Rothomago, O. P. Taurisensis. 1381. E.  
 Baptista de Insula, O. P. S. Thaddæi. 1387. A.  
 Thaddæus, O. C. Aspahamensis in Perside. 1389. B.  
 I. O. P. Nascivanensis sub Imperio Persarum. 1404. B.  
 II. O. P. Nascivanensis. *ibid.* C.  
 III. Lycens, O. P. Nascivanensis. 1405. A.  
 IV. Simonis, O. P. Nascivanensis. *ibid.* D.  
 V. Baptista, O. Unitorum five Præd. Nascivan. *ibid.* E.  
 VI. Vincentius Castelli, O. P. Nascivanensis. 1412. E.  
 Senascopolensis. 1416. A.  
 Joannikius Græcus, Larnicensis in Cypro insula. 1232. D.  
 Job de Macho, O. P. S. Thaddæi. 1387. B.  
 Jordanus de Miramonte, O. P. Cerauniæ in Cypro inf. 1229. E.  
 Catalani, O. P. Columbensis. 1371. D.  
 Joricus five Joscius aut Josephus, Tyri. 1316. A. B.  
 Acconis. 1331. C.  
 Josephus Caccia, O. M. Zacynthi. 896. A.  
 de Montanaris, O. M. Paro-Naxiensis. 1000. C.  
 five Joricus aut Joscius. Tyri. 1316. A. B.  
 Cambalensis. 1350. D.  
 Isidorus, Patriarcha Constant. 834. D.  
 Corcyræ. 880. D.  
 Nicosiæ in Cypro inf. 1212. D.  
 Isnardus Tacconus, O. P. Thebar. 1084. B.  
 Patriarcha Antioch. 1163. A.  
 Israël, O. P. Coronensis sub Patracensis. 1038. D.  
 Iterius de Nabinallis, O. M. Antaradi. 1174. C.  
 Famagustæ in Cypro. 1221. C.  
 Nemosiæ in Cypro. 1228. B.  
 Judocus Bar, O. P. Hierapolis sub Patr. Constantin. 1123. C.  
 Julianus five Julius Stamiranus, O. P. Megaræ. 853. B.  
 Calamonæ in Creta inf. 921. C.  
 Angeli five de Angelis, O. P. Hierapetræ. 939. B.  
 Cardicensis. 980. C.  
 Hectoris, O. M. Tarsi. 1184. D.  
 Armenus, O. P. Nicosiæ in Cypro inf. 1216. B.  
 Julius five Julianus Stamiranus, O. P. Megaræ. 853. B.  
 Corinthi. 889. B.  
 Junelli, O. S. Bened. Zacynthi. 895. B.  
 Ivo five Yvo Nerocii de Senis, O. P. Nicopolis. 999. E.  
 five Yvo & Guido, O. P. Nazareth. 1299. B.  
 K  
 Kenardus de Villaco, O. P. Tephli. 1371. C.  
 L  
 La, Tripolis sub Patr. Ant. 1175. C.  
 Apameæ. 1188. C.  
 Labia, Corcyræ. 881. E.  
 Ladislaus, Trajanopolis. 1095. C.  
 Lambertinus, Nemosiæ in Cypro insula. 1227. E.  
 Lambertus five Lombardus & Leonardus de Solis, O. M. Andrensis. 863. A.  
 Laurentius Alphonfi, E. A. Megaræ. 851. D.  
 O. P. Methonensis. 1034. D.  
 Lazarinus, O. M. Buthroti. 997. C.  
 Lazarus, Ariensis in Creta inf. 931. A.  
 à Christo fuscitatus, is non fuit episcopus in Cypro insula. 1231. 1232. & 1339. 1340. *Monit.*  
 Leo de Naxia, O. M. Sitiensis in Creta insula. 920. B.  
 Calamonæ in Creta inf. 921. A.  
 Leodegarius, Nemosiæ in Cypro insula. 1228. C.  
 Leonardus, Patriarcha Constant. 810. C.  
 I. Candia in Creta insula. 907. C.  
 II. Delphinus, Candia. 912. A.  
 I. O. P. Mitylenes. 992. B.  
 II. Mitylenes. 993. C.  
 Nicopolis. 999. B.  
 Patraffus, Methonensis. 1033. B.  
 de Balestrinis, O. M. Rhodi. 1054. A.  
 Palavicinus, Chii. 1062. B.  
 Delphinus, Patriarcha Alexandrinus. 1146. D.  
 Cambalensis in Imperio Sinarum. 1351. B.  
 Leontius, Agathopolis. 963. D.  
 Letardus five Lotardus aut Leotardus, Nazareth. 1296. A.  
 Libertus de Bræhun, O. M. Beriffes. 1072. D.  
 Lociamus, Cæsareæ in Palæst. 1290. C.  
 Lombardus five Lambertus de Salis, O. M. Andrensis. 863. A.  
 Lotharius five Gualterus, Patriarcha Hierosolymitanus. 1255. A.  
 Lucas Stella, Candia in Creta inf. 916. A.  
 Agiensis five Agriæ in Creta insula. 926. A.  
 Stella, Milopotamiae in Creta insula. 938. C.  
 O. Servitar. Cardicensis. 980. C.  
 Nicopolis. 999. A.  
 Manellus, O. P. Zichnarum. 1073. B.  
 Luchinus, O. M. Neopatriæ. 1016. C.  
 Lucianus, Antaradi. 1174. D.  
 Famagustæ in Cypro. 1221. E.  
 Ludovicus Alliotus, Athenarum. 842. E.  
 Galteri, O. P. Thermop. 850. C.  
 five Aloysius, Agriæ in Creta insula. 926. E.  
 de Martinis, O. P. Ariensis in Creta insula. 934. C.  
 Bianchus, O. M. Dyrrachii. 952. D.  
 O. M. Sidoniensis sub patriarchatu Constant. 986. A.  
 I. Maurocenus, Methon. 1034. D.  
 Ludovicus II. Longus, O. P. Methonensis. 1035. D.  
 I. Coronensis sub Patrac. 1039. C.  
 II. five Aloysius de Apera, Coronensis. 1042. A.  
 E. A. Chii. 1062. B.  
 de Foro, O. P. Phocæ. 1080. A.  
 I. de Urbe Veteri, O. M. Thessalonicæ. 1094. C.  
 II. Bonetus, Thessalonicæ. *ibid.* D.  
 Soldaia. 1107. A.  
 Combonet, O. P. Avenetenensis. 1116. C.  
 Podocator five Podocharius, Nicosiæ. 1214. A.  
 Diocæsareæ. 1239. B.  
 Hebronensis sub Patr. Hierosol. 1270. C.  
 Acconen. sub Tyro. 1336. C. D.  
 Placidus du Chemin, Bagdadi. 1392. C.  
 Lugara Græcus, Cerauniæ in Cypro insula. 1232. C.  
 Luinus Brunstorp, O. P. Dionysiensis in Arabia. 1310. B.  
 M  
 M. Dyrrachii. 949. A.  
 Mainardus, Beryti sub Tyro. 1326. B.  
 Mammimetrus, Hebronensis sub patriarchatu Hierosol. 1270. C.  
 Manfredus, O. M. Chii. 1061. A.  
 Marchio five Franciscus de Vuffen, O. M. Callipol. 972. C.  
 Marcus I. Contarenus, O. C. Corcyræ. 879. E.  
 II. Antonius Barbarigo, Corcyræ. 881. E.  
 Agiensis five Agriæ in Creta insula. 925. C.  
 Laureus, O. P. Santer. 1009. D.  
 Methonensis. 1035. D.  
 Cataneo, O. P. Rhodi. 1054. B.  
 Stella, O. P. Melos. 1057. A.  
 I. de Palmerio, O. P. Teni & Myconi. 1059. C.  
 II. Sclavus de Candia, O. M. Teni & Myconi. 1060. C.  
 Justinianus Massonus, O. P. Chii. 1064. D.  
 Viarum, O. M. Trapez. 1100. D.  
 Antaradi. 1174. B.  
 Famagustæ in Cypro. 1221. B.  
 de Pera, O. M. Salmasæ. 1383. D.  
 O. Unit. five Præd. Nascivanensis in Armen. 1408. E.  
 Maria Salvini, O. P. Nascivan. 1414. A.  
 Martinus, Coronensis sub Athen. 859. C.  
 Vannis de Esculo, E. A. Cissamiae in Creta inf. 929. C.  
 de Torba, E. A. Cardicensis. 981. A.  
 Jacobi, O. M. Nicopol. 999. C.  
 Methonensis. 1035. C.  
 de Soleta, O. P. Christopolis. 1047. B.  
 de Soto-Majori, O. C. Tripolis. 1069. A.  
 Madronius, O. M. Sebastes in Armenia. 1070. C.  
 I. Laodiceæ. 1168. C.  
 II. Laodiceæ. *ibid.* D.  
 Seleucia. 1182. B.  
 de Chiari, O. U. five P. Nascivan. in Armen. 1405. B.  
 Matthæus I. five Matthias, Patr. Constantinopol. 801. E.  
 II. Bandellus, O. P. Patr. Constantinopol. 829. D.  
 Matthæus



# INDEX.

XXV

Matthæus de Sirinno, O. M. Coronensis  
sub Athen. 860. B.  
de Ofenio, O. P. Corinthi.  
887. B.  
de Retimo *vel* Recimo, E. A.  
Sitiensis in Creta. 920. A.  
Dyrrachii. 950. C.  
O. M. Cronensis. 1002. B.  
O. M. Neopatriæ. 1015. A.  
Luthus, E. A. Chalcedonis.  
1020. D.  
de Sirinno, O. M. Coronensis  
sub Patrac. 1040. C.  
de Empolio, O. P. Rhodi.  
1051. C.  
Tanensis. 1111. A.  
Sebastes in Palæstina. 1292. B.  
de Castro, Chrysopolis in Arabia.  
1308. B.  
Beryti sub Tyro. 1328. C.  
I. Avenicensis, O. P. Nascivanensis  
in Armenia. 1405. C.  
II. Erasmus, O. P. Nascivanensis.  
1408. E.  
III. O. P. Nascivanensis. 1409. A.  
IV. de Avanic, O. P. Nascivanensis.  
1411. A.  
Matthias *sive* Matthæus, Patriarcha Con-  
stantinopol. 801. E.  
Trapezi. 1099. C.  
Emich, O. C. Cyrensis in patr.  
Alexandrino. 1151. B.  
Ugonius, Famagustæ in Cypro  
insula. 1223. B.  
Melillus de Sabinice, E. A. Andrensis.  
861. D.  
Michaël de Terminis *sive* de Tornicis, O. P.  
Andrensis. 862. A.  
O. P. Candia in Creta insula.  
915. A.  
Arcadia in Creta. 920. C.  
de Candia, O. P. Agienfis in  
Creta insula. 926. A.  
de Verona, O. P. Milopotamix  
in Creta insula. 935. A.  
de Natera, O. P. Lissien. 955. C.  
Jacobi, O. M. Nicopol. 1000. B.  
Castault, O. M. Christopolis.  
1050. B.  
O. M. Trapezi. 1100. A.  
de Rentelem, O. P. Symbolien-  
fis. 1109. B.  
I. Trestka, O. P. Kiovia. 1127. D.  
II. O. P. Kiovia. *ibid.* E.  
III. de Leopoli, O. P. Kiovia. 1128. B.  
de Padrolo, O. P. Nex *sive* Nio.  
1135. B.  
Patriarcha Hierosol. 1252. C.  
Mictareus, O. Unit. *sive* Præd. Nascivan.  
in Armenia. 1405. B.  
Minor, Dyrrachii. 951. E.  
Monachus, Patr. Hierosol. 1252. E.  
Cæsareæ in Palæst. 1288. C.  
Moyfes, O. P. Kiovia. 1130. A.  
Mozzenigo, Candia in Creta. 916. B.  
N  
N. Tarfi. 1183. A.  
Nazareth. 1297. E.  
Nicephorus Melissenus Comnenus, Paro-  
Naxia. 1006. E.  
Nicolaus I. Patriarcha Constant. 805. E.  
II. Patriarcha Constant. 811. E.  
Athenarum. 841. D.  
Negroponti. 847. B.  
de Pilsua *sive* de Pilsna, O. P.  
Megaræ. 851. D.  
de Neritano, O. M. Davalia.  
856. A.

Tomus III.

Nicolaus, Andrensis. 861. C.  
Zeno, Corcyra. 882. B.  
Argos. 899. B.  
O. M. Cissamix in Creta insula.  
926. B.  
Salma, O. M. Arienfis in Creta  
insula. 933. C.  
O. M. Milopotamix in Creta in-  
sula. 935. D.  
Cosmæ, O. M. Dyrrach. 952. B.  
Aureliopolis. 961. A.  
Selymbria. 969. C.  
Tzymerna, O. P. Misini. 971. A.  
Wenceflai, O. P. Nazorescæ.  
988. A.  
Thebarum Zitonis. 989. A.  
de Ligny, O. P. Buthroti. 995. D.  
I. Canalius, Patracensis. 1028. B.  
II. Patracensis. *ibid.* C.  
Oleni. 1043. B.  
Langen, O. P. Melos. 1056. D.  
I. Scarpatensis. 1057. E.  
II. de Machilona, O. M. Scarpaten-  
fis. 1058. E.  
III. Sorbolus, O. C. Scarpatensis. *ibid.*  
IV. Abrahæ, O. P. Scarpatensis.  
1059. A.  
de Tuderto, O. P. Phocææ.  
1079. C.  
I. Thebarum. 1083. E.  
II. Trivisanus, O. M. Thebarum.  
1087. A.  
de Gummedia, O. M. Trapezi.  
1100. B.  
O. M. Ajacensis. 1115. A.  
I. O. P. Cereti. 1119. C.  
II. Cereti. 1120. B.  
I. Staynecher, O. P. Dionysio-  
polis. 1121. B.  
II. de Marciariis Perusinis, Diony-  
siopolis. 1122. B.  
de Troja, O. M. Tanis sub Patr.  
Alexandrino. 1150. B.  
Melchioris, O. P. Cyrenensis.  
1152. C.  
del Nevo, O. M. Tripolis sub  
Patr. Antioch. 1178. D.  
Paphensis in Cypro inf. 1217. A.  
I. de Tenda, O. P. Famagustæ in  
Cypro insula. 1222. C.  
II. Famagustæ. *ibid.* D.  
I. Nemofix in Cypro. 1229. A.  
II. Donatus, Nemofix. *ibid.* C.  
de Hanapis *sive* de Hancinis, O. P.  
Patr. Hierosol. 1263. A.  
*sive* Petrus Larcas. Tyri. 1318. E.  
I. de Hanapis *sive* de Hancinis, O. P.  
Acconis. 1336. B.  
II. de Arluno, O. C. Acconis. *ibid.*  
de Bezminz, O. M. Sareptæ.  
1340. B.  
O. M. Cambalienfis. 1348. E.  
Soltania. 1367. A.  
O. C. Sudensis *sive* Sunensis.  
1379. B.  
O. Unit. *sive* Præd. Nascivanen-  
fis in Armen. 1408. B.  
Poffech, O. P. Senascopolensis.  
1415. A.  
*sive* N. Nazareth. 1297. E.  
Nivelo, Theffalonicensis. 1089. C.  
O  
Obizo *sive* Opizio, Patr. Antioch. 1162. C.  
Odo *seu* Oddo *vel* Otto de Sala, O. P.  
Patr. Alexand. 1144. A.  
Paphensis in Cypro inf. 1217. E.  
Tyri. 1311. A.  
Sidonis. 1322. A.

Odo, Beryti. 1326. D.  
Opizio, *vide* Obizo.  
Orewin, Methonenfis. 1036. B.  
Othobonus, Patr. Antioch. 1162. E.  
Otto, *vide* Odo de Sala.  
P  
Palmerius Eugubinus, O. P. non fuit Pa-  
triarcha Hierosol. 1262. D.  
Pandulphus Malatesta, Patracen. 1030. B.  
Pantaleo Justinianus, Patr. Const. 807. E.  
Paulus, Patriarcha Constant. 822. C.  
Coronenfis sub Athenis. 859. A.  
Pucchiarellus, O. P. Andrensis.  
864. E.  
I. Argos. 902. B.  
II. Zabarella, E. A. Argos. *ibid.* D.  
Barocchi, Agienfis in Creta in-  
sula. 925. E.  
Angelus, Dyrrachii. 952. C.  
Zabarella, E. A. Paro - Naxia.  
1005. A.  
I. Lopus de Bolenziis, O. P. Chal-  
cedonis. 1019. A.  
II. Chalcedonis. *ibid.* B.  
III. Chalcedonis. *ibid.* D.  
Patracensis. 1029. E.  
Joannis, Methonenfis. 1034. E.  
Folcharus, Coronensis sub Pa-  
tracensis. 1039. E.  
I. de Monelia, O. P. Chii. 1063. A.  
II. Chii. *ibid.* E.  
Francisci, O. M. Sebastop. 1072.  
C. & 1339. 1340. Mon.  
I. Smyrna. 1076. B.  
II. Smyrna. 1078. A.  
I. Thebarum. 1085. E.  
II. Thebarum. 1086. D.  
de Urbe, O. M. Theffalonica.  
1094. E.  
Marcklini, O. M. Trapezi.  
1100. C.  
O. M. Tripolis sub Patr. Antio-  
cheno. 1176. E.  
Nemofix in Cypro inf. 1229. D.  
I. Maria Citadinus, O. P. Nasci-  
van. in Armen. 1409. B.  
II. Pyromallus, O. P. Nascivanen-  
fis. 1410. C.  
III. Baptista Avenicensis, O. P. Nasci-  
van. 1412. D.  
Peregrinus, O. M. Cataix. 1357. B. C.  
Petrus I. Patriarcha Constant. 809. E.  
II. de Bolonesio, Patriarcha Con-  
stantin. 812. C.  
III. Thomasius, O. C. Patr. Con-  
stantin. 820. E.  
IV. Riarius, O. M. Patriarcha Con-  
stantin. 836. C.  
Thermopylarum. 849. C.  
Aureacella, Megaræ. 853. B.  
Cornarius, O. M. Coronensis  
sub Athen. 859. A.  
Gau, O. P. Scyræ. 865. B.  
à Corduba, O. M. Reonenfis.  
876. D.  
I. O. P. Corcyra. 880. D.  
II. Antonius Foscarini, Cler. Reg.  
882. E.  
I. Joannes de Baraballis, Corinthi.  
888. C.  
II. Raynaldi de Ripa Tranfona, O. P.  
Corinth. *ibid.* E.  
I. Thomasius, O. C. Candia in  
Creta insula. 910. C.  
II. Candia. 911. D.  
III. Marcellus, Candia. 912. C.  
IV. Donatus, Candia. *ibid.* E.  
V. Landus, Candia. 915. C.



Petrus de Ceno, O. P. Arcadiæ in Creta insula. 920. C.  
 Milopotamiæ in Creta. 936. C.  
 I. Dyrrachii. 950. B.  
 II. de Gironfa, O. M. Dyrrachii. *ibid.* C.  
 III. Scurra, Dyrrachii. 954. A.  
 Misini. 971. A.  
 Fugetius, O. M. Chersonesi. 973. C.  
 I. de Alba-Regali, E. A. Nicopolis. 999. A.  
 II. Nicopolis. 1000. A.  
 Martyr Justiniani, O. P. Paro-Naxiæ. 1008. B.  
 de Marchis, O. P. Santerini. 1010. C.  
 Matthæi de Senis, E. A. Chalcædonis. 1020. C.  
 I. Thomasius, O. C. Coronensis sub Patrac. 1039. D.  
 II. Cornarus *sive* Cornarius, O. M. Coron. 1040. A.  
 Nicolai, O. P. Oleni. 1043. C.  
 Geraldus, Sebastopolis. 1071. C.  
 I. Placentinus, O. M. Smyrnæ. 1077. A.  
 II. de Marchis, O. P. Smyrnæ. 1078. C.  
 O. Cist. Thessaloniciæ. 1091. D.  
 Avenetensis. 1115. C.  
 de Xaque, O. P. Nex. 1135. C.  
 O. C. Neliensis. *ibid.* D.  
 Parazenski, Smolenscen. 1139. C.  
 I. Amelii de Brenaco, E. A. Patr. Alexandr. 1146. A.  
 II. Alexander, Patr. Alex. *ibid.* C.  
 I. Patr. Antioch. 1158. A.  
 II. O. Cist. Patr. Antioch. 1159. E.  
 de S. Hilario, O. P. Laodiceæ. 1166. B.  
 Antaradi. 1171. B.  
 I. Tripolis sub patriarchatu Antiocheno. 1178. C.  
 II. Tripolis. *ibid.*  
 Apameæ. 1187. A.  
 Albariæ. 1191. B.  
 de Conflito *sive* Conflitto, O. P. Cyrrhi. 1195. A.  
 Contarenus, Paphensis sub Cyro. 1220. A.  
 I. O. M. Famagustæ. 1221. E.  
 II. Famagustæ in Cypro. 1223. A.  
 I. Nemosiæ in Cypro inf. 1226. E.  
 II. de Palude, O. P. Nemosi. 1227. E.  
 de Monimo, O. P. Aleppi. 1238. B.  
 O. M. Constantiæ sub patriarchatu Antioch. 1239. A.  
 I. de Plana - Cassano, Patriarcha Hierosol. 1264. E.  
 II. Patriarcha Hierosol. 1265. B.  
 III. de Palude, O. P. *ibid.* E.  
 I. Bethleem & Ascalonis. 1280. C.  
 II. de S. Maxentio, O. P. Bethleem & Ascalonis. 1283. C.  
 III. Bethleem & Ascalonis. 1284. C.  
 I. Nazareth. 1299. E.  
 II. O. P. Nazareth. 1300. A.  
 I. Tyri. 1313. D.  
 II. de Sergines, Tyri. 1318. C. Ejus mater *Margarita* fuit, *nobilis mulier* civitatis Proveni *sive* Pruvini in Bria Galliæ provincia: duos ille fratres habuit *milites*, Draconem & celebrem illum Gaufridum de Sergines, Acconis ballivum, quem Jovillaus & Andreas du Chefne

memorant. Ipse verò anno 1232. abbas erat canonicorum regularium S. Jacobi Proveniensis. Hæc omnia constant ex charta ejusdem abbatiæ, qua Petrus iste, eo anno, tunc solum abbas hujus loci, approbat cum fratribus suis donationem quandam matris ipsorum in gratiam Domus-Dei *sive* xenodochii infirmorum præfatæ urbis Pruvini. *Hæc omnia fuerant suo loco.*  
 III. *sive* Nicolaus, Tyri. 1318. E.  
 O. M. in Tartaria. 1348. C.  
 Martyr Sans, O. P. in Imperio Sinarum. 1356. C.  
 I. O. Unit. *sive* Præd. Nascivanensis in Armenia. 1405. B.  
 II. Martyr de Parma, O. P. Nascivanensis. 1413. A.  
 Philibertus Willodi, O. P. Salonienfis. 876. A.  
 Philippus de Ardizoni, O. M. Davaliæ. 855. B.  
 Cithoniæ. 871. D.  
 Paruta, E. A. Candia in Creta insula. 913. D.  
 de Lanzano, Coronensis sub Patracensi. 1039. B.  
 O. P. Kioviæ. 1127. C.  
 I. Nicosiæ in Cypro inf. 1209. D.  
 II. Mocenicus, Nicosiæ. 1215. C.  
 Bonus, Famagustæ in Cypro insula. 1223. C.  
 de Cabassole, Patriarcha Hierosolymit. 1267. D.  
 Maria de S. Augustino, O. C. Aspaham. 1392. A.  
 Pidou Theatinus, Bagdadi. 1393. A.  
 Pietrucini Romundivi, Zacynthi. 896. C.  
 Pinus, Paphensis in Cypro inf. 1218. B.  
 Placidus, E. A. Andrensis. 861. A.  
 Ludovicus du Chemin, O. S. Benedict. Bagdadi. 1392. C.  
 Polycarpus Sousa, S. J. in Imperio Sinarum. 1356. D.  
 Pontius Gaufredi, O. M. Sidonien. 985. B.  
 O. M. Seleuciæ. 1181. A.  
 Tarfi. 1184. C.  
 Proculus de le Pays, O. P. Coronensis sub Athen. 860. A.  
 Prosper Publicola, Cissamiæ in Creta insula. 930. C.  
 Puricivallis, Cææ. 867. C.  
 Q  
 Querini, Candia in Creta insula. 916. B.  
 R  
 R. Bethleem & Ascalonis. 1280. A.  
 Tiberiadis. 1301. B.  
 Radulphus I. Normannus, Patriarcha Antiochenus. 1155. D.  
 II. Patriarcha Antioch. 1157. D.  
 Mamistræ. 1198. B.  
 I. *sive* Radulphus, Patriarcha Hierosolym. 1255. A.  
 II. O. P. Patr. Hierosol. 1263. C.  
 Bethleem & Ascalonis. 1278. E.  
 Sebastes in Palæstina. 1290. D.  
 Tyri. 1313. A.  
 Sareptæ. 1339. A.  
 Ranulphus, Nicosiæ in Cypro. 1206. C.  
 Raphaël Invitiatus, Zacynthi. 893. E.  
 I. Arcadiæ in Creta inf. 919. C.  
 II. O. M. Arcadiæ. *ibid.*  
 Sciattinus, Paro-Naxiæ. 1007. C.  
 Nicosiæ in Cypro inf. 1205. E.  
 Raymundinus, O. M. Agiensis in Creta insula. 925. B.

Raymundus de S. Lucia, O. M. Arientis in Creta insula. 931. B.  
 Lizoli, O. P. Oleni. 1044. B.  
 Jefsersky, O. P. Baccov. 1118. C.  
 Nicosiæ in Cypro inf. 1209. E.  
 Bequin, O. P. Nemosiæ in Cypro inf. 1227. C.  
 Patriarcha Hierosol. 1265. C.  
 Raynaldus, Patracensis. 1028. C.  
 Hebronensis sub Patr. Hierosolymorum. 1269. A.  
 Beryti sub Tyro. 1326. B.  
 Raynerius, O. M. Maynæ. 903. D.  
 Patracensis. 1026. C.  
 de Tuscia, Patriarcha Antiochenus. 1160. D.  
*sive* Rignerius, Bethleem & Ascalonis. 1280. E.  
 Raynerus *sive* Renertus, Lyddæ & Ramulæ. 1272. B.  
*sive* Renerus, Sebastes in Palæstina. 1289. D.  
 Raynoldus *sive* Reginaldus de Spoleto, O. P. Tanensis. 1109. C.  
 Tanis in Ægypto. 1149. B.  
 Reginaldus Polet, O. M. Æginæ sub Athen. 872. C.  
 de Spoleto, *vide* Raynoldus.  
 Renertus, *vide* Raynerus.  
 Richardus, O. P. Chersonesi. 1111. B.  
 O. M. Nazareth. 1300. C.  
 O. M. Armalech. 1359. C.  
 Robertus de Noë *sive* de Nola, O. P. Paro-Naxiæ. 1004. D.  
 O. P. Paphensis in Cypro insula. 1217. C.  
*sive* Guido, Patriarcha Hierosolymitanus. 1256. E.  
 Lyddæ & Ramulæ. 1271. A.  
 I. Nazareth. 1295. B.  
 II. Nazareth. *ibid.* D.  
 Beryti sub Tyro. 1328. C.  
 Rodericus Regamia, O. M. Dimitrienfis. 960. B.  
 Demetriacensis. 984. B.  
 Alvarus, Acconis. 1336. C. D.  
 Rodulphus *sive* Radulphus, Patriarcha Hierosol. 1255. A.  
 Tornacen. Acconis. 1334. A. B.  
 Rogerius, Tarfi. 1181. C.  
*sive* Rogerus, Lyddæ & Ramulæ. 1271. D.  
 è Platia, O. M. Bassorensis. 1389. A.  
 Rogerus, O. P. Selymbriæ. 969. D.  
*sive* Rogerius, Lyddæ & Ramulæ. 1271. D.  
*sive* Rorgo, Acconis. 1329. B.  
 Rolandus, Arientis in Creta inf. 932. B.  
 Romanus, Tripolis sub patriarchatu Antiocheno. 1175. B.  
 Rorgo *sive* Rogerus, Acconis. 1329. B.  
 Rostangus Candola, O. P. Naupacti. 995. A. & 1324. C. *Monit.*  
 Sidonis sub Tyro. 1324. B.  
 Rufinus, Acconis. 1331. D.  
 S  
 S. Nicomedæ. 1017. B.  
 Salomon Cardon, O. P. Antaradi. 1174. D.  
 Cardona, O. P. Nemosiæ in Cypro insula. 1229. B.  
 Samuel de Ossa-Ozga, Kioviæ. 1130. C.  
 Sebastianus Leccavella, O. P. Paro-Naxiæ. 1005. E.  
 Priolus, Nicosiæ in Cypro insula. 1215. A.  
 Knab, O. P. Nascivanensis. 1412. B.



# INDEX.

xxvij

- Seraphinus Fortibracchia, O. P. Nemofia in Cypro inf. 1230. C.  
 Serlo, Apamea. 1187. D.  
 Siffridus, O. P. Cyrrhi. 1196. A.  
 Sigismundus, Mialzkowsky, O. P. Caffensis. 1106. D.  
 Cherfonefi. 1112. B.  
 Siguntanes, Argos. 899. E.  
 Silvester Calbus de Corono, O. P. Thermopyl. 849. C.  
 Simon, Patriarcha Constant. 805. B.  
 de Aretio, O. M. Cea. 867. C.  
 de Lande, O. P. Selymbria. 970. C.  
 de Montana, Patracen. 1030. D.  
 five Simeon Jacumæus, O. S. Basil. Phocæa. 1086. B.  
 Cereti. 1120. D.  
 O. P. Laodicea. 1167. B.  
 Tripolis sub Patr. Ant. 1178. C.  
 O. P. de Barcinola, Paphensis in Cypro insula. 1219. A.  
 Tyri. 1317. E.  
 Soffredus, Patriarcha Hierosol. 1253. C.  
 Solkerus five Folkeris, Bybli sub Tyro. 1180. B.  
 Stanislaus I. Kiovia. 1128. B.  
 II. Witwisky, Kiovia. 1130. B.  
 Stephanus, Patriarcha Const. 820. A.  
 Mangiaterus, O. P. Athenarum. 840. D.  
 Canor, O. P. Thermopyl. 850. B.  
 Corinthi. 888. C.  
 I. Dyrrachii. 951. C.  
 II. Guillelmi de Neapoli, O. C. Dyrrachii. *ibid.* D.  
 de Larolo, O. M. Hierapolis. 978. A.  
 Patracensis. 1029. E.  
 Chaan, O. P. Phocæa. 1080. C.  
 O. M. Saraensis. 1107. B.  
 I. Ruanus, O. P. Cereti. 1119. B.  
 II. Martini, O. P. Cereti. *ibid.* C.  
 III. Zajaches five Zarazech, O. P. Cereti. 1120. A.  
 Tarfi. 1182. C.  
 Nicosia in Cypro inf. 1210. D.  
 I. Gobemus five Gobernus, Nemofia in Cypro. 1228. E.  
 II. O. P. Nemofia. 1229. C.  
 III. Nemofia. 1230. D.  
 IV. Lufinianus, O. P. Nemofia. *ibid.*  
 Carnotensis, Patriarcha Hierosolymorum. 1248. E.  
 I. Petri de Seghes, O. M. Nascivanensis in Armen. 1404. B.  
 II. O. Unit. five Præd. Nascivanensis. 1408. A.  
 III. Sciranus, O. P. Nasciv. 1412. D.  
 Sulpitius, Patriarcha Hierosol. 1252. B.  
 Sybertus de Bosparia, O. C. Malvasia. 895. D.  
 Syfridus Piscatoris, O. P. Ceraunia in Cypro insula. 1231. C.  
 T  
 Tedaldus, Acconis. 1332. C.  
 Thaddæus, O. P. Caffensis. 1104. B.  
 Thealdus, O. M. Sybenfis. 1114. B.  
 Theodebertus, Patriarcha Hierosol. *vide* Daibertus.  
 Theodericus, O. P. Cumanorum. 1121. A.  
 de Indagine, E. A. Rutenorum. 1138. B.  
 Theodoricus *vel* G. Fabri, Actonenfis. 1001. C.  
 I. de Wischel, O. P. Naturenfis. 1133. C.  
 II. Naturenfis. *ibid.* D.  
 Curshus, O. M. Diocæsareæ. 1240. B.  
 Theodorus Græcus, Negroponti. 845. A.  
 Chrysonerge, O. P. Oleni. 1044. A.  
 Thomas Maurocenus, Patriarcha Constantinopolitanus. 796. A.  
 Aeginæ. 870. B.  
 Seraphinus, O. P. Corinthi. 889. A.  
 Agienfis in Creta insula. 925. A.  
 Hierapetræ in Creta inf. 939. A.  
 O. C. Candavia. 957. A.  
 Buelduer, O. M. Agathopolis. 964. D.  
 O. M. Cæsareæ sub Nicomed. 1021. B.  
 Renda, O. P. Andrevilla. 1045. A.  
 Butilerus, O. M. Christopolis. 1050. A.  
 de Nigroponte, O. M. Nizeria. 1053. D.  
 Palavicinus, Chii. 1062. A.  
 de Dirago, O. M. Sybenfis. 1113. B.  
 O. M. Arca. 1115. B.  
 Szklubiczaleski, O. P. Baccovia. 1118. C.  
 I. Erneber, O. P. Cereti. 1120. B.  
 II. de Zagrodino, O. P. Cereti. *ibid.* E.  
 Tarfi. 1186. A.  
 Ammanatus, Nemofia in Cypro insula. 1228. D.  
 Agni de Lentino, O. P. Patriarcha Hierosol. 1261. B.  
 Bethleem & Ascalonis. 1281. A.  
 Acconis. 1336. B.  
 O. M. in Tartaria. 1348. C.  
 de Abaraner, O. P. five Unit. Soltania. 1368. D.  
 Mancosola, O. P. Semiscatenfis. 1377. A.  
 Salmasia five Salmastri. 1383. C.  
 I. O. Unitor. Nascivanensis in Armenia. 1403. A.  
 II. Jatumenfis, O. Unit. Nascivanensis. 1412. A.  
 Timotheus Justinianus, O. P. Calomonæ in Creta insula. 922. D.  
 Arienfis in Creta insula. 934. D.  
 Chii. 1063. E.  
 I. Perez Siculus, O. C. Aspahami in Perside. 1389. B.  
 II. Perez de Malaca, Hispanus, O. C. Aspahami. *ibid.*  
 Perco, O. C. Bagdadi in Perside. 1391. B.  
 Tripho, Argos. 902. D.  
 V  
 Valascus, O. M. Famagusta in Cypro insula. 1219. D.  
 Ubertinus, N. O. M. Scyra. 865. C.  
 de Monte-Callerio, O. M. Tarfi. 1186. A.  
 Udalricus de Ulma, O. M. Adrimitanus. 944. B.  
 Venturinus, Argos. 899. B.  
 Ugo de Robertis de Tripoli, Patriarcha Alexandrinus. 1146. E.  
 Ugolinus de Malabranca, E. A. Patriarcha Constantin. 825. D.  
 Victor, Sitenfis in Creta insula. 919. A.  
 Milopotamia in Creta insula. 937. C.  
 Vido, O. P. Rhodi. 1049. C.  
 Abisus five Abaisus, Tripolis sub Patr. Antioch. 1178. A.  
 Vincentius Quirinus, Calamonæ in Creta insula. 922. D.  
 de Massuriis, Milopotamia in Creta insula. 937. E.  
 Coronensis sub Patrac. 1041. B.  
 O. M. Hierapolis. 1126. A.  
 de Mazuolo, O. P. Aleppi. 1234. B.  
 Vitalis I. de Faventino, E. A. Melos. 1055. D.  
 II. O. M. Melos. *ibid.*  
 O. M. Abienfis sub Patr. Const. 1113. D.  
 Ulricus, Cæsareæ sub Nicomed. 1021. B.  
 Anmein, O. M. Hierapolis. 1127. B.  
 Galgari, O. P. Bybli sub Tyro. 1180. B.  
 Volkerus, Bybli. *ibid.* A.  
 Ursus I. Delphinus, Candia in Creta insula. 909. E.  
 II. Candia. 910. B.  
 III. Candia. 911. A.  
 W. Nazorese. 985. D.  
 Walerannus, *vide* Gualtranus.  
 Wenceslaus Spouer, O. P. Lædoricensis. 987. C.  
 Nicopolis. 1001. A.  
 Sarepta. 1340. B.  
 Werboldus de Heyfs, O. M. Lariffæ sub Patr. Antioch. 1192. D.  
 Wilhelmus, Patriarcha Constantinopolitan. *vide* Guillelmus Pustrella.  
 Philipporum. 1045. B.  
 Gabala. 1169. A.  
 O. P. Tripolis sub patriarchatu Antioch. 1176. D.  
 Albaria. 1192. B.  
 Belga, Patriarcha Hierosolymorum. 1249. D.  
 Acconis, *vide* Guillelmus I.  
 Nazareth. 1295. B.  
 I. Tyri. 1311. C.  
 II. Tyri. 1314. C.  
 Beryti sub Tyro. 1326. A.  
 Acconis. 1329. D.  
 Belcis, O. P. Soltania. 1367. B.  
 de Wildenholtz, O. M. Salmasia. 1383. C.  
 Wulfrannus de Abbativilla, Bethleem & Ascalonis. 1283. D.  
 Y  
 Yvo Nerocii de Senis, O. P. Nicopolis. 999. E.  
 five Guido, O. P. Nazareth. 1299. B.  
 Z  
 Zacharias Armenus S. Thaddæi. 1385. A.  
 Zanetus Utinenfis, O. M. Thebarum. 1088. A.  
 Zerbinus Lugus Bassani, Milopotamia in Creta insula. 938. D.



INDEX alphabeticus Ecclesiarum quibus præfuerunt Præsules Latini Orientis, quorum nomina ignorantur.

A			F			P		
Acconis. coll. 1331. E. 1332. A.			Famagustæ. 1221. B.			Paneadis. 1338. C.		
Adrimitanæ. 944. B.				G		Panidenfis. 965. B.		
Antaradi. 1171. D. 1172. D. 1174. A.			Gabalæ. 1169. C.			Parii. 947. A.		
Apamææ. 1189. A.				H		Paro-Naxienfis. 1003. A. B. 1004. A.		
Argos. 897. A. 898. A.			Hadrianopolis. 961. B.			B. C. 1008. A.		
Arienfis. 931. A.			Hebronis. 1269. B.			Patracenfis. 1023. B. 1026. B. 1028. A.		
Artesiæ. 1191. A.				I			R	
Athenarum. 839. D. 840. B.			Joppenfis. 1291. D.			Reonenfis. 875. D.		
	B			K		Rhodi. 1049. C. 1051. A.		
Balanæ. 1189. B.			Kioviæ. 1130. A. B.				S	
Beryti. 1327. B. C.				L		Sabæ. 1293. A.		
Bybli. 1179. A. B.			Lacedæmonis. 903. A.			Salonienfis. 873. A.		
	C		Larissæ. 979. A.			Scyrenfis. 867. B.		
Cæsareæ in Palæstina. 1288. D. E.			Lissienfis. 956. C.			Sebastenfis. 1069. B.		
Callipolis. 971. B.			Lyddæ five Diospolis. 1273. B. 1274. C.			Selymbriæ. 967. B. D.		
Candia. 907. A. 945. B.			1275. B.			Sidonienfis. 983. C. 985. B. 1322. D.		
Cantæ. 929. D. 930. D.				M		1323. A. D.		
Castoria. 1087. B.			Mamistræ. 1198. B. 1199. B. 1200.			Smyrnenfis. 1075. A.		
Cephaleniæ. 889. C.			A. B.				T	
Chalcedonis. 1020. D.			Maragenfis. 1402. E.			Tarfi. 1183. C. D. 1184. A. C.		
Chii. 1065. B.			Megaræ. 854. B.			S. Thaddæi. 1386. C. D.		
Cithoniæ. 871. D.			Melos. 1058. D.			Thebarum. 1081. A. 1082. A. 1083.		
Citri. 1095. B.			Milopotamiæ. 937. B.			B. D. 1085. C.		
Coreyræ. 879. C. 880. C. 881. E.			Moscoviæ. 1132. D.			Thermopylenfis. 850. A.		
Corinthi. 885. C. D. E.				N		Theffalonica. 1094. B.		
Coroneæ. 1037. A. B. E. 1041. B.			Navarzanenfis. 1387. C.			Tiberiadis. 1301. C. D. 1304. C.		
1042. B.			Nazareth. 1296. E. 1297. D. E.			Trapezi. 1100. A.		
Croïæ. 956. A.			1298. B. 1299. A.			Tripolis. 1176. C.		
Cronenfis. 1001. B.			Nazorescæ. 985. C. 986. D. 987. A.			Tyri. 1317. D.		
Cyzici. 941. A.			Negropontenfis. 845. C. 846. B. D.				V	
	D		Neopacenfis. 1011. A. B.			Valacenfis. 1047. A.		
Davalæ. 855. A.			Neopatriæ. 1013. C. 1014. A. B.			Verisienfis. 1102. A.		
Demetriacenfis. 983. A. 984. B.			Nicomediæ. 1017. A.				Z	
Diospolis, vide Lydda.			Nicosiæ. 1201. A. 1211. D.			Zacynthi. 891. D.		
Dyrrachii. 951. B. 952. D. E.				O		Zaratorienfis. 1087. C.		
			Oleni. 1042. D. 1043. A.					

*Finis Indicis.*























216

O R I E N S  
C H R I S T I A N

172







colorchecker classic

calibrite



100mm